

This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<http://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation


Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.


Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>





Il. Sil. S. 20.

Hist. lit. part. Gall. 977.

~~C. IV.~~

LA
BIBLIOTHEQUE
D'ANTOINE
DV VERDIER,
SEIGNEVR DE
VAVPRIVAS,



Contenant le Catalogue de tous ceux qui ont escrit, ou traduit en François, & autres Dialectes de ce Royaume, ensemble leurs œuvres imprimees & non imprimees, l'argument de la matiere y traitée, quelque bon propos, sentence, doctrine, phrase, proverbe, comparaison, ou autre chose notable tirée d'aucunes d'icelles œuvres, le lieu, forme, nom, & d'attribution, où, comment, & de qui elles ont esté mises en lumière. Aussi y sont contenus les livres dont les auteurs sont incertains.

Avec un discours sur les bonnes lettres servant de Preface.

Et à la fin vn supplement de l'Epitome de la Bibliotheque de Gesner.



A LYON,
PAR BARTHELEMY HONORAT.

M. D. LXXXV.

Avec Privilege du Roy.

EVONHOLIS

IN MEXICO

BY J. D. H. V. V.

...
...
...
...
...

BIBLIOTHECA
REGIA
MONACENSIS.

HOYE A

NYKKS & A



AVROY.

I R E.

SAprès le naturel desir de cognoistre qui prend ame en nous avecques la vie, la chose qui plus esperonne les hommes à l'estude des arts & sciences, c'est avec le contentement d'esprit, l'honneur & gloire qu'ils en esperent recevoir, principalement si l'utilité & fruit sensible de leurs labeurs ne s'esloigne aucunement d'une si penible recherche. Car on void à l'œil que tant plus on estudie tant plus croist le desir d'apprendre, & en devient on par raison plus sage, ayans les lettres d'elles mesmes ceste propriété de façonner & civilizer les hommes, tant hagaras & barbares soyent-ils. Chose vraiment admirable entre toutes les œuvres de Dieu, qu'il n'y a eu oncques en ceste vie, & ne sera homme qui arriue au comble de science & perfection, & duquel on puisse dire, ie ne diray pas seulement qu'il sache trop, nais assez. Et c'est pourquoy de toutes choses y a sacieté fors que des lettres. Il n'est donc de merueille si on a escrit tant de liures par le passé, & si on en fait encores tous les iours de nouveaux, lesquels quand & leur nouveauté apportent tousiours & auancent quelque belle conception & intelligence. En quoy derechef se presente une chose du tout digne d'admiration, c'est que bien que plusieurs traitent d'un mesme subiect soit de propos deliberé, soit d'auenture, c'est tousiours toutesfoi avec difference, & segnalee diuersité. Et tout ainsi que de tous les hommes, voyre entre les freres mesmes, il ne s'en trouue pas deux au monde, qui en traits & fil de visage, taille de corps, mœurs & complexions se ressemblent entierement, ny deux mains qui peignent droittement une mesme escriture: ainsi en est-il des liures, qui sourçans de mesmes facultez de l'ame, engendrez tous avec peine & souci plus ou moins grands, arriuez au point de leur enfantement & mis en lumiere, monstrent ouuertement de la diuersité de leur nature & conception: de sorte que n'est moins esmerueillable en la liuree de tant de maistres l'infinité de couleurs toutes entre elles dissemblables, qu'en particullier l'excellence du teinct, lustre & saine veüe de chascune d'icelles. Or ce qui viuement enfonce en aucuns les aiguillons de vertu & les conuie à faire entiere profession d'estudier, c'est l'auen du Prince qui en peut faire iugement, & le loyer qu'ils esperent recevoir d'iceluy: estant leur but de se rendre en bien faisant capables d'obtenir de sa liberalité don de quelque office ou dignité, avec entretien. Car ainsi que la temperature & clemence de l'air nous donne abondance de fruits, tout ainsi l'humanité & biens faicts du Prince produisent les excellens esprits. Qui en demanderoit aux siecles passez (ie dis ceux, on estime les plus heureux en fertilité de grans personages non moins entendus aux affaires du monde & vie ciuile qu'en la cognoissance de toutes sortes de lettres & philosophie)

ie m'asseure qu'ils feroient honneur à la Verité, & confesseroyent que ce qui fit florir au temps d'Alexandre tant de bons entendemens, ce fut pource qu'il aimoit & auançoit les gens doctes, comme appert par les lettres qu'il escriuit à son precepteur Aristote faiect par luy riche, par lesquelles il se plaignoit à luy de ce qu'il auoit publié les disciplines speculatiues, desquelles ce grand Roy se pensoit excellent sur tous les autres, disant ouuertement qu'il aimoit mieux passer de doctrine les hommes, que de force & richesse. Parolle certainement digne d'un Monarque. Scipion l'Affriquain ne fut moins grand que luy. Aussi auoit-il pour intime amy & fidele compaignon de toutes ses expéditions guerrieres ce sage Philosophe Polybe, dont le meur conseil & prudence ne luy acquirent moins d'heur & d'honneur en l'establissement de l'Empire que la force de ses armées. Ce qui nous reste encôres de ses esforts tesmoigne assez combien fut heureux ce vaillant Capitaine d'auoir pres de soy un tel homme. Quoy d'Auguste? Celuy n'ouit onques parler des lettres qui ne scait que la faueur que leur porta cest Empereur & à tous ceux qui en faisoient profession, fit son siecle si heureux en rencontre de toute sorte de diuins esprits, qu'il seroit bien mal aisé d'en nommer un semblable. Je parlerois de son oncle Iules, voyre du corps de toute ceste Republique. Je ne lairrois Traian & l'estime qu'il fit de Plutarque de Cheronnee. Je dirois que fut en faueur Pyrrhe Roy des Epirotes à son tant aimé Cineas ce renommé Orateur, pour passer sous silence une infinité de semblables exemples, s'il ne pouuoit sembler à aucuns ceste grace de produire & nourrir des bons esprits n'auoir esté moins ou plus propre au tps mesmes qu'aux Princes qui pour lors viuoient. Mais que dirons nous donc du grand Roy François d'heureuse memoire vostre ayeul, qui en ceste vieillesse du monde & comme dernier periode de toutes choses louables & bonnes, cherit & honnora tant le lettres, que de demy mortes qu'elles estoyent au parauant luy, il leur fit recevoir le sang & l'esprit. Sous quel Roy, Empereur, ou Republique ont elles experimenté plus grande beneficence? Où estoit celuy non seulement en France, Italie, mais par toute l'Europe, qui fut mediocrement docte, qui ne fit essay de la liberalité de ce grand Roy? Et vostre Magesté SIRE tient cela de ces grands personnages qu'elle faiect cas des personnes doctes, les esleue & entretient. Aussi est elle pourueüe d'erudition. A ceste cause ay-ie pris la hardiesse de luy dedier ceste mienne BIBLIOTHEQUE contenant les œures que voz François ont escrit en leur langue, combien que ie cognoisse que ce n'est chose qui merite vous estre presentee veu les graces excellentes dont nature vous à doué: qui me met en grande peine quand ie vien à considerer que mon petit labeur & œuvre si legere se trouue indigne de se presenter deuant vous. Toutesfois la naturelle bonté de vostre Magesté fait que ie l'appen à ses pieds, esperant, s'il luy plaist faire iugement de ce mien labeur & le regarder d'un bon œil, luy faire voir à son premier commandement le Catalogue de tous les auteurs & liures en vulgaire Italien, dont i'ay dressé aultre BIBLIOTHEQUE pour tesmoigner aux estrangers par le leur mesmes de quelle fidelité & diligence i'ay usé en ceste liste de noz escrimains François, & qu'on puisse iuger si vostre peuple non moins bien né aux lettres qu'aux armes leur doit rien de retour. Dieu qui a soin des Roys vueille combler vostre Magesté SIRE de tout bon-heur & felicité.

De vostre Magesté le tres-humble & tres-obeissant subiect
ANTOINE DV VERDIER.



Εἰς τὴν αὐδ' εὐδ' ἦν γὰρ τοῖς πάντι ΑΝΤΩΝΙΟΥ ΤΟΥ ΟΥΕΡΔΕΡΙΟΥ
Βιβλιοθήκῃ τῇ φραγκικῇ.



ἔλιν ποτὲ θαῦμα βαθυκλίης ἄνομα φραγκῶν
Α' λίκυτ' ἀγασάμην ὅτεκα πορρέης.
Οὐδένα γ' ἠρώων ὅπως ἀδ' ἀκίμων αἶμα.

Ὡς κ' μὴ γινῶμαι ἦν πάλας ἔργα μάδων.
Νηϊὶ γ' κ' Μισσῶν κ' κλεινῆς Πάλλας δ' ἔργα
Τῶν δ' αὖ συγγραφῶν δ' ἐρκομαι οὐραϊκῶν.
Ἡ μὲν μὲν πρὸς τὰ πολλὰ, περὶ γ' κ' ἀξία πολλὰ,
τῇ δὲ διχοστασίῃ δ' ἴδ' ἐμ' ἐφάνη.

καὶ γὰρ πλείεα τὸ λεχθὲν ἔλω ἄτε φύλλα Σιβύλλης
Α' π' ἀνέμῳ θολερῶς ἄλλυδ' ἄλλα φέρει.
Α' π' ἀνέμῳ γὰρ κ' ἄριστα λάδην τάδε, καὶ ἀκλαῶς,
ὅτε γ' ἐντυξομένων τοῖς δὲ ποτ' οὐδ' οὐκίμων.

Ὡς πόποι, οὐκταῖον τοῖς δυσμυκῶσι γὰρ τότο,
Α' ἄλλοις γ' ἢ λέγω τὸς σωμαζομένους.
Ὅτι γὰρ ἀφ' ἡμῶν ταῖς Μῦσαις ἐκ' ἀν' ὅς ποταμα.

Ὅτε δ' ἔχω εἰπεῖν τίς ταῦτα δ' ἀπατάτο,
Εἰ μὴ Α' ἔρως ἀφ' ὧν τάδε τοι παλαιῶν ἐρῶι, Α' θάνατος
ταῖς τε κασιγνήταις Περσὶ φθορῆς.

καὶ γὰρ κενὸν αἰεὶ δέτο παρδενικῶν ἀμίλλαν,
ὅτε πρὸς μου δ' αὐτῷ τένεατ' ἀμυχανίαν.

Ὡς γὰρ ἐπὶ Τροίῃ τῇ ἀδελφῇ ἦρχε μάχῃ
Ὅτε δὲ τις ἀνδρῶπων ἐστὶ δ' ἀγνώμων.

Ὅτι μαι κ' δὲ ἀγνώμων ὅτ' ἀμφαράβουσι πεισόντ' αὖ
τὸν γὰρ ἔπος κέρως χειρὶ δ' ἀμασσομένη.

Ἡ μὰρ ὦσε γ' αὐτὴ κλεινὴ καλὰ πολλὰ γραφόντων
φραγκικῶν, Μῦσαις ὦν περὶ δ' εἰνός ἔρως.

Γράμματ' αὖ συλλήβδ' ἡ μὴ ἀγνοῖ τῶν δ' ἐφυλάσσων,
Εἰ σωμαδοξομένων μὴ μέγ' ὄνειρος εἴη.

Ἡ δ' ἔρως ἢ ἀγαθὴ πάντας πρὸς κῦδ' ἔγερσιν,
Εἰρήνην τ' ὀλέσκει μφυλίδος πόλεμος.

Α' ἄλλ' ἔς ἐκδοκῶν ὅμμα, θοῶς τε νόημα κακῶν
μὴ ποτ' εἰς ἀγαθῶν εὐσοχὴν ἀνίσταται.

Μηνίδην γ' ἢ καὶ οὗτοι εὐφροσύνης ποτὲ φραγκῶν,
τῶν αὐτῶς ἄλλων ἔφοχα ἀζομένων.

Οὐεράδεριος γὰρ ἔφην, τὸν κ' ὅτε φίλη τέκε Περσὶ,
μῶσαι δ' ἦν κόλποις ἦν Χαρίτων ἔφατον.

Ἰφιμάχῃ δ' αὐτὸς Α' ἔρως ἐδ' ὁλαφει ἀμείνων,
καὶ κρατερόν θυμὸν ἐμείνωσιν γ' ὁ πόλεμος.

Εἴφοχα δὲ γ' ἀρετῇ, δ' ἀφ' ὧν χερσὶν αἰελλῇ
Ὅτε κῶροι ναύταις ὡς ἀνέταλε Διός.

Ὅτε κτεῖρας γὰρ εἰς οὐκ ἀπὸ τῶν παρ' ἰδία γαῖαν
Α' βλέματ' αὖ, ταύτης κῦδ' εἰς ἀρετῆς.

Μὴ τις ὀνειδίζων ἡμετέροις εἰς περικαλλῆ
τιμῶν τῆς δ' ἄλλων τις καταμάρτυρας εἴη.

Τῶ καὶ ἔπειτ' ἠρᾶτο θεοῖς δ' ὥτορσι γαῖαν
Τιτθῇ, εἴγε θεμῆς, ἀγλαὰ θρόνῳ φέρειν.

Ἐτλα πολλά ἢ πρόθε καμῶν, καὶ πολλ' ἐμόγησά,
 Μονάξ μιν, θυμῷ δὲ αἰκονίῃ ὁμῶς.
 Θαρσύνῃ γὰρ φίλῃ θυμῷ, ὅθι ἔς οἴκον ἀριστος,
 Ἀρδίοι ὥς τὰ δέ τοι σὺν θεῷ ἑοσόμεθα.
 Καὶ μόνον γὰρ μεγάλοις ἀρχαὶ φησὶ τὸ διλῶδ',
 Γαλῶσιν ἢ θεοὶ πάντα βροτοῖσι πόνον.
 Ἐκτέον ὅτι δ' αὖ ἐξ ἑσπέρης ἐρχεται ὁ δ' ἐμ.
 Καὶ τίς ῥαδνμον εἴη δὴ σόματ' ὅς;
 Ἥδ' οὐαὶ αἰ μαλακαὶ μέγα χαίρειτε, χαίρειτε πάντα
 Ἀπ' ἧα καὶ ἀνδρῶν ἐξαπατᾷτε νόον.
 Ἐνδεῖσθε δὲ δ' ἔφη, καὶ φειδόμεσθε δ' αἰτέλα
 Μυθεμίης τ' ἐριδ' ὅς, μυθεμίης διαπάτης.
 Δρακοσώλῳ ἀμαχόν τ' ὁ ἀδανάτορ τε ἔλδ' ὡς
 Τῶν τε πατρῶν κοσμεῖν, ὅν τε γέν' ὅς πραγόνων,
 Ὅν φαίω δ' ἀδ' ἐγὼν, τάχα κ' ὅς πικρύνουσιν οἱ νῶν,
 Ἀλλὰ τίς ἔφη ὁμῶς τῇ μετέπειθε χάρις.

ΚΑΙ ΤΟ ΔΕ ΤΟΤ ΑΤΤΟΤ ΑΤΤΟΣΧΕΔΙΑΣΤΟΝ.

Non sum qui versus ex tempore fundere possim
 O bone, nec veniunt quavis in tempora Musa.
 Otia amant, illas neu tu expectaueris unquam
 Aut turbas inter rerum, aut ad iussa potentum.
 Esse iuvat credique Deas, & numina nostris
 Insinuant sua pectoribus, quæ labier illis
 Excutere atque hominem visum est cum sponte recepta.
 Audebo tamen, & ne pars ego sola super sim
 VERDE RI tibi, præmerita præcoria laudis
 Extremis quanquam faciam te vindice metis.
 Audebo, & prælo summum currente vocatas,
 (Deprecor o veniam) subito ceu milite quondam
 Cogit opes, præcepsque dato dux agmine fertur,
 Non ipsas equidem gemino de fonte sorores,
 Sed Lugdunenses si qua tua flumina circum
 Sequanica Nympha, aut Rhodanus quas educat undis,
 Instaurant veteres miscella ad pulpita ludos,
 Ecce nec inuitas (facit hoc tua gratia) duco.
 Ut solis tamen illa onerent hæc carmina votis,
 Pauca ego quæ, sed grata tibi & laudata ferebam,
 Quæ facerent nostri testatum pignus amoris.
 Nam si quæ longo multum sudata labore,
 Dulcia quæ lectu, vel quæ foret utile nosse,
 Victuris unquam mandarunt secula chartis,

Nempe

Nempe tuo illud erat opus hoc quod Marte peractum,
 Praestanti ingenio explicitum, & magna quod opum vi,
 Excepserunt omnes, quod Francia tota locasset
 Musarum in templo, summa vel in arce Minerva.

Hoc tu deposita tria iam post lustra parenti
 Condixisti officium Pietatis nomine sacrum,
 Ausus opem primus languenti ferre tuorum.
 Quodque olim agnoscant, habeant & in ore nepotes,
 Arte valens unus, nulli sperata doloris
 Aegri animi iam nunc solatia dia secundis
 Erecta alloquijs tandem confessa dedisti,
 Pro vita munus vita immortale reponens.
 At quæ longinquo protenta est limite Rheni,
 Oceani, nostrique maris, montisque Pyrenes,
 Ad famam tanti concussa est Gallia facti,
 Non temere illa unquam quicquam mirata suorum,
 Decerptamque bono cupijt tibi sydere laurum.

Iam sospes, ventis nuper iactatus & undis,
 Nauta peregrinas quas nostra ad littora merces
 Exponit magna attonitis mercede, salutem
 Fluctibus ereptam Regum pro sorte paciscens,
 Non illas aequent usu quas sedula multo
 Constructas olim, nunc pleno ut Copia cornu
 Fundit opes vario tua BIBLIOTHECA recessu.

Quod si fas manes quicquam curare sepultos,
 Illorum tacitam tentare hæc gaudia mentem
 Credibile est, queis vita iterum de morte recepta.

At nec posteritas longis voluentibus annis
 Hæc unquam, auspicijs quæ tu felicibus usus
 Preßisti princeps, vestigia trita relinquet.
 Quin iter hoc ingressa tuum, quos Francia partus
 Ingenij dabit excipiet, sperare iuventus
 Atque audebit idem, & laudi contendet auorum.

Hoc est quod nostra inuideat gens fæta genti,
 Quodque imitentur habent per te Germanus, & Anglus,
 Hispanusque, Afæque, alium & quos vecta sub orbem
 Obstupuit populos vi: Lusitana repertos,
 Nec repulit nostris sua per commercia ab oris:
 Si modo, quod perhibent, non illa est barbara prorsus
 Terra viris, sed felicitis miracula cæli

*Testatur, pulchrâsque adeò est exculta per artes,
Sollicitâtque suas etiam ipsa in carmina Musas.*

*O salve, Francis nunquam sine laude loquende
VERDERI, inferior nulli quos prisca tulere
Secula, siue illos claro de sanguine virtus
Nota tulit cælo, Musarum & Martis alumnos:
Siue illos complexa sinu fortuna benigno,
A puero fouit, mentis iam & conscia recta
Promeritos ultro ad summos euexit honores.*

*Tempus erit, nec me longè præfagia ducent,
Qua Latium, prisca qua' que amula Gracia Francis
Multa tulit patrij decoris monumenta, sisti que
Obduxit nullo pro re pugnante vetustas,
Proh dolor, & nostris titulis impune superbit:
Hæc per te fatis mox in contraria versis,
Exortus nostrorum aliquis, de limine rursus
Cum reuocet fugitiua, suumque indicat honorem.*

*Quod si quid sperare datur, modò vita supersit,
In tenui quanquam, atque animo non viribus equis,
At pulchrum quia, non cui nuncquàmque loquendum,
Ire ego in aduersum, Francos Heroas & inter,
Plurima laudatis tibi queis noua pagina surgit,
Armiger ut, telisque adstans ultoricibus unus,
Lingua olim patria spolijs ex hoste receptis,
Maiorum vindex tecum decora alta referre
Haud verear forsan, veteresque reposcere palmas.*

*Tu verò interea, quando hæc te fata manebant
Ut laudanda tuis Francis exempla præires,
Pro Francis age perge tuis pugnare sepulchro,
Insignem in patriam ferre & pietatis honorem.
Nec te pœniseat magni diuine laboris:
Hoc scripti genus, hæc operis compendia tanti,
Quos censes, inde ut te præmia grata sequantur,
Doctorum exornet dicta & tibi laurea frontem.
Sic exosa nefas virtus pulcherrima mortem
Despicis, humanis fato contraria rebus.*

DIIS IUVANTIBVS, NOBIS VIGILANTIBVS.

Antonius Baudanus.

ΕΙΣ ΑΝΤΩΝΙΟΝ ΒΕΡΑΙΕΡΟΝ, τὸν τῆς Βιβλιοθήκης τῶν Φραγκῶν
συγγραφεὶν αὐθιγὴν ἀνδρᾶ λογιώτατον.

Βαρδύερος δεινὸς πολεμίζων, ἠδ' ἑ νοῆσαι,
Κῦδος αὖτ' ἀμφοτέρων ἔχεν ἀκαράσιον.
Ἄλλοτ' Ἀριφίλος, εὖν ἔργων κηδεύ' Ἀθηνῆς,
Τῶν μεγάλων ἀρετῶν δρεψάμενος κορυφάς.
Φραγκοδρόω χρυσὴν βίβλον ἐγλύφατο θήκη,
Φοῖβε καὶ Μουσῶν ἀγλαΐας τεμίλη.
Ὅν διὰ Φραγκογῶν μερόπων φάτις ἐνθάδε δάλλει
Εὐδαλὶς ἢ Πιερίς τῇ δ' ἐπὶ νευσὶ κλῖος.

N. Γυλωνίη.

A Monsieur de Vaupriuas.

ELEGIE.

*Ainsi comme l'on voit peint dans un paysage
Les rustiques maisons d'un champêtre village,
Vne ville, vne tour, dont le feste orgueilleux
Vient passer en hauteur l'Olympe sourcilleux:*

*On voit un clair ruisseau se rouler par la pente
D'un humide rocher, qui tortueux serpente
Par les prez, par les champs, en dix mille façons
Imitant les détours des glaireux limaçons:*

*On voit dans ce tableau les collines pamprees
Rougir entre le verd de grappes empourprees
De Bacchus, qui promet au courbe vigneron
D'égaler ses costaux au vineux Cithéron:*

*On voit d'un ventelet trembler deffous l'halaine
Les cheueux de Cerés qui saffrane la plaine:*

*On voit l'or des moissons esclatter iaunissant
Soubs le chant de luillet qui les va meurissant:
Le peintre y a tiré d'une main tres-experte
Vne espesse forest, dont la perruque verte
Semble haïser les cieux & les astres lecher,
Et du pié les enfers & l'abisme toucher:*

*On void d'autre costé vne fresle galee
Sillonner d'avirons la campagne salee,
Et semble que les vents contre elle coniuerez
La vueillent abismer dans ses flots a'lurez:*

*Bref le peintre a si bien tiré ce paysage
Qu'il semble que ce soit de nature l'ouvrage
Et non pas de ses doigts, car il est si bien peint,
Qu'il semble estre plustost veritable que feinct:*

On

*Testatur, pulchrâsque adeò est excolta per artes,
Sollicitâtque suas etiam ipsa in carmina Musas.*

*O salve, Francis nunquam sine laude loquende
VERDERI, inferior nulli quos prisca tulere
Secula, sine illos claro de sanguine virtus
Nota tulit cælo, Musarum & Martis alumnos:
Sive illos complexa sinu fortuna benigno,
A puero fovit, mentis iam & conscia recte
Promeritos ultrò ad summos euexit honores.*

*Tempus erit, nec me longè præsagia ducent,
Quæ Latium, priscis quæ que amula Græcia Francis
Multa tulit patrij decoris monumenta, sitûque
Obduxit nullo pro re pugnante vetustas,
Proh dolor, & nostris titulis impune superbit:
Hæc per te fatis mox in contraria versis,
Exortus nostrorum aliquis, de limine rursus
Cum reuocet fugitiua, suumque indicat honorem.*

*Quod si quid sperare datur, modò vita supersit,
In tenui quanquam, atque animo non viribus equis,
At pulchrum quia, non ciui nunquàmque loquendum,
Ire ego in aduersum, Francos Heroas & inter,
Plurima laudatis tibi quæis noua pagina surgit.
Armiger ut, telisque adstans ultricibus unus,
Lingua olim patria spolijs ex hoste receptis,
Maiorum vindex tecum decora alta referre
Haud verear forsan, veteresque reposcere palmas.*

*Tu verò interea, quando hæc te fata manebant
Ut laudanda tuis Francis exempla præires,
Pro Francis age perge tuis pugnare sepulchro;
Insignem in patriam ferre & pietatis honorem.
Nec te pœniteat magni diuine laboris:
Hoc scripti genus, hæc operis compendia tanti,
Quos censes, inde ut te præmia grata sequantur,
Doctorum exornet dicta & tibi laurea frontem.
Sic exosa nefas virtus pulcherrima mortem
Despicit, humanis fato contraria rebus.*

DIIS IUVANTIBVS, NOBIS VIGILANTIBVS.

Antonius Baudanus.

ΕΙΣ ΑΝΤΩΝΙΟΝ ΒΕΡΔΙΕΡΟΝ, Τὸν τῆς Βιβλιοθήκης τῆς Φραγκῶν
συγγραφῶν αὐθιγνὴν, ἀνδρᾶ λογιώτατον.

Βερδιέρος δεινὸς πολέμιζον, ἡδ' ἑτοῖσιν
Κῦδος αἶψ' ἀμφοτέρων ἔχεν ἀκαράσιον.

Ἄλλοτ' Ἀρτίφιλος, νῦν ἔργων κήδ' Ἀθηνῆς.
Τῶν μεγάλων ἀρετῶν δρελάμενος κορυφᾶς.

Φραγκοδρόων χρυσὴν βίβλον ἐγλάλειτο θήκης
Φοῖβη καὶ Μουσῶν ἀγλαΐας τιμῇ.

Ὅν διὰ Φραγκογυνῶν μερόπων φάτις ἐνδεδεῖ δάλλει
Εὐδαλὲς ἢ Εὐεργὶς τῇ δ' ἐπινευσὶ κλέος.

N. Γυλωνί.

A Monsieur de Vaupriuas.

ELEGIE.

*Ainsi comme l'on voit peint dans un paysage
Les rustiques maisons d'un champêtre village,
Vne ville, une tour, dont le feste orgueilleux
Vient passer en hauteur l'Olympe sourcilleux:*

*On voit un clair ruisseau se rouler par la pente
D'un humide rocher, qui tortueux serpente
Par les prez, par les champs, en dix mille façons
Imitant les détours des glaireux limaçons:*

*On voit dans ce tableau les collines pamprees
Rougir entre le verd de grappes empourprees
De Bacchus, qui promet au courbe vigneron
D'esgaler ses costaux au vineux Ciceron:*

*On voit d'un ventelet trembler dessous l'halaine
Les cheueux de Cerés qui saffrane la plaine:*

*On voit l'or des moissons esclatter iaunissant
Soubs le chant de l'uillet qui les va meurissant:
Le peintre y a tiré d'une main tres-experte
Vne espesse forest, dont la perruque verte
Semble kaiser les cieux & les astres lecher,
Et du pié les enfers & l'abisme toucher:*

*On void d'autre costé une fresle galee
Sillonner d'auirons la campagne salee,
Et semble que les vents contre elle coniurez
La vueillent abismer dans ses flots a'lurez:*

*Bref le peintre a si bien tiré ce paysage
Qu'il semble que ce soit de nature l'ouvrage
Et non pas de ses doigts, car il est si bien peint,
Qu'il semble estre plustost veritable que feint:*

On

ANDREAE CROSAEI MEDICI, AD
ANTON. VERDERIVM VALLIS-
Priuatæ dominum,

ΕΠΙΘΑΟ'Σ.


*Impia præcipiti calcant dum secla furore
Diuina alumnos Palladis,
Auulsos tumulis tu contrà cogni in unum
Offersq' viuas posteris.
Nempe ut per te olim sua quæmiracula iactat
Cesset vetustas tollere,
Extractumq' habeat Musarum Gallia templum
Mansoles augustino.*

ANDRÉ DUCROS
au Lecteur.

*Icy tu ne verras ni marbre, ni porphyre,
Colonne, Pyramide, ou pareil bastiment,
Qu' on dressoit pour seruir de muet monument
A ceux, dont les vertus Herôs les faisoient dire:
Mais en un corps unique enclos tu pourras lire
Et veoir deuant tes yeux ceux qui fatalement
Ayans eu de science orné l'entendement
En ont peu quelque chose en leurs siècles escrire.
C'est un iardin peuplé des plus exquis fleurs
De la terre Françoise, où tu vois leurs couleurs
Toujours représenter un Printemps delectable.
Ce n'est pas un monceau de cendres, ou d'os vieux,
C'est d'esprits immortels un amas précieux,
Un Polyandre vif plus que l'autre durable.*

PRAEFA

ANDR



PREFACE D'ANTOINE
DV VERDIER SUR SA
BIBLIOTHEQUE.



CONSIDERANT souuent à part-moy auec quelle vehemence l'esprit de l'homme se transporte au desir du bien, ie demeure estonné de voir que tous tendans à iceluy, si peu que merueilles y attingent. La cause d'un si grand erreur, à mon iugement, n'est autre que tous desirans ce qu'ils iugent estre le bien, le nombre de ceux qui en après s'attaquent au vray bien, & non à l'apparent, est tres petit. Parquoy nous voyons, que le plus des hommes sans arrest aucun courent apres l'or, & l'argent, estimans qu'en iceux gisent les vrayes richesses, leur bien, & beatitude: Et ne considerent (les miserables) qu'autre chose n'y a qu'une exterieure apparence de bonté fressle & caduque, iondee en la seule imaginatiō & fantasie des hōmes, lesquels laissée la verité des choses, se transportent temerairement aux ombres. Certes ils seroyent beaucoup mieux, si abandonnans la guide de ces sens deceptifs, ils se mettoyent à suivre l'instint de la raison, qui est en eux, lequel sans cesse les aiguillonne à croire & obeir à celle veritable maistresse, & les adresse au vray bien. Et quelles sont les voix de ceste nostre conseillere? Elles sont si claires, qu'aucun ne se peut excuser, de ne les ouir: veu que tousiours sans intermission elle crie dans nous. Ses cris continuels sont, que le vray bien de l'homme ne gist pas en choses transitoires & corporelles, mais en intellectuelles & stables, qui ornent celle partie de l'homme, qui est la principale, & par laquelle il est homme, qui est l'entendement, l'obiet & ornement duquel, ne sont pas la pecune, ioyaux, ne quelconque chose visible, mais les sciences, & cognoissance des arts liberaux. Celles-cy sont les vrayes & permanētes richesses de l'hōme: ce sont les biens qui iamais n'appenssent, ains s'agrandissent, & s'illustrent d'autant plus, que plus ils sont communiquez aux autres. De tels biens la possession n'est suiette à tempestes, à feu, à iniure des hommes, ou du temps, mais tousiours, & par tous siecles perseuere la mesme, sans aucunement s'alterer. Le trafic de telle denree est le plus seur, le plus proffitable, digne & hōnorable, que l'homme puisse faire, voire propre de celuy qui entre les humains veut estre plus homme que les autres, ou pour dire mieux, & plus vrayement, vray homme parmy les statues & simulacres des hommes. Ceux qui se glorifient, estre roys au monde, ou princes sur les autres, ne peuuent monstrier leur superiorité en la valeur des armes, n'y en la grande suite des spadacins, ny en superbes palais, ny en ornemens magnifiques, ny encor en l'abondance d'or, & d'argent: car c'est le sort, & non leur indistric, qui le plus souuent les rend maistres de telles choses: & si n'en sont vrais seigneurs, les pouuant perdre, oultre qu'elles sont toutes alienes de la nature de l'homme, veu que pour l'abondance d'icelles elle ne s'agrandit point, ne s'amoindrit pour le defaut. Mais seroit besoing que la grandeur de tels se descouurist par surmonter les autres en erudition, & ne deuroit leur profession estre autre, que de deuancer ceux ausquels en puissance ils veulēt estre preposez, de science & autres bonnes arts, avec lesquelles l'entendement se red meil leur, qui est l'homme mesmes, ou la partie principale de l'hōme. Et disoit bien le diuin Platon,

* * que

mageans tellement, qu'à peine laissoient ils quelque trace du premier estat. Ce furent les Goths, les Huns, les V Vandales, les Alains, les Gepides, les Gaulois les Sclavons, les Lombards, les Arabes, les Turcs, & plusieurs autres non hommes, mais monstres de nature, qui comme sauterelles sortis de leur païs sauvage en multitude innombrable iurerent la ruine de l'Empire Romain. Cuidés vous que le plus grand soing de ces pestes feust de garder des liures, qui ne hayoient chose plus mortellement que les lettres & hommes lettrez : Ceux cy ayans prins place en nos païs, il aduint en bref temps, que par la meslange de telle lie, le pur langage fut violé & entierement corrompu : & de telle corruption estans nees tant d'estranges & barbares manieres de parler, à peine se trouuoit il aucun qui sceust lire, ou au moins, qui sceust entendre quelque reste, qui eust eu cest heur d'este sauué du naufrage des bons liures : duquel reste ceste brutale engeance ne sachant l'usage, n'en faisoient autre comte, que de l'enuoyer seruir de cornets aux apoticairez. Encores vne autre cause de la perte des escrits d'auteurs memorables a esté l'enuie des successeurs, qui se voyant par eux deuancez en doctrine, ont tasché d'en abolir la memoire, pour eux seuls obtenir los & renom enuers la posterité. De tels enuieux iadis le nombre fut grand, par la mauuaitié desquels nous auons esté priuez, ou de tous, ou de la plus grand part des escrits d'auteurs fort celebres auteurs. Mesme de nostre temps à peu pres, s'est trouué vn Pierre Alcion Florentin, qui ayant soustrait d'une antique librairie ce docte liure de Ciceron *DE SON EXIL*, en fit vn autre semblable à sa fantasie, piglant de Ciceron deça & de la ce que bon luy sembla, & liant cest amas de quelque chose du sien : & pour s'acquerir le nom de docte publia ce sien liure, ou plustost ceste chimere, abolissant ce tant bel oeuvre de Ciceron pour nous rendre l'eschange de Diomedes. On peut tirer vne autre raison du deffaut & perte des liures des anciens : c'est que le souuenir des bonnes lettres, & la politesse de ces sciences qui florissoient chez les antiques, estant par les frequentes incursions des barbares presque du tout esteint es hommes depuis par long espace les guerres intermises ayans laissé les personnes en repos, par la succession d'autres hommes moins brutaux que leurs peres, plusieurs de ceux qui auoyent les esprits plus esueillez, (ainsi que l'humain engin en oisueté est tresfecund à enfanter estranges inuentions) commencerent à s'imaginer nouuelles sortes de sciences, ou bien à remettre sus les vieilles, aidez de quelque peu de trace, non les mesmes qu'au parauant, (car qui en chose tant inegouuie de plein saut eust peu atteindre au but, mesmes cerueaux accoustumez à toute autre chose qu'aux lettres, & à telles lettres) mais quelque peu semblables, meslees en la plus part, ou pour mieux dire, offusquees de leurs propres inuentions, assauoir tresgrossieres, comme aussi eux mesmes estoient grossiers. Mais ceste voye qui sembloit trouuee pour resusciter les mortes sciences des antiques, fut leur entiere ruine. Pour en auoir l'intelligence, faut considerer, que les hommes par instinct naturel aspirent tousiours à nouuelles sectes, & presque vn chacun vn peu vif de nature, desire se faire chef de quelque institution, pour estre suiui, & célébré pour auteur & inuenteur de nouuelles opinions. Et si d'adventure son dessein luy reussit, & qu'il se voye renommé en la nouuelle maistrise, voyant de iour à autre croistre le nombre de ses disciples, il denonce lors guerre ouuerte aux sectes precedentes, voire à celles de son temps, les supprimant tant qu'il peut, & avec la faueur des princes par tous sinistres moyens mendice, les faisant arracher, les accusant comme seditieuses, & troublans le repos public, s'efforçans sur tout de les calomnier en quelque chose contre la religion : & en ceste partie plus qu'en nul e autre les sectes s'entrelirent cruels assauts, sans aucun remede de reconciliation, ou accord. En cecy plus qu'en autre matiere elles multipliét & germent sans fin, cōme il se voit au Iudaïsme, & entre les Chrestiens, iadis & principalement en cestuy nostre miserable siecle, n'en pouuant toutesfois estre qu'une vraye laquelle de main en main de Christ nostre S. son instituteur est deriuee iusques à nous, & de nous se doit encores estendre iusques à la fin du monde. Or ces heresiarches ou zelateurs de quicque heresie se voyans forts de suite & de faueur des Princes, encores qu'ils vissent de toute cruauté enuers la faction contraire, neantmoins si ne se peinent ils tant en chose aucune, qu'à l'abolition de tous liures & memoriaux contenant la doctrine de la secte aduersaire. Ainsi lit on que firent quelques Euesques de la Grece zelateurs indiscrets, qui voulans que quelques liures particuliers qui estoient à leur goust, courussent parmy le peuple, persuaderent à l'Empereur que les liures ethniques fussent brulés, & en special les poëtes, & que diligente recherche feust faite pour les auoir tous : se couurans de ce pretexte, que tels liures nourrissoient l'impieté. De telles outrageuses ruines de

l'antiquité ne faut que nous nous esmerueillions, car telle est la nature de toutes choses qui sont sous la Lune, qui souuent se renouellent apres l'extinction des precedentes, comme encore viendra le temps que les choses modernes auront leur fin, quoy qu'elles nous semblent tellement fondees, que iamais elles ne doiuent faillir. Les sciences donques ont leur terme, regnans l'une apres l'autre, & ainsi de main en main : bien que les solides, vrayes & naturelles perdues par l'ignorance & mauuaistie des hommes, apres quelque temps retournent en estre, encôres qu'il n'en restast memoire aucune, par escrit, ne autrement. A ce propos ces lourdes disciplines estans apparues au monde, celles pures & polies disparurent : car la cognoissance de la langue Grecque estant tellement perdue qu'il ne se trouuoit aucun qui en eust sceu lire vn seul verset, la Latine fut retenue seulement pour vne ombre, mais à vray dire estant toute autre chose, que langue Latine : s'autorisans ces hommes faconds de resprendre de leur poitrine abondante en doctrine, fleuves de tres elegants vocables tous nouueaux, beaux & exquis, selon qu'en leurs cerueaux bien reschauffez ils forgeoient tous les iours nouuelles inuétions. De ceste boutique sortirent *heccitates*, *quidditates*, *suppositualitates*, & infinis autres monstrueux vocables ne seruans que de terreur. Quant à la grammaire, en lieu de Priscian, de Diomedes, de Sosipater Charisius, & autres bons auteurs, le grand Doctrinal d'Alexandre de la ville Dieu fut mis es mains de la ieunesse : & aux nouices fut baillé le Catholicon pour apprendre le Latin de leur breuiaire. Quant à la poésie, en lieu des elabourez & sententieux vers d'Horace, les Leonins estoient enseignez : & pour les tres elegans endecasyllabes de Catulle, on faisoit grand comte des proses : & Virgile, Horace, & autres bons poëtes enseuelis en perpetuel oubly, Floret, Galfrid, Alain resonnoient hautement par les escholes. Et n'y auoit entre eux chose plus blasphemable, que d'estre poëte, tenans celuy qui l'estoit en telle reputation qu'un Arthee. Pour l'histoire on laissa à part Saluste, Cesar, Liue (ie ne parle point des historiens Grecs, desquels mesmes on ne sauoit s'ils auoyent esté au monde) fut introduitte l'histoire Scholastique de Coniestor. Pour la Dialectique, Aristote fut banny des escholes pour y faire regner Tartaret, Pierre d'Espaigne, Paul Venicien : d'antique ne moderne Rhetorique ne s'en parla iamais, & n'estoit aucunement enseignee par art, seulement ces grans maistres par nature, sans l'auoir appris estoient faconds, & feconds, & avec la seule pratique rendoyent leurs disciples à soy semblable. Quant à la Theologie, la sainte Bible estoit si peu vísité, qu'il y auoit tel docteur de quarante, ou cinquante ans, qui en auoit employé vingt cinq, ou trente à lire magistralement, & composé des liures sans nombre avec tres superbes tiltres Theologaux : qui neantmoins se trouuoit n'auoir la Bible, ou s'il l'auoit, ne l'auoir daigné lire, ou s'il l'auoit leuë, non toute, ou s'il l'auoit toute discourue, il n'auoit tasché de l'entendre, ou s'il y auoit mis quelque estude, il l'auoit peruertie à son sens mesprisant les expositions des peres, la despeçant, & ordonnant à sa fantasie, & la diuisant en mille manieres, format sur chaque chapitre cinquante ou soixante questions : vsant finalement du sens de l'escriture à son appetit, ainsi que font chaussetiers d'un estamet. Et n'est de merueille si ces grans maistres dedaignoyent de lire vn tel liure : car leurs magistralitez eussent perdu crédit à consommer le temps en oeuvre (à leur aduis) si grossiere, qui ne feust partie par distinctions, questions, quolibets, articles, argumens, responses, conclusions, corollaires. En outre ils estoient tant occupez es relations, notions, formalitez & questions de tres grand pois entour nostre pere Adam, Qu'il faisoit en Paradis durant qu'il y fut : combien d'hommes eussent esté engendrez, s'il n'eust peché : & si S. Pierre eust consacré es trois iours de la sepulture, quelle chose il eust fait : & autres choses tres importantes entour le baptisme, S'il se faisoit en bouillon de chair, ou de maccherons (ce qui est plus douteux) & si la creature pour estre baptisée se iettoit dans vn puis profond, & en chemin auant qu'auoir entierement prononcé les paroles se mouitoit, affañoit si on le deuroit enseuelir en terre sainte ? & pourtant n'est il merueille si ces genereux nos maistres n'auoyent temps à employer à l'estude des saintes lettres. Somme en ces miserables temps, en lieu de Basile, Chrysostome, Hilaire, Ambroise, & autres non moins doctes que saints & anciens personnages, ils embrassoyent de toute leur pensée vn *Vad: mecum*, vn *Dormi secure*, vn *Panis cerid: annu*. En telle barbarie, quel lieu voulons nous qu'eussent eu les bonnes lettres : comment pensons nous que feussent traittez les liures de doctrine ? Quant à moy j'estime que le plus grand honneur qu'ils leur faisoient, estoit de les fere seruir de couuerture à leurs brouillars. Venons maintenant à la derniere cause de la ruine des sciences, liures, & librairies, qui vient toute des Princes : par ce que s'ils se de

se delectent des lettres, fauorisans les hommes lettrez, & les attirans à soy par honneurs & bien faicts, & ayans en pris les doctes liures, on voit leurs royaumes se remplir de gens lettrez, tous les iours s'escrire de tres doctes liures, toutes les belles sciences florir, & tous chercher à l'enui d'offrir à son Prince ouurages de grande erudition en toute maniere, comme dons à luy tres agreables: au contraire les princes s'addonnans à autres choses, qu'à sciences, les hommes lettrez abandonnent soudain ces pais, ou laissans leur premiere profetsion, s'addonnent à vne autre dont ils puissent viure: le demourant se vest de la mesme liuree dont ils voyent leur prince reuestu, se transmuant tousiours le peuple à guise de Chameleon selon la couleur de son patron, à qui en toutes choses il tasche à gratifier. Or quand lon voit que le chef fait peu d'honneur aux lettres, & qui plus est, qu'il a la main escharce enuers eux, & liberale à gens d'autre qual-té, lors les estudes des lettres s'esteignent comme vne lampe à qui l'huyle defaut, & les liures se changent à tous outils agreables au prince. Et parce que quelques siecles auant cestuy cy ceste influence a couru, (autrement ne say ie comme l'appeller) que presque tous les princes ont esté ignorans, ne faisans cas de lettres ny de lettrez, desquels ausin y en auoit point au monde: de là est venu que personne ne s'est addonné aux sciences liberales, ne taschans qu'au proffit, comme à sçauoir chanter à la Gregorienne, à entendre ces belles gloses d'Accurse, ou à bien cognoistre la rouge, ou iaune vrine: pourtant disoit on:

Dat Galenus opes, dat Iustinianus honores.

comme s'ils vouloyent inferer, Vacquons donques seulement à ces belles lettres qui nous enrichissent, donnans leur sac aux mendiantes. Pourtant voyant que les bons liures estoient du tout inutiles, & qu'ils ne seruoient que d'empeschement de maison, aucuns bien aduisez trouuerent moyen de se les oster de deuant leurs yeux à leur proffit, les baillant aux apoticares en payement des parties qu'ils leur auoyent fournies. Ce sont les causes que i'ay peu recueillir de la perte de toutes les bonnes disciplines, & ruine des liures antiques, regrettables avec abondance de larmes quand en Diogene Laërtien, & autres nous lifons les noms, le nombre & qualité des liures composez par ces tant diuins personnages, desquels par la coulpe de nos maieurs nous auons esté si iniustement priuez. Or ia estant les arts liberaux en voye de perdition, & les bonnes lettres d'eternel silence: Voicy que Dieu par souueraine prouidence (comme il a accoustumé de faire en cas desesperéz) enuoya le remede: assauoir que ie ne sçay comment suruint de la Grece en Italie vn homme Emanuel Chrisoloras, incogneu pauvre homme, mendiant & fuitif, lequel selon ce dire,

Sub sordido saepe palliolo sapientia,

fut bien tost par hommes accordz descouuert pour tel qu'il estoit. Arriué qu'il fut premierement à Venise, de là à Florence, en fin à Padouë, on accourut à luy comme à vn oracle de toutes parts de l'Italie. Il estoit tres docte es lettres Grecques, & autres bonnes sciences: & eust on peu lors discourir toute l'Italie d'un bout à l'autre, visitant toutes les escholes de grammaire, & toute la tourbe pedantesque, sans trouuer qui eust sceu lire vn seul vers Grec: voire que tous ces excellens maistres s'en fussent lauez les mains, disans, *Gratum est, non legimus*. Les Italiens au parauant tant rudes & sans litterature, apres auoir gousté la douceur des bonnes lettres, commencerent selon qu'ils sont gaillars, & d'esprit esueille, aller au grand galop à la perfection des sciences, & pour l'appetit qu'ils prenoient en la Grecque faconde, m'rent encores leur estude à renoueller la Latine deserte par tant de centaines d'années. Ce fut donc dy ie du temps du Pape Nicolas v. de l'Empereur Frideric III. & du Roy Charles VII. enuiron l'an 1453. auquel l'Empire Grec, & Constantinople ville capitale furent pris par Mahomet que les lettres Grecques ayans esté exilces durant 700. ans de l'eglise Latine sans qu'on en eust la cognoissance sinon qu'on allast en Athenes & autres Academies de la Grece, Bessarion, Gaza Trapezonce, Calcondilas, Musurus, Gemisthus Pletho & autres passerent en Italie avec Chrisoloras & y logerēt la langue Grecque estant honnorablement recueillis par le Pape susnommé. De ceste eschole ysisrēt les Guarins, les Filelles les Acciaïols, les Leonards, & autres sans nombre. Puis d'hommes tant dignes qui auoyent donné si bon comencement à la reformation, descendit vne encores meilleur lignee, come sont Laurēs Val-le, Ange Politia, Philippe Beroalde, Marcile Ficin, Hermolac Barbare, Christophle Ladin,

* * 3 & tant

& tant d'autres qui peu à peu alloient germant, produits de tant heureuse semence. Et fut œuvre de providence divine, que les bonnes lettres sur leur enfance n'eurent contradiction aucune (comme puis elle se descouvrit icy en nos quartiers, quand elles parvindrent à nous) ains avec grand applaudissement furent communement receuës & des particuliers, & beaucoup plus des princes, lesquels esmerueillez de l'insperce descouverte de la beauté des lettres, honnoyent sur tous autres, les hommes lettrez, & avec amples promesses les inuitoient à leurs estats, pour y esandre semence tant seconde, taschant plusieurs d'entre eux à l'enui, d'attirer à soy quelque tel personnage. Plusieurs papes furent de ce nombre, en special Sixte, qui ordonna celle celebre librairie Vaticane, tant abondante de tous bons & antiques liures, Grecs & latins. Y eut pareillement plusieurs Cardinaux & doctes, & fauteurs des doctes. Se trouuerēt encores quelques ducs de Milan, qui aussi aduancerent si bon œuvre. Mais sur tout Laurens de Medicis employa toute sa force & son auoir à cest affaire, comme principal de tous : si que à Florence, comme en vne Academie, se retiroient de toute l'Italie les plus aduancez es bonnes lettres, qui de tout point se trouuoient aduantagez par ce bon prince : & les poussant tous (luy qui mesmes estoit fort aduancé en doctrine) les excitant di-je à nouvelles inuentions, & à effectuer leurs beaux desings, à tresgrands frais & peines donna commencement à celle tant renommee librairie des Medicis. Je ne tairay icy de Picus comte de la Mirande, vnique fenix non seulement de ce siecle d'or, mais de plusieurs precedens & subsequens. Cestuy-cy à peine encores hors d'enfance auoit franchi le cercle des sciences, que les grecs appellent Encyclopedie, & en toutes excendoit de telle sorte, que si en l'vne seule durant toute sa vie il eust employé tout son estude. Et de ce non content y adiousta les lettres Hebraïques, Caballistiques, Hieroglyphiques, & autres profondes doctrines, chacune desquelles requeroit vn siecle. Or ne se peut il dire combien cestuy cy enflamma l'Italie à l'amour des lettres, fust qu'à l'exemple d'vn tel prince encores ieune, ou pour la liberalité dont il vsoit enuers les gens lettrés, ils fussent attirés aux estudes des bonnes arts. Desia par toute l'Italie se faisoit guerre ouuerte à la barbarie, à la sophistication, & à l'ignorance : lesquelles pestes se voyant si grieuement persecutees en ce royaume, se reduisirent en ces nos païs, ou pour mieux dire se fortifierent là, où par si long temps elles s'estoyent placees, & estendues au long & au large : & comme en vn roc tresfort, avec toutes manieres de prouisions, s'estoyent mises à defendre leur possession surannee, combattans *tanquam pro aris & focis*, (comme l'on dit) ceux, à qui il estoit grandement utile, que le monde demourast enseueli en tenebres, à fin que leur ignorance ne se descouvrist, laquelle avec grand artifice ils faisoient paroïr au vulgaire pour exquise sagesse : parce que selon le prouerbe, *En païs d'aveugles bienheureux qui y a vn œil*. Mais ayans les lettres si bon succez en Italie, pour entierement chasser du monde les tenebres de l'ignorance, voicy que Dieu inspira en la pensée de Iean Cuttemberg le vray remede, qui ne pouuoit proceder d'ailleurs, que du ciel : sur laquelle inuention iamais du depuis aucun n'entreprint : (encores qu'en cest heureux siecle se trouuassent tant de personnes tres industrieuses en toute belle inuention) ce fut l'art de l'Imprimerie. Que l'aveugle gentilité celebre pour leurs Dieux, Ceres, pour auoir monstré l'vsage du grain, & Bacchus du vin, & qui vn Dieu, qui vn autre pour diuerses inuentions : de ma part ie ne cesseray de rendre graces immortelles au souuerain Dieu, qui pour son instrument s'est serui d'vn tel homme pour gratifier le genre humain d'vn si grand benefice, fournissant pasture à nos esprits, & nous acheminant à toutes sciences, pere & source dont infinis gens doctes sont produits au monde, se produisent ordinairement, & tousiours se produiront. Si que à la venue en terre d'art tant esmerueillable, voicy comme incontinent les hayes (s'il faut dire ainsi) commencerent à produire foison de sagesse. Quand à part moy ie pense & repense ceste chose, ie demeure tout estonné comment chez les antiques (ie ne prens pour antiques que ceux des temps que les Grecs & les Romains florissoient) les sciences peussent estre en telle reputation, & qu'il y eust tant d'hommes lettrez, veu que le deuenir docte pour lors se represente à moy pour chose tres difficile, & propre seulement aux bien riches : car ceux la estoient rares, qui se pouuoient abondamment pourvoir de bons liures, pour la grande cherté d'iceux, estant necessaire qu'ils fussent écrits en main à grand & long traual : d'ailleurs regardant à la grande commodité que nous auons d'amaasser liures à tres vil pris à comparaison des antiques, veu qu'en vn iour en tres belle & exquise forme vne presse en despatchera autant, & de meilleure grace, que pour lors à peine mille personnes en eussent peu écrit : & neantmoins que de nostre temps il ne se trouue tant de gens scauants, & ceux encores de beau

de beaucoup inferieurs aux antiques: ie ne say à quoy m'en refoudre, sinon d'attribuer ceste tant grande difference à la diuersité des temps, ou plus tost à nos peres, qui ayans esté si grossiers, & ennemis des lettres, ont engendré lignee à eux semblable: bien qu'en cecy le ciel ne manque de nous fauoriser, nous solliciter & aucunement nous contraindre à l'amour des sciences, ayant de soy transmis en terre tant belle inuention que l'Imprimerie. Et bien qu'au commencement, comme de toutes choses nouvelles, le monde s'en esbahist, iugant ne se pouuoir imaginer plus grande perfection: neantmoins avec le temps s'est descouuert, qu'elle se pouuoit de beaucoup embellir, enrichir & illustrer: mesmes que le vieil Alde Manuce, homme digne d'eternelle memoire, fut le premier qui vsa de caracteres fort beaux: & selon qu'il estoit personnage docte, subtil, & sur tout tresdesireux de l'aduancement des bonnes lettres, il mettoit incrorable diligence, à ce que ses ouurages feussent trescorrects, voyant luy mesmes, & faisant diligemment reuoir diuers exemplaires antiques, pour lesquels recouurer il se seruoit de tous moyens, avec l'heureuse entremise de son iugement à la restitution d'infinis passages, encores que deplorez: finalement il sembloit que cest homme ne feust né que pour illustrer les bones lettres, mettant tous les iours en lumiere liures de toute sorte tresutiles, les tirant des plus vieilles librairies, pour les sauuer de la perdicion. Or l'Italie s'estant peuplee d'excellens hommes en tout genre de bonnes lettres, ils commencerent de là à s'espandre par les autres pais ensemble avec leurs doctes liures: Et bien que l'ignorance parquee entre nous, feist tout effort pour n'admettre vn tel don de Dieu, & l'abusast, imprimant à l'enui des sors liures à milliers: neantmoins si ne peut elle si bien se defendre, qu'elle ne perdist plusieurs de ses hommes, qui d'elle se reuoltans à la politesse & elegance, firent depuis forte guerre à sa tyrannie: entre autres & enuiron 70. ans apres Chrysostoras vn nommé Hermotime Lacedemonien vint à Paris ou il ouurit l'eschole de sa langue. Y suruint aussi Iean Lascaris du teps du grand Roy Francois, lesquels combaterent l'ignorance si bien que plusieurs qui estoient de son regiment quicteret son enseigne & la poursuiurent viuement pour luy faire prendre la fuite. En cest honorable nombre de rebelles à ce monstre y en a deux tresmercables, desquels ie ne say quand le monde se verra iouissant d'vne autre pareille couple, s'estant la sagesse esuertuee en cessiens primices de champions, contre l'ignorance son ennemye, mettre tout son effort & sauoir: ceux cy sont en nostre France, Guillaume Budee, en la basse Allemagne Erasme de Roterdā. Budee ia vieil s'aperceuant de la cōmunie erreur, & du temps perdu apres questios frivoles & sophismes, se proposa de remedier à l'erreur: & de soy mesme sans aide d'aucun maistre (ne se trouuant encores personne propre à son desing, voire en quelque part que ce feust de ce grand royaume) avec pareille industrie & soing que Demosthene, s'appla es arts liberaux, commençant aux premiers rudimens de la langue grecque, en laquelle il profita tellemēt, que ie ne sai si depuis il s'est encores trouué vn autre Budee: & embrassa d'vn si grand cœur les bonnes lettres, que non content de s'en estre remply, il entreprit encores de faire que la France en iouist à plein. Que di-je la France? plus tost tout le monde: fust que par la victoire qu'acquit icy l'humanité contre la barbarie par le moyen d'vn Budee, elle suiuant diligemment son bon heur trauerfa maint pais, confondant par tout ceste si nne lourde ennemye. D'Erasme tout ce qui s'en dit est peu, au pris de l'excellence d'vn tel homme: & si à l'endroit de plusieurs il ne se feust rendu suspect de quelque sinistre opinion, pour auoir esté assez scure à reprendre les abus ecclesiastiques (bien qu'il se trouue des personnes de grande autorité, qui gaillardement le defendent de telle calomnie) on l'eust peu comparer en la sacree discipline, à quiconques feust des anciens: car c'est sans douter, qu'en humanité il ne cede à pas vn de son temps, ni à autre depuis mille ans passez, ni par aduerture aux premiers d'à present: ains y en a qui n'osent affirmer, qu'il se trouue aucun depuis ceste ancienne fleur qui luy soit comparable. Somme que luy comme vn autre Hercules *Chasse-m.* s'employa tresvaieusement à destruire tous les monstres du monde, qui gastoyent les bonnes disciplines: mais sur tout se banda il contre le sophisme, peste de la syncre theologie, laquelle presque esuanouie il rappella, ou donna vn beau commencement à la faire reuenir, faisant ouurir les yeux à plusieurs pour se garder des argumens captieux des sophistes, avec lesquels ils empestroyent les cerueaux des personnes, de sorte qu'on ne leur pouuoit repliquer. Ce qu'il fit descouurant leur fraude & ignorance, & plus encore mettant en lumiere plusieurs liures d'anciens docteurs ecclesiastiques, supprimez ou par la malice des sarrapes modernes, craignans que leur tyrannie ne feust combatue par les armes de tels ennemis iurez, ou par la negligence des hommes,

Lesquels liures vindrent à la puissance par la faueur des princes & rois, à qui pour ses vertus il estoit tres recommandé : & avec son infatigable industrie, accompagnée d'une incroyable sagacité de iugement (avec lequel presque tousiours il touchoit au but du vray sens de l'auteur, quoy que tres-difficile) les ayant reueuz & illustrez leur faisoit voir le iour bien à point corrects, ayant presque tousiours Froben pour son fidele imprimeur. Mais en ceste grande utilité que le public a tiré d'Erasme, j'admire sur tout deux choses en luy : l'une la subtilité de son iugement, qui sauoit si bien cognoistre le styl de tant diuers auteurs que soudain il s'apperceuoit du moindre deffaut ou redondance : & ce si heureusement, que bien tard vne personne neutre le peut soupçonner d'auoir erré en ses censures. L'autre chose que j'admire en luy, est, qu'encores qu'il eust peu supprimer, ou destourner à son vsage plusieurs choses, sans que personne s'en feust apperceu, desrober, biffer & rayer ce qu'il iugeoit n'estre propre de l'auteur : neantmoins se monstroit il tousiours en tout tres fidele, & de telle syncerité, qu'on n'y trouue à dire vn seul mot de plus ou moins : au contraire de ce qui se fait en nos iours, que lors qu'en vn liure ancien on trouue quelque parole qui n'est selon la propre opinion, ou plus tost selon la fantasie, on l'oste, & en esteint on toute memoire, on change, on adiouste des choses où iamais l'auteur n'a songé, on corrompt & falsifie tout : & pour plus grande descouuerture de la temerité de ceux cy, ils osent encores manifestement falsifier les liures qui ia de long temps sont en lumiere. En fin si sans passion nous voulons considerer en combien de choses, & avec quel grand heur & facilité ce diuin personnage a mis les mains, nous demeurerons esbahis comme il a tant, & si bien peu faire. Donques ces grans champions en l'exercice de l'humanité contre la barbarie ayans avec infinies sueurs, persecutions, contradictions, calomnies & dangers infinis fait, qu'en d'espit de tant de sophistes qui sont au monde, les bonnes lettres vinssent en cognoissance en ces nos païs infortunez, le nom mesme desquelles par plusieurs siecles precedens y estoit incogneu : le roy François premier, digne de gloire immortelle, de soy mesmes tres enclin à fauoriser tous liberaux estudes, & incité de grans hommes, en special de Guillaume Budée, qui pour sa rare doctrine estoit en credit pres sa majesté, mit la main à la reformation du chef, d'où pouuoit proceder tout le bien & le mal des bonnes lettres non seulement par toute la France, mais encores par toute la chrestienté, estant l'Academie de Paris tant pour son antiquité, pour le nombre d'escholiers, que pour l'opinion de doctrine, la premiere de toutes les Vniuersitez qui estoient au monde. Mais ie ne say comment, petit à petit au long aller s'estoyent là introduites de tres lourdes & brutales manieres de faire, pestes de toutes bonnes disciplines, & sur tout des saintes lettres : lesquelles arracher n'estoit oeuvre d'autre que de roy, & d'un tel roy. Neantmoins plusieurs ausquels estoit expedient que rien ne s'alterast des bonnes coustumes, (disoyent ils) se mirent en defense pour maintenir leur possession avec toutes sortes d'armes. Mais à la fin le magnanime & inuincible roy voulut vaincre, bannissant de ce lieu la superbe ignorance laquelle contrainte s'en aller se retira en son nid, où elle se tient seure. Ce que firent les protecteurs de l'ignorance, pour ne se laisser tollir ce grand regne, se peut voir es liures apologetiques escripts par eux contre l'elegance. La victoire en somme s'acquist : car ainsi qu'en toutes choses le roy estoit magnifique, en ceste oeuvre tant signalee il s'achemina au fesse de toute magnificence, faisant excessiues despenses pour mener à fin son noble desing, vsant de tous remedes qui se pouuoient imaginer profitables à telle entreprise. Entre lesquels le premier fut de deputer en celle Academie certain nombre de lecteurs, appelez Royaux, là mandez venir de diuers lieux avec honorables prouisions, & choisis entre tous les sçauans du monde : la charge desquels il voulut estre, d'enseigner toutes sortes de sciences liberales, à la mode des anciens, essians pour enseigner en public les escripts des premiers auteurs entre Grecs & Latins : & qu'ils prissent pour but, de proceder autrement que la corruption n'auoit introduit en celle Academie entre hommes ignorans, & encores insolens, extirpans la barbarie, les sophismes & nouveautez de sciences, reduisans le tout à l'antiquité. Et parce que l'intention du roy estoit, qu'en toute elegance les trois langues florissent en celle Academie, & les estudes dits d'humanité : (lesquels principalement il pensoit consister en Rhetorique & Poësie : bien que l'humanité restraigne en soy tout le circuit des sciences liberales vni en vn, dit des Grecs *ἐγκυκλοπαιδία*) ces braues lecteurs ont fait profession de parler tres eloquemment, & en ce rendre leurs auditeurs à soy semblables. Pourtant de cest honorable exercice ordinairement comme d'un cheual Troyen (ainsi se dit en prouerbe) sont sorties innumerables lumieres

lumieres d'eloquence, esclairsans le monde avec leur lustre, pour chasser dans leurs cahots ces grans docteurs tenebreux, qui n'agueres regnoient avec si grande tyrannie. L'autre remede que le roy mit pour la reformation, fut que de son royaume, & autres prouinces voisines il recueillit à grandes & excessiues despenſes tout ce qu'il peut de beaux liures, en dressant celle tant renommee librairie de Fontainebleau. Et de ce non content, moyenna soudain avec le grand Turc, avec qui, pour le bien de tous Chrestiens il estoit confederé, de faire rechercher la Grece pour recueillir les reliques des liures, qui restoyent : lequel luy ayant promis toute aide & faueur, il enuoya hommes tresdoctes pour recueillir ces inestimables ioyaux, n'ayant esgard à pris aucun pour se fournir de tant precieuse danree. Ceux cy firent amas de plusieurs & excellens liures de toutes sortes, en special de ce mont iadis nommé Athos, ores & où se trouue grand nombre de monasteres. Ayant si bien fourni sa librairie, il ne fit pas comme plusieurs font, principalement en Italie, enuieux du bien commun, qui faisans tout par ambition, cachent au monde si grand thesor : ains tresliberalement la communiqua à quiconque voulut, y constituant hommes de singuliere erudition qui feissent deuoir, que lesdits siens liures de main en main, en toute diligence corrects & illustrez, sortissent en lumiere, donnant ceste charge à Robert Estienne, le plus diligent de tant d'Imprimeurs qui ayent iamais esté, qui outre la beauté des caracteres doit il se seruoit à l'impresion des liures, mit encores peine, qu'avec sa propre industrie & incroyable labeur, ils tinssent de la meilleure correction qu'il feust possible. Et n'eust esté qu'il abandonna tant honorable entreprise, delaisant la ville de Paris pour aller demeurer hors le royaume, le monde en bref temps eust ioui de la meilleure part des bons auteurs de celle librairie, ou il eust acquis gloire immortelle. Le troisieme moyen dont vſa le roy pour restaurer les bonnes lettres, fut, que tousiours il se monstra tresaffectionné à tous bons estudes : & bien que presque continuellement il feust occupé en guetres necessaires, si taschoit il pourtant tousiours de desrober quelque loisir, au moins à l'heure du repas, pour ouïr diuers discours de gens lettrez sur matieres pleines d'erudition : si qu'il se pouuoit dire qu'en sa court regnoient ensemble pesse mesle les armes & les lettres, chose reputeée impossible. Il auoit grande foy à telles gens, les tenant en grande reputation & leur reseruant honneurs & estats : car les premieres dignitez & offices estoient pour eux. Ses récompenses & prouisions tenoyent de pure liberalité : pourtant les gens doctes accouroient à l'enui à sa majesté. Les poëtes soisonnoient là, comme en vn autre mont Parnasse : tous escriuains s'esuertuoient de tistre de leurs louables œures vne belle girlande à tel Roy, tant amy des Muses. Et ainsi monstra l'experience estre vray ce prouerbe des anciens :

Sint Macenates, non deerunt Flacce Marones.

Donques par cest acte tant heroique du magnanime Roy, toutes sortes de lettres commencerent merueilleusement à florir icy entre nous, si que, en lieu qu'auparauant n'y naissoient qu'espines de sophismes, on n'y voyoit depuis germer que roses d'elegance, creuans de rage & d'enuie ceux, desquels les leures (comme dit le prouerbe) ne trouuoient icy *similes lactucas* : ains ceux qui faisoient si grande resistance à la politesse, pour s'estre tant accoustumés à la lourderie (si de propos deliberé i. s. n'ont arresté de faire guerre à la verité cogneue) ont en apres peu à peu commencé à s'affectionner à icelle, qui dans la compagnie de la barbarie, laquelle se voyant abandonnee de la meilleure part des siens desesperée s'en est fuie en la pauvre retraite, d'où elle est nee : & ainsi pour son despart les disciplines liberales ont tousiours de bien en mieux flory en nostre France, suiuant le glorieux roy François courageusement la promotion de son entreprinſe, & apres sa mort, sa genereuse lignee prenant viuement à cœur l'institution paternelle, & estans eux mesmes pourueuz du ciel de ce tres noble instinct, ont tousiours embrassé avec toute faueur les lettres & les lettrez. Les royaumes de toute chrestienté voyans le grand fruit qui succedoit icy par ceste treslouable reformation, tous à l'enui, à nostre exemple, bannissans de soy l'ignorance, se sont addonnez à toute sorte d'erudition, tellement que desia par tout le monde florissent de gentils esprits. A ceste tant belle reformation a beaucoup aidé, bien qu'incidemment, l'heresie Lutherienne, tout à propos excitée es mesmes temps que les bonnes lettres commençoient en ces endroits à estre cogneues. car se trouuans de celle part de beaux entendemens, & doctes en toute elegance, s'esforçans de confirmer leurs traditions par les seules anciennes doctrines, se mocquans de l'ignorance

des mo

des modernes, & ornans d'eloquence leurs liures; ils reuellerent plusieurs de nos catholiques à la recherche de beaux & antiques liures, pour y estudier, quictans les vains sophismes, esquels parauant ils estoient si attachez, & s'esuertuans avec toute industrie, d'exposer eloquemment leurs conceptions. Ainsi à l'enui l'un contre l'autre, ont tasché de faire de beaux escrits pour la defense de leurs opinions, se fondans tous sur l'antiquité: si que pour tant d'occasions toutes bonnes lettres florissent auourd'huy en supreme degré entre toutes nations Chrestiennes. D'ont on voit iournellement de tres vtils liures, pleins de singuliere erudition & eloquence, estre publiez, soit que de nouueau ils soyent composez par hommes de grand scauoir, ou bien antiques, avec grand' diligence, & iugement corrigez, & illustrez de tres belles annotations: & ainsi nous recouurons tousiours quelque chose de l'antiquité. L'imprimerie se trouue par tout, instrument propre pour communiquer si grans biens au monde: lequel encores qu'il puisse apporter grande vtilité, si voyons nous neantmoins en reusir grand dommage. Car les libraires estans multipliez en grand nombre, la pluspart desquels idiots & grossiers, ayans le gain & l'argēt en plus de recōmandation que la loyauté: de là aduient qu'eux n'entendans, & ne pouuans faire chois des bons liures, ils sont comme l'asne à la lyre. Et s'il aduient que par autrui ils en soyent informez, ne pouuans, ou ne voulans entrer en despesne pour recouurer copie, & les faire dresser, craignans qu'elles ne soyent de longue vente, ils n'impriment seulement que liures de peu de fruit, petits liurets d'esbat avec mille corruptions, les ornans de magnifiques titres, à la mode des tauerniers, qui pour despecher vn mauuais vin, mettent à l'entree de leur cabaret tant plus belle monstre. D'abondant, y a il chose qu'ils n'entreprenent à pris d'argent? Ils impriment des liures farcis de toute impudicité, chansons, sonnettes, libelles diffamatoires, faussifient vieux liures, en special liures ecclesiastiques. Si n'entens-je pourtant en vouloir à tous: car il y en a encores de bons qui mettent tout soing, industrie & faculté à imprimer liures vtils au monde. A present si par ce que dit est le monde se voit tout renouellé, & abondant en tous bons esprits, & que de toutes parts on voye les disciplines liberales s'estendre heureusement: toute raison veut qu'icy entre nous (ce qui soit dit sans iactance) cecy se puisse mieux apperceuoir, le modelle de la renouation des bonnes lettres estant d'icy procedé es autres païs. Car les nostres se voyans par la liberalité des grans, inuitez d'une telle commodité de pouuoir apprendre toute sorte de louables sciences, & qui plus est eguillonnez du desir de louange, principalement depuis qu'ils ont eu gousté la douceur des bonnes lettres, à eux si longuement cachees, se sont couraigeusement appliquez par tout ce grand royaume à toutes bonnes arts, s'y employans sans delay avec telle ardeur qu'ils en sont peruenus à l'excellence que leurs ceuures manifestent. Ceux cy se voyans enrichis de toutes sciences non seulement de l'inuention des auteurs Latins, mais Grecs, Hebreux, & d'autres langues, & en telle perfection que desormais il semble à aucuns que presque en rien ils ne doiuent ceder aux mesmes auteurs: se sont tournez à parer leur meire, transportans à cestuy nostre commun parler tout le beau & le bon qui se trouuoit espars par toutes langues, esquelles ils sont à present aussi appris, qu'estoyent les antiques mesmes, non seulement rendans françois la plus grand' part des plus excellens auteurs qui fussent en chacun langage, mais encores composans liures de toute matiere, de propre inuention. En quoy, que le monde iuge hardiment du succez des nostres. Et si ores plusieurs par enuie, ou autre passion coustumiere d'empescher le vray iugement, sont enuers nous iuges peu iustes, neantmoins la posterité descouurira au long aller, quel lieu deuront tenir les nostres au nombre des escriuains de tout aage: & aucun ne pourra dire que nostre langue pour sa pauureté ne puisse exprimer toute conception: parce que s'ils veulent bien considerer la faconde abondance d'icelle, ils trouueront tout le contraire. Mais qui pourra nier avec raison, qu'elle n'abonde en vocables seruans à toutes arts selon que la chacune a ses propres termes pour exprimer ce qui en depend? qu'elles voix nous defaillent, soit pour la philosophie, theologie, mathematique, ou en somme, pour que conque liberale discipline? voire & pour toutes les mecaniques? en quoy nous sommes si bien fournis, que peu ou nullement nous auons besoin de circonlocutions, desquelles plusieurs autres langues sont pleines, en defect de vocables. Qu'est il besoin de dire des propos familiers, & commun parler, où nous auons infinis mots particuliers, desquels plusieurs autres langues sont priuees, encores que tresabondantes: esquelles peu de choses se trouueroyent, que nous ne peussions exprimer avec pareille grace. Qui plus est, nous auons infinité de dictions, exprimans toutes la mesme chose,

chose, desquelles l'une sert seulement pour ieu & esbat, l'autre en matiere serieuse, l'autre pour dire en cholere, l'autre paisiblement, autres en autres propos: ce qui eschet tard es autres langages. Je laisse ores à parler de la grande abondance, pour ne dire superfluité de vocables, qui nous font de reste, à dire vne mesme chose sans differer l'un de l'autre. Quant à la phrase & elegance maniere de parler, pour exprimer belles conceptions, ie ne sai si les Grecs mesmes se peuuent vanter d'estre pareils à nous. De ma part, ie croy que nostre langue ait esté composée de toutes les fleurs d'eslite, qui sont esparées par la Grece, la Latine, l'Italienne, & autres celebres & renommées, tant antiques que modernes. Or ie n'attribue ces louanges à la langue qui auant cinquante ans estoit en vltage entre nous, car elle estoit assez rude: mais à celle qui du depuis est venue, tres differente à la premiere, qui n'est nee de l'indiscret vltage du vulgaire (comme aduient ordinairement) mais avec grand esgard renouuclée & embellie par la cure & industrie des doctes d'entre nous, lesquels imbus de plusieurs & diuerses sciences, & vltés es langues, antiques voulans faire entédre leurs profondes conceptions, en forgerent avec grand iugement les propres vocables, designés proprement ce à quoy ils estoient imposez. Ainsi nostre parler moderne a esté produit & enfanté de cerueaux pleins de tresdoctes intelligences, & formé de la fleur des belles langues, recueillie deça, & delà, comme le fin ambre fort du mellange de l'or & de l'argent affinez avec certaine preparation. Que le langage François soit abondant, c'est chose claire: quoy? de sa beauté & elegance en peut on douter? ce seroit nier que le soleil donnast clarté en plein midy. Qu'on lise de nos auteurs qui soyent en quelque reputation, & on n'y trouuera presque clause, où la grace ne reluisse comme or & perles precieuses, si qu'en les lisant on pensera estre au milieu d'un pieu plein de belles & odorantes fleurs. Bref elle florit en telle douceur, qu'elle ne semble trouuee que pour la poésie, s'y voyans tous genres de poemes d'ont Pindare & Sapphon ont vsé en Grece, Horace & Boëce entre les Latins, avec toute bienfiance de strophes, antistrophes, epodes: oultre que nous abondons en figures & locutions poetiques, qui à mon aduis ne seroyent si aisées es autres langues. De là est aduenue qu'on voit entre nous de tant excellens poetes, qu'à bon droit on les peut comparer aux premiers & plus prizez de l'antiquité, comme Pierre de Ronsard, Guillaume de Saluste, Remy Belleau, Robert Garnier & maints autres. Son heureux succez en tout genre d'oraison se voit par les excellens orateurs dont elle abonde, qui remplissent le monde de merueille, soit qu'ils discourent en humanité, ou qu'ils s'addonnent à la theologie: ce qui se doit principalement attribuer à la langue, capable de toutes affections, pour mouuoir l'auditeur au gré de celui qui harangue: non qu'avec tresgrande grace & facilité elle exprime toute les belles conceptions & figures de l'art, tant en paroles qu'en sentences, ornans beaucoup l'oraison, & la rendans agreable; aussi qu'elle est tresapte & conuenable à recevoir en soy autant de caracteres & formes de dire que iamais Hermagoras en seut assembler: autar que Denys Halicarnasse en peut descouurer es orateurs grecs, & Cicero es grecs & latins ensemble. Que diray-je des traictez de la Theologie, Philosophie, & de toutes autres matieres tresgraues, non seulement de ceux qui avec vne admirable adresse sont translatez des plus notables escriuains Hebreux, grecs, latins, italiens, & autres lesquels reuestus de nostre langue gardent tellement leur primitive grace, qu'à peine les trouue on en quelque chose differens de leur origine, mais de ceux encors de la façon & propre inuention de nos auteurs mesmes: En cecy certes se descouure tant de majesté en nostre langue, qu'on la diroit faite expres pour tel subiect. Je me tairay de l'histoire, veu qu'un chacun soit en quelle reputation est le grand nombre de nos historiens: dont presque toute la gloire en gist en la felicité de la langue à raconter tant diuers euenemens. Je viens maintenant aux familiers & communs deuis, en quoy nostre parler est fort excellent, soit en la promptitude de bien & proprement exprimer la cōception, ou au leger cours du parler, ou soit en ioyeux & plaisans termes, & certaines proprietés inimitables aux autres langues, ou en infinies autres proprietés enclouées en cestuy nostre langage. Car en est il de plus propre, plus humain, plus persuasif, plus doux & amiable? estans telles paroles accompagnées d'un accent & prononciation de tant d'efficace, qu'elle rend ceux à qui on parle tres affectionnez. Quelle autre se trouuera iamais temperée de telle ciuilité, honneur, reuerence, & conuenables ceremonies entour la qualité des personnes à qui l'on parle? En outre nostre phrase est singuliere à rendre manifestes les diuerses affections de l'ame, avec vne naïue rondeur de paroles, s'accommodant aux negoces & personnes à qui on a affaire, ores attique par longues sentences, tantost laconienne par sentencieuse

tieuse briueté A la pronunciation du françois toute personne encores qu'elle ne l'entende, peut appercevoir, combien il est gracieux & plaisant à l'oreille, combien douce harmonie il rend, combien il laisse l'auditeur satisfait pour le contentement qu'il tire des accens, par lesquels il re sonne tres delicieusement. Les paroles courent l'une apres l'autre sans presse aucune bien ioinctes : toute l'oraison egaleement continuee, nette, polie : les clauses bien troussées, nombreuses & bien sonnantes : si que l'on prend vn contentement non petit à entendre discourir mesmes vn enfant, s'il a esté nourri en bonne ville & maison d'honneur. Mais ie ne veux entrer en si grande & profonde mer, que d'expliquer les louanges de nostre langue, car telle n'est ma principale intention : le peu que l'en ay dit suffira pour ceste heure à mon propos. Or (pour retourner à ce que nous disions) ie di que nos Francois pour la commodité d'apprendre qu'ils auoyent, s'estans imbus de diuerses sciences, & icelles principales, & voyans que nostre langue estoit apte, ou, moyennant leur industrie, se pouuoit rendre propre à expliquer tous arts liberaux, se desespererent comme enfans gracieux, de combler ceste leur mere de richesses gaignees par louables trauaux sur toutes langues celebres tant antiques, que modernes ; transportans toutes les belles inuentions de leurs auteurs en la leur maternelle, enrichissans leur butin d'infinies choses inuentees de leur propre cerueau. Et voyans l'affaire tant heureusement leur reussir, se sont en brief tellement multipliez d'excellens escriuains, & de tous bons liures, qu'il semble desormais que nous n'ayons plus besoing d'emprunter d'autrui aucune science, les ayans toutes chez nous, peut estre en meilleure forme, au moins mieux à nostre goust, & plus aisees à estre apprises de nous. Si que desormais nous pouuons bien dire que comme il aduint iadis à la docte ville d'Athenes, où, estans tous les arts liberaux mis en langage maternel, pour estre la langue Grecque, & en special la phrase Attique capable pour exprimer toutes belles conceptions, le laboureur philosophoit à la charrue, la vieillotte filoit syllogismes à la quenouille : ainsi en aduint il à present entre nous, où n'y a païsant si grossier, si simple femmelette, qui ne discoure sur diuerses matieres aussi à propos, que souloyent faire par le passé nos docteurs. Ce qui vient des bons liures, qui auourd'huy sont à chacun en main. Or voyant entre nous telle foison d'excellens escriueurs, & tant de milliers de liures ia sortis en lumiere, i'ay delibéré de faire vn recueil & amas general de tous, s'il est possible, en ce mie liureint intitulé **B I B L I O T H E. Q V E**, y inserant toutes ceures esrites en langage **F R A N C O I S**, & declarant en brief l'argument d'aucuns, avec quelque notable eschantillon de leur doctrine : y entremeslant par fois mon iugement à louer, ou encores blasmer les escrits d'aucuns, voire les auteurs mesmes. I'ay puis voulu icy comprendre tous tant modernes que anciens de soixante ou septante ans au parauant, au quel temps les nostres estoient assez lourds en leurs escrits : & n'ay autrement fait estte des meilleurs, mais indifferemment ay mis bons, mediores & mauuais : & s'il y en a eu de contraires à la religion catholique ie n'ay pourtant laissé de les mettre au rang des autres. Je les ay en apres tous disposez non par ordre de temps, ny de matieres, mais par les lettres de l'alphabet. Or n'ay ie entrepris ce labeur sans cause, ne (comme l'espere) sans fruit aux lecteurs : à l'exemple de plusieurs excellens hommes Grecs & Latins, anciens & modernes qui ont escrit de semblables catalogues ausquels ils ont enrolié les escrits & les vies ou de tous ceux dont ils auoient cognoissance, ou des auteurs seulement d'une profession. Et pour commencer par les Grecs Diogene Laercien a escrit en deux liures la vie des Philosophes, où il met & nomme leurs sentences, & les liures par eux faictz. Et saint Chrysostome a escrit vn catalogue des poetes qui est en quelques librairies d'Italie, comme aussi deux gros volumes de Photius Patriarche de Constantinople où il recite les noms de tous les auteurs qu'il auoit leus, les argumens des liures & les sommaires des chapitres. Damophilus philosophe sophiste qui fut nourri par Iulian l'Empereur escriuit vn liure (tesmoing Suidas) intitulé *φωκιστάριον* traitant des liures dignes d'auoir & d'estre leus. Oultre ceux là plusieurs autres dont les ceures se sont perdues par l'injure des temps ou par la negligence des hommes au grand dommage des studieux, ont trauaillé en semblable subiect. Du nombre de ceux est Callimach, lequel tesmoing Suidas a escrit des tables esquelles il nomme ceux qui ont excellé en quelque sorte d'erudition, & faict mention de leurs escrits en 120. liures. Hesychius Mylessen a faict pareillement vn Catalogue des personnes insignes és lettres. Eusebe Cesarien, & saint Hierosme ont faict le mesme és auteurs chrestiens : & depuis eux, Gennadius, Masulien, Isidore, & Beda l'ont continué iusques à leur temps, & l'Abbé Tereime l'a tiré

là tiré presque iusques à nous. Vne telle entreprise fait Suetone Tranquille des Grammairiens : & Pierre Crinit long temps apres des poetes Latins : desquels & des Grecs ensemble Lilius Giraldu a escrit. De nostre temps mesme Conrad Gesner a recueillir tous les auteurs quelconques en trois langues Hebraïque, Grecque, & Latine, à son grand honneur, & à la commune vtilité. Autres depuis ont escrit des hommes illustres de leurs royaumes & citez tant en armes qu'en lettres. A l'imitation donques de ces grands personnage ie me suis employé à vouloir faire le semblable de noz Francois qui ont escrit en nostre langue, pour montrer au monde combien nostre pais est abondant en bons esprits, & ainsi en quelque partie rendre graces à nostre commune mere, que pensant ne la pouuoir orner de quelque digne composition mienne, comme font auourd'huy tant d'excellens enfans siens, au moins ie luy face honneur estalant ses grandes richesses, pour les faire voir à tous à sa gloire immortelle, qui a enfanté vne telle, & si honorable lignee. De là aduiendra que meint estranger ne sachant nos facultez en tout genre de sciences, prendra courage d'apprendre nostre langue, pour pouuoir entendre aucuns escrits que par ce mien liure il saura estre entre nous. Des nostres encores trouuans icy plusieurs liures au parauant à eux incognus, desquels les argumens leur plaisent, tascheront de les auoir : & peut estre que de mesme s'en trouuera assez de negligens & nonchallans en l'estude des lettres, qui touchez du desir de ces auteurs, deuiendront en apres plus soigneux du profit & culture de la partie principale de l'homme, qui est l'intellect. Et s'il se trouue aucun qui ne vueille, ou qui ne puisse se pouruoir d'aucuns liures recog nus icy, & trouuez bons pour soy, il saura aumoins, l'occasion & le besoing s'offrant, ou il puisse recourir, y estant spécifié le nom du lieu, de l'Imprimeur, & la date de l'impression. Cōbien en oultre cest ouurage puisse seruir à qui voudra cōposer sur quelque matiere, il n'est besoing de le dire : car siueilletant cest indice il trouuera les escrits de plusieurs faisans à son propos, & le dressans à semblable subiect. Que dirai-je de ceux qui en leur estude veulent faire vne librairie vniuerselle de liures françois, ou seulement d'aucuns particuliers, ausquels spécialement ils se sentent enclins & affectionnez? & ceux là sans peine trouueront icy disposé tout ce qu'ils cherchent. Finalement ce mien labour seruira pour memoire immortelle de conseruer les escrits & le nom de tant de genereux hommes : car, comme les choses humaines sont muables, s'il aduient qu'avec le temps les escrits de quelque auteur se perdent, au moins trouuera on icy que tels ont escrit tels & tels liures. Aristote escriuit beaucoup plus de liures qu'il ne s'en trouue, la plus grand part en estant perdue : si nous est il plaisir d'entendre les noms & matieres desquelles ce diuin personnage escriuit : de quoy nous gratifie Diogene Laërtien en son Cathalogue. I'ay donné à ce mien liure tiltre de Bibliotheque, parce aussi que Gesner a ainsi intitulé le sien : & ce, pour autant que comme en la Bibliotheque sont ordonnez diuers liures, où ils sont gardez comme en leur propre lieu : ainsi tant de diuers auteurs & liures sont icy mis par tel ordre, qu'au premier regard ont les peut trouuer en leur place : & ainsi s'en souuiet on. I'ay fait mon effort de les amasser tous icy, visitant diuerses librairies par la France, sans procurer memoires de diuerses parts, vñant d'vne soigneuse, & presque incroyable diligence pour recouurer tous les auteurs qui se pouuoient auoir : me contentant de l'information d'autrui, quant à ceux qui n'ont peu venir en mes mains. Et si quelcun y en a de laissé, ie proteste que ce n'a esté fait pour en supprimer le nom, ou par ma negligence, mais est aduenue ou par oubli (veu qu'en si grand nombre, nonobstant la diligence, il est impossible que quelcun n'en eschappe) ou pour n'estre venu à mon pouuoir. Et si pendant que l'œuure s'imprime, il m'en suruient qu'elqu'un des oubliez, ou que l'on m'aduertisse d'aucun nouuel ouurage : nous ferons imprimer à la fin du liure vne A C C E S S I O N, où il sera mis. I'ay esté d'aduis en aucuns d'exposer en bref l'argument de l'œuure, louer la vie, ou doctrine, enregistrer icy quelcune de leurs belles sentences, au contraire d'en blasmer aucuns, ou en leur personne, ou en leurs escrits, laissant la plus grand part sans en faire autre mention que du tiltre de leurs liures. Pourtant si n'entens-je pas que ceux soyent blasmez, que ie n'auray louez, comme aussi il ne s'ensuit pas, que i'approuue, & admette pour bons tous ceux que ie n'ay blasmez : ayant icy inseré l'argument de ceux là seuls que le temps, l'occasion, & la volonté m'ont permis de lire à plaisir : & ceux qui manifestement m'ont semblé bons, & pour tels tenus des hommes de iugement, ie les ay louez : puis ceux qui m'ont apparu mauuais, & pour tels reputez d'hommes entendus, ie les ay publiez avec notte & censure à eux propre. Des autres dōt ie n'ay peu faire essay, c'eust esté chose temeraire d'en auācer le iugement.

* * *

gement.

gement. Et qu'aucun ne die icy que ie les deuois tous bien lire, auant qu'les coucher en ma Bibliotheque, car ie ne prens icy la charge de dire quel est bon à lire, quel mauuais, laissant de ce tout le iugement & choisis au sage lecteur: mais mon desing est de monstrier quels liures se trouuent en nostre langue, estant l'office de ma Bibliotheque tel que des escreteaux des apothicaires, qui monstrent seulement où est le Reubarbe, où l'Aloës, ou le Mechioacan, où le diagr. aganti, où l'arsenic, où mille autres drogues: mais c'est au medecin, de choisir & prendre de ceste boîte, ou de celle là pour composer la medecine, se seruant des escreteaux pour monstre d'un, ou autre medicament. Pour cela ne me suis ie abstenu de mettre icy nos anciens auteurs, quoy que la plus part d'eux soyent ineptes & sans grace, ni encores plusieurs des modernes de peu d'estime, ains le plus souuent indignes de l'ancre avec lequel ils sont imprimez: estimant encores que ceux cy par fois, & lors que de si pres on n'y prend pas garde, seruiroyent de nombre, comme en douzaine sert vne aiguillette rompue: & est certain que de ces fatras on a souuent grand besoing, comme seroit à mettre dessus quelque vase de fleurs, ou à plier du beurre, à quoy on ne fait seruir les bons liures. Entour le plus de ceux ci ie n'ay voulu tant soit peu employer ma plume à les blasmer, pour ne perdre temps en chose si mauuaise, manifestement de tous reprouuee: & comme ils soyent nais en mauuaise constellation, ils se diffameront peu à peu de soymesmes, ne trouuant qui les vueille lire. Finalement ie les ay tous mis, pour le los & pris qui en accroistra es bons estans mis à l'egal, & vis à vis de ces mauuais faisans plus clerement cognoistre leur valeur parmi la vilité de ces maloutrus. Ce qui peut principalement escheoir es vieux, par la lecture desquels l'homme pourra venir en cognoissance de la grace & beauté du langage moderne, au pris du rude & vieil temps. Et posé qu'il y en ait de tresmauuais & pleins de vanité, neantmoins ce docte & ingenieux greffier de nature Plin (comme dit son nepueu) lisoit tous liures qu'il pouuoit recouurer, bons ou mauuais, n'en reiettoit aucun, ains recueilloit à part la substance de tous, disant, qu'il n'estoit liure tant chetif, dont ne se peust tirer quelque commodité. En oultre (selon que le goust des hommes est diuers) l'un prend plaisir en vne chose, l'autre en l'autre: & y aura tel liure, qui sera iugé de l'un tresmeschant, & de l'autre le meilleur de tous ceux qui sont peruenus en ses mains. Et reputerois mon iniustice auoir esté grande, si suiuant mon humeur, i'eusse priué tant & tant de personnes de leur contentement: par ce i'ay volontiers mis encores les mauuais, en laissant le iugement au sage lecteur. Ioinct que de faire ce iugement ou eslitte de tant & si diuers liures, eust esté à moy impossible, encores que par plusieurs centaines d'annees (pour dire ainsi) & en plein loisir i'y eusse vacqué. Et bien que ie l'eusse peu faire de plusieurs, & mettons le cas que de tous: neantmoins ie ne doy, ne veux prendre vne telle hardiesse, pour laquelle ie pourroye iustement estre repris, & acquerrois sans propos la iuste haine de plusieurs par ma censure, se reputant vn chacun en soy mesme pour docte, & pourtant, que ie luy auroye fait iniure le taxant d'ignorance. I'ay donques mieux fait de ne prouquer les chiens qui dorment, reseruant toute la censure à la posterité, qui en iugera sans passion, & plus librement. Mais quelques vns pourroyent dire, Pourquoi donques ont esté mis en ceste Bibliotheque les liures des Lutheriens & Calvinistes ia condamnés de la sainte mere l'Eglise catholique? ie leur demanderoye aussi volontiers, pourquoi sont imprimez les catalogues des liures defendus? Ils me diront, A fin que les personnes sachent de quels liures ils se deuroient garder. Je les paieray de semblable raison & diray que ie mentionne tels auteurs & liures, à fin que les Catholiques soyent aduertis quels liures sont reprouuez & censurez pour les fuir: veu que plusieurs pour ne scauoir cecy inaduertamment achettent tels liures, pour les beaux tiltres qu'ils portent au front, dont ils se trouuent deceuz: mais lisans ceste Bibliotheque, ils scauront que sera de faire, estans tousiours par moy aduertis quel est censuré. Qui plus est ie prens peine de scauoir ceux qui ont escrit censures, ou Apologies sur tels liures, pour les mettre en leurs lieux en la seconde impression de ceste oeuvre. Oultre ce, ie le fais à l'exemple des saints docteurs, comme de saint Hierosme, qui en son liure intitulé, Catalogue des auteurs ecclesiastiques, fait encores mention des liures de plusieurs heretiques & sectaires, voire des principaux chefs, comme de Tatian, de Bardesanes, de Beryllus, de Nouatian, de Donat, d'Asterius l'Arrien, de Photinus Gallogrec qui taschoit de mettre sus l'heresie d'Ebion, & de Tiberianus Eaticus, & autres non pour les approuuer, mais pour aduertir les lecteurs catholiques de la condition d'iceux. Finalement entre les liures des protestans il s'en trouue aucuns ne traitans

aucune

aucunement de la religion, ou bien qui ont esté par eux escrits lors qu'ils estoient catholiques, pour lesquels lire on peut facilement estre licencié. Et quand à toute sorte d'escrits & libelles diffamatoires plains d'imposture, & calomnie: Je les ay deboutez de ma Bibliothèque, ou ils n'auront aucune place, comme pernicieux à la République & ne seruans qu'à corrompre les bonnes meurs & d'apprendre à mesdire. Je n'y ay voulu aussi mettre les Almanachs de diuerses sortes qu'on fait annuellement sous noms supposés. Veu mesmes que les correcteurs des imprimeries les font pour la plus part au nom de personnes qui ne furent oncques. Or n'ay ie disposé ceste mienne Bibliothèque par ordre du temps auquel les auteurs ont vecu. Car presque tous ont esté en mesme aage, ayant cestuy nostre langage François commencé d'estre mis par escrit d'environ soixante ans en ça: moins ay ie obserué la disposition des matieres, & reduit ensemble en vn lieu tous les auteurs qui traittent de mesme subiect: parce que souuent, & à diuerses fois, il eust fallu parler d'un mesme auteur, ains d'un mesme liure encore. J'ay doncques trouué bon de les disposer tous selon l'ordre des lettres de l'Alphabet, n'en sachant de plus propre: ioinct que par ce moyen ie pourray euitter mille contradictions de personnes qui eussent peu se plaindre d'auoir esté postposés à leurs inferieurs. Quant aux liures d'auteurs incertains, ils seront ordonnez selon le Tiltre du liure: & si c'est traduction de Grec, Latin, Italien, ou autre langage, elle sera mise au reng du mesme auteur traduit. Cest donc ainsi que j'ay ordonné ceste mienne Bibliothèque: priant les lecteurs prendre en bone part vn tel labeur. Que si l'erudition, & plusieurs qualitez requises y defaillent au moins se peut vn chacun asseurer qu'il n'y a eu faute de diligence, soing, & industrie à la dresser: & si avec tout cela elle n'a peu arriuer au port désiré, patience. Que si aucun s'appeçoit de quelque deffaut (comme certes ie scay que plusieurs fautes sont passées tant en l'impression qu'autrement) ie le supplie m'en vouloir aduertir: parce que selo que nostre lague se va tousiours ornant, & multipliant d'excellens escriueurs, aussi pretens-ie, s'il plait à Dieu, de faire reimprimer la mesme Bibliothèque augmentée: & lors ie pourray remedier à la superfluité ou deffaut, vser de la lime où il escherra, & reformer l'œuvre au goust de ceux qui amiablement m'auront gratifié de leurs memoires. Encores ceux qui ont des œuvres à mettre en lumiere, desquelles ie n'ay eu cognoissance, me feront plaisir s'il m'en aduertissent pour les ioindre à ce liure. On excusera donc toutes les imperfections qui s'y pourront cognoistre, & en imputer la principale cause au peu de loisir que j'ay eu d'y auoir l'œil comme il eust esté requis, ensemble à mon absence lors qu'on l'a mise sur la presse, auquel temps j'ay fait voyage à Tholose & sejour de trois mois, pour vn procès que ie poursuy au criminel contre certains Coquins, qui ont donné plus de peine qu'ils ne valent. Ceci soit dict à suffisance &, par aduerture plus que de besoing pour la matiere proposée, & les benins lecteurs, excusent s'il leur plaist, ma prolixité.

TARD ENNVIE' DE VOIR.

2

SVR

SVR LA BIBLIOTHEQVE
DE MONSIEVR DE
VAUPRIAS,

SONNET.

V A V P R I V A S, ie ressemble à l'engolfé Nautre
Sans carte, sans bouffole, & sans estoille en l'air,
Qui tant plus est en l'eau, moins il sçait où voiler,
Et de peur du naufrage au port laissé retire.
Ainsi, de tes labours voulant le los escrire
Je sen que de ma main la plume veut voler,
Et lors plus ie me tay, quand plus ie doy parler,
Car plus i'ay de subiect, & moins ie sçay que dire.
Quoy? que diray-ie donc de ton hardi Recueil,
Qui d'un chaös confus en bel ordre s'assemble?
Où plusieurs ià tombés dans l'oubliens cercueil
Reuiuent par ta vie, & renaissent, ce semble?
Ainsi les réueillant d'un eternal réueil,
Je di, Que tu fais plus, qu'ils n'ont fait tous ensemble.

HIEROSME D'AVOST, DE LAVAL

A V M E S M E S E I G N E V R D E
Vaupriuas, Conseiller du Roy, Conterolleur
general des Finances en la Ge-
neralite de Lyon.

Du Verdier, ie ne sçay si ie feray office
D'indiscret, ou d'amy, mettant au frontispice
De ce beau bastiment ces trois fois quatre vers
S;achant que ta doctrine est trop recommandee
Et ton œuvre par tout d'un bon œil regardée,
De laquelle, à bon droit, s'engloyre l'Vniuers.
Mais ie sçay (cher amy) que la maudite iniure
Du temps, ne peut miner si belle Architecture:
La chaleur n'y peut rien, ni l'aspreur des hyuers.
Et qui de ce beau plan voudra faire la ronde,
Il se pourra vanter d'auoir veu tout le monde,
Et de tous ses endroitz les secretz plus conuers.

G V I L L. D E L A T A I S S O N N I E R E.



LA BIBLIOTHEQUE FRANCOISE D'ANTOINE DV VERDIER.



ABDIAS.

L'histoire Apostolique d'Abdias premier Euesque de Babylon institué par les Apostres, tournée d'Hebrien en Grec par Eutrope : puis en Latin par Iules Africain aussi Euesque, & mise en François par traducteur incertain. [Imprimé à Paris 16°. par Thomas Belot 1569.

ABEL FOVLON, Valet de chambre du Roy a inuenté & décrit,

L'usage de l'holometre pour scauoir mesurer toutes choses qui sont sous l'estendue de l'œil, tât en longueur & largeur, qu'en hauteur & profondeur, nécessaire à ceux qui veulent promptement & sans aucune subiection de l'Arithmetique scauoir la distance des places, arpenter terres, & faire cartes topographiques. [Imprimé à Paris 4°. par Pierre Béguin 1567. Le mesme liure a esté depuis traduit en Italien & imprimé à Venise 4°. par Iordan Ziletti 1564. Et a pareillement esté tourné de François en Latin par Iean Nicolas, & Imprimé fol. en Alemagne.

ABEL IOVAN a fait vn recueil & discours du voyage du Roy Charles 1^x. & des choses dignes de memoire, faites en chacun endroit faisant son voyage en ses pays & prouinces de Champagne, Bourgongne, Dauphiné, Prouence, Languedoc, Gascogne, Bayonne, Poictou & plusieurs autres lieux, depuis son partement de Paris iusques à son retour audit lieu ez anneés 1564. & 65 [Imprimé à Paris 8°. par Iean Bonfons 1566. & à Lyon en la mesme forme par Benoist Rigaud audit an.

ABEL MATHIEV Iuriconsulte, natif de Chartres, auditeur d'André Alciat, a escrit,

Deuis de la langue Françoisse, à Ieanne d'Albret Roine de Nauarre. [Imprimé à Paris 8°. par Richart Breton 1559.

Second Deuis & principal propos de la langue Françoisse. [Imprimé de mesme 1560.

Dyonisij Alexandrini opus de situ orbis cum commentarijs Eustachij Thessalonices Archiepiscopi, Abele Mathao Iuriconsulto interprete. Excus. Parisijs in quarto, apud Poncetum le Preux 1556.

Au premier Deuis.

Celuy qui est bien entendu ez langues estrangeres, & ignore la sienne ou parle mal en icelle, est semblable à ceux qui font des chasteaux en Espagne, & bastissent des Palais à Rome, ou en Athenes, & au lieu de leur demeure habitent dedans toicts à pourceaux, ou dans des maisons basses couuertes de chaulme.

Vn chacun pourra deuiser ou escrire proprement en sa langue, & vser des termes de son art. Et peut-on bien pardonner à ceux qui ont leur art & science extraite des estrangeres, s'ils vsent quelquesfois de mots incognus au commun, s'ils ne les peuuent estendre en plusieurs mots, ou s'ils les font modestement & par congé, & non par arrogance ou par affection d'innouer.

Ceux donc sont bien loing de la verité qui rapportent l'ancienne origine des François à Francus fils de Priam pour la concurrence (comme ie croy) des noms, & la race des Empereurs de Rome à Enee, ou Iule, sus lequel fondement ainsi faux, ils ne sauroyent rien bastir de certain qui dure, & n'en faut attribuer la faute & la menfonge qu'à nos Romans, & à nos anciens auteurs d'histoires, lesquels brouillant le papier ont peu seduyre tous les homes de leur temps & les mettre en resuerie. Les Poëtes à qui ceux-cy ressemblent font souuent descendre les grands Monarques, Princes & peuples de sang fainct & imaginé à leur poste pour complaire, n'ayant autre respect qu'à l'antiquité de race, mesmes aucunesfois sont si aueuglés en ce fait, qu'ils les declarent tacitement bastards & engendrez en toute infamie & vilenie, de laquelle sorte estoient les flatteurs d'Alexandre, qui luy donnoyent à entendre qu'il estoit fils de Iupiter, & non de Philippe & d'Olympia sa femme. Je demanderoye volontiers à nos auteurs des Romans & Annales, puis que nous sommes descendus des Troyens (comme ils dient) en quoy nous sommes semblables à eux quand aux mœurs, & que tenons nous de leur langage & façon de dire: Ils me feront parauenture responce que les mœurs & façons se changent avec le temps, si est-il mal aysé de changer sa nature premiere, que nous ne retenions tant soit peu du premier instinct naturel de nos peres, &c.

Au second Deuis.

Les Roys & Princes font bastir les villes à leur guyse, mais ils ne peuuent constituer certain langage à leurs peuples, ny engarder qu'ils ne le façonnent ou changent à leur mode & vouloir, tant est la liberté de langue & d'esprit obstinee & impatiente de commandemens, voire qu'il faut que les Roys & Princes donnent consentement aux peuples pour les laisser iouyr de leurs coutumes & manieres de viure ancienne selon leur forme & langage.

Ne vaut a dire que l'escriture doit estre conforme à la prononciation, (comme i'ay monstré le contraire en mon premier Deuis :) aussi que les estrangers en sont degoustez pour l'escriture, qu'ils ne peuuent lire ny entendre, pource que

nostre langue n'est pas subiecte à eux, ny faicte pour eux, mais en cas de l'apprendre ils se doiuent conformer aux manieres d'escrire & de parler, ou venir babiller avec noz enfans & femmelettes, qui prendroit la patience des les enseigner ce qu'ils entendent: ainsi faisoient les anciens Romains qui vouloient apprendre a parler Grec &c.

ABGARVS, ou AVGARVS Gouverneur de la cité d'Edeffe a escrit vne epistre à Iesus-Christ nostre Sauueur, laquelle est contenue ez histoires Ecclesiastiques d'Eusebe & Nicephore traduites en François.

ABRAHAM ORTELIVS a fait, Theatre, de l'vniuers, contenant les cartes de tout le monde, avec vne briefue declaration d'icelles, Où premierement il met vne carte vniuerselle de tout le monde: puis apres les principales parties d'iceluy, comme Amerique, Afrique, Asie, & Europe, suyuant en ce point la Nature, de laquelle ont tousiours esté produictes les entiers deuant les parties, duquel entier les parties dernieres. Apres il y fait suyure les particulieres Regions de ces parties, commençant du costé de l'Occident de l'Europe: selon Ptolomee. Et par ainsi les isles Britanniques, assauoir, Angleterre, Escosse, Yrlande, & les autres isles circonuoisines y entrent, premierement en ieu: ausquelles ensuyuent, l'Espagne, la France, & l'Allemagne. De là il arriue aux pays des Suysses, & passant les montagnes, vient en Italie: & l'ayant trauessee fait voile vers les isles de Candie, & Cypre: puis en Grece, de là en Sclauonie, trauesant ainsi d'une venue tous les pays où l'on parle langage Sclauonique, comme Hongrie (combien que ceux-cy ont vn langage à part) Septbourg, Pologne, les pays Septentrionaux, & Russie. Et ayant trauesé toute l'Europe, pource qu'il se trouue aux frontieres de l'Asie, s'en va de Russie par la Tartarie vers l'Orient iusques à la mer, faisant voyle iusques aux Molucques, & à la nouuelle Guynée: puis de là par la mer, iusques à l'Inde des Portugalois, & ainsi vers l'Occident, par le pays & terres du Sophy, ou Roy des Perles, en Turquie, vers la terre Sainte: là où ayant visité le saint sepulchre en Ierusalem, & estant aux limites de l'Afrique, il prend son chemin vers Alcayr en Ægypte: & en apres par les terres du Prete-Ian en Barbarie, iusques au destroit de Gilbatar, passé lequel il retourne en Espagne, où il auoit commencé son chemin, reuenant (ainsi qu'un voyageur, qui a esté voir tout le monde, de pays en pays, comme ils sont tous aboutissans les vns aux autres) sain & sauf en sa maison. [Ce liure a esté imprimé en Anuers fol. avec les descriptions des cartes tant en Latin qu'en François l'an 1574.

Abrahami Ortelij Theatrum ciuitatum fol. Antuerpie.

Synonymia Geographica siue populorum, regionum, insularum, urbium, oppidorum, montium, promontiorum, sylvarum, pontium, marium, sinuum, lacuum, paludum, fluminum, fontium &c. Varia, pro auctorum traditionibus, seculorum interuallis, gentiumque idiomatis & migrationibus appellationes & nomina. Abrahamo Ortelio Antuerpiano auctore. Excus. Antuerpie 4° apud Christ. Plantinum 1578.

Abrahami Ortelij Deorum, Dearuque capita ex vetustis numismatibus in gratiam antiquitatis studioforum effigiata. Antuerpie 8° ex eiusdem Ortelij museo 1573.

ABSYRTHE auteur Grec.

Hyppiatrie, ou de la cure des cheuaux, écrite en Grec par Absyrthe & traduite

duite en François estoit en la Bibliotheque de feu madame la Duchesse de Sa-
uoye escrete en main.

ACCASSE D'ALBIAC dict du Plessis, Parisien a traduit en rime
Françoise selon la verité Hebraique,

Le liure de Iob. Auec vne preface, & explication des Argumens dudit liure.
[Impr: 8° par Iean Gerard 1552.

Les prouerbes de Salomon, ensemble l'Eclesiaste mis en cantiques. [Impr. à
Lausanne 8° par Iean Riuary 1556.

Diuers cantiques extraicts du vieil & nouveau Testament. [Imp. à Lyon 16°
par Iean Cariot 1560.

Au chap. 13. des Prouerb.

*Le sage enfant reçoit la remonstration
Du pere, & en fait conte:
Mais le moqueur la hayant à oultrance,
De l'escouter a honte.
Chacun viura du fruit, & de la rente
De sa bouche diserte:
Mais au malin le fruit de son attente
Est selon sa desserte.*

Au chap. 7. de l'Eclesiaste.

*Mieux vault le bon renom, que l'onguent precieux,
Mieux le iour de la mort à l'homme vertueux,
Que le iour du festin de sa natiuité.
Mieux vault aussi aller en la maison de deuil
Qu'en celle de banquets, car l'homme y voit à l'œil
Sa fin, & est souuent d'icelle admonnesté.*

Aux cantiques de la Bible, Priere d'Aza Roy de Iudee, voulant
combattre les Ethiopiens. 2. Chron. 24. chap.

*O Seigneur qui secours donnant
N'as regard ny à multitude
Ny à foiblesse, maintenant
De nous ayder sois souuenant,
Que ne tombions en seruitude
Ces multitudes assaillons:
O nostre Dieu soubs ta fiance
Renforce donc nos bataillons,
Et ne permets que defaillons,
Ne qu'ils ayent sus toy puissance.*

ACHIL

ACHILLE MAROZZO a escrit en Italien.

Liure d'escrime pour apprendre à tirer de l'espee & de toutes armes translatté en françois & imprimé à Lyon 4°. par Pierre Mareschal sans datte.

ACHILLES PIRMINIVS GASSARVS a escrit en latin vn liure intitulé *Epitome chronicorum mundi*, qui à esté mis en François par translateur incertain sous le tiltre suiuant,

Brief recueil de toutes chroniques & histoires, quant aux illustres & plus notables personnages, faictes & aduenues depuis le commencement du monde iusques au temps present, an mil cinq cens trente quatre. Avec le Catalogue de tous les Empereurs & Papes Romains iusques à Charles cinquiesme de ce nom, & de Clement septiesme. Impr. en Anuers 8°. par Martin l'Empereur l'an 1534.

ACHILLES STATIVS.

Les Amours de Clytophon & de Leucipe, escrits iadis en Grec en huit liures par Achilles Statius Alexandrin, & depuis mis en latin par L. Annibal Cruceio, & traduits en françois. Aucuns m'ont dit, par Belleforest: mais il ne se nomme point. Impr. à Paris 8°. par Pierre l'Huyllier 1568.

Au premier liure.

Non seulement les oyseaux ont sentiment des forces d'amour & de ses feux & flammes, ains encor les serpens, les bestes à quatre pieds, les plantes, & comme il me semble, les pierres de mineraux mesmes. Car l'aymant attire & ayme le fer, & s'il le voit, ou le touche, ne fault de se le ioindre comme s'il auoit en soy quelque flamme amoureuse, qui l'induit a ce faire: & qu'est cela, sinon les baisers, & embrassemens de la pierre qui aime, à l'endroit du fer qui est aymé? Quand aux plantes, les Philosophes tienent (ce que ie penseray estre fable, si les laboureurs & iardiniers, n'estoient de leur aduis) que les herbes, & plantes sont affectionnees les vnes aux autres, & que entre toute n'en ny a de si ardente qu'est le palmier, desquels ils font deux especes, masse & femelle, & que le masse conuoite l'anoisinement de sa compagne: que s'il aduient que la femelle soit plantee loin du masse, il desseche peu à peu: ce que cognoissant le laboureur & voyant que le desir de sa semblable le gaste ainsi, il regarde vers quelle part s'écline le palmier (car il tourne son sommet vers le lieu où est la femelle) à fin de remedier à sa maladie. Et lors il prend vn rameau & syon de la femelle, & l'ente dans le cœur du masse, lequel reprend esprit & s'esueille par le mouuement de ses branches, & reuient en vie comme estant resuscité par les embrassemens de la chose aymee. Et ce sont les mariages & amours des plantes: mais autre est l'aliance du fleuee Alphee amant & de la fontaine Arethuse sa bien aimee: car le fleuee va & chemine aussi franchement parmy les flors de la mer, que s'il couroit lentement par terre: & la mer ne luy rend point le goust salé, quoy qu'il passe par ses ondes, ains s'en va: & ce passage sert de canal propre au fleuee coulant, lequel par iceluy va visiter sa bien aimee Arethuse: à laquelle il portè ce que ceux qui viennent aux ieux Olimpiers, qui se font de cinq en cinq ans, luy donnent pour present, l'vn vne chose & le second vn autre, & ce sont les ioyaux & presens qu'il faiët à son aimee. Il se trouue encor

vn grand secret d'amour parmy les serpens, ie ne dy pas seulement de mesme espece, mais encor qui sont diuers genre: car la vipere qui est serpent terrestre brusle d'affection à l'endroit de la murene viuante en la mer: laquelle murene est serpent de figure, mais au goust & vsage tresbon & delicat poisson: la vipere voulant auoir affaire à elle, vient sur le bord de la mer & siffle donnant signe à la femelle de sa venue, elle l'oyant sort de l'eau, non que soudain elle aille vers son espoux scachant bien qu'il a les dents venimeuses, & donnâs la mort, mais monte sur quelque roch, attendant que le masle aye vommy son venin, & ce pendant l'amoureux habitant la terre & l'amyne insulaire & marine se paissent d'euillades: mais dès aussi tost que l'amât a osté tout soupçon de crainte à son espouse, & qu'elle voit le venin ietté hors, vommy par terre, elle descend de son roch, & embrasse son amant sans plus redouter ses baisers & embrasemens.

Au troisieme liure il parle du Phenix ainsi.

Le nom de ce saint oyseau est le Phenix, lequel naist en Ethiopie, de la grandeur & couleur d'un Paon, & lequel seconde en beauté ledict Paon, ayant ses plumes peintes & entremeslees d'or, & de pourpre, & se glorifie d'estre l'oyseau du Soleil. Ce que la figure de son chef tesmoigne assez bié, à cause que sur icelluy on void vne couronne faicte fort ingenieusement & de grande industrie de la nature: le rond de laquelle vous represente les rayons du Soleil, ayant la couleur asuree & celeste, la face de couleur de rose & le regard plaisant, lors qu'il espanit ses rayz: car ses plumes estendues representent les rayons comme dit est. Or est-il de telle condition que les Æthiopiens iouissent de luy en vie, mais mort il est aux Ægyptiés. Car dès qu'il est mort (ce qui n'auient que apres long aage) son fils sortant de luy le porte au fleue du Nil, & là luy dresse & bastit vn tóbeau en ceste sorte. Il prend tout autant de myrrhe tressouëfue, & bien flairante comme il luy en faut pour y enclorre le corps deffunt, & le creuse de son bec, puis y met son pere, & c'est son sepulchre: or l'ayant gentiment acoustré dans ce cercueil qu'il couure de terre, il préd son vol vers le Nil ayant ceste charge & sepulchre, acompagné d'un infiny nombre d'oyseaux qui luy sont comme ses garde-corps, à l'imitation de ceux qui suyuent leur Roy allant en pays estrange: & iamais cest oyseau ne se foruoye du chemin de la ville du Soleil, qui est le siege & repos de l'oyseau mort: mais estant là arriué, il s'arreste en l'air, afin que chacun le voye, attendant les prestres & ministres du Soleil leur Dieu: & peu de temps apres vient le prestre Ægyptien sortât du temple auec vn liure en la main, afin de iuger si l'oyseau raporte à sa description & figure. Qui est que l'oyseau cognoissant qu'on ne luy adioust point foy, il descouure les plus secretes parties de son corps & pennage, & leur monstre en veuë le corps mort de son pere, vsant par signe du deuoir de celuy qui loue les trespassez. Et lors les prestres du soleil receuans ce corps le mettent en terre & l'enseuelissent: & de là aduient que la façon de vie, tant que cest oyseau vit, le fait Ethiopien, mais le moyen de luy dresser tombeau apres son trespas, fait qu'apres sa mort il est estimé Ægyptien.

Au

Au quatriesme liure il parle de l'Elephant ainsi.

La mere l'engendre par long temps, & qui est desia vieille à sa naissance, à cause qu'elle tient en son ventre la semence avant que former le corps: puis estant escheu ce terme & espace d'annees, elle produit son engeance desia enuieillie en ses flancs: & c'est pourquoy l'Elephant a si grand corps, & qu'il ne peut estre surmonté par force aucune, & qu'il vit si longuement: car on dit que sa vie est esgale, voire surpasse celle que Hesiodé attribue aux Corneilles. Les machoires de l'Elephant sont tout ainsi que le chef d'un toreau, car si tu vois sa gueule tu penserois qu'il eust deux longues cornes en icelle, mais ce ne sont point cornes, mais des dents crochues aucunemét & mouffes, du milieu, desquelles sort la Proboscide qu'on appelle la main de ceste beste, ayant la forme & proportion d'une grande trompe, laquelle luy est de grand vsage es choses qui luy sont necessaires, d'autant qu'avec icelle il prend & viures & tout ce qu'on luy iette qui est bon a manger, que si c'est viande, de laquelle il aye coultume de manger, il la prend soudain & tournant sa Proboscide vers le menton il se met la viande dans la bouche: mais au contraire si la viande ne luy est propre, faisant comme un cercle de sa main, & trompe l'esleue en hault vers son dos & la dōne à son maistre: d'autant qu'il a un Ethiopien assis sur son dos qui luy sert de nouveau cheuauteur, lequel il flatte & le craint, & l'entéd fort bien quant il luy parle, voire souffre d'estre batu, assaouir avec une massue de fer, de laquelle son gouverneur vse au lieu d'un fouet. Il me souuient encor d'auoir veu un cas esmerueillable en cest animal: il y eut un homme Grec, lequel mit sa teste au droit de la gueule d'un Elephant, & soudain la beste ouurant sa bouche & soufflant alloit comme si elle eust flatté & caressé cest homme: en quoy ie m'estonnoye, & de la temeraire hardiesse de cest homme, & de la courtoisie de l'Elephant. Or nous disons ce Grec qu'il auoit salarié l'Elephāt de ceste grace, par laquelle il auoit humé, en l'haleine de ceste beste la souëfueté esgale à l'odeur des meilleures drogues qui viennent des Indes, par lequel sentiment & flairement il estoit guery d'un grand mal de teste: disoit en outre que l'Elephant n'ignoroit point ceste sienne vigueur, & c'estoit pourquoy il n'ouuroit point sa bouche sans auoir payement, lequel il vouloit auar la main, tout ainsi que font les medecins qui ont opinion de leur scauoir, & ayāt receu le salaire, il obeissoit, & vous rendoit la pareille ouurant & beant sa gueule, & attendant en ceste façon au plaisir de l'homme, cognoissant, c'est assaouir qu'il a vendu l'odeur de son haleine. Lors ie luy dis. D'où vient à une beste si lourde & si difforme une telle souëfueté d'haleine? De la viande, respond Charmides, de laquelle il se paist, & qui est propre a luy redre un si doux flairement. On scait que la region des Indes est voisine du Soleil, & que les Indiens sont ceux qui les premiers voyent le Soleil lors qu'il se leue, & sentent ses rays les plus chauds d'iceluy, tellement que aussi presque ils raportent la couleur de telle brusleure. Or a il en Grece une fleur qui a presque la couleur d'un Ethiopien, laquelle en Inde est une feuille, & nō point fleur, telles que sont les feuilles que nous voyons sur noz arbres. Or ceste fleur en Grece cele & cache son odeur & souëfueté, & pource aucun n'en tient compte, soit qu'elle aye moins de plaisir

de se glorifier de sa naïfueté parmy les siens , ou bien qu'elle ne vueille vser de sa faueur & rarité à l'endroit de ceux de son pays. Que si elle est vn peu transportee hors de son pays,& qu'elle passe les monts, elle monstre & descouure apertement sa soüefueté cachee,& se changeât de feuille en fleur, elle est remplie d'odeur douce & agreable. C'est la fleur des Indiens que nous appellons rose noire, de laquelle les Elephans se repaissent, tout ainsi que les bœufs à nous de bonne herbe. Ceste beste donc ainsi nourrie de sa petitesse & presque dès son laiët, elle flaire vn odeur mësme que ceste fleur, & rend vne haleine tres-soüefue & bien flairante dès le fond de ses entrailles, là ou gist la fontaine de sa respiration,& vie.

Au mësme liure il depeint le Crocodile ainsi.

Dans le Nilay-ie encore veu vn animal beaucoup plus farouche que n'est le Hippopotame ou cheual de riuïere:& s'appelle ceste bellue le Crocodile lequel a figure, & forme & de poisson, & de beste terrestre fort grande, à cause qu'elle a vn grand espace & longueur depuis la teste iusqu'à la queuë, mais sa largeur ne correspond point proportionnement avec la longueur. Sa peau est endurcie,& aspre pour ses fortes escailles, le dos semblable à vne pierre & tout noir de couleur, là ou il a le ventre blâchissant, & tendre, il a quatre pieds tournez comme tortues dehors tous tels que sont les pieds d'une tortue terrestre: sa queuë est longue, & grosse imitant la force & solidité de son corps. Il n'est point ainsi composé que les autres animaux, à cause qu'il n'a qu'un os, lequel est la fin de l'espine & ratelier,& de son doz,& de son derriere, ayant par le dessus certains esguillons aspres rudes,& qui piquent, estant bien dentelé, armé de fortes dents, & de sa queuë qui luy sert de foüet pour attraper, & prendre la proye qu'il chasse & poursuit. Car avec icelle il en frappe les bestes, contre lesquelles il s'attaque, & d'un seul coup il leur fait plusieurs blessures,& en diuers lieux. Il a la teste tellement iointe aux espaulieres, & de si droit fil qu'on n'y cognoist aucune difference à cause que nature tient son col couuert & caché. Et tout le reste du corps de ceste bellue est hideux, espouuantable, mësmeent lors, qu'il bransle ses maschoires, & qu'il n'ouure du tout sa gueule. Or tandis que ceste bellue ne bée,& n'ouure point sa grande gueule, vous ne voyez que son chef: mais quand elle defferme ce grand trou pour engloutir quelque proye on ne voit rien que ouuerture d'une gueule beante, & remuë seulement la maschoire de dessus, sans que celle d'embas aye mouuement quelconque. Mais ceste ouuerture est si grande qu'elle s'estend iusqu'aux espaulles, & tout le reste n'est que ventre, qui auoisint soudain ceste ouuerture. Le Crocodile a plusieurs dents, qui fortifient les vnes, les autres disposees par rang comme les pointes d'un peigne,& lesquelles (ainsi que l'on dit) si l'on vient à nombrer & compter, parfont le nombre esgal à celuy qui parfait l'an au nombre des iours illustrez par le Soleil. Et iäçoit que ceste bellue soit de grande force, si est-ce que si tu vois la masse pesante de son corps, alors qu'elle descend en terre, tu ne le sçauois iamais croire, ne penser.

Au

Au sixiesme liure.

La Calomnie, & la renommee sont deux maux, qui s'entresuiuent, & sont proches parens, comme estant la renommee fille de la Calomnie: laquelle est plus aiguë & poignante que glaiue tant soit il bien acéré, plus ardente que le feu, & plus atrayante, que ne furent onc les chants trompeurs des Seraines. La renommee court plus viste que les eaux, plus roide allantes, & est plus legere que le vent, & volage que le mesme vol des oiseaux. A ceste cause la parolle proferee calomnieusement s'en va comme vne sagette, & blesse celuy absent, contre lequel elle a esté elancee. Et celuy qui oyt faire ce recit y adioust foy, & s'aigrit violemment contre celuy qui a desia receu l'impression de ceste playe. Or le bruit engendré de tel trait, & blessure, s'espand soudain diuersement en plusieurs lieux, & guidé du vent de la parolle, vole par tout & souffle largement, s'escoulant par la langue dans les oreilles de tout le monde. Ces deux choses m'affaillent, & combattent à outrance, & s'estant avec leur infection saisies de ton ame, empeschent que ma parolle ne peut auoir place à l'endroit de ton ouye, ny estre receuë en ton esprit.

ACCVRSE MAYNER a escrit en Latin vne oraison ou harangue aux Venitiens pour le Roy de France contre Loys Sforce, laquelle i'ay veu translatee en François, écrite en main en la Bibliotheque de feu Messire Claude D'vrse, Cheualier de l'ordre, Capitaine des cent gentilhommes de la maison du Roy, & Gouverneur de Messieurs les Dauphins & enfans de France.

A D A M L E B O S S V.

Cestuy cy fut vn Trouuerre natif d'Arras, qui composa vn petit œuure intitulé Le Ieu. Il semble qu'ayant aimé les femmes, & se trouuant deceu d'une, il se fit clerc: car il dit,

Seignor sauez, porquoy i'ay mon habit changié,

I'ay esté ouec fame: Or reuois au clergié.

Voyez au liure que Claude Faulcher President a faict des noms & Sommaire des œuures de cent vingt-huict poëtes François, viuans auant l'an M. CCC. desquelles se sont trouuees quelques copies escrites à la main sur parchemin, & s'en sont perdues plusieurs autres par la negligence ou plustost mespris de ceux qui ont eu tels liures en leurs librairies. Mais affin qu'on sçache qui furent les Trouuerres, Chanterres, Iugleor & Jongleor, il ne sera impertinent que ie mette icy ce qu'iceluy President Faulcher en dit au chap. viij. de son Recueil de l'origine de la langue & Poësie François.

Or est-il certain que bien tost apres la diuision de ce grand Empire François en tant de petits Royaumes, Duchez & Comtez, au lieu de Poëtes commencerent à se faire cognoistre les Trouuerres & Chanterres, Conteurs & Jgleours: qui sont Trouueurs, Chantres, Conteurs, Jongleurs ou Iugleurs, c'est à dire, Menestriers chantans avec la viole. Les vns desquels composoyent, comme les Trouueurs, ou Conteurs: les autres chantoient les inuentions d'autrui, comme les Chanterres & Jgleours. Encores peut-on dire, que les Trouuerres faisoient & inuentoient les rymes, & les Conteur les prosés. Car y auoit Roman

a s rymé,

rymé, & Roman sans ryme. Ces Trouueurs donc & Chantres, ayans affaire l'un de l'autre s'accompagnoient volontiers. Et affin de rendre leurs inyentions & melodies plus plaifantes & agreables, venoient aux grandes assemblees & festins, d'ôner plaisir aux princes: ainsi que vous en trouuez exemple dans le Tournoyment d'Antichrist: qui est vn Roman composé au commencement du regne de sainct Louys: qui dit,

*Quand les tables ôstees furent,
Cil Iugleur en piés esturent,
S'ont vielles & harpes prises,
Chançons, sons, lais, vers & reprises,
Et de geste chanté nos ont.
Li escuyer Antechrist font
Le rebarder par grand deduit.*

Ce qu'anciennement ont fait les Poëtes Grecs, chantant les louâges des Dieux & des Roys, comme recite Herodote en la vie d'Homere: les œuures duquel ont esté ainsi chantees par les Cours & maisons des seigneurs piece à piece, qui a esté cause de les faire appeller Rhapsodies. Nos Trouuerres, ainsi que ceux-la, prenans leur subiect sur les faits des vaillans hommes (qu'ils appelloient Geste, venant de *gesta* Latin) alloient, comme j'ay dit, par les Cours resiouir les Princes, mellans quelquefois des Fabliaux: qui estoient comptes faicts à plaisir, ainsi que des nouvelles: des Soruantois, ou Seruantois aussi: esquels ils reprenoient les vices, ainsi qu'en des Satyres (combien que Fabri curé de Merai, dise que les Seruantois sont inuention de Picards, & parlent plus d'amour que d'autre chose) des chançons, lais, virelais, sonnets, ballades, traittans volontiers d'amours, & par fois à l'honneur de Dieu. Remportans de grandes recompenses des seigneurs, qui bien souuent leur donnoient iusques aux robes qu'ils auoient vestues: & lesquelles les Iugleurs ne failloient de porter aux autres Cours, affin d'inuiter les seigneurs à pareille liberalité. Ce qui a duré si longuement, qu'il me souuient auoir veu Martin Baraton (ia vieil menestrier d'Orleans) lequel aux festes & nopces batoit vn tabourin d'argent, semé de plaques aussi d'argent, grauees des armoiries de ceux à qui il auoit appris à danser. Le Fabliau de la Robe vermeille le dit tout ouuertement, quand la femme d'un VVauasseur le blasme de ce qu'il veut prendre en don vne robe.

*Bien doit estre VVavassor vis,
Qui vuet deuenir Menestriez,
Mieux vouldroy que fussez re
Sans aigue, la teste & coul,
Que ia ni remansit cheuouil:
S'appartient à ces longleours,
Et à ces autres Chanteours,
Qu'ils ayent de ces Cheualiers
Les robes, car c'est lor mestiers.*

Ces

Ces Trouuerres & Chanterres estoient ia en cours du temps de Henry 11. Empereur qui mourut l'an M. L V I. Car Vincent en son Miroir historial, dit, *locutores à curia sua remouit, & quæ his dari consueuerant pauperibus erogauit.* Mais leur grand' force (à mon aduis) fut enuiron le voyage de Ierusalem. Ce qui me le fait soupçonner, est qu'auparauant l'an M. x c v i. auquel dit voyage fut entrepris, presque tous les Princes d'Europe estoient nouueaux venus en leurs seigneuries. Car il n'y auoit guere plus de cent ans, que la famille de Hûe Capet tenoit le Royaume de France: celle de Normandie estoit passée en Angleterre depuis xxx. ans: & l'Empire alloit & venoit de Saxe en Suaue, & autres maisons d'Alemagne. L'Italie estoit sous plusieurs princes assez foibles: & encore plus l'Espagne meslée de Roys Chrestiens & Sarazins. De maniere qu'il n'y auoit pas grand acquest, ne suier, pour magnifier ces princes encorés petits. Mais les faits heroïques de Guillaume Bastard de Normandie, & de Robert Guischarde: puis des pelerins de Ierusalem conduits par Hugues le grand, Godfroy de Boulongne, & tant d'autres seigneurs & nobles François, firent croire (à tout le moins trouuer vray-semblable) les contes ia faits d'Artus, Charles le grand, & seigneur de sa Cour. Ce fut donc lors, à mon aduis, que les Trouuerres & Chanterres eurent plus grand moyen d'en conter. Aussi oyez-vous presque tous les Romans de ce temps-la, parler de Ierusalem, des Soudans d'Acre, de Coigne, Babylone, Damas, & autres totalement incogneus auant ce voyage. Car les Romans qui deuant parloient des faits de Charles le grand, ne font mention que des Amiraux, ou Roys de Toledé, Sarragoce, Siuille, Coimbre, lors seigneurs d'Espagne. Et par les histoires de Louys le Gros & Louys le ieune son fils, les auteurs, principalement les ecclesiastiques, commencerent à se plaindre de ces Jongleurs, plus que ceux qui ont escrit les vies des autres Roys precedents: soit qu'ils n'eussent pas tant de cours, ou qu'il n'y en eut encores gueres. Il y a grande apparence, que les Trouuerres firent bien leur profit en la Cour dudit Louys le ieune: lequel fut le premier Roy de sa maison, qui monstra dehors ses richesses allant en Ierusalem. Aussi la France commença de son temps à s'embellir de bastimens plus magnifiques: prendre plaisir aux pierreries, & autres delicatesses goustées en Leuant par luy, ou les seigneurs qui auoient ia fait ce voyage. De sorte qu'on peut dire qu'il a esté le premier tenant Cour de grand Roy: estant si magnifique, que sa femme dedaignant la simplicité de ses predecesseurs, luy fit esleuer vne sepulture d'argent, au lieu de pierre. Les victoires & prosperitez de Philippe Auguste son fils, en tirerent semblablement plusieurs en sa Cour, ainsi qu'il se voit par les Romans la plus part composez de son temps, ou de sainct Louys son petit fils: continuans quelque temps, iusques à ce que les bons Trouuerres venans à faillir, & les Jongleurs ne sçachans plus que conter de beau, lon se mocqua d'eux, comme ne disans rien qui valut. Et leurs contes estans mesprisez à cause des menteries trop euidentes, & lourdes: quand on vouloit parler de quelque chose folle & vaine, lon disoit, Ce n'est que Jonglerie: estant en fin Jongler ou Iangler, pris pour bourder & mentir.

A D A M D E L A P L A N C H E a traduit en François, Dialogue de Pultarque auteur Grec, auquel est monsté, que les bestes vsent de raison

raison. [Imprimé à Tolose 8° par Guion Boudcuille 1558.

A D A M D E L A V A L L E docteur en medecine a traduit de Grec en François la plus part des œuvres d'Oribase premier medecin de l'Empereur Iulian dict depuis l'Apostat la traduction desquelles n'ayant esté paracheuee pour estre iceluy preuenue de mort est demeuree entre les mains d'aucuns de ses amys qui la m'ont faict voir.

A D A M D E S A I N C T V I C T O R Parisien a escrit, Le grand Marial de la Mere de vie. [Imprimé à Paris 1537. Seconde partie du grand Marial de la Mere de vie translaté de Latin en François & diuisé par chapitres. [Impr. à Paris 4. par Thielman Viuian 1539. Aucuns attribuent ladite œuvre à vn nommé Raymond l'Hermite.

A D A M A N T S O P H I S T E auteur Grec. Phisyonomie d'Adamant &c. Voyez Iean le Bon.

A D O Archeuesque de Vienne, a escrit en Latin, le Breuiare ou abregé des chroniques, depuis le commencement du monde iusques à son temps assauoir au regne de Loys susnommé le simple, Roy de France, en l'an de nostre Seigneur Iesus-Christ 1353. Translaté en vieil langage François. Est escrit en parchemin en la librairie du Capitaine Sala à Lyon.

A D R I A N Auguste Empereur de Rome. Atercation de l'Empereur Adrian avec le Philosophe Epictete, traduite & commentee par Iean de Corras, comme se verra en son lieu.

A D R I A N v. de ce nom Pape, a escrit vne Epistre aux Princes d'Allemagne, par laquelle il les exhorte de viure tous en paix & concorde : mise de Latin en François par traducteur incertain. [Impr. à Lyon 16° par François Iuste 1536.

A D R I A N D' A M B O I S E Parisien a escrit, Holoferne Tragedie Sacree, extraicte de l'Histoire de Iudith. [Impr. à Paris 8° par Abel l'Angelier 1580.

En la mesme Tragedie.

*J'auroy plustost compté les feux au ciel clouez
Et le sable doré des hautes enrouez
Avec toutes les fleurs que le Printemps enfante
Et les flots quand la mer conçoit une tourmente,
Et les feuilles des boys, & les iaunes moissons
Et les fruits de l'Automne & les mornes glaçons
Que les maux &c.*

A D R I A N D E G A D O V, Seigneur de Saussay, de Thime-rais, pays Chartrain, a escrit en vers François,

Les Payfages contenant 19. Odes, dont la 7. est vn Dialogue du Papillon, & l'auteur. La Tourterelle. A la Caille. Au Lyerre. A l'Oliuier. Au Serpent. Aux grenouilles. A la plaine. Aux mouches à miel. Les fourmis. Le vêt. Plus, le Songe du Saussay : sur le trespas du sieur de la fontaine la Guion, Capitaine de cinquante

cinquante lances de sa maïesté. [Impr. à Paris 4 . par Gabriel Buon 1573.

La Marguerite, autrement la Jeunesse dudit auteur, contenant 39. Sonnets. Plus, l'Hermitage du mesme auteur, contenant 19. Sonnets. Reprehension notable pour ce temps de Veturie, dame Romaine à son fils Coriolan, tenant Rome assiegee. Autres Sonnets de l'auteur, faicts à Rome. [le tout Imp r. à Paris 4°. par Jean Mettrayer, & Mathurin Challenge 1574.

Aux Sonnets de l'Auteur, faicts à Rome.

*Rome, qui fus sans Rome, & sans ses habitans:
Habitans, qui de Rome auez fondé la place:
Place, dont à l'entour Rome accreut son espace:
Espace, où estoit Rome, & le monde en un temps,
En lieu d'auoir mes yeux satisfaits & contens
Qui tant ont desiré de vous, voir ceste grace:
Ne voyant plus de vous, qu'un peu d'ombre, & de trace,
Qui fustes autresfois terre & mer surmontans,
En lieu de rafraischir mon corps de tant de peines,
Que pour venir icy, i'ay eu par monts & plaines.
Mon cœur pour vostre estat est saisi de douleur,
Doubtant ainsi qu'à vous que ciuile discorde,
File pour mon pays une secrette corde,
Dont elle attache un iour, nostre ayse à nos malheurs.*

ADRIAN GEMELLI, docteur en Theologie, Grand Archediacre de Laon, a translaté de Latin en François,

Trois Opusculs de saint Augustin. Assauoir de l'estat de veufuage, de la maniere de prier Dieu, & la vie de sainte Monique mere dudit S. Augustin. [Impr. à Paris 4°. par Jean Petit 1517.

Il a pareillement translaté de Latin,

La Rethorique diuine de *Guillelmus Parisiensis Episcopus*, contenant 56. chapitres. [Impr. à Paris 8°. par Michel le Noir 1520.

ADRIAN DV HECQVET, Religieux de l'ordre des carmes, du conuent d'Arras, docteur en Theologie, vicaire du Prouincial, a escrit,

Le Chariot de l'Annee, fondé sur quatre roües, qui sont les quatre saisons de l'Annee, le Printéps, l'Esté, l'Automne, & l'Hyuer. Oeuure diuisee en quatre liures, contenant tant la propriété desdites quatre saisons, que des histoires & matieres de toutes les festes de l'an. [Impr. à Louain 12°. par Jean de VVinghe, 1555.

L'arrest des cœurs, Assauoir comment le vray Chrestien doit reposer en son Createur, & en luy s'arrester, avec aucuns Epigrammes, & traictez en ryme, & aucunes Epistres en prose. Item le Directoire de la simple personne. [Impr. en Anuers 16°. par Guillaume Simon 1557.

La forme de parfaicte penitence pour apprendre à soy bien confesser &
b mettre

mettre la conscience en bon estat. [Impr. en Anuers, & depuis à Lyon 16°. par Benoit Rigaud 1569.

Les enseignemens des parroisse, contenant familiares concions des Epistres & Euangiles de tous les Dimanches de l'an, avec les instructions spirituelles pour les Chrestiens prochains à la mort. Oeuure tres-vtile aux pasteurs des ames, diuisee en trois parties, & Impr. à Louain, & depuis à Lyon 16°. par Benoit Rigaud 1574.

L'ordinaire du vray Chrestien pour prier Dieu, & s'exercer en meditations salutaires. [Impr. à Paris 16°. par Nicolas Bonfons 1576.

Peripetasma argumentorum insignium, opus non minus elegans, quàm frugiferum, soluta oratione conscript. Authore Fratre Adriano Hecquetio, Atebatino Carmelita, Sacra Theologia professore. Excus. Louani in octauo, Apud Io. Bogardum, Anno Domini. 1564.

Eiusdem Miscellanea Dictorum & Epigrammatum. ibidem excusa.

Compendiosa expugnationum hareseos laus carmine. (Imprest. Parisijs in 16°. apud Ioannem Foucher 1545.

Scena rerum multarum inuersa, idque potissimum quantum ad corruptissimos quarundam mortalium mores attinet. partim soluta oratione, partim carmine. Authore F. Adriano Hecquetio. Antuerpia, apud Ioannem Bellerum 1557.

Enarrationes in omnia Quadragesima totius Euangelia, Opus non minus theologicum, quàm verbi euangelici disseminatoribus conducensissimum. Parisijs in 8°. apud Michaelem de Roigni, & Petr. l'Hullier 1570.

ADRIAN L'ALEMANT, docteur regent en la faculté de Medecine à Paris, a escrit en 16°. chapitres,

Traicté de l'origine, cause, signes preservation & curation de la peste. [Impr. à Paris 16°. par Jean Ruelle.

ADRIAN LEBIEVNE Medecin & Historien des estats d'Hollande, a escrit des Emblemes Latins, qui ont esté mis en vers François, par traducteur incertain. [Impr. à Anuers 16°. par Christh. Plantin 1567.

Le veiller est la vie des hommes. Embleme. v.

Veiller dessus le liure, & l'heure compasser.

Par la soigneuse estude est de toute la vie,

Qui fait oisiveté la meilleure partie,

L'oubly fait les oiseux pour iamaiz trespasser:

Du soigneux la memoire est tousiours immortelle.

Voy donc le liure ouuer, l'horloge & la chandelle.

Embleme xi.

Diane fut iadis contre l'or attachee,

En la ville de Tyr: là elle fut arrachee

Du dos de la victoire, en Athenes, & Mars

En Sparte, d'un gros fer eust la iambe saisie.

Chacun abuse ainsi de Dieu en toutes pars,

Le tirand & seruant selon sa fantasie.

Le doüaire d'une femme. Embleme xxi.

*La Spartienne Venus
Auoit les pieds retenus
D'un sep, dont elle estoit prise:
Vn beau voile luy cachoit
Les deux yeux, & si estoit
Dedans une chaire assise:
La chaste honte & l'amour
Ou Constance fait seiour:
Sied bien à la femme sage:
De soigneusement garder,
Elle doit bien regarder
Sa maison & son mesnage.*

ADRIAN LE ROY, a mis en musique à quatre parties douze Chançons spirituelles, dont la lettre est de Iean Antoine de Bayf. [Impr. par luy, 8°. à Paris 1562.

Il a escrit

Instruction de partir toute musique des huit diuers tons, en tabulature de Luth. [Impr. par ledit auteur. Plus,

Briefue & facile instruction pour apprendre la tabulature à bien accorder, cōduire, & disposer la main sur la Guiterne. [Impr. par le mesme, en l'an 1578.

ADRIAN SEVIN Secretaire du Seigneur de Gié, a traduit d'italien

Le Philocope de Iean Boccace, contenant l'Histoire de Flores & Blanche-fleur, diuisee en sept liures. [Impr. à Paris par Iean Loys, & par Robert le Maignier 16°. l'an 1575.

Phrases & sentences contenues au Philocope de Boccace.

On doit aymer chacune chose selon sa nature: Qui est celuy qui voudroit aymer la venimeuse cicue pour en tirer douceur?

Qui a le temps & l'attend, il le perd.

Le don faict subiect au donneur celuy qui le reçoit.

Il est meilleur bien desirer, que mal tenir.

Tout travail dont on attend gracieux repos est plus delectable, que le plaisir, par lequel l'ennuy est esperé.

Comme les paresseux cherchent les choses qui s'acquierent aysément, les sages tiennent plus delectables celles qu'on a avec peine & labeur.

Petit don vaut plus que grande promesse.

La gloire mondaine est pestilence de son hoste,

Qui chasse deux lieures, à grand peine en prend un,

b 2 Nulle

Nulle chose est plus souhaitée que l'impossible ou difficile d'avoir.

On le verroit plutôt rompre que ployer:

Il est comme celui qui nourrit curieusement le serpent en son sein, & en reçoit la première morsure.

Il faut user les viandes pour vivre, & non vivre pour user les viandes.

A D R I A N T V R N E B E, a écrit,

Contre le Soterique enseignant gratis. Traduit de son Latin. [Impr. à Paris 4°. sans nom d'Imprimeur.

Æ M A R H E N N E Q V I N, Evêque de Rennes, a écrit,

Catechisme pour instruire le peuple & la jeunesse en la religion catholique.

[Impr. à Paris 16°. par Pierre l'Huillier 1577.

Les confessions de S. Augustin Evêque d'Hippone en Afrique, traduites & paraphrasées de Latin en François, illustrées de sommaires des livres & chapitres, des cottes de l'Escriture Sainte difficiles, & qui sont en controverse.

Par Æmar Hennequin. [Imp. à Paris 8°. par Pierre l'Huillier 1582.

Æ M I L I V S P R O B V S.

Vies de plusieurs excellens capitaines Grecs &c. Voyez Bernard de Girard.

Æ N E E P L A T O N I Q U E.

Dialogue intitulé Theophraste, ou De l'immortalité de l'ame, & de la resurrection des corps, écrit en Grec & attribué à Ænec le sophiste, autrement dit Platonique, qui fut Chrestien, & mis en François. [Impr. à Paris 16°. par Jean Ruelle.

Æ N E E S Y L V I E, qui depuis fut Pape Pie second de ce nom. Voyez Albin des Auenelles. Antitus. Jean Millet. Jean Poldo.

Æ S O P E P H R I G I E N. Les Fables d'Æsopetranstlatées en François. [Impr. à Paris & à Lyon 4°. Gilles Corrozet, les a traduites en ryme. Les mêmes Fables avec la vie de l'auteur ont esté traduites aussi en prose, & meilleur langage, & imprimées 16°. par Antoine Vincent, Hugues Barbou, & Balthazar Amouillet.

A F R A N I V S Poète Comique Latin. Voyez les sentences des Poètes Lyriques & Comiques, Grecs & Latins, traduites en François.

A F R I C A I N D E M A L L Y Ballif de Dijon.

Ce sage & honneste gentilhomme fut enuoyé en ambassade avec le Cardinal du Bellay, & le Chancelier Oliuier, vers les Princes Electeurs, Seigneurs & estats du S. Empire tenans leur diete à Spire l'an 1543. Leur harangue écrite selon l'intention du Roy est impr. en Latin & en François à Paris 8°. par Robert Estienne.

A G A P E T. Enseignemens d'Agapetus, Evêque de Rome à Iustinian l'Empereur, pour gouverner vn Empire & royaume. [Impr. à Lyon 16°. par François Iuste, sans date.

A L A I N B O V C H A R D Aduocat en la court de Parlement à Paris, a écrit,

Les Croniques & Annales des pays d'Angleterre & Bretagne, cōtenants les
faicts

faicts & gestes des Roys & Princes, qui ont regné auf dicts pays, & choses dignes de memoire aduenues durant leurs regnes: despuis Brutus iusques au trespas de feu Duc de Bretagne, François second du nom. [Impr. à Paris 8°. par Galiot du Pré, l'an 1531.

ALAIN CHARRETIER Secretaire du Roy Charles vii. de ce nom, a escrit quelques œuures tant en prose qu'en ryme Françoisse. [Impr. en vn volume 8°. à Paris par Galiot du Pré l'an 1529.

Assauoir en Prose, le Curial, le Quadrilogue, la Genealogie des Roys de France, despuis S. Louys, & l'extinction du faux droict pretendu sur le royaume de France par les Anglois. Demandes & responce d'Amours. Et en ryme, Libelle de paix, le Breuiere des nobles, la dame sans mercy, complainte enuoyee aux dames par les poursuiuans. Le liure des quatre temps, l'hospital d'Amours, regret d'un amoureux, balades, le debat du gras & du maigre, Moral de raison, entendement & de l'acteur. Il a escrit aussi en prose,

Chroniques du Roy Charles vii. contenans les faicts & gestes dudit Sieur, lequel trouua son royaume en grand trouble, & neantmoins le laissa paisible. [Impr. à Paris en feuille par François Regnard 1528. Bernard de Girard en la preface de son histoire de France, appelle Alain Charretier excellent historien de son temps, qui a (dit-il) escrit toutes les choses, particularitez, ceremonies, mots, responce & circonstances qu'il a veüs ou sceüs. Gilles Corrozet, au recueil qu'il a faict des diuers & memorables propos des Nobles & Illustres hommes de la Chrestienté, dit que Marguerite fille du Roy d'Escoffe, & femme du Dauphin, qui fut despuis dit, le Roy Louys xi. passant quelquefois par dedäs vne salle où estoit endormy sur vn banc Alain Charretier, secretaire du Roy Charles vii. homme docte, Poëte & Orateur, elegant en la langue Françoisse, l'alla baiser en la bouche, en presence de sa compagnie. Et comme quelqu'un de ceux qui la cõduisoient luy eust dit: Madame, cela est trouué estrange que vous auez baisé homme si laid: elle respondit: Je n'ay pas baisé l'homme, mais la bouche, de laquelle sont yssus tant d'excellens propos, matieres graues & parolles elegantes. Par là elle vouloit inferer que les biens de l'esprit doiuent estre preferez à la beauté du corps. Aussi qu'en vaisseaux de basses estoifes, sont maintesfois enfermees les precieuses liqueurs.

ALAIN DES ISLES Alemant, a escrit en vers Elegiaques Leonins vn liure intitulé *Alanus de parabolis seu doctrinale*, qui a esté translaté en ryme Françoisse sous le tiltre suyuant,

Les paraboles de maistre Alain, estudiant en l'université de Paris, ausquelles sont compris plusieurs bons enseignemens profitables à vn chacun translatez de carmes Latins en ryme Françoisse, avec le Comment en prose. [Impr. à Paris 16°. par Pierre Sergent, sans datte. Je rapporteray icy vne de ses paraboles sans plus,

*Apparet fantasma viri: sed rursus ab illis
Vertitur in nihilum, quod fuit ante nihil.*

*Souuentes fois que l'homme songe,
Il luy semble en sa fantasie,*

b 3 Que

*Que c'est verité que son songe,
Et toutesfous c'est menterie:
Ainsi est de la Seigneurie
Des biens mondains. Premièrement
Ce n'est rien, & apres la vie
Retourne à rien semblablement.*

C'est celuy duquel se dit le proverbe *Sufficiat vobis vidisse Alanum*, dont l'origine est declaree en ma Prosopographie. Il a escrit plusieurs autres choses mentionnees en la Bibliotheque de Conrad Gesner, & viuoit en l'an 1300. du temps de l'Empereur Albert.

A L A I N D E L A R O C H E, Jacobin Aleman, a escrit en Latin, le Psautier nostre Dame, translaté en François. [Impr. à Paris 16°. par Jean Icannot sans datte. Il mourut l'an 1474. du temps de Pape Sixte 4.

A L B E R T Euesque de Ratisbone de l'ordre des Freres prescheurs, Sueue de nation sur-nommé le Grand a cause de la grande erudition, a escrit en Latin autant grand nombre de liures, que tout autre Docteur: dont le catalogue est en la Bibliotheque de Conrad Gesner. Ceux qui ont esté translatez en François sont,

Les Secrets d'Albert le Grand. [Impr. à Gand par Girard de Salenfon 1551. Voyez François de l'Arben.

A L B E R T B A B I N O T Poiteuim, a escrit, La Christiade, contenant plusieurs Sonnets Chrestiens: avec quelques Odes & Cantiques. [Impr. à Poitiers 8°. par Pierre & Jean Moynes 1560. Pour faire voir son stile, ie mettray icy vn de ses Sonnets.

*Qui veut de Dieu tous les secrets comprendre,
Ses saints conseils, sa haute maiesté,
Ses iugemens, l'exces de sa bonté,
Quand il a fait ça bas son fils descendre,
Qu'il vienne icy en vn crible entreprendre
Tarir la mer, conter l'infinité
Des flots enfléz par le vent irrité,
Ou mesurer la Phrigienne cendre.
Dira-il pas qu'il ny peut paruenir?
Et moins son foible esprit peut contenir
Du tout puissant l'infinie puissance:
Mais sa grandeur à l'œil nous apparoit
En Iesus-Christ qui tout seul le cognoit,
Et seul de luy nous donne cognoissance.*

A L B E R T D V R E R De Nuremberg peintre tres-excellent, a escrit en langage Aleman, quatre liures des Institutions Geometriques tres-vtiles à tous peintres

peintres, architectes, statuaires, tailleurs en pierre & en boys, & generalement à tous ceux qui vsent de compas, regle, plomb, & niueau. Translatez en Latin & despuis en François, mais la traduction François n'est Imprimée, & l'ay seulement veu écrite en main en la Librairie de feu Sieur de Mont-Justin à Lyon. Pour le regard des autres œuvres d'Albert Durer qui ont esté traduites & Imprimees. Voyez Louys Meigret.

ALBERT KRANTS.

Des Chroniques des Prouinces Septentrionales de cest autheur, François de Belleforest, a recueilly & traduit de Latin, quelques harangues militaires. [Impr. à Paris par Nicolas Chesneau.

ALBERT E. T. de Sisteron, (aucuns ont mis de Tarascon) estoit gentil-homme de Sisteron poëte Comique, bien estimé en sa poësie : fut hōme doux, & moderé, s'adonnant aux estudes, bien veu entre les dames, à l'honneur desquelles ne cessoit d'escire leurs louanges, fut amoureux de la Marquise de Malespine, qui estoit l'une des plus belles dames de Prouuēce, quelques excellentes & belles qu'elles fussent, surmontant en honneur & honnesteté toutes les autres dames de son temps. A la louange de laquelle il feit plusieurs belles chansons, & l'un & l'autre estoient tellement surpris, qu'ils ne s'en pouuoient eslongner. La Marquise luy enuoya secrettement de draps, de cheuaux, & d'argent, (car c'estoit le plus hōneste présent qu'on pouuoit faire de ce temps aux personnes de vertu) avec lettres, le priant qu'il se voulust deporter de cest amour iusques à quelque temps, ce qu'il feit, mais auant que ce faire il luy enuoya vne chanson en forme de dialogue introduisant luy & la Marquise, qui se commence,

Deportas vous Amy d'aquest amour per aras.

Et en vne couple il dit ainsi,

Mau comma faray yeu (diz ieu) mas Amours karas

My poder desportar d'aquest affection?

Car certas yeu endury en esta passion.

Per vous ingratament, mantas douleurs amaras.

Et depuis on ne sceut qu'il deuint : le Monge des Isles d'Or, dit, qu'il mourut de douleur à Tarascon, & qu'il bailla ses chansons à vn sien amy & familier nommé *Peyre de Valieras, ou de Valernas*, pour en faire vn present à la Marquise, & qu'au lieu de ce faire il les vedit à Fabre d'Vzes poëte Lirique, se faisant ouyr qu'il les auoit dictées & composees, mais ayant esté recognees par plusieurs sa-uants hōmes, au rapport qu'en feit ledict de Valieras, le Fabre d'Vzes fut pris & fouëté pour auoir iniustement vsurpé le labeur & œuvre de ce poëte tant renômé, suyuant la loy des Empereurs. Hugues de saint Cezari dit qu'il estoit de Tarascon, & son compaignon aussi, qui estoit vn grand vanteur, & qu'il feit plusieurs chansons à la louage de ces trois Princesses, la Marquise de Malespine, la Comtesse de Prouuēce, & la Marquise de Saluces, qui estoient ordinairement ensemble, dames de ce temps, parangon de toute vertu, que fut environ lors que Philippes le Bel Roy de France, donna & ceda sa part d'Auignon à Charles 2. du nom Roy de Sicile & Comte de Prouuēce, fils de Charles

premier, duquel temps il fut entierement seigneur de tout Auignon, que fut en l'an 1290. l'ay leu en vn vieux liure, que cest Albertet estoit des Marquis de Malespine, qui est vne tres-ancienne & tres-noble famille d'Italie. Le Monge des Isles d'Or, dit, qu'il a faict vn liure intitulé *Lou Pertrach de Venus*, & d'œuvre en mathematique, qu'il adressa à ces trois Princeſſe. Pris de Iean de Noſtre Dame.

ALBIN DES AVENELLES Chanoine de l'Eglise de Soyſſon, a eſcrit quelques opuscles en ryme Françoisſe assauoir,

La Clef d'Amour, les sept Arts liberaux d'amour, Declaration morale de l'amant, renonçant à folle amour. Il a translaté aussi en ryme,

Le Remede d'amour, composé premierement en Latin par Aeneas Syluius qui fut Pape Pie 2. Ensemble la Complainte & Repentance dudit Syluius sur la description par luy faicte des amours d'Eurialus & Lucrece. Le tout imprimé à Paris, 8°. avec l'Opuscle d'Ouide de l'Art d'aymer, par Estienne Groulleau 1548.

Au remede d'amour.

*L'homme & la femme ainsi conioincts ensemble,
Au charnel acte, & en mortelle guerre
Sont comparez à deux vaisseaux de terre,
Qui ne se font qu'heurter & corrompre,
Casser, froisser & ensemble desrompre,
Tant que tout soit iusqu'à neant reduit.*

En la complainte sur la description des amours d'Eurialus.

*Vous deuez croire à ma sage viellesse
Beaucoup plus-toſt qu'à ma folle ieunesse
Et ſi deuez le pontife de Rome
Plus eſtimer: qu'un autre priué homme,
Fettez Enee, & Pie receuez,
Ce nom payen me fut comme ſçaez,
Par mes parens à moy gentil donné,
Et le Chreſtien m'a eſté ordonné
Quand ie receus la grace Apoſtolique.
Si vous liſez donc l'hiſtoire lubrique
Des deux amans Eurial & Lucrece:
Que i'ay eſcrit en ma folle ieunesse &c.*

ALCABICE.

Traicté d'Alcabice, touchant les coniunctions des planettes en chacun des 12. ſignes, & de leurs pronostications & reuolution d'années, traduit par Oronce Finé. [Impr. à Paris 8°.

ALCINOË.

Le liure

Le liure d'Alcinous de la doctrine de Platon, a esté traduit en François sous le nom d'une Damoiselle, & m'a l'on assuré qu'il a esté imprimé à Paris, toutes-fois ie ne l'ay point encores veu.

A L C M A N Poëte Lyrique Grec.

Les sentences de ce Poëte sont traduites en François, & imprimées au volume, intitulé Les sentences illustres des Poëtes Lyriques, Comiques, & autres Grecs & Latins: Ensemble les vies d'iceux, mises en François par G. L. D. T. [Impr. à Paris 16°. Par Michel Iulian 1580.

A L C V I N precepteur de l'Empereur Charlemagne, a écrit un liure de vers moraux en Latin non mesurez par pieds, comme sont ceux des Poëtes Latins: mais rymez à la François. Et combien qu'il ne soit en François, neantmoins parce qu'il est ancien & rare, ie n'en ay veu qu'un, écrit en main en la librairie du feu sieur de Milliau, de la Maison d'Alegré, ie l'ay bien voulu mettre en ceste Bibliotheque.

A L E M A N L A Y O L L E Musicien & Organiste à Lyon, a mis en musique à quatre parties,

Chançons & voix de ville. A Lyon par Simon Gorlier 1561.

A L E X A N D R E A P H R O D I S E E.

Problemes. Voyez Mathurin Heret.

A L E X A N D R E D Y O N I S E, maistre chirurgien & barbier à Vendosme, a écrit,

Traicté & responce sur la question proposée par d'Angaron & Martel, chirurgiens du Roy de Navarre & décidée par Laurens Ioubert, docteur en médecine. Assavoir si avec la seule eau froide & simple on peut guerir tant les playes des harquebusades qu'autres. [Impr. à Paris 8°. par Jean Parent 1581.

A L E X A N D R E G V I B E R T Esleu pour le Roy à Orleans, a écrit,

Traicté familier pour toiser, mesurer, & exactemēt calculer toute massonnerie, tant en carré & superficie, que cube & massiue, comme aussi les plattes formes turcies & leuees de riuieres, fossez & vuydanges de terres. [Impr. à Paris 8°. par Charles Macé 1580.

A L E X A N D R E D E P A R I S. Voyez Lambert Li Cors.

A L E X A N D R E P I C C O L O M I N I. Voyez Jacques Goupil, Pierre de la Riuey. A S. André.

A L E X A N D R E D E L A T O V R R E T E President des Generaux des monnoyes de France, a écrit, Discours des admirables vertus de l'or potable, auquel sont traictés les principaux fondemens de la médecine, l'origine & cause de toutes maladies, & quels sont les medicamens plus propres à leur guérison, & à la conseruation de la santé humaine, avec une apologie de la tres-vtile science d'alchimie tant cōtre ceux qui le blasme que aussi cōtre les faussaires, larrōs & trōpeurs, qui en abusent. [Impr. à Lyon 8°. par Pierre Roussin, & depuis à Paris par Jean de l'Astre 1579. Jacques Gohory a écrit contre ce discours, comme vous pourrez voir au catalogue de ses œuvres.

A L E X A N D R E T R A L L I A N. Voyez Sebastien Colin.

b s ALEX

ALEXANDRE VANDENBVSCHÉ, Flandrois, dit le Syluain, a écrit
Poëmes & Anagrammes, composez des lettres du nom du Roy & des Roynes, ensemble de plusieurs Princes, Gentil-hommes & Dames de France. [Impr. à Paris 4°. par Guillaume Iulian 1576. *Les Anagrammes du Roy Henry de Valoys y sont tels: De lis ay hōneur. Heur s'ayde loin. Il ayde son heur. Roy es de nul hay. Et ceux de la Roynie son épouse Loyse de l'Orraine, Rend à soy le Roy. Rendez loy royale. De loyales Roynie. L. fera Roynie de loy. De lys royal ornee. Ayes l'ordre en loy.*

La description du dernier iour, avec le iugement de Dieu, selon l'Euangile & les propheties, en vers Alexandrins. [Impr. à Paris 8°. par Nicolas Bonfons 1575.

Il a écrit aussi en prose Françoisé,

Arithmetique militaire, déparée en deux liures, où à la fin du second sont contenus plusieurs aduertissemens, conseils & sentences militaires des antiques & modernes. [Impr. à Paris 4°. par Gilles Gourbin 1572.

Procez tragiques, contenant 55. histoires, avec les accusations, demandes & deffences d'icelles. [Impr. à Paris 16°. par Nicolas Bonfons 1575.

Recueil des Dames illustres en vertu, ensemble vn Dialogue de l'amour honneste. [Impr. à Paris 16°. par Nicolas Bonfons 1576.

Epitomes de cent histoires tragiques, partie extraictes des actes des Romains, & autres de l'inuention de l'auteur, avec les demandes, accusations & deffences sur la matiere d'icelles: Ensemble quelques Poëmes, le tout par ledit Syluain. [Impr. à Paris 8°. par Nicolas Bonfons 1581.

Cinquante Ænigmes en autant de sonnetz, avec les expositions d'icelles. [Impr. à Paris 8°. par Gilles Beys 1582. [I'en transcriray icy trois.

Ænigme 17.

*Trois qui iamais ne furent d'un accord
Grands biens & maux font paroistre en ce monde,
Dont le premier qui de simpleesse abonde
Pour cest effect se laisse mettre à mort.
Mesme au second on fait semblable tort,
Ou pour le moins rudement on le sonde,
Pour luy oster vne chose assez ronde,
Laquelle estoit son ayde & son support.
Le tiers y pert par fois de son labeur:
Ce quemoins vaut & laisse le meilleur,
Pour sustenter la creature humaine.
Depuis long temps sont employez ainsi,
Pour mettre au monde enuuy peine & soucy.
Qui sont ceux-cy qui ont & donnent peine?*
Ces trois sont le Mouton ou l'Aigneau, l'Oye, & l'Abeille, par lesquels se fait bien

bien & mal à cause des proces: car l'un produit le parchemin, que l'on fait de sa peau, l'autre les plumes pour escrire dessus, & l'abeille produit la cyre, où s'imprime le sceël, & laisse le miel pour nourriture de l'homme.

Æ N I G M E 21.

*Declarez moy quelle est la chose,
Que vous portez, mais d'ire iose,
Que l'usage en est plus à nous,
Que iamaïs il ne fut à vous:
A vostre naissance ne l'eustes:
Mais un temps apres la receutes,
Encore apres vostre trespass,
L'aurez, qui n'est estrange cas.*

C'est le nom que les Chrestiens reçoivent, au baptesme, & les Iuifz, Turqs, Mores à la circoncision, sans lequel ils n'asquirent: ceux qui parlent d'eux, ou à eux, vsent plus de leur nom, qu'ils ne font eux mesmes: mesmes souuent apres la mort d'iceux, aussi le nom demeure sur les sepultures, és testamens, & autres contrats.

Æ N I G M E 22.

*Veluë suis, bossue, & fort pesante:
Mais toutesfois encor ay-ie cest heur,
Qu'un mary i'ay, qui en toute grandeur,
Tout autre excède avec beauté plus plaisante:
Car sa face est splendide & reluisante,
Tant que chacun attend de luy bon heur,
De l'univers il est le vray honneur,
Sa puissance est apres Dieu tres-puissante.
Il a deux yeux, qui font les hommes voir,
Sans me conioindre à luy puis concevoir:
Tresbeaux enfans, venans de sa semence,
Desquels aucuns vivent plus de cent ans.
Autres sont morts deuant que d'estre grands,
Nous sommes grands plus que l'homme ne pense.*

C'est la Terre qui est veluë, à cause des herbes, qui sont son poil, & bossue à cause des montagnes: & le ciel est son mary, qui se remuant sur elle, y iette sa semence, qui est la pluye. Le Soleil & la Lune sont les deux yeux du ciel: les enfans de la terre sont les bleds, les fruiëts, & les arbres.

A L E X I S Poëte Comique Grec, nepveu de Menander. Voyez les sentences illustres des Poëtes Lyriques, & Comiques, Grecs, traduites en François, par G. L. D. T. ensemble la vie dudit Alexis. [Impr. à Paris 16°. par Michel Iulian 1580.

ALEXIS

ALEXIS. Piemontois.

Secrets du sieur Alexis, Piemontois, diuisez en six liures, & augmentez d'un liure de distillations. Reduits en lieux cōmuns, & traduits, d'Italien en François. [Impr. à Lyon 16°. par Guillaume Rouille, en Anuers par Christoffe Plantin 1557, & à Paris 8°. par Martin le Jeune 1564. Et encores à Lyon par Louys Cloquemin 1572.

ALOISIVS LIPOMANVS. Voyez les vies de plusieurs saincts, qu'il a escrit, cōtenues aux Tomes de l'Histoire de la vie & mort d'iceux, traduites en François, & impr. à Paris par Chesneau. Voyez aussi Gabriel du Preau.

ALONSE DE MADRIC. Traicté intitulé, l'Art de seruir Dieu, composé par frere Alonse de Madric, de l'ordre de S. François, translaté de Castillan en François. [Impr. à Tholose 16°. par Guyon Boudeuille 1555.

ALPHONSE D'ELBENE, Abbé de Haute combe, a escrit en vers François,

Prosopoece d'Adrian Turnebe à sa femme, imitation de Properce. [Impr. avec le tombeau dudit Turnebe, fait par diuers Poëtes, à Paris par Federic Morel 1565.

Il a pareillement escrit vn Poëme en langage Sauoy sien, intitulé Amedeide, non pris d'Amedeus, Comte de Sauoye. Non imprimé.

ALPHONSE FERRIER. Voyez Nicolas Michel.

ALPHONSE DE PORTVGAL, Grand Maistre des cheualiers de S. Iean de Hierusalem à Rhodes.

Voyez ses constitutions & establissemens au liure de l'ordre desdits cheualiers, translaté en François, & imprimé l'an 1499. f°.

ALPHONSE DVLLOA. Voyez François de Belleforest.

AMADIS IAMIN, Secretaire de la chambre du Roy, l'un des bons Poëtes François de nostre aage, a si bien ensuiuy le stile de Ronsard en la pluspart de ses poësies, qu'on iugeroit presque Ronsard en estre l'auteur, & a mis en lumiere ses œuures, diuisees en cinq liures, impr. à Paris 4°. par Mamert Patisson & 12°. par le mesme l'an 1577. lesquelles contiennent les choses qui s'ensuiuent: Assauoir, Stanfes sur le mariage du Roy. De la liberalité. Trois Sonnets pour le iour de sainte Catherine, en faueur de la Royne mere du Roy. Que prier Dieu, est œuvre necessaire à vn vray Chrestien, à la Royne mere, regente apres la mort du Roy Charles, 1^x. Hercule defenseur des Muses, à Monsieur. Epithalame du Roy Charles 1^x. & d'Elisabet d'Autriche. Sur la naissance de Marguerite de France Royne de Nauarre. Pour le Roy & la Royne de Nauarre, vers imitez de Dorat. Cantique de la victoire de Montcōtout. Ode sur vn present, enuoyé à sa majesté en Pologne. Epistre enuoyee par la Royne mere au Roy de Pologne son fils. Discours sur le moys de Ianuier. Hymne enuoyé par la Royne mere à Monsieur Duc d'Anjou, son fils. Sur la naissance de Madame fille au Roy Charles 1^x. Ode des estoilles. Ode sur l'eloquence du Roy Charles. Stances pour le triomphe, gagné au temple de gloire. Cartel pour trois cheualiers, transmueez en femmes. Ode au Roy Charles 1^x. sur sa forge. Ode contre la guerre ciuile. Poëme de la chasse. Oriane, second liure contenant

Elegies,

Elegies, Odes, Sonnets, Chansons, & vn Dialogue. Calliree troisieme liure contenant Sonnets, Chansons, Odes, Elegies, assauoir De la Volte, de l'Androgine figuré par les dâses des voltes. Artemis 4. liures cōtenans Sonnets, Elegies, Chansons, Stances. Meslanges cinquiesme liure contenant Odes, Elegies, Sonnets, Epigrammes, Epistres, Stances, Chansons, Epithalames, Epitaphes, d'entre lesquelles meslanges les principales sont: Le Mysogame, ou qui hayt le mariage. Le songe d'un pescheur. Metamorphose des paisans Lyciens. Les amours de Pyrame & de Tyrbé. L'Oranger.

Il a traduit aussi de Grec en vers François,

Les 13. derniers liures de l'Iliade d'Homere Prince des Poëtes Grecs, & a reueu & corrigé les onze premiers que Salel auoit traduit, tous les vingt-quatre imprimez ensemble à Paris 12°. par Lucas Breyer, l'an 1580. Et a commencé l'Odyssée par les trois premiers liures qu'il a tournez de Grec, & mis certaines notes sur les principales matieres: & promet continuer le reste, & paracheuer, [Impr. à Paris 4°. par Abel l'Angelier 1582.

Au Discours de la Liberalité.

*Rien ne vaut tant que les dons gracieux:
Mesmes ils sont agreables aux Dieux,
A qui nos biens ne sont point necessaires,
Et si par là s'appaisent leurs coleres.
Toujours de rien ne s'engendre qu'un rien,
Toujours d'un bien il en renaist du bien.
Iamais les Roys prodigues ne se nomment,
Car leurs moyens iamais ne se consomment
Pour en despandre ou donner l'argement:
Leur reuenus s'estent infiniment,
Et n'est facile en excez de despence.
De surpasser leur royale puissance,
Mesme le nom de liberal n'est point
Propre des Roys: Magnifique est conioint,
A leur estat, en signe que leur estre
Ne doit iamais sinon grand apparoir.*

Et vn peu plus bas.

*Cyrus ayant la mort dessus la teste,
Dit à son filz: Vn sceptre bien d'oré
Ne donne aux Roys vn Royaume asseuré:
Mais des amis la fidelle assistance
D'une couronne est la seure defence.
Il te les faut acquerir par bien-faictz:*

c Ce

Ce point n'est pas des choses naturelles,
 Que tous humains puissent naistre fideles.
 Comme une source espanchant un ruisseau,
 Plus elle iette, & tant plus le vaisseau,
 De la fontaine, enceinte de verdure,
 Est tousiours plein d'une onde viue & pure:
 Tels sont les Roys. Ne voyons nous la mer,
 Où toutes eaux se viennent abysmer?
 Bien qu'elle enuoye aux nations diuerses
 De ça de là par legeres traueses,
 L'humide cours de ses fleuves connus,
 Pour arroser les riuages cornus,
 Et par les champs fournir de nourriture,
 De ses bouillons, pourtant l'horrible enfleure
 Ne decroit point, & ses flots & reflots
 Courent enflex, en tout temps sans repos:
 Ainsi les Roys ont des biens innombrables
 Qui pour donner ne se font espuisables:
 Car s'il en pleut desus le genre humain
 Par circuit tout revient en leur main.

En l'Hercule defenseur des muses, à Monsieur.

Toute vertu se nourrit de louange:
 Si quelcun est de l'honneur desirieux,
 Il est aussi des vertus amoureux:
 Et vertueux n'est celuy qui mesprise
 Le los qui vient d'une ame bien apprise.

Et vn peu apres.

Heureux le Prince illustre, & magnanime,
 Qui la vertu, qui le sçavoir estime,
 Qui comme Hercule en est le defenseur,
 Qui chasse d'eux tout importun malheur,
 Qui les elit & les met à leur aise:
 Tel Prince vault que ses faits on ne taise.
 Tel fut Traian sage Empereur Romain,
 Qui soustenoit de libérale main
 Les bons esprits poussez, d'ame diuine,
 Rendant son siecle amoureux de doctrine.
 Tel fut Cesar, cest Auguste fut tel

Dont

Dont le renom est encor immortel,
 Par l' *Aeneïde*, ouvrage difficile,
 Qui en son honneur inuenta son *Virgile*.
 Jamais *Aenee* avec son camp *Troïen*
 N'eust esté Roy du camp *Lavinien*:
 Il n'eust iamaïs pres du lac de *Iuturne*,
 D'un fer de lance osté la vie à *Turne*:
 Si les bien-faicts d' *Auguste* l' *Empereur*
 N'eussent enscé de *Virgile* le cœur,
 Poussant son ame en haute fantaisie:
 De là sortit sa riche poésie.

En la louange d'amour.

Au monde il n'y a rien qui plus que l'amour serue,
 S'il a faict l'univers, de mesme il le conserue:
 Il donne à tous viuans ceste inclination,
 De se rendre immortel par succès de lignee,
 Toute chose en son lieu par luy est assignee:
 Seul il est le soustien de generation.
 Amour de tout plaisir, & bon-heur est la plante,
 Il faict que loin de nous toute laydeur s'absente.
 Il faict que l'imparfaict vient à perfection:
 En lieu d'une ame sombre & trainante & oisue,
 Il agite noz cœurs de flamme prompte & viue,
 Afin que la vertu soit mise en action:
 Comme tout est conduit par sa bonté diuine:
 Les Cieux l'Air, & la Terre, & l'ondeuse marine,
 N'ont rien, qui n'obeisse à sa diuinité.
 Par luy en son entier toute essence demeure,
 Et rien ne meurt iamaïs qu'amour en luy ne meure:
 Car la haine destruiet ce qu'il a enfanté.
 C'est le maistre artisan, qui tous les arts inuente,
 C'est le sage Demon, qui tout bien nous presente:
 Les Monarques heureux par luy sont obeis,
 Il police les mœurs des peuples & des villes,
 Empeschant de tomber en querelles ciuiles,
 Et faict que d'un grād cœur on meurt pour son païs.

En l'Elegie de la volte.

Comme l'esté de flammes allumé,

c a

Et

Et le soleil de rayons tout armé,
 Frappans à plomb les terres alterées,
 Vont esleuant les humeurs attirées,
 Et font subtile une grosse vapeur,
 Dont s'allegit sa moyte pesanteur.
 Ainsi l'amour au ciel m'attire l'ame,
 M'evaporant par sa gentille flame,
 Tout l'imparfaict du terrestre fardeau:
 Il fait mon corps leger comme un oiseau,
 Et de la terre il desrobe ma plante,
 Me soulevant de son aile volante:
 Je vole en l'air, transporté de plaisir,
 Pour toy mon cœur, mon sang, & mon desir.
 Ha! que ie sens l'effect de son essence,
 Quand aux flambeaux la Prouençale danse,
 Me fait iouir de son cœur embrasé,
 Flanc contre flanc pres du mien enlacé:
 Je porte au dos des ailes incognues:
 Qu'amour m'attache, & voste dans les nuës,
 Mille flambeaux en quarre sous ardans,
 Vont à l'envy, la volte regardans,
 Et du grand feu qui brusle mon courage,
 Font esclairer leurs lampes d'auantage.

Et vn peu apres.

Donc en dançant i'ay le corps si leger,
 Que loin de terre au ciel i'iroy loger,
 Aigle d'amour, tant ma force amoureuse
 N'est point vulgaire, ains haute & genereuse,
 Si ta beauté me suiuiroit parmy l'air:
 Mais tout soudain mon vol se vient caler,
 Et retombant mes ailes ie refferre,
 Voyant ton pied demeurer sur la terre,
 Qui toutes-fois, leger ne cede en rien,
 A ce que dit le vers Virgilien,
 De la guerriere & superbe Camille,
 Qui sur les blez avec sa plante agile,
 Eust peu courir sans les espics toucher,
 Et sur la mer sans l'attaindre, marcher.

En

En vne Elegie.

Qui veut donner au mal sa guérison,
 Soit pour le corps ou soit pour la raison,
 Doit en premier la cause reconnoistre,
 Puis la chasser, affin qu'il soit le maistre,
 Dessus le mal-ficieux, & vehement,
 Vne santé ne reuient autrement,
 Quand ou le corps ou l'ame est tourmentee,
 L'effect se perd, quand la cause est ostee.

Au discours pour deffendre l'Inconstance.

La mort de vieille amour fait naistre vne nouuelle,
 Ainsi tout ce qui vit au monde renouelle,
 Sans que rien soit perdu: les choses seulement
 Changent de place & forme, & file à file coulent
 Ainsi que les ruisseaux des grands fleuves s'escoulent:
 Vne onde hastant l'autre en l'humide element.

Et vn peu apres.

Mais encor nulle amour ne se verra si forte,
 Que la longueur du temps à la fin ne l'emporte:
 Tout passe, & le passé perd à nous sa saison.
 L'Inconstance est constante, & le Soleil qui tourne
 Sans cesse au Zodiac, en un lieu ne s'esourne,
 Ains repasse & reuient de maison en maison.

Au Mysogame.

La femme est vne mer, & le mary Nacher,
 Qui va mille perils sur les undes chercher,
 Et celuy qui deux fois se plonge au mariage,
 Endure par deux fois le peril du naufrage.

Là melme, & apres.

Que vous estes heureux, Chartreux, qui consommez
 Loin des femmes vos ans en vn cloistre enfermez,
 Qui ne les voulez voir, & relaez la place,
 Comme contaminee, où leur allure passe:
 Si vous ne goustez point les plaisirs de Venus,
 Aussi vous sont les pleurs & soucys incogneus,
 Qu'on souffre en mariage, & n'avez à toute heure
 Vn malheur au costé, qui pendu vous demeure;

Cinquante & soixante ans: Et toutesfois afin
 Que nostre genre humain ne prenne entiere fin,
 Ains l'un succede à l'autre, il faut qu'on se marie.

D'une amante infortunée.

Qui suit d'Amour les traverses douteuses,
 Il est pendu dessus les eaux venteuses,
 Comme un Nacher, dont la nef balancant
 Va haut & bas, sur l'onde s'elancant.
 Tantost l'effroy d'une noire tempeste
 Tourne sur luy pour saccager sa teste.
 Tantost le vent l'attache à un rocher,
 Tantost le fait pres du bœux approcher:
 Puis tout soudain en arriere le pousse,
 Suiet au flot qui s'enste & se courrouce,
 Qui met sa nef dessus les vistes flots,
 D'amour douteux ignorant de repos.
 Court tout de mesme une estrange fortune,
 (Qui haut qui bas) au gré de son Neptune.

Au 13. liure de l'Iliade d'Homere.

--- En l'embusche on cognoist,

Celuy qui vaillant homme, on couard apparoit.
 La face du couard en cent couleurs se tourne,
 Son esprit n'est constant, son ame ne sejourne,
 Il chancelle des pieds en forme d'un boiteux,
 Il va tout de biais, & semble tout douteux,
 Le cœur luy bat bien fort, & tremble en sa poitrine
 Comme il pense à la mort qui par les champs chemine,
 En ses tremblantes dents un craquetis se fait.
 Or l'homme valeureux de couleur n'est defaict,
 Il ne fremit de crainte, ayant choisi sa place,
 Ains souhaite en l'embusche avec ioyeuse face
 Se mesler au combat.

Au 14. liure. Comparaison.

--- Quand Boré contre terre,

Pousse les flots esmeus d'un aspre soufflement,
 Qui c'en-dessus desoubz, iusques au fondement,
 Verse vague sur vague, adonc la mer onduise:

D'un

*D'un si grand cry ne muge à sa riue escumense.
 Vn si grand bruit ne fait le brasier petillant,
 Qui dans le val d'un mont va la forest pillant,
 Et craquete en son feu d'un enroué murmure:
 Nyle vent qui forcene en l'espaïsse verdure
 Des chesnes haut fueillus ne meine un si grand bruit,
 Quand plus il se courrouce, & les forests destruit,
 Fremissant & sifflant: Telle s'ouït horrible
 La voix de ces deux camps, qui au combat terrible
 Se vindrent eslancer: Hector cheualeureux
 Tira tout le premier sur Aïax genereux.*

Au 17. liure.

*Alors qu'un homme veut brasser quelque entreprise,
 Et combattre celui qu'un Dieu honnore ou prise,
 Il combat le Demon, & quelque grand malheur
 Se roulant dessus luy, le charge de douleur.*

SAINT AMBROISE.

Traicté de S. Ambroise, Euesque de Mylan, Du bien de la mort. [Impr. à Paris par Alain Lotrian.

La vie de S. Agricole & S. Vital Martyrs, prise de l'exhortation de S. Ambroise, aux vierges. [Impr. au 3. Tome de l'Histoire de la vie, & mort des Saints, mise en François.

AMBROISE CALEPIN. Voyez André des Morgues.

AMBROISE CARON a escrit,

Aduertissement à tous Chrestiens a se garder & deffendre des surprises de Sathan: & la deliurance de ceux qui en estoient saisis par cōiuration faicte contre luy. [Impr. à Paris 8°. par Michel Buffet l'an 1570.

AMBROISE CATHARIN.

Traicté de frere Ambroise Catharin de Siene, de l'ordre des freres prescheurs, docteur en Theologie, aux amateurs de la verité: contre les erreurs & deceptions Lutheriennes, cōtenues en vn petit liure sans nom de l'auteur, intitulé, Du benefice de Iesus-Christ. Ledict traicté de Catharin traduit d'Italien, & imprimé à Paris par 1548.

AMBROISE PARE natif de la Val au Maine premier chirurgien du Roy, s'est pené & traouillé plus de quarante ans à l'esclaircissement & perfection de la Chirurgie, & voyant que bien peu de liures de cest art composez par les Græcs, Latins & Arabes estoient traduits en François, a escrit en langage vulgaire de sa natiō, vne fort belle œuure, concernant la Chirurgie, dont l'ordre qu'il a obserué est, qu'il la diuisé en vingt six liures, & parti chacun d'iceux en chapitres. En premier lieu selon le precepte du Philosophe, il met la definition de chacune chose traictee, puis les differences en icelle considerees,

6 4 les

les signes, causes, prognostiques: & apres ce la cure generale, puis la particuliere, avec les instrumens propres pour la curation de quelque maladie que ce soit: parties desquelles est de son inuention, & le reste tiré de l'antiquité, ainsi qu'il en a usé es figures de l'anatomie: la plus part desquelles il a emprunté d'André Vesal, homme rare, & le premier de son siècle en ceste partie de medicine, en laquelle de plusieurs tant anciens que modernes qui en ont escrit, nul d'eux n'a gardé l'ordre ny suiuy la methode avec telle facilité, que Paré a fait en ses escrits, qui contiennent premieremēt vne preface de l'inuention & excellence de la medecine & chirurgie: plus, vne voye pour paruenir à la vraye cognoissance de chirurgie. Plus introduction, & vint six liures, diuisez par chapitres, dont le premier qui contient 25. chapitres, est vn Traicté des animaux, le 2. de l'anatomie, cōtenant les parties naturelles & generatiues, le 3. les parties vitales, le 4. les parties animales, contenues en la teste, le 5. les muscles, os de tout le corps, avec description de toutes les autres parties des extremittez, le 6. des tumeurs contre nature en general, le 7. des tumeurs contre nature en particulier, le 8. des playes recentes & sanglantes en general le 9. des playes recentes & sanglantes en particulier, le 10. des playes d'hacquebutes & autres bastons à feu, flesches, dards, & des accidens d'icelles, le 11. des combustions, contusions & gangrenes, le 12. des vlceres, fistules, & hemorroides, le 13. des bandages, le 14. des fractures des os, le 15. des luxations, le 16. de plusieurs indispositiōs, & operations particulieres, appartenantes au chirurgien, le 17. de la maladie arthritique vulgairement appelée goutte, le 18. de la grosse verolle, dictē maladie venerienne, & des accidens qui aduiennent en icelle, le 19. de la petite verolle, rougeolle & vers des petis enfans & de la lepre, le 20. des venins & morsures, des chiens enragez, & autres morsures & picqueures de bestes venimeuses, le 21. de la peste, le 22. des moyens & artifices d'adiouster ce defaut naturellemēt, ou par accident, le 23. de la generation de l'homme, le 24. des monstres, & prodiges, le 25. de la faculté & vertu des medicamēs simples, ensemble de la composition & usage d'iceux, le 26. des distillations, le 27. des rapports & du moyen d'embaufmer les corps morts. Lesdictes œuures d'Ambroise Paré, illustrees des figures & pourtraicts tant de l'anatomie que des instrumens de chirurgie, & de plusieurs monstres, & imprimées à Paris pour la seconde edition en feuille, par Gabriel Buon 1579.

En l'Epistre au lecteur.

Nous auons appris du bon Pere Guidon, que nous sommes comme l'enfant qui est sur le col du geant: c'est à dire, que par leurs escrits nous voyons ce qu'ils ont veu & pouuons encores voir & entendre dauantage. Autrement il faudroit que Nature eut fait seulement le deuoir de vraye mere enuers les premiers enfans, & enuers nous, comme Puisnez se fut monstré marastre, nous laissant desnuez de tout esprit & steriles en inuēction, ce qu'on ne luy peut imputer sans luy faire grand tort, & sans se rendre coupables du crime de parricide, accusant iniustement vne si iuste mere.

De iour à autre, comme la corruption des hommes va en croissant, les maladies aussi se diuersifient, & renouellent, de sorte que les Medecins, qui ne sçauroyent que ce que les anciens ont escrit, demeureroient aupres des patients,

riens, sans leur donner autre remede que de patience. Et Dieu sçait, combien de maladies se sont descouvertes de nostre temps, l'ignorance desquelles, & de leur cause, & alteration de l'interieur a causé la mort d'un nombre infini de pauvres miserables langoureux. Ce que ie veux dire est, que bien que les anciens nous seruent d'eschauguettes, pour voir de loing, & que par leur moyen le fondement de l'art nous ayt esté eslargy ; & comme laissé en heritage, si est-ce que nostre bon naturel, poussé d'une viuacité d'esprit, a parfait & poly ce qui auoit, ie ne sçay quoy de rudesse, & cecy non sans grande commodité, eu esgard à la diuersité des temps, saisons, températures des corps, & des maladies. Si bien qu'il semble, que chaque siecle porte son renouvellemēt de malheurs yssans sur nous, comme de la boîte de Pandore : par ainsi l'art se parfaict en l'inuention des remedes appropriez aux qualitez des corps, & selon les differences des maladies, & le tout avec le iugement, qu'il à pleu à Dieu, nous despartir, & lequel ne nous est pas donné pour le laisser ancantir, & seulement s'arrester sur les premiers traits de l'art, que nous ont dressé, & bastis nos ancestres. Estant chose toute assurée, que le iugement du temps descouure en fin les occultes fautes, & le defect, & qui pour estre pere de verité, & iuge sans passion, a tousiours accoustumé de donner iuste sentence de la vie ou de la mort des escritures.

Les œuvres dudit Ambroise Paré, ont esté traduites de François en Latin, par Iaqués Guillemeau Chirurgien du Roy à Paris, & impr. f. par Iaqués du Puys 1582.

Outre les susdites œuvres le mesme Ambroise Paré a aussi escrit, Discours de la Mumie. De la Licorne. Des venins & de la Peste. [Impr. à Paris, 4°. par Gabr. Buon 1582. *En l'Introduction de la Chirurgie.*

Chirurgie est vn art, qui enseigne à methodiquement curer, preseruer & pallier les maladies, causes & accidens, qui aduiennent au corps humain, principalement par operation manuelle. Quelques vns font vne autre description, disans que chirurgie, est vne partie de medecine, curant les maladies seulement par operation de la main, comme couper, cauteriser, trepaner, reduire fractures, & luxations, & autres œuvres que dirons bien tost. Comme l'auteur des definitions en Galien, lors qu'il definit chirurgie vne habilité & industrieux mouuement d'une main assuree avec experience, ou vne action de main industrieuse, tendente à quelque bonne operation de medecine. Toutesfois il est impossible faire telles choses par artifice sans les deux autres instruments, sçauoir est regime de viure, & ce que nous appellons vulgairement medecine, qui consiste en purgation & alteration ou changement du corps, & sans les sçauoir diuersifier selon les causes, maladies & accidens, & autres choses contenues sous les choses naturelles, non naturelles, & contre nature, & leurs annexes, qui seront deduites en bref cy apres en leur ordre. Et si aucuns veulent maintenir qu'il y a plusieurs qui traitent la chirurgie sans auoir la cognoissance des choses susdites, qui toutesfois font des cures desesperées à ce, ie leur respons, que telles cures sont faictes plustost par accident que par le benefice de l'art, & fols sont tous ceux qui en iceux se fient. Car s'il vient parauenture qu'une fois ils facent bien, ils feront apres dix mille maux, comme tresbien a escrit Galien

en plusieurs lieux de sa methode, parlant des Empiriques. Les operations de chirurgie sont cinq en general, assaouvoir, oster le superflu: remettre en sa place ce qui en est sorty: separer le continu: ioindre le separé: adiouster & ayder à nature, en ce qui luy defaut: lesquelles operations se peuuent mieux apprendre, faire & pratiquer par l'exercice & vsage, que par le moyé des liures, ny mesme par la parole de l'homme, tant soit elle claire & elegante, ne pouuant si viuement exprimer ny monstrier, comme fait la veuë & le toucher.

A M B R O I S E D E L A P O R T E Parisien, a escrit par ordre d'Alphabet,

Epithetes, non seulement vtils à ceux qui font profession de la Poësie, mais aussi fort propres pour illustrer toute autre composition François. Avec briefues annotations sur les noms & dictions difficiles. [Impr. à Paris 8°. par Gabriel Buon 1571. 16°. an 1580.

A M E R I C V E S P U C E.

Les nauigations. Voyez Mathurin du Redouer.

A M M I A N M A R C E L L I N. Voyez aucunes harangues extraites des dixhuit liures des faicts & gestes des Romains de cest auteur, & traduites de Latin en François, par François de Belleforest en ses harangues militaires.

A M M O N I V S A L E X A N D R I N. Voyez Ottomarus Luscinus.

A M P H I S Voyez les Sentences illustres des Poëtes Lyriques Grecs, cy deuant mentionnées.

A N A C R E O N, T E I E N.

Les Odes d'Anacreon, mises en musique à quatre parties par Richard Renuoisy. Remy Belleau a fait vne autre version desdictes Odes d'Anacreon.

A N D R E A D E O D A T Vauroys, docteur Theologien, predicateur, & confesseur de Madame Ieanne de Bourbon, Abbessé du reformé monastere de Sainte Croix à Poitiers, a escrit, Demonstration chrestienne & religieuse du purgatoire receuë, & approuuee, de tout temps par l'Eglise de Iesus-Christ, Aux Philalethes. [Impr. à Paris 8°, l'an 1580.

A N D R E A L C I A T.

Le liure du Duel ou combat singulier, composé par le tres excellent Iuriconsulte André Alciat, traduit de Latin en François par I.D.L.F. contient 46. chapitres. [Impr. à Paris 8°. par Iean André 1550. Voyez pour le surplus de ses ceuures traduites. Barthelemy Aneau. Iean le Feure.

A N D R E D V B R E I L Angeuin, docteur regent en la faculté de Medecine à Paris, a escrit, La police de l'art & science de medecine, contenant la refutation des erreurs & insignes abus. qui s'y commettent pour le iourd'huy: où sont confutez tous sectaires, sorciers, enchanteurs, deuins, souffleurs, empoisonneurs, & toute racaille de triacleurs & cabalistes, lesquels en tous pays & lieux sans aucun art ny science, exercent impudemment, & malheureusement la medecine, au grand interest de la santé des homes & detrimement des Republicques. [Impr. à Paris 4°. par Leon Cauellat 1580.

A N D R E

ANDRE CAILLE, Docteur medecin a fait François,
La Pharmacopce de Jacques Syluius, qui est la maniere de bien choisir & pre-
parer les simples, & de bien faire les compositions, despartie en 3. livres. [Impr.
à Lyon 8°. par Loys Cloquemin 1574.

Le Guidon des Apothiquaires, c'est à dire la maniere de composer les medica-
mens, fait premierement en latin par Valerius Cordus, & mis en François par
ledict Caille. [Impr. à Lyon 16. par Estienne Michel 1572. Il a traduit encores
du latin d'Antoine Mizaud

Le Iardin medicinal, enrichi de plusieurs & diuers remedes & secrets. [Impr.
8°. par Jean Lertout 1578.

ANDRE CORSAI, Florentin. Voyez son voyage traduit en
François, & mis au commencement de la description de l'Ethiopie. [Impr. en
Anuers 8°. par Jean Bellere 1558.

ANDRE CORVO.

Excellente Chiromantie monstrant par les signes de la main les meurs & con-
plexions des gés, escrete premieremet en Italien par Andrea Coruo Mantouan,
& traduite en François. [Impr. à Lyon 16°. par Benoît Rigaud 1578.

ANDRE DV CROQVET Douaysien, Religieux de l'Ab-
baye de Hasnon, docteur en sainte Theologie, a escret en François,
Homelies 39. contenans l'exposition des sept Psalmes penitentioux, preschees
en la Ville de Valenciennes en l'Eglise & preuosté de nostre Dame la grand.
[Impr. à Douay 8°. par Jean Bogard 1579.

ANDRE DV CROS, Docteur Medecin de S. Bonnet le Cha-
stel en Forest a escret en vers,
Discours sur les miseres de ce tēps: dedié à Madame de S. Geniés Dame d'hon-
neur de l'ane illustre Roynie de Nauaire. [Impr. à Bergerac 4°. 1569. & depuis
à Angoulesme, & à la Rochelle, par Barthelemy Berton 1569. duquel discours
le commencement est tel,

*Dequoy sert aux mortels se reduire en memoire
L'heureux siecle doré sinon pour se desplaire
Doublement, & ietter mille ruisseaux des yeux
Venant à contempler ce siecle iniurieux. &c.*

Il a escret, aussi le tombeau d'Illustre Louys de Bourbon Prince de Condé,
Non imprimé, contenant enuiron 1000. vers, estant entre les mains de madame
la Douairiere sa vesue. Plusieurs Sonnets & autres compositions tant Latines
que Françoises.

Sonnet v. à Catherine de la Selle dame de Chassincourt.

*L'homme naist avec pleurs, presage veritable
De ce tyran malheur qui sa vie poursuit.
Le tourment pas à pas sa nourriture suyt
Ensemble deuient grand ensemble miserable.*

Ennuy

*Ennuy perpetuel tout son plaisir accable:
 Pour eviter le mal, il a mal iour & nuit.
 Angoisse est preſ de luy lors que plus il la fuit:
 Son discours, son deſſain n'eſt ſinon qu'une fable.
 Vn heur diſſimulé, pipeur de ſa raiſon
 Le fait rire aujour d' huy ioyeux en ſa maiſon.
 Demain la triſte mort aux vers le baille en proye.
 Rien n'eſt deſſous la Lune eternal ne conſtant:
 Le ſage donc, la Selle, en ce monde n'attent
 (Mais ſeulement la haut) contentement ne ioye.*

Sonnet xxi.

*J'ay pluſieurs fois reſolu de chaffer
 De mon eſprit un obiect où il viſe:
 J'ay prudemment fait ſouvent entreprinſe
 Pour de ſes lacs me pouuoir deſlacer,
 Mais comme un pied ie cuide commencer
 A tirer hors pour le mettre en franchise,
 L'autre ſerré en plus eſtroite priſe
 S'empeſtre alors qu'il le ſent avancer.
 Ainſi celui qui au gué d'un grand fleuve
 Tourne à coſté quand profond il le treuve
 Cuidant ſortir ſe plonge plus auant:
 Ainſi voulant ſortir du mareſcage
 Le fort cheual d'un pié ſe va levant,
 Mais plus alors des autres il s'engage.*

ANDRE EPICIME.

Soubs ce nom (croy-ie) ſuppoſé quelque Caluinifte a eſcrit vn liure intitulé,
 Traicté de la Cene & de la Meſſe, contenant 24. argumens, aſſauoir douze
 ſouſtenans la Meſſe eſtre la Cene de Ieſus-Chriſt, Auec douze reſponſes, à la
 fin d'un chacun d'iceux. Et douze autres argumens au contraire. [Impr. à Lyon
 8°. par Claude Rauot 1564.

ANDRE LE TOURNIER, docteur regent en la faculté de
 medicine en l'vniuerſité de Paris a eſcrit,
 La decoration d'humaine nature, & ornement des dames, où eſt monſtrée la
 maniere & receptes pour faire ſauons, pommes, poudres, & eaues delicieuſes,
 & odorantes pour lauer, & nettoyer tant le corps que les habillemens. [Impr.
 à Lyon 8°. ſans nom d'Imprimeur, & ſans datter.

ANDRE GVARNA, Salernitain Gentilhomme, de Cremona a
 eſcrit en latin vn petit liure, où par induſtrieux artifice les lettres & les armes
 ſont comprinſes & coniointes, ſoubs facecieux argument narratoire, de la
 guerre

guerre Grammaticale de laquelle ioieuse & figuree histoire, Lucian dressa les premiers traitts en la bataille des lettres : mais cest autheur Cremonnois a passé outre iusques aux verbes, & noms, chefs principaux, & à eux adherentes les parties de l'oraison, ou parolle congrue, declaratiue de raison, en laquelle gisent tous les arts, & sciences, emmasquât ees deux chefs & leurs parties auxiliaires de prosopopees, ou fictions personnelles, & de qualitez à icelles tant propres & si bien conuenantes, qu'il donne vie, corps, & armes, aux mots, morts, & voix sonnâtes sans ame: en sorte que le lecteur ia ne pensera plus aux paroles vocales, mais par viue imagination les se representera transformees en vifs personnages, allans, parlans, ratiocinans, & agissans, par perpetuelle teneur allegorique d'expedition bellique, & conflit non seulement hostile mais ciuil & intestin, sans y rien oublier de ce qui appartient à la deduction de telles choses, despuis les premieres causes aux entremises aduentures, & iusques aux extremes effaiets, avec toutes les circonstances, tous les tumultes en petit argument tragique tombans en Cadmiene victoire, dont s'ensuit fin pacifique. Le tout si dextrement demené, que si Thucidide, Saluste & Lucan descriuent, parauenture plus au long, & haultement, les guerres Peloponnesiaques & Africanes, au moins non plus proprement, & artificiellement. Dont faut croire que ce gentil Guarna a fait comme les bons Geometres qui reduisent au petit pied les grandes immensitez du ciel & du monde, & les demonstrent en vne petite sphere & boule manuelle: car il met les grands faiets de guerre sous figure de si peu de chose, que de la congruité ou discordance de mots en l'oraison: ioignant les lettres avec les armes, & enseignant l'art militaire avec le literaire sous vne plaisante Allegorie: representant en vn concept deux intelligences, l'vne propre & naturelle, l'autre figuree & tropique, les lecteurs pourront comprendre & voir comme en vn tableau les ambicieux mouuemens & imperieuses affections des princes, les tumultes & partialitez des peuples, les conseils peruers & droicturiers des conseillers des Roys, les harengues d'vne part & d'autre, les entreprises & menees, les cartels de deffiance, denonciations de heraux, apprests de guerre, confederations, amas de gens, trahisons, espionnemens, escarmouches, ordonnances d'armees, assietes de camps, princes de villes, batailles rengees, conflits, stratagemes de capitaines, combats mortels, occision d'vne part & d'autre, fuste de tous costez, terreurs paniques, rencôtres douteuses, victoires balançantes d'vn costé & d'autre, & en fin pernicieuses aux deux parties, voleries, degasts, rapines, depopulations, auancemens & gains que porte la guerre par le domage d'autrui, & au contraire le bien de paix & de concorde. Toutes lesquelles choses sont par heureuse inuention & bonne methode traitees par cest autheur audit liure, escrit premierement en pur & propte langage Latin, despuis traduit en nostre langue Françoisse par vn qui a voulu taire son nom, & impr. à Lyon 16°. par Michel Ioue, sous tel tiltre, Guerre Grammaticale des deux Roys, le Nom, & le Verbe, combatans pour la principauté de l'oraison.

A N D R E H Y P E R I V S.

Enseignement à bien former les saintes predications & sermons, contenant
d vraye

vraye methode d'interpreter & appliquer populairement les saintes escriptures par lieux communs, artifices & observations necessaires, escrit en Latin par André Hyperius docteur ecclesiastique de Marpurg, natif de Flandres, & traduit en François. [Impr. par Jean Crespin 8°. l'an 1563. *Calvinique.*

A N D R E M A L E S I E V Chirurgien à Paris, a traduit du Latin d'Estienne Gormelen docteur en Medicine, Le Sommaire de toute la chirurgie contenant six liures. [Impr. à Paris 8°, par Nicolas Chesneau 1571.

A N D R E M Y S O G I N E.

Sous ce nom supposé yn incertain autheur a escrit en vers François, La louange des femmes, Invention extraicte du commentaire de Pantagruel, sur l'Androgine de Platon, Assauoir, le Blason de la femme, Epistre de messire André Mylogine enuoyee au Seigneur Pamphile Theliarche, qui luy auoit demandé conseil sur le propos de se marier. Description d'Amour par dialogues, Epigrammes touchant les meurs, conditions, & natures des femmes. *Æingne.* [Impr. 8°. sans nom d'Imprimeur, l'an 1551.

Au Blason de la femme.

*Femme plaisir de demye heure,
Et ennuy qui sans fin demeure:
Femme, soudaine repentance,
Femme mortelle penitence.
Femme, feu du diable attisé,
Femme, mais diable desguisé.
Femme, que pourray ie plus dire
Pour plus amplement te descrire?
Rien: ie dy assez de diffame
En vn mot, quand ie te dy femme.*

A N D R E D E S M O R G V E S, a interpreté en François, Italien & Espagnol les vocables latins qui sont au dictionnaire d'Ambroise Calepin, qu'il a en oultre augmenté d'vne infinité de dictions. [Impr. à Lyon 1°. par Thibaud Payen 1564.

A N D R E N A V G I E R.

Genethliaque, imité du Latin de Naugier aux oeures de Sc. de sainte Marthe. De cet autheur aussi ont esté faites plusieurs imitations par Oliuier de Magny en ses Odes.

A N D R E D E R O I V A V D E A V Gentilhomme du bas Poictou a escrit en vers François, Aman Tragedie sainte, tiree du 7. chap. d'Esther, liure de la Sainte Bible. Plus Deux liures, le premier contenant les complaints, le second, les diuerses poesies du mesme autheur. [Impr. à Poictiers 4°. par Jean Logerois 1567.

En

En l'Epistre à Ieanne de Foix tres-illustre Royne de Nauarre.

*L'honneur soustient les arts, le vertueux desir
De louange adoucit le travail en plaisir.
Mais quoy? la pouureté presque aux doctes cōmune
Assise en leur foyer, les foule & importune,
Et trespas-aisement maints se peuuent sauuer
De qui ce monstre laid fait les vertus couuer.
Car de ce temps les mains des Princes sont fermees
Aux sçauans, & sont peu les lettres estimees:
Barbare chicheté! les finances des Roys
Seruent aux carneuaux, aux lices & tournois.
Les mignons d'Apollon acroupis aux estudes
Façonnent les leçons de leurs escholiers rudes:
Qu'on pourroit employer aux affaires d'estat,
Ou celles qui aux palais en iustice on debat,
Ou grands Ambassadeurs d'une graue eloquence
Discourir sur la guerre ou sur la patience.
Mais on auance là ceux qui sçauent un peu,
Gens qui ont bonne mine & souuent mauuais ieu:
Je ne parle pour moy, qui par la prouidence
De Dieu, me trouue hors de toute ceste dance:
Je ne suis souffreteux de ma condition,
Et n'ay besoin de mieux, puis franc d'ambition,
Je m'esprise la gloire, & l'honorable peine
De monter aux honneurs d'une attendente aleine.
Iay aprins les faueurs des Roys, & de la Cour,
Pratiquees long temps se passer en un iour.
Quant elles dureroyent, qu'il est mal-aysé suryre
Tout ensemble la cour, & ensemble bien viure:
Que les conseils des bons n'y sont si tost receus,
Que des meschans, par qui les Princes sont deceus.*

ANDRE DE ROSSANT Lyonnois, a fait vne grande quantité d'Anagrammes dont le sens y caché est par luy mesmes exposé en sonnetz & autre genre de vers François, & Latins. Quelques vns sont imprimez, & de tous il fait vn recueil qui verra bien tost le iour.

ANDRE THEVET d'Angoulême Cosmographe du Roy. Ceux qui escriuent la situation des diuerses regions & pays ensemble les costumes de diuers peuples, donnent vn merueilleux cōtētement, & delectation avec non moindre profit aux lecteurs, qui sont curieux d'entendre choses nouvelles, & veulent parangōner les diuerses loyx des hommes pour voir quel-

d 2 les

les sont les meilleures. André Theuet ayant voyagé aux terres incognues des anciens & modernes, nul de leur temps ne s'estant hazardé de passer outre nostre Tropique, de ses nauigations loingtains par luy continuees par l'espace de dixsept ans durant, a basti vne Cosmographie, où il racompte merueilles, qu'il dit auoir veu, és quatre parties du monde, la premiere desquelles qu'il décrit est l'Afrique, laquelle prise depuis le promôtoire de Bonesperance, dit des Ethiopiës Lardzethar, iusques à la mer mediterrane, contient septante vn degrez de latitude, qui vallent selon sa supputation deux mille cent trente lieues Françoises: & en sa longitude depuis Cap-de verd ou Tagaze en langue Moresque, iusques à celuy de Gadafumi qui aboutit à la mer rouge, nômee des Abyssins Bahar, & des Arabes Zocoroph, elle a 75. degrez, qui font en cest endroit deux mil deux cens dixneuf lieues. Et combien que de nostre temps (ny de celuy mesmes des anciens) nul d'entre nous ait, veu l'extremité de l'Asie, dictée du peuple d'Orient, Anadolda, du costé Septentrional: si est ce qu'elle contient (dit-il sans scrupule) en latitude 70. degrez qui font 2100. lieues Françoises: & en sa plus grande longitude, prise du bord de la petite Asie iusques à l'Isle de Iappan, trauessee d'un mesme parallele, elle a 118. degrez: qui vallent 2832. lieues. Et ceste nostre riche & populeuse Europe, ne contient en sa plus grande latitude que 40. degrez pour le plus, qui font douze cens de noz lieues, & en sa longitude prinse pres le vingtiesme parallele, 68. degrez, reuenàs en ce mesme endroit à 1224. lieues. Puy l'estendue de la quatriesme partie du monde d'un Pole à l'autre depuis le destroit Austral, iusques au dernier Cap Septentrional dit de Terreferme, contient 114. degrez de latitude, qui reuiennent à 2280. lieues, & en sa plus grande longitude vers nostre Pole Arctique, prise du susdit Cap, iusques au Royaume d'Anian, peut auoir 150. degrez, qui valent 2175. lieues. Et quand à l'autre partie du costé de l'Antarctique depuis le Cap des Canibales iusques à celuy de Casma dit en langue de Sauvages du pays Kolmach, qui luy est opposé en la mer Pacifique, sa plus grande longitude est de 63. degrez, qui font 1890. lieues Françoises. Ainsi décrit Theuet l'estendue de l'vniuers qu'il a mis deuant les yeux en quatre Cartes, l'ayant diuisé en 4. parties contre la commune opinion des anciens: ce qui ne se peut aysemēt comprendre sans la Cosmographie, 'es principaux poinçts de laquelle ne se preuent point par raison, mais par demonstrations, & experience. Dauantage Theuet non seulement fait mention des pays & villes, mais aussi des animaux, maniere de viure des habitans, & plusieurs autres choses singulieres, à fin que l'œuvre composé de diuerses matieres, puisse mieux recreer l'entendement humain, qui est semblable aux terres, qui demandent diuersité, & mutation de semences. Il décrit maintenant des histoires, maintenant des questions naturelles, non moins vrayes que delectables, comme aussi on y voit le plant de quelques Isles plus notables: n'oubliant en pas vn lieu les degrez tant de leurs longitudes, qui se prennent de l'Orient aux Isles fortunées, que leurs latitudes de l'Equinoctial à l'un ou l'autre Pole. Ensemble la rondeur du Ciel qui est de trois cent soixâte degrez, les trente & deux Rhumbs des vents, & dont ils prennent leurs qualitez & naissance, desquels les quatre principaux se nomment sur la mer Oceane, Est, Ouëst, Su, & Nort, l'un à l'autre opposé: & sur les mers

Maior,

Maïor, Caspie, & Mediterranee, Leuante, Ponente, Austro ou Mezogiorno, & Tramontana. Les Arabes, & Mores, de la haute Ethiopie les appellent Charkqui, Elgarby, Alkabela, Bahary, les Insulaires Iauiens leur donnent le mesme nom que font les Indiens, sçauoir est Cheloth, Labachs, Semyo, & Chereceph. Encores met-il les pourtraicts de plusieurs hommes illustres, tant Chrestiens, que Barbares, & de plusieurs bestes, oyseaux, Pyramides, Hippodromes, Colosses, Colômes, Obelisques, Theatres, Amphitheatres, Sepultures, Epitaphes, Medalles, & monnoyes antiques & autres singularitez des choses plus rares par luy veuës, & obseruees le plus pres de la verité qu'il luy a esté possible, & depuis mises par escript, en deux gros tomes Imprimé à Paris f°. par Guillaume Chaudiere 1575. soubstel tiltre.

La Cosmographie vniuerselle d'André Theuet Cosmographe du Roy, illustree de diuerses figures des choses plus remarquables veuës par l'Autheur, & inconnues de noz anciens & modernes. Tome premier, & second. A l'entree du premier Iean Dôrat, Pierre de Ronfard, Bayf, & Guy le Febure le louent, & recommandent fort par leurs vers. Il auoit escript au parauant en 8. chapitres, Cosmographie de leuant. [Impr. à Lyon 4°. par Iean de Tournes, & Guillaume Gazeau 1556.

ANDRE TIRAQUEAU Conseiller au Parlement de Paris a escript deux commentaires latins sur le Retraict l'ignager, qui est municipal, ou coustumier, & sur le Retraict conuentionel dont le texte est François. Impr. à Lyon f°. par Guillaume Rouille, qui a imprimé aussi toutes ses autres œuures latines en 5. ou 6. tomes 1566. Le mesme Rouille a en main les commentaires dudit Tiraquel sur les liures d'Alexandre d'Alexandre intitulez des Iours Geniaux, qu'il mettra bien tost en lumiere.

ANDRE VESAL.

Les pourtraicts Anatomiques de toutes les parties du corps humain, & l'explication d'iceux. Avec l'Abregé d'André Vesal, accompagné d'une declaration Anatomique, & d'un aduertissemēt sur les noms François imposez à quelques parties du corps humain. [Impr. à Paris f°. par André VVechel 1569.

ANDRE DE LA VIGNE a composé en rime, quatre Epistres, suyuant celles d'Ouide, la premiere de Philistine à Elinus, la seconde de Cloacus à Clybane, la troisieme, d'Amazone à Cecias, & la quatriesme, de Cynaras à son faux, & desloyal amy Celius. [Impr. à Paris 16°. par Denys Ianot 1547. Plus,

Le libelle des cinq Villes d'Italie contre Venise assauoir, Rome, Naples, Florence, Genes & Mylan. [Impr. à Lyon 4. par Noel Abraham sans datte.

ANGE BOLOGNINVS, a escript en latin vn liure qui a esté mis en François par traducteur incertain, & dont le tiltre est tel:

Traicté de la curation des vlceres exterieures du corps humain. [Impr. à Lyon 16°. par Benoid Rigaud.

ANGE CAPPÉL dit du Luat a traduit de Seneque

Les deux premiers liures des bien faits. Item Seneque de la prouidence diuine. De la pauureté, de la Clemence. Plus quatre Opuscules de Seneque, le premier est vn discours touchant les quatre vertus ou bien vn formulaire de l'honneste

vie, le second vn recueil des bonnes meurs extraict à diuers passages du mesme Seneque. Le 3. Des sciences liberales. Le 4. des remedes des choses fortuites. [Impr. à Paris 8°. par Iean Borel 1578. & 1582. Quant à l'opuscule des quatre Vertus, ceux qui l'estiment estre de Seneque, s'abusent: car il luy a esté faussement attribué, & l'auteur en a esté vn Euesque nommé Martin.

ANGE FIRENZVOLE.

Plaisant & facecieux Discours des animaux, Avec vne Histoire non moins veritable que plaisante: aduenue puis n'aguieres en la ville de Florence. Escrite en Tuscan par Ange Firenzuole, & traduit en François. [Impr. à Lyon sans nom de traducteur 16°. par Gabriel Cotier 1556.

En son dit discours des animaux il a imité Esope Phrygien par ses similitudes des bestes: mais il a bien deduit les exemples plus au long, & ce qui est de meilleure grace, iceux sont si bien liez & accommodez les vns avec les autres, qu'ils semblent vn mesme subiect.

Pour les autres œuures du mesme Ange Firenzuole traduities, Voyez Iean Pallet & Pierre de la Riuey.

Au discours des animaux.

Puis que tu veux suiure la cour, tu te dois reduire en memoire le moyen que tu dois tenir avec sa maiesté voulant mōstrer signe de vraye & vertueuse noblesse lors que tu auras acquis enuers luy la place que tu te promets. Or faicte que tu tiēnes pour guide la foy, pour compagne la crainte, & pour ton repos la patience. Car la foy ne te laissera iamais entrer aucune chose en l'esprit qui ne redonde à l'honneur & vtilité de celuy que tu voudras entreprendre seruir. La crainte aussi, quand ce viendrait que quelcun y voulust mettre vn desdain, l'esueillera incōtinent & l'arrachera iusques aux fondemens. La patience t'aidera à supporter les iniures, desquelles toutes les courts sont coustumieremēt farcies, & rendent plus souuent les hōmes conuoiteux de choses nouuelles. Donne toy bien garde de l'enuie, laquelle comme vne pomme de Sauon se met sous les pieds des fauoris & des grands pour les faire glisser & tomber de leur place.

ANITIVS MANLIVS SEVERINVS BOETIVS. Voyez Iean de Meun, & le Sieur de Mal-assis.

ANNE DE GRAVILLE Dame du Boys de Malés-herbes, & fille à feu messire Iaques de Grauille admiral de France, a translaté de vieil langage & prose en nouveau & rime par le commandement de la Royne, Le beau Romant des deux amans Palamon & Arcita, & de la belle & sage Emilia commençant ainsi,

*Victorieux en armes & amours
Fut Theseus apres que plusieurs iours
Eut seiourné en l'Amazone terre
Où cupido & Mars luy firent guerre,
Lesquels vainquit & Hypolite aussi.*

J'en ay veu vn exemplaire escrit à la main en la librairie de Monsieur le Comte d'Urfé

te d'Vrfé, & n'a esté onc imprimé que ie sçache. Icelle dame Anne de Grauille estoit la mere de l'ayeule dudit Sieur d'Vrfé du costé paternel.

ANNE DE MARQUETS Religieuse à Poissy a traduit de Latin en vers François,
Les diuerfes poësies de Marc Antoine Flamminius, contenans diuerfes prières, meditations, hymnes, & actions de graces à Dieu. Plus l'hymne de S. Ambroise, & de S. Augustin. Auec plusieurs Sonnets & Cantiques ou Chançons spirituelles pour louer Dieu. [Impr. à Paris 8°. par Nicolas Chesneau 1569.

Comparaison de l'Ame à vne fleur,

*Comme en beauté se renforce & accroist
La tendre fleur qui prend naissance & croist
En bon terroir, estant bien arrousee
Souuentefois de pluye & de rosee:
Mon ame aussi par la douce liqueur
Du saint esprit, florit & prend vigueur:
Mais aussi tost qu'elle perd ceste grace,
Elle languit, & sa beauté se passe:
Comme vne fleur qui sa naissance prend
En terre seche, & sur qui ne descend
Aucune humeur de rosee ou de pluye,
Dont elle soit esleuee & nourrie.*

Sonnet 24.

*Fay moy, mon Dieu, tant d'honneur, & de grace
Que toute à moy ie me puisse donner,
Et tous mes faits à ta gloire ordonner,
Sans que iamais ton saint veuil i'outrepasse,
Que ta grandeur qui toute autre surpasse
Puisse tousiours en mes vers resonner,
Et que pour toy ie vueille abandonner
Tout ce qui est en ceste terre basse.
Bref, que ie sois par desir pur & munde
A toy rauie, & ia hors de ce monde:
Ayant aux cieux ma conuersation:
Comme le lieu où sans douter i'espere,
Que ta bonté fauorable & prospere,
A préparé mon habitation.*

ANNE COMTE D'VRFE Marquis de Bagé, Baron de
Chasteaumurand, Scigneur de la Bastie, Buffi, Iulieu, saint Iust en Cheualet,
d 4 Vachie

Vachieres, Pradelles &c. Gentilhomme ordinaire de la chambre du Roy, Bail-
li de Forest.

C'est vne chose admirable en ce Seigneur que la Muse aye commencé de luy
inspirer la fureur Poëtique ayant à peine atteint l'aage de quinze ans, depuis
lequel temps il n'a cessé & ne cesse parmy autres nobles & serieux exercices de
faire de vers, mais tels & si gaillards que Pierre de Ronfard qui en a veu en pri-
se grandement la façon & l'ouurier. Ce que de sa benigne grace & naturelle
bonté il m'en a monsté escrit de sa main est,

La Diane, contenant 140. Sonnets, par luy composez à Marignan 1573. Plus 20.
Sonnets Pastoraux, & plusieurs beaux discours en vers heroïques. Il a aussi fait
ces anneés dernières,

La Hierosolyme, imitée de Torquato Tasso en Stances Françoises. Avec les
Argumens & Sommaires sur chacun chant. Aussi non impr.

En la Diane Sonnet 1.

*Je chante dans ces vers le Soleil de la France,
Et des saintes vertus le plus rare miroir,
Vn objet de desirs que l'on ne scauroit voir,
Sans germer en son cœur vne extreme souffrance.
Je chante dans ces vers avec quelle puissance
Cest archerot volant captiva mon vouloir,
Comme ie fus pressé d'un pregnant desespoir,
Et comme ie souffris le ioug d'obeissance.
Je chante dans ces vers combien de passions
Iay souffert en deux ans par ses perfections,
Que mes escrits rendront d'eternelle memoire.
Et bien que les accens repoussez de ma voix
Ne puissent egaller à ceux du Vendomois,
Si est ce que mes vers ne resteront sans gloire.*

XXXV.

*Je ne m'estonne plus si celuy qui sauua
Le reste des Troyens qui depuis occit Turne,
Venu dans le manoir, où le viellard Saturne,
En fuyant Iupiter (comme on dit) arriva,
S'estonnoit que l'esprit qui comme vent s'en va
De ce corps souffreteux hors de ce lieu nocturne,
Desire de sortir pour tenter la fortune,
Qu'avecque tant de maux vivant il esprouua.
C'est grand mal que de viure en si longue misere,
Je pensoys quand à moy la fortune prospere,*

Adauoir

N avoir fauorisé dessus tous les humains:
 En me faisant iouyr d'une belle maistresse:
 Mais il la faut laisser, car nous auons sans cesse
 Les biens mal assurez, & les maux tous certains.

XLII.

Du Verdier, si nostre ame est de celeste essence,
 Il ne faut s'estonner si elle loge en nous,
 Helas à nostre dam, ce brasier cuisant-doux,
 Qui nous ard puis apres de telle violence.
Le Ciel bien qu'il soit plein de bonté & clemence,
 Est pere de l'amour, ce Dieu plein de courroux,
 Lequel sur ses subietz, descoche mille coups,
 Droit au centre du cœur sans auoir fait offence.
 Or l'Amie congnoissant amour pour son nepueu,
 Le reçoit aupres d'elle, il allume son feu,
 Dont il ard malheureux sa tante & son hostesse.
 Elle ne retrouvant en luy nulle pitié,
 Cognoit (bien que trop tard) sentant telle destresse,
 Qu'entre tous les parens ne regne l'amitié.

LX.

Qu'est ce qu'amour? un langoureux soucy.
 Qu'est ce qu'amour? un bien plein d'amertume.
 Qu'est ce qu'amour? un feu qui ne consume.
 Qu'est ce qu'amour? le mal & bien aussi.
 Que rend l'amour? un homme tout transy.
 Que donne amour? mal pour bien par coustume.
 Que rend l'amour? pour amour la rancune.
 Que rend l'amour? à l'homme quelque si.
 D'où vient l'amour? par une sympathie.
 D'où vient l'amour? d'une brusque folie.
 D'où vient l'amour? d'un trop ardent desir.
 Qu'as tu d'amour? une playe mortelle.
 Qu'as tu d'amour? cent maux pour un plaisir:
 Et qui pis est, une peine eternelle.

CIII.

Pasle & blanche est la mort, Pasle & blanche est la belle
 Qui tient de mille neudz serue ma liberté.

Comme

*Comme tout meurt par mort , tout meurt par sa beauté.
 Et comme de la mort chacun est frappé d'elle.
 La mort est tousiours froide, & cette Olimpe gelle
 D'une chaste froideur au plus chault de l'Esté.
 Elle est comme la mort plaine de cruauté,
 Inexorable , sourde, inhumaine & rebelle.
 On fainst la mort sans yeux : cette farouche icy
 N'en a (ce croy ie) point pour voir nostre soucy.
 Et comme un gentil cœur incessamment aspire
 D'une mort honorable esprouuer cest effort:
 D'une pareille ardeur un chacun la desire.
 Mais qui ne chercheroit une si belle mort?*

A N S E L M E. Euesque de Cantorbie , mis au catalogue des Saints.
 Voyez Claude Despence. Jean Guytot.

A N S E L M E D V C H A S T E L Celestin a escrit:
 Recueil des plus norables Sentences de la Bible par quatrains en maniere de
 Prouerbes , à la consolation des deuots esprits & nommément des Religieux
 pour se dresser & maintenir au poinct de leur estat, qui est en fuyant le monde
 se tenir pres de Dieu. Aucc trois exemples de la constance de Matathias, Elea-
 zar, des sept Freres & leur mere, Ensemble dix Sonnets sur le triomphe de Ve-
 rité, pris du 3. d'Esdras. [Impr. à Paris 4°. par Mamert Patisson 1577.

A N S E L M E F A Y D I T , fut fils d'un bourgeois qui conduisoit
 les affaires de la legation d'Avignon , estoit bon Poëte Prouençal , composoit
 fort bien la lettre ou parole, & le chant des chansons qu'il faisoit, que les Poëtes
 Prouençaux ont appelé en leur ancien langage *de bons Mots , e de bons Sons*,
 estoit homme de bonne chere, viuant sans soucy, pour raison dequoy il perdit
 toute sa cheuance au ieu des dez. Deuint bon Comique , vendant les Come-
 dies & Tragedies qu'il faisoit les deux ou trois mil liures Vvulhermenses, quel-
 que fois plus, selon l'inuention : luy mesme ordonnoit la Scene , & avec ce re-
 ceuoit tout le prouffit des spectateurs , & auditeurs d'icelles. Il estoit si liberal,
 prodigue, & gourmand en son manger & boire, qu'il despendoit tout ce qu'il
 gaignoit de sa Poësie, dont il deuint gros outre mesure. Fut long temps malfor-
 tuné, & en grand defastre de receuoir aucuns dons ne honneurs de personne,
 fors que de Richard Roy d'Angleterre, au seruice duquel il demeura iusques à
 sa mort , qui fut en l'an 1189, qu'il en receut de beaux presens. Plus de vingt
 ans suyuit le monde à pied. Espousa vne dame qu'il mena long temps avec luy
 par les Cours des Princes nommée Guilhaumone de Soliers, issue de noble ra-
 ce de Prouence, qu'il auoit tirée à belles parolles d'un monastere de religieuses
 d'Aix en Prouëce, qui estoit fort belle, docte, & bien aprinse en toutes bonnes
 vertus , chantant fort bien toutes les chansons que son Anselme faisoit. Mais
 pour la vie, dissolue qu'ils tenoyent ensemble , elle deuint aussi grosse que luy,
 & surprise de maladie trépassa. Anselme se voyant seul se retira à Boniface
 Marquis de Montferrat , patron debonnaire , amateur de tous hommes stu-
 dieux,

dieux, qui l'ayma & prisa grandement, & estant à son seruice mire en auant vne Comedie intitulée *L'heresia dels Preyres*, qu'il auoit long temps tenue secrette sans la diuulguer, fors qu'audit Marquis, qui tenoit de ce temps le party du Comte Remond de Thoulouse, laquelle il fit iouer en ses terres, le marquis le tint longuement avec luy, luy faisant de beaux & riches presens de robbes, harnois, & cheuaux, & si mit en prix ses belles & ingenieuses inuentions. Dernierement se retira à Agoult seigneur de Sault, qui le tint longuement en grand honneur, & luy fit beaucoup de biens & de faueurs, & y trespassa estant à son seruice en l'an 1220. Il a fait aussi vn beau chant funebre du Roy Richard d'Angleterre, & vn chant contenant la description d'Amour, de son Palais, de sa Gour, & de son estat & pouuoir. A l'imitation duquel Petrarque en a fait vn semblable, & a fait mention de ce Poëte au quatriesme chapitre de son triomphe d'Amour.

ANSELMESAMBERT de Thouars en Poictou, Aduocat en Parlement à Paris, a escrit, *Eclogue de deux bergers de France*, sous le nom de Criton & Sirice, sur l'excellence & immortalité de l'Ame raisonnable. [Impr. à Paris 8°. par Denys du Pré 1577.

ANSELMESILIAN a escrit, *De l'art & iugement des Songes & visions nocturnes. Avec la Physionomie des Songes & visions fantastiques des personnes, & l'exposition d'iceux selon le cours de la Lune.* [Impr. 16°. à Paris sans datte.

ANTOINEABELLY, de l'ordre des freres prescheurs, docteur en Theologie & Abbé de nostre dame de Liury en l'Aunoy, predicateur & confesseur de la Royne mere du Roy, a escrit, *Sermons sur les Lamentations du S. Prophete Hieremie.* [Impr. à Paris 8°. par Michel de Roigny 1582.

ANTOINEALAIGRE a traduit de l'Espagnol de Dom Antoine de Gueuarre Euesque de Mondogner, confesseur & chroniqueur de l'Empereur Charles V.

Le mespris de la court & la louange de la vie Rustique, contenant 20. chap. [Impr. à Paris 16°. par Estienne Groulleau 1551.

Plus il a extraict de plusieurs auteurs Grecs, Latins, & Espagnols, & fait Francoise,

Decade contenant les vies des Empereurs Traian, Adrian, Antonin Pie, Commode, Pertinax, Iulian, Seuer, Antonin Bassian, Heliogabale, Alexandre: Où sont contenues, outre l'histoire, plusieurs graues sentences, instructions pour les Princes, & enseignemens notables, concernans le maniement des grands affaires, & police des Republiques. [Impr. à Paris 8°. par Michel Vascofan 1567.

Au 2. chap. du mespris de la court.

Tant que nous viuons seruiteurs du monde, nous le desirons tout, nous l'esfayons tout, nous le procurons tout, puis tout veu, & gousté, tous de tout nous ennuyons, & fascheons. La plus grand part de nostre mescontentement vient de ce que nostre beaucoup, nous semble peu: & au contraire, le peu d'autrui,

nous

nous semble beaucoup. Nous disons, que nostre felicité est travail : & que le malheur d'autrui est repos. Nous approuuons la façon de faire des autres , & condamnons la nostre. Veillons pour trouuer vne chose ; puis soudain nous endormons pour la perdre. Nous ymaginons, que tous viuent contents , & que nous seuls sommes souffreteux : & qui pis est , croyons ce que songeons , & ne mettons point de foy à ce que voyons clairement.

A la court,és Citez,aux villages,& ailleurs,on voit le vertueux estre corréct, & discret:& au contraire, le vicieux dissolu , & esuenté. Le vice , & le vitieux, cherchent par tout le moyen d'empirer : & la vertu & le vertueux de meliorer en quelque vacation qu'il soit appellé. Prenez l'Ecclesiastique. A l'Eglise n'a charge,tant dangereuse soit elle , qu'en icelle l'homme ne se puisse sauuer : ne tant legiere à la conscience , qu'il ne se puisse perdre. A comparaison de la rose sauvage,de laquelle la mouche à miel fait le miel , & l'araigne la poison. Somme la bonne volonté faict la bonne vacation : moyennant que l'homme luy fisse honneur,& non pas à l'homme.Le prince peut faire son deuoir faisant iustice,& n'exerçant tyrannie : le gendarme allant à la guerre , & ne foulant le menu peuple;le religieux contemplant à son cloistre sans murmurer : le marié entretenant sa famille sans adultere : le riche donnant de ses biens pour Dieu sans vsure:le laboureur travaillant : le pasteur gardant ses troupeaux sans faire dommage à ses voisins : & ainsi les autres. Et qu'il soit vray , prouuons le par l'Escripture.En estat de Roy,David fut bõ,& Saul mauuais. En estat de prestre, Mathathias bon,& Obnias mauuais. Des prophetes, Daniel bon,& Balaam mauuais,Des pasteurs,Abel bon,& Abimelech mauuais. Des veufues, Iudith bonne,& Iezabel mauuaise.Des riches,Iob bon,& Nabal meschant.Des Apostres mesmes,sainct Pierre bon,& Iudas reproué.Voy là comment estre bon, ou meschant,ne prouient de l'estat, qu'on prend , mais de la mauuaise inclination.Si nous conseillons à quelcun , qu'il viue au village : il dira qu'il ne scauroit hanter la compagnie des rustiques. Si on luy conseille qu'il laisse la Cour, il dira qu'il y a mille affaires. Si on luy conseille qu'il serue chez vn Prince , il dira qu'il n'a nul entretien.Si nous sommes d'aduis qu'il soit d'Eglise,il n'ayme à leuer matin. Si marié,il dira qu'il se fasche d'ouyr pleurer les petis enfans. Si moine,la solitude luy est contraire, Si homme d'estude,la teste luy faict mal souuent.Si on luy cõseille qu'il se retire à sa maison : il ne peut viure sans grande compagnie. Presupposé ce que dit est , nul ne doit resolument conseiller à autrui,l'estat qu'il doit ensuiure : mesmement quand concerne l'honneur & bien de la vie: pource qu'apres on vient à se plaindre, plus du conseil qu'on a pris,que des maux qu'on a souffert.

An 3. Chap.

Les hommes superbes & impatiens font beaucoup de cas en vn seul iour, qui sont dignes d'estre pleurez toute leur vie.A comparaison vn cholere testu, n'est bon à estre courtisan:car s'il se vouloit venger des iniures , hontes , cauteles & tromperies dont on vse en court, tienne pour certain, qu'il en souffrira plus en vne heure,qu'il n'en scauroit vanger en dix ans.

En la

En la Decade au 12 chap. de la vie de Traian.

L'empereur Auguste destruisit Cantabrie en Espagne, plus esmeu de promptitude de colere, que de iuste raison. Comme il la tenoit assiegee il manda aux citoyens qu'ils rendissent la ville, & meissent entre ses mains tous leurs tresors, avec pact d'estre perpetuellement serfs & tributaires des Romains. A quoy les Cantabriens feirent responce par lettre en ceste sorte: Empereur Auguste, nous prions les Dieux immortels qu'ils te soyent en garde, & qu'il leur plaise de verifier entre toy & nous par vraye iustice, qui a plus de droict en la poursuite de ceste guerre. Tu sçais bien que combien que les hommes ayent les forces & moyens d'entreprendre la guerre, si n'ont ils pourtant la victoire en leur puissance: & aduient le plus souvent, que ce que les hommes encomencent par opinion & malice, les Dieux acheuent par raison & iustice. Tu peux à peu pres sçauoir en quelle necessité & extreme misere tu nous tiens assiegez, de sorte qu'à faute de viures nous n'auons tantost plus que tenir. Si faut il toutefois que tu entendes, que si noz corps eslanguis de faim defaillent à batailler, ne sont pas noz cœurs à mourir. Il est bon à voir, que tu as expérimenté la petitesse de nos forces, & non la magnanimité de noz courages, de nous demâder noz tresors, & la liberté de nos personnes. Les mines que nous auons en ceste cité, ne sont d'or pour contenter ton insatiable conuoitise, mais de fer, pour rompre ton arrogance. Puis que vous autres Romains, ne cessez de guerroyer dez quatre cens ans, hors de vostre pays, pour estre Seigneurs & maistres: ne te semble il raisonnable, que nous nous deffendions dans nos maisons, pour n'estre suieets & esclaves? Poursuy ta guerre comme il te plaira, & ne prens tant de peine à nous menacer & intimider. Car posé ores que nos maisons soyent tiennes par force: assure toy, que tant que nous viurons, nous ne seruons qu'aux Dieux, & à nous mesmes.

Au 2. Chap.

Marius Fabricius, & Traianus furent en dissention sur l'estat du Consulat, & se iazoit Fabricius de Traian en plein Senat, luy disant qu'il estoit estranger, noir & laid de visage. Auquel Traian respondit: Ie te confesse que ton beau visage a esté plustost cogneu à Rome que ta bonne vie: mais confesse moy, qu'on y a plustost cognu ma bonne vie, que mon laid visage.

Au 12. Chap.

Les bons Princes sont plus tenus d'entretenir ce qu'ils promettent, que d'accomplir ce qu'ils desirent.

En la vie d'Adrian, Chap. 12.

Il auoit lors grande familiarité avec vn Poëte Florus, sçauant & faccieux: & vn iour qu'Adrian estoit en Scythie, ce Poëte luy escriuit, comme se iouant, ces vers.

*Ie ne voudroy Casar estre,
Souffrant la moindre partie*

e

Des

*Des froidures de Scythie,
Pais sauvage & champestre.*

Auquel l'Empereur feit response,

*Je ne voudroy Florus estre
Pauvre, ponilleux, chatemite,
Caché pres d'une marmite,
Dont on ne me peust cognoistre.*

En la vie d'Antonin Pie, Chap. 4.

Vous pouuez voir Peres conscripts, qu'il n'y a en la vie saison plus dangereuse que celle qu'on estime la plus seure & durable. Or auant laisser le monde, i'ay à vous dire, que nature ne m'a concedé aucuns filz naturels, dont ie ren graces à Dieu, qui me priuans d'enfans, m'ont parauenture osté beaucoup d'ennuis, & de pensemens. Il y a bien fort grande difference, entre engendrer vn filz, & le choisir: pource que celuy qu'on engendre, se prend par necessité, & celuy qu'on choisit par volonté. Les filz que nature nous donne, sont souuent mal adroicts, imbecilles, ou ignorans: mais ceux que nous eslisons, si nostre iugement est bon, sont habilles, sains, & discrets: & communement on n'est pas si imprudent quand on a le choi, qu'on ne choisisse le meilleur. I'auoys puis n'a-gueres receu pour filz, & successeur Lucius Commodus, qui fut assez de vous cognu: mais la destinee luy fut si contraire, qu'il goustâ plustost l'amertume de la sepulture, que la douceur des biens où ie l'auois constitué: maintenant i'ay choisi, & adopté pour vostre Empereur Antoninus, qui est & sera cōme ie puis promettre, prudent, bening, & misericordieux. Il prend l'Empire en aage meur & cōpetant, hors crainte, que la ieunesse luy face entreprendre choses temeraires, ou que la vieillesse l'empesche à bien gouuerner, & conduire ce qui est de sa charge. Il est nourry en ceste prouince, & a vescu en l'obseruation de noz loix, qui sera cause qu'il entretiendra noz coustumes, & ordonnâces, & ne nous portera estranges statutz. Qui fait bien à considerer: car il n'y a chose plus preiudiciable aux Republiques, que d'introduire coustumes estranges, & peregrines. Antoninus sçait, & entéd tresbien le fait de la guerre, gouuerner exercites, souffrir passions communes aux gens de guerre, mener pratiques, entretenir le peuple, vsr de clemence aux vns, chastier les autres, de sorte que le gouuernement de la Republique luy appartient, d'autant qu'il a experience de tant de bonnes choses. Vous le cognoissez, & il vous cognoit. I'ay conceu telle opinion de luy qu'il ne vous mesprisera, & ne m'oubliera: ains obeïra à moy, comme à pere, & vous aymera comme ses freres. Je veux dauantage, que vous sçachez que ie luy laisse l'estat d'Empereur avec pacte, & condition expresse, que sur ses derniers iours s'il meurt sans enfans, il le laisse à Marcus Aurelius, nostre fidele, & grād amy. Ces deux elections seront à mon aduis agreables aux Dieux, & profitables aux hommes. Marcus Aurelius est le plus grād en faueur, credit & science humaine, mais Antoninus a plus d'experience pour ceste heure, aux grands affaires, qui est le motif que ie l'ay preferé, ayant entendu, & cognu, qu'à

qu'à la generale conduite, & entretenement de la Republique, plus vaut vn an d'experience, que dix de science. Il faut que ie confesse, que i'ay esté negligent & mal preuoyant beaucoup de choses durât mon Empire, qui ma causé beaucoup de maux, & d'ennuys : mais ie tien la Republique recompensée de ce que ie laisse deux Princes l'vn apres l'autre, qui en bonté, vertu, & sciëce egaleront pour le moins tous leurs predecesseurs, & seruiron d'exemple aux successeurs.

ANTOINE D'AVIGNON.

La Phlebotomie de Maistre Antoine d'Avignon pour conseruer le corps humain en santé. [Impr. Avec vne Pronostication perpetuelle, à Paris 8°. par Alain Lotrian 1518.

ANTIOCHVS TIBERTI.

La Chiromance. Traduite, en François par Loys de Corbieres.

ANTITVS Chapellain de la Sainte Chapelle aux Ducs de Bourgogne,

L'histoire d'Eurial, & Lucrece, composee premierement, en latin en prose, par Æneas Syluius, & trāslee en rime François, par Maistre Antitus Chapellain de la Sainte Chapelle aux Ducs de Bourgogne. [Impr. à Lyon 4°. par Oliuier Arnollet, sans datte.

ANTOINE BELARD a traduit du Latin de Pierre de Aliaco, Traicté tres-vtile des sept degrez de l'eschelle de Penitence, figurez au vray sur les sept Psalmes penitentiels. [Impr. à Lyon 16°. par Denys de Harfy 1542.

ANTOINE BELISEM a translaté en prose François les Psalmes de David, Avec des annotations au marge, & les concordances des passages de l'escriture Sainte, y faisans à propos. [Impr. 16°. l'an 1537.

ANTOINE DE BERTRAND, Natif, de Fontanges en Auvergne, a mis en musique à quatre parties, Premier & second liures des Amours de Pierre de Ronsard, avec vne fort belle Preface dudit Bertrād. [Impr. à Paris par Adrian le Roy, & Rob. Ballard 1578. Troisieme liure de chansons du mesme Bertrand, imprimé de mesmes. Plusieurs Poëtes y ont mis des Sonnets à sa louange, assauoir Gabriel de Minut Baron du Castera, R. Garnier Manceau, Jaques Salomon, Le Sieur du Pin Conseiller au parlement de Tholose, De Brach, Jaques Gréuin, Le Sieur de Rangouse Conseiller au parlement de Tholose, Pierre le Loyer, G. Boni, & autres. Vous y trouuerez aussi vn Sonnet du mesme Bertrand à Pierre de Ronsard, ensemble vn autre sonnet pour response à celui de G. Boni.

ANTOINE BLEGER, a mis en rime François, La magnifique, & triomphante entree faicte à l'illustrissime Alexandre Farnese Cardinal, en Auignon, comme legat de sa sainteté. [Imprimee en Auignon.

ANTOINE BONFINIE. Voyez les harangues militaires, extraites de ses trois Decades de l'histoire de Hongrie, par François de Belleforest, en son œuvre de Harangues militaires.

ANTOINE BRUCIOLI.

Dialogues (en nombre 25.) sur certains points, de la Philosophie naturelle, & choses Metheorologiques, traduits de l'Italien d'Antoine Brucioli en François par traducteur incertain. [Impr. à Lyon 4°. par Guillaume Rouille 1556.

De l'office d'un capitaine. Voyez Traian Paradin.

Au 7. Dialogue:

Celuy se prise par trop, qui craint les esbranlemens de la terre, les inondations des eaves, & les ouuertes de la terre, comme s'il pensoit, ne pouuoir perir, sans que les parties du monde fussent meues, ou si le ciel ne tonnast, ou si la terre ne s'ouurist. Ne voyez vous pas qu'une petite ongle nous tourmente, si seulement elle se fend plus d'un costé, que de l'autre? Mais pourquoy craignons nous le tremblement de terre, quand un peu de grosse salive peut suffoquer l'homme? ou la cheute d'une petite pierre de bien peu hault le peult priuer de la vie?

ANTOINE DV BVS a traduit du Grec de Theodorit Eueque de Cir en François

Traicté de la nature de l'homme. [Impr. à Paris 8°. par Michel Vascosan.

ANTOINE CARACCIOLO Abbé de S. Victor lez Paris a escrit en François

Le Miroir de la vraye Religion. [Impr. à Paris 16°. par Simon Colinez sans datte.

ANTOINE CARACCIOLO Prince de Melphe, autre (à mon iugement) que le susnommé, & yssu neantmoins d'une mesme famille, a escrit,

Hymne Genethliaque sur la naissance de monsieur le Comte de Soissons, fils de Monsieur le Prince de Condé Loys de Bourbon, & Françoise d'Orleans illustre Princesse. Florent Chrestien a escrit un autre & second Genethliaque sur la mesme naissance. [Imprimé avec le precedent à Paris par Mamert Parisson 1568.

ANTOINE CATHALAN Albigeois a escrit, Passauant Parisien respondant à Pasquin Romain, Dialogue de la vie de ceux qui se disent viure selon la reformation de l'Euangile, & sont allez demeurer à Geneue. [Impr. à Paris, & depuis à Lyon en l'an 1556.

Epistre catholique de la vraye & reale existence du precieux corps & sang de nostre sauueur au saint Sacrement de l'Auel, sous les especes de pain & vin. [Impr. à Lyon 8°. par Ambroise du Rosne 1562.

Arithmetique & maniere d'apprendre à chiffrer & compter par la plume & par les geets, en nombre entier & rompu. [Impr. à Lyon 16°. par Thibaud Payen l'an 1555.

ANTOINE CHALON de Ceruiere en Forez a mis par escrit une Oraison ou Harengue par luy prononcée à la creation des Escheuins de la ville de Lyon le iour S. Thomas 21. Decembre 1571, dans l'Eglise S. Nizier. [Impr. avec une autre Oraison latine dudit autheur, d'autre substance, à Lyon 4 p ar Michel Ioue 1572.

ANTOINE CHALMETE Chirurgien du Puy on Velay, Enchiridion ou liure portatif pour les chirurgiens, diuisé en cinq liures par chapitres, ou sont contenus en brief les remedes tant vniuersels, que particuliers, des maladies externes, traduit du latin d'Antoine Chalmete chirurgien du Puy

du *Puy en Velay*, en François. [Impr. à Lyon 16° par Loys Cloquemin 1572.]
Le premier liure contient la curieuse vniuerselle que particulière des tumeurs
contre nature. Le second des playes. Le 3. des vlcères. Le 4. traicte de la cure des
fractures & dislocations. Le 5. traicte les remedes propres à guerir entierement
la grosse verole. Le traducteur ne s'estant nommé n'est incertain.

A N T O I N E C H A P V I S Daulphinois a traduit de l'Italien,
de Hieronimo Murio Iustinopolitain,

Le *Duel* ou combat, contenant trois liures. Auec les *Responces* cheualeresques
du mesme autheur contenans quatre liures. [Impr. à Lyon 4° par Guillaume
Rouille 1561.]

Description de la Limagne d'Auuergne en forme de Dialogue, avec plusieurs
Medailles, Statues, Oracles, Epitaphes, Sentences, & autres choses profitables &
delectables aux amateurs de l'antiquité: traduit du liure Italien de Gabriel Syme-
on par ledit Chapuys, & impr. à Lyon 4° par ledit Rouille 1561.

Au premier chap. du combat.

Faire preuue par combat n'est permis des loix des Empereurs, & est defendu
en la religion Chrestienne.

Combat n'est autre qu'une bataille faicte de corps à corps, sur la preuue de la
verité, que l'on se rapporte à ce qu'en decidera l'espee.
Varene & Pulsi dur temps de Iules Cesar, estans en different de l'honneur, se
deffierent à deuoir monstrier contre les ennemis, lequel des deux seroit plus à
estimer.

Ceux qui ont les premiers introduict en Italie les Duels & combats, ont esté les
Lombards, comme il est bien aisé à le comprendre par leurs loix. Et vn Roy,
nommé Aliprande, en vne sienne constitution reuogea, que telle soit leur
coustume de tout temps. Ils combattoient pout euesques & calpiciens & permis
en la loy, & s'attaquoyent en la presence de leurs iuges competas, par lesquels
comme ils se trouuoient vaincus, & estoient condamnés en iustice, selon
que l'on peut voir qu'il en est faicte mention en leurs liures. D'auantage, ils
vuidoient leurs differens, non en equipage de cheualiers, mais d'ordinaire
tenans vn bouclier en main avec vn baston (excepté en la querelle d'infidelité,
entiers son S.) Et ainsi se donne à entendre le second de la Lombardie, en la loy
trentième, du tiltre cinquante-cinquième. A cause de quoy il ne semble point
que leur principale intention fust le respect de l'honneur, & que les vaincus
quelque cause qu'il y eust, demeurassent infames & prisonniers de vainqueur.
Mais depuis, le temps de main en main coulant, le combat est venu à tel point,
partie des coustumes des Lombards, partie de l'art militaire, partie aussi des rei-
gles, qui ont esté inuentées ou approuuées aux courtes des grands Seigneurs,
qu'il n'y a de nostre temps personne si graue, soit Magistrat ou priuè, qui
n'estime à grand honneur, en sçauoit dire quelque chose, ou qui ne daigne
escrire ce qui luy en semble.

Au 1. liure des Responces cheualeresques.

La raison a esté baillee à l'homme pour gouuérneresse de toutes les opéra-

tions, & à fin que par le compas d'icelle il ait à mesurer toute sa vie, & toutes ses actions. Cette cy le doit maistriser à la maison, & dehors es choses publiques, privées, civiles, & militaires: & en somme il est tenu de se gouverner par elle en tous temps, lieux & en toutes les occurrences. Et pour laisser à présent à dire que les loix civiles ont esté instituees par cette principale maistrisse, il est tout seur encores que l'art de la guerre, & le mestier des armes a esté par la raison inventé, disposé, & réglé. Cette cy nous a enseigné qu'il faut faire la guerre pour se defendre, & cōserver la paix, la iustice, & nostre liberté: & nous a montré que les armes ne doivent eliquer sans legitime occasion: qu'avant qu'on les bouge, on enuoye deffier l'ennemy. Cette cy nous a baillé la forme de capitulation d'une guerre, & comme il la fault observer. Cette cy nous a instruit à faire les treues, & quant & quant sous l'auctorité de la foy nous a appris de les maintenir, tellement qu'au beau milieu des armes nuës, & de l'ardeur, & tempeste de guere elle nous admoneste inviolablement de garder la foy. Par cette cy ont encores esté ordōnees des choses plus particulieres: cōme est, que emmy les bādes farouches des ennemis les Ambassades, & courriers soyent quittes de peur, & de danger: que qui n'est soldat ne doye cōbattre: qu'on ne doive fuyr de l'une armee à l'autre: que les soldats n'ayēt d'intelligēces au camp des ennemis: que l'on n'abandonne les enseignes: & les autres telles choses. Ausquelles, tous ceux qui contreviennent, par un commun accord de tout le monde, encourrent manifeste infamie: ou les autres qui les observent inviolablement, sont louez, & honorez par dessus tous.

Au Dialogue de la description de la Limagne d'Auvergne.

Plusieurs belles definitions.

Qu'est-ce que Dieu? Esprit, sur tout intelligent, & tout en toute part: à la parfaite, & infinie puissance duquel, l'homme imparfait ne peut bailler nom assez digne, & convenable.

La nature? Acte continué, & perpetuelle œuvre de Dieu.

L'ame raisonnable? Intellect infus, ou voirement esprit & souffle de Dieu.

Les Cieux? Ordres concrets, du diuers, vifte, & plusieurs mouvement, desquels la machine du monde est regie.

Les planetes, & estoilles fixes? Verus ministres de Dieu, preposés casuellement aux conceptions de tous les hommes qui naissent.

Les Elements? Substances contraires par l'accidentelle alteration, mélange, & corruption desquels toutes choses naissent, & meurent apres estre creus, & diminués.

Le monde en uniuersel? Ornement parfait, & apparent témoignage de l'image incogne, & de l'infinie puissance de son createur. Prison temporelle du corps, comme le corps de l'ame. Enfer des bons, & paradis des méchans.

La fortune? Accident incertain, & mutable.

L'homme? Le meilleur, & pire de tous animaux. Creature insatiable, Ministre du bien, & du mal: l'un verifié par la hayne, & l'autre de l'amour.

La Femme? Obiect de concupiscence. Amour, & hayne precipité, & sans mesure.

La

La Femme chaste? La non euentée. Celle qui estant offensée de son mary, ne se met pourtant à mal faire. Qui peut, & ne veut pas. Qui hayt l'argent, l'huy, & les fenestres. Qui ne se soucie des banquets, festes, bals, ne accoustremens. Qui boit plus d'eau que de vin. Qui n'escoute les messages ny ne reçoit lettres ny presens des amans. Qui se tient plus volontiers, en sa maison qu'en celles de ses parens, ou voisins. Qui ne veut aller, ne demeurer seule. Qui estime son mary (quel qu'il soit) meilleur que tous les autres. Qui file, coud, tist, craint & prie souuent Dieu, & volontiers.

La femme sage? La dernière à parler, & la première à se taire.

Les enfans? Soupçon continuel de ioye, ou de douleur. Passions insupportables. Jalousie louable. Renouuellement du propre sang, avec incertitude des mesmes mœurs.

L'amour? Cognoissance de proportion. Conformité de mœurs.

L'amour charnel? Abregement de vie, diminution des forces corporelles, troublement du cerueau, & congreation de maladies.

La haine? Dommage désiré. Ruine du cœur.

L'amitié? Consentement à l'honneste, & refus de l'iniquité. Vne mesme volonté de bien. Obligation volontaire.

L'enuie? Vilté de courage. Basseur d'esprit. Indigence de la vertu ou du bien, qui abonde en autrui. Nonchalance manifeste.

La superbie? Amour excessif de soy mesme. Plaisir particulier, & sans aucun profit. Pronocation de maliceillance. Vanité & défaut de ceruelle.

L'humanité? La première partie qui est requise en vn Prince. Moyen de benivolence.

Le Prince? Despensier des biens de fortune. Défenseur des bons, & le fleau des mauvais. Premier observateur de ses ordonnances. Ministre de misericorde, & de justice. Exemple de vie aux moindres que luy. La regle & miroir du peuple.

La plus grande disgrâce d'un Prince? N'estre tel, ains auare & cruel, non amateur des vertueux. N'auoir qui luy die la verité, ny la vouloir ouyr. Ne tenir vne partie de ses suiets armez à cheual & à pied, par mer & par terre, s'estimant bien fort des forces mercenaires estrangeres. Se moquer du conseil du sage pauvre, fautes toutes deux du Roy Cressus. Laisser les affaires publiques, pour ses priuez plaisirs, vice de Sardanapale, & de Tibere. Croire bié & mal d'un chacun par la bouche d'autrui, Côme Ptolomee d'Apelle, & Iustin Empereur de Narfes, dōt l'un ruina vne partie de l'Empire, & l'autre peignit la calomnie. Ne desrober à ses plaisirs, & au iour deux fois trois heures pour voir & s'equerir soy mesme de son fait, & de celui des autres. Se faire plus craindre qu'aymer, prouenant iceluy de trop de superbie & auarice, & cestuy de liberalité & clemence. Perdre vne fois le credit & la foy. Dedaigner de lire toutes choses, & d'escouter vn chacun. Ottroyer benefices, offices, dignitez, & magistrats par faueur, ou argent. Ouyr plus volontiers deuiser les badins, que les gens sages.

Le peuple? Confusion appareillée à bien, & à mal. Furie irreuocable.

L'ignorance? Priser, & honorer les personnes par le iugement d'autrui,

quant on peut voir leurs œuvres. Juger, ou blâmer ce qu'on ne fait faire. De pauvre devenir riche, & se faire superbe. Ne sçavoir qu'une seule chose. N'avoir onques vu qu'un pais. Mesurer les autres à son même compas.

La constance? N'exécuter point le péché en ayant occasion. Ne se desborder en l'abondance. N'avoir des plaisirs en pauvreté indigne, de la richesse non méritée d'un autre.

Les richesses? Occasion de continuer en péché. Aiguillon de damnement. Nourriture d'arrogance, & de superbie, abregement de vie. Moyen à se faire aimer, & haïr.

La pauvreté? Torment du corps, & salut de l'ame. Mere de l'industrie.

Le cœur généreux? Oublier les iniures. Bien faire à qui t'a fait mal. Se contenter de peu en honneur, plutôt que d'avoir beaucoup avec vaine gloire, & reproche. Donner plus que recevoir. Donner peu, & viste, plutôt que beaucoup, & tard.

Le cœur vil, & abject? Tous dissimulateurs, avoir beaucoup, & user de bien peu. Craindre d'avoir faute de ce qui abonde.

Le cœur malin? Nuire à autrui pour profiter à soy-même. Conseiller au Prince son d'es-honneur. Ne faire l'honneur à l'homme qui luy appartient. Blâmer la personne ou la chose, qui mérite louange.

La folie? Penser que l'homme ne change de nature. Deschargement des pensemens graves, & honorables. Mesprisement du conseil d'autrui. Penser de sçavoir luy seul plus que beaucoup. Se douter d'une fortune, où il n'y a plus de remède. Se promettre la perpétuité de la bonne ou mauvaise fortune. S'estimer noble par les merites d'autrui. Parler beaucoup sans sçavoir. Faire le vaillant sans armes. Estre superbe sans vertu. S'estimer riche du credit d'autrui. Sasseurer tant en l'ambition, & en la faveur, que de croire que l'un ne doive jamais faillir, ne l'autre faire mauvaise fin. S'oublier en prosperité de sa condition première. Croire que les cerueaux naissent avec la race, & que la noblesse se conquiert par argent. Estimer autrui fol, & soy sage. Ne congnoître, ny ne penser au danger à advenir, & se moquer du conseil de celui qui le congnoist. Ruer la personne pour donner plaisir à autrui. Espargner par trop ses richesses, ne pensant qu'un autre en peut faire grand chere apres luy, sans luy en sçavoir gré. S'imaginer que le conseil d'un pauvre vertueux ne soit point meilleur, que celui d'un riche ignorant. Despendre le temps au jeu, sçachant faire d'autres choses. Pouvant éviter le danger, & trebucher dedans. Se montrer affectionné d'une chose, où il n'a part, ne portion.

La sagesse? Ne se fier du jugement & volonté de l'homme. Penser à la fin des choses avant que les commencer. Souvenance continuelle de la mort. Estimer toute chose humaine imparfaite. Escouter tout le monde, & croire à peu de gens. Ne tumber point deux fois en une erreur. Parler peu & penser beaucoup. Ne fier son bien ne sa personne à qui ne craint ny n'est subiet aux loix. Ne manier l'argent des grands Seigneurs, ny ne sçavoir leurs secrets.

La Noblesse? Election de vertu, abhorrissement de vice. Acquest licite d'honneur ou biens, avec sa propre industrie. Ornement qu'autre ne peut donner, ne tollir.

La

La felicité? Contentement de l'esprit. N'auoir necessité, & ne desirer rien plus, Se ritte de toute chose qui se presente. Regarder tousiours qui est pis, & non ceux qui sont mieux. Habiter en lieu, où le Prince soit iuste, docte, liberal, & pitoyable.

La vie? Misere temporelle. Pelerinage terminé diuersement. Acte composé de mal & de bien, de douleur & de ioye.

La mort? Repos du corps & liberté de l'ame. Fin de toutes peines. Consolation des affligez, & desespoir de ceux qui sont à leur aise.

ANTOINE ET ROBERT LE CHEVALIER, freres de Vire en Normandie ont traduit en vers François, Les œeuures de Virgile Maron. [Impr. à Paris 4°. par Thomas Perier 1582.

ANTOINE COLVMBAN Lyonnois Docteur en droit a escrit, Sommaire forme de proceder extraordinairement es causes criminelles contenant 250. Articles. [Impr. à Lyon 16°, l'an 1533, sans nom d'imprimeur.

ANTOINE COLOMBET Docteur es droits, consultant en la ville Ducale de Bourg, ample bailliage de Bresse a escrit, Traicté des personnes de main morte, censites & taillables, Auec arrests celebres, concordances & discordances des coustumes des prouinces & pays vsans d'icelles mains mortes: comme es Duché & Comté de Bourgoigne, Vi-comté d'Auxonne, Dauphiné, Sauoye, Dombes, Auvergne, Combraille, Niernois, Narbonne, Prouence. Contenant en outre tant principalement que incidamment plus de trois cens questions d'icelle matiere, avec la cognoissance des termes d'icelle. [Impr. à Lyon 8°, par Antoine Gryphius 1578.

Conseils sus pieds &c. ce sont consultations faictes sur le champ. [Impr. à Lyon.

Conciliatores super Codice, seu concordantia consiliorum doctorum ad leges Codicis in quibus reperientur lectura intellectus & materia dictarum legum. Opus Antonij Colombet iurium doctoris labore completum. [Excus. Lugduni in octauo, anno domini 1541. & nouissime Romae typis Int. Accolti 1571.

ANTOINE LE CONTE Jurisconsulte & lecteur du Roy en son vniuersité de Bourges a escrit des commentaires latins sur l'Edict du tres-Chrestien Roy Henry II. Des mariages clandestinement & oultre le gré & consentement du pere & de la mere contractez. [Impr. à Paris 8°, par André VVechel 1557.

Il a escrit en François

Oraison panegyrique à Monseigneur fils de France & frere du Roy a son heureuse entree en sa ville de Bourges. [Impr. à Bourges par Pierre Bouchier 1576.

Ant. Contij Lectionum subsecinarum Iura multa liber. Aureliani 8°. ex officina Eligij Gibierij 1575.

Eiusdem in Institut. commentar. 8°. Ad legem Iuliam maiestatis. Disputationes Iuris & quedam alia.

ANTOINE DE COTTE Le Conseiller du Roy en sa court de Parlement à Paris a escrit Mignardes & Gayes Poësies, Liure premier, contenant 64. Sonnets, 3. Chançons, 4. Elegies, 2. Epistres, La Cigale, 7. Bergeries, dont la sixiesme est prise de Theocrate,

crité, les Tombeaux, avec quelques traductions, imitations & inuentions du mesme auteur, assauoir quelques Epigrammes pris du Grec, Le Noyer pris d'Ouide, & autres. [Le tout imprimé à Paris 4°. par Gilles Robinot 1578. Plus Le quatorziesme liure de l'Iliade prins du Grec d'Homere, traduit par le mesme, & imprimé comme dessus.

En la 6. bergerie:

*Ne t'enorgueillis point: car tout aussi soudain
Comme un songe s'en va, te lairra la ieunesse:
C'est comme un raisin cuiët: vois tu la secheresse
De ces roses, le teint fanir incontinent.*

Dialogue du passant & de l'image de Vertu.

L E P A S S. *Toy, qui d'un graue pas t'en vas si mal-vestue,
De grace, qui es tu? dy moy où tu te tiens.*

V. *Je suis ceste vertu, chassée par les siens,*

Que l'Antiquité sage a si chere tenue,

P. *Pourquoy sous ton habit monstres tu la chair nue?*

V. *Pource que comme vains ie me prise les biens.*

P. *Pourquoy à double front t'ont paint les Anciens?*

V. *Pour l'un & l'autre temps presenter à ma veüe.*

P. *Mais que te sert ce frain? V. pour brider mes desirs.*

P. *Que seruent ces rasteaux? V. pour monstrier mes plaisirs
S'acquérir par labeur & peine poursuiuie.*

P. *Que fais tu d'aile au dos? V. Les Astres i'en atteins.*

P. *Comment tiens-tu la mort sous le pied? V. Je ne crains.*

Aussi seule ie suis, de fa faux affranchie.

En la fin & conclusion d'un Sonnet,

Puis que le souuenir de tant & tant de maux

Ne fait que tourmenter sans profit nos cerueaux,

Auecques Themistocle à present ie veux croire,

Qu'il vaudroit mieux trouuer un art pour oublier

Les maux que nous voyons que de remercier

Simonde inuenteur de celui de memoire.

En vn autre Sonnet,

En ceste Cour il fault comme elle est composee,

Qui se veut comporter, faire voile à tout vent,

Caresser l'ennemy, se garder de soy-mesme,

D'un

*D'un sou-ris gracieux masquer un ducil extreme,
Se faire amy de tous, & personne n'aimer,
S'offrir à un chacun, le singe contrefaire,
Dire souuent ouy, & penser le contraire:
Bref Protee en un iour cent-fois se transformer.*

Epigramme pris du Grec.

*Bastir chasteaux, couvrir grands tables,
Faire l'amour, coucher gros ieu,
Sont grands chemins, qui (delectables)
Conduisent l'homme en pauvre lieu.*

Au Noyer.

*Voyez ces tils de reng à la ligne plantez,
Qui (pource qu'ils n'ont rien) sont mignards, supportez:
Et vous aurez pitié de ma chetive vie
De voir en mille endroicts mon escorce meurdrie,
Et de cent playes (las) mes pauvres bras ouverts,
Sans charnure & sans peau iusqu'à l'os descouverts.
Cela ne me vient pas de querelle, ou par haine:
L'espoir seul du butin est cause de ma peine:
Si les autres portoyent, & qu'ils eussent dequoy,
On les verroit se plaindre aussi bien comme moy.
Ainsi qui a du bien, est desja trop coupable,
Et celuy qui n'a rien (bien qu'il soit punissable)
Demeure sans recherche en crime, & en seurté:
Car personne ne veut rechercher pauvreté.
Ainsi le voyageur qui a pleine bougete,
Craint tousiours qu'un voleur pour luy oster l'aguette:
Mais qui s'en va leger & d'argent, & d'ennuy,
Sans doubter le brigand, chantera deuant luy.*

Version du Libera me Domine.

*Delivre moy, bon Dieu de la mort eternelle,
Quand la terre & les cieux deuant ta maiesté
(Fremissans) trembleront d'une frayeur mortelle.
Au iour que tu viendras avec un front seuer
(Plein pourtant de bonté) pour iuger ce grand Tout,
Et à rien par tes feus le consumer au bout,
Comme au commencement de rien tu le sceus faire:*

Iour

Jour hélas! iour d'horreur & d'ire espouventable,
 De miseres, d'ennuis, & grincemens de dents,
 De souspirs & sanglots: iour grand entre les grands,
 Plein de maint amer cry, & larme pitoyable.
 Las! i'en tremble d'effroy: mon cœur en soy s'en presse,
 S'esperdant tout confus: & des que seulement
 Je pense (apprehendant ce dernier iugement,
 Et ce coup sans mercy) le poil d'horreur me dresse.
 Les Anges fremiront à lors deuant ta face,
 Et les Archanges saints (craintifs) s'iront cachans.
 Hé! que deuiendront donc les peruers, les meschans?
 Où pourront ils (hélas, malheureux) trouuer place?
 Le plus homme de bien encores à grand peine,
 Quelque iuste qu'il soit se verra-il sauuer:
 Où donc (chetif) où danc m'oseray-je trouuer,
 Qui de sales pechez sens mon ame si pleine?
 Quoy donc? (pauvre) hélas! où sera mon refuge?
 Qu'est ce que ie diray? qu'est-ce que ie feray?
 Que pourray ie apporter de bon, quant ie seray
 (Iniuste que ie suis) deuant si iuste Juge?
 L'on ouyra des Cieux ceste voix messagere:
 O vous morts, qui gisez aux cercueils enterrez,
 Debout, esueillez vous, & (viuans) accourez,
 Pour ouyr du sauueur la sentence derniere.
 O bon pere, qui as toute chose, creee
 Dieu qui m'as du limon de la terre formé,
 Et par le propre sang de ton fils bien aymé,
 Miraculeusement mon ame rachetée:
 Voire qui du tombeau dois releuer en vie
 Le iour du iugement ce foible & palle corps,
 Bien qu'il soit tout en pouldre entre mille autres morts,
 Entends à moy chetif: qui humble te supplie,
 Reçoy mon oraison, & m'exauce (de grace)
 Las! ordonne clement, qu'entre les bienheureux
 Au giron d'Abraham ton Patriarche (aux cieux
 En repos eternal) ma pauvre ame aye place.

ANTOINE COVILLARD, Sieur du Pauillon lez Lorris
 en Gastinois a escript:

Instruction

Instruction & exercice des Greffiers des Iustices tant Royales que subalternes des preuosts & ballifs de ce Royaume. [Impr. à Paris 8°. par Jean Longis 1543. & despuis 16°. par Vincent Sertenas 1560. avec mutation de tiltre, & tel que s'ensuit,

Quatre liures sur les procedures ciuiles, & criminelles, selon le commun styl de France & ordonnances Royaux, pour l'instruction des Greffiers.

Les propheties, où entre autres choses il demonstre que Dieu sans autre ayde, regit & gouuerne toute la machine, & peut seul, & non pas les hommes, iuger des choses futures. Et au surplus que le Prophete n'est à despriser en son art, où il y a beaucoup plus de plaisir que d'approbation. [Impr. à Paris 8°. par Antoine le Clerc 1556.

Les fleurs odoriferantes, cueillies és delictables Iardins de vertu, diuisees en deux liures. [Impr. à Paris 8°. par Loys Begat 1549.

Les Antiquitez & singularitez du monde. [Impr. à Paris 8°. par Antoine le Clerc 1547.

Les Contrediets aux faulses & abusiuës propheties de Nostradamus, & autres Astrologues: diuisez par chapitres en 4. liures. [Impr. à Paris 8°. par Charles l'Angelier, 1560.

Epistre presentee au Tres inuincible Roy de Polongne, fils & frere des Roys de France, à sa bien venue à Paris au retour de la Rochelle, par ledict Sieur du Pailillon. [Impr. à Paris l'an 1573.

ANTOINE CRAPPIER natif de Caiz en Picardie a traduit du Grec de Lucian en François

La Diablerie d'Apelles, c'est à dire la Calomnie, ou autrement vne remonstrance fort excellente, là où est clerement monstré, qu'il ne faut croire à la volée à faux rapports. [Impr. à Lyon 8°. par Claude Marchant 1551.

Apelles peintre Ephesien accusé faulsemēt & à tort par Antiphilus enuieux de son art & grace, d'estre compaignon de Theodote, en la cōiuration, & sedition qui auoit esté faiçte en Tyr cōtre le Roy Ptolomee, & la ville s'estant reuoltee, & le port de Peluse occupé & pris, on creut que cela s'estoit fait par le conseil d'Apelles, à raison dequoy le Roy vaincu par flatterie, fut grandement esmeu de courroux du grand esblouissement de Calomnie, tellement qu'il meit en mespris toutes coniectures, lesquelles pouuoient ou augmenter, ou diminuer la foy de la cause. Et n'a point cogneu le Calomniateur, enuieux de l'art d'Apelles, ny consideré la petitesse dudit Apelles, & qu'il n'estoit possible qu'il eust eu le courage de trahir Peluse, veu que le Roy l'auoit auancé par sa liberalité au dessus de tous les autres peintres, sans s'estre aussi enquis si Apelles auoit autresfois nauigé vers les Tyriens, où il ne fut onc. Adonc le Roy appelle Apelles traistre, desloyal, ingrat & mescognoissant, accusé d'auoir commis crime de leze magesté. Et n'eust esté que l'un de ceux qui estoient compaignons en la coniuration, lequel estoit captif, meü de grande compassion de l'infortuné Apelles, & voyant la hardie & temeraire meschaceté d'Antiphilus, n'eust proué hardiment & droictement, qu'il n'estoit aucunement coupable, & n'auoit aucune accointance avec les seditieux: certainement il eust-esté condamné à la mort. Lors Ptolomee ayant changé son courage en meilleur sens, muant la

f sentence

sentence, donna cent talents d'or à Apelles, & meit le calumniateur Antiphilus en seruage perpetuel. Apelles de sa part, ayant memoire du peril où il auoit esté par faux rapport, s'est vengé en prenant peine de peindre au vif en vn tableau la calomnie, & sa suyte, comme cy apres est deduit, &c. Cecy seruira pour l'argument dudit liure. Et apres le pourtraict qu'il en a fait Lucian dit:

*Ne peu ne trop doit estre ta mesure,
Prends le moyen, qui plus longuement dure:
Car peu ou trop, ne sont choses egales.*

Et pourtant ce qui est excessif tient de la partie inegale & indirecte.

ANTOINE DE LA CROIX a escrit
Tragicomedie. L'argument pris du troisieme chapitre de Daniel. Avec le Cantique des trois Enfans, Sidrac, Misac & Abdenago, chanté en la fournaise ardente. [Impr. 8°. à Paris 1561.

En vn Cantique des Babylonniens seruant de Chorus.

*Que sert toute la sagesse,
Que sert toute la richesse
Icy aux pouures humains,
Dans leurs courages conceüe?
De leurs courages l'issue,
N'est nullement en leurs mains.
Que sert-il de se promettre
Se faire des autres maistre,
Vn grand Seigneur, Prince ou Roy?
Quand (ô la foiblesse extreme!)
On ne peut pas de soy-mesme,
Prendre puissance sur soy?
Que sert il que l'on propose
Faire telle ou telle chose,
Sauuer sa vie, ou son bien,
Deffendre vn tel, tel destruire?
Quand pour ayder, ou pour nuire
De soy-mesme on ne peut rien.*

ANTOINE FRANCOIS DONI.
Les Mondes. Voyez le tiltre au long en Gabriel Chapuis.

ANTOINE D'EMERY Medecin a escrit
Antidote contre la Peste, au peuple d'Abbeuille, auquel sont contenues les causes & remedes d'icelle. [Impr. à Paris 8°. par Galiot du Pré 1545.

ANTOINE ESTIENNE Minime, a escrit,
Remonstrance charitable aux Dames & damoiselles de France sur leurs ornemens

mens dissolus, pour les induire à laisser l'habit du paganisme, & prendre celui de la femme pudique & Chrestienne. [Impr. à Paris 8°. par Sebastien Niuelle 1572.

Il a traduit du Latin de S. Thomas d'Aquin

La maniere de se confesser & d'acquiescer vne vraye pureté de conscience. [Impr. à Paris 8°. par Sebastien Nyuelle 1579.

En la remonstrance.

L'abit de la femme (dit Tertulien,) comprend en soy deux especes d'ornemens. L'une consiste en or, & argent, & pierres precieuses, & pareillement en vestemens. L'autre en soin de la chevelure, & de la peau, & autres parties du corps, qui prouoquent & attirent à soy les regards. A la premiere nous attribuons le crime d'ambition, à la seconde la paillardise & prostitution. Que les femmes pudiques, (dit S. Cyprian) fuyent les ornemens des incestueuses, les habillemens des impudiques, les enseignes des magasins de toute deshonesteté & vilennie, les ornemens des femmes abandonnées. Ce pere d'eloquence Chrestienne S. Jean Chrysostome monstre fort bien que les habits, lesquels vous portez de present, ne vous sont pas conuenables, mais bien à ces femmes lasciuues qui anciennement, faisoient profession de iouer des ieux sur vn theatre, vulgairement appellées basteleuses, ou comediantes, lesquelles, montent sur l'eschaufaut ainsi parees non à autre fin que pour estre regardees & pour attirer vn chacun à soy. Le S. pere Cyrille me seruira aussi de fidele tesmoignage contre vous, par la leçon qu'il vous fait en sa Catechese, vous prescriuant la forme & maniere des vestemens que deuez porter, disant : Vse d'un habillement simple non pour ornement, mais pour satisfaire à ta necessité : non à fin que tu t'estudies à mignardise, ains à fin que tu sois chaude en hyuer & que tu couures ton ignominie. Si vous ne vous contentez des auteurs prealegues, ie vous mettray encores en ieu S. Ambroise & S. Hierosme, desquels le premier dit : Qu'il n'y a homme de sain iugement, qui n'aye en horreur la femme habillée somptueusement : & que Dieu, auteur de toutes creatures, l'a encores plus à contrecœur : d'autant qu'il void que le corps qu'il a créé libre, est pressé de metaux, & plongé au borbier des caduques vanitez de ce monde. Le second vous exhorte ainsi : Iamais ceste parole prophetique ne soit proferee de vous : Leurs filles sont composees & ornees à la semblance du temple, & sont blanchies exterieurement comme les sepulchres, lesquels sont dorez par le dehors, mais au dedans sont tres-deshonestes & pleins de corps de trespassez. Elles constituent leur gloire en vestemens, en or & pierres precieuses. Leur plaisir & volonté desordonnée ne leur suffit pas, elles cherchent les occasions de l'accomplir. De quoy te seruent tant de perles & tant de ioyaux ? Pourquoi te glorifies tu en la beauté du drap ? Toute chair n'est elle pas semblable à la cendre & au foin ?

Quant à ces singes de court qui sont effeminez & vrais sectateurs d'un Sardanapale, & d'un impudique Heliogabale, ie ne doute point, que ne leur soyez agreables, & ne leur sembliez belles : car le diable donne couleur à son ouurage, ioint qu'ils sont semblables à vous, & partant s'accordent bien avec vous à

f 2 tel

tel ornement. Mais sçavez vous bien quant vous leur plaisez, c'est quand vous avez ce desbordement d'invention diabolique. Que s'il aduient, qu'ils vous voyent par-aduantage, deuant qu'ayez attaché ces raquettes à vostre teste, & deuant que soyez reuestues, de voz habits dissoluz, ils se gossent, & rient de vous à pleine gorge, & dient que vous ressemblez à la pie d'Horace, laquelle se voyant si noire, & si laide, print des plumes de tous les autres oiseaux, & s'empluma d'icelles, de maniere que la voyant si belle, & si dextrement parée, remarquant aussi, que c'estoit aux despens du leur, qu'elle estoit tant iolie, vn chacun d'entre eux print ce qu'il luy appartenoit, & par ce moyen demeura elle toute plumée, & merueilleusement ridicule. Qu'il soit vray que luy ressembliez, outre les cheueux, qu'empruntez d'autrui, les plumes des perroquets, & d'autres oiseaux, que portez maintenant sur vos testes en portent assez euident tesmoignage.

Après vos raquettes qui semblent des aisles de chauuesouris vous avez des masques noirs, surquoy ie me contenteray seulement vous aduertir, que les avez empruntees des Ethniques. Qu'il soit ainsi voyez ce qu'en dit Tertullian, lequel tesmoigne, icelles auoir esté en v'sage aux femmes Ethniques d'Arabie. Outre cela, ie vous diray hardiment, que tels faux visages ne sont honnestes, mais qu'ils ont ie ne sçay quoy d'impudicité: & ne veux vous le prouuer, sinon que d'une histoire de la Bible sacrée, escripte en Genèse, où il est dict, que Iudas ayant promis en mariage son fils Sela à Thamar, la belle fille, & n'ayant tenu ses promesses, elle en fut faschée. Or entendant qu'il s'en alloit faire tondre ses troupeaux en Thamnass, elle changea ses vestemens de viduité: & après auoir pris vn petit manteau d'esté, se mit en vn chemin, qui auoit deux voyes conduisantes en ce lieu, où il s'acheminoit. Et luy passant par là, l'ayant veüe eut soupçon que c'estoit vne paillarda, d'autant qu'elle auoit couuert sa face de peur d'estre congneüe. Et partant, la pria il de son deshonneur. Parquoy vous voyez, telle maniere de masques estre mal seante à celles qui veulent selon leur interieur exterieurement paroistre femmes de bien. Que diray ie maintenant, du soin & de la sollicitude que vous mettez à vous farder, à peindre & plastrer vostre visage, & à batailler contre la verité d'iceluy, sinon que les diables (comme tesmoigne S. Cyprian) vous ont enseigné ceste leçon: Voyez, dit ce bon pere, Dieu a dit, faisons l'homme à nostre image & semblance: & quelcun d'entre vous ose changer ce que Dieu a fait: Vous voulez faire la guerre à Dieu quand vous vous estudiez reformer ce qu'il a fait, ne sçachant pas que tout ce qui naist en ce monde est de Dieu, & du diable tout ce qui est changé.

A la mienne volonteé, disoit Tertullian, qu'au iour de la Chrestienne exultation, ie miserable esleue à tout le moins ma teste, entre voz talons, pour voir si resuscitez avec la cerusse, la croye rainte en pourpre, & avec le safran, & si peintes en cette sorte, les Anges vous esleueront en lair deuant nostre Seigneur Iesus-Christ. Si voz medicamens, & vostre fard, sont choses bonnes, & s'ils sont de Dieu, alors ils viendront au deuant des corps, qui resusciteront & reconnoistront leurs lieux & places: mais il n'y aura que la chair & l'esprit seul & pur, qui puisse resusciter. Parquoy ces choses là ne valent rien, lesquelles ne resuscitent point en chair, & en esprit, pourtant qu'elles ne sont pas de Dieu.

Abstenez

Abstenez vous doneques aujourd'huy de telles choses , que Dieu vous voye aujourd'huy telles qu'alors il vous verra.

Vne certaine courtisane nommee Phryn  e inuitee    vn banquet o   l'apresdinee la compagnie ioua    vn ieu , tel , que tous ceux qui sont de la partie , sont contrains faire tout ce qu'un seul fait, voyant qu'il y auoit plusieurs femmes    la susdite compagnie qui estoient fardees, mouilla deux fois sa main en l'eau, & puis s'en frotta le front , & toutes les autres apres firent le semblable : ce qu'ayans fait , elles firent rire la compagnie : car    mesure que l'eau leur tomboit    trauers le visage ainsi plastr   de fard , elle faisoit de grandes rayes , & les rendoit extremement laides : & par ce moyen donnerent fort grand plaisir    tous les assistans les voyant si laides , veu qu'auparauant elles paroissoient estre d'une beaut   nompareille.

ANTOINE F A B R I religieux de l'obseruance reguliere a escrit, Replique Catholique    vne responce Blasphematoire du Saint Sacrifice de la messe, faicte par les ministres de la pret  due religion reformee d'Arles. [Impr. en Auignon 8  . par Pierre Roux, 1567.

ANTOINE F A V V R E. Mathematicien natif de Bourges a escrit,

Arithmetique en laquelle sont reigles nouuelles des nombres entiers & rompus , des pairs & non pairs, vtiles    tous financiers , marchans & orfeures, tant pour le fait des comptes que par reduction des aulnaiges, palmes, cannes, brasses , pois & mesures , alliages d'or & d'argent. [Impr.    Paris 4  . par Jean Borel 1576.

ANTOINE D E L A F A Y E a traduit en Fran  ois, Histoire Romaine de Tite Liue Padouan , assauoir les xxxv. liures restans de tout l'  uvre continu   dez la fondation de Rome iusques au temps d'Auguste. [Impr. f  . & 8  . par Iacob Stoer 1582.

En la Preface du traducteur,

Il est bien    deplorer que la plus grand part , voire du plus beau & du meilleur de ce tresor historial , nous a est   enuiee par le temps , qui n'a permis que nous eussions la piece entiere c  me elle a est   ourdie & acheuee par nostre auteur. Car de cent quarante liures deduisans l'histoire , despuis le commencement iusques au temps d'Auguste, nous n'en auons que trente cinq, & iceux, non encores entiers le reste est esgar   ou perdu , pour le moins il en apparoit bien peu de trace. Neant-moins en ce qui nous reste, nous auons de beaux & excellens trait  s, qui nous peuuent beaucoup ayder    la vie humaine, & mesmes    l'intelligence de plusieurs points des saintes escritures, principalement touchant la troisi  me & quatri  me monarchie. Que si Dieu donne le moyen    quelcun que ie cognois, i'espere qu'un iour ce qui deffaut pourra estre suppl   , en attendant que le bris de ce naufrage se ramasse, dont on dit certaines pieces estre en Italie, les autres en Allemaigne, d'autres en Dannemarc , d'autres ailleurs, comme il me souuient qu'estant    Padoue & deuisant avec les hommes s  auans de ceste ville l  , le docte & excellent vieillard Paulo Crasso disoit auoir receu nouuelles , que dedans la Goulette en Barbarie toute l'histoire de Tite Liue estoit trouuee entiere escrete en l'angue Arabique.

Et plus bas:

Or n'entrepren-je de surhausser Tite Liue sur tous les autres historiens, sachant bien ce que les critiques dient, tant des choses qu'il a traitées, que du langage, ou style d'iceluy: mais pource que luy seul entre tous ceux que nous auons, a comme tissu d'un mesme fil les choses faictes par le peuple, le premier de la terre, lesquelles meritent d'estre sceues & cogneues de tous en tout temps & en tous lieux: à fin aussi que comme nostre nation a commencé de ne plus niaiser apres les vieux Romans faits & controuuez à plaisir, & a gousté que c'est de la vraye erudition par la lecture de Plutarque, Herodian, Cesar, Tacitus & autres infinis bons auteurs Grecs & Latins qui parlent aujourdhuy François: aussi elle poursuiue & s'auance tant plus en bien & cognoissance de choses solides, honorables & profitables. Que s'il y a auteur ancien latin qui doive estre cheri de nostre nation, j'ose dire que c'est cestuy-cy: car quoy qu'il ne dissimule pas le peu de bon vouloir, qu'il portoit aux Gaulois: si est ce qu'il leur a serui quasi de chroniqueur à eterniser beaucoup de choses qui autrement seroyent enterrees au tombeau d'oubliance. Telsmoin l'expedition de Bellouesus & Sigouesus, le passage des Gaulois en Italie, la prise & sac de Rome, la conqueste de tout le pais d'entre les Alpes & l'Apennin, qui a esté vne seconde Gaule, leur demeure & peuplade en Asie, où ils ont fait comme un troisieme, leurs vaillances, & armes espouuantables plus que de nul autre. Bref plusieurs braues & hautes executions faictes & non escrites par nos ancestres plus curieux de bien exploitter, que de bien escrire, & se louer, comme ont fait les Grecs, & Romains.

ANTOINE FONTANON Aduocat en la cour de Parlement à Paris a traduit de Latin

La Practique de Masuer ancien Iuriconsulte & practicien de France, illustree d'annotations sur chacun tiltre par le mesme traducteur. [Impr. à Paris 4°. par Sebastien Nyuelle 1577.

Les Edicts & ordonnances des Roys de France depuis S. Loys iusques à present: Auec les verifications, modifications & declarations sur icelles. Diuisees en quatre Tomes & chacun d'iceux sub-diuisé encores par liures & tiltres, dont le premier concerne seulement le faict de la Iustice: Le second, les choses fiscales; Le troisieme la noblesse & police militaire; & le quatrieme la Police sacree & Ecclesiastique: Auec vne table en chacun Tome des liures & Rubriques y contenues, par Antoine Fontanon Aduocat &c. Et par luy augmentees de plusieurs ordonnances anciennes & nouuelles reduites en leur vray ordre selon la nature des matieres. [Impr. à Paris f°. par Nicol. Chesneau & Iaques du Puys 1580.

ANTOINE FLUVIAN grand maistre des cheualiers Rhodiens du saint ordre de l'Hospital S. Iean de Hierusalem.

Voyez ses constitutions & ordonnances au volume des establissemens dudit ordre, qui a esté translaté en François & imprimé en f°. l'an 1493. Je l'ay en ma librairie.

ANTOINE FOVQVELIN de Chauny en Vermandois a escrit
La

La Reithorique Françoisse, où les preceptes de cest art sont traictez & declarez par exemples & tesmoignages des autheurs qui sont les plus approuuez en nostre langue, comme de Ronsard, du Bellay, Bayf & Belleau pour la Poësie: & du traducteur de l'histoire Aethiopique d'Heliodore pour la prose. [Impr. à Paris 8°. par André VVechel, 1557.

Antonij Foquelini Veromandui, in Auli Persij Satyras commentarius, ad Petr. Ratum eloquentia & Philosophia Regium Lutetia professorem, Parisijs apud Andream VVechelum, anno salutis 1555. in quarto.

Praelectiones Aureliana ad titulos de vulgari & pupillari substitut. lib. 2. Instit. Ant. Foquelino authore. Parisijs 8°. apud Andream VVechelum 1559.

ANTOINE DV FOVR Euesque de Marseille Docteur en Theologie a escrit

La Diete de Salut contenant 50. meditations sur la passion de nostre Sauueur Iesus-Christ. Auec vne Paraphrase sur les sept Psalmes penitentioux, par le dit autheur. [Impr. à Paris 16°. par Guillaume Guillard 1557. & par Nicolas Chesneau 1574.

ANTOINE PHILEREME FREGOSE.

Le Ris de Democrite &c. Voyez Michel d'Amboise.

ANTOINE FVME E Cheualier Seigneur de Blandé Conseiller du conseil priué du Roy a escrit

Panegyrique au tres-Christien Roy de France & de Poloigne. [Impr. à Paris 8°. par Nicolas Chesneau 1574.

Les histoires despuis la constitution du monde. Liures IIII. qu'il promet continuer, contenant diuerfes interpretations des Docteurs Ecclesiastiques, sur les premiers chapitres du premier liure de Moyse, dit Genese. [Imprimé à Paris f°. 1574.

Au Panegyrique.

Plusieurs Philosophes ont disputé s'il seroit meilleur d'auoir vn Roy mal habile, qui ne feist rien sans conseil, ou vn homme bien aduisé qui feist tout à sa teste: l'vn & l'autre est vitieux, mais ie ne pense point qu'un Prince puisse suiure bon conseil, s'il ne sçait cognoistre quel est le bon & quel est le mauuais. Vn Seigneur ne peut dire auoir fait quelque chose par conseil, s'il n'a tellement entendu & approuué les raisons qui ont esté deduites, que tout ce qu'il en a peu recueillir, soit le fondement de sa volonté.

C'est la deuise de quatre yeux & quatre aisles que Mercure estima digne d'estre portee par Saturne, pour donner à entendre que les Roys ne peuuent d'eux mesmes satisfaire à toutes les affaires, mais leur est besoin de plusieurs yeux & plusieurs aisles: & comme disoit vn autre Roy, de plusieurs aureilles.

Encores que les Roys donnent plus, & facent les recompenses plus grandes, que ne feroient les loix, si est ce que la prudence du sage Prince, fera que ceux qui ont mieux merité, ne soyent despités de voir les moins dignes plus largement satisfaits, pour le moins que la distribution des honneurs soit avec tel iugement, que ceux qui les reçoient, s'estiment avec leur commodité & dignité estre couronnez du pris deu à la vertu.

Les amys & familiers des Roys doiuent estre comme les rayons du Soleil lesquels penetrent iusques és lieux, où l'on ne peut voir le corps de ce grand luminaire, mais ils en despartent la chaleur & la lumiere: aussi ils doiuent faire estēdre la bonté du Roy, iusques à ceux qui ne le peuuent voir ny supplier en personne: mais ceux qui l'empeschent de voir la pitié de son peuple, qui bouchent ses oreilles de peur d'entendre la verité, qui destournent sa clemence & humanité des affligez, sont cause de plus de maux que les Astrologues n'en promettent par les Eclipses de la Lune, & du Soleil. Ceux qui succent sans cesse la bourse de leur Prince, & ne l'estiment que leur pouruoyeur, comme disoit Philippe a son fils, sont tort à leur maistre, auquel ils ostent le moyen d'vser ailleurs de liberalité, & font autant de dommage au peuple sur lequel se prend tousiours ce qui est de faute és finances du Roy.

En la Preface des histoires:

Ainsi que les Poissons, oyseaux, & animaux terrestres ont plusieurs appetits naturels, & inclinations semblables, pour estre composez de mesmes elemens, sens, mouuemens & esprits de vie: aussi chacun en son endroict a quelque particularité, laquelle n'est, & ne conuient aux autres. Le soing de se nourrir, se garder, esleuer ses petits, & semblables desirs sensuels, sont communs à tous animaux parfaicts, outre lesquels, chacun a son instinct à part, qui le pousse & incite à quelques actes exterieurs selon sa nature. Et comme l'eau est propre aux poissons, l'air aux oyseaux, la terre aux bestes, chacun d'eux a ses façons & manieres qui tiennent de leurs complexions humides, subtiles, ou terrestres. L'homme a quelque chose de commun avec tous, il s'esleue en l'air, il hante l'eau, il manie la terre, avec neantmoins tāt de marques dissemblables, que le corps seul encores qu'il soit passible, & subiect aux iniures du tēps, si monstre il assez par son structure son excellēce, pour estre plus beau, net, & parfait, & le visage doué de plusieurs singularitez, de ris, de parole, de grace, de maiesté. Aussi les mouuemens corporels sont plus paisibles, les appetits mieux ordōnez, les actions plus gentilles. Mais l'entendement faict la vraye difference de l'homme, & les appetits, intentions, & effects prouenans d'iceluy, sont tous autres que ceux des bestes brutes. L'homme desire sçauoir ce qui a esté, ce qui est, ce qui sera, le bien, le mal, l'ordre, la proportion, il oit, il lit, il contemple, il traualle pour attaindre à la verité de toutes choses. La terre ne le tient, la mer ne l'empesche, le ciel ne l'arreste, il penetre iusques à la premiere cause de tout. Là est son but, là son contentement. Et d'autant qu'il est né pour estre immortel, il rasche à faire ouurages qui durent long tēps, & à iamais s'il pouuoit: il bastit comme si iamais il ne deuoit mourir, il fait ce qu'il peut pour perpetuer sa famille & posterité, il a soing de sa sepulture, de son nom & de sa memoire, qui sont toutes complexions dont les bestes brutes ne tiennent aucunement. Et pour en reprendre deux desquelles pourroit estre quelque doute, qui est la memoire du passé, & la prouoyance de l'aduenir, il est plus vray semblable que les bestes tant fines, adroictes, & subtiles qu'on voudra, se meuuent à ce qui est present à leur sens seulement, & n'ont soucy du passé, ne du futur, sinon en tant que l'appetit & mouuement sensuel qui les excite, a quelque trait de duree

dures, lors elles semblent auoir quelque memoire, quand elles reprennent ce qu'elles auoyent caché au parauant, & quelque preuoyance, quand elles bastissent quelque ouurage qui leur sert à l'aduenir. Toutesfois l'un ne l'autre ne leur procede ne de discours, ne de iugement, ains d'accoustumance, force, & propriété de nature. Et qu'ainsi soit, les bestes de mesme espee n'ont qu'une mesme action, & ne s'esmeuent que pour leur viure & leur seureté, & si elles reuiennent au lieu où elles ont esté quelque fois, ou reprennent mesmes actions, c'est par accoustumance, par fortune, ou par force. L'homme n'est meu par aucun appetit charnel à considerer ce que ses voisins, ce que luy mesmes a faict au precedent, mais ceste curiosité est naturelle à son esprit: Aussi ce qu'il entreprend pour l'aduenir, ne prouient le plus souuent de ce à quoy ses sens l'inclinent, ains au contraire ils y résistent. Ces deux proprieté sont de telle efficace, qu'estans les hommes par leur mauuais gouuernement despoillez de la dignité premiere en laquelle ils auoient esté creéz, & deuenus foibles, malades, ignorans, & subiects à toutes calamitez, ils se sont par le moyen d'icelles quelque peu releuez & fortifiez contre ce qui leur pouuoit nuire. Ils ont trouué les remedes cōtre maladies, ils ont cherché les antiquitez, sources, & principes de toutes choses. Les incommoditez qu'ils auoient receuës de leurs voisins vicieux, leur ont fait hayr les vices, & inuenter polices & loix pour les contenir. Mais les plus grands effects sont sortis de la cupidité d'honneur & de gloire, & de bonne renommee, dont il ne chaut aucunement aux autres animaux, lesquels s'ils auoient quelque scintille de gloire, ils la monstrent aux combats qu'ils ont ensemble, à l'issue desquels nous voyons que le vaincu a toutes les contenances d'un honteux & fâché, & le vainqueur, d'un content & gaillard: mais que les autres qui ont esté presens au combat, donnent quelque signe de plus estimer l'un que l'autre, nous ne le voyons point. &c.

ANTOINE GARDANE musicien a mis en lumiere plusieurs chansons Françoises en musique à 4. parties. [Impr. tant aux vieux que nouveaux recueils des chansons.

ANTOINE GEVFFROY Dauphinois, Cheualier de l'ordre de S. Iean de Hierusalem a escrit Description de la court du grand Turq. Et vn sommaire du regne des Othomans. Auec vn abregé de leurs folles superstitions, ensemble l'origine des cinq empires yssus de la secte de Mehemet. [Impr. à Paris 4°. par Chrestien VVechel 1546.

Il a traduit de l'Italien de Pandolfe Collenuccio, Dialogue de la teste & du bonnet. [Impr. à Lyon 16°. par François Iuste & Pierre de Tours 1544.

ANTOINE GVERCIN du Crest-arnaud en Dauphiné a traduit d'Italien

Le Nymphal Flossolan de Iean Boccace contenant le discours de deux amans Africain & Mensole: Auec leur vie & mort. Ensemble l'origine des Florentins, histoire non moins belle que recreative. [Impr. à Lyon 16. par Gabriel Cortier 1556.

ANTOINE GVERIN a escrit Epistre à François Balduin Apostat & imitateur d'Ecebolius: De l'office du Iurifcon

Jurifconsulte Chrestien. [Impr. à Lyon 8°. par Antoine Cercia 1564. *Caluinique.*

ANTOINE DE GVEVARE. Voyez Antoine Alaigre. Antoine du Pinet. Jean de Guterry. François de belle-Forrest. Nicolas de Herberay. Nicolas Dany.

ANTOINE GVILLERMIN, natif de Rhodés en Rouergue professeur en Medecine a escrit

Succinte declaration que signifie le Soleil parmy les signes à la natiuité de l'enfant. [Impr. à Lyon 8°. par François & Benoist Chaussard, 1556.

ANTOINE DE HAVVILLE a mis en Musique à quatre parties quelques chansons spirituelles: imprimees sous le tiltre de Lyre Chrestienne, par Symon Gorlier à Lyon 1566.

ANTOINE HEROET dit la maison neufue, heureux illustrateur du haut sens de Platon, a escrit en vers François, La parfaicte amye, en III. liures. L'Androgine de Platon. Autre inuention extraicte de Platon, De n'aymer point sans estre aymé. Complainte d'une dame surprinse nouuellement d'amour. [Le tout imprimé à Lyon 8°. avec autres Opuscules d'amour du Sieur de la Borderie, Paul Anger & autres, par Jean de Tournes l'an 1547. & depuis à Paris 16°.

Blason de l'oeil. [Impr. avec les Blasons des parties du corps du sexe féminin, faicte par diuers auteurs.

Au II. liure de la parfaicte amie.

Comparaison.

*Qui il m'aduiendra, comme à la femme aduiant
 Portant ennuy, que son amy ne vient
 Qui sur la mer doit faire un bon voyage:
 En s'enquerant de tempeste & d'orage,
 Des doux estez, & dangereux yuers,
 Quel vent contraire, ou quels rochers diuers
 Font auancer les nauys ou retarder,
 Voulant tousiours, s'il vient point regarder,
 Par une ardente & pensue maniere,
 Deuiant scauante & bonne mariniere:
 Si bon vouloir grand soing & souuenir
 Le danger chasse & l'amy fait venir:
 Si le desir de pauvre femme enchante
 Courroux de mer & peril de tourmente,
 Si s'enquerir & d'amour moindre aymer
 Cognoistre fait la variable mer:
 Ne doy-ie pas croire certainement
 Si i'ay affaire au ciel doux element
 Qui à mes yeux tousiours s'offre & presente,*

Que

*Que i'en auray cognoissance euidente?
 Ta il dame enquerante, où soigneuse,
 Qui ait raison d'estre plus amoureuse,
 Qui ait amy tant aymable, & si cher,
 Qu'il vaille tant de se faire chercher,
 S'il se perdoit, qu'à celuy qui me perd,
 Que mon seigneur, qui volontiers me sert?
 Pardonnez moy celestes regions,
 Et vous esprits, hautaines legions,
 Si en voyant vostre claire excellence,
 Considerant vostre belle ordonnance,
 Vos nuits & iours sagement disposez,
 Vos mouuemens par ordre composez,
 Pardonnés moy, si ie n'ay fait deuoir,
 Au parauant d'enquerir, & sçauoir
 De voſ secrets. Onques n'eus pensement,
 Que d'un amy qui est mon element:
 C'est le soleil, qui me fait estre & viure,
 Et qui le bien (quand i'en ay) me deliure.
 Mais s'il aduient par grand malheur qu'il meure,
 Et qu'avec vous choisisse sa demeure,
 Comme il fera, quelque part qu'il se cache,
 Lieu n'y aura chez vous que ie ne sçache:
 Ma volonte qui là me guidera,
 Tout le sçauoir humain surmontera.*

Au III. liure.

*Soy bien cognoistre est le plus grand sçauoir
 Que nous sçaurions desirer & auoir.*

ANTOINE LVILLIER a escrit,
 Confession de foy dresse'e par nostre Sainct Pere, cōme marque pour cognoi-
 stre le Catholique de l'heretique. Aueq le remede contre la poison. [Impr. à
 Paris 8°. par Raulin Gautier 1565.

ANTOINE MACAVLT Secretaire & Valet de chambre or-
 dinaire du Roy, Esleu sur le fait de ses aydes & tailles a traduit les liures suy-
 uans,

L'oraison que fait Ciceron à Cesar, pour le rappel de Marcus Marcellus.
 [Impr. à Paris 8°. par Simon de Colinez l'an 1541.

L'institution du ieune Prince, enuoyee par Isocrates à Nicocles Roy de Sycio-
 nie, sur l'administration d'une monarchie, où Royaume. [Impr. à Lyon 16°. par
 Iean de Tournes 1547.

Les

Les quatorze Philippiques de Ciceron contre Marc-Antoine , avec vn argument general fait en vers par le traducteur sur toutes lesdictes Philippiques. [Impr. à Poictiers f°. par De Marnef 1548.

Les trois premiers liures de l'histoire de Diodore Sycilien Historiographe Grec. Avec vn appendice dudit translateur pour l'intelligence des reductions des talents en Marcs & escus d'or sol selon le cours du Royaume en l'an 1533. & 34. [Impr. à Paris 4°. par Galiot du Pré & Antoine Augereau 1535.

Les Apophthegmes, c'est à dire prompts, subtils & sentécieux dictés de plusieurs Roys, chefs d'armees, Philosophes & autres grands personnages tant Grecs que Latins. Translatez du Latin d'Erasme en François par ledit Eleu Macault. [Impr. à Paris 16°. par la vefue Claude Cheualon en l'an 1543.

Le Grand combat des rats & des grenouilles translaté du Grec d'Homere en rime François par le mesme. [Impr. à Paris 4°. par Chrestien VVeichel 1540. sur la fin duquel liure le mesme translateur a mis l'Epigramme suiuant dont les lettres capitales designent son nom, & l'argument.

Mieux ne se peut cette fable subtile

Approprier qu'aux œuures naturelles:

C'est le vray sens & si est tres-vtile

A contempler les choses eternelles.

Vous y voyez les diables & les Dieux,

Le ciel, le monde, enfer & choses telles,

Tirez au vis si bien qu'il n'est rien mieux.

ANTOINE LE MAÇON Conseiller du Roy Receueur general de ses finances, Tresorier de l'extraordinaire de ses guerres, & secretaire de tres-illustre Princesse Marguerite de France seur vnique du Roy François premier du nom, Royne de Nauarre, duchesse d'Alençon & de Berry, a traduit de Tuscan

Le Decameron de Iean Boccace Florétin cōtenant cent nouuelles ou comptes racomptez en dix iournees par sept dames & trois ieunes gentilshommes. [Impr. à Lyon 8°. & 16°. par Guillaume Rouille, & depuis à Paris f°. par Ponce Roffet 1543. & en 16°. par Iean Ruelle: & encores à Lyon par Barthelemy Honorat 1578. Le mesme Decameron auoit esté traduit long temps au-parauant par vn nommé Laurens de premier faict, mais telle traduction du vieil temps est de si peu de merite, que ie croy que nul homme de bon esprit ne voudroit maintenant la regarder seulement par le tiltre: aussi qu'elle a pris telle fin que l'on pouuoit attendre d'elle, par ceste-cy qu'un tres-expert Maçon a si bien fondee & bastie, qu'elle n'est point pour se demolir ou ruiner à iamais.

ANTOINE MANCINEL de Velitres.

Le Miroir des meurs & des offices. Plus Sylue ou forest de sa vie. Plus le magasin de la langue latine, le tout escrit premierement en Latin par Antoine Mancinel celebre Philosophe, orateur, & Poëte, & translaté en François. [Impr. à Lyon 8°. par Loys Lanchart, sans datte.

ANTOINE MARNAS Chanoyne de Saint Iust de Lyon a escrit,

Sommaire

Sommaire Recueil des moyens pour restablir en splendeur la Republique de Lyon, deduits à l'assemblée des escheuins d'icelle creez en l'an 1573. Impr. par Benoist Rigaud.

ANTOINE DE MASSO Lyonnois a escrit vne Oraison ou harangue par luy prononcee deux fois en deux diuers iours, l'une en latin & l'autre en François dans l'Eglise de Saint Nizier à Lyon à la creation des consuls & escheuins d'icelle ville en l'an 1556. [Impr. 4°. par Guillaume Rouille.

ANTOINE MATHE DE LA VAL natif de saint Germain la val au pays de Forestz a escrit en vers, Isabelle, imitation de l'Arioste, où sont elegamment descrites les loyales amours de Zerbin Prince d'Escoffe & d'Isabelle Fille du Roy de Galice. Avec 31. Sonnets sur le subiet de l'amour, par lesquels il celebre son Isabelle hollandoise Fille du Sieur Nicolas Nicolay Geographe du Roy, qui despuis la luy a donnee en mariage. [Impr. à Paris 8°. par Lucas Breyer 1576. Le commencement en est tel:

*Filles qui decorez le cheuelu Parnasse,
Si iamais ie senty combien peut vostre grace
Pour chanter un subiect digne & de rare pris,
A ce coup rendez moy de vostre ardeur espris
Si vous auez daigné d'une benigne oreille
Ouir les vœus frequens d'un qui prompt s'appareille
D'enuoyer sa memoire à la posterité,
Pour auoir seulement un vulgaire chanté,
Guidez moy chastes seurs, d'une volée isnelle
Sur le los immortel de l'Infante Isabelle,
Que ie discours icy, sans que ie soys contant
D'aller parmy ces vers seulement racomptant
D'une fresle beauté la gloire perissable.
Le chante une beauté qui n'eut onc sa semblable,
Vne loyale foy, vne sainte amitié,
Qui s'unit par la mort à sa seule moitié:
D'Isabelle & Zerbin rafraichissant l'histoire,
Le sacre ce discours au temple de memoire.*

ANTOINE MIZAVD natif de Moluillon en Bourbonnois, Medecin à Paris, outre plusieurs œuures qu'il a fait en latin, a escrit en François les suyuantcs:

Les Ephemerides perpetuelles de l'Air, autrement l'Astrologie des rustiques: donnant vn chacun iour par signes tresfamiliers, vraye & asseürée cognoissance de tous changemens de temps en quelque pays & contree qu'on soit: diuisees en cinq parties par petits Aphorismes & briefues sentences. [Impr. à Paris 8°. par Regnard Chaudiere 1547. & 16°. par Jacques Keruer 1554.

Outre ce, aduertissement tres-vtile en forme de prologue ausdictes Ephemerides sur les prefaiges & signes donnez par les animaux touchant les mutations de l'air.

Explication, vſage & pratique de l'Ephemeride celeſte, avec tables à ce neceſſaires. [Impr. à Paris 8°. par laques Keruer 1556. & contient 17. feuilles & demie.

Singuliers ſecrets & ſecours contre la Peſte, ſouuentefois experimentez & approuuez, tant en certaine preſeruation, que parfaite guerison. [Impr. à Paris 8°. par Mathurin Breuille 1562.

Les loüanges, antiquitez, & excellences d'Aſtrologie. [Impr. à Paris 8°. par Thomas Richard 1563.

Opusculé non moins plaiſant que vtile du particulier conſent & manifeſte accord de pluſieurs choſes du monde avec la Lune, comme du Soleil, du ſexe féminin, de certaines beſtes, oyſeaux, poiſſons, pierres, herbes, arbres, malades, & maladies. [Impr. à Paris 8°, l'an 1571.

Harmonie des corps celeſtes & humains &c. Voyez Iean de Montlyard.
Iardin Medicinal &c. Voyez André Caille.

ANTOINE DE MONCHI Surnommé Democharez docteur en Theologie de Sorbonne, a eſcrit
Reſponce à quelque Apologie que les heretiques ont mis en auant ſoubs ce tiltre, Apologie des bons Chreſtiens contre les ennemis de l'Egliſe catholique. [Impr. à Paris 8°. par Claude Fremy 1560.

Chriſtiana religionis inſtitutioniſque domini noſtri Ieſu-Chriſti & Apoſtolica traditionis, aduerſus Myſoliſurgorum blaſphemias, ac nouorum huius temporis ſectariorum inpoſturas, præcipue Io. Caluini & ſuorum contra ſacram Miſſam Catholica & hiſtorica propugnatio. Pariſijs folio 1562.

De veritate corporis & ſanguinis Chriſti in Miſſæ ſacrificio ratione tranſſubſtantiationis aſſertio, Antonio Monchiaceno Democharo authore 8°. Antuerpia apud Plantinum 1573.

Anton. Democharis in octo libros Topicorum Ariſtoteliſ Hypomnema, Pariſijs apud Simonem Colinaum 1534.

Gratiani decretorum Colleſtanea cum paratiſis additis atque indicatis locis unde ſingula decreta ſint decerpta. Opera Antonij Democharis. Pariſijs 8°. 1552.

ANTOINE DV MOVLIN Maſconnois a traduit en François pluſieurs liures, Aſſauoir

Le manuel d'Epictete, qui eſt vn liure non point de ceux deſquels tout le bõ eſt en la beauté de leurs tiltres, mais profitable: Auquel ſont adioutees les ſentences des Philoſophes de Grece. [Impr. à Lyon 16°. par Iean de Tournes 1544.

Traicté, ou opusculé de Plutarque de ne prendre à vſure. [Impr. à Lyon 8°. par Iean de Tournes 1546.

Souuerainetez contre toutes maladies, tirees & traduites de Marcellus autheur ancien. [Impr. à Lyon 8°. par Iean de Tournes 1550.

Phyſionomie naturelle. [Impr. à Lyon 8°. par Iean de Tournes 1550.

La Chyromance & Phyſionomie par le regard des membres de l'homme eſcrite premierement en Latin par Iean de Indagine. [Impr. à Lyon 8°. par Iean de

Tournes

Tournes, & depuis à Paris 16°. par Jean Ruelle.

Le liure d'Augustin Nyphe des diuinations & Augures, [Imp. à Lyon 8°. par Jean de Tournes, & depuis à Paris 16°. par Hierome de Marnef l'an 1566.

La vertu & propriété de la quinte essence faicte en latin par Ioannes de Rupescissa, & mise en François par ledit du Moulin. [Impr. par Jean de Tournes 8°.

Il a aussi reueu, corrigé & restitué les Illustrations de Gaule de Jean le Maire, Avec la contonnie margaritique & plusieurs autres œuvres de luy. [Impr. par Jean de Tournes 1549.

ANTOINE NEBRISSE. Voyez les harengues recueillies des deux decades de son histoire d'Espagne par François de belle-Forrest au volume des harengues militaires.

ANTOINE NOGVIER. Tholosan a escriit en prose François L'histoire Tholosane, diuisee en trois liures. [Impr. à Tholose f°. par Guyon Boudenville 1559.

Et en rime L'Eridographie, contenant en trois liures, La description de procès, Qu'il nourrit, & que faut-il auoir pour l'euitier. [Impr. à Tholose 4°. par Guyon Boudenville 1552.

La Bien-venue faicte à Monsieur d'Anguien, Viroi, au pays de Languedoc. [Impr. à Tolose par ledit Boudenville.

Epistre à Jean Pollier Seigneur de Yarcilletes pres saint Flour en Auvergne. [Impr. de mesmes.

ANTOINE FRANCOIS PALADIN Milanois a fait deux liures de Tablature de Luth où sont contenus plusieurs Psalmes & Chansons spirituelles. [Impr. à Lyon par Simon Gorlier 1562.

ANTOINE DV PART Angeuin a escrit en vers, Deploation de la France sur le trespas du tres-Chrestien Roy Charles 1x. [Impr. à Lyon par Michel Ioue 1574.

ANTOINE PIGAPHETA Vicentin Cheualier de Rhodes a escrit en 104. Chapitres en Italien

Le voyage & nauigation faicte par les Espagnols es isles Moluques, des Roys d'icelles, de leur gouvernement & maniere de viure, de leur langage, & plusieurs autres choses. Le dict voyage commencé par iceluy Pigapheta l'an 1519. & de retour 1522. mis en François par translateur incertain, & impr. à Paris 8°. par Simon de Colinez.

ANTOINE DV PINET Seigneur de Noroy a escrit, Plants, pourtraicts & descriptions de plusieurs villes & forteresses tant de l'Europe, Asie, Afrique que des Indes & terres neuues, leurs fondations, antiquitez, & maniere de viure: Avec plusieurs cartes generales & particulieres seruans à la Cosmographie iointes à leurs declarations. Le tout mis par ordre region par region. [Impr. à Lyon f°. par Jean d'Ogerolles 1564.

La Conformité des Eglises reformees de France & de l'Eglise primitiue en police & ceremonies. [Impr. à Lyon 8°. par I. Martin 1564. Calvinique.

Sermons sur l'Apocalypse. *Calvinique.**Ses traductions.*

Le troisieme liure ou tome des Epistres illustres de Don Antoine de Gueuare gentilhomme Espagnol, Euesque de Mondoignet, Grand aulmosnier, conseil-
 ler & historiographe du feu Empereur Charles cinquiesme, nourry ez affaires,
 grand practiqueur & negociateur, bien veu des princes & Monarques, bien
 versé ez histoires, Pratic, en toutes langues, Philosophie, Jurisconsulte, Theolo-
 gien & Cordelier : lequel troisieme liure a esté premierement traduit de l'Es-
 pagnol d'iceluy Gueuare en Italien par Alfonso d'Vlloa, & depuis en François
 par ledit du Pinet ayant cognu qu'il y auoit fonds & iugement. Car en premier
 lieu on y voit la reuolte que les Espagnols feirent contre l'Empereur Charles
 cinquiesme l'an 1520, luy estant aagé seulement de quatorze ans, sous pre-
 texte que ledit sieur en ce bas aage auoit deputé corré les priuileges du Royau-
 me de Castille (ainsi que pretendoient les seditieux) tels gouuerneurs qu'il luy
 auoit pleu, & y auoit erigé vn conseil pour aduiser à tous affaires en son absen-
 ce : car il s'estoit retiré en Flandres ne se fiant aux Princes d'Espagne. Plus on y
 trouue par qui & comment ceste reuolte fut commencee ; & les affections par-
 ticulieres des chefs de ceste sedition. On y void aussi les moyens dont vfa l'ad-
 miral de castille sage & vaillant Seigneur pour estaindre lesdicts troubles, &
 quel traict & fin prindrent les chefs, & promoteurs d'iceux & le tour par actes
 publiques : chose autant admirable que considerable à toutes personnes de sain
 & bon iugement, & mesmes au temps auquel les aages des Roys sont contre-
 roollez. Item qui voudra enfoncer d'auantage le Domino de cest Euesque, il
 trouuera que l'habit qui le separoit du monde vulgaire ne luy auoit fait ou-
 blier vn seul point de Philosophie naturelle. Car à ce qu'on peut voir au dict
 liure les Problemes & secrets de nature, luy estoient si descouuerts, qu'on le
 peult estimer auoir esté vn des plus grands fauoris d'icelle. Quand à la Philo-
 sophie & Theologie morale, les poincts de l'Escripture qu'il traicte, la dexteri-
 té qu'il a à exhorter & consoler, & la vehemence qu'il a à reprendre, tesmoi-
 gnent assez s'il s'est approprié lesdicts titres, à bon droit, ou non. Oultre cela il
 auoit vne grande dextérité à rechercher & examiner toutes choses antiques,
 & dignes d'estre remises en lumiere : comme on peut voir en ce liure au bout
 duquel est vn sien Traicté des trauaux & priuileges des galeres, fait François
 par le mesme du Pinet, & impr. 4°. à Lyon par Barthelemy Molin 1560. Les
 deux premiers liures des Epistres dudit Gueuare auoient esté traduits par
 Jean de Guterry.

L'histoire du monde de Caye Plin second Veronois collationnée, & corri-
 gée sur plusieurs vieux exemplaires latins, tant imprimez qu'écrits à la main,
 & enrichie d'annotations au marge, seruans à la conference & declaration des
 anciens & modernes noms des villes, regions, simples, & autres lieux & termes
 obscurs compris en icelle. A quoy a esté adiqusté vn Traicté des poix & mesu-
 res antiques, reduictes à la façon des François. [Impr. en deux tomes 4°. à Lyon
 par Claude Senneton 1566. Or pour l'argument, & subiects de l'histoire du
 monde contenant 37. liures, Plin en premier lieu monstre tout l'ordre du Ciel,

& le

& le cours des Astres, avec tous les effets que peuuent produire les quatre principes & elemens de cest vniuers. Et venant à traicter de la terre, il poursuit si amplement toute la Cosmographie, qu'il n'y a pays, contree, coste, plage, mer, ny isle en la terre habitable, qui n'y soyent d'escrites, & espluchees par le menu, hormis les terres neufues, qui ont esté despuis descouuertes. Puis ayant monstré que c'est de l'vniuers, il poursuit particulièrement tout le contenu d'iceluy: & commençant à l'homme, il n'y a chose qu'on puisse dire de son naturel, ny des singularitez, inuentions, où monstruositez d'iceluy, qui n'y soit representee au vif. Et de la se iettant à trauers montaignes, & forests il deschiffre par le menu, tous animaux à quatre pieds. Non content de ce il produit toutes sortes de poissons tant de mer que d'eau douce: auquel endroit il n'oublie les richesses de leuant, consistans en perles, & es riches teintures de pourpres, & buiers. Puis se iettant à l'air il traicte de toutes sortes d'oyseaux, tant de proye que des autres qui seruent de gibier & de plaisir par leurs gazouillemens inimitables. Mesmes a esté si curieux ce Greffier de Nature, qu'il est venu rechercher les fredons des insectes, & le naturel de tous animaux de ceste estoife, & signamment des mouches à miel. Et pour conclurre l'histoire de tous animaux, il poursuit leur anatomie membre par membre, & particule par particule. Finalement, tombant sur les arbres en son douzieme liure, il commence aux estrangers, & à ceux qui viennent es regions de Leuant, mesmes à ceux qui produisent la myrrhe, l'encens, le storax liquide, la cannelle, le cinnamome, le poivre, & plusieurs autres drogues de respect. Et de la venant aux parfums, & à la composition d'iceux, il met deuant les yeux toutes les somptuositez de son temps, pour ce regard: & signamment les riches vtenciles de bois, qu'on faisoit des madres, & autres arbres du mont Atlas. Cela fait, ayant trauersé plusieurs arbres singuliers, il vient à l'inuention du bon homme Noé, où il se monstre parfait vigneron: car il n'y a plant de marque, en tout l'vniuers, qui ne soit là enrollé, bonté par bonté, & qualité par qualité. Et poursuivant son dessein des arbres fructiers (ayant premierement traicte des vins artificiels) il represente tout le naturel des fruits, huiles, gommés & resines qui en sortent, iusques à monstrer comme on faict la poix. Sur quoy (ne voulant oublier les arbres sauages) il monstre aussi quels bois il fault employer à la charpenterie, & quels non, avec la maniere de les assaisonner, & couper en temps. Et pour conclure le premier Tome qui contient dix sept liures, il met la maniere d'enter & cultiuer toutes sortes d'arbres fructiers: instruisant les lecteurs comme ils pourrôt garder leurs fruits. Quant au second Tome, la varieté des choses y est de mesmes si grande, qu'il semble qu'il n'ait rien voulu obmettre de tout ce que Nature a mis en auant, sinon au long, pour le moins en passant, comme quand il parle des arts de peinture & de fonderie: mettant, quant & quant en ieu toutes les pieces singulieres de l'antiquité, tant en platte peinture, ou graueure, que celles qui estoient en bosse ou relief. Là se peut voir Rome, avec toute la magnificence de ses temples, Arenes, Colysees, & Palais, enrichis de medailles & statues. Là peult on considerer les superbes bastimens des anciens, avec la raison de leur Architecture. Cependant Plin. voulant mettre fin à son histoire, tombe sur le naturel des terres dont on se sert en Medecine, & en plusieurs autres endroits:

endroits : & par mesme moyen traite l'art de poterie, qui aussi a produit de grandes singularitez anciennement. Et auoir discoutu le fait des marbres & autres pierres, tant celles qu'on peut mettre en ouurage, que plusieurs autres seruans au faict de la Medecine, il décrit l'origine du verre, & la maniere de le faire; mettant à la fin de son oeuvre, la superbeté & les richesses de ce monde, assauoir les pierres precieuses, avec le naturel d'icelles. Veu donc la grande variété de ce monde de Plin, qui n'est moins diuers en ses discours, que Nature est gaye & variable en ses creatures, les François sont grandement tenus au sieur du Pinet d'auoir faict parler vn tel auteur estrange naïuement en leur langue.

Commentaires de P. André Mathiol Sienois, sur l'histoire des Plantes de Pedacion Dioscoride d'Anazarbe, traduits par ledit du Pinet. [Impr. à Lyon f°. par Gabriel Cotier.

Taxe des parties casuelles &c. Avec annotations prises des decrets, conciles & canons. [Impr. à Lyon 8°. par Jean Saugrain 1564. *Caluinique.*

Lieux communs de la Sainte escriture, recuillis par VVolfang Musculus en 66. titres. Traduits de latin par ledit du Pinet. [Impr. à Geneuef. par Eustace Vignon 1577. *Caluinique.*

ANTOINE DV PLAIN a escrit en rime

Cantique contenant le discours de la guerre aduenue à Lyon pour la religion. [Impr. l'an 1563. *Caluinique.*

ANTOINE LE POIX Medecin de Monsieur le duc de Lorraine a escrit

Discours sur les medailles & graueures antiques principalement romaines. Plus vne exposition de quelques planches ou tables, esquelles sont monstrees diuerses medailles & graueures antiques rares & exquises. Avec vne preface où est traite de l'vtilité & profit qui reuiert de la cognoissance des medailles & graueures antiques oultre le plaisir & delectation. [Impr. à Paris 4°. par Marmont Patisson 1579.

ANTOINE PREVOST de Vaulreas au Comté de Venisse a escrit en rime,

L'amant desconforté cherchant confort parmy le monde, contenant le bien & le mal des femmes, avec plusieurs preceptes & documens contre les femmes. [Impr. à Lyon 8°. par Barnabé Chaussard, sans date.

ANTOINE ROMERY Docteur lysant en l'Vniuersité de Montpellier, a fait des Additions sur l'Antidotaire du Guidon. [Impr. avec ledict Guidon en François à Lyon par Constantin Fradin 1520.

ANTOINE DV SAI X Commandeur de Saint Anroine de Bourg en Bresse, Abbé de Cheisery, a composé plusieurs liures rât en rime qu'en prose, assauoir, l'Esperon de discipline, lourdement forgé, (dit-il) & rudement limé (& fait bien de le confesser & de m'auoir preueni à le dire.) [Impr. 8°. l'an 1532. & 16°. par Denys lanot 1539.

Seconde partie de l'Esperon de discipline, imprimé comme dessus.

Petit fatras d'un apprenty surnommé l'Esperonier de discipline, contenant plusieurs rimes. [Impr. 16°. à Paris 1537.

Le Bla

Le Blason de Brou, temple nouvellement edifié au pays de Bresse par tresillustre Princesse Marguerite d'Autriche Duchesse de Sauoye, & Comtesse de Bourgoigne. (Impr. à Lyon 8°. par Claude Nourry, sans date.

Oraison funebre faicte & prononcee aux obseques & enterrement de Tresillustre Princesse Marguerite d'Autriche.

La touche nayfue pour esprouuer l'amy & le flateur, inuentee par Plutarque, taillee par Erasme, & mise à l'usage François en prose par l'edit du Saix, avec l'art de foy ayder & par bon moyen faire son profit de ses ennemis. [Impr. 8°. l'an 1537.

L'opiate de Sobrieté composee en carême pour conseruer au cloître la santé de religion, commençant ainsi,

*Ma bonne seur, ma chere Philiberte
Je suis certain que vous estes experte
A bien ieusner, pour auoir quarante ans
Et plus, esté, ainsi comme i'entens,
Sans reposer dedans vn liét mollet,
Et sans manger de la chair de poulet. &c.*

[Impr. 4°. à Lyon 1553.

Marquetis de pieces diuerfes assemblees par Antoine du Saix, contenant plusieurs Epigrammes & Emblemes. [Impr. à Lyon 8°. par Jean d'Ogerolles 1559.

ANTOINE DE LA SALLE a escrit vn livre intitulé, La Salade, lequel fait mention de tous les pais du monde, & du pais de la belle Sibylle, avec la figure pour aller au mont d'icelle Sibylle. Et aussi la figure de la mer & de la terre: & est dedié à l'illustre prince Jean d'Anjou Duc de Calabre, & de Lorraine, Fils du Roy de Sicile. [Impr. à Paris f°. par Philippes le Noir, sans date.

ANTOINE TRVQVET Peintre a composé par dictons & quatrains ioyeux

Les crys de Paris. [Impr. par Nicolas Bufet 1545.

ANTOINE TYRON a traduit du Latin de Reuerend pere Nicolas Hanape iadis patriarche de Hierusalem

Le promptuaire des exemples des vertus & vices, recueilly de l'ancien & nouveau testament, par lieux communs. [Impr. en Anuers 8°. par Jean Belliere 1569.

Les Epistres morales de Jean Rausius Textor ou Tissier Nyuernois, aussi de Latin faictes Françoises par l'edit Antoine Tyron. [Impr. en Anuers 16°. l'an 1570.

Le quinzième liure d'Amadis de Gaule traduit d'Espagnol. [Impr. en Anuers 4°. par Henry Heyndrick 1577.

Récueil de plusieurs plaisantes nouuelles, Apophthegmes & recreations diuerses. [Imp. en Anuers 8°. par Henry Heyndrick 1578.

ANTOINE DE TORQUEMADE. Voyez Gabriel Chapuis.

ANTOINE DV VAL a escrit,

Miroir des Calvinistes & armeure des Chrestiens, pour rembarer les nouveaux Euangelistes. [Impr. à Paris 8°. par Nicol. Chesneau 1561.

Les contrarietez & contredicts qui se trouuent en la doctrine de Jean Calvin & autres nouveaux Euangelistes de nostre temps. Avec les demandes & repliques à Jean Calvin sur son liure de la predestination recueillies des escrits Latins d'un auteur incertain, & de Guillaume Lindan Euesque Aleman, & faites Françoises par ledit du Val. Ensemble vn recueil d'aucuns escrits d'Erasme de Rotterdam contre les Luthericns. Et vn Catechisme ou sommaire de la Foy & deuoir du vray Chrestien contre les heresies de ce temps. (Impr. à Paris 8°. par Nicolas Chesneau 1562.

Traicté en forme de Table recueilly & fait François des œuvres de Guillaume Lindan, par lequel on void la guerre immortelle & contredicts de Luther & autres heretiques de ce temps. [Impr. à Lyon par Michel Iotie.

ANTOINE DV VERDIER.

Ce n'est pas pour priser mes escrits, que ie m'enregistre icy : Mais ayant proiecté de faire vne Bibliotheque Françoisse, la plus vniuerselle que ie pourray, & d'y mettre indifferemment bons & mauuais auteurs, à fin que les vns recoiuent lustre des autres: puis que ie me suis meslé de barbouiller le papier, & que mon nom vient en son reng: bien que ie n'aye fait œuvres de valeur & merite, icelles neantmoins seront cy dessous, inserees. En voicy donc la liste.

Le Mysopoleme ou discours cōtre la guerre, pour le retour de la paix en France en vers heroïques. [Impr. à Paris 4°. par Denys du Pré 1568.

Anticheses de la paix & de la guerre, avec le moyen d'entretenir la paix, & exhortation d'aller tous ensemble contre les infideles Machometistes. [Impr. à Lyon 4°. par Benoit Rigaud 1568.

Les Omonymes, Satyre contre les meurs corrompues de ce siecle. [Impr. à Lyon 4°. par Antoine Gryphius 1572.

Philoxene Tragedie. [Impr. à Lyon 8°. par Jean Marcorelle 1567.

Les Amours. Liures 777. contenant cc. Sonnets, ii. Mascarades. E C L O G V E. xx. Odes, l. Epigrammes, 1111. Elegies. Non impr.

La Prosopographie, Ou description des personnes insignes, Patriarches, Prophetes, Dieux des gentils, Empereurs, Roys, Capitaines, Iuriconsultes, Papes, Ducs, princes, Philosophes, Orateurs, Poetes & inuenteurs de plusieurs arts, ordres & religions qui ont esté depuis le commencement du monde iusques à present. Avec les enuies d'aucuns d'iceux, & briefue obseruation de leurs temps, années, faicts & dictz. [Impr. à Lyon 4°. par Antoine Gryphius 1573. Cete œuvre sortira bien tost de mes mains augmentée de trois fois d'auantage, & s'imprimera avec plus d'attention qu'on n'ya eu la premiere fois, plusieurs fautes estans correes en l'impression à cause de mon absence, principalement oultre celles qui alterent le sens, deux lignes laissees en la description de Moÿse, font que la venue de l'histoire sacree est corrompue: car après ces mots, *Il ne se trouue point en ses escrits qu'il fust marié.* Ce qui s'en suit a esté obmis, *deux fois, assauoir à la fille du Roy d'Ethiopie nommée Thabix, qui fut la premiere qu'il espousa, de laquelle n'est faicte aucune mention en l'Exode.* Puis, ce qui s'en suit vient bien, *iosephe seul en traicte, auquel ie te renuoye pour sauoir quelle fut la femme de Moÿse.* J'ay bien voulu noter

noter icy cete faute & omission à fin que ceux qui ont le liure la corrigent dessus. Et que les peu sçauans n'en tirent erreur. Je viens maintenant à mes autres œuvres.

Les diuerfes Leçons suiuans celles de Pierre Messie, contenant plusieurs histoires, discours & faicts memorables, recueillis des auteurs Grecs, Latins & Italiens. [Impr. à Lyon 8°. par Barthelemy Honorat 1576. & depuis autres deux fois. La troisieme edition augmentée d'un sixiesme liure.

Commentaire sur le Plutus Comedie d'Aristophane, traduite en prose, non encores imprimé.

Les doctes & subtiles Responses de Barthelemy Tregio Iuriconsulte, & lecteur en droit au college de Mylan, où sont contenus maints beaux & agreables discours, sur diuerfes & notables matieres, traduites d'Italien. [Impr. à Lyon 16°. par Barthelemy Honorat 1577.

Cratyle, Dialogue de Platon. Apologie de Socrates, par le mesme Platon, le tout traduit en François & non encores imprimé.

L'histoire de Venise comprise en 4. liures, dont les 33. premiers ont esté faits par M. Antoine Sabellic, & les 12. suiuans par le Cardinal Bembo. Auec vn supplement de tout ce qui est adueni depuis, digne de memoire touchant l'estat & Republique des Seigneurs Venitiens iusques à present: traduite de latin & presté à imprimer.

La description de toute l'Italie. Auteur Leonards Albert Bolognes, traduite d'Italien, non encores imprimée.

Les Images des Dieux des anciens, contenant les Idoles, costumes, ceremonies, & autres choses appartenantes à la religion des payens. Recueillies premierement & exposees en Italien par Vincent Cartari de Rhege, & maintenant traduites en François, & augmentees. [Impr. à Lyon 4°. par Barthelemy Honorat & Estienne Michel, 1581.

Les œuvres de L. Annee Seneque, avec commentaires & annotations de plusieurs hommes doctes sur aucuns de ses liures. Le tout de ma traduction qui sera bien tost mise sur la presse.

Oraison de Synese à la louage de la Chasteté. Auec Scholies de B. Rhenanus. Traicté ou les Pupils doiuent demeurer & estre nourris. Auec vn commentaire sur le tiltre, *De rapto virginum*, au 9. liure du Code, & sur la loy v. du premier liure au tiltre *de episc. & clericis*, concernant ceste matiere, sur vn faict adueni & posé en termes generaux.

Le Compseurique, ou Traicts facetieux. [Impr. 16°. par Jean d'Ogerolles 1584. Ceste Bibliotheque Françoisse.

Laquelle sort abortiue de mes mains, & en eschappe à mon grand regret de ce que ie ne l'aye retenue encores vn couple d'annees à fin de la rendre plus ample & accomplie, comme mon intention estoit bien telle sans l'aduertissement que i'ay feu qu'on en imprimoit vne autre à Paris. Je ne seray que fort content & tres-aise que quelcun face mieux: ce que ie confesse estre assez aysé. Mais ie ne puis que ie ne soye marri de l'honneur que ceste concurrence me porra tollir d'auoir esté l'inuenteur de dresser Bibliotheque Françoisse, & qui premier il y a plus de six ans y ay trauiillé, & communiqué les memoires que i'en auoye dressé

dressé à plusieurs, tant à Paris qu'ailleurs. Mais veu que c'est vn labour sans fin, & qu'on trouuera tousiours de quoy l'accroistre, ie n'ay plus retardé de la mettre aux champs, soubz esperance d'y adiouster en la seconde edition vn grand nombre de liures tant imprimez qu'escrits à la main que i'auray veu entre cy & là. Or quoy que ie soy resolu de ne faire iamais voir le iour aux Sonnets & autres poësies sur le subiect de l'Amour par moy faictes en mes ieunes ans, Si est-ce que pourautant qu'aucuns prennent plaisir en ce genre d'escire, i'en ay extraict icy quelques vns non tant pour tesmoigner de mes folies, que pour en rendre ce liure plus gros.

SONNET X.

*Vn lustre est ia passé depuis l'heure premiere
 Que l'Amour m'encoffra dans sa dure prison,
 Ou ie ne vy sinon que d'amere poison
 Que me brasse à tous mets ma felonnie geoliere.
 Ceste viande m'est faicte si coustumiere,
 Qu'ores si i'en vouloy manger oultre raison,
 Je ne pourroy mourir, car en toute saison
 Elle me peut nourrir quoy qu'en langueur trop fiere.
 En peine & en travail, en ducil & en soucy,
 En penser, en espoir, en rigueur sans meroy,
 En pleurs & en fiel est ceste poison confite.
 Si tu voulois m'occir' tu ne deurois mester
 Tant de poisons ensemble, ains d'une me souler:
 Car quand le destin veut double poison profite.*

SONNET XIIII.

*Pourquoy me contrains tu de toy tant de mal dire
 Maistresse, tu vois bien, ce n'est ma volonté,
 Tout cela ne prouient que de ta cruauté
 Et le permet ainsi ta rigueur & ta ire.
 I'auoy si grand desir de monstrier & d'escire,
 Et celebrer par tout ta parfaicte beauté:
 Mais i'en pers le courage en me voyant domté
 De si rude repoulse & d'un si long martire.
 Le Scorpion ne mort que quand il est foulé:
 Tous tes cruels desdains m'ont si fort affolé,
 Que ie n'ay plus vouloir sinon de toy mesdire.
 Si ie dis mal de toy le blasme durera,
 Et si i'en parle bien l'honneur i'en restera:
 Regarde donc des deux lequel tu veux eslire.*

Imitation.

Imitation de Bembo.

*Quand vostre beauté ie contemple
 Dame, qui me tient en esmoy,
 Et que i aise autour de moy,
 Je ne vous trouue point d'exemple.*

*Alors ie sens qu' hors de moy mesme
 Amour me vient rair en l' air,
 Si que beant ne puis parler
 Touché d'une merueille extreme.*

*Mais si tost que de telle peine
 Je suis hors, à moy reuenant
 De tel obiet me souuenant
 Il me reste un soing qui me peine,*

*Et qui me detient en souffrance:
 Car guidé d'un desir craintif,
 Alors ie demeure ratif
 Ne pouvant surure l'esperance.*

X X I.

*Je croy que ie suis né de la quatriesme Lune,
 Ou sous l'astre d'Hercule, ou celui d'Annibal:
 Ne verray-je iamaiz la fin de mon travail?
 Ne seray-je onc exempt du soyn qui m'importune?
 Mais m'as tu destiné malheureuse fortune
 Pour loyer de bien faire en recueillir le mal?
 Apres mille labeurs ô mon astre fatal
 Ne me feras tu voir saison plus opportune?
 Je ne bataille point pour le los d'un Hector:
 Je ne travaille point pour une toyson d'or:
 Seulement ie travaille à seruir une dame,
 Et vous ne voulez pas que i entre en son amour,
 Astre & fortune, hélas, si ne voulez, un iour
 Quitter voz durs assauts, ie vous quitte mon ame.*

X X V.

*Ieux qui me foudroyez de flammes & sagettes,
 Mais que voulez vous plus de ma poitrine auoir?
 Mon cœur, ma vie est vostre, & vous auez pouuoir
 D'en faire à vostre gré, car maistres vous en estes.*

Laissez

*Laissez moy donc en paix, & la treue me faites,
 Estaignez vostre feu, mettez vous en deuoir
 De me faire du bien, & de me faire voir
 Voz clins plus gratieux, voz paupieres doucettes.
 Cruels contentez-vous: hé n'estce pas assez
 Le ne sens muscle ou nerf, tendon veine & artere
 Qui ne soyent par vos traicts rompus & fracassez.
 Me voulez vous tenir en eternelle peine?
 Autre loyer de vous ie ne veux requerir
 Sinon de m'estre doux ou me faire mourir.*

X X X V I I.

*Entre desir & crainte, & entre flamme & glace,
 Entre douteux espoir & certaine douleur,
 Je gaste ma ieunesse en sa plus belle fleur,
 Si que desia ie change & de poil & de face
 Et si ne sçay quel temps le ciel veut que ie passe
 Deuant que garentir de mal mon pouure cœur,
 Le desliurant du tout de sa grande langueur:
 Bref ie ne sçay s'il veut que ie viue ou trepasse.
 Je nage entre deux eaux sans pouuoir trouuer port
 De seurte, de peril, de santé, ny de mort,
 Ny soulager en rien ma vie infortunee.
 Je voudroy volontiers estaindre ceste ardeur,
 Je voudroy volontiers ardre ceste froideur:
 Mais qui peut resister contre la destinee?*

Estrene d'un cœur nauré d'or, enuoyé à sa maistresse.

*Pour le premier iour de l'annee,
 Maistresse qui me causez dueil,
 Par moy vous serez estrenee
 D'un cœur nauré au mien pareil.
 Voyez le mien, d'agreable œil,
 Et en ayez quelque mercy,
 Ne le laissant languir ainsi,
 Ou, ie supplie Cupidon
 Vous donner de moy tel soucy,
 Que d'Aenee il feit à Didon.*

X X X V I I I.

X X X V I I I .

En diuers changemens ie suis un vray Prothee,
 Et comme le Polype en la mer de couleur,
 Je change à tous propos de nouvelle douleur
 Sans pouuoir alleguer mon ame tourmentee.
 Je suis en passions un autre Promethee,
 Je suis un Montgibel en ardente chaleur,
 Je suis un Ixion ou Sysiphe en malheur,
 Et ie suis un Tantale en langueur indontee.
 Je ne say que penser, & tousiours vay songeant,
 Sans m'en pouuoir garder, ce qui me va rongeant.
 En vne heure ie fay mainte metamorphose:
 Et lors que ie m'essaye à pouuoir estre mieux,
 L'obiet de mon malheur se presente à mes yeux.
 Bref de iour ni de nuict mon esprit ne repose.

L I I I .

Quand le brillant Soleil lairra son Ecliptique,
 Quand les astres cherront, quand le ciel brustera,
 Quand les beufs voleront, quand la mer seichera:
 Quand la corme en verdeen aura saueur stiptique,
 Quand lon ne verra point le chantre fantastique,
 Quand le sourd orra clair, quand l'aveugle verra,
 Quand l'esté sera froid, quand l'hyuer chaud sera,
 Quand l'hectique replet, quand le replet hectique,
 Quand avec le hibou la souris nichera,
 Quand avecques le loup la brebis couchera,
 Quand le fer sera mol, & quand la laine dure:
 Alors on me verra deliure des malheurs,
 Des angoisses, des maux, des regrets, des douleurs,
 Des langueurs, des travaux, que pour aymer i endure.

L X V I .

I'ay chanté, or ie plore, & non moins d'allegresse
 De ce plorer ie prens que du chanter i'ay fait.
 J'ay à la cause esgard, & non point à l'effait,
 Et tousiours dans mes sens se loge la hautesse,
 Qui fait que le plaisir ainsi que la tristesse
 Je porte egaleement, toute chose me plait

h

Tant

Tant abiecte soit elle, & rien ne me meffait
 De tant & tant d'ennuis que i'ay de ma maistresse.
 Tiennent donques vers moy ceste façon commune
 Et madame & l'Amour, le monde & la fortune:
 Car i'amaïs ie ne pense estre sinon heureux
 Que ie meure ou languisse: au monde ne se treuve
 Vn plus gentil estat que celui que i'esprouue,
 Tant m'est & le mourir & languir doucereux.

L X X I

Entre tant d'animaux que l'on voit sur la terre,
 Viure ensemble & en paix & en tranquillite,
 S'il aduient que l'un soit contre l'autre irrité
 Jusqu'à se massacrer & se faire la guerre:
 Le masle la femelle onques a mort n'atterre,
 Et l'ours se auecques l'ours au bois vit en seurte,
 La louue avec le loup, & dans l'ancre vouté
 Auecques le lyon la lyonne se serre.
 Quelle megere donc, quels demons inhumains
 Viennent troubler ainsi tous les cœurs des humains,
 Et que lon voit si fort la femme estre rebelle
 A l'homme, & l'homme aussi tout ardent de courroux
 Luy deschirer la face & l'affommer de coups
 Sans pouuoir mettre fin à leur longue querelle?

A N T O N I N.

Les Chroniques d'Antonin Archeuesque de Florence traduites de latin en François. Escriptes en main en la librairie des Seigneurs d'Vrfé

A O N I V S , P A L É A R I V S. Voyez aux œuvres de Sceuale de Sainte Marthe vn chant de la prouidence de Dieu, tiré du Latin de cest auteur, & mis en beaux vers François,

A P O M A Z A R.

Des significations & entendemens des songes selon la doctrine des Indiens, Perles & Egyptiens, pris de la bibliothèque de Iean Sambuc, puis tourné du Grec en latin par Iean Leunclaius, & mis en François. [Impr. à Paris 8°. par Iean Houzé 1581.

A P P I A N. A L E X A N D R I N Historien Grec, des guerres des Romains liures xi. Assauoir le Lybique, le Syrien, le Parthique, le Mithridatique, l'Illyrien, le Celtique, & cinq des guerres Ciuiles: Traduits en François par Claude de Seyssel. [Impr. à Paris f°. & 8°. en diuerses fois par plusieurs.

A R C A N D A M, autres dient Arcandum, & encores il y en a qui le nomment Aleandrin, Astrologue assez estimé.

Liure

Liure d'Arcandam docteur en Astrologie, traitant des predictions d'Astrologie, principalement de la naissance ou fatales dispositions, & du iour de la naissance des enfans, & traduit de Latin. [Impr. à Paris 16^e. par Nicol. Bonfons 1575.]

A R C H I M E D E S. Voyez Pierre Forcadel.

A R I S T E A S. x. 2yod. Histoie d'Aristee de la translation de la Loy de Moysse par les 72. qu'on dit pour cause de briefuer les 70. Interpretes, traduite en François par G. Paradisi.

A R I S T O P H A N E S. La Nephelococugie, Ou la Nuee des Cocus comedie imitee d'Aristophane, par Pierre de la Rivey. Le Phutus du mesme Aristophane, traduit par Jean Antoine de Baif, & encores en prose, & commenté par moy Antoine du Verdier.

A R I S T O T E L. Problemes d'Aristote & autres Philosophes & Medecins selon la complexion du corps humain. Avec ceux de M. Antoine Zimara. Et les solutions d'Alexandre Aphrodisiee sur plusieurs questions physiques. [Impr. à Lyon 8^e. par Jean de Tourhes 1554.]

Les Politiques. Voyez Nicole Oresme. Loys le Roy.

Les Ethiques. Voyez Nicole Oresme. Le Plessis. Guy de Bruez.

Les Meteoriques, traduites par Sibert Louemborch.

Le liure du Monde traduit par Loys Meigret. Comme aussi par Pierre Salicrue. Voyez aussi Jean le Bon.

A R N A V D D E N O M M E T I G N A C. pauvre gentilhomme de Provence, s'adonna à la poésie, pour raison de laquelle il eust entrée avec les grands du pays, qu'il entretenoit sageement en grand amour. Tout ce qu'il faisoit succedoit à bon fin, tellement que Louys & Jeanne Roys de Naples, & de Sicille, Comtes de Provence, luy baillerent commission avec Guy Flote Vicair de la Comté de Vauvillle, de contraindre les Tendiens, qui de ce temps s'estoyent reboltez, à leur prester hominage, & s'en acquita si bien qu'il les reduisit au deuoir, dont il en acquit vn grand bruct. En recompence de ce lesdits Roy & Roynne luy infeoderent ce qu'ils auoyent audit lieu de Coutignac. Il fut amoureux d'une dame de la maison d'Agoult, fille du sieur d'Entrauenes nommee Ysnarde, à la louange de laquelle il fit maintes chançons, & ne pouuant auoir aucune parolle d'elle, s'en alla chercher d'iters pays par le monde, ainsi qu'il le demonstre par ses ceſtures: ne fut iamais sans trauail pour oublier la dame, laquelle se passoit de ses douleurs, ce luy sembloit. Se trouuant au pays de Leuant, trouua vn ſauat huis magicien, & plein d'Astrologie, luy presageant que par son ſauoir il gaigneroit honneur & humilité, & que de luy descenderoyent de potsonnes toutes illustres, & inuincibles, les vies desquels resplendiroient par toute la Prouence. Ce ſauat homme cest Arnaud, Guilhen, & dit qu'il fut long temps au ſeruite de la dicte Roynne Jeanne, & qu'il deceda à la guerre qui estoit entre les Tendiens, & Vintimilliens, qui fut en l'an 1374. Dit on outre, qu'au voyage de Leuant il composa vn traicte intitulé *Las suffrenſas d'Amours*; qu'il adressa à Ysnarde.

A R N A V D D E N O M M E F E R R O N O V I D E F E R R I E R E. C. Conseiller en la court de Parlement à Bourdeaux, & mis de Grec en François.

Deux Opusculs, qui est tout ce qui se trouve d'Athenagore Philosophe Grec Chrestien, contenant vne Apologie pour les Chrestiens aux Empereurs Antonin & Commode, & vn Traicté de la resurrection des morts. Avec quelques obseruations dudit traducteur.

Il a escrit l'histoire des Roys Charles VIII. Loys XII. & François premier, commençant là où finit Paul Émile, mise de Latin en François par le traducteur dudit Émile.

ARNAVD DANIEL issu de noble race, mais de pauvres parens, suivit les études, si qu'en peu de temps parvint à la cognoissance de la poésie, & se mit à rimer en langue Prouensale. Tout l'argent qu'il gaignoit à la poésie, il l'employoit à la continuation de ses études, composoit doctement, tant en Latin qu'en sa langue maternelle. Quand il se fut recognu, laissant la langue Latine, il s'adonna totalement à la vulgaire, par le moyen d'une gentille-femme de Prouence, de laquelle il devint amoureux, composant à sa louange plusieurs chansons de toute sorte de rythme qu'il inuenta, ainsi que sont Sextinas, Sons, Chansons, Syruentez, & autres fort belles & ingenieuses, sans qu'il l'aye jamais voulu nommer, n'en termes secrets, ne autrement. Et ne pouvant rien aduancer avec elle devint amoureux d'une dame de Gascongne, femme de Guillem de Bouille, qu'il nomma par nom secret Cyberne, mais on n'a jamais eu opinion mauvaise d'eux, ainsi qu'on peut voir par le discours de toutes ses chansons, & mesmes en vne où il dit, Qu'il oit mille messes le iour, priant Dieu de pouoir acquerir sa grace, qu'il ne quier point l'Empire de Rome, mais seulement qu'elle le restaure d'un seul baiser, qu'il est Arnaud qui embrasse l'Aure, chassant le liure avec vn beuf boiteux. En vne autre il dit, qu'il est raisonnable qu'il chante d'amour, puis qu'il a soupiré si long temps. Le Monge des Isles d'Or, dit qu'Arnaud Daniel fut amoureux de la dame d'Ongle, gentille-femme de Prouence, nommée Allactre (qu'il nomme Cyberne pour ne la déclarer) & qu'en allusion de l'ongle du doigt il fit vne Sestine en laquelle il dit que pour le vouloir ferme qu'il a envers sa dame, le bec, ne l'ongle du lanzen-gier ne luy peuvent nuire. Est vray (dit le Monge) qu'il n'a sceu si couuertement escrire, qu'il n'apparoisse par la couple finale de la chanson, qu'elle a esté faicte à la louange de la dame d'Ongle, qui estoit de ce temps vne belle dame, docte & bien parlante. Cest Arnaud florissoit du temps de la guerre qu'Ildefons premier du nom Roy d'Arragon & Comte de Prouence faisoit à Boniface sieur de Castellane, qui ne le vouloit recognoistre seigneur. Contre lequel le Poëte fit vn beau chant de la temerité de Boniface, en l'an 1189. Quant à son origine, les vns ont escrit qu'il estoit natif de Tarascon, les autres de Beauquere, les autres de Montpellier. Il a faict plusieurs Comedies, Tragedies, Aubades, Margalles, & vn chant qu'il a intitulé *Las Phantasmias del Paganisme*, & vn beau moral qu'il adressa à Philippes Roy de France. On ne trouve point aucun des Poëtes Prouensaux qui aye escrit plus doctement que luy, dont Petrarque, l'a imité en plusieurs endroicts, & pris plusieurs de ses inuentions poëtiques.

ARNAVD DE MEYRVEILH estoit gentil-homme Prouensal. Son pere auoit quelque droit de seigneurie au lieu de Meyrucilh, pres d'Aix

d'Aix en Prouence, & venant en pauureté fut contraint le vendre : Arnaud ayant quelque commencement és lettres & ne pouuant s'entretenir de son sa-
 uoir, sen alla par le monde frequentant la compagnie des poëtes avec lesquels
 il aprint à poëtifier & cōposer en sa lāgue Prouençale, par ce qu'elle auoit lors
 cours, & estoit agreable à tous ceux qui prenoient plaisir à la poësie, se meit
 au seruice du vicomte de Beziers sur-nōmé Taillefer yssu des Comtes de Tho-
 louse, où il deuint amoureux de la Comtesse de Burlas nommee Alearde fem-
 me dudiect Taillefer. Ce poëte estoit homme gracieux, & beau de visage, bien
 chantant, & bien lisant les Romans, la Comtesse luy faisoit de grandes faueurs,
 mais Arnaud ne luy osoit declarer que les chansons qu'il faisoit fussent de sa
 composition, ains donnoit la louange à autres. Aduint qu'amour le contregnit
 de telle sorte qu'il en fit vne en laquelle il demonstroit bien apertement l'a-
 mour qu'il portoit à la Comtesse en laquelle il disoit, qu'il ne pouuoit oublier
 la franche contenance de ceste Comtesse ; ainsi qu'il le monstre à la fin d'un
 sonnet commençant,

*Anas vous en pauras Rymas dolentas. & vers la fin,
 Fazes auxir vostras Kastas preguieras
 Tant doussament, qu'apietat sia moguda
 Des'inclinar a ma iusta demanda.*

Ce sonnet eut tant d'efficace enuers la Comtesse, que ne reiectāt point les cha-
 stes prieres d'Arnaud, elle s'y arresta, & les escouta gracieusemēt, qui fut la cau-
 se, qu'elle luy fournit de vestemens, d'armes, & de cheuaux, & meit en pris &
 valeur ses chāsōs, & deslors continuāt sa poësie, fait vn iuste volume de chan-
 sons, sons, sonnets, chants, tençons, syruentez, & mots. Le Monge des Isles d'Or,
 & sainct Cezari s'acordēt tous deux de l'ingeniosité de ce poëte, & neantmoins
 qu'il a fait vn traicté intitulé *Las recastenas de sa Comtesse*. Il trespassa en l'an 1220.
 Petrarque a fait mention de cest Arnaud au 4. chapitre de son triomphe d'a-
 mour.

ARNAUD PASQUET de la Rochefoucaut a traduit du Latin
 de George Pictorius,

Sept Dialogues, traictans la maniere de contregarder la santé par le moyen de
 six choses, que les Medecins appellent non naturelles: Ausquels est adiousté vn
 autant vtile que delectable dialogue de Plutarque intitulé de l'Industrie des
 animaux tant de l'eau que de la terre. [Impr. à Paris 8. par Gilles Gour-
 bin 1557.

*Au troisieme Dialogue il parle ainsi du fromaige qui est
 fils legitime du lait.*

Il y a plusieurs differences de fromaige. Il y en a d'une sorte qui est salé, &
 rassis, que Isaac conseil le fuyr, & ne retenir point au rang des bons : parce que
 premierement il est de mauuaise digestion, & de gros suc: secondement, d'a-
 vant que c'est vne source de colere: qu'il engendre la gravelle aux roignons, &
 le calcul en la vessie. En apres il y en a de fraiz & mol, qui est semblablement
 salé, qu'on n'approuue point, pource qu'il engendre des humeurs corrompus

contraires au ventricule & aux intestins. D'avantage on en recite d'une autre façon, qui est fraiz, mais salé tellement qu'il est agreable à l'estomach, mais de bien petite nourriture. Il y en a encore d'une autre sorte, approchant du lait qui n'est aucunement salé : cestuy-cy est preferé aux autres, entant qu'il lasche le ventre, & qu'il nourrit & profite à l'estomach, pour mieux digerer les autres viandes premises : à telle condition toutesfois qu'on en use moderement, & qu'on le mange comme il fault. Et est plus librement permis aux gens maigres, qu'aux gras & replets. Mais escoutez pour faire plus court, que le fromaige dit de soy-mesme :

*L'ignare Medecin m'ose bien reietter,
Et si pourquoy le fait ne peut ores monstrier.
Mais le docte, pourtant qu'il me sçait agreable
Au debile estomac, me retient pour louable.
Je suis au ventre lasche utile avant d'isner,
Et du contraire au dur utile apres souper.
J'aide aussi de beaucoup la viande à digerer,
La faisant au plus bas du ventre devaler.
Et pour dire en un mot, si l'appetit se pert,
Il est aussi soudain par moy seul recouvert.*

Les plus experts medecins luy accordent entierement ce qu'il a dit de soy-mesme : entre lesquels Auicenne prince des Arabes, & Paul Aeginete s'accordent en cela qu'il se faut diligemment garder d'en manger en grande quantité. Toutesfois Hippocrate au quatriesme liure du regime des aiguës maladies dit, que le fromaige engendre des ventosités, qu'il empesche, qu'il enflamme les viandes, qu'il suscite des gruditez, & qu'il nuit à la concoction, principalement à ceux qui ont largement beu : en quoy il semble y avoir discordance entre eux, qui n'est rien : car le mesme Hippocrate au liure de l'ancienne medicine, s'accorde avec les autres, mettant difference entre les natures & complexions des hommes, & disant que le fromaige ne nuit aucunement, mais qu'on ne s'en faoule point. Tout ainsi que des fruiets : car se remplir de pommes est autant que se procurer vne extreme douleur de nerfs : se sapuler de poires est s'engendrer vn tourment merueilleux aux intestins : & user par trop de noix est, se nuire à la teste, au poulmon, à la langue & à l'estomach : finalement user sans raison ou mesure de coings est autant que chercher vne rage & incredible passion. Neanmoins qui useroit moderement de toutes les choses susdites, il ayderoit beaucoup à sa santé, tant s'en faut qu'il y peult porter nuisance ou dommage.

A R N A V D S O R B I N dit de Sainte foy, Docteur en Theologie, Predicateur du Roy Charles IX, à present Euesque de Neters, a escrit les oraisons qui se font
Oraison funebre, prononcee par luy en l'Eglise Nostre dame de Paris aux funeraillles de Messire Anne de Montmorency, pair & Connestable de France.
Impr. à Paris par Guillaume Chaudiere.

Seconde

Seconde oraison funebre prononcee au lieu de Montmorency, le 26. de Fevrier à la sepulture du corps dudit feu Sieur Connestable. [Impr. à Paris par Guillaume Chaudiere 1568.

Traee du ministere visible de l'Eglise Catholique Romaine, prouuee par l'ordre des pasteurs & peres qui ont escrit, & presché en icelle. Avec la réponse des algarades, que l'heresie Caluinique luy a donnees en diuers temps. Et vne briefue réponse à dix principales raisons, desquelles les heretiques se veulent iustifier sur la prise des armes. [Impr. à Paris 8°. par Guillaume Chaudiere l'an 1568.

Histoire des Albigeois, & gestes de Simon de Montfort, descripte premièrement en latin par P. des Valles Sernay, Moine de l'ordre de Cîteaux. [Impr. à Paris 8°. par Guillaume Chaudiere 1569.

Allegresse de la France pour l'heureuse victoire obtenue par Monsieur Fils & Frere de Roy entre Coignac & Chastelneuf, le 13. Mars 1569. en rime. [Impr. à Paris audit an.

Conciles de Tholose, Besiers & Narbonne, ensemble les ordonances du Comte Raymond contre les Albigeois, & l'instrument d'accord entre ledit Raymond & saint Loys Roy de France, arrests & statuts pour l'entretien d'iceluy, où est point au naturel le moyen propre pour l'extirpation de l'heresie & des zabers. [Impr. à Paris 8°. par Guillaume Chaudiere 1569.

Description en vers, de la source, continuation & triomphe d'erreur, de ses maux, & des remedes qui luy sont propres: où est contenu le pourtrait du vray politique moderne; & commence ainsi,

*Au matin quand Phebus ses clairs heraux enuoye
Annoncer son retour & tapisser la voye
D'un air gay & riant, ie sommeilloy un iour. &c.*

[Impr. à Paris 8°. par Guillaume Chaudiere 1570. & encores 4°. par le mesme l'an 1572.

Huit Sermons de la resurrection de la chair, prononcez au chasteau du bois de Vincennes du temps du ducil du feu Roy Charles ix. [Impr. à Paris 8°. par Guillaume Chaudiere 1574.

Histoire & abregé de la vie & meurs du tres-Chrestien Roy de France Charles ix. & de plusieurs choses admirables aduenues durant son regne. [Impr. à Paris 8°. par Guillaume Chaudiere 1574.

Le vray discours des derniers propos memorables & trespas du feu Roy Charles ix. [Impr. à Paris 8. par Lyenard le Sueur 1574.

Oraison funebre prononcee à Paris en l'Eglise nostre Dame aux honneurs du Serenissime Prince Cosme de Medicis grand Duc de Toscane, le 27. May 1574. [Impr. à Paris par ledit Chaudiere.

Oraison funebre aux obseques de tres-illustre & tres-vertueuse Princesse Madame Marguerite de France Duchesse de Sauoye, prononcee en l'Eglise nostre dame de Paris, le 29. Mars 1575. [Impr. par Guillaume Chaudiere.

Oraison funebre de tres-illustre & tres-vertueuse Princesse Claude de France Duchesse de Lorraine, prononcee à Paris en l'Eglise nostre Dame le

27. Mars

h 4

30. Mars

30. Mars 1575. [Impr. par Guillaume Chaudiere.

Aduertissemens Apologetiques au peuple François: Avec briefue réponse aux quinze raisons par lesquelles vn certain personnage a tasché de reprendre la maniere de prier à la fin des Sermons. [Impr. à Paris 8°. par Guillame Chaudiere 1575.

Le vray Reueille-matin des Caluinistes & Publicains François: où est amplement discoursu de l'autorité des Princes, & du deuoir des subiects enuets iceux. [Impr. à Paris 8°. par Guillaume Chaudiere 1576.

Homelies, (en nombre 19.) sur l'interpretation des dix Commandemens de la Loy, & opposition des playes d'Egypte aux transgressions d'iceux commandemens. [Impr. à Paris 8°. par Guill. Chaudiere 1575.

Regrets de la France sur les miseres des troubles. en rime. [Impr. à Paris 8°. par Guillaume Chaudiere 1578.

Oraison funebre de tres-haute Princesse Marie Isabel de France, fille du Roy Charles 1. x. prononcee en l'Eglise nostre Dame de Paris le vnzieme Apuril 1578. [Impr. audit an.

Oraison funebre de noble Jaques de Leuis Comte de Kailus, gentil homme Chambellan ordinaire du Roy Henry 111. prononcee en l'Eglise S. Pol. à Paris le dernier iour de May 1578. [Impr. par Guillaume Chaudiere audit an.

Exortation à la Noblesse pour les dissuader & destourner des Duëls & autres combats, contre le commandement de Dieu, deuoir & honneur deuz au Prince. [Impr. à Paris 8°. l'an 1578.

Il a augmenté de plusieurs deuotes oraisons le Manuel de deuotion, extrait des escrits des saincts peres & docteurs: mis en tresbel ordre par Simon Verrepé, traduit en François par I. B. [Impr. à Lyon par Michel Ioue 1575.

Formulaire des oraisons propres à dire en toutes ordinaires actions chrestiennes. [Impr. à Caen 12°. par Benediçt Macé 1580.

Homelies sur l'epistre canonique de Sainct Iude, ensemble celle de la natiuité de Iesus Christ, preschees en l'Eglise cathedrale de Neuers, durant l'aduent de l'an 1578. & depuis redigees en escrit par ledit Sorbin. [Impr. à Paris 8°. par Guillaume Chaudiere 1580.

Arnaldi Sorbini Tholosanorum theologi, Regij Ecclesiastæ, Tractatus de monstris, quæ à temporibus Constantini hucusque ortum habuerunt, ac ipsæ quæ circa eorum tempora maiore acciderunt. (Excus. Paris. 16°. apud Hyeron. de Marnef 1570.

ARNOUL DE VILLENEUVE.

Le Tresor des pauvres, qui traite des maladies qui peuuent venir au corps humain, & des remedes ordonnez contre icelles, avec la chirurgie & plusieurs autres pratiques selon Arnoul de Villeneuve, maistre Girard de Selort & plusieurs autres docteurs en medecine. [Impr. à Lyon 4°. par Oliuier Arnoullet.

ARRIAN de Nicomedie. Voyez Claude VVittard.

ARTELOUCHE DE ALAGONA.

La Fauconnerie de Messire Artelouche de Alagona Seigneur de Maraueques, conseiller & chambellan du Roy de Sicile. [Impr. à Poictiers 4°. par Enguillb. de Marnef 1567.

ARTEMIDORE. Voyez Charles Fontaine.

ARTVS

A R T V S D E S I R E a-écrit en rime les livres sui-uans:

Le grand chemin celeste de la maison de Dieu, pour tous vrais pelerins celestes trauersans les deserts de ce monde. Et des choses requises pour paruenir au port de salut. [Impr. à Paris 8°. par Thibaut Bessaut, sans datte.

Lamentation de nostre mere sainte Eglise, sur les contradictions des heretiques, sui-uant l'erreur des faux defectueux. [Impr. à Paris 8°. par la vesue Pierre Vidoux 1545.

Le Miroir des Francs Taulpins, autrement dictz Antichristiens Luteriens. Ou le Defensoire de la foy Chrestienne. [Impr. à Angers sans datte, & à Paris 8°. par Iean Ruelle 1554.

Hymnes Ecclesiastiques traduits en rime Françoisse sur les mesmes chants de l'Eglise. [Impr. à Rouen 16°. par Robert & Iean du Gort 1553.

Les batailles & victoires du cheualier celeste, contre le cheualier terrestre, l'vn tirant à la maison de Dieu, l'autre tirant à la maison du Prince du monde chef de l'eglise maligne. Avec le terrible assaut donné contre la sainte cité de Hierusalem figuree à nostre sainte mere Eglise enuironnee des ennemis de la foy. [Impr. à Paris 16°. par Iean Ruelle 1557.

Contrepoison des 52. chansons de Marot intitulees les Psalmes. [Impr. à Rouen 16°. par Iean Orcual 1560.

Plaisans & harmonieux Cantiques de deuotion, qui sont vn second contrepoison aux 52. chansons de Clement Marot. [Impr. à Paris 8°. par Pierre Gautier 1561.

La grande source & fontaine de tous maux, procedante de la bouche des blasphemateurs du saint nom de Dieu, Avec l'ingratitude des mauuais riches enuers les pauvres: & de la perdicion des enfans par l'incorrection des peres & meres. [Impr. à Paris 8°. par Pierre Gautier 1561.

Dispute de Guillot le Porcher & de la Bergere de saint Denys en France, contre Iean Calvin. [Impr. à Paris 16°. par Iean Ruelle 1568.

Les grands iours du Parlement de Dieu, publiez par saint Mathieu, ou tous Chrestiens sont adiournez à comparoistre en personne sur les blasphemes, tromperies & deceptions du regne qui court. [Impr. à Paris 16°. par Thibault Bessaut, & despuis par Antoine Houic 1574.

La Singerie des Huguenots, marmots & guenons de la nouuelle derision. Imp. à Paris 8°. par Guill. Iulien 1574.

Le moyen de voyager seurement par les champs sans estre destrouffez des larrons & voleurs, & le chemin que doiuent tenir les voyageurs, pelerins & marchans: & commence par le chapeau du pelerin celeste contre la concupiscence charnelle. [Impr. à Paris 8°. par Antoine Houic 1575.

Le desordre & scandale de France par les estats masquez & corrompus, contenant l'osernité des peines deuës pour les pechez: & de la retribution des eleuz & des predestinez de Dieu. [Impr. à Paris 8°. par Guillaume Iulien 1577.

Le rauage & deluge des cheuaux de louaige, contenant la fin & cōsommation de leur miserable vie. Avec le retour de Guillot le Porcher sur les miseres & calamitez de ce regne present. [Impr. à Paris 8°. par Guill. Iulien 1578.

Il a écrit en prose,

L'exem

L'exemplaire & probation du ieufne, & abstinence de la chair. Avec la mort & passion des saints Machabees. [Imp. à Paris 16°. par Magdeleine Bouffette 1558.

ARTVS FILLON a escrit

Sermons des commandemens de Dieu que pourront faire les Curez ou Vicaires à leurs parroisiens par chacun dimenche. [Impr. à Rouen 16°. par Jean le Coq.

ASCAIGNE CENTORIE. Voyez les harâgues militaires, recueillies des quatre liures qu'il a fait de la guerre de Transylvanie, par Belleforest au volume des harengues militaires.

ATHANAZE.

Epistre de saint Athanaze, Archeuesque d'Alexandrie, enuoyee aux Catholiques & vrais fideles, dispersez du temps de la persecution de l'Eglise par les Ariens. Histoire nous representant à l'œil, les troubles où nous sommes succombez, & ce qui s'est fait contre la religion Chrestienne depuis quelques temps en c'est traduict de Grec en François par vn religieux de S. Denis en France. [Impr. à Paris 8°. par Jaques Macé 1564.

Voyez la vie de S. Antoine que S. Athanaze a escrit, traduict par Clement Marchant en l'histoire de la vie & mort des saints. [Impr. par Nicol. Chesneau Sermon de S. Athanaze en l'honneur de la Vierge Marie, & du bienheureux Ioseph, contenu au 3. tome de l'histoire de la vie & de la mort des saints, traduit en François.

Exortation de S. Athanase de la passion d'une image de nostre Seigneur Iesus Christ, laquelle fut crucifiee en Beryte ville de Syrie. liure attribué audit S. Athanase. [Impr. en François au 3. tome de l'histoire des saints.

Simbole d'Athanase. Voyez Yves Rouspeau.

ATHENAGORAS. Voyez, Guy Gauffart. Arnauld du Ferrou.

AVDEBERT MACERE Theologien a traduict

Defenses contre les heretiques: premierement escriptes en Latin par Qu. Septimius Florent Tertullian enuiron l'an 200. [Impr. à Paris 8°. par Michel Vascosan 1562.

Il a traduict aussi du mesme Tertullian le liure,

De la couronne du soldat. [Impr. à Paris 8°. par Vascosan 1572.

AVGIER GAILLART.

Lou banquet d'Augié Gaillard, roudié de Rabastens en Albigez. Al qual banquet, a bel cop de sortes de meises, per lo q tout lou moun n'es pas d'un goust. C'est langage d'Albigez, auquel un dont le mestier est faire des Roues pour charretes, a composé un liure en rime qui a esté imprimé 8°. à Agen 1583. & depuis à Thoulouse sous le titre de Toutos los Obros d'Augié Gaillard &c.

AVGVSTIN GALLO. Voyez Fran. de Belleforest.

AVGVSTIN MARLORAT ministre de la religion pretendue reformee a escrit,

Remonstrance à la reyne mere du Roy par ceux qui sont persecutez, en laquelle ils rendent raison des principaux articles de leur religion qui sont auourd'hui en dispute. [Impr. 8°. l'an 1561. Calvinique.

Cent cinquante oraisons ou prieres en prose Françoisise, chacune mise à la fin d'un

d'un chacun des cent cinquante Pseaumes de David traduits en rime par Clement Marot & Theodore de Beze. [Impr. à Lyon 16°. Lettre François 1562.]

A V. GUSTIN NIPHE. Voyez Ant. du Moulin.

AYME PERSE Escriu par luy six Satyres de Perse en nombre six, traduites de Latin, en rime François par traducteur qui ne s'est voulu nommer, & qui a pour la devise *MOYEN*, *OT*, *TR O P.* Avec argumens en rime sur chaque Satyre, & annotations au marge. [Impr. à Paris 8°. par Jaques Gazeau 1574.] Il y a vne autre traduction des Satyres de Perse faite par Guillaume Durand.

AVREL. AUGUSTIN Euesque d'Hippone.

Le liure de S. Augustin du seul parler de l'ame à Dieu. [Impr. à Lyon 16°. sans nom ny date. Voyez Gentian Heruet. Adrian Gemelli. Clement Vaillant. Guillaume Galiffard. Jaques le Conte. Raoul de Pretilles. Valerin du Cautroy. Nicolas Chesneau. Jean Gyrrot, Jaques Tigeau, Joseph Gaucher.]

AVREL. CASSIODORE.

L'histoire Ecclesiastique nommee Tripartite, recueillie de trois auteurs Grecs, Sozomene, Socrates & Theodorit, diuisee en douze liures, tournée iadis en Latin par Epiphanius Scholasticus, redigee en vn brief recueil par Aurelius Cassiodorus Senateur, & recentemente mise de Latin en François. [Impr. à Paris f°. par Gilles Gourbin 1568.]

AVREL. PRUDENCE CLEMENT.

La passion de saint Quirin martyr Euesque de Scissie, prinse de l'hymne 7. de Prudence poëte Chrestien en son liure des couronnes, & traduite en vers François couplet pour couplet. [Impr. parmy la vie des saints à Paris par Nicolas Chesneau. Voyez Pierre Monchau. Guy le Feure. Paschal Robin.]

AVRELIO DE PASINO Ferrarois Architecte de Monsieur le Duc de Buillon a escrit en François,

Discours sur plusieurs points de l'Architecture de guerre, cōcernans les fortifications tant anciennes que modernes. Ensemble le moyen de bastir & fortifier vne place, de laquelle les murailles ne pourront estre aucunement endommagees de l'artillerie. [Impr. en Anuers 4°. par Christoph. Plantin 1579.]

AVSONE Voyez Charles Fontaine.

AVTOLYCE. Voyez Pierre Forcadel.

AYME DE LA FONT Abbé de Chambre-Fontaine a escrit premierement en Latin, puis traduit en François, Quatorze sermons de l'ordre, habit & profession des chanoines de Premonstré, à Jaques de Bachimont abbé dudit ordre. [Impr. à Paris f°. par Gilles de Gourmond 1518.]

AYME MEIGRET a mis per escrit, Sermon, par luy presché à Grenoble le iour saint Marc Eueangeliste, en l'an 1524. [Impr. à Lyon 4°. avec vne epistre Latine du mesme auteur, adressée à messieurs du Senat de Grenoble. *Lutherique.*]

Questiones fratris Amadei Maigreti Lugdunensis ordinis predicatorum in libros de celo & mundo Aristotelis. Parisijs fol. apud de Marnef 1514.

AYMAR DE VABRES a composé plusieurs rimes desquelles Estien- ni Forcadel fait mention en ses poësies.

AYM

AYMERIC DE BELVEZER, fut homme de bonnes lettres, bon poëte Comique, chantoit bien, feit plusieurs bonnes chansons en langue Provençalle à la louange d'une gentil-femme de Gascongne de la maison de la Vallette, de laquelle il estoit amoureux. & voyant qu'on parloit trop ouvertement d'elle & de luy, se retira à Remond Berenguiier Comte de Prouence, à la louange duquel & de Beatrix de Sauoye sa femme, il feit aussi plusieurs chansons, & s'y arresta vn long temps iusques qu'il deuint amoureux d'une princesse de Prouence nommee Barbossa dame de grande beauté, de bonnes & saintes mœurs, bien instruite es sept Arts liberaux, à la louange de laquelle il feit quelques chansons. Ceste dame luy tenant propos vn iour en la compagnie de l'infante Beatrix fille du Comte Remond de Prouence, Aymeric luy dressa son gant qui luy estoit tombé, & en baissant le gant le luy presenta, dont elle fut aigrement reprise à part par les damoiselles qui estoient là presentes, auxquelles elle respondit avec bonne gravité, estant secondee de l'infante Beatrix, que les damoiselles d'honneur ne peuvent assez monstrier d'honnestes faueurs aux Poëtes qui chantent leurs louanges, & les rendent immortelles par leurs poësies. Le Poëte en estant aduertty, fit vne chanson qu'il luy adressa sur ce propos, & vn'autre à ladite infante Beatrix. Quelque temps apres ceste dame Barbossa fut esleue Abbessse du monastere de Monlegez en Prouence, & luy de douleur trespassa, car il n'estoit permis en façon que ce fust parler à vne religieuse dès qu'estant entree en religion, elle auoit faict vœu de chasteté. Il viuoit du temps que Remond Berenguiier fit edifier la ville de Barcelone aux montagnes de Prouence, enuiron l'an 1233. & trespassa 1264. Il feit vn traité intitulé, *Les Amours de son ingrata*, qu'il enuoya peu auant sa mort à ceste Abbessse.

AYMERIC DE PYNGVLAN, gentilhomme Thoulousain, fut bon Poëte en rithme Prouençale, & mesmes à mesdire, s'enamoura d'une bourgeoise de la ville, contre laquelle ayant faict quelque chanson satyrique, fut frappé griefuement sur la teste par vn parent de la damoysselle, pour occasion duquel il fut contraint se retirer à Guilhem de Bergedam en Catalogne, duquel il fut honnorablement receu, & apres estre guery de la blessure, il chanta de belles chansons à sa louange: pour raison desquelles il luy bailla de beaux presens, & luy fit auoir entree & cognoissance avec le Roy Alphons de Cathalongne, où il se tint vn long temps, & ayant faict vne Satyre contre Gancelme maistre d'hostel du Roy, par laquelle on pouuoit facilement entendre qu'il auoit desrobbe la coupe d'or où le Roy beuuoit, il fut contraint se retirer en Prouence chez la Princesse Beatrix heritiere de Prouence fille de Remond Comte de Prouence auant qu'elle espousast Charles Comte d'Anjou frere de saint Loys, où il fust le bien venu, aymé & prisé, pour les bonnes & plaisantes inuentions qu'il auoit en la poësie. Il en feit vne, & la chanta souuent en la presence de la princesse: en laquelle il recitoit qu'il n'y ha tant d'animaux parmi la terre, ne tant d'Oyseaux parmi les bois, ne tant d'estoilles au Ciel, qu'il ha de facheux pensemens chaque nuit dans son cœur. Peu de temps apres se retira en Lombardie avec l'une des Marquises de Malespine, à la louange de laquelle feit de fort belles chansons. estoit grand compaignon de Guy d'Vzez, de Peyre Vidal & des deux Rambauds. trespassa au seruice de ladicte Marquise enuiron

precieuse que Dieu a donné aux hommes , à fin qu'enchaissant icelle en l'or des vertus, ils la rendent plus riche, plus prisee & plus noble, & qu'en la compagnie de ceste Amitié, nous puissions aysement estre plustost conduits à ceste perfection, où les vertus ne nous peuuent bonnement guider d'elles mesmes. O combien est douce la cognoissance d'un vrayement bon amy , qui se resiouyt de nostre bon heur : laquelle congratulation apporte beaucoup plus de contentement que la mesme chose, dont on se resiouyt ! O combien d'allegement donne aussi ceste compassion que l'amy prend de nostre infortune , dont receuant vne partie, il est force que le reste demeure moindre !

Au chap. 12.

Il fault que nous facions pour les amis, tout ce qu'il nous sera possible, pourueu qu'il n'y ait point de mal , & que n'en puissions encourir aucun blasme ou vitupere : & si nous voyons que les puissions secourir en choses honnestes, nous ne deuons attendre qu'en soyons priez, ains promptement les deuons aider de nous mesmes. Iamais la flatterie ne se doit trouuer entre amis , mais ils doiuent librement en toutes choses se conseiller, admōnester, reprendre des fautes qu'ils auroient faictes , adiouter plus de foy l'un à l'autre qu'à toute autre personne, ne mentir iamais l'un à l'autre en chose qu'ils facent ou dient, monstrent leur cœur sur le front, & avec paroles pures & fraîches de toute tromperie, descharger fidelement le secret de leur ame, s'aymans reciproquement, s'aidans, se fauorisans, se resiouyssans & se tenans chers sur toutes choses precieuses, viuans asseurez qu'aucune marchandise ou gain ne se peut parangonner au pris de la vraye & non fainte amitié : qu'ils ne s'ennuyent, faschent ou saoulent l'un de l'autre, ains que tant plus ils se voyent, s'escoutent, se cognoissent & viuent ensemble, d'autant plus ils desirent se voir, s'escouter, se cognoistre & viure de compagnie avec vne telle vnion de desirs, correspondance de courage, ressemblance de volonte, & parité de coustumes : qu'on ne puisse souhaiter d'auantage. Ce qu'ils feront plus aisément qu'ils se rendront amis de la vertu, d'autant qu'il n'y a point plus grande ressemblance, que celle que la vertu met aux hommes, puis que le vicieux, non pour estre semblable à soy-mesme, mais dissemblable à cause de l'inimitié qui est entre le vice & la raison, qui se trouue en tout homme de bon esprit, ne peut aussi s'accorder avec aucun, ou parfaitement se rendre semblable à aucun : de maniere qu'encores que deux vicieux se trouuent ensemble, ils ne seront toutesfois à cause de leurs vices iamais semblables & accordans l'un à l'autre, mais tousiours dissemblable, & cōsequemment peu amis, pour la ressemblance estre vne des causes de l'amitié, parce que la vraye amitié ne se peut trouuer qu'entre les bons.

A. D. S. D. a e scrit.

Les Comptes du monde aduentureux, enrichis de sommaires & argumens.
[Impr. à Paris 8°. par Estienne Groulleau 1555. & despuis 16°. tant à Paris que à Lyon.]

Phrases contenues en aucuns desdits comptes.

*L'iniure du temps contraire à mon voyage, ne m'estoit rien au regard
d'une si fauorable & heureuse rencontre.*

Vous

Vous assurant d'estre aussi bien venu que souhaité.

Saisi d'une extreme maladie, il oublia les adventures de ce monde pour chercher repos au ciel.

Là où est faute de iugement, raison ne peut trouver place.

Tout ainsi qu'une ioye est obfusquée d'une facheuse tristesse, au contraire un ennuy prend fin à la rencontre d'un nouveau plaisir.

A. M. Sieur des Moistardieres a escrit,
Deuis de la langue Françoisse. Avec vn autre deuis & propos touchant la Police, & les Estats: où il est contenu (outré les sentences & histoires) vn bref extrait du Grec de Dion Chrysostome, ou Bouche-d'or: De la comparaison entre la royauté, & la tyrânie. [Impr. à Paris 8^e par la vefue Richard Breton 1572.

Audiet Denis:

Je suis si ialoux des paroles anciennes, & pures Françoises, que je louëroy vn gentil esprit, s'il estoit curieux de chercher les parolles douces de l'ancienne langue, & de les bailler à l'vsage. Je n'auroy pas soing, ne discretion dont elles veinssent, veinssent elles des Romans, ou de quelques vieux registres, pourueu qu'elles fussent choisies, & rapportees, par bon iugement & de bonne grace. Qui seroit cause que le peuple les soustiendroit, & que l'vsage les nourriroit tendrement, qui tient le parler, & les mots en main forte, en regle, & en iustice. Tellement que s'il plaist à l'vsage, beaucoup de mots qui sont dechuz & periz, renaistront, & beaucoup d'autres decherront & viendront à neant, qui sont maintenant en credit & en honneur. Autre raison il n'y a es langues & au parler, que l'vsage, quelque ornement quelque autorité, ou excellence qu'on leur attribue: soyent elles polies, & communes à toutes gens: soyent elles aussi particulieres & propres aux nations.

A. P. D. M. Euesque de Troyes a escrit en vers,
Oraison à nostre Seigneur pour impettrer secours en la calamité presente. [Impr. en l'an 1562. sans nom d'imprimeur & de lieu.

A. T. a escrit,
Proposition soustenant l'inuocation des saincts decedez. Avec la resolution de I. M. ministre. [Impr. en l'an 1564. Calvinique.

A. ZAMARIEL. Soubs ce nom supposé vn ministre nommé (à ce qu'on m'a dit) la Roche Chandieu qui se tient à Lauzane, a escrit en vers,
Responſe aux calomnies contenues au discours & suyte du discours sur les miseres de ce temps, faicts par Pierre de Ronſard. [Impr. à Geneue, & à Lyon en l'an 1564. lequel Ronſard luy a faict vne contre-responſe.

Octonaires sur la vanité du monde, desquels i'ay extrait les couplets suyans:

I.

*L'EAV va viste en s'esoulant,
Plus viste le trait volant,*

i 2 Et

Et plus viste encores passe
 Le vent, qui les nues chasse
 Mais de la ioye mondaine
 La course est si tressoudaine
 Qu'elle passe encor deuant
 L'eau & le trait & le vent.

IIII.

Le beau du Monde s'efface
 Soudain comme un vent qui passe:
 Soudain comme on void la fleur
 Sans sa premiere couleur:
 Soudain comme une onde fuit
 Deuant l'autre qui la fuit.
 Qu'est-ce doncques que le Monde?
 Un vent, une fleur, une onde.

V I I.

Orfèvre, taille moy une boule bien ronde,
 Creuse, & pleine de vent, l'image de ce Monde:
 Et qu'une grande beauté la vienne reuestir,
 Amant que ton burin peut tromper & mentir,
 En y représentant des fruits de toute guise:
 Et puis tout à l'entour escrie ceste devise:
 Ainsi roule tousiours ce Monde decevant,
 Qui n'a fruits qu'en peinture, & fondez sur le vent.

V I I I.

La glace est luisante & belle:
 Le Monde est luisant & beau:
 De la Glace on tombe en l'eau,
 Du Monde en mort eternelle.
 Tous deux à la fin s'en vont:
 Mais la glace en eau se fond:
 Le Monde & ce qui est sien,
 S'esuanouit tout en rien.

X I.

Le Monde est un iardin: ses plaisirs sont ses fleurs:
 De belles y en a, & y en a plusieurs.

Le

*Le lis eſpanouy ſa blancheur y preſente:
 L'œillet y flaire bon: le thim veut qu'on le ſente:
 Et la fleur du ſouci y eſt fort auancee:
 La violette y croiſt, & la penſee auſſi:
 Mais la mort eſt l'hiver, qui rend ſoudain tranſi
 Lis, œillet, thim, ſouci, violette & penſee.*

X I I.

*Jamais n'auoir, & toujours deſirer,
 Sont les effets de qui aime le Monde.
 Plus en honneur & richesses abonde,
 Et plus encor on l'y void aſpirer.
 Il ne iouit de cela qui eſt ſien:
 Il veut l'autrui, il l'eſtime, il l'adore.
 Quand il a tout, c'eſt alors qu'il n'a rien:
 Car ayant tout, tout il deſire encore.*

X X.

*Où eſt la mort? au Monde. & le Monde? en la mort.
 Il eſt la mort luy-meſme: & n'y a rien au Monde
 Qui face tant mourir le Monde, que le Monde,
 Qui engendre, nourrit, & fait viure ſa mort.
 Mais ſi l'amour de Dieu oſtoit le Monde au Monde,
 Faisant mourir du Monde & l'amour & la mort:
 Lors heureux nous verrions triompher de la mort
 Le Monde non mondain, & la mort morte au Monde.*

LIVRES DONT LES AVTHEVRS
pour ne s'eſtre vouluſ nommer ſont incertains.

A. B. C. pour les enfans, ou Inſtruction à inſtruire les petits enfans à lire.
 [Impr. par diuerſes fois, par pluſieurs, & en meints lieux.

A. B. C. pour les enfans, contenant l'oraïſon dominicale, &c. monſtrant la
 maniere de ſoy confeſſer. *Cenſuré.*

A B R E G E des Empereurs Romains & Alemans, qui ſubſecutiuellement
 ont regné deſpuis l'an premier de Jeſus-Chriſt. [Impr. à Paris 8°. par Vincent
 Sertenas 1561.

Demonſtrance des A B V S de l'Egliſe, des conſtitutions humaines de l'Egliſe
 de Chriſt, & de l'Antechriſt. [Eſt au catalogue des liures cenſurez par la facul-
 té de Theologie de l'vniuerſité de Paris l'an 1551.

L E S A B V S du Monde, en rime. [Impr. à Lyon 8°. par Antoine du Ry, sans date.

L E S A B V S & tromperies des Tauerniers & tauernières, qui brouillent le vin : & comment on les doit punir. rime. [Impr. à Lyon 16°. par Jean Saugrain.

L A B V S E en Court, qui se complaint à l'Acteur du temps perdu qu'il a fait tout le temps de sa vie, & l'Acteur luy donne bon enseignement, & à toutes personnes. [Impr. à Lyon 4°. par Jean Lambany, sans date.

L A C C O R D de la langue Françoisë avec la Latine, par lequel se cognoistra le moyen de bien ordonner & composer tous mots. [Impr. à Paris 8°. par Simon Colinez.

L A C C O R D Passé & conclu touchant la matiere des sacremens, entre les ministres de l'Eglise de Zurich, & Jean Calvin ministre de l'Eglise de Geneue. [Est au catalogue des liures examinez & censurez par la faculté de Theologie à Paris, de l'an 1551.

A C C O R D S de plusieurs passages des saintes escritures, qui semblent en apparence discordas : avec declaration familiere d'iceux. [Impr. à Geneue &c. par Jean Crespin 1559.

A C H I L L E Tragedie. Les personnages, Achille, l'Ombre de Patrocle, le Chœur des Troyens, Andromache, Cassandre, Hecube, le soldat Priam. Dont le commencement est tel.

*Ja laissant son viellard l'Aurore nous ramene,
Poussant la nuit plus bas, le travail & la peine:
Et pour mieux mignoter d'un berger le sommeil,
La Lune au front d'argent donne place au Soleil. &c.*

[Impr. à Paris 4°.

A C T E S de la dispute & conference tenue à Paris és mois de Iuillet & Aoust 1566. entre deux docteurs de Sorbonne & deux ministres de l'Eglise reformee distinguez selon les iournees. [Impr. à Strasbourg 8°. par Pierre Estuard 1567. *Caluinique.*

L A D O L E S C E N C E amoureuse de Cupido avec Psychez, outre le vouloir de la Deesse Venus sa mere, descrite en prose. [Impr. à Lyon par François Iulte 1536.

Le Ieu de **L A D V E N T V R E** & deuis facetieux des hommes & des femmes, auquel par election des fucillets se rencôtre vn propos pour faire rire la compagnie. le tout par quatrains. [Impr. à Paris, & à Lyon 32°. par plusieurs fois.

A D V E R T I S S E M E N S sur les iugemens d'Astrologie à vne studieuse damoiselle. [Impr. à Lyon 8°. par Jean de Tournes 1546.

A D V E R T I S S E M E N T & exortation Chrestienne, au Roy de France Charles IX. de ce nom à l'aduenement de sa couronne. [Impr. à Paris 16°. sans nom. *Caluinique.*

A D V E R T I S S E M E N T & discours des chefs d'accusation & points principaux du proces criminel fait à maistre Jean Poisle, conseiller à la cour de Parlement

Parlement de Paris, à la requestte de maître René le Rouillier aussi conseiller en icelle cour, partie ciuile, monsieur le procureur general du Roy ioint avec luy & respons à vn factum qu'il a fait imprimer sous son nom, contenant ses defences. [Impr. à Paris 4°. l'an 1582.]

A D V E R T I S S E M E N T aux trois estats de France sur la publication de la paix. Avec le triumphe d'icelle, & vne Chançon par le peuple de France. Le tout en rime. [Impr. à Lyon 4°. 1579.]

A D V E R T I S S E M E N S aux fideles espars de se donner garde de ceux qui sans legitime vocation s'ingerent au ministere de l'Euangile. [Impr. en l'an 1561.] *Caluinique.*

A D V E R T I S S E M E N S & Meditations necessaires à vne Dame Chrestiennee mariee, pour viure saintement en son estat, distribués par ordre sur chaque iour de la sepmaine: & vne priere à ce propos. [Impr. à Tholose 8°. par L. Colomies 1574.]

L'HISTOIRE du puissant Cheualier A N E principal Capitaine de l'ost des Troyens, escripte en prose. [Impr. à Paris 8°. par Philippes le Noir 1523.] De l'utilité & repos d'Esprit en L'A G R I C U L T U R E & vie solitaire, traicté extrait de plusieurs auteurs, par vn president du Parlement de Bretagne. [Impr. à Paris 8°. par Robert Estienne 1545.]

La Vie de Monsieur Saint A L B A I N Roy de Hongrie & Martyr, translatée du Latin. [Impr. à Paris 4°. par Pierre Sergent sans date.]

Le Romant D'ALEXANDRE LE GRAND. [Impr. à Paris.]

Le Romant d'AMADIS de Gaule en 22. volumes, mis d'Espagnol en François par diuers traducteurs.

L'AMANT rendu cordelier en l'obseruance d'amours, en rime. [Imprimé en l'an 1473.]

La tresgrande desolation, merueilleuse deploration & infailible punition de l'AME incorporee estant aux enfers, en vers croisez & leonins. Avec le Symbole de S. Athanase traduit aussi en rime. [Impr. à Tholose par G. Boudeville 1554.]

Copie de quelques lettres sur la nauigation du cheualier de Villegaignon és terres de L'AMERIQUE outre l'Equinoctial, iusques sous le tropique de Capricorne: contenant sommairement les fortunes aduenues en ce voyage, avec les mœurs & façons de viure des sauages du païs: enuoyées par vn des gens dudit seigneur. [Impr. à Paris 8°. par Martin le Jeune 1557.]

Le liure de L'AM Y fidele. Avec plusieurs discours amoureux en vers & en prose par vn gentilhomme Picard. [Impr. à Paris 16°. par Iean de l'Astre 1578.]

A M I A B L E accusation, & charitable excuse des maux, & euenemens de la France, pour monstrier que la paix & reunion des suiets n'est moins necessaire à l'estat, qu'elle est souhaitable à chacun en particulier: & que nul ne peut aduancer la prosperité des choses presentes, qui ne se souuient, & ne iuge doucement des passees, [Impr. à Paris 8°. par Rob. le Marognier. 1576.] On tient que Guy du Faur sieur de Pybrac en soit l'auteur: toutesfois il ne se nomme point.

Introduction & declaration sur le fait des A M O R T I S S E M E N S

des terres, rentes & possessions acquises par gens d'eglise. [Impr. à Paris 4°. l'an 1520.

La definition & perfection d'AMOUR. Plus le Sophologe d'AMOUR. [Impr. à Paris 8°. par Gilles Corrozet. 1542.

LE Petit Oeuure d'AMOUR, & Gaige d'amitié, contenant plusieurs dicts amoureux, traduits du Grec, ou Latin en rime François. Et sur la fin est descrite en prose l'histoire de Titus & Gisippus. [Impr. à Paris 8°. par Jean Barbed'orge 1537.

Discours du vray AMOUR de Dieu enuers les hommes, & de celuy des hommes enuers Dieu & entr'eux mesmes : fait en forme de sermon, & traduit en François. [Impr. à Paris 16°. par Federic Morel 1557.

L'AMOUR VU transy sans espoir. en rime. [Impr. à Lyon 4°. par Oliuier Arnoullet.

Traicté des ANGES de Dieu, auquel est demonstté quelle opinion nous deuons auoir d'iceux, & comment Satan est nostre aduersaire & ennemy capital. Avec les tentations du Diable, & la defense du bon Ange gardien de l'homme alleguant l'escriure sainte contre icelles tentations. [Impr. à Lyon 1561.

Discours & histoire tragique en vers François, du iugement & execution d'ANNE de Boulan royne d'Angleterre. escrit en main. est és mains de Philibert Bugnyon aduocat à Lyon.

Exposition sur L'APOCALYPSE de S. Iean, extraitte de plusieurs docteurs tant anciens que modernes. [Impr. à Geneue. *Censuré.*

Le Romant D'APOLLONIVS.

APOLOGIE ou defense pour les Chrestiens de France qui sont de la religion Euangelique ou reformee, satisfaisant à ceux qui ne veulent viure en paix & concorde avec eux. [Impr. par Antoine Chupin 1578. *Caluinique.*

APOLOGIE pour le Roy contre les calomnies des imperiaux. [Imprimé à Lyon 4°. par Macé Bonhomme 1552.

APOLOGIE faite par vn seruiteur du tres-Chrestien Roy de France Henry 2. contre les calomnies des imperiaux sur la descente du Turc. [Imprimé à Paris 4°. par Charles Estienne 1551.

APOLOGIE ou defense des bons Chrestiens contre les ennemis de l'Eglise catholique. [Impr. à Lyon 16. par Michel Ioue 1563.

L'ARBRE de la foy Chrestienne. *Censuré.*

Victoire & Triomphe D'ARGENT contre Cupido dieu d'amours n'aguieres vaincu dans Paris. [Impr. à Lyon par François Iuste 1537.

L'ARMURE de Patience en aduersité [Impr. à Lyon 16°. par Iean de Tournes 1555.

ARRREST notable & singulier des grands Iours tenus à Troye sur le reiglement des aduocats, procureurs, greffiers & enquesteurs, avecq les braues plaidoeries & repliques tout au long de messieurs Segulier, Le Maistre, Le Feure, Remond, Ianuier & Denguechin, prononcé le 25. Octobre 1535. [Impr. à Lyon par Iean Hugueran 1566.

ARRREST memorable du parlement de Dole donné à l'encontre de Gilles Garnier, pour auoir en forme de Loupgarou deuoré plusieurs enfans, & commis

commis autres crimes. Enrichy d'aucuns poincts pour esclaircir la matiere de telle transformation. [Impr. à Paris par Pierre des Hayes 1574.

L'ARREST du roy des Romains donné au grand conseil de France, composé en rime par auteur qui ne se nomme point, & qui a pour devise, *De bien en mieux*. [Impr. à Paris en l'an 1508.

LES ARRESTS & ordonnances de la court celeste, autrement, LES ARRESTS & ordonnances royaux de la supreme, tres haute & souveraine court du royaume des cieux, &c. *Censuré.*

L'ART & science de bien viure, & de bien mourir. [Impr. à Paris 4°. par Nicol. Chrestian, sans date.

ART Poétique François pour l'instruction des ieunes studieux & encor peu auancez en la poésie François. Avec le Quintil Horarian sur la defense & illustration de la langue François faite par Ioachim du Bellay. [Impr. à Lyon 16°. par Iean Temporal 1556.

ARTICLES proposez par l'Empereur aux Electeurs en la iournee tenue à Spire le 13. de Iuillet l'an 1570. [Impr. à Lyon par B. Rigaud audit an.

ARTICLES accordez par le grand Seigneur en faueur du roy & de ses subiets au sieur de Guerins tresorier de Frâce son ambassadeur en Turquie pour la liberté & seurte du traffic, commerce & passage ez pais & mers de Leuant. [Impr. à Paris 1570.

LES ARTICLES de la sacree faculté de Theologie de Paris, concernans nostre foy & religion Chrestienne, & forme de prescher. Avec le remede contre la poison. [Impr. à Basle 1544. Est au catalogue des liures censurez suyuant l'ediect du roy donné à Chasteau-Briant 1551.

ARTIFICE de feu ou canonnerie. &c. [Impr. à Paris 8°. par Vincent Sertenas.

Le Romant d'ARTVS DE BRETAGNE.

LES SEPT ASSAITS. *Censuré.*

L'ASSUMPTION de la glorieuse Vierge Marie, en rime à 38. personages. [Impr. à Paris 16°. à l'escu de France. sans date.

HISTOIRE D'AVRELIO & d'Isabelle, fille du Roy d'Escoffe, en laquelle est disputé qui baille plus d'occasion d'aimer, l'homme à la femme, ou la femme à l'homme: mise d'Italien en François. [Impr. à Lyon.

Les Quatre fils AYMON Romant.

BACCHILIDES. Voyez aux sentences des Poëtes Lyriques Grecs traduites en François.

BALDE.

La Pratique de Balde translatee en François. Escrite en main sur parchemin en la librairie de feu Iaqués Dauid Iuge de Vellay.

BALTHASAR BAILLY Conseiller du Roy à Troyes a écrit en vers,

L'impor

L'importunité & malheur de nos ans. [Impr. à Troyes 8°. par Claude Garnier.

B A L T H A S A R Comte de Castillon.

Le Courtifan. Voyez Jean Chaperon. Gabriel Chapuis.

B A L T H A S A R P I S A N E L L I Boloignois a escrit,
Discours sur l'apparition de la Comete qui s'est veüe à Rome le vendredy
onzième de May 1582. [Impr. à Lyon par B. Rigaud.

B A P T I S T E D E C A V I G I O L E S. Docteur en Medeci-
ne a escrit vn traicté intitulé

Des propriétés du Vinaigre. [Impr. 16°. sans nom de lieu, & sans datte. Contre
lequel Dauid finarenfis a escrit vn autre traicté De la nuyssance que le vinaigre
porte au corps humain.

B A P T I S T E E G N A C E. Voyez Geoffroy Tory.

B A P T I S T E F V L G O S E.

L'Anteros ou Contr'amour de Messire Baptiste Fulgose, iadis Duc de Gen-
nes, tourné d'Italien en François, compris en deux liures. [Impr. à Paris 4°. par
Gilles Beys 1581. Il viuoit du temps de l'Empereur Frideric 3. du Pape Sixte 4. &
du Roy Loys xi. Et estoit grand amy de Baptiste Platine qu'il introduit, &
Claude de Sanoie discourant auecques luy esdicts deux liures. Mais voyons la
Phrase de cest autheur & de son traducteur, qui ne se nomme point.

Au premier liure.

Mais pource que tout ce que ie puis dire contre l'Amour (tant en soit bon-
ne la raison) vous est douteux & soupçonneux : ie vous veux icy reciter ce
qu'en a escrit Properce, disciple de l'escole amoureuse, descriuant Amour par
ces vers:

*Quiconque fut, qui le premier peignit
Le Dieu d'Amours, & enfant le feignit:
N'eust il en ceste inuention
Main digne d'admiration?
Ce peintre expert cognut premierement,
Qu'amans transis viuent sans iugement:
Et que leurs plus grands biens perissent,
Soubs les fols pensers qu'ils nourrissent.
Encor n'eut il mains sottes ne menteuses,
En luy peignant au dos ailes venteuses:
Faisant ce Dieu, que le vent meine,
Voler d'affection humaine:
Car les amans sont comme en mer profonde,
Tousiours gettez de l'une en une autre onde:
Et le fort vent, qui les tempeste,
Jamais en un lieu ne s'arreste.*

Bien.

*Bien luy fit il, aussi les mains armées
De traits crochus, & sagettes charmes:
Et l'un des flancs d'un arc Turquois:
L'autre d'un candiot carquois.
Car l'amoureux a coup du trait receu,
Plus tost qu'Amour aduersaire apperceu:
Et nul, encor qu'il y essaye,
N'eschappe sain de telle playe.*

En un autre endroit du mesme livre.

Par là pouuez vous voir, que l'Amour n'est seulement vne habitude approchant de maladie: ains qu'il est maladie, vraye & forte, & dangereuse. Et ne faut icy mettre en termes les grands plaisirs & auantages, que les amans (comme vous dites) ont receu, en ayment Roynes, Princesses & grandes dames: car leur ioye ne fut onques vraye: ains fausse, & imaginee par l'esprit & tous les sens: tout ainsi en eux corrompus, que vous les voyez aux malades, tourmentez d'ardantes fieures. A ces fectueux le vin doux semble fort amer: non qu'il soit amer de fait, mais pource que l'amertume colerique espendue dessus la langue du malade, penetre iusqu'au nerf gustatif, par la mixture du vin. Aussi semble-il bien souuent à l'homme qui est yure, que tout ce qu'il voit, est double: pource (dient aucuns) que les fumées du vin émeuent la vertu visive, de promptement se rendre aux yeux: lesquels arrestez au premier regard par le continu mouuement, font sembler à ce pauvre yurogne, qu'il voye deux choses pour vne. Semblablement vn malade couché au lit, & approchant de la mort, dira qu'il ne sent point de mal: & qu'il oit & voit maintes choses, qui toutesfois sont vaynes & fausses, pource qu'il a les esprits troublez, & le sens aliené. Puis doncques que par tels accidens, les yeux, les oreilles, la lague, le nez, & tout le corps touchant, se trompent tellement, que les sens mesmes en sont abusez: combien pensez vous que tout cela doit defaillir aux amans? lesquels ayans tous les sens par le venin d'Amour, empoisonnez & alterez, ne doiuent donner merueille, s'ils ne sentent leurs propres maux: & s'ils n'ont ne sain ne ferme le iugement pour discerner le mal du bien. D'auantage deuez vous considerer, que si la dame aymee, est femme commune, quel plaisir en peuuent receuoir ceux qui l'ayment, recourans avec grande peine & despence, ce que chascun peut auoir à toute heure à commandement. Si elle est, ou Roynie, ou princesse, ou autrement dame d'estat, pensez les dangers, trauaux, & tourmens, esquels sont plongez ces pauvres amans, ayans tousiours la mort sus la teste.

Encores en un autre endroict.

Pensez à la perpetuelle fascherie, que met en l'esprit des amoureux, ou desir, ou crainte, ou ialousie: considerez les dangers de la vie, la dissipation & perte des ans & des biens, & sur tout l'infamie qui s'en ensuit: & pensant bien à toutes ces choses, ie ne fay aucun doubte, que ne iugiez l'Amour vne trespernicieuse passion.

passion. Et encores sans autre occasion : l'offense qui s'y commet contre Dieu, seule nous en deust retirer. Mais combien de belles successions tous les iours aduiennent, par le moyen de ce fol amour, à plusieurs, ausquels de droit elles ne peuuent appartenir? Combien d'enfans par luy mesmes, ainsi que les petits du cocu, se plaisent aux incognus nids d'autrui? Combien d'hommes nourris à l'hospital, ne sçachans d'où ils sont sortis, pensez vous qu'ils s'en marient à leurs meres & à leurs seurs. Combien de femmes craignans la mort, & aucunes fois la honte, se retrouuans grosses; cruellement en cachete tuent leurs enfans : les priuans (avec redoublée meschanceté) de vie ensemble, & de baptême? comme escrit le bon S. Hierosme à Eustoche disant, *Quelques femmes par force se rendent steriles, & commettent homicide en la personne, qui n'est pas encore née: les autres se resentans grosses du fait de leur meschanceté, pensent vider l'avorton, avec quelque venimeux bruuage. Et bien souvent, quant elles meurent, elles s'en vont en perdition, coupables de trois enormes vices: assauoir adulteres de Iesus-Christ, meurtrieres de soy-mesmes, & homicides de l'homme qui n'est pas encore né.* Estant donques toutes ces abominations les fruits de cest infame Amour: elles demonstrent plus qu'assez, combien est venimeux l'aibre, lequel les porte & produit.

BAPTISTE MANTUAN.

Eclogue de Baptiste Mantuan de la vie Bienheureuse, traduite en François. [Impr. à Paris 8°. par Iacques Niuerd 1521. Voyez François de Myozingen. Iaqucs Morrieres. Laurens de la Grauiere. Michel d'Amboise.

BAPTISTE PLATINE.

Genealogies, faicts & Gestes des Saincts peres, Papes, Empereurs & Roys de France contenans les heresies, schismes & Conciles, guerres & autres choses dignes de memoire aduenues en la Chrestienté & autres pais estranges durant le regne de chacun d'iceux. Composé premierement en Latin par Baptiste Platine, & translaté en François. [Impr. à Paris f°. par Galiot du Pré 1519.

Dialogue de Bapt. Platine gentilhomme de Cremone, contre les folles amours: traduit de Latin. [Impr. avec l'Anteros ou Contr'amour de Baptise Fulgose à Paris 4°. par Gilles Beys. 1581. Didier Cristol a traduit les liures de l'honneste volupté, du mesme Platine, qui viuoit du temps des papes Pie & Paul seconds, estoit officier Pontifical à Rome (bien que Cremonnois d'origine.) & par Pape Paul second, fut longuement detenu en dure & austere prison: de laquelle il fut depuis deliuré par le successeur Pape Sixte: auquel depuis il dedia son histoire de la vie des Papes, & fait plusieurs autres œures: car il estoit docte personnage, eloquent orateur & sçauant Philosophe. Voyez aussi la vie d'aucuns papes, assauoir d'Higinie & autres, escrite par ledit Bapt. Platine traduite de son Latin & contenue aux volumes de la vie & mort des Saincts.

BAPTISTE DES VRSINS, grand Maistre des Cheualiers de Rhodes. Voyez ses constitutions au liure des establissemens des Cheualiers de l'ordre S. Jean de Hierusalem, translaté en François, & impr. l'an 1499. ie metray icy vne de ses constitutions tout ainsi qu'elle est traduite. *Nous établissons que ez conseils tant ordinaires que complis quand se doit faire aucune*

aucune chose, avant que se donnent les opinions chacun conseiller sans garder ordre ainsi qu'il luy plaira puisse alleguer & proposer sur celle chose qui sera mise en deliberation tout ce que luy semblera sans aucune reprehension. Et quand les choses seront bien discutees, tant d'opinions qui se trouveront soyent balotees, & l'opinion qui aura plus de balottes soit sentence. & conclusion. Enioignans que toutes les choses & affaires de quelque nature qu'ils soyent qui par conseil comply ou ordinaire seront traitees & deliberees, soyent conclues par balottes. Autrement les deliberations soyent nulles.

B A R D A N A C (son nom propre m'est inconnu) natif d'Aurelliac en Auvergne maistre d'hostel du Capitaine Burgues a escrit en rime
La vie de bien viure, autrement les enseignemens de Bardanac. [Imprimé a Tolose,

B A R L A A M.

Histoire de Barlaam & Iosaphat &c. [Impr. à Paris 8°. par Guill. Chaudiere.

B A R N A B E B R I S S O N President en la court de Parlement a Paris a fait quelques harangues en François.

B. B R I S S O N I I in *suprema Parisiensi Curia advocati de verborum quæ ad ius pertinent significatione libri 19. per ordinem literarum dispositi. Accessit Parergon liber singularis.* [Lugduni f. apud Joan. Tornasium 1559.

Eiusdem Barnaba Brissoni Regij consistorij consiliarij amplissimique Senatus Parisiensis Præsidis De Formulæ & Sollemnibus Populi Romani verbis Libri viij. [Impressi, Parisijs in fol. apud Sebast. Nyuellium M. D. LXX XIII.

Eiusdem Selectarum ex iure civili antiquitatum libri 4. Super I. ff. noui De sol. & libe. lib. 3. Ad legem Juliam lib. 1. Hac omnia excussa Lugd. apud Ioannem Tornasium.

De Ritu nuptiarum liber singularis. Et de Jure connubiorum alter. [Parisjs 4°. in Aedibus Rouillij 1564.

Diuini & humani iuris obseruationes. Liber vnus, in quo explicantur L. Dominico de Spectaculis in Cod. Theod. & L. Omnes dies C. de ferijs. Indeque sumpta occasione, de priscis dierum appellationibus. Eiusdem de praeceptis Christianorum festiuitatibus, necnon de vetustis baptismi ritibus & spectaculorum abrogata licentia. Autore eod. Par. 8°. apud Io. Parent. 1582.

Le Sieur de la B A R T E a extrait de l'Antiquité des histoires Romaines, & mis en François,

La mort de Lucrece & de Virginia, femme & fille trospudiques. [Impr. à Paris 8°. par Robert Estienne 1567.

B A R T H É L É M I A N E A V a fait plusieurs compositions & traductions, Assauoir:

k

Genethliac

Genethliac Musical & historial de la conception & natiuité de Iesus-Christ par vers & chants diuers, entrefemez & illustrez des noms royaux, & de princes, Anagrammatisez en diuerses sentences, sous mystique allusion aux personnes diuines & humaines. Avec vn chant Royal pour chanter à l'acclamation des Rois. Ensemble la 4. Eclogue de Virgile intitulee Pollion, ou Auguste, extraicte des vers de la Sibylle Cumee prophetisant la natiuité de Iesus Christ aduenue bien tost apres, & au mesme temps & empire d'Auguste. [Imprimé à Lyon 8°. par Godefroy Beringen l'an 1559.

Chant Natel contenant sept Noels, vn chant pastoral & vn chant Royal, avec vn mystere de la natiuité par personnages: composé en imitation verbale & musicale de diuerses chansons, recuilly sur l'Ecriture sainte, & d'icelle illustré. [Impr. à Lyon 8°. par Sebastien Gryphius 1539.

Imagination Poëtique par luy traduite de ses vers Latins & Grecs en vers François, & intitulee en Latin, *Picta Poësis*, Bart. Anulo authore. [Impr. à Lyon. 8°. par Macé Bonhomme 1552.

Exhortation Rationale d'Euchier à Valerian, le retirant de la mondanité & de la Philosophie prophane à Dieu, & à l'estude des saintes lettres. traduite en vers François iouxte l'oraison Latine. [Impr. à Lyon 4°. par Macé Bonhomme en l'an 1552.

Les Emblemes d'André Alciat traduits vers pour vers, iouxte la diction Latine, & ordonnez en lieux communs, avec sommaires inscriptions, Schemes, & briefues expositions Epimythiques selon l'Allegorie naturelle, morale, ou historique. [Impr. 8°. par Guill. Rouille en l'an 1549. & 16°. par le mesme 1558.

Lyon marchant, Satyre François, sur la comparaison de Paris, Roen, Lyon, Orleans: & sur les choses memorables aduenues depuis l'an 1524. Sous Allegories, & Enigmes. Par personnages mystiques. Iouee au college de la Trinité à Lyon en l'an 1541. & impr. par Pierre de Tours en la mesme ville 1542.

Oraison, ou Epistre de M. Tulle Ciceron à Octavius, depuis surnommé Auguste Cesar. Avec des vers de Corneille Seuerus Poëte Romain sur la mort de Ciceron. Le tout tourné de Latin en François, assauoir ladite epistre en prose, & lesdits vers en rime. [Impr. à Lyon 8°. par Pierre de Tours 1543.

Le tiers liure de la Metamorphose d'Ouide, traduit en vers François. Avec les Mythologies & Allegories historiques, naturelles & morales sur toutes les fables & sentenees. [Impr. à Lyon 8°. par Macé Bonhomme 1556: avec les deux premiers liures d'icelle Metamorphose, de la traduction de Clement Marot, auxquels ledit Aneau a mis aussi les Mythologies conuenables recueillies des bons auteurs Grecs & Latins.

Alector, ou le Coq, Histoire fabuleuse traduite en prose François d'un fragment diuers, trouué non entier, mais entre-rompu & sans forme de principe. [Impr. à Lyon 8°. par Pierre Fradin 1560.

Le Tresor d'Euonime Philiatre, des remedes secrets, liure Physic, Medical, Alchimic & dispensatif de toutes substantielles liqueurs, & appareils de vins de diuerses saueurs, necessaire à toutes gens, principalement à Medecins & apothiquaires: traduit de Latin par ledit Aneau, & impr. à Lyon 4°. par Balthasar Arnoullet 1555.

Art

Art Poétique François pour l'instruction des ieunes studieux & encor peu avancez en la Poësie François. Avec le Quintil Horatian sur la defence & illustration de la langue François faite par Ioachim du Bellay. [Impr. à Lyon 16°. par Jean Temporal 1556. Le l'auoy mis au rang des liures des auteurs incertains en la lettre A : mais despuis i'ay ouy dire que B. Aneau en fut l'auteur. Quelques vns l'ont attribué à Charles Fontaine : mais quant à moy, ie ne le tiens estre de l'un ni de l'autre mais bien plustost à vn Thomas Sibyle, lequel depuis en vne epistre posée au commencement de la traduction qu'il a fait de l'Anteros de Baptiste Fulgose, fait mentiō d'un art Poétique François, sorti de luy, & imprimé. Et ie n'en ay point veu d'autre, sinon celuy de Jaques Peletier. Pasquil Antiparadoxe, Dialogue contre le Paradoxe de la faculté du vinaigre. [Impr. à Lyon 8°. en l'an 1549.

La Republique d'Vtopie, oeuvre grandement vtile, demonstrent le parfait estat d'une bien ordonnee police traduite du Latin de Thomas More Chancelier d'Angleterre, lequel sous vne feinte narration d'une nouvelle isle d'Vtopie, a voulu figurer vne morale Republique, & tresparfaite police: voire si tresparfaite que iamais telle ne fut, ne est ne paraenture sera. Car à la maniere que les grans Stoïques ont figuré leur parfait Sage, & le treseloquent Ciceron a formé son parfait Orateur, desquels la description est tant souveraine, que tels Sages, & tels Orateurs ne furent onques veuz, ne se voyent à present, ne sont esperés à l'aduenir, mais tels les ont dépeints qu'il les conuiendroit estre en leur absolue perfection, si l'imbecilité humaine y pouuoit atteindre, à l'image desquels ceux qui plus près deuiendront plus excellans en Sapience, & art Oratoire estimés ils seront: Ainsi le magnifique Thomas More tressubtil ouurier d'ingenieusement inuenter, & de bien dire, sous fiction Chorographique d'une Isle nouvellement trouuee, & tresciuilement regie, a coloré l'image d'une tresexcellente police de Republique, non certes telle, qu'elle ait iamais ainsi esté, ou soit en nul lieu, mais telle qu'en tous lieux elle deuroit estre. Et pource il la nommé, L A R E P V B L I Q V E D'V T O P I E, c'est à dire de nul lieu: & B V D E en sa magnifique epistre liminaire de l'oeuvre, l'a nommé V D E P O T I E, c'est à dire qui ne fut iamais. Tous deux donnans à entendre qu'en nul lieu, & en nul temps ne fut, & n'est, & ne sera vne telle & si bien formee Republique: & encores sous telle couleur reprenans les defaux des Polices, qui sont à present toutes peruerties & corrompues, en leur representant au vis le patron de ceste Vtopique, auquel pour les amender & ameliorer, il les faudroit conformer, & les imiter le plus pres qu'il seroit possible. Mais considerant ce prudent Chancelier Anglois, que telle reprehension, & exemplaire reformation des gouuernemens, ne seroit agreablement reçue en plateforme de nue & descouuerte demonstration: à fin de la rendre plus plaisante, plus agreable, & plus acceptable, il l'a voulu figurer sous nouvelle & estrange histoire, qu'il feint auoir entendu d'un estrangier peregrinateur, & lointain voyageur, qu'il nomme R A P H A E L H Y T H L O D Æ V S. Et cela fait-il si subtilement, y donnant couleur de verisimilitude historique, que l'on diroit proprement estre vn vray recit, entendu par autrui, des lieux, personnes, & choses, qui sont en nature, combien que ce n'est qu'un contem-

platif argument, tresbon & tresraisonnable, inuenté par ce grand personnage Londoïs **T H O M A S M A V R E**; comme manifestement en donnent indice les noms Grecs conuenablement imposez aux personnes & aux choses. Car **V T O P I E** est à dire nul lieu, nom d'Isle fantastique qui en nul lieu ne se trouue, ny en la Geographie, ny au monde: ne la situation d'icelle Isle. Ladicte traduction faicte par B. Aneau a esté impri. à Paris 8°. & depuis à Lyon 16°. par Jean Saugrain.

B A R T H E L E M I B A L I S T E, Docteur & Lieutenant principal, des Viguiers & iuge de Narbonne a escrit:

Elegie sur le trespas de Pierre Loys de Bonnefoy, qui en l'aage de treize ans chantant au premier rang des Poëtes François emporta le pris qu'on donne aux mieux disans à Tholose. [Impr. par Guyon Boudeuille, avec le Tombeau dressé audit Pierre Loys, par plusieurs Poëtes, assauoir N. de Vares. J. Bodin Angeuin, La grange, Baliste, & autres 1560.

Il a aussi fait vn poëme luy estât à Tholose, par lequel il gaigna l'vne des fleurs, ordonnee aux mieux disans, & contendans es ieux floraux.

B A R T H E L E M I L' A N G L O I S. Voyez Jean Corbichon.

B A R T H E L E M I D E L A S C A S A S.

Tirannies des Espaignols. Voyez Jaques de Migrodde.

B A R T H E L E M I C H A S S A N E E a faict des commentaires sur le texte des coustumes de Bourgeoigne.

B A R T H E L E M I C O C L E S de Bouloigne en Italie, Le Compendion & bref enseignement de Physionomie & Chiromance de Barthelemi Cocles Docteur de Philosophie, & de Medecine, monstrant par le regard du visage, signe de la face & lignes de la main les mœurs & complexions des gents: mis de Latin en François. [impr. à Paris 8°. par Pier. Regnaud.

B A R T H E L E M I F O V R N I E R Aduocat en la Seneschaucee & siege presidial de Lyon a traduit en partie & en partie imité Les vers dorez de Pithagoras & Phocilide. [Impr. à Lyon 8°. par B. Rigaud 1577.

B A R T H E L E M I G E O R G I E V I S Hongrois.

La maniere & ceremonies des Turcs descrite par Barthelemi Hongrois pelerin de Hierusalem, lequel ayant esté illec esclau a cognu par experience tout ce qui est contenu audit liure: avec beaucoup de mots, aussi la maniere de compter en Turquois, salutations & responses des Perses. trallatee de Latin en François. [Impr. à Paris 16°. par Charles l'Angelier 1545.

B A R T H E L E M I T Æ G I O.

Doctes & subtiles Responses. Voyez Antoine du Verdier.

B A R V C H C A N E P H I V S.

Atheomachie, ou Refutation des erreurs & detestables impietez des Atheistes, Libertins, & autres esprits prophanes de ces derniers temps. Escrite pour la conformation des infirmes en la Foy de l'Eglise Chrestienne, & maintenant mise en lumiere par Baruch Canephius. [impr. à Geneue 8°. par Jean Durand 1582. *Caluinique.*

B A S I L E L E G R A N D, Euesque de Cesaree en Capadoce.

Homelie de saint Basile des louanges du Ieune, traduite du Grec. [Impr. à Lyon

Lyon 16°. par Jean de Tournes 1544. Voyez Christoph. Hebrard. Claude de Pontoux. George Argentier. Gilles Cailleau.

B E A T R H E N A N.

Scholies sur l'oraison faicte par Synesius, à la louange de la chaulceté, traduite du Latin de Beat Rhenan par moy Antoine du Verdier.

B E A V G V E L E P E N S I E (c'est vn nom supposé) a escrit: Iamharde & Blaudeau. Dialogue. [Impr. à Poictiers par les Bouchets, Freres.

B E D A, dict le Venerable.

Voyez les vies de quelques saincts qu'il a escrit, extraictes & traduites de son histoire ecclesiastique d'Angleterre, & contenues aux volumes de l'histoire de la vie des saincts. [Impr. par Nicol. Chesneau.

B E N E D I C T B O C H A R D D E S Q V I N T I L S a escrit en langage François

Discours de la querelle du Capitaine Benedict Bouchard des Quintils, gentil-homme Romain, contre le Capitaine Scipion Corbinel. [Impr. à Lyon 8°. par Jean de Tournes 1569.

B E N I A M I N B E A V S P O R T, Religieux de l'obseruance saint François a escrit,

Monotessaron des Euangiles, autrement dict en François, Vn de quatre. Avec briefues expositions de certains passages & les sommaires sur chacun chapitre: contenant 80. chapitres. [Impr. à Paris 8°. par la vefue Maurice de la Portc 1552.

B E N I A M I N I A M I N a traduit de Latin, Les dialogues de Jean Loys Viues Imprimez Latin François, pour l'exercice des deux langues à Paris 16°. par Gabriel Buon 1578. Il y a vne autre version des mesmes dialogues de traducteur incertain, impr. à Lyon 8°. par Gabriel Cotier 1560.

B E N O I S T natif de Nursie, abbé du mont Cassin. La Reigle des moines, escripte par saint Benoist, & translatee de latin en François. [Impr. à Paris 16°. par Alain Lotrian. Voyez Guy Iuuenal.

B E N O I S T A C C O L T I d'Arezzo. Voyez aucunes harengues de cest auteur contenues es liures qu'il a fait en Latin, de la guerre des Chrestiens contre les barbares pour le recourement de la terre sainte & du saint sepulchre de nostre Seigneur, traduites par François de Belleforest au volume des Harengues militaires.

B E N O I S T A R I A S Montan. La Leçon Chrestienne, ou les offices & deuoirs familiers & conuenables à tous disciples de Christ, tirez des preceptes & institutions du souverain maistre, & colligez en vn bref sommaire pour l'instruction du petit troupeau, traduit du Latin de Benoist Arias Montan. [Impr. à Anuers 8°. par Christophle Plantin 1579.

B E N O I T C O T R V G L I.

Traicté de la Marchandise &c. Voyez Jean Boyron.

B E N O I T C O V R T de S. Symphorien le Chastel, en Lyonnois a escrit des commentaires Latins sur le texte François des Arrests d'Amours

k 3 qui

qui sont en nombre 52. [Impr. à Lyon 4°. par Sebastien Gryphius 1533. & depuis 16°. à Paris par Vincent Serpenas 1555.

Enchiridion iuris utriusque terminorum Benedicto Curtio Simphoriano autore. Lugduni 1543.

Hortorum Libri Triginta: in quibus continetur arborum historia, partim ex probatissimis quibusque autoribus, partim ex ipsius auctoris Bened. Curtij observatione collecta. Lugduni in folio apud Ioannem Tornasium 1560.

B E N O I T G I L L E B A V D a écrit:

La Pronostication du siecle aduenir, contenant trois petits traictez. Le premier determine comment la mort entra premièrement au monde. Le second parle des ames des trespassés, & de la difference des Paradis. Le tiers de la dernière tribulation, & de la resurrection des corps. Et que le temps du iugement & le iour nul homme ne le sçait. [Impr. à Lyon 16°. par Oliuier Arnoullet 1550.

B E N O I T P R A L A Forensien, a écrit en prose François,
L'apprentissage d'honnesteté, & l'entretien des bonnes meurs. [Impr. à Lyon 16°. par Ioan de la Place demeurant pres nostre Dame de Confort 1506.

Benedicti Prala forensis de cultu animi carmen Elegiacum familiari commento expositum. [Impr. Lugduni 8°. apud Io. de Platea anno 1512.

B E N O I T T E X T O R Medecin natif du Pont de Vaux en Bresse a écrit,

Traicté de la nature du Chancre. [Impr. à Lyon 8°. par Iean de Tournes 1550.
De la maniere de preseruer de la pestilence & d'en guerir, selon les bons auteurs. [Impr. à Lyon 8°. par Iean de Tournes 1551.

B E N O I S T D V T R O N C Y Conteroolleur du domaine du Roy, & secretaire de la ville de Lyon, a traduit de Latin en François,
Consolation de Marc Tullies Ciceron, par laquelle il se console soy-mesme sur la mort de sa fille Tullia. Liure qui a esté nouvellement trouué, & ceste traduction imprimée à Lyon 8°. par Benoist Rigaud 1584.

B E N O I S T V O R O N a écrit en rime par forme de Dialogue,
La resiouissance sur la France desolée, pour l'heureux & désiré retour du tres-chrestien Henry 3. de ce nom Roy de Frâce & de Poloigne. [Impr. à Paris par Iean Poupy 1574.

B E R A L des Baulx fut l'un des principaux gentils-hommes de la plus noble & première maison de Prouence, seigneur de Marseille, grand amateur des lettres, & mesme de la Philosophie. Il auoit recouuré d'un Phisicien Catalan qui estoit de ce temps au seruice du Comte de Prouéce, quelques liures en langue Arabelesque traitans de l'Astrologie, & mesmes *Albohazen haly fils d'Aben Ragel* Arabe, du iugement des Astres qui estoit traduit en langue Espagnol-le, ou Cathalane, esquels il estoit tant adonné, qu'il se rendit plustost superstitieux que vray obseruateur des reigles. Car (ainsi que recite le Monge des Isles d'Or) estant la lune en sa plenitude, Beral partant de son chasteau des Baulx avec son train, tenant chemin pour aller en son gouuernement d'Auignon, quand fut pres de la ville de saint Remy, trouua vne bonne femme fort aagée eussillant quelques herbes auant le soleil leuant, barbotant quelques paroles,

rolles, ores regardant au Ciel, & ores en Terre, faisant le signe de la Croix, luy demâda si elle auoit veu à ce matin quelques Corbeaux ou autres oyseaux de semblable plumage. Ouy (dit-elle) vn Corbeau sur le tronc de ce Saule mort qui ne faisoit que graillet, tournant sa teste çà & là. Beral prenant cela à vn tresdangereux presage, comptant avec ses doigts en quel point estoit la Lune, craignant quelque sinistre accident, tourna promptement bride vers son chasteau des Baulx, en disant, Ne huy, ne demain ne se faut pas mettre en danger. Le Monge de Montmaïour dict que les oyseaux qui volent en l'air ont faict telle peur à Beral le superstitieux, qu'il a esté contraint tourner bride. Il estoit bon Poëte Prouençal, amateur des poëtes. Le Monge des Isles d'Or dict, que Beral auoit espousé la fille du roy des Heruliens, & Obotrites, trespassa ieune, estant en son palaix de Marseille, de certaine affection conceuë du chant d'un de ces oyseaux noirs, qui se vint reposer sur le toit d'une maison vis à vis des fenestres de la salle de son chasteau, tandis qu'il disnoit en compagnie de sa femme, & de tous les gentils-hommes de sa cour. ce fut enuiron l'an 1229.

B E R E N G E R D E L A T O V R d'Albenas en Viarez a escrit:

L'amie des amies, imitation d'Arioste, diuisee en quatre liures. Chant de Vertu & honneur. Lettres. Vers espars. Fragmens de Contr'amitié. Mosqueide. [Imprimé à Lyon 8°. lettre Françoisé, par Robert Granjon 1558.

L'Amie Rustique & autres vers diuers. [Impr. de mesmes.

Le Siecle d'or & autres vers diuers, Assauoir, Traduction du premier & second chapitre de Iheremie en vers lyriques. Chant royal de Verité. Autre Chant royal de Foy & Heresie. Autre chant royal de Chrestienté. Autre chant royal de Iesus-Christ & de la Vierge sa mere. Chât Elegiaque de la Republique, sus la mort de tres-hault & tres-magnanime Prince François premier de ce nom, Roy de France. Epitaphes du mesme Roy. Cantique de Chrestienté. Cantique de nature humaine. Epistres. Chançons. Elegies. Epigrammes. Conference de deux damoiselles & de son affection. Marques de fol Amour. Marques d'Amour honneste. Marques d'Amour diuin Blason du miroir. Epitaphes. Enigmes. [Le tout impr. à Lyon 8°. par Jean de Tournes 1551.

Choreide, ou autrement Louange du Bal. Chant d'Amour. Epistres, Epigrammes, Dialogue de Menippe & Mercure, traduit de Lucian. Nazeide. [impr. à Lyon 8°. par Jean de Tournes 1556.

S. B E R N A R D Abbé de Clercuaux.

Traicté de S. Bernard enuoyé à sa seur, contenant la maniere de viure en la Religion Chrestienne: translaté de latin en François. [impr. à Paris 8°. par Durand Gerlier, sans datte.

La vie de S. Malachie Euesque d'Hibernie, prise du 3. tome des œuures de S. Bernard, contenue en l'histoire de la vie & mort des Saints. [impr. par Nicol. Chesneau. Voyez Hubert Lescot. Jean Coigneu. Jean Guytot.

B E R N A R D D E B R E B A N.

Cronique de Bernard de Breban. en rime. écrite en main en la librairie du Sieur de Montiuftin à Lyon.

B E R N A R D D E B R E I T E M B A G.

Le chemin & voyage de la terre Sainte, composé en latin par Bernard de Breitenbag, & traduit en François. [impr. à Paris 4°. par Antoine Verard sans date. Jean de Herfin en a fait vne autre traduction.

BERNARD DOMINIC I. de l'ordre de la Sainte Trinité, & redemption des captifs a prononcé, puis redigé par escrit, Sermon funebre fait à Nancy aux obseques & funerailles d'illustre Prince François de Lorraine Duc de Guyse, en l'Eglise des Cordeliers, par l'ordonnance de l'Altesse du Duc de Lorraine y present. [Impr. à Rheims 8°. par Jean de Foigny 1563.

BERNARD DE GIRARD, Bourdelois, Seigneur du Hailan, secretaire & Historiographe du roy à present regnant, a escrit, Les Devoirs des hommes, liures 3. recueillis en forme d'epitome, des œuvres de Marc Tulle Ciceron. [Impr. à Blois 8°. par Julien l'Angelier 1560. Promesse & dessain de l'histoire de Frâce. Au roy Charles 1^x. [Impr. à Paris 8°. par Pierre l'Huillier 1571.

Quatre liures **DE L'ESTAT** & succez des affaires de France, contenant sommairement l'histoire des roys de France, & les choses plus remarquables par eux instituees pour l'ornement & grandeur de leur royaume. [Impr. à Paris 8°. & en 16°. par Pierre l'Huillier 1573. & depuis augmentez par l'auteur. Histoire sommaire des Comtes & Ducs d'Anjou depuis Geoffroy Grisegonnelle iusques à Monseigneur Henry fils & frere de roys de Frâce, & Duc d'Anjou de Bourbonnois & d'Auuergne. [Impr. à Paris 8°. par P. l'Huillier 1571. L'histoire Romaine d'Eutropius comprenant en dix liures tout ce qui s'est fait tant en paix qu'en guerre depuis le commencement de Rome iusques à l'an m. c. xix. de ladite ville. traduite de latin, & impr. à Paris 8°. par Federic Morel 1560.

L'Histoire de France, contenant outre ce qui est adueni en ce royaume, les choses plus memorables passees en Alemaigne, Flandres, Angleterre, Italie, Sicile, & païs de leuant: Ordonnee en 24. liures, dont le vingtquatriesme finit à la vie du roy Charles septiesme du nom. [Imprimé à Paris f°. par Pierre l'Huillier 1576. depuis ailleurs par Pierre de S. André 8°. en deux tomes 1577. Or l'Histoire des rois de Frâce ayant esté cy deuant assez mal écrite par nos François, avec flatterie trop grande, & asses negligemment ou enuieusement traitée par les estrangers, le but de cet auteur a esté la verité, qui est l'œil de l'histoire: car il blasme en la vie des rois, de leurs ministres & de leurs peuples, ce qui est digne de blasme & de reprehension, louë aussi & exalte en eux ce qui est louable: donnant à la vertu le guerdon de la louage, au vice celuy du vitupere: & n'a voulu flatter ses roys ny la nation, ny faire du blac le noir, pour faire son histoire estropiee d'un membre: en quoy il a acquis reputation d'un fidele & veritable historien.

Les Vies des plus grands, plus vertueux & excellens capitaines & personnages Grecs & barbares faictes par Æmilius Probus auteur ancien, & traduites de latin. [Impr. à Paris 4°. par Pierre l'Huillier 1568.

Discours sur les causes de l'extreme cherté qui est aujourdhuy en France, & sur les moyens d'y remedier. [Impr. à Paris 8°. par Pierre l'Huillier 1574.

Recueil

Recueil d'Aduis & conseils sur les affaires d'estat, tiré des vies de Plutarque.

[impr. à Paris 4 . par Pierre l'Huillier 1578.

Il a uoit escrit aussi en vers François en sa jeunesse,

V'ion des princes pour la paix & mariages. [impr. à Paris.

Le Tombeau du Roy tres Chrestien Henry 2. de ce nom. [impr. à Paris 1559.

Regum Gallorum Icones à Faramundo vsque ad Franciscum 2. Item

Ducum Lotharingorum à Carolo primo vsque ad Carolum tertium

versib. latinis express. Autore Berardo Girardo. Parisijs apud Carolum

Perier 1559.

BERNARD DE GORDON.

La Pratique de maistre Bernard de Gordon Surnommé fleur de lys en mede-

cine, excellent Docteur & maistre en Medecine en l'vniuersité de Montpellier,

compilee en l'an 1372. translatee de latin en françois à Rome en l'an 1377. au

temps du pape Gregoire, & imprimee à Lyon f°. 495. sans nom ny darte.

BERNARD ILLICINIVS, soy disant desireux disciple de Medecine & de Philosophie, a translaté en François l'exposition & commentaire sur le texte Italien des Triomphes de Petrarque non impr. & veu par moy escrit à la main sur parchemin velin au chasteau de la Bastie en la librairie de monsieur le Comte Dursé.

BERNARD DV POYMONCLAR de Luc en Bearn a escrit:

Poësie en diuerses langues sur la naissance de Henry de Bourbon Prince tres-

heureux fils d'illustre Antoine de Bourbon Duc de Vendosme, Comte d'Ar-

maignac, & Ieanne d'Albret fille vniue de Henry d'Albret roy de Navar-

re, & de Marguerite de France seur au treschrestien roy François premier du

nom, né au chasteau de Pau au mois de Decembre 1553. [impr. à Tholose 8°.

par Jaques Colomiez 1554.

Odes du Gaue fleuve en Bearn, & du fleuve de Garonne: Avec les tristes châts,

à sa Caranite. [impr. à Tholose 8°. par Guyon Boudeuille 1551.

Il a traduit

Quatre liures de Public Vegece Renay de la medecine des cheuaux, malades

& autres veterinaires, alienez & alterez de leur naturel. Traduits de latin &

impr. à Paris 4 . par Charles Perier 1563. Estoit celuy Vegece, Comte de Con-

stantinople, fort fauorisé de l'Empereur Valentinian, & fait citoyen de Rome.

L'Escuirie du Sieur Federic Grison gentilhomme Napolitain, en laquelle est

monstré l'ordre & l'art de choisir, dompter, picquer, dresser & manier les che-

uaux, tant pour l'vsage de la guerre qu'autre commodité de guerre. Traduite

d'Italien. [Impr. à Paris 4°. par Charles Perier 1565.

Bernardi Podij Lucensis Oda 3. prima Cygnus, in laudem Tholosa: secun-

da Ad Petr. Ronsardum: tertia Venus ad Michaëlem Petr. Mauleon

Durbanum senatorem. [Excus. Tholosa 8°. Apud Guid. Boudeuil-

leum 1552.

De collegio Auxitano B. Podij Carmen ad posteritatem. Eiusdem aliquot

Epigrammata. [Ibidem excusa anno 1552.

En

En l'Ecuyrie de Federic Grifon.

Comme de toutes choses, aucunes sont plus belles, grandes, admirables, requises & necessaires : de ceux aussi qui s'entremeslent de profiter au public en delaisant aux furuiuans honorable tesmoignage des actions de leur vie n'attendant que la recompense d'honneur de tant de peines qu'ils ont receu, parmy tant de nuits, veilles à la chandelle, tant de iours passez, traßez & remarquez à la plume : si est ce, que les labeurs des vns sont beaucoup plus receuz & louëz que des autres : selon l'art, selon la discipline à laquelle ils ont essayé de donner lumiere. lesquels, bien-que sans doute meritent infiniment entre nous, ceux toutesfois nous doiuent estre plus recommandez, qui ont esclarcy l'art, dont personne, ou peu s'estoient entremeslez, mesmement où les choses sont mal aisees, d'estre connues, que par longue obseruation & experience, telles qu'il a esté besoin en la mareschalerie & escuyrie estre soigneusement poursuivies, à la poursuite des secrets de nature. Premièrement pour sçauoir iuger que le cheual soit de nature chaude & temperée, pour estre léger, hardy & de longue vie, &c.

En l'art veterinaire de Vegece.

Les bestes muettes, subiectes à vne infinité de douleurs, peines & maladies, sont priuees du grand benefice de la parole, dequoy Dieu a enrichi l'humanité, & ne peuvent ny descourir leur douleur, ny faire entendre la moindre peine de ce qu'elles endurent, dont nous receurions ordinairement perte irreparable, si ces diuins hommes ne nous eussent laissé quelques preceptes pour les preseruer, les secourir, & releuer du mal du plus grief qu'elles soyent atteintes. Combien sommes nous obligez à ceux là ? autant que nous auons d'affection à nos bestes & à les garder. Il ne se fault pas donc esbahir si les Arabes & Babyloniens ont iugé Chiron, digne d'estre colloqué au Ciel entre les signes esclairans par tant d'estoilles de la deuxiesme, troisieme, quatrieme & cinquiesme grandeur sous le nom du Sagittaire &c.

B E R N A R D P A L I S S Y, Ouurier de terre & inuenteur des rustiques figulines du roy & de Monsieur le Duc de Montmorency pair & Connestable de France, demeurant à Xaintes a escrit,
Recepte véritable par laquelle tous les hommes de la France pourront apprendre à multiplier leurs tresors. Item ceux qui n'ont iamais eu cognoissance des lettres, pourront apprendre vne Philosophie necessaire à tous les habitans de la terre. Plus y est contenu le dessein d'un iardin autant delectable & d'utile inuention qu'il en fut onques veu. Auec le dessain & ordonnance d'une ville de forteresse la plus imprenable qu'homme ouit iamais dire. [impr. à la Rochelle 4°. par Barthelemy Berton 1563.

Discours admirable de la nature des eäues & fontaines tant naturelles que artificielles, des metaux, des sels & salines, des pierres, des terres, du feu & des émaux. Plus vn Traicté de la Marne, fort utile pour ceux qui se messent de l'Agriculture. Le tout dressé par Dialogues esquels sont introduits la Theorique & la Practique deuisans ensemble. [impr. à Paris 8°. par Martin le leune 1580.

B E R N

B E R N A R D R A S C A S, gentilhomme yffu du pais de Lymoges, selon aucuns parent & allié de Clement 6. & d'Innocent 6. Papes Lymosins, poëte en l'ague vulgaire Prouençale: en sa ieunesse fut amoureux de Constance des Austraiz dame d'Auignon, à la louange de laquelle il feit Plusieurs chansons, & peu apres elle deceda, dont despuis il ne se mella onques d'amour, & voyant que toutes les choses de ce monde sont caduques & subiectes à fin, feist ces vers,

*Touta kausa mortala una fes perirà,
Fors que l'amour de Dieu, que tousiours durará.
Tous nostres cors vendran effuchs, coma fa l'Eska,
Lous Aubres leyssaran lour verdour tendra, e freska,
Lous Aussellets del bosc perdran lour kant subtyeu,
E non s'auxira plus lou Rosignol gentyeu.
Lous Buols al Pastourgage, e las blankas fedettas
Senti'ran lous agulhons de las mortas Sagettas,
Lous Crestas d'Arles fiers, Renards, e Loups espars,
Kabrols, Ceruys, Chamous, Senglars de toutes pars,
Lous Ours hardys e forts, seran poudra, e Arena,
Lou Daulphin en la Mar, lou Ton, e la Balena,
Monstres impetuous, Ryaumes, e Comtas,
Lous Princes, e lous Reys seran per mort domtas.
E notá ben eyssó kascun: la Terra granda,
(Ou l'Escriptura ment) lou firmament que branda,
Prendra outra figura. Ensins tout perira,
Fors que l'Amour de Dieu, que tousiours durara.*

Paruenu en aage, s'adonna aux loix, & deuint vn grand Iuriscōsulte. A desmar Euesque de Marseille le constitua Iuge en toutes ses terres & seigneuries, ayant ouy dire de luy qu'il estoit homme de bien, iuste & equitable.

B E R N A R D S A L O M O N, autrement dit le petit Bernard. Le regrette grandement la perte de quelque beau liure quand par la nonchalance des heritiers ou successeurs d'un auteur, (lesquels d'ailleurs & aucunes-fois se rencontrent ignorans) son oeuvre demeure enleuee ez perpetuelles tenebres de l'oubly, comme si iamais elle n'auoit esté: & que lon ayme mieux la laisser ronger aux rats & à la vermine, ou bien l'exposer à la poussiere, & aux goutieres d'un grenier, que de la conseruer precieusement, à tout le moins en tenir quelque compte, autre qu'on n'a fait d'un excellent liure de feu Maître Bernard Salomon, traitant de Perspective, qui s'est perdu de cete façon apres son deces. Toutesfois le renom de l'auteur, qui estoit peintre & tres-excellent tailleur d'histoires, sera immortel par les belles figures de la Bible que de son inuention il a pourtrait & taillé, comme aussi par infinies autres figures & pourtraictures, peintures & tableaux sortis de sa main, qui se voyent encóres de luy à Lyon.

B E R N

B E R N A R D T R I V I.

Question Theologale de la pauvreté des freres mineurs, & de la dispensation legitime d'icelle. écrite en latin par Bernard Triui & translatee en françois. [Impr. à Paris 8°. par Denys Rocé 1505.

B E R N A R D D E V E N T A D O V R, fut fils d'un pauvre homme de Ventadour, qui vint habiter en Prouence, estoit ingenieux, & de grande dexterité, sauoit fort bien rithmer & chanter. Le Vicomte de Ventadour l'aimoit fort, & luy faisoit grand honneur pour ses belles & riches inuentions de poësie. Ses chansons furent tant agreables à la Vicomtesse noble dame ieune & vertueuse, qu'elle en fut amoureuse, & luy d'elle. Leur amour dura long temps auant que le Vicomte s'en apperceust, & quand il se fut recogneu, vn iour qu'elle luy parloit, & que tous deux changerent de couleur, le Vicomte n'en feit aucun semblant, mais la Vicomtesse retirant son esprit de tels pensemens, destournant sa fantasie moyenna qu'il print son congé fort honnestement, & se retira vers la Duchesse de Normandie qui le receut humainement, & luy feit donner estaiou gueres ne seiourna, que la Duchesse considerant attentiuement les honestes contenance du poëte, soudain tous deux furent surpris de l'amour l'un de l'autre. Toutes les chansons que Bernard faisoit en langue Prouençalle les dedioit à la Duchesse, dont elle reputoit cela à vne louange immortelle. Peu de temps apres Richard roy d'Angleterre ayant ouy parler des beautez & vertus de ceste Duchesse par la seule poësie de Bernard, la print en mariage, l'osta de Normandie, & l'amena en Angleterre, laquelle tost apres deceda. Bernard priué de la presence de la Duchesse se retira à Remond Comte de Tholouse, ou il fut amoureux de la Comtesse de Beauquere, nommee Ichane, qui estoit vne fort belle Dame, à la louange de laquelle il fit plusieurs belles chansons, en l'une desquelles il prie le rossignol faire entendre à ceste Dame, que sans elle il ne voudroit pas auoir le royaume de Tyr, que si elle veut luy peut faire estancher tant de larmes & de souspirs qu'il respand pour elle. La Comtesse venant à deceder, Bernard se rendit religieux au monastere de Montmaior, & là feist plusieurs beaux liures, entre lesquels, *Las Recoysinadas de l'amour recalyuat. Las Maias. La Ramada, e qualquas Elegias de las Syrenas.* deceda en religion en l'an 1223. Le Monge des Isles d'Or, & saint Cezari escriuent auoir leu ses ceuures. Le monge de Montmaior dict que ce Bernard escriuoit si mal, qu'il le fallut oster du sepulchre pour luy faire lire sa lettre.

B E R N A R D I N C O R I E, Gentilhomme Mylannois. Voyez les harengues recueillies des sept liures de ses histoires de Mylan, & faites Françoises par Belleforest, au volume des Harengues Militaires.

B E R N A R D I N M E R A V D de la ville de Puy-Laurés a escrit par Quatrains,

Les poincts principaux des trois vertus Theologales, Foy, Esperance & Charité, à Tholose 4°. par G. Boudcuille 1558.

B E R N A R D I N O C C H I N.

L'image de l'Ant. christ, composé en langue Italienne par Bernardin Occhin de Siene, translatee en François. Censuré.

B E R N A D I N R O C Q V E.

Manic

Maniement de l'art militaire &c. Voyez Fran. de Belleforest.

B E R N A R D O T A S S O.

Les Lettres de M. Bernardo Tasso Secrétaire du Prince de Salerne, traduites d'Italien par vn gentilhomme Normand de la maison & famille de saint Luc, entre lesquelles y en a vne que l'auteur escrit à sa femme Portia, luy enseignant le moyen qu'elle doit tenir au gouvernement, education & nourriture de ses enfans. [impr. à Paris 8°. l'an 1554. Ceste Epistre estant belle, ie la mettray icy tout au long.

Je voudroye, Ma mieux-aimée, me pouuoir transformer en cete lettre avec le corps, comme de vouloir i'y suis transformé, sçachant assez que ie satisferay en vn temps, à vostre desir & au mien. Asteurez-vous donc de ma volôté, puis que ne pouuez auoir l'effet, vous faisant bien-certaine, que souuentefois sous l'aide de mon affection, ie vous mande mes pensées vestues d'une blanche, & inuio- lable foy, lesquelles le plus du temps viuent avec vous: & si vous faites le sem- blable avec moy, côme l'espere, & desire, ie suis certain, que non seulement sou- uet, ains à toute heure nos pensées se recôrent en chemin. Je sçay, q mon absen- ce lointaine vous donne grand ennuy, & desplaisir: mon cœur mesmement se sent de vostre douleur, lequel tant plus m'afflige l'esprit, que d'autant plus ie cōnoy vous estre fort à supporter: non qu'ayés faute de prudence, mais par auoir trop d'affection, & d'amour. Toutefois si la vraie remuneration d'amour n'est en autre chose, que d'estre aimée, tenez vous contente, & payée de l'amour, que me portez, puis que ie vous aime en cest extreme degré, que chose mor- telle se peut aimer. l'espere, que mon retour sera plustost, si non de mon desir au moins de vostre esperance. Je ne vueil, ne puy escrire, quand ce sera, puis que plustost il despend de la volôté d'autrui, que de ma deliberation: & alors d'au- tant vous sera plus agreable de ce, que moias l'attendez, & esperez. Mais si c'estoit le vouloir de Dieu (de la volôté duquel nous deuous estre contens, & satisfaitz) qu'il fut plus-long, que ie ne pense, vous saurez par ce moyen, comme vous devez instruire vos chers enfans, à fin qu'avec nostre grand plai- sir, leur vtilité, & honneur, ils rendent au monde par leur vertu témoignage de nostre affection, & diligence. Et puis que l'experience à l'occasion de vostre ieunesse ne vous a encor enseigné leur instruction, & nourriture, ie vous don- neray aucuns preceptes extraicts, partie des anciens, partie des modernes Phi- losophes, avec lesquels vous gouvernant, vous serez certaine (aidant nostre Seigneur) de pouuoir reposer vostre honorable vieillesse au sein de leur ver- tueuse ieunesse. Et par ce, que la raison de l'education, ou de l'accoustumance (pour parler en parole de mere) se diuise en deux parties, c'est assauoir, en l'ac- coustumance, & es lettres: l'une desquelles est comune tât au pere qu'à la mere: ie parleray seulement avec vous de l'accoustumance, me reseruant (tant qu'il plaira à Dieu me dōner la vie) la charge de l'estude de nostre fils Torquato: car l'enfance ne permet, qu'il se submette encore sous le faiz de la discipline.

Je dy donc, & vueil, & qu'ainsi soit, que le Distributeur de toutes graces leur ait donné (si paternelle affection ne me transporte de ce, que ie puis cognoitre de leur tendre enfance) beauté de corps, & d'esprit, toutesfois pour les reduire à ceste perfection tant desirée, ils ont besoin de culture, tout ainsi qu'il n'est au-
cune

cune terre, si aspre, tant dure & infertile, laquelle cultiuee ne deuienne incontinent molle, fertile & bonne. Vn arbrisseau, combien qu'il soit de bonne Pepiniere, s'il n'est remué, & transporté, & aidé de naturelle culture, il retournera sterile, & sauage. Ainsi naturellement il n'est aucun rustique entendement, qui avec longue institution ne se face gentil, & docile. Parellement celuy, qui est heufement né en bon esprit, sans bonne & diligente education se corrompra, & degenerera de sa premiere nature. Et pource qu'aifement l'usage se conuertit en autre nature, vous deuez diligemment entreprendre, pendant que l'arbre est tendre & pliable, à tourner le tronc de leurs pensees, & les rameaux de leurs operations à la plus belle, & vertueuse partie, si comme en la tendre escorce d'un arbrisseau les petites lettres imprimees, & grauees, croissent, comme le tronc se fait grand, & avec luy vivent eternellement. Aussi les enseignemens, & exemples de Vertu, s'impriment, & prennent tant de force aux petis enfans, que difficilement ils en sortent: où les laissant endurcir, ils ne peuuent par aucune diligence, ny estude, qui se mette, restituer en meilleure partie: non plus que la rouë d'un chariot ia tourné se peut redresser. Et puis que nostre Cornelia est ia sortie d'enfance, & que de iour en iour elle se fait plus belle de corps, & de meilleur entendement, en laquelle, comme en vn terroir fertile, on peut desia commencer à jeter quelque semence digne de nous: il me semble, qu'il n'est semence plus noble, & dont il naisse plus de precieux fruits en abondance pour chasser la faim & soif dez delices mondaines que le nom & amour de Dieu. Vous avez donc besoin de regarder tous moyens en vostre entendement d'imprimer avec diligence en ceste tendre ame le Nom, l'Amour & les pensees d'iceluy, à fin qu'elle aprenne à aimer, & honorer celuy, duquel elle recoit non seulement la vie, mais tous les biens, & les graces, qui peuuent faire l'homme heufieux en ce monde, & bien-heufieux en l'autre. Estudiez mesmement d'enter en sa tendre pensee la crainte de Dieu, ie dy, Crainte non vile, non seruile, laquelle n'est point agreable à sa Maiesté: mais ceste crainte noble & gentile, qui sera à tout heuf coniointe, & vnice avec l'Amour, de sorte que iamais elle ne puisse se separer, ne diuiser, à raison que de ses deux sœurs ainsi concordement vnies vient la Religion, laquelle à l'imitation de l'ombre qui laisse l'herbe inutile, & sauage germer, & faire quelque fruit, ainsi icelle ne laisse venir aucun vice honteux, & capital enraciné en leur entendement en temps, qui puisse produire fruit vicieux, & de perdicion. Or à fin que vous entendiez de quelle fin, & importance est ce mot, Accoustumance, ie vous diray, qu'acoustumance n'est entre autres choses, qui se dient, sinon garder vne certaine modestie, & en icelle tenir vn ordre, & certes moyen eprouuable, auquel reuise la dignité, & splendeur, qui non seulement esmoue, & delecte les yeux, & les pensees des sages, mais aussi des fols, & imprudens. Les coustumes par après se diuisent par la raison & par le temps, parce qu'aucuns s'apprennent, & s'impriment en la puerile pensee de leur raison par la diligence d'autrui: les autres s'apprennent de leur consideration & propre iugement à l'aide du temps. Vous regarderez donc à leur enseigner la partie à vous plus requise, le trouue deux moyens

moyens d'enseigner : l'un avec la raison & demonstration : l'autre avec exemples. Et pource que le sens des yeux est plus leger que celui de l'oreille, & a plus grande force de nature : il sera besoin, ma mieux-aymee Portia, voulant instruire vos enfans, & rendre tels, qu'avec leurs coustumes, & vertu, ils meritent estre louez, que vous soyiez telle envers eux, comme vous desirez, qu'ils se montrent à autrui. La secrette discipline, & celle, qui respond plus aux faitz, qu'avec les parolles, c'est celle, qui profite. Si vous voulez donc bailler preceptes à vos enfans & ne vous en servir point, ce sera tout ainsi comme si quelqu'un voulant enseigner un chemin à un sien amy, neantmoins luy mesme tiendra une autre voye. Il est donc besoin en voulant bien instituer ses enfans, que le pere & la mere soyent de nature modeste, & gentile, & qu'avec diligence, & estude ils affectionnent leur vertu, & qu'à la semblance d'une precieuse liqueur ils se hâtent d'en faire infusion, & distiller par les yeux, & oreilles en l'esprit de l'enfant, & se transformer totalement en iceluy par ce que soudainement qu'il commence en sa puerile pensee à discourir & s'elargir, s'il ne regarde ce, qui est d'interieur, au moins il se retourne à la raison de ce, qu'il a veu de la partie superficielle, & exterieure, & aura les yeux ficez, & les oreilles ententives au pere & à la mere, en regardant, & observant tout ce, qu'iceux font, ou disent. L'emulation de la vertu paternelle est un esperon bien-piquant pour faire courir l'esprit du fils par le mesme chemin, qu'a couru le pere. Et sur toutes choses pensez à la discipline domestique de vostre famille & faites en sorte, qu'il ne parvienne parole lasciue, ne deshoneste aux oreilles de vos enfans, ni aucun acte honteux se represente devant les yeux : & cela doit estre vostre propre sollicitude, puisque le plus du temps vous les tenez en vostre sein : & qu'estans avec vous, ils dressent leurs yeux aux vostres, & qu'ils apprennent de vous à parler, & cheminer. Ne les menez point en maison, où il n'y ait bonne conuersation, & honeste façon de viure. Car si comme des lieux qui sont de tous costez salubres, il ne peut venir vent, qui ne soit doux, & gracieux : tout ainsi de l'acoustumance des bonnes, & vertueuses coustumes ne peut venir vent, qui ne soit rempli de bonne discipline. & encore que les coustumes imprimees à un enfant par le labeur d'autrui ne soyent pas vraye vertu, ains seulement la similitude, image, & ombre d'icelle, ce neantmoins il aduient en succession de temps, que tant est la force de coustume, comme de la feminine statue de Pigmalion, que par la grace de Dieu elle se transforme en esprit, & vie de vraye vertu. Regardez aussi de ne choir, en cest' erreur, auquel tombent la plus-part des meres, lesquelles avec trop d'indulgence pour complaire au mignard desir de leurs enfans, n'osent rien dire, ne faire contre leurs volontez : & seroyent bien marries, que quelqu'autre leur eust cōtredit. Par ce moyen elles leur baillent les delices en proye, & bandon, faisans leur plaisir Seigneur, & Tyran de leurs ieunes, & tendres pensees. Je ne veux par ce entendre que devez cheminer par trop de craintes, ou coups. Car ie ne blasme moins ceux, qui batent leurs enfans, que ceux, qui auroient la hardiesse de mettre la main à la figure de Dieu. La vertu ne se doit conseruer en ieunes enfans avec force & violence, & autant peu avec trop grande crainte : par ce que la crainte est de vertu trop debile garde.

Mais il est besoing de garder mediocrité tant louee en tous nos actes, & operations. Et comme l'on doit fuir, que la grande durté, & seuerité ne separe, & retire le fils de l'amour, qu'il doit porter aux parens, ainsi faut-il pouruoir, que la trop-grande douceur, & indulgence ne le despoille du respect venerable qu'il a accoustumé, comme déteur, de leur porter. Et si aucunesfois (comme il ne peut estre autrement par la fragilité de Nature) voz enfans tombent en quelqu'erreur: si la faute est petite, faites semblant de ne la voir: si ell'est mediocre, reprenez-les plustost par parole de douceur, que de rigueur, imitant le bon medecin, qui plustost veut guarir son patient par diete, que par rudes medicamens: si la faute est grande, n'vsez plus enuers eux de douceur & liberalité acoustumee: monstrez-vous vers eux seuer, difficile, & pleine de colere. Et si par fortune le seruiteur tombe en erreur ensemble avec le fils, il me semble, que l'enfant ne doit estre batu, & qu'il n'est raisonnable de rendre vne nature seruile, qui est nee en liberté: mais le seruiteur cooperateur du mal doit estre batu de fait, & de parolle, à fin que le fils puisse cognoistre sa faute par la punition d'autrui, & qu'il voye auoir perdu vostre bonne grace: ce pendant se laissera transporter de la force du sentiment en iceluy erreur. Il y a vn autre infinité d'enseignemens, qui appartiennent à la bonne education & nourriture: mais pour ce que ie ne veux avec trop grand labour confondre vostre esprit, pource qu'il me semble, que i'ay touché les principaux poincts, ie me contenteray d'auoir parlé iusqu'icy avec vous laissant (comme ie me le reserve) l'estude de nostre fils Torquate à lors que son aage conuenable le demandera: laissant à vous, qui estes mere, le soin d'enseigner à nostre Cornelia tous exercices appartenans à Vierge vertueuse, comme les aornemens de sa beauté, & vertu: ce que ie sçay, que ferez parfaitement bien. Viuez donc, ma bien-aymee Portia, avec le plaisir que vous prenez en voz chers enfans, lesquels continuellement vous representent mon image, vous recompensant le desplaisir du long chemin de vostre mary.

B E R T R A M Euesque Aleman a escrit vn liure de l'Illusion des Demons dedié à Cunon Archeuesque de Treues translaté de latin en françois. Escrit en main en la librairie du feu Seigneur d'Alegre de Milliau, où ie l'ay veu.

B E R T R A M.

Traicté de Bertram Prestre, à Charles le Chaulue Roy de France. Du corps & sang de nostre Seigneur Iesus-Christ. traduit de latin en françois. [impr. à Lyon 8°. & 16°. l'an 1558. *Censuré.*

B E R T R A M D E A L L A M A N O N 3. du nom fils de Bertran 2. du nom fils d'autre Bertran premier, fut sieur dudit lieu, bon poëte Prouençal, agreable à tout le monde pour son doux & modeste parler & façon d'escire. Il a fait de belles, rithmes en langue Prouençalle, fut amoureux de Stephanette de Romanin dame dudit lieu, de la maison des Gârelmes, qui tenoit de son temps cour d'amour ouuerte & planiere en son chasteau de Romanin pres la ville de saint Remy en Prouence, tante de Laurette d'Avignon de la maison de Sado tant celebree par le Poëte Petrarque: à la louange de laquelle il fait de mout belles chansons. Ayant laissé le train d'amour, s'adonna à escire

crire satyriquement, & à mesdire des Princes, & mesmes de Charles 2. du nom Roy de Naples Comte de Prouence, enuiron l'an 1284. pour raison dequoy il luy osta le droict que les deux Bertrands ses pere, & ayeul auoient tousiours pris du passage du sel au port de Pertuis, qu'on disoit anciennement de Gontard sur le fleue de Durance, dont il en fit vn Syruentez, se plaignant de ce qu'en son port ne passe plus du sel, & que le sel est failly en Prouence, & lequel commence ainsi,

*De la sal de Prouença ay dol
Quand a mon port non passa plus.*

Entendant par ceste chanson que la sagesse & prudence telle que deust estre en vn Prince, estoit despartie du Roy Charles, & des Princes & seigneurs de son conseil, & de Boniface viij. du nom Pape, de ce qu'il poursuuiuoit de ce temps les Colunnois, & s'estoit déclaré ennemy de Philippes Roy de France, & dudit Charles 2. & de ce que Henry vij. du nom Empereur auoit mandé adiourner Robert fils dudit Charles 2. à comparoir en Arezzo, en hayne de ce que Iehan Prince de Grauline frere dudit Robert, l'auoit honteusement fait desloger de Rome. Pour raison duquel Syruentez qui fut présenté à Charles 2. à la requeste de Robert ledict droict du sel luy fut rendu: car Robert comme amateur des Poëtes Prouençaux trouua le Syruentez de si bonne grace, qu'il retint ce Poëte Bertrand à son seruice, & le fit coucher en l'estat des gentilshommes de sa maison aux affaires de Prouence, & si l'enrichit de beaux presens, & luy fit auoir la Seneschaucee de Prouence, & le droict que le Roy auoit au lieu de Roignes, tant estoit aymé & prisé de Robert: & aussi fut appelé pour l'honneur & la faueur qu'il portoit aux Poëtes, le pere des Poëtes. Il fit vn autre Syruentez contre l'Archeuesque d'Arles, par le discours duquel il dict, que iamais ne fut vn homme plus peruers ne plus corrompu, qu'il sera esbahy si le Legat du Pape ne le fait brusler tout vif, ou emmurer. Que ceux d'Arles ne seront iamais en repos qu'ils n'ayent mis leur faux Pasteur tout vif en sepulture, qu'il a esté trouué homme de bien par de faux tesmoins, qu'il est periur, qu'il ne croit en Dieu, ny en la sainte Escriture. Il escriuit aussi vn traicté en rithme intitulé *Las guerras intestinas* qui estoient entre les Princes. Trespassa en l'an 1295. Ledit Robert estoit de ce temps Duc de Calabre, & fut apres son pere Roy de Naples, & Comte de Prouence.

B E R T R A N D D' A R G E N T R E Président au Parlement de Rennes en Bretagne a escrit des commentaires latins sur le titre des Appropriances par Bannies & Prescriptions, contenu au Coustumier de Bretagne. [impr. à Rennes f°. par Iulien du clos 1576.

Auis & consultation sur le partage des nobles de Bretagne, interpretation de la coustume, mutations & alterations des droicts sur ce. Aueq 45. resolutions sur les difficultez, lesquelles regulierement se trouuent sur le fait desdits partages. Par B. d'Argentré. [impr. à Rennes 4°. 1570.

Histoire de Bretagne. [impr. à Paris f°. par Iaques du Puys.

B E R T R A N D D E L A L V C E Docteur en Medecine, pour obuier au danger de poison, dont aucuns ennemis de nature s'esforcent vsér

en diuerſes manieres, lors qu'ils voyent ne pouuoir paruenir à leurs damnees machinations, a eſcrit vn liure intitulé,
Nouvelle Deſenſe pour les François: à l'encontre de la nouuelle entrepriſe des ennemis. Comprenât la maniere d'euitier tous poiſons, avecq les remedes à l'encontre d'iceux. [impr. à Paris 8°. par Denis Ianot 1537.

BERTRAND DES MARINS de Maſans a eſcrit,
Les cinq Parcelles d'Amours. [impr. à Paris 16°. par Denis Ianot 1539.

BERTRAND DE MARSEILLE, iſſu des Vicomtes de Marſelle, eſtoit en ſa ieuneſſe ſot & endormy, mais des. qu'il eut frequenté les dames de Prouence, & qu'il fut ſurpris d'amour de l'une d'elles, fille de Bertrand, ſeigneur du Bourg, des Porcellets d'Arles, deuint acord. Et croiſſant de ſens & de ſçauoir, deuint bon Poëte, eſcriuât en langue Prouençalle, en laquelle il trouua & compoſa de fort belles chanſons à la louange de Porcellette, en l'une deſquelles il confeſſe l'amour qu'il luy porte, diſant ainſi:

*Aqueſta eſtrania Amour non ſi pot eſlugnar
Tant fort pregon yeu l'ay dedins ma teſta meſſa,
Que d'enfra mon Oſtal, ou quand yeu auzi Meſſa
Ont qu'yeu ſoy ſottament my laiſſa gazagnar.*

En vne autre, ſemble que l'amour d'un autre gentilhomme qu'elle aymoit le plus, l'eut deſtournee de l'amour de ce Poëte, diſant ainſi

*Dura pietat, e trop long iauſiment
M'y ſan mourir per trop la deſirar,
Son ingrat Cor que ly a ſach virar
L'Amour qu'auya en my, tant fermament.
Mais dont ly ven ſi couraious ament
M'auſir en van tantas ſes ſouſpirar,
E ſi vouler ſen kauſa retirar
De my, que l'ay amada couralment?*

Quelques chanſons que ce Poëte ſceut faire & enuoyer à ceſte Porcellette, elle ſe maria pourtant à vn gentilhomme de la maiſon d'Eguieres, & luy de douleur ſe rendit religieux au monaſtere de Montmaïour, & apres le decez d'icelle, il ſeit grauer ſur ſa Tombe ceſt Epitaphc en l'an 1310.

*Filhas, ploras, e vous Mayras ſecondas,
Car lou Sotalelh de voſtre honneur perdit,
Dauant ſon cours naturel s'esrendut
En l'ombra, e fin de las Donnas facondas.*

BERTRAND DE PEZARS, gentilhomme de Pezars (aucuns ont eſcrit de Pezenats) bon poëte Prouençal, qui chantoit & rencontroit fort bien en langue vulgaire Prouençale, tint long temps eſcolle publique enſeignant la façon de rimer, fut amoureux d'une damoiſelle de Prouence de la maiſon d'Auraiſon qui chantoit fort bien, & l'auoit aſſeſe à verſifier, laquelle depuis il eſpouſa. Se trouuans tous deux vn iour à la cour de la royne Ieanne de Naple

de Naples Comtesse de Prouence & de Loys de Tharante son second mary, du temps qu'ils auoient abandonné leur cité de Naples, & s'estoient retirez en Auignon vers le pape Clement 6. craignans la venue de Loys roy d'Hongrye, qui estoit entré en Italie avec puissante armée, pour venger la malheureuse mort d'André son frere, premier mary de Iehannc : ces deux poëtes ayans sceu le discours de ceste tragedie, & le nouveau Mariage d'entre Iehannc, & ledict Loys de Tharante, feirent si bien par leurs plaisantes inuentions, qu'ils reciterent en leur presence vn beau chant funebre des vertus, & excellences dudit André, & vn beau & sacré Epitalame de leur nouveau Mariage: desquels roy, & royne ils rapporterent de beaux & riches presents. Ce fut enuiron l'an 1348. Le Monge des Isles d'Or, & saint Cezari dient, qu'ils furent aduertis de ne faire aucune mention de la mort d'André en aucune de leurs poësies. le Monge de Montmaieur en sa chanson reproche à Bertrád de Pezars, & à sa femme, qu'ils eurent de Baltonades en recompence de leurs folles & malplaisantes chansons.

B E R T R U C E.

La Pratique en Medecine de Maistre Bertruce Boloignois, Docteur en Medecine. Translatee de latin en françois. [Impr. à Paris 4°. par Philippes le Noir.

Frere B I G O T Celestin natif de Rouen a composé en rime,
Traicté des Quatre Nouissimes, commençant ainsi:

*En ce liure cy est touché
De la malice de peché,
De la mort & du iugement,
Du ciel ioye, & d'enfer tourment.
Assez est sceu comme peché iadis
Feit exiler & cheoir de Paradis
Luciabel au tenebreux repaire
D'enfer avec ses complices maudits,
En presumant quand furent tant hardis
De se vouloir à Dieu semblables faire
Donc peché est dangereux aduersaire
Quand ainsi fait à tel ordre angelique
Dessemparer la mansion celique &c.*

B L A C A S, ou, Blachas gentilhomme de Prouence fort adroict aux armes viuoit du temps de Charles 2. roy de Naples, Comte de Prouence, auquel il fut à la conqueste du royaume, où il se porta vaillamment, & à raison de ce fut récompensé par le roy Robert fils dudit Charles, qui luy donna plusieurs Seigneuries en Prouence. Il fut bon Poëte en langue Prouençale & composa vn liure intitulé *La maniera de ben guerreiar*, duquel il feit présent audit Robert Duc de Calabre. Trespassa enuiron l'an 1300.

B L A I S E D'AVRIOL Bachelier en l'vn & l'autre droit, demeurant à Tholose a continué en rime,

La Chasse & despart d'Amours faicte & commencee par Octouien de S. Gelais.
Escrite en main en la librairie de Monsieur le Comte d'Vrfé.

Il a translaté aussi de latin en prose & partie en rime
Les ioyes & douleurs de nostre Dame. Aucc vne Oraison à nostre Dame par
Equiuoques latins & françois. Autre à saint Anne, de mesmes. Confessio-
nal pour sçauoir les pechez & leurs circonstances par lettres & par vers. Vers
par signifiace de lettres doubles. Epistre de la beauté de Iesus. Autre de la beau-
té & estat de la sacree vierge Marie. [Le tout impr. à Tholose 4°. par Iean Faure
1520. Estant deuenu Docteur & regent en l'vniuersité, il a escrit en latin,
Interpretatio in cap. eam te. de rescript. in antiquis. [Impr. Tolosa 8°. per Iacob. Colomies.

BLAISE D'EVERON a traduit de latin,
Les Eloges & vies brièvement descrites sous les images des plus illustres &
principaux hommes de guerre, antiques & modernes qui se voyent à Como
au Musée de Paulo Iouio Euesque de Nocere. [impr. à Paris 4°. par Galiot du
Pré 1559.

BLAISE DE VIGENERE Bourbonnois, iadis Secretaire
de feu Monsieur le Duc de Niernois, & maintenant Secretaire de la cham-
bre du roy, entre tous les nourrissons des muses que la France ait enfanté a si
bien dit, que lon l'estime auoir clos la porte (comme lon dit) à tous ceux qui
viendrôt par cy apres, soit en elegance de langage, que doctrine, ainsi que tes-
moignent ses œuvres & traductions, qui sont:

La description du royaume de Poloigne, & pais adiacens: avec les statuts, con-
stitutions, mœurs & façon de faire d'iceux. [impr. à Paris 4°. par Iean Richer
1573.

Les Chroniques & Annales de Poloigne, traduites de Herbutus, lequel a abre-
gé & réduit en Epitome l'histoire de Martin Cromer. [impr. à Paris 4°. par Iea
Richer 1573. Bernard de Girard les a aussi traduit en mesme temps.

Le Traicté de Cicéron de la meilleure forme d'orateurs. Le sixiesme liure des
commentaires de Cæsar, où est faite mention des mœurs & façons de faire des
anciens Gaulois & Alemans. Et la Germanie de Cornelius Tacitus. Le tout mis
en François par le mesme de Vigenere, comme pour vn essay de représenter
en nostre langue la diuersité des styles latins. [impr. à Paris 4°. par Federic Mo-
rel 1586.

Les Commentaires de C. Iules Cæsar des guerres de la Gaule, traduits elegam-
ment de latin: sur la fin desquels Vigenere adiouste de fort belles & doctes an-
notations pour l'intelligence d'iceux. [impr. à Paris 4°. par Nicolas Chesneau.
1576.

L'histoire de la decadence de l'Empire Grec, & establissement de celuy des
Turcs, comprise en dix liures, par Nicolas Chalcondile Athenien. De la Tra-
duction de Blaise de Vigenere. [impr. à Paris 4°. chez Nicolas Chesneau 1577.

Les Images ou Tableaux de platte peinture de Philostrate Lemnien Sophiste
Grec, descripts en trois liures avec argumens & annotations sur chacun d'iceux
par le traducteur. [impr. à Paris 4°. par Nicol. Chesneau 1579.

Traicté des cometes, ou estoilles cheuelues, apparoißantes extraordinairement
au ciel. Aucc leurs causes & effects. Par Blaise de Vigenere. à Paris chez Nico-
las Che

las Chesneau 1578.

Trois Dialogues de l'Amitié, le Lyſis de Platon & le Lelius de Cicéron, contenant plusieurs beaux preceptes, discours philosophiques sur ce ſubieſt. Et le Toxaris de Lucian, où ſont amenez quelques rares exéples de ce que les amis ont fait autresfois l'un pour l'autre. [impr. à Paris 4°. par Nicol. Cheſn. 1579. Les cinq premiers liures de l'hiſtoire Romaine de Tite Liue Padoan, excellent entre tous les auteurs Latins: depuis la fondatiō de la ville, iuſques à ce qu'elle fut priſe & deſtruite par les Gaulois. De la traduction du meſme de Vigenere. [impr. à Paris 8°. par Nicol. Cheſneau 1579. Et deſpuis, Les decades de Tite Liue ont eſté miſes en François. La premiere par Blaiſe de Vigenere, avecq des annotations & figures pour l'intelligence de l'antiquité Romaine, & le reſte par Iean de Amelin, & Antoine de la Faye, & a eſté impr. tout enſemble f°. par Nicolas Cheſneau à Paris. 1583.

B L O N D I A V X.

C'eſtoit vn Menestrel qui viuoit du temps de Richart roy d'Angleterre, lequel mourut l'an 1200. Vne Chronique Françoisé dit, que ce roy Richard ayant eu querelle outre mer contre le duc d'Auſtriche, n'oſant paſſer par l'Alemagne en eſtat congneu, & encores moins par la France, pour la doute qu'il auoit de Philippes Auguſte, ſe deguiſa. Mais le Duc qui ſçauoit ſa venue, le fit arreſter & enfermer dans vn chasteau, où il demoura priſonnier: ſans que lon ſceut de long temps où il eſtoit. Or ce roy ayant nourry vn menestrel appelé Blondel, il penſa que ne voyant point ſon ſeigneur il luy en eſtoit pis, & en auoit ſa vie à plus grand meſaiſe. Et ſi eſtoit bien nouuelles qu'il eſtoit party d'outre mer, mais nus ne ſçauoit en quel païs il eſtoit arriué. Et pource Blondel chercha maintes cōtrees, ſçauoir ſ'il en pourroit ouïr nouuelles. Si auint apres pluſieurs iours paſſez, il arriua d'auenture en vne ville aſſez pres du Chasteau où ſon maistre le roy Richart eſtoit, & demanda à ſon hoſte à qui eſtoit ce Chasteau: & l'hoſte luy dit qu'il eſtoit au Duc d'Auſtriche. Puis demada ſ'il y auoit nus priſonniers, car touſiours en enquerroit ſecrettement où qu'il allaſt. Et ſon hoſte luy dit qu'il y auoit vn priſonnier, mais il ne ſçauoit qui il eſtoit, fors qu'il y auoit eſté bien plus d'un an. Quand Blondel entendit cecy, il fit tant qu'il ſ'accointa d'aucuns de ceux du Chasteau, comme Menesterels ſ'accointent legerement, mais il ne peut voir le roy ne ſçauoir ſi c'eſtoit il. Si vint vn iour endroit vne fenestre de la tour où eſtoit le roy Richart priſonnier, & commença à chanter vne chanſon en François, que le roy Richart & Blondel auoient vne fois faite enſemble. Quand le roy Richart entendit la chanſon, il congneut que c'eſtoit Blondel: Et quant Blondel ot dicté la moitié de la chanſon, le roy richart ſe priſt à dire l'autre moitié, & l'acheua. Et ainſi ſceut Blondel que c'eſtoit le roy ſon maistre. Si ſ'en retourna en Angleterre, & aux Barons du païs conta l'aduenture. Voyla les meſmes termes dont vſe l'auteur de ceſte cronique laquelle eſcrite à la main eſt en la puissance du Sieur Preſident Faulcher qui les a rapporté en ſon Traicté de l'origine de la langue Françoisé, rime & Romans.

B L O N D I A V X D E N E S L E fut excellent Poète, comme nous trouuons par vne douzaine de chanſons qui ſe voyent de luy, pleines de beaux traits, tels que ceux cy, pris de la 111. chanſon,

Se loyau

*Se loyautéz valoit mielx que trahir,
Et amours veult les bons à droit partir:
Oncor pourroy-ie à grand ioye venir.
Mais pitiez est en li si endormie,
Qu'il ne me veult occire ne guarir.*

Il confesse en la 6. *J'aim par coustume & par vs,*

La ou nus ne peut ataindre.

Mais la 8. montre qu'en fin il obtint l'amour de sa dame: puis qu'il dit,

*Car la belle que long temps ay aymee,
Qui de s'amour me souloit deffier,
Nouvellement s'est à moy accordee.*

Il se nomme Blondiaux en la 9. chanson: & ce couplet de la 10. me semble gaillard.

*Se sçauoyent mon tourment
Et auques mon afaire:
Cil qui demand' comment
Je puis tant chansons fere:
Ils diroyent voyrement
Que nus a chanter n'entent
Qui mielx s'en deüt retraire.
Mes pour ce chant seulement,
Que i'en muir plus doucement.*

Les amours de Blondiaux sont remarquées pour bien grandes, par Eustace li peintres. Lequel (ie croy) entend parler de cestuy cy, plus tost que du Menestrel, qui desconurit la prison où estoit detenu Richard Roy d'Angleterre. Pris de Cl. Fauchet.

Le Seigneur de BOISSEREAU a escrit en vers,

Le Songe de la Piaphe. [Impr. à Paris 4°. par Nicolas Chesneau 1574.

BONAVENTURE du Bain royal,

La vie de S. François extraicte des œuvres de S. Bonaventure, cardinal qui l'a escrite: traduite en François, & impr. au troisieme tome de l'histoire de la vie & mort des Saints à Paris par Nicolas Chesneau. Voyez François Gilbert de la Brosse.

BONAVENTURE BROCHARD Religieux de l'ordre S. François a fait vne Description de la Palestine & terre Sainte, en charte. [Impr. à Paris par Jean le Clerc.

BONAVENTURE DES PERIERS Valet de chambre de la royne de Navarre a escrit en rime François
Apologie pour Marot absent cōtre Sagon. [Impr. à Lyon par Pierre de Sainte Lucie.

Oeuures

Oeuvres de Bonaventure des Periers, Assauoir, Dialogue de l'Amirié, dict le Lylis de Platon, traduit en prose François. Queste d'Amirié à la royne de Nauarre, en vers. Du voyage de Lyon à Lysle Barbe en vers Lyriques. Des roses à Ieanne princesse de Nauarre. Epistre à Madame Marguerite fille du roy François, A Clement Marot pere des Poëtes François. Le Blason du Nombriil. Prophetie à Guynet Thibault Lyonnois. L'homme de bien, à Antoine du Moulin. L'hymne Victimæ Pascalis, traduit. Le Cantique de la vierge Marie. Le Cantique de Simeon. D'auarice, à Helias Boniface. Compte nouveau, Chant de vendanges. Du Ieu, à George Regnard Lyonnois. Des malcontés, à pierre de Bourg Lyonnois. Epistre à Robert d'Andossille. Le 31. chap. des Prouerbes de Solomon, touchant de trouuer la bonne femme & vertueuse. Au roy François de la mort de son fils. Les 4. vertus de vie humaine, assauoir les 4. vertus cardinales. Prognostication des Prognostications pour tout temps à iamais, laquelle descouure l'impudence des Prognostiqueurs. Ballade à la roine de Nauarre. Epistre à Madame de Sainct Pater. Inuectiue contre Renommee. Epigrammes. Chansons. Rondeaux. Carlesmeprenant en Taretanara. Lesquelles oeuvres ont esté imprimees apres sa mort à Lyon 8°. par Iean de Tournes 1544.

Le Cantique de Moyse. [Impr. avec les Psalmes traduits par Iean Poicteuin. Les Nouuelles recreations & ioyeux deuils contenans 88. comptes en prose. [Impr. à Lyon 8°. par Robert Granjon, lettre François 1558.

BONAVENTURE TRONCHET Masconnois a escrit Les nuits amoureuses de sa Thalie, contenans grand nombre de Sonnets, Odes & Chansons. Non imprimees.

BONAVENTURE YRLAND Conseiller du Roy à Poitiers, a escrit

Remonstrance au roy tres-Chrestien Henry 3. au nom du Pais de Poictou, [impr. à Poictiers par Guillaume Bouchet.

BONIFACE CALVO Geneuois, composa plusieurs chansons en langue Prouençale, approchans de la Philosophie, en laquelle il estoit bien versé.

Il escriuit vn traicté intitulé *Las Bauzias d'Amours*, & trespassa en l'an 1263.

BONIFACE DE RASTELLANE, fut seigneur de la ville de Castellane aux montaignes de Prouence & de tout son Bailliage, homme riche & vaillant en fait de guerre. En sa ieunesse s'addonna à la poésie Prouençale: fut amoureux d'une dame de Prouence de la maison de Fossis fille du seigneur de la ville d'Ieres, de Pierrefeu & du Cannet, nommé Belliere, pour laquelle, & à sa louange il chanta plusieurs belles chansons. & croissant en aage, creut aussi d'ambition. C'estoit merueilles de luy que quand il auoit beu, il estoit agité d'une fureur poëtique incroyable: n'espargnant personne en quelque degre qu'elle fust constituée, mesmes qu'au couplet final de la plupart de ses chansons, il vsoit de ces mots, *Bouka qu'as dich?* comme s'il se deust repentir d'auoir trop parlé, sçachant bien que sa langue (combien qu'il dist verité) luy nuirait avec le temps. S'intituloit Vicomte de Marseille, feist vn Syruëtez contre le roy d'Angleterre, le taxant de ce qu'il auoit le sanglot, puis qu'il ne daignoit recouurer les terres que le roy de France luy occupoit. Le Monge des Isles

Isles d'Or, & saint Cezari le nomment Prince de Castellane, & dient que son origine estoit de Castelle en Espagne, & qu'il estoit facond en son parler, libre en ses escrits, vif d'esprit, & cheualeureux, qu'il composa vn liure auquel estoient comprises les familles des nobles vicieux, & des vertueux de Prouence, sous parolles couuertes, le tout par forme de Syruentz, duquel il fit vn present à Charles premier du nom Comte de Prouence, qui auoit espousé Beatrix heritiere de Prouence, & depuis roy de Naples, & de Sicile, l'ayant accompagné à la conqueste dudit royaume, duquel temps ou enuiron il deceda en Prouence, qui fut en l'an 1278. Le Monge de Montmajour en sa chanson nomme ce Boniface *Bonifay l'outracuias*.

B O N N E T P A V C H E V I L L E de saint Bonnet en Forets a composé en rime François, Paraphrase sur l'oraison Dominicale, & sur le Symbole des Apostres. La vie de Minos, sous le nom duquel il depeint de ses viues couleurs vn certain Iuge Pedance.

L'Euesque de saint **B R I E V**, (ie pense que ce soit Iean du Tillet Euesque de Meaux) a prononcé & escrit, Premiere & seconde Harengue au roy pour le Clergé de France. [impr. à Lyon par Michel Ioue 1580.

B R I G I D E, ou Brigitte, Reuelations de sainte Brigitte, translatees en François, escrites en main en vn liure de parchemin, que j'ay veu en la librairie du capitaine Salà à Lyon.

Le sieur de **B R I N O N** Gentilhomme ordinaire de la chambre du roy a traduit:

L'histoire de Florence. Autheur Nicolas Macchiauelli citoyen & secretaire de laditte ville: & contient huit liures. [impr. à Paris 8°. par Iean Borel 1577.

B R V N E T T O L A T I N I.

Le Tresor de Brunetto latini Florentin precepteur du diuin Poëte Dante, contenant neuf liures diuisez par chapitres, traitans de toutes les choses qui appartiennent aux mortels: translate d'Italien en François, escrit en main en la librairie de monsieur le Comte d'Urfé à la Bastie.

B. A. a traduit en rime François, Dialogue matrimonial, exemplaire de paix en mariage, extrait du deuis d'Erasme duquel le titre est, *Vxor memphigamos*, c'est à dire, La femme marry-plaignant. Ce colloque est fait à la doctrine tant des hommes que des femmes ioincts par le sacrement de mariage: & y sont escrites les choses qu'à l'une & l'autre partie il convient cognoistre & souffrir par mutuel amour & reciproque patience. Deux femmes mariées y sont introduites parlantes ensemble, lesquelles sont de bien differente nature, & diuerses mœurs. La premiere dicte Eulalie, nom Grec, interpreté en François, bien parlante: La seconde, Xantippe, nom qui signifie cheual roux, c'est à dire beste de mauuais poil. De tel nom fut la femme du Philosophe Socrates, rioteuse, & laquelle si viuoit on pourroit dire estre de ceste famille Italienne qui porte le surnom de Malatesta.

Ita. Ledit Dialogue a esté impr. à Paris 8°. par Iean Longis & Vincent Sertenas 1541.

*Et toutesfois combien qu'il faut tousiours
Et en tout temps que la femme se garde
D'estre facheuse à l'homme, & y regarde:
Ce neantmoins sur toute chose il faut
Sommairement en ce charnel assaut,
Qu'à son mary la femme se presente
Par tous moyens conuenable & plaisante.*

Et vn peu apres,

Les maris sont mauuais par nostre coulpe.

Et en vn autre endroit,

*Nature veut, Dieu aussi le commande,
Que d'un mary toute femme depende,
Que rien ne soit fascheux, moleste ou tel
Que dechasser le puisse de l'hostel.
Soys donc à luy courtoise & souuenante
De reuerence honnestes & auenante
Que doit auoir la femme à son mary.
Triste ne sois ne de semblant marry,
Ne trop ioyeuse aussi, ne trop pensue.
Ne sois villaine, aussi ne sois lasciuie.
Soit l'appareil de la maison honnestes.
Ce que tu vois qui luy plait luy appreste:
Car auoir doibs de ton mary le goust,
En tout menger, en bouilly ou en rost.
Et outre plus à ceux qu'il ayme & prise
Demonstre toy courtoise & bien apprise:
Inuite les souuent à banqueter.*

B. B. D. N a escrit

Hymne de la paix commençant ainsi

*Pein Muse maintenant, d'un trait plus coloré
L'heur qui nous est promis en ce siecle doré:
Pein la felicité qu'à sa nouuelle entree,
Nous apporte du ciel l'heureuse vierge Astree:
Muse bienueigne la, ne voy tu pas les feus
Qu'on allume par tout &c.*

B. DE MONTDIEU.

Soubs ce nom supposé vn ministre de Geneue a escrit deux responses en vers
aux calomnies contenues au discours & suyte du discours des miseres de ce
m temps

temps, faictz par Pierre de Ronfard. [Impr. à Lyon 1563. Quelques aultres ministres ont aussi escrit aucunes rimes contre le mesme Ronfard assavoir Defense aux iniures & calomnies contenues en la respõse de Pier. de Ronfard contre les predicans de Geneue. Plus le temple de Ronfard, où la legende de sa vie est briuemēt descrite. Plus Palinodies dudit Ronfard sur ses discours des miseres de ce temps. [impr. comme dessus.

B. G R A N G E R a traduit de Grec

Discours de l'Empereur Iulian sur les faictz & deportemens des Cæsars ses predecesseurs en l'Empire. Auec vn abregé de la vie dudit Iulian, & annotations sur les plus difficiles poincts dudit discours. [impr. à Paris 8°. par Iean de Bordeaux 1580.

B. D E M O N T M E I A a escrit

Poemes Chrestiens. Recueillis par Philippes de Pas. [Impr. 8°. l'an 1574.

Ludi Latrunculorum breuis descriptio, authore B. Mommeiano Tolofate. [*Parisijs 4°. apud Federicum Morellum 1560.*

B. D E S A L I G N A C gẽtilhomme François a escrit quelques missiues par luy enuoyees du camp du roy à Monsieur le Cardinal de Guyse, contenant le voyage du roy Henry 2. au païs bas de l'Empereur. [impr. à Paris 4°. par Charles Estienne 1554.

B. D E P A R A S O L Z de Cisteron, Poète tragique, fils d'un medecin, qui estoit aux gages de la royne Ieanne Comtesse de Prouẽce, fut d'esprit ingenieux, a composé plusieurs choses en langue Prouençale, tant en rime qu'en prose. Le Monge des isles d'Or dict auoir leu de ce Poète quelques fragmens elcrits en rime Prouençale, à la louange de Marie qui fut femme de Loys premier du nom roy de Naples, & de Sicile, & Comte de Prouence, fils de Iean premier du nom, roy de France. Il fit cinq tragedies des gestes de feu Ieanne aussi royne de Naples & de Sicile, Comtesse de Prouence, & les adressa à Clement septieme du nom, Pape, qui residoit en Auignon de ce temps enuiron l'an 1383. La premiere desquelles il intitula *l'Andriasse*, la seconde *la Tharanta*, la troisieme *la Malhorquina*, la quatriesme *l'Allamanda*, en allusio des quatre maris qu'elle eut: car le premier se nomma *André*, qui fut frere du roy de Hongrie: le second, Louys Prince de Tharante: le troisieme, laques infant de Malhorque: & le quatriesme, Othon de Brunsuich Prince Alleman, ausquels elle feist prendre malheureuse fin. La derniere & cinquiesme tragedie estoit intitulee *La Iohannela*, ou *La Ioannada*, qui fut du nom d'elle: ausquelles ce Poète n'auoit rien oblié depuis que ceste royne fut de l'aage de six à sept ans, iusques à la fin de ses iours, qu'elle print vne telle & malheureuse mort qu'elle auoit fait prendre audit André son premier mary. Le present de ces cinq tragedies, fut feict secrettement par le Poète audict Clement. En recompence desquelles il luy donna vn Canoniat en l'Eglise de Cisteron, avec sa prebende de Parasolz, où il se retira, & peu de iours apres trespassa, exteinct de poison. Il feit vn liure à la louange des dames soubz escrites.

Phanette des Baulx qui fut marice à Berenguier de Ponteues sieur de Lambesc. Iehanne de Quiqueran qui fut marice à vn sieur de Baulx.

Laurette

Laurette de Sado d'Auignon, pour laquelle François Petrarque Poëte Tuscan a fait de si belles rithmes.

Blanche de Flaffans surnommée *Blancaflour*.

Beatrix de Rambaud.

B. L E T O V R a composé vn Cantique au nom du roy Charles 1^x. [impr. à Paris par Denis du Pré 1568.

B. T A G A V L T a escrit en vers,
Le rauissement d'Orithie. [impr. à Paris 8°. par André Vvechel 1558.

Liures d'auteurs incertains.

. L E S B A L I V E R N E R I E S d'Eutrapel. [impr. à Lyon 16°. par Pierre de tours. Je presume que Leon Ladulphi en soit l'auteur: toutesfois son nom n'y est point.

Le fort B A S T O N de madame verité, pour chastier male-bouche à tous mal-disans des Dames. Né, trouué & nourry és terres, forests & boscages du seigneur de Labedan Vicomte de Chasteaubon en la comté de Bigorre. Auec l'honneur, louange & tresor des Dames. Impri. à Tholose l'an 1534.

L E ' B A N Q V E T des F E E S, en langage Dauphinois. Rime. La B A T A I L L E fantastique des rois Rodillardus & Croacus, plaifante inuention d'Homere: mise en prose Françoisise, & imprimee 16°. par Benoist Rigaud.

La vie de sainte Barbe par personnages. [impr. à Lyon 16°. par Oliuier Arnoullet.

Le Romant de B A L D O V I N Comte de Flandres, lequel espousa le Diable.

La B A T A I L L E spirituelle commençant ainsi:

*L'an mil cinq cens & treze deceda
Julius Pape, & Leon succeda,
Regnant en France en triomphant renom
Le roy Loys douzieme de ce nom.
Et audit an fut faite ceste histoire. &c.*

Non impr. écrite en main en la librairie de Monsieur d'Urfé.

Recueil des choses notables qui ont esté faites à B A Y O N N E à l'entreueüe du roy treschrestien Charles 9. & la royne sa mere avec la royne catholique sa seur. [impr. à Paris 4°. par Michel de Vascofan 1566.

La vie de B E L A B R E grand voleur ensemble la façon comme il fut pris au Comté de Bourgoigne: & comme il fut deffait à Dole avec ses complices: composée en rime par le Poëte de Borgoigne. [impr. à Lyon par Jean Pidier.

Traicté du B E N E F I C E de Iesus-Christ crucifié, enuers les Chrestiens, traduit d'Italien. Ensemble la 16. homelic de S. Jean Chrysostome de la femme Cananee, traduite de Grec. [Impr. à Lyon 16°. par Jean de Tournes. *Censuré*.

Le Romant de B E R I N V S. [Impr. à Paris.

La B E R G E R I E spirituelle enuoyee au Roy. [Impr. sans nom ny datte. *Cens.*
m 2 L'hift

L'histoire des prouesses de B E R T R A N D du Guesclin iadis Connestable de France, Seigneur de Longueville, en prose. [impr. à Lyon 4°. par Olivier Arnoullet 1529.

Les faicts & gestes de B E R T R A N D du Guesclin en rime, contenus en deux volumes non imprimez, & écrits à la main sur parchemin, en la librairie du seigneur Comte d'Urfé.

Le B E S T I A I R E d'Amours moralisé sur les bestes & oyseaux, le tout par figures & en rime. [impr. à Paris 4°. par Alain Lotrian 1529. Pay vn autre Bestiaire en prose, escrit à la main sur parchemin, duquel, parce qu'il est ancien & d'un langage different aucunement à celui des vieux Romans, ie mettray icy le commencement.

* parce
* peut
* ce
* sçait
* devant
* ceux
* Dieu
* tout ce que
* force
* ainsi
* ou
* ou
* oit
Toutes gens desirer à sçauoir par nature, Et * perchou que nus ne * puet tout sçauoir, iacoit * che que chascune chose puet estre seue : Si comient que chascuns sache aucune chose, & che que li vns ne * fait, que li autres le sache. Si que tout est seue en tel maniere kil n'est seue de nulin aparlui : mais de toutes ensemble. Mais il est ausi que toutes gens ne viuent mie ensemble : ains sont li vns mort * anchois que li autre naiscent Et * chil qui ont esté cha en arriere ont seue tel chose que nus qui soit orendroit ne le conquerrait de son sens : ne ne seroit seue son ne le sauoit par les anchies. Et pour chou * Diex qui tant aime l'oume qui le veut pourueir de * kanques mestier lui est : a donné à l'oume vne maniere de * forche d'ame qui ha à nom memoire. Cheste memoire à deus portes, veir & oir & chascune de ches deus portes si a vn chemin par ou il puet aler : Painture & parole. Painture sert à oeil, & parole à oreille. Et commet on puit repairier à le maison de memoire : & peinture & parole s'est aparent. Pour chou que memoire ki est la garde des tresors que sens donne & conquiert par forche dengiens : fait chou qui est passé * ausi come present & pour chou meismes vient * u par peinture, * u par parole. Car quat on voit painte vne histoire u de Troies u autre On voit les fais des preudoumes qui cha en arriere furent : ausi come si fuissent present & ausi est il de parole. Car quant on * ot vn romant lire : on entent les aventures ausi coume seles fuissent en present. Et ie de cui memoire vous ne poesissir Bele tresdouce amee &c.

Le Romant de B E V R Y E S de H A N T O N E, & la belle Iosene.

B I B L E S.

C'est vn nom Grec pluriel qui vaut autant à dire que Liures. La Bible doc ainsi dicte en François en nombre singulier (quoy qu'improprement, parce qu'on deuroit dire Les Bibles) contient les liures de l'Ecriture Sainte, concernans nostre instruction & salut. C'est le principal tresor que nous ayons en ce monde, veu que c'est la clef qui nous ouure le royaume de Dieu pour nous y introduire. C'est la vraye reigle pour discerner entre le bien & le mal. C'est la lumiere ou lampe qui nous eclaire au milieu des tenebres de ce monde. C'est l'escole de route sagesse surpassant tout entendement humain. C'est le miroir auquel nous contemplons la face de Dieu, pour estre transfigurez en sa gloire. C'est le sceptre Royal, par lequel il nous gouerne comme son peuple : & la houlette, laquelle il nous donne pour enseigne qu'il nous veut estre pasteur. C'est l'instrument

strument de son alliance qu'il a fait avecques nous, passant obligation volontaire par sa bonté gratuite d'estre conioint avec nous d'un lien perpetuel. C'est le tesmoignage de sa bonne volonté. C'est la pasture vniue de nos ames. Bref c'est le seul moyen en quoy nous differons d'avec les Payens & infidelles. Or quant à la translation de la S. Bible en la langue Françoisse le roy Charles v. dit le sage la fait translater au langage vulgaire de son tēps. l'en ay vne escripte en parchemin qui est en langage Picard. Par apres & du regne de Charles v. Jean de Rely chanoine de nostre Dame de Paris en fait vne translation en meilleur langage, toutesfois encores rude. Et depuis plusieurs ont trauaillé tant à accommoder, adoucir & polir la rudesse du langage à la façon de parler commune, & receüe, qu'à restituer ce qui auoit esté mal pris, ou corrompu ou trop obscurément traduit. Pour les Catholiques les Theologiens de Louuain en firent vne edition avec gloses & annotations imprimee long temps a en Anuers de vieille lettre par Martin l'Empereur. René Benoist en promulgua vne autre impri. à Paris par Sebastien Nyuelle laquelle fut censurée pource qu'il s'estoit serui d'aucunes annotations des heretiques ainsi que luy mesmes le confessoit en sa Preface. Quelques Iesuites y ont aussi trauaillé comme du costé des pretendus reformez ont fait Jean Caluin, Pierre Robert, Loys Budé & Theodore de Beze. Budé ayant traduit de l'Hebreu le Psautier, & Beze de Grec les liures Apocryphes. Or la Bible est diuisee au Viel & Nouveau Testament. L'ancien Testament contient par ordre les liures suyuantz. Geneze qui a 50. Chapitres. Exode chap. 40. Leuitique chap. 27. Nombres chap. 36. Deuteronomie chap. 34. Iosue chap. 24. Iuges chap. 21. Ruth chap. 4. Les deux liures de Samuel & les deux liures des Roys. Hester chap. 10. Premier liure d'Esdras chap. 10. Nehemie, ou second Esdras chap. 13. Paralipomenon ou Deux Chroniques. Iob chap. 42. Psalmes en nombre 150. Prouerbes ou Sentences de Salomon chap. 37. Ecclesiaste ou Prescheur auteur Salomon chap. 12. Cantiques de Salomon chap. 8. Isaye chap. 66. Ieremie chap. 52. & ses Lamentations 5. Ezechiel chap. 48. Daniel chap. 12. Les douze petits Prophetes qui sont, Osee chap. 14. Ioel chap. 3. Amos chap. 9. Abdias chap. 1. Ionas chap. 4. Michee chapitres 7. Nahum chap. 3. Abacuc chap. 3. Sophonias chap. 3. Haggee chap. 2. Zacharie chap. 14. Malachie chap. 4. Les liures Apocryphes, qui sont, Le troisieme liure d'Esdras chap. 9. Le quatriesme d'Esdras chap. 16. Tobie chap. 14. Iudith chap. 16. La Sapience de Salomon lequel liure ne se trouue escrit en Hebreu, ains seulement en Grec chap. 19. La Sapience de Iesus fils de Syrach, appelé l'Ecclesiastique chap. 51. Restes de l'histoire d'Hester, qui se trouuent en Grec chap. 16. Le liure du Prophete Baruch chap. 6. Le Cantique des trois enfans saincts en la fournaise, qui se trouue au Grec, au troisieme chap. de Daniel. L'histoire de Susanne, qui est le commencement de Daniel, mais il ne se trouue qu'en Grec. L'histoire de l'Idole Bel, & du Dragon, retranchée de la fin de Daniel, pource qu'elle ne se trouue point en Hebreu. L'oraison de Manasse roy de Iuda, quand il estoit deuenue captif en Babylone. Le premier liure des Machabees cha. 16. Le second liure des Machabees cha. 15. Le Nouveau Testament c'est à dire La nouvelle alliance de nostre Seigneur Iesus Christ contient Le saint Euangile de Iesus-Christ selon S. Mathieu chap. 28. Le S. Euangile selon

S. Marc chap. 16. Le S. Euangile selon S. Luc chap. 24. Le S. Euangile selon S. Iean chap. 21. Les Actes des Apostres escrites par saint Luc en 28. chapitres. Les Epistres saint Paul, Assauoir aux Romains vne contenant 16. chapitres. aux Corinth. deux, dont la premiere a 16. chapitres & la seconde 13. aux Galates chap. 6. aux Ephesiens Chap. 6. aux Philippiens chap. 4. aux Colossiens cha. 4. aux Thessaloniens, deux, dont la premiere contient 5. chap. & la seconde 3. à Timothee deux, la premiere est de 6. chap. la seconde de 4. à Tite chap. 3. à Philémon chap. 1. aux Hebreux chap. 13. L'Epistre Catholique de S. Iaques Apostre chap. 5. L'Epistre catholique de S. Pierre Apostre chap. 5. La seconde Epistre de S. Pierre chap. 3. Les trois Epistres Catholiques de S. Iean Apostre dont la premiere a 5. chapitres, la seconde & la troisieme chacune vn : L'Epistre catholique de S. Iude Apostre en vn seul chapitre. L'Apocalypse, ou Reuelatiō de saint Iean Theologien contenant 22. chapitres. Venons maintenant aux tiltres des Bibles, imprimees en François tant de celles que les Catholiques approuuent que des autres qui leur sont suspectes.

L A S A I N C T E B I B L E. Impr. à Lyon f°. 4°. & 8°. par Iean de Tournes. & depuis par Barthelemy Honnorat le texte pur sans aucunes annotations, ornee de belles figures ou tableaux & reueuë par aucuns docteurs en Theologie : sur laquelle copie d'Honorat en a esté imprimee vne à Rouen 8°. Plantin a imprimé aussi la Bible de la traduction nouvelle des Docteurs de Louvain f°. & Iean Pillehotte vne in 4°.

LA B I B L E, qui est toute la sainte Escriture, en laquelle sont contenus le viel testament & nouveau, Translatez en François, & reueuz : le viel selon l'Hebreu, & le nouveau selon le Grec. [Impr. à Geneue f°. par Iean Girard 1540. & 1546. Avec l'Indice.

Plusieurs autres Bibles ont esté imprimees avec annotations en marge des ministres de Geneue, en diuerses formes f°. 4°. 8°. & la plus ample & grosse que i'aye veu, est celle du titre suiuant : La sainte Bible contenant le viel & nouveau testament, ou la vieille & nouvelle alliance. Avec toutes les annotations necessaires pour l'intelligence de l'Escriture ; Aussi les figures, Chartes corographiques, & argumens sur chacun liure declarans tout ce qui y est contenu. [Impr. à Lyon f°. lettre de gros texte par Seb. Honorat 1566. *Censurees.*

L A B I B L E des Poëtes, autrement la Metamorphose d'Ouide translatée de latin en prose François. Avec les expositions literales, Allegoriques & morales des Fables. [Impr. à Paris f°. par Philippes le Noir 1531.

LA B I O G R A P H I E des roys de France, où leurs vies sont briuelement descrites & narrees en vers. Avec les pourtraicts & figures d'iceux. [impr. à Paris 8°. par Leon Caueat 1583.

Le liure **B L A N C** des madonnnes de Tholose commençant ainsi :

*Aissi s'ensiegnon las coustumos
Escritas per diuersos plumos,
Quan fan fillols, & quan fan festas
Escrites per diuersas testas. &c.*

[Impr. à Tholose par Guy Boudeuille.

B L A S

B L A S O N S anatomiques des parties du corps féminin, inuention de plusieurs Poëtes François contemporains. [Impr. à Lyon 16°. par François Iuste 1536.

B L A S O N des basquines & Vertugalles. Avec la belle remonstrence qu'ont faict quelques Dames quand on leur a remonsté qu'il n'en falloit plus porter. [Impr. à Lyon par Benoist Rigand 1563.

B L A S O V de la Bourre de la Causlas. [Imprimat à Toulouso 1565.

B L A S O N S de la Goutte, d'Honneur, & de la Fiebre quartte. en vers. [Impr. à Lyon 8°. par Jean de Tournes 1547.

Le mystere des **BLASPHEMATEURS** du nom de Dieu, par personnages.

Le **B O V T E H O R S** d'oisiuete contenant aucuns ioyeux propos, mis en rime François. [Impr. à Rouen 16°. par Robert & Jean du Gort 1553.

Les priuileges des **B O V R D E L O I S** de la ville & cité de Bourdeaux, octroyez & approuuez par les roys tres-Chrestiens Henry second de ce nom, & Charles 9. Avec les sentences & arrests par lesquels est ordonné, que lesdits bourgeois peuuent tenir francs fiefs, & toutes terres nobles & de franc alleu, sans estre tenuz d'en payer aucune chose. [Impr. à Bourdeaux 8°. par Simon Millanges 1574.

Remonstrence faictes au roy de France par les deputez des trois estats du Duché de **B O V R G O I G N E**, sur l'edict de pacification des troubles du royaume de France. [Impr. à Tholose 4°. par Iaques Colomiez 1565. On m'a dit que ceste Remonstrence fut faicte par vn conseiller de Dijon appelé Bezou, depuis quart president.

Responſe pour les deputez des trois estats de **B O V R G O I N E**, contre la calomnieuse accusation publiee sous le titre d'Apologie de l'edict pour la pacification des troubles.

Ordonnances de Monsieur le Duc de **B V I L L O N** pour le reiglement de la iustice de ses terres & seigneuries souueraines de Buillon, Sedan, Iamectz, Raulcourt, Florenge, Florenuille, Messancourt, Longues & le Saulcy. Avec les coustumes generales desdites terres & seigneuries. [Impr. à Paris 8°. par Robert Estienne 1568.

B R I N G V E N A R I L L E S Cousin germain de Fesse pinte. ce liure est autrement intitulé Le voyage du compaignon à la bouteille. [Impr. à Lyon 8°. par Oliuier Arnoullet, & depuis à Paris 16°. par Jean Bonfons.

L'histoire & Romant de **B V S C A L V S**, non imprimé. Il est en la librairie de Monsieur le Comte d'Vrfé escrit à la main en vn fort gros volume.



Æ C I L E C Y P R I A N.

Traicté de Sainct Cécile Cyprian Euesque de Carthage Martyr de Iesus-Christ, Des deux sortes de Martyres, à Fortunat. Mis de latin en François par traducteur incertain, & impr. en Anuers 16°. par Dirick Vriman.

Traicté De douze manieres d'abus, c'est à dire de douze diuerses sortes de gens qui s'abusent grandement. Avec le moyen d'iceux corriger &

s'en donner garde. Extraict des œuvres de Sainct Cyprian, & traduit en François. [impr. à Paris 8°. par Federic Morel. & depuis à Lyon 16°. par Jean Sau-grain 1559.

Les œuvres de Sainct Cécile Cyprian Iadis Euesque de Carthage, Aucc annotations sur aucuns lieux obscurs & difficiles. traduites de latin par Jaques Tigou Angeuin. [impr. à Paris f°. par Nicolas Chesneau 1574. Assauoir Les Epistres liures 4. Traicté contre l'heretique Nouatian sur ce qu'il ne faut point refuser aux penitens la paix & reconciliation de l'Eglise. L'Oraison que dist S. Cyprian Martyr, prochain de sa mort & passion. Quatre Traitez. Contre Demetrian. 2. Des accoustremens des Vierges. 3. De l'vnité de l'Eglise, ou de la simplicité des Prelats. 4. Que les Idoles ne sont point dieux. Autres trois Traictéz 1. Que les gens Ecclesiastiques ne doyent point tenir de femme avec eux. 2. De l'exortation au martyre à Fortunat. 3. Des deux sortes de Martyre. Trois liures cõtre les Iuifs, dont le troisieme comprend plusieurs poincts & sentences tirees des saintes escritures, pour se conduire & regler selon les commandemens de Dieu. Trois Epistres A Iubaian du baptisme des heretiques. A Pompee. A Quinte. Le Concile d'Afrique, autrement les sentences & opinions des 87. Euesques touchant ledit baptisme des Heretiques. Sermons touchant les œuvres Cardinales de nostre Seigneur, le premier desquels est, De la Natiuité. De la Circoncision. De l'Estoile & des Sages & du baptisme des Innocens. Du Baptisme de Iesus-Christ & de la manifestation de la S. Trinité. Du Ieiune & des tentations de Iesus-Crist. De la Cene & de la premiere institution du saint Sacrement, lequel est toute la perfection de tous les mysteres. Du lauement des pieds. De l'onction de l'huile Sainct & autres Sacremens le iour du Ieudy absolu. De la Passion de Iesus-Christ. De la Resurrection. De l'Ascension de Iesus-Christ. Du S. Esprit. De l'Aumone. De l'Enuie, & mauuaise affection qu'on porte à son prochain. Du bien qui aduient au Chrestien pour sa patience. De la Peste, & mespris de cette vie. Des abusez, ou de ceux qui sont tombez apres le baptisme, & des Martyrisez. De l'Oraison dominicale. Diuers Traictéz, assauoir, Exposition du Symbole. Des deux monraignes, Syna. & Syon. De la reuelation du chef saint Iean Batiste. De la louange du Martyre à Moyse & Maximus confesseurs. Contre les ioueurs de dez & de cartes. Contre les bastleurs & ioueurs de Farces. Des douze sortes d'Abus qui sont en ce monde en diuerses sortes de gens. Epistre à Firmilian, touchane le baptisme des heretiques. De la penitence requise auant qu'estre reconcilié. Epistre de ceux qui estoient aux mines. Touchant l'infidelité des Iuifs. Contre les Iuifs qui ont persecuté nostre Seigneur. Epistre à Successus, touchant la persecution des Chrestiens sous Decius & Valerius. Quatre Epistres aux Diacres de Rome, & autres touchant l'admission des reconciliez à la sainte Communion, Epistre de Celerin à Lucian, touchant la faute que ses deux seurs, Numerie & Candide auoyent commise contre la loy. Epistre de Celerin touchant la mort de saint Cyprian. Epistre du mesme Celerin contre les desuoyez de la foy. Epistre de saint Cyprian qu'il ne faut point communiquer avec ceux qui sont desuoyez de la Foy. Du scisme & adultere de Felicissimus. De la Captiuité d'aucuns Chrestiens par les Barbares. De l'offre de saint Cyprian au Martyre.

tyre. Sermon de saint Augustin en l'honneur du Martyr saint Cyprian.

CÆSAR FIASCHI.

Traicté du Seigneur Cæsar Fiaschi gentilhomme Ferrarois, De la maniere de bien emboucher, manier & ferrer les chevaux, tourné d'Italien en François par traducteur incertain, & impr. à Paris 4°. par Guillaume Auvray 1578.

CÆSARIVS.

La Reigle des Religieuses: escrete en latin par Cæsarius Euefque contenant l'instruction, deuoir & office de l'Abesse, prieuse, fouprieuse, & autres: translaté en François, escrit en main en la librairie du Capitaine Sala.

CAIE CRISPE SALVSTE.

Saluste auteur Romain, De la guerre que les Romains feirent à l'encontre de Iugurtha roy de Numidie. Plus de la guerre Catilinaire mis de latin en François par translateur incertain & impr. à Paris 8°. par Ambroise Giraud 1539. Voyez Estienne le Blanc. Pierre Saliat. Loys Meigrier.

CAIÆ IVLES CÆSAR. Voyez Blaise de Vigenere. Estienne de l'Aigue.

CAIE IVLE DE GVERSENS a escrit, Panthee, Tragedie prise du grec de Xenophon. [Impr. à Poictiers 4°. par les Bouchets 1571.

Vn Chœur du 2. Acte:

*Comme l'on voit Aquilon qui menasse
De quelque escueil la sourcilteuse audace,
Et cen dessus deffous
Bouffer en vain, puis sur la plus humble herbe
Qui pend au tour de sa tæste superbe
Descharger son courroux:
La chasteté est cete haute roche,
C'est cet escueil, duquel si on approche
Plus que par le deuoir,
Ny tous les flots de nostre enflé courage,
Ny tous les vens de nostre fiere rage
N'auront aucun pouuoir.*

CAIE PLIN CÆCILE SECONDE. Voyez Antoine du Pinet.

CAIE SVETONE TRANQVILLE. Voyez George de la Boutiere.

CAELIMACH EXPERIENT. Voyez aux harangues militaires de Fr. de Belleforest, celles qui ont esté recueillies des liures qu'il a fait de la vie du roy Ladillas, ou, de la bataille de Varne, traductes du latin.

GALVY DE LA FONTAINE a traduit, La maniere de bien & heureusement instituer & composer sa vie & forme de viure

viure contenant 78.enseignemens enuoyez par Isocrates à l'adolescent Demonicus. [impr. à Paris 16°. par Denys Ianot 1543.

La félicité humaine de Philippes Beroalde. [Impr. à Paris 8°. par Denys Ianot 1543. & à Lyon par I. Saugrain 16°.

Trois declarations esquelles l'yuroigne, le putier, & le ioüeur de dez freres debatent lequel d'eux trois (comme le plus vicieux) sera priué de la succession de leur pere suiuant son testament. Inuention latine de Philippes Beroalde, pour-suiue & amplifiée par ledit traducteur. Auec vn Dialogue de Lucian intitulé Mercure & Vertu. [Impr. à Paris 16°. par Vincent Sertenas 1556.

L'Elegie d'Ouide sur la complainte du Noyer. [impr. à Paris 16°. par Arnoul l'Angelier, sans datter.

CAMILLE DE MOREL fille de Jean de Morel gentilhomme Ambrunois, damoiselle sauante a escrit maints vers tât latins que François.

CARLES, C'est vn Poëte duquel ie ne sçay le nom propre, qui a escrit blason du Genoil, blason du Pied, de l'Esprit, de l'Honneur, de Grace: mprimé avec les blasons des parties du corps féminin, faits par diuers poëtes.

CATERINE DE SIENNE.

La doctrine spirituelle descrite par forme de dialogue de l'excellente Vierge sainte Catherine de Sienne, religieuse du tiers ordre de saint Dominique, qu'elle a dicté en vulgaire Italien, sortant de son ordinaire extase & rauissement d'esprit. Où est traité de la prouidence diuine, de l'amour des vertus, & de la haine des vices. Plus les oraisons faites par ceste bien-heureuse Vierge, dont les deux premieres furent faites en Auignon, la troisieme à Gennes, & toutes les autres à Rome, sortant de pareil rauissement d'esprit, depuis 1367. iusques à l'an 1380. qu'elle trespassa de ceste vie. Auec la vie & canonization d'icelle: le tout traduit en François par quelques freres religieux de l'ordre de saint Dominique du conuent de Paris. [impr. à Paris 8°. par Geruais Mallot 1580. Au commencement y a vne epistre d'Edmé Bourgoin prieur du conuent des freres prescheurs de laditte ville.

CATHERINE DE FRADONNET Dame des Roches la fille, de Poictiers, a escrit tant en prose qu'en vers François quelques œuvres, imprimees avec celles de sa mere en vn mesme volume. Assauoir en prose, Dialogue de vieillesse & de ieunesse. Dialogue de Vertu, & fortune. Dialogue de la main, du Pié, & de la Bouche. Dialogue de la Pauvreté & la faim. Dialogue d'Amour, de Beauté & de Physis. Dialogue de Sincero & de Charite. Et en vers, Sonnets & chansons de Sincero à Charite. Sonnets & chansons de Charite à Sincero. Résponce au dernier sonnet de Charite. La Rose. Stances pour vne mascarade d'Amazones. Chanson des d'Amazones. A sa quenaille. A ses escrits. De la musique. Stances au Roy sur son retour de Poloigne. La traduction desdites Stances en vers Grecs par Ioseph de la Scala & en latin par le S. de sainte Marte. Hymne de l'Eau à la royne mere du roy. Imitation de la mere de Salomon. La femme forte descrite par Salomon. L'Agnodice. Antithese du Somme & de la mort. Epitaphes de Medee, Clitemnestre, Lucrese, Niobe. Tragicomedie de Tobie. Le tout impr. à Paris 4°. par Abel l'Angelier 1579.

An

Au Dialogue de Vielleſſe & Jeuneſſe:

Pourquoy appelez vous l'œil & la bouche, pere & mere de la Philoſophie?
 I E V N E S S E. Auparavant que l'on veit aucune ſcience eſcrite, l'œil eſſe-
 uant ſa clarté vers les celeſtes feux, liſoit en la carte du Ciel le pouuoir admi-
 rable du Createur de l'vniuers. De là s'engendra la Philoſophie qui reueillant les
 premieres puiffances de l'ame la rendit deſireuſe de rechercher le ſouuerain
 Dieu, en qui demeure la vraye ſapience. Depuis cete ame eſtant remplie d'une
 infinité de belles conceptions les enfanta heureuſement par la bouche: mais
 Adieu bonne femme, c'eſt trop demeuré en vn lieu. O la belle troupe de filles
 que voila: ie me vay renger entr'elles. V I E L L E S S E. C'eſt vne choſe
 eſtrange de voir que tout le monde me fuit ainſi pour ſuiure ainſi la ieuneſſe,
 meſmes ceux qui ne l'ont pas en eux, la cherchent en autrui encbres qu'elle les
 fuye: ils n'ont point ſouuenance de ce qui eſt dict par le Sage, Que trop mieux
 vaut le chien viuant, que le Lyon mort. Jeuneſſe eſt morte pour eux, ils ne la
 ſcauroient iamais recouurer: & moy ie ſeray touſiours pour les conduire entre
 les mains de la Parque. Or cependant que mon aduerſaire eſt careſſée de toutes
 ces belles Dames, ie m'en vay cacher en quelque lieu ſolitaire, attendant que
 ce ſoit à mon tour d'en receuoir les faueurs. Ie voy là vne Eglife où ie me vay
 ranger pour dire mes oraiſons à preſent qu'il n'y paroît aucun, ſans crainte que
 perſonne m'y vienne cercher, veu ma laideur horrible, dont ie veux deſcrire
 quelque choſe pendant qu'il m'en ſouuient, pource que ſouuent, j'oublie de
 me connoiſtre

*Si i'ay peu ruiner la haute Pyramide,
 Les grands murs, le Coloſſe, & le lieu d'où ſans guide
 D'un peloton de fil on ne pouuoit ſortir:
 Le pourtrait de Iupin, le tombeau de Mauſole,
 Le temple de Diane & ſi d'une parole
 Ie puis des plus puiffans la puiffance amortir:*

*Doit on s'eſmerueiller ſi ie ſuis ennuyeuſe,
 Doit on s'eſmerueiller ſi ie ſuis odieuſe,
 Veux que touſiours ie pille & ſi ne garde rien?
 Ie derobe ſans fin les beautez & la grace,
 Que ie rends à Nature à fin qu'elle en reſace
 Et maintienne le monde en ſon ordre ancien:*

*Pour mille fois mourir & mille fois re naiſtre,
 Rien pourtant ne ſe pert toute choſe à ſon eſtre,
 En eſprouuant touſiours ſes diuers changemens,
 Mais ceux que le plaſiſir, douce ame de la vie,
 Entretient & cherit me rendent plus haïe
 Refuſant d'obeir à mes commandemens.*

I E V N.

I E V N Maintenant que la vieillesse est absente de moy, & qu'elle ne peut me reprendre d'aucune chose que ie die, ie veux conter à ces dames quelque secret que j'ay appris d'elle: mais on dira que ie suis vne grande babillarde qui tire les propos des vns pour les redire aux autres, & pense que ie feray mieux de ne le dire point qu'à moy. Donques ie proteste de le celer à tous, s'il m'est possible, fors qu'à ma pensee.

*Je ne l'ay dit qu'à moy, & si ie me deffie
Que moymesme vers moy face tour d'ennemie
Declarant un secret que i'ay pris sur ma foy:
Je ne le diray pas, mais le pourray-ie taire?
Donques ie le diray: mais se peut-il bien faire
Que ie veuille trahir & mon penser & moy?*

*Or sus ie le diray, non feray: ha ie pense
Que ne le disant point ie perdray patience,
Si ie le dy aussi, i'y auray grand regret?
Si ie ne le dy point ie seray en grand peine:
Mais quoy? si ie le dy ie suis toute certaine
De ne pouuoir iamaïs rappeler mon secret.*

*Je ne le diray point de peur de m'en desdire.
Vrayement ie le diray, cela que peut-il nuire?
Je ne le diray point de peur de m'en fascher.
Je le diray pourtant, qu'est-ce que ie dois craindre?
Je ne le diray point, il faut apprendre à faindre:
Vn secret perd son nom qui ne le peut cacher.*

CATHERINE DE NAVARRE seur au Tresillustre Henry Roy de Nauarre, Princesse de haut esprit, sortie du tyge de ces deux sçauantes Roines de Nauarre, de bonne, louable & heureuse memoire Marguerite de France & Ieanne d'Albret ses ayeule & mere, a commencé de si bonne heure, de les imiter à produire les fleurs & le fruiçt tout ensemble dont les Muses donnent la semence, qu'elle en a composé de chapeaux aux couleurs de bien dire qui y sçauroyent estre les plus requises ayant à peine atteint l'age de douze ans. Voire (qui est chose plus admirable) a fait des vers en dormant, comme est tesmoigné en vne Ode sur ce faite & adressee à son excellence par vn de ses precepteurs, de laquelle i'ay extraict icy quelques coupletz:

*J'ay tousiours tenu pour fable
Comme chose peu croyable
Ce qu'es vieux escrits on void,
Qu'ayant dormi sur Parnasse,
Et beu de l'eau de Pegase,*

Poëte

Poëte lon se trouuoit.

Mais deormais ie proteste
Que bannissant de ma teste
Ma dure incredulité,
Ie ne le tiendray pour compte:
Et ne veux point auoir honte
De l'estimer verité.

D'autant que mesme en tel aage
En vous ie voy dauantage:
Car dormant vous composez,
Et faites ceuures paroistre
Que chascun peut reconnoistre
Pour vers fort bien agencez.

Mais estant nee Poete
Pour mieux vous y rendre adroite
Il faudra continuer:
Et d'une façon gentile
Exercant vostre beau style
Vostre esprit de sennuyer.

Ainsi peu a peu fondee
Vous vous rendrez assuree:
Et qui lira voz escrits,
Dira, ô rare Princeesse,
Qui ia surmonte en sagesse
Les plus excellens esprits.

Beaucoup fait qui bien commence,
Et son ceuvre assez auance
Qui fait le commencement:
Ceste parfaite excellence
Des arts ny de la science
Ne s'acquiert soudainement.

Le Poëte de la Thrace,
Homere, Virgile, Horace,
Ouide le gracieux,
Ni ces deux Roynes parfaites
N'ont esté doctes Poëtes
En vn soudain clin desyeux.

n

Pourf

*Poursuivez donques Madame,
Et n'estimez estre blasme
De faillir aucunesfois:
C'est une chose ordinaire,
Les plus sçauans, voire Homere
(Dit on) sommeille par fois.*

*Mais Quoy? quand en dormant mesme
Des vers d'une grace extreme
Decoulent de vostre esprit:
Que sera ce ie vous prie
De ceux que non endormie
Vous voudrez mettre en escrit? Ec.*

C A T O N en François moralisé par Exemples. Prose. [Impr. à Paris. sans date. Les Distiques de Caton ont esté traduits par Quatrains par François Habert, & encores par quelques autres.

C E B E S. Voyez Gilles Corrozet. Geoffroy Tory.

C H A R L E S I X. de ce nom treschrestien Roy de France estoit si bien versé en la venerie, qu'il en a escrit vn liure surpassant tout le sçauoir de ceux qui onc deuant luy se meslerent de cet exercice, lequel il aymoît tant qu'il choisit vn lieu propre pour y edifier vn superbe palais aupres la forest de Lyôs dôt il feit ietter les fondemés & voulut qu'il s'appellast de son nom Charleual. Le liure qu'il a fait de la venerie est chèrement gardé par le Roy treschrestien à present regnât son frere. Il n'estoit iamais oisif, tousiours en action, ou courir, ou sauter, ou iouer à la paume, ou piquer cheuaux, ou forger armes. Il aimoit aussi fort la Musique. Estoit fort eloquêt & autant bien disant qu'hôme, de son Royaume. Fut affectionné aux hômes de sçauoir, ayma les Poëtes, entre autres Ronfard, Baif, Dorat & Iamin, qu'il entretint & auança. Se messla de composer aucunesfois des vers, de la façon & style que ceux qui s'ensuyuent, qu'il enuoya à Pierre de Ronfard.

*Ronfard, ie connoy bien que si tu ne me vois,
Tu oublies soudain de ton grand Roy la vois:
Mais pour t'en souuenir, pense que ie n'oublie
Continuer tousiours d'apprendre en Poësie:
Et pource i'ay voulu t'enuoyer cet escrit
Pour enthousiaser ton phatastique esprit.
Donc ne t'amuse plus à faire ton mesnage,
Maintenant n'est plus temps de faire iadinage.
Il faut suyure ton Roy qui t'ayme par sustous
Pour les vers qui de toy coulent braues & doux:
Et croy si tu ne viens me trouuer à Amboise,
Qu'entre nous aduiendra une bien grande noise.*

Responce

R E S P O N C E de Ronfard aux Vers
precedens.

Charles en qui le ciel toutes graces inspire,
 Qui as un cœur plus grād que n'est grand ton em-
 Vne ame prompte & vive, un esprit genereux (pire,
 De vertus, de science & d'honneur amoureux,
 Qui passes tes ayeulx d'un aussi long espace
 Que l'Aigle les Autours, dont l'Aile ne se lasse
 En volant outre l'air d'approcher le Soleil:
 Ainsi gaignant les tiens tu n'as point de pareil
 Que François ton grād pere, & si l'honneste honte
 Le vouloit, ie diroy que ton cœur le surmonte,
 D'autant que nostre siecle est meilleur que le sien,
 Et que le temps present vaut mieux que l'ancien:
 Et d'autant qu'il fut docte au declin de vieillesse,
 Et tu es tout scauant, en la fleur de ieunesse.
 Car si ta Maieſté (apres le soin commun
 Qu'elle prend du public, & d'escouter chacun,
 Et de bailler à tous une facile entree)
 Soit en prose ou en vers quelquefois se recree,
 Donnant un peu relasche à ton diuin esprit
 Qui monstre sa vigueur en monstrant son escrit,
 Et qui rien que parfait ne medite ou compose,
 Ronfard te cede en vers, & Amyot en prose:
 Et suis marry d'auoir si longuement vescu
 Au giron des neufseurs pour estre ainsi vaincu.
 N'estoit ce pas assez de m'auoir en cent sortes
 Monstré l'affection que maistre tu me portes,
 Sans encor me pouloir deffier en mon art,
 Et en rime appeller au combat ton Ronfard;
 Descourant contre moy la fureur de ton stile?
 Ainsi le grand Auguste escriuoit à Virgile:
 Virgile qui l'esprit de son maistre suiuoit,
 Pour luy donner plaisir luy contre rescriuoit.
 Tu m'as donné des vers tresmagnanime Prince,
 A fin qu'en imitant ton exemple i'apprinſse
 Que peut un cœur superbe, & pour auoir aussi
 Toujours l'esprit touché d'un vertueux souci.
 Toutesfois te iouant, grand Monarque de France,
 Tu as plus auancé que ta plume ne pense:

*Car tes faictz quelque iour par le temps periront:
 En mon liure à iamaiz tes beaux vers se liront,
 Que ie veux engrauer pour plus hautaine gloire
 Sur l'autel le plus saint du temple de M^emoire,
 Pour mieux faire cognoistre à la posterité
 Que Ronsard a vescu regnant ta Maiesté,
 Et que ta Maiesté de^{ss}oubs elle a veu naistre
 Sa Muse qui se plaist de seruir un tel maistre.*

V E R S du Roy CHARLES IX, à Ronsard.

*Ronsard, si ton vieil corps ressembloit ton esprit,
 Je seroy bien content d'auouer par escrit
 Qu'il sympathiseroit en mal avecq le mien,
 Et qu'il seroit malade aussi bien que le tien.
 Mais lors que la vieillesse en comparaison ose
 Regarder ma ieunesse, en vain elle propose
 De se rendre pareille à mon ieune Printemps:
 Car en ton froid hyuer rien de verd n'est dedans.
 Il ne te reste rien qu'un esprit grand & haut,
 Lequel comme immortel iamaiz ne te defaut.
 Or donc ie te diray que bien-heureux seroy
 Si de ton bon esprit un rayon ie tiroy.
 Ou bien que sans t'oster rien du tien si exquis,
 Par estude & labeur un tel m'estoit acquis.
 Ton esprit est, Ronsard, plus gaillard que le mien:
 Mais m^on corps est plus ieune & plus fort que le tien.
 Par ainsi ie conclu qu'en sçauoir tu me passe,
 D'autât que mon printemps tes cheueux gris efface.*

R E S P O N S E de Ronsard aux Vers precedens du Roy Charles IX.

*Charles, tel que ie suis, vous serez, quelque iour
 L'âge vole tousiours sans espoir de retour.
 Et comme hors des dents la parole sortie
 Ne retourne iamaiz apres qu'elle est partie,
 Ainsi l'âge de l'homme apres qu'il est passé,
 Ne retourne iamaiz quand il nous a laissé.
 Voyez au mois de May sur l'espine la rose
 Au matin un bouton, à vesp^{re} elle est esclose,*

Su

Sur le soir elle meurt: ô belle fleur, ainsi
 Vn iour est ta naissance & ton trespas ainsi.
 Si villes, si cités de marbres estoïees,
 Si Empires, si Roys, si superbes troïees
 Vieillissent, ie puis bien en imitant le cours
 De nature décroistre, & voir vieillir mes iours.
 Ie vous passe, mon Roy, de vingt & deux années:
 Mais les vôtres seront si soudain retournees,
 Qu'au pris du long seiour que fait l'Eternité,
 Qui les siècles deuore en son infinité,
 Vingt, trente, quarante ans accomparez, ressemblent
 Vn grain pres d'un mōceau où tāt de grains s'assemblēt:
 Et qui meurt ce iour d'huy, soit riche ou souffreteux,
 Quant à l'Eternité, meurt à l'égal de ceux
 Qu'engloutit le deluge, en l'eau desmesurée.
 Tout terme qui finit n'a pas longue durée:
 Et soit tost ou soit tard, il faut voir le trespas,
 Et descendre au parquet des iuges de là-bas.
 Heureux trois fois heureux, si vous auiez mon âge,
 Vous seriez deliuré de l'importune rage
 Des chaudes passions, dont l'homme ne vit franc
 Quand son gaillard printemps luy eschauffe le sang.
 De là l'ambition, de là la conuoitise,
 De là vient la chaleur que Venus nous attise,
 Et l'ire qui abbat le fort de la raison
 Ennemis inconnus du bon pere grison.
 Vous verriez mon grand Prince, en barbe venerable
 Vostre race Royale au tour de vostre table,
 Comme ieunes Lauriers: & Monarque puissant,
 Vous verriez, dessous vous le peuple obeissant,
 Vostre Espargne fournie, & vos villes françoises,
 Terres, haures & ports loin de ciuiles noises,
 Riches d'honneur, de paix, & de biens plantureux,
 Et vieillard vous seriez plus qu'en jeunesse heïreux.
 Il ne faut estimer que la mere Nature
 Les saisons des humains ordonne à l'auenture,
 Comme un meschant Comique en son theatre fait
 Le premier acte bon, le dernier imparfait:
 Elle compose tout d'une meure sagesse:

Si la ieunesse est bonne aussi est la vieillesse.
 La ieunesse est gaillarde & discourt librement,
 Vieillesse a la raison, esprit & iugement:
 L'une a opinion & l'autre a la prudence,
 L'une ayme oiseaux, & chiens, amour, cheuaux & dance,
 L'autre ayme le bon vin, le bon liét, le bon feu:
 Ainsi toute saison differe de bien peu,
 Et presque l'une à l'autre à l'egal se rapporte:
 Chacune a son plaisir, mais de diuerse sorte.
 Pourquoy en vous moquant me faictes vous ce tort
 De m'appeller Voisin des ombres de la mort,
 Et de me peindre aux yeux une mort si prochaine,
 Quand de mon chant esté ie ne sors qu'à grand peine?
 Le n'entre qu'en Autonne, & ne peux arriuer
 De quinze ou de seize ans aux iours de mon hyuer:
 Et vous puis (si le Ciel à ma vie est propice)
 Faire encor pour le moins vingt bons ans de service:
 Et quand le corps seroit de trop d'âge donté,
 L'âge ne peut forcer la bonne volonté.
 De force & de vigueur mal-gré moy ie vous cede:
 L'escorce au prix de vous, non la fleur ie possede:
 Et ie vous cede encor en genereux esprit
 Qui m'appelle au combat par un royal escrit.
 Et brefs il vous plaisoit un peu prendre la peine
 De courtiser la Muse, & boire en la fontaine
 Fille de ce cheual qui fait sourcer le mont,
 Tout seul vous rauriez les Lauriers de mon front.
 Vn second Roy François: de là viendroît ma gloire.
 "Estre vaincu d'un Roy c'est gagner la victoire.

Le Sommaire des propos & harengue que le roy Charles 9. tint à sa Noblesse qu'il feît assembler en la salle de son chasteau du Louure à Paris le dimanche 28. Nouembre 1563. a esté impr. à Paris audit an & à Lyon par Benoist Rigaud.


CHARLES BOVILLE, ou de Bouelles Chanoine de Noyon a escrit en 8. chapitres,
 L'art & science de Geometrie, avec les figures sur chascune reigle, par lesquelles on peut facilement comprendre ladite science. [impr. à Paris 4°. par Henry Estienne pere de feu Robert Estienne. 1514. Le mesme liure a esté despuis reimprimé sous le tiltre de la Geometrie Pratique de Charles de Bouelles, à Paris par Regnaud Chaudiere 1551.

Prouerb

Prouerbes & dicts sententieux, avec l'interpretation François & commentaire latin sur iceux. [impr. à Paris 8°. par Sebastien Nyuelle 1557.

Caroli Bouilli Samarobrini liber de differentia vulgarium linguarum, & Gallici sermonis varietate. Quæ voces apud Gallos sint factitiæ & arbitraria vel barbara : quæ item ab origine latina manarint. De hallucinatione gallicorum nominum. Le tout avec l'interpretation en François de la pluspart des dictions y contenues. [Impr. à Paris 4°. par Robert Estienne 1533. Voyez le catalogue de ses œuvres latines en la Biblioteque de Gesnere.

CHARLES DE BOURGVEVILLE Lictenât du Bailly de Caen & iuge presidial au siege dudit lieu a escrit,
L'Arthemachie & discours de l'immortalité de l'ame & resurrección des corps, où il refute les opinions des Philosophes ethniques, de tous naturalistes & Athees par argumens, raisons, exéples & autoritez valides, & entre autres choses il y dit : En ceste œuvre ie pren l'ame pour la forme & comencement par lequel nous viuons, nous sentons, nous entendons, nous mouuons, & sommes nourris: ainsi que dit Aristote. Et comme dit S. Augustin, C'est vne substance créée inuisible, ainsi que Dieu immortel, n'ayant image sinon de son createur, dont les Philosophes ne furent & ne seront iamais d'accord. Mais pour encores plus esclaircir ce subiect ie diray que l'Ame ou Esprit en general peut signifier vne forme de mouuoir, pousser, agiter, vegeter, ou bien pourmener aucune chose, & le definiray apres autres ainsi que cette table monstre.



[impr. à Paris 4°. chez Martin le Jeune 1564.

Les discours de l'Eglise, Religion & de la Iustice, par Charles de Bourgueuille.

[Impr. à Paris 4°. par Nicolas Chesneau 1578.

CHARLES DE CHANTECLER maistre des Requestes du Roy en sa Chancellerie, a mis en François
Plusieurs aduis & conseils de François Guicciardin tant pour les affaires d'estat que priuez. Avec 42. articles concernans le mesme subiect. [Impr. à Paris 8°. par Robert le Maigner 1577.

CHARLES CHOQUART Aduocat en Parlement à Paris²
 escrit

Epistre ou discours à Monsieur de Mompensier touchant l'estat de la Religion Chrestienne, & mauuaise intention pour laquelle plusieurs s'en sont separez.

[Impr. à Paris 8°. par Nicol. Chesneau 1568.

La harangue des Ambassadeurs du roy Charles 9. prononcee en la quatriesme Session du Concile general de Trente l'an 1562. Ensemble la response de l'Assemblée dudit concile ausdicts Ambassadeurs, traduiete de latin par Christophle Choquart. [Impr. à Paris par Nicolas Chesneau 1563.

Les Raisons & occasions principales qui doiuent esmouuoir ceux qui sont tombez en heresie luterienne & caluiniste à l'abiurer & renoncer, & se soumettre à la vraye & catholique eglise dont ils se sont despartis : prises de l'abjuration des sectes nouvelles faicte par treshault seigneur Hulderic comte de Helfenstein en Suëue en l'an 1567. mise en François par Charles Choquart, & impr. à Paris par Nicol. Chesneau.

CHARLE D'ESPINAY.

Les sonnets de Charles d'Espinay Breton. [Impr. à Paris 4°. par Rob. Estienne 1560.

CHARLES ESTIENNE Docteur en Medecine a escrit

La dissection des parties du corps humain, diuisee en trois liures : Avec les figures & declaration des incisions, composees par Estienne de la Riviere chirurgien. [impr. à Paris f°. par Simon de Colinez 1546.

Les Abusez, Comedie des professeurs de l'Academie Sienoise nommez *Intronati*, celebree ez ieux d'un carême prenant à Siennę, traduite de Tyscan par ledit Charles Estienne, & Impri. à Lyon 16°. par François Iuste 1543. & par Estienne Grouleau à Paris 1556.

Premiere comedie de Terence intitulee l'Andrie, traduiete en prose Françoisise par Charles Estienne. Avec vn bref recueil de routes les sortes de ieux qu'auoyent les anciens Grecs & Romains: & comment ils vsoyent d'iceux. [impr. à Paris 16°. par Gilles Corrozet 1542.

Abregé de l'histoire des Vicomtes & Ducs de Mylan, extraict en partie du liure de Paulus Iouius. Avec les pourtraicts d'aucuns d'iceux, representez apres le naturel, par lesquels on peut donner quelque iugement de leur complexion pourautant que (comme dit ledit Estienne en l'Epistre) le visaię est le miroir du cœur: & n'aduient guieres que l'un l'autre se desmentent. [impr. à Paris 4°. chez le mesme Estienne 1552.

Discours des histoires de Lorraine & de Flandres Au roy treschrestien Henry 2. [impr. à Paris 4°. par ledit Charles Estienne 1552.

Paradoxes en nombre 25. ou propos contre la commune opinion, debatus en forme de declamations forenses, pour exercer les ieunes esprits en causes difficiles. Autheur Charles Estienne. [impr. à Paris 8°. par iceluy Estienne 1554.

Autre Paradoxe que le plaider est chose tresvtile & necessaire à la vie de l'homme. [impr. comme dessus.

L'Agriculture & Maison Rustique, en laquelle est contenu tout ce qui peut estre requis pour bastir maison champestre, preuoir les changemens & diuersitez

fitez des temps, medeciner les laboureurs malades, nourrir & medeciner bestail & volaille de toutes sortes, dresser iardins, far potager, medicinal que par terre, gouverner les moncelles à miel, faire conferves, confire les fruits, fleurs, racines, & escorces, preparer le miel & la cire, planter & enter toute sorte d'arbres fruitiers, faire les huyles, distiller les eaues, entretenir les prez, viuers & estangs, labourer les terres à grains, faconner les vignes, planter boys de haute fustaye & taillis, bastir la Garenne, la heronniere, & le parc pour les bestes sauvages. [impri. à Paris 4°. par Jaques du Paris par diuerses fois, & par Jean de Tournes à Lyon. Au 2. chapitre du premier liure il dit que le premier bastiment d'une maison doit estre la cuytine, c'est à dire le reuenue & le fonds, pour l'entretenir: aussi le premier poinct d'un pere de famille, avant que bastir & dresser sa maison, est d'aduiser bien diligemment qu'elle soit du tout sienne, & qu'il n'ait plus à faire à mineurs, creditiers, rentiers ou superieurs qui le distrayent de ses negoces. Qu'il ayt fourny à tous fraiz & solennitez de iustice, & nommément aux licitations & decrets, qui sont les plus seures voyes d'achepter pour le iourd'huy: car on trouue plus grand nombre de sots achepteurs, que de sots vendeurs. Que l'an & iour soit passé qu'il a eschangé, suscite & esmeu nouuelles debtes pour esclaircir son heritage, ny employé la valeur d'un denier qu'il n'ait entierement chetty, borné & arpenté avec ses voisins, & achepté paix des plus hargneux. Somme qu'il soit hors de toute court & de procez, & que s'il luy demeure quelque cas à parfaire (comme l'on dit que terre amene guerre) que ce soit plustost à luy à demander qu'à defendre: l'enten touchant ses droits seigneuriaux & censiués, desquels il ne doit nom plus laisser decheoir le moindre denier, chapon, ou quoy que ce soit, qu'une ruyle de sa couuerture, qui a traict de temps non reparee & remise, en fait cheoir d'autres, & porte grand domage au logis. Voyez les œuvres latines de Charles Estienne en la Bibliothèque de Conrad Gesner.

CHARLES DE FIGON Maistre ordinaire en la chambre des Comptes seant à Montpellier a escrit, Discours des estats & offices tant du gouuernement que de la iustice & des finances de France, contenant vne description de l'autorité, iurisdiction, congnissance & charge particuliere d'un chacun d'iceux. [impri. à Paris: 8°. par Guillaume Auray 1580.

CHARLES FONTAINE Parisien a escrit en Rime, Epistre à Sagon & à la Hueterie en defense de Marot. Avec la complainte & testament de François Sagouyn dict Sagon, enuoyez à Frippelipes valet de Marot. [impr. à Lyon par Pierre de sainte Lucie.

Responſe à l'encontre d'un petit liure intitulé La victoire & triomphe d'Argée contre Cupido dieu d'amours n'aguieres vaincu dans Paris. [impr. à Lyon par François Iuste 1537.

La Contr'amyie de court. [impr. à Paris 16°. avec autres opusculs d'Antoine Herott, par Jean Ruelle 1545.

Les nouuelles & antiquies merueilles, avec vn traicté des douze Césars, & vne Ode pour Adieu à la ville de Paris. [impr. 16°. par Guillaume le Noir 1554.

Les sentences du Poëte Ausone sus les dictz des sept Sages. Odes & autres compo

compositions. Le tout traduit & composé pour l'utilité d'vnchacun & inciter à la vertu. [impr. à Lyon 8°. par Jean Brorot 1555.

Les Ruisseaux de Fontaine, Oeuure contenant Epistres, Elegies, Chants diuers, Odes & estrenes. Plus le Passeremps des amys, avec vn tranflat d'Ouide, & de 28. Enygmes de Symposius. [impr. à Lyon 8°. par Thibaut Payen 1555.

Mimes de Publian. Ce sont certains dictz graues & sententieux, accordez avecq plusieurs bons auteurs. Ensemble douze Paraboles, & six Enigmes. [impr. Latin François à Lyon 8°. par Jean Citois 1557.

Ode de l'Antiquité & excellence de la ville de Lyon. [impr. à Lyon par Jean Citois 1556.

Epitome des cinq liures d'Artémidore ancien auteur traittant des songes. Plus vn bref recueil de Valere Maxime traittant aussi des songes. [Impri. à Lyon 8°. par Jean de Tournes 1555. & à Paris 16°. par Guill. Cauellat 1566.

Sixains pour l'intelligence des figures du nouveau Testamēt. [impr. à Lyon 8°. par Jean de Tournes. & despuis 16°. par Hierosme de Marnef.

Les XXI. Epistres d'Ouide. Les dix premieres traduites par Charles Fontaine: le reste par luy reueu & augmenté de prefaces. Plus les amours de Mars & Venus, le rauissement de Proserpine, imitation d'Homere & d'Ouide: & le combat d'Hercule avec Achelois. [impr. à Lyon 16°. par Jean de Tournes 1573.

• CHARLES DES FOVNIERS Curé de Germiny sous Coulombs diocesse de Meaux, a tranflaté de latin, Petit Traicté de bonne doctrine fait par venerable docteur Hugues de saint Victor intitulé, *Quo studio orandus sit Deus*. Par quel estude Dieu doit estre prié. Item plusieurs dictz & sentences notables. [impr. à Paris 8°. par Nicolas Buffet 1550.

CHARLES GARNIER Tonnerrois a traduit d'Italien en Fran. Dialogue de M. Iean Bracchesco, appelé le bois de la vie. auquel est déclaré, quelle fut la medecine par le moyen de laquelle les premiers peres viuoyent neuf cens ans. [impr. à Toulouse 8°. par Iaques Colomiez 1565.

CHARLES DE SAINT GELAIS, Chanoine & esleu d'Angoulesme a tranflaté de latin

Les grandes croniques, faictz & gestes de la sainte histoire des trespreux nobles princes & valeureux Pontifes Matathias, & de son tant renommé fils le preux Iudas Machabeus, ensemble de ses 4. autres freres, Iean, Simon, Eleazar & Ionathas. [impr. à Paris f°. par Antoine Bonnemere 1514. & au mesme lieu 8°. par Richard Roux 1556.

CHARLES GVILLARD Euesque de Chartres a escrit, Traicté familier des principes de nostre foy, pour seruir de Catechisme au diocese de Chartres. [impr. à Paris 8°. par Iaques du Puis 1565.

CHARLES DE HODIC, Seigneur de Annoc a escrit en Rime

L'Adresse du fouruoyé captif deuissant de l'estrif entre Amour & Fourtune, avec vne epistre enuoyee à vne noble dame blasonnât les metaux & couleurs de ses armes. [impr. à Paris 8°. par Iean Longis 1532.

CHARLES DE LA HVETERIE, natif d'Amboise
secretaire

secrétaire du Duc de Vendosmois a écrit en rime,
Le dangereux passage de vice & consolatif voyage de vertu. [impr. à Lyon 8°. par Pierre de sainte Lucie 1536.

Le Concile des dieux sur les tresheureuses & magnifiques nopces de treshaut & illustre Prince Jaques Roy d'Escoffe, & de treshaute & illustre Princeſſe Magdelene fille aînée du roy François premier de ce nom. Avec les nuptiaux Virelais dudit mariage, & vne Ballade. Le tout impr. à Paris 16°. sans datte. Prothologies Françoises, Orthodoxes commentaires aucunes dernières friuoles opinions. Avec Epitome des gestes presents, en rime leonine. Demande de seruire Royal en Epistres, Rondeaux, Balades. Contreblason de la beauté des membres du corps humain. [impr. à Paris 8°. sans datte.

CHARLES DE L'ESCLUSE a traduit de latin,
Les vies d'Annibal & de Scipion l'Africain. [impr. avec les vies des hommes illustres écrites par Plutarque, traduites par Amyot. [impr. à Paris f°. & 8°. par Vascosan.

Histoire des Plantes, en laquelle est contenue la description entière des herbes, leurs especes, forme, noms, temperament, vertus & operations par Rambert Dodoens medecin de la ville de Malines. traduite de bas Alemā en François par Charles de l'Escluse. [impr. en Anuers f°. par Christo. Plantin 1557.

Aromaticum & Simplicium aliquot medicamentorum apud Indos nascentium historia Lusitanica lingua per dialogos conscripta, Garcia ab horto autore, & latina facta in epitomemque contracta à Carolo Clusio Atrebat. [Excus. Antuerpie 8°. apud Christo. Plantinum 1567.

CHARLES, Cardinal de Lorraine Archeuesque de Rheims, Prince tresdocte a presché publiquement par plusieurs fois en la presence des feuz roys Henry 2. François 2. & Charles 1x. & a prononcé des harengues, desquelles les suivantes ont esté mises en lumiere.

Harangue au roy Charles 1x. à son entree en sa ville de Rheims en l'an 1561. [impr. à Rheims par Jean de Foigny.

Harangue prononcée au saint concile de Trente, mise de latin en François par Jaques Tigeou.

Oraison ou Harangue faite en l'assemblée du Colloque de Poissy le roy y estant le 16. Septembre 1561. [impr. à Paris par Guillaume Morel audit an.

Lettre à Madame de Guyse sa belle seur sur le trespas de feu son frere excellent Prince François de Lorraine Duc de Guyse lieutenant general pour le roy & grand-maître de France. [impr. à Lyon sur la copie de Paris par Benoist Rigaud 1563.

Harangue faite au roy au despartement du Clergé à Fontainebleau le 28. May 1573. [impr. à Paris audit an.

Sermon enseignant par quel moyen nous deuons preparer noz consciences pour receuoir Iesus-Christ venant à nous. [impr. à Paris dans vn liure intitulé La conionction des lettres & des armes &c.

CHARLES DE SAINTE MARTHE natif de Fontenay en Poictou a écrit:

La Poësie François de Charles de Sainte Marthe diuisee en trois liures contenant Epigrammes, Rondeaux, Ballades, chants Royaux, Epistres, Elegies. Plus vn liure de ses amys. [impr. à Lyon par Claude Nourry dict le Prince 1540. Il a escrit aussi en prose

Oraison funebre de l'incomparable royne de Nauarre Duchesse d'Alençon, impr. à Paris 4°. par Regnaud Chaudiere 1550.

In Psalmum nonagesimum pia admodum & Christiana meditatio per Carolam Sanctomarthanum Iuris utriusque doctorem.

Epigramme de Charl. de sainte Marthe à vn quidam qui se disoit homme de bien: qu'il m'a semblé bon mettre icy pour monstrier seulement le style de l'auteur.

*Tu te fais tant homme de bien,
Ce qui ne seroit peu de chose,
Ce neantmoins ie n'en croy rien,
Quoy que ton cerueau te propose:
Car le Sainct Euangile expose,
Que nul n'est bon fors seulement
Le Seigneur Dieu. Certainement
Tu n'es pas Dieu, mais pecheur. donques
Je te diray tout hautement
Qu'homme de bien tu ne fus onques.*

CHARLES DE LA MOTHE Conseiller du roy en son grand conseil a en sa librairie plusieurs beaux monumens de l'histoire de France ainsi que tesmoigne Bernard de Girard en la preface de son histoire de France, disant qu'il a en main les outils d'escire. A ceste occasion il pourra faire part aux François & autres de ce qu'il a de rare, & mettre en lumiere ses belles & doctes obseruations quand il luy plaira, pour l'vtilité publique.

CHARLES DU MOULIN Aduocat en la court de Parlement à Paris, Docteur és droicts, Iureconsulte de France & Germanie, maistre des Requestes ordinaire du roy de Nauarre a escrit, Sommaire du liure Analytique des contracts, vsures, rentes constitues, interestz & monnoyes, escrit premierement par luy en latin & mis en languaige François par luy mesmes. [impr. à Paris 4°. par Mathurin du Puis 1547. Abus des petites dattes, reseruations, preuétions, annates & autres vsurpations & exactions de la cour de Rome contre les edicts des roys de France. C'est vn commentaire resolutoire sur l'edict du roy Henry 2. des petites dattes & abus de cour de Rome ez benefices ecclesiastiques, fait iadis en latin par Charles du Moulin, & par luy mesme mis en François. [Impr. 4°. à Lyon 1564. Le latin auoit esté imprimé par Barthelemy Vincent 1552. Apres l'edition de ce liure le Pape Iules 3. & le roy Henry 2. qui se faisoient la guerre se reconcilierent. & feit tant le Pape que Du Moulin fut contraint de se retirer en Alemaigne à cause de ce liure, lequel fut tout incontinent censuré, dont ledit du Moulin ne laissa de se

de se vanter auoir par cet escrit contraint le Pape de rechercher la Paix, à telles conditions que le roy auroit voulu, ainsi qu'il escrit sur la fin du premier traité analityque qu'il a fait de *donationibus* en telles parolles. *Sic eodem fere tempore Iulium 3. Papam contra principem meum Francia regem armis furiose insurgentem, nec precibus, nec pretio, nec armis cedentem, unico libello adito, usque adeo perterrui, & in totius sui status discrimen adduxi, ut non solum arma ponere, sed etiam herbam porrigere, & omnes pacis conditiones, siue ex animo siue potius ex solita papis simulatione, offerre coactus sit.*

A ce liure fut aussi respondu par vn autre liure qui fut fait contre, intitulé *In Molinaum pro Pontifice maximo, Cardinalibus, Episcopis, totoque ordine sacro defensio, Autore Raymundo Rufo Iur. Doctore, Parisijs apud Pontium le Preux 1553. 8°. & à cetuy cy encores repliqué.*

Traicté de l'origine, progrez & excelléce du royaume & Monarchie des François & couronne de France. Par Charles du Moulin &c. impr. à Lyon 4°. à la Salemandre 1561. & à Paris 8°. en la rue des Porees à l'enseigne S. Julien 1561. Apologie de Charles du Moulin contre vn liure intitulé, La defence ciuile & militaire des Innocés & de l'Eglise de Christ. [impr. à Lyon par Jean de Tournes 1563.

Conseil sur le faict du Concile de Trente. [impr. à Lyon 8°. L'an 1594. Avec priuilege du Roy.

Le Coustumier du Pais & Duché de Bourbonnois. Avec le Proces verbal. Corrigé & annoté de plusieurs decisions & arrests par M. Charl. du Molin, Docteur es droicts, ancien Aduocat en la cour de Parlement de Paris. [impr. à Lyon 8°. par Barthelémy Vincent 1572.

Il a fait des commentaires latins sur les coustumes de Paris, & generalement sur le grand coustumier de France. [Impr. f°. par plusieurs fois.

CHARLES DE NAVIERES Sedanois a escrit vn Poeme historial diuisé en cinq chants, intitulé

La Renommée, sur les receptions du roy Charles 9. & de la royne Elizabeth d'Austriche à Sedan, Mariage d'iceux à Mesieres, Couronnement à S. Denys, & entrees à Paris. [impr. à Paris 8°. par Mathurin Preuost 1571.

Les Cantiques Saincts mis en vers François, partie sur chants nouveaux, & partie sur ceux d'aucuns psalmes. [impr. en Anuers 8°. par Christophle Plantin 1579.

Le Poeme de la Renommée commence ainsi:

La dedans les poinçons fumoit le moust d'Euan,

La sautoit de Cerez, le froment sur le van

Pour estre reserué à usure meilleure,

Au milieu de l'Autonne & iustement à l'heure

Que Phebus se haussant sortoit de la grande eau,

Et leuoit autant ia de son doré rondeau

Que la Lune en faict voir lors qu'elle diminue,

o

On

*Ou lors que presqu'elle est entiere deuenue:
 Quand'un vent tournoyant ainsi qu'un tourbillon
 Baloyant l'air serain comme fait l'Aquilon
 Me vint enueloper &c.*

CHARLES NEPVEV Maistre chirurgien de Compiègne a mis en lumiere,
 Les Aphorismes & Canons de chirurgie, recueillis d'Hippocrate, Aristote, Galien, Cornel. Celse, Nicolas Godin & autres. Plus aucunes annotations & commentaires sur le premier liure desdicts Aphorismes. [impr. à Paris 16°. par Gilles Gourbin 1578.]

CHARLES DES NEUF CHAISES, Sieur des Frères, gentilhomme ordinaire de la chambre du Roy, & Escuyer d'Escuyrie de Monseigneur le Duc frere du roy, a recueilly des Memoires du feu Messire Gaspar de Saulx, sieur de Tauannes, Marechal de France, son oncle, Instruction & Deuis d'un vray chef de guerre ou general d'armee. [impr. à Paris 8°. par Guillaume de la Nouë 1574.]

CHARLES DE ROVILON a escrit,
 Odes, Assauoir, Au roy d'Espagne: A Don Loys de la Cerda. Du iour auquel furent celebrees les nopces du sieur Marquis de Renty. Vœu à Apollon. à Christophle Plantin. à sa Muse. Le Combat de Daud & Goliath diuisé en 3. pauses: à Guillaume des Aurels. à André Smith. à Jeanne G. L'Ode perdue au ieu des Escheqs. Priere à Phebus. De la mort de Leander & de Ero. De la fiebure. à Charles Vtenhoue Gantois. Au Rossignol. A madame Marie de Montmorancy Comtesse de l'Alain. A madame Eleonore de Montmorancy dame de Buigny court. [impr. à Anvers 8°. par Christ. Plantin 1560.]

En l'Ode à Charles Vtenhoue.

*Mais ainsi que le Soleil
 Surpasse le taint vermeil
 De quelque estoile luyfante:
 Ainsi les gens de sçauoir
 Font entre les autres voir
 Leur doctrine florissante.*

*Siecle apres siecle suyuant
 Quelque homme docte & sçauant
 Surpasse ceux de son aage
 D'autant voire & plus encor
 Que le tresreluyfant or
 Sur l'Argent a d'auantaige.*

CHARLES ROZEL a traduit du latin de Claude Baduel,
 Oraison funebre sur le trépas de vertueuse dame Florette Sarrafië fille du premier president du parlement de Tholose, & femme du sieur de saint Veran. [impr. à Lyon 4°. par Iean de Tournes 1546.]

CHARLES SEVIN natif d'Orleans chanoine de S. Estienne d'Agen a escrit
 Dix Sermons ou exhortations au peuple chrestien, faicts pour obuier au peril des guerres ciuiles qui ont regné & regnent à present en ce royaume de France. [impr. à Paris 8°. par Nicol. Chesneau 1575.]

Compl

Complainte de la paix dechassée & bannie pour le iourd'huy hors du royaume de France, auquel elle souloit faire seur repos & gracieuse demeurance, adressée à iuges equitables & non suspects. [impr. à Paris 8°. par Claude Fremy 1579.]

C H A R L E S, D E S A I N C T S I M O N Seigneur de Saurcourra traduit du latin de Loys Blossius,

La Reigle de vie spirituelle, ou, le Paradis de l'ame fidele, liuret elegant & consolable autant que spirituel & propre contre la malice de ce temps. [impr. à Paris 8°. par Jean de Roigny 1564.]

C H A R L E S, T O V S T A I N a écrit
La Tragedie d'Agamemnon tirée de Senèque. Avec deux liures de chants de Philosophie & d'Amour. [impr. à Paris 4°. par Martin le Jeune 1556. François le Duchat a traduit la mesme tragedie.]

C H A R L E S, V T E N H O V E, Le fils, Gantois a écrit en six langues sçavoir, Ebrisy, Chaldaic, Grec, Latin François, Aleman & Flamen l'Epitaphe sur le trespas du roy treschrestien Henry roy de France, u. de ce nom. Autres Epitaphes par plusieurs auteurs sur le trespas du mesme roy. Plus, Epitaphes sur le trespas de Ioachim du Bellay Angeuin, poëte latin & François par ledit Vtenhoue & autres. *Accesserunt & aliquot ad Illustrium quorundam Gallie hominum nomina Allusiones. per eundem Carol. Vtenhouium.* Le tout Impr. à paris par Robert Estienne 1560.

L E C H A S T E L A I N D E C O V C Y a composé plusieurs chansons en langage romant qui suyuent celles de Monseigneur Gaces Brulez en vn volume écrit en main. De ce chastellain de Coucy, Claude Faucher president des monnoyes rapporte le tesmoignage d'une cronique qu'il a: aux mesmes paroles qui s'en suyuent. Ou temps que le roy Philippes regnoit, & le roy Richart d'Angleterre viuoit, il y auoit en Vermandois vn autre moult gentil, gaillard, & preux cheualier en armes, qui s'appelloit Regnault de Coucy, & estoit chastelain de Couci. Ce cheualier fut moult amoureux d'une dame du pais, qui estoit femme du seigneur de Faiel. Moult orent de poine & travail pour leurs amours, ce chastelain de Couci, & la dame de Faiel: si comme l'histoire le raconte qui parle de leur vie: dont il y a Romans propre. Or aduint que quand les voyages d'outre mer se firent, dont il est parlé cy dessus, que les roys de France & d'Angleterre y furent, ce chastelain de Couci y fut, pourco qu'il exercitoit volontiers les armes. La dame de Faiel quand elle sceut qu'il s'en deuoit aller, fist vn laqs de soye moult bel & bien fait, & y auoit de ses cheueux ouurez parmi la soye: dont l'œuvre sembloit moult belle & riche, dont il lioit vn bourrelet moult riche par dessus son heaume: & auoit longs pendans par derriere, à gros boutons de perles. Le chastelain alla outre mer, à grant regret de laisser sa dame par deça. Quand il fut outre mer il fit moult de cheualeries: car il estoit vaillant cheualier, & auoit grant ioye qu'on rapportast par deça nouvelles de ses faits, à fin que sa dame y prist plaisir. Si aduint qu'à vn siege, que les chrestiens tenoyent deuant Sarrafins outre mer, ce chastelain fut feru d'un quarel au coste bien auant: duquel coup il luy conuint mourir. Si auoit à sa mort moult grant regret à sa Dame: & pource appella

vn sien Escuyer, & luy dit, le te prie que quand ie seray mort, que tu prennes mon cœur, & le mete en tel maniere, que tu le puisse porter en France à ma dame de Faiel, & l'envelope de ces longes icy: & luy bailla le tas que la dame auoit fait de ses cheueux, & vn petit escriniet où il auoit plusieurs anelez & diamans, que la dame luy auoit donnez: qu'il portoit tousiours auant luy, pour l'amour & souuenance d'elle. Quand le Cheualier fut mort, ainsi le fit l'escuyer: & prist l'escriniet, & luy ouurit le corps, & prist le cœur, & sala & confit bien en bonnes espices, & mit en l'escriniet avec le tas de ses cheueux, & plusieurs anelez & diamans que la dame luy auoit donnez, & avecques vne lettres moult piteuses, que le chastelain auoit escrites à sa mort & signees de sa main. Quand l'Escuyer fut retourné en France, il vint vers le lieu où la dame demouroit: & se bouta en vn bois pres de ce lieu: & luy mesaduint tellement, qu'il fut veu du seigneur de Faiel, qui bien le cogneur. Si vint le seigneur de Faiel à tout deux ses priuez en ce bois, & trouua cest escuyer: auquel il vult courir sus en despit de son maistre, qu'il hayoit plus que nul homme du monde. L'Escuyer luy cria merci: & le cheualier luy dit, Ou ie te occiray, ou tu me diras où est le Chastelain. L'escuyer luy dit, qu'il estoit trespaslé: & pource qu'il ne l'en vouloit croire, & auoit cest escuyer paour de mourir, il luy monstra l'escriniet pour l'en faire certain. Le seigneur de Faiel prist l'Escriniet & donna congé à l'escuyer. Ce seigneur vint à son queux, & luy dit qu'il mit le cœur en si bonne maniere, & l'apareillasse en telle confiture, que on en peut bien manger. Le queux le fit: & fit d'autre viande toute pareille, & mit en bonne charpente en vn plat: & en fut la dame serue au disner: & le seigneur mangeoit d'une autre viande qui luy ressembloit: & ainsi mangea la dame le cœur du Chastelain son ami. Quand elle ot mangié, le seigneur luy demanda, Dame avez vous mangé bonne viande? & elle luy respondit, qu'elle l'auoit mangé bonne: il luy dit, Pour cela vous l'ay-ie fait apareiller, car c'est vne viande que vous avez moult aimée. La dame qui iamais ne peust que ce fut, n'en dit plus rien. Et le seigneur luy dit de rechef: Sçavez que vous avez mangé? & elle respondi, que non: & il luy dit adonc, Or sachiez que vous avez mangé le cœur du Chastelain de Coucy. Quant elle ot ce, si fut en grand pensée pour la souuenance qu'elle eut de son amy: mais encores ne peut elle croire ceste chose, iusques à ce que le seigneur luy bailla l'escriniet, & les lettres. Et quant elle vit les choses qui estoient dedans l'escrin, elle les cogneur: si commença lire les lettres, quant elle congneut son signe manuel & les enseignes. Adonc commença fort à changer, & auoir couleur: & puis commença forment à penser. Quand elle ot pensé, elle dit à son seigneur: Il est vray que ceste viande ay-ie moult aimée: & croy qu'il soit mort, dont est damage comme du plus loyal Cheualier du monde. Vous m'avez fait manger son cœur, & est la dernière viande que ie mangeray onques: ne onque ie ne mangé point de si noble, ne de si gentil. Si n'est pas raison que apres si gentil viande, ie en doye mettre autre dessus: & vous iure par ma foy que iamais ie n'en mangeray d'autre apres ceste cy. La dame leua du disner, & s'en alla en sa chambre, faisant moult grant douleur: & plus auoit de douleur qu'elle n'en monstroït la chere. Et en celle douleur a grands regrets & complaints de la mort de son ami, fina sa vie & mourut.

& mourut. De ceste chose fut le seigneur de Faiel courroucé, mais il n'y peut mettre remede, ne homme ne femme du mode. Cette chose fut sceüe par tout le païs, & en ot grant guerre le seigneur de Faiel, aux amis de sa femme: tant qu'il conuint que la chose fut rapaisée du Roy & des Barons du païs. Ainsi finirent les amours du Chastelain de Couci, & de la dame de Faiel. On eust peu mettre la mesme histoire, en autre langage: mais pour plus grande autorité, il a esté meilleur copier ce qui s'est troué de ces amours estranges & merueilleuses. Ceux qui ont escrit des poëtes Prouençaux, font ce mesme conte de Tricline Carbon nelle, femme de Raimond de Silhans seigneur de Roussillon, amie de Guillem de Cabestan poëte Prouençal. Et Bocace en dit presque autant, de la femme du Comte de Roussillon, en la ix. nouuelle de la 1111. iournee de son liure appelé Decameron. Toutesfois Claude Foucher assure que ceste histoire est dans vne bonne chronique qu'il a escrite auant cc. ans. Tant y a que les amours du Chastelain de Couci, sont remarquées anciennement, pour grandes & penibles: ainsi que dit l'auteur incertain d'une chanson commençant,

Le Chastelain de Couci ama tant

Qu'ains por amer nus riens ot dolor graindre,

Porce ferai ma complainte en son chant.

& Eustaces li Peintres, se plaignant à sa dame, dit que Tristan, le Chastelain, & Blondiaux, n'aimerent onques de telle maniere. De sorte que par ces tesmoignages, on peut estimer cete Chronique veritable en cest endroit.

CHELIDONIVS.

Institution du Prince. Voyez Pierre Boiustau.

Maistre CHEVALET (son propre nom m'est incertain) a composé en rime par personnages

La vie de S. Christophle. [Impr. à Grenoble aux despens d'Annemond Ancelbert 1530.

CHRISTIEEN DE TROYES. Est grandement loué par Huon de Meri autre ancien Poëte, son contemporain, disant:

*Car tel matiere ai pourpensée,
Qu'onques mes not en sa pensée
Ne Sarraïns ne Chrestiens,
Parce que mort est Chrestiens
De Troie qui tant ot de pris. & à la fin,
T m'ait diex Huon de Meri,
Qui a grand peine a fait cel liure,
Qu'il ne sot pas prendre a deliure
Li bel François a son talent,
Que cil qui trouuerent auant
Ont recæuilli toute l'eslite:
Porc' est ceste œuvre meins eslite,*

o 3

Et

*Et fu plus for a acheuer:
 Mout mis grant peine a eschiuer
 Les dix Raoul & Christians,
 Qu'onque bouche de Christians
 Ne dit si bien comme il disoyent.*

Claude Fauchet dit qu'allant en vne imprimerie, il trouua que les imprimeurs se seruoient à remplir leur timpan d'une feuille de parchemin bien escripte: où ayant leu quelques vers assez bons, il demanda le reste: & lors on luy monstra environ huit feuilles de parchemin, toutes de diuers cahiers, mais de pareille ryme & subiect: qui faisoit croire que c'estoit d'un mesme liure. Le premier monstroient euidentement l'auteur, & pource qu'il craignoit que le reste fust perdu, il en copia tout ce que lors luy sembla bon. Le Romans du Graal commence ainsi,

*Qui petit seme petit cuelt,
 Et qui auques recœuillir velt
 En tel leu sa semence espanse
 Que fruit a cent doubles luy rende:
 Car en terre qui rien ne valt
 Buene semence seche & falt.
 Christians seme & fet semence
 D'un Romans que il encomence,
 Et si le seme en si buen leu
 Qu'il ne puet estre sans grant preu.
 Qu'il le fet por le plus preudhomme
 Qui soit en l'empire de Romme,
 C'est li quens Phelipe de Flandres.*

Ce Philippes fut nommé Philippes d'Alsatie, & tenoit le comté, l'an M. C. LXVIII. mourut l'an M. C. XC I. Il appert que ledit Christien a nommé vn de ses œuvres, le Romans du Graal, puis qu'il dit,

*Christians qui entent & paine
 A rimoyer le meillor conte,
 Par le commandement le Conte,
 Qu'il soit contez en cort royal.
 Ce est li contes del Graal,
 Dont li quens li bailla le liure.*

Ce qui monstre que partie des Romans ont esté en prose premier qu'en ryme: mais ie croy bien que ceux que nous auons auourd'huy imprimez; tels que Lancelot du Lac, Tristan, & autres; sont refondus sus les vieilles proses & rymes, & puis refraichis de langage. Il continua le Romans de la Table ronde: & Huon de Mer

de Meri ha bonne raison de le nommer le premier de ceux de son temps: car il y a d'assez bons traits, que ledit Fauchet rapporte à fin qu'il prenne enuie à ceux qui en ont des liures entiers, de les garder & ne les vendre pour les perdre ainsi qu'ont esté ceux dont il a retiré ces pieces. En fin il trouua que la pluspart des feuilles susdites, estoient d'un Roman portant le nom du Cheualier au lion: auquel ont esté trouuez tous ces beaux traits, comme ceste description de Printemps:

*Ce fu el tems qu'arbres flourissent,
Feuilles boscages pernerdissent.*

Comment voudriez vous dire en deux mots *folia siluestria*, que par ces deux, Feuilles boscages: car on disoit Bos pour bois, dont vient Bocheron. Au cahier de la table ronde & parmi d'autres feuillets, il fait vne assez bonne description de l'ouye:

*Puis que vos plait or m'escontez,
Cuer & oreilles me prestez:
Car parolle ouie est perdue
Selle n'est de cuer entendue.
Quas oreilles vient la parolle
Ainsi com li vens qui vole,
Mes ni areste ne demore
Ains sen part en molt petit d'ore,
Se li cuers nest si eueillez
Qual prendre soit apareillez,
Et quil la puisse en son venir
Prendre & enclorre & retenir:
Les oreilles sont voie & dois
Par ou vient insqu'au cuer la vois:
Et li cuers prent dedans le ventre
La voix qui par l'oreille y entre:
Et qui or me voudra entendre
Cuer & oreilles me doit tendre.*

Quant au vers qui dit, Les oreilles sont voye & dois: ce mot Dois signifie conduit ou canal, tesmoing vn vers de la premiere chanson de Monseigneur Gaces Brulez,

*Au renouuius de la doucour d'esté,
Que reclaircit li dois en la fontaine.*

Et encores en Normandie on appelle douit vn canal. Il décrit vne deconfiture de gens ainsi, qu'il ensuir.

*Et cil qui chassent les destranchent.
Et lors cheuaux lor eboellent,*

*Les vifz desor les morts roëllent,
Qui s'entrafolent & occient,
Laidement s'entrecontralient.*

Iy ay trouué de bons prouerbes & sentences, comme,

*Car se seroit trop vilain ieux,
De un dommage fere deus. &
Qui a venimeux & a felon
Ne doit on faire se mal non. &
Car tiex a pauure cuer & lache,
Quant voit un preudhom qui entache
Desor soi tote une besongne,
Que maintenant honte & vergongne
Li cort sus & si iette fors,
Le pauure cuer qu'il a el cors:
Et si li donne plainement
Cuer de preudhomme & hardement:*

Au Romans du Cheualier au Lyon qui est de luy mesme:

*Li autres parloyent d'Amors,
Des angouisses & des Dolors,
Et des grans buens que ont souuent,
Les desciple de son conuent,
Qui lors estoit riches & buens,
Mes or y a petit des suens,
Car bien pres lont tretuit laissié,
Sen est Amor molt abessié:
Car cil qui soloient amer,
Se faisoient cortois clamer,
Et prou & large & henorables,
Or est amors torné en fables,
Porce que cil qui rien n'en sentent
Dient qu'il aiment, & si mentent:
Et cil fable & mensonge en font,
Qui sen vantent & rien n'i ont.
Mais por parler de celz qui furent,
Laiissons celz qui en vie durent,
Qu'encor valt miex, se m'est auis,
Un cortois morts qu'un vilain vis.*

Il me semble que ces quatre vers derniers sont de bonne inuention, & qu'il faut ainsi les interpreter, Qu'un homme iadis courtois, encores qu'il soit mort, est ramentu en la bouche de ceux qui l'ont connu, & peut seruir d'exemple aux autres

autres: là où le Vilain ne vault ne vult ne vif. Entores,

Il ni a courtoisie ne fen

En plait doiseuse maintenir,

Tousiours doit li suuier puer,

Et tabans poindre & maloz bruire,

Enuious enuier & nuire.

Geoffroy Thori de Bourges au liure sus allagué, dit auoir veu les ceures de ces deux bons peres en la possession de frere René Massé, religieux de Vandosme: & que ce Christien a composé vn liure intitulé le Cheualier à l'espee, & vn autre nommé Perceual dédié à Philippes Comte de Flandres, qui est coluy duquel j'ay parlé cy dessus. Ce qui suit, est du Roman du Cheualier au Lyon,

Car molt est fox qui se demore

De son prou fere vne sole hor.

& d'vne Dame qui se faisoit prier d'espouser vn qu'elle aimoit.

Et les prieres riens ni grient,

Ains li esmoenent & sostienent

Le cuer a fere son talent.

Li cheuaux qui pas ne va lent,

S'efforce quant lon l'esperonne, &c.

Ce peu que ledit Claude Fauchet en a veu, luy fait iuger qu'il y auoit beaucoup de belles & gentilles inuentions, & que Huon de Meri ha bonne cause de le louer.

CHRISTINE DE PISE a escrit,

Le Tresor de la cité des dames diuisé en deux parties par chapitres. Tresvile pour l'introduction des Roines, Dames, Princesses & femmes de tous estars, auquel elles pourront voir la grande & saine richesse de route Prudence, Sagesse, Sapience, honneur & dignité dedans contenues. [impr. à Paris 8°. par lea André 1536. Elle a escrit aussi en rime,

Le chemin de long estude, où est descript le debat esmeu au parlement de raison, pour l'election du prince digne de gouverner le monde, lequel liure elle dedia au Roy Charles sixiesme, & a esté traduit en prose par Jean Chaperon dit lassé de Repos, & impr. à Paris 16°. par Estienne Groulleau 1549.

CHRISTOPHLE DE BARROVSO a composé en vieille rime,

Le Iardin amoureux, contenant toutes les reigles d'amour. Avec plusieurs lettres missiues aussi en rime tant de l'Amant comme de l'Amit. Et pour voir comme lon parloit & escriuoit en ce temps en fort mauuais langage, oyez comme presque au commencement du liure il dit inuoquant la Muse Calliope:

Jncite ma langue & trempe ma plume

Jnonde mon sens de ton tresdoux flume

De parsonde maniere en telle eloquence

Que puisse rimer en ceste matiere

Agreable

Agreeable chose à la mie d'ine
A laquelle ie suis à tous les iours que ie viue.

N'estce pas vne belle diſtion & rime de bonne meſure? Ce liure a eſté imprimé à Lyon 8°. l'an 1501. ſans nom d'imprimeur, & ſans datte.

CHRISTOPHLE DE CATTAN gentilhomme Geneuois a eſcrit en langaige François

La Geomance, diuiſee en trois liures non moins plaiſans & recreatifs que d'ingenieuſe inuention, pour ſçauoir toutes choſes preſentes, paſſees & à aduenir Aueq̃ la rouë de Pythagoras. Le tout mis en lumiere & rendu plus intelligible qu'il n'eſtoit au commencement, eſtant le langage en pluſieurs lieux obſcur, difficile & manque, & plus Italien que François pour eſtre l'auteur peu exercité en noſtre langue François, par la diligence & correction de Gabriel du Preau. [Impr. à Paris 4°. par Gilles Gilles 1567.

CHRISTOPHLE CHEFFONTAINES dict Penſentenyou, religieux de l'ordre S. François de la prouince de Bretagne du conuent de Cuburiën pres Mourlaix, & deſpuis miniſtre general dudit ordre a eſcrit,

Reſponſe familiale à vne Epiſtre eſcrite contre le liberal arbitre & les merites des bonnes œuures, par laquelle lon donne vne couuerture d'accord fort aiſee & amiable pour vuidier tous les differens & controuerſes qui ſont entre les chreſtiens touchant leſdites matieres. [Impr. à Paris 8°. par Eſtienne Petit 1568. La deſenſe de la foy de noz anceſtres contenant 15. chap. où ſont declarez les Stratagemes & ruſes des heretiques de noſtre temps. [Impr. à Paris 8°. par Claude Fremy 1570.

Second liure de la deſenſe de la foy de nos anceſtres, Auquel la preſence reale du corps de noſtre Seigneur au S. Sacrement eſt prouuee par plus de 350. raiſons. [Impr. à Paris 8°. par Pierre l'Huillier 1571.

Chreſtienne confutation du poinct d'honneur ſur lequel la nobleſſe fonde aujourdhuy ſes quereles & monomachies, deduiſte en vn traiſté de quatre chapitres & oultre ce en 3. Dialogues enſuiuans. [Impr. à Paris 8°. par Pierre l'Huillier 1571.

CHRISTOPHLE HEBRARD de S. Supplice Abbé de Marcilhac & chancelier de l'Egliſe cathedrale & Vniuerſité de Cahors en Quercy a traduit

Sermons de S. Baſile le grand Archeueſque de Ceſaree. [Impr. à Paris 8°. par Iean de Heuqueuille 1580.

CHRISTOPHLE LANDRE Docteur en Medicine a eſcrit

L'œcoiatrie, laquelle contient en ſoy grands ſecrets ſoubs choſes domeſtiques & de nul pris, aſſauoir des remedes qu'on peut tirer des fiantes tant de l'homme que de pluſieurs autres animaux, des vrines, des os, des limaçons, de la carie ou pourriture des bois, des coquilles des noix, des cornes, des vieilles tuylles & pots caſſez, des boues ou fanges des rues, de la fuye, des punaiſes des lits, des vieux ſouliers, de la cendre, des yraignes & de leurs toiles, du verre, de la coquille

coquille des œufs & de plusieurs autres. [impr. à Nerac par G. Goubert sans date.

CHRISTOPHLE DE MADRID. Voyez M. Vasquin.

CHRISTOPHLE DV PRE.

Les larmes funebres de Christophle du pré Parisien, sieur de Passy, contenant 75. sonnets & 3. Odes, où il deplore la perte qu'il a fait de sa chere moitié morte. [impr. à Paris 4°. par Mamert Patisson 1577.

SONNET VI.

*L'esprouue maintenant qu'il n'est rien en ce monde
Surquoy l'homme mortel puisse faire dessein:
Ce qu'il pense tenir luy glisse de la main:
Le malheur nous poursuit comme une onde une autre onde.*

*Ma fortune un petit n'a point eu de seconde
Et si desesperé languissant, ie me plain,
L'en ay l'occasion, au lieu d'un beau serain
Je ne voy que l'horreur d'un orage qui gronde.*

*Mon heur ne s'est monstre non plus que le Soleil,
Qui dès qu'il est leué disparoit de nostre œil:
Mais si i eusse de loin la sagette aduissee
De laquelle nos nœuds sont d'ensemble desioins,
J'auroy moins de douleur de vous voir diuissee.
Le dard qu'on a preueu nous offense le moins.*

CHRISTOPHLE RICHIER.

Les conquestes & origine des Turqs. Voyez Jean Millet.

CHRISTOPHLE DE LA RIVIERE Prestre a escrit,
Antidotaire spirituel de l'ame. [impr. à Lyon 16°.

CLAUDE D'ALBON Dauphinois Aduocat à Grenoble a escrit
De la Maesté Royale, institution & preminence, & des faueurs diuines particulières enuers icelle, Traicté contenant 17. articles. Plus
De la creation Imperiale. Et des moyens de creer les Empereurs, despuis le premier iusques à nos temps. De l'imposition de trois couronnes, institution des sept Electeurs, droit, office, & ordre d'iceux. Le tout impr. à Lyon 8°. par Benoit Rigaud 1575.

CLAUDE BADVEL. Voyez Charles Rozel. Guy de la Garde.

CLAUDE BARTELEMY BERNARD de Rhion a escrit,

L'histoire de Rhion chef d'Auvergne, au parauant escrete en latin en vn liure
escrit à la main, & impr. avec le Sympose, Odes & Epigrammes dudit Bernard
à Lyon 16°. par Jean d'Ogerolles 1559.

Il a aussi traduit en rime François par forme de Paraphrase,

L'Epistre

L'Epistre de saint Paul aux Romains. Plus L'hymne de Prime & le Pſalme 106. de Daud. [impr. à Lyon 16°. par Jean d'Ogerolles 1560.

Les autres Epistres du mesme Apostre par luy acheuees de traduire huit iours seulement deuant sa mort, Non imprimees, & sont entre les mains de Jean d'Ogerolles maistre imprimeur de Lyon.

CLAUDE DE BAVFREMONT Seigneur & Baron de Senefcey, cheualier de l'ordre du Roy, gentilhomme ordinaire de sa chambre, & enseigne de cent homme d'armes de ses ordonnances sous la charge de Monsieur le duc de Guyse a mis par escrit:

Proposition pour toute la Noblesse de France par luy faicte en l'assemblee generale des Estats de ce royaume tenus en la ville de Bloys l'an 1577. [Impr. à Paris 8°. par Mathurin Breuille au mesme an.

CLAUDE BERTHOT a traduit du latin de Jean Cochleus La probation du purgatoire extraite de la Sainte escriture & des plus anciens docteurs de l'Eglise. [Impr. à Lyon 16°. par Michel Ioue 1562.

CLAUDE BINET de Beauuaisin a escrit quelques poësies, diuerſes. Ode triôphale sur l'arriuee d'Elizabeth d'Autriche royne de Frâce. Ode sur la naissance & triomphant baptême de Madame Marie Isabel de Valois fille du tres chrestien roy Charles 1^x. L'Adieu de la Frâce au Serenissime roy de Poloi-gne Duc d'Anjou. Chant forestier, ou le chasseur au seigneur Amadis Iamin. Gayeté du Printéps, A ses amis, les inuitât aux châps. Autre Gayeté. Epitaphes. Deploration des miseres humaines, sur la mort de Jean Binet. Cōplainte sur le trespas de Iaques Greuin de Clermont en Beauuaisin. L'Aymant. Odelette. La complainteamoureuse du Satyre. Chanſon, Anagrammes. Le tout imprimé. Vœu d'un Marinier ou pescheur, au dieu Neptune. Vœu d'un berger à la deesse Venus. Pour vne Mascarade. Sonnets en nombre 13. Epigrammes. Le tout imprimé à Paris, & despuis à Lyon.

CLAUDE BLANCHEROS Medecin de la Princesse d'Anrenge a escrit,

Salutifere & vtile conseil avec vn regime bié laconique ou bref pour pouruoir aux tresdangereuses maladies ayans cours en l'an 1531. [imp. à Lyon 8°. audit an.

CLAUDE DE BOISSIERE Dauphinois a escrit, L'Art d'Arithmetique contenant toute diméſion singuliere & commode tant pour l'art militaire que autres calculations. [impr. à Paris 4°. par Annet Briere 1554.

Le tres excellent & ancien ieu Pythagorique, dict Rythmomachie fort propre & vtile à la recreation des esprits vertueux, pour obtenir vraye & prompte habitude en tout nombre & proportion: disposé par ordre, illustré & amplifié par ledit de Boissiere, & impr. à paris 8°. par Guillaume Cauellat 1556.

Les Principes d'Astronomie & Cosmographie. Avec l'vsaige du globe, traduit du latin de Gemma Frizon. Plus l'vsage de l'anneau astronomique par ledict Gemma Frison, & l'exposition de la mappemonde composee par ledit traducteur. [impr. à paris 8°. par Guillaume Cauellat 1556.

CLAUDE DE CALVIAC a escrit, La ciuile hōnesteté pour les enfans. [impr. à paris 8°. par Richard Breton 1559.

CLAV

CLAUDE CHAMPIER Lyonnais a escrit

Le second liure du catalogue des antiques erections des villes & citez, fleuves & fontaines assises ez Gaules Celtique, Belgique & Aquitanique. Avec vn traité des fleuves & fontaines estans esdites Gaules. Dont le premier liure a esté fait par Gilles Corrozet. [impr. à Lyon 16°. par Pierre de Tours 1573.

CLAUDE CHAPPVIS de Touraine Valet de chambre ordinaire du roy François premier du nom, & garde de sa librairie, a escrit en rime Française,

Le Blason de la main, le blason du ventre, le blason de la partie secrete & hon-teuse de la femme, le blason de celle de la pucelle. [impr. avec les blasons anatomiques du corps féminin faicts par diuers auteurs à Lyon 16. par François Iuste 1537.

Discours de la court. [impr. à Rouen 8°. par Claude le Roy & Nicolas le Roux 1543.

Le Sacre & couronnement du tresauguste & treschrestien roy Henry deuxiesme de ce nom à Rheims l'an 1547. au mois de Iuillet. [Impr. à Paris 4°. par André Roffet 1549.

Au discours de la court:

*Plusieurs ont dit que Fortune est portiere
De ceste court, à aucuns mal traictable,
Aux autres doulce, & mere fauorable:
Et qu'aux uns nuyt & les autres supporte:
Mais quoy que soit, tout debout à la porte
J'ay apperceu sur vne boule ronde
Vne Deesse en chevelure blonde,
Qui regardoit çà & là toute nue,
Courrant son nez pour estre peu cogneüe,
Voulant donner ou denier l'entree
A qui luy plait, quand elle est rencontree.
Chaulue est derriere, & deuant si tu veux
L'apprehender ce ne sont que cheueux.
Je ne sçay pas si c'est illusion,
Mais ie la pris pour dame Occasion
Qu'on doit chercher ainsi que ie l'entens:
Selon le lieu, les hommes, & le temps:
Et à chacun il la conuient attendre
Pour paruenir où l'on veult entreprendre:
Car point ne faut souffler contre le vent.
Elle peut plus que la loy bien souuent
Lon est receu par elle ou reietté.*

CLAUDE CHAUDIERE Parisien a escrit en 37. chap.

P

L'acc

L'accord de vertu, à la vie humaine. [impr. à Rheims 8°. l'an 1557.

Les Principes & fondemens de Grammaire Latin François. Avec les accens. [impr. à Paris 8°. & depuis à Lyon par B. Rigaud 1575.

CLAUDE COLET Champenois a écrit
L'oraison de Mars aux dames de la court, Ensemble la réponse des dames à Mars, où sont adioustées aucunes autres œuvres poétiques dudit auteur. [impr. à Paris 8°. par Chrestien Vvechel 1548. *rime.*

Le neuuiesme liure d'Amadis de Gaule traduit d'Espagnol, auquel sont contenus les gestes de Dom Florisel de Niquee, qui fut fils d'Amadis de Grece & de la belle Niquee. Ensemble de deux autres fils & fille engendrez insciemment par iceluy Amadis en la royne Zahara de Caucaze. [impr. à Paris f°. & 8°. par Jean Longis & Vincent Serrenas.

Histoire Palladienne traitant des gestes & faicts d'armes & d'amours de Palladion fils du roy Milanor d'Angleterre, traduite d'Italien. [impr. à Paris f°. par Estienne Groulleau 1555.

CLAUDE COTEREAU chanoine de Paris a traduit de latin
Les douze liures de Lucius Iunius Moderatus Columella des choses rustiques. [impr. à Paris 4°. par Jacques Keruer 1555.

CLAUDE DE CVZZI a écrit,
Le Philologue d'honneur. [impr. à Paris 16°. par Charles l'Angelier 1537.
Il a traduit,

L'Oraison que Ciceron prononça le iour deuant qu'il allast en exil deuant les cheualiers & peuple de Rome. Ensemble l'Oraison qu'il fit depuis son rappel & retour à Rome. [impr. à Paris 8°. par Simon de Colines 1541.

CLAUDE DARIOT Medecin à Beaune a écrit,
Introduction au iugement des Astres. Avec vn traité des elections propres pour le commencement des choses. [impr. à Lyon 4°. par Maurice le Roy 1558.
Premier discours de la preparation des medicamens, contenant les raisons pourquoy & comment ils le deuoyent estre. Plus y sont accordez les poincts principaux differents entre les medecins Galenistes & Paracelsistes. Avec la declaration des principes & fondemens de Paracelse. [impr. à Lyon 8°. par Charles Pesnot 1582.

CLAUDE DAVID a écrit quelques rimes, & trois Epigrammes Françaises sur le tombeau d'Oronce Finé Mathematicien insigne. [imprimees dans vn liure intitulé *Funebre Symbolum virorum aliquot doctorum de viro doctiss. Orontio Finao.* [à Paris 8°. par Gilles Gourbin 1555.

CLAUDE DESPENCE Docteur en Theologie en l'vniuersité de Paris a écrit,
Institutiō d'un prince Chrestien. [impr. à Lyon 16°. par Thibault payen 1549.
Paraphrase ou meditation sur l'oraison Dominicale. Sermons de Theodorit euesque Cyrien, auteur Grec, assauoir le 9. & 10. le premier traitant de la vie eternelle, & de la resurrection de la chair; & le second de la prouidence de Dieu & de l'incarnation du Seigneur. Sermon de saint Anselme sur l'Euangile des deux seurs, accommodé au iour de l'Ascension. Homilies sur la parabole de l'enfant prodigue. Le tout imprimé 16°. à Lyon par Jean de Tournes 1550.

Les hom

Les homelies sur la parabole de l'enfant prodigue ont esté imprimees à part à Paris par Jean Ruelle, comme aussi les deux sermons de Theodorit.

Traicté contre l'erreur vicil & renouuéllé des predestinez. [impr. à Lyon 8°. par Jean de Tournes, & à Paris 16°. par Jean Ruelle 1556.

Oraison funebre ez obseques de messire François Ollivier en son viuant chevalier & chancelier de France, prononcee à saint Germain de l'Auxerrois à Paris le 29. Avril 1560. & imprimée 4°. par Mich. Vascofan 1561.

Oraison funebre ez obseques de tres-haute princesse Marie par la grace de Dieu royne douairière d'Escoffe, prononcee à nostre Dame de Paris le 12. d'Aoust 1560. [impr. 4°. par Michel de Vascofan. 1561.

Exposition du Psalme cent trente, *Domine non est exaltatum cor meum*. par forme de sermon. [impr. à Paris 8°. par Vascofan 1561.

Traicté de l'efficace & vertu de la parole de Dieu au ministère des saints Sacremens de l'Eglise. Avec les versions d'un Sermon de Theodoret des saints martyrs : d'une homelie de S. Jean Chrysostome : du labour & honneur des saints : & de deux sermons du mesme auteur sur le Symbole des Apostres. [le tout imprimé ensemble à Paris 8°. par Federic Morel, & par Oudin petit 1563. Cinq Sermons ou traictés, le 1. de l'honneur des parens : le 2. des traditions humaines : le 3. des traditions ecclesiastiques : le 4. de l'usage de la benediction en la vieille loy : le 5. de la benediction en la nouvelle loy. [impr. à Paris 8°. par Nicolas Chesneau 1562.

Apologie contenant amples discours, expositions, réponse & defense de deux conferences, avec les ministres extraordinaires de la religion pretendue reformée en ce royaume. [impr. à Paris 8°. par Nicol. Chesneau 1569.

Continuation de la tierce conference avec les ministres extraordinaires de la religion pretendue reformée en ce royaume, touchant l'efficace & vertu de la parole de Dieu ez saints Sacremens de l'Eglise. [impr. à Paris 8°. par Nicolas Chesneau 1570.

Deux Oraisons ou declamations du Tressaint & tressage archeuesque de Thessalonique Gregoire Palamas, par forme de dialogue, plaidoyer, & jugement, l'ame accusant le corps & le corps au contraire se defendant, & ne niant simplement, mais colorant son fait : Avec la sentence des iuges. mise de Grec en François par ledit sieur d'Espence, & [Impr. à Paris 8°. chez Martin le Jeune 1570.

Les dix livres de la memoire des choses chrestiennes tirez de l'histoire ecclesiastique d'Eusebe Evêque de Césaire & de Ruffin patriarche d'Aquileie, le tout abrégé par Haymo Evêque de Halberstat : traduits par le mesme d'Espence, & impr. apres son decez 8°. à Paris à la diligence de Guy Gauffart, par Guill. Chaudiere 1573.

Apophthegmes ecclesiastiques, ou plustost abrégé d'histoire, contenant tous les faits & dicts memorables advenus depuis la mort de nostre Seigneur Jesus Christ, iusque à l'Empereur Phocas, qui sont six cens ans. [impr. aussi apres son decez par la cure dudit Gauffart 8°. chez Federic Morel 1578.

Qu'il est nécessaire à un Prince sçavoir les lettres. [Imprimé à Paris 4°. par André Vvechel.

In priorem D. Pauli ad Timotheum epistolam commentarij & digressiones, collectore Claudio Espencao. Accessit obiter per eundem, De clandestinus matrimonij consilium. [Excus. Lutetia Parisiorum f°. Apud Mich. Vasosanum 1561.

In posteriorem D. Pauli ad Timotheum epistolam commentarius cum digressionibus 33. seu totidem locis communibus, bona ex parte ad hodiernas in religione controuersias spectantibus: inter quas peculiaris est tractatus de uno dei atque hominum mediatore deo, homine Iesu Christo. [Excus. Paris. f°. apud Nicol. Chesneau 1564.

In Epistolam D. Pauli ad Titum commentarius, cum aliquot digressionibus, seu totidem locis communibus, bona ex parte ad hodiernas in religione controuersias spectantibus. [Excus. Parisys 8°. apud Nicolaum Chesneau 1568. Eiusdem de lectione librorum suspectorum.

De continentia &c. Parisys 8°.

De cœlorum animatione ex Theologis & Philosophis collectanea cum resolutione catholica. Paris. 8°. apud Michaellem Sonnum 1572.

Tractatus sex de varijs rebus sacris videlicet de predicationis intermissione & unitate seruanda. 2. De officio pastorum quod constat exemplo vite, oratione, doctrina, & sacramentorum ministerio. 3. De vi verbi dei in sacris ecclesia ministerij collatio habita Sangermani cum ministris extraordinarijs per Episcopos & Theologos à rege Christianiss. deputatos. 4. De ablutione pedum ad sacrosanctam cœnam dominicam preparatoria. 5. De triplici francorum liliorum incremento, hoc est literarum, religionis & armorum, apud maiores nostros priscos Gallos atque Francos cultu & studio. 6. Quod principem literarum sacra, tum humana deceant. Paris. 8°. apud Federicum Morellum 1565.

Collectarum Ecclesiasticarum liber unus, videlicet dominicalium. Et de præcipuis Domini nostri Iesu Christi festis, uersibus Latinis & rhythmis gallicis paraphrasticè redditis. Eiusdem Espencai De collectarum in ecclesia latina origine, antiquitate, authoribus, ratione atque usu. De filij item, & spiritus sancti inuocatione, & de sacrorum Bibliorum, & scriptorum ecclesiasticorum diuina Poësi Commentarius. Paris. 8°. apud viduam Guill. Morelly 1566.

Vrbianarum meditationum Elegie duæ. Eucharistia. Parasceue. Aenigma. Paris. 8°. apud Federicum Morellum 1563.

Hodoiparicor seu Sylua, cui titulus Godescum Scholys, in ea præsertim quæ ad Theologiam pertinent. 8°. apud eundem Morellum 1565.

Oratio Manassæ Regis Iuda, cum captiuus Babylone teneretur. Hieremia propheta

*propheta Epistola carmine latino reddita. Ex officina Federici Moreli
li 1566.*

*Sacrarum heroidum liber cum prefatione, de profectu ex gentiliam libro-
rum lectione percipiendo. Et Scholijs in singulas Epistolas, eorum presertim
que ad Theologiam pertinent. Paris. apud Nicol. Chesneau 1564.*

*Cl. Espencei De Eucharistia eiusque adoratione lib. 5. Eiusdem tractatus
de utraque missa, quarum alteram publicam, alteram privatam nonnulli
appellant. post eiusdem auctoris decessum edit. opera Gilberti Genebrardi
Excus. Paris. 8°. apud Petr. l. Huillier. 1573.*

*Collectaneorum de continentia libri sex. I. De coniugio, continentia, Et celi-
batus sacrorum ecclesia ministrorum. II. De Digamia nomine, varietate,
irregularitate, dispensatione. III. De statu viduitatis. IIII. De voto continen-
tia Et pudicitia, virginitatis presertim custodia. V. De voti redemptione,
siue dispensatione. 6. De continentia coniugali ex mutuo consensu. Appen-
dix ad opus totum 719. de suspecto contubernio. Parisijs 4°. apud Jacobum
du Puy 1565.*

En l'oraison funebre prononcee aux obseques de Messire

François Oliuier:

Le Roy treschrestien, François premier (que sans flaterie nous pouuons di-
re auoir esté Prince d'aussi bon & grand iugement, & bien sçachant choisir les
personnes selon leur suffisance & bien merence aux grands estats) l'esleua à ce
souuerain feste & comble d'honneur : & oultre lequel vn homme de sa robe
ne peut plus rien esperer : c'est la Chancellerie de France, à laquelle vous voyez
donc Messire François Oliuier estre paruenue & montée, comme disoit de son
predecesseur, vn aduocat fort fameux, par les grands degrez du Palais, de sim-
ple Aduocat, Cōseiller, President, Ambassadeur, Chacellier. Lequel estat Guill.
Budé, homme de rare & prodigieuse erudition appelle Solstice d'hōneurs, ou-
tre lequel il n'y a point d'auancement : mais biē peu s'y peut-on remuer sans re-
culer : reste à cil qui s'y trouue, s'y arrester, & mieux où le plus grand heur, qui
luy puisse aduenir, est y demeurer, & n'en descheoir : car les choses si hautes,
que plus monter & passer outre, n'est possible, sont presque le plus souuent fu-
iettes à ruyne & precipice. Or est en France le Chancelier la reigle des gens de
iustice, & qui quasi par tour pour l'establir & maintenir, tient la place du Prin-
ce, par la bouche duquel, selon noz coustumes, noz Roys respōdent, & sont di-
serts, par les yeux duquel ils voyēt tout : par les oreilles duquel ils oyēt les sup-
plians & leur font droit. Il est chef du grand & priué Conseil, & cōme despēsier
ou celerier de la clemence & largesse du Prince, pour la ferrer & departir, selon
qu'il verra estre à faire : qui a libre administratiō de ceste officine d'equité, que
nous disons Chacellerie, qui a receu l'ordinaire reiglemēt des loix & mœurs, à
l'auctorité duquel tous les magistrats se submettent, lesquels tous sont limitez :
mais tous les gouuerneurs du royaume sont sous la iurisdiction & comman-
demēt de cestuy : comme iadis tout les prouinces Romaines sous leur Con-
sul :

subduquel la maison est, comme vn concil ou oracle de toute la France: duquel l'entree ou porte doit à tous & tousiours estre ouuerte, & toutesfoi à nul bailler, c'est à dire, il ne luy conuient demander à quelcun chose aucune. Iamais dis-je, n'estre fermee: ains (comme escrit Plutarque de la maison des Tribuns à Rome) iour & nuit ouuerte, comme vn port ou refuge à tous venans implorer les loix & droitz, qu'il a entrepris de garder & defendre: & vn vray lieu de franchise à tous ceux qui contre force, violence, & meschanceté ne pourroyent autrement garder leur droit, & obtenir iustice: & par ainsi son gouuernement bon ou mauuais, ne peut aucunement estre incognu, comme exposé en tresclaire lumiere à tant d'yeux & oreilles, non seulement des nostres, mais de tant de gens, tant noz voisins, que de ceux auxquels paruient le renom de nostre tresnoble prouince. Et comme le mesme Plutarque recite Antigonus, auoir dit à son fils Demetrius, la gloire des choses bienfaites saillir de la Grèce, comme d'une eschauguette, par tout le monde: ainsi le bruit party de la Cour & Chancellerie de ce qui s'y fait, de tous costez se departit. Car vn Chancelier n'a pas seulement à seruir à sa conscience: mais aux grands & petits (chose certes difficile & mal faisable) d'estre seuer & populaire: refrongner aux delits des Courtisans, faire teste aux puissans principaux, resister à leurs fiers & felonnes factions, richesses & entreprises: sur tout se sagement porter enuers le prince souuerain, doucement l'appaiser, s'il le trouue courroucé, ou autrement passionné, avec bon aduis & prudence le traicter, estre fort, & ne craindre qu'à craindre ne faut: mais toutesfoi plustost ployer, que rompre: de peur que s'il vient à vser d'une ie ne scay quelle Stoïque enriereté & ne pense deuoir ceder à aucune tempeste, poulsé hors de ce gouuernail, il ne laisse la republique en troubles & factions, comme vne nau à la tourmente: puis la voye du bord enfondrer & perir. Encore faut-il auoir au tour d'un Roy vn bon esprit, & bien muni, contre les embusches des flatteurs, les subreptions des cauteleux, les menaces de ces gouuerneurs, & autres courtisans de credit enuers le Prince. Le meilleur moyen de soy garder de tels gens, est tousiours se souuenir dont on est monté, & preuoir où on peut tomber si l'on s'oublie.

En un autre lieu de la mesme oraison funebre.

Vray est que nos chancelliers n'ont & ne doiuent auoir (comme les Ephores) pouuoit de rebeller ou contredire à nos roys, ains bien avec tout honneur & reuerence leur remonstrer: quoy faisant leur aduient, que sans encourir l'indignation de nos princes, ils refusent, & cancellent leurs lettres ou octrois, comme obtenus par obreption, ou autrement indeuement: car aussi ainsi entendent les Souuerains de ce monde, leurs rescripts estre prins comme Tibere Empereur l'escriuit aux gouuerneurs & magistrats de ville. Theodose & valentinian l.7. *De precibus Imperatori offerendis.* & l.4. *De veritate precum inquiri, & de toto negotio cognosci oportet.* & l. fin. *De diuers. rescript. vniuersa rescripta sub ea conditione proferri precipimus, si preces veritate nitantur.* C. *Rescripta contra ius elicta ab omnibus iudiciis precipimus refutari.* bien qu'il faut reueremment accomplir les mandemens des princes souuerains, ou rendre cause raisonnable, pourquoy non: auquel cas ils promettent de porter patiemment, si point on ne fait ce qui leur auroit esté par mauuaise intention suggeré.

En

En vn autre endroict.

Tellemēt que Flavius vopiscus en la vie de l'Empereur Aurelian recite, entre les raisons pour lesquelles y a eu tant peu de bons princes, qu'on les pourroit (selon le dire d'un plaisant) escrire & peindre dans vn seul anneau, l'ignorance des choses & affaires publiques, leurs amis, officiers, & gouverneurs & autres courtisans, mauuais, auares, fots, detestables. Ils s'assemblent quatre ou cinq testes en vn chaperon pour circonuenir le prince. Point il n'entend la verité, contraint tant seulement sçauoir ce qu'ils dient: il fait iuges ceux qu'il ne faudroit faire: il oste de la republique ceux qu'il y deuroit laisser: que diray-je plus: le bon, le cault, le tresbon prince, comme disoit Diocletian, est vendu. Et Lampridius à Constantin le grand, demandant pourquoy tant d'empereurs Romains se trouuoient mal versez, impurs, cruels, faineans, iniustes, impudiques, respondit: Que meilleure est, & plus asseuree la republique, en laquelle le Prince est mauuais, que celle en laquelle les amis du prince sont mauuais: car vn seul mauuais peut estre corrigé par plusieurs bons, plusieurs mauuais ne peuuent aucunement, ou facilement estre vaincus par vn tant bon soit il.

Et encores en vn autre endroict.

Il n'est icy lieu de disputer du mot Châcellerie, lequel aucuns vocabulaires dient auoir esté inuenté, ia la langue latine fort degenerante, & declinante. Bien sçay ie non seulement l'estat estre ancien, mais aussi le nom: ie dy pour ceste dignité: car il n'est pas icy question de ces petits greffiers, tabellions notaires, que le droict ciuil appelle cancellarios *C. lib. 1. tit. 47.* Ce donc qu'ont esté le patriarche Ioseph à Pharaon, Mardochee à Assuere, Daniel à trois ou plusieurs roys de Babylone & Perse, Cassiodore à Theodoric roy des Gots, Paulus Varnefrid à Didier roy des Lombards, Eghinard à Charlemagne, Pierre des Vignes à Frideric second du nom Empereur, S. Ouen que les latins nomment Dado, ou Audoenus au roy d'Agobert, 1. car il estoit son referendaire, auquel lors se rapportoient toutes les lettres publiques, lesquelles il signoit de l'anneau du roy ou du seau à luy commis: tel, dy-je, que ceux la ont esté à l'endroict desdits princes a esté François Oliuier à trois de nos roys treschrestiens François 1. Henry 2. François 2. assauoir leur chancelier, & chef de leur conseil & iustice: enuers lesquels il s'est si iustement & en telle integrité gouverné enuers les parties, que nous pouons dire de luy ce que le Sage au 45. chap. de l'Ecclesiastique dict de Moyse le bien aymé de Dieu & des hommes, duquel la memoire est benie: Dieu l'a magnifié en la presence des roys.

*En l'Oraison de Grego. Palamas, ou playdoyer de
l'ame contre le corps.*

Je m'efforce de prendre ceste principauté deuë à moy seule: mais i'en suis diuertie par ceste populaire tyrannie, ou gouuernement (de passions du corps). & m'en aduient comme à vne ieune fille noble delaissee orpheline par ses pere & mere: laquelle ores que soit dame & maistresse de plusieurs chambrieres, mais n'ait encore appris de commander, on la contemne, on apprend de se

iouer avec elle : mais avec le temps cognoissant, qui, & avec qu'elles se gaste, elle prend le gouuernement de la maison, les reuge en l'ordre de seruantes, & les chastie, lesquelles remplies de leur premiere licence & follastrie, en sont toutes honteuses, & s'esleuent contre leur maistresse: tellement que l'on compte d'aucuns serfs, que leurs seigneurs estans allez dehors, & trop y demeurans, ils succedent en leurs biens, & leurs femmes se saisissans de l'un & de l'autre, puis s'esleuerent contre leurs maistres à leur retour, & les combatoyent par armes: comme encore autres fugitifs de Rome eurent grands combats contre ceux qui les recherchoyent & poursuuyoyét pour les ramener à leurs maistres. Telle guerre seruile me mene ce corps mon serf de nature, ou encore pire, parce que ceux la en partie par armes, ores qu'à grand peine, toutesfois ils perirent, & avec la seruitude ensemble y laisserent la vie: en partie resisterent en combatant, tant qu'ils veirent leurs maistres combattre par armes & ruer sus & contre eux. Mais quand les maistres s'auiserent de poser les armes, & desarmez seulement leur monstrent, comme à serfs, fouës & pongnees de verges, & les en menacer, & ainsi leur reduisoient en memoire qui avec qui ils aufoient bien combattre: lors ces serfs reuindrent à soy-mesmes, & recogneurent la premiere maistresse. Mais ceste mienné guerre & domestique ou seruile & hostile est vn mal indontable, assaillant, reculant, que l'on ne peut en sorte aucune renger ou reduire en seruitude, & n'ay bon moyen aucun d'estre superieure ou maistresse: car vaincre ie ne puis ny par droit de guerre, ny par loy de seruitude: mais en quelque sorte que ie combatte, ie m'en rend suiuite ou exposee à toutes moqueries, comme si ie ne faisois autre chose en ce cas que cuire la pierre, battre l'air, blanchir l'Ethiopien, couper le feu, escrire en l'eau, faire ou nouër de sable ou corde ou cordelette. O incredible faict, la seigneurie sur deux choses priuees de raison m'est commise, & à ma fidelité: l'une m'estant conioincte interieurement, & de pres: l'autre exterieurement, & de plus loing. Or ceste exterieure endure seruitude, & acquiesce aux loix d'obeir: car nul animant sans raison ou irraisonnable refuse de porter & prester obeissance propre: mais le beuf porte le ioug mis sur le chinon de son col, & rompt la crasseur de la terre à la charrue, ce qu'il faict monstrent au dessus la teste vn trenchant ou pointe des cornes, comme vne maniere de picques: & le cheual leger & à bon pied ne fuit service aucun, mais felon & s'offre qu'il soit, reçoit toutesfois le mors en la bouche, porte son maistre, soit en paix, soit en guerre: l'asne obeit, né à porter fardeau, ores qu'il soit naturellement tardif. & comme i'ay domté & bridé le cheual bondissant par ficereté, aussi ay-ie faict aller viste ce tant pesant asne, en luy baillant pour aller apres vn ieune enfat avec vn foïet. Que di-ie de ces pecores priuez, & estans sans le ioug: ny l'ours ny le Leopard des bestes sauages les plus farouches, ny l'Elephant surmontant en grandeur les grands amas de terre, non le Lyon des bestes agrestes le Roy, refuse mon mandement: ains menez es villes par les marchez, foires & jeux publics, baillent du plaisir avec estonnement & admiration aux spectateurs ocieux & de loisir. Et la hauteur de l'air n'a suffi aux oyseaux esleuez en haut pour s'en fuir: comme aussi aux poissons le fond tresprofond de la mer à se cacher: & nous appriuoisons d'oc & domtons, comme il aduient, ce genre sans raison, sauage, cruel: mais quand à l'autre,

avec

avec lequel prescrit nous est de tousiours habiter, & le gouverner, nous ne sçavons comment le mitiguer, ou doucement l'amener à obeir : & toutesfois ce genre là est de nature du tout sourd à raison, cestuy cy ha moyen d'obeir, & de se conuertir à icelle. Mais au contraire toutesfois le genre du tout aliéné de raison luy obeit plus que celuy qui de nature est marqué & mené par raison. Celuy la fournit & prepare par son labeur les choses profitables au corps : mais le corps qui m'est donné pour aide à faire les beaux actes de vertuz, m'y est trouué contraire, & resistant : & plustost me force avec luy m'esloigner de raison, que luy avec moy d'en vser. Or dessus a esté expliqué pourquoy comme ie fusse d'honorable naissance, point ne l'ay entendu premierement, sçavoir est follastrant puerilement avec ceste follaistre chaironnette, ou enfondree avec les ordures & ballieures de la matiere, à fin que i'vise des termes des Chaldees, & comme enuironnee & vestue d'une escaille d'ouïrre, ie ressemble quasi & représente les bestes brutes & nature sans esprit, folle toutesfois que ie suis, nice & forte, trop tard commençant d'entendre & sage estre, ie m'efforce de vendiquer ce, qui me conuient dez mon commencement, de commander avec raison au corps & membres d'iceluy, & le reuoker à l'office conuenant à chascun d'eux.

Au plaidoyer du corps contre l'ame.

A moy donc ainsi diligemment & artificieusement fait & formé, Dieu inspira le spiracle ou inspiration de vie, & le tout temperé ensemble me le nomma homme, & son image, & luy commanda de commander aux animaux sur terre, en l'eau, en l'air, qui marchent, nagent, volent : & que ie ne pense rien faire sans l'Ame, ny l'ame sans moy. Car comment eut peu l'ame destituee de corps au commencement exercer deuëment sa puissance sur les animaux, qui est bien la principale marque de l'image de Dieu en elle, ou depuis perseverer en cest exercice : comment eut on monté à cheual, si mes mains n'en eussent forgé les frains & mors : comment eut le beuf coupé, fendu, & labouré la terre par rayons, si elles mesmes n'eussent fait & iougs & coultras & charrues. Que si pour quia, ces choses ont esté trouuees & excogitées par l'ame y soigneusement pensant, c'est ce que ie disois maintenant, que de nous deux l'un a besoing de l'autre. Elle inuente, moy par mon industrie l'acheue ce qui est inuenté. Elle voit & propose les raisons artificieuses, mes mains luy fournissans de matiere facile à manier & mettre en œuvres bastissent de fait ce qu'elle a basti en l'entendement : & ia non plus serf, ores que comme serf & instrument ie luy fournis ces choses, mais comme fait & pourtrait à l'image, de Dieu, ie luy suis cause aydante es honnestes actions. Car m'appuyant & me fondant sur la raison & discretion de la nature de l'homme, j'entreprends bien prouuer que ny l'ame seule ny le corps seul est dict homme, mais l'un & l'autre ensemble, que l'on dict Dieu auoir fait à son image, & semblance. Sçavoir est que comme ie communique avec l'homme, aussi ie participe de la dignité humaine. Mais comme tel ie sois, toutesfois ceste bonne ame tâche à me degrader de si grande noblesse, me desauouë comme bastard, m'appellant serf, & elle inspiration diuine, royne & ma dame & maistresse. Or pouuois ie traicter ce lieu avec plus grande diligence & efficace, & plus amplement vous suader que plus ne m'appellast serf,

moy

moy qui luy suis conseruiteur & compagnon en sa seigneurie sur les autres animaux, partieipant de la vertu & vie presente & espererunais suffire ce que ie vous en ay dit iusqu'icy, à vous dy ie, ausquels ces genereux corps sont exposez à tous combats, à fin que comme estans compagnons & associez, non seulement en ce monde des dons spirituelz, mais aussi regnent ensemble avec les esprits bien-heureux en la regeneration qu'on attend, & reluisent comme le Soleil.

Son effigie à genoux, enleuee en marbre se void en l'Eglise Saints Cosme & Damian à Paris, avec vn tableau où est engraue l'Eloge & inscription qui s'ensuit.

NOBILISS. PIISS. OMNIQUE DISCIPLINAR. GENERE
CVMVLATISS. D. CLAVD. ESPENCAEO THEOLOGOR.
HVIVS SECVLI FACILE PRINCIPI PATERNO QVI
DEM GENERE EX CLARISS. ESPENCEOR. MATERNO
ILLVSTRI VRSINORVM FAMILIA ORTO, DIVINI VER-
BI PRAECONI CELEBERR. PAUPERVM PATRI BE-
NIGNISS. QVI CVM PER XLVI ANNOS CONTINVO
IN HAC PRIMA OMNIVM ACADEMIA LITERIS HVMA-
NIORIBVS PHILOSOPHICIS ET DIVINIS OPERAM
CVM OMNIVM INCREDIBILI ADMIRATIONE NAVAS.
SET A REGE CHRISTIANISS. FRANCISCO I^o MELODV-
NVM, AB HENRICO II^o BONONIAM, FRANCISCO II^o AV-
RELIAM, A CAROLO IX^o PISSIACVM RELIGIONIS COM-
PONENDAE ORDINANDAEQVE NOMINE INTER PRI-
MOS HVIVS AVGVSTISS. REGNI PROCERES PARTIM
LEGATVS PARTIM ORATOR DE RE CHRISTIANA SAN-
CTISS. DOCTISSIMEQVE DISCEPTASSET, PERMVL-
TOS IN SACROSANCT. SCRIPTVRAM COMMENTA-
RIOS EDIDISSET, TANDEM GRAVISSIMO CALCULI
MORBO DIV MVLTVMQVE VEXATVS CVM OMNIVM
PRINCIPVM SENATORVM NOBILIORVM PLEBEIO-
RYMQVE LVCTV OBIIT ANNO AETATIS LX. DIE
V. OCTOBR. M. D. LXXI.

CLAUDE DOLESON a composé en rime
Le Mystere de l'edification & dedicace de l'Eglise nostre dame du Puy & trans-
lation de l'image qui y est, à trente cinq personages.

CLAUDE DORRON Parisien a mis par escrit,
Discours des choses mémorables, faictes à l'entree du treschrestien Roy de
France & de Poloigne Henry en la ville de Venise, y remarques par ledit
Dorron. [impr. à Lyon par Benoist Rigaud. 1574.

CLAUDE FABRI Medicin & Astrophile natif de Prels en Ar-
gonne & demeurant à Dijon a escrit

Paradoxes de la cure de la peste par vne methode succinte contre l'opinion de
ceux qui en ont escrit & practiqué au passé. [Impr. à Paris 8^o, par Nicolas
Chefneau 1568.

De cest autheur sont aussi sortis plusieurs Almanachs & Diaires imprimez tant
à Paris qu'à Lyon.

CLAV

CLAUDE FAVCHET, President en la court des monnoyes à Paris a escrit

Recueil des antiquitez Gauloises & Françoises, en deux liures. [impr. à Paris 4°. par Jacques du Puy 1579. Il dit que desirant sçauoir quel iugement on feroit de douze liures d'Annales de France, qu'il a tous prests de mettre en veüe, il a laissé aller deuant ces deux qu'il estime plus asseurez pour descouurir pays: & toutes-fois qu'il les a desguisez craignant s'il leur eust donné leur propre nom, que plusieurs pensassent auoir toute l'histoire entiere: là où ceux cy ne seruent que de commencement. Aussi que c'eust esté chose peu agreable, apres deux entieres chroniques publiques tout nouuellement (il entend de celles de du Haillan & de Belleforest) en donner vne imparfaite.

Recueil de l'origine de la langue & Poësie Françoisse, Ryme & Romans. Plus les noms & Sommaire des Oeuures de cxxvij Poëtes François, viuans auant l'an M. ccc.

Les oeures de Cornelius Tacitus Cheualier Romain, les cinq premiers liures traduits par Estienne de la Plance & le reste avec le premier liure par Claude Fauchet &c. [impr. à Paris f°. par Abel l'Angelier 1582.

Du Chap. 1. du Recueil de l'origine de la langue Françoisse.

DIEU ayant doué l'homme de la raison, soit (comme disent aucuns) pour le recompenser de la foiblesse de son corps, plus subiect aux inconueniens que pas vne des autres creatures: ou (qui est plus croyable) à fin qu'il eust moyen de louer son createur, voulut qu'il la poust declarer par vn signe apparent, qui est la parole. Car s'il n'eust eu autre excellence que la raison, elle luy eust aussi peu serui qu'à d'autres bestes: lesquelles batissans industrieusement leurs nids, eleuans leurs petits, pourchassans leur viure, retournans à leurs repaires, & se defendans de l'iniure du ciel, ou de ceux qui taschent à leur nuire, montrent qu'elles n'en sont totalement despourueues. Dauantage la societé qui rend les hommes maistres des animaux (quelques forts & malins qu'ils soyent) n'eust peu s'entretenir, s'ils ne se fussent entendus. Et tout ainsi qu'un instrument est muet, qui ne l'enfle de vent, ou touche ses cordes des doigts ou de l'archet: aussi la raison conceüe en nostre esprit n'eust peu estre declaree (que brutalement) sans la parole: ne ceste cy tirée hors de la bouche, sans l'instrument de la langue. Puis donc que la parole estoit si necessaire à l'vnion & entretenement des humains, voire à la louange du grand & admirable ouurier de ce Monde, d'où vient que chascune langue a si peu d'estendue, & qu'il s'y trouue tel changement, qu'à peine nous pouuons entendre le langage de nos bisayeulx: de maniere que les anciens & nouueaux Iuriconsultes sont plus empeschez à dechiffrer les mots de vieilles ordonnances, pancartes & tiltres, qu'à discourir de la police. Sans doute les Chrestiens doiuent penser que c'est punition de Dieu: lequel prenoyant nostre malice, orgueil, & ingratitude, versa dessus nous vne confusion de langues: par laquelle il brisa les degrez que nous pensions bastir pour nous aller seoir pres de luy: possible en intention (telle est nostre temerité) de le chasser du ciel. Car si come la raison est comune à tous les hommes (i'entens bien naiz) il n'y eust eu qu'une langue: nous eussions retenu trop de secrets de Nature, tant par la tradition de nos peres, que l'aïsee communication par tout

tout le monde: & le temps que nous consommons pour apprendre les parolles, eust esté employé à la cognoissance des choses que nous cherchons.

CLAVDE GALIEN. Voyez Guillaume Chrestian. Herué Fayard. Jacques d'Alechamps. Jean le Bon. Jean Canappe. Jean Massé. Jean de Starach.

CLAVDE GAVCHET Dampmartinois, aumosnier du Roy a écrit en vers,

Le plaisir des champs, diuisé en quatre parties, selon les quatre saisons de l'année. Au premier liure est contenu: Description d'un beau iour, & d'un iardin plaisant. Description d'une serene marinee, du printemps & du lever du Soleil. Description d'un beau paterre & d'un parc. Dedalus plaisant. Complainte. Chançon d'une bergere. La chasse du renard & du blereau en terre. Songe. Sonnets. La chasse du lieure aux leuriers. La pescherie. La feste de village avec la dace. Le pastoureau desesperé. Eclogue. Au second liure, Les moissons. La chasse du lieure à force. La curee. La chasse du loup, du cerf & autres choses. Au troisieme, Les vendages. La chasse du sanglier. Le vol pour riuere, pour pié & pour chaps, & pour le milan. Diuerfes recreations &c. Au quatriesme, Description du commencement de l'yuer. La chasse aux ramiers de iour. Du conil avec le furet. La tonnelle. La huee aux alouettes. Le tintamarre. Le vol pour heron. [impr. à Paris 4°. par Nicolas Chesneau 1583.

CLAVDE GOVDIMEL a mis en musique à 4. parties en forme de mortets,

Les Psalmes de Dauid compris en 8. liures. [imprimé à Paris par Adrian le Roy & Robert Balaard 1565.

Chançons spirituelles de Marc Antoine de Muret, en nombre 19. mises en musique à 4. parties par ledit Goudimel, & impr. à Paris par Nicol. du chemin 1555.

CLAVDE GOVSTE Preuost de Sens a écrit,

Traicté de la puissance & autorité des Roys: & de par qui doyuent estre commandees les dietes, ou conciles de l'Eglise, les estatz conuoquez, en quel lieu & degré doyuent estre assis les Roys, les gens d'Eglise, les nobles & menu peuple. Ledit traicté contenant 6. chapitres [impr. à Paris 8°. l'an 1561. sans nom d'imprimeur. *Caluinique.*

Remonstrance de Claude Gouste preuost, l'un des deputez pour le tiers estat du baillage de Sens pour obuier à la suppression des Preuosts, Chastellains & Viscôtes ez villes où le Roy a deux degrez de Iurisdiction: prononcee par l'Auteur en Latin durant lesdits estats pardeuant monsieur le Chancelier, mise en François & impr. à Paris en l'an 1561.

CLAVDE GRIVEL de Verdun sur Saone a traduit du Latin de Leonard Arétin,

Dialogue des vertus morales, avec les vertus adioustees par figures & exemples de ceux qui en icelles ont versé. Ensemble aucunes sentences & respôses facétieuses d'aucuns Philosophes & aussi les Annotations à la marge. [à Paris 8°. par Pierre Sergent, sans datte.

CLAVDE GRUGET Parisien,

Par la traduction de plusieurs bons liures Claude Gruget a demonstré le desir qu'il auoit d'enrichir la langue Françoisse, mesmes en ce qu'il a vsé d'un langage nayf

ge nayf, & nullement affecté en la version des ceures qui s'ensuyuent.

Les Epistres de Phalaris Tyran des Agrigentins en Sicile, tournées de Grec. [Impr. à Paris 8°. par Jean Longis 1550.

Les Dialogues de Speron Sperone traduits d'Italien. Le premier traite d'Amour & de ialousie. Le 2. de la dignité des femmes. Le 3. est vn discours sur les temps des enfentemens. Le 4. est Oeconomique. Le 5. est d'vsure. Et par iceluy l'Autheur monstre son bon esprit: car il fait que la pire chose du monde semble bonne. Le 6. est de Iupiter & Discorde. Le 7. est des langues. Le 8. de Rethorique. Les 9. & 10. traittent de propos amoureux. [impr. à Paris 8°. par Jean Longis 1551.

Les diuerfes leçons de Pierre Messie Gentil-homme de Seuille, traduites d'Espagnol, contenans diuerfes memorables matieres. Avec trois dialogues du mesme Autheur. Le premier de la nature du Soleil. Le 2. de la terre, & le 3. des Meteores. [impr. à Paris 8°. par Estienne Groulleau. Par Claude Micard 16°. & depuis à Lyon 16°. par Gabriel Cotier. 1570. par Barthelemy Honorat, & Estienne Michel 8°. 1577. & 1580.

Les Dialogues d'honneur de Jean Baptiste Posseuin Mantouan. Esquels est amplement discoursu & resolu de tous les points de l'honneur entre toutes personnes, traduits d'Italien. [Impr. à Lyon 4°. par Guill. Rouille 1557.

Le plaissant ieu des eschecs renouuellé, avec instruction pour facilement l'apprendre, & le bien iouer, traduit d'Italien. [impr. à Paris 8°. par Guill. le Noir 1560.

A sa diligece a esté mis aussi en lumiere l'Heptameron de la royne de Nauarre seur du grand Roy François, par luy corrigé au langaige en diuers endroits. Si la mort ne l'eust si precipitamment rauy en sa fleur de ieunesse, il nous eust fait amplement sentir du fruit de ses labours. Car il auoit desia bien auancé la traduction de ce grand ceure de Blond Flaue de Forly, cōme aussi il auoit commencé de traduire par certaines heures des robes l'institution des filles de Loys Domenichi, Les Mathematiques de Pierre Messie, & autres traductions, qui sont demeures imparfaites & partant inutiles si quelque gentil esprit de loisir n'y met la main.

CLAUDE DV GVE prestre a traduit de latin

Le Concile prouincial de Coloigne. Auquel est traité sainctement & doctement de l'office, doctrine, vie & meurs des Euesques, Abbez, Archidiares, Doyens, Curez, Chanoines, & autres gens d'Eglise. Ensemble la maniere d'administrer deuement les sacremens avec l'vsage & intelligence d'iceux & des ceremonies de l'Eglise. Bref le moyen de legitiment reformer l'Eglise, & remettre sus la discipline ecclesiastique dissipée par la nonchalance des prelatz & malice des heretiques. [impr. à Paris 8°. par Guill. Chaudiere 1575.

Deuotes & chrestiennes institutions pour l'vsage de la confrairie de la tresheureuse vierge Marie. Avec la Bulle sur la forme de iurement de la profession de foy. [impr. à Paris 16°. par Guill. Chaudiere 1579.

CLAUDE GVICHARD Sauoy sien Docteur ez droicts.

Combien que l'Eternité anciennement aye trouué plusieurs moyens pour conseruer la memoire des hommes, ores par le bronze, ores par le marbre, matieres
q lesquelles

esquelles sont plus fermes & semblent estre de plus longue duree que n'est le papier, il ne s'ensuit pour cela que les escrits aux fueillets modernes n'ayent rendu quelcun plus fameux que le cuyure & le marbre n'ont pas fait. Ce qui se peult voir & comprendre aux statues des anciens. Car ou celles se sont conseruees bien peu de siecles, ou bien ne sont paruenues en noz temps entieres, veu qu'il ne s'en trouue guieres qui n'ayent esté rompues & qui ne le soyent, si d'auenture quelque ingenieux sculpteur raschant d'imiter l'antiquité n'y a adiousté du sien, vn bras, vne teste ou autre partie, au lieu où la statue estoit tronque & imparfaicte. A raison dequoy ceux qui les auoient dressees ou fait dresser n'ont peu obtenir leur intention qui estoit qu'elles durassent à iamais. Cela fut occasion que l'Eternité trouua l'inuention de l'Imprimerie laquelle au grand esmerueillement de ceux qui sont venus apres, a fait apparoir viuantes & entieres les images des auteurs qui ont bien escrit, dont les œuvres ne serot onques sans renommee & ne periront sinon, lors que le monde vniuersel se viendra à dissouldre & prédre fin. L'un de ces esprits rares, doctes & ingenieux est Claude Guichard duquel le nom viura eternellement pour auoir doctement & iudicieusement escrit en la fleur de sa ieunesse vne si belle œuvre qu'est, Funerailles & diuerses manieres d'enseuelir les Romains, Grecs & autres nations, tant anciennes que modernes descrites en trois liures : où les raisons de plusieurs auteurs anciens & modernes sont esclaircies, interpretees, ou reprises. [Impr. à Lyon 4°. par Iean de Tournes 1581.]

CLAUDE GVILLAVD Docteur en Theologie a mis par escrit,

Oraison funebre declaratiue des gestes, meurs, vie & trespas de tresillustre Prince Claude de Lorraine Duc de Guise & d'Aumale, Pair de France, gouuerneur & lieutenant general pour le Roy en ses pays de Bourgogne, Prononcée par ledit Guillaud à Joinuille aux obseques d'iceluy Prince. [impr. à Paris 8°. par Iean Dallier 1550.]

C. L. *Guillaudi collatio in omnes D. Pauli epistolas, iuxta eruditorum sententiam.*

Eiusdem in canonicas apostolorum septem epistolas collatio &c.

CLAUDE GVILLOMET a traduit du latin de Cornelius Tacitus cheualier Romain,

Traicté contenant la description de la situation de toute la Germanie, Avec vn petit commentaire adiousté par le traducteur pour plus ample declaration de six passaiges les plus beaux & principaux de tout ledict traicté. [impr. à Paris 8°.]

CLAUDE HILAIRE Prieur des Augustins de Lyon a traduit du latin de François Titelman,

Traicté de l'exposition des misteres de la Messe, & deux expositions du saint Canon d'icelle. [impr. à Lyon 8°. par Nicolas Petit 1544.]

CLAUDE DE KEQVIFINEN Parisien a traduit d'Espagnol Cent & dix considerations diuines. Auteur Iean de Valdeslo. [impr. à Lyon 8°. par Charles Pésnot, & à Paris 16°. par Mathurin Preuost 1565.]

Plus de l'Italien de Iean Baptiste Gello,

Discours

Discours fantastiques de Iustin Tonnelier avec son ame. [impr. à Lyon 8°. par Charles Pefnost 1566. & depuis 16°. par Clement Baudin 1575.

Plus du latin de Pierre Martyr

Dialogue des deux natures de Christ, auquel en premier lieu est enseigné comment elles s'assemblent & ioignent en vne seule personne inseparable de Christ, sans qu'elles perdent cependant leurs proprietéz: & consequemmer est prouvé que l'union personnelle ne fait point que la nature humaine de Christ soit par tout. [impr. à Lyon 4°. par les Serrnetons à la Salamandre 1565. Calvinique.

CLAUDE LYENARD, d'Esparnay licencié ez loix, Aduocat à Rheims a escrit

La Pratique ciuile en cinq liures, contenans en bref & par ordre, rubriques les plus excellentes & quotidiennes decisions esparées & diffuses en plusieurs amples volumes des droicts, & ordonnances royales, arrests, autoritez, doctrines & coustumes. [Impr. à Paris 8°. par Guill. Desboys 1560. & par Sebast. Nyuelle 1566.

Il a escrit en oultre,

Deux liures, le premier des Iuges & iurisdctions, l'autre Des Aduocats, Procureurs & procurations. [impr. à Rheims 8°. par Nicol. Bacquenois 1558.

CLAUDE MASSVAV a traduit du latin de maître François Rabelais

Stratagemes, c'est à dire prouesses, & ruses de guerre du preux & trescelebre cheualier Langey au commencement de la tierce guerre Cefariane. [impr. à Lyon 8°. par Sebast. Gryphius 1542.

CLAUDE MERMBT notaire Ducal & escriuain de S. Rambert en Sauoye demurant à Lyon a traduit de l'Italien de Jean George Trissino.

La Tragedie de Sophonisbe Royne de Numidie, où se void le desastre qui luy est adueni pour auoir esté promise à vn mary, & espousée à vn autre &c. [imp. à Lyon 8°. par Leonard Odet 1584.

La Consolation des mal mariez par quatrains. [impr. à Lyon par Leonard Odet 1583.

La Propriété du Rechaud. La grand boutique des vsutiers. Cas merueilleux d'un faouldart qui mengea son cheual & son espee. L'Arraisionnement du bon droict des femmes. Auec la singuliere recepte pour les garder d'estre mauuaises. Plus descriptio remarquable des plus coustumiers calomniateurs des femmes. Le tout en rime, & impr. comme dessus.

La Pratique de l'orthographe Françoise. Auec la maniere de tenir liure de raison, coucher cédulés, & lettres missiues. [impr. à Lyon 16°. par Basile Bouquet 1583.

Cent Epigrammes, dont ie m'arroy icy quelques vns.

A vn trop tost marié.

Tu es entré en mariage

Bien ieune, asses soudainement,

Sans attendre le sens ny l'age,

seul

9 2

Par

Par faute de bon iugement:
 Amy ie te diray comment.
 Pour mettre vn tien membre à son aise,
 Tu as inconsidérément,
 Tous les autres mis à malaise.

D'vn honneste larron.

Il est homme de bon esprit,
 Humble, deuot, plein de clemence,
 Il discourt, il lit, il escrit,
 Il a des arts intelligence,
 Auoques telle experience,
 Qu'il fait tout ce qu'il entreprend:
 Bref il a bien tant de science,
 Que ce que t'il void la main prend.

D'vn consul de village, delegué pour aller choisir
 vn bon prescheur.

Vn boucher, consul de village,
 Fut enuoyé loin pour chercher
 Vn prescheur, docte personages
 Qui vint en carême prescher:
 On en feit de luy approcher
 Demy douzaine, en vn conuent,
 Le plus gras fut prins du boucher,
 Cuidant qu'il fust le plus sçauant.

A l'amy demandeur.

Tu es tout entier mon amy,
 Quand tu as affaire de moy:
 Mais lors que i'ay besoin de toy,
 Tu n'es mon amy qu'à demy.

Des amis de maintenant.

Les amis de l'heure presente
 Ont le naturel du melon,
 Il en faut assayer cinquante,
 Auant qu'en rencontrer vn bon.

Pour le pauvre,

Le pauvre ennemy de tristesse,

Libre

*Libre n'a point de pensément:
Le riche tremble incessamment,
De peur de perdre sa richesse.*

Pour le riche.

*Le pauvre est en plus grand seruage
Car deuenir riche il ne peut:
Mais le riche a cest aduantage,
De deuenir pauvre s'il veut.*

De deux effecti contraires de l'argent.

*L'argent peut bien faire mourir
Son propre maistre par enuie:
L'argent luy peut sauuer la vie,
Et au besoin le secourir.*

A l'espoux d'une vieille.

*De grand auarice surpris,
Tu as pris la vieille haridelle:
Mais si tu mourrois deuant qu'elle,
Chascun diroit, les chats sont pris.*

CLAUDE DE MONTIORNAL sieur de Cyndre & Trezettes, gentilhomme Bourbonnois a escrit
Discours sur le tresheureux aduenement du treschrestien Roy Henry de Po-
loigne en France. [impr. à Lyon par Michel Ioue 1574.

CLAUDE NOVELLE T sauoisien a escrit,
Les Diuinailles, c'est vn petit discours en vers d'entre lesquels j'ay recueilly les
seize suyuant tant pour faire voir le style du Poëte que parce qu'ils declarent
plus amplement le tiltre du discours. [impr. à Lyon 4°. par Jean de Tournes
1578.

*Je ne lairray pourtant, Monsieur, de vous en dire
Le fantasque discours, Et s'il vous plait de lire
Et auerir cela qu'on m'a diuinailé,
J'auray sans y penser, diuinement baillé
A mes bigearres vers le nom de diuinailles:
Non pas d'un sort qu'icy l'on fait des espousailles
Et des folles amours, quand les voisins amys
A la feste des Roys, d'ordre au foyer assis,
La femme plus aagée empoigne la palette
Dont on coudre le feu, creuse une fosselette*

q 3

Escar

*Efcartillant la cendre, & pour les deux amans,
 Prent deux grains de froment, & les iette dedans:
 Puis selon ce qu'on voit, par la chaleur de l'atre,
 Ces deux grains sauteler, s'accorder ou combattre,
 Se fuyre ou se fuyr, on iuge par cela
 Qui ayme plus ou moins de ses deux amans là.*

Tadiousteray encores autres seize sententieux vers y contenus, où il declaire la lettre de Pythagore apres-Virgile, ainsi:

*Par perilleux trauail, par infinie peine,
 Se passe le chemin qui à vertu nous meine.
 Et qui à la volée, adressera ses pas
 Apres la volupté n'y arriuera pas.
 Le sage qui pensoit souuent naissance prendre,
 Le nous fait par sa lettre ouuertement entendre.
 Sa lettre tout d'un tronc deux rameaux engendroit:
 Le dextre visoit haut contre le ciel tout droit,
 A grimper malaysé: mais le cœur magnanime
 Se trouuoit en repos arriuant à la cime.
 L'autre penchoit en bas, large & doux au marcher,
 Mais glissant sur la fin, forçoit à trebucher.
 Ne t'esbahis pourtant: la peine n'est point dure,
 Quand pour auoir le pris de vertu l'on endure:
 Qui en fuyra le vice, ou paresseux, fuyra
 L'honorable trauail, malheureux perira.*

Il me semble auoir veu autresfois quelques Odes de cest autheur, & me souuient d'une Ode qu'il a fait sur le trespas de Messire Jean de voyer Cheualier de l'ordre du Roy, Vicomte de Pauliny & de la Roche de Genes. [impr. avec le Tombeau dudit sieur, fait par diuers autheurs en diuerses langues. [impr. à Paris 4°. par Jean bien né 1571.

J'ay heu aussi communication par sa main lors qu'il demeuroit à Paris de plusieurs de ses autres compositions, entre lesquelles est vn Poëme intitulé, Le Braquemart. Et cent Sonnets non imprimez, desquels j'ay transcrit vn expressement pour mettre icy.

S O N N E T fait au nom d'un qui a perdu sa maistresse s'estant mariee à autre qu'à luy.

*J'ay pour moy contre moy debatue longuement
 Si ie mourroy ou non, lamentant ton absence,
 Si ie viuroy ou non, avec quelque esperance
 Content de ton bon heur, triste de mon tourment.*

Sçachant

*Sçaichant que tu vas bien, ie vy heureusement:
 Car ton bien de ma vie est la seule assurance:
 Mais ie meurs malheureux te perdant quand ie pense
 Que ie pers le Soleil de mon entendement.
 C'est deuant moy, pour moy, que contre moy ie plaide,
 M'absou, & me puny & me nuysant ie m'ayde,
 Iuge de moy, pour moy, contre moy ordonné.
 Je ne sçay qu'accuser & ne sçay que defendre,
 J'ay bon droict, & ce droit coupable me veut rendre.
 Bref gaignant mon procez ie me voy condamné.*

CLAUDE ODDE de Triors Dauphinois a traduit & mis en quatrains François

Les distiques moraux du tresdocte jeune Poëte Espagnol Michel Verin. [impr. à Lyon 8°. par Loys Cloquemin 1577.

Les ioyeuses recherches de la langue Tholosane. [impr. à Tholose 16°. l'an 1579.

CLAUDE PALIOT Parisien a escrit,

Quatrains sur la louange de l'escripture, par ordre Alphabetique en forme d'exemplaires. [impr. à Lyon par benoist Rigand 1581.

Epithalame sur le mariage d'entre Antoine Grolier Tresorier general de France en la generalité de Lyon & damoiselle Marie Camus. [impr. à Lyon le mesme an.

CLAUDE PARADIN Chanoine de Beauieu frere de Guillaume Paradin a escrit,

Quatrains historiques de la Bible. [impr. à Lyon 8°. par Jean de Tournes 1553.

Deuises heroiques les vnes portees par les Antiques, autres par les princes, prelatz & grands seigneurs modernes, & le reste tiré en partie des histoires & gestes memorables tant des vns que des autres: desquelles deuises comme les Egyptiens s'aidoyent à exprimer leur intention par leurs lettres hieroglyphiques, quasi par mesme moyen se pourra ayder le vulgaire à cognoistre & aymer la vertu, mesmes en lisant les Scholies & interpretation d'icelles. [impr. à Lyon 8°. par Jean de Tournes 1557.

Alliances Genealogiques des Roys & Princes de Gaule assemblez de pere à fils avec leurs alliances coniugales, armoiries & escussions purs & escartelez. Le tout fait avec vn incroyable labeur par Claude Paradin, auquel a conuenu chercher à plusieurs & diuers voyages par les sepulchres des eglises, & ez Pancartes des fondations des monasteres & abbayes de ce royaume vne grâde partie desdictes alliances, n'estant nullement mentionnee par noz historiens. [impr. à Lyon par Jean de Tournes 1561.

CLAUDE PELLEIA Y Poeteuin secretaire de M^{seigneur}, Duc d'Anjou, de Bourbonnois & d'Auvergne, frere du Roy, a escript,
 Hymne de clemence presenté au Roy Charles 1^x. [impr. à Paris 4°. par Denys du Pré 1571.

Vers extraicts de l'Hymne:

*Si Iupiter daignoit ses foudres esclancer
 Si tost que des humains il se sent offenser,
 Et qu'il voulust cruel tous les pecheurs occire,
 Les feues de Vulcan ne scauroyent pas suffire
 A luy faire des dards: mais quant il a tonné,
 Et d'un effroyant bruit tout le monde estonné,
 Il rassere l'air, & benin se contente
 Que sans plus nous punir sa main nous espouuante.
 Parquoy si nous voyons ce grand Dieu tout puissant
 Ne lascher à tous coups son foudre punissant,
 Ains au lieu de punir estre doux & placable:
 Combien est-il encor beaucoup plus equitable
 Qu'un prince qui commande à l'exemple de Dieu,
 Et qui tient apres luy ça bas le premier lieu,
 Pardonne humainement à quiconque l'offense,
 Et domtant son courroux qu'en soy mesmes il pense
 Quel estat de ce monde est le plus gracieux,
 Quand l'air pur & serain nous laisse veoir les cieux,
 Ou quand les tourbillons, le tonnerre & les nûes
 Raussent le beau iour & le ciel de nos veües?
 Certes en temps de paix le regne est tout ainsi
 Comme on veoit le beau ciel en vn temps esclaircy,
 Et quand l'air est troublé d'orage & de tonnerre,
 Il represente aussi le discord & la guerre.*

CLAUDE DE PONTOUX Chalonnais a escrit en vers,
 La Gelodacrie. [impr. à Lyon 16°. par B. Rigaud.
 L'Idée contenant 300. Sonnets, Odes, Fantasies, Chançons, Stanzes, Mignar-
 difes, Sestines, Chapitre amoureux traduit de l'Arioste, Epigrammes, Elegie
 sur le trespas de tres-illustre princesse Isabelle de France Roine d'Espagne, Ele-
 gie des troubles & miseres de ce temps, La forest parenetique ou admonitoire
 traduite des vers latins de Ligier du Chesne lecteur du roy à Paris, Boccaige &
 champ poëtique plein desiouyssance & d'allegresse sur les triomphâtes & ma-
 gnifiques entrees de Charles 1^x. Roy de Frâce & d'Elizabeth d'Austriche fille
 de l'Empereur Maximilian 2. son espouse future en la ville de Paris les 6. & 29.
 iours de Mars 1571. Elegie sur la mort d'un cochon nommé Groignet, Les tri-
 stes & lamentables vers de Philippes Beroald sur la mort & passion de nostre
 Sauueur, Cantique à Dieu au nom du Roy Charles 1^x. Le tout impr. à Lyon
 en vn volume 16°. sous tel tiltre: Les œuvres de Claude de Pontoux, par Be-
 noist Rigaud 1579.

Huietains François pour l'interpretation & intelligēce des figures du nouveau
 testament

testament. [impr. à Lyon 8°. par Guillaume Rouille 1570.

Harengues lamentables sur la mort de diuers animaux extraites du Tuscan, rendues & augmentees en prose Françoisse, où sont representez au vif les naturels defdits animaux & les proprietiez d'iceux, avec vne rhetorique gaillarde. [impr. à Lyon 16°. par B. Rigaud 1570.

Harengue de S. Basile le grand à ses ieunes disciples & nepueux, Quel profit ils pourront recueillir des livres Grecs des auteurs prophanes ethniques, traduite de Grec en prose Françoisse par le dit de Pontoux. [impr. à Paris 8°. par Iean le Royer 1561.

La Scene Françoisse, contenant deux tragedies & trois comedies accommodees sur les hystoires de nostre temps. non impr.

En son Idée SONNET 165.

Tant puissante est l'ardeur, la fiesche & la filace,
Dont m'eschaufe, & me naure, & me lie l'amour,
Qu'ars, ataint, empiege, mon cœur fait son sejour
Et malade & captif dans le feu, dans la glace:
Mais pendant que ta fouds se languy, ie m'englace,
Par la flamme, la playe & les liens d'Amour.
Si ie voy ce bel or, ce Soleil, ce beau iour,
Je ne sens chault ny doil, ny neud qui mal me face.
Quoy qu'il me brusle ou tue, ou m'estraint rudement,
Le sen si doux le feu, la mort, & le tourment,
Qu'ores ie hay le froid, la vie, & la franchise.
O feu, ô fer, ô ret de l'Archer les outils
Puisiez tousiours ainsi saouler voſ appetits
De moy qui vous suis mesche, & but, & proye prise.

SONNET 218.

C'est un beau nom, dys tu, du Verdier, que l'Idée,
O si tu l'auois veu, tu donnerois renom
Trop plus à sa beauté que nampas à son nom,
T'esmerueillant de voir si belle Cytheree:
Car tous les habitans de la case Etheree
Furent à sa naissance & chacun luy fait don
De ce qu'il pouuoit mieux, & luy donna Junon
Sa grace, & Apollon sa perruque doree:
Venus les yeux rians, Iuppiter sa grauité,
Pallas son beau parler, bref toute sa beauté
Fut ourraige des dieux: mais la fee Discorde
De son mieux enuieuse, enchassa dans son cœur

Par

Par quelques mots forciers l'indontable rigueur
 Qui fait qu'avecques moy i'amaïs ell' ne s'accorde.

Au Champ Poërique:

Voicy, voicy le iour, & la saison heureuse,
 Dont tant & tant estoit la France desiruse.
 C'est donques ce beau iour d'un chacun admiré,
 Non moins que de long temps il estoit désiré.
 C'est donques ce beau iour où la gente fourriere
 Du tout voyant Soleil, nous repand sa lumière
 Plus claire que i'amaïs, qui de sa blanche main
 S'essaye de donter & ranger sous le frain
 Les chevaux de son prince, & puis vous les accroche
 Harnachez de tous points au limon de sa coche
 Desia prests à courir, pour nous i'annir un iour
 Plus clair & plus serain qu'en ce mortel sejour
 Homme encore n'a veu. Voicy la belle Flore
 Qui les prez & les champs de verdure colore,
 Entremeslant parmy dix mille belles fleurs
 De pourpre, d'or, d'azur, de diuerses couleurs
 Imitans celles là que l'on voit recourbees
 Tout au trauers du ciel bigarrant les nuees,
 Que la ieune saison du printemps verdoyant,
 Respand sur le giron de la terre ondoyant.
 Fa les seps tournoyans par les vignes verdoyent,
 Et ia les verds filons des campagnes ondoyent.
 Or sur les arbrisseaux, les ioyeux oyselets,
 Or aux champs, or aux prez, or aux boys nouuelets,
 Ores par les vergiers, sur les belles fleuriettes
 Desgoisent à l'enuy leurs gayer amourettes.
 On voit espaiz, fleuris aux buissons & halliers
 Par les flancs des sentiers les plaisans violiers
 De Mars le iette fleur, qui telle odeur delaisent
 Que tous les voyageurs allegres s'en repaissent.
 D'une gayer verdure, & de simples diuers
 En forme & en couleur, tous les prez sont couuers.
 La printaniere fleur, la blanche marguerite
 Des humides pasquiers est le plus fauorite.
 Le Pouliot royal, le narcisse plaisant

*Au pres des fonteniz va sa fleur produisant.
De ieunes bassinets les bas marets iaunissent,
Et de blancs aubespins les bocages blanchissent.
Icy le blanc muguet imprime son odeur,
Et la peruenche là sa celestine fleur.*

*Des iaunes girofliers la fleur tant odorante
Les murailles iaunit aux pucelles duisante
Pour en faire bouquetz tissuz de Rosmarins,
Le plus rare ornement de leurs seins inoyrins,
Present pour le mignon qui vers elles s'adresse
Pour les entretenir d'une longue caresse.*

*Jcy plus blanc que neige est le liz blanchissant,
Là vermeille est la rose, & l'aillet rougissant.*

De bel email la terre est toute enluminee:

Bref on ne voit iamais une plus belle annee

Que sera ceste cy, si Dieu la veut garder,

Tout ainsi qu'il nous fait en plaisir regarder

La bien fertile entree, en tresbelle apparence

Du pouvre laboureur la plus seure esperance.

C'est un plaisir de voir les fleurs par les sentiers.

Jcy le Dieu Bacchus, là les dieux forestiers:

Jcy le bal ioyeux des fringantes Naiades,

Là est le branle gay des plaisantes driades:

Jcy les cheure-pieds & Satyres peléz,

De mouuements lascifs tous remplis & polluz:

Là Pan le Dieu flutier & toute sa brigade

De Faunes & Silvains faisant mainte gambade

Des Nymphes accouplez sur les verdoyans bords

Se repaissent d'odeurs & de plaisans accords,

Là Priape & Palés, là Vertumne & Pomone,

Et chaque dieu des boys s'accoustre vne couronne.

CLAUDE PTOLEMEE.

La Geographie de Ptolemee. translatee en François, escripte à la main avecq
cartes illuminees sur parchemin. Est en ma librairie.

CLAUDE DV PVIS Parisien professeur en la langue François-

se en l'vniuersité de Louvain a traduit du Grec de Lucian
Toxare, ou de l'Amitié, dialogue non moins profitable que ioyeux. [impr. en
Anuers 4°. par Iean Vvaesberge 1563.

CLAUDE RICHE Aduocat au siege presidial de Lyon a escrit

Deux harengues l'une latine & l'autre François, prononcees par luy à Lyon
en

en l'Eglise S. Nizier le 21. Decembre 1570. à la creation des nouveaux escheuins de la ville. [impr. à Lyon 8°. par Jean Simonet 1571.

CLAUDE DES ROSIERS a traduit de l'Italien de Mathieu Palmier Gentilhomme Florentin

La vie ciuile en 4. liures pleins de bonne doctrine. [impr. à Paris 8°. par Jean Longis 1557.

Dion historien Grec, des faicts & gestes insignes des Romains, reduicts par Annales & consulats, commençant au consulat de Lucius Cotta & Lucius Torquatus, durant lequel Pompee le grand fait guerre contre les Hiberiens, & desfeit Mithridates: & continuant de temps en temps iusques à la mort de Claude Neron, premierement traduit de Grec en Italien par Nicolas Leoncene Ferrarois, & depuis d'Italien en François par Claude des Rosiers. [impr. à Paris f°. par Arnoul & Charles les Angeliers 1542.

Au premier liure de la vie ciuile.

La nature parfaite pro ductrice de toutes choses a rassemblé au ventre de chacune femme grosse vn sang vis & vertueux pour former la creature, & luy donner nourrissement iusques au vray terme d'enfantement, lequel temps venu & n'estant plus necessaire en ceste partie, interieure il s'adresse aux exterieures, à sçauoir en l'estomac maternel, a fin que sortant hors il serue de conuenable & naturel aliment à la creature nee, tout ainsi qu'elle l'auoit dedans le propre ventre de sa mere. De là vient que toute nourriture venant d'autre que de la mesme mere, est moins que suffisante à conseruer la vertu naturelle des petits enfans. Si ne croit-on pas pourtant que souuentefois il aduienne de cela que les enfans soyent differants aux coustumes paternelles, par ce que le contraire n'a particuliere preuue, & ne se peut sçauoir si nourry de la bonne mere il seroit meilleur. Toutesfois la similitude de plusieurs autres choses nous en deueroit rendre certains. L'experience demonstre que l'aigneau de la brebis blanche, nourry par la noire s'ennoirist & bigarre la layne. L'aigneau nourry par vne cheure, non seulement engrasit & rend plus ferme le delicat poil, mais encores dessiche le corps, & prend les coustumes, & la voix de la cheure. Semblablement le cheureau nourry par la brebis, s'acomode à plusieurs complexions de la nourrice. Telle varieté non seulement apparoit es vis animaux, mais encor plus clairement aux plantes transportees. Ne se faut donc esmerveiller si bien souuent vn corps bien formé, & vn esprit tresbien disposé de la nature paternelle est corrompu, & prompt à vice par la malice & corruption des nourrices. L'on trouue bien souuent es nourrices de fort vitieuses complexions, comme colere, eschauffement de sang, naturelles melancolies & esprits mornes & endormis. Plusieurs sont yues auant que d'estre vestues, elles sont ordes, dissolues, corrompues de toutes bonnes meurs, & remplies d'humours pourries, & lesquelles, sans neantmoins estre considerees des peres temeraires, allaitent les enfans nobles & bien nez. Que pourroit-on faire pis aux petits enfans que les mettre entre les mains des Tartares sarrazins ou autre bestialle & furiense nation, sans auoir esgard à celui qu'on veut eleuer? De ces occasions les treiffaiges & experts medecins trouuent que souuentefois procedent

dét les morts precipitees, les cōtagiōs vniuerselles du corps humain, & la différence de nos entēdemēs & cōplexiōs à celles de nos anciēs. Dient outre les philosophes q̄ de cela procede la diminutiō d'amour que naturellemēt l'enfant doit à la mere: pource que l'ardēt desir de l'amour du fils (qui seulement doit estre surmonté de l'amour de la mere) se desioint s'adonnant en partie à la nourrice, laquelle transforme en soy le petit enfant iusques à se faire appeller mere.

CLAUDE DV RVBIS Docteur ez droicts, Aduocat & procureur general des Escheuins de la ville & communauté de Lyon a escript, Commentaires & declarations sur le texte des Priuileges, franchises & immunitiez octroyees par les Roys de France, aux Consuls, Escheuins, manans & habitans de la ville de Lyon, & à leur posterité. [impr. à Lyon f°. par Antoine Gryphius 1573.

Harengue prononcee à Lyon à la creation des escheuins de la ville le 21. Decembre 1567. [impr. au mesme lieu.

La Resurrection de la saincte Messe contenant la responce à certain traicté des aduersaires de l'Eglise catholique intitulé la mort & enterrement de la messe. [impr. à Paris 8°. par Nicol. Chesneau 1566.

Discours sur la contagion de Peste qui a esté en la ville de Lyon L'annee 1577. contenant les causes d'icelle, l'ordre, moyen & police tenus pour en purger & nettoyer la ville. [impr. à Lyon 8°. par Jean d'Ogerolles 1577.

Sommaire explication & commentaire des Articles de la coustume du pays & duché de Bourgoigne. [impr. à Lyon 4°. par Antoine Gryphius 1580.

CLAUDE DE SAINCTES Theologien à Paris, maintenant, Euesque d'Eureux en Normandie a escript,

Discours sur les moyens anciennement pratiquez par les princes Catholiques contre les sectes. [impr. à Paris 8°. par Claude Fremy 1573.

Discours sur le sacaigement des Eglises Catholiques par les heretiques, anciēs & nouveaux Caluinistes en l'an 1562. contenant 17. chapitres. Plus de l'ancien naturel des François en la religion chrestienne, extrait du premier liure d'Agathius autheur Grec. Le tout impr. à Paris 8°. par Claude Fremy 1567. & en Auignon par Pierre Roux.

Les Actes de la conference tenue à Paris ez mois de Iuillet & Aoust 1566. en la presence & en l'hostel de Monsieur le Duc de Nyvernois, entre Simon Vigor & ledit de Sainctes docteurs de Sorbonne & Jean d'Espina & Henry Sureau dict du Rosier, ministres de la religion pretendue reformee, lesquelles actes ont esté collationnees aux originaux, les ministres appelez par Goguier notaire pour eux, qui les a signez. Et despuis impr. à Paris, & à Verdun 4°. par Nicolas Bacquenois 1568.

Declaration d'aucuns Atheismes de la doctrine de Calvin & Beze contre les premiers fondemens de la Chrestienté, en laquelle est contenu tout l'examen quasi de tout le premier liure & d'une partie du troisieme de l'Institution de Jean Calvin, & douze articles de la confession presentee au Roy. Les tiltres des matieres traitees en laquelle declaration sont: De l'omnipotence de Dieu. Des escriptures sainctes. Des traditions Apostoliques. Des inspirations du saint
r Esprit.

Esprit. Des liures Canoniques. Des erreurs de Calvin contre la sainte Trinité. De l'erreur des Trinitaires de nostre temps. Que Dieu n'est autheur des pechez. De la fatale necessité. De la prescience. De la prouidence. De la predestination & reprobation. [imprimé à Paris 8°. par Claude Fremy 1572.

Epistre liminaire au Roy Henry troisieme du nom sur son liure des differens de l'Eucharistie. [impr. à Paris 8° par Pierre l'huillier 1575.

Confession de la foy catholique addresse'e au peuple François. [impr. à Paris 8°. par Claude Fremy 1578.

Ad edicta veterum principum de licentia sectarum in Christiana religione. Item methodus contra Sectas quam secuti sunt primi catholici imperatores. Per Fratr. Claud. de Sainctes. [Impress. Parisijs 8°. apud Claudiu. Fremy 1561.

De Rebus Eucharistia controuersis, repetitiones seu lib. decem, videlicet de institutione Eucharistia & existentia corporis ac sanguinis Domini, eorundemque manducatione reali & spiritali in illa. Lib. duo de transsubstantialitate panis & vini in carnem & sanguinem domini. Liber vnus de Eucharistia adoratione. Liber vnus de communionem sub altera specie. Per Fr. Claud. de Sainctes Episcopum Ebroicensem in Normania prouincia. [Excus. Paris. f°. ex officina Petri l' Huillier 1575.

Examen doctrine Caluiniana & Bezeana de Cœna domini ex scriptis authorum eiusdem collectum. [Parisijs 8°. apud Petr. l' Huillier.

CLAUDE DE SEYSEL Conseiller & maistre des requestes du Roy Loys douzieme de ce nom, & premierement Euesque de Marseille, puis Archeuesque de Thurin.

Ce grand personnage yssu d'une noble famille de Sauoye, de laquelle sont sortis les Comtes de la Chambre, ne laissoit d'entremesler l'estude parmy les grâds affaires qu'il manioit. Il a fait parler Thucydides historien grec en François & n'a pas lié ny conioint les mots sans iugement, aussi ne les est il pas allé querir loing & hors les frontieres. Il s'est contenté du temps & de la saison : amplifiant la langue François de son propre domaine. Ce personnage estoit alors rare & singulier : d'autant que les sages & doctes n'estoient en faueur, ny en credit, & disoit on de ce temps quand on trouuoit quelque mot grec parmy quelque exemplaire, *Græcum est, non legitur*, & transcriuant le liure y laissoit on autant de blanc. Car comme le froid estant en vigueur, contraint le chaud de se retirer dedans le sein de la terre, ainsi pour lors l'ignorance auoit banny la science. Mais Seissel à l'aide de Iean Lascaris son contemporain a esté des premiers qui commençant d'illustrer nostre langue a rappellé les bonnes lettres en France, iusque à tant que bien peu de temps apres le monstre d'ignorance en a esté chassé entierement. Les œuures qu'il a escrit sont,

La victoire du Roy Loys XII. dict Pere du peuple contre les Venitiens au lieu appellé Aignadel pres de Carauas en la contree de Giradade en Lombardie, l'an 1509. [impr. à Paris f°. par Antoine Verard 1510.

La grande Monarchie de France. Au Roy François premier, diuisee en trois parties

parties par chapitres. Avec la loy Salique premiere loy des François, faicte par Pharamond Roy de France, faisant mention de plusieurs droicts appartenans aux roys de France. [impr. à Paris 4°. par Regnaud Chaudiere 1519. & 8°. par Galiot du pré 1558.

Histoire singuliere du Roy Loys douzième de ce nom Pere du peuple faicte au parangon du regne & gestes des autres roys de France ses predecesseurs, particularisez selon leurs felicitez ou infelicitez. [impr. à Paris 4°. par Michel le Noir, & depuis 8°. par Gilles Corrozet 1558.

Disputations contre les erreurs & secte des Vauldois escrites premierement par luy en latin, & par luy mesmes translatees en François. [impr. à Lyon f°. par Pierre Marechal sans date. en cinquante fueilles.

Traicté de la diuine prouidence par luy escrit en latin, & par luy mesme translate en François. [impr. à Paris en soixantecinq fueilles 4°. par Jean Petit, sans date.

Ses traductions.

L'histoire des successeurs d'Alexandre le grand extraicte de Diodore Sicilien comprise en quatre liures. [impr. à Paris 16°. par Pierre Gautier 1545.

L'histoire de Thucydide Athenien de la guerre qui fut entre les Peloponnesiens & Atheniens comprise en huit liures traduits de Grec. [impr. à Paris f°. en l'hostel de maistre Iossé Badius 1527. depuis par Michel de Vascofan en la mesme forme l'an 1559. & depuis 16°. en diuerses editions. Ce liure est certainement digne d'estre leu de tous princes & Seigneurs, pour les deliberations, exploits & euenemens qui y sont descrits, où l'auteur a fort bien obserué ce qui conuient aux personnes, lieux & saisons. Car les exemples de tous les offices & deuoirs des hommes y ests compris, cest historiographe fut tant estimé entre les Atheniens, qu'ils luy feirent dresser vne statue ayant la langue d'or, à raison de l'elegance & de la verité qu'il auoit suyue en son histoire. Et Demosthenes prince de tous les orateurs qui iamais furent, y print tant de goust, qu'il la voulut transcrire par huit fois de sa main propre.

L'histoire du voyage que feit Cyrus à l'encontre du Roy de Perse Artaxerxe son frere, contenue en sept liures escripts par Xenophon auteur Grec, traduits premierement en latin par Jean Lascaris homme docte, consommé en la langue Grecque & le restaurateur d'icelle, & de latin en vulgaire François par Claude de Seissel. [impr. à Paris f°. par Galiot du pré 1529.

Appian Alexandrin historien Grec, des guerres des Romains liures xi. Assauior, le Libique, le Syrien, le Parthique, le Mithridatique, l'Illirien, le Celtique, & cinq des guerres ciuiles. Plus le sixiesme desdictes guerres ciuiles; extraict de Plutarque. le tout translate en François par ledict Seissel, & imprimé à Lyon f°. par Antoine Cōstantin 1544. & depuis 8°. & 16°. par plusieurs fois & par diuers libraires.

Les mots dorez du Philosophe Seneque. Et des quatre vertus Cardinales. [impri. à Paris 8°. par Pierre Sergent, & depuis à Lyon 16°. par Jean Sauhrain 1556.

Les histoires vniuerselles de Trogue Pompee abregees par Iustin historien. [impr. à Paris f°. par Vascofan 1558. & reimprimees 16°. avec le latin à costé

r 2 par

par Claude Micard 1577. sous tel tiltre : Les 44. liures de Iustin historien tirez des histoires de Trogue Pompee.

L'histoire Ecclesiastique d'Eusebe Cesarien comprinse en vnze liures, escripte premierement en Grec, puis traduite en latin par Ruffin prebstre d'Aquileie, & de latin en François par le mesme Seissel. [impr. à Paris f°. & despuis 16°. par Pierre Gautier 1560.

CLAUDE DE TAILLEMONT Lyonnois a escrit, Discours des champs Faez à l'honneur & exaltation des dames. Oeuure vrayement elegante & de gaillarde inuention. prose. [impr. à Lyon 8°. par Michel du Boys 1553.

La Tricarite, Ombre de plus rare triple beauté contenant 102. Epigrammes chacun de douze vers. Plus quelques chants en faueur de plusieurs damoiselles. Complainte d'Alceste sur l'ingratitude & detestable rigueur de Lydie. Conte de l'Infante Genieure fille d'un Roy d'Escoffe, pris de l'Arioste en son Roland le Furieux. [impr. à Lyon 8°. par Jean Temporal 1556.

Phrases & sentenses contenues au discours des champs Faez.

J'apperceu la face du ciel tant belle & riante que, le temps sembloit favoriser à mon entreprise.

Nous delaisfames la ville avec toutes ses cures, trafiques & menees prenans vn chemin bordé de tous costez de menue verdure, & hauts arbres fueillus, desquels le doux murmure, incité par vn petit vent souëf donnant au trauers nous promettoit par le respect de tel plaisir encores plus d'aïse & cōtētemēt futur. Vne rencontre non moins agreable au cœur que plaisante à la veüe.

Le plus triste de nous fut transporté de ioye.

N'a esté iusques au iourd'huy le vouloir & consentement de noz predecesseurs tāt miserable & peruers que meuz des erreurs d'autrui ou de leur propre ignorance ils n'ont permis aux esprits feminins gouster ce doux fruiët de science & doctrine? comme si c'eust esté chose interdite de Dieu qu'elles eussent sceu choisir la lumiere entre les tenebres, & discerner le bien du mal, ains ont trouué bon que l'ignorance mere de tous maux leur empeschast la cognoissance de leur Seigneur & faëteur, & bien souuent d'elles mesmes. Occasion certes, par laquelle elles n'ont peu, ny sceu, ainsi que le saige, commander aux astres & se despestrer de la mauuaïse inclination d'iceux. Vrayement les pouures ignorans n'entendoyent que de science vient vertu, & que les deux iointes ensemble sont la vraye sapience qui conduit l'homme au souuerain bien d'immortalité, duquel il est aussi bien necessaire à la femme qu'à l'homme d'auoir cognoissance, d'autant qu'elle en participe comme luy. Mais que signifie qu'il y a encores de tels fols au monde, lesquels sans aucune consideration dient & maintiennent la femme ne pouuoir ny deuoir sçauoir aucune chose? Veritablemēt s'ils ne me veulent nier que Dieu l'ait faicte participante d'ame raisonnable comme l'homme, ie ne sçay pourquoy il ne luy seroit possible & licite de sçauoir aussi bien qu'à luy. N'a elle sens, iugement, & raison? l'esprit prompt, & autant susceptible que l'homme? ne voit on par experience, le fruit qu'aucunes ont rapporté, & rapportent encor' à present du peu de doctrine qui leur est permise:

permise: sinon toutesfois tant generally que les hommes, n'en faut blâmer, & accuser que la coustume, qui est seulement, & selon le vulgaire, de sçavoir filer, & faire leur mesnage: tant elle est à leur preiudice obseruee, que si elles estoient instruites és lettres comme les hommes, ie m'ose bien pour elles promettre l'auantage. Et pour certain, c'est grand dommage que tant de beaux esprits ne sont limez & employez à de meilleurs affaires que ceux ausquels la tyrannie des hommes les a seulement asseruis, car lors se cognoistroit par experience ce que ie dy estre vray, & ne seroit besoing alleguer les sciences & vertus d'une infinie multitude de femmes, qui sont & ont esté. Parquoy retournant à mon propos, & sus l'œuvre de nature, les sages Philosophes dient, que ces deux qualitez chaleur & humeur, sont ensemble cause generatiue & efficiente de toutes choses corporelles, & separement sont le contraire & dissoluet tout. Dont faut necessairement tout ce qui est creé ayant corps, participer de l'une & l'autre, non toutesfois tousiours égalemēt: car vn corps tiendra plus de la chaleur, & l'autre de l'humidité: & cestuy moins violent & corrosif q̃ le premier. Or est la femme froide tenant (cōme est tout notoire) plus de l'humide, & moins du chault que l'homme: dont s'ensuit qu'elle est moins violante & effrence que luy: & par consequent plus constante & posée, qui est la vraye perfection d'un grand & noble cœur. Qu'ainsi ne soit, celle chaleur immoderee qui expulse & agite continuellement le sens de l'homme, qu'est ce autre chose qu'inconstance & legereté: desquelles est son appetit desordonné tant pressé & contrainct, qu'il oste la force & continence du cœur: où la froide humeur meslee avec vn peu de chaleur temperee, rassied & fortifie tellement les sens de la femme, que point ou peu souuent l'impetueux mouuement du desir, encore qu'il leur meine forte guerre, les subiugue. Et si l'on allegue quelque auctorité au contraire, j'ay pour vn mille exemples & histoires qui ne tesmoigneront moins l'honnesteté, grand cœur, & constance des Dames, que le peu de foy & inconstance des hommes. Mais premier que venir là ie veux prouuer en peu de paroles les trois points susdits, sçavoir est, la debilité corporelle de la femme, plus louable que la force du corps viril: son esprit, ou ame raisonnable, autant ou plus capable de sçavoir que celle de l'homme: & finalement la vertu luy estre plus familiere. Il est certain qu'il y a trois especes de creatures animees, la plante, la brute, & l'homme, chacune desquelles est composee de deux parties differentes, à sçavoir de corps & ame: car la plante, comme nous voyos, a corps & ame vegetatiue seulement: la brute avec le corps, l'ame vegetatiue & sensitive: & l'homme outre le corps, la vegetatiue, sensitive, & qui plus est, raisonnable. Or chacune de ces deux parties differentes, tient (comme est vray semblable) des elemens plus conformes à son naturel: ainsi que le corps contenant matiere visible, & espaisse des deux plus pesans & materiels, qui sont la terre & l'eau: & l'ame de l'air & du feu, elemens legiers & subtils comme elle est, tellement que de ces quatre sont en l'homme conioincts la chair, le sang, la vie, & le sentiment: tenant la chair de la terre, le sang de l'eau, la vie de l'air, & le sentiment du feu. La priuation duquel sentiment nous est figure de mort, ainsi que nous voyons par le dormir, qui ne priue l'homme que du sentir seulement: & toutesfois ne voit, entend, se meult, ne se remue naturellement. Dont fault

noter que la vie tenant de l'air , maintient & conserue la conionction des autres elemens, & accroist l'inflation dudit sentiment, lequel participant du feu, fortifie, fait sentir, & remuer les membres, comme bon luy semble, & selon sa grandeur. Parquoy il est euident que la force & dexterité du corps, ne vient que du sentiment, lequel ne procede aussi que du feu & chaleur naturelle, qui à sa quaité, égale le sentiment & la force. Or la femme est communement plus froide que l'homme, & parce a le sentiment corporel moins fort & vehement que luy, dont est tout manifeste pourquoy elle n'est generalement si forte & robuste de corps. Mais il ne faut que de ce les hommes se glorifient, & en mesprisent les femmes: car telle chaleur animale, dont ils participent plus qu'elles, diminue autant par sa grandeur & intemperance, la force & subtilité de l'esprit, & iugement, comme elle augmente celle du corps: où, au contraire, l'ame raisonnable se fortifie par le declin de la force corporelle: qui n'est autre cas que diminution de la flamme, & ardeur immoderee, & qu'ainsi ne soit, ne voyons nous au corps peu substaté de vins & viâdes, & par ce moins chault & plus foible, l'esprit fortifié & plus agile? ne cognoist l'on aussi iournellement l'augmentation de l'aage au dessus la virilité, oster aux hommes petit à petit la chaleur & force corporelle, & accroistre l'esprit & iugement? de maniere que la debilité leur cause le bien que ceste iuuenile chaleur leur empeschoit. Ne pensent donc maintenant les hommes preferer ou equiparer seulement leur diète force & dexterité, à la foiblesse & debilité des femmes, laquelle prouenant de froideur temperee, & moindre sentiment de vehemente chaleur que la puissance virile, est d'autant plus qu'elle à priser, comme plus elle fortifie le iugement, & affoiblit le corps: & comme encore elle conserue & accroist chose plus digne & excellente qu'icelle chaleur. Ce que, certes on ne sçauoit nier, si l'on ne veut plus estimer le corps que l'esprit. Mais il ne suffit auoir monstre par viues raisons, la femme naturellement de plus grand esprit & iugement que l'homme, si ie ne la preuue aussi spirituellement égale à luy, & autant ou plus capable de sçauoir, ainsi que i'ay entrepris. Et pour commencer, ie ne sçay quelle difference faire outre la forme du corps, entre l'homme & la beste brute, laquelle aussi bien que luy participe de tous les quatre elemens, ayant estre, vie, & sentiment, & le corps composé de mesme chose que le sien, si ce n'est qu'il a d'auantage, & plus que la brute, celle ame qui est faicte à l'image & semblace du Seigneur Dieu, & que nous appellons raisonnable, pour autant qu'en sa simplicité, & sans aucune cōposition de corps, elle est la mesme raison, & si contient en soy la vie & le sentiment. Or ceste ame icy, ou à parler proprement esprit, est vne quinte essence au dessus des quatre elemens, de laquelle l'homme seulement, de l'un & l'autre sexe, à la similitude de Dieu participe: & est donnee d'iceluy seigneur à chacun de mesme essence, & en égale quantité & portion, autant capable de sçauoir à l'un qu'à l'autre: & qui le voudroit nier, comme certes i'en ay veu quelqu'un, il nieroit, par mesme moyen, la iustice de Dieu, laquelle puis qu'il a tous creés les hommes à vne mesme fin, perdrait son nom, si fauorisant l'un il faisoit tort à l'autre, ne luy donnant autant de moyen & pouuoir de le cognoistre, louer, & glorifier qu'au premier. Le contraire dequoy est manifestement prouué en ce qui est dit, que puissance est
donnee

donnée à tous ceux qui ont receu le Seigneur, & qui obseruans ses commandemens, & croyans en son nom, sont nez de luy, non de la terre, d'estre faicts fils de Dieu. Puis donc qu'il a à tous également donné telle puissance, il appert manifestement qu'il est iuste, & n'a fauorisé l'un plus que l'autre. Mais le pouuoir du contraire qui nous est aussi donné fait aux vns plus qu'aux autres suiure le pire. Or se faire fils de Dieu, n'est à mon iugement, autre chose que rendre ceste quinte essence au sortir du corps telle qu'elle estoit à l'entree, cest à sçauoir, pure & nette, & digne de rentrer au lieu d'où elle est venue: ce que la femme peut aussi bien faire que l'homme, & luy en est mesme puissance donnée qu'à luy. N'alleguent donc plus les ignorans que Dieu n'ayt donné autant d'esprit & iugement à l'un qu'à l'autre, car luy, qui est iuste, en fait égale portion: mais comme les vns moins que les autres sont instruits, ou ont les conduits de l'ame aux cinq sens plus clos & fermez, ainsi se demonstrent moins en iceux les effects de l'esprit, ne pouuant l'effort du iugement penetrer l'espeisseur de ceste lourde chair. Et de la vient qu'encores que deux personages soyent également instruits & moriginez, l'esprit de l'un bien qu'il soit égal à l'autre, est peult estre enclos & fermé en si forte & dure prison, & tant combatu de diuerses affections naturelles, qu'il ne se peut manifester par le dehors: ains ne voit on en son lieu qu'actions corporelles & terrestres, le faisant iuger fol, niaiz, ou enragé. Et de qui se peut mieux, ny plus proprement dire cela que des hommes, lesquels sont de nature tant forte & robuste, & est leur appetit par intemperee chaleur, tant impetueux, que l'esprit ne peut sinon avec force de doctrine les rengier? Ce que nous ne voyons en la femme, car son naturel, plus foible & delicat, avec sa froide affection, sont bien tost par la force de son esprit surmontez, & si a d'auantage le naturel plus prompt, & les voyes du iugement plus ouuertes que l'homme, dont aduient que souuentefois, & sans estre instruite aux lettres, ainsi que luy, elle le passe de sçauoir & iugement: de sorte qu'il semble à la promptitude de son esprit, langue, & apprehension, ne luy manquer aucune chose que les lettres, lesquelles (comme i'ay ia dit) ceste maudite & maleureuse coustume luy a si long temps interdites. Mais pour venir à la vertu, il est certain (comme i'ay ia montré parlant de constance) que l'appetit desordonné & insatiable desir, auteurs de tous maux & vices, viennent, & sont excitez de chaleur naturelle, laquelle ayant les femmes plus temperee que les hommes, elles sont aussi plus temperees & moins vitieuses qu'eux. Qu'ainsi ne soit, l'on voit peu souuent de femmes superbes, cruelles, meurdrieres, yronnes, gourmandes, sacrileges, larronnes, & generally tachees de tous genres, & especes de tous maux & vices ainsi qu'eux: ains au contraire, sont, pour la pluspart, humbles, gracieuses, sobres, chastes, sages, & charitables, de cœur doux & humain: & s'il en y a, cōme l'on me pourroit alleguer, quelques vnes vitieuses, ie dy & maintien qu'elles sont à ce induites & incitées le plus souuent par les hommes, sans l'induction desquels, s'en trouueroit point, ou peu de telles. Et pour parler plus ouuertement, pour vn petit nombre de mauuaises femmes qu'il y a, la plus part des hommes ne valent rien. Et si aucun me veut à ce contredire, ie luy demande, quels seroyent les hommes s'ils estoient ainsi communement induits, excitez & sollicitez par les femmes à mal, vice,

& peché, comme elles sont par eux: ven que d'eux mesmes, & sans aucune persuasion, ils sont ja tant corrompus & vitieux: lequel doit lon estimer plus excusable celuy qui par l'induction d'autrui laisse la vertu, & l'homme s'esforce luy mesme la chasser, tesmoing l'experience qu'en voyons iournellement: & par laquelle, ie m'esbahy d'auantage de ces nouueaux hommes, lesquels ne cessent de blasmer aux femmes vn vice qui leur est trop plus commun qu'à elles: & bien qu'ainsi ne fust, & que les femmes (comme ils dient) fussent suiettes à la lubricité & luxure (ce que toutesfois ie nie) ne deuoyent-ils estimer autant ou plus vilain, & abominable, vne infinie quantité d'autres vices & imperfectiōs qu'ils ont en eux, & le moindre desquels n'est moins à blasmer qu'iceluy? Ie ne sçay dont tel erreur leur procede, sinon qu'ils veulent condamner autrui Pour se iustifier, ce que toutesfois ils ne feront en mon endroit: car ie les cognoy presque generally tous tant adonnez à ce mesme vice, entre autres, qu'il n'y a si petit & malheureux d'entreux qui ne desire accomplir & assouir sa volupté avec toutes, & autāt de femmes qui luy plaisent: tellement que si l'honnesteré & chasteté d'elles n'y repugnoit, il n'y auroit non plus de continence entre les humains, qu'entre les bestes brutes. Mais comme nous voyons, encores que sans cesse elles soyent sollicitées, & qu'avec trop moindre peyne que les hommes elles puissent auoir le comble de leur plaisir, si les voit-on peu souuēt tomber en telle faulte: laquelle, encor qu'elle soit plus blasmee en elles qu'aux hommes qui en font presque vertu, si n'est elle moins desplaisante à Dieu de l'un que de l'autre: & trouue fort estrange qu'elles soyent si aigrement blasmees de ce mesme dequoy ces fols se glorifient, & qu'elles font le plus souuent avec quelque droict ou excuse: où eux ils ne s'en sçauroyēt excuser.

CLAUDE DE TESSERANT Parisien a fait vn second tome des hystoires prodigieuses suiuan celles de Pierre Boaistuau contenant quinze hystoires qu'il a recueilly de plusieurs autres, & dont la quinziesme est du Philosophe Athenodore & d'un fantosme extraite de mot à mot de ma Prosopographie ainsi que ie l'auoy traduite de Plin le Ieune. [impr. à Paris 16°. par Hierosme de Marnef & Iean de Bordeaux 1578.

CLAUDE TOLOMEI Voyez Pierre Vidal.

CLAUDE TIRAQUEL Conseiller au siege Presidial de Poitiers fils de ce docte personnage feu André Tiraquel, a escrit quelques poësies Françoises.

CLAUDE DE TOVRNON quand viuoit Eleu pour le Roy au païs de Forest a mis en rime Françoisie Les sept Psalmes de Dauid qu'on appelle Penitentiels.

CLAUDE TVRRIN Dijonnois a escrit Les Charites prises du Grec de Theocrite. [impr. à Tholose 4° par Guyon Boudaille 1561.

Oeuures Poëtiques diuisees en six liures. Les deux premiers sont d'Elegies amoureuses, & les autres de Sonnets, Chançons, Eclogues, & Odes. [impr. à Paris 8°. par Iean de Bordeaux 1572.

En

En la quatriefme Elegie du second liure intitulee Discours de ses
miseres. A François Sayue Dijonnois.

*J'auoy pourtant amorty quelque peu,
 Sans y penser les flammes de mon feu,
 J'auoy desia pour suyure autre fortune
 Fait eclipser un quartier de ma Lune,
 Et quelque peu plus rassis que deuant,
 J'auoy quitté pour me mettre en auant,
 Vostre Helicon quand ie vins à l'escole,
 (O changement) d'Accurse & de Bartole,
 Je n'y fu pas à grand peine trois iours,
 Que tout soudain ie vous laisse le cours,
 Et l'échangeant aux pucelles d'Homere,
 Je mis au plein ma Lune toute entiere.
 Plus que deuant amoureux ie deuins
 Et des lauriers, & des chantres diuins,
 Plus que deuant mon ame éceruelee,
 De ce beau Dieu s'en reuint affolée.
 Et toutesfois celle belle fureur,
 Ne me vint pas sinon que d'un malheur,
 Non Sayue non, ie n'en eus ceste disgrâce,
 Pour auoir veu les filles de Parnasse,
 Tant seulement ie me vis abbatu,
 Pour aymer trop une belle vertu.
 Ce fust Helas! le recueil favorable
 D'un grand seigneur qui me fut dommageable,
 Ce fut son œil, & son bel entretien,
 Qui me fit tout & si ne me fit rien.
 Quand ce Seigneur m'accolant de sa dextre,
 M'eust dit ainsi: ie veux faire connoistre,
 Mon cher Turrin, que ie prens en soucy
 Vostre Phebus, & vos muses aussi.
 Il ne l'eust dit, que j'empoigne l'yuoire,
 En le lunant ie descoche sa gloire,
 Plus viuement, qu'on ne voit dedans l'air
 Les traits aslez des Cyclopes voler:
 Plus que deuant ecarté du vulgaire,
 Je fus deslors vostre beau secretaire
 Seurs à Phebus, & tousiours avec vous,*

Je fus

Je fus despuis en la bande des fous.
 Comme voz prez, & voz belles vallees,
 Sont en tout temps de perles emaillees,
 Ainsi tousiours d'un embleme diuers,
 Vous emaillez le printemps de mes vers:
 Ainsi tousiours dedans vostre verdure,
 Le detrempois le vif de ma peinture.
 Il n'y auoit ny taillis recullé,
 N'y lieu sacré qui me fut recelé,
 Il n'y auoit autre pré ny fontaine,
 Ny val fleury, où le bal se demaine,
 Faune, siluan, ny satyre cornu,
 Ny Dieu des bois qui me fust inconnu.
 Je cognoissois ô seurs de Calliope,
 Les mieux appris de vostre belle trope,
 Qui mal en point se rongent le cerueau,
 Pour distiller quelque songe nouueau,
 Et qui encor pour apprendre la fuite,
 Sont amaigris apres vostre poursuite.
 Ainsi comme eux appris deffous vos mains,
 Je depouillay les deux chantres Romains,
 Et le Gregeois, & d'archet & de lyre
 Et de chançons, pour les faire redire
 Au lut François auquel rien ie n'appris,
 Qu'un grand Seigneur qui me tient à mespris.
 Chetif helas quant i amenay la muse,
 Des chams Thebains aux chams de Siracuse!
 He quel malheur, quel malheur me tenoit?
 ,, L'œil incertain ne voit pas ce qu'il voit.
 Je n'auisay la sinistre corneille,
 Chanter mon mal aupres de mon oreille:
 Je n'auisay que le pié me trembloit,
 He quel Daimon, quel Daimon me troubloit?
 Ce iour vrayment S A T V E fut le cinquiesme,
 Et ce iour là le mal-encontre mesme,
 Se deguisant s'ecoula dedans moy.
 L'un oublieux me manquant de sa foy,
 Mettoit au vent sa parolle legere.
 J'auoy tousiours quelque fresche misere.

C'il

C'il qui feignoit me porter dedans l'œil,
 Apres auoir euanté le cercueil
 De ses ayeulx, & d'une asle plus forte,
 Guindé aux cieux leur memoire ia morte,
 Ne me connoit, & ne veut aujourd' huy,
 Que pour un rien ie me targue de luy.
 Cil qui deuoit me seruir de Mæcene,
 Me secourir, & me mettre hors de peine,
 Le seul appuy, & le doux honneur mien,
 Ne me veut plus recognoistre pour sien.

Et vn peu apres:

Mais que me sert de discourir ailleurs,
 Sans discourir sur mes propres malheurs?
 Comme les flots & les flots s'entresuyuent,
 Ainsi tousiours les malheurs me poursuyuent.
 S A Y V E, i'ay veu & l'hyuer, & l'esté,
 Ce beau croissant douze fois renoué,
 Et toutesfois du despuis ie n'eus onques,
 Ny un bon iour, ny bonne heure quelconques.
 Voila comment pucelles vous traittez,
 Ceux qui beants pres de vos saintetez,
 Suyuent en vain voz traces egarees,
 Voila comment pour vous voir adorees,
 De tant de fous vous ne faictes sentir,
 Rien qu'un dedain, & rien qu'un repentir.
 C'est donc ainsi que pour sursure ton frere,
 J'ay dedaigné les conseils de mon pere,
 Belle Cleion, & que pour voz beaux yeux,
 J'ay despendu la moytié de mon mieux,
 A a vrayment, pour apprendre ces ruses,
 C'est trop musé aupres de vous ô Muses.
 A a vrayment Muses c'est trop musé
 Quand à la fin on se voit abusé.
 Muse! tenez, tenez ceste couronne,
 Tenez ce lut Muses ie le vous donne,
 Des maintenant ie vous quitte le ieu,
 A Dieu Phæbus, A dieu Muses, A dieu.
 Gardez pour vous vostre bel heritage,

Quand

Quand est de moy ie veux estre plus sage
 D'oresnauant que ie n'ay pas esté.
 Gardez pour vous Muses la pauureté.
 Je ne veux plus desormais qu'on me picque
 De ces beaux noms, reueur & fantastique:
 L'ayme trop mieux d'une honneste sueur,
 Gagner ensemble, & le bien, & l'honneur.
 Or à Dieu donc, & si quelque etincelle,
 De vostre amour, dans mon cœur se decelle,
 D'oresnauant ie la veux employer
 A celle fin Muses de foudroyer,
 Vostre Parnasse, & de perdre la source,
 Qui du cheual prend le nom & la course.
 En ce pendant, afin de n'abuser
 Ceux qui voudront leurs ieunes ans vser,
 Aupres de vous & qui dedans ceste onde
 Viendront chercher l'une & l'autre faconde,
 Avec ces vers dans l'escorce taillez,
 L'appens icy mes vestemens mouillez.
 Quiconques sois qui t'efforces de boire
 Dans ce ruisseau, ie te pry de me croire,
 Retourne t'en, & prens autre chemin,
 Si tu ne veux que le mesme venin
 Qui me tourna le sens en frenaisie,
 En un despit tourne ta fantasia.
 Icy Phœbus & ses seurs ne sont plus,
 Mais aux plus creux de ces antres reclus,
 Et dans ces bois, icy font demeurance
 La pauureté, le malheur, l'esperance.

CLAUDE VALGELAS de saint Chaumont en Lyonnois
 Docteur en Medecine a traduit du latin de Hierome Montuus Seigneur de
 Miribel en Dauphiné, Medecin ordinaire du Roy
 Commentaire de la conseruation de santé & prolongation de vie. [Impr. à
 Lyon 4°. par Iean de Tournes 1559.

CLAUDE DV VERDIER, mon fils a escrit, en vers François,
 Discours contre ceux qui par les grandes conionctions des planetes qui se doi-
 uent faire ont voulu predire la fin du monde deuoir lors aduenir. [impr. à
 Lyon par Bathel. Honorat 1583.

*Peripetasis Epigrammatum variorum, latius oratione soluta expressorum.
 Eiusdem Bombycum metamorphosis Dialogus ex Gallico eruditiss. Puella
 Catharina*

Catharina des Roches Latinis versibus redditus. Aecloga, & alia Poëmatia. [Impressa Parisijs 8°. apud Maturinum Preuost 1581.

Estant allé à Bouloigne en Italie, où il est de present, il a laissé par escrit huit Chants intitulez, le Luth. Rien. La Blanque. La Beauté. L'Honneur. Le Lieu. Le Centre. Le Point. Lesquels j'ay trouué parmy les papiers dans son estude, & en metray icy les deux premiers.

LE LUTH.

Toy fils aux blonds cheueux de la belle Latone
Seul honneur de Delos, donne moy que ie sonne
Le present que te fit le larron cauteleux
Qui déroba ton arc quand tu paissoys les beufs
Du Roy Thessalien, donne moy que ie chante
La valeur de ton Luth qui noz soucis enchante,
Au son duquel tes seurs, comme avec un compas,
Sur le beffon coupeau vont mesurant leurs pas.
Dénouë moy les doigtz, & me donne la grace
Que tu donnas iadis au saint harpeur de Thrace
Qui mania ton luth, & fit par tes moyens,
Des espesses forestz dancer les citoyens,
Ou à celuy qui fit l'expugnable place
Qui est dans la cité que d' Agenor la race
Bâtist, pour la fureur paternelle euitier,
Ne pouuant recouurer le rapt de Jupiter.
Espris d'entousiasme & diuine manie,
Je feray retentir la plaisante harmonie
De ton luth argentin, emouuant les plus lourds,
Mesmes ceux là qui sont naturellement sourds.
Car les uns sont grossiers ennemys de science,
Se baignans au borbier de leur propre ignorance:
N'ayans aucun soucy du plaisir gracieux
Procedant de ton luth, qui nous eleue aux cieux.
Et nous faict immortels, mais la fiere Adrastie
Se vengeant ne lairra ceste faute impunie.
Les autres ont gousté quelque peu du cristall
Qui sortit ondoyant de l'ongle du cheual,
Mais la chorde laissant du Vandomoys Terpandre,
Que tu luy as baillé pour chanter sa Cassandre,
Ne font bruiure à demy ton Luth, & toutesfois
Font plus d'estime deux que du Chantre gregeois.

s

Les

Les autres ont touché ceste chorde adioustee,
 Suyuans du Vandomoys la muse élabouree.
 Vn d'entre tous ceux là qui ses accords ont pris,
 A deffous Uranie vn nouveau chant appris:
 Tous ensemble ont acquis vne eternelle gloire,
 Leurs noms sont engraue^x au temple de memoire,
 Pour auoir brauement sur vn Luth fredonné.

Luth gentil, Luth diuin, qui es du ciel donné,
 Tu nous fais doublement aux immortels semblables,
 Nous preseruans comme eux des seurs impitoyables.
 Tu suscitas iadis vn tortueux daulphin
 Amateur des humains, pour retarder la fin
 Que tramoit le nocher à ce sonneur insigne
 Qui vouloit en chantant mourir comme le cygne.
 Tu nous fais d'auantage affranchis du fardeau
 Du soucy que tu mets hors de nostre cerueau.
 L'inuincible guerrier & courageux Pelide,
 Apres auoir ouy l'ambassade d'Atride,
 Se laissoit au soucy & tristesse ranger,
 S'il n'eust faiçt maints fredons de son poulce leger
 Sur vn Luth qui changea son dueil en alegresse,
 Bien que les chauderons riches presents de Grace,
 Les tripiers, les citez, qu'on luy vouloit donner
 N'eussent eu le pouuoir son courroux refrener.
 D'auantage nous diçt le Dorien Poëte,
 Qu'au son du Luth les dieux font cesser la tempeste,
 Non les flots seulement qui nous vont agitans,
 La douleur, le courroux, qui nous vont combatans.
 Voire mesmes celuy qui lance le tonnerre,
 Au son du Luth sa main trespuissante reserre.
 Et partant celuy fut sage & bien aduisé,
 Qui étant pour aller en guerre disposé,
 A vn sonneur laissa la moitié de son ame,
 Sçachant qu'auques luy sa bien aymee femme
 Preseruee seroit de l'iniure des cieux,
 Et laisseroit en fin les ennuyx soucieux,
 Qui bourreaux inhumains au cœur l'auoyent saisie,
 Pour preuoir son espoux au danger de la vie,
 Sçachant bien que du Luth l'honneste volupté,

L'ayderoit

L'aideroit à garder la sainte chasteté
 Que reciproquement l'un à l'autre promettent
 Ceux qui dessous Hymen leurs volonteZ remettent:
 Car double est le plaisir, l'un sans honnesteté,
 D'harmonie n'ayant que le nom empronté,
 Qui nous remplit les yeux de sommeillante arene,
 Et par ce seul moyen la trompeuse Sirene
 Endort nostre raison, lasche à noz appetits
 La bride & nous engoulfre au seiour de Tbetis.
 Estans à ce danger, ne fault prester l'oreille,
 Ruse à celle du fils de Laërte pareille.
 Il fault estre attentifs au son melodieux
 Du luth du Cinsien, qui nous faict demy-dieux.
 De là vient le plaisir qui faict que nostre vie
 N'est sous le pesant ioug d'ignorance asseruie.
 Ceste est la volupté dont le * Gargetien * Epicure
 Faisoit cas, & aussi le Roy Corcirien,
 Lesquels sont mis au rang, chargez de calomnie,
 De ceux qui la vertu ont eu pour ennemie.
 Le commun les reprend, ayant mal entendu
 Le saint but qui estoit par iceux pretendu.
 Il fault mettre, premier que de donner sentence,
 Ce que l'on veut iuger dans l'esgalle balance
 De iustice, & ne fault si temerairement,
 Donner des gens de bien si meschant iugement.
 Ils ont mis nostre bien au seul plaisir de l'ame
 Qui nous rend bien-heureux, non au plaisir infame,
 Dont se sont enyurez, & deuenuz pourceaux
 Ceux qui aloyent errans par les salees eaux,
 Esperans de reuoir Itache avec Uliße,
 Qui se seut preseruer seul des charmes de Circe.
 Les Stoiques se sont de bien plus abusez,
 Voulans que les humains soyent du tout separez
 De toute volupté, estans comme une idole
 Qui ne touche, ny voit & n'a point de parole:
 Et neantmoins elle a & bouche, & yeux, & doigts.
 Il nous faudroit donc estre ou de pierre ou de bois.
 L'homme d'un dur caillou n'est l'insensible engeaice,
 De chose inanimee il ne prend son essence,

Je ne croy que Themis ayt ordonné les os
 De nostre mere grandietter derrier le dos.
 Pour le moins ie ne croy que de chose si dure
 Se soit peu reparer l'humaine creature.
 Nous ne sommes d'un tronc mais des homes conceus,
 Douez d'entendement, & de raison pourueus.
 Le sens tout homme peut à volupté conduire,
 Mais de la volupté la raison doit eslire.
 Nous n'avons seulement une masse de chair,
 Comme celle que l'ours ne cesse de lécher,
 Jusques à ce qu'elle ayt d'un animant la forme.
 Nous avons un esprit qui nostre corps informe,
 Et parce nous devons contenter cest esprit.
 Celuy qui se ietta dedans l'Europe dict,
 Que rien dans nostre esprit ne peut avoir entree.
 Que par le sens partant la volupté prisee
 Par dessus toutes est celle qui vient du Luth,
 Car l'oreille & l'esprit contenter elle peut.
 Contenter? que dis-je? despuis que nostre ouïe
 Est attaincte une fois de la douce harmonie
 Du Luth, elle ressemble au pertuisé vaisseau
 Des Danaïdes seurs que remplir ne peut l'eau.
 Quand le Luth une fois a frapé nostre ouïe
 Jamais de ce plaisir elle n'est assouvie.
 Comme un qui est atainct de l'astre Syrien,
 Ou vexé du Lion, qui du bois Nemeen
 Aux Dryades cogneu, sa gueule rugissante
 Ouvrant, d'une chaleur extreme nous tourmente.
 S'il entend d'un ruisseau le doux gasouillement,
 Sortant d'une fontaine, il y court vistement,
 Et s'asseyant au bord tapissé de verdure
 Semble vouloir tarir les eaux, dont la froidure
 Mitigant sa chaleur, luy porte allegement,
 Mais estaindre ne peut sa soif totalement.
 Tout ainsi qui du luth entend la melodie,
 D'ouyr de plus en plus augmente son envie.
 Ceux qui ont refusé l'honesté volupté
 Du luth, c'est pour n'avoir auparavant gousté
 Sa douceur. Un de ceux qui dans la Synofarge
 Fut instruit, & apres une tres-noble charge

Exercez,

Exercea, pour auoir la lyre refusé,
 En fut tousiours despuis d'un chasqu'un moins prisé.
 Il estoit malseant à un grand capitaine,
 Ignorer la vertu qui pour compaignie meine
 La victoire aueq soy. Les Spartains au combat
 Souloyent au son du luth animer le soldat.
 De ton diuers se font les accords, l'harmonie
 Est de plusieurs accords, & la vertu unie
 De plusieurs hommes peut un esquadron dresser,
 De plusieurs esquadrons on peut un camp leuer,
 S'ils ne sont d'un accord ils n'auront les trophees,
 Car tousiours moindres sont les forces disipees.
 L'harmonie du ciel a ce don special,
 Que bien sans elle n'est. Le psalmiste royal
 A partant du grand dieu faict sonner la louange
 Sur le luth qui a peu chasser le mauuais ange,
 D'un corps qu'il possedoit, & tandis qu'il y fut
 Il cessoit tourmenter ce corps au son du luth.
 Le luth, & le demon semblent aux fils de Lede,
 Quand l'un s'esuanouyt l'autre ce corps possede:
 (Dessous ce nom de luth est generalement
 De musique compris quelconque autre instrument,
 Monté de chordes, soit qu'à l'archet on le sonne,
 Soit qu'avecques les doigts on y pinse ou fredonne)
 Qui voudroit donc nier qu'une diuinité
 N'accompaigne le luth si souuent rechanté?
 Mais qui voudroit nier qu'une vertu latente
 Ne gist au son du luth? ça que ie te rechanté,
 Mon luth, ça ça ie veu ma chanson redoubler,
 Et par mille fredons ton los renouueller.
 Mais pour estre seuré de la troupe grossiere
 Du vulgaire, une main habilement legere
 Ne suffit, l'harmonie a son commencement
 Du sens, & se parfaict avec le iugement.
 Ceux qui sont entendus en la seule pratique,
 Ne sçachans nullement que c'est de Theorique
 Ne peuuent usurper que tiltre d'ignorant.
 ,, Estre praticien, ce n'est estre sçauant.
 Ils semblent à l'oiseau qui dedans une cage,
 Fergonnant semble auoir un naturel langage,

Et toutesfois ainsi babillant tous les iours,
 Ne sçayt ce qu'il a dict & commence tousiours
 Vne mesme chanson. Ayant appris à dire,
 Bon iour Cesar, prendra pour cil qui tient l'empire
 A son sceptre sous-mis, un pauvre souffreteux,
 Disant, Bon iour Cesar, bien souuent à un gueux.
 Il faut voir que celui que chanter on desire,
 Soit digne d'Apollon, & merite sa lyre.
 Mais ce n'est pas assez la faire retentir,
 Si on ne sçayt d'où peut l'harmonie venir.
 Maintz nombres accouplez, qui entr'eux conioint & lie
 Une proportion, font naistre l'harmonie,
 Qui orne richement toute honneste action
 Le nombre contenant & la proportion.
 Celui qui donna nom à la philosophie,
 Tout œuvre commença, dit on, par l'harmonie.
 Par ce moyen monstroït ce docte Samien,
 Que rien sans l'harmonie au monde ne va bien.
 Nostre ame est harmonie, estât de nombres faicte,
 Et la personne alors se peut dire parfaicte,
 Quand ses nombres elle a. Or le diapasen
 Le premier des accords figure la raison,
 Et le Diapente le sens nous represente,
 Le Diatessaron l'appetit qui s'augmente,
 Puis bouillonne, & apres se flettrit vieillissant,
 Le triple changement de ses tons imitant:
 La quinte dessous soy de tons a quatre especes,
 Le sentiment aussi en a quatre diuerses,
 Sans que l'atouchement y puisse estre entendu
 Qui generalement par tout est estendu.
 Le goust n'est sans toucher, l'ouye ne procede
 Sans que l'atouchement de deux corps ne precede.
 L'octaue, (car ces trois que i'ay dict en gregeois,
 Sont quarte, quinte, octaue en langage François.)
 Contient en soy de tons sept especes, de mesme,
 La raison peut conter iusques à la septiesme.
 La phantasie suit la cogitation,
 L'entendement apres avec l'opinion.
 La memoire suruiuent, & puis la prouidence
 Vient en rang, la derniere on appelle science.

Le

Le sens & l'apetit sont compris sous raison,
 Et l'octave contient de la quarte le son,
 Et de la quinte, qui d'elle plus pres s'aproche,
 De mesme que le sens de raison est plus proche.
 Vne quarte iamaïs l'autre quarte ne suy, &
 Et l'apetit par soy iamaïs ne se regit.
 Dauantage la quarte ayant triple partie,
 Trois vertus du vouloir maiſtresses signifie,
 Qui vont les apetits indomtez reſtraignans
 La honte du delict, qui nous rend abſtinans,
 Touchant les voluptez du corps, la Temperance,
 Pour les neceſſitez endurer, patience.
 Les quatre tons auſſi de la quarte, au courroux
 Se raportent, l'homme eſt, quand à l'ire, faiſt doux
 Par la manſuetude, & apaiſe ſa rage.
 Et les dangers ne crainēt la grandeur de courage.
 La conſtance nous ſert au troublé mouuement
 De l'eſprit. Pour porter les trauaux vaillemment,
 Sert la perſeuerance, & ce que ſignifie
 L'octave, eſt la raiſon qui a vne partie
 Septieme, comme elle a auſſi, celerité
 Anchinœe, conſeil plein de maturité,
 Celle qui la raiſon decore ſapience,
 La prudence, l'engin, avec l'experience.
 Noſ meurs auſſi des tons ſuyuent la qualité,
 Le graue repreſente vne ſtupidité,
 Et couhardiſe, ainſi que l'audace effrenee,
 Et la promptitude eſt par l'aigu dénotee
 Et par le demy-ton cil eſt repreſenté,
 Qui ayme modeſtie, & mediocrité.
 Bref autre choſe n'eſt l'ame que modeſtie,
 Qui les tons & accords en ſoy diuerſifie.
 L'harmonie eſt deuant que Saturne le vieil,
 Pour autant qu'elle entra au monde avec le ciel,
 Et le ciel engendra celui de la ruine
 Duquel, ſa ſource a pris la region latine.
 Du mobile premier le reiglé mouuement
 Enſemble avec le ciel print ſon commencement.
 Tous les celeſtes corps dedans leur temps ſe meuuent,
 Et les tons ſans leurs temps eſtre plaiſans ne peuuent.

L'harmonie & le Ciel semblent estre sortis.
 Ensembledement, ayans leur commencement pris
 Tous deux avec le temps, & semble que d'icelle
 D'une Quinte estant fait d'harmonie parcelle
 Le Ciel ayt esté faict. L'harmonie, les Cieux,
 Et le faucheur aïslé sont les trois premiers Dieux
 Qui iamaïs ont esté: Cibeles n'est leur mere,
 L'harmonie, du Ciel la Seur, est deuanciere
 Des Deesses & Dieux, de celle mesmement
 Qui pour le iouuenceau alloit se consommant.
 Qui fut en pin mué apres sa longue fuite,
 Et, comme le Castor, la cause de poursuite
 Se coupa, dont le sang qui rouge en decoula
 Le marbre Phrigien de pourpre tavela.
 Le luth premierement qui n'auoit que trois chordes,
 Monstroit de ces trois Dieux les puissances & concordances.
 L'harmonie, le Ciel, & le chenu faulcheur
 Vont se communiquant l'un l'autre sa valeur.
 Ces trois chordes monstroyent la saison eschaufée
 Et la froide en apres suivre la temperee.
 Mercure par apres la quatriesme adiousta,
 Et tout de quatre est faict. La cinquiesme inuenta
 Chorebe, & Hyagnis y meit une sixiesme.
 Terpandre le monta encor d'une septiesme.
 Il en out huit apres, la neuuiiesme suiuit,
 La dixiesme despuis en usage lon mit.
 Ores communement on le monte de treze:
 On le peut augmenter iusques à deux & seze.
 Le luth de deux fois neuf chordes peut s'accomplir,
 Si on en met plus, cest, pour l'oreille remplir.
 Or estant paruenü à la derniere chorde
 Iettant l'anchre il conuient qu'à la riuë i'aborde:
 Dieux marins permettez, que i'arriue à bon port,
 Vous qui iadis le luth fites venir à bord
 Que les femmes de Thrace auoient d'un precipice
 Ietté dedans vos eaux à fin qu'il y perisse.
 Vous qui auez sauüé l'harmonique douceur
 Du luth que i'ay chanté, faictes en sa faueur
 Qu'au haure Delphien ie puisse tost descendre,
 Ou aux pieds d'Apollon ie vay mon luth appendre.

* Arys.

* pour con-
cordances.

R J E N

R I E N.

Chant I I.

Puis qu'en main le Luth ie tien,
 le veux, ô dieu Delien,
 Faire resonner ton temple,
 Et que ma iumelle temple,
 Prenant de toy son loyer
 Soyt ceinte de ton laurier:
 Non pour d'Amour la querelle,
 Mais d'une façon nouvelle
 Mariant avec la voix
 L'industrie de mes doigts.
 Car si ie chante la force
 D'Amour qui noz ames force:
 Quelque Severe Caton
 A qui ne plaira ce ton,
 Me contraindra de luy dire,
 S'il luy plaist, qu'il se retire,
 Pour d'un regard sourcilieux
 Ne destourner noz gaisieux:
 Que d'une troigne reuêche
 Noz passe-temps il n'empesche.
 Si d'un vol audacieux
 Je monte iusques aux cieux
 Voulant esplucher les choses
 Qui sont au vulgaire closes,
 Lors quelque Astrologien
 Scrupuleux en thracien
 Fondé sur un pié de mouche
 Me voudra clorre la bouche.
 Si ie fleure les odeurs
 Des philosophiques fleurs,
 Fritant le scholastique,
 Il faudra prendre la pique
 Et coup dessus coup ruer
 Pour cent chimeres tuer,
 Labeur qui celuy surmonte
 Du vaillant Bellerophonte.
 Mais si ie chante un beau Rien,

Les tromperay-ie pas bien?
 Ny le scholastic sophiste,
 Ny le docteur Sorboniste,
 Ny le Caton ennuyeux
 Ny le Zoïle enuieux,
 N'empescheront la carriere
 De Rien, mon œuvre premiere
 Dont on me voit auorté
 En chemin de mon esté,
 N'estant encores passée,
 Ma printaniere rosée.

Or un seul Rien fuit la dent
 De tout enuieux mordant:
 Et aux siens la maigre enuie,
 Donne Rien durant leur vie.
 Qui de mon Rien médiroit,
 Beaucoup il ne gaigneroit.
 Combien de mortz violentes,
 Combien de guerres sanglantes,
 Combien de duels: combien
 Se sont faictes pour un Rien
 D'escarmouches, & d'assaultz?
 Combien de sortes de maux?
 Souuent on voit le gendarme,
 Pour un Rien crier alarme.
 Pour un Rien peult le soldat,
 Estre animé au combat.
 Vn Rien anime mon poulce,
 A fin que les nerfs il pousse
 Pour sur mon Luth fredonner
 Et Rien, non autre y sonner
 D'une façon dont encore
 Jamais n'usa Terpsichore,
 Ny autre chantre (ie croy)
 Qui ait esté deuant moy.
 Ny le bon sonneur de Thrace,
 Ny celuy qui de la grace

Du

Du son *Argentin* & *doux*
 Du *Luth*, raut les cailloux.
 Lors que de leur main lassée
 La corde estoit délaissée,
 Il ne monstroït pas parfait
 Vne œuvre qu'ils eussent fait.
 La douceur esvanouye
 Ne pouvoit plus estre ouye
 Que lors qu'ils le reprenoyent,
 Et que le nerf ils touchoyent.
 Mais quand la corde tendue
 De ma main sera battue,
 Pour sonner *Rien*, *Rien* sera
 L'œuvre qui demeurera,
 Encor que iouer ie cesse,
 Et que mon luth ie délaisse.
 Par un *Rien* donques ie veu
 Jcy commencer mon ieu.
 Que si quelqu'un s'en estonne,
 La raison ie luy en donne:
 Tout ce que sans ordre est fait
 Et confusement, desplait:
 La chose bien ordonnée
 Meilleure sera trouvée.
 En tout il faut regarder,
 Que l'ordre on puisse garder,
 Qui est en langue *Gregeoise*
Method, & en la *Françoise*
 Dressière on le peult nommer:
 Car sans beaucoup cheminer,
 En peu de temps il nous meine
 Où il faut que l'on parviene.
 Donc il faut qu'en enseignant,
Method on aille tenant,
 Si que des choses faciles,
 On aille aux plus difficiles.
 Or qu'un tout, est plus aysé
 Ce dont il est composé.
 Parce, ma chanson première

Pour subiect ha la matiere
 De cest œuvre si parfait
 Qui de *Rien* ha esté fait.
 Mais tant plus ie considère
 Que c'est que *Rien*, moins i'espère
 Paracheuer ce discours,
 Sans requerir le secours
 Du ciel: & partant i'appelle,
 Non les enfans de *Cibelle*
 Qui ne logerent iamais
 Dedans l'estoilé palais,
 Mais cil qui ha peu reduire
 Leur pouuoir desbous l'Empire
 De *Rien*, dont il fit ce tout
 Qui est en globe & sans bout,
 Bien que ne soit infinie
 Ceste grandeur arrondie.
 C'est en quoy se méconta
 Le poète qui chanta,
 Que d'une confuse masse
 Tout fut fait, ou en leur place
 Les elemens mélangés,
 Ne furent onques rangés:
 Que là se faisoient la guerre,
 L'air, le feu, l'onde, & la terre.
 Et les accordant fut fait,
 Ce chef-d'œuvre si parfait.
 Toy qui peux tout de *Rien* faire,
 Fay moy cest œuvre parfaire
 Toy sans qui on ne peult *Rien*
 En ce vallon terrien,
 A qui *Rien* n'est impossible,
 Fay que *Rien* me soit possible,
 Qui de *Rien* fis l'univers
 Fay que i'en face des vers.
 Cil qu'un desir espoïnçonne,
 Commun à toute personne,
 De s'acquérir le thresor
 De sçauoir, plus beau que l'or,

Et

Et qui veut le labeur prendre,
Qui est requis pour apprendre,
Il faut qu'il apprenne Rien,
Et il s'en trouvera bien.

Cil on appelle une bête
Qui ne veut orner sa tête,
De science, & Rien sçavoir
Fait de sçavant tiltre avoir.
Car celui point on ne nomme
Qui ne sçait Rien sçavant homme:
Donc celui qui Rien saura
Tiltre de sçavant aura.
Cela i'oseray bien dire,
La condition est pire,
De Cil qui tout ha compris,
Que s'il auoit Rien appris.
Celuy ne sçauroit apprendre
Qui sçait tout, cil peut entendre
Le reste apres, qui Rien sçayt.

Qu'est ce que Rien sçavoir? cest
Sçavoir de tout la naissance
Brefc'est de tout la science.
Cil qui sçait Rien, est sçavant,
Et tel ne se dict deuant
Qu'il ayt de Rien cognoissance:
Car c'est la vraye science,
Qui ha principe certain.
Le ciel fondé sur l'airein
N'ha sous sa rondeur enclose
Que toute muable chose.
En telle variété
Qu'y auroit il d'arresté?
La nature est si diuerse,
Que souuent elle renuerse,
Ceux la qui pensent pouoir
Ces plus grands secrets sçavoir.
Pour une ordonnance faire
Sont l'un à l'autre contraire
Ceux de l'Epidaurien,

Monstrans qu'ils ne sçauent Rien.
La science est si unie,
Qu'elle ne se contrarie:
La science & verité
Font une seule unité.
Quand aux affaires humaines,
Elles nous sont incertaines.
On voit pour un nouueau cas
S'estonner les aduocats.
A tant il est impossible
Par un principe infallible
Aux filz de Japet sçavoir,
Ce qui est en ce manoir.
Le subiect de la science
Est l'uniuerselle essence
Abstraicte d'induidus,
Qui sont au monde reclus.
Chasque chose singuliere
N'ha science peculiere:
Car il y auroit progres
Tousiours d'autre en autre apres.
Donc la matiere subiecte
De la science, est abstraicte
De la matiere, au moyen
Dequoy, l'on voit que c'est Rien.
Que seroit donc autre chose
Le nombre qui ne repose
Sur des materiels corps?
Qu'est ce un nombre sans suppos?
Qu'est ce une ligne tiree
Dans la region aree?
Mais qu'est ce que l'animal
Hors de l'homme & du brutal?
Platon dict que la science
N'est qu'une reminiscence.
Or deuant que nous fussons,
Estans Rien, Rien nous sçauons.
Donc Rien sera la substance
De ceste reminiscence,

Et

Et par consequent aussi,
 Rien seul se sçaura icy.
 Cil qui fut iugé plus sage
 Que tout autre personnage
 De l'oracle Pithien,
 Respondit qu'il sçauoit Rien,
 Enquis de sa suffisance,
 Et quelle estoit sa science.
 Un moderne dire veult
 Qu'un seul Rien sçauoir se peut:
 Parquoy, la plus grand partie
 Du monde à Rien s'estudie
 En ce siecle si heuré,
 Comme à estude assureé,
 Lequel ny le temps ne ronge
 Ny l'oubly, où comme un songe
 Tout autre sçauoir se pert,
 Ou bien tout ainsi qu'en l'air
 La fumee s'éuapore,
 Ou il ressemble à l'Aurore
 Coustumiere chacun iour
 Mourir & naistre à son tour.
 Si avec nous il sejourne,
 Aussi tost il s'en retourne,
 La memoire le saisit,
 Puis l'oubly le luy rait.
 Mais Rien iamaïs ne s'oublie,
 Non mesmes apres la vie.
 Rien n'est pas ce qui n'est poinct,
 Ces deux different d'un poinct,
 Suyuant le dire authentique
 De Plotin le Platonique.
 Pour sçauoir Rien fault entendre,
 Jusqu'ou tout se peut estendre.
 Deux contraires opposez.
 En sont beaucoup plus aisez.
 Ce que tient sous sa closture,
 L'asuree couuerture,
 C'est Tout. Le gouuernement,

De Rien pardela s'estend.
 Son hostel ha nom le vuide.
 Le froid, chaud, sec, & l'humide
 Ne combatent en ce lieu.
 Rien y ressemble à un dieu,
 Car il y est par puissance
 Par tout, ainçois en presence.
 Rien & tout sont deux voisins
 Qui ont les cieux pour confins:
 Mais de Rien la seigneurie
 D'une part est infinie.
 Les poles bornent ce tout,
 De l'un & de l'autre bout,
 D'où l'on peut asses cognoistre
 Qui d'eux le plus grand peut estre.
 Mais du plus grand quelque fois
 On laisse arriere le choys:
 Car la vigueur assemblee
 Vault plus que la dissipee:
 Neantmoins Rien vault bië mieux,
 Car il nous rend comme dieux,
 Nous faisant sans craincte viure,
 Et de tristesse deliure.
 Rien exempt ceux qui l'ont
 D'impot, de dace & d'empront.
 Il ne fault qu'un Rien en somme
 Pour remonter un pauvre homme.
 Car de Rien par le deffault
 Mille fortunes on fault.
 Ny le long temps qui tout mange,
 Ny fortune qui tout change,
 Ny l'enuie des meschans,
 Ny des voleurs aguettans
 La pillarde violence
 Ne luy font aucune offence.
 Rien ha tousiours aueq soy
 La sauue-garde du Roy.
 Le soldat qui poinct ne laisse
 De faire importune presse,

Aux

Aux poulles n'ase toucher,
 Où il sçait rien se loger:
 Mais il faiet un beau ravage,
 Quant il se trouue au pillage.
 Là libre il se garde bien,
 Tant qu'il peut d'y laisser Rien.
 Les Prienois non sans cause,
 Considerans ceste chose
 Ne laisserent Rien aux pas
 Des hapelopins soldats,
 Plus eschaufez au pillage,
 Qu'une lionne sauvage.
 Or ce peuple qui fuitif
 Mieux ayme estre que captif,
 En chemin rencontre un homme
 Que le bruit sage renomme,
 Et s'enquiert de luy pourquoy
 Rien il ne porte aueq soy.
 Il respondit, tout i'emporte
 Quant & moy, en ceste sorte
 Monstrant que sage il n'estoit,
 Car plus de cas il faisoit
 De tout (ce qu'un personnage
 Doit mespriser qui est sage)
 Que de ce desireux Rien,
 Lequel le Stoicien
 Comme une chose tressaincte,
 Ha en son vouloir empreinte.
 Rien c'est du monde l'honneur,
 C'est des princes la grandeur.
 Le fils du Pape Alexandre
 Pour deuise voulut prendre
 Cesar, ou Rien, ce qu'il fut,
 L'empire de Rien il eut.
 C'est la beauté d'une femme,
 C'est la forme de nostre ame
 Qui semble quand elle naist,
 A un tableau sans pourtraict.
 Rien est des hommes la vie,

C'est le guerdon de l'enuie.
 Bref Rien est tout, tout n'est Rien,
 Et tout en fin sera sien.
 Car l'auteur de la lumiere
 Pour perfection derniere
 Qu'à ce tout il baillera,
 En un Rien le reduira.
 Comme Vulcan frape-enclume
 Souflant, sa fournaise allume,
 Et puis met dedans le fond,
 De l'or que la braise fond:
 Puis ceste fonte il martelle,
 La faiet plus nette & plus belle:
 Tout ainsi l'esprit de Dieu
 Souflant, fera luire un feu,
 Lors qu'on verra de ce monde
 Perir la machine ronde,
 Qui tout l'univers foudra,
 Et en Rien le resoudra
 De Rien Dieu fera renaistre
 Tout en un plus parfait estre.
 L'homme il rendra immortel,
 Qui pourtant ne sera tel
 Qu'à Rien premier il ne face
 Venir sa mortelle masse.
 Mortels, cessons de penser
 Au monde qui doit passer.
 Laissons l'auare rapine
 Qui les entrailles nous mine.
 Esteignons l'ambition
 Qui ard nostre affection.
 Tandis que la filandiere
 Nous permet voir la lumiere,
 Viuons, laissant le desir
 Qui viuans nous faiet mourir,
 Qui sans cesser nous boirrelle,
 Qui ronge nostre cervelle,
 Qui nous ostant hors de nous,
 Nous faiet ressembler aux fous.
 t Chang

Remonſtrance aux François ſur les vices qui de ce temps regnēt en tous eſtats. Avec le remede d'iceux. [Impr. 8°. par ledict Cheſneau 1576.]

Histoire de la vie, mort, paſſion & miracles des Saints, deſquels principalement l'Egliſe Catholique faiſt feſte & memoire par toute la chreſtientē ez mois de Ianvier, Feurier, Mars, & Aupil, extraite & faite François pour la plus part des eſcripts Grecs de Simcon Metaphraſte, d'Aloisius Lippomanus Eueſque & d'autres antiques auteurs Catholiques approuvez, comme auſſi des chartres & liures nō imprimez qui ſont ez treſors de diuerſes eglises & abbayes de ce royaume de France. Par maîtres Iaques Tigeau Angeuin docteur en theologie de la faculté de Rheims, Pierre Viel docteur en Theologie de la faculté de Paris, & Clemēt Marchant eſtudiant de la roine de France. Tome premier. [Impr. à Paris f°. par Nicolas Cheſneau 1579.]

Histoire de la vie, mort paſſion & miracles des Saints deſquels principalemēt l'Egliſe Catholique fait feſte & memoire par toute la Chreſtientē ez mois de May, Iuin, Iuillet & Aouſt, extraite & faiſte François par les meſmes que deſſus, & imprimee de meſmes. Tome ſecond

Le troiſieſme tome contient les vies des ſaincts dont l'Egliſe Catholique fait feſte & memoire ez mois de Septembre, Octobre, Novembre & Decembre, extraite, recueillie & faite François par Clemēt Marchant, Iaques Tigeau, Pierre Viel, Jean le Frere de la Val, & Paſcal Robin. [Impr. comme deſſus.]

C L E M E N T M A R O T Valet de Chambre du Roy François premier du nom & de ſon temps Poëte des Princes & Prince des Poëtes de ſon aage a ſi doucement eſcrit, & ſi gracieuſement entaſſé les mots de ſa compoſition yſſante ou de ſon propre eſprit, ou de l'eſprit d'autrui, que iamais on ne verra ſon nom eſtaint, ne ſes eſcrits abolis. Vn homme docte dit en vn ſien liure qu'il ſouhaite aux hommes d'entement & de ſçauoir, pareille douceur, grace, & facilité d'eſcriture accompagnée de iugement pour faire œuures dignes d'immortalité cōme ſont celles dudit Clem. Marot, dont ſ'enſuit le catalogue: Le temple de Cupido. Dialogue de deux amoureux. Eclogue au Roy ſoubs le nom de Pan & Robin. L'Enfer. Elegies en nombre xxvii. Epistres Lix. Ballades xv. Chants diuers xxi. Rondeaux Lxviii. Chanſons xlii. Epigrammes clxxvi. Epi grammes à l'imitation de Martial xxxvi. Eſtrenes L. Epitaphes xv. Cimetiere contenant xxvii. Inſcriptions de Tombeaux. Complaintes vii. Eclogue ſur la naiſſance de Monsieur le Dauphin à l'imitation de l'Eclogue de Virgile qui commence *Sicelides Muſa*. Panegyrique à Monsieur François de Bourbon Conte d'Anguien. Traductions, Aſſauoir, La premiere Eclogue des Bucoliques de Virgile. Le iugement de Minos ſur la preference d'Alexandre le Grand, Annibal de Cartage, & Scipion le Romain dict l'Africain. Les Tristes vers de Beroald, ſur le iour du vèdredy Sainct. L'Amour fugitif pris de Lucian. Les viſions de Petrarque. Vn Epigramme de Salmonius Macrinus au Roy. Le premier & ſecond liures de la Metamorphoſe d'Ouide. L'histoire de Leander & Hero de Muſæus ancien Poëte Grec. Six ſonnets de Petrarque ſur la mort de ſa dame Laure. Cinquante Pſalm. de Dauid. Oraisons à la fin ſuyuant les Pſalm. Toutes leſdictes œuures imprimees en vn volume 16°. à Lyō par Jean de Tournes 1553. & long temps au parauant à part à Paris par diuers Imprimeurs.

Au

Au temple de Cupido.

*Car qui d'Amour ne veut prendre le ply,
Et a desir de fuir le danger.
De son ardeur, pour tel mal estrange,
Besoin luy est d'esloigner la personne,
A qui son cœur en amouré se donne.*

Au dialogue de deux amoureux.

*Car d'une bonne intention
Ne vient doute ne passion.*

En l'Eclogue au Roy.

*Plustost le Rhosne en contremont courra,
Plustost seront hautes forests sans branches,
Les Cignes noirs, & les Corneilles blanches,
Que ie t'oublie.*

En l'Enfer.

*Et bien souvent par cautele subtile
Tort bien mené rend bon droit inutile. & peu apres,
-ne t'esbaly comment
Sergens, Procez, vivent si longuement:
Car bien nourris sont du lait de la Lisse
Qui nommee est du Monde la malice:
Tousiours les a la Louue entretenus,
Et pres du cœur de son ventre tenus.*

En la premiere Elegie:

*Amour a fait de mon cœur une butte,
La Guerre m'a nauré de haquebute:
Le coup du bras se monstre à veüe d'œil:
Le coup du cœur se monstre par son dueil:
Ce nonobstant celui du bras s'amende:
Celuy du cœur ie le te recommande.*

Aux Epistres.

*Paix engendre prosperité:
De prosperité, vient richesse:
De richesse, orgueil, volupté:
D'orgueil, contention sans cesse:*

Contention la guerre adresse,
 La guerre engendre pauvreté,
 La pauvreté, humilité:
 D'humilité reuient la paix:
 Ainsi retournent humains faicts.

Aux chants Royaux.

Qui ayme Dieu, son regne & son empire,
 Rien desirer ne doit qu'à son honneur:
 Et toutesfois l'homme tousiours aspire
 A son bien propre, à son ayse & bon-heur,
 Sans aduiser si point contamine ou blesse
 En ses desirs la diuine noblesse.
 La plus grand part appetite grand auoir:
 La moindre part souhaite grand sçauoir:
 L'autre desire estre exempte de blasme:
 Et l'autre quiert, voulant mieux se pouruoir,
 Santé au corps, & Paradis à l'ame.

Ces deux souhaits contraires on peut dire
 Comme la blanche & la noire couleur:
 Car J'esus-Christ ne promet par son dire
 Cabas aux siens, qu'ennuy, peine & douleur.
 Et d'autre part (repondez-moy) qui est ce,
 Qui sans mourir aux cieux aura liesse?
 Nul pour certain. Or faut il concevoir
 Que mort ne peult si bien nous decenoir
 Que de douleur ne sentions quelque drame:
 Par ainsi semble impossible d'auoir,
 Santé au corps & paradis à l'ame.

Douce santé mainte amertume attire, &c. Voyez
 le reste & la conclusion dudit chant en ses œuvres.

Au chant de May.

Quand vous verrez rir les Cieux,
 Et la terre en fleur & verdure,
 Quand vous verrez, deuant voz yeux,
 Les eues luy bailler nourriture,
 Sur peine de grand forfaiture,
 Et d'estre larron & menteur,

N'en

N'en louez, nulle creature,
 Mais bien le nom du createur.
 Prince, pensez, veu la facture,
 Combien puissant est le facteur,
 Et vous aussi mon escripture,
 Louez le nom du createur.

Aux Rondeaux:

Au temps present par toute nation
 Les Dames sont comme un petit sion,
 Qui tousiours ploye à dextre & à fenestre.
 Bref, les plus fins n'y sçauent rien cognoistre,
 Dont ie conclus que c'est abusion
 D'estre amoureux.

Aux Chançons:

Qui veut entrer en grace
 Des dames bien auant,
 En cautelle & fallace
 Faut estre bien sçauant:
 Car tout vray poursuuant,
 La loyauté sçauant,
 Auiourd' huy est deceu:
 Et le plus deceuant
 Pour loyal est receu.

En vne autre chanson:

L'ayme le cœur de m' amie,
 Sa bonté & sa douceur:
 Le l'ayme sans infamie,
 Et comme un frere la seur.
 Amitié desordannee,
 N'est iamais bien assuree,
 Et met les cœurs en tourment:
 Je veux aymer autrement.

En vne autre chanson:

Ainsi pour vous, gros Bœufs puissans,
 Ne traynez charrue en la plaine:
 Ainsi pour vous, Moutons paissans,
 Ne portez sur le doz, la laine.

4

Ainsi

*Ainsi pour vous, Oyseaux du ciel,
Ne sçauriez faire une couuee:
Ainsi pour vous, Mouches à miel
Vous n'avez la cyre trouuee.*

Aux Epigrammes. A Pierre Vviard:

*Ce meschant corps demande guerison,
Mon frere cher, & l'esprit au contraire,
Le veut laisser comme une orde prison:
L'un tend au monde, & l'autre à s'en distraire.
C'est grand pitié que de les ouyr braire.
Ha, dit le corps, faut il mourir ainsi?
Ha, dit l'esprit, fault il languir icy?
Va, dit le corps, mieux que toy ie souhaitte:
Va, dit l'esprit, tu faux, & moy aussi:
Du Seigneur Dieu la volonté soit faicte.*

A vne Damoiselle:

*Vn lourd vestu de satin est icy
Suyuant la court (sans propos) à la trace:
De bonne graisse est son satin farcy,
Et tout son corps plein de mauuaise grace:
Quant à la grace, à peine qu'on l'efface,
Car il sent trop son escolier latin:
Quant à la graisse il l'a soir & matin,
(Comme ie croy) en trois ans amassée.
Mais baillez luy douze aunes de satin,
Voila sa robe en un iour desgraissee.*

Des Cerfs en Rut & des Amoureux.

*Les Cerfs en Rut pour les Biches se battent:
Les amoureux pour les Dames combattent:
Vn mesme effect engendre leurs discords.
Les Cerfs en Rut d'amour brament & crient:
Les amoureux gemissent, pleurent, prient:
Eux & les Cerfs feroient de beaux accords.
Amans sont Cerfs à deux pieds sous un corps:
Ceux cy à quatre: & pour venir aux testes,
Il ne s'en faut que rameneures & cors,
Que vous Amans ne soyez aussi bestes.*

Au

An Poète Borbonius
 L'enfant Amour n'est pas si petit rien,
 Qu'un Paradis il n'aye sous sa puissance,
 Un purgatoire, aussi pour son milieu,
 Et un enfer plein d'horrible nuisance:
 Son Paradis, c'est quand la jouissance
 Aux poursuivans par grace il abandonne:
 Son purgatoire, est alors, qu'il ordonne
 Paistre noz, ceux d'un espoir incertain,
 Et son Enfer c'est à l'heure qu'il donne
 Le voler bas, & le pendre hautain.

De luy & de la Muse en forme de Dialogue :

Muse dy moy, pourquoy à ma maistresse
 Tu n'as sceu dire Adieu à son départ?
 LA M V. Pour ce que lors ie mouru de destresse:
 Et que d'un mort un mot i'amaï ne part.
 M A R. Muse dy moy, cōment donques Dieu gard,
 Tu luy pus dire, ainsi par mors rancie?
 LA M V. Va pauvre soit son celeste regard
 La renvoyant m'a redonné la vie.

Des Epigrammes imitez de Martial.

Ad seipsum Lib. x. Epig. 47.
 Vitam que faciunt beatiorem,
 Lucundissime Martialis hac sunt.

Marot voicy si tu le veux sçavoir
 Qui fait à l'homme heureuse vie avoir:
 Successions, non biens acquis à peine,
 Feu en tout temps, maison plaisante & saine,
 Iamais proces, les membres bien dispos,
 Et au dedans un esprit à repos:
 Contraire à nul, n'avoir aucuns contraires,
 Peu se mesler de publiques affaires,
 Saige simplesse, amis à soy pareils,
 Table ordinaire, & sans grands appareils,
 Facilement avec toutes gens viure,
 Nuiet sans nul soing, n'estre pas pourtant yure,
 Femme ioyeuse, & chaste néanmoins,
 Dormir qui fait que la nuit dure moins.

Plus

Plus haut qu'on n'est ne vouloir point atteindre.
 Ne desirer la mort, & ne la craindre.
 Voila Mayot si tu le veux sçavoir,
 Qui fait à l'homme heureuse vie auoir.

In Candidum, Lib. v. Epig. 73.
Prædia solus habes, & solus Candide nummos.

De Iean Iean.

Tu as tout seul Jan Jan, vignes & prez:
 Tu as tout seul ton cœur & ta pecune:
 Tu as tout seul deux logis diaprez,
 Là où vivant ne pretend chose aucunes
 Tu as tout seul le fruit de ta fortune:
 Tu as tout seul ton boire & ton repas:
 Tu as tout seul toutes choses fors une,
 C'est que tout seul ta femme tu n'as pas.

Aux Estrenes. Au Roy.

Ce nouuel an, François où grace abonde,
 M'a fait present de pleine liberté:
 Il m'a ouuert, pour estrene, le monde,
 Dont l'Occident deux ans cloz m'a esté:
 Et pourtant j'ay d'estrener protesté
 Le monde ouuert, & mon Roy valeureux.
 Je donne au Roy ce monde plantureux:
 Je donne au monde un tel Prince d'esslite,
 Affin que l'un viue en paix bien heureux,
 Et que l'autre ayt l'estrene qu'il merite.

Au Cymetiere.

De messire Charles de Bourbon.
 Dedans le cloz, de ce seul Tombeau cy
 Git un vainqueur & un vaincu aussi:
 Et si n'y a qu'un corps tant seulement.
 Or esbahir ne s'en faut nullement:
 Car ce corps mort, du temps qu'il a vescu,
 Vainquit pour autre & pour soy fut vaincu.

En l'Epitaphe de maistre Guillaume Cretin.

O dur tombeau, de ce que tu en couures,
 Contente toy, auoir n'en peux les œuvres:

Chose

*Chose eternelle en mort i jamais ne tombe:
Et qui ne meurt n'a que faire de tombe.*

En la deploration de messire Florimond
Robertet.

*L'ame est le feu, le corps est le tyson,
L'ame est d'enhault, & le corps inutile
N'est autre cas qu'une basse prison,
En qui languit l'ame noble & gentille.*

Aux Traductions, & premierement en la premiere
Eclogue de Virgile.

*Donques plustost Cerfs legers & cornus
Viuront en l'air: & les poissons tous nuds
Seront laissez de leurs fleuves taris:
Plustost beuront les Parthes Araris
Le fleuve grand: & Tigris Germanie:
Plustost sera ma personne bannie
En ces deux lieux: & leurs fins & limites
Circuiray à iournees petites,
Ains que celuy que ie t'ay raconté
Du souuenir de mon cœur soit osté.*

Au Iugement de Minos.

*Certes Minos ceux ie repute dignes
D'estre esleuez, iusques aux courts diuines
Par bon renom, qui de basse puissance
Sont paruenus à hautaine accroissance
D'honneur & biens: & qui nom glorieux
Ont conqueſté par faicts laborieux.*

Aux Tristes vers de Beroalde.

*Voicy le iour lamentable sur terre,
Le iour qu'on doit marquer de noire pierre:
Pourtant plaisirs, amours, ieux, & banquets,
Riz, voluptez, brocards, & fins caquets,
Tenez vous loing: & vienne douleur rude,
Soing, pleurs, souſpirs, aueq sollicitude.*

Au premier liure de la Metamorphose d'Ouide.
*Ardent desir d'escrire un haut ouuraige
M'a vinement incité le courage*

A. reci

*A reciter maintes choses formees,
 En autres corps tous nouueaux transformees,
 Dieux, souverains, qui tout faire sçauiez,
 Puis qu'en ce point changees les auez,
 Donnez faueur à mon commencement,
 Et deduisez mes propos doucement,
 A commander despuis le premier naistre
 Du monde rond, iusqu'au temps de mon estre.
 Auant la mer, la terre, & le grand ceuvre
 Du ciel treshaut, qui toutes choses ceuvre,
 Il y auoit en tout ce monde enorme
 Tant seulement de nature une forme,
 Dite Chaos, un monceau amassé,
 Gros, grand & lourd, nullement compassé.
 Brief, se n'estoit qu'une pesanteur vile
 Sans aucun art, une masse immobile,
 Là où gisoient les semences encloses,
 Desquelles sont produittes toutes choses,
 Qui lors estoient ensemble mal couplees,
 Et l'une en l'autre en grand discord troublees.
 Aucun soleil encores au bas monde
 N'estlargissoit lumiere clere & monde:
 La lune aussi ne se renouvelloit,
 Et ramener ses cornes ne souloit
 Par chacun mois. La terre compassée
 En l'air espars ne pendoit balancee
 Soubs son droict poix. La grand fille immortelle
 De l'Ocean, Amphitrite la belle
 N'estendoit pas ses bras marins encores
 Aux longues fins de la terre, ainsi qu'ores:
 Et quelque part où fust la terre, illec
 Estoit le feu, l'air, & la mer avec.
 Ainsi pour lors estoit la terre instable,
 L'air sans clarté, la mer non nauigable:
 Rien n'auoit forme, office ne puissance,
 Ainçois faisoit l'un aux autres nuysance:
 Car froit au chaud metoit guerre & discords:
 Sec à l'humide, & le tout en un corps:
 Avec le dur le mol se combatoit,*

Et

*Et le pesant à leger debatoit:
 Mais Dieu, qui est la nature excellente,
 Appaisa bien leur noise violente:
 Car terre adonq du ciel desempara:
 De terre aussi les eaux il separa,
 Et mit à part pour mieux faire leur paix,
 Le ciel tout pur d'avecques l'air espais.
 Puis quand il eust demeslez, & hors mis
 De l'orde masse, iceux quatre ennemis,
 Il va lier en concorde paisible
 Chacun à part, en sa place duisible.
 Le feu sans poix du ciel courbe & tout rond
 Fut à monter naturellement prompt,
 Et occupa le degré plus hautain:
 L'air le suyuit qui n'en est pas lointain,
 Ains du cler feu approche grandement
 D'agilité, de lieu semblablement.
 En espaisseur la terre les surpasse:
 Et emporta la matiere plus crasse
 Du lourd monceau: dont en bas s'aualla
 Par pesanteur. puis la mer s'en alla
 Aux derniers lieux sa demourance querre,
 Enuironnant de tous costez la Terre.*

En l'Histoire de Leander & Hero.

*Muse dy moy le flambeau qu'on fit luyre
 Pour les amours secretes mieux conduire:
 Dy moy l'amant, qui, noüant en la mer,
 Alloit de nuiët les noces consommer:
 Et le nocturne embrassement receu,
 Qui d'Aurora ne fut onq apperceu
 Ne descouuert. declare moy, au reste,
 Les murs d'Abide, & la grand tour de Seste,
 Là ou Ero, par amour, tant osa,
 Que Leander de nuiët elle espousa.*

En vn Sonnet de Petrarque.

*Ainsi le fruit de mon vain exercice
 C'est repentance, avec honte & notice,
 Que ce qui plait au monde n'est que songe.*

v.

En

En l'Epistre au Roy sur la traduction des Pseaumes.

Quant est de l'art aux muses réservé,
 Homere grec ne l'a mieux observé.
 Descriptions y sont propres & belles:
 D'affections, il n'en est point de telles.
 Et trouueras, Sire, que sa couronne,
 Ne celle là qui son chef environne,
 N'est mieux ne plus de gemmes entournee,
 Que son œuvre est de figures ornée.
 Tu trouueras le sens en estre tel,
 Qui rend la-haut son dauid immortel,
 Et immortel a bas son liure: pource
 Que l'Eternel en est premiere source:
 Et volontiers toutes choses retiennent
 Le naturel du lieu dont elles viennent.

Premier Pseaume de Dauid.

Qui au conseil des malins n'a esté,
 Qui n'est au trac des pecheurs arresté,
 Qui des moqueurs au banc place n'a prise:
 Mais nuiet & iour la loy contemple & prise
 De l'Eternel, & en est desireux,
 Certainement cestuy là est heureux.

Et si sera semblable a l'arbrisseau
 Planté au long d'un cler courant ruisseau,
 Et qui son fruit en sa saison apporte,
 Duquel aussi la feuille ne chet morte:
 Si qu'un tel homme, & tout ce qu'il fera
 Toujours heureux & prospere sera.

Pas les peruers n'auront telles vertus,
 Ainçois seront semblables aux festus,
 Et à la poudre au gré du vent chassée.
 Parquoy sera leur cause renuëe
 En iugement, & tous ces reprouuez,
 Au rang des bons ne seront point trouuez.

Car l'Eternel les iustes cognoit bien,
 Et est soigneux, & d'eux, & de leur bien:
 Pourtant auront felicité qui dure.

Et

*Et pourtant qu'il n'a ne soing ne cure
Des mal-viuans, le chemin qu'ils tiendront,
Eulx, & leurs faicts, en ruine viendront.*

Il a escrit aussi plusieurs autres Opuscles qui ne sont dans le tome de ses œuvres assavoir,
Sermon du bon pasteur & du mauuais extraict du 10. chapi. de *salme* Jean commençant ainsi:

*Pres de Paris vostre grande cité
Sire ie fus le carefine incité
D'aller aux champs entendre le propos
Du bon Pasteur ayment l'ayse & repos
De ses brebis &c.*

Plus,

Complainte d'un pastoureau Chrestien faicte en forme d'Eclogue rustique: dressant sa plainte à Dieu, sous la personne de Pan Dieu des bergers; trouuee apres la mort dudit Marot à Chambery, & imprimee à Rouen 16°. par François Martial 1549.

Deux Colloques d'Erasme intitulez, l'un *Abbatis & Erudita*, l'autre *Virgo & puer*. Au premier sont introduicts l'Abbé & Ysabeau, & au second, Clement & Catherine. Traduiets de Latin en rime Françoisse par Clem. Marot. [Impr. à part & hors de ses œuvres.

Opusculé intitulé le Balladin. par Clement Marot. [Impr. aussi à part & hors de ses œuvres sans nom d'imprimeur & d'at.

Le Riche en pauureté, ioyeux en affliction, & content en souffrance. Opusculé imprimé apres sa mort hors du volume de ses œuvres, à Thurin par Antoine Blanc.

CLEMENT VAILLANT a traduit la 48. Epistre de S. Augustin addressée à Vincent Euesque, De l'heresie Rogatiane, fort conuenable pour remettre à l'vnité de l'Eglise Catholique les separez & heretiques, comme pour y maintenir & conseruer ceux qui y sont demeurez & retournerez. [Impr. à Paris 8°. par Mathurin Preuost 1573.

LE CLERC de Vaudoy fut bon Trouuerre. Il a fait les Fabliaux, intitulez Niserole, qui commence

Seignor i'ay follement mes deniers despendus.

Corbeigny & Tremblay: ensemble celui des Droicts, qu'il feist en l'age de cinquante ans. C'est vne Satyre contre les Iacobins & Cordeliers. Il feist encores vn Fabliau du dieu d'Amour, d'Esté & de May. & ainsi le dict Claude Fauchet.

CLOVIS HESTEAV.

Les œuvres Poëtiques de Clouis Hesteau Sieur de Nuysement, Secrétaire de la chambre du Roy, & de Monsieur, diuisees en 3. liures contenans, Stances en faueur de l'Academie. Les gémissemens de la Frâce au Roy. Pallas à Monsieur. Hymne à la fortune. Ode Pindarique à Monsieur sur ses victoires, Autre Ode
v 2 à Mon

à Monsieur. Deux Sonnets à Monsieur, & vne Ode à luy mesme sur vne cour-
se. Hymne au Roy sur la Paix. Sonnets en nombre 101. Stances. Autres Stâces.
Chant Pastoral à Madamoiselle d'Attr. La Metamorphose du Figuier. Repro-
ches de Medee à Iason. Enchantemens. La Jalousie. Acherontide. Plainte de
Telie à Echo. Cartel. Satyre. Epigrammes traduits du Grec. Le tout Impri. à
Paris 4°. par Abel l'Angelier 1578. En vn aduertissement que ce Poëte fait au
lecteur au commencement de ses œuvres il confesse d'auoir tasché retracer quel-
ques traits d'aucuns Poëtes rât Grecs & Latins ouïs sous d'Aurat son prece-
pteur, que des plus dignes Italiens & François. Et voyant que les anciens se sont
librement iouez des inuentions les vns des autres, comme Hesiodé qui en son
Aspis n'a fait que rebatre le bouclier d'Achilles forgé par Homere : il prie le le-
cteur ne s'offenser des vers qu'il trouuera parmy ses œuvres imitez ou enrichiz
par ses estudes de la despouille d'autrui, d'autant que le crime auoué sans ges-
ne est digne de plus douce peine. Et au reste qu'en les Sonnets on verra des in-
uentions de Ronfard & de Tyard, ausquels il en rend l'hommage deu, comme
de mesmes il y en a cinq ou six tirez de Petrarque. Je voudroy que plusieurs en
eussent confessé librement autant, & ils auroient beaucoup mieux fait que
de s'estre voulus attribuer l'inuention d'autrui : combien que ce ne leur soit
peu de gloire d'auoir fort bien imité & adiousté beaucoup de leur inuention.
D'ailleurs tels larcins sont louables : car Virgile a bien sceu choisir & accom-
moder à son Encide vne infinité des plus beaux traits des auteurs Grecs, que
Fulvius Ursinus Romain par son labeur & industrie a descouvert de nostre
temps en son œuvre intitulee, *Virgilius collatione scriptorum Græcorum illustratus*.
Eclogue recitée deuant le Roy au festin de Messieurs de la ville de Paris le 6.
Feurier 1578. en laquelle Seine & Marne entrepurent, traduite du latin de
Iean Dorat. par Clouis Hesteau. [Impr. à Paris 4°. par Federic Morel. 1578.

Aux Stances en faueur de l'Academie.

*La vertu ne peut cheoir sous l'onde stigienne,
La vertu ne ressemble à la fable ancienne
De la montagne enslee, ou du fleuve escorné.
Ses effects sont plus grands que n'est sa renommee:
Nulle audace ne rend sa force consommee,
Mais tousiours de lauriers son front est couronné.*

*Tant plus on a de peine à chercher la victoire,
Plus celuy qui la trouue en rapporte de gloire,
Après un long travail le repos est plus doux.
Tousiours la chose belle est la plus mal-aisée:
Mais l'ame genereuse en doit estre embrasée:
Car plus grand est l'honneur qui n'est commun à tous.*

*D'autant que la vertu est la plus rare chose
Que nous ayons du ciel elle n'est pas enclosée*

Au

*Au cerueau d'un chacun, mais pour mieux l'honorer
Sur le front des grands Roys Dieu veut qu'elle sejourne,
Et comme le Soleil sur nostre orison tourne,
Elle entourne leurs chefs pour s'y faire adorer.*

*Le prince est un theatre où son peuple contemple
Ses meurs pour les ensuyure & s'en servir d'exemple:
C'est leur iour & leur nuit, leur temple & leur autel:
Il est le vray fanal qui remerque la poupe,
Et comme le dauphin guidant l'humide troupe:
S'il est bon ou mauvais son peuple sera tel.*

*Que peut servir qu'un prince ayt la terre en partaige,
Qu'il soit icy de Dieu la ressemblante image,
Qu'il soit pour regir tout predestiné des cieux:
Bref qu'il puisse estimer sa richesse infinie,
S'il n'est ainsi qu'en biens riche en candeur de vie?
L'or ne peut rendre aymable un prince vitieux.*

*Le prince vitieux n'adore que le vice,
L'iniuste n'a plaisir qu'à sa mesme iniustice,
Le cruel se repaist du sang de l'innocent:
Mais le saige au contraire adore la doctrine,
Il porte la clemence enclose en la poitrine,
Et iuste du meffaiect iustement se ressant.*

En autres Stances.

*Si nous croyons Amour l'ame entiere du monde,
Germe du feu, de l'Air, de la Terre, & de l'Onde,
Guide du contr' accord des mouuemens diuers:
Et s'il est en moy sec, leger, pesant, humide,
Doux, amer, calme, ireux, & content, & auide,
Ne puis ie comparer mon corps à l'univers?*

*Le Ciel nourrit la terre, & faut qu'il se nourrisse,
Du feu qu'il a infus au fons de sa matrice,
Ou d'un eternal ordre il entre & tost refuit:
Madame est bien mon Ciel, & son centre est mon ame,
Où son bel œil influe une diuine flame,
Mais ce qui la nourrit est ce qui me destruit.*

Le feu qui haut au Ciel s'alume dans la Masse,

Se nourrit de l'humeur qu'en son centre il amasse,
 Dont il anime tout de çà de là diffus:
 Le feu qui part des yeux de ma belle inhumaine,
 Se nourrit de mon sang & court de veine en veine,
 Animant les tourmens qui me rendent confus.

L'œil du Ciel attirant la vapeur qui s'esleve,
 Grosse l'air de nuëux, puis coup à coup les creue,
 Desserrant assouuy leur fais precipité:
 Ainsi l'œil de mon Ciel qui sa puissance esgalle,
 Attire par mes yeux mon ame qui s'exalle:
 Mais plus il a du mien plus il semble irrité.

Les Astres sont parfaicts, estans pourueus de vie,
 Non iamais deffaillante, ains de soy poursuivie,
 Qui ramene dans eux leur parfait mouvement:
 Et mes tourmens causez d'une essence immortelle,
 Recommencent tousiours leur Carolle eternelle,
 Tellement que leur fin est leur commencement.

Les monts tousiours bruslans de leurs veines souffreuses,
 Chassent en tourbillons les fumieres venteuses,
 Et par mille gosiers donnent air à leur feu:
 Je brusle incessamment, & n'ay rien dans mes veines,
 Qui ne soit en souffré: d'où procedent mes peines:
 Mais ma flame ne peut s'exaller tant soit peu.

Le grand pere Ocean de ses cruches renuerse,
 L'eau qui de veine en veine en la Terre traaverse,
 Et resourd en maints lieux dont se font les ruisseaux:
 Madame esband ainsi l'ennuy qui me martire.
 L'Ocean donne l'eau puis à soy la retire:
 Mais elle ne reprend un seul de mes trauaux.

Le pere au double front regarde des annees,
 Et les commencemens & les fins terminees,
 Sans forcer de leur cours le vray point compasé:
 Je voy mes premiers maux & ceux qu'elle m'apporte,
 Grauer dessus mon cœur: mais la fin trop plus forte
 Fait que le prochain mal efface le passé.

On voit souvent au soir se montagner les nues,

Ou se feindre en maints corps de chimeres cornues,
 Qui baliez du vent faillent en un moment:
 Ainsi de mes pēſers la cohorte importune,
 Se transforme en cēt corps; mais leur ſource cōmune:
 Dedans moy malheureux ſtue eternellement.

Or' les foreſts, la prae, & les plaines deſertes,
 Sont de fueilles, de fleurs, & d'eſpics reconuertes,
 L'arbre pouſſe en cotton le bouton de ſon fruit:
 Bref on voit le printemps, & l'eſté & l'auſonne
 Donner fleurs, grains, & fruits, mais nul d'eux ne me donne
 Que l'obſtiué tourment qui cruel me deſtruit.

Tout ce que les Cieux ont de maligne influence,
 Tout ce que les enfers ont d'aſpre violence,
 Sont ore à mon mal-heur fierement coniurez:

Car tout ce qui eſt clos dans ce grand hemisſphere,
 Le Feu, l'Air, l'Eau, la Terre, & le Ciel m'eſt contraire,
 Teſmoignant leurs efforts en mes maux endurez.

En vne Ode.

De la vermeille courriere,
 La rouſſoyante lumiere,
 Se r'anime chacun iour:
 Iamais la Lune blaſarde,
 Plus d'un quartier ne retarde,
 Faiſant ſon oblique tour.

Jamais les ondes ſoufflees,
 Ne defaillent d'eſtre enſlees,
 Au temps des Jdes de Mars:
 Touſiours l'herbe verdiffante,
 Eſt au printemps renaiffante,
 Dans l'encloſture des parcs.

Du manoir remply d'encombre,
 La porte puante & ſombre,
 Eſt ouuerte à l'arriuer:
 Mais quand l'ame vagabonde,
 A franchy la bourbeuſe onde,
 On ne l'en peut retirer.

Atropos groſſe d'enuie,
 Sçait bien tapir noſtre vie
 Deſſous le tombeau reclus:
 Mais quand par ſa main meurtrière
 Elle eſt proye d'une bierre, (re,
 Cloton ne la file plus.

Toutes les forçeleries,
 Et les vielles reſueries,
 Dont on ſe rompt le cerneau,
 Ne ſçauroyent limiter l'heure,
 Qu'il eſt deſtiné qu'on meure,
 Ny nous garder du tombeau.

L'eſſenſielle influence,
 S'eſt reſerué la ſcience,
 De cognoiſtre tels ſecrets:
 Il ne faut donc qu'on s'arreſte,
 Aux menteurs qui noſtre teſte
 Chargent de mille regrets.

V 4

En

*A peine du berceau la fille ore sortie,
 Sçait conduire ses pas, que l'impudicité
 Se lit dessus son front, & le pris limité
 De son naissant honneur, sont les folles cadances,
 Et le marcher nombreux des impudiques dances.
 D'employer tout son soing, se priver du repos,
 A se faire le pied plus que l'esprit dispos,
 Pour l'honneur d'une volte, & cōme les Baccantes,
 En leurs folles fureurs remarcher les courantes.
 Voila leur frontispice en leur premier bon heur,
 Qui se couronne en fin avec leur deshonneur,
 Par une Catastrophe au triple vergongneuse.*

COLARS LI BOVTEILLERS. Voyez le liure de Claude Fauchet des Poètes qui viuoient deuant l'an. M. CCC.

Le Seigneur de COLÈS (son nom propre & son surnom me sont incertains) a escrit en vers

L'enfer de Cupido, où il depeint au vif les peines & malheurs de ceux qui se sont adonnez à suiure le train d'Amour deshoneste, & qui en ont eu mauuaise recompense, & yssue malheureuse : là où aussi il décrit assez bien faute d'argent, comme s'ensuit:

*Puis cheminant par ceste orde contree,
 Faute d'argent ie vey toute esploree,
 Qui en ce lieu pour sa grand cruauté,
 Par dessus tous tient la principauté,
 Et qui souvent en cest enfer damnable
 Vient egaler l'innocent au coupable
 Pour les tourmens qu'aux amans elle ordonne:
 Car un mignon tellement elle estonne,
 A son prochas se monstrant ennemie,
 Qu'il n'oseroit s'accoster à s'amy.
 Elle osa bien priver de sa requeste
 Demosthenes, voulant faire conqueste
 Par Bel accueil de la gente Lays,
 Dont non content s'en reuint au pays:
 Et fait aussi malheureux l'horoscope
 Du pauvre Irus amant de Penelope.
 Chacun se sent du mal qu'elle sçait faire,
 On la cognoist trop mieux par son contraire:*

Car

*Car un present, une bague, un colet,
 Vn dyamant, rubis ou bracelet,
 Est en amour, de plus grande efficace,
 Que bel accueil, bien dire & bonne grace.
 Et pour certain est yssu ce venin,
 Du naturel du sexe feminin,
 Quand au dessain d'amoureux exercice
 Se rend par trop asseruy d'avarice.*

Cest Opuscul a esté imprimé à Lyon 8°. par Macé Bonhomme 1555.

COLIN M V S E T fut vn ioueur de violle, qui alloit par les cours des Princes, ainsi que declare sa 1. chanson. Par la 11. il donne à connoistre que sa vielle n'estoit pas pareille à celle dont iouent communément les aueugles du iourd'huy: car il dit,

*„ J'alay a li el praelet:
 „ O tot la vielle & l'archet.
 „ Si li ai chanté le muset.*

La figure d'un Iougleor tenant ceste forme de vielle ou violle se voit en bosse au costé dextre du portail de l'Eglise de S. Iulian des Menestriers, à Paris en la rue S. Martin, representant un instrument vulgairement apellé Rebec.

CONRAD BADIUS a escrit en rime

Les vertus de nostre maistre Nostradamus, qu'il sur le milieu il dit ainsi:

<i>J'oublioy de dire en un mot</i>	<i>Et sont naiz sous tel horizon</i>
<i>Qu'il rime comme poix en pot:</i>	<i>Qu'il n'y a ny sens ny raison:</i>
<i>Mais pour un diseur de matines</i>	<i>Tellement que ce docte Homere</i>
<i>Il couppa mal ses feminines.</i>	<i>Semble estre fils de soite mere</i>
<i>Ses vers sont faicts à estriuiere</i>	<i>Qui iadis rimoit en dormant,</i>
<i>Fort courts deuant & longs derriere,</i>	<i>Ou plustost dormoit en rimant.</i>

Impr. par ledit Conrad Badius 1562.

CONSTANTIN CÆSAR.

L'Agriculture de Constantin Cæsar. Translatee en François.

CORNEILLE DE BLOCKLAND natif de Montfort en Hollande, Docteur Medecin demeurât à Sainct Amour au comté de Bourgogne a escrit,

Instruction fort facile pour apprendre la Musique Pratique sans aucune Gaine ou la main. Et ce en 16. chapitres. [Impr. à Lyon 8°. par Jean de Tour. 1573. Le second Iardinet de Musique contenant plusieurs belles chansons Françaises à 4. parties, Dediees en general à Madame de Creysia Gabrielle de Dinteville, & chacune particulierement à quelque damoiseille de sa cognoissance. [Impr. à Lyon par Jean de Tournes 1579.

Il a escrit aussi plusieurs Diaires & Almanachs pour chacune annee publicz au parauant quelques annes sous son nom, & depuis sous le nom d'Imbert de

Billy

Billy tailleur d'habits du Sieur de Perez Comte de S. Amour, Baron de Corgenuou, &c. [Impr. à Lyon par Benoit Rigaud.

CORNEILLE GRAPHEVS.

La magnifique & triomphante entree de treshaut & trespuissant Prince Philippes Prince d'Espagne, fils de l'Empereur Charl. v. ensemble la yraye description des spectacles, theatres, arcs triomphaux &c. lesquels ont esté faicts & bastis à sa tresdesiree reception en la tresrenommee, & tresflorissante ville d'Anuers, l'an 1549. premierement cōposée & desferite en Latin par Corneille Grapheus greffier de laditte ville, & depuis traduite en François. [Impr. en Anuers f°. par Pierre Creck d'Allost. 1550.

CORNEILLE MVSSO.

Sermons tresdoctes & elegans du reuerend pere F. Corneille Musso euesque de Bitonto, faits en diuers temps & diuers lieux, diuisez en 4 parties, traduits d'Italien par Gab. Chapuis. [Impr. à Paris 8°. par Guill. Chaudiere 1584.

CORNELIVS TACITVS.

Lesœuvres de C. Cornel. Tacitus cheualier Romain. Assauoir, Les Annales & Histoires des choses aduenues en l'Empire de Rome despuis le trespas d'Auguste. L'Affiete de la Germanie, les mœurs & noms des anciens peuples de ce pais. La vie de Iules Agricola, où est traictee la conqueste & description du pais iadis appelé Bretagne, & maintenant Angleterre & Escocce. Letout mis en François partie par Estienne de la Planché, assauoir les cinq premiers liures, & le reste par Claude Fauchet president en la court des monnoyes establee à Paris. Auec annotations necessaires pour l'intelligence des mots plus difficiles & remarquables. [Impr. à Paris f°. par Abel l'Angelier 1582.

COVRTE BARBE, fut vn Menestrel, qui a fait le Fabliau de trois aucugles de Compiègne, assez plaisant. Trois aucugles (dit-il) sortans de Compiègne, rencontrent vn escolier de nature gaye: lequel voulant tirer du passetemps d'eux, quand ils luy demanderent l'aumosne, leur dit: Tenez, ie vous donne ce Besant (c'est vne piece d'or valant enuiron vn angelot) chacun des aucugles pensant qu'il l'eut donné à son cōpagnon, l'en remercierent grandement. Et ayans cheminé quelque peu d'espace, le plus ancien d'eux commence à dire aux autres: que passé long temps ils n'auoyent fait bonne chere, & failloit retourner à Compiègne se resiouir: à quoy les autres s'accorderent. Estans donc arriuez en la ville, & oyans crier, Ceans a de bon vin: ils prient l'hoste de les loger en vne bonne salle peinte, les bien traiter, & n'auoir esgard à leur estat: car ils le contenteroyent bien. Le Clerc qui auoit mis pied à terre, despuis ce don imaginaire, & les suyuoit pour entendre leurs propos, vint semblablement loger en la mesme ostellerie, où les aucugles se firent bien traiter de chair, de poisson, & toutes sortes de vins: puis apres auoir bien beu ils s'en allerent coucher, dormans si haute matinee, que l'hoste les vint esveiller, & demander leurs escots. Les aucugles respondirent que c'estoit raison, qu'ils auoyent vn besant sus lequel il se payast. Ca donc (dit l'hoste) & vn des aucugles parlant à son cōpagnon, Robert baillez-le luy, car ce fut à vous qui aliez le premier qu'on le donna. Par Dieu vous auez menti, dit Robert, mais ce fut à vous qui veniez le dernier, Cestui-cy iurant que non, Tu l'as donc, disent les

les deux au troiesiesme. Non ay, respondoit-il, mais vous. Ce pendant l'hoste courroucé pensant qu'ils se moquaient de luy, commençoit à frapper dessus les aueugles, quand le clerc qui auoit tout ouy, dit à l'hoste, qu'il ne se fâchast, ains mit l'escot des aueugles sus le sien, car il payeroit tout, dont l'hoste se remercia: & louant sa liberalité laissa sortir les aueugles. Le clerc vestu, & voyant sonner la messe, demanda à l'hoste s'il vouloit pas prendre son Curé pour pleige des xv. sols; que luy & les aueugles deuoyent pour leurs escors: lequel respondit, que non seulement pour cela, mais qu'il luy presteroit iusques à trente liures. Faites dono (dit le clerc) que ie sois quitte quand on m'amenera mon palfrey, & l'hoste dit qu'aussi feroit-il. Ce pendant le clerc commande à son valet tirer son cheual de l'estable, & le luy amener. Ce fait-il s'achemine vers l'eglise: la où estant venu, il prend son hoste par le doigt, & le mene vers l'hostel: où trouuant le prestre vestu de son aube, & prest de dire la messe; il tire de sa bourse douze deniers, & luy dit bas, que l'homme qu'il tenoit estoit frenetique, mais pour le present il se portoit assez bien de sa personne: qu'il luy pleult toutesfoies apres la messe, dire sus sa teste vne Euangile. Le prestre se tournant deuers l'hoste, luy dit, Mon amy, ie le feray apres la messe. Le clerc ainsi quitte, fort de l'eglise, prend congé de son hoste & monte à cheual. Or pource qu'il estoit dimanche, l'hoste retourne pour l'oir messe, laquelle acheuee il s'approche de l'autel: & le Curé ayant encores l'estole au col, luy fait signe qu'il s'approche & s'agenouille: mais l'hoste qui n'estoit en deuotion, luy dit, qu'il ne venoit pour cela, ains pour recevoir quinze sols qu'il luy auoit promis au nom du clerc. L'hoste ne voulant s'agenouiller, & au contraire se courrouçant: le Curé appelle ceux qui estoient demourez, & les prie de tenir cest homme, qui n'estoit pas bien sage: mais l'hoste monté de plus en plus en colere, & fâché outre mesure, commence à blasphemer. Ce qui fut cause que le Curé partant plus hault, assembla des gens, criant qu'il estoit fol: de maniere qu'il fut lié, & l'Euangile dict sus sa teste. L'oraison acheuee, quand il demanda ses xv. sols, il est renouyé comme insensé, & encores moqué de ceux à qui il conta son affaire. Les deux vers derniers declarent l'auteur.

„ Corte-barbe dit ci endroit,

„ Qu'on fait à tort maint homme honte.

COVRT OIS. D'ARRAS a fait vn fabel de Fouchet Boyvin, qui contrefaisant le nyais paisan, contant son argent au bordeau de Brouins, trompa Mabil le rufee putain: laquelle luy donna bien à disner, & la compagnie d'une ieune garce sa seruante. (L. Fauchet.)

La CROIX, du pais du Maine (son nom propre m'est incognu) a escrit: Desseins ou proiects pour dresser vne Bibliotheque parfaite & accomplie de tous poincts, s'il plait à sa maiesté de l'accepter, & fournir de liures, memoires ou recueils pour remplir cent bufets. Avec vn aduertissement qu'il faut lire auant que iuger des escrits de l'auteur. [impr. à Paris 1583.]

CYPRIAN LEOVITIVS. Predictions des choses plus memorables qui sont à aduenir depuis l'an 1564. iusques à l'an 1607. prises tant des eclipses & grosses Ephemerides de Cyprian

prian Leouiric, que des prediCTIONS de Samuel Syderocrate, trad.en François, & impr. à Paris 8°. l'an 1583.

CYPRIAN RORE a escrit quatre liures de chansons françoises en musique.

CYRILLE.

Catecheses ou instructions verbales du Saint Pere Cyrille Archeuesque de Hierusalem en nombre vingt & trois dont 18. des illuminez en Hierusalem & cinq Mystagogiques, enseignans les misteres de la foy Chrestienne, qui apres auoir esté long temps cachees, maintenant sont venues en lumiere tant grecques, latines que vulgaires. [Impr. à Paris 16°. par Sebastien Niuelle 1564.

CYRILLE ALEXANDRIN. Voyez Franç. Feu-ardent. René Benoist.

C. M. Iatrophile, a traduit

Les six principaux liures de la Therapeutique de Claude Galien, avec le deuxiesme de l'art curatoire à Glaucon. Ausquels est adiousté le liure des tumeurs contre nature, necessaires à tous chirurgiens. [Impr. à Paris 16°. par Jean Ruelle 1554.

CH. G. L.

Moyen facile pour lire en grec : traité par Dialogue, en langage François, par CH. G. L. [Impr. à Tholose 16°. par Guion Boudeuille 1555.

C. P. a traduit de Grec en François

Deux Traictés de Xenophon de la Republique, estat & gouuernement des Lacedemoniens & Arheniens. [Impr. à Paris 8°. par Federic Morel 1579.

LIURES D'AUTEURS INCERTAINS.

Le grand CALENDRIER & Compost des Bergers, composé par le Berger de la grande montaigne. [impr. à Lyon f°. par Jaques Huguetan 1502. par Jean Cauterel 1551. & 4°. par Oliuier Arnoullet, Jean d'Ogerolles, François Didier & autres.

Le CALENDRIER des fols, dont le nombre est bien grand. [Impr. à Par. 8°. par Jean Trepperel, sans datte.

Le CALENDRIER Romain. Auquel a esté adiousté maintes histoires, tât anciennes que modernes, aduenues selon iours & annees despuis la creation du monde. [impr. à Lyon 16°. par Corneille des sept Granges 1555.

CALENDRIER historial & lunaire.

Description de la CARTE Gallicane, en rime. [impr. à Paris 4°. par Alain Lotrian.

Le CATALOGVE des liures examinez & censurez par la faculté de Theologie de l'vniuersité de Paris, despuis l'an 1544. iusques à l'an 1551. suynât l'Edit du Roy donné à Chasteau Briant. [Impr. à Paris 8°. par Jean André audit an.

LE CATALOGVE des Malheureux: en rime, contenant les calamitez & malheurs où tombent tous les iours plusieurs personnes. [impr. 16°. à Paris 1549.

CATA

C A T A L O G V E du Pape & de Moÿse. *Censuré.*

C A T E C H I S M E, C'est assavoir la forme d'instruire les enfans en la Chrestienté. *Censuré.*

Catechisme, ou Sômaire de la doctrine Chrestienne par demâdes & responses, pour le bien & vtilité de la ieunesse chrestienne, mis en lumiere par le commandement & autorité du Roy des Romains, Hongrie, Boheme, Archeduc d'Austriche. tourné en François & impr. en Anuers 16°. par Iean Bellere 1557.

C A T E C H I S M E & Sommaire de la Religion chrestienne faict par l'ordonnance & decret du S. Concile de Trente, qui commande à tous curez de l'enseigner au peuple. Auquel de nouveau a esté adiousté vn Indice qui mōstre à quels lieux des Euangiles dominicales se peuuent rapporter les principaux poincts d'iceluy. [impr. latin françois à Bourdeaux 8°. par S. Millâges 1568.

L'ordre & forme qui a esté tenu au sacre & couronnement de treshaute & tresillustre Princesse C A T H E R I N E de Medicis Royne de France, fait en l'Eglise Saint Denys en France le 10. Iuin 1549. [impr. à Paris 4°. par Iean Dallier, audit an.

La vie de Sainte C A T H E R I N E du mont de Synay en rime. [impr. à Paris par Alain Lotrian sans date.

C A V T E L E S Canon & ceremonies de la messe extraites du Messel à l'vsage de Rome avec annotations. [impr. à Lyon 8°. par Claude Rauot 1564. *Caluinique.*

De la C E N E de nostre Seigneur Iesus, & de la messe que l'on chante cōmunement. *Censuré.*

C E L E S T I N E Tragiconédie, laquelle traite des deceptions des seruiteurs enuers leurs maistres, & des maquerelles enuers les amoureux. [impr. à Paris 8°. par Oudin Petit 1542.

Le C E R C L E d'Amour, auquel cercle carré estoient escrites quatre lignes chantees par les Poètes deuant les Dieux immortels. Les quatre lignes sont:

Jamais Amour ne peut estre sans grace.

Il n'est ennuy que d'amoureuse absence.

Foy garde Amour & Amour donne grace.

Toutes à l'œil, mais l'une au cœur me touche.

Sur chacune desquelles lignes ou vers plusieurs Poètes de ce temps là ont fait diuers Epigrammes, où ladite ligne est tousiours repetee. Et sur la premiere ont esté composez douze dizains dont i'en mettray icy quatre.

L'homme ne peut aymer & estre aymé

Si grace n'est en cest amour coniointe.

Amour par grace est vn feu allumé

Bruslant les cœurs où charité est ioincte.

Vraye amitié ne peut estre disioincte

Où l'heur d'amour par grace est merité.

Amour sans grace est foy sans charité,

x

Fes

Feu sans chaleur, & gelee sans glace:

Mais si tu prens l'amour de verité,

Jamais amour ne peut estre sans grace.

Qui feit en croix le corps de Iesus-Christ

Rendre son sang, mesmes sa propre vie?

Ne fut ce pas comme S. Pol décrit

L'excez d'amour, dont mort est asservie?

Qui en auons nous? une grace assouvie,

Nous assurant de la gloire certaine.

N'as tu pas eu pardon ô Magdelaine

Par bien aymer ton hoste qui t'embrasse?

Cela est vray, car par vertu hautaine

Jamais amour ne peut estre sans grace.

Si sans amour la grace estre ne peut,

Jamais amour sans grace ne peut estre.

Grace peut tout ce qu'amour peut & veut:

Donc voyant l'un, l'autre peut apparoiſtre.

Car par l'amour la grace on peut cognoiſtre

Comme peché est cognu par la loy,

Le iuste à l'œuvre, & Iesus-Christ par foy.

Et tout ainsi que ne peut estre glace

Sans grand froideur, ainsi comme ie croy,

Jamais amour ne peut estre sans grace.

Grace iamais sans amour ne se monstre

Aussi amour sans grace n'apparoit:

Parquoy tous deux en l'amoureuse monstre

Doient marcher tous les premiers par droict:

Car tout ainsi que sans feu ne viuroit

La Salemandre, ou nul vivant sans Dieu,

Amour sans grace en terre & ciel n'a lieu.

Les separer impossible est en place:

Car, au rapport de l'escrit S. Matthieu,

Jamais amour ne peut estre sans grace.

CHANSONS tant d'amour que de la guerre de plusieurs sortes. [Imprimees diuerſement & en diuers lieux.

CHANSONS . spirituelles plaines de consolation. *Censuré.*

CHANSONS Chrestiennes par lesquelles les fideles pourront soulager leur esprit, & les ignorans ayans cognoiſſance des abus, venir à Iesus-Christ. *Censuré.*

CHANT Elegiaque de la republique sur la mort de treshaut & tresmagnanime

gnanime Prince François premier de ce nom Roy de France. Joins certains Epitaphes sur la mort dudit Prince. [Impr. à Tholose 4°. par Guyon Boudeuil-
le 1547.

La forme de prier, ez CHANTS Ecclesiastiques, avec la maniere d'administrer les Sacremens & consacrer le mariage selon la coustume de l'Eglise ancienne. *Censuré.*

LE CHASTE AV de labeur, en rime. [Impr. à Lyon par Claude Nourry 1518.

Le CHASTE AV de Virginité. [Impr. à Paris par Jean Treperel. 1506.

La CHASTE LAINE du Verger. [Impr. à Paris 16°. par Denis lanot.

D'un nouveau CHEF, qui au temps des Empereurs s'esleua à Rome. [Impri. 1543. *Censuré.*

Le Romant du CHEVALIER de la Croix.

Le CHEVALIER aux Dames. Rime.

Le CHEVALIER delibéré, cōtenant en rime la mort du Duc de Bourgogne qui trespassa deuant Nancy. [Impr. à Paris 4°. par Michel le Noir 1489.

La plaissante & amoureuse histoire du CHEVALIER doré & de la pucelle surnommée cœur d'acier.

Le CHEVALIER de la tour, & le guidō des guerres. [Impr. à Paris 4°. par Philippes le Noir.

La CHEVTE du Diable & de ses adherés, où est expliqué le passaige du Prophete, *Quomodo cecidisti de caelo Lucifer. &c.* [Impr. à Paris par Antoine Verrard 1506.

L'Institution des loix, coustumes & autres choses merueilleuses & memorables du royaume de la CHINE & des Indes, cōtenues en plusieurs missives enuoyees aux religieux de la compaignie du nom de Iesus. traduites d'Italien. [impr. à Paris 16°. par Sebastien Nyuelle 1556.

CLAMADES & la belle Clermonde. Romant. [impr. à Paris & à Lyon 8°. sans datte.

Le liure de CLER GIE nommé l'Image du mode, translaté de latin. [impr. à Paris 8°. par Jean Treperel sans datte.

Les XII. liures du CODE translatez en François. Escrits en main en la librairie du sieur Comte d'Vrfé.

Le COMBAT de Maladuisé avec sa dame par amours, sur le ieu de paille, cartes, dez & tablier, monstrant comme tels ieux, ioinct celuy des femmes, font aller l'homme à l'hospital. Avec plusieurs autres rondeaux & dixains presentez au puis de risée. [impr. à Lyon 16°. l'an 1547.

Le COMBAT Chrestien cōtenant 13. chapitres. [impr. de vieille lettre sans nom d'imprimeur & sans datte.

COMEDIE tresélegante, en laquelle sont contenues les amours d'Erostrate fils de Philogone de Catanie, & de Polymnestre fille de Damon. mise d'Italien en rime François. [impr. à Paris 16°. par Hierosme de Marnes 1545.

Discours de la COMETE apparue à Lausanne le 8. jour de Nouëbre 1577.

fait en vers François par I. R. de Digné en Prouence. [Impr. à Lausanne 4°. par Franç. le Preux 1578.]

Petit COMMENTAIRE sur l'epistre S. Paul à Philemon auquel entre autres choses est déclaré comment nous deuons traiter avecq toute douceur & humanité les pecheurs qui se recognoissent. [impr. par Antoine Keboul. *Caluinique.*

COMBENDION historial des Polices des empires, royaumes, & choses publiques, translaté de latin. [impr. à Paris f°. par François Regnaud 1528.]

COMPLAINTE apologetique des eglises de France &c. [Impr. 8°. par Jaques des Hayes 1561. *Caluinique.*

Le COMPILOGVÉ des guerres de la Gaule & país de France, & des lieux plus faciles à assaillir. La couuerte entreprise par les Imperiaux du costé d'Allemagne, contre France. composé par vn aduocat natif de Lyon. [impr. à Lyon 16°. sans datte.

La COMPLAINTÉ du pouure Fouldroyé enuoyee à Cupido le Dieu d'amour. Avec deux epistres l'une de Chambor general de Caen, l'autre par Brenuille le tout en rime. [Impr. par Oliuier Arnoullet.

Nouveaux recits ou COMPTES moralisez ioinct à chacun le sens moral. [impr. à Paris 16°. par Nicolas Bonfons 1574.]

Les COMPTES du monde Aduentureux.

La CONCORDANCE des quatre Euangelistes au discours de la vie de nostre Seigneur Iesus-Christ. Avec l'ordre des Euangiles, Epistres & leçons qui se lisent en l'Eglise au long de l'annee. Ensemble le Calendrier ou ordre des temps despuis la creation du monde pour tout iamais restitué & corrigé. Plus vne brieue description de la terre sainte, avecq sa charte. [impr. à Paris 16°. par Guillaume Guillard & Amaury Vvarencore 1562.]

CONCLVSION de la Messe, Ite Missa est. *Caluinique.* [impr. à Lyon par Iean Saugrain 1563.]

Vraye & droicte CONFERENCE de la doctrine de Iesus Christ & des Papes, faicte en forme d'Antithese, traduicte d'Italien. [impr. à Lyon 8°. par Iean Saugrain 1564. *Caluinique.*

CONFESSION de Beda faullement imposée à feu maistre Noel Beda docteur en theologie. *Censurée.*

La CONFESSION vrayement Chrestienne plainé de salutaire doctrine. *Censurée.*

Le vray moyen de bien & catholiquement se CONFESSER. *Censuré.*

CONFESSION de la foy Chrestienne mise en rime, accommodée sur le chant du Psalme 119. Bieureuse est la personne &c. *Caluinique.*

CONFESSION de foy des fideles espars &c. *Caluinique.*

CONFESSION de foy faite d'un commun accord par les fideles qui conuersent ez pays bas, lesquels desirent viure selon l'Euangile. Avec vne remonstrance aux magistrats de Flandres, Braban, Haynault, Artois, Chastellenie de l'Isle & autres regions circonuoisines. 1561. *Caluinique.*

CONFESSION & simple exposition de la foy & articles de la pure rel

re religion chrestienne, faite d'un commun accord par les ministres de l'Eglise qui sont en Suyffe assavoir à Zurich, Berne, Schaphouse, Sainct Gal, Couere des Grisons & leurs alliez: item à Meilhouse & Bienne. Ausquels se sont conjoincts les ministres de l'eglise de Geneue. [impr. à Geneue. 8°. par François Perrin 1566.

La **CONFIRMATION** de la discipline ecclesiastique obseruee ez eglises reformees. Avec la response aux obiections proposees à l'encôtre. [impr. en l'an 1566. *Caluinique.*

Statuts de la **CONFRAIRIE** Nostre Dame Vierge Mere de Iesus-Christ, instituee en l'eglise Metropolitaine saint Estienne de Tholose. [impr. à Tholose 4°. par Guyon Boudeuille 1553.

Statuts & Ordonnances de la noble **CONFRAIRIE** Dediee à l'honneur de Iesus-Christ & de madame sainte Anne, fondee d'ancienneté en l'eglise Nostre Dame du Taur à Tholose, redigez par ordre, tiltres & chapitres. [impr. de mesmes, 1552.

Prelude sur les statuts de la venerable **CONFRAIRIE** des confreres du merite de la Passion de nostre Seigneur Iesus-Christ, instituee en la deuote eglise de saint Saturnin à la chapelle du Crucifix dicte de S. Gilles audit Tholose. [impr. de mesmes 1559.

Los Estatuts de la deuota Nobla & antiqua **CONFRAYRIA** de la Sagrada Conception de nostra Dama Mayre de nostre Seignhor. Dieu Iesus-Christ fundada en la tresdeuota & antiqua Gleyfa de la Daurada de Tholosa. Empreints per mestre Iohan Gran Ioan librayre 1515.

Instruction pour les **CONFREES** de la **CONFRAIRIE** du S. Sacrement de l'Autel. [impr. à Bourdeaux 8°. par Simon Milanges 1577.

La **CONQVESTE** qu'un cheualier fut nommé le cœur d'amours espris fait d'une dame appelee douce mercy. [impr. en l'an 1503.

Le **CONSEIL** de trois Euesques sur la determination du concile general de Trente. Enuoyé au Pape Paul III. & trouué en son palais apres sa mort. [impr. 8°. l'an 1564. sans nom. *Caluinique.*

CONSOLATION Chrestienne, &c. *Censuré.*

Le **CORDIAL**, liure contenant 4. parties traitans des quatre choses qui sont à aduenir dont la frequente memoire preserue de peché. [impr. à Lyon 8°. l'an 1480.

Les **CONTREDICTS** de Songecreux, contenus en trois liures partie en rime, partie en prose, lesquels descouurent plusieurs abus en chacun estat de ce monde. [impr. à Paris 8°. par Galiot du Pré. 1530.

Au second liure des contredits.

Si Adam n'eust peché, iamas l'homme n'eust esté suiect à l'homme, ne vn homme n'eust point iugé l'autre homme: car chacun eust esté iuge de soy-mesmes, veu qu'au commencement Dieu ne dist pas à l'homme, Domine ou iuge l'homme, mais Domine & preside sur les poissons de mer, les oyseaux de l'air, & les bestes de terre: mais depuis que peché est augmenté entre les hommes, noies, contentions, batailles, discords sont venus. Parquoy il fut nécessaire pour re-

primer les vices des mauuais gens & leurs violences, que par la diuine prouidence ayt esté estably que l'homme iugeast l'homme, à celle fin que si nature n'encline point en bien, que l'homme le corrige & amende: combien que l'homme ne soit pas droitement iuge de l'homme: mais l'homme est estably sur l'homme pour corriger les vices de l'homme. Et tel homme est appelé iuge, lequel doit estre sur les autres plus excellent en vertu, & a plus grande renommée & auctorité.

LES COVSTVME S & status particuliers de la pluspart des Bailliages, Seneschauces, & preuostez royaux du royaume de France, Arrestees, accordees, & approuuees par les commissaires à ce commis par le Roy: & collationnees aux registres de la court de parlement. Avec autres coustumes non accordees, desquelles on vse en plusieurs iurisdiccions dudit royaume. [impr. à Paris f°. par Iean de Roigny 1548.

Le COVSTVMIER de France. [impr. en deux grands volumes à Paris par Iaqués du Puys 1581.

Les COVSTVMIER S particuliers de plusieurs bailliages & Seneschauces ont esté imprimez à part en diuerses formes par diuers libraires. Aualoit Le coustumier du Bailliage de Sens 4°. Celuy de Boulenois 8°. Celuy de Tours, Bourges & Orleans 4°. par de Marnef. Celuy de Poictiers f°. Celuy de Chaumont en Bassigny 4°. par Iean de Roigny 1578. Celuy de Normandie f°. par Iaqués du Puys. Celuy de Paris 4°. par ledict du Puys. Celuy de Bretagne 4°. à Rennes 1568. & presque tous les autres coustumiers ont esté imprimez à Paris par Iean Dallier ou ses heritiers, chez lesquels on les pourra recouurer.

La CREANCE des veroleux. rime.

Le CREDO du commun peuple selon le temps qui court. rime. [impr. à Lyon par Iaqués Moderne.

La Translation de la Bulle de la CROISADE faite par le Pape Leon dixiesme. [impr. à Paris 4°.

LA CRONIQUE abregee des rois de France avec leurs Portraits en taille douce. [impr. à Lyon 8°. par Balthasar Arnoullet & depuis par Clement Baudin.

CRONIQUE S de plusieurs royaumes & pais, imprimees à part cōme on verra chacune en son lieu, ou sous le nom de l'auteur d'icelles.

La CRONIQUE Martinienne translatee en François. [impr. à Paris par Antoine Verard f°.

LE CVYDER & Contrepenser des hommes & des femmes, par lequel vn chacun pourra cognoistre la folle faintise du monde. Avec les vingt-quatre louanges des dames. le tout par huitains. [impr. à Lyon 24°. par François Iuste.

Le COEVR de Philosophie translatee de latin en François à la requeste de Philippes le Bel Roy de France, contenant plusieurs demandes & questions du Philosophie Placides parlant à Timoc, & des responses. Avec le traicté de la Sphere du monde. [impr. à Paris f°. par Ponce le Preux 1540.

De la CVRE familiere. Avec aucuns preceptes de mariage, extraicts de Plutarq

Plutarque. Aussi vn Dialogue de la dignité des femmes, traduit des Dialogues de M. Speron Italien. [Impr. à Paris 16^e. par Arnoul l'Angelier 1548]

Au traité de la cure familiere.

La souspeçon quelque fois naist d'une si occulte semence, qu'il semble que en la propre mode d'un figuier sauvage elle sort & germe de soy-mesme. Vray est que nostre ignorace (avec laquelle souventes fois nous tirons les actes & parolles d'autrui à pire fin, qu'elles ne furent formées) est merueilleusement idoine à porter telle graine. Le mensonge est de vouloir par fraudulentés parolles monstrier le faulx pour vray. Mais à se faire belle, en sorte que dessous vn vil emplastrement vne femme enseuclisse sa naturelle viuacité, cela certes est vne menterie pire que celle premiere, & d'autant plus grande, que le mal faire est plus grand, que le dire.

Au dialogue de la dignité des femmes.

Car comme aux affaires de la republique que nostre fin est la patrie, le Prince & les loix delaquelle nous entendons d'honorer, & cōseruer à nostre pouoir, & non les rues, ou les murailles d'elle: Ainsi en noz faicts particuliers la fin de l'homme est la maison, c'est à dire la femme qui la gouuerne. Par l'image delaquelle (quasi Royne des commendemens) le cœur du mary esmeu laboure, nauigue, postule, estudie, & combat: œures certes belles & grandement louables, mais toutes plus conuenables à seruiteur qu'à seigneur: lequel point n'estant bien du vulgare entendu, luy fut occasion anciennement de maintes erreurs, & spécialement de l'idolatrie. Car se mouuant continuellement le corps du Soleil du Leuant au Ponant, & par sa lumiere ores loingaine, ores prochaine de la terre nous en apportant froid & chaut, vie & mort, donna à croire aux premieres gens (le iugement desquels ne s'estendoit outre leur sens) qu'il fust occasion de toute chose, & l'adorerent comme Dieu. Et pour certain au regime de la famille l'homme est le Soleil, qui se meut au tour d'elle non par soy-mesmes, mais par la femme informé. Laquelle pource qu'elle luy est en mode d'intelligence non hurtant, ny poulsant, mais comme aymee & desirée, mystere occulte aux vulgaires, esmeut l'homme à se traualier. Aucuns croient que la vie de la femme soit en soy-mesmes oscure & certainement serue de son mary. Mais qui le croit, croye encor seurement qu'il n'a point le corps, mais que luy la meine & porte avec soy, où & quand luy plaist: croye aussi que le Preuost avec ses sergents, qui prend & lie les prisonniers soit le gouuerneur de la ville.

C Y M B A L V M M V N D I. Voyez Thomas du Clouier.

x. 54. DAMA

primer les vices des mauvaises gens & leurs violences, que par la divine providence ayt esté estably que l'homme iugeast l'homme, à celle fin que si nature n'encline point en bien; que l'homme le corrige & amende: combien que l'homme ne soie pas droitement iuge de l'homme: mais l'homme est estably sur l'homme pour corriger les vices de l'homme. Et tel homme est appelé iuge, lequel doit estre sur les autres plus excellent en vertu, & a plus grande renommée & auctorité.

LES COVSTVME S & status particuliers de la plupart des Bailliages, Seneschauces, & preuostez royaux du royaume de France, Arrestees, accordees, & approuuees par les commissaires à ce commis par le Roy: & collationnees aux registres de la court de parlement. Avec autres coustumes non accordees, desquelles on vse en plusieurs iurisdiccions dudit royaume. [impr. à Paris f°. par Jean de Roigny 1548.

LES COVSTVMIER de France. [impr. en deux grands volumes à Paris par Jaques du Puys 1581.

LES COVSTVMIER S particuliers de plusieurs bailliages & Seneschauces ont esté imprimez à part en diuerses formes par diuers libraires. Ainsin Le coustumier du Bailliage de Sens 4°. Celuy de Boulenois 8°. Celuy de Tours, Bourges & Orleans 4°. par de Marnef. Celuy de Poictiers f°. Celuy de Chaumont en Bassigny 4°. par Jean de Roigny 1578. Celuy de Normandie f°. par Jaques du Puys. Celuy de Paris 4°. par ledict du Puys. Celuy de Bretagne 4°. à Rennes 1568. & presque tous les autres coustumiers ont esté imprimez à Paris par Jean Dallier ou ses heritiers, chez lesquels on les pourra recouurer.

La CREANCE des veroleux. rime.

Le CREDO du commun peuple selon le temps qui court. rime. [impr. à Lyon par Jaques Moderne.

La Translation de la Bulle de la CROISADE faite par le Pape Leon dixiesme. [impr. à Paris 4°.

LA CRONIQUE abregée des rois de France avec leurs Portraits en taille douce. [impr. à Lyon 8°. par Balthasar Arnoulet & depuis par Clement Baudin.

CRONIQUE S de plusieurs royaumes & pais, imprimees à part cōme on verra chacune en son lieu, ou sous le nom de l'auteur d'icelles.

La CRONIQUE Martinienne translatee en François. [impr. à Paris par Antoine Verard f°.

LE CVYDER & Contrepensier des hommes & des femmes, par lequel vn chacun pourra cognoistre la folle faintise du monde. Avec les vingt-quatre louanges des dames. le tout par huitains. [impr. à Lyon 24°. par François Iuste.

Le COEVR de Philosophie translatee de latin en François à la requeste de Philippes le Bel Roy de France, contenant plusieurs demandes & questions du Philosophe Placides parlant à Timoc, & des responses. Avec le traité de la Sphere du monde. [impr. à Paris f°. par Poncet le Preux 1534.

De la CVRE familiere. Avec aucuns preceptes de mariage, extraicts de Plutarq

Plutarque. Aussi vn Dialogue de la dignité des femmes, traduit des Dialogues de M. Speron Italien. [Impr. à Paris 16^e. par Arnoul l'Angelier 1648.

Au traité de la cure familiere.

La souspeçon quelque fois naist d'une si occulte semence, qu'il semble que en la propre mode d'un figuier sauvage elle sort & germine de soy-mesme. Vray est que nostre ignorace (avec laquelle souuentefois nous tirons les actes & parolles d'autrui à pire fin, qu'elles ne furent formées) est merueilleusement idoine à porter telle graine. Le mensonge est de vouloir par fraudulentés parolles monstrier le faulx pour vray. Mais à se faire belle, en sorte que dessous vn vil emplastrement vne femme enseuclisse sa naturelle viuacité, cela certes est vne menterie pire que celle premiere, & d'autant plus grande, que le mal faire est plus grand, que le dire.

Au dialogue de la dignité des femmes.

Car comme aux affaires de la republique que nostre fin est la patrie, le Prince & les loix delaquelle nous entendons d'honorer, & cōseruer à nostre pouoir, & non les rues, ou les murailles d'elle: Ainsi en noz faicts particuliers la fin de l'homme est la maison, c'est à dire la femme qui la gouuerne. Par l'image delaquelle (quasi Royne des commendemens) le cœur du mary esmeu laboure, nauigue, postule, estude, & combat: oeures certes belles & grandement louables, mais toutes plus conuenables à seruiueur qu'à seigneur: lequel point n'estant bien du vulgue entendu, luy fut occasion anciennement de maintes erreurs, & specialement de l'idolatrie. Car se mouuant continuellement le corps du Soleil du Leuant au Ponant, & par sa lumiere ores loingtain, ores prochaine de la terre nous en apportant froid & chaut, vie & mort, donna à croire aux premieres gens (le iugement desquels ne s'estendoit outre leur sens) qu'il fust occasion de toute chose, & l'adorerent comme Dieu. Et pour certain au regime de la famille l'homme est le Soleil, qui se meut au tour d'elle non par soy-mesmes, mais par la femme informé. Laquelle pource qu'elle luy est en mode d'intelligence non hurtant, ny poulsant, mais comme aymee & desirée, mystere occulte aux vulgaires, esmeut l'homme à se trauailler. Aucuns croyent que la vie de la femme soit en soy-mesmes oricuse & certainement serue de son mary. Mais qui le croit, croye encor seulement que l'ame ne porte point le corps, mais que luy la meine & porte avec soy, où & quand luy plaist: croye aussi que le Preuost avec ses sergents, qui prend & lie les prisonniers soit le gouuerneur de la ville.

CYMBALVM M V N D I Voyez Thomas du Clavier.

x 54 DAMA



A M A S E Pape. Voyez la vie de Plusieurs saints qu'il a écrite, insérée aux volumes de l'histoire de la vie & mort d'eux, traduite en François & impr. à Paris par Chesneau.

D A N I E L. Voyez le liure de Daniel le prophete en la Bible.

D A N I E L D' A V G E lecteur & professeur du Roy en la langue Grecque a écrit

Deux Dialogues de l'invention poétique, de la vraye cognoissance de l'histoire, de l'art oratoire & de la fiction de la fable. [impr. à Paris 8°. par Richard Breton 1560.

Recueil des plus belles sentences & manieres de parler des epistres familiares de M. Tullies Ciceron recueillies premierement par vn docteur Italien nommé Christophle Capharo. mis en François par Daniel d'Auge. [impr. à Paris 8°. par Arnoul l'Angelier 1556.

Oraison consolatoire sur la mort de messire François Oliuier Chancelier de France à madame Antoinette de Cerifay sa femme. [imprimé à Paris 8°.

Epistre à noble & vertueux enfant Antoine Thelin fils de noble Guillaume Thelin auteur du liure intitulé Opuscules diuins: en laquelle est traité du vray patrimoine & succession que doiuent laisser les peres à leurs enfans. [impr. au commencement desdits opuscules diuins à Paris par Mathurin Preuost 1565.

Institution d'un prince Chrestien, de Synese Euesque de Cyrene ou Pentapolis en Afrique, auteur Grec, grand Philosophe, fort eloquent & bien versé en toutes disciplines: dediee à l'Empereur Arcadius, traduite par Daniel d'Auge. [impr. à Paris 8°. par Gilles Gourbin 1555. Avec vne oraison de la vraye noblesse, de Philon Juif, traduite de grec par le mesme.

Quatre Homilies du Saint & diuin pere Macaire Egyptien, contenans la vraye perfection necessaire & vtile à chacun Chrestien. [impr. à Paris, & depuis à Lyon 16°. par Benoist Rigaud 1559.

En premier Dialogue de l'invention poétique.

L'invention me semble produite de plusieurs nobles causes, premierement de la promptitude d'esprit, don de nature: puis d'auoir leu, ouy & veu plusieurs choses: finalement elle ne vient de l'art lequel monstrant la beauté & conuenance d'icelle se fait enseigner ce qui luy est necessaire & la maniere de l'enrichir & de luy donner toutes les parties, tous les sens & esprits qui luy conuiennent, ainsi comme à vn corps animé & sensible lequel a besoing de toutes les vertus organiques, & de tous ses membres & instrumens pour pouoir produire ses dernières operations, pour la fin desquelles il fut fabriqué par nature. Outre ce, l'invention est seule cause que l'homme exprime mieux ses conceptions, pource que l'abondance de l'invention fait qu'on peut conuenablement & tost traiter de quelque matiere que ce soit bien à plein: & pource furent trouuees les sciences & disciplines, à fin qu'on peust raisonner de toutes choses

copieu

copieusement, avec discrettes & doctes raisons, auxquelles on voit que & les hommes sages & les ignorans prestent ordinairement foy : Et d'autant plus grand est le plaisir qu'on tire de l'invention, que d'elle dependent & procedent toutes les actions. De là prindrent antienement origine les loix & toutes les institutions diuines & humaines. De là nasquirent toutes les opinions, lesquelles puis apres decidees par dispute donnerent cognoissance de la verité. De là sortirent les vertus morales, & tout ce qui est reigle, mesure & frein des esprits vitieux, lesquels comme vne meschante terre laissée en friche produisent chardons & autres herbes inutiles, venimeuses & picquantes. Somme de là l'on tire tout ce qui est vtile & conuenable à chaque estat & condition des choses ou des hommes. Et iacoit qu'elle soit plusieurs fois cause de beaucoup de maux, si est-ce qu'elle produit biens infinis, étant celuy tres-vtile qui opere le bien à fin de bien, comme pernicieux quiconque fait bien à fin de mal ; & au contraire. Elle vient accompagnée de deux qui luy prestent ayde, dont elle se sert beaucoup, l'experience & l'exercitation, n'estant autre chose sçauoir qu'exercer les choses experimentees tant qu'elles deuiennent art ou science, selon leur nature, vertu, & propriété : puis à telle perfection nous conduit la diligence & imitation. Et certes imiter n'est autre chose qu'ensuire les effects des choses, & tresbien les cognoistre, obseruer, & les sçauoir retirer si besoin est, puis les accommoder à son propos selon les lieux & temps opportuns, ou en parlement ou en action &c.

En l'Institution du Prince Chrestien.

L'Ancien prouerbe dit fort bien que la multitude des subiects ne fait pas l'homme Roy plustost que Tyran, ne plus ne moins que la multitude des brebis ne fait pas plustost l'homme pasteur que boucher, lequel les meine pour les occire, à fin de s'en remplir le ventre, & d'en donner aux autres pour leur viande. Le dy & tien que le Roy & le Tyran sont en semblable differéce. Combien que fortune est pareille en tous deux. Ils ont tous deux puissance sus beaucoup de gens : mais celuy qui s'arreste du tout à ce que ses suiets trouuent le plus honneste, & qui ayme à trauailler pour voir les siens en vn bon repos, & s'exposer aux dangers à fin qu'ils vivent en paix, & veiller, & viure en soucy plustost que les voir iour & nuict encôbrez d'infortunes, vn tel est aux brebis Pasteur, aux hommes Roy. Au contraire cil qui est tellement subiect à ses plaisirs qu'il abuse à les voluptez de son Royaume, pensant qu'il faut assouuir toutes ses affections, & que c'est tout vn si ses subiets s'en sentent, croyant qu'il merite beaucoup de ce qu'il est roy de plusieurs, & pource, qu'il doit à son plaisir tenir chacun en la subiection : bref qui au lieu d'engresser son troupeau, veut estre engressé de luy : ie l'appelle aux brebis boucher, & declare qu'il est Tyran, s'il ha à faire à vn peuple muni de raison.

DANIEL TOUSSAIN a escrit,
L'exercice de l'ame fidele, c'est assauoir prieres & meditations pour se consoler en toutes sortes d'afflictions & singulierement pour se fortifier en la foy.
[impr. à Franckfort 8°. par les heritiers André Vvechel 1583.]

DARÈS PHRYGIEN. Voyez Mathurin Heret.

DARIVS

D A R I V S T I B E R T I.

Epitome des vies de Plutarque &c. Voyez Philippes des Auenelles.

D A V I D Roy d'Israel & prophete. Voyez ses Psalmes en la Bible. Voyez Clement Marot, Jean Antoine de Baif, Jean Poiteuin, Maurice Sæue, Pierre de Garros, Theodore de Beze. Gilles d'Aurigny.

D A V I D C H A I L L E T a escrit

Traicté de la fin ou vſaige des miracles, & de la conception de la Vierge Marie en peché originel contre l'opinion de ceux de l'Eglise Romaine. [impr. à Paris 8°. par Jean Bonnefoy. *Caluinique.*

D A V I D C H A M B R E Eſcoſſois, conſeiller en la court de Parlement à Edimbourg ville capitale d'Eſcoſſe à escrit en François, Hiſtoire abregée de tous les roys de France, Angleterre & Eſcoſſe, miſe en ordre par forme d'harmonie, contenant auſſi vn bref diſcours de l'ancienne alliance & mutuel ſecours entre la France & l'Eſcoſſe. Auec l'Epitome de l'hiſtoire Romaine des Papes & Empereurs & celle d'iceux rois augmētée ſelō la meſme methode. [impr. à Paris 8°. par Robert Coulombel 1579.

Diſcours de la legitime ſucceſſion des femmes aux poſſeſſions de leurs parens. Et du gouuernemēt des Princeſſes aux Empires & Royaumes. [impr. à Paris 8°. par Michel Gadouleau 1579.

D A V I D C H Y T R E V S.

Hiſtoire de la Confeſſion d'Auſpourg contenant les principaux traitez & ordonnances faites pour la religion quand l'Electeur Jean Duc de Saxe auec les Citez & autres Princes Proteſtans preſenterent leur confeſſion de foy à l'Empereur Charles 5. ez eſtats generaux de l'Empire tenus à Auxpourg 1530. Recueillie par Dauid Chytrens profeſſeur des ſainctes lettres en l'vniuerſité de Roſtoil & nouuellement miſe en François par Luc le Cop. [impr. en Anuers 4°. chez Arnould Conninx 1582. *Caluinique.*

D A V I D K I B E R a abregé & tiré de l'Ebrieu de Iosephe l'hiſtoire de la guerre Iudaique, ledict abregé mis en François par Fran. de Belleſoſt & imprimé auec le Iosephe.

D A V I D F I N A R E N S I S Medecin a escrit en vnze chapitres Epitome de la vraye Aſtologie, & de la reprouuee, auquel eſt traicté du franc arbitre, de predeſtination, preſcience, prouidence, deſtinee & autres bonnes & ardues matieres. [impr. à Paris 8°. par Eſtienne Groulleau 1547.

Traicté de la nuyſance que le vinaigre porte au corps humain pour refutation des raiſons d'un autre traicté de Baptiſte de Cauigioles intitulé Des proprietiez du vinaigre, qu'il dict eſtre l'amy de nature. [impr. 8°. ſans datte & nom d'imprimeur.

Au 6. chapitre de l'Aſtologie vraye & reprouuee.

Veut donques Platon que la ſapience de Dieu, cognoiſſant ſon eſſence, & puissance, & par icelle chacune choſe, qui d'elle depend, ſoudain ayme & deſire l'ordre des choſes que la ſapience iuge eſtre parfait & le deſcrit en ſoy, & conſtitue en maniere, que ne peut eſtre autrement. Or ceſte conſtitution, ordre & loy des choſes qui ont à eſtre neceſſairement (& neantmoins n'empeſchans

chans le liberal arbitre } est appelée prouidence. Ce mesme ordre considéré es choses est appelé *Fatum*, qui est la loy Diuine, par laquelle s'accomplissent les ineuitables cogitations de Dieu. Et pourtant S. Augustin ne s'oppose à ceux qui appellent *Fatum* la cōnexion & continuel ordre de toutes les causes, par lequel se fait ce qui se fait: mais ne veut vsfer du mot de *Fatum*, pour ce que ce nom des anciens se tire en diuerses significations, qui pourroyent deceuoir les hommes. De l'opinion de Platon est Boëce, disant la Diuine prouidence estre vne supreme raison en Dieu constituce, laquelle raison ordōne & dispose toutes choses, & *Fatum* est vne certaine disposition, ou ordre es choses mobiles & temporelles, par lequel ordre la prouidence Diuine lie & compose toutes choses, cōbien qu'elles soyent infinies (quant à nous) & que les choses qu'icelle embrasse & cognoist au dedans la Diuine volōté, le *Fatum* les dispose en forme qu'elles procedent par ordre de temps en temps, de lieux en lieux, & de formes en formes. La prouidence dōc est certaine forme des choses futures par ordre en diuers siecles, laquelle est immobile & simple: Et *Fatum* est certaine liaison & cōnexiō mobile, & ordre tēporel, des choses que la diuine simplicité dispose qu'elles ayent à estre. Parquoy s'ensuit, que ce qui est sous le *Fatum*, soit encores sous la prouidence, de laquelle il depend, comme on peut cognoistre par vne similitude baillee par le mesme autheur, qui est que tout ainsi que l'Architecte est des choses qu'il veut edifier maistre, & cognoissant la forme de les ordonner & faire, & que les choses par luy à edifier sont subiectes à sa raison & ordre: ainsi est il necessaire, que toutes choses qui sont à faire & à venir soyēt subiectes à l'ordre & prouidence diuine: Mais pourtant n'oste, n'empesche la prouidence, ou *Fatum*, le liberal arbitre. Ce que subtilement & clairement monstre Thomas d'Aquin, contre les Gentils: parquoy par les raisons, & auctoritez sūddites appert que *Fatum*, qu'en François on dit Destinée, n'est ce que disent les Priscilianistes, de l'opinion desquels ont esté les Talmudistes, qui tiennent que si Saul eust esté né au signe de Dauid, qu'il fust tombé deuant luy. Dit oultre qu'au chapitre, qui commence: *Sedto*, au liure du Talmud, est faicte menzion, qu'un nommé Rabialazar Vempeda disoit, qu'il auoit grande pauvreté: & pour en estre releué faisoit oraison à Dieu, & que Dieu luy respondit: Veux tu que pour ton amour ie destruisse le monde: & qu'une autre fois ie le crée? Et parauenture tu seras au signe, auquel tu seras faict riche. O folie inestimable! Comme si Dieu seul createur de toutes choses, & qui sous sa main regit & gouerne tout, n'auoit la puissance d'oster la pauvreté d'un homme, posé ores que les estoiles luy seroyent contraires par luy au profit & vtilité de l'homme seulement creées. De tels heretiques l'erreur est condēnee & confutée par quatre raisons de S. Augustin, dont la premiere est prinse sur la loy commune: Car selon Ciceron, Toute loy & secte des Philosophes tient qu'il y a vn Dieu, lequel es affaires & necessitez des hommes doit estre inuocué, & par sacrifices honoré. Parquoy si les estoiles auoient telle puissance sur l'homme, il faudroit de necessité conceder, qu'il ne seroit point besoin d'appeller ne prier Dieu es tribulatiōs & aduersitez humaines, pour obtenir allegement, si tout estoit regy par necessité ineuitable. Secondement ceste opinion est offensīue & iniurieuse, spécialement au ciel: Car c'est

c'est grande diffamation de dire, qu'en aucune cité y ayt Citoyens & gouverneurs, lesquels determinent, que l'on doit commettre larrecins, homicides, & semblables vices dignes de mort. Pour ceste cause dit S. Augustin, que le ciel est vne court, ou vne cité, dont les citoyens sont les estoiles, lesquelles, si ainsi est qu'elles necessitent la volonté de l'homme à faire vice, c'est au ciel iniure & tresgrand vitupere. Tiercement n'est ceste opinion contumelieuse contre le diuin iugement? Car comme dit S. Augustin, quel iugement de condemnation pourroit estre fait des hommes, lesquels ont esté par les corps celestes necessitez à pecher? Côme s'il vouloit dire, que nul. Et pource luy mesmes en la vingt-quatriesme question dit: Que Dieu iamais ne condamneroit l'homme, s'il ne trouuoit qu'il eust peché de son franc arbitre, sans contrainte aucune. Quartement, & finalement ceste opinion est repugnante à l'experience: Car nous voyons que deux enfans gemeaux, nez d'une mesme ventree, & conceuz sous vn mesme signe, & constellation, sont tellement en infinies choses diuers entre eux, que sans comparaison ils sont plus semblables à ceux qui sont nez & conceuz sous diuerses constellations qu'entre eux: & est ceste raison (comme dit S. Augustin) tres-forte pour impugner l'opinion erronee des dessusdits. Et baille vn exemple de Iacob & Esau enfans gemeaux, desquels le dernier tenoit la plante du pied du premier en sortant hors du ventre de leur mere, entre lesquels y a eu si grande diuersité en meurs, & conditions, & disparitez en faicts, & en amour de pere & de mere, qu'ils estoient tousiours ennemis entre eux. Parquoy est dit, que quant l'un cheminoit, l'autre s'asseoit: quand l'un dormoit, l'autre veilloit: quand l'un parloit, l'autre se taisoit. Aussi l'un fut tousiours seruiteur mercenaire, & l'autre ne seruit iamais, l'un estoit bien aymé du pere, & l'autre de la mere, l'un perdit l'honneur d'aynesse, qui luy estoit deu, & l'autre l'aquit. D'auantage est aussi reprouuee ceste heresie par Chrysostome, qui dit, qu'elle fait trois manieres de blasphemés cōtre Dieu. Le premier est, qu'il s'enfuyroit, que Dieu est, & a esté mauuais en creant les estoiles. Car (dit-il) si aucun par le moyen des estoilles fait homicide, ou adultere, grande iniquité & iniustice doit estre pource attribuee aux estoilles: Mais encores plus à celuy qui les a crees: car puis que Dieu est cognoissant, & non ignorant des choses futures, & qu'il cognoissoit que telle iniquité deuoit proceder d'icelles, & n'a point voulu les amender, il n'est pas bon: s'il l'a voulu, & n'a peu, il est impuissant, & non tout pouuant. La seconde, que Dieu seroit cruel de faire souffrir peines pour les delits, que les humains pourroyent commettre par la contrainte d'icelles estoilles. Et pourquoy (dit iceluy Chrysostome) endure ie peine pour la chose que i'ay commise non pas par volonté, mais par necessité? La troisieme est que Dieu ne seroit pas sage en ses commandemens. Car qui est celuy qui commande à aucun & defende de ne point faire le mal, qu'il ne peut par crainte euitier: aussi d'accomplir le bien, auquel on ne peut peruenir: il n'y a homme au monde qui fust réputé sage en faisant tels commandemens. D'auantage, si ainsi estoit, Dieu seroit auteur de mal, si nous estions cōtraints de pecher par son moyen. Ce qui sembleroit veritable, suyuant ce qui est escrit: *Non est malum in ciuitate, quod Deus non fecerit.* Ce qui est du tout erronee: car il faut entendre ce que dit Basile le grand. Ceste diction de mal, en ce passage, signifie

gnifie vexation & calamité, que Dieu enuoye aux pecheurs, pour la correction de leurs fautes. Par les choses susdites il apert euidentement, que l'opinion d'iceux est faulse & heretique. Parquoy saint Augustin conclud, en determinât la verité de ces choses, que l'estoile nouuelle, qui apparut à la natiuité de IESVS-CHRIST, ne luy fut point destinee à mal ne bon heur. Aussi il dit au huitiesme sermon sur saint Iean, que le Seigneur & Createur des estoilles, n'est point sous la destinee, ne disposition d'icelles. Semblablement à ce propos dit le mesme docteur *contra Faustum*, que IESVS-CHRIST fut cause de la naissance & apparition de l'estoile, & non l'estoile cause de la natiuité d'iceluy. Et parce que l'on pourroit demander, si l'impression des luminaires celestes est point cause de la diuersité des meurs & conditions des hommes, à ce respond Brochard iadis patriarche de Constantinople, que la question a double sens, selon diuerses interpretations, & si on veut dire, qu'icelles estoiles soyent cause, & qu'elles contraignent les volontez & conditions des hommes, cela n'est pas seulement faux, mais heretique: car c'est contre la foy & religion chrestienne, entant que parce il s'ensuyuroit, que quelconque chose que l'homme fist iamais n'en auroit aucun merite, ne gloire. Mais si on veut dire, que les meurs des hommes sont dispositiement & contingement variez par la disposition des estoiles, ceste chose peut auoir quelque verité, & ne repugne point à la foy, ne à raison. Car il est clair, que la cōplexion diuerse des corps fait beaucoup à la variation & mutation des affections, & des meurs. Parquoy les colériques sont naturellement disposez & prompts à courroux, magnifiques, & liberaux. Les sanguins, amoureux, benigns & gracieux. Les melancoliques froids, rudes, & mal plaisans, inhumains, trompeurs & auaricieux: & les flegmatiques endormis, lourds & paresseux: mais cecy n'emporte aucune necessité, ains l'ame a domination sur le corps, mesmement quant elle est aydee par grace, en sorte que nous voyons plusieurs colériques doux & amyables, aussi plusieurs melancoliques benigns, gracieux, & misericordieux. Et pource que la vertu des corps celestes œuure, & a aucune causalité en la mixtion & qualité des complexions, de ce peut proceder, que sur les meurs & conditions des hommes elle peut quelque peu dispositiement & contingement œuurer, combien que la vertu & nature inferieure fait plus à la qualité de la complexion, que ne fait la vertu des estoiles. A ceste cause saint Augustin en la solution de certaine question touchant deux freres lesquels furent ensemble malades & gueris, approuue & louë plus la response d'Hipocrates medecin, que de l'Astrologue, quand l'on demanda à iceluy Hipocrates la cause, pourquoy ils auoyent esté ensemble malades, & gueris, il respondit, que ce fut par la similitude de leur complexion: mais l'Astrologue dit que c'estoit pour l'idenrité & conuenance des constellations. Il est manifeste, que la response du medecin est meilleure, entant qu'il a baillé & rendu cause plus propre, & plus prochaine. Et quand à l'obiection qu'on porroit aussi faire par ce qui est escrit au liure de la proprieté des Elemens, que les Royaumes ont esté faits vuydes & destruits es commixtions de Iupiter & de Saturne, & qu'il est notoire que telles choses ne dependent point de liberal arbitre: parquoy il sembleroit qu'iceux planetes sont causes de telles aduantures & fortunes. A ce peut estre respondu, que ledit liure est

y faussement

faussemēt attribué à Aristote, mais ores, qu'Aristote l'auroit dit, on respōd, qu'il n'auroit point entendu par son dire que les hōmes n'eussent bien resisté à telles influences & constellations, s'ils eussent voulu. Car (comme dit Ptolemee en son *Almageste*) le sage homme aura domination sur les estoiles. Ainsi posé que les conionctions des planetes inclinent les hommes à noises & discordes: toutefois on a liberal arbitre, pour y resister facilemēt avecques l'aide de Dieu. Ce qu'Aristote mesmes afferme au 3. de ses *Ethiques*: Nous sōmes les maistres de noz operations. Et à ce qu'on pourroit aussi demāder, des Cometes lesquelles apparoissans sont signes de la mort des Roys: par où l'on pourroit conclure qu'elles sont causes des bien fortunez, on peut respondre en deux manieres. Les aucuns dient, que la Comete n'est point naturellement engendree, ne aussi l'une des estoiles mises au firmament: & par ce n'a point naturelle signification d'aucune chose: pour ceste cause dit Damascene les Cometes n'ont point esté engendrees des le commencement, mais sont en certain espace de temps causees & produites, & puis de rechef destruites & anichilees, selon le plaisir & la permission diuine. Il y a vne autre opinion d'aucuns voulans parler naturellement d'icelles Cometes, disans, que la Comete est vne impression chaude & seiche, engendree pres la region du feu, de vapeur & exhalation chaude & seiche en la partie superieure de l'air, laquelle impression assemblee se montre estre le corps d'une estoile: mais les parties discontinues & estendues au tour & à l'environ d'iceluy corps en ses extremitez sont les crins, ou cheueux, comme dit Albert le grand, laquelle chose est pour l'inflammation de l'air sous cinq planetes: c'est assauoir Saturne, Iupiter, Mercure, Mars, & Venus, lesquels pour la veldcité de leur mouuement enflamment l'air estant à l'environ d'eux. Selon ceste maniere de parler la Comete signifie & represente accidentalement mortalité procedant de maladies chaudes & seiches. Car siccité vehemēto & excessiue a accoustumé de proceder & estre conuenable à la generation de la Comete. Pour ceste cause les hommes remplis de richesses, qui ont accoustumé de viure de viandes chaudes & seiches, meurent communement en tel temps: entre lesquels riches faut grandement noter la mort des Princes. Isidore est de ceste opinion & dit, que ceste espee & maniere d'estoile en son apparition signifie pestilence ou guerre. Semblablement dit Bede, elle denote pestilence, vents ou chaleurs. En outre si l'on demande si l'estoile qui apparut à la natiuité de IESVS-CHRIST estoit Comete, respond aussi Brochard, que non: car pour quelconques causes que la Comete depend, elle se montre tousiours en la partie Septentrionale: mais l'estoile qui en la naissance de IESVS-CHRIST apparut, auoit son mouuement à midy vers Occident, laquelle chose n'est point veüe au cours & mouuement des Cometes, comme dit Jean Chrysostome: par ces moyens est ladite question solue, c'est assauoir que les impressions des estoiles sont cause aucunement dispositive de la variation & diuersité des meurs: mais non pas necessaire, ne suffisante. Dont faut tenir pour resolution; que les astres & corps celestes n'ont esté creez pour regir & gouverner le monde: mais plustost pour luy bailler clarté & autres effects, le tout au profit de l'homme, comme appert par la parole de Dieu, contenue au premier chapitre de Genese.

DAVID

DAVID MIFFANT Conseiller & gouverneur de la ville de Dieppe a traduit en François,

Les trois livres Tullies des offices, c'est à dire des operations humaines & vertueuses. [impr. à Paris 4°. par Michel le Noir 1502.

DECIE AVSONE. Voyez Charles Fantaine.

DEMETRIVS PEPAGOMENVS. Voyez Federic Iamot.

DEMOSTHENE. Voyez Loys le Roy. Geruais de Tournay. Jean l'Alemant. Jean Papon.

DENYS AREOPAGITE. Voyez François Marillac.

DENYS DE HALICARNASS. Voyez Pierre Maisonnier.

DENYS PERONNET a escrit

Sermons & Exhortations catholiques pour les festes de Iesus-Christ & des saints. diuisez en deux tomes. [impr. à Paris 8°. par Guill. Chaudiere 1582.

Sermons & exhortations catholiques sur les Euangiles des cinquante deux dimanches de l'annee pour l'instruction du peuple Chrestien, diuisez en deux livres: le premier despuis l'aduent iusques à la Pentecoste: le second de Pentecoste iusques à l'Aduent. [impr. à Paris 8°. par Guill. Chaudiere 1583.

Manuel general & instruction des curez & vicaires, contenant sommairement le deuoir de leur charge, soit à faire prosnes, administrer les saints Sacremens, & enseigner leurs paroissiens par sermons &c. [impr. à Paris 16°. par Guill. Chaudiere 1584.

DENYS POSSOT a redigé par escrit

Le voyage de la terre Sainte par luy fait, & acheué par Philippe Sieur de Champarmoy. [impr. à Paris 4°. par Regnaud Chaudiere 1536.

DENYS DE RIKEL, ou le Chartreux, a escrit,

Instruction pour les marchans. Voyez Hierome Meurier.

De la perfection de charité. Voyez Jean de Billy.

DENYS SAVVAGE de Fontenailles en Brie, autrement dict le Seigneur du Parc, Champenois Historiographe du Roy Henry 2. a reueu & corrigé sur diuers exemplaires, & suyuant les bons auteurs & historiographes des choses de nostre France

Les Annales de France, faictes par Nicole Gilles. [impr. à Paris par Gabriel Buon 1562.

Sommaire des histoires du Royaume de Naples, qui traite de toutes choses aduenues en iceluy, ou ez pais de sa dependance, dez le temps d'Auguste Cesar: composé premierement en Italien par Pandolpho Collenuccio en six livres. Avec annotations sur chacun livre, par Denys Sauuaige traducteur. [impr. à Paris 8°. par Gilles Corrozet 1546.

Le paracheuement des histoires de Naples, extrait de plusieurs bons chroniqueurs, diuisé en deux livres, & adiousté à la traduction du sommaire d'icelles de Pandolfe Collenuccio. [impr. à Paris 8°. par Gilles Corrozet 1553.

L'Histoire & Chronique de messire Jean Froissard corrigee par ledit Denys Sauuaige, contenue en quatre volumes, au bout de chascun desquels il a aussi mis de fort belles annotations. [impr. à Lyon f°. par Jean de Tournes 1561.

Aduertissement aux lecteurs sur les memoires de messire Philippes de Commi-

y 2 nes.

nes. [impr. avec icelles memoires par luy corrigees. à Lyon f°. par Jean de Tournes 1559.

Il a traduit

Opuscul de Plutarque des vertus & notables faicts des femmes. [Impr. à Lyon 8°. par Guillaume Rouille 1546.

La Circe de Giouan Battista Gello, academic Florentin, contenant dix Dialogues traduits d'Italien. [impr. à Lyon 8°. par Guill. Rouille 1550.

La Philosophie d'Amours en trois Dialogues, traduits de l'Italien de Leon Hebreu. [impr. à Lyon 8°. par Guillaume Rouille 1551.

Histoire de Paolo Iouio Comois Euesque de Nocera sur les choses faictes & aduenues de son temps en toutes les parties du monde, en quarante cinq liures traduits de latin, & impr. à Lyon f°. 1552.

La Chronique de Flandres par auteur incertain, illustree d'Annotations par Denys Sauvage. [impr. à Lyon f°. par Guillaume Rouille 1561.

Continuation de l'histoire & Chronique de Flandres extraite de plusieurs auteurs. Avec annotations par ledit Denis Sauvage. [impr. de mesmes.

Au 8. dialogue de la Circé, où Ulysses & vn Chien deuissent ensemble.

Encores donc me concederas-tu que nous sommes plus prudens que vous, estans noz operations faictes par nous beaucoup plus prudemment que vous ne faictes les vostres: & que cela soit vray, tu te le prouueras de toy mesme par Induction, si tu consideres diligemment les Operations de chascune de noz Especies, commençant par les plus petits animaux. Premièrement tu verras le formy estre tant Prudent qu'il se fournit en esté de tout ce qu'il luy faut pour l'yuer: & les Araignes tendre fort consideremēt leurs filets, pour prendre quelques autres petits animaux, a fin de les manger: & les Guespes, & plusieurs autres semblables, se cacher sous la terre aux temps qui leur sont nuisibles. Des mouches à miel, & de leur gouuernement si Prudent, ie ne t'en vueil point parler, puis qu'il y a eu tant de vous autres qui ont consumé la meilleure partie de leur aage, à descrire leur vie, & le moyen par lequel elles se gouuent. Passe apres iusques aux Oyseaux, & tu les verras tous changer place de temps en temps, selon qu'il vient à propos à leur nature. Tu en verras de ceux, qui se cognoissans mal propres à esleuer leurs petits, les font couuer & nourrir à vn autre, comme fait le Coucou. Tu en verras de ceux qui ayant soupçon que les petits qu'ils ont couuez ne soyent point à eux, ont trouué par tresgrande Prudence le moyen de s'en acertener, comme fait l'Aigle, qui leur tourne les yeux deuers les rayons du Soleil. Ie ne te veux point parler de la Prudence des Grues, qui se gouuernent tant reiglement sous la Principauté d'une d'entre elles, & comment, quand les autres se reposent, elle seule veille, la teste leuee, pour garder les autres, tenant d'une des serres vn caillou, pour ne s'endormir au guet, durant lequel, s'elle entend quelque chose, les en aduertit incontinent. Les Perdrix, quelle Prudence ont elles à garder leurs petits de l'oyseleur, quand les vieilles se monstrent tousiours au deuant, iusques à ce qu'ils ayent eu assez temps pour s'enfuir? Les Arondelles, quand elles ne trouuent point de bouë, pour massonner ensemble ces petites familles, desquelles font leurs nids (car elles les massonnent ainsi que vous faictes voz maisons) n'ont elles pas tant de

prudence

prudence qu'elles les mouillent dans l'eau , pour apres, les tourneuirant parmy la pouldre , en faire ainsi que vous faiçtes du mortier? Et despuis , en esleuant leurs petits , de quelle Prudence vsent elles pour faire que chascun ayt sa part de leurs becquees , & pour ietter toute ordure du nid , à fin qu'ils soyent nettement? De quelle Prudence vse aussi la Pie quand elle apperçoit que ses œufs ont esté veus? car , pour les porter ailleurs elle en fait tenir deux en vn coup à quelque ramille, avec la matiere visqueuse qu'elle iette du ventre, & apres met son col dessous, les adiustant de sorte que nul d'eux ne pend , puy s'en vole à tout. De quelle Prudence aussi vsent les femelles des Estourneaulx en cachant leurs œufs aux masses , qui autrement les casseroient , parce qu'ils sont tant luxurieux qu'ils ne veulent point souffrir qu'elles s'empeschent à couuer? Venons apres aux animaux terrestres , & commençans à ceux de quatre pieds , dy moy quelle Prudence ont les Elephans? Quand aux Chameaulx , ie n'en parle point: car c'est chose trop connue. Vien puis apres aux Cerfs, & considere comment les masses, quand ils se sentent en venaison , se cachent le plus qu'ils peuvent, se cognoissans pour lors mal habiles à la course , & commet ils se cachent aussi quand leurs rameures les ont laissez iusques à tant qu'ils les ayent renouueeles, leur semblant bien n'auoir dequoy se defendre. Que diray ie de la Prudence de leurs femelles à faonner? Ne sçais tu pas comment elles cherchent à lors seulement les lieux où elles voyent les traces des hommes? pensant bien que les autres bestes sauuages se retirent de là , & que l'homme est plus doux? Et quand leurs faons sont vn peu grandelets , ne les meinent elles pas dessus les Rochers pour leur apprendre à saulter? Semblablement de quelle Prudence vse l'Ourse en montrant à ses Oursons à grauir contre les arbres? & mesmes leur faisant peur , à fin qu'ils apprennent à se defendre des autres animaux? Ie ne te parleray point de la Prudence du Cheual, ny de la nostre : car ie sçay bien qu'elle vous est tresnotoire , par la conuersation que nous auons continuellement avec vous. Encores te parleray ie moins de celle de ces animaux qui se trainent par terre, comme sont les Couleuvres! puis que vous avez accoustumé d'en prendre vne en voz mains , quand vous voulez figurer la Prudence. Ie ne vueil point aussi parler de celle des Poyssons , ne comme ils se sçauent gouverner & garder de qui les veult prendre , en leur troublant l'eau avec des perches de boys , ou leur espenchant certaine eau, noire comme ancre , ou par telle & telle maniere. Il me suffit que vous ayez appris d'eulx à faire nauires , & l'art de nauiger, qui apporte tant de commoditez au genre-humain , faisant voz rames à la semblance des pieds d'aucuns d'eux, & voz voiles en eschange de quelques petites æsles qu'ont certains poissons, lesquels venans au dessus de l'eau, les poussent dehors, & se laissent porter par icelles, moyennant le vent. Par-ainsi, donc si tu consideres bien les operatiós de tous les animaux, tu seras contrainct de confesser que nous auons beaucoup plus de Prudence que vous, & consequemment que nostre Estre est beaucoup meilleur que le vostre, puisque nous auons tous ces biens du bon gré de Nature , ainsi comme tu as confesé que la terre des Cyclopes, qui produit ses fruiçts de sa propre nature, est meilleure que nostre Itaque, qui ne raporteroit iamais rien , si elle n'estoit labouree par vous, & tousiours cultiuee.

*Et en un autre endroict du mesme
Dialogue.*

L'Imaginative referue en soy les representations des choses que les Sens ont cognues, comme faiët la memoire: mais la Memoire les referue vn peu plus distinctement, & plus particulièrement: & d'aduantage y adioust le Temps qu'elle receut telles representations par le Sens ce que ne peut faire l'Imaginative seule, telle que vous l'avez. Et pour ceste cause, quand vn Asne approche d'une fosse, en laquelle il sera cheu quelquefois, il ne veut plus passer par là, comme l'on dit en Prouerbe: à raison que l'Imaginative luy represente la cheute en ceste fosse seulement, sans distinction, & sans l'esgard de quel temps. Et pourtant ne sçachant distinguer si telle cheute a esté au temps passé, ou si elle est au presant, ou bien si elle doit estre au futur (qui sont parties du temps) se recule de la fosse, & ne la veut passer. Bien est il vray que ces Especies, qui ont ceste puissance de l'Imaginative vn peu plus parfaicte, & qui partant cognoissent vn peu plus distinctement les choses, semblent auoir memoire: entre lesquelles Especies la tienne est la premiere, tellement qu'il semble que vous vous souueniez mieux des choses, & les cognoissiez plus, & principalement voz Maistres, que nul autre animant: & ces autres Especies, qui l'ont plus imparfaicte, semblent auoir moins de souuenance, comme sont les Mouches: lesquelles, estans chassées d'un lieu, tout soudain l'oublient, & s'y en retournent. Or voy donc comment l'homme seul, par ce qu'il cognoist le Temps, est celuy, qui a Memoire: & par-ainsi que luy seul, entre tous autres animaux, se peut nommer Prudent. Car qui n'a cognoissance du Temps, ne peut iuger quand il est bon de faire vne chose, & quand non. ce qui appartient proprement à la Prudence. LE CHI. Si nous n'auons donc ceste Prudence, qui est ce qui nous adresse ainsi à operer seulement ce qui conuient à nostre nature? V L Y. Vn instinct & vne propriété, que Nature vous a donnée pour vostre bien, à fin de vous adresser à vostre but & fin: tellement que si tu demandois à ces fourmis, qui ne sont nays que du Printemps passé, pour quelle raison ils serrent à manger en lieux soubterrains (car, n'ayans cognoissance de l'Hyuer du parauant, ne le peuuent faire par Prudence, au contraire de ce que tu dis) respondroyët, Nous le voyons ainsi faire à ceux qui nous ont engendrez, ou bien nous le faisons par vne inclinatioë que Nature nous a donnée. LE CHI. Voire mais cela n'est il pas vne mesme chose en nous que ce qui est nommé Prudence en vous? V L Y S. Non: ainçois l'une chose est fort differente de l'autre: par ce que la Prudence n'est pas chose naturelle, mais est vne habitude premierement esleüe par volonté, & despuis acquise par operation.

*Au premier Dialogue de la Philosophie d'Amour
de Leon Hebrien.*

La vraye amitié humaine est celle qui est causée par l'Honneste, & conioincte par les vertus: pource que tel lien est indissoluble, & engendre Amitié ferme, entierement parfaicte, & telle qu'elle est seule, d'entre les amitez humaines, qui plus merite d'estre prisee, estimée, & louée, estant cause de lier ensemble les

les amis en telle humanité, que le bien ou mal, propre de chascun d'eux, est cōmun à l'un & à l'autre: & quelquefois le bien dōne plus de delectation & le mal plus de tristesse à l'Amy, qu'au propre receuant: & souuentefois l'hōme prend partie des trauaux de son amy, pour l'allegger d'iceux, ou bien pour le secourir, par son amitié, en ses ennuis: car la compaignie, es tribulations, est cause que moins elles se sentent. A raison dequoy le Philosophe, diffiniſſant telles amitez, dit que le vray Amy est vn autre soy-mesme, pour denoter que, qui est en la vraye amitié a double vie, cōstituee en deux personnes: c'est assauoir en la sienne, & en celle de l'Amy: tellement que son amy est vn autre soy-mesme: & chascun d'eux embrace en soy deux vies ensemble: dont la sienne propre est l'une, & celle de l'Amy l'autre: &, par vn amour egal, aime toutes les deux personnes: & pareillement conserue toutes les deux vies. Et, pour ceste cause, la Saincte escripture commande l'honneste Amitié, disant Tu aymeras ton prochain comme toy-mesme, voulant que l'amitié soit de sorte que les amis se fassent vnis également, & qu'un mesme amour soit en l'Esprit de chascun des amys. Et la cause de telle vnion, & assement, est la reciproque vertu, ou Sapience de tous les deux amis: laquelle, par la spiritualité & alienation de matiere, & par l'abstraction des conditions corporelles, oste la diuersité des personnes, iusques à ne leur laisser de diuers que l'indiuuation corporelle, & engendre es amis vne propre essence de pensee, conseruee par vn sçauoir & par vn amour & volonté commune à tous deux, autant separee de difference & de diuersité, comme si vrayement le subiect de l'amour estoit vne seule ame, & essence, conseruee en deux personnes, & non multipliee en icelles. Et, pour conclusion, ie di que l'amitié honneste, fait d'une personne, deux, & de deux, vne. S O P H. En peu de paroles vous m'avez dit assez de choses, quand à l'amitié humaine. Venons maintenant à l'amour Diuin: car ie desire sçauoir d'iceluy, comme de celuy qui est le plus grand, & le supreme de tous ceux qui sont. P H I L O. L'amour Diuin non seulement a de l'honneste, mais contient en soy l'Honnesteté de toutes choses: & de tout l'amour d'icelles, comment que ce soit: pource que la Diuinité est commencement, milieu, & fin de tous actes honnestes. S O P H. S'il est commencement, comment peut-il estre fin, & encores milieu? P H I L. Il est cōmencement, en ce que de la Diuinité despēd l'ame intellectiue, agente de toutes les Honnestetez humaines: laquelle n'est qu'un petit rayon de l'infinie clarté de Dieu, appropriée à l'Homme pour le faire raisonnable, immortel, & heureux: & encores faut-il que ceste ame intellectiue, pour venir à faire les choses honnestes, participe de la lumiere Diuine: pource que, nonobstant qu'elle soit produicte claire, comme estant rayon de la lueur Diuine, pour l'esgard de la colligation qui la tient avec le corps, & par estre offusquee de la tenebrosité de la matiere, ne peut paruenir aux illustres habitudes de vertu, ny aux luyſantes conceptions de Sapience, sinon qu'elle soit esclairee derechef par la lueur Diuine, en tels actes & conditions. Car tout ainsi comme l'œil, combien qu'il soit clair de soy-mesme, n'est point capable de voir les couleurs, les figures, & autres choses visibles, sans estre enluminé de la lueur du Soleil (laquelle estant distribuee en l'œil propre, & en

l'objet qui se voit, & en la distance, qui est entre l'un & l'autre, cause la vision oculaire actuellement) ainsi nostre intellect, combien qu'il soit clair de soy-mesme, est tellement empesché de la compagnie de ce lord corps, quant aux actes honnestes & saviens, & tant offusqué, qu'il luy est de besoing d'estre enluminé de la lueur Diuine: laquelle, en le reduisant de la puissance à l'acte, & illuminant les especes & les formes des choses procedentes de l'acte Cogitatif (qui est milieu entre l'intellect, & les especes de la fantasie) le fait actuellement intellectuel, Prudent, Sapiant, enclin à toutes les choses honnestes, & se retenant des deshonestes: & luy ostant totalement sa tenebrosité, demeure en acte parfaitement luisant: de sorte q'en l'une maniere & en l'autre, le Souuerain Dieu est commencement, duquel toutes les choses honnestes humaines dependent, & autant la puissance cōme l'acte d'icelles. Et estat le souuerain Dieu pure & souueraine bonté, honnesteté, & vertu infinie, il faut que toutes les autres bōtez & vertus dependent de luy, cōme du vray commencement & de la cause de toutes perfectiōs. S O P H. C'est chose iuste, que le commencement des choses honnestes soit au souuerain facteur: & en cela n'y auoit aucune doute: mais par quel moyen est-il milieu & fin d'icelles? P H I L. La debonnaire Diuinité est moyen à reduire en effect tout acte vertueux & honneste: pource qu'estant la prouidence Diuine, appropriée, avec plus grande specialité, à ceux qui participent des Diuines vertus, & de tant plus particulieremēt que plus ils participent d'icelles, il n'y a point de doute qu'elle ne soit grandemēt aidante à l'operation de telles vertus, dōnant aide à tels vertueux pour accōsuyure les actes hōnestes, & pour les reduire en perfection. Encores est elle milieu à tels actes, par vne autre maniere: car, cōme elle cōtient en soy toutes les vertus & excellēces, elle est exēple imitatif de tous ceux qui cherchēt d'operer vertueusement. Quelle plus grāde Pieté & Clemence que celle de la Diuinité? Quelle plus grāde liberalité, que celle qui fait part de soy à toute chose produicte: Quelle plus entiere iustice, q celle de son gouuernemēt? Quelle plus grāde bonté, plus ferme verité, plus profonde Sapiēce, plus diligente Prudēce, que celle, que nous cognoissons estre en la Diuinité? nompas que nous la cognoissons selon l'Estre, qu'elle a en soy-mesmes, mais par les œures siennes, q nous voyons en la creation & cōseruation des creatures de l'univers: de sorte q, qui cōsiderera biē les vertus Diuines, l'imitation d'icelles est voye & moyē à le tirer à tous les actes hōnestes & vertueux, & à toutes les sages cōceptions, ausquelles l'humaine cōdition peut arriuer. Car Dieu non seulement nous est pere en la generation, mais nous est aussi maistre, & merueilleux administrateur pour nous attirer à toutes les choses hōnestes, moyēnāt ses clairs, & manifestes exēples. S O P H. Vous me plaisez fort en ce que vous auez dit que Dieu tout puissant nō seulemēt soit commencement de tout nostre bien, mais encores en soit le milieu. Je voudroye maintenāt scauoir en quelle maniere il en est la fin. P H I L. Dieu seul est la fin reglee de tous les actes humains: pource que l'vtil est pour acquerir le delectable conuenant, & la necessaire delectation est pour la sustentation humaine: laquelle est pour la perfectiō de l'ame, qui premieremēt se fait parfaicte avec l'habitude vertueuse, & apres icelle, venāt à la vraye Sapiēce: la fin de laquelle est *Cognoistre Dieu*: qui est souueraine Sapiēce, souueraine Bonté, & origine de tout bien: & ceste telle cognoissance cause en nous immesurable amour, plein d'excellēce & honne

honnesteté : pource que de tant est la chose aimée plus honnestement , que plus elle est connue pour bonne : & l'amour de Dieu doit excéder tout autre amour honneste, & tout acte vertueux. S O P H I. Mais j'ay entendu autrefois que vous avez dit, parce qu'il est infini, & en toute perfectiō, qu'il ne peut estre connu par l'esprit humain, qui est fini & terminé en toute chose: pource que ce, que l'on cognoist, doit estre compris: & comment se comprendra l'infini par le fini, & l'immesurable du peu: & ne pouvant estre connu, cōment pourra il estre aimé: car vous avez dit qu'il faut cognoistre la chose bonne, avant que l'aimer. P H I L. L'immesurable Dieu est aimé de tant qu'il est connu: & tout ainsi comme il ne peut estre entierement connu par les hommes, ne mesmes sa Sapience par la race humaine , ainsi ne peut entierement estre aimé par les hōmes en tel degré qu'il conuient pour son esgard : & n'est pas nostre volonté capable d'amour tant excessif: mais c'est à nostre Esprit de le cognoistre, selon la possibilité de son cognoistre, & nompas selon l'immesurable excellēce du connu: & aussi nostre volonté ne l'aime selon qu'il est digne d'estre aimé , mais tant qu'elle se peut estendre vers luy en l'acte amatoire. S O P H I. Voire-mais peut on aussi cognoistre vne chose, qui ne soit comprise par le cognoissant? P H I L O. Il suffit que l'on comprenne de la chose la partie qui se cognoist: car le connu se cōprend par le cognoissant , selon le pouuoir du cognoissant, & nompas selon celui du connu. Ne voyez vous pas que la forme de l'homme s'imprime & se comprend en vn miroir, nompas selon le parfait Estre humain, mais selon la capacité & force de la perfection du miroir: lequel Estre est seulement figuratif, & non essentiel: Le feu est compris de l'œil, nompas selon sa nature ardāte (car, si ainsi estoit, il en seroit brulé) ains seulement selon sa couleur & figure. Mais quel meilleur exemple voulez vous? quand vous voyez ce grand Hemisphere du ciel estre compris par vne si petite partie cōme est l'œil? Vous voyez que sa petitesse est telle, qu'il se trouue quelque Sage, qui le croit estre indiuisible: sans pouuoir receuoir aucune diuision naturelle. Ainsi donc l'œil cōprend les choses, selon sa force oculaire, sa grandeur, & sa nature , mais nompas selon la condition qu'ont les choses veuēs en elles mesmes. En ceste sorte nostre petit entendement comprend l'infini Dieu , selon la capacité & force intelligible humaine, mais nompas selon l'abyssme sans fond de sa diuine essence , & immesurable Sapience : à laquelle cognoissance accorde & respond l'amour enuers Dieu, conforme à la capacité de la volonté humaine, mais nompas proportionnée à l'infinie bonté de ce tresbon Dieu.

Au second Dialogue d'Amour.

Vous avez autrefois entendu de moy, Sophie , que tout l'vniuers n'est qu'un indiuidu (c'est à dire comme vne personne) & chascune des choses corporelles & spirituelles, eternelles & corruptibles, est membre & partie de ce grand indiuidu, estāt tout, & chascune de ses parties, produit de Dieu, pour vne fin commune en tout, ensemble avec vne fin propre en chascune de ses parties: dont il aduiant que le tout, & ses parties, sont de tant parfaicts & heureux que droitement & entierement ils accomplissent les offices , auxquels ils sont adressés par le souverain ouurier. Or la fin du tout est la perfection vnue de tout l'vniuers, designée

designee par le souverain ouurier : & la fin de chascune de ses parties n'est pas seulement la perfection d'icelle partie en soy, mais est en ce qu'avec ceste perfection sienne elle serue droitement à la perfection du tout : car la fin vniuerselle est la premiere intention de la Diuinité : & pour ceste fin cōmune, plus que pour son propre, toute partie a esté faicte, ordonnee, & dedice : tellement que defaillant vne partie en son tel office es actes appartenans à la perfection de l'vniuers, ce luy seroit, à elle, plus grand defect ; & viendroit à luy estre plus malheureux, que si son propre acte ne luy aduenoit : & ainsi se felicite plus par la commune perfection que par sa propre, à la maniere d'un indiuidu humain. car la perfection d'une des parties d'un homme, comme de l'oil, ou de la main, ne consiste pas seulement, ne principalement, en ce que ce soit un bel oeil, ou vne belle main, ny à beaucoup voir de l'oeil, ne mesmement à faire beaucoup d'ouurages de la main, mais premierement, & principalement consiste en ce que l'oeil voye, & la main face, tout ce qui conuient au bien de toute la personne : & se fait plus noble & excellente par le droit seruice qu'elle faict à toute la personne, que par sa propre beauté & propre acte, en sorte que souuentefois, pour sauuer toute la personne, il y aura telle partie qui naturellement se presentera & iettera en son propre & euident peril : comme le bras a coustume de faire, se presentant au deuant de l'espee, pour garder la teste. Estant donc ceste loy tousiours gardee en l'vniuers, l'intelligence se felicite plus en mouuant son orbe celeste (qui est acte necessaire à l'Estre du tout, combien que ce soit acte extrinseque & corporel) qu'en son intrinseque intelligence essentielle, qui est son propre acte. & c'est ce qu'entend Aristote, quand il dit que l'intelligence meut pour vne fin plus haute & plus excellente (qui est Dieu) suyuant son ordre en l'vniuers : tellement qu'en ayment & mouuant son orbe, elle assemble l'vnion de l'vniuers : avec laquelle proprement elle atteint à l'amour, à l'vnion, & à la grace diuine, viuifiante le monde. ce qui est sa derniere fin, & sa felicité desirée. S O P H I. Cela me plaist : & croy que, pour ceste mesme cause, les ames spirituelles intellectiues des hommes s'assemblēt avec un corps si fragile qu'est l'humain, pour ensuyure l'ordre diuin & l'assemblément & vnion de tout l'vniuers. P H I L. Vous avez bien dit : & ainsi est il vray : car noz ames estans spirituelles & intellectiues, ne pourroyent rencontrer aucun bien en la société corporelle, fragile & corruptible, qui leur peust estre tel qu'elles ne fussent beaucoup mieux avec leur acte intellectif, intrinseque & pur : mais elles s'appliquēt seulement à nostre corps pour l'amour & seruice du souverain createur du monde, amenant la vie, & la cognition intellectiue, & la lueur diuine du monde superieur eternel à l'inferieur corruptible : à fin que ceste plus basse partie du monde ne soit degarnie de la grace diuine, & de la vie eternelle, & à fin que ce grad animant n'ayt aucune partie, qui ne soit viue & intelligente, comme il est tout ensemble : & s'exerçant ainsi nostre ame dedans ce corps, à l'vnion de tout l'vniuersel monde, selon l'ordre diuin (lequel est commune & principale fin en la production des choses) elle iouyt droitement de l'amour diuin, & atteint à s'vnir avec le souverain Dieu, apres la separation du corps : & là est sa derniere felicité. Mais, si elle erre en vne telle administration, elle faut à ceste amour & vnion diuine : & cela luy est vne souveraine & eternelle peine : pource que
pouuan

pouuant par la rectitude de son gouvernement au corps, monter au très-haut Paradis, demeure au tresbas Enfer, par son iniquité, éternellement banie de l'union diuine, & de sa propre beatitude, si au parauant la pitié diuine n'estoit si grande enuers elle, qu'il luy donnast moyen de s'y pouuoir remedier. S O P H. Dieu nous gard de telle erreur, & nous face droicts administrateurs de sa sainte volonté, & de son diuin ordre. P H I L. Dieu le face: mais toutesfois, Sophie, vous sçauiez desia que cela ne se peut faire sans amour. S O P H I E. Vrayement l'amour n'est pas seulement commun en toute chose de ce monde, mais d'aduantage est souverainement necessaire, puisque nul ne peut estre bien heurieux sans amour. P H I L. Non seulement la bien-heureté defauidroit, si l'amour defailloit, mais encores le monde mesme n'auroit point d'estre, ne chose aucune se trouueroit en luy, sans l'amour. S O P H. Pourquoy en dites vous tant? P H I L. Pource que le monde, & toutes ses choses ont estre entât qu'il est tout vni & assemblé avec toutes ses choses, à la maniere des membres d'un indiuidu: car autrement la diuision seroit cause de sa totale perdition: & estant ainsi qu'aucune chose ne fait vnir l'vniuers, avec toutes ses diuerses choses, sinon l'amour, il s'ensuit que cest amour est cause de l'estre du monde, & de toutes choses aussi. S O P H. Dites moy comment l'amour viuifie le monde, & comment il fait vne seule chose de tant d'autres diuerses. P H I L. Vous le pourrez facilement comprendre par les choses desia dictes. Le souverain Dieu par amour produit & gouverne le monde, & l'assemble en vne seule union: pource que, estant Dieu vn seul en tres-simple unité, il faut que ce, qui procede de luy, soit aussi vn en entiere unité: car vn premier d'un, & de la pure unité parfaite union. Aussi le monde spirituel s'vnifie avec le monde corporel, moyennant l'amour: & iamaïs les intelligences separees, ou les Anges diuins, ne s'vniroient avec les corps celestes, ny les informeroient, & ne leur seroient ames donnanter vie, si elles ne les aimoyent: ny les ames intellectiues ne s'vniroient iamais avec les corps humains, pour les faire raisonnables, si l'amour ne les y contraignoit: ny ceste ame du monde ne s'vniroit avec ce globe de la generation & corruption, si ce n'estoit amour. Les inferieurs semblablement s'vnissent avec leurs superieurs: le monde corporel avec le spirituel, & le corruptible avec l'éternel, & tout l'vniuers avec son createur, moyennant l'amour qu'il a, avec le desir qu'il a aussi de s'vnir avec luy, & de se beatifier en sa diuinité. S O P H. Il est ainsi. Parquoy *Amour est un esprit unifiant, qui penetre tout le monde, & est un lien qui unit tout l'vniuers.*

D I A N E. de George de Montemaior. Voyez Nicole Colin, Gabriel Chapuis.

D I C T I S C R E T E N S I E N, Histoire de la guerre de Troye. Voyez Jean de la Lande. Marin Heret.

D I E G O D E S A G R E D O a escrit: Raison d'Architecture antique, extraicte de Vitruue & autres anciens architecteurs, traduite d'Espagnol à l'utilité de ceux qui se delectent en ediffices. [Imprimé] à Paris 4°. par Simon de Colinez 1542.

D I D I E R L E B L A N C Musicien a recueilly des plus excellens musiciens de nostre temps & mis en 4. parties,

Airs

Airs sur aucunes poësies de Bayf, Belleau, du Bellay, Iamin, Des-portes. [impr. à Paris par Adrian le Roy 1579.

DIDIER CHRISTOL Medecin à Montpellier a traduit de Latin

Les dix liures de Baptiste Platine de Cremone, De l'honneste volupté, œuvre tresnecessaire à toutes personnes ciuiles qui desirent obseruer bonne santé & viure nettement. [impri. à Lyon f°. par François Fradin 1505. par Balthasar Arnoullet 8. corrigé & mis en vn peu meilleur langage par Barthelemy Aneau 1548. & à Paris & à Lyon 16°. par Iean Ruelle & par Benoist Rigaud 1560. & 1571. Le premier liure traicte en quel lieu l'homme doit faire son habitation: l'heure de prendre le repas: l'exercitation du corps & du dormir. Le 2. nous donne cognoissance de tous fruits tant bons que mauuais. Le 3. fait mētion de toutes especes d'espices, herbes de bonnes & fortes odeurs, des amandres, chastaignes, noix & leurs semblables, & en quel réps on en doit vser. Le 4. de toutes bonnes bestes à manger, & de l'appareil d'icelles, & du temps auquel elles sont plus saines & de meilleure digestion. Le 5. des oyseaux, & lesquels sont plus profitables, & en quel temps ils sont en saison de manger. Le 6. comme on les doit apprestier tant les priuez que les sauages, & lesquels sont bons ou contraires à la santé de l'homme. Le 7. d'aucunes especes de legumes & herbes pour faire potages. Le 8. des tartres, paste & toutes sortes de viandes en paste: avec la maniere de faire à chacune viande sa propre saulce, soit chair ou poisson. Le 9. d'apprestier les œufs en toutes sortes. Le 10. comme il faut apprestier tous poissons: avec plusieurs autres bons regimes & enseignemens pour la santé & conualescence des humains.

DIDIER ERASME DE ROTTERDAM.

Des œuvres d'Erasme ie mettray icy celles qui ont esté traduites en François, & dont les traducteurs sont incertains.

La Complainte de la paix cōtenant 48. chapitres. [impr. à Lyon 8°. sans dattē. Declamation des louanges de la folie, stile facecieux & profitable pour cognoistre les erreurs & abus du monde. [impr. à Paris 4°. par Galiot du Pré 1520.

La Ciuité Puerile. [impr. 8°. & 16°. à Lyon, & ailleurs par diuerses fois.

Les Paraphrases d'Erasme, diuisees en deux tomes, dont le premier contient l'exposition des quatre Euangelistes, & des Actes des Apostres: Et le second sur toutes les epistres des Apostres. Le tout trāslaté de latin en François. [à Basle f°. de l'imprimerie de Froben 1563.

La Paraphrase ou bresue exposition du mesme Erasme sur toutes les epistres Canoniques auoit esté long temps au parauant traduite par autre traducteur, & impr. à Lyon 8°. par Claude de la Ville.

Paraphrase sur le troisieme Pseaume de Dauid, fait en maniere d'oraison, translatee du latin d'Erasme en François. [impr. en l'an 1543.

Le Sermon de Iesus enfant, traduit du latin d'Erasme par vn qui se fait nōmer l'Amoureux de vertu. [impr. à Lyon 16°. par Thibaud Payen 1543.

Les Sylenes d'Alcibiades &c. traduites par Martin Fleury.

Epistre Apologetique au reuerendiss. Euesque de Basle. &c. traduite par Robert Preuost.

Huict

Huit Colloques, assavoir Noblesse desguisee ou cōtrouuee. L'Alchumistique. L'acouchee. Les Gueux. Deuis des vieillards. Le Maquignon, ou trompeur en cheuaux. Des choses & Vocables. Le Banquet Sobre, traduits en François par A. D. V.

D I D I E R O R I E T.

La Susanne de Didier Oriet Escuyer Lorrain Portuois. Liures 3. Au 1. il décrit le mariage de Ioachin & Susanne solemnisé au lieu de Babylon durant la transmigration. La rebellion du peuple qui fut cause de son exil, & pourquoy. Au second il fait crier le peuple à son Dieu pour sa deliurance: où Hieremie l'incite à Penitence pour y accomplir le temps de 70. ans, qui est la cause qu'Helcia y marie sa fille, & que ce mariage y est celebré. Au troisieme est poursuyue l'histoire iusques à sa fin. [impr. à Paris 4°. par Denys du Val 1553. Il commence ainsi,

*Sainct celeste rayon, qui sur ferme racine
Fondas le mont Parnass avec sa double eschine
Et qui luy fis tes cieux de son dos voisiner
Pour le Laurier astré par peines moissonner
Que tu plantas dessus: y laissant pour sa garde
Le chœur neuuain-troupeau, Esc.*

D I D I E R L V P I Musicien a mis en Musique quelques Chançons Françoises, impr. parmy le recueil à Paris par Nicolas du Chemin.

La Comtesse de D I E, Dame de grande beauté & honneste maintien, docte en la poésie, Prouençale, fut amoureuse de Guillem Adhemar gentilhomme de Prouence, à la louange duquel elle a escrit plusieurs belles chançons. Ce Cheualier Adhemar prisoit tellement les œuvres de la Comtesse, qu'il les portoit ordinairement avec luy, & quand il se trouuoit en compagnie des Cheualiers, & des dames, chatoit quelques couplets des chançons qu'elle auoit fait. On trouue parmy les chançons de cete Comtesse que le Cheualier Adhemar se trouuant malade extremement d'amour, comme transporté de son sens, parce qu'on luy auoit rapporté qu'elle deuoit espouser le Comte d'Embrunois, elle sçachant sa maladie le vint visiter avec sa mere la Comtesse. Le Cheualier qui n'auoit qu'à rendre l'esprit luy print sa main, & la baïsa, & en soupirant rendit l'esprit. Les deux dames Comtesses de ceste piteuse mort toutes explorees, en furent tellement desplaisantes, que la ieune Comtesse en demeura toute sa vie en regret, & ne se voulut iamais marier, ains se rendit religieuse à S. Honnoré de Tarascon, & là composa plusieurs belles œuvres, entre autres *Lo tractat de la Tharasca*, en rime Prouençale. La mere de la Comtesse fit mettre le cheualier Adhemar en sepulture, & luy fit bastir & dresser vn riche *Mausolee*, auquel fit entailler les hauts faicts & gestes du cheualier, ensemble certains hieroglyphes Egyptiens d'vn merueilleux artifice, & la Comtesse religieuse deceda de douleur le mesme an, qui fut 1193.

D I E G O P A Y V A.

Explications catholiques du sieur Diego Payua gentilhomme Portugois qui

z

est

est vne Apologie pour ceux de la compagnie de Iesus contre certains ministres predicans d'Allemagne liure premier traduit, de latin en françois. [impr. à Lyon 8°. par Michel Ioue 1565.

DIODORE SICILIEN. Voyez Claude de Seyssel. Antoine Macault.

DION. Voyez Claude des Roziers.

DIOSCORIDE.

Les Proprietez des Simples contenues en six liures de Dioscoride rapportees aux accidens qui peuuent aduenir à chaque partie du corps. [impr. à Paris 16°. par Robert le Maigner 1569.

DOETE DE TROIES chanteresse & Trouerre, ainsi que ie croy, est fort estimee par ledit autheur: qui la nomme entre les Menestrels qui se trouuerent à la court que l'Empereur Conrad tint à Maièce comme il feint: il dit d'elle,

„ *Li Meneſtreſ de meinte terre*

„ *Qui ere venus pour aquerre,*

De Troye la belle Doete

I. chantoit cete chanſonete

Quand reuient la ſaiſon

Que l'herbe reuerdoie.

DOMINIQUE DAVLPHIN. Voyez Gabriel Chapuis.

DOMINIQUE IAQVINOT Champenois a eſcrit
L'vſage del'Aſtolabe, Auec vn petit traicté de la Sphere [impr. à Paris 8°. par Guillaume Cauellat 1558.

DOMINIQUE PHINOT a mis en muſique à 4. parties quel ques chanſons en François. [impr. à Lyon par Godefroy Beringen.

DOMINIQUE REVLIN Medecin à Bourdeaux a eſcrit
La Chirurgie, comprinſe en cinq liures par bon ordre, & facile methode. [impr. à Paris 8°. par Leon Cauellat 1580.

Contredicts aux erreurs populaires de L. Ioubert, où ſont deduites pluſieurs queſtions. [impr. à Montauban 8°. par Loys Rabier 1580.

De recto cibariorum ordine ſalubrique uſu libri duo, Dominico Reolino Burdigalenſi medico autore. [Impr. Burdigala 1560.

Methodice totius grammatices Græca deſcriptionis lib. 3. Autore Dominico Reolino Vaſcon. [Eſeuſ. Pariſijs 4°. pud Mattheum Dauidem 1558.

DOMINIQUE DE SERA.

Liure de l'ingerie compoſé par M. Dominique de Sera Italien enſeignant le noble & gentil art de l'eſguille pour beſongner en tous poincts, vtile à toutes dames & damoiſelles pour euitier oiſiueté. [impr. à Paris 4°. par Ieroſme de Marneſ 1583.

DOMINIQUE SERGENT Lauallois de l'ordre des freres preſcheurs, docteur theologien en l'vniuerſité de Paris a eſcrit

Du Bapreſme des heretiques liures 2. monſtrâs ſi on le doit reiterer, pourquoy
& com

& comment. Avec indice des lieux esquels certaines questions de Pierre Viret Calviniste sont resolues. [impr. en Auignon 8°. par Pierre Roux 1566.

D V R A N S a fait le fabliau de trois bossus, l'un desquels estant preferé au mariage d'une fille l'espousa, pource qu'il estoit plus riche: & en fin fut tué par un beau gentil homme qui aimoit ceste femme.

„ *Durans qui son conte desine*
 „ *Dit quonques Diex ne fit meschine,*
 „ *Qu'on ne peut por deniers avoir.*

D V R B A N prothonotaire (son nom propre m'est incertain) a traduit de latin

L'oraison ou harengue de Pierre Pascal, prononcée au Senat de Venise, contre les meurtriers de l'Archediacre de Mauleon. Plus du mesme Paschal, Française par Prosopopee à la Republique de Venise. [impr. à Paris 8°. par Michel Vascosan 1549.

En laditte Oraison.

C'est un homme comme j'entens (car il ne m'est pas connu de visage, & à ma volonté qu'il le feust aussi peu de son crime) de telle nature, qu'encor qu'il face toutes choses meschamment, pourtant il ne peut rien faire à cachettes. Les mains sanglantes des meurtriers, les bastons mouillez de sang, la crainte des accusez, la perturbation d'esprit, les pensifs & inconstans visages, les langues begues, les mains & genoils tremblans de peur de la peine, & finalement la conscience empeschée, & chargée d'un tel excès, fait que la chose n'est point suspecte mais euidente & manifeste. Mais pourquoy en chose tant claire me veul-je ayder de coniecture? Je ne veux pas que par presumption vous PRES-
 CONSCRIPTS iugiez. Ce dequoy ie parle est tant notoire que pour le pro-
 uer ie puis appeller en tesmoing toute vostre ville de Padoue: mais il semble certes que ceste cause ne doive estre reduite en tesmoignage, puis que les accu-
 sez ont esté surpris au flagrant delict.

En un autre endroit de la mesme oraison:

Ils disent cecy P. C. affin que deuant vous ie parle pour eux aussi: ce qu'ils ont fait, l'auoir fait par l'ancienne coustume: car quád cecy est aduenu, il estoit question d'eslire le nouveau Recteur de l'vniuersité: & qu'ils n'ont fait tant de force, comme ils ont repoullé celle qu'on leur faisoit. Aduisez vne friuole de-
 fense, & ridicule ez choses plus tristes. Qui a commencé la coustume, que de
 nuit soit fait force, à ceux qui reposent en leur logis: où sont les loix, selon les-
 quelles cecy est permis: ou qui endurent cecy? de quelles nations auez vous
 apprins ceste tant irraisonnable coustume? quelle nation est de cruauté tant
 barbare, & des loix tant habandonnée, qui croye que cecy doive estre souf-
 fert: & qui n'estime la maison comme un port de seureté & inuiolable, & com-
 mun refuge? il estoit question d'eslire le Recteur: aucuns des François vous
 estoient en cecy contraires, ie vous accorde cecy & le vous concede. Donc il

vous estoit permis de tuer les hommes innocens? O foible, o plustost nulle defense! Si vous estiez esmeus & courroucez contre les François, cestuy seul deuoit-il porter si grande calamité pour tous? Quoy? Iean de Mauleon vouloit-il estre Recteur? rien moins que cela. Et combien qu'aucuns autres bruslans du desir de faulx, & vaine gloire, volletassent par la cité, cestuy estoit modestement à son logis, & s'arrestoit avec ses lettres, tousiours desireux de celle louange, qui n'est pas approuuee par la sorte multitude, mais par le tesmoignage de toutes honnestes personnes. Possible que la faueur qu'il auoit (bien grande certes) empeschoit qu'il n'en feust créé aucun des vostres. Ny cecy encores: car en telles choses il ne se trouua iamais, & auoit pourueu qu'aucun des siens ne s'y trouuast. Toutesfois par force, il repoulloit la force, & à vn de vous **donna** tel coup, que despuis il en est trespasé. Je vous auouë cecy, ores que soit **faux**, pour ce que vous l'estimez grand' chose. N'eust il pas (ô beaux Iuriconsultes) fait cecy à bon droit? à ma volonté qu'il eust peu seulement. Or qu'il l'ait fait, ce q̄ certes il ne fait, la premiere de toutes, & principale loy de nature, n'apprent elle pas cecy à tous les hommes, & à toutes les bestes brutes? N'auons nous pas receu de la commune mere de tous la sage Nature, que toute force, tout assault, nous repoulsons du col, du doz, de la teste, finablement du corps, & de toute la personne? mais comment ces trois desarmez, & presque nuds eussent-ils peu repouler la force, de plusieurs armez, enraigez, & furieux? Seulement P.C. les miserables repouleret de leurs testes la fureur de ceux-cy, tout autant que l'entree de la maison, & la porte de leur chambre peurent faire resistance. Lesquelles rompues, telle cruauté s'ensuyuit, qu'encores à present mon oraison s'en destourne, & a frayeur. Ils murmurent que par ceux-là vn des leurs a esté blessé, & occis, ce qui n'est vray, ny se monstre vray semblable à personne. Quoy? la playe qui sembloit vne pointure d'aiguille, sera elle prinse pour le coup de celuy qui se deffendoit? Certes il n'est pas mort de ce coup, mais plusieurs iours apres en prison, sachant desia qu'il estoit condamné d'auoir la teste tranchee, vous l'avez veu mort, enflé, rendu, & difformé. Lequel a fin qu'il ne laissast à sa race, & à son nom, la marque de tant detestable vilainie, ie n'ose pas dire qu'il ayt beu le venin, pour ne monstre que ie poursuiue l'ame d'un trespasé.

D Y P H I L E. Voyez les sentences des Poëtes Comiques & Lyriques. [impr. à Paris 16°.

D. H. a traduit de latin

La Probation du Sacrifice de la Messe tiree des saints Peres par Gæretius. [impr. à Paris 16°. par Guillaume Iulian 1568.

D. S. M. N. a fait,

Version de 28. carmes latins qui se lisent escripts en pierre au grand temple de S. Estienne de Bourges contre le pilier auquel ioint l'autel. Avec l'interpretation d'iceux. [impr. 1564. *Caluinique.*

D. V. Z. a traduit

Le Martire de Verité, Dialogue de Lucian. [impr. à Lyon 16°. par François Iuste.

D. Z E C A I R E, Gentil-homme & Philosophe Guyennois a escrit,
Opuscu

Opuscul de la vraye Philosophie naturelle des metaux, traicté de l'augment-
 ration & perfection d'iceux. Avec aduertissement d'eviter les folles despenses
 qui se font ordinairement par faute de vraye science. Ensemble le traicté de
 venerable docteur Aleman Messire Bernard Comte de la marche Treuifane
 sur le mesme subiect. [impr. en Anvers 8°. par Guillaume Syluius 1567.]

LIVRES D'AUTEURS INCERTAINS.

La DANCE des Aveugles, C'est à dire des humains dançans en ce mon-
 de sous la conduite d'Amour, de Fortune & de la Mort: composée en rime
 & dont l'Argument est mis au commencement, tel que s'ensuit

*Amour, Fortune & Mort aveugles & bandez,
 Font danser les humains chacun par accordance:
 Car aussi tost qu'Amour a ses traictz desbandez,
 L'homme veut commencer à danser basse dance.
 Puis Fortune qui sçait le tour de discordance
 Pour un simple d'Amour fait un double bransler,
 Plus inconstant beaucoup que feuille d'arbre en l'air:
 Du dernier tourdion la mort nous importune:
 Et si n'y a vivant qu'on ne vöye esbranler
 A la dance de Mort, d'Amour & de Fortune.*

Ce livre a esté impr. à Lyon 8°. par Oliuier Arnoullet 1543.

La grand DANCE Macabré des hommes & des femmes, historiee avec de
 beaux dictz en latin & huiétains en frâçois. Plus le debat du corps & de l'Ame.
 La complainte de l'Ame dampnee. Exortation de bien viure & bien mourir.

La vie du mauuais Antechrist. Les quinze signes. Le Iugement. [impr. à
 Lyon f°. 1499.]

La vie & doctrine de DAVID George Hollandois, chef des heretiques, es-
 crite par le recteur de l'vniuersité de Basle du mandement des Magistrats &
 Senat de la ville. [impr. à Lausanne 1560. Calvinique.]

Le DEBAT du Corps & de l'Ame. avec la complainte de l'ame dampnee.
 Rime. [impr. à Paris.]

Le DEBAT de la vigne & du laboureur. [Rime.]

Le DEBAT de deux gentilhommes Espaignols sur le fait d'amour, dont
 l'un nommé Vasquiran regrete s'amie que mort luy a ostee apres l'auoir espou-
 see: Et l'autre appellé Flamian vouldroit mourir pour la sienne à la charge d'en
 iouyr pour espouse ou autrement. [imprimé à Paris 8°. par Iean Longis
 1541.]

DEBAT de Pieté & de Superstition. Censuré.

Les DECLINAISONS des noms & verbes que doiuent sçauoir entiere-
 ment par cœur les enfans, ausquels on veut bailler entree à la langue latine. En-
 semble la maniere de tourner les noms, Pronoms, Verbes tant actifs que pas-
 sifs, Gerondifs, Supins & Participes: les verbes *Sum, volo Nolo, Malo, Fero,*

vous estoit permis de tuer les hommes innocens? O foible, o plustost nulle defense! Si vous estiez esmeus & courroucez contre les François, cestuy seul deuoit-il porter si grande calamité pour tous? Quoy? Iean de Maulcon vouloit-il estre Recteur? rien moins que cela. Et combien qu'aucuns autres brullans du desir de faulx, & vaine gloire, volleraissent par la cité, cestuy estoit modestement à son logis, & s'arrestoit avec ses lettres; tousiours desireux de celle louange, qui n'est pas approuuee par la sorte multirude, mais par le tesmoignage de toutes honnestes personnes. Possible que la faueur qu'il auoit (bien grande certes) empeschoit qu'il n'en feust créé aucun des vostres. Ny cecy encores: car en telles choses il ne se trouua iamais, & auoit pourueu qu'aucun des siens ne s'y trouuast. Toutesfois par force, il repoulloit la force, & à vn de vous donna tel coup, que despuis il en est trespasé. Je vous auoué cecy, ores que soit faulx; pource que vous l'estimez grand' chose. N'eust il pas (ô beaux Iuriscultes) fait cecy à bon droit? à ma volonté qu'il eust peu seulement. Or qu'il l'ait fait, ce q̄ certes il ne fait, la premiere de toutes, & principale loy de nature, n'apprint elle pas cecy à tous les hommes, & à toutes les bestes brutes? N'auons nous pas receu de la commune mere de tous la sage Nature, que toute force, tout assault, nous repoulsons du col, du doz, de la teste, finablement du corps, & de toute la personne? mais comment ces trois desarmez, & presque nuds eussent ils peu repoulsier la force, de plusieurs armez, enraigez, & furieux? Seulement P.C. les miserables repoulserét de leurs testes la fureur de ceux-cy, tout autant que l'entree de la maison, & la porte de leur chambre peurent faire resistance. Lesquelles rompues, telle cruauté s'ensuyuit, qu'encores à present mon oraison s'en destourne, & a frayeur. Ils murmurent que par ceux-là vn des leurs a esté blessé, & occis, ce qui n'est vray, ny se monstre vray semblable à personne. Quoy? la playe qui sembloit vne pointure d'aiguille, sera elle prinse pour le coup de celuy qui se deffendoit? Certes il n'est pas mort de ce coup, mais plusieurs iours apres en prison, sachant desia qu'il estoit condamné d'auoir la teste tranchee, vous l'avez veu mort, enflé, tendu, & difformé. Lequel a fin qu'il ne laissast à sa race, & à son nom, la marque de tant detestable vilainie, ie n'ose pas dire qu'il ayt beu le venin, pour ne monstre que ie poursuiue l'ame d'un trespasé.

D Y P H I L E. Voyez les sentences des Poëtes Comiques & Lyriques. [impr. à Paris 16°.

D. H. a traduit de latin

La Probation du Sacrifice de la Messe tiree des saincts Peres par Garecius. [impr. à Paris 16°. par Guillaume Iulian 1568.

D. S. M. N. a fait,

Version de 28. carmes latins qui se lisent escripts en pierre au grand temple de S. Estienne de Bourges contre le pilier auquel ioint l'autel. Avec l'interpretation d'iceux. [impr. 1564. *Caluinique.*

D. V. Z. a traduit

Le Martire de Verité, Dialogue de Lucian. [impr. à Lyon 16°. par François Iuste.

D. Z E C A I R E, Gentil-homme & Philosophe Guyennois a escrit,
Opuscu

Opuscul de la vraye Philosophie naturelle des metaux, traicté de l'augmentation & perfection d'iceux. Avec aduertissement d'euitier les folles despenfes qui se font ordinairement par faute de vraye science. Ensemble le traicté de venerable docteur Aleman Messire Bernard Comte de la marche Treuifane sur le mesme fobiect. [impr. en Anuers 8^o par Guillaume Syluius 1567.]

LIVRES D'AUTEURS INCERTAINS.

La DANCE des Aueugles, C'est à dire des humains dançans en ce monde sous la conduite d'Amour, de Fortune & de la Mort : composee en rime & dont l'Argument est mis au commencement, tel que s'ensuit

*Amour, Fortune & Mort aueugles & bandez,
Font dancer les humains chacun par accordance:
Car aussi tost qu'Amour a ses traitz desbandez,
L'homme veut commencer à dancer basse dance.
Puis Fortune qui sçait le tour de discordance
Pour un simple d'Amour fait un double branler,
Plus inconstant beaucoup que fucille d'arbre en l'air:
Du dernier tourdion la mort nous importune:
Et si n'y a vissant qu'on ne voye esbranler
A la dance de Mort, d'Amour & de Fortune.*

Ce liure a esté impr. à Lyon 8^o. par Oliuier Arnoullet 1543.

La grand DANCE Macabré des hommes & des femmes, historiee avec de beaux dictz en latin & huitains en François. Plus le debat du corps & de l'Ame. La complainte de l'Ame dampnee. Exortation de bien viure & bien mourir.

La vie du mauuais Antechrist. Les quinze signes. Le Iugement. [impr. à Lyon f^o. 1499.]

La vie & doctrine de DAVID George Hollandois, chef des heretiques, écrite par le recteur de l'vniuersité de Basle du mandement des Magistrats & Senat de la ville. [impr. à Lausanne 1560. Calvinique.]

Le DEBAT du Corps & de l'Ame. avec la complainte de l'ame dampnee. Rime. [impr. à Paris.]

Le DEBAT de la vigne & du laboureur. [Rime.]

Le DEBAT de deux gentilhommes Espaignols sur le fait d'amour, dont l'un nommé Vasquiran regrete s'amie que mort luy a ostee apres l'auoir espousee : Et l'autre appellé Flamian voudroit mourir pour la sienne à la charge d'en iouyr pour espouse ou autrement. [imprimé à Paris 8^o. par Iean Longis 1541.]

DEBAT de Pieté & de Superstition. Censuré.

Les DECLINAISONS des noms & verbes que doiuent sçauoir entiere-ment par cœur les enfans, auxquels on veut bailler entree à la langue latine. Ensemble la maniere de tourner les noms, Pronoms, Verbes tant actifs que passifs, Gerondifs, Supins & Participes : les verbes *Sum, volo Nolo, Malo, Fero,*

2 3

Edo,

Edoer, Fio, Possim, Memini: aussi les impersonels. Des huit parties d'oraison. La maniere d'exercer les enfans à décliner les noms & les verbes. [impr. à Par. 8°. par Robert Elstienne 1545.

Sermon de la DEDICACE. *Censuré.*

D E F E N C E pour Jean de Monluc Euesque de Valence contre vn liure publié sous le nom de Zacharias Furnesterus: traduite de latin, & impr. à Paris 8°. par Robert le Magnier 1575.

D E F E N C E premiere de la Religion & du Roy contre les pernicieuses factiōs & entreprises de Caluin, Beze, & autres leurs complices coniuerez & rebelles. A la court de parlement & au peuple de Paris. [impr. 8°. par Guillaume Merlin 1562.

Les mil cent quatre vingts & quatre D E M A N D E S à toutes matieres. Avec les solutions & demandes, selon le saige Sydrach. [impr. à Paris 8°. par Galiot du Pré.

D E M O N S T R A T I O N de la vanue de Iesus-Christ, & de celle de l'Antechrist, tiree des saintes escriture. [impr. à Lyon 8°. par Jean Saugrain 1564. *Caluinique.*

D E P L O R A T I O N sur la mort d'illustre Prince Charles de Valois viuant Duc d'Orleans, ensemble deux Epitaphes dudit seigneur. Auteur incertain. [impr. par Guyon Boudeuille à Tholose.

D E S E N H O R T E M E N T du peché de Luxure. [Impr. à Paris 8°. par Denys Janot.

Le D E S E R T de deuotion. [Impr. à Paris 8°. par Nicolas Bonfons.

La D E S T R U C T I O N de Troye la grande Abregée. en rime.

Le D E S T R U C T O I R E des vices.

D E V I S Poiçteuin dicté à Tholose aux ieux Floraux 1553. L'affuriman de Pelhot, inuention Barotine, avec le blason du glaive de saint Pelhot qui coupa l'oreille à Malchus. Avec le blason de la Verole. [impr. à Tholose par Guyon Boudeuille.

La petite D I A B L E R I E autrement appelée l'Eglise des mauuais, dont Lucifer est le chef, & les membres sont les ioueurs iniques pecheurs & reprouvez. [impr. à Lyon 16°. par Oliuier Arnoullet 1541.

D I A L O G V E Apologetique excusant ou deffendant le deuot sexe féminin, introduit par deux personnages, l'un a nom Bouche mal disant: l'autre Femme deffendant; auquel (pour excuser ou deffendre ledit sexe) est alleguée la sainte escriture, les docteurs de l'Eglise & plusieurs autoritez des philosophes. [impr. à Paris 4°. l'an 1516.

D I A L O G V E des festins. [impr. à Paris 8°. par Denys du Val 1579.

D I A L O G V E de deux marchans l'un de Paris, & l'autre de Pontoise, sur ce que le Parisien l'auoit appelé Normand. [impr. à Paris 1573.

D I A L O G V E. & vn merueilleux parlemēt fait par vn Abbé, vn Courtisan & vn diable, à la louange du Pape Adrian 6. & à la deprauation de Luther. [impr. l'an 1522.

D I A L O G V E spirituel de la passion en forme d'oraison & contemplation. [impr. à Paris 8°. à l'homme Sauvage. sans datte.

DIAL

DIALOGUE en Rime Platte où sont introduits *Benedicite*, Benigne Grace, & Maledicite qui tenta Adam & Eve au Jardin fructifere. [impr. à Lyon 8°. au Maillet d'argent. sans datte.]

DIALOGUE d'un sage & d'un fol. [impr. à Lyon par Barnabé Chauffard.]

DIALOGUE de Seigni Peire & Seigne Ioan. en langage Provençal à Lyon par Benoist Rigaud 1580.

DIALOGUES & Devis des Damoiselles pour les rendre vertueuses & bien-heureuses en la vraye & parfaite amitié. Voila vn beau & bon tilre en apparence: car au reste le discours en est fort pernicieux, & pamy l'herbe (comme on dit communement) est caché le serpent. C'est le liure intitulé *La Bella creanza* de le donne, fait par Alexandre Piccolomini, traduit en François sous le susdit tilre. [impr. à Paris 16°. par Robert le Maignier 1589.] Benoist Rigaud l'auoit premier imprimé auparavant sous autre intitulation, *Assauoir, Instruction aux ieunes dames en forme de Dialogue*, par laquelle les dames apprendront comme elles se doiuent bien gouuerner en amour.

DIALOGUES ou Colloques en quatre langues Flamen, François, Espagnol & Italien. Avec les coniugaisons, regles & instructions. Ensemble la maniere de bien prononcer & lire les langues susdites. [impr. en Anuers 1573.]

DICTIONAIRE François Latin, contenant les mots & manieres de parler François, tournez en Latin. Il on a esté fait de plusieurs sortes, & impr. en diuers lieux. Robert Estienne a fait le premier.

DICTIONAIRE des huit langaiges, Grec, Latin, Flamen, François, Italien, Anglois & Aleman. [Impr. à Lyon 16°. par Michel Ioué 1558.]

DICTIONAIRE en theologie contenant entiere declaration des mots, phrases & manieres de parler de la sainte escriture, tant du vieil, que nouveau testament. [impr. à Geneue 8°. par Jean Crespin 1560.]

DICTS & auctoritez des saiges. en rime. [impr. à Lyon par Pierre Mareschal. sans datte.]

DIEU Imperiale, ou Ordonnances & resolution de l'Empereur & des Estats du S. Empire, deliberee & arrestee en la derniere iournee tenue à Spire en l'an 1570. [impr. à Paris 8°.]

La **DIFFERENCE** des escritures & docteurs, & l'intelligence des saints sacremés. veu & approuué par la faculté de Theologie. [impr. à Lyon 8°. par Benoist Rigaud 1561.]

Les **DIFFERENS** qui sont entre le Roy & l'Empereur & les motifs de la guerre presente 1542. Avec vn Arbre de consanguinité par lequel appert que le Roy vient à la succession des maisons de Mylan, Bourgoigne & Sauiye. [impr. à Lyon 16°. chez Guillaume de Quelques, audit an.]

Le **DIFFICILE** des Chançons en Musique. premier & second liure. [impr. à Lyon par Iaques Moderne.]

Des **DIGNITEZ**, Magistrats & Offices du Royaume de France. Liures 3. faits premierement en Latin par Vincent Lupan, & traduits en François. [impr. à Paris 8°. par Guillaume le Noir 1564.]

La **DISCIPLINE** d'Amour diuine, ensemble la repetition de la Discipline.

Auquel liure on pourra apprendre à cognoistre Dieu, & à l'aymer parfaitement, comme aussi à se cognoistre soy-mesmes. [A Paris 8°. par Simon de Colinez, & par Vincent Sertenas 1538. Ce qui s'ensuit que l'ay l'eu en ce liure est digne d'estre remarqué. Moult noble & digne est la creature humaine : laquelle selon l'ame est image & semblance du createur : & selon le corps, figure & semblance de toute creature. Le chef rond & clos par dessus, où sont les sens corporels, figure le ciel : & les yeux representent le Soleil & la Lune, & les autres sens les estoilles. Et comme est le monde gouverné par & selon les sept planettes du ciel : aussi y a au chef humain sept trous, entrees & yssues pour gouverner le corps sensiblement : deux es yeux, deux aux oreilles, deux au nez, & vn à la bouche : par lesquelles l'ame fait ses operations corporelles & spirituelles. Des quatre elemens appert plus la clarté du feu es yeux, l'air en la poitrine, l'eau au ventre, & la terre es iambes. Les os du corps humain sont representation & figure des creatures qui ont estre, & n'ont vie ne sens comme pierres & diuers metaux. Les ongles des pieds & des mains, & les cheueux qui croissent & décroissent insensiblement, signifient les creatures qui ont estre & vie vegetatiue, lesquelles sont insensibles, comme arbres & herbes. Et les sens corporels, les creatures sensibles & irraisonnables, comme bestes & oyseaux, & poissons. Pour neant n'est pas dit & appelé le corps humain Petit monde qui est figure & representation du grand monde, & de toute mondaine & corporelle creature : & qui est conioint & vny à l'ame & esprit raisonnable, qui est image & expresse semblance de Dieu createur de toute creature. &c.]

Institution de la DISCIPLINE militaire au Royame de France, reduite en trois liures, & dedicee à Antoine Roy de Navarre. [impr. à Lyon f°. par Maçé Bonhomme en l'an 1559.]

DICOURS nomplus melancoliques que diuers, des choses qui appartiennent mesmes à nostre France. Avec la maniere de bien entoucher les luts & guiterres. [impr. à Poitiers 4°. par Enguilbert de Marnef.]

DICOURS de l'execution par la magesté Imperiale contre les rebelles du S. Empire Romain, & leur receleur : Et de la prinse de la ville de Gothe, ensemble du chasteau & forteresse de Grymmensten, rasce le 13. d'Auril 1567. [impr. audit an.]

DICOURS veritable touchant plusieurs affaires d'estat, pour la iustification des bons & fides subiects de sa maiesté catholique. [impri. à Douay 8°. 1580.]

DICOURS veritable des choses passees ez pays bas de Flandres depuis la venue du S. Dom Iean d'Autriche lieutenant, gouverneur & capitaine geueal pour le Roy catholique en iceux. Avec response des obiects contenus au discours non veritable, mis en lumiere par les estats desdits pays, touchât la rupture par eux faicte de la derniere pacification. [impr. à Lyon 8°. par Nicolas Guerin 1578.]

DICOURS en vers François sur le bannissement de la guerre ciuile, & sur l'arriuee de la paix au royaume de France, par C. A. D. I P. [impr. à Lyon 4°. par Iean Saugrain. 1570.]

DISPV

DISPUTATION de la Religion, ou des Articles de la Foy Chrestienne entre vn Papisste & vn nouveau Euangeliste. [impr. à Lyon 16°. par Benoist Rigaud 1564.

DISPUTE & conference d'un Cordelier d'Orleans avec vn Ministre, sur le fait de la vocation au ministere & priere des Saints, y assistant le Sieur de Cypierre. [impr. 8°. l'an 1564. *Caluinique.*

DISPUTE, Qu'il est necessaire à vn grand Prince, sçauoir les lettres, & que par ce moyen la vertu se peut apprendre: Et y sont introduicts entrepareurs Seigneur Pierre Stroffi & Carles. [impr. à Paris 4°. par Chrestien Vvechel 1559.

La **DIVISION** du Monde contenant la declaration des prouinces & regions d'Asie, Europe & Afrique [impr. à Lyon 16°. par Benoist Rigaud 1572.

Le **DOCTEUR** en malice maistre Regnard demonstrent les ruzes & cautelles qu'il vse enuers les personnes. Histoire plaisante & recreatiue, & non moins fructueuse. [impr. à Lyon 16°. l'an 1550.

DOCTRINAL ou Instruction des filles, fait à la requeste de Madame Susanne duchesse de Bourbo. [impr. à Tholose 4°. l'an 1535. & despuis à Lyon 16. par B. Rigaud.

Le **DOCTRINAL** des nouuelles marices. en rime. [impr. à Lyon, sans datte.

La **DOCTRINE** & commandemens du Philosophe Aristote à son disciple le Roy Alexandre. Est au catalogue des liures censurez par la faculté de theologie à Paris de l'an 1551.

La **DOCTRINE** des bons enfans. *Censuré.*

DOCTRINE chrestienne laquelle enseigne ce que doit sçauoir & exercer chacun chrestien, affin que par sa vie & couersation il responde à la profession du nom. traduite d'Italien en François, & impr. à Tiers 16. par Robert Masselin 1557.

La **DOCTRINE** nouvelle & ancienne. *Censuré.*

Mistere de l'Institution de l'ordre des freres prescheurs par saint **DOMINIQUE**. Et commence, S. Dominique luy estant à Rome vestu en habit de chanoine regulier. A xxxvi. personnages, assauoir S. Dominique. Obstination. L'Eglise. Noblesse. Labeur. Satan. Heresie. Dieu. Nostre Dame, Michel. Maistre Mathieu. Maistre Bertra. deux Cardinaux. S. Pierre. S. Paul. S. Regnaud. Le Chapellain. le Bedeau. trois Escoliers. Diuine inspiration. le Clerc. le Chantre de S. Aignen. Le tresorier. Le cheuecier. L'ospitalier. Maistre Ypocras. medecin. Maistre Auicenne Magdelaine. Sainte Catherine. Trois Religieux. Vn Couuers. [impr. à Paris 4°. par Iean Trepperel sans date.

Le **DONAT** de Noblesse en Rime. [impr. à Lyon 16°. par Oliuier Arnoullet.

Le Romant de **DOOLIN** de Mayence.

Les **DROITS** nouueaux establis sur les femmes. en rime. [impr. à Paris 8°. sans datte.

EDME



DM E B O V R G O I N Prieur du conuent des freres prescheurs de Paris a fait traduire en François & imprimer les œuures de Sainte Catherine de Siene religieuse du tiers ordre de S. Dominique, & a fait & mis vne epistre au commencement desdites œuures, intitulees La doctrine spirituelle &c. [impr. à Paris 8°. par Geruais Mallot 1580.

E F F R E M. Voyez François Feu-ardent.

E G E S I P P E. Voyez Iean Millet.

E G H I N A R D. Voyez Elie Vinet.

E L I A S D E B A R I O L S Gentilhomme Prouençal fut le Poëte de la Princesse Garcene fille de Guillaume Comte de Forcalquier. Feit vñ Traicté intitulé *La guerradels Baussens*, où il recitoit les victoires de Beréguier Comte de Prouence cōtre les Princes Baussens Seigneurs du Bourgneuf d'Arles qui pretendoyent droict à la Comté de Prouence, lesquels il domta, & trespassa en l'an 1180.

E L I E V I N E T, Saintongeais.

La Sphere de Procle traduite du grec par Elie Vinet. [impr. à Poictiers 8°. par Enguilbert de Marnef 1544.

La vie de l'Empereur Charlemaigne escrete en latin par Eghinard son chancelier & traduite en François par Elie Vinet. [impr. à Poictiers 8°. par Enguilbert de Marnef 1558.

L'Arpenterie liure de Geometrie, enseignant à mesurer les champs & plusieurs autres choses, diuisee en sept liures. Autheur Elie Vinet. [impr. à Bordeaux 4°. par Simon Millanges 1577.

L'Antiquité de Bourdeaux & de Bourg, presentee au Roy Charles 9. le 13. iour d'Auril. 1565. à Bourdeaux, & lors premierement publiee, mais depuis reueüe & augmentee, & enrichie de plusieurs figures par son Autheur Elie Vinet. [impr. à Bourdeaux 4°. par Simon Millanges 1574.

Les Antiquitez de la ville de Xaintes au pais de Xaintonge. [impr. où que dessus.

Il a escrit aussi des commentaires latins sur le Poëte Aufone. [impr. à Bourdeaux 4°. par Millanges 1575. A traduit en vers latins les sentēces Elegiaques de Theognis Poëte grec par luy mesmes illustrees de scholies, comme aussi il a fait d'autres doctes Scholies latines sur Florus.

Elia Vineti Xantonis de logistica libri 3. excus. Burdigala 8°. apud Simonem Millangium 1573.

Ex Mathematico Pselly breuiario Arithmetica, Musica, Geometria, Sphæra vero ex Procli græco. Elia Vineto interprete, excus. Burdigala 4°. apud Franciscum Morpanium.

E L I E P H I L I P P I N a escrit, Declaration briefue & claire de la resurrection des Morts. [impr. à Neuf-Châstel en Suysse 16°. par Iean de Laon 1575.

E L O Y.

Les Parts de Maistre Eloy. [Impr. à Lyon.

ELOY DAMERNALE de Berhune a composé en rime en deux liures contenant 269. chap.

Le Liure de la Diablerie, où il introduit Lucifer & Satan qui deussent ensemble, & Sathan luy raconte les abus & pechez que font & commettent les humains. Avec plusieurs annotations & passages au marge tant de l'Ecriture sainte que des auteurs prophanes. [impr. à Paris f°. par Michel le Noir 1508.

ELOY GVIGONIS religieux de l'ordre de Cluny docteur en Theologie, & soubprieur de la Daurade à Tholose a escrit en trois liures, De la perfection de l'Eglise en esprit regnant, en corps seruant, en espouse parée, & mere prouoyante de remede à ses enfans. [impr. à Tholose 8°. par Arnaud Colomiez 1572.

Manuel Chrestien familier à chacun, où sont declarees trois reigles chrestiennes de la Foy, Prieres & commandemens de Dieu: Plusieurs oraisons deuotes & cantiques traduits, Les cantiques de Salomon, Ogdoades 22. du Psalmiste, Les Trenes ou Lamentations de Hieremie. [A Tholose 16°. par Arnaud Colomiez 1573.

ELOY MAIGNAN Docteur en la faculté de Medicine à Paris a traduit du latin de Leonard Fuchsius Medecin Aleman tres-renommé, Les commentaires de l'histoire des Plantes. [impr. à Paris f°. par Jacques Gazeau 1549.

EMERY BERNARD natif d'Orleans a escrit Briefue & facile Methode pour apprendre à chanter en Musique. [impr. à Geneue par Jean Durand 1570.

EMERY DE SAINTE ROSE a escrit Les ruses & cautelles de guerre par exemples anciens & modernes. [impr. à Paris 8°. par Jean Petit 1514.

EMOND AVGER, de la société & compagnie du nom de Iesus a escrit, Sucre spirituel pour adoucir l'amertume des aigres malheurs de ce temps. [impr. à Lyon 16°. par Michel Ioue 1570.

Catechisme & sommaire de la religion Chrestienne, Avec vn formulaire de diuerses prieres catholiques, & plusieurs aduertissemens pour toutes manieres de gens. [impr. à Paris 16°. par Jean de Bordeaux 1576. & à Bordeaux par Symon Millanges. le mesme Cathechisme a esté aussi fait & Impr. Grec latin.

Le Pedagogue d'armes pour instruire vn prince Chrestien à bien entreprendre & heureusement acheuer vne bonne guerre pour estre victorieux de tous les ennemis de son estat & de l'Eglise catholique. [impr. à Paris 8°. par Sebastien Nyuelle l'an 1568.

De la vraye, reale & corporelle presence de Iesus-Christ au Saint Sacrement de l'Authel, liure premier. [impr. à Paris 8°. par Pierre L'huillier 1563.

Liure second de la vraye, reale & corporelle presence de Iesus-Christ au saint Sacrement de l'authel. cōtre les faulses opinions & modernes heresies; tant des Lutheriens, Zuingliens & Vvestphaliens que Caluinistes. [impr. à Lyon 8°. par Michel

Michel Ioue 1565.

Liure troisieme de l'institution, verité, continuation & vtilité du sacrifice de la Messe, Auec les responses aux obiections des Caluinistes & denombrement des erreurs, & heresies contenues en leur Cene. [impri. à Lyon 8°. par Michel Ioue 1565.

Epistre consolatoire aux Catholiques de Lyon attaincts de Peste. Auec vne priere à Dieu pour le mesme. [imp. à Lyon 16°. par Michel Ioue ez anneés 1564. 77. & par Iean Pilehotte la derniere fois, en l'an 1581. Auec prieres & letanies de la mesme matiere.

Discours du saint Sacrement de Mariage en 2. liures par chapitres contre les heresies & medisances des Caluinistes, Bezeans, Occhinistes & Meláthonistes. [impr. à Paris 8°. par Gabriel Buon 1572.

Du sacrement de penitence liures 3. & de l'extreme onction liure 1. [impri. à Lyon 8°. par Michel Ioue 1574.

Histoire des choses memorables sur le faiet de la religion Chrestienne, dictes & executees ez pays & royaumes des Indes Orientales par ceux de la compagnie du nom de Iesus despuis l'an mil cinq cens quarante deux, iusques à present, traduite du latin de Iean Pierre Maffeo. [impr. à Lyon 8°. par Benoist Rigaud 1571.

Aucuns formulaires de prieres Chrestiennes. Auec la maniere de se disposer au saint Sacrement de l'Autel & de Penitence. [impr. à Lyon 16°. avec le Catechisme du mesme Emond Auger 1581.

EMOND DV BOVLLAY premier heraut d'armes de Charles 3. du nom, Duc de Lorraine, a escrit en prose,

Les Genealogies des tresillustres ducs de Lorraine Marchis, avec les discours des alliances & traictez de mariages en icelle maison, iusques au duc François dernier decedé. [impr. 8°. à Paris par Vincent Sertenas 1549.

Le Catholique enterrement de feu le reuerendissime & illustrissime cardinal de Lorraine cōseiller ordinaire au priué conseil des treschresties Roys de France François & Henry de Valois premier & second de leur nom, Archeuesque de Narbonne, Euesque d'Albi & de Mets, Abbé de Cluny, de Fescan, de Marmotier, de S. Ouen & de Goze, qui trespassa à Nogen sur Yonne le 18. May 1550. [impr. à Paris 8°. par Lazare Grenet demeurant sur le pont saint Michel mil cinq cens cinquante.

Lenterrement d'illustre Prince Claude de Lorraine Duc de Guyse & Daumale, auquel sont declarees toutes les ceremonies de la chambre d'honneur, du transport du corps, de l'assiete de l'Eglise, de l'ordre de l'offrande, & grad dueil. Auec le blason des bannieres de ses lignes & alliances.] impri. à Paris 8°. par Gilles Corrozet 1550.

Il a escrit aussi en Rime,

Le combat de la chair & l'esprit où la chair est premierement vaincue en vn camp clos de la sainte escriture : Et finalement subiuguee en vn autre camp ouuert, des histoires anciennes & nouuelles par les armes de la parole de Dieu. [impr. à Paris 8°. par Gilles Corrozet 1549.

ENGVERRAND DE MONSTRELET, Gentilhomme,

me, iadis demurant à Cambray en Cambresis a escrit deux gros volumes de Chroniques, contenans les cruelles guerres ciuiles, entre les maisons d'Orleans & de Bourgoigne, l'occupation de Paris & du pays de Normandie par les Anglois, l'expulsion d'iceux & autres choses memorables aduenues de son temps en ce Royaume & autres pays. Histoire de bel exemple & grand fruit, commençant en l'an 1400. où finit celle de Jean Froissard, & finissant en l'an 1467. Reueue & corrigee sur l'exemplaire de la librairie du Roy, & impr. à Paris f°. par Pierre l'Huillier 1572.

E P I C T E T E. Voyez Antoine du Moulin. Jean Ant. de Bayf. Jean de Coras.

E R V E. Voyez Herué en la lettre H.

E S A Y E que les Hebreux nomment Iesaye. Voyez le liure de sa prophetie en la Bible.

E S D R A S. Voyez les quatre liures d'Esdras, en la Bible.

E S P R I T R O T I E R, de l'ordre des freres prescheurs Inquisiteur de la foy & doyen de la faculté de Theologie resident à Tholose a escrit, Antidots, ou contrepoison, & regime contre la peste d'heresie & erreurs portant infection à la saine & entiere foy catholique. [impr. à Tholose par I. Colomiez 1557.

Responſe aux blasphemateurs de la sainte Messe. Avec la confutation de la vaine & ridicule Cene des Caluinistes. Plus l'histoire de Berengarius, son erreur & penitence. [impr. à Paris 16°. par Iacques Keruer 1573.

Parergi siue tabella tres similitudinum quibus haeretici, ecclesia, vulgaresq; sacra scriptura translationes describuntur Autore Fratris Spiritu Roter. [Excus. Tolosa 4° 1548.

Confutatio erroris, asserentium Christum esse aduocatum nostrum in caelo per intercessionem: & nihil ab eo sed per ipsum petendum, more scholastico agitata per F. Sp. Roterum &c. Tolosa excudebat Jacob. Colomerius.

De non vertenda scriptura sacra in vulgarem linguam, deq; occidente litera & viuificante spiritu dissertatio. Tolosa 4°. apud Joann. Dembat 1548.

Praconium ac defensio Quadragesima. cui pluribus requirentibus adiunctus est Sermo de ratione institutionis diuinissimi Eucharistiae sacramenti. Authore F. Spiritu Roter &c. Tolosa 4°. apud Guid. Boudenill. 1552.

Aduersus Crucimastiges. De magna gloria quam Christus ex cruce sibi comparauit: ad solidandam fidem, excitandamq; charitatem opus accommodatissimum. Tolosa 8°. excud. Iacob. Colomerius 1560.

Responſio ad Epistolam ciuium nouae Babylonis Gebenna scilicet. Authore F. Spiritu Roter. [Tolosa 4°. ex prelo Guid. Boudenillai 1549.

Contra Astrologos & diuinatricem Astrologiam Authore eodem. Impres. ut supra.

A E S T I E N

ESTIENNE DE L'AIGVE Seigneur de Beauvais en Berry a écrit,

Singulier Traicté contenant la propriété des Tortues, Escargots Grenouilles & Artichaux. [impr. à Lyon 8°. par Pierre de sainte Lucie sans datte.

Il a traduit,

Les Commentaires de Iules Cæsar de la guerre des Romains, & autres expéditions militaires par luy faictes ez Gaules & en Afrique. [impr. à Paris f°. par Poncet le Preux 1531.

Stephani Aquæ Bituricensis in omnes Plinij naturalis historia libros Commentarij.
[Excus. Parisijs apud Galliotum Pratensem anno 1530.

ESTIENNE LE BLANC Conseiller du Roy & Conteroolleur general de son Espargne a traduit trois oraisons de Cicero, Assauoir celle qu'il feist à Cæsar pour Marcus Marcellus Sénateur Romain, qui auoit tenu le party de Pompee contre ledict Cæsar : celle qu'il feist au peuple de Rome pour eslire Pompee chef & conducteur de l'armée mise sus par les Romains à l'encontre de Mithridates & Tigranes : & celle qu'il feist pour Q. Ligaire à Cæsar seant au Senat. [impr. à Paris 8°. par Simon de Colinez 1544.

L'oraison de Crispe Saluste contre Marc Cicéron, & l'oraison responsive de Cicéron contre Saluste. Oraison de Crispe Saluste à Iules Cæsar à fin de redresser la Republique Romaine. Oraison de Cicéron deuant qu'il allast en exil. Oraison de Cicéron apres son rappel & retour à Rome. Oraison de Cicéron à Octauien Cæsar. Oraison de Cicéron pour les prouinces consulaires. [Le tout traduit par Estienne le Blanc & impr. à Paris 16°. par Jean Ruelle 1545.

ESTIENNE DE LA BOETIE Conseiller au Parlement de Bourdeaux a traduit de Grec,

La mesnagerie de Xenophon, les Reigles de mariage de Plutarque. Lettre de consolation de Plutarque à sa femme. Auec quelques vers latins & François de son inuention. [impr. à Paris 8°. par Federic Morel 1571.

ESTIENNE COPPE a traduit du latin de Guillaume Gratarol medecin de Bergamo,

Deux liures des preceptes & moyens de recouurer, augmenter & contregarder la memoire. Auec vn œuure singulier qui demonstre à facilement iuger des mœurs & nature des hommes, selon la consideration des parties du corps. [impr. à Lyon 16°. par Eustace Barricat 1556.

ESTIENNE DOLET d'Orleans homme bien versé es bonnes lettres, & ez langues Greque & Latine, a esté des premiers qui ont illustré nostre langue Françoisse : ce qu'il eust fait dauantaige s'il eust vescu plus longuement, côme luy mesme le tesmoigne en vne Epistre qu'il a écrit au Roy disant :

*Viure ie veux pour l'honneur de la France
Que ie pretens (si ma mort on n'auance)
Tant celebrer, tant orner par escripts,
Que l'Estranger n'aura plus à mespris*

Le

*Le nom François : & bien moins nostre langue,
Laquelle on tient pauvre en toute harenque.*

Et vn peu apres,

Passant nos ans en l'augmentation

Du bien public, & decoration

De nostre langue encores mal ornee. &c.

Comme aussi on pourra voir par les œuvres qu'il a mis en lumière tant de son inuention, que de celles qu'il a traduites, qui sont telles,

La maniere de bien traduire d'une langue en autre. De la Punctuation Francoise. Plus des accents d'icelle. [impr. à Lyon 4°. par ledit Dolet 1543.

L'enfer, Qui sont certaines compositions en vers faites par luy mesmes, sur la iustification de son second emprisonnement. [impr. à Lyon 16°. par luy mesme 1544.

Les Questions Tusculanes de Cicéron par luy traduites, & [impr. 8°

Les Epistres familières du mesme Cicéron (non toutes) Avec leurs sommaires & argumens pour plus grande intelligence d'icelles. [impr. par ledit traducteur 8°. & par Thibaud Payen en l'an 1549.

Le manuel du Cheualier Chrestien traduit du latin d'Erasme. [impri. par le traducteur.

Le vray moyen de bien & catholiquement se confesser, Opusculé fait premierement en latin par Erasme. [impr. 16°. chez ledit Dolet à Lyon 1542.

Discours contenant le seul & vray moyen, par lequel vn seruiteur fauorisé & constitué au seruice d'un Prince peut conseruer sa felicité eternelle & temporelle, & euitier les choses qui luy pourroyent faire perdre l'une ou l'autre. [impri. 8°. par ledit Dolet 1542.

Les Epistres & Euangiles des cinquante deux Dimanches, commençant au premier dimanche de l'aduent: avec briefue & tres-vtile exposition d'icelles. [impr. par ledit Dolet 1541.

La Paraphrase de Campensis sur les Psalmes de Dauid & Ecclesiaste de Salomon par luy faite françoise, & impr. 8°. 1542.

Cantica Canticorum en François.

Bref discours de la Republique Francoise desirant la lecture des liures de la Sainte escriture luy estre loisible en sa langue vulgaire. Ledit discours est en Rime. Avec vn petit traité en prose montrant comme on se doit apprestier à la lecture des escritures Sainctes: & ce qu'on y doit chercher. [impr. à Lyon 16°. par luy mesme 1544.

Deux Dialogues de Platon, l'un intitulé *Axiachus*, qui est des miseres de la vie humaine: de l'immortalité de l'ame, & par consequent du mespris de la mort. Et l'autre, *Hipparcus*, Qui est de la conuoitise de l'homme, touchant la lucratiue. Traduits & Imprimez par ledit Dolet 16°. à Lyon 1544.

Les Gestes du Roy François premier de ce nom, dedans lequel œuvre on peut cognoistre tout ce qui a esté fait par les François depuis l'an 1513. iusques à l'an 1539, faits premierement par luy en latin, & par luy mesmes tournez en

A 2 langage

langage François. [Impr. par le mesme auteur.

Ses œuvres en latin sont,

De Renuali ad Baysum liber. Dialogus de imitatione Ciceroniana pro Longolio contra Erasmus. Orationes duæ in Tholosam. Epistolarum Libri duo. Carminum lib. duo. Item Carminum libri 4. Commentaria lingua Latina duob. tomis. Formula latinarum locutionum illustriorum. & alia edita partim ex officina sua partim à Sebast. Gryphio.

ESTIENNE FLISC a écrit en latin & interprété en François, *Synonima verborum & variationes sententiarum secundum locos quosdam digestæ, & Epistolæ scribendis accommodatæ: cum gallica earundem interpretatione.* [Excus. Paris. 4°.

ESTIENNE FORCADEL, Docteur Regent ez loix en l'université de Tholose.

La principale & mieux aymée vacation de cest auteur estoit l'estude du droit civil, auquel il s'est employé des sa jeunesse, & a écrit plusieurs liures en iceluy, dont reste vne grande partie à imprimer estans entre les mains de Pierre Forcadel son fils, lequel n'en frustrera la posterité, & les fera sortir en lumière comme desia apres le decez de son pere il a commencé d'en publier quelques vns. Non pourtant laissoit le Iuriscōsulte Forcadel de faire par fois treues avec le susdit estude, pour recourir à la Poësie, à laquelle non moins belle que tref-honneste recreation il s'adonoit: étant au reste pourueu de toute sorte de bonnes lettres ainsi que peuuent tesmoigner aucuns siens vers long temps y a publiez sous tel Tiltre,

Poësie d'Estienne Forcadel, contenant Opuscules, assauoir, La forest Dodone. La beauté de Clytie. Le pleur d'Heraclite & le riz de Democrite Philosophes. Dissension des quatre elemens sus leur preeminence, avec l'ordonnance de Dieu. Le baiser de la Lune & du Pasteur Endymion sus la montaigne de Latmus en Carie. Six Sonnets ou visions de la triste fin d'Amour. Triomphe de la deesse Nomique, & l'entree d'icelle en la cité d'Hosie. Chants diuers, assauoir, Le chant des trois Seraines filles du fleuve Achelous & de la Muse Calliope. Chant de l'excellence diuine comprenant la chayne d'or du Poëte Homere. Chant de la rigueur de Clytie. Chant comparant l'Amour à vn fleuve. Chant triste de Medee abandonnee de Iason. Chant Lyrique. Chant heroique, que la Terre est souuerain element. Chant d'un Amant refusé. Chant royal du ciel doré & de la loy de Iesus-Christ. Autre chant royal d'un seul Dieu. Chant royal du nouveau Phenix. Chant de n'estre point Amoureux. Encomies, assauoir, De la Mort. De la Pomme. De la Croix. Du corbeau. De l'œil à façon d'Enigme. De la Nuit. Elegies en nombre 10. Epigrammes. Complaintes. Epitaphes. Epistres en nombre sept. Eclogues en nombre trois. Traductions, assauoir, Trois Sonnets contenant trois visions de Petrarque. L'homme Sage traduit de Virgile. Dialogue traduit de Lucian. Le Songe d'Ouide. Dialogue rustique amoureux traduit de Theocrite. Du iour de la resurrection de Iesus-Christ traduit de Lactance, & autres petites traductions. [Le tout impr. à Lyon 8°. par Jean de Tournes 1551.

Rimes

Rimes de l'Amour contenans 120. dizains, chants Royaux & autres compositions. [impr. à Tholose 16°. par Guyon Boudcuille 1548.

Il a escrit aussi en prose François,

Montmorency Gaulois, Opuscul de l'origine & antiquité memorable de la tres-noble maison de Montmorency, avec les dignitez & prouesses d'icelle, & autres gestes des François. [impr. à Lyon 4°. par Jean de Tournes 1571.

Ses œuvres latines sont,

Neciomantia iuris-periti, mira magia descriptio per quam euocati iuriconsulti, innumeros iuris civilis locos disertissimè declarant. Stephano Forcatulo auctore. [Excus. Lugduni 4°. apud Sebastianum Gryphium 1544.

Penus Juris civilis. Stephano Forcatulo Blyterensi iuriconsulto auctore. [Excus. Lugduni 4°. apud Michaëlem Parmenterium 1542.

Sphæra legalis 4°. Lugduni 1549.

Cupido Jurisperitus. Stephano Forcatulo auctore. Eiusdem ad calumniatores epistola. [Lugduni 4°. apud Joannem Tornasium 1553.

Villicus expilator. Stephano Forcatulo I. C. auctore. [Excus. 4°. Tolosa, apud Jacobum Colomerium 1563.

Epigrammata. Excusa Lugduni 8°. apud Joannem Tornasium 1554.

Elegia de pace inter Henricum Gallia, & Philippum Hispania reges facta veris tempore 1559. [Excusa Tolosa anno eodem.

Pro Caroli regis aduentu lura Tolosa profitentium plausus siue Somnium.

Ad Michaellem Hospitalem Gallia cancellarium. [Excus. Tolosa 4°. apud Iacob. Colomerium 1565.

Regia tranquillitatis tenue specimen. [Excus. ibidem 1570.

Academia Tolosana tandem referata mysteria. [Excus. ibidem ab Arnaldo Colomerio 1572.

Steph. Forcatuli I. C. in titulum Digestorum de seruitutibus succincta explicatio. [Excus. Paris. 4°. apud Gulielmum Chaudiere 1578.

De mora, & eius effectibus, ac purgatione, tripertita questio. ibidem excusa, formaque eadem.

De occulta Jurisprudencia.

Prometheus siue de raptu animorum. Dialogus festiuissim. aliena inuentionis pradones & ineptos imitatores incessens. [Excus. Paris. 8°. apud Guil. Chaudiere 1578.

De Gallorum Imperio & Philosophia libri septem, Stephano Forcatulo I. C. auctore. Paris. 4°. apud Gulielmum Chaudiere 1580.

Stephani Forcatuli De origine Valesiorum. Francia regum, inuictum robur & prosperum imperium Liber 1. Quod fœmina illustres regnis gubernandis ac legibus ferendis, commodissima ubique fuerint. liber alius. Ter-

A 3 tioq;

*tioque alio libro. Ampliores gratias Henrico 3. Francorum & Polonia regi
agens author, salubria quadam Gallis detegit: & quare discessum cogitet.
[Excus. Paris. 8°. apud Guliel. Chaudiere 1579.*

*De collatione bonorum inter heredes biceps discussio. Stephano Forcatulo
I. C. autore. [Parisys 4°. apud Guliel. Chaudiere 1578.*

Au Chant de n'estre point amoureux.

*Si esperant tu te rends amoureux, D'un seul regard à l'emblee avancé
En peu de tēps te voila malheureux, De tes labeurs tu es recompensé.
Pour l'ennuy qui redonde. O ta sotise vaine!*

*Tu y verras à monceaux les soucis: Quand un Adieu proferé à demy,
Car le plus seur des amans est asis Et un souris qui se moque parmy
Sus une boule ronde. Est le pris de ta peine.*

Aux Encomies. Encomie du Corbeau.

*Je pretens auoir peu d'estime,
Pour coucher icy dans ma rime
Le los, qui est deu au Corbeau,
Tant il est doux, tant il est beau,
Que plustost enuieux seroit
Quiconque ne le priseroit,
Que benin qui sa grace monstre.
Loüons sa voix de Bassecontre
Celle vois, dy ie, qui sçait rendre
Ce que l'homme luy veut apprendre:
Qui salua par mots humains
L'empereur second des Romains.
L'aigle n'eut pas cest auantage.
Le reluisant de son plumage
Semble noir velours ou iayet.
Quelcun m'a dit que l'or y est
Méslé deffoubs, & puis noirci,
D'autant qu'il est plus bel ainsi.
Bien sçay ie qu'Amour a coustume
D'empenner de si noire plume
Son trait heureux & surdoré,
Qui soudain rend enamouré.
Et pour venir à l'harmonie,
Que les Muses y ont unie,
Chacun sçait que les espertes
Sans ceste plume sont muettes.
Nostre oyseau fut au temps passé
Teint de blancheur, qui a passé
Le plus naïf de la Colombe,
Auant que l'eau fust seule tombe
De tous humains, quād le grād inge
Du Ciel enuoya le Deluge,
Et quand Noé le Patriarche
Le feit sortir hors de son Arche,
Pour espier s'il verroit points,
Riue de Mer, ou peu ou point.
Adonc le courrier se despart,
Il vole en ceste & celle part,
Et void maints corps dōt il se pasme,
Remplis de mer, & vuides d'ame.
Dont tel creuecœur le surprint,
Que puis son erre il ne reprint,
Mais oublia la pauvre beste
La nef en ce monde seullette,
Qui par trop alloit sans ramer,
Au gré des vents & de la mer.
L'oyseau cria, Noé Noé,
Tant qu'encor en est enroué:
L'ayant*

L'ayant appelé mille fois,
 Il n'entendit ne vent ne voix.
 Parquoy de dueil étant fâché,
 Sus un haut figuier s'est branché,
 Où pour marque de sa douleur,
 Changea sa première couleur
 En teint plus noir que noire nuit,
 Quand la Lune point ne reluit.
 Ayant pleuré presque ses yeux,
 Il a iuré, Mer, Ciel, & Dieux,
 Que jamais eau ne goûteroit
 Tant que la figue meuriroit.
 Que Dieu gard l'oiseau treshonne-
 Qui à Helie le prophete (ste
 Porta le celeste manger,
 En un loing país estrange.
 C'est luy qui en veut aux Milās,
 Que ie nomme larrons volans.
 Il hait de mesme la Serpente,
 Et plusieurs fois en ensanglante
 Ses belles griffes, le benin,
 Pour nous s'exposant à venin.

Veu qu'il a tant de courtoisie,
 Que ne creue de ialousie
 Le Phenix, qui se meurt souuent
 En l'heureux país de Leuant?
 Et peut il jamais ioyeux estre,
 Par tant de fois icy renaistre?
 Jcy, où ne demeure pas
 felicité iusqu'au trespas.
 Mais que vaut sa condition,
 Qui à servir d'admiration?
 Me pardonra son excellence,
 J'estime mieux la preuoyance
 Du Corbeau, qui ne veut mourir
 Ains que le monde secourir.
 Des que le Soleil a parfait
 Trois siecles, la mort le deffait.
 Plustost mourroit, mais il profite

A ces bas lieux, où il habite.

Aux Epigrammes:

En viuant, donc, suy les meurs des
 plus vieux:
 Mais en parlant, suy la mode nou-
 uelle.

Qu'est-ce que loy.

Loy n'est rien qu'un commun decret,
 Auis humain meur & discret:
 Qui les crimes punit & tence,
 Faiets d'escient ou d'ignorance.
 C'est le moyen vray & unique,
 Qui assure la republique.

Du peuple de Thrace.

Le peuple ancien de Thrace,
 N'auoit il pas bonne grace
 Qui lors que l'homme naissoit
 Ne monstroit que triste face,
 Joyeux lors qu'il trespassoit?
 Nostre viure fresle est ioinct
 A soucy qui tousiours point.
 Mort fait le soucy mourir.
 Mieux seroit ne naistre point
 Ou soudain mort encourir.

A Aneret.

Des loix, dis tu, mille malheurs,
 Et dix mille procez procedent:
 L'aveugle iuge des couleurs,
 Car les loix ton engin excèdent.
 Les loix Aneret point ne cedent
 A bien qui soit deffous les Cieux.
 C'est le frain des audacieux,
 Qui chastye les entrefaites
 D'un tas comme toy vicieux,
 Et pour les bons ne sont pas faites.

A 4 D'estre

D'estre preuoyant.

*Preuoyant le futur, veillons:
Le sage ainsi nous l'admoneste.
La formis se rid des grillons,
Au pré, où croist herbe & fleurette,
Cric, cric, font ils, ce n'est que feste
Iusques au froid gris & nuisant.
Mais la formis mieux aduisant
Ne cesse d'aler & venir.
Bien vit celuy le temps present,
Qui pense bien à l'aduenir.*

Aux Epithaphes.
Epithaphe de Guyon Precy.

*Sça' vous qui repose ceans?
C'est Guyon mort asses vieux dans:
Qui tant de fois de soif mourut,
Auant qu'au monde il disparust:
Et ains que s'en aller aux Dieux,
Il a veu mourir ses deux yeux.
Car cependant qu'il but le vin,
Ses deux yeux burent le venin:
Mais il noya tous les ennuis*

*Dans le vin de deux demymurs,
Dans ce bon vin delicieux,
Qui rendit son nez precieux.
Tout enrichi superbement
De maint Rubis & diament.
Bref, Silene fut un resueur,
Aupres de ce subtil buueur:
Qui sent la franboise & le goust,
D'un vin rassis ou bien du moust.
Et en uiuant n'a plus aymé
L'eau clere que le Sublimé.
Luy de la boire auoit remors,
La craignant comme qui est mors
De quelque mastin enragé:
Encor decrepit & aagé,
De l'eau tout ainsi s'est deffait,
Qu'un vase de Lierre fait.
Louons Dieu qu'il ne l'ayma gueres,
Car il eust tari les riuieres.
Mais si la terre rend de mesme
Le fruit pareil au grain qu'on seme:
Nous verrons, ô quelle merueille!
De sa tombe soudre vne treille.*

En l'Opuscul de Montmorency Gaulois.

L'enuie qui comme la foudre tombe volontiers sur les hauts lieux, entre-
print de ietter ses griffes sur Bouchard de Montmorency tresaymé du Roy
Philippe premier de ce nom, & du Daulphin son fils, qui despuis fut Loys le
Gros: & si bien soufflerent ceste bluete de trahison les malins, qu'ils persuade-
rent au Roy, que Bouchard occupoit plusieurs terres dependentes de l'abbaye
S. Denys. Et ainsi enflammerent vne guerre mal aisee à estaindre contre luy, &
contre plusieurs seigneurs de pareille estoffe. Mais Bouchard qui plus estimoit
vn seul arpent des champs celestes non subiects à sterilité ny à rauine d'eaux,
ains a iamais fertils & delicieux, que nul terroir mondain, quant bien le prin-
temps y seiourneroit le long de l'annee remonstra gracieusement au Roy, que
ses ancestres, n'eurent oncques la main escharse à doïer & renter les eglises, &
qu'il pretendoit estre heritier de leur pieté & liberalité non moins que de leurs
places & fortunes. Bien est il que Bouchard sage Baron entre les mieux parlans
se plaisoit plus d'une fois d'admonester à recoy le Clergé, de ne se charger
trop de tresors, qui pour leur faix excessif font cliner la teste vers la terre, & ou-
blier les Choses hautes & eternelles: voire empeschent de courir legerement
apres

apres le Roy des Cieux qui se fit pauvre pour enrichir autrui. Ou bien il enseignoit la prestrie ententive de despartir les richesses aux indigés & souffreteux, & ainsi mettre son avoir en banque assuree pour en recevoir mille pour cent sur le ciel dixiesme, plein de parfaite felicité. Comme six ans apres le Pape Paschal declara, au concile tenu à Troyes en Champagne, auquel l'Eglise François fut illustree de purité, de largesse & sobriété : & pour quelque temps devint plus claire & plus nette que les deux perles inestimables de la Royne Cleopatre d'Egypte. Pource le Roy adioustant plus de foy à ce qu'il avoit veu de ses yeux, qu'à la vertu de Bouchard, qu'à ce qu'il en avoit ouy dire aux flatteurs malucillans, le receut humainement, & le caressa beaucoup mieux qu'il ne souloit : sçachant bien que le sceptre & le diademe n'establisent plus les empires que l'amitié des suiects envers leur Prince. Ceste seule sert d'un ferme pilier presque diamatin aux Roys pour soutien de leur republique. Certes Bouchard de Montmorency ne pouvoit faire moins que d'imiter son pere Almery defendeur de l'Eglise & de la loy sincere de Jesus-Christ. Pour laquelle maintenir (comme s'il eust mis en oubly sa viellesse digne de repos) il passa la mer en tresbel equipage suyvant Godefroy de Bouillon fils d'Eustace Comte de Boloigne & de l'ide sa femme, seur d'autre Godefroy Duc de Lorraine, qui deceda sans hoirs, & par ainsi la Duché vint à Eustace de Boloigne & à son fils Godefroy vainqueur de Hierusalem, & Roy esleu du consentement commun de la noblesse, mesme de Raymond Comte de Tholose, & d'Almery de Montmorency. Lequel mourut en ce voyage de la terre Sainte : & fut ensepuely autat au cœur des cheualiers François, comme en la terre où croit la Palme signifiant victoire & triumphe.

E S T I E N N E G O V R M E L E N. Docteur en Medecine.

Aduertissement & conseil à messieurs de Paris, tant pour se preserver de la peste, comme aussi pour nettoyer la ville & les maisons qui y ont esté infectées. [impr. à Paris 8°, par Nicol. Chesneau 1581.

Il a escrit aussi les memoires & histoire de Bretagne non imprimees, dont a esté tiree la vie de sainte Vrfule, & ses compagnes les vnze mille Vierges, faite François par Pascal Robin, & imprimee au 3. tome de l'histoire de la vie & mort des saints.

Touchant ses œuvres en latin qui ont esté traduites, voyez André Malefieu. Germain Courtin.

E S T I E N N E G V A Z Z O.

La civile conuersation. Voyez Gabriel Chapuis. François de Belleforest.

E S T I E N N E I O D E L L E Noble Parisien, Seigneur du Lymodin, a esté le premier qui apres Pierre de Ronsard a remis sus la docte Poësie en la langue François, & qui s'est fait cognoistre en ceste nouvelle & belle façon d'escire à l'imitation des Anciens Poëtes Grecs & Latins : car des l'an 1549. on a veu de luy plusieurs Sonnets, Odes & Charontides : & 1552 il mit en avant & le premier de tous les François donna en sa langue la Tragedie, & la Comedie, en la forme ancienne. Il ne voulut onc de son vivant publier ses escrits : mais apres sa mort qui aduint l'an 1573 en son age de quarante-vn an ses amys plus soucieux de sa memoire que luy mesme, & pour

pour l'honneur de la France, ont recueilly ce qu'ils ont peu de ses œuvres esgarées, & de partie d'icelles ils ont fait imprimer vn volume de Meslanges, attendant de preparer autres volumes de choses mieux choisies & ordonnées. Or par sa Poësie on peut appercevoir qu'il auoit bien leu, & entendu les anciens, toutesfois par vne superbe assurance il ne s'est onques voulu assubiettir à eux, ains a tousiours suyui ses propres inuentions, fuyant curieusement les imitations, sinon quand expressement il a voulu traduire en quelque Tragedie: tellement que si on trouue aucun traict qu'on puisse recognoistre aux anciens, ça esté par rencontre, non par imitation, comme il sera aisé à iuger en y regardant de pres: D'auantage qui remarquera la propriété des mots bien obseruee, les phrases, & figures bien accommodees, l'elegance & magesté du langage, les subtils inuentions, les hautes conceptions, la parfaite suite & liaison des discours, & la braue structure & grauité des vers, où il n'y a rien de cheuillé: se trouuera grandement affriandé en ce style d'escrire singulier. Mais outre cela que par la lecture de ses œuvres se peut recueillir, il estoit admirable en vne chose quasi incroyable, c'est que tout ce que l'on voit, & que l'on verra composé par Iodelle, n'a iamais esté fait que promptement, sans estude, & sans labeur: & pouuôs auecques plusieurs personnages de ce temps, tesmoigner que la plus longue & difficile Tragedie ou Comedie, ne l'a iamais occupé à la composer & escrire plus de dix marcees: mesmes la Comedie d'Eugene fut faicte en quatre traites. On luy a veu en sa premiere adolescence composer & escrire en vne seule nuict, par gageure, cinq cens bons vers Latins, sur le suiet que promptement on luy bailloit. Tous les Sonnets, mesmes ceux qui sont par rencontres, il les a tous faicts en se promenant, & s'amusant par fois à autres choses, si soudainement que quand il les prononçoit on pensoit qu'il ne les eust encore commencez. Il a escrit aussi plusieurs doctes Oraisons Françoises. Et certainement il n'excelloit pas seulement en l'art de la Poësie: mais quasi en tous les autres. Il estoit grand Architecte, tresdocte en la peinture, & Sculpture, treseloquent en son parler, & de tout il discouroit avec tel iugement, comme s'il eust esté accompli de toutes cognoissances. Il estoit vaillant & adextre aux armes, dont il faisoit profession. Voicy le Catalogue de ses œuvres imprimees.

Recueil des Inscriptiōs, Figures, Deuises & Masquarades, ordonnées en l'hostel de ville à Paris le ieu di 17. Feurier 1558. deuant le treschrestien Roy Henry à son retour de la Comté d'Oye heureusement conquestee & mise en son obeissance au mois de Ianuier audit an, & inuentees par Estienne Iodelle. [imprimé à Paris 4°. par André Vvechel 1558.

Christianorum nostri temporis heroum, & heroinarum icones Authore Steph. Iodellio Parisio. [Excus. ibidem.

Les œuvres & meslanges Poëtiques d'Estienne Iodelle sieur du Lymodin. premier volume. [imprimé à Paris 4°. chez Nicolas Chesneau 1574. Contenans, les Amours en 47. Sonnets, 3. Chapitres d'Amour, 13. Chansons, 1. Elegie, & 1. Ode sur la deusse, de Noeu & de feu. Epithalame de Madame Marguerite sieur du Roy Duchesse de Sauoye. Contr'amours en 7. Sonnets. Inscription pour vne structure entreprise par la Roine mere du Roy. Elegie en vers mesurez à la France. Discours contre la Riere Venus. Sonnets en nombre 102. espars parmy lesdites

lesdites œuvres & ne s'entresuyvans tous d'ordre. L'Hymenee du Roy Charles 1^x. Ode sur la naissance de Madame, fille du Roy Charles. Epistre à Madame Marguerite de France seur du Roy Henry 2. deuant qu'elle fust mariee. Chapitre en faueur d'Orlande excellent Musicien. Cinq Odes. Chapitre à sa Muse. Les discours de Iules Cesar auant le passage du Rubicon. Tombeaux en nombre 9. Cantique Chrestien. L'Eugene, Comedie. Cleopatre captiue, Tragedie. Didon se sacrifiant, Tragedie. Ode de la Chasse au Roy. Ode à M.le Comte de Dammartin.

Il a escrit aussi vne Ode de la Noblesse, imprimee à part & hors de ses œuvres à Poitiers 8°. par Aymé Mesnier 1577.

Chançon de Iodelle pour respondre à celle de Ronfard, qui commence,
Je suis Amour le grand maistre des Dieux.

*Amour n'est point ce grand Dieu, qui soubs soy
Tient l'univers gouverné par sa loy:
Et qui enfant, anime, agite, enflame,
Ainsi qu'un corps, tout le ciel qui nous luit,
Que par accords discordans il conduit:
Un corps si grand n'auroit si petite ame.
Ce n'est celuy qui premier né, rendit
Ordre & lumiere à Chaos qu'il fendit:
Et qui despuis hommes & Dieux maîtrise.
Un autre Dieu ce grand œuvre a basti,
Et à son vueil a seul assuietti
Toute ame au ciel & en terre comprise.
Premier ce Dieu (puis qu'il fait tout parfait)
L'obscur Chaos & confus n'auroit fait,
Pour en tirer & l'ordre & la lumiere:
S'il pouuoit tout de ses formes orner,
Il peut à tout les matieres donner,
Estant des deux seule cause premiere.
Pour tel ouurage, il luy faillloit auoir
Non l'amour seul, mais l'insiny sçauoir,
La pouruoyance, & puissance infinie,
De tout l'idée, & aussi prompt l'effet
Que la voix mesme: Amour donc en ce fait
N'est qu'un seul nœu de si grande harmonie.
Encores c'est le prendre improprement
Pour l'accordance & sans commencement.
J'aymeroie mieux faire eternal le monde,
Que faire un Dieu d'un seul effect diuin,
Tant*

Tant qu'un principe & suprême & sans fin
 On établist d'une cause seconde.
 Amour pourroit (si c'estoit quelque Dieu
 Naissant en nous, prenant au cœur son lieu,
 Et de nos sens tirant sa nourriture)
 Être un archer, dont nous n'éviterions
 Le plaisant trait, & ne résisterions
 Au feu, qui prend de nostre vueil pasture.
 Doncques tout nu ses guerres il feroit,
 Car sans nos sens force aucune il n'auroit:
 Encor nous seuls ses dignes suiets sommes:
 Tous animaux qu'on voit voler en l'air,
 Marcher sur terre, & nager dans la Mer,
 Ne sentent point cest amour propre aux hommes.
 Si nos desirs, dont sortent nos amours,
 Sont tousiours ioints aux sens & aux discours,
 Ce naturel qu'on voit aux bestes estre,
 Ne peut (encor qu'il les vienne enflammer)
 Ce mesme Amour encontre elles armer,
 Qui par raison de nos raisons est maistre.
 Sa paix, sa guerre, & sa treue se sent,
 Selon qu'il est & selon qu'on consent,
 Ou qu'on résiste à ses forces couvertes.
 Son feu caché dedans le fond du cœur,
 Faisant monter au cerueau sa vapeur,
 Tient de nos pleurs les fontaines ouvertes.
 Il semble bien sans la vie espargner,
 Dans nostre sang ses deux aisles baigner:
 Mais c'est souvent la Haine son contraire,
 Qui s'accouplant à ce mutin petit,
 Soule de sang son meurdrier appetit:
 S'il est donc Dieu, Déesse il la faut faire.
 Par le dehors on ne pare les coups
 De ce guerrier, qui combat dedans nous:
 Que seruiroit ou rondache ou cuirace?
 Nostre ennemy de nos armes armans,
 Flatans la playe, & mesmes nous charmans,
 Enflons encor de la honte l'audace.
 Bien que ce mal ait fait diuersement

Mainte

Mainte ruine, & maint grand changement,
 Il ne faut pas en faire un Roy suprême.
 Les Roys n'iroient deffous son ioug captifs,
 Au moins gesnez, palles, transis cberifs,
 S'ils se pouuoient faire Roys de soy-mesme.
 On pourroit bien un trophée dresser,
 De l'arc des traits, dont il vient nous blesser,
 Et de la trousser, & de la torche sienne:
 Mais il ne faut que luy seul de nos cœurs,
 (Qui pour luy sont de soy-mesme vainqueurs)
 Approprier le trophée il se vienne.
 Outre que c'est une fable, des Dieux
 Qu'on feint en mer, & en terre, & aux cieux,
 Et iusqu'au fond de l'enfer implacable:
 Quand ils seroyent, leurs amours seroyent saints
 Tres-hauts, tres-purs, de nul effort contrainsts:
 Tous Dieux se rend tousiours à soy semblable.
 Laisson Iupin, Pluton, Neptune aussi,
 Mars & Phebus: comme cest Amour cy
 N'a pas le vol si hautain & si roide,
 Qu'il aille au ciel, il ne descend en mer,
 Pour les Tritons & poissons faire aymer,
 Telle Amour est trop stupide & trop froide.
 Et plus stupide encor l'homme seroit,
 Vray bois, vray roc, qui point ne sentiroit
 Cest amour propre à sa haute nature,
 Qui seulement comme aux bestes ne naist
 Du sens du corps, mais qui dedans nous est
 De nostre esprit la propre geniture.
 Bien que l'esprit de sa flame alumé
 En soit courtois, hardy prompt, animé,
 Il ne faut pas si grand maistre le feindre:
 Car plus souuent que nostre esprit ne doit,
 Par nostre esprit maistriser on le voit,
 Mesme avec luy l'honnesteté s'est aindre.

En vne autre Chançon il décrit les
 Courtisans ainsi:

Fy des vertus, qui aux cours Ont maintenant plus de cours:

B

Com

Comme de tout ignorer,
 Et nonobstant s'asseurer
 A donner effrontement
 De tout un lourd iugement:
 Ou bien par mine vouloir
 Faire un silence valoir
 De mesme façon morguer,
 Et de mesme harenguer
 Par tout en tout n'ayans qu'un
 Geste & iargon pour chacun,
 Selon que differemment
 S'offre à leur courtoisement
 Masqué, apparoiſtr' accords
 D'abit, de cœur, & de corps.
 Jaqueter & boufonner,
 Sur autrui se patronner
 Singes en dict's & en faict's
 Jusques aux gestes mauvais
 De ceux qui ont vogue & bruit:
 Car ces deux tous seuls on suit.
 Estre à tous serfs, toutesfois
 Se morguer en petits Roys
 Avancer le nez, & souffler

Ses plumes, sa voix enfler:
 Et puis soudain, s'il le faut,
 La rabaisser de bien haut,
 La radoucissant d'un ris
 Qu'on a tout expres appris,
 Qui souvent entr'eux s'émeut
 Sans sçavoir qui les y meut.
 Car ce qui plaist, à l'enay
 Est à tout propos suivy.
 La Court est sans iuste choix,
 Juste raison, iuste poix,
 Qui pis est, sans amitié,
 Sans droit, sans foy, sans pitié,
 Chacun à son profit tend,
 Faisant trafique du vent.
 Le vent est souvent loyer
 De celui, qui employer
 A voulu ses ans entiers
 A tels indignes mestiers.
 Si est ce que viure ainsi,
 Ce leur semble, c'est d'icy
 La vertu seule, & l'honneur,
 L'accortesse, & le bonheur.

Au discours de Cefar.

Aussi de tout estat l'accroissance fatale,
 De lors qu'elle est portée au sommet, redouble
 Par force, tout ainsi que l'on feint le fardeau
 De Sisyphé aux enfers porté iusqu'au coupeau
 De son roc, s'eschaper, & de roide roulée
 Gagner en un moment le fond de la vallée:
 Si bien que ce qui a tant de travaux cousté,
 Pour estre par la voye aspre & haute porté
 Jusqu'au proposé feste, échape, & de viffesse
 Par sort, par faulſe gloire, & faux espoir se laisse
 Precipiter, trompant les mains, les sens, l'espoir,
 Le trop tardif desir qu'on a de le ravoïr,
 Et l'eslancement vain qu'on fait pour le rateindre,
 Ne laissant que le dueil pour vainement s'en plaindre:
 Tant qu'on est plus long temps souvent à regretter,
 Que l'on n'auoit esté long temps à le monter.

Au

Au mesme Discours.

C'est qu'au monde inconstant toute chose rechange
 Par la vicissitude incertaine qui renga
 Sous ses tours & retours, non pas tant seulement
 La chose, mais pour elle aussi l'euenement
 Entre nous, tout autant diuerse sur tout estre,
 Que sur tout bien ou mal qui pour nous se peut naistre
 Changeant avec ses tours, ses façons, & souuent
 Lentement, & souuent trop plus roide qu'un vent,
 Pour ramener non pas tousiours apres la chose
 Bonne ou mauuaise, un bien ou mal qu'elle propose
 Au rebours l'un de l'autre: ains d'un moyen fatal
 Apres le mal souuent cela qui est moins mal,
 Ou souuent retourner apres le mal le pire,
 Ou bien apres le bien celui qu'on peut eslire
 Pour le mieux de deux biens, ou mesme en moindre bien
 En changeant rabaisser quelque autre bien moyen:
 On par un sault estrange aller conuertir mesme
 Vn bien ou mal leger, en bien ou mal extreme:
 Ou d'un reuoltement encores plus leger
 Du bien du mal l'extreme en l'extreme changer:
 Si bien que par ses faits ne soit pas maintenue
 Seulement ceste loy, qui mobile est venue
 Du naturel de tout, mais que sans fin tournant
 Elle aille mesme en tout nature maintenant,
 Qui caduque ne peut conseruer ses essences,
 Ou bien ses actions que par ces inconstances.
 Qui ne voit que la seure & plus constante loy,
 D'une inconstance telle au ciel change sous soy
 Les dominations des feux qui sur nous luisent,
 Et qui de quelque instinct nous & nos faits conduisent
 Par leurs retours diuers, soit qu'ils soyent ascendans:
 Soit que l'un avec l'autre on se ioint, ou s'oppose,
 Soit qu'autrement du Ciel le grand bal les dispose
 Aux rencontres qu'ils font par ces douze maisons,
 Ou les heures, les iours, les mois, & les saisons
 De l'an par les traueux du Soleil se partissent:
 Soit que tous ces aspects sur nous se reunissent

B 2

Par

*Par tant d'autres moyens que l'air peut esprouver,
Et auxquels il a peu des noms propres trouver: &c.*

En la Tragedie de
Cleopatre.

*Aumoins Cesar des gouttes de mes yeux
Amolli toy, pour me pardonner mieux:
De ceste humeur la pierre on caue bien,
Et sus ton cœur ne pourront elles rien?
Ne t'ont donc peu les lettres esmouvoir
Qu'à tes deux yeux i' auois tantost fait voir,
Lettres ie dy de ton pere receuës,
Certain tesmoing de nos amours conceuës?
N'ay ie donc peu destourner ton courage,
Te descourant & maint & maint image
De ce tien pere à celle la loyal
Qui de son fils recevra tout son mal?
„ Celuy souvent trop tost borne sa gloire
„ Qui iusqu' au bout se venge en sa victoire.*

En la Tragedie de
Didon.

*Les cieux sont ennemis de la meschanceté.
La terre maugré soy soustient un homme lasche:
Et contre le meschant la mer mesme se fasche.
Quand mesme ton dessein ce iour ie n'eusse veu,
Ny entendu des miens, le Ciel ne t'eust pas veu:
Ma terre en eust tremblé & iusques à Cartage
La mer le fut venu sonner en mon riuage.*

*Celuy ne s'ayme pas, qui au cœur de l'huyet,
Hazardant ses vaisseaux & sa troupe en la mer,
Prodigue de sa vie, attend qu'un noir orage
Dans l'eau d'Oubly luy dresse un autre naufrage.*

*AE. Je ne puis (ô Royne) qui proposes:
Parlant d'un tel courage, & mille & mille choses,
Faire que ton parler ne me puisse esmouvoir,
Ny faire que ie n'aye esgard à mon deuoir:
Ces deux efforts en moy l'un contre l'autre battent,*

Et

Et chacun à son tour coup dessus coup abbattent :
 Mais lors que l'esprit sent deux contraires, il doit
 Choisir celui qu'alors plus raisonnable il croit.
 Or la raison par qui enfans des Dieux nous sommes,
 Suyt plustost le party des grands Dieux que des homes.
 Tu veulx me retenir : mais des Dieux le grand Dieu
 N'a pas voulu borner mes destins en ce lieu.
 Le Ciel qui moyennant mon courage & ma peine,
 Promet un doux repos à ma race, me meine
 De destin en destin, & monstre que souvent
 La celeste faueur bien cherement se vend.
 Ainsi qu'ores à moy, que le destin repousse
 Hors d'un repos acquis, hors d'une terre douce,
 Hors du sein de Didon, pour encores ramer
 Les bouillons escumeux des gouffres de la mer,
 Pour voir mille hideurs, tant que cent Hippolytes
 En seroyent mis encor par morceaux en leurs fuites.
 Mais soit que ceste terre, où ie conduy les miens,
 Semble estre seul manoir des plaisirs & des biens,
 Soit que l'onde irritée, & mes voiles trop plaines
 Repoussent mes vaisseaux aux terres plus loingtaines :
 Soit encor que Clothon renouë par trois fois
 Le filet de ma vie, ainsi qu'au vieil Gregeois :
 Soit qu'apres mon trespas ma mere me raiusse,
 Ou qu'aux loix de Minos ma pouure ombre flechisse,
 Jamais ne m'aduiendra, tant que dans moy i' auray
 Memoire de moy-mesme, & tant que ie seray
 Enee, ou bien d'Enee une image blefmie,
 De nier que Didon & de Royne, & d'amie
 N'ait passé le merite, & i'amaïs ne sera
 Que ton nom qui sans fin de moy se redira,
 Ne m'arrache les pleurs, pour certain tesmoignage
 Que maugré moy le Ciel m'arrache de Carthage.
 Mais quand à ce depart dont ie suis accusé,
 Je te respons en bref : le n'ay i'amaïs usé
 De feintise, ou de ruse en rien dissimulée,
 A fin que l'entreprise à tes yeux fust celée.
 L'amour ne se peut feindre : & mon cœur, dont tesmoins
 Sont les Dieux, me forçoit au congé pour le moins.

Celuy n'est pas meschant qui point ne recompense:
 Mais meschant est celuy qui aux bien-faiçts ne pense.
 Je n'ay iamaïs aussi pretendu dedans moy,
 Que les torches d'Hymen me ioignissent à roy.
 Si tu nommes l'amour entre nous deux passée,
 Mariage arresté, c'est contre ma pensée.
 Souuent le faux nous plaist, soit que nous desirions
 Que la chose soit vraye, ou soit que nous courrions
 Sous une honneste mort, & la honte, & la crainte:
 Mais dedans nous le temps ne doit pas d'une feinte
 Faire une verité: la persuasion
 Gesne, esclave, en l'amour la prompte affection.
 Ce n'estoit ce n'estoit dedans ta court royale,
 Ou les Troyens cherchoyent l'aliançe fatale:
 Si les arrests du Ciel vouloyent qu'à mon plaisir
 Il filasse ma vie, & me laissent choisir
 Telle qu'il me plairoit, au moins une demeure
 Qui gardast que du tout le nom Troyen ne meure:
 Si ie tenois moy-mesme à mon soucy le frain,
 Il ne choisirois pas ce riuage loingtain:
 Il bastirois encor sur les restes de Troye,
 L'habiterois encor ce que les Dieux en proye
 Donnerent à Vulcan, & de nom & de biens
 Il tascherois venger les ruines des miens:
 Les temples, les maisons, & les palais superbes
 De Priam & des siens, se vengeroient des herbes
 Qui les couurent desia: nos fleuves qui tant d'os
 Heurtent dedans leurs fonds, s'enfleroient de mon los:
 Moy-mesme d'un tel art que Phebus & Neptune,
 De Pergames nouueaux i'enclorrois ma fortune.
 Le païs nous oblige: & sans fin nous deuons
 Aux parans, aux païs tout ce que nous pouuons.
 Et qu'eusse ie plus fait pour moy ne pour ma terre,
 Qu'en me vengeant venger son nom de telle guerre?
 Mais les oracles sainçts d'Apollon Cynthien,
 Et les sorts de Lycie, & le Saturnien,
 Qui d'un destin de fer nostre fortune lie,
 Me commande de suyure une seule Italie.
 En ce lieu mon amour, en ce lieu mon païs,

Là

Là les Troyens vainqueurs ne se verront haïs
 Des Dieux, comme devant: là la sainte alliance
 Sortira des combats: là l'heureuse vaillance
 De neveux en neveux jusqu'à mil ans & mil
 Asserviront sous soy tout ce pays fertile:
 Et le monde au pays. Si toy Phenicienne
 Tu te plais d'habiter ta ville Libienne,
 Quelle envie te prend, si ce peuple Troyen
 S'en va chercher son siege au port Ausonien?
 N'as tu pas bien cherché ceste terre en ta fuite:
 Et pourquoy comme à toy, ne nous est-il licite
 De chercher un Royaume estrange, quand les Dieux
 Presque bon gré malgré, nous chassent en tels lieux?
 A N. Que la malice peut ingenieux nous rendre,
 Quand elle veut son tort contre le droit deffendre:
 Plus le vainqueur Thebain sur l'Hydre s'efforçoit,
 Et plus de ses efforts l'Hydre se renforçoit:
 Si nostre conscience enuers nous ne surmonte,
 Iamais par la raison la malice on ne doute.
 Voudroit on engluer le Griffon ravisseur,
 Ou, l'Aigle, ou le Gerfaut? l'homme mechant est seur
 Qu'il n'est né que pour prendre, hélas mais quelle proye?
 Que ne prens tu, Troyen, sur ceux qui ont pris Troye?
 E N. Quand à la foy que tant on reproche: iamais
 Tay ie donné la foy, que ce lieu désormais
 Emmurant ma fortune, ainsi que tu t'emmures,
 Finiroit des Troyens les longues avantures?
 Lors que tu me faisois les troubles raconter
 De ceste nuit, qui peut par un dol emporter
 La ville, à qui dix ans, à qui des grands Dieux l're,
 A qui l'effort des Grecs n'avoit encor sceu nuire:
 Te dy-ie pas qu'avant que les Dieux eussent mis
 Telle fin au travail des vainqueurs ennemis,
 Souventesfois Cassandre en changeant de visage,
 Toute pleine d'un Dieu, qui mesloit son langage
 De mots entrerompus, & dont les saints efforts
 La faisoient forcener pour les pousser dehors,
 Nous avoit dit, qu'après la Troyenne ruyne,
 Après les longs travaux soufferts en la marine,

Je viendrois replanter nostre regne, & mon los,
 En la terre qui tient Saturne encore enclos?
 Te dy-ie pas qu'ainsi les effroyans oracles,
 Les songes, les boyaus, & les soudains miracles
 Des cheueux de mon fils, mesmement le discours
 Que le bon Helenus me fit sus tous mes iours,
 Voire iusqu'à la voix de la sale Harpye,
 Appelloyent à ce but ma trauillante vie?
 As-tu donc oublié, que quand nous abordaſmes,
 Et qu'humiles deuant toy long temps nous harangasmes,
 De ce qui nous menoit, & quel estrange sort
 Nous auoit fait alors ancrer dedans ton port.
 Nous diſmes deſſus tout, que deſia ſept annees
 Nous auoyent veu cherchans la fin des deſtinees,
 Qui l'heureuſe Italie à ma race donnoient,
 Et qui là les labeurs des Phrygiens bornoyent?
 Tu ne peux ignorer que toute humaine attente
 Ne ſoit touſiours au lieu, qui tout ſeul la contente:
 Et que ie n'euſſe ſceu, voyant deuant mes yeux
 Sans fin ſans fin ce but où me tiroient les Dieux,
 Par vn nouueau ſerment autre promeſſe faire,
 Que i'eue du tout à mon eſprit contraire.
 Car qui eſt celuy-là qui ſçachant vrayement
 Qu'il faulſera la foy de ſon traistre ſerment,
 Aura pluſtoſt en foy de reſuſer la crainte,
 Que d'eternel remors d'auoir ſa foy contrainte
 Outre ſon eſperance? Il ne faut donc penſer
 Que i'aye iamais ſceu la promeſſe auancer,
 Qui pourroit (ie ſuis tel) ſi telle elle eſtoit faite
 Bon gré maugré les Dieux empescher ma retraite?
 Ie ne dy pas qu'en tout inculpable ie ſois,
 Vn ſeul defaut me mord, c'eſt que ie ne deuois
 Arreſtant ſi long temps dans ceſte eſtrange terre,
 Te laiſſer lentement prendre au laqs qui te ſerre:
 Mais pren t'en à l'amour, l'Amour t'a peu lier:
 Et l'amour m'a peu faire en la terre oublier.
 Amour, non à ſon fait, mais à ſon feu regarde:
 Et le danger le prend quand moins il y prend garde.
 Si tel amour tu ſenſſie le ſens tel auſſi.

Qu'enc

Qu'encores volontiers ie m'oublirois icy:
 Tesmoing me sont nos Dieux, que i'amaïs les nuits sombres
 Ne nous cachent le ciel de leurs espesses ombres,
 Que de mon pere Anchise en sursaut ie ne voye
 L'image blemissante, & qu'elle ne m'effroye,
 Souuent m'effroye aussi Ascaigne, dont le chef
 Ie voy comme dans Troye embraser de rechef.
 Tout cela nonobstant n'a point eu tant de force
 Qu'a eu ce iour le Dieu, qui au despart me force.
 Ie iure par ton chef, & par le mien aussi,
 Que manifestement i'ay veu de ces yeux ci
 Mercure des grands Dieux le messager fidelle,
 Entrant dans la cité, m'apporter la nouvelle,
 Enuoyé du grand Dieu, qui fait sous soy mouvoir
 Et la terre & le ciel, pour me tancer, d'auoir
 Seourné dans Carthage, oublieux de l'iniure
 Que ie fais à Ascaigne, & à sa geniture.
 Or cesse cesse donc de tes plaintes user,
 Et mesme en t'embrasant tâche de m'embraser.
 La plainte sert autant aux plaintes douloureuses,
 Que l'huile dans un feu: les rages amoureuses
 S'apprehendent au vif lors que nous nous plaignons,
 Et les desespoirs sont des regrets compagnons.
 Ce n'est pas de mon gré que ie suy l'Italie:
 Mais la loy des grands Dieux les loix humaines lie.
 Ne me remets donc rien en vain deuant les yeux,
 Ie m'arreste à l'arrest de mes parans les Dieux.
 D I D. Les Dieux ne furent onc tes parens, ny ta mere
 Ne fut oncq celle là, que le tiers ciel tempere
 Le plus benin des Cieux: ny oncq (traistre menteur)
 Le grand Diardan ne fut de ton lignage auteur.
 Le dur mont de Caucaïse, horrible de froidures,
 (O cruel) t'engendra de ses veines plus dures:
 Des Tigresses, ie croy, tu as succé le lait,
 Ou pluïstost d'Alecton le noir venin infect,
 Qui tellement autour de ton cœur a pris place,
 Que rien que de cruel & mechant il ne brasse.
 N'allegue plus le Ciel guide de ton espoir,
 Car ie croy que le Ciel a honte de te voir:

Sans

Sans tels hommes que toy le Ciel n'auroit point d'ire,
 Jupiter n'auroit point de ses tonneaux le pire.
 Voyez si seulement mes pleurs, ma voix, mon dueil,
 Ont peu la moindre larme arracher de son œil?
 Voyez s'il a sa face ou sa parole esmeüe?
 Voyez si seulement il a flechi sa veüe?
 Voyez s'il a pitié de ceste pauvre amante,
 Qu'à grand tort un amour enraciné tourmente,
 Plus qu'on ne voit Sisyphé aux enfers tourmenté,
 Sans relache contraint de son fardeau porté
 Voire plus que celui qui sans cesse se rouë
 Emportant de son poix & soy-mesme & sa rouë?
 Car tousiours aux enfers un tourment est égal:
 Mais plus ie vais auant, & plus grand est mon mal.
 Toutesfois ce cruel n'en a non plus d'atteinte,
 Que si mon vray tourment n'estoit rien qu'une feinte.
 Qu'on ne me parle plus des Scythes, ny de Roys,
 Qui ont tyrannisé Micenes sous leurs loix:
 Qu'on ne me parle plus des cruautéz Thebaines,
 Lors que des bas enfers les rages inhumaines,
 Semans un feu bourreau des loix, & d'amitié,
 Se faisoient elles, mesme en leur rage, pitié.
 Qu'on ne m'estonne plus de tout cela, que l'ire
 Des hommes peut brasser: tu peux tu peux surffire
 A monstrier qu'un seul homme a d'inhumanité
 Plus que cent Tygres n'ont en soy de cruauté.
 Car en tout ce qu'on peut raconter des furies,
 Qui sembloient se iouer & du sang & des vies,
 La cruauté naissoit de quelque desplaisir,
 Et ta cruauté naist de s'auoir faict plaisir:
 Voire un plaisir, hélas dont la moindre memoire
 Dessus un cœur de marbre auroit bien la victoire.
 O Junon, grand Junon, tutrice de ces lieux,
 O toymesme grand Roy des hommes & des Dieux,
 Desquels la maïesté traistrement blasphemee,
 Aseura faulxement ma pauvre renommee:
 Qu'est-ce, qu'est-ce qui peut or me persuader,
 Que d'en haut vous puissiez sus nous deux regarder
 D'un visage equitable? Ha grands Dieux, que nous sommes
 Vous

Vous & moy bien trahis. La foy la foy des hommes
 N'est seure nulle part: las comment fugitif
 Tourmenté par sept ans, de mer en mer chatif,
 Tant qu'il sembloit qu'au port la vague favorable
 L'eust ietté par despit, souffreteux, miserable,
 Le l'ay ie l'ay receu, non en mon amitié,
 Seulement, mais (hélas trop folle) en la moitié
 De mon royaume aussi: l'ay ses compagnons mesme
 Ramené de la mort: ha une couleur blasme
 Me prend par tout le corps, & presque les fureurs
 Me iettent hors de moy après tant de fausurs.
 Maintenant maintenant il vous a les augures
 D'Apollon, il vous a les belles auantures
 De Lycie il allegue & me paye en la fin
 D'un massager des Dieux qui haste son destin.
 C'est bien dit, c'est bien dit, les Dieux n'ont autre affaire:
 Ce seul souci les peut de leur repos distraire.
 Je croirois que les Dieux affranchis du souci,
 Se vinssent empescher d'un tel que cestuy-ci.
 Va ie ne te tiens point: va va ie ne replique
 A ton propos, pipeur, suy ta terre Italique:
 J'espère bien en fin (si les bons Dieux aumoins
 Me peuuent estre ensemble & vengeurs & tesmoins)
 Qu'avec mille sanglots tu verras le supplice,
 Que le iuste destin garde à ton iniustice.
 Assez tost un malheur se fait à nous sentir:
 Mais las tousiours trop tard se sent un repentir.
 Quelque isle plus barbare, ou les flots equitables
 Te porteront en proye aux Tigres tes semblables,
 Le ventre des poissons, ou quelque dur rocher
 Contre lequel les flots te viendront attacher,
 Ou le fons de ta nef, après qu'un trait de foudre
 Aura ton mas, ta voile, & ton chef mis en poudre,
 Sera ta sepulture, & mesmes en mourant,
 Mon nom entre tes dents on t'orra murmurant:
 Nommant Didon Didon, & lors tousiours presente
 D'un brandon infernal, d'une tenaille ardante,
 Comme si de Megere on m'auoit fait la seur,
 L'engraueray ton tort dans ton pariure cœur.

Car

*Car quand tu m'auras fait croistre des morts le nombre,
 Par tout deuant tes yeux se roidira mon ombre.
 Tu me tourmentes: mais en l'effroyable trouble
 Où sans fin tu feras, tu me rendras au double
 Le loyer de mes maux: la peine est bien plus grande
 Qui voit sans fin son fait: telle ie la demande:
 Et si les Dieux du Ciel ne m'en faisoient raison,
 J'esmaurois i'esmaurois l'infemale maison.
 Mon dueil n'a point de fin: une mort inhumaine
 Peut vaincre mon amour, non pas vaincre ma haine.
 Je le sen, ie le voy, ô grands Dieux ie le voy:
 Le mal est le degré du mal: soustenez moy,
 Entrez, ie ché ie ché, entrez.*

ESTIENNE IUNIVS BRVTVS.

De la puissance legitime du Prince sur le peuple, & du peuple sur le Prince. Traicte escrit en Latin par Estienne Iunius Brutus & traduit-nouvellement en François. [impr. 8°. par François Estienne 1581. *Caluinique.*

ESTIENNE DE LA GRETTE Escolier Parisien a escrit vne Elegie sur la calamité de nostre temps, & sur la mort du Comte de Brissac. Auec vne Ode de l'inconstance de la Fortune. [Impr. à Paris 4°. par Guillaume Niuert 1569

ESTIENNE DE LVSIGNAN de la Royale maison de Cypre lecteur en Theologie de l'ordre S. Dominique a escrit Histoire contenant vne sommaire description des genealogies, alliances, & gestes de tous les Princes & grands seigneurs dont la pluspart estoient François, qui ont iadis commandé ez Royaumes de Ierusalem, Cypre, Armenie & lieux circonuoisins. [Impr. à Paris 4°. par Guill. Chaudiere 1579. Genealogie de la Royale maison de Bourbon. [Impr. à Paris en table par Iean le clerc 1580.

ESTIENNE DE MAISONFLEUR.

Les diuins cantiques du seigneur de Maisonfleur gentil homme François. [impr. en Anuers 16°. par Iaques Heinrick 1580.

ESTIENNE DE MAISONNEVFE Bourdellois a traduit,

Le premier liure de la delectable Histoire de Gerileon d'Angleterre. [impr. à Paris 8°. par Iean Borel 1572.

ESTIENNE PARIS Euesque d'Abellone Docteur en Theologie a escrit,

Claire & facile exposition de la diuine Epistre S. Paul aux Ephesiens. [impr. à Paris 8°. par la veufue Viuant Gautherot 1553.

Homelies suyuant les matieres traictees es principales festes & solemnitez de l'annee. [Impri. comme dessus.

Christiani hominis institutio aduersus huius temporis hereses & morum corruptiones quinquaginta

quingaginta homilijs quadragesimalibus distincta. authore Stephano Paris Episcopo ex ordine predicatorum. [Parisijs 4°. apud Vinantium Gaucherot 1552.

ESTIENNE PASQUIER Aduocat en la cour de Parlement à Paris a escrit,

Le Monophile, Diuisé en deux liures contenans maints beaux, agreables & elegans discours de tresbelle inuention sur le subiet de l'Amour. [impr. à Paris 8°. par Vincent Serrenas 1554.

Recueil des rimes & proses d'Estienne Pasquier Parisien contenant Sonnets, Epistres, deux Colloques, contr'amour &c. [impr. à Paris 8°. par Vincent Serrenas 1555.

Les Recherches de la France, contenans 15. chapitres. Plus vn Pourparler du Prince où sont introduicts l'Elcolier, le Philosophe, le Curial, le Politiq deuisans ensemble. [impr. à Paris 8°. par Robert le Maignier 1560.

Second liure des Recherches de la France. [impr. à Lyon 4°. par Claude Senneton 1565.

Epitaphe de Messire Gilles Bourdin cheualier sieur d'Assy, procureur pour sa Maicsté au parlement de Paris. [impr. au liure du Tombeau dudit seigneur à Paris 4°. par Robert Estienne 1570.

Vers traduits des Latins de Jean Dorat sur le Tombeau de Tresillustre Princesse Elizabeth de France Roïne d'Espaigne. Avec vn Sonnet ou Inscription dudit Pasquier pour mettre sur ledict Tombeau. Iceluy Sonnet mis aussi en Latin par Jean Dorat. Le tout Impr. à Paris 4°. par Robert Estienne 1569.

Vers sur le Tombeau de Messire Anné de Montmorency Pair & Connestable de France. [Impr. à Paris par Philip. Gautier de Rouille 1567.

Sonnets sur le Tombeau du Seigneur de la Chastre dict de Sillac Gentil'homme orné des excellences du corps & de l'esprit & garny de la cognoissance des lettres & armes. [impr. avec le Tombeau d'iceluy graué d'inscriptions de diuers Poëtes par Robert Estienne 1569.

Stephani Pasquasij Iurisconsulti Parisiensis ac in supremo Galliarum Senatu Patroni Epigrammatum lib. 6. Parisijs 8. Apud Petr. & Hullier 1582.

Au Premier liure du Monophile.

Si vous eussiez dit que le mary eust deu se porter enuers sa femme, d'une integrité telle qu'il la desire en elle, vous n'eussiez esté en cela par moy desdit. Mais qui vous accorderoit, que celle qui est ia en ce nœu de mariage, doieue porter respect & reuerence à autre homme, qu'à celuy auquel sinon Nature, pour le moins les loix ciuiles l'ont liée? Et ne luy estant permis franchir telles bornes, qui sera celuy si hardy, qui ose avec vous maintenir, qu'elle doieue auoir aucun esgard de loyauté enuers les autres estrangers, ausquels elle ne doit porter qu'une amitié generale? Car encores qu'il y ayt aparéce de cōtenter ceste affection, parce que Nature nous y encline, si la faut-il moderer, puis qu'ainsi il a pleu aux loix: & ne fust-ce que pour vn entretien politique. Autrement introduirions nous vn grand Chaos, ne pouuans discerner sous l'ombre de ceste amitié mutuelle, auquel se deust attribuer la femme, ou à celuy qui ayme parfaictement n'estant mary, ou au mary qui seulement s'est induit prendre

C femme

femme pour occasion d'argent. Si n'en fera-il ainsi de mon consentement : car encores qu'au mary n'y ayt toutes les choses , pour lesquelles on peut estre attiré à l'Amour, si le doit la femme aimer seulement, d'autant que c'est son mary. Et bien que celui auquel elle est pourueue, ne soit riche, bon, ny beau comme tous les autres , si se doit-elle en luy seul temperer & refrener : Et approprier sur ce la réponse que fit vne bonne matrone de Rome à son mary, lequel se courrouçant cōtre elle, pour autant que par vn si long espace de temps, auoyēt ensemblement vescu, sans toutesfois l'aduertir d'vn vice d'haleine, qu'on luy auoit en compagnie reproché: En bonne foy mon amy (respondit-elle) ie pensois que tous les autres vous ressemblassent en cest endroit: ainsi faut-il que toute femme n'imagine dans soy-mesme, plus grād beauté ou bonté, qu'en la personne de son espoux. Voire que si d'auanture il eschet que par aucuglee concupiscence elle se rende en ceste part retieue, si doit-elle neantmoins prendre conseil de raison, pour corrompre, non ce à quoy la Nature, mais la desordonnee volonté la pousse & incite. Autrement, si vostre dire auoit lieu, le pourrois on adapter es autres choses iniustes, quand par vn sot mouuement elles nous retournent à gré. Chose toutesfois qu'il ne faut iamais permettre : & nous ont esté baillées les loix pour seruir d'vne bride à noz concupiscences charnelles, lesquelles nous ne pourrions bien souuent maistriser, sans la crainte que nous auons d'encourir punition. Et pource fut approuuee es republiques la cohercion des adulteres , pour ceux qui delinqueroient cōtre les statuts de mariage: seulement pour obuier à ceste fragilité humaine, & non pour la cause qu'imposez aux douaires, lesquels tant s'en faut qu'ils troublassent les mariages, qu'au contraire leur donnerent acheminement. Quoy ? si ie vous monstre, seigneur Monophile, par raisons presque inuincibles, qu'ils ont esté necessaires pour l'entretienement de ceste société humaine, & par vne bien bonne & meure deliberation, ne me confesserez-vous, encores que pour la seule consideration du dot se fust commencé le mariage, qu'il ne faut pourtant l'enfraindre en aucune sorte ou maniere? Je ne dy pas que si nous estions en cest aage doré, auquel fut la premiere institution de mariage, ie ne trouuasse vostre dire tres-conforme à la raison : & que tant seulement deurions nous lier avec noz femmes en leur faueur, sans aucun autre respect. Parce qu'en ce premier temps n'estoyent les gens oppressez d'vne telle varieté d'afflictions & pauuretez comme on est pour le iour d'huy. D'autant que sans aucun labeur & peine, ils viuoient au bon plaisir de la terre, qui non encores coustumiere ny lasse d'apporter fruiçts ne vouloit estre cultiuee, comme despuis l'a requis. Au moyen dequoy, sans aucun discord auoyent toutes choses en commun, rien n'estoit distinct ny separé l'vn de l'autre. Et pourtant leur estoit il loisible en telle affluence de biens, prendre femme seulement à leur plaisir, & telle que bon leur sembloit. Mais quant à nous, ausquels Nature n'a esté si prodigue à départir & eslargir ses biens & thresors, il me semble qu'encores nous auroit elle bien mal pourueuz d'entendement, si sans autre cōsideration que de l'Amour, nous entrons en ce lien de mariage. Ne faut il viure avecques sa femme, quand ie dy viure, j'entens s'entretenir moyennement en son estat, soy alimenter, nourrir enfans & sa famille, se secourir aux maladies qu'il n'en vienne inconuenient

uenient:& de toutes telles peines le seul fais regorge au mary. Car ainsi l'a ordonné ce souverain Iuge du Ciel par vne grand preuoyance. Si en celle Lacedemone par vous, en voz propos alleguee, eust esté le peuple si depraué comme estoient les gens de Rome, lors que par leurs sages Iurifconsultes les douaires trouuerent lieu: ie croy que cestuy Lycurge, entre tous bons Legislateurs tant estimé, n'eust vsé d'une moindre sagesse & prudence enuers ses Lacedemoniens, que les autres Magistrats enuers tous les autres peuples. Car le Legislateur est à l'endroit de ceux qu'il veut former & instituer, ainsi que le bon Medecin à son malade, auquel souuent il permet vser de mauuaises viandes, pour luy donner goust des bonnes. Et s'il le vouloit tant retraindre à vne obseruation de ses estroicts preceptes, & regimes, plustost luy apporteroit il mort que santé. Ainsi se conformans bien souuent les Legislateurs aux volontez de leurs subiects, est necessaire leur permettre choses mauuaises, en vne deprauité & corruption de mœurs, pour les acheminer aux bonnes. Comme voyez aux douaires, lesquels pour ceste raison ont esté trouuez necessaires au mariage, qui n'est qu'une commune societé. Et si entre marchans il est permis pour entretenir leur trafique, que l'un parfournisse aux frais, en contre eschange de l'autre qui preste son industrie: que deuous nous estimer en ceste association d'homme à femme, en laquelle tout le faict de ceste humaine pratique depend du cerueau de l'homme? En bonne foy, seigneur Monophile, il seroit tres-mal feant & conuenable (encores que ie parle au desauantage de mon sexe) que ce double fais & fardeau regourgeast dessus vous autres (i'entens & que prestissiez voz peines, & apportissiez les escus) & qu'à la seule femme fust delaisé le contentement & plaisir, sans aucune sollicitude, que celle où volontairement elle se voudroit adonner. Ne voyez vous doncques, comme par vn grand aduis il fut besoing que les douaires eussent leurs cours aux mariages? Et estans ainsi necessaires, si ne faut il toutesfois par vne abusive Nature, que l'homme ou la femme (transgressans, tout ordre de droit) pretendent violer les loix de chasteté ordonnees es mariages. De ceste corruption des mariages (qui se font pour argent estans l'homme & la femme au demeurant mal conformés) vient la cause, pourquoy nous voyons ordinairement, tant d'inimitiez & rancunes entre les freres & seurs. D'autant qu'estans composez d'humeurs diuerses & non accordantes, il est difficile qu'entr'eux, non seulement ils accordent, mais aussi bien souuent en eux mesmes se treuent & sentent combatus, de deux diuerses qualitez contraires, qu'ils empruntent des peres & meres, &c.

A present (dist Glaphire) cognois ie en nous verifié, ce qu'autrefois disoit le Poëte Horace, de trois personages par luy conuiez à vn banquet tous trois de diuers gousts, tous trois de diuers appetits, & tous trois de difficile contentement: mais plus à mon aduis le tiers: D'autant qu'au premier plaisoit le doux, au second l'aigre, & à cestuy n'agreoit ny l'un, ny l'autre, tant estoit de delicate complexion. Je pourray possible en cecy le ressembler, voulant trouuer moyen entre les deux extremitez, que ie voy si bien par vous debatues. Car à ce que i'ay peu apprendre de voz querelles (comme vn propos conduit l'autre) de l'Amour simple (ainsi l'avez vous appellé) estes descendus au mariage. En l'Amour vous maintenez seigneur Monophile, l'vnion de seul à seule, sans aucu-

nement enfreindre le deuoir d'ot sommes obligez à noz Dames: & en l'Amour à vous seigneur Philopole, plaist le contraire. Et cest Amour seigneur Monophile, permettez desborder aux mariees, bien que par droit de mariage elles ne nous touchent en rien: ce qui ne plaist à ma Damoiselle: en assignez tout le deffaut aux douaires, qui nous desnuent de l'amitié, qui en tels actes seroit requise, & voulez les mariages s'excuser sous le tiltre sans plus d'Amour. Or quant à moy, entant que touche le premier point, ie ne presteray foy, ny à vous seigneur Monophile, & moins encor à vous seigneur Philopole, pour aucun desir que j'aye de vous contrarier: mais parce qu'estans les iugemens des hommes diuers, vn chacun a loy de penser tout ce qui luy plaist. Et pour le regard du second, qui concerne l'affection maritale il me semble, que combien que vous compreniez en partie le motif des troubles de mariage, si est-ce que vous bastissez trop vostre edifice sus Nature: Car de nous frustrer en tout des douaires, il me semble assez estrange: d'autant qu'encor que nous n'en deuions faire conte clos ny arresté, ains qu'il soit seulement requis nous marier pour la conseruation de nous mesmes en nostre espee, si en deuons nous vsfer quasi comme d'un aide, & ornement pour l'aduenir. La volóté doncques pourquoy nous entrons en ce lien de conionction mutuelle, est pour donner à noz futurs enfans, l'estre: mais les douaires, pour leur trouuer (& à nous aussi) le bien estre. Or faut il qu'en cest endroit nous nous arrestions, & demeurions d'accord, qu'auoir aucun regard de loyauté enuers la dame mariee, par autre que par le mary, n'est loisible à aucune personne. Car combien que les affections (comme celles de l'Amour) semblent estre infuses en nous par vne influence celeste, qui volontiers vsurperoit la domination sus nous, si doit elle estre refrence par la raison, qui nous fut baillee à la semblance de celuy qui domine sus tout le monde, parce que tout ainsi que l'vniuers n'est qu'un grand corps, auquel il semble que les astres tiennent le siege des passions: d'autant que ny plus ny moins qu'elles en nous, aussi eux par leur cours & confrontemens reglent en tout la bride de ce grand animal, que nous appellons le monde. Pour laquelle proximité, les Romains d'une bonne grace donnans & aux astres & aux passions, communs noms, les appellerent indifferement, mouuemens: Et toutes-fois encores que telles puissances soyent estimees tenir en partie le gouuernement de ce rond, si est ce que nous voyons de tout estre demouré en la main de celuy, qui comme vne raison vniuerselle de ce grand corps) s'en est reserué la totale superintendence: Ainsi deuons nous dire de l'homme, lequel estant un petit monde, com posé en sa qualité comme vne image de l'vniuers, ores que bien souuent semble estre enclin, à quelques propésions naturelles prouenans (comme maintiennent quelques vns) de l'astre, sous lequel il est né: si constituera neantmoins Nature, un trosne en son cerueau, auquel la raison presidant, domineroit en son petit regne sus ceste influence des cieux qui sembloit le destourner de quelque operation vertueuse. Partant, encores que vostre Amour participe tant de la Nature, comme vous dictes, si faut il terminer nos actions en la loy, laquelle bien que selon vostre iugement ne corresponde à raison, vous apprend a y obeir. Pource qu'ainsi vous est commandé par ceux qui peuvent vous commander. Ainsi estans les adulteres deffendus, non seulement de

ce

ce temps, ains de toute ancienneté & memoire, ne faut qu'il tombe en noz pensées porter Amour à celles, que la loy voulut pour autrui destiner. Ce neantmoins, parce que noz inclinations naturelles sont si libres resteroit seulement trouver vn guide pour conduire icy la raison, & obuier à ces deffaults qui tombent es mariages, par l'occasion de ces Amours estranges. En quoy vous & moy Seigneur Monophile demeurerons encor par ce coup differens: Parce que pour y trouver remede, vous voulez telles conionctions s'exploiter, par ce reciproque Amour, qu'estimez instinct de Nature, que les aucuns nomment en meilleur terme, passion: & au contraire ie pense telles affections vehementes, ne deuoit tomber en mariage, ains l'amitié seulement, qui procede de la raison. Car si, vous guidant par cest extreme Amour que figurez, pensez oster es femmes mariees, ces intemperances auxquelles pretédons remedier, aussi sera il necessaire que nos passions ne varient, & qu'estans transportez d'affection à l'endroit d'une personne, tousiours demeurions fermes & stables. Ce que toutefois nous voyons ordinairement defaillir. Ainsi encores par vostre grande amitié n'osteriez vous à la longue, des fantasies, ny des hommes, ny des femmes, ces defectuositez que trouuez. Et n'empescheriez que plusieurs qui ont l'esprit assez libre (que ie ne die volage) ne peussent par vn trait de temps ficher aussi bien leur Amour en autre endroit comme du commencement au vostre. Au moyen dequoy i'eusse trouué bien meilleur, si pour garantir les mariages (chose que ie veux discourir, deuant l'Amour duquel nous parlions) & entretenir en ceste amitié & loyauté, les eussiez estimé se deuoit faire & commencer, non par ceste Amour dont parlez, qui est trop volage: mais par bonne & meure deliberation, par vn conseil pris d'une longue main: bref cognoistre premier qu'aymer, & entrer en cest indissoluble anneau de mariage. Et tout ainsi qu'un bon gendarme, lors qu'il s'equippe, pour prendre la route d'un camp où il delibere faire monstre de ses forces & prouesses, premier qu'achepter coursiers, les court, les picque, en fait essay par tous moyens: s'il y trouue quelque tare qui luy desplaise, ne les prend, si les trouue bons, pour aucun grand pris qu'on les luy face, ne les veut laisser sortir hors de ses mains: Aussi en ceste briefue course de vie, laquelle delibérons parfournir avec nos femmes, en toute consolation, en toute ioye & plaisir me semble requis & necessaire contempler, non point d'un amour dont possible à la vanuole sommes frappez, ains d'un bon & sain entendement peser les meurs & conditions de la dame, à laquelle nous voulons lier, considerer sa parenté, sa premiere nourriture des son enfance: car ainsi la choisissant trouuerons moyen de luy faire entretenir la chose qui plus luy doit estre recommandee: c'est son honneur, qui est l'honneur, & gloire du mary, comme celuy du mary, est le seul honneur de la femme. Le gendarme examine son cheual avec si grande consideration, duquel du iour à landemain se peut defaire: & nous n'examinerons point noz femmes d'un bon & meure iugement, avec lesquelles deuons eternelle residence & demeure, jusques à la mort. Nous lisons les mariages au temps passé, auoir pris dissolution pour bien petites occasions: Les vns auoir renoncé à leurs femmes, pour s'estre trouuees parmy les gens desuoylées: autres pour ce qu'elles s'estoyent assises en vn spectacle au desceu de leurs marys: autres pour auoir esté

au baing public. Telles gens, sans point de faute, auoyent moyen se releuer des peines de mariage : mais nous estant aujourd'huy, tant par droit humain que diuin, ceste liberté tolluë, que deuons nous considerer à ceste haute entreprise, qui apres doit redonder, ou à nostre extreme felicité, ou au cime de tout tourment & malheur? l'ay souuent ouy dire du sot peuple, que qui se propose mariage, doit deliberer les yeux bandez : si i'auois autant d'yeux comme l'ancien Argus, ou comme le Ciel a d'estoilles me mariant, ne les estimerois suffizans pour les y bien employer. Tant me semble chose arduë & de haute speculation ce lien. Et ne trouuay oncques, à ce propos, bonne celle consideration des anciens Romains, qui à douze ans permirent marier les filles & les hommes à quatorze : ayans seulement esgard à l'abitude du corps, & non de l'esprit : Et estimans qu'en tels aages l'homme & la femme se pourroyent coupler ensemblement, pour la multiplication de ce monde, ils permirent à l'homme aliener son corps, & à la femme du semblable en l'aage de quatorze & douze ans : & toutesfois en tous autres contracts, leur interdirent alienation de leur bien, deuant l'aage de vingt-cinq ans. Ils disoyent les mariages, en tout & par tout, se deuoir faire, par vn seul consentement d'esprit : ce neantmoins les permirent en si peu de cognoissance & distinction du bien & mal ny de ce qui leur agreoit. Car l'enfant (mesmement en tel aage) est comme le sion qui se plie en toutes sortes & à tous vents, & trouue tous obiects bons, selon que ses premiers mouuemens le guident. Et luy semblent plusieurs choses bonnes, lesquelles par succession de temps il desdaigne, abhorre, & a en contemnement. Plus me plairoit, & cent fois plus me plairoit, ceste institution de Platon, qui en sa Republique n'admettoit l'homme au mariage, sinon en l'aage meur qu'il estimoit trente cinq ans, & quant à la femme, qui plustost se meurt que l'homme, en l'aage de dixhuiet à dix neuf ans : Et si peut estre telle reigle vous sembleroit trop estroite, choisissez le temps en l'homme auquel le pensiez venu en pleine maturité, & à lors qu'il peut ou doit auoir entiere cognoissance de ce qu'il pense luy estre profitable. Voyla la cause pourquoy noz Iurisconsultes voulurent, avec vn meilleur, aduis que celui dont à ceste heure ie parlois, qu'aucun mariage ne se fist, sans le conseil des parens. D'autant qu'iceux enclins à nostre bien autant & plus que nous mesmes, ne nous voudroyent adresser à femme, qu'ils n'estimassent nostre grand bien & honneur. Car si ainsi comme le prenez, seigneur Monophile, les mariages se font, c'est à dire par vn Amour, qui n'est qu'une passion interieure qui nous tourmente, encores que pour le commencement tel mariage ne nous retourne qu'à toute ioye & plaisir, si est-ce qu'ayans atteint à nostre desordonné desir, s'ensuyura vne eternalle penitence (derniere vlcere des playes de nostre esprit) laquelle rongera de sorte l'entendement, que nous trouuans frustrer de ce grand plaisir que nous nous promettions en elles, nous trouuerons entrez au labyrinthe de malheur, que nous mesmes à nostre grande confusion, nous serons pourchassez. Vous aurez femme ce vous semblera à vostre plaisir, pensant trouuer tout contentement en elle : mais quoy? si elle est lubrique, si impudique, si desobeissante à vous, si iniurieuse, si mesdisante, telles fascherie ne viendront elles en contrepoix de vostre fraile contentement? Si cognoissez vne fois qu'elle vueille di-

uiser

uifer & distribuer le plaisir, qui à vous seul est deu, ne trouuerez vous qu'à bon droit serez desceu de vostre vaine pensee, & que pour tout guerdon en porterez la repentance, qui estoit deuë à vne si temeraire legereté? Bien souuent vn doux baiser receu d'une dame, mettra en vous telle poison, & vne petite œillade vous causera plus de venin, que la veuë du Basilicq: de maniere que vous trouuerez mourir sus piedz, pour ne pouuoir trouuer ouuerture à la mort. Or si pour attaindre & paruenir à l'accomplissement de vostre desir vous entreprenez bastir avec celle dame vn mariage si de leger, ne pensez vous point vn iour vous en repentir à loysir? C'est vne chose naturelle, toutes choses prédre dissolution dont elles ont pris commencement. Les corps humains ont pris leur origine de la terre en laquelle ils retournent: biens mal acquis mal desinent: Amytiez commencees avec si aspres legeretez, ne sont de longue entretenue ny duree: la où celles qui sont apuyees sus fondemens de vertu, perdurable & eternelle, iamais ne furent ruineuses, que par la separation du corps & de l'ame. Et telle doit estre l'Amour d'un bon & loyal mariage, pour trouuer l'un en l'autre perpetuelle beatitude. Car l'Amour, dont vous seigneur Monophile parlez, pour vn commencement est grand, voire en toute extremite qui cause que la diurnité, n'en est longue: Celuy que ie descouure en mariage commencé par les moyens que ie dy, haulte de plus en plus ses aisles, & se trouue au dernier iour (auquel faut que l'un de nous paye le tribut à Nature) plus grand cent fois que la premiere nuit en laquelle nous fallut sacrifier à Amour, sous la conduite du maistre des ceremonies Hymence. Et diray d'auantage (tant suis contraire à vostre opinion) que c'est la chose que l'homme doie plus craindre que de tomber en mariage es mains de celle, que par Amour il a longuement poursuyue. Car la où lors faisoit estat de serf & esclaue, & pour tel se maintenoit enuers sa dame, au contraire estant lié de ce neu non separable, à toute superintendence & domination sus elle: à laquelle toutesfois elle ne se peut que par grande difficulté ranger, considerant la preeminance, qu'elle auoit gaignee sur l'homme au parauant ce mariage. Ainsi où par le passé se portoyent vne amytie reciproque, tombent l'un & l'autre en haines desmesurees, parce que tous deux veulent iouir de leurs droits. L'homme qui plus n'a cure du dernier point où tant il pretendoit, & pour lequel tant se deguysoit, desire estre mary & de nom & d'effect: la femme au contraire veut entretenir l'ancienne acoustumance de seruitude, à laquelle s'estoit cest homme (non encor mary) soumis. Sans faute quant ces deux differens de maistrise occurrent ensemblement, iamais, ne se trouue concorde. D'abondant considerons si la femme au precedant le mariage a esté si sotte se soumettre à la volonté de l'homme, en quelles ambles pourra elle de la en auant mettre son mary: quant avecques le temps refroidissant ceste incōsideret chaleur, viendra remettre en sa memoire les priuautez dont elle aura usé enuers luy, sans aucune obligation, sinon volontaire & legere: desquelles il pourra soupçonner qu'enuers vn autre sera aussi prodigue & liberale comme enuers soy. Qu'il soit vray, nous voyons iournellemēt aduenir que les choses qui pour vn temps nous semblent bonnes, venans à maturité de conseil, les trouuons aussi ridicules comme quelques fois les auis eues en estime, & en est la cause;

qu'auenglez de noz passions ne pouuans en ce premier feu discerner le bien du mal. Rien n'est au fol impossible, transporté d'un ardent desir, & rien n'est au sage possible du premier coup, iusques à ce qu'avec longue meditation, il ayt songé à l'entreprise qu'il brasse. Rien n'est à l'amant impossible pour paruenir à son intention, mais sa grâde colere refroidie trouue en fin de conte auoir seruy d'une grand fable & risée à tout le peuple.

ESTIENNE PASQUIER (Autre que le sus nommé & Recteur des Escoles de Louhans) a traduit quelques Opuscules de Plutarque, Asauoir Dialogue demonstrent que les bestes brutes ont l'vsaige de raison. Vn traité du moyen de prendre vtilité de ses ennemis. Autre Dialogue du moyen de garder sa santé. Autre Dialogue auquel est demonstté s'il y a quelque puissance de raison aux bestes, & lesquelles en ont le plus, ou celles de la terre ou celles des eaux. Et vn petit Commentaire de vertu & de vice fait par ledict Plutarque. le tout impri. à Lyon 8°. par Iean de Tournes 1546.

Au Dialogue Gryllus.

Ne sont les bestes douces de plus-grande vertu que le plus sage homme du monde? Essaie O Vlysses premierement, si tu veux de force, de laquelle tu te glorifies & vantes beaucoup, & ne deuiens point honteux quand on t'appelle hardy & grand pilleur de villes. Car par finesse tu as deceu les gens suyuant la vraye & naturelle maniere de batailler, & qui ne scauoient nullemét ny tromper ny mentir: & as adioinct à finesse le nom de vertu, qui est du tout estrange de malice. Mais tu peux voir comme les bestes bataillent contre vous & entre elles mesmes ouuertement sans fraude ne tromperie: car aydees de vrayes puissances elles se deffendent du tort qu'on leur fait, attendu principalemét qu'elles ne sont subiectes aux loix, & ne craignent la peine & punition des transgresseurs & deffaillants: mais pource que naturellement elles se donnent garde d'estre vaincues & surmōtees, elles repugnent iusques au bout & demeurent inuincibles. Car tandis qu'elles vivent elles ne sont subiuguees & si ne se desesperēt point, mais meurent en bataillant. Et lors qu'elles sont prochaines de la mort, elles ont quelque grâde force separee du reste du corps, laquelle estat retiree vers quelque petite partie du corps, resiste à celuy qui la meurtrit & tue iusques à ce qu'elle soit cōme le feu, du tout esteincte & perdue. Elles ne font iamais prieres ne supplications, & si ne crient point misericorde, & entre elles ne se fait confession de victoire. Car iamais le lyon pour sa foiblesse ne sert à vn autre lyon, ny le cheual à vn autre cheual, comme fait l'homme à l'homme, ne prenant point à deshōneur si on l'appelle timide ou craintif. Et s'il aduiēt que les homes en ayent prins aucunes soit par lacz, soit par deceptions, au moins si elles sont grandes elles preposent alaigrement la mort à la seruitude, ne voulans ne boire ne manger.

Au traité de prendre vtilité de ses ennemis.

Il n'est rien plus deshonest, ne plus grief que l'outrage tombant sus celuy mesme qui le dit. Car tout ainsi que la reuerberation de la lumiere offense plus les

les yeux mal sains & infirmes : ainsi les iniures & outrages font plus de mal, lesquels verité aura reiectez contre eux mesmes dont ils estoient venus. Car ainsi que le vent Cecias tire à soy les nues, comme il est au proverbe, ainsi la vie mauuaise attire à soy les iniures & outrages : Dauantage si celuy qui a dit outrage à quelcun, contemple soudainement sa vie & la modere, la changeant & corrigeant en mieux, certes cestuy la prendra quelque fruit par mal dire comme ainsi soit que autrement ceste chose est estimee inutile & sans fruit. Et aussi le vulgaire a de coustume de se moquer s'il voit vn bossu, ou chauue appellant les autres chauues & bossus. Comme il est trop ridicule à quelque hōme que ce soit d'outrager autrui, quand il a en luy mesme que reprendre. Comme Leo Bizantinus respondit à quelcun qui estoit bossu, lequel luy reprochoit l'infirmité & maladie de ses yeux. Tu me reproches (dit-il) vn vice humain, veu que toy-mesmes portes Nemesis sus ton doz, c'est à dire la reprehension mesme. Pour ceste cause donne toy garde de reprocher à quelcun qu'il est adultere, si tu te sens coupable de plus villain genre de luxure, ou qu'il despend son bien follement, toy estant auaricieux. Alcmeon reprochoit à Adrastus, qu'il estoit cousin d'une femme qui auoit tué son mary. Que luy respōd donc Adrastus : Il luy reproche non pas le vice d'autrui : mais le sien propre. Tu as, dist-il, tué ta propre mere de tes mains. Et Domitius se iazant de Crassus luy dist en ceste maniere, Pleuras-tu point quād la Lamproye que tu auois nourrie en ton viuier mourut ? Mais Crassus luy retourna ainsi : Pleuras-tu lors que tu perdis trois femmes ? Qui veut outrager autrui il ne faut pas qu'il soit plaisanteur, ny criart, ny meschant : mais il luy conuient estre tel qu'on ne luy puisse reprocher aucun vice ou outrage. Car ce que Dieu a commandé disant, Cognoy toy-mesme, il semble qu'il l'ayt commandé principalement à celuy qui veut iniurier & blasmer autrui, de peur qu'apres qu'il aura dict ce qu'il vouloit, il n'oye ce qu'il ne voudroit pas. Car il se faict souuent que selon le dict de Sophocles, Apres que tu auras dict beaucoup de parolles sans consideration & à la vollee, lors ce que tu as dict volontiers tu l'orras maulgré toy. On peut recueillir tel fruit & commodité en mal-disant de ses ennemis, mais il ne vient pas moins de profit de l'autre costé, cest à sçauoir, si quelcun est iniurié & oultragé de ses ennemis. Dont Antisthenes a tresbien dict, que pour garder son salut & sa santé il estoit besoin d'amis francs, ou d'ennemis forts & violens : pource que les amis, quand ils admonestēt leurs amys qui pechent, & les ennemis, quand ils mal-disent & iniurient, les retirent de vice & peché. Mais pource que au temps qui court Amitié a quasi perdu la voix pour parler librement, & flatterie est fort babillarde, & que l'admonition est muette, il reste que nous oyons la verité de noz ennemis. Car tout ainsi que Thelephus ne pouuant trouuer vn medecin qui luy fust amy, mit la lance de son ennemy en sa playe : ainsi ceux qui n'ont pas qui les admoneste amiablement doiuent endurer les parolles de leur ennemy mal-vueillāt qui sera moyen par lequel ils corrigeront leurs vices, & amenderont leur vie. Auquel temps il faudra considerer la mesme chose & non pas la fantasie du mal-disant. Car comme celuy qui pensoit tuer Prometheus de Thessalie, par cas fortuit perça son apostume tellement qu'il luy sauua la vie : Ainsi aduient il souuent que vne iniure

iniure faicte par hayne ou rancune, dōne remede & garit quelque vice d'esprit incogneu, & duquel on ne s'auisoit. Mais plusieurs esmeuz de l'outrage qu'on leur a reproché, ne considerent pas s'ils sont point subiects au vice qu'on leur a obiecté, mais ils regardent s'il y a rien en celuy qui a mesdict d'eux, qu'ils puissent aussi luy reprocher : & comme font ceux qui luctent en la iouste, ils ne se nettoient de leurs meschancetez, ainsi que la pouldre, mais se souillent & engraisent, puis le combat finy ils se contaminent & denigrent l'un l'autre. Mais il estoit plus conuenable que celuy auquel l'ennemy auoit dict vilennie & outrage, ostant de soy l'outrage reproché, qu'il ne feroit vne tache de sa robbe si quelcun la luy monstroir. Mais s'il aduient qu'il te reproche quelque vilennie dont tu sois exempt, toutesfois il te faudra enquerir de quelle cause & raison est venue celle iniure, puis nous donner garde & craindre que ne commettons quelque chose semblable à ce qu'on nous aura reproché. Ainsi que Lacides Roys des Grecs fut reprins comme mol & effeminé à cause de sa perruque trop restonnee, & de son marcher trop delicat.

Et un peu apres:

Car si les necessitez, mal-ayfances & fascheries, lesquelles viennent sans y penser & par cas fortuit, enseignent aux autres ce qui leur est expedient (comme à Merops ez fables, disant, fortune ma rendu & fait sage à mes despens, & m'ostant les choses qui m'estoyent tant cheres) qui est ce qui empesche que nous n'vions de nostre ennemy comme d'un precepteur gratuit, & nous enseignant pour neant, lequel nous face proufit & enseigne quelque chose que nous ne sçauons pas? car certes l'ennemy void trop plus clair & cognoit beaucoup plus que nostre amy, pource qu'Amour est auégle en ce qu'elle ayme, ainsi que dit Platon. Comme quelcun eust reproché à Hieron la puâteur de sa bouche, luy retourné en la maison tenfa sa femme disant, Quoy? que ne m'as-tu aduertty que la bouche me puoit? Sa femme qui estoit pudique & simple respondit, Je pensois dit-elle que tous les hommes sentissent ainsi. Tellement que les choses qui s'apperçoient par les sens, & qui sont dedans le corps & celles que chacun peut voir, tu les cognoistras plustost de tes ennemis que de tes amis & familiers. D'auantage puis que ce n'est pas vne petite partie de vertu qu'auoir la langue moderee & tousiours obeissante à raison, cela n'aduient pas, sinon que par longue exercitation & grand soing tu ayes domté les meschantes affections de l'Esprit, comme est ire & courroux. Car que la voix eschappe sans y penser, & comme dit Homere, que la voix fuyant laisse les cloistres de la bouche, & comme a dict vn autre, qu'il y a des parolles qui volent de leur bon gré, cela a de coustume d'aduenir principalement à ceux qui n'ont l'Esprit exercité, qui disent tout ce qu'ils sçauent, qui ne tiennent rien secret à cause de leur ire, & de l'intemperance de leur esprit, ou pour quelque moyen de viure plus asseuré. Au reste & les Dieux, & les hommes (ce dict Platon) vengent tres-griefuement la plus legere chose du monde.

An Dialogue du moyen de garder sa santé.

Il nous faut garder de faire comme les bons mariniers, lesquels apres que par
auarice

avarice ils ont trop chargé leur nef, sont contrains avec grande & continuelle peine, vuidier la Sentine & descharger le vaisseau : ainsi nous semblablement tout aussi tost que nous aurons trop remply nostre corps, faut puis apres que le deschargions & vuydions par Clysteres, & purgations. Mais il le faudra garder leger & habille, à fin que s'il aduient quelques fois qu'il soit greué, il se lieue en hault pour sa legereté, ne plus ne moins que le liege. Et lors se fault il plus donner de garde, quant on sent & apperceoir on la maladie venir. Car les maladies ne viennent sans mot dire, mais elles ont quasi toutes des messagers en chemin, qui viennent annoncer leur venue, c'est à sçauoir, crudité d'estomach, & vne pesanteur & nonchallance de corps. La fascherie & lassitude qui vient de soy-mesme, annonce quelque maladie prochaine, ce dit Hippocrates, & semble qu'elle vient de ce que le corps est replet au dedans, & aussi à cause de la grosseur & espaisseur des Esprits adherans aux nerfs. Et combien que le mesme corps resiste aucunement & se vueille reposer, toutesfois les vns par intemperance de gourmandise & des delices, vont aux estuues & aux baings, ils courent aux banquets, se chargeant de viande ne plus ne moins, que s'ils deuoyét estre assiegez, comme s'il auoient peur que la fieure les vint surprendre sans auoir disné. Semblablement les autres plus magnifiques ne suivent pas ceste raison, mais quand il leur desplaist, & ont honte de confesser leur yurongnerie & crudité d'estomach, & garder tout le iour la chambre, tandis que leurs cōpagnons vont & les appellent au combat, auquel ils ont esté blesez, ils se leuent sortans de la chambre, & font comme s'ils estoient bien sains. Il y en a d'autres, lesquels fauorisans & deffendans le Prouerbe de leur intemperance, esperent & se persuadent, que delaisans le liét, ils peuuent hardiment retourner à leur maniere de viure, tout ainsi comme si desia ils auoyent chassé le vin par vin.

En un autre endroiēt du mesme Dialogue.

Mais il faudra gouverner le corps comme font les Mariniers leurs voiles: car ils ne les serrent & ployent pas du tout, quand le temps est beau & serain, & quand ils esperent la tempeste, ils ne sont pas negligens de les baisser, mais il faudra obeir & rendre le corps leger, comme nous auons desia dict, deuât que la crudité d'estomach ou le flux de ventre, ou chaleur, ou pesanteur nous surprenne. Desquelles choses aucuns espouuantez, comme messagers & heraulx, annonçans que la fieure est à la porte, encore à grand peine se retirent ils lors. Au contraire il s'en faudra prendre garde, & aduiser de loing long temps deuant que la tempeste vienne, comme font les Mariniers le dessus de la mer, quand ce grand vent Boreas souffle. Car c'est vne chose trop absurde d'observer diligemment les Corbeaux crocitans, & les coqs chantans, comme dit Democritus, signifians qu'il fera vent & pluye, & n'appercevoir en son esprit, & ne pouoir eulter les esmotions, & exundations, & les cōmancemens de maladie, en son corps, & n'auoir aucuns signes par lesquels tu puisses cognoistre & appercevoir la tempeste qui se doit leuer en toy-mesme. Parquoy il faudra prendre garde de son corps non seulement en viandes & exercitations, à sçauoir s'il en vse moins volentiers qu'il n'auoit de coustume, ou au contraire, s'il est point plus alteré, ou plus affamé qu'il n'auoit accoustumé d'estre, il faudra aussi prendre

dre garde, si le dormir sera point quelques fois mal plaisant & entrempu. Aussi faudra-il noter l'absurdité des songes & resueries. Car si on songe qu'on voit choses mauuaises & non accoustumées, cela signifie que le corps abonde de grosses humeurs, ou que les esprits sont troublez au dedans. Semblablement les passions de l'Esprit demonstrent que le corps est desia enclin à maladie. Car il aduient souuentefois qu'aucuns prendront tristesse & ennuy sans cause legitime, ou vne crainte qui leur esteint toute esperance, pourquoy il ne faut point craindre veu qu'il n'apparoit rien. Ils sont aussi rendus coleres & iraconds, tellement qu'ils sont facilement esmeus, & indignez pour la plus legere chose du monde. Ils pleurent & lamentent toutesfois & quantes que les mauuaises vapeurs & exhalations amaires & espaisies empeschent & occupent les canaux & conduicts de l'esprit. Parquoy il faut que ceux auxquels aduennent telles choses considerent & se souuiennent, si nulle chose de leur esprit est en cause, lors qu'il y a au corps quelque chose, qui requiert estre retiree & atrempee.

Au Dialogue des Bestes aquatiques & terrestres.

C'est l'esprit seul qui voit & oyr, les autres membres sont aucugles & sourds: car tout ce que les yeux & les oreilles font, si l'esprit n'est attentif à cela mesme, le sens n'a aucune puissance de sortir son effect. Parquoy Cleomenes Roy estât en vn banquer, auquel comme on louoit vn compte qui auoit esté faict, & on luy demanda s'il ne le trouuoit pas beau, ie m'en rapporte à vous dict-il, ie a present mon esprit est à Peloponnese.

ESTIENNE DE LA PLANCHE Aduocat au Parlement de Paris a traduit,

Les cinq premiers liures des Annales de P. Corn. Tacitus Cheualier Romain des choses aduenues en l'Empire de Rome despuis le trespas d'Auguste. [impr. à Paris 4^e. par Vincent Sertenas 1548.

Au premier Liure.

Estant donc l'estat de la cité entierement renuersé, toutes coustumes anciennes & entieres furent abolies. Vn chascun, toute equalité mise hors, regardoit seulement à executer les commandemens du prince: sans que pour lors aucun se souciaist, tant qu'Auguste encor verd d'aage eut pouuoir d'entretenir sa maison, & la paix ensemble. Mais quand il commença à deuenir vieil & maladié, & que pour sa fin qui estoit prochaine, plusieurs vindrent à entrer en nouuelles esperances. Aucuns commencerent en vain à parler du bien de liberté, plusieurs à craindre la guerre, & les autres à la souhaiter. La plus grande partie parloit en diuerses sortes de ceux qui deuoyent en bref estre leurs seigneurs. Disoyent qu'Agrippa estoit cruel, & ia irrité de l'ignominie qui luy auoit esté faicte: qu'il n'estoit suffisant à vne telle charge, tant pour sa ieunesse, que pour son peu d'experience. Quant à Tibere Neron, qu'il estoit d'aage competent, assez experimenté en guerre: mais entaché de cest ancien orgueil enraciné en la famille des Claudians, Qu'en luy apparoissoient plusieurs signes de cruauté, iagoit ce qu'ils fussent dissimulez. Que des ses premiers ans il auoit esté nourry
en maison

en maison apprise de regner, Qu'estant ieune il auoit plusieurs fois esté consul, plusieurs fois triomphé, & mesmes que du temps auquel sous ombre d'estre enuoyé à l'esbat, il s'en estoit allé en exil à Rhodes: il ne machinoit en sa pensee sinon ires, dissimulations, & paillardises secretes. Oultre tout cecy qu'il auoit vne mere subiecte aux passions feminines. Au moyen dequoy leur faudroit seruir à vne femme, & à deux ieunes iouuenceaux, lesquels estoient pour quelque fois opprimer & mettre à neant la republique.

Et un peu apres.

Despuis ce temps furent tenus plusieurs propos d'Auguste, ayans aucuns en admiration ie ne sçay quelles choses vaines. Sçauoir qu'il estoit mort à pareil iour qu'il s'estoit emparé de l'Empire. Qu'il estoit decedé à Nole en la mesme maison, & en la mesme chambre, où son pere Octavius auoit rendu l'esprit. Aucuns faisoient grand cas de ses Consulats, lesquels estoient en aussi grand nombre que ceux de Valerius Corvinus, & C. Marius ensemble. Les autres de sa puissance Tribunaie qu'il auoit continuee par l'espace de trente sept ans. Pareillement comme par vingt & vne fois, il auoit acquis nom d'Empereur. Aussi parloyent d'autres dignitez, lesquelles auoyent ou nouuellement esté creées en luy, ou multipliées. Quand aux plus sages & aduisez, ils louoyent diuersement sa vie, ou le reprenoyent. Les vns disoyent que pour le deuoir duquel il estoit tenu enuers son pere, & pour la necessité qu'en auoit la republique (n'ayans lors les loix aucune autorité) il auoit esté contraint susciter vne guerre ciuile, & par ce moyen auoit gagné vn poinct, lequel par autres voyes meilleures & plus honnestes il luy eust esté impossible d'acquérir. Qu'il auoit souffert lors beaucoup de choses à Antonius, & à Lepidus pour se venger de ceux qui auoyent tué son pere. Mais cognoissant despuis l'un enuieilly en sa bestise & lascheté de cœur, & l'autre perdu en ses paillardises: il n'auoit preueu autre moyen d'accorder la republique de sa patrie discordante, sinon qu'elle fut gouvernee par vn seul. Laquelle toutesfois il n'auoit establie en royaume ou dictature, mais seulement en nom de Principauté. Que l'Empire estoit clos & enuironné ou de la mer Oceane, ou de fleuves fort loingtains, & estoient les legions, prouinces, armee de mer, & toutes autres choses connexes & vnies ensemble. Que la iustice estoit gardee entre les Citoyens, les allies entretenus en toute modestie, & la ville en estat magnifique. Qu'en peu de choses l'on auoit vsé de force & voye de faict, à fin que ce qui restoit fust en repos. Les autres au contraire disoyent que le deuoir duquel on est tenu enuers le pere, & la calamité des temps, n'auoyent seruy que de couuerture à son entreprise. Qu'au surplus meü d'une conuoitise de dominer, il auoit à force de dons, gagné les vieilles bandes. Qu'estant encor ieune, & n'ayant aucune charge publique, il auoit leué vne armee, corrompu les legions des Consuls, & faict semblant de tenir le party de Pompee. Qu'incontinent apres que par ce moyen il eut du Senat obtenu les flambeaux, & l'office de Preteur, estans Hircius & Pansa occis (soit qu'ils ayent esté tuez par les ennemis, ou Pansa par le venin espandu en sa playe: & Hircius par ses soldats mesmes, & par Auguste machinateur de ceste tromperie) il s'estoit emparé des armees tant de l'un que de l'autre. Que malgré le Se-

D nat

nat il auoit emporté par force le Consulat , & tourné contre la republique les armes, qu'il auoit prises contre Antonius. Que la proscription des Citoyens, & departement de leurs terres n'auoyent pas beaucoup pleu à ceux mesmes qui les auoyent faiçtes. Aussi que veritablement , on ne luy auoit rien demandé de la mort de Brutus, & Cassius (luy estant cela pardonné pour l'inimitié qu'il leur portoit à cause de son pere) combien que pour vne publique vtilité , il pouuoit bien oublier vne haine priuee. Qu'il auoit trompé Pompeius, sous couuerture de paix , & Lepidus sous vmbre d'amitié. Que depuis Antonius se fiant au traité de paix faiçt à Tarente, & à Brindes, & attiré sous esperance d'espouser la seur d'Auguste , auoit par sa mort payé la peine de ceste frauduleuse affinité. Bien estoit vray qu'apres on auoit eu la paix, mais pleine de sang. Ce qu'entre autres choses tesmoignoient assez les deffaiçtes des armées de Lollius & de Varus, le meurdre commis à Rome, en la personne des Varons, Egnaces & Iulles. Ne s'abstenoyent mesmes de parler des choses par luy faiçtes en priué, & disoyent , qu'ayant rauy la femme de Neron il auoit par maniere de mocquerie faiçt demander aux Pontifes, si le mariage seroit legitime , ceste femme ayant conceu, & n'estant l'enfant encor né. Parloyent aussi des excès & superfluités de Q. Tadius, & Védus Pollio. Finablement que Liuia seroit mere insupportable à la republique, & encor plus griefue maraître à la maison des Césars. Que plus ne restoyent aux Dieux aucuns plus grands hōneurs , puis qu'elle se faisoit adorer es Temples, & en forme de Deesse par les Prestres & flamines. D'auantage que non pour vne charité, ou pour soing qu'il eust de la republique il auoit destiné Tibere successeur de l'Empire, &c.

Au second liure.

On s'esmerueilla d'auantage dequoy Tibere auoit si mal pris la requeste que luy faisoit en euidente paureté Marcus Hortalus noble adolescent. Cestuy estoit petit fils de l'orateur Hortensius, & luy auoit Auguste par sa liberalité & par le moyen de dix fois sesterces qu'il luy donna, persuadé de prendre femme , & faire des enfans , à fin que ceste tant noble famille ne fust estaincte. Ayant doncq' Hortalus faiçt renger ses quatre fils deuant l'entree de la court, & iettant sa veuë tantost sur l'effigie d'Hortensius mise au rang des orateurs, & tantost sur celle d'Auguste (pource que le Senat estoit assemblé au Palais) au lieu d'opiner & dire son aduis, va commencer tels propos : Peres conscripts, ie n'ay de mon gré & seul vouloir engendré ces enfans , desquels vous voyez icy le nombre & la ieunesse , mais pource que le prince m'en poursuyuoit, & aussi que mes ancestres meritoyér d'auoir aucuns qui leur succedassent: car ie (qui pour la mutation des temps ne pouuois receuoir ou acquerir grands biens, faueur du peuple, ou eloquēce, qui est le bien peculier de nostre maison) me cōtentois pourueu que mon peu de biē ne causast à moy quelque vergōgne, ou à autruy quelque falcherie. Ainsi par le cōmandemēt de l'Empereur ie vins à prédre femme. Voila la race, voila la lignee de tār de Cōsuls & Dictateurs. Et ne viens à ramēteuoir ces choses pour conciter mal-vueillāce ou blasme à aucun, mais à fin de vous esmouuoir à misericorde. Ils iouiront, ô Cesar, lors q̄ tu floriras, des estats que leur auras donnez. Ce temps pendant deffens de paureté les
arriere

arrierenepucux d'Hortensius la nourriture d'Auguste. Tibere pource qu'il vit les Senateurs y estre ia enclins & affectionnez , fut incité à plus promptement y contredire, en telles parolles. Si tous ceux qui sont pauvres, commencent à venir icy, & demander argent pour leurs enfans, iamais ne seront soullez ou satisfaits, & n'y pourra fournir la republique. Et certes noz predecesseurs n'ot permis de laisser quelque fois la matiere qui estoit au conseil, & au lieu d'en donner aduis, traicter les matieres concernantes le public: à fin que par ce moyen nous peussions deuifer en ce lieu de nos affaires priuees & augmenter nostre bien avec le blasme du Senat & des princes, soit qu'ils octroyent ou refusent ce que l'on demâde: car cecy ne se doit appeller requeste ou priere, ains plustost vne demande importune, faicte hors saison à l'imporueu, se leuer icy lors que le Senat est en conseil pour autres affaires: & presser la modestie d'iceluy sous couleur d'un nombre de petits enfans, & mesmement faire à moy la mesme violence, & vouloir par maniere de dire rompre & forcer le tresor public: lequel si par ambition est espuisé, il faudra remplir par meschants moyens. O Hortalus, Auguste t'a donné de l'argent, mais non par contraincte, ny à la charge que cela continuast. Autrement n'y auroit homme qui voulust s'employer à la besongne, & donneroit l'on occasion à tous de deuenir paresseux, tellement que s'ils n'auoyent quelque crainte de leurs personnes, ou quelque esperance, ils seroyent pour eux inutiles, & pour nous chargeants & ennuieux. Telles & semblables parolles (iaçoit ce qu'elles eussent esté ouyes & approuuees par ceux qui ont accoustumé de louer toutes choses faictes par les princes, soyent honnestes ou deshonestes) furent toutesfois de la pluspart receues en silence, ou bien en secret murmure. Dequoy Tibere s'apperceut bien: au moyen dequoy s'estant teu quelque espace de temps, vint à dire qu'il auoit respondu à Hortalus, & toutesfois si le Senat le trouuoit bon, qu'il donneroit à vn chascun de ses enfans masles deux cens grands sesterces. (Ce sont cinq mil escus.) Les autres l'en remercierent, mais Hortalus ne respondit aucun mot, fust par crainte, ou bien parce qu'il retenoit encor en sa grâde pauureté, quelque chose de la noblesse de ses ancestres. Despuis Tibere n'eut aucune pitié d'eux, iaçoit ce que la maison d'Hortensius tombast en honteuse pauureté.

ESTIENNE DES P L. a translaté de latin, en François,
Les trois derniers liures des Apophthegmes d'Erasme. [impr. à Paris 8°. par Charles l'Angelier.

ESTIENNE TABOVRT Aduocat au Parlement de Dijon a escrit sous le nom du Seigneur des Accors en 22. chapitres
Les Bigarrures. Où est traicté Des Rebus de Picardie & de ceux qui sont par lettres, chiffres, notes, Des Equiuoques François, latin- François & doubles, des Amphibologies ou entendtrois, Des rencôtres ou contrepettries, Des Anagrammatismes, Des vers retrogradez par lettres & mots, Des allusions, des vers numeraux, Des vers rapportez, Des Paronœmes ou vers lettrizez, Des Acrostiches, De l'Echo, Des vers Leonius, coupez & autres sortes follastremét & ingenieusement practiquez, Des notes, Des Epitaphes. [impr. à Paris 16°. par Jean Richer 1583.

Il a traduit aussi en vers latins Le Fourmy de Rôf. [impr. à Paris par Ant. Houic.

ESTIENNE DE LA RIVIERE a fait vne declaration des Incisions avec les figures, sur les trois liures de l'Anatomie de Charles Estienne. [impr. à Paris avecq icelle Anatomie par Simon de Colinez 1546.

ESTIENNE DE LA ROCHE dit ville Franche Lyonnois a escrit vne Arithmetique & Geometrie diuisee en deux parties à laquelle sont adioustees les tables de diuers comptes avec leurs canons calculees par Gilles Huquetan. [Impr. à Lyon f°. par Gilles & Jacques Huguetan freres 1538.

ESTIENNE TEMPLIER d'Orleans a escrit en vers latins & iceux en apres translaté en rime françoise, La concorde de la France & de l'Angleterre heureusement conciliee entre les deux Roys desdits Royaumes. Dediee à Nicolas Berald homme tres-docte & bien versé en la langue Grecque. [impr. à Paris 8. sans datte.

ESTIENNE THEVENET a escrit quelques Sonnets adressez pour estrenes à plusieurs Notables personages. [impr. avec vn sien liure en vers latins intitulé *Xeniorum siue mittendorum ad amicos Epigrammatōn libellus*. par Denys du Pré.

ESTIENNE DV TRONCHET Foresien Secretaire du sieur Marechal de S. André, & en apres Tresorier du domaine du Comté de Forests a escrit,

Lettres Missiues & familiaires : Avec leurs Argumens ou Sommaires. [impr. à Paris 4°. par Lucas Breyer 1568. & depuis par plusieurs & diuerses fois 16°. tant par le mesme Breyer, que par Abel l'Angelier.

Finances & tresor de la plume Françoise, contenant diuerses lettres Missiues sur plusieurs subiects & matieres. [impr. à Paris 8°. par Nicol. du Chemin 1572.

Lettres amoureuses en nombre 54. Avec septante Sonnets traduits du diuin Petrarque: & au pied de chascun Sonnet vn Anagramme du nom des amis dudit du Tronchet. [impr. à Paris 16°. par Lucas Breyer 1575.

Discours academiques Florentins en nombre 16. contenus en quatre liures & appropriez à la langue Françoise. [impr. à Paris 8°. par Lucas Breyer 1576.

Il a escrit aussi vn discours Satyrique en vers Macaroniques à l'imitation de ceux de Merlin Cocaye, par luy enuoyé de Rome (où estant à la suite de l'Ambassadeur Malras il mourut) à l'un de ses amis au pais de Forests, qui le m'a monstre escrit de sa main.

Au premier liure des discours Academiques.

Discours troisieme où sont introduits le Temps, l'Actif & le Factieux deuisans ensemble:

LE TEMPS. Vous mōstrez bié que vous ne sçavez ce que ie sçay faire, ny qui ie suis, ny quelles sont mes forces, allant cōme vous faictes ça & là, sans me respecter autrement. Mais si vous vous attendiez à moy, voz affaires s'en porteroient bien mieux. **L'ACTIF.** Mais qui es tu qui nous reprens si asprement, & dis que si nous nous voulions conduire selon toy, nostre cas se porteroit beaucoup mieux? **LE TEMPS.** Mes amis il fault que ie prenne vn peu de carriere pour vous cōpter de mō estar, & dōner cōmācemēt à beaucoup de choses, nō iamais, peut estre, entēdues. Voici dōc la lumiere des parolles de mes qualitez, & apres vous en ferez certifiez par les effects. Premieremēt, ie fus d'anciēnté vn

ré vn maistre faiseur d'horologes , & le premier que fis fut à l'element de l'eau, à fin qu'elle sceust quand elle deuroit croistre, ou quand elle auroit à diminuer, & combien il deuroit durer à plouvoir. L'element du feu m'en fit despuis faire vn autre , pour lequel ie fus forcé à faire nouuelle inuention , & ainsi ie mis la main à toutes œuures, & en fis aussi par mesme moyen vn autre au Soleil. L'element de la terre aduertty de mon esprit , me pria que ie luy en fisse aussi vn , à quoy ie fus quelque peu resistant. L'air encor' qui desiroit de se conduire par poincts & par minutes me fit semblable instâce d'en faire vn pour luy, de sorte que ie fus cōtrainct d'en faire vn à luy, & à la terre commun. Mais pour faire cela il me fut de besoin que ie descouurisse & reuelasse vn grād secret des cieux, desquels ie suis fortinay & esleué, & ce fut de mettre les rouës en œuvre, qui iamais n'auoyent esté veuës cy dessoubs plus outre que le rond du Soleil & de la Lune, & celuy de l'arc d'Iris. Voulez vous autre chose? que si tost que i'euz donné coup à ces rouës, & faict l'horologe, tous les hommes y mirent la patte, & leur sembloit vne chose fort belle & singuliere, comme en effect elle est, puis ils commencerent de faire des horologes chacun chez soy, qui ne seruoient d'autre chose, qu'à dispenser le iour & la nuit. La terre fut contente qu'elles fussent communes: mais l'air se mist en colere, voulant que l'horologe fust sien, ou pour le moins que la moitié luy en appartenist. Le proces fut euoqué deuant Iupiter, lequel ayant examiné le droit d'une partie & d'autre, ordonna par arrest que tous les horologes seroient colloquez en l'air, au plus eminent lieu qu'il se pourroit trouuer, & ainsi il a vsé iusques à present. La terre lors en deldain de ce qu'elles furent colloquees en l'air se despita, & fit faire des horologes de poudre & de sablon, & des petits pour porter en la poche, qui peu souuent se monstrent à l'air. L E F A C T. Comment t'appelles tu donc. L E T E M P S. Ie m'appelle le Temps. L' A C T. Ha monsieur, pardonnez nous s'il vous plaist de ce que nous vous traictions ainsi, & tenions peu de compte de vous. L E T E M. Non non, couurez vous s'il vous plaist, ie ne suis point Espagnol, j'aime le bon cœur, & me desplaisent les ceremonies. L E F A C T. Monsieur, mais quel temps estes vous, estes vous le bon ou le mauuais. L' A C T. Peut estre, estes vous celuy qui faict meurir les nestes sur la paille, ou comme il se dit, il n'est pas tousiours temps de brebis tondre. Car si vous n'estes ce temps là: il faut qu'il y aye quelque autre temps qui face ces offices. L E T E. Je suis vne certaine figure qui pille & prends, non pas toutes couleurs, comme faict le Cameleon, mais ie près toutes les formes. Au moyen de quoy ie ne puis de moy seul faire aucune operatiō: mais ma femme & moy auons beaucoup de factiōs ensemble. L' A C T. Cōme s'appelle madame vostre femme? L E T E M P S. Vostre seruante: elle s'appelle Occasion au commandement de vous. Maintenant comme ie dis, ie me transforme en tous personnages, & en beaucoup de manieres. L E F A C T. Le temps & nostre vie n'est ce pas vne mesme chose, puis qu'il se dit, le cours de nostre vie a eu tāt de tēps? Et puis quād on demāde: Cōbie auez vous de tēps? l'ay vingt ans, trēte ans, &c. L E T E M P S. Nō mōsieur nō, le tēps est tousiours verbe principal: Mais cōme i'ay dit ie suis acōpaigné. Et pour cela il se dit, si i'ay tēps & vie, ou si i'ay tēps & santé: ie feray, ie diray: & si la vie & le tēps fussent vne mesme chose, on diroit seulement si i'ay vie, ou bien

si i'ay tēps, & suffiroit. Et à fin que vous sçachiez ce que vous n'auēz (peut estre) onc entendu, Quand ie fis les horologes aux Elements, ie me fis faire vne provision en bonne forme esćrite & signee de leurs propres mains, contenant que iamais ils ne peussent rien faire sans moy. Et qu'ils fussent tenus de me conuocquer & appeller à tout ce qu'ils feroient deslors en auant. Mais auant que publier ma patente, ie m'en allay à Iupiter (car ie suis son fils, non toutesfois legitime) Et me fis faire vn present de toutes les choses qui seroyent produites par les Elemens quād i'y serois present. dont le bon pere, ne pensant nullemēt en la malice, discouroit à part soy, Aquoy se peut trouuer cestuy-cy? peut il estre autre qu'un hōme? Non, pensoit-il: Ergo il ne peut pas estre par tout. parquoy i'obtins mon cas, & ma depesche faicte ie men reuins. Or escoutez pour la premiere chose que ie fis, ie donay loy à tous les horologes si bien que sans tēps, c'est à dire sans moy, ils ne valent rien, & qu'il ne soit vray, que beaucoup de gens sçauent ce mien secret: vous voyez qu'il se dit, Voila vn orologe qui ne va point à tēps. Par ainsi apres auoir desployē ma patente ie me suis faicte maistre de tout par hereditē & appennage de Iupiter mon pere. Mais voicy le cas, Quand les Dieux s'apperceurēt de ma surprise, ils assemblerent le Conseil, & tindrent les estats pour aduiser de reuocquer ma patente, & mon pouuoir, & me deffaire entierement. Neantmoins tout ce qui s'y peut determiner (pource qu'il fut resolu qu'il ne seroit rien plus infame que d'anuller la parole de Iupiter) fut de me condamner à n'estre iamais stable, mais à estre comme vn horologe, ou cōme vne girouette. Et voila pourquoy on me voit tātost chaud, tātost froid, tātost humide, tātost sec, tātost accompagné de vents, tātost accompagné de pluyes, tātost calme, & tātost impetueux, sans me pouuoir guerres arrester.

L' A C T. Veritablemēt ce sont grandes choses, que ie n'auois iamais entēdues.

L' E T. Ce n'est pas tout, ayez patiēce. M'ayant les Dieux fait vne si terrible sentence, ie me voulus vēger. Mais ie vous prie, voyez par quel moyen. Ce fut à trōper Mars & Venus, quād ils furēt couchez ensēble pour iouer des cousteaux. Le Coq qui estoit leur seruiteur, auoit tēperē l'horologe pour sçauoir cōbiē d'heures il auoit à les faire leuer, ie trouuay moyē de retarder l'horologe, & ainsi de main en main, cōme il alloit ie le reculois. Le coq voyāt & regardāt cēt & cent fois à sa mōstre: trouuoit les heures fort lōgues, à la fin las qu'il fut de tant faire la sentinelle, il s'endormit à la mesme heure, ou peu apres qu'ils se deuoient leuer, dont aduint que le Soleil se leua, & arriua la fortune & la disgrace q' l'adultere fut descouuert. Quād & quand ce seruiteur de Coq fut condāné à faire do resnauāt l'office de l'horologe, pource qu'il ne le sçeut bien tēperer. Ma malice fut adoncques cognue au Ciel, qui fut cause qu'il y eut contre-conseil par deliberation duquel i'en fus declarē banny. Toutesfois qui va au Ciel il y va avec mon autorité, mais tant que l'on va par ces bas lieux, ie suis tousiours le Dominus. Et quand ce vient à entrer en ce grand Ciel parfaict: c'est là où se termine ma puissance, & où l'on peut aller sans moy. Car on y demeure tousiours sans temps, sans terme, & sans fin.

L' E F A C T. Ie vous prie voyez que de belles matieres nous oyons icy: dictes moy ie vous prie pourquoy donc on vous appelle mauuais & bon.

L' E T. L'estre immortel que i'ay ça bas parmy vous me faict voir & considerer du cōmancement iusques au pied tant & tāt de

voz

voſ inſolences, iniquitez, & indignitez que i'en ſuis devenu méchant. Et notez que ce n'eſt pas moy qui fais les hommes méchants, mais ce ſont les hommes méchants qui me font eſtre tel qu'ils ſont. Comme tantost triſte, & douloureux, & tantost ioyeux, s'ils m'en donnent la raiſon, & pour me transformer à mon plaisir, à tout ce que ie veux, ie viens à faire toutes choſes nouvelles. J'ay apres la malediction de l'inſtabilité à doz, avec les inimitiez entre les Dieux & moy, & penſez que cela eſt cauſe que ie fais mille maux. Eux ſont ça bas naiſtre les choſes, & par deſpit ie les ruyne: eux inſuperbiſſent les hommes, & ie les abaiſſe. Que voulez vous mieux, que s'ils ſont quelques belles femmes blanches & tendres de cuir: ie les ridde par deſpit, iuſqu'à faire pourrir les plus beaux fruiſts qu'ils ſçaſſent faire, & les pauvres gens qui ne ſçauent noſtre inimitié, penſent que ie le fais par deſpit d'eux, qui eſt cauſe que bien ſouvent ils me maudiſſent, deteſtent, & blaſphemét. Et qu'il ne ſoit vray, que ie mets les mains à toutes les paſtes du monde, & q'ie ne ſoys preſent à tout ce qui ſ'y faiſt: allez par tous les hautes de la mer, vous trouuerez infinis beaux nauires bien armez, bien chargez, bien equippez, & force peuple pour ſe mettre dedans. Qu'attendez vous là pauvres gens? que faiſtes vous? que ne partez vous? Il n'y en a pas vn qui ne vous die, nous attendons le temps, auſſi toſt que le temps nous ſera propre, nous ferons voile. Sans moy on ne peut hereditier: les enfans ne peuuent iouyr du bien de leurs peres ſans moy. Et pluſieurs y en a qui m'attendent plus qu'ils ne voudroyent. Sans moy on ne peut faire nopces, il faut attendre que l'eſpoux & l'eſpouſee ayent le temps, & que le temps des nopces ſoit venu. Le payement des deniers ſe peut il faire ſans moy? Preſentez vne cedula, ou vne obligation à quelqu'un ſans moy: vous verrez qu'il dira auſſi toſt le temps n'eſt pas encores venu. Et cela ce cognoiſt par mon enſeigne, qui s'appelle la datte. Tellement que ſi ie ne ſuis encores arriué: il ſera bien difficile que le payement ſe face. Encores y a il ſouuent prou de beſongne apres mon arriuee. Car quelques fois le mauuais payeur ne tient pas grand compte de ma venue: auſſi quel que autre fois quand il a affaire d'argent, ie me cache en quelque coin, & ne me trouue point à ſon beſoing: mais y enuoye ſeulement ma fille baſtarde, qui eſt la plus farouche du monde, pource que ie ſçay que telles gens ne prennent pas plaisir de la voir, car elle leur fait bõ ſemblét, & ſi ne fait riç pour eux. C'eſt Excuse, ainſi la nomme ie, laquelle leur dit, le temps n'eſt pas venu à ceſte heure de preſter, le temps a apprins aux hommes à viure. Sõme qui fait les choſes ſans moy, c'eſt à dire, ſans ma volonté, il ne fait rien qui vaille: & pour mon regard ie fais tout ce qu'il me plaiſt. Je mitigue toutes choſes, & n'eſt point de plus grand maiſtre que moy. Qui m'a en ſa compagnie il a tout. Avec le temps, avec moy, diſ-ie, ſe prennent les fortereſſes, ſ'eſclairciſſent les roubles, ſe mitiguent les violences, ſ'humilient les deſhobeiſſances, ſe deſcourent les fautes, ſe recognoiſſent les pechez, ſe domptent les rebellions, & ſe conſomment les mauuiſes entrepriſes. Les armes, Le ſang eſpanché, les villes pillées, les maiſons brulées, les temples demolis, les vierges violées, & le peuple perdu, peuuent ils mieux faire cela que moy? Mais venons à autres points. Je fais l'amour quelques fois de vous autres creatures, & vous donne tant de plaisirs qu'il eſt poſſible, qui faiſt que vous diſtes apres: O que ceſtuy-cy a bon

temps, il n'a soucy que faire l'amour, c'est à dire, son temps luy enuoye bon temps. & au contraite, soit l'homme riche, ieune, Noble ou Roy, ou quel qu'il soit, s'il ne me plaist, il n'aura bon temps, ains ie seray en son endroit tel qu'il me plaira. Et si quelque fois ie veux bien à quelqu'un, & que pour auoir quelque autre empeschement, ie ne le puis secourir: ie luy enuoye ma fille aisnee. L'ACT. Quelle fille? vous avez donc des filles? LE TEMPS. Ouy, i'en ay deux, belles & bonnes, & nees de legitime mariage, lesquelles i'ayme bien, & qui s'en veut seruir, il ne peut que bié esperer de moy. LE FACT. Leur nom s'il ne vous desplaist. LE TEMPS. L'aisnee s'appelle Patience, & l'autre Experience: à l'une i'ay donné puissance de vaincre la malice des hommes, & l'autre ie l'ay faict maistresse de toutes choses soubz mon nom & autorité. Or à ce mien fauory que ie vous dis, auquel ie ne puis assister par ma presence, ie mande ma fille Patience. Apres ie la fais suyure par ma femme Occasion: & puis incontinent que ie suis arriué, ie le sers merueilleusement bien. voyez qu'il se dit, Le temps est venu, ie veux faire, ie veur dire, &c. Qui a le temps (dit le sage) ne doit point attendre autre chose: car souuent il change de fantasie. Theophrastus Eresius auoit tousiours en sa bouche qu'il n'estoit si chere despense que du temps, & cestuy la cognoissoit si bien mon humeur, qu'il enseignoit de m'employer promptement aussi tost que ie me presentois. Et Dieu sçait si Pericles me mescognoissoit, quand pour destourner le ieune Tholmides de quelque sottise entreprise, il luy dit: Que puis qu'il ne vouloit aucunement croire à son conseil, qu'à tout le moins il attendist le temps, c'est à dire moy, comme le plus sage conseiller que l'on sçauroit requerrir: il sçauoit bien de quel bois ie me chauffois. Mais il se dit vn dicton qui ne me plaist gueres desrobbe de Petrarque, quand la populasse dit Il viendra vn temps que ie feray, que ie diray, c'est mal parlé, pource qu'il se sçait que ie suis capricieux, & quelquesfois qu'on minuoque, ie ne le veux pas. Car il me semble que le parler de ceste façon me feroit commandement. Mais pour parler plus proprement, il se deust plustost dire, s'il plaist au temps, & non pas le temps viendra, & me pardonne messire Petrarque avec ses passions. Ne dit-on pas quand on parle de ma femme, l'attens l'occasion, non pas l'occasion viendra? Il me semble qu'ouy. Et quel respect me doit on porter sur ma femme? Or notez que le parler sobrement est vne belle chose, & qui m'appelle modestement, il empoigne ma volonté. Car il s'en fait certain, puis que ie luy enuoye Occasion ma femme: & quand elle est arriuee, ie ne puis plus gueres demeurer apres, pource que ie me plais fort en sa compagnie. Vn autre dira, En toute ma vie ie n'ay pas eu vne heure de bon temps. I'ay tousiours eu des affaires, ie trauaille nuit & iour. Or qui me veut auoir pour compagnie douce, il faut qu'il aye certaines parties en luy. L'ACT. Quelles Monsieur, ie le voudrois bien entendre. LE TEMPS. Premièrement il faut qu'il n'ait nul soucy, qu'il soit sans maistre, sans gouvernement, sans charge, sans colere, sans affaire, sans procez, sans auarice, sans enuie, sans dette, avec plusieurs autres conditions, & principalement sans femme. LE FACT. A Dieu donc Monsieur le Temps, ie ne puis estre des vostres, ie ne vous verray iamais chez moy, car i'ay femme & gouvernement de famille. LE TEMPS. Tout beau, tout beau: encores ne suis ie pas si rigoureux que vous

vous pésiez, quelquefois viens-je bié demeurer avecques vous, mais sans point de faute, je ne m'y arreste pas tât cōme je fais avec les autres. Et puis je suis seigneur de tout le mōde, & les hōmes que je fais mes lieutenās dominant plus q̄ de raison, car il faut cōplaire à plus d'une personne. Et ainsi je ioue aux eschecs de tous les estats & de toutes choses sorties des Elemens, en tel tēps il se disoit, en tel tēps il se faisoit, au moins si le tēps estoit tel cōme il fut en telles annes. Le temps d'aujourd'huy veut cecy. Le temps d'aujourd'huy veut cela. Tu as eu le tēps de te faire riche, & tu l'as laissé passer. Mon Dieu, dit l'autre, que ne suis-je, ou que ne fus-je de ce tēps là? Et c'est pour cognoistre que je ne luy suis pas propice. Au reste je suis quelque fois avec vous, & veux bié que vous faites vne chose, toutesfois je ne vous en presse point: & vous en laissez la liberté (comme vous pourriez dire) & je vous propose le cas que vous fussiez en vne chambre tout seul avec vne belle ieune dame, que vous aimeriez & commencassiez à luy vouloir liurer la bataille, elle vous dira, Je vous prie laissez moy, quelqu'un viendra, ce sera pour vne autre fois. Or voicy que je vous veux dire, faites moy ce plaisir de ne vous laisser point tromper de ceste sorte: car je vous ay mandé Occasion ma femme pour vous faire service. Et lors que vous l'avez presente, allez y de pieds & de mains, & croyez que je ne suis gueres loing de vous, parquoy ne vous passez point de paroles. Occasion demeure mal volontiers inutile là où je la mande: car elle est despitueuse & testue, & quand elle voit qu'on ne tient compte d'elle, elle s'enfuit devers moy plus viste que foudre, & trouble toute nostre famille, parquoy il se dit certainement que quand il y a occasion, il ne faut point attendre le temps. **LE FACT.** Certainement vous estes vn grand & digne personnage. **LE TEMPS.** Je vous diray d'auātaige, vous avez entendu, comme je suis celuy qui ay porté les roües au monde, & les mis en la main des hommes. Tellement qu'eux & moy bien souuent tournoyons ensemble, de mes roües j'ay faict le monde rond, les cieux, la terre, les iours, & routes autres choses. Le premier qui fit sortir de la teste les rouës q̄ j'y auois mises fut vn gros & gras homme qui en vn certain esté sentit vne fort grande chaleur, & les mouches luy faisoient la guerre à outrance. Son nom estoit Arrosts: dont il inuenta la Roste qui faict deux effects en vn traict, assauoir elle chasse les mouches & rafraichit le visage ensemble. Les damoiselles l'appellent maintenant vne contenance ou esuentail. Il estoit outre cela grand mangeur, & se tira vne autre rouë de la teste, dont il trouua moyé de faire tourner la broche, & ainsi peu à peu il apprint à faire cuire la chair en tournoyant aupres du feu. Et par son inuention depuis on l'a appelée sur l'ethymologie de son nom Rost, ou Rosty. D'ailleurs les deniers sont ronds cōme rouës sorties de la teste des hommes, les anneaux sont ronds. Le bal est rond, & les hommes quand ils ballent tournent & virent, mais ce ne sont autre chose que les piquettes de leur cerueau qui leur font ainsi à force de contrepoix, (& mesmement quand ils sont ieunes) tourner & virer le reste de leurs membres. Or ça les rouës portent les chariots, les coches, & les charrettes, & iadis les rouës porterent vn char de feu au ciel, parquoy tous les elemens tournent. Le ciel tourne, le cerueau tourne, en escriuant la main tourne, la plume est ronde, & les doigts ronds, qui font tourner la teste de celuy qui escrit, tant que bien souuent il ne sçait ce qu'il faict.

faict. En somme, toutes choses de ce monde sont tournoyantes. Il est vray que ce n'est pas tout d'une maniere. Verbi gratia. Le Soleil, la Lune & les Estoilles, tout cela est rond, & tourne, mais qui vne fois l'annee seulement, qui vne fois le mois, qui vne fois le iour: & qui à toute heure, & y a telle chose qui tourne continuellement. mais quoy? ce qui ne tourne qu'une fois l'an fait plus grand volte: dont apres toutes choses succedent à vn mesme point. Vous devez auoir prouué, quand vous estiez enfant, que vous preniez plaisir à vous tourner cent & cent fois, & puis quand vous vous arrestiez, il vous sembloit que tout ce que vous voyez à l'entour tournoit, & comme vous estiez amusé à cela, la debilité engendree par les petites rouës de voz cerueaux vous faisoit tomber par terre: puis estans vn peu plus grands & voz rouës vn peu fortifiees, vous tournoyez d'autre façon, comme à danser, baller, en gaillardes, en bouffons, & en autres infinies sortes qui vous sembloient fort agreables, & n'avez autre chose à la fantasie. L' A C T. Il est vray. le l'ay fait infinies fois. L E T E. Or sus, faictes vostre compte, que vous tourniez maintenant aussi bien que lors. Mais d'autant que les rouës de vostre ceruelle sont plus grâdes & plus endurcies, aussi vous faictes plus grand tour, côme de dire, ores à Paris, maintenant à Venise, tâtost à Anuers, tâtost en ville, tâtost hors ville, tâtost à la chasse, ores vous montez, ores vous descendez chacun, & chacun iour, chacun mois, & chacun an, vous tornez à faire cent & cent fois vne mesme chose: Assauoir tourner & virer tout à l'entour de vous ou loing ou pres sans iamais partir du point du milieu du centre. Et quand vous avez tourné vn long espace de réps, quelquefois plus, quelques fois moins: en vous arrestant & considerant cōment les hōmes tournent & virent, & cōbien est tout ce monde mobile, vous faictes cōme les petits enfans: assauoir le cul à terre entre les vers. & qui dira en se mocquant de moy que ie baille icy des pirouëttes, il sera plus pirouette que moy. Et si apres s'estre mocqué de mes rouës, il considere sa vie, il trouuera à la fin finale que tout le monde tourne & change en toutes ses actions, l'vn les estats, l'autre les fabriques, l'vn les possessions, l'autre les accoustremens, l'vn les liures, l'autre les deniers, les comptes, les boutiques, les traffiques, les exercites, les soldats, les enseignes, & iusques aux medailles qui furent faictes en façon de pirouëttes: & les met on sur la teste au bonnet ou aux chappeaux qui sont ronds pour faire cognoistre que ce qui est dessous est mobile, cōme vne girouëtte, & faict on les pourtraicts de ces medailles, par representation d'hommes anciens, pour monstrier qu'ils estoient tournoyans & pirouëtans comme nous. L' A C T. Et voila bien tourné, ie vous promets que la teste me tourne de vous entendre, en effect que monsieur le temps scait toutes choses, & tous secrets luy sont par tout manifestes. L E T E. Les choses d'importance sont toutes en façon de virer, & de rouë, le pain est rond: & ne se peut faire la farine sans les rouës qui maschent le grain: les tonneaux qui conseruent le vin, sont ronds pour estre roulezz. Et pource la nature fit la veuë du raisin rond, à fin qu'elle tint de la piroüette, de maniere que qui se donne trop du ius qui sort de ceste rondeur, vire & tourne sans remission, & faict rire le peuple. tous les membres de l'homme sont ronds, & de la vient que quant vn homme se trouue homme de bien, on luy baille tiltre d'homme rond pource qu'il va selon le compas des

roues

rouës qu'il a en son cerueau , & ne passe point l'une deuant l'autre , c'est à dire, qu'il va rondement en besongne. Voila pourquoy la femme n'est point de tant d'estime que l'homme , si quelques folastres qui en ont voulu causer sont dignes de croire , d'autant , disent ils , qu'il s'en fault l'un des principaux de ses membres qu'ils ne soyent tous ronds , dont elle ne peult si rondement proceder que l'homme. Et puis elle se pouruët de plus de rouës en son cerueau qu'elle ne deuoit, qui est cause qu'elle ne se peult bien arrester. Le tabourin qui fait danser les ieunes gens en tournoyant, comme s'ils estoient fols ou insenséz. Le tabour qui anime le souldat , la trompette qui donne cœur au gendarme pour se tuer l'un l'autre comme fols , pour les biens de ce monde: tout cela n'est pas rond sans cause. Outre plus les hommes s'amusent volontiers aux choses rondes: car elles sont propres à leur cerueau. Comme sont les deniers, les escus, les esteufs, les raquettes, les jeux de ballon, de boules & de quilles. En faisant manier les cheuaux on les picque en rond. Et imprimant les liures on tourne un moulinet , la vigne se tourne à l'entour de l'arbre , on mange sur tranchoirs ronds, on boit en verres & coupes rondes, les fleutes, les flageolets , les tuyaux d'orgues , bref toutes choses sont rondes , ou pour mieux dire piroüettes & girandolles yssues de la caboche des hommes. L E F A C T. Puis que toutes choses sorties de nostre giroüette tournent & virent , il est bien force que nous virions aussi, n'est il pas vray? L E T E. C'est ce que j'ay dit. L E F A C T. Mais comment pourray ie voir si un autre vire quand ie vire moy-mesme? L E T E. Les giroüettes presentes & le tour de l'aduenir ne se voyent point, mais les passees cōme elles sont escheües, elles se voyent clairement. L' A C T. Or donc, Monsieur, puis que tout tourne, ie vous prie que vous tourniez vostre discours à nous laisser quelque profit singulier de vos arraisonnemēs. L E T E. Je le feray volontiers , pource que vous me ressemblez fort estre de mon humeur, & de ne vous tousiours gueres arrester en un lieu. L' A C T. Pourueu que nous n'ayons ceste malediction de ne pouuoir demeurer en ceruelle, baste nous recevrons ce qu'il vous plaira avec honneur. L E T E. Non mes amis vous yrez de saison à autre , tousiours accroissans avec profit & honneur. L' A C T. Nous vous remercions infiniment. Mais ie me doute bien qu'il faut faire pour estre vnis avecques vous. L E F A C T. Il me semble que c'est qu'il faut auoir entendement. L E T E. Or sus puis que vous le sçäuez ie m'en vois esperant de vous voir bien souuent. L' A C T. A Dieu donc Monsieur , il vous plaira nous estre tousiours bon & propice. L E T E M P S. Je le vous promets : mais non pas tousiours , car il est impossible. à Dieu de rechef, & retenez comme dit le Factieux, qu'il faut auoir de l'entendement pour auoir vsage de moy: & n'oubliez ma femme Occasion, quand elle se presentera , & entretenez bien mes filles Patience & Experience, lesquelles de vos affaires vous moyenneront enuers moy heureuse fin.

ESTIENNE VALENCIER Foresien a escrit,
Eclogue presentee au Roy & à la Roine pour estrenes, laquelle contient vne deploration des miseres de la France: Ensemble vne Exortation à leurs mages-
tez, princes, seigneurs, & autres leurs subiects pour de tout leur pouuoir s'employer à la pacification des troubles & guerres ciuiles de leur royaume, & estab-
blir

blir vne bonne & sainte paix pour le commun bien & salut de tous. [Imprimé à Paris 4°. par Federic Morel 1576.

Dialogue du corps & de l'esprit fait par Sonnets traitant de l'aduersité, & des deuoirs de l'homme. Avec vne consolation du ciel & vne Ode à la louange de Pallas. [Imprimé de mesmes par Federic Morel 1579.

Les plaintes de la pensee fidele amie, qu'elle fait au Soucy, son desloyal amy. Avec la responce que luy fait le Soucy pour sa reconciliation. Le tout en vers, & imprimé de mesmes par ledit Federic Morel 1580.

ESTIENNE YDELEY Chapellain ordinaire des pauvres Pestiferez de la ville de Besançon a écrit,

Des secrets souuerains & vrais remedes contre la Peste, Liures II. Contenant la maniere de preseruer les sains, contregarder les frappez, & nettoyer les lieux infects: demonstrent si familièrement, qu'un chacun en cas de necessité se peult guerir & suruenir soy-mesme. [Imprimé à Lyon 8°. par Jean Stratus, 1581.

EVBLE. Voyez les sentences des Poëtes Comiques Grecs traduites en François, & imprimé à Paris 16°.

EVCHIER Euesque de Lyon. Voyez B. Aneau.

EVCLIDES. Voyez Jacques Peletier.

EVILLERI DE PASSEBRESME a écrit, Le plaisant lardin des Receptes, où sont plantez diuers arbrisseaux & odorantes fleurs, du creu de Philosophie naturelle, cultiué par medecins experts en Physique speculation. [imprimé à Lyon 16°. par Benoit Chauffard 1556.

EVRIPIDES.

L'Iphigene d'Euripide Poëte Tragique, tournée de grec en François par l'auteur de l'art Poétique qui ne se nomme autrement que par ces deux lettres T. S. Deuinez qui c'est. [imprimé à Paris 8°. par Gilles Corrozet 1550. L'Hecuba, & Agédie du mesme Euripides, a esté traduite aussi de grec en François par Guillaume Bouchetel, & la Medee par Jean Antoine de Bayf.

Le chœur ou troupe des femmes de Chalcide.

<i>O que ceux là sont bien heureux,</i>	<i>Aux cœurs desquels la chasteté</i>
<i>Qui sont d'une femme amoureux,</i>	<i>Fait ardre mutuelles flammes.</i>
<i>Non trop en beauté excellente,</i>	<i>Cupidon pour Dieu adoré.</i>
<i>Ne trop aussi layde pour eux</i>	<i>Tire d'un petit arc doré</i>
<i>En mediocrité constante,</i>	<i>Deux traits de differente sorte:</i>
<i>Et à qui Venus a permis</i>	<i>L'un d'eux rend l'amour honoré,</i>
<i>Auoir liét où ne soyent admis</i>	<i>Et l'autre trouble & malheur porte.</i>
<i>Ne grāds seigneurs pour leurs richesses,</i>	<i>Sa mere ie m'adresse à toy,</i>
<i>Ne mignōs & mignards amis (ses,</i>	<i>Cest arc facheux & plain d'esmoy</i>
<i>Pour leurs beautez, & allegresses.</i>	<i>Detourne le, Venus la belle:</i>
<i>Ceux peuuent en tranquillité</i>	<i>Garde mon chaste liét & moy</i>
<i>Vser d'honneste priuauté,</i>	<i>De ceste sagette mortelle.</i>
<i>Viuant ioyeux avec leurs femmes,</i>	<i>Donne moy moyenne beauté</i>

Et

Et grace en mediocrité,
 Saint plaisir & desir honneste:
 Peu se rencontre loyauté
 En beauté dont l'on faiët gräd feste.
 Variables sont les humeurs
 Des hommes, aussi sont les meurs,
 Trop variable est leur nature,
 Mais aux droüts, aux entiers &
 meurs
 Tousiours mesme integrité dure.
 Pere, cela que tu deffens
 Ou commandes à tes enfans
 En leurs bas & delicates aages,
 Est ce qui les faiët triumpans,
 Vertueux & grands personnages.

Car la bonne education
 Donne à l'enfant l'affection
 D'aymer prudence venerable,
 Et fuyr l'imperfection
 Du villain vice & detestable,
 Puis luy faiët la grace de voir,
 Entendre, commettre & scauoir
 Qu'il faut fuyr & qu'il faut faire,
 Seul moyen de luy faire auoir
 Honneur & immortelle gloire.
 Snyure vertu est un grand point:
 Pour la femme qui bien a point
 Conduit le faiët de son mesnage:
 Et pour plaisir ne fausse poin.
 La loyauté de mariage, &c.

E V S E B E. Voyez Claude Despence. Claude de Seyssel.

E V S T A T H I V S.

Amours d'Ismenius. Voyez Iean Louueau. Hierosme d'Auost.

E V S T O R G D E B E A V L I E V Lymosin a escrit en rime:

Les diuers Rapports contenans plusieurs Rondeaux, Dixains & Ballades sur diuers propos, Chansons, Epistres, Ensemble vne du coq à l'asne, & vne autre de l'asne au coq, Sept Blasons Anatomiques du corps feminin, Assauoir du Nez, de la Iouë, des Dents, de la Langue, de la Voix, du Cul, & du Pet & de la Vesse, L'excuse du corps pudique contre le blason des blasonneurs des membres feminins. La responce du blasonneur du Cul à l'auteur de l'Apologie contre luy, Les gestes des solliciteurs de procez, & la description d'aucuns labours tant de l'esprit que du corps, où ceux qui plaident sont continuellement, Noms & surnoms tournez, Deplorations, Epitaphes & autres compositions. Le tout impr. à Lyon 8°. par Pierre de Sainte Lucie 1537.

Blason de la Iouë.

Tresbelle & amoureuse Jouë
 Sur laquelle mon cœur se iouë
 Et mes yeux prennent leur repas:
 Ioue faiët mieux qu'au compas,
 Ioue bläche, ou bië Claire & Brune,
 Ronde comme un Croissant de Lune
 S'alongeant un peu vers la bouche,
 Qu'il me tarde que ne te touche
 Et te mesure avec la mienne:
 Laquelle chose en bref aduienne

Ainsi que i'en ay le souhait.
 O Jouë gaillarde & dehait
 De qui tout amoureux faiët feste
 Contemplant ta beauté parfaïte:
 Iouë de qui le seul pourtrait
 Les plus rusez à soy attraiët.
 Jouë que nature illumine
 D'un peu de couleur purpurine
 A mode de fleur de Pescher
 Pour te vëdre aux amäts plus cher.

E

Jouë

*Iouë non flestrie, ou pendante,
Point grosse, rouge ou flamboyante,
Ains tenant le moyen par tout.
Jouë haïssant (aussi) sur tout
D'user sur soy d'autre paincture
Que de Dieu seul, & de nature.
Iouë ne maigre, ne trop grasse
Mais, replete de bonne grace,
Ne trop paste, ne noire aussi.*

*Iouë tu me mets en soucy
Comment ie te donray louange
Fors que t'appeller Iouë d'Ange,
Iouë d'albastre, ou cristaline,
Iouë que le naturel Pline
Ne scauroit au vray blasonner,
Iouë qui à bref sermonner
N'as ne ride, tache, ne trace,
Et es le plus beau de la face.*

E V T R O P I V S. Voyez Bernard de Girard.

E Y M A R D E F R O Y D E V I L L E Deuiers Docteur ez loix,
& Iuge general des bastilles du Roy en Perigort a escrit,
Quatre Dialogues de l'origine de la Noblesse, où est declaré comment on la
peut acquerir, & l'ayant acquise la conseruer. [impr. à Lyon 16°. par Barthele-
my Honnorat 1574.

Au premier Dialogue.

Dieu a voulu qu'il fust fait distinction des personnes & que les vns com-
mandassent, & que les autres obeissent, & qu'à ceste raison nous à esté com-
mandé d'obeir à noz superieurs, voire quand ils seroient meschans, pourueu
que ce ne soit contre la parolle & honneur de Dieu, & qu'il a estimé vne lignee
plus que l'autre. Voila pourquoy Dieu promet, qu'il feroit yssir son fils bien
aymé de la lignee de Daud. Tu peux donc cognoistre par là qu'il y a differen-
ce de personnes. Aussi est il escrit en l'Ecclesiast. chap. x. La terre soit benite de
laquelle le Roy est noble, & à cela s'accordent noz Iurifconsultes en la loy *se-
natores. ff. de senatori.* & en la loy *j. C. de dignitatib.* Tu peux donc voir par là co-
ment les vns sont nobles, & les autres non nobles. Bien est vray que quand il
dit: Benite soit la terre de laquelle le Roy est noble: il n'entend parler du Roy
noble à cause de sa lignee, mais de celuy qui est vertueux, bon & equitable, &
par consequent noble en son cœur, & par ces effects. car quand Dieu esleut
Daud pour Roy c'estoit vn pauvre berger de maison non noble: tant y a que
despuis toute sa lignee a esté appelée tres-noble, à cause de la grand vertu,
equité, sainteté & bonté qui residoit en Daud. Et puis que Iesus-Christ est
descendu de la lignee de Daud & que nous sommes ses freres comme il nous
appelle d'aurant que nous n'auons qu'un mesme pere, il s'ensuit que nous som-
mes tous nobles.

E Z E C H I E L. Voyez le liure de sa prophetie diuisé en 48. chap. en
la Bible.

L I V R

LIVRES D'AUTEURS INCERTAINS.

Traicté des EAVES artificielles, & les vertus & proprietez d'icelles profitans aux corps humains. [Impr. à Lyon par Guillaume le Roy 1483.

Deux ELOGVES ou Bergeries, l'une contenant l'institution, puissance & office du bon pasteur: l'autre les abus du mauuais, & monstrant que bienheureux est qui a creu sans auoir veu. Interlocuteurs en la premiere, Christin, Christine, Pierre, André, & en la seconde le pasteur messager, vn berger ethnique, vn pasteur Iuif, vn pasteur Chrestien, Le fils de Pan. escriptes par F. D. B. P. [Impr. à Lyon 8°. par Iean Saugrain 1563.

Le Romant D'EDIPVS fils du roy Layus, lequel Edipus tua son pere, & depuis espousa sa mere. [Impr. à Paris.

ELEGIE sur le despart de la Roine Marie retournant en son Royaume d'Escoffe. [Impri. par Benoit Rigaud 1561.

Traicté des ELEMENTS, temperamens, humeurs & facultez naturelles, selô la doctrine d'Hipocrates & de Galen. Impr. à Lyon 8°. par Guillaume Rouuille 1555.

ENCHIRIDION abrégé à la science de Dieu. [Impr. à Paris 8°.

L'histoire de L'ENFANT INGRAT, par personnages. [Impr. à Paris 8°. & à Lyon 16°. par Oliuier Arnoullet.

Moralité de L'ENFANT de perdicion, qui tua son pere & pendit sa mere, & en fin se desespera. [Impr. à Lyon 16°. par Oliuier Arnoullet.

L'histoire de L'ENFANT PRODIGVE, Par personnages. [Imp. à Lyon par Benoit Chauffard.

L'ENFANT saige à trois ans.

ENSEIGNEMENT de prier Dieu. [Impr. 8°.

Bref ENSEIGNEMENT tiré hors de la sainte escripture, pour amener la personne à volontiers mourir, & à ne point craindre la mort. *Censuré.*

L'ordre qui a esté tenu à L'ENTREE du Roy treschrestien Henry deuxiesme de ce nom en sa cité de Paris le 16. Iuin 1549. Impr. 4°. par Iacques Roffet.

L'ENTREE faite au Roy treschrestien Charles ix. en sa ville de Rouen le 12. d'Aoust 1563. [Impr. à Lyon par Loys Tachet.

L'ENTREE du Roy treschrestien Charles ix. en sa ville de Lyon & les triumphes & magnificences faictes à sa reception. 1564.

La ioyeuse & magnifique ENTREE de Monseigneur françois fils de France & frere unique du Roy treschrestien Henry troisieme en sa ville d'Anuers, avec figures des triumphes en taille doulce. [Impr. en Anuers par Christophe Plantin 1582.

EPISTRE Chrestienne tres-vtile à ceux qui commencent à lire la sainte escripture: à fin qu'en lisant la sainte parolle de Dieu ils soyent edifiez, cognoissant la consommation de toute l'escripture. *Censurée.*

EPISTRE à la louange des Dames, adressante à vne Dame Tholosaine composee en rime par vn sien seruiteur pour l'amour de son maistre Pierre

E 2 seruat.

Seruati. [Impr. à Tholose 4°. l'an 1545.

EPISTRE consolatoire en forme de discours sur les persecutiōs & dissipatiōs des Eglises de France, enuoyee aux fideles espars par Italie, Espagne, Flandres & autres nations traduite d'italien par L. B. G. Impr. à Lyon 16°. par Jean Saugrain 1563. *Caluinique*

EPISTRE enuoyee aux fideles conuersants entre les chrestiens papistiques *Censuree.*

EPISTRE en rime de Henry VII. Roy d'Angleterre enuoyee le 21. Avril 1544. des champs Elysets à Henry VIII. son fils, contenant par maniere de chronique le malheur de ses predecesseurs & le dangereux sort du present en forme prognostique. Avec la recognossance des biens qu'il dit soy & ses ancestres auoir receu des Roys de France. [Impr. à Lyon 4°. par Marc Bonhomme 1544.

EPISTRE consolatoire par vn homme fidele, à vne sienne seur souffrant persecution pour Iesus-Christ, & la sainte foy 1544. *Censuree.*

EPISTRE d'un Gentil-homme à un sien amy, contenant la perfection Chrestienne translatee de l'italien en François par vne dame qui ne se nomme point. [impr. à Tholose 16°. par Thomas du Felt 1546. & à Lyon par Thibaut Payen 1549. *Censuree.*

C'est la bonne coustume. Est EPISTOLA que dirigitur ad pauperem & mendicam Ecclesiam Lutheranorum. *Censuree.*

EPISTRE à Madame la Duchesse de Lorraine pour la defense des fideles en l'Eglise de Saint-Nicolas contre leurs aduersaires en vers François par L. D. M. [Impr. à Lyon 4°. par Jean de Tournes 1564. *Caluinique.*

EPISTRE d'une Damoiselle françoise à vne sienne amie dame estrangere sur la mort d'excellente & vertueuse dame, Leonor de Roze, Princesse de Condé. Contenant le testament d'icelle ensemble son tombeau. [Impr. à Paris 8°. l'an 1564. *Caluinique.*

EPISTRES Amoureuses du vray zele d'amour diuine trop plus salutaires que celles d'Ouide. en rime. [Impr. à Lyon 4°. par Claude Nourry dit le Prince.

Epitome de la Bible.

EPITOME du droit ciuil des quatre liures des Institutes imperiales: & des neuf liures du Code, [impr. à Paris 8°. par Rob. le Maigner 1571.

EPITOME des histoires Tragiques &c.

EPITOME des vies de Plutarque.

Histoire pitoyable du Prince ERASTVS, fils de Diocletian Empereur de Rome, Où sont contenus plusieurs beaux exemples & notables discours, non moins plaisants & recreatifs, qu'utiles & profitables. Traduite d'Espagnol en Italien, & apres d'Italien en François. [Impr. à Lyon 16°. par la vefue Gabriel Cortier 1568. & à Paris par Nicolas Bonfons 1572. Quelques vns en font auteur Dom Antoine de Gueuare; tant y a que le subiect & l'inuention a esté prise du vieil Romant appelé les sept Sages de Rome; impr. en nostre langue. il y a plus de septante ans. Or parce que ce liure est fort beau i'en mettray icy l'argument. Erastus, fils unique de Diocletian Empereur, ayant esté enseigné en toutes sciences, sous la conduite & discipline de sept Philosophes fort scauans,

fcauans , de l'estude où il estoit , fut mandé par son pere de venir à Rome , lequel preuoyant par le cours des planettes & le danger manifeste de mourir de mort honteuse où il seroit , & qu'il ne pouuoit remedier à cela que par le moyen de demeurer sept iours sans parler : iceluy Erasius tint silence, dont chacú s'esmerueilla. Sa belle mere nommee Aphrodisie amoureuse de la beauté d'iceluy , sous pretexte de le faire parler, tascha par tous moyes de l'attirer, & faire condescendre à ses peruerfes affections , au moyen dequoy il se mit en fuite. l'Imperatrice indignee tournant l'amour qu'elle luy portoit en haine mortelle, l'accusa à son pere de l'auoir voulu violer. Le ieune Prince innocent fut condamné à la mort. Les Philosophes ses maistres se chargerent de le deffendre, lesquels l'un apres l'autre par vne harangue accompagnée d'un exemple à ce propos firent surseoir chacun un iour à l'execution. Aphrodisie d'autre part, au contraire, par longs discours de grande efficace fit tous les soirs reuoyer les delais, & faict finalement emprisonner les Philosophes aussi. Durant lesquelles contentions les sept iours se passerent. Le huitiesme iour Erasius parla & feit cognoistre par vne oraison pleine d'eloquence , & par un fort bel exemple la necessité de son silence : & ayant manifesté la verité de sa faulse accusation, conuainquit en fin sa belle mere, laquelle par desesper de soy mesme se tua d'une estrange façon.

Brefue **ERVDITION** en la foy Chrestienne selon la creance de la sainte Eglise catholique pour les petits desirés la vie de beatitude eternelle. [impr. à Lyon par Pierre Merant 1558.

ESBATEMENT moral des animaux. [imp. en Anuers par Plantin.

Le ieu des **ECHETS** moralisé & tendant à information de bones meurs, auquel plusieurs autoritez & dits des docteurs & Philosophes sont traictez & appliquez à la moralité des nobles hommes & des gens du peuple selon le ieu des echex & contient 102. chapitres. Melibee & Prudence deuissent ensemble. [impr. à Paris 4°. par Antoine verard 1504.

Les **ESCHELLES** de la passion par le moyen desquelles on pourra à chacun iour de la sepmaine. soy spirituelemēt occuper à penser à la douloureuse mort & passion de Iesus Christ sur ce theme : *Vidit scalam stantem super terram , & cacumen illius tangens calum , & dominum innixum scale.* Auteur N. N. Chapellain de monsieur le prieur de saint Martin des champs. [impr. à Paris 4°. par Iean Sanct Denis.

Le liure de **L'ESPERANT** mieux auoir, composé par quatrains à la louange de la sainte Trinité. [impr. à Paris 16°. par Vincent Sertenas 1549.

Ioyeux deuis recreatif de **L'ESPRIT** troublé contenant ballades , Epistres, chansons, complaints &c. [impr. à Paris 16°. par Alain Lotrian.

Le liure de **L'EPERIT** faites le guet , faites le guet, voire bon guet. *Censuré.*

Le liure des **ESTABLISSEMENTS** & statuts des cheualiers Rhodiens du saint ordre de l'Hospital de S. Iean de Hierusalé diuisé en quatre parties; La premiere declare le commencement dudit ordre. La seconde ordonne le gouuernement. La troiesme contient les dignitez. La quarte partie traicte des promotions, lesdits parties diuisees en Rubriques & les Rubriques en cha-

pitres, le tout translaté de Latin en François, & impr. f°. 1527.

L'ESTAT de l'Eglise. Avec le discours des temps depuis les Apostres iusques à present. [impr. à Geneve 8°. par Jean Crespin 1564. *Calvinique*.

Des ESTATS & maisons plus illustres de la Chrestienté. Liure premier contenant la source, naissance & accroissemēt des trois principales Monarchies de la Chrestienté, le Papat, l'Empire, & le Royaume de France. [impr. à Paris 4°. par Jean Longis 1549. l'Auteur (qui ne se nomme point) promet en son Epistre, autres trois liures pour la suite du premier: Assavoir au second de comprendre briefuement tous les autres Royaumes, qui sont, Espagne, Hongrie, Angleterre, Dannemarch, Escosse, Poloigne, Naples, Sicile, Boeme, Suede. Au troisieme traicter des Communautéz ou Republicques, cōme sont Venise, Florence, Gennes, les Suisses & les Grisons. Au quatrieme les Genealogies, ou mutations des maisons plus illustres d'Italie & d'Alemaigne.

Les ESTATS tenus à Tholosedel'an 1550. par le mandement du Roy Philippes 2. de ce nom, traduiets d'Espaignol en François par G.A.D.V. [impr. à Tholose par Jean Gerard 1562.

L'ESTOILE du monde, ou aduertissemens es trois estats du monde, selon la signification de plusieurs choses aduenues sur la terre, par lesquelles on pourra prendre aduis à soy regir à tousiours mais. Avec plusieurs bons, notables, & profitables documens. [impr. à Valence en Dauphiné 1513.

Les ESTRENES des filles. Rime.

ESTRVBERT fabliau en vieil langage & rime Françoisē escrit en main sur parchemin en la librairie du Sieur de Montiuftin nepueu & heritier du Capitaine Sala à Lyon.

Description de **L'ETHIOPIE**. Voyez François Aluarez.

Les EVANGILES des quenoilles faiets & racomptez par plusieurs notables dames, assavoir Ysengrine du Glay, Gombaude du Fossé, Transcline, du Crocq, Maroye Ployarde, Florette la Noire, Margot des Bleds, Belote la Corne, Berthe l'Estroite, Maroye Morelle, Abōde du Four, Sibille des Maraiz, Yfourde la Courte, Jeanne Gastelliere, Piate au long Nez. Ysabeau de la Creste Rouge, Perrete tost vestue, Jeannerō tost Preste, Gertrude au trou Noir, Francine Molleteste, Emeline la Crottee, Colette du Creux, Mahault Caillete, Guillemme, & la Boyteuse, Beatrix Clabaude, Catin au court Talon, laquemine Galoise, Jeanne la Camuse, Marion ord trou, Agnez la Pelee, Alix Ridee & plusieurs autres assemblees pour filer durant six iournees. [impr. à Lyon 4°. par Jean Marechal 1493.

EVERARD DE CONTY Medecin du Roy Charles le quint & de la Roynē blanche a translaté en François

Les Problemes d'Aristote traictans matiere de toutes sciences, & par special de science naturele, de medecine, de mathematique & de morale. Avec les gloses faisans questions, & mettans les solutions, le tout en 37. parties principales ou liures. Ladite translation n'a esté imprimee, & l'ay veu escripte à la main en deux gros volumes, en la librairie de Monsieur le conte Dursé.

Les EXCEPTIONS & deffenses de droict par lesquelles vn deffendeur se peut ayder contre le demandeur pour luy respondre ainsi qu'il appartient,

tient, extraictes du droict Canon & ciuil, Aucc la maniere de demener vn procez. impr. à Lyon 8°. par B. Rigaud 1567.

L'EXERCICE & discours Politiques de l'homme vertueux, contenant plusieurs notables exemples & enseignemens appartenans tant à la Police & gouuernement du public, qu'au particulier, ordonné par chapitres & lieux communs tir ez des sainctes escritures & des prophanes. impr. à Paris. 8°. par Nicolas Chesneau 1581.

EXORTATION de paix, Traicté declarant plusieurs bons moyens par lesquels les Roys & Princes de toute la Chrestienté par le plaisir de Dieu le Createur doiuent bien tost estre pacifiez & destruiront les infideles, selon la reuelation d'un bon ancien pere de bonne & vertueuse vie. Et contient ledit traicté cinq Epistres, la premiere est adressee au Roy treschrestien, la seconde à nostre Sainct Pere, audit Sieur & au Roy Catholique, la troisieme au reuerendissime legat d'Auignon, la quatrieme au Chancelier de France, la cinquieme à tout le peuple de la Chrestienté. [impr. à Lyon 8°. par Gilbert de Villiers 1520.

EXORTATION à faire Aumosne, en laquelle est admonnesté chacun Chrestien par diuers tesmoignages de l'escriture saincte non seulement de faire l'aumosne, mais de la maniere de la bié faire, faire & cōposée en faueur des pauvres de Lyon. [impr. à Lyon 16°. par Sebastien Griphius 1559.

EXORTATION, d'un des Pasteurs de la France à son Troupeau. [Impr. en l'an 1561. *Caluinique.*

EXORTATION, voire vn cōmandement & parole du Seigneur par le Sainct esprit. Et en la fin vn petit liure intitulé Emmanuel à tous cueurs fideles. *Censuré.*

EXORTATION aux Princes Chrestiens pour le faict de la Paix notamment à l'Empereur Charles v. & au Roy treschrestiens Henry II. [imp. à Paris 4. par André VVechele 1558.

Sentences contenues en ceste exortation.

Tu veux maintenant ô Cæsar renouveler & renforcer ta fortune, la mettant à pair contre celle d'un Roy, duquel la grâdeur florissante se va haussant de plus en plus: & d'autant que plus tu t'y opposes, plus elle se fortifie & se tient droicte. Car tu entens trop bien que la vertu qui par longue & ordinaire communication se compare à vne autre vertu, deuiet facilement egale. Tu n'ignores point quelle est la course d'un Soleil leuant: lequel ne cesse de s'auancer & de prendre force, tant qu'il ait atteint au sommet du ciel.

On a retenu par vne certaine experience, que le seul moyen de cōduire & mener les affaires gist en silence & en diligence.

Les affaires humains ne paruiendront iamais à leur perfection. Homme du monde ne se sceut onc si faigement conduire qu'il ne l'aissast à ses finas quelque chose de nouveau & d'exquis, en quoy ils peussent exercer non seulement leur vertu, mais aussi leur admiration. La gloire humaine (s'il y en a en l'homme) est subiette à inēconueniens, & est bornée de certaines limites: il n'y a que

celle

celle de Dieu qui soit infinie & eternelle. Les Princes quoy qu'ils soyent excellens en preeminence de toutes choses, si sont ils hommes pourtant, & ont à recognoistre ce qu'ils ont d'humain en eux, par cela mesmement qu'ils peuuent assez estendre leurs desirs, voire iusques à l'infiny : mais à peine la moindre satisfaction de leur attête ensuit elle leurs efforts si grands & si diuers. Mais comme l'honneur s'entretient d'honneur, meës peine, Cesar, de supplir d'ailleurs le peu que tu en penses auoir. Presente toy pour amy au Roy, reçois l'amitié du Roy : ainsi tu luy auras communiqué ta grandeur, & luy à toy la sienne par échange. Et ce faisant vous aurez part en la gloire l'un de l'autre : & si aurez chacun la vostre toute franche.

La victoire est bien cher vendue qui s'achete par la mort des gens de bien & de cœur : d'autant que ceux qui font bon seruire en la guerre, encores font ils autant de besoing en temps de paix : car par leur conseil, fidelité & vigilance vn Roy retient son autorité.

Celuy a tout qui se cognoit assez auoir : mais à celuy qui tousiours desire, autant fait faute ce qu'il a comme ce qu'il n'a point, & faut par necessité qu'il demeure en perpetuelle indigence, estant si grande conuoitise suyue d'un si petit effect.

Je ne veux pas nyer que les choses de ce monde se maintiennent par la vicissitude, & que l'homme se retient en deuoir par le moyen des successifs euene-mens : à ce que sous la fiance des choses prosperes il ne s'abastardisse de paresse, ou ne s'esleue d'insolence, & qu'il ne perde la recordation de celle beneficence diuine.

Laissez au Roy Darie ceste voix si peu royale, Que le prince deuient tousiours plus sage par les trauaux de la guerre. Ceste sagesse couste trop cher à la republique : il vaudroit beaucoup mieux qu'un Roy fust instruit de preceptes Diuins (voire Philosophiques pourquoy non ?) que chercher vne sagesse par vne voye de si perilleuse experience. Car quand vous aurez bien fait tous vos comptes, vous trouuerez que vostre puissance, quelque grande qu'elle soit, ne vous a esté baillée que pour le respect de voz peuples.

Et sont les choses ainsi allées, que ceux mesmes qui se sont trouuez les plus grands, sont admonnestez par l'estat des choses presentes, de se tenir à ce qu'ils ont, & de s'estimer plustost auoir asses que d'en pretendre d'auantage. Car il fault vn grand temps à suppediter vne puissance moindre : mais vne egale à peine, & ny à peine encores se peut surmonter tout le long de la vie : tant sont les victoires du iourd'huy alternatiues & iournalieres.

C'est à vous ausquels touche ce q le prudent Cyneas repliqua à Pyrrhe Roy des Epyrotes autant veritablemēt que familiaremēt, Pyrrhe (dit il) quand tu auras surmonté les Romains, subiugué toute l'Italie, gagné la Sicile, & puis la Lybie, occupé le royaume de Macedoine, & toute la Grece, que ferons nous plus ? Voila vne belle demande dit le roy : nous viurons lors en repos ; nous deuise-ront ioyeusement & priuement les vns avec les autres.

Et donc dit Cyneas pourquoy ne iouyffons nous desmaintenant de ce repos & de ces deuis quand nous auons le moyen, plustost que chercher ce que nous auons content, aux despens du sang de tant de gens, par tant de dangers de noz

vies,

vies, & par l'euenement incertain de nos affaires: Cest homme de singulier esprit & iugement amena le Roy à ce point, qu'il luy feit confesser que tranquillité parmy les ehofes de ce monde est celle qui plus se doit desirer: & par mesme moyen il tira cela de luy, que tous les apprests de guerre qu'il faisoit ne s'adressoyent ailleurs qu'au faict de la Paix.

EXHORTATION à la lecture des saintes lettres. Avec suffisante probation prinse tant des vrais témoignages du vieil & nouueau testament que des saincts & anciens docteurs de l'eglise Catholique, qu'il est licite & necessaire, icelles estre translatees en langue vulgaire, & mesmement en la Françoisse. [impr. à Lyon 8. par Balchazar Arnouller 1554.]

Or si nous voyons qu'au temps passé Dieu a donné la cognoissance des langues à d'aucuns, par lesquels il nous a tourné les escritures d'une langue en autre, pourquoy ne pourra il faire maintenant ou quand son bon plaisir fera, comme il a faict au passé: dirons nous qu'il ne peut, ou qu'il ne le veut? Dirons nous que la seule langue Françoisse est si pauvre & malheureuse, qu'elle ne scauroit parler de son createur ny recevoir ses escritures? O miserable langue Françoisse: & beaucoup plus miserable nation, si ta condition estoit telle. Dieu, lequel veut que tous hommes soyent sauuez aura il excepté la seule langue ou partie d'icelle, pour quelque cause occulte? Car ce seroit trop enorme & execrable malignité de dire, qu'il ne le peut, veu qu'il est tout puissant, ou qu'il ne le veut, veu qu'il est tout bon. Si elles ne se peuvent tourner en la langue Françoisse, comment les nous a on preschees, & interpretees au parauant? Car il est certain que si elles ne se peuvent tourner en François, elles ne s'y pourront aussi dire ny prescher. Or maintenant s'il est permis à vn simple homme, à vne femme, ieune fils ou fille de reciter l'escriture apres le prescheur, pourquoy ne luy sera il permis apres l'auoir leue: car si l'un est bon, l'autre n'est point mauuais. Et ne sert à dire que la langue Françoisse est barbare, & que par icelle & par ceux qui la parlent l'escriture seroit pollue & souillée. Car l'Hebraïque en laquelle ont esté les premieres escritures saintes est appelée barbare par les Grecs & Latins qui se sont voulu glorifier en leurs langues, lesquelles toutesfois sont venues de la confusion comme la Françoisse & autres. Or puis qu'il est escrit que toute langue louera Dieu ne faut en ce estimer l'une plus souillée que l'autre: car telle souilleure ne vient de la langue, ains des meschans. De quelle nation il en y a plus de meschans, ce n'est à l'homme d'en iuger, ains à Dieu, qui void les cœurs. Et que ce ne soit chose nouuelle, comme ils veulent dire, enten ie te prie, ce qu'en a escrit Theodorit quesque de Cy (sont passez mille ans) au cinquiesme liure de la cure des afflictions des Grecs. Les liures Hebraïques (dit il) sont tournez non seulement en lague Grecque, mais aussi Romaine, Egyptiaque, Persique, Indique, Armenique, & Scythique, voire Sauromatique. Et pour le dire en vn mot en toutes lagues, desquelles les nations vsent auourd'huy. Et vn petit apres, il monstre q ce n'estoit pour les scauans seulement, ains pour tous indifferemment. Tu verras par tout (dit il) les enseignemens, doctrines & loix diuines estre tenues & maniees, non seulement par les maistres & gouuerneurs des eglises, & precepteurs des peuples: mais aussi par cordonniers, mareschaux ouuriers de laine, & par tous artisans: voire par toutes femmes, non seulement

seulement qui ont versé aux bonnes lettres (si toutesfois aucunes se treuvent) ains aussi par celles qui trauaillent de leurs mains pour gagner leur vie , comme lingeres , cousturieres , seruantes , voire par les filles de chambre. Et non seulement les hommes qui demeurent aux villes & citez les sçauent : mais aussi les laboureurs & payfans. Voire que tu trouueras des fossoyeurs , pasteurs de bestes , & iardiniers , qui disputent mieux de la sainte Trinité , & creation de toutes choses : & qui entendent mieux la nature de l'homme , que Platon & Aristote. Vois-tu qu'il ne reboute personne de quelque sexe ou estat qu'il soit , de ceste sainte & salutaire lecture ?

Les Canonistes au chapitre *Perlatum. de consecr. distin. iij.* Ce que l'escriture fait aux lisans, le mesme fait la peinture aux idiots regardans : car en icelle les ignorans voyent ce qu'ils doiuent suyure, en icelle lisent ceux qui ne cognoissent les lettres. Regardez comment aussi par droit Canon, l'escriture vous est permise : car si la peinture est escriture à ceux qui ne sçauent lire , cognoissez vous point que l'escriture est pour ceux qui sçauent lire ? Autrement il eust dit, ceux qui sçauent, & ne sçauent lire. Or est, qu'il dit, Ce que l'escriture fait aux lisans, permettant sans aucune doubte l'escriture à tous ceux qui sçauent lire, Ce que plus clairement que nul autre, nous declare Iustinian en ses Nouuelles Constitutions autentiques, rendant raison pourquoy il veut l'escriture Sainte estre communiquee à tous, & en toutes langues. Et est en la Constitution 146. Des Ebrieux, & comme ils doiuent lire les escritures.

EXHORTATION de la voix celeste. en rime. 1564. *Caluinique.*

EXPOSITION Catholique sur les epistres & euangiles des dimanches de l'annee, avec les festes solennelles tant de nostre Seigneur Iesus-Christ que de la glorieuse Vierge Marie reueü & corrigee par M. R. Brüssel. [impr. à Paris 16°. par Gabriel Buon 1581.

EXPOSITION Chrestienne contenant quatre briefts traictez : Le premier des dix commandemens, Le deuxiesme des douze articles de la Foy, Le troisieme de l'oraison de nostre Seigneur, Le quatriesme l'explication des sacremens. *Censurée.*

Brefue **EXPOSITION** faicte par maniere d'exhortation, prise sur le Pater Noster, & autres parolles de Iesus-Christ, recitees au sixiesme chapitre S. Mathieu. Avec exposition sur les parolles de Iesus-Christ, Faictes des amis des richesses d'iniquité. *Censurée.*

Il y a plusieurs autres liures d'Exposition sur aucuns liures de la S. Escriture, Assauoir sur l'epistre catholique de S. Iaques : sur les deux de S. Pierre, & sur celle de S. Iude : sur l'Euangile S. Matthieu : sur l'Apocalypse & sur le Cantique virginal. *Magnificat* : dont les expositeurs sont incertains, & lesquelles expositions sont imprimees à part, & inferrees au cathalogue des liures censurez & prohibez.

FABRI



A B R I C E M A R I N Cayetan a mis en Musique à 4. parties

Airs sur aucunes Poësies de Ronfard, Bayf, Iamin & Desportes. [impr. à Paris par Adrian le Roy 1578.

F A V S T E Prestre a écrit les vies de plusieurs saincts contenues aux volumes de l'Histoire de la vie & mort des Saincts traduite en François, & impr. à Paris f°. par Nicolas Chesneau.

F A V S T E A N D R E L I N de Forly a écrit cent Distiques Latins, qui ont esté mis en autant de Quatrains François par Jean Paradin.

F E D E R I C G R I S O N.

Escuyrie &c. Voyez Bernard du Poymonclar.

F E D E R I C I A M O T Berhunois Docteur en medecine a traduit, restitué & émendé de plusieurs belles corrections & annotations, Vn traicte de la Goutte, contenant en 45. chap. les causes & Origine d'icelle: Le moyen de s'en pouuoir preseruer & la sçauoir guerir estant acquise. Escrit en Grec du commandement de Michel Palcologue Empereur de Constantinople, par Demetrie Pepagomene son premier Medecin. Avec vne preface du traducteur. [impr. à Paris 8°. par Philippe Gautier de Rouille 1567.

En la preface du traducteur.

Je croy (sous la correction de noz anciens) que la cause & Origine de la Goutte, procede le plus souuent d'un humeur pituiteux & phlegmatique qui tombe sur les ioinctures. Et quand il seroit question de dire d'où procede la cause de tel humeur, ou d'où il descend, il se trouue bien peu de gens qui en ayent pertinemment parlé. Les vns ont esté d'opinion que tel humeur procede de la substance du cerueau, ou des ventricules & concauitez d'iceluy: les autres ont estimé ceste matiere tomber des parties interieures du corps, comme sont les Poulmons, l'Estomach, le Foye, la Ratelle, & leurs semblables. Et tous errent grandement, d'autant que si nous voulons diligemment chercher & sonder la premiere origine & procreation de la Goutte, nous trouuerons à la verité, que tel humeur dont elle procede s'engendre entre la peau & l'os de la teste, où estant amassé en vne grande abondance, pour estre de substance fort delice & coulante, & qui ressemble en tout au lait clair, ou plustost à l'eau, qui en temps froid nous degoutte du cerueau par le nez, ne faut de là à decouler entre les parties musculuses & la peau, iusques es ioinctures, où il demeure & s'arreste, les trouuant plus solides & plus fermes que les autres parties par où il passe, lesquelles pour estre plus amples & plus poreuses, luy donnent plus aisé passage: Au moyen dequoy le plus souuent, & principalement es pays chauds, & es personnes qui commencent à estre vexees des gouttes, cest humeur coule si doucement, qu'en passant par les parties charneuses, il ne donne aucun sentiment de foy, tellement qu'on ne se douteroit iamais que telle matiere peust si soudainement & si secrettement tomber du sommet de la teste iusques au bout des pieds. Vray est que quelquesfois & selon le temps, cest humeur s'engrossifant,

sant, ne peult decouler qu'il ne face quelque peu de douleur es parties par où il passe: comme on void ordinairement es regions froides & grossieres, & singulierement aux vieilles gens & autres qui par intemperance, ou quelque certain autre accident soustenu & enduré en leurs corps, sentent la defluxion qui leur tombe de la teste, maintenant aux espaules, & tantost aux autres parties du corps, principalement quand le temps se prepare à changement soit de pluye, neige, ou quelque autre temps nybilleux: & de la aduient que ceux qui sont tourmentez de ce mal, prognostiquent le plus-souuent le changement des temps, tellement qu'ils portent avec eux vn almanach qui leur sert pour toute leur vie. Cest humeur estant donc ainsi que dit est, confusement assemblé en la susdite partie de la teste pour ne se pouuoir là si facilement euaporer & dissoudre, comme il feroit aux autres parties du corps où la peau est deuuee de cheueux, & beaucoup plus delicee, est lors contrainct de descendre (à la premiere occasion qui se presente) pour offenser le corps, soit ou d'une ardeur de Soleil frappant sur la teste, ou par froid, ou par frictions, ou autre accident de soy mesme. Et combien que la Goutte de sa nature soit froide & humide, si est ce que elle ne laisse pourtāt apres s'estre vne fois emparee des ioinctures, de prendre & acquerir vne qualitee chaude & poignante, tant pour la vehemente douleur qu'elle esmeut (à raison de laquelle s'engendrent en la partie, chaleur, rougeur, & bien souuent fieures, notammant es corps replets, chauds & sanguins) que pource que la plus subtile & delicee portion d'icelle se corrompant aisement se change & transmue en matiere colerique. Finablement cest humeur qui autrement en defluant estoit clair & subtil si tost qu'il s'est fiché & attaché aux ioinctures, vient avec le temps à s'espaisir, non seulement à cause de la chaleur naturelle de la partie qu'il possede, mais aussi souuētesfois à raison des medicamēs trop desiccatifs & resolutifs, & qui sont follemēt & sans propos appliquez: par lesquels tout ce qui est subtil est espars & resolt, & le reste gros & espes comme lie, est tellement figé & endurcy, que par trop grande desiccation il se change en vne durētē pierreuse, dont prouient la Goutte nouēe en laquelle les doigts des mains & les orteilz des pieds, faillēt hors de leur place, articles & ioinctures, de façon qu'estans à la fin priuez & destituez de leur mouuement ordinaire deuiennent tous courbez & crochus.

Au Traicté de l'auteur Grec.

Tout humeur qui se corrompt & pourrit, deuient bilieux & colerique, & consequemment de la corruption du sang causee par les humeurs bilieux & flegmatique se faiēt le mal des gouttes. Car (comme dit Hippocrates) ceste maladie s'engendre de colere & de pituite: combien que la pluspart des Medecins estiment qu'elle procede de tout humeur. Qui me faiēt penser qu'Hippocrates parlant en ceste sorte, a voulu suiure sa brefue & aphoristique maniere de parler: veu qu'en ces deux humeurs sont contenues & comprises les quatre premieres qualitez humidité, secheresse, chaleur, & froideur. En telle corruption d'humeur, les excremens esmeus avec violence par la chaleur, & decoulans, engendrent le mal en la partie, où ils sont arrestez. Car pourautant que les veines, pour estre trop pleines & trop lasches ne peuuent contenir la grāde multitude d'hum

d'humeurs:à ceste occasion les superfluitez excitent extremes douleurs & tourmens ez parties sur lesquelles elles tombent , d'ou vient que la maladie prent son nom de la partie vexee:comme Ischiatique, quand la goutte saisit les hanches:Podagre quand elle descend aux pieds:Arthritique, quand elle tombe sur la plus part des ioinctures: Odontagre, quand elle empesche les dents & machouères de iouer.Et(dit Hippocrates)entant que le mal penetrera iusques aux plus petites veines,& plus necessaires au corps,& tombera sur plusieurs nerfs & plusieurs os:d'autant sera la maladie plus longue & difficile à guerir. Ioint que souuentefois les porositéz & conduictz des nerfs estàs bouchez & estoupez, suruiennent du tout immobilitez,debilitez,proralyfies & resolutions de nerfs. Or telle maniere de defluxion ne se faict pas seulement es pieds & mains & toutes les ioinctures, mais quelquesfois elle saisit le cerueau, le foye & le cœur mesmes,auec telle violence & impetuosité, qu'à grand peine la peut on guerir. Au surplus le mal des gourtes est si familier & domestique, que quelques familles & maisons le retiennent comme par succession & heritage, si on ne le corrige par bon regime de viure, & par medicamens purgatifs reiterez en temps & lieu. Autrement quand la goutte ne se communique de pere en fils, elle s'engendre de gourmandise & yuroignerie assiduelles,mauuais regime, de continuelles cruditez & indigestions d'estomach, de labeur excessif & non accoustumé, comme aussi de trop grand repos, retention des excretions ordinaires,intermission d'exercice,& de frequent vsage venerien, &c.

FEDERIC MOREL a traduit de Grec & de Latin en François,
De la prouidence de Dieu. De l'Amé. D'Humilité, Oraisons prinſes de ſainct Iean Chriſtoſtome. [impr.à Paris 16°. chez ledict Federic Morel 1557.
Traicté extraict des œuvres de S. Cyprian des douze manieres d'abus. Avec le moyen d'iceux corriger. [impr. à Paris 8°. par le mesme traducteur.
Traicté de la guerre continuelle & perpetuel combat des Chrestiens,ou, De la Luiſte Chrestienne contre la chair, le Monde & le Diable noz plus grands & principaux ennemis. [impr. à Paris 8°. par iceluy Federic Morel 1564.

En l'oraison de la Prouidence de Dieu.

Dieu ne faict la punition en ce monde, à celle fin que tu ne reiettes la resurrection,& que tu ne viennes à penser, qu'il ne se doie point faire de Iugemēt, comme si tous rendoyent icy raison & compte de ce qu'ils ont faict. Il ne permet aussi que tous s'en aillent impunis,à fin que tu ne penses au contraire, que toutes choses se facent sans la prouidence. Si quelcun ne croit la resurrection, ou en doute, qu'il considere combien Dieu a faict de choses de celles qui n'estoyent point,& de rien: & que d'icelle aussi il reçoie approbation certaine & necessaire. Car ayant Dieu prins de la terre & l'ayant pestrie, il en fait vn homme:de la terre,dy-ie,qui au parauant n'estoit point.Comme donc la terre a elle esté faicte homme? comment aussi de rien a elle esté produite? surquoy est elle assise & fondee? & qu'est ce qui est outre & par dela la terre?Comment ont esté d'elle produictes toutes ces especes d'animaux sans raison, qui sont en nombre infiny,tant de sortes de semences & de plantes? car cela est plus douteux & incertain que la resurrection: pourautant que ce n'est pas tout vn de

F

rallum

rallumer vne chandelle esteinte, & de monstrier du feu, où il n'y en a aucune apparence, sans le prendre d'ailleurs: comme ce n'est aussi de releuer & rebastir vne maison demolie & cheute, & d'en faire & dresser vne route à neuf, qui nullement n'a esté auparauant. Car illec s'il n'y auoit autre chose, à tout le moins la matiere y estoit: mais icy la substance mesme n'y estoit veüe ne trouuée. Et la raison pourquoy Dieu a fait premieremēt ce qui estoit le plus difficile, a esté, à fin que par cela il nous monstrest exemple de ce qui est plus facile & aisé. A nostre conception ne reçoit pas la matrice vn bien petit de semence, sans forme ny figure? d'ou vient donc & comment se fait vn tel & si grand animal? Et le bled, quoy? n'en est pas semé en terre le grain tout nud? & apres y estre ietté, ne se pourrit-il pas? d'ou vient donc l'espy, la paille, le chaume & toutes ces autres choses? N'a pas souuent vn petit grain de figue tombé en terre, rapporté & racine, & rameaux & fruiēt? Or tu reçois & accordes tout cela, & n'es en cest endroit par trop curieux, mais enuers Dieu seulement, lequel tu voudrois volontiers contraindre à te rendre raison sur la reparation de nostre corps? &c.

Et vn peu apres.

Si quelcun a fait seulement vne logette en ses vignes, & qu'apres les vendanges faictes, & le fruit recueilly, il la laisse là sans qu'il s'en soucie, à peine souuēt dure elle deux iours, mais vient incontinent à se desassembler & à tomber. Par ainsi vne petite loge ne peut pas durer, si quelcun ne s'en soucie & n'y pouruoit. Comment donc vn tel chef d'œuvre, qu'est le monde, si beau & si admirable, fust-il demeuré si long temps en son entier, & eust tāt duré, sans que rien se soit demoly, si quelque grand seigneur n'en eust tousiours eu le soing, & n'y eust pourueu? Considere moy la beauté de l'homme, combien elle dure auant qu'elle soit corrompue ne gastee. Considere moy la force de la terre, comment son ventre ne s'est rompu, pour auoir despuis si long temps engendré & porté tant de choses. Considere moy les fontaines, comment elles iettent tousiours leurs eaues, & n'ont point cessé ne defaillir despuis qu'elles ont esté faictes. Considere moy la mer, cōment ayant receu toutes les eaues de tant & si grāds fleues, elle n'a pour tout cela outrepasé ses bornes & limites. Pour chacune de ces choses l'on pourroit à bon droit dire: O Seigneur, que tes œuvres sont grandes & admirables: tu les as toutes faictes avec sapience, & tressagement.

En l'Oraison de l'humilité.

Quand Dieu crea l'homme, il meit en luy, & des grandes vertus, & aussi des grandes imbecillitez & foibleses: à fin que par la vertu & puissance, qui est en la créature, la grace du Createur fust en admiration & estime: & que par la foiblesse & debilité, à quoy elle est subiecte, fust reprimée son outrecuidāce. Dieu luy a donné vne langue, laquelle parle, loue Dieu, chante choses diuines, & donne à eñtendre les beautez & perfections de ce que Dieu a créé. Ce petit morceau de chair, la langue, dispute du ciel & de la terre, elle qui n'a pas deux doigts de largeur: mais que dy-ie doigts? non pas à peine vn bout d'ongle: & toutesfois ce petit bout deuise du Ciel & de la terre. Et à celle fin qu'elle ne s'estime estre quelque grande chose, & qu'elle ne s'eleue par dessus sa nature, souuent

souuent elle se trouue empeschée d'enfleure, à ce qu'elle sçache qu'estant mortelle, elle parle des choses immortelles, & qu'elle cognoisse, quelle est la puissance de celuy qu'elle louë & quelle l'imbecillité d'elle, qui donne la louange. Il luy a donné ce petit grain, l'œil, par lequel il voit & contemple toute creature : mais pour l'engarder, que comprenant toutes choses par son regard, il ne vinst à s'en glorifier: souuent cet œil deuiant chassieux, & est subiect à taves, à catarres & distillations, & à toutes autres choses qui empeschent & gastent la veüe: à celle fin que par ceste infirmité il vienne à se cognoistre, & par cest ouuraige d'excellence, à rendre à l'ouurier louanges immortelles. Si donques l'homme portant avec soy tant d'infirmité, oublie en telle sorte sa nature vile & abiecte, qu'il ose bien se rebequer à l'encontre de celuy qui eust peu supporter son arrogance & orgueil, &c.

Au Traicté des douze Abus, par S. Cyprian.

Discipline est vne correction bien ordonnée sur les meurs, & vne ancienne obseruance des reigles de noz predecesseurs. De laquelle discipline Paul l'Apostre parle en ceste sorte : Perseueriez en discipline : Dieu s'offre à vous comme à ses enfans. Que si vous estes sans discipline & correction, de laquelle tous sont participans, vous estes donc bastards, & non point fils. Ceux donc qui sont bastards, sont sans discipline, & ne viennent à l'heritage du Royaume celeste : mais les enfans legitimes endurent la correction de la discipline du pere, & ne desesperent point que quelque iour ils ne doiuent estre heritiers. De ceste discipline parle aussi Esaye adressant sa parolle à ceste commune mal apprise, quand il dit: Cessez de mal-faire: apprenez à bien faire. Et les mesmes choses de pareille voix châte le Psalmiste, & diët, Destourne toy du mal, & fay bien. Malheureux donc est celuy qui reiette la discipline. Car celuy qui met en diuision la discipline de l'Eglise de Christ, il est plus hardy & temeraire que les gend'armes, qui crucifierent nostre Seigneur, lesquels ne voulurent diuiser sa robe ne la mettre en pieces. Car comme la robe couure tout le corps excepté la teste, aussi fait la discipline toute l'Eglise excepté Christ: parce que l'Eglise est sous discipline, & en est couuerte & ornee. La robe donc du corps de Christ, c'est la discipline de l'Eglise. Celuy qui est hors de ceste discipline, il est aliené du corps de Christ.

F E R D I N A N D.

Les graues & sainctes remonstrances de l'Empereur Ferdinand, à nostre S. Pere le Pape Pie quatriesme de ce nom, sur le faict du Concile de Trente, & des choses proposees en iceluy. Avec vne briefue exhortation dudit sieur Empereur, addressée au Reuerēdis. Cardinal de Lorraine, sur les mesmes affaires. Le tout traduit de Latin en François. [impr. à Paris 8°. par Nicol. Chesneau 1563. On m'a dit que Jean de Maumont en est le traducteur, combien qu'il ne s'y est pas nommé.

F E R N A N D L O P E Z. Voyez Nicolas de Grouchy.

F E R R A N D D E B E Z Parisien a escrit en vers François Institution puerile, A Charles d'Alonuille, Jean & Christophle de Thou freres, Christophle Bouguier, & Gaspar Viallet ses disciples.

F 2 Esouyffan

Esiouyffance de Nyfmes du fiegé prefidial eftably & du college nouvellement erigé pour la ieunefle. [Impr. en Auignon 8°. par Barthélemy Bonhomme, pour Jean Luquet de Nyfmes 1553.

Les Epiftres heroiques amoureufes aux Mufes, dedices à Dieu, Mecœnas, tres liberal. Avec l'exposition des noms propres, mife à la fin de chafque Epiftre. [impr. à Paris 8°. par Claude Micard 1579.

La cinquiefme Eclogue des Bucoliques de Virgile. Avec deux deplorations en forme d'Eclogue, l'une de feu Monsieur d'Orleans, l'autre de feu Monsieur d'Anguien. [impr. à Paris 4°. par Chrestien Vvechel 1548.

FLAMINIO DE BIRAGUE.

Les premieres œuures Poëtiques de flaminio de Birague Gentilhomme ordinaire de la chambre du Roy, dedices à Mōfieur le Cardinal de Birague Chancelier de France fon oncle. Contenans Sonnets, Chanfons, Stanzas, Complaintes amoureufes, Odelettes, Elegies, Epiftre à Marie. Songe. Quatrains. Epitaphes. [impr. à Paris 12. l'an 1581.

SONNET I.

*L'Eternel charpentier de la ronde machine
Voulāt combler les fiens des nombres de bon heur,
Souuentesfois les plonge en la mer de malheur,
Leur versant par-apres sa rousée diuine.
Moÿse fut iadis commis à la marine,
Puis du peuple Iuif fut esleu gouuerneur.
Moy contraint de quitter la royale grandeur
I'ay alenté m'à soif en l'onde cheualine.
Ce ne m'est moindre honneur d'auoir beu de cete eau,
Que d'auoir erigé vn superbe chasteau:
Car l'or, l'airain, le marbre & le veneus porphyre
Tombent en fin du temps la proye aux ans chenus:
Mais ceux qui en ce flot se sont baignez tous nuds,
Du lac oublieux la Muse les retire.*

En l'Elegie à Monsieur le Cardinal
de Birague.

*Toufiours les floccons blancs n'enfarinent les pins,
Toufiours vn vent gréleus des coupeaux Apennius
Ne martelle le dos, ny le foudre qui gronde
N'eloché d'air soufreux la voute de ce monde:
Le rondeau Pleiadin toufiours noyé de pleurs
Ne vefue les prez verds de leurs diuerfes fleurs:*

Le

*Le glaceus esquadron qu'un fier Aquilon guide
Des ruisseaux argentins toujours le cours ne bride.
Le bord Carpathien n'est toujours temperé
Des flots entrecassez par l'orage indonté:
Bref tout ce que ce tout de ses bras environne
Flechit au mouuement que le grand arc nous donne.*

Et vn peu plus bas:

*L'arbre qui au printemps de fleurs ne se couronne,
Ne rompra les greniers d'un fructueux Autonne:
Si de mon ieune Apuril est ieunette la fleur,
Qu'elle vous face foy d'un Autonne plus meur.*

Chanson aux amoureux.

*Vous qui repeus d'une poison amere
Courez apres le trompeur hameçon
D'une beauté, qui d'une aile legere
S'enfuit de vous sans payer la rançon.*

*Prenes la fuite hors des feminins lieux,
A ce troupeau ne donnez foy aucune,
Trois choses sont inconstantes aux yeux,
Le vent, la femme, & l'aveugle fortune.*

*En feminin la fortune est depeinte,
Comme de vray femme dire on la doit:
Car sous le ciel duquel la terre est ceinte,
Rien plus leger que la femme on ne voit.*

*De sept pechez, que mortels on appelle
Un seul ne tient le nom du masculin,
Heureux celuy qui se sauue d'icelle,
Qui des venins est le maistre venin.*

FLAMINIO NOBILI. Voyez A. de saint André.

FLAVE IOSEPHE.

L'histoire escrete premierement en Grec par Iosephe le Iuif, Et en apres mise en Latin dont elle a esté depuis faite Françoisé, contenant les guerres qui furent au païs de Iudee puis le temps que la cité de Ierusalem fut premierement prise par le Roy Antiochus entretenue iusques à la tierce destruction d'icelle par Vespasien l'Empereur & Titus son Fils, Notee à la marge des accordances de la Bible & d'un autre historiographe ancien nommé Egesippus. [Impr. à Paris f°. par Claude Cheualon 1530. Le nom de celuy qui a fait ceste traduction en

vieil langage est incertain. Voyez François Bourgoïn. Nicolas de Herberay plus modernes & meilleurs traducteurs.

FLAVIVS VEGETIVS RENATIVS.

Les quatre liures de Flaue Vegece René homme noble & illustre, Du faict de la guerre & cheualerie. Quatre liures de Sexte Iule Frontin homme Consulair Des stratagemes & subtilitez de guerre. Vn liure d'Aelian, de l'ordre & instruction des batailles. Vn liure de Modeste, Des vocables du faict de guerre. Le tout traduit de Latin en François par le Polygraphe, [impr. à Paris f°. par Chrestien Vvechel 1536. Je coniecture que ce traducteur soit Nicole Volkir, pourautant qu'en quelque siennec œuvre il prend l'épithete de Polygraphe.

FLOARD.

L'Histoire de l'Eglise Metropolitaine de Reims, premieromēt, escrete en Latin (mō encores imprimee) par Floard iadis chanoine d'icelle Eglise, où lon pourra remarquer par qui les premiers commencemens de la foy & religion Chrestienne ont esté iettez en ceste Prouince: consequemment le progres & continuation d'icelles. Maintenant traduite en François par Maistre Nicolas Chesneau Doyé & Chanoine de Saint Symphorian audiēt Reims. [impr. à Reims 4°. par Iean de Foigny 1580.

FLORENT CHRESTIEN d'Orleans a traduit elegammēt en vers François:

Les quatre liures de la Venerie d'Oppian Poëte Grec d'Anazarbe, dediez à l'Empereur Antonin Bassian. [impr. à Paris 4°. par Mamert Patisson 1575.

Tragedie de Iephthé faicte premierement en Latin par George Buchanan & traduite par Florent Chrestien. [impr. à Paris 8°. par Robert Estienne 1573. Il auoit escrit au parauant,

Hymne Genethliaque sur la naissance de Monsieur le Comte de Soissons fils à Monsieur le Prince de Condé Loys de Bourbon & François d'Orleans illustre Princesse. [impr. à Paris 8°. par Denys du Val 1567.

Le Iugemēt de Paris dialogue ioué à Anguicn le François à la naissance du fils de Monsieur le Prince de Condé. Plus vn cartel avec quelques Stanzes & Sonnets faicts pour les tournois à Valery en l'an 1567. [impr. de mesmes.

Sylua, cui titulus Veritas fugiens, ex Remigij Bellaquei gallicis versibus latina facta à Florente Christiano Aurelio. [Excus. Lutetia 4°. in officina Roberti Stephani 1561.

Au premier liure de la Venerie d'Oppian.

*Or il faut force outils, armes & instrumens
Au patient Veneur, qui veut aller en quête.
Tefmoignages certains de la mort de la beste:
Comme toiles, filets, rets, pieges, laqs, poicans,
Huttes, cordes, colliers, lassieres & raiz eaus,
Fourches, gaules, espieux, pierres, palles, beLoches,
Racles, seinnes, bastons, perches, esparuiers, poches,*

Parthi

Parthizanes & dards, glaiues, tarières, paux,
 Le trident pour le lieure, avec baches & faulx.
 Le cheual d'un Veneur doit estre pluſtoſt maſle,
 Tant à cauſe qu'il eſt plus fort qu'une cauale
 A courre bien long temps, que d'autant qu'ayſement
 Il s'eſchauffe & ſe gaſte en ſentant la iument,
 Et alors henniffant il faiët fuir les cheures,
 Les biches & les daims, & les timides lieures.
 Or le ſein de la terre, & les monts & les vaux
 N'eſleuent gueres plus d'hommes que de cheuaux:
 Mais ie ne veux parler que de ceux que l'on priſe,
 Et qui ſeront choiſis en Eſcurie exquiſe,
 Comme ceux de Tyrrhene & de Sicile, & ceux
 Que Crete & Cappadoce engendrent genereux,
 Et l'Achaie auſſi, & la belle Jonie,
 La Maſſache, Scythie, Afrique & Armenie,
 Et bref les Thraciens, & les Mauruſiens,
 Arabes, Eleans, & les Magnéſiens.
 Les meilleurs Eſcuyers qui en ceſte ſcience
 Hantans les ieux de pris, ont plus d'experience,
 Iugent un bon cheual par ces merques icy:
 Le front haut eſleué, le col plus accourcy,
 Les membres fors & grands, la teſte haute & braue,
 Et panchant de coſté ſa contenance graue:
 Le ſourcy large & beau, force crins deſcendants
 Du ſommet de la teſte & ſur le front pendants:
 L'œil prompt & fort ardent, les paupieres ſanguines,
 Courte oreille, grand bouche, ouuertes les narines:
 Le col eſpais de crins, & mollement vouſſé,
 Tout ainſi que le haut d'un morion creſté:
 Grand corps & larges reins, poitrine ample & eſſaiſſe,
 Double eſchine au milieu qui les ſeſſes engraiſſe:
 Grosse queüe & creſpue, & les cuiſſes aupres
 Musculeuſes du tout & fortes: Puis apres
 Les pieds droits, gresles, longs, les iambes non charnuës,
 Mais ainſi qu'à un Cerf, ſeiches, fortes, menues:
 Le talon faiët en rond, la corne ronde auſſi,
 Haute, dure, & ſolide. Il faut merquer ainſi
 Vn cheual genereux, propre pour la bataille,

Compagnon assidu du maistre qui travaille.
 Tels dans le mont du Taur sont les Tyrrbeniens,
 Et ceux de Cappadoce, & les Armeniens,
 Et les Achaiens. Mais tousiours la foiblesse
 (Chose estrange & nouvelle) est avec la ieunesse
 Des Capadociens: car plus ils seront vieux,
 Plus vistes ils seront & combatteront mieux,
 Soit vn ost d'ennemis, soit des bestes feroces:
 Et bref assure toy sur les vieux Capadoces.
 Mais n'est-ce pas grand cas, qu'un cheual belliqueux
 En oyant les Clairons deuiant plus courageux?
 Et sans fremir de l'œil, d'une force animee
 Entre dans les squadrons d'une ieunesse armee?
 Voit esclairer le fer, ne craint point le danger,
 Sçait quand il faut faire alte, ou quand il faut bouger.
 Mesme entend le signal des Colonnelz, de sorte
 Qu'il fait le plus souuent pres d'une place forte
 Ses approches sans bruit, quand pour prendre d'assaut
 Quelque ville ennemie on veut bastir en haut
 Une belle defense en forme detortue,
 Pour se garder des coups de la ville battue:
 Quand bouclier sur bouclier proprement affermi
 Couure la teste à ceux qui forcent l'ennemy.
 Contre ceste splendeur apparoyt la lumiere
 Du soleil opposé, qui fait que par derriere
 Le rayon resautant, l'air est plein de clairté.
 Car aussi aux cheuaux Nature y a planté
 Vn cœur docile & bon, une memoire prompte:
 Ils cognoissent tousiours l'Escuyer qui les domte:
 Quand ils voyent leur maistre ils hennissent bien fort,
 Et pleurent vn amy qui à la guerre est mort.
 Vn cheual vne fois eut la langue changee,
 Et parla comme vn homme en bataille rengee:
 Et celuy d'Alexandre, appelé Bucephal,
 A combattu luy-mesme: Et iadis vn cheual
 Vola sur les espis d'une course legere:
 Vn autre sans mouiller sa corne passagere
 A trauersé la mer: Vn autre en l'air monta,
 Celuy qui la Chimere heureusement domta:
 Vn autre

*Un autre en hennissant conduit par les trauerses
De l'Efcuyer rusé, crea le Roy des Perses.
Aussi vers la Nature ils sont respectueux,
Et ne sont en amour iamaïs incestueux:
Mais sans se polluer d'un vilain Hymenee
Cherchent l'honneste amour licite & ordonnée.
L'ouy conter un iour qu'un Seigneur opulent
Auoit plein de cheuaux un haras excellent,
La mort emporta tout, tant femelle que masle,
Et n'y delaiſſa rien qu'une pauvre caualle,
(Reſte d'un grand troupeau) & un ieune poulain
Qu'elle allaitoit encore: Or ce Seigneur vilain
Le poulain eſtant grand, s'eſforce, abominable,
De luy faire ſaillir ſa mere miſerable:
Mais les voyant tous deux le plaſir reſuſer
De l'Hymen illicite, il ſe vint aduiſer
D'un cauteleux moyen que dextrement il braſſe,
A fin qu'il peuſt apres en auoir de la race.
Il les couure tous deux de peaux, & par dehors
D'huyle odoriferente il leur graiſſe le corps,
Pour effacer ainſi ceſte odeur naturelle,
Qui donne aux animaux une amour maternelle.
Ils n'apperceurent point ce mechef (ô bons Dieux)
Et lors fut conſommé ceſt Hymen odieux,
Deſplaiſant aux cheuaux: il fut faiët à la mode
Que fut iadis celui de l'auengle Oedipode.
Mais eſtans deſcouverts, & voyans leur peché,
D'un regard de trauers, d'un cœur triſte & faſché,
Le fils & non plus fils, la mere & non plus mere,
Se cogneurent l'un l'autre, & virent leur miſere.
S'eſleuerent ſoudain grandement fremiſſans,
Briferent leurs liens hautement henniſſans,
Comme appellans les Dieux, & leur vengeance haute
Contre le malheureux auteur de ceſte faute.
En fin outrez de dueil, en fureur s'auançans,
Et contre les rochers leurs teſtes eſlançans,
Se froiſſerent les os, eux meſmes ſe deffirent,
Et leur ame à l'inſtant en meſme lieu rendirent,
Couchez l'un deſſus l'autre apres tant de trauaux.*

Voila

Voila ce que l'on dit des honneurs des cheuaux.
 Or de tant de Cheuaux dont la terre est fertile,
 Ceux du mont Lilybee, & ceux de la Sicile
 Courent plus vîstement: & ceux qui sont espars
 Au mont Trinacrien diuisé en trois parts,
 Sepulchre d'Encelade, ou la foudre esbandue
 Vomit deffoubs Aetna vne flamme asidue.
 Mais les Armeniens, & ceux qui sont cognus
 Deuers le fleuve Euphrate, & les Parthes crinus
 Sont plus vîstes encore: & les cheuaux d'Espaigne
 Qui sont deffoubs leurs piedz, resonner la campagne,
 Valent encore mieux: Le seul Aigle dans l'air
 Ou l'Esperuier volant peut leur course esgaler,
 Ou le Daulphin en mer: tant grande est la vîstesse
 D'un Cheual Espagnol, mais aussi la foiblesse
 Accompaigne son corps, petit qui ne peut pas
 Galloper ou courir long temps sans estre las:
 Et encor qu'il soit beau & bien faict de nature,
 Sa corne est large & molle, & sent sa nourriture
 Des fanges & bourbiers. Mais par sus tous cheuaux
 Les Maures sont prisez, comme bons aux trauaux
 Et à courre long temps: Ceux que l'Afrique porte
 Les secondent de pres, & sont de mesme sorte
 Semblables en beauté, mais les plus grands & forts.
 Les Maures n'ont pas tant en trois parts de leur corps
 Comme ceux-cy en vne: ils ont belle apparence,
 Et vne course alaigre avec la corpulence:
 Ils endurent la soif, leur corps est endurcy
 A porter la chaleur. Les Tyrrhenes aussi,
 Et le peuple infiny des cheuaux de Candie
 Sont vîstes & bien haults, & leur course est hardie:
 Mais les Siciliens courent encore mieux
 Que les Maures: leur cœur est de mesme, leurs yeux
 Sont pers & reluisans, & leur vertu puissante
 Seule attend du Lyon la clameur rugissante:
 Car à diuerse fere il faut cheuaux diuers.
 Les yeux te le diront. Aux Ours il faut les verds,
 Et aux Cerfs merque-piez les gris qui sont celestes,
 Les rouges & cruels à ces cruelles bestes

Qu'on

Qu'on nomme Leopards, les ardens aux Sangliers,
 Et les pers aux Lyons. Or en tant de milliers
 Le cheval Nysséan est beau par excellence,
 Braue pourteur des Roys plains de grande opulence:
 Il va mignardement, traitable, obeissant,
 Il a petite teste, & d'un crin iaulnissant,
 Ayant le col chargé, se carre & se fait place,
 Superbement ioyeux. Il y a d'autre race
 De chevaux merquetez, qui sont de beaux courtaux
 Qu'Orynges on appelle, ou autrement Montaux:
 Soit d'autant que tousiours aux montaignes ils viuent,
 Ou d'ardeur de monter sur les iumens qu'ils suyuent.
 Ils sont de deux façons, & en beauté diuers:
 Car les uns ont le col & le dos en trauers
 Tracé de longs sillons en façon de ceinture,
 Comme Tygres qui sont agiles de nature:
 Les autres tout autour en mainte & mainte part
 Sont distincts & merquez ainsi qu'un Leopard:
 Auecques un fer chaud des qu'ils viennét de naistre
 On brusle leur long poil, & tels on les fait estre:
 Mesme on trouue moyen de peindre & merqueter
 (O que l'esprit de l'homme est grand pour inuenter!)
 Le poulain mesme estant au ventre de la mere.
 Ils rendent les chevaux tels qu'ils les veulent faire,
 Mesme auant qu'ils soyent nez. Car lors que la Jument
 Est esprise d'amour attendant son amant,
 On vient parer l'espoux de merques colorees,
 Pour le mener superbe aux nopces desirees,
 Comme un beau ieune fils qui estant façonné
 Par les matrones mesme, & de fleurs couronné,
 Auec un habit blanc, la teste bien peignée,
 Frizé, bien parfumé, va chantant Hymenee
 Iusqu'au liét nuptial. Ainsi arreste l'on
 L'amoureuse saillie à l'ardent Estalon,
 Qui escume & hennist en signe d'espousaille
 Deuant sa desiree: à la fin on luy baille:
 On luy lasche la bride à sa cupidité:
 Elle estant pleine apres faict un fils merqueté,
 Receuant la cemençe au ventre, & par la veüe,

La

La beauté des couleurs qu'elle y avoit conceüe.
 L'Oyseleur use aussi de ces moyens nouveaux
 Pour peindre & figurer les petits pigeonneaux:
 Car quand il apperçoit les douces Colombelles
 S'entrefaire l'amour & du bec & des ailes,
 Luy qui les apprivoise y va subtilement:
 Car pres de la femelle il met premierement
 Des robbes de couleur, où iettant l'œil folastre
 Elle fait des petits peints de couleur rougeastre.

En la Tragedie Iephthé.

<p>Ainsi l'erreur noire & profonde Empesche l'humain iugement: Et n'y a personne en ce monde, Qui des yeux de l'entendement Voye la clairté qui abonde En la verité purement, Ou qui tienne la droite sente De vertu simple & innocente. Mais comme en la lueur obscure Des plus grands bois quand à l'escart Il se presente à l'adventure Mille chemins de part en part: Le passant retient son alleure, Et s'arreste comme songeard: Ainsi l'humaine fantasie De doute & d'erreur est saisie. L'un ayme l'honneur militaire, Trop impatient de loisir: Et par la guerre sanguinaire, Cherche le laurier son desir: Achetât par sa main meurtriere Vn aise, & par le desplaisir Et le dueil d'autrui, un murmure D'une louange, qui peu dure. (re L'autre ayant sa couche infecunde Se voyât frustré d'enfans beaux, Sera suuy de force monde</p>	<p>D'abuseurs & de plaideraux, Prenant plaisir à sa faconde, Pour tromper ces beaus corbeaux: Le trompeur trompe, & la cau- telle Paye la fraude mutuelle: Vn autre aimera d'avantage Le petit bers de ses enfans, Et le doux begayant langage, Qui pouspeline aux premiers ans, Que l'or de Cræse, ou le riuage De ce flemme aux flots iaunissâts: Mais quoy? Personne ne demeure Jamais content vne seule heure. Mais voicy la pauvre dolente Avec sa mere: ha que leurs yeux Et leur façon est differente, De quand le Roy victorieux, Triumphoit en gloire apparente! Leur ioye alloit iusques aux cieux. Tout le monde portoit enuie A vne si heureuse vie. O vray exemple & memorable D'un grand & subit changemēt De la fortune variable! Ainsi Dieu ordinaikement Fait de ce monde lamentable, Tournāt nos faicts en un momēt, Comme</p>
---	--

*Comme vn tourbillon qui enleue
Une poussiere sur la greue.
Comme la tempeste hyuernale,
Par la violence du vent
Couure les hauts monts, & estalle*

*La gresle & la neige souuent:
Mais des que l'estoile iournale
Monstre son fläbeau du leuant,
A lors par les blanches cäpagnes
Tout se fond du hault des monta-
(gnes.*

FOVLQVET DE MARSEILLE Poëte Prouençal se rendit de l'ordre de Cisteaux, & fut esleu Abbé du Thorondet en Prouence pres du Luc, & despuis Euesque de Marseille, & finalement Archeuesque de Tholose faisant la guerre contre les heretiques en laquelle il deceda l'an 1213. Il auoit composé vn Traicté intitulé *Las Complanchas de Beral* auquel il introduit Beral Seigneur de Marseille regrettant la mort d'Adelasia sa femme. Petrarque faict mention de ce Foulquet au 4. chap. de son Triomphe d'Amour, où il nomme vn grand nombre de Poëtes Prouençaux.

FRANCISCO LOTINI.

Auis Ciuils contenans plusieurs beaux & vtiles enseignemens tant pour la vie Politique que pour les conseils & gouuernemens des estats & Republiques. Traduit en François de l'Italien de Messer Francesco Lotini Gentilhomme de Volterre au territoire Florentin. [Impr. à Paris 8°. par Iean Richer 1584.

FRANCOIS Premier de ce nom, Tres-Chrestien Roy de France. Ce grand & magnifique prince à esté e bon droict appelé le pere des lettres pourautant qu'il a edifié & planté en son royaume & en son peuple, les lettres tant Latines, Greques que Hebraïques. Il a entretenu & salarié excellemment hommes les plus doctes & choisis de l'Europe en toutes disciplines & langues pour lire publiquement en l'vniuersité de Paris. Car ayant faict reformer les Colleges & Vniuersitez de son royaume, & estably celuy de Cambray à Paris pour les leçons publiques, il a assigné aux professeurs bons gaiges pour vne continuelle instruction de la ieunesse de toute la Chrestienté: où si grand nombre s'est veu en peu de temps & y a profité de sorte, que trauaillans tous à l'enuy les vns des autres, & se tournant en fin ce vertueux combat priué en public, de toutes les nations de l'Europe à qui emporteroit ce pris & l'honneur de plus solide doctrine, tous ensemble tendans à vne recognoissance de si grand bien vniuersel, ont iugé ne luy pouuoir moins donner que le tiltre de Grand, de Pere des lettres, & de restaurateur de toutes bonnes sciences. Or si les triumphes de ceux qui ont subiugué la Grece, & tari la fontaine & source des lettres ont esté tant celebrez, de combien plus est à estimer & louer le Grand Roy François qui n'a pas seulement remis en vie & en vigueur en son royaume les ornemens de la Grece, la Poësie, l'histoire, la Philosophie, fait chercher les liures, qui encores se cherchent par tout le monde & ressusciter autheurs & memorables esprits qui estoÿét il y a plus de mil ans ensepuelis: mais a luy mesme composé & escrit plusieurs choses non moins bien dites que de bonne inuention & doctrine, vaquant & à l'estude des sciences & à l'exercice des armes, comme de luy chante tresbien Amadis Iamin dans ses œuures poëtiques au discours de la liberalité, adressé au Roy Charles 1x.

G

Fran

*François premier, illustre de renom,
 Qui pour ses faicts de grand eut le surnom,
 Apprit assez que la royale race
 Suyt en donnant des celestes la grace.
 Par ses bien-faicts en France il appella
 Les Muses seurs, & Phebus installa,
 Leur bastissant une sainte demeure
 Que vos vertus à iamais rendent seure.
 Il conioignit l'une & l'autre Pallas,
 Phebus ensemble & le Dieu des Soldatz
 Ainsi que vous, & de la dextre mesme
 Qui combattoit, escriuit maint poëme.*

Et Ioachim du Bellay au parauant en auoit chanté ainsi en l'Ode xv. de son Recueil de Poësie,

*Combien tu dois France à ceux de Valois
 Tesmoins en sont les armes & les loix,
 Qui ont fleury sous François, ainsi comme
 Iadis en Grece, & sous Auguste à Rome.
 C'est luy qui a de ce beau siecle icy
 Comme vn Soleil tout obscur esclaircy
 Ostant aux yeux des bons esprits de France
 Le noir bandeau de l'auengle ignorance.*

L'estude & volonté de sçauoir a esté telle en ce Prince que des le commencement de son ieune aage il n'a iamais celsé de lire & faire lire deuant luy les liures sacrez, & les histoires : faire translater : faire disputer continuellement à sa table, en beuant & mangeant, à son leuer, à son coucher, des plus interieures choses & difficiles de l'erudition greque, latine & hebraique, & en tous genres & espèces d'auteurs, & de lettres tant sacrees que prophanes. Il eut la facilité de comprendre si grande que iamais ne luy fut parlé de matiere, pour difficile qu'elle fust, qu'il n'entendist plus parfaictement & plus facilement que nul autre : la memoire si retenante, qu'impossible seroit d'en trouuer en ce monde vne telle. Il sçauoit & parloit la langue Françoisse mieux qu'homme qui fust viuant en son royaume. Il entendoit la latine. Il n'ignoroit aucune histoire, ou Poësie, La Corographie & Cosmographie de tout le monde & mesmement de son Royaume sçauoit il mieux qu'homme à qui il parla iamais. La Philosophie disputatiue, & la morale, & la politique & la naturelle auoit il si bien compris, tant par iugemēt naturel que par auoir la memoire des choses ouyes, ou leuës, que le plus sçauant homme du monde n'y sçauoit rien d'auantage. Aux mathematiques, tant d'une naturelle inclination qu'il y auoit, que d'auoir voulu des sçauans en entendre & cognoistre la plus grand part, il auoit si grand iugement, que pour la situation des lieux, pour le proiect & regard des veuës, pour la

la perspectiue , pour la raison des bastimens (dont il a commencé , & laissé les exemples & patrons de l'Architecture en son Royaume) pour les fortifications des places, (dequoy il a laissé son royaume si fort , & ses frontieres si bien bordées) pour la construction de routes machines & artilleries & conduites d'icelles il y a eu peu d'hommes comparables à luy. Encores est de ceste liberalité vn grand ornement de son royaume , que pour auoir fait mouller , acheter & chercher par tout, tous les ouurages excellens de statues antiques & images , & routes les exquisés peintures ausquelles statues la memoire de l'antiquité se conserue: il a restitué en France l'art statuaire, la sculpture , & peinture à fin que cest excellent entendement attirast à soy & associaست toutes les choses singulieres. Oultre ce il estoit grand zelateur de iustice & equité , pour laquelle il disoit & vsoit d'vne maxime de Philosophie politique , que le magistrat , ou le Roy deuoit commander à tout le demourant, mais les loix à luy. D'auantage il estoit eloquent à merueilles , & qui plus est tres-sçauant es saintes lettres : bref de toutes ces parties s'estoit composee & amassée en luy vne Prudence , Sagesse , Intelligence , Science de tant de choses , que la profondeur de son sens ne se pouoit nom plus qu'vne abyssine , ne sonder , ne mesurer. De ce qu'il a laissé par escrit en Poësie Françoisse nous n'auons rien ny Grec ny Latin qui la surpasse d'abondance & grandeur d'inuention , de grauité & magnificence de stile & de dignité & maiesté de son elocution. Et si toutes ses œuures eussent esté imprimees il y en auroit vn volume fort grand. L'en ay veu vne grande partie escrites à la main en vn liure qui fut de feu Mellin de Saingelais , despuis paruenue en la puissance du Seigneur de saint André Mareschal de France. Estienne du Tronchet iadis Secretaire dudict sieur Mareschal le trāscriuit tout de sa main excellemment (car il paignoit fort bien son esriture) & me monstra l'original & la coppie. Si lors i'eusse pensé à desseigner ceste Bibliotheque, i'en auroy tiré quelques rimes & discours des plus beaux , pour mettre icy : mais n'ayant pas esté si bien aduisé il suffira pour le present que ie mette l'Epitaphe que ce grand Roy feit de Laure maistresse de Petrarque, à fin de faire voir de quel style il escriuait.

*En petit lieu compris vous pouuez voir
Ce qui comprend beaucoup par renommee:
Plume, labeur, la langue & le deuoir
Furent vaincus de l'amant par l'aymee.
O gentille ame étant tant estimée
Qui te pourra louer qu'en se taisant?
Car la parole est tousiours reprimée,
Quand le subiect surmonte le disant.*

Epistre du Roy treschrestien François premier de ce nom à nostre saint Pere Paul troisieme, par laquelle est respondu aux calomnies contenues en deux lettres enuoyees audit S. Pere par Charles cinquiesme Empereur, l'vne du 25. iour d'Aoust, l'autre du 18. Octobre 1542. Translatées de Latin en François. [impr. à Paris 8°. par Robert Estienne 1543.

Lettres inissives amoureuses & autres en nombre 116. escriptes en prose par le Roy François. non imprimees. desquelles i'en mettray deux icy, apres quelques fucillets que i'ay extraict de l'Epistre par luy addressée au Pape.

Car apres que le Seigneur Solymán m'eut présenté les conditions des treues, iniques à nully, ne indignes du lieu, & du nom que nous auons: ie ne fey rien premierement que la paix de l'Eglise, le salut public, la maiesié de nostre religion, la liberté du peuple Chrestien ne fust arrestee & conseruee. Et fut adiousté à cecy, que les traficques & marchandises entre nous eussent cours: & qu'en affaire particulier quelconque l'un n'offensast l'autre, mais autant que la religion le permettoit, nous feissions entre nous office d'amis: en la cause publique, que ceste loy ne muast rien. En ceci ie n'ay oublié mon honneur, ne n'ay osté la sollicitude de ma conscience & de mon salut: ie n'ay ny empesché en cecy, ne obscurci en degenerât, la gloire & la lumiere de mes predecesseurs, ny abandonné mon honnesteté. J'ay tousiours eu deuant mes yeux l'honneur & la grauité de la personne que ie represente, & le parement de ce nom de Roy treschrestien. Je n'ay peu oublier qui i'estoye, ny de quelles personnes i'estois venu: ou quel lieu ie tenoye entre les Chrestiens: & quelle charge ie deuoye soubstenir. Veu mesmement que ce nom de Roy treschrestien que m'ont imposé mes predecesseurs m'est tellement fiché & attaché en la memoire, que par tout il me met au deuant avec la gloire de mes predecesseurs, la meditation de mon deuoir, & droit hereditaire. Seroye ie vn tout seul en vne si grande famille des Roys, entre tant de leurs triumphes, tant de couronnes de laurier, tant de louanges, contempteur d'honneur, malheureux, execrable, & impie? qui en tant d'exemples domestiques n'auroye peu estre excité à l'imitation de vertu, ou par la pieté des miens, ou par l'immortalité de leur gloire? qui n'aye iamais eu crainte de la renommee du temps present, ny de la memoire de la posterité? qui n'aye rien estimé, ny fait compte aucun ne de salut, ne de peine eternelle, en façon que ie ne trahisse, & abandonnasse la cause, de laquelle mes predecesseurs tous seuls ont demadé, ou receu, ou retenu la defense? & laquelle ont redressée en son affliction, ont augmentee de toutes sortes de biens-faiets, & honnoree des despouilles de tant d'ennemis? de sorte, que plus sont les benefices d'eux enuers l'Eglise, que ne se comptent de malesices de l'autre part. Ay ie peu estre si impiteux, que de prendre conseil de butiner, & sacager la Republique, & diuiser le sang, & les entrailles du peuple Chrestien avec les ennemis, comme si ia les funeraillies se payassent de l'Eglise viuant encores & voyante, laquelle Eglise Charles d'Autriche le premier de ceste maison deuoit deffendre par sa vertu? Cecy se peut il inferer de quelque reproche de nostre vie, & de quelques choses sordides, de quelque honte, ou de quelque coustume nostre, & assiduité de

de pêcher si prodigieusement? car voicy les choses que l'õ a accoustumé de chercher pour prouver. Et donner foy à une accusation. Ont esté de moy si peu estimez les merites de nostre redempteur Jesus-Christ, Et de sa croix Et de son sang? ay-je si peu prisé sa bonté Et misericorde Et envers tous les miens, Et envers moy-mesme? auquel ie confesse deuoir tous les hõneurs de mes predecesseurs, mon Royaume, Et la bonne esperance de ma posterité. auons nous eu si peu chere, honnesteté, preudhommie, foy, humanité, Raison que nous voulussions precipiter Et perdre la religion Chrestienne, la pieté, nostre renommee, nous mesmes? O chose flagitieuse, ô detestation, ô mōstre: dire une telle chose, non seulement de moy, de qui Et la foy Et la constance de religion, Et l'estude d'honesteté en beaucoup de parties a esté apperçue, tesmoignée, prouuee: mais le soupçon d'aucun tant soit il perdu Et déploré, sans aucun argument sinon la propre concupiscence de celuy qui le dist. Quelle chose peult vostre Saincteté attendre humaine Et equitable de luy, qui pense qu'il luy soit permis de faire toutes choses, Et ne luy soit rien deshoneste à dire, Et n'a iamais espargné personne, ny en dit ny en fait? En ceste si grande intemperance de luy, avec laquelle il se frappe si furieusement en mon honneur, lequel i'ay plus cher que ma vie, il n'est point inique que vostre Saincteté me pardonne si ie respons à tout cecy premierement de sorte que ie proteste de m'en defendre, nompas de faõ de defense retorique, mais Imperiale qu'il a tres-laschement controuuë toutes ces choses icy. Et qu'elles ne peuuent estre dictes d'homme du monde sinon de celuy qui voudroit malheureusement mentir: car certainement ie suis autant bien assésuré en ma conscience n'auoir rien dit, ne faux, ny arrogant, comme il est, n'auoir rien pensé qui fust vray, moins est vray le bruit de semblable impudence qu'il a fait semer par toute l'Alemaigne, en Italie, Et en Espagne. Un peu deuant, que nous prissions les armes, il fut apporté d'Alemaigne un petit liuret de semblable fureur, par lequel ie ne sçay quel auxheur se ietta sur nous, Et sus noz enfans d'une intemperance non accoustumée de mesdire, Et telle qu'elle auoit vaincu toute l'impudence des mensonges des temps passez, Et toute l'aigreur de reproches. Et ne sçay quelle felle oraison un peu apres vint d'Italie, qui me deschiroit comme Catilina, prins à ce propos des oraisons de Marc Tulle: dernièrement de rechef d'Alemaigne sont venues lettres, qui courent encores par tout au grand deshonneur de l'Empereur, tant impudentes, qu'à peine puis ie croire qu'elles ayent esté publiées par son commandement: car en ces lettres là, cecy y est, que nous auions enuoyé un des gentils-hommes de nostre court, pour luy demander la paix, Et le prier de ne me faire la guerre. Et d'aduantage, une responce du mesme Empereur contumelieuse, Et furieuse, pleine de menaces; Et de reproches,

toutes faulſes & fainctes. de ſorte qu'il ſemble que ceux qui ont inuenté toutes ces choſes, ayent peur, que l'on ne cuide que quelque menſonge ait eſté obmiſe de ceſte partie, ou puiſſe venir d'autre lieu. Mais veu que ces choſes icy ſont à luy, & non à moy ignominieufes, telle façon d'auteurs ne ſont point à chaſtier ny par ſtile, ny par moy, mais à coups de baſtons, & par l'Empereur. Retournons doncques à la comparaiſon de la verité: à fin qu'il penſe en ſoy-meſme, combien il eſt vray ſemblable ce qu'il me met à ſus de la religion trahie. Et ſ'il ne veut pas que nous ayons eu aucun regard à noſtre honneur, à tout le moins qu'il nous concede que l'ayons eu à noſtre utilité: & nous concede la volonté ſinon d'un tres-bon homme, à tout le moins d'un homme non totalement hors du ſens. Il fault doncques voir combien cecy faiſt pour mes affaires, & en quelle ſeureté ſeroit noſtre ſalut, ſi ie faiſois venir pour ſacager la Republique ſi grande puiſſance & ſi grand nombre de Turcs. laquelle choſe ſi elle aduenoit, il ſeroit neceſſaire que nous miſſions en leur diſcretion noſtre ſalut, & noz fortunes. Qui eſt ou tant auégulé qui ne voye ces choſes, ou tant hors du ſens qu'apres les auoir venues les cherche, & appelle à ſoy? Adioindroye ie doncques, ou mettroye ie ſus les eſpaules des Chreſtiens le ſecours de celui, duquel un peu apres il ſeroit neceſſité que ie fuſſe opprime? Vouldroye ie porter les richesses & biens du peuple Chreſtien avec celui lequel ſi les choſes eſtoient venues à tant, nul ne doute qu'il ne m'arrachaſt encores les miens? & n'auroye point un compaignon, mais un ſeigneur: & nous qui ne pouuons porter l'Empire insolent, & ſuperbe d'un prince Chreſtien, aimerions mieux à ce compte ſeruir à un eſtranger tres-miſerablement, que regner tres-heureuſement avec les Chreſtiens. Et encores ſ'il ne nuſoit en rien, il ne ſeroit pourtant aiſé à faire. Que peult il doncques auoir de vray ſemblable à un ſi grand crime? apeine eſt il croyable, que perſonne peult eſtre ſi meſchant. Il eſt certain qu'il n'eſt nul ſi hors du ſens, qui ſçachant, & voyant ſe iettaſt en une ſi grande ruine & ſi apparête: & eſt tres-vray que nul homme ſain ne pourroit voir ce danger. Que reſte il doncques, parquoy on puiſſe auoir tel ſouſpeçon de moy? Eſt ce que pour la haine d'importunité de luy i'aye voulu perdre & moy, & luy, & tout le monde? Cecy eſt d'une extreme, & derniere folie: laquelle à bon droit nous pouuons deſeſter, qui ne conuient ny à noſtre entendement, ny à noſtre iugement. & ſi tous les hommes pouuoient faire une telle folie, il n'en y a point qui la feiſt moins que moy. car combien que ma haine enuers luy doiue eſtre plus iuſte, que toutes celles de ceux qui le haïſſent, & que quaſi tout le monde le haïſt: ſi n'y a il perſonne qui ne l'ait plus en execration que ie n'ay. Noſtre douleur des iniures qu'il nous a faiſtes apparoiſt pluſtoſt, que aucune haine de luy. Nous dōcques eſtans deliurez de ce tres-grief & tres-exe-

crable

crable crime, pouruoir reietter toutes les iniures. Et les outrages susditz qui est
cause de ceste indignité: toutesfois ce nom est assez, qu'il apparaisse, ie ne dy
pas quel Chrestien, mais quel homme ce peut estre, qui contre vrayté met à
sus telles choses sous couleur de pieté. Et pour l'opportunité de uiaier Et ou-
trager autrui. Le dernier de tout, deuant sa peroration, c'est qu'il dit, que
nous ne voyons pas bon le concile de Trente, ou plustost nous l'empeschons.
Quel argument est cestuy cy? Et premierement à fin que ie use du droit mot
de Cassius, à quoy seroit cecy profitable? Quel soupçon de ce crime dictes moy
pour l'honneur de Dieu peut tomber sur moy? la coutume de nostre vie, la
façon de l'Eglise Gallicane, la religion, les ceremonies, sont elles disparantes
des façons de l'Eglise catholique? Benoit il est, obscur à quelqu'un, quelle
opinion nous auons de la coutume des plus vieux de l'autorité des anciens,
des enseignemens de l'Eglise? veu mesmement que nostre peuple est tousiours
venu par nous en la vieille discipline de l'Eglise. Mais, comme il dy, il sert à
nos affaires, que la Germanie soit distraicte, Et diuisee en parties par ses di-
uerses opinions: la concorde de laquelle ne conuiant point à nos desseings, de
laquelle accusation le taillant que nous auons ie par cy deuant rebaysché,
nous romperons de tout point maintenant. Il dit cecy comme si vraiment
estans les Alemans unanimes entre eux, nous deüssions plustost perdre la
foy, Et faueur de nos alliez, que d'acquiescer une nouvelle amitié avec les
autres par la conuiction d'atous ensemble. Ou l'auons nous empesché? toute
la Germanie, quant à moy, combien qu'elle ne me soit alliee, si l'ay ie pour-
tant Et desire auoir pour pacifiée, Et pour amis: Et si ie y ay quelques alliez,
ie les entretiens par mes deuoirs, Et offices reciproques aux leurs, sans nulle
question ou dommage de la religion. Nous auons un mesme sens, Et valenté
en la cause de la liberté, Et dignité publique. En la religion, quelquefois nous
ne pouuons auoir un mesme sens pour la dissimilitude des opinions, de laquel-
le toutesfois il ne se dispute entre nous, ny se faict aucune mention. Quelle
folie seroit ce, aymer mieux ceux à qui nous desirons pour nostre office, faire
tout aduantage, Et tout honneur, estre separez, Et desmis des autres, plus
souuent par une diuersité de nous, que de sentences qui est raunie à nous
mesmes en ce qu'ils sont discordans du plus grand lien qui puisse estre: c'est de
l'accord, Et conspiration de religion. Je n'ay iamais voulu autrement, sinon
que les Chrestiens uniuersellement fussent d'accord, Et en vrayté de reli-
gion tres conioincts, Et en bonté de meurs, Et en concorde de toutes choses, Et
n'ay point pensé que ce fust un cercle, ou un globe, comme il appelle, lequel
il a pensé au tresfois, pouruoir tourner tout seul sans faire bruit: ne que tous
peussent estre contenus en l'office de pieté, Et en la discipline de nostre Sau-

ueur Jhesus-Christ, sous l'Empire d'un mais bien sous un consentement
 de tous, & semblable opinion de foy: & ny pensé, que ce fust ce corps la de
 l'Eglise catholique, & les offices distribués de chascune des parties par
 l'Apostre saint Pol. En ce corps la, les yeux, les mains, & les pieds, & un
 chascun membre deuoir estre content de l'estendue de son office, & de son
 droict: la teste l'Eglise, le cœur, & la vie estre nostre seigneur Ihesus-Christ:
 duquel l'esprit est la force infuse en tous les membres, par la volonté duquel,
 & commandement tout le corps, & chascun des membres se deuoir mou-
 uoir, & arrester. Et si d'adventure une chascune partie faisoit son office, &
 n'usurpast point la charge des autres: i'ay tousiours pensé, qu'alors c'estoit
 une paix que tout ce corps s'accordant & consentant avec soy mesme, &
 ceste mesme paix fust ce qui entretenoit le salut & l'estat du royaume, au con-
 traire, qu'il n'estoit rien de plus grande destruction, que l'administration
 dissolue, & desordonnée, en laquelle les parties laissent leur propre charge
 pour appeter celle des autres. Car alors par icelle discorde tout se despec-
 & dechet, & ne se fait autre chose, sinon que par la dissension des mem-
 bres, c'est à dire par une tres-certaine peste, toutes choses se ruinaient en
 une minute de temps. En ce corps icy l'Empereur Romain Charles n'a ia-
 mais esté content ne de ses charges, ne de celles d'autrui. Et moy, à fin que
 ie die verité, i'ay plust quitté de mon droict, que d'en oster de l'autrui: ce
 que le cours & euenement de mes affaires ont monstré suffisamment, des-
 quelles nous nous sommes contentés, ayans toutesfois droict de demander
 plus grandes choses. Cecy mesme aussi tesmoigne la plainte de ce temps &
 dirai, laquelle combien qu'elle peult comprendre infinies doléances, tou-
 tesfois nous ne pourrions encores iusques à present que la querelle de Mi-
 lan & ce nouuel outrage. Il pense que ce luy soit une chose fatale de com-
 mander à tous les Rois, à tous les peuples, oster la liberté aux citez, & re-
 gner en la dissipation & perturbation de toutes choses. & de moy i'ay
 tousiours pensé qu'un Royaume de France m'estoit assez: en sorte toutes-
 fois que ie n'ay delibéré d'estre serf ne de luy, ne d'autre. Luy en ce fu-
 rieux appetit de dominer, grief à supporter aux siens, odieux aux estran-
 gers, moleste & plein de debat à tout le monde, quand il ne pardonne à
 ceux cy, & quand il outrage ceux la, acquiert à luy seul l'Empire, à
 tous les autres seruitude, à luy les honneurs, & aux autres l'indignité
 par le peril & reproche de tous, & nompas par le sien, duquel nous
 auons monstré, que des le commencement de son Empire il a constitué,
 & proposé mettre à bas la pais publique, arracher la liberté, & iet-
 ter par terre la dignité, & ne se soucier point du salut, n'auoir
 soing

soing que de soy & de ses choses, & à la comparaison d'icelles ne daigner regarder le demourant : guetter les facultez, les fortunes & les puissances de chascun, & de telle sorte s'abandonner à l'ambition de dominer, qu'il n'est chose qu'il ne s'attribue, & qu'il ne vueille oster aux autres.

F. à la Dame.

Estant pour mon propre salut contraint par la force de l'amour à vous escrire il seroit aysé condamner ma lettre de peu d'obligation, pensant toute chose de nécessité comme forcee si n'estoit que vostre seure cognoissance a assez d'experience qu'auecques moy demeure pour iamais vne immortelle souuenance, laquelle non sur papier mais dedans le fonds de mon obeysance a escrit l'heureuse memoire de vostre nom. Parquoy si ie pouuois dire la moitié de ce qu'en deuez penser ou la moindre part de ce que i'en sçay, ie reputerois la paresse de ma plume autant malheureuse comme ie la cognois indigne de si grand effect. Donques si voulez sçauoir seurement de mes nouuelles, examinez vostre puissance, amour, bonne grace & beauré. Et ceux-là vous diront mieux que nulle escriture ce que pense & desire vostre veritable amy, qui est

Vostre tant vostre qu'il n'est plus sien.

AV ROY.

Monseigneur puis qu'il a plu à Dieu tirer à luy celuy qu'il vous a plu aduouer pour vostre petit fils, & que vous luy auez tant fait d'honneur que de vous resiouir de sa naissance en ce monde : Craignant que vous & Madame sentez l'ennuy de l'ysue, le vous ay bien voulu aduertir du tout pour vous supplier à tous deux treshumblement vous resiouir de sa gloire sans en prendre nulle tristesse. Car, mais qu'il plaise à Dieu vous donner à tous deux bonne santé, le demeurant des tribulations sera doucement porté. Et vous assure Monseigneur que le pere & la mere se contentent de la volonté de celuy qui en peut donner d'autres pour seruir Messieurs voz, enfans: mais que nous soyons tousiours en voz bonnes graces, ausquelles plus que treshumblement nous recommandons.

Ie pense que c'est vne Princeesse du sang qui a escrit au Roy ceste lettre & ne sçay laquelle ce pouuoit estre, parce qu'en l'exemplaire desdites lettres il n'y a point de subscription. Toutesfois par coniecture prise des termes & parolles de la lettre, ie diroy que c'est Madame Marguerite Royné de Nauarre sœur du Roy François.

Responce

Responce du Roy.

Si la fortune (ma mignonne) n'auoit experimenté par longues annees nostre resoluë patience, ie la diroys auoir raison de faire nouuelle preuue de son auctorité. Mais ayant cognu par seure experience les choses miennes estre vostres, elle a deu penser ce qui est vostre estre mien. Parquoy si vous auez porté la douleur des miës vostres premiers enfans morts vous cuidant faire iniure, C'est moy qui doys porter la vostre comme chose mienne. Donques comme celuy rebelle à ses commandemens me deuez laisser soustenir le combat contre ennemy si accoustumé. Et en vous mesmes penser que c'est le troisieme des vostres & le dernier des miens que Dieu a appelé en son heureuse compagnie acquise d'eux aueq peu de labeur & desirée de nous aueq tant grand trauail, en oubliant vos tristes larmes pour obeir à Dieu & pour rendre preuue de vostre accoustumee vertu en prenant pour vous le clair & pur conseil qui en semblable aduersité autresfois m'auez persuadé. Ce faisant rendez au lieu d'une triste mort à tout le demeurât des vostres agreable vie & à nostre mere, laquelle auecques sa goutte, colique & douleur d'estomac semble sans ce qu'elle le sçache qu'elle celebre les funerailles de sa seconde chair. Dont vous resiouissant pour satisfaire à voz amis donnerez vous voyant contente en sa presence le confort avec l'ennuy & à vostre frere ce que ie suis seur que sentez.

Aux œuures de la Roine de Nauarre intitulees Marguerites de la Marguerite vous trouuerez aussi vne Epistre en rime enuoyee par ceste Princesse, avec vn Dauid au Roy François son frere pour ses estrenes. Avec la Responce aussi en rime enuoyee par le mesme Roy à ladite Dame.

*Tesmoignage que Pierre de Ronsard porte
du Roy François.*

*Des deux freres à peine estoit clos le tombeau,
Que voicy dueil sur dueil, pleur dessus pleur nouueau,
Trespas dessus trespas, misere sur misere:
Après les enfans morts voicy la mort du Pere,
Du grand Prince François, à qui toutes les Sœurs
Hostesses d'Helicon, auoyent de leurs douceurs
Abreuué l'estomac, à qui l'eau Castalide,
Les antres Cyrrheans, la grotte Pieride
S'ouuroient en sa faueur: grand Roy qui tout sçauoit,
Qui sur le haut du front, cent maiestez auoit,
De qui la vertu mesme honnoroit la couronne,
Mourut comme il entroit au cours de son Automne. &c.*

Autre

*Autre tesmoignage fort ample qu'un docte personnage donne du
mesme Roy en l'Oraison Funebre qu'il a fait de luy en Latin,
traduit icy en François, & servant d'Eloge.*

Sa Maïesté donc conduisant ainsi les affaires feit qu'en peu de temps y eut telle multitude d'hommes doctes en son royaume, & que tant de gēs s'addonnerent les vns à l'estude, & les autres à escrire, qu'il n'y auoit maison ie ne veuil seulement dire noble & riche, mais bourgeoise ou populaire, en laquelle ne se trouuassent aucuns enfans, seruiteurs, & autres domestiques qui sçauoyent parler Grec & Latin, mesmes qui ne feussent bien instituez aux sciences. Il y auoit aussi peu d'hommes en sa court qui ne sceussent tellement les bons artz & les langues, qu'ils pouuoient traduire les œuures des antiques ou de Grec en Latin, ou de l'un & de l'autre en François, voire iusques à en faire de nouveaux, avec si bonne grace, qu'ils se peuuent maintenant comparer aux antiques: & en aduint en moins de rien, que comme diuers fleuues d'Italie sortans de la montaigne Apennine se vont descharger en la mer: ainsi saillit-il des escolles que ce bon Roy auoit dressees & ouuertes, tant d'hommes excellens par la cognoissance des langues & des artz, que sa court en fut incontinent peuplée. Certes il ne craignoit pas ce que font communement les Roys Barbares, Tyrans, & Prelatz sans doctrine, à sçauoir qu'estant leurs subiects deuenus plus hommes par la cognoissance des lettres, ils ne tombent en trop grande presumption, refusent le ioug d'obeyssance, machinent quelque mutinerie contre eux, ou se retirent deuers leurs ennemis, ains comme assuré de telles occurrences, pour la modestie & vertu dont il se sentoit garny, n'en eut iamais seulement le moindre soupçon qui le retardast de faire & accomplir ce qu'il auoit entrepris en ceste œuvre tant sainte & bonne, ains au contraire estimoit que ses hommes en seroyent plus traictables, & en obeyroyent beaucoup plus volontiers aux loix & ordonnances de sa maïesté: mesmes qu'en tous estats & manieres de viure chacun d'eux en feroit trop mieux son deuoir: & disoit ouuerement que s'ils estoient instruits aux bonnes lettres, leurs courages en seroyent plus enclins à faire toutes choses dignes de l'homme & à la reuerence du Createur. Finalement luy pensant par entreprise magnanime, bastir plustost que pour soy vne forteresse à Minerue, laquelle feust de bonne defense contre les ennemis des sciences, & d'auantaige à la bien garnir d'armes, & autres munitions necessaires, en sorte qu'apres sa mort les gens de lettre y peussent demourer en assurance, delibera faire vne Librairie qui effaceroit tant celles des Romains, que des Roys de Pergame & d'Egypte, iadis tenues en si grande reputation. Et pour paruenir à cest effect, assembla en sa maison de Fontainebleau, des Liures infiniz en toutes langues & disciplines. Mesmes commit gens experts pour les garder des artuysons, tignes, & telle vermine, moyssure, halle, & autres iniures du ciel, afin de tenir entierement toute ladicte librairie en bon ordre. Encores pour la rendre plus riche & abondante, il despescha certains hommes doctes, & leur feit deliurer vne grande somme d'argent, pour aller en Asie & en Grece chercher tout ce qu'ils pourroyent recouurer de liures antiques: & leur donna commission que s'ils en trouuoient outre leur esperance,

ic

ils prissent argent à la banque, puis les enuoyassent incontinent en France, avec les autres. Mais pour faire cognoistre que sa bonté ne vouloit amasser tant de liures, & les reduire tous en vn lieu pour gloire & ostentation friuole, ains au profit de tout le monde, il feit leuer à Paris vne Imprimerie, & là deliberoit les enuoyer l'vn apres l'autre, ainsi qu'ils seroyent tirez de sa librairie, à ce que les corrupteurs ou larrons des bonnes choses, ne peussent abuser les hommes studieux. Nous estions à bien dire (auant le regne de ce Roy) comme fouches, busches, ou pierres non polyes: mais par sa magnificence & benignité de nature, maintenant sommes au moyen des lettres, reduictz à toute modestie, & honnesté ciuilité. Auant ce Roy nous nous amusions seulement à ce qui se presentoit à noz sens imbeciles, comme si les organes de nostre raison eussent esté fermez, ne plus ne moins qu'ils sont es brutaux insensez: & à cest heure ne preuoyons sans plus tout le cours de nostre vie, ains penetrons iusques aux choses plus cachees & tenues secretes par la Nature. Encores non contens de cela, volons quasi par dessus les nues: & par auoir tiré maintes bonnes sentences hors les fontaines des lettres saintes, peu s'en faut que ne parlions avec Dieu. Si donques nous voulons confesser la pure verité, Qui sera celuy lequel osera dire que deuant le regne du Roy François, il auoit seulement ouy faire mention de la langue Hebraïque? Qui auoit appris, ie ne dis pas à entendre, escrire, ou parler Grec, mais seulement à le lire, ou cognoistre les premiers elemens de ses lettres? Quel homme se sçauoit ayder de diction, ie ne veux pas dire eloquente & pure (qui estoit adonc hors d'usage) mais sans plus, proprement Latine? Mais qu'est-ce qui n'estoit en toutes les disciplines confuz, desnoué, corrompu, & embrouillé de cauilariós sophistiques? Quelle chose nageoit en eue calme & claire? Qu'est-ce qui au corps vniuersel de toutes les sciéces retenoit rā: soit peu de bon portement ou santé? Certes quand le Roy François vint à regner, la barbarie fut dechassée, les ordures d'ignorance detestable nettoyees, & tous les artz receurent tant beau lustre, voire furent élueuz en si haute dignité, que lon doit en craindre le rauellement ou la cheute, aussi bien que de toutes choses quand elles sont montees si haut qu'elles ne peuuent passer plus outre. A ceste cause si l'antiquité a mis & consacré plusieurs mortels au reng des Dieux pour auoir trouué diuerses inuentions vtils & salutaires à la vie: pourquoy n'en ferons nous autant du Roy François, ainsi que gens memoratifs & non ingrats de tant de biens qu'il nous la pourchassez? Les Poëtes ont bien fainct que Deucalion apres le deluge de Tessalie repara le genre humain pery sous les eaux, en gettant des pierres derriere luy, & par cela veulent entendre qu'il ciuiliza les hommes encores sauuages ignoras de toute humanité, & leur feit vser de coustumes moins rudes & plus equitables. Ces Poëtes disent aussi que Prometheus ayant desrobé à Iupiter du feu celeste, en anima des statues de terre: qui ne signifie autre chose, sinon qu'il enseigna aux hommes l'Astrologie, dont ils n'auoyent aucun vsage. Pareillement les fables nous racomptēt que toutes roches & forestz suyuoient Orpheus alors qu'il sonnoit de sa harpe, & qu'au moyen de semblable armonie Arion fut preserué par vn dauphin d'estre engloury des vagues de la mer, mesmes qu'il le porta sur son dos sain & sauf iusques au riuage. Je vous prie considerez combien le champ de telles inuen

inuen

inventions est maintenant plus ample à nos Poëtes, s'ils vouloyent celebrer le Roy François. Voyez aussi combien la forest des allegories leur est plus drue & peuplée s'ils prennent à deduire les profits par luy faictz à toutes les parties de la vie humaine, en produisant les bons artz & sciences. L'on dit communement que toutes choses qui naissent en la terre, se trouvent approchantes de forme dans la mer, laquelle en faict beaucoup d'autres qui ne se peuvent veoir ailleurs qu'emy ses vndes. Tout cela certes se peut facilement accommoder au Roy François: car tant que les susdicts Poëtes ont caché sous leurs fables, & ce qu'ont dict les Historiographes suyuant la voye de verité, pour exprimer vne gloire excellente, tout cela dy-ie, & beaucoup d'auantage se peut trouuer en la personne de ce bon prince: au moins si lon veut deslyer le trousseau des perfections que nature auoit mises en luy. Qu'il soit vray, si nous commençons par la medecine (dont il estoit studieux le possible, & grandement instruit en toutes ses parties) ie ne craindray le preferer à Mithridates, Lyfimachus, Euax, Iuba, Gentius, Marc Empereur de Rome, ny à tous autres grans seigneurs à qui lon en donne louenge. Si lon parle d'Agriculture, il y a esté tant expert, qu'encores se trouuent aucunes Poësies qu'il en a bien artificiellement escrites, en sorte que ie l'ozeray comparer à Hieron, à Philometor, à Attalus, à Archelaus, & à Magon de Cartage. S'il est question d'auoir excité & entretenu les hommes de bon entendement, mesmes les auoir exaucez en honneur & richesse, non pour ostentation royale, ains pour le singulier profit de tous les viuans, ie maintien qu'il a surmonté Alexandre, à raison que ce prince là n'a faict bien fors à vn seul: & nostre Roy François en a feu auancer sans nombre. au moins tant qu'il en a peu recouurer, dont lon pouuoit auoir bonne esperance à l'aduenir: & ceux là outre sa liberalité, a colloquez en estats dignes & honorables. S'il faut dire de l'institution des librairies, il n'en a faict seulement en vn lieu, mais en diuers, & luy a pleu les communiquer à tout le monde, en faisant diuulguer les exemplaires qui auoyent esté pris sur ses originaux: enquoy il a plainement obscurcy la renommee des Varrons, Luculles, Ptolemes, & Roys de Pergame. Dauantage à ces parties tant exquisies, il auoit adiousté vne si grande congnoissance de la Theologie, qu'il parloit souuentefois aux gentils-hommes de sa court du deuoir de nostre religion, avec telle grace qu'il n'y a predicateur au monde qui eust feu mieux les endoctriner. aussi auoit-il certes en son cōmun langage si merueilleuse force d'eloquēce, tant diuine memoire de ce qu'il auoit leu ou faict lire, tant heureuse facilité d'esprit à comprendre les choses, & vne propriété si abondante quand son plaisir estoit les reciter, qu'il sembloit ainsi que Pericles, tonner, foudroyer, & mesler tous les elemens alors qu'il se vouloit mettre à bien dire. Et au regard de la ryme Françoisise dont il se trouue quelques liures de sa façon, ils donnent assez à congnoistre la grande fertilité de son entendement: car il y a ie ne sçay quelle grace enrosee d'une douceur d'elegance, & d'invention tant gentille, que quiconque vient à les lire, assure hardiment qu'il n'estoit pour ceder en celle maniere decrire, à aucun de ses predecesseurs, au moins si les grandes occupations du gouuernement de son Royaume luy eussent permis de contenter son esprit en cest endroit. Lon tient que le monarque Auguste estoit coustumier de dire qu'il

H auoit

auoit trouué Rome bastie de brique, mais qu'il la laisseroit de marbre. En comparaison dequoy si nous voulons considerer de quelle barbarie le Roy François a retiré les hommes, & en quelle maiesté de doctrine il les a mis & colloquez, nous pourrons à bon droit dire qu'il a laissé son Royaume tout d'or, lequel à son aduenement n'estoit que de bourbe & de fange. Il n'a seulement fait autant d'honneur aux hommes doctes subiects de sa maiesté, que fait Pompee à Possidonius, ains a bien daigné visiter iusques en leurs maisons les Tailleurs, Libraires, Imprimeurs, & Fondeurs de caracteres, exerceans leurs artifices, afin de leur faire croistre le couraige, & augmenter l'occasion de tousiours continuer de bien en mieux. Dauantaige, comme Hieron & Pausanias vserent familièrement de Simonides, Periander Corinthien de Tales de Milete, Pericles d'Anaxagoras, Cresus de Soló, Minos de Polyidus, Agamemnon d'Ulysses, Nestor, & Palamedes : ainsi ce grand Roy voulut estre accompagné toute sa vie d'une bonne troupe d'hommes sçauans & sages, choisis en son Royaume : & me soit permis de nommer en passant Christoph. Longueuil, qu'en sa ieunesse & deuant qu'il feust Roy, son excellence tenoit ordinaire aupres de sa personne : Faber d'Estaples le docte & saint vieillart, Theocrenus, lesquels sa maiesté auoit baillez pour precepteurs à messeigneurs ses enfans : Paule Emyle, & Lascary, qu'il auoit fait venir l'un de Verone, & l'autre de Rome, en luy donnant chacune année estat grand & honorable : Erasme qui luy plaisoit beaucoup à raison de son bon entendement, & pour sa facilité d'escrire, en sorte qu'il tacha souuent de le recouurer par dons & par presens, mesmes par luy offrir des conditions dignes d'un tel Roy : Alciat, lequel s'il eust un peu plus demouré en ce Royaume, s'en alloit maistre des requestes : Budé la perle & principal ornement de France, auquel saditte maiesté a tousiours porté grand honneur : le Reuerendiss. Cardinal du Bellay, & monsieur de Langé son frere, lequel sur la fin de ses iours fut Lieutenant pour le Roy en Piemont & Sauoye, ces deux tresdoctes, tresprudens, & trespugnans, & aussi non moins agreables à icelle sa maiesté pour leur apparente doctrine, que pour auoir en plusieurs bonnes charges monstre singuliere sagesse, conioincte à bon & noble cœur : Lazare de Bayf homme de grand sçauoir, & digne de louenge, pour s'estre si bien acquité en beaucoup d'ambassades ou il a esté employé : Pierre Danes pour raison de sa doctrine appellé à semblables affaires, Castellan Euesque de Mascon, Salmonius Macrinus, & autres que sa maiesté vouloit sous le nom des lettres tenir pour ses familiers domestiques, afin de conferer tous les iours avec eux & assister souuent à leurs lectures ou interpretations, &c.

FRANÇOIS DE L'ALOVETTE Bailly de la Comté de Vertus, & President de Sedan a escrit,
 Traicté des Nobles, & des vertus dont ils sont formez : leur charge, vocation, reng & degré : des marques, Genealogies & diuerses especes d'iceux. De l'origine des fiefs & des armoiries. Avec une histoire & description Genealogique de l'illustre & ancienne maison de Coucy, & de ses alliances. Le tout distribué en 4. liures, au premier desquels est demonstre la charge, vocation & condition de l'homme noble : pourquoy il en est descheu, & ne tient aujourdhuy le reng qu'il doit & souloit tenir. Par quels moyens il y peut estre remis & restably.

& restably: Combien il y a d'especes & sortes de nobles en la France. Que c'est que de Noblesse, comment elle se forme & cree en la vertu, & se desfait par le vice. Quelles sont les marques qui font discerner le Noble d'avec le roturier. L'origine des fiefs & des armoiries: celles des aînez & puynez, l'honneur & le profit qui reuiendra à la Noblesse & à la chose publique si tous gentils-hommes sont contrains de faire la description de leur race. Les deux formes dont on peut vser pour faire les genealogies par degrez ou par quartiers. L'exemple & la figure de ces deux formes. Et les autres trois liures suyuant discourent de l'origine du nom & des armes de Coucy, avec la description de ceste race, & incidemment des Tymbres, metaux & couleurs qui peuuent entrer en toutes armoiries. [Impr. à Paris 4°. par Guillaume de la Nouë & Robert le Maigner 1577.

Au premier chapitre du premier liure.

On a aussi donné au Roy en la fenestre, vne main dressée & esleuee, pour monstrier par foy qu'il a iurée à Dieu, & promise à son peuple, quand il a prins le Sceptre & domination sur iceluy: C'est assauoir qu'il ne detourneroit point ce Sceptre & puissance à son particulier profit: mais l'employeroit pour le bié, repos & seureté de son peuple, lequel il conduiroit comme par la main, ainsi que le pere ses enfans, en paix, Iustice & droiture, sans souffrir luy estre fait force, violence & oppression. Et pour cela ceste marque est appelée le signe & main de Iustice: car aussi sans elle les Roys ne peuuent regner, ny auoir puissance & autorité quelcōque. Ce que cognoissant bien Moysé, qui estoit poussé & appris de l'esprit de Dieu, la voulut luy mesme exercer. Iosué apres luy, & tous les princes qui despuis gouernerent le peuple d'Israel par l'espace de six cens ans, ont non seulement eux mesmes administré la Iustice, mais encores ont ils bien daigné prendre ce nom & titre de Iuges, recognoissans qu'ils estoient lieutenans du Iuge souuerain, à l'exemple duquel il falloit Iuger & gouuerner le peuple. Les roys & Princes qui ont encores regné despuis sur eux par l'espace de mil ans, en ont vlé de mesme, se trouuant en personne à la porte de la ville, où estoit accoustumé de rendre les iugemens avec les Anciens ou Senateurs, & gens de leur conseil, pour ouyr & iuger tous les differens du peuple. Tous les Roys de Perse en faisoient de mesme avec leurs Pers & Homotimes. Le Roy Alexandre en fait autant suyuant l'exemple de son pere & d'autres ses predecesseurs. Les premiers Roys des Romains iugeoyent eux mesmes les differens du peuple. Et l'Empereur Auguste estoit si assiduellement occupé en cest exercice de iustice, que mesmes il y employoit vne partie de la nuit. Domitien, Vespasian, Traian & autres bons Empereurs Romains, & plusieurs Princes des autres nations au temps qu'elles florissoient, & auant que la corruption fust en leurs republiques, n'en vsoient point autrement. Et quand à nostre France, les Roys qui ont esté despuis Pharamond, voulans establir vne Monarchie parfaite, florissante & renommée en iustice, ayans pour exemple & patron celles qui auoyent esté deuant eux, & mesmement ceste sainte Republique d'Israel bastie & dressée de la main de ce grand & parfait ouurier de toutes choses, & cognoissans bien qu'apres la pieté il n'y auoit autre moyen

H 2

d'appuyer

d'appuyer & affermer leur estat qu'au seul foudement de iustice: on trouuoit, ou la pluspart, quoy que ce soit les meilleurs & les plus sages d'entre eux, & si soigneux de la faire dignement administrer, & se sentoient si estroitement liez & obligez à cela par le serement fait par eux à leur election & couronnement, qu'eux mesmes oyoyent les plaintes de leurs subiects. Charlemagne y employoit vn iour la semaine. Loys le Debonaire y vaquoit trois iours entiers. Saint Loys toutes les fois, qu'on se presentoit à luy, rendoit incontinēt iustice à tous: & comme dict le Seigneur de Ionuille souuent s'alloit esbarre au boys de Vincennes, & se feoit auprès d'un cheſne, où il attendoit tous ceux qui auoyent à faire de luy, oyoit les deux parties, & luy mesmes les appointoit ou donnoit la sentence.

En un autre endroit du mesme chapitre.

Le Roy à l'exemple de Iustinian s'aduifa comme le feu Roy Charles 9. son frere auoit trouué bon, sur l'ouuerture que l'en fit à son Chancelier de l'Hospital sur les memoires que l'ay encores, de faire dresser vn corps du droit François, contenant trois volumes. Assauoir, l'vn des affaires d'estat, Conseils généraux & particuliers de la France, Polices publiques, discipline militaire, l'ordre & charge des fiefs, du domaine & finances Royales, de la vraye & droicte forme que l'on doit tenir à l'establissement & exercice de la iustice, la condition & qualité de ceux qu'il y faut employer, Recueil des Edits & Ordonnances propres à tout cela, avec la description de l'ordre, rang & charge de chacun estat & office. L'autre de toutes les coustumes redigees en vne, selon que l'aduís & conseil des Etats sera trouué expedient, comme auoient entrepris de faire les predecesseurs. Le Roy François 1. auoit proposé d'y entendre. Le tiers des resolutions de toutes difficultez qui se peuuent faire en toutes matieres communes & ordinaires: Comme de fiefs, partages, contrats, testamens, limites, seruitudes, iniures, dementies, points d'honneur, crimes, & autres semblables. Car en ce cas le noble medioerement versé aux lettres, pourroit sans grand peine rendre la iustice, & le suiet trouueroit peu d'occasion de plaider. Toutesfois à fin que cest exercice ne puisse distraire le Noble des affaires militaires, & autres appartenantes à l'estat, & que son cœur ne peust estre gaigné & amorcé par auarice à quelque esperance de gaing, il faudroit qu'il luy fust interdit sur peine de la vie de ne prendre present, salaire, ou espices. Que les parties fussent ouyes en personne par leur bouche sans l'ayde & assistance d'aucun, suyuant l'ordonnance des Etats d'Orleans, tiree de l'ancienne & sage Loy de Claudius, faite despuis celle de Martius Cirijs, qui defendoit à tous ceux qui se mesloyent de plaider & defendre les causes d'autrui, de ne prendre chose quelconque pour leurs peines. Et que nul ne s'entremist & ingerast de cōsulter & donner aduis de droit sans l'auctorité du Prince: comme il fut ordonné par les Empereurs Auguste & Tibere. Item que ceste charge de iustice ne durast qu'un an ou deux sans profit quelconque & sans gage: Et puis qu'un autre y fust commis à son tour, & au sortir rendist compte de sa charge en vne prison de quarante iours selon la forme dudit conseil de Moulins, dont il se soit puis apres tiré avec honneur s'il se trouuoit sans coulpe. Peu de gens brigueroyent & enuieroyent

royent tels honneurs, & la iustice seroit bien & fidelement administree.

Au troisieme chapitre du mesme liure.

Quand à ceux que nous mettons en la troisieme condition des Nobles de natiuité, il faut considerer deux choses en eux. L'une, dont il se faut donner soigneusement garde que leur bisayeul, auquel commence le premier degré & souche de ceste Noblesse, ait vescu en la façon & vocation des Nobles, & que son fils l'ait aussi suiuy en ceste mesme vocation : Et pareillement son petit fils, qui fait le troisieme degré, & les enfans d'iceluy petit fils faisans le quatrieme degré, ayent esté de la pareille condition. L'autre, que de ces quatre personnes il n'y a que le dernier qui soit Noble. Car combien que l'exercice de vertu ait commencé au premier, & suiuy au second & troisieme, toutesfois elle n'a peu produire & monstrier son effect qu'au quatrieme, obstant la Loy & volonté du Prince, qui est le chef & Soleil des Nobles: Lequel pour donner plus de lustre & d'efficace à ceste Noblesse, a voulu mettre cest ordre qu'elle fust seulement conceüe es trois premiers degrez, & engendree au quatrieme.

FRANCOIS ALVARES.

Description de l'Ethiopie contenant vraye relation des terres & pais du grand Roy & Empereur Prete-Iean, l'affiete de ses royaumes & prouinces, leurs coutumes loix & religion. Auec les pourtraicts de leurs temples, & au commencement le voyage d'André Corsel Florentin. Escrite premierement en Espagnol par François Aluarez & traduite en François. [Impr. en Anuers 8°. par Jean Bellere 1558.

FRANCOIS D'AMBOISE Parisien Aduocat à la cour de Parlement a escrit,

Elegie sur le trespas d'Anné de Montmorency pair & connestable de France. Auec vn Panegyriq latin & Ode Françoisise sur le defastre de la France agitée des troubles & reuoltes ciuiles. [impr. à Paris 4°. par Nicol. Chesneau 1568.

Le Tombeau de Messire Gilles Bourdin, Cheualier seigneur d'Assy, Procureur general du Roy en sa court de Parlement à Paris tant en trois Sonnets, vne Elegie traduite du latin d'Antoine Valet, qu'en hendecasyllabes latins par ledit d'Amboise. [impr. à Paris 4°. par Denys du Pré 1570.

Desesperades, ou Eclogues amoureuses, l'une marine, l'autre forestiere, esquelles sont au vif depeintes les passions & le desesper d'Amour. Ensemble quelques Elegies du mesme subiect. [impr. à Paris 8°. par Nicol. Chesneau 1572.

La Poloigne ou description du royaume de Poloigne qu'il feit à Vvarsovie lors que Monseigneur Henry Duc d'Anjou à present Roy de France fut esleu Roy de Poloigne.

FRANCOIS D'ASSY Conterooleur des Brys, de la marine en Bretagne, Secretaire du Roy de Nauarre a translaté de l'Italien de Iacopo Cauicio,

Le Peregrin, Dialogue traitant de l'honneste & pudique amour concilié par pure & sincere vertu. [impr. à Lyon 4°. par Claude Nourry 1533. & à Par. 8°. par Galiot du Pré.

FRANCOIS BALDVIN Iurifconsulte a escrit,

Auis sur le faiet de la reformation de l'Eglise. Auec responce à vn predicant

calomniateur, lequel sous vn faux nom & tiltre d'un Prince de France s'opposâ à l'aduis susdit, escrit premierement en latin, puis mis en François par le mesme auteur. [impr. à Paris 16°. par Nicolas Chesneau 1578.

Histoire des roys & princes de Poloigne, contenant l'origine, progres, & accroissement de ce royaume depuis ledit premier fondateur d'iceluy iusques à Sigismond roy dernier decedé. Avec les illustres faicts desdits roys & princes. Diuisee en vingt liures, & traduite du latin de noble & magnifique Seigneur Jean Herburt de Fulstin, Castellan de Sanoc, capitaine de Premislac, Conseiller dudit royaume de Poloigne. [impr. à Paris 4°. par Pierre l'Huillier 1573. François Balduin ne s'est point voulu nommer en ce liure, mais l'ay sceu au vray de l'imprimeur qu'il en a esté le tra ducteur.

Ad leges de famosis libellis & de calumniatoribus, commentarius Francisci Balduini. Parisijs 4°. apud Andream VVechelum 1562.

Voyez le reste de ses œuures Latines en la Bibliotheque de Gesner.

FRANCOIS BARAT d'Argenton en Berry a traduit, Briefue forme & methode de s'exercer par chacun iour en la meditation des mysteres de la Philosophie Chrestienne pour la confirmation du Chrestien en l'amour de Dieu & la sainte foy Catholique. [impr. à Paris 16°. par Jean Bonhomme 1551.

FRANCOIS BARBARE

De l'estat & gouuernement en mariage. Voyez Martin du Pin.

FRANCOIS BARRAUD natif de Tours, Enquesteur, commissaire & examinateur pour le Roy au siege & ressort de Poictiers a rendu François,

Discours de la Jeunesse, premierement faict latin par Sebastien Foxe Morzile d'Hispañe à present nommee Seuille en Espagne. [Impr. à Paris 8°. par Antoine Houic 1579.

FRANCOIS BASVEL de Deurne Curé de l'Eglise de Grandvilliers a escrit,

Le pain dominical des paroisses contenant familiars sermons sur les Euangiles des Dimanches & festes, leuz en l'Eglise & Diocese de Besançon. [impr. audit Besançon 8°. sans datte.

FRANCOIS DE BELLEFOREST Commingeois a espandu par la Frâce les rares fruiçts qu'il a cueilly au iardin des Muses auquel il a esté des premiers cultiueurs. Sorty d'honnestes parens & iceux gens de bien & de marque, quoy que fort desnuez des biens de fortune, ayant heu le pere qui employa tout son temps & auoir à la suite des armes il demeura pupille en l'aage de sept à huit ans en son pais de Comminge à Samathan sur la riuere de Satte: où par la diligence & peu de moyens de sa mere il fut entrete nu quelque temps aux escoles: puis volant d'une aïlle plus gaillarde frequenta quelques maisons de grâds & fut nourri quelques annees en la maison de la feu Roine de Nauarre Marguerite seur digne de ce grand Roy François illustrateur & pere des bonnes lettres: de là il alla faire ses estudes à Bourdeaux sous Bucchanan, Vinet, Salignac, Hauristan, Zelida & autres grands hommes estans lors en celle vniuersité Aquitanique: puis se transporta à Tholose

loſe penſant eſtudier à la loy, mais ſon Genie reſiſtant à cete vacation turbulente d'un Barreau, il ſ'en vint (ayant eſté ſept ou huit ans parmy les delices de la Nobleſſe à courtiſer, & faire des vers François pour plaire aux Dames & Damoïſelles) à Paris: où il ouyt Strazel, Dorat, Turnebe, Vicomercat, Paſchaſius, Ramus, Galandius & Charpentier, avec les aucuns deſquels il eut habitude fort familiere, comme auſſi deſpuis il a eu avec Ronſard, Baif, Belleau, Vigenere (vn des plus rares eſprits de noſtre temps) Robin ſieur du Faux, Chopin honneur du Palais de Paris, eſtant caſſé des Princes comme auſſi aymé de la Nobleſſe, & porté de tous les vertueux de ce Royaume; mais ſi bas de fortune, qu'il n'y a eu que le contentement de l'eſtude qui l'aye nourri & le travail de ſa main & de ſon eſprit, benys & ſouſtenus de la grace diuine, qui ont porté les affaires de ſa maiſon. Il m'a aimé & fréquenté fort familièrement lors que j'ay eſté à Paris, comme auſſi reciproquement ie luy ay porté amitié ſinguliere & affectionnée. Et eſtans abſens l'un de l'autre m'a honnore ſouuent de ſes lettres & ie luy ay rendu de meſmes la pareille, nous viſitans ainſi par miſſiues moy, tirant de telle communication autant de contentement que j'ay deſpuis receu de regret par ſon trespas aduenu à Paris à la grand perte de la France, au mois de Ianuier l'an 1583. Mais ſi bien il eſt paſſé de cete vie en vne meilleure, ſon nom demeurera neanmoins immortel entre les hōmes tant que le monde ſera monde à cauſe des belles œuvres qu'il a fait. Affauoir:

Chant Paſtoral ſur les nopces de tres-illuſtres princes & princeſſes Philippes d'Autriche roy des Eſpaignes & Madame Elizabeth aiſnée du roy tres-Chreſtien Héry 11. & d'Emanuel Philibert duc de Sauoye, Prince de Pyemont avec Madame Marguerite fille & ſeur des roys François premier & Henry 11. Avec vn Epithalame. [impr. à Paris 4°. par Annet Briere 1559.

La Chaffe d'Amour, Avec les fables de Narciffe & Cerbere, où ſont adioutez diuers Sonnets. [impr. à Paris 8°. par Vincent Sertenas 1561.

Remonſtrance aux princes François de ne traiter accord, ny faire paix avec les ſeditieux & rebelles: traduite des vers latins de Leger du Cheſne en vers François & impr. à Paris 8°. par Vincent Sertenas 1561.

Pastorale amoureuse, contenant pluſieurs diſcours non moins profitables que recreatifs. Avec les descriptions des payſages. le tout en vers où ſont introduits Turne, Syluie, Camille & Alpin. [impr. à Paris 8°. par Vincent Sertenas 1569.

Il a fait auſſi pluſieurs ſonnets, Odes & autres vers, eſpars çà & là parmi diuers liures tant en faueur & recommandation de pluſieurs auteurs, que pour Epitaphes & tombeaux de princes, princeſſes & grands Seigneurs.

Ses œuvres & ſes traductions en proſe.

L'hiſtoire des neuf Roys Charles de France contenant la fortune, vertu & heur fatal des roys qui ſoubs ce nom de Charles ont mis à fin des choſes merueilleuſes, compriſe en 19. liures. [impr. à Paris f°. par Pierre l'Huillier 1568. & deſpuis à Lyon par Michel Ioue.

Diſcours des preſaiges & Miracles aduenus en la perſonne du Roy Charles 11. & parmy la France, dez le commencement de ſon regne. [Impr. à Paris 8°. par pierre l'Hullier 1568.

Remonſtrance aux François pour les induire à viure en paix à l'aduentr. [impr. à Paris 4°. par Robert le Maigner.

Allegreſſes au peuple & Citoyens de Paris, ſur la reception & entree de tres-il-
luſtre & tres-heroïque Princeſſe Elizabeth d'Auſtriche, Royn de France, en ſa
bonne ville de Paris. Enſemble la Genealogie & Alliances de la maiſon d'Au-
ſtriche, extraicte des hiſtoires, tant anciennes que modernes. [impr. à Paris 8°.
par Geruais Mallot 1571.

La Pyrenee & Paſtorale amoureuse, diuiſee en deux liures, contenans diuers ac-
cidens amoureux, deſcription de Payſages, hiſtoires, fables & occutrences des
choſes aduenues de noſtre temps. Oeuure de fort belle inuention & faiçte à
l'inſtar de l'Arcadie de Sannazar, avec vne grande grace & fort beau langage.
[impr. à Paris 8. par Geruais Mallot 1571.

Discours ſur les Rebellions, auquel eſt contenu quelle eſt la miſere qui accom-
paigne les traîtres, ſeditieux & rebelles, & les recompens qui les ſuivent ſe-
lon leurs rebellions. Avec vn arraiſonnement ſur l'infelicité qui ſuit ordinaire-
ment les grands. A quoy eſt adiouſté vn discours ſur l'excellence des Princes
du ſang de France qui gouernent l'eſtat du royaume. [impr. à Paris 8°. par
Jean Hulpeau 1572.

Aduenement heureux à la couronne de France de ce grand & tres. Chreſtien
Roy Henry III. du nom, Roy de France & de Poloigne. [impr. à Paris 8°. par
Jean Hulpeau 1574.

Douze hiſtoires tragiques extraictes des œuures Italiennes de Bandel & miſes
en langue François, lesquelles avec les ſix autres premieres que Pierre
Boaiſtuau dict de Launay auoit traduit, font vn premier Tome. [impr. à Par. 8°.
par Iaques Macé.

Setond Tome des hiſtoires Tragiques contenant encor 18. autres hiſtoires
traduites de l'Italien de Bandel, & enrichies outre l'inuention de l'Autheur.
[Impr. à Paris 8°. par Iaques Macé.

Le Troiſieſme Tome des Hiſtoires Tragiques extraites des œuures Italiennes
de Bandel contenant autres 18. Hiſtoires enrichies de meſmes outre l'inuention
de l'auther par ledit François de Belleforeſt traducteur. [Impr. à Paris 8°. par
Iaques Macé.

Le Quatrieſme Tome des hiſtoires Tragiques, partie extraites de Bandel &
partie dudit Belleforeſt, contenant vingt ſix hiſtoires. [Impr. à Paris 8°. par Ia-
ques Macé.

Discours memorables de pluſieurs hiſtoires tragiques, le ſuccez & euenement
deſquelles eſt pour la pluſpart recueilly des choſes aduenues de noſtre temps,
& le reſte des hiſtoires anciennes : & ſeruent de cinquieme Tome aux hiſtoi-
res tragiques dudit Belleforeſt. [Impr. à Paris 16°. par Jean Hulpeau 1570.

Annotations & Obseruations en marge ſur les xxii. liures de Saint Auguſtin
de la Cité de Dieu & des commentaires de Jean Loys Vives ſur iceux, traduits
par Gentian Heruet. [Impr. à Paris f°. par Nicolas Cheſneau 1576.

Abregé de l'hiſtoire de la guerre Iudaïque, tirée de l'Hebrieu de Iosephe par
Dauid Kiber & miſe en François, Avec additions extraictes d'Egeſippe. [Im-
pri. à Paris f°. avec les œuures de Flaue Iosephe par Claude Fremy & Nicolas

Cheſneau

Chesneau, 1570.

Les heures de recreation & apresdisnees de Louys Guicciardin citoyen & gentilhomme Florentin. [Impr. à Paris 16°. par Jean Ruelle 1571.

Commentaire premier du Seigneur Alphonse d'Vllea, contenant le voyage du Duc d'Albe en Flandres, avec l'armée Espagnole: & la punition faite du Comte d'Ayguemont & autres, & la guerre comme elle s'est passée contre le Prince d'Orange, & autres rebelles iusques à ce que ledit sieur Duc s'en fut retourné à Bruxelles. [Impr. 8°. à Paris 1570.

Le sixiesme Tome des hystoires tragiques extraittes des œuures Italiennes de Bandel, contenant 30. hystoires, traduittes & enrichies, outre l'inuention de l'auteur. Avec trois autres belles hystoires de l'inuention de François de Belle Forest. [Impr. à Paris 16°. par leah de Bourdeaux 1582.

Le Labyrinthe d'Amour de Iean Boccace, autrement, inuectiue contre vne mauuaise femme. [Impr. à Paris 16°. par Jean Ruelle 1571.

Secrets de la vraye Agriculture & honnestes plaisirs qu'on reçoit en la menagerie des champs, pratiquez & experimentez tant par l'auteur, qu'autres experts en la diète science, Diuisez en xx. iournees par dialogues traduits en François de l'Italien de Messer Augustin Gallo Gentilhomme Brescian. [Impr. à Paris 4°. par Nicol. Chesneau 1571.

Six liures du maniement & conduicte de l'art & faicts militaires, auquel par briefue conference & exempls tirez des hystoires tant anciennes que modernes, se void à l'œil par les entreprises & succez des affaires passées, comme il faut proceder à faire la guerre, soit en plaine campagne & bataille ouuerte, ou escarmouches: ou soit aux assauts des forteresses, & defense des villes: & comme on se peut preualoir de tout peril qui en peut dependre pour la conseruation de l'estat: faicts en Italie par Messi. Bernadin Rocque Plaisantin, & mis en François. [Impr. à Paris 4°. par Nicol. Chesneau 1571.

Epistres des Princes, lesquelles, ou sont adressees aux Princes, ou traitent les affaires des Princes, ou parlent des Princes. Recueillies d'Italien par Hieronime Ruscelli, & mises en François par le mesme Belleforest. [impr. à Paris 4°. par Jean Ruelle 1572.

Recueil diligent & profitable des choses plus notables à remarquer de toute l'hystoire de Iean Froissard, mis en vn Abregé & illustré de plusieurs Annotations. [Impr. à Paris 16°. par Guillaume de la Nouë 1572.

L'hystoire vniuerselle du Monde contenant l'entiere description & situation des quatre parties de la terre, la diuision & estendue d'une chacune region & prouince d'icelles. Ensemble l'origine & particulieres meurs, loix, coustumes, religion, & cerimonies de toutes les nations, & peuples par qui elles sont habitees. Diuisee en quatre liures, tiree en partie du latin de Iean Boheme & de beaucoup augmentee, & en oultre illustree de plusieurs nations & prouinces par le mesme François de Belleforest. [impr. à Paris 4°. par Geruais Mallot 1572.

La Vraye hystoire du siege & de la prise de Famagoste l'une des principales villes du royaume de Cypre, n'aguères appartenant aux Venitiens, écrite premierement en Italien par le Seigneur Nestor Martinengo, Capitaine d'une des compaignies

compagnies qui estoient dedans. [impr. à Paris 8°. par André Vvechel 1572. Histoire de la Guerre qui s'est passée entre les Venitiens & la Sainte Ligue, contre les Turqs pour l'Isle de Cypré es années 1570. 1571. & 1572. Histoire (certes) memorable & vraye, contenant plusieurs beaux exemples de Constance & pieté Chrestienne ez vaillans champions de la religion catholique & pudiques Dames, qui sont morts pour la cruelle, & desloyalle tyrânie des Turqs, tant ez villes de Nicocie, & Eamagoste qu'ailleurs, faicte en latin par Pierre Bizarre, & mise en François par Belleforest. [impr. à Paris 8°. par Sebastien Niuelle 1573.

Harengues militaires, & concions des Princes, Capitaines, Ambassadeurs & autres manians tant la guerre que les affaires d'estat. Comprenant les grandes & urgentes negociations de toutes les anciennes Monarchies, & representant l'image & office des roys, Legislateurs, Orateurs, Ambassadeurs de roys, Empeurs, Potentats, Republiques, & des excellens capitaines: le succez des diuers estudes des factieux. Les moyens de se preualoir (ez choses deplorées) de ceux qui sont estonnez, les meurs de diuerses nations, & les loix & coustumes de plusieurs villes, & prouinces: Le discours des faicts & plus secrets affaires des Hebrieux, Persans, Grecs, Romains, François, Allemans, Gots, Vvandales, Lombards, Espaignols, comme aussi des pais plus esloignez & Septentrionaux, & iusques aux remuemens faicts par les Barbares. Recueillies de plusieurs graues Autheurs Grecs, Latins & autres, Assauoir, de Thucidide, Herodote, Xenophon, Denys de Halicarnasse, Polybe, Appian Alexádrin, Dion Cassien Nicee, Corneille Tacite, Herodian, Iosephe Hebrien, Plutarque ez vies, T. Liue, Saluste, Iules Cesar, Quinte Curce, Egesippe, Ammian Marcellin, Procopie Cesareen, Saxon Grammairien, Ence Syluie, Antoine Bonfinie, Iean Auentin en son Annale de Bauiere, Albert Krants, Martin Crommaire en l'histoire de Poloigne, Leonard Aretin en l'histoire de Florence, Poge Florentin en son histoire de Florence, Nicolas Machiauel, Sabellic, Pierre Bembo Cardinal, Bernardin Corie en son histoire de Milan, Galeas Capelle, Benoist Accolti en son histoire du recouurement de la terre Sainte, Paul Ioue, Hierosme Faletti en l'histoire de la guerre d'Alemaigne, Ascaigne Centoric, Marin Barlet en son histoire des guerres des Chrestiens contre les Turqs, Iagues Fontaine en son histoire de la guerre de Rhodes, Pierre d'Ondegherst, Antoine Nebrisse en son histoire de la guerre d'Espaigne, Callimach Experient, Paul Aemyle, Messires Martin & Guillaume du Bellay, Iean Lascaris &c. & faites Françaises par François de Belle-Forest. [Impr. à Paris f°. par Nicolas Chesneau 1573.

Harengue du reuerendiss. Seigneur Iean François Commendion Cardinal & Legat du Saint siege en Germanie & Poloigne. Prononcee au champ de Vvar souie deuant le conseil & noblesse de Poloigne le 8. April 1573. Traduite de Latin. [Impr. à Paris 8°. par Thomas Brumen 1573.

Liure du mont de Caluaire diuisé en deux parties, dont la premiere contenant 58. chapitres traite les mysteres admirables mis à fin par le fils de Dieu Iesus-Christ nostre Seigneur, lors que là il mourut pour le rachapt de tout l'humain lignaige. Et la seconde contient l'exposition des sept parolles que nostre Seigneur

gneur Iesus-Christ profera en l'arbre de la croix. Le tout escrit premierement en langue Castillane par le reuerend pere & Seigneur Don Antoine de Gueuare, Euesque de Mondogner, prescheur, chroniqueur de l'Empereur Charles v. & conseiller du conseil priué de sa maiesté. Et mis en François par ledit de Belleforest & Imprimé à Paris en 2. Tomes 8°. par Geruais Mallot 1575.

La Cosmographie vniuerselle de tout le monde, en laquelle suiuaient les auteurs plus dignes de foy sont au vray descrites toutes les parties habitables & non habitables de la terre & de la mer, leurs assietes & choses qu'elles produisent: puis la description & peinture Topographique des regions. La difference de l'air de chacun pais, d'où aduient la diuersité tant de la complexion des hommes que des figures des bestes brutes. Et encor l'origine, noms ou appellations tant modernes qu'anciennes, & description de plusieurs villes, citez & Isles, avec leurs plants, & pourtraicts, & sur tout de la France. S'y voyent aussi d'auantage, les origines, accroissemens & changemens des Monarchies, Empires, Royaumes, Estats, & Republiques: ensemble les meurs, façons de viure, Loix, coustumes, & Religion de tous les peuples, & nations du monde: & la Succession des Papes, Cardinaux, Archeuesques, & Euesques chascun en leur Diocese, tant anciens que modernes. Avec le Catalogue des legislateurs, Philosophes, Poëtes, Orateurs, Historiographes, Nymphes, Muses, Sybilles, & Fables Poëtiques, Oracles, Sacrifices, Idoles, Prestiges & autres choses prodigieuses, surpassans nature tant es eaues que de dans & de dessus la terre. Semblablement les noms des inueteurs de plusieurs arts & premiers professeurs d'ordres, & religions ecclesiastiques, qui ont esté depuis le commencement du monde iusques à present: les noms des montaignes, promontoires, mines, carrieres, fontaines, fleues, lacs, mers, goulfes, gouffes & abysses. Le tout bien & distinctement ordonné & disposé en deux tomes. Dont le second comprend la Grece, avec les descriptions anciennes & modernes, tant du plant que noms des villes & regions comme de l'histoire: & décrit les deux Asies selon leur estendue, Raretez, Richesses & histoire de l'estat des royaumes oultre ce qui en a esté cy deuant descouvert. Plus y est adioustee l'Afrique, autant doctement que veritablement Comme aussi y est descrite briuelement & entierement l'histoire Geographique de toutes les terres descouvertes vers l'Occident, & oultre l'Equateur, & es parties Septentrionales, avec les Isles, Peuples, Nations, & leurs loix, religions & façons de viure. Aussi ce qui est de rare rât au plat pais qu'es Isles plus esloignees & moins cogneuës de nostre temps. De ceste œuvre Auteur en partie Munster, mais beaucoup plus augmentee ornee & enrichie par ledit de Belleforest tant de ses recherches, comme de l'aide de plusieurs memoires enuoyees de diuerses villes de France par hommes amateurs de l'histoire & de leur Patrie. [impr. à Paris f°. par Nicolas Chesneau 1575.

Sermons de Sainct Cecile Cyprian Euesque de Carthaige, Assauoir, Admonition au lecteur suiuaient la vie de S. Cyprian. Sermon de l'Aumosne, de l'Enuie, de Patience, de la Peste & du mespris de ceste vie, des abusez, de l'oraison Dominicale & de la maniere de prier, de la Cene, de l'onction. Oraison de S. Cyprian. Epistre de S. Cyprian à Cecile du Sacrement du Calice. Epistre des Diacres de Rome à S. Cyprian, le tout traduit par François de Belleforest. [impr. à Paris 8°.

par

par Vincent Normand 1565. Toutes les œuvres de S. Cyprian ont esté traduites par Jacques Tigeou, & impr. à Paris f°. par Nicolas Chefneau.

La vie, passion & sepulture du glorieux martyr & confesseur de nostre Seigneur Iesus-Christ saint Denys surnommé Areopagite, & de ses compagnons qui luy furent associez au martyre, colligee de diuers auteurs par feu Iéan Doc docteur en theologie grand prieur de l'abbaye S. Denis en France, & mise en François par ledict Belle-Forest. [Impri. au 3. tome de l'histoire de la vie & mort des saints.

La vie de S. René Euesque d'Angers tiree des liures chartulaires escripts à la main, & mise en François par le mesme Belle-Forest.

Les Sentences illustres de M. Tull. Ciceron & les Apophthegmes, Aussi les plus remarquables sentences tant de Terence que de plusieurs autres auteurs, Et les sentences de Demosthene. Le tout premierement recueilly par Pierre Lagnerius de Compiegne, & traduit de Latin en François respondant l'un à l'autre selon l'ordre des auteurs susmis par ledict Belle-Forest. [Impr. à Paris 16°.

par Michel Iullian 1574.

Les Memoires & histoire de l'origine, inuention & auteurs des choses, faicte en Latin & diuisee en 8. liures par Polidore Virgile natif d'Vrbain & mise en François par ledit de Belle-Forest. [Impr. à Paris 8°. par Rob. le Maigner 1576. & depuis 1582.

Deuotes contemplations & spirituelles instructions sur la vie, passion, mort, resurrection & glorieuse Ascension de nostre Sauueur Iesus-Christ, le tout accommodé sur certains passages & misteres contenu au nouveau Testament. Avec interpretations necessaires pour l'intelligence d'iceux. Traduit de l'Espagnol de R. P. Loys de Grenade. [Impr. à Paris 16°. par Guill. de la Nouë 1576.

Le Vray chemin & addresse pour acquerir & paruenir à la grace de Dieu, & se maintenir en icelle, par le moyen & compagnie de l'oraison & cõtemplation en la Loy & amour de Dieu. Avec trois discours de l'efficace des principales œuvres de Penitence, l'aumosne, l'oraison, & le Ieufne. Le tout traduit de l'Espagnoil de Reuerend pere Louys de Grenade, de l'ordre de S. Dominique. [Impr. à Paris 8°, par Guillaume de la Noue 1576.

Traicté de la sainte communion fait en Italié par le Reuerend Seigneur Cacciaguerre, y ioinctes deux epistres du mesme sur la certitude du S. Sacrement. Avecques les sommaires & argumés de François de Treuise carme. Et outre ce vn autre traicté sur la tabulation & faictz d'icelle par le mesme Cacciaguerre. Le tout tourné en François par ledict de Belleforest, & Impri. à Paris 16°. par Thomas Brimien 1577.

Six Histoires prodigieuses aduenues de nostre temps, adioustees à celles de P. Boaiſtuau, & impr. à Paris 8°. par Charles Macé 1575. augmentees d'autres quatre histoires & seruans de troisieme tome. [impr. par Iean de Bordeaux 16°. l'an 1578.

Quatriesme Tome des histoires prodigieuse. Impr. par Hierome de Marnef 1582.

La Ciuille conuersation du Seigneur Estienne Guazzo Gentilhomme Montferradois diuisee en quatre liures: Au premier sont contenus en general tous

les

les fruits qu'on recueille de la conversation : & comme on descerne les honnestes hantises d'avec les vicieuses. Au Second est discouru comme toutes personnes doiuent converser hors leurs maisons en general : & comme particulièrement se doiuent comporter les ieunes & les vieux , les nobles & les ignobles, les gens d'un mesme pais & les estrangers, les religieux & les escoliers, les hommes & les femmes conversans ensemble. Au troisieme sont declarez en particulier les moyens qu'il faut garder en celle conversation domestique qui est entre le mary & la femme, le pere & le fils, entre frere & frere, & entre le maître & le serviteur. Au 4. est representee la conversation civile, avec & par l'exemple d'un festin à Casal : & y sont introduits dix personnages discourans au conuiue. [impr. à Paris 8°. par Pierre Cauellat 1579. Il y a vne autre traduction du mesme liure de la Civile conversation faicte presque en mesme temps par Gabriel Chapuys, & imprimee à Lyon.

Le Miroir de Consolation &c. Voyez Jean Duegne.

Traicté des Monstres naiz & produicts dez le temps de Constantin le grand iusques à nostre siecle recueillis des histoires tant greques que latines par Arnauld Sorbin docteur en Theologie , predicateur du Roy & ores Euesque de Nevers, traduit de latin en François par F. de Belleforest. [impr. à Paris 16°. par Hierome de Marnef 1582.

Les grandes Annales & Histoire generale de France, des la venue des francs en Gaule , iusques au regne du Roy tres-Chrestien Henry 111. Contenans la conqueste d'iceux François du pays Gaulois, les courses de plusieurs nations estranges en iceluy : la suite des familles du sang Royal, & l'ordre de l'estat François : les maisons de ce royaume : l'establissement des Officiers de la Couronne, & tout ce qui concerne le gouvernement de la Monarchie de France, soit pour la paix, soit pour la guerre : suiuant les Pancartes anciennes, les Loix du pais & la foy des vieux exemplaires : faict, recueilly & mis en ordre, & party en deux gros Tomes. [Impr. à Paris f°. par Gabriel Buon 1579.

Le septiesme tome des histoires tragiques, contenant plusieurs choses dignes de memoire, & diuers succés d'affaires & euenemens qui seruēt à l'instruction de nostre vie : le tout recueilly de ce qui s'est passé & iadis, & de nostre temps entre des personnes de marque, & reputation. Par ledit François de Belleforest. C'est le dernier liure qu'il a fait : n'ayant vescu six mois apres. [impr. à Paris 16°. par Emanuel Richard 1582.

Au second liure de la Pyrenee.

Ainsi qu'il vouloit continuer, voicy Drion, qui ne sommeilloit point, & qui deia auoit esueillé ses compagnons avec ses gaufferies, lequel dit : Je ne pensoy point que l'Amour fust si estrange faiseur de transformations que de rendre les hommes fantômes & Lutins, ainsi que ie voy, que ce sot est devenu, ayant couru les champs, tandis que les autres reposent.

Je suis d'aduis, puis qu'il est si matineux, que lon luy porte quelque medecine pour luy purger le cerueau lequel il a si chargé d'humeur qui corrompt son sens, que si cela luy dure, j'ay belle peur qu'il ne deuienne maniaque. Ceste maladie (respond Theophile) ne se guarit point par drogue quelle que ce soit,

I

& ne

& ne peut estre la playe d'Amour consolidee avec herbe quelconque , voire y adioutast on vne panacee la plus enforcee qu'un enchanteur aye mis en besongne. Ho ho, dit lors Drió, & vous vouliez que ie fusse amoureux pour estre ainsi fol & eceruellé, que ce pauvre Lutin qui fait le Loup garou: non non laissez moy là en mes gaietez , & permettez que ie viue libre, & sans passion: seulement songeons à nous esbaudir, & iouer. Portant que chacun se leue , & s'appreste pour le combat entrepris: & ce pendant les plus passionnez d'Amour tascheront de remettre en son bon sens ceste pauvre ame esgaree, affin que par my nos esbats nous ayons le plaisir des deuis de ces amoureux transis , qui se plaisent & glorifient en leurs folies les plus notoires , & seignalees.

Comme ils s'apprestoyent , & que les gentilles bergeres furent esueillees, Ergasto, qui estoit aux escoutes, & qui auoit ouy quelque vent des railleries du pasteur sans passion, se print à chanter ce couplet sur vne Mandourre Biscaine qu'il auoit , disant ainsi.

*Amour qui ravis
L'obiet de mon cœur,
Qui fais que ie vis
De flamme & ardeur,
Ton trait me peut bien
Me monstrier mon bien:
Mais me conforter
Ou me supporter,
Las Amour point tu ne veux
Ou bien faire ne le peux.
Ton arc, & ton trait
Blecent bien mon cœur,
Mais, las! leur effait
N'a nulle vigueur,
D'ardeurs tu m'attains,*

*Point ne les estains:
Et me conforter,
Ou me supporter
Las amour point tu ne veux
Ou bien faire ne le peux.
Je suis languissant
Je suis amoureux
D'estre iouissant
Ne suis si heureux,
Je n'ay que tout mal
Pour estre loyal:
Et me conforter,
Ou me supporter
Las amour point tu ne veux,
Ou bien faire ne le peux.*

Et de belles, dit alors Drion , ie croy que ce fol ne cessera d'aujourd'huy de nous rompre la teste, avec ses rithmes & folies d'Amour. Allons sçauoir qu'il est, & s'il est homme qui le merite, nous le consolerons , ou bien prendrons nostre passetemps en ses resueries. Quoy , dit Philandre , n'avez vous autre plus grand passetemps qu'en la misere , & malheur d'autrui. C'est bien se condouloir sur la tristesse de son prochain, puis que son malaise vous sert de plaisir , & recreation. Ce n'est pas ainsi que ie l'entens respond Drion, car ie suis marry de voir quel que ce soit des hommes accablé de quelque fascherie , mais ne puis pourtant nier que ie n'aye grand plaisir à voir ceux qui se faignent miserables pour vn obiet , qui merite plus d'estre moqué & sifflé que non que homme de sain iugement en aye compassion , & n'est ce pas vn grand plaisir de voir Thony, le gressier, ou quelque autre suffisant fol donner avec leur sottise, recreation à vne compagnie? Quel plus plaisant sot demandez vous que celui, qui voit, & si ce

si ce pendant il s'en va à tastons, comme s'il auoit les yeux bandez, ou s'il estoit enuironné de quelques espesses tenebres. Mais laissons ce propos à fin que ce commencement ne cause vne continuation de diuerses opinions en nostre compagnie, d'autant que le iour commençant par bruit, colere & diuorse, il ne peut estre que la suite n'en soit pareille. Hola hola, dit lors Alexis, si vaut il mieux passer le temps en tels deuis ioyeux, & la colere causee par lesquels ne donnera argument à personne d'espandre sang, ou de fascher son amy, que non pas demeurer comme statues sans dire mot, & entretenir vne compagnie avec des reueries, & avec signes, comme qui voudroit respondre des espauls de toute chose qui seroit demandee.

Au reste quand vous sçaurez qui est celuy qui chantoit n'aguere vous aurez contraire opinion, & direz que ce qu'il en a fait, c'estoit pour se chatouiller, & se faire rire pendant que cherchant la frescheur de la nuit il a aymé plustost se coucher sous l'ombre des arbrisseaux touffus & en l'espaisseur du boys, que sentir vne chaleur excessiue dans vn liect qui luy eust empesché son repos: & le matin vous voyant plus assoupis qu'il n'est requis à gens de nostre sorte, il s'est pris à soupirer & discourir de ses Amours: & s'il en est touché comme portent les chansons, encore est il fort sage & aduisé de se contenter que seul il face ses discours sans permettre que vn bruit commun face entendre à chacun qu'il est deffauorisé de sa dame. Vous l'avez assez excusé, dit Drion, mais ie ne suis content en ce que ne me suis encore prins garde, lequel de nostre compagnie defaut icy, à fin que par la ie cognoisse qui est celuy qui a formé le recueil de l'Autbe à toute la compagnie, auquel ie rendray la pareille d'une serenade que luy donneray à ce soir. Je vous mercie pour luy, dit Syluain, à la charge toutesfois que vous ne vous penserez si absouz par ce mien remerciement, que pour cela vous laissiez de mettre à effet vostre promesse. A cela ne tiene, dit Drion, quoy que ie ne sois si subtil iouëur d'instrument qu'entre vous, qui mariez (ne sçay si à bon droit) l'Amour avec les Muses. Et quoy, dit alors Philarete, trouuez vous estrange ceste alliance? Ignorez vous que l'accord harmonieux du ciel procede de celle Musique qui se fait par l'amitié & vnion sympathisee, qui est es influences des corps celestes, & que les Muses estât filles des nombres Musicaux, n'ont rien que tant elles cherissent que l'Amour, & ce qui depend de luy. Je pense, & l'experience nous le fait voir, que iacoit que la discorde semble par son alteration causer le maintenant des choses qui ont estre ça bas, si est ce que l'Amour qui vainc les contre-affections des qualitez esmeuës au corps commun de la nature est aussi celuy, lequel cause l'ordre, la beauté & accomplissement de ce qui est iuste, beau & parfait en l'vniuers. Et voila pourquoy les anciens ont fait l'Amour, l'un des dieux les plus grans & premiers de tous les autres, & tel que les supremes ont fleschy sous luy, à cause que l'vnion des elemens ne procede que d'iceluy, & la vie des hommes ne peut subsister, que par ce que cest Amour inspire & influe en noz pensees.

Voila pourquoy, repliche Drion, les Amoureux & les Poëtes tiennent tant de la Lune, d'autant que tout leur cas gist en contéplation, & qu'ils sont beaucoup plus repeuz d'une fiction & chose imaginee que ne sont d'autres sortans l'effait de ce qu'ils pretendent. Mais quand à moy j'aymeme mieux rire à mon aise

sentant & sauourant vn peu de plaisir, que extatic & resueur, songer vn bonheur qui ne se gaigne que par imagination.

A ce que ie voy, aiouste Philarete, vous estimez que l'Amour soit quelque chose sainte sans effair en l'esprit des hommes & que c'est vne seule opiniõ qui ne merite titre de puissance qui se plante en l'ame oisive, laquelle les fait ainsi resuer, folastrer, & faire le sot au seruice des dames. Mais il faut que vous confessiez que la perfection de nature est telle qu'il est impossible qu'une action en elle soit perpetuelle, si elle n'aproche de la substance de celle, d'où elle a son origine. Qui est à dire que l'Amour estant vne quinte essence de nature suit, & imite en ses effaits ce que nature a de meilleur & plus accompli.

A ce compte, dit le berger sans passion, vous me ferez la volupté & ce qui s'ensuit d'elle la plus parfaite vertu qui soit en l'homme, veu que tous y sommes naturellement inclinez, & la conuoitons, & n'est animal quelconque qui n'y soit conduit de nature. Toutesfois ce seroit s'esgarer trop lourdement & brutaliser par trop les esprits humains, l'intelligence desquels est diuine & celeste. Ce n'est pas ainsi, respond Philarete, que ie mesure les actions de nature, & notez que j'ay dit qu'il faut que pour suyure le parfait de nature vne telle action soit perpetuelle au suiet auquel elle est contempee.

Or cecy ne peut estre attribué à la volupté, veu qu'elle est alterée, & se pert apres son accomplissement. Là ou l'Amour bien planté, & considéré à telles racines, qu'il est impossible de les arracher. Au reste nous ne mesurons pas icy la nature ny son effort par ce qui est caduque & qui se voit exterieurement, ains par les conceptions les plus saintes, & parfaites, qui soyent en l'ame: qui est à cause, (comme desia ailleurs a esté dit) que les Bergers icy presens ayment leurs maistresses non pour la beauté exterieure, quoy qu'elle soit l'image de l'ame, ains pour le respect de ce qui est beau, & vertueux en leurs esprits, & saintes ames.

Bien bien, mon amy, dit le berger iaseur, ie suis content de le vous donner gaigné, sçachant que iamais nous n'aurions fait, vous estant trop fondé en raisons, mais ie sçay bien qu'il n'y a amoureux si contemplatif, lequel ne laissast l'esprit, & perfection d'iceluy de quelle que ce fust des bergeres, pour s'amuser, & à la contemplation & iouissance de la beauté exterieure. Et puis allez moy dire que vous aimez les ames, la vertu, le bon esprit & ce qui est interieur. Là ou c'est tout ainsi que de ceux qui secouent vn arbre pour en auoir le fruit. A ce mot tous les berges se prindrent si fort à rire, que les pastourelles, qui estoient en vne chambre voisine, sortirent pour sçauoir la cause de leur risée, & voyans que c'estoit Drion qui continuoit ses gaillardises, se mirent en la partie, iouissans de ses raisons & des responces qu'il auoit fait aux bergers amoureux. Tandis voicy Ergasto qui entre tout chargé de rousée, comme celuy qui venoit de se pourmener par le boys. Auquel Sydereed dit de fort bonne grace: Si vous eussiez esté plante assez fertile, il estoit impossible qu'une si grande rousée ne produisist en vous chose de bien grand consequence. Ah gentille bergere, dit lors Ergasto, j'ay vne telle secheresse dans mon ame, pour le feu qui me brulle incessamment, qu'il faudroit que la pluye fust vehemete, laquelle estain droit ceste ardeur. Et aussi la rousée que ie sens, me laissant sans nourriture, est employée

employée pour sustenter & maintenir en moy la memoire d'une fleur la plus belle que lon sçache, & pour laquelle voir, & tenir ie ne sçay aise ou plaisir que ie ne quitasse: d'autant que la seule odeur d'icelle peut guerir mon cerveau, & confortant mon cœur, me remettre en la disposition que ie desire, affin de tenir compagnie à ces gentils bergers, s'adextras pour le passetemps de leurs dames. le croy., (dit Drion en riant) que ce pauvre pensant aller cueillir le May, a planté en quelque coin du boys son bon sens, & en a rapporté ces gaillardises qui ne sentent que verdure, faisant vne transformatiō de soy à quelque plante, ayant les fleurs espanies, ainsi que disent les Poëtes estre iadis aucuns à ne sçay quels fols lesquels s'esgaroyent si gayement en leurs desseings que Pythagoriciens, il leur sembloit estre conuertis en herbes, arbres, ou fleurs aymées, & cherries de leurs maistresses.

Ainsi mon amy Ergasto, tu n'es plus toy mesmes, voy que ton cœur produit fleurs, & ta pensee est la plante, & ton corps sera insensible, si on ne va querir l'ame plus auant en l'interieur, ou ces fleurs seront espanies, lesquelles attirent toute l'humeur qui est en toy. Ha heureux berger (replique Ergasto) comme tu philosophes, & discours à ton aise: & te moques de ton bon amy, lequel s'il te voyoit atteint de pareille maladie tu te pourrois assurer d'auoir vn second & diligent, & fidelle pour la poursuite de tes aises.

Si ie pouuoie, (dit Drion) faire le semblable en ton endroit, sois certain que tous mes desirs tant soyent-ils libres, & gaillards, ne m'empescheroient que pour l'amour de toy, ie ne dressasse encore quelque harengue d'Amour deuant ta maistresse affin de la gagner pour toy, & luy conseiller de respecter ta vertu, bon esprit, & gentillesse.

Theophile, qui s'estoit teu longuement, voyant comme Drion s'offroit de sens rassis à secourir Ergasto en ses amours, luy dit, Donne toy bien garde bel ami, que pensant bastir tes deuis amoureux pour Ergasto tu ne faces ainsi que feir Syluain à l'endroit de la fleur Viennoise lors qu'il luy faisoit l'Amour pour le gentil Geonce, & que pensant prendre pour autrui, tu ne sois fait proie de la Rose, que ce bō pasteur souhaire tant de fleurir, & non à tort, veu la soueueté, beauté, & gentillesse de celle fleur, qui est la premiere de noz loges. Et ne fais pas tant du bon compagnon, & ne t'exempte pas tellement des affections qui rendent les hommes esclaués de quelque grand beauté, qu'il ne te souuienne comme d'autrefois, tu as dancé sur vn pied es montaignes de Bourgogne, pour l'Amour d'une qui valoit bien qu'un berger si accompli que toy en feist compte, & la seruisst & caressast. Drion à ce coup ne peut se garder de rougir, de quoy s'apperceuant Galathee, luy dist.

• Et quoy gentil pasteur, vostre compagnon vous a il refreschy si viuement la memoire de voz passions, qu'il aye fallu que la couleur vous en soit montee au visage. A ce que ie voy si vous entriez en lice comme les autres, ce ne seroit avec plus de discretion que tout autre amant, & puis que la seule memoire vous poinct, & touche si à bon escient, vous en monstrez bien autre apparence si ce que vous aimeriez vous estoit représenté en son estre. Je ne veux nier, gentile pucelle, rien de ce que Theophile a dit, & moins, m'emanciper de la seruitude qui semble vne folie necessaire en l'homme vne fois en sa vie, mais il

me fuffit d'y auoir paſſé, ſans que ie me ſoucie deſormais de rencheoir en vne fièvre ſi chaude, & contagieuſe. Nous y voila rentrez, dit Alexis, ie penſe qu'il veut liurer l'affair & au ciel, & à la terre, pource ie ſuis d'aduis que nous le laiſſions en ſa folie, & opiniſtre, & que nous cōmencionsce à quoy nous ſommes icy aſſemblez, & pourquoy les bergers nous ſont l'honneur de nous bien-heurer de leur aſſiſtance & preſence tant agreable. C'eſt bēn parlé dit Amato, mais ce ſeroit grand ſimpleſſe à nous d'entrer en ieu ſans eſperance de quelque gain ou faueur, d'autant que naturellement en quelque ſorte que les cœurs ſoyent affectionnez, ſi n'y a il homme qui vueille, ou ſouhaite trauailler ſans attendre recompence de ſon labour, ſoit par quelque proufit, ou deſir de gloire ſ'il ſe porte bien en ce qu'il aura entrepris. Au reſte eſtant icy le choix de tant de bons pasteurs, n'eſt raiſon que leur deuoir demeure ſans ſalaire digne du departement. Si ce n'eſtoit que Philarete eſt partialiſé pour les amoureux, dit Drion, ie le prierois d'eſtre iuge de noz faits, veu que pour ſon indispoſition il ne ſçauroit monſtrer ſa gaillardie, & que ſi ie fais quelque grand choſe en noz ieux il ne la paſſe comme cas de peu d'importance. Toutesfois ſcachant que bien ſouuent il parle tout autrement de l'Amour qu'il n'entend, & ſeulement pour ſe ſeruir en opinion d'une grand loyauté il deſſend la cauſe qu'il abhorre le plus en ce monde: ie le prie au nom de toute la cōpagnie de ſ'alloir comme iuge parmy ces belles Nymfes & ordonner ſur le merite de ceux, qui ſeront le mieux en ce combat paſtoral. Philarete vouloit ſ'excuser de ceſte charge tant pour ſe trouuer foible de ſa maladie, que auſſi, ſi la choſe ſe faiſoit pour l'Amour, il ne vouloit rien pretendre contre la maieſté d'une ſi celeſte choſe, quoy que les graces que jamais il en auoit eu, ne le deuſſent pas beaucoup tirer à ſuyure ſon party, & en prendre la deſſence. Et au ſurplus que Drion le tenant pour ſuſpect il ne pouoit iuger en cauſe en la quelle on le peult facilement obietter, & recuſer. Et prioit la compagnie que ceſt honneur fuſt donné à Ergaſto, qu'ils cognoiſſoyent de long temps homme accort, & de fort bon eſprit & lequel entendoit tous les ieux eſquels les pasteurs ſe peuuent adextre.

A cecy ſ'oppose Drion, diſant, que Ergaſto eſtoit trop frais amoureux pour auoir la reſte bien faite, & qu'il auoit la veuë trop chargée d'idees, & imaginations, pour l'employer en ce qui eſt groſſierement viſible. Dauantage que ſi le bon-heur vouloit que la Nymfe aymee dudit Ergaſto vint en la compagnie, ce ſeroit bien gafter le tout, à cauſe que le peu de iugement de leur iuges'en feroit en ſouſpirs & œillades, & ainſi le merite des cōbatans ſeroit ſans ſuffiſante recompence. Ces motz gais du gaillard Drion firent tellement rire les pasteurs & bergers, qu'Ergaſto l'embrassant luy dit, Ie voy bien que le ciel t'a fait eſtre ſans paſſion, afin que l'aſſemblee de ces amans demeurast en alaiue par tes gaillardies, & que ſeul tu emportes l'honneur, avec les attaintes que tu donnes courtoieſement aux bergers qui t'honnorent. Gentil pasteur, dit Drion, tu as beau me flater, car tant que ie vous verray ainſi aſſeruir voz penſees comme vous faites ſous la volonté & deſir peu recognoiſſant de ces cruelles, ie ne ceſſeray de vous accuſer & me moquer de voz ſimplicitéz.

Mais laiſſons cecy, & poſons Philarete en ſon ſiege, à fin qu'il ordonne, & des jeux, & du pris tout ainſi qu'il le trouuera bon, & puis allons voir à qui la for-

tune

run: sera la plus fauorable.

Comme ils estoient sur le point d'assoier leur iuge sur vne chaire faicte de Iossemins, Roses, & autres fleurs odoriferantes sur le branchage d'un chesne espais bien touffu & fueillu, estant en rond ses rameaux, & que desia par la prairie on ne voyoit que tantes de frescades & feillards pour les bergers qui deuoyent entrer au cōbar: Voicy arriuer trois pasteurs de mesme humeur que Drion, lesquels venoyent pour luy faire escorte, scachans bien qu'il estoit au milieu de tels qui auoyent opinion contraire de la sienne: l'un desquels auoit à nom Misogine, le second Alexandre & le tiers Vranie hommes des plus honnestes & excellens que la troupe en eust veu il auoit long temps. Apres lesquels marchoyent deux Nymphes belles, & iolies en toute perfection & lesquelles estonnerent toute la compagnie par leur graue port & modeste contenance, la premiere c'estoit la Rose tant aymee d'Ergasto, & l'autre la gentille Deiphile, pour laquelle bien tost apres Theophile quitta sa Diaphane à fin de sauouer le miel d'Amour à la suite, & seruice de ceste gentille & sage bergere. Si ceste arriuee fust plaisante à toute la compagnie, ce ne fust rien au pris du plaisir que receurent Drion & Ergasto, l'un pour se voir secondé de si roides & gentils cōpagnons, en tout exercice, & l'autre voyant son mieux en lieu qu'il auoit tant désiré, & où il esperoit luy compter ses dolances & luy faire cognoistre ce qu'il scauoit faire, estant esclairey de telle splendeur que celle de la fille du monde, de laquelle il estoit seruiteur, & laquelle pour vray n'estoit non moins serue que luy, si le sort n'eust cōtrarié aux desirs, & desseins de l'un, & de l'autre.

Ce fust icy le plaisir à voir les dissimulations de la fille, & comme le berger vouloit qu'un chacun cogneust la vehemence de son ardeur, & l'amitié non secondable qui le faisoit l'esclau de sa Rose: car quand ce vint aux bien viennemens, & accueils, le berger transporté perdant toute contenance, ne sceut caresser que d'une œillade sa gentille maistresse, laquelle voyant ce changement, & l'extase estonnée de celuy, qui estoit si hardy en toute autre chose, ne peut tant commander à son ame, & si bien moderer ses desirs que changeant couleur elle ne iettast par mesme moyen un soupir si gentiment comparty que vous l'eussiez iugé estre fait à triple fredon.

Syderee, & Galatee qui auoyent long temps conuersé avec ceste modeste pastorelle, voulans courir ceste alteration, comme celles qui ne vouloyent point que les bergers feissent leur prouffit des transports qui aduiennēt à leurs semblables & par consequent qu'ils eussent opinion, que l'Amour les accablait si legerement, & à si bon marché qu'il fait l'esprit des hommes: vindrent l'acoster, & l'arraisonnans de diuers propos la tindrent si longuement qu'à la couleur soudaine aduenue pour le transport d'Ergasto, & l'estonnement la laisserent à sa premiere liberté: non que l'accorte fille ne s'aperceust bien de la ruse de ses compagnes, qu'elle dissimula aussi accortement, comme sagement depuis elle se garda de rencheoir en pareille sincopé & alteration.

Ce pendant Drion festioit les trois pasteurs suruenus, leur mettant en auant le deffy des esclaves d'Amour, contre luy, qui se disoit (& l'estoit pour vray) libre de toute affection, & seruitude amoureuse: les priant au reste d'estre de son costé, & deffendre la cause de ce qui est du deuoir de l'homme, contre ceux

qui oublians leur grandeur, dignité, & excellence, se laissent guider à la fantaisie de leur appetit, & qui estans creéz pour commander, obeissent toutesfois à telle le plus souuent qui ne merite d'estre seulement regardée. Qu'il se faisoit fort, qu'estant leur partie abatuë de pensements, esblouye en la contemplation des bergeres: facilement, & sans trop se peiner ils auroyent le dessus, & de l'Amour, & de ceux qui le suyuent. A quoy la pastourelle seruie de Philarete respōdit, avec quelque peu de colere: Il te deust suffire Drion d'estre né descourtois & haut à la main, sans encor enuveloper en ta ruine ceux qui venans icy pour acquerir honneur pourrōt par ton moyen s'en retourner avec leur courte honte. Veu qu'il ne fust iamais que ceux qui se promettent beaucoup, & ont grand opinion de leur valeur, ne descheent de leur pretente & ne s'aprestent pour estre risée à tout le monde qui les aura ouy brauer. Je suis marrie qu'un homme de si bon lieu, & duquel l'esprit n'est trop impertinent s'oublie ainsi à vituperer ce qui est louable, & à detester, ce que tous poursuyuent & cherchēt. Et véritablement si l'Amour estoit quelque cas de contrenaturel, ie louerois grandement & toy & tout autre qui luy donneroit la chasse: mais voyant que le veiller, le dormir, le manger, & le boire ne sont plus vtiles au corps, ny plus suyuanis ce qui est de propre à la condition de tous animaux, que sont les affections reciproques, que noz ancestres ont appellé Amour. Esquels s'il y a quelque degoust & amertume, ie vous prie dictes moy, quelle viande est si bonne, apertissante, & sauoureuse, laquelle prise hors de saison ne domage à l'estomach de l'homme: Le dormir nous estant interdit cause vne ne scay quelle debilitation de cerueau, mais si lon en prend plus que de raison, vous auez la teste pesante, le corps lasche & l'esprit non faisant guere bien son deuoir. Ainsi en est il de l'Amour d'autant que ce n'est que passer temps & plaisir, & resueil d'esprit à ceux qui le poursuyuent avec toute discretion, là ou les sots, & eccrueillez s'y transportent de telle façon que ce n'est sans occasion que les poètes ont fait plusieurs amans auoir esté conuertis ou en pierres insensibles, ou Animaux sans raison, pource que ceux cy ont plus suiuy ce qui est sensuel en l'homme que la perfection de l'esprit, qui est fait à l'image de la diuinité.

C'est là ou ie vous attendois, respond Drion, scachant bien que vous ayez tant la verité, que pour affection que vous ayez, vous n'ayez garde de flectir de ce qui est raisonnable: & confesse avec vous que ceux qui vident avec iugement, & discretion des choses d'Amour, ont autant d'aïse en ceste poursuite, comme les peu sages, & accorts y ont d'angoisses, & trauerses, & comme les capifs y sont traictez à la deuotion de leurs cruelles maistresses.

Mais ie vous prie dictes moy, ou est-ce que vous trouuez ces amants si discrets qui puissent façonner leurs fantasies selon, & suiuant les termes de raison? Comment fera sage celui, lequel est priué de son sens commun, l'Ame duquel ne respire que resueries, & qui desnüé de cuer s'amolift apres ce qui seulement ressent ce qui est de terrestre & grossier en nous? Ne faignons rien que de qu'il est: pourquoy est-ce que nous aymons les bergeres? Est-ce pour quelque opinion de la rarité de leur vertu, & modestie? Mettons le cas qu'il y en aye qui ont ceste inclination, si est-ce pourtant que de mille auoureux vous n'en trouueriez pas vne dizaine, qui louans leurs pretendues maistresses vous facent parade

parade que de ie ne sçay quelle beauté qui se flaitrist avec le temps, & de bonne grace, chose qui se iuge selon la diuerse opinion des hommes. Et puis encor voyons à quoy tend la fin de l'aimer, que s'il y a grand chose de rare, & excellent, & qui suiue la raison ie le vous donne gaigné : si vous ne vouliez dire que toute conuoitise, & desir esmeu naturellement en l'homme fust des apennages de vertu. Ergasto, qui elcoutoit mal patiemment les propos du berger sans affection d'amour, luy respond ainsi. Et quoy Drion, est ce le peu de souuenance que tu as des propos que tu as ouy lire à noz ancestres qu'un certain pasteur ancien a tenu sur la force de ce qui est beau en nature ? Ne sçay tu pas que le mariage du beau & honeste est si indissolublement lié qu'il est impossible que rien puisse porter tiltre de beauté, qui n'aye l'honnesteré à sa suite ? Aussi ne sommes nous si grossiers, que contemplant l'effet de quelque beauté ne le mesurons plus durable, que ce qui se voit exterieurement : autrement on n'aimeroit point l'homme, seulement la figure de luy qui est exterieure. D'autant que ceste masse qui apparoit en nous n'est point l'homme, ains est sa perfection contempee en ce qui est interieur, & qui depend de l'esprit. Par ainsi l'Amour parfait, & comme nous aimons se raporte, non simplement au corps, qui est celui, qui declaire l'aprehension de l'ame, mais trop bien à l'esprit où est la beauté, & qui façonne ceste grace, que tu dis dependre de l'opinion diuerse de plusieurs. Mais cela est tout ainsi que quand tous disent que le blanc est blanc, & le noir noir, veu qu'il n'y a homme si simple, qui voyant vne Nymfe gentille, modeste, & sage en sa contenance, ne soit esmeu par la force de la verité qui nous suit, de dire que ceste fille est de fort bonne grace. Ce n'est point vne opinion diuersifiée, ains vne diuersité vnée en mesme & pareille opinion. Si tu contemples la fin de l'Amour, ie te confesseray veritablement que c'est la liaison non seulement de deux volonte, qui se fait par le desir, & par l'opinion que ont les parties l'une de l'autre esmeue, par vertu, & apparence exterieure du bien caché dans l'esprit, ains encor par l'alliance & conionction des moitez des vnes, qui sont en l'exterieur. Mais comment cela ? Non comme les brutes, & bestes sans raison, ains suiuant la loy de raison, & ordonnée par les celestes, que les sages pasteurs ont appellé mariage, car hors de luy nulle conionction n'est honeste ny licite : Que si tu appelles cela mal, ou brutalité, & si tels desirs se desbordent de la raison, ie suis d'aduis que tu t'empoignes à dieu, à la nature & aux loix ordonnées de toute anntiquité, &c.

Aux histoires Tragiques tome quatriesme, hist. Lxxi. D'un cheualier Espagnol qui se met follement en hasard pour acquerir la grace d'une damoiselle, & recognoissant sa folie se despart sagement de sa poursuite.

Il faudra que ie die avec le Poëte Italien, qui a fait & dressé la fable de Roland Amoureux,

*Qu'un beau visage a en soy tant de force
Qu'à le servir un chacun il efforce,*

Er

*Et ce desir Amour se fait nommer
 Quoy que bisarre il soit fier & amer,
 Ayant en soy douceur & courtoisie,
 Orgueil, rigueur, desdain, & ialousie,
 Ores plaisant & amiable & doux:
 Et tout soudain tout confit en courroux.*

Car l'effait m'en donne cognoissance lisant tant de beaux exemples qui sont mis par escrit, non afin que nous les imitions, ains fuyons sagement ce qui ne peut porter rien autre cas de fruit pour nostre salaire, qu'un tard repêchir & vne penitence peu agreable, mais digne du peché commis volontairement. Or chacun scait quel prince a esté don Ferdinand d'Aragon, fils du Roy Jean de Navarre, ie dis celuy Ferdinand qui espousa Isabelle seule heritiere de Castille, & y a peu d'hommes qui ignorent les vertus & excellences de ce grand prince; comme celuy qui s'est fait cognoistre vray defendeur de la sainte foy Catholique, chassant les mores du pais & Royaume de Grenade, & pour les grandes victoires obtenues sur les Barbares & infidelles il merita le nom de Catholique. Ce fut aussi luy qui ialoux de l'honneur de Dieu, & desirieux du salut des ames, chassa de ses terres & seigneuries les deuns, Necromantiens & autres, s'adonnans au seruice des diables, le nombre desquels estoit presque infiny, y ayant pullulé a cause de la communication que les Chrestiens auoyent avec les Barbares de Leon, & Grenade, qui apportèrent avec le Mahometisme ceste science malheureuse d'Afrique en Espagne. Il en osta la memoire, fermant les escoles de Toledé, & Salamanque dressees pour tel apprêtissage, & fait bruller tous les liures qu'il peut recouurer seruans à telle impieté & damnable superstition, comme celuy qui vouloit que tout ainsi qu'il auoit le nom de Catholique, les effaits aussi ressentissent la purité de son ame. Ce prince feit plusieurs belles & saintes loix, tant pour la police de son Royaume, que pour l'estat & ordre militaire, & establir des Cheualiers croisez pour tenir teste aux infidelles de Barbarie: & sous luy le premier fut illustré l'art tant necessaire du nauigage auec Christophle Colomb, qui descouurit les terres du pais qu'on appelle les Indes nouuelles. En la court de ce roy on ne voyoit que la face d'une vraye escole de vertu, ayant la Royné Isabelle dressé le tout avec vne si grande sagesse, que les armes florissans sous le nom du Roy, la chasteté tenoit rang par elle entre les filles de la suite, pour seruir de patron & exemple à toutes les princesses de la terre. Non pourtant y estoit close la porte à l'amour, i'entends marié avec le respect qu'on doit aux grandeurs de telles maisons, & honneste-té requise entre ceux qui se vantent de porter tilre de noblesse: cognoissant la sage princesse que la beauté seruoit d'esguillon aux ieunes Cheualiers de faire reluire leur vertu aux armes, afin de se faire cognoistre & aquerir la grace de leurs dames & maistresses. Parmy la troupe gaillarde de tant de Cheualiers qui estoient à la suite des Rois Catholiques, y en auoit vn vaillant & renommé pour sa sagesse & dexterité, fort prisé du Roy & de la Roine, & presque y tenant des premiers lieux, appelé don Jean Emanuel, lequel durant le repos de la guerre, & fuyuant son Roy, deuint extrememēt amoureux d'une damoiselle de la

de la Royne qui auoit à nom Eleonore , aussi descourtoise & reuesche comme le gentilhomme estoit doux & courtois. Ce que luy cognoissant , & voyant le peu de compte qu'elle tenoit de son seruice , ne laissoit pourtant de l'aimer & poursuiure , prenant garde en tout ce qu'elle prenoit plaisir , ou il s'emploioit d'aussi bon cœur , comme elle desdaignoit tous ces deuoirs & honnestes seruices. On ne voioit que lices dressées , perrons plantez pour les deffis des amoureux , tournois , ioustes , combats à pied & à cheual tout pour les dames , & ou Emanuel se faisoit voir des premiers , & sentir des plus brusques & hardis : & quoy que souuēt il emportoist le dessus & luy feist present de ses côquestes , à scauoir des ioyaux conquis en ces honnestes & vertueux exercices , & qu'elle ouist chacun louer hautement la vaillâce , gentillesse , & courtoisie de son seruiteur , si ne fut il onc possible de ployer ce cœur hautain de ceste Espagnole desdaigneuse. Aussi ie croy que ce qui nuisoit au gentilhomme , c'est que luy estant gaillard , haut à la main , courtois , liberal , magnifique , & vaillant de sa personne , toutesfois il estoit laid difforme , & fort petit de stature , tellement que ceste mignonne ne pouuoit contempler sous la deformité de ce corps vne ame fort gentille. Cestuy se voyant ainsi mespriser creuoit de dueil & desplaisir , & quoy que (suyuant le naturel de sa nation) il fust rogue & superbe , si estoit il si coiffé de l'amour de ceste fille rigoureuse , qu'ayant longuement pensé à ses façons de faire , il se donnoit le tort , & luy confessoit la victoire , & qu'elle auois occasion de ce faire , luy n'aynt encor' tant meritè par son seruice que d'oser attendre encor' quelque faueur d'une si grande beauté. Les armes ayant fait preuue de sa vaillance & la consecration de ses conquestes faite à Eleonore avec offre de son cœur , ne luy sembloient suffisantes pour luy exprimer son ardeur , & par ainsi s'adressant à vn Poëte de son temps , qui escriuoit assez doctement en langue Castillane , obtint de luy quelques vers desquels il vouloit faire present à sa dame , & lesquels mis en François contenoient ce qui s'ensuit.

*L'amour qui regist mes desirs
Et qui cause les deslairs
Et les soulas que sent mon ame
Allume au milieu de mon cœur
Vn feu de si extreme ardeur
Et vne si cuisante flamme:
Que mon aueugle entendement
Quoy qu'il souffre estrange tourment
Encor' ne cognoit son oppresse,
Car en mourant & languissant
Et d'aucun heur ne iouyssant,
Encor' ce feu doux il confesse.
Las! ie ne voy si ma douleur
Perd vn seul point de sa rigueur*

*Alors que suis en ta presence:
Car mesme mal mesme plaisir,
Pareil souhait, mesme desir
Le sens en presence & absence.
Mais donc comment se gueriroit
Et de son mal s'allegeroit
Ce cœur qui ne sçait sa souffrance?
Ah! ah! ma douce cruauté,
Helas ma rebelle beauté,
Tuy seule en as la cognoissance
Car ce cœur qui iadis fust mien,
Ne l'est plus ains il est tout rien,
Et en toy il prend vie & aise:
Il se nourrist de ta faueur,
Et languist sentant ta rigueur,*

Ores

Ores glacé, puis tout en braise.
 Allege belle ce tourment
 Et haste le soulagement
 De cest esclave qui te prie:
 Allege ce cœur que tu tiens.
 Et toutesfois son heur retiens
 A fin de me tenir en vie.
 Voy ce que ie fais pour auoir
 Vn fondement de mon espoir
 Au cœur de celle que i honore
 Afin d'estre fauorisé,
 Aymé, caressé, & prisé
 De ma diuine Eleonore.
 Le camp fier des Mahometans,
 Le taint hideux des Africans
 Ne scauroyent estōner mon ame.
 Toutesfois ie vay tremblotant
 Et fremis tout, me presentant
 Deuant toy ma celeste dame.
 Ce n'est de couharde frayeur
 Que sens epoinçonner mon cœur,
 Ains de desir, & sans foiblesse,
 Le me sens du tout abatu
 Sans force, pouuoir ny vertu,
 Sans le secours de ma maistresse.

Remets en force vn Cheualier
 Et l'accepte pour ton guerrier
 Et pour ton seruiteur fidelle:
 Si tu le detiens en suspens,
 Si ses esprits vains tu luy rends
 Ah! on t'estimera cruelle.
 Cruelle hélas! on te dira
 Et le siecle aduenir sçaura
 Ma loyauté & ta rudesse:
 Le seray loué pour ma foy,
 Et chacun chantera de toy
 Ce fut une fiere maistresse.
 Ce fust une grande beauté
 Toute confite en cruauté,
 Ce fust une douceur trompeuse:
 Non, non, dira mon esprit lors
 (Quoy qu'esloigné soit de son
 corps)
 Elle estoit de moy amoureuse.
 Mais le destin nous empeschoit
 Et fortune point ne vouloit
 Vnir parfaitement la braise
 Qui couuoit avec grand ardeur
 En son esprit, & dans mon cœur,
 Pour du tout parfaire nostre aise.

Ces couplets acheuez il trouua le moyen de les faire donner à sa maistresse, laquelle les accepta plus pour s'en moquer avec ses compaignes, que de chose qu'elle se souciaist de celuy qui les luy enuoyoit, aussi en reuoya elle le messager sans aucune responce: & ayant leu les couplets, elle veit deux ou trois vers sur le remply du papier qui disoyent ainsi:

Quando en mi pœna maior
 Jo publico lo que siento
 Es el spirito d'amor
 Que sin mi consentimiento
 Dizo todo lo que siento.
 Qui signifie en nostre langue:

Alors que ma peine ie dis
 Et la publie en mes escrits
 C'est l'esprit d'amour qui la chā-
 Lequel sans mō consentemēt (te,
 Expose tout mon pensément,
 Et la douleur qui me tourmente.

Voila dit Eleonore nostre Paris & beau Cheualier, qui laissant l'estoc & la lance a prins les armes du Boscan pour esttaquer à nous, & avec les vers donner l'assault à noz cœurs, mais s'il n'y est plus heureux qu'au reste de ses desseins, il peult

il peult quitter la plume à vn autre , à fin que se despoüillant des ornemens d'autrui il paroisse tel qu'il est, & nous laisse viure en repos, sans nous rompre la teste avec ses fantasies. Il y en auoit en la troupe qui se fussent estimees bien heureuses si le Cheualier leur eust fait vn tel honneur que de les aimer , & ne luy eussent vsé de si grande rigueur que ceste despite Eleonore , mais quoy ? il aduient presque tousiours que les amans s'affectionnent en des lieux tout contraires à leurs affections , & desquels ils ne peuuent tirer chose qui face à leur contentement C'est ainsi qu'en aduint à ce vaillant guerrier , qui se rendit le caprif d'une, laquelle en lieu de le traiter selon son merite , prenoit bien plaisir de le tenir sous sa puissance & s'en glorifier , mais de luy donner la moidre faueur du monde, non pas d'une seule œillade, il n'y auoit aucun moyen , ce qui faisoit viure Emanuel , le plus triste & mal content gentil'homme de Castille. Neantmoins se trouuant vn iour en liberté de parler avec sa maistresse , il luy dist ce qu'il pensoit, la suppliant de l'accepter pour son seruiteur: que si elle faisoit difficulté de luy departir tant de grace & faueur , & que iusques alors elle n'eust prins garde à tout ce qu'il auoit fait pour gagner son cœur, que ce fust son bon plaisir de faire preuue de son affection, & essayer combien il estoit deuotieusement lié à elle pour luy faire service plustost , & sur toutes les dames du monde: adioustant qu'il n'y auoit chose si difficile ou dangereuse à laquelle il ne donnast fin pour l'asseurer de ceste seruitude , & de la puissance que seule elle auoit , & auroit tousiours de luy commander. La fine damoiselle, ou soit qu'elle voulust esprouer la foy & constance de son Cheualier, & si l'effect correspondoit aux parolles & brauades, ou (peut-estre) qu'elle souhaitoit de se depestrer de luy, tout ainsi que iadis on dit que Iunon se trauailloit de faire mourir Hercule, ou Saul d'oster le bon David de ce monde en l'exposant à plusieurs dangers, elle luy va parler assez doucement, mais ressentant tousiours sa cruauté & gloire qui luy estoit naturelle. Je ne sçauois (seigneur Cheualier) croire si legerement & à credit , que vous m'aimiez avec vne telle vehemence & ardeur que vous dites, sçachant biē combien les hommes sont rusez & cauteleux en parolles pour nous attirer , & de quelles flammes ils nous font parade pour nous deceuoir , où à l'effait ils deuiennent plus froids que glace , & plus paresseux & lents que la mesme couhardise pour l'execution des desseins de celles desquelles ils se disent seruiteurs , voire treshumbles esclaves. Et pource vous mettant au rang de ces hableurs sans effait, ie seroy d'aduis que vous prenez autre adresse, & me laissez en repos sans plus me tourmenter avec vos parolles ny lettres pleines de fainctise, & ausquelles ie ne veux ny pretēs adiouster foy en sorte quelconque. Le Cheualier qui mouroit de desplaisir oyant ceste resolution de deffiance , ne sçauoit que luy respondre, sinon en la priant qu'elle luy feist tant de faueur , que de l'employer en chose par laquelle elle se peust assurer, que si d'autres estoient peints des couleurs des desloyauté, qu'il n'en sentoit en rien l'impression, & qu'elle cognoistroit comme il ne mettoit aucune difference entre le dire & l'executer , & que plustost il mourroit que faillir à son entreprise. La damoiselle conduite de ceste legereté qui volontiers accompagne a ieunesse luy dit, Dom Emanuel, si vous voulez que ie vous aime, & croye que vostre affection est telle que vous dites enuers moy, vous ne m'en sçauriez dō-

K ner

ner plus grand preuve que de me donner cinq testes de Mores , lesquels vous aurez vaincuz d'homme de bien seul , & occis en bataille singuliere & sans autre secours. Voyez l'inciuité de la demande que de mettrevn homme en tel hazard que le vouloir opposer à cinq , là ou vn fort vaillant homme est assez estonné s'en voyant vn en teste, veu que (comme lon dit) & Hercule ne sçauoit baster ny suffire contre deux : c'est folie de penser qu'on fauche ainsi les hommes , comme le faneur abat de sa faux les herbes dans le pré durant les ardeurs de l'esté, comme les Romans nous faignent vn Roland & Regnaut seuls aller contre vne armee, & les mettre à desconfiture. Aussi fault considerer icy le peu de consideration du Cheualier, qui sans auoir esgard à la raison & à ce que peut l'homme sans forcer nature , il s'alla precipiter en vn tel danger, d'où sans l'aide de Dieu (qui prend soucy des fols & des enfans) il ne fust iamais sorty : neantmoins il accepte la condition & engage sa foy à la damoiselle , se faisant fort que bien tost elle auroit nouvelle ou de sa mort ou de sa victoire. Et sans plus delayer il met son cas en ordre , part de court , dispose de son bien secretement , & prend le chemin de Barbarie accompagné de trois seruiteurs, & ayant passé le destroit si fameux de Gibraltar, renommé pour la memoire d'Hercule qu'on dit y auoir planté des colonnes en signe de ses triumphes & conquestes, il se mit en voye par le país African , veu qu'il y auoit trefues entre les Mores qui se tiennent le long de la marine, & les roys Catholiques. Le Cheualier Espagnol se tint parmy les Barbares pres d'un an , ou il guida & conduist si bien ses affaires, que non seulement il entra cinq fois en combat d'homme à homme, ains sept en rapportant tousiours la victoire. Et tuant ses ennemis leur coupoit les testes lesquelles il entama & emplist d'herbes souëfues & odoriferantes , & avec ces sanglantes & hideuses despoüilles il repassa la mer , & s'en vint à Medine du camp ou pour lors estoient les maiestez de ses prince & princesse. Et n'est pas si tost arriué qu'il fait entendre son retour à sa douce ennemie, que dis-je douce , mais la plus mortelle qu'il eust en ce monde , l'aduertissant de son deuoir , & comme il auoit encor plus fait qu'elle ne luy en auoit donné en charge. Avec ce, à fin qu'on ne pésast qu'il eust fait fraude ny ruse en son fait , il monstra parentes des gouuerneurs des places ou il auoit eu les combats , assurant & certifiant chacun de son deuoir & de la cause de leur querelle, & des moyenstenus à gaigner si grand gloire acquise en combatant. Ceste folle damoiselle qui pensoit que iamais le Cheualier n'eschapperait de ceste perilleuse entreprinse, ou que ne l'entreprenant point elle seroit deliuree de ses poursuites fust estonnée & de son retour & de sa vaillance. Et quoy qu'elle le haïst à mort, & n'eust aucunement en pensee de le fauoriser , si est ce que sa parole l'obligeant & voyant que son amitié estoit sans fiction & par trop affectionnée , elle estoit contrainte de luy monstrier quelque semblant d'esgalle volonté , ne sçachant toutesfois comme proceder en chose qui luy estoit si angoisieuse. Neantmoins Emanuel l'estant venu visiter , elle le recueillit avec meilleur visage que de coustume , sans toutesfois se soucier des testes effroyables de ces Mores monstachez , & avec leurs grosses & mortifices leures : le reprenant de sa hardiesse , & qu'elle n'estimoit pas que pour vne femme il se fust voulu mettre en si grand danger, qui seroit cause (disoit la dissimulée) qu'elle l'en

l'en aimeroit toute sa vie, & en ce que honnestement elle sçauoit luy gratifier elle n'y feroit point la retifue. Emanuel qui cuidoit desia auoir tout gagné, & estre asseuré de sa maistresse la careffoit, se familiarisoit avec elle, & rendoit au point de faueur, ou tous les plus chastes amants aspirent, quelque couleur de vertu qu'ils attribuent à ceste affection passionnee, que on appelle amour: mais à la longue il experimenta vn tour de femme, & veit quel compte elles font des hommes, de leur seruice, & de leur vie. On est abreuu par tout le palais Royal de la folle entreprinse du Cheualier, & combien gaillardement il s'y estoit porté reuenant avec honneur, chargé de victoire, & des marques de sa vaillance trop temeraire: Dequoy la Royne qui eust esté marrie de la perte, d'un tel homme, aduertie que fut, l'ayant fait venir en sa chambre le reprint, & tença fort aigrement, de ce que à la folle requeste d'une femme sans aduis ny iugement il s'estoit hazardé à vn peril duquel il ne pouuoit recueillir autre nom que d'un fol presumptueux & temeraire. Que si le Roy vsoit plus de rigueur de iustice qu'il ne faisoit de misericorde, il s'estoit mis en grand danger qu'à son retour sa teste ne tint compagnie à celles des Mahometistes comme ayant passé la mer sans son congé, & mis la paix en branle, & les conditions de la trefue à neant, semblant aux infidelles qu'il fust allé en Barbarie les quereller, & chercher les moyens de renoueller la guerre s'ils se mettoient en deuoir de luy faire tant soit peu de fâcherie. Emanuel voyant les raisons de la Royne, & avec quelle douceur elle le reprenoit, supplia sa maiesté de luy pardonner, & au reste penser que l'amour le tenoit tellement esclau, que si cent mille hazard plus grands que celuy la se fussent offerts, il s'y fust lancé avec vn tel commandement, luy semblant aduis que puis que l'amour est ineuitable, que la coulpe deuoit estre plustost reiettee sur luy, que sur ceux qui follient estant poussez de luy, & ne luy pouuant faire resistance. La Roine se moquant de ces raisons si mal fondees, luy disoit que les amoureux & les yurongnes deuoient estre punis de mesme, car celuy qui se charge de vin doit porter la penitence, non pour vn crime commis durât son yurongnerie, mais bien pour s'estre laissé troubler le sens pour boire sans mesure: aussi les amants faut que soyent chatiez non s'ils se desuoyét, estant ce le propre des hommes vaincus de telle passion, mais pour auoir donné tant de force à la sensualité sur la raison qu'en fin elle l'ait accablée. Quelque aduertissement que la Roine eust donné à ce gentilhomme de se deporter de ceste entreprinse, il ne desista pourtant de poursuiure, estimant, veu le bon visage que luy monstroient Eleonore qu'il en viendroit au dessus, non qu'il ne se fâchast grandement, qu'ayant fait telle & d grande preuue de son amitié, il en eust si froide recompence, que de ce peu que les damoisselles donnent de faueur ordinaire à ceux qui les seruent, d'autant que son amitié estant sans pareille, & l'obligation d'elle grande en son endroit il luy sembloit qu'elle deust mesurer la recompense selon qu'il la desseignoit. Et ne laisser vn si beau chemin appresté pour vnir à iamais deux volontez amoureuses: mais il se trompoit, car la damoiselle quelque contenance qu'elle eust l'aimoit aussi peu que lors qu'elle luy commanda la guerre contre les Mores. Ses amis d'autre part luy estoient aux oreilles, le tençoient & reprenoyent aigrement de s'amuser ainsi à vne ingrate, & qui luy estant inescgalle en toute chose il estoit vn

K 2 grand

grand fol que de la poursuiure , assuré, que pas vn de ses parens ne trouueroit ceste alliance bonne: qu'il deuoit chercher party selon son rang, & esgal en antiquité de race & noblesse de sang. Mais c'estoit chanter deuant les sourds , ou faire son à ceux qui sont trespassez , car Emanuel ne vouloit & ne sçauoit , ou peut-estre ne pouuoit oublier ce feu amoureux , & moins se retirer de la poursuite. Ainsi se trouuant vn iour avec son aduersaire , & laquelle il aimoit si estrangement, il luy dit, Et quoy, ma damoiselle, ne vous ay-ie pas assez donné de preuue de ma loyauté, pour desormais estre recompensé de ma peine? Voulez vous que encor' ie vous en monstre vne plus grand euidence? Que reste-il plus sinon que ie me sacrifie à vostre cruauté puis que autre chose ie ne puister de vous que rudesse & mal traitement? Seray-ie tousiours repeu de dissimulations & nourry de la seule esperance si vaine , qu'elle se esuanouyst aussi tost que le souffler d'un vent tourbillon? Faiçtes , ie vous supplie , faiçtes tant pour mon bien, & vostre descharge que ie voye ou la fin de mon malheur ou de ma vie , car d'estre longuement en ces alteres , ce n'est en moy de le pouuoir guere plus endurer. Eleonore qui n'osoit le dechasser se sentant si obligee à luy , creuoit de de daing le voyant si fascheux en ses poursuites , & se repentoit de l'auoir iamais employé , neantmoins pour ne luy donner occasion trop poignante de se plaindre, luy tenoit le bec en l'eau, disant assez froidement: Qu'elle n'ignorot pas ny son merite ny sa fidelité, & qu'estant vertueux & honneste comme il estoit, se deuoit contenter qu'elle l'aimoit & estimoit sur tout autre , & qu'elle ne luy osoit manifester ce qui se couuoit en son ame , qu'il eust patience, & se confortast sur l'assurance de son bon vouloir qui luy deuoit suffire, attendu que c'estoit tout ce qu'elle luy pouuoit accorder. Ces harangues durerent vn long temps , & fust plus capitulé sur ces amours sans effait ny profit, qu'à faire la paix entre deux les plus grands princes de l'vniuers. La court s'en allant de Medine à Seuille (iadis Hispalis & chef du Royaume Espagnol) le Cheualier n'y faillit de suiure le Roy , non tant pour estre ordinaire de la maison , que pour ne s'esloigner de celle qui l'eust voulu sçauoir en l'Isle de Cuba en la nouuelle Espagne , pour n'auoir plus vn si fascheux resueillement pour luy rompre la teste. Or faisoit le Roy Ferdinand nourrir des Lyons à Seuille pour son plaisir , ainsi que voyez que les grands princes ont leur passetemps tout diuers à l'humeur du vulgaire , & alloit souuent, fust le matin ou sur le tard, vers leur parc, & loge pour voir leur contenance lors que leur gouverneur leur donnoit à manger, & admirer l'effort & industrie de l'homme , avec la faueur que Dieu nous fait, nous assuiettissant ainsi toutes choses. Vn iour que le Roy & les dames estoient à la galerie voyant les Lyons prendre curee de quelques mastins qu'on leur auoit ietté, comme Emanuel parla avec sa maistresse, aduint qu'elle (fust par mesgarde & n'y pensant poins, ou à son escient) laissa tomber vn gant parfumé dans le parc des Lyons , dequoy elle se monstra si faschee, que larmoyât elle dist: He Dieu, & qui me redra mon gant que i'auoy si cher pour l'amour de la main qui m'en auoit fait present? Car ce faisant ie cognoistray l'amitié q' lon me porte. L'enragé Emanuel sans dire autre cas descéd en bas, & se faisant ouurir la porte du parc ayât l'espee au poing, & la cappe entour du bras gauche entra hardiment , & sans s'estonner où les Lyons estoient

encores,

encores ; & print le gand non sans grand effroy & estonnement de tous les assistans , toutesfois sans que les Lyons bougeassent tant peu soit pour luy nuire ou l'endommager. Mais montant les degrez il s'aduisa de toutes les folies passees, & des dangers ou desia par deux fois il s'estoit mis & exposé pour ceste folle, qu'il cogneut lors estre plus que traistresse & malicieuse, cherchant ainsi les moyens qu'elle faisoit pour le faire mourir. Toutesfois sur l'heure dissimulant ce qu'il en pensoit luy porta le gand, & luy dist qu'elle contast pour deux, & que la troisieme pourroit finir la partie. Elle l'entendit bien, mais n'en tint compte, ains fut si rogue & mal apprise qu'elle ne daigna seulement le remercier, & pense qu'elle estoit marrie de ce que les Lyons auoyent desia prins leur repas, afin que le Cheualier ne fust sorty sans monstrier là vn tour d'escrime, & s'il estoit si vaillant qu'on l'estimoit en la maison Royale. Ou il n'osa guere arrester craignant le courroux de la Roïne, laquelle s'irritoit fort contre luy pour aller ainsi desesperément hazarder sa vie, & eust esté en danger s'il eust esté rencontré sur ceste chaude cole, d'auoir embrassé vne prison en lieu de sa prétendue maistresse. Contre laquelle la Roïne vomit son courroux, l'appellât forte & indiscrete de tenir si peu de compte des homes si necessaires au Roy, que de les hazarder si souuent à la mort: luy deffendit sur peine de la vie, de ne plus parler à gentil home quel que ce fust, puis que ses façons de faire estoient si d'ageres, & son cœur si farouche, que d'esprouuer la loyauté avec vne sonde si mal plaisante: & scachant que Emanuel s'estoit retiré en sa maison, luy manda qu'il ne fust si hardy de venir en court sans estre mandé, & qu'il auoit fait quē sage de se retirer, car autrement elle luy eust appris à goustier que vaut de desobeir à son superieur, & ne tenir comte de celuy qui a sur luy toute auctorité & puissance. Dom Emanuel ayant mis de l'eau en son vin, & depouillé la bestise en laquelle amour l'auoit plongé, tout ainsi que les Poëtes fignent des compagnons d'Ulisse par le breuuage enchanté de Circe grand sorciere, dès qu'il est à sa maison deschira tout ce qu'il auoit de faueurs d'Eleonore, & ne voulut plus que ses pages ny mouçons ou estaffiers portassent liuree des couleurs de sa cruelle ennemie, laquelle il print en telle detestation & haine, que iamais ne fut pareille celle que Timon Athenien portoit à tout le genre humain, ny ne s'y pouoit paragonner celle du Palladin Regnaut de Montauban, apres auoir gousté de l'eau enchantee qui faisoit oublier l'amour & detester la chose aimée, iadis charmee par le sage Merlin pour oster à Tristan la fantasie amoureuse qu'il auoit sur le Roy de Cornouaille. Emanuel donc d'amant, esclau & assuietry, deuient mortel ennemy, oublie la beauté d'Eleonore, & pense seulement en sa felonnie, deteste non le sexe comme plusieurs font sans raison, mais ceste cy creée, comme il disoit en despit de nature: & saoul de pensement diuers ne pouuant plus son cœur retenir ceste tempeste, enuoya à la langue le surplus de ses discours, & lors il commença de parler ainsi que s'enfuit. C'est grand peine certainement en l'esprit d'un tyran qui fait mourir vn innocent, mais & son crime, & le tourment que luy donne sa conscience redoublent alors qu'à l'innocence est iointe l'obligation, qui l'astraint & rend redeuable à celuy qu'il fait mourir. Mais de quel crime accuseray-ie ceste desloyalle & trôpeuse damoiselle, laquelle sous vn voile de fainte amitié, & avec

le masque d'une grande simplicité n'a fait scrupule de me mettre deux fois en hazard & peril de perdre la vie? Avec quelles parolles (puis que d'effet ie ne puis, y obstant l'honneur & reputation d'un vaillant homme) me vengeray-ie de ceste tygresse felonne, & ennemie de toute vertu & courtoisie! A qui decourriray-ie sa meschaceté & essays desloyaux & infidelles? Ah fauce femelle! ie ne pense point que tu sois du sang, & naturel du reste des femmes, en voyant peu qui s'acharnent cruellement sur ceux qui les aiment, honorét & caressent? Si j'auois fait quelque offence, & commis vn forfait contre toy, ie ne serois marry qu'avec telle dissimulation & fainrise tu eusses rasché d'en prendre vengeance. Mais ie n'ay sinon aimé, ie n'ay que poursuui ton alliance, te faisant trop plus d'honneur qu'il ne t'appartenoit, & te caressant outre ton merite. Ah Royne la plus sage & vertueuse & qui viue, que tu as bonne occasion de te moquer de la simplicité mienne, qui sçay bien dompter les hommes, & ne suis effroïé du rencontre des bestes les plus furieuses & espouuentables, & toutes-fois vne sorte m'a dompté, & ay esté fait proye d'une beste sans raison, & l'esclau de celle qui ne sçait q̄ vaut ou la liberté ou la seruitude. Pardône moy, Princesse souueraine, & voy ma repentance, avec espoir de mourir plustost que iamais amour se vante de m'assuiettir. Il eust continué son dire, si quelques gentils hommes ses voisins ne feussent venus le visiter, pour voir s'il vouloit aller prendre le plaisir de la chasse en leur compagnie, & qu'aussi s'en venoyent-ils souper chez luy pour de là en auant s'acheminer en court, ou ils auoyent affaire. Le gentil homme fut fort ioyeux tant de l'honneur qu'ils luy faisoient le visitant si familièrement, qu'ayant vn moyen si à propos pour escrire le dernier à Dieu à sa cruelle fauorite, & la peindre de ses couleurs pour passer ainsi sa colere, puis qu'autrement il n'y pouuoit remedier, pour rassasier son esprit desirieux de vengeance. La chasse ne fut de grâd duree à cause qu'il estoit assez tard quand ils partirent, & ainsi Emanuel les ayant festoyez au souper, chacun se retira en sa chambre, & le passionné, non d'amour, mais de courroux, en lieu de se coucher se mist à fucilleter liures, & recueillir vers pour escrire, en faisant vn amas tel que s'ensuit,

Dom Iean Emanuel à l'Ingrate Eleonore.

*Que n'a le Ciel en produisant ton corps
Formé l'esprit tout tel que le dehors?
Ou que n'a il cest esprit fait visible
A fin qu'estant, ainsi qu'il est nuisible,
On l'eustast ainsi que le nocher
Fuit un escueil, ou perilleux rocher,
Lors, que tandis que le Ciel ne l'estonne
Avec ses feux, la mer rase il silonne?
Que n'a le sort assuietry ton cœur
Dessous la loy de quelque grand rigueur,
En te donnant un amy aussi stable,*

Comme

Comme ton cœur est loyal & aimable?
 Que n'a l'amour descoché tous ses traits
 Les plus ardens, & les plus imparfaits
 Qu'ont dessus cœur esmeu il descocha?
 Et si iamaiz ses yeux en desboucha
 Pour aduifer, est pour faire l'eslite
 De quelque bien & souldas, & merite.
 Que n'a il pris ce desir, ah! pour moy
 Et pour iuger de ma loyale foy?
 Et regarder la plus faulxe femelle,
 La plus traistresse, & subtile & cruelle
 Que nature ont ait en terre produit,
 Comme un sion d'un sausageon sans fruit?
 Que n'a ce fol aduisé ta faintise
 Et le desir de ma grande franchise
 Pour separer mon cœur de ton desir,
 Et me laisser viure libre à plaisir?
 Le sort, le Ciel & l'amour, tous ensemble
 Auoyent dressé (ainsi comme il me semble)
 Ceste coniuire, & vouloyent m'effrayer,
 Et m'effrayant ma constance essayer
 Pour, ce faisant, me faire entendre comme
 Doit se regir un sage, & accort homme
 En tous ses faits, à fin que sagement
 Le feisse choix de mon heur, ou tourment
 Et que guidé de raison ie suiuisse
 Vne qui sceust iuger de mon seruice.
 Ils m'ont guidé pour dresser mon esprit
 En ce destroit de haine, & contredit,
 Et m'ont offert ce fier obiet à l'ame,
 A fin qu'un iour sabrement ie m'enflamme
 Ayant gousté que vaut le desplaisir
 Que i'ay acquis, ne sçachant bien choisir,
 Car choisissant la beauté d'Eleonore
 Et ce cler taint qui fait rongir l'Aurore
 De grand despit helas! ie ne voyois
 En quel danger ma vie ie mettois.
 Point ne sentoie la finesse & la ruse
 Qui se cachoit sous ce chef de Meduse.

Et ne goustois que la clarté qu'on voit
 Par le dehors, l'obscur n'apparoissoit
 Lequel depuis m'acheminoit vers l'onde,
 Que le Nocher en se despitant sonde
 Avec sa rame en passant les esprits
 Qui par la mort aux enfers son conduits.
 Tu me voulois, ah fille desloyale
 Conduire au bord de l'onde stigiale,
 Et consacrais ma vie aux Africains,
 Me deffaisant avec mes propres mains.
 Mais le haut Dieu, soustenant ma querelle,
 Et encontre eux, & contre toy cruelle,
 Me deliura, & eust pitié de moy,
 Pour condamner le deffaut de ta foy,
 Et faire voir à chacun, que Medee
 Onc l'ame n'eust si esprise, & voilee
 Charmant, liant les esprits, & les corps,
 Et esmouvant mille & mille discord
 Pour se venger (en occiant son frere)
 De la poursuite, & guerre de son pere,
 Ou pour oster à son espoux Jason
 Cruelle fille au malheureux Creon,
 Que toy cherchant ma deffaitte & ruine,
 Lors que plourant ta ferbe m'achemine
 Dedans le parc des Lyons rugissans
 Mais plus que toy, vers moy, doux & plaisans
 Tu voyois bien que ma cause estoit bonne,
 Mais ne voulois ô fiere Tisiphone!
 Le recognoistre, & aymoies mieux me voir
 Mort & deffait, que me donner espoir
 De recompence, ou de quelque allegresse
 En te suivant comme dame & maistresse:
 J'estois aveugle, aveugle & sans esprits
 Et sans raison au englement conduit
 Sous ton plaisir, mais ores ie disipe
 Tout ton effort, & sage m'emancipe
 De ta puissance, ayant pour ma clarté
 Pris le rayon perdu de liberté.
 Je te renonce ô peruerse aduersaire

Et

Et plus de toy ie n'ay aucun affaire.
 I'abhorre & fuis ces yeux clers & lascifs,
 Jadis de moy cruels & fugitifs,
 Et le parler miellé de ta bouche
 A mon oreille aucunement ne touche,
 Tes ris me sont autant de traits poignants,
 Et tes douceurs mille glaiues trenchans:
 De tes souffirs le vent ainsi m'estonne
 Que de Jupin les esclats quand il tonne,
 Et t'aprocher me seroit aussi dur
 Que m'en aller dans le manoir obscur
 Ou le Thebain pour l'amour de sa dame,
 Alla sonnant vestu de corps, & dame.
 Va donc, cruelle, & cherche un autre obiet
 De tes desseins, & un autre suiet
 De ton venin, & faine hipocrisie.
 Car autre voye ay-ie à present choisie:
 Ou ne pourray en aymant m'esgarer:
 Ou ie scauray sagement deuorer
 Tous les ennuis, la tristesse importune
 Et les effrois que bastist la fortune:
 Ou assés ie ne craindray l'ardeur
 D'un œil lascif, ny la foible vigueur
 De l'Archerot que pensois indomptable,
 Et lequel i ay d'une force admirable
 Sur toy, en toy, battu & terrassé
 Tant que du tout ie le voy trespassé,
 Pourry, deffait, sans honneur, & sans gloire
 Loing reietté de mon cœur & memoire.
 Tu gemiras, alors que ie riray,
 Et poursuiuras alors que ie fuiray.
 Je te verray en ma grande lieffe
 Pleine d'ennuy & de palle tristesse,
 Car tu seras la proye de l'amour,
 Et en mon cœur lors ne fera seiour,
 (Non plus qu'il fait) l'amour ny son bandage
 Toy, ny tes yeux, ny ton plaisant visage:
 Et ne pourras te vanter deormais
 Que par toy i aye au cœur, ou guerre ou paix.

le

*Je iouiray deormais de mon aise,
 Auilissant & les brändons & braise,
 Que iusqu'icy ie donnois sottement
 A Cupidon en mon auenglement,
 Et ie renuoye & les desirs & peines,
 Et les desseins des poursuittes plus vaines
 Que i'ay pour toy fait, encor te diray
 Que mille fois plustost ie choisiray
 De repasser en l'Afrique sterile,
 Pour y combattre & auoir file à file,
 Cent mille noirs en barbe, avec leurs dards
 M'environnant, enclos de toutes parts,
 Qu'onc d'un clin d'œil ie regarde ta face,
 En te faisant tant peu que soit de grace,
 Et croire peux qu'encore apres la mort
 Me ressentir ie veux de ce grand tort
 Que tu m'as fait, & te seray sans cesse
 (Si me suruis) de nuit parmy la presse
 Des songes vains ramenant à tes yeux
 La mort, l'effroy, les assauts furieux,
 Sacs & combats, & mortelles conquestes,
 Et le peril des rauissantes bestes.
 Ainsi uiuant, mourir ie te feray,
 Et reposer pas ne te laisseray,
 Tant que vaincue en fin de ceste oppresse
 D'ennuy chargee, & de grande destresse,
 Viennes pleurant sans amour, & sans cœur
 Gouster la mort, son effort & rigueur.*

Lendemain au matin les seigneurs voulant partir pour aller en court, Emanuel en appella vn en qui plus il se fioit & son voisin, & lequel souuent l'auoit admonnesté de se depestrer de sa dame, & de ceste folle poursuite, auquel il declara toute sa deliberation, & ce qui estoit contenu en la lettre, qu'il luy pria donner à Eleonore faignant ne sçauoir ce qui est dedans, & vous verrez (dit-il) vne sorte glorieuse bien escornée, se voyant ainsi accoustree de toutes façons. Mais nous laisserons Emanuel en son logis, & ceux cy à faire leur voyage pour clorre ce liure, & prendre vn peu d'haleine du long trauail que i'ay pris faisant vn si grand chemin: non que ie vueille pour cela quitter du tout le labeur, veu que ce me seroit plus de peine, que ie n'ahanne en suât apres l'estude, ou ayant employé mon temps iusqu'icy, ie ne suis si mal appris que de me retirer sur mes pertes. Ce que i'espere vous faire experimenter, vous faisant voir en bref vn œuvre de mon inuention, de tel goust que ie croy ces hiltôires ne vous seront pas

pas si cheres, qu'encores pour l'amour de moy, & du plaisir que ie prens à vous complaire, vous ne iettiez l'œil sur ce qui se presentera deuant vous par cy apres des fruits cueilliz en si peu que i'ay de champs, pour le bien & prouffit de la nation Françoisse.

FRANCOIS BELLEMERE.

Directoire de la vie humaine, contenant quatre Traictez Le premier est du regime de la personne, Le second, de la maniere de soy confesser, Le 3. du remede contre scrupule de conscience, Le quart est la forme de soy preparer à recevoir le Createur, composé iadis en latin par François Bellemere Religieux de l'ordre des freres minimes de Saint François de Paule. [impr. à Paris 16°. par Poncelet le Preux 1537.

FRANCOIS BEROALD a interpreté tant en latin qu'en François Les figures du Theatre de Iacques Besson docteur Mathematicien. [Impr. à Lyon f°. par Barth. Vincent 1578.

FRANCOIS DE BILLON Secretaire a escrit en prose Françoisse

Le fort inexpugnable de l'honneur du sexe feminin commençant par motif & attache d'escarmouche, & recharge d'escarmouche : apres laquelle suit fuite & prinse d'ennemis. Vous y verrez apres la grosse tour d'inuention & composition des femmes. En apres le premier Bastion de ce fort sur la force & magnanimité d'icelles. Deuxiesme Bastion sur leur chasteté & honnesteté. Troiesme bastion sur leur clemence & liberalité. Quatriesme bastion sur leur deuotion & pieté. Avec force Canonades en chacun desdits bastions. Puis vient le fondement & preparation de la contremine de ce fort inexpugnable suyui d'icelle contremine faicte sur le parler expert de la plume pour la preexcellence de l'honneur de son genre. Dedié à treshautes & royales princesses Catherine de Medicis Roine de France, Marguerite de France Duchesse de Berry, Jane d'Albret Roine de Nauarre, Marguerite de Bourbon Duchesse de Neuers, Anne de Ferrare Duchesse de Guyse. [Impr. à Paris 4°. par Iean Dallier 1555.

FRANCOIS BLAISOT de Mussi l'Euesque a traduit du Grec de Lucian en nostre langue

Declamation cõtre la calomnie. Avec vn brief recueil des histoires y desirées, pour l'intelligence du texte, colligee par le mesme traducteur. [impri. à Tolose 4°. par G. Boudeuille 1559.

FRANCOIS BLANCHIN a composé Tabulature de Luth en diuerfes formes de fantasie, chansons, bassedances, pauanés, Pseaumes, gaillardes. à Lyon par Iacques Moderne,

FRANCOIS BOHIER Euesque de saint Malo a traduit du Latin de Nicolas de Cusa Cardinal Alleman,

La coniecture des derniers iours. [impri. à Paris 8°. par Michel de Vascosan 1562.

FRANCOIS LABORIE De Valois, Docteur ez droicts natif de Cahors a escrit

Antidrusac, Ou liuret contre Drusac, faict à l'honneur des femmes nobles, bonnes & honnestes: Par maniere de Dialogue. Interlocuteurs Euphrates & Gymmisus.

misus. [impr. à Tholose par laq. Colomies 1564.

FRANÇOIS BOVRGOIN a traduit

L'histoire de Flaue Iosephe Sacrificateur Hebrieu, des antiquités Iudaiques contenue en 20. liures: deux liures du mesme auteur contre Appion Alexandrin, La reprise de propos contre Apolloine Molō & Lysimach pour la defense des antiquitez & loix Iudaiques. Ensemble les sept liures de la guerre des Iuifs. Vn traicté de la dominiō de raison, auquel le martyre des Machabees est elegamment descrit. Et la vie dudit Iosephe descripte par luy mesme. Le tout impr. à Lyon f°. par Ieā Temporal, & apres par les heritiers laques Giunti, & depuis à Paris, Latin-François, chacune version correspondante l'une à l'autre, verset à verset, reueue & corrigee sur l'exemplaire Grec par Iean le frere de la Val chez Claude fremy & Nicolas Chesneau 1570.

L'histoire Ecclesiastique, proposant l'entiere & vraye forme de l'Eglise de nostre Seigneur Iesus montrant aussi les lieux, ausquels le Royaume d'iceluy a esté dressé, soit de son temps ou apres: L'auancement de ce royaume, les persecutions & martyres des saints: les choses miraculeuses: quelle tranquillité l'Eglise a eue, de quelles faulses doctrines elle a esté assallie, de quelles armes elle y a resisté: sous quels Empereurs elle a souffert, de quels elle a esté maintenue. Et de l'estat des Iuifs. Tome premier, contenant sept liures traduits & recueillist tant des anciens auteurs que de Mathias Flaccius Illyricus, Iean Vviggand, Mathieu le Iuge, Basile Faber. [impr. à Geueue f°. par Artus Chauuin 1568. *Caluinique.*

Second Tome de l'histoire Ecclesiastique, contenant la description des choses plus notables aduenues en l'Eglise de Iesus-Christ: lors que l'Empire Romain estoit gouuerné par Constantin le grand & ses fils, & par Iulien, Iouinien, Valentinien, Valens, Gratian, & Theodose le grand: & que plusieurs anciens docteurs florissoyēt en l'Eglise Chrestienne: Recueilly des plus anciennes histoires & autres auteurs selon l'ordre obserué au premier Tome, & mis en François par le mesme Bourgoin. [impr. à Geneue f°. par François Perrin 1563.

Paraphrase ou briefue explication sur le Cathechisme. par François Bourgoin. [impr. à Lyon 16°. par Sebastien Honnorat 1564. *Caluinique.*

FRANÇOIS LE BRËTON a traduit de Latin,

La Fontaine d'honneur & de vertu, ou est monsté comme vn chacun doit viure en tout aage, en tout temps, & en tout lieu enuers Dieu & enuers les hommes. [impr. à Lyon 16°. par Iean de Tournes 1553.

FRANÇOIS BVRGAT Maseonnois a escrit en rime,

Traicté en forme d'exhortation sur l'efficace & la vertu de l'oraison Chrestienne. Et la maniere de la rendre agreable à Dieu en quoy consiste la souveraine consolation de l'ame pecheresse. [impr. à Paris 8°. par Iean André 1551.

FRANÇOIS CAMILLI de l'ordre S. Dominique Theologien & inquisiteur de Ferrare,

Oraison des fallaces & ruine du monde prononcee par François Camilli &c. en la presence des Reuerendissimes Legats & autres peres de l'vniuersel, sacré Concile de Trente. Mise de Latin en François. [Impri. à Paris par Guillaume de Nyuerd.

F R A

FRANCOIS DECHANTELOVVE Gentilhomme Bourdelois, Cheualier de l'ordre de saint Iean de Ierusalem a escrit, *Tregedie de Pharaon, & autres œuures poëtiques, Hymnes, Sonnets & Chansons.* [impr. à Paris 8°. par Nicolas Bonfons 1576.

FRANCOIS CHAPPVIS de Lyon Medecin en la cité de Geneue a escrit

Sommaire contenant certains & vrayz remedes, contre la Peste, La maniere de preseruer les sains, contregarder les infects, & ceux qui seruent les malades, de guerir les frappez, & nettoyer les lieux infects. La maniere d'y proceder par medecines, saignées, ventoses, cautheres, ou ruptoires. Le tout traité si familierement qu'un chacun en cas de necessité se pourra penser soy-mesme. [impr. à Geneue 8°. l'an 1548.

FRANCOIS DE CLARY Albigeois a descrit en vers François:

La Bellete. [Impr. à Lyon par Benoist Rigaud 1578.

FRANCOIS COLVMPNE.

Songe de Polyphile. Voyez Iean Martin.

FRANCOIS DE LA CROIX DV MAINE, cy deuant mentionné, en la lettre C, & duquel j'ay despuis appris le nom propre, s'est mis à faire vne autre Bibliotheque Françoisse (à ce qu'on m'a dit) laquelle il intitule *Epitome*: & est sur la presse à Paris pour sortir bien tost dehors, si ia l'imprimeur ne l'a mise aux champs: car ie ne l'ay point veüe. Je ne sçay s'il scauoit que i'eusse trauaillé en pareil suiet (comme sept ans sont passez que ie suis apres) en ayant communiqué, & montré les memoires à plusieurs celebres personages de l'Europe, mesmement à Paris à infinité, iusques à n'y auoir libraire qui n'en ayt esté abreué, plusieurs d'iceux m'en ayans demandé instamment l'exemplaire. Et ce digne Ioseph Scaliger homme de singulier iugement, & rare doctrine, en a voulu voir les proiects, que ie luy môstray l'annee 1582. en Forrest, en l'une de mes maisons, où de sa grace, cōme aussi en ceste ville de Lyon il m'est venu visiter quelque fois. Mais ie presume que lors qu'on a veu que ie demourois tant à mettre en lumiere ma Bibliotheque tāt de fois par moy promise, on a estimé que i'estoye de ceux-là qui promettēt montaignes d'or, comme dit le prouerbe, pour ne tenir rien, ou bien peu apres. Ce qui a peu mouoir le dit sieur de la Croix, quelque libraire à ce le poussant, de dresser ceste autre, & la mander au iour: laquelle prouenant d'une si bonne main, ne peut estre qu'accomplie, & bien receüe.

FRANCOIS DOVYNET Paidomathis a traduit, *Preface de Corneille Tacite sur la mort de son beaupere, en laquelle il descrit les calamitez aduenues aux hommes de lettres, sous l'Empire de Domitian. Avec quelques harengues du mesme Autheur.* [impr. à Troyes 4°. par Claude Garnier 1580.

FRANCOIS LE DVCHAT de Troyes en Champaigne a escrit:

Agamemnon, Tragedie tiree de Seneque. Avec l'histoire de Lucreſse forcee en vers Lyriques, prinſe du second liure des Fastes d'Ouide. Plus l'Idole vengeur
L traduit

traduit de Theocrite le tout imprimé ensemble à Paris 4°. par Iéan le Royer
1561.

En la Tragedie, Le Chœur des Philosophes Grecs dit ainsi,

*Aux Courts la layde Bellonne
Se trouue le bras sanglant,
Aux Cours Erynne espoinçonne
L'ambition du plus grand.
Erynne tousiours connue
Des maisons, qui sur la nue
Fieres ont leué le front:
Qu'une heure a mises à fond.
Bien que la guerre mutine
Ou la fraude n'y soit pas,
La grandeur fond & se mine
Sous son fais & tombe bas
De soy-mesme acrauantee,
Et la fortune euantee
Ne peut long temps sur son dos
Porter un fardeau si gros.*

*La Nef, qu'un bon vent enleue,
Craint douteuse, son beau temps.
Plus hault'une tour s'esleue,
Plus est batue des vens.
Dans la forest ombrageuse
La tige est plus dangereuse
A rompre & prendre le saut,
Qui a le faiste plus hault.
La fortune rien ne leue
Que pour en fin l'abaisser
L'humaine gloire est plus breue
Que le temps. On voit passer
Toute chose à son contraire.
Heureux qui se peut retraire
Au moyen, & pres du bord
Singlant, tousiours nage au port.*

En l'Idole Vengeur.

*La rose au matin belle, au soir passe flettrit:
Le beau lys chet soudain, & cheu soudain pourrit:
Le taint change soudain aux blanches girofleees,
La blanche neige aussi coule aux moites valees
Fondue incontinent: & la beauté tousiours,
Nom plus que la ieunesse, aux belles n'a son cours.*

FRANCOIS EXIMINES de l'ordre des freres mineurs a
composé à la requeste de Messire Pierre d'Artes Cheualier, Chambellan & mai
stre d'hostel de Iean Roy d'Aragon,
Le liure des saincts Anges, contenât cinq traictez, Le premier de leur hauteffe
& nature excellente: Le second, de leur ordre reuerend; Le 3. de leur seruice di
ligent: Le quatriesme, de leur victoire: Le cinquiesme, de Monsieur saint Mi
chel leur honorable President. [impr. à Paris 4°. par Michel le Noir 1518.

FRANCOIS DE FERRIS Docteur Medecin a escrit en
trois liures,

Des offices mutuels, qui doiuent estre entre les grands seigneurs & leurs cour
tisans, prins en partie sur le latin de Iean de la Case Archeuesque de Beneuent.
Plus du deuoir qui doit estre reciproquement gardé entre les maistres & serui
teurs prieuez, par le mesme traducteur. [impri. à Paris 8°. par Geruais Mallot
1572.

FRAN

FRANCOIS FEVARDENT de l'ordre de S. François, Docteur en Theologie en l'université de Paris a escrit,
 Responſe aux lettres & questions d'un Calviniste, touchant l'ancienne virginité, excellence & invocation de la glorieuse Vierge Marie mere de Dieu. [impr. à Paris 8°. par Michel Sonnius 1579.

Divins Opuscles & exercices spirituels du saint Pere Effrem Archediacre d'Edesse en Mesopotamie, escripts en langue Syriaque par ledit autheur l'an 1539. puis tournez en Grec, & de Grec en latin par diuers personnages de bon ſçauoir, & en François par ledit Feu-ardent. Plus vn excellent Sermon de S. Cyrille Alexandrin de l'ysſue & sortie de l'ame hors le corps humain. Traduiſt de meſmes. [impr. à Paris 8°. par Michel Sonnius 1579.

Liber Ruth, Francisci Feuardentij ordinis minorum Parisiensis theologi, commentarijs explicatus. Parisys 8°. apud Sebastianum Niellium 1582.

Fr. Feuardentij Appendix in Alphonsi à Castro contra hareses libros. Paris. 8°. apud Michaellem Sonnium 1579.

Eiusdem in operum Irenai Episcopi Lugdunensis singula capita Annotationes. Paris. f°. apud Sebast. Niellium.

Eiusdem Praefatio qua Neotericorum hereticorum in aliquos & sanctos scriptores maledicta retunduntur. Parisys 8°. 1576.

FRANCOIS LE FEVRE Docteur Medecin à Bourges a traduit de Grec,

Les trois premiers liures de la chirurgie d'Hipocrates des vlceres, des fistules, des playes de la teste, illustrez des commentaires de Vidus Vidiſ mis de latin en François. [impr. à Paris 8°. par Iaques Keruer 1555.

Le Medecin chirurgien d'Hipocrate le Grand, Auec le commentaire de Galien, où est traité de l'institution du chirurgien, autrement des choses qui se font en la boutique du Medecin Chirurgien. [Impr. à Paris 16°. par Iaques Keruer 1560.

Il a mis aussi de latin en françois:

Histoire de Theodose Pontife de la loy Iudaïque, & de Philippe Chrestien, par laquelle est reuelé le secret & mystere des Iuifs iusques à present à la confirmation de nostre foy Catholique, approbation de l'incredulité & auuglement des Iuifs. [impr. à Paris 16°. par Iaques Keruer 1561, & par Antoine Houic 1570. comme aussi à Lyon par Iean d'Ogerolles.

FRANCOIS Monsieur de FOIX de la famille de Candale, Capitain de Buchs, &c. Euesque d'Ayre, Conseiller du roy en son conseil priué a traduit de l'exemplaire Grec, avec collation de tresamples commentaires, Le Pimandre de Mercure Trismegiste, de la Philosophie Chrestienne, cognoissance du verbe diuin, & de l'excellence des ceuures de Dieu. [impr. à Bourdeaux f°. par Symon Millanges 1579.

Commentaires sur les Elemens de Geometrie & Mathematique d'Euclide Megarenſe.

FRANCOIS GARON a escrit,

L 2 Voca

Vocabulaire de cinq langues, Latin, Italien, François, Espagnol, Aleman. [imp. à Lyon 4°. par Jaques Moderne 1542.

FRANÇOIS GARRAULT Sieur des Gorges, Conseiller du Roy & general en la cour des monnoyes a escrit:

Les recherches des monnoyes, poix, & maniere de nombre, des premieres & plus renommées nations du monde, depuis l'establissement de la police humaine iusques à présent, réduictes & rapportées aux monnoyes, poix & maniere de nombrer des François. Auec vne facile instruction pour partir & diuiser vn entier en plusieurs parties, & reduire plusieurs parties en vn entier à l'imitation de l'As Romain. [impr. à Paris 8°. par Martin le Jeune 1576.

Des mines d'argent trouuées en France, l'ouuraige & police d'icelles. [impr. à Paris 8°. par Nicolas Roffet 1579.

FRANÇOIS GEORGE Venitien. Voyez Guy le Feure.

FRANÇOIS GILBERT DE LA BROSSSE Angevin Licécié ez loix, Aumosnier de la royne mere du Roy a traduit d'italien, Pratique spirituelle d'une seruante de Dieu, à l'exemple de laquelle se peut exercer toute religieuse ou personne spirituelle. [impr. à Paris 16°. par Guillaume Chaudiere 1579.

Enseignement pour bien viure & mourir, composé premierement en Italien par Reuerend Pere Don Antoine de Luc Chanoine regulier, theologien & predicateur, auec plusieurs vtils resolutions d'aucunes doutes de Theologie. [impr. à Paris 16°. par Guillaume Chaudiere 1580.

Les contemplations de S. Bonaventure sur la passion de nostre seigneur Iesus Christ traduictes de latin. [impr. à Paris 8°. par Chaudiere 1580.

La perfection de la vie politique escrite en Italien par le seigneur Paul Paruta gentilhomme Venitien, redigee par articles sommaires & aduertissemens & traduict par François Gilbert de la Brosse. [impr. à Paris 4°. par Nicolas Chesneau 1582.

Opuscles de venerable pere Dom Seraphin de Fermo &c. Voyez en la lettre S.

FRANÇOIS GIRARD Docteur és droicts, preuost de l'Eglise de Bourg, & official de Lyon riere les terres de son Altesse, a escrit, Traicté des articles instructifs pour proceder à l'exécution des signatures beneficiales conclues & arrestees entre les Reuerends Archeuesques & Euesques de France, traduicts du latin, enrichis de brefues scholies & sommaires, annotations au marge. [impr. à Lyon 4°. par Antoine Gryphius 1582.

FRANÇOIS GORACELIS Florentin Docteur en Theologie, escolier de la Royne mere du Roy, Confutation des mensonges controuuées touchant la Dedicace de l'Eglise des freres Minimes dicts Bons-hommes lez Paris; Auec vn beau & docte discours & vraye narration de tout ce qui a esté faict en ladite Dedicace, où sont comprises aucunes histoires fort notables. [impr. à Paris 8°. par Jean du Taurroy 1578.

FRANÇOIS LE GRAND Procureur du Roy au baillage de Melun a traduict de Grec

Traicté

Traicté de Plutarque de la honte vicieuse. [impr. à Paris 8°. par Charles Estienne 1544.

FRANÇOIS GRANDIN Curé de l'Eglise S. Jean Baptiste d'Angers a écrit,

Destruction de l'orgueil mondain, ambition des habits, & autres inuentions nouvelles, extraicte de la sainte escriture & des anciens Docteurs de l'Eglise. [impr. à Paris 8°. par Claude Fremy 1558.

Discours en forme d'Epistre contenant deux poincts principaux &c. [impr. à Paris.

Ledit François Grandin a recueilly des legendaires & chartres de l'Eglise saint Jean d'Angers, & mis en François La vie de S. Lezin esleu Euesque d'Angers, enuiron l'an 586. contenue au premier tome de l'histoire de la vie & mort des saints. [impr. à Paris.

FRANÇOIS GRIMAVDET. Aduocat du Roy au siege Presidial à Angers a écrit,

Remonstrance aux Estats d'Anjou assemblez à Angers en l'an 1561. [impr. 8°.

Paraphrase du droit de Retraict Lignager, recueillie des coustumes de France, & glosateurs d'icelles. En laquelle sont adioustez au marge les lieux & allegations propres. Avec vne Preface accommodee à la matiere contenant vn bref discours de la nature, varieté & mutatio des loix: par Pierre Ayrault Angeuyn, Aduocat en la court de Parlement de Paris. [le tout impr. à Paris 8°. par Martin le Jeune 1577.

Paraphrase des droits des vsures & contractz Pignoratifs diuisee en trois liures. [impr. à Paris 8°. par Nicolas Chesneau 1578.

Des Monnoyes, augment & diminution du pris d'icelles, liure vnique contenant 17. chap. [impr. à Paris 8°. par Martin le Jeune 1579.

Paraphrase du Droit des dismes ecclesiastiques & infeodees. [impr. à Paris 8°. par Robert Estienne en l'an 1574.

Opuscules Politiques en nombre 14. Assauoir de la Loy, de la temperature de la loy par equité. De l'equité par supplement, & de celuy qui doit supplier & declarer la loy par equité. Que les sages gouuerneurs en aucun temps ne doiuent garder la Loy comme elle est escrite. De l'office du Magistrat en la recompense des merites & infliction des peines. Que Prudence doit estre iointe avecques Iustice. Si les biens des subiects appartiennent aux Empereurs & Roys. Qu'vtilité ne se peut separer de Iustice & honnesteté. S'il est vray qu'un Empire, vn Royaume & vne Republique ne se peuuent maintenir sans iniure & iniustice. Qu'il est permis au seul magistrat de punir les crimes. Comme le sage gouuerneur doit estre instruit par la cognoissance de l'art & par experience. Des maux qui sont faicts ez Republiques par ceux qui abusent d'eloquence. Comme est resisté aux Sophistes par sagacité & bon iugement. Que l'homme politique doit auoir esgard à se maintenir. [impri. à Paris 8°. par Gabriel Buon 1580.

De la Dignité Royale en l'Eglise, ou que le Roy a en l'Eglise. *Non encores impr.*

FRANÇOIS GRVGET Referendaire du Roy en sa Chancellerie du Palais à Paris, frere de Claude Gruget, a mis en françois,

Recueil des propheties & reuelations tant anciennes que modernes, lequel contient vn sommaire des reuelations de sainte Brigide, saint Cyrille & plusieurs autres saints & religieux personnages. [impr. à Paris 8°. par Robert le Maigner 1561.

FRANÇOIS GVARIN, marchât de Lyon a escrit en rime La grand complainte & regime de François Guarin. [impr. 16°. l'an 1512.

FRANÇOIS GVERIN Docteur ez droicts Lieutenant general estably par le Roy du grand Seneschal du pais & Compté de Prouence a mis par escrit,

Reiglement des aduocats, procureurs & greffiers & des troubles de cour. [impr. à Aix par Vas Cauallis 1552. Auec deux Arrests donnez par la court de Parlement de Paris entre les Syndics des communes du pais de Prouence, gens d'Eglise, hobles & autres sur les tailles : l'un publié le sixiesme Iuillet 1552. & l'autre le viij. Septembre ensuyuant. Plus autre ordonnance sur le fait de criees & decret.

FRANÇOIS GVICCIARDIN. Voyez Hierosme Chomedey. Charles de Chantecler.

FRANÇOIS HABERT d'Yssouldun en Berry, Secretaire de Monsieur le Duc de Neuers a escrit plusieurs liures & œuures poëtiques en grand nombre, assauoir

La controuerse de Venus & de Pallas appellans du royal berger Paris, iuge delegué par Iupiter, au moyen de l'adiudication de la pomme d'or à Venus, par laquelle est entendu le conflit de vice & de vertu. [impr. à Paris 8°. par Denys Ianot 1542.

Le Philosophe parfait. [impr. à Paris 8°. par Ponce Roffet 1542. & par Denis Ianot.

Les Visions du Banny de lyesse. [impr. à Paris 8°. par Arnoul l'Angelier 1540.

La Suytè du Banny de lieffe, contenant le iugement de Paris entre les trois deesses, plusieurs epistres, rondeaux, ballades. Le second liure des visions fantastiques. [impr. à Paris par Denis Ianot 1541.

Le different du corps & de l'esprit. Auec les cantiques extraicts de l'oraison dominicale, vne Eclogue de la parfaite amour & l'Epitaphe de Verité. [impr. à Paris 8°. par Guillaume le Bret 1542.

La maniere de trouuer la pierre Philosophale autrement que les anciens Philosophes. Auec le Credo de l'Eglise Catholique. ensemble cinq Ballades Euangeliques. [impr. à Paris 8°. par Denis Ianot 1542.

Le voyage de l'homme riche. fait en forme de Dialogue. [impr. à Troyes 8°. par Nicole Paris 1543.

Le Combat de Cupido & de la mort, en prose. Plus les Epistres Cupidiniques en rime, vne Eclogue sur la mort d'Erasme, vne exclamation contre la verolle. Plus Ballades, chansons & Epigrammes. [impr. à Paris 8°. par Alain Lotrian 1541.

Deploration de feu Messire Antoine du Prat Cheualier Chancelier de France. [impr. à Lyon par Iean de Tournes 1547.

Le Songe de Pátagruel, Auec la deploration de feu Messire Antoine du Bourg, Cheualier

Cheualier Chancelier de France. [impr. à Rouen 8°. par Claude le Roy.

Les trois liures de la Chrysopee, c'est à dire l'art de faire l'or, contenât plusieurs choses naturelles, escrit premierement en vers latins par Jean Aurelius Augurellus. [Impr. à Paris 8°. par Viuant Gautherot 1549.

Description poëtique de l'histoire du beau Narcissus. [impr. à Lyon 8°. par Balthasar Arnoulet 1549.

Le Temple de chasteté, Les Epistres, Les Epigrammes, Les Cantiques, Les Deploations & Epitaphes, Les Eclogues, Les Ballades, Le vieux Cheualier, le tout imprimé en vn volume 8°. par Michel Fezandat 1549.

La Nouuelle Pallas, la nouuelle Iuno présentée à Madame la Dauphine, La Nouuelle Venus par laquelle est entendu pudique amour, Et autres compositions poëtiques. [impr. à Lyon 8°. par Jean de Tournes 1547.

L'histoire de Titus & Gisippus, traduite du latin de Philippes Beroalde. L'histoire de Tancredus roy de Salerne, contenant les pitoyables amours de Guichard & de Gismonde fille dudit Tancredus, inuention du mesme Beroalde. L'homme prudent dudit Beroalde. Le tout en vers François. [impr. à Paris 8°. par Hierosme de Marnef & Michel Fezandat.

Les Dicts des sept Sages de Grece. [impr. à Lyon 16°. par George Poncet 1550.

Les Sermons Satyriques d'Horace diuisez en deux liures interpretez en rime françoise par François Habert. [impr. à Paris 8°. par Michel Fezandat & Robert Granjon 1551.

Les quatre liures de Caton pour la doctrine des mœurs, faicts par Quatrains. Avec les Epigrammes moralisez. [impr. à Lyon 16°. par Claude Marchant 1552.

La louange & vitupere de Pecune. Elegie morale sur deux vers d'Horace. Priere à Dieu faicte par Manasses Roy de Iuda. Cantique sur l'auantnaissance du huietième enfant du roy Henry 2. né à Fontainebleau en l'an 1555. nommé Hercules, Duc d'Anjou. Epigrammes. Le tout impr. à Paris audit an.

L'exaltation de vraye & parfaicte noblesse, Les quatre Amours, le nouveau Cupido. Le tresor de vie. [impr. à Paris 8°. avec quelques traductions dudit Habert. [impr. à Paris par Michel Fezandat & Robert Granjon 1551.

L'institution de liberalité chrestienne, avec la misere & calamité de l'homme naissant en ce monde. [impr. à Paris 8°. par Guillaume Thyout 1551.

L'excellence de poësie, contenant Epistres, Balades, Dixains &c. [impr. à Lyon 16°. par Benoist Rigaud & Jean Saugrain.

Les Amours coniugales de tres illustre prince Emanuel Philibert Duc de Saouye, & de tres-illustre princesse Marguerite de Valois Duchesse de Berry, seur vnique du roy Henry 2. par Sonnets heroïques. Avec aucuns Epigrammes moraux en poësie françoise & latine. [impr. à Paris 8°. par Pierre Gautier 1559.

La premiere monarchie & origine des roys Romains, la puissance royale desquels fut reduite en deux Magistrats ou consuls. Avec la puissance des sept Ambassadeurs assis à la table du grand roy Ptolomee. [impr. à Lyon 16°. par Jean Saugrain 1559.

Epistres Heroïdes pour seruir d'exemple aux chrestiens. [impr. à Paris 8°. par

Michel Fezandat 1560.

Les Metamorphoses de Cupido qui se mua en diuerſes formes Aſſauoit Cupido en neige, Cupido en hybou, Cupido en Cerf, Cupido en Pandore chambriere de Iupiter, Cupido en miroir, Cúpido en anneau, Cupido en diuerſes formes, Cupido en voyle elabouré de riche ouurage, Cupido en bouquet de fleurs, Cupido en cheſne du mois de May, Cupido en pluſieurs dons, Cupido en deux blancs coulons, Cupido en fruitſ d'automne, Cupido en cheual, Cupido en vierge nommee Serayne, le tout traduit des vers latins de Nicole Briſard natif d'Attigny en ſon Opusculé *Metamorphoſes amoris*, & ladite traduction imprimee à Paris 8°. par Iaques Keruer 1561.

Les quinze liures de la Metamorphoſe d'Ouide traduits en rime françoise par François Habert, illustrez de figures. [impr. à Paris 16°. par Hierosme de Marnes & Guillaume Cauellat 1574.

FRANÇOIS HOTOMAN Pariſien, Iuriſconſulte a eſcrit Aduertissement ſur le faiſt de l'vſure extraict de deux liures latins par luy faiſt ſur ceſte matiere. [impr. à Lyon 8°. par Macé Bonhomme 1552.

L'Apologie de Socrates eſcrite premierement en Grec par Plato & miſe françois par Fr. Hotoman. [impr. à Lyon 8°. par Sebastian Gryphius 1549.

Il a eſcrit quelques autres liures en françois auſquels a eſté reſpondu. Voyez ſes œuvres latines en l'Epitome de la Bibliotheque de Geſner.

FRANÇOIS IARY Prieur de Noſtre Dame la pree les Troyes a eſcrit en vers heroïques françois,

La deſcription de l'origine & premiere fondation de l'ordre des Chartreux naiſſuement pourtraicte au cloiſtre des chartreux de paris. [impr. 4°. par Guillaume Chaudiere 1578.

FRANÇOIS IUNCTINI Florentin, Docteur en Theologie & excellent Aſtrologien a eſcrit,

Ample Diſcours ſur ce que la Comete apparue au mois de Nouembre 1577. menaſſe deuoir aduenir à pluſieurs princes, païs & peuples de la Chreſtienté. [impr. à Lyon 8°. par François Didier 1578.

Diſcours ſur la Reformation de l'an faite par noſtre Sainct pere le pape Gregoire xiiij. Auecques les cauſes pour leſquelles ont eſté oſtez dix iours, & le Nombre d'or [impr. à Lyon 8°. par Benoist Rigaud 1582.

Speculum Aſtrologia, vniuerſam Mathematicam ſcientiam in certas claſſes digeſtam complectens. Auſtore Franciſco Iunctino: cui acceſſerunt in duos quadripartiti Ptolomæi libros commentaria. [Lugduni f°. apud Philippum Tinghium 1581.

Fr. Iunctini in ſpheram 7o. de Sacrobosco commentaria. Lugduni 8°. apud Symphorianum Beraud 1578.

Eiuſdem Tractatus iudicandi reuolutiones natiuitatum. [Eſcuſ. Lugd. 8°. apud heredes Iacobi Iunctæ 1570.

De Diuinatione qua fit per aſtra diuerſum ac diſcrepans duorum catholicorum ſacræ Theologiæ Doctorem iudicium, ſcilicet, Franc. Iunctini ac Ioannis

Ioannis Lensæi. [Colonia 8°. apud Ludovicum Alectorium. 1580.]
Discorso sopra il tempo dello innamoramento del Petrarca. Con la sposi-
tione del Sonetto, Già fiammeggiaua l'amorosa stella. Per Francesco Giun-
tini, Fiorentino. [Stampato in Lione 1580. 8°.]

FRANCOIS LAMBERT. natif d'Auignon a écrit,
 Declaration de la reigle & estat des cordeliers. *Censurée.*

FRANCOIS DE LARBEN Celestin au conuent lez Man-
 tea traduit:

Le Manuel de parfaicte vertu appellé à iuste raison le Paradis de l'ame, compo-
 sé premierement en latin par Albert le grand Euesque de Reynsburg en l'an
 1234. [Impri. à Paris 16°. par Iean Bonhomme 1551.]

FRANCOIS LIBERATI. Docteur & Astrophile a écrit:
 Discours contre Cyprian Leouitijs & autres modernes astrophiles, lesquels
 pour les effectz des quatre eclipses Solaires, vnions de planettes au signe d'A-
 ries, & grande conionction qui doiuent ensuiure despuis l'an 1579. iusques à
 l'an 1588. iugent non seulement la fin de l'Empire Romain, mais encôres du
 Turq, secte Mahometane & mesme du monde. [impr. à Paris 8°. par Guillau-
 me Auray 1575.]

Discours de la Comete commencee à apparoir à Paris le vnzième iour de No-
 uembre 1577. à sept heures du soir. Aucq la declaration de ses presages & ef-
 fects. [impr. à Paris audit an.]

FRANCOIS MARILLAC a traduit:
 Traicté de la Hierarchie celeste: Autheur S. Denys, Martyr, Apostre & parrô de
 France. ladite traduction dediee au roy Henry 2. & impr. à Tholose 4°. par Iac-
 ques Colomiez 1555.

FRANCOIS DE MYOZINGEN d'Annisy en Sauoye
 a tranflaté de latin

Elegie de frere Baptiste Mantuan Contre les folles & impudiques amours ve-
 neriennes. Ensemble vn chant iuuenile dudit Mantuan, De la Nature d'A-
 mour. [impr. à Annisy 4°. par Gabriel Pomar 1536.]

FRANCOIS DE NEMOND Angoulmois a écrit,
 Deux Harengues sur ce qu'il persuade qu'il seroit bon de traduire en françois
 les liures du droit ciuil, aussi bien qu'on a fait ceux des autres sciences. [impr.
 à Poictiers 4°. par Guillaume Bouchet 1556.]

FRANCOIS DE NEVFVILLE religieux & Abbé de
 Grandmont & de tout l'ordre a fait vn Recueil de prieres & meditations chre-
 stiennes. [impr. à Paris 12°. par Guillaume Chaudiere 1578.] Plus,
 Discours vtile pour tous estats sur la vie des hommes illustres de la Genealo-
 gie de nostre Seigneur Iesus-Christ, proposée par nostre mere l'Eglise, en l'E-
 uangile de la Vierge sa mere, ledit Discours autrement intitulé Le Droguier de
 l'ame Chrestienne. [impr. à Paris 8°. par Gilles Gourbin 1577.]

FRANCOIS PANIGAROLE,
 Leçons Catholiques sur les doctrines de l'Eglise. Diuisé en trois parties. La pre-
 miere appreste les armes pour combatres les heretiques, La seconde est pour
 les

les endormaget, La 3. pour se deffendre contre iceux, prononcée à Thurin l'an 1582. par commandement & en presence de Charles Emanuel Duc de Sauoye & Prince de Piemont, par François Panigarole Milanois de l'ordre de l'observance, traduit de l'Italien en françois par G. C. T. [impr. à Lyon 8°. par Jean Stratius 1583.

FRANÇOIS PATRICE.

Les neuf livres de Police humaine contenant briefue description de plusieurs choses dignes de memoire. Extraits des grands volumes de François Patrice de Siene, Evêque de Caiette & traduits en françois, par Jean le Blond. [impr. à Paris 8°. par Charles l'Angelier 1550. Voyez Jean du Ferey.

FRANÇOIS PERRIN Autunois a écrit,

Le Pourtrait de la vie humaine, où naïvement est depeinte la corruption, la misere, & le bien souverain de l'homme, en trois Centuries de Sonnets. Avec les antiquitez de plusieurs citez memorables, notamment d'Autun, jadis la plus superbe des Gaules, Exemple evident de l'inevitable mutation des choses. [impr. à Paris 8°. par Guillaume Chaudiere 1574.

Imploration de la paix, au Roy, extraicte du latin de M. Lazare Thomas & mise en vers françois par François Perrin. [impr. à Lyon 1576.

Sonnet 21. de la 1. Centurie.

*Depité aux enfers pour le fruit qui deuale
Jusques deuant son nez, & ne le peut goûter,
Non plus que l'eau qui vient à son menton flotter,
Redouble son tourment le malheureux Tantale.
De laniere beant ie croy la peine egale,
Plongé dans les tresors qui le viennent tenter,
Et ne seruent nom plus à sa soif contenter,
Qui au Coq Esopean sa perle Orientale.
Il a mesme besoing du sien que de l'autrui,
Et perissant de faim, il ferre pour celuy
Qui perdra tout en ieu & en folle despence.
Pour autrui sont chargez ainsi les arbrisseaux,
L'asne ainsi, pour autrui porte les bons morseaux
En broutant les chardons qui vont piquer sa pance.*

Sonnet 97. de la mesme Centurie.

*Pendant que le Lyon & Sanglier s'entrebattent,
L'affamé vultur est sur quelque arbre perché:
Et guette qui sera le premier de pesché,
Attendant pour butin l'un des deux qui combattent.
Cependant que les Roys & les Princes debattent,
Le voleur qui estoit parmy les boys caché,*

Vient

*Vient butiner, voyant l'un & l'autre empesché,
 Et les uns qui meurdriſ, ſur les autres ſ'abatent.
 Les grands larrons qui font attacher les petits,
 Soulent inſqu' au creuer leurs gourmands appetits
 Auſſi toſt qu'il ſ'eſcroulle vne guerre ciuile,
 Ence point le peſcheur ſent ſon gain redoubler,
 Quand pour peſcher l'anguille il a veu l'eau troubler,
 Qui periroit de faim l'ayant claire & tranquille.*

FRANCOIS PETRARQUE.

Les triôphes de meſſire François Petrarque, traduiçts de rime Toſcane en proſe françoïſe. Avec l'expoſition au long de toutes les hiſtoires y contenues. Le traducteur en eſt inconnu. [impr. à Paris f°. par Hemon le Feure 1520. & deſpuis 8°. & 16°. par autres. Jean Amayner en a faiçt vne autre verſion, comme ſi a Bernard Illicinius. Voyez auſſi Vaſquin Philieul.

FRANCOIS PHILELPE. Voyez Jean Lode.

FRANCOIS LE PICART.

Inſtruction & forme de prier Dieu en vraye & parfaite oraïſon, faiçte en forme de Sermons. [impr. à Reims 8°. par Nicolas Bacquenois 1557.

IX. Sermons & Exhortations Chreſtiennes ſur l'oraïſon Dominicale, vn ſermon des treſpaſſez, vn ſermon de noſtre Dame, vn ſermon de tous les ſainçts, fidelement recueillis ainſi qu'ils ont eſté prononcez par Monſieur Picart. [impr. à Reims 8°. par Jean de Foigny 1566.

Premier & ſecond liure du recueil des Sermons faiçts par feu maiſtre François le Picart. [impr. à Reims 8°. l'an 1580. Ses Sermons de l'Aduent, du Careſme & du reſte des Dimenches & feſtes de l'annee ont eſté imprimez à Paris.

FRANCOIS PONISSON Docteur regent en l'vniuerſité de Tholoſe en la faculté de Theologie, religieux de l'ordre des freres preſcheurs du conuent reformé dudiçt Tholoſe a eſcrit,

Le Miroir du pauure pecheur penitent ſur le Pſalme de Dauid 50. [impr. à Tholoſe 16°. par Jean Lemofin 1545.

La vraye & ſeure addreſſe des pecheurs penitents pour ſe confeſſer purement & deuotement ſelon la loy de Dieu. Enſemble l'inſtruction des confeſſeurs. [impr. à Tholoſe 8°. par Jean & Raymond Chazot 1546.

Preparation Chreſtienne pour deuëment ſe confeſſer & dignement receuoir le Sainçt ſacrement de l'autel. Ioint vne petite inſtruction pour bien & chreſtiennement viure. Avec vn petit traiçté touchant la difference entre Preſcience, Prouidence, & Predeſtination. [impr. à Tholoſe 16°. par G. Boudeuille 1546.

De la maniere d'examiner ceux qui veulent prendre les ordres ſacrees, Dialogue non ſeulement aux prebſtres mais auſſi à tous chreſtiens treſvtile, compoſé premierement en latin par François Poniffon, & deſpuis par luy meſme traduiçt en françoïſ 8°. à Tholoſe par Iaques Colomies 1552.

De

De officio paſtorum & ouium ad exemplar Ieſu Chriſti boni paſtoris, ſuper Pſalmum vigefimum ſecundum qui incipit, Dominus regit me. Authore F. Francisco Poniffono. [Tholoſæ 8°. apud Iacobum Colomiez, & Ioannem Chaſot 1550.

FRANÇOIS DV PVIS natif de Saint Bonnet en Foreſts, Docteur ez droicts Prieur de la premiere & grande Chartreufe, La Vie de S. Bruno Patriarche des Chartreux qui a veſcu ſoubs le pontificat de Gregoire VII. & de l'Empire de Henry III. il y a plus de cinq cens ans, eſcrite en latin par François du Puis, & apres luy par dom Pierre Blomeuene prieur en la Chartreufe de Coloigne, & deſpuis miſe en françois. contenue & impri. au 3. Tome de l'hiſtoire de la vie & mort des Saints.

Carthæna aurea ſuper Pſalmos à ſpectatiſſimo viro utriuſque iuris doctore Francisco de Puteo Carthuſienſium ordinis primario edita. Pariſijs f°. apud Tielmanum Keruer 1530.

FRANÇOIS RABELAIS Docteur en Medecine natif de Chinon.

Il me deſplait grandement qu'il me faille mettre en ceſte Bibliothèque pluſieurs auteurs dont les vns ont eſcrit goffement, aucuns impudiquement, & en toute laſciueté, autres heretiquement: & qui pis eſt ſ'en eſt trouué vn nommé François Rabelais moqueur de Dieu & du monde, lequel, quoy de docte, a neantmoins mis parmy ſes eſcrits des traicts d'impieté & (ſi i'oſe dire) reſentans l'Artheiſme à pleine gorge. La memoire de tous leſquels auteurs meritoit d'eſtre enſeuelie aux plus profondes tenebres de ſilêce, & couuerte entiere ment des eaux de l'oubly. Mais pour rendre icelle Bibliothèque correſpondante à l'epithete que ie luy ay voulu donner, aſſauoir de Vniuerſelle, ie ſuis forcé d'y mettre indifferemment ſçauans & ignorans auteurs, bons & mauuais liures, ſacrez & prophanes, chaſtes & impudiques, & entre autres:

Les œuures de Maïſtre François Rabelais, contenans en Quatre liures diſtinguez par chapitres, La vie, faiçts & dicts Heroiques de Gargantua, & de ſon fils Pantagruel. Auec la prognostication panthagrueline. [impr. 16°. par pluſieurs fois en diuers lieux,

Il a eſcrit auſſi,

La Sciomachie & feſtins faiçts à Rome au palais du reuerendiſſime cardinal du Bellay pour l'heureuſe naiſſance de Monsieur le Duc d'Orleans. [impr. à Lyon 8°. par Sebaſt. Gryphius 1549.

Mais que pouuoit il eſcrire autre choſe qu'impure quand (comme dit le prouerbe) il ne peut ſortir du ſac que ce qui y eſt. Car ſi Rabelais paſſoit les gonds de modeſtie & d'honneſté à eſcrire, ſa vie eſtoit de meſmes & non moins insolente que ſes eſcrits, ainſi qu'a teſmoigné de luy vn bon personnage non moins pourueu d'eruditiõ que de pieté, à qui tels liures ont eſté en horreur, diſant:

Vtinã vel apud illos ſit Rabeleſus cum ſuo Pantagrueliſmo, vt ſcurrilis hominis ſcurrili voce abutar. Certe ſi quid callet bonæ artis, cogatur in ea tandem

tandem se exercere : alioqui tam impius homo , quam publice suis nefarijs libellis pestilens. Enimuero huic Rabeleso quid ad absolutam improbitatem deesse potest, cui neque Dei metus inest, neq. hominum reuerentia ? qui omnia, diuina, humanaque proculcat, & ludibrio habet ? Quis Diagoras magis de Deo Prapostere sensit ? Quis Timon de rebus humanis peius meruit ? γλωτοπιός, sit γλωτογάρω, sit & βωμολόχ & quoque. Tolerabile utcumque fuerit. At quod ἀποφράς simul est, quod præterquam quod totas dies nihil aliud quam perpotat, beluatur, græcatur, nidores culinarum persequitur, ac cercopissat, ut est in prouerbio, miseras etiam chartas nefandis scriptionibus, polluit, venenum vomit quod per omnes longè latèque regiones dispergat : maledicentias & conuitia in omnes passim ordines iactat : honestatis item iura proscindit, homo impie impotenterque dicax, & improbitatis inuictissima. quis tandem æquo animo ferat. Hominem inaudiui, atque ab ijs certe, qui illo familiariter vtuntur, obnoxio ingenio, atque inquinatiore multo etiam vita esse quàm sermone. Neque semel deploraui hominis sortem, qui in tanta literarum luce, tam densis sese vitiorum tenebris immergat, tamque fædè, ac tanto rei communis bonique publici incommodo, atque ad suam internecionem parta eruditione abutatur, hoc nequior virulentiorque quod literatior, Deum, diuinaque omnia sic parui æstimans, ut præter impudentiam & contumeliam deas, quibus olim positæ aris sacra Athenienses faciebant, nullum numen agnoscere videatur, &c.

Epitaphe de Rabelais par I. A. de Bayf.

*O Pluton Rabelais reçois,
Afin que toy qui es le Roy*

*De ceux qui ne rient iamais,
Tu ais un rieur deormais.*

FRANCOIS DE RABVTIN Gentilhomme, homme d'armes de la compagnie de Messire François de Cleues Duc de Neuers a escrit, Commentaires des dernieres guerres en la Gaule Belgique entre Henry 2. du nom Roy de France & Charles v. Empereur & Philippes son fils, compris en vnze liures, dont le premier commence à l'an 1551. & finit à 1558. que la paix fut conclue entre les deputez desdits princes & les mariages arrestez, Assauoir, du roy d'Espagne, Philippes avecq Madame Isabelle fille du roy Henry 2. & d'Emanuel Philibert. Duc de Sauoye avecq Madame Marguerite seur dudit roy Henry. [impr. à Paris 4°. par Michel Vascosan 1559. & depuis 8. par Michel Sonnius & Nicolas Chesneau 1574.

FRANCOIS RAGVEAV Lieutenant du Baillage de Berry au siege de Mehun a escrit,

Indice des Droicts royaux & seigneuriaux, des plus notables dictions, termes & phrasés de l'Estat, & de la Iustice & pratique de France : recueilly des loix, coustumes, ordonnances, arrests, annales & histoires du royaume de France & d'ailleurs. [impr. à Paris f°. par Nicolas Chesneau 1583.

FRANCOIS REGNARD Musicien.

M

Poëties

Poësies de P. de Ronfard & autres Poëtes. mis en Musique à quatre & cinq parties par maistre François Regnard. [impr. à Paris, par Adrian le Roy 1579.

FRANCOIS REGNAVD Bourgeois de Paris a escrit,
Discours du voyage d'outremer au sainct Sepulchre de Hierusalem & autres lieux de la terre Saincte. Aueq figures & plusieurs traictez. [imp. à Lyon 4°. aux despens de l'auteur, & se vendent à Paris aux fauxbourgs S. Iacques au logis où pend pour enseigne la croix de Hierusalem.

FRANCOIS RICHARDOT Euesque d'Arras a prononcé deux oraisons ou harengues funebres en la ville de Bruxelles en la chapelle du palaix en presence du duc d'Alue les 4. & 5. iours de Ianuier 1569. aux Exeques des royne & prince d'Espagne lesquelles harengues ont esté imprimées en Anuers 8°. par Christoffe Plantin 1569.

Il a escrit en oultre

Les Collectes des Dimanches & principales festes de l'Eglise, mises en prose & rime françoise. Aueq quelques briefs & familiers enseignemens sur chacune d'icelles. [impr. à Douay 8°. par Loys de Vvinde 1572.

La Reigle & guide des curez & vicaires en ce qui appartient au deuoir de leur charge. [impr. à Bordeaux 8°. par S. Millanges 1574.

Six Sermons sur l'explication de l'oraison Dominicale: & autres quatre sur l'incarnation de nostre redempteur Iesus-Christ [impr. en Anuers 8°. 1573.

FRANCOIS ROLLE Docteur en Theologie en l'vniuersité de Paris a escrit,

Le pourtraict & parangon de l'ame & de l'Eglise, tiré sur le naturel & proprieté de la Colombe. [impr. à Paris 16°. par N. Chesneau 1576.

FRANCOIS ROSE Parisien a escrit,

Epitalame sur le mariage du Roy & de treshaute & tresillustre princesse Elizabeth d'Austriche. [impr. à Paris par Denys du Pré 1570.

Hymne sur l'entree du treschrestien Roy de France Charles ix. en sa ville de Paris venant de receuoir l'illustre princesse Isabel d'Austriche son espouse. [impri. à paris par Nicolas du Mont 1571.

FRANCOIS DE ROSIERES, archediacre & chanoine de Thoul a escrit

Sommaire & recueil des vertus morales, intellectuelles & theologales contenant la maniere de bien & vertueusement viure pour acquerir l'honnesteté civile & la beatitude celeste. [impr. à Rheims 8°. par Iean de Foigny 1571.

Six liures des Politiques contenant l'origine & estat des citez, condition des personnes, Economie & police des Monarchies & Republicques du monde tant en temps de paix que de guerre. Plus, de l'origine, antiquité, progres, excellence & vtilité de l'art politique, ensemble des legistateurs plus renommez qui l'ont pratiquée, & des auteurs illustres qui en ont escrit, spécialement de Platon & Aristote, avec le sommaire & conference de leurs politiques. Au premier desdits six liures est traicté du Subiect, obiect & fin de l'estat politique qui doit estre gouverné par la iustice diuine & humaine: de la cause efficiente, origine & forme des citez & de la diuersité des chefs & membres faisans le corps mystic d'une republique. Et pource que les citez sont basties de maisons, rues
compo

composées de plusieurs maisons, & de la communauté des citoyens, ainsi comme maisons sont premières que les deux autres parties par ordre de nature, aussi au second liure il est parlé conséquemment de l'Economie. Au troisieme des quatre parties de la terre, où on a establi les principales republicues, principautez & monarchies du monde: de la communauté des citez résultante de société, & de diuerses especes du gouuernemēt des republicues tant parfaites qu'imparfaites & opposites, à sçauoir Monarchie: de l'institution des Roys, Empereurs, & Princes Chrestiens, Aristocratie, Timocratie, Tyrannie, Oligarchie, & Democratie, esquelles la communauté de biens est pernicieuse & euitable, si ce n'est pour l'usage. Au quatriesme des moyens generaux & particuliers, pour conseruer & destruire les principautez, republicues & citez en chascune espece susdite, tant en temps de paix cōme de guerre. Au Cinquiesme des magistrats ecclesiastiques & seculiers pour la police & administration des choses sacrees, prophanes & temporelles. Au Sixiesme des loix sans lesquelles les citez & vniuersitez ne peuuent estre de iustice & diuersité des droits, desquels on vse en tous commerces & trafiques des hommes. Des matieres extraordinaires & criminelles: De la punition des delits & crimes. De la sepulture des corps morts.

Stemmatum Lotharingia à Barri ducum tomis septem ab Antenore Troianarum reliquiarum ad paludes Meotidas rege ad hac usque illustrissimis, potētissimis & serenissimis Caroli tertij Ducis Lotharingia tempora. In quibus praterea habes totius orbis nobiliorum familiarum, ac rerum ubique gentium praeclarè gestarum à supremis pontificibus, imperatoribus orientis & occidentis, regibus, ducibus, comitibus, etiam Turcis & barbaris perutile compendium, mirabile theatrum, & ad viuum ex selectissimis & grauiissimis quibusque chronographis & historicis delineatum simulacrum: ut instar Bibliotheca omnium historiarum esse possit. Authore Francisco de Rosieres. Excus. Paris. in folio apud Guliel. Chaudiere 1580.

FRANÇOIS ROUSSEL.

Chansons Nouuelles mises en musique à 4. 5. & 6. parties par François Roussel. [impr. à Paris par Adrian le Roy & Robert Ballard 1577.

FRANÇOIS ROUSSET Medicin

Traicté nouveau de l'Hysterotomotokie, ou Enfantement Cæsarien, qui est Extraction de l'Enfant par incision laterale du ventre & matrice de la femme grosse ne pouuant autrement accoucher. Et ce sans preiudicier à la vie de l'un, ny de l'autre, ny empescher la fecondité maternelle par-apres. [impr. à Paris 8. par Denys du Val 1581.

FRANÇOIS ROUSSELET.

La Chrysopagurie de François Rousselet docteur medecin. où est demonsté l'usage de la vertu de l'or. [impr. à Lyon 8°. par Charles Pesnot 1582.

Il definit ainsi l'or:

L'or est vn corps doué de toute perfection, composé d'une egalité de sub-

M 2 stance,

stance, proportionnement meſſangé, compris ſur vn temperament eſgal, receuant l'union, & l'admirable texture de routes les vertus, tat ſuperieures, que inferieures, auquel nul mixté peut eſtre comparé.

FRANÇOIS SAGON a eſcrit en rime françoiſe,
Apologie en deſenſe du roy tres-Chreſtien François premier du nom fondee ſur texte d'Euangile, contre ſes ennemis & calomniateurs. [impr. à Paris 8°. par Denys lanot 1544. commençant ainſi:

*Ouurez voſtre œil menſongers & flateurs,
Preſtez l'oreille, ennemis detracteurs,
Qui pour complaire au gré du ſainct Auguſte
Tournez en mal l'innocence du Juſte
Cloſe en la foy du Prince de Valois.*

Plus,

La Complainte de trois Gentilſhommes François occis au voyage de Carignan, bataille ou iournee de Cerizoles. [impr. à Paris 8°. par Denys lanot 1544.

Discours ſur la vie & mort accidentale de Guy Morin ſeigneur de Condon avec ſon Epitaphe. [impr. à Paris 16°. par Gilles Corrozet 1539.

Le Triumphe de Grace & Prerogative d'Innocence ſur la cōception & trefpas de la vierge eſleuë mere de Dieu. [Impri. à Paris 8°. par Jean André 1544.

Le Chant de la paix de France chanté par les trois eſtats. [impr. à Paris 8°. par Denys lanot 1538,

Le Blaſon du Pied. [impr. avec les autres blaſons anatomiques du corps féminin, à Lyon par François Juſte 1537.

FRANÇOIS DE SALERON aduocat au parlement de Paris a eſcrit

Inſtruction & formulaire des aduocats, contenant la forme d'intenter actions, ſuiuant les ordonnances & couſtumes de France, adaptee aux loix des Iuriſconsultes anciens. [impr. à Paris 8°, par Galiot du Pré 1572.

Tractatus dictionum ſelectarum, ac nonnullorum verborum, qua enigmatibus legum, & canonum, ac conſuetudinum nodis diſſoluendis maxime conferunt. Authore Franciſco à Salerone Aleſtino, iur. utriuſque doctore, ac in ſupremo ſenatu Pariſienſi aduocato. [Impreſſ. Pariſijs 8°, apud Carol. l'Angelier 1557.

FRANÇOIS SEDILLE Chanoine de l'Abbaye S. Pierre dict ſaincte Genevieve au mont de Paris, & licencié en Theologie a eſcrit
Liure de l'ordre de Religion, contenant la maniere de viure des chanoines dictz reformez de S. Auguſtin. [impr. à Paris 8°. par Noel le Coq 1571.

Les ſciences & ſecrets des Arts, apres leſquels ſuiuent les principaux ſecrets des Eſtats, ſelon les meurs des hommes; Oeuure diuiſee en trois liures dont le ſecond contient les fallaces des argumens & autres ſubtilitez. Et le troiſieſme traite de la maniere d'opiner & deliberer de toutes choſes, & de contraindre vne partie aduerſe de confeſſer la verité par contrainte de reigles. [impr. à Paris 8°. par Noel le Coq 1572.

An

Au 4. chap. du premier livre des Arts & Sciences:

Il y a trois dons de l'esprit à sçauoir le iugement, l'entendement & la memoire. L'entendement precede selon l'ordre: mais le iugement est plus excellent & plus digne, toutesfois que l'un n'est guere sans l'autre. Celuy est dict auoir bon entendement, lequel comprend vne chose sans difficulté, & non point confusement: mais non pas regardant point à point & considerant bien les differentes parties des choses. Comme il y en a qui comprennent quelque fois les matieres en peu de temps, mais ils ne les retiennent pas long temps, & s'ils les retiennent, la premiere chose, en la quelle ils s'arresteront pour apprendre, leur fera oublier ce qu'ils auront aprins au precedent. Ceux-là n'ont que bon entendement qu'on dict communement auoir bon esprit. Mais le iugement est bien plus excellent, & quiconque a bon iugement il a bon entendement: mais quiconque a bon entendement, n'a pas tousiours grand iugement: iugement c'est celuy, qui apres auoir compris vne matiere, l'ayant desduict de point en point, vient à ratiociner dessus, en regardant les inconueniens, ou les obiections qui pourroyent aduenir dessus, & respondre, interpreter, augmenter, & composer, & ne laisser, rien qui ne soit fort bien espluché. La bonne memoire, c'est qui retient long temps, dont il y en a de deux sortes, à sçauoir; la naturelle, & artificielle. L'adiouteray encores la memoire exercitielle. Memoire naturelle, c'est celle qui est donnee de nature, qui est prinse pour l'une des parties de l'ame. La memoire artificielle est qui prouient par aucun art, comme quand on veut apprendre quelque chose par cœur subitement, on se souuiet de quelques imaginations pour plustost retenir, comme s'il y a quelques lettres au commencement, ou au milieu, ou à la fin des clausules, ou bien quelques mots, ayans aucunes significations communes, ou approchantes de quelque chose qui nous soit commune, cela nous ayde à retenir mieux vn texte par cœur: mais telle memoire ne dure pas long temps. C'est d'ou vient que plusieurs apprendront en peu de temps grande quantité de texte, & au bout de deux iours, ils n'en sçauront plus mot. Les autres seront long temps à apprendre, & auront grande peine: mais ils retiendront à iamais: car telle memoire est nommee exercitielle, tout ainsi que ce qui est graué sus du cuyure, ou autre chose dure, demeure à iamais. Quant est de iuger de la doctrine d'un homme, il est fort difficile. Combien que souuent les Philosophes de College apprentifs se messent d'en iuger. Les causes principales qui m'ont excité à escrire ces choses c'a esté pour endoctriner ceux qui estant commis sus le gouuernement d'un public, n'ont pas esté suffisamment instruits en leur ieunesse, comme gens de guerre, & aussi pour les remettre en memoire tant à ceux qui les ont veü apertement, & ne les ont continuez, que ceux qui ont l'usage & pratique, à fin que ces preceptes avec l'usage qu'ils ont, leur puissent mieux profiter.

Au 7. Chap.

Phisique n'est autre chose qu'une petite partie de philosophie naturelle: car la vraye philosophie naturelle, est la medecine, & la cognoissance de la vertu des herbes. Les artz qu'on enseigne aux colleges ne sont que petits principes de philosophie de babil, combien que les ieunes artiens, & maistres es artz, se glo-

M 3 rissent

rifient & s'estiment si braues, Non obstant s'ils ne sont experts en l'astrologie, & à la nature des herbes, & pierres, & bestes & metaux, ils ne sçauent presque rien en la philosophie. La vraye phisique, en tant qu'elle est prinse pour les choses naturelles, comprend toutes choses. Car routes choses sont, ou naturelles, ou non naturelles, ou contre nature, ou outre nature, ou ayant en soy nature, ou selon nature, ou artificielles. Les choses naturelles sont celles qui ont vne substance simple, tenant le commencement de leurs mouuemens par leur forme mesme, comme le ciel & les elemens, ils n'ont aide de chose de laquelle ils sont composez. Mais toutes autres choses sont composees d'icelles. La chose non naturelle est dictée, qui n'est point substance corporelle, & qui n'a aucunes parties: comme Dieu, l'ame, l'esprit angelique. Outre nature sont celles qui aduiennent contre le cours commun d'icelle, comme vn monstre, vne chose fatale. Outre nature qui ne repugne point à icelle, & aussi n'y conuient, comme les miracles ayant nature, sont ceux qui sont composez de mixtions naturelles, comme routes choses meslees. Selon nature, sont d'aucunes proprietiez ioinctes à nature, comme les formes d'vne chose que ce soit. Artificielles sont celles qui n'ont point leur forme de nature: mais par art. Or nature est diuisee en trois principes, à sçauoir, en matiere, forme, & priuation: car toute chose visible a matiere & quelque fois priuation, c'est à dire detriment de quelque forme. Chacun sçait bien que c'est que matiere, c'est vne substance, de laquelle quelque chose est faicte. Il y a de deux sortes de matieres, à sçauoir, la premiere & la seconde. La premiere c'est le premier subiect, c'est à dire, la premiere substance interne & inuisible, comme par exemple, regardez la matiere d'vn bois, si ce n'estoit les formes & accidents, comme la couleur, la grandeur, la largeur, les petites figures que pouuez imaginer en ce boys, vous ne pourriez voir la matiere d'iceluy, & ainsi de toutes autres choses materielles. La seconde matiere, c'est celle que vous sentez en touchant, laquelle aussi ne pouuez voir, sans accidents. La forme, c'est ce qui donne la matiere à cognoistre, & la conserue. Car la forme seruant à vne chose estant destruite, la matiere ne sert de rien, & la destruction de la forme d'vne chose est appelee priuation. La seconde partie du traité de phisique, selon Aristote, est des causes & varietez. Les vnes sont materielles, les autres sont formelles, les autres efficientes, les autres finales, les autres accidentaires. Et pour abreger, d'autant que toute la phisique d'Aristote, n'est que philosophie de babil: car de tout ce qu'on monstre en colleges, rien ne se peut mettre en ceuvre ny experience: toutesfois elle est necessaire aux Theologiens, pour entendre les termes de Theologie speculatiue, & de la Theologie secrette, en partie pour s'exercer. Elle sert aussi pour entendre les termes des disputes de medecine. La vraye philosophie c'est la theologie. Apres la theologie, c'est la cognoissance des astres, & des choses naturelles & autres arts mathematiques. Il est traité & enseigné pour la troisieme partie, que c'est que mouuement: comment il y a cinq choses à vn mouuement, à sçauoir, la chose esmeue, la chose qui mouue ou esmeut, la place de laquelle elle part en se mouuant, ou estant esmeue. L'autre place en laquelle elle prouient, le lieu par lequel la chose esmeue passe par son mouuement, & le temps auquel le mouuement se faict. Il y a trois sortes de mouuement, incertain & le subtil: comme il-
lumina

lumination d'air : & le subit, comme le mouuement de la chaleur du feu. Incontinent que la chose y est appostee, aussi tost s'y met vne petite chaleur. Le mouuement successif est quand on veut auoir chaleur suffisante, elle ne se met pas incontinent suffisamment au corps: mais peu à peu. Il se prend encores en diuerses sortes, à sçauoir en generation, en corruption, augmentation, diminution: selon les accidens diuers se font tous mouuement. Pour la quatriesme partie de physique, est traicté des choses naturelles : mais bien simplement, ce ne sont qu'actions & regles ou raisons qu'on appelle Topiques, composees sur les experiences des choses naturelles. Sommairement voila ce qui en est dict. Quand à ce qui est traicté du ciel, il est defini que le ciel est vn corps simple, eternellement mobile, graue orné d'estoilles, & d'autres astres. Il n'est ne pesant, ne leger. Il ne se mouue ne haut ne bas, mais par circuit, & rotondité de son propre naturel. Il est de nature plus noble, que toutes autres choses sensibles, estant separé d'icelles. Il n'est ne corruptible ne engendré, il n'endure ne augmentation, ne diminution. Il est eternal & dure tousiours sans offense, & sans detrimet. Il est en forme circulaire; & avec mouuement réglé. Il est diuisé en plusieurs especes de corps celestes, selon les contenances, dont les vnes sont spheriques, les autres sont estoilles, les autres signes, les autres sont lunaires, selon les mutations & varietez de la lune, les autres solaires. Il n'y a que dix Cieux, selo les Theologiens, à sçauoir, le Ciel empire, qui est royaume des bien heureux, auquel sont toutes magnificences. Vne ame simple y est plus resplendissante, que le Soleil. S'ensuit au dessouz, le ciel cristalin, pour sa beauté & splendeur. En apres vient le firmament, sur lequel y a des eaux, lesquelles tiennent fermement, combien que le dict cercle tousiours circuit & se mouue. S'ensuit le quatriesme, qui est le ciel de Saturne, qui est la premiere planete. En apres le ciel de Iupiter. Au dessoubz est le ciel de Mars. Il vient apres le ciel auquel est mis le Soleil, nommé le cercle Solaire. Puis celuy de Venus. En apres celuy de Mercure. Et au dessoubz celuy de la Lune, qui est le plus proche que nous ayons: Mais il y a en iceux des cours diuers, & mansions diuerses, & les aspects du Soleil, & de la Lune & leurs degrez, les images, qui sont les principales choses de la philosophie, avec les intelligences de tout cela. Dequoy la Phisique d'Aristote n'enseigne rien qui puisse venir en œuvre ou experience. Ils mettent plusieurs especes d'estoilles, à sçauoir la comette qui est vne matiere chaude, seiche, gluuse, espesse. L'estoille cheuelue qui signifie mort de Seigneur, ou grande guerre, l'estoille cheante, stipules ardentes, lampes des planettes. Il en procede signes ordinaires, ou de glaces, ou de pluyes, ou rosees, ou froidures, ou chaleurs, ou gelees. La rosee est engendree de la vertu des corps celestes, ayant avec soy vn petit de chaleur. La gresle vient d'une vapeur chaude & humide: mais cheant au milieu de la region de l'air s'espend & congele par petits grains. S'ensuiuent les quatre elements, pour la cinquiesme partie de physique, qui sont la terre, l'eau, l'air, & le feu. La terre est vn element pesant, froid, immobile de soy, tenant le milieu du monde. L'eau est vn element pesant, au regard de l'air, froid & humide environnant la terre. L'air est element leger, chaud & humide: qui est cause de corruption, s'il n'y a temperament par qualitez, Il y a trois regions de l'air, la supreme, la moyenne, & la basse. Le feu est vn corps simple, passant & faisant ouuerture: qui est le su-

preme des elemens, voisin du cercle lunaire. Il y a de trois sortes d'elemens selon les anciens philosophes. Les vn sont purs & incorruptibles, & ne peuuent endurer aucune mixtion : comme ceux qui sont es choses celestes, & spirituelles, & aux astres. Car entre les Astres, Sol & Mars sont de la nature du feu. Iupiter & Venus, de la nature de l'air. Saturne & Mercure, de l'eau. Aucuns estiment aussi la Lune de la nature d'eau. Les esprits qui habitent en la huitiesme sphere, participent de la nature terrestre. Tellement que les Astres & choses celestes ont aussi bien les quatre elemens que les choses terrestres. Mais ils sont d'une nature plus excellente. Il en y a qui afferment que les elemens se trouvent aux anges, & que les Cherubins, Seraphins, & Potestez sont de nature du feu. Et les Trosnes & Archanges de nature d'eau, les Dominations & Principautez, de nature d'air. Quant aux enfers aussi, les Diables sont de nature du feu. Les autres de nature d'eau. Les autres terrestres. Et ont quatre fleuves, selon leur condition. Le premier est Phlegeton, qui est de feu sans lumiere tenebreux & noir comme poix. Coccythus d'air puant & infecté. Stix est d'eau froide & gelée. Acheron est terrestre : mais tenebreux, tempestatif, plein de horreur & tristesse, & de bestes venimeuses, desquelles on est tourmenté cruellement, & sans remission. Voila le premier genre d'elemens, duquel l'homme ne peut iuger, & la nature desquels on ne peut comprendre, ne expliquer. Et de cecy il n'y a que les Hebreux qui en ayent parlé. L'autre genre d'elemens sont posez & mellez parmy toutes choses. Ce sont ceux desquels j'ay parlé prins en Aristote, & sont reduits en quatre simplement, desquels tout est composé. Le troisieme genre d'elemens, n'est pas de soy element, mais iceux sont multipliez de composez, & entre soy muables. Et sont de la moyenne nature, c'est à dire, par dessus la cognoissance de nature. Comme de voir vne pierre nommee Abcestis, laquelle estant vne fois allumee, iamaïs ne s'estainct. Vne Escarboucle reluire en tenebres. Vne pierre de Aimant tirer le fer à soy, & par la presence d'une pierre nommee Adamas, ceste vertu est ostee : & beaucoup d'autres pierres ayans vertus infuies. Et sus toutes, la pierre Philosophale, appelée quinte essence, dictée autrement l'ame du monde consistant en l'idée de Dieu. Il y a trois mondes, à sçauoir le monde Elementel, le Celeste, & l'Intellectuel. Voila tout ce qui se peut dire d'utilité pour la Philosophie naturelle. Il ne reste que à former ou inuenter des axiomes & regles pour s'exercer en dispute sus la philosophie de college : qui a esté traictee au precedent. Quant à la maniere de la comprendre facilement, i'en ay quelcune : mais de la Theologie, ie n'en puis trouuer. Il s'ensuit apres, l'art de Metaphysique, qui traicte de Dieu, selon les coniectures naturelles, que ont eu les Philosophes. Mais d'autant que la Theologie en parle plus apertement, ce seroit superfluité de s'y arrester. Parquoy nous commencerons à l'Astrologie, pour les arts Mathematiques.

FRANCOIS DE SIGNAC Seigneur de la Borde Roy d'Armes de Dauphiné a décrit,

Le tréspas & ordre des obseques & enterrement du treschrestien roy de France Henry second du nom. [impr. à Paris 4°. par Robert Estienne 1559.

FRANCOIS SONNIVS, Docteur en Theologie, premier Euesque de Boisseduc a escrit,

Bref

Bref & Catholique discours par la parolle de Dieu, pour instruire chrestien-
nement la ieunesse. [impr. à Paris 16°. par Jean Foucher 1564.

FRANCOIS DE TABOET a traduit de Latin,
Petit Manuel contenant les oraisons de Sainct Leon Pape. [impr. à Lyon 16°.
par Jean d'Ogerolles 1579.

FRANCOIS DV TERTRE a escrit,
Salutation à la Royne de France Loyse de Lorraine sur son arriuee & bien ve-
nue à Paris. Avec vn chant Pastoral. [impr. à Paris par Denis du Pré 1575.

FRANCOIS DE SAINCT TOMAS Aduocat à Lyon a
escrit, en 19. chapitres,

La vraye forme de bien & heureusement viure & gouverner vn royaume ou
monarchie, ensemble le vray office d'un bon prince. [Impr. à Lyon 8°. par Jean
Saugrain 1569.

Le second liure du Cæsar renouellé dont le premier a esté fait par Gabriël Sy-
meon [impr. avec ledict premier liure à Lyon 8°. par Jean Saugrain 1566.)

Au 14. chap. de la forme de bien regir vne Monarchie.

La Loy (dit Pindare) est vne dame, l'office de laquelle est, d'amender les cri-
mes, corriger les vices, susciter les vertus, remunerer & auoir en recomman-
dation icelles, conduire & regir la vie bonne & honneste, hostesse tresvile &
salutaire des Royaumes & Republicques. Et (comme dit Ciceron) en laquelle
nostre pensee, conseil, affection, bien & salut ensemble de tout le pais consiste
& se repose, & sans laquelle les Royaumes, les villes & citez ne peuvent non
plus subsister, que les corps sans ames. C'est la vertu de soy mesme si sainte, si
entiere & si parfaite, que celuy qui tasche & procure, ou qui commande qu'elle
soit obseruee, il desire le regne de Dieu. Or les magistrats peuvent estre iuste-
ment appelez la loy, à viue voix: & la loy en elle, peut estre appelee le magi-
strat muet, laquelle doit dominer sur les magistrats & non au contraire. Le voy
(dit Platon) la mort & la ruine de la cité, où la loy ne domine point sur les
magistrats: mais les magistrats sur la loy. Au contraire, le salut & prosperité de
la ville: où les magistrats sont dominez par la loy, & tous biens aduenir au royaume
& republique dont le prince sera zelateur de iustice dame & roine de toutes
les vertus, dit Ciceron, & sans laquelle, dict Sainct Augustin, que sont
les grands royaumes & regions, sinon que grands brigandages, pilleries, mur-
tres & violences? Agésilas interrogé quelquefois quelle vertu estoit meilleu-
re, ou Iustice ou force, dit que nous n'aurions affaire de force, si nous estions
tous iustes. La iustice est la vertu plus admirable & plus luisante que l'estoile du
iour, disoit Aristote. C'est la vertu que les gens doctes accompagnent sagement à
l'huyle, & à ses effects. Car tout ainsi que l'huyle qui est enclos & serré au de-
dans d'un vaisseau ne profite en rien, & au contraire s'il est mis dehors & appli-
qué à son vsage est merueilleusement vtile & profitable: aussi toute Iustice pro-
cedant de nous, est rapportee à autrui, & luy est plus profitable, meilleure &
plus auantageuse, qu'à celuy dont elle est prouenue, & qui l'a practiquee. Cest
pourquoy Aristote dit en ses Ethiques, q' Iustice est vne vertu qui se pratique
au profit, bien & vtilité d'autrui. Et n'en retourne autre chose à ceux qui l'exer-
cent,

cent, sinon que pour cete seule vertu les hommes tels sont appelez bons & iustes, comme entre autres fut Aristides. Et d'autant que nous cerchons vn Prince tresbon qui à bon droit soit digne de ce nom, il est de besoin qu'il pratique en temps & lieu cete vertu de iustice: Et qu'il soit attentif aux enseignemens de Pythagoras comme directement adressez à luy en cete sorte. Ne passe point le poix, c'est à dire ne fais & n'entreprends rien qui ne soit iuste. Ne blesse point la couronne: comme s'il disoit, oblerue les loix. Ne chemine point par la voye publique: qui vaut autant comme, n'ensuis les erreurs de plusieurs, & suivant l'honorable exemple des bons Princes, ne violes aucunement les droicts des Magistrats, n'opprime ny foule l'autorité des loix: mais renuoye & remet tout à iustice.

FRANÇOIS TILLIER Tourangeois a escrit,
Le Philogame, ou amy des nopces, Premier & second liure diuisez par chapitres. [impr. à Paris 16°. par Jean Poupy 1578.

Oniropolia. Praterca Dialogus Errici Gallia & Polonia Regis Christiani. Et Echus Franciscus Tillerio Turonensi authore.

Au Chap. 7.

Or voila nostre mariage accompli, pourueu que les parens en soyent d'aduis. Car sans leur commandement on ne peut rien en cela, combien qu'il y ait de nouveaux maistres qui dient que cela s'entéd quand à l'honnesteté seulement, & non quand à la necessité; mais quoy qu'ils pensent, le droict canon duquel ils se veulent aider n'est fauteur de telle opinion. Voyez comme il en prononce: *Le mariage ne soit legitime si la femme n'est demandee à ceux qui ont puissance sur elle, & ne soit baillee ne fiancée par les parens: & les nopces autrement contractées ne meritent le nom de mariages, mais plustost d'estre appellees adulteres & fornications.* S. Ambroise est si seuer en cecy qu'il ne veut qu'on demande conseil à la fille quand on la voudra marier: car son honnesteté & honte ne luy permettent d'elire vn mary, ou monstre quelque affection particuliere à vn plus qu'à l'autre, à l'exemple d'Hermione qui estant sans cesse sollicitée par Oreste, respondit: *Ce n'est point à moy de me marier, mais à mon pere qui en prendra la charge s'il luy plait.* Cyrus ne se voulut marier à la fille de Cyaxares sans le commandement de ses parens, bien que le party fust fort beau. Isaac ne se voulut marier aux filles des Cananeens par ce que son pere Abraham luy auoit défendu. Jacob aussi fils d'Isaac en feit autant. Ores qu'il n'y eust autorité pour nous y contraindre, la nature nous enseigne cela par la difference qu'elle met entre la conionction des hommes & celle des bestes: c'est que les bestes n'ont autre mouuement pour s'acoupler, que le seul appetit lequel les guide en toutes choses selon que leur sentiment permet, qui est du tout depourueu de raison & de iugement: & cet acouplement ne se peut appeller à vray dire mariage, & au contraire les hommes & les femmes se doiuent rapporter du tout à la raison & election qu'une prudence meure doit preceder. Ainsi donq les enfans qui sans raison ou aduis de leurs parens se marient à leur plaisir, esmeuz seulement d'une folle & temeraire passion, sont du tout defraisonnables. Qui voudroit icy estre du tout sur la puissance que le pere a sur son fils,

ne se

ne feroit iamais fin à son discours, car il y a presque plus de raisons, d'exemples & d'autoritez que de parolles. Seulement ie me cōtenteray de ces beaux vers de Catulle:

*Il ne se faut fascher encontre un tel mary,
Fille, car il n'est bon se fascher à celui
Que ton pere & ta mere ont esleu pour leur gendre,
Puis que necessité te contraint les entendre:
Et ta virginité n'est tienne seulement,
Mais ton pere & ta mere en ont également
Chacun une partie, & toy tu as la tierce.
Ne sois donc contre deux si facheuse & diuerse
Qui ont donné ton dot, ensemble tous les droicts
A ton mary leur gendre.*

Au chap. 6. louant le vin il dit,

Et de faict Antiphanes το δὲ ἴδιον ἐστὶ μοι τὸ ἐστὶν πίνειν φησὶ ἐγώ. *Dy moy que c'est que
viure? Boire ce me semble.* Aussi Scaliger dir:

*Non temere antiquas mutat Vasconia voces,
Cui nihil est aliud viuere quàm bibere.*

FRANCOIS TITELMAN. Voyez Claude Hylaïre.

FRANCOIS LE TORT Angevin a mis en françois,
Le Tresor des morales de Plutarque de Charonce excellent Philosophe & ora-
teur, contenant les preceptes & enseignemens qu'un chacun doit garder pour
viure honnestement selon son estat & vacation, non moins nécessaires & vti-
les à ceux qui desirent bien ordonner vne Oeconomie priuee ou particuliere
qu'à ceux qui gouernent les Republiques & maniēt les affaires d'estat. Auecq
les beaux dits, faits, sentences notables, responce, Apophthegmes & formes
des harēngues des Empereurs, Roys, ambassadeurs & vaillans capitaines tant
Grecs que Romains. Aussi les opinions des Philosophes & gens sçauans tou-
chant les choses naturelles pour seruir d'exemple à ceux qui desirent sçauoir &
ensuyure leurs hauts faicts es guerres & de mesurer leur police, conseil & gou-
uernement en temps de paix, premierement recueillies & extraictes en langue
latine des commentaires Grecs des Opuscules de Plutarque, par ledit François
Le Tort, & par luy mesme mises en françois. [Impr. à Paris 8°. par Iean Poupy
1578.

*Gnomologia seu Repertorium sententiarum, ex optimis probatissimisque
authoribus excerptum & in locos communes digestum. Authore Francisco
Le Tort Andegauensi. Parisijs 16°. apud Ioannem Poupy 1581.*

FRANCOIS DE LA TREILLE Seigneur de Beroil,
commissaire en l'Artillerie a escrit,
La maniere de fortifier, villes, chasteaux & autres lieux forts. [Impr. à Lyon 4°.
par

par Guillaume Rouille 1556.

Discours des villes, chasteaux & forteresses, batues, assaillies, & prises par la force de l'artillerie durant les regnes des roys Henry 2. & Charles. 9. [impr. à Paris 8°. par Gabriel Buon 1566.

FRANÇOIS VALLERIOLE Docteur Medicin à Arles & depuis Lecteur en la faculté de Medicine à Thurin, oultre plusieurs doctes œuvres qu'il a fait en latin, a escrit en François

Traicté de la Peste. [impr. à Lyon 16°. par Antoine Gryphius 1566.

Voyez quelles œuvres Latines il a fait, en l'Epitome de la Biblioteque de Gesner.

Au chap. 2. dudit Traicté.

L'autre source de la peste (dit Auicenne) procede des formes celestes, assauoir des Astres & leurs configurations & aspects malins, qui causent par leur influence telles maladies contagieuses & pestilentes: comme aussi tesmoignent sur ce tous les Astrologues. Mais en verité quand à mon opinion fondee sur la diuine determination de Platon en son Epinomide & en Timeus: de Plotin souuerain Platonicien, de Iamblichus, Proclus, Mercurius Trismegistus, d'Aristote, & Auerrois ie trouue ceste opinion faulse & erronee, de penser que contagion aucune ou infortune, incommodité, maladie, & dommage puisse par les Astres venir aux hommes, d'autant que, comme dit Platon en son dialogue intitulé Epinomis, La nature des Astres est tresbelle à voir, ordonnee en ses mouuemens, & bien faisant à tous les animaux, leur eslargissant toutes commoditez de generation & cōseruation. Dōques si la nature des Astres est si bonne, qu'elle merite estre appelée diuine, (cōme en ce mesme lieu dit Platon) & porte tāt de benefices aux corps inferieurs, cōme peut il estre que les Astres portent infection & cōtagion en ce bas mānoir terrien? cōme soit que nulle cause peut produire effects cōtraires par soy-mesmes. Si dōc le biē des corps inferieurs procede des corps celestes: assauoir la generatiō, production de fruiets, maturatiō d'iceux, & cōseruation de la vertu d'vn chacun, cōme en verité il procede, il ne sera possible que la corruption & extermination des corps procede des Astres. Et parce à bonne raison disoit Aristote, ce monde inferieur estre necessaire estre ioinct & contigu au superieur: à fin q̄ toute sa vertu fust conduite & gouuernee par iceluy. Si dōc les Astres par leur vertu conseruent les créatures de l'vniuers, comme les pourront ils par corruption, venin, contagion dissiper & corrompre? Et le mesme auteur Platon, appelle tous les Astres & estoilles seurs, pour leur accord à bien faire, & dit estre grande meschanceté aux hommes, penser que les aucuns des Astres soyent mauuais & malings, & les autres bons, veu qu'ils sont tous bons. Car comme dit Chalcidius souuerain Platonicien en ses commentaires sur le Timée de Platon, Du Ciel rien de mal ne peut naistre ny proceder: estant en ce saint lieu toutes choses bonnes & resensans la diuinité, ou rien de malice ne peut consister, & ne peuuent (cōme il dit) les Astres changer leur nature, d'autant qu'elle est simple & pure, & ne peuuent degenerer de celle simplicité & pureté, laquelle par le pouuoir diuin leur a esté octroyee. Pourquoi donc leur attribuerons-nous vertu maligne, pestilente, contagieuse, rauissant

rauisant les animaux par influence venimeuse & pestilente: Car si contagion est la pire chose qui puisse estre, (comme en verité elle est) la plus desordonnee, la plus contre nature, & la plustost dissipant la vie: de laquelle contagion la source & origine n'est que vice, infirmité, pourriture, & corruption en la matiere: comme voulons nous attribuer aux Astres & au Ciel principe de toute generation, tel enorme accident estans les Astres corps celestes, bien ordonnez, trespuissans, sans vice, sans corruption, & sans matiere subiecte ou propice à contagion. Et par ce disoit tresdignement Auerrois souuerain commentateur d'Aristote, que Quiconques croit Mars ou autre Planette disposé en quelle façon que ce soit, nuire aux corps inferieurs, que tel croit en verité choses estranges de toute la Philosophie. Et iceluy mesme autheur sur le neufiesme de la Metaphysique d'Aristote, dit, les corps celestes qui sont principes de toutes choses, estre eternels, & en iceux n'y auoir aucun mal, ny erreur, ny corruption: car corruption est de l'ordre des choses mauuaises. Et de la (dit-il) se cognoit estre impossible sçauoir ce que les Astronomes disent, y auoir quelques estoilles fortunées, les autres infortunées: ains ce tant seulement se peut sçauoir, les vnes estre meilleures que les autres, estans toutes bonnes. Voyla la belle & vraye sentence de ce souuerain Philosophe ce qu'auparauant, quand à la première partie de ceste sentence, auoit doctement dit Aristote au 9. liure de sa Metaphysique chap. 10. Le sage Mercure Trismegiste disoit en son Dialogue intitulé Asclepius, que tout ce qui descend du Ciel est generatif. Si donc l'influence du Ciel vers nous est generatiue (comme en verité elle est, disant Aristote que le Soleil & l'homme engendrent l'homme) il n'est certes possible qu'elle puisse corrompre & meurtrir par contagion. Ce qu'aussi Proclus, interprete de Platon au liure de l'Ame & du Dæmon a confirmé. Les corps celestes (dit-il) par vne harmonie souueraine contiennent en soy toutes choses, les rendent parfaites, & les accommodent entre soy mesmes & à l'vniuers. Si donc il est ainsi que les corps celestes rendent parfaites toutes choses, & les accommodent & conseruent (comme en verité ils font, & ce tesmoigne cest auteur) comme nous pourront-ils engendrer contagion & infection, qui abolit nostre perfection & integrité, & nous endommage par rauissement de la vie? C'est chose impossible à dire la verité. Car cela repugne à la nature de la contagion, qu'elle descende du Ciel: d'autant que contagion n'est autre chose que infection procedente d'une à autre par communication de vapeur pestilente & infecte: & par ainsi si des Astres procedoit la peste & contagion, il faudroit par la deffinition de contagion, que les Astres fussent premierement infects, s'ils nous doiuent par leur influence enuoyer contagion pernicieuse. Ce qu'estre ne peut en façon que ce soit. D'autant que les Astres pour estre corps celestes purs, diuins, & esloignez de toute corruption, ne receuans aucune infection en eux, n'estans corps materiels, idoines à transmutation ou changement, comme bien disent Aristote & Auerrois es liures du Ciel & du monde: les Astres en verité n'estans capables d'infection ou contagion, ne la pourront communiquer ça bas. Laissons donc ceste vaine & fole opinion de croire la peste venir du Ciel, assauoir de l'influence des Astres: comme en nos lieux communs, chapitre second de l'appendice, j'ay par longs discours & bonnes raisons prouué. Bien est-il

N vray

vray qu'elle prouient par le secret iugement de Dieu, voulant punir par tel fleau nos fautes : comme au Leuitique & Deuteronomie est escrit. Et pour conclusion dirons la cause de la peste estre la maligne alteration & corruption de l'air infectant nos corps.

FRANÇOIS VATEPIN, de Troyes a recueilly & mis en bon ordre par lieux communs

Les fleurs, Phrases, Sentences & manieres de parler contenues es Epistres de Ciceron. [impr. à Paris 16. latin françois correspondant l'un à l'autre, par Claude Micard 1517.

FRANÇOIS DE VERNASSAL Quercinois a traduit d'Espagnol,

Histoire de Primaleon de Grece, continuant celle de Palmerin d'Oliue Empereur de Constantinople. (C'est vn Roman.) [impr. à Paris f°. par Jean Longis 1550.

FRANÇOIS VILLON de Paris a fait quelques rimes reueuës & remises en leur entier par Clement Marot, lequel en vne Epistre qu'il a mis au commencement des œuvres d'iceluy Villon, le voulant excuser iette les fautes sur l'imprimeur disant ainsi : Entre tous les bons liures imprimez de la langue françoise, ne s'en void vn si incorrect ne si lourdement corrompu que celui de Villon : & m'esbahy (veu que c'est le meilleur Poëte Parisien qui se treuve) comment les imprimeurs de Paris, & les enfans de la ville n'en ont eu plus grand soin. Voila ce qu'en dit Marot, mais ie m'esmerueille comme il a osé louer vn si gosse ouurier & ouvrage, & faire cas de ce qui ne vault rien : quand à moy ie n'y ay trouué chose qui vaille. Ce liure a esté impr. à Paris 16°. par Galliot du Pré 1533.

FRANÇOIS XAVIER.

Coppie de lettres missiues enuoyees des Indes par François XAVIER de la société du nom de Iesus à son preuost Monsieur Egnace de la Iola & à tous ses freres estudians aux lettres à Rome, Paue, Portugal, Valence, Coloigne & à Paris. Auec deux autres Epistres dudit Xauier enuoyees aux susdits de la Cité de Goo & Clautre de Tacuturin, traduites d'Italien en François. [impr. à Paris 8°. par Jean Corbon 1545.

FREMIN CAPITIS Docteur en Theologie de l'ordre de saint François a escrit,

La Sauuegarde & protection de la foy Catholique, contre les principaux heretiques de nostre temps. [impri. à Rheims 8°. par Jean de Foigny 1566.

Catechisme & instruction des premiers fondemens de la religion Chrestienne, vtile non seulement aux simples gens pour bien façonner leurs meurs & dresser leur vie en bons Chrestiens, mais aussi aux curez & vicaires. Redigé en cinquante trois Homilies accommodees à ce temps pour les Dimanches de l'annee. tiré en partie du latin de M. Euesque de Meisburg, & fait François & enrichy par ledict Capitis. [impr. à Paris 8°. par Nicolas Chesneau 1575.

Apologie diuisee en trois liures de S. Jean Damascene docteur Grec, contre Leon Isaure Empereur de Constantinople & ses complices aduersaires des Images sacrees de l'Eglise, iadis traduite de grec en latin, & de latin en François par

par Fremin Capitis. [impr. à Verdun 8°. 1573.

Expositio in Exodum à principio ad primogenitorū Aegypti necem usque aliquot homilijs partita ac concionibus tempore aduentus saluatoris accommoda, Fratre Firmio Capitis autore. Parisijs 8°. anno 1579.

F R I D E R I C premier du nom Empereur, estoit docte & aimoit les poëtes. Ayant mis le siege deuant la cité de Milan qui s'estoit reuoltée, prinse & mise icelle en sa subiection, & pour la seconde fois razé les murailles, ensemble de quelques autres villés de la Lombadie, estant à Turin Remond Berenguier dict le Jeune Comte de Barcelonne & de Prouëce, fils de Berenguier Remond, fils troisieme de Douce Comtesse de Prouence accompagné d'une grande troupe d'orateurs, & poëtes Prouençaux & des gétilshommes de sa cour, avec la princesse Rixende, ou Richilde sa femme, vint trouuer l'Empereur qui luy fit vne grand bien-venue, pour la bonne renommee de ses faiëts. Et en consideration de l'amitié que l'Empereur portoit à la princesse Rixende, ou Richilde sa niece royne des Espagnes, apres auoir faiët hommage de la Comté de Prouence, & de Forcalquier suiuant l'inféodation à luy faiëte, ayant au préalable déclaré la donation des marches de Prouence faiëte cy deuant par Conrad 3. du nom Empereur oncle dudiët Frideric à Hugues prince des Baulx nulle & inualable à l'auantage dudiët Remond, le supplia luy dōner inuestiture des terres d'Arles, de Marseille, du Piedmōt & des autres qu'il auoit acquises à force d'armes. Ce qu'incontinent luy fut octroyé, & ce fut en l'an 1162. Apres, le Comte Remond Berenguier fait reciter plusieurs beaux chants en langue Prouençalle à ses poëtes en la presence de l'Empereur, lequel du plaisir qu'il y print, estant esbahy de leurs plaisantes inuentions & façon de rithmer leur fait de beaux presens, & fait vn Epigramme en langue Prouençale à la louange de toutes les nations qu'il auoit suiuiës en ses victoires, auquel Epigramme il louie la langue prouençalle disant ainsi:

*Plas my Cauallier Francés,
E la donna Catallana,
E l'onrar del Gynoés,
E la Cour de Kastellana,
Lou Kantar Prouençallés,*

*E la Dansa Triuizana,
E lou Corps Aragonnés,
E la Perla Iulliana,
Las Mans, e Kara d' Anglès.
E lou Donzel de Thuscana.*

F. B. de V E R V I L L E a escrit,
Les Apprehensions spirituelles, Poëmes & autres œuures philosophiques, Aueq
les Recerches de la pierre philosophale, Plus les souspirs amoureux. [le tout
impr. à Paris 12°. par Timothee Iouan 1584.

En l'Epistre dedicatoire, pour l'argument de l'œuure.

Dieu premier sans commencement, crea tout de rien, composant puis apres son œuure de ce qu'il l'auoit voulu estre, & que nous ne cognoissons que par les effects, desquels il a constitué les principes, dont il est la cause, de sorte que rien n'y manque: Et afin que nous le cognoissions par son œuure il l'a fait entiere par diuerfes vnitez assembles en l'accord ou il les a contraintes selon sa

N 2 parole.

parole. Ces vnitez se disent vnes, non pour foy, mais à cause de leur separation, d'autant que l'un par qui elles sont dites vnes, est ce par lequel nous deuons ce qui peut estre multiplié de fait ou d'imagination sans impieté: car l'un de foy est, qui consistant par foy-mesme, est tellement tout, qu'infini, il ne patit point multiplication, & partant ce qui se dit vn, patissant multiplication, n'est point vraiment vn: car l'unité n'est point simple, & vne sans infinité. Or ce grand vn communiquant vne unité seconde es choses inferieures, les a faites consister de certaines vnitez assemblees, pour composer tout en vn. Ces vnitez sont la premiere matiere, & les elemens en general, avec ce qu'ils engendrent, dont ie discours çà & là: Posant comme tous les meilleurs, l'humide, le sec, le froid, & le chaud, matieres & instrumens des substances, qui tombent en corps obsetuant tout dedans ce que le ciel environne, dont l'air, la terre & l'eau sont comme matrices & lieu, ayant en foy le vray de ce qui se dit tel, & qui en sa composition est eschauffé par le Soleil, qui en foy a le feu excitat la rarité de l'esprit chaud que Dieu a laissé aux substances. Ainsi i'estime cet enclos du Ciel, comme grand vaisseau plain en ce dedans des corps, ou s'il y a quelque chose qui se puisse dire leger, il se peut dire de l'air combien qu'on puisse le trouuer également pesant à quelque corps que ce soit, qu'on puisse manier, & pour cete occasion en son lieu comme tout corps, il se dit leger: car en sa place nul corps ne peut estre estimé pesant, l'estant autre part, & leger quand il est moins pesant: se pendant l'air en cete qualité n'estant ny sec ny humide, ains susceptible de l'un & de l'autre, loge en foy le froid qui environne l'humide & le sec. Desquels l'humide est, qui egal en toutes ses parties, ne permet iamais que separees sans coagulation elles se touchent sans mesler le tout du moins au tout du plus, & le sec qui se termine en son propre terme, comme toutes autres choses est, dont les parties separees se peuuent toucher. Or l'humide est ce qui allie le sec, & le sec est ce qui separe l'humide realement, afin que l'un en l'autre ils soyent agitez pour vn tiers par le chaud, qui au moyen du froid les forme selon le patron ordonné en nature, le chaud estant ce qui espart & excite les matieres, & le froid ce qui assemble & donne loy à la chaleur. Voila en somme le theme de mon œuure, dont ie dilate plusieurs axiomes issus de ceux cy, vsant d'un stile que i'ay esleu pour delecter diuersifiant mes discours, ores en prose, ores en vers, &c.

Le Poëme de l'Ame commence ainsi.

*Après auoir tanté la matiere du monde,
Son estat eternal, & sa forme seconde
Assemblé maints suiets en un chaos diuers,
Des couleurs de Nature ayant vestu mes vers,
Demeslant le plotton des formes que i' amasse,
Afin qu'en sa beauté sa beauté ne s'esface:
Mon discours me contraint de prendre separez
Les traicts que i'ay desia diuersement tirez,*

Et

*Et choisissant de tout la plus belle partie
Chanter le doux effait qui nous donne la vie* Ec.

Au Dialogue de la bonne grace.

Or il ne faut pas prendre nuëment ma definition: car en ceste signification elle est reciproque, pource que ce qui plaist a ceste force la en soy de se faire estimer plaissant, & faut aussi necessairement que ce qui est agreable, tombe au gré de ce qui l'aimera, de façon que la bonne grace par soy-mesme sera aimée, d'autant que l'amour qui est parfaite en son estat, a pour obiet ce qui aussi est parfait au sien, & differe de luy. Ainsi ce qui s'vnit en quelque proportion attirera à soy quelque autre qui en est susceptible interieurement. Parquoy l'esprit qui est meu par amour, pouuant receuoir en soy l'Idée de la conuenance, constituant la bonne grace, il aimera ceste apparence exterieure, dont les accords auront similitude de la belle forme de perfection qu'il a en soy, qui fait que se meslant mutuellement en sa puissance & effect, la bonne grace sera diuisee en patiente, & agissante, & pour sa iuste cōuersion, ses deux parties, qui sont comme la matiere & la forme, auront mesme nom. D'autant que ce qui vient à gré plaist, à cause de la delectation, ou de l'affection que on a au suiet, ou à cause de tous deux, il faut prendre garde à l'vn ou l'autre. Car on aura beaucoup de contentement de voir vne personne à qui sera fort seant tout ce qu'elle fera, laquelle on n'aimera pas pourtant, sinon entant qu'on luy voudra du bien, pour sa gentillesse. Ou bien on l'aimera pource que ses façons contraignent l'esprit à appeter d'auantage que pour elle: car avec ce bien là on souhaitera en estre participant, & par vne liaison particuliere, où s'arrestent les affections, on sentira s'obliger à telle affection, qui en fin fait naistre l'amour, qui me fait desirant pour vous, desirer pour moy mesme vne commune commodité. L A D A M O I S E L L E. Mais il me semble que la bonne grace s'estend plus generally, estant comme vn cachet qui se peut poser sur beaucoup de differentes cires, & y laisser l'impression de sa figure, ou comme vne chandelle allumee, dont la lumiere s'estend par tout, laissant egale souuenance de soy à chascun opposé, suyuant la distance ou force, ce que l'amour ne peut: qu'ainsi ne soit, plusieurs en mesme temps verront mesme personne, & toutesfois ils ne luy porteront pas semblable affection. L E G E N T I L H O M M E. Toute la difficulté de cecy gist en distinction. Car la bonne grace sera sur le suiet opposé comme le visage présenté au miroir, qui estant séparé, emporte aussi sa similitude qu'il y laissoit, les esprits sont tout ainsi que ce verre, qui esteint d'un costé par l'extinction du vif argent, qui seul a aussi la faculté de représenter plus fermement les patrons des choses, tant qu'elles luy sont opposees, les laissant esuanouir par leur absence, & la bonne grace est comme ce qui s'offre au miroir, laquelle durera, si par vne seconde force elle peut agir sur l'esprit, comme l'homme qui avec le plus dur de tous les verres naturels, grauera sa figure en la glace de sorte que iamais elle ne s'en peut racler sans la totale ruine de l'estat, auquel pour lors est le miroir, vray image des cœurs & esprits humains, qui gardent vne belle impression, iusques à tant qu'ils se rompent & iamais n'en

reprennent d'autre, si d'avanture quelque nouvelle puissance ne les refond, & rend derechef capables à recevoir ainsi qu'au paravant. Il faut aussi distinguer en amour, affection & amitié, d'autant que la grace demeure comme la beauté aussi. Mais l'amour est quelquefois general, & quelquefois particulier, & quelquefois l'un & l'autre; general, quand il se distribue sur beaucoup, & est proprement ceste bonté naturelle de chacun envers tous: particulier quand pour certain respect on a desir du bien de quelque autre, pour la part ou plaisir qu'on y pense avoir: General & particulier, quand on aime toutes perfections en chacun, & en quelque certaine personne, tant à cause d'elle, que de ce qui la rend accomplie. Et selon ceste dernière distinction est entendue la bonne grace, qui est la cause de l'amitié & de l'amour, & les effets de l'un & de l'autre.

L A D A M. Qui precede en la bonne grace, l'amante ou l'aimée? L E G E N. Elles peuvent estre dites selon leur nature coëssentielles, & de temps mesme, leur effect estant vne impression, qui se fait de leur mutuelle rencontre des âmes bien nées par celles qui auront quelque part de la perfection où elles tendent, toutesfois il y a trois points à considerer, à cause des sens qui n'appréhendent pas les momens des actions spirituelles, & sur tout en l'affection, qui ou precedera pour quelque occasion, ou suivra, par le moyen de la raison, & quelquefois par la force de ce qui s'imprime, ou sera naturellement pour maître à l'instant que luy apparoitra le suiet. &c.

Au Dialogue du bien de la Mort commune.

On ne s'arresteroit pas aux mortelles vanitez d'icy bas, avec tant de curiosité, qu'on fait: & sur tout si on entendoit bien, que c'est que sans cause on a imaginé comme Monstre espouventable, la mort vulgaire, qui n'est pas ce qu'on pense, d'autant que telle quelle soit, est tant peu qu'elle n'a puissance sur rien. Car tandis que nous vivons elle ne peut forcer nos destinees, & quand nous sommes hors de cette vie elle ne peut plus rien esperer de gain sur nous. Aussi si sa force est quelque chose pour le plus, c'est pour un instant, qui n'estant point partie du temps, mais le moins qu'intellectuellement on y peut remarquer, ce qui s'y fera ne sera point partie de chose aucune. Voila donc bien de quoy avoir si grand peur, & dont on doive tant craindre la venue, propice aux gens de bien. D'avantage si ce que nous disons Mort commune, qui à vray dire, n'est qu'un deslogement de lieu en autre, n'est quelque bien, au moins elle efface la rigueur des malheurs qui nous tallonnent importunement & persecurent, nous rendans possible au moins tels que nous estions avant que d'estre vestus de ces miserables corps: que si les payens & ceux qui ont obscurci leur vie es tenebres d'impiété, ont cogneu quelque vray-semblance de cecy, nous qui respirons cet air munis de meilleure esperance, & qui adorons la magesté d'un vray Dieu, serons nous si stupides que nous n'ayons d'avantage d'entendement, pour sçavoir mieux, & que mesmes Dieu qui nous tient aussi chers que la prunelle de son œil, ne nous envoie ainsi que bon pere qu'il est, infinies necessaires aduersitez, afin que les goustans nous desdaignons ce monde, estans cependant empêchez de trop nous affectionner à si peu que cette petite apparence de vie. Ha que les faits de Dieu sont admirables, que ayant fait cette vie si belle, agreable,

ble, & attrayante sur tout, encores elle est au pris de ce qu'il nous garde comme à ses mieux aimez obscurité, peine & langueur. N'est-ce pas langueur que de sçauoir que ce qu'on possède & qu'on veut garder precieusement, tant pour le plaisir que pour la commodité, est suiet à estre perdu, sans plus iamais retourner en nostre puissance par nostre vertu? Et qui est celuy qui pourroit auoir delectation aucune en son bien, si vne mordate peur luy rongeoit incessamment le cœur, le menassant asseurement de n'en deuoir auoir iouissance certaine? &c.

LIVRES D'AUTEURS INCERTAINS.

La F A B L E du Fauxcuidier, contenant l'histoire des Nymphes de Diane transmues en saules, avecq autres compositions poëtiques. Le tout fait par vne notable Dame de la court. [impr. à Lyon 8°. par Iean de Tournes 1547.

Les F A I C T S de Iesus-Christ & du Pape &c. *Censuré.*

Conseil tresvtil pour la F A M I N E & remedes d'icelle. Avecq vn regime de santé pour les pauvres, facile à tenir. [impr. à Paris 16°. par Iaqués Gazeau 1546.

F A R C E S.

On ne sçauoit dire les farces qui ont esté composees & imprimees, si grand en est le nombre: Car au passé chacun se mesloit d'en faire, Et encores les histrions dictz Enfans sans soucy en ioient & recitét. Or n'est la farce qu'un Acte de Comedie, & la plus courte est estimee la meilleure, à fin d'euitter l'ennuy qu'une prolixité & longueur apporteroit aux spectateurs. Car comme dit Gratian du Pont en son art de Rhetorique, Qui voudra sçauoir le nombre des lignes qu'il faut en Monologues, Dialogues, Farces, Sotties, & Moralitez, soit aduertit que quand Monologue passe deux cens vers, c'est trop, Farces & Sottises cinq cens, Moralitez, mille ou douze cens au plus. Aux Epithetes de la Porte ceux de la farce sont tels, Ioyeuse, histrionique, fabuleuse, enfarinee, morale, recreatiue, faccieuse, badine, françoise, nouuelle: ceux de la Comedie Plaisante, folastre.

Le F A S C I C V L E ou Fardelet historial des temps translaté de latin en françois. [impr. à Geneue f°. 1495.

Le Liure de la F E M M E forte & vertueuse, declaratif du Cantique de Salomon és Prouerbes au chapitre final qui se commence *Mulierem fortem quis inueniet?* fait & composé par vn religieux de l'ordre de Fontcraud à la requeste de sa seur religieuse reformee dudit ordre. [impr. à Paris 8°. par Simon Voistre 1501.

Les F I C T I O N S Poëtiques, par l'Innocent esgaré. [impr. à Lyon 16°. par Iean Saugrain 1577.

Le Romant de F I E R A B R A S,

Les F I G V R E S du viel & nouveau testament exposees en prose françoise. [impr. à Paris f°. par Antoine Verard avecq les argumens en rime.

La Deplorable fin de F L A M M E T E, elegante inuention de Iean de Flores Espagnol, traduite en langue françoise. [imp. à Lyon 8. par François Iuste 1535.

F L A M M E T E. Complainte des tristes amours de Flammete à son amy Pamphile. translatee de latin en vulgaire françois. [impr. à Lyon 8°. par Claude Nourry 1532.

Histoire de la Guerre ciuile du païs de **F L A N D R E S**, contenant l'origine & progres d'icelle: les Stratagemes des guerres: Assiegemens & expugnations des villes, & forteresses: l'Estat de la Religion, depuis l'an 1559. iusques à la fin de l'an 1582. Diuisé en cinq liures. Avec les Sommaires sur chacun d'iceux. [Impr. à Lyon 8°. par Jean Stratus 1583.

La **F L E V R** des Commandemens de Dieu, avec plusieurs exemples & autoritez extraites tant des saintes escritures que des docteurs & bons anciens peres. [impr. à Paris f°. par Nicolas Cousteau 1539.

F L O R E T en françois, [Impr. à Paris par Guichard Soquand 1528.

F L O R I A N & la belle Elinde Romant.

Histoire du dernier voyage aux Indes lieu appelé la **F L O R I D E** faict par le capitaine Iean Ribaut, & entrepris par le commandement du Roy. [impr. à Lyon 1566.

Le Romant de **F L O R I M O N D** en rime escrit en main en la Bibliothèque du Capitaine Sala à Lyon.

Chronique du Roy **F L O R I M O N D** fils de noble & vaillant Matasquas Duc d'Albanie. [impr. à Paris.

F L O R I M O N T & Passe-Roze Romant traduit d'Espagnol en prose François. [impr. à Lyon 8°. par Iean de Tournes.

La **F O N T A I N E** de Ioyeuseté. Rime. [impr. à Paris 16°.

La **F O N T A I N E** de Vie & de vertu extraicte de toute la sainte escripture, de laquelle distillent tresdouces consolations, singulierement necessaires aux cœurs affligez. [impr. à Lyon 16°. par Iacques Berion 1549.

La **F O R T E S S E** de la foy contenant cinq liures par chapitres, translatez de latin en françois. Le premier traicte De la vraye armeure des cheualiers de Dieu, & de l'excellence de sa sainte foy catholique. Le second, de la bataille des faux Chrestiens & heretiques contre icelle forteresse de la foy, & de leur subtile deception. Le Tiers de la bataille des Iuifs contre icelle, & de leurs enormes crudelitez & obstinees malices. Le quart de la bataille des Sarrazins contre icelle, & de l'abomination & ordure de leur loy. Le quint de la bataille des Diables contre icelle, & de la perdition de leur seigneurie & de leur grand misere. Quand au premier liure il a trois principales considerations, la premiere semble de l'armeure de tous les loyaux Chrestiens en general. La seconde de l'armeure des vrais prescheurs en special. La tierce de la noblesse & excellence de la sainte foy Catholique en particulier. Escrite en main sur parchemin en vn fort gros volume qui est en la Bibliothèque de Monsieur le Comte d'Urfé.

La **F O R T V N E** d'Amours, Sermon ioyeux. en rime. [impr. à Lyon par Iames Meusnier.

Briefue & claire exposition sur la **F O Y** Chrestienne. *Censuré.*

La Vie de Saint **F R A N C O I S D E P A V L E**. [impr. à Paris par Poncet le Preux.

G A B R



GABRIEL BOVNIN premierement Aduocat au Parlement de Paris , puis Lieutenant de Chasteau-Roux en Berry , & apres Conseiller du Roy & maistre des requestes ordinaire de son hostel a escrit,
 La Soltane, Tragedie, dont les Personnages, sont , Rose, Sirene, Rustan, Le Chœur, Soltan, Mustapha, Le Heraud, Le Sophe, Les Eunuches. Plus vne Pastorale, où sont entreparleurs Fracillon, Clorin, Francine, Ianette. [impr. à Paris 4°. par Guillaume Morel 1561.

Harengue au roy Charles 9. à la Royne & aux hommes françois , sur l'entretènement & reconciliation de la paix & entree dudit sieur en ses villes. [Impr. à Paris 8°. par Robert Estienne 1565.

Ode sur la Medee de Jean de la Peruse, impr. parmi les œuvres dudit de la Peruse.

Les Ioyes & Allegresses pour le bien-veignement & entree du Tres-illustre Prince François fils de France , & frere vnique du Roy en la ville de Bourges. [impr. à Bourges 4°. par Pierre Bouchier 1576.

Tragedie sur la deffaite de la piaffe & la picquoree, & bannissement de Mars, à l'introduction de paix & sainte Iustice. [impr. à Paris 4°. par Iean Mestayer 1579.

GABRIEL LE BRETON Niurnois Seigneur de la Fon. a escrit,

Adonis, tragedie françoise. [imp. à Paris 12°. par Abel l'Angelier 1579.

Il a escrit aussi l'Epoleme autrement la Charite (dont l'Argument est tiré d'Apulee en l'Asne doré.) La Didon & la Dorothee Tragedies, non imprimees.

Le Ramonneur Comedie, non impr.

Paradoxe Que les Dames doiuent marcher le sein descouuert. L'Amour mercenaire. [impr. au bout de la Tragedie d'Adonis.

Au 3. Acte de la Tragedie Adonis:

*Comme souuentefois vn nauire estrange
 Sur les flots Adrians vole prompt & leger,
 Le ciel mesme se rit, la mer est toute calme,
 De ses trauaux passez il emporte la palme,
 Eole ne se monstre à ses vœus discordant,
 Les Tritons sont pour luy Neptune & son trident,
 Et tous astres benins luy semblent faire escorte:
 Tandis en vn clain d'œil vient la tempeste forte
 Meslee de frimas, de feux & de glaçons,
 Qui pert le marinier en diuerses façons:
 Elle rait aux yeux le iour & les estoiles,
 Elle casse la hune, elle brise les voiles,*

Le

*Le nauire en morseaux vogue de toutes pars,
 Adonques les rochers hideusement espars
 Ou mors ou demy mors blanchissent sur l'arene;
 Tel est l'estat douteux de cete vie humaine
 Qui vient & s'en reua comme vn flot agité.
 Nul ne se doit fier à la felicité,
 S'il voit qu'à bonne fin ses affaires procedent:
 Car misere & plaisir l'un à l'autre succedent.
 Le mal est plus certain, & ne faut qu'un moment
 Pour changer nos plaisirs en penible tourment.
 Ores que tous les dieux se facent recognoiſtre
 Propices enuers nous, qui s'oseroit promettre
 Vn demain assure? mesme souuent la nuit
 Apres le iour heureux dommageable nous suit.*

Au 5. Acte de la mesme tragedie:

*Eſtrange & dure loy que les hommes descendent
 Si tost dans le sepulchre, & leur aage despendent
 Sans espoir de retour. ô funebre destin!
 On coupe tous les ans, les mauues & le thin:
 Les mauues & le thin leur verdure reprennent:
 Mais les hommes s'en vont & iamaïs ne reuiennent.*

GABRIEL CHAPUIS natif de Tours a esté mis aux estudes par claudé Chapuis son oncle valet de Chambre du Roy François 1. & garde de la Bibliotheque royale, où il a pris si grand gouſt aux bonnes lettres, que deuenu le plus studieux, & laborieux de tous les homes il a desia escrit en l'aage de 38. ans vn grand nombre de volumes, en quoy il surpassera tous ceux qui ont esté deuant luy, si Dieu luy preste vie longue: car il ne cesse de continuer en ce louable exercice & trauail d'esprit, dont la France luy demeurera à iamaïs obligee, d'autant qu'il l'illustre tous les iours par la traduction qu'il fait en sa langue de liures & auteurs estrangers. Il florit maintenât à Paris, tenât la place du defunct Belle-forest, qui de ses doctes labours a eu bien peu ou rien: aussi ne suyuoit-il point importunémēt les talons des grâds seigneurs, demeurant sans intermission occupé à l'escriture, comme fait Chapuis qui n'en bouge: duquel les œuures & traductions par luy mises hors iusques à huy sont,
 Heureux Presage sur la bien venue du Treschrestien Roy de France & de Polaigne, Henry 3. en sa presantique & fameuse ville de Lyon. [impr. à Lyon par B. Rigaud 1574.

Stances françoises pour la declaration des figures du vieil & nouueau Testament. [impr. à Lyon 8°. par Barthelemy Honnorat 1582.

Les Commentaires Hieroglyphiques ou images des choses de Iean Pierius Valerian, esquels comme en vn vif tableau est ingenieusement depeint & representé

senté l'estat de plusieurs choses antiques, comme de monnoyes, medailles, armes, inscriptions & devises, obelisques, pyramides & autres monumens : outre vne infinité de diuerses & profitables histoires, proverbes & lieux communs, avec la parfaite interpretation des mysteres d'Egypte, & de plusieurs passaiges de l'escriture sainte conformes à iceux. Plus deux liures de Coelius Curio touchant ce qui est signifié par les diuerses images & pourtraicts des dieux & des hommes. [impr. à Lyon f°. par Barthelemy Honorati 1576.

Cinq chants nouveaux de Loys Arioste, suyuant la matiere du furieux, avec quelques nouvelles Stances du mesme auteur, le tout traduit en prose françoise & impri. avec le Roland Furieux à Lyon 8. par Barthelemy Honorati 1576.

Harengue sur la mort de tresillustre & vertueuse princesse Marguerite de Valois épouse de Tresillustre Prince Emanuel Philibert Duc de Sauoye, Prince de Piemont. traduite du latin de Charles Paschal. [impr. à Lyon par B. Rigaud 1574. & à Paris par Jean Poupy audit an.

Les Colloques de Mathurin Cordier pour le profit & auancement de la jeunesse traduits en françois, & impr. à Lyon latin-françois correspondant l'un à l'autre verset par verset 8°. par Loys Cloquemin ez années 1576. 79.

Les quinze, seize, dixsept, dixhuit, dixneuf, vingt, vingtyn & dernier liures d'Amadis de Gaule, pour le plaisir & recreation de la Noblesse traduits d'Italien. [impr. à Lyon Assauoir les xv. & xvi. par Benoist Rigaud 1576. Le xvii. par François Didier 1578. Les xviii. xix. & xx. par Loys Cloquemin 1579. & le xxi. par Antoine Tardif 1581.

Le Troisieme liure de Primaleon de Grece traduit d'Espagnol. [impr. à Lyon 8°. par Jean Beraud 1579. François de Vernassal auoit traduit le premier liure, & Guillaume l'André le second.

Histoire de Luzman & Arbolca traduite d'Espagnol. [impri. à Lyon 16°. par Benoist Rigaud 1580.

La Seconde partie de la Diane de George de Montemayor contenant viii. liures ausquels par plusieurs plaisantes histoires desguisees sous nom & stil de Bergers & bergeres sont descrites les variables & estranges effects de l'honneste Amour. Traduite d'Espagnol. [impri. à Lyon 16°. par Loys Cloquemin 1582.

La troisieme partie de la Diane de George de Montemayor &c. traduite & imprimée de mesmes.

Les Mondes Celestes, Terrestres & Infernaux. Le Monde petit, Grand, Imaginé, Meulé, Risible, des saiges & fols, & le Tresgrand, L'enfer des Escoliers, des mal mariez, des Putains & Ruffians, des Soldats & Capitaines poltrons, des pietres Docteurs, des vsuriers, des Poëtes & compositeurs ignorans : Tirez des œuvres d'Antoine François Doni Florentin, & faicts françois par Gabtiel Chappuis Tourengeau. [impr. à Lyon par trois éditions 8°. chez Barthelemy Honorat.

Le Monde des Cornus adiousté aux Mondes de Doni en la seconde edition qui en a esté faite 8°. à Lyon chez Barthelemy Honnorat 1580.

L'Enfer des Ingrats adiousté aux Enfers de Doni en la troisieme impression de ses

de ses mondes & enfers, par Barthelemy Hottinorat 1583.

Anacrife, ou parfait iugement & examen des esprits propres & naiz aux sciéces. Où par merueilleux & vtiles secrets, tirez tant de la vraye Philosophie naturelle que diuine, est demonstree la difference des graces & habilitéz qui se trouuent aux hommes, & à quel genre de lettres est conuenable l'esprit de chacun: de maniere que quiconque lira icy attentiuement, descouurira la propriété de son esprit, & sçaura eslire la science en laquelle il doit profiter le plus. Composé en Espagnol par Iean Huart Docteur, natif de S. Jean du pied du port, & mis en François par ledict Chapuis. [impr. à Lyon 8°. 1580.

Hexameron ou six iournees, contenans plusieurs doctes discours par Dialogues sur aucuns poincts difficiles en diuerses sciences, avec maintes histoires notables & non encores ouyes fait en Espagnol par Antoine de Torquemade, & mis en François par Gabriel Chapuis. [impr. à Lyon 8°. par Antoine de Harfy 1582.

Le parfait Courtisan du Comte Baltasar Castillonois es deux langues Italienne & François, respondans par deux colonnes, l'une à l'autre. De la traduction de Gabriel Chapuis 1580.

La Ciuile Conuersation diuisee en quatre liures. Au premier, est traité en general, des fruiets qui se recueillent de la Conuersation, & donné à cognoistre les bonnes compagnies, des mauuaises. Au second, des manieres conuenables à toutes personnes, pour hanter cōpaignie hors la maison: & puis des propos q̄ doiuent tenir en cōpaignie, les ieunes & les vieux: Les Gentilshōmes & les Roturiers: les Princes & hommes priuez: les sçauans & les ignorans: les citoyens & les Estrangers: les religieux & les seculiers: les hommes & les femmes. Au troisieme, des moyens que lon doit tenir en la conuersation domestique, entre le mary & la femme: le pere & le fils: le frere & le frere: le maistre & le seruiteur. Au Quatrieme est representee la forme de la Ciuile Cōuersation, par l'exēple d'un festin fait à Casal, auquel se trouuent & suruiennent dix personnes. Traduite, de l'Italien du S. Estienne Guazzo Gentilhomme de Casal par Gabriel Chapuis. [impri. à Lyon 8°. par Iean Beraud 1579. Il y en a vne autre traduction faicte par Belle forest, & impr. à Paris en vn mesme temps.

Dix plaisans Dialogues du Seigneur Nicolo Franco. Assauoir 1. Le débar de Sannio & des dieux. 2. La harēgue d'un Pedant en enfer. 3. Les Alchimies & Chimeres pour acquerir renom. 4. L'examen d'aucunes ames par Charon. 5. L'Oeconomie d'un seruiteur qui reprend son maistre, & enseigne la maniere de faire argent. 6. Le recit d'aucunes requestes enuoyees au ciel. 7. La Condamnation des ames des Poētes, en enfer. 8. La fontaine Caballine enseignant toutes sciences. 9. Le debat du Philosophe & du Poēte. 10. Le Poēte qui se prefere au Prince. Traduits d'Italien. [Impr. à Lyon 16°. par Iean Beraud 1579.

Briefue histoire des guerres ciuiles aduenues en Flandres, & des causes d'icelle. Contenant tout ce qui s'y est fait durant le gouuernement de la Duchesse de Parme, le Duc d'Albe, don Loys de Requesenes, du Comte de Memsfeld, & de Don Ieā Autric, iusques à present. Avec le pourtrait de la statue du susdict Duc d'Albe. Traduit de l'Espagnol de M. Pedro Corneio & impr. à Lyon 8°. par Iean Beraud 1579.

Manuel

Manuel du Catechisme catholique, extraict & abregé par George Edere Conseiller de l'Empereur, sans diminuer ny augmenter du Catechisme general mis cy deuant en lumiere, par le commandement de feu N. S. P. le Pape Pie s. Traduiet de latin en françois tant pour seruir de formulaire aux Curez voulans catechiser la ieunesse: que pour le profit de tous ceux qui sont ignorans des principaux poincts de la Foy Chrestienne & Catholique. [imp. à Lyon 8°. par Jean Patrasson 1580.

Leçons Catholiques de Panigarole &c. traduites d'Italien. [impr. à Lyon 8°. par Jean Stratus 1583.

Sermons de l'Euesque de Bitonto traduiets aussi d'Italien. [impr. à Paris 8°. par Guillaume Chaudiere 1584.

Les Cent excellétes Nouuelles de M. Jean Bapt. Gyraldi Cynthien Gentilhomme Ferrarois, contenans plusieurs beaux exemples & notables histoires partie tragiques, partie plaisantes & agreables, qui tendent à blâmer les vices & former les meurs d'un chacun. Volume premier mis d'Italien en François par le dit Gabriel Chapuis. [impr. à Paris 8°. par Abel l'Angelier 1584.

Second volume des cent excellentes nouuelles de M. Jean Baptiste Gyraldi &c. traduites, & imprimees de mesmes.

Les Facetieuses lournées cōtenans cent certaines, & agreables nouuelles la plus part aduenues de nostre temps, les autres recueillies & choisies de tous les plus excellens auteurs estrangers qui en ont escrit. [impr. à Paris 8°. par Jean Houzé 1584.

Miroir Vniuersel des sciences &c. traduiet de l'Italien de Leonard Fiorauanli. [impr. à Paris 8°. par Pierre Cauellat 1584.

Les Six doctes liures de Marius Equicola traictans de la nature d'Amour. [impr. à Paris.

Lettres Facetieuses & subtiles de Cesar Rao d'Alexan ville du pais d'Otrante. Non moins plaisantes & recreatiues que morales. Traduites en françois par le dit Chapuis. [impr. à Lyon 16°. par Antoine Tardif 1584.

Le Sommaire de toutes les Sciences &c. Auteur Dominique Daulphin Gentilhomme Italien. Mis d'Italien en François. [impr. à Lyon par Antoine Tardif 1584.

Il a en main plusieurs traductions tantost prestes à mettre sur la presse. Et s'est si bien attaché à l'estude que continuant comme il faiet, la posterité aura de quoy luy donner louange perennelle.

GABRIEL DE COLLANGE natif de Tours en Auvergne a Traduit de latin:

La Polygraphie & vniuerselle escripture Cabalistique de Jean Tritheme Abbé de Spanheim au diocese de Mayence, diuisee en cinq liures. Avec le Clauicule & interpretation sur le contenu en iceux, esquels sous diuersité de figures, Enigmes, Emblemes, mots Mythologiques, & hors d'usage, Alphabets & caracteres souuent reiterez & repetez, git la totale intelligence, non seulement de ceste Cabale & science d'occulte escripture, mais aussi l'intelligence & vniuerselle cognoissance de maintes autres sciences, tant connues que occultes. Tous lesquels secrets & misteres se peuuent adapter à toute langue: & par iceux

O

on

on pourra cacher & couvrir tous secrets qu'on voudra escrire, en toutes nations & en toutes langues, de maniere que par imitation & similitude on communiquera à tout homme entendant l'invention de cest art, toutes les conceptions de la pensee tant amplement qu'on voudra, par diuers moyens, tant hautaines & ardues soyent elles, toute suspicion ostee & sans qu'elles puissent estre entendues de nul autre fors de celuy qui aura l'intelligence de ceste Cabale & science. [imp. à Paris 4. par Jacques Keruer.

GABRIEL GIRAVDET marchant du Puy en Vellay a escrit,

Discours de son voyage d'outre mer au saint Sepulcre de Ierusalem, & autres lieux de la terre Sainte, Et du mont de Sinay qui est es desers d'Arabie. [imp. à Lyon 8°. par Michel Ioue 1575.

GABRIEL DE LALBIE P. & bachelier en theologie en l'vniuersité de Tolose a recueilli & traduit en François,

Traicté des merueilles & excellences du venerable signe de la croix. [impri. à Tolose 8°. par Arnaud Colomies 1576.

GABRIEL MEVRIER a escrit,

Formulaire de lettres morales fort propres pour l'vsage des ieunes filles es escolles. [impr. en Anuers 8°. par Jean Vvaesberghe 1573.

Traicté pour apprendre à parler François & Anglois, ensemble de faire missiues, obligations, quictances, lettres de change: necessaire à tous marchans qui veulent traffiquer. [impr. à Roen 16°. par Bonauenture Belis 1563.

Tresor de sentences dorees, prouerbes & dictons communs reduits selon l'ordre alphabetiq. Auec le bouquet de philosophie morale reduit par demandes & responses. [Impr. à Paris, & depuis à Lyon par Jean d'Ogerolles 1577.

Dictionnaire Flamen-François. [Impr. en Anuers 8°. par Jean Vvaesberghe 1562.

GABRIEL POT Parisien a traduit en quatrains:

Deux liures des Apophthegmes d'Erasme. [impr. à Lyon 8°. par Benoist Rigaud 1574.

GABRIEL DV PREAV natif de Marcoussis pres Montlehery a escrit,

Traicté des faux prophetes, seducteurs & hipocrites qui viennent à nous en habit de brebis: mais au dedans sont loups rauissans. Et comme il les fault cognoistre, & s'il est licite de communiquer aueq eux, sans offencer Dieu. [Impr. à Paris 8. par Jacques Macé 1563.

Du deuoir d'un Capitaine & chef de guerre, aussi du combat en camp clos ou Duel, traduit du latin de Claude Cotereau. [impr. à Poictiers 4°. par Enguilbert de Marnef 1549.

Deux liures de Mercure Trismegiste Hermes, tresancien Theologien & excellent Philosophe. L'un de la puissance & sapience de Dieu. L'autre de la volonte de Dieu. Auec un Dialogue de Loys Lazarel, poëte Chrestien, intitulé le Bassin d'Hermes. Le tout traduit de grec en françois par Gabriel du Preau. [impr. à Paris 8. par Estienne Groulleau 1557.

Les Epistres S. Paul & les Canoniques reduites par ledit du Preau en quatre li-

ures

ures par lieux communs ou tiltres de certaines matieres, non sans grand iugement & diligence. [impr. à Paris par Oudin Petit 1557.

Responce aux articles que Martin Luther vouloit estre proposez par ceux de la secte au concile general, traduiète du latin de Jean Cochles. [impr. à Paris 8°. par Estienne Petit & Michel Iulien 1563.

Les Decrets & canons touchant le mariage publiez en la huiëtiefme Session du concile de Trente 1563, traduits de latin. [impr. à Paris 8°. par Iaques Macé 1564.

La Cognoissance de soy-mesme pour paruenir à celle de Dieu. Diuisee en trois liures, esquels sont traictez plusieurs poincts difficiles de Theologie, Philosophie & Medicine. [impr. à Paris 8°. par Estienne Groulleau 1559.

De l'Authorité du Cōcile, avec les signes pour sçauoir discerner l'Eglise de Iesus-Christ d'auēq la Synagogue de l'Antechrist. Item qui sont ceux qui de droit diuin doiuent en iceluy concile assister, auoir voix deliberatiue & presider. Oeuure diuisee en deux liures, contenans non seulement l'appuy & fondement de la foy, mais aussi l'arrest diffinitif des controuerses qui sont entre les heretiques & les catholiques. [Impr. à Paris 8°. par Robert le Maignier 1564.

Harengue sur les causes de la guerre entreprise contre les rebelles & seditieux qui en forme d'hostilité ont pris les armes contre le Roy en son royaume. Et mesmes des causes d'où prouiennent toutes autres calamitez & miseres qui journellement nous suruiennent. [Impr. à Paris 8°. par Nicolas Chesneau.

L'Enchiridion ou Abregé & sommaire de l'instruction en la science de Dieu du fidele Chrestien, qui est vne familiere exposition des principaux points & articles de toute nostre foy & religion chrestienne, en forme de Dialogue, & diuisee en 8. liures. [impr. à Paris 8°. par Guillaume Guillard, Thomas Belot & Michel de Rongny 1567.

Arrest & condamnation donnee au profit des catholiques par les propres témoignages, confrontations & sentence de vingtquatre des principaux ministres & predicans de la nouuelle opinion en la religion sur le different de trentedeux articles de la foy meū & agité entre eux & lesdicts catholiques despuis 50. ans en çà. Le tout extraict à l'original de leurs liures & traduit de latin en françois. [impr. à Paris 8°. en deux colonnes en l'une desquelles est le latin & en l'autre le françois, par Thomas Brumen 1567.

Cinq liures du souverain & vnique remede de l'Eglise catholique & Apostolique qui est la reale, substantielle & corporelle presence de l'humanité de Iesus-Christ en la Messe sous les especes du pain & du vin. Avec la confutation des principales obiections que les ennemis de l'Eglise de Dieu ont peu forger pour l'impugner. [impr. à Paris 8°. par Michel Sonnius 1574.

Remonstrance & exhortation non moins docte que salutaire à ceux qui sont tombez, c'est à dire ceux qui ou par les deceptions, ou par les persecutions des heretiques se sont en ces derniers temps fouruoyez du droit chemin de verité pour adherer à leurs mensonges & faussetez. Avec la confutation de cinquante des plus notoires erreurs de Luther. Item la description des diuerses sectes qui de là sont yssues & les contrarietez & repugnances qu'elles ont toutes ensemble. [impr. à Paris 8°. par Jean Ruelle 1574.

L'histoire de la guerre sainte dictée proprement la Franciade Orientale, contenant ce que les François & autres Princes Occidentaux ont heureusement exécuté contre les Turqs, Sarrafins & infidelles, tant pour le recouremēt & conquēte de la sainte cité & royaume de Ierusalem, que de la terre de promission & de toute la Syrie, par l'espace de quatre vingts quatre ans, que les Chrestiens ont tenu le pais d'Orient, iusques au regne de Baudouin quatriesme du nom, & sixiesme Roy de Ierusalem du nombre des latins, apres l'illustre & magnifique prince Godefroy, Duc de Buillon & de Lorraine. Faire latine par Guillaume Archeuesque de Tyr, Chancelier du royaume de Ierusalem: & traduite en François par Gabriel du Preau. [impri. à Paris f°. par Robert le Maignier.

1574.

Histoire de l'Estat & succes de l'Eglise dressée en forme de Chronique generale & vniuerselle, où sont cōtenues les choses plus memorables aduenues chacū an par toutes les parties du monde, tant au fait Ecclesiastic que ciuil & secular: depuis la Natiuité de Iesus-Christ, iusques à l'an 1589. avec ample description des troubles, heresies, schismes, & diuisions suruenues par toute la Chrestienté, où sont remarquez tous les Conciles, y celebrez tant pour l'extirpation des heresies, que pour la correction des mœurs Ecclesiastiques. Le tout extrait des plus approuuez historiēs, chroniqueurs & annalistes qui en ont escript, selō le vray ordre & supputation des temps par G. du Preau. [impri. à Paris f°. en deux Tomes par Guill. Chaudiere 1583.

De vitis, sectis, & dogmatibus omnium hereticorum qui ab orbe condito ad nostra vsque tempora, & veterum & recentium authorum monumentis proditi sunt Elenchus alphabeticus. cum eorundem hereticorum origine, institutus & temporibus, per Gabrielem Prateolum Marcosium. [Colonia f°. apud Geruinum Calenium 1569.

Comœdia Acolasti titulo inscripta de filio prodigo. Authore Guliel. Gnafeo, atque Gabrielis Prateoli commentarijs illustrata. 8°. Parisijs apud viduam Mauritiij à Porta 1554.

Commentarij ex præstantissimis grammaticis desumpti maiorique ex parte in gallicum sermonem conuersi à Gabriele Prateolo Marcosio. [Parisijs 8°. apud Gabr. Buon.

GABRIEL DV P V Y H E R B A V T Moine de l'ordre de Font Euraud a escript:

L'art & maniere de paruenir à vraye tranquillité d'esprit, principalement par la voye du Saint Sacrement de Penitence. [impr. à Paris 16°. par Iean de Roigny 1549.

Traicté de Penitence & des parties d'icelle selon la verité de l'Eglise Orthodoxe, & la necessité de salut. [impr. à Paris 8°. par Iean de Roigny 1557.

Le miroir de l'hōme Chrestien pour cognoistre son bon heur & son malheur, où sont adioustez les Epitaphes de M. François le Picart predicateur. [impr. de mesmes & par ledict de Roigny 1558.

Supplement de deuotion & eleuation de l'esprit en Dieu sus l'office diuin pour les

les religieuses de la reformation de Font Euraud en latin & en François, l'un correspondant à l'autre verset par verset. Diuisé en deux parties, assavoir d'yuer & d'esté. [impr. à Paris 8°. par Jean de Roigny 1555.

Expositions avec Exortations sur les Leçons, Epistres & Euangiles du Careme diuisees en 8. Tomes, & le huitiesme tome en 3. parties qui est l'histoire de la Passion exposee. [impr. à Paris 8°. par Jean de Roigny 1564.

Consolation Chrestienne pour fortifier les bons catholiques qui sont affligez & persecutez par la tyrannie des sectaires & desuoyez heretiques de nostre temps. [impr. à Paris 8°. par Michel de Roigny 1568.

Deux Epistres, la premiere montrant quel est le Paradis des Esleuz en ce monde, & la seconde responsiue aux lettres d'une dame touchant la religion. [impr. à Paris 8°. par Jean de Roigny.

Le Manuel des gens de religion, disposé par articles, traitans, de profession monastique. De mortification & reformation interieure. Des empeschemens de paruenir à perfection, De contemnement & obedience. De discipline monastique. [impr. à Paris 16°. par Michel de Roigny 1572.

Catholiques expositions avec exhortations sur les Epistres & Euangiles des cinquante trois dimenches de l'annee. Tome premier. Despuis l'Aduent iusques à la Trinité. [impr. à Paris 8°. par Michel de Roigny 1573.

Tome second des catholiques expositions avec exhortations sur les Epistres & Euangiles des Dimenches de l'annee. Despuis la Trinité iusques à l'Aduent. [impr. de mesmes.

Le Psautier, traduit en prose François au plus pres de son sens propre & naturel. Où sur la fin sont adioustees 52. Oraisons à dire par chacun Dimenche de l'annee. [impr. à Paris 16°. par Claude Gautier & Jean de Bourdeaux 1575.

L'histoire, vie & legende des saints, cōtenant ce qu'ils ont fait & qui est plus digne d'estre remarqué en leurs actions vertueuses: ensemble les vies & noms des Empereurs sous lesquels iceux saints ont vescu, presché, & enduré martyre, comprenant aussi les sectes des heresies qui de leur temps ont infecté les esprits des hommes, & les conciles qui ont esté tenu pour la confutation d'icelles. Le tout traduit du latin de Aloysius Lipomanus & autres par ledict du Puy Herbaut. [impr. à Paris f°. par Michel de Roigny 1577.

Gabrielis Putherbei Turonici professione Fontebraldei, Theotimus, siue de tollendis & expungendis malis libris, ijs precipue quos vix incolumi fide ac pietate plerique legere queant, libri tres. [Paris 8° apud Ioannem Roigny 1549.

GABRIEL DE S A C O N N A Y Comte & Doyen en l'Eglise S. Jean de Lyon, a escrit,

Exposition du 6. chap. de l'Euangile S. Jean. Et comme se doit entendre ce que Iesus-Christ dit, C'est l'esprit qui viuifie, la chair ne profite rien. Les paroles que ie vous ay dit sont esprit & vie. selon qu'ont exposé les saints & anciens martyrs & docteurs de l'Eglise. [impr. à Lyon 4°. par Guillaume Rouille 1567.

De la prouidence de Dieu sur les roys de France tres-Chrestiens par laquelle sa sainte religion catholique ne defaudra en leur royaume. [impr. à Lyon 4°. par Michel Ioue 1568.

Traicté de la vraye Idolatrie de nostre temps. [impr. à Lyon 8°. par Michel Iouue 1568.

Discours des premiers troubles aduenus à Lyon. Avec l'Apologie pour la ville de Lyon, contre le libelle faulxement intitulé ; La iuste & sainte defense de la ville de Lyon. [impr. à Lyon 8°. par Michel Iouue 1569.

Genealogie & la fin des Huguenaux & descouuerte du Calvinisme ; Où est sommairement descrite l'histoire des troubles excitez en France par lesdits huguenots, iusques à présent. [impr. à Lyon 8°. par Benoist Rigaud 1572.

Du principal & seul differenc qui est à present en la religion Chrestienne & diuersitez d'heresies, qui ont si fort troublé la Chrestienté. [impr. à Lyon 8°. par Benoist Rigaud 1575.

Traicté demonstrent si l'Eglise qu'on dit Calviniste peut estre la vraye Eglise de Dieu par le iugement de Calvin mesme. [impr. à Lyon 8°. par Benoist Rigaud 1577.

Trois Sermons du grand & dernier iugement de Dieu traduits du latin du Reuerend Pere Loys de Granate de l'ordre S. Dominique. [impr. à Lyon 16°. par Benoist Rigaud 1580.

Le Miroir des mauvais riches qui ne sont charitables enuers les pauvres, extrait des paroles euangeliques exposees par les saints & anciens docteurs de l'Eglise catholique de Dieu, [imprimé à Lyon 16°, par Benoist Rigaud 1580.

GABRIEL SYMEON Florentin, a escrit en langage François :

Epirome de l'origine & succession de la Duché de Ferrare, traduit de son Italien en François par luy-mesmes. Avec certaines Epistres à diuers personages. Et aucuns Epigrammes sur la propriété de la Lune par les douze signes du Ciel. [impr. à Paris 8°. par Gilles Corrozet 1552.

De la generation, nature, lieu, figure, cours & significations des Cometes. [impr. à Lyon 8°. par Jean Brotot 1556.

Interpretation du Monstre ou Enigme d'Italie. A la louange du roy tres-Chrestien Henry second du nom. [impr. à Lyon 8°. par Antoine Volant 1555.

Les Illustres obseruations antiques du Seigneur Gabriel Symeon en son dernier voyage d'Italie l'an 1557. enrichies de plusieurs figures, medailles & Inscriptions. [impr. à Lyon 4°. par Jean de Tournes 1558.

Cesar renouellé par les obseruations militaires du Seigneur Gabriel Symeon. Liure premier contenant 61. chap. [impr. à Paris 8°. & despuis à Lyon avec le second liure par Jean Saugrain 1570.

Les Deuises ou Emblemes heroïques & morales, inuentees par le Seigneur Gabriel Symeon Florentin. [impr. à Lyon 4°. par Guillaume Rouille 1559.

Description de la Limagne d'Auuergne en forme de Dialogue. Traduite de son Italien par Antoine Chapuis du Dauphiné. [impr. à Lyon 4°. par Guillaume Rouille 1561.

GACES BRVLEZ à qui on donnoit tiltre de Monseigneur, fut vn cheualier fort aimé de Thiebaut Roy de Nauarre, qui le priat pour compaignon, afin de l'aider en ses chansons & complaints amoureuses : à cause qu'il estoit bon Poëte pour ce temps là comme il monstre par ses chansons qu'on

qu'on trouue de luy, dont la premiere commence,

Au renouveau de la douceur d'Esté.

Par la ii. il dit que cil qui le veut chastier d'aimer,

Onc n'ama en sa vie.

Si fait trop nice folie.

Qui s'entremet du mestier.

Dont il ne se sçait aider.

En la iii. il se plaint

Ma dame s'il ne vous fut griez,

Feissiez moy auel semblant,

Comme vos fere mi soliez.

La v. est excellente, & dit,

D'amors me plain es des pourquoy.

Car ceux qui la trahissent voy

Souuent à leur ioye venir.

Et gi fail par ma bone foy:

Q'amors por esaucier sa loy

Veut ses ennemis retenir.

De sens li vient si com ie croy,

Q'as siens ne puet elle faillir.

En la vii. il est plus ioyeux, & se contente d'amour.

disant,

I'ay oublié poine Estrauaux.

S'ay de fine ioye chanté.

De for ne suy-ie mes de 'caux,

Ki por noyant ayent amé.

En la xxi. il se plaint que s'amie est trop commu-

ne, & dit,

Si diex plut que ie fuisse

De ma dame le plus haus:

Certes bon gré l'en seusse,

Mes trop parest communaux.

Mout ia de caux,

Qui deslient aulmoniere:

S'en font l'or aniaux,

Et g'en sui bouté arriere.

G A R I N a fait vn fabliau, intitulé le Cheualier qui faisoit parler les de-
uants & derrieres des femmes. Il dit,

Q

4

Fabliaux

*Fabliaux sont or moult en corse:
 Maint deniers en ont en barse,
 Cil qui les content & les portent.
 Car grand confortement emportent,
 As' enuoisiez & as oiseux:
 Quant il n'i a gens trop noisieux.
 Neis' à ceux qui sont plains d'ire,
 Quant ils oient bons fabliaux lire &c.*

G A S P A R D' A V V E R G N E a traduit d'Italien,
 Le Prince de Nicolas Macchiauelli secretaire & citoyen de Florence, contenant 26. chapitres. [impr. à Paris 16°. par Hierosme de Marnef 1572. Il y a vne autre traduction du mesme opusculé faite par Guillaume Cappel. Et vn Advocat qu'on m'a nommé Gentillet a publié vn liure contre cestuicy qu'il a intitulé Antimachiauel, ou Discours de l'estat de paix & de guerre.

G A S P A R C O N T A R I N.
 Des Magistrats & Republique de Venise. Voyez Jean Charrier.

G A S P A R L O A R T.
 Les Meditations de la Passion de nostre Seigneur Iesus-Christ, Avec l'Art de mediter: mises en François de l'Italien du R. Pere & docteur Gaspar Loart, de la compagnie de Iesus. [impri. à Paris 16°. par Thomas Brumen 1578. Voyez quelques autres œuures dudit Loart traduites en G. Binois.

G A S P A R P E V C E R.
 Les Deuins, ou Commentaire des principales sortes de Deuinations distingué en quinze liures intitulez, assauoir le premier, Les Deuinations. Le 2. Les Predictions naturelles. Le 3. Les Oracles. Le 4. la Theomante. Le 5. la Magie. Le 6. les enchantemens. Le 7. la Hieroscopia ou deuination par les entrailles des bestes. Le 8. les Augures & l'Aruspicine. Le 9. le sort, ou la Deuination par les sorts. Le 10. L'onciropolie, ou Deuination par les songes. Le 11. les presages des Medecins. Le 12. la Meteorologie. Le 13. la Physiologie. Le 14. l'Astrologie, ou les predictions Astrologiques. Le 15. la Teratologie. Lesdicts liures diuisez par chapitres, esquels les ruses & impostures de Satan sont descouuertes, solidement refutees, & separees d'auec les saintes propheties & d'auec les predictions naturelles. Escrit en latin par Gaspar Peucet Philosophe, Mathematicien & Medecin, & tourné en françois par S. G. S. [Imp. en Anuers 4°. par Heudrik Connix 1584.

G A S P A R D E S A I L L A N S citoyen de Valence en Dauphiné a escrit,
 Premier, second & troisieme liures de Gaspar de Saillans. [impri. à Lyon 8°. assauoir le premier par Jacques de la Plancher 1569. Le second & le troisieme par Jean d'Ogerolles 1575.

G A S P A R D E S A I N C T S I M O N protonotaire de Sauidricourt a escrit,
 Discours de la guerre spirituelle d'entre l'ame raisonnable & les trois ennemis d'icelle

d'icelle la Chair, le Monde, & le Diable. [impr. à Paris 16°. à l'Oliuier 1579.

Le Chemin de Vertu & de vice, recueilli par Gaspar de Sainct Simon. [impr. à Paris 16°. par Oliuier de Harfy 1582.

Traicté de l'Aumosne & des Oeuures de charité, où sont demonstrez par plusieurs exemples & sentences de l'Escripture Sainte, les fruits admirables qui prouiennent de faire aumosnes. [impr. à Paris 16°. par Thomas Brumen 1583.

G A S T O N Comte de Foix, Seigneur de Beauru, se faisant surnommer en ses escrits Phebus, a composé & escrit, Le Miroir de Phebus Des deduits de la chasse aux bestes sauvages. Avecq l'art de Fauconnerie. [impr. à Paris 4°. par Philippes le Noir 1520.

G A V T I E R D E B E L L E P E R C H E commença le Romans de Machabee, qu'il pourfuiuit iusques à la mort: & vn autre Poète de ce temps le continua par apres iusques à la fin. Tous deux viuoyent en l'an 1286.

G E M M A F R I S O N. Voyez Claude de Boissieres.

G E N T I A N H E R V E T d'Orleans, Chanoine de Rheims a escrit les œuures qui s'ensuiuent,

Recueil d'aucunes mensonges de Caluin, Melancton, Bucer, & autres nouveaux Euangelistes de ce temps, Recueilli & faict françois des Oeuures de Guillaume Lindan, Euesque Aleman. Vn sermon par luy faict apres auoir ouy prescher vn predicateur suspect d'heresie. Vne Epistre à vn predicant sacramentaire qui a osé publiquement dogmatiser en la ville de Baugency sur Loyre. Trois Traictés de trois anciens docteurs Grecs, S. Jean Damascene, S. Grégoire Euesque de Nissene, & Nicolas Euesque de Modon du S. Sacrement de l'Autel, traduits de grec par Gentian Heruet. Le tout impr. en vn volume 8°. à Paris par Nicolas Chesneau 1561.

Epistre aux ministres, predicants & supposts de la nouvelle Eglise de ceux qui s'appellent fideles & croyans à la parole. [impr. à Lyon 8°. par Benoit Rigaud 1561.

Epistre ou aduertissement au peuple de l'Eglise catholique touchant les differents qui sont maintenant en la religion Chrestienne. [impr. à Paris 8°. par Nicolas Chesneau 1561.

Oraison ou Sermon de l'Ascension de nostre Seigneur Iesus-Christ montant au Ciel escrite premierement en latin par ledit Gentian Heruet, puis par luy mesmes mise en françois. [impr. à Orleans 8°. par Eloy Gibier 1556.

Epistre enuoyee à vn quidam fauteur des nouveaux Euangeliques, en laquelle est clairement monstré que hors l'Eglise catholique n'y a nul salut. [impr. à Paris 8°. par Guillaume Nyuerd 1561.

Traicté du Purgatoire, auquel sont cōtenues les opinions des nouveaux Euangelistes de ce temps. [impr. à Paris 8°. par Guillaume Nyuerd 1562.

Les Ruses & Finesses du Diable pour tascher à abolir le S. Sacrifice de Iesus Christ. [impr. à Rheim 8°. par Nicolas Bacquenois & Iean de Foigny 1562.

Apologie ou defense contre vne responce des ministres de la nouvelle Eglise d'Orleans escrite en leur nom par ie ne sçay qui, se nommant *L'un pour tous.* [impr.

[impr. à Paris 8°. par Nicolas Chesneau 1562.

Discours sur ce que les pilleurs, voleurs & brulseurs d'Eglises disent qu'ils n'en veulent qu'aux moines & prebstres. [impr. à Reims 8°. par Jean de Foigny 1563.

Confutation d'un liure pestilent & plein d'erreur nomme *Les signes sacrez*, en laquelle sont clairement monstrees les impietez & execrables blasphemies, absurditez & mensonges des Caluinistes & sacramentaires, & en laquelle est amplement traicté du sacrifice de la Messe. [impr. à Rheims 4°. par Jean de Foigny 1564

Les neuf Sessions du sacré vniuersel & general concile de Trente legitimemēt signifié & assemblé sous les saincts peres Paul troisieme l'an 1545. 1546. 1547. Iules troisieme 1551. & 1552. & sous Pie quatrieme 1562. & 1563. traduites du latin par Gentian Heruet. [impr. à Paris 8°. en Anuers par Guillaume Syluius.

Responce contre vne inuectiue d'un maistre d'escole d'Orleans, qui se dit de Rheims, sur le discours que les voleurs & pilleurs d'Eglises n'en veulent qu'aux prestres. [impr. à Rheims 8°. par Jean de Foigny 1564.

Responce à ce que les ministres de la nouuelle Eglise d'Orleans ont escrit contre aucunes siennes Epistres & liures siens. [impr. à Paris 8°. par Nicolas Chesneau 1565.

Discours des troubles de l'an 1562. en France. [impri. à Paris 8°. par Nicolas Chesneau 1564.

Catechisme & ample instruction de tout ce qui appartient au deuoir d'un Chrestien, principalement des curez & vicaires, & tous ceux qui ont charge des Eglises parochiales, en ce qui est requis au principal deuoir de leurs charges. Avec responses à tout ce qu'objectent les heretiques tant contre les sacremens qu'autres choses qui concernēt la foy de l'Eglise catholique, pour l'instruction du simple peuple: où le Curé demande, & Christophle respond. [impr. à Paris 8°. par Nicolas Chesneau 1568.

L'Antihugues, c'est à dire responce aux escripts & blasphemies de Hugues Sureau, soy disant ministre Caluiniste à Orleans, contre les principaux poincts de la foy & religion Chrestienne, [impri. à Rheims 8°. par Jean de Foigny 1567.

Il a traduit,

Catechisme, ou Introduction aux sacremens & mysteres de la foy Catholique à ceux qui sont nouuellement illuminez & baptisez: escrit premierement en Grec par S. Cyrille Euesque de Ierusalem. [impr. à Rheims 8°. par Jean de Foigny 1564.

Sainct Augustin de la Cité de Dieu: contenant en xxii. liures le commencement & progres d'icelle Cité, Avec vne defense de la religion Chrestienne contre les erreurs & mesdisances des gentils heretiques, & autres ennemis de l'Eglise de Dieu. Illustree des commentaires de Jean Loys Viues, de Valence en Espagne. Le tout traduit de latin en françois par Gentian Heruet, & imprimé à Paris f°. par Nicol. Chesneau 1570.

Gentiani Herueti de reparanda ecclesiasticorum disciplina Oratio qua interpretatur sextum canonem Concilij calcedonēsis qui situs est in distinct.

70. Gra

70. Gratiani ex qua maxima ex parte pendet restitutio lapsa ecclesiastica disciplina [Parisijs 8°. apud Nicol. Chesneau 1561.

Eiusdem Oratio ad Concilium qua suadet, ne matrimonia que contrahuntur à filiis familias sine consensu eorum in quorum sunt potestate, habeantur deinceps pro legitimis. [Parisijs 4°. apud Martinum Juvenem 1556.

Eiusdem Orationes sex, Prima ante Olynthiacarum Demosthenis Oratorum pralectionem habita. Secunda de radenda barba. Tertia de alenda barba. Quarta de vel radenda, vel alenda barba. Quinta de assensu Domini. Sexta de Amore in Patriam. Plutarchi opusculum, Quomodo oporteat adolescētem audire poëmata: ab eodem Herueto latinum factum. Omnia hæc Aurelia excusa 8°. apud Francisc. Gueyardum 1536.

Oratio de Patientia. Oratio de vitando otio. Oratio de grati animi virtute. Item ab eodem Herueto traducti è Græco: Basilij magni sermo aduersus irascentes. Basilij quoque magni sermo de inuidia. Sophoclis Antigone. Herueti eiusdem Epigrammata aliquot. Lugduni 8°. excud. Stepha. Doletus 1541.

Zacharia Scholaſtici Dialogus Ammonius, Quòd mundus non sit Deo coaternus à Gentiano Herueto latine versus. [Impressus est Venetijs 8°. apud Nicolaum de Bascarinis 1546.

Libri viij. ΒΑΣΙΛΙΚΩΝ ΔΙΑΤΑΞΕΩΝ id est, Imperialium constitutionū, in quibus continetur totum ius ciuile à Constantino Porphyrogeneta in lx. libros redactum, Gentiano Herueto interprete. [Lutesia f°. apud Arnulphum l'Angelier 1557.

Canones sanctorum Apostolorum, Conciliorum generalium & particularium, sanctorum patrum Dionysij Alexandrini, Petri Alexandrini martyris. Tarusij Constantinopolitani, Gregorij Thaumaturgi, Athanasij, Timothei Basilij, Theophili, Amphilochoij, Gennadij, Niconis, Methodij, Theodori Studita, Nesteutra, Damasceni, Theodoretis, Chrysostomi, Dyonisij, Arcopagite, & aliorum veterum Theologorum. Photij Constantinopolitano patriarcha prefixus est Nomocanon. Omnia hæc commentarijs Theodori Balsamonis Antiocheni patriarcha explicata, & de græcis conuersa. Gentiano Herueto interprete. Parisijs f°. apud Gull. Morellium 1561.

Sexti Empirici aduersus Mathematicos, Hoc est, aduersus eos qui profitentur disciplinas, Opus eruditissimum complectens uniuersam Pyrrhoniorum acutissimorum Philosophorum disputandi de quibuslibet disciplinis, & artibus rationem, Græce nunquam, Latine vero editum, Gentiano Herueto interprete. Parisijs f°. apud Martin. Juvenem 1569.

70. Grammatici Philoponi Commentarij in tres libros Aristot. de Anima eodem

eodem interprete Lugd. f°. Alexandri Aphrodisai Quæstion. natural. & morales de Anima.

Clementis Alexandrini omnia quæ extant opera, Gent. Herueto interprete, qui & Scholia addidit. [Paris. 8°. apud Gull. Julianum 1566. & f°.

Theodori Metochita paraphrasis in Aristotelis libros Phisicos. ab eodem latina facta.

Ex Chrysostomo, Theodorito & aliis grecis authoribus quedam latine redidit.

GEOFFROY DE BILLY, Abbé de S. Vincét lez Laon a traduit de l'Espagnol de Dom Loys de Granate;

Le Memorial de la vie Chrestienne, auquel est traité comme le Chrestien se doit gouverner depuis le temps de sa conuersion iusques à sa perfection. [impr. à Paris 16°. par Guillaume Chaudiere 1575.

Manuel d'oraisons & spirituels exercices. Avec vne briefue instruction & reigle de bien viure, pour ceux qui commencent à seruir Dieu, spécialement aux monasteres. traduit de l'Espagnol du R. Pere Grenate. [impr. à Paris 16°. par Gull. Chaudiere 1579.

Prieres & meditations tant iournales que generales. Avec excitatiõs de l'esprit à Dieu. composees premierement en elegant latin par Iean Loys Viues, & mises en françois par Geoffroy de Billy. [impr. à Paris 16°. par Claude Fremy 1570. Il y a vne autre traduction des mesmes prieres de Viues, faicte par Pierre de Lencrau.

GEOFFROY LINOSSIER de Viuaréz a mis en frâçois, Les Sentences illustres, des Poëtes Lyriques, Comiques, & autres Poëtes Grecs & latins. [impr. à Paris 16°. par Michel Iulian 1580.

Geofredi Linocerii Viuariensis Mythologia Musarum Libellus. [Paris. 8°. apud Arnoldum Sittard 1583.

GEOFFROY DV LVC gentilhomme natif dudiect lieu, Poëte bien renommé de son temps, escriuant aux langues latine, greque, & vulgaire Prouençalle, fut toute sa vie amoureux d'une gentille femme sa voisine, de la maison de Flassans, nommée Flandrine, qui fut depuis mariée à messire Reynoard de Flassans, qu'il nomma en ses œuvres *Blankaflour*, laquelle il auoit rendue docte & qu'ainsi fut, montrant de combien l'excellence de sa poésie estoit à estimer, en presence des plus souuerains Poetes, tant hommes que femmes, elle se trouuoit bien souuent aux disputes de la poesie. Quelque temps apres comme ingrate, n'en fist point d'estime. Et luy ne pouuant laisser sa volonté obstinee, bien qu'il fust priué de liberté, s'en alloit tousiours accusant ceste cruelle ingrate de ce que par trop l'aimer luy auoit mis ceste erreur en vsage, & que sa beauté n'estoit qu'une tromperie clandestine, ainsi qu'il en appert par ces vers,

*D'aquesta ingratta yeu non ay ren agut
Que dur asan en mon van ezercicy,
E pensant yeu ly auer fach seruicy,
Ay couneyssut que non sa son degut.*

Elle

Elle estant aduertie de telles plainctes iniustes , luy remonstra par mesme rithme, que contre tout deuoir il s'adonnoit plustost à suiure la fortune inconstante que la vertu , qui est naturellement aimable , de laquelle procede la noblesse, & neantmoins qu'elle l'auoit retiré de mille & mille deshonestetez , & partant qu'il se deuroit contenter. Mais le Poëte estima bien peu tout cela , car il auoit imprimé eternellement en son ame l'amour de ceste Flandrine : & depuis laissant courir ces amours folles s'accompagna de Rostang de Cuers , Remond de Brignolle, Luquet Rodilhat de Toulon , Manuel Balb sieur du Muy, Bertrand Amy , du Prieur de la Celle , Luquet de Lascar , Guilhen de Pyngon Archidiacre d'Orenge , Arturus de Cormes & de plusieurs autres faisans vne Academie & s'assemblans tous les iours pres l'Abbaye &c. Trespassa l'an 1340.

G E O F F R O Y L E T E L L I E R a traduit,
Retardement de la mort & alongement de vie par bon regime & conseruation de santé, iadis enuoyé par l'escole de Salerne au Roy d'Angleterre. [impr. à Paris 8 . par Martin le Jeune 1561. Ce liure auoit esté autresfois translaté par traducteur incertain en plus mauuais langage, & impr. à Paris 4 . par Philippes le Noir, avec tel tiltre: Le Regime de santé. Avec les Gloses de maistre Arnaud de Villeneufue.

G E O F F R O Y T O R Y de Bourges a escrit,
Champ Fleury , auquel est contenu l'art & science de la deuë & vraye proportion des lettres Attiques, qu'on dit autrement lettres antiques, & vulgairement lettres romaines, proportionnees selon le visaige & corps humain. [impr. à Paris f°. par Gilles Gourmont 1529.

Il a traduit:

Les Politiques de Plutarque, c'est à dire ciuiles institutions pour bien regir la chose publique. [impr. à Paris 8 . par Guillaume Boullé 1530

Sommaire de Chroniques de Iean Baptiste Egnace Venicien , contenant les vies, gestes & cas fortuits de tous les Empereurs d'Europe, despuis Iules Cesar, iusques à Maximilian 174. Empereur. [impr. à Paris 8°. par Charles l'Angelier 1543.

La Table de l'ancien Philosophe Cebes natif de Thebes & auditeur d'Aristote. En laquelle est descrite & painte la voye de l'homme humain tendant à vertus & parfaite science. Avec trente Dialogues moraux de Lucian le tout pieça translaté de Grec en latin par plusieurs sçauans personnages , & translaté de latin en vulgaire François par maistre Geofroy Tory. [impr. à Paris 12°. par Iean Petit 1529.

G E O F R O Y D E V I L L E H A R D V I N Cheualier Marechal de Champagne a escrit.

Histoire & Chroniques du noble & vaillant Baudouyn Comte de Flandres & Haynaut, & de la conqueste de l'Empire de Cōstantinople par les barons françois & seigneurs Venitiens l'an 1204. commençant ainsi: *Scaichiez que mille & cent & quatrevingts & dixhuiſt ans apres l'incarnation nostre Seigneur Iesus-Christ, au temps Jnnocent III. Apostoille de Rome & Phe-*

P lippe

lippe Roy de France, & Richard Roy d'Angleterre & un saint homme en France qui ot nom Folque de Nuilly, Cil Nuillys si est entre Lagny sor Marne & Paris, & il ere prebstre & tenoit la paroiche de la ville &c. Ladiète hystoire escrete en main, est en la puissance du Sieur Guillaume Rouille marchant libraire à Lyon.

GEORGE ARGENTIER Lyonnois a traduit de Grec, Epistre de Basilius le grand touchant la vie solitaire, enuoyee à S. Greg. Theologien, extraicte des meditations de Clenard. [impr. à Lyon 8°. par Jean Pidie.

GEORGE BERNARD de S. Haon le chastel du pais de Forests a mis en François au dessoubs les images des roys de Frâce en taille douce, Sommaire de la chronique & vies des Roys de France. [impri. à Lyon 8°. par Clement Baudin.

Diuisiones in quatuor libros sententiarum D. Iustitiani Imp. quæ multos ex vasto pandectarum & Cod. tractatu elibatos locos complectitur. Georgio Bernardo Roannense Jur. doctore ac Lugduni caussarum patrono auctore. Excud. Lugduni 8°. apud Clementem Baudinum 1570.

GEORGE BOSQUET Docteur Tolosain & aduocat en la court de Parlement de Tholose a escript en latin sur l'edict du Roy Henry II. touchant les mariages contractez par les enfans de famille au desceu & contre le vouloir & consentement de leurs peres & meres. [impr. à Tholose 8°. par Jacques Colomies 1558.

Hugoneorum hæreticorum Tolosa coniuratorum profligatio, à Georgio Bosqueto memoria prodita. [Excus. Tolosa 4°. ex offi. Jac. Colomerii 1563.

GEORGE DE LA BOUTIERE Autunois a traduit, Suetone Tranquille de la vie des douze Cæsars en douze liures. [impri. en vn volume 4°. à Lyon par Jean de Tournes 1556. & despuis à Paris 16°.

Iules Obsequent, des prodiges. Ensemble trois liures de Polidore Vergile en forme de Dialogue sur la mesme matiere. [impr. à Lyon 8°. par Jean de Tournes 1555.

Apulee de l'Asne doré. traduit par le mesme de la Boutiere. [impr. par Jean de Tournes 1516.

GEORGES BRVN de Coloigne a escript tant en latin qu'en françois en deux tomes,

Le Theatre de toutes les principales citez du monde representees nayfument par belles figures : avec les descriptions d'icelles. Ensemble deux prefaces en la premiere desquelles est touché de l'origine de la societé ciuile, du progres & aduancement des villes: Et en la seconde est déclaré que c'est qui conferue & principalemēt maintient la cité desia formee & establie par vne congregation de plusieurs ensemble, & mesmement la Republique par vn lien d'Amitié & confederation mutuelle. Et en apres ce qui semble esbranler entierement l'estat tranquille d'vne Republique. [impri. à Coloigne f°. par Godefroy Vankempen 1579.

GEORGE BUCCHANAN.

Septé Tragedie, traduite du latin de Buchanan par Florent Chrestien & encore

cores par De Selue.

G E O R G E C H A S T E L A I N dict l'Auanturier a escrit en rime,

Les Epithaphes d'Hector & Achilles. Avec le iugement d'Alexandre le grand.

[impr. à Paris 8°. par Iean S. Denys 1525.

G E O R G E E D E R E.

Manuel du Catechisme &c. Voyez Gab. Chapuis.

G E O R G E P A C A R D Segusian a escrit en 4. liures disposez par chapitres,

Theologie naturelle, ou Recueil contenant plusieurs argumens contre les Epicuriens & Atheistes de nostre temps. Le premier liure contient la refutation du fondement d'iceux Epicuriens & Atheistes. Au second est traicté de la creation du monde. Au troisieme, de l'immortalité de l'ame humaine. Au quatrieme de l'autorité de l'escripiture sainte. [impri. à la Rochelle 8°. par Pierre Haultin 1579.

G E O R G E P I C T O R I V S a escrit en latin sept Dialogues, qui ont esté traduits en françois par Arnaud Pasquet.

G E O R G E D E S E L V E Euesque de la Vaur.

Oeuures de R. Pere en Dieu George de Selue Euesque de la Vaur contenans vn Sermon, quelques Exhortations, Oraisons, Contemplations, Lettres, Discours, Sommaire de l'escripiture sainte, Moyen de faire & entretenir paix, & deux Remonstrances aux Alemans. [impr. à Paris f°. par Galiot du Pré 1559.

Il a traduit:

Les vies de huit excellens personnages, Grecs & Romains mises au Paragon l'une de l'autre, Assauoir de Themistocles, Camillus, Pericles, Fabius Maximus, Alcibiades, Coriolanus, Timoleon, Paul Aemyle, escrites premierement en Grec par Plutarque de Cheronce & traduites par George de Selue du commandement du Roy François premier. [impr. à Paris 8°. par Galiot du Pré 1547. En l'epistre de laquelle traduction dediee au Roy ce sçauant euesque entre autres bons & notables passages accomode & fait venir fort bien à propos vn exemple & similitude fort belle aux termes qui s'ensuyuent.

Et à cecy conuient asses, ce qui aduint à Athenes en vn edifice public que la ville vouloit bailler à faire, de deux ouuriers qui se vindrent presenter, qui tous deux se disoyent maistres du mestier: dont l'un proposa son opinion le premier: & comme le plus instruit d'eloquence, feit le discours de ce qui estoit requis au fait, avec si grande grace & si bonne mode, qu'il sembloit qu'à son dire il ne se peust adiouter ny diminuer. Mais comme il toucha au second parler, il ne voulut autrement contester de parolles, mais dist que ce dont l'autre deuisoit si bien, c'estoit luy qui le sçauoit faire. Ainsi la ou il a esté question de trouuer ouurier pour bastir la beatitude des hommes, la Philosophie n'a pas eu faute de parolles pour dire que c'estoit elle seule qui en sçauoit l'art: & sur ceste faulx promesse elle a abusé beaucoup de ciecles. Mais la parole de Dieu, par laquelle nous est reuelé le mistere incomprehensible à la sagesse du monde, nous a bien monstré que ce dont l'autre s'estoit fait fort, c'estoit elle seule qui le sçauoit mettre en effect. Et à la verité la Philosophie estoit trop outrecuidee

P 2 de vou

de vouloir prendre si grand œuvre à conduire, veu mesmement que la premiere pierre luy deffailloit, qui est nostre Sauueur Iesus-Christ, seul fondemēt qui se peut mettre en tel edifice.

G E O R G E V I V I E N d'Anuers Philosophe & Docteur ez loix, aduocat du conseil de Brabant, a escrit en françois:

Dialogues treselegans des sacrees Bibles, & nouveau Testament, Auec les dix commandemens de Dieu: & autres instructions grandement duiſantes à l'institution de la Republ. Chrestienne. Le tout en quatre liures. [impr. en Anuers 16°. par Iean Van Ghelen 1564.

G E O R G E V V I C E L I V S.

Discours des meurs tant des anciens heretiques que nouveaux Lutheriens & Calvinistes, auquel leur ressemblance est clairement demonstree. fait latin premierement par George VVicelius Aleman, & traduit en françois. [impr. à Paris 8°. par Claude Fremy 1567.

G E O R G E T T E D E M O N T E N A Y Damoiselle a escrit, Emblemes Chrestiennes (en nombre 100) par huitains apposez sous figures en taille douce inuentees, & taillees par Pierre Vuœrior sculpteur du Duc de Lorraine. [impr. à Lyon 8°. par Iean Marcorelle 1571.

G E R A R D F R A N C O I S Docteur en Medicine a escrit en vers:

Les trois premiers liures de la Santé. [impr. à Paris 16°. par Iean Richer 1583.

G E R A V D D E B A R R I E T Docteur es droicts, conseiller & enquesteur au siege presidial de Cahors a recueilli & mis par articles avec sommaires sur chacun d'iceux articles,

Les loix, Statuts & ordonnances du roy Henry 2. du nom, suivant ses neuf Edicts faicts es annees 1551. & 1552. sur la creation, erection & reiglement des nouveaux conseillers, Magistrats, Iuges criminels, greffiers d'appaux & autres officiers establis ez Sieges Presidiaux du royaume de France. [impr. en Aui-gnon 8°. par Hymbert Parmentier 1554.

G E R M A I N C O V R T I N a traduit:

La Guide des chirurgiens faite en latin, & redigee en trois liures par Estienne Gourmelen docteur en medicine, natif de Cornouaille en Bretagne. [impr. à Paris 8°. par Gilles Gilles 1580.

Germani Courtini medici Parisiensis aduersus Paracelsi de tribus principijs auro potabili totaque pyrotechnia portentosas opiniones disputatio. Parisijs 4°. ex officina P. l'Huillier 1579.

Le Sieur de **G E R L A N D** gentilhomme de Bresse a fait plusieurs belles œuvres Poëtiques tant spirituelles que profanes, entre lesquelles est Montgoumery Tragedie, où sont contenus par briefues narrations tous les troubles de France depuis la mort du roy Henry 2. iusques en l'an 1573. La Religieuse. Le Purgatoire, Discours auquel Damoiselle Philiberte de Feurs a fait vne response: & autres pieces excellentes non imprimees.

G E R M A I N F O R G E T, Licencié ez droicts, aduocat au Duché & siege presidial d'Eureux a escrit,

Les Paraphrases sur les loix des republiques anciennes des Egyptiens, Atheniens

niens) Lacedemoniens , Locriens , & Thuriens : naissance & progres du droit Romain & du coustumier du pais & Duché de Normandie. [impri. à Paris 8°. par Guillaume Auray 1577.

J'ay veu aussi de luy en vers François:

Panegyric , ou Chant d'Allegresse sur la venue du Tres-Chrestien Henry roy de France & de Poloigne. [impr. à Paris par Jean Poupy & Guillaume Auray 1574.

Au livre des Paraphrases.

La principauté s'estant tournée en Aristocratie le peuple demeura quelque temps vivant selon les coustumes du pais , sans vser d'aucunes loix estrangeres, iusques à tant que dix personages furent enuoyez en Grece, pour apporter les constitutions de Solon : lesquelles estans contenues en des tableaux de bois, contenoient l'ordre qu'il conuenoit garder aux iugemens, la punition des crimes, la recompense des actes vertueux , & la reigle de bien & sainctement viure. Doncques ces hommes après auoir colligé ce qu'ils peurent , estans de retour grauerent leurs constitutions foraines sur dix tableaux d'iuoire, par eux mis en euidence au lieu le plus eminent de la cité , pour estre mieux regardees de tout le peuple : Ayans outre puissance (pour l'annee seulement ,) corriger & interpreter ce qu'il estoit besoing de retrancher, ou plus amplement dilater. Parquoy acertenez que quelque chose y defailloit, l'an subsequnt adiouterent encor deux autres tableaux, dont est procedé l'appellation des loix des douze tables. Aucuns personages de grande erudition ont remarqué en ces constitutions ie ne sçay quoy d'obscur , de trop rigoureux , & de trop mol & lent. Car en premier lieu qu'estoit il rien plus ressentant son Tartare ou Scythe que ceste loy par laquelle si le debiteur estoit impuissant de payer ses crediturs, apres qu'il auoit esté par eux detenu soixante iours en prison, estoit mis à mort, & demembré : chascun creditur en raportoient sapiece. Ce qui fut trouué autant barbare & inhumain qu'autre acte quelconque. Aussi (comme le recite Aule Gelle) les Romains ne pratiquerent vne loy si cruelle, & ne lit on par tout le discours des histoires anciennes qu'aucun debiteur aye esté par ses crediturs, couppé par morceaux. Secondement on peut on recouurer mulcte plus gracieuse que celle establie pour atedier l'ardeur de la cholere des hommes perulans, quand celuy qui commettoit iniure de faiët contre vn autre ne payoit que vingt cinq sols pour reparation: qui fut l'occasio pourquoy ceste ordonnace fut du depuis abrogée par les preteurs qui determinerent que toute iniure seroit arbitraire , & que les reparations s'amplifieroyent ou diminueroyent selon latrocité ou legereté d'icelles , qualitez des parties , & consideration des circonstances. Et de vray si telle constitution eust longuement duré, c'estoit ouvrir apertement la porte à beaucoup de vengeance & seditions : à raison que les hommes peruers n'eussent eu crainte offenser autrui , sachant bien qu'argent les acquiteroit de leurs fautes. Lucius Neratius (personnage mal complexionné) prenoit delectation quand il marchoit par la ville de Rome, faire par vn sien valet porter apres luy vne gibeciere pleine de monnoye, & autant de gens qu'il rencontroit en son chemin , au-

tant il leur donnoit de soufflets: leur faisant bailler & deliurer vingt cinq sols, iouxte la teneur des loix des douze tables: comme iadis en Normandie les iniures de fait estoient taxees selon la diuersité des membres ou parties humaines offensez: si comme pour auoir frappé du poing, en payant douze deniers on estoit quitte, pour auoir couuert la iouë d'autrui, cinq sols: & autres pareilles reparations certaines & limitees, qui du depuis ont esté remises à l'arbitrage & discretion des Iuges. Dauantage les loix des douze tables permirent à ce que dent pour dent, œil pour œil, main pour main, dommage pour dommage feust rendu: ce qui ne contient en soy (comme disoit Aristote) raison ny rectitude de iustice, pource que si le Magistrat en exerçant son office touche quelqu'un il ne doit pourtant estre refrappé, & si vn homme de simple qualité blesse son superieur, on ne luy doit rendre coup pour coup, ains merite receuoir punition exemplaire de son outrecuydance. Voila ce que plusieurs personages ont noté de defectuositez en ces loix Romaines, combien que celuy qui voudra s'occuper à la lecture d'icelles, remarquera vne grande equité & rigueur contre les contreuenans aux estincelles de la iustice, que Platon disoit couuertement prendre possession de noz cerueaux. Car qu'est-il rien plus, equitable, que d'auoir deffendu sur peine de la teste, les assemblees nocturnes? ce qui fut du depuis ratifié par l'Edit de l'Empereur Constantin, ainsi qu'il est contenu dedans le Code Theodosien. Quelle cōstitution plus raisonnable se pourroit dire, que celle qui determinoit que le Iuge corrompu par dons ou prieres deuoit endurer la mort: le faux tesmoing estre precipité du sommet du Capitole en bas? Que le posthume venant au monde dix mois apres le trespas de son pere putatif, seroit déclaré illegitime & bastard? ce que plusieurs arrests des cours souueraines de ce royaume ont confirmé. Voire mais pourroit on voir chose plus equitable, que d'auoir puni du foïet, ceux qui lancent en public libelles diffamatoires, pour troubler la clarté de bonne renommee d'autrui? que d'auoir ordonné que les boute-feux, qui pour preiudicier à leur prochain commettent vn tel delict, seroyent (apres auoir esté battus de verges) iettez dedans le feu: si l'acte auoit esté commis par imprudence & cas fortuit, condamnez à reparer le dommage, & si l'incendiaire n'auoit moyen pour sa pauureté recompenser le desastre, deuoit estre fustigé, la peine ciuile transmuee en corporelle. Certainement ie ne trouue constitutions mieux digerees, ny plus proches de l'equité que nature tacitement graue dedans noz esprits. Aussi du canal de ces loix des douze tables, comme d'une vifue source, sont bouillonnees & sorties toutes les autres ordonnances du depuis receuës par les peuples les mieux reglez. Mais à raison que c'est peu de chose en vne republique d'abonder en loix s'il n'y a des personnes propres pour deslier le neud difficile qui serre quelque fois estroictement le texte des constitutions, pour oster les enigmes qui se presentent ordinairement, mesmes conseiller le peuple ignorant comment il se doit conduire en quelque affaire: c'est pourquoy il fut besoing que pour interpreter les loix, respondre sur les questions que les citoyens proposeroient & assoupir les differends, il y eust personages sçauans, bien instruits es affaires politiques, & ayans le moyen tirer le sang, mouëlle, & substance de la loy, sans s'amuser à l'escorce ou superficie des parolles. Despuis donc

donc que les hommes destournez & esloignez de ceste Iustice première, commencerent de leurs yeux auares contempler les possessions de leurs voisins, rompre le lien de société politique, offenser l'un l'autre, & denier Iustice: alors fut nécessaire s'adresser aux hommes bien versez à la science des loix, pour vider par leur equité, les differens des parties. Tels furent Appius Claudius, Quintus Fabius, Titus Coruncanus, Sextus Elius, Publius Mutius, Brutus Manilius, Quintus Tubero, Quintus Mutius grand pontife, Aquilius Gallus, Seruius Sulpicius, Trebatius, & plusieurs autres par le moyen desquels la science du droit a esté subtilement interpretée. Or anciennement la Jurisprudence & l'art oratoire estoient sciences diuerses, distinctes, & separées: car les Jurisconsultes à l'entree de leurs maisons conseilloyent leurs cliens, sans frequenter le barreau du Senat: & les Orateurs quand quelque matiere de droit se presentoit auoient recours à l'oracle des Jurisconsultes. Ce que n'estant trouué bon par Quintilian que deux sciences qui doiuent estre conioinctes d'une affinité si prochaine fussent distinguees, & que l'orateur implorast l'aide du legiste, disoit que c'est vne chose mal seante à l'aduocat, quand degarni des armes qui luy sont necessaires il supplie un legiste luy prester ses formules de droit, pour ne demeurer en hôte & risée des auditeurs. C'est pourquoy depuis ce temps qu'on a considéré que ces deux sciences ne se peuuent commodement diuiser, l'estat de Jurisconsulte & orateur a esté réduit en vne mesme profession. Dont est venu que la profession estant seule laquelle au parauant admettoit diuision, les responses des sages & prudens diffuses par tout le droit Romain ont esté de grande autorité, & que les deliberations du peuple ont obtenu le nom de loy, au pourchas de Hortensius: semblablement les arrests & decrets du Senat. Mais tost apres que les Romains eurent premierement sous Iulle Cesar, & depuis sous Auguste, perdu leur ancienne liberté, & que le peuple se depouillant de son droit eut vestu les Empereurs du souverain gouvernement du pais, & voué vne obeissance & seruitude perpetuelle, deslors les ordonnances & rescripts des Empereurs eurent pareille force que la loy: soit qu'ils fussent obtenus par les supplications des parties, ou bien admeinez du vouloir & mouuement du Prince, qui se reserua ceste puissance de pouuoir interpreter les loix, & cognoistre de l'equité d'icelles & en disposer à son bon plaisir, selon qu'il est aisé de voir *in l. 1. ff. de constitut. princip. l. 1. 3. § ult. Cod. de legibus*. Du depuis les successeurs d'Auguste marchans par le sentier de leurs deuanciers, vserent de pareille auctorité imposerent loix à leur volonté, & supplanterent la liberté du peuple Romain: combien que pour aucunement colorer leur domination, laquelle ils scauoient estre ennuyeuse à plusieurs, ils coururent telle tyrannie du manteau de Consulat, Tribunat, & autres magistrats legitimes, qui resentoient ie ne sçay quoy de forme de l'ancienne Republique. Par apres les bons esprits, s'eueillans de iour en iour commencerent enrichir par leurs doctes lucubrations des edicts des Preteurs: mesmes diuulguerent liures contenans la science du droit, à fin que ce qui au parauant estoit tenu caché, vint à la notice de tout le peuple. Entre les Jurisconsultes qui brauement ont éclairci noz loix peut à bon droit estre nommé Papi- nian: lequel ayant en grand credit longuement illustré le droit, mourut sous

le regne de Caracalla : pour cause que tant s'en faut qu'il eust voulu excuser le fraticide de l'Empereur , que plustost il auoit donné responce que iamais il n'excuseroit vn acte si meschant , & qu'il n'estoit si aisé deffendre vn meurtre comme il estoit de le perpetrer. Quelque temps apres la mort de Papinian, Constantin r'edifia la ville de Bisance qu'il appella de son nom Constantinople, en laquelle demeurerent les ornemens de l'Empire. Aussi la Monarchie fut diuisee par ses successeurs en deux pars , aucuns obtenans pour leur apannage l'antique Rome, & les autres la nouvelle Rome dite Cōstantinople. Entre ceux qui gouuernent l'Empire Oriental fut Iustinian , qui commença son regne environ l'an 528. & duquel les maieurs estoient de race ignoble. Ce Prince ayant chassé les Gots d'Italie, les Vandales & Perses d'Afrique, qui furent lors reünis avec le corps de l'Empire Oriental, considerant, veu que ses anciens ennemis estoient surmontez, & la pais tranquille, qu'il estoit nécessaire qu'il fust autant soigneux de la science des loix que de l'art militaire: bien aduerti pareillement qu'un Roy (comme disoit Xenophon) ne doit estre moins curieux de la Iustice que des armes , & que les loix dechassent par leur equité toutes les calumnies humaines ; eut volonté faire rediger tout le droit Romain en plusieurs volumes. Parquoy ayant adressé ceste commission à Tribonien & aux autres, pour aucunement retrancher la multitude des liures de droit, estans en si grand nombre que la vie de l'homme n'estoit presque assez suffisante pour les fueilleter , commanda que de toutes les constitutions des Empereurs ses predecesseurs contenues dedans les trois Codes Gregorian , Hermogenien , & Theodosian fussent tirez les rescrits les plus frequens & coustumiers , en ostant les loix contraires, semblables & abrogees : & considerant que les responses des Iurifconsultes anciens se montoient à plus de deux milles liures, qu'il estoit nécessaire fueilleter à ceux qui vouloient faire profession du droit, donna charge au susnommé Tribonien prendre des œuvres des anciens Iurifconsultes Papinian, Paul, Modestin, Vlpian, Pomponius, Alfene , Cayus , & les autres ce qui seroit le plus en vsage, pour en briebs chapitres le compiler. A quoy fut de telle sorte procedé que tous les monimens antiques des responses des Iurifconsultes furent redigez en cinquante liures , qui furent appelez Pandectes : Prenans ce nom à cause qu'ils contiennent toutes les decisions qui se peuuent presenter ordinairement aux senats. Or de peur que Iustinian ne fust taxé de presumption trop grande, d'auoir osé mutiler les œuvres des Iurifconsultes, il ne voulut qu'en ses digestes les noms de si braues personnes fussent teuz : mais ordonna que chaque loy porteroit sur le front la suscription de son auteur. Ce mesme Empereur estant enseigné par l'experience, que le bastiment bien que sumptueux ne peut longuement durer en estat , s'il n'a de bons fondemens pour le soutenir , & qu'en quelconque science que ce soit il est nécessaire que l'auditeur entende parfaitement les principes & elemens de l'art, dont il pretend faire profession, ainsi qu'ont acertené les anciens Philosophes, entre lesquels Platon disoit que celuy qui veut s'exercer en grandes choses doit premierement s'exercer es plus petites: il fit mettre en lumiere les quatre liures des Institutions, contenant les principes de nostre droit : à fin que les ieunes gens encor' rudes & peu experimentez eussent moyen facile de monter par les escalons de facilité, iusques

iusques au sommet de la Jurisprudence. Par apres continuant sa bonne affection enuers la science du droit, & preuoyant qu'il n'est pas possible contenir dedans le destroict de peu de liures toutes matieres qui sont iournellement suscitees: alors comme les medecins qui aux nouuelles maladies appliquent de nouueaux remedes, ainsi luy fut contraint supplier ce qui n'estoit comprins dedans le Code & Pandectes, & faire nouuelles ordonnances sur nouueaux cas suruenans inopinément: Lesquelles constitutions estans assemblees furent dictes Nouuelles ou Authentiques. Toutesfois aucuns ont estimé ce liure n'estre de l'inuention de Iustinian, à raison (comme ils disent) que son stile ne conuient auec celuy des autres volumes compilez par la diligence des domestiques de ce Prince: & qu'il n'y a en ce volume ny ordre, ny commencement: avec plusieurs autres raisons assez friuoles par eux alleguees, de tant que les constitutions Authentiques estans comprises & inserees dans le corps du droit ciuil, sont alleguables comme les autres volumes. Et si on veut sçauoir la vieille dispute d'entre les docteurs si les Nouuelles & Authentiques sont liures semblables ou diuers, lequel des deux est le plus ancien, & qui les a composez, *vide Paul. Castr. in l. Mulier. §. Cum proponeretur. ff. ad Treb. Bald. in Auth. hoc amplius. Cod. de fid. & in Auth. Rex que. Cod. Commu. de lega. Roffr. in lib. de iure ciuili. in titul. De bonor. poss. contra tabul. Alber. in titul. de emend. Cod. Justin. §. his igitur.* Voila comment Iustinian proceda sur le fait des loix que nous voyons estre pour le iourd'huy tant admirees voire des nations barbares & estrangeres. Or ces anciens Iuriscōsultes Vlpian, Sceuole, Serue, Sulpice, Papinian, & les autres n'estoyent moins curieux de la beauté du langage que de la grauité des sentences: de sorte qu'il est mal aisé de iuger en eux s'ils ont esté plus curieux de la raison, que de l'oraison. De ma part ie ne craindray prononcer publiquement que ni l'elegance du parler de Saluste, ni le doux couler du texte Ciceronian, ne surmontent en aucune maniere les parolles eloquentes de noz Iuriconsultes. Leur langage est doux, fluide, orné de maintes couleurs de Rhetorique, si bien qu'à grande difficulté se pourroit trouuer plus elegant stile; mais les interpretes (ie parle d'aucuns) vfans de la langue non Romaine, mais Gothique & barbare, nō assez instruits es lettres humaines (sans lesquelles toutesfois on ne peut voir dedans le texte de noz loix non plus que iadis Polypheme priué de la veüe par Vlysse dedans vne cauerne,) mais nourris du laiët de ie ne sçay quelle rusticité agreste, plus seante à vn Vandale forain, que nō pas à vn homme sorti du pourpris de l'Italie, ont (branchans presque à la porte de leurs œures) tellement donné du nez contre terre, que peu s'en est fallu qu'ils n'ayent esté esgorgetez de leurs propres armes. Aussi comment estoit il possible qu'eux n'estans versez à la cognoissance des lettres humaines, eussent peu avec leur honneur, venir à bout de leurs entreprises, veu que les Iureconsultes anciens souuentesfois amenoient les auctoritez des Medecins, Poëtes, Orateurs, Philosophes & autres, pour mieux corroborer leur dire? Le Iuriconsulte Paul pour confirmer que l'enfant venu sur terre par loyal mariage est dit legitime au septiesme mois, a il pas allegué le tesmoignage d'Hypocrate, *l. Septimo mense. ff. De statu hominum.*

Iustinian

Iustinian en ses Institutions, n'a il pas fait mention des vers d'Homere, touchant la permutation que les Grecs feirent, *De empt. & vendit. §. Item pretium. lib. 3. Institut. l. 1. ff. de contrab. empt. & vendit.* Que dirons nous de Iulian? lequel n'a fait difficulté inserer dedans ses œuvres l'autorité d'Aristote, pour verifier qu'une femme peut produire d'un mesme part, iusques à cinq enfans. *l. si pater. ff. de solut. & liberation.* Semblablement Alphene a couché la raison des Physiciens & Philosophes. *l. proponebatur. ff. de iudic.* Mesmes noz Canonistes ont ils pas allegué les auteurs ethniques? *Capit. form. Ext. De verbor. & rer. significat. Can. Si quid veri. distinct. 37. quest. 1.* Voila comment noz anciens legistes n'ont point reproché les passages tirez des auteurs humains, mais plustost ont iceux reueus, alleguez, & estimé qu'ils estoient dignes d'estre inferez dedans leurs commentaires. Donc comment est ce qu'on pourroit entendre leurs decisions elegantes sans auoir premierement estudié en l'eloquence Ciceroniane? qui pourroit tirer la substance de noz loix, sinon celuy que la Rhetorique, Dialectique, Philosophie morale, Oeconomique, Polytrique, Medecine, & Poësie auront plusieurs ans substaté du lait de leurs mammelles? Certainement j'estime que si l'apprenti n'est prealablement bien versé es sciences cy deuant declarees, il preschera en l'air (comme on dit) ou bien conduira ses chiens sur la mer. J'à a Dieu ne plaise que ie vueille qu'un Iuriconsulte soit plus curieux des parolles que de l'equité, mais ie seroy d'opinion que nulle personne ne fust si temeraire toucher de ses mains prophanes la sacree maiesté de noz loix, si elle n'estoit soigneuse d'apprendre parfaitement la langue Latine, sans laquelle n'est aucunement possible s'asseoir sur le premier, second ou troisieme banc de la Iurispudence. Toutesfois quand nous aurons à part nous remasché souuēt ceste tache, qu'aucuns plus ioyeux de blasmer l'antiquité, que de l'extoller, ont voulu grauer sur l'honneur de noz docteurs, nous ne serons incitez condescendre à leur opinion: ains suiuan le naturel des Iuges pitoyables serons contrains plustost rendre à absolution que condamnation: de tant que du temps que ces Docteurs Italiens ont employé leurs esprits à l'explication des loix, l'idiome Romain n'estoit tant estimé comme il est pour le iourd'huy, ni poulé iusques au comble de perfection comme les bons esprits l'ont depuis colloqué. Et quoy? penserions nous bien que si du siecle de Bartole, Balde, Accurse, Butrigaire, Paul de Castre, Alexandre, la langue Latine n'eust point encore senti ie ne sçay quoy d'odeur de la puanteur Gothique & eust esté aussi bien repurgee comme elle a esté par apres du temps des nouveaux Iuriscōsultes Alciat, Ferret, Duarein, Baron, Tiraqueau, du Moulin, Coras, Cuias, Baldoin, Hotoman, que les villes de la France Paris, Tholose, Angers, Valence, Bourges, ont avec grand esbaïssement contemplé conioindre l'elegance avec la Iurispudence, Aurions nous bien, dis-je ceste credence qu'ils eussent parlé si barbarement, ou que la Rhetorique eust trouué si peu de place dedans le discours de leurs commentaires? Non certainemēt. Car telle defectuosité doit estre imputee non totalement à leur vice, mais à la calamité commune du siecle. Donques reietans telles calumnies disons que le droit Romain doit rendre graces à Bartole, Balde, & autres: à raison que nonobstant que l'Empereur Iustinian aye maintēnu que celuy qui par sa diligence met en meilleur ordre les compositions

positions d'autrui, merite plus grande louange que le premier inuenteur. *Li. 5. Nam qui Cod. de veteri iur. enuclean.* Toutesfois aucuns ont receu la sentence d'Aristote comme la plus equitable, assurant que moins d'honneur n'est deu aux premiers inuenteurs des sciences, qu'à ceux qui par apres y ont adiousté la derniere main: de tant que c'est vne chose bien facile donner accroissement aux inuentions d'autrui, & les sciences sont de telle nature qu'il n'est pas possible qu'elles naquissent en vn iour, & soyent assouuies de toutes perfections en l'autre. Parquoy nous serions taxez du vice d'ingratitude si grandement nous n'extollions les traualx de ces bons peres Interpretes, entre lesquels à bõ droit occupe le premier lieu Bartole, les œuures duquel sont receuës presques de tous ceux qui font profession du droict. Certainement Bartole est sçauant, ses liures remplis d'une infinité de notables decisions, que les cours souveraines, mesmes les iurisdicions inferieures de ce Royaume alleguent, sa memoire autant admirable que celle d'un Simonides ou Themistocle, luy doué de beaucoup de perfections, & brief de son temps ç'a esté quasi *ingens natura miraculum*: Toutesfois, comme homme il a peu choper en quelques lieux, & ignorer beaucoup de choses que ses successeurs ont cognu. Donques ie seroy d'aduis, alors que l'auctorité de Bartole seroit alleguee, qu'on regardast diligemment si telles parolles sont equitables ou bien digerees au parauant que de les admettre. Enquoy sont trompez ceux lesquels entendans quelque decision sortir de sa bontique, pensent estre presque vn parricide reuoker en doute ce qu'il a delaisié par escrit. L'ancienne coustume des Philosophes estoit rechercher la verité par toutes voyes & moyens licites, sans du tout s'arrester à l'opinion de quelqu'un, bien que sçauant: de sorte qu'il estoit permis entre eux se destourner du commun sentier, pour donner entree à quelque opinion tenue d'aucuns pour constante & veritable. Aristote disoit qu'il portoit singuliere affection à ses precepteurs, mais encor qu'il aimoit d'auantaige la verité. Le diuin Philosophe Platon raconte que sa coustume estoit obeyr non à l'auctorité, mais à la raison. Outre conseilloit qu'on ne deust regarder de quelle dignité est celuy qui parle, mais cela dont il est question. Et lequel est-ce de tous les anciens amateurs de sapience qui le plus soigneusement aye espluché les vers d'Hesiodé & Homere (lesquels toutesfois en quelques endroits il estime beaucoup) q̃ Platon, quād il les a deschassez de sa Republique nō pour enseuelir au cercueil d'oubliance la memoire de si rares hōmes, mais à fin d'ébrasser, atteindre & rechercher vne verité. A l'imitation dequoy les Iurifconsultes qui sont curieux d'apprendre en vieillissans, (à l'exemple de Solon Athenien) doivent sans aucune dissimulation faire diligēte perquisitiō de la verité, & ne receuoir à la volée aucune auctorité des interpretes si premieremēt elle n'est biē sondee, espluchee & subtilemēt examinee. Atāt ie cesserai le discours sur la receptiō des decisions de noz Interpretes, pour tōber sur vn point qui dōnera raison pourquoy le droit est pour le iourd'huy de bien peu de gens entierement entendu. Ce qui cause telle difficulté d'y pouuoir exceller est (outre autres occasions) la confusion manifeste dont il est rempli: de tant qu'à grande difficulté se peut trouuer science en laquelle la definition estant premierement mise, & l'œuvre parti par membres, les parties singulieres de la diuision ne soyent par vn fil

continuel

continuel pourfuiuis, de sorte que de question en question, & de propos en propos, & d'une matiere on descend en l'autre, sans qu'il semble presque qu'il y aye aucune interruption ou discontinuation de parler. Mais noz loix ne sont en telle sorte expliquees, pour cause qu'en traictant de choses si diuerfes, esquelles (comme disoit Iustinian) il n'y a rien de semblable, cela ne se peut bonnement traicter par art ou methode: d'ou vient que ceux qui par cy deuât ont entrepris ceste charge ont esté semblables aux Babyloniés, par l'industrie desquels vne tour estant somptueusement commencee ne peut estre conduite à fin: n'ayans iceux Methodiques (apres auoit consommé beaucoup de leurs ans) non plus profité que iadis Syfippe montant & deualant incessammēt vne pierre, de pesanteur incredible: Les autres bien resentans que leurs foibles espaules n'estoyent assez puissantes pour leuer vn faix tant onereux, ont esté semblables aux images de pierre, qui monstrent de leurs doigts le chemin aux passans, combien que telles statues ne partent de leur place: Entre lesquels on peut iustement coucher Balduin: le traicté duquel portant pour tiltre (*Consilium*) enseigne bien la voye qu'il faut prendre pour y paruenir, mais de luy n'a voulu iamais y mettre la main: A raison (comme souuentesfois il m'a dit) que celuy qui pense s'acquiter de telle charge, reduisant noz loix Romaines en art & methode, ne profite gueres d'auantage que l'Alquemiste soufflant iour & nuict son charbon perpetuel. Mais à raison que nous auons parlé de methode, fera bon sçauoir combien il y en a de sortes, d'autant qu'autresfois i'ay veu des hommes de grande erudition estre tombez en altercations rigoureuses, touchant ceste matiere. Doncques pour aucunement les concilier, nous disons qu'il y a deux Methodes, ou moyens de disposer les sciences. Le premier est quand par l'explication d'une partie nous colligeons le tout: comme quand Platon deduisant le naturel de fortitude, enseigne la nature de toute la vertu: lequel methode est grandement par luy extollé in *Phædro*, *polit.* & *Philebo*. L'autre est quand les parties sont expliquees par le tout: comme qui voudroit monstrier l'excellence de magnanimité, constance, ou quelque autre des vertus, faire le pourroit en recitant la dignité de ce mot general de vertu. Et ceste seconde espece de Methode est trouuee vtile par le susnommé Platon en son Dialogue Charmides. Parquoy on peut apertement decouurir combien indiscretement a esté par quelques vns acertené, qu'il n'y auoit qu'un seul Methode & moyen de disposer les sciences: ençor pour couvrir leur ignorance se sont aydez de l'opinion d'Aristote, par eux reprins, taxé, mesmes vituperé publiquement. Mais delaissans telles questions, voyons combien grande est l'estendue de ce droit Romain. Qui voudroit prester foy au dire d'aucuns, il sembleroit que beaucoup de Prouinces de l'Europe seroyent necessairement obligees le garder comme la vraye ordonnance du superieur, mesmes voudroyent asseurer par ie ne sçay quelles raisons, qu'en ce Royaume de France nous sommes astraîns ne forligner d'un trauers d'ongle seulement, de la teneur d'iceluy: disans, Noz loix ont prins leur vigueur de Iustinian, lequel estant Monarque, toutes prouinces dependoyent de sa volonté. Il a donc peu (disent ils) faire obseruer ses constitutions sur toutes prouinces de la terre subiectes à sa domination. Lesquelles raisons sont bien legieres pour cuidoier nous astraîndre garder entie

der entierement le texte du droit Romain: de tant que neantmoins qu'iceluy soit par nous apais es vniuersitez, allegué en toutes Iurisdiccions seculieres soit en plaidant, opinant, ou cōsultant, si est ce que les iuges ne sont forcez l'ensuyure, sinon entant qu'il est conioinct à raison, & conforme à l'equite naturelle. Seroit-ce pas vn grand abus de penser que le Roy de France estant Monarque & Empereur en son royaume, ne recognoissant aucun superieur, fors Dieu, mesmes franc & exempt de l'obeissance des loix Romaines voire par le tesmoignage mesmes des docteurs Italiens fauorisans aucunement l'Empire, peult estre contraint en son pais obseruer ordonnances estrangeres: Ce que souuentefois il a protesté ne faire: à fin de n'amoindrir son auctorité pour en vestir vn seigneur forain. Parquoy les loix Romaines n'ayans esté receuës des François & le roy de France n'estant assuietti sous la puissance de l'Empire, peut (vsant de pleine auctorité) legitimer les enfans conceus hors mariage. Pareillement à cause de sa dignité a ceste prerogative leuer nouveaux subsides & impositions sur les Ecclesiastiques de son royaume, toutesfois & quantes que son pais est pour raison des guerres en eminent peril: ainsi que le contient la bulle du Pape Boniface coneedee en faueur du roy Philippe surnommé le Bel. *De cuius privilegij aequitate vide Panormit. in cap. Sicut. De lureiur. apud Greg. Luc. de Penna in l. 2. & 3. De quib. munerib. vel prestat. nem. se excus. liceat. lib. 10. Cod. Can. Tributum. 23. quest. 8. Guliel. Benedic. in repetit. cap. Raynutius. nu. 1036.* Or que le roy de France ne recognoisse aucun superieur soit Monarque & Empereur en son pais, *Bald. cons. 217. Ias. in l. 2. Cod. de summa Trinit. & fide cathol. Capitul. Per venerabilem, qui filij sint legit. Specul. in tit. De appell. §. nunc tractemus. Cum similibus.* Voila ce que nous auons remarqué pour le present sur noz loix Romaines: combien qu'il y aye encor beaucoup d'autres choses que sciemment ie delaisse, tant à fin d'eiter prolixité, que mesmes à raison que ce n'est totalement nostre but demeurer plus longuement le Paraphraste des loix estrangeres: Car ce seroit (disoit Ciceron) vne honte trop reprochable estre pelerins en nostre cité.

G E R T R V D E.

Traicté de Sainte Gertrude rempli de pieté & deuotion translaté de latin en françois, & impr. à Lyon par Estienne Gueyard 1505. Voyez Jean larry.

G E R V A I S D E L A C O V R T natif de Soyssons a escrit: La Fabrique & vsage de la Iauge, ou Diapason, qui est l'instrument avec lequel on examine & mesure la grandeur & capacité des tonneaux & vaisseaux circulaires. Liure fort necessaire à toutes Republiques. [impr. à Lyon 8°. par Pierre Michel 1567.

G E R V A I S D E G R I N de l'ordre de Tyron a escrit, Les armes du cheualier Chrestien, & le vray refuge de tout bon catholique. [impri. à Paris 8°. par Hierosme de Marnet 1575.

G E R V A I S D E T O V R N A Y Chanoine de Soyssons a tradnit de grec en françois:

Les Oraisons & harengues de Demosthene prince des orateurs grecs, sur le faict & conseil des guerres contre Philippe roy de Macedone. Avec les Arguments de Libanius sophiste sur icelles philippiques. Diuisees en deux tomes

Q.

dont

dont le second contient quatre oraisons contraires de Demosthene & Aeschines, Sçauoir, deux de la couronne ordonnée à Demosthene & deux de la faulſe legation d'Aeschines. Plus trois Oraisns du mesme Demosthenes, Assauoir contre Leptinés, Midas & Androtion. [impr. à Paris 8°. par Nicolas Bonfons 1579.

GILBERT DAMALIS a traduit d'Italien en rime François,

Le procez des trois freres. [imp. à Lyon 8°, par Maurice Roy & Loys Pefnot 1558.

L'argument est déclaré par le commencement, qui est tel:

*Ce petit liure en forme de procès
Mis en auant, taxe les trois excès
Qui font des maux au monde innumérables,
Le ieu, le boire & les actes damnables
De Cupidon &c.*

Il a écrit aussi en rime,

Sermon du grand soupper duquel est fait mention en Saint Luc quatorzième chapitre, reduisant le festin de careſme prenant & autres de ce monde à la ioye & grand festin de Paradis. Plus, deuot Exercice pour vn chacun iour de la sepmaine sur la vie de nostre Seigneur. [impr. à Lyon 8°. par Nicolas Edouard 1554.

GILBERT COVSIN De Nozereth en la Franche Comté de Bourgoigne a écrit en latin les Traictez suyuant par luy mesmes traduits en prose françoise.

De l'office d'un seruiteur, L'œconomie d'Aristote, La louange de Concorde. Deux Oraisns sur la natiuité & mort de nostre Seigneur Iesus-Christ. Le Censeur des meurs. Declamation contre la Rhetorique. Plus en rime, Extraict d'une tragedie de l'homme affligé. Epitaphes de dame Ieanne Cousin. [impr. à Lyon 8°. par Jacques Quadier 1561.

GILBERT DERT de Bourges a traduit d'Italien,

Le Soulas du cours naturel de l'Homme contenant sept Dialogues. Le premier est de Dieu & de sa perfection. Le 2. de la verité de la foy. Le 3. du Messie à l'encontre des Iuifs. Le 4. de la foy Catholique à l'encontre des Philosophes. Le 5. des articles de la foy & de la conuenance des Sacremens. Le 6. De la vie future, de la peine des meschans & de la gloire des bons. Le 7. De la vie du paradis celeste. Avec vn petit Traicté d'humilité traduit de mesme. [impr. à Lyon 16°. par Jean d'Ogerolles 1558.

La somme & fin de la sainte escripture au nouveau Testament. Avec vne epistre de saint Iean Chrysostome. De la maniere de prier Dieu. [impri. à Lyon 16°. par Jean Saugrain 1559.

GILBERT GENEBRARD Docteur en Theologie Lecteur & Professeur du Roy es saintes lettres Hebraïques à Paris a reueu sur le grec la traduction françoise de l'histoire de Flaue Iosephe, & icelle illustré de Chronologie & Annotations. [impr. à Paris par Pierre l'Huillier 1578.

Oraison

Oraison funebre sur le trespas de reuerend pere en Dieu Messire Pierre Danes Euesque de la Vaur premier lecteur du roy es lettres grecques, prononcee à S. Germain des Prez le samedi 27. Auil. 1577. Le tombeau du mesme Danes en diuerfes langues, partie faict, partie colligé par ledict Genebrard des escripts de plusieurs doctes personages. [impr. à Paris 8°. par Martin le ieune 1577.

ΕΙΖΑΓΩΓΗ *Gilberti Genebrardi Benedictini Mosaceni ad legenda Rabinorum commentaria.* 4°. *Parisijs apud Martinum Iuuenem* 1559.

Symbolum fidei Iudaorum è Rabi mose Aegyptio. Precationes eorundem pro defunctis, è libro Mahzor. Interprete G. Genebrardo. Parisijs 8°. apud Mart. Iuuenem 1569.

Eldad Danius Hebraeus historicus de Iudeis clausis eorumq, in Aethiopia beatissimo imperio. G. Genebrardo interprete. Parisijs 8°. apud Federi. Morellum 1563.

De Sancta Trinitate libri tres, contra huius aui Trinitarios, Antitrinitarios, & Antitheanos. Parisijs 8°. Anno 1568.

Ad Iacob Scekiu assertionibus sacris de Deo temere immiscentem & tribus ipsius de S. Trinitate libris, modo pro Sabellianis modo pro Trinitarijs inconstantissime (ut titulus habet) obtrectantem Responsio. 8°. Parisijs.

Psalmi Davidis vulgata editione Calendario Hebræo, Syro, Græco, Latino, argumentis & commentariis genuinum & primum Psalmorum sensum Hebraismosq, aperiētibus à Gilberto Genebrardo instructi. [Paris. 8°. apud Pet. l'Huillier 1580.

Chronographia libri duo de rebus veteris populi, & precipuis quatuor millium annorum gestis. Paris. f°. Apud Aegid. Gourbinum 1580.

GILLES D'AVRIGNY dict le Pamphile aduocat au Parlement de Paris a escrit,

Le Tuteur d'Amour. Auquel est comprise la fortune de l'innocent en amours. Plus, Epistres, Elegies, Complaintes, Epitaphes, Chants royaux, Ballades, Rondeaux & Epigrammes le tout impr. à Lyon 8°. par Iean de Tournes 1547.

Contemplation sur la mort de Iesus-Christ, par laquelle est monstree la difference qui est entre Adam celeste & Adam terrestre, entre l'arbre où l'un a commis offense, & l'arbre où l'autre l'a remise: entre le fruit que l'un nous a osté & le fruit que l'autre nous a donné. le tout en rime. [impr. à Paris 8°. par Iacques Bogard 1547.

Il a traduit en rime,

Trente Psalmes du roayl Prophete Dauid. [impri. à Roen par Iean Mallard sans date.

GILLES BOVRDIN Cheualier Seigneur d'Assy, Conseiller au priué conseil du roy & procureur general de sa maiesté au Parlement de Paris a escrit,

Paraphrase sur les ordonnances du roy François premier de l'an 1539. par luy faicte premierement en latin. [impr. à Paris 8°. par Iean Borel 1578.

Q 2 GIL

GILLES BOYLEAV de Buillon commissaire & conteroolleur de Cambray a traduit de l'Espagnol du Sieur don Loys d'Auila Commentaire de la guerre d'Alemagne faicte par l'Empereur Charles V. ez années 1547. & 48. Auec annotatiōs ou scholies du traducteur seruans à plus ample intelligence de ladicte guerre & les situations & Etymologies des lieux & villes y mentionnees. [impr. à Paris 8°. par Vincent Serrenas 1551.

Il a escrit sous le nom de Darinel pasteur des Amadis,
La Sphere des deux mondes. Auec vn Epitaleme faict sur les nopces & mariage de tres-illustre & serenissime Prince dom Philippe roy d'Angleterre commétee, glosee & enrichie de plusieurs fables poëtiques. [impr. en Anuers 4°. par Jean Richard 1555.

GILLES CAILLEAV Mineur de la Prouince d'Aquitaine a escrit,

Paraphrase sur les heures de nostre Dame. [impr. à Poitiers 16°. par Jean & Enguibert de Marnes 1547.

Le souuerain gouuerneur & directeur des Monarques, roys, princes communautez, voire & priuees familles, descrit au vif au Pseaume 127. commençant: Si le Seigneur n'edifie la maison, ceux qui l'edifient trauaillent en vain. Dedié au tres-Chrestien Charles 9. [imprimé à Angoulesme 4°. par Jean de Minieres 1565.

Il a traduit deux Epistres, l'une de S. Hierosme à S. Ambroise de la lecture des liures de la Bible, l'autre de S. Basile de la lecture des liures des gentils. [impr. à Paris 16°. par Vincent Serrenas 1538.

Les Recognitions de S. Clement à S. Iacques frere de nostre Seigneur contenant en dix liures, L'histoire des peregrinations de S. Pierre, ses disputes contre Simon le magicien. Ensemble les disputes de trois freres Chrestiens & Philosophes contre leur pere, plaines d'infinites doctrines, tant des moyes pour de l'Atheisme paruenir à la cognoissance de Dieu, & de l'immortalité de l'ame, que de la prouidence diuine, traduites en françois par Gilles Cailleau. [impr. à Paris 8°. par Jean Poupy 1574.

GILLES DES CHAMPS Chanoine de l'Eglise de Senlys a recueilli & interpreté en françois les meilleures & plus pures phrases, ensemble les plus insignes sentences contenues ez six Comedies de Terence, qu'il a aussi illustré de scholies tant grecques que latines. [impr. à Paris 8°. par Jean Hulpeau 1571.

GILLES CORROZET Parisien a escrit plusieurs liures tant en prose qu'en rime, Assauoir,

La Fleur des Antiquitez & singularitez de la noble & triomphante ville & cité de Paris, & les noms des rues, Eglises & colleges y estans: Auec la genealogie du roy François premier de ce nom. [impr. à Paris 16°. par Guillaume de Bossozel 1533.

Catalogue des antiques erections des villes & citez des Gaules. Liure premier. [impr. auec le second faict par Claude Champier à Lyon 1543.

Le Tableau de Cebes, ancien Philosophe & disciple de Socrates: auquel est peinte de ses couleurs la vraye image de la vie humaine, & quelle voye l'homme doit

me doit eslire pour paruenir à vertu & parfaicte science, traduit en rime françoise par Gilles Corrozet. [impr. à Paris 8°. par Denys Ianot. Avec quelques Emblemes à la fin 1543.

Le Second liure des Fables d'Aesope Phrygien en vers François, avec leurs Argumens. [impr. à Paris 16°. par Estienne Groulleau 1548.

Tapisserie de l'Eglise Chrestienne, ce sont des huitains pour l'intelligence & interpretation des figures & images de la nariuité, vie, passion, mort & resurrection de nostre saulueur Iesus-Christ. [impr. à Paris 16°. par Jean Ruelle sans datte.

Les Exemples des œuvres de Dieu & des hommes prises du liure de Genese. Avec la doctrine de Verité extraicte de Salomon. Plus vers moraux, le tout en vers. [impr. à Paris 8°. par ledit Corrozet 1551.

Epitome des histoires des rois d'Espagne, Castille, des rois d'Arragon, des ducs & rois de Boesme, des rois d'Hongrie, des maisons d'Ausbourg & Autriche. [impr. à Paris 8°. par ledit Corrozet 1553.

Les Diuers & memorables propos des nobles & illustres hommes de la Chrestienté. [impr. à Paris, & despuis à Lyon 16°. par Gabriel Cotier 1558.

Les Elegantes & belles authoritez de plusieurs saiges princes, roys & Philosophes grecs & latins en deux langaiges, Italien & françois, l'un respondant à l'autre recueillies en latin par Nicolo Libarnio & mises d'Italien en prose françoise par Gilles Corrozet. [impr. à Lyon 16°. par Jean Temporal 1551.

La fleur des Sentences morales extraictes tant des anciens que des modernes, & mises en vers françois en forme d'Emblemes. [imp. à Lyon 16°. par Hugues Barbou 1562.

L'ordre de la pompe funebre faicte à la reception & cōuoy du corps de tresillustre & trespregnant Prince François de Lorraine Duc de Guyse, passant par la ville de Paris. Avec l'Epitaphe du cœur dudit Seigneur. [imp. à Paris 8°. par Jean Dallier 1562.

Les Sentences & authoritez des sept saiges de Grece. Avec vne briefue & familiere exposition sur chacune authorité & sentence mises en distiques françois. [impr. à Paris 16°. par ledit Corrozet traducteur 1570.

Le Parnasse des Poëtes François modernes, contenant leurs plus riches & grâues sentences, discours, descriptions, & doctes enseignemens. [impr. à Nancy 8°. par Jean Lenson 1572. Je m'esbahy comme il a mis au rang des bons poëtes François Estienne du Tronchet qui n'a escrit qu'en prose & entremeslé parmy quelques vers aussi rudes que malfaiçts, & auxquels il n'observe pas en tout les reigles de l'art poetique, outre ce que les meilleurs vers qu'il y a inseré à son nom ont esté faicts par autres, mesmes le contentement d'un vieil laboureur, qui est vne Elegie de Mellin de S. Gelais imitée de Catulle, transcribed presque de mot à mot dudit saint Gelais: comme de mesmes il a faict d'une autre Elegie qu'iceluy Saingelais adresse à Diane sa fille. En quoy se voit comme du Tronchet s'est voulu parer des plumes d'autrui, non toutesfois si accortement qu'on ne s'en puisse bien appercevoir,

GILLES FVMEE Bessinois a mis en vers François,
Le Miroir de loyauté, qui est l'histoire deplorabile de Zerbin prince d'Escoce

Q 3 & d'Isa

& d'Isabelle infante de Gallice, subiect tiré de l'Arioste en son Roland le furieux. [impr. à Paris 8°. par Guillaume Auray 1575.

GILLES DE HOVSTEVILLE a interpreté en François plusieurs dictions latines contenues es dialogues de Jean Loys Viues. [imprimez avecq lesdits Dialogues.

GILLES MAILLARD natif de Therouenne en Picardie a écrit vn liure intitulé La Musique, contenant plusieurs chansons françoises à quatre cinq & six parties. [impr. à Lyon par Jean de Tournes 1581.

GILLES LE MAISTRE Cheualier & premier president en la court de Parlement à Paris a écrit, Decisions notables sur la matiere des Amortissemens. Des Fiefs, hommages & vassaux. Des Regales. Des Crieés. Des Appellations comme d'abus. Le Traicté des amortissemens contient 10. chap. celuy des Fiefs & hommages 7. des Regales 14. des Criees 45. des appellations 12. Avec les Sommaires sur chacun des chapitres & aucunes notables questions y entremeslees, oultre lesdits chapitres. [impr. à Paris 4°. par Jacques Keruer 1566.

GILLES DE ROME.

Le Miroir, exemplaire & fructueuse instruction selon la compilation de Gilles de Rome, du regime & gouvernement des roys & princes, qui sont comme chef, colonne & vrais pilliers de la chose publique, & de toutes monarchies. Ensemble des Presidés, Cōseillers, Seneschaux, Baillifs, Iuges & autres officiers, qui pour leurs grandes experiences & literatures sont commis par lesdits roys & princes pour administrer la iustice. Translaté de latin en françois. [impr. à Paris f°. par Guillaume Eustace 1516.

GILLES TVLLE Chartrain a fait des commentaires latins sur le texte françois des loix municipales ou coustumes de Chartres. [impr. à Paris 4°. par Vincent Sertenas & Guillaume Groulleau 1560.

GIOVAN BAPTISTA GELLO. Voyez Denys Sauvage. Claude de Kerquifinen.

GIRARD CORLIEV a écrit Instruction pour tous estats. [impr. à Lyon 16°. par B. Rigaud.

GIRARD DE LA GOVDE frere mineur de l'ordre des obseruans a écrit,

L'interpretation & signification de la Messe. Avec plusieurs profitables documents & oraisons. [impr. en Anuers 8°. par Guillaume Voasterman 1542.

GIRARD IMBERT Condomois a fait quelques Odes & autres vers qu'il me semble auoir veu imprimez.

GIRARD DE VIVRE, ou DV VIVIER Gantois maître d'eschole à Coloigne a écrit,

Briefue Institution de la langue Françoise, expliquée en Aleman pour instruire la ieunesse de la ville de Coloigne en langue Françoise. [imp. à Coloigne 8°. l'an 1568.

Synonimes. C'est à dire plusieurs propos, propres tant en escriuant qu'en parlant recueillis en françois & Aleman. [impr. en Anuers 8°.

Comedie des amours de Theseus & Deianira, en prose Françoise. [impri. à Paris

ris 8°. par Nicolas Bonfons 1578.

Comedie de la fidelité nuptiale. en prose. [impr. à Paris 8°. par Nicolas Bonfons 1578.

GIRARDINS D'AMIENS a fait vn Romans, intitulé Meliadius, qu'il ryma au recit d'une grand' dame; laquelle luy donna le subiect. Il dit de foy,

*Girardins d'Amiens qui plus n'a
Oï de cet conte retraire,
N'i voët pas mensonges atraire,
Ne chose dont il fu repris.
Ainsi com a le conte appris,
L'a rymé au mieux qu'il sauoit.*

GIRAUD DE BOVRNELH, gentilhomme de Lymoges, nay de pauvres parens, estoit sage, & de bon sens, fut nommé le maître des *Trobadours* ou Poëtes. Sa vie estoit telle, que tout l'hyuer il prenoit vne peine continuelle à estudier aux bones lettres, & l'esté suiuoit la cour des princes: menoit avec luy deux bons & excellens Musiciens qui chantoient & recitoient les chansons, & les Syruentez qu'il faisoit. Il ne se voulut iamais mettre au seruice de prince, ou seigneur quel qu'il fut, quelques gaiges & estatx qui luy fussent offerts, comme aussi ne se voulut onques marier: estoit fort sobre de sa bouche, & continent de sa personne. C'est le premier poëte qui a faict des Sonnets, & des Chantarels. De ce mesme temps plusieurs Iuriscultes tant d'Auignon, Aix, qu'Arles, & autres lieux escriuirent quelques allegations contre les Vaudoyx qui estoient espars par la Prouence. trespassa en l'an 1278. Petrarque a veu les œuvres de ce poete, & en a bien faict son proffit.

GIROLAMO PARABOSCO. Voyez Hubert Philippe de Villiers. Je desireroy que quelque gétel esprit se meist à traduire les Comedies de Parabosco, qui sont belles, la Progné Tragedie, & le temple de la Renommee.

GODEFROIS DE LEIGNI vesquit du temps de Christien de Troies; vn Romans duquel parlant de Lancelot, & intitulé La charrette, ce de Leigni acheua: par le congé dudit Christien, ainsi qu'il est clair par ces vers mis à la fin du liure:

*Godefrois de Leigni li clers,
A parfinee la charrette:
Mes nus hom blasme ne li mete
Se for Chrestien a duré,
Car il la fet por le bon gré
Chrestien qui le commença,
Et tant a fet de la en ça
Ou Lancelot fu emmurez,
Tant com li contes est durel.*

Q 4

Il y a

Il y a de fort belles inuentions en ce liure, telles que celle cy,
Et Lancelot iusqu'à l'entree
Des iex & du cuer la conuoie:
Mes ax iex fu corte la ioie,
Que trop estoit la chambre pres.
Li oil fussent entré apres
Mont volentiers se il peust estre:
Li Cuers qui est sires & mestre
De greïgnor pooir assez,
Est ouec lui outre passez,
Et li oil sont remez dehors
Plains de larmes ouec le cors.

Il introduit le mesme Lancelot, se reprenant qu'il s'estoit voulu faire mourir, pour euitier la peine du mal qu'il endureoit pour sa Dame.

Mieux voil viure & sofrir les¹ colx 1 coups
Que morir por auoir repos. & encores,
Ge ne sçai li quiex plus me het,
Ou la vie qui me desirre,
Ou la mort qui me veut occirre:
Einsi l'uns & l'autre m'occit. & encores,
Bien est voir que moult se foloie,
Qui de fame garder se peine,
Son travail i pert & sa peine.
Qu'ains la pert cil qui la garde,
Que cil qui ne s'en donne garde.

G O R G O L E D E C O R N E

Deux Traictez d'Agriculture, le premier, de la maniere de planter, arracher, labourer, semer & emonder les arbres sauuages, bois hault & bois taillis. Et le second, de la maniere d'enter, planter, & nourrir arbres & iardins. Autheur Gorgole de Corne Florentin. [impr. à Paris 8°. par Charles l'Angelier 1560.

GRATIAN DV PONT Escuyer Seigneur de Drusac, lieutenant lay general en la Seneschaucee de Tholose a escrit en diuerses sortes de rime vn liure ou il ne laisse mal à dire des femmes, intitulé,
 Les Controuerses des sexe masculin & féminin, [impr. la premiere fois à Tholose f°. par Jacques Colomies, & despuis à Paris & à Lyon 16°. l'an 1537.
 Art & science de rhetorique metrisée. Avec la definition de Synalephe, pour les termes qui doiuent synalepher, & de leurs exceptions. Les raisons pourquoy synalephent, & pourquoy non. [impr. à Tholose 4°. par Nicolas Vieillard 1539.

GREGOIRE GOVRDRI a traduit de latin,
 Apologie tresvtile à tous fideles Chrestiens, tant pour estre bien instruits en
 l'Eglise,

l'Eglise, comme pour rembarrier viuement les calomnies & impostures de l'an
te chritt & les srens; faite pour l'Eglise d'Angleterre. [imp. à Lyon 16°. par Iean
Saugrain 1564. *Caluinique.*

G R E G O I R E D E N A Z I A N Z E.

Exortation à l'amour des pauvres. Voyez Iean de Lauardin.
Apologie de la charge d'un euesque. Voyez Iean de Lauardin.
Vers sententieux. Voyez Iaqués de Billy.

G R E G O I R E archeuesque de Nicomedie a escrit vn traicté de la pre
sentation de la vierge Marie au temple, traduit en François, & imprimé au 3.
tome de la vie & mort des saincts.

G R E G O I R E P A L A M A S. Voyez Claude Despence.

G V A L T E R H. R Y F F.

Description anatomique de toutes les parties du corps humain, exprimant au
vif tous les membres, redigee en tables par maistre Gualter H. Ryff medecin
de Straßbourg, deuant laquelle sont premises aucunes regles de phlebotomie
qu'il faut obseruer en tirant du sang. [impr. à Paris f°. par Chrestien Vvechel
1545.

G V E R R I C V S.

Sermons. Voyez Iean de Gaigni.

G V E T A R D historien.

G V I A R T a fait vn art d'amours auquel il instruit vn hôme comme il
se doit porter pour paruenir à ses atteintes, & puis s'en deffaire. Entre autres
choses il a pris ces deux vers d'Ouide de *remedio Amoris*:

Au matin va la voir ains qu'elle soit leuee,

Ne que de son fardet soit ointe ne lauee.

G V I D O N D E C A V L I A C. Voyez Guy de Cauliac.

G V I L L A V M E A L E X I S Religieux de Lire, Prieur de Bussy

a escrit en rime,

Le grand Blason des faulces amours. [impr. à Paris 16° sans datte. l'ay veu vn au
tre liure intitulé Le Contreblason des faulces amours: autrement, le grand bla
son d'amours spirituelles composé en rime à la louange du tref-Chrestien roy
de France Loys septiesme du nom. Je ne sçay s'il est d'un mesme autheur.
[impr. à Paris 8°. par Simon Vostre.

Il a composé aussi Quatre chants Royaux cōtenus parmi les Palinods, Chants
royaux, Rondeaux & Epigrammes de plusieurs autheurs à l'honneur de la con
ception de la toutebelle mere de Dieu Marie, presentez au Puy à Rouen, &
imprimé en vn volume 4°. à Paris, à Rouen & à Caen sans datte. Les au
tres autheurs desdites rimes presentees en iceux lieux du Puy de Rouen sont,
André de la Vigne, Arnoul Chaperon, Vn surnommé Busquet, vn autre nom
mé Chrignon de Dieppe, Gaignard Apoticaire Guillaume Columbe, Guillau
me Cretin, Guillaume Roger, Guillaume Thibaud, Iaqués Fillafter, Iaqués le
Lyeur, Iaqués du Parc, Iean Aline. Iean Bertrand, Iean Marot, Innocent tour
menté, Nicole Rubert, Nicole Apuril, Nicole l'Escarré, Nicole de Nerual, Ni
cole Osmont, Nicole Rauenier, Nicole du Puys, Nicole Turbot, Nicole le
Vestu, vn surnommé Picot, Pierre Apuril, Pierre le Cheualier, Pierre le Lyeur,
Richard

Richard Bonneance, Viuian le Charpentier.

Le Passetemps du Prieur de Buffy & son frere le Cordelier parlant chacun en quatre lignes en rime. [impr. à Rouen 8°. sans nom ny date.

Le Miroir des Moines. [impr. de mesmes.

Le Dialogue du Crucifix & du Pelerin, composé en Hierusalem par ledit Guillaume Alexis à la requeste d'aucuns bons pelerins de Rouen estans avecq luy audit voyage. [impr. à Rouen 4°. par Michel Auger sans date.

Le Martyrologue des faulces langues & le chapitre general d'icelles tenu au temple de danger, faict par couplets dont le dernier vers de chacun se finit par vne sentence ou prouerbe comme:

Cœur pensif ne sçait ou il va.

Selon les bestes les estables.

C'est trop aimé quand on en meurt.

La crainte est tousiours aux approches.

De faux arbre mauvais syon.

De tel service tel loyer.

De faulx langue faux reproche.

Coup mortel git en langue infecte

De proditeur traistres rapports.

Qui mal dit mal luy soit rendu.

De tel loyer telle desserte. &c.

[impr. à Rouen 4°. par Jaques le Forestier.

G V I L L A V M E A V B E R T de Poictiers Aduocat en la court de Parlement de Paris a escrit,

Oraison de la paix, & les moyens de l'entretenir : & qu'il n'y a aucune raison suffisante pour faire prendre les armes aux princes Chrestiens les vns contre les autres. Aux tresmagnanimes & trespuissans Henry & Philippes roys de France & d'Espagne. [impr. à Paris 4. par Vincent Sertenas 1549.

Histoires de la terre sainte conquise par les Chrestiens sur les Barbares sous la conduite de plusieurs princes & grands seigneurs de France, Liure premier contenant 21. chap. dont le premier traite de la naissance de Mahomet, & de l'origine des Sarrafins. Et le dernier du partement du Comte de Tholose & d'Aymard Euesque du Puy Legat du Pape, en la terre sainte, Des dissensions qui furent entre le Comte & l'Empereur Alexis, Avec l'embarquement de Robert duc de Normandie & Eustace frere de Godefroy de Buillon. [impr. à Paris 4°. par Philibert Gautier de Rouille 1562.

Le Douziesme liure d'Amadis de Gaule, contenant quelles fins prindrent les loyales amours d'Agésilas de Colchos & de la princesse Diane, & par quel moyen la royne Sidonie se rappaisa apres auoir longuement pourchassé la mort de don Florisel de Niquee. Avec plusieurs estranges aduentures. traduit d'Espagnol par Guillaume Aubert. [impr. à Paris & ailleurs en diuerses formes. Elegie sur le trespas de Ioachim du Bellay gentil homme Angeuin. [impr. à Paris par Federic Morel 1560.

Hymne sur la venue du roy Henry III. de Poloigne en sa France. Non imprimé. Je l'ay veu escrit en main & en ay transcrit les vers suyans,

*Les Princes & Seigneurs qui des rois Souuerains
Sont par leurs haults degrez, ou de sang plus prochains*

N'ont

N'ont perle ny ioyau qui plus les embellisse,
Ny argent ny tresor qui tant les enrichisse,
Comme l'humble & fidelle, & sainte loyauté
Qu'ils gardent à leur Roy & à sa maïesté.
Que sert-il de passer les neuf preux en proësse,
Roland en haut courage, & Ulysse en adresse?
Si la loyauté faut, telles perfections
N'engendrent que rancueurs, noises, seditions,
D'où n'aissent peu à peu grandes guerres civiles,
La ruine des champs, des Chasteaux, & des villes:
Et si on n'y pouruoit, à la fin tels desbats
Abbatent à l'enuers les souverains estats.
En sa propre ruine ainsi fut engloutie
Des superbes Romains la haulte Monarchie.

Tous contraires effects produit la loyauté,
Elle esloigne de soy l'infame cruauté:
Iamais le vain orgueil ne l'enfle ny la haultce,
Iamais l'ambicion son bon deuoir ne faulce.
Elle est prompte & soudaine à son Roy secourir,
L'honorer, le seruir, de mille mors mourir,
Plustost qu'auoir usé de rusée faintise,
Pour ne garder la foy à son Prince promise.

O sainte loyauté, vraye race des Dieux,
Quand tu es parmy nous, il semble que les cieux
Enuoyent avec toy en extreme abondance
Tous leurs plus grands tresors pour bienheurer la France.
Lors que noz deuanciers, pleins d'heur & de grandeur,
Te portoyent engrauee & au front & au cœur,
Et que noz Roys exempts de tumultes rebelles,
N'estoyent enuironnez que de subiects fidelles,
Le Royaume François representoit aux siens
Un Paradis terrestre enrichi de tous biens.
Des temples & monstiers les sommitez aigues
A l'honneur du grand Dieu s'esleuoient iusqu'aux nues.
Des villes & chasteaux les pourtaux & rampars
Orgueilleux se monstroyent entiers de toutes pars:
Au printemps gracieux la terre estoit conuerte
De mille & mille fleurs, & de gaie herbe verte,
Que l'autonne ensuyuant, & l'esté chaleureux
Transmuoyent en epis, & en fruiçts saoureux.

De

*De moutons fourmoyent les roches boccageuses,
 Et de vaches & beufs les vaulx marefcageuses.
 Mille escadrons volans couuroyent les colombiers:
 Mille escadrons courans emplissoyent les clapiers:
 Les gros oiseaux sifflans, dont la clameur hautaine
 Deffendit des Gaulois la Bastille Romaine,
 Les meres des poussins pipians a l'entour,
 Et leur pere barbu, vray prophete du iour,
 Et mille autres oiseaux diuers en leur plumage,
 De la maison rustique illustroyent le mesnage.
 Brief on n'eust lors peu voir lieu qui n'eust esté plein
 Des choses qui pouuoient seruir au genre humain.
 Et ce qui plus encor enrichissoit la France,
 C'estoit la force, & seure, & tresferme deffense
 De tant d'hommes vaillans, & tant de bons esprits
 Dont sur les estrangers elle emportoit le pris.*

G V I L L A V M E D E S A V T E L S Charrolois a escrit en sa jeunesse vn petit liure en rime intitulé *Le mois de May de Guillaume des Autels.* [impr. à Lyon par Oliuier Arnouller.

Estant à Valence escolier en l'estude du droict il a escrit à l'imitation de Rabelais en son œuvre de Pantagruel vn liure en prose non moins facecieux que de gaillarde inuention, contenant 17. chapitres & intitulé *Fanfreluche & Gaudichon, Mythistoire Barragouyne, de la valeur de dix Atomes, pour la recreation de tous bons fanfreluchistes* [impr. à Lyon 8°. par Iean Diepi.

Traicté de l'ancienne escriture de la langue François, & de sa poësie contre l'ortographe des Meygretistes. [impr. à Lyon.

L'amoureux Repos, contenant diuerses sortes de vers. [impri. à Lyon 8°. par Iean Temporal.

Repos de plus grand trauail, à sa saincte. [impri à Lyon 16°. par Thibaud Payen 1560.

La Suyte du repos de plus grand trauail, contenant plusieurs Sonnets & Châts. Aueq vn discours pour Platon De la Reminiscence contre la 7. Ode du 3. liure des Odes de Ronlard.

Replique aux furieuses deffences de Loys Meygrét touchant l'ortographe & la question de nostre escriture françoise. [impr. à Lyon 16°, par Iean de Tournes 1551. prose.

Remonstrance au peuple François de son deuoir en ce temps à la maiesté du Roy. A laquelle sont adioustez trois Eloges, assauoir, de la Paix, de la Trefue & de la guerre. Le tout en vers. [impr. à Paris 4. par André Vvechel 1559.

La Paix venue du Ciel en vers heroiques. Plus le Tombeau de l'Empereur Charles v. en douze Sonnets. [impr. à Paris 4°.

Haren

Harengue au peuple François contre la Rebellion, sur le tumulte & sedition d'Amboise, où aucuns des chefs des rebelles furent punis. [impr. à Paris 4°. par Vincent Sertenas 1560. prose.

Vne Ode responfue à vne autre de Charles de Rouilon avecq quelques Sonnets. [impr. parmy les Odes d'iceluy de Rouilon en Anuers par Plantin 1560.

Encomium Gallia Belgica, G. Altario Authore, Accefferunt & alii aliquot eiusdem versiculi. Antuerpia 4°. ex officina Christopho. Plantini 1559.

G V I L L A V M E D E B A I L L Y cheualier confeiller de la ma-
gesté en son conseil priué & president de ses comptes a mis par escript,
Remonstrances par luy faictes & prononcces à bouche deuant le roy, à saint
Maur des fosses le 10. iour de May 1566. sur le faict de certain edict concer-
nant la suppression de plusieurs cours & officiers de France. [impri. à Paris 8°. par Pierre l'Huillier 1573.

G V I L L A V M E D V B E L L A Y Seigneur de Langey Che-
ualier de l'ordre du roy & son lieutenant general en piedmont a escript,
Ogdoades, en l'une desquelles il auoit recueilly en huit liures de ses memo-
res premierement l'antiquité des Gaulois & François. Secondement la diui-
sion & description des Gaules tant Cisalpine que Transalpine, tant aussi de ça
le Rhin que de la le Rhin : ensemble la concordance des noms antiques avec
les modernes. Tiercement les vz, coustumes & loix tant militaires que politi-
ques : & les noms des charges, estats, dignitez & magistrats, en appropriant le
temps passé au present. Et en ses autres Ogdoades les memoires de plusieurs
chofes notables aduenues en France commençants à la premiere adolescen-
ce du roy François premier. Mais la plus grande partie de ce beau tresor a esté
perdue, & n'en est resté que trois liures, assauoir les v. vi. & vii. contenus aux
memoires de Messire Martin du Bellay son frere, le prologue desdicts Ogdoa-
des, & le liure de l'antiquité des Gaules, qui a esté impr. à part.

Instructions sur le faict de la guerre, extraictes des liures de Polybe, Frontin, Ve-
gece, Cornazan, Machiauel & plusieurs autres bons auteurs, par Messire Guil-
laume du Bellay &c. [impr. à Paris 4°. & 8°. par Michel Vascofan 1553.

Epitome de l'antiquité des Gaules & de France. Avec vne preface sur toute son
histoire. Plus y est adioustee la traduction d'une oraison faicte en la faueur du
roy Iean de Hongrie, de la guerre contre le Turq. Ensemble deux Epistres fai-
ctes en latin par ledit Auteur, & par luy mesmes traduites en François, la pre-
miere escrete à vn Alleman sur les querelles & differens d'entre Charles cin-
quieme Empereur & le roy François premier de ce nom : & l'autre escrete par
ledit roy tref-Chrestie aux Princes, villes & autres estats d'Allemagne respon-
sues aux calomnies semees par ses malueillans contre l'honneur de sa maiefté.
[impr. à Paris 4. par Vincent Sertenas 1556.

Il auoit aussi proietté & promis mettre en lumiere vn Vocabulaire en ordre
Alphabetique de toutes les Prouinces, citez, Villes, chasteaux, montagnes, val-
lees, forests, riuieres & autres lieux de ce royaume, avec expositions des deno-
minations d'iceux, & des batailles, rencontres, sieges & autres choses dignes de
memoire y aduenues. Aussi à l'imitation de Plutarque vn liure de la conference

R & com

& comparaison des vies & gestes d'aucuns roys, Princes & Capitaines de ce royaume, avec celles d'aucuns autres Grecs, Latins & Barbares, à quoy il auoit desia fort bien trauaillé & aduancé : mais preuenü de mort, l'œuvre est restée imparfaicte, & qui pis est en ont esté perdus les fragmens.

G V I L L A V M E B E L L I A R D Secretaire de la roynne de Navarre a escript,

Poëmes. Liure premier, contenant les delicieuses amours de Marc Antoine & de Cleopatre: Les Triomphes d'Amour & de la mort, & autres imitations d'Ovide, Petrarque & l'Arioste. [impr. à Paris 4°. par Claude Gautier 1578.

Aux amours de Marc Antoine il décrit ainsi les effects
de la defiance:

*O triste defiance hayneuse des mortels!
Féroumaine poison, fontaine des martels,
Des desdains, des courroux & de mille furies
Dont ordinairement sont nos ames saisies.
Par toy nous nous priuons du repos de nos yeux,
Par toy nous renuersons nos biens plus precieux,
Par toy nous nous faisons prisonniers de nous-mesmes,
Par toy nous nous rendons les pauvres faces blezmes,
Bref par toy ne trouuons aucune seureté,
Despuis que tu nous as le cerue au tempesté:
Alexandre & Denys de ta fiere nature,
Esprouuerent iadis la seuerité dure,
Ne se pouuant fier en celles mesmement
Desquelles ils auoyent plus de contentement, &c.*

G V I L L A V M E B E L L I N Chanoine de la Sainte chapelle à Paris a mis en musique à quatre parties, Les Cantiques de la Bible mis en vers François par Lancelot de Carle Euesque de Riez. [impr. à Paris 8°. par Adrian le Roy 1560.

G V I L L A V M E L E B L A N C Euesque de Tolon a escript, Recerches & discours sur les poincts principaux de la religion Catholique, qui sont aujourdhuy en controuersé entre les Chrestiens. [impr. à Paris 8°. par Nicolas Chesneau 1579.

Discours des Sacremens de l'Eglise en general contenant la doctrine d'iceux, enseignée par Iesus-Christ, annoncée par ses Ambassadeurs, & receüe de toute l'Eglise catholique, où les plus grossiers & aueugles pourront comprendre & voir à l'œil selon la verité Euangelique, tous argumens & erreurs des heretiques repoussez & descouuerts. Avec deux discours, l'un du Celibat, & l'autre des Vœus. [impr. à Paris 8°. par Guillaume Cauellat 1583.

G V I L L A V M E B O N I de S. Flour en Auuergne a mis en musique à quatre parties Les Sonnets de Pierre de Ronsard. [impr. à Paris 4°. par Adrian

Adrian le Roy & Robert Ballard 1579.

Il a mis aussi en musique à trois, quatre, cinq & six parties:

Les Quatrains du sieur de Pybrac. [impr. où & par qui dessus 1582.

Psalmi Davidici novis concentibus sex vocibus modulati, cum oratione regia 12. voc. contexta, Gull. Boni auctore. [Lutetia Parisiorum Apud Adrianum le Roy 1582.

G V I L L A V M E D E S B O R D E S Bourdelois, Licencié ez droicts, professeur ez mathematiques a traduit de latin, La Sphere de Jean de Sacrobosco, & icelle augmenté de nouveaux commentaires. Avec vne Preface qui est au commencement du liure pour prouver que l'Astrologie est tresvtile & qu'elle ne doit estre mesprisée de l'homme Chretien. [impr. à Paris 8°. par Hierome de Marnef 1570.

Il y a vne autre traduction de la Sphere de Sacrobosco par Martin de Perer Bearnois.

La Declaration & usage de l'instrument nommé Canometre enrichi de facilitez pour la commodité d'iceluy instrument par maistre Benoist Forfaict compaslier de Paris. Autheur Guillaume des Bordes. [impr. à Paris 8°. par Hierome de Marnef 1571.

G V I L L A V M E B O V C H E T de Poitiers a escrit, Les Serees. ce sont plusieurs beaux discours tenus par vne bonne & notable compagnie assemblee par plusieurs soirs. Non imprimees.

G V I L L A V M E B O V C H E T E L Secretaire des finances du roy François premier a mis par escrit, L'ordre & forme de l'entree de la roine Eleonor d'Austriche seur aisnee de l'Empereur Charles v. en la ville de Paris: & de son sacre & couronnement en la ville de S. Denys le 5. Mars 1530. [impr. à Paris 4°. par Geoffroy Tory 1532. Il a traduit de grec en rime François, La Tragedie d'Euripide nommee Hecuba. [impr. à Paris 8°. par Robert Estienne 1550.

La fable de Caunus & Biblis imitée d'Ovide en sa Metamorphose. Ballade sur vne Elegie de Properce commençant, *Quicumque ille fuit &c.* Sylue de Sylvarius. Epitaphe de Madame Laure apres celle que fait le roy. Epitaphe de Hierosme Fondule. Epigrammes. Adieux. [Le tout impr. par Robert Estienne.

G V I L L A V M E D E B R A N T E G H E N de l'ordre des Chartreux a mis en François, Le Verger Spirituel & Mystique, rempli tant de nouveaux que anciens fruits de l'ame fidele. Avec figures ou images & oraisons appartenans à la matiere. Ensemble vn traicté de la preparation à la mort. [impr. à Lyon 16°. à l'escu de Coloigne 1542.

G V I L L A V M E D E B R A Y S S I N G A R Aleman Organiste à Lyon a fait vne tabulature d'espinete. [impr. à Lyon par Jaques Moderne.

G V I L L A V M E B V D E E Parisien, premieremēt Secretaire du roy François premier, & maistre de sa librairie, & depuis cōseiller & maistre des

R 2 requē

requestes de sa magesté, personnage de rare sçauoir & grâde leçon, bié que se soit appliqué le plus à escrire en grec & en latin plusieurs doctes liures, cōme les Cōmentaires sur la langue greque, Les Epistres, La philologie. Cete œuvre excellente, *De Affe*. Les Cōmentaires sur les Pandectes & autres: ne s'est dedaigné pourtant d'orner nostre langue françoise d'aucun de ses escripts. Et ayât choisi vn fort beau subiet il a mis en lumiere vn liure diuisé par chapitres intitulé, De l'institution du prince, contenant plusieurs Histoires, Enseignemēs, & faiges dictés des anciens tant grecs que latins, dedié au roy, & impri. f°. à l'Arriour abbaye de l'abbé d'Iury par Nicole Laris en l'an 1547. & à Lyon 4°. par Guillaume Gazeau. Sur la fin duquel liure iceluy Budee s'exculant dit auoir plus mis de diligence, à apprendre les bonnes lettres, qu'à sçauoir parler curieusement la langue qui luy est naturelle & maternelle.

Sommaire ou Epitome de son liure *de Affe*, mis de latin en françois par le cōmandement du roy. [impr. à Paris 8°. par Jean Longis 1538.

Genebrard parlant de Budee en donne vne telle censure. Ce qu'a rendu Budee tant estimé, est que le siecle estoit encore rude aux langues. Que s'il fust tombé en ce temps, ie ne sçay s'il seroit du premier rang. Budee estoit excellent en la Theorique, en la tradiriue ou practique il n'y entendoit pas beaucoup, d'où est aduenü qu'il n'a fait aucuns disciples. Le style de Budee est inelegant, rude, mal plaisant aux oreilles delicates. Parquoy Erasme ne l'a voulu mettre au nombre des Ciceroniens. Budee pour la plus part Antiquaire, ou, comme parloyent les anciens, Nominal, adonné aux mots & vocables, en faisant de nouueaux & remettant ou resuscitant des vieux, lesquels quelquesfois demeureroient aussi bien enseuelis qu'en lumiere. Et mesmes ceux qui l'ont voulu bien louer ont dict de luy, *Est felicissimus quidem, sed audacissimus in nouandis vocabulis*, comme quand il a tourné l'Endelechie d'Aristote *Perfectibabiam*. Daniel Augentius luy baille vn autre traitt aigredoux disant, le me suis esbahy souuent, comme Budee n'auoit suyui cete vertu, & cete grace grecque: veu qu'il a esté vne lumiere de son siecle pour les deux langues, & pour le sçauoir exquis. Il faut dire que son naturel a surmonté l'artifice: luy desirant acquiescer à nature, pour mettre l'art en arriere. J'ay entendu parlant de la composition de Budee, parler des liures qu'il a escries en prose & en continuation de certaines matieres, & de subiects proposez. Qui les cuideroit excuser en disant, que le poix des matieres, & la grauité des auteurs, haussent l'estat de la composition, & de l'escriture, il s'abuseroit grandement. Attendu que l'escriture ne s'enfle pas par les paroles, & par les liaisons, & clostures: mais par les qualitez & circonstances des choses.

G V I L L A V M E B V N E L.

Euure excellente & à chacun desirant de peste se preseruer tresvtilé. Contenant les Medicines preseruatiues & curatiues des maladies pestilentiens & conseruatries de la santé. Composee par Maistre Guillaume Bunel en la faculté de Medecine Docteur Regent de l'vniuersité de Tholose lesquelles par luy sont ordonnees tant en latin qu'en françois par rime. Avecq plusieurs Epistres à certains excellens personnages en la louange de iustice & de la chose publique. [impr. à Tholose 4°. l'an 1513.

Ver

Vers extraicts du traitté de la peste:

<i>En apres il se fault garder</i>	<i>La saignée est de grand' auance,</i>
<i>De faire prou ny peu excès</i>	<i>Mais à tous il ne la fault pas.</i>
<i>De quoy lon se puisse eschauffer</i>	<i>Purger est bon par excellence</i>
<i>Car il en vient des maux asés.</i>	<i>Pour getter d'humeurs un grand tas.</i>
<i>Les femmes à part delaissez</i>	<i>Follement pourtant ne prendras</i>
<i>Sans toucher aux bas instrumens:</i>	<i>Medecine sans bon conseil.</i>
<i>Plusieurs en ont souffert tourmens.</i>	<i>Fol, qui expresse creue l'œil.</i>
<i>Je ne dy pas qu'en mariage</i>	<i>S'il y a pauvre compagnon</i>
<i>A fin qu'on puisse auoir du fruit</i>	<i>Lequel n'ait pas foison d'argent,</i>
<i>Vous ne faciez aucun ouurage</i>	<i>Le matin mange d'un oignon</i>
<i>De tard en tard ainsi que duit:</i>	<i>Qui ait trempé entierement</i>
<i>Mais ce soit apres la minuiet</i>	<i>Quatre ou six heures seulement,</i>
<i>Parfaicte la digestion</i>	<i>En Vinaigre. Il chasse venin</i>
<i>Pour faire generation.</i>	<i>Quand on le mange de matin.</i>
<i>Aussi grands inconueniens</i>	<i>Le remede preseruatif</i>
<i>Viennent pour trop māger & boire:</i>	<i>C'est s'en aller en grand espace</i>
<i>On a veu de grands accidens</i>	<i>Et estre bien tost fugitif</i>
<i>Desquels deuous auoir memoire.</i>	<i>Et tard retourner quoy qu'on face.</i>
<i>Et pource si me voulez croire</i>	<i>Mais si le grief mal t'empoignasse,</i>
<i>Mangez peu, net & bon il soit:</i>	<i>Va t'en à ceux qui sont de l'art.</i>
<i>Fol est qui soy-mesmes deçoit.</i>	<i>Mieux vault remede tost que tard.</i>
<i>Melancolies fault fuir,</i>	<i>Si l'apostume est descouuerte,</i>
<i>Ioyeuse compagnie auoir,</i>	<i>Soit hault ou bas prens du leuain,</i>
<i>En sa maison bon feu tenir</i>	<i>Des moyaux d'œufs ta main ouuerte</i>
<i>Qui a de quoy à dire voir.</i>	<i>Pour la couurir, entens tu bien.</i>
<i>Aussi ie vous fay assauoir</i>	<i>Tandis va au chirurgien</i>
<i>Qu'aux iours obscurs ne sortez hors.</i>	<i>Bien entendu: non autrement.</i>
<i>A maints en a cousté le corps.</i>	<i>A bon maistre, bon payement. &c.</i>

G V I L L A V M E D V B V Y S Quercinois a escrit,
 L'Oreille du prince. Ensemble plusieurs autres œuures Poëtiques, Assauoir,
 l'Aumosne, l'Ame du viellard, Des causes qui apportent vne deplorable fin à
 toute Republique, Remonstrance faicte par vn Garamant au roy Alexandre
 conquerant l'Asie. Harengue & Remonstrance de Iosephe faicte aux Iuyfs as-
 siegez dedans Hierusalem par Tite, Elegies, Sonnets. [impr. à Paris 8°. par Jean
 Feburier 1582.

G V I L L A V M E C A P P E L Docteur Medecin à Paris a traduit
 d'Italien,
 Le Prince de Nicolas Machiauelle secretaire & citoyen de Florence. [impri. à
 Paris 4°. par Charles Estienne 1553. Ledit traducteur en sa Preface dit ainsi de

R 3 l'Au

l'Auteur, Et combien qu'aucuns l'accusent de façonner vn Prince trop rigoureux, si me semblent-ils trop rigoureux eux-mêmes: car on le peut excuser par l'exemple du bon Medecin qui ne regarde pas tant au goust corrompu du malade, qu'à la guerison, & qui donne aux fascheuses maladies medecines plus fortes: ainsi le Prince comme le Musicien doit estendre la rigueur de sa iustice, pour faire vn accord harmonieux avec la douceur de son humanité. Je ne respondray point à ceux qui le blasonnent de n'auoir religion aucune: car i'estime que ceux là declarent leur opinion plus tost qu'ils ne reprennent celle d'autrui, veu qu'ils mettent en auant vne chose si enorme sans aucune occasion qu'on puisse apperceuoir en ce liure. Au demourant il a si bien traicté toutes les parties de Politique qu'il s'est acquis autant de louange en toutes, que tous les autres ensemble sur chacune &c.

G V I L L A V M E C A V C E a escrit,
Le Bouclier de la Foy, contre celuy de frere Nicole Grenier. [impr. à Geneue 16°. *Caluinique.*

G V I L L A V M E D E C H E V A L I E R a escrit en vers,
Le Decez ou fin du Monde, Diuisé en trois visions. [impr. à Paris 4°. par Robert le Fizelier 1584.

G V I L L A V M E C O Q V I L L A R T Official de Rheims a composé quelques œuvres en rime, Assauoir, Les droicts nouueaux contenant sept tiltres. Le plaidoyer & proces d'entre la simple & la rusée. Le blason des armes & des Dames. Le Monologue de la botte de foin. Le Monologue du Puys. Le Monologue du gendarme cassé. Le Monologue des perruques. [impr. à Paris 16°. par Antoine Bonnemere 1532.

Aux droicts nouueaux:

<i>Ne suiuous plus d'amour l'escole,</i>	<i>Auarice, conseruateur,</i>
<i>On n'y lit que de tromperies.</i>	<i>Enuie elle lit l'ordinaire,</i>
<i>La science est folle parole,</i>	<i>Detraction c'est le libraire,</i>
<i>Les grands iuremens menteries,</i>	<i>Suspension c'est le greffier,</i>
<i>Les statuts ce sont ioncheries,</i>	<i>Dire tout, c'est le secretaire,</i>
<i>L'uniuersité c'est malheur,</i>	<i>Rudeſſe, c'est un meſſager,</i>
<i>Les bedeaux, lardons, moqueries,</i>	<i>Desdain, c'est un premier huysſier</i>
<i>Faulte de ſens c'est le recteur,</i>	<i>Qui garde les huys & fenestres,</i>
<i>Trahison en est un docteur,</i>	<i>Refus est le grand chancelier,</i>
<i>Faulceté en est le notaire,</i>	<i>C'est celuy qui passe les maiſtres.</i>

G V I L L A V M E D V C H O V L gentilhomme Lyonnois, Bailly des montaignes du Dauphiné, amateur & curieux recercheur de l'antiquité apres auoir visité long temps l'Italie & autres regions de l'Europe, & fait amas d'infinité de Medailles & autres antiquailles a donné l'intelligence d'icelles, & de leurs reuers qu'il a par son estude & industrie diligemment tirée de plusieurs lieux & passages des Historiographes anciens. Et quoy que Hierosme Mercurial le reprenne en quelques endroits si luy a il pourtant ouuert le chemin

min & donné le subiect du liure qu'il a escrit *de Arte Gymnastica*: & sont les œuvres dudit Choul si bien receuës qu'elles ont esté imprimees par plusieurs fois en diuerses langues, Assauoir en François, en Latin, en Italien, & en Espagnol, & sont telles:

Discours sur la Castrametation & discipline Militaire des anciens Romains. Plus des Bains & antiques exercitations Romaines. [impr. à Lyon f°. par Guillaume Rouille.

Discours de la Religion des anciens Romains illustré d'un grand nombre de Medailles & de plusieurs belles figures retirees des marbres antiques qui se trouuent à Rome & en nostre Gaule. [impri. à Lyon f°. par Guillaume Rouille en l'an 1556.

Epistre consolatoire à Madame de Cheurieres sur la mort de Marie sa fille. Auec vne Epistre de Senecque à Liberal leur amy qui estoit triste & dolent pource que la cité de Lyon (dont il estoit auoit esté fatalement bruslee. [impri. à Lyon 4°. par Jean Temporal 1555.

Epitome des Antiquitez Romaines. [non encores imprimé. Est au pouuoir du sieur Guillaume Rouille.

G V I L L A V M E C H R E S T I A N Medecin ordinaire du roy & de Messeigneurs ses enfans a escrit vn liure intitulé,

Philalethes sur les erreurs anatomiques de certaines parties du corps. [impri. à Lyon 8°. par Jean Barbou pour François Gueiart d'Orleans 1536.

Perioche des sept premiers liures de la Therapeutique de Galien. [impr. à Paris 8. par Denys Ianot,

Liure de la Generation de l'homme, recueilly des antiques auteurs de Medicine & Philosophie par Iaques Syluius iadis docteur, & professeur du Roy en l'art de Medicine à Paris, & despuis mis en François par ledict Guillaume Chrestian. [impr. à Paris par Guill. Morel 1559.

Liure d'Hippocrates de la Geniture de l'homme, traduit de Grec par ledict Chrestian. [impr. par Guill. Morel audict an.

Liure de la Nature & vtilité des moys des femmes & de la curation des maladies qui en suruiennent, traduit du latin de Iaques Syluius. [impri. à Paris 8°. par Guill. Morel 1560.

De la Nature de l'enfant au ventre de la mere, liure traduit du grec d'Hippocrates par Guillaume Chrestian. [impri. à Rheims 8°. par Nicolas Bacquenois 1553. auquel traicté outre plusieurs choses notables concernans ceste matiere i'ay leu que ceux qui ont esté faicts Eunuques estans petits garçons n'engendrent point de poil au penil, ne au menton & sont glabres, & sans poil, par tout le corps, pource que les conduicts estant fermez à la semence genitale, le cuyr ne se peut rarefier en quelconque partie du corps. Car en eux il n'y a aucune voye ouuerte à la semence. Quant aux femmes elles ont le menton & tout le corps desnüé de poil, pource que l'humeur, qui se separe en leur coït, n'est pas ainsi agité, ne esmeu comme aux hommes, & pourtant il ne rend point le cuyr plus rare. Mais ceux qui deuiennent chauues sont plus flegmatiques, & le phlegme s'eschauffant & s'esmouuant en leur teste, au temps du coït puis tombant dans le cuyr leur brusle les racines des cheueux, dont puis apres ils tombent

aïcement. Quand aux Eunuques ils ne deuiennent point chauues, pource qu'ils ne s'esmeuent pas vehementemēt, & le phlegme ne s'eschauffant point par coīt, ne peut bruller les racines des cheueus. Mais ils deuiennent chenus, pource que l'humeur passant par biē long temps en l'homme, ce qui est le plus blanc s'esloigne & se retire au cuyr, de sorte que & le poil mesme & notammēt le cuyr, auquel sont les poils chenus, ayans attiré l'humeur beaucoup plus blāc qu'au precedent, deuiennent encores plus blancs, qu'en autre quelconque lieu.

G V I L L A V M E C O S T E L E Y.

Musique de Guillaume Costeley, Organiste & valet de Chambre du Roy. [impr. à Paris par Adrian le Roy 1579.

G V I L L A V M E C R E T I N, Chantre de la Sainte chapelle à Paris & Tresorier du Boys de Vincennes, le meilleur Poète François qui ait esté deuant luy (i'enten en cest ancien genre d'escriture) a composé plusieurs opuscles en rime assez fluide, & qui ne cede guieres à celle de Marot lequel luy baille le tiltre de souuerain Poète François.

Chants Royaulx spirituels, Rondeaux & autres petits traictez, assauoir Deplo-
ration sur le trespas du Viconte de Falaise. Le desbat des deux Dames sur le pas-
setemps des chiens & oiseaux. L'apparition du feu mareschal de Chabannes.
Le Pastoral sur la natiuité de Monsieur le Daulphin. Inuectiue contre les gen-
darmes François. Six Epistres l'une au roy Charles 8. l'autre au roy Loys 12. & les
autres au roy François. Epistre à la royne de Nauarre au nom de la royne d'An-
gleterre. Autres Epistres assauoir aux Bourguignons & Flamens, à Macé de
Villebresme, à Honnorat de la Iaille, à maistre François Charbonnier Viconte
d'Arques, à vne dame de Lyon, à l'Euesque de Glandesues, à la Contesse de
Dampmartin, & à autres, Le chant de misere. Inuectiue contre la mort. [le tout
impr. en vn volume à Paris 8°. par Jean S. Denys, sans datte.

G V I L L A V M E D E C V R S O L seigneur de Belle Fontaine
& Montestrut, Tresorier general de France en la charge & generalité de
Guyenne establie à Bourdeaux, a traduit du langage Portugais d'Hector Pinto
de l'ordre S. Hierome en François:

L'Image de la vie Chrestienne contenant amplement tout ce qui concerne la
vraye Philosophie, religion, iustice, tribulation, vie solitaire & memoire de la
mort entre les Chrestiens. [impr. à Paris 8°. par Guillaume Chaudiere 1580.

Seconde partie de l'Image de la vie Chrestienne, où est amplement traicté en
cinq Dialogues De la Tranquillité de la vie, De la discrete ignorance, De la
vraye amitié, Des Causes, Des vrais, & faux biens. traduit dudit Hector Pinto
par le mesme Guill. de Cursol. [impr. à Paris 8°. par Chaudiere 1584.

G V I L L A V M E D E G V I L E V I L L E moyne de l'ordre
de Cisteaux a escrit en vieille rimaille:

Le Romant des trois Pelerinages. Le premier est de l'homme durant qu'il est
en vie. Le second de l'ame separee du corps. Et le tiers de nostre Seigneur Iesus
Christ. [impr. à Paris 4°, par Berthold Rembol, & f°. par Ant. Verard 1511.

Au second Pelerinage l'auteur interpretant la statue que Nabuchodonosor
veid en songe, comme est contenu en Daniel, met les vers suiuan: qui sont
notables,

Statue

Statue vient de Statuo,
 Aussi du verbe qu'on dit Sto,
 C'est à dire qu'elle est & Stable
 Et établie & permanente,
 Et que tousiours doit remanoir
 Sans soy remuer ny mouuoir:
 Dequoy on dit qu'une statue
 Est celuy qui ne se remue.
 L'image du Roy proprement
 Se monstre en son gouvernement.
 Tel est l'homme, tell est sa terre
 Autre image n'y faut il querre.
 Ainsi que chacun se maintient
 A sage ou à fol on le tient.
 Comme le iuge se comporte,
 A faire ainsi tous il en horte.
 Quel est le Roy d'une cité,

Tel est le peuple en verité.
 Roy qui n'est sage perd sa gent:
 Mais par bon sens il la defent.
 Pource ie dy que son ouuraige
 Sa statue est & son image:
 En son gouvernement formee
 Est son image & peinturee:
 A sa statue & son image
 Le cognoit on ou fol ou sage:
 Et aux statuts aussi qu'il fait
 Comme c'est qu'il est stable on voit:
 Car si establys bien ne sont
 De stabilité rien ils n'ont.
 Parquoy à parler proprement,
 Vn Roy à son gouvernement,
 A sa loy & à ses statuts
 Et ordonnances est cogneus.

G V I L L A V M E D R E V I N a composé en rime françoise,
 Les Erreurs des Lutheriens ennemis de nostre mere saincte Eglise & vray
 Turelupins residans en la ville de Geneue & autres. Plus Lamentation de no-
 stre mere saincte Eglise, sur les contradictions des heretiques suiuant l'erreur
 des faux defectueux. [impr. à Paris 8°. par Guillaume Nyuerd sans datte.

G V I L L A V M E D R I E V mathematicien d'Aix en Prouence
 a escrit,

La Sphere du monde succinctement declaree par briues figures, tous les cer-
 cies l'un apres l'autre mis, reduitte en 4. liures. [impri. en Auignon 16°. sans
 datte.

Le Tabulaire astronomique Calendaire perpetuel. [impr. à Lyon 16°. par An-
 toine Voulant 1561.

G V I L L A V M E D V C des Nonnieres en Viueres, prestre & l'un
 des vicaires en l'eglise collegiale & paroisse saint Paul de Lyon a escrit,
 Traitté de l'administration des saints Sacremens. [impri. à Lyon 16°. par B.
 Rigaud.

G V I L L A V M E D V R A N D conseiller du roy au siege presi-
 dial de Senlis a traduit en vers françois par forme de paraphrase,
 Les Satyres d'Aule Perse. [impr. 8°. par Denis du Pré à Paris 1575.
 Il y en a vne autre traduction faicte long temps au parauant par traducteur in-
 certain, qui a pour deuise Moyen ou trop, & a esté impr. à Paris 8°. par Jacques
 Gazeau 1544.

Elegie de I. V. Tresillustre & victorieux Prince Henry de Lorraine Duc de
 Guyse des Poiteuins par luy defendus: traduiçts des vers François par ledict
 Durand, & impr. à Paris 4°. par Denis du Pré 1569.

G V I L

G V I L L A V M E D V R A N D maistre des escoles à Lyon a commenté en latin & interpreté en François les dictions & construction de l'opuscule de Sulpitius Verulanus intitulé *de Moribus in Mensa seruandis*. [impri. à Lyon 8°. par Thibaud Payen.

G V I L L A V M E F A R E L ministre à Geneue a escrit: Sommaire, ou briefue declaration d'aucuns lieux fort necessaires à vn chacun Chrestien pour mettre sa confiance en Dieu & à ayder son prochain. [impr. à Geneue 16°. par Jean Mirard 1552. Responce à l'Epistre de maistre Pierre Caroli, avec seconde Epistre dudit Farel.

Epistre enuoyee au duc de Lorraine.

G V I L L A V M E F L A M E N G iadis chanoine de Langres a composé en françois,

La vie de monsieur S. Bernard premier Abbé de Clereuaux, contenant 7. liures distinguez par chapitres. Avec l'Epitaphe en rime de dame Aelis ou Alet mere dudit saint Bernard inhumee Premieremēt à Dijon en l'Eglise de S. Benigne, puis translatee à Clereuaux. [impr. à Paris 8°. par François Regnaud. sans date.

G V I L L A V M E G A L L I S S A R D Docteur en Theologie de l'ordre des freres prescheurs a escrit,

Sommaire explication des commandemens de Dieu tiree de la sainte escripture. Plus vn liure de S. Augustin de la vie chrestienne traduit par le mesme. [impr. à Lyon 8°. par Benoist Rigaud 1577. Il a escrit aussi en latin vne chronologie depuis Adam iusques à son temps. [impr. en Auignon 8°.

G V I L L A V M E G A V T E R O N de Cenquoins Secretaire du Sieur de Monluca traduit d'Italien

L'histoire de George Scanderbeg, Prince d'Epire & d'Albanie contenant les victoires par luy obtenues contre les Turcs, & les inestimables forces & vertus d'iceluy. [impr. à Paris 8°. par Jean Longis 1544.

G V I L L A V M E G O S S E L I N de Caen a traduit d'Italien L'Arithmetique de Nicolas Tartaglia Brestian diuisee en deux parties contenant 18. liures esquels sont contenues & expliquees toutes les pratiques & reigles necessaires non seulement pour les marchans & tout l'art negociatoire, mais aussi pour tout autre art & science laquelle a besoing de calcul. Le tout par reigles briefues & promptes. Avec toutes les demonstrations Mathematiques, & plusieurs inuentions dudit Gosselin traducteur esparles chacune en son lieu. [impr. à Paris 8°. par Gilles Beys 1578.

Gulielmi Gosselini Cadomensis de arte magna seu de occulta parte numerorum qua & Algebra & Almucabala vulgo dicitur libri 4. in quibus explicantur aequationes Diophanti. Regulae quantitatis simplicis & quantitatis surdae. Parisiis 8°. apud Aegidium Beys 1577.

G V I L L A V M E D E L A G R A N G E natif de Sarlat en Perigort a escrit,

Didon, Tragedie laquelle tant pour l'argument que la grauité des vers & sentences n'est moins digne d'estre leue que profitable à tous. Les personnages de la Tragedie sont, l'Ombre de Sichee, Didon. Barce. Le chœur. Achate. Enee. Le messager. [impr. à Lyon 16°. par Benoist Rigaud 1582.

En la

En la premiere Scene du second Acte Didon
 parle ainsi à Enee:

*Helas si i'ay esté trop prodigue enuers toy
 Du bien que seulement peut donner vne femme,
 Si tu as oncq cueilli le fruit de ma grand flamme:
 Si pour te priser seul i'ay deprisé l'honneur:
 Si pour te bien heurer i'ay laissé tout mon heur:
 Laisse ores ce deffaing de tuer par ta fuite
 La piteuse Didon, qui rien moins ne merite,
 Que d'auoir un Enee au heur de son trespas.
 Regarde que pour toy mes gens ne m'aiment pas:
 Regarde que pour toy i'ay perdu celle gloire
 Qui eut recompensé d'une longue memoire
 Ma vefue chasteté, dont le bruit precieux
 Commançoit m'enleuer sur les flammes des cieux.
 Mais pourras tu souffrir que le Roy des Nomades
 Se voyant postposé au Prince des Troades
 S'en vienne impuniment pour prendre nostre fort,
 Et m'emmener captiue, ou me donner la mort.
 Le dis si toy absent, il me peut trouuer viue,
 Et si le ciel cruel fait ma mort si tardiue.
 Au moins puis que ioué i'ay mon honneur & moy,
 Si auant ton despart i'estois grosse de toy:
 Ou, si ayant desia Lucine reclamée,
 Tu me laissois icy quelque petit Enee,
 Qui te representast de face seulement,
 Je porroy, plus constante endurer ce tourment:
 Et par le grand malheur de ta fuite obstinée,
 Je ne sembleroy pas du tout abandonnée.*

Enee.

*Cell' qui ne peut souffrir que ie soye en repos
 N'aime tant seiourner dans Sparte, ou dans Samos,
 Ma mere n'aime tant seiourner dans Amathe,
 Ou (quād le chien ardent l'honneur des iardins gaste)
 Dans l'ombre Idaliene, ou le frais est toujours,
 Comme icy i'aimerois fonder un long seiour.
 Mais cil qui peut armer sa dextre de tonnerres,
 Le ciel & le destin, me font laisser ces terres.
 Je n'ose i'obeir, car qui pourroit oser,*

Aux

Aux dieux, au fort destin, & au ciel s'opposer?
Je voudroy tousiour voir les yeux de mon Elise.
Mais las combien de fois la grand'ombre d'Anchise
M'a fait pantois de peur, haute m'apparoissant,
Et d'une horrible voix de mort me menassant,
Si un autre soleil me voit dedans Cartage.
Encor ce n'est pas tout le dieu qui en partage
Eut la foudre & le iel, du feste Olympien,
M'a icy enuoyé l'heros Cyllenien,
Me disant comme, affin que de mon chef i'escarte,
L'ire de Iupiter, faut que d'ici ie parte.
Madame tu vois donc que ie n'ay point de tort:
Tu vois que maugré moy i'abandonne ce port,
Et comme le destin avec Iupin me lie
A la nécessité de suivre l'Italie.
Mais i'espère qu'encor ie te pourray reuoir.
Et si, mis en repos i'en eu oncq le pouuoir,
Croy moy ie ne faudray dans les rufques galees
Repasser, pour reuoir, les campagnes salees.
A Dieu danc ie m'en vois Ec.

GVILLAVME GRATAROL. Voyez Estienne Coppé
GVILLAVME GRIACHET alias de Villebichot de Tain
 pres Dijon dit autrement l'heureux infortuné a translaté en rime françoise
 Le liure d'Octavius Cleophilus *De catu Peccatorum*. [impr. à Lyon 4°. par Michel Parmentier 1543. Avec les vers latins à costé des françois ainsi:

<i>Optima quadriuis non in-</i>	<i>Lon ne peut pas voir les choses de pris</i>
<i>uentuntur in omni:</i>	<i>Par tous les lieux, n'en tous riches pourpris:</i>
<i>Nobilius, quanto rarius</i>	<i>Car quant plus est la chose riche & belle,</i>
<i>omne vides.</i>	<i>Tant à trouuer plus difficile est elle.</i>

GVILLAVME GVEROVL a escrit
 Premier liure des figures & pourtraits des villes plus celebres d'Europe. Avec
 les descriptions d'icelles. [impr. à Lyon f°. par Baltazar Arnoulet 1552.
 Emblemes. [impr. à Lyon 8°. par Baltazar Arnoulet 1550.
 Description Philosophale de la nature des animaux en rime.
 Chantons spirituelles mises en musique par Didier Lupy second. [impri. à
 Lyon 8°. par Godefroy & Marcellin Beringer 1548.
 Huictains pour l'illustration, interpretation & intelligence des figures & pour-
 traits de l'ancien testament. [impr. à Lyon 8°. par Guillaume Rouille 1565.
 Hymnes du temps & de ses parties assauoir de Lucifer ou l'Aurore, du iour, de
 la nuit, des heures, de Ianuier, Feurier & des autres mois de l'an, avec leurs
 pour

pourtraits sortis de l'inuention de maistre Bernard Salomon excellent peintre & tailleur d'histoires. [impr. à Lyon 4°. par Jean deournes 1560.

Narrations fabuleuses avec les discours de la verité & histoires d'icelles, escrites premierement en Grec par Palephatus, puis en latin par Philippus Phasianninus Bouloignois, & de latin en prose françoise par ledict Gueroult. Ou sont adioustees aucunes œuures Poëriques du mesme traducteur. Assauoir Priere de Ionas le prophete estant au ventre de la Baleine. Ode à Philippe le Comte Baron de Nonnant en Normandie. Congratulation à Ioachim du Bellay sur sa Lyre Chrestienne. Deux Odes. Cinq Sonnets. [le tout impr. à Lyon 4°. par Robert Granjon 1558.

L'histoire des Plantes mise en Commentaires par Leonard Fuschs medicin & traduite de latin par Guillaume Gueroult. [impr. à Lyon 4°. par Tibaud Payan 1548.

Discours de la droicte Administration des Royaumes & Republiques, extrait de la Rapsodie du S. I. P. Cermenat Mylanois, contenant 42. chap. [impr. à Lyon 4°. par Loys & Charles Penot 1561.

Chroniques & Gestes des Empereurs, en deux Tomes: le premier est despuis Iules Cesar iusques à Charlemaigne. Le second décrit ceux qui regnerent en Occident, apres la diuision de l'Empire faicte par Michel Curoplates avec Charlemaigne. Mis en François par Guillaume Gueroult. [impr. à Lyon 4°. par Balthasar Arnoullet 1552.

Au discours de l'administration des Royaumes & Republiques. Chap. 9.

Come Dieu esleue les hommes mortels de bas lieu en vn degré sublime; & commet son peuple au gouvernement d'iceux : ainsi les inuite il à chercher les fontaines & sources plantureuses de vraye sapience : à fin qu'ilz sçachent paistre & gouverner droictement & eux mesmes, & le peuple soumis à leur ioug & suiection. Parquoy Dieu par son Prophete Dauid parle ainsi: Maintenant donc ô Roys, deuenez sages, & vous iuges de la terre par instructions. Et par Salomon aussi il parle en ceste maniere : Aimez Sapiëce vous qui gouuernez la Terre, & enquerez vous du Seigneur, & le cherchez en simplicité de cœur. Escoutez Roys, & soyez ententifz, & apprenez, vous gouuerneurs de la Terre. Seneque aussi escriuant à Balbus, dit: Vne chose sçay-ie, qu'il n'y a aucun qui viue heureusement sans l'estude de Sapiëce. Que donc rië ne nous destourne ou reculle de Philosophie, ny poureré, ny souffrette d'aucune chose: Conuertissez toute vostre affection & pensëe à la Philosophie, arrestez vous en elle, & l'honorez & embrassez: & alors congnoistrez qu'il y a grande distance entre vous & les autres hōmes. Car vous surpasserez tous humains, & les Dieux vous exalteront en moult grande excellence. Seruez à la Philosophie, car seruir à icelle, est liberté. Cicero aussi inuitant le petit Cicero son filz à l'estude de Philosophie (qui est l'amour de Sapiëce) l'exorte par ces parolles: Tous (dit-il) sommes tirez & menez à la conuoitise de congnoissance & de science, en laquelle nous estimons beau d'exceller: Mais de faillir, errer, ne sçauoir rien, & se laisser deceuoir, nous le reputons vilain & mauuais. Iceluy mesme Cicero admonnestoit les Iuges, que es ventilations & discours des causes, ilz ne prinsent

S les

les choses incongnues pour notoires, & congnes.

Pource non moins les peuples que les Princes doiuent employer leur trauail à l'exercice de Sapiençe, par laquelle les Citoyens font la gloire du Prince : comme le fils du Pere. Apulee à ce propos disoit, que la dignité de Sapiençe estoit si grande, qu'elle égalloit sa compagnie à celle du Souuerain Dieu. Mais, ie vous prie, les hommes ne se diaprent ilz point plus richement par les vrayes sciences, & la diuersité des langues, que par l'or & les pierres precieuses ? Ainsi, ainsi chacun void (ô illustre Cambree) ce qui t'est aduenü. Car iadis tu fus si doctement institué es disciplines vertueuses & arts liberaux par André Alciat personnage tres-excellent, qu'en la campagne & luyte Palladiane tu tenois reng entre les premiers & plus renommez combatans. Et ces thresors sont de telle sorte, que les possesseurs d'iceux n'en peuuent estre destituez, ce que Aristote escriuit au Roy Alexandre: Mieux vaut, (dit-il) auoir l'ame abondante en sciences, que le corps bien vestu. Valere le grand aussi raconte de Bias, que apres que les ennemis eurent enuahy Priene sa patrie, iceluy interrogué pourquoy il s'en alloit ainsi vuide, & n'emportoit avec soy aucuns de ses biens: le porte (respondit il) mes biens avec moy. Et à la verité il les portoit au cœur, non sur ses espaules, non visibles à l'œil charnel, mais estimables à l'esprit, lesquels enclos au domicile de la pensee ne peuuent estre endommagez par mains des Dieux ny des hommes: & tout ainsi qu'ilz sont prochains à ceux qui demeurent, aussi ne delaissent ils point ceux qui s'enfuient.

Que donc le Prince estime beau de suivre en tecz les traces de Iule & Auguste Cefars, desquelz l'un (comme raconte L. Odaxius) lors mesme qu'il marchoit avec son exercite, lisoit & estudioit souuent, & quand il seiournoit campé, déroband quelques heures, fouloit avec diligente curiosité composer des liures. L'autre guerroyant au terroir de Modene, acquit reputation d'une entreprise magnanime, car tousiours ou il lisoit, ou il escriuoit, ou estoit coustumier de s'exercer aux declamations de l'art oratoire. Nous lisons aussi le mesme auoir esté souuent pratiqué par Philippe Roy de Macedone, selon qu'en tesmoigne A. Gelle, & ne pouons comprendre que ces grands monarques ayent fait ces choses sinon pour exercer l'entendement: combien qu'à tel exercice l'un soit plus prompt que l'autre. Car (comme dit Aristote) aucuns sont disposez de leur nature aux vertus, aucuns par coustume, & aucuns aussi par doctrine: & à fin que la doctrine ait efficace enuers les auditeurs, il conuiet que l'ame de l'escoutant soit disposee & preparee, ainsi que la terre deuant qu'elle nourrisse sa semence. Pource donc que le Prince dispose son esprit à apprendre plusieurs langues & sciences, & se propose deuant les yeux P. Crassus duquel Valere le grand parle ainsi: Apres que P. Crassus fut arriué Consul en Asie pour debeller le Roy Aristonie, touché d'un desir extrême de paruenir à l'intelligence de la langue Grecque, il la comprint en son esprit avec telle diligence & sollicitude, qu'il la congnt entièrement par tous ses membres & parties: combien qu'elle fust diuisee en cinq genres de langage. Et cela luy moyenna vne grande amitié enuers les gens d'armes de sa compagnie, d'autant qu'il rédoit droit à tous ceux qui assistoient deuant son throne, en tel langage qu'ilz le demandoient. Semblablement on lit au mesme Valere le grand ces parolles de Mithridates: Deux Roys

Royz ont partagé la louange d'une mesme industrie, Cyrus en retenant par une viucité admirable les noms de tous ses souldarts, & Mithridates en apprenant les langues de vingt & deux nations, & peuples qui estoient submis à la dition & puissance: Cestuy à fin que sans enseigneur il saluast son exercite: & l'autre, à fin que sans truchement il peust parler à ceux ausquels il commandoit. Mais sur ce discours, que dirons nous de Q. Iunius: duquel A. Gelle deuise ainsi? Q. Iunius se disoit auoir trois corps, par ce qu'il sçauoit parler Grec, Latin, & Espagnol. Mais suiuant l'opinion d'Aristote, la propriété naturelle d'une chascune chose n'est point disposée autrement qu'est la portée de la nature mesme. A quoy correspondant Iacques Stapulense escriuant sur le liure des Ethiques d'Aristote, adioute ces parolles: Il n'y a chose) dit-il) qui s'accoustume à autre inclination que celle qui luy est donnée de nature, comme la pierre qui est coustumière de chercher le bas, ne deuient iamais coustumière de s'esleuer en haut: aussi le feu au contraire de son naturel ne deualle iamais en bas, & quelconque autre chose n'accoustumera iamais autre train que celui qui luy compete par nature. Pource donc les vertus ne naissent point en nous par nature, ou outre nature, mais nous sommes faits idoines & capables de les apprehender par nature, & les receuons, & y deuenons parfaits par coustume. Et n'est inconuenient de considerer, que auparauant nous auons receu les puissances des choses qui se font en nous par nature, puis nous en rendons les operations. Ce qui se peut voir aisément par les organes sensitifs. Aussi le Commentateur dit: Que personne n'acquiere à soy une habitude coustumière, & pource qu'il n'y ait aucū qui se deffie de pouuoir estre bō. Car si la coustume émende & change en mieux le vice, & la puissance naturelle entée en nous, laquelle suspend & retient l'effect du naturel enclin à vertu, comme si par le secours & cure excellente d'un autre Paon, la parfaicte santé de l'esprit estoit recouree, & restablie en son entier: il s'ensuit par cela que nous sommes par Nature idoines à tel biē, veu qu'il est enté en nostre Nature. En somme donc, il conuient que mesme des l'enfance on soit accoustumé à si louable exercice, en ceste, ou en autre maniere. Car la droite & vertueuse education cause les meurs de mesme, & si des le bas aage on espend en nous les semences des vertus, nous sommes coustumiers de perseuerer en bonté, & mener une vie bien-heureuse. Pource les Princes des le berceau doiuent estre esleuez en vertus & bonnes lettres: Car les mesmes vertus croissent avecques nous. Au contraire aussi la mauuaise nourriture est une source de vices, lesquels (parce que nous sommes abruuez d'iceux des le commencement de nostre aage) & comme maladies qui ont prins avec nous naissance de iour en iour se font plus grands, & deuiennent plus puissans à nuire & endommager: de sorte que si salutairement on n'y remédie, ils nous conduisent en fin & precipitent en une extrême misere.

Ce sera doncques chose salubre & profitable à l'Adolescent, de retenir en constante pensée, & auoir souuentefois present en son esprit, ce dequoy l'admoneste Horace par les vers suiuaus.

*Le Pot nouveau conserue longuement
L'odeur qu'en luy on mit premierement.*

S 2

Et

Et suyuant ceste mesme sentence Erasme dit encor' : Que il n'y ha rien qui s'engraue mieux & demeure plus ferme , que cela qui est semé és premiers ans, durant lesquels combien qu'il soit conuenable de bien considerer ce dont chacun est abbrué : toutesfois cela est de grande importance enuers la personne d'un Prince. Il sera donc expedient de tousiours proposer aux plus ieunes Princes les faits heroïques des anciens personnages preux & magnanimes. Or les choses qu'on ne scayt point , & dont on ha encor' moins de cognoissance ne sont point aymeés, recerchées, ny coustumierement estimeés. Pource donc à fin que les Princes & Gouverneurs des peuples aiment & cherissent plus exquisement Sapience apres l'auoir cognue : nous auons trouué bon de traicter en briebs mots quelque chose d'icelle. Mais par quel bout commencerons nous plus commodement, que par la Loüange que luy donne Salomon tant recommandé en si bonne partie. Iceluy celebrant le los de Sapience, parle ainsi: Dieu (dit-il) n'ayme personne, s'il n'habite avec Sapience; & soit curieux d'icelle. Pource qu'elle est plus belle que le Soleil, & par dessus tous les rengs des estoilles, & si on fait comparaison d'elle à la Lumiere, elle va deuant, & est trouuée plus excellente. Car la Nuit suit la lumiere, mais la malice ne peut surmonter Sapience; ainçois elle attaint en sa force d'un bout à l'autre, & dispose toutes choses comme il appartient. Pource i'ay desiré, & science m'a esté donnée, i'ay prié, & l'esprit de Sapience est venu en moy. Je l'ay preférée aux Sceptres & aux Thrones, n'estimant rien les richesses au prix d'icelle. Et n'ay fait aucune comparaison de la pierre precieuse avec elle: car tout l'Or du Monde au regard d'icelle n'est qu'un peu de grauiers, & l'argent sera estimé comme fanges s'il est mis aupres d'elle. Je l'ay plus aymée que santé ny beauté, & ay desiré l'ysage d'icelle pour Lumiere, pource que sa lueur ne peut estre estaincte. Tous biens me sont venus ensemble avec elle, & cheuance innombrable par les mains d'icelle. Et me suis resiouy en toutes choses, pour autant que Sapience en est chef: & ne scauoy' qu'elle feust mere de toutes choses. Car c'est un thresor infiny aux hommes, duquel ceux qui ont vſé sont faits participans de l'amitié de Dieu. A ce propos Aristote au premier liure de sa Methaphysique parle en ceste maniere: Sapience est la cognoissance des choses Diuines, constituée chef de toutes autres sciences. Ou autrement, Sapience est la science des choses premieres & tres hautaines. Et au sixiesme liure des Ethiques, Sapience (dit-il) est la souveraine & tres-certaine science de toutes sciences. Iacques Stapulense interprete la Sapience estre la Methaphysique premiere & Philosophie suprefme, Diuine & supernaturelle, & qui surpasse la capacité de ce Monde. Theoretique aussi en son premier Dialogue diffinit que Sapience est vne science qui contemple les choses souveraines, dignes d'estre sceües, les premieres causes: & les premiers commencemens. Aussi celuy qui ha escrit les Commentaires sur le sixiesme liure des Ethiques, nous donne ceste Ethimologie: Sapience (dit-il) est vne science qui porte comme un Chef en sa preeminence, parce qu'elle contemple les choses Diuines, & cōme posée en vne eschauguete tres haute, regarde de loing toutes choses, tres bien & songneusement, iusques à penetrer aux corps celestes, qui luy sont manifestes. Sapience donc est vne intelligence & science des choses qui sont tres-honorables en Nature, & icelle tient le chef & occupe le

sommier

sommet d'icelles:estant (comme ià nous auons deduiſt) tres excellente & parfaicte.

Or Sapience ha les commencemens & conclusions necessaires, & pourtant elle conuient aux choses necessaires,& qui ne peuuent n'estre point en essence. Parquoy il est manifeste que les commencemens de Sapience,& les choses qui peuuent estre sceuës d'icelle ont plus de certitude que les Principes & sciences comprehensibles des autres disciplines. Et apres, on assigne vne autre signification à Sapience, que celle qui l'establit vertu de l'art seruille, & pource on la diffinit ainsi. Assauoir, Qu'elle est la perfection derniere & cōsommee de l'art. Et par ce moyen celuy est sage qui est paruenü à la perfection de l'art, perfectiō dy-ie, souueraine & accomplie. Comme Polyclete excellent en son art, pour ce regard ha esté trouué sage Tailleur de Statues. Zeufis Heracleote fut approuué sage Peintre, pour auoir peinct & representé des grappes de raisins si au vif, que tous oyseaux deceus de la naïue figure d'icelles voloyent à aile deployee pour les becher. Et pource donc, comme ainsi soit que Sapience generalmente comprenne toutes choses, les cognoissant entierement selon la portee de leurs proprietiez, il est à presumer qu'elle ne peut faillir. Et pource que avec soy elle maine science, il est necessaire que telle science s'estende sur la cognoissance des choses incorruptibles & eternelles: veu mesmement que Aristote afferme que là science consiste en la notice des choses qui ne peuuent estre autres qu'elles sont. Pource il ne cōuient ignorer que la perfection d'une chacune science gist en ce que les choses ne soyent pas cognues vniuersellement ou confusément, ainçois separees & avec distinctions telles qu'il est conuenable. De là vient que l'experience sage maistr esse peut rendre raison de chacune d'icelles, ainsi que tout expert artisan le peut faire de l'art & condition dont il se mesle. Pour ceste cause le Methaphysicien desirant cinq qualitez au sage, en deuise en ceste façon: Il faut (dit-il) que le sage sache vniuersellemēt toutes choses. Qu'il cognoisse les choses tres-difficiles. Qu'il soit persuadé qu'il ha trouué vne science tres certaine. Pouvoir assigner cause à toute science. Auoir la Science desirable,& la cherir pour l'amour d'icelle mesme, & pour la conuoitise de sçauoir. Finablement, d'auoir vne science qui soit principale, & parfaictement franche, laquelle s'acquiert à cause de soy mesme, & non d'autre. Outre cela, Aristote afferme que la vraye Philosophie fait cognoistre le createur d'icelle. La Philosophie soulage l'esperit, edifie la vie, dispose les actions, gouuerne les choses qui se doiuent faire, & enseigne celles qu'il conuient delaisser & obmettre. Pource donc comme Sapience se souuiet des choses passees, ainsi celle preuoit celles qui sont à venir, à ce qu'elle puisse écheuer les perils imminens: elle console l'homme en affliction, elle l'arme de bon conseil, & luy enseigne ce qu'il doit suyure & fuyr. Car (comme il est recité au 3. des Prouerbes) Lōgueur de iours est à sa dextre, & en sa fenestre richesse & gloire. Les voyes d'icelle sont voyes plaisantes, & tous ses sentiers paisibles. Sapience, dy-ie, est celle qui annoblit les hommes, combien que humbles & de basse estoffe: & sans laquelle il n'y ha aucun, feust il issu de la race d'Hercule, qu'on puisse estimer quelque chose. Parce que les chaines d'Or, Armoiries, Tiltres, Effigies, Coronnes, & encor' les Sacrifices mesmes, ne peuuent apporter aucu-

sacrifices & prieres , & leur demandoient ce qui estoit necessaire de faire en choses de grande importance. Et cecy appert notoirement par le seul exemple de Romule.

Or dit l'histoire que ce Roy belliqueux se voyant en la guerre Sabine avec les siens mis en route, tellement qu'il sembloit ià que la victoire se tournast du costé des ennemis , pressé d'un escadron fuyant à qui la peur & l'ennemy courageux auoyent chauffé les esperons, il leua ses armes au ciel , priant ainsi.

O Iupiter (dit-il) par ton commandement & le presage heureux de tes oyseaux j'ay en ce Palais posé les premiers fondemens de la ville , les Sabins occupent ià la forteresse achetée au prix d'un desloyal peché , & de là, ayans encore gagné la vallee du milieu, s'acheminent tous armez en ce lieu : Mais repousse, Toy pere des Dieux & des hommes , & chasse d'icy les ennemis furieux , oste toute terreur & crainte aux Romains , & arreste la fuite vilaine de ce peuple. Si mes prieres trouuent grace deuant toy , ie fay veu d'edifier en ceste place à toy Iuppiter arresté, un Temple sumptueux , qui seruira de tesmoignage à la posterité naissante , que par ta seule aide & faueur ceste ville a esté gardée. Ayant ainsi prié , comme s'il eust entendu sa priere auoir esté ouye & fauorisée , Icy (commença il à dire) ô valeureux Romains, le tresbon & grand Iuppiter vous commande de resister vaillamment, & de recommencer la meslée &c.

Pource donc, la foy pure & entiere enuers Dieu, & les saintes supplications applanissent & preparent le premier chemin à Sapience.

Le second poinct qui est requis à ceci , c'est : Que assiduellement nous vacquions à la lecture de bons & prudens auteurs , & nous addonnions à retenir iceux en memoire. Car la Sapience parlant par Salomon nous appelle là. Sois (dit-elle) instruite par mes parolles, & vous vous en trouuerez aidez. Et de là vient, que l'Apostre S. Paul s'efforce à monstrier que la doctrine des saintes lettres excite l'esprit, & vient illustrer l'entendement, à fin que les hommes appris par icelles remparent leurs cœurs de force & vertu, & consolent les affligez par esperance. Mais sur tous autres il est seant à ceux qui president à dignitez & Magistrats, de traualler à l'estude de si excellentes doctrines , veu mesmement que Dieu pour ceste cause commanda iadis à celuy qui deuoit gouverner son peuple Israélite, d'auoir non seulement chez soy les liures de la Loy diuine, ains de s'employer nuit & iour à lire & entendre songneusement iceux. Car il parle ainsi par Moysse : Quand ton Roy sera assis sur le throne de son Royaume, lors il escriira pour soy ceste loy en un liure, à l'exemple des Sacrificateurs Leuitiques. Laquelle il aura avec soy, & la lira tous les iours de sa vie , à fin qu'il apprenne à craindre le Seigneur son Dieu , & qu'il garde toutes les parolles de ceste loy, & ces ordonnances pour les faire &c. Et pourtant, ceux qui sont installez aux gouuernemens des magistrats , feront bien s'ilz conduisent les peuples qui vivent souz leur obeissance, par la voye de ceste sainte loy. Car ceux qui seulement s'appuyent sur la Sapience humaine, souuent tombent en beaucoup d'erreurs , & d'ailleurs sont coustumiers de troubler les nations voy fines qui iouyssent d'une tranquillité delectable. De telle opinion ne s'estrange point Erasme, lequel afferme que pour ceste cause Platon ha voulu que tard les Gardes paruinssent à la cognoissance de Dialectique , parce qu'elle soustient l'une & l'autre

& l'autre partie, & rend les opinions de l'honneste ou deshonneste moins solides & fermes.

En outre, il ne sera inutile au Prince d'auoir en memoire les Dicts des sept Sages de Grece, desquels les noms sont leuz en tous endroicts. Car ces illustres peronnages ont esté reputez en Grece maistres & conducteurs de la vie honorable, & qui ont donné premierement aux peuples les enseignemens des mœurs en briefues sentences. Desquels preceptes nous n'auons estimé mal seant d'en inferer icy quelques vns, à fin que le Prince ayt dequoy plus promptement lire, former ses mœurs, & façonner ses vertus. Les enseignemēs donc sont telz.

*Parfay toy, toy-mesme.
 Augmente le bien qui est enté en toy.
 Considere fortune fuyarde, & mobile.
 Ne delaisse point Nature.
 Mets ton entente des choses utiles, aux bonnes.
 Ne blesse personne. Ayme nette volupté.
 Chasse tristesse. Prefere ce qui est honneste.
 Hay extrêmement le vice.
 Honore vertu. Exerce ton office.
 Congnoy que tu es nay à vertu.
 Laisse gouverner raison.
 Orne ton esprit. Ne fay rien sans conseil.
 Tien moyen. Regarde qu'il n'y ait rien trop.
 Regarde aussi qu'il n'y ait rien moins.
 Ely vn Capitaine sage.
 Use d'iceluy comme de ton œil.
 Remire que c'est qu'il fera.
 Mesure tes forces. Pense à la fin.
 Fay tes affaires de bon gré, & bien entendu.
 Aduise à qui tu auras affaire, quand, comment, &
 en quel lieu.
 Euite tant plus songneusement le mal, d'autant qu'il
 sera plus grand.
 Resiste plus vertueusement au mal qui est acharné.
 Fuy les laqs de volupté.*

Que donc les Gouverneurs des magistrats se cōtemplent icy comme en vn miroir, iacoit qu'ils cognoissent assez leurs gouuernemens estre conformes à ces belles & memorables sentences. Qu'ils lisent iournellement, ou prestent l'oreille ententue à ceux qui liront les parolles & faicts des Sages, que la memoire fauorable nous ha redigez par escrit: & principalement de ces Philosophes qui enseignent à tresbien & droictement administrer la charge d'vne Republique.

publique. Toutesfois ils auront en plus grande estime la Lecture des lettres crees, pour entendre comme le vray seruice de Dieu se doit sainement instituer, & apprendre par quel moyen les peuples sont gouuernez selon l'ordonnance de la Loy Diuine. D'auantage, qu'ils obseruent quel soing les Romains ont prins pour r'assembler en vn, les liures des Sybilles, pource qu'ils estimoyent iceux auoir esté composez par inspiration Diuine. Car les Anciens appelloyent les Sybilles, Enthées, qui signifie, que les cœurs de ces Prophetesses auoyent receu Dieu: Desquelles à ceste occasion Virgile parle ainsi:

*Sur qui esband le Delien Prophete
Les clairs rayons de sa grace parfaicte,
Luy inspirant grand esprit, & pensee
Qui d'un haut heur se sent recompensee.*

Quant à leur denomination, elles sont dictes Sybilles, à cause qu'elles connoissent les conseils Diuins, Toutesfois si quelcun desire entendre d'auantage de l'estat de ces Sybilles, qu'il lise les liures des choses Diuines que Varro ha escrit a C. Cæsar souuerain Pontife: combien qu'il soit aisé de trouuer plusieurs autres Autheurs qui ont parlé d'icelles: lesquels ie trouueroye superflu de raconter, comme n'estans suiets au discours de nostre matiere. Or les Romains estoient coustumiers d'aller prendre cōseil des liures Sybillins, toutes & quantes fois que quelque grand desastre ou meschef leur estoit prochain, à fin de s'enquerir & apprendre ce qui leur conuenoit faire pour remedier au danger qui pancheoit sur leurs testes, comme on peut lire auoir esté faict par le grand Fabie. Car iceluy créé Dictateur pour la seconde fois, le premier iour qu'il entra en la dignité de son estat, deuant le Senat assemblé commença sa harangue par l'honneur qui est deu aux Dieux, & remōstra aux Peres que par le mespris de leurs Diuinitez, & nonchallance les Ceremonies, ou vrayement par la temerité ou ignorance des Diuinations, qui se conceuoyent par le vol des oyseaux C. Flamin Consul auoit offensé, & pource, leur persuada il, qu'il failloit se conseiller aux Dieux, pour entendre d'iceux par quel sacrifice on pourroit purger la faute commise, & appaiser la fureur de leur courroux. Par lesquelles persuasions il gaigna si dextrement leurs cœurs qu'il fut commandé aux Seigneurs Dix hommes d'aller aux liures des Sybilles, pour auoir aduis sur ce fait: Ce qui autrement n'estoit permis sinon quand quelque prodige cruel & malencontreux estoit annōcé. Les Seigneurs Dix hommes ayans veu les Liures fataux, rapporterent aux Peres, que la cause de ceste guerre procedoit d'un vœu faict au Dieu Mars, non deüement rendu, Lequel il failloit entierement & encor' plus hautement accomplir. Et au reste, estoit besoing de voüer ieux magnifiques à Iuppiter, à Venus Ericyne, & à la Deesse Memoire: puis conuenoit dresser prieres, & agencement de Lits, & encor' voüer le sacré Printemps, s'il aduient que les guerres leur soyent heureuses, & que la Republique demeure au mesme estat qu'elle estoit auant la guerre encommencee &c. Mais si les Romains si curieusement ont eu cœur aux Liures des Sybilles, aux fins de cōgnoistre les choses difficiles à sçauoir, Combien avec plus grand soing doiuent les Princes

Princes fucilleter les Oracles des saincts Prophetes , à fin que selon la volonté manifeste de Dieu, ils puissent regir en leurs Prouinces domestiques leurs peuples: & en rude saison de guerre, leur donner conseil, secours & enseignement? Car de cela ilz receuront vne faueur celeste, qui leur ramenera en memoire les choses passees, & leur mettra deuant les yeux les presentes, & representera celles qui sont à venir, à fin de preuoir les euenemens qui approchent, & y pouruoir selon raison.

Pour ce Regard donc nous n'estimons qu'aucun puisse acquerir estime de sage sans memoire & vsage: & moins viure en reputation d'homme prudent, sans conseil, & sans l'industrie, iugement & discretion de son office. Mais que profitera il d'estre appellé sage, & ne se souuenir de ce qui aura esté dict ou entendu, encor' apres congnoissance de cause? Quelle vtilité, ie vous prie, receuons nous de la Lecture & intelligence des choses tresbonnes & prudentes, si tout cela n'est practiqué & reduit à deu exercice? Le Poëte Afranie (selon que traite A. Gelle) a donné tresbon aduis comme Sapience se peut engendrer & acquerre, entant qu'il la dit estre fille d'Vsage & de Memoire. Car il demonstre par cest argumēt, que celuy qui voudra tenir rang de sage és choses humaines, n'ha seulement besoing des Liures, ou des sciences & disciplines de Rethorique & Dialectique, ains qu'il luy conuient s'exercer à congnoistre & espreuer de pres les choses. En outre retenir en ferme memoire les choses aduenues & passees, & se faire sage par icelles, puis prendre conseil à le resouldre, par ce que les perils ont enseigné: non à se delecter seulement en cela dequoy les Liures ou Maistres d'Escolle font demonstration par figures & vanitez de parolles, ainsi qu'en badinage, ou en songe. Or les vers d'Afranie en la Poësie appellee Togata, que lon nomme aussi Sella, sont tels.

*Vsage m'ha puissamment engendree
Aux douces loix ou Venus se recree,
Mere Memoire en qui i'ay prins essence,
M'ha donné l'heur de prospere naissance:
Le Grec facond (dont la Muse deffie
L'oubly muet) m'ha nommee Sophie,
Et vous Latins, m'appellez Sapience:
Par souuenir de l'antique Science.*

On trouue presques correspondans à ce propos quelques vers de Patruus, lesquels selon l'aduis du Philosophe Macedo, homme de bien & mon familier Amy, on deuoit escrire aux Portes de tous les Temples.

*Je hay (dit-il) entre les hommes, ceux
Qui sont espris d'un vouloir paresseux,
Et toutesfois semblent (si on s'y fie)
Pratiquer l'art de la Philosophie.*

Car le bon viellart disoit: Qu'il n'y ha rien plus mal seant & intellerable, que
les

les hommes paresseux & negligens, lesquels portans barbe, & reuestus de robe Philosophalle, conuertissent les mœurs & emolumens de Philosophie en art de langue, & fard de parolles: sçachans bien facondement accuser les vices, combien que d'exces vicieux ils soyent farcis entre cuir & chair.

Le Troisième moyen par lequel la Sapience supernelle est acquise, est: Que le Prince soit d'une nature commodemēt disposée à apprendre, & esprise d'un vehement desir de science, & pour ceste cause il doit conuerser assiduellement avec tresbons & doctes personages, avec lesquels il deuise, & dispute: leur mettant (si bon luy semble) en auant diuerfes choses, & nommément celles desquelles il doutera, à fin que son doute esclarcy par un discours & resolution docte, il soit faict plus prudent. Outreplus, il conuient que de iour en iour il apprenne ce qui est requis tant à bien & droictement reigler sa vie, que celle de ses suiets, & sache ce qu'il doit suyure & fuyr aussi. Aristote raconte par l'opinion de Theognes, que la conuersation frequente qu'on ha avec gens Doctes, & qui aymēt Sapience, est un exercice honorable à vertu, par lequel l'un prouoque & haste l'autre à apprendre science. Isocrates aussi admonnest elegamment le Roy Nicocles par ces parolles. Fay des Amys, non pas toutes personnes qui conuoiteront un tel bien, mais qui soyent dignes de ton naturel: non ceux avec lesquels tu meneras vie ioyeuse, ainçois ceux par l'aide desquels tu puisses tresbien gouverner ta Republique. Soys diligent à esprouuer ceux que tu reçois pour familiers en ta compagnie, ayant souuenance qu'il aduendra, que ceux qui nete hantent point, t'estimeront semblable aux personages avec lesquels tu conuerses. L'Auteur des Prouerbes appellant benignement les humains à Sapience s'escrie ainsi: Le sage escouterà, & aura plus de doctrine. Et ailleurs: Qui chemine avec les sages, sera sage, un Gay ayme la compagnie des autres. Pource donc, il faut que le Prince qui ayme Sapience, euite la société des hommes vicieux, à fin qu'il ne soit entaché de leur mal contagieux, & que ils ne sement noyses & ruines en sa Cour: mais que plus tost il s'adioigne tels personages, par lesquels son cœur soit disposé à obseruer & garder la foy pure: toute heresie reietee.

Plusieurs attribuent à Cyneas, que par son moyen Pyrrhe Roy des Epirotes ha flory en l'excellence de si grande dignité. Aussi Philippe Roy de Macedone (ainsi que raconte A. Gelle) à ainsi escrit à Aristote.

P H I L I P P E à Aristote, S.

Sçaches, qu'il m'est nay un fils, dont ie remercie les Dieux, non tant pource qu'il ha prins naissance, que pourautāt que cest heur luy est adueni d'estre nay es iours de ta vie. Car i'espere que enseigné & instruiēt par toy, il sera trouué digne de nous, & de la succession de nostre Royal domaine. Semblablement Cyrus voulut auoir chez soy Xenophon, à fin qu'en la negociation de ses affaires il print conseil de luy. Cresus Roy de Lydie cercha pareillement de gagner à son seruice par dons plantureux le Philosophe Anacharsis. Denys (combien que Tyran) s'est delecté grandement en la doctrine d'Aristippe: & Stilpa & Menedeme Philosophes furēt moult agreables au Roy Ptolomée. Mesme-ment le Roy Antigone aima si ardamment Bias, que durant une griēue maladie dont ce Philosophe se trouua quelques fois attainct, il le faisoit tous les
iours

iours visiter par deux de ses Gentils-hommes : & luy administrer toutes choses necessaires. Le Philosophe Licon a trouué grace deuant Attalus Roy d'Asie. Antiochus Roy de Syrie a fauorisé Demetrie Phaleree, Mithridates Roy de Pont porta telle amitié à Lampfacene disciple d'Epicure, que plusieurs eussent rugé iceluy estre son filz. Le mesme Mithridates aussi pria tant Platon, qu'il esleua à sa gloire vne statue avec vn tel tiltre : **MITHRIDATES FILS DE RHODOBATE, A DEDIE CESTE IMAGE A V X M V S E S D E P L A T O N.** Alexandre Roy de Macedonne vlsa de moult grande beneuolence enuers Onesicrite, & Anaxarque, personnage de singuliere erudition. Et Plutarque raconte du mesme Alexandre, que ayant veu à Corinthe Diogene, & apres auoir approuué, voire admiré l'entendement, prudence, & grandeur de courage d'iceluy, dist : Si ie n'estois Alexandre, ie voudroye estre Diogene. Par cela appert que le victorieux monarque chargé aucunement de sa felicité, grandeur, & puissance (si ie doy parler ainsi) comme empeschemens qui luy denioient d'apprehender Prudence & Vertu, toutesfois portoit vne secrere enuie à la robe, besace, & contentement de Diogene, esquelles perfections le bon Preud'hom' estoit indomptable : voire en autre qualité que Alexandre, lequel ses cheuaux, armes & lances rendoient victorieux & insuperable. Il falloit donc que ce Prince Philosophant feust faict Diogene par affection, & toutesfois que par la dignité de sa fortune il demoustrast Alexandre : &c.

Outre la splendeur de ces bonnes parties, encor' estoit Alexandre considerable, en ce qu'il ne se delectoit moins de la frequentation des Doctes personnages, que de la lecture des excellés Autheurs : de sorte qu'il luy eschappa quelquefois de parler tant auantageusement de l'Iliade d'Homere, qu'il dist : Que l'Iliade seruoit aux munitions de la guerre, comme la viande à la nourriture du corps. Car tant plus souuent il la lisoit, & plus aussi s'enflammoit son desir à exploicter perilleuses entreprises. Tant fortuné fut ce Monarque en ses desseings heroïques, qu'aucuns estoient deuenus coustumiers de dire : Que Alexandre conqueroit les Royaumes, mais qu'il les conseruoit par le conseil d'Anaxarque. Quoy? est ce pas chose recüe pour notoire, que si Alexandre n'eust obtemperé aux admonitions de ce personnage, sa gloire s'en alloit par vn honteux desespoir obscurcie? & eust maculé la renommee illustre de ses hauts faits, d'une infamie perdurable?

Concluons donc, que souuent par prudens enseignants & saiges Cōseillers maintes tresgrandes & amples dignitez sont acquises aux Princes, comme on peut lire és Chroniqueurs fides. Car iamais Achille n'eust tant excellé, s'il n'eust parfaitement appris l'art militaire d'Epaminondas Thebain. Pericles aussi n'espargna diligence aucune, ains employa tout soing à ce que Alcibiades son neveu feust naïfuemēt instruit, & profitast és arts Liberaux, & disciplines honorables. Et neantmoins ce ieune Prince (trop plus volage qu'il ne conuenoit à sa grandeur) tresbucha en vices lourds & enormes, desquels peu apres Socrates le retira, & ramena à bien. Le Patrice Senois dit estre expedient à tous Princes & à toutes personnes qui exercent l'office des Magistrats, de tenir en main iour & nuict la Rapsodie d'Homere, laquelle il estime auoir esté par

T luy

luy escrite, & destinee à celle fin qu'elle seruist d'exemplaire, ou peussent remier leur deuoir ceux qui ont autorité de gouuerner les Dominations. Car il ne traite pas seulement les exploits belliques, mais aussi les choses ciuiles, & exalte tellement les prouesses & actes prudens des excellens personnages : que ceux qui les lisent ou escoutent, s'animent à l'entreprise des faicts si cheualeux & louables : ainsi que Thesee & Pirithoe oyās chanter les louanges d'Hercule s'enflammerent à l'ensuyure. Et pourtant Plutarque estime estre tres profitable au Prince de conuerser avec tresbons & excellens Philosophes, & traiter avec eux souuentefois des choses qui appartiennent à vertu, & à son office. Car, dit-il, deuenir espris d'amour, & auoir part à l'amitié d'aucuns, puis receuoir aussi quelques vns en grace d'amitié, & icelle garder inuiolable, de sorte que par obseruation si fidelle, telle beneuolence puisse apporter & publiquement & particulièrement grand profit à plusieurs personnes : Cela, est acte d'hommes ciuils, doüez d'honnesteté & humanité, & non conuoiteux de gloire : comme aucuns çà & là en deuissent. Mais plus tost celuy semblera auoir soif de gloire, & craindre reproche, qui ha peur d'estre appelé affectionné seruiteur de ceux qui excellent en dignité & puissance. Autrement que veut dire celuy qui est facile à guerir, & desire la Philosophie ? A la mienne volonté, que ie fusse or' Simon le Conrayeur, ou Denys le Grammairien, de la famille de Pericles, ou de Caton : à fin que Philosophie deuist avecques moy, & s'asseist aupres de ma personne, comme Socrates ha faict à l'endroit d'iceux. A cecy conuient bien l'elegant propos d'Aristo, icelluy se sentant mesprisé par les Sophistes qui le blasmoient de ce qu'il disputoit avec tous ceux qui l'en requeroient, souloit dire : Les bestes brutes aussi entendent les parolles qui prouoquent à vertu, & nous fuyons ce bien d'auoir conuersation avec les puissans & notables personnages, comme s'ils estoient cruels & intractables. L'artifice de la Doctrine de Philosophie ne taille point Images qui ne seruent seulement qu'à feindre les signes, & posees sur leurs fondemens demeurent muettes, & sans mouuement : mais en chose quelconque ou elle met la main, elle s'estudie à la façonner agile, & à faire ses œuvres vives & laborieuses. Elle leur adioute en apres vehemence & impetuosité, par lesquelles elle soit excitée, elle adioute iugement, qui inuite à choses viles : adioute discretion, pour suyure ce qui est plus conuenable : adioute prudence & magnanimité ioincte avec douceur & cautelle, par lesquelles choses les hommes ciuils ont plus libre familiarité enuers les personnages excellens en dignité, & autorisez en puissance. Et à vray dire, le medecin bien expert appliquera tousiours plus volontiers remede à l'œil qui regarde pour plusieurs, & les garde aussi : qu'au reste des membres inferieurs. Ainsi, le Philosophe sera plus affectionné au soing de celuy qu'il void curieux, & embesogné pour plusieurs, & lequel il conuient estre sage à plusieurs, & rendre à maints droict & iustice.

Qui plus est, encor' si tel personnage est paruenü à si grande faueur que d'auoir acces à la maiesté d'un prince ou Magistrat, ou autre maniant les affaires, & remplisse icelluy d'honnesteté, par un, il profite à plusieurs : comme fit Anaxagore familier de Pericle, Platon à Dion, & Pythagore aux primars

primats d'Italie. Mais quoy? Cato aussi ayant laissé son exercite nauigea vers Athenodore, Scipion enuoyé en ambassade de par le Senat, appella à soy Panetie homme entendu, & respectant le bien & le mal comme dit Possidone &c.

Donc le personnage ciuil & digne de seruice Royal, qui prendra charge d'instituer & façonner ainsi vn Prince, sera profitable à toute Republique : administrant Iustice, establisant loix, punissant les coupables, & éleuant bonnes & discrettes personnes. Toutesfois il me semble que le maistre expert en l'artifice Naual, eust encor' de meilleur courage faict vne cheuille pour la fermeté de la Nef, s'il eust entendu deuoir estre estably gouverneur d'Argos, pour la maistrise de laquelle tous estoient en peine. Et le charpentier ne fera pas de si bon courage vne charrue ou chariot, que les Tables esquelles Solon deuoit engrauer ses loix. Certainement si les enseignemens & rasons des Philosophes sont empreintes és cœurs des Princes & Gouverneurs des Republiques, de sorte qu'elles y demeurent arrestees : elles prennent vigueur de loy. Car Platon nauigea en Sicille, n'esperant rien moins que les ordonnances de Philosophie engendreroient loix & operations és negoces de Denys. Mais il trouua Denys comme vn liure remply de fautes & taches, & ayant besoing de beaucoup de rasures, lequel aussi ne pouuoit delaisser la taincture de Tyrannie dont il auoit ià si longuement esté abreuué, qu'il ne pouuoit estre nettoyé. *Iusques icy parle Plutarque*, du discours duquel on peut facilement congnoistre quelle doit estre la familiarité & conuersation des Princes avec les hommes doctes, & des personnages sçauans avec les Princes : à fin que le Prince admonesté par iceux du deuoir de son office, puisse espandre les profits d'iceluy sur son peuple : tout ainsi que la viande receüe en l'estomach donne nourriture aux autres membres.

Aux trois raisons sus alleguees, il ne fera hors de raison d'adiouster vne quatriesme, par laquelle les Princes seront faicts encor' plus sages. Icelle est telle, Assauoir que lors que les mesmes Princes voyageront quelques fois en diuerses contrees, ils regardent & curieusement considerent les mœurs & situations des Regions estranges, quels fruiçts porte plantureusement vne chacune terre, en quels arbres, ou bestial elle abonde. Si elle est montaigneuse, ou estendue en plaine. Souz quel climat & souz quelle partie du Ciel elle est assise. Quelles Loix elle obserue, Quelle religion elle tient, Brief, quelles marchandises elle est coustumiere d'enuoyer ailleurs. Car de là il ressortira, que les Princes deuiendront plus sages & aduisez, & apprendront quelquefois beaucoup plus en ceste pratique, qu'és Liures. Cela mesme Homere raconte estre aduenü à Vlysse, Car il le nous vante auoir plus acquis de sagesse par ses longues erreurs, & diuers voyages, que par le penible trauail de la Guerre de Troye. Nestor Roy de Pilye se glorifioit d'auoir esté avec les Lapithes. Menelaus semblablement s'esioiissoit d'auoir veu entierement Cypre, Phenice, & Egypte : & d'auoir attentiuement regar-

dé Thebes l'Egyptienne enrichie de Cent Portes, chacune desquelles estoit gardee par deux cens Cheualliers. Et non content de cela, l'ay (dit-il) circuy toute l'Æthiopie, & plusieurs autres Prouinces. Virgille aussi voulant louer Ænee, raconte qu'il ha passé par diuers lieux, & eschappé maintes trauerses, deuant qu'arriuer en Italie. Mais si aucun (delaisant les Poëtes) vouloit descendre aux Historiographes, le vous prie, quelle multitude trouueroit-il, soit des Roys, Princes, ou autres sages personnages, qui pour apprendre diuerses choses, & se faire plus cauts & prudents, ont presque erré par tout le monde? Mais à fin que ce discours ne sorte hors les Limites de nostre entreprise en les dechiffrant par le menu, nous nous en tairons. Vne chose adiousterons nous, c'est que s'il n'est loisible au Prince pour cause legitime de s'elongner longuement de sa terre, qu'il soit curieux d'arrester en son seruice quelques personnages excellens en Geographie, ainsi comme autres gens auantagez és perfections des autres sciences. Par lesquels Geographes il soit instruit à congnoistre toutes ces choses, à fin que son esprit puisse comprendre ce que ne luy est loisible de voir à l'œil: combien que s'il en reçoit quelque plaisir ou profit, il ne soit pas pourtant parfait. Lequel neantmoins accroistra de plus en plus par les Tables de Anaximandre Milesien, & de Ptolomee Ægyptien diligemment veües & recherches. Le bruiet est, que toutes & quantes fois que Alexandre le grand s'appareilloit à guerroyer quelque Prouince, ou assieger quelque Cité pour la subiuguer, il commandoit tousiours qu'on luy monstraist les portraicts & delineations d'icelles peintes, à fin que par là il aduisast comme il pourroit plus seurement garder les siens, & assaillir plus auantageusement les ennemis. On dit que les Romains ont fait de mesme avec les conducteurs de leurs exercites, car lors qu'ils auoyent resolu d'enuoyer quelque Empereur ou Chef d'Armee en aucun endroict, ils luy mettoient peinte deuant les yeux la Prouince laquelle il deuoit enuahir, à fin que par la peinture, il recueillist les moyens par lesquels on pourroit plus aisément venir au dessus, & en faire conqueste. Au contraire, c'est chose notoire qu'aucuns Administrateurs des Offices publiques, pour leur bestise & ignorance au fait de leur charge, ont esté tuez de leurs propres gens: Il s'en trouue d'autres qui ont souffert le semblable par leurs aduersaires, comme la memoire ancienne tesmoigne auoir esté fait en la personne de Cyrus. Car estât au despourueu & inconsideremēt entré en certains destroits de Scythie, il fut occis par la royne Tomyris avec tout son exercite. Pource, il conuient que les Gouverneurs des peuples soyent sages, à fin que temerairement ils ne precipitent & eux, & leurs peuples en danger. Et ne profitera petitement à vn Prince d'estre experimenté en Phisionomie, à fin que par le regard du visage il iuge ceux qu'il deura eslire comme plus idoines aux negociations. Car cela appartient à l'Ornement de la Sageſſe d'un Prince.

G V I L L A V M E H A V D E N T a reduit en rime,
Les cent premiers Apophtegmes d'aucuns illustres princes & philosophes iuxte la traduction latine d'Erasme. [imp. à Paris 16°. par Nico. Boffet l'an 1551.

G V I L L A V M E I A V D I N licencié ez loix a écrit,
Traicté de Tesmoins & d'Enquestes avec annotations des passages de droit conc

concernans ladite matiere. [impr. à Paris par Vincent Sertenas 1556.

G V I L L A V M E D E S I N N O C E N S chirurgien à Thoulouse a traduit du latin de Laurens Ioubert:

Traicté de la peste. Plus vne question de la Paralyfie, & deux paradoxes de la reuulsion, du mesme autheur Ioubert. [impr. 8°. par Iean Lertout 1581.

G V I L L A V M E L A N D R E d'Orleans a traduit d'Espagnol, La Continuation & poursuite de Primaleon de Grece fils de Palmerin d'Oliue Empereur de Constantinople, où sont recitees les prouesses & cheualereux faicts d'armes & d'amours mis à fin par luy, ensemble les enchantemens qui en luy furent executez à l'occasion de l'Infante Gridoine Duchesse d'Ormede future heritiere du royaume de Poloigne. Avec les predictions des oracles, qu'il receut & les combats Duels, Cartels & tournoys entrepris & dressez par Don Edouard d'Angleterre enamouré de l'Infante Floride seur de Primaleon. [imp. à Par. 8°. par Iean Parent 1577. Frac. Vernassal en a traduit le premier liure.

G V I L L A V M E L A V R E N T Docteur en Theologie profez au conuent des freres prescheurs à Xaintes a escrit, Confession de la foy Catholique, contenant sommairement la refutation & reformation de celle que les ministres des protestans ont presentee au Roy, les Articles de laquelle y sont mis. [impr. à Par. 8°. par Hierome de Marnef 1562. Declaration de la diuersité de l'Eglise reformee & trāsformee, avecq la demonstration de la forme parfaite de l'Eglise catholique. [impr. à Paris 8°. par Guill. Chaudiere 1565.

G V I L L A V M E D E L E S R A T, seigneur de Lacrau, President en la souueraine court de Parlement de Bretagne a mis par escrit, Arrests notables donnez en la court de Parlement de Bretagne, & prononcez en robe rouge. [impr. à Paris 4°. par Nicol. Chesneau 1581.

G V I L L A V M E L I M A N D A S a escrit, La Paraphrase du second, troisieme & quart liure des Institutions Forenses, ou pratique iudiciaire de Iean Imbert qui commence ainsi que s'ensuit: Appellation, n'est autre chose, fors le recours & plainte, que le condempné ha au iuge superieur pour reparer les torts & griefs à luy faicts par la sentence de celuy duquel il est appellant, & a esté impr. à Lyon 8°. par Ieā de Tournes en l'an 1548.

G V I L L A V M E L I N D A N. Contrariez & contrediets de Luther. Item de Caluin. Voyez Ant. du Val. Remonstrance aux prelatz &c. Voyez Iean de Lauardin.

G V I L L A V M E D E L O R R I S, Cest autheur viuoit du temps de S. Loys, & mourut enuiron l'an 1263. il fut bon Poëte pour son temps: & amoureux d'une Dame composa en rime le liure intitulé le Romas de la Roze à l'imitation de l'Opuscule d'Ouide De l'art d'aimer, y ayant entremeslé de la Philosophie morale. Il laissa son liure du Romans de la Roze imparfaict, lequel fut continué par Iean Clopinel dit de Meung 40. ans apres. Ce maistre Guillaume de Lorris ne nomme point sa Dame: ne le lieu de sa natiuité: mais il est croyable qu'il la surnomme Rose ainsi que luy mesme tesmoigne disant:

C'est celle qui a tant de pris, Qu'il doit estre Rose clamee.

Et tant est digne d'estre amee:

T 3

On

On ne peut vrayement asseurer de quel estat il estoit, sinon qu'il est vray semblable, qu'il fut estudiant en Droit, pource qu'en vn endroict il a laissé ces vers,

*Ainsi nos dit Iustiniens
Qui fit nos liures anciens.*

Quand au suiet du Romans de la Rose Jean Antoine de Bayf le declare au Sonnet suiuant qu'il adresse au Roy Charles 9.

*Sire, sous le discours d'un songe imaginé,
Dedans ce vieil Roman, vous trouuerez deduite,
D'un amant desireux la penible poursuite,
Contre mille travaux en sa flamme obstiné.
Parauant que venir à son bien destiné
Faussement l'abuseur tasche le mettre en fuite.
A la fin bel Accueil en prenant la conduite,
Le loge apres auoir longuement cheminé.
L'amant dans le verger pour loyer des traueses
Qu'il passe constamment souffrant peines diuerses,
Cueil du rosier fleuri le bouton precieux.
Sire, c'est le suiet du Roman de la Rose
Où d'amour épineux la poursuite est enclose,
La Rose c'est d'amour le guerdon gracieux.*

G V I L L A V M E D E M A C H A N T.

Cestui-cy fut vn Trouuerre qui viuoit enuiron l'an M. CCC. & composa vn liure de ses amours en rime lequel i'ay escrit en main sur parchemin.

G V I L L A V M E D E M A N G I S moyne de Saint Denys en France a escrit en François:

Chroniques des roys de France despuis Pharamond iusques au roy Loys x. du nom fils de Philippes le Bel en l'an 1315. Veüs escrites en main. & d'iceluy n'a point fait de mention Claude Faucher.

G V I L L A V M E M E L L I E R Docteur ez droicts, & Aduocat ez courts de Lyon a escrit,

Declaration panegyrique de l'edict du roy Henry 2. sur les Mariages Clandestins faitz par les enfans de famille, sans le sceu & consentement de leurs parens. [impr. à Lyon 8°. par Thibaud Dormand 1558.

Discours des vestemens, habits & ornemens des gens & ministres de Iustice de la Gaule-françoise. Non impr. & veu escrit en main en la librairie de maistre Philibert Bugnion Aduocat à Lyon.

G V I L L A V M E L E M E N A N D de l'ordre des freres mineurs de l'obseruance a translaté du latin de Ludolphe de Saxonie Le grand Vita Christi, ou les meditations sur la vie de Iesus-Christ. [impr. à Paris f°. par Antoine Verard sans datte.

G V I L

G V I L L A V M E M I C H E L diſt de Tours a eſcrit en rime,
La foreſt de conſcience contenant la chaffe des Princes. Auec l'Ante nouuelle
de ſalut. [Impr. à Paris 8°. par Michel le Noir 1520.

Le Siecle Doré contenant le tēps de paix amour & concorde. [impr. à Paris 4°.
par Hemond le Feure 1521.

De la Juſtice & de ſes eſpecēs, liure tresprofitable pour tous ceux qui deſirent
cognoiſtre le moyen de viure heureuſement & paiſiblement entre les hom-
mes. Reueu, prelu & corrigé depuis par Guillaume Aubert aduocat. [impr. à
Paris 8°. par Jacques Keruer 1556.

Il a tranſlaté en rime,

Les Georgiques de Vergile expoſées moralement en proſe par ledit Guillau-
me Michel. [Impr. à Paris 8°. par Durand Gerlier 1519.

La Pandore de Ianus Oliuier Eueſque d'Agen tranſlatee des vers latins dudit
Oliuier en rime François. [impr. à Paris 8°. par Arnoult & Charles les Ange-
liers 1542.

Il a tranſlaté auſſi en proſe,

Eutropius & Paulus Diaconus des faiſts des Roys & Empereurs Romains &
des Conſuls de Rome, pareillement des Roys d'Italie. [impr. à Paris f°. par Mi-
chel le Noir 1521.

Les vnze liures de l'Asne Doré, autrement diſts de la couronne de Ceres, Au-
theur Lucius Apuleius, contenant maintes belles hiſtoires, fables & ſubtiles
inuentions; à la fin deſquels liures eſt adioutee l'expoſition ſpirituelle du con-
tenu en iceux. [impr. à Paris 4°. par Philippes le Noir 1522.

L'Epitome de Valere le Grand intitulé le Floraiſier, recueilly premierement par
Robert de Valle & tranſlaté par ledit Guillaume Michel. [impr. à Paris 4°. par
Pierre le Brodeux 1524.

La treſilluſtre & memorable vie, faiſts & geſtes des 12. Ceſars, eſcrite premiere-
ment en latin en 12. liures par Suetone Tranquille. [impri. à Paris f°. par Iean Petit
1530.

Les 44. liures de Juſtin vray hiſtorien ſur Troge Pompee. [impr. à Paris 8°. par
Michel le Noir.

G V I L L A V M E M O R E L a traduit de Grec,
Traicté de l'vſage des images approuué par le ſeptieſme Concile general de
Nice, du temps de l'Empereur Conſtantin & Irene ſa mere l'an de noſtre Sei-
gneur 757. Auec le Traicté de S. Iean Damascene des images. Plus l'origine des
Iconomaches ou ennemis des Images prins de Zonaras. [impr. à Paris 8°. par le
diſt Morel imprimeur du Roy 1562.

Les Epîtres de S. Ignace iadis Eueſque d'Antioche en nombre 12. [impri. en
Grec, Latin & François par luy meſme en vn volume 8°. l'an 1561.

Il a eſcrit auſſi des commentaires des diſtions latines expliquées en Grec & en
François, & dōt le tiltre eſt tel, *Verborum latinorum cum Græcis coniunctorum com-
mentar. Guliel. Moreleo Auctore.* [impr. à Paris 4°. par luy meſmes, & deſpuis à
Lyon par Claude Rauot 1579.

G V I L L A V M E M O R L A Y E Ioueur de lut a faiſt pluſieur
liures de Tabulature de guiterne où ſont Chanſons, Gaillardes, Pauanes, Bran-

T + ſles

les, Alemandes, Fantasies. [impr. à Paris par Michel Fezandat 1550.

GVILLAVME PAQVELIN Beaunois a escrit,
Apologeme pour le grand Homere contre la reprehension du diuin Platon
sur aucuns passages d'iceluy. [impr. à Lyon 4°. par Charles Pesnot 1577.

*Aucuns vers d'Homere alleguez parmy la prose
dudit Apologeme.*

*Il ne faut pas nier au Roy l'obeyssance,
Ne du Roy contemner la supreme puissance:
Il ne faut pas ton Roy puissant onque irriter,
Car le sceptre & l'estat il tient de Jupiter.*

*De Dieu descent l'honneur qu'en terre les Roys ont,
Et de Dieu bien heureux les Roys tref-aymez sont.*

*Nous ne pouuons pas bien tous commander ensemble
O Grecs, & de plusieurs n'est bonne ce me semble
La domination: parquoy soit entre nous
Un Roy tant seulement, lequel commande à tous.*

*Mais plus forte est tousiours de Dieu la volonté,
Par qui l'homme vaillant est de peur surmonté,
Qui facilement oste & donne la victoire,
Quassant en un moment des orgueilleux la gloire.*

*De son poix propre la puissance
Se verse à bas sans la prudence
Mais quand elle est ioincte, les Dieux
Tousiours la font accroistre en mieux.*

GVILLAVME PARADIN de Cuiseaux, Doyen de Beau-
Ieu a escrit,

Chronique de Sauoye diuisee en deux parties, la premiere traitant des Com-
tes de Sauoye & contenant 60. chap. La seconde des ducs depuis Amé premier
Duc iusques à Emanuël Philibert. [impr. à Lyon 4°. par Iean de Tournes
1552.

Histoire de nostre temps.

Annales de Bourgoigne: diuisees en trois liures par chapitres. Au premier est
traicté du nom, antiquité & venue des Bourguignons en Gaule, & de leurs roys
& royaume iusques à la suppression d'iceluy. Au second est faicte mention des
Ducs de Bourgoigne descendus de pere à filz, du roy Hue Capet, contenans
iusques au Duc Philippes premier de ce nom, & dernier Duc de la premiere li-
gne des Ducs de Bourgoigne. Au troisieme sont contenus les gestes des quatre
Ducs de Bourgoigne, descendus du roy Iean de France, de l'Auguste maison
de

de Valois: iusques à la mort du Duc Charles premier de ce nom & dernier Duc de Bourgoigne. [impr. à Lyon f°. par Jean de Tournes 1566.

Le Blason des Danſes, où ſe voyent les malheurs & ruynes venans des Danſes: dont iamais homme ne reuint plus ſage, ny femme plus pudique. [impr. à Beaulieu 8°. par Iuſtiniá & Philippes Garils 1566. Comme ie liſois ce liure il me ſouuint d'un vers leonin rimé en latin par moy autresfois veu en un vieil liure de proverbes eſcrit à la main que Paradin n'eut pas oublié s'il l'eut veu. Le vers eſt tel,

Ad choreas non eas ne per eas pereas.

Il ſeroit meilleur ſi l'auteur eut fait longue ceſte Syllabe & Aduerbe *Non*.

Traicté de Concorde publique. par Guillaume Paradin. [impr. de meſmes à Beaulieu 8°. par Iuſtinian & Philippes Garils 1566.

Memoires de l'hiſtoire de Lyon en trois liures. Avec les Inſcriptions antiques, Tumules & Epitaphes qui ſe retrouuent en diuers endroits de la ville de Lyon. [impr. à Lyon f°. par Antoine Gryphius 1573.

Ses traduſtions.

Traicté du vray amour de ſageſſe diuine Introduction à ſageſſe, traduict du Latin de Jean Loys Viues par ledit Paradin, & impr. à Lyon 8°. par Maurice Roy & Loys Peſnot 1550.

Methode ou briefue introduction pour paruenir à la cognoiſſance de la vraye & ſolide Medicine, contenant 47. chap. traduitedu latin de Leonard Fuchs par ledit Paradin, & impr. à Lyon 16°. par Jean de Tournes 1552.

Hiſtoire d'Ariſtee de la Tranſlation de la loy de Moyſe eſcrite premierement en Grec, puis en latin par Mathias Palmier, & miſe en François par ledit Paradin. [impr. à Lyon 4°. par Claude Senneton 1564.

Les deux premiers liures de l'hiſtoire de Procopio de Caſaree, de la guerre des Gots faiſte en Italie contre l'Empereur Iuſtinian le grand, où fut enuoyé pour lieutenant general le vaillant Bellifaire. Traduicts par ledit Paradin & impr. à Lyon 8°. par Benoist Rigaud 1578.

De antiquo Statu Burgundia liber per Gull. Paradinum. [Lugd. 4°. apud Steph. Doletum 1542.

Guliel. Paradini Belliocenſis eccleſia Decani Afflicta britannica religionis & rursus reſtituta Exegema. Lugd. 8°. apud Jo. Tornasium 1555.

Historiarum memorabilium ex Geneſi deſcriptio tetraſtichis verſibus per Gulielmum Paradinum. [Lugduni 8°. apud Io. Tornasium 1558.

Eiuſdem Epigrammata: quibus Acceſſit Francorum Regum ſeries. [Lugd. 4°. apud Antonium Gryphium 1581.

G V I L L A V M E Eueſque de Paris. Voyez Adrien Gemelli.

G V I L L A V M E P A R V I Eueſque de Senlys a eſcrit,

La formation de l'homme en ſon excellence, enſemble ce qu'il doit accomplir pour auoir Paradis. [impr. à Paris 8°. par Jean Petit & Arnault l'Angelier 1540.

Le Viat de Salut, auquel eſt compris l'expoſition du Symbole, des dix command

mandemens de la loy, du *Pater noster* & *Aue Maria*. [impr. à Paris 8°. par Jean Real en l'an 1540.

G VILLAVME DE LA PERRIERE Tholosan a es-
crit en rime:

Le Theatre des bons engins contenant cent Emblemes. [impr. à Lyon 8°. à la marque de l'Icarus sans datte, & despuis à Paris 16°. par Estienne Groulleau 1554.

Le Petit Courtisan, avec la maison parlante, & le moyen de paruenir de pau-
reté à richesse, & comment le riche deuient pauvre. [impr. à Lyon 16. par
Pierre de Tours en l'an 1551.

La Morosophie, contenant cent Emblemes m oraux illustrez de cent tetrasti-
ques Latins reduicts en autant de Quatrains François. [impr. à Lyon 8°. par
Macé Bonhomme 1553.

Les considerations des quatre mondes, assauoir Diuin, Angelique, Celeste &
Sensible: comprises en quatre Centuries de quatrains contenans la Cresme
de diuine & humaine Philosophie. [impr. à Lyon 8°. par Macé Bonhomme
1552.

Inuectiue Satyrique tissue & composee par maistre Guillaume de la Perriere
licentié ez droicts, citoyen de Tholose, contre les suspects monopoles de plu-
sieurs crimineux, satellites, & gens de vie reprouuee. *Prodeunt & ab ipso authore
in eandem inuectiuam gallico metro contextam annotationes non ex turbulento ethnico-
rum, gentiliūque riuo, sed ex purissimo sacrarum literarum fonte manantes.* [impr. à
Tholose 4°. par Iaques Colomies 1530.

Il a escrit en prose,

Le Miroir Politique Oeuure non moins vtile que necessaire à tous Monar-
ques, Roys, Princes, Seigneurs, Magistrats & autres surintendans & gouuer-
neurs des Republiques. [impr. à Lyon f°. par Macé Bonhomme en l'an
1555.

Les Annales de Foix. Ioincts à icelles les cas & faiçts dignes de perpetuelle ré-
cordation aduenus tant aux pais de Bearn, Comminge, Bigorre, Armignac,
Nauarre que lieux circonuoisins despuis le premier Comte de Foix Bernard
iusques à Tres-illustre Prince Henry d'Albret Comte de Foix & Roy de Na-
uarre. [impr. à Tholose 4°. par Nicolas Vieillard 1539.

Dialogue Moral de la Letre qui occit & de l'Esprit qui viuifie. Interlocuteurs
Engin humain, Franc vouloir, Bon conseil, Glose confuse, Sophiste cauilleux.
Grace diuine &c. *Rime.*

G VILLAVME PINET de l'ordre S. François du conuent de
Vic en Auuergne a traduit de latin:

Le contentement du monde, imprimé avec ses autres œuures, assauoir la con-
uersion de l'ame, où sont Ballades & Rondeaux, avec vn chant Royal & deux
narrations, vne oraison à la sainte Croix, vne Epistre où est comparee la Chre-
stienté à vn Iardin. Autres quatre Epistres. Vn Chant Royal de sainte Eglise.
Seize Rondeaux: à Lyon 16°. par François Iuste 1540.

G VILLAVME DE POETOV Bethunois a escrit:
Sagrande Lyesse en plus grand labeur, contenant Odes, & Sonnes. [impri. en
Anuers

Anuers 8°. par Iacques Syluius 1561.

Hymne de la marchandise, consacré tant à tous senateurs & magistrats comme à tous personnages exerçans le gentil train de marchandise. [impr. de mesmes.

G V I L L A V M E P O S T E L.

Si Guillaume Postel (auquel aucuns ont donné l'Epithete d'Abyssme de sçauoir) ayant la cognoissance des langues estrangeres & voyagé longuement en diuerses loingtaines regions se fust tenu en la vraye religion Chrestienne & en la foy de l'Eglise vniuerselle sans s'esgarer du droict chemin de la verité comme malicieusement il feit par vne nouuelle secte & doctrine qu'il tascha d'introduire, autant peruerse que ridicule & estrange, certainement il auroit esté l'un des plus rares & excellens hommes que la terre aye onques porté: Mais de prebstre estant deuenu Apostat heretique il honnit toute sa reputation & se rédit indigne de la chaire où il souloit faire les leçons publiques, lesquelles luy furent interdites. Et combien qu'il abiurast ses erreurs voyant bien s'il les eust soustenu le feu préparé pour luy, ne peut pourtant euitier d'estre confiné pour le reste de sa vie au Monastere de S. Martin des Champs, à Paris, où en consideration de son profond sçauoir (quoy que confus) luy fut assignee la portion d'un moine pour sa nourriture: Et a demeuré là dedans bien 18. ans, où il est mort en l'an 1582. aagé de plus de cent ans. Je l'y estois allé voir en compagnie de Charles & Barthelemy Macé libraires de Paris, pour luy monstrier quelques liures escripts en main en langaige Arabique, lesquels i'ay despuis donné à cest excellent & tresdocte Ioseph Scaliger. Et ayant discouru avecques luy sur la philosophie & sur quelques poincts de Theologie, ie cognu par ses propos, ou qu'il n'auoit pas le cerueau bien cōposé ains rempli de folie ou frenaisie ou biē qu'il estoit meschāt, & malin. Oultre ce que ie le cogneu possedé d'une extreme ambition & arrogance. Car apres plusieurs siens discours chimeriques où ie n'entendois rien, & luy mesmes croy ie ne les entendoit pas, entre lesquels cest impudent asseura que tout homme qui auroit la cognoissance & science qu'il auoit, ne mourroit iamais: (il entendoit à son dire de la mort corporelle.) il se mit par apres à dire mille maux du feu Reuerendiss. Charles Cardinal de Lorraine: Et par infinité d'ambages se vouloit dire aucunement prophete: Ce qui me feit encores mieux confirmer en l'opinion qu'un auteur incertain d'une Exhortation aux princes Chrestiens sur le faict de la paix, imprimee en l'an 1557. a de cest imposteur Postel, disant ainsi de luy. Tandis que vous estes amusez à faire vos guerres, suruiennent faux prophetes, lesquels aguetent sus vos coronnes, & entreprenent sus la puissance du grand Roy Iesus-Christ. Quoy? ne s'est il pas trouué homme de vostre temps qui a voulu attenter à la diuinité? qui a voulu enuieillir la Loy de Iesus-Christ, & en publier vne nouuelle? i'enten vn Postel, le plus maudit & malheureux homme qu'onques porta la terre: perturbateur de tranquillité Chrestienne, comme si desia elle n'estoit pas assez troublee. Et à fin que vous entendez ce que c'est, Princes Chrestiens, voyez vn peu par quelles inuentions il a nagueres voulu faire abus à tout le genre humain. Premièrement il s'est aduisé de se deuoir composer totalement à l'exemple de ce maudit Mahomet: ains encores a songé quelque chose plus mesch

meschante & de plus grande ruse. Car comme Mahomet à son arriuee eust pris pour couuerture de son impieté, la loy de Iesus Christ, laquelle il cognoissoit tresbonne & tressaincte, à fin que par le faux semblant d'innocence il mist les gens simples en erreur, & tout d'une main attiraist le populaire à soy : cestuy ci aussi pour vn mesme ouuraige a mis les mesmes fers au feu. Et premierement par ieunes & par presches qui sentoient sa fidelité, s'est mis à faire le S. homme : bien entendant cest imposteur malicieux qu'il y a deux manieres de se faire grand : l'une par force, & l'autre par preud'homme : desquelles ne se pouuant acquerir l'une, pour pauvre qu'il est : il s'est pensé que par fine hypocrisie il se pourroit attitrer l'autre. Et puis il attret les hommes lettrez à l'escouter, sous tiltre de doctrine & de Philosophie. Et de vray il est docte, & a employé bien diligemment, iacoit que malheureusement, sont temps aux estudes, comme mesmes declarent quelques liures par luy escrits en diuerses professions : scauant en Mathematiques, lesquelles il lisoit n'agueres publiquement aux gages du Roy. Je di ceci à fin que ceux qui sont bien entendans, cognoissent qu'il est nompas melancholique, mais malicieux : nompas insensé, mais meschât (combien que quelle espece de folie ne s'en va avec meschanceté) nompas demoniaque, mais deliberelement fol. Quoy plus sentant que les grandes dames de nostre temps estoient bien auant en faueur, il s'est aussi appliqué à gagner leur grace. Et à fin que plus facilement il s'y peust insinuer, il a publié vn liure intitulé, De l'admirable victoire des femmes : par lequel il leur faict accroire qu'elles domineront quelque iour par sus les hommes : & à ceste fin se dit estre venu en terre pour rachepter la partie feminine qui est en l'humanité, & que Iesus Christ a seulement racheté la partie masculine : chose que ie ne scauroy dire si plus ricule ou si plus detestable : entremellant tousiours parmi ses folies plusieurs passages faulxement tirez de la Philosophie ; & tout avec vne astuce pour se faire estimer fol en l'endroit des gens sages, & pour euitier la punition de iustice : mais en l'endroit des hommes inaduertans, qui sont en plus grand nombre, se faire estimer de sain entendement : & par ce moyen gagner la voix de la multitude. Il nous met en auant la fin du monde estre prochaine : laquelle tantost il nous aterne de deux ans, comme s'il tenoit en sa manche tous les plus grands secrets de l'Eternité. Mais en ces entrefaites ce gentil seducteur pensant parauenture auoir faict assez bon fondement de sa meschanceté, ou qui est plus vray semblable, s'ennuyant de trop longuement temporiser, il a assez apertement descouuert l'intention qu'il auoit de se faire grand, se presentant sus le dernier de son liure pour vn vengeur de tyrannie, & empoignant la defense de la liberté. Et à fin que mieux vous cognoissiez qu'il n'a rien voulu oublier en cas de malice & impieté, tandis qu'il a esté en France, par ne sçay quelles embages de resuerie, il s'est dit fils d'une pucelle Ieanne, laquelle disent les Chroniques auoir autresfois chassé les Anglois hors du pais de France. Mais cest homme de bien, sentant que ses menées se descouuroient, & que ses tromperies ne prenoient pas bon train pour luy, estant tombé en vn endroit de temps que le monde n'est point sot : il n'eut rien dernièrement meilleur ny plus prest que de se sauuer & s'en fuir de France ; & comme on dit est allé en Autriche : là où encores ne pouuant tenir pied (car quelle terre pourra finalement porter ce mōstre malen

malen

malencontreux?) il s'est retiré sus voz terres, Seigneurs Veniciés, & aujourdhuy se tient en vostre ville de Padoüe: là où de rechef il a escrit vn autre liure en l'italien encores plus mensonger que les autres. Car il se suppose maintenant fils d'une autre pucelle qu'il appelle Venicienne: & s'appelle fils aîné de la restitution, y amassant mille erreurs cōtre la gloire de Dieu & les droicts humains: desquelles quād il me souvient, non seulement ie m'estonne en moy-mesme, mais aussi encores en ay ie vne horreur par toute la personne. Commēt? ne dit il pas qu'il a desia gousté la mort par deux fois, & qu'il resuscitera pour la troisieme? Et mesme il a son precurseur qui s'est supposé le nom de Iean, facteur aposté pour conduire toutes ses meschancetez. Voila ce que l'auteur de l'exortation prealleguee en dit: le quel tesmoignage i'ay bien voulu mettre icy à fin que si on tombe en la lecture des liures de Postel on se prene garde du poison contenu en aucuns: desquels, assauoir de ceux qu'il a escrit en François le catalogue s'ensuit:

La Doctrine du siecle doré ou de l'Euangelique regne de Iesus-Christ Roy des Roys. [imp. à Paris 16°. par Iean Gueullard 1553.

Les tresmerueilleuses victoires des femmes du nouveau Monde, & comment elles doiuent à tout le monde par raison commander, & mesmes à ceux qui auroient la monarchie du monde vieil. A la fin est adiousté La doctrine du siecle doré ou de l'Euangelique Regne de Iesus Roy des Roys. [impr. à Paris 16°. par Iean Ruelle 1553.

L'Histoire memorable des expéditions depuis le deluge faictes par les Gaulois ou François depuis la Frâce iusques en Asie ou en Thrace & en l'Orientale partie de l'Europe: & des commoditez ou incōmoditez des diuers chemins pour y paruenir & y retourner. Pour monstrier avec quels moyens l'Empire des infideles peut & doit par eux estre desfaiēt. Plus l'Apologie de la Gaule contre les Maleuoles escriuains, qui d'icelle ont mal ou negligemment escrit. [impri. à Paris 16°. par Sebastien Nyuelle 1552.

Les Raisons de la Monarchie & quels moyens sont necessaires pour y paruenir, là où sont compris en bref les tresadmirables, & de nul iusques au iourd'huy considerez priuileges & droicts, tant diuins, celestes comme humains de la gent Gallique, & des princes par icelle esleuz & approuuez. [impri. à Paris 8°. 1551.

L'interpretation du candelabre de Moyse escrit en Hebrieu, Latin & François pour la mesme verité de la monarchie.

De la premiere verité humaine, où sont contenues les sources, causes, vertu & pouuoir de la Loy Gallique dictée Salique, deduit selon la vraye antiquité. [impri. à Lyon 16°. par Iean Saugrain 1559.

La Concordance des quatre Euangelistes au discours de la vie de nostre Seigneur Iesus-Christ. Avec l'ordre des Euangilles & Epistres qui se disent en l'Eglise au long de l'Annee ensemble le Calendrier ou ordre des temps depuis la creation du monde pour tout iamais restitué & corrigé, comme il appert en la raison d'iceluy Calēdier. Plus vne briefue description de la terre Sainte, avec sa Charte peinte & descripte par ledit Postel. [impri. à Paris par Guillaume Guillard & Amandry Vvarencore 16°. l'an 1562.

V

De la

De la Republique des Turqs. [imp. à Poitiers 4°. par Enguilbert de Marnef 1560. Histoire & consideration de l'origine, loy & coustume des Tartares, Persiens, Arabes, Turqs & tous autres Ismaelites, ou Mahometans. [impri. de mesmes.

La Tierce partie des Orientales histoires où est exposée la condition, puissance & reuenu de l'Empire Turquesque, avec toutes les prouinces & pays generalement despuis 950. ans en ça par tous Ismaelites conquis. [impri. comme dessus. Et despuis les susdicts trois liures ont esté reimprimez sous le tiltre suyuant,

Des histoires Orientales & principalemēt des Turchiques ou Scythiques & Tartaresques & autres qui en sont descendus. Oeuure diuisé en trois parties. Auteur Guillaume Postel Cosmopolite. [impr. à Paris 8°. & 16°. par Hierosime de Marnef 1575.

L'vnique moyen de l'accord des protestans appelez en France Huguenots, & des Catholiques ou Romains & Papistes proposé avec raison. [impri. à Lyon 1563.

Les premiers Elemens d'Euclide Chrestien, pour raison de la diuine & eternelle verité demonstrier, Escrits en vers par Guillaume Postel dit Rorisperge Doyen des lecteurs du Roy. [impr. à Paris 8°.

Description des Gaules, autrement la carte Gallicane. [impr. à Paris.

Voyez les œuures qu'il a escrit en latin en l'Epitome de la Bibliotheque de Geiner faict par Iosias Simler de Zurith.

G V I L L A V M E D E P V I L A V R E N S.

Iean Fornier de Montauban a mis de Latin en François vn liure auquel n'y auoit nom d'aucun auteur, qu'il coniecture auoir esté vn maistre Guillaume de Puilaurens auquel se refere souuent maistre Nicolas Bertrand en ses gettes des Tholosains quand il touche du faict de l'histoire qu'escrit ledit Puilaurens, de laquelle l'Argument est qu'environ l'an 1200. en Guienne, qui estoit au Roy d'Angleterre, & en Languedoc, qui estoit au Comte de Tolose avec Quercy, la plus part & quasi tous les habitans s'estoyent tirez de l'obeissance du pape & de l'Eglise Romaine, laquelle ils estimoyent estre la Sinagogue de Sathan, & appelloyent les Euesques d'icelle Diables, & auoyent fait eglise à part, & officiers & Diacres en icelle. Cest auteur les nomme Routiers lesquels rompoient & demolissoyent les temples, & prenoyent les dismes apertenant à l'Eglise Romaine: & ne recite qu'une de leurs opinions heretiques, laquelle ie passeray sous silence pour ne redire vn si grand blaspheme. Paul Æmile au sixiesme liure de son histoire dit, qu'ils condamnoyent les noces, & pensoyent n'estre mal fait d'vser de toute pallardise indifferemment, ce que confirme l'auteur de l'estat de l'Eglise, & Gaguin au sixiesme liure de sa Chronique, l'estime estre ainsi. Contre lesquels le pape Innocent troisieme, & plusieurs papes apres luy, firent prescher la Croisade, promettant indulgence & remission de pechez à tous ceux qui leur feroient la guerre. Pour laquelle mener, il eut & ses successeurs la faueur des Roys de France, sçauoir est de Philippes Auguste, Loys huitiesme, & son fils saint Loys, lesquels avec leurs forces commises aux Comtes, Simon de Monfort, & apres luy à son fils Emeri & autres
accomp

accompagnez des legats du pape, & des pelerins de la Croisade, destruisirent infinis Chasteaux, ruinerent les villes, abatirent les forteresses, tuerent vn bon nombre de Routiers, & finalement, apauurirent le Comte de Tolose Raimôd le ieune: qui auoit pris les arres de feu son pere, apres qu'il fut decedé de mort soudaine durant ceste guerre, en laquelle il estoit le faueur & defenseur des heretiques. Ainsi au bout de xxviii. ou xxx. ans ils furent tous exterminiez iustement, s'ils tenoyent les opinions susdites: Car il n'est secte, religion ny eglise contre la sincere verité & pure parolle de Dieu qui pour si grande autorité & force qu'elle aye ne soit avec le tēps ruinee, ou par les armes, ou par l'esprit de la bouche de Dieu. Donques le Comte Remond fils d'autre Raimond, avec le reste des gens suruiuans, se rendit à l'obeissance du Roy & de l'eglise Romaine, & aux pactes de la paix & de sa reconciliation, il donna sa fille vnique nommee Iane en mariage à Alphonse Comte de Poitiers & frere du Roy S. Loys, avec telle condition que s'ils mouroyent sans enfans de leur mariage, la Comté de Tolose & tout son autre país apartiendrait à la Couronne de France, ce qu'auint: & despuis Languedoc & ce qu'estoit au Comte de Tolose, est vny avec le Royaume de France.

GVILLAVME DV PVIS Citoyen de Grenoble & Medicin du conuent de S. Chieffs a escrit,

Phlebotomie artificielle vtile aux mediciens, & necessaire à tous chirurgiens & barbiers: en laquelle il parle de la chirurgie ainsi: La Chirurgie (cōme dit Corn. Celsus) a esté trouuee & exercee long temps deuant la Medicine. Mais la chirurgie de laquelle vsoyent les anciens Grecs deuant le temps d'Hippocrates, estoit toute autre que celle que baille Galen. Et aussi toute autre que celle que l'on baille aujourd'huy. Car la chirurgie de laquelle vsoyent les Grecs anciens estoit formellement empirique. Et la chirurgie de quoy vsent à present les chirurgiens tant Grecs que latins est vrayement Methodique science, & partie de la medicine rationale: Et croy que Aristote qui approprie la medicine entre les mechaniques entend de ceste partie de Medicine nommee chirurgie dont vsoyent les anciens: pourtant aussi que du temps d'Aristote la medicine rationale que Hippocrates, auoit instauree estoit encores fort incogneue & quasi toute Empirique. Appert l'erreur du Guidon qui afferme les Mediciens auoir exercé la chirurgie aussi bien que la medicine iusques au temps d'Auicenne. Pour ceste cause a esté conuenable bailler aux chirurgiens certains documens separez de la medicine pour les instruire en operations manuelles: Nonobstant qu'il soit bien expedient, pour plusieurs causes instruire le chirurgien en certains preceptes qui sont plus de la consideration du medecin que du chirurgien: Notamment quand viennent à propos d'operation manuelle laquelle concerne les chirurgiens. Toutesfois que la consideration du medecin & du chirurgien pour parler selon l'vsaige commun sont bien differentes autant en matiere de seigneess qu'en autres matieres. Car tout ainsi qu'une saignée bien faicte tant que touche le chirurgien si elle est mal à propos commandee du medecin souuent est cause par la coulpe du medecin ou de la mort du patient, ou de quelque maladie ou mauuais accident. Aussi au contraire vne saignée bien commandee du medecin & mal faicte pour le regard de la manuelle operation

pour l'ignorance du chirurgien, souuent ne sort point son effect &c. Ce liure a esté impr. à Lyon 8°. par Germain Rose & James Mosnier sans datte.

De medicamentorum quomodocunque purgantium facultatibus libri 2. prior eam facultatem qua à substantiarum similitudine succos trahere & purgare medicis multis dicitur ab omnium purgantium consortio explodit. posterior eorundem purgantium omnium medicamentorum veram rationem certa methodo atque ordine nosse demonstrat. Autore Gulielmo Puteano medico Grationopolitano. Excus. Lugd. 4°. apud Mathiam Bonhomme 1552.

Io. Mesue medici Aloen aperire ora venarum, aliaque similia dicenda aduersum Io. Manardum & Leonardum Fuchsum aliosque neotericos multos medicos defensio Guliel. Puteano Blangiaco medico cinueque Grationopolitano autore.

G V I L L A V M E R E G N O D dit Rheginus Medicin Lyonnois a traduit:

Instruction diuine de Hierocles autheur Grec Philosophe Stoique Contre les Atheistes contenant 25. chap. [impr. à Lyon 8°. par Macé Bonhomme en l'an 1560.

Il a escrit aussi:

La Physique Metheorique diuisee en trois liures par chapitres, non imprimee; & veuë écrite en main en la Bibliotheque de Maistre Philibert Bugnyon.

G V I L L A V M E R O N D E L E T.

L'histoire entiere des Poissons tant de mer, lacs, estangs, fleuues, que riuieres, composee premierement en latin par maistre Guillaume Rondelet Docteur Regent en Medecine en l'vniuersité de Montpellier. Maintenant traduite en François par homme expert & à ce bien entendu, lequel n'a rien obmis de ce qui estoit necessaire à l'intelligence d'icelle. Avec leurs pourtraicts au nayf. l'ay sçeu que Laurens Ioubert en a esté le traducteur. [impr. à Lyon f°. par Macé Bonhomme 1558.

Traicté de la Verole par maistre Guillaume Rondelet, Lecteur ordinaire en Medicine à Montpellier, traduit en François par Estienne Maniald. [impr. à Bordeaux 8°. par Simon Millanges 1576.

G V I L L A V M E L E R O V I L L E d'Alençon licencié ez loix a escrit en trois liures vn Recueil de l'antique preexcellence de Gaule & des Gaulois, de leur origine, noms & cause d'iceux, ensemble des païs & regions qu'ils ont habité conquis & peuplé. Sur la fin duquel l'autheur conclud que par tous moyens que l'on pourroit alleguer, les roys & le royaume de Gaule sont & tousiours ont esté de toute ancienneté sans nulle comparaisn plus nobles & plus excellens que nuls autres. Et que non sans grande raison & consideration Balde excellent Docteur Italien, en la lecture du chap. 1. au §. premier, au tiltre *De prohibita feudi alienatione per Federicum*, au lieu, des feudes, dit que le roy de Gaule est par dessus tous les autres roys resplendissant comme est la belle estoille Maturinale au milieu de la nuee. Il a esté impr. à Paris 8°. par Chrestien

Chrestien VVechele 1551.

G V I L L A V M E D E S A L I C E T dit de Placentia a escrit vne Chirurgie en François contenant cinq traictez, le premier de plusieurs maladies, Le 2. des playes. Le 3. des fractures & dislocations. Le 4. de l'anatomie & le 5. des cauterres & Antidotaires des Medicines: [impri. à Paris. 4°. par François Regnaud 1506.

G V I L L A V M E D E S A L V S T E Seigneur du Bartas.

Si ce qui a esté dict par le Poëte est vray, Que l'escriture de longue vie doit auoir vn bon Ange, (s'il nous est loisible de représenter ainsi le mot Latin *Ganimus*) nous pouuons dire à bon droit que la Semaine du Sieur du Bartas, homme aussi race & singulier que nostre France porta onques, a esté non seulement produicte en lumiere par quelque Ange des meilleurs de ceste troupe à qui la conduicte des Muses a esté assignee, mais aussi a esté soigneusement accompagnée par quelque grand & illustre Archange: non pas pour durer seulement quelque semaine de iours, autant que le vent de la faueur populaire pourroit souffler, mais pour accomplir beaucoup de semaines d'annees, au contentement des plus doctes: c'est à dire pour viure autant en splendeur & dignité, comme ce grand Vniuers viura: le Berceau & origine duquel il décrit d'une viue & emerueillable eloquence. Car si onques escrit fut receu avec applaudissement, leu avec contentement, releu avec profit & vtilité: il est tout apparent que son liure de la semaine tient des premiers rengs entre tant d'escrits que le champ des Muses a produict en ce temps à bonne & heureuse saison. Parmy lesquels ceruicy a si bonne part, qu'ayant esté agréé en vn si grand Theatre par les yeux plus clair voyans, aduoué par tant de saiges & limez iugemens; remis si souuent sur la presse, on ne peut nier qu'il n'ait quelque chose de tres excellent & admirable, tresdigne en somme de la louange des plus louables iugemens. On dit qu'à bon vin il ne faut point d'enseigne: partant ne faut entreprendre de louer ce qui est de soy-mesme assez loué de tout le monde, ny declarer ce qui est connu à chacun. Et à cete occasion ie n'extrairay aucune chose de ses œuvres pour la mettre icy comme ie fay d'autres poëtes: car non moy seulement, mais tout autre seroit bien empesché de faire choix du meilleur, veu que tout ce qu'il a escrit est si bié qu'impossible est d'estre mieux. Et faut qu'on confesse que sur tous les Poëtes François (l'en excepteray hardiment Pierre de Ronsard) il emporte la palme. Mais apres Ronsard qui ne luy cede en rien, il est le premier. Le le dy avec la commune voix des plus doctes, qui tomberont tousiours d'accord que sans vn Ronsard, qui premier a monstre le chemin au parauant nullement frayé en nostre France de Poëtiser à la mode des anciens Grecs & Latins, nous n'aurions pas vn Bartas. Bartas cōfessera luy mesmes qu'il n'auroit pas mis à fin sa Semaine de la façon qu'elle est. Dailleurs en quelque genre de Poëme que ce soit Ronsard a tresdoctement escrit & ne luy sçauroit on iamais oster la louage qui luy est deuë. Il est vray que le subiet de du Bartas est haut & ses epithetes fort beaux, de maniere qu'il semble estre inimitable. Combien que ie ne cōfèray pas qu'aux siecles aduenir Dieu ne produise quelque autre rare esprit qui pourra dire mieux que luy: car la langue Françoisse n'est pas encores montee au comble de sa perfection, de tant que nous voyons

mesmes par experience l'accroissement qu'elle prend de iour en iour. Toutefois à fin de ne frustrer l'un ne l'autre de la gloire qu'ils se sont acquis, nous dirons que Ronfard estoit sans compaignon: & que maintenant il en a vn en Bartas, qui a escrit,

La Iudit, diuisee en six liures. L'Vranie ou Muse celeste. Le Triomphe de la foy, departi en quatre chants. Poëme dresseé pour l'accueil de la royne de Nauarre, faisant son entree à Nerac. Tout cela a esté premierement imprimé sous le tiltre de La Muse Chrestienne, à Bordeaux 4°. par Simon Millanges.

La Sepmaine ou creation du monde diuisee en sept iours qui sont autant de liures. [impr. premierement à Paris 4°. par Iean Feburier, & despuis 8°. & 16°. plus de vingt fois.

La Seconde sepmaine, ou l'Enfance du monde. [impr. à Paris. 4°. par Pierre l'Huillier 1584.

G V I L L A V M E L E S A V N Y E R a escrit en rime, Sommaire & briefue interpretation de chacun chapitre des Epistres de S. Paul, Intitulé les Decades de l'Esperant. [impr. à Paris 16°. par Iean Foucher 1551.

G V I L L A V M E S O V V I R O S, Docteur en la faculté de medecine à Montpellier a escrit,

Traicté de la Dysenterie, & cure d'icelle, diuisé en deux parties: l'une contenant la maladie, causes, & Symptomes d'icelle: l'autre la Curation. [impr. à Tholose 16°. par Arnaud Colomies 1574.

G V I L L A V M E D E L A T A I S S O N N I E R E Gentilhomme de Dombes a escrit plusieurs Opuscules tant en vers qu'en prose.

Amoureuses occupations de Guillaume de la Taïssonniere contenans Strambots, Sonnets, Chants & Odes Lyriques. [impr. à Lyon 8°. par Guillaume Rouille 1556.

Fragmens Poëtiques, Assauoir, 17. Sonnets. La Cygale. Elegie sur la misere de la vie. Chant responsif à celui de Phidias. Fantasie sur vn pourtraict. Gayeté. [impr. à Lyon 8°. par Antoine du Rosne 1561.

Sourdine royale. Poëme sonnant le Bouteſelle, l'Acheual, & à l'Estandart à la Noblesse catholique de France pour le secours de nostre roy Tres-Chrestien Charles 9. [Impr. à Paris 8°. par Federic Morel 1569.

Idyllie de la modeste & vertueuse amitié d'un gentilhomme non courtois envers sa maistresse. [impr. de mesmes.

Passions amoureuses chantees à la beauté & bonne grace de Anne de Bellegarde Damoiselle Sauoyſienne. [impr. à Lyon 16°. par Pierre Rouſſin 1574.

L'atiffet des damoiselles, premiere & plus importante piece de leur embellissement. C'est l'institution de la belle creance ou nourriture d'une fille de grand maison. Avec l'Epithalame sur le mariage de hault Seigneur Loys de Corgeon dict de la Baulme, Comte de S. Amour, Seigneur de Perex avec illustre Dame Catherine de Bruges princesse de Steehincs Comtesse de VVinceltre. [impr. à Paris par Federic Morel 1575.

Les Amours de Mellin & Vrotine, Bergerie imitée du premier liure de la Diane de MonteMaïor. en prose, enrichie de vers & rithmes bigearres & de plusieurs inuentions gentiles. Non impr.

Le Bastiment, Poëme de 1000. Vers. Non impr.

Ses œuvres en prose:

Compost Arithmetical lequel mōstre à trouver promptement par la plume, le Nombre d'or, l'Epacte, l'Indiction, Lettre Dominicale, Nouvelle & plaine Lune, Fêtes mobiles, Degréz du Soleil & autres singulieres diuisions du temps.

[impr. à Lyon 16°. par Benoist Rigaud 1567.

Briefue Arithmetique fort facile à comprendre par laquelle il promet instituer vne personne en quinze iours. [impr. à Lyon 16°. par Benoist Rigaud 1570.

Les Principaux fondemens d'Arithmetique. [impr. par Benoist Rigaud 1571.

La Geomance par laquelle on peut preuoir, deuiner & predire de toutes choses douteuses & incertaines. Science repurgee des superfluités qui l'offusquoient, separee de l'Astrologie & reduite en sa pure simplicité & vraye purité ancienne. Par Tables briefues & familiaires. [impr. à Lyon 4°. par Benoist Rigaud 1575.

Nouvelle & facile Methode d'Arithmetique conforme à l'Edict de sa Magesté, par lequel on pourra faire tous comptes à escus & parties d'iceluy. [impr. à Lyon 16°. par François Didier 1579.

Ephemerides perpetuelles, ou tables resoluës par lesquelles tout mediocre arithmeticien pourra trouuer promptement les Angles des douze maisons du ciel & y colloquer le vray mouuement des sept Planettes & estoilles fixes, Avec les Directions d'icellës pour en tirer iugement. Escrites en main & non encor imprimees.

Secrets ou petits miracles de nature, experimentez & separez des impostures & mengeries des anciens. Non encores imprimez.

Il a traduit,

Dés remedes contre toutes perturbations de l'Ame & passions du corps, Opuscule de Seneque. Avec vn Dialogue du pou & de l'homme, traduit de l'Italien de Lodouico Pulci. Plus l'Institution du seruiteur domestique. Le tout impr. à Lyon 16°. par Jean Saugrain 1559.

Histoire aduenue au Royaume de Naples en laquelle est racompté le meurtre commis ez personnes du Seigneur Anselme de Dotti Flameng & de sa femme & ses enfans, & de son beaufrere, les vns par les autres. Et de la piteuse fin qui s'en est ensuyuie. [impr. à Paris 8°. par Jean Pinart 1578.

En la Sourdine Royale il commence ainsi:

Phœbus aux cheveux blonds qui iadis me feis dire

Maints couplets amoureux sur les nerfs de ma lyre,

Voire qui m'as encor n'aguiere entalenté

De chanter vn suiet par autre non chanté.

En l'honneur de Marie, a laquelle ma vie

S'est despuis quelque temps librement asservie,

Et toy petit archer, toy Dieu des ocieux,

V 4

Duquel

*Duquel le grand effort force mesme les cieux,
 Signez moy mon congé, signez le moy de grace:
 Car pour un peu de temps des vostres ie me casse
 Pour sonner malgré moy, puis que Mars m'y contraint,
 D'un petit instrument qui dans un grand restraint
 Secretement le son, à fin qu'on ne me puisse
 Taxer d'auoir manqué à mon Roy le seruice.
 Ronfard mieux halené pourra tandis sonner
 D'un ton haut eclattant, pour tacher d'estonner
 Les ennemis du Roy: mais moy n'en étant digne,
 Je me contenteray de sonner la Sourdine.*

G V I L L A V M E T A R D I F du Puy en Vellay liseur du Roy Charles huitiesme du nom a escrit,
 La fauconnerie diuisee en 2. parties, dont la premiere enseigne à cognoistre les oyseaux de proye desquels on vse, les gouuerner, & les medecines pour les entretenir en santé: & la seconde enseigne les maladies desdits oyseaux & les remedes d'icelles. [impr. à Poictiers 4°. par Enguilbert de Marnef 1567.
Guilermi Tardif Aniciensis Grammatica.

G V I L L A V M E T A S S E R I E a escrit en rime par personnages,
 Le Triumphe des Normans traictant de l'immaculee conception nostre Dame. [impr. à Rouan 8°. sans datte.

G V I L L A V M E T E L I N de Cusset en Auuergne a escrit:
 Sommaire de sept vertus, sept arts liberaux, sept arts de Poësie, sept arts Mechaniques des Philosophies, des quinze arts magiques, La louange de Musique, Plusieurs bonnes raisons à confondre les iuifs qui nyent l'aduenement de nostre Seigneur Iesus-Christ & autres choses. [impr. à Paris 4°. par Galiot du Pré 1533.

G V I L L A V M E L E T E L L I E R a escrit en rime vn liuret intitulé
 Earinus ou Printemps, auquel sont adioustez plusieurs châts. [Impr. à Lyon 8°. par Pierre de Tours 1548.

G V I L L A V M E T E R R I E N lieutenant General du bailly de dieppe a de nouveau mis en lumiere
 Commentaires du droict ciuil tant public que priué obserué au pays & duché de Normandie, dressez & composez de Chartre au Roy Loys Hutin dicte la Chartre aux Normands, Chartre au Roy Philippes faicte à l'Isle Bonne & autres ordonnances Royales publiques es eschiquier & Cour de Parlement dudit pays, Modification de ladite cour, Arrest desdits Eschiquier & Cour de Parlement donnez par forme d'ordonnance, coustume dudit Duché tant redigee par escrit que non escrit, vfaige style de proceder ez cours & iurisdiction de Normandie & style de ladite court, Le tout en textes & en gloses & par ledit Terrien

Terrien ordonnez à la façon de l'ancien Edict Pretorial perpetuel des Romains, enrichis & illustrez de Scholies tirees tant du droit ciuil d'iceux Romains que de maints anciens historiographes François & auteurs politiques Grecs & Latins. [impr. à Paris f°. par Jacques du Puys 1574.

G V I L L A V M E T H E L I N, Escuyer, Seigneur de Gutmont & de Morillomuilliers a escrit,

Opuscles Diuins & spirituels pleins de consolation Chrestienne, auxquels est amplement traité de la vraye perfection: recueillis des saintes escritures. [impr. à Paris. 8°. par Mathurin Preuost 1565.

G V I L L A V M E D E T I G N O N V I L L E Cheualier a translaté de latin en vieil langage François,
Les Dicts moraux des Philosophes. veu escrit en main sur parchemin à Bourg en Bresse.

G V I L L A V M E Euesque de Tournay Cheualier de l'ordre de la toyson d'or du bon Duc Philippe de Bourgoigne a escrit vn liure intitulé
La Toyson d'or, auquel soubz les vertus de magnanimité & iustice appartenans à l'estat de Noblesse sont cōtenus les hauts, vertueux & magnanimes faicts des anciens Grecs & Romains, des roys & princes de l'ancien & nouveau Testament & des tref-Chrestiennes maisons de France, Bourgoigne & Flandres. [impr. f°. en deux volumes à Paris par Poncet le preux 1530.

G V I L L A V M E Arceuesque de Tyr. Voyez Gabriel du Preau.

G V I L L A V M E D E L A V I L L E N V E V E a faict les cris qui de son temps se crioyent par les rues de Paris, en bien plus petit nombre qu'auiourd'huy, & diuers: entre autres il dit, veez ci cresson orlenois, &c. que lon appelle communément Alenois. Il monstre qu'il y auoit plus d'ordres de mendians, car il dit:

*Du pain aus sacs, pain aux Barrez,
Aus pauvres prisons en ferrez,
A cels du val des escoliers,
Les filles dieu seuent bien dire
Du pain por Dieu nostre sire.
Il se plaint de sa pauureté, disant:
Vn nouuiau dit ici nos treuve
Guillaume de la Villeneuve,
Puis que pauuretez le iustice.*

c'est à dire, me-

straye.

G V I L L A V M E V I N C E N T de Clamecy a escrit en rime:
Le Conuoy de Pallas Deesse de science au tref-Chrestien roy de France Henry second pour faire son entree en sa noble ville de Tours. [impr. à Tours par Jean Roussel, Avec la description des triumphes de l'entree de sa magesté en icelle ville, & figures de ladite entree, qui fut faicte le 5. May 1552.

G V I L L A V M E Y V O I R E chirurgien pratiquant à Lyon a traduit de latin:

La

La chirurgie pratique de maistre Alenfranc, de Mylan. [impr. à Lyon 4°. par Jean de la Fontaine 1490.

G V I L H E M A D H E M A R gentilhomme Prouençal, grandement aymé de l'Empereur Frideric, pour son sauoir & vertu (on estime qu'il fut fils de Gerard, auquel Frideric Empereur auoit infeodé la place de Grignan) fut poëte Prouençal. Il fit *Low Cathalog de las Donnas illustras* en rime Prouençalle, qu'il dedia à l'Imperatrice femme dudit Frideric. Trespassa à Gra zignan, en l'an 1190. On a escrit de luy, qu'il fut inuenteur d'un ieu à l'oreille, pour auoir commodité aux amoureux de descouurir leur amour, sans soupçon des assistens.

G V I L H E M D' A G O V L T sieur d'Agoult, fut en son tēps bon Poëte en rime Prouençale, excellent en sauoir & honnesteté, exemplaire de vray Censeur, en toute sa vie benin & modeste, renommé, bien-heureux, ayant la fortune conjoincte avec sa vertu, homme de riche taille, de gracieux visage, & d'apparance venerable, demonstrent tousiours quelque dignité non commune, fut amoureux de l'ausserande de Lunel fille de Galserand ou l'ausserand Prince de Frette, & de Gaulcier qui estoit vne des plus excellentes dames en prestance & beauté de corps, & des illustres en vertus, qui ayt vescu de son temps. A la louange de laquelle il fit maintes chansons, qu'il adressa à Ildephos premier du nom Roy d'Arragon, prince de Prouence, & Comte de Barcelonne, duquel il estoit premier & principal Gentilhomme de sa maison. Ce poëte auoit l'amour tellement recommandé, qu'en ses chansons se plaignant que de son tēps l'on n'aimoit point ainsi qu'on deuoit il dit q̄ nul ne doit estre prisé s'il n'a l'amour en singuliere recommandation. Car le vray amour fait viure l'homme en ioye, & luy oste toute tristesse de cœur. Il feit sur ce propos vn Traicté intitulé, *La maniera d'amar dal temps passat*. Florissoit du temps de Frideric Empereur, & trespassa lors que ledict Ildephons recouura la Prouëce par le trespas de son frere Sancius enuiron l'an 1181.

G V I L H E M D E B A R G E M O N estoit gentilhomme de Prouence, sieur de Bargemon, fut bon poëte, escriuant en rime Prouençalle, grand vanteur, & menteur, non moins que Peyre Vidal, se gaussant des dames de la Cour du Comte Berenguier bien souuent en sa presence, & de tous les gentils hommes de sa Cour: il estoit bien veu, aymé, & prisé du Comte, & de la Comtesse, parce qu'il deuisoit plaisamment de toutes choses, & fort bien à propos. Se trouuant vn iour en la compagnie des gentilhommes de la Cour du Comte Berenguier luy present, le premier d'entre eux assauoir le Comte de Vintimille, disoit qu'il n'y auoit cheualier en toute la Cour plus auant en la bonne grace des dames que luy, de tant que toutes le desiroient. Le cheualier d'Esparron se vantoit qu'il estoit le premier cheualier qui meritoit porter armes. Le cheualier Tibaud de Vins disoit, qu'il n'y auoit cheualier qui l'ozast attendre à vn tournoy, ne mieux adextre à piquer vn cheual que luy. Le cheualier de Porceller, qu'il estoit si bon musicien & poëte tout ensemble, que son chant & sa poësie estoient assez suffisans à faire condescendre toutes les dames à sa volonté. Le cheualier de Lauris, qu'il estoit si bon ioueur de tous instrumens musicaux, qu'il meritoit tenir le premier rang en toute bonne compagnie.

pagnie. Le cheualier d'Entrecasteaulx, que seulement de son beau regard & dextérité de corps, il s'asseuroit d'estre le mieux veu, le mieux aymé & prisé sur tous les gentilshommes, & si n'en vouloit pas excepter vn seul. Le cheualier du Puget, qu'il estoit le meilleur Baladin de toute la Cour, & m'en rapporte (dit-il) à toutes les dames. Le cheualier frere de la dame Alaette de Meolhon sieur de Curbá, qu'il ne craignoit cheualier à mieux tirer de l'arc que luy, ne à báder à force de bras vne des plus grosses arbalestes qu'õ luy sauroit presenter. Le cheualier de Baguarris, qu'il estoit le meilleur coureur, & luitteur, & sauteur tout ensemble, & dextre à ietter la barre de fer, & la grosse pierre, (sans ce qu'il scauoit fort bien poëtiser, & romanser,) que gentilhomme de sa qualité. Et ce poëte Guilhen de Bargemon dit, Cheualiers (sauf vostre paix) il n'y a gentilhomme à la Cour que ie n'aye faict cocu. Et moy aussi luy dict le Comte de Prouence en riant. Monseigneur (luy dict Guilhen) ie ne vous metz du nombre ne vous en excepte: le Comte mettant tout ce propos a rizee dict, *Se Dieu me saulue la vida, vous sias un valent Baron, mais yeu vous recommandi a las domnas.* Les propos de ses vanteries paruindrent incontinent aux oreilles de la Comtesse Beatrix, & de toutes les dames de la cour, lesquelles irritées, dirent que celles du poëte Peyre Vidal estoient plus plaisantes que cestes-ci, & conclurent entre elles n'en faire aucun semblant, pour ne donner occasion aux Galliadours & mesdisans de parler & medire de leur honneur. toutesfois il fut dechassé de la cour du Comte Berenguier, pour auoir si outrageusement mal parlé des dames, & autre punition ne receut, ayant esgard qu'il estoit ieune. Il trespassa en l'an 1285.

G V I L H E N B O Y E R, natif de la noble & renommee cité de Nice, anciennement appelée *Cap de Prohensa* estoit scauant aux sciences de Mathematique: fut amoureux d'une dame de Nice de la Maison de Berre, à la louange de laquelle il feit plusieurs chansons en langue Prouençalle, laquelle adiousta vne grande foy au iugement que fit ce poëte tant sur sa physionomie, que sur la Chiromance, esquelles sciences il estoit fort experimenté. En sa ieu nesse fut mis au seruice de Charles 2. du nom, & apres la mort dudit Charles continua son seruice avec Robert son fils roy de Naples, Comtes de Prouence, lesquels apres auoir experimenté le scauoir de ce poëte, le prouurent de l'office de Podestat à Nice, d'ou les habitás se tenoiēt bien heureux de ce que Boyer s'y tenoit, & qu'il s'acquiroit si biē en sa charge: & bien que ceste prouision fust contre la teneur des priuileges & libertez de la cité, ce neantmoins ilz l'ac ceptoiēt toutes les annees pour Podestat. Il a faict plusieurs rimes en langue Prouençale qu'il dedia audit Roy Robert, & à Charles son fils, qui fut Duc de Calabre, & en adressa vne à Marie de France femme dudit Charles Duc de Calabre qui dict ainsi,

*Drech, e raz on es, qu'yeu kanti d'amour,
Vez ent qu'yu ay ia consumat mon age
A ly complayre, e seruir nuech, e iour,
Sensa auer d'el profiech ny auantage,
Encar' el si fai cregner*

(Don

*(Doulent) e non si fegner
 My pougner la courada
 De sa flecha daurada
 Embe son Arc (qu' a grand pena el pot tendre)
 Perso qu' eles un enfant iouue, e tendre.*

On ne trouue pas vn poëte Prouençal qui aye plus doctement & facilement chanté les louanges d'amour, que ce Boyer. Il a faict vn beau & singulier traité de la cognoissance des metaux, & de la source des Fontaines de Valcluse, & de ses debordemens admirables, de celle de Sorps, de Moustiers, des treize rais du Val, des fontaines de Castellane, de Tourtour, & autres salées & sulphurees, & de la bonté des Baings d'aix, & de Digne, & autres que par leur vertu secrette qui en boit, les corps malades reprenent santé, & d'autres que le bois qu'on y met s'appierrist & deuient aussi blanc qu'Albastre. Il a escrit des simples qui croissent aux hautes montaignes de Prouëce & autres choses singulieres que le país produit, comme de la graine de vermillon dequoy on fait l'escarlate, de la Manne, de l'Agatic & du Byion.

GVILHEM DE CABESTAN yssu de la noble & ancienne rasse de Seruieres de Prouëce, fut bõ poëte Prouençal, fut amoureux d'une dame de Marseille nommee Berenguiere des Baux laquelle cuidant entretenir perdurablement ceste Amour & redoubler l'amitié, par le conseil d'une vieille sorciere luy donna à manger d'une herbe nommee de verayre, & si tost qu'il en eut gousté commença a refrongner le visage, comme s'il eust voulu rire, mais c'estoit le venin de l'herbe mortifere qui luy causoit ia la mort, vn sauant medecin son compagnon le secourut promptement d'un souuerain Myridat, & estant hors de danger, se retira à la dame de Rossillon nommee Tricline Carbonnelle, femme de Remond de Seilhans seigneur dudit lieu, de laquelle il deuint amoureux, & luy enuoya vne de ses chansons, l'adressant par la couple finale à Remond son mary, homme rude & malplaisant, ne s'addonnat qu'à rapines, car s'estoit la façon des poëtes Prouençaux d'adresser quelquesfois leurs poësies aux maris, ainsi qu'il se lit en l'une de ses chansons, commençant

*Sen Remond la grand belleſſa
 E lous bens qu'en ma Donna es* Esc.

Pour raison de laquelle chanson elle fut surprise de son amour, qui luy penetra son cœur si auant, que Remond en chargea ialousie, & estant assuré des approches d'eux deux, trouuant vn iour Guilhem seul aux champs, le print par le collet, & luy ficha son espee iusques au manche, luy trancha la teste, luy osta le cœur du ventre, l'emporta à sa maison, fist apprester le cœur en viande bien delicatement, & en fist manger à Tricline, & luy dit, la viande que vous auez mangée est elle bonne? ouy dit-elle, la meilleure que ie mangeay iamais, aussi c'est des entrailles de ton paillard (luy dit Remond tout furieux en luy montrant la teste de Guilhem qu'il tenoit pendue par les cheveux) Tricline aussi tost que l'eust recognue tomba pâmée, & estant peu apres retournée à soy, dict à Remond en plorant, la viande a esté si bonne que ie n'en mangeray

ray

rayiamais plus d'autre, & en ce disant tenant vn couteau sous sa robbe, s'en perça sa rendre poitrine, & mourut. Le Monge de Montmaïour dit ainsi de luy : Guilhem, d'homme vaillant & gaillard, estant amoureux deuint estonné & couard, de s'estre laissé meurtrir à vn vilain porc & ialoux. Petrarque a fait mention de ce Poëte au quatriesme chapitre du triomphe d'Amour.

GVILHEM DE SAINT DESDIER riche gentilhomme du païs de Vellay, bon cheualier & courtois, fut amoureux de la Marquise de Polignac, sœur de Nassal de Claustral, à la louange de laquelle il fit plusieurs belles chansons, la nommant par nom secret Mon-bertrád. Mesme nom auoit il mis à vn sien cōpagnon familier nommé Hugues Mareschal, auquel Bertrád il adressoit ses chāsōns, pour ne bailler matiere de soupçon au Marquis son mary. Elle aussi se contentoit que par nom secret Guilhem la nommast Bertrand. Hugues Mareschal donc sachant tous les secrets de Guilhem & de la Marquise, essaya le faire chasser de la suite du Marquis cuidant par ce moyen tenir la place de Guilhem enuers la Marquise, mais elle voyant la temerité de Hugues Mareschal luy bailla charge d'aller receuoir son reuenu en quelqu'une de ses places, où il fut tué par les payfans du lieu, on ne scait pourquoy, cependāt Guilhem se retira en Prouence au seruice d'Ildefons Roy d'Aragon Comte de Prouence, enuiron l'an 1185. auquel temps il trespassa. Il fit l'interpretation d'un songe que fit la Marquise luy predisant tout ce qu'auendroit à tous deux par l'enuie & trahison de son compagnon. Et luy donna en secret vne reigle infallible suyuant l'opinion des plus sauans Philosophes, sur la vraye interpretation des songes, c'est qu'ils seront veritables, si nous viuons sobrement, & qu'en telle sorte nous prenons nostre repos : car quand nous dormons l'estomac chargé de vin, & de viandes, nous ne songeons que choses troubles, confuses, & obscures. Le Monge de Mont-maiour dict que ce Guilhem chantoit volentiers, mais qu'il fut desherité, d'Amours : a mis *Las fablas d'Ezop* en rime Prouençale : fit aussi vn beau traicté *De l'escrima*, qu'il adressa au Comte de Prouence.

GVILHEM FIGVIER A, yssu de nobles parens d'Auignon fut surnommé, le Poëte Satyrique par ce qu'il escriuoit tousiours contre les tyrannies des Princes, ainsi que faisoient Luquet Gatellus, Pierre de Chasteau-neuf, Perceual d'Orie & autres poëtes Prouençaux qui florissoient du temps que le siege Papal fut transferé en Auignon. Entre les Syruentes qu'il fit y en a vn beau contre l'Amour, & vn autre contre les Princes tyrans intitulé *Lo flagelmortal des tyrans*. Petrarque l'a imité en ses Sonnets.

Le Sieur de la **GVILLOTIERE** du bas païs de Poictou a mis de latin en François les deux liures de la Noblesse ciuile du Seigneur Hierome des Osres de Portugal. [imprimez à Paris 8°. par Iacques Keruer 1549.

GVY DE BRES a escrit, *La Racine Source est fondemens des Anabaptistes ou Rebaptisez de nostre temps. Avec refutation des argumens principaux, par lesquels ils ont accoustumé de troubler l'Eglise de nostre Seigneur Iesus-Christ, & seduire les simples. Le tout réduit en trois liures, par Guy de Bres.* [impr. 8°. par Abel Clem. 1565.

X

GVY

G V Y B R E S L A Y conseiller du Roy en son grand conseil a escrit vn dialogue intitulé:

Du bien de la paix & calamité de la guerre, auquel il introduit deux personnages assauoit Messire François de Tournon lors Archeuesque d'Ambrun, despuis Cardinal, & Messire Jean de Selua en son viuant premier president au parlement de Paris tenans propos ensemble comme s'ils estoient au voyage que iadis ils feirent en Espagne estans Ambassadeurs deputez pour traicter la paix entre le Roy tres-Chrestien François premier de ce nom, & le Roy Catholique audict temps esleu Empereur. [Impr. à Paris 16°. par Guillot du Pré 1538.

G V Y D E B R V E S a escrit, Trois Dialogues contre les nouveaux Academiciens, Que tout ne consiste point en opinion. Où sont introduicts entreparleurs Bayf, Ronfard, Nicot, Aubert. [impr. à Paris 4°. par Sebastien Nyuelle 1557. Il a traduit aussi les Ethiques d'Aristote.

Au premier Dialogue.

Et tout ainsi que les sens apprehendent tant seulemēt les choses telles qu'elles sont, à raison de la faculté naturelle qu'ils ont, de pouuoir cognoistre leurs propres sensibles, ainsi nostre ame par la mesme puissance ou faculté qu'elle a, sçait & congnoist ce qu'on luy enseigne, sans qu'elle ait aucun sçauoir, ny aucune cognoissance. Il est bien vray, que tout ainsi qu'il nous faut faire quelque ouuerture, si nous voulons donner clairté à vn lieu, quand il est obscur & tenebreux: ainsi il nous conuient disposer ceste faculté de l'ame, par le moyen de l'estude, des choses exterieures & de l'experience, à celle fin qu'elle puisse sçauoir & cognoistre les choses, que d'elle mesme elle ne cognoist point. R. Platon te respondroit, qu'il faut veritablement par longue exercitation tourner l'esprit à soy, & que les sens sont les instrumens, par le moyen desquels il y reuiuent, mais qu'il n'y a aucune apparence, de dire, qu'elle n'ait en soy ces notices, lesquelles pour raison du corps sont comme atterrees & gisantes en bas: Et que tout ainsi que celuy qui nettoye le bled, ne faict point vne nouvelle espee de fruiēt, ains descouure tant seulement celuy qui estoit caché dans la paille: ainsi les sens, l'vsaige & l'experience descouurent tant seulement les notices de l'ame, & ostent les empeschemens que le corps luy donne. Et c'est pourquoy souuentefois il aduient, que nous pensons sçauoir beaucoup de choses, que nous ne sçauons pas, parce (comme dit Procle) que nous auons les raisons ennees en nostre ame. B. Pourquoi donc ne sçauons nous sinon ce qu'on nous a montré, & nous auons appris par nostre diligence? certes ie suis contraint de reuenir tousiours à ma premiere demande, tant l'opinion de Platon me semble peu vray semblable. R. Platon te respondroit, que sans occasion tu luy ferois telle demande, & qu'il ne s'en ensuiuroit pas (quand bien nostre sçauoir ne seroit qu'une ressouenance) que partant nous deussions tout sçauoir non plus qu'il ne s'ensuit pas, si i'ay sceu autresfois plusieurs choses, qu'il me doie incontinent souuenir de toutes. B. Platon pourroit bien respondre ainsi, mais Aristote luy repliqueroit, qu'il me pourroit bien à la fin souuenir, de ce que j'aurois sceu autrefois, combien qu'il ne m'en souuint pas si promptement: mais

mais qu'on ne te pourroit pas faire souuenir, de ce que tu n'aurois iamais sceu. On auroit beau te demander, de quelle matiere le ciel est composé, quel ordre il y a entre les estoiles, comme tu pourrois trouuer vn espace carré, qui fust égal au circulaire, auant qu'il t'en peust souuenir. Je t'assure certainement, que l'ame n'a point de soy aucune science, ains elle a tant seulement vne faculté naturelle de pouuoir sçauoir. Et comme l'eau prend toutes les formes des choses qu'on y iecte dedás sans qu'auparauát elle en eust aucune, ainsi nostre ame comprend les choses qu'on luy monstre, sans qu'elle sache rien de soy. R. Platon diroit, que ce n'est pas tout vn, parce que l'eau, ne receura iamais la forme d'aucun corps, qu'on ne l'ait premierement iecté dedans icelle, mais nous ne mettons rien dans l'ame, laquelle n'a besoin sinon tant seulement d'estre excitée, par les choses exterieures, à celle fin qu'elle puisse reuenir à soy. Et combien que tous les animaux irraisonnables (estans destituez de ceste vertu de se pouoir par eux mesmes regir & cognoistre quelques choses soyent menez par autrui, l'ame raisonnable, mobile de sa nature, ne prend point ainsi dailleurs sa cognoissance, & ayant les notices en elle, n'a besoing sinon d'estre excitée pour se pouoir recognoistre. Ce que nous experimentons comme dict Socrate, quand par vn bon ordre nous interrogonz quelcun de quelque science, de laquelle il n'aura iamais ouy parler: car de soy mesmes, il respondra à propos, & comprendra tout ce qu'on luy dira: si on nous monstre aussi quelque chose, nous en comprendrons incontinent vne autre, combien que nous ne l'ayons iamais sceue. B. Platon ne respondroit donc sinon à la derniere similitude, & encore il le feroit assez froidement: ioint qu'il semble peu constant en cecy: car il fait dire quelque fois à Socrate, que nostre sçauoir n'est sinon vn ramenteuoir: & en autre lieu il dit, que nos esprits ont vne puissance & faculté de pouoir apprendre, tout ainsi que l'œil, a la mesme faculté de pouoir voir les couleurs. Et comme celuy qui monstre la couleur à l'œil, ne luy donne pas la veue, mais il l'amene seulement du lieu obscur au lieu clair: ainsi celuy qui monstre quelque chose à l'esprit, ne luy donne pas l'intelligence ou la cognoissance de ce qu'il monstre, mais tant seulement il l'applique & le tourne, à ce que de soy mesmes il peut cognoistre: à raison dequoy l'institution des pedagoges, n'est sinon vne conuersion de l'esprit, quand nous l'exerçons es choses qu'il peut sçauoir & cognoistre. &c.

G V Y D E C A V L I A C autrement dict Guidon

La grande Chirurgie de maistre Guy de Cauliac, medecin tresfameux de l'vniuersité de Mompelien composée l'an de grace M. C C C L X I I I. restituée à sa dignité par Laurens Ioubert. [impr. à Lyon 8°. par Estienne Michel 1579. Voyez Iean Canappe. Iean Falco. Iean Raoul. Nicol. Paris. Laurens Ioubert.

G V Y D V F A V R Seigneur de Pybrac, Premierement Aduocat du Roy au parlement de Paris Conseiller de sa Magesté en son conseil d'estat, & par apres Presidēt en la mesme court de Parlemēt a mis par escrit non moins doctement qu'eloquemment,

Recueil des poincts principaux de la Remonstrance par luy faite en la cour de Parlemēt de Paris, à l'ouuerture des Plaidoyeries apres la feste de Pasques 1569. [impr. à Paris 8°. audit an. Et despuis à Lyon 16°.

X 2. Recueil

Recueil de meſmes de la ſeconde Remonſtrance par luy faiſte en ladite court de Parlement, à l'ouuerture des plaidoiries apres la feſte S. Martin 1569. [impr. comme deſſus.

Reſponſe par le ſieur de Pybrac à la harengue publique de bien venue au roy Henry de Valois Roy eſleu des Polonois prononcee par Stanilaus Cracouien Eueſque d'Vlad. ſlaue. Icelles Harengue & Reſponſe miſes de latin en françois, & impr. à Paris 8°. par M. de Vaſcofan 1574.

Cinquante Quatrains, contenans preceptes & enſeignemens vtils pour la vie de l'homme compoſez à l'imitation de Phocilides, Epicharmus & autres poëtes Grecs. Auec deux Sonnets fort bien trouſſez, l'un au nom de Lucrece Romaine, & l'autre de Porcie femme de Brutus. [impri. à Lyon 8°. par Iean de Tourneſ imprimeur du Roy 1564.

Leſplaiſirs de la vie ruſtique, extraicts d'un plus long Poeme. [impri. de meſmes.

Continuation des Quatrains (en nombre 50. contenans preceptes & enſeignemens treſvtils pour la vie de l'homme compoſez à l'imitation des anciens Poëtes Grecs. Auec vn Sonnet dudiſt ſieur de Pybrac à la fin auquel Cornelia dame Romaine mere des Gracches parle ainſi au dernier vers,

Qui enſeigne ſes ſils doublement les engendre.

Et a eſté imprimee ladite continuation de Quatrains à Paris 4°. par Federic Morel 1575.

En la premiere Remonſtrance:

On doit prendre garde ſur tout de ne iamais ſouſtenir & defendre ſcientement vne mauuiſe cauſe. Je dy, ſcientemēt, par meſme caution & exception, que les anciens Iuriſconſultes, en la formule du ſerment vouloient eſtre adioutee ceſte condition, *Si ſciens fallo, quod in ſcientia multa verſetur in vita humana*: & parce qu'il n'eſt rien ſi familier & ordinaire à l'homme, qu'eſtre deceu, que faillir, que ſe tromper & abuſer ſoy-meſmes, comme Ciceron teſmoigne au commencement de ſes Offices, & nous le voyons tous les iours aduenir. L'eloquence eſt vn don de Dieu, duquel ce ſeroit grandement abuſer, de l'employer à vouloir perſuader & obtenir ce que nous cognoiſſons eſtre iniuſte & deraifonable. Et d'autant qu'il s'eſt trouué par fois des hommes, leſquels ont failli en ceſt endroiſt, & ſe ſont ſeruis de leur bien dire, pour la deliurance du coupable, ou pour l'oppreſſion de l'innocent, & pour troubler tellemēt l'eſprit des Iuges, & eſblouir leur entendement, qu'ils n'euffent moyen de cognoiſtre ce qui eſtoit de droit & de raiſon: cela a eſté cauſe que pluſieurs ont eſté induits de blaſmer l'eloquence, & la bannir des citez & republics bien inſtituees & ordonnees. Mais c'eſtoit ſa mon aduis) celle eloquence, dont faiſoyēt iadis profeſſion les anciens Sophiſtes, meſmement celui, qui ſur le frontispice de ſon eſcole auoit fait eſcrire en groſſes lettres, qu'il enſeignoit l'art & le moyē, comme on pourroit d'une mauuiſe & deploree cauſe en faire deuenir vne bonne, c'eſt à dire, jeter de la poudre aux yeux des Iuges, & leur faire decognoiſtre le point de verité & de juſtice. Telle ſcience qui fait paroître, & repreſente les choſes autres qu'elles ne ſont, & (comme dit Platon in *Phædro.*) fait reſſem-

bler

bler τα μικρά μεγάλα, καὶ τὰ μεγάλα μικρά, & ne sert que pour charmer & enforcer l'esprit des hommes, merite bien d'estre mise hors des villes, non à la maniere & façon que Socrates, es liures de la Republique de Platon, chasse le Poëte Homere hors de la cité (si nous en croyons le fragment de Ciceron dans *Nonius Marcellinus*) *redimitum coronis, & delibutum unguentis emittit ex ea urbe quam sibi ipse fingit*, ne aussi en la sorte que Themistius autheur Grec tesmoigne, que son pere chassoit Epigure hors de la bande des Philosophes, *unguento supra caput effuso, propter sapientia nomen & dignitatem*. Je veux dire qu'il la faut bannir & chasser sans honneur, sans luy vser d'aucune courtoisie, avec toute sorte d'injure, & *cum ignominia*.

Aux Quatrains.

*Songe long temps avant que de promettre:
Mais si tu as quelque chose promis,
Quoy que ce soit, & fust ce aux ennemis,
De l'accomplir en deuoir te faut mettre.*

V I I.

*C'en'est pas peu naissant d'un tyge illustre
Estre esclairé par ses antecesseurs:
Mais c'est bien plus luyre à ses successeurs,
Que des ayeux seulement prendre lustre.*

GVI LE FEVRE DE LA BODERIE Secretaire de Monseigneur frere vnique du Roy, & son interprete aux langues estrangeres a monstre son profond sçauoir par les œuvres Françoises qui de luy ont esté mises en lumiere tant en vers qu'en prose. & en premier lieu pour faire paroistre qu'il est consommé aux plus hautes disciplines & de combien son esprit est de profonde recherche il a traité vn argument de subiet grand & difficile au discours du liure par luy fait en vers intitulé,
L'Encyclie des Secrets de l'Eternité. Plus Odes & Sonnets sur les Anagrammatismes des noms de plusieurs. Cantique des neuf Muses. Discours à Monsieur frere du Roy. Stances en forme de Priere à Dieu pour destourner les miseres de ce temps. Epithaphes. Sonnets. Songe. Tombeau. Chant funebre. Le Serment ou Vœu conceu par Gregoire Naziazene traduit du Grec d'iceluy. Les Beatitudes en diuerses manieres de viure, prinſes du grec du mesme Theologien. Vers exprimez du grec de Gregoire. Naziazene contre les femmes fardees & trop pompeusemēt atifees. Elegies 2. traduites du grec du mesme Theologien. Oracle d'Apollon, prononcé en vers grecs heroïques recitez par Porphyre au 10. liure de son œuvre intitulé *ὑπολογίων φιλοσοφίας*. traduit en vers françois. Autres Oracles du Demon. Chants Royaux en nombre 4. [Le tout impr. en vn volume 4°. en Anuers par Christophle Plantin 1570.

Puis voulant de plus en plus faire paroistre sa grande doctrine il a fait vn autre Poeme de longue haleine intitulé, La Galliade, ou de la reuolution des Arts &

sciences, ayant emprunté l'Etymologie & deduction de ce nom Galliade du verbe Hebrieu Galal, qui signifie reployer, & retourner, & a divisé & distingué l'œuvre en cinq Cercles, au reply desquels il a encerclé l'origine, progres & perfection qu'ont acquis les bons lettrés au cours des siècles presque par tout le rond de la terre, & nommément en nostre Gaule. Le premier Cercle contient sommairement le département de la Terre habitable, tant du Continent que des Isles, aux enfans de Noach & leurs descendans, y comprenant au vray ces 72. premiers descendans de ce bon Pere Noach ou Ianus, qui depuis le Deluge vniuersel menerent colonies en diuerses provinces de la terre habitable pour repeupler de nouveaux habitateurs le monde desert & vague, & attribuant à chacune region terrestre le propre & peculier signe celeste qui luy commande, & par l'etymologie & vertu du nom de chacun des fondateurs il donne quelque attainte au destin & entresuite peuples & nations qu'ils ont fondez & restaurez aux 72. premieres Colonies sous les 12. signes du Zodiak, & leurs 72. Ap partemens. Puis sur la fin d'iceluy premier cercle il fait mention d'aucuns hommes de marque qui du regne du grand Roy François premier commencerent de restaurer les bonnes lettres en la Gaule: & d'aucuns autres aussi qui quelque siècle au precedent auoyent fait le mesme en Italie. Au second Cercle il traite de l'Architecture. Au 3. du sçauoir admirable des Druydes en la cognoissance de toutes disciplines, iusques au sommet & supreme degré de la Magie naturelle & faculté de predire les choses à venir. En quoy comme en passant il remarque quelques poincts de la Magie reproüee & condamnée, & des prodigieux effects des Demons & des Sorciers. Au 4. il discourt de la Musique & harmonie tant du monde Archetype, celeste & elementaire, que de celle de l'homme, & des merueilleux effects qu'elle produit. Finalement au 5. & dernier cercle il traite de la Poësie, laquelle bien qu'il l'aye mise entre les Arts & scièces, semble toutesfois estre plustost vne sainte fureur & eleuation d'esprit que non pas vne doctrine acquise par industrie & puissance humaine, laquelle il s'efforce d'amener par le reply des aages, & la deduit des Hebrieux Egyptiës, Grecs, Latins, & Italiens, au seiour de noz Gaules, ou premierement les vieux Bardes Poëtes des melodies, luy auoyent, & à la musique sa seur gemelle, donné plaisante & delectable habitation: A fin de monstrier que tant la poesie, comme les autres disciplines, sont reuenues apres les cours de plusieurs siècles en nostre Gaule prendre leur entier & parfait accomplissement au mesme lieu de leur naissance par le labeur & diligence de maints excellents esprits. Laditte Gallia-de a esté imprimée à Paris 4°. par Guillaume Chaudiere 1578.

Oeuures & meflanges poëtiques &c. [impr. à Paris.

Hymnes Ecclesiastiques & Cantiques partie traduits partie de son inuention. [impr. à Paris 16°. pour la seconde edition par Robert le Maignier 1582. Il y en a quatorze ou quinze. (si ne me trompe) d'Aurel. Prudence Clement poëte Chrestien & antien doctement traduits par ledit le Feure.

Ses Traductions en prose sont,

Confusion de la secte de Muhamed. Liure premierement composé en Espagnol par Iean André, iadis More & Alquafi, natif de la cité de Sciatiuia, & depuis fait Chrestien & prestre: tourné d'Italien en François, & impr. à Paris

8°. par

8°. par Martin le Jeune 1574.

Traicté du nouveau Comete, & du lieu où ils se font, & comme il se verra par les Parallaxes combien ils sont loing de la terre. Et du Prognostiq d'iceluy composé premierement en Espagnol par Hieronime Mugnoz professeur ordinaire de la langue Hebraique & des mathematiques en l'vniuersité de Valence la grand. [impr. à Paris 8°. par Martin le Jeune 1574.

L'harmonie du Monde diuisee en trois cantiques, Oeuure singulier & plain d'admirable erudition, composé premierement en latin par François Georges Venitien de la famille des freres mineurs, & traduit & illustré par ledit Guy le Febure. [impr. à Paris f°. par Jean Macé 1578.

Discours de l'honneste Amour sur le banquet de Platon escrit premierement par Marsile Ficin, Philosophe, Medicin & orateur tres-excellent, & traduit en François par ledit sieur de la Boderie. [impr. à Paris 8°. par Jean Méc 1578.

De la Religion Chrestienne par Marsille Ficin Philosophe medicin & orateur tres-excellent oeuvre tresdocte. Avec la harangue de la dignité de l'homme par Jean Picus Comte de Concorde & de la Mirandole, le tout traduit en François par Guy le Febure de la Boderie, & impr. à Paris 8°. par Gilles Beys 1578.

Les trois liures de la vie, Le i. pour conseruer la santé des studieux, Le ii. pour prolonger la vie, Le iii. pour acquerir la vie du Ciel. Avec vne Apologie pour la medecine & Astrologie le tout traduit du latin de Marsile Ficin en François par Guy le Febure. [impr. à Paris 8°. par Abel Langelier 1581.

Les trois liures de la Nature des Dieux. Autheur Ciceron pere de l'eloquence, & philosophie Romaine, traduits en François par le mesme Guy le Febure, & imprimez à Paris 4°. par Abel l'Angelier 1581.

Seueri Alexandrini quondam Patriarcha De ritibus baptisimi, & sacra Synaxis apud Syros Christianos receptis Liber. Nunc primum in lucem editus. Guidone Fabricio Boderiano exscriptore & interprete. [Antuerpia 4°. apud Christoph. Plantinum 1572.

Dictionary Syro-chaldaicum Guidone Fabricio Boderiano collectore & auctore. [Excudebat Anturpia f°. Regali Christophorus Plantinus Prototypographus Regius M. D. LXXII.

Bibliorum veteris testamenti Hebraicorum Latina interpretatio opera olim Santis Pagnini nunc vero Benedicti Arice Montani Hispanensis, Francisci Rafelengij, Guid. & Nicol. Fabriciorum fratrum collato studio ad Hebraicam dictionem expensa.

Aux Hymnes spirituels. En L'ymne à la
Sacresaincte Trinité.

*Je veux, ie veux plustost imiter mon Dauid
Que l'esprit alme & saint tant saintement rauit
Et chanter comme luy en Hymnes ou cantiques
De l'Ancien des iours les louenges antiques,*

X 4

Ou

Ou retracer les pas de ce iuste & bon Roy
 Qui est comme un miroir de patience & foy,
 Ou bien le vers diuin que fait d'une ame outree
 De la sainte fureur, à la rive Erythree.
 Le grand Profete Hebrien, & qui avec luy sa Sœur,
 Des femmes d'Israël menant le sacré Chœur
 Rechantoit tour à tour, quand la troupe rangée:
 Du pharien hautain fut en l'eau sommergee
 Ou les cantiques doux du tant sage Roy faits
 Du Roy qui emprunta son beau nom de la paix.
 Je voy, ie voy desja la lumiere nouvelle
 Ia ie vole d'Esprit d'une viste & haute ale
 Au sublime sommet du sacré mont des Cieux,
 Les Temples Empyrez, d'un vol audacieux
 Je veux outrepasser, non comme un vain fcare,
 Car l'Esprit qui m'emportee au sentier ne s'esgare
 Les ailes de mon dos au feu ne fondront point.
 Car ie me sens du feu des feuz vainqueur, époint
 La Muse au plus hault vol or m'agite & manie,
 De bon gré ie te suy, iete sisy, Uranie
 Il me plaist avec toy l'Archetype habiter,
 Et au Roy trois fois grand des Anges assister.
 Lequel est un en trois, c'est l'entendant suprême
 Le suprême Entendu, l'Intelligence mesme
 Qui resulte des deux. C'est le Dieu tout puissant,
 Dieu tout-sage, & tout-bon: c'est le Soleil luisant
 Le Soleil infini, dond la rondeur premiere
 Sempiternellement produit rays de lumiere:
 Et tant de la rondeur, que du ray de valeur
 Sort eternellement l'eternelle chaleur.
 C'est le rond non-borné, duquel le point Centrique
 Se trouue en chacun lieu, & dond le tour Spherique
 Ne se trouue iamaïs, & du centre & contour
 Les iantesou rayons resultent à l'entour.
 C'est le Moteur premier eternal, immobile,
 Mouuant & meu de soy, son mouuement habile
 Dailleurs non-emprunté: c'est la vraye Vnité
 La Verité unique, & l'unique Bonté,
 C'est l'Eternal source le quel tousiours ruiselle,
 Et

Et de source & ruisseau la riviére éternelle.
 Qui fait tousiours mouuoir & mouldre le Molin
 Et la Meule rouant le monde Crystalin:
 C'est l'amant, & l'aymé, & l'amour de soy-même,
 Memoire, Entendement, & Volonté suprême:
 C'est le Perc engendrant, & le Filz engendré
 Et des deux est produit l'Esprit saint & sacré
 Vnique Deité distincte en trois personnes,
 Suprême Magesté unique à trois Couronnes.

C'est vne Infinité, infinie Unité,
 Diuinité sans fin, sans fin Eternité,
 Commencement, milieu, fin premiere, & dernière,
 Sur pois, nombre, mesure, & du monde l'ornière.
 Brief c'est l'Eternel Dieu qui a fait tout de rien,
 Et trois mondes unis liez d'un seul lien,
 L'Archetype Ideal, qui tout clot & consomme,
 Le voyable arrondy, & son image l'homme,
 Que comme Roy de tout, il a mis au milieu
 Pour commander à tout seul commandé de Dieu.

Souuerain, tout puissant, Eternel, & immense
 En hypostase triple, & tout simple d'essence,
 O Pere & geniteur, ô geniture & Filz,
 O Esprit alme & saint des deux le neu prefix!
 O Saint lien d'amour, ô Bonté tres-seconde,
 Qui fis l'homme pour toy, & pour l'homme le monde!
 Je te reuere, & sers, & humble suppliant
 Je t'adore sans fin sans cesse te priant:
 La nature te sert, Nature bonne mere,
 Te sert la flâme, & l'air, & l'eau douce, & l'amere,
 Et celle là qui est par son trop graue poids
 Assise au plus bas rang avec les autres trois
 La terre au sein fecond, dont la Boule agencee,
 Se tient ferme dans l'air sur son poids balancee,
 En leurs sieges diuers les feux du Ciel errants
 T'observent humblement & te vont reuerans,
 Dont le Soleil euit & l'erreur & la danse
 Par un oblique cours venant à la cadence:
 Lequel t'adore, & sert, toy suprême donneur
 Qui dedans luy as mis ton pavillon d'honneur.

Le

Le Ciel huitième aussi qui flamboye, & se dore
 De tant de lamperons, te reuere & t'adore,
 Et l'autre Ciel d'après qui crystalin & pur
 Est du dixième enclos, l'intervalle & le mur
 De l'Eternité stable, & du temps qui tost passe,
 Qui tous les autres ferme en son plus grand espace
 De toy ard embrasé le volant Serafin
 Pour l'immense douceur de ton amour sans fin,
 Et tousiours plus heureux aspire & tient courbee
 Vers ta prime beauté l'œil & la bouche bee:
 Les Cherubins tousiours te conçoient, epris
 De toy qui tout comprends, & n'es iamais compris
 Et des Thrones luy sans le siege tousiours ferme
 Reçoit ta maiesté Eternelle & sans terme.
 Les dominations, & les hautes vertus
 Et les ordres diuins des Puissances vestus
 Tremblent à ton regard: à ta toute puissance
 Toutes Principautez portent obeissance,
 Les Archanges qui vont gouvernant l'univers
 Les Prouinces, les gents, & Royaumes diuers
 Te courbent les genoux, & les squadrons des Anges
 Gardent tes mandemens, & disent tes louanges,
 Toutes choses qui sont, qui furent, & seront,
 T'ont tousiours confessé, & te confesseront
 Le vray Seigneur & Roy, qui la ronde machine
 Fait branler & trembler si tost que l'œil il cline.
 Les Citoyens du Ciel tous de tout leur pouuoir
 Les terrestres encor' par un mesme deuoir
 Te vont tous affectant: les Infernales bandes
 Redoutent ton haut nom, & font ce que tu mandes
 D'une course plus viste & d'un vol plus soudain
 Que le vent ou l'Eclair qui trouble l'air serain.

Dymoy (car tu le sçais) ô Moÿse, qui t'ornes
 Les deux temples sacrez des rayons de tes cornes,
 Pourquoi le rond plus bas, & le suprême rond
 L'un seul obserue & sert d'un mouuement si prompt?
 Toy qui fas entouré en la fumeuse nuë
 Quand trainant à ta suite une tourbe menuë
 De Celestes Courriers, & de peuples enclos

De ta

De ta verge fendis les ondes & les flots,
 De la mer Erythree, & ta gent estendue
 Feis passer a pié sec par la mer pourfendue:
 Puis de là trauesant par les champs sablonneux
 Des Arabes deserts, tes Tabernacles neufs
 Tu y laisses ficher, & ton viste pié grimpe,
 Au coupeau de Sina qui se cache en l'Olympe:
 Et là t'esouissant du deus familier
 Du Prince redouté, Dieu seul & singulier,
 Content de ce doux goust portas de gré la peine
 De iuner nuit & iour l'entiere quarantaine.
 Et puis vne autre fois sur le coupeau plaisant
 Du haut mont Oliuet à Christ lors tout luisant
 Luisant tu assistas avec le bon Elie
 Boyuant les hauts secrets dont la nuë est remplie.

Dieu au commencement Ciel & Terre crea
 Et le Bon d'eslargir son bien se recrea:
 Mais la terre estoit lors de surface difforme
 Vaine, vague, deserte, obscure, horrible, enorme
 Et l'ors l'Esprit de Dieu planoit & se mouuoit
 Sur les profondes eaux lesquelles il couuoit,
 Et si tost qu'il voulut que la claire iournee
 Chassast l'obscur nuit de la terre entournee
 Tout soudain resplendit vn abundant tresor
 De lumiere diffuse estincelant plus qu'or.

Depuis il separa des grans eaux sur-celestes
 Les autres qui nous sont icy bas manifestes,
 Dond l'abondance estant contrainte en vn monceau
 Lors la terre apparut toute seche & sans eau,
 Laquelle produisit herbe, arbrisseaux & plantes,
 De la graine les fleurs, le fruit des fleurs coulantes.

Soudain le Tout puissant par ordres atacha
 Et comme des clous d'or dans le haut Ciel ficha
 Les Astres flamboyans, qui la nuit nous separent
 Du iour tout esclarcy, & qui font & reparent
 Par leur bal mesure, moments, heures, & iours
 Mois, ans, siecles & temps repleyez, en meints tours.

&c.

& apres:

D'un

D'un saut à dos courbé le Daufin sort de l'onde
 Et trenche l'air prochain, puis chet en mer profonde:
 Les Phouches, & les Tins, les Saumôs par troupeaux,
 L'Ourque, & le Physetere avec ses gros tuyaux,
 Plouuant en mer la mer, & la demesuree
 Balène vont fendant l'eau profonde azurée.
 Des oiseaux empennez, gros & menus squadrons
 Vont la terre rodant, & en pillent les dons.
 L'air éclaircy des rays de la Lampe iournelle
 S'obscurcit de la nuë, & grande troupe isnelle
 De tant d'Oyseaux volans: comme les animans
 Remplissent terre, & mer, & tous les Elemens
 De leur seconde engeance, & leur espece eleue
 Se void multiplier, & à milliers accrue
 Si que la terre encor' au iour sixième éclos
 Se veid toute couvrir & se charger le dos
 Des grands troupeaux nombreux de tant de fieres bestes
 Et des douces aussi qui vont baissant les testes,
 De Couleuvres, de vers, & de tant de Serpens
 Venimeux & diuers sur leur ventre rampans,
 Dont chacun sur le champ à d'accomplir la cure,
 L'office & le deuoir où l'apelle nature.

Les Lieures vont courant, le Cerf au cheframé
 Le Rangifere aussi de ses cornes armé
 Qu'il courbe sur son dos, prend la course & s'elance
 Et d'un pie viste & prompt presque les vents deuance:
 Le serpent desployoit ses cercles repliez,
 Dond il se meut au lieu d'ailes, de mains, de piedz
 Et alloit redoublant voix sifflantes & iointes
 Par le brandissement de sa langue à trois pointes
 Le Thoreau mugissoit, le Cheual pié-sonnant
 De sourds hennissements l'air alloit estonnant
 Et s'en couroit errant par champs & bois sans voye
 D'un viste & roide cours, & triomfant de ioye
 De ses larges naseaux à souspirs gros & lons
 Vomissoit l'air espais en fumeux tourbillons,
 Ainsi des animaux l'autre tourbe diuerse
 Par les champs estendus, fuit, gallope, & traaverse
 Et soubz un Ciel serein en paix se reposant

De sa

De sa race allonger s'en alloit proposant.
 Encore l'escuyer habitant Thessalie,
 De bride ne de frein dont il contourne & lie
 Le col reuesche & fier du Palefroy donté
 Ne l'alloit maniant dessus son dos monté:
 Et le son des Clerons ou Trompette guerriere
 Encor ne reueilloit ny mouuoit la paupiere
 Du gendarme enrolé souz l'enseigne de Mars,
 Et n'auoit animé aux armes les Soldars
 Le buis tors embouché: encor à la charue
 Le laboureur desceint de sa main rude & nue
 N'auoit avec le soc renuersé les guerets, &c.

Et apres:

Puis si tost qu'il te pleut commander & enioindre
 Que chacun print son cercle ou plus grand, ou bien moindre,
 Soudain furent rendus comme vne peau les plis
 Des neuf Ordres sacrez, & des Cieux accomplis
 Qu'en ton Entendement à iamais tu enfermes,
 Puis commandes soudain qu'en leurs figures fermes
 Ils se tiennent & soyent, à fin qu'en te seruant
 Les Celestes squadrons ilz aillent achemant:
 Mais grande part d'iceux trop superbe & rebelle
 De suprême splendeur en ruine eternelle
 Par son orgueil tomba, & du celeste clos
 Deuala dans l'Abysme, & tenebreux Chaos,
 Et voulant occuper ce haut Trofne de gloire,
 Elle trébucha bas dedans la chartre noire.

Soudain quatre Elemens à toy tousiours presens,
 En forme de Rondeau reploiez, deux pesans,
 Et deux autres legers, se vestent de leurs formes
 Au cours du temps entr'eux differents, non difformes:
 Car ce qui est leger tout soudain monte haut,
 Et ce qui est pesant descend & fait vn saut
 Droit au centre & milieu, puis soudain l'eau resaulte
 Et s'esleue en vapeur deuers la Sfere haulte.

Mais la matiere ayant naturel meslange
 Des deux egalement, au haut ordre rangé
 Du Gond luyfant ne monte, & grieve ne deuale

T

En

En l'Antre tenebreux de l'Abyssme infernale:
 Ains prompte en mouuement en bihaïs sousspirant
 S'en va deffouz le toit du grand Olympe errant,
 Deuers le Pole Arctique soufle le fier Boree,
 L'affricain porte-nue aspire à l'autre oree,
 Eure le nuageux hallene & va soufflant,
 De la part de l'Aurore à gros sousspirs ronflant,
 Et nous apporte icy des regnes Nabathees
 Chaleureuses vapeurs, & chaleurs euentees,
 Zephire porte-vie balenans gracieux
 Descent d'ou le Soleil se cache de noz yeux.

Mais la matiere moite attraitte aux rayz solaires
 Paruenant aux moyens estages & repaires
 De l'air party en trois, touchant le froidureux,
 Et ia ne sentant plus le bas air chaleureux
 En gelant s'épessit, & de là goutte à goutte
 L'air pluuieux & gros par le vague degoute.

Mais si elle paruient vers la plus froide part
 D'ou Galerne le vent qui trouble l'air s'epart,
 De là la nege vient par flocons repandue:
 Mais la nuee estant legere & estendue
 En vapeur delice, & d'un fray qui se suit
 Attouchant peu à peu aux confins de la nuit.

Puis s'épessit par fois, & du rond coriandre
 En sa forme imitant la semence plus tendre
 Distille en manne douce, & par drageons nouueaux
 Se conioint & se lie aux feuilles & rameaux
 Qui sert à repurger les corps pleins de cholere
 En tirant & chassant l'humeur iaune & amere.

Jadis quand les Hebreux par tropes epanchez
 S'arrestèrent banis aux sablons assechez
 Diuinement denhaut elle cheut pour viande:
 Lors la troupe ébahie en sa langue demande
 Man-hou, & qui est ce cy? de là nous est venu
 De manne le beau nom parauant inconnu.
 Mais quand la vapeur grosse est de la terre attraitte
 Close entre deux airs chauds, & en drageons concrete
 Lors le chaud combatant à l'encontre du froid
 Elle se tient serree entre son mur estroit

Qui

Qui la flaque & la clot, puis le venant à fendre
 On la void sur les toits en bondissant descendre,
 Gastant branches, bourgeons, vignes, fruitiers & bledz,
 Et defraudant l'espoir des laboureurs troublez,
 Voire en fuite mettant par les champs pesle-mesle
 Les brebis & les beufs frappez de grosse gresle:
 Si qu'alors le berger tremblant & harassé
 La teste se couurant d'un fuypon raptasé
 Aux cassines s'enfuit pour asseurer sa teste
 Encontre les dangers de la pierre celeste:
 Mais quand le soupirail fort chaud & abondant
 En un nuage humide est enseré grondant,
 Et qu'auecques le froid il combat vif & roide
 Et veut rompre & briser la nuë espesse & froide
 Qui le presse & retient, alors il tonne & bruit
 Et estonne les chœurs du Tonnerre qui fuit,
 Et faisant breche au mur qui l'enclot & engarde
 Les flammes, les eclairs, & les foudres nous darde
 Dond il rompt & abat les toits audacieux
 Des Chasteaux & des Tours qui voysinent les cieux, &c.

Et sur la fin:

O Pere souverain, ô Puissance premiere,
 O tousiours vray Rayon de la vraye lumiere,
 Et toy, ô saint Esprit, que le Pere mirant
 Et le Filz, remiré vont tousiours aspirant,
 Alors que le Démon voulut perdre rebelle
 Du visage Eternel ceste espee tant belle
 Et qu'aux Temples il mist, aux forests, aux autels
 Mille formes de beste, & des hommes mortels:
 O grand Dieu Tout puissant lors tu pourueus au mondes,
 Et illustras le cœur par lumiere seconde
 Du Pere Syrien, lequel feist avec toy
 Un contrat solennel d'alliance & de loy:
 Et lequel te connut en l'heureuse vallee
 Vnique Roy voilé souz triple smage ailee:
 Puis feis naistre son Filz, lequel son nom a pris
 Au langage premier du viel maternel ris,
 Et celuy qui retint quand sa mere l'enfante
 A son frere naissant le talon & la plante:

Y 2

Qui

*Qui mena les troupeaux de son beau Pere aux champs
 Attrait par les beaux yeux de Rachel allechans:
 Et qui plora son Filz lequel occis il pense
 Alors que sur le Nil tous les bledz il dispence,
 Et le superbe Roy de l'Egypte regit
 Deſſus son Throne aſſis, d'ou les biens eſlargit:
 Puis ceſt autre enuoyas que Thermuth void & treuve
 En un panier de ionc dans le Pharien fleuve,
 Qu'elle adopte heritier du regne de renom
 Du deliuré des eaux luy donnant le beau nom.
 A la fin tu transmis de l'Olympe ſublime
 Ton propre unique filz, ton Image d'eſtime,
 Qui par l'Eſprit conceu dedans ſa mere entrant
 Du ventre virginal ſortit, le penetrant,
 Et le laiſſant fermé: & en noſtre chair meſme
 Aux hommes ſe monſtra, vray homme & Dieu ſupreme,
 Et te manifeſta Vnique Trinité,
 Puis vainqueur retourna en ſa ſainte cité,
 Auquel Triomfe, honneur, & gloire ſoit rendue
 Avec toy Pere ſaint, à qui louange eſt deüe,
 Et l'alme Eſprit ſacré ſoufflant les Saincts amours
 Par le Rond infini des ſiecles à tousiours.*

G V Y DE LA GARDE Lieutenant particulier en la Senefchau-
 cee de Prouence au ſiege d'Arles a traduit du latin de Claude Baduel,
 Traicté tresfructueux de la dignité de mariage, & de l'honneſte conuerſation
 des gens doctes & lettrez. [impr. à Paris 8°. par Arnoul l'Angelier 1548. Plus
 La Royale & Antique oraïſon compoſee par Iſocrâtes Philoſophe & Rheteur
 Athenien, prononcee par le Roy de Salamine, en l'aſſemblee de ſes ſubiects,
 avec les iuſtes & ſainctes loix par luy faiçtes & publices, traduites premiere-
 ment de Grec en Latin par Loys Viues, & de Latin en François par ledit de la
 Garde. [impr. à Lyon 8°. par Thibaud Payan 1559.

Il a eſcrit en rime,

Hïſtoire & deſcription du Phœnix à l'honneur & louange de treſilluſtre Prin-
 ceſſe Marguerite de France ſeur vnique du Roy Henry ſecond du nom, con-
 tenant l'adreſſe du Phœbus à ſon Phœnix. Le prologue de l'auteur où eſt con-
 tenu l'argument du liure pris ſur le 3. chapitre de l'Euangile ſainct Iean. L'hi-
 ſtoire du Phœnix tout au long. L'explication du Phœnix en diuers ſens myſti-
 ques & Chreſtiens ſoubs luy comprins. [impr. à Paris 8°. par Regnaud Chau-
 diere 1550.

G V Y G A V S S A R T Flamignon, Prieur de Sainte foy à Coulômiers
 a recueilly en ſix liures Pluſieurs ſimilitudes tirees de toutes ſortes d'animaux,
 extraictes & traduites de diuers auteurs Chreſtiens & prophanes. [impri. à
 Paris

Paris 16°. Chez Gilles Beys 1577.

Apologie d'Athenagoras Philosophe Athenien prononcee ou enuoyee à l'Empereur Anthonin Philosophe & Commodus son fils, pour la defense des Chrestiens tournee du Grec de l'auteur & du latin de Gesnerus. Avec les Annotations de Suffridus Frisien sur ladite Apologie: esquelles le lecteur pourra voir les quatre premieres persecutions de l'Eglise. [impr. à Paris 8°. par Simon Caluarin 1574.

GVY IVVENAL iadis Abbé de saint Sulpice de Bourges a trāslaté de Latin en François la reigle de saint Benoist. [Impr. avec le Latin à Paris 8°. par Hierosme de Marnef 1580. sous tel Tiltre: *Regula beatiss. Patris Benedicti à Latino in Gallicum sermonem per reueren. domin. Guidouem Iuuenalem traducta.*

GVY DE LESRAT Seigneur des Briottieres, president au siege Presidial d'Angers & Lieutenant general en la Seneschaucee d'Anjou a prononcé puis mis par escrit,

Remonstrances & aduertissemens faicts aux ouuertes de la iurisdiction dudit siege. [impr. à Paris 8°. par Nicolas Chesneau 1579. Je pense que c'est le mesme que Guillaume de l'Esrat cy deuant nommé, maintenant President au Parlement de Bretagne, sinon que ce fust vn sien frere, dequoy ie pren coniecture par les vers que Gilles le Jeune Aduocat du Roy au siege presidial d'Angers a mis parmy vn Epigramme en sa faueur mis au commencement de son liure des Arrests notables donnez en la court de parlement de Bretagne & prononcez en robbe rouge. Lesquels vers sont tels,

*Non toga purpureo decorat te tincta colore:
Sed tu purpureum decoras virtute tribunal,
Doctrina decoras, orbari iudice tanto
Andes complorant, fors an grauiore querela
Vsur, frater ni successisset amato
Fatri Ec.*

GVY MORIN a traduit du Latin d'Erasme vn traité intitulé
De la preparation à la mort. Avec vne instruction Chrestienne à bien mourir. [impr. à Lyon 16°. par François Iuste 1544.

GVY DE SAINT POL Dauphinois Docteur en Theologie qui a esté Recteur de l'vniuersité à Paris a composé,
Neron Tragedie iouee au College du Plessis avec vne comedie & vne Pastourale de son inuention en l'an 1574. non imprimé.

GVY DE LA ROCHE Aduocat a mis en François,
Les institutes imperiales de Iustinian ioinctes avec la iurisprudence François en la marge d'icelles, esquelles tout le droit ancien Romain est escrit & esclaircy & veu à l'œil en quoy il est conforme aux loix ordonnâces & statuts de noz Roys tres-Chrestiens ensemble aux meurs, vz, coustumes, pratiques & observations vsitees au Royaume de France. Oeuure tresvtile pour tous praticiens, fait premierement n'aguere en Latin par Iacques Buchereau, Conseiller & referendaire en la Châcellerie de France. [imp. à Paris 8. par Iean Poupy 1580.

Y 3 G V Y

GVY DV ROCHER Docteur en Theologie a trāslatē de Latin en François le

Manipulus curatorum autrement dit le doctrinal des curez trēsutile & nécessaire pour instruire les simples clers aux sept sacremens de sainte Eglise. [imp. à Paris 4°. par la veufue Iean Treperel sans datte.

GVY DE ROYE iadis Archeuesque de Sens a escrit, Le Doctrinal de Sapience, auquel est compris & soigneusement enseigné tout ce qu'il est requis à vn chacun en tous estats.

GVY DVZES, estoit seul sieur dudiç lieu, bien qu'il fust heritier de son pere & ses freres legatères, toutesfois leur reuenu estoit si petit qu'il ne s'y pouuoit entretenir. Ebles l'un de ses freres, qui estoit homme rusé remonstra à Guy & à Pierre ses freres le peu de reuenu qu'ils auoient, qui n'estoit bastant pour leur entretenement, & attendu leur qualité & sçauoir en la poésie, qu'il valoit mieux suiure la cour des princes pour paruenir, que de s'arrester à leur maison ocieusement & mourir de faim. l'aduiz de Ebles fut trouué bon par ses freres, le tout communiqué à Helyas leur cousin qui estoit pauvre Gentil-homme & bon Comique, le prierent aller avecques eux. ce qu'il ne refusa & arresterent que les chansons que Guy inuenteroit, & les Syruentes qu'Ebles trouueroit seroient chantez par Pierre, qui estoit fort bon musicien, & qu'ils ne se departiroient iamais l'un de l'autre, que Guy garderoit l'argent, & le communiqueroit esgallement entr'eux. ceste conuenance faicte s'adresserent au Vicomte d'Albuzon nommé Reynaud, & à Marguerite sa femme qui prenoient vn singulier plaisir à la poésie Prouençale, desquels ils furent receus fort humainement, & la feirent ample preuue de leurs inuentions, & poésie, & apres y auoir demeuré long temps & receu de beaux presens, s'en vindrent tous bien montez & bien en ordre visiter la Comtesse de Montferrat, à la louange de laquelle furent dictes & chantees de fort belles chansons, de tensons, & de Syruentes contenans en substance *La vida dels tyrans*. & pource que aux Syruentes le Pape & les grands Princes & seigneurs y estoient taxez, & leurs vices declarez, le legat du Pape leur feit promettre & iurer que iamais ils ne feroient chansons contre sa sainteté, ne contre les autres princes. qui fut la cause que ces quatre poëtes ne trouuerent ne chanterent oncques depuis, à tout le moins qu'ils meissent leurs œures en euidance, & se retirerent en leurs maisons riches & plains de biens, par le moyen de leur poésie. I'aume Motte gentilhomme d'Arles, qui estoit de ce temps vn souuerain poëte Prouençal escriuant contre les princes tyrans sans aucune crainte se moqua de ces quatre poëtes en vne chanson qu'il feit de la folle promesse qu'ils auoient faicte au legat: toutesfois le Monge des Isles d'Or, & saint Cezari dient que nonobstant ceste promesse ils ne laisserent d'escrire contre la tyrannie des princes. Ce I'aume Motte d'Arles, ainsi que l'a escrit le Mōge en la vie de ces quatre poëtes, a faict vne description des Mausolees, Pyramides, Obelisques, & autres anciens monumens qui se trouuent en Prouence.

GVYOT DE PROVINS fut autheur d'un Romant intitulé la Bible Guyot. C'est vne bien sanglante Satyre, en laquelle il blasme les vices de tous estats depuis les Princes iusques aux petits. La Coppie que Le President Fauchet

Fauchet en a, escrete il y a plus de trois cens ans, l'appelle Bible de Guyot de Prouins: & toutesfois par tout le liure il ne se nomme de ce nom. Il commence ainsi son liure,

*Dou siecle puant & horrible
 * Me stuet commencer une Bible,
 Por poindre & por aiguillonner
 Et por grant esemple monstrier
 Ce niert pas Bible loz angiere,
 Mais fine & voire droicturiere,
 Miroirs iert à totes gens.*

* me conuient

Il a esté homme de grande experiéce & a vescu longuement: car ayant parlé de l'Empereur Frideric, de Louis le Jeune, Roy de France, de Henri & Richard Rois d'Angleterre, du Comte d'Arragon, & Raimond Beranger son frere, d'Amauri Roy de Ierusalem, & autres sans nombre, il dit,

*Les Rois & les Empereours,
 Et ces dont i'ay oi parler
 Ne veuil ie pas tos ci conter:
 Mais ces princes ay-ie vëus.*

Et puis apres en auoir nommé plus de cent, il dit,

*Je ne vous ai Baron nommé,
 Qui ne me ait veu & donné,
 Mais se furent li plus eslit,
 Por ce sont en mon cuer escrit.*

Après auoir bien couru & essayé de plusieurs sortes de religions, il semble qu'il se rendit moine de S. Benoist. Car ayant mesdit des moines, il adioust,

*Sus moy cherra trestous li * gas,
 Por ce que ie port' les noirs dras:
 Y-a plus de douze ans passez
 Qu'es noirs dras sui enuelopez.*

* mocquerie

puis en autre lieu il dit,

*Troblee voy-ie bien nostre ordre,
 La ie cuit ne porront estordre
 Li bon preudhomme li abbé,
 Dont li lieu furent benoré.*

s'estant plaint que les anciens Abbez entrans aux charges, espousoyent trois pucelles, Charité, Verité, & Droiture. Il semble auoir voulu esprouuer diuersitez d'ordres: car parlant de Citeaux, il dit,

Y + Si

*Si ne fui onques de leur ordre,
 Mais pource raponnez en fui,
 Qu'à Clereuaux quatre mois fui.
 Or dit on que mal mi prouuai,
 Pource que tant y sejourney.
 Si ie eusse esté en la Route
 Deux mois ou trois, bien scai sans doute
 Que n'en fusse si responne.*
 & apres il dit encores,
Quatre mois fui à Clereuaux.
 Ce qui me fait plus dire qu'il fut moine, & encores de
 Cluny, sont ces vers,
*Mais à Cluny com on mengue,
 Mestuet seoir à bouche mue.
 Trop sont à Cluny voir disant,
 De ce qu'ils ont en conuenant,
 Totes lor ententes y metent,
 Trop bien tienent ce qu'ils promettent,
 Leur conuine eusse plus chier
 S'il fussent un po mensongier.*
 Il a grandement voyagé par le monde, puis qu'il dit,
*Moult reui les Hospitaliers
 Outre mer & vaillans & fiers,
 Moult les vi en Ierusalem
 Et de grant pris & de grant sen.*
 & autre part il monstre qu'il fut en Grece,
*Car ie vis en Constantinoble
 Qui tant ert belle & riche & noble,
 En moins d'an & d'autre & demi
 Quatre Emperours: puis les vi
 Dedans le terme tos morir
 De vil mort, car g'ez vi meurdrir.*
 Il est bien certain qu'il a vescu & fait son liure depuis
 l'an M. CLXXXI. puis qu'il dit,
*Et de l'Empereor Ferri
 Vos puis bien dire que ie vi
 Qu'il tint une Cort à Maience:
 I ce vos di-ie sans dotance
 Conques sa pareille ne fu.*
 & laquelle l'Abbé de Vrsperg, dit auoir esté tenue au-
 dit an: quand l'Empereur Frideric fit ses deux enfans

cheval

cheualiers. Mais aussi y a il grande apparence qu'il l'a composé enuiron l'an 1200. l'ay appris de ce Guiot de Prouins, le vrai nom François de la pierre d'Aimant, de laquelle vsent les mariniers à la conduite des nauires allans sus mer. Car apres auoir parlé du Pole Arctique qu'il appelle Tramontane, il dit,

*Icelle estoile ne se muet,
Un art font qui mentir ne puet
Par vertu de la Marinette,
Vne pierre laide & noirette
Ou li fer volontiers se ioint.*

Les vers qui s'ensuiuent monstrent qu'il vesquit durant la conqueste de Constantinople,

*Tous li siecle por quoi ne vet
Sor aux ains que sor les griffons.*

* Grecs.

AVTHEVRS DONT LES NOMS
propres commenceans par G. sont incertains pour n'a-
voir esté escrits au long en leurs liures.

G. BINOIS Aduocat en court d'Eglise a traduit de l'Italien de R. pere Gaspar Loart docteur Theologien de la compagnie de Iesus, Le Reconfort des affligez, liure singulier, auquel est traicté des fruiets & remedes des tribulations vtile tant pour les seculiers que pour les religieux. [impr. à Paris 16°. par Thomas Brumen 1579. & despuis par le mesme sous le tiltre de Consolation des affligez 1584.

Les Exercices de la vie Chrestienne, esquels sont contenues les choses que doiuent faire ceux qui veulent viure Chrestienement: traduit dudit Loard par ledit Binois, & impr. de mesmes 1580.

G. BOVGVIER Angeuin a escrit quelques poësies non imprimees. Plus,

Ode à l'imitation des vers latins de Ieá Tagault sur le trespas de l'illustre princesse Marguerite Royné de Nauarre. impr. avec le Tombeau de ladite Royné à Paris par Michel Fezander 1551.

G. DV MAYNE, lecteur de Madame Marguerite seur vnique du roy Henry 2. Duchesse de Berry a faict quelques petits discours en vers, Assauoir vne Epistre enuoyee par les Riuières d'Italie sur la venue de Monsieur le Marechal de Brissac à son retour de Piedmont en France, en laquelle sont contenues les louanges de la saige, vertueuse, & heureuse conduite du Roy Henry 2. en ces dernieres guerres. Plus l'heureux partaige des excellens dons de la Deesse Pallas, resignez du conseil & permission d'icelle au roy Henry 2. & à Mada

à Madame sa seur par le feu roy François leur pere. Plus le Laurier dedié à Madame seur vnique du Roy. Auquel sont traitées les louanges de l'estude & l'utilité qui en vient. Et y sont declairees les Fables de la Nymphe Daphné & Andromeda. [impr. à Paris 4°. par Michel Vascofan 1556.

G. MONTAIGNE a mis par escrit,
La Police des pauures de Paris. [impr. la mesmes.

G. ROYHIER a traduit de Grec en vers François,
La Batrachomiomachie d'Homere, où est descrite la bataille des Grenouilles & Souris. [impr. à Lyon 4°. par Iean Temporal 1554.

G. RVZE Theologien a traduit de latin:
Liure de Vincent Lyrinenſe François de Nation pour la verité & antiquité de la Foy Chrestienne contre les prophanes nouveautez de toutes heresies. [impr. à Paris 8°. par Martin le Jeune.

G. DETERRAUBE Abbé de Boillas Aumonier du roy Henry 11. a escrit,
Discours des choses plus necessaires & dignes d'estre entendues en la Cosmographie. [impr. à Paris 8°. par Federic Morel 1568.

G. L. a traduit d'Eſpagnol,
La Disputation de l'Asne contre frere Anselme Turmeda, sur la nature & noblesse des animaux, faicte & ordonnee en la cité de Thunes l'an 1417. En laquelle ledit frere Anselme prouue comme les enfans de nostre pere Adam font de plus grande Noblesse & dignité que ne font tous les autres animaux du monde, & par plusieurs preuues & viues raisons. [impr. à Lyon 16°. par Iacques Iacqui sans datte.

LIVRES D'AUTEURS INCERTAINS.

Le Romant de GALIEN Restauré.

Le GARAND des Dames sous la protection d'honneur contre les calomnieux de la noblesse feminine. [impr. à Lyon 8°.

Les faicts & gestes tresveritables & merueilleuses du grand GARGANTUA & Pantagruel, Roy des Dipsodes. *Censuré.*

La GENÉALOGIE du grand Turq & la dignité des offices, & ordre de sa court, Avec l'origine des princes & la maniere de viure, & cerimonie des Turqs. Plus vne briefue narration de la grande & inhumaine cruauté de Sultan Solyman grand Empereur des Turqs contre Solten Mustapha son fils aîné, traduite de latin, & impr. à Lyon 16°. par Benoist Rigaud & Iean Saugrain 1557.

Le Romant de GEOFFROY à la grand dent.

Le Romant de GERARD de Rossillon.

Le Romant de GIGLAN fils de Gauvain.

L'histoire & ancienne Cronique ou Roman de GIRARD d'Euphrate Duc de Bourgoigne. [impr. à Paris f. par Estienne Groulleau 1545.

GIRON

GIRON le Courtois. *Romant.*

Le GIROVFLIER aux dames ensemble les dictz des 12. Sybilles. rime.
[impr. en Auignon 16. par Jean de Channey,

Le GLAIVE du géat Goliath Philistin & ennemy de Dieu. [impr. 8°. l'an
1561. *Caluinique.*

La GRACE, paix & misericorde de Dieu. *Censuré.*

GRAMMAIRE Latine & François en 4. liures. [impr. 8°. par Jean Du
rand 1567.

La vie de saint GRAT Euesque d'Aouste extraicte du legendaire de l'E-
glise cathedrale d'Aouste & mise en François. [Impri. à Lyon 8°. par François
Didier.

GVERIN Mesquin. *Romant.*

Le Romant de GVERIN de Montglaiuc.

La GVIDE Des chemins pour aller & venir par tout le Royaume de Frá-
ce & autres païs circonuoisins. [impr. à Paris 16°. & despuis à Lyon 1572.

Le GVIDON de Practique.

GVILLAVME de Palerne. *Romant.*

La piteuse & lamentable hystoire du vaillat & vertueux GVISCARD, &
de la tresbelle dame Gismonde princesse de Salerne. La difference d'Amour
diuine & terrestre avec la malheureuse fin d'amour vaine & legere, avec lettres
& balades. [impr. à Lyon 16°. par Jean Flazoller 1520.

Le Romant de GVY de Vvaruich cheualier d'Angleterre.



A B A C V C. Voyez le liure de ses propheties en la sainte
Bible.

H A G G E E le Prophete. Voyez de mesmes où que des-
sus.

H A I S I A V X a fait le Fabel de l'anneau qui faisoit roi-
dir le membre: lequel estant trouué par vn Abbé le mit en
grand peine iusques à ce que celuy auquel il appartenoit le luy eust osté du
doigt avec grande recompense. L'auteur se nomme disant:

Haisiaux vos dit qu'un hom estoit,

Un merueilleux anel auoit.

HAYMO Euesque d'Alberstat. Voyez Claude Despence.

HAYTO ARMENIEN.

Histoire des Tartares. Voyez Jean De Longdir.

HEBERS qui prend tiltre de clers, est auteur du Romans des sept sages,
ou de Dolopathos: lequel il dit auoir translaté du Latin fait par vn moine de
l'Abbaie de Haute-selue, nommé dam Ichans, ainsi qu'il dit au commencement.

Li bon moine de bonne vie

De Haute-selue l'Abbeie

A l'estoire renouuelee,

Par bel latin la ordenee

Hebers

*Hebers la vient en Romans traire,
Et del Romans un liure faire
El nom & en la reuerence
Del Roi fil Phelipe de France
Loeis qu'en doit tant loer, Esc.*

Ce Loeis Roy fil Phelipe, me semble estre Louis pere de S. Louis, lequel du viuant de son pere fut couronné Roy d'Angleterre: ou bien Louis Hutin, Roy de Nauarre, par sa mere: Car ie ne cognois autre que ces deux qui ayent porté tiltre de Roy viuans leurs peres. Et ne faut rapporter cela à Louïs le Gros (lequel à la verité fut couronné du viuant de Philippe premier) car il me semble que le langage de ce Roman n'est si ancien. Il est tout plein de contes moraux & plaisans, de prouerbes François & belles sentences. Ce prouerbe est de luy,

*On sert le chien pour le seignor,
Et pour l'amor le cheualier,
Baise la Dame l'Escuier.*

Ceste sentence m'a semblé belle entre autres,

*Riens tant ne greue menteor,
Alarron ne à robeor
N'a mauuez hom quiex qui soit,
Com' veritez quand l'apperçoit:
Et veritez est la maue
Qui tot le mont occit & tue.*

La deuxième nouuelle de la iii. iournee du Decameron de Bocace peut estre prise de cest autheur. Car il raconte d'un qui coucha avec la fille d'un Roy, laquelle l'ayant marqué au front, il en alla faire autant à tous les Cheualiers dormans en ce Palais. La iii. nouuelle de la septieme iournee est de cest autheur, pour le regard de la pierre ietee dedans le puis. La viii. de la viii. iournee peut aussi estre prise de luy mesme, pour le regard de la reuenge du Sienois, qui accoustra la femme de son compaignon sus sa teste. Il enuoye son liure à l'Euesques de Meaux, qu'il ne nomme:

*Hebers define ici son liure,
Al'Euesque de Meaux le liure,
Qui diex doint benor en sa vie.*

Il semble que la vie de Iosaphas (qui est vne instruction pour les roys) soit de la mesme veine. Duquel aussi Bocace peut auoir pris ce qu'il dit de ce ieune garçon, qui
n'avant

n'ayant iamais veu des femmes, en demanda vne à son pere, comme la plus belle chose qu'il eust iamais veüe. Tout le subiect du liure Italien, intitulé *Erastus*, est pris de ce *Dolophatos*, qui eut les mesmes aduëntures que ledit *Erastus*.

HECTOR DE BEAULIEV a escrit,

La Doctrine & Instruction des filles Chrestiennes desirans viure selon la parole de Dieu. Avec la repentance de l'homme pecheur. [impr. 8°. l'an 1565]

HECTOR FOREST de Vaifon a escrit:

Instruction pour apprendre la Grammaire en peu de temps. [impr. à Lyon 8°. par Macé Bonhomme 1552.]

HECTOR PINTO. Voyez Guillaume de Cursol.

HEGESIPPE. Voyez Iean Miller.

HELIE. Voyez Elie.

HELIODORE.

Histoire Aethiopique des loyales amours de Theagenes & Chariclea. Voyez Iacques Amyot.

Dame **HELISENNE** de Crenne a escrit vn liure intitulé:

Les Angoisses douloureuses qui procedent d'amours, diuisé en trois parties en prose François. [impr. à Lyon 8°. à la marque d'Icarus sans datte.]

Elle a traduit de latin aussi en prose François;

Les quatre premiers liures des *Eneides* du treslegant Poëte Virgile à la traduction desquelles y a pluralité de Phrases qui par maniere de propos y sont adioustez ce qui sert beaucoup à l'elucidation & decoration desdits liures dirigez à tresauguste Prince François roy de France premier de ce nom. [impr. à Paris f°. par Denis lanot 1541.]

HENRY BVLLINGER Ministre à Zurich a escrit en latin plusieurs liures dont ceux qui s'ensuiuent ont esté traduits en François,

Deux Sermons de la fin du Siecle & du Iugement à venir de nostre seigneur Iesus-Christ. Des tresgrieux perils de cestuy nostre siecle corrompu. du moyen par lequel les fideles en puissent eschapper sans dommage. [impr. à Geneue 8°. par Iean Crespin 1558.]

Caluinique, & ceux qui suivent.
Apologie où est demonstré que les ministres de Zurich ne suivent aucune opinion heretique touchant la Cene. [impr. à Geneue 8°. par Marthieu de la Roche 1558.]

La source d'erreur redigee en deux liures, le premier traicte de la droicte inuocation & pur seruice du vray Dieu. En oultre des religions des faux Dieux. Ensemble de la faulx adoration des Idoles. Au second est disputé de la sainte Cene du Seigneur. [impr. à Lyon 16°. par Iean Martin 1562.]

La perfection des Chrestiens demonstrent comé nostre seigneur Iesus-Christ a esté donné du pere celeste pour estre le sauueur du monde. [impr. à Lyon 16°. par Iean Saugrain 1563.]

Cinq Decades qui sont cinquante Sermons. [impr. par Michel Blancher 8°. 1564.]

De la seule foy en Christ iustificiant & des ceuures vraiment bonnes. [impr. à Lyon 8°. par Iean Saugrain 1565.]

Z

HEN.

HENRY CORNEILLE AGRIPPE.

Declamation sur l'incertitude, vanité & abus des sciences, traduite en François du latin de Corn. Agrippe par L. T. Oeuure qui apporte merueilleux contentement à ceux qui frequentent les courts des grands Seigneurs, & qui veulent apprendre à discourir d'une infinité de choses contre la commune opinion. [impr. 8°. par Jean Durand 1582.

Traicté de l'excellence de la femme, fait François du latin de Henry Cornille Agrippe par Loys Viuant Angeuin.

HENRI DE SAINT DIDIER Provençal a escrit, Traicté contenant les secrets du premier liure sur l'Espée seule, mere de toutes armes, Qui sont espée dague, cappe, targe, bouclier, rondelle, l'espée à deux mains, & les deux especes, avec les pourtraictures ayans les armes au poing pour se defendre & offenser à vn mesme temps des coups qu'on peut tirer, tant en assaillant qu'en deffendant: redigé par art, ordre & pratique. Plus vn traicté sur l'exercice & certains poincts requis de sçauoir au ieu de la paulme, auquel est requis mesme desmarche & science qu'ausdictes armes. [impr. à Paris 4°. par Jean Mettayer & Mathurin Challenge 1573.

HENRY ESTIENNE fils à feu Robert Estienne a escrit, Traicté de la conformité du langage François avec le Grec, Diuisé en trois liures, dont les deux premiers traictent des manieres de parler conformes: le troisieme contient plusieurs mots François, les vns pris du Grec entierement, les autres en partie: c'est à dire retenans quelques lettres par lesquelles on peut remarquer leur Etymologie. Avec vne preface remontrant quelque partie du desordre & abus qui se commet auourd'hui en l'usage de la langue Francoise. [impr. 8°. par le dit auteur.

Deux Dialogues du nouveau langage François italianizé, & autrement desguisé principalement entre les courtisans de ce temps. De plusieurs nouveautez qui ont atcompagné ceste nouveauté de langage. De quelques courtisannismes modernes, & de quelques singularitez courtizanesques. [impr. 8°. par le mesme auteur. 1578.

De la preexcellence du langage François. [impr. à Paris 8°. par Mamert Patisson 1579.

Introduction au Traicté de la Conformité des merueilles antiennes avec les modernes. Ou traicté preparatif à l'Apologie pour Herodote &c. [impr. 8°. l'an 1576. Calvinique.

Il faut imprimer vn autre liure en François à Paris, où il est maintenant.

Hypomneses de Gall. lingua, peregrinis eam discantibus necessaria: quadam vero ipsis Gallis multum profutura. Autore Henrico Stephano: qui & Gallicam patris sui Grammaticam adiunxit 8°. Geneva 1582.

Voyez ses Oeuures latines en l'Epitome de la Bibliotheque de Gesner.

*En l'Epistre au Roy mise au deuant du liure de la
Preexcellence du langage François.*

Or me sen ie infiniment heureux Sire, que l'edition de ce liure ait ceste bone
rencon

rencontre, de se trouuer sous le regne de vostre Maiesté: pource que l'eloquence d'icelle luy sera vn treshonorable tesmoignage de la louange qu'il donne à nostre langue. Duquel don vous ne deuez moins rendre graces à Dieu (selon mon iugement) que de plusieurs autres, qui toutesfois de prime face pourroyent sembler plus profitables: ne moins affectueusement requerir l'augmentation d'iceluy. Car si l'eloquence est de si grande efficace, qu'elle puisse souuentefois commander mieux aux cœurs des hommes que la force des armes, voire ployer les plus endurcis courages: si elle peut quelquesfois donner si bien le fil aux paroles qu'elle les rend plus tranchantes que l'espee: il est certain que le Roy à qui Dieu fait la grace d'un si precieux don, est comme doublement Roy, & par consequent doublement obligé à sa bonté & beneficence. Et ceste obligation est encore d'autant plus grande, que l'eloquence d'un Roy est trouuee plus eloquente que celle de toute autre personne, laquelle Dieu n'a exaltee iusques à ce degré. Car si Euripide, excellent entre les poëtes Grecs a bien dit,

*L'homme d'autorité, l'homme qui n'en a point
Venans à haranguer touchant un mesme poinct,
Encore que tous deux tiennent mesme langage,
Celuy de l'un sera bien pezé d'avantage.*

Si (di-ie) Euripide a bien dict cela & veritablement, combien plus de vertu & d'efficace doiuent auoir les mesmes mots sortans de la bouche de celuy auquel Dieu a donné ce qui est par dessus toute autorité, que s'ils venoyent de la bouche d'un autre, en quelque dignité & honneur qu'il peust estre constitué? Quand à ceste sentence d'Euripide, nous auons vne fort belle histoire que nous y pouuons rapporter. Car nous lisons en Æschine, orateur Grec, qu'un homme qui auoit mauuais bruit, ayant proposé vn bon aduis au conseil des Lacedemoniens, ils le firent proposer par vn autre qui estoit en bonne reputation: comme ayants opinion que cest aduis, encores qu'il fust bon, ne pouuoit estre heureusement suyui & mis à execution, sinon qu'il fust autorisé par la bouche de cest autre personnage, voire comme emologué & authentiqué. Et si on veut d'abondant confermer le dire de ce poëte Grec par celuy d'un Latin, non moins excellent en son endroit, nous auons vn passage fort propre pour ce faire. Car Virgile, parlant de celuy qui se doit presenter pour appaiser vne seditio esmeue en vn grand peuple, requiert qu'il soit tel que sa pieté & ses bien-faits luy puissent donner vne grauité & autorité, qui le rendent respectable. Voycy qu'il dict (autant que i'ay peu exprimer la nayfueté de son langage Latin.

*Comme en vne grand ville abondamment peuplee,
Qui par sedition vient à estre troublee,
Quand tout le menu peuple à toute cruauté
D'un courage mutin est soudain incité,
Desia volent en l'air & pierres & flambeaux,
La fureur pour s'armer trouue moyens nouueaux:
Alors se presentant à eux vn personnage,*

L 2 Tant

*Tant pour sa pieté respecté d'avantage,
 Qu' aussi pour ses bienfaits, on le voit s'arrester,
 Et l'oreille attentive à ses propos prester.
 Luy gouverne leurs cœurs, luy appaise leur ire,
 Par les raisons qu'il sçait en un tel cas deduire.*

Il est certain que Virgile presuppõe que ce personnage soit eloquent : mais il veut que son eloquence soit autorisee par ces qualitez. Si donc le beau & sage parler d'un tel homme a tel pouuoir, combien plus grand le doit auoir celuy d'un roy ? Et ne se faut esmerveiller si un prince souuerain, & specialement un roy, parlant bien à propos & disertement, penetre plus auant au cœur des auditeurs. Car il y a vne vertu occulte en ses paroles, accompagnées de la Maïesté tant de l'eloquence que de la royale, quand ils considerent que celuy qu'ils escoutent, n'a besoing de se faire auouer, & ne peut estre contredit ny empesché d'effectuer ce qu'il met en auant, & executer plainement sa bonne volonté. Voilà d'où vient qu'au lieu que cela qui sortiroit de la bouche d'un autre, ne seroit tenu encore que pour dict, on le se represente comme desia fait, aussi tost qu'il part de celle du roy. Car comme le roy Porus, venu es mains d'Alexandre le grand, qui auoit gaigné la bataille, interrogé par deux fois comment il vouloit qu'il se comportast enuers luy, ne respõdit que ce mot, R O Y A L E - M E N T : ainsi les subiects qui sont persuadez que leur roy ne parle point autrement qu'à la façon royale, & qu'il porte vne vrayement royale affection à leur bien, ont grande occasion d'ancrer leur esperance sur ses paroles, & se rendre tresobeïssans à icelles. A quoy il faut adiouster, quand à un roy des François, l'avantage que luy donne l'inclination naturelle des cœurs de son peuple, tesmoignée par ce proverbe ancien :

*Parole, puis qu'un Roy l'a ditte,
 Ne doit pas estre contreditte.*

Estans ces deux points hors de controuerse, l'un, que Dieu vous a doüé d'eloquence, l'autre, qu'elle est d'autant plus profitable & bien seante à un roy, qu'il est esleué en degré plus eminent que toute autre personne: reste un troisieme, duquel aucuns pourroyent douter, si nostre langage est aussi capable de ceste vertu de bien dire, que l'un ou l'autre de ceux qui luy veulent faire concurrence, & se rendre ses competeurs. A quoy ie respon, qu'outre ce que ceux qui auront peu ouyr plusieurs de voz subiects haranguer, & auront eu aussi cest honneur d'auoir ouy vostre Maïesté discourir, pourront tesmoigner de la suffisance de nostre langage : il y a quelque apparence que ce proiect, estans bien considerez tous les poincts que i'y ay deduits, leur osterà vne grande partie de leur doute : en attendant que l'œuvre qui sera fait sur iceluy, les en rende entierement resolus, &c.

H E N R Y G O D E F R O Y Parisien, profez en l'Abbaye S. Denys en France Docteur en la faculté de Theologie à Paris a escrit,
 Traicté & remonstrance à tous Chrestiens & specialement au peuple de Paris,
 pour detester & delaisser l'vsure. Avec ample resolution des cas & difficultez
 d'icel

d'icelle en 26. chap. Auec vne Preface des causes qui ont incité l'Autheur à escrire ledit Traicté. [impr. à Paris 8°. par Nicolas Chesneau 1577.

Sermon funebre prononcé en l'Eglise nostre Dame de Paris aux pompes funebres de l'Empereur Maximilian d'Austriche deuxiesme du nom le 9. Ianuier 1577. [impr. à Paris 8°. par Denys du Pré audit an.

Declaration des sainctes Reliques trouuees le mecredy 22. de May 1577. en l'Eglise prioré de S. Denys de Lettre au deffoubs des sepultures esquelles premierement estoient les corps de S. Denys S. Rusticq & S. Eleuthere avec vn brief narré de la fondation dudit Prieuré de S. Deny. [impr. à Paris 8°. par Nicolas Roffet 1577.

H E N R Y H E R P.

La premiere partie du Directoir des contemplatifs, composé par venerable & deuot religieux Henry Herp, laquelle traicte de la vie actiue donnant singuliere instruction & briefue doctrine à tous Chrestiens pour paruenir à la vie spirituelle & contemplatiue : tranlaté de latin en françois par vne femme laquelle en vne epistre liminaire n'a voulu declarer son nom autrement que par ces deux lettres E. B. & ie ne puis deuiner qui c'est. [impr. à Paris 16°. par Poncet le Preux 1549.

Seconde partie du Directoire des contemplatifs traictant de la vie contemplatiue & parfaicte contemplation. translatee de mesmes. [impr. à Paris 16°. par Poncet le Preux 1552.

Au chap. 17. du Traicté & remonstrance contre l'vsure.

Et les docteurs Ecclesiastiques suyuant ce que les noms sont imposez de l'institution des hommes pour signifier les choses, disent *quòd vsura ab vsu dicitur.* & l'vsure est ainsi nommee pour l'action de l'vsage de la chose prestee à la personne, & le gain, profit, auantage, accroissement qui en prouient au creancier, soit en argent, ou aucune autre chose estimable par iceluy est appellé vsure. Ainsi ce nom d'vsure est prins generally de tous les peres, pour signifier ce qui prouient de l'vsage de toutes choses indifferemment. Mais pource que ce qui est mis en vsage, n'augmente pas, ains diminue d'heure à autre, comme la chandele, la robe & toute autre matiere, & principalement le metal d'or & d'argent, & toute monnoye; & est la raison pour laquelle ce qui prouient *ex vsu aris, vsura dicatur*, & s'entend de tout accroissement selon le texte d'Ezechiel *Vsuram & superabundantiam accepisti, & auarè proximos tuos calumniabaris.* L'vsure (dit Hostiense en sa Somme) est toute chose receuë outre l'entier payement de ce qui a esté presté, ou suyuant quelque conuention interposée, au contract en intention de receuoir dauantage, ou par la rigueur de quelque action, qui se passe long temps apres la somme prestee. Innocent pape definit l'vsure estre *Lucrum ex mutuo debitum vel contractum*, Le gain qui est deu, ou accordé outre le prest que l'on a fait: car Raymond en sa somme n'estime pas estre vsure, de receuoir outre le prest quand il n'y a point de marché, & d'accord passé: & telle a esté l'opinion de S. Gregoire au decret. *Nulla* (di-il) *oblatio suscipientis culpa maculam ingerit quæ ex suscipientis pactione non processit.* Ce qui est présenté & donné gratuitement & sans contrainte, ne rend coupable le credeur, moyen-

nant qu'il n'y aye point de marché passé. Aucuns ont definy l'vsure, *quicquid sorti accidit*. S. Thomas aussi dit l'vsure estre le gain deu ou exigé pour le prest, non sans peché, d'autant que ceste action repugne à iustice & charité deuë à nostre prochain. Viguerius la definit, *Lucrum siue conuentum ex mutuo vero, vel interpretatio proueniens, siue illud crementum sit pecunia: siue quid aliud quod pecunia aestimetur*. Mais pour plus facilement entendre telles & autres definitions de l'vsure, il faut esplucher les parties d'icelle, & que c'est que le prest, & le gain prouenant d'iceluy: & ce que les François appellent prest, les Latins l'appellent *mutuum*, *quasi quod de meo fiat tuum*: c'est à dire ce qui estoit mien, commence à estre tien par transport du domaine, à telle charge que se rendra pareille chose en valeur & espee: & specialemēt cela se faiēt es choses qui se consomēt par l'vsage: ou dont l'vsage n'est pas séparé, ou distingué de la chose: cōme argent, bled, vin & matieres semblables: car quand l'argent est presté, il est en la volōté & puissance de celuy qui le reçoit de l'employer comme il luy semblera bon, ou manger le bled à sa commodité. L'vsure donc n'est autre que le gain qui prouient d'auoir presté les choses qui se peuuent consumer par vsaige: & en icelles proprement s'exerce vsure, comme aux matieres desquelles l'vsage est distinct de la propriété, souuent se commettent fraude, dol & tromperie. Donc la vraye definition de l'vsure est, *quicquid sortem excedit, vel solutionem mutuae rei, pactione interposita & ipsius rei usus gratia, vel ex pactione habita post factum*: ce qui excède le sort principal, ou le payement de la chose empruntée par accord passé entre les parties, ou deuant, ou apres la cognoissance, & obligation: & ce seulement pour recompenser l'vsage de la chose prestée: Car si à autre intention l'on donne, ou on offre quelque don, & qu'il n'y aye point d'accord, & paction, ou que le creditur n'y aye point pensé, & ne voudroit contraindre le debteur à payer aucun present, ce n'est pas vsure. Laquelle n'est que *lucrum proueniens ex contractu mutui*. L'vsure est appelée des Grecs *τόκος*, id est, *partus*, & *τοκοσός*, id est, *usurarius*, c'est adire celuy qui engendre & acquiert à *mutuo* de son prest. Les Hebreux l'appellent *בשר*, id est *Morsus*, quo *mutuans mutuatarium mordet*: assauoir que celuy qui preste pinse, & mord celuy qui emprunte, quant il est contrainct de rendre l'vsure. Aucuns ont distingué *contractum mutui* à *contractu commodati*: en ce que par ce dernier contract le domaine n'est pas transferé: tous les deux ce neantmoins doiuent estre gratuits: & le premier contract coutumierement s'entend des choses qui se consomment par l'vsage, & *qua in pondere, numero, & mensura consistunt*: Et entre ce qui se louë, & peut se poiser, y a difference: car au louage ne se donne pas chose qui par vsage soit consommée: le domaine n'est pas transferé à celuy qui prend à louage, mais la chose entiere telle qu'elle a esté receuë se doit rendre: & le danger de la chose louée demeure à la perte de celuy qui l'a donnée. Et tout au contraire, se pratique en la chose prestée. Parainisi la maison qui est louée, les bestes qui sont exposées au labeur, se donnent en telle condition, que pour l'aisance d'iceluy, & de routes autres creatures, qui se peuuent louer, l'on donne & l'on prend loyaument quelque pris & recompense: car l'vsage de telles choses se donne, & non l'integrité, & pleine puissance d'icelles: ce qui ne se faiēt en d'autres biens, comme vin, pain, argent: en la vente desquels qui voudroit les distinguer de leur vsage, vendroit

deux

deux fois, & commettrait usure: car ce que nous appellons *Mutuum*, c'est la chose laquelle de soy est du tout consommable: & par ce moyen quand elle est condee, l'usage consequemment en est donné. Et pour plus apertement entendre que c'est de l'usure, faut la conferer avec ce que coustumierement l'on dit Interest: car plusieurs pour dire, qu'un homme est usurier, ils disent qu'il prend & preste à interest, ce que generally est dit, *pro damno emergenti*, aut *pro lucro cessante*: c'est à dire, pour le dommage & peril eminent pour prester, & le gain cessant. Du dommage ce donne exemple de celuy qui auroit grande somme d'argent pour rebastir, ou pour durant l'esté acheter des provisions pour toute l'année: que si quelcun l'a emprunté, & ne l'a rendue à temps & heure, & durant le temps la maison vient à tomber: ou la cherté est, & les provisions ne sont pas faictes, & les bestes & nourritures en meurent de faim, voila ce que l'on appelle l'interest: c'est à dire perte & dommage tresgrand. Et du gain qui cesse se prendra exemple en un marchand, lequel ayant quelque somme d'argent pour trafiquer & acheter marchandises, il la preste. Mais le debteur ne la luy rend au iour donné: le gain qui cesse s'appelle interest. Et tous sont de ceste opinion, que là où il se trouue danger ou dommage eminent, & le gain cessant, la personne qui a donné, doit estre recompensée en premier lieu, quand le debteur a long temps retardé à payer. Secondement, quand à quelque temps que ce soit, tost ou tard, l'argent presté est rendu, mais par force ou par la volonté ce que se doit appeller interest, pour la grande conuenance des deux.

Et en un autre endroit:

Quand l'argent est transferé pour accroistre & fructifier veu que de soy il est sterile, *sic rōn*, & pource qu'en tel achapt des rentes à la vie, l'argent est ainsi transferé, cela est usure, de tant que l'argent, contre sa nature, se multiplie. L'usure (dit S. Thomas) c'est l'argent prouenant de l'argent, en la semblance des choses qui engendrent leurs semblables. Et tout contract, par lequel le temps de soy n'apporte ny ne diminue la nature de la chose contractée: mais seulement, *ut mensura durationis extrinseca consideratur*: puis qu'à raison & accroissement d'iceluy, accroist & augmente l'argent, est totalement usuraire & iniuste: car ce qui se reçoit *ultra sortē*, n'est pas recompense de la nature de la chose, & ne se donne pas gratuitement.

Et encores en un autre endroit:

Aucuns pretendēt s'excuser, & disent que pource que les riches sont le plus souvent mauuais payeurs, à ceste occasion ils vendent plus cher qu'ils ne deuoyent, pour estre remboursez de leur attente: mais est assauoir, que tous les deux offensent, les vns comme mauuais payeurs, les autres usuriers en leur affection: les autres prestant à part n'ayant aucun tesmoing de crainte d'en estre reprins: mais qu'ils craignent d'estre accusez & conuaincus deuant Dieu, qui regarde le cœur, l'intention & toute action interieure, pour la condamner, si elle se trouue inique: car lors qu'ils commettent ceste usure secreete est presant

L 4 celuy

celuy, qui la reçoit, & Dieu premierement, tous les Anges & tous les malins esprits pour estre accusateurs d'icelle. Vous qui estes hebez (dict Dauid P'salme 93.) entre le peuple, entendez: & vous fols, soyez prudents. celui qui a planté & donne l'aureille n'oiroit il pas? celui qui a formé l'œil, comment ne verroit il point? celui qui chastie les hommes de toutes nations, & qui enseigne l'homme en toutes sciences ne reprendra il point? Aucuns se persuadent raisonnablement se pouoir excuser, quand ils disent, que pour la longueur du temps, auquel ils attendent leur payement, ils peuuent recevoir plus qu'ils n'ont presté: mais ie dis que le temps est commun à tous, & à vn chacun esgalement est il distribué de Dieu: & pource c'est commettre abus vendre ce qui n'est à foy, non plus qu'à celui qui achete: & à Dieu est faite iniure, quand nous mettons à pris ce qu'il nous donne gratuitement. Et ne se peut faire que ce que l'on reçoit en vn contract vsuraire par dessus la somme principale, soit estimé pour recompense du labeur: car l'vsurier en son vsure trauaille autant de nuit comme de iour: & en dormant comme en veillant: & aux iours solennels, comme aux iours ouurables.

HENRY PENNETIER n'aguiers ministre de la pretendue religion reformee, & à present retourné au gyron de l'Eglise Chrestienne & catholique a escrit avecques Matthieu de Launoy

La Declaration & refutation des faulses suppositions & peruerfes applications d'aucunes sentences des sainctes escritures desquelles les ministres se sont seruis en ce dernier temps à diuiser la Chrestienté, disposée en trois liures & enrichie de solides argumens tirez de la doctrine de Caluin contre luy mesme.

[impr. à Paris 8°. par Iean de Caurroy & Guillaume de la Nouë 1579.

HENRY DE SALENOVE Sieur de la Mongie de Fontenay le Conte en Poictou a traduit de latin:

Le premier & second liure de la 4. Decade de T. Liue de Padoue des histoires despuis la ville fondee. [impr. à Poictiers 4°. par Enguilbert de Marnef 1559.

HENRY SVREAV dict du Rosier.

Confession de foy de Henry Sureau dit du Rosier. Avec abiuration & detestation de la profession huguenotique, faite tant deuant les prelatz de l'Eglise Catholique & Romaine, que princes du sang royal de France. Ensemble la refutation de plusieurs poincts mis en auant par Caluin & Beze contre la foy de l'eglise Apostolique. [impr. à Paris 8°. par Guillaume Niuelle 1573.

HENRY SVSO. Voyez Nicole le Cerf. Iean Iarry.

HENRY TABOVRT dit Lauegny a composé quelques rimes. [impr. à Lyon 8°. par Iean Pidier 1544.

HENRY de Vvithem a traduit en François, Traitté de la Iustice, recueilli des œuvres de ce grand Philosophe & parfait Orateur M. T. Ciceron. [impr. en Anuers 4°. par Christophle Plantin 1582.

HERMAN BODIVS.

L'Vnion de plusieurs passages de l'Escriture Saincte extraicte des autentiques Docteurs de l'Eglise par venerable docteur Herman Bodius, premiere & seconde partie. [impr. en Anuers 8°. par Pierre du Pont 1533.

HERODIAN. Voyez Iaques des Comtes de Vintemille. Iean Colin.

Herod

Herodote. Voyez Pierre Saliat.

H E R V E F A Y A R D natif de Perigueux a mis en François: Galen sur la faculté des simples medicamens. Avec l'addition de Fuchse en son hercier, de Syluius & de plusieurs autres, declaree l'Analogie principalement signifiee si plusieurs en a le simple. Et quels par affinité de facultés sont Antibalomenes, c'est à dire surrogeables que lon appelle qui pro quo. [impr. à Lymoges 8°. par Guillaume de la Noalhe.

H E R V E F I E R A B R A S a escrit, Methode Briefue & facile pour aysément paruenir à la vraye intelligence de la chirurgie en laquelle est declaree l'admirable construction du corps humain. Le Symbole du corps & de l'ame & vn regime de viure tres-singulier. [impr. à Lyon 16°. par Benoist Rigaud 1571.

H E S I O D E. Voyez Lambert Daneau. Richard le Blanc. I. Ant. de Bayf.

H I E R O C L E S. Voyez Guillaume Regnod. Jean Malsé.

H I E R O N I M O R V S C E L L Y.

Epistres des Princes, lesquelles, ou sont adressees aux Princes, ou traitent les affaires des Princes ou parlent des Princes. Recueillies d'Italien par Hieronimo Ruscelly, & mises en François par F. de Belleforest. [Impri. à Paris 4°. par Jean Ruelle 1572.

*Epistre escriptte au serenissime roy Catholique Philippe
d'Austriche Roy d'Espagne, &c.*

Il y a desia deux ans (Serenissime Roy) que la vie de l'Empereur Charles quint fut imprimee icy, à Venise, auquel, outre son nom glorieux, & reueré & admiré par tout le monde, ie ne sçauroy adiouster tiltre plus beau, que le nommant le pere de vostre Maiesté. Laquelle vie fut recueillie en langue Italienne par Alphonse Vlloe Espagnol, ieune hōme de gentil esprit, & fort studieux, & lequel mit tout son effort & diligēce à la dresser le mieux qu'il luy fut possible, ramassant tout ce qui estoit espars çà & là par les histoires faites de nostre tēps. Et veritablement ce sien travail merite bien que soit receu & fauorisé par tous ceux qui sont affectionnez à ce diuin nom & memoire immortelle de ce grād & tresexcellent Prince. Mais d'autant qu'en effect aucuns de ceux qui escriuent à present ont failly grandement, soit pour estre mal informez, ou par insuffisance, ou poussez d'une expresse malignité, à la poursuite de la verité des faits de son Imperiale Maiesté, Louys Dolce, sollicité d'une bonté naturelle, se mit à descrire la mesme vie, comme homme sçauant qu'il estoit, & grandement affectionné à la tresillustre maison d'Austriche. Cestuy donc s'attendit diligemment à retrencher tout ce qui sembloit estre superflu autant que luy fut possible, y adiouster ce qu'il en sçauoit, & qui manquoit au liure d'Vlloe, l'ordonnant & tissant au meilleur ordre qu'il peut & sceut à son gré. L'enuoyay de ceste edition, tout ainsi que de la premiere quelques volumes à la cour de vostre Maiesté à mes bons seigneurs & amis qui m'en auoyent prié affectueusement, outre ce qu'il est croyable que plusieurs autres y en ont esté enuoyez
par

par d'autres diuers citoyens nostres. Et ne dois sinon me cōformer à l'opinion de tous les bons à tenir pour assuré, que si cela vient à la cognoissance de vostre Royale Maiesté, elle sera pour en sçauoir gré à tous ceux qui y ont trauailé, & sur tout au Dolce, lequel outre celle seruitude qui l'affectionne à la maison Royale d'Austriche, il est encor escrit comme creditur au liure genereux de l'altesse de vostre esprit, pour auoir dedié à la Maiesté Cefaree de vostre pere, les Metamorphoses, ou transformations d'Ouide, qu'il a faites en rime huietisme. Que s'il ne fut recognu ainsi qu'il deuoit esperer de ce don & rare present, par le plus magnanime Prince de son temps, c'est sans faillir, à cause que sa Maiesté se trouuoit pour lors en Flandres fort mal disposé de sa personne, & fort voisine de son retour au ciel, cōme celle qui de son gré auoit ia renōcé aux soucis humains, avec la charge de l'Empire. Aussi faut-il esperer fermemēt que vostre Maiesté, comme heritiere, non tant de biens, estats, debtes, que prests de son pere, que diligente à imiter ses rares verrus & excellences, est pour ne point estre lente à ceste œuvre de recognoissance, conforme au reste des excellences que le monde a ouy reciter, & veu de vous dès vostre plus tendre enfance. Bernard Tasso m'a encor monstré ces iours passez quelques fueilles qu'il escrit sur la vie mesme de l'Empereur, comme celuy qui a esté present à plusieurs choses faites par ceste Maiesté en diuerses entreprises: si que voyant combien chaudement il trauaille à mettre fin à cecy, l'en ay conseillé d'y proceder lentement, non à l'escire, mais bien à le mettre en lumiere, luy allegant pour ma raison principale, que luy estant ores le troisieme qui l'a escrite, faut qu'aussi il face cognoistre & sentir à chacun qu'il l'a dressee en telle & si grande perfectiō, que sans faire tort aux autres, on la iuge la mieux & plus veritablement dressee. Ce que, ny luy, ny autre, ne sçauoit faire sans auoir suffisantes instructions, & aduis des affaires de ce Prince, & qui ne soyent pas les mesmes que ceux qui desia sont imprimez & publiez à tout le monde. Pource l'ay aduertty de deux choses. L'une, que le susdit Empereur Charles quint auoit escrit luy mesme en François la pluspart des choses principales qu'il auoit mises en execution, ainsi que fait iadis le premier Cesar dressant les Commētaires de ses gestes, & que d'heure à autre on s'attend de les voir en lumiere mises en Latin par Guillaume Marinde. L'autre, qu'en Espagne on tient ordinairement vn Chroniqueur, lequel a charge expresse, & soing particulier d'escire les faits de leurs Rois, ainsi que se comportent. Et ce Chroniqueur est celuy à qui on donne les copies de toutes les lettres l'importance, tant celles que le Roy escrit, que celles qui luy sont enuoyees, & celles des Princes & ministres de la Maiesté, & en somme, toute autre chose qui puisse d'informer des choses dignes de memoire. Et par ainsi il faut croire qu'en peu de temps il pourra sortir en lumiere quelque œuvre, ayant vne histoire plus particuliere des gestes de ceste Maiesté Cefaree, ou toute sa vie par ordre dressee par ce Chroniqueur. A cecy sera dōnee plus grande commodité au Tasso, que luy se trouuant à present en quelque fascherie d'esprit, pour estre assailli & tourmenté si diuersement de la fortune, si vostre Catholique Maiesté l'oste par sa clemence d'icelles luy donnant ceste charge, veu qu'il luy a dedié sa poësie, qui est la fin, & le seau de tant de ses trauaux, esquels il s'est employé par si longues annees. Et quoy qu'aucuns, non bien informez de l'altesse & magnanimité de ceste vostre Maiesté Royale, facent quelque doute

doute que vous preniez plaisir en ceci, & le recompensiez de son travail, si bien que vous feriez d'ailleurs, si le Tasso n'auoit esté contumacé à Naples, pour l'esgard des affaires du Prince de Salerne, si est-ce que, & moy, & d'autres, sachans bien quelle est la bonté & rare clemence de vostre Maiesté, sommes d'un aduis & pensément tout contraire. Veu, qu'en premier lieu, le Prince se partit de Naples, sous le nom d'un tresloyal seruiteur de son Roy, sous lequel tiltre il se tint long temps, & à Padoüe, & à Venise: dequoy entre autres, ie peux faire foy, & en rendre bon tesmoignage. Entant que moy ayant enuoyé un de mes gens au logis du Prince, pour trouuer Colette Paschal, homme de grandes lettres, & secretaire du Duc de Somme, en eus depuis de la querelle, & fallut que ie m'en iustificasse deuant les gens du Prince, lesquels vouloiét ietter mon homme à val les degrez, à cause qu'il alloit querir un homme en leur compagnie, lequel estoit du parti des François. Mais posons le cas que le Tasso aye suiuy son maistre loyaument, non tant à Venise & ailleurs, mais encor qu'il l'aye guidé, consolé & forcé de s'en aller en France, pensant par ce moyen l'asseurer des ennemis, & frayeurs que le Prince se monstroît auoir: si est-ce qu'il ne faut ià croire pour cela que plustost il ne soit digne de compassion & grace, que de desdaing, haine, ou mal-talent, & sur tout ayant à faire avec un cœur si généreux, haut & excellent que celui de vostre Royale, & Catholique Maiesté. Peut estre que quelques-uns diront que les affaires de rebellion sont de leur nature, de telle & si grande importance, que les loix & coustumes de tout le monde ont trouué bon de la chastier sans aucun respect, avec tourmés aspres & cruels. Ie ne peux, & n'ose accuser, ou blasmer, mais plustost ser toute chose louer: ces loix tant saintes, par lesquelles les subiects, non seulement s'accoustument à obeir, ains encor les Princes mesmes apprennent à choisir le chastiment propre & digne, à celui qui se reuolte à Dieu, & Prince & seigneur de tout le monde. Mais ie peux, & dois tenir pour assuré qu'un cœur illustre, rare, généreux, & bon Chrestien, tel qu'est celui de vostre Maiesté, n'oublie iamais de se souvenir au contraire de ceste rigueur, que le Dieu tresdebonnaire ne denie iamais sa grace & pardon, à celui qui humblement, & avec foy & assurance luy en fait requeste. Ioint qu'il n'y a loy humaine, tant rigoureuse soit elle, laquelle ne soit adoucie par la clemence & debonnaireté d'un bon & doux seigneur souverain. Pour donc laisser tant d'exemples anciens & modernes, ie diray & proposeray cestuy seulement, comme ayant esté glorieusement notable deuant tout le monde, ainsi qu'il faut estimer qu'il l'a esté deuant Dieu, à sçauoir, que comme les heritiers du malheureux Antoine Grison, en ces guerres esmeuës eussent esté, par la rigueur de la loy, priuez de leurs biens & noblesse, à cause du cruel desastre de leur pere soupçonné de la rebellion: le Duc d'Albe neantmoins voyant & cognoissant la deuotion & foy des enfans, & ce qu'ils promettoient pour vostre service, impetra de vostre Maiesté qu'ils fussent remis en leurs honneurs, & qu'on leur fît plusieurs autres graces: ainsi encor que tous les bons en esperent, qui s'attendent de viure noblement s'ils continuent de le meriter comme iusques icy ils ont commencé de faire. Que si ceste œuvre est tant recommandable, & digne d'un esprit Royal, & de l'excellence de vostre Maiesté, il n'est point à douter que vous ne soyez pour vser d'une clemence & de bon

debonnaireté pareille enuers le Tasso, lequel est changé du tout ; & se monstre si deuotiuelement affectionné & loyal, qu'à le voir on le iugeroit n'estre iamais party du seruice de vostre Maiesté. Voire est ce chose trescertaine qu'il a esté si desireux & amy de celle vie qu'on employe à vous seruir, & mourir vostre suiet & obeyssant, que des aussi tost qu'il veit le Prince reuolté contre vostre Maiesté, il l'abandonna aussi, & ne voulut plus le suyure. Apres cecy, & en particulier est digne de grace le fils de Tasso, lequel, peut estre, ne veit iamais le Prince de Salerne, non son pere mesme tandis qu'il estoit esloigné de vostre grace, & qui iamais n'a suyui son pere iusques à tant qu'il l'a veu sous l'ombre, & en la maison du Duc d'Vrbain : estant si affectionné, vtile, honorable, & bon seruiteur de vostre Maiesté, qu'autre qui iamais fut, ou soit à present en Italie, ou en autre partie & contree du monde. Lequel Duc d'Vrbain, il est à croire que s'il n'eut cogneu que Tasso marchast d'un cœur droit & entier à l'endroit de vostre Maiesté, il n'eut iamais (tant il est à vostre deuotion) souffert que ledit Tasso se tint en sa terre, & moins l'eut il pris sous sa protection & sauuegarde, ainsi qu'il a fait. Ce fils donc du Tasso monstrant vne si grande deuotion & loyauté en vostre seruice, & estant vn adolescent de grande viuacité d'esprit, & affection aux bonnes lettres, ie ne sçache homme de sain iugement qui doute q vous ne le receuiez en grace. Outre ce, Dieu vous ayant fait tant de faueurs vous donnant tant de grandes felicitez dès le ventre de la mere, vous faisant si bening, heureux, & fortuné en tout ce qu'avez entrepris iusques à present comment pourroit vn cœur si genereux ne se recognoistre point le plus obligé à la Maiesté diuine, qu'autre Prince q ce soit qui ayt despuis long tēps vescu en ce mode? Or vous sçauiez (Sire) que vous ne pouuez satisfaire à ceste obligation plus saintement, qu'en taschant d'imiter l'infinité bonté de nostre Dieu & tant qu'il vous sera possible, non moins la misericorde que la iustice sçachant que la sainte Eglise chante que nostre Dieu est iuste & misericordieux, lequel en particulier pardonne chacun de ceux qui de cœur à luy se retournent, & qui d'effait font paroistre de leur affection: comme aussi vous n'ignorez point que tant en la premiere qu'en la nouuelle Eglise il a ordonné la trassainte loy du iubile, & de la remission generale des fautes tant, de la peine que de la coulpe à ceux qui humblement requierent pardon, & que aussi vous entendez en fin que nostre Sauueur nous admoneste en tant de sortes, qu'il n'y ait homme aucun qui s'attende de iamais auoir pardon, s'il se monstre difficile de pardonner ceux qui l'offensent. Au reste, quand aux choses de ce monde, il faut tenir pour assuré, que si celuy qui, expres, de propos deliberé, volontairement & malicieusement a fait quelque faulte, en merite neantmoins pardon, s'il s'en repent, & en requiert mercy, à plus forte raison plus en est digne celuy qui l'a fait par force, ou à son grand regret, ou sous quelque couleur qui semblaist iuste, ayant à faire, & à obeir à tel qui luy faisoit paroistre qu'il le deuoit iustement ainsi faire. Donc, comme l'office & deuoir d'un bon Prince est de ne point faillir à chastier & punir les delinquans es: forfaits qui sont manifestes, aussi en ceux qui ne sont certains, il doit plustost ployer vers la clemence, que non pas embrasser la rigueur. Outre ce que le desdaing, la vengeance, & la trop grande seuerité & inclemence sont non seulement propres à vn homme de bas estat,

& non

& non tant accommodees aux bestes brutes, ains plustost des bestes les plus viles, abiectes, & mesprisables de routes, puis qu'on en voit qui sont & benignes & genereuses. Et m'arrestant encor sur ce qui est de la seule rigueur de iustice, si ne doute-je point (Sire) que vous n'ayez tousiours cecy deuant voz yeux, ou en vostre consideration, que iustice n'est autre chose que rendre à vn chacun ce qui luy appartient. Il seroit donc mal seant & peu conuenable à vn vray Prince de punir vistemment les crimes & forfaicts, & ne vouloir en contre-eschange salarier & recompenser les vertus & bons seruices. Presupposons d'oc que le Tasso soit sans excuse quelconque, digne de celle peine & chastiment que iusques icy luy ont fait sentir les ministres & officiers de vostre Maiesté, si est-ce qu'au contraire on ne peut douter, qu'ores vous ne vous monstriez tresbening, iuste & magnanime, en le recompensant de celle deuotion & loyale foy de laquelle il a fait preuue à present, & luy recognoistre celle gloire qu'il a acquise en vous dediant ses belles œuvres, & tant honorables trauaux où il a consumé & employé tant d'annees, & où il a assis & fondé tout l'espoir & refuge qu'apres Dieu il se voit reserué en ceste sienne peruerse & hagarde fortune. Et voyât qu'il n'a autre fruit pour le soustié de ce sien aage ia pesant, & pour la nourriture de son fils, il a eu sagement recours au tresfertile terroir de la grace, de bonnairété, & grandeur de courage de vostre Maiesté, d'où il puisse tirer si grande abondance & soulagement de sa vie & reputation, que par cy apres il aye moyen de viure contēt, & de laisser dequoy se sustenter à ceux qui luy succederōt. Dequoy, moy n'ayant iamais fait doute, & estant l'un d'iceux qui ay tousiours assuré & esguilloné le Tasso à ceste deuotion, & deuoir de se resoudre & enhardir de vous dedier sa poësie: & estant aussi bon escouteur de voz rares vertus, que prescheur affectionné de celle rare & infinie bonté & courtoisie de vostre Maiesté, me suis aussi ressenti obligé d'vser de ce peu de deuoir enuers icelle, non tant pour accompagner le liure du Tasso que ie vous enuoye, que pour vous y adiouter ce que j'ay en pensee touchant la vie de l'invincible Empereur Charles quint, laquelle & vostre Maiesté, & l'Empereur Ferdinand souhaitent fort que soit descrite, avec telle sincerité qu'il sera possible. En quoy on doit certainement louer, non tant la prudence, que la grande pieté de voz Maiestez: veu que ce soing de la sincerité & purité de l'histoire est vn des plus importants qui doiuent esguillonner l'esprit & desirs d'un bon Prince en ce monde. Veu qu'en premier lieu, s'il sçait que ses gestes doiuent estre escrits selon la verité de sa vie, & que & les presens & ceux qui viendront apres luy en seront abreueuez par la lecture, il s'efforcera de les faire tels & si remarquables, qu'il aura occasion de s'en esjouir, & en ce monde & en l'autre. Outre ce, & particularisant vn peu les matieres, vous n'avez rien autre bien (ô grands Rois & Princes) quand au monde, que la gloire & reputation de plus qu'un simple gentilhomme, vn citoyen, artisan, ou autre personne quelle qu'elle soit. Les petits (à bien parler) mangent de meilleur appetit que vous, dorment mieux à leur aise, ont plus de repos d'esprit, contentent leurs desirs plus souuent que vous, se donnēt du bon temps plus largemēt que vous ne faictes. Tellemēt qu'un grand Prince n'a point plus grand fruit, ny biē en ce monde de tout son auoir & pouuoir, que la gloire, puis qu'en pouuāt secourir vne infinité d'hommes, & mōstrer infinis exēples de iustice;

A a

clemen

clemence, sobriété, constance, continence, iugement, & vraye valeur, se font vrayement appeller Princes, Rois, Empereurs, & seigneurs de tous les autres, & les fait nommer la viue image de Dieu en terre, & par consequent contraint les yeux, les langues, les cœurs, les esprits, les desirs, & esperances de chacun à regarder, & se tourner vers ces ministres du tout puissant. Et neantmoins cecy n'agrandit pas d'auantage l'estomac du Prince, si bien qu'il y puisse entrer plus de viande, il n'en a point plus d'appetit, & son corps n'en est pas fait plus gros ny grand, si qu'il luy faille plus de drap pour le vestir, & en somme, il n'a rien d'auantage que le contentement d'esprit, qui en cest endroit ne peut auoir autre fondement ny fin, que de se voir estre aimé, craint, & admiré pour ses perfections. Or le fruit & la fin de ces crainte, amour, & admiration gist en la gloire seule que le Prince en acquiert, & espere tousiours d'en rapporter, & viuant en ce monde, & iouyssant de repos en l'autre. Et d'autant que plusieurs plus sottement superstitieux, & scrupuleux, que deuots ny humbles, disent coustumierement que la gloire de ce monde est contraire à celle du ciel, ie ne veux en cecy discourir longuement deuant vostre Maiesté, sçachât combien elle a tousiours pris plaisir à ouyr lire ce qui est des saintes lettres, & combien elle est environnée ordinairement de personnes tresdoctes & treschrestiennes. Ainsi elle a peu souuent lire & entendre que Dieu en plusieurs endroiets promet à ses amis honneur & gloire, & le bruit glorieux de leur nom, & de les faire plus puissans que le reste des hommes: là où au contraire il menace les meschans, & les aduersaires d'effacer à iamais leur memoire, ainsi qu'on peut recueillir de plusieurs tesmoignages de la sainte escripture, desquels il nous suffira pour le present ce seul & tresnotable qu'on voit & par parole, & par effect en la maison du grand sacrificateur Hely au premier liure des Rois, auquel en fin Dieu fait porter ceste parole par son messenger Samuel, tant pour iceluy Hely, que pour autres ses semblables: Quiconque (dit Dieu) me glorifiera, ie l'honoreray, & ceux qui me mespriseront, seront mesprizez, & faicts ignobles. La tressainte & tressgloieuse mere de nostre Seigneur s'esjouyssoit en son cœur, & le monstroir par parole de ce que les generations du monde toutes à l'aduenir deuoient l'estimer bien heurense. Et non seulement les anciens Philosophes, ains encore les Chrestiens mettoient ce desir commun & naturel qui esguillonne chacun à laisser quelque memoire honorable de soy apres sa mort, pour vne grande & certaine preuue de l'immortalité de l'ame. Que s'il y en a qui (paraduenture) estiment que celle humilité de plusieurs saints personages qui ont choisi la pauvreté, les monasteres, solitudes, pelerinages, moqueries, tourmens, & martyres pour la iustice de Dieu, & deffence de son saint nom, serue de contre-tesmoignage à ce que i'ay desia dit, qu'ils aduisent bien de ne contrarier eux mesmes à leur propre opinion. Car cest acte de s'humilier à Dieu, ceste souffrance de persecution pour la iustice, ces iniures & opprobres, & martyres pour le nom de Iesus-Christ, sont la plus grande gloire que puisse comprendre ny imaginer l'esprit humain. Aussi voyons nous par effect que tels hommes sont louez & chantez, à iamais par les langues, pensees, & escriptures des hommes, remarquez, & proposez és peintures & statues par les voyes, és chemins, aux temples, & maisons, & en somme, en la presence de Dieu

de Dieu & des hommes: auquel pere de route eternité, comme il est sans fin ny commencement, repose & gist, & finist tout nostre bien & gloire, & y est contéplée toute nostre felicité: laquelle ceux qui à plein la cognoissent & la referent humblement à Dieu, vient à se multiplier grandement, & fait vn rond infiny en eux, les rendant louïables, & reuez à perpetuité.

Or tout ce grand fruit de la vraye gloire que nous auôs dit estre la vraye fin de route richesse & puissance, vient à se perdre, s'il meurt tout aussi tost qu'il est nay, ainsi qu'en aduient au feu mis en vne piece d'artillerie, ou si seulement ceux qui en sont pres en voyent la lumiere: laquelle meurt non seulement deuant les hommes, ou au mode, ains par certaine maniere deuient moindre deuant la face de nostre Dieu. Entant que perissant la memoire des saintes œures, vient à perir aussi le fruit des semences & production qu'elles pourroyent faire par la splendeur de leur bon exemple. Ce qui est de si grande importance, que non seulement les grandes republicues & nations ont diligemment procuré en dressant des statues, memoires & escriteaux à ceste gloire, & non seulement nostre Seigneur commande que noz lampes soyent esclairées en noz mains, ains encor Dieu mesme a inspirez, & intiguez plusieurs saints hommes à escrire les vies & actions de ses esleus, des Patriarches, des Rois, & en fin de Iesus-Christ mesme nostre redempteur & sauueur: & la sainte Eglise nostre mere fait ordinairement lire & chanter és diuins offices & sacrifices ces glorieuses histoires. Et outre ces importances par moy deduites, vostre Maïesté sçait que de la pure & sincere escriture, & discours de l'histoire contenant les gestes de Princes souuerains naist & procede la conseruation de voz estats, Royaumes, richesses, repos, & en fin de voz vies. Entant que tout le monde voyant par les liures celle grande iustice de laquelle est recommandé Charles le quint, la rare clemence, & entiere obseruation de celle exhortation du poëte qui dit:

*Aux humbles gracieux,
Et rude aux orgueilleux.*

La fermeté, constâce, sagesse, valeur, & autres louïables parties qui se sont faites cognoistre continuellement, & admirer en ce grād monarque, ont fait aussi que non seulement il en est, & sera loué glorieusement à iamais en terre, & qu'on croit fermement qu'ores il vit au ciel: ains encor que dès la naissance de vostre Maïesté on a fait ce iugement au mode, que d'une plante si parfaite ne pouuoit sortir qu'un fruit loué & tresprofitable. Puis quand on a veu la bonne nourriture, & combien vous estiez esleué & instruit Royalement, & le soing que ce pere en a eu tousiours, on ne pouuoit aussi esperer d'un tel Prince que vous sinon celle iustice, clemence, prudence, constance & valeur, que depuis on agousté, & desquelles nous en voyons tous les iours les effets en abondance. C'est pourquoy voz peuples viuēt heureusement, que voz ministres, ne se doutas de vostre legereté ou ingratitude, vous seruēt de si bon cœur, les citez, voyas que nul les peut deffendre contre vostre effort se retirēt de leurs fautes, & les autres demeurent en office voyant la punition des rebelles. Les Princes, Potētats & estats qui sont neutres, s'abstiennent, ou par bonté, ou prudence de rien attenter contre vous, & en fin

s'unissent à vous par ligue & alliance amiable.

Mais d'autant que j'ay plus discouru de cecy de gaieté de cœur, que pour besoing qu'il en fust, ie finiray ce que ie veux dire sur ce propos, à sçauoir qu'entre toutes les prudentes, & accortes actions de la nation & Royaume d'Espagne, & de son Roy, j'ay ouy louer celle cy que j'ay touchée cy deuant, à sçauoir qu'il y a vn Chroniqueur & Historiographe en Espagne à gages, lequel a le soing d'escrire & recueillir diligemment les gestes du Roy, & affaires du Royaume. Vous vsant de tel deuoir par delà, me semble que ne deuez aussi faillir de faire le semblable en Italie, où vostre maiesté a tant de terres, estats, & Royaumes, & de laquelle dependent, & avec laquelle sont liees, & en fin par les mains de laquelle passent la plus part des affaires qui se negotient par tout le monde. Ie sçay qu'il ne faut ià que ie specifie à vostre maiesté combien la sinistre information, & aduertissemens mal dressez, & donnez soit par malice, ou par ignorance sur les choses particulieres de l'Empereur Charles son pere, & de ses ministres, ont porté de dommage ces ans passez, & durant les troubles des guerres precedentes: estant asseuré que non seulement vostre maiesté, & vostre faigé & aduisé conseil, ains encor tout homme de bon iugement cognoistra que de ces seules peruerses instructions & opinions, prindrent source les troubles de Naples, les reuoltes de Sienne, celles de Mets, d'Alemaigne, de Flandres, & d'aucuns lieux particuliers d'Italie: & sur tout cela causa que plusieurs grans & bons & puissans seigneurs, laisserent de se resouldre à se liguier à vostre maiesté, qui eut esté vn grand auancement pour les affaires d'icelle, lesquels neantmoins sont pour plusieurs raisons, & veritablement les vrais amis, & admirateurs de la personne de Charles le quint, & de vostre maiesté, & sont affectionnez à la maison d'Austriche, & est sans faillir que de ces dommageables impressions, ont esté si long temps nourries les discordes, & dangereuses querelles, que celles qu'on a eu avec la France. Et outre ce que par plusieurs voyes & argumens on sçait tout cecy, on peut encor asseurement en disputer, & conclure: que non tant la verité de la chose mesme que les effets continuels ont tousiours fait cognoistre, que jamais iniustice, cruauté, rapacité, ingratitude, ou autre telle imperfection ne fut apperceu ny en la personne du feu Empereur Charles, ny en vostre maiesté Catholique, par le moyen dequoy, ou voz suiets fussent contrains de se donner & rendre à autre pour estre mieux traitez, ou que quelque Prince fust forcé de vous faire guerre, pour se venger de telles oppressions. On n'a veu aussi que vilerie, faineantise, ignorance, faute de cœur, ou impuissance ayent onc empesché, ny Charles, ny vous, à vous deffendre de ceux qui vous assailloyent, ou de reconquerir les piéces perduës par guerre. Ainsi il n'y a point de doute que le motif des reuoltes sus alleguees des citez, & des peuples, & l'occasion des guerres susdites, ne vient que des sinistres opinions qu'auoyent ceux qui ont commis cecy de la bonté, prudence, valeur, & puissance de voz maiestez. Dequoy, iacoit que par la grace de Dieu, vous soyez deliurez, & que glorieusement vous en soyez venu au dessus: si est-ce que cela ne s'est peu faire sans le dommage presque infiny du peuple Chrestien: que plusieurs hommes n'ayent esté occis, & que grand nombre de Dames de lieu honeste n'ayent

serui

serui de concubines aux Turcs, & que plusieurs autres ne soyent en continuel-
 le douleur & martire, & que de grans dommages ne s'en soyent ensuiuis à tou-
 te la Chrestienté en diuerses manieres, tant en general comme en particulier,
 & le tout au grand regret tant du feu Empereur, que de vostre maiesté. Donc, si
 de ceste fontaine, & source, laquelle, si on n'y regarde de pres, ne semble qu'on
 apperçoie, quoy que soit tres-apparemment dommageable, à sçauoir des in-
 structions & aduertissemens sinistres qu'on donne aux présens, & à ceux qui
 sont à venir, sur les actions, & portemens des Princes, naissent de si grâds dom-
 mages: comme au contraire, d'une sincere instruction, sont produits les heurs
 du public, ie n'estimeray onc arrogant, ny menfonger ce mien deuoir, ains plu-
 tost sainct & pitoyable, de recorder tres-humblement à vostre maiesté, qu'il
 luy plaise se resouldre de commettre vne personne suffisante en Italie, laquelle
 aye vne charge pareille à celle, qu'avec si grande gloire & profit, on tient en Es-
 paigne, à sçauoir vn historien des gestes du Prince, & puis que le propos m'y
 conduit, & que mon deuoir m'y esguillonne, ie ne laisseray encore de vous
 particulariser, mon aduis sur le choix & election d'un personnage, qui me sem-
 ble en ce temps digne & suffisant, à qui lon donne vne charge tant honorable.
 Je dis donc en premier lieu, que sans aucun doute il faut qu'un tel homme soit
 sçauant ez langues Grecques, & Latines, & quand il auroit l'Hebraïque en
 main, ce ne seroit que bon, & profitable, aumoins pour la reputation & autho-
 rité, laquelle en toute chose, est de fort grande importance: faudroit encor ne-
 cessairement qu'il entendist l'Espaignol, le François, & Alemant, quoy qu'il ne
 le parlât, ou en peüst exprimer les voix. Mais d'autant qu'il est à presupposer
 qu'en ce temps il ne luy faudra point escrire ceste histoire, sinon en Italien, ou
 Latin, est aussi necessaire qu'en ces deux-cy il ait non seulement l'effect, ains
 encor le premier lieu, tant pource que l'opinion d'eloquence incite les hom-
 mes à lire, & donner vie & immortalité aux histoires, qu'aussi en traitant les
 choses de nostre temps, il est besoing faindre plusieurs noms, & inuenter des
 vocables, & les faire naistre, ou en choisir, & les reformer: & en oster de la bou-
 che du vulgaire, & artisans la plus part, empruntant des soldats, des mariniers,
 des laboureurs, & autres de chacu estat, iusqu'à courir aux nations estranges. Ce
 qui requiert vn grand sçauoir & iugement, & est fort difficile à le faire receuoir
 patiemment à tout le monde. Par ainsi celuy qui escrit estant homme de gran-
 de erudition, sera cause qu'il en cheuira mieux, & sera plustost autorisé que
 tout autre. Et en ayant le bruit, & renommee publique; il fera si bien que ce
 qu'il aura choisi, receu, & inuenté ne sera repris de personne, plustost chacun
 acceptera son autorité pour loy, & coustume, car c'est ainsi, & non autrement
 qu'ont pris force reigle, loy, autorité, & vsage les escrits de Ciceron, Demosthe-
 ne, & autres de mesme calibre, entant qu'ils estoient estimez par tout le mon-
 de les plus eloquens, & de meilleur iugement qu'autres qui fussent de leur
 aage: ez langues desquelles ils se mesloient. Je diray le semblable des sciences,
 ou ie voudroy que le nom, & l'effect marchassent ensemble, & qu'il fut reputé
 entre les premiers, tant pour ce que ceci autorise les choses qui faut qui passent
 par l'esprit & iugement de plusieurs, qu'aussi à fin qu'avec grace & effect, il
 puisse orner, & enrichir ce qu'il escrit, de sorte qu'avec desir, plaisir, contente-

ment, & profit, on les lise & oyē discourir & deuant les sçauans, & ceux qui ne le font point à iamais. Il faudra aussi que nostre historien soit versé en la cognoissance, des loix, tant ciuiles que canoniques, & encore qu'il n'ignore point les sainctes lettres, à fin que la où le besoing le requerra il puisse discourir des occasions iustes, & iniustes, & des actions des Princes tant sainctes, que execrables, en quelque sorte qu'elles se puissent représenter. Et outre la Geographie, il faudra qu'il entende l'art & vsage de guerroyer de nostre temps & ceci tant par mer, que par terre, & en plaine campagne, comme en vn siege de ville, soit à l'assaillir, ou au deffendre. Mais ce qui est le feau & la fin de toute l'importance de ceste valeur, & de la renommee publique de nostre historien, que nous cherchons, est vne pure, sincere & bonne vie, & laquelle soit cognue par le public tesmoignage de plusieurs gens de bien, car sans cela tout le reste seroit vain & sans effect. Lequel nom & effect de purité de vie manquant en plusieurs de ceux qui escriuent de nostre temps, ie pense que vostre maiesté ne doute point, combien leurs escrits sont preiudiciables, ie ne diray pas au renom des Seigneurs desquels on escrit, toutesfois suis-ie assuré qu'ils interessent fort l'immortalité de leur histoire, & de leurs noms qui y sont mis, & affigiez. Ces choses pourroient sembler trop difficiles, ou plustost impossibles à quelcun pour les trouuer en vn homme seul, & que c'est trop subtilement rechercher les matieres: ioint qu'aussi ie feroiy difficulté de les escrire à vn autre qu'à vostre maiesté, laquelle avec sa courtoisie non par autre seconde, & rare iugement cognoistra, que moy presupposant, qu'il faut escrire les gestes du plus grand Roy du monde (puis que vous estes Chrestien, & sorti du plus excellent Monarque de nostre aage) aussi est-il besoing de rechercher & choisir le plus parfait & illustre historien, qui fut iamais entre les hommes. Et quād à l'impossibilité de le trouuer, comme ainsi soit que ie ne sois point (escriuant à vostre maiesté) ny à dresfer des poësies, ou à faire des fables sur l'instruction d'un Roy Cyre des Medes, & parangonner icy les orateurs, les Poëtes & courtisans, ains veux seulement vous aduertir fidellemēt, & en toute humilité, de tout ce que ie desire & espere que soit effectué en cest affaire, aussi viendray-ie à nommer & particulariser la personne en laquelle ie me fie, que le monde pourra recognoistre par les effects que tout ce q' i'ay desseigné & effigié cy dessus, est necessaire en vn vray historien. Que si ie suis aucunement long en mon discours, i'ay remedié à cest inconuenient, me courrant de ceste patience de vostre maiesté, en ce que facilement elle lit & escoute ce qu'on luy presente, & vous enuoyât la presente non ployee comme vne lettre, mais reliee comme vn liure: de sorte que si comme lettre elle semble trop longue, elle paroistra tres-briefue, si elle est baptisee comme, & pour vn liure, sans considerer que si vne lettre estant leuë vne fois semble estre trop longue, on la peut accourcir tant qu'on veut, la lisant si souuent, & à pieces si menues qu'en fin elle porte la face d'écriture tresbrieue, & de petits memoires. Desquelles on dit que vostre maiesté reçoit tous les iours vn nombre infiny, & que vous n'en laissez pas vne sans la lyre d'un bout à l'autre, & sans en donner response, & expedition. Or combien ceste vertu d'ouyr tout le monde, & de lier en patience toutes requestes est louable, & deuë à vn grand Prince, qui veut estre digne de son nom & du ranc, & dignité de sa charge, & de quelle importance

tance elle est, tous ceux là le sçauent qui ont recueilli & entendu par diuers exemples, quels grands dommages & ruines de Royaumes, estats, & conseruation de leur vie, honneur, & salut, ont souffert plusieurs Princes pour auoir fait le contraire.

J'ay donc vne chose à proposer en ceste election d'un tel historien, c'est que comme il en soit, il le faut choisir d'entre les sujets naturels de vostre maiesté: d'autant que (comme j'ay dit) il faut que les ministres & officiers de voz estats & seigneuries, luy comuniquent leurs escritures & instructions, & luy descouurent les secrets des occasions qui esmeuent ou iceux ministres, ou les Princes mesmes à faire, ou ne faire point quelque chose, & qu'ainsi ils l'informent, de tous affaires les principaux soyent ils publics, ou priuez. Ainsi il est requis que cest homme soit plus loyal & fidelle qu'un secretaire particulier: & par consequent ne seroit expedient qu'il fut sujet d'aucun Prince estrange, ny autre que nay & nourry en voz terres, & vostre vassal. Sur ce propos me souuient qu'en vne mienne preface adreesee au Duc d'Alcala Viceroy pour vostre maiesté à Naples, ie discouru bien au long au contraire de ceci qu'à present ie maintiens, affermant en icelle qu'un historien pour escrire, & estre tenu de discourir sincerement, ne deuoit estre sorty des pais, ny obissance du Prince duquel il escriroit l'histoire & toutesfois comme alors ie dis la verité, aussi à present ie ne m'esloigne point d'icelle, pourueu qu'on voye & considere à quelle intention ie le dis pour lors, & à quelle ie le propose maintenant. Pource qu'en celle raison que j'alleguay lors que si un historien escrit souz la force & puissance d'un Prince, il ne pourra iamais ouïr autre chose de ce que les ennemis ou les neutres diront de son seigneur, soit que vrayement, ou fausement ils le mettent en auant, ou se le persuadent: & ainsi il ne pourra escrire la verité, ny respondre aux accusations & calomnies, ou discourir ce qui sera conuenable pour garder que son histoire n'aye faute de ce qui est le plus importat en icelle: & en taisant ou narrant ces choses on pourra craindre, le soupçonner, & blasmer que il ne le die pour complaire & gratifier, ou le taire de peur de l'offenser. En tout cecy ie ne voudroy estre contraire à moy mesme, disant icy d'un, & lors ayant eu vne opinion diuerse, comme aussi ie ne seray pas si on entend celle loy, & condition par moy cy dessus proposee, à sçauoir que l'historien soit libre en ses effets, renom & fame publique, & tant homme de bié, & de vie pure & entiere, que chacun s'assure de luy dire librement son aduis, & qu'on l'ait en telle opinion, que ny pour thesors, ny pour esperance de faueur, ny me de crainte ou menaces, il n'alterera chose quelconque de la verité de son histoire. Cecy donc presuppósé que vostre Chroniqueur vous soit sujet, il ne faut que le cherchions ailleurs qu'en vostre Royaume de Naples, lequel pour le iour present a plus de gens d'erudition, excellés & rares en sçauoir, que presque tout le reste d'Italie. En laquelle bien qu'il y ait des hommes & grands & segnez en toute cognoissance, si est-ce qu'ils sont espars çà & là en diuers lieux & prouinces de l'Italie, chacun en ayant un bien petit nombre. La ou à Naples ou en ses contours il y en a tant, que ce nombre esgalle le reste de ce qui est par toute l'Italie, par leur rareté & excellence. & de là on peut iuger que la nature & la fortune, s'estudient ensemble avec tout ce qu'elles ont de precieux, de

faire cognoistre à chacun que ce païs est vn vray Paradis terrestre de tout le monde, auquel vrayement ne manque rien autre cas que la presence de son Dieu terrestre, à sçauoir que vostre maiesté y reside. D'entre vn si grand nombre donc d'hommes lettrez, qui sont en ce vostre Royaume, vous pourrez aisement vous resouldre d'en choisir vn ou deux pour bastir ceste histoire : estant besoing que en tous ou la plus grande partie d'iceux vous soyent cogneuz, ou sinon à vostre maiesté, à tout le moins à ces grands personnages qui sont en Espagne, & à la suite de la court : & sur tous à Consalue Perez vostre premier secretaire d'estat, que chacun appelle de tant plus heureux precepteur que ne fut Aristote, à son Alexandre comme vostre maiesté surmonte, & Alexandre, & Auguste en purité de religion, bonté, magnanimité, & bonne fortune, conduite de Dieu nostre seigneur. Et à fin qu'il ne soit dit que ceste mienne lettre ou discours ne vous donne aduis du nom de quelcun de ces hommes rares, & n'en specifie mon opinion : ie mettray en auant en premier lieu comme à Naples est Iean Paul Flarie d'Oluit suiet de vostre maiesté, homme tresbien versé ez lettres Grecques, Latines, & Italiennes, & fort instruit ez affaires de ce monde & particulièrement en ce qui touche le faict de la maison d'Austriche, & de ceci peut on faire iugement par la harangue & oraison que le ieune Cardinal de Naples luy fait faire à Rome, aux obseques de ce tresglorieux & à iamais uiuant Empereur Charles quint, pere de vostre maiesté. Encor se tient à Naples Iean François Musettole, Gentilhomme de grand estude, fort sçauant, & d'une heureuse memoire & vif, & subtil entendement : lequel pour son passetemps s'est mis à descrire particulièrement les deux dernieres guerres de Siene, & ceste derniere pour le present, & pour iamais discorde contre les confins du Royaume de Naples. Outre ceux cy y est encor Pierre Follier Gentilhomme Salernitan, Docteur docte, & tres-eloquent en loix, prisé non tant en Italie que païs estranges, par les liures de telle importance qu'il a mis & met tous les iours en lumiere. Et depuis il est tel que nous le cerchons, à sçauoir propre en termes, escriuant en Latin, & Italien, sçachant bien la langue Espagnole, & suffisamment instruit ez causes naturelles, & autres, pratiqué aux affaires & gouvernement, & non moins sçauant aux sciences, & arts liberaux qu'en la loy de laquelle il fait profession, & tresapte à souffrir tout trauail, & fatigue. A tout ceci nature a conioint vn grand & solide iugement, qui est le goust, fondement instrument, & fin de toute bonne operation que parfaictement on pretend mettre en execution : ioint qu'il est fait de la main du Cardinal Siripande, & son ancien seruiteur & domestique. Ce que ie ne dis sans grande consideration & importance, sur ce fait pour plusieurs respects, entét qu'il a vne hereditaire affection, & deuotion naturelle, & reuerence singuliere à la maison, & sang imperial d'Austriche : ioint que desia dès long temps il recueille & descrit les faicts plus segnelez & glorieux, qui seruent pour la gloire & seruice des Empereur Charles & Ferdinand, de vostre maiesté Catholique de toute la Royale & imperiale maison vostre, de sorte que luy estant ces annees passees sur le poinct de prendre femme, & en ayant en main plusieurs fort honorables, ainsi qu'il appartenoit à sa qualité, il prefera celle qu'il a present à toutes les autres, affermant qu'il ne l'espousoit pas tant pour sa grande beauté, noblesse, vertus, & richesses, que

pour

pour ce qu'il la sçauoit estre, sortie de parens lesquels auoyent tousiours esté de uotieusement affectionnez à la gloire & auancement de l'Empereur Charles. De sorte que sans passer plus outre, ie pense que pour descrire les gestes de vostre maiesté, & affaires de voz terres en Italie, il ne faudroit en choisir d'autre que cestuy-cy que i'ay nommé, la valeur & suffisance duquel sont au feste de leur perfection: & le renom tant de son sçauoir que bonne vie, est desia si auancé en l'opinion des hommes, qu'en peu de temps, avec l'aide de vostre maiesté, & souz l'ôbre de vostre faueur, & protection, il est pour atteindre aussi au comble de sa gloire. Mais en effect il me semble encor que faut considerer vn cas qui n'est de peu de consequence, & pour lequel ny Follier, ny pas vn de ceux que i'ay nommez, ou pourray nommer, ne sont pour du tout y estre employez, & mis en besoigne: c'est que cest historien à mon aduis, & iceluy necessaire, faut qu'il soit religieux, ou Ecclesiastique. D'autant qu'en premier lieu le soing de la femme & des enfans, est de trop grand poids & fardeau, & cest office d'escrire requiert vn homme libre, & presque seul, & tout à soy tant pour coucher par escrit que faire recerches, & entendre les affaires qui passent par le monde, puis qu'il est ainsi que les negoces pratiquez par les agents de vostre maiesté ont racine, rameaux, & liaison avec tout le monde. Outre ce, estans sans doute que si vn subiet de vostre maiesté (ainsi que i'ay touché cy dessus) fait l'histoire, ceux qui la liront, pourront aussi la soupçonner, ou sous quelque pretexte, & ombre de raison la calomnier de mensonge: & l'historien estans homme d'Eglise, il semble pour certaine cause estre presque emancipé de vostre subiection, & par ainsi moins exposé à la calomnie des mesdisans. Et d'auantage si c'est vn Prelat qui aye ceste charge, aussi il aura & moyen & occasion de viure, & se tenir quelque temps à Rome, ou alternativement y aller & venir, & puis s'arrester entre là & le Royaume. Et luy se tenant en la cour du Pape, en la cité de tousiours le chef du monde, il participera aux maniemens & secrets principaux de ce qui se fait par tous les coings de la terre. En ceste consideration donc, quoy que ie sçache que & à Naples, & par le Royaume y a plusieurs prelates suffisans & idoines pour l'effect de ceste charge: si est ce qu'il y a quelque temps que mon esprit s'est arresté du tout en Ierosme Siripani de Archeuesque de Salerne, auquel reluisent comme vn comble parfait les lettres, la cognoissance des langues, les sciences, vne bonté singuliere, l'integrité de vie, & sur tout vne deuouon particuliere qu'il a à la maison d'Autriche, l'intelligéce qu'il a des affaires, & des actions de voz personne, estats & royaumes: ainsi qu'en peut faire foy celle elegante harangue qu'il recita presque à l'improuiste à Naples en langue vulgaire, & soudain puis apres l'escriuit en Latin, il y a trois ans, aux obseques & funerailles de la maiesté du feu Empereur Charles le quint. Et comme ie suis asseuré que pour la gloire & seruice de vostre maiesté, il acceptera sans repliques ceste charge & office tres volotiers, aussi me tiens ie pour certain que vous & vostre tressage conseil, luy enioindrez avec vostre grand plaisir & contentement: sçachant bien par plusieurs voyes & moyens en quelle opinion, & vostre tres parfait iugement, & celuy de l'Empereur vostre pere, auez eu la bonté, doctrine, renommée, & bonne vie de ce grand Prelat, & le compte que tousiours vous en auez fait.

Mais

Mais on dira, que toute ceste esperance qu'il soit pour entreprendre cecy, est abolie à cause qu'il a esté fait Cardinal: à quoy ie responds que iamais ie ne blasmay, ains louë grandement que nostre historien fust Cardinal, ayant ferme esperance, qu'avec les merites de sa doctrine & bonté, & souz la tres-heureuse ombre de vostre maiesté il seroit encor pour deuenir Pape: me semblant que pour la description d'un tresgrand Roy, faite avec l'accomplissement qui y est requis, il faudroit aussi y aiouster vne souueraine autorité & gloire prise autant en contemplation de la puissance & du degré, que de la doctrine, & eloquence: mais il conuient que ceste grandeur de degré le trouue, & surprenne parmy les escrits ia faits, ou avec l'office en main, & l'effect de son desir en ce qu'il pretendoit escrire. Ainsi en vsa (à fin que ie n'aille point recercher les exemples trop loing) le Cardinal Bembe faisant & dressant son histoire de Venise: non qu'estant Cardinal il entreprist ceste charge, & à l'effectuer, vëu que desia il estoit chargé d'ans, & du tout employé aux affaires de grande importance, & sur tout en la cause de la religion, qui est à present de plus grande consequence & consideration que ne sont tous les autres affaires de la Chrestienté, tous mis ensemble: ains tout estoit dressé auant que venir à ce degré, & lors il le mit en lumiere. Me despouillant donc du tout de ce pensemēt du Siripande, ie m'arreste à conclure que, quand à moy, ie ne sçauray trouuer homme plus idoine pour cest office de seruice à vostre maiesté, que Antoine Minturne Euesque d'Augente, auquel on ne sçauroit desirer chose requise en cecy, qui ne s'y trouue autant qu'en homme qui viue: d'autant qu'il est nay vostre suier, & a esté nourry en vostre seruice, & qui avec l'effect s'est acquis il y a long temps le nom & fame publique d'estre le premier de nostre temps es langues Grecque, Latine, & Italienne, & des plus renomez en toutes sciences: ayant tousiours vescu modestement, studieux, tousiours bon, & sans aucun scrupule ny soupçon, voire parmy ceux qui font le plus de profession de mesdire: outre ce qu'il est homme adonné au travail, si pratiqué aux affaires du monde, si sage, & de si bon iugement que le Duc de Monte-lyon, qui est pour le iourd'huy estimé vne des plus sages testes du Royaume, Dom Fabrice, Pignatel commandeur, & Dom Ierosme ses freres, s'estiment & reputent tresheureux d'auoir esté esleuez & nourris par ce sage & excellent Euesque, comme aussi ce grād Pignatel leur pere (qui fut Vice-roy de Sicile, tant aymé & chery par le feu Empereur Charles quint, qui l'auoit choisi avec vne grande maturité de iugement) se glorifioit de l'auoir pour son conseil principal en toutes ses actions & affaires de consequence. Et outre toute ceste suffisance, & grand renom de sa valeur & excellence, on peut esperer asseurement que le comandement de vostre Maiesté, & la faueur d'icelle, sont pour luy atcroistre de iour à autre la vigueur d'esprit, l'effort de son eloquence, son sçauoir & reputation, & luy donner autorité & foy, tant au saint siege Apostolique, qu'en uers tout le monde. Et ne me reste qu'adiouster sur ce propos, sinon qu'une seule personne ne suffit point à traiter chose si importante, ainsi qu'elle le requiert & merite. Entant que l'un se tenant en vne cité ou Province pour estre present aux affaires principaux, ou en auoir au vray les instructions, il faudroit que l'autre fust ailleurs, puis que de plus d'un lieu dependent les affaires des Princes & Monarques. Apres ce,

soit

soit à escrire, ou consulter, & reduire les matieres en leur perfection, soit par
 l'effect d'icelles, pour le langage & eloquence, c'est sans doute que deux sont
 pour faire mieux reüssir la chose en son accomplissement, qu'un seul ne pour-
 roit faire. En somme, s'il y a office, qui aye besoing d'aide & de compagnie, ce-
 ste cy la requiert sur tout autre, & avec plus de necessité. Par ainsi, ayant lon-
 guement pensé sur cecy, me suis à la fin resolu & arresté en cecy sur Jean Vin-
 cent Pinelly, qui du costé paternel est de la famille Pinelle, & de la part & sang
 maternel descend les Rauaschiers, maisons treshonorables à Genes (ou i'ose
 dire que la nature ne produit que choses parfaites) & lesquelles sont fort re-
 spectées à Naples. Je sçay qu'il n'est ia besoing que ie parle d'auantage de ces
 familles du pere, & des oncles de ce ieune homme duquel est icy faite mention,
 puis que vostre Maiesté a peu sçauoir & entédre de plusieurs, que ceux cy sont
 tenus pour le refuge des pauvres, comme aussi en effect ils le sont, & qui seruēt
 d'un grand profit, à toute la noblesse de ce Royaume, & lesquels pour le serui-
 ce de la Maiesté de Charles, & de la vostre Catholique n'ont crainit plusieurs
 fois de se hazarder à de grands perils, & se mettre en danger de perdre tout ce
 qu'ils possèdent des biens de fortune en ce monde. Ce gentilhomme estant sor-
 ty de ces trefnoblés citez, & de deux familles tant honorables, & fidelles à la
 couronne d'Austriche, a esté aussi nourry dès son enfance aux bonnes lettres
 avec telle felicité, que n'ayant (peut estre) passé encor les dixsept ans de son
 aage, il y en auoit peu en Italie qui le surpassassent, & moins qui le peussent es-
 gallier en la cognoissance des langues & des bonnes disciplines. De sorte que
 taisant plusieurs autres choses que ie pourroy dire sur ce propos, j'aduanceray
 cecy que Barthelemy Marante vn des premiers Medecins & Philiciens de l'E-
 urope, & sur tout en ce qui est de la cognoissance des simples, s'estime auoir grā-
 dement illustré vn sien liure tresdocte en Latin, le dediant à ce gentilhomme
 aussi ieune d'ans, qu'il est vieil de sciences, bon iugement, & de nom, & race
 illustre & genereuse, lequel ieune homme a voulu depuis continuer, & pour-
 suyure ses estudes avec si grand soing & diligence, qu'à peine en a lon veu vn
 de ce temps qui ayt fait le semblable. Et son pere le tenāt aux estudes à Padoüe
 avec comodité de deniers, si est-ce que tout ce que les autres enfans de bon-
 ne maison ont accoustumé de despédre en bobans & superfluités plus vaines,
 que profitables ou necessaires, cestuy les a employez à en aider & accommo-
 der les hommes excellens & de grandes lettres qui arriuoient en icelle cité, &
 à honorer toute sorte de gens vertueux, & sur tout à dresser vne librairie digne
 d'un grand Prince ou Republique fort puissante, tant s'en faut que ce ne fust la
 Bibliotheque d'un petit compagnon. Si bien qu'on ne voit rien en luy que la
 face, qui resente chose ny trait quelconque de la ieunesse, s'aquerant en ceste
 cité, & par toute l'Italie, le nom d'auoir esté produit par la nature pour vn rare
 exemple, & patron de presque tout ce qu'elle sçait faire, & qu'elle peut ouurer
 pour vn chef d'œuvre & accomplissement: puis qu'en vn aage si gaillard, frais &
 vigoureux, il est arriué au cōble d'un sçauoir tant exquis, & à vne vie si vertueu-
 se, & a gagné vne si rare & bonne opinion, que rāt ceux qui le cognoissent par
 auise, que ceux qui ont ouy parler de luy, conçoient vne merueilleuse espé-
 rance de sa perfection. Mais moy, qui par plusieurs moyens considere les grandes,
 rares,

rare, & diuerſes vertus de ceſte voſtre Maieſté Catholique, & les graces qu'il plait à Dieu de faire à tout ce ſang Royal. Et qui tiens pour aſſuré qu'à voz ans & gouuernement, & ſouz voſtre Empire il a reſerué l'vnion & repos comblé de la foy & religion Chreſtienne; auſſi penſe-ie que la diuine prouidence a fait naiſtre ce ieune homme, & luy a donné tant de ſçauoir & de vertu pour ce ſeul eſſet, qu'il ayt le ſoing charge, & diligence de deſcrire les actions & geſtes glorieux de voſtre Maieſté, & de ceux de voſtre ſang & maiſon. Et comme il y a long temps que ceſte opinion m'eſt venuë en fantaſie, auſſi l'ay-ie voulu faire entendre à voſtre Maieſté avec, & pour les cauſes & raiſons ſus alleguees, & ſur tout pour ne manquer point à mon deuoir & deſir que i'ay, non ſeulement de procurer la gloire & ſeruice de voſtre Maieſté, ains encore celle de tout le monde, & nommement celle de mon païs d'Iconie, & particulierement de moymeſme: qui recognoiſtray ainſi les merites infinis de l'Imperiale & Royale famille d'Autriche, iouiſſant de la contemplation & eſperance de voir bien toſt ſoubs voſtre main l'vnion de la Monarchie Chreſtienne. De Veniſe, le troiſieſme d'Auril, mil cinq cens ſoixante vn.

*Le trahumble & tres-affectionné ſeruiteur
de voſtre Maieſté Catholique,
Ieroſme Ruſſelly.*

S. HIEROME.

Les Epiſtres de S. Hieroſme tranſlatees en François. [impr. in f°. en deux parties à Paris par Guillaume Euſtace. ſans datte.

La vie de S. Paul premier hermite, de Paule veufue & abbeſſe, de ſainte Marcelle veufue, de S. Hilarion. De Malchus moine captif, extraicte des œuvres de S. Hierome, traduite en François & contenue dans les volumes de l'hiſtoire de la vie & mort des ſainct. [impr. à Paris par Cheſneau.

HIEROME D'AVOST Dela Val a traduit d'Italien,

Les Amours d'Iſmene & de la chaſte Iſmine Nobles de la Grece. Autheur Euſtathius, & traduities de Grec en Italien par Lelio Carani. [impr. à Paris 16°. par Nicolas Bonfons.

Dialogue des graces & excellences de l'homme, & de ſes miſeres & diſgraces. Representees en langue Italienne par le Seigneur Alphonſe Vlloa: & declarees à la France par Hierome d'Auoſt. [impr. à Paris 8°. par Robert Colombel 1583.

Eſſais de Hierome d'Auoſt ſur les Sonnetz du diuin Petrarque: Avec quelques autres poëſies de ſon inuention. [impr. à Paris 8°. par Abel l'Angelier 1584.

HIEROME DE BARA a eſcrit,

Le Blaſon des Armoiries, auquel eſt monſtree la maniere de laquelle les anciens & modernes ont vſé en icelles: Traicte contenant pluſieurs eſcuſſons differens par le moyen deſquels on peut diſcerner les autres & dreſſer ou blaſonner les armories. [impr. à Lyon f°. par Claude Rauot 1579.

HIERO

HIEROME CARDAN

De la subtilité des choses. Voyez Richard le Blanc.

HIEROME DE CHATILLON Président au parlement de Dombes & au siege presidial de Lyon a escrit, Discours sur l'immodestie & superfluité d'habits. Avec la traduction François de deux oraisons Latines, prises de T. Liue, l'une de M. Portius Cato consul Romain. L'autre de Lucius Valerius Tribun du peuple. [impr. à Lyon 4°. par Antoine Gryphius 1577.

Ordonnances de Monseigneur le Duc de Montpensier Prince souverain de Dombes. Avec brieve & sommaire interpretation d'aucuns principaux poinct & articles d'icelles, concernans l'ordre, instruction & iugemens des proces civils & criminels par Hierome Chastillon président au siege presidial de Lyon & en la souveraineté de Dombes. [impr. à Lyon 4°. par Jean de Tournes 1583.

HIEROME DE CHOMEDY Gentilhomme & Conseiller de la ville de Paris a traduit d'Italien,

L'histoire d'Italie de Messire François Guicciardin Gentilhomme Florentin, comprise en vingt liures. [impr. à Paris f°. par Jacques Keruer en l'an 1568.

L'histoire de la coniuration de Catilin. Avec vn discours de Nicolas Macchiauel Florentin touchant les coniurations. [impr. à Paris 8°. par Abel l'Angelier 1575.

Dialogue des festins. [impr. à Paris par Denys du Pré 1579.

Epistre de Ciceron à son frere Gouverneur de l'Asie traduite par ledit de Chomedy, & dediee à Monsieur le Marechal de Montmorency. [impr. à Paris 4°. par Jacques Keruer 1572.

HIEROME DE CONTRERAS.

Les Estranges Aduentures contenant l'histoire des extremes amours d'un chevalier de Seuille dit Luzman à l'endroit d'Arbolea, les cas merueilleux qui luy aduindrent en dix ans: composee en Espagnol par Hierome de Contreras, & mise en françois par G. Chapuys [imp. à Lyon 16°. par Benoist Rigaud 1580.

HIEROME DE HANGEST Docteur en Theologie a escrit,

Lumiere Euangelique contre les tenebrions heretiques pour la sainte Eucharistie. Liure dedie à monsieur le Connestable Anne de Montmorency par l'auteur, & imp. à Paris 8°. par Jean Petit 1534.

Le Liure de voye seure en controuersie, composé par Hierome de Hangest. [impr. en Auignon 16. par Pierre Roux 1566.

HIEROME HENNEQUIN Conseiller en la cour de Parlement a escrit en vers François:

Regrets sur les miseres aduenues à la France par les guerres civiles en 31. Sonnets. Avec deux prieres à Dieu. [impr. à Paris 4°. par Denys du Pré 1569.

HIEROME HERMES BOLSEC Docteur Medicin à Lyon a escrit,

Miroir de verité au Roy Charles 9. aux Princes & Seigneurs de son conseil, Du

Bb

iuge

iugemēt faict par Solomon en son bas aage au cōmencement de son règne: du lustre & reflection duquel miroir apparoit le vray moyen d'appaiser les troubles & seditions du royaume de France. [impr. en l'an 1562.

Histoire de la vie, meurs, actes, doctrine, constance & mort de Iean Caluin iadis ministre de Geneue. [impr. à Lyon 8°. par Iean Parrasson 1577.

Histoire de la vie, meurs, doctrine & deportemens de Theodore de Beze, dict le Spectable, grand ministre de Geneue, selon que l'on a peu voir & cognoistre iusqu'à maintenant, en attendant que luy mesme si bon luy semble y adiouste le reste. Par M. Hierome Bōlsec Theologien & Medecin à Lyon. [impr. à Paris 8°. par Guillaume Chaudiere 1582.

HIEROME GARIMBERT.

Les Problemes de Hierome Garimbert en nombre cent & dix, traduiets de Tuscan en François par Iean Louveau. [impr. à Lyon 8°. par G. Rouille 1559.

D'où vient que des sciences & arts des personnes, le plus souvent on peut iuger de leur complexion & meurs.

PROBLEME XXXIII.

Il me semble que le proverbe est assez commun & ancien, que qui hante avec les bons, n'est iamais estimé mauuais: au cōtraire qui hante avec les mauuais, n'est point réputé homme de bien. Car si ainsi est que naturellement tout semblable appete son semblable, nous trouuerons aussi que les meschantes manieres de faire de quelcun sont approuuees d'un autre qui sera mal nourri, & pareillement les bonnes meurs seront louees par un homme de bien par la similitude & conformité qui est entre eux. Au moyen de quoy il est tresmanifeste que les vertueux hantent volontiers ceux qui aiment les vertus, & les vitieux suyuent les amateurs de vices. Mais ils sont differents en ce que les vertueux ne commettans point de fautes, ne permettent aussi iamais que leurs amis puissent faillir: tellement que leur amitié est ferme & constante. Au contraire les vitieux n'ont point de stabilité en eux, car s'arrestans à la malice, qui est de soy-mesmes odieuse, ils sont tousiours variables: & ne trouuans aucune chose en ce monde où leur vouloir se puisse contenter & appaiser, de là vient que l'amitié entre eux n'a point de stabilité: Ce neantmoins les mauuais ne laissent pas de suyure les mauuais, tout ainsi que les bons cherchent les bons. Et pourautant que cela se voit en plusieurs hommes qui sont beaucoup de corps & beaucoup d'ames, separees l'une de l'autre: à plus forte raison cela deuroit apparoir en un corps & une ame seule, qui estans ainsi conioincts ensemble, ont si grande conformité & vnion entre eux, que les passions & effects de l'un sont passions & effects de l'autre: ce qui appert aux sanguins, lesquels se monstrent tousiours avec le visage riant, conforme à la qualité de leur cœur, qui est ioyeux: au contraire les melancoliques representent tousiours au visage leur melancolie interieure. Car il est certain que les coustumes de l'esprit suyuent la temperature du corps. Or estant un homme de soy mesmes enclin à quelque science ou art, s'il est de complexion sanguine il s'adonnera à choses plaisantes & delectables, comme la Poësie, les histoires, la musique, la chasse & autres tels exercices qui sont de
grand

grand plaisir & de moindre speculation que n'est la methématique, laquelle avec la peinture, sculpture, & autres semblables conuiennent au melancolic, & beaucoup plus la Physique, & particulièrement la Philosophie morale, & la Metaphysique comme sciences conformes à la nature du melancolic naturellement enclin à speculer & contempler les choses diuines, & auoir l'œil sur les terrienes, principalement sur les gouuernemens & estats, mieux que les autres hommes, entre lesquels les flegmatiques se delectent à l'estude des loix ciuiles, lesquelles n'estans point proprement sciences, si sont elles subalternes aux sciences. Ils se delectent aussi d'aller sur mer & pescher, tellemēt que la complexion flegmatique, qui est lente & patiente en ses actions, s'addōne à tels arts. Le semblable se peut dire du coleric, lequel par son excessiue chaleur, estār enclin aux affaires martiales, de nature s'adonnera aux sciences qui conuiennent à la profession des armes. Que dirons-nous de la complexion temperee? laquelle participant quasi egalemeut de toutes autres, inclinera aussi à participer de toutes les sciences en vniuersel par le moyen de sa temperature. Les autres complexions dessus dictes en participent plus & moins, selon qu'elles excèdent plus ou moins en l'un des quatre humeurs, par lesquels estant encliné l'homme de soy mesmes à suyure plus vne science que l'autre, on peut aussi iuger de sa complexion, estant attiré par autrui, cōme nous voyons aux enfans. Car de ce continuel exercice qu'ils font en vne profession, il s'ensuit vne habitude qui se conuertit apres en nature, laquelle comme mere vniuerselle, nous ayant dōné l'esprit & le corps si conformes & d'accord entre eux, que les meurs de l'un suyuent la temperature de l'autre, est cause puis apres que des arts & sciences qui par necessité ou election sont en aucuns, on peut faire iugement certain de leur complexion & meurs.

D'où vient que vniuersellement les badineries plaisent. & les badins sont tenus pour infames.

PROBLEME LXXXIII.

Les faceties sont tellement vtils à la vie & necessaires à la cōuersation humaine, que de la deriue vne qualité de grand repos, & vn solagement des angoisses & desplaisirs de l'esprit, qui bien souuent appesantissent le corps: car tout ainsi qu'aux peines corporelles, aucunes fois nous auons besoin de ce repos que nous receuons du dormir, aussi aux operations de l'intellect on cherche aucunes fois à se descharger des soucis par le moyen d'aucunes sortes de passe-temps, entre lesquels les principaux sont les faceties qui se diuisent en deux especes, desquelles la premiere est celle qui avec parolles promptes honestes, & de bonne grace, faisant rire modestement, donne plaisir aux assistans sans offenser aucun. La seconde est apres l'autre, qui est formee de parolles promptes & gracieuses, mais aucunement deshonestes, esmouuant vn ris temperé & le plus souuent en offensant quelcun: & tout ainsi que l'une est appelée ciuilité, parce qu'elle est entre personnes honestes: au contraire l'autre est appelée badinerie, à cause qu'elle s'accoustume entre gens de basse condition & menu peuple: veu que les badins sont vne maniere de gens vulgaires lesquels faisans

B b 2 indu

industrie de leurs badinages pour gagner, n'estudient autre chose qu'en paroles & faict deshonnestes pour faire rire excessiuelement les assistans : & pourueu qu'ils viennent à leur intention, ils ne se soucient point de brocarder & piquer indifferemment tous ceux desquels ils n'esperent tirer aucun profit, tout ainsi qu'ils ne pensent en autre chose que à flater ceux qui payent volontiers les badineries, ou parce qu'ils donnent vniuersellement plaisir aux hommes, comme à ceux qui vniuersellement sont inclinez d'ouyr plustost blasmer que louer autrui. Ioint que la melodie que la flaterie porte avec soy, faict qu'ils sont escoutez avec grand ris de tous, & receuz d'un chacun aux grandes sales & chambres secrettes des grands seigneurs, à cause du passetemps que la pluspart des hommes, & particulièrement le menu peuple reçoit ordinairement de la nouveauté des choses : & sur tout des badineries, lesquelles en esinouuant le ris delectent, & consequemment sont estimees. Au contraire les badins sont estimez infames, à cause de leur intention la fin de laquelle n'est pas de vouloir plaire à autrui, mais seulement pour gagner & attrapper deniers, tellement qu'il ne leur chaut de s'assuictir à toute qualité de vilennie, & de mesdire autant d'eux mesmes comme d'autrui, se contrefaire le visaige, tordre les membres & endurer des coups, pourueu qu'en faisant rire le peuple, ils puissent gagner quelque chose : lesquelles choses tout ainsi qu'elles ne peuuent tomber sinon en un homme abiection & priué de honte, aussi pareillement elles sont cause que les badins par ceste abiection & effrontement sont tenus pour abiection & effrontez, & consequemment pour infames. De telle maniere de gens, qui sont comme vne mauuaise plante qui produit aucunes fois fruiets agreables, toutes les cours en ont tousiours esté plaines, & sont encore pour le iourd'huy : tellement qu'il y a quasi plus de badins que d'hommes, combien que la similitude soit odieuse.

Pour quelle cause le pere aime plus l'enfant, que l'enfant le pere.

P R O B L E M E L X X X I X.

Combien que Platon, Aristote & quelques autres Philosophes ayent escrit de l'amour du pere vers l'enfant, & de l'enfant vers le pere : toutesfois pour plus claire intelligence d'un chacun avec quelques autres raisons, j'ay voulu former ce Probleme. Il faut premierement noter qu'il y a trois principales especes d'amour en l'homme qui surmontent toutes les autres : c'est assauoir, vers l'enfant, vers le pere, & vers la femme. La premiere est douce, la seconde encore plus, & la troisieme ioyeuse. Car c'est chose douce au pere de se voir soy mesme en l'enfant, & en luy allonger & comme perpetuer sa vie. L'amour de l'enfant vers le pere est debonnaire : parce que pieté, ou debonnaireté est vne sorte de iustice, par laquelle nous ayons le pais, le pere, la mere, & les autres parens. L'amour vers la femme est ioyeux : car c'est chose fort plaisante & ioyeuse que la conuersation d'une femme fidele & obeissante. De ces trois especes d'amour Dante en faict mention au vingtiesme chapitre de l'enfer, là où il est dit que la douceur du fils, ny la pieté du bon vieillard, ny l'amour ioyeux de Penelope ne peut onc retenir Vlysses au pais. De ces trois sortes d'amour le plus grand est celuy

celuy du pere, parce qu'il ayme plus son enfant qu'il n'est aymé de luy, pour beaucoup de causes. La principale desquelles est qu'il est assuré de l'auoir engendré, & l'enfant n'en a aucune assurance, à cause qu'il n'auoit pas encore l'essence du temps de sa generation. Ioint que la beneuolance qui est entre les parens, naist de ceste prochaineté de l'un & l'autre par le moyen du sang. Au moyen dequoy le pere estât plus prochain du fils que le fils du pere, il l'aymera aussi plus qu'il ne sera aymé de luy. En ce qu'il est plus prochain cela se prouue entant que la chose engendree (la comparant à l'engendreur) est comme la partie separable du tout, où elle est contenue, & le tout n'est pas contenu en la partie: & pourautant que la chose qui contient est plus prochaine de celle qui est contenue, qu'elle n'est pas au contraire, il s'ensuit donc que le pere contenant le fils comme sa propre chair & substance, luy sera aussi plus prochain que ne sera le fils à luy, & consequemment l'aymera plus qu'il ne sera aymé de l'enfant. D'auantage la beneuolence s'augmente & se confirme par la longueur du temps. Or pource que les peres commencent à aymer leurs enfans, depuis l'heure qu'ils sont engendrez: où les enfans ne commencent point à aymer les peres sinon apres qu'ils ont receu l'usage de la raison, & du sens rassus, par le moyen duquel ils distinguent le pere des autres hommes: pour ceste cause les enfans ne correspondent point à la beneuolence des peres, enquoy nous concludrons en brief par les raisons dessus allegues, qu'ils ont quelque chose aux enfans, & au contraire les enfans n'ont aucune chose au pere. Il y a aussi que la nature voulant conseruer l'espece humaine, ba fait que l'amour ne retourne iamais en arriere, ains tousiours en descendant faict que pensans aux choses futures n'auons pas grand soing des choses passees: tellement que l'amour du pere qui voit deuant soy l'enfant, est plus grand que celuy du fils vers le pere, qui ne regarde point derriere soy.

HIEROME OSORIVS, ou des Osres.

Histoire de Portugal contenant les entreprises, nauigations & gestes memorables des Portugalois, tant en la conqueste des Indes orientales par eux decouuerte, qu'es guerres d'Afrique & autres exploicts depuis l'an 1496. iusques à l'an 1578. sous Emanuel premier, Iean troisieme, & Sebastien premier du nom, comprise en vingt liures dont les douze premiers sont traduits du latin de Hierome Oforius euesque de Sylues en Algarue, & les huit suiuians prins de Lopez de Castagneda & d'autres historiens par S. G. S. Avec vn discours dudit traducteur du fruit qu'on peut recueillir de la lecture de ceste histoire. [impr. à Geneue f°. par François Perrin 1581.

De la Noblesse ciuile, liures II. Voyez le sieur de la Guillotiere.

Remonstrance en forme d'Epistre à la royne d'Angleterre. Voyez Iean de Maumont.

Institution & nourriture du Prince, par ledit Oforius, traduite de latin en françois par Pierre Briffon.

HIEROME MEVRIER Doyen & chanoine Théologal de Rheims a traduit en françois:

Briefue Instruction pour les marchans qui desirent en leur estat faire leur salut, Contenant sommairement les vrais moyens de se garder de toutes especes

ces d'usure & tous autres pechez qui obligent les personnes à restitution:faicte en latin premierement par le docte & vertueux personnage Denys le Charteux surnommé de Rikel. [impr. à Rheims 16°. par Jean de Foigny.

HIEROME MONTVVS. Voyez Claude Valgelas.

HIEROME MVTIO. Voyez Antoine Chapuys.

HIEROME DE LA ROVERE Esleu Euesque de Tholon a escrit,

Les deux Sermons funebres és obseques & enterrement du feu roy treschrestien Henry deuxiesme de ce nom prononcez par luy, l'un en l'Eglise nostre Dame de Paris, l'autre à S.Denys en France. [impr. à Paris 4°. par Robert Estienne 1559.

HIEROME SAVONAROLE de Ferrare de l'ordre des freres prescheurs a exposé en latin Le Psalme *Miserere mei Deus*, laquelle exposition & paraphrase a esté translatee en françois & impr. à Paris 16°. par Geofroy de Marnef sans datte.

Exposition de l'oraison Dominicale. Petite paraphrase sur icelle. Autre exposition de l'oraison Dominicale. Meditation sur les Psalmes *Miserere mei Deus* : & *In te domine speravi*. Briefue interpretation du Decalogue. Paraphrase du symbole des Apostres. Le tout faict par frere Hierome Sauonarole Ferrarois, & trallaté en françois. [impr. à Lyon 16°. par Baltazar Arnouillet 1543. Voyez les œuvres qu'il a faict en bon nombre en vulgaire Italien dans la Librairie del Doni.

HIEROME SQVARZAFICHO.

La vie de François Petrarque composee premierement en par Hierome Squarzaficho, & maintenant translatee en françois. non impr. & veüe escrete en main en la Bibliotheque du feu seigneur de Senefcey.

HIEROME VIDAS.

Hymne de S. Laurens. Autre de S. Jean l'Euangeliste. Autre à Sainte Marguerite. Autre de l'Eucharistie. Autre au divin David, traduits du latin de Hierome Vidas Cremonnois Poëte sacré en françois par Guy le Feure de la Boderie & contenus en ses Hymnes Ecclesiastiques.

HILAIRE COVUTOIS. Aduocat au Chastellet de Paris a composé en rime françoise:

La publication de l'Estat de Chancelier faicte par Mercure, avec quelques dialogues, l'inuention desquels est prise sur trois de ses Epigrammes faicts à la louange de Messire François Oliuier Chancelier de France, Assauoir le premier sur l'Epigramme qui commence *Quid spectem*. Le second sur celuy qui commence *Quoniam te confers*, Et le tiers sur celuy dont le commencement est *Qua Dine*. [impr. à Paris 8°. par Nicolas Buffet 1545.

HIPPOCRATES. Voyez François le Feure. Guillaume Chrestian. Jean de Bourges. Jean Breche. Jean Canappe. Jean de la Fargue. Jean Guichard.

HOMERE. Voyez Amadis Iamin. Hugues Salel. Antoine de Cotel. Antoine Macault. Guillaume Paquelin. G. Royher. Jean Samxon.

HONORAT RAMBAVD Maistre d'eschole à Marseille a escrit,

Declara

Declaration des abus que l'on commet en escriuant, & le moyen de les euitier, & representer nayement les paroles, ce que iamais homme n'a faict. [impr. à Lyon 8°. par Jean de Tournes 1578. Tout homme qui veut introduire vne nouueauté icelle faire receuoir & abolir la maniere ancienne, doit prendre garde à ce que pensant d'instruire, & profiter son inuention ne soit plustost pour destruire & porter dommage: car vne vertu & propriété de la doctrine c'est la facilité, & doit estre claire & intelligible, mesmes les lettres, syllabes, paroles & oraison sont pour declairer noz conceptions. Et quand on voudroit trouuer vne autre maniere d'escripture, il fault tascher qu'elle soit plus facile & plus claire que la premiere, autrement ce seroit comme l'on dit *Ignotum per ignotius*. Ce qu'a voulu faire cest Honorat Rambaud reformateur de l'Alphabet commun escriuant d'une façon nouvelle & autre que l'vsitee. Mais il n'a rien aduancé, & son inuention n'a esté receüe, & est morte aussi tost que nee. Il veut que l'on parle comme l'on escrit à fin de ne commette point de faulseté, à quoy ie respon que si l'on ne peut pas bien aprocher de verité, & qu'au lieu de ce faire receuans son nouveau Alphabet nous elloignons dauantage d'icelle, que gagnerons-nous? Je ne doubte point qu'il n'aye tasché par son inuention d'aprocher de verité, & faire que plus proprement chacun escriuist ses conceptions: mais d'autant que noz conceptions sont spirituelles, & la declaration & escripture est corporelle, ce n'est merueille si la proportion du corps ne respond à l'esprit. Je ne luy voudrois oster la louange qu'il merite par l'inuention de ses nouvelles lettres: mais ie n'en puis approuuer l'vsage: car la receuant il seroit à craindre qu'en lieu de diminuer la peine & difficulté, elle ne fust redoublée. L'inuention, l'vsage & le changement des lettres n'est point de nous. Il vaut mieux vser de plusieurs lettres & estre entendu, que d'en vser d'une seule & n'estre point entendu: & de vouloir maintenant introduire nouvelle sorte de caracteres ce ne seroit que tourmenter l'esprit en vain. S'il ne se contente de mes raisons ie le payeray de ce que Abel Mathieu escrit. Il me souuient (dit-il) d'un nommé Meigret, lequel a cy deuant iecté vn liure en la main du peuple, touchant la maniere d'escrire en François. Ce liure estoit imprimé de telle façon, qu'on ne le pouuoit lire: lors di ie, ce pauvre homme a bien perdu sa peine, & est bien loing de son intention: d'autant qu'on ne peut lire, moins encore entendre l'escripture qu'il a composée pour estre leüe & entendue, maigre recompense, & pauvre guerdon à vn auteur. Ainsi i'estime qu'il se vaut mieux aider, & seruir de la maniere d'escrire presente à moins de corruption que on pourra, que d'en chercher & penser vne nouvelle. Car par vne nouvelle oultre la perte du temps qu'on faict, on acquiert vn bruit & vne renommee d'insolent, & d'esprit deréglé, & abandonné. Demourons doncques au dedans des limites de coustume, & d'vsage: seruons nous des manieres de nostre temps: & si nous auons iugement, adoucissons ce, qui nous semble rude: detrempons ce, qui nous semble amer ou aigre, & y besongnons de sorte, qu'à peine s'en puisse on apperceuoir, en attendant que le temps reduise la multitude. Les gens qui proposent vne nouvelle maniere d'escrire, ne iugent pas qu'ils entreprenent combat à l'encontre de la nécessité, & ne regardent pas que nul art, nulle subtilité, ne raison ne peult à l'encon-

tre de la necessité. Telle necessité, c'est la Chancellerie de France: sont les courts de parlement: sont les iustices souueraines, & ordinaires. En ces lieux l'écriture telle qu'elle est, tient la force, tient le hault & la maiesté. Parquoy c'est moquerie à vn petit compaignon, quelque support qu'il ait, & quelques aliez qui le suivent, de soy preparer à l'encontre de telle force.

HONORAT D'URFE.

Soubs le nom de ce ieune gentilhomme cheualier de Malte les Iesuites du college de Tournon luy estant escholier ont redigé par escrit,
La triomphante entree de madame Magdelene de la Rochefocaud espouse de haut seigneur messire Iust Loys de Tournon seigneur & baron dudit lieu, comte de Roussillon, faite en la ville de Tournon le dimenche 24. d'Auril 1583. Avec les inscriptions & vers faits & recitez tant en Latin qu'en François par aucuns escholiars y nommez. [impr. à Lyon 8°. par Jean Pilehote 1583.

HONNORE BONNOR prieur de Salon, docteur en Decret a escrit en 165. chapitres vn liure intitulé,
L'arbre des batailles, qu'il a dedié au roy Charles cinquiésme. [impri. à Paris par Jean du Pré l'an 1495.

HONNORE REBOLLÿ docteur en Theologie de l'ordre des freres prescheurs, & vicaire du conuent Royal de la ville de S. Maximin en Provence a escrit vne exortation au lecteur mise au commencement des 80. Psaumes paraphrasez par Pierre Paradin.

HORVS APOLLO.

Les sculptures ou graueures sacrees de Horus Apollo Niliaque avec leur interpretation, traduites de Grec en François. [impr. avec figures à Paris 16°. par Jacques Keruer 1553.

HVBERT L'ESCOT prieur des chanoines de S. Augustin au Bois seigneur Isaac a traduit de latin,
Les Sermons de S. Bernard Abbé de Clereuaux sur les principales festes & solemnitez de toute l'année. Item dixsept Sermons du mesme S. Bernard sur le Pseaume xc. qui commence *Qui habitat in adiutorio altissimi, &c.* Plus lxxxvj. Sermons sur les Cantiques de Salomon. Item quatre traictez du mesme autheur, le 1. des douze degrez d'humilité & d'orgueil. Le 2. du Commandement & dispensation. Le 3. Pourquoi & comment il faut aimer Dieu. Le 4. la maniere de bien & religieusement viure, escrete à sa seur, & distinguee en 73. sermons. [impr. à Louuain 4°. par Pierre Zangre Tiletan 1577.

HVBERT PHILIPPE DE VILLIERS.

Cinquante Jeux Diuers d'honneste entretien industrieusement inuentez par Innocent Rhinghier Gentilhomme Boloignois, & faicts françois par Hubert Philippe de Villiers. [impr. à Lyon 4°. par Charles Pesnot 1555. Il y a cinquante autres Jeux dudit Rhinghier à traduire.

Discours du Siege de Mets traduit d'Italien. [impr. à Lyon 4°. par Thibaud Payen, & Philibert Rollet 1553.

Lettres amoureuses de Messer Girolamo Parabosco, avec quelques autres adioutees à la fin, reduites d'Italien en françois, & impr. à Lyon 4°. par Charles Pesnot 1555.

Il a écrit en vers François:

Le Limas. [impr. à Paris 8°. par Nicolas du Chemin 1564.

HVES DE BRAIESELVE pres Oignon, fut vn menestrel fort estimé par l'auteur du Romans de Guillaume de Dole qui dit de luy:

*De Braieselue vers Oignon
 Il vint Hues à cele cort.
 L'empereres le tint molt cort,
 Que li apreist vne dance,
 Que firent pucelles de France,
 A l'ormel deuant Tremilli:
 Ou len a meint bon plet basti.
 C'est vers de belle Marguerite,
 Qui si bel se paie & aquite
 De la chansonnete nouvelle,
 Celle d'Oisseri,
 Ne met en oubli
 Que n'aille au¹ cembel,
 Tant a bien en li,
 Que moult embeli
 Le gieu souz l'ormel.*

1 C'est vne
manier e
de Tour-
noy.

Ces plaids & gieux ou ieux souz l'ormel, estoient vne assemblée de dames & gentilshommes, où se tenoit comme vn parlement de courtoisie & gentilleffe pour y vider plusieurs differens. Il y en auoit d'autres en autres prouinces, selon qu'il se trouuoit des seigneurs & dames de gentil esprit.

HVES DE CAMBRAY a fait le Fabliau, intitulé La Male honte: qui est vne moquerie faicte contre Henry Roy d'Angleterre. *Cl. Fauchet.*

HVE LI MARONNIERS, (qui peut estre celuy qu'on appelloit le marinier d'Amours) demande à Simon d'Athies, lequel employe mieux son temps, celuy qui aime vne belle & sage dame sans guerdon, mais en espoir de l'auoir: ou celuy qui aime vne dame pauvre & nice, mais de laquelle il iouit.

Par la II. il demande au mesme d'Athies: Lequel il aimeroit mieux, que sa femme sceust qu'il la fist vvihote, & elle en fust ialouse: ou elle le fist vvihot, & il n'en sceust rien. Ce mot de vvihot duquel vsent encores les hauts Picards, pour signifier Cocu, me fait penser que la plus part de ces auteurs de jeux partis, furent de ces quartiers, ou voisins. Tant y a que tous ceux que j'ay nommez depuis Thiebaut Roy de Nauarre, semblent auoir eu la vogue depuis l'an M. CCXXX. iusques en l'an M. CCLX. & quelque peu d'auantage. Car les Chansons, les Fabliaux, & les Jeux partis d'Amours, font mention des seigneurs vians de ce temps-là. Et la III. demande de Bretel, parlant de la Croisade, preschee contre Manfroy (vsurpateur de Sicile, tué l'an M. CCLXIII.) monstre le temps que luy, Greiuillier, Ferris, Cuueliers, Perrot de Neesse, Robert du Castel,

stel, & autres, ont vescu, & li Roix Adenez vesquit du temps de Philippes III. Roy de France, fils de S. Louis. Car il dit qu'il fut menestrel de Henry Duc de Braban, qui mourut enuiron l'an 1260. Lequel prince (ainsi que confesse ledit Adenez) luy fit apprendre son mestier (ie croy de sonner des instruments, & rimer) auquel il profita: mettant en rime plusieurs faits & gestes d'anciens cheualiers, renommez pour leur vaillance. Car au commencement du Romans de Cleomadez, il dit:

*Je qui fis d'Ogier le Danois,
Et de Bertain qui fut v bois,
Et de Buenon de Commarchis,
Ai vn autre liure raemplis
Moult merueilleux & moult diuers.*

Ce Romans de Cleomadez est bien poursuyui en son recit: & se voit plein de belles comparaisons. Aussi luy fut-il compté ou dicté (ainsi qu'il dit) par Marie Royne de France, fille dudit Duc de Brabant & femme en secondes nopces du dessuſdit roy Philippe, qui l'espousa l'an M. CCLXXII. Estant ceste royne aidée à dicter ce Romans, par vne autre grâde dame nommee Blanche. Lesquelles Adenez protestant ne vouloir point nommer, descouure assez grossierement en vn endroit où les lettres capitales de certains vers, sont celles de leurs noms. On peut dire de luy, qu'il fut facile rymeur, autant qu'autre de son tēps: mais il est fascheux en repetitions. On n'a veu de luy que le Romans de Cleomadez, & la moitié de celui de Bertain, qui n'est tel que Cleomadez. Je croy que le nom de Roy luy a esté donné, ou pource qu'il fut chef de Menestriez, ou que possible il fut Heraut & Roy d'armes du Duc son maistre. A la fin du Romans de Cleomadez, il adresse & presente son liure au Comte d'Artois, que ie pense estre Robert tué à Courtray l'an 1302. fils de celui qui fut aussi tué à la Massourre en Egypte.

H V E S P I A N C E L L E S a fait le fabel de sire Hains & dame Auieuse sa femme: qui se combatirent à qui porteroit les braies. Mais la dame fut contrainte les quicter, non par faulte de courage, ains pource qu'au combat en reculant elle tomba dans vn tonneau à gueule bee, la teste la premiere, ayant les iambes en hault: de sorte qu'elle ne se peut releuer. Estant par ceste infortune contrainte de se rendre & confesser vaincue. L'auteur dit de soy,

*Hues Piances qui trouua
Cil fabel, par raison proua
Que cil qui a femme' rubeſte
Est garnis de mauuaise beste.* i robuste.

Messire H V G V E S D E B R E S I, ou B E R S I fut tref-bon poëte, ainsi que deux chansons le tesmoignent. Il dit que quand il sera mort, sa dame connoistra quelle perte elle aura faite: & combien qu'il n'accomplit iamais son vouloir d'elle, il est delibéré mourir sous l'escu, plustost que se confesser vaincu: encores qu'elle luy aye deux ou trois fois menti, & qu'il se doute qu'elle aye autre ami, si a-t-il tant chassé qu'il deuit bien acheuer. Toutefois sa destinee est qu'il n'aura iamais bien d'aimer, puis qu'il ne peut plus voir sa dame

sa dame, ne trouuer occasion d'aller en son païs. Encores fera-t'il vne chanson perdue, puis qu'a perdre sont tournez tous ses chants. Mais possible que celle cy aura telle vertu, qu'elle luy fera droiture des autres. Estiene Pasquier eloquent aduocat en la Cour de Parlement, a vn liure qui apres ces deux vers de la Bible Guiot,

Lors veuil que il tiene sa voie,

Si loing que i'amaïs ne le voie.

en adioulte bien vi. ou vii. cens, tous Satyriques: dont les premiers commencent:

Moult ai allé, moult ai venu:

Moult m'a ma volenté batu.

& puis à la fin il dit,

Cil qui plus voit plus doit sçauoir.

Hugues de Bersi qui tant a,

Et si sai bien que li plus four,

Tendront mes sermons à folour:

Que ils ont ven que ie amoie,

Plus que nus biaux solas & ioye.

qui pourroit bien estre le mesme Hugues de Bersi, que les escriuains ont changé en Bresi, ou Bersil, comme dit vn liure qui est en la bibliotheque du Roy. Lequel aussi appelle ledit opuscul, commençant Moult ai allé moult ai venu, &c. La Bible du seigneur de Berzé Chastelain. Il semble que ce de Bersi apres auoir longuement demené l'amour, se soit rendu moine, ou pour le moins retiré des ioyeuses compaignies.

HUGUES BRUNET gentil'homme de Roddez, fut scauant aux bonnes lettres, bon poëte Comique en langue Prouençalle, les chansons qui se chantoient aux Scenes, luy mesmes les faisoit, & composoit le chant, & ordonnoit qu'elles fussent chantées: car il n'auoit point de voix. Le roy d'Arragon le voulut auoir à son seruice, comme aussi le Comte de Tholouse, le Comte de Roddez, Bernard d'Anduze & le Dauphin d'Auuergne. Il fut amoureux d'une gëtil-femme de la noble & ancienne maison de Monteil nōmee Iulienne de Monteil estimee la plus belle dame, la mieux parlante, & la plus sage de Prouence, mais elle ne fait iamais semblant de l'aymer. Quoy voyant se retira du tout avec le Comte de Roddez son maistre, ou il fut amoureux de la Comtesse. Le Comte s'apperceuant de leurs amours pour le plaisir qu'il prenoit à la poësie de Hugues Brunet fut contraint n'en faire aucun semblant, estant trop asseuré de l'honesteté & chasteté de sa Comtesse. deceda en l'an 1223. A faict vn traité intitulé *Las Drudarias d'amour*, mais aucuns ont dit que c'est de la propre facture de Bertrand Carbonel poëte de Marseille. Petrarque au quatriesme chapitre de son triomphe d'amour faict mention de ce poëte.

HUGUES DE SAINT CEZARI fut de noble maison de Prouence & ses predecesseurs auoient esté autrefois recteurs du monastere

frere des religieuses de S. Cezari d'Arles. Son pere le fait estudier aux bonnes lettres. Il fut amoureux en sa ieunesse d'une damoiselle de la maison de Serente de Seyne sieur de Montelar, à la louange de laquelle, étant bon Poëte Prouençal fait plusieurs chants. Se voyant estre aimé & prisé des grands, devint amoureux d'une autre dame de Prouence, de la maison de Cattillo, ses parens l'ayans mariee à un gentilhomme de la maison de Villemus en Prouence poursuivit tousiours ses amours, & iceluy de Villemus estre trespassé, fut remariee à un autre gentilhomme de Prouence, de la maison de Gordes, pour laquelle il dicta & chanta de fort belles chansons. Neantmoins la damoille craignant d'estre notee en son honneur de la familiarité qu'elle luy portoit luy enuoya secretemēt draps, argent, & cheuaux pour s'absenter: à quoy le poëte pour l'affection qu'il luy portoit obeir, & craignant de luy desplaire se desporta de cete amour. Tellement qu'apres auoir suyui la Cour de Loys deuxiesme du nom Roy de Naples, Comte de Prouence, se rendit moine au monastere de Montmaïour pres d'Arles, aagé de trente ans, ou il vesquit fort saintement, en supportant doucement la vie austere & monacale, & y escriuir beaucoup de bonnes choses en la Sainte Escripiture, recouura vne copie des œuvres des poëtes Prouençaux, qu'on disoit auoir esté extraites de celles qui auoyent esté redigees & compilées par le Monge des Isles d'or, & par le Monge de Montmaïour surnommé fleau des poëtes Prouençaux: lesquelles (ainsi que l'a escrit frere Rostang de Brignolle Moine de saint Victor de Marseille qui a redigé par écrit tant en rime Prouençale qu'en prose, les vies d'aucuns poëtes Prouençaux, de Marie Magdaleine, de Sainte Marthe & de plusieurs saints & saintes) estoient incorrectes & grandemēt differentes & defectueuses en maints endroits, pour autant que celles qui auoyent esté extraites des exemplaires de ce Poëte saint Cezari, furent trouuées belles, parfaites, & correctes, escrites en beaux caracteres rouges, illuminez d'or & d'azur, qu'il adressa à René fils dudit Loys deuxiesme, Roy de Naples, lequel les fait transcrire en belle lettre & y adiouster plusieurs vies d'autres bons poëtes Prouençaux, & personnes heroïques, qu'il auoit fait recueillir. Aucuns ont escrit que saint Cezari fait un recueil à part de quelques chansons d'Amours qu'il dedia à Elys des Baulx, Dame des Baulx, Comtesse d'Auelyn. Laquelle maison des Baulx print fin en Prouence en ceste Comtesse, vray est qu'elle s'est conseruée au Royaume de Naples, en l'illustre maison de Cappue, Ducs de Termoly, laquelle retient encores le surnom & armoiries des Baulx, qui sont de gueules à l'Estoille à seize rayons d'argent, & celles de la principauté d'Orenge en poincte.

H V G V È S S A L E L natif de Cafals en Quercy Abbé de Saint Cheron & l'un des grands maîtres d'hostel du Roy a traduit de Grec en vers françois:

Les vnze premiers liures de l'Iliade d'Homere prince des Poëtes Grecs, lesquels il a dedié au roy François premier de ce nom. [impri. à Paris 8°. par Charles l'Angelier 1555. & par Claude Gautier 1574.

Il a escrit aussi autres œuvres imprimees à Paris en un volume 8°. par Estienne Roffet dit le Faulcheur 1539. Assauoir, La chasse Royale, contenant la prise du Sanglier Discord par treshaults Princes l'Empereur Charles cinquieme & le Roy

le roy François premier. Chant Royal sur la maladie & conualefcence du Roy.
La Bien venue de l'Empereur en France. Epigrammes. Discours de la misere &
inconstance de la vie humaine. Eclogue marine sur le trespas de feu Mon-
sieur François de Valois Daulphin de Viennois fils aîné du Roy, en laquelle
sont introduits deux mariniers Mellin & Brodeau poètes françois. Epitaphes.
Chant poétique auquel Cupido est tourmenté par Venus. Epistre. Autre Epi-
stre à la vieille amoureuse. De la main de Marguerite. Du cœur de Marguerite.
Autres Epigrammes. Chant amoureux d'un vieillard. Le Blason de l'anneau.
Blason de l'espingle. Epistre amoureuse. Autre Epistre. Chant Royal de la con-
ception de la vierge Marie.

Il auoit long temps au parauant & en son bas aage escrit en rime vn Dialogue,
auquel sont introduits les Dieux Iupiter & Cupido disputans de leurs puis-
sances, & en fin vn Antidote & remede pour obuier aux dangers amoureux: le-
quel Dialogue a esté impr. 8°. sans datte ny nom d'imprimeur, & commence
ainsi,

*Pour effacer le soucy & le deuil
De mon las cœur ia nourry de tristesse
Et pour auoir reioissance d'œil
Peu de iours a par un desireux vueil
Je proposay aux verts champs prendre adresse. &c.*

Epitaphe de Hugues Salel par
Estienne Iodelle.

*Quercy m'a engendré, les neuf seurs m'ont appris,
Les roys m'ont enrichy, Homere m'eternise.
La Parque maintenant le corps mortel a pris:
Ma vertu dans les cieux l'ame immortelle a mise.
Donc ma seule vertu m'a plus de vie acquise,
Plus de diuin sçauoir, plus de richesse aussi,
Et plus d'eternité, que n'ont pas fait icy
Quercy, les Seurs, les Roys, l'Iliade entreprise.*

H V G V E S D E S A L V E Preuost de Fournes a trāslaté en fran-
çois vn traité de noblesse composé par Iacques de Valere en langage Espa-
gnol, & adressé au Roy de Castille: laquelle traduction n'a esté imprimée, &
est escripte en main en la Bibliothèque du sieur de Sala à Lyon.

H V G V E S S A M B I N Architecteur demurant en la ville de Di-
jon a inuenté, pourtrait & mis par ordonnance dixhuit sortes de Termes
d'hommes & femmes, aornez de leurs Bases, Cornisces, Frises, & composez de
diuers enrichissement: avec obseruance des nombres & mesures propres & re-
quises, dequoy il a fait vn liure avec les descriptions d'iceux Termes. [impri. à
Lyon f°. par Iean Durand 1572.

H V G V E S D E S A N T C Y R E Gentilhomme, fut bon Poë-
te Prouençal amoureux d'une gentille femme de Prouence nommée Clermonde
Cc de

de Quiqueram de la cité d'Arles, qu'estoit vne belle femme tant accomplie & reluisante entre les dames du pais, qu'elle ne receuoit comparaison aucune, non pas seulement en beauté, mais en sens & bonté, à la louange de laquelle il fit plusieurs belles chansons de toute taille de rithmes en langue Prouençalle, luy commandant pour couvrir leurs amours de les dedier à la Princesse Beatrix de Sauoye, Comtesse de Prouence, femme de Remond Berenguiier, ainsi qu'il se lit en la couple finale de l'une d'icelles, disant,

*A la vallent Comtessa de Proensa
 Qu'a tous sous fachs d'honnour, e de saber,
 Sous dichs courtés, sous semblans de plazer,
 De grand' Amour, e de granda valensa,
 Mand mas Kansons, car cella de cui es
 M'a commandat qu'a leys la tramelés.*

En laquelle il dit qu'il a trois grands ennemis qui le contraignent iour & nuict de se meurtrir soy mesme: ses yeux, qui le font aimer en lieu plus haut qu'il ne luy conuient: l'autre est amour qui le tient en son pouuoir, le contraignant d'aimer sa dame: le troisiésme & plus cruel ennemy est sa dame à laquelle il n'ose monstrier semblant, de peur qu'il ne s'occie de desir & d'enueie de l'auoir. il se plaint à sa dame, qu'est ce qu'il fera, qu'il ne peut trouuer respit en nulle part, si elle ne le retient à son seruice, il ne sçait que faire ou dire, il ne peut mourir, & le fait languir en desespoir, demande comme il pourra endurer tant de trauaux. Qu'il a cherché les lieux plus solitaires pour fuir sa dame auetugle & sourde, que nul ne luy aide, fors que le bruit impetueux de Durance qui l'accompagne en ses pleurs & regrets. Amour le voit bien, sa dame le sçait, & il sent les griefues douleurs, finalement qu'il ne trouue aucun confort qu'à la mort. Le Monge des isles d'Or, & saint Cezari en escriuent autant. dient aussi qu'il a fait vn traicté intitulé *De las Rikas vertus de sa Donna*, qu'il adressa à la dicte Comtesse. Il trepa de faeherie, & des rigueurs qu'il receut d'elle, enuiron le temps que dessus, qui fut en l'an 1225. On peut iuger si Petrarque a pris plusieurs inuentions de ce Poëte.

H V G V E S D E S A I N C T V I C T O R. Voyez Charles des Fourniers.

Maistre H V I S T A C E, Eustace ou Vvistace est auteur du Roman appelé Brut. Le poeme duquel commence par ces vers:

*Qui veut ouir, qui veut s'auoir,
 De Roy en Roy, & d'hoir en hoir,
 Qui cil fure, & dont vinrent
 Qui Angleterre primes tinrent,
 Quiaz Roy y a en ordre eu:
 Et qui ainçois, & qui puis fu:
 Metre Huiſtace le translata.*

Je ne sçay quand ce mettre Vvistace mourut, mais à la fin de l'œuvre il dir,

Puis

*Puis que Dieu incarnation
Prist pour nostre redemption
Mil cent cinquante cinq ans
Fit metre V'vistace ce Romans.*

De sorte qu'on peut s'asseurer par cete date du temps auquel il a vesçu.

H VISTACES D'AMIENS a fait le Fabel du boucher d'Ambeuille, qui fit manger à vn Doyen rural vn sien mouton: & promettant la peau à la chambriere, puis à la garce du prestre, iouit de toutes deux, & encores se fit payer la mesme peau au Doyen.

H VON DE MERI, est autheur du Roman d'Antechrist, parce que luy-mesme dit,

*J m'aint diex Huon de Meri,
Qui a grand peine a fet ce liure.*

Il declare au commencement de son œuure, en quel temps il l'a composé, puis qu'il dit,

*Fl aduint apres celle emprise,
Que li François orent emprise,
Contre le Conte de Champagne:
Qui li rois Lois en Bretaigne
Mena son ost sans point d'aloine,
Que mors ert li quens de Boloine
Dont li François orent fet chief,
Qui remes sont à grant mechief,
Li membre foible & mal bailli,
Quant li chief au membre failli.
Els s'en traïrent tretuit arriers,
Fors Malclerc qui tant estoit fiers,
Qu'a merci ne deigna venir,
Bien cuida Bretaigne tenir,
Contre le Roy par son desroi
Com cil qui auoit cuer de Roy,
Et qui estoit plein inqu' au iour
De hardement & de valour:
De courtoisie & de largesse,
Lors ne me pot tenir pareffe,
D'aller en tost du Roy de France,
Tant fis en cel ost demourance,
Que de Bretaigne fu partis
Li Rois de France & fu bastis
Li accors de la grand discorde*

Ce fut S. Loys.

gouvernez.

Cc 2 Que

*Que cil Roy si comme l'en recorde,
Auoit au Conte de Bretaigne.*

Par ces vers mis au long, pource qu'ils seruent à l'histoire du temps, il appert que Huon viuoit au commencement du regne du Roy S. Loys à sçauoir l'an m. ccxxviii. auquel finit ceste guerre de Bretaigne. Il semble qu'il ait esté religieux de S. Germain des prez pres de Paris, car il dit,

*Religion proi quel mi meine,
Qui m'a la mené par la main,
Jusqu'à l'Eglise saint Germain
Des prez les murs de Paris.*

On peut metre son œuvre entre les satyriques, puis que c'est vn combat des vertus contre les vices, & qu'il reprend beaucoup de diuerses qualitez de gens. Il semble qu'il a pris son suiet sus ce que Raoul & Christien auoyent commencé principalement sus le fabliau du chemin d'Enfer. car il dit,

T' m' ait diex Huon de Meri Ainsi m'aide Dieu.

*Qui a grant peine ha fait ce liure,
Il n'ausa pas prendre à deliure,
Li bel François à son talent.*

*Car cil qui trouuerent auant,
Prindrent auant tout a l'eslite,
Pource est ceste œuvre meins eslite.*

Et fu plus fort à acheuer,

1 Al. grief

*Moult mis grand peine a echiuer
Les dis Raoul & Christian.*

*Onque bouche de Christian
Ne dit si bien comme ils disoyent,
Mes quant qu'ils dirent prenoient
Li bel François trestot a plain,
Si com il leur venoit à main,
Si qu'apres eux n'ont rien guerpi.*

Se i'ay trouué aucun espi

*Après la main as' mestriers
Le l'ay glané molt volontiers.*

2 Al. Hasniers,
& menestriers.

Quant à ce qu'il dit, Et fu plus fort à acheuer: il se peut entendre qu'il ne poursuiuit pas l'œuvre commencé par lesdits Raoul & Christian: mais qu'il auoit eu grand' peine ne voulant repeter ce qu'ils auoient ia dit. A la fin il nomme son liure,

*Par son droit nom a peus cet liure
Qui tresbien s'accorde à l'escrit
Le tournoiement d'Antichrist.*

Il appelle en vn endroit les espees accrines, qui est vn epichete assez bon.

As

*As grans espees acerines
Fierent com feueures sus enclume.*

H VON LE ROY a fait le Lay du Vair Pallefroy, qui amena à vn gentilhomme de Champaigne nommé Guillaume s'amie fiancee à vn autre contre son vouloir, ou il dit,

*En ce lay du vair pallefroi
Oirrez le sens Haon le Roi
Il veut de ses dis desployer &c. puis il commence ainsi:
Por remembrer & por retrere
Les biens qu'en puet de fame trere,
Et la doucor, & la franchise
Est cete œuvre en escrit mise.*

H VON DE VILLENEUVE.

Les Romans de Regnaut de Montauban, Doon de Nantuel, Garnier de Nantuel, & Aïe d'Auignon, Guiot de Nantuel, & Garnier son fils, sont tous d'un mesme poëte. Parce que c'est vne suite de conte, & que les vers suyans baillent le nom du Trouuerre,

*Seignor soiez en pes tuit a
Que la vertus del ciel soit en vos demoree,
Gardez qu'il n'i ait noise ne tabor ne crie:
Il est ensinc coustume en la vostre contree,
Qu'ant un Chanterres vient entre gent benoree
Et il a endroit soi sa vielle atrempee
La tant n'aura mantel ne cote desramee
Que sa premiere laisse ne soit bien escoutee,
Puis font chanter auant se de rien lor agreee,
Ou tost sans vilenie puet recoillir s'estree. C'est strada.
Je vos en dirai d'une qui molt est benoree,
El Royaume de France n'a nulle si loee,
Huon de ville noee l'a molt estroit gardee,
N'en vol prendre cheual ne la mule afeltree. Enharnachee.
Peliçon vair ne gris mantel chape forree,
Ne de buens parefis une grand henepee. C'est deniers Paris.
Or en ait il mausgrez, qu'ele li est emblee, Poignee.
Vne molt riche piece vos en ai aportee.*

Ces vers, monstrent l'entree de ces Chanterres auant que faire leurs recits, & aussi les recompenses qu'ils tiroient des seigneurs, en cheuaux, habits, & deniers. Le 11. vers fait soupçonner qu'un Châterre desroba ce Romans à Huon de Ville-neue, qui en estoit le Trouuerre, & inuenteur. Il s'y trouue d'assez boanes sentences & descriptions, & entre autres celles ci,

Cc 3 Qui

Qui une fois a bien n'a mie tousiours mal. &,
La chose qu'on ne puet amender ne drecier
Nus preudhom ne la doit eleuer n'esaucier. &,
Forcé n'est mie drois pieça l'ai oi dire. &,
Que au besoing peut on son ami eprouuer. &,
Tosiors attend li fox que la tempeste dura. &,
Que ia nul auers hom ne puet en pris monter. &,
Hé France (ce dit il) or totes la meillor,
Eins ne fustes encore un iour sans trahitor.
 par tout il donne à la France l'epithete de douce France.

Du Romans de Doon.

De morts & de naure & ionchier & couvrir. &,
Tosiors l'ai oi dire souuent est reprouué
Cil venge mal son dueil qui parmi la doblé. &,
Ainçois en i morront dix mille fer armé. &,
Nul cheuaux ne hennit ne nul mul ne recaigne. &,
Ainsi com a celee s'abaisse li Faucon,
Quand la faim le iustise en la froide saison,
Brochent François ensemble contre val le sablon. &,
De sang & de ceruel la place colorir, &,
En el fons de la sale les un marbrin piller.
 & par tout Pelicon hermin, lance fresnine, cendal pourprin, & autres mots de
 telle façon, dont lon peut vser encores aujour d'hui. Ce vers estoit oublié,
Iustice & seigneurie fait mainte chose faire.

Du Romans d'Aie d'Avignon, & Garnier.

Je ne sçay si Aufanions l'a fait, tant y a que ie trouue ces vers,
Aufanions lor chante d'une cheualerie
Comme d'Otrante prist Flandrine s'amie.
 possible que c'estoit le longleur du liure.
Que tost mesadnient l'hom quant il moins s'en prent garde, &,
Trestot l'a pourfendu desci qu'a la coree,
Li cors s'est estendus l'ame s'en est volée,
Et li cheuaux s'en fuit la regne abandonnee. &,
Quant Sanses ce regarde vit cheoir Beranger,
Les esperons a or tornez deuers le ciel,
Et l'hiaume d'Arabe en el sablon fichier
La selle trestourner & fuir le destrier. &,
De auoir a mestier le preudhom ou qui soit, &,

La

La ioie de cel siecle n'est pas tosiors durant,
 Or & argent & pailles sachiez, tot est noyant. &
 Ce fu apres la pasque que ver vet à declin,
 Que florissent cil pré & cil gaut sont foilli,
 Que chantent cil oisel haut & cler & feri,
 Lors change folle dame l'amor de son mari. &
 Que parole d'enfans ne doit on mettre en pris. &
 Plus que Faucon ne vol quant a faim de mangier,
 Point li Dus le cheual des esperons dormier. &
 Rois qui fet trahison ne doit estre esgardé,
 Ne tenir le Royaume ne couronne porter.

Le mot de pailles signifie vn riche drap de loye. Et en Italie *Correre il paglio* est courre pour gagner des pieces de drap d'or, de veloux, soye, ou escarlate, que les seigneurs & republiques donnent à certains iours de l'annee pour resiouir le peuple à voir courir les cheuaux de barbarie. Quand au mot Gaut, il signifie bois, tesmoins ces vers du Romans de Regnaut de Montauban,

*Eins charpentier en bos ne sot si charpenter,
 Ne mena telle noise en parfont Gaut ramé.*

& Goi en Breton signifie bois: Esperons d'ormier signifie de fer doré. Encores à Paris l'ō appelle sellier l'ormier celuy qui peut faire des selles garnies de boucles & ferrures necessaires. Et l'ormerie en ce mestier, s'appelle toute ferrure qui appartient au harnois d'un cheual, hors le mors.

Du Romans de Guior de Nantueil.

Deables soit auoir al malfez, le comment,
 Que tant fort le conuoient li petit & li grant,
 Encore en trahira li pere son enfant. &
 Li vespres est venus li ior s'est abesiez. &
 Li ior vet a declin li vespres est venus. &
 Une pierre reonde ha a ses piez trouuee,
 Par deuise d'un pré fu illec apportee,
 Il fu fors & membrus si la amont leuee. &
 Autre si com oiseil s'enfuit deuant faucon,
 Guenchissent entor lui les parens Ganelon.

& parlant d'un assaut,

Quant Challe ot veus ses gens qui el fosé gisoient,
 Sanglans mors & naurez. &c. &
 A bons espiez, tranchans ont la presse rompue,
 La peussiez voir un estour commencer
 Tant fort escu trouer tante lance brisier,
 L'un mort par dessus l'autre chëoir & trebuchier

Cc 4

De

De sang & de ceruel va la terre couurant. &
Le iour s'est esbaudis belle est la matinee,
Li Solaux est leuez qui abat la roussee,
Li oïsel chantent cler en la selue ramee. &
A l'abeſſier des lances ils les ont bien receus,
Ils lor mettent el cors & les fers & les fus. &
Tu fais ainsi com cil qui debat le buisson,
Puis vient l'Ostoir apres qui mange l'oïſillon. &
Sor la lance fresnine le Lion atacher. &
Ce fu el mois de mai que le temps s'aloigna.

Quád au mot de Malfez c'est à dire Diable, & esprit infernal, tesmoing Villon,

Car où sont li saints 'apostoilles, Papes.
D'aubes vestus, d'amits coëſez,
Qui ne sont ceints fors que d'estoles,
Dont par le col prend li mauſel.

c'est à dire mal faits. Aussi les peintres font les diables horribles & contrefaits, comme s'ils auoyent perdu ceste beauté qui fit monter Lucibel en si grand orgueil. Ces quatre Romans ont esté composez depuis le commencement du regne de Philippes Auguste. Car en celuy de Regnaut de Montauban, il nomme les Comtes de Rames, Galerans de Saiete, Geofrois de Nazaret, tous Barôs d'outre mer: qui furēt en pris enuiron l'an M. C C. & du temps que Saladin prist Ierusalem.

Par celuy de Doon de Nantuel il dit,

Par la foy que ie doyl la couronne & li clou
Que dans Challe li chaux aporta a Charrou.

Cela mesme se trouue autre part, & que ce Roy fut fondateur de ladite Abbaie. Mais nous tenous à Paris que ce fut saint Louys, qui achepra la couronne d'espines: de sorte qu'on peut deuiner que ce Romans precede le temps dudit Roy S. Loys. *Cl. Faucher.*

LIVRES D'AUTHEURS INCERTAINS.

Effigies & diuersité D'HABITS de toutes nations de cest aage exposees par quatrains François. [impr. en Anuers 8°. par Iean Bellere 1572.

H A R A N G V E & remonſtrance du peuple & tiers estat de France prononcee deuant le Roy treschrestien Charles 9. tenāt ses estats à S. Germain en Laye. [impr. en l'an 1560.

H A R E N G V E des Ambassadeurs du roy de Frâce Charles 9. prononcee au concile general de Trönte. Auec la responce de l'assemblee dudit Concile. [impr. à Lyon par Ambroise du Roſne 1563.

H E C A T O M G R A P H I E. [Impr. à Lyon 16°.

HEC

HECTOR OMPHILE traduite d'Italien en François. [impr. à Lyon par François Iuste 1536.

Le Romant de HECTOR DE TROYE. [impr. à Paris.

Le Romant de la belle HELENE de Constantinople mere de S. Martin de Tours & de Saint Brice.

Le grand HERBIER contenât les qualitez, vertus & proprieté des Herbes, Arbres, Gommés & Semences, extraict de plusieurs traictez de Medicine, comme de Auicenne, Rasis, Constantin, Isaac & de Plataire. [impr. à Paris f°. par Guillaume Nyuerd sans datte.

La Vie du Preux & vaillant HERCVLES deduite par histoires, ses illustres prouesses noblesses & liberalitez. [impr. à Lyon 4°. longuet par Iames Musnier sans datte. Le Romant des faicts & gestes de Hercules a esté impr. à Paris 8°. par Philippes le Noir.

Le grand HERCVLES Gallique qui combat contre deux. composé envers François à la louange du treschrestien roy François premier de ce nom, & commanceant ainsi,

*Declarez moy les assaults & alarmes
Docte Pallas qui presidez aux armes
Et ordonnez les sciences infuses:
Declarez moy ô Princesse des Muses
L'occasion & cause du debat
Dont Hercules contre deux Roys combat,
Contre deux Roys, l'un Empereur Romain
Et l'autre tient l'Angleterre en sa main, &c.*

Impr. 4°. sans nom de lieu ny d'imprimeur, & sans datte.

Roman de Messire HEREC fils du roy Lac en Galles, & cheualier pour lors de la Table ronde, en rime lèttre de main commenceant,

*Vn iour de Pasques qu'il feist bel
A Caradignan le chastel
Le Roy Artus eut court tenue
Plus belle qu'onques ne fut venue
Car tant y eut de cheualiers
Gentilshommes & escuyers
Roynes Dames & Damoiselles, &c.*

Est escrit en main sur parchemin en la Bibliotheque du sieur de Sala à Lyon.

Traicté des HERETIQUES, Assauoir, si on les doit persecuter, Et comment on se doit conduire avec eux, selon l'aduis, opinion, & sentence de plusieurs auteurs, tant anciens que modernes. [impr. à Rouen 8°. par Pierre Freneau 1554. Censuré.

HEURES De nostre Dame translatees de latin en françois à l'vsaige de Rome de Paris & autres lieux. [imprimees en mainte sorte.

Le

Le Testament du glorieux amy de Dieu Saint HIEROME traduit de latin. [impr. à Paris 8°. par Jean de la Porte. sans date.

HISTOIRE Euangelique des quatre Euangelistes en vn fidelement abregee, translatee du latin de S. Augustin en françois par vn qui a pour deuise Crainte de Dieu vault zelle, & impr. à Lyon 8°. par Gilbert de Villiers 1526.

Exposition sur L'HISTOIRE de dix lepreux extraicte du disepiesme chapitre Saint Luc. *Censuree.*

Quatre HOMELIES de trois antiques & excellents Theologiens Assuoi & Gregoire Nazianzene du iour de la natiuite de nostre Seigneur. S. Jean Chrysostome de la resurrection. Ledit Chrysostome, Du profit de l'Euangile. [impr. à Lyon 16°. par Jean de Tournes 1544.

Moralité de L'HOMME produit de nature au monde qui demande le chemin de Paradis & y va par neuf iournees. La premiere est de nature à peché. La 2. de peché à penitence passant par liberal arbitre. La 3. de penitence aux diuins commandemens. La 4. des commandemens aux conseils. La 5. des conseils aux vertus. La 6. des vertus aux sept dons du S. Esprit. La 7. des dons aux beatitudes. La 8. des beatitudes aux fructs dudit S. Esprit. La 9. des fructs au iugement & paradis. [impr. à Paris 8°. par Simon Vostre.

Traicté du nouuel HOMME traduit premierement d'Alleman en Latin, & puis de Latin en François, contenant 56. chap. [impr. en Anuers.

L'HOMME Pecheur en Rime, ioué à Tours: & est à soixante personnages. entre autres, la Terre, Le Monde, Charité, Foy, Esperance, Dieu, Les Anges, Sapience, Iustice diuine, Raison, Franc arbitre, Conscience, Entendement, Satan & ses Diables, Peché, Sensualité, Desesperance de pardon, Honte, Crainte de dire ses pechez, Esperance de longue vie, Les Sept pechez mortels, les sept Vertus contraires, Compassion, Le Pecheur, Contrition, Satisfaction, Remission, Misericorde, Le prestre, Penitence, Aumosne, Oraison, Ieufne, Affliction, Maladie, La Mort. [impr. à Paris 4°. par Jean Janot 1529.

L'HORLOGE de la Passion de nostre Seigneur Iesus-Christ. [impr. à Paris par Michel le Noir, sans date.

L'HORLOGE de Sapience. [impr. à Paris par Estienne Groulleau.

HORTVLVS Sanitatis. traduit en François. [impr. à Paris 8°.

L'HOSPITAL D'AMOURS. Rime. [impr. à Paris 1482.

HVON DE BORDEAUX. Romant. [impr. à Paris 4°. l'an 1556.



A C O B de Pierre Viue Religieux de l'ordre de saint Benoist a translate en François trois liures ou petits Opuscles de S. Bernard premier Abbé de Clereuauz de l'ordre de Cisteaux. Le i. Des degrez d'humilité. Le ii. des deux yeux de l'Ame. Le iii. Le Miroir de la vie Religieuse: [impri. à Paris 4°. par Simon Vostre 1510.

I A Q V E M A R S G I E L E E fut habitans de l'Isle en Flandres & composa le Romans du nouueau Renard, qui est vne Satyre contre toutes sortes de gens: Rois, Princes, & d'autres vocations: principalement ecclesiastiques. Il se nomme à la fin de son liure: & dit,

*Iamais n'en yert Renars mis ius:
Se diex nel fet, qui' maint la sus. demoure.
Ce nos dit Jaquemars Gielee.*

le temps de la composition du liure est apres escrit.

*La figure est fin de no liure:
Vcoir le poez, à deliure,
Plus n'en feray mention.
En lan de l'incarnation
Mil C dos cens & quatre vings
Et dix, fu ci faite la fins
De ceste branche, en vne ville,
Qu'on appelle en Flandres l'Isle,
Et parfaite le iour saint Denis.*

Ceste figure derniere: est vne grande roue maniee par Fortune. Sus le hault de laquelle siet maistre Renard: adextre d'Orgueil: & à senestre de dame Guille: qui l'asseurent que iamais ne cherra, ayant pour cōseillers deux sortes de gens de religion, lors fort haïs & mal voulos, pour les entreprises qu'ils faisoient sus toutes sortes d'estats.

Saint I A Q V E S Apolstre de Nostre Seigneur.

L'Epistre Catholique de S. Iaques Apolstre, contenant 5. chapitres. [impr. dans le Nouveau Testament.

I A Q V E S A C O N C E.

Les Ruses de Satan, recueillies & comprises en huit Liures par Iaques Aconce. [impr. en Latin, puis en François à Basle 4°. par Pierre Perne 1565. Auec vne Preface dont le commencement est tel: Si d'auenture quelcun s'esbahit comme d'un fait estrange & prodigieux qu'homme viuant ait esté d'entreprise si hardie ou de temerité tant outreuee, que de s'ingerer à chercher recueillir & mettre par escrit les ruses de Satan, taschant (chose impossible) d'espuiser ou tarir l'Ocean: le voudroy qu'il descendist en soy mesme pour philosopher & attentiuement considerer assauoir mon si d'autant plus que les fineses de ce cauteleux routier, les menees d'un tant ancien & malicieux guerrier, sont couuertes & cachees, s'il ne se faut d'autant plus soigneusement garder, &c.

I A

I A Q V E S A M Y O T.

Entre ceux qui ont nouvellement couché sur le papier leurs intentions & leurs propos, ou les propos d'autrui, en dignité & excellence d'écriture, vn se trouve digne d'honneste marque: c'est Iaques Amyot premierement Abbé de Bellosane & de sainte Corneille de Compiègne, maintenant Euesque d'Auxere, Conseillier du Roy en son priué conseil & grand aumosnier de France, lequel a fait parler François à Plutarque & tant elegamment, qu'on doute, si Plutarque parle mieux en sa langue, par la douceur de la Grece, que par la grace d'Amyot en François. Amyot a la vertu qui est singuliere en écriture parfaite: assavoir, le langage du commun, & du peuple: & la liaison du docte. Ce personnage a ioint ces deux poincts en perfection: & partant tous ceux qui se veulent meller d'écriture doiuent auoir & tenir son langage pour vn patron ou bié vne reigle d'écriture accomplie. Car il a tellement embelli & enrichi la langue François, par son propre domaine qu'il est impossible de mieux traduire Plutarque en toute autre langue qu'il a fait en la nostre. Ce qu'est contrainct confesser Hermannus Crusenius lequel a fait la version des vies de Plutarque en Latin, où en vne epistre liminaire il donne tesmoignaige de nostre Amyot tel & en semblables termes que s'ensuit.

*Interea cum iam poluisssem atq;
emendasssem vitas meas Plutarchi ostendit mihi Bruxella, ubi agebam illis
striß. principis mei legatus, Secretarius regius editas elegatissime ab Amio
to lingua Gallica vitas Plutarchi, qua exierat in publicum sex menses an-
tequam eas viderem. Huius viri mihi eruditio & diligentia aliquid lucis
nonnullis in locis attulit. Cui ego hoc testimonium dabo non posse fieri ut
quisquam hoc tempore Plutarchum tam vertat ornate latina lingua, quam
vertit ille sua. In causa est quod ille linguam maternam nitidissimis colo-
ribus excoluerit distinxeriq;, cum nos linguam romanam vix longo tem-
poris spatio ac multis laboribus alienam atq; exoletam quasi balbutiamus.*

Mais pour la confirmation de ce que dessus il n'est besoing d'autre preuue que de ses traductions qui sont telles,

Les Amours Pastorales de Daphnis & Chloé écrites premieremēt en Grec par Longus ancien auteur. [impr. à Paris 8°. par Vincent Sertenas 1559.

L'histoire Ethiopique D'HELIODORE contenant dix liures écrits en Grec, traictans des loyales & pudiques amours de Theagenes, Thessalien, & Chariclea Ethiopienne: en laquelle histoire, outre l'ingenieuse fiction, y a de beaux discours tirez de la Philosophie naturelle & morale, force d'icels notables & propos sententieux, plusieurs belles harangues, où l'artifice de l'éloquence est tresbien employé, & par tout les passions humaines painctes au vif, avecques si grande honnesteté, que l'on n'en scauroit tirer occasion ou exemple de malfaire. Pource q̄ de toutes affections illicites & mauuaises l'auteur a fait l'ysue malheureuse, & au contraire, des bonnes & honnestes, la fin desirable & heureuse. Mais sur tout la disposition en est singuliere: car il commence au milieu de son histoire, comme font les poëtes heroïques. Ce qui cause de prime face vn grand esbahissement aux lecteurs, & leur engendre vn passionné desir d'entendre le commencement: & toutesfois il les tire si bien par l'ingenieuse

liaison

liaison de son compte, que l'on n'est point resolu de ce que l'on trouue au commencement du premier liure, iusques à ce qu'on ayt leu la fin du cinquiesme. Et quand on est là venu, encores a l'on plus grande enuie de voir la fin que l'on n'auoit au parauant d'en voir le commencement: de sorte que l'entendement demeure tousiours suspendu, iusques à ce que l'on vienne à la conclusion, laquelle laisse le lecteur satisfait. Et si cest autheur Grec Heliodore a treselegamment escrit ceste histoire dont l'inuention est belle & à admirer, ledit sieur Amyot l'a encores mieux embellie par sa traduction, faicte en termes & langage les plus elegans qu'il seroit possible de trouuer, comme le lecteur de bon sçauoir pourra iuger voyât le liure qui a esté imprimé à Paris 8°. par Estienne Groulleau en l'an 1549. f°. par Iean Longis 1559. & en 16°. à Lyon par Loys Cloquemin 1575.

Sept liures des histoires de Diodore Sicilien, Assauoir despuis le vnzième où il commence par le voyage du roy de Perse Xerxes d'Asie en Europe avec grosse armée, iusques au dixseptieme liure qui finit à la mort d'Alexandre le grand: traduits de Grec en François par ledit Amyot, & impri. à Paris f°. par Michel Vascofan en l'an 1554.

Les vies des hommes illustres Grecs & Romains, comparees l'une avec l'autre par Plutarque de Cheronee precepteur de l'Empereur Trajan. Assauoir de Theus, Romulus, Lycurgus, Numa Pompilius, Solon, Publicola, Themistocles, Furius Camillus, Pericles, Fabius Maximus, Alcibiades, Coriolanus, Paulus Æmilius, Timoleon, Pelopidas, Marcellus, Aristides, Marcus Cato, Philopœmen, T Quintius Flaminius, Pyrrhus, Caius Marius, Lysander, Sylla, Cimon, Lucullus, Nicias, Marcus Crassus, Sertorius, Eumenes, Agesilaus, Pompeius, Alexandre le grand, Iulius Cæsar, Phocion, Caton d'Utique, Agis & Cleomenes, Tiberius & Caius Gracches, Demosthenes, Cicero, Demetrius, Antonius, Artaxerxes, Dion, M. Brutus, Aratus, Galba, Othon, Translatees de Grec en François, & impr. premierement à Paris f°. & 8°. en diuers volumes par Michel de Vascofan, despuis par Iacques du Puys: & à Lyon 8°. par Louys Cloquemin. Ceste œuvre excellente des Vies Plutarque l'autheur l'appella *Paralleles*, comme qui diroit l'acouplement ou assortissement: pource qu'il accouple vn Grec avec vn Romain, mettant leurs vies l'une deuant l'autre, & les conferant ensemble, selon qu'ils se sont trouuez auoir entre eux conformité de nature, de mœurs & d'aduantures, en examinant ce que l'un a eu de meilleur ou de pire, de plus grand ou de plus petit, que l'autre: le tout avec tant de beaux & graues discours par tout tirez des plus profonds & plus cachez secrets de la Philosophie morale & naturelle, tant de sages aduertissemens & de fructueuses instructions, si affectueuse recommandation de la vertu & detestation du vice, tant de belles allegations d'autres autheurs, que c'est vn tresor de toute rare & exquisite literature.

Les œuvres Morales & meslees de Plutarque aussi translatees de Grec contenant plusieurs Opuscules ou Traictez, Assauoir, Comment il faut nourrir les enfans. Comment il faut lire les poëtes. Comment il faut ouyr. De la vertu morale. Du vice & de la vertu. Que la vertu se peut enseigner. Comment on pourra discerner le flatteur d'avec l'amy. Comment il faut refrener la colere. De la

Dd curio

curiosité. De la tranquillité de l'ame & repos de l'esprit. De la mauuaise honte. De l'amitié fraternelle. Du trop parler. De l'auarice & conuoitise d'auoir. De l'amour & charité naturelle des peres enuers les enfans. De la pluralité d'amis. De la fortune. De l'enuie & de la hayne. Comment on pourra receuoir vtilité de ses ennemis. Comment on pourra apperceuoir si lon amende en l'exercice de la vertu. De la superstition. Du bannissement ou de l'exil. Qu'il ne faut point empronter à Vsure. Qu'il faut qu'un Philosophe conuerse avec les Princes. Qu'il est requis qu'un Prince soit sçauant. Que le vice est suffisant pour rendre l'homme malheureux. Comment on se peut louer soy mesme sans reprehension. Quelles passions sont les pires, celles de l'ame ou celles du corps. Les preceptes de mariage. Le banquet des sept Sages. Instruction pour ceux qui manient affaires d'estat. Si l'homme d'aage se doit mesler d'affaires publiques. Les Dicts notables des anciens Roys, Princes & grands Capitaines. Les Dicts notables des Lacedemoniens. Les Vertueux faicts des femmes. Cōsolation enuoyee à Apollonius sur la mort de son fils. Consolation enuoyee à sa femme sur la mort de sa fille. Pourquoi la Iustice diuine differe quelques fois la punition des maléfices. Que les bestes brutes vsent de la raison. S'il est loisible de manger chair: (& y a deux traittez sur ce.) Que l'on ne sçauoit viure ioyeusement selon Epicurus. Si ce mot commun, Cache ta vie, est bien dict. Les regles & preceptes de santé. De la Fortune des Romains. De la fortune ou vertu d'Alexandre Traicté premier & second. D'Isis & d'Osiris. Des Oracles qui ont cessé. Que signifie ce mot *Ei*. Les propos de Table, liures ix. Les opinions des Philosophes liures v. Les demandes des choses Romaines. Les demandes des choses Grecques. Collation abregee d'aucunes histoires. Les vies des dix Orateurs. De trois sortes de gouuernement. Sommaire de la comparaison d'Aristophanes & de Menander. Estranges accidens aduenus pour l'amour. Quels animaux sont les plus aduisez. Si les Atheniens ont esté plus excellens en armes qu'en lettres. Lequel est plus vtile le feu ou l'eau. Du premier froid. Les causes naturelles. Les Questions Platoniques. De la creation de l'ame. De la fatale destinee. Que les Stoiques disent des choses plus estranges que les Poëtes. Les contredicts des Philosophes Stoiques. Des communes conceptions contre les Stoiques. Contre l'Epicurien Colotes. De l'amour. De la face qui apparoit au rond de la Lune. Pourquoi la Prophetesse Pythie ne rend plus les Oracles en vers. De l'esprit familier de Socrates. De la malignité d'Herodote. De la Musique. Qui sont en tout lxxv. Opuscles, reduits en deux Tomes, & impr. à Paris f°. par Michel de Vascon.

I A Q V E S A R C A D E L T a mis en Musique plusieurs belles chansons françoises, qui se trouuent dans les liures du Recueil. [impr. à Paris par Nicolas du chemin. & par Adrian le Roy.

I A Q V E S A V B E R T Vandosmois a escrit en 81. chapitres vn liure

Des Natures & complexions des hommes & d'une chacune partie d'iceux, & aussi des signes par lesquels on peut discerner la diuersité d'icelles. [impr. à Lausanne 8. par François le Preux 1571. & à Paris 16. par la veufue Pierre du Pré 1572.]

I A Q V E S B A S S E N T I N Escossois a écrit,
Paraphrase & amplification de l'usage de l'Astrolabe: & de certain ajoutement
à la fabrique d'iceluy. [impr. à Lyon 8°. par Jean de Tournes 1555.
Astronomique discours contenant vn Traicté succinct & familier pour l'in-
telligence des tables des Sinus. Autre Traicté des triangles tant rectilignes que
Spheriques. Traicté sur la Sphere du monde. Plus la Theorique des cieux &
mouuemens pratiquez des sept planettes. [Item Pratique des mouuemens
celestes. [impr. à Lyon f°. par Jean de Tournes 1557.

I A Q V E S B E R E A V.

Les Eclogues & autres Oeuures poëtiques de Iaques Bereau Poicteuin, Assa-
uoir x. Eclogues La 1. intitulée Theophile, Des infelicités de ce temps. 11.
Daphnis. 111. Mœlibee, De la louange de la vie rustique. 1111. Pan. v. Polynnete. vi.
Amyntas. vii. Ianot, Sur les calamitez de la guerre. viii. Merlin. ix. Amarante. x.
De la Paix publiée en Avril 1559. entre les trespoussans Henry & Philippe roys
de France & d'Espagne. Odes en nombre ix. dont la cinquiesme est la descri-
ption poëtique du Poupon. Gayeté d'un Oillet osté à sa maistresse. Chançons
111. Adieu à l'Amour. Le Rauissement d'Hylas. L'histoire d'Hippomene & Ata-
lante. Complainte de France sur la guerre ciuile qui fut entre les François, L'an
1562. Sur la Paix faicte entre les François apres la guerre ciuile. Epitaphe du
sieur de Belle-ville. Sonnetz xxxviii. Amour picqué d'une Abeille, pris de
Theocrite. [impr. à Poictiers 4°. par Bertrand Noscereau 1565.

En l'Ode 1111.

*Ulysse seul échapa,
Car Mercure l'equipa
D'une propice racine,
Qui luy fut contrepoison,
Pour euitier la poison
De la sorciere maline.*

*Ainsi la Circe souloit
Muer chacun qui alloit
Aborder à son riuage
En figure de pourceau,
Ou en figure d'oiseau,
De loup, ou d'asne sauvage.*

*Qui sont les enchantemens,
Qui sont les medicamens,
Et les poisons de la Circe,
Sinon les affections
Et les folles passions
Qui nous conduisent au vice?
Les hommes qui sans cesser*

*Se travaillent d'amasser,
Et qui sans soing d'où promienne
Leur bien, en prennent sur tous
Violemment, sont les loups
De cete magicienne.*

*Ceux là qui leur deité
Fondent en la volupté
Et dissoluë & enorme,
Des bons vins & des morceaux
Ce sont les sales porceaux
Ou la Circe nous transforme.*

*Ceux qui sont tardifs & lents,
Ceux qui sont d'esprits volants,
Qui n'ont arrest ny demeure
Ce sont les asnes brayans
Ce sont les hommes ayans
Pris des oiseaux la figure.*

*Et la Prudence & Raison
Furent la contrepoison*

D d 2

Que

*Que donna au bon Ulysse
Le Dieu des Dieux messager
Pour le sauuer du danger
Et des Charmes de la Circe.
Car d'icelle le sçauoir*

*N'a dessus l'homme pouuoir,
Qui accort prudent & sage
S'est de la raison vestu
Et a aimé la vertu
Des son premier & ieune aâge.*

Aux Sonnets.

*Veux tu estre prisé & te voir auancé
En reputation entre le populaire?
Discour en compagnie, & pluſtoſt que t'y tair
Mets le conte en auant d'Oreſte l'insensé.
Si un bon propos est deuant toy commencé,
Parle en comme ſcauant, remue quelque affaire
Touſiours avec quelcun, & ſi tu n'as que faire,
Fay ſemblant toutesfois d'eſtre bien empreſsé.
Suy les gens d'apparence, inuite les à boire
Quelquesfois de ton vin: ſi riche n'es, fais croire
Que tu as force biens, ſois affable & plaisant.
Sur tout ne ſouffre pas qu'on te face vne honte:
Car ſi ſimple & couard de toy tu ne tiens conte,
Rien ne te priſeront les hommes d'apreſent.*

I A Q V E S B E S S O N Dauphinois professeur en Mathematique en la ville d'Orleans a eſcrit,

L'art & ſcience de trouuer les eaues & fontaines cachees ſoubs terre, autrement que par les moyens vulgaires des Agriculteurs & Architectes. [impr. à Orleans 8°. par Eloy Gibier 1569.

Le Coſmolabe ou inſtrument vniuerſel concernant toutes obſeruations qui ſe peuuent faire par les ſciences Mathematiques tant au ciel, en la terre qu'en la mer. [impr. à Paris 4°. par Philibert Gautier de Rouille 1567.

Art & moyen parfait de tirer huyles & eaues de tous medicamens ſimples & oleagineux. Confirmé par raiſons & experiences. augmenté d'un ſecond liure, & impr. à Paris 8°. par Galiot du Pré 1573.

Le Theatre des inſtrumens de Mathematique. [impr. à Lyon f°. par Barthelemy Vincent 1578.

I A Q V E S D E B I L L Y Abbé de Sainct Michel en l'herm. a eſcrit,

Recreations ſpirituelles, recueillies des morales de ſainct Gregoire le Pape ſur Iob, propres pour faire meſpriſer les choſes mondaines. [impr. à Paris 16°. par Guillaume Chaudiere 1573.

Conſolations & inſtructions ſalutaires de l'ame fidele extraites de S. Auguſtin ſur les Pſalmes. [impr. à Paris 8°. par Claude Fremy 1570.

Sonnets ſpirituels (en nombre 109.) recueillis pour la pluſpart des anciens Theolo

Theologiens tant Grecs que Latins commentez en prose par le mesme auteur. Aueq quelques autres petits traictez poëtiques de semblable matiere. [impr. à Paris 8°. & 16°. par Nicolas Chesneau 1573. Lesdicts sonnets spirituels ont esté traduits d'autant d'Epigrammes latins faicts & commentez par ledit de Billy & imprimez sous le tiltre de *Anthologia sacra*.

Sonnets spirituels (en nombre 100. recueillis pour la pluspart des anciens Theologiens tant Grecs que Latins. Auec les commentaires. Liure second. [impri. à Paris 16°. par Nicol. Chesneau 1578.

Six liures en vers du second Aduenement de nostre Seigneur. Auec vn traicté de saint Basile, du iugement de Dieu, propre pour conceuoir vne haine de toutes discordes & diuisions, & vne salutaire crainte de Dieu, qui sert comme de Preface & est fort conuenable à la matiere contenue ausdicts six liures. Plus les quatrains sententieux de S. Gregoire Euesque de Nazianze, aueq vne briefue & familiere exposition. [impr. à Paris 8°. par Guill. Chaudiere 1576.

Locutionum graecarum in communes locos per Alphabeti ordinem digestarum volumen per Dom. Iacob. Billium sancti Michaelis in eremo Cœnobiarum. [Excus. Parisijs 8°. apud Nicolaum Chesneau 1578.

Diui Gregorij Nazianzeni opera omnia, quae quidem extant: una cum Niceta Seronij commentarijs in 16. panegyricas orationes. Intextis etiam quibusdam Pselli enarrationibus in obscuriora loca secunda orationis de Paschate. Haec omnia latina facta per Iacobum Billium. Sc. Scholysque eiusdem Billy illustrata. [Impressa Parisijs f°. apud Io. Benenatum 1569.

Au 1. liure des Sonnets spirituels. Sonnet 18.

Que celuy qui tient le chemin de salut ne doit tourner
sa veüe en arriere.

On voit communément, qui estant l'homme arriué
En lieu fort haut & aspre, & plein de precipice,
Soudain de grand frayeur tout le poil luy herisse,
Et son corps de vigueur presque est du tout priué.
Que si d'un tel danger il veut estre sauué,
Et garder que la peur son esprit n'esblouisse,
Luy reste un seul moyen, c'est qu'en bas ne flechisse
Son œil, ains tienne haut, & tousiours esleué.
Ainsi qui du vallon des pechez pleins d'ordure
Au sommet est monté de vertus & droicture,
D'une chose garder se doit soigneusement:
C'est de baisser les yeux & les ficher en terre,
Et le monde laissé recercher à grand erre
Comme un chien qui retourne à son vomissement.

Ceste similitude est extraite de S. Iean Chrisostome, & est fort propre pour instruire ceux qui tiennent le chemin de vertu, à ne tourner point les yeux ar-

rière, & reprendre leurs vieilles erres. Et à cecy s'accorde ce que dit S. Bernard que ceux font bien qui prennent des ailes semblables à la colombe, & volent pour se mettre en repos. Car en la terre il n'y a que travail & affliction d'esprit. Or celuy qui vole de cete façon n'a rien à craindre, sinon que d'aventure il voye quelque charoigne en terre, ou autre chose semblable, du desir de laquelle estant attiré, il soit apperceu de ces tresmechans veneurs, & attrapé aux filets preparez à cete occasion: & parainssi soit la condition de cet homme pire que la premiere. C'est vne chose grandement à craindre, que quelcun, ou du seul cœur, ou du corps aussi retourne à son vomissement. Et nostre Seigneur par l'exemple de la femme de Loth nous admoneste en l'Euangile de nous donner garde de reprendre en affection les choses mondaines, & les vices, quand vne fois nous nous en sommes separés. En Ieremie Dieu menace les Iuifs qui retiroient en seruitude ceux qui auoyent esté affranchis. Combien plus grande occasion de craindre ont ceux-là qui par la grace diuine ayans esté tirez de la seruitude de peché, ne font difficulté de s'y fourrer encores: Beaucoup meilleur est imiter les animaux, desquels il est fait mention en Ezechiel, qui marchoyent sans tourner arriere: qui nous signifient les gens constants en vertu, & apés au royaume de Dieu, qui, ayans mis les mains à la charrue, ne tournent leur veüe en derriere. Et sur ce propos Origene parle en cete sorte: Si après que tu as esté entollé entre les enfans d'Israel, tu viens à decliner aux ceuures de ce siecle, faire actions terriennes & accomplir des ministeres fangeux, scaiche qu'il s'est leué en toy vn autre Roy qui ne connoit point Ioseph, qui te fait ainsi courir. S. Iean Chrisostome, pour môstrer de quelle diligence il faut vser pour garder son ame entre tant de dangers, se sert d'une similitude approchante de celle qui a esté tiree de luy en ce Sonnet. Comme ceux (dit-il) qui cheminent sur des cordes s'ils regardent tât soit peu de costé ou d'autre, tombent soudain sur la place & perissent: ainsi ceux qui cheminent en cete vie, ne scauroient si peu s'appareiller qu'ils n'aillent à fond. Car cete voye est, & plus estroite, & plus droite & plus perillense, & beaucoup plus haute que n'est vne telle corde.

A quoy se recognoissent les vrais enfans de Dieu.

Sonnet 25.

*L'Aigle estant incertain des petits qu'il esleue,
S'ils sont siens, que fait il pour tel doute vuidier?
Où Phebus ses rayons plus vifs il voit darder,
Les met, de tout soupçon à fin qu'il se releue.
Car s'il voit que leurs yeux le Soleil point ne greue,
Pour siens il les aduoüe, & les vient à garder.
Si leurs yeux trop foiblets ne l'osent regarder,
Comme faux & bastards de ses grifes les creue.
Ainsi cet Aigle grand (car aux diuins escrits
Souuent au lieu de Dieu l'aigle on voit estre pris)
Remarque & les bastards, & ceux dont il est pere.*

Car

*Car si au ciel il voit nos yeux estre fichez,
Il nous iuge estre siens: si en terre panchez,
Lors pour race il nous tient bastarde & adultere.*

Aristote & Pline escriuent cecy de l'Aigle, dont Greg. Nazianz. s'est serui en similitude en ses vers, où en mesme propos il parle aussi du Rhin. Pour donc accommoder à nostre propos cete similitude, nostre Dieu reconnoit ceux là pour vrais enfans qui peuuent dire avec Dauid, Mes yeux sont tousiours au Seigneur. Aussi est ce la marque à quoy S. Paul veut qu'on connoisse si nous sommes resuscitez avec Iesus-Christ, sçauoir est si nous cerchons les choses qui sont la haut, & non celles qui sont sur terre. Au contraire ceux sont tenus pour bastards enuers Dieu, qui on entierement leurs esprits courbez aux vanitez du monde, qui de propos ferme & arresté ont resolu de fleschir leur veüe en terre, qui deslournent les yeux à fin qu'ils ne voyent le Ciel comme les accusateurs de Susanne, qui tournent le dos à Dieu, & non la face, & pour toutes les paroles que tiennet la Sapience pour les appeller n'en daignent pour cela leuer la teste. Ceux cy sont estimez de Dieu enfans estrangers, generation mauuaise, peruerse & adultere, lignee de viperes. Que s'ils persistent impudemment & faulxement à se dire enfans de Dieu, il les rembarre incontinent & les renuoye sur leurs parens, disant, Ton pere est Amorreean, & ta mere Cheteenne.

Aux Quatrains traduits de Saint Gregoire de Nazianze:

Mieux vaut bien viure que bien parler.

Mieux vaut l'œuvre muet, qu'un caque inutile.

Sans la vertu iamaïs nul ne fut excellent.

Cent & cent l'ont esté par un parler coulant.

La grace aux bien-viuans, nō aux causeurs distille.

La vraye Noblesse gist en vertu.

Rougis d'estre meschant, non de race peu clere:

Car Noblesse ne vient que des corps ia pourris.

Mieux vaut qu'elle ait par toy commencée, que fin pris:

Comme estre beau vaut mieux, qu'estre nay de beaupere.

Qu'en toutes choses est requis de prendre conseil d'autrui.

L'œil voit tout fors que soy, mesme est il necessaire,

Pour autres choses voir, qu'il ne soit chasteux:

Donc user de conseil sois tousiours soucieux.

Le pié du pié, la main a de la main affaire:

IAQVES BLONDEL Chirurgien de l'Isle en Flandres a traduit du latin de Nicolas Goddin docteur en Medicine en la ville d'Arras,

La Chirurgie militaire, tresutile à tous ceux qui veulent suiure vn camp en temps de guerre, pareillement à tous autres en condition pestilente ou dysenterique.

terique. [impr. en Anuers 8°. par Jean Bellere 1558.

I A Q V E S D V. B O I S de Peronne a escrit en rime,
Pleurs tragiques de la Vertu, pour le trespas du Roy treschrestien Henry se-
cond du nom. Aueq son Epitaphe. [impr. à Paris 8°. par Oliuier de Harfy
1559.

I A Q V E S bastard de **B O V R B O N** Cheualier, Commandeur de
sainct Mauluiz d'Oysemont & Fontaines au Prieuré de France a escrit,
L'histoire du Siege & prise de la noble ville de Rhodes, assaillie & prise par Sul-
tan Solymah grand Turq. [impr. f°. l'an 1527.

I A Q V E S B O V R D I N Parisien, Secretaire du Roy a fait Fran-
çoises,
Les Phrases latines d'Aldus Manutius. [impri. à Paris 16°. par Geruais Mallot
1557.

I A Q V E S B O V R G E O I S Ministre de l'ordre de la sainte Tri-
nité & redemption des captifs a escrit,
L'Amortissement de toutes perturbations & refueil des mourants, excitant au
mespris du monde & preparation à la mort. Aueq meditations sur les sept Psal-
mes penitenciaux & vne meditation du penitent sur les regrets de l'enfant pro-
digue foulagé d'une consolation pareille à celle que fait le pere en l'Euangile
S. Luc 18. chapitre. Plus aucunes oraisons & recommandations faites à Dieu
pour la personne agonizante, tiree des Pseaumes de Dauid. [imp. à Douay 16°.
par Jean Bogard 1579.

I A Q V E S D E B V G N I N natif de Laufanne, Curé de Saint
Martin de Vaux & depuis religieux de l'ordre des Bernardins a escrit en rime
vn liure intitulé,
Le Congé pris du siecle seculier. [impr. à Lyon 8°. par Pierre Marechal 1480.
contenant par ordre d'Alphabet maintes bones sentences, & entre autres cel-
les qui s'ensuiuent.

*Belle chose n'a point de mise
Si elle n'est de droit acquise.
En gré faut prendre le labeur
Pour paruenir à quelque honneur.
Il n'est rien plus decepuable
Que la femme ou bien le Diable.
L'un s'abuse à trop penser,
Et l'autre à trop despenfer.*

*Né plaide point à tort,
Bien que sois le plus fort.
Ou Justice n'a que le nom,
Le prince a bien peu de renom.
Ou les princes sont negligens,
Les païs en sont indigens.
Que fault il pour estre prudent?
De trois temps estre recordant.*

I A Q V E S B O V R L E Docteur en Theologie de la Sorbonne &
Curé de l'Eglise Saint Germain le vieil en la cité de Paris a escrit,
Du saint Sacrement de l'Autel ainsi qu'il est practiqué en la Messe Saint
Denys premier Euesque de Paris & Apostre de la France: le tout pris &
tourné en François du troisieme chapitre de la Hierarchie Ecclesiastique
de ce grand & admirable Areopagite: enrichi d'argumens & scholies. Plus les
Hymnes du mesme saint Sacrement, reduicts aux loix de leurs vers latins,
mesme

mesme sentence gardee, tournez en François, le chant respondant au latin.

[impr. à Paris 8°. par Guillaume de la Noue 1557.

Il a escrit aussi en rime

Discours de l'affliction du corps pour recreer l'esprit & le mettre en bon heur.

[impr. à Paris 8°. par Alexandre Guillard 1567.

Adhoration au peuple de France de s'amender pour appaiser l'ire de Dieu.

[impr. à Paris 8°. par Denys du Pré 1568.

Priere à Iesus-Christ pour la prosperité du treschrestien roy Charles ix. & Elizabeth d'Autriche. [impr. à Paris.

Deploration sur la mort hastiue du treschrestien roy de France Charles ix.

[impr. à Paris par Jean Hulpeau 1574.

IAQVES DE BVVS.

Chançons Françaises à six voix, de Iaques de Buus. [impr. à Venise par l'auteur.

IAQVES ANDROVET DV CERCEAU demeurant à Montargis a fait,

Leçons de Perspective positive, [impr. à Paris f°. par Mamest Patisson 1576.

Premiere & seconde partie des plus excellens bastimens de France. representez en taille douce. [impr. à Montargis par l'Auteur.

Liure d'Architecture de Iaques Androuet du Cerceau. [impr. à Paris f. 1583.

IAQVES DE CHAMPIER a escrit,

Odes à M. François Sala sieur de Moniustin. [impr. à Paris par Jean Dallier.

IAQVES DE CHANGY docteurs es droicts, aduocat à Dijon a traduit du latin de Jean Loys Viuea

Institution de la femme Chrestienne tant en son enfance, que mariage & viuité. Aussi de l'office du mary. [impr. à Lyon 16°. par Sulpice Sabon. Loys Torquet en a fait aussi vne autre plus nouuelle traduction.

IAQVES CHAVVET Champenois professeur ez Mathematiques en l'vniuersité de Paris a escrit,

Les Institutions d'Arithmetique, diuisees en quatre parties. Avec vn petit Traicté des fractions Astronomiques. [impr. à Paris 8°. par Hierôme de Marnef 1578.

Messire IAQVES DE CHISON fut excellent Poëte : comme monstrent ses chançons : & entre autres la 111. où il dit que celuy qui vit de mercy sans don, ne peut croire qu'il luy vienne d'amours sinon douleur : mais l'attente du guerdon le maistrise. dit,

L'en deuroit amours nommer,

Pensee de cuer ioli.

En li n'a rien fors penser,

Adez attendre merci.

Et qui pourroit esprouuer

Les biens qui viennent de li:

Vers li ne se peut tencer,

Tant l'a doucement saisi:

Qu'il

*Qu'il li conuient endurer,
Au ' main & à la vespree,
Ioie de dueil destrempee:
C'est li doux aux fins ami.*

1. matin

IAQ VES DV C L E R a traduit de latin:

Colloque du vray pudic & sincere amour concilié entre deux amans, contenant plusieurs autoritez & spirituels propos. [impr. à Lyon 16°. par Jean de Tournes 1544.

IAQ VES C O L I N Secretaire du roy François premier, & Abbé de Sainct Ambroise a mis en vers François:

Le Protes d'Aiax & d'Vlysses pour les armes d'Achilles, contenu au 13. liure de la Metamorphose d'Ouide: Premise la description desdites armes translatee du grec d'Homere. [impri. à Lyon 16°. par Pierre de tours 1547.

Il a mis vne Epistre liminaire François au Thucidide de Claude de Seissel. Claude Chapuis en son discours de la court dit ainsi de cet autheur.

*Aussi l' Abbé de saint Ambrois, Colin
Qui a tant beu au ruyssseau Caballin
Que lon ne sçait s'il est poète né
Plus qu'orateur à bien dire ordonné,
Est du grand Roy qui les siens fauorise,
Et les lettrez, auance & authorise,
Non seulement volontiers escouté
Mais tant plus plait que plus il est gousté.*

IAQ VES C O L S O N N E T Docteur en Theologie a écrit,
La forme & maniere d'examiner sa conscience pour se confesser. Avec vne briefue declaration des commandemens de Dieu. [impri. à Rheims 16°. l'an 1554.

IAQ VES L E C O N T E Medecin de la royne de Nauarre a traduit,

Le liure de saint Augustin de l'Esprit & de la lettre. [impr. à Lyon 16°. par Ieá Pidier 1547. Il y en a vne autre traduction faite par Valentin du Caurroy.

IAQ VES D E C O V R T I N.

Les Oeuures Poëriques de Iaques de Courtin de Cifsé Gentilhomme Percheron. Aſſauoir Premier & Second liures des Amours de Rosine contenans environ 160. Sonnets. 14. Chanſons ou Mignardises. Epithalame de monsieur le Duc de Joyeuse. Odes, en nombre vnze. [impr. à Paris 12°. par Gilles Beys 1581.

Les Hymnes de Synese Cyrenean, Euesque de Ptolemaide traduiçts de grec en François par Iaques de Courtin de Cifsé. [impr. à Paris 12°. par Gilles Beys.

Au premier liure des Amours de Rosine.

Le tresor crepelu de cete belle tresse

Retint

Retint ma liberté dedans l'or de ses yeux,
 Cete rare beauté m'aveugla les deux yeux,
 Et mon libre vouloir la receut pour maïstresse.
 L'albâtre potelé de sa main vainqueresse
 Afferuit dessous soy mon cœur auantureux,
 Et l'Ame de sa voix d'un son melodieux
 Enchantu mon oreille & en fut larronneſſe.
 Mon cœur n'est plus à moy, ores ie ſuis captif,
 L'oreille m'assourdit & mon œil n'est plus vif,
 En tel dueil m'a reduit ſa grace nompareille.
 Encores ſuis ie heureux d'esclauer à ſes loix,
 Pour ſon poil, ſa beauté, & ſa main, & ſa voix
 Ma liberté, mes yeux, mon cœur & mon oreille.

En l'Ode à Iaques Durand:

Nature ſeconde mere
 De tout ce large uniuers
 Se fait paroïr ſinguliere
 En ſes miracles diuers.
 Vn pré qui n'a que de roſes
 Ne contente point nos yeux,
 Sil n'orne ſon ſein pompeux
 De mille autres fleurs écloſes.
 Noſtre eſprit, qui la Nature
 Contr'imite en ſa peinture,
 Se veut embellir ainſi
 De mille treſors auſſi,
 Si bien que Nature meſme
 N'a rien qui ſoit ſi caché,
 Qu'il n'ait d'une ardeur extreme
 Diuinement recherché.
 Mais ainſi qu'elle n'entafſe
 En tout lieu prodigement
 Tous les preſens, que ſa grace
 Tient celez auarement,
 Auſſi tout eſprit n'épuïſe,
 Ardamment laborieux,
 D'une honorable entrepriſe
 Tant de treſors merueilleux.
 L'une eſt excellent Poëte,

L'autre connoit au plus près
 Les rares diuins ſecrets
 De cete Roïne parſaiète,
 Et ſon aſſiue ſcience
 Croiſt de iour en iour immenſes
 Sans trouuer riue ny fond
 A cet Ocean profond, &c.

Le 9. Hymne de Synefius.

C'eſt ores que ie te chante
 Fils de la Vierge excellente,
 Que ie pince en ta faueur
 Mon Lut rempli de douceur,
 Fils de la Vierge ſublime,
 De la Vierge de Solyme,
 Qui d'un bras victorieux
 Chaffas le ſerpent terreux
 Serpent, trompeuſe Vipere,
 Hors des iardins de ton pere,
 Tu eſt deſcendu çabas
 Entre ceux que le trépas
 Fait ployer, inexorable,
 Deſſous ſa main effroyable.
 Tu eſt deſcendu auſſi
 Dans l'Enfer plein de ſouci,

Ou

Ou la mort ronge de flammes
 Retenoit un monde d'ames.
 L'Orque adonques sommeillard
 Horribla son chef vicillard,
 Et d'une peureuse crainte
 Sa cruauté fut atteinte.
 Le mastin trois fois testu
 S'enfuit de ta vertu,
 Et craignant ta grandeur forte
 Il ne garda plus sa porte.
 Mais toy ayant deschainé
 Le troupeau bien fortuné
 Des ames pures diuines,
 Tu allois d'honneurs insines
 Auec ce troupeau luisant
 Louant le pere puissant.
 Des Demons la tourbe immense
 Qui dans l'air fait residence
 Trembla d'horreur & d'effroy,
 Voyant ton retour, ô Roy.
 Les brigades eternelles
 Des pures cleres estoilles,
 Du ciel le rare ornement,
 Ternirent d'estonnement.
 Le Ciel riant, sage Pere
 De l'harmonie premiere,
 Tempéra d'aise rauy
 Vn accord entrefuiuy
 Des sept cordes de sa lyre,
 Pour mieux ta victoire dire.
 L'auant-courriere du iour
 S'esjouit à ton retour,
 Et l'Estoille de Cythere
 Deuint plus belle & plus clere,
 La Lune, que le Soleil
 Enlumine de son œil,
 A cete heureuse venue

Montra sa clarté cornue,
 Et roine des petits feux
 Elle marchoit deuant eux.
 Titan rempli de lumiere
 Epandit loin sa criniere
 Sous l'ineffable compas
 De tes plus excellens pas,
 Embellissant cete masse
 De sa iournaliere face,
 Il connut le fils de Dieu
 Estre source de son feu,
 Esprit, qui sage maneuure
 Fait d'ordre balancer l'œuure,
 Que ses pensers incompris
 Sans modele ont entrepris.
 Et toy secouant les ailes
 Des demeures eternelles
 Du ciel au pourpre declos,
 As monté dessus son dos,
 Et t'es arresté ez Spheres
 Pures, saintes, & premieres,
 Ou tout l'heur & le bien prent
 Son diuin commencement,
 Ciel, dont la courbure immense
 Est cachée du silence.
 Où la puissance du Tems
 Ne force rien sous ses ans,
 Le Tems, qui non-las commande
 A toute la terre grande,
 Ny les maux, ny les douleurs
 De l'Enfer plain de malheurs:
 Mais où l'age en sa vieillesse
 Est tousiours plein de ieunesse,
 Et qui ieune ensemble & vieil
 Franc de l'oublieux cercueil
 Donne à la troupe immortelle
 Vne demeure eternelle.

I A Q V E S D' A L E C H A M P S docteur medecin à Lyon a fi-
 delement traduit de Grec,

De

De l'usage des parties du corps humain Liures xvii. Auteur Claude Galen.
[impr. à Lyon 8°. par Guill. Rouille 1566.

Administrations anatomiques de Claude Galen corrigees en infinis passages,
avec extreme diligence du traducteur. [impr. à Lyon 8°. par Guill. Rouille.

Les deux liures de la Dissection des Muscles auteur Galen. [impr. à Lyon par
Guill. Rouille 1564.

Chirurgie Françoisise recueillie par Jaques Dalechamps: Aueq plusieurs figures
des instrumens necessaires pour l'operation manuelle. [impr. à Lyon 8°. par
Guill. Rouille 1569.

Jacobi Dalechampij in Pauli Aegineta opera medica scholia. [Lug. 8°.
apud Rouil. 1567.

Raimundi à Vinario De peste libri tres opera Jacobi Dalechampij in lu-
cem editi. Lugduni 16°. apud Guill. Rouillium 1552.

Athenei Naucratis Deipnosophistarum libri quindecim, è Græco quã-
ta maxima fieri potuit cura, diligentia, fide in Latinum sermonem versi à
Iacobo Dalechambio Cadomensis. [Lugduni f°. apud Anton. de Harisy
1583.

Il fera sortir bien tost en lumiere l'histoire naturelle de Plin en latin restituee
en son entiere perfection par la correction d'une infinité de dictions qu'il a ti-
ree de plusieurs vieux exemplaires escripts en main : avec les doctes annotatiõs
dont il l'a illustree.

I A Q V E S D A V I D iuge royal au bailliage de Vellay a composé,
Trois chants royaux, quatre ballades & dix rondeaux à l'honneur & louange
de la tressacree Vierge Marie. Avec vne oraison [impr. à Lyon 1536.

Historia dedicationis ecclesie Podij Aniciensis in Vallania: sacraq, ima-
ginis virginis (ibi per longa temporum curricula venerata) constructio-
nis, & translationis : per egregium dom. Iacobum David in utroque iure
licentiatum ciuitatis Aniciensis breui stylo edita. [impressa Auenioni 4°.
apud Joannem de Channey anno incarnationis domini 1516.

I A Q V E S D E L' E S P E R V I E R Dauphinois Abbé de S.
Hylaire a escrit en vers,

Conference des causes motiues des troubles de la France: aueq celles de l'anti-
quité. [impr. à Lyon 8°. par Geoffroy Martin 1569.

Epitaphe du grand Maistre de Malte Messire François de la Vallete dict Pari-
sor, qui soustint vaillamment le siege de Malte contre la puissance du Turq.
[impr. à Lyon 4°. par Benoit Rigaud.

I A Q V E S E S T A V G E a traduit de latin,
Declaration de l'instrument de Sebastien Munster pour cognoistre le cours du
ciel iusques à l'an 1580. & plus outre qui voudra. [impr. à Basle 4°. par Iean
Mareschal 1554.

Dixains catholiques tirez d'aucuns lieux communs de l'escriture saincte, & cõ-
solans les fideles. [impr. à Basle par Iean Mareschal 1561. *Caluinique.*

I A Q E S D E L' E S T O I L E de l'ordre de saint François a
E e traduit

traduit d'Espagnol vn liure intitulé,
De la Vanité du monde. diuisé en trois parties. [impr. à Paris 16°. par Guill.
Chaudiere 1578.

I A Q V E S E S T O V R N E A V Xantongois à traduit du latin
de Laurens Surius Chartreux

Histoire ou commentaire de toutes choses memorables aduenues despuis 70.
ans en ça, par toutes les parties du monde tant au fait seculier que Ecclesiastic.
[impr. à Paris f°. & pour la troisieme edition 8°. par Guill. Chaudiere 1573.

I A Q V E S L E F E V R E docteur en Theologie a escrit en prose
Iuste complainte de l'Eglise catholique & romaine sur la confession & prote-
station des simulez fideles. [impr. à Paris 8°. par Guill. Guillard 1562.

I A Q V E S F O C A R D de Montpellier a escrit,
Paraphrase de l'Astrolabe contenant les principes de Geometrie. La Sphere,
L'Astrolabe, ou declaration des choses celestes. Le Miroir du monde, ou ex-
position des parties de la terre. [impr. à Lyon 8°. par Jean de Tournes 1546.

I A Q V E S D V F O V I L L O V X Escuyer Seigneur dudit lieu
aupais de Gastine en Poictou a escrit vn liure contenant 63. chapitres dedié au
Roy Charles ix. & intitulé,

La Venerie traitant de la chasse du Cerf, du Sanglier, du lieure & des regnards
& tessons. Auec plusieurs receptes pour guarir les chiens de plusieurs maladies.
[impr. à Poictiers f°. par les de Marnef & les freres Bouchet 1561.

I A Q V E S G A S S O T a escrit,
Discours du voyage de Venise à Constantinople, contenant la querelle du
grand Seigneur contre le Sophy, aueq elegante description de plusieurs villes
de la Grece & choses admirables en icelle. [impr. à Paris 8°. par Antoine le
Clerc 1550.

I A Q V E S G I R A R D I. C. de Tournus en Bourgoigne, a tra-
duit de latin,

Le liure de Roger Bacon, de l'admirable pouuoir & puissance de l'art & de na-
ture, où est traité de la pierre philosophale.

Plus vn autre liure de Claude Celestin Des choses merueilleuses en nature, où
est traité des erreurs des sens, des puissances de l'ame & influences des cieux.
[impr. à Lyon 8°. par Macé Bon-homme 1557.

L'aumosnerie de Jean Loys Viuez diuisee en 2. liures: le premier contient la
forme & exhortation de secourir les pauvres, leur ayder, & faire aumosne en
particulier: Le second comme en public & generalement on doit suruenir à
leur necessité. [impr. à Lyon 8°. par Jean Stratus 1583.

I A Q V E S G O H O R Y Parisien a escrit,
Instruction sur l'herbe Potum dite en France l'herbe de la Roine ou Medicee:
Et sur la racine Mechioacim principalement (auec quelques autres simples ra-
res & exquis) exemplaire à manier tous autres vegetaux. [impr. à Paris 8°. par
Galiot du Pré 1572.

Commentaire sur le liure de la fontaine perilleuse & chartre d'Amours, oeuvre
de Poësie antique par vn poëte François ancien Anonyme, contenant la Steno-
graphie des misteres secrets de la science minerale. [impr. à Paris 8°. par Jean

Ruelle

Ruelle 1571.

Discours responsif à celuy d'Alexandre de la Tourrete, sur les secrets de l'art Chimique fait en la defense de la Philosophie & Medecine antique contre la nouvelle Paracelsique. [impr. à Paris 8°. par Jean de l'Astre 1579.

Ses traductions.

L'histoire de la terre neufue du Peru en l'Inde Occidentale qui est la principale mine d'or du monde descouverte & cōquise, & nōmee la nouvelle Castille, traduite d'Italien. [impr. à Paris 8°. par Vincent Sertenas 1553.

Le premier & second liure de la premiere Decade de Tite Liue de Padoue, depuis la fondation de Rome. [impr. à Lyon 8°. par Balthasar Arnoulet 1553.

Le dixiesme liure d'Amadis de Gaule traduit d'Espagnol auquel (continuant les hauts faicts d'armes & proësses admirables de Florisel de Niquee) est traicté de la furieuse guerre qui fut entre les princes Gaulois & Grecs pour le recouurement de la belle Helene d'Apolonie. Et des aduentures estranges, qui survindrent durant ce temps. [impr. à Paris f°. par Jean Longis & Estiēne Groulleau 1555.

Le onzième liure d'Amadis de Gaule continuant les entreprises cheualeuresques & auantures estranges tant de luy que des princes de son sang: où reluyent principalement les hauts faicts d'armes de Rogel de Grece, & ceux d'Agésilan de Colchos au long pourchas de Diane. [impr. à Paris par le mesme Groulleau.

Le treizième d'Amadis, traictant les hauts faicts d'armes de Sylues de la Selue fils de l'Empereur Amadis de Grece & de la royne de Thebes Finistee. Aueq les auantures estranges d'armes & d'amours de Rogel de Grece, Agésilan de Colchos & autres aduenues sur l'entreprise & cours de la guerre du grand roy Balthasar de Russie contre les Chrestiens. [impr. à Paris.

Les occultes merueilles & secrets de nature: avec plusieurs enseignemens des choses diuerses tant par raison probable que par coniecture artificielle: exposees en deux liures latins par Leuin Lemne medecin Zirizeen, & traduits en François par Iaques Gohory. [impr. Paris 8°. par Galiot du Pré 1574.

Iacobi Gohorij de usu & misterijs notarum liber in quo vetusta literarum & numerorum ac diuinorum ex Sybilla nominum ratio explicatur. [Excus. Parisijs 8° apud Vincentium Sertenas 1550.

I A Q V E S G O V P I L Docteur en Medicine a traduit d'Italien La Sphere du monde d'Alexandre Piccolomini Gentilhomme Siénois. [impr. à Paris 8°. par Guillaume Cauellat 1580. Auec vne preface dudit traducteur & vne Epistre dedicatoire à la Roine, où il dit ainsi: Les disciplines ne sont inuention humaine, & n'ont esté d'auenture enseignées, ains par vne certaine prouidence de Dieu ont esté enuoyées à la vie humaine. C'est assés d'attribuer les folles opinions & faulx disciplines, qui ont toutesfois couleur des vrayes, à nos vices, & nostre inuention. Plus noble & diuine est l'origine des vrayes sciences qui sont le plus clair œil de l'entendement, lequel sans empeschement des nues regarde l'œuvre de Dieu & sans faillir touche la verité. Et en vn autre endroiect parlant des Mathematiques: Parquoy il n'y a doubte que cete science apres la theologie ne nous face approcher plus que toutes les

Ee 2

autres

autres, de la vraye noblesse de l'esprit : qui n'est autre chose qu'un iugement droit, c'est à dire un mépris des choses basses, & une admiration des grâces & diuines.

Jacobi Goupili in Paulum Aeginetam medicum scholia. [Lugd. 8°. apud Rouillium 1567.

Eiusdem annotationes in Alexandri Tralliani libros 12. grecos, & Rhaze Librum de Pestilentia. Parisijs apud Rob. Stephanum 1548.

IAQVES LE GRAND de l'ordre S. Augustin a escrit, Le liure de bonnes meurs, diuisé en cinq parties. La premiere traicte du remede contre les sept pechez mortels. Le 2. de l'Estat des gens d'Eglise. Le 3. de l'estat des princes. Le 4. de l'estat du commun peuple. Le 5. de la mort & du iour du iugement. [impr. à Paris f°. par Michel le Noir sans datte.

IAQVES GREMOND de Chastel-charlon en Bourgoigne a escrit un liure intitulé

La Prophetie de S. Jean l'Euangeliste auioird'huy accomplie par les faux prophetes. [impr. à Paris 8°. par Nicolas Buffet.

IAQVES GREVIN de Clermont en Beauuoisis Docteur en Medicine a escrit en beaux vers François

Le Theatre, contenant une Tragedie & deux Comedies, Assauoir Cæsar Tragedie, La Tresoriere & les Esbahis Comedies. Plus L'Olimpe contenant Sonnets, Chançons, Villanesques, Odes, Pyramides, Amourettes. Plus Gelodacrie contenant plusieurs Sonnets & autres compositions Poëtiques. [Le tout impr. en un volume 8°. à Paris par Vincent Sertenas 1567.

Hymne sur le mariage de François Dauphin de France & de Marie de Stuard Roine d'Ecosse. [impri. à Paris 1558.

Pastorales sur les mariages de tresexcellentes princesses Madame Elizabet fille aisnee de France & Madame Marguerite seur unique du Roy. [impr. à Paris 4°. par Martin l'Homme 1559.

Proeme en vers sur l'histoire des François & hommes vertueux de la maison de Medicis. A la Roine mere du Roy. [impr. à Paris en 4°. par Robert Estienne 1567.

Les Oeuures de Nicandre Medicin & Poëte grec traduites en vers François. [impr. en Anuers 4°. par Christophle Plantin 1568.

Ses ceuures & traductions en prose,

Apologie sur les vertus & facultez de l'Antimoine, auquel est sommairement traicté de la nature des mineraux, venins, pestes, & de plusieurs autres questions naturelles & medicinales, pour confirmation de l'aduis des Medecins de Paris contre ce qu'a escrit Loys de Launay Empirique. [impr. à Paris 8°. par Iaque du Puys 1567.

Deux liures des venins, ausquels est amplement discoursu des bestes venimeuses, Theriaques, poisons & cõtrepoisons. [impr. en Anuers 4°. par Christophle Plantin 1568. où entre autres choses il est dict, *Le venin consideré en soy est une chose non-naturelle, laquelle entree dans le corps humain est cause ou d'une entiere corruption, ou d'une tresgrande offense en iceluy : & ce ou par une qualité excessiue, ou par une propriété naturelle & cachee, ou bien par une totale coniuration & commun consentement*

sentement de sa nature.

Cinq liures de l'imposture & tromperie des Diables: des Enchantemens & Sorcelleries: traduiçts du latin de Jean Vvier medecin du Duc de Cleues. [impr. à Paris 8°. par Iaques du Puis 1567.

Les pourtraicts Anatomiques de toutes les parties du corps humain grauez en taille douce par le commandement de Henry VIII. Roy d'Angleterre. Ensemble l'Abregé d'André Vesal & l'explication d'iceux accompagné d'une declaration Anatomique & d'un Aduertissement sur les noms François imposez à quelques parties du corps humain. [impr. à Paris f°. par André Vvechel 1569.

De plusieurs autres beaux & doctes labours de ce ieune Poete iouyrions nous maintenant à l'enrichissement de nostre langue, si la parque ne luy eust si tost tranché le filet de sa vie: Car il auoit heureusement paracheué son Theatre en l'an vingt deuxiesme de son aage, la Tragedie Cæsar & les deux Comedies ayans esté mises en ieu au college de Beauuais à Paris ez années 1558. & 1560. à l'estonnement & admiration des plus doctes, de voir vne œuvre si accomplie estre partie d'un homme si ieune. Et qui plus est, la philosophie & la Medicine furent par luy maniees avec un grand & solide iugement: dequoy Pierre de Ronfard prince des poetes François donne tesmoignage en vne Elegie qu'il luy adresse chantant ainsi:

*Jodelle le premie d'une plainte hardie
Françoisement chanta la Grecque Tragedie,
Puis en changeant de ton, chanta deuant nos Rois
La ieune Comedie en langage François,
Et si bien les sonna que Sophocle & Menandre
Tant fussent ils sçauans y eussent peu apprendre.
Et toy, Greuin apres, toy mon Greuin encor
Qui dores ton menton d'un petit crespe d'or,
A qui vingt & deux ans n'ont pas clos les années,
Tu nous as toutesfois les Muses amenees,
Et nous as surmontez qui sommes ia grisons,
Et qui pensions auoir Phebus en nos maisons.
Amour premierement te blessa la poictrine
Du dart venant des yeux d'une beauté diuine,
Qu'en mille beaux papiers tu as chanté, à fin
Qu'une si belle ardeur ne prenne iamais fin.
Puis tu voulus sçauoir des herbes la nature:
Tu te feis Medecin, & d'une ardente cure
Doublement agité, tu appris les mestiers
D'Apollon qui t'estime & te suit volontiers,
A fin qu'en nostre France, un seul Greuin assemble
La docte Medecine & les vers tout ensemble.*

Ec 3

Au

Au premier acte de la Tragedie Cæsar:

L'honneur est le seul nourricier
 De la prouesse d'un guerrier,
 C'est l'esperon qui seul le pique
 Defendant une republique:
 Tousiours par luy se sont espris
 Premièrement les bons esprits,
 Pour premiers oser entreprendre
 Le chemin foulé d'Alexandre.
 La force ne vient d'autre part:
 Car incontinent qu'un soldart
 S'est mis deuant les yeux la gloire,
 Il tient à demy la victoire:
 La force luy double, & le cœur,
 Se sentant ia presque vainqueur,
 Luy enfle dedans la poitrine,
 Qui dans une presse mutine
 En luy fait apparoiſtre encor
 Les vaillantises d'un Hector,
 Et les prouesses dont Alcide
 Vengea le Geant homicide.
 Pendant que les premiers Gregeois
 Furent gouuernez par les Rois,
 Ialoux de ceste belle gloire,
 Ils estendirent leur victoire

Sur les plus farouches domptez,
 Et de ces peuples surmontez,
 Se faisant maistres par le monde
 S'espandit leur gloire feconde.
 Ainsi le braue fils d'Aeson
 Rapporta la riche toison,
 Et d'une audace plus hautaine
 Rama premier l'humide plaine:
 La gloire feit premièrement
 Bien-heurer le commencement.
 Mais quant & quant que la paresse
 Se feit de leurs neuueux maistresse,
 La couardise des derniers
 Vint desmentir les deuanciers:
 Car un champ, voire plus fertile
 Se rend en la fin inutile
 Si le soc n'est souuent caché
 Au plus creux de son dos tranché.
 Iamais la semence feconde
 De ceux qui ont domté le monde
 Ne tint le loisir paresseux
 Auecques le bien des ayeux:
 Jamais de l'Egle genereuse
 Ne vint la colombe paoureuse.

Au 3. acte de la mesme Tragedie:

Heureux & plus heureux l'homme qui est content
 D'un petit bien acquis, & qui n'en veut qu'autant
 Que son train le requiert: la il vit à sa table
 Tousiours accompagné d'un repos desirable:
 Il n'a soucy d'autrui, l'esperoir des grands trefors,
 Ne luy va martelant ny l'ame ny le corps:
 Il se rit des plus grands, & leurs maux il escoute,
 Il n'est craint de personne, & personne il ne doute:
 Il void les grands seigneurs & contemplant de loing
 Il rit leur conuoitise & leurs maux & leur soing:
 Il rit les vains honneurs qu'ils bastissent en teste,
 Dont les premiers de tous ils sentent la tempeste,

Si le

*Si le Ciel murmurant les voit d'un mauvais œil
Accablant tout d'un coup le bon heur & l'orgueil.*

En la Tresoriere Comedie:

*Le gain fait tout, le gain emporte
Les rampars d'une ville forte:
Le gain fait coqus les maris:
Le gain est le Dieu de Paris,
C'est le Dieu des inuentions,
Et la fin des intentions.*

*Le gain fait courir les marchans
Au peril & danger des champs,
Au peril des vents & tempestes,
Qui plus souuent dessus leurs testes
Tombans d'espouuantable effort
Leur mettent dans les dents la mort.*

Au Second de l'Olympe:

*L'Automne suit l'Esté, & la belle verdure
Du Printemps raseuny est ensuiuant l'Hyuer:
Tousiours sur la marine on ne void estriuier
Le North contre la nef errante à l'auenture:
Nous ne voyons la Lune estre tousiours obscure,
Ainsi comme un croissant on la voit arriuer.
Toute chose se change au gré de la nature,
Et seul ce changement ie ne puis esprouuer.
Vn an est ia passé, & l'autre recommence;
Que ie suis poursuivant la plus belle de France,
Sans auoir eschangé le courage & le cœur:
Qui fait qu'oresnauant ie ne me veux fier
A celuy qui a dict, comme asseuré menteur,
Qu'on n'est pas aujourd'huy ce qu'on estoit hier.*

Aux Sonnets du second liure de la Gelodacrie.

*Ce n'est plus moy qui veut faire d'un rien grand chose,
Je ne ciz elle plus sur l'immortalité
Le soudain changement d'une vaine beauté,
Ornant de deshonneur le vers que ie compose:
Ie ne veux plus cacher par la Metamorphose
Cela qui est mortel dessous la deité,
Esclauant follement ma douce liberté:
Pour un meilleur subiect ma rime ie dispose.
Vne dame plus forte a mis hors de prison
Ma ieunesse captiue: elle qui est Raison
S'est remise en la fin dedans sa forteresse:
Là d'une heureuse main bridant la volupté,*

E e 4

Me

*Me monstra qu'il ne faut quand on est surmonté
Faire de l'imparfait vne sainte Deesse:*

I A Q V E S D E G V Y S E.

Les Illustrations de la gaule Belgique, autrement les Croniques & Annales de Haynau, contenans les antiquitez dudiect pais de Haynau, & de la grand cité de Belges à present dicte Bauay, dont procedent les chaulsees de Brunchault: Et de plusieurs princes qui ont regné & fondé plusieurs villes & citez audit pais: & autres choses singulieres & dignes de memoire aduenues durant leurs regnes, iusques au duc Philippes de Bourgoigne dernier decedé, compilees par Frere Iaques de Guyse, de l'ordre de S. François du conuent de Valenciennes, & translaré en françois. [impr. à Paris f°. par François Regnaud 1531.

I A Q V E S H O L L I E R.

Trois liures de la matiere de Chirurgie par Iaques Hollier d'Estampes, Medecin à Paris, translatez de latin en françois par vn homme sçauant. [impr. à Paris 4°. par Chrestien Vvechel 1544.

Traicté de la matiere de Chirurgie. Voyez Simeon de Prouencheres.

I A Q V E S L E H O N G R E Docteur en l'vniuersité de Paris Religieux profez de l'ordre des freres prescheurs à Argenthen a escrit Ample declaration des trois poincts cōtenus au sacré mystere de la Messe, sçauoir de la consecration, oblation & communion du corps & sang du Saulueur Iesus-Christ: Diuisee en trois liures. [impr. à Rouen 4°. par Pierre Brenouzet 1566.

Fidelle recueil de la conference meue entre Iaques le Hongre & Guillaume Feuguere ministre predicant d'Aneual pres Pauilli en la maison du seigneur de Montagu à Ambouruille le 23. Iuillet 1565. [impr. à Paris audit an.

I A Q V E S I V S S I de Villiers en Partois a escrit

Dialogue sur les fondemens de la Grammaire entre le Maestre & son Disciple. [impr. à Tholose 16°. par Guyon Boudeuille 1552.

I A Q V E S D E L A V A R D I N, Seigneur du Plessis-Bourrot a traduit du latin de Marinus Barletius

L'histoire de Georges Castriot surnommé Scanderbeg, roy d'Albanie: comprise en douze liures contenans ses illustres faiets d'armes & memorables victoires à l'encontre des Turqs pour la foy de Iesus-Christ. [impr. à Paris 4°. par Guillaume Chaudiere 1576.

La Celestine Tragicomedie composee en reprehension des fols amoureux, lesquels vaincus de leurs desordonnez appetits inuoquent leurs amies & en font vn Dieu. Aussi pour descouurir les tromperies des maquerelles, & l'infidelité des meschans & traistres seruiteurs, traduite de nouveau par Iaques de Lauardin &c. [impr. à Paris 16°. par Guillaume Chaudiere 1578.

I A Q V E S M A I S T R E T Prieur des Carmes de Lyon, maintenant Euesque de Damas suffragant de Monseigneur l'Archeuesque de Lyon a escrit vn petit liure de prieres Chrestiennes en François. [impri. à Lyon 16°. par Michel Ioue 1568.

I A Q V E S D E M A R C E P A L L V, de l'ordre de S. François a translaré de latin en François

Les

les Excellences & vertus des Pſeaumes du Prophete Royal David, ſelon l'ordre du Pſautier. [impr. à Tholoſe 8°. par Iaques Colomies.

I A Q V E S M E R L I N docteur en Theologie, Chanoine de Paris a expoſé en ſix Homelies en François l'Euangile *Miſſus eſt angelus Gabriel*. [impr. à Paris. 8°. par Iean Petit 1538.

I A Q V E S M I C H E L E T d'Angers a eſcrit l'Oſana de Michelet d'Angers calomnié par vn muſnier & ſes aſniers. C'eſt vn Sermon auquel ſont traiçtez quatre poinçts, Le premier, ſur le paſſage *Soluite*. Le 2. *Venit tibi manſuetus*. Le 3. ſur *fecerunt ſicut praecepit illis Ieſus*. Le 4. ſur *Scraperunt veſtimenta*, juſques à la fin de ceſt Euangile. [impr. à Paris 8°. par Thomas Richard 1551.

I A Q V E S M I F F A N T de Dieppe a traduit du grec de Xenophon en François

Le Tyrannique, Dialogue. [impr. à Paris 8°. par Martin le Ieune 1550.

I A Q V E S D E M I G R O D D E a traduit du Caſtillan de Don F. Barthel. de las Caſas ou Caſaux, de l'ordre de S. Dominique & Eueſque Eſpagnol

Histoire des insolences, cruautez & tyrannies exercees par les Eſpagnols es Indes Occidentales qu'on dit le nouveau Monde. [impr. à Anuers 8°. par François de Rauelenghien 1579.

I A Q V E S M O I S S O N a eſcrit quelques Sonnets, Chanſons & Odes eſparſes & imprimees parmy pluſieurs liures d'autres auteurs.

I A Q V E S M O N D O T du Puy en Velay. Religieux de l'ordre S. Benoist au monaſtere de la Chazedieu a traduit en vers Lyriques François Les Odes de Q. Horace Flacce. Liures v. [impr. à Lyon 8°. par Nicolas Poncelet 1579.

Quinze Sonnets ſpirituels ſur les quinze effuſions de ſang de noſtre Redempteur, faiçts par Iaques Mondot Docteur en droit Canon. [impr. à Paris 16°. par Nicolas Poncelet 1579. & deſpuis à Lyon par Benoist Rigaud.

Tragedie ſur la mort de Sophoniſba de Cartage fille d'Aſdrubal & femme de Syphax roy de Numidie. non encores imprimee.

I A Q V E S D E M O R T I E R E S de Chalon ſur Saone a traduit de latin en rime françoiſe

La Parthenice Mariane de Baptiſte Mantuan Carme. [impr. à Lyon 4°. par Claude Nourry & Iean Beſſon 1523.

I A Q V E S D E L A M O T T E Sieur de Huppigny a eſcrit en proſe

Le Blaſon des celeſtes & treſchreſtiennes armes de France, contenant le deuis des trois fleurs de Sapience, Juſtice, & Bon conſeil aſſiſes au champ de venu. [impr. à Rouen 16°. par Robert & Iean du Gord 1549.

I A Q V E S P E L E T I E R du Mans, Mathematicien, Medicin & Poëte a eſcrit pluſieurs œuvres tant en proſe qu'en vers. Celles en proſe ſont Dialogue de l'ortographe e prononciation François de departi en deux liures ou ſont introduits Iean Martin, Theodore de Beze, Denys Sauuaige, Le Seigneur d'Auron L'Eueſque de Mompellier, & ledit Iaques Peletier deſaſans enſemble,

semble. Avec vne Apologie à Loys Meygret. [impr. à Poictiers 8°. par Enguila-
bert de Marnef 1556.

Enseignemens de vertu au petit Seigneur Timoleon de Cossé premier fils de
monfieur le Marechal de Brissac. [imp. à Lyó 16. par Iéan de Tournes 1554.

Art Poétique François diuifé en deux liures, dont le premier contient dix cha-
& le second dix. [impr. à Lyon 8°. par Iéan de Tournes & Guill. Gazeau 1555.

L'Algebre departie en deux liures dont le premier commence ainfi: L'Alge-
bre, et vn art de parfettermant e prësisemant nombrer: e de foudre toutes que-
ftions Arithmetiques e Geometriques de poffible folucion par nōbres Racio-
naux e Irrationaux. La grande fingularité d'elle, cōfifte an l'inuación de toutes
fortes de lignes e superficies, où l'Eide des nōbres Racionnaux nous defaut. Elle
apprant à difcourir, e à chercher tous les poincts neceffers pour refoudre vne
difficulté: e monstre qu'il n'et chofe tant ardue à laquelle l'efprit ne puiſſe at-
teindre, auifant bien les moyens qui y adreſſer. Le premier inuanteur de cet
art ſelon aucuns fur Gebèr Arabe, e ſe fondeſur la reſon du mot, compoſé
d'vn nom propre e d'vn article Arabiq qui ét Al, lequel ſe propoſe commune-
mant aus mox de la langue: comme Alcabice, Alubater, Alcandan, Alque-
mie: e aſſez d'autres &c. [impr. à Lyon 8°. par Iéan de Tournes 1554.

L'Arithmetique departie en quatre liures. [impr. à Lyon 8°. par Iéan de Tou-
nes 1570. & au parauant à Poictiers.

De l'vſage de Geometrie. [impr. à Paris 4°. par Gilles Gourbin 1573.

*Iacobi Peletarij in Chriſtophorum Clauium. De contaſtu linearū, Apolo-
gia. Eiuſdē Demonſtrationes tres. Prima de anguli rectilinei & curuilinei
aqualitate. 2. De linea recta in tres partes continue proportionales ſectiōe.
3. de Area trianguli ex numeris aſtimatione. Pariſijs 4°. apud Hieroni-
mum de Marnef 1559.*

*In Euclidis Elementa Geometrica Demonſtrationum libri ſex. Lugduni
f°. apud Ioannem Tornaſium 1557.*

Ses œuvres en vers ſont,

L'Amour des amours, contenant 96. Sonnets. L'amour volant. Le Parnasse, L'v-
ranie, L'Air, les trois regions de l'air, la roſte, le frimaz, la Pluye, la greſle, la
neige, les vents, la foudre, la lune, Mercure, Venus, le Soleil, Mars, Vers ly-
riques ſte roſſignol, la deſcriptions des quatre ſaiſons de l'annee, Epiftre à
monſier le Marechal de Brissac. [le tout impr. à Lyon 8°. par Iéan de Tournes
1555.

Ouures Poétiques, aſſauoir les deux premiers liures de l'Odyſſee d'homere. Le
premier liure des Georgiques de Virgile. Trois Odes d'Horace. Vn Epigram-
me de Martial. Douze Sonnets de Petrarque. Congratulation ſur le nouveau
regne de Henry deuxieſme de ce nom. Epigrammes. L'antithese du courtiſan
& de l'homme de repos. Epiftre à Saingelais. [le tout impr. à Paris 8°. par Mi-
chel Vascosan 1547.

Autres opusculs en vers aſſauoir, Chanſon, Epigrammes, Sonnets, Ode, Epi-
talamb, Ode à Louyſe l'Abé lyonnoife, Le deſeſperé, Le content, l'Alouette.
[impr. au bout de ſon Art Poétique par Iéan de Tournes 1553.

L'art

L'Art Poétique d'Horace mis en François. [impr. à Paris 8°. par Michel Vasco-
fan 1545.

La Sauoye, ou Description du païs de Sauoye en trois liures. [impr. à Annecy
8°. par Jaques Bertrand 1572.

Les Louanges, assauoir la Parolle, les trois graces, L'honneur, Le fourmy, La
Science. Plus description de deux Planetes Iupiter & Saturne. Aucuns passa-
ges traduits de Virgile. [impr. à Paris 4°. par Robert Colombel 1581.

Le Genie de Jaques Peletier, Liures 3. non imprimés, lesquels il m'a faict voir
l'annee au parauant son trespas.

En l'Amour des Amours. Sonnet 73.

*Si tu nes Vent, Amour, donques qu'es tu?
En haut, en bas à ton gré tu me pousse:
Deçà delà n'esbranlent tes secousses:
Je suis ton arbre, & ie suis ton fétu.
Or' nud ie suis, or' de feuilles vestu:
Or' tu m'es coy, ores tu te courrouces:
Or' rudes sont, or' tes aleines douces:
Tu as d'estaindre & d'allumer vertu.
Tu es Zefire, & mes ris sont tes fleurs:
Tu es un Austre, & tes eaues sont mes pleurs:
Tu es Boree, & mon cœur est ta glace:
Tu es Cecie, & ta Nue ie suis.
Tu ne fais rien, bref, que le Vent ne face,
Fors que tu peus entrer sans t'ouurer l'huys.*

Au premier liure de l'Art Poétique.

De l'Imitation. Chap. 5.

Vne grand' partie des fez humeins consiste an l'Imitacion. Car la chose la
plus pronte e la plus ordinere aus hommes, c'et vouloer fere ou dire ce qu'iz
voet de bien fet ou bien dit par les autres. Les Musiciens imitet la voes des an-
seigneurs, les Peintres de leurs patrons, les Rustiques e Mariniers de l'experian-
ce. E par ce qu'il n'i à qu'une espee de bien an toutes choses, e infinies de mal:
le premier e plus difficile point, et de fauoer discerner la vertu d'avec le vice.
Soet donq premieremant le Poëte exercité an Homere e an Virgile (car j'exam-
plifire par tout pour l'Euure Heroïque, sus lequel s'antandront les autres g'an-
res) e les et comme incorporez an sa memoere pour son principal fons, e com-
me pour son ordinere patron: afin que quand ce viendra a lire les autres Poë-
tes, il soet prepare a an pouuoer conuertir la lecture an ceste felicite premiere
imbue: a la sorte des vins excelans qui se ramplicet, non de pareilh vin, quand
il ne s'an trouue point, mes du meilleur qui se puisse recouurer. Car le tonneau
etant bien auiné, le vin d'infusion se reduit facilement a la saueur de la princi-
pale

pale bonté. Il ne faut pas pourtant que le Poète qui doit exceller, soit imitateur jure ni perpetuel. Eins se propose non seulement de pouuoer ajouter du sien, mes ancores de pouuoer fere mieus an plusieurs poinz. Songe que le Ciel peut fere vn Poète parfait: mes qu'il n'an à point ancores fet. Songe que ce n'est pas la haute felicité que d'être pareilh: qui mieus ét, songe qu'il ét plus esle d'être supérieur, que d'être egal. Car la nature des choses ne souffre james perfection de ressemblance. Par seule imitation rien ne se fet grand: C'est le fet d'un homme pareceus de peu de keur, de marcher tousjours apres vn autre: Celuy sera tousjours dernier, qui tousjours suiura. Et donq le Poète premieremant l'esprit, le courage, la majesté, la facilité, e brief ce que la nature peut donner: Puis ne doute point qu'il ne soit possible de se fere le plus grand. L'office d'un Poète, ét de donner nouueaute aus choses vielhes, autorité aus nouueles, beauté aus rudes, lumière aus obscures, soit aux douteuses, e a toutes leur naturel, e a leur naturel toutes. Qu'il regarde qui c'est qui l'à ancores fet: e s'il n'à esté fet, an quoe ét la faute. Auise les generalitez e les particularitez: examine les passages de Philosophie, la façon de narrer, e combien diuerse: quele grauite, quele grace e bienfiance. S'il i à des vices, qu'il les euite, chose facile: les vertus, qu'il les egale, chose possible: ou les surmonte, chose honorable. Homere à esté si excelant an ce general dispositif e vniuerselle titure de Poeme, qu'il et esle a connoetre qu'il n'i à point de meilleur chemin. E s'il i an út un, Virgile l'út trouué, l'homme le plus courageus que nature et james presanté sus la terre: d'auoir osé antreprendre de fere ce que troes Poetes ont fet, chacun pour le plus excelant an son genre. Teocrite, Hesiode e Homere: Auoir surmonté les deux: assuiui le tiers, e an voee de le lesser derriere, si n'út esté la surprise de la mort: Auoir fet an douze liures ce qu'Homere an quarante e huit (combien qu'Aristarque à fet le nombre des liures d'Homere, e ordonné ce qu'il auoit chanté par intermissions). E qui me trouuera trop hardi juge, considere les grans segrez, e pour bien dire, les misteres qui sont an Virgile: e il trouuera qu'Homere n'et an rien plus eurus, sinon que pour auoir precedé an tans. Considere, si l'Eneide út esté fete auant l'Iliade, que c'est qu'il an faudroit dire. Mes disons Virgile imitateur par euidance: e Homere inuanteur, par jugement e opinion. Car que sauons nous s'il à de predecesseurs? que sauons nous si l'ingrate vielhece du tans les nous à auiez? vu que toutes choses viuet e meuret par rondeurs? Or Virgile à imité ce qu'il à vu d'admirable en Homere: Mes il l'à chatié an plusieurs androez. E ici metré quelque nombre de poinz, léquez Virgile n'à pas trouuez bons an Homere, e dont il s'et gardé, afin que mon Poète connoesse, qu'un mieus fere et possible a l'homme bien né: e qu'il sache que c'est qu'il doit imiter e quoe non: e qu'il face le jugement des deus grans Poetes des Siecles.

Premieremant, Virgile à bien sù euite la superfluite d'Epitetes qui et an Homere, quand il dit e redit, la mer Noere, les nauires Creuses, les Gréz Cheueluz, le Blond Menelas, Pallas Cefie, Iupiter Nucemassant, l'Obscure nuit, les portes Benfetes, Diomedes Facond, quand il et question de fraper: e assez d'autres téz. Il s'et gardé des redites qui sont an Homere, comme quasi an toutes les legacions, recommencer les harangues tout du long a la seconde fois. Autrement à fet Venule reuenant de pardeuers Diomedes: ou tout l'exploit de sa charge

charge se raconte seulement an vn lieu, e sommeremant. Homere n'est pas content d'auoir dit vne fois les causes pour lesquelles Achile n'a deigné prendre les armes pour ses Grez, si de nouueau il ne les fet raconter tout du long par Achile meme a sa mere Tetis. Virgile n'a pas fet parlemantier Glaucque e Diomedes si longuement ansamble, quand il et question de venir aus meins: comme on voit an Homere au sixieme: Combien qu'il n'ut pas fet ainsi vn peu auparavant, de Sarpedon e Tlepoleme au cinquieme. Si etce que je trouue Virgile estre tombé an une semblable faute, quand an son second Liure radis que Troe ardoet, e que les Grez sacmantoet tout: il fet Enee parler avec son pere Anchise, e avec sa femme: le fet aler an sa meson, e puis i retourner: la ou il n'est pas bonnement a croere qu'an un tel eclandre, e an tele desolacion, il i ut si grand loesir: atandu meme qu'au sac d'une vile, les mesons des Princes sont tousjours les premieres anuahies. Sinon que parauanture Virgile voulut secretement acorder a la verite historique avec Dictis de Crete, qui dit qu'Enee e Antenor vandirer la vile aus ennemis. Mes ce seroet ancor une plus grand' faute a lui. Ou si nous n'escusons le Poete pour Venus qui se presante au secours e guide de son fiz. Lomé la faute toute connue an ce meme androet du deuzieme, *lámque adeo super unus eram*, la ou il met qu'Heleine, pour la creinte de son mari Menelas s'etoet cachee au temple de Veste: puis au sizieme fet dire par Deifobe, qu'ele auoet mis une torche au haut d'une tour pour assiner l'heure aus Grez, cependant qu'ele même menoet la danse avec les Dames de la vile. Aussi, Tuque e Vare auoet rongné les vintedeus vers continuz audit deuzieme, pour sauuer la repugnance: laquelle ne se peut excuser, sinon que la faute vient d'inauer-tance, e non pas d'ignorance: Ce que le Poete ut facilement aperçù, s'il n'ut été preuenù de mort. Virgile decrivant ses batalhes, ne fet pas antrer les Dieus an la melee, comme fet Homere: jusques a fere blecer Venus e Mars par Diomedes. Puis il ne fet pas l'amanter les Dieus, e pleindre leur fortune comme mortez, ainsi que fet Homere. Virgile n'a pas pris a imiter la fureur d'Achile, ni l'ire inexorable, qui pour sa rancune priuee ne deigne prendre les armes pour defendre sa g'ant. Combien que Lactance acuse Enee d'impiete e de cruauté: qui a la fin du douzieme, ne voulut donner la vie a Turne, quoe qu'il le supliat par les Manes de son pere Anchise. Mes cela non seulement s'escuse, eins a mon auis deuoet passer ainsi. Car le Poete et content qu'on connoesse, que les aseres ne se pouuoet bonnement terminer pour Enee, que par la mort de Turne, jeune Prince si magnanime e de si grand lieu: qui ut pù refere ses forces, e recommencer la guerre. Puis le baudrier qu'il portoet an echarpe, depoullie du jeune Prince Pallante, contreignit Enee d'an vanger la mort. Ancora Virgile ne fet pas Enee andormi au port de Cartage, comme Homere Vlisse au port des Feaques: lequel l'ayant decrit si prudent, si auise e si vigilant par tout ailleurs, le fet andormir an pais estrange e inconnu, e ancora an tans de naufrage. Plusieurs aussi ne se contentent pas qu'Homere et fet reconnoetre Vlisse par son Chien: apres auoir été absent vint ans: qui et un tans excédant l'age des Chiens: Sinon qu'on voulut dire qu'iz viuoet autant de ce tans la: Mes ainsi il n'i auroet rien de connoissance an la nature des animaux. Surquoe me souuient de la grosse pierre que geta Turne contre Enee, a la fin du douzieme: laquelle Virgile dit

F f

que

que douze des plus fors hommes de son tans n'ussent pas souueue, chose mal croyable. An quoe Virgile samble s'etre souuenü de cele que gera Diomedee contre Ence meme: qu'Homere dit au cinquieme que deus hommes de son tans n'ussent portee: e samble auer proportionné le tans e les distances. Mes s'il an falloet einsi user, a grand' peine vintequatre de ceus de notre tans la pourroet souleuer. C'est donq un des exemples de trop curieuse e trop affectee imitation. Virgile auer cete opinion, que les hommes vont tousjours an apertisant, la prenant d'Homere: einsi meme qu'il donne antandre a la fin du premier des Georgiques, parlant des os des mors an la batalhe d'Ematie. Que s'il et einsi, pansez qu'a la fin il fera beau voer la petite nacion des hommes. Il ne me plet point aussi, qu'il face Creüse variciner au second: vu qu'il fet les Deesses memes ignorer les choses futures: comme Iunon, Venus, e les autres. Il n'etoet point impertinant qu'il fit profetiser Cassandre: car c'etoet par l'otroe e don d'Apolon. Voela ce que j'e voulü dire, touchant les fautes Poëtiques: pour montrer qu'Horace n'a pas dit hors propos, qu'aucunefois dort le bonhomme Homere. Je se que Virgile et repris an d'autres passages: mes je n'é pas ici a specifier toutes teles choses. E fufit que j'ee montré qu'il n'et si grand, qui ne tombe an faute. Mes nous dirons que souuent ce sont fautes legeres: e a la verite, qui se doeuert supporter an un grand Euure, autrement si digne e si sublime. Comme quand Pindare aus Olimpies a donné des cornes aux Bisches. Car an cela ne git pas l'ignorance de la nature ni de l'essance de la Bische: eins prouient seulement d'une inauertance. Ce sont bien fautes plus lourdes celes de l'Arioste: lequel meme n'a pas regardé a bien intituler son liure: ou pour le moins, an a trop mal suivi le Sugget. Car l'eyant inscrit du nom de Rolád: il ne parle de lui qu'an troes ou an quatre Chans. Puis apres lons ambages, vient finir son Liure par Roger. Qui et mal antadü a lui: car s'il auer anuie d'exalter la meson d'Este, il le deuoet fere souz le titre d'un Roger, e non pas d'un Roland, a l'imitacion de Virgile: lequel il s'et si affectemant eforcé d'imiter an tout le discours de son Euure: Qui et ancores un autre grand vice. E conseilhe a tous bons espriz d'etre sobres imitateurs, e fins: qui et l'un des secrez de la Poësie, tant s'an faut qu'iz i doeuert prandre gloere. Car quele gloere i à il que de suire un chemin tout fet e tout barü: Virgile meme sur sa fin, s'estoet voulü retirer, pour racler de son Liure les lieux infines que ses anuieus lui reprochet comme trop manifestes larcins. L'Arioste ancores a tant de choses legeres, e comme les Larins diset, futiles, meles parmi son Liure, certes indines du Poeme Heroïque: e sont celes qui ne peuuet donner splendeur aus Ecriz, e qu'il faut expressement delessier. L'antan un tas de contes, e plesanteries: qui au lieu de plere, sont desagreables, au moins an un tel lieu. Je ne veü point ici que Lukein foet pris pour grand Poëte: tant pour la reson que nous auons dite sus le Sugget de Poësie, que pour ce qu'il et trop ardent e ané, trop affecté an harangues, ne gardant point le bienseant des personnes, fessant parler un Nautonnier ou quelque homme ignoble d'aussi grand resper, comme un Cesar ou un Pompee, ioint que vous diriez quand il et sus la description de quelque matiere qu'il n'an doet james sortir, n'eyant le jugement de se ramperer e suprimier duomant quelque point ou quelque reson non necessiere: qui et un artifice bien grand an un Poëte. Vrei et qu'il a quelquefoes de bons

de bons trez antresemez: léquez l'homme de bon esprit poura prandre pour
 an fere son profit an bon lieu. Autant an veü je vres antandü quant aus autres
 Poetes: Comme de Stace, Claudian, Sile Italique, e s'il i an a de tel. Apu somme,
 nous prandröns les Ecriz des Poetes pour une Mer: an laquelle ä eskeus, dables
 mouuans, gouffres: que le bon Pilote par instruction e par bonne vigilance se
 forcera d'euter: Regardant quele part il veüt aier, combien et son vesseau ne
 pable, e de quel vant il et aspiré.

Des traduccions. Chap. XL

La plus vree espee d'imitacion, c'et de traduire: Car imiter n'et autre chose
 se que vouloer fere ce que fet un autre: Einsü que fet le Traducteur, qui s'effor
 uit non seulement a l'Inuancion d'autrui, mes aussi a la Disposition: e ancö a
 l'Elocucion tant qu'il peut, e tant que lui permer le naturel de la Langue tran
 latine: par ce que l'efficace d'un Escrit, bien souuant consiste an la propriété
 des moz e locucions: laquelle omise, öte la grace, e defraude le fans de l'Auteur.
 Partant, traduire et une besöigne de plus grand trauailh que de louange. Car
 si vous randez bien e fidelemät, si n'etes vous estime sinon auber retrace le pre
 mier portret: e le plus de l'honneur an demeure a l'original: Si vous exprimez
 mal, le bläme an chet tout sus vous. Que si vötre patron auöet mal dit, encö
 etes vous reputé homme de mauuais jugement, pour n'auoer pas choses bon
 examplere. Somme, un Traducteur n'a jamais le nom d'Auteur. Mes pour ce
 la, veü je decourager les Traducteurs? nanni. e moins ancores les frustrer de
 leur louange due: pour être, an partie, cause que la France ä commancé a goût
 ter les bonnes choses. E memes il leur demeure un auantage, que s'iz traduisent
 bien e choses bonnes: le nom de leur Auteur fera vlure le leur. E certes ce n'et
 pas peu de chose, que d'auoer son nom escrit an bon lieu. E bien souuant ceus
 qui sont inuanteurs, se metet an hazard de viure moins que les Traducteurs:
 d'autant qu'une böne Traduccion vaut trop mieus qu'une mauuese inuancion.
 Dauantage, les Traduccions quand eles sont bien fetes, peuuet beaucoup anri
 chir une Langue. Car le Traducteur pourra fere Françoisse une bele locucion
 Latine ou Greque: e apporter an sa Cite avec le poes des fantances, la majeste
 des clauses e elegances de la langue errangere: deus poinz bien fauorables, par
 ce qu'iz aprochet des generales concepcions. Mes an cas des particularitez, le
 Traducteur, doet être un peu creintif: comme an nouueaus moz: léquez sont si
 connoeffables, e suspez. Vn Traducteur, s'il n'a fet voer alheurs quelque chose
 du sien, n'a pas cete faueur des Lecteurs an cas de moz, combien que soet celui
 qui plus en a afere. E pour cela et moins estimé l'office de traduire. Vrei et que
 quand son Auteur sera excelant (car l'homme prudent se garde bien d'an tra
 duire d'autres) il lui sera permis d'user de moz tous neuz: pouruü qu'il soet cer
 tain qu'il n'i an et point d'autres: e lui sera une louange. Car d'user si souuant
 de periphrase, c'et a dire de circonlocution, an tranlatant, c'et un deplisir trop
 grand: e et örer le merite du labeur ingenieus de l'Auteur. Eet donq les Traduc
 cions place an notre Art, puis qu'eles se font par art: voere e sont telemant arti
 ficiales, que la loe an et antandue de peu de g'ans. E ne me peü assez ebahir de
 ceus, qui pour blämer la Traduccion de mot a mot, se veuler eider de l'autori

re. Et Horace, quand il dit, *Verbum pro verbo curabis reddere fidus Interpres*. La
 on contes Horace parle tout au contraire de leur insancion: qui étant sus le pro-
 pos, non pas des Traduccions (car il n'a à point donne de precepte, comme
 de chose qu'il n'ait peü) mes du Suget Poëtique: dit que quand nous aurôs
 en quelque matiere publique an un Auteur, nous la ferons nostre priuce, si
 ancreant, nous ne nous arrêtons a rendre le passage mot pour mot, ainsi que
 feroet un fidele Traducteur: dont j'auoe desja touche un mot sus le passage du
 Suget de Poësie. E si é expressement voulu declarer ce lieu d'Horace: le voyant
 par noz Grammeriens autrement induit qu'il ne l'a pris: ainsi que me suis tou-
 jours étudié a eclercir les lieux des Poëtes, an les lisant par recreacion de mes
 plus profes etudes. Comme ancre autres é decouuert ce passage de Virgile an
 la troisieme Eglogue, ou il ia, *Et longum, formose, vale: vale, inquit, Iola*: ou les
 Commentateurs disent que le quatrieme pie du vers ét un Dactile: e scander,
 le *vale, inquit I, ola* comme ce soet un Sponde, e falhe scander, le *va, leinquit
 I, ola*. La subtilite du Poëte, ét qu'il a fet la premiere de *vale* longue, imitant
 le parler de la garse Philide. Car Menalcas dit, Philide a pleuré a mon departe-
 mant: e si m'a dit un long adieu, adieu dit ele. Car ceus qui veulet montrer leur
 afeccion, an pleurant: voulontiers parlet long. Pource le Poëte a mis deus foes
vale: l'un brief, qui ét la vree prononciacion: e l'autre long, qui ét celui de la
 garse pleurante. l'e explique ce lieu an passant, tant par ce que les choses artifi-
 ciales ne sont jamais hors propos an tretant l'Art, que pour monstrier toujours
 les subtilitez de mon Virgile: me faschant que ces g'antiz Commentateurs, de ja
 par tant d'annees n'an sauet pas connoëtre la çantième partie: déquez l'igno-
 rance se dekeure manifestement, an ce qu'iz font la derniere de *vale* brieue:
 e avec cela corrompet la loe de Sinalese, qui seroit deus liçances extraordine-
 res pour neant, e sans propos. E l'é ancores fet pour montrer être vrei ce que j'é
 dit ailleurs, que les silabes brieues Latines e Greques se doeuet prononcer brie-
 ues: e les longues, longues. Suiuant notre propos, les Traduccions de mot a
 mot n'ont pas grace: non qu'ele soet contre la loe de Traduccion: mes seule-
 mant pour reson que deus langues ne sont iamais uniformes an frases. Les con-
 ceptions sont communes aus antandemens de tous hommes: mes les mox e
 manieres de parler sont particuliers aus nations. E qu'on ne me viene point ale-
 guet Ciceron: lequel ne loue pas le Traducteur consciencieux. Car aussi ne
 seje. E ne l'antàn point autrement, sinon que le Tranlateur doeue garder la
 propriete e le naïf de la Langue an laquelle il tranlate. Mes certes je di, qu'an ce
 que les deus Langues simboliseront, il ne doet rien perdre des locucions, ni
 memes de la priuante des mox de l'Auteur, duquel l'esprit e la subtilite souuant
 consiste an cela. E qui pourroet traduire tout Virgile an vers François, frase
 pour frase, e mot pour mot: ce seroet une louange inestimable. Car un Tradu-
 cteur, comment sauroet il mieus fere son deuoer, sinon an aprochant tou-
 jours le plus pres qu'il seroet possible de l'Auteur auquel il ét suger? Puis, pansiez
 quele grandeur ce seroet de voer une seconde Langue repondre a toute l'ele-
 gance de la premiere: e ancor auoer la sienne propre. Mes, comme i'é dit, il ne
 se peüt fere.

Des

*Des Moz, e de l'eleccion e innouacion d'iceux.**Chapitre VIII.*

Les Moz, an un Langage se peuuent comparer aus sis voes an la Musique: aus dis simples Nombres an l'Arithmetique: e aus pierres an la Maçonnerie. Car comme les Chantres, de ces sis Voies antremélees e reprises, font des acors e des sons de si diuerse oreille: comme des dis Caractères numeraux, se font tant de sortes de nombres: e comme des pierres diuerses assorties, se font tant de manieres de bâtimans selon l'industrie de l'ouurier: ainsi pour l'explication des choses se font diuerses structures e accommodacions de moz, qui font les diuersitez d'oreson e de stile. Voyons nous pas Virgile, lequel, combien qu'il n'use point d'autres moz que Lukein ou Claudian ou autre quelcôque, toutesfoies les apliquant d'une façon plus propre, plus gracieuse e plus conuenable qu'eus: fet aparoe son Euure d'une certaine forme, e d'une certaine majeste, qui les fet discerner d'ansamble, comme une Lune antre les Etoiles: ainsi que le manouurier, assiet si bien ses pierres au pris d'un autre moins industrieux: que lon jugeroet a voer les deus ouurages, qu'iz fussent de diuerses matiere. E de cete partie n'est bonnement possible de donner enseignement: par ce qu'ele git an la felicite e au jugemant du Poëte, e yant toujours son but a suiure les Vertuz, e decliner les Vices (car l'un des meilleurs aprantiages, et par conserance de contreres) que nous declererons an suiuant. Quant et de l'innouacion d'iceux, faudra auiser si notre Langue an aura faute: E an tel cas, ne se faut seindre d'an former de nouueaus. Vn mot bien deduit du Latin aura bonne grace, an lui donnant la teinture Françoisse. E ici je n'ose nommément dire cete maniere de deriuacion, ni cetela: creignant de trop decourir l'Art. Je dire bien que les Infinitiz an *ire* Latin, se peuuent meintesfoies impunement conuertir an *ir* François: comme de *ir agere*, vagir: *ambire*, ambir: e les semblables, que l'homme d'esprit saura bien juger. Je ne fere difficulté d'user de Regnicoles, apres Claude De seissel an sa Preface au Roe Louïs, sus sa Traduccion des guerres Rommeines d'Apian: ni ancores de repulse, dont il à use an quelque androet du Liure même: combien que nous puissions dire la repousse, plus Françoissement: Mes l'un sera Oratoere, e l'autre Poëtique. Car de ces deus ici nommez ne vouldroé user an prose, comme il à fet. Le precepte general an cas d'innouacion de moz, et que nous eyons l'astuce de les cacher parmi les usitez, de sorte qu'on ne s'aperçoee point qu'iz soent nouueaus. Car il n'est rien si suspect, qu'un mot ancores non oui: principalement an France, ou les hommes ont ete jusques ici difficiles, e dedaigneus d'accepter rez presans: Combien qu'iz s'acoutument maintenant a une plus grande hardiee. Mes sans point de faute, c'est fere grand plaisir a un Poëte, ou a quiconque soent, d'usurper un vocable par lui inuanté: Car autrement, il seroet an danger de reproche. E si quelcun s'ingeroet de le reprendre, il n'auroet que repondre, sinon il me plét ainsi, parole un peu odieuse: d'autant que les hommes desja parcrus an age e an jugement, n'andurent pas volontiers qu'on leur montre un nouveau parler. E n'i à celui qui ne panse auoer autant de droet sus les moz comme son compagnon: par ce que l'usage éta la Communité. E de fet, n'i à moz plus naturéz, que ceus déquez on ignore l'in

re l'inuanteur. Einsi, les hommes par creinte les uns des autres, creignent d'annouer. Vrei ét, qu'il i à certaines nouveautez qui sont si aprochantes du naturel, qu'elles ne tiennent rien de l'étrange. E an tel cas, l'ingenieus Ecrivereur aura non seulement liberte, mes aussi meritera louange, de ce metre an deuoer de peupler le Royaume François de rez suplimans: Quéz sont les moz de legitime composition: comme Atlas Porteciel, l'Er Portenue, l'Aquilon Portefroed: E d'autres teles compositions artificieles, que je n'é besoin de declarer ici de peur de ce que i'é dit un peu deuant. Les Ajectiz Sustantivez, sont ja tous reçus: Comme le verd, pour la verdure: le guei, pour la gueyete. E ne feindre même de dire, je n'an se autre: pour, je n'an se autre chose. Nous mettrons ancor bien poëtiquement le Nom pour l'Auerbe: Comme, il vâ frequent, pour frequamment: il marche magnifique, pour magnifiquement. Nous auons ù de nouveau grandissime, belissime: dont ne fere difficile d'user. E ancores, comme j'é dit quelquefoes an joyeus deuis, ie voudroé que quelque hardi inuanteur üt fet venir grandieur, e belieur: pour, plus grand e plus beau: afin que nous ussions Positiz, Comparatiz, e Superlatiz. Il ne sera defandù de ramener quelquefoes les moz anciens. Comme aderdre, pour aderer, dont use souuant Ian Demun: heberger, pour loger: ôt, pour vne armée: pouruu que nous i soyons rares: Einsi que Virgile, qui à si bonne grace an son *olli*, e qui dit quelquefoes *aulai*, *fuat*, e d'autres: E principalement seront bien appliquez, quand nous ferons parler quelque personnage du vieus tans François. E pansons qu'il n'ét mot si rude, qui ne trouue sa place, si nous prenons l'auis de le bien colouer. Le trouuere ancores bon que les moz paisans, c'est a dire particuliers aus nations. se metent au Poème: Comme arrocher, mot Mansean, qui signifie viser a quelque chose d'une pierre ou d'un bâton: comme arrocher des noës ou des pommes: Itam, ancrucher, qui signifie angager quelque chose antre les branches d'un arbre: termes tous deus pastoraus, dont iz ont bon nombre an notre país du Maine e an Anjou: Itam, auier pour alumer: uces, pour sourciz, moz Poeteuins: visplant, pour aubepin, Lionnoes: e ceus des autres país François. Mémes prandrions les moz Prouançaus e Gascons, e leur donnerions notre merque. Comme je seroé contant que nous prissions estruquer, qui signifie ce que les Latins diset gratuler pour lequel nous n'auons point de mot: Itam, cloque, qui ét propre a cause même du son: qui signifie une poule qui à des poussins. Itam, companage, mot bien compose, qui signifie ce que les Latins diset *opsonium*: c'est a dire tout ce qu'on met sus la Table, fors le pein e le vin. E certes Bonnaventure Déperiers n'à pas ù mauuaise grace an ses Vandanges, d'auoer amasse force moz Prouançaus: voere de leur auoer lessé leur caractère naturel. Brief, le Poète pourra apporter, de mon conseil, moz Picars, Normans, e autres qui sont souz la Couronne: Tout ét François, puis qu'iz sont du país du Roe. C'ét un des plus insines moyens d'acroétre notre Langue: e ét celui par lequel les Gréz se sont fez si plantureus. Donq pour nous egaler aus anciens, faudra user de toutes les inuancions honnêtes que nous pourrōs, tandis que notre Langue ét antre noz meins, e an notre gouuernement: vu même que nous auons d'autres desauantages assez: Antre autres: que noz Nons ne se declinet point, Puis, un autre point qui nous tient an grand' sigeion: c'ét que

que noz moz ne se peuuent preposer antreméler e posposer cinsi librement, comme an Latin e an-Grec. Car si par exemple, i'auoé a tranlater le premier vers du quatriéme de l'Eneide, *At regina gravi iandudum sauciatura*, je ne pourroye pas dire mot pour mot, Mes la Reine de griue pieça nauree cure: au lieu de, Mes la Reine pieça nauree d'une griue cure. E qui vouldroet esseyer a remedier a un tel defaut, ce seroet un grand point: non pas trop hardimant, mes tout doussemant. Ne soyons donq plus si scrupuleus, quant aus choes des moz: Trouuons les, e les metons an seruice nouueau pour les nouueles choses. Car sans point de doute, la chose la plus deplesante aus hōmes erudiz, ét de se voer abondans an inuancions, e defectueus an parler.

I A Q V E S P R E V O S T E A V Chartrain a escrit
Hymne triomphal sur l'entree du roy Charles ix. & de la royne, en leur ville de Paris l'an 1571. Auec la description des appareils, arcs triomphaux, figures & pourtraicts dressez pour sadite entree. [impr. à Paris par Guillaume Nyuert.

I A Q V E S R O M I E V de Viuarois, secretaire ordinaire de la chambre du roy a escrit

Messanges, où sont comprises les louanges dudit pais de Viuarois, Odes, Chansons, Elegies, Epithalames, Hymnes 11, Palinodie, La mort de Cicéron, Description de P. Decius le pere, qui consul se dedia à la mort pour le salut de ses legions en la bataille tenue avec les latins à Vesperis: & autres poësies. [impr. à Lyon 8°. par Benoit Rigaud 1584.

I A Q V E S D E R O Q V E M A V R E Lieutenant particulier de la seneschaucee & siege presidial de Beaucaire & Nismes a traduit
Les quatre derniers liures des propos amoureux, dont les quatre premiers par l'iniure du temps ont esté perdus & ne se trouuent, contenans le discours & mariage de Clitophant & Leucippe. [impr. à Lyon 16°. par Claude Marchant 1556.

Il a traduit aussi d'Espagnol

Le Fauory de court, contenant en vingt chapitres plusieurs aduertissemens & bonnes doctrines pour les fauoris des princes & autres qui suiuent la court. [impr. en Anuers 8°. par Christophle Plantin 1557.

I A Q U E S D E L A R V E escripuain a escrit,
Premier Liure de la bonne esriture françoise, contenant vne instruction à la ieunesse par quatrains & distiques moraux. [impr. à Paris f°. par Claude Micard 1578.

I A Q V E S S A N N A Z A R. Larcadie. Voyez Jean Martin.

I A Q V E S S A G V I E R Docteur en Theologie & chanoine d'Amiens a mis par escrit,
Oraison funebre par luy prononcee aux obseques de Reuerendissime prelat Antoine Cardinal de Crequy. Euesque d'Amiens. en l'Eglise de l'Abbaye S. Vast de Moreul le 15. de Nouembre 1574. [impr. à Paris par Thomas Belot 1575.

I A Q V E S D E S I L L Y, Cheualier, Gentilhomme ordinaire de la chambre du Roy, Damoyseau de Commercy, Seigneur des Baronnie de Rochefort, Aulneau & Montmirail a prononcé la harengne au nom de toute

Ff 4 la

la noblesse de France Au roy Charles ix. tenant ses grands Estats genereaux en la ville d'Orleans, en l'an 1561. [impr. à Paris & à Lyon audit an.]

I A Q V E S S I R E V L D E Huyssier en la court de Parlement à Rouen a composé en rime vn liuret intitulé
Le Tresor immortel trouué & tiré de l'Escripture saincte. [impr. à Rouen 16°. par Martin le Megissier 1555.]

I A Q V E S S P I F A M E qui fut Euesque de Neuers a escrit sous le nom de Pierre Richer

La Refutation des folles resueries & mensonges de Nicolas Durand dict le cheualier de Villegaignon, diuisé en deux liures. [impr. 8°. l'an 1562. Cest Spifame ayant ietté la mitre aux horties (qu'on dit en commun prouerbe) c'est à dire ayant quitté sa dignité d'Euesque de Neuers se retira à Geneue pour viure selon son opinion. Et là estant surpris en quelque delict il fut condamné à mort & decapité. De quoy fut incontinent fait en France ce Quatrain:

*Spifame ne s'estant contenté de raison
Combien qu'il fust des Rous conseil & gouuernal,
De Neuers à Geneue attira sa maison,
Et là d'Euesque fut à la fin Cardinal.*

I A Q V E S S P R E N G H E R.

Malleus Maleficarum. Le Maillet des sorcieres, composé premierement en latin par Iaques Sprengher de Coloigne en Alemaigne, de l'ordre S. Dominique, & traduit en françois. [impr. à Lyon 4°. par Estienne Gueynard.]

I A Q V E S D E S T R A D A.

Epitome du tresor des antiquitez, cest à dire, pourtraict des vrayes Medailles des Empereurs tant d'Orient que d'Occident. De l'estude de Iaques de Strada Mantuan antiquaire, traduit de latin par Iean Louueau. [impr. à Lyon 4°. par Thomas Guerin 1553.]

I A Q V E S S Y L V I V S d'Amiens

Liure de la Generation de l'homme, recueilli des antiques auteurs de Medicine & Philosophie par Iaques Syluius iadis docteur & professeur du Roy en l'art de Medicine à Paris, & depuis mis en françois par Guillaume Chrestian. [impr. à Paris par Guillaume Morel 1559.]

La Pharmacopee de Iacques Syluius traduite par André Caille.

L'Introduction sur l'anatomique partie de la Physiologie d'Hippocrates escripte en latin par Iacques Syluius & traduite en françois par Iean Guillemin.

Iacobi Syluij Ambiani in linguam gallicam Ifagoge, una cum eiusdem grammatica latino-gallica ex hebrais, grecis & latinis authoribus. [Paris 4°. apud Rob. Steph. 1531.]

I A Q V E S T A H V R E A V Gentilhomme du Mans apres auoir fait longuement profession des bonnes lettres tant en la langue latine qu'en la greque, ayant aussi durant les guerres d'entre le roy Henry 2. & Charles le v. Empereur volontairement suiuy les armes pour faire preuue de sa genereuse vertu, & à fin de se contenter entierement passé quelques annes à voir le pais,
à son

à son retour s'amusa à discourir de l'amour, dont si doctement il s'acquitta qu'il sembloit entre les Poëtes François estre seul vraiment amoureux. Dequoy ses ceuvres Poëtiques font assez de preuve. Et qu'à celles en prose l'oraison ou harangue qu'il dedia au Roy faisant mention de la grandeur de son royaume, n'estant moins sentencieuse que faconde, donne assez à cognoistre l'excellence de son esprit, comme font aussi les dialogues qu'il enfanta lors qu'il estoit en sa plus belle fleur, par lesquels il taxe & reprend les abus qui se commettent ordinairement en ce monde, multipliant de iour en iour & opiniastrement approuvez par ce monstre restu. Les titres donc de ses Liures sont tels.

Oraison au Roy de la grandeur de son regne & de l'excellence de la langue françoise. [impr. à Paris 4°. par la Veuve Maurice de la Porte 1555.

Deux Dialogues, où sont introduits le Democritiq & le Cosmophile, auxquels les vices d'un chacun sont reprîs fort aptement, pour nous animer davantage à les fuir & suivre la vertu. [impr. à Paris 8°. 1562. & depuis à Lyon 16°. en lan 1568.

Les Poësies de Iaques Tahureau du Mans, mises toutes ensemble. [impr. à Paris 8°. par Robert le Magnier 1574.

Au Second dialogue du Democritiq.

Tout ainsi que pour sçauoir bien parler, il faut au parauant auoir appris à se taire, aussi pour entendre la parfaite maniere de bien moquer, il faut auoir desia sceu parler serieusement: Car cetuy-là (ainsi que tesmoignoit fort bien le vieil Caton) qui n'a iamais fait autre chose qu'à s'estudier à de petites ruses, lors qu'il entreprend de parler de quelque chose que ce soit, au lieu de se monstrier bon moqueur, il se rend luy-mesme moquable à tout le monde. Et pourautant il faut donc que celuy qui desire estre facetieux, se soit premierement estudié aux choses plus graues & serieuses. Or quant à la definition de moquerie elle est telle, *Moquerie c'est le mespris non aucunement fainct ny dissimulé d'une chose sotte & ridicule, fait avecques raison & bonne grace.* Et ne pense pas non qu'un homme sot & de grosse paste puisse paruenir à la perfection de cette moquerie, car il est impossible qu'une personne telle qu'elle soit en sçache bien vser si elle n'a l'esprit fort delié, & deschargé de ce gros fardeau d'ignorance & outrecuidee presumption. LE COSM. Puis que tu m'as donné la definition de moquerie, ie desireroiy fort que tu m'eusses pareillement déduit les especes de ces sortes moqueries, à celle fin qu'en les cognoissant ie sceusse tout par vn mesme moyen quelles sont les bonnes, & que te me donnasse de garde des autres: Entendu que i'en voy ordinairement qui veulent entreprendre de ce moquer, le faisant toute-fois avecques si mauuaise grace & pour si peu d'occasion qu'eux mesmes se monstrent plus reprehensibles que ceux dont ils se veulent gaudir. LE DE. Il y a trois especes de moquerie, dont l'une se peut appeller niaise, l'autre, affectee, & la troisième celle qui est fardee & couuerte de dissimulation: de toutes ces trois especes ie t'en donneray particulièrement l'intelligence avecques les exemples. Premierement la moquerie niaise est celle qui est faite sans qu'il y ait cause: & avec cela de mauuaise grace: & telle moquerie se fait volontiers par vne personne sotte & n'ayât aucune

aucune erudition lors qu'elle en oit parler vne plus sage & mieux apprise qu'elle, se moquant de ce qu'elle n'entend pas: La seconde moquerie est dite affectee, quand elle est faite non du tout sans occasion, mais quand ceux qui la font sont incitez à cela par quelque enuie, n'y gardas aucunement cette grace naïue & qui doit estre generalement accommodée selon ce que l'on entreprend dire ou contrefaire en quelque chose que ce soit: Et les personnes qui vsent de telle coïonnerie sont volontiers ces muguers & veaux de ville, qui n'ont iamais autre chose en vne compagnie que leurs brocards & lieux communs à toutes restes, ores attachant certoi-ci, ores certui-la avec ie ne sçay quelles petites sonnettes vulgaires & communes entre eus: mais si vous mettez vne fois ces mesmeurs hors de leurs termes, vous les redrez aussi muets que poissons, & ne vistes iamais bourdon plus deprouueu d'éguillon qu'alors ils seront, neantmoins qu'ils ne laissent pas de s'estimer des plus grans & ioyeux railleurs de la paroisse. La troisieme espece de moquerie est la feinte & dissimulée d'entre toutes les autres à mon aduis la plus excusable, auendu qu'elle se fait aucunes fois de beaucoup de personnes qui ne laissent pas d'estre en autres choses d'assez bon esprit. Et telle derniere espece de moquerie s'est peu pratiquer par Agrippe en son traité de la vanité des sciences, auquel deffaut à mon aduis l'un des points le plus requis aux parfaits moqueurs, qui est le sain & vray iugement en la cognoissance de cela que l'on entreprend moquer: car il est tout certain quoy qu'en ait escrit Agrippe, que neantmoins il en auoit le plus souuent toute autre & contraire opinion qu'il n'ecriuoit, ainsi mesme que par ses autres oeures il appert assez euidemment. D'auantage iceluy Agrippe en ses moqueries a plus vse d'autorités empruntees, & de ie ne sçay quels petis argumens cornus & fallacieus propres seulement pour seduire & faire changer d'opinion au simple vulgaire, qu'il n'a pas fait d'une ferme & assuree raison. L E C O S. Il est tout certain qu'Agrippe s'est efforcé le plus souuent de confirmer ses écrits en cete sorte: Mais aussi les autorités qu'il a voulu alleguer sont bien approuuees, & extraites des oeures de gens fort doctes, grans Philosophes & d'une merueilleuse erudition: Et quant à ses argumens, N'est ce pas l'office d'un vray orateur de faire sembler bon & mauuais un mesme sujet par diuerses preuues & raisons: ainsi qu'à fort bien sceu pratiquer Agrippe homme certes estimé d'un chacun fort docte & de grand iugement. L E D E M. Je m'ébahi comment la folie des hommes est si extreme de donner un si grand lieu aux autorités des hommes qu'on fait plus doctes cent mille fois à credit qu'ils ne sont: encores la plus grande partie d'entre eus sont abestis iusques à la qu'ils en ont entre les autres quelques uns tant affectés qu'ils reçoient leur dire comme oracles d'Apollon, encores qu'il soit du tout éloigné de la verité & hors de toute preque raisonnable. Et touchant ce que tu as dit de faire trouuer vne mesme matiere bonne & mauuaise, ie veux maintenir que cela est encores vne autre folie, car si vne chose d'elle-mesme est bonne, elle ne sauroit estre mauuaise, ni au contraire, quoi qu'ils iappent & caquettent avecques toutes leurs fleurs, fleurettes, & couleurs bigarrees de leur rhetorique. Quant est d'Agrippe que tu dis estre entré en la reputation d'un homme docte, ie ne te nieray pas qu'il n'ait sceu quelque chose, & cela peut on cognoistre de ces cautelles & tromperies

par

par lesquelles il abusoit beaucoup de personnes, & principalement en son traité de l'oculte Philosophie, Epithete fort propre à telle science, veu que lui-mesme ne l'a iamais sceu decouvrir, & auoy bien peur qu'elle ne fust tant occulte qu'on ne la trouuera pas encores de ces premieres années: toutefois il l'assure come veritable & rémoigne luy mesme d'en auoir fait de beaux coups d'essai, combien que tout cela soit aussi vray que si on disoit qu'il y a plus de toison en vn gros œuf d'Austruche dé l'Afrique qu'en celle de tous les moutons de berry ensemble. Il est donc tout assuré qu'Agrippe n'estoit qu'un vray pipeur de Chrestiens. LE COS. En reprouuant ainsi Agrippe tu me fais souuenir de Cardan qui le taxe pareillement en ses œures, & en allegue certains experimens pour les blasmer comme ridicules. LE DE. Vrayment il me souvient en auoir leu quelque chose en son liure xvij. des merucilles, mais beau sire ie le trouue bon de luy qui allegue sans comparaison de plus grâdes folies qu'Agrippe dont il se veut moquer. LE COS. En quel lieu as tu veu que Cardan ait dit ces choses ridicules? si me semble-il que c'est tout au contraire, & qu'il blasme volontiers toutes ces folles superstitions magiciennes. LE DE. Il en vse ainsi aucune-fois. Mais ne sçais-tu pas bien qu'il faut aucune-fois reculer pour mieux sauter, & pour donner d'auantage de goust au conte qu'il est bon de mesler entre deus verres vne meure? A quelle fin penes-tu que Cardan ait reprouué les folies des autres, sinon pour faire valoir d'auantage les siennes? Voudrois-tu voir vn plus sot experiment que celui dont il assure auoir estanché le sang de sa leure, à quoy il ne pouuoit trouuer aucun remede pour l'arrester fors qu'en vsant de son exorcisme. LE CO. Et bien! estimes-tu que ce qu'il en dit soit faux? LE DE. l'en ay esté assuré par l'experience contraire, non pas que i'aye esté si enfant que ie l'aye voulu essayer moy-mesme, mais i'en ay veu d'aucuns qui en pensoyent bien triompher & en faire arrester le sang de quelques arteres qu'ils auoyent coupees & toute-fois c'estoit en vain, car il ne laissoit pas à fluer comme au parauant. Et si il ne tenoit point à faute de ferme foy: car ils estoient pour le moins aussi sots que luy pour croire à telles badineries. Il allegue encores en son liure xix. des demons deux autres singulieres receptes, dõt la premiere enseigne la maniere de faire vn anneau pour guerir du haut mal, & l'autre pour parapher vn certain signacle à guerir celui de la teste: Et pour donner le lustre à son anneau, il le pare d'une feuille polie par vn haut compte qu'il allegue d'un Iosephe le Noir braue necromant, qui guerir avec ses inuocations vne Damoiselle qui travailloit fort d'une ardeur d'vrine tant vehemente & incurable que pour ceste occasion elle en estoit tout abandonnee des medecins: mais ie doute fort qu'à la fin, ni son anneau ni son conte, n'ayent point plus de vertu que les deux experimens de la noix d'Agrippe, desquels il fait mention en s'en moquant. Ceux méme ment auxquels les hommes donnent plus de credit sont les plus grans sots, tesmoing Platon & son disciple Aristote, dont l'un estant monté au plus haut de la quintessence de sa folie nous est allé forger de belles Idees imaginaires, & subtilement inuenter des principes magistralement deduits. Et puis Aristote nous en a encores fait de pires que son precepteur, de sorte que si on vouloit dire à vn maistre esars le tour de ses determinances, qu'il eust des oreilles d'asne actuellement & qu'il

qu'il n'eust pas la sagesse de Salomon potentiellemēt, vous le verriez alors à l'imitation de son auteur affecté, crier & braire tellement que le ieu ne se départiroit point iusques à tant que son importune crièrē luy eust si bien enroué la gorge, qu'elle luy eust osté toute puissance de parler d'auantage. Outreplus si Aristote auoit dit que la neige la plus blāche qui soit au fort de l'huiuer fust noire, & que l'on entreprist de persuader le contraire à vn Logicien la luy montrant au doit & à l'œil, encores clostroit-il les yeux pour ne la voir point, & frapant des pieds & iappant en chien s'opiniatrerait cōtre la verité. Mais pour quoy m'arrestera-ye d'auantage à toucher ces asnes, veu qu'une bonne partie de tous les autres plus renommez Philosophes ont répli leurs œuures de songes & réueries fantastiquement alleguees. N'en voit-on pas les exemples par vn nombre infini de tels gentils Philosophastres, l'un nous voulant faire a croire tout estre fait d'une rencontre fortuite & hazardeuse de petis cors indiuisibles, qu'il appelloit atomes, & est-ce que lon voit aux rais du Soleil quand il entre en quelque lieu renfermé par vne fenestre ou autre ouuerture: pensez vous combien il en faudroit pour refaire vne autre montagne d'Olimpe! Les autres nous ont dépeint vne ame rouge, les vns blanche, & ceux-ci bigarree comme les couleurs des loyaux amans. Aucuns l'ont logé au cœur, puis tantost au cerueau pour la tenir chaudemēt: Il s'en est trouué quelques autres meilleurs fourbisseurs qui nous l'ont engainee dedans tout le cors comme dedans son fourreau, de peur qu'elle ne s'enrouillast à la pluye. Outre tous ceux ci sont encores suruenus certains organistes qui nous l'ont armonisee à quatre parties: & d'autres qui l'ont entonnee dedans vn vaisseau à celle fin qu'elle ne prit vent. Mais à quoy pensoyent ces importuns scrutateurs de choses douteuses? Je croy que la fourrune de leurs bōnets leur causoit ces fumees au cerueau. Si tu as enuie de sçauoir d'auantage de leurs folies, voy vn dialogue de Lucian inscrit l'Icaromenippe ou autrement l'Hipernephele. Tu pourras là voir amplement les opinions Philosophales de nos premiers bourdeurs estre naïfuelement contrefaittes & exprimees par la personne de Menippe qui raconte le discours de son voyage celeste à vn sien ami. Je ne veux pas neantmoins tant seuerement reietter les authorities des Anciens auteurs, que ie ne les veuille bien quelque-fois receuoir, & principalement quand elles ne sont point tant fondees sus vne opinion que la verité & pteue raisonnable n'y soit apparente: & telle chose est principalement requise à l'endroit des personnes qui veulent reprendre, & se moquer des autres, ce qui a esté toutefois assez mal pratiqué de ceux qui s'en sont voulu mesler. &c.

I A Q V E S D E L A T A I L L E de Bondaroy Gentilhomme de Beauca escrit en vers

Alexandre Tragedie, Inscription en Quatrains pour les Images des Princes & Princesses de France. Epigrammes. Daire Tragedie. [le tout impr. à Paris 8°. par Federic Morel 1573.

Il a escrit en prose

La Maniere de faire des vers en François comme en Grec & en latin. [impr. de mesmes.

Tesmoi

*Témoignage que Jean de la Taille donne de cet auteur
son frere.*

Voyant desia en laques mon second frere, vn entendement & sçauoir plus grand que le commun, & qu'aussi par son destin commençant à suiure Apollon & ses Muses, il faisoit desia vers latins & françois, ie luy voulus ouurir d'auantage l'esprit & luy communiquay tout ce que ie sçauoy de l'art Poëtique: Et apres qu'il eut ouy par mon conseil ce grand lecteur en grec Iean Dorat, il monstra vn esprit si subtil & tellement eguisé, qu'il comprenoit facilement les auteurs grecs & latins, non seulement les mots, la langue, & l'escorce, mais l'art, le sens & la moëlle. Bref il vint à composer (selon le vray art & la façon antique) Poemes entiers, Tragedies & Comedies, en l'âge de dixsept & dixhuiet ans. Mais de peur qu'on ne pense qu'une affection fraternelle me transporte, ie diray sans plus que pour estre trop actif & glouton à l'estude, il estoit pour encourir (la veüe luy commençant accourcir fort) l'inconuenient d'Homere. Or comme il composoit choses qui surpassoyent luy-mesme, & son aage qui ne passoit vingt ans, il aduint las; au moys d'April 1562, qu'un mien cousin germain mourut soudain de peste si violente, que l'ayant apportee d'un college, il la bailla à mes deux freres: tant que l'aîné suiuit son cousin le iour d'apres, n'ayant loisir, sinon de recommander à Dieu son esprit, à moy ses escripts: & l'autre mourut le iour ensuiuant, ayant pour son affection hydropique à l'estude, le liure au poing: il n'y eut qu'eux trois de plusieurs autres qui estoient (auec vn Pedagogue) logez ensemble, qui furent saisis de peste: lesquels trois pour estre d'un mesme sang auoyent quelque humeur plus disposée à prendre vn air corrompu, que les autres. Tant y a qu'estant recors de la recommandation que ce mien frere laques me feit de ses escripts, ie fey tant nonobstant le danger de la peste, que ie retiray incontinent apres, comme au milieu d'icelle toutes ses œures & papiers (excepté vne Tragedie perdue de Didon) à fin de le faire reuiure, les publiant. Je retrouvay donc en son estude cinq Tragedies, Assauoir Alexandre, Daire, Athamant, Progné & Niobe, puis vne Comedie, & vn liuret en prose intitulé, La maniere de faire des vers en François, comme en Grec & en Latin que ie doibs bien tost faire marcher en public apres leur auoir serui de Curateur, ou de Parrain comme à pauvres orphelins ou posthumes &c.

*Les Noms Retournez, sur lesquels il a faict des Epigrammes
Latins & Francois.*

MARGARIS VALLESIA. Rara Musa è Gallijs.

ANTOINE DE BOVRBON. Roy abonde en bonté.

FRANCOIS OLIVIER. L'or ne fauorise icy. Sur cetui-cy
il a fait l'Epigramme qui s'ensuit:

*Si d'une telle iustice
Tu entretiens ton office,
Que ny l'or ny les prieres,
Faveurs, ny menaces fieres*

*Aucunement ne te peuuent
Esbranler & ne t'esmeuuent
A faire tant que tu signes
Les graces qui sont indignes,*

Gg

On

*On peut bien metre en la porte
De ta maison ce que porte*

*Ton nom retourné ainsi,
L'OR NE FAVORISE ICI.*

Autre Epigramme d'un Deuin.

*Quelque Deuin voyant son sort fatal,
Dit qu'il estoit à mourir destiné
L'an quarantiesme apres son iour natal:
Mais quand ce vint à l'an déterminé,
Il n'en mourut, dont luy tout forcené,
Pour ne mentir se mit au col la hart,
Et s'estranglant (ô l'homme infortuné)
Estima moins sa vie que son art.*

D'un Lyon & d'un Renard.

*Dedans un antre un Lyon d'avanture
Trouve un Renard nauré mortellement.
Il s'en approche, Et voyant sa blessure,
Qui t'a, dit-il, outragé tellement?
Sors de ce lieu, Et permets seulement
Que ie te lesche, alors en moins de rien
Tu seras sain, tu ne sçais pas combien
Ma langue est bonne Et puissante en cela.
L'autre respond, Amy ie le sçay bien,
Mais ie crain trop pour les voisins qu'elle a.*

D'une Courtisane dediant un miroir.

*Pour mirer deormais l'eternelle beauté
De ta face ô Venus, ie t'offre ce miroir:
Car ie ne m'y voy plus telle que i'ay esté,
Et telle que ie suis, ie ne m'y veux plus voir.*

Du long nez de quelcun.

*Si tu auois le nez tourné tout droict
Où le Soleil estend ses rays ardens
Ouuant ta bouche aisement on diroit
Quelle heure il est à l'ombre de tes dens.*

I A Q V E S D E L A T A P I E d'Aurillac en Auvergne a
escrit,

Chants royaux sur les triumphes du Roy Daulphin & la royne d'Escoffe.
[impr. à Paris 8°. par Oliuier de Harfy 1558.

I A Q V E S T I G E O Y Angeuin Docteur en Theologie & cha-
noine

noine en l'Eglise cathedrale de Mets a escrit

Responce à ceux qui demandent viure en liberté de conscience, prouuant amplement que les heretiques doiuent estre contraincts, par les loix & ordonnances des princes chrestiens d'embrasser & suiure l'vniou catholique : prise du latin de deux Epistres de S. Augustin. Auec le dialogue de S. Hierome contre les Luciferiens. [impr. à Paris 8°. par Nicolas Chesneau 1573.

Epistre ou liure de S. Augustin de l'vnité de l'Eglise contre Petilian Euesque Donatiste. Auec certaines obseruations pour entendre les lieux plus difficiles. [impr. à Rheims 8°. par Jean de Foigny 1567.

Histoire de là vie, mort passion & miracles des Saints, desquels principalement l'Eglise Catholique fait feste & memoire par toute la chrestienté durant les douze mois de l'annee: extraite & faite françoise pour la plus part des escrits grecs de Simeon Metaphraste, d'Aloisius Lipomanus Euesque, & d'autres antiques auteurs catholiques approuuez comme aussi des chartres & liures non imprimez qui sont ez tresors de diuerses Eglises & Abbayes de ce Royaume de France, par maistres Iacques Tigeou Angeuin docteur en Theologie de la faculté de Rheims, Pierre Viel docteur en theologie de la faculté de Paris, Clement Marchant, Paschal Robin & Jean le Frere de la Val. [impr. en trois tomes f°. à Paris par Nicolas Chesneau 1579.

La Coniunction des lettres & des armes des deux tresillustres Princes Lorrains Charles cardinal de Lorraine Archeuesque & duc de Rheims & François duc de Guyse freres. Tiree du latin de Nicolas Boucher docteur en Theologie, & traduite en françois par Iacques Tigeou. Plus vn Sermon dudit Illustissime Cardinal enseignant par quel moyen nous deuons preparer nos consciences pour receuoir Iesus-Christ venant à nous. Deux Oraisons ou haregues dudit Seigneur l'une faite au Saint concile de Trente, l'autre au colloque de Roissy en la presence du Roy Charles ix. en laquelle doctement & disertement il refute les erreurs & blasphemés des Calvinistes contre le Saint Sacrement de l'autel. [impr. à Rheims 4°. par Jean de Foigny 1579.

Les Oeuures de Saint Cecile Cyprian iadis Euesque de Cartage, tres-victorieux martyr de Iesus-Christ. Auec quelques annotations sur aucuns lieux obscurs & difficiles. [impr. à Paris f°. par Nicolas Chesneau 1574.

I A Q V E S . D E . V I A R D . Sieur de la Fontaine, Astrophile, Conseiller & Medicin ordinaire du Roy tres-Chrestien Charles ix. a escrit, Diurnal Fatal pour tout iamais : ou est comprise l'intelligence de la vraye Philosophie, tant naturelle, diuine q̃ humaine: oeuvre tressinguliere pour tous amateurs de l'immortelle vertu en tous estats. [imp. à Pa. 8°. par Guil. Nyuerd 1572.

Les Articles salutaires de la paix catholique & vniuerselle pour iamais. Auec le traité & accord d'icelle entre le peuple de Dieu & ses aduersaires en tous Estats. Plus vn Dialogue sur le resueil de la paix endormie. [impr. à Paris 8°. par G. Nyuerd.

Stratagemes & subtilitez de guerre enuoyez aux capitaines & soldats combattans pour la defense de l'Eglise catholique & conseruation du Royaume de France. [impr. par G. Nyuerd.

I A Q V E S . V I N C E N T Aumosnier du Comte d'Anguien a

Gg 2

traduiet

traduict plusieurs liures tant de Latin, Espagnol que Italien en François, Assauoir,

L'oraison ou harengue de Patrice Cocburne Escossois, De l'vtilité du verbe diuin, traduict de latin. [impr. à Paris 16°. par Iean Dallier 1553.

La piteuse histoire des amours de Florisco & Claro & de la peu fortunee Isea [impr. à Paris 8°. par Iaqués Keruer 1554.

L'histoire amoureuse de Flores & Blanchefleur faicte premierement en Espagnol. Avec la complainte que fait vn amant contre Amour & sa Dame. [impr. à Paris 8°. par Michel Fezandat 1554.

L'histoire de Roland l'Amoureux, comprenant les cheualceurs faicts d'armes & d'amours diuisee en trois liures, & traduict de l'Italien du Seigneur Mathieu Marie Bayard Comte de Scandian. [impr. à Paris f°. par Estienne Groulleau 1549. & 8°. par Claude Gautier 1574.

L'histoire du preux cheualier Palmerin d'Angleterre fils du roy Dom Edouard diuisee en deux parties dont la premiere contient 101. chap. & la seconde 66. [impr. à Paris f°. par Iean Longis & 8°. par Ian Dongois 1574.

La Pyrotechnie. Voyez le tiltre au long en Vanoccio Biringuccio.

I A Q V E S des Contes de **V I N T E M I L L E** Rhodien, Conseiller en la court de Parlement de Dijon, a traduict de Grec,

La Cyropédie de Xenophon excellent Philosophe & historien Grec, deduite en 8. liures esquels est amplement traicté de la vie, institution & faits de Cyrus Roy des Perses. [impr. à Paris 4°. par Estienne Groulleau 1547. & depuis à Lyon par Iean de Tournes.

L'histoire d'Herodian excellent historiographe Grec traictant en huit liures de la vie & gestes des successeurs de Marc Aurele à l'empire de Rome. [impr. à Lyon f°. par Iean de Tournes 1554.

Apologie & defense de Lyfias Orateur Grec sur le meurtre d'Eratosthene surpris en adulterat [impr. à Lyon 8°. par Benoist Rigaud 1576.

I A Q V E S V I O L E T Parisien Licencié en la faculté de Theologie a'escriit,

Reprobation de la predication des heretiques, Avec response donnee à leurs dits & obiections, cueillie & extraicte de la saincte Esriture, & des anciens docteurs de l'Eglise. Avec vne Epistre aux Princes Chrestiens & protecteurs de la religion Chrestienne & de l'Eglise Romaine. [impr. à Lyon 8°. par Richarde Nicolas 1562.

I A Q V E S Y V E R Seigneur de Plaisance & de la Bigottrie, Ce Gentilhomme Poicteuin s'estant trouué dauanture en familier deuis avec quelques Italiens lesquels mesprisans les esprits des François disoyent qu'ils ne vitoient que d'emprunts couuans les œufs pondus par les autres, & se contentans bien d'aller médier la mercerie d'autrui pour la raptrasser & en faire après quelque monstre à leur nation, comme si affamez ils amassoyent les miettes qui tombent sous la sumptueuse table de ces magnifiques: sentit son esprit si offensé que long temps despuis il sceut vn peu mauuais gré (ainsi qu'il disoit) à Nature de ce qu'elle n'auoit fait ce bien à l'ouye (côme elle a faict aux yeux) de receuoir les paroles agreables & clorre la porte aux fascheuses. Et afin de
venger

venger l'outrage que lors elles firent à son cœur, le sincere zele qu'il portoit à l'honneur de sa patrie luy donna enuie & hardiesse de monstrier que nous ne sommes point plus steriles en belles inuentions que les estrangers, & que nous auons bien dequoy rescreer & soulager l'ennuy qu'apporte l'oysiuete par des discours naiz en France & habilléz à la Françoisse: ce qu'il feit paroistre par vn liure qu'il a elegamment escrit, intitulé,
 Le Printemps d'Yuer. Contenant cinq histoires, discourues par cinq iournees, en vne noble cōpagnie, au chasteau du Printemps. [impr. à Paris 16°. par Abel Langelier 1572. & 78.

En la Preface de la troisieme Journee.

Si se sage Romain, qui entre les trois pechez, dont il se repentoit le plus, estoit le plus grand de passer vn iour sans auoir appris quelque chose, à l'exemple du plus excellent de tous les peintres, qui ne laissoit escouler vne iournee sans tirer pour le moins quelque ligne, par laquelle comme d'une fiesche il combattoit l'oysiuete: Et si ce tant renommé Solon, qui par vn continuel soucy d'apprendre recompensoit, & quasi se vengeoit de sa vieillesse, eussent veu la gentille escolle de noz gentils-hommes & damoiselles, ie ne sçay de quelle louange ils eussent exalté l'auare butin de doctrine qu'à l'enuy ils s'estudioyent de faire par vn passeremps iournalier: qui doit bien faire remarquer ie ne sçay quelle vertueuse contention accompagnée d'une perseuerance: dont l'honneur gloire leur mettoit à chacun & chacune la puce bien auant en l'oreille, pour ne les laisser dormir, ains par vn vif aiguillon solliciter les pensees plus prochaines de leur reueil, à chercher soigneusement le moyen d'auoir reuenche l'un de l'autre & faire de bien en mieux. Que si quelque gros sourcil reffroncé appelle cest exercice friuole, & indigne d'un graue esprit, ce bon Chancelier d'Athenes condamnera sa folle presumption. Lequel ayant ouy reciter à vn banquet à son neveu vne chansonnette Saphique, pria l'enfant de luy apprendre, & interrogé, d'où luy procedoit ce desir, veu son aage & auctorité, il respondit, Afin que l'ayant apprise ie meure, n'estimant ce grand personnage rien plus indigne de la vie humaine que l'ignorance: l'ignorance dis-je, qu'il blasmoit plus que l'enuie de sçauoir choses qu'on reputoit pueriles & mal cōuenables (ce me semble) à ceux qui veulent si estroitement garder leur rang: Mesme le plus sage de tous les sages n'a point rougy de se mettre entre les enfans qui iouoyent de la harpe, & apprendre d'eux, bien qu'il fust aagé: estimant vne vieillesse ignorante plus honteuse que l'apprentissage de quelque chose que ce soit. De faict, ce sage disoit que nous tenions l'ignorance des bestes, mais l'enuie de sçauoir ressenoit quelque diuinité. Ayons donc enuie d'apprendre, voire mesme quand bien nous aurions vn pied dans le sepulchre, à l'exemple de ce prudent conseiller Romain, & ne desdaignons point les choses legeres: ains allons voir que veut dire nostre ieunesse gaillarde qui lassée des folatrerries du soir, eut volontiers demeuré bien haute heure au liect, sans l'aubade que donnerent les paisans vilageois: lesquels pour faire l'honneur accoustumé à leur dame & maistresse, vindrent de bon matin au chasteau, chargez de rameaux, d'oyseaux en cage, de fueillade, de miel & de laictages de toutes façons, avec vne pompe

& magnificence rustique, faisans retentir l'air d'une melodie de flutes, cornemuses & flageols où le derelo ne manquoit point, tellement qu'à les voir ainsi sonnans & sautans, on les eut pris à la prime pour de petits Anges, sortis de quelque Paradis de village. A ceste ioyeuse alarme nos gentilshommes se ietterent à clos yeux en place, sans auoir esgard aux regimes de medicine, qui disent que se leuer si soudain engendre le haut mal, & nuit à ceux qui veulent auoir le tainct delié. Puis habillez à demy, & à demy reueillez, descendirent voir ces garçons villageois, qu'ils firent danser au son de leurs instrumens, iusqu'à ce qu'estans las de sonner, se meirent à chanter force branles de Poictou, autant plaisans à ouyr que ie crains qu'ils fussent fascheux à lire, principalement à ceux qui ne cognoissoyent encor Talabor & Robinea: qui sera cause que ie changeray la facetic du langage en termes plus intelligibles, gardant toutefois le même nombre mesuré aux cadences des neuf pas: car les gentilshommes ayans quelque temps branlé a la lourdesque (qu'ils appellent à Tholose la Pageoise) prièrent les damoiselles de se mettre de la partie. Lesquelles ayans agrandy la ronde carolle, commencerent à dire force branles au tour du bouquet. Apres les damoiselles commencerent à chanter force vaudeuilles. Mais ie crains d'ennuyer le lecteur par vne trop soigneuse collection des chansons, esquelles ceste gaye compaignie prenoit ses esbats, en si grande affection que la matinee s'escoula sans y penser, plus viste que le vol d'une Ironnelle: tellement que tous estonnez, se regardoyent l'un l'autre, quant on leur vint dire que le dîner les attendoit: où ils se hastèrent d'aller, s'essuyans le frôt moëte de sueur: qui fut cause qu'estans tous assis à table, la dame par maniere de deuis, leur proposa la question des dances si elles deuoient estre dictes bonnes ou mauuaises, ou indifferentes. Et ceste cause trouua des aduocats d'une part & d'autre si affectionnez à la matiere qu'il ny eut passage, raison, auctorité, exemple, ny histoire, tant aux lettres sacrees que profanes, qui ne fust amené en ieu. Mais pource que c'est vne dispute esloignée de nostre intention proposee, ie la passeray sous silence: ioinct qu'elle est pour le iourd'huy assez debatue, & croy que si le colloque de Poissi n'eust esté empesché que de ceste difficulté, elle n'eust pas esté remise à ce concile & synode de nostre noblesse, qui apres auoir deffoncé toute la plus fine Theologie, aidee des vtilitez de la medecine, vuiderent en fin ce procez au contentement de toutes les parties: ce que peu de iuges scauent faire. Or le banquet & la dispute finie, il leur print enuie de s'aller pourmener dedans le parc, où parmy les bois bien espais, estoient de grandes allees, reservees expres pour se desrober du soleil. La y auoit vn estang d'eau viue plaisant & delectable à merueilles, qui seruoit pour se baigner aux plus arden-tes chaleurs, mais principalement pour abreuer les bestes sauages: & de son cours faisoit moudre vn moulin pour le seruice du Chasteau. Estant toute la compaignie arriuee au lieu où sourdoit l'eau de cest estang, ils trouuerent vne tourette, qui estoit le logis du pescheur, au sommet de laquelle estoit en forme de medaille le pourtraict d'une Nonain, tenant vne lanterne, & sembloit se precipiter du haut en bas. Au pied de ceste tour estoit la statue d'un homme, estendu mort sur le grauiers, rendant par la bouche vn grand ruisseau, qui faisoit la source de ceste eau. Aupres estoit vn tombeau qui seruoit d'armoire ou

coffre

coffre à ferrer les rets, paniers, & autres instrumens de pesche, mesmes les toiles philadières, pans, pantieres, poches & autres choses concernant la chasse. Or sur ce tombeau estoit pourtraicte, la figure d'un Satyre, & d'une Nymphe, assis chacun à son bout avec vne contenance triste, & tenoient entre leurs bras croisez des tablettes grauees à l'antique. En celle du Satyre estoit escrit,

*Venus pour estre conceüe
De l'escume de la mer,
Vers ceux qu'elle voit ramer
N'est point de pitié esmeüe:*

*Leandre ainsi l'a cognüe
Quand par trop sa Dame aymer
Dedans l'escume chenue
S'enjura du flot amer.*

Et en celle de la Dryade estoit le cenotaphe qui s'ensuit,

*L'amoureuse loyauté
Fait icy sa residence,
Coniointe à vne beauté
De trop parfaite alliance.*

*Helas pour sa recompense
La mort cruelle luy fut
Quand son bel œil appercent
De l'amy mort la presence.*

Après s'estre quelque peu amusez à considerer cete muete tragedie, Et bien, dit le sieur de Fleur d'Amour, voyons non pas quelque part que puissions letter les yeux estre vray mon premier propos, & que tout le mal d'amour, tout le succez de fortune qui y peut arriuer, procede tousiours du costé de la femme. Et si ces statues de pierre pouuoient parler, elles m'osteroient bien tost de la peine que j'ay à le vous redire. Toutesfois elles le tesmoignent assez, nous proposans la piteuse histoire de Leander & Hero, desquels les amours estoient heureusement entamenees, & conduites prudemment, si les impatiens desirs de l'amie n'eussent mis le trop obeissant ami à mort, luy faisant entreprendre plus que les forces humaines ne peuuent porter, & luy donnât avec vne lanterne le mortel adiournement ou ennuitement: car ce fut de nuict, ou il ne faillit de comparoistre tout mort, ayant mieux mourir obeissant, que viure en soupçon de desloyauté. Et les ondes qui executoyent le cruel vouloir de leur voisine, car la tour d'Hero estoit sur le bord de la mer, furent pitoyables enuers le corps ia expiré en l'amenant rendre bon compte à s'amie de sa foy durable iusques à la fin. Ne vous deplaise Monsieur, respondit Mademoiselle Marguerite, vous le prenez à vostre aduantage: car puis qu'en deffaut de preuues il nous faut auoir recours aux coniectures, ie dy qu'il est aisé à presumer que le desir inconsideré, qui domine ordinairement ces volages amans, auoit tant gaigné sur ce pouure gentilhomme, que se bandant les yeux d'une passion violente, il se precipita temerairement à la mercy des ondes, dont il eut le payement de sa folie. Car de dire que la damoiselle y aye consenti par vne cruauté, ou faute d'amitié, quelle raison y auroit il, veu qu'elle a tesmoigné le contraire par sa mort, amendant & punissant en sa propre personne l'erreur de son amy. Enquoy elle a bien monstré que son affection surmontoit de beaucoup celle de Leandre: lequel mourut par sa folie, elle pour son amour. Leandre mourut fortuitement & sans y penser: elle avec vne resolution & deliberation immuable. Et si la folie de Leandre merite pour excuse d'estre attribuee à force d'a-

mour, encor eut-il recompense de son malheur par les plaintes & regrets de s'amie : mais elle n'eut point d'amy quien luy fermant les yeux , priaist que la terre fust legere à ses os, & que son ame s'esgayast entre les delicieuses forests, où vont ceux qui en viuant ont bien aymé. Vrayemēt Mademoiselle repliqua le sieur de Belaccueil ie suis bien d'accord avec vous, & n'ay iamais creu que Hero ait esté si affamee des embrassemēs de son amy, qu'elle l'ait sollicité de se hazarder ainsi au peril, quelque chose que dient ces Poētes qui ont vne bulle & dispense de mentir, pour donner la faulce à leurs escrits. Iceux, pour sauuer la temerité de ces amoureux, disent: Que lors qu'Hellé nauigeoit sur la croupe du mouton à la layne d'or par le destroiēt du Bosphore, les Tritons & dieux marins espris de son amour la vindrent guetter & la prindrent au passage. Dequoy les Nymphes furent fort marries, car c'estoit autant de diminution de l'amour de leurs maris enuers elles: & pour auoir leur reuāche, espierent l'heure qu'iceux leurs maris estoient allez abbreuer les Dauphins, qui tirent le chariot du Roy des eaux, lors s'en vindrent au pourchas d'amours: dont aduint qu'ayans rencontré le nageur Leandre, elles l'embrasserent si estroitement que iamais plus ne le peurent laisser, ains l'emmenèrent en leur maison: où vn gros sot de mary le trouuant, par ialousie, le fait mourir comme le mōstrueux Polypheme, fait l'amy de sa blanche Galatee: mais les Nymphes pitoyables ne pouuans rien plus faire du corps froid, le rendirent à celle que l'ame auoit tant animee. Et pour resoudre la question generale si bien debatue par mon cousin Fleur d'Amour & mademoiselle Marie, ie ne puis imputer les fortunes qui se trouuent en aymant, ny à l'amy ny à l'amie: car ie croy qu'ils s'esforcent de se gagner l'un l'autre en sincerité d'affection: mais leurs bonnes intentions sont tellement enuyees de la fortune, qui n'a autre passetemps qu'à desfaire ce qui est bien fait, qu'il est bien mal aisé qu'elles ne soyent surmontees en malheur, lequel vient exterieurement: sans que l'un ou l'autre par leur faute luy donnēt aucune entree. Et n'y a point de doute que comme les mouches courent tousiours au sucre & autres choses douces, voire avec vne friādise si importune & obstinee qu'encor qu'on les chasse plusieurs fois, elles retournēt tousiours: ainsi l'infortune espie incessamment les vies auxquelles le ciel promettoit plus de bien, afin de leur vendre cher les plaisirs qu'ils se promettent, imitant les Myconiens qui comme chiens à nopces vont tousiours où lon ne les conuoye point. Parquoy faut attribuer le mal que l'amy & l'amie se reprochent l'un à l'autre tout à la malice des accidens diuers, comme il seroit facile de monstrier & ainsi serions d'accord. C'est bien dit respond la dame, guerissez le coup fourré que ces deux escrimeurs se sont donnez, par quelque exemple qui conferme vostre propos. Adonc elle baissa le bouquet historial, puis luy presenta: lequel il receut apres quelques modestes excuses sur le peu de pouuoir qu'il auoit de s'en bien acquiter. Toutesfois, dit il, puis que mon debuoir m'oblige à vous obeir, ma dame, i'euitray de deux fautes la plus grāde, m'assurant que la reuerence que ie porte à vos commandemens me seruira pour garentir mō impuissance & faire trouuer grace à mon bon vouloir enuers ceste belle compagnie, que (si ie m'acquie mal) reiettez la faute sur vous qui m'avez mis en besoigne. Attribuant toutesfois cestuy vostre commandement à plus grand honneur que

que mon merite ne se fust osé attendre de recevoir: dont ie vous remercie tres-humblement. Lors apres que chacun eut pris place sur l'herbette florie, le Sieur de Bel-accueil commença ainsi: &c.

I A V F R E D R V D E L, Gentilhomme fut Sieur de Blieux en Prouence, bon Poëte Prouençal. En sa ieunesse se retira à Agoult sieur de Sault qui l'entretint longuement. Le Comte Geoffroy frere de Richard Roy d'Angleterre passant par la Prouence en visitant Agoult fut amoureux des vertus de ce Poëte, pour les belles & plaisantes chansons qu'il chantoit en sa presence, & à la louange de son maistre. Agoult voyant l'affection du Comte, le pria retenir le poëte à son seruice, lequel il accepta & receut fort humainement, & se tint avec luy vn long temps, chantant à l'honneur de ses deux seigneurs & maistres. Le poëte ayant ouy parler des vertus de la Comtesse de Trypoly & de sa doctrine par quelques pelerins qui venoient de la terre sainte en deuint amoureux, à la louange de laquelle il feist de fort belles chansons. Ayant esté pointé au cœur de la voir il print congé du Comte Geoffroy, iasoit qu'il s'essayast de tout son pouuoir le desister de ce voyage, se meit sur mer en habit de pelerin, fut saisi de grietue maladie tellement que ceux de la nef cuidans qu'il fut mort le vouloient getter en Mer. Et en cest estat fut conduit au port de Trypoly, & là arriué son compagnon feist entendre à la Comtesse la venue du pelerin malade: la Comtesse estant venue en la nef, print le poëte par la main, & luy sachant que c'estoit la Comtesse, incontinent apres le doulx & gracieux acueil, recouura ses esprits, la remercia de ce qu'elle luy auoit recouuré la vie, & luy dict, Tresillustre & vertueuse princesse, ie ne plaindray point la mort ores que. Et ne pouvant acheuer son propos, sa maladie s'aigrissant & augmentant rendit l'esprit entre les mains de la Comtesse, qui le feist metre en riche & honorable sepulture de Porphire, & engrauer quelques vers en langue Arabesque; ce fut en l'an 1162. auquel temps il florissoit. La Comtesse estant troublee de la mort si soudaine, ne fut iamais veüe faire bonne chere: son compagnon nommé Bertrand de Allamanon, qui fut chanoine de Syluecane, luy recita les vertus du poete, & la cause de sa venue: à laquelle il feist present de toute la poesie & Romanserie qu'il auoit faiëte à sa louange, qu'elle feist transcrire en lettre d'or. On dit qu'elle auoit espousé le Comte de Trypoly, qui fut cause de la perte de Hierusalem que Saladin gaigna sur les Chrestiens. En l'une de ses chansons il demonstre bien que ses Amours estoient loingteines: car en faisant son voyage craignant de ne pouuoir parler à la Comtesse de Trypoly, quand il y seroit arriué, & que ce luy seroit vne extreme douleur s'en retourner d'un si long & perilleux voyage, il dict ainsi:

Irat & dolent m'en partray,

S'y eu non vey est' amour deluench.

& non say quoura la veyray,

Car son trop nostras terras luench.

Dieu que fes tout quant van, e vay,

E form'aquest' Amour luench,

My don poder al cor, car hay

Esper,

*Esper, vezer l'Amour de luench.
 Segnour, tenés my per veray
 L'Amour qu'ay vers ella de luench.
 Car per un ben que m'en esbay,
 Hay mille mals, tant soy de luench.
 Ja d'autr' Amours non iauziray
 S'yeu non iau dest'Amour de luench,
 Qu'na plus bella non en say
 En luec que sia, ny pres, ny luench.*

LE Monge des Isles d'or au Catalogue qu'il a faict des poetes Prouençaulx fait mention d'un dialogue d'entre Gerard, & Peyronet entreparlans ensemble, par lequel est meüe vne question, Assauoir mon, qui aime plus sa dame ou absente, ou presente, & qui induict plus fort à aimer, ou les yeux ou le cœur. Et apres auoir amené plusieurs bonnes raisons & exemples, & mesmes la pitieuse histoire de ce Iaufred Rudel, disant en l'un des coupletz en telle substance, Tout homme de bon iugement cognoit bien que le cœur a seigneurie sur les yeux, & que les yeux ne seruent rien en amours si le cœur ne le sent, & sans les yeux le cœur peult franchement aimer la chose qu'il n'a iamais veüe, ainsi que feist Iaufred Rudel. Il ameine aussi vn autre exemple de André de France, qui mourut par trop aimer: finalement voyant que ceste question estoit haute & difficile, ils l'enuoyerent aux dames illustres tenans Cour d'Amour à Pierrefeu & à Signe, qui estoit cour ouuerte, pleine d'immortelles louanges, ornee de nobles dames & de cheualiers du pais, pour auoir determination d'icelle question, les dames qui presidoient à la cour d'amour de ce temps estoient celles cy.

*Stephanette dame des Baulx, fille du comte de Prouence.
 Adalazie, vicomtesse d'Avignon.
 Alalete, Dame d'Ongle.
 Hermyssende, Dame de Posquieres.
 Bertrane, dame d'Urgon,
 Mabilie, Dame d'Teres,
 La Comtesse de Die,
 Rostangue dame de Pierrefeu
 Bertrande dame de signe.*

IEAN D'ABUNDANCE Bazochien & notaire du Pont saint Esprit a composé plusieurs petits traictez en rime, Assauoir, Les faulxbourgs d'enfer, contenant les miseres & calamitez qui sont sur mer. La prise de l'Acteur par feu Capitaine Ionas, Ensemble sa deliurance faicte par Messieurs les Cardinaux de Lorraine & de Bouloigne. Le Testament & Pater dudit Acteur, & autres traictez, Epistres, Rondeaux & c. [Impr. à Lyon 8° par Iaques Moderne.

Epistre

Epistre sur le bruit du trespas de Clem. Marot. [imp. à Lyon 8°. par Jaques Moderne 1544.

La Captivité du bien public. Avec plusieurs autres matieres, Assauoir, La resuerie de L'Acteur. Vers à tous propos. La sentence de Iupiter sur les couleurs Bleu & Violet. Le Dicton de la cloche de Mende. Le Dicton du pont S. Esprit: La datte qu'il fut acheué, & combien il contient de long. Plusieurs Ballades, Epistres, Rondeaux, Triolets & huitains. [Le tout impri. à Lyon 16°. par le grand Jaques.

Les grands & merueilleux faicts de Nemo avecq les priuileges qu'il a: Et la puissance qu'il auoit depuis le commencement du monde iusques à la fin. [impr. à Lyon 16°. par Pierre de Sainte Lucie.

Les moyens d'eiter melencolie: soy conduire & enrichir en tous estats par l'ordonnance de raison.

Les quinze grands & merueilleux signes nouuellement descendus du ciel au pais d'Angleterre moult terribles & diuers à ouyr raconter. Item plus la lettre d'Escornifierie, laquelle porte grands priuileges à plusieurs gens. Et la chanson de la grand Gorre. Le tout composé par ledit d'Abundance soubz le nom de maistre Tyburce. demeurant en la ville de Papetourte, & impri. à Lyon sans nom ny datte.

Prosopopeie de la France à l'Empereur Charles le Quint sur sa nouvelle entree faite à Paris. [impr. à Tholose 4°. par Nicolas Vieillard.

La Guerre & debat entre la Langue, les membres & le Ventre, Assauoir la langue, les yeux, les oreilles, le nez, les mains, les pieds, qui ne veulent plus rien bailler ne administrer au ventre, & cessent chacun de besoigner. [impr. à Lyon 4°. par Jaques Moderne sans datte.

Adresse profitable à tous viatiques allans & retournans par diuers pais, & spécialement par la France, pour sçauoir les bons logis & dangereux passages. [impr. à Lyon par Jaques Moderne.

Il a aussi composé plusieurs Moralitez & mysteres par personnages, assauoir, Le Gouuert d'humanité, Le Monde qui tourne le dos à chacun. Plusieurs qui n'apoint de conscience. Le Mystere des trois Roys, Mystere sur *Quod secundum legem debet mori*, & plusieurs autres. [impr. à Lyon.

I E A N D' A L B I N de Valzerg dict de Seres Archediacre de Tholose a escrit:

Discours & aduertissemens salutaires au simple & treschrestien peuple de France pour cognoistre (par la parole de Dieu) les bons & fidelles Euangelisateurs, des faux prophetes par vne conference des escritures saintes & anciens docteurs, faicte avecq les ministres de l'Euangelique reformation touchant le fait de la vocation legitime. [impr. à Paris 8°. par Guillaume Chaudiere 1566. & en Auignon par Pierre Roux 1567.

Six liures du sacrement de l'Autel prouué par texte d'écriture sainte, autorité des anciens docteurs & propres tesmoignages des aduersaires de l'Eglise Catholique. [impr. à Paris 8°. par Guill. Chaudiere 1566.

Son

Son Epitaphe se voit au cloistre de l'Eglise Saint Estienne de Tholose tel que cy deffoubs,

IOANNI ALBINO DE CERES NOB. VALSEGORVM FAM-
ILIA ORTO VIRO INTEGERR. PAUPERVM ÆGROR-
VMQVE PATRI PIENTISS. CANONICO ET ARCHIE-
DIAC. ACECCLESIASTÆ THOLOSANO SANCTISS. QVI
THOLOSANÆ CATHEDRÆ TVRBVLENTIS TEMPORIB.
PRÆFECTVS HÆRETICOR. ERRORES FACVNDÆ PRÆ-
DICATIONE SCRIPTISQVE IMMORTALIBVS CONVIN-
CENS ET CATHOLICOS CONFIRMANS PERICLITAN-
TEM TECTOSAGVM REMPVB. SARTAM TECTAM CON-
SERVAVIT SEPTIES SEPTENO VITÆ ANNO CVM OM-
NIVM BONORVM MOERORE CUNCTORVMQVE OR-
DIN. LVCTV VIVIS EREPTO PII CIVIS SVÆ HOC IN
ILLVM PIETATIS ET OBSEVANTIÆ MONVMENTVM
P. C. OBIT XIII. CAL. SEPTEMB. CIOIO LXVI.

JEAN L'ALEMANT Docteur en medicine demeurant a Au-
run a traduit de Grec,

Les 4. Philippiques de Demosthene, prince des orateurs de Grèce. [impr. à Pa-
ris 8°. par Michel Fezandat 1549. En l'Epistre dedicatoire le traducteur prie
ceux qui requerroyent en sa traduction vn meilleur langage & plus elegante
maniere de dire, de considerer que la force & vertu des paroles d'un langage à
autre se pert ainsi que le goust & naïf suc des plantes transportees de lieu en
autre, & ne se peut bonnement rendre, & moins en Demosthene qu'en tous
auteurs du monde, lequel a, en ses Philippiques mesmement, vn stile graue
& vif, touchant le but & nœud de la matiere: vsant plus de valables raisons,
que brauant en paroles: court en propos, & comme dit Ciceron en son orateur,
n'emplissant pas par tout l'oreille: mais plein de subtilitez & de raisons: ne s'ac-
commodant pas tant à resjouir l'auditoire, que à dire & conseiller ce qui ap-
partient aux affaires.

JEAN ALPHONSE Saintongeois.

Voyages aduentureux du Capitaine Iean Alphonse Saintongeois contenans
les reigles & enseignemens necessaires à la bonne & seure nauigation. Plus le
moyen de se gouuerner tant enuers les barbares qu'autres nations d'une cha-
cune contree, les sortes de marchandises qui se trouuent abondamment en
icelles. Ensemble ce qu'on doit porter de petit pris pour trocquer auec iceux,
à fin d'en tirer grand profit. [impr. à Paris 8°. par Thomas Mallard 1598.

JEAN AMAYNER Baron d'Opede a traduit en rime Françoisse,
Les Six triomphes de Petrarque. [impri. à Lyon 16°, par Iaqués Moderne sans
datte.

JEAN DE AMELIN Gentilhomme Sarladois a traduit de
latin

Titre Liure de la seconde Guerre Punique, que les Carthaginois firent avec les
Romains soubz la conduite d'Annibal, traduite de mesmes avec les Abregez
de L. Florus deuant chascque liure: amplex cottes des choses plus memorables
sur la marge, & annotations sur les passages corrigez qui sont en bon nombre,
les

les noms modernes de villes, rivières & païs dont il est faite mention au cours de l'histoire, & la declaration de plusieurs mots antiques. [impr. à Paris f°. par Benoist Preuost 1559.

Les Concions & harangues contenues ez decades de Tite Liue. [impr. à Paris 8°. par Michel Vascofan 1567.

I E A N L' A N G L O I S Sieur du Fresnoy aduocat au Parlement de Paris a traduit

La vie de Iesus-Christ nostre Sauueur, ou à vray dire le patron & exemplaire de la vie des Chrestiens, Escrit en latin l'an M. CCC. XXXIII. par Reuerend Pere Ludolphe de Saxe, Chartreux, maintenant enrichi du texte des Saincts Euangiles & de la cote des sentences & passages des anciens docteurs de l'Eglise & re-traduit presque tout de nouueau par le Seigneur du Fresnoy. [impr. en deux grands tomes à Paris f°. par Nicol. Chesneau 1582.

I E A N D' A N T O N historiographe du roy Loys douzième a écrit en rime

Les Epistres enuoyees au roy de la les monts par les Estats de France. Avec certaines Balades & Rondeaux sur le fait de la guerre de Venise. [impr. à Lyon 4°. par Noel Abraham 1509.

I E A N D' A R C E S Aumosnier du Cardinal de Tournon a traduit de latin

Les 13. liures des choses rustiques de Palladius Rutilius Taurus Æmilianus. [impr. à Paris 8°. par Michel Vascofan 1554.

I E A N A V B E du Thouret & de Rocquemartine Gentilhomme Prouençal a écrit

Lamentation de la France sur le decès de tres-haute dame Magdelaine de Thuraine Comtesse de Tende, Avec quelques autres compositions en vers du mesme auteur. [impr. à Paris 4°. par Jean de Gourmont 1581.

I E A N A V R E L. A V G V R E L.

Trois liures de la Façture de l'or traduits des vers latins de Jean Aurel. Augrel en prose françoise par traducteur incertain. [impr. à Lyon 16°. par Guillaume Rouille 1548.

La Chrysopœie. Voyez François Habert.

I E A N D' A V I S O N licencié ez droicts a écrit,
Miroir de l'Eglise, auquel on pourra voir les professeurs de la vraye foy, & les discerner d'avec les predicans de la faulx doctrine, demonstrât tous les sectaires de present soyent ils Huguenots, Protestans, Gueux ou d'autre nom quelconques, estre heretiques, & pour tels deuoir estre punis. Diuisé en deux liures par chapitres. [impr. à Louvain 8°. en l'an 1571.

S A I N C T I E A N L' E V A N G E L I S T E.

Le Sainct Euangile de Iesus-Christ selon Sainct Iean.

L'Apocalypse ou Reuelation de Sainct Iean dict le Theologien.

I E A N B A C Q V E T aduocat du Roy en la chambre du tresor a écrit

Trois premiers traictez des droicts du domaine de la couronne de France. Avec l'establissement & iurisdiction de la chambre du tresor. [impr. à Paris 4°.

Hh par

par Sebastien Nyuelle 1577.

IEAN BALEVS.

Les Vies des Euesques & Papes de Rome, despuis la dispersion des Disciples de Iesus-Christ iusques à Pie quatriesme, Extraictes du grand catalogue des escriuains d'Angleterre, par Iean Baleus Anglois, & diuisees en trois classes & sept liures. [impr. à Lyon 16°. l'an 1563. *Caluinique.*

IEAN à la **BARBE** docteur medicin de la ville du Liege a escrit en l'an 1365.

Traicté de L'Epidimie & curation d'icelle, mis en langue françoise. [impr. & trouué en vne librairie de vieux liures escrits en main.

IEAN DE BARRAVD Bourdelois, Religieux de l'ordre de l'obseruance estudiant en la sainte Theologie a traduit en françois

Le Quatriesme & dernier liure des Epistres dorees de Dom Antoine de Guenarre Euesque de Mondognedo, chroniqueur & predicateur de l'Empereur Charles cinquiesme. [impr. à Paris 8°. par Robert le Fizelier 1584.

IEAN BAVSSAY Licencié ez loix a escrit, Estat & ordre iudiciaire suyuant les Edicts, Statuts & Ordonnances Royaux. [impr. à Paris 8°. par Galiot du Pré 1554.

IEAN DE LA BAVLME Seigneur de Martorey a traduit de latin en François,

L'histoire de Solin singe de Pline, contenant l'histoire naturelle du monde & de ses parties. Escrit de la main dudit traducteur qui paignoît vne belle lettre Italique.

Il a aussi traduit de l'Italien de Ludouico Dolce, la vie de l'Empereur Charles cinquiesme, qu'il a dedié au Baron de Monfalconnet son oncle, maistre d'hôtel dudit Empereur écrite aussi de sa main & non imprimée.

IEAN DE BASMAISON POUVNET Aduocat à Rion en Auvergne a escrit,

Sommaire discours des fiefs & arrierefiefs, contenant leur origine, nature, hommage & seruitude, inuestiture, infeodation, qualitez, charges & deuoir du vassal, Qui sont receuz à faire le fief, Iuges de fiefs, admortissement, indemnité & souffrance de fiefs, ouuerture de fiefs, Profficts d'ouuerture, Prescription en fiefs, Commise & confiscation de fiefs. [impr. à Paris 8°. par Guillaume Chaudiere 1579.

IEAN ANTOINE DE BAYF Secretaire de la chambre du Roy, non seulement yssu de noble famille du païs d'Anjou & de race de doctes, mais aussi tresnoble, tresdocte & entierement parfait en la cognoissance des sciences & des langues Greque & Latine à luy autât familières que la sienne maternelle, a esté des premiers qui ayant abbatu le monstre d'ignorance en illustrant nostre langue, a introduit en France l'ancien & plaisant vsage de la Poësie des Grecs & des Latins pour la musique, laquelle n'auoit oncques au parauant esté practique ny chantée des François en leur vulgaire, Callimach, Pindare, Horace ayans esté deterréz par luy, Pierre de Ronfard & Remy Belleau tous sortis presques en vn mesme temps de l'escole de Iean Dorat comme du cheual Troyen (qu'on dit) & nez & donnez des cieux pour rendre nostre langue

langue riche en termes, invention & composition autant que pas vne des autres vulgaires, voire plus que l'Italienne & l'Espaignole maintenant-moindres que la nostre, qui les surpasse de beaucoup en grace, abondance de vocables, pluralité d'excellens Poëtes & diuerses sortes de vers mesmes mesurez, que ce Bayf a courageusement osé approprier à icelle: que les Italiens ny les Espaignols ny autres vulgaires n'ont iceu parfaire. Mais afin que ie ne semble vouloir icy faire office de harengueur & demonstrier ce qui est plus clair que le plein midy, Voicy le catalogue de ses œuvres imprimees,

I X. Liures des Poemes. vii. Liures des Amours v. liures des ieux, & v. liures des Passetemps. Les Poëmes contiennent les Meteores premier liure. Presaiges d'Orpheus sur les tremblemens de terre. Vie des champs. Le laurier. A Monsieur le Comte de Rets. L'Hippocrene. Les Muses. Au Roy. Ambassade de Venus. Contre vn enuieux qu'il nomme Mastin, à Monsieur Brulard secretaire d'Estat. Amymone, à Pierre de Ronfard. Remonstrance sur la prise de Calais & Guynes, A Monsieur de Fittes tresorier de l'Espargne. Amour vangeur. A Iean Dorat. Le Meurier ou la Fable de Pyrame & Thisbé. Helene. Cartel des renans pour Amour. Salmaci. Les Roses, Au seigneur Barthelemy. Contr'etrene à Nicolas Vergece Candiot. La furie Megere. Entremets de la Tragedie de Sophonisbe. A Nicolas Nicolai. Dythirambes à la Pompe du Bouc d'Estienne Iodelle. L'aurore, A Iean Valet. L'hymne de la Paix. Au Roy. La Geneure commencee par saint Gelais, & cōtinuee & acheuee par ledit de Bayf. Complainte de la Roine Marie. A Madamoiselle Victoire. Hymne de Venus. La Sorgue. A Philippes des Portes. L'amour de Medee. Hymne de Pan. Atalante. Epithalame, au sieur d'Aserac seigneur de la Feuillee. A Monsieur le Duc de Neuers. Le mariage de François Roy Dauphin & de Marie Roine d'Escoffe. A Monsieur le Duc de Guise. La Mascarade de Monsieur le Duc de Longueuille à Bayonne. La Fee. Inscription des arbres. Inscription des Rochers. Inscription des Pomme d'or. A Iean Païsson Grifin. Chant des trois Parques & de Saturne, au Baptisme de Henry Hurau premier fils de Monsieur de Cheuerny. Les Bacchantes. Epithalame à monsieur Morel Ambrunois. Allegorie, à monsieur Brethe, L'auantnaissance de madame fille du Roy Charles ix. Amour de Verumne & Pomone. A monsieur le President de Birague. A Remy Belleau. A monsieur de Villequier. Sur la paix avecq les Anglois 1549. A la Roine mere du Roy. A Monsieur le Duc d'Anjou. Au Roy, de la victoire de Moncontour. Le rauissement d'Europe. A Monsieur le grand aumonier Amyot. La Nymphe Bicure. Du naturel des femmes. A la Lyre. Au Sieur de la Mosle.

A son liure.

Les amours contiennent,

Les amours de Meline ii. liures. Les Amours de Francine iiii. liures. Diuerfes amours iii. liures. Le tout en Sonnets ou en vers Lyriques.

Les ieux contiennent,

Eclogues xix. Assauoir, Au Roy. Brinon. Le Vœu. Marmot. Les forcieres. Les amoureux. Ianor. Le Cyclope ou Polypheme amoureux. Pan. Les Bergers. Le Deuis. Le Pastoureau de Theocrite. Les Pastoureaux. Les moissonneurs de Theocrite. Damet. La forcierre. Charles. Le Satyreau. Le combat. Antigone

Hh 2 trage

tragedie de Sophocle. Le Braue Comedie. L'Eunuque Comedie de Terence.

ix. Deuis des Dieux pris de Lucian.

Les Passetemps contiennent,

A monsieur le grand Prieur de France. A sa Muse. Estrene au Roy. Tableau de la Royne mere. Epitaphe de Bueil. Du Printemps. A monsieur de Lansac. Epitaphe de madame du Houllme. Estrenes. Gossérie contre le Sonnet de Ioach. du Bellay, des comparatifs. Le Chucas. Epitaphe de Jean Garnier. Vœu. Amour derobant le miel. Epitaphe de Gilles Bourdin. De Circe. Priape. Chançon. Dialogue. A soy-mesme. Amour Eschaudé, du Grec de Dorat. Gaillardise. Amour se soleillant, du Grec de Jean Dorat. Aubade de May. La Rose. De Bacchus posé pres de Pallas. Enuie. Pean Dythirambique à la santé. Auantures à quelques Dames notables. Du nez de Doyen. Hercule. Sur l'image de Milon Athlete. De Ialousie. Au roy sur le Romá de la Rose. Mascarade d'une Sybille. Du portemēt enuers l'amy. Vœu de Boyuin. Les Lycambides d'Archiloch. Presage Hieroglisse. Deuis. La maison de bruiët. Gryfe d'un chiffre. Des bizerres lizeurs. Epitaphe de Lais. Sur la mort d'Albert ioueur de lut du Roy. A Henry Estienne. Auantures des Dames par Quatrains. A monsieur de S. Supplice. A monsieur de Pybrac. Et plusieurs autres passetemps tant en Sonnets, Epigrammes, Estrenes, Vœus, Masquarades, Epitaphes, que autres compositions de diuerse sorte de vers. Le tout impr. en 2. tomes 8°. à Paris par Lucas Breyer 1572.

Seconde salutation au Roy treschrestien Henry III. entrant en son Royaume.

[impr. à Paris 4°. par Federic Morel 1575.

Traduction de cent Distiques latins des trois seurs Anne, Marguerite, Iane de Seymour princesses Angloises sur le trespas de l'incomparable marguerite Roine de Nauarre en autant de quatrains François, lesquels distiques ont esté aussi traduits en Grec par Jean Dorat, en Italien par Jean Pierre de mesmes, & en François par ledit Bayf, Ioach. du Bellay & Nicol. Denisor. [imp. à Paris sous le titre du Tombeau de la Roine de Nauarre 8°. par Michel Fezandat 1551.

Chançons spirituelles. [imprimees en Musique par Adrian le Roy.

Le manuel d'Epictete traduit du Grec.

Mimes, enseignemens & Prouerbes. [impr. à Paris 12°. par Lucas Breyer 1576. & depuis de beaucoup augmentez & reimprimez par Mamert Patisson.

Vers recitez en Musique deuant le Roy au festin de Messieurs de la ville de Paris le 6. Feurier 1578. ausquels deux bons Anges de la ville entreparent. [impr. 4°. par Federic Morel.

Traduction d'un chât d'alegreffe pris des vers latins de Leger du Chesne sur la naissance de François de Gonzague fils de monsieurs de Neuers. [impr. au commencement de l'histoire de Calcondile traduite par Vigenere. [impri. à Paris par Nicolas Chesneau. avec un autre chant sur la mesme naissance traduit des vers latins de Camille Falconnet aueugle Sienois par ledit Bayf.

Il a traduit en ses ieunes ans en prose Françoisise,

Traicté de l'imagination escrit premierement en latin par Jean Picus Comte de la Mirandole & de Concorde. [Impri. à Paris 8°. par André Vvechel 1557.

Quatorze Seaumes en rime non encor imprimez.

Plusieurs discours moraux & sententieux. non encores imprimez, qui sont en rime

rime faifans vn gros tome qu'on pourra veoir bien toft mis en lumiere & que j'ay veus entre les mains.

Oultre les fufdites Oeuures il a efcrit & traduiât plusieurs Poemes en vers François mefurez (ie metay des grecs & des latins) Affauoir,

Errenes de Poëfie Franfoeze Au Roy, A la Royne mere, Au Roy de Poloigne, A Monfeigneur Duc d'Alenfon, A Monsieur le grand prieur, A Monsieur de Neuers & autres. Les Befoignes & iours d'Hefiode, Les vers dorez de Pythagoras. Enfeignemens de Phocylides. Enfeignemens de Nomache aux filles à marier. [Le tout impr. à Paris 4°. par Denys du Val 1574.

Deux gros tomes d'Odes, Elegiaques, Iambiques, Chanfons & chanfonnetes metriques pour la musique. non encores impr.

Tous les Pfalmes du Roy & Prophete Dauid. non encor impr.

La Medee d'Euripide.

Les Trachinies de Sophocle.

Le Plutus d'Aristophane.

L'Heautontimorumenos de Terence. tout cela preft à imprimer comme ie l'ay veu paracheué & efcrit de fa main.

Au Commencement des Meteores:

*Tout ce qui eft enclos dans le Ciel de la Lune,
Créé par le grand Dieu fous vne loy commune
D'eftre & de prendre fin, naift des quatre Elemens,
Qui de tous corps meflez font les commencemens:
Desquels tout eft formé, dans lesquels tout retourne.
Nul d'eux en fon entier net & pur ne feiourne,
Mais s'entrecorrompans engendrent tous les corps
Imparfaicts & parfaicts par contraires accords.
Ce font la flamme & l'air, l'onde aueques la terre:
La flame au lieu plus haut pres la Lune fe ferre,
Et l'air fe range apres: l'eau fous l'air fe plaça,
La terre deffous eux au milieu s'amaffa.
La terre fèche froide & mafsiue, s'afefse
Deffous la froide humeur qui flote moins efpesse:
L'air qui monte leger tient du moite & du chaud:
Et le feu chaut & fec vole encor plus haut, &c.*

Au 3. des Poëmes.

*La peur eft importune
A qui fe sent coupable: ou qu'il fuye caché,
Le criminel attend le fruiât de fon peché.*

Au 5. des Poëmes.

Las, on voit bien des ommes le visage,

Hb

3

On

*On en entend la voix & le langage:
Mais ce qu'ils ont en leur entendement
Fuyt nostre veüe & nostre ingement.*

*Malheureux est qui pense
En mal faisant desguiser son offense:
Quand bien plongee en tenebres seroit,
L'air la criroit, la terre en parleroit.
Dieu fait soudain en retardant la peine,
Que le peché le pecheur si bien meine,
Que sans poursuite & sans s'en auiser
Coupable il vient luy-mesme s'accuser.*

En l'Ode à Philipès des Portes au 6.liure:

*En ce monde icy chaque chose
Engendre ce qui la pourrit,
Et dans ses entrailles nourrit
En soy-mesme sa peste enclose:
La rouille consomme le fer,
Le bois se mange par le ver,
La tigne les vestemens mine,
Et l'enuie d'un mal-talent
Nuisant dedans l'ame maline
Le trahit de son venin lent.*

*Le mechant qui se paist d'enuie
Souffre chetif double douleur,
Greué de son propre malheur,
Et de l'heur qui pare la vie
De celuy qui suit la vertu:
Tandis de tout heur deuestu
Contre soy forcenant se blesse,
Bourrelé d'un cruel ennuy,
Sentant oisive la foiblesse
De sa dent contre l'heur d'autrui.*

*Toujours le liege dessus l'onde
Maugré le plomb, s'esleue en haut,
Aux filets que le pescheur caut
Traine aux eaux & i jamais n'afon-
Ny du palmier le roide bois (de:
Ne flechit point deffous le pois:
Ni la gloire bien meritee
Ne se laisse ietter en bas:
La vertu non i jamais domtee
Sous l'enuieux ne ploye pas.*

*Plus d'un vouge crochu lon tranche
Le tyge verdoyant du houx,
Plus vigoureux contre les coups
L'arbre se peuple en mainte branche:
Non l'enuie, mais la pitié
Au malheur ioint son amitié:
Je ne veux estre pitoyable:
Des Portes, il me plaist bien mieux
Estre heureusement enuiable,
Que chetivement enuieux.*

En la Tragedie Antigone:

*Car vous verrez, toujours que la plus-part des gains
Qui viennent de mal-fait, causent plus de dommage
A quiconque les prend, qu'ils ne font d'avantage.
Il n'est plaisir tel que celuy*

Qui

*Qui vient apres un grand ennuy,
Au rebours de toute esperance.*

PAN. Eclogue ix. imitee de la vi. de Virgile intitulee *Silenus* qui commence,
Prima Syracusio dignata est ludere versu.

*D'un vers Sicilien ma Muse par la France
Ne rougissant de faire aux champs sa demeure,
A bien daigné iouer, & par elle enhardy
Ces roseaux que i'entonne à mon col ie pendy:
En ces roseaux Tityre affoiblit son halaine
Pour le bel Alexis, & pour chanter Silene:
Silene il a chanté, Silene ie tairay,
Mais la belle chanson de Pan ie chanteray.*

*Toy, soit que les estats du peuple tu ordonnes,
Les rangeant sous tes loix, soit que seul tu t'adonnes
Sous l'ancre Aonien, vien voir bien auancé,
O CHARLE à ton aueu l'ouvrage commencé.
Muse, suy ton propos, de moy rien ie n'auance.
Sans ton aide ma voix n'auroit point de puissance.
Deesse aide moy donc, dicte moy, i'escriray:
Ce que tu me diras aux autres ie diray.*

*Menalcas & Mycon pastoureux d'Arcadie
Virent Pan endormy: sur luy sa chalemie
A un rameau pendoit: son chapeau de Pin vert
En terre estoit coulé de son front decouvert:
De sa main sa massue estoit cheute en la place
Où le Dieu s'estoit mis tout lassé de la chasse:
A l'ombre d'un Sapin le sommeil l'auoit pris.
Là ces deux pastoureux endormy l'ont surpris,
Et d'un accord tous deux le lier deliberent:
Soudain de hars d'osiers, qu'à propos ils trouuerent,
Le viennent garrotter: Drymon aux longs cheueux,
La Naiade Drymon se met d'auques eux:
Et comme il commençoit d'entrevoir la lumiere,
Ses cornes & son front barbouille par derriere
Des meures qu'elle auoit. Luy d'eux se souriant,
Pourquoy, ce leur dist il, me venez vous liant!
Enfans desliez moy: Pastoureux vous suffise
D'auoir conduit à fin vostre fine surprise:
Deffaites ces liens: Enfans pour ma rançon*

H b 4

La

La chanson vous aurez, c'est pour vous la chanson:
 Car i'ay pour ceste cy sa recompense preste.
 Ils deffont les liens: à chanter il s'appreste:
 Alors vous eussiez veu tout autour de ces lieux
 D'un bransle sauteler Nymphes & Demy-Dieux,
 Dryades & Satyrs dancier par les bocages,
 Les Naiades des eaux pousser leurs beaux visages
 Hors des ondes, en rond se mener par la main,
 Et iusques au nombril decouvrir tout le sein.
 Il chantoit de ce Tout les semences encloses
 Dans le Chaos brouillé, source de toutes choses,
 Le feu, l'air, & la mer & la terre & comment
 Tout ce qui vit se fait de chacun element:
 Comme en bas s'assembla la plus pesante masse,
 Dessus qui s'estendant Neree prit sa place.
 Et comme peu à peu le monde se forma,
 Comme dedans le ciel le Soleil s'alluma
 Faisant tout esbahir de sa belle lumiere
 La terre qui n'estoit de la voir coutumiere:
 Les fleuves & les monts, & les champs decouuers,
 Et les bois, & de tout les animaux diuers:
 Puis des hommes le genre & leur aage doree
 Qui sauvage vaguoit par les bois egaree,
 Vivant des glands cueillis: & comme des forests
 Ils quitterent les fruiçts pour les dons de Ceres.
 Il chanta des dragons les couples attellees
 Au char Athenien, puis les gens reculees
 Soubz le Soleil leuant que Bacchus surmonta,
 Et le present des vins qu'en Grece il apporta.
 Il adiouste Venus d'Adonis amoureuse
 Comme son fils amour la rendit languoureuse
 Quand la venant baiser sa gorge il esleura
 D'un trait dont le venin dans elle demeura.
 Le coup n'apparoit point, plus grande est la bleßeure
 Que la monstre n'en est: petite est la poinçture,
 Mais le venin coulant au profond de son cœur
 Peu apres decouvrit une grande langueur.
 Adonc de tout son cœur de Paphe & d'Amathunte,
 Et de Gnide & d'Anfrise elle ne fait plus conte.

Elle

Elle quitte le ciel, le ciel plus ne luy plaît,
 Plus que le ciel Adon, son cher Adon luy est.
 Adon venge en Venus de sa mere l'outrage,
 Venus à son Adon donne tout son courage,
 Elle tient, elle suit, & ne fait rien, sinon
 Que pour sembler plus belle au gré de son mignon.
 Ayant le iarret nu, la robe recourcée
 Sur les hanches ainsi que Diane troussée,
 Elle acompaigne Adon à trauers les halliers,
 A trauers les cailloux elle suit les limiers.
 Si quelque Nimphe icy sent la pointure amere
 Qu' amour fait de ses traiçts; qu' elle voye sa mere,
 Sa Mere qui son cœur n' en a peu garentir:
 Quelle autre se pourroit sauuer de la sentir?
 Mons & bois elle brosse: ah, que la ronce dure
 Ne taigne de son sang la douillete charnure:
 Ah, que les durs cailloux s' elle haste ses pas,
 Les plantes ne meurtrisse à ses piedz delicats:
 Assise quelquefois sous quelque frais umbrage,
 Craintive preuoyant songe à prochain dommage,
 Elle aduertit Adon, si pour l'en aduertir
 Son malheur trop voisin elle eust peu diuertir.
 Aux Sangliers, aux Lyons, ny aux Ours ne t' adresse:
 Encontre les hardis que vaut la hardiesse?
 Celles bestes poursuy qui ne se deffendront,
 Et n' aborde iamais celles qui t' attendront:
 De ton age la fleur, & de ta belle face
 Le tainct frais & poli, & toute celle grace
 Que tu as, qui a peu ta Venus émuoir,
 Sur les cœurs des sangliers n' auroit point de pouuoir.
 Adon ne laisse pas de croire son courage
 Et de l'espieu tousiours la beste plus sauuage
 Il attend tant qu' un iour un sanglier luy cacha
 Ses defences en l' eine, & nauré le coucha,
 Nauré, las, à la mort. Voicy Venus attainte
 D' une griue douleur, qui fait sa triste plainte.
 Les bois & les rochers de son deuil douloureux
 Respondent tristement à ses cris langoureux.
 Demeure Adon, demeure à fin que ie t' accole

Cete

Cete derniere fois, & que ie me console
 De ce dernier baiser, repren cœur mon Adon.
 Que ie reçoive aumoins de toy ce dernier don.
 Baise moy cependant, que ton baiser a vie
 Ains que l'ame te soit entierement ravie:
 De ta bouche à ma bouche avecque ton doux vent
 Dans mon cœur ie seray ton ame receuant.
 Ton ame dans mon cœur pour confort de ma peine
 Coulera doucement avecques ton aleine:
 Par ce baiser aimé l'amour ie humeray
 Qu'à iamais dans mon cœur pour toy ie garderay.
 Pour toy, car tu me fuy: tu t'enfuis sous l'empire
 De ce Roy sans pitié, roy de chagrin & d'ire:
 Tu meurs, tu fuy, ie vy, & pource que ie suis
 Exempte de mourir te suyure ie ne puis.
 Venus de ses doux yeux, autant de pleurs larmoye
 Qu'Adon pert de son sang qui de sa playe ondoie.
 Et tout dégoute en terre, ou de sang & de pleurs
 A coup (miracle grand) naissent de belles fleurs,
 Lys de blanche couleur, & blanches violettes
 S'engendrèrent en bas des claires larmelettes
 Du sang vermeil coulant tous fleurons vermeillets
 Roses taintes de rouge & de rouges œillets.
 Il chante apres l'amour d'Alphee & d'Aretuse:
 Le fleuve la poursuit, la Nymphé le refuse.
 Et pres Pise se iette aux vagues de la mer,
 Et nage en Ortygie, Alphé brule d'aimer
 Si bien que trauersant l'eau des vagues salees
 Apres elle il conduit ses ondes auallées
 Au profond Ocean: & luy porte en tout temps
 En tout tēps son eau douce, & des fleurs au printēps
 Pour dons de son amour, sans qu'il mesle son onde
 Avec l'onde marine, ou ell'est plus profonde.
 O qu'amour est peruers, ô faux petit garçon
 Qui les fleuves apprend à faire le plongeon.
 Il chante apres comment de l'amoureuse rage
 Pygmalion fut point, espris du propre ouurage
 Que ses mains auoyent fait: mourant il languissoit,
 Pour ne pouuoir iouir dont plus il iouysoit.

Venus

*Venus en eut pitié, un iour il s'esmerueille
 De son yuoire blanc qui prend couleur vermeille,
 Et de ses bras qu'il sent mollement enfoncer
 Sur l'yuoire attiedy le voulant embrasser
 Son Image prend vie, adonques il approche
 D'un baiser plus heureux la bouche sur la bouche
 La pucelle en rougit, & de ses yeuxoureux
 Aussi tost que le iour connut son amoureux.
 Diray ie comme il dist l'outrécudé Satyre
 Qui osa folement de sa fluste la Lyre
 D'Apollon assalir? qui escorché n'auoit
 Par tout son corps senglât qu'une playe qu'on voit?
 Le fleuve de son sang dont les ondes plaintiues
 Portent encor son nom, qui dans leurs tristes riués
 Sourdans dessous le pié du miserable Pain
 Par les champs Asiens bruyent sa triste fin?
 Diray ie comme il dist de Midas les oreilles
 Qui Apollon luy fait d'Asne, & les grandes merueilles
 De tout ce qu'il faisoit qu'il faisoit or soudain,
 Et pour estre soul d'or sa malheureuse fain?
 Apres il racontoit le banquet de Tantale
 Qu'il fait de son fils propre, Et Ceres qui auale
 L'épaule de l'enfant: puis l'yuoire il chanta
 Qui au lieu de son espaulé à Pelops on enta.
 Puis il chante Amphion, qui au son de sa Lyre
 Bastit les murs de Thebe, apres il vient redire
 Les Noces d'Emione & de Cadme, tous deux
 Qui muez en serpent se trainerent hydeux:
 Le Dieu chanta cecy, tout cecy dequoy l'age
 Abolit la memoire, il chanta: le boccage
 Retentist sa chanson iusqu'à tant que la nuit
 Aux Cieux, à son retour, les estoiles conduit.*

SONNET.

*Le grand Pythagoras en sa lettre fourchee
 Voulut représenter au vray la vie humaine,
 Qui s'ouure en deux sentiers: le gauche au vice mène,
 Le dextre à la vertu, comme l'ame est touchée.*

La

La voye de vertu haute, roide, empeechee
 D'espines & cailloux, ce passe à toute peine:
 Celle du vice emporte en descente soudaine
 Sans travail, la grand tourbe à ses plaisirs laschee:
 Mais les mal conseillez, à travers les delices
 Sans qu'ils s'en donnent garde en profonds precipices
 Se trouuent confinez, au val de repentance.
 Les autres couraigeus à la vertu pretendent,
 Qui par grande sueur sur la cime se rendent,
 Pour cueillir des travaux l'eureuse recompense.

De BACCHVS posé pres de Pallas.

Dy, qu'as-tu de commun Bacchus avec Pallas?
 A toy sont les banquets, à elle les combats?
 Estranger qui t'enquiers du fait des Dieux si fort,
 Appren en quoy ie suis avec elle d'accord.
 Car i aime aussi la guerre: un chacun connoit bien
 Comme i ay conquesté le pays Indien.
 Les hommes de nous deux ont eu presens diuins:
 D'elle l'oline huilleuse, & de moy les bons vins.
 Outre nous sommes naiz, sans travail de la mere:
 Elle du chef, & moy de la cuisse d'un pere.

HERCVLE.

I ay desfait le Lyon degasteur de Nemeë:
 I ay l'Hydre rogermant de ma masse assommée:
 Dessous mes bras nerueus le Toreau s'aterra:
 Mon espieu le Sanglier d'Erymante enferra:
 I ay deceint le Baudrier d'Hippolite guerriere:
 I ay des sanglans cheuaus la machoire meurdriere
 Souillee en leur seigneur: I eu l'or Hesperien:
 Gerion aus trois corps subingué ie fey mien:
 I ay vuidé le fumier des estables d'Augée:
 Des oiseaux Stymphalins i ay la bande estrangée:
 Le cerf aus pieds d'airain de son or i esbranchay:
 Cerbere le portier des enfers i arrachay,
 Retif à la clarté du iour non vité:
 & apres tous ces travaux le ciel i ay merité.

DE

De Pol.

*Pol tu voudrois acheter l'heritage
De ton voisin, & vraiment tu es sage:
Mais ton voisin ne veut le vendre: ainsi
Pol, ton voisin vraiment est sage aussi.*

De Gormier.

*Gormier s'est fié pour guerir
A un medecin qui se vante
D'avoir son office vacante:
Gormier ne doit il pas mourir?*

D'Agnes.

*Tu as au front un peu de cicatrice,
Lequel Agnes tu tiens toujours couvert.
Ne cache rien: on pense plus de vice
Au mal caché, qu'au mal qui est ouvert.*

Des Pseaumes de Daud.

Seume premier.

*Les eurs du preudome ki ne s'et poeint parmené
Dedans le Kamplot des méchans:
Ni s'et areté dans la vòe des forfeteurs:
Ni des mokeurs à bank asis:
Mes dont le keur et an la loé du bon Sineur,
E nuit e i'r soni an sa loé,
E doet tateinsin etre K et un âbre vert,
Planté ionant les rus dez eus:
Ki son riant fruit an sa sez on doet donér.
Sa feule poeint ne fletirra:
E mêmes eureus tot le beu fruit qu'il fera
Eureusemant le parfera.
Non einsi peruers non non einsi: Mes kom et
La bale k'un vant p'sserra.
Par koé ne s'ardront les méchans à iuiemant,
Ni dans l'asamblé des élus.
Mes Dieu konoet bien kel chemin les iustes vont:
E des méchans le trein perit.*

Ii

IEAN

JEAN DE BEAUBREUIL aduocat au siege Presidial de Lymoges a escrit,
Regulus, Tragedie dressée sur vn faict des plus notables, qu'on puisse trouuer en toute l'histoire Romaine. [impr. à Lymoges 8°. par Hugues Barbou 1582.

En vn des Chœurs:

*Il n'est rien meilleur aux hommes
 Que de s'entresupporter
 Puis que tous subiects nous sommes
 A descendre qu'à monter.*

*C'est ce qui plus nous approche
 De la nature des Dieux
 D'auoir vn cœur non de roche
 Mais benin & gracieux.*

*Donques lors qu'une victoire
 A souhait se vient donner,
 Pour en augmenter la gloire
 Il faut sçauoir pardonner.*

*Sur la mer les vents felons
 Ne le font sortir des gons
 De son ame tousiours vne:
 Ains va si peu s'effrayant
 Soubs Jupiter foudroyant
 Qu'un rocher ioint à Neptune.*

*Bref quand la voute des cieux
 Tomberoit en ces bas lieux
 Comme une rouge tempeste
 Des ruines tout l'amas
 Ne l'espouuanteroit pas
 Courant le cuyr de sa teste.*

En vn autre chœur:

*L'homme ferme en son deuoir
 Quoy qu'il manque de pouuoir
 Ha tousiours son cœur de mesme:
 Soubs l'œil d'un Tyran cruel
 Qui va depitant le ciel
 Il ne peut deuenir blesme.*

*Par un tel courage grand
 L'homme un nouveau Dieu se rend
 Ainsi que fait Attilie,
 Attilie qui fait voir
 Au clair son ferme deuoir
 En mourant pour la patrie.*

JEAN DE BEAUCHESNE Parisien maistre escriuain à Lyon a fait,
 Le Tresor d'escriture, auquel est contenu tout ce qui est requis & nécessaire à tous amateurs dudit art. [impr. à Lyon 1580.

JEAN BEAUFILS aduocat au chastellet de Paris a translaté de latin,
 Le premier & second liure de Marsile Ficin de la vie saine & longue. [impri. à Paris 8°. par Denys Janot 1541.

JEAN DE BEAUGVÉ a escrit en trois liurès,
 L'histoire de la guerre d'Escoffe, traictant comme le royaume fut assailli & en grand partie occupé par les Anglois, & depuis rendu paisible à sa roine, & reduit en son ancien estat & dignité par le moyen & secours du roy de France Henry 2. [impr. à Paris 8. par Charles l'Angelier 1556.

JEAN

IEAN DE BEAVNAY a composé en rime,
Le Doctrinal des prudefemmes avecq des gloses en prose entremeslees parmy
lestimes. [impr. à Lyon 8°. par Oliuier Arnoullet.

Les Regrets & peines des maladiuez. aussi en rime. [impr. de mesme.

IEAN BAPTISTE BELLAUD Prouengal a escrit,
Bergerie tragique sur les guerres & tumultes ciuiles, intitulee Phaeton. [impr.
à Lyon 8°. par Antoine de Harfy 1574.

Hymne de la victoire de Monsieur frere du Roy obtenue entre Iarnac & Cha-
steauneuf. [impr. à Lyon par Benoit Rigaud 1569.

Oraison funebre du trespas du roy Charles ix. prose. [impri. à Paris par Fede-
ric Morel 1574.

IEAN BELLERE a traduit d'Italien
Institution d'une fille de noble maison Dedicee par l'autheur à damoiselle Ma-
riette Caranea. [impr. en Anuers 8°. par Christophle Plantin 1555.

IEAN BENEDICTI de l'ordre des freres mineurs, lecteur de
Theologie & predicateur en la ville de Lyon a escrit,
La Triomphante victoire de la vierge Marie sur sept malins esprits finalement
chassez du corps d'une femme le 27. d'Octob. de l'an 1582. dans l'Eglise des Cor-
deliers de Lyó. A l'histoire est adiousté vn petit discours d'un autre diable posse-
dant vne jeune fille & aussi expulsé au parauant, le dernier iour de May de la
mesme annee. [impr. à Lyon 8°. par les heritiers de François Didier 1582.

La Somme des Pechez & le remede d'iceux. Comprenant tous les cas de con-
science & la resolution des doutes touchant les pechez, simonies, vsures, chan-
ges, commerces, censures, restitutions, absolutions & tout ce qui concerne la
reparation de l'ame pecheresse par le sacrement de penitence: selon la doctrine
des saincts conciles, Theologiens, Canonistes & Iuriscōsultes Hebreux, Grecs
& Latins. Traicté tresvtile aux Ecclesiastiques, predicateurs & penitens, au Ma-
gistrat & tiers estat, & en somme à tous ceux qui veulent obtenir salut. [impr.
à Lyon 4°. par Charles Pesnot 1584.

IEAN BERGER dict de Saint Clement a escrit
Discours modernes & facecieux en nombre 13. Des faicts aduenus en diuers
païs pendant les guerres Ciuiles en France. Avec vn sens moral sur chacun
discours. [impr. à Lyon 16°. par Pierre Michel 1572.

IEAN BERNARD Secretaire de la chambre du roy a escrit,
Discours des plus memorables faicts des roys & grands Seigneurs d'Angleter-
re despuis cinq cens ans. Avec les Genealogies des roynes d'Angleterre & d'Es-
cosse. Plus vn Traicté de la guide des chemins, les assietes & descriptions des
principales villes, chasteaux & riuieres d'Angleterre. [impr. à Paris 8°. par Ger-
uais Mallot 1579.

IEAN BERSON Parisien docteur en Theologie a traduit d'I-
talien
Sermon de l'aduenement du S. Esprit le iour de la Pentecoste. Avec interpre-
tation d'aucunes paroles & l'accommodation d'icelles à ladite histoire par le
mesme translateur. Ensemble toutes ses predications faictes le carefme de l'an
1574. à S. Iacques la boucherie eglise de Paris reduictes par quatrains conte-
nans

nans toute la substance. [impr. à Paris 16°. par Pierre l'Huilier 1574.

I E A N L E B I G O T natif de Teilleul a escrit en vers François La prise de Fontenay à l'heureux & désiré retour de treschrestien Henry roy de France & de Boloigne par monsieur de Montpensier. [impr. à Paris 4°. par Denys du Pré 1574.

Larmes sur le trespas de trespagnanime Seigneur Bastien de Luxembourg, duc de Poinctieure, Vicomte de Martigues, Pair de Frâce, cheualier de l'ordre, gouuerneur & lieutenant general pour le roy au païs & duché de Bretagne. [impr. à Paris 4°. par Denys du Pré 1569.

Vœu & action de Grâces à tresillustre Prince & reuerendissime Cardinal Charles de Bourbon, de ce qu'il luy a pleu prédre sous sa protection & sauuegarde les droicts, libertez & priuileges de la celebre & fameuse Vniuersité de Paris. [impr. à Paris 4°. par Denys du Pré 1570.

I E A N D E B I L L Y Chartreux à Bourfontaine, Abbé de nostre Dame des Chatelliers, & maintenant prieur de la nouvelle Chartrouse pres de Gaillon, frere de Iaques & de Geoffroy de Bily cy deuant inserez, a traduit du latin de Stanislaus Hosius Euesque de Varne en Poloigne,

Traicté des Sectes & heresies de nostre temps pour cognoistre leur origine & les fruiçts qui en sont yslus. [impr. à Paris 8°. par Nicolas Chesneau 1561.

Homelie de S. Iean Chrysostome intitulée, Que personne n'est offensé que de soy-mesme. Aueq deux Sermons de sainct Augustin au iour de la decollation sainct Iean Baptiste. [impri. à Paris 16°. par Guillaume Chaudiere 1571.

Miroir spirituel, où est comprise sommairement l'instruction de tous fideles chrestiens qui desirent viure & mourir en Iesus-Christ. Aueq oraisons consolatiues pour dire en toutes actions ordinaires, traduit du latin du reuerend abbé Loys Blossius par ledict Iean de Bily. [impr. à Paris 16°. par Guillaume Chaudiere 1576.

Dialogue de la perfection de charité contenant 11. articles où sont introduicts entrepailleurs Nostre Seigneur & la disciple. traduit du latin de Denys de Rikel qu'on nomme autrement Dyonisius Carthusianus. [impr. à Paris 16°. par Guillaume Chaudiere 1570.

Petite table spirituelle traduite du latin du reuerend abbé de Lyesses Loys Blossius. [impr. à Paris 16°. par Guill. Chaudiere 1572.

Histoire de Barlaam & de Iosaphat roy des Indes, contenue en 40. chapitres traduits du Grec de S. Iean Damascene, & à la fin est adioustee la vie dudit Damascene escrete iadis par Iean Patriarche de Ierusalem, mise en François par le mesme traducteur de Bily. Auec vne homelie de S. Iean Chrysostome intitulée, De la comparaison du roy & du moyne. [impr. à Paris 8°. par Guill. Chaudiere 1578.

Exortation au peuple François pour exercer les œuures de misericorde enuers les pauvres, par Iean de Bily &c. [impr. à Paris 8°. par Guillaume Chaudiere 1572.

Le Manuel du Cheualier Chrestien traduit du latin de Iean de Lansperge dict le iuste Chartreux de profession. [impri. à Paris 8°. par Guillaume Chaudiere 1571.

I E A N

IEAN LE BLOND, seigneur de Branville a escript

Le printemps de l'humble esperant, où sont compris plusieurs petites œuvres en rime, semées de fleurs, fruit & verdure, qu'il a composé en son jeune aage. [impri. à Paris 16°. par Arnoul & Charles Angelier 1536.

Il a traduit aussi en François, la Republique d'Utopie de Thomas Morus: La chronique de Jean Carion: Valere le grand, & François Patrice de la police humaine: dont les titres se pourront voir sous le nom desdicts auteurs, ensemble la forme, l'an & l'impression.

IEAN BOCCACE.

Bocace, de la Genealogie des Dieux contenant la faulx credence des gentils & infideles, qui par leurs erreurs & mal fondees superstitions croient pluralité de Dieux. traduit de latin en françois. [impri. à Paris f°. par Philippes le Noir 1531.

Les neuf liures de Jean Boccace traitans des nobles hommes & femmes malheureux & infortunez. traduit de latin. [impri. à Paris f°. par Michel le Noir 1515. Claude Vvitard en a fait vne nouvelle version en bon langage.

Treize elegantes questions & demandes d'amours lesquelles sont tresbien debattues, iugees & definies, composees premierement par le tresfacond Jean Boccace, & translatees en François. [impr. à Paris 16°. par Denys Janot 1541.

Complainte des tristes amours de flammette à son amy Pamphile, auteur Boccace. [impr. à Lyon 8°. par Oliuier Arnoullet.

Boccace des dames de renom. [impr. 4°. en vieille lettre & mauuais langage, & depuis bien traduit à Lyon chez Guil. Rouille 8°.

Le Philocope. [Voyez Adrien Seuin.

Le Nymphal Flossolan. [Voyez Antoine Guercin.

Le Decameron. [Voyez Laurens de premier faict. Antoine le Maçon.

Le labyrinthe d'amour &c. Voyez François de Belleforest.

La prison d'amour. [impr. à Lyon.

Epistre consolatoire à Pino de Rossi. Voyez Marguerite de Cambis.

IEAN BODEL fut vn Menestrel d'Arras qui a fait vn petit œuvre en forme d'adieux, mentionné par Claude Fauchet, en son liure de l'origine de la langue Françoise, rime & Romans.

IEAN BODIN Angeuin a doctement escript

Six liures de la Republique, où il commence par la famille, & continuant par ordre à la souueraineté, discourant de chacun membre de la Republique, assavoir du Prince souuerain & de toutes sortes de Republiques: puis du Senat, des officiers & Magistrats, des corps & colleges, estats & communautéz, de la puissance & deuoir d'un chacun: apres il a remarqué l'origine, accroissement, l'estat florissant, changemēt de cadence & ruine des republiques, avec plusieurs questions politiques necessaires d'estre bien entendues, & pour la conclusion de l'œuvre, il a touché la iustice distributiue, commutatiue, & harmonique, montrant laquelle des trois est propre à l'estat bien-ordonné. Platon & Aristote (dit Bodin) ont tranché si court leurs discours Politiques, qu'ils ont plustost laissé en appetit, que rassasié ceux qui les ont leuz: ioint aussi que l'experience depuis deux mille ans qu'ils ont escript, a fait connoistre au doigt que la science Politi-

li 3 que

que estoit encôres de ce temps là cachee en tenebres fort espesses : & mesmes Platon confesse qu'elle estoit si obscure qu'on n'y voyoit presque rien : & s'il y en auoit quelques vns entendus au manient des affaires d'estat on les appelloit les sages par excellence. Car ceux qui despuis en ont escrit à veüe de país, & discours des affaires du monde sans aucune cognoissance des loix, & mesmement du droit public, qui demeure en arriere pour le profit qu'on tire du particulier, ceux là, dy ie, ont prophané les sacrez misteres de la Philosophie Politique: chose qui a donné occasion de troubler & renuerfer de beaux estats. De ce nombre est vn Macchiauel qui &c. [Ceste Republique de Bodin est impr. à Paris f°. & 8°. par plusieurs-fois, & la derniere en l'an 1582.

Responſe de Iean Bodin à deux Paradoxes du Seigneur de Maestroit Conseiller du Roy & maistre ordinaire de ses comptes sur le faict de ses monnoyes. Dont le premier est, Que l'on se plaint à tort en France de l'encherissement de toutes choses, attendu que rien n'y est enchery despuis trois cens ans. & le Second, Qu'il y a beaucoup à perdre sur vn escu, ou autre monnoye d'or ou d'argent, encores qu'on la mette pour mesme pris qu'on la reçoit. Sur lesquels Paradoxes Bodin discours du rehaussement & diminution tant d'or que d'argent, & du moyen d'y remedier. [impr. à Paris 8°. par Iaques du Puys 1580.

De la Demonomanie des Sorciers Liures 1111. Esquels Bodin refute quelques opinions que Iean Vvier tient en vn liure qu'il a faict *De Lamijs*. [impr. à Paris 4°. par Iaques du Puys 1580.

La Harengue de Messire Charles des Cars Euesque & Duc de Langres, Pair de France & Conseiller du Roy en son priué conseil, prononcee aux Magnifiques ambassadeurs de Poloigne estants à Mets en Aoust 1573. Tournée de latin en françois par ledit Bodin. [impr. à Paris.

Apologie pour sa Republique, contre Augier Ferrier. [impr. à Paris 8°. par Iaques du Puys 1581.

JOANNIS BODINI Oratio De instituenda in Repub. iuventute. Ad Senatum Populumque Tolosatam. [Tolosa 4°. ex officina Petri Putei 1559.

Eiusdem, Methodus ad facilem historiarum cognitionem. [Parisijs 8°. apud Martinum Juuenem 1582.

Oppiani De Venatione libri 1111. Joanne Bodino Andegauensi interprete. His accessit commentarius varius, & multiplex, eiusdem interpretis. [4°. Lutetia apud Michaellem Vasosanum 1555.

I E A N B O H E M E.

Discours des país selon leur situation, avecq les meurs, loix, & ceremonies d'iceux, translaté du latin de Iean Boheme, & impr. à Lyon 16°. par Iean de Tournes 1552.

I E A N B O I C E A V Seigneur de la Borderie, Poicteuin a escrit, Eclogue Pastorale sur le vol de l'Aigle en France par le moyen de paix, où sont introduites des bergeres, Paix & France. [impri. à Lyon 16°. par François Iuste 1539.

Ode à Iean de la Peruse, quelques sonnets & autres compositions.

Le

Le Menelogue de Robinea. [impr. à Poitiers à l'enfeigne de la fontaine commençant ainsi,

Le Menelogue de Robin

Lequau a perdu son precez

Trinlati de Grec en Francez

Et di Francez in beau Latin,

Et peux diqui in Poiteuin.

I E A N B O I R O N natif d'Annonay, habitant à Lyon a traduit
Le vingtième d'Amadis de Gaule. [imprimé à Lyon 16°. par Antoine Tardif
1581.

Traicté de la Marchandise & du parfait marchand disposé en quatre liures traduits del'Italian de Benoist Cotrugli Raugean, par Iean Boiron. [impr. à Lyon 16°. par les heritiers François Didier 1582.

Traicté du Vitriol traduit du latin de Theophraste Paracelse par ledict Boiró, [impr. à Lyon 8°. par Pierre Rouffin 1581. & depuis par Benoist Rigaud.

I E A N D E B O I S S I E R E S.

Les premieres œuvres de Iean de Boissieres de Montferrand en Auvergne contenant Sonnets, Elegies, Discours &c. [impri. à Paris 12°. par Claude de Montreuil 1578.

Secondes œuvres de Iean de Boissieres. [impr. à Paris 12°. par Iean Poupy.

Troisièmes œuvres de Iean de Boissieres. [impr. à Lyon 4°. par Loys Cloque-min.

Il a aussi recueilly quelques œuvres spirituelles partie en prose partie en vers. [impr. à Lyon 16°. par Thibaut Anselin.

Il a traduit quelques champs de l'Arioste. [impr. à Lyon.

I E A N L E B O N du país de Bassigny, Medicin de Monsieur le Cardinal de Guyse a escript,

Aduertissement à Ronfard touchant sa Franciade. [impr. à Paris 8°. par Denys du Pré 1568.

Le Rhin, au Roy, où à l'imitation du Danube, qui a parlé par plusieurs fois par Prosopopee aux empereurs Romains, il introduit le fleuve du Rhin parlant au roy, l'enhortant de le venir voir & iouir de ce qui luy appartient, & en ce faisant estre terreur à ces reistres qui viennent fourrager la Lorraine & ravager la Champaigne. [impr. à Paris 8°. par Denys du Pré 1569.

Adages ou Prouerbes François. [impr. à Paris 8°. par Nicolas Bonfons.

Erymologicon François. [impr. à Paris 8°. par Denys du Pré 1571.

De l'Origine & Inuention de la rime. [impr. à Lyon par Benoist Rigaud 1582.

Abregé de la propriété des Bains de Plommiers. [impr. à Paris 8°. par Charles Macé 1576.

Ses traductions.

La Physionomie du grand philosophe Aristote, c'est. à dire la science de iuger de quelle vie & complexion est vn chacun. [impr. à Paris 8°. par Robert Masselin 1553.

Opuscul de Galien d'alaignir le corps.interpreté en françois par Iean le bon.
[impr.à Paris 16°.par Estienne Groulleau 1556.

La Physionomie d'Adamant sophiste interpretee par Ieá le Bon. Aueq vn liure
des Neues ou verrues naturelles. [impr. à Paris 8°. par Guillaume Guillard
1556.

Galen,de cognoistre les affections de l'esprit, & d'y remedier. Dialogue de
l'Antre de Mercure. Epistre à ses amis touchant la liberté parisienne. [impri. à
Paris 16°. par Pierre Gautier 1557.

I E A N B O Q V I L L E T prebstre d'Aubigny a translaté de la-
tin en rime François,

Les Hymnes sur le chant de l'Eglise. Auec vn Cantique premier sur le liure de
Genese.[impr. à Rheims 8°. par Nicolas Bacquenois 1558.

I E A N B Ô V C H E T procureur à Poitiers a composé plusieurs li-
ures en prose & en rime assauoir,

L'histoire & chronique de Clotaire premier de ce nom septiesme roy des Fran-
çois & de sa tresillustre espouse Madame sainte Radegonde. prose. [impri. à
Poitiers 4°.par Enguilbert de Marnef 1527.

Les Annales d'Aquitaine. [impr. à Paris f°. par Galiot du Pré 1537.

La forme & ordre de plaidoirie en toutes les courts royales & subalternes de
ce royaume regies par coustumes, styles & ordonnances royaux. [impr. à Pa-
ris 8°. par Arnoul & Charles les Angelier 1542.

Les exclamations,epistres & oraisons de la noble dame amoureuse dicte l'ame
incorporee. [impr. à Paris 8°. par Vincent Sertenas 1535.

Epistres,Elegies & Epigrammes sur le decez de Madame Renee de Bourbon
Abbesse du royal monastere de Fonteuraut. [imp. à Poitiers au Pellican 1535.

Le conflit de l'heur & malheur par dialogue. [impr. à Paris par Denys Ianot.

Les loups rauissans &c. [impr. à Paris 4. par Denys Ianot.

Le labyrinthe de fortune & seiour des trois nobles dames. Aueq plusieurs belles
authoritez & passages de l'escriture sainte en marge. [impr. à Paris 4°. par Phi-
lippe le Noir 1534.

Le iugement Poëtique de l'honneur feminin & seiour des illustres dames. Aueq
vne Apologie en prose au commencement. [impri. à Poitiers 8°. au Pellican
1536.

Les cantiques de la simple & deuote ame amoureuse & espouse de nostre saul-
ueur Iesus-Christ : & comment ladite ame se doit preparer pour auoir l'amour
& la grace de sondit Espoux.Aussi y sont les meditations sur les sept iours de la
semaine. [impri. à Lyon 16°. par Iean Mousnier 1540.

Les anciennes & modernes genealogies des roys de France, & mesmement du
roy Pharmond : aueq leurs Epitaphes. [impr. à Paris f°. par Galiot du Pré
1541.

L'amoureux transy sans espoir. [impr. à Lyon 4°. par Oliuier Arnoullet.

Les Opuscles du trauerseur des voyes perilleuses, contenans l'epistre de Iusti-
ce à l'instruction & honneur des ministres d'icelle, Le chappellet des princes,
plusieurs chants royaux, ballades & rondeaux.Et la deploration de l'eglise mi-
lirante sur les persecutions. [impr.4°. sans datte & nom de lieu ny d'imprimeur.

Les

Les Epistres morales & familiares du trauerfeur des voyes perilleuses. [impr. à Poictiers par Iean & Enguilbert de Marnef 1545.

Les triomphes de la noble dame & du cheualier fans reproche. Le Panegyric du cheualier fans reproche. Le temple de bonne renommee & repos des hommes & femmes illustres. [impr. à Poictiers par les de Marnef.

Les Angoisses & remedes d'amours. [impr. à Lyon 16°. par Iean de Tournes 1550.

Le Parc de Noblesse, Description du trespuissant & trespagnanime Prince des Gaules & de ses gestes. La forme de viure de ceux du bon temps qu'on nommoit l'aage doré. [impr. à Poictiers f°. par de Marnef 1565.

Maistre I E A N D E B O V E S fut estimé bon trouueur de Fabliaux, car au Fabel des deux cheuaux l'auteur le nomme comme grand maistre,

*D'un autre fabel s'entremet
Qu'il ne cuida ia entreprendre,
Ne por mestre Jean reprendre
De Boues qui dit bien & bel.*

I E A N B O V I L L O N Senonois Curé de launie lez Bray sur Seine a traduit du latin de Rupert Abbé de Tuiciense ordre de Saint Benoist

L'Exposition & interpretation mystique de tous les offices diuins & ceremonies de l'Eglise catholique en douze liures. [impr. à Paris 8°. par Claude Fremy 1572.

Plus du latin de Thomas de Kempis religieux de l'ordre S. Augustin prieur en vn conuent dudit ordre au diocese du Traict

De l'imitation de Iesus-Christ, & du mespris & contemnement de toutes choses mondaines: en quatre liures ordonnez par chapitres. [impr. à Paris 16°. par Claude Fremy 1571. Il y a vne autre traduction vieille du mesme liure. [impr. à Paris 4°. par Philippes le Noir. Aucuns ont attribué ces traictez, *De imitatione Christi*, & *de contemptu mundi*, à Saint Bernard, autres à Iean Gerson.

Saint Prosper Aquitanique Euesque de Rheiges De la vie contemplatiue en trois liures, Et du Franc arbitre en vne epistre. Plus vn traicté de François Sonnius Euesque d'Anuers, touchant la vie eternelle. Aueq vne brieue reigle de l'apprenti spirituel de Loys Blosius Abbé de Lieffe: le tout traduit par Iean Bouillon. [impr. à Paris 8°. par Sebastien Nyuelle 1576.

I E A N B O V L Æ S E, prestre, professeur des saintes lettres Hebraïques, pauvre perpetuel du college de Montagu à Paris a escrit, Le tresor & entiere histoire de la triomphate victoire du corps de Dieu sur l'esprit malin Beelzebub obtenue à Laon l'an 1556. recueillie des œures & actes publics, & de mot à mot entierement couchez, & par ce notoire, par les heretiques impugnee & publiquement aueree par la veuë, l'ouïe & le toucher de plus de cent cinquante mille personnes. [impr. à Paris 4°. par Nicolas Chesneau 1578.

Compendium quantacunque ratione fieri potuit amplissimum, totius

tius lingua sancta Joannis Boletæi Arrotensis diligentia. [Parisys f°. apud Martinum Iuuenem anno 1566.

Ad Mysticos sacra scriptura sensus varia dictionum interpretatio. Ioan. Boulezæo autore. Parisys 16°. apud Dionysium Vallensem 1575.

Eiusdem de interpretatione lxx. hebdomadarum Danielis ibidem.

JEAN DE BOURDIGNE.

Annales & Chroniques d'Anjou contenant l'origine avec partie des cheualiers & gestes des princes, consuls, comtes & ducs d'Anjou. Et plusieurs faicts dignes de memoire aduenustant en France, Italie, Espagne, Angleterre, Ierusalem que autres royaumes despuis le temps du deluge: recueillies par Jean de Bourdigne prebste, docteur es droicts & despuis reueües par le Viateur. [imprim. à Paris f°. par Galiot du Pré 1529.

JEAN DE BOURGES medecin a traduit de latin

Le liure de la nature humaine faict en Grec par Hippocrates. Avec vn commentaire composé par ledict de Bourges: le tout impr. à Paris 16°. par Sulpice Merenget 1548.

JEAN BOURLIER a traduit en prose Françoisse,

Les six Comedies de Terence, tres excellent Poëte Comique. impr. à Anuers 8°. par Jean Vvaesberge 1566.

JEAN LE BOVTELLER Conseiller du Roy a escrit,

La somme rural tresvtile en toutes cours de Practiques: procez & manieres de plaidoiries selon le droit civil & canon, coustumes & arrests, corrigee par Jean des degrez, & impr. à Paris 4°. par Philippes le Noir sans datte.

JEAN BRECHE aduocat au siege presidial de Tours a escrit,

Le Manuel royal ou Opuscles de la doctrine & conditions du prince, partie en prose partie en rime. Avec le commentaire de Plutarque de la doctrine du prince. Ensemble les 80. preceptes d'Isocrates du regime & gouvernement du prince. [Le tout impr. à Tours 4°. par Mathieu Chercele 1541.

Le premier liure de l'honneste exercice du prince. rime. [imprim. à Paris 4°. par Michel Vascofan 1544.

Le promptuaire des loix municipales & coustumes des Baillages, Seneschauces & pais du royaume de France, concordees & parangonees aux coustumes du pais & Duché de Touraine. Extraict de ses commentaires sur lesdictes coustumes de Touraine. [impr. à Tours 8°. par Jean Rosset 1553.

Il a traduit,

Le liure de Lactance Firmian de l'ouurage de Dieu, ou de la formation de l'homme. [impr. à Tours 16°. par Jean Rouffet 1544.

Les Aphorismes d'Hippocrates. Avec le commentaire de Galien sur le premier liure d'iceux Aphorismes. [impr. à Lyon 16°. par Thibaud Payen 1557.

En l'Epistre du Manuel Royal.

L'homme est né & plus prompt à mal qu'à bien: & plus luy plaisent les vices que les vertus. Laquelle condition encores retenous nous de noz premiers parens. Les vices passent & entrent par les cinq sens à l'ame comme par fenestres & portes

portes en vne tour. Certes la capitale ville & principale tour de la pensee ne peut auant estre prise & occupee que tout l'exercite & ost des ennemis qui sont les vices ne se soit getté d'assaut dedans les portes. Ainsi est l'ame greuee & opprimee des perturbations d'iceux vices : & est esprinse par le regard, l'ouye, l'odoration, le goust, & l'attouchement. Quand donc par icelles portes assa-voir par les cinq sens de l'homme tels satellites & gendarmes auront entré & occupé ou pris d'assault la haute tour de nostre pensee, où sera sa liberté & force: Pour ces raisons plusieurs Philosophes ont laissé les villes & tels autres plaisirs & delices des yeux & oreilles à fin que par trop grande abondance des voluptez la force & vertu de l'ame ne fust debilitée. Et aucuns se sont creuez les yeux de peur que par la veuë ils ne fussent destournez de la contemplation de Philosophie.

En la preface du promptuaire des loix Municipales:

Vn vray aduocat (que ie compare au parfaict Orateur de Ciceron & Quintilien) doit estre instruit & poly non seulement de la iurisprudence, mais des bonnes lettres & sciences, sans lesquelles ne peuuent estre les Iuriscultes bien entendus: ensemble des histoires, & de la Philosophie, dont est l'entendement plus esclarcy: & le parfaict iugement des choses acquis. Et ce faisant il sera vray aduocat & sa maison, oracle de la cité, (comme dit Ciceron au premier liure des Loix.) Mais si laissant arriere ces choses dessus dictes tant vertueuses & requises à son office noble, il s'applique seulement au gain, & là totalement reduit sa profession, il ne merite plus estre dict & reputé aduocat, ains plustost quelque souillard praticien & chiquaneur.

I E A N B R E T E L, ou Bretiaux, fut grand maistre de ieux partis: c'est à dire de demandes, lesquelles il est loisible de disputer probablement pour & contre. Car encores disons nous communément, le vous fay ce parti. Ces demandes ioyeuses seruoient à faire passer le temps aux compagnies honnestes: & ie trouue que tel esbat a esté longuement pratiqué en France. Car Raoul de Houdanc en fait mention au Romans de Meraugis de Portesguez.

*Vn gieu vous part que volez faire
Se volez miez tancer que taire,
Vez moy tot prest de tencier.*

Ce Bretel a vescu du temps de S. Loys: & se trouuent de luy plus de chansons en jeux partis, que de nul autre.

Par la I. il demande à Greiuillier, S'il aduenoit qu'il fust en lieu secret avec s'amie à son gré, lequel luy conuiendroit mieux, d'aller vers elle & la baiser à son gré vne fois sans plus: ou bien qu'elle vint à luy, les bras tendus pour le baiser, mais auant qu'elle peust le ioindre, il fallust qu'elle s'enfuit de là.

Par la II. il demande à Lambert Ferris: lequel vaut mieux, planté de ioye à son aise, dix fois l'an seulement sans peine & sans ahan: ou en peril à grand' peine trois fois la sepmaine.

Par la III. il demande au mesme Ferris: Vne dame est bien aimée, & aime bien aussi: mais leur amour en est venue là, qu'il faut que l'amant prenne femme

me autre que s'amie: ou s'en voise en Pouille, à la croifade preschee contre Manfroy: & de ces deux partis, s'amie a le choix. Ce seul trait suffit pour cognoistre non seulement le temps qu'a vescu Bretel, mais encores tous ceux à qui il escrit, & fait des demandes. Or Manfroy fut combatu & tué par Charles duc d'Anjou frere de saint Louis, l'an 1264.

Par la 4. il demande à vn Gadifer: S'il auoit mis son cœur à vne iolie damoiselle, & il l'aimast bien: lequel il voudroit mieux, qu'elle fust marice, ou trespassee.

Par la 5. il demande à Cuueliers, S'il aduenoit qu'il aimast vne dame belle & sage, & vn autre l'aimast autant que luy: lequel il voudroit, que tous deux faillissent à son amour sans espoir de recouurer: ou que l'un & l'autre en eust ce qu'il desireroit.

Par la 6. il propose ceste question à Ferris: Ils sont deux loyaux amans, dont l'un iouit de sa dame, & l'autre n'a aucun bien de la sienne. Or les dames se sont si mal portees, que l'une & l'autre s'est abandonnee à autrui. Lequel des deux amans, se doit le plus plaindre: & des dames laquelle a le plus failli.

Par la 7. il demande à Ferris, S'il aimoit vne damoiselle, & fust assure que iamais il ne iouiroit d'elle: auroit il bien volonte qu'un de ses compagnons en iouist: & qu'elle se tint à cestuy-la.

Par la 8. il demande à Greuillier, Laquelle est mieux assuree, pour auoir le cœur ioyeux, celle qui a vn ami hardi en amours: ou celle de laquelle l'ami est loyal, mais douteux & craintif. Lequel vaut mieux.

Par la 9. il demande au mesme: Deux dames ont donne assignation à leurs amis, dont l'un est nouveau en amours & puceau: l'autre sçait assez du siecle (c'est à dire du monde) lequel des deux amans doit auoir plus grand' ioye.

Par la 10. il demande à Audefroy, Si quelcun pouuoit par droite raison conquerir l'amour de s'amie: s'il feroit bien ou mal, sens ou folie.

Par la 11. il demande au mesme: Il aime loyaument, aussi est-il aimé de mesme: toutesfois il ne peut trouuer moyen de baisier, ou faire d'auantaige, s'il ne se veut mesfaire. S'il passera outre.

Par la 12. il demande à Cuelliers: Lequel doit mieux auoir ioye, ou celui qui aime en bon espoir, & tousiours prie d'auoir mercy, mais il est nice & peu celant: ou le sage peu parlant, & qui veut que sa dame croye qu'il l'aime, parce qu'il est bien celant. Il fait iuges Gillot le Petit, & Baudescot li Marchans.

Par la 13. il demande au mesme, Lequel il aimeroit mieux, s'il auoit belle dame & sage, & il eust conquise s'amour de son sens, sans autre pouruoyance, à grand' peine au bout d'un an, ou au bout d'un mois.

Par la 14. il demande à Adam le Bossu: il marchanda tant vne dame, qu'à la fin elle luy octroya qu'elle l'aimeroit: mais il n'y a en elle foy ne loyauté, pource que chacun la gaigne à son tour. Sçauoir s'il a perdu ou gaigné.

Par la 15. il demande au Thresorier de l'Isle & à Cuelliers (qu'il dit estre de mesme mestier, que luy & Lambert Ferris) Lequel a plus de ialousie & druerie en son cœur: ou dame qui son mary voit aimer autre qu'elle: ou homme qui voit sa femme accointer autre que luy. Il fait iuges de ceste demande Robert le Clerc & Pierre Vvion.

Par

Par la 16. il demâde à Greiuillier : Lequel il vouldroit mieux, estre aimé d'une dame sage & seigneuriale: ou de deux sages & seigneuriales.

Par la 17. il demande au mesme : Quand est-ce que l'amât a plus de seigneurie (ie croy contentement) ou quand il se souuient du plaisir qu'il a eu, ou à ce poinct qu'il prend son deduit.

Par la 18. il demande à Gadifer : S'il estoit bien aimé, & aimast bien aussi, lequel il vouldroit mieux, ouïr dire du bien de s'amie, & lequel il n'y trouueroit mie: ou du mal qui n'y seroit pas.

Par la 19. il demande à Greiuillier : Lequel des deux maris a plus de tourment, ou celuy qui pense que sa femme aime, & ne sçait rien qu'elle soit aimée: ou cil qui sçait que sa femme a aimé, mais son ami apres en auoir faict sa volonté l'a foriuree: & est seur que iamais n'y reuiendra.

Par la 20. il demande à Cuueliers: Lequel fait plus à prifer : Celuy qui iamais n'aima par amours, ou cil qui aime par tricherie, & tousiours a aimé sans foy & sans loyauté. Il en fait iuge la damoiselle Orude.

Par la 21. addressée au mesme, il luy demande: Vn autre homme a prié d'amours sa dame, mais elle l'a esconduit, & s'en defend bien: lequel fait elle mieux, de celer ceste priere, ou la descourir à son ami.

Par la 22. il demande au mesme: Pourquoi on refuse en amour ceux qui ont de l'age, & les ieunes garçons sont aimez & conjouis des dames,

Si que li bon, li sage, li celant,

Sont mis arrier, & li nouice auant.

Par la 23. il demande au mesme: Deux dames auoyent vn homme de foy: l'une, apres longue priere luy octroya sa requeste, & l'autre aussi: mais sans ennuy. Laquelle doit-il mieux seruir.

Par la 24. il demande au mesme: Lequel fait plus à blasmer, ou celuy que lon oit vanter qu'il a iouy de sa dame: ou le vanteur qui a failli à auoir ioye.

Par la 25. il demande au mesme: S'il aimoit loyaument, & on l'aimast aussi: lequel il vouldroit mieux que sa dame fust belle suffisamment & tressage: ou belle desmesurément & sage raisonnablement.

Par la 26. il luy demande encores: S'il auoit espousee femme qu'il aimast bien, & elle luy: s'il vouldroit encor auoir amie, de laquelle il fust bien asseuré d'estre semblablement bien aimé.

Par la 27. il demande a Lambert Ferris: S'il aimeroit mieux que s'amie (qu'il a à Abeuille) fust morte ou perie: ou qu'elle eust fait la folie avec vn vaillant homme, & elle s'en repentist.

Par la 28. demande a Greiuillier: Lequel a plus d'auantage, celuy qui iouit de sa dame par grandeur, dont tout le monde s'apperçoit: ou celuy qui n'a que le deuis, sans qu'on s'en apperçoie.

Par la 29. demande a Perrot de Nesle: S'il aimoit vne dame, & elle le priaist qu'il souffrist qu'elle peust aimer vn autre l'espace d'un an, & luy iurast que l'an passé il seroit aimé: s'il le souffriroit.

Par la 30. demande à Greiuillier: Deux dames sont d'un sens, d'une valeur, & beauté: l'une aime, est aimée, & a amy: l'autre n'a point d'amour: Où a plus belle maistrise, ou à conquerre celle qui bien aime, & a ami: ou l'autre qui onc

Kk ne sceut

ne sceut aimer.

Par la 31. demande à Jean Simon : Lequel fit mieux , celui qui dès l'aage de quinze ans aima iusques à cinquante , puis se laissa sain & haitiez: ou celui en ayant quarante & plus sans auoir aimé, aima tant qu'il peut.

Par la 32. demande à Greiuillier : Lequel vaut mieux qu'un ami pour euitier noise & bataille faille à sa ioye, de peur qu'on s'apperçoie de la iouissance de ses amours : ou qu'il iouisse , & que lon s'en apperçoie , tant que sa dame en aye mechef.

Par la 33. il demande à Ferris, Lequel doit auoir volonté de faire plus grand vasselage: ou celui qui sert en espoir d'auoir le souuerain aduantage d'amour: ou celui qui iouit.

Par la 36. demande à Greiuillier: Deux amans prient souuēt vne dame: mais l'un est tousiours esconduit sus l'heure : & à l'autre elle ne l'esconduit ne luy octroye : mais quand ils reuiennent elle fait meilleur visage à celui qu'elle esconduit soudain: lequel doit auoir meilleure esperance.

Par la 37. il demande au mesme : Deux dames font semblant d'aimer deux amans : l'un veut sans delay aller iouster à Gant, & sa dame luy defend. L'autre prie le sien d'y aller : & combien qu'il n'en aye volonté, toutefois il y va: lequel aime le plus cordialement. *Pris de Claude Fauchet.*

I E A N B R E T O G de sainct Sauueur de Dyne a composé Tragedie Françoisse à huit personnages traitant de l'amour d'un seruiteur enuers sa maistresse & de ce qui en aduint. Toutesfois combien que ce soit histoire aduenue il resent plustost vne moralité que nompas vne Tragedie les preceptes d'icelle n'y estans obseruez. [impr. à Lyon 8°. par Noel Grandon 1561.

I E A N B R O H O N docteur en medicine a escrit La Description d'une merueilleuse & prodigieuse Comete & apparition esfroyable d'hommes armez & combatans en l'air sur l'Horison de Constantin en Normandie & autres lieux circonuoisins. Plus vn traité presagique des Cometes & autres impressions de la nature du feu. [impr. à Paris 8°. par Mathieu le Ienne 1568.

I E A N D E B R I E dict le bon Berger a escrit: Le vray regime & gouuernement des Bergers durant les douze mois de l'an: & contient 39. chap. [impr. à Paris 16°. par Denys Ianot sans datte.

I E A N B V L L A N T Architecte du Sieur duc de Montmorency a escrit

Recueil d'Horlogiographie contenant en 29. chap. la description, fabrication & vsaige des Horologes solaires. [impr. à Paris 4°. par Vincent Sertenas 1561.

Traicté de Geometrie & d'Horlogiographie pratique. [impr. à Paris 4°. par Guillaume Cauellat 1564.

Reigle generale d'Architecture de cinq manieres de colonnes assauoir Tuscanne, Dorique, Ionique, Corinthe & composite: & enrichie de plusieurs autres à l'exemple de l'antique: veu, recourgé & augmenté par l'auteur de cinq autres ordres de colonnes suiuant les reigles & doctrines de Vitruue. [impr. à Paris f°. par

f°. par Hierosme de Marnef 1568.

I E A N B R V N E A V aduocat au baillage de Gyen sur Loyre a
escrit

Epistre contenant les raisons & moyens de sa réunion en l'Eglise catholique &
Romaine. [impr. à Paris 8°. par Leon Cauellat 1578.

Discours Chrestien de l'antiquité des constitutions, ordonnances & vrayes
marques de l'Eglise catholique, Apostolique & Romaine, contraire aux sectes
& pretendues eglises de ce tēps. Ou il est monstré par viues raisons tirees des li-
ures tant de l'antiquité que des pretendus reformez, qu'ils ne se deuoient sepa-
rer de ceste eglise sous pretexte des vices & abus dont ils la chargent: & du
conseil qui leur est donné d'y retourner pour leur salut & bien. [impr. à Paris
8°. par Leon Cauellat 1581.

I E A N C A B O S S E a escrit,

Traicté & Dialogue d'entre le precepteur & le disciple, du treshault & trefex-
cellent mystere de l'incarnation du verbe diuin. [impr. à Paris 16°. par Charles
l'Angelier, sans datte.

I E A N C A I L L E A V soy disant entre les minoritez de profession
le mineur a traduit en françois

Deux Epistres des celebres Docteurs S. Hierome & S. Basile. La premiere escrete
à Paulin prestre, l'induissant à l'estude des lettres, principalement des sacrees: &
l'autre adressee par S. Basile à ses nepueux, De la maniere comment ils pour-
roient faire leur profit des lettres des gentils. Et d'aucune conformité d'icelles
sciences des payens aux sacrees & diuines. [impr. à Lyon 16°. par Jean de Tour-
nes 1543.

I E A N C A L V I N natif de Noyon, premierement chanoine en l'e-
glise cathedrale dudit lieu, puis Ministre à Geneue & chef principal de la
secte des Sacramentaires a escrit en françois.

Commentaires & Leçons Sur Genese. Sur les quatre autres liures de Moÿse en
forme d'harmonie. Sur le liure de Iosué. Sur tous les Pseaumes. Sur Isaye. Sur
Daniel. Sur les douze petits Prophetes. Sur les trois Euangelistes en forme d'har-
monie. Sur S. Iean. Sur les Actes des Apostres. Sur toutes les Epistres de S. Paul.
Sur l'Epistre aux Hebreux. Sur les Epistres Canoniques de S. Pierre, S. Iean,
Saint Iaques & Saint Iude.

Sermons sur Iob. Sur les Commandemens. Sur les Oïsonaires du Pseaume 119.
Sur le Cantique d'Ezechias, du 38. d'Isaye. Sur le commencement de l'harmonie
des trois Euangelistes. Sur les 10. & 11. chap. de la premiere aux Corinthiens. Sur
l'Epistre aux Galates. Sur l'Epistre aux Ephesiens. Sur les Epistres à Timothee &
à Tite. Item plusieurs Sermons de la Natiuité, Passion, Mort, Resurrection &
Ascension de nostre Seigneur Iesus-Christ. Quatre Sermons traictans des ma-
tieres fort vtiles pour nostre temps. Vne congregation faite en l'Eglise de Ge-
neue de la Prouidence & election eternelle de Dieu.

Institution Chrestienne.

Traicté contre l'erreur de ceux qui pensent que les ames dorment apres le
trespas du corps, iusques au dernier iugement.

Deux Epistres, l'une de fuir les Idolatries, l'autre du deuoir de l'homme chrestien.

Kk 2

Respon

Responſe à la lettre, que le Cardinal Sadolet eſcriuit aux ſeigneurs & peuple de Geneue.

Traicté de la Cene du Seigneur.

Catechiſme pour inſtruire les enfans. La forme d'adminiſtrer les ſacremens, avec les prieres publiques, & la maniere de celebrer le mariage.

Deſenſe de la pure doctrine touchant le franc arbitre, contre les calomnies d'Albert Pighius.

Annotations ſur l'aduertiſſement paternel faiçt par le Pape Paul 3. à l'Empereur Charles cinquieme.

Antidote aux articles de la faculté Sorbonique de Paris.

Traicté de la neceſſité de reformer l'Egliſe, ou ſupplication à l'Empereur.

Contre les Anabaptiſtes & libertins: avec vne epiſtre aux fideles de Rouen contre vn cordelier Libertin.

Advertiſſement ſur le faiçt des corps & reliques des Saints, & le profit qui en reuiendrait ſi on en faiſoit inuentaire.

Traicté de fuir les ſuperſtitions: avecq vne excuse aux faux Nicodemites, enſemble la reſponſe des miniſtres de Zurich.

Antidote aux actes du Concile de Trente.

Le vray moyen de pacifier les troubles, & de reformer l'Egliſe contre l'Interim.

Advertiſſement contre l'Aſtologie Iudiciaire, & telles curioſitez, qui ont aujourdhuy la vogue quaſi par tout le monde.

Accord touchant les Sacremens.

Traicté des Scandales.

De la Prouidence éternelle de Dieu.

Contre les erreurs detestables de Michel Seruet Eſpagnol.

Congratulation à venerable preſtre, meſſire Gabriel de Saconay, precenteur de l'Egliſe de Lyon.

Reſponſe à vn certain Hollandois, faite aux fideles du païs bas.

Reformation pour impoſer ſilence à vn certain belistre nommé Anthoine Cathalan.

Confession de foy au nom des Eglises reformees du Royaume de France, faite durant la guerre, pour preſenter à l'Empereur.

Congregation faite en l'Egliſe de Geneue par Iean Caluin en laquelle la matiere de l'election éternelle de Dieu a eſté par luy deduiçte & ratifiée d'un commun accord par ſes freres miniſtres.

Deux Sermons prononcez à la preſentation & Inſtitution de trois miniſtres à Geneue.

Toutes les ſuſdites ceuures imprimees en pluſieurs liures de diuerſes formes à Geneue, condampnees & censurees de l'Egliſe catholique Apoſtolique Romaine.

I E A N C A M P E N S I S.

Paraphraſe ſur les Pſalmes de Dauid & Eccleſiaſte de Salomon faite en latin par Iean Campenſis & traduite en François. [impr. à Lyon 8°. par Eſtienne Dole (qu'on en croit eſtre le traducteur) 1542.

I E A N

JEAN CANAPPE Docteur en medecine, lecteur public des chirurgiens à Lyon a traduit & illustré de commentaires,

Le prologue & chapitre singulier de Guidon de Cauliac. [impr. à Lyon 16°. par Estienne Dolet 1542. & depuis par Jean de Tournes 1552.

Deux liures de Galien, des Simples, assauoir le cinquiesme & le neufiesme. [impr. à Lyon par Estienne Dolet.

L'anatomie des os du corps humain traduite de Galie par ledict Canappe. [impr. à Lyon 1548.

L'anatomie du corps humain reduicte en tables, traduite du latin de Loys Vassée. [impr. à Lyon 16°. par Jean de Tournes 1552. & à Paris 8°. par Michel Fezandat 1555.

Du Mouuement des muscles, liures deux, autheur Galien. [impr. à Lyon 8°. par Estienne Dolet, & depuis par Jean de Tournes 1552.

Deux liures des presaignes d'Hippocrates. Avec la protestation ou iurement d'iceluy. [impr. à Lyon par Jean de Tournes 1552.

Le Guidon pour les Barbiets & Chirurgiens traduit du latin de Guidon de Cauliac en son temps regent en l'vniuersité de Montpellier. [impr. à Paris 16. par Jean Ruelle 1571.

JEAN MARIA DE CANEPARI.

Methode & Regle que lon doit tenir pour se sçauoir bien confesser particulièrement pour ceux qui en sont ignorés. Avec quelques deuotes oraisons composees par le R. Pere Jean Maria de Canepari de l'ordre des freres mineurs, penitencier en l'eglise de Milan. [impr. à Lyon 16°. par Benoist Rigaud 1580.

JEAN DE CARDONNE aduocat au parlement de Tholose a escrit en rime, Remonstrance aux catholiques de prendre les armes en l'armee de la Croisade instituee en la ville de Tholose contre les Caluinistes, Huguenots, traistres & rebelles. [impr. à Tholose par laq. Colomiers 1568.

Las Nanás naueras de Ioan de Cardonna Tolosenc dictadas à la maison commune. [impr. à Tolousa per G. Boudeuille 1558.

Ioannis Cardoniani Tolosani in immaturum Henrici huiusce sacratiss. nominis secundi augustiss. principis nostri obitum Naniū. Tolosa ex officina Jacobi Colomerij 1559.

JEAN CARION.

La Chronique de Jean Carion philosophe contenant les choses plus memorables depuis la creation du monde iusques au regne du roy Henry 11. traduite de latin par Jean le Blond & imprimee par plusieurs fois à Paris & à Lyon 16°. Simon Goulart l'a aussi traduite avecq l'addition de Melanthon & de Gaspar Peucer, & luy a donné le titre suyuant:

Chronique & Histoire vniuerselle, contenant les choses memorables auenues es quatre souuerains Empires, Royaumes, Republicues, & au gouuernement de l'Eglise, depuis le commencement du monde iusques à l'Empereur Charles cinquiesme, Dressée premierement par Jean Carion, puis augmentee, amplement exposee & enrichie de diuerses histoires tant Ecclesiastiques que Politiques anciennes & modernes par Philippe Melanthon & Gaspar Peucer, & reduite en cinq liures traduits de latin en françois. Plus deux liures adioustez

K k 3 de nou

de nouveau aux cinq autres, comprenans les choses notables aduenues ſous l'Empire de Charles cinquieme, Ferdinand premier & Maximilian ſecond. Le tout en deux Tomes. [impr. 8°. par Iean Berion 1579.

I E A N D E C A R T H E N I de l'ordre des Carmes a eſcrit, Le voyage du cheualier errant qui diuiſe en trois parties ſa narration. En la premiere il recite la vie qu'il a mené en ſuyuant folie & volupré. En la ſeconde cōme conduit par grace diuine il vint au chasteau de Penitence, & de là au palais de vertu. En la troiſieſme il ſpecifie & declare les biens & ſoulas qu'il a trouué au palais de vertu, enſemble les beaux ſermons que luy ſeit le bon hermite Entendement. [impr. en Anuers 8°. par Iean Bellere 1557.

Des quatre nouiſſimes ou ſins dernieres de l'homme, aſſauoir De la Mort. Du Iugement dernier. Des peines d'enfer. Des ioies de Paradis. [impri. en Anuers 16°. par Iean Bellere 1573.

I E A N D E S C A V R R E S natif de Moroent, principal du college & chanoine de ſainct Nicolas d'Amiens a eſcrit, Les premiers elemens de la pieté chreſtienne. Avec autres 5. petits traictez. Le 1. la reſolution des controuerſes pour la foy & religion. Le 2. petit œuure de la croix & mort de noſtre Sauueur. Le 3. Sentences notables extraictes de celles de Nil Eueſque & martyr, & traduites de latin en rime françoiſe. Le 4. Opuscu le du maintien, geſtes & contenance que l'enfant doit garder, principalement prenant les viandes. Le 5. Exortation à la fille chreſtienne &c. [impr. à Paris 8°. par Guillaume Chaudiere 1573.

Traicté ſpirituel contenant vne briefue inſtitution pour guider & conduire la ieuneſſe à la voye de perfection chreſtienne. Auſſi vn petit traicté en vers, de la conſeruation de ſanté. [impr. à Paris par Guillaume Chaudiere 1575.

Ouures morales & diuerſifiées en hiſtoires qu'il a tiré & recueilly de mor à mot de pluſieurs autheurs & traduſteurs François. Aſſauoir de l'Antologie de Pierre Breſlay Angeuin, du Commentaire de Iean de Coras ſur l'Arreſt de Martin Guerre, De la traduction des liures de l'impoſture des Diabſes par Iaſq. Greuin, & de pluſieurs autres. Ledit Recueil diuiſé en ſix liures. [impri. à Paris 8°. par Guillaume Chaudiere 1575.

La vraye forme & maniere de viure des Chreſtiens en tous eſtats. Enſemble la remonſtrance que ſeit Iacob à ſes enfans vn peu au parauant qu'il rendiſt l'eſprit, accompagnée de celle de ſes douze enfans Patriarches, & de Tobie à ſon ſils. [impr. à Paris 8°. par Guillaume Chaudiere 1577.

Les Dialogues ou colloques de Mathurin Cordier traduiz de latin pour l'exercice des deux langues illuſtrez en pluſieurs lieux de Scholies Chreſtiennes. [impr. à Paris 16°. par Michel de Roigny 1578.

I E A N C A S T R O.

Liure de Chanſons compoſé à trois parties par maiſtre Iean Caſtro Muſicien demeurant à Lyon. [impr. à Paris par Adrian le Roy 1580.

I E A N C H A B A N E L Tholoſain a traduit de l'Eſpagnol de R. P. Frere Loys de Grenade

Le Miroir de la vie humaine, Dans lequel eſt contenu, Vn Exercice mental reduit en ſept conſiderations pour les ſept iours de la ſemaine. Vn Traicté du treſſainct

treſſainct Sacrement de l'Autel. Vne expoſition du Pſalme *Miferere mei Deus*.
Et vn bref Confeſſionnaire du R. P. frere François d'Euia. [impr. à Paris 16°. par
Robert le Fizellier 1584.

I E A N C H A L V E T Sieur de la Bruyere Elſeu pour le Roy au
païs de Foreſt a fait quelques rimes Françoises aſſauoir,
Reſiouiffance ſur l'heureuſe iournée en laquelle Madame Suſanne de Bour-
bon femme de Charles de Montpensier Conneſtable de France s'eſt ſentie en-
ceinte. Epitaphe de Iean Beldon Secretaire du Roy, Greſier de la court de Par-
lement de Paris ſon frere Vterin. Elegie ſur le trespas de Florimond Robertet.
A Claude & François Robertets couſins dudit Chaluet. Tombeau de Madame
Anne de Bouloigne Dame de Rochebaron, &c.

*Ioannis Calueti Regij Forenſis Eleſti Epigrammatum libri duo. Extant manuſcripti in
Bibliotheca domus de la Bruyere.*

I E A N C H A M P A I G N E docteur en Theologie de l'ordre des
freres preſcheurs a eſcrit,

Diſcours du ſacre & couronnement du treſchreſtien roy de France en forme
d'Epitre. Auec l'expoſition des ceremonies dudit ſacre & de celles du ſacre du
premier roy Saul. [impr. à Lyon 8°. ſur la coppie de Paris par Benoist Rigaud
1575.

I E A N C H A R D A V O I N E de Beaufort en Anjou a fait vn
Recueil de Chanſons en mode de Vaudeuille tirees de diuers auteurs, auf-
quelles il a adapté la muſique de leur chant commun. [impr. à Paris en 16. par
Claude Micard 1575.

I E A N C H A P E L A I N, a fait vn fabliau du Secretain de Cluni,
fort plaifant & bien meſlé d'aduëntures diuerſes: lequel commence,

Vſages eſt en Normandie,

Que qui herbergiez eſt, qu'il die

Fable ou chanſon die à l'hoſte.

Ceſte couſtume pas n'en oſte,

Sire Iehan li Chapelain

Vourra conter du Soucretain.

Et le reſte en ryme que Claude Fauchet a mis en proſe le plus pres du ſens de
l'auteur, retenant beaucoup de ſes propres mots pour d'auantage deſcouvrir
le temps: combien que vous trouuerez vn pareil compte & de meſme ſubſtan-
ce ez nouuelles de & encores aux Comptes du monde aduëntureux
qui a eſté (il le faut ainſi dire) tiré du Fabliau fait en rime de ce poëte Sire
Iehan Chapellain.

Iadis il y eut à Cluny vne bien ſage & belle dame mariee à vn bourgeois de
la ville, nommé Hue. Laquelle ayant couſtume d'ouir tous les iours le ſeruiſſe,
que les moynes y ſouloyent faire en belles ceremonies: il aduint que ce-
luy qui auoit charge de l'Egliſe, qu'on appelle Secretain, en deuint ſi fort
amoureux, que la voyant vn matin pres vn pilier, il ſ'enhardiſt de l'appro-
cher, & prenant ſa main luy dire: Madame Dieu vous gard: & me doit voſtre

Kk 4 amour.

amour. Il y a ia long temps que ie vous aime : voire dès que i'estoy petit elef-
geon, & que vous demouriez chez vostre pere. Ce mal qui me tenoit comme
enfant, ne m'a laissé à ceste heure que ie suis homme, pour le vous monstre plus
certainement. Ie vous prie donc m'octroyer vostre amour : vous aduisant
que i'ay le maniment du thresor de ceans, lequel est tout à vostre comman-
dement pour vous faire riche, & si iolie de robes & ioyaux, qu'il n'y a fem-
me à Cluni, qui le soit dauantage. La dame nouuelle marice, & qui ne l'auoit
pas agreable, luy répondit : Sire Secretain, vous vous trauallez pourneant : ia-
mais ie ne feroys ceste faute à mon mary. Et si vous en mettez d'auantage en pei-
ne : i'en aduertiray vostre Abbé. Le moine tout confus, ne luy sceut dire autre
chose, sinon, Madame à ce que ie voy, il me conuiét mourir par vostre rigueur.
Là dessus il s'en va bien marry, sans plus luy en faire instance. Vn assez long
temps apres, ce Hue ayant par son mauuals gouuernement, vendu vigne, ter-
re s, & meubles ; deuint si pauvre qu'il fut contraint dire à sa femme l'extreme
necessité en laquelle ils estoient : & luy remontrer qu'ils ne pouuoient demou-
rer au païs, n'ayans plus que la maison où ils habitoient : & laquelle encores ils
ne pouuoient vendre, ne scachant lieu auquel ils peussent mieux celer leur
pauvreté. Mais sa femme plus asseuree, le reconfortant luy répondit, qu'elle
auoit de parens en France, deuers lesquels ils pourroient se retirer : toutefois à
fin que pas vn des voisins ne s'apperceust de leur partement, quand ils orroient
sonner matines il falloir aller en l'eglise, prier Dieu les vouloir conduire. Le di-
manche venu, ils se leuent de bonne heure, & oyans matines sonner, ils s'ache-
minent à l'eglise : là où comme l'un serré contre vn pilier, & l'autre en quelque
coing, estoient fort tristes, & ententifs à leurs prieres : d'auanture le Secretain
pour le deuoir de son estat, allant par l'eglise vne bougie au poing, trouuant s'a-
mie à vne heure non accoustumee, l'occasion propre de parler à elle ayant sou-
dain esueillé son amour, seulement endormi, il s'approcha & luy dit, Mal de
hait aye celuy qui ne se soutie de vostre ennuy, & Dieu vous enuoye ioye : la-
quelle aussi vous pourriez auoir si vouliez croire mon conseil, ayant moyen
de vous faire la plus heureuse de la ville. La dame luy répondit, Sire ie m'es-
merueille de vos propos : il y a dix ans passez que me requistes d'amour, & onc-
ques puis ne m'en parlastes, que la premiere année que ie fu mariee. Il est vray,
ce dit le Moine : mais encores si me vouliez octroyer vostre amour, & seule-
ment vn baiser pour le present, ie vous donneroy cent sols que i'ay sus moy : &
auant qu'il soit midi, plus or & argent que n'a pas vn homme de ceste ville. Il
sembla à la dame, q sa necessité l'admonnestoit de ne laisser passer l'occasio qui
se presentoit. De sorte, q pressée d'auantage du Secretain, elle le pria luy donner
temps d'y penser : promettant se trouuer à l'heure de prime au lieu mesme, pour
aduiser à leur affaire. Lors le Secretain tirant de sa bourse cent sols, les luy dona
en la baisant : & la dame leuee de sa place, vint trouuer Hue : auquel monstrant
l'argent, elle luy racõte la priere du moine, & comme il la deuoit venir trouuer
chargé d'or & d'argent : que s'il auoit le courage si bon, de luy garder son hon-
neur, & retenir ce qu'il apporteroit, elle continueroit l'assignation. Hue pre-
nant conseil sus le champ, dit qu'il estoit contant, & l'assura que le moine ne
sortiroit de ses mains quitte. Là dessus ils s'en vont ioyeux en leur maison, at-
tendre

tendre l'heure de prime : laquelle sonnee, Hue donne congé à sa femme d'aller à l'Eglise arrester le iour. Le Secretain qui estoit au cœur, la voyant venir courut au deuant luy dire, qu'elle estoit femme de promesse. A quoy elle répondit, que de sa part il se tint prest pour la nuit du mardy prochain, que Hue seroit allé à la foire, & ne faillist d'apporter ce qu'il auoit promis. Dame (dit-il) par celle Messe que j'ay chantée, vous l'aurez & plus. Le marché conclu, ils se departirent d'ensemble : & la dame vint aduertir Hue de leur conclusion. Lequel dès le lundy faisant semblant d'aller à vn lointain marché, retourne secrettement se cacher en vne chambre de sa maison. D'autre costé le Secretain qui ne craignoit ne Dieu, ne les hommes, va au thresor, ou il prend les calices d'or & d'argent, qu'il met en vn sac, lequel ne luy semblant pas assez plein, il rompt encores vn Crucefix, emplissant le sac iusques au goulet. Puis la nuit venue, il sort tout ioyeux par vne poterne, & s'en vint à la maison de s'amie heurter à l'huis de derriere, où elle l'attendoit. Il n'eut pas si tost frappé que la porte estant ouuerte, il se fourre dedans, & iettant le sac à ses pieds il monstre à sa dame la richesse qui estoit dedans. Mais comme il eut aussi mis le bras à son col pour la baiser, Hue qui n'estoit pas loin de là, luy descharge sur les oreilles vn coup de masse, assené si dextrement & en tel endroit, qu'il cheut mort sans crier. Ce fait, il dit à sa femme toute esperdue, M'amie il ne reste plus que nous desfaire de ce diable : mais elle tremblant luy commença à dire, Helas q̄ ferons-nous, quand au lieu de nous mettre hors de pauvreté, vous nous auez cōduits à la mort ! car ie sçay bien que sergens viendront incōtinent nous prendre pour nous mener en prison. Taisez-vous (dit Hue) laissez moy faire, ferrez seulement cest argent, & puis vous allez coucher. Lors Hue qui estoit grand & fort, charge le moine sus son col : & sçachant le chemin qu'il estoit venu, porta son corps sus vn anneau des latrines communes de l'abbaye, où il l'assit, luy mettant en la main vn torchon tel qu'il faut en ce lieu. Puis retourne en sa maison dire à sa femme, comme il s'estoit depesché du moine. Ce pendant le temps de sonner matines approchant, le compagnon du Secretain s'esueille, & luy semblant que l'heure se passoit, appelle le Secretain : lequel ne trouuant point en son liēt, tout courroucé il s'en va aux latrines : là où voyant le corps du Secretain, & pensant qu'il fust endormi, il luy dit, Dan Secretain, vous beuvez tant tous les soirs, qu'il ne vous souuient de ceux qui attendent après vous. Et pource qu'il ne luy respondoit, il le tira par le chaperon si rudement, qu'il le fit cheoir la face contre terre. Mais voyant qu'il ne remuoit point, & craignant l'auoir tué, il cōmença soy plaindre de sa male aduerture. En fin reprenant ses esprits, & se souuenant des amours du defunct, il charge le corps à son col, & sortant par la poterne, il le vint appuyer contre l'huis de derriere de la maison de Hue : disant q̄ facilement on croiroit qu'il l'eust tué par ialousie. Quelque peu apres, la femme de Hue pressée de descharger son ventre, & voulant sortir dehors, comme elle eut ouuert l'huis, le corps du Secretain luy chet sus le front & l'abat contre terre. Dequoy toute estonnee, elle s'escrie : Helas, Hue, le Secretain est retourné ! les deux marcs d'or que nous auons ferrez, pour le mettre en ce poinct, n'empescheront que demain ne soyons ou pendus, ou bruslez ! Taisez-vous, fait Hue (qui s'estoit incōtinent ietté hors du liēt) que les voisins ne vous

vous entendent: c'est la raison que ie porte le mal, puis que ie l'ay fait, & telle que ie l'ay brassée, ie la boie. Puis s'estant vestu, il dit à sa femme, Fermez vostre porte, & vous allez coucher. Lors il recharge le corps du moyne sus son col, & s'en va le long de la rue: par laquelle il n'eut pas longuement cheminé, qu'il entendit du bruit de gens, dont il eut si grande crainte (considerant le danger auquel il estoit, qui l'eust trouué avec ce corps mort) que rencontrant vne rue si assez profonde, il s'escarte dedans, tout tremblant de frayeur. Ce pendant, des larrons qui auoient desrobé chez vn boulanger nommé Thomas, deux fleches de lard (lors appelez bacons; dont vient le mot de Baconier pour faller) passans le long du lieu où il s'estoit caché, il quit que l'un dit: Je ne suis pas d'aduis que nous portions chez le tauernier nostre prise, iusques à ce que nous oyons son cri (car en ce temps les tauerniers faisoient crier deuant leurs huis, Cy a bon vin, de tel & tel lieu) mais nous le cacherons dans ce fumier avec le sac: l'autre trouuant son aduis bon, ils couurent les bacons de fens, puis s'en vont le chemin de la tauerne. Hue qui auoit tout entendu, les sentant esloigner, pensa que Dieu luy eust enuoyé vne bonne occasion de se deliurer de son moyne. Parquoy tout ioyeux, il vient au fumier descourir le sac, duquel tirant le lard, il y fourre son moyne dedans: accoustrant le fumier comme il l'auoit trouué. Ce fait il s'achemine vers sa maison: où d'ennuy & de crainte, sa femme ne s'estoit peu tenir. Laquelle voyant Hue reuenir chargé, disoit en soy mesme: Helas nous sommes morts, ie croy que cest homme est enragé de rapporter ce moyne: mon Dieu que ferons nous! Quand voyci Hue, qui en riant luy dit, M'amie nostre bien va en croissant, j'ay changé le moyne à tant de lard, que nous ne le scaurions manger d'icy à la saint Denys: ferrons-le, & puis allons dormir. L'angoisse de la dame changée en ioye soudaine, ils s'en retournent en leur liét plus contens que deuant. Durant cela les larrons venus à la tauerne, s'estans fait tirer à boire dirent à l'hoste, que s'il vouloit achepter du lard, il pourroit assez gagner avec eux. Le tauernier respond, qu'il n'auoit pas accoustumé d'achepter chat en poche: qu'ils l'allassent querre, & puis ils asseureroient leur marché. Les larrons dirent que c'estoit raison: & retournans au fumier, ils prennent le sac & l'emportent à la tauerne. Mais comme ils l'eussent deslié, l'hoste n'eut pas si tost apperceu la teste du moyne, qu'il le cogneut: & criant apres eux, qu'ils l'auoient tué, & falloir aller querir ses parens: ils le prient se taire, disans qu'ils scauoient bien où ils l'auoient pris, & ne falloir que le rapporter au lieu mesme, sans en faire plus grand bruit. Allez, dit l'hoste, à tous les diables, avec vostre moyne. Ainsi donc les larrons bien estonnez, reprennent leur sac se plaignans de leur fortune: & disans l'un à l'autre, Compaignon te sembloit-il aduis, que ce fust lard ou moyne que nous prisimes? Par Dieu il n'y a homme qui voyant la gresse, n'eust jugé que ce fust vn pourceau. Comment donc s'est il changé? En disant cela, & s'esmerueillans d'une si estrange mutation, ils arriuent chez le boulanger: là où remontans au pignon, par lequel ils estoient entrez, ils rependent le moyne au lieu du lard. D'autre part, Thomas approchant le iour appelle Robin son garçon, & crie qu'il se leue pour porter son bled au moulin: luy reprochant que c'estoit grand honte de dormir si tard. Robin esueillé en sursaut, dit qu'il n'ira ja dehors, qu'il n'aye à desjeuner. Pren (dit la femme du boulanger) du pain plus que

que tu n'as encores fait. Par Dieu (dit-il) ie n'iray ia, si ie n'ay vne charbonnee du pourceau. Et comment en prendras-tu à ceste heure? respond la femme: ie t'en donneroie volontiers, si on la pouuoit leuer sans gaster & empirer la vente. Laissez-moy faire (dit Robin) i'en prendray si bien qu'il ne perra que couteau y aye touché. La dame voyant qu'il ne se pouuoit appaiser, luy donne congé de prendre ce qu'il vouldra: & Robin va querir vne eschelle, qu'il appuye contre le sac: puis montant amont avec son couteau au poing, en voulant prendre de l'autre main le sac mal accroché, Robin, le sac & l'eschelle tomberent tous ensemble, avec si grand bruit que le boulanger & sa femme pensans qu'il se fust bleissé, crierent, Robin qu'est-ce là? t'es tu fait mal? Non maistre, respondit-il: car ie suis tombé sus le lard: malencontre ait celuy qui l'attacha. Ce pèdant la boulangere ayant allumé de la chandelle, & son mary s'estant aussi leué, voyent la teste du moyne passant hors le sac: pour autant que la corde qui le tenoit lié, s'estoit rompue en tombant. De quoy tous estonnez, & la femme pleurant de crainte: Thomas plus asseuré, dit qu'il falloit trouuer moyen de l'oster de là: & commande à Robin aller querir son poulain farouche. Auquel ayant mis le frein & vne selle sus le dos, il lie le moyne dessus si bien qu'il ne pouuoit cheoir. Puis luy ayant aussi attaché vne lance sous l'aisselle, & mis des esperons aux talons, il conduit le poulain en la rue. Lequel se sentât piquer aux flancs, prend le galop: & trouuant la grand' porte de l'abbaye ouuerte, se ietta dedans. D'auenture il y auoit quelques moynes en la cour: lesquels voyans ce cheual chargé du corps du Secretain, équipé comme le boulanger auoit voulu, pensans que ce fust quelque malin esprit qui le tint, s'enfuirent fermans leurs portes en grand' haste. Et le poulain courant tousiours, vint rompre contre vn mur la lance attachee sous l'aisselle du moine. Or l'abbé desirant faire vn puis au milieu de la cour, auoit fait fouiller vn trou si profond, que desesperant d'y trouuer de l'eau, il estoit resolu de faire cesser l'ouurage: duquel le poulain en gambadant approcha si pres, que la terre luy faillant sous les pieds, il trespucha dedans avec sa charge, en la presence d'aucuns moynes. Lesquels en grande ioye, firent sonner les cloches, pour remercier Dieu, de ce qu'il les auoit deliurez de l'ennemy. Et commanderent par le bourg que chacun vint aider à remplir le trou du puy: oublians la perte de leur frere & de leurs biens pour la grande frâyeur qu'ils auoient eüe, pensans que ce fust lame du Secretain.

I E A N C H A P E R O N dict le Lassé de Repos a reduit de langue Italique en François,

Le Courtisan du comte Balthasar de Castiglione auquel œuure ordonné en quatre liures est conceüe l'Idée du parfait courtisan & les conditions d'iceluy viuement representees. [impr. à Paris 8 . par Vincent Sertenas 1537. Gabr. Chappuis l'a traduit aussi de nouveau en meilleur langage.

I E A N C H A R R I E R natif d'Apt en Prouence, Secretaire de Monsieur Bertrand conseiller du Roy François premier en son priué conseil a traduit,

Les cinq liures des Magistrats & Republique de Venise escripts en latin par Gaspar Contarin Gentil'homme Venitien, & depuis Cardinal. [impr. à Paris 8°. par Galiot du Pré 1544.

L'art

L'art de la guerre composé en Italien par Nicolas Macchiauelle citoyen & secretaire de Florence. Aussi l'estat & charge d'un lieutenant general d'armee par Onofander ancien philosophe Platonique, traduit en François par Jean Charrier, lequel a diuisé les liures de Macchiauel de l'art de la guerre par chapitres contre l'ordre des dialogues dudit autheur, amenât la raison qui l'a meü d'ainfi faire, & disant que toute chose longue qui n'a point de pause despuis son commencement iusques à la fin engendre communement vn ennuy & desdain à ceux mesmes qui n'ont pas accoustumé le labeur de la lecture lōgue & qui ayment les choses briefues Et aussi que toute diuision ayde fort à la memoire, & faiçt mieux entendre la matiere. [impri. à Paris f°, par Jean Barbé 1546. Au bout de la premiere page dudit liure sont les deux vers suyans:

Soldats, armes, cheuaux, hardiesse & vaillance

Ne seruent que bien peu sans conseil & prudence.

Despuis lediçt Charrier estant fait aduocat general du Roy en la court de parlement de Prouence, a escrit,

Memorable action iudiciaire par luy faicte en iugement en ladiçte court contre vn Testament solemnel faicte en faueur des religieux de l'obseruance reguliere de saint François du lieu de Pignans an Prouence. [impri. à Aix 8°. par Thomas Maillou, & à Paris par Nicollas Chesneau.

IEAN CHAVMEAV Seigneur de Lassay, aduocat au siege prefidial de Bourges a escrit,

Histoire de Berry contenant, l'origine, antiquité, gestes, prouesses, priuileges, & libertéz des Berruyers. Auec particuliere descriptiō dudit païs. Diuisee en 6. liures & imprimee à Lyon f°. par Anthoine Gryphius 1566.

IEAN DV CHASTELET a mis les dicts mōraux de Caton en vers assez bons. Il dit au commencement,

Seignor vous qui mettez vos cures

En fables & en aduentures, &c.

Ce dist Jean du Chastelet

Qui nous commence ce Romans

De Caton & de ses commens.

IEAN CHERADAME a traduit de latin en François vn liure de Hulrich de Hulten cheualier, de l'experience & approbation de la medicine du bois dict Guaiac pour chasser la maladie de Naples, induement appelee Françoisse. [impr. à Lyon 4°. par Claude Nourry dit le Prince. sans datte.

IEAN DE CHEVIGNI Beaunois a escrit,

Hymne de l'Astree A Monsieur l'Archer conseiller en la cour de Parlement à Paris & surintendant sur la iustice à Lyon. [impr. par Benoist Rigaud 1570.

Le Pylote de la nef Lyonnoise. A Monsieur de Mandelot Seigneur de Passi, cheualier de l'ordre du Roy, capitaine de 50. hommes d'armes, gouverneur es païs du Lyonnois & Beaujolois. [impr. à Lyon 4°. par B. Rigaud 1570.

Congratulation audiçt seigneur de Mandelot. [impr. par lediçt Rig. 1551.

L'Androgin né à Paris le xxi. Iuillet 1570. traduit du latin de Jean Daurar.

Aucq

Aueq quelques autres traductions tant du Grec que du Latin sur le mesme ſu-
iect. [impr. à Lyon 8°. par Michel Ioue 1570.

La Citadelle Lyonnoise. Au Seigneur de Chambery Seigneur de la Vigne &
de Montaudet, Gouverneur pour le Roy en la Citadelle de Lyon. Qui n'a esté
imprimee, & se commence ainsi:

*C'est un plaisant trauail quand les bœufz accouplez,
Qui poitrissent les champs pour y semer les blez,
Treuuent la terre forte, & grasse & limonneuse:
Touſiours la terre grasse est fertile & heureuse.
Et ne veulent iamais porter le ioug peineux
Dans un champ infertile, leger & sablonneux.
Icy moindre est le ſoing: mais là, où est la peine,
Le laboureur s'attend au doux fruit qui ell' ameine.
Ainsi est l'escriuain qui se sent bien-heureux,
Quand il traite un ſubiect fertile & genereux,
Où le labour est grand, & l'art duquel il uſe:
Mais le labour n'est rien au regard de la Muſe,
Muſe, qui plus trauaille, & plus a de plaisir
Quand elle plaît aux grands qui la ſçauent choiſir.
Alors ce bon eſprit grimpe deſus Parnasse
Porté de ſa fureur, & moisſonne la place
Pleine de belles fleurs errant de tout coſté,
Ainsi que fait l'Auette au milieu de l'eſté,
Qui pille çà & là tantost le beau Narcisse,
L'Hyacinthe, le Thim, & tantost la Meliſſe,
Et de toutes ces fleurs en fait un doux fardeau,
Quelle porte ſoigneuſe en ſon petit fourneau. Ec.*

Hymne de Trefilluſtre Prince Iaques de Sauoye, Duc de Geneuois & de Ne-
mours, Marquis de ſainct Sorlin, Conte de Fouſſigny. [non imprimé, qui préd
ainſi commencement:

*Piqué d'un braue ſoin qui à ce me conuoye,
Je veux chanter icy le beau ſang de Sauoye:
Je veux maugré la faux du temps, qui tout deſtruit,
D'un grand Duc, d'un grand Prince eterniſer le bruit,
D'un Capitaine fort, d'un foudre de la guerre,
Lieutenant de noz Rois, Seigneur de mainte terre,
Qui aime noſtre France, & pour elle aux combats
A meſprisé l'horreur de dix mille treſpas:
Couſin à ce grand Duc que le Piemont honore*

L!

Ne

*Ne plus ne moins qu'un Dieu, & la Sauoye encore:
 Prince si genereux qu'il n'a point son pareil
 Soubs la voulte des cieux, en armes ni conseil.
 Et veux me souuenir de la maison de Saxe,
 Mere de tant de Rois, les tiges de sa race.
 L'œuvre est grand & facheux, que j'entreprend: mais rien
 O Muses, n'est facheux, si vous le voulez bien, &c.*

Galatee & Doris Dialogue de Lucian pris du latin de Jean Second, qui n'a encore veu le iour, & ha tel commencement:

*C'estoit en plein midy qu'une marine tourbe
 De Deesses iouoyent sur le riuage courbe,
 Cymodoce, Spion, Galatee, Doris,
 Melite, Panopee, & la grande Thetis,
 Lors que Doris d'un ris & parole affetee
 Commence à brocarder l'amante Galatee, &c.*

JEAN CHOISNIN de Chastelleraud Secrétaire du Sieur Euef-
 que de Valence a redigé par escrit,
 Discours au vray de tout ce qui s'est fait & passé pour l'entiere negociation
 de l'election du roy de Poloigne, diuisé en trois liures. [impr. à Paris 8°. par
 Nicolas Chesneau 1574.

JEAN Du CHOVL gentilhomme Lyonnois, fils de Guillaume
 Choul cy deuant mentionné a escrit
 Dialogue de la vie des champs. Avec vne Epistre de la vie sobre & autres petits
 discours sur diuerses matieres. [impr. à Lyon 8°. par Pierre Merant 1565.
 Il a escrit aussi en latin

*De varia quercus historia cap. 20. comprehen. [Lugduni 8°. apud Guliel.
 Rouillium 1555.*

*Pilati montis descriptio, De obseruatione prospera valetudinis, Diuina-
 rum atque humanarum artium comparatio, Loci duo apud Horatium il-
 lustrati. [omnia hac simul excusa Lugduni apud eundem Rouillium
 1555.*

*Dialogus formicae, Muscae, Aranai & Papilionis. [Excus. ibidem apud
 Rouill. 1556.*

SAINT JEAN CHRISOSTOME.

Cinq Opuscules de S. Jean Chrysostome. le premier, Demonstration que Iesus
 Christ est Dieu. 2. Homilie de la dilection de Dieu & du prochain. 3. Homilies
 sur les saints & diuins sacremens. 4. Comparaison d'un bon religieux à un
 Roy. 5. Sermon de l'Anatheme. traduits de grec en françois. [impr. à Paris 8°.
 par Michel Vascofan.

Traicté en forme de sermons en nombre quatre, extrait de plusieurs lieux de
 S. Jean Chrysostome, prouuant que la conuersion du monde par la predica-

tion

tion des Apostres est claire demonstration de la foy chrestienne, mis en françois par traducteur incertain. [impr. à Paris 8°. & depuis à Lyon 16°. par Jean de Tournes 1555.]

Homelie S. Jean Chrysostome du labeur & honneur des Saints : & deux sermons du mesme auteur sur le Symbole des Apostres traduit de grec par Claude Despenche. [impr. à Paris 8°. par Oudin petit 1563.]

De la prouidence de Dieu. De l'Âme. D'humilité, Oraisons prises de saint Jean Chrysostome. [impr. à Paris 16°. par Federic Morel 1557.]

Homelie de saint Jean Chrysostome, Que personne n'est offensé que de soy mesme. Autre homelie du mesme intitulee, De la comparaison du Roy & du moine. traduites par Jean de Billy.

Sermon de la Prouidence diuine traduit du Grec de S. Jean Chrysostome. [impr. à Lyon par Baltasar Arnoullet 1544.]

La vie de S. Babylas Euesque & Martyr escrete par S. Jean Chrysostome, traduite en François & contenue en l'histoire de la vie des saints, Tome premier.

JEAN IMPIN. CHRISTOPHE.

Nouvelle instruction de la tresexcellente science du liure de compte, pour compter & mener comptes à la maniere d'Italie moult profitable & necessaire à tous marchans, receueurs, fermiers, maultostiers, gabellionnaires & autres, informant comment chacun doit tenir & faire comptes par liures doubles & contredoubles. Translaté d'Italien en Flameng par Jean Impin Christophle marchât de la ville d'Anuers, & de Flameng en François. [impr. en Anuers 4°. l'an 1545.]

JEAN DE CIRY Docteur en Theologie à Paris a escrit, Instruction pour examiner chacun sa conscience, à fin de bien & catholiquement se confesser. [impr. à Paris 8°. par Nicolas Chesneau 1568.]

JEAN DE CLAMORGAN Seigneur de Saane, premier capitaine de la marine de ponent a escrit,

La chasse du loup, en laquelle est cōtenue la nature des loups & la maniere de les prendre, tant par chiens, filez, pieges qu'autres instrumens. [imp. à Paris 4°. avecq la maison rustique de Charles Estienne par Iaques du Puis 1566.] Vous y trouuerez le loup descrit ainsi, Le loup est vne beste ayant le poil gris, melle de noir, blancheastre sous le ventre, la teste grosse, armee de dents longues & grosses, d'aureilles courtes & droictes, dont est sorti le proverbe, Le tien le loup par les aureilles. Le dire d'Isidore y est en apres rapporté. assauoir, que si le loup void l'homme auant qu'il le voye, il luy oste la voix : parce que de son haleine maligne il infecte l'air : lequel ainsi infecté, infecte aussi l'inspiration de l'homme prochain & contigu de laditte beste, & le priue de sa voix : dequoy parle Virgile en ses Bucoliques *Lupi Marim videre priores*. d'où est sorti ce proverbe commun *Lapus in fabula* : c'est à dire quand on parle de quelcun & lequel à l'instant suruient, celui qui parloit se taist, comme si le suruenant luy ostoit soudain la voix & la parole.

JEAN CLERIC religieux de l'ordre saint François du conuēt de Bièze en Artois, confesseur des seurs de l'Annunciade à Bethune a escrit, Traicté d'exemple penitence contenant 18. chapitres. [impr. à Paris, 8°. par

Ll 2

Ambr

Ambroise Giraud, sans date.
 Traicté des fondemens du temple spirituel de Dieu, qui est la personne chrestienne, contenant les douze articles de la foy figurez par les douze fouldres & douze pierres precieuses dont est faite mention en l'Apocalypse au 21. chapitre. [impr. à Paris 8°. par Jean le Bially 1528.

JEAN CLOPINEL dict de Meun ancien Poëre François & surnommé premier inuenteur de Rhetorique François. a composé en l'an 1300.
 Le Roman de la Rose. [impr. à Paris f°.

La destruction de Troye la grande, composée en rime François par personnages, par Maître Jean de Meun. Avec les pronesses d'Hector, La damnable trahison des Grecs, La description de fortune mobile & instable. [impr. à Lyó f°. par Denys de Harly 1544.

Les cinq liures de Boëce Seuerin de la Consolation de la Philosophie, partie en rime, partie en prose à l'imitation de l'auteur: laquelle traduction n'a onques esté imprimée, & en ay trouué quatre exemplaires escripts en main en certaines librairies, de l'une desquelles j'en ay tiré vn, où le 7. metre du 3. liure est ainsi rendu François.

*C'est la nature des delices,
 Qu'elles naurent les cœurs des vices
 Parmi vne pauvre douceur
 Qui peu leur donne de saueur
 Ainsi comme l'abeille fait
 Qui prunes par le miel attrait
 Et puis y fiche sa pointure
 Qui est moult angoisseuse & dure.*

Les Remonstrances de Nature à l'Alchimiste errant: avec la responce dudit Alchimiste. [impr. à Paris 8°. par Guill. Guillard 1561.

Le plaisant ieu du Dodecaedron de fortune non moins recreatif que subtil & ingénieux composé par Jean de Mehun du temps du roy Charles le quint: lequel ieu est le plus subtil & artificiel de tous les ieux & passetemps de fortune. Car l'auteur y a procedé selon les reigles & demonstrations de l'Astrologie iudiciaire, obseruant ses effects & proprietéz assignees aux douze maisons du ciel, faisant ses demandes & responses en vers deux à deux tant bien à propos suivant icelles que rien n'y est à desirer. Dauantage il prend pour l'instrument de son ieu vne figure geometrale appelée Dodecaedron qui est semblablement composée de douze faces pentagones egales, & contient vingt angles ou carres solides, & soixante plains, pour ce que trois plains y font vn angle solide. Ce liure a esté imprimé à Paris 4. par Jean Longis & Robert le Maignier en l'an 1560. & à Lyon 8. par François Didier 1574. Claude Faulchet en son liure de l'origine de la langue françoise, rime, & romans & des anciens Poëtes François n'a pas oublié Jean de Meung duquel il dit ce qui s'ensuit:

Il est bien plus aisé à descouurir le temps de maître Jean Clopinel (c'est adire boiteux, & dont vient esclopé, celui qui en allant traine sa jambe)
 dict

di& de Meun , à cause qu'il nasquit en cette villette assise sur la riuere de Loire quatre lieues soubs Orleans. Au commencement du liure de la Cōsolation, faite en latin par Boëce, & par luy mis en François il dit le temps qu'il a vescu, ez mots suyuaus. A ta royale Maiesté, trefnoble Prince, par la grace de Dieu Roy des François, Philippes le quart, ie Jean de Meun, qui iadis au Romans de la Rose, puis que Ialoufie ot mis en prison Belacteil, enseigné la maniere du chastel prendre, & de la Rose cueillir, & translaté de latin en François, le liure de Vegece de cheualerie, & le liure des merueilles, de Hirlande, & le liure des Epistres de Pierre Abeillard & Helois sa femme, & le liure de Aelred, de spirituele amitié: enuoye ores Boëce de Consolation, que j'ay translaté en François: iacoit ce que entendez bien latin. Ce qui monstre en partie, & le temps auquel de Meun a vescu, & comme nos Rois ont esté curieux de sçauoir la langue Latine. Je ne puis dire au vray, son estat, combien qu'il mesouuiene auoir leu en la Chronique d'Aquitaine, qu'il fut docteur en Theologie: ce que ie ne puis croire. Tant y a qu'il fut homme d'honneur, fort estimé & ayant quelques moyens honnestes de viure. Car au liure intitulé le Songe du Prieur de Saloin, dedié à Valentine Duchesse d'Orleans: & à elle présenté auant la mort de Loys son mary: il est fait mention d'un iardin appartenant audit de Meun. Je m'en allois (dit l'auteur) en le iardin de la tournelle hors de Paris, qui fut iadis maistre Jean de Meun. Et puis au commencement de sondit liure, parlant du mesme iardin: il dit encores,

*Je sui maistre Jean de Meun
Qui par maints vers sans nulle prose,
Fis cy le Romans de la Rose.
Et cet hostel qu'icy voyez,
Prins pour accomplir mes souhaits:
S'en acheué une partie,
Après mort me toli la vie.*

Ce mesme Prieur de Saloin, represente ledit de Meun, bien vestu d'une robe ou chappe fourrée de menu vair: comme quelque homme d'honneur. Il continua le Romans de la Roze XL. ans apres la mort de Guillaume de Lorris: & comme ie penseroiy bien, au commencement du regne de Philippes le Bel: ou pour le plus tard, l'an M. CCC. car il dit,

*Et puis viendra Jean Clopinel
Au cuer iolis, au cuer isnel,
Qui naistra sus Loire à Meun.*

& peu apres encores,

*Il aura le Romans si chier,
Qu'il le voudra par tout nontier.
Et quant Guillaume cessera,
Jean le continuera.*

Ll 3 Après

*Après sa mort que ie ne mente,
Ans trespassez plus de quarente.*

Ce qui (pour le moins) reuient au temps que i'ay dit. Les premiers vêts de Clopinel, commencent apres ces derniers de Guillaume de Lorris:

*Iamais n'iert riens qui me confort,
Si ie perds vostre bien veillance:
Que ie n'ay mes allieurs fiance.*

Puis Jean de Meun continue, disant:

*Et si l'ay-ie perdue espoir,
A poi que ne m'en deespoir.*

continuant iusques à la fin, où il dit:

Et sus ce point ie me reueille.

Car il y a grande apparence, que les trenté ou quarante vers qui se trouuent apres, en aucuns exemplaires,

*Et puis que fui esueillé,
Et du long sommeil trauaillé.*

ne sont pas de luy. I'oseroiy bien asseurer, que le Romans de la Roze a esté composé auant l'an M. CCCX. pource qu'au Romans de Fauuel (qui confesse auoir esté fait ceste annee) ie trouue ces vers,

*Faux-semblant se siet pres de luy,
Mais de ceste ne de celuy
Ne vous veuil faire graigneur prose:
Car en eux nul bien ne repose.
Et de ce au tiexte sans glose,
Parle le Romans de la Roze.*

Jean le Maire de Belges, a non seulement opinion que de Meun aye vescu du temps de Dante poëte Florentin, mais qu'il a encores esté son ami & compagnon d'estude. Car au temple de Venus il dit: Et puis (comme autrefois i'ay ouy dire) le bon maistre Jean de Meun estoit contemporain, c'est à dire du mesme temps & faculté que Dante, qui preceda Petrarque & Boccace. Et l'un estoit emuleur, & nonobstant ami des études de l'autre. Or les Italiens sont d'accord, que Dante nasquit l'an 1265. & en vesquit 56. reuenans à l'an 1321. qui est le premier du regne de Charles le Bel, dernier enfant de Philippes le Bel. Ce qui rapporte à ce que dit la Chronique d'Aquitaine, à sçauoir, que Jean de Meun florissoit souz ce Roy. L'on a publié vn liure intitulé Dodecaedron, qui est vn ieu de passetemps, pour sçauoir son aduenture par le sort des dez. Mais ie ne puis croire, qu'il l'aye présenté au roy Charles 5. lequel comença son regne l'an 1364. ou il faudroit qu'il eust vescu bien longuement. Car quand il auroit composé le Romans de la Rose, en l'age de 25. ans, & fait l'an 1300. encore le presentant au roy Charles 5. le premier an de son regne, il faudroit qu'il eust esté aagé de 89. ans. Et toutesfois il semble bien, que le Romans de la Rose (veu les traits de doctrine semez parmi) ne soit pas vn ouurage de icune homme: comme aussi le Dodecaedron, celui d'un vieillard vsé: puis qu'il estoit question

stion d'estre subtil en Arithmetique, pour si bien asseoir les renuois & respondes, à fin de se rapporter aux poincts des dez. Au reste, Iean de Meun cuida estre payé de la mesme monnoye qu'Ouide son maistre: pource qu'une partie des dames de court mal renommes, moynes, hypocrites, & autres gens vicieux qu'il auoit taxez en ses liures, luy suscitèrent beaucoup d'ennemis. Mesmes les dames faschees de ces vers trop piquans:

Toutes estes, ferez, ou fustes,

De faict, ou de volonte, putes.

delibererent vn iour de l'en chastier. Duquel danger il se sauua gentiment en ceste maniere. Maistre Iean de Meun estant venu à la Court pour quelque occasion, fut par les dames arresté en vne des chambres du logis du roy, estant environné de plusieurs seigneurs: lesquels pour auoir leur bonne grace, auoient promis le représenter, & n'empescher la punition qu'elles en voudroient faire. Mais Iean de Meun les voyant tenir des verges, & presser les gentilshommes de le faire despouiller, il les requit luy vouloir octroyer vn don: iurant qu'il ne demanderoit pas remission de la punition qu'elles attendoient prendre de luy (qui ne l'auoit meritee) ains au contraire l'aduancement. Ce qui luy fut accordé à grand' peine, & à l'instance priere des seigneurs. Alors maistre Iean commença à dire: Mes dames, puis qu'il faut que ie reçoie chastiment, ce doit estre de celles que j'ay offensées. Or n'ay-ie parlé que des meschantes, & non pas de vous qui estes icy toutes belles, sages, & vertueuses: partant celle d'entre vous qui se sentira la plus offensée, commence à me frapper, comme la plus forte putain de toutes celles que j'ay blasmees. Il ne se trouua pas vne d'elles qui voulust auoir cest honneur de commencer, craignant d'emporter ce tiltre infame. Et maistre Iean eschappa, laissant aux dames vne vergongne: & donnant aux seigneurs là presens, assez grande occasion de rire: car il s'en trouua aucuns d'eux, à qui il sembloit que telle ou telle deuoit commencer, mais les mieux appris rompirent ce iugement, pour euitier au debat qui en fust suiuy. Le Romans de la Rose a (ce neantmoins) esté receu par les librairies des seigneurs, comme liure plaissant & rempli de beaux traits de doctrine, malgré les prescheurs & Theologiens: marris de ce qu'il estoit trop manié & appris de toutes sortes de gens: tellement que plusieurs crierent contre. Et entre autres maistre Martin Franc, natif en la conté d'Aumale en Normandie, Preuost & Chanoine de Lauzane en Sauoye, fit vn liure contre le Romans de la Rose, intitulé Le Champion des dames: comme si Iean de Meun eust escrit cōtre elles, mais ce fut longuement apres la mort de maistre Iean de Meun, pource que ce Champion est adressé à Philippes deuxieme, Duc de Bourgongne, surnommé le Bon. Il se trouue en la Chronique d'Aquitaine, vn traict de risée que le bon maistre Iean de Meun fit aux freres prescheurs ou Iacobins de Paris, mesmes en son testament. Par lequel ayant ordonné estre enterré en leur Eglise, il leur laissa vn coffre avec tout ce qui estoit dedans: commandant ne l'ouuir qu'il ne fust mis en terre. Maistre Iean trespasé, & son seruice mortuaire fait, suivant ce qu'il auoit ordonné: les freres viennent en grande haste pour enleuer ce coffre, lequel se trouuant plein de pieces d'ardoise, sus lesquelles possible il tiroit des figures d'Arithmetique ou de Geometrie, les moines indignez, & pensans qu'il

se fust moqué d'eux vif & mort, deterrèrent fount corps. Mais la Cour de Parlement aduertie de telle inhumanité, le fit remettre en fepulture honorable, dans le cloistre du conuent. Cela me fait croire, s'il eult esté docteur en Theologie (comme a voulu dire l'auteur de la Chronique d'Aquitaine, ou celuy duquel il l'a pris) qu'il n'eust vsé de telle ruse en mourant. Si vous ne dittes qu'en ce temps-la, les estudians en l'vniuersité de Paris, estoient ennemis des Mendians, pour l'entreprise que faisoient ces freres sus les gens d'Eglise, & maistres de l'Vniuersité: se fourrans par les cours, pour estre confesseurs des Rois & princes: entreprenans aussi les lectures publiques, sus les maistres Regens des Vniuersitez. Dont maistre Iean se vange tant qu'il peut, representant les vices d'aucuns d'eux, sous la personne de Faux-semblant, tant au Romans de la Rose, qu'en vne Satyre faite contre tous vices, appellee Testament, & Codicille. Iean Gerson homme docte, selon le temps qu'il viuoit, & sur tout bien Chrestien, pie & deuot, en vn opusculé contenu au 4. tome de ses œuvres dit trois choses du liure de Iean de Meun intitulé le Roman de la Roze, *Si mihi (dit-il) sit Romantius Rosa, qui est vnicus extet, est viginti sestertijs, siue (ut apertius dicam) quingentis aureis esset, mihi combureretur potius, quam vaniret, in hoc, ut qualis est publicaretur.* Et en apres, *Si apud me peccata is poneret qui libro hoc vteretur perperam, mandarem utique vel plurima uti oblitteraret, vel abiceret in totum.* Et en fin, *Si mihi constaret Ioannem ipsum Meldunensem, librit huius editi est euulgati crimen, pœnitentia est animi dolore non diluise, nihilo illi melius vel precarer, vel appellarem Deum quam Iuda Iscariota, de quo mihi dubitare non licet, quin pœnas det nunquam desituras: sunt quæ illi grauioris supplicij authores, quotquot illius lectionem vertunt in flagitium est ad scelus accommodant.* Mais ce bon docteur auroit bien plus à crier maintenant s'il viuoit & qu'il veist les liures de Pierre Aretin, de Rabelais & autres vrais instrumens de perdicion, & de damnable lecture.

JEAN COCLEVS. Voyez Claude Berthor.

JEAN COGNEV Religieux à Bonneual en Rouergue de l'ordre de Cîteaux a traduit de latin,

Traicté de saint Bernard tresutile pour inciter & instruire tout vray & bon Chrestien à aimer Dieu parfaictement. [impr. à Paris 8°. par Guillaume Chaudiere 1566.

JEAN COLIN Licentié ez loix, Bailly du Comté de Beaufort, demeurant à Chaalons en Champaigne a traduit,

Opusculé de Plutarque de l'education & nourriture des enfans. [impr. à Paris 8°. par Vincent Serrenas, sans date.

Le liure d'Amitié de Cicero. [impr. à Lyon 8°. par François Iuste 1537.

Opusculé de Plutarque de la tranquillité de l'esprit. [impri. à Paris 8°. par Viuant Gautherot 1538.

Le songe de Scipion fragment de Cicero extraict du sixiesme liure de sa Republique. [impr. à Paris 8°. par Viuant Gautherot 1541.

L'histoire de Herodian des Empereurs Romains depuis M. Antonius iusques à Gordianus, traduit de Grec en Latin, par Ange Politian, & de Latin en François par Jean Colin. Avec l'exposition de plusieurs dictions, histoires, Fables, situation de lieux & description de païs, seruant à entendre plus facilement les histoires. [impr. à Lyon 8°. par Jean de Tournes 1546.

Le 3. liure des loix de Cicero. Avec annotations contenant l'exposition de plusieurs lieux desdits liures & la declaration de plusieurs dictions, histoires & fables. [impr. à Paris 8°. par Denys Janot 1546.

Introduction à vraye sapience traduite du latin de Loys Viues. [impr. à Paris 8°. par Charles l'Angelier 1548.

I E A N C O L V M B I frere mineur Euesque de Troye, penitencier du pape en Auignon a escrit,

Confession generale. Avec certaines reigles au commencement vtile tant à confesseurs que à penitens. [impr. en Auignon 8°. par Jean de Channey 1517.

I E A N C O M B E S Aduocat du Roy au siege Presidial & Seneschauce d'Auergne à Rion a escri,

Traicté des tailles & autres charges & subcides, tant ordinaires que extraordinaires qui se leuent en France, & des offices & estats touchant le maniement des finances de ce Royaume: avecq leur institution & origine. Oeuure contenant sommairement par qui, & pour quelles causes ont esté inuentez tant des subsides, de leur nature & qualité, quelles personnes contribuent & la conformité d'iceux avecq les anciens. [impr. à Paris 8°. par Fedetic Morel 1576.

I E A N D E C O M B E S Docteur en Theolog. a escrit, L'edifice spirituel, ou est contenue briefue erudition à tous bons catholiques, les enseignant aymer, croire & esperer en Dieu. [impr. à Paris 16°. par Jean Ruelle 1562.

I E A N C O N S T A N T I N a fait vn commentaire latin sur les Ordonnances.

I E A N C O R B I C H O N a translate du latin de Bartholomeus Anglicus.

Le grand propriétaire de toutes choses, tresvtile pour tenir le corps humain en santé. Avecq les proprietéz du ciel, de la terre, de bestes, des oyseaux, des pierres & des metaux. Et plusieurs receptes contre aucunes maladies. Le tout diuisé en 19. liures. Reueu, corrigé & imprimé en la derniere edition à Paris f°. par Jean Macé 1556.

I E A N C O R N I L L E Augustin a escrit, Traicté de l'origine & nature de l'enuie. Avecq les remedes d'icelle. [impr. à Paris 8°. par Nicol. Chesneau 1580.

I E A N D E C O R R A S Conseillier en la cour de Parlement de Tholose a escrit,

Arrest memorable du parlement de Tholose contenant vne histoire prodigieuse de nostre temps, Avec cent & vnze belles & doctes annotations: sur le procez de l'execution de l'arrest par ledit de Corras rapporteur. [impr. à Lyon 4°. par Antoine Vincent 1561. & depuis 8°. par le mesme 1565.

Les douze reigles du Seigneur Jean Pic Comte de la Mirandole lesquelles adre

dressent l'homme au combat spirituel pour s'acheminer à la vertu, & résister aux tentations du monde. Traduites de latin. [impr. à Lyon 8°. par Antoine Vincent 1565.

Altercation en forme de Dialogue de l'Empereur Adrian, & du Philosophe Epictete contenant soixante & treize Questions & autant de réponses rendu de latin en François. Avec les commentaires ou Paraphrase dudit de Corras, & la vie de l'Empereur Adrian. impr. à Paris 8. par Gabriel Buon 1558.

Remontrance discourue par maître Jean de Corras sur l'installation par luy faicte de Messire Honnorat des Martins & de Grille en l'estat de Seneschal de Beaucaire le 4. Nouëbre 1566. à Nysmes. [impr. à Lyon 8°. par Guillaume Rouille 1567.

Discours & briefue resolution sur les mariages clandestinement & irreuerement contractez par les enfans de famille, au desceu, ou contre le gré, vouloir & consentement de leurs peres & meres. [impr. à Lyon 1572. Avec l'Edict sur ce faict par le Roy Henry second du nom.

Il a escrit aussi plusieurs liures en latin dont il sera loisible voir le catalogue en la Bibliotheque de Gesner.

En l'Altercation d'Adrian avec Epictete.

ADR. QVI SONT CEVX, LESQVELS estans sains sont malades? EPICT. CEVX QVI SE CHARGENT DES AFFAIRES D'AVTRY.

Il suffiroit comme disoit Ciceron, prendre le soin de ses affaires. car de vouloir estre vn second Atlas, & soustenir le ciel de sa teste, ou de ses espaules, ou comme vn Prometheus attaché au mont de Caucaze, se rendre trop solliciteux des astres, c'est à dire, s'enveloper trop curieusement, des affaires d'autrui sans necessité, c'est à son escient s'affaïsser d'une chose trop pesante, & facheuse, & faire acte, d'homme qui soit bien de loisir. Ce que Menedeme reprochoit à Chremes, qui s'enqueroit avec curiosité, de la maniere de viure, luy disant,

Tantum ne est abs re tua otij tibi,

Aliena vt cures, ea que nihil quæ ad te attinent.

Non que par là ie veuille retirer le Chrestien, du secours qu'il doit à son prochain, car ce seroit droitement offenser la charité que nous deuons l'un à l'autre: mais pour retirer seulement la solliciteuse curiosité, de ceux qui volontairement & temerairement se plongent aux negoces d'autrui. Et moins scauroy ie approuver la réponse de Prodicus Gorgias, que plusieurs ont passé auoir vescu deux cens & quatre ans, lequel interrogué comment il estoit paruenue à si extreme vieillesse, respondit en Epicurien, Pourautant qu'il ne s'estoit iamais voulu empêcher des affaires d'autrui.

ADR. QV'EST CE QVE LIBERTE? EPICT. INNOCENCE.

On attribue cete réponse à Periander, & à Bias aussi, à laquelle se conforme Horace:

Qui metuens viuit liber mihi non erit unquam.

Mais

Mais encores mieux S. Ambroise, quand il dit, la tranquillité de conscience, & seureté de l'innocence, rendre la vie libre & heureuse. S. Augustin aussi, Vn meschât (dit il) encore qu'il regne & domine, est serf: mais vn homme de bien, encore qu'il serue, est afranchi & libre. Voire en cela se monstre l'innocence, quand l'homme est constant & assuré: Car étant innocent, bon & irrépréhensible, il ne craindra point la loy, le tesmoin, l'accusateur, ni le iuge. Il ne sera subiet à aucun. Il n'obeira à personne, si ce n'est au Prince, entant qu'il commandera choses, non prohibees de Dieu: & à la Loy, entant qu'elle est bonne, honneste, sainte, & raisonnable. Il n'aura besoin d'armes ni de defense: car il fuira les vices, & embrassera la Vertu. Il ordonnera & composera sa vie tellement de conseil & de prudence, qu'il ne forcera en rien, ni n'offensera personne, & si gardera de son pouuoir qu'aucun tort ne soit faict à autrui. Il dira hardiment au Prince, au magistrat, Il n'est pas en vostre puissance de forcer mon esprit à faire choses mauuaises, ny souffrir rien qui soit indigne de moy.

Penten parler icy de l'innocence, quand aux hommes: car enuers Dieu nul ne se peut dire innocent: comme trèsbien l'a dit Dauid Psal. 14. Et S. Pol aux Rom. chap. 3. disant, *Il n'est aucun iuste non pas vn. il n'est aucun qui entende. Il n'est aucun qui cherche Dieu. ils ont tous decliné, & ont esté ensemble faicts inutiles. il n'y a aucun qui face bien, il n'en y a pas iusques à vn.* Lesquels lieux pourtant en ce qu'ils dient n'y auoir aucune innocence, ni iustice en l'homme, doivent estre entendus de l'homme selon Nature, non pas de celuy qui est reconcilié par la grace, bonté & misericorde de Dieu, qui ne fait tort à personne, qui vit, & chemine selon ses commandemens: car c'est l'innocent duquel le Seigneur Dieu parle, quand il maudit celuy qui battra l'ame de l'innocent: & ailleurs, là où il admoneste, de ne resprendre le sang de l'innocent, c'est à dire de celuy (dit le Psalmiste) qui craint le Seigneur, & chemine en ses voyes.

ADR. Q'ESTCE QVE L'HOMME? EPIC. SEMBLABLE A LA POMME. CAR COMME LES POMMES PENDENT AVX ARBRES, AINSI SONT NOS CORPS, LESQUELS OV TOMBENT QVAND ILS SONT MEVRS, OV SI BIEN TOST, CHEENT ENCORES TOVS VERDS.

ADR. Q'EST LA CHOSE DE TOVTES LA PLUS LONGVE? EPIC. L'ESPERANCE. ADR. Q'ESTCE QVE LA MORT? EPIC. PERPETUELLE ASSEVRANCE. ADR. Q'ESTCE QVE LA MORT? EPIC. CHOSE QV'AVCVN NE DOIT CRAINDRE, S'IL EST SAGE. ENNEMIE DE LA VIE, PVISSANCE DIVINE, SVR TOVTE CHOSE VIVANTE. CRAINTE DES PARENS, PROIE DES ENFANS. GRACE DE TESTAMENT. LANGAGE APRES LE TRESPAS. DERNIERES LARMES. OVBLI APRES LA MEMOIRE. BRANDON DV BVCHER. CHARGE DE SEPVLCRE. TILTRE DE MONVMENT. MORT, CEST LA FIN DE TOVS MAVX.

IEAN COTREAV Docteur en Theologie de la faculté de Paris, & Chanoine de Tournay a escrit,

Commentaires en forme de Sermons (en nombre 33.) exposans familiaremēt les dix commandemens de Dieu & remarquans les vices & crimes, tant de
ceux

ceux des estats que du peuple, selon la matiere de chacun commandement.
[impr. à Paris 8°. par Guillaume Chaudiere 1576.

Traicté du Repos & tranquillité de l'ame, diuisé en trois liures contenant certains moyens propres pour nous reconcilier aueq Dieu, & appaiser la tempeste de ce siecle tumultueux. [impr. à Paris 8°. par Guillaume Chaudiere 1575.

I E A N D E C O V R C Y cheualier Normad a escrit en l'an 1416. six liures de compilations d'histoires despuis le deluge iusques à Matathias & aux Machabees. Le premier liure contient 9. histoires & 93. chapitres. Le secod 5. histoires & 65. chapitres. Le troisieme 4. histoires & 58. chapitres. Le quatrieme 9. histoires & 65. chapitres. Le cinquiesme 10. histoires & 84. chapitres. Le sixiesme 5. histoires & 47. chapitres. Non imprimez. sont en la librairie d'Vrfe escrits sur parchemin.

I E A N D E C V C H A R M O I S de Lyon a traduit d'Italien en François,

La tresrecreatiue histoire des faiçts, gestes, triomphes & prouesses du trespreux & vaillant cheualier Guerin surnommé Meschin fils de Milon de Bourgoigne, Prince de Tarente, en son temps roy d'Albanie, lequel se trouua en plusieurs prouinces estranges, & en plusieurs grandes batailles assaults & récontres, où il feit de merueilleux faiçts d'armes. Item comment ledit Guerin fut aux arbrs du Soleil & de la Lune & les coniura, puis comme il alla au milieu des montaignes d'Italie, où il trouua la belle Sybille en vie aueq laquelle il tint plusieurs propos. Et en fin fut porté par les Diabes en purgatoire où il veit choses merueilleuses. C'est vn Romant, compris en huit liures, & impr. à Lyon 4°. par Romain Morin sans datte.

I E A N D E D A M A S.

Aphorismes de Iean de Damas souuerain Medecin entre les Arabes. Aueq la vie d'iceluy. [impr. à Lyon 16°. par Iean de Tournes 1555.

I E A N D A M A S C E N E.

Traicté de S. Iean Damascene, des Images. traduit du grec. [impr. à Paris 8°. par G. Morel 1562.

Apologie de S. Iean Damascene docteur Grec diuisee en trois liures Contre Leon Isauire Empereur de Constantinople & ses complices aduersaires des Images sacrees de l'Eglise. [impr. à Verdun 1573.

Histoire de Barlaam & de Iosaphat roy des Indes traduite du grec de S. Iean Damascene, par Iean de Billy. [impr. à Paris 8°. par G. Chaudiere 1578.

I E A N D E D E V Xaintongeois Docteur en Theologie a escrit, Antitheses de la SS. Eucharistie & de la Cene des modernes. [impr. à Lyon 8°. par Benoist Rigaud 1571.

I E A N D H V M B E R T a fait des explications Françoises sur tous les titres des neuf premiers liures du Code de Iustinian. [impri. à Lyon 8°. par Macé Bonhomme 1558.

I E A N D I A Z.

Petit Sommaire de la religion chrestienne contenant les principaux articles de nostre foy, par Iean Diaz Espagnol. [impr. à Lyon 1562. *Caluinique.*

I E A N D I V E R Y Medicin de Manthe, natif d'Hiencourt en Beauuoisiu

uoisin a translaté en rime,

Le Dialogue de Salomon & de Marcolphus, avecq les dicts des sept saiges & autres philosophes de Grece. [impr. à Paris par Guillau. Eustace 1509.

IEAN DONGOIS, de Therouanne.

Le promptuaire de tout ce qui est aduenu plus digne de memoire despuis la creation du monde iusques à present. [impr. à Paris 16°, par Iean de Bourdeaux 1569.

Recepte medicinale fort souueraine de l'huile espaignole appelée huyle magistrale, & la maniere de l'appliquer particulièrement selon les playes ou maladies, où est déclaré qui estoit Aparice, inuenteur d'icelle. [impr. à Paris 8°. par la veufue Mahier le Croux 1572.

IEAN DORAT natif de Lymoges Poëte & lecteur royal en Grec en l'Vniuersité de Paris, à bon droit appelé Homère Gaulois, & Pindarè Grec-Latin, le plus rare & subtil esprit de nostre siecle, de l'eschole duquel sont sortis des hommes rares & admirables en ce dont ils ont fait profession: estant encores comme vn fanal posé à la veüe de ceux qui taschent de visiter l'oracle plus secret des Muses, n'y ayant eu auant luy des les anciens siecles, homme qui l'ait deuancé en style ny erudition: a mis le filet & l'aiguille en main (comme on dit) à nos principaux poëtes françois, assauoir Ronsard, Bayf, Belleau & les autres les disciples pour façonner les ouurages que nous voyõs estre sortis d'eux: si bien que l'honneur du principal enrichissement de nostre langue luy en est deu, comme aussi ils confessent tenir de luy ce qu'ils sauent de meilleur touchant la leçon des poëtes grecs & latins au parauant non cõnus ne imitez en ce royaume, tant l'ignorance les y auoit gardé enseuelis. Et combien qu'il se soit entierement adonné à faire des Odes, epigrammes, hymnes & autres genres de poësies en grec & en latin en grand nombre, iusques à passer plus de cinquante mille vers ne cedans aucunement à ceux des anciens, il n'a laissé de poëtiser en nostre langue françoise, dont n'a esté imprimé que bien peu, & seulement ce que l'imprimeur a arraché des mains de ceux à qui il en auoit donné la copie escrete de sa main: encores a ce esté à son desceu. Je n'en ay veu que ce qui en est icy mis:

Epitaphes en latin & en François sur le tombeau de Messire Anne de Montmorency Pair & Conestable de France. [impr. à Paris 4°. par Ph. Gautier de Rouille 1567.

Epithalame ou chât Nuptial sur le Mariage d'illustres Prince & Princesse, Henry de Lorraine Duc de Guyse, & Catarine de Cleues Contesse d'Eu, auquel Epithalame chantent deux demychores, l'vn de Iouuenceaux l'autre de Pucelles. [impr. à Paris 1571.

Sonnet de Guyle Feure à Iean Dorat:

*S'il est vray, mon Dorat, ce que Platon doré
En mots dorez escrit, que Dieu formant l'essence
Des nais pour commander, me la à leur naissance
De l'or pour leur estat rendre plus decoré:*

M m

Ce

*Ce n'est pas sans raison que tu sois honoré
 Comme royal poëte, & premier prince en France
 Sur tant de beaux esprits que ton Ronsard devance,
 Et que ton beau nom soit de tous presque adoré:
 Car & ton nom est d'or, & ta Muse doree,
 Mais de l'or beaucoup plus a ton ame épuree,
 Si i ose bien mesler à mon françois l'Hebreu.
 Car la lumiere est Or, aussi disoit Pindare
 Que l'or est comme un feu qui sert la nuit d'un Fare,
 Comme l'or de ton nom rayonne en chacun lieu.*

JEAN DOUBLET.

Elegies de Jean Doublet Dieppois (en nombre 26) Avec aucuns Epigrammes imitez du Grec & du Latin. [impr. à Paris 4°. par Charles l'Angelier 1556.

Aux Epigrammes Enigme, du Latin de Pulex:

*Grosse de moy, à trois deuins ma mere
 S'en enquerroit: l'un un fils annonça,
 Par l'autre une fille elle espere,
 Le tiers neutre me prononça.
 Et tout fut vray car ie fus Androgine:
 Puis, sur ma mort: l'un que pendu seray,
 L'autre qu'un glaiue est ma ruine,
 Le tiers dit que ie me noiray.
 Nul ne mentit. Estant monté à peine
 Desus un arbre au bort de l'eau tout pres,
 Fauyoie Espée ell se degaine,
 Et ie tombe sur elle apres,
 La teste en l'eau: mais venir n'y sceut onques
 L'un de mes piez, aux branches accroché:
 Ainsi fils, fille, & neutre donques,
 Je fus noyé, tué, branché.*

L'Enigme de Cleobule:

*Vn pere douze enfans porte
 Qui en ont trente chacun
 Tous de differente sorte
 Si l'un est blanc l'autre est brun,
 On les voit tous un à un,
 Iamais deux ny trois ensemble
 Et sans qu'il en meure aucun,*

Tous

Tous les iours meurent ce semble.

Du latin de Plaute.

*S'il est quelcun qui desire
Sans nul repos s'empescher,
Deux choses luy faut chercher,
Vne femme & un nauire.*

De Niobe pris du grec:

*De viue que i'estoy les Dieux
Me feirent pierre par enuie:
Praxitele faisant trop mieux
De Pierre m'a remise en vie.*

IEAN DROVYN Bachelier ez loix & en decret a translaté de latin en prose françoise

Le regime d'honneur. L'epilogue ou sommaire duquel liure il a mis en rime au commencement ainsi,

*Quand à la table tu seras
Visaige ioyeux tu auras
Le sel au couteau tu prendras
Ne demande que mangeras
Ce qu'on oste ne demanderas
Noise & querele y fuiras
Tes membras tous droicts tu tiendras
Nappe blanche te maintiendras,
De moucher, cracher t'abstiendras
De ce que manges donneras
Ton morceau au plat ne mettras
Et moderement tu beuras*

Puis graces à Dieu tu rendras. [impr. à Lyon 8°. par Iean Picot & Marrin Hauard 1507.

IEAN DVEGNE,

Le Miroir de consolation pour les tristes & affligez fait de plusieurs doctes & saincts discours spirituels en forme de Paradoxes & Antitheses, & des plus beaux exemples de la religion chrestienne, mis en françois de l'Espagnol de Frere Iean Duegne religieux de l'ordre des freres mineurs par François de Belleforest. [impr. à Paris 8. par Geruais Mallot. 1583.

IEAN DVRET aduocat du Roy en la Seneschaucee & siege prefidial de Molins a escrit,

Paraphrase sur le style de la seneschaulcee du pais & duché de Bourbonnois, où briefuement sont touchees les diuersitez des anciennes loix, procedures,

Mm 2 iudi

iudiciaires, abrogées, avec celles qui sont maintenant vſtées en toutes courts.
[impr. à Lyon 8°. par Barthelemy Vincent 1571.

Traicté des peines & amendes, tant pour les matieres criminelles que ciuiles
extraict des anciennes loix des douze tables, de Solon & Draco, constitutions
canoniques, loix ciuiles & imperiales, accompagné de la Pratique Françoisse.
[impr. à Lyon 8°. par Benoist Rigaud 1573.

L'armonie & conference des magistrats Romains avec les officiers François,
tant lais que ecclesiastiques. Où succinctement est traicté de l'origine, progres
& iurisdiction d'un chacun, selon que les loix ciuiles, Romaines & Françoises
l'ont permis. reduicte en trois liures. [impr. à Lyon 8°. par benoist Rigaud
1574.

Commentaires & Annotations sur l'Edit & ordonnance du Roy Charles ix.
pour le bien & autorité de iustice & des officiers de sa mageſté. De leur de-
voir en l'exercice d'icelle. [impr. à Lyon 8°. par B. Rigaud 1573.

Discours sur les incompetences & recusations pour entendre en quelle iurisdic-
tion il faut poursuyure le sien, & estre poursuyui : ensemble euitter les ports &
faueurs qui suruiennent ez iugemens. [impr. à Lyon 8°. par Benoist Rigaud
1574.

I E A N D V V E T Orfeure des Rois François i. & Henry ii. a pour-
traict & taillé sur tables de cuyure,
Les figures de l'Apocalypse saint Iean. [impr. avec le texte du liure de l'Apo-
calypse à Lyon 8°. par Iean de Tournes 1561.

I E A N E C K I V S.

Le Manuel des lieux communs de Iean Eckius, traduit de latin. [impr. à Lyon
16°. par Iean Marnax 1551. & par Hierome de Marneſ à Paris 1569.

I E A N. De L'ESPINE a escrie

Traicté des tentations, & moyen d'y resister. [impr. à Lyon 8°. par Iean Sau-
grain 1566. *Caluinique.*

Discours du vray sacrifice & du vray sacrificeur. [impr. à Lyon par Claude
Rauot 1564. *Caluinique.*

Traicté consolatoire contre toutes afflictions qui aduiennent ordinairement
aux fideles Chrestiens. [impr. à Lyon 8°. par Iean Saugrain 1565. *De mesme
farine.*

Defense & confirmation du traicté du vray sacrifice & sacrificeur à l'encon-
tre des friuoles responses & argumens de René Benoist docteur en Theologie.
[impr. à Geneue 8°. par Martin Bezart 1567. *de mesmes.*

Traicté pour oster la crainte de Mort & la faire desirer à l'homme fidele. [impr.
à Lyon 8°. par Iean Lertout 1558. *Idem Caluinique.*

I E A N De L'ESTRADE a traduit de grec

Theophraste, des odeurs. Avec annotations des lieux plus notables & difficiles:
ensemble l'histoire de quelques plantes. [impr. à Paris 8°. par Guillaume Guil-
lard 1556.

I E A N D'ESTRE E joueur des haultbois du Roy a mis en notes de
Musique

Quatre liures de Danſeries, contenant le chant de Branſles communs, gays, de
Champ

Champaigne, de Bourgoigne, de Poictou, d'Escoffe, de Malthe, des Sabots, de la guerre & autres, Gaillardes, Pauanes, Balletz, Voltes, Bassedances, Hauberois, Allemandes. [impr. à Paris 4°. par Nicolas du Chemin 1564.

I E A N E V S E B E Bourbonnois docteur medicin a escrit, La Philosophie Rationale vulgairement appelee Dialectique pour les Chirurgiens François. [impr. à Lyon 8°. par Jean Saugrain 1568.

La Science du poulx, le meilleur & plus certain moyen de iuger des maladies [impr. par ledit Saugrain 1568.

Institutiones Grammaticae perbreues in tabularum formam redactae. Joan. Eusebio Borbonensi authore. [Parisijs 4°. apud Mich. Fezandat 1557.

I E A N F A B E R Euesque de Vienne en Autriche. Voyez Pierre Guido. Nicolas Chesneau.

I E A N F A L C O Docteur en medicine, Doyen & lecteur ordinaire en l'vniuersité de Mompellier a escrit des gloses sur le Guidon en françois, spécialement sur le traicté des playes & vlceres. [impr. avecq ledict Guidon f°. par Constantin Fradin 1520. & par Jean de Tournes 4°. 1559.

I E A N F A L L V E T de Bouloigne sur la mer, Docteur en Theologie a escrit:

Harengue funebre à l'imitation des anciens pour deux cheualiers François, l'un le Seigneur du Biez Marechal de France, l'autre le Seigneur de Veruin Messire Jacques de Coucy son gendre gouverneur de Bouloigne: en memoire de leurs heroïques vertus & tesmoignage de leur innocence, faicte au iour que la declaration d'icelle fut publiee de l'ordonnance du Roy. [impr. à Paris 4°. par Jean de l'Astré 1578.

I E A N De La F A R G V E docteur medicin a traduit du Grec d'Hippocrates & augmenté d'un commentaire

La composition du corps humain, & description de toutes ses parties le rapport qu'il a avecq le monde. L'instruction pour la santé & la Sphere de Medicine. [impr. à Lyon 16°. par Jean Huguetan 1580.

I E A N de saint F E R E Doyen de l'Eglise collegiale de nostre Dame de la chapelle Taillefer, Diocese de Lymoges a escrit,

La republique Chrestienne, diuisee en deux parties, contenant le vray miroir & institution d'un prince Chrestien, pour bien & heureusement conduire ses meurs & actions en l'administration & gouuernement d'un royaume, comme aussi de tous ceux qui ont charge & maneyement des affaires du public, & pareillement de toutes autres personnes qui desirent viure selon les vertus morales & intellectiues, & conformer leur vie aux preceptes d'icelles. Illustree de la doctrine & innumerables exemples des histoires anciennes & modernes, prises tant de la sainte escriture & anciens peres de l'Eglise, que des auteurs prophanes. [impr. à Paris 4°. par Jean Poupy 1578.

I E A N D V F E R E Y Cheualier de Dur-Escu conseiller du priué conseil du Roy a traduit de latin,

Le premier liure des escrits de François Patrice Siemois Euesque de Cayette,

traictans du regne, ou domination d'un seul, dicté Monarchie, & del'institution d'un bon Roy. [impr. à Paris 8°. par Gillés Beys 1577.

IEAN LE FERON aduocat en Parlement à Paris a escrit, Catalogue des Connestables, Chanceliers, Grandmaistres, Admiraux, & Mareschaux de France & des Preuosts de Paris, contenant leurs erections, & establissements, le temps & exercice de leurs estats, mutation & variation d'iceux, leurs noms, surnoms, seigneuries & armoiries blasonnées ensemble vn abrégé de leurs faicts. [impr. à Paris f°. par Michel Vascofan 1555.
De la primitiue institution des Roys, Herauds, & poursuyuans d'armes. [imp. à Paris 4°. par Maurice Menier 1555.

IEAN LE FEVRE Aduocat en la court de Parlement à Paris, & rapporteur referendaire de la chancellerie de France du temps que le Roy Charles le Quint regnoit a escrit vn traicté en rime intitulé, Le respit de la mort. Avec annotations & autoritez latines au marge. [impr. à Paris 8°. l'an 1523.

IEAN FERRE.

Prieres de Jean Fere predicateur de Maience, translatees en François.

IEAN FERNEL. Voyez Simon de Prouenchieres.

IEAN LE FEVRE Dijonnois, Chanoine de Langres & secretaire du Cardinal de Giury a escrit, Dictionnaire des rimés Françoises, reduit en bon ordre & augmenté d'un grand nombre de vocables & monosyllabes, par lequel seront releuez infiniz bons esprits, amateurs de la Poësie Françoisie, lesquels au lieu de ronger leurs ongles ou se gratter la teste, pour trouuer la memoire d'une cõtretime, perdēt cepēdāt de belles inuentions qui s'escoulent. [impri. à Paris 8°. par Galiot du Pré 1572.
Il a traduit aussi en rime Françoisie,

Les Emblemes d'André Alciat. [impri. à Lyon 16. par Jean de Tournes 1555.

IEAN FIGON de Montellimar en Dauphiné a décrit en vers François,

La course d'Atalante, & la victoire d'Hippomene, fable Poëtique. [impri. a Tholose 8°. par Jaques Colomiers 1558.

Amitié bannie du monde. Oeuure fait en forme de dialogue par Cyre Theodore Poëte Grec, & traduit en vers François par I. Figon. [impr. à Tholose 8°. par Pierre du Puis 1558.

Le poëtique trophée de Jean Figon Dauphinois, contenant Odes, Epistres & Epigrammes. [impri. à Tholose 8°. par G. Boudeuille 1556.

Il a escrit en prose,

La Peregrination de l'enfant vertueux: Oeuure contenant le sommaire des disciplines qui conduisent à plus haute vertu. Avec trois chants royaux parmy la prose. [impr. à Lyon 16°. par François Arnouillet 1584.

IEAN FILLE A'V licencié en droit de Clermont en Beauuoisis a traduit de Latin,

La Sainte Bible reduite en Epitome par l'histoire diuine & sacree de Seuerus Sulpice, commençant dez la creation du monde. Avec Apostilles & cõtes des chapitres de la Bible, histoires & choses notables. Ensemble la consideration de

de Dorothee Euesque du Tyr, sur la vie & mort des prophetes & Apostres [Le tout imprimé à Paris 8°. par Iean Coquerel 1570.

JEAN FONTAINE a escrit

Petit Jardin pour les enfans profitable pour apprendre latin. [impr. à Lyon 8°. par Loys & Charles Pesnot 1561.

JEAN DE LA FONTAINE de Valéciennes en la Comté de Haynaud a escrit en rime Françoisse,
Traicté de la Transformation metallique intitulé autrement, La fontaine des amoureux de science. [impr. avec vn autre traicté de Nicolas Flamel du mesme subiect à Paris par Guillaume Guillard 1561.

JEAN FORNIER de Montauban en Quercy a escrit en vers François,

Les Epigrammes Erotiques (en nombre 201) [impr. à Tholose 8°. par Iacques Colomiez.

Chansons Lyriques en nombre 19. [Imp. à Tholose 16°. par Guion Boudeuile.
L'Vranie au treschrestien Roy de France Henry deuxiesme de ce nom, contenant 18. Sonnets, ausquels il descrit l'horoscope de la natiuité de ce grand roy, avec la figure d'icelle, qui fut l'an 1529. le dernier de Mars à 6 heures 15. minutes de matin, & autres figures seruans à ceste matiere. Plus l'Vranomachie du Thoreau & du Capricorne, auquel combat celeste le Thoreau & le Capricorne, sont pris pour significateurs de deux graues Princes comme estans les signes ascendās en leurs naissances, desquels le Thoreau est maison de Venus, & exaltation de la Lune: & le Capricorne est maison de Saturne & exaltatiō de Mars, & par le naturel mouuemēt des cieux se suyuent en la forme que l'auteur descrit leurs figures colloquees au Zodiaque. Avec briefues annotations sur les Phainomenes d'icelle Vranomachie. [impr. à Paris 8°. par Charles Langelier 1555.

Il a traduit en Stances Françoises,

Les quinze premiers chants de Roland furieux composez en Tuscan par Loys Arioste Ferrarois. [impr. à Paris 4°. par Christophle Plantin 1555.

Il a traduit aussi du Grec de Partenius de Nicee ancien auteur en prose Françoisse,

Les affectiōs de diuers amans, liure contenāt 36. chapitres. Plus les narrations d'Amour de Plutarque, traduites par ledit Fornier. [impr. à Paris 8°. par Gilles Robinot.

L'histoire des guerres faites en plusieurs lieux de la France, tant en la Guienne & Languedoc contre les heretiques, qu'ailleurs contre certains ennemis de la couronne: Et de la conqueste de la terre sainte: Et de tout ce qui est adueni en France digne de memoire depuis l'an 1200. iusques à l'an 1311. auquel tous les Templiers furent destruits: mise en langue Françoisse par I. Fournier. [impr. à Tholose 4°. par Iacques Colomier 1568.

Au chant 5. de Roland Furieux:

*Tous animaux, lesquels sont en la terre,
Viuent en paix & tranquille est leur faict:*

M m 4 . Ou

*Ou bien s'ils ont debat & se font guerre,
A la femele onc le masle, n'en faiët:
Lourse avec Lours seure par les bois erre,
Pres du Lyon la Lyonne se plait,
Avec le Loup la Louue est sans contraintes,
Et du Thoreau la vache n'a point crainte.*

*Quelle furie & peste tant infame,
Vient a troubler les hommes vitieux?
Qu'on oyt tousiours le mary & la femme,
S'entrepincer de mots pernicious?
S'esgratigner d'outrage qui diffame,
Baigner de plaincts seulement mais bien pire,
Souuent de sang les baigne leur folle ire*

IEAN DE LA FOSSE a traduit du Latin de Ioachim Perion
Docteur en Theologie de l'ordre de Saint Benoist.
Les vies des Patriarches de L'ancien Testament. [impr. à Paris 8°. par Jacques
Keruer 1557.

Liure de la Vie & faiëts des douze Apostres traduit du latin dudit Perion par
le mesme de la fosse. [impr. à Paris 16°. par Charles Perier 1552.

IEAN DES FRANCHIERES grand Prieur d'Aquitaine
a escrit en quatre liures

La Faulconnerie, Recueillie des liures de M. Martino, Malopin, Michelin, &
Amé Cassian. [impr. à Poictiers 4°. par Enguilbert de Marnef 1567.

IEAN DE FREGEVILLE.

La Chronologie de Jean de Fregeuille de la maison de Gaut, natif de Realmôt
en Albigeois, contenant la generale duree du monde demonstree par la parole
de Dieu. [impr. à Paris 4°. par Abraham Dauuel 1582.

Traicté Cronologique contenant plusieurs belles recherches & restitution des
anciennes supputations des Ægyptiens, Assyriens, Medes & Perses, conformes
à l'histoire sainte. Aueq vne Apologie du calcul de sa chronologie que quel-
ques vns recentemente ont voulu taxer. Traicté tresutile pour l'intelligence des
anciennes histoires. [impr. à Paris 4°. par Timothee Iouan 1583.

IEAN LE FRERE de la Vala escrit,

Le Charideme, ou du mespris de la mort. Prose. Avec plusieurs vers Chresties
contenans les louanges de Dieu: & quelques Tetrastiques, ou Quatrains, es-
quels sont compris plusieurs preceptes de bien viure. [impr. à Paris 8°. par Ni-
colas Chesneau. 1579.

Recueil des propres noms modernes de la Geographie, cõfrontez aux anciens
par ordre Alphabetique. Enrichis d'une briefue obseruation de leurs situa-
tions. [impr. avec le Dictionnaire François Latin sur la fin d'iceluy, à Paris f°. par Gille sGourbin 1572.

Les vies des Saints dont l'Eglise Catholique fait feste & memoire ez mois de
Septembre

Septembre Octobre Novembre & Decembre, extraictes recueillies & faictes françoises par Iean le Frere & Iacques Tigeou, Pierre Vieil, & Pascal Robin, contenues au troisieme Thome de la vie des Saints. [impr. à Paris f°. par Nicolas Chesneau.

Oraison funebre faite à Rome aux obseques du treschrestien roy de France Charles 9. par Marc Antoine de Muret, Lymosin Iuriconsulte & Citoyen de Rome, traduite de latin en françois par ledit Iean le Frere, & impr. à Lyon par Benoist Rigaud 1574.

L'histoire des troubles & guerres de France de la Popeliniere, corrigees par ledit Iean le Frere, & imprimees sous son nom à Paris 8°.

La traduction du Iosephe, faicte par François Bourgoïn, corrigeée par Iean le Frere. [impr. par Nicolas Chesneau.

I E A N F R O I S S A R D qui viuoit du temps de la bataille de Poitiers, en laquelle le roy Iean fut prisonnier, a escrit

L'histoire & cronique de France & d'Angleterre, commençant en l'an 1326. par ce grand Comte Philippe premier roy de France de la lignee des Valois, & par les guerres d'entre luy & le roy d'Angleterre Edouard 3. du nom, soy disant aussi roy de France, par sa mere, seur de trois roys precedans, & finissant à la mort du roy Richard d'Angleterre en l'an 1400. [impr. à Lyon f°. en quatre volumes par Iean de Tournes, le premier & second en l'an 1559. le troisieme 1560. & le quatrieme 1561.

I E A N G A C H Y de Cluses soy disant des freres mineurs le moindre a escrit en rime,

Dialogue nouveau contenant l'expression des erreurs de Martin Luther, Les doleances de Hierarchie Ecclesiastique, Et les triomphes de verité inuincible, où sont introduits pour interlocuteurs, Zele diuin, Hierarchie Ecclesiastique, & Verité inuincible. [impr. 8°. l'an 1524.

I E A N D E G A I G N Y docteur en theologie, conseiller & premier aumosnier du roy François premier a traduit de latin

Sermons des six paroles de Iesus-Christ en croix. [impr. à Lyon 16°. par Iean de Tournes 1543.

Fruictueuse exposition sur les Epistres S. Pol aux Romains & Hebreux par Primasius iadis disciple de S. Augustin, translatee aussi de latin par ledit de Gaigny par le commandement du treschrestien roy François premier de ce nom. [impr. à Paris 8°. par Estienne Roffet 1549.

Sermons de Guerricus abbé d'Igny, translatez de latin par le mesme de Gagny. [impr. à Paris 8°. par Symon Colinez.

I E A N L E G A L O I S fut natif d'Aubepierre, & a fait le fableau de la bourse pleine de sens, qui est moral. Vn riche marchand de Desise, nommé Renier, marié à vne honeste dame, qu'il caressoit assez, aymoit toutesfoi vne putain. Ceste femme s'aperceuant qu'il portoit hors la maison, ce qui luy appartenoit, & neantmoins le cognoissant pour homme assez grossier, vn iour qu'il deliberoit aller à la foire de Troyes le pria luy apporter vne bourse de la valeur d'un denier, pleine de sens: ce qu'il mit en son memoire. Après auoir visiter Mabil le sa garce, elle luy demanda vne robbe. Le temps de la foire approchant,

prochant, Renier partit de sa maison : & venu à Troyes, feit tresgrand profit de sa marchandise, laquelle il r'employa en autres especes. Puis se souuenant de sa garce, il luy va achepter vne belle robbe: & encores ne voulant oublier sa femme, s'enquist où l'on védoit des bourses pleines de sens. Celuy auquel il s'adressa, qui n'estoit pas plus habile homme que luy, le renuoy à vn Sauoyart espicier, ou vendeur de drogues : & cestuy ci non plus sage que l'autre, l'adressa à vn vieil homme Espagnol: lequel sceut si bien interroger Renier, qu'il luy confessa estre marié à vne honeste dame, qui l'auoit prié luy apporter ceste bourse, & sa putain vne robe. L'Espagnol luy remonstra la faute qu'il commettoit de paillarder, ayant espousé vn si sage femme: toutesfois s'il se vouloit asseurer de l'amitié de l'une & de l'autre, ensemble cognoistre celle qui luy portoit plus vraye affection, qu'il deuançast ses chariots d'un iour ou deux : & se vestant de meschans habillemens, fist courir le bruit qu'il auoit tout perdu. Apres cela qu'il vint voir sa garce, puis sa femme : & selon la reception qu'elles luy feroient, il ingeast de leur amitié. Le sage aduertissement de l'Espagnol, ayant ouuert à Renier les yeux de son entendement, il commande à ses gens arriuer à Dezise, à certain iour qu'il leur dit, & non plustost. Ce pendant il les deuançe: & auant qu'entrer en la ville, ayant osté ses vestemens accoustumez, comme s'il fust eschapé de brigans, il vient qu'il estoit la nuit, heurter en la maison de Mabile, laquelle luy ouurit l'huis: mais le voyant en si pauvre estat, luy demanda qui il estoit. Renier, respondit qu'il auoit tout perdu, & se venoit cacher, ne voulant que ses creanciers le trouuassent: car il n'auoit moyen de leur satisfaire, pource qu'il deuoit beaucoup plus qu'il n'auoit vaillant. La garce luy dit, qu'il allast donc autre part : & nonobstant que Renier luy ramenteust les biens que iadis il luy auoit faits, sus l'heure mesme elle le chassa hors sa maison. De là il vient à la sienne, qu'il estoit nuit toute noire: & huchant sa femme, elle qui entendit sa voix descendit incontinent, & luy vint ouvrir la porte. Renier entré & ioyeusement receu, ne fut pas si tost monté en sa chambre, que sa femme luy demanda la cause pourquoy il estoit en si pauvre estat: à quoy il respondit en peu de mots, m'amy c'ay tout perdu ma marchandise, & qui pis est ie doy beaucoup plus qu'il ne me reste de vaillant, se monstrant fort courroucé. La dame luy dit qu'il ne se feschast, qu'elle auoit encores bié vaillant dix mille liures de son patrimoine, lequel luy abandonnoit pour payer ses debtes. Ce pendant qu'il despouillast ceste meschante robe, qu'il en prist vn meilleur, & fist bonne chere. Puis l'ayant fait manger, ils s'en vont coucher. Le lendemain la nouuelle de la perte de Renier, fut sceue par toute la ville dès le point du iour: car la garce l'auoit publiee. De sorte que sa maison se veit incontinent pleine de ses creanciers ou cautions: ausquels Renier faisant bien du piteux, remonstre comme il auoit tout perdu: les priant auoir patience aussi bié q luy, ce qui en estonna plusieurs: mais sur ce point voicy arriuer son valet, avec son palefroy, estant suivi des chariots qui portoyent sa marchandise. Lors ayant conté en presence de la compagnie l'occasion de sa feinte perte: sa femme luy dit, qu'il luy auoit apporté la bourse qu'elle demandoit: & Renier asseuré de sa fidelité, par la preuue qu'il en auoit trouuee, luy donna la robe promise à la garce: ayant par la sagesse d'autrui appris à cognoistre la differéce d'une vraye & feinte amitié.

I E A N

I E A N G A R D E I F A G E T a traduit de latin
La Collection des fleurs de Lactance Firmian, contenant sentences tresbelles
& pleines de pïeté & doctrine reduïte en lieux communs par Thomas Becon.
[impr. à Lyon 8°. par Clement Baudin 1558.

Au chap. 5. du liure de la vraye adoration.

Toute la vertu & doctrine des Philosophes est sans chef, d'autant qu'ils ignorent Dieu, qui est le chef de vertu & doctrine. Lequel qui ne le cognoit est aveugle, combien qu'il voye: est sourd combien qu'il oye: est muet combien qu'il parle. Mais quand il aura connu le createur & pere de toutes choses, lors il verra, il orra, il parlera, pource qu'il a commencé à auoir chef, auquel tous les sens sont assis, c'est adire les yeux, les oreilles, & la langue. Certainnement celuy voit qui des yeux de son cœur regarde la verité en laquelle est Dieu, ou Dieu auquel est la verité. Celuy oit qui imprime & fiche en son cœur la parole de Dieu, & les reigles de vie: celuy parle qui determinant des choses celestes, declare la vertu & la Magesté du seul Dieu. Parquoy il ne faut douter que celuy ne soit meschant qui n'aura connu Dieu: & toutes les vertus qu'il pense auoir ou posséder, sont trouuees en ceste mortifere voye, remplie de tenebres.

I E A N G A R D E T Bourbonnois a escrit aidé de Dominique Bertin Parisien

Epitome ou extraict abregé des dix liures d'Architecture de Marc Vitruue Pollion, enrichi de figures & pourtraicts. Avec les annotations sur les plus difficiles passages de l'auteur. [impr. à Paris 4°. par Gabriel Buon 1567.

I E A N G A R N I E R a escrit

Confession de la foy chrestienne contenant cent articles selon l'ordre du Symbole des Apollres, faicte & declaree en l'Eglise Françoisé de Strasbourg. [impr. à Strasbourg 8°. par Jaques Poullain & René Houldouyn 1555. *Calumnique.*

I E A N G A R N O T Medicin, natif d'Iuerre a escrit,
Catholique demonstration de la diuine Essence de Dieu, assauoir briefue & vtile declaration d'aucuns lieux obscurs de la Bible, & principalement des saints Prophetes touchant l'essence de Dieu ou de la diuinité. Avecques vne exortation du deuoir de l'homme comment & pourquoy il se doit estudier d'apprendre & sçauoir le saint commandement de Dieu. [impr. à Paris 8°. par Vincent Normant 1564.

I E A N G A Y Procureur en la court de Parlement de Tholose a escrit,

L'histoire des schismes & heresies des Albigeois, conforme à celle de present, par laquelle appert que plusieurs grands princes & seigneurs sont tombez en extremes desolations & ruines, pour auoir fauorisé aux heretiques. [impr. à Paris 8°. par Pierre Gautier 1561.

I E A N L E G E N D R E d'Orleans, Mathématicien a escrit,
Le tiers liure & continuation de la fleur & mer des histoires, où sont contenues les histoires plus celebres & memorables aduenues tant en l'Asie & Afrique qu'en l'Europe commanceant en l'an 1533. & continuant iusques en l'an 1550. [impr. à Paris f°. par Iean Real pour Philippes le noir audit an.

Brefue

Brefue introduction en la Musique tant au plain chant que choses faictes
[impr. à Paris par Pierre Attaignant 1554.

I E A N G E R S O N docteur en theologie, Chancelier de l'vniuersité de Paris a escrit,

La Mendicité spirituelle, les meditations de l'ame: le consolatif de tristesse.
[impr. à Paris 4°. par Michel le Noir 1519.

Confessionnal autrement appellé le directoire des confesseurs. [impr. à Paris 8°. par Poncet le Preux 1539.

Opus Tripartitum, Le liure des trois parties cest assauoir des commandemens de Dieu, de confession & de l'art de bien mourir: qui est instruction pour les curez, vicaires, maistres d'escholes, d'hospitaux & toutes autres qualitez de gēs.
[impr. à Lyon 8°. par Pierre Marechal 1490. & à Paris 16°. par Guillaume Thibault 1556.

Il a traduit aussi du Latin du docteur Seraphic S. Bonauenture, L'Aiguillon de l'amour diuine. Avec le prologue dudit Gerson. [impr. à Paris 4°. par Pierre le Caron demeurant en la Rue de Quinquempoix 1454.

Harengue par maniere de remonstrance faicte au roy Charles sixiesme par maistre Iean Gerson proposant pour & au nom de l'vniuersité de Paris, touchant le gouvernement du Roy & du royaume. Avec les protestations du roy Charles septiesme sur la determinaison du concile de Basse. [impr. à Paris 8°. par Vincent Sertenas 1550.

De l'imitation de Iesus-Christ, Liures iiii. traduits du latin de Iean Gerson.
[impr. à Lyon 16°. par Michel Ioue 1576.

Le Liure du Tresor de Sapience composé par maistre Iean Gerson en forme d'un dialogue entre le disciple & sapience. [impr. à Tholose 8°. par Iaqués Colmiés 1564.

I E A N D E L A G E S S E E Mauuesinois.

Les Premieres œures Françoises de Iean de la Gessee, Secretaire de la Chambre de Monseigneur le duc d'Anjou fils & frere de Roy. Assauoir Les ieunesses, liures vj. Les Mefflanges liures vij. Les Amours de Marguerite. liures iiij. Les Amours de Seuer liures iij. Les Amours de Gracinde, liures ij. Les Discours Poëtiques, liures ij. Le tout en vers & compris en vn gros volume. [impri. en Anuers 4°. par Christophle Plantin 1583.

Il auoit escrit au parauant,

Le Tombeau de tres excellent prince Claude de Lorraine duc d'Aumale, occis deuant la Rochele au mois de Mars 1573. Plus 3. Odes sur le mesme subiect.
[impr. à Paris.

Les soupirs de la France sur le depart du Roy de Poloigne en 27. Sonnets faicts à ce propos en faueur des Princes & grands, Seigneurs de ce Royaume. [impri. à Paris 4°. par Gilles Blaise 1573.

Ode sur le retour & Auâtuenue du Roy, de Poloigne en Frâce. [impr. à Lyon par Benoist Rigaud. avecq la declaration des Seigneurs Polonnois sur ledit retour 1574.

Exccration sur les infracteurs de la Paix. [imprimé à Paris 4. par Iean Borel 1572.

Le Tombeau de Henry de Foix Comte de Candale, d'Estillac & Beaugues en Guyenne occis au siege de Somieres en Languedoc [impr. à Paris par Gilles Blaise 1573.

La Rocheleide, ou discours en vers sur la ville de la Rochele assiegee par le camp du Roy. Auec vne Ode sur les troubles de France. [impr. à Paris 8°. par Gilles Blaise 1573.

Discours en diuerses Poësies sur l'entiere pacification des troubles aduenus en ce Royaume. [impr. à Paris 4°. par Laurens Chancelier 1573.

Les Odes Satyres en nombre x. Auec cinq Sonnets. [impr. à Paris 4°. par Federic Morel 1578.

Lettres missiues, Discours & Harengues familiaires en prose de Iean de la Gessee. à Paris 16°. par Iean de Laistre 1579.

70. Gessæ Mauuesij à Gasconia, Henrias, varijs poematum & carminum generibus illustrata ad Sereniss. Principem Henricum Valesium Regem Polonia & Andium ducem. [Parisjs excud. Aegidius Blasius 1573. Eiusdem Epigrammata. [impressa Parisjs 8°. apud Dyonyssium à Prato 1580.

Aux Ieunes.

*Feray-ie voir au iour mes escrits pleins d'enfance?
Si ie le fay, l'enuie à son nez me prendra:
Ne le faisant aussi pour oisif me tiendra:
Donques ie le feray si ie ne fais offense.
Faire offense! nenny, ie feray bien outrance
Aus ans ainsi desfaicts, & la Mort qui viendra:
Le m'en vois donc le faire, hé qui me reprendra,
Si ie fay ce qu'on fait contre l'orde ignorance?
Le face qui voudra, ie ne le feray pas:
Si ie le fay, c'est faict! ie m'expose aus plus bas:
Mais ne le faisant point ie le doy pourtant faire.
Ie doute en le faisant, ne le faisant i'ay tort:
Quoy donc? ie le feray, le faisant pour deffaire
L'enuie, la paresse, & le temps, & la mort.*

Au Quatriesme liure des Meilanges. Sur l'Anagramme de
MARGVERITE DE VALOYS.

Je cherche la victoire

Du vice combatu,

*VERTV AYDEZ MA GLOIRE,
GLOIRE AYDEZ MA VERTV.*

Nn Sur

CATHERINE DE NAVARRE.

*D'un royal sang de renom
Tu viens Navarroise grace:
Et s'il faut croire ton nom*

VN TAVRA REINE DE RACE.

Imitation de l'Épigramme d'Auzone, *Toxica xelotypo &c.*

*Vne femme adulateur à son mary jaloux
Vint bailler du poison, & luy semblant trop dous
Pour encourir la mort, du vis argent y mesle,
Afin qu'un double effort hastast sa mort rebelle.
Que les dieux sont soigneux & plains de pieté!
Ceste femme monstrant plus grande cruauté
Procura son salut : & si la destinée
Fit valoir à son gré double poison donnée.*

Aux Discours.

LA FORTUNE. Discours 11.

*L'homme naist pour mourir, & sa douteuse vie
D'une mer d'encombriers est icy poursuyvie,
Ore leur faisant teste, ore cedant aux flots
Des perils journaliers : comme les Matelots
Voguant par l'Ocean, ou l'aspre Nort & l'onde,
Single & frappe leurs nefz d'une ire vagabonde:
Cil qui s'uyt neantmoins le sentier non battu,
Marche comblé de loz, d'honneur & de vertu:
Et si cete Deesse à qui tout est possible
J'entens dame Fortune, aux vainqueurs invincible
Luy preste son secours : en peu d'espace il fait
Le ne sçay quoy de grand, d'heureux & de parfait.
DES PRVNE AVX ie voy biē que ce mot de Fortune
Qu'en Poète i'usurpe à la mode commune,
Sonne mal entre nous, & sans faine soustiens
Qu'il ne doit plaire à ceux qui sont vraiment chrestiens:
Toutesfois puis qu'il faut qu'en payen ie m'esgaye,
Discourant à demy sur une chose vraye,
Gouste un peu mon langage, avec mesme soulas*

Que

Que l'on dit qu'à requoy le noble Archesilas
 Oyoit souvent la voix rude & lourde à merueille,
 De ceux qui offensoient sa delicate oreille:
 Afin qu'après il eust plus de contentement,
 Oyant harenguer ceux qui parloient doctement.
 Je viens donques icy pour t'aborder en homme
 Qui n'est faux Chiromant ny vain Phisionome:
 Mais ie prens à propos cet honneste loisir,
 Et ie le fais aussi pour te donner plaisir.
 Ainsi l'Alme santé par mes vers exaltée,
 Ainsi celle qui tient la corne d'Amaltee,
 Rende l'une à ton corps une gaye saison,
 Et l'autre de ses dons emplisse ta maison.
 Saisi d'estonnement, & d'alegresse ensemble,
 Jay hanté puis n'aguere une femme qui semble
 Assez courtoise à voir: les attraits de son œil,
 Sa face qui soupire & l'humbleste & l'orgueil,
 Son port, sa contenance & sa superbe alleure,
 Tesmoignent qu'il n'en est de pire ne meilleure:
 C'est en somme le plus qu'en elle i'apperçoy,
 Car de l'appeller fine, indiscrete & sans foy,
 Volage, peu constante, & sujette à diffame,
 Je comprends tout cela quand ie dy qu'elle est femme:
 Or i'ajoit qu'elle emprunte estat & nom diuers,
 Sa maistrise pourtant maistrise l'univers:
 Et bien qu'elle ne soit tousiours à foy semblable,
 Par ses varietez, paroist esmerueillable.
 Les peintres inuentifs, & les poëtes vieux,
 Luy mettent (mais à tort) un bandeau sur les yeux:
 Ils plantent ses deus pieds sur une ronde boule,
 D'un voile enflé du vent qui comme elle s'estoule
 Courrant un peu son chef & son corps d'un costé,
 Ils ont legerement ses habits denoté:
 Quant a moy sans taxer par l'une de ces monstres
 Son indiscretion, par l'autre ses rencontres,
 Ou ses mobilitez, & par le signe tiers
 La simple nudité, qu'elle fuyt volontiers:
 Je la depains toute autre & deormais ordonne
 Que de toyle ou drap d'or une robe on luy donne:

Car puis qu'elle est si riche & promet largement,
 Son dos ne doit vestir un vil acoustrement.
 Elle est chauue non plus ni deuant ni derriere,
 Ses poils bien retrouffez d'une gaye maniere
 Empeschent qu'on ne puisse aus cheueux l'atraper:
 Car elle eschape alors qu'elle veut eschaper.
 Au surplus il ne faut l'asseoir dessus un globe,
 Pour monstrier qu'elle glisse & de nous se derobe,
 Suyuant son naturel: assez sans tout cela
 On void comme elle marche, & volle çà & là.

Des moindres laboureurs, iusqu'aux plus grâds monarques
 Elle tire ses droicts, ses tiltres, & ses marques:
 Et royne sur la terre, & royne sur les eaux,
 Domine les citez, & conduit les vaisseaux:
 Alors que nous trempons le fer dans nos entrailles,
 Mars luy doit le succez des guerres & batailles,
 Neptune le trafic des auares marchans,
 Bacchus l'amas des vins, Ceres l'heur de ses champs,
 Nous mesmes luy deuons: & sa seule parole
 Ore nous esiouit, ores nous esconsole:
 De là vient apres nous l'assurance & la pent,
 La perte & le profit, le repos & labeur,
 L'attente & desespoir, la grace & la furie,
 L'aisance & malheurte, sa brigade cheric:
 Brigade, qui pourfuit des premiers aus derniers,
 Princes, Soldats, Amants, Tresoriers, Mariniers:
 Tant que son ris leur rid, ils viuent sans encombre,
 Et dès qu'il cesse aussi, leur nombre n'est qu'une ombre
 Attrainant par meschef le trespas qui les suit,
 Comme le coy sommeil est trainé de la nuit.
 Jcy des uns hays sa malice secreete
 Reduit la gloire en blasme, & le sceptre en houlete:
 Là des autres vaincus d'un sanguinaire estour,
 Elle paue le camp, & se baigne à l'entour:
 Ceux cy iadis aymez de leurs cheres maistresses,
 N'esproüuent a present que languours & destresses:
 Ceux-là (pourceaux des Roys) pris és pieges tendus,
 Gisent à Montfaucon, repaire des pendus:
 Comme ceux qui fendans l'une & l'autre Amphitrite,

Ont

Ont aussi pour tombeau la vague qui s'irrite:
 Tant peut l'invasion pleine de cruauté
 De cete Dame icy pleine de royauté:
 Qui tant plus s'orgueillit, que son train ne desdaigne
 Le Temps pour gouverneur, & la Mort pour compaignie.
 J'ay veu qu'esmerueillé de tant d'effaiets urgens,
 L'admirois son pouuoir, notoire à toutes gens,
 Puis disois à part moy: que Gyge de Lydie,
 Et le plus souffreteux de toute l'Arcadie,
 Furent bien inegaux ! l'un pour auoir esté
 Abondant en richesse, & l'autre en pauureté:
 Si croy ie que celui que l'oracle Delphique
 Auoia plus heureux que ce Roy magnifique,
 Vescut moins à souhait: & si l'on me desment
 Par l'aise imaginé de son contentement,
 Le vous suppli quel heur peut receuoir un homme
 Que la faim, que la soif, & que le froit consomme?
 Quelque autre donc fera d'un fantatistique esprit
 Le hargneus Diogene, ou l'incant Democrit,
 Ou cil qui d'une humeur trop bizarre & chagrine,
 Eslança son tresor au fond de la marine,
 Pour mieux philosopher: quand à moy comme humain,
 Soigneux i'ay quelque soing du iour au l'endemain,
 Sçaichant qu'il n'est affaire où quelque fin on mette,
 Que la croix ne chemine, ou qu'on ne la promette:
 Non que i'estime ceux pour lesquels on rendroit
 Sans loy, merite, foy, l'art faut, l'heur dit, l'or croist:
 Et n'approuue aussi ceux qui priuez d'un tel aise,
 Nomment (chiches priseurs) l'opulence mauuaise:
 Mais ce sont des Renards qui ne pouuans toucher
 A l'arbre dont le fruit est agreable & cher,
 Le desdaignent beants, & taxent la viande,
 Qu'ils vouldroyent ia tenir dans leur gueule friande.
 Il me souuient qu'un soir passant à Charle-val,
 Je vy (cas merueilleux!) sur un fauue cheual
 Un fantosme animé, mais bien cete Deesse
 Qu'on renomme icy bas Emperiere & Maistresse.
 D'une Nymphe elle auoit l'œil, le geste & la voix:
 Et moy qui sans frayeur effrayé me trouuois,

Je la reconnu lors à sa face hipocrite:
 Telle que cy dessus ie l'ay desia descrite:
 Elle de son costé me cognoissant aussi,
 Se prit à me conduire, & m'arraisonne ainsi.

Que tu es abusé pouure sot qui ne cesses
 Fuir & reietter, les grandeurs & richesses:
 Au lieu que tout le monde à foule à foule court,
 Pour gagner mon accez, & me faire la court:
 Tu passes sans moi dire, & comme si i'estoye
 Quelque aposté voleur, pour t'occire en la voye,
 Recules en arriere, & pour le moindre esmoy
 Hayssable ore hays & la richesse & moy.

La richesse est le nerf des actions humaines,
 Le soustien de la guerre, & l'obiet de vos peines,
 Et moy ie suis l'adresse, & l'aide & le support
 De ces aduenturiers qui viennent à mon port.
 Cuydes-tu que pour estre accort, sçauant, honnestes
 Le vulgaire causeur te face plus grand feste?
 Ou que ces damoiseaux fraisez & delicats,
 Auisans ta simplessé en facent plus de cas?
 Non certes. & portant si ma loy te contente,
 Suy mes instructions à fin que l'on te vante:
 Je ne veux que tu sois de vertus si remply,
 Sous riche seulement, tu seras accomply:
 Mesmement en cet âge où le vice surmonte
 La raison, la doctrine, & l'honneur, & la honte:
 Qui sentent ore autant d'opprobre & de malheurs
 Qu'ils florissoient iadis en renom & valeur.
 Au reste voy comment les chiens mesmes effroyent
 Les Pauures en la rue, & apres eux aboyent:
 Ou les Riches hardis, contens & bien aisez,
 Par ce bestail iaseur se voyent caressez.
 Pense donc à m'attaindre, ore que tu me hastes,
 Et d'un si maigre espoir tes ieunes ans apastes.
 Elle eust continué, si des que i'eus rendu
 L'oreille à son discours, ie n'eusse respondu.

Ha, nouuelle Megere, & digne que la tourbe
 Des malheureux esprits, deuant tes pieds se courbe:
 Tu hausses ta puissance, & ne presches sinon

Ou la

Ou la ruse ta guide, ou l'heur ton compaignon:
 Infame neantmoins infame en peu d'annees
 Deuant en roideur leurs courtes empannees
 Tu boulderfes tout, changeant & renuerfant
 L'estat du temps passé, voire du temps present:
 Mais dy moy, tromperesse, est il vray que tu puisses
 Pallier dextrement les vertus & les vices,
 Avec vn tel affront? ou si ton hault pouuoir
 Est si ferme, si seur, & si lonable à voir,
 D'ou vient ton inconstâce? & qui t'esmeut farouche
 D'auoir le fiel au cœur, & le miel dans la bouche?
 Puis tu veux que ie fonde vne esperance en toy,
 Comme si ton esclau, ou seruiteur i'estoy:
 Et m'invites aux lieux où volontiers abordent
 Ceux qui, t'obeissans, lachement se desbordent.
 Comment? pourrous ie bien te plaire & contenter?
 Je ne scay point mentir, ie ne scay point flater,
 Les noircissans Corbeaux en Cygnes ie ne change,
 Et simulé ne fais d'un Astarot un Ange:
 Et pour m'y façonner, ce neantmoins tu veux
 Qu'à la suite des grands ie t'empoigne aux cheueux:
 Et pour m'accommoder à ces humeurs estranges,
 Tourne (flateur nouveau) les blames en louanges.
 Qui n'a veu, qui n'a sceu, que tel viuoit icy
 Caressé de son prince, & libre de soucy,
 Pour estre doucement nourry deffous son ale,
 Comme si ta faueur demeuroit eternelle:
 Qui maintenant soumis à tes mutations,
 Est circuy de soings, de maux, d'affections?
 Qui plein d'extreme ennuy void regner en sa place
 Tel qui n'estant recous de ton ire & fallace,
 Sera tost culbuté pour y laisser apres
 Vn autre, qui tombant, le doit suiure de pres?
 Vrayment puis quelque temps ie t'auoy biē connue,
 Mais c'estoit seulement par ombrage & par nue:
 Ore ie te remarque, & sous diuers atours
 A la court de nos Rois ie te voy tous les iours,
 Fraudant les moins rusez, d'une apparence belle,
 Avec ta ieune seur que Faueur on appelle:

Là vous avez grand vogue, & vous iouant du pié
 Donnez le croc en iambe au plus disgracié:
 Ou pour monstrier que vaut l'astuce & l'accortesse,
 Esleuez un Tbraçon en bon heur & hautesse:
 Puis sous un pront rapport, ou quelque faux soupçon,
 Vous le depossédez en la mesme façon
 Qu'il chasse son voisin: imitant de la sorte
 Un flot qui choque l'autre, & qui porté l'emporte.
 Tu vis ainsi Cruelle, & grosse de courroux
 Nous troubles maintesfois sous un visage doux:
 Ou nous enfortelañt comme une Circe caute,
 Abrutis nostre sens qui s'obstine en la faute,
 Et suit voluptueux un miserable train,
 Comme un Coursier errant sans maistre ni sans frain:
 Tes dons immenses sont tout autant de rapines,
 Parmi tes belles fleurs on ne trouue qu'espines,
 Et ta voix de Seraine excite le danger
 Moins pour nous afferuir, que pour nous submerger.
 Certes ces vieux Romains lourdement se tromperent
 Qui pour te reuerer, idolatres, fonderent
 Un temple à ta grandeur: ie dy faine grandeur,
 Pour n'auoir onc en soy ni bonté ni rondeur:
 Car si celuy qui veut s'auancer à ta suite,
 Au feu d'ambition n'a l'ame bien recuite:
 S'il ne fait l'habile homme, & fust il un gros Veau,
 S'il n'a mille dessains, & n'eust il de cerueau,
 S'il ne desguise bien sa nature empruntée
 D'un vray Cameleon, ou muable Protee:
 Si graue il ne se morgue, & ne scait piafer,
 Il ne peut à mercy ta poictrine échauffer.
 Suiuë donc qui voudra ton dol, & ta hantise,
 J'aime mieux racoster la Pauureté soubmise:
 La Pouureté ressemble au païs d'Ulysses,
 Rude, & bon toutesfois: & les biens amassez
 Sont d'escharse nature, & de penible garde,
 Et tel n'en use point qui pour autruy les garde,
 Et l'or avec son cœur en la terre enfouyt.
 Mais tant plus il possède, & tant moins il iouyt.
 Tesmoin ce sot Midas, que tant de fables vieilles

Ont

Ont accoustre si bien : teste digne d'oreilles,
 Pourquoi n'as pris tu lors que le bien seulement
 Git en la suffisance & au contentement?
 O que celuy me plaist qui chargé de merites,
 Librement refusa le present des Samnites:
 Et qui d'eux honnoré leurs honneurs desprisoit,
 Lors que pour son souper des naueaus il cuisoit:
 Perissent ces oustils d'iniustice & meschance
 Et contre leurs ouuriers, puisse tourner la chance.
 Cerche donques ailleurs, cerche fausse Erynnis,
 Quelque amy conuoiteus de tes fards infinis:
 De moy ie suis trop simple, & de peu de presence,
 Pour concevoir si tost la moindre cognoissance
 De tes affections, qui se font remarquer
 De ceux que tu reçois ou daignes practiquer:
 Ioint que pour descouvrir ton cœur & ta pensee,
 Il me faudroit les yeux d'un Argus ou Lyncee:
 Le bras d'un Briaré pour rompre ton effort
 Et l'heur d'un braue Alcid pour estre le plus fort.
 Je la tençois ainsi detestant sa cautelle:
 Et lors pour s'excuser, le voy bien (me dit elle)
 Que ie chante aus Sourdants, & qu'un Zephyr dispos
 Comme fueilles en l'air esband vains mes propos.
 Je ne te nie pas que si quelqu'un m'outraige,
 Je ne change parfois de front, & de courage:
 Et que l'horreur qu'il a ne luy tempeste alors
 Le cerueau dans la teste, & l'ame dans le corps:
 Toutesfois si tu veux m'embrasser & me suiure,
 En lieu de te morfondre ainsi dessus un liure,
 Comme ceux qui chetifs, ne peuuent marier
 La cheuance au merite, & la pompe au Laurier:
 Je te feray cherir, ie te feray paroistre,
 Et par moy ton l'abeur ne cessera d'accroistre.

Ne veuille donc croupir à l'exemple de ceus
 Qui n'ayants soing de moy, ne bougent de chez eus:
 Prisonniers accasez, qui trescontents se tiennent,
 Ou pensent qu'en dermant les rentes leurs aduiennent:
 Ne ressemble non plus à ces fols Escriptuans,
 Qui dans leur chambre enclos sont plus morts que viuants:
 Et ne

*Et ne t'arreste point à la sagesse foste.
 D'un songecreux Platon, d'un bauard Aristote:
 La plus seure science est de ne rien sçavoir,
 Si ce n'est l'art subtil d'en prendre & d'en auoir:
 Ce sont les vrais moyens qu'à chacun ie propose,
 La sente que ie fraye, & la Metamorphose
 Dont par fois ie transforme en nobles & bragards,
 Ceux qui n'aguere estoient simples gueus ou pendards:
 Pource si tu m'en crois aye soigneuse cure
 D'allier ton Phebus avec le fin Mercure,
 Sans qui voſ doctes seurs & leur frere Apollon,
 Sont volontiers en proye à ce Monstre felon
 Qu'on nomme Pauvreté: seul fleau des galands hommes,
 Et triste espouuantail de la terre où nous sommes:
 Hasté donc ton pourchas, & deuieus mon amant,
 Hasté toy si tu veux pour iouer seurement:
 L'heure, le iour, le temps, s'en va s'enfuit s'en vole:
 Et moy ie te delaisse avecques ma parole.
 A tant se teust Fortune, & comme un rouge esclair
 Tost nay, tost amorti, ie la vy perdre en l'air.*

I E A N G I L L O T Champenois a traduit,
 L'histoire Ecclesiastique de Nicephore fils de Calliste Xanthouploix auteur
 grec, laquelle contient en dixhuit liures les principales affaires chrestiennes,
 dez le temps auquel nostre Seigneur Iesus-Christ s'apparut ayant pris chair hu-
 maine, iusques à six cens vingt cinq ans ensuiuans. [impr. à Paris f°. par Michel-
 le Guillard 1567.

Catechisme suiuant l'ordonnance & decret du S. Concile de Trente pour l'in-
 struction des Curez. [impr. à Paris 8°. par Jacques Keruer 1578.

I E A N G I R A R D Dijonnois aduocat à Aussy a écrit
 Traicté auquel est nayfuelement depaint le sentier que doit tenir l'homme pour
 bien & heureusement regir & gouuerner les actions de sa vie, cherissant la ver-
 ru & detestant le vice: prenant origine de la cognoissance de soy-mesme. [impr.
 à Lyon 16°. par Benoit Rigaud 1579.

Chants du premier aduenement de Iesus-Christ, Plus chansons de Careme.
 [impr. à Lyon 8°. par Jean d'Ogerolles 1560.

*I O. Girardi Diuionensis Aßona sequanorum Dicastæ Stichoſtratia:
 Epigrammaton centuria quinque. Carminum libri sex, primus Odarum, 2.
 Epodon, 3. Elegiacorum, Quartus heroicorum, Quintus dialogorum,
 Sextus Quisquiliarum. [Lugd. 4°. Apud Mathiam Bonhomme, & 8°.
 Apud Petrum Fradin 1558.*

*Epigrammaton legalium liber facetissimus, authore Io. Girardo. Eiusdem
 scholia*

scholia in singula Epigrammata, quibus quod alioqui minus aperte propter legem dici poterat explicatur & exemplis confirmatur. [Lugd. 8°. Apud Clementem Baudin 1576.

Eiusdem Phantasmatum prosopopœia: & alia eiusdem argumenti consolatoria. [Lugd. 4°. anno Domini 1578.

Eiusdem Poëmata noua. [Parisijs 8°. apud Guliel. Auuray 1584.

*Au 15. chap. de la 8. Marche du Sentier de la cognoissance
de soy-mesme:*

L'Esprit haut leué traucte la terre, & les eaux, & monte aux ciëux: en quoy faisoit il conuerse avec les hommes, & les Anges: & n'est iamais en solitude sans docte & ioyeuse compagnie: Telle solitude ne luy peut estre que suauë, quand il la pratique selon Menander, pour la hayne des mauuais, & pour euitter la rencontre de ceux qui nuisent aux bonnes meurs: d'ailleurs pour seruir à autres: qu'à eux les doctes solitaires ne font ils pas sortir de leurs solitudes les lecteurs? docteurs? escoliers & disputes publiques? les aduocats, iuges, plaidoiries & sentences? les gens de guerre & les batailles? bref tout cela ne remue il pas le monde? Mais autrement de refuyr le conspect des hommes, & indifferemment les hayr tous, ainsi que Myson, & Timon, & vn Cortesius Affonois, & autres stupides & hebetes, cela me semble n'auoir rien de l'homme: & ainsi est assez verifié ce qui a esté dit par le Philosophe: Le solitaire est ou Dieu, ou beste: car à le bien prendre si l'homme n'est diuin, ou beste brute, il n'aime les retraittes sauuages. L'homme diuin apres que l'occasion de sa solitude cesse, il retourne à son esprit d'homme qui de nature est ennemy conitré de continuelle solitude, & nay à ciuile societé, & compagnie. Et certainement nous estimós les biens que nous auons communs entre nous plus doux, & plus delectables que les particuliers, & les aduersitez communes pareillement plus legeres, & moins ennuyeuses. Si deux dorment ensemble (dit l'Ecclesiaste) ils ont plus de chaleur: celui qui est seul comme s'eschauffera il? La deuise de l'homme Politic est: L'homme seul de soy nul: car la police principale, & plus prestante partie de la Philosophie tiët pour la plus parfaite fin la conuersation des vns avec les autres: pour negotier, & s'exercer és actions de iustice: aussi la beatitude de la vie pratiquee est la frequentation, qui administre les causes, & opportunitéz, à bien faire les vns aux autres. L'entendement de l'homme se charge de hautes cogitations & pensees: puis appelle à son secours ses sens & appetits: puis sous la conduite de raison descend es lieux les plus secrets du cœur: & là sans perturbation moleste, puise son conseil: que si cete raison ne produisoit dehors, ce qui a esté aduisé dedans, & ne le mettoit en euidence, & à profit: la deliberation non executée demeureroit vaine en ses cachettes. Ce n'est honneur & deuoir d'humain office de se contenir en soy-mesme par vicieuse retention de soy-mesme: comme peut il estre nay pour soy, s'il a en soy pris conseil genereux? à quoy luy sera bon ce conseil, s'il n'est communiqué ni exercité? quelle possession voire de science & vertu peut estre ioyeuse, si elle est sans compagnon? sans actions? & y a il rien plus plaisant & agreable que d'auoir hommes avec lesquels tu puisses assembler

blertés conſeils tout ainſi que ſi tu parlois a toy-meſme? N'eſt-ce pas redoubler la ioye, que en racontant & enſeignant ſe reſouuenir des choſes bonnes? Je diray avec Seneque, que qui me donneroit toute la doctrine des hommes à telle condition de la tenir ſans en dire ou eſcrire mot, ie n'en voudroye point. Si i'auroy reçu du Ciel quelque admirable inuention: & il ne me fuſt permis de clarer ce que i'auroy ouy & veu en vérité, i'auroy vne incroyable triſteſſe pour n'en pouuoir rendre l'vtilité & plaiſir à la poſterité, & cela me ſembleroit eſtre à moy deſhonneſte & reprochable. Ca donc quittons toute ſolitude, allons & venons en rue la face couuërt de ioyeuſe ſeuerité, & ris modeſte, les yeux nullement frétilans, la teſte peu mouuante, les mains ſeures, le pas graué &c.

I E A N G I R I a eſcrit

Histoire des ſieges de Sommieres. [impr. à Lyon 8°. par Benoïſt Rigaud.

I E A N G I R I N E T aduocat à Lyon a fait & prononcé deux Oraïſons l'une en latin, l'autre en françois en l'Egliſe de S.Nizier à la creation & nouvelle installation des eſcheuins de ladite ville de Lyon en l'an 1555. [impr. à Lyon 4°. par Iean de Tournes.

I E A N G O E V R O T medicin du roy François premier a eſcrit, L'entretènement de vie, contenant les remedes de medicine & chirurgie contre toutes les maladies ſuruenantes quotidiennement ez corps humains. [impr. à Lyon 8°. par Iean Flajollet ſans dattë.

Il a traduit auſſi du latin de Proſper Calanius

Traicté de l'entretènement de ſanté, auquel eſt déclaré la nature de routes ſortes de pain, vin, caue, chair, poiſſon & pluſieurs autres choſes qui ſont en commun vſage pour la commodité de la vie d'un chacun. [impr. à Paris 16°. par François Giraud 1549. & à Lyon par Iean Temporal 1550.

I E A N G O S S E L I N de Viré Garde de la Librairie du roy Charles 9. a eſcrit,

Ephemerides ou Almanach du iour & de la nuit pour cent ans commençans en l'an 1571. lequel donne à cognoiſtre par chacun iour de l'an, Les Calendes, Nones & Ides ſelon l'vſage de Rome, le lieu du Soleil au Zodiac & ſa declina-tion, l'aube du iour, la nuit fermante, le leuer & le coucher du Soleil, la longueur du iour artificiel, la longueur de la nuit expreſſement à tous les habitants au Parallele de Paris ou ez enuïrons. Et ſemblablement à tous autres qui habitent entre le 44. degré de latitude & le 54. Il monſtre pareillement à quel iour ſe leuent ou couchent coſmiquement à ſoleil leuant, ou croniquement à ſoleil couchant, toutes les plus notables eſtoiles fixes du firmament, à tous ceux qui ſont entre le Parallele de Paris & le Parallele de Rouën. Dauantage il donne à cognoiſtre les feſtes fixes & les mobiles, les nouuelles lunes, les premiers quartiers, Les pleines lunes & les derniers quartiers ſelon le vray mouuement de la Lune pour 19. ans. [impr. à Paris par Guillaume Chaudiere 1571.

La Main Harmonique. Ou les principes de Muſique antique & moderne. Et les propriétés que la moderne reçoit des ſept Planettes. [impr. à Paris en vne grande feuille par Nicolas du Chemin 1571.

Joannis Gosselini Historia imaginum caelestium nostro saeculo accommodata in qua earum vicinitates seu habitudines inter se atque stellarum fixarum

fixarumque situs & magnitudines explicantur. [Excus. Parisijs 4°. apud Aegidium Beys 1577.

I E A N G O V L A I N Docteur en Theologie de l'ordre de Notre Dame du Carme qui viuoit l'an 1372. a translaté de latin en françois, Le Rational des diuins offices. [impr. à Paris f°. par Antoine Verard 1503.

I E A N G O V S S E T Licencié es droicts, Sieur de Buxierres, Preuost & garde pour le Roy & garde des sceaux aux contracts de la Preuosté de Montigny le Roy, a mis par escrit, Les Loix Municipales & coustumes generales du Baillage de Chaumont en Bassigny & ancien ressort d'iceluy, interpretees & annotees de plusieurs decisions, sentences, arrests & autres raisons y conuenables, & concordees à plusieurs autres coustumes de ce Royaume de France. [impr. à Paris 4°. par Michel de Roigny 1578.

I E A N D E S G O V T T E S a traduit en prose Françoisse, Roland Furieux, escrit premierement en Tuscan par Chants & Stanzes. Auteur Loys Arioste gentil'homme Ferrarois. [imp. à Lyon f°. par Iean Theussion 1543. & Sulpice Sabon, & despuis à Paris 8°. par Claude Gautier & encores à Lyon 8°. par Barthelemy Honorat 1582.

La belle & plaisante histoire de Philandre surnommé le Gentil'homme, Prince de Marseille & de Passeroze fille du Roy de Naples. [impri. à Lyon 8°. par Iean de Tournes 1544.

Lucian, de ceux qui seruent à gaiges es maisons des gros seigneurs & bourgeois. Avec vne oraison dudit Lucian, contre calumnie. [impri. à Lyon 16°. par François Iuste 1537.

I E A N L E G R A N D a escrit, Instruction sur le fait des finances & chambre des comptes diuisee en 3. parties. [impr. à Paris 8°. par Ambroise Drouard 1583.

I E A N G R A N G E R Lorrain a escrit en prose, parmy où sont entremeslez plusieurs vers, Pastorales, sur le baptisme de Monseigneur Charles Emanuel prince de Piemont, Avec vn recueil de quelques Odes faites par le mesme auteur. [impri. à Chambery 4°. par François Pomar 1568.

I E A N Mathieu G R I L L O Gentilhomme Salernitain a escrit, Abiuration de plusieurs herreurs & heresies qu'il a tenu, faite publiquement & volontairement en la presence du Reuerendissime Cardinal d'Armignac. [impr. à Paris 8°. par Iean Dallier 1563.

I E A N G V I C H A R D Docteur regent en Medicine en l'vniuersité de Montpellier a traduit de Grec en François, L'Epistre d'Hippocrates à Damagete par laquelle est expliquée la cause morale du ris du Philosophe Democrite. [impr. au bout du traité du ris de Laurens Ioubert à Paris 8°. par Nicol. Chesneau 1579.

I E A N G V I D O.

Remedes contre la Peste, vtils à gens de tous estats, composez par M. Ieā Guido Docteur Regent en l'vniuersité de Paris. [impri. à Lyon 16°. par Fran. Iuste.

I E A N G V I L L E M I N Champenois a traduit du Latin de Ia-

O o ques

ques Syluius lecteur du Roy, en Medicine à Paris.

Introduction sur l'Anatomique partie de la Physiologie d'Hiopocrates & Galen distribuee en trois liures. [impr. à Paris 8°. par Jean Hulp. au 1555.

JEAN GVINTE R d'Andernac Docteur Medicin de Paris a escrit,

Instruction par laquelle vn chacun se pourra maintenir en santé, tant au tēps de peste comme en autre temps. [impr. à Strasbourg au Pellican 1547.

JEAN DE GVTERRI Docteur en Medicine & Medicin du Reuerendissi. Cardinal de Lorraine en son Abbaye de Cluny a traduit d'Espagnol,

Les Épistres Dorees, morales & familiaires, & Discours salutaires de Don Antoine de Gueuare Euesque de Mondogredo Confesseur & Historiographe de l'Empereur Charles v. Tomes premier & second. [impr. à Lyon 4°. par Macé Bon-homme. Le premier en l'an 1558. & le second 1559. Le troisieme tome a esté traduit apres par Antoine du Pinet, & tous les trois ont esté despuis imprimez à Paris 8°. par Galiot du Pré 1553.

En la lettre au Comte de la Mirande au premier Tome.

Le diable est celuy qui nous persuade plusieurs vices, le Monde est celuy qui nous engouffre en plusieurs negoces, & la Chair est celle qui nous demande plusieurs passetemps & lubricitez. Mais Iesus-Christ nostre bon Dieu & Sauueur ne nous demande autre chose sinon de l'aimer de bon cœur & ne hayr point nostre prochain. La loy des Hebrieux estoit la loy de crainte, mais la loy des Chrestiens est la loy d'amour & de grace: car ils seruoyent Dieu par force & par crainte, & nous le seruons par amour. Celle loy est appellee dure, & celle des Chrestiens suauue. La propriété d'amour est qu'il rende l'aspre & rude en plain, le cruel benin, l'aigre doux, l'insipide sauoureux, l'ennuieux plaissant, le malicieux simple, l'assoupi esueillé, & le pesant leger. Au moyen dequoy celuy qui aime ne sçait murmurer de celuy qui l'a fasché & ennuyé, ny refuser ce qu'il luy demande, ne resister à chose qui luy prenne: ne se vanger combien qu'il soit interessé & endommagé, & moins s'en aller encores qu'on luy donne congé. Mais pour Dieu, qu'a oublié celuy qui aime de bon cœur & d'une bonne affection? Qu'obmet à faire celuy qui ne fait qu'aimer? Dequoy se plaint celuy qui tousiours ayme? si celuy qui ayme de bon cœur se plaint de quelque chose, ce n'est point de ce qu'il aime ains de soy-mesme, qui possible aura commis quelque erreur en l'amour. Soit donc la conclusion, que au cœur qui aime de bon cœur sans comparaison est plus grand le plaisir qu'il prend en l'amour, que la peine & trauail qu'il souffre au seruice. O que ce seroit vn grand cas si estans vrais Chrestiens nous estions amoureux de la loy de Iesus-Christ. Parce que lors nous ne serions point pensifs, & si ne viurions point en peine: car le cœur occupé en amour ne fuit iamais les dangers, moins s'affoiblit-il au trauail. Le ioug que portent les animaux quād il est neuf, est de soy-mesme pesant: mais desia sec & vn peu porté, est

te, est plus doux à porter. O bon Dieu! ô grand misere! puis que n'avez voulu incontinent apres vostre natiuité nous charger du ioug de vostre loy, mais plustost l'avez vous mesmes porté sur vous l'espace de trente ans, afin de le dessecher, nettoyer, & adoucir. Je te demande Chrestien, Iesus-Christ t'a-il comandé faire aucune chose q̃ luy-mesme premierement ne l'ait faite? Quel ioug nous a il mis sur le dos, que luy-mesme n'ait premierement porté sur ses espaulles? S'il nous a comandé ieuner, il a ieuné: s'il nous a comandé prier, il a le premier prié, si pardonner, il a pardonné, si mourir il a esté mort: & s'il nous a comandé aimer, il a plus aymé que tous: de façon que s'il nous a comandé prendre quelque medicine, luy mesme en a fait en soy premier l'espreuue. Iesus-Christ n'a voulu faire cõparaison de sa loy au bois, ne à la pierre ne au fer, mais plustost au ioug: car toutes ces choses cy peuuent estre portees par vn seul, mais pour tirer vn ioug, il faut de necessité qu'ils soyent deux. Tout incontinẽt que le Chrestien baissera la teste sous le ioug, de ce pas Iesus-Christ se mettra de l'autre costé pour luy aider à porter. Personne n'appelle Iesus-Christ à qui il ne responde. Personne ne se recommande à luy qu'il ne le secoure. Personne ne luy demande qu'il ne luy donne quelque chose. Personne ne le sert qu'il ne soit payé: personne aussi ne se mettra à trauailler, qu'il ne luy ayde. Le ioug de la loy de Iesus-Christ est plus pour allegger, que pour charger, plus pour pardonner que pour chastier, & plus pour fortifier qu'affoiblir. Car celuy mesme qui nous a comandé de le charger, nous aide à le porter. O bon Iesus, ô amour de mon ame? Avec vn tel conducteur, comme vous, qui est celuy qui perdra le chemin? &c.

I E A N G V Y T O T Niuernois, Secretaire de la tresillustre maison de Lorraine a traduit en beau & elegant langage françois, Les Meditatiõs des Zelateurs de pieté, recueillies de plusieurs & diuers liures des saincts anciens peres, assauoir, Les meditations de S. Augustin, Les Soliloques du mesme autheur, qui sont salutaires propos dont il vsoit seul en soy mesme, ou retiré à part en solitude. Le Manuel dudit S. Augustin contenant vn petit traicté de la contemplan de Iesus-Christ. Les meditations de S. Anselme archeuesque de Cantorbie. Les meditations de S. Bernard abbé. Sermon du mesme S. Bernard de la mort & passion de nostre redempteur Iesus-Christ. Admirable discours de Pierre Damian Cardinal d'Hostie touchant l'heure de la mort. Tresdeuote occupation & saint exercice de l'Ame rauie en la contemplation de son Dieu. Conclusion du traducteur sur le profit de ladite version. [impr. à Paris 8°. par Pierre l'Hullier 1571.

I E A N B A P T I S T E G Y R A L D. Premier volume des cent excellẽtes nouuelles de Iean Baptiste Gyraldi Cynthien noble Ferrarois, contenant plusieurs beaux exemples & notables histoires partie tragiques, partie plaisantes & agreables, qui tendent à blasmer les vices & former les meurs d'vn chacun: mis d'Italien en François par Gabriel Chapuis. [impr. à Paris 8°. par Abel l'Angelier 1583. Second volume, traduit & imprimé de mesme, comme aussi les dialogues de la vie ciuile. [impr. 12°. Italien-François, par l'Angelier.

I E A N H E L V I S de Thillard en Beauuoisis a escrit vn traicté

O o 2 inti

intitulé,

Le Miroir du Prince Chrestien posé sur les deux Colomnes royales de Pieté & Iustice: enrichi des plus exquis ornemens & autres rares singularitez qui le peuuent seurement guider au comble d'une grandeur admirable. [impr. à Paris 8°. par Thomas Brumen.

Probation de l'Eglise & doctrine catholique tirée des sacrees escritures & docteurs approuvez en forme de demandes & responses. [impr. à Paris 8°. par Thomas Brumen 1565.

Les Tombeaux & discours des faicts & deplorable mort de tresillustre & trespugnanim Prince Claude de Lorraine duc d'Aumale occis ez guerres civiles partie en prose, partie en rime. [impr. à Paris 8°. par Denys du Pré.

I E A N H E N R Y President en la chambre des enquestes, chantre & chanoine de l'Eglise nostre Dame de Paris a escrit

Le liure de meditation sur la reparation de nature humaine. Ensemble le liure de consolation sur la ioyeuse meditation de la natiuite de Iesus. [impr. à Paris 16°. par Iean Petit, sans date.

Le Pelerinage de nostre Dame & de Ioseph, de Nazareth en Berlehem, la natiuite de nostre Seigneur, la visitation des pastoureaux & des roys: le tout extrait du Pseaume Eructavit, exposé par chapitres. [impr. à Paris 8°. par Pierre Sergent.

Le liure de reformation, utile & necessaire pour toutes religieuses desirans mener vie vertueuse, par Iean Henry &c. [impr. à Paris 8°. par Iean Petit. Il trespassa l'an 1473. & fut enterré au monastere de nostre Dame de Fontaines lez Meaux.

I E A N H E R A V L D de Saint Ferme en Bazadois a traduit de latin en rime françoise vn traicté d'Aristote du regime & administration de la famille, contenant plusieurs beaux & utiles enseignemens pour bien & heureusement viure en sa maison. [impr. à Paris 16°. par Iean Gueullard, sans date.

I E A N D E H E R S I N docteur en Theologie en la fameuse vniuersité de Paris, & humble prieur des freres hermites de S. Augustin de la noble cité de Lyon, a traduit du latin de Bernard de Breydembachz Doyen & Camarier, de l'Eglise metropolitaine de Magonce

Le voyage & pelerinage d'outremer au S. Sepulchre de Hierusalem par luy faict. [impr. à Lyon f°. en l'an 1489. sans date ny nom d'imprimeur.

I E A N H E S S E L S.

Defense de plusieurs articles sur lesquels nous accusent & condannent nos ennemis caluinistes & lutheriens, écrite premierement en latin par le docteur M. Iean Hesses professeur de son temps ez saintes lettres en l'vniuersité de Louvain, & traduite en françois. [impr. à Louvain 8°. par Pierre Zangre 1567.

I E A N H V A R T.

Examen des Esprits &c. Voyez Gabriel Chapuis.

I E A N I A R R Y Prieur de la chartreuse de Fontenay a traduit de latin

Exerc

Exercices deuots & spirituels dependans du liure de Sainte Gertrude, auquel est discours de la pieté diuine. Avec plusieurs autres traictez spirituels de Iean Lansperge & Henry Suson chartreux. [impr. à Paris 16°. par Guillaume Chaudiere 1580.

I E A N I M B E R T lieutenant criminel au siege de Fontenay le Conte a escrit

Les Institutions forenses, autrement pratique iudiciaire en quatre liures traduits du latin par le mesme Imbert auteur d'iceux, & impr. à Paris, & à Lyon 16. par Benoit Rigaud 1571.

Enchiridion ou brief recueil du droit escrit &c.

I E A N D E I N D A G I N E.

Physionomie &c. Voyez Antoine du Moulin

I E A N Sire de **I O I N V I L L E** & Senechal de Champagne a escrit

L'histoire & chronique des faicts & gestes, vie & mort du treschrestien Roy S. Loys ix. du nom, & xliiij. Roy de France duquel estoit amy & contemporain & l'auoit accompagné en toutes ses guerres, trouuee à Beaufort en valee au pais d'Anjou escrete en main parmy quelques vieux registres de René iadis Roy de Sicile, laquelle histoire contient au long & en bon ordre plusieurs choses particulieres dont Guaguin, Paul Aemile & autres historiens n'ont fait mention. Et a esté restauree & mise en lumiere par le soing & diligence d'Antoine Pierre de Rieux qui l'a faicte imprimer à Poictiers 8°. par de Marnes en l'an 1547.

I E A N L A M B E R T religieux de l'ordre de Cluny a traduit de Castillan en François,

La Seconde partie de l'horologe des Princes contenant la vie, meurs, & grues discours de Marc Antonin dict le Philosophe Empereur de Rome recueillie de diuers auteurs. [impr. à Paris 4°. par Iean Borel, Iean Poupy & Thomas Perier 1580.

I E A N De la **L A N D E** Breton, gentilhomme du Duc d'Anguena traduit

Les histoires de Dictis Cretensien, traictans des guerres de Troye. [impr. à Paris 8°. par Estienne Groulleau 1556. Voyez Mathurin Heret, qui en a fait vne autre traduction.

I E A N L A N G E de Luxe, aduocat au Parlement de Bordeaux a fait & prononcé

La Harengue du peuple & tiers estat de toute la France, au Roy treschrestien Charles ix. tenant ses estatx generaux en sa ville d'Orleans. [impr. à Paris.

I E A N I V S T E L A N S P E R G E. Voyez Iean de Billy, Iean Iarry.

I E A N De **L A V A R D I N** Vendosmois, abbé de l'estoile a traduit du grec de Gregoire Nazianzene,

Exortation à l'amour & charité que nous deuons auoir enuers les pauvres. [impr. à Paris 16°. par Nicolas Chesneau 1574.

Apologie de Gregoire Nazianzene en laquelle est principalement déclaré la

charge & deuoir d'un Euesque & autres prelates de l'Eglise. [impr. à Paris 8°. par Guill. Chaudiere 1579.

Il a traduit aussi du latin de Stanislaus Hosius Cardinal Polonois, Euesque de Vvarme

Confession catholique de la foy Chrestienne! Ou à vray dire l'instruction generale des Chrestiens en la religion catholique, tant pour s'y maintenir & y ramener les desuoiez du vray chemin d'icelle, que pour s'asseurer contre toutes les heresies de ce temps. Enrichie de deux traictez du mesme autheur, De l'origine des sectes & heresies de ce temps: & de l'expresse parolle de Dieu. [impr. à Paris f°. par Nicolas Chesneau 1579.

Plus du latin de Guillaume Lindan, Remonstrance aux prelates de l'Eglise Gallicane contenant vn beau discours touchant la pacification du Schisme regnant, & de la reformation des meurs. [impr. à Paris 8°. par Guillaume Chaudiere 1572.

Abregé de la guerre des Iuyfs, par Iean de Lauardin &c. [impr. à Paris 16°. par Guillaume Chaudiere 1575.

I E A N L E O N Africain.

Histoire d'Afrique. Voyez Iean Temporal.

I E A N D E L E R Y natif de la Margelle terre de S. Sené au Duché de Bourgoigne a escrit,

Histoire d'un voyage fait en la terre du Bresil autrement dicte Amerique, contenant la nauigation & choses remarquables veues sur mer par iceluy de Lery, le comportement de Villegaignon, en ce pais là. Les meurs & façons de viure estranges des sauuages Ameriquains avec vn colloque de leur langage. Ensemble la description de plusieurs animaux, Arbres, Herbes, & autres choses singulieres & du tout incognues par deçà, dont on voit les sommaires des chapitres au commencement du liure. Le tout recueilly sur les lieux. [impr. à la Rochelle 8°. par Antoine Chuppin 1578.

I E A N L I E B A V T Dijonnois docteur medecin à Paris a escrit, Le Tresor & remede de la vraye guerison de la peste avec plusieurs declarations dont elle procede. [impr. à Lyon 8°. par Angelin Benoist 1545.

Quatre liures des secrets de medicine & de la Philosophie Chimique, esquels sont descrits plusieurs remedes singuliers pour toutes maladies tant interieures qu'exterieures, avec les manieres de distiller euaes, huyles & quintes essences de toute sorte de matieres: fait e les extractions, les sels artificiels & l'or potable. [impr. à Paris 8°. par Jaques du Puy 1573.

De l'embellissement & ornement du corps humain, liures trois. [impr. à Paris 8°. par Jaques du Puy 1582.

Des infirmittez & maladies des femmes, liures trois. [impr. de mesmes.

Thesaurus sanitatis paratu facilis, ex varijs authoribus selectus, per Ioannem Liebautium Parisiensem medicum. [Parisijs 16°. apud Jacobum du Puy 1577.

I E A N L I E G E Medecin à Bar sus Aube a escrit:

Raison de viure pour toutes fiebres, cognues premieremēt par leurs differences

rences, causes, signes & Symptomes, avec leurs pronostiques & l'exposition de plusieurs sentences touchant la nature & prediction d'icelles. [impri. à Paris 8°. par M. Vascosan 1579.

10. *Lygai in Hippocratis Aphorismos annotationes. Geneua 16°. anno 1579.*

En l'opuscule de la Raison de vivre pour fieures,

Plusieurs autres maladies blessent seulement l'une des facultez, comme la vitale, ou naturelle, ou animale: mais ceste furieuse beste les debilité toutes, ou depraue, où abolit: les autres plus, & les autres moins non seulement par sa violence & ferocité, mais aussi par la multitude & grandeur de ses Symptomes. Les Romains craignans ceste fiebure, comme la plus maligne maladie, qui peut courir sur les hommes, luy ont autresfois dédié vn temple publiquement à Rome, l'ayans en singuliere reuerence, à fin qu'elle ne leur fust nuisible, &c.

I E A N L I E G E autre que le susnommé a traduit du latin de Iacques Faber,

Contemplations tressalutaires d'Inocence perdue, de vraye patience, Du conflit continuel de la chair & de l'ame, de la Vierge Marie: Avec vne oraison à Dieu pour la paix & vnion de nostre mere l'Eglise. [impri. à Lyon 8°. par François Iuste 1539.

I E A N L E L I S E V R de l'ordre des freres prescheurs a trāslaté & extraict de la somme des confesseurs,

La reigle des marchans cōtenant 30. questions. [impr. à Prouins 4°. par Guillaume Tauernier 1496.

I E A N L O D E de Nantes licentié en loix tenant tutele en l'yniuerfité d'Orleans a traduit de latin,

Le Guidon des parens en instruction & direction de leurs enfans: Autremēt appellé, François Philelphe orateur & Philosophe, *De educatione liberorum.*

Il a traduit aussi de Plutarque,

Les 58. preceptes sur l'estat de mariage enuoyez à Policianus & Eurydice sa femme. [impri. à Paris 16°. par Ieanne de Marnef 1545.

Ledit Iean Lode a escrit aussi en latin deux Dialogues en vers hexametres, l'un intitulé *Timon aduersus ingratos*, L'autre, *De iustitia & pietate Zaleuci Locorum regis.* [Ledit guidon des parens a esté impr. à Paris 8°. par Gilles de Gourmont 1513.

I E A N D E L O N G D I T moyne de l'abbaye de S. Bertin en Sainct Omer de l'ordre de Sainct Benoist a traduit du latin de Hayro Armenien

L'histoire du grand Can de Cathai & des Tartares. Plus la Peregrination de frere Rieult ez parties d'Orient, & le traicté de Guillaume de Bouldefelle, De l'estat de la terre Saincte. Lesquelles traductions ont esté faictes en l'an 1351. par ledit moyne, & impr. en vn volume f°. à Paris par Iean Sainct Denys en l'an 1529.

I E A N L O V R D E R E A V a traduit de l'Italien de Paul Morise Mylanhois de l'ordre des Iesuates de Saint Hierome:
L'histoire de l'origine de toutes les religions qui iusques à présent ont esté au monde : avec les auteurs d'icelles, en quelle prouince, sous quels Empe-
reurs & Papes & en quel temps elles ont esté instituees. Autre de plusieurs da-
mes illustres lesquelles ont mesprisé les grandeurs pour viure en solitude &
religion. Avec l'origine des ordres militaires, le tout impr. à Paris 8°. par Ro-
bert Colombet 1579.

I E A N L O V V E A V d'Orleans a traduit
Les vnze liures de Lucie Apulee de l'Asne doré mis par chapitres & sommai-
res par ledit traducteur, lesquels liures sont accoustrez avec telle grâce, plai-
sir, elegance, & avec vne tant florissante varieté de plusieurs comptes & pro-
pos recreatifs, que rien ne peut estre plus plaisant & agreable, si que non sans
cause on les appelle de l'Asne doré pour le style enrichy : bien qu'il y en aye
plusieurs qui ayment mieux appeller ceste œuvre Metamorphose, pour le
contenu au traicté & matiere. [impr. à Lyon 16°. par Ien Temporal 1558.
Dialogue de la vie & de la mort, traduit de l'Italien d'Innocent Ringhier
gentilhomme Boloignois. [impr. à Lyon 8°. par Robert Granjon 1558. &
16°. par Antoine Volant & Thomas de Stratton 1562.
Les Problemes de Hierosme Garimbert en nombre 110. traduits d'Italien.
[impr. à Lyon 8°. par Guillaume Rouille 1559.
Les Amours d'Ismenius traduites du Grec du Philosophe Eustathius. [impr.
à Lyon 8°. par Guillaume Rouille 1559.
La ciuilité puerile traduite du latin d'Erasme. [impr. à Lyon 16°. par Iean de
Tournes 1559.
Les facecieuses nuits du Seigneur Iean François Straparole liure premier.
[impr. à Lyon 8°. par Guillaume Rouille 1560.
Epitome du tresor des Antiquitez, C'est adire Pourtraicts des vrayes Me-
dailles des Empeereurs d'Orient & d'Occident, de l'estude de Iacques de Stra-
da Mantuan Antiquaire traduit de latin par Iean Louueau. [impr. à Lyon
4°. par Iacques de Strada & Thomas Guerin 1553.
I E A N L O Y N E demeurant à Orleans a traduit en françois,
Le liure des os de Claude Galien aux apprentis en medicine illustré des com-
mentaires de Iaquies Syluius traduits de mesmes, & impr. à Orleans par Eloy
Gibier 1571.

I E A N L O Y S a composé quelques petits traictés de deuotion où
il se monstre grand excoiateur de la langue latiale ou pour mieux dire escor-
cheur du latin desquels i'ay veu,
Le Rauissement du pelerin de verité nommé Iean Loys à qui il a esté reuelé
par miracle diuin de souverains remedes pour nature humaine. [impr. à Pa-
ris 8. par Simon Vostre 1516.
Item protestation de la foy, avecques sept considerations.

I E A N D E L V X E M B O V R G abbé d'Iury a augmenté
de Scholies & annotations

Le liure de l'institution du Prince de Guillaume Budee. [impr. avec ledit liure par Nicole Paris. 1547.

IEAN MACER licencié en droict a traduit de latin
Les trois liures de l'histoire des Indes accomplie de plusieurs choses memorables autant fidelement que sommairement. [impr. à Paris 16°. par Guillaume Guillard 1555.

IEAN DE LA MAGDALEINE aduocat en la court de parlement de Paris, Seigneur de Cheurement a escrit
Discours de l'estat & office d'un bon Roy, Prince ou Monarque pour bien & heureusement regner sur la terre, & pour garder & maintenir ses subiects en paix vnion & obeissance, contenant 15. chap. [impr. à Paris 8°. par Lucas Breyer 1575.

IEAN PIERRE MAFFEO.
Histoire des choses memorables sur le faict de la religion chrestienne, dictes & executees en pais & royaume des Indes Orientales par ceux de la compagnie du nom de Iesus, despuis l'an 1542. iusques à present, traduite du latin de Iean Pierre Maffeo par Emond Auger. [impr. à Lyon 8°. par Benoit Rigaud 1571.

IEAN LE MAIRE a escrit
Les Illustrations de Gaule & singuritez de Troye. [impr. à Paris f°. par Philippes le Noir sans datte.

Traicté de la difference des Schismes, & des conciles de l'eglise: avec l'histoire du prince Sirach Ismael dit Sophi. [impr. de mesmes. & despuis à Lyon 16°. par Iean de Tournes sous le tiltre de Promptuaire des conciles avec les Schismes & la difference d'iceux 1547.

La Legende des Veniciens. [impr. à Lyon sans datte.

Le Triomphe de l'amant vert en rime compris en deux Epistres avec plusieurs missiues amoureuses & balades. [impr. à Paris 8°. par Denys Janot 1535.

Les trois comptes intitulez de Cupido & d'Atropos le premier inuenté par Seraphin Poëte Italien & le second & troisieme de l'Inuention dudit Iean le Maire. [impr. à Paris 8°. par Galiot du Pré 1525.

Le Temple d'honneur & de vertu auquel sont contenus les chants des bons & vertueux bergers supposés de Pan Dieu Siluestre, pareillement des bergeres subiectes à Aurora. rime. [impr. à Paris 16°. en la rue neuue à l'escu de France. sans datte.

Recueil des pompes funebres des anciens. non impr. veu escrit en main en la librairie du Seigneur de Mont-Iustin à Lyon.

IEAN DE LA MAISON NEUVVE, Berruyer, a escrit en rime

Colloque social de Paix, Iustice, Misericorde & Verité pour l'heureux accord des tres augustes roys de France & d'Espagne. [impr. à Paris 8°. par Martin L'homme 1559.

L'Adieu des neuf Muses, aux Roys Princes & Princesses de France à leur departement.

parlement du festin nuptial de François de Valois Roy Daulphin & Marie d'Estuart royne d'Ecosse. [impr. à Paris par Martin l'Homme 1558.

I E A N de M A L E T T I natif de S. Maximin en Prouence a mis en musique à quatre parties, Les amours de Pierre de Ronfard. [impr. à Paris par Adrian le Roy & Robert Ballard 1578.

I E A N de M A L M I D Y a escrit & colligé sur le lieu, Discours de la grand guerre au pais d'Hongrie d'enſe Maximilian 2. eleu Empereur des Romains, & Jean Vvaiuod prince de Transsylvanie, allié & défendu de Soltan Solyma, Empereur des Turqs, Ensemble les Monomachies combats singuliers & manieres de faire en la guerre des Hongres & des Turqs. [impr. à Paris 8°. par Denys du Val 1565.

I E A N M A N A R D.

Traicté familier des noms grecs, latins & arabiques ou vulgaires, avec les definitions de toutes les maladies qui suruiennent superficielement au corps humain, extraict du septiesme liure des Epistres de Jean Manard medecin tres excellent du Duc de Ferrare, traduit de latin en françois. [impr. à Paris 8°. par Jean l'Anglois 1552.

I E A N de M A N S E N C A L premier president au parlement de Tholose a escrit, De la verité & autorité de la iustice & iurisdiction du Roy treschrestien, en la correction & punition des malefices, contre les erreurs contenues en vn libelle diffamatoire scandaleusement composé. [impr. à Tholose 4°. par Jacques Colomiés 1551.

De certis recte interpretandi præceptis. Et vero quarundam propositionum sensu, apologia Jo. Masencalli Protopresidis Tholosani declaratio. [Excusa Tholosa 4°. apud Guid. Boudeuillaum 1552.

I E A N M A R O T Pere du nayf & gaillard Poëte Clement Marot a escrit en rime

Le Doctrinal des princesses & nobles dames, deduit en 24. rondeaux. les voyages de Gennes & Venise victorieusement mis à fin par le roy Loys 12. Autres 49. Rondeaux. Vne Epistre des dames de Paris au Roy François premier, estant de là les monts & ayant desfaict les Suysses. Autre Epistre des dames de Paris aux courtisans de France estans pour lors en Italie. Autre Epistre à la Roine Claude. L'Eglise parlant à France. Chant Royal de la conception nostre Dame & vn autre chant Royal en l'honneur de Iesus-Christ. le tout impr. 8°. & 16°. en diuers lieux & par diuers imprimeurs, sous le tiltre, *Les Oeuvres de Jean Marot.*

I E A N de M A R C O N V I L L E gentilhomme Percheron a escrit en prose françoise plusieurs traictez assauoir, La maniere de bien policer la Republique chrestienne (selon Dieu, raison & vertu) contenant l'estat & office des magistrats, ensemble la source & origine des proces, à quoy est indissolublement conioint le mal & misere qui procede des mauuais voisins. le tout compris en 15. chap. [impr. à Paris 8°. par Jean Dallier 1562.

Traicté

Traicté enseignant d'où procede la diuersité des opinions des hommes. Ensemble l'excellence de la loy chrestienne par sus toutes les autres. [impr. de mesmes par ledit Dallier 1563.

Recueil memorable d'aucuns cas merueilleux aduenus de nos ans. Et d'aucunes choses estranges & monstrueuses aduenues és siecles passez contenant 48. chap. [impr. de mesmes en l'an 1564.

De la Bonté & mauuaistié des femmes. [impr. à Paris 8°. par le mesme Iean Dallier 1571. & contient ledit traicté 23. chap.

De l'heur & malheur de Mariage, traicté contenant 15. chap. Ensemble les loix connubiales de Plutarque. [impr. de mesmes.

Chrestien aduertissement aux refroidis & escartez de la vraye & ancienne Eglise catholique romaine, contenant vne exortation salutaire à reprendre le chemin qu'ils ont delaisé. Ensemble deux traictez aux amateurs de la paix. [impr. à Paris 8°. par Iean Dallier 1571.

Traicté de la bonne & mauuaise langue. [impr. de mesmes en l'an 1573.

De la dignité & vtilité du Sel, & de la grande cherté & presque famine d'iceluy en l'an 1574. [impr. à Paris 8°. par Nicolas Pleau & Nicolas Roffet 1574.

Opuscul de Plutarque de la tardiue vengeance de Dieu, traduit de grec en latin par Bilibaud Pirkeymer senateur Aleman, & fait François par ledit de Marconuille. [impr. à Paris 8°. par Iean Dallier 1565.

I E A N M A R G A L E T Aduocat en la court de parlement de Prouence a traduit du latin de Claude Margalet conseiller referendaire en ladite court, en françois, exposé & augmenté de plusieurs statutz & arrests, Style, & forme de proceder en la court des soubmissions au pais de Prouence, où est seulement traicté des executions des obligez à l'exemple du petit seel de Mompellier & de S. Marcellin en Dauphiné. [impr. à Lyon 8°. par Iean Stratius 1584.

I E A N D E M A R E T d'Amiens a escrit en latin *Paronomasia & discriminale lexicon, quadrisidis prapue differentiis nominum substantiuorum, adiectiuorum, verborum simplicium & compositorum distinctum cum homomeria & abundantia verborum omnia hac cum gallica interpretatione.* [impress. Parisys 8. apud Simonem Colineum 1536.

I E A N A N T. M A R T I N dict de l'Espel, Piemontois docteur en medicine demeurant à Lyon a traduit Dialogue de Platon intitulé Eutyphron, c'est adire de la saincteté & vraye sapience. [impr. à Lyon 8°. par Iean de Lestra 1579.

Traicté de l'aumosne, cest à dire du deuoir de donner aux pauvres. Par S. Iean Chrysostome sur la premiere Epistre de S. Pol aux Corinthiens. [impr. à Lyon 8°. par Iean de Lestra 1579.

I E A N M A R T I N Parisien, secretaire du Cardinal de Lenoncourt a traduit,

L'Arcadie de Iaques Sannazar gentilhomme Napolitain. Avec vne exposition

tion de plusieurs mots y contenus dont l'intelligence est difficile. [impr. à Lyon 16°. par Sulpice Sabon & 8°. par Jean de Tournes 1544.

Le cinquiesme liure de l'Architecture de Sebastien Serlio Boloignois, auquel est traicté de diuerſes ſortes des ſaincts temples ſelon la forme des Chreſtiés, traduit d'Italien & impr. à Paris f°. par Michel Vaſcoſan 1547.

La Theologie naturelle de Raymond Sebond comprise en ſept dialogues intitulez autrement, De la nature de l'homme, traduiſts de latin en françois par ledict Jean Martin & imprimez à Paris 4°. par Michel Vaſcoſan 1551.

L'Hypnerotomachie, ou diſcours du ſonge de Pölyphile deduiſant comme Amour le combatit à l'occaſion de Polia: ſoubs la fiction dequoy l'autheur mōſtrant que toutes choſes terreſtres ne ſont que vanité, traicté de pluſieurs matieres profitables & dignes de memoire: traduit de l'Italien de François Columne, & [impr. à Paris f°. par Iaques Kerüer 1554.

Les Azolains du Seigneur Pierre Bembo Cardinal qui ſont diſcours de la nature d'Amour traduiſts d'Italien, & comme Ciceron a intitulé vn liure qu'il a faiſt, Questions Tuſculanes, d'vne ſienne maiſon des champs appellée Tuſculum: ainſi le Seigneur Bembo a appellé ceſtuy-ey Azolains, à raiſon d'un chateau de plaifance nommé Azolo aſſis en l'extremité des Alpes ſur les frontieres de la marche Triuizane, auquel lieu il eſerit ces diſcours auoir eſté tenus entre pluſieurs des plus apparens gentilshommes des marches circonuoiſines & maintes honneſtes, gaillardes & vertueuſes dames, la Royne de Cypre y preſente. & a eſté imprimé ledict liure traduit à Paris 8°. par Michel Vaſcoſan 1557. & deſpuis 16°. par Galiot du Pré 1572.

Oraiſon ſur le trespas du Roy François, faiſte par Monsieur Galand ſon lecteur en lettres latines, & par luy prononcée en l'vniuerſité de Paris le 7.iour de May 1547. Traduite de latin par Jean Martin Pariſien, & imp. à Paris 4°. par M. de Vaſcoſan.

Aux Azolains.

Je ne puis cognoiſtre que toutes ces plaifances mortelles, qui ſaoulent & enyurent nos courages, de veuë, ouye & telles abuſions des ſentimens, meſmes qui errent & reuiennent mille & mille fois avec la penſee, puiſſent eſtre bonnes & profitables, conſideré qu'elles avec leurs faulſes attractions, nous dominant & aſſubiettiſſent en ſorte, que ne penſons puis apres à autre bien: & par auoir nos yeux inclinez à choſes viles, iamais ne nous pouuons recognoiſtre en nous meſmes. Dont à la fin ſommes tranſmuez en beſtes brutes & priuez de toute raiſon, comme ſi nous auions auallé du bruuage de Circe la magicienne. Il ne peut auſſi entrer en ma fantaſie qu'eſces voluptez puiſſent tant apporter de recreation, comme on dit: car quand orēs ainſi ſeroit que leur ioye ne fuſt faulſe, ſi eſt-ce qu'on ne les vit & ne les verra on iamais tant acōmplies en vn ſubieſt, qu'elles puiſſent en toutes leurs parties ſatisfaire au perſonnage qui les reçoit: & rares ſont celles, qui ſe peuuent acquerir ſans faſcheries grandes & preſque inſupportables. Dauantage, elles ſ'alterent ou diminuent toutes par la moindre chaleur de fiebure qui les aſſaille, ou pour le moins les annees ſuccelſiues emportent la ieuneſſe, la beauté, la plaifance, la

conten

contenace gracieuse, les doux propos, les chants, les sons, les dances, les festins,
 & autres plaisirs amoureux qu'elles attirent apres elles : qui ne peut estre si-
 non au grand regret de ceux qui les aiment & poursuyuet, voire de tant plus
 grief, que les pauvres mal-aduisez se sont laissez plus fort estraindre & enche-
 uestrer. Mais si la viellesse ne leur oste ces desirs : quelle disconuenance peut
 estre plus grande en ce monde, que voir l'aage meur & repose, continuer en
 affections iuueniles? ou parmy les membres tremblans & menassans ruyne,
 voir promener les ieunes penssemes? Or si tant y a que viellesse les oste, quelle
 folie est-ce d'aimer si ardamment en ieunesse les choses, dont on ne fait con-
 te estant vieux? & croire que cela est plus que tout plaisant & profitable, qui
 en la meilleure part de la vie, ne peut ny plaire ny aider? Certainement la
 meilleure part de nostre vie est celle que nous disons le courage : qui estant
 deliuré de la seruitude d'appetit gouuerne & modere la moins bonne qui est
 le corps : & la raison guide le sens : lequel transporté de la chaleur de ieunesse
 volontaire, ne veut entendre à son conseil ains s'en va par tout à l'estourdie,
 errant & tresbuchant cōme vne beste descheuestree. Et de cela puis ie don-
 ner bon tesmoignage, veu que i'ay esté ieune comme vous. Parquoy mainte-
 nant si ie considere les choses que ie souloye plus louer & desirer, il m'en
 semble à ceste-heure ce qu'il fait à vn homme nouuellemēt reuenu de quel-
 que grande maladie, à l'endroit des affections qu'il auoit en l'ardeur de sa
 fiebure : car il s'en mocque en soy-mesme, cōnoissant combien il estoit loing
 du bon goust, & sain iugement : si qu'on peut dire viellesse estre sanré de no-
 stre vie, & ieunesse la maladie. Mais pour retourner aux discours de vostre
 Gismódo, lequel a esleué iusques aux nues les passetemps des amoureux, dont
 le moindre ne se peut acquerir sans mille incommoditez angoisseuses : ie vous
 demande, quand est-ce que le mieux fortuné de toute cete troupe, encores
 qu'il soit au beau milieu de ses plaisirs, ne souspire & ne se tourmente desirát
 quelque autre chose d'auantage? Ou quand aduient-il qu'on trouue en deux
 parties amoureuses celle conformité de volonte, celle communication de
 pensees; & occurrences de fortune, ou celle cōcorde de vie, dont il a tant lon-
 guement harengué? Quand voit-on aussi vn homme qui ne discorde chacun
 iour en soy-mesme? de sorte que s'il se pouuoit laisser, comme deux font l'vn
 l'autre, il en est plusieurs qui se quitteroyent à tous les coups pour prendre vn
 autre corps, ou vn autre courage. En verité seigneur Lauinello, pour entrer
 d'vne voye aux amours par vous alleguees si elles induisoient à desir d'vn
 obiect plus vtile que celuy quelles presentent, elles me satisferoyent en par-
 tie, & passeroie quasi en vostre opinion, pourautant qu'elles peuuent con-
 duire l'homme à meilleure fin & moins reprouuable que celles de vos com-
 pagnons. Mais bon amour n'est seulement desir de simple beauté (comme
 vous estimez) ainsi de la parfaicte, celeste, eternelle & diuiné non mortelle
 ou subiette à changement & diminution. Or que peut on dire en la louange
 de cest amour diuin, qui ne soit plus que conuenable, & non iamais trop ex-
 cessif? Certainement ceux qui sont pris de ses douceurs viuent en ce monde
 comme dieux : consideré que les humains desprisans ces choses mortelles,
 semblent participer de la diuinité : car comme terriens ils aspirent aux choses
 diuines, & comme dieux, conseillent, discourent, preuoyent, & ont tousiours

P p leur

leur pensement à l'éternité, qui leur fait moderer & gouverner le vaisseau à eux presté pour ce passage, ainsi que les creatures diuines disposent des corps à elles donnez par le createur de toutes choses. Mais quelle beauté peut estre entre nous celle dont vous auez parlé? Quelle proportion a elle des parties qui se trouuent en capacité humaine? ou quelle conuenance & harmonie si qu'elle puisse parfaitement nous assouuir de vraye satisfaction & liesse? Ne sçauiez vous que vostre forme corporelle n'est rien, sinon ce qu'elle monstre? & que toutes autres semblablement ne sont ce qui aparoit par dehors: mais que le toulage de chacun fait l'homme tel qu'il est, non la figure qui se peut monstrier avec le doigt. Croyez que nos ames ne sont de qualité, qu'elles se puissent conformer à aucune de ces beautez terrestres, & de nulle duree, pour en attendre allegeance parfaite: car quand vous pourriez mettre deuât vostre courage toutes celles qui sont soubz le ciel & luy donner le choix de toutes: voire quand bien vous auriez la puissance de reformer à vostre mode celles qui vous sembleroyent auoir defect en aucun endroict: si est-ce que ia vous ne seriez content de cela, & ne partiriez moins triste des plaisirs de toutes ces beautez, que vous faites ordinairement de celui que receuez en cete vie: consideré que nos esprits immortels ne se peuuent contenter de choses qui soyent perissables: Mais comme toutes les estoilles prennent leur lumiere du Soleil: ainsi tout ce qui est beau, outre cete beauté fragile, prend essence & qualité en la diuine & eternelle. Et quand aucune de ces humaines se presente aux courages ainsi rectifiez, elles leur plaisent en partie, & les contemplent volontiers comme figures de la vraye: mais ia ne s'en contentent ny satisfont entierement pource qu'ils sont curieux & desiteux outre mesure de la perfection eternelle & diuine, de laquelle ils ont tousiours souuenance, à cause qu'elle les aiguillonne d'une pointure occulte, pour se faire incessamment chercher. Dont tout ainsi que quand vn homme, ayant grand appetit de repaistre, surpris de sommeil, s'endort & songe de manger, toutesfois ne se rassasie, pource que la vision de la viande n'est suffisante de contenter le sentiment qui cherche de s'assouuir, mais la viande essentielle: ainsi pendant que nous amusons à querir la vraye beauté & plaisir parfait qui ne sont en ce monde: leurs vmbres qui se demonstrent en ces factures corporelles & terriennes & aux amusemens qui en prouiennent ne paissent nos courages de choses bonnes, mais les abusent & deçoient. à quoy faut bien que prenions garde, afin que nostre bon cōseruateur ne se courrouce, & nous laisse en puissance du commun ennemy, voyant que nous portons plus d'affection aux delices miserables, corruptibles & deceuantes, que ne faisons à celle grande splendeur, dont le Soleil n'est qu'un rayon, & à ses singularitez veritables, bien-eureuses & eternelles. Or si nostre vie n'est qu'un dormir, & que soyons comparables à ceux qui dormans d'un profond somme songent la nuict se leuer de grand matin, mais estans retenus du sommeil se leuent & habillent en dormant, ou pour le moins prennent leurs accoustremens & se commencent à vestir: En semblable, nous abusez des imaginations & similitudes des viures, & de leurs attractions vaines & vmbrageuses cerchons durant nostre somme nous rassasier des viandes vraies & solides, & en tirer nostre contentement en maniere que tout en dormant cōmançons à nous repaistre &c.

I E A N

I E A N M A R T I N Dijonnols, seigneur de Choyfi a inuenté & composé en rime

Le Papillon de Cupido. [impr. à Lyon 8°. par Thibault Payen 1543.

I E A N M A R T I N del'ordre de Sainct Dominique a traduit de latin

La legende de Sainct Dominique premier fondateur de l'ordre des freres prescheurs. [impr. à Paris 4°. par Jean Treperel 1520.

I E A N M A R T I N Procureur en parlement a redigé par es- crit

La Police & reglement du grâd Bureau des pauvres de la ville & fauxbourgs de Paris. Avec vn petit traicté de l'aumosne ensemble la complainte de charité malade aux riches terriens. [impr. à Paris 16°. par Geruais Mallet 1580.

I E A N L E M A S L E Angeuin a escrit

Le Breuiare des nobles, contenant sommairement toutes les vertus & perfe- ctions requises à vn gentilhomme pour bien entretenir sa noblesse. *Prose.* Plus deux discours en rime traictans de l'origine du droict & de la noblesse. [impr. à Paris 8°. par Nicolas Bonfons 1578.

Les Nouuelles recreations, contenans vn discours de l'origine des Gaulois, ensemble des Angeuins & Manceaux. *rime.* Avec plusieurs Sonnets, Odes & autres compositions dudit le Masle. [impr. à Paris 12°. par Jean Poupy 1580.

Annotations sur le Criton de Platon de la traduction de Philibert du Val Euesque de Sees. Avec la vie de Platon mise en vers par ledit le Masle, lequel si parce que le feu Euesque n'a voulu exprimer son nom que par ces lettres P. D. V. E. D. S. il a vsurpé l'honneur de ceste docte traduction appartenant à autruy, & s'il se veut excuser de n'auoir sceu deuiner qui estoit ce traducteur: il ne deura trouuer estrange si à l'aduenir quelcun aussi maladuisé que luy s'at- tribue ses annotations (si siennes elles sont) ou qu'au lieu de cestrois lettres L. L. M. par lesquelles il-veult qu'on entende son nom qui est Jean le Masle, on les donne a Iaques le Moyne. [impr. à Paris 4°. par Jean Poupy 1582.

I E A N M A S S E Champenois Docteur en medicine habitant à Sainct Florentin a traduit

L'art Veterinaire ou grande Mareschaleries de Hierocles autheur Grec con- tenu en trois liures. Esquels est amplement traicté de la nourriture, maladies & remedes des bestes cheualines. [impr. à Paris 4. par Charles Perier 1563. Jean Ruel l'a aussi traduit de Grec en Latin. Le traducteur François en son Epistre dit que nos François ont empronté ce mot Maréchalerie de la lan- gue Germanique d'autant que les Alemans appelloient par le passé Mara ou Marca, ce que nous disons cheual ou iument. Il allegue en oultre vn gentil exemple & histoire de Fenestelle pour approuuer le prouerbe estre vray qui dit que bien merite d'aller à pied qui n'a soing de son cheual. Vn gendarme Romain vint vn iour à sa monstre paré & accoustré mignonnement, au reste monté sur vn cheual drilleux, crotté, fangeux & deschiré. Les Censeurs (dit Fenestelle) luy demanderent à quoy il renoit qu'il estoit si mignonnement &

P p 2 bien

bien accoustré, & son cheual tant déhalé & mal en ordre: Pour autant (dit il) que i'ay soing & cure de moy-mesme, & Stace mon seruiteur de mon cheual. La responce indigne d'homme cheualier & bon gendarme, le feit noter d'infamie & casser.

Il a traduit aussi de Claude Galen,

: Des Alimens ou choses nutritiues. Liures i i i. [impr. à Paris 16°. par Pierre Drouard 1552.

I E A N M A S S I E V X Prestre Mantois,

Si on a iamais veu en quelque liure tiltre qui soit bigerre sot & ridicule, & rime sans mesure propos ny raison (ie ne parle point de la matiere ou subiet) en voicy vn qui surpasse en cela ceux qui le sont le plus,

La douce mouëlle & saulce friande des saincts & sauoureux os de l'Aduent. par Iean Massieux prestre Mantois. [impr. à Paris 8°. par Michelle Duc 1578.

Eiusdem De prima origine ac institutione hymnorum dominic Aduentus per O incipientium : horum primus est O sapientia &c.

I E A N M A V G I N dict le petit Angeuin a escrit,

Le Parangon de vertu contenant 36. chapitres pour l'institution de tous Princes. [impr. 16°. à Lyon par Guillaume Rouille 1556. & apres à Paris 16°. sous le tiltre de Miroir & institution du Prince, par Iean Ruelle 1573.

Exposition en vers François des figures de l'Apocalypse de saint Iean. [imp. à Paris 8°. par Estienne Groulleau 1547.

Dix histoires du nouveau Testament exposees en rime François. Avec vn cantique Chrestien en faueur de ceux qui ayment les sainctes & sacrees chansons. [impr. comme dessus en l'an 1548.

L'amour de Cupido & de Psyché mere de volupté prinse des cinq & sixiesme liures de la metamorphose de Lucius Apuleius Philosophe historien & exposee en vers François faict par ledict Maugin correspondât aux vers Italiens mis de l'autre costé. [impr. à Paris 8°. par Ieanne de Marnef 1546.

Le premier liure du nouveau Tristan Prince de Leonnois Cheualier de la Table ronde, & d'Yseulte Princesse d'Yrlande, Roïne de Cornouaille. [impr. à Paris f°. par la veufue Maurice de la Porte 1554. & à Lyon 16°. par Benoist Rigaud 1577.

L'histoire ou Roman de Palmerin d'Oliue fils du Roy Florendos de Macedone & de la belle Grianne fille de l'Empereur de Constantinople traduite d'Italien & impr. à Paris f°. par Vincent Sertenas 1546.

Les discours de l'estat de paix & de guerre de Nicolas Macchiauel Secretaire & Citoyen de Florence, sur la premiere decade de Tite Liue contenant 49. chapitres traduit d'Italien. [impr. à Paris f°. par Estienne Groulleau 1548. & depuis 16°. par Hierôme de Marnef 1572.

L'histoire de Melicello & de l'incôstante Caia discourât au recit des amours maleureuses de Melicello la fidelité abusée de l'ingratitude. [impr. à Paris 8°. par Estienne Groulleau 1556.

I E A N de M A V M O N T a translaté de Grec en beau & elegant

gant langage François,

Lesœuvres de saint Iustin Philosophe & martyr, conſteſhans pluſieurs traittez, Affauoir, vne epiſtre exortatoire à Zenas & à Sirene. Concion Parénétique aux Grecs, fideles & Gentils. Dialogue avec Tryphon Iuiſ. Apologie ou deſenſe pour les Chreſtiens au Sénat de Rome. Apologie ſeconde pour les Chreſtiens à l'Empereur Antonin dict le debonnaire. De la Monarchie de Dieu. Expoſition de la foy ſelon la vraye & droicte creance, ou de la ſainte & conſubſtancielle Trinité. Confutation de certaines maximes ou propoſitions Ariſtoteliques. Interrogations Chreſtiennes aux Grecs: les reſponſes Grecques, & la confutation d'icelles reſponſes. Reſponſes aux Chreſtiens & Orthodoxes; ſur certaines queſtions importantes. Interrogations Grecques & Ethniques faites aux Chreſtiens touchant l'eſſence incorporelle, & touchant Dieu & la reſurrection des morts: & reſponſes Chreſtiennes auxdictes interrogations. Auet additions & correctiōs miſes en la fin deſdictes œures en vn traitté à part, Enſemble vn prologue du meſme tranſlateur au tres-chreſtien Roy de France Henry ſecond de ce nom. Le tout impr. à Paris f°. par Michel Vaſcoſan 1558.

Les hiſtoires & chroniques du monde tirees tant du grōs volume de Iean Zonaras auteur Byſantin que de pluſieurs autres bons & anciens ſcripteurs Hebreux & Grecs, miſes de leurs primes & nayſues langues Hebraïque & Grecque en la François. Auec annotations ſur la marge pour les diuerſes lectures Grecques, le tout par ledit de Maumont. [impr. à Paris f°. par M. de Vaſcoſan 1563.

Les graues & ſainctes remonſtrances de l'Empereur Ferdinand à noſtre S. Pere le Pape Pie III. ſur le faiſt du concile de Trente & des choſes propoſees en iceluy. [impr. à Paris 8°. par Nicolas Cheſneau 1563.

Remonſtrance Chreſtienne en forme d'Epître à la Royne d'Angleterre contenant vn beau & docte diſcours touchant les affaires du monde: & principalement ſur le gouuernement Politique des Royaumes, Republiques, & Empires, & reſtabliſſement de l'ancienne & catholique religion, ſelon la doctrine des ſainctes Peres & anciens docteurs de l'Egliſe de Dieu. Traduit du latin de Hierome Oſerius Eueſque Portugaloix. [impr. à Paris 8°. par Nicolas Cheſneau 1565.

JEAN RAIMOND MERLIN, natif de Romans en Daulphiné a eſcrit,

Expoſition ſur les dix commandemens de la loy de Dieu. [impr. à Lauſanne 8°. par Iean Riuary 1562. *Caluinique.*

JEAN DE MERLIER S Professeur du Roy ez mathematiques a eſcrit,

La Præctique de Geometrie en 24. chap. avec l'vſaige du Quarre Geometrique. [impr. à Paris 4°. par Gilles Gourbin 1575.

JEAN MESCHINOT grand maiſtre d'hoſtel de la royne de France a eſcrit en rime,

Les lunettes des Princes: avec aucunes Ballades & additions. [impr. à Lyon 8°. par Oliuier Arnoullet, ſans datte.

JEAN PIERRE DE MESMES a escrit

La Grammaire Italienne, composée en françois. [impr. à Paris 8°. par Gilles Corrozet 1548.

Les Institutions Astronomiques. contenant les principaux fondemens & premières causes des cours & mouuemens celestes. Avec la totale reuolution du Ciel & de ses parties, les causes & raisons des Eclipses tant de la Lune que du Soleil: dediees au sieur Iean Iaques de mesmes Seigneur de Roissy son oncle, & impr. à Paris f°. par Michel Vascosan 1557.

Epithalame de Henry de Mesmes & Iane Hennequin. Avec vne exposition des endroits difficiles contenus en ce present Epithalame. [imprimé à Paris 8°.

Il a traduit d'Italien,

Les supposez, Comedie de Loys Arioste. [impr. à Paris 8°. par Estienne Groulleau 1552.

Plus du latin de Iean Stoeffler mathematicien

De la composition & fabrique de l'astrolabe & de son vfaige. Avec les preceptes des mesures Geometriques & annotations. [impr. à Paris 8°. par Guillaume Cauellat 1556.

JEAN MESVE.

Canons Vniuersels de Iean Mesué des simples medicamens avecq les commentaires de Tagault, traduits en françois. [impr. à Paris 8°. par Hierome de Marnef.

JEAN MILES, premier president des pais de Geneuois & Fougny a escrit,

Style & practique fondez & succintement adaptez aux ordonnances Royaux & coustumes de France. [impr. à Paris 16°. par Antoine Houic 1566.

Enchiridion Appellationis tum ciuili tum capitali iudicio introducenda & exercenda. [Parisijs 8°. excudebat Galeotus à Prato 1555.

Praxis criminis persequendi &c. f°. [Parisijs.

JEAN MILLET de Saint Amour au conté de Bourgoigne a traduit,

Les cinq liures de l'histoire d'Egesippe auteur grec, contenant plusieurs guerres des Iuifs, & la ruine de Hierusalem. [impr. à Paris 4°. par Gilles Gourbin 1551.

L'histoire des Amours d'Eurialus & Lucrece, où est demonstree l'ysue malheureuse de l'amour deffendue: écrite premièrement en latin par Aeneas Syluius qui fut Pape Pie second. [impr. à Paris 8°. par Nicolas Chrestian 1551.

Les Chroniques ou Annales de Iean Zonare auteur grec, esquelles sont discourues toutes histoires memorables aduenues en ce monde, en la reuolution de six mil six cens ans & plus; disposees en trois parties, la première desquelles traicte l'estat des choses passees en Iudee; Perse; Egypte & Grece, depuis la creation du monde iusques à la subuersion & miserable conflagration de Hierusalem. La seconde contient l'histoire Romaine prise à l'edification

cation de la ville iusques à l'Empire du grand Constantin. *Latierce* raconte les faicts & gestes des Empereurs despuis le susdit Constantin, iusques au trespas d'Alexie Comnene lequel mourut enuiron l'an de salut vnze cens. le tout impr. à Lyon f°. par Macé Bonhomme & Barthelemy Molin 1560.

Cinq Dialogismes ou deliberations de cinq nobles dames, assauoir Lucrece, Susanne, Iudith, Agnes, Camma Galatienne, traduit du latin de Pierre Nannius par ledict Millet, & impr. à Paris 8°. par Arnoul l'Angelier 1550.

Les conquestes, origine & empire des Turqs despuis le commencement iusques à l'an 1540. traduit du latin de Christophle Richer. Plus y sont adioustées par le translateur toutes les guerres d'iceux Turqs despuis 1540. iusques à 1551. [impr. à Paris 8°. par Nicolas Chrestien 1553.

Le Toxaris de Lucian, Dialogue non moins elegant que recreatif pour les belles histoires de parfaite amitié qui y sont contenues. Traduit de Grec en François par Iean Millet &c.

I E A N L E M O R E de Constances a mis en langage François comme aussi en Gascon les dictions & vocables latins du liure de *Franciscus Marinus Grapaldus de partibus adium*. [impr. à Montauban 8°. par Iean Gilbert.

I E A N L E M O Y N E escriuain demeurant à Paris a escrit, Instruction de bien & parfaitement escrire, tailler la plume & autres beaux secrets. [impr. à Paris 16°. par Iean Ruelle.

I E A N M O L I N E T a escrit plusieurs traictez. Oraisons & chants royaux, lesquels bien que soyent en rime, n'ont ne rime ny raison (qu'on dit en commun prouerbe.) Lesdicts traictez sont, les aages du monde, le throsne d'honneur, la complainte pour le trespas de madame Marie de Bourgoigne. La complainte de renómee. La ressource du petit peuple. Le temple de Mars. La complainte de Grece. L'Epitaphe de madame Ysabeau de Castille. Le voyage de Naples. L'abc sauage, La naissance de madame Alienor. Les neuf preux de gourmandise. Le debat de la chair & poisson, Le debat d'Auril & May, Le debat de l'Aigle, Harenc, & Lyon, Dialogue du loup & du mouton. Prognostication, la letanie, le Calendrier, Graces sans vilennie, Lettres enuoyées à maistre Nicole president de Papagosse, Recollection des merueilles aduenues de son temps: lesquelles brouilleries ont esté imprimees en vn volume 8°. à Paris par Arnoult & Charles Angeliers 1537. Histoire du rond & du carré à cinq personnages, assauoir le Rond, le Carré, Honneur, Vertu & bonne Renommée: où sont contenues plusieurs choses singulieres touchant le S. Sacrement de l'Autel. Plus la complainte de Costantinople. Le tout en rime. [impr. par Antoine Blanchard sans nom de lieu, & sans datte.

Les Vigiles des morts par personages, assauoir *Creator omnium, Vir fortissimus, Homo natus de muliere, Paucitas dierum*. Je m'esbay comme il les nomme en latin, veu qu'il les faict parler en françois: mais possible estoit, ce trouue beau de ce temps là. [impr. à Paris 16°. par Iean Ianot, sans datte.

Il a translaté de rime en prose. Le Romant de la Rose, auteur Iean de Meun, contenant 124 chap. Avec le sens moral adiousté par ledit Molinet. [impr. à Paris f°. par la veufue

Michel le Noir 1521.

En la recollection des merueilles aduenues de son temps il escrit les choses qui s'ensuiuent fort estranges & admirables si elles sont vrayes,

*J'ay ouy chose amere
Plus fiere que deuant
Au ventre de sa mere
Bräire on petit enfant
Et au Quesnoy le conte
Tant haut plaindre & gemir
Que la mere à bref compte
En laissa le dormir.*

*J'ay veu vne Romaine
Dame de grand renom
Fille humble & fort humaine
Du Sénateur Zenon
Sept cens ans enterree
Fut sans corruption
Au peuple fut monstree
Par admiration.*

*J'ay veu frere Nicolé
Vn Sorysse deuot
D'abstinence l'escolle
Fort bien tenant son vôt;*

*Vingt ans viure en ce monde
Sans manger peu ne point:
Dieu en sa gloire meinde
Luy doit viande a point.*

*J'ay veu vis sans fantosme
Vn ieune moyne anoir
Membre de femme & d'homme
Et enfans concepuoir
Par luy seul en luy mesme
Engendrer enfanter
Comme font autres femmes
Sans oustil empronter.*

*J'ay veu & leu en liures
D'une pierre pesant
Deux cens cinquante liures
Montaignes trauersant.
Du Ciel par un tonnerre
Comme il me fut conté
Cheut ceste pierre noire
En Feret la Conté.*

JEAN DE MONLVÈ Euesque & comte de Valence & Dyë,
Conseiller du Roy en son conseil priué a escrit,
Instructions Chrestiennes sur les commandemens de la loy & les saincts Sa-
cremens, à ses Diocesains de Valence & Dye.

Familiere explication des articles de la foy, avec vn brief recueil des lieux de
l'escripture Saincte seruans à l'explication d'iceux articles, & le symbole de
sainct Athanase.

Sermons sur l'oraison Dominicale avec vn petit recueil sur icelle en forme
d'oraison & priere, Cesdicts trois liures imprimez à Lyon 8°. par Guillaume
Regnoul en l'an 1561.

Sermons sur certains points de la Religion. Assauoir, 2. De la foy, De la Cha-
rité. De l'Esperance. De la Patience. 2. Du nom de Dieu. 3. de l'Oraison. Du
Sabbath. Sermon à son Clergé de Valence fait au Sene de Iuillet 1561. [im-
pri. en Auignon 16°. par Iean du Boys 1561.

Recueil des lieux de l'escripture Saincte seruant à descouurir les fautes qu'on
commet contre les dix commandemens de la Loy, prononcé mot à mot par
ledict

ledict sieur Euesque, & despuis imprimé en Auignon par le mesme Iean du Boys.

Harangue & aduis prononcee au conseil priué du Roy, sur les remonstrances faictes par Messieurs du Parlement de Paris touchant les lettres de la majorité dudit Seigneur. [impr. à Paris 1563.

Harangue faicte & prononcee en latin de la part du Roy treschrestien Charles 9. par ledict sieur Euesque de Valence deuant les illustres & magnifiques Seigneurs les Archeuesques, Euesques, Palatins, Castellans, Magistrats, officiers & generalement tout l'ordre & estar du tresample & puissant Royaume de Poloigne, Grand Duché de Lythuanie, Russie, Prusse, Masouie, Samogitie, Kiouie, Vollinie, Polachie & Lyuonie, en l'assemblee tenue à Vvarssaue, pour l'eslection du nouveau Roy, apres le decez du Serenissime Sigismond Auguste, mise en François par le mesme sieur Euesque, & impr. à Paris par Iean Richer 1573.

Remonstrance faicte par le dit sieur Euesque de Valéce aux villes & diocèses d'Vzez, Nysmes & Montpellier, & aux estats generaux de Languedoc tenus à Beziers au moys d'Auril 1578. [impri. audit an à Paris 8°. par Abel l'Angelier.

I E A N D E M O N T L Y A R D a traduit du latin d'Antoine Mizauld,

Harmonie des corps celestes & humains faicte en vnze Dialogues, où sont introduicts Aesculape & Vranie deuifans ensemble & traictans des choses concernantes la medicine & l'Astronomie. [impri. à Lyon 16°. par Benoit Rigaud 1580.

I E A N E D O V A R D D V M O N I N de Gy en la Comté de Bourgoigne demeurant au college de Bourgoigne à Paris a escrit en vers françois,

Comparaison philosophique du Soleil & de la Lune à nostre ame & intellect selon Merc. Trismegiste, & quelques Platoniques. Ensemble quelques discours Poëtiques & Sonnets. le tout mis sur la fin de la version latine qu'il a faict de la Sepmaine de Guillaume de Saluste sieur du Bartas qu'il a intitulee *Ber sithias siue mundi creatio*, & impr. à Paris 8°. par Hylaire le Bouc 1579.

Les Nouuelles œuures de Iean Edouard du Monyn Poëte-Philosophe, contenant discours, Hymnes, Odes, Amours, Contr'amours, Eclogues, Elegies, Anagrammes, & Epigrammes. [impr. à Paris 12°. par Iean Parent 1582.

L'Vranologie, ou le Ciel, contenant outre l'ordinaire doctrine de la Sphère plusieurs beaux discours. [impr. à Paris 12°. par Guillaume Iulian 1583.

Miscellaneorum poeticorum libri. [Parisys 8°.

I E A N D E M O N T E V I L L E, autrement M A N D E V I L L E Cheualier natif d'Angleterre a faict la description de la terre de promission, de Hierusalem, de plusieurs païs, villes & Isles de mer & de diuerses & estranges choses. [impr. à Lyon 4°. par Pierre Bouteiller 1487. & despuis par Iean Canterel en l'an 1542. Plus

Le Lapidaire, contenant la vertu & proprieté des pierres precieuses. [impr. à Lyon sans datte. Cest autheur le cheualier Mandeuille mourut l'an 1372.

à Lon

à Londres.

I E A N D E S M O N T I E R S diët le Fresse a escrit,
Sommaire de l'origine, description & merueilles d'Escoffe. Aueq vne petite
Cronique des Roys dudiët Pais. [impr. à Paris 8°. par André & Vincent Ser-
tenas 1538.

I E A N D E M O R E L Ambrunois, Seigneur de Gryni & du
Plessis le Comte a escrit quelques vers françois que i'ay veu autresfois imprimez : & apres le decez de Ioachim du Bellay son intime amy il fait recueillir
non seulement ce que le defunct auoit fait imprimer durant sa vie, mais aussi
ce qui n'auoit encorés esté publié, de sorte qu'à sa diligence toutes les œuvres
de cest excellent Poëte françois & latin Ioachim du Bellay furent mises en
lumiere. Ce Iean Morel gentilhomme amateur de toutes vertus a esté célébré
par les vers de Ronfard, Bayf, Belleau, du Bellay, Sainte Marte & tous les
Poëtes de ce temps là. comme aussi a esté Camille de Morel sa fille, damoiselle
tressauante & vertueuse.

I E A N M O R E L Rhemois premier Regent au college de Clermont en Auvergne a descrit en vers latins par luy mesme tournez en vers
françois,

L'entree du Seigneur Comte de Randant cheualier de l'ordre du Roy, gou-
uerneur & lieutenant general pour sa magesté au bas pais d'Auvergne, faicte
en la cité de Clermont capitale dudiët pais. [impr. à Lyon 8°. par Benoist
Rigaud 1579.

I E A N M O R E L Y a escrit en quatre liures par chapitres,
Traicté de la discipline & police chrestienne. [impr. à Lyon 4°. par Iean de
Tournes 1562. *Calumnique.*

I E A N D E S M O V L I N S docteur en médecine demeurant
à Ambert en Auvergne a mis de latin en françois
Commentaires de maistre Pietre André Mathiolo medecin Sienois sur les
six liures de Ped. Dioscoride Anazarbeen de la matiere medicinale, enrichis
d'un grand nombre de pourtraicts, de plantes & animaux tirez au vif avec
certaines tables medicinales, tant des qualitez & vertus des simples medica-
mens, que des remedes pour toutes maladies qui peuuent aduenir au corps
humain. [impr. à Lyon f°. pour la quatriesme Edition 1580. Antoine du
Pinet en a fait vne autre traduction.

I E A N D E M O V R O N V A L Curé de nostre Dame de
Tournay a escrit en huit chapitres
Bastiment de Receptes spirituelles contre les plus dangereuses maladies des
humains, assauoir contre toutes maladies en general representees par la Le-
pre. puis contre l'inflation d'esprit representee par hydropisie. Contre l'alter-
ation d'iceluy. Contre la puante haleine du charnel representee de mesmes
par hydropisie. Contre iugurgitation representee par siebure continue. Contre
eschauffement de sang representé par chaude maladie. Contre deiection
d'esprit representee par Paralytie. Contre mal contentement de felicité d'au-
truy representé par pale couleur de face. [impr. à Paris 16°. par Guillaume
Chaudiere 1574.

I E A N

I E A N N A G E R E L Chanoine & archediacre de nostre Dame de Rouen a escrit

Histoire & chronique de Normandie finissant au Roy treschrestien Henry troisieme. Avec les figures & portraicts tant de ladite Duché que de la ville de Rouen metropolitaine. Plus la description du pais & duché de Normandie appellee anciennement Neustrie, de son origine & limites d'icelle. [impr. à Rouen 8°. par Martin le Mesgissier 1578. l'ay veu outre ladite histoire & crönique vn autre liure imprimé long temps au parauant à Paris 4°. par Iean Bonfons sans datte, intitulé

Les hauts & excellens faicts des Ducs, Princes, Barons & seigneurs de la duché de Normandie. Et avec ce les guerres & dissensions qui ont esté entre François, Normans & Anglois. Aussi de la conqueste du pais, Duché de Guyenne. auteur incertain.

I E A N N A Z E N cordelier & predicateur de l'Empereur Ferdinand d'Austriche a composé

La main du catechisme catholique exposee en latin & mise en françois. [impr. à Lyon par Benoist Rigaud 1575.

I E A N B A P T. N E N N A.

Traicté de la noblesse auquel est amplement discouru de la plus vraye & parfaite noblesse, & des qualitez requises au vray gentilhomme tiré de l'Italien du magnifique docteur aux loix chevalier de Cesar Iean Baptiste Nenna par A. L. F. de la Boderie. [impr. à Paris 8°. 1583.

I E A N N E S T O R medicin a escrit,

L'histoire des hommes illustres de la maison de Medicis. Avec vn Abregé des comtes de Boloigne & d'Auuergne. Ensemble la Genealogie des Comtes de Boloigne, extraicte en partie de quelques Panchartes trouuees au tresor du Duc Iean de Berry fils de France, & en partie de quelques historiens qui en ont escrit. [impr. à Paris 4°. par Charles Perier 1564.

I E A N L I N E V E L O I S fait vn liure de la vengeance du roy Alexandre ainsi qu'il appert par ces vers,

*Seigneurs or faites pes, vn petit vos raisiez,
S'orrez bons vers nouuiaux, car li autres sont viez.
Iehans li Niuelois fut mouls bien 'a faitiez
A son hostel se sied: si fu ioyans & liez,
Vn chanterre li dit d'Alexandre à ses piez.
Et quand il la oi s'en fu' grams & iriez,
Du' fins qu'ot de Candace en a vers commanciez,
Bien fais & bien rymeZ, bien dis & biens dictiez.
Encor sera du Conte Henry molt bien loiez.*

Apris.

Marry.

Filz.

Le genre des vers de ces auteurs, est de douze & treize syllabes: & lon pense que les autres qui leur ressemblent ont pris leur nom, ou pource que les faits du Roy Alexandre furent composez en ces vers, ou pource que Alexandre de

de Paris a vſé de telle rime. Geofroy Thory de Bourges s'est abusé, diſant en ſon liure, intitulé Le champ fleuri, que Pierre de ſainct Cloot, & Iehan de Neuelois, eſtoient ſeuls auteurs du Romans d'Alexandre. Iehan le Maire de Belges, parlant au Temple d'Amour de ceſte façon de vers, dit, Laquelle taille iadis auoit grand bruit en France, pource que les prouèſſes du Roy Alexandre le grand, en ſont eſcrites en anciens Romans: dont aucuns modernes ne tiennent compte auourd'huy: toutefois ceux qui mieux ſçauent en font grand compte. I'ay remarqué quelques vers de leur façon aſſez bons, car parlant de gens qui tomboyent d'une montaigne, il dit,

De la coſte deſtrochent, aual vont perillant.

par lequel vers lon peut, à mon aduis, renouueller deux mots, à ſçauoir, deſtocher, & periller. Car ſi nous diſons deſcrocher, pour oſter d'un croc: pourquoy ne dirons-nous, deſrocher pour tomber & precipiter d'un roc? Et comme ſçauriez vous mieux repreſenter le latin de *periclitator* & *periclitari*, que par periller, puis que nous diſons peril pour *periculum*? I'ay voulu monſtrer par ces mots, comme lon ſe peut aider d'aucuns, qui vallent bien le renouueller. Ces vers donq qui ſuiuent, pourront ſeruir à ceſt effect: & donner à cognoiſtre vne partie du ſtil deſdits auteurs: l'un deſquels parlant d'un cheualier qui donna un coup d'eſpee ſus le heaume d'un autre, dit,

Si la feru del branc que ſus l'arçon l'adente.

& *De morts & de nauures enionche la campagne.*

& *Ahi dame fortune tant eſtes nouueliere.*

comment ſçauriez vous mieux repreſenter *nouatrix* Latin? & ceſtuy-cy,

Du long comme il eſtoit meſura la campagne.

parlant d'un porté à terre d'un coup de lance: ne vaut il pas bien *Italian metre iacens*? Il ſe trouue encores pluſieurs autres belles manieres de parler, & des mots, que le ſtudieux de la poëſie François pourra imiter, ou refondre, ſe les appropriant comme Virgile ceux d'Ennius, Pacuius, & autres qu'il n'a deſdaigné lire: & auſquels ces vieux auteurs, peuuent eſtre comparez. Vray eſt qu'il fault du iugement pour refondre tels mots: car on ne les doit choiſir tant vſez, qu'il ſoyent inutiles & hors de cognoiſſance. Pource qu'il y auroit danger qu'un autre Phauorin ne nous reprochaſt que nous parlerions comme avec Baſine, Clotilde, Fredegonde ou Brunehaut, femmes & meres de nos premiers Rois. Mais auſſi, où il ſe trouueroit qu'ils fuſſent en vſage en quelque contree de noſtre France, il me ſemble qu'on peut hardiment les ramener en vſage: encores qu'ils ſe ſoyent pour quelque temps eſloignez de Paris ou de la Cour. Le Roman du Paon, eſt vne continuation des faiſts d'Alexandre: lequel ſe trouue en la bibliotheque du Roy, avec pluſieurs autres. Or ce Iehan le Neuelois viuoit du temps de Loys le Ieune Roy de France auant l'an M. CXCIII. *Pris de Claude Fauchet.*

IEAN DE NOSTRE DAME procureur en la court de parlement de Prouence, frere de Michel de Noſtradamus, a mis en François Les vies des plus celebres & anciens Poëtes Prouéçaux qui ont flori du temps des Comtes de Prouence. Recueillies de diuers auteurs qui les ont eſcrit en langue

langue Prouençale, & lesquelles ont esté trouuees escrites, à la main en quelques Bibliothèques anciennes. [impr. à Lyon 8°. par Alexandre Marsilij 1575.

Au Poëme dudit Jean de nostre Dame:

Il me suffit seulement de monstrier apres Dante en son liure *De vulgari eloquentia*, Petrarque, Cyno de Pistoia, Guido Caualcanti, Boccace, Bembe, Mario Equicola, Baltasar Comte de Castillon, Jean des Goutes traducteur de l'Arioste, l'autheur de la Grammaire François-Italienne, Speron Sperone, Lodouico Dolce en son apologie & plusieurs autres, que la langue Prouençale a esté grandement celebree par vn nombre infini de Poëtes Prouençaux, qui ont escrit long temps au parauant que les Poëtes Tuscans en leur langue maternelle. le principal ornement de laquelle a esté anciennement la multitude des Poëtes qui ont escrit en icelle langue, laquelle n'a duré plus de deux cens cinquante ans, depuis l'an 1162. qui fut du temps que Frideric premier du nom Empereur infeoda la Prouence à Remond Berenguier, qui auoit espousé Rixende ou Richilde sa niepce, Royne des Espagnes, iusques à la fin du regne de Ieanne premiere du nom, Royne de Naples, & de Sicile, Comtesse de Prouence, qui fut enuiron l'an 1382. qui les aimoit & prisoit. Mais defaillans des Mecenes defaillirent aussi les poëtes. Car du temps de Loys premier fils de Iean Roy de France qui succeda à ladite Ieanne, & par elle adopté esdits Royaumes de Naples & de Sicile, & Comtez de Prouence, Forcalquier & terres adiacentes, & de Loys deuxiesme, & troisieme, on ne trouue point qu'aucuns fussent amateurs des poëtes, fors que le Roy René fils dudit Loys 2. qui fut Prince benin, amateur des personnes doctes & vertueuses. Il se trouue par escrit que les Empereurs, Roys, & autres grans personnages de toute nation en faisoient entiere profession, comme de chose rare, & grandement recommandee: tesmoins en sont les deux Friderics premier & deuxiesme Empereurs, Richard Roy d'Angleterre, les Comtes de Poictou, de Thoulouse, & de Prouence, la Comtesse de Die, les seigneurs des Baulx, de Sault, de Grignan, de Castellane de Prouence, & plusieurs autres grands personnages qui de leurs temps ont trauaillé à l'enrichissement d'icelle. Le Cardinal Bembe en ses proses a escrit que les premiers poëtes rimeurs qui ont escrit en langue vulgaire, ont esté les Prouençaux, & apres eux les Tuscans: dit aussi qu'il n'est à douter que la langue Tuscan n'aye plustost pris la façon de rimer des Prouençaux, que de nulle autre nation. Speron Sperone en son dialogue intitulé *Des langues*, auquel Lascar l'un des entreparleurs, se plaignant que sa langue Italienne est manquée en declinaison des noms, les verbes sans coniugaison, sans participes, & sans aucune bonne propriété, dict qu'elle monstre en face auoir pris son origine, & accroissement des Prouençaux, desquels non seulement leur sont deriuez les noms, verbes, & aduerbes, mais encor l'art oratoire, & Poëtique. Loys Dolce en l'Apologie qu'il a faict contre les detracteurs de l'Arioste, sur ce qu'il a esté le plus renommé Poëte de tous les Tuscans, encor s'est il voulu ayder de beaucoup de voix & parolles du Prouençal, ainsi qu'ont faict les autres poëtes Tuscans. Mais de quoy ont enrichy leur langage, & pris

Qq

leurs

leur inuentions Dante, Petrarque, Boccace, & autres anciens Poètes Tuscans, fors que des œuvres des poètes Prouençaux? Le m'en rapporte aux Commentaires de Landin, de Vellutel, de Gezualde, & autres personnages renommez qui ont escrit sur les œuvres de ces poètes. Je puis asseurer vraiment auoir veu & leu deux grands tomes diuers escrits en lettre de forme sur parchemin illuminez d'or & d'azur, qui sont dans les Archifs du Seigneur Comte de Sault, auxquels sont descrites en lettre rouge, les vies des poètes Prouençaux (qu'ils nommoient Troubadours) & leurs Poésies en lettre noire, en leur idiomat, en nombre de plus de quatre vingts, tant hommes que femmes, la plupart gentilshommes & seigneurs de places, amoureux de Roynes, Imperatrices, Duchesses, Marquises, Comtesses, & autres Princesses & gentilsfemmes, desquelles les maris s'estimoient grandement heureux quand ces poètes leur adressoient quelque chant nouveau, en la langue Prouençalle. Les poètes se nommoient Trobadours, c'est à dire Inuenteurs, ou poètes: & à raison de ce la Prouence fut anciennement appelée *La boutique des Trobadours*. Lequel mot de Troubadour Vilitel en l'exposition du 4. chapit. du Triomphe d'Amour de Petrarque, l'a voulu translater Trombatori pour vn sonneur de trompette, pour n'auoir peu entendre le mot de Troubadour: quelquesfois on les a nommez Violars, pour sonneurs de violons: quelquesfois Juglars, pour sonneurs de flustes: Musars, pour musiciens, ou sonneurs d'instrumens musicaux: & Comics, pour Comiques. Les rimes qu'ils ont fait & composé les ont nommees chant, chantarel, chanson, son, sonnet, vers, mot, comedia, satyra, syruentez, tençons, layz, deports, soulas, & autres. Ils ont aussi fait de Pastorellas, & plusieurs autres rimes telles qu'on trouue aux œuvres desdits poètes Tuscans, toutes d'un grand artifice. Quand aux syruentez, c'estoit vne façon de rime satyrique, ainsi que la décrit Iean le Maire de Belges au premier liure de ses Illustrations de Gaule en la celebration des nopces du Roy Peleus, & Thetis, & en la description de son Temple de Venus. Lesdits syruentez contenoient aigres reprehensions des vices des empereurs, roys, ducs, & autres grands seigneurs, & contre l'hypocrisie des gens d'Eglise, & contre les tyrans. Les tençons estoient disputes d'amours qui se faisoient entre les cheualiers, & dames poètes entreparlans ensemble de quelque belle & subtile question d'Amours, & où ils ne s'en pouuoient accorder ils les enuoyoyent pour en auoir la diffinition, aux dames illustres presidentes, qui tenoient cour d'Amour ouuerte, & planiere à Signe, & à Pierre feu, ou à Romanin, ou à autres, & là dessus en faisoient arrests, qu'on nommoit *Lous arrests d'Amour*. Les poètes qui faisoient les mots, & le son (qu'estoit la note musicale de la parole) estoient les plus estimez. Richard Roy d'Angleterre pour la douceur qu'il trouua en la langue Prouençalle, fit vne chanson en celle mesme langue qu'il adressa à la Princesse Steuenette, femme de Hugues des Baulx fille de Gibert deuxiesme, Comte de Prouence. Frideric premier du nom Empereur, ayant ouy reciter plusieurs belles chansons aux poètes Prouençaux estans à la suite de Remond Berenguer dict le ieune, quand il luy infeoda la Prouence, fit vn bel Epigramme en Prouençal, à la louange de toutes les nations qu'il auoit suiues en ses victoires: d'entre lesquelles il loue *Lou cantar Prouençallez*.

salez, entendant des Poëtes, & de leurs rimes. Regardez de quelle grace est fait l'epitaphe du Comte Remond de Tholouse, accusé d'heresie. En l'Eglise sainct Sauueur d'Aix, & par tout son diocese, à la feste & iour S. Estienne martyr, on chante vn hymne en langue Prouençalle, *Quand ly felons lon lapidauan*. De quelle sorte & taille de rimes sont faictes les sept pseumes penitenciaux, par ceux qui vont mendiant les aumosnes par les portes on ne scauroit trouuer vne plus belle rime. Mais de quel langage beau & aorné sont faictes les Statuts de Prouence en langue Prouençalle, qui sont les loix & reglemens du pais, auxquels sont comprinses les requestes & demandes qu'on faisoit aux assemblees generales des trois Estats aux Comtes de Prouence, Roys de Naples, & de Sicille, avec les responses faictes *Par Louis Abbe de Saint-Etienne*. Et comme ainsi soit que toutes choses sont sujettes à changement, la langue Prouençalle s'est tellement auallee & abastardie que à peine est elle entendue de ceulx qui sont du pais, ainsi que le recite le seigneur Baltazar de Castillon en son *Commentaire*: parce qu'elle estoit meslee en partie de termes françois, espagnols, gascons, rustans, & lombards, il est aisé à veoir qu'elle deuoit estre l'une des plus parfaites & meilleures lagues de toutes les vulgures. Et qu'ainsi soit on a trouue plusieurs liures traduits en langue Prouençalle, tant en prose, qu'en rime. Mais il n'i auoit maison noble en Prouence, qui n'eust vn registre, en forme de Roman, auquel estoient descrits les gestes de leurs ancestres en langage Prouençal, estans à la suite des Comtes de Prouence, qui furent Roys de Naples, de Ierusalem, & Sicille, aux conquestes par eux faictes pour le recouurement desdits Royaumes, & Comtez, & de la cite d'Arles, des Comtez de Nice, de Piedmont, de Forcalquier, & des terres Baussenques, des Vicomtez de Marseille, d'Yeres, de Vintimille de Tende, contre certains occupants sinistres d'icelles, & des Royaumes de Naples, Sicille, Aragon, & autres, & pour remettre les rebelles du pais à leur obeissance, & pour en dechasser à vive force d'armes Charles de Durand dit de la pain, inuaiseur desdits Royaume de Naples & Comté de Prouence, & contre Remond Roger dit de Fourtenne, & autres ennemis perturbateurs du repos public: dont les vns furent haueusement ennoblis & decorez de la cointure militaire, & les autres richement recompensez de plusieurs places, terres, & seigneuries de grands Reuenus. *Aueurs* de ces nobles maisons ont aymé & prisé les gens doctes, & en ont honoré plusieurs en toutes sortes de sciences, & les autres se sont plustost addonnez au vin, & à la paillardise, qu'aux lettres, si que leurs faicts sont demeurez ensepueilis.

I E A N : O E G O L A M P A D E. Exposition sur le liure de Iob par Jean Oecolampade, mise de latin en françois par traducteur incertain. [Impr. à Geneue 4.^e par Vincent Bressier 1562.]

I E A N : P A L L E T Saintongeois a traduit de l'Italien du Seigneur Ange Firenzuole florentin *De la Beauté des Dames*. [Impr. à Paris 8.^e par Abel l'Angelier 1578.]

I E A N : Pape xxiii. de ce nom. *L'Elixir des Philosophes, autrement, L'art transmutatoire des metaux*, escrit

Qq 2 en

en latin par le Pape Jean xxii. de ce nom , & mis en François par traducteur incertain. [impr. à Lyon 8°. par Macé Bonhomme 1557.]

JEAN PAPON Seigneur de Marcoux & Goutelas, iuge & lieutenant general civil & criminel au Bailliage de Forest a escrit,
Recueil d'Arrests notables des cours souveraines de France, ordonné par tiltres en vingt quatre liures. [imprimé cinq fois à Lyon f°. par Jean de Tournes, la cinquième édition en l'an 1567. & à Paris 8°.

Premier Tome des trois Notaires duquel le seul & vray subiect contenu en dix liures est l'vsage de contracter & disposer en dernière volonté. [imprimé à Lyon f. par Jean de Tournes 1568.

Triar Judiciel du Second Notaire, qui est le greffier par lequel sont receuës, escriptes & enregistrees toutes playdoiries, cōtestations, examen de tesmoins, productions, iugemens, appellations, renonciations, & autres choses estans aujour d'huy en pratique, & qui sont les moyens pour retenir & conseruer ce qui nous peut estre acquis par cōtracts, successions & dispositions de dernière volonté. Et c'est le subiect & argument de ce second Tome diuisé aussi en dix livres. [impr. à Lyon f°. par Jean de Tournes 1575.

Secrets du troisieme & deiniere Notaire, Assauoir le Secretaire, lequel des-
peche toutes prouisions du Prince, dons d'office, benefices, priuileges, legi-
timations, affranchissemens, amortissemens, ennoblissemens, lettres de Natu-
ralité, restitutions en entier, graces, remissions, rappéaux, abolitions, reliefs,
declarations, commissions. Ensemble les prouisions du siége Apostolique sous
le nom & titre de nostre saint Pere le Pape & des Prelats & chefs d'Eglise
inferieurs d'iceluy, dont les despesches passent par les mains d'un seul secretaire
qui est proprement signifié par le terme de Notaire. Et est telle matiere
traictée en ce troisieme Tome ordonné par eillement en dix liures, & impri-
à Lyon fr. par Iean de Tournes 1578.

Il a écrit en outre des commentaires latins sur le texte François des coutumes du Pais de Bourbonnois. [impr. à Lyon f°. par Jean de Tournes 1550.

Et à mis en François,

Rapport des deux Princes l'Eloquence, Grecque & Latine Demosthene & Cicero à la traduction d'aucunes leurs Philippiques. [impri. à Lyon 8°. par Maurice Roy & Loys Pefnot 1554.

JEAN PARADIN de Louhans a écrit en rime vn liure intitulé,

Micropédie contenant cent quatrains qui sont les cent distiques de Fauste. Dialogue de la mort & du Pelerin. De la misere & calamité du temps. Quelques Epigrammes, dizains & huitains. Propos vulgaire d'un amoureux & de son amie traduit du latin d'Héry Bebelius. [Le tout impr. à Lyon 8. par Jean de Tournes 1546. & à Paris 16°. par Estienne Groulleau 1547.

JEAN PARCEVAL, Prieur des Chartreux lez Paris & vifiteur de la province de France a écrit premierement en latin, Un petit liure contenant 8. chapitres intitulé, Briefue doctrine de l'amour diuine. Et depuis par luy traduit en François. [impr. à Paris 16°. par Vincent Gautherot 1546. & depuis par Leon Caueilat fous tel autre,

Le Mi

Le Miroir de l'amour diuin, &c. 1583.

JEAN PARMENTIER natif de la ville de Dieppe a escrit, Traicté en forme d'exhortation contenant les merueilles de Dieu & la dignité de l'homme, composé en rime par ledict Parmentier faisant sa derniere navigation avec Raoul Parmentier son frere en l'isle Taprobane dicte Samothra. Item vn chant royal par maniere de Paraphrase sur l'oraison Dominicale. Item plusieurs chants royaux faicts sous termes Astronomiques, Geographiques & maritimes, à l'honneur de la tresheureuse Vierge Marie mere de Dieu. Item moralité treselégante à dix personages à l'honneur de l'assomption de la Vierge Marie. [impr. à Paris 8°. en la rue de Sorbonne 1531. Il a translaté de latin

L'histoire Catilinaire de Saluste. [impr. à Paris 8°. par Symon du Boys 1528.

JEAN PASSEURAT natif de Troyes Lecteur & Professeur du Roy en Eloquence en l'vniuersité de Paris, excellent orateur & Poëte & consommé en toute sorte de bonnes lettres a escrit plusieurs Poëmes en françois qui ne sont encores imprimez. Tout ce que j'ay veu de luy imprimé est en ce qui s'ensuit.

Chant d'Allegresse pour l'entree du treschrestien Roy Charles 1 x. en sa ville de Troyes. [impr. à Troyes 1564.

Complainte sur le trespas d'Adrian Turnebe professeur du Roy en Philosophie en l'vniuersité de Paris. Adressée à Pierre de Ronsard. [impr. par Federic Morel 1565.

Sonnets sur le tombeau du sieur de la Chastre dict de Sillac graué d'inscriptions de diuers poetes. [impr. à Paris par Federic Morel 1569.

Hymne de la Paix commenté par M. A. [impr. à Paris 8°. par G. Buon 1563.

Quelques sonnets qui se voyent parmy les œures de Philippes des Portes, & autres œures dont ie n'ay memoire.

Quelques vers traduits du sixiesme de l'Enceide par Jean Passerat, qui commencent ainsi,

Excudent alij spirantia mollius æra.

Credo equidem viuos ducens de marmore vultus, &c.

D'autres auront dessus toy t'auantage

Ce croy-ie bien à tailler vne image,

Quand ils iront marbre ou cuivre grauant

L'œure acheuë il semblera vivant.

D'autres auront vne meilleure langue

Pour vn barreau ou pour faire vne harangue,

D'autres encor d'escriront beaucoup mieux

Le mouuement des Astres & des Cieux.

Mais toy mon sang il faut ailleurs entendre,

Q 9 3

Voicy

*Voicy les arts qu'il te conuient apprendre,
C'est commander à toutes nations
Leur donner paix & leurs conditions.*

*Te monſtrer doux moderant ta puiſſance
Enuers celuy qui rend obeiffance:
Combatre auſſi l'orgueil des ennemis,
Juſques à tant qu'à bas les ayes mis.*

ENVOY AV ROY.

*J'ay pris ces vers d'un grand & grand Poëte
Duquel ne ſuis qu'un petit interprete.
Par un eſprit ce propos fut tenu
Au ſang d'Hector d'où vous eſtes venu.
Sans tercher donc la vertu endormie
Aux vains diſcours de quelque Academie,
Liſez ces vers & vous pourrez ſcauoir
Quel eſt d'un Roy la charge & le deuoir.*

DEFFY AVX ACADEMIQVÈS.

Adreſſant

AV ROY.

*Ma Muſe n'eſt point ennemie
De la nouuelle Academie,
Ny ne veult deſſplaire à ſon Roy:
Je ſçay combien lon doit au Prince,
Et le bec malin qui me pince
Luy porte moins d'honneur que moy.*

*J'ay eſcrit que c'eſt choſe vaine
Du diſcours de raiſon humaine,
Où vertu ſ'endort quelques fois:
Si j'ay failli ingé en S I R E
Qui ſçauetz mieux faire que dire
Comme ont appris les plus grands Rois.*

*Mais ſi cela ſeulement pique
Quelque petit Academique,
Laiſſez aller les combatans:
Qui voudra me liurer bataille,
Que hardiment ſa plume il taille
Vous en aurez du paſſeremps.*

IEAN

JEAN PASQUIER SEZANOIS a écrit

Cantiques & Chansons spirituelles pour chanter sous la musique de plusieurs chansons prophanes d'Orlando de Lassus & autres musiciens à quatre & cinq parties premier & second liure. [impr. à la Rochelle par Pirre Haultin 1578.

Il a aussi changé la lettre prophane des chansons des Meslanges du mesme Orlando en lettre spirituelle. [impr. à quatre, cinq & huit parties à la Rochelle par Pierre Haultin ez années 1575. & 76.

JEAN DE PEYRA T. Sarladais a traduit d'Italien

Le Galathee, ou la maniere & façon comme le gentilhomme se doit gouverner en toute compaignie. [impr. à Paris 8°. par Jacques Keruer 1562. & depuis Italien François 16°. par Alexandre Marsilij à Lyon.

JEAN PELISSON de Coindrieu principal du college de Tournon qui a fait vn Epitome de la grammaire latine de Jean Despautere. a écrit aussi en françois vn petit traité de l'Institution des enfans estans en vn college. [impr. à Lyon 16°. par Thibaud Payen 1530.

JEAN PELSGRAVE de Londres

Encores que cet auteur n'aye écrit qu'en latin, si est ce que dautant qu'il a traité de la langue françoise en trois liures, j'en mettray icy le tiltre,

De Illustratione gallica lingua libri tres. [Excus. Anno Domini 1530.

JEAN DV PERRON professeur du Roy aux langues, aux Mathematiques & en la philosophie a écrit plusieurs beaux & doctes liures en françois qu'il metra en lumiere bien tost. Il a fait vn Auant discours sur l'un & l'autre curieux de Pontus de Tyard. [impr. à Paris 4°. par Mamert Patisson 1578.

JEAN DE LA PERVSE Poicteuin a écrit
La Medee, Tragedie.

Plus diuerses poesies, Assauoir Odes, Chansons, Mignardises, Etrenes, Elegies, Sonnets, Amourette, Ode à F. Boissot son voisin & amy. [impr. à Poictiers 4°. par les de Marnef & Bouchets freres 1556.

Aux Poësies, PROBLEME.

*D'ou vient, Ronsard que la despitte enuie
N'assaut iamais les hommes ocieux?
Et que la dent des malins enuieux
Contre les bons n'est iamais assouuie?
D'ou vient Ronsard que l'homme qui desuie
De la vertu n'est iamais odieux?
Et que l'on voit les hommes vicieux
Heureusement prospérer en leur vie?
Seroit ce point que les esprits bien nez
Dedans les cieux saintement façonnez,
Des Cieux aussi attendent leur salaire?*

Qq 4

Ou

Où que lupin mesme veut guerdonner
 Les dons heureux qu'il luy a pleu donner?
 Où que le bien aux mauuais ne pènt plaire?

A damoiselle Jeanne Bertelot.

Comme le branler d'une onde
 Les choses sont en ce monde
 Inconstantes & n'ont point
 De fermeté un seul point.
 Les iours après les iours coulent,
 Les moys s'en vont, les ans roulent;
 Mesmes les hommes qui sont
 Plus constans rien certain n'ont;
 Et n'ont chose qui demeure
 En un poinct une seule heure.
 Soudain l'enfance s'ensuit,
 Soudain ieunesse la suit;
 Soudain ieunesse s'älente,
 Soudain l'aage plus constante
 De mille dons précieux
 Vient enrichir nostre mieux.
 Là le printemps de nostre aage
 Embellit nostre visage,
 Là la verueur de nos ans
 Nos faicts & dicts rend plaisans:
 Là lon rit là lon plaisante;
 Là lon ioue, là lon chante;
 Mais tous tels plaisans esbas
 Tousiours ne nous durent pas.
 Suruiuent la ride qui trace

Le poli de nostre face,
 Suruiuent la triste paleur
 Qui honnit notre couleur,
 Suruiuent la courbe vieillesse,
 Vieillesse qui point ne cesse
 Que n'ait mis nostre plus beau
 Dedans l'horreur d'un tombeau.
 Ainsi, fane, ainsi au monde
 Les choses vont comme une onde,
 Et soubz le ciel tout perit
 Fors la vertü de l'esprit.
 Ne te fy donc en ta face
 Puis qu'ainsi la beauté passe,
 Et ne te fie en tes ans,
 Puis qu'ils fuyent comme vents.
 Ayme vertu, fuy le vice;
 Ayme bonté, fuy malice,
 Puis qu'ainsi te peux venger
 Du rigoureux passager.
 Pren l'exemple de ton pere,
 Pren l'exemple de ta mere,
 Pren l'exemple de tous deux
 Et vy heureuse comme eux.
 Ainsi, l'ane, tes emprises
 A fin heureuse soyent mises:

En l'Ode à G. Buchanan:

Trop & trop est celui couart
 Qui cele le fruit de son art.
 Que tardes tu? la mort subite
 T'enouira là bas voir Cocyte,
 Et la pierre tousiours roulant,
 Peine de Sysiphe Aeolide,
 Avec la troupe Danaide
 Punie du vaisseau coulant.
 Rien, Buchanan, rien ne nous suit

Qu'une perpetuelle nuit.
 Que sçais tu si ta poésie
 Apres ta mort sera saisie
 Par un sacrilege ignorant
 Qui de tes vers ne fera conte?
 Vange toy donc de telle honte,
 Auant qu'on te voye mourant:
 Puis que tu as moyen si beau
 De t'arracher vif du tombeau.

En

En la Tragedie de Medee.

Sentences:

Regne sans equité n'est pas long temps durable.

Le mal venu, il le faut endurer

Bon gré, malgré, rien n'y sert murmurer:

*Mais par avant qu'il vienne, l'homme sage
Peut par conseil devancer son dommage.*

L'Ire d'un Roy est grandement à craindre.

*Souvent Fortune aux hommes fauorise
Pour renuerfer par apres leur emprise.*

*Tant Es tant plus que le malheureux songe
En son malheur, plus son malheur le ronge.*

IEAN-BAPTISTE PESCATORE de Rauenne a écrit en vers & Stanzas Italiennes vn liure contenant quarante chants, intitulé *La Morte di Ruggiero continuata à la materia de l'Ariosto. Con le Allegorie ad ogni Canto*, qui a esté traduit en françois par Gabriel Chapuis sous le titre de, *La suite de Roland le Furieux &c.* [impr. à Lyon 8°. par Barthelemy Honorat 1582.

IEAN PHILIPPE S conseiller du Roy en la court des Aydes de Montpellier, a fidelement recueilli & doctement expliqué Les Edicts & ordonnances, concernans l'auctorité & iurisdiction des courts des aydes de France, sous le nom de celle de Montpellier: Ensemble autres ordonnances de sa magesté, touchant le faict & reiglemēt des Tailles, Aydes, Gabelles & autres finances particulièrement pour le pais de Languedoc, Querey & Guyenne, auxquelles ledict Jean Philippe a adiousté vne préface en latin où est contenu le sommaire des tribus & subsides antiques & modernes, avec annotations au marge & allegations de plusieurs Arrests donnez sur ceste matiere. [impr. à Lyon f°. par Thibaud Payen 1561.

10. *Philippi Monspeliensis, & in curia subsidiorum (voyn des aydes) præsidi, liris Responsa. Lugd. f°. in officina Philippi Tinghij 1584.*

IEAN PICARD de l'ordre des freres mineurs & traduit de latin vn liure intitulé

Les trois Miroirs du monde. [impr. à Paris 8°. par Jean Longis, sans date.

IEAN FRANCOIS PIC de la Mirande, Comte de Concorde,

Traicté de l'Imagination. traduit par Jean Antoine de Bayf.

Harengue de la dignité de l'homme. traduite par Guy le Feure.

L'Heptaple, où en sept façons, & autant de liures, est exposée l'histoire des sept iours de la creation du monde. traduit par Guy le Feure.

Les

Les Douze reigles du Seignieur Iean Pic de la Mirandole. traduites par Iean de Corras.

En la Harangue de la dignité de l'homme.

La le père supreme, Dieu souverain ouurier, auoit construit & basty par les Loix de sa secrette Sapiēce ceste maison mondaine, tresvenerable tēple de la diuinité. Il auoit orné la regio sur-mondaine d'intelligēces, il auoit estuigouré les Globes æthereens d'eternels esprits, & auoit répli de toutes sortes d'animaux les parties plus gressieres, & comme la lie du monde inferieur. Mais l'ouurage estant paracheué, l'ouurier desiroit quelqu'un qui peust considerer la raison d'un si grand ouurage, qui en aimast la beauté, & en admirast la grandeur. A ceste cause toutes choses ia parfaites & accomplies (comme tesmoignent Moysē & le Timee) eēt fin il pourpensa de produire l'homme. Or n'y auoit il rien en l'Archetype dont il peust faire & former nouvelle lignee, ny rien es thresors qu'il peust donner pour heritage à son nouveau fils, ny rien aux plus bas estages de tout l'univers là où ce contemplateur du monde peust estre assis. Ia tout estoit plein, ia toutes choses auoyent esté distribuées aux ordres supremes, moyens, & plus bas. Mais il ne conuenoit pas à la puissance paternelle de faillir comme estonnée & lasse de produire en la dernière production. Il n'estoit pas seant à la Sapience par faute de conseil d'estre troublée en chose necessaire. Il ne conuenoit pas à l'amour bien faisant, que celui qui deuoit louer la liberalité diuine es autres choses, fust contraint de la blasmer en soy-mesme. A la fin l'ouurier tresbon ordonna qu'à celui, auquel rien de propre ne pouuoit estre donné, seroit commun tout ce qui estoit peculier à chacune chose. Il print donc l'homme, œuure d'image non separée, & l'ayant mis au milieu du monde, luy parla en ceste maniere: O Adam, nous ne t'auōs donné ny certain siege, ny propre face, ny aucun don peculier, afin que tu ayes & possedes selon ton desir & volonté tel siege, telle face, & tels dons que tu voudras. Des autres la nature limitée est contenue & resserree entre certaines loix par nous prescrites. Mais toy non empressé ny contraint d'aucuns destroits, selon ton franc arbitre, en la main duquel ie t'ay mis, tu te l'assigneras comme bon te semblera. Ie t'ay mis du monde le milieu, afin que de là de toutes pars tu regardes plus à l'aise tout ce qui est au monde. Et ne t'auōs fait ny celeste ny terrestre, ny mortel ny immortel, afin que comme honorable arbitre & entailler & peintre de toy-mesme, tu te tailles & dépeignes en telle forme que mieux il te plaira. Tu pourras degenerer es choses inferieures, qui sont brutales: Tu pourras estre regeneré es superieures, qui sont diuines, selon ton bon plaisir. O souveraine liberalité de Dieu le Pere, ô souveraine & admirable felicité de l'homme, auquel est donné d'auoir ce qu'il desire, & d'estre ce qu'il veut! Les bestes brutes aussi tost qu'elles naissent apportent avec elles (comme dit Lucile) de l'amarry de leur mere, ce qu'elles doiuent posseder. Les esprits supremes ou du commencement, ou peu après, furent ce qu'ils seront en toute eternité. Mais le Pere enta en l'homme naissant toutes sortes de semence, & les germes de toute sorte de vie. Celles que chacun aura labourées croistront, & rapporteront leurs fruits

fruits en luy. Si vegetables, il sera fait plante: si sensuelles, il deviendra beste: si raisonnables, il deviendra vn animal celeste: si intellectuelles, il sera Ange, & fils de Dieu. Et si non content d'aucune condition des creatures il se retire au centre de son vnit ,  tant fait vn  sprit avec Dieu, constitu  en la solitaire nuee du Pere, qui  st sur toutes choses, il les surpassera toutes. Qui est-ce qui n'admira n tre Chameleon? ou plustost qui est-ce qui admirera quelque autre chose d'auantage? Lequel non sans raison Asclepe Athenien   cause de sa nature prompt   vestir diuerse peau, &   se transformer soy mesme, dist  tre signifi   s mysteres par Prothee. De l  viennent ces metamorfoses & transformations celebrees entre les Hebrieux & Pythagoriens. Car encor en leur plus secrette theologie les Hebrieux ores reforment le saint Enoch en l'Ange de la diuinit , qu'ils appellent Maleach Hasshechinach, & ores transforment les autres en autres noms. Et les Pythagoriens deforment les hommes meschans en bestes brutes, voire mesme si on croit   Empedocle, en plantes: Lesquelles Mahomet imitant, auoit souuent ce propos en la bouche: Celuy qui s'elloignera de la loy diuine deviendra beste, & certes   bon droit. Car ce n'est pas l'escorce qui fait la plante, mais vne nature stupide, & qui rien ne sent, & le cuir ne fait pas la beste, mais l'ame brutalle & sensuelle: & le corps arrondy ne fait pas le ciel, mais la droite raison: & la separation du corps ne fait pas l'Ange, mais l'intelligence spirituelle. Car si tu vois quelque vn adonn    son ventre qui rampe contre terre, c'est vn arbrisseau, non pas vn homme que tu vois: si tu en aduises quelque vn esblo y & aueugl  des faulces & vaines apparences de la fantasie, comme d'vne Calipson, & amadou  d'vne volupt  charouillante esclau  des sens, c'est vne beste non vn homme que tu vois. Si tu apper ois vn philosophe discernant toutes choses par droite raison, porte luy reuerence, c'est vn animal celeste, non terrestre. Que si tu remires quelque pur contemplateur qui ait oubli  le corps, reclus au plus profond cabinet de la pensee, cestuy n'est point animal ny terrestre, ny celeste, cestuy est quelque Dieu plus auguste & venerable, vestu & affubl  de chair humaine. Et qui est-ce qui n'admira l'homme? Lequel, non sans cause, aux saintes lettres Mosaiques & chrestiennes est maintenant design  sous le nom de toute chair, maintenant sous le nom de toute creature: parce que   la semblance de toute chair, au naturel de toute creature il se feint, fabrique & transforme. A ceste cause Euante Perse recitant la Theologie Chalda que,  crit que l'homme n'a point de propre & na fue image, mais qu'il en a plusieurs estranges & empruntees d'ailleurs: d'o  vient ce commun dire des Chaldees, Enos hou fonia, vchemah tabeoth Beelhai: L'homme est vn animal de nature variable prompt   prendre diuerse formes. Mais   quelle fin dy-ie cecy? Afin que nous entendions, puis que nous sommes nez   ceste condition, que nous soyons ce que nous voulons  tre: Que nous deuons principalement auoir soing qu'on ne die de nous, Que nous estans en honneur, par ne l'auoir cogneu, auons  t  fa cts semblables aux bestes & luments sans sapience: mais plustost ce dire d'Asaph le Prophete, Vous estes Dieux, & tous fils du trefhault: de peur qu'abusans de la trefgrande liberalit  & de l'ab don que te pere nous a fait, de saluaire nous ne nous rendions nuisible le franc arbitre qu'il nous

nous a donné. Qu'une sacrée ambition nous saisisse le courage, à ce que nous ne contens des choses moyennes nous aspirions aux supremes, & que pour les acquérir nous nous efforcions de toute nostre puissance, puisque nous le pouvons si nous voulons: dedaignons les choses terrestres, mesprison les célestes, & en somme mettans en arriere tout ce qui est du mode, volons-nous en à la court surmondaine prochaine à la supreme diuinité. Là comme enseignent les mysteres sacrez les Sêrâfins, Cherubins, & Thrones tiennent les premiers rangs, nous donques qui n'auons plus appris à céder non contens du second lieu pourchassons d'une sainte enuie & leur dignité & leur gloire. Quand nous voudrôs nous ne leur serôs en rien inférieurs. Mais par quel moyen, ou que ferons-nous à ceste fin? Voyôs que c'est qu'ils font, & quelle vie ils vivent. Et si nous l'a viuons, (car nous le pouvons) ia nous aurôs egallé leur condition. Le Seraphin bruste du feu de charité, Le Cherubin reluit de la splendeur d'intelligence. Le Throne est stable par fermeté de iugement. Donques si adonnez à la vie actiue nous entreprenons avec bonne consideration la cure des choses inferieures, nous y serôs confermez par la stable fermeté des thrones. Et si chommans apres les actions, meditans en l'ouurier l'ouurage, & en l'ouurage l'ouurier, nous nous employons au loisir de la contemplation, nous espondrôs de toutes pars les rais de la lumiere Cherubine. Si par charité nous sommes seulement épris & embrasés du createur, par son feu deuorant soudain nous serôs enflammés en forme de Seraphins. Sur le Throsne, c'est à dire sur le iuste iuge, est assis Dieu le iuge des siecles. Sur le Cherubin, c'est à dire sur le contemplateur, il vole, & quasi comme le couuant l'eschauffe. Car l'esprit de l'eternel est porté sur les eaux, celles, dy-ie, qui sont sur les cieux, qui en Iob loüent le Seigneur d'hymnes chantez auant le point du iour. Celui qui est Seraphin, c'est à dire amoureux, il est en Dieu, & Dieu est en luy, ainçois Dieu & luy sont vn. Grande est la puissance des thrones, qu'en iugeât nous atquerôs, supresme est la sublimité des Seraphins qu'en aimant nous obtenôs. Mais comment est-ce que quelqu'un peut iuger ou aimer ce qu'il ne cognoist point? Moysé aima Dieu qu'il vid, & iuge administra entre le peuple ce que contemplateur au parauant il auoit veu en la montagne. Donques le Cherubin moyen par sa lumiere, & par le feu Seraphique nous prepare, & pareillement nous illumine au iugement des Throsnes. C'est icy le nœu des premieres intelligences, l'ordre Palladien, president de la philosophie contemplatiue, il le nous faut en premier lieu enuier, pourchasser & embrasser, afin que par là nous soyons ravis au supresme but d'amour, & que nous descendions bien appris & appareillez aux charges des actions. Mais il conuient auant tout œuure, si sur le patron de la vie Cherubique nous voulons former nostre vie, que nous ayons deuant les yeux, & que nous sçachiôs comme par conte fait, que c'est, & quelle elle est, quelles sont leurs actions, & quels leurs ouurages. Et d'autant que nous n'y pouuons atteinre de nous-mêmes, qui sommes chair, & qui sçauons les choses de la terre, allons nous en vêts les peres antiques, qui de telles choses, comme à eux domestiques & familiares, ne peuuent faire foy certaine & asseuree. Consultons saint Paul Apostre vaisseau d'election, que c'est qu'il vid, que faisoient les exercices des

tes des Cherubins quand il fut esleué iusques au troisieme ciel. Certes il nous respondra par saint Denis son interprete, qu'ils sont purgez, puis illuminez, & en fin parfaits. Donc nous aussi imitâs à l'enuy la vie Cherubique en la terre retenans & bridans l'impetuosité des affectiōs par la science morale, & par la dialectique, chassans l'obscur nuage de la raison, comme lauans & nettoyans les souilleures de l'ignorance & des vices, repurgeons l'ame de peur que temerairement les affectiōs ne se desbordent, ou que l'imprudente raison n'affole quelquefois. Alors de la lumiere de la philosophie naturelle, illuminons l'ame bien composee & repurgee, pour finablement la rendre parfaite par la cognoissance des choses diuines: & à fin que les nostres ne nous suffisent, consultons Iacob le Patriarche, duquel l'image reluit entaillée au siege de la gloire. Ce pere tressage dormant au bas monde, & veillant au supernel nous aduertira de nostre deuoir. Mais il nous aduertira en figure (car toutes choses leur arriuoient ainsi) qu'il y a des eschelles estēdues depuis le bas plancher de la terre iusques au sommet du ciel, distinguees par l'entresuite de plusieurs degrez, que l'Eternel est assis au coupeau, & que les Anges contempleteurs l'un apres l'autre y montent & descendent. Que si nous qui affectons la vie Angelique desirons de faire souuent le mesme, ie vous pry, qui estce qui touchera les eschelles du Seigneur Eternel, ou d'un pied souillé ou des mains impures? Il n'est pas permis, disent les mysteres, à l'impur de toucher au pur. Mais quels sont ces pieds, quelles sont ces mains? A la verité le pied de l'ame est ceste portio tres-vile & abiette, de laquelle elle s'appuye à la matiere comme au plancher de la terre, ie dy la puissance nourriciere & viandiere, l'allumette du plaisir charnel, & la maistresse de molle volupté. Pourquoy ne dirons nous aussi que le courroux est la main de l'ame, laquelle comme defendresse de l'appetit combat pour luy, & rauissante emporte la proye à la poudre & au Soleil. Que ceste là dormant en l'ombre deuore ces mains & ces pieds, c'est à dire toute ceste sensuelle partie en laquelle le chatouillant appetit du corps reside, qui retient l'ame à col retors, (comme ils parlent) de peur que comme profanes & pollus nous ne soyons reiettez des eschelles. Lauons les donc de philosophie morale, ainsi que d'un fleue d'eau viue. Et encor ne sera-ce pas assez si nous voulons estre compagnons des Anges, discourans par l'eschelle de Iacob, si premierement nous ne sommes bien appris & apprestez à droitement estre auancez de degré en degré, & nulle part nous fouruoyer du sentier des eschelles, ains paracheuer les courses reciproques. Ce que quand nous aurons acquis par art de discours & de raison, adonc animez d'esprit Cherubique philosophant par les degrez des eschelles, c'est à dire de nature, & de centre en centre parcourans toutes choses, tātost comme deschi-rans par force Titanine l'vnique Osiris en multitude nous descendrons, & tātost recueillât par vertu Phebeenne, comme les membres d'Osiris, la multitude en l'vnité, nous mōterons iusques à tant que nous reposans par le bonheur de la theologie, en fin nous soyons consummez & parfaicts au sein du pere, qui est au dessus des eschelles.

Rr

Et

Et en un autre endroit apres de la mesme harangue:

La philosophie m'a appris qu'il faut plustost despendre de sa propre conscience que du iugement d'autrui, & qu'il me faut rousiours prendre garde non tant d'estre mal estimé, comme de ne dire ou faire rien de mal. A la verité ie n'ignorois point, Peres trefvenerables, que ceste mienne dispute seroit autant agreable & ioyeuse à tous, vous qui fauorisez aux bonnes disciplines, & qui l'avez daigné honorer de vostre trefauguste & venerable presence, comme elle seroit griefue & ennuyeuse à plusieurs. & scay bié qu'il s'en trouuera qui ont desia blasmé mon entreprinse, & qui par cy apres la blasmeront pour plusieurs raisons. Ainsi ont accoustumé d'auoir non moins de calomnieurs pour ne dire dauantage les entreprinsees qui bien & saintemét sont menées à la vertu, que celles qui iniquement & meschamment tendent au vice. Il y en a qui n'approuuent point toute ceste forme de disputer & ceste entreprinse de discourir des lettres en public, asseurás que cela se fait plustost pour vne pompe & ostentation d'esprit, que pour aquerir erudition. Il y en a d'autres qui n'improuent pas cest exercice, mais en moy ne l'approuuent aucunement que moy seulement aagé de vingt & quatre ans, ayé osé proposer vne dispute des plus sublimes mysteres de la theologie chrestienne, des treshaults passages de la philosophie, des disciplines incognues en vne ville trefameuse & segnalée, en vne trefample assemblee de doctes personages, & en vn senat Apostolique. Les autres me permettent bien que ie dispute, mais ils ne me veulent point permettre que ie dispute de neuf cens questions, disans par calomnie que cela est autant superflu & ambitieux, comme surpassant mes forces. Aux obiections de ceux-cy i'eusse tendu la main comme vaincu, si la philosophie dont ie fay profession me l'eust ainsi appris: & maintenant comme elle m'enseigne, ie ne respondroy pas si ie pensoy que ceste dispute fust ordonnée entre nous sous espoir d'estrif ou de contention. Parquoy que tout desir de calomnier & d'estriuer, & que l'enuie que Platon dist ne se trouuer iamais en la compagnie diuine, se retire aussi arriere de noz entendemens. Or considerons amiablement si c'est à moy d'entreprendre la dispute, & mesme de tant de questions. Premièrement ie ne veulx pas tenir long propos à ceux qui calomnient la coustume de disputer publiquement: parce que ceste faute, si faute ce doit estimer, ne m'est pas seulement commune avec vous, Docteurs trefexcellens, qui souuentefois, non sans grand louange & honneur vous estes acquitez de ceste charge, mais à Platon, mais à Aristote, mais aux plus approuuez philosophes de tous les siecles. Lesquels tenoyét pour trefcertain & resolu, qu'il n'y auoit rien meilleur pour aquerir la cognoissance de la verité, laquelle ils cherchoyent, que qu'ils fussent fort assidus en l'exercice de la dispute. Car tout ainsi que par la gymnastique les forces du corps sont rendues plus fermes, ainsi sans doute en ceste iouste des lettres les vertus de l'ame deuiennent beaucoup plus fortes & vigoureuses. Et ne croy point ou que les Poëtes par les armes de Pallas tant rechantées, ou les Hébreux quand ils disent que Barzel, (c'est le fer) est le symbole & la deuise des sages, nous ayent voulu autre chose signifier que ces treshonestes combats fort necessaires pour

aquérir

aquerir sapience. Dont vient parauenture que les Chaldees desirent au Genesé de celuy qui doit estre philosophe, q̄ Mars regarde Mercure d'un aspect triangulaire: cōme si toute la philosophie deuoit estre sommeillante & endormie, si vous ôtez ces cōbats & rencontres en la carrière des Muses. Et quāt à ceux qui disent q̄ ie ne suis pas suffisant pour ceste charge, la raison de ma defense est plus difficile. Car si ie dy q̄ ie suis suffisant, parauanture ie seray veu encourir la tache d'un arrogāt & qui presume trop de soy, que si ie me cōfesse insuffisant ie seray estimé temeraire & mal-auiisé. Voyez en quels destroits ie suis réduit, & en quel lieu ie suis planté, quand ie ne puis promettre de moy sans coulpe ce que ie ne puis q̄ sans coulpe accōplir. Parauenture ie pourroy amener ce dire de Iob, que l'esprit est en tous, & escouter avec Timotee ce dire de saint Paul, que personne ne mesprise ton adolescence. Mais ie diray ce mot plus veritable selon ma conscience, qu'il n'y a rien en moy de grand ny de singulier. Possible ie ne deniray pas que ie ne sois studieux & desireux des bonnes disciplines, toutesfois ie ne pren ny ne m'attribue le nom de docte. Parquoy en ce que ie me suis mis sur les espaules vne si grāde charge, n'a pas esté pource que ie ne sentisse pas mon infirmité & impuissance, mais pource que ie scauoy que telle est la commune maniere en ces combats literaux, que c'est gain d'y estre vaincu. Ce qui fait que le plus foible non seulement ne refuse d'y entrer, zins plustost de son bon gré il les peut & doit appeter. Parce que celuy qui succombe reçoit un bienfait du vainqueur, & non pas vne iniure, comme par luy s'en retournant à la maison, & plus riche, c'est à dire plus docte, & mieux instruit aux combats à venir. Estant encouragé de ceste esperance, moy foible soldat, n'ay point eu de crainte d'entrer en si graue combat avec les plus forts & plus adextres combatans. Toutesfois si ie l'ay fait temerairement ou non, cela se pourra mieux iuger par l'issue du combat que par nostre aage. Reste en troisieme lieu que ie responde à ceux qui s'offensent de la nombreuse multitude des choses proposees, comme s'ils auoyent ceste charge sur leurs espaules, & que ce ne fust pas à moy à porter ce trauail, quelque grand qu'il soit. Certainement cela est messeant & par trop ennuyeux de vouloir borner l'industrie d'autrui: & comme dit Ciceron, desirer la mediocrité en vne chose, laquelle est d'autant meilleure qu'elle est plus grande. Il m'estoit du tout necessaire, ou que i'eusse à succomber, ou satisfaire à si grandes entreprises. Si i'y satisfaisoy, ie ne voy point pourquoy ce qui est loüable d'accomplir en dix questions, doie estre blasme de l'auoir accompli en neuf cens. Si ie succomboy, ils auroient, s'ils me portent haine, de quoy m'accuser: & s'ils m'aiment, de quoy m'excuser. Car en vne si graue & si grande dispute, si un ieune adolescent d'assez petit esprit & de petite doctrine y defaut, cela doit estre plustost digne de pardon que d'accusation. Ainçois selon le Poëte, Si la force defaut, certes la hardiesse loüange doit auoir en œuvre de hautesse, c'est assez de vouloir. Que si en nostre aage plusieurs imitans Gorgias Leontin, ont accoustumé, non sans loüange de proposer dispute, non seulement de neuf cens propositions, mais de toutes questions de toutes disciplines, pourquoy ne me sera-il permis, voire sans coulpe, d'en disputer de plusieurs voirement, mais toutesfois certaines & determinees? Mais disent-ils, cela est superflu & ambi-

tieux. Quand à moy ie soustien que i'ay fait cela, non par maniere superflue, mais necessaire: que si avec moy ils consideroyent la raison de philosopher, maugré qu'ils en eussent ils seroient contrains de le confesser.

I E A N P I C O T Conseiller du Roy & presidet des enquestes de la court de Parlemēt à Paris a traduit du Grec d'Agapetus Euesque de Rome Enseignemens pour gouverner vn Empire & Royaume, à Iustinian Empereur. [impr. à Paris 8°. par Guill. Morel 1563.

I E A N P I E R I V S.

Commentaires Hieroglyphiques. &c. Voyez Gabriel Chapuis.

I E A N P I E R R E S Escuyer lieutenant general ciuil & criminel en la ville & gouvernement de la Rochelle a escrit, Commentaire sur l'edict des Arbitres fait par le Roy Charles ix. [impri. à la Rochelle 8°. par Barthelemy Berton 1564.

I E A N P I L O T Barrois a escrit pour les estrangers qui desirent apprendre la langue françoise vn liure en latin intitulé, *Gallica lingua institutio.* [excus. Parisys 8°. apud Stephanum Groulleau 1561.

I E A N D V P I N a composé en 8. liures ordonnez par Rubriques en prose & rime par maniere de vision, Le champ vertueux de bone vie appelé Mandeue qu'il a escrit en l'an 1324. aagé de 22. ans. [impr. à Paris 4. par Michel le Noir sans datte.

I E A N P I T H O V Docteur ez droicts a escrit, Instruction pour tousestas, en laquelle est sommairement declaré comme chacun en son estat se doit gouverner & viure selon Dieu. [impr. à Lyon 8°. par Iean Saugrain 1566.

I E A N P O I T E V I N châtre de saincte Radegonde de Poitiers a traduit en rime Françoise, Les cent Psalmes de Daud qui restoyent a traduire apres les cinquâte de Clement Marot. [impr. à Poitiers 8°. per Nicolas Peletier 1551. à Rouen 16°. par Iean Malard & Robert du Gord 1554. & à Lyó par Angelin Benoist 1559.

I E A N P O L D O d'Albenas, conseiller au siege presidial de Beaucaire & Nysmes a escrit, Discours Historial de l'antique & illustre Cité de Nysmes en la Gaule Narbonnoise. Avec les pourtraicts des plus antiques & insignes bastimens dudit lieu reduicts à leur vraye mesure & proportion, ensemble de l'antique & moderne ville. [impr. à Lyon f°. par Guillaume Rouille 1559. Histoire d'Aeneas Syluius Euesque de Siene & despuis Pape Pie II. Des mœurs & deprauee religion des Taborites en Boheme: cõforme en tout à nostre temps, tiree de ses Epistres & mise de latin en françois par Iean Poldo. [impr. à Paris 8°. par Vincent Sertenas en l'an 1562.

I E A N P O L E V R valet de chambre de François Dauphin de France Roy d'Escoffe a traduit de Castillan, L'histoire naturelle & generale des Indes, yles & terre ferme de la grande Mer Oceane. [Impr. à Paris f°. par Michel Vascofan 1555.

I E A N

I E A N du **P O N T A L A I S** chef & maistre des ioueurs de moralitez & farces à Paris a composé plusieurs Jeux, myſteres, moralitez, ſotyes, & farces, qu'il a fait reciter publiquement ſur eſchaſaut. en ladiſte ville, aucunes deſquelles ont eſté imprimées & les autres non. On dit que par ſon teſtament il ordonna ſon corps eſtre enſeueli en vne cloaque en laquelle s'eſgoure l'eaut de la maree des halles de la ville de Paris, aſſez pres de l'Eglise ſainct Eufſace, là où il fut mis apres ſon deces ſuyuant ſa diſpoſition & derniere volonté. Le trou qu'il y a pour receuoir ces immondices eſt couuert d'une pierre en façon de tombe, & eſt ce lieu appellé du nom du teſtateur, **Le Pôrt Alais**. J'ay ouy dire que la repentance qu'il eut ſur la fin de ſes iours d'auoir donné l'inuention d'impoſer vn denier tournois ſur chacun manequin de maree arriuant aux halles, de tant que cela venoit à la foule du peuple, l'occafionna de vouloir eſtre ainſi enterré en tel puant lieu, comme s'eſtimât indigne d'auoir vne pluſ honneſte ſepulture.

I E A N B A P T. P O R T A.

La Magie naturelle : qui eſt les ſecrets & miracles de nature miſe en quatre liures par Iean Baptiſte Porta Napolitain, traduite en françois. [impr. à Lyon 8°. & 16°. par Charles Peſnot 1571.

I E A N P O R T H E S I V S a eſcrit

Les Catholiques demonſtrations ſur certains diſcours de la doctrine Eccleſiaſtique enſuiuant ſimplement la diuine parolle & ſaincte eſcriture Canonique avec l'vniuerſel conſentement de l'eglise chreſtienne. [impr. à Paris 8°. par Guillaume Iulien 1567.

De la vraye & faulſe astrologie contre les abuſeurs de ce temps. [impr. à Paris 8°. par Gab. Buon 1579. & à Poictiers par François le Page 1578.

Intendits des catholiques vrays & legitimes enfans de l'eglise de Ieſus-Chriſt, où ſont deduits certains poincts & articles contre les modernes heretiques. [impr. à Bordeaux.

I E A N B A P T. P O S S E V I N.

Dialogues d'honneur, &c. Voyez Claude Brugèr.

I E A N D V P R E, Seigneur des Bartes & des Ianyhes en Quèrcy a eſcrit en rime

Le Palais des nobles Dames auquel a treze parcelles ou chambres principales: en chacune deſquelles ſont declarees pluſieurs hiſtoires tant Grecques, Hebraïques, Latines que Françoises. Enſemble fiſtions & couleurs poétiques concernans les vertus & louanges des Dames. [impr. 8°. ſans datte ny nom de lieu ny de l'imprimeur.

I E A N P R E V O S T natif de Tholoſe a eſcrit

Les ſubtils & plaiſantes inuentions, contenans pluſieurs ieux de recreation & traiſts de ſoupleſſe par le diſcours deſquels les impoſtutes des bateleurs ſont deſcouuertes. [impr. à Lyon 8°. par Antoine Baſtide 1584.

I E A N D E P R V E T I S religieux de l'ordre de Premonſtré & docteur en theologie à Paris a eſcrit,

Reſponſe à certaine Epiſtre de François Parrôcelly miniſtre par laquelle il s'eſſorce reuôquer quelques gentilshommes d'ouyr la Meſſe. [impr. à Lyon

Rr 3 par

par Michel Ioue.

Responſe en maniere de conference à trentesep argumens propoſez par Iean de Spina, ſoy diſant miniſtre de Monteurin, pour ſeduire quelques catholiques. [impr. à Paris 8°. par Claude Fremy 1566.

I E A N P Y R R H V S lecteur & profeſſeur des lois en l'vniuerſité d'Orleans a eſcrit vn commentaire latin ſur le texte françois des couſtumes d'Orleans, où ſur la fin eſt le proces verbal des commiſſaires deputez, contenant ce que par eux a eſté fait à la correction & promulgatiō deſdites couſtumes en enſuiuant le mandement du Roy. [impr. à Orleans 4°. par Iaques Hoys 1510. Les œuures latines qu'il a faittes oultre les contenues en l'epitome de la Bibliotheque de Geſner, ſont,

Homo ſeu Philoſophus : qui de diuina humanaque iuſtitia diſſerit : & de ipſa quoque iuris ciuilis ſcientia. Sermo de fortuna in Plutarchum ubi de Fortuna Gallorum. Sermo de Pace. Sermo de Muſica & ſaltatione ex Luciano. Panegyricus Aurelia ubi locus de iuriſprudentia laudibus. [*Hac omnia Aurelia impreſſa.*

Luc. Apuleij Floridorum lib. 4. ab Jo. Pyrrho Anglebernico ſcholys illuſtrati. [*Excus. Pariſijs 4°. apud Iod. Badium 1518.*

I E A N Q V E N T I N chanoine de Paris a eſcrit,
Traicté pour enflamber les ames en amour diuine intitulé le Cordial.

I E A N Q V I N E R I T de Mouſne a eſcrit,
Vne nouuelle maniere d'eſcrire par reſponſe. Et vne maniere de faire Teſtament pour laiſſer ſes enfans paiſibles avec ſes adherens, inſtituee par vn Roy inſpiré du createur. [Le tout impr. à Lyon par Iacques Moderne ſans datte. Le Nouuellin ou cinquante nouuelles traduites de l'Italien de Mazuccio Salernitain par ledit Iean Quinerit, non imprimé.

I E A N Q V I N T I E R a eſcrit vn traicté du regime de viure & prendre medicines. [impr. à Paris.

I E A N R A O V L Chirurgien a recueilly & mis en François,
Les fleurs du grand Guidon, c'eſt à dire les ſentences principales de certains chapitres dudit Guidon. [impr. à Paris 16°. par Iean Bonfons.

I E A N R A V F E L a eſcrit,
Trifte vers, ou Elegie ſur la mort de feu Meſſire Iaques Minut, Cheualier premier preſident à Tholoſe. [impr. à Tholoſe 1537.

I E A N P I E R R E D E R A V I L L I A N a eſcrit,
Inſtruction Chreſtienne contenant la declaration du Symbole des Apoſtres, des dix commandemens de la loy, de l'Oraiſon dominicale, du Bapteſme, de la cōfeſſion, & de la Cene de noſtre Seigneur Ieſus-Chriſt. [impri. à Paris 16°. Avec l'ABC ou inſtruction Chreſtienne pour les petits enfans par Lucas Breyer 1576.

I E A N R E G N A R D Angeuin a traduit du latin,
Les cinq premiers liures de l'hiſtoire de France de Paule Aemyle. [impr. à Paris 16°. par Claude Micard en l'an 1373. pour laquelle traduction Dorat, Iodel le &

le & Tahureau par leurs vers mis au commencement d'icelle luy donnent loüange non petire.

IEAN REGNIER Seigneur de Garchy, Bailly d'Aufferre a composé en rime ses fortunes & aduersitez. [impr. à Paris 8°. par Iean de la Garde 1526. Il n'y a rien de bon excepté quelques proverbes seruans de refrains de balade. Assauoir,

*Mais nul ne peut contre fortune.
Faute d'argent faict bailler gaige.
Maintesfois cognoissance nuyt:
Il a bien chassé qui a pris.
Verité ne se doit celer.
Tel chante qui au cœur soupire.
Il vainq tout qui a patience.
Il n'est nulle belle prison.
Enuié est qui a cheuance.
Il n'est pas or quant qui reluit.
Vn iour de respit cent sols vault:
Il n'est charrete qui ne verse.
Tant va le pot à l'eau qu'il brise.
Bonne parole bon lieu tient.*

IEAN DE RELY Docteur en theologie, chanoine de nostre Dame de Paris a redigé par escrit,
La premiere proposition faicte deuant le Roy Charles v i i i. & son conseil en l'assemblee de ses Estats generaux tenus à Tours au moys de Feburier 1483.
Item seconde & derniere proposition faite aussi & prononcee deuant le Roy par ledit de Rely député à ce faire par ceux des trois Estats. *En main.*

En la premiere proposition:

Quant on parle du cœur du Roy en l'escriture sainte ce mot a deux significances, aucunesfois cela est à entendre de l'aduis, propos & affection de sa personne, lequel comme l'aduis & propos de tous les autres hommes iamaïs ne se tournera à bien sans la direction, ayde & conduite du createur, ne à mal sans sa permission. *Prouerbiorum 21. Cor Regis in manu Dei est, & quocunque voluerit inclinabit illud.* Et en autre maniere, quant on parle du cœur du Roy, cela est à entendre de l'aduis, propos & affection de son conseil. *Ecclesiastici 37. Cor boni consilij statue tecum, dixit enim Plutarchus Senatam esse cor Regis & Regni, unde procedunt bona & mala Regi & Regno &c.* Messieurs les princes du sang en ceste signification vous estes le cœur, le sens, la vigueur, la force, dont procede tout le mouuement & la conduite du Roy, & du Royaume. Benist doncques soit Dieu qui a mis au cœur du Roy, c'est en l'aduis & au propos d'iceluy nostre souuerain seigneur & de vous messeigneurs les princes qui estes de son sang, ceste volonté de nous appeller & communiquer les haults affaires d'iceluy

R r 4 seig

seigneur & de son Royaume. Parquoy raisonablement le puis dire ce que j'ay pris cy dessus pour mon Theme 2. *Esdras 8°. Benedictus Deus qui dedit hanc voluntatem in cor regis.*

Et en vn autre endroit:

Ce bien obserua l'Empereur Theodose le plus grand Empereur vniuersel & chrestien apres Constantin, duquel le poëte Claudien escriuit les vers qui s'ensuiuent,

Neu dubie suspectus agas neu falsus inimicis

Rumori ve auidus qui talia curat inanes

Horrebit strepitus nulla non anxius hora.

Non sic excubuit nec inconstantia pila.

Quem tutatur, non extorquebis amari

Hac alterna fides hoc simplex gratia donat.

C'est à dire que

pour la conseruation, pour la seureté, & pour la garde du prince il n'est riens qui vaille tant que l'amour du peuple ne les gensdarmes ne leur vaillance, & que vn Roy ne peut contraindre son peuple à l'aimer, mais aura l'amour du peuple par deux choses, c'est assauoir se il aime le peuple; & se il se fie en luy. Dit ainsi le Poëte, que se vn prince est suspecté au regard de ses subiets, se il n'est veritable & certain à ses amis, se il est curieux de ouyr rapportés de nouuelles, & que il ne se vueille informer publiquement & notoirement par gens de bien, il viura tousiours en crainte, & ne fera iamais sans auxpete & sans ennuyeux soucy. Sire doncques puis que vous auez voulu que nous deliberons sans affection, nous vous prions aussi, que en ce qui sera deliberé, aduisé, & consulté pour le bien de vous & de vostre Royaume, il vous plaise pourueoir & conclurre sans dissimulation, & sans affection particuliere & personnelle: car comme dit Saluste en la personne de Iulle Cesar, les hommes qui se veulent conseiller & aduiser qu'ils ont affaire pour leur bié & pour leur honneur, doiuent esloigner & mettre hors toute passion, hayne, courroux, maltraitement & crainte.

JEAN DE REMY a escrit en rime,

Le Miroir de l'homme. [impr. à Paris 1497.

JEAN BAPT. RICHARD.

Playdé de Jean Baptiste Richard aduocat à la court de parlemēt à Dijon pour les habitans de Coulches contre les prieur & Baron de ce mesme lieu au faict des priuileges de Committimus & garde gardienne en parlemēt le 22. Feurier 1581. [impr. à Paris 8°. par Nicols Chesneau 1582.

JEAN RIVIERE a traduit du latin de Pierre Gorry de Bourges

Les formes & remedes desquels les medecins vsent en routes maladies. [impr. à Lyon 16°. par Benoist Rigaud sur la coppie de Paris 1570.

Il a fait la declaration des incisions au liure de la dissection des muscles fait par Charles Estienne. [impr. par Simon de Colinez.

JEAN RIVIERE prestre a transcrit de latin en françois, La responce du peuple Anglois à leur Roy Edouart sur certains articles qui

en son nom leur ont esté enuoyez touchant la religion chrestienne. [impr. à Paris 8°. par Robert Massellin 1550.

Le Psautier de S. Augustin à sa mere Monique, translaté de latin en françois par Jean Riuiere. [impr. à Paris 8°. par Jean Real sans datte.

I E A N R O B E R T.

Responſe aux calomnies & iniures d'un certain ministre ſoy diſant Robert Maſſon, Par Jean Robert, docteur d'Orleans traduite du latin dudit Jean Robert, & impr. à Paris par Gabriel Buon 1569.

Frere **I E A N R O B E R T** a traduit de latin,

Les Sermons & inſtructions Chreſtiennes de Raoul Ardens quand viuoit docteur en Theologie & de ſon temps predicateur ordinaire du Duc d'Aquitaine ſur les Epiſtres & Euangiles qui ſe liſent en l'Egliſe par chacun iour de dimanche, feſtes & commun des ſaincts de toute l'annee. Avec vn ſommaire de la vie, mort & paſſion d'un chacun deſdicts ſaincts à la fin des ſermos d'iceux. Diuiſez en deux tomes. [impr. à Paris 8°. par Nicolas Cheſneau & Jean Poupy 1575.

I E A N D E L A R O C H E Baron de Florigny a eſcrit, La vie & actes triumphans d'une d'amoifelle nommee Catherine des Bas ſouhaitz de Bourdeaux. [impri. ſur la coppie de Nicole Paris imprimeur à Troyes 8°. ſans datte.

I E A N d e R O C H E F O R T a eſcrit vn liure de la Cene. [impri. à Strasbourg 1548. *Caluinique.*

I E A N R O G I E R Docteur aux arts & en Medicine, & recteur de l'vniuerſité de Caen a eſcrit,

Les Receptions & Harengues compoſees & enoncees aux entrees du Roy & du Dauphin en la tresfamee vniuerſité de Caen aux feries de Paſques l'an 1522. Item les reſponſes faiſtes par leſdicts ſeigneurs aux ſuppoſts d'icelle. Enſemble vn Traicté d'entre les Roys de France & d'Angleterre, comment les filles ne peuuent ſucceder à la couronne, & auſſi comme la Roy d'Angleterre ne peut pretendre aucune choſe au Royaume de France. [impr. à Caen 16°. par Michel Anger, ſans datte.

I E A N R O P I T E L Champenois, Minime demeurant à Lyon a eſcrit,

Oraiſons & prieres (en nombre 14.) fort deuotes & profitables ſur les petitiôs & demandes contenues en l'oraïſon de noſtre Seigneur tirees des ſainctes eſcritures. Avec autres oraïſons de pluſieurs anciens peres Grecs miſes en françois par ledit Ropitel. [impr. à Lyon 16°. par Michel Ioue 1571.

Queſtions propoſees par Jean Ropitel à Pierre Viret &c.

I E A N L E R O Y Curé d'Eſcoue en l'an 1456. a translaté de latin en rime Françoïſe,

La vie & miracles du glorieux confeſſeur & amy de Dieu Monſieur Saint Lain iadis Eueſque de Sees. [impr. à Paris 8°. par Jean Treperel.

I E A N L E R O Y Prebſtre eſtudiant en l'vniuerſité de Paris a eſcrit,

Reſolution touchant la ſanctification du ſainct dimanche & des autres feſtes.
Auquel

Auquel il est clairement monsté qu'en tels iours il faut que tous parroissiens oyent la messe parrochiale en leurs eglises, & non ailleurs, s'il n'y a cause & empeschement légitime: lequel n'est pour les choses temporelles & corporelles, ou pour les recreations humaines. [impr. à Paris 8°. par Nico. Chefneau 1581.

I E A N D E S A C R O B O S C O.

La Sphere &c. Voyez Guillaume des Bordes. Martin de Perer.

I E A N S A L M O N ayant laissé le nom propre qui parauenture luy faschoit à cause de sa femme, print pour nom propre Salmon, & Macrin pour surnom, pourautant que le grand Roy François l'appelloit Macrinus de ce qu'il estoit maigre. C'est vn fort bon poëte latin ainsi que tesmoignent ses œuvres. Et si a faict des Epigrammes François bien troussées à l'imitation des Grecs, que j'ay veu escrits à la main au pouuoir d'un libraire de Poictiers.

I E A N S A M B V C V S.

Les Emblemes du Seigneur Iean Sambucus traduits de latin en françois. [impr. en Anuers 12°. par Christophle Plantin 1567.

Discors concordia.

<i>Bien que la nature des choses</i>	<i>L'antidot dont l'on a usé</i>
<i>Soit dissemblable, toutesfois</i>	<i>Contre les venins des viperes</i>
<i>Leur accordance tu cognois</i>	<i>Toutesfois une medicine</i>
<i>Lors qu'ensemble tu les composes.</i>	<i>En est faite qui a vertu</i>
<i>T a il choses plus contraires</i>	<i>De rendre un poison combattu</i>
<i>Que celles dont est composé</i>	<i>Par sa force qui est batue.</i>

Res humanæ in summo declinant.

*Lors que Phebus est au plus hault des cieux,
La neige fond sous son œil radieux:
Ainsi fortune au plus hault aduancee
Sans y penser est souvent renuersee:
Et tout cela que la mort peut dompter
N'est suffisant pour tousiours persister.
Bien que les Rois aux grands palais demeurent,
Si faut il bien qu'à la parfin ils meurent.
La mort esgale à chacun se conduit:
Un riche Roy comme un pauvre elle suit,
Et vers chacun plus subit elle vole
Que ne faict pas une viste parole.
A chaque vent nous nous sentons pousser,
Et plus subit nous sommes renuersez,
Qu'à la chaleur d'une grande lumiere
Ne se flectrit la rose iournaliere.*

I E A N

IEAN SAMXON, Licencié ez loix, lieutenant du Baillyf de Touraine au siege de Chastillon sur Yndre a translaté en prose françoise & vieillangage:

Les **xxiiii.** liures de l'Iliade d'Homere. Auec les premices ou commence-
mens de Guido Columpna. [impr. à Paris 4°. par Iean Petit 1515.

IEAN SCEVE Lyonnois prieur de Montrotier a escrit,
Epilogue autorisé de maintes sentences de la sainte escriture sur les oraisons
du *Confiteamini*. Addressé aux nobles dames Lyonnoises. [impr. à Lyon par
laques Moderne.

La Ruine & trespuchement de Mars Dieu des guerres aux enfers: & de discor-
de. Pour la paix receue entre les princes chrestiens aueq le discours du grand
triomphe faict en la ville de Lyon pour icelle paix accorder entre les Roys
reschrestien & catholique, Henry & Philippes. [impr. à Lyon par Iean Sau-
grain 1559.

IEAN SERVIN,
Châsons à quatre, cinq, six & huit parties, par Iean Seruin. [impr. à Lyon par
Charles Pesnot 1578.

IEAN SEVESTRE Parisien a escrit,
Chant Anterotique sur vne vision d'Amour & de Prudence. [impr. à Lyon
par Benoist Rigaud 1578.

IEAN SLEIDAN.
Histoire entiere deduite depuis le Deluge iusques au temps present en **xxvi.**
liures par Iean Sleidan en laquelle est premierement compris l'estat des qua-
tre empires souuerains: Puis de la religion & republique, iusques à la mort de
Charles v. Auec les argumens & Sommaires sur chaque liure. Plus deux orai-
sons du mesme Sleidan l'une à tous les princes d'Alemaigne, & les Estats de
l'Empire, l'autre à l'Empereur Charles v. Au commencement y a vne Apolo-
gie de l'autheur laquelle il fait vn peu deuant sa mort pour rendre raison de
son histoire. Le tout traduit de latin en françois par Robert le Preuost, &
impr. à Geneue f°. chez Iean Crespin 1561.

IEAN SOLER Agenois a escrit, en François,
Isagoge de la prononciation des mots latins. [impr. à Lyon 8°. par Balthasar
Arnoullet 1551.

IEAN DE STARACH a mis de Grec en François:
Le liure de Claude Galen traictant des viandes qui engendrent bon & mau-
uais suc. icelle traduction dediee au Baron de saint Plancard capitaine de ga-
eres. [impr. à Paris 8°. par Vincent Serrenas 1553.

IEAN STOEFFLER.

De L'Astrolabe. Voyez Iean Pierre de Mesmes.

IEAN FRANCOIS STRAPAROLE.

Facecieuses nuitcs. &c. Voyez Iean Louueau. Pierre de la Riuey.

IEAN TAGAVT.

Les institutions chirurgiques de Iean Tagaut docteur en Medicine traduites
de latin en François par vn sçauant medicin. [impr. à Lyon 8°. par Guill. Ro-
uille 1549. & depuis par Estienne Michel.

IEAN

I E A N D E L A T A I L L E de Bonda Roy Gentil'homme du pais de Beauce frere de Iaques de la taille cy deuant nommé a escrit, Saul le furieux, Tragedie prise de la Bible. Ensemble vne Remonstrance pour le Roy Charles ix. à ses subiects. [impr. à Paris 8°. par Federic Morel 1572. La famine, ou les Gabaonites, autre Tragedie tiree de la Bible. La mort de Paris Alexandre & d'Oenone. Le Courtisan retiré. Le combat de fortune & de pauureté. Les Corruaux & le Negromant, Comedies tirees de l'Italien d'Arriosto, Poemes, Hymnes, Elegies, Cartels, Epitaphes, Chançons, Sonnets, d'amour, Anagremmatismes, & autres œuures. [Le tout impr. en vn volume 8°. à Paris par Federic Morel 1573.

Il a escrit en prose,

La Geomance abregee pour sçauoir les choses passées presentes & futures. Ensemble le Blason des pierres precieuses, contenant leurs vertus & proprietés. [impri. à Paris 4°. par Lucas Breyer 1574.

I E A N T A L P I N Docteur & chanoine theologal à Périgueux a escrit,

Examen & resolution de la verité & de la vraye eglise. [impr. à Paris 8°. par Nicolas Chesneau 1567.

Remonstrance à tous vrayz chrestiens qui se sont separez de l'eglise romaine par opinion qu'elle n'est point la vraye Eglise, & qui pour crainte ou honte & conscience d'auoir faict le serement & profession de la nouvelle religion n'osent s'en retirer & retourner à l'eglise. [impr. à Paris 8°. par Nicolas Chesneau 1567.

La Police chrestienne diuisee en sept liures contenant la doctrine non seulement generale, mais aussi speciale pour l'instruction de toute particuliere & chrestienne profession: & autant salutaire à tous gouuerneurs de Republiques, pour heureusement les regir & gouverner selon Dieu. [impr. à Paris 8°. par Nicolas Chesneau 1568.

Instruction à tous chrestiens pour entendre la preparation & preuue qu'ils doiuent faire d'eux mesmes, auant que se presenter à la sacree table de nostre seigneur Iesus-Christ pour dignement y communier contenant 13. chapitres. [impr. à Paris 8°. par Nicolas Chesneau 1568.

Resolution & accord des difficultez lesquelles sont auourd'huy en controuerse touchant la sainte Messe. Où responses sont faictes tant generales que speciales aux aduerfaires qui ont escrit contre la Messe. [impr. à Rheims 8°. par Iean de Foigny. 1568.

Instructions & enseignemens des curez & vicaires contenans briefuement ce qui leur est necessaire pour instruire leurs parroissiens quant ils administrent les saints sacremens, visiteront les malades, mettront les morts en terre, consoleront les parens & amis des trespassez: & quand ils voudront faire remonstrances aux mal viués: & aux criminels, alors qu'on les va executer. Avec trois manieres de faire profnes. Le tout impr. à Paris 8°. par Nicol. Chesneau 1573.

De la sacrificature ou Prebstrise du nouveau Testament là où est declaree la dignité avec l'auctorité & office de l'estat sacerdotal: & y est apertement mon-

stre

stre le vray & perpetuel sacrifice duquel les prestres sont seuls ministres: Avec la refutation de toutes les raisons argumens & calomnies des aduersaires qui ont iustpugné la prebstrise & qui ont voulu persuader que nous n'auions plus de sacrifice ny d'Autelz, ny de Sacrificateurs. [impr. à Paris 8°. par Nicolas Chesneau 1568.

Des ordres de l'Eglise &c. [impr. à Paris.

I E A N T A V E R N I E R Docteur en la faculté de theologie à Paris a escriit

De la verité du corps & sang de Iesus-Christ en la sainte hostie. [impr. à Rheims 8°. par Nicolas Bacquenois 1560.

De purgatorio animarum post hanc vitam expiandarum per Io. Tauernarium doctorem Sorbonicum. [Parisys 8°. Apud Viuantium Gautherot 1557.

I E A N T E M P O R A L libraire de Lyon a traduit ou fait traduire d'Italien

Historiale description de l'Afrique tierce partie du monde, contenât en neuf liures ses Royaumes, Regions, villes, citez, chasteaux & forteresses: Isles, fleues, Animaux, tant aquatiques que terrestres: coustumes, loix, religion & façon de faire des habitans, avec pourtraicts de leurs habits: ensemble autres choses memorables & singulieres nouueautéz. Escrite premierement par Iean Leon Africain en langue Arabesque, puis traduiete en Toscanie par Iean Baptiste Rhamusio & de Toscanie mise en françoise, & impr. à Lyon f°. par ledit Iean Temporal 1556. & depuis en Anuers 8°. par Barthelemy Berton 1564.

I E A N R A V I S I V S T E X T O R Niuernois,
Les Epistres morales. Voyez Antoine Tiron.

I E A N T H I B A V T Medicin ordinaire du Roy Loys XII. a escriit,

La Physionomie des Songes & visions fantastiques des personnes: avec l'exposition d'iceux [impr. à Lyon 8°. par Iacques Moderne, sans datte.

I E A N D V T H I E R, Cheualier, Conseiller du Roy, & Secretaire d'estat & des finances dudit Seigneur a traduit d'Italien vn Traicté fort plaisant en forme de Paradoxe intitulé,
Des loüanges de la folie. [impr. à Paris 8°.

I E A N T H I E R R I de Beauuifis a fait des doctes Annotations Françoises sur les 12. liures de Columelle traduits par Claude Cotereau. [imp. à Paris 4°. par Iacques Keruer 1555.

Il a corrigé & augmenté le Dictionnaire François-latin avec l'aide & diligence de gens sçauans. [impr. à Paris par Iean Chatron 1572.

I E A N D V T I L L E T Euesque de Meaux a escriit
Traicté de l'antiquité & solennité de la Messe. [impr. à Paris 12°. par Guillaume Morel.

Du Symbole des Apostres & 12. articles de nostre foy. [impr. à Paris 8°. par la veufue Guillaume Morel 1566.

Ss Respon-

Responſe d'un Eueſque aux miniſtres des Eglises nouuelles. [impr. à Paris 8°. par la veufue Guillaume Morel. 1566.

La Chronique abregee autrement recueil des Rois de France, depuis Pharamond iusques au Roy Henry ſecond du nom. [impr. à Paris 8°. par Galliot du Pré. 1553.

I E A N D V T I L L E T Greffier de la Court de Parlement à Paris frere du ſusnommé a eſcrit

Pour la maiorité du Roy tres-chreſtien François ſecond contre les eſcrits des rebelles. [imp. à Paris 4°. par Guillaume Morel 1560. A ce liure fut reſpondu par vn Huguenot qui en publia vn liure imprimé ledit an.

Inſtitution du pere Chreſtien à ſes enfans. [impr. à Paris 4°. par Guillaume Morel. 1563.

Memoires & recherches contenans pluſieurs choſes memorables pour l'intelligence de l'eſtat des affaires de France. [impr. à Rouen f°. par Philippes de Tours.

I E A N T O N N E L L I E R religieux de l'ordre S. François de l'obſeruance au conuent de Monts en Haynault a traduit du latin de Loys Bloſius Abbé de Lieſſes

Collyre pour les heretiques. [impr. en Anuers 16°. par Martin Nuyts.

I E A N D E T O V R N E S le fils, imprimeur du Roy en ſa ville de Lyon a traduit d'Italien

Le Capitaine de Ierome Cātaneo contenant en 9. chap. la maniere de fortifier places, aſſailir & deffendre. Auec l'ordre qu'on doit tenir pour aſſeoir vn camp & meſpartir les logis d'iceluy. Oeuure ornee & enrichie de belles & conuenables figures & pourtraicts. [impri. à Lyon 4°. par ledit de Tournes 1574.

Le dernier volume des Nouuelles de Bandel traduit d'Italien & impr. à Lyon 8°. & 16°. par Alexandre Marſilij 1574. & 1578.

Eſcuyrie de Marco de Pauari Venitien. [impr. à Lyon f°. par ledit de Tournes traducteur 1581.

Inſignium aliquot virorum, ſeu philoſophorum Icones cum eorumdem vita. Excus. 8°. ab eodem Tornasio collectore 1559.

I E A N T R E N C H A N T a eſcrit

L'Arithmetique departie en trois liures, Enſemble vn diſcours des changes. Auec l'art de calculer. [impr. à Lyon 8°. par Michel Ioue 1571.

I E A N T R I P A V L T conſeiller au ſiege preſidial d'Orleans a eſcrit

L'hiſtoire au vray du Siege qui fut mis deuant la ville d'Orleans par les Anglois en l'an 1428. regnant lors Charles vii. contenant toutes les ſaillies, aſſaults, eſcarmouches & autres particularitez notables qui y furent faictes. Auec la venue de Ieanne la Pucelle & deliurance du ſiege, priſe de mot à mot du langaige vieil d'un exemplaire eſcrit à la main ſur parchemin. [impr. à Orleans 4°. par Saturnin Hotot 1576. Vn autre autheur nommé Iean Micquel a eſcrit ladite hiſtoire en latin dont le tiltre eſt tel *Aureliae urbis memorabilis ob-*

ſidio

fidio anno 1428. & Ioanna virginis Lotharingæ res gestæ. [Excus. Parisijs 8°. apud Andr. Vvechelum 1560.

JEAN TRITHÈME.

La Polygraphie &c. Voyez Gabriel de Colange:

JEAN TROTIER,

Traicté compilé par maistre Jean Trotier en equivoques lors qu'il y eut diuision entre le Roy & autres du sang, tenans le party de Monsieur d'Orleans pour inciter tous ceux du Sang à paix, & seruice faire, honneur, foy & reuerence porter au Roy treschrestien. [impr. à Paris 8°.

Ledit Trotier a composé en rime

La description du beau chasteau d'Amboise. [impr. à Paris 16°.

JEAN DE VALDESSO Secretaire du Roy de Naples,
Cent considerations: Voyez Claude de Kerquifine.

Charon & Mercure, Dialogues dudit Valdesso mis en françois par traducteur incertain.

JEAN VANDERNOOT Patrice d'Anuers a mis en lumiere,

Figures tresbelles & artificielles tirees de son Olympiade tant en son Brabançon qu'en françois & latin. [impr. en Anuers f°. 1577.

JEAN VAVOVELIN de la Fresnaye a escrit
Discours pour la Monarchie de la France contre la diuision, Dedié à la Roynemere du Roy & dont le commencement est tel,

*Voyant Madame au milieu de la France
D'affections se courir l'ignorance:
J'ay tousiours creu, & tant que ie viuray
Jusqu'à l'extreme, à iamais ie croiray
Qu'apres son Dieu, & la foy qui est mise
Par Iesus-Christ en l'ordre de l'Eglise,
On doit aymer le saint gouuernement,
Qui est sous Dieu regi premierement,
Puis sous un Roy, qui seul en sa province
Comme aux subgects commande à chacun Prince.
&c.*

Il a esté impr. à Paris 8°. par Federic Morel 1570.

JEAN DE VEPRIA a composé & escrit vn liuret de Prouerbes François, lesquels ont esté traduits en vers latins la plus-part Leonins & disposez selon ordre de l'Alphabet par Gilles de Nocere. [impr. à Paris Latin-françois par Iossé Badius 1519.

L'ordinaire du seruice diuin selon l'ordre de Cisteaux, extraict du Latin & mis en François, pour les religieuses dudit ordre de Cisteaux: lequel fut fait & accompli à Clereuau par frere Jean de Vepria prieur dudit lieu de Clereuau l'an 1495. [impr. à Paris par Estienne Ianot.

JEAN DE VERDELEY a traduit d'Italien

Ss 2

L'art

L'art de Chiromance pratique d'Andrea Coruo, avec figures des mains & leurs lineamés vtile à tous ceux qui desirent auoir cognoissance des complexions des hommes. [impr. à Lyon par Iaques Moderne, sans datte.

I E A N D E V E R N O Y Preuost de Lorriz a escrit
Epitome du droict ciuil des quatre liures des Institutions Imperiales & des 9. liures du Code. [impr. à Paris 8°. par Pierre Thierry & Antoine le Clerc 1554.

I E A N L E V E S G V E Greffier de la chambre des compres a tranflaté du Latin de messire Leonard Aretin.

La bataille punique diuisee en deux parties avec vne epistre dudit translateur au Roy Charles 7. non imprimee, & est escrete à la main en la librairie de monsieur le Conte d'Vrfé.

I E A N V E Z O V a escrit
Deploration & oraison funebre sur le trespas du Roy Henry second du nom. [impr. à Paris par Durand Gerlier 1559.

I E A N de Sainct **V I C T O R** Clerc Regulier a traduit du Latin de Huguet de S. Victor

L'arre de l'ame, qui est du gage d'amour diuin, ensemble le cueur nauré d'amour, traicté du venerable docteur Richard de sainct Victor. [impr. à Paris 8°. par Ponce Roffet sans datte.

I E A N D E V I G N A Y Moine a tranflaté de Latin en François à la requeste de tres-haute princesse Ieanne de Bourgoigne Roine de France

Le miroir historial de Vincent Euesque de Beauuais de l'ordre de sainct Dominique reduict en 32. liures contenus en cinq volumes. [impr. à Paris f°. par Nicolas Couteau 1531.

Il a tranflaté aussi

La legende doree des saints. [impr. à Lyon f°. par Estienne Gueynard & Iean de Vingle 1504.

I E A N V I N C E N T.

Receptes pour guerir cheuaux de toutes maladies. Auteur Iean Vincent Gentilhomme Neapolitain, maistre de l'escuirie du feu Pape Paul, traduits d'Italien. [impr. en Anuers 8°. par Christophle Plantin 1557.

I E A N L O Y S V I V E S. Voyez Geoffroy de Billy. Guillaume Paradin. Iaques de Changy, Loys Turquet. Pierre de Lencrau. Iaques Girard.

I E A N I A Q V E S V V E C K E R.

Les secrets & miracles de nature recueillis de diuers auteurs, redigez en bon ordre & diuisez en 17. liures par I. Iaques VVecker de Basle, medecin de Ccmer traduits en François. [impr. à Lyon 8°. par Barthelemy Honorati 1584.

I E A N V V I E R.

De l'imposture des diables. Voyez Iaques Greuin.

I E A N Y S S A N D O N natif de Lefart en la Comté de Foix, a extrait de plusieurs auteurs Latins & mis en langue François

Traicté de la musique pratique diuisee en 2. parties: contenant en bref les regles & preceptes d'icelle, ensemble les tables musicales: avec diuers exemples pour

pour plus facile intelligence de l'art. [impri. à Paris f°. par Adrian le Roy & Robert Ballard 1582.

I E A N Z O N A R E. Voyez Iean Millet. Iean de Maumont.

I E A N N E D' A L B R E T tresillustre Roine de Nauarre s'est pleuë grandement en la poësie, & imitant sa vertueuse & sçauante mere, com-
posoit souuent en rime françoise. Vous trouuerez de ses vers parmy les œu-
ures de Idachim du Bellay, & ailleurs sans vne infinité qu'elle en a fait qui ne
sont imprimez.

I E A N N E F L O R E a escrit

Comptés amboureux touchant la punition que fait Venus de ceux qui mespri-
sent le vray amour. [impr: à Lyon 8°. à la marque d'Icarus, & à Paris par Pô-
cet le Preux 1532.

I E A N N E G A I L L A R D E Lyonnoise a composé quelques
rimes desquelles ie n'ay rien plus veu qu'un rondeau qu'elle a fait pour res-
ponse à un autre que Marot a escrit à sa louange & dont i'ay bien voulu met-
tre icy les deux.

A Ieanne Gaillarde Lyonnoise Clem. Marot.

*D'auoir le pris en science & doctrine,
Bien merita de Pise la Chrifline,
Durant ses iours: mais ta plume dorée
D'elle seroit à present adored
S'elle viuoit par volonté diuine.*

*Car tout ainsi que le feu l'or affine
Le temps a fait nostre langue plus fine
De qui tu as l'eloquence assuree
D'auoir le pris.*

*Donques ma main rends t'oy humble & benigne
En donnant lieu à la main feminine:
N'escry plus rien en rime mesuree,
Fors que tu es une main bien heurée
D'auoir touché celle qui est tant digne
D'auoir le pris.*

Responce de ladite I. Gaillarde.

*De m'aquiter ie me trouue surprise
D'un foible esprit, car à toy n'ay sçauoir.
Correspondant, tu le peux bien sçauoir,
Veu qu'en cest art plus qu'autre l'on te prise.
Si t'esoy tant eloquente & apprise,*

Ss 3

Comme

*Comme tu dis, ie ferois mon deuoir
De m'aquiter.*

*Si veux prier la grace en toy comprise,
Et les vertus, qui tant te font valoir,
De prendre en gré l'affectueux vouloir,
Dont ignorance a rompu l'entreprise
De m'aquiter.*

IEREMIE THRIUERIS BRACHELIUS.

Epitome sur tous les trois liures des temperamens de Galien, par Ieremie thriueris Brachelius traduit en François, & imp. avec les aphorismes de Iean de Damas à Lyon 6°. par I. de Tournes 1555.

Les Epistres de saint Ignace Euesque d'Antioche translatees en François. [impr. à Paris 8°. par Simon Vostre 1500. Voyez Guillaume Morel.

L'INNOCENT ESGARE, auteur qui prend ce nom supposé, a escrit

La genealogie des dieux poetiques, en 51. chapitres, colligee des anciens auteurs grecs & latins. Avec la description d'Hercules de Gaule, traduite du grec de Lucian. [impr. à Poitiers 16°. par de Marnef 1545.

INNOCENT RINGHIER.

Dialogue de la vie & de la mort. Voyez Iean Louueau.

Cinquante ieux diuers, &c. Voyez Hubert, Philippe de Villiers. Il en reste encore autres cinquante à traduire: car il en a escrit cent. Le mesme Ringhier a escrit aussi vn fort docte liure intitulé *Il sole*, qui merite bien d'estre veu & mis en François.

IOACHIM DV BELLAY gentilhomme Angeuin, & Poëte excellent n'a esté moins regretté apres sa mort, qu'il a esté renommé, honoré & admiré durât sa vie: car ceux qui l'ont congnu, l'ont trouué prompt & aigu en inuétios, discret & modeste en paroles, subtil en ses discours, doux en sa cōuersatiō, preuoyât es choses soupçonneuses, ouuert en celles qui estoient assurees, iuste & entier en ses promesses, & au surplus tousiours garny d'un si bon nombre de considérations, qu'il estoit autāt difficile aux mauuais de le trōper, cōme aux bons chose facile de s'en aider: avec toutes lesquelles & autres bonnes parties, ioinct sa bonne erudition assez tesmoignée en ses œuures, il eust peu se rendre le premier de ceux qui ont depuis couru en la carrière des Muses, si vne mort inopinée n'eust mis fin à sa vie, lors qu'il estoit en la fleur de son aage, & en la force de son estude. Il auoit receu cest honneur du feu Roy Henry second de ce nom, d'estre couché sur son estat au reng de ses affectionnez & agreables seruiteurs, & non sans cause: Car s'estant trouué de ceste famille tant de notables personnages au seruice des Roys de France, mesmes les deux freres & vn nepueu de cest auteur, dont les deux en leur ieunesse estoient Capitaines de cheuaux legers, & l'autre estoit employé en Alemaigne pour y entretenir les intelligences encommencees par feu Messire Guillaume du Bellay sieur de Langey

Langey , qui depuis fut lieutenant general du defunct grand Roy François premier de ce nom de là les monts. Et bon nombre d'autres seigneurs & gentilshommes, yssus ou alliez de la mesme maison du Bellay. La Poësie de cestuy cy a esté grandement recommandable d'elle mesmes, & encores plus agreable à son Prince pour estre yssue d'une famille du tout vouée & consacrée au service de sa maiesté. Il a escrit selon que le temps le requeroit, assavoir au desavantage des Princes & nations qui estoient aduersaires à son Roy & à sa nation, lors qu'il escriuoit , & à l'honneur de ceux qui ont honoré & entretenu la confederation & alliance françoise: ce qu'homme quelcōque , ny ceux mesmes auxquels tels escrits touchent, ne pourront trouver mauuais, s'ils considerent l'entiere affection dont les bons suiets sont redevables à leur Roy , & la hayne dont ils doiuent persecuter les ennemis de leur couronne. Ses œuvres ont esté imprimees à Paris 4°. par Federic Morel, & depuis à Lyon 8°. par Antoine de Harfy. Et encores ceste annee 1584. à Paris 12°. L'ordre desquelles s'ensuit.

La Defense & Illustration de la langue françoise en deux liures, le premier contenant xii. chap. & le second autres xii. en prose.

L'Oliue, contenant cxiii. Sonnets. La Musagneomachie. Ode à Salmon Marcin sur la mort de sa Gelonis. Autre contre les enuieux Poëtes, à Pierre de Ronfard.

Description de la Corne d'abondance presentee à vne Mommerie. Vers Lyriques, assavoir les louanges d'Aniou, au fleuve de Loyre Ode i. Des miseres & fortunes humaines Ode ii. Les louanges d'Amour Ode iii. De l'inconstance des choses iiii. A deux damoiselles v. Du premier iour de l'an vi. Du iour des Bacchanales vii. Du retour du Printemps viii. Chant du Desesperé ix. Au seigneur P. de Ronfard x. A vne dame cruelle & inexorable xi. De porter les miseres & la Calonie xii. De l'immortalité des poëtes xiii. Louage de la Frâce & du Roy treschrestien Henry second. Discours au Roy sur la poësie. Le poëte courtoisan. Recueil de poesie, Assavoir Prosphonematique au Roy treschrestien Henry ii. Chant triomphal sur le voyage de Bouloigne 1549. Odes, en nombre xx. Sonnets à la Roine de Navarre. Les deux Marguerites. Elegie. Chanson au Seigneur de Lansac. Estreines. Dialogue d'un Amoureux & d'Echo. Discours au Roy sur la trefue de l'an 1555. Hymne sur la prise de Calais. Eucation des Dieux tutelaires de Guynes. Execration sur l'Angleterre. Les furies contre les infracteurs de foy. La complainte du desesperé. A Phebus. Discours sur la louange de la Vertu & sur les diuers erreurs des hommes. Deux Sonnets. La lyre Chrestienne. Hymnes Chrestiens 2. ix. Sonnets. Deux liures de l'Enéide de Virgile, le quatriesme & sixiesme: ensemble plusieurs autres traductions du mesme Ioach. du Bellay. Diuers poëmes partie inuentions, partie traductions. A sçavoir sur le Papat de Paul 1555. Sonnets v. La monomachie de Daud & Goliath. Hymne de santé. Ode au Prince de Melphe diuisee en treize pauses. Ode à madame la Duchesse de Valentinois. Chanson. Response faicte par la Roine de Navarre. A Pierre de Ronfard. Les Amours, contenant xxviii. Sonnets. Treze Sonnets de l'honneste Amour. Vingt & trois Sonnets à diuerses personnes. Les tragiques regrets de Charles v. Empereur. Com-

plainte sur la mort du Duc Horace Farnese. Epitaphes. Les Regrets de l'Auteur estant à Rome en 183. Sonnets: ensemble xxxii. Sonnets des Antiquitez de Rome, contenant vne generale description de sa grandeur, & comme vne deploration de sa ruine. Plus vn Songe ou vision sur le mesme subiect en 17. Sonnets. Diuers ieux Rustiques, Assaioir le Moretum de Virgile. Vœus Rustiques du latin de Naugerius; D'un vannier de blé aux vents. A Ceres, à Bacchus & à Pales. Le Combat d'Hercule & d'Achelois, pris d'Ouide. Chant de l'Amour & du Printemps. Chant de l'Amour & de l'Hyuer. A Oliuier de Magny sur les perfections de sa dame. Contre les Petrarquistes. Deux Elegies d'amour. Chançon. Baïser. Complainte des Satyres aux Nymphes prise du Bembo. Epitaphe d'un petit chien. Autre d'un chat. Epitaphe de l'abbé Bonnet. Epitaphe d'un Flambeau. Cōtre vne vieille: L'Anterotique de la vieille & de la ieune amie. La Courtisane repentie du latin de P. Gillebert. La Contre-repentie traduite du mesme Gillebert. La Vieille courtisane. Metamorphose d'une Rose. Hymne de la surdité à P. de Ronfard. Satyre de maistre Pierre du Cuignet, sus la Petromachie de l'vniuersité de Paris. Epithalame sur le Mariage d'Emanuel Duc de Sauoye & Marguerite de France sœur vniue de Roy Henry II. Entreprise du Roy Dauphin pour le Tournoy, sous le nom des cheualiers auantureux, A la Royne & aux Dames. Entreprise de Monsieur de Lorraine aux Dames. Inscriptions. Le Tombeau du Roy Héry II. Discours au Roy François II. Sur le faict des quatre estats de son royaume contenant vne salutaire instruction pour bien & heureusement regner, escrit premièrement en vers latins par Messire Michel de l'Hospital, lors premier president des comptes, puis chancelier de France, & mis en vers françois par ledit du Bellay. Epitaphes & autres poësies françoises & latines de diuers poëtes sur la mort dudit du Bellay.

Ioachimi Bellay Andini Poëta clarissimi Xenia seu Illustrium quorundam nominum Allusiones. His accessit Elegia ad Iannum Morellum Ebreddum. Pyladem suum. [Parisys 4°. apud Federicum Morellum 1569.]

En vne Ode au Cardinal de Guyse:

*Le sentier de la vertu
N'est un grand chemin battu,
Où tous viateurs arriuent:
C'est un sommet hault & droit
Espineux & fort estroit,
Aussi peu de gens le suiuent.*

*Heureux qui pour y monter,
Tout labeur peut surmonter,
Quelque danger qu'il y voye:
Celuy qui iadis naquit
D'Alcmene, le ciel aquit,
Ayant éleu cete voye.*

En vne autre Ode au Cardinal son oncle:

*L'homme seul en sa naissance
Par gentissemens & pleurs
Tefmoigne son impuissance
Presage de ses malheurs.*

*Il ne faut pourtant que l'homme
Entre tous les animaux,
Seul miserable se nomme
Esclau de tant de maux.*

Ayant

*Ayant de raison l'usage
 Qui n'est en autre animal
 Fait que l'homme qui est sage
 Discourt le bien & le mal.*

*Voila pourquoy nous ne sommes
 D'un mesme desir domtez:
 Autant que nous voyons d'hommes
 Autant sont de volonte.*

En vn autre endroict:

*Tout ce qui est hors de l'homme
 L'homme le desire, à fin
 De paruenir à la fin
 Que suffisance lon nomme:*

*Mais la vertu estimable
 Plus que tout l'Indique honneur
 Pour elle mesme est aymable
 Et non pour autre bon heur.*

En vne autre Ode à Salmon Macrin:

*L'homme vertueux est riche.
 Si sa terre tombe en friche
 Il en porte peu d'ennuy:
 Car la plus grande richesse
 Dont les Dieux luy font largesse
 Est tousiours aueques luy.
 Il est noble, il est illustre,
 Et si n'emprunte son lustre
 D'une vistre ou d'un tumbeau,
 Ou d'une image enfumee,
 Dont la face consumee
 Rechine dans un tableau.*

*S'il n'est Duc ou s'il n'est Prince
 D'une & d'une autre prouince,
 Si est il Roy de son cœur:
 Et de son cœur estre maistre
 C'est plus grand chose que d'estre
 De tout le monde vainqueur.
 La richesse naturelle
 C'est la santé corporelle:
 Mais si le ciel est donneur
 D'une ame saine & lauee
 De toute humeur depravee
 C'est le comble de bon-heur.*

En la Lyre chrestienne:

*L'homme rusé par long usage
 N'est solement auantureux,*

*Mais qui par son peril est sage,
 Celuy est sage malheureux.*

Aux Traductions.

De Pontan aux Meteores:

*Pour le commencement tout cela que nous sommes
 De poissons & d'oiseaux, & de bestes & d'hommes,
 Toute herbe florissant, tout haut arbre croissant,
 Est des quatre elemens en ce monde naissant.
 Aussi tous animaux de là prennent leurs vies,
 Et là quand par la mort les ames sont rauies
 Se reduisent encor: mais leurs commencemens
 Demeurent eternels és premies elemens:
 Ou soit que leurs vertus és choses ils respendent,*

Soit

Soit qu'ils cedent leurs droicts, ou qu'ils les redemandent.
 Ou soit que rechangez d'un desir mutuel,
 Ils varient entr'eux leur cours perpetuel.
 De là toute semence est au monde eternelle;
 Eternelle, d'autant que la cause en est telle.
 L'homme des elemens tient ses complexions,
 Comme donnant la loy à nos affections:
 Eux sont subiects au ciel, & cela qu'ils nous donnent;
 Comme leurs souverains, les Astres leur ordonnent.

En vn autre endroiect des mesmes Meteores:

Car les Astres errans font cinq cours tous diuers,
 Par l'oblique rondeur de ce grand vniuers,
 Et roulent opposez par les Astres insignes,
 Qui sont vulgairement nommez les douze Signes.
 Ils ont pour gouuerneur le Soleil radieux,
 Le Soleil souverain des hommes & des Dieux;
 Des longs siecles auteur, de toutes choses pere;
 Qui ciel, & terre & mer de ses rayons esclere.
 La Lune l'accompagne, ornement de la nuit;
 Qui d'une autre clarté doucement reluit.
 Dont le pere Ocean & Thetis la chienne,
 Reuerent & s'étonnez la puissance connue.
 Sur toute la grand mer, qui ses tours & retours
 Reigle selon la Lune au variable cours.
 De là prennent leur suc les semences des choses,
 Et de là les humeurs dans nos veines encloses
 Coulent par tout le corps: de là le sang espar
 Par les membres mollets discourt de toutes parts,
 Attendrissant les corps d'une influence humide,
 Pour autāt que la Lune aux corps humains preside;
 Le Soleil donne vie, agite, & sa chaleur
 Distille dans les os sa celeste vigueur.
 Bref le Soleil sur nous fait office de pere,
 Comme la Lune aussi fait office de mere.
 Qui d'un char vagabond errant deçà delà
 Or s'attache à ceux-cy, ores laisse ceux-là: &c.

De Manilius au 4. de son Astronomique:

Nature desormais ne nous est plus cachee,

Toute

Toute en tout & par tout nous l'avons recherchee:
 Nous iouissons du monde ainsi que l'ayant pris,
 Nous avons en esprit nostre pere compris,
 Comme estans une part de l'essence divine,
 Et retournons au Ciel qui est nostre origine.
 Qui doute ce grand Dieu en nos cueurs sejourner?
 L'ame venir du ciel, & au ciel retourner?
 Et comme en ce grand corps, dont est basti le monde
 Parmi le feu & l'air, parmi la terre & l'onde
 Est un esprit mouvant qui par commandement
 Du souverain auteur regit le firmament:
 Ainsi estre nos corps d'une terrestre masse
 Et nostre esprit de feu, qui gouverne & compasse
 Toutes nos actions. S'il est donques ainsi
 Que le monde est en nous, quel miracle est-ce aussi,
 Que nous le cognoissions? veu mesme que l'image
 De Dieu se voit en nous, qui sommes son ouvrage:
 Faut il croire d'ailleurs que du ciel l'homme né,
 Tout autre animal est en la terre tourné,
 Ou caché dessous l'onde, ou d'aile balancee
 Est pendu parmi l'air. Une mesme pensee
 Qui est de se nourrir, est en eux, & leur soing
 Repose dans le ventre, & ne s'estend plus loing,
 Pour ce que de raison ils n'ont aucun usage
 Comme privez du tout de sens & de langage:
 Le seul homme discourt, seul s'explique & s'entend,
 Et à divers mestiers son industrie estend.
 Ce gentil animal qui regit toute chose
 En la terre habitable a sa demeure enclose,
 L'a dontee au labour, les animaux a pris,
 S'est fait chemin sur mer, & pour n'estre surpris
 S'est retiré au chef, comme en la forteresse,
 Ou dessus tous les sens la raison est maistresse,
 Lève les yeux au ciel, ces deux celestes yeux
 Et de plus pres encor regarde dans les cieux,
 Il cherche iupiter, & si ne se contente,
 Sans plus du front des Dieux, que le ciel represente,
 Il fouille iusqu'au fond, & tousiours s'approchant
 Comme venu du ciel, au ciel se va cherchant.

Aux

SONNET C X L I.

Vous dictes (Courtisans) les Poètes sont fous,
 Et dictes verité: mais aussi dire i ose,
 Que tels que vous soyez, vous tenez quelque chose
 De ceste douce humeur qui est commune à tous.
 Mais celle-là (Messieurs) qui domine sur vous,
 En autres actions diuersement s'expose:
 Nous sommes fous en ryme, et vous l'estes en prose,
 C'est le seul different qu'est entre vous & nous.
 Vray est que vous auez la Court plus favorable,
 Mais aussi n'auiez vous un renom si durable:
 Vous auez plus d'honneurs, & nous moins de soucy.
 Si vous riex de nous, nous faisons la pareille:
 Mais cela qui se dit, s'en vole par l'oreille:
 Et cela qui s'escriit, ne se perd pas ainsi.

C X L I I I.

Si mes escrits (Ronsard) sont semez de ton los,
 Et si le mien encor tu ne dedaignes dire,
 D'estre enclos en mes vers ton honneur ne desire,
 Et par là ie ne cherche en tes vers estre enclos.
 Laissons donc, ie te pry, laissons causer ces fots,
 Et ces petits gallans, qui ne sçachant que dire,
 Disent, voyant Ronsard & Bellay s'entr'escrire,
 Que ce sont deux mulets qui se grattent le dos.
 Noz louanges (Ronsard) ne font tort à personne:
 Et quelle loy defend que l'un à l'autre en donne,
 Si les amis entre eux des presens se font bien?
 On peut comme l'argent trafiquer la louange,
 Et les louanges sont comme lettres de change,
 Dont le change & le port (Ronsard) ne couste rien.

C X L V.

On donne les degrez au sçauant escholier:
 On donne les estats à l'homme de iustice,
 On donne au courtisan le riche benefice,
 Et au bon capitaine on donne le collier:
 On donne le butin au brane ananturier,

On don-

On donne à l'officier les droits de son office,
 On donne au serviteur le gain de son service,
 Et au docte poëte on donne le laurier.
 Pourquoi donc fais-tu tant lamenter Calliope,
 Du peu de bien qu'on fait à sa gentile troppe?
 Il faut (Iodelle) il faut autre labeur choisir:
 Que celui de la Muse, à qui veut qu'on l'avance:
 Car quel loyer veux-tu avoir de ton plaisir,
 Puis que le plaisir mesme en est la recompense?

Aux antiquitez de Rome.

SONNET II.

Le Babylonien ses hauts murs vânera,
 Et ses vergers en l'air, de son Ephesienne,
 La Grece descrira la fabrique ancienne,
 Et le peuple du Nil ses pointes chantera:
 La mesme Grece encor vanteuse publiera
 De son grand Jupiter l'image Olympienne:
 Le Mausole sera la gloire Carienne,
 Et son vieux labyrinthe la Crete n'oublira:
 L'antique Rhodien elevera la gloire
 De son fameux Colosse au temple de Memoire:
 Et si quelque œuvre encor digne se peut vanter
 De marcher en ce rang, quelque plus grand faon de
 Le dira: quand à moy, pour tous ie veux chanter
 Les sept costaux Romains, sept miracles du monde.

III.

Nouveau venu, qui cherches Rome en Rome,
 Et rien de Rome en Rome n'apperçois,
 Ces vieux palais, ces vieux arcs que tu vois,
 Et ces vieux murs, c'est ce que Rome on nomme.
 Voy quel orgueil, quelle ruine, Et comme
 Celle qui mist le monde sous ses loix,
 Pour donter tout, se donta quelque fois,
 Et devint proye au temps, qui tout consomme.
 Rome de Rome est le seul monument,
 Et Rome Rome a vaincu seulement.
 Le Tybre seul, qui vers la mer s'enfuit,

T t

Reste

*Reſte de Rome. O mondaine inconſtance!
Ce qui eſt ferme, eſt par le temps deſtruit,
Et ce qui fuit, au temps fait reſiſtance.*

I I I I

*Celle qui de ſon chef les eſtoilles paſſoit,
Et d'un pied ſur Thetis, l'autre deſſous l'Aurore,
D'une main ſur le Scythe, & l'autre ſur le More,
De la terre, & du ciel, la rondeur compaſſoit:
Juppiter ayant peur, ſi plus elle croiſſoit,
Que l'orgueil des Geans ſe releuaſt encore,
L'accabla ſous ces monts, ces ſept monts qui ſont ore
Tombeaux de la grandeur qui le ciel menaſſoit.
Il luy meſt ſur le chef la croupe Saturnale,
Puis deſſus l'eſtomac aſſiſt la Quirinale,
Sur le ventre il planta l'antique Palatin:
Meſt ſur la dextre main la hauteur Celiene,
Sur la ſeſtre aſſiſt l'eſchine Exquiliene,
Viminal ſur un pied, ſur l'autre l'Auentin.*

V.

*Qui voudra voir tout ce qu'ont peu natureſ
L'art, & le ciel (Rome) te vienne voir:
L'entens ſ'il peut ta grandeur concevoir
Par ce qui n'eſt que ta morte peinture.
Rome n'eſt plus, & ſi l'architecture
Quelque ombre encor de Rome fait reuoir,
C'eſt comme un corps par magique ſçauoir,
Tiré de nuit hors de ſa ſepulture.
Le corps de Rome en cendre eſt deuallé,
Et ſon eſprit reioindre ſ'eſt allé
Au grand eſprit de ceſte maſſe ronde.
Mais ſes eſcrits, qui ſon loz le plus beau
Malgré le temps arrachent des tombeaux,
Font ſon idole errer parmy le monde.*

V I.

*Telle que dans ſon char la Berecynthienne
Coronnee de tours, & ioyeuſe d'auoir*

Enfanté

*Enfanté tant de Dieux, telle se faisoit voir
 En ses iours plus heureux ceste ville antienne:
 Ceste ville, qui fut plus que la Phrygienne
 Foissonnante en enfans, & de qui le pouuoir
 Fut le pouuoir du monde, & ne se peult reuoir
 Pareille à sa grandeur, grandeur sinon la sienne.
 Rome seule pouuoit à Rome ressembler,
 Rome seule pouuoit Rome faire trembler:
 Aussi n'auoit permis l'ordonnance fatale,
 Qu'aucun autre pouuoir humain, tant fust audacieux,
 Se vantast d'égaliser celle qui fit égale
 Sa puissance à la terre, & son courage aux cieux.*

IOACHIM BLANCHON.

Les premières œuvres Poétiques de Ioachim Blanchon, assauoit, les Amours de Dione premier liure, contenant cent & vnze Sonnets. Complaintes, Stances, Chançons, Elegies, Vœu. Les amours de Pasithee liure second contenant lxxxvij. Sonnets, Stances, Chançons, Complaintes, Elegies, Antre. Meslanges troisieme liure contenant v. Sonnets de l'amour diuine, Ode chrestienne. Oraison prise d'Esdras & autres oraisons & prières, Sonnets, Stances de la vertu, De la liberalité, Discours au Roy sur la paix. A monsieur sur ses victoires, Epithalame royal, Le Trophee des Dames en xxxvij. Sonnets à la Roine mere, Stances du mariage par Antithese à celles de Philippes des Portes, Stances de la Beauté à la Roine, La Marguerite à la Roine de Nauarre, L'Hymen de la fille, Antithese de l'Hymen de la Vefue, Trente & vn Sonnets adressez à diuers personages; vers feminins pour la defense du sein descouuert des damoisselles. Epitaphes, l'Adieu aux Muses, Ode à Iean Dorat, Tresor des sentences, en 32. Sonnets. [Le tout imprimé en vn volume 12°. par Thomas Perrier 1583.

IOACHIM DV CHALARD aduocat au grand conseil du Roy, natif de la Souterraine en Lymosin a escrit, Sommaire exposition des ordonnances du Roy Charles ix. Sur les plaintes des trois Estats de son royaume, tenus à Orleans, l'an mil cinq cens soixante. [imp. à Paris 8°. & depuis à Lyon 16°. par Benoist Rigaud 1567.

En l'exposition du premier article du chapitre des Ecclesiastiques les vers suiuanz sont inserez.

*Au temps passé l'esprit saint eslissoit
 Ceux dont souloit l'eglise estre serui.
 En ce temps là, Vertu fruit produisoit:
 Car les esleuse estoient de sainte vie.
 Mais maintenant les mondains par enuie
 Ont usurpé la sainte election,*

Tr a Dont

*Dont s'en ensuit l'humaine affection
Et par ainsi tous vices precedez
Sont des Pasteurs, qui nous sont concedez
Par les cheuaux, par la poste, & par dons:
Trop mieux vaudroit les eslire à trois dez:
Car à l' hazard ils pourroient estre bons.*

Item:

*Au temps passé en l'aage d'or, En ce temps sont autres les loix,
Crosse de boys, Euesque d'or: Crosse d'or, Euesque de bois.*

IOACHIM DE COIGNAC natif de Chasteauroux en Berry a escrit en rime

Le bastillon & rampart de chasteté à l'encontre de Cupido & de ses armes, avec plusieurs Epigrammes. [impr. à Lyon 16°. par François & Claude Marchants freres en l'an 1550.

Tragedie de la desconfiture du geant Goliath. [impr. à Lausanne 8°.

IOACHIM DES PORTES chartrain frere de Philippe des Portes a escrit

Discours sommaire du regne de Charles ix. du nom Roy de France. [impr. à Paris par Jean de Laistre.

IOACHIM PERION.

Vies des Patriarches. Voyez Jean de la Fosse.

Vies des Apostres. Voyez Jean de la Fosse.

IONGLET fut vn menestrier bien appris, fort renommé & estimé comme principal en ce mestier pres l'Empereur Conrad,

Vn sien vielor qu'il a,

Qu'on apelle acort longlet,

Fit apeler par vn varlet.

Il est sage & grant apris,

Et s'auoit oi & apris.

Mainte chanson & maint biau conte.

Il se trouue vn fabliau de la moquerie que luy fit vne espouse au mari de laquelle (qui estoit vn riche villageois, si niais que ce longlet ne luy auoit iamais sceu oster son ramage) il auoit persuadé que pour se tenir plus honnestement, il ne deuoit le iour de ses nopces descharger son ventre. De maniere que le pauvre sot endurant vne extreme douleur de tranches, pour auoir trop mangé de poires crues, ne peut la premiere nuit attoler sa femme. Iusques à ce qu'elle aduertie du fait, l'eut pressé de se leuer, luy persuadant aller parfumer longlet couché en vne chambre voisine. Ce qu'il fit endurant les chaufses, pourpoint & estuy du menestrier, qui n'eut occasion de se mocquer.

IOSEPH DV CHESNE sieur de la Violette, conseiller & medicin ordinaire de Monseigneur frere unique du Roy, a escrit

Traicté

Traicté de la cure generale & particuliere des Archufades. Avec l'Antidotaire spagyrique pour preparer & composer les medicaments. [impr. à Lyon 8°. par Jean Lertout 1576.

La Morocosmie, ou de la folie, vanité & inconstance du Monde. en 100. octonaires. Avec deux chants Doriques, de l'Amour celeste & du souverain bien. [impr. à Lyon 4°. par Jean de Tournes 1583.

Iosephi Quercetani Apologia pro chimicis. [*Lugduni* 8°. 1575.

Traicté de S. Augustin de la vie Chrestienne avec les traittez de charité & de la vanité de ce siecle & monde inferieur d'obedience & d'humilité. Et l'eschelle de Paradis. [impr. à Paris par Jean Feuchier 1542.

I O S E P H de N A G E R I O Condomois Chanoine de l'Eglise cathedrale de Montauban a escrit Sermon de la verité du corps de Iesus Christ au sainct sacrement de l'Eucharistie. [impri. à Thoulouse 4°. par Iaq. Colomies 1565.

I O S E P H E le Iuif. Voyez François Bourgoïn. Nicolas de Herberay.

I O S I A S S I M L E R.

La Republique des Suisses, comprise en deux liures, contenant le gouvernement de Suisse, l'estat public des treze Cantons & de leurs confederéz, en general & en particulier, leurs bailliages & iurisdicções, l'origine & les conditions de toutes leurs alliances, leurs batailles, victoires, conquestes & autres gestes memorables, depuis l'Empereur Raoul de Habsbourg iusques à Charles le Quint. Descrite en Latin par Iosias Simler de Zurich, & mise en François par traducteur incertain. [impr. à Paris 8°. par Iaquès du Puis 1579.

I O S V E autrement dict I E S V fils de Syrach a escrit en Hebrieu le liure de l'Ecclesiastique diuisé en 31. chapitres, où sont contenues plusieurs sentences morales. Voyez le en la Bible traduite en François.

I O S S E B A D I V S.

La nef des folles selon les cinq sens de nature, composée selon l'Euangile de S. Mathieu, des cinq vierges qui ne prindrent point d'huile avecques elles pour mettre en leurs lampes. écrite premierement en Latin par Iosse Badius & translatee en François. [impri. à Paris 4°. par Enguilbert de Marnef, sans date.

I O S S E C L I C T O V E.

Traicté de toute vraye Noblessé. Traduit du Latin de Iodocus Chlictoueus. [impr. à Lyon par Thibaud Payen 1533.

Le doctinal de la mort extraict de ce que iadis en auoit écrit feu maistre Iosé Clictoué, Docteur en Theologie, chanoine de Chartres. [impri. à Rouen 16°. par Robert & Jean du Gort.

I O S S E de Damhoudere natif de Bruges, Cheualier Docteur és droitz, iadis conseiller & commis des domaine & finances du feu Empereur Charles cinquiesme, comme du Roy Catholique son fils Roy d'Espagne en ses pays bas, a écrit

La pratique iudiciaire és causes ciuiles, tresvtile & necessaire à tous baillifs, preuosts, Chastellains, Seneschaux, Escouettes, Maires, Drossarts, legistes, Practiciens, & à tous autres iusticiers & officiers, faits premierement en latin par

Tt 3 ledict

ledict Damhoudeſe & par luy meſme, miſe en François. [impr. en Anuers f°. par Jean Bellere 1572.

Le refuge & garend des pupilles, orphelins & prodigues, traicté fort vtile & neceſſaire à tous legiſtes, practiciens, iuſticiers & officiers. Auec des ſommaires à chacun chapitre contenant en outre commentaires ſur la reddition des comptes des tuteurs & curateurs, du temps d'icelle reddition, & la maniere & forme, & en outre commétaires ſur le tiltre de l'intereſt des pupilles mineurs & prodigues. [impr. en Anuers 4°. par Jean Bellere 1567.

I S A B E L L E S F O R C E.

De la vraye tranquillité de l'eſprit, œuvre tref-vtile compoſé premierement en Tufcan par trefilluſtre dame Ifabelle Sforce. [impr. à Lyon 16°. par Jean de Tournes 1549.

I S O C R A T E S. Voyez Guy de la garde, Jean Breche.

I V C Q V E L R O V G E A R T gentilhomme de Cornouaille en baſſe Bretagne a eſcrit,

Diuers Poèmes latins & françois, aſſauoir, Ode à madame Renee de Rohan, Les amours de Mars & de Venus, Poème de la douceur & humanité priſe d'vne oraiſon de S. Iean Chriſtoſtome, Complainte de tous les Dieux ſur la mort du ſeigneur de Goulaine, Odes, Elegies & Sonnets entremellez parmy leſdits Poèmes. [impr. à Paris 4°. par Leon Cauellat 1578.

S. I V D E.

S. Iude Apoitre de Ieſus-Chriſt, & frere de S. Iaques, a eſcrit vne petite Epiſtre qui eſt du nombre des ſept appellees catholiques contenues au nouveau teſtament.

I V L E C A E S A R. Voyez Robert Gaguin. Blaiſe de Vigenere. Eſtienne de l'Aigue.

I V L E S O B S E Q V E N T.

Des prodiges. Voyez George de la Boutiere.

I V L E S C A E S. S C A L I G E R yſſu de la race des princes & ſeigneurs ſouuerains de Verone dictz de la Scale & fils de Benoist de l'Eſcale lequel ſe vint rendre à refuge vers Mathias Roy d'Hongrie ſurnommé Coruin, ſon parent, ne commença d'eſtudier & d'apprendre les bonnes lettres que ſur les trente ans de ſon aage: mais il y print telle peine, qu'avec l'aide de ſon grand & prompt eſprit il ſ'y rendit vn des plus conſommez qui fuſt au parauant luy: & deuint excellent Philoſophe & poète grec & latin ainſi que teſmoignent ſes doctes œuvres qu'il eſcriuit en Frâce: & demeura long temps à Agen en Agenois, où il finit ſes iours. Heureuſe terre de tenir les os d'vn ſi grand perſonnage. Il a eſcrit en rime françoiſe vn liure intitulé Les cent dixains de l'homme vertueux. que ce miracle de Nature Ioseph Scalliger ſon fils homme d'incomparable doctrine, m'a monſtré eſcrits de la main de l'auteur, & dont le premier vers du premier dixain commence ainſi,

Païs fertile & terre plantureuſe.

Frere **I V L I A N** docteur en theologie de l'ordre des Auguſtins au conuent de Lyon a tranſlaté de latin en françois

Le miroir

Le miroir de la redemption de l'humain lignage, corrigé par Guillaume le Menand de l'ordre des freres mineurs. [impr. à Lyon l'an 1488.

I V L I A N B A V D O N. Angevin a traduit de latin, Trois liures des Charmes, &c. Voyez en Leonard Vair auteur.

I V L I A N l'Empereur, dit l'apostat. Voyez B. Grangier.

I V L I A N du R O S A Y Carme a escrit

Le relief de l'ame pecheresse, qui est vne paraphrase & compendieuse explication du psalme *De profundis*. [impr. à Paris 8°. par Jean André 1542.

I V L I A N T A B O V E T.

La genealogie des princes de Sauoye faicte en prose & vers latins par Iulian Tabouet & depuis traduite en prose & vers heroïques françois, par P. T. A. [impr. à Lyon 4°. par Nicolas Edouard 1560.

I V L I V S P O G I A N V S.

Oraison funebre pronôcée à Rome aux obseques & funerailles de tresillustre & trespacifique prince François de Lorraine duc de Guise par commandement de nostre saint pere le Pape Pie III. par Iulius Pogianus, & mise en françois & impr. à Rheims par Jean de Foigny 1563.

I V S T I N historien. Voyez Claude de Seissel. Guillaume Michel.

I V S T I N martyr. Voyez Jean de Maumont.

I V S T I N I A N.

Le liure des Institutions des droicts appellé Institute de l'Empereur Iustinian translaté de latin en rime françoise & corrigé en diligence par plusieurs docteurs & souuerains legistes. l'en ay vn exemplaire imprimé d'une fort velle lettre f°. sans nom de lieu ne d'imprimeur, & sans date, duquel j'ay voulu mettre icy le commencement:

*Qui de rien ne se veut greuer
Il ne pourra pas acheuer
Chose de quoy honneur luy vieigne:
Droict est que chacun se souuienne
Qu'homme qui est plein de paresse
N'aura ia lods de grand prouesse:
Et qui volontiers ne travaille
La ne fera chose qui vaille,
Ne de quoy il soit honoré.
J'ay par paresse demouré
Trop longuement à commencer
Pour Institutes romancer,
Or n'y metray plus de delay
Puis qu'ainsi proposé ie l'ay
Que maintenant la main n'y mette,
Et que ie ne m'en entremette.
Si les translateray en rime*

*Ou consonnante ou leonine,
Sil plait à Dieu me donner grace
De viure tant que ie parface.
Nous lisons que Iustinian
Fut iadis moult bon chrestian
Et religieux & preud'homme,
Et si fut empereur de Rome.
Il veit que le droict dict citain
Dont vsoit le peuple Romain
Estoit confus, desordonné:
Si voulut qu'il fust ramené
Par luy à droicte concordance.
Il commanda donc sans doubtañce
A Tribonien le Questor
Qui des droicts estoit grand docteur,
Et à compagnons qu'il auoit
Ausquels loyaument se fioit,*

T t 4

Car

Car bien les auoit esprouez,
 Et en tous poincts loyaux trouuez,
 Que pour luy tant se traouaillassent,
 Que tout le vieil droict ramenassent
 A concordance & à droict ordre
 Que nuls viuas n'en peust remordre,
 Et de ce qu'il eust commandé
 Onques n'y eust contremandé
 Qu'ils n'accomplissent ses requestes.
 Ils ordonnerent les Digestes
 En cinquante liures les meirent.
 Maintenant au Code se prirent
 Et tost feirent sans pareffer
 Les loix aux princes adresser
 Car de bon cœur y entendirent
 Et à Iustinian rendirent
 Le Code si bien ordonné
 Qu'homme ne fut de mere né
 Tant y sceust il bien garde prendre
 Qui de rien les y peust reprendre.
 Quand Iustinian eust le cours
 Du droict, il se pourpensa lors
 Qu'il feroit institutions
 Qui sont les introductions
 Et la voye des loix scauoir,
 Et lors commença il pourueoir
 Institutes & les partit
 Et en quatre liures les meit,
 Iustinian, en son viuant
 Qui meit le prologue suiuant.

Prologue:

La magesté de l'empereur
 Qui du monde est le gouuerneur

Doit estre d'armes honnoree,
 Et de loix garnie & armee
 Si qu'en temps de paix & de guerre
 Soit bien gouuernee la terre,
 Et que par l'empereur de Rome
 Qui de l'empire tient la somme
 Soyent trestous ses ennemis
 Par force d'armes deffouls mis,
 Si que plus fort de luy ne truiſſe
 Et par les loix refrener puiſſe
 Et ramener à ésgaulté
 Des mauuais la desloyauté,
 Qui les bons du tout exilaſſent
 Se la iustice ne doubtaſſent.
 Et ainsi seroit l'empereur
 En ces deux manieres vainqueur,
 Par armes prince glorieux,
 Par loix ſaige religieux.
 De ces deux choses ſans doubtaſſe
 Par ſouueraine pourueance
 Par nous durement traouailler
 Et par les longues nuicts veiller
 Auons nous la voye trouuee
 Et noſtre vertu esprouee,
 Nos batailles & nos ſueurs
 Par barbarins & par pluſieurs
 Que nous auons en tel maniere
 Reduits deſſous noſtre banniere.
 En Afrique auons nous monſtrees
 Et en innombrables contrees
 Apres long temps noſtre victoire
 Par le plaſſir au Roy de gloire:
 Car ramenez nous les auons
 ſous noſtre iuriſdiction, &c.

I. C O N S T A N T a traduit,
 L'histoire Romaine ſommairement comprise en quatre liures par Lucius Iu-
 lius Florus, depuis la fondation de Rome iuſques à l'Empereur Auguſte: & en
 dix liures par Eutropius iuſques au temps de l'Empereur Valens. [impr. à Ge-
 neu e 8°. par Iaques Berjon 1580.
 K D. D V P E R R O N professeur du Roy aux langues, aux Mathemati-
 ques

ques & en la Philosophie a escrit,
 Avant-discours sur l'un & l'autre curieux de Pontus de Tyard. [impr. à Paris
 4°. par Mamert Patisson 1578.

I. C. T. La Muse chrestienne ou Recueil des Poësies chrestiennes tirées
 des principaux Poëtes françois. Aueq vn discours en prose de l'influence des
 Astres, du destin, ou fatalité, de l'interpretatiõ des fables & pluralité des dieux
 introduicts par les Poëtes, contenu en l'auantpropos de l'auteur dudit recueil.
 Geruais Mallot 16°. 1582.

I. L. P. Docteur en medicine a escrit
 Traicté de la nature & curatiõ des playes de pistole & harquebuse. [impr. à
 Paris par G. de Nyuerd 1569.

I. S. Parisien a escrit
 Hymne sur la naissance de madame de France fille du Roy treschrestié Char-
 lesix. [impr. à Paris par Mathurin Martin.

LIVRES D'AUTEURS INCERTAINS.

LE IARDIN de Plaisance, contenant la fleur de Rhétorique, Bal-
 lades, Rondeaux, & autres vieilles rimailles, esquelles ie n'ay trouué chose
 qui merite qu'on s'amuse à y lire, excepté vne sentence assez bien dicté au
 quatrain suiuant:

Erreur n'est pas vice sçavoir,

Mais erreur est qui de vice use:

Et fait bon cognoissance auoir.

De vice, à fin qu'on n'en abuse.

Celiure a esté imprimé à Lyon 4°. par Martin Bouillon, sans date.

Le plaisant IARDIN des receptes, cultiué par medecins tres-experts en
 Physique, traduit d'Italien. Ensemble la medecine de maistre Grimache en
 rime, fort recreatiue. [impr. à Lyon 16°. par Jean de Tournes 1546.

Le IARDIN de santé autrement dict *Hortulus sanitatis*, traitant des her-
 bes, bestes, oiseaux, poissons & pierres précieuses, avec les pourtraicts. translaté
 de Latin en François. [imp. à Paris 8°. par Philippes le Noir 1539.

Le Roman de IASON & Medee. [impr. à Paris 4°.

La difference de L'IDOLATRIE contenant la difference qu'est entre
 les superstitions & idolatrie des anciens, Gentils, & Payens: & les erreurs & ca-
 bus qui sont entre ceux qui s'appellent Chrestiens. Et de la vraye maniere
 d'honorer Dieu, & la vierge Marie, & les saints. [imp. sans nom d'imprimeur
 ny de lieu. Censuré.

La vie & mystere de monseigneur S. I E A N Baptiste par personnages.
 [impr. à Lyon. 4°. par Oliuier Arnoullet.

Le Roman de I E A N de Paris. [impr. à Lyon 8°.

Histoire memorable de la conuersion de I E A N I. G V Y, parvidé, natif
 de

de Chastillon sur Loing executé audict lieu : & de la constance de sa mort, [impr. à Orléans, 8°. par Eloy Gibier 1567. *Calumnique.*

Traicté par maniere de Chronique concernât le siege mis par les Anglois deuant la cité d'Orléans, & les saillies, assauts, & escarmouches qui durant le siege y furent faites de iour en iour, la venue & vaillâs faicts d'armes de I E A N N E L A P V C E L L E, la prise, & le discours de tout son procéz. [Escrie en main en vn fort gros volume sur parchemin en la librairie de la Bastie.

Le liure de I E S V S & la doctrine des Chrestiens. [impri. à Paris 16°. par Iean Ianot.

Exhortation à la louange du saint nom de I E S V S & des benefices receus par iceluy. Et des trois qui anciennement nommez Iesus ont prefigure le vray Iesus qui vaut autant à dire comme nostre Sauueur. Le tout extrait tant du vieil que du nouveau Testament, & mis en rime par vn religieux de l'ordre S. François du conuent de Troyes. [impr. à Troyes 8°. sans dattre.

Les douze deuotes contemplations, prerogatiues, excellences & graces indicibles du triomphant & victorieux nom de I E S V S. [impri. à Bourges 8°. par Barthelemy Berthaud, sans dattre.

Quatorze I M A G E S de vraye & parfaite consolation representees comme en deux tableaux dont le premier est de la consideration des maux qui nous aduennent, l'autre des biens que nous receuons traduites de Latin, & impri. 16°. l'an 1552. *Censuré.*

I M A G E S de la mort avec Quatrains au dessous d'icelles, auxquelles sont adioustees dixsept figures. Plus la medecine de l'Ame. La consolation des malades. Vn Sermon de patience par S. Jean Chrysostome. [le tout imp. à Lyon 8°. par Iean Frellon l'an 1562. & a esté ce liure traduit de François en Latin, Italien, Espagnol, Alleman, & Anglois.

Nouveaux aduis de l'estat du Christianisme es I N D E S Orientales & Japon, chuoyez au R. P. general de la compagnie du nom de Iesus. [impri. à Lyon par Benoist Rigaud 1582.

I N D I C E des principales matieres contenues en la Bible, nouvellement corrigé & augmenté de plusieurs tiltres & allegations, par l'acteur d'iceluy, 1546. [impr. à Geneue. [Censuré.

I N F O R M A T I O N du different qui est entre Scipion Vimerca, & Lédouic Birague. Vn conseil sus ladite matiere du tres-excellent docteur Alciat. Aduis du feu Duc d'Urbin, Francisco Maria au Marquis de Polignano de la disparité de la naissance, race & degré. Ensemble neuf questions en matiere de cheualerie extraites du premier liure des Aduis de Fausto de Longiano, le tout traduit d'Italien en François, & impr. à Lyon 4°. par Iean de Tournes.

L'INNOCENCE de la tresillustre & tres-chaste Princesse, Madame Marie Reine d'Ecosse. Où sont amplement refutees les calomnies fausses, & impositions iniques publiees par vn liure secrettement diuulgué en France l'an 1572. touchant tant la mort du Seigneur d'Arley son espoux, que autres crimes dont elle est faussement accusee. [impr. 8°. le mesme an 1572.

I N S T I T U T I O N S Imperiales de Iusthian. Ou institutiōs de droit &c. Voyez Nicole de l'Escut. Guy de la roche.

I N S T I

INSTITUTION de la fille Chrestienne en laquelle sont contenues les mœurs & maniere de viure qu'elle doit tenir tout le temps de sa vie tant enuers Dieu que ses parens. Traduite d'Espagnol, & impr. à Lyon 16°. par Jean d'Ogerolles 1560.

INSTRVCTION & recreance des Chrestiens. *Censuré.*

INSTRVCTION Chrestienne, veuë & approuuée par le reuerendissime Cardinal d'Armaignac, pour estre baillee à ses Diocésains. [impr. à Thoulouze par Iaques Colomies 1562.

INSTRVCTION faicte par maniere de lettre missiue, pour se confesser en verité. [*Censuré.*

INSTRVCTION & confession de foy, dont l'on vse en l'Eglise de Geneue. *Censuré.*

INSTRVCTION pour les enfans. *Censuré.*

L'INSTRVCTION aux ieunes dames en forme de Dialogue escrete premierement en Italien, par laquelle elles sont apprises comme il se faut bien gouverner en Amour. [impr. à Lyon 16°. sans nom ny date. C'est le liure intitulé en Italien *La bella creanza delle donne* tres-pernicieux & à faire bresche en la pudicité & chasteté des filles & des femmes.

INSTRVCTION à la ieunesse pour se conduire en l'art de l'escriture, sçauoir tailler la plume, gouverner l'encre, choisir le papier & autres beaux secrets, le tout en forme d'exemples propres pour les enfans. [impr. à Paris par Mathiel du Boys tailleur d'histoires 1582.

Quatre **INSTRVCTIONS** fideles, pour les simples & les rudes. La premiere, l'homme fidele visitant. La seconde l'homme fidele catechisant. La tierce, l'homme fidele introduisant à l'Euangile. La quarte, l'homme fidele psalmodiant. [*Censuré.*

L'INTERNELLE CONSOLATION, œuvre diuisee en deux parties & necessaire à tout esprit Chrestien [impr. à Lyon 16°. chez Estienne Doler 1542. *Censuré.*

Discours des **INTERROGATOIRES** faicts en la présence de Messieurs de la Court de Parlement par les Docteurs Regens en la faculté de medecine en l'vniuersité de Paris à Roc le Baillif surnommé la Rivière sur certains poincts de sa doctrine. [impr. à Paris 8°. par Pierre l'Huillier.

INTRODVCTION des bons enfans, translatee de Latin en François. [*Censuré.*

INTRODVCTION familiere à facilement & en peu de temps apprendre la grammaire Latine, faicte en forme de Dialogue, auquel sont introduicts les personnages A. B.

De l'orgueil & presumption de l'Empereur **IOVINIEN**, Histoire extraicte des gestes des Romains, lequel fut decognu de tout son peuple par le vouloir de Dieu, & apres remis en son Empire. à 19. personnages. [impr. à Lyon 8°. par Benoist Rigaud sur vne vieille coppie 1584.

IOVRDAN de Blaues, Romant. [impr. à Paris & à Lyon.

Le liure du **IOVVENCE** L traictant de diuerses matieres belliques. [impr. à Paris 4°. par Philippes le Noir.

Iosias

I O S I A S Tragedie de messer Philone traduite d'Italien en vers François. [impr. à Geneue 8°. par François Perrin 1556.

I S A I E le Triste fils de Tristan de Léonois Romant. [impr. à Lyon 4°. par Oliuier Arnoullet.

Exemples notables des **I V G E M E N S** de Dieu en la mort de plusieurs pour auoir abandonné l'Euangile. [impri. par Iean Saugrain 1564. *Caluinique.*

Les grands & redoutables **I V G E M E N S** & punition de Dieu aduenus au monde, principalement sur les grands à cause de leurs méfaits, contreuenans aux commandemens de la Loy de Dieu : le tout mis en deux liures suivant la distinction des deux tables de ladicte Loy. [impri. à Morges 8°. par Iean le Preux 1581. *Caluinique.*



A C T A N C E F I R M I A N.

Diuines Institutions. & autres œuvres. Voyez René Famé, Iean Breche, Iean Gardet, Estienne Forcadet.

L A M B E R T L I C O R S (c'est à dire le court) natif de Chasteaudun, prestre, escolier, ou homme de robe longue, qui sçait les lettres: car ainsi faut-il interpreter le nom de clerc qu'il prend. Cestuy-cy translatant les faits d'Alexandre le grand, Roy de Macedoine, donna commencement au Roman d'Alexandre, où lon trouue en vn endroit,

La 1^{re} verté de l'histor' si com li Roy la fit, verité

Vn clers de Chasteaudun Lambert li Cors l'escri,

Qui de latin la trest, & en Romans la mit : avec lequel s'estant ioint Alexandre de Paris, ils firent ensemblement le commencement du Roman d'Alexandre. Car en vn endroit de l'œuvre il est dit,

Alexandre nos dit qui de Bernai fu nez,

Et de Paris refu ses surnoms appelez,

Qui cy à les siens vers o les Lambert ietez. avec.

Ce dernier vers me fait dire qu'ils ont esté compagnons, & possible associez en leur longlerie. Ces deux poursuuiurent les gestes dudit Roy iusques à sa mort: & leur liure comincé,

Qui vers de riche histor' veult sçauoir & oir,

Por prendre bon exemple de proesse accueillir,

De conoistre raison, d'amer & de haïr,

De ses amis garder & chèrement tenir,

Des ennemis greuer qu'on n'en puisse elargir,

De laidures venger & des bons faits merir,

De hastier quant l'eus est & à terme s'offrir,

Oez donc le premier bonnement à loisir.

Lieu.

Ne

*Ne l'orra guieres hom, qui ne doie plaisir:
Ce est dou milleur Roy qui onq poist morir,
D' Alexandre ie veuil l'histoire refraichir.*

l'ay voulu transcrire ces vers du commencement de leur œuvre, pour montrer que l'intention des Trouuerres estoit d'animer les seigneurs, & les encourager à la vertu, mais sur tout à la liberalité. Le testament dudit Roy, a esté fait par Pierre de S. Cloot, ainsi qu'on peut deuiner par ces vers meslez audit testament,

Pierres de saint Cloot si trouue en l'escriture,

Que mauuez est li arbre dont li fruits ne 'meure.

i Meurit.

L A M B E R T D A N E A V de Gian sur Loyre a escrit,
Les Sortiers. Dialogue tresvtile & necessaire pour ce temps: Auquel sont traictez & resoluz sept poinçts qui tombent en dispute aujourd'huy sur les Eri-ges & Sorciers. Le premier, Que signifie ce mot de Sorcier en nostre langue françoise. Le second s'il y a des sorciers au monde, & gens tels. Le troisieme sur quelles choses les sorciers ont puissance. Le quatriesme: Par quel moyen les sorciers besoignent, & empoisonnent. Le cinquiesme, Quels passages & autoritez condamnent les sorciers, & de quelle peine ils sont dignes. Le sixiesme, S'il est licite de s'aider des sorciers en la maladie. Le septiesme, Quel moyen il y a pour se pouuoir garder des sorciers. [impr. 8°. par Jacques Bourgeois 1574.

Remonstrance sur les ieux de sort, ou de hazard, & principalement de dez & de cartes: en laquelle le premier inuenteur desdicts ieux, & les maux infinis qui en aduiennent, sont declarez. Et y sont traictez dix points, le premier, S'il est permis à l'homme chrestien de iouer. Le second, S'il est permis de iouer à l'argent pour embourser. Le troisieme, Touchant les ieux publiqs & pris qui s'y font. Le quatriesme, De ceux qui iouent pour boire. Le cinquiesme, Qui sont les ieux illicites. Le sixiesme, Qui sont les ieux de sort & de hazard deffendus. Le septiesme, Que les ieux de hazard sont condempnez par les payens mesmes. Le huitiesme, Par les sainçts Peres anciés. Le neuuiesme, Par l'Escripture sainte. Le dixiesme, Responce aux obiections de ceux qui maintiennent tels ieux. [Ladite remonstrance impr. 8°. par ledit Jacques Bourgeois 1575.

Traicté de l'Antechrist reueu & augmenté en plusieurs endroits en ceste traduction françoise par l'aduis de l'auteur Lambert Daneau, qui l'a escrit en latin, duquel il a esté traduit en françois par I. F. S. M. [impr. à Geneue 8°. chez Eustace Vignon 1577.

Traicté des dances, auquel est amplement resoluë la question, assauoir s'il est permis aux chrestiens de dancer, contient 20. chap. [impr. 8°. par François Estienne 1579.

La Physique françoise, comprenant en 13. liures ou traictez, assauoir vn d'Aristote, vnze de S. Basile, & vn de Damascene, Le discours des choses naturelles tant celestes que terrestres, selon que les Philosophes les ont descrites, & les plus anciens Peres ou docteurs les ont puis apres considerees & mieux rapportees à leur vray but: traduite de Grec en François par Lambert Daneau.

V v

[impr.

[impr. à Geneue 8°. par Eustace Vignon 1581.

Le dict Daneau a traduit, de Grec en François.

Les trois liures d'Hesiodé intitulez les œuvres & les iours. [impr. 8°. par Antoine Chuppin 1571.

LANCELOT de CARLE Euesque de Riez a mis en vers François

Les cantiques de la Bible avec deux hymnes. [impr. à Paris 8°. par Adrian le Roy 1560. & par Vascofan 1562.

Exortatio ou Parenese en vers heroiques à Jean de Carle son neveu. [impr. à Paris 8°. par Vascofan 1560.

L'ecclésiaste de Salomon paraphrasé en vers François. [impr. à Lyon par Nicolas Edoard 1561.

Eloge ou tesmoignage d'honneur de feu Henry 2. tres-chrestien Roy de France traduit du Latin de Pierre Pafchal par ledict Lancelot de Carle. [impr. à Paris f°. par M. Vascofan 1560.

Lettre au Roy Charles 1^x. contenant les actions & propos de Monsieur de Guyse depuis sa blessure iusques à son trespas. [impr. à Paris par Jacques Keruer.

Traicté de l'expresse parole de Dieu. traduit du Latin de Stanislaus Hosius Euesque de Varne en prose François par le mesme de Carle. [impr. à Paris 8°. par Michel Vascofan 1562.

LANCELOT DVVOESIN Seigneur de la Popeliniere a écrit,

L'histoire des troubles & choses memorables aduenues tant en France qu'en Flandres & pays circonuoisins depuis l'an mil cinq cens soixante deux, compris en 14. liures. Avec les considerations sur les guerres ciuiles des François. [impr. à la Rochelle 8°. & f°. & depuis à Paris f°. par Jean Pouppy 1583. sous le titre suivant [l'Histoire de France contenant les plus notables occurrences & choses memorables aduenues en ce Royaume de France & pays bas de Flandres iusques à present, soit en paix soit en guerre tant pour le fait seculier que ecclesiastic, sous le regne des Rois tres-chrestiens Henry & François 11. Charles 1^x. & Henry 111. recueillie de diuers memoires, instructions & harengues d'Ambassadeurs, negociations d'affaires, expéditions de guerre & autres aduertissemens particuliers.

Les trois mondes. [imprimé à Paris 4°. & 8°. par Pierre l'Huillier 1582. Pour le subiect de ces trois liures l'auteur dit qu'il ne se faut arrester au titre qui porte les trois Mondes: car il sçait & croit des le premier aage de cognoissance, qu'il n'y en a qu'un: Il parle icy en matelot & comme entré mariniers, lesquels ayans descouvert si nouuelles terres de si grande estendue, tant chargees de diuers peuples, pourueues de tant de sortes de richesses, & d'exquises singularitez de nature, ne les estimoient qu'un autre & nouveau Monde, qu'ils ont ainsi appelle pour le mieux differenter du vieil assez cognu sous le repartement de l'Europe, Afrique & l'Asie.

Il a traduit de l'Italien du Seigneur Bernardin Roque de Plaifance

Les entreprises & ruses de guerre, & des fautes qui par fois suruiennēt ez pro-

gres

grez & execution d'icelles, ou le vray pourtraict d'un parfait general d'armee. le tout diuisé en cinq liures: avec les sommaires sur chacune entreprinse. Et y sont donnez les moyens de bien faire la guerre: soit pour façonner les soldats à la deuotion du chef, pour assieger ou defendre vne place, pour bien reigler, conduire & faire camper vne armee: soit pour emporter l'auantage tant es escarmouches, surprises, rencontres, que batailles assignees. Le tout enrichy de si graues sentences & notables exemples anciens & modernes, que le discours en est autant profitable que plaisant. [imprimé à Paris 4°. par Nicolas Chesneau 1571.

L'ANTEAUME DE ROMIEV gentilhomme d'Arles
traduit de latin en vers françois

Le Pegme de Pierre Coustau contenant plusieurs Emblemes avecq les Narrations Philosophiques en prose sur iceux. [impr. avecq figures à Lyon 8°. par Macé Bonhomme 1560. Voyez vn Embleme qu'il y a sur l'accord de Glaucus & Diomedes par lequel est monstre qu'il fault quelquesfois achepter la paix:

*Entre Glaucus & le fort Diomedé
Estoit desia le combat ordonné:
Mais sur le poinct l'expedient remede
De bon accord fus par eux moyenné:
Car par Glaucus de bon cœur fut donné
Un harnois d'or au vaillant Diomedé:
Lequel aussi courtoisement luy cede
Le sien d'airain en tous poincts beaucoup moindre.
Pour quelque pris tant soit grand ou excede
Se fault par paix aux ennemis conioindre.*

En la Narration philosophique dudit Embleme: .

Lequel Glaucus encores qu'il n'eust faulte de bon cœur & hardiesse, laquelle incite communement les grands esprits à combattre, toutesfois il estima estre conuenable à sa dignité & non abhorrer de l'art militaire, s'il parlemen-toit de la paix avec son ennemy, mesmes avecq conditions iniques. Pourtant comme dit Homere, hardiment il changea avecq Diomedes armes d'or pour armes de bronze, & les cét parts aux neuf: & par ce bel ostaige feit la paix avecq son ennemy. Car oultre que tout euénement de guerre est incertain, la bataille apporte vn autre dommage avecq soy, que souuent les vainqueurs ont la victoire avecq grandes pertes. Donc sagement admonnestent ceux qui des deux moyens de cōtention, desquels l'un se fait par dispute, l'autre par force dient qu'il ne fault iamaïs yser du dernier, sinon quand il n'y a plus d'espoir de pratique le premier. Car les anciens ont estimé qu'il ne falloir iamaïs entreprendre guerre sinon pour auoir paix: pour laquelle vn homme magnanime ne doit refuser de se mettre en hazard de defense. D'où vient qu'ils appelloient Force, Vertu bataillante pour l'équité.

L A V R E N S D E B O V R G Lyonnois a écrit
Elegie contenant les miseres & calamitez aduenues à la cité de Lyon durant
les guerres ciuiles. [impr. à Paris par Iean Hulpeau 1569.

L' A V R E N S L' E S P R I T.

Le Passetemps de la fortune des Dez, inuenté par Laurens l'Esprit Italien, &
translaté en françois. [impr. à Paris & à Lyon 4°. par diuerfes fois.

L A V R E N T D E L A G R A V I E R E a traduit de
latin

Les Premiere, seconde, troisieme, quatrieme & sixieme Eclogue de frere
Baptiste Mantuan de l'ordre des carmes. La premiere traitant de l'honneste
amour & heureuse yssue d'iceluy. La seconde, de l'amour folle & enragee. La
troisieme, de la malheureuse yssue d'amour folle. La quatrieme, de la nature
des femmes. Et la sixieme de la difference d'entre les rustiques & les citoyens.
Auec plusieurs Epigrammes & autres compositions françoises, à l'imitation
d'aucuns Poëtes latins. [impr. à Lyon 8°. par Iean Temporal 1558.

L A V R E N S I O V B E R T medecin ordinaire du Roy & du Roy
de Nauarre, Chancelier & Docteur Regent en l'vniuersité de Mont-pellier a
écrit

Traicté des causes du ris & tous ses accidens contenant 27. chapitres & vne re
capitulation: traduit de son Latin par luy mesmes lors qu'il demouroit & pra
ctiquoit la medecine en la ville de Montbrison capitale du pays de Forest.
[impri. à Lyon 8°. par Iean de Tournes 1560.

Second & troisieme liure du Ris contenant son essence, ses causes & merueil
leux effects curieusement recherchez, raisonnez & observez. Le second est de
7. chapitres & le troisieme de 16. [impr. à Paris avec le premier 8°. par Nico
las Chesneau 1579.

Dialogue sur la Cacographie françoise avec annotations sur son orthographie.
[impr. à Paris 8°. par Nicolas Chesneau 1579.

Erreurs populaires au fait de la medecine, & regime de la santé. contenans
cinq liures diuisez par chapitres, & imprimez à Bordeaux 8°. par Simon Mil
langes 1578.

Seconde partie des Erreurs populaires, & propos vulgaires touchant la mede
cine & le regime de santé refutez ou repliquez. Auec deux catalogues de plu
sieurs autres erreurs ou propos vulgaires qui n'ont esté mentionnez en la pre
miere & seconde edition de la premiere partie. Item deux paradoxes du mes
me Ioubert. [impri. à Paris 8°. par Abel l'Angelier 1580.

La Pharmacopee de M. Laurens Ioubert &c. Auec les Annotations de Iean
Paul Zangmaister mises au marge. [impr. à Lyon 8°. par Antoine de Harfy.
1581.

Traicté des Arebusades contenant la vraye essence du mal, & sa vraye cura
tion, par certaines & methodiques indications: avec l'explication de diuers
Problemes touchant ceste matiere. Plus vn discours en forme d'Epistre, tou
chant la curation des arcbusades. Epitome de la Therapeutique des arcbusa
des. Traicté des brulures. Le regime des blesez. [Le tout imprimé en vn vo
lume 8°. par Iean de Tournes 1574.

Sen-

Sentēce de deux belles questiōs, sur la curation des archusades & autres playes. La premiere s'il est possible de guerir vne archusade avec de l'eau simple & froide, & la seconde de la decoctiō celebree en Languedoc pour toutes playes & vlceres. [impri. à Geneue 8°. par Iacob Stœt 1577.

Question des huiles traictee problematiquement. Item censure de quelques opinions touchant la decoction pour les archusades. [impri. par Iacob Stœt, 1578.

Traicté de la peste plus vne question de la Paralytie. [impr. 8°. par Jean Lerout.

Il a traduit

L'histoire entiere des Poissons diuisee en deux parties, dont la premiere contient 18. liures composee premierement en latin par maistre Guillaume Rondelet Docteur Regent en medecine en l'Vniuersité de Mont-pellier, & traduite en François par ledict Ioubert. [impri. avec leurs pourtraits apres le naturel à Lyon f°. par Macé Bon-homme 1558.

La Ghirurgie de Guy de Cauliac medecin tres-fameux de l'Vniuersité de Mont-pellier composee l'an de grace 1563. restituee nouuellement à sa dignité par ledict Ioubert lequel outre sa nouuelle traduction a mis plusieurs belles Annotations en marge. [imprimé à Lyon 8°. par Estienne Michel 1579.

Les œuures latines dudit Ioubert ont esté imprimees en vn volume f°. à Lyō par Estienne Michel.

LAVRENS DES MONS a escrit en prose françoise

Remonstrance à vne religieuse sur le desbauchement de plusieurs abusées par les nouueaux Euangeliques. [impr. à Paris 8°. par Thomas Richard 1552.

Il a escrit aussi en vers,

Lamentation de l'Eglise sur le defastre & merueilleux excez des ennemis de nostre foy catholique. [impr. à Paris 4°. par Thomas Richard 1553.

LAVRENS DES MOVLINS a composé en rime,

Le Catholicon des maladiſez autrement dict le cymetiere des malheureux. [impr. à Lyon par Oliuier Arnoullet 1534.

Epitaphe d'Anne Duchesse de Bretaigne Royne de France. [imprimé à Paris.

LAVRENS de PREMIER-FAICT, a traduit en vieil langage françois

Le Decameron de Boccace, autrement dit les cent nouuelles. [impr. à Paris 8°, par Jean Petit 1534. Il auoit esté imprimé auparauant f°.

Les offices de Cicero. [impr. à Lyon par Pierre Mareschal 1536.

Quelques Epistres & autres opusculs de Seneque. [impr. à Paris f°. par Antoine Verard, sans datte.

LAVRENS RVSE.

La Mareschalerie contenant 180. chap. traduite du latin de Laurens Rusé en laquelle sont contenus remedes tressinguliers cōtre les maladies des cheuaux: avec figures de mors pour suruenir à tous vices de bouche qu'auroit le cheual. Item vn traicté des signes des cheuaux enseignant à les choisir, tāt pour estre

Vv 3 estalons

estalons, que pour s'en servir à la guerre & ailleurs. Avec vn autre traicté de remèdes pour plusieurs maladies des chevaux. [impr. à Paris 4°. par Charles Perier 1560.

L A V R E N S S V R I V S chartreux a escrit en latin en six grâds tomes l'histoire de la vie, mort, passion & miracles des Saints desquels principalement l'Eglise catholique faict feste & memoire par toute la chrestienté ez douze mois de l'an, les vies de la pluspart desquels ont esté traduites en françois par plusieurs, & impr. à Paris f°. chez Nicolas Chesneau.

Histoire ou commentaires de toutes choses memorables, aduenues depuis lxx. ans en ça par toutes les parties du monde, tant au faict seculier que Ecclesiastic; composez premierement en latin par Laurens Surius & mis en françois par Jaques Estourneau. [impr. à Paris 8°. par Guillaume Chaudiere 1573.

L A V R E N S V A L L E Poète & orateur Romain. De la faulse donation de Constantin contenant 5. chap. liure mis de latin en françois par translateur incertain. [impr. 8°. sans date & nom de lieu ny d'imprimeur.

Les menus propos fabuleux de Laurens Valle enuoyez à son singulier amy Arnould de Fouelle lesquels sont moralisez sur les inconstances des gens du monde: mis aussi de latin en françois par autre translateur incertain. [impr. à Paris 8°. à l'escu de France.

L A V R E N S V I D E L a escrit,

Declaration des abus, ignorance & seditions de Michel Nostradamus. [impr. en Auignon 8°. par Pierre Roux.

L A V R E, yssue de l'illustre famille de Sade, gentil-femme d'Auignon tant celebree par François Petrarque Poète Tuscan, & par aucuns poètes prouëçaux, fleurissoit en Auignon enuiron l'an 1341. pour laquelle ils ont rendu leur memoire immortelle & recommandable; car le nom de ceste dame Laure a esté tellement illustré par Petrarque, qu'il semble qu'elle soit encor viuante: fut aprinse aux bonnes lettres par la curiosité & industrie de Phanette des Gantelmes sarrante dame de Romanin, qui se tenoit de ce temps en Auignon, qui estoit aussi vne noble dame. Ces deux dames estoiet humbles en leur parler, sages en leurs ceuïres, honnestes en conuerfation, florissantes & accomplies en toutes vertus, admirables en bonnes mœurs & forme elegante, & tant bien nourries que chacun estoit conuoyteux de leur amour, toutes deux romanfoient promptement en toute sorte de rithme Prouençalle, les ceuïres desquelles rendent ample tesmoignage de leur doctrine. Et tout ainsi que par le passé Stephanette Comtesse de Prouence; Adalazie vicontesse d'Auignon & autres dames illustres de Prouëce estimees en sçauoir, ainsi estoient ces deux dames en Prouence, dont la renommee estoit espendue par tout le pais, tellement qu'on ne parloit que de leur sçauoir. Elles estoient accompagnées de Ieanne dame des Baulx, Huguette de Forcalquier dame de Treçs: Briande d'Agoult, Comtesse de la lune: Mabile de Villeneuve, dame de Vençe: Beatrix d'Agoult, dame de Sault: Ysoarde de Roquefueilh, dame d'Ansoys: Anne, vicontesse de Tallard: Blanche de Flassans, surnommée Blankaflour: Douce de Monstiers, dame de Chumane: Antonette de Cadenet, dame de

Lamb

Lambesc: Magdalene de Sallon dame dudit lieu: Rixende de Puyverd; dame de Trans: & plusieurs autres dames illustres & genereuses de Prouence, qui florissoient de ce temps en Auignon, lors que la cour Romaine y residoit, qui s'adonnoient a l'estude des lettres tenans cour d'amour ouuerte, & y definissoient les questionis d'amour qui y estoient proposees, & enuoyees, au moyen desquelles, & de leurs belles & glorieuses ceuures leur renommee s'espanda par tout, iusques en France, en Italie, & Espagne, & Bertrand de Allamanon, Bertrand de Borme, Bertrand du Puget, Rostang d'Entrecasteaux, Bertrand Feraud, Olivier de Lorgues, de Dons d'Istre, Peyre de Soliers, Jean de Lautis, Isnard de Demandolz, Bertrand de Castillon, & vne infinité d'autres poëtes Prouençaux, ont escrit de gros volumes de chansons, & de beaux & plaisans Romans en langue Prouençalle à leur honneur, & louanges: Guillen & Pierre Balbz, & Loys des Lascaris, Comtes de Vintimille, de Tende & de la Brigue, personnages de grand renom, estans venus de ce tems en Auignon visiter Innocent 6. du nom Pape, furent ouyr les definitions & sentences d'amour prononcees par ces dames, lesquels esmerueillez & ravis de leurs beautés, & scauoir, furent surpris de leur amour: mais peu de temps après trespasserent en Auignon du temps d'une grande peste, qui dura trois ans, laquelle plusieurs nommerent *Lou flagel mortal de Dieu*, pour les vices, rapines & maledictions qui y regnoient, qui fut enuiron l'an 1348.

L A Z A R E D E B A Y F maistre des Requestes du Roy François premier de ce nom a traduit de grec en rime française, ligne pour ligne, ou vers pour vers en faueur & commodité des amateurs de l'une & l'autre langue

La Tragedie de Sophocles intitulee Electra, contenant la vengeance de l'inhumaine mort d'Agamemnon Roy de Mycenes, faicte par sa femme Clytemnestra & son adultere Egystus. [impr. à Paris 8°. par Estienne Roffet 1537.

Premier il méit la main à la traduction des vies de Plutarque, & en fait les quatre premieres, qui sont en la librairie royale de Fontainebleau. En l'endroit de la tragedie où Orestes tue Clytemnestra pour denoter la vengeance que le sang respandu crie contre les meurtriers vn chorus dit ainsi,

Ceux qui sont sous la terre

Aux vivans font la guerre,

Car les morts, des meurtriers veulent le sang auoir

Vn chacun de cela peut exemple icy voir.

L E G E R B O N T E M P S religieux de S^c Benigne à Dijon a escrit

La verité de la foy chrestienne, contenant douze protestations surant l'ordre des douze articles d'icelle. [impr. à Rouen 16°. par Jean du Gorb] Consolatoire des affliges. [impr. à Paris 16°. par Vincent Sertenas] Le Miroir de parfaite beauté, contenant cinq meditations sur la salutation angelique. [impr. à Paris 16°. par Guillaume Guillard 1547.

V v 4

Narrat

Narration contre la vanité & abus d'aucuns plus que trop fondez en l'Astrologie indiciaire & deuineresse, & de ceux qui y croient trop de leger. [impr. à Lyon 16°. par Benoit Rigaud 1558.

L'adresse de vertu en laquelle sont conrenus plusieurs beaux exhortemens à bien & vertueusement viure & contemner les vanitez du monde. traduiete du latin de Sainct Euchaïre Euesque de Lybn. [impr. par Jean Saugrain 1558.

Les Principes & premiers elemens de la foy chrestienne, contenans sept meditations sur l'usaison Dominicale, cinq autres sur la salutation angelique, & douze protestations sur les douze articles de la foy. [impr. à Lyon 16°. par Benoit Rigaud 1558.

Responſe aux obiections & poincts principaux de ceux qui se dient vouloir reformer l'eglise, recueillie en partie d'une epistre d'Erasmus de Roterodam par luy écrite au peuple de la basse Alemaigne. [impr. à Paris 8°. par Nicolas Chesneau 1562.

La Reigle des chrestiens contenant les doctrines & enseignemens que les eurez & vicaires doiuent selo le deuoir de bōs pasteurs faire en leurs propres, & ailleurs à tous leurs paroissies: ce que les peres, heres, maistres & maistresses, & to⁹ ceux qui ont charge principalement de la ieunesse, sont tenus selon Dieu faire à tous ceux desquels ils ont charge & conduite pour l'observation des commandemens de Dieu. [impr. à Paris 8°. par Nicolas Chesneau 1568.

De l'autorité & puissance du Pape Vicaire de nostre seigneur Iesus-Christ. Contre ceux qui par moquerie appellent les bons chrestiens Papistes. [impr. à Paris 8°. par Nicolas Chesneau 1562.

LEON BAPTISTE ALBERT.

La Deiphire du Seigneur Leon Baptiste Albert, Florentin, qui enseigne d'euer amour mal commencé. mise d'Italien en François. [Impr. à Paris & à Lyon. 16°. latin françois.

LEON HEBRIEV. Philosophie d'amour. Voyez Denys Sauvage. Pontus de Tyard.

LEON LADVLI Champenois a escrit

Propos Rustiques & discours facecieux & de singuliere recreation. [impr. à Lyon 8°. par Jean de Tournes, & à Paris 16°. par Estienne Groulleau 1554.

Les Baliuerneries d'Eutrapel, liure facecieux. [impr. à Paris par Guillaume Nyuerd, & depuis à Lyon 16°. par Pierre de Tours 1549.

LEON TRIPPAVT, Conseiller du Roy au siege presidial d'Orleans a escrit,

Dictionnaire François-Grec. [impr. à Orleans 8°. par Eloy Gibier 1579.

LEONARD ARETIN. Voyez Claude Griuel. Jean le Vesgue.

LEONARD BOTAL,

Traicté de la maniere de saigner, scarifier & appliquer les Sanſues, tresvtils à tous barbiers & chirurgiens. Titré & traduit des oeuvres de M. Leonard Botal conseiller & medecin ordinaire du Roy. [imprimé à Lyon par Jean Huguetan.

LEON

LEONARD FIORAVANTI.

Miroir vniuersel des arts & sciences en general, de Leonard Fiorauanti Bouloignois Docteur en medecine diuisé en trois liures. Au premier est traité de tous les arts liberaux & mechaniques, & se monstrent tous les secrets qui sont en iceux de plus grande importance. Au second, de diuerses sciences, histoires & contemplations des Philosophes anciens. Au 3. sont contenus plusieurs secrets & notables inuentions. traduit d'Italien par Gab. Chapuis. [impri. à Paris 8°. par Pierre Cauellat 1584.

LEONARD FOVSCH.

Receptes & remedes contre la peste traduites du latin de Leonard Fousch par l'amateur de santé publique. [impr. à Paris 16°. par Michel Buffet 1580.

Le Thresor de medecine, tant Theorique que Practique: contenant deux traittez par chapitres, composé par M. Leonard Fousch & Iean Goy medecins ordinaires de l'Empereur Charles V. & du tres-chrestien Roy de Frâce François premier de ce nom : Oeure fort singulier pour le secours du corps humain. [impr. à Poictiers 8°. par Nicolas Peletier 1560.

L'histoire des Plantes. Voyez Eloy Maignan. Guillaume Gueroult.

LEONARD IANIER, Curé de saint Estienne de Furan en Forest a escrit,

Sermon du iugement final vniuersel & general de Iesus Christ, colligé des Oracles prophetiques, sermons Euangeliques, Epistres apostoliques, propres & pures sentences des saints Docteurs grecs & latins. [impri. à Lyon 8°. par Pierre Merant 1567.

Probation des saints Sacremés de l'Eglise Catholique & Romaine, instituez par Iesus Christ nostre Sauueur. Avec vn discours des prosnes & exhortatiós. [impr. à Paris 8°. par Gilles Gourbin 1577.

Sermons Euangeliques & Apostoliques sur les Dimanches & festes solénelles de toute l'annee, où sont contenues plusieurs belles sentences tirees de la sainte escriture. Tome premier depuis l'Aduent iusques à la Pentecoste. [impr. à Paris 8°. par Guillaume Chaudiere 1571.

Second Tome de Sermons, à sçauoir depuis la Pentecoste iusques à l'aduent. [impr. de mesmes.

LEONARD VAIR.

Trois liures des charmes, sorcelages, ou enchantemens, esquels toutes les especes & causes des charmes sont methodiquement expliquees, selon l'opinion tant des Philosophes que des Theologiens. Avec les vrais contrepoisons pour rabatre les impostures & illusions des Dæmons: & par mesme moyen les vaines bourdes qu'on met en auant touchant les causes de la puissance des sorcelleries y sont clairement refutees. faits en latin par Leonard Vair Espagnol Docteur en Theologie, & mis en François par Iulian Baudon Angenin. [imprimé à Paris 8°. par Nicolas Chesneau 1583.

LEONARD DE LA VILLE Charrolois, escriuain a escrit, Complainte & ceremonie de l'Eglise à son espoux Iesus-Christ contre les heretiques & Turcs, sur *Dapacem domine in diebus nostris*. Ensemble vne deploration de la France à Iesus-Christ, sur le Psalme, *Deus venerunt gentes in hereditatem*

tem

tem tuam. [impr. à Lyon 8°. par François Didier 1567.
 Traicté de la predestination. Contre Caluin. [impri. à Lyon 8°. par François Didier.
 Dacrigelafie spirituelle, &c. [imprimée à Lyon 8°. par Benoist Rigaud 1572.

LEVINVS LEMNIVS.

Les occultes merueilles & secrets de nature, avec plusieurs enseignemens des choses diuerfes tant par raison probable que par coniecture artificielle : exposees en deux liures latins par Leuin Lemhe medecin Zirlzeen, & traduits en françois par Iaques Gohory. [impr. à Paris 8°. par Galiot du Pré 1574.

LISSET BENANCIO a escrit,

Declaration des abus & tromperies que font les apothiquaines, fort vtile à vn chacun, studieux & curieux de sa santé. [impri. à Lyon 16°. par Michel Ioue 1556.

LE LIEVR (son nom propre, m'est incertain) a escrit le Blason de la cuisse, contenu au liure des Blasons des parties du corps feminin faits par diuers auteurs & imprimé.

LION IAMET grand amy de Clement Marot a escrit quelques rimes, que i'ay veu, entre autres vne Epistre à Marot, aucuns Epigrammes & l'epitaphe dudiect Marot, qui est insculpé en marbre dans l'Eglise de S. Jean de Thurin.

LONGVS.

Les amours Pastorales de Daphné & Chloé escrites en Grec par Longus ancien auteur & mises en François par Iaques Amyot.

LOYS ARIOSTE. Voyez Iean des Gouttes. Mellin de saint Gelais. Loys d'Orleans. Iean Fornier. Iean de la Taille. Iean Pierre de Mesmes. Philippes des Portes. Gilles fumée. Anthoine Mathé de la Val. Iean Antoine de Bayf. Claude Taillemond. Iean de Boissieres. P. de Brach. Berenger de la Tour.

LOYS Roy de France vnzième de ce nom.

Le Roier des guerres compilé par le Roy Loys vnzième contenât plusieurs bonnes conclusions & aduertissemens pour la defense & gouuernement du Royaume [impr. à Lyon 4°. par Oliuier Arnoullet.

LOYS D'AVILA.

Guerre d'Alemagne. Voyez Gilles Boyleau. Mathieu Vaulcher. Deploration sur le trespas de tres-illustre & excellente princesse Isabelle de Valois Roine d'Espagne traduite de l'Espagnol de Loys d'Auila en vers françois. [impr. à Lyon 8°. par Michel Ioue 1569.

LOYS DE BALSAC natif de Rhodes en Rouergue, disciple de Iean Dorat, a escrit quelques poesies françoises, qui sont meslees parmy trois liures en vers latins qu'il a fait. [impri. à Paris 8°. par Guillaume Lillian 1578.

LOYS DE BAR, sous-dataire de nostre S. Pere Gregoire XIII. a traduit de l'Italien de l'excellent docteur & predicateur Seraphin de Fermo deux traictez spirituels, le premier intitulé

Miroir

Miroir interieur auquel chacun desirant plaire à Dieu, peut clairement voir & cognoistre tous ses deffauts & imperfections & routes les taches de son ame, & trouuer le remede contre icelles. Et le second, de la cognoissance & victoire de soy-mesme, contenant 10. chapitres. [impri. à Paris 16°. par Guillaume Chaudiere 1378.

Autre traicté dudit Seraphin de l'oraison interieure, vray moyen pour preparer nos ames à receuoir les dons de Dieu. Avec vn autre traicté de la cōuerſion & fructueuse penitence. traduits par le mesme Loys de Bar. impr. à Paris 16°. par G. Chaudiere 1573.

LOYS BISSON a reduict de quatre parties en *Duo* sans rien charger de la musique du superius excepté quelques pauses
Plusieurs excellentes chansons imprimees à Paris par Nicolas du Chemin 1567.

Trente chansons à deux parties par E. Gardane & A. de Villiers, imprimees en deux volumes. Le second parfait par Loys Biffon. [à Paris par Nicolas du Chemin 1567.

LOYS BLOIS.

Institution spirituelle, fort vtile à ceux qui taschent à perfection de vie : avec vn exercice de deuotes oraisons & vne Apologie pour Iean Tauler. Auteur Loys de Blois, Abbé du monastere de Liefse & traduit de latin en françois par vn religieux du mesme monastere, ordre de S. Benoist. [impr. à Louvain 12°. par Pierre Iossé 1570.

Reigle pour l'apprenty spirituel &c. traduit par Iean Bouillon.

Miroir spirituel &c. traduit par Iean de Billy.

Table spirituelle &c. traduit par Charles de saint Simon.

Collyre pour les heretiques &c. traduit par Iean Tonnelier.

LOYS BOULENGER.

Calculation, description, & geographie verifiee du Royaume de France, tant du tour, du large, que du long d'iceluy deschifree par le menu iusques aux arpents & pas de terre en iceluy compris, Avec la computation, valeur & somme des deniers qui se peuuent liberalement exiger sur ledit pays sans molestation des habitans. Ensemble la description du bien spirituel & ecclesiastique, & denombrement des Archeueschez, Eueschez & Abbayes dudit Royaume, avec le taux du vacant d'icelles : Le tout calculé & sommé par maistre Loys Boulenger tres-expert Geometrien & Astronome. [imprimé à Lyon 1525.

De la grandeur du Royaume de France.

Despuis S. Iean de Luz prez des monts Pyrenées iusques à Geneue pres des monts S. Bernard y a deux cens liües : & despuis Bouloigne assise sur la mer Oceane tirant vers Septentrion iusques à Marseille assise sur la mer Mediteranee tirant sur le midy trauerſant le Royaume de France sont deux cens liües. Or audit Royaume y a quarante mille lieües & chacune lieüe est carree de tous quartiers & en chacune d'icelles lieues sont cinq mille arpens de terre qui sont en tout deux cens millions d'arpens. Et pource qu'il y a plusieurs fo-

testz, riuieres & chemins, & pais infertile il en fault rabatre la moitié & reste cent millions d'arpens bons & fertiles. Item audit Royaume sont xii. Arcueueschez, xcii. Eueschez, xviii. Duchez, lxxxvi. Comtez. vi. cens mille villes & villages bien habitez & fertiles ayans enuiron vingtcing millions de feux.

L O Y S B O V R G E O I S Parisien a mis 83. Psalmes de Daud en Musique (fort conuenable aux instrumens) à quatre, cinq, & six parties, tant à voix pareilles qu'autrement: dont la Bassécôte tient le subiet, à fin que ceux qui voudront chanter avec elle à l'vny son ou à l'octaue, accordent aux autres parties diminuees. Plus le Cantique de Simeon, les commandemens de Dieu, les prieres deuant & apres le repas. Et vn Canon à 4. ou à 5. parties, & vn autre à 8. [impr. à Paris par Antoine le Clerc 1561.

Il a escrit

Le droict chemin de Musique contenant 12. chap. [impr. à Geneue l'an 1550.

L O Y S le C A R O N autrement dict Charondas, Parisien.

Comme la cognoissance de la Philosophie naturelle est grandement requise au medecin, aussi est la morale à celuy qui fait profession de la science du droit; laquelle appartient aux meurs & guide les hommes à la vertu. Dequoy porte tesmoignage le diuin Platon Prince des Philosophes en ce qu'il a escrit des loix, comme de mesmes a fait Ciceron, & à leur imitation Loys le Caron n'a moins embrassé l'estude des loix que la Philosophie, parmy la serietuse occupation desquelles sciences il a meslé la poësie qui est des dependances de la Philosophie morale; & espris d'une fureur diuine a chanté des vers tant sur le subiet de l'amour que autre. Mais s'il a esté poëte, il n'a esté moindre Orateur. Ses escrits en font foy, qui sont:

La poësie contenant 100. Sonnets, le demon d'Amour, Odes, le ciel des graces, &c. [impr. à Paris 8°. par Gilles Robinot 1554.

La clarté amoureuse contenant 79. Sonnets. [impr. avec la Claire de la Prudence de droict.

Ses œuvres en prose.

La Claire ou, de la Prudence de droict Dialogue. [impr. à Paris 8°. par Gilles Corrozet 1554.

La Philosophie. Premier & second liure. [impr. à Paris 4°. par Jean Longis 1555.

Les Dialogues. Premier liure, contenant cinq dialogues assauoir, Le Courtisan premier, Ou, que le Prince doit philosopher. Le Courtisan second, Ou, de la vraye sagesse, & des louanges de la philosophie. Valton, de la tranquillité de l'esprit ou du souuerain bien. Ronfard, ou de la poësie. Claire, ou de la beauté quatre dialogues, desquels le premier est comme l'argument ou epitome des autres. [impr. à Paris 8°. par Jean Longis 1556.

Commentaire sur l'Edict des secondes Noces fait par le Roy François second du nom. [impr. à Paris 8°. par Galior du Pré 1560.

Panegyrique ou oraison de louange au Roy Charles ix. présenté à la Roine mere du Roy. [impr. à Paris 8°. par Robert Estienne 1566.

Panegyrique second. Ou de l'amour du Prince, & obeissance du peuple enuers

uersluy. Au Roy Charles ix. [impr. de mesmes par ledit Robert Estienne 1567.

Panegyrique 111. Du deuoir des Magistrats. Au Roy Charles ix. [imprimé de mesmes.

Remerciement ou recognoissance de graces, à la Roinè mere du Roy. [impr. de mesmes.

Responſes du droit François, confirmées par arreſts des courts ſouueraines de France. Avec vn Auantpropos contenant pluſieurs graues diſcours, de la prudence ciuile, & hiſtoire françoise, Liures premier & ſecond. [impri. à Paris 8°. par Vincent Normant 1576.

Liure troiſieſme des Reſponſes du droit françois. Avec vne reſponſe politique ſur les moyes pour empêcher ou appaiſer les troubles & ſéditions, plaine d'eloquence & ſinguliere doctrine. [impr. à Paris 8°. par Vincent Normant 1577.

Queſtions diuerſes & diſcours en nombre quinze. [impr. à Paris 4°. par Vincent Normant 1579.

Le droit ciuil, ou couſtume reformée & redigée par eſcrit de la ville, viconté & preuſté de Paris. Avec les annotatiós de Loys Charondas & vn Auantpropos au Senat & peuple Pariſien. [impr. à Paris 8°. par Pierre l'Huillier 1582.

Liure quatrieſme des Reſponſes du droit françois. [impr. à Paris 8°. par Vincent Normant 1582.

Idem Le cinquieſme liure des Reſponſes du droit françois. [impr. de mesmes 1584.

Nous attendons de luy les Pandectes du droit françois qu'il promet mettre en lumiere.

Ludouici Charonda reſponſarum, ſeu veriſimilium libri tres.

Scriptit etiam ſuper 1°. ff. noui in titul. de verb. oblig. ſcholia.

Eiuſdem de iuriſdictione & imperio libellus.

Item, De reſtituenda, & in artem redigenda, iuriſprudentia.

Annotationes in leges antiquas à Zaſio collectas.

En la Prudence de Droit.

Vous ſcauez droit eſtre appellé ce qui ne s'oblique, n'incline ne çà ne là, ainſ eſt de toutes parts également eſleué. De laquelle ſignification eſt deſcendu le nom de Droit. Car ſi nous cōſiderons que c'eſt que droit, & en quoy il giſt, nous cognoiſtrons qu'il ne pourroit eſtre extraict de plus naïue & propre origine, que de celle que nous diſons: parce que le Droit eſt vne eſgalité, qui rend à chacun ce qui luy appartient, ne flechiſſant à la faueur, ou hayne de l'un plus que de l'autre: & remunerer les iuſtes de ſi droite balance, que ſelon le deuoir & office de chacun les bien-faits ſont recompencez: & les iniuſtes de la peine par eux meritee raiſonnablement punis. Ceſte eſgalité eſt la reigle des choſes iuſtes & honneſtes, c'eſt celle, qui doit premiere dominer ez con-

Xx

tracts,

tracts,iugemens & autres affaires & commerces,c'est celle qui est le vray-fondement de iustice.Et dit tresélegamment Ciceron au second liure des offices, que le droict a tousiours esté dit iuste & egal : car autrement il ne seroit drott. Les iurifconsultes,orateurs & autres latins nomment le droict *Ius*, lequel mot Vlpian dit estre appelé de iustice, comme si iustice estoit dicté quasi droict sistant.

En la Philosophie.

Il n'est rien plus excellent,plus royal,plus diuin, que la Philosophie, qui embrasse toutes les sciences.C'est elle qui rend l'homme digne de l'honneur, qu'il a sur tous les autres animaux. Qui est plus noble, que reluire entre les homes, aussi clairement qu'ils excellent sur les bestes? Qui est plus vtile & necessaire à la vie humaine, que ceste vertu? laquelle résistante à l'impitoyable inîture du temps,né se trouble de la cruauté, qu'il s'efforce luy faire: laquelle ne tremble aux menasses & iniustes volleries des tyrans, laquelle est tant puissante de soy-mesme,qu'elle dedaigne les inconstantes faueurs? Que pourroit on trouuer,ou penser plus conuenable à la dignité de l'homme, plus vertueux, pour fieschir les affections corporelles à l'obeissance de l'ame, pour retirer l'homme de l'abyssme d'ignorance? &c.

Au Dialogue, le Courtisan.

Qui voudroit nombrer les diuerfes sentences des hommes & les comprendre toutes, ne trouueroit à laquelle luy seroit meilleur de s'arrester. Car depuis que la raison ne gouerne les estudes & conseils de l'homme: infinies conceptions le tirent en contraires pensees: tellement que rien ne luy peut plaire, rien ne luy semble deuoir estre dict ne pense, que ce qui conuient & accorde à ses imaginations. Je ne m'esbahy donc si la philosophie n'est estimee tant gracieuse,qu'on veut estre la gentillesse des courtisans, desquelles elle ne peut flatter les voluptez.Mais si tu consideres avec moy combien elle est excellente,ie te pense si bien né,que la iugeras toute royale & digne des plus vertueux princes &c.

Au Dialogue Valton.

Nature (laquelle aucuns des anciens appellent Dieu, les autres vne puissance diuine,dispersee par l'vniuers,& incomprenable par le sens) est reputece celle, qui comprend & entretient toutes les choses creees de Dieu, Et entre les autres,l'homme libre, franc & vray seigneur des bestes, plantes, metaux, & de tout ce que le ciel enuironne: mais suiet à Dieu le souuerain Roy du monde. En l'homme le corps est conioint à l'ame,non comme partie d'elle, ou est sans ensemblement mellez & confus:car l'ame retient tousiours son essence,& par elle seule il est (que ie parle ainsi) ennature: tellemét qu'on la peut dire la forme,non du corps, qui de soy n'est rien: ains de l'homme, lequel sans elle n'a nulle vie,force ne cognoissance. Ainsi donc il moyenne de la vertu celeste & de l'estat mortel. Nous voyons ez hommes principalement de noble & vertueux esprit, que l'ame ne s'adonne tant aux basses choses, qu'aux plus excellentes & esloignees du corps, qui nous fait asseurer qu'un plus diuin entendement

ment gouuerne tout l'homme, lequel Platon escrit Dieu auoir donné à chacun de nous comme vn Demon.

Au Dialogue Ronsard.

Quand les poëtes descriuent quelques choses horribles, quelques faicts tristes & miserables, quelques meurs & affections vehementes, il ne faut tant regarder au suiet, qu'à la bien-seance de l'art, qui l'a diligemment exprimé. Quelle grace auroit ou la peinture, ou le discours de la chose laide, si elle n'estoit peinte ou descrite selon son naturel? On doit considerer en la poësie ou les excellentes & admirables sentences desquelles elle est toute pleine, ou l'agencement & conuenance des personnes & des choses accommodees à l'argument proposé. Quand le Poëte décrit le mol & lassif Paris fuyant de la bataille au liët, que nous declare il autre chose, que les meurs d'un homme voluptueux & effeminé? Toutesfois il ne le propose à imiter, ains plustost à fuir & desestimer.

Au Dialogue la Claire ou de la beauté:

La beauté n'est autre chose, que la naïfue grace du corps conuenablement proportionné & en luy tout & en ses parties: & orné de bien seantes couleurs. Ceste description est tiree de la commune raison de nature, & peut estre aucunement accommodee à toutes les choses, lesquelles sont appellees belles. Car nature ne se propose, que de rendre parfaict & accompli ce qu'elle procreë: & partant elle s'efforce de composer chacune chose en tel ordre & conuenance de ses parties, qu'on ne puisse trouuer quelque deffaut ne messeance en sa disposition & agencement.

Au mesme dialogue il décrit vne beauté de ses viues couleurs comme s'ensuit.

La disposition de tout le corps sera de droicte & bien conuenable hauteur, la couleur blanche d'elle mesme, decoree d'un lustre naïuement vermeil, le chef bien composé: au regard des autres parties du corps, representant vne grace modestie, les cheveux blonds comme le plus fin or, le front bien poli, la face pure, les sourcils esleuez & distants ensemble cōuenablement, les yeux clairs, reluisans, agreables à voir, ne trop haussez ne trop demis, le nez droit separant egaleement la face, de iuste proportion & bien-flairante odeur, la bouche formee de telle grace, qu'entre les deux leüres vermeilles mediocrement ouuer-tes se monstrent les dents blanches comme le fin yuoire ou les perles exquisés, & tout le reste du visage embelly d'une gracieuse douceur & humanité: les bras bien ioincts, ne trop serrez ne trop estendus, les mains & les doigts de mesme conuenance & de couleur rosine: brief tout le corps de telle elegance, que rien ne soit en luy que bien-seant, digne d'estre regardé & de tel port, geste & maintien, que nul se puisse promettre quelque attente impudique: ains plustost que chacun admire & admirant honore la honte virginale le premier ornement de la beauté, laquelle aussi doit estre accompagnée d'une benigne & amiable parole, ne trop molle & delicate, ne trop aspre & fiere: mais tousiours enrichie de quelque honneste deuis, non indigne des doctes oreilles.

Xx 2

Au

Au premier liure des Responses.

La fin de l'homme en ceste vie mortelle apres la cognoissance de Dieu, est de bien & heureusement viure: en quoy gist la profession de la iurispudence. Mais quand ie dy heureusement, ie n'entens parler d'un plaisir, duquel les richesses ou voluptez mondaines & fortuites chatouillent l'homme imprudent: ains d'une honneste tranquillité, qui a son contentement en l'honneur & vertu, & accompagne tousiours l'homme d'une ioyeuse esperance, que Pindare appelle la bonne nourrice de la villese.

En la responce Politique.

Mais nul des trois ordres ne veut receuoir les financiers parce qu'ils sont cause en partie de la necessité, en laquelle la France est tombee, s'estans enrichis durant les troubles & guerres ciuiles, & au parauant deslors que le royaume a commencé d'apauurir, des despouilles, larmes & calamitez de toutes especes de gens, qui ont passé par leurs mains rauissantes. Et au lieu que les autres citoyens ont perdu, ces subtils financiers ont gagné. Ne vous fiez à eux, hommes françois, d'autant qu'ils ne desirent qu'une confusion & desordre, & à l'exemple de Pericle conseillé par Alcibiade, qui estoit d'esprit violent, ne cherchent que les moyens pour ne rendre compte de leurs charges & administrations: ie ne dy tel compte qu'ils rendent avec les officiers de la chambre des comptes, qui les traictent en court souueraine: mais comme les estats assemblez du temps du Roy Charles sixiesme proposerent & requierent, assauoir de les recercher des biens qu'ils auoient quand ils sont venus à leurs offices, comme ils se sont gouuernez en ieu, quelles possessions ils ont acquises, combien ils sont braues & magnifiques en meubles & les grands edifices qu'ils ont faicts.

LOYS CHOQVET a mis en rime françoise par personnages Les Actes des Apostres & l'Apocalypse S. Jean, avec les cruautez de Domitian l'Empeur. Le tout à Paris en l'hostel de Flandres, l'an 1541. & impr. f°. par Arnoul & Charles les Angeliers.

LOYS DE CORBIERE S de Liuron en Valétinois de Dauphiné a traduit de latin, La Chiromance d'Antiochus Tibertus redigee en art, contenue en trois liures.

LOYS DE CREIL a traduit d'Italien Lettre pastorale du reuerendiss. Cardinal Borromeo Archeuesque de Mylan écrite à son peuple, en laquelle est déclaré que c'est que l'annee sainte du iubilé, le pardon qu'on y gagne, & comment on se doit preparer pour le prendre avec profit spirituel. [impr. à Paris 8°. par Guillaume Chaudiere 1574.

LOYS CYANEVS a traduit de latin en françois, L'histoire Ecclesiastique nommee Tripartite, diuisee en douze liures contenant les nobles & illustres faicts tant des hommes que des femmes de la primitive Eglise, fideles en Iesus-Christ, depuis le temps de Constantin le grand, iusques au temps de Theodose le ieune, écrite premierement en Grec par
trois

trois auteurs, assavoir Theodoritus Euesque de Tyr, Sozomenus & Socrates, tournée jadis en latin par Epiphanius Scholasticus, & redigee en vn brief recueil par Aurel. Cassiodorus Senateur. La traduction françoise imprimée à la diligence de Iean Ferrier Piemontois apres le decès du traducteur son ancien amy, à Paris f°. par Gilles Gourbin 1568.

LOYS DE GRENADE.

Le Memorial de la vie chrestienne &c. La premiere partie traduite par Geofroy de Billy, & la seconde par Nicole Colin. La Guyde des pécheurs à vertu &c. mise en françois par Paul du Mont & encores par ledit Nicole Colin qui a aussi traduit du mesme auteur les lieux communs ensemble les Predications. Le vray chemin pour acquerir & paruenir à la gloire de Dieu, traduit par Bellesforest, comme aussi les deuotes contemplations sur la vie mort & passion de nostre Seigneur. L'arbre de vie &c. Traducteur Nicolas Dany. Sermons du dernier iugement tournez en nostre langue par Gabriel de Saconnay. Le Miroir de la vie humaine &c. Traduit par Iean Chabanel.

LOYS GUICCIARDIN.

Description de tout le païs bas autrement dict la Germanie inferieure, ou basse Allemaigne. Par Loys Guicciardin gentilhomme & Patricien Florentin. Auec diuerses cartes geographiques dudit païs, aussi le pourtraict d'aucunes villes principales. Et vn ample discours sur le faict de la negociation & trafique de marchandise qui se fait audit païs. Traduit d'Italien en François. [impr. en Anuers f°. par Guillaume Syluius 1567. & par Christophle Plantin 1581.

Les Heures de recreation.

LOYS LE LARS a escrit en prose françoise, Luelle, Tragicomedie, disposée en actes & en Scenes suiuant les grecs & latins. [impr. à Paris 8°. par Robert le Maïgnier 1576.

LOYS LASSERE chanoine & Granger en l'eglise S. Martin de Tours a translaté de latin, La vie de S. Hierome, extraicte de plusieurs auteurs. [impr. à Paris 4°. par Iosé Badius 1529. Et depuis de beaucoup plus amplifiée par ledit Lassere, & impr. à Paris 4°. chez Charlotte Guillard.

LOYS LAVATER.

Trois liures des Apparitions des Esprits, fantosmes, prodiges & accidens merueilleux qui precedent souuentefois la mort de quelque personnage renommé, ou vn grand changement és choses de ce monde. Composez par Loys Lavater ministre de Zurich: traduits d'Aleman en François. Plus trois questions proposees & resoluës par Pierre Martyr Florentin, lesquelles conuiennent à cete matiere: traduites aussi de latin en françois. [impr. à Geneue 8°. par François Perrin 1571.

LOYS DE LAVNAY medecin à la Rochelle a escrit, Responſe au discours de Iaques Greuin docteur de Paris qu'il a escrit contre son liure de la faculté de l'Antimoine. [impr. à la Rochelle 4°. par Barthelomy Berton 1566,

LOYS LAZAREL,

Xx 3

Dialo

Dialogue de Loys Lazarel, Poëte chrestien à Ferdinand Roy, intitulé le Bassin d'Hermes: auquel il traite la maniere de cognoistre Dieu & soy mesme. *Prose.* Traduiët de latin en françois. [impr. à Paris 8°. par Estienne Groulleau 1577.

Pour autánt doncques, ô Roy, que vous me contraignez à esplucher la vraye intelligence, de ce qui a esté sans aucune parfaite decisiõ delaiissé de ceux, qui ont diuinement parlé (car de fait aussi au regard des choses diuines, l'humaine consideration, est coustumierement deceuë) ie veux que cecy, & ce qui en suivra puis apres, ne soit de nous autrement acertené, qu'il est de nostre mere sainte Eglise & assemblee des fides, approuvé, & maintenu pour verité. Car si ainsi est que Platon en ses loix prohibe de rien innouer ou adiouter à ce qu'on a receu de l'oracle de Delphy, de Dodon, ou d'Ammon, à moindre raison ne doit on rien innouer de ce qui nous a esté baillé par les saints Prophetes & esleuz du Dieu viuât, & mesme par Iesus Christ nostre sauueur, vray Dieu & vray homme. Et d'auantage, si ainsi est (comme le recite Platon en son Timee) qu'il faille de necessité adiouter foy à ceux qu'il appelle fils des dieux, encore que leur dire ne soit confirmé & de vray-semblable opinion, à plus forte raison conuiënt il auoir foy indubitable aux oracles & enseignemens du vray Dieu Iesus Christ, & aux commandemens de ses Prophetes & esleuz. Il n'est donc pas, ô Roy, que vous n'ayez ouy, & leués diuins oracles, Dieu auoir pour l'amour de l'homme faict & créé toutes choses, & l'homme pour l'amour de luy. Or apres qu'il eut créé l'homme pour l'amour de luy, à fin qu'il le recognust à seigneur & createur, & qu'il obeist à sa diuine volonté, il luy donna vne portion de sa diuine intelligence, à celle fin, que par le discours d'icelle il s'esleuast en diuine contemplation, & en contemplant Dieu attirast à soy les substantiels rayons de sa splendeur, & par ce moyen acquist sapience, & finalement la vie eternelle. Ce qui a esté signifié par la parabole de ceux, qui sont rauiz en la contemplation de leur amie, & de ce que Moysé appelle bois de vie. L E R O Y. Tu veux doncques conclure par cela, ô Lazarel, que le bois de vie, denote l'esleuation d'esprit és choses diuines. L A Z A R E L. Ie le pense ainsi, Sire, & (pour mieux dire) ie n'en fais doute. L E R O Y. Quel profit & emolument reuenoit il à l'homme de telle contemplation, sinon la tranquillité & l'heureux repos de son esprit? L A Z A R E L. Cela n'est pas de peu de conséquence, car outre l'heur & tranquillité de l'esprit, laquelle procede de là, pour acquerir sapience, il se pre paroît d'auantage à estre le digne temple où l'esprit de Dieu fist son seiour. Et auoit par ce moyen les anges de Dieu tousiours en sa compagnie, pour guides & protecteurs. Au moyen dequoy il deuoit à perpetuité (Dieu aidant) e uiter la mort, qu'il auoit encouruë par nature, & avecques ce obtenir incontinent, tout ce qui luy viendroit à gré. De la finalement luy prouenoient maints autres biens & prerogatiues. L E R O Y. C'estoyët choses de grande efficace, Lazarel, & dignes d'estre de tous desirées: Mais veu que par le goust du bois de science de bien & de mal, nous les auons perduës, I ay maintenant vouloir d'entendre, qui est ce bois dont est ensuiuie la ruine du genre humain, L A Z A R E L. Puis qu'ainsi est, que vous entendez que signifie le bois

bois de vie, vous pouuez aussi par ce moyen entendre facilement de vous mesme, que peut estre le bois de science de bien & de mal. Car par la declaration d'un des contraires, l'autre est déclaré. L E R O Y. Je le comprends par quelque coniecture, mais j'attends l'entendre plus apertement. L A Z A R E L, Vous devez sçavoir, que tout ainsi que l'amour, contemplation, & science des choses diuines, est signifiée par le bois de vie, aussi consequemment que l'affection és choses caduques & materielles, se peut appeller le bois de science de bien & de mal. L E R O Y. Cela ne me satisfait pas encore assez: & si ne le peux comprendre en mon esprit. Car il m'est fort difficile à croire que Dieu ait prohibé de considerer ce qu'il a fait, au moyen qu'il n'est aucun ouurier, qui empesche de voir, & affecter son ouirage. Et m'est encore plus difficile à croire, que par telle consideration, l'homme ait encouru la mort. L A Z A R E L. L'excellent & parfait ouurier Dieu, ô Roy, n'a pas deffendu la contemplation de ses œuvres: mais trop biē a deffendu, de trop s'y arrester, & comme le haut & supreme bien les affecter, ainsi que quelques anciens ont fait. Lesquels receuans le loyer, qu'ils meritoient, de leur iniquité, sont tombez en tel malheur & foruoyement d'esprit, qu'ils ont appelé & prins pour leurs dieux le Ciel, le Soleil, la Lune, les Estoilles, & les quatre Elements, & d'abondant quelques bestes brutes. Mais l'Eternel & tout puissant Dieu, veult & commande, toutes telles choses, estre comme par quelque discours, veuës & considerees, tellement que quasi par quelques degrez, nostre entendement se repleye en luy, & que l'humain esprit se repose tousiours sur la consideration de sa diuinité. Car les choses inuisibles de Dieu (ainsi que dit l'Apostre) à sçavoir sa puissance eternelle, & sa diuinité, apparoiſſent par la creation du monde, en les considerant par les œuvres d'iceluy. Et Hermès: Quand tu voudras voir (dit-il) & cognoistre Dieu, esleue ta veuë contre-mont, & regarde le Soleil, le cours de la Lune, finalement l'ordre de tous les autres astres, saint Denis, au liure qu'il a escrit des noms de Dieu, s'acorde à cecy, quand il dit: Nous dirons cela, & peut estre, à la verité, à sçavoir que ne cognoissons point Dieu, quant à sa nature & substance, car au regard de ce, il nous est incogneu, à raisō qu'il surpasse toute humaine apprehension: mais le cognoissons nous, par la biē ordōnee dispositiō de toutes ses creatures, qu'il a tirees hors de ses inuestigables secrets, & mis en lumiere de cognoissāce humaine, demōstrāt en cela & representant deuāt noz yeux, quelques images & semblāces de ses diuins exemplaires. De maniere que par ce moyen, nous montons (en tant qu'il nous est loysible) iusques à celuy qui excelle & surpasse toutes choses. En ceste maniere doncques, le souuerain ouurier, veult que ce qu'il a fait soit de nous consideré. Parquoy nous deuons, par toutes ces choses garder, & maintenir tel ordre, pour contempler ce que j'ay dict. Car le souuerain Dieu, a fait toutes choses, pour l'amour de l'homme, & l'homme pour l'amour de luy. L E R O Y. Je t'entends maintenant, & consens à ton dire. Mais ie vouſſe bien en oultre, que tu m'apportasses quelques certains tesmoignages des sages (si en as en main) lesquels s'accordent à celā, à celle fin, que ce que tu as dit, fust en mon esprit plus fermement emprinct. L A Z A R E L. Nous en auons plusieurs, Sire, mais soubz paraboles enueloppez, lesquels, à cause de leur prolixité,

xité, vous pourroient ennuyer, si ie m'arrestoys beaucoup à les reciter, ny le iour mesme suffiroit à les raconter par le menu. Si n'ay-ie toutesfois delibéré d'oultre passer, sans en referer quelques vns. Salomon en ses Prouerbes traitant de la sapience diuine, dit en ceste façon. C'est le bois de vie, à ceux qui l'apprehenderont, & seront heureux ceux qui le retiendront. Et de rechef, en la nommant la femme de nostre adolescence. Fais (dit il) que ta venue soit beniste, & t'esioys avecques la femme de ton adolescence. Car des le commencement, tout ainsi que l'homme conioinct avecques sa femme, prenoit plaisir avec elle : au cas pareil l'homme conioinct avec diuine sapience, apres auoir trouué qu'en elle consistoit le moyen de paruenir à la vie eternelle, se delectoit en elle. Et à ce propos, dit encore Salomon. Mon fils, dy à Sapience : Tu es ma sœur, & appelle prudence ton amie, à fin qu'elle te sauue & garde de la femme estrangere, & de celle qui appartient à autrui, laquelle farde ses parolles. Et ailleurs : Mets peine de te deliurer de la femme, qui est à autrui, & de l'estrangere, laquelle adoucist ses parolles, & delaisse le guyde de sa ieunesse, & met en oubly l'alliance de son Dieu. Car sa maison tend à la mort, & ses sentes es enfers. Et en mesme liure lit on, que Sapience a edifié vne maison, a entaillé sept colonnes, a immolé des bestes, a sacrifié pour la victoire, a brassé le vin, a dresé la table & apresté le festin, & finalement, qu'elle a dict en ceste façon : Venez, mangez mon pain, & beueez le vin que ie vous ay brassé. Delaissez vostre enfance, & vivez. Et vn peu plus bas : La femme folle, & criearde, & pleine d'attraits voluptueux, & ne sçachant rien, s'assied à l'huys de sa maison sur vne chaise, en vn hault lieu, pour appeller ceux qui passent par la voye, & qui vont leur chemin. Quiconque est petit (dit elle) vienne à moy. Et a parlé ainsi à l'insensé. Les eaux furtiues, sont plus douces que les autres, & le pain desrobé, est plus doulx, que n'est l'autre. Et n'a pas cogneu le pource malheureux qu'il y a leans des Geans, & ceux qui à ce festin sont inuitez, habitent au profond d'enfer. Celuy qui s'aioindra d'elle, descédra es enfers : au cōtraire celuy qui l'euitera, sera sauué. Tout ainsi donques q Salomon par tout cecy, appelle le bois de vie, & la femme de nostre adolescence, sapiēce diuine : aussi au contraire, appelle il prudence de la chair, & application de l'esprit aux choses terriennes, la folle femme criearde, pleine d'attraits voluptueux, ne sçachant rien du tout, la paillardes estrangere, & adultere. Dont vient, que saint Paul nous admoneste en ceste maniere. Si vous vivez de la cōcupiscence de la chair, vous mourrez : si par l'esprit vous mortifiez ses faits, vous vivrez. Hermès pareillement assure l'amour du corps, estre cause de la mort. Car celuy (dit-il) qui d'un amour illicite, & desordonné, aime son corps, il erre es tenebres, en luy mesme apperceuant assez, les miseres de la mort. Parquoy il faut sçauoir & entendre, que Sapience qu'induit Salomon auoir edifié vne maison, & l'auoir appuyée de colonnes, n'est autre chose, que l'amour & esleuation d'esprit es choses diuines. Ce qu'il appelle autre part la femme de nostre adolescence, & Moysé le bois de vie. Pour ceste cause est elle dictée, auoir à haute voix crié : Delaissez vostre enfance, & vivez. Mais la folle femme & criearde, laquelle est alleguée en la parabole de Salomon crier à haute voix deuant tous, en vn hault lieu de ville, signifie l'application d'esprit aux choses caduques & transitoires. Et par la

paillar

paillarde, adultere & estrangere, est denotee la prudence de la chair, dont parle l'Apostre. La prudence de la chair (dit-il) est enuers Dieu repute'e pour folie. Ce que certes, est ce que Moysé veut signifier par le bois de science de bien & de mal. Dont fut dit à Adam. En quelque iour que tu en māgeras, tu mourras de mort. Et Salomon. Qui d'elle se r'allira, il trespuchera és enfers. Et Dauid en ses Psalmes. Tous ceux qui de toy s'esloignent, ô Seigneur, periront. Tu as perdu tous ceux, qui suiuent autre que toy. L E R O Y. Tu fais assez cōmodément reuenir le sens des escritures au propos, que tu as entamé au dessus, d'ou vient que ie sois ia en iceluy asseuré & confirmé, sans y faire doute. Mais ie voudroy bien entendre, que veulent signifier les eaux furtiues, dont tu as touché vn peu au dessus, & le pain desrobé, & pourquoy la folle femme est dicte crier à haute voix deuant tous, à l'huis de sa maison. L A Z A R E L. Ie le ferois tres-volontiers, Sire, selon ma petite capacité, n'estoit que nous n'elloignerions par trop de nostre intencion. L E R O Y. Non point trop, donne dedans tant plus hardiment, que nous sommes oisifs. Et bien que soyons vn peu tombez du premier propos, nous retournerons tantost à nostre dessein. Responds doncques à la demande, que ie t'ay faicte. L A Z A R E L. Premièrement, Sire, Salomon en ses Prouerbes, nous admonneste persister en diuine sapience, par ces parolles. Boy l'eau de ta cisterne, & les ruisseaux de ta fontaine. Car attendu que la science des choses diuines, est nostre femme, & nostre cisterne, s'il aduient que nous allions à quelque autre estrangere, elle nous fournira, sans en auoir apperceuance, d'eaux desrobees, & de pain emblé. Car tous adulteres, sont communément appelez larcins, choses fausses, & contrefaictes, & bastardes. L'eau donques de nostre cisterne, signifie l'intelligence de sapience diuine: comme au contraire les eaux furtiues, l'intelligence de charnelle prudence. Lesquelles deux significations, sont ailleurs figurees par le vin. Le vin de diuine sapience, est celuy, duquel le Messie nous fournit, ainsi que Zacharie dit en sa prophetie. Qu'est-ce que le bien de Dieu? Qu'est-ce que sa beauté, sinon le forment de ses esleuz, & le vin engendrant les vierges? Car apres que par luy nous aurons esté faits vierges, sans aucune souilleure & corruption feminine, lors suiurons nous l'agneau par tout ou il ira, & pourront seuls chanter l'hymne & cantique des vierges, comme le dit saint Iean, és mysteres de sa reuelation. Au regard de celuy, qui denote la prudence charnelle, l'Apostre le deffend en ceste sorte. Donnez vous garde de vous enyurer du vin, où gist luxure. Car tout ainsi que nous sommes faits vierges, sans corruption, par le vin de sapience (car la chaste generation est celle, de ceux qui cherchent Dieu) aussi sommes nous faits adulteres & fornicateurs, par celuy de l'estrangere. Laquelle est à ceste cause dicte crier à haute voix à l'huis de sa maison, d'autant que la prudence charnelle, est tousiours ambicieuse d'honneur. Et encores qu'elle ne sçache rien du tout, si est ce neantmoins qu'elle appete estre tousiours veuë, & repute'e docte, & experimentee en tout sçauoir. Elle crie donques à haute voix deuant tous, & dispute par les ruës, estant garnie d'obscuritez de parolles, propos ambiguz, sortes subtilitez, & conclusions sophistiques. Mais celuy qui parle par cauillatoire argument (dit le Sage) est coustumierement hay & ennuyeux aux autres: & si fera en toutes cho-

choses defraudé, au moyen qu'il ne luy est donné aucune grace du Seigneur. Qui fait qu'il soit de toute sagesse denué. Mais ie vous supplie, Sire, que ne sortions plus si loing hors de nostre propos & premiere intention, ains retournons à nostre entreprise. Car i'ay bon vouloir de vous reueler à la fin de ce propos, quelque grand secret, touchant le dernier fruiet du bois de vie. Voire qui est en toute vertutant parfaict & accomply, que celuy qui en aura vne fois gousté, ne pourra oncques iamais autre chose appeter ne soubhaicter, en ceste mortelle vie. **L E R O Y.** Celà fera bon, & cuide bien qu'il n'est pas de petit estime, puis que tu le dis, dont ay vouloir de l'entendre. Mais à fin que ne laissions manque & imparfaict ce peu qui reste en ceste nostre dispute, expliquons le, premier qu'entamer autre chose: à sçauoir qui sont les Geans (desquels parle Salomon) qui frequentent ceste paillarde: consequemment, qui sont les femmes avecques lesquelles ne se souillent ceux qui sont vierges. **L A Z A R E L.** Ceux qui suiuent diuine sapience, sont communémēt dictz Pigmeans, c'est à dire Nains, selon l'interpretation de S. Hierosme. Pigmeans, dit il, vallent autant à dire, comme cogneuz du Seigneur, ou cognoissans le Seigneur. Desquels parle le Sauueur, Laissez venir à moy les petits: car c'est à eux, à qui appartient le Royaume des cieux. Et à ce propos, est escrit es psalmes de Dauid. La declaration de tes parolles, Seigneur, donne clerté & entendement, aux petis. Mais au rebours, ceux qui s'appliquent aux choses fragiles & mondaines, sont les Geans. Et pource est il dit es Prouerbes de Salomon. L'homme qui foruoyra en la voye de doctrine, demeurera en la compagnie des Geans. Sont ceux, qui ont edifié, & puis muni de hautes tours la ville de Babylon. Sont ceux, qui amoncelans montaignes sur montaignes, sont dictz par les poëtes auoir affecté vne fois le Royaume celeste. Lesquels finablement, ont esté accablez sous les montaignes, & du tout estaincts. Desquels est escrit en l'Ecclesiastique. Les anciens Geans, n'ont point prié pour les offences, parquoy ont esté destruiets, d'autant qu'ils se confioyent en leur force & vertu. Et Isaie: Nostre Seigneur (dit il) autres Seigneurs nous ont possédez que toy, fais seulement que par toy ayons souuenance de ton nom. Fais que ceux qui meurent ne vivent iamais, & que les Geans ne resuscitent plus. Parquoy tu les as visités & destruiets, & reduit toute leur memoire à neant. Qui est la cause pour laquelle les feinct on auoir les piedz comme serpens, à l'occasion que employans tout leur sens & astuce aux choses sensibles & materielles, ne se traient seulement que par choses viles & abiectes de ce mode, sans iamais s'eleueres diuines, ne croyans point plus la verité des choses qu'autant qu'elles s'esprouuent par les persuasions de sens. **L E R O Y.** Certes ie m'y accorde maintenant. Non seulement i'entens au vray que c'est que les Geans & parquoy sont appelez piedz de serpens, mais d'auantage m'est faicte ouuerture par ce moyen, à entendre la fiction du Poëte Hesiodé, de la femme Pandora. Laquelle il décrit auoir fort inconsiderément ouuert la boyste, que Iuppiter luy auoit enuoyee pour singulier present. Qui fut cause que tous les biens & vertuz s'enuolerent au ciel fors esperance seule, laquelle demeura au bort du vaisseau. Car que denote autre chose Pandora, qui vaut autant à dire, comme le don de toutes choses, sinon la science de toutes choses materielles, & sensibles:

bles? Laquelle ouurant le vaisseau de nostre entendement, & faisant en iceluy sa demeure, fait que tous les biens le delaissent, & qu'ils se departent de luy, & s'enuolent autre part fors esperance seulement. Car continuellement nous esperons que tout bien nous aduienne, iamaïs toutesfois ne voyons, que par ce moyen ce que nous esperons pouuoir obtenir, s'en ensuiue, au moyen que par telle esperance nous sommes reculez du boys de vie. L A Z A. C'est tresbien interpreté à vous Sire, encores qu'il me semble auoir autres fois chanté le contraire au liure de mes fastes, en ceste sorte.

*Bien qu'il soit dit par fabuleux mensonges
Qu'Epimethee fut cause de la mort:
Si toutesfois apert il que sont songes:
Car Eue fut, qui nous causa ce tort.*

LOYS MARCHANT Secretaire de l'Euesque d'Arras a traduit de latin

La vie de Caton le ieune que l'on nomme en latin *Cato Uticensis* escrite premierement en grec par Plutarque. [impr. à Lyon 16°. par George Poncet 1554.

LOYS DES MASVRES Tournisien a escrit Oeuures poëtiques contenant vers Lyriques, Epitaphes, Odes, La fable de Bilibis & Caunus, & autres choses. [impr. 4°. à Lyon par Iean de Tournes en l'an 1557.

Chant pastoral sur le partement de France & la bien-venue en Lorraine de Monseigneur Charles duc de Lorraine & de Madame Claude de France son espouse. [impr. à Lyon 8°. par Iean de Tournes 1559.

Tragedies saintes, Dauid combatant, Dauid fugitif, Dauid triomphant. [impr. 4°. par François Perrin 1566.

Bergerie spirituelle. interlocuteurs, Verité. Religion. Erreur. Prouidence diuine. [impr. de mesme.

Iosias Tragedie. [impr. à Geneue.

Hymne sur la iustice de Mets. De la prise de saint Quentin & de la conqueste de Calais, au Roy. [impr. à Tholose 4°. par G. Boudeuille 1558.

Vingt Pseaumes de Dauid traduits en rime françoise selon la verité Hebraïque. [impr. 4°. à Lyon par Iean de Tournes & Guillaume Gazeau 1557.

Eclogue sur l'enfance de Henry Marquis du Pont, fils premier nai de Charles duc de Lorraine. [impr. par François Perrin 1566.

Les xij. liures de l'Eneïde de Virgile traduits en vers françois. [impr. à Lyon 4°. par Iean de Tournes 1560. & à Paris avec toutes les œuures dudit Virgile. 16°. par Claude Micard 1576. les carmes latins, correspondans verset pour verset au François.

Le Ieu des eschecz translaté en françois du latin de Hierome Vida Cremonnois par ledit des Masvres. [impr. à Lyon 4°. par Iean de Tournes 1557. & dont le commencement est tel,

*Je chante en ieu vne guerre pourtraite:
D'un fier combat la semblance ie traite*

Tiree

*Tiree au vray, une feinte en buy d'armes:
 Le ieu d'un regne, & d'un camp de gendarmes.
 Comme deux Roys l'un à l'autre s'opposent:
 Et pour l'honneur au combat se disposent.
 L'un marche blanc, l'autre noir sur les rengs,
 Ainsi armez de harnois differens.
 Declarez moy Muses & Nymphes gentes
 Ces durs efforts & rencontres urgentes,
 Qu'aucun Poëte encor en escriuant
 N'a onc osé toucher par cy deuant.
 Chemin n'y ha: mais d'aller i ay enuie
 Où mon ardeur me raut & conuie.
 Et faut que (braue) entreprendre on me voye
 D'entrer aux lieux qui n'ont trace ne voye.*

Vasquin Phillieul a aussi traduit ledit opusculé du Ieu des Échez.

LOYS DE MATHA a traduit

Les Epistres d'Isocrates Orateur Grec tres-profitables à gouverner vne Republique. [impr. à Paris 4°. par Chrestien VVechel 1547.

LOYS MEIGRET Lyonnois a escrit,

Le Tretté de la Grammere françoëze [impr. à Paris 4°. chez Chrestien VVechel, en l'an 1550.

La responce à la dezesperee replique de Glaomalis de Vezeler, transformé en Gyllaome des Aotels. Ce liure sert d'Apologie pour les Meigretistes & leur ortographe blasmé par Guillaume des Autels: & a esté imprimé à Paris 4°. par Chrestien VVechel l'an 1551.

La responce à l'Apologie de Iaqes Pellerier. [imp. en mesme forme, lieu, & maison que dessus, l'an 1550.

Discours dudit Meigret touchant la creation du mode, & d'un seul createur, par raisons naturelles. [impr. à Paris 4°. par André VVechel 1554.

Traicté touchant le commun vsage de l'escriure françoise auquel est debatue des fautes & abuz en la vraye & ancienne puissance des lettres. [impr. à Paris 8°. par Iean Longis & Vincent Serteras.

Il a traduit

Le second liure de Pline sur l'histoire des œuures de nature. [impr. à Paris 8°. par Chrestien VVechel 1352.

Les cinq premiers liures des histoires de Polybe Megalopolitain impr. à Paris 8°. par Estienne Groulleau 1552. & f°. par Iean de Tournes à Lyon 1538. avec trois extraits des 6. 7. 8. & 16. liures dudit autheur, qui en a escrit quarante, dont ne sont restez entiers que les cinq premiers, où est deduite l'entreprise des Romains contre les Carthageois pour la conquête de la Sicile (durant laquelle se sont faits rencontres & batailles cruelles tant par mer que par terre) les combats furieux des Gaulois contre les Romains, la guerre d'entre Cleomene & Antigone pour la Moree, que par apres Philippe fils de
 !Deme-

Demetrie reprinse . Et les conquestes qu'a fait Hannibal en l'Espagne, avec son presque incroyable voyage en Italie fait en ses premiers ans. Ce qui suffise pour declarer l'argument & subiect traicté par Polybe lequel dès l'entree de son premier liure comme il est par tout fort sententieux, dit qu'il n'est point de voye plus assurée pour amender les hommes, que la cognoissance des choses passées : ce que son gentil traducteur françois s'efforce aussi de confirmer par viues raisons en l'Epistre qu'il adresse à la noblesse de France, où outre autres bons & elegans propos concernans ceste matiere il escrit disertement & sententieusement ce que s'ensuit: *Quoy qu'on die que les finances sont les nerfs de la guerre, j'estime toutesfois leur force sans conduite, telle qu'est celle du plus nerueux homme du monde assoury d'un profond sommeil, & auquel le sens a fait sa retraite pour son repos. Aussi n'est il rien si fort ne si vif en ce monde, que le sens de l'homme: ne chose si puissante & terrible que l'entendement en fin ne maistrise & domte. Et pourtant disons nous communement qu'engin vaut mieux que force. Je sçay bien toutesfois que hardiesse est un auantage grand & necessaire à l'homme de guerre, & mesmement au chef. Mais ie crains qu'à faute de consideration bonne & de sens, elle ne les rende quelquesfois outrecuidez & nonchalans du peril. Dont il aduient souuent qu'elle donne occasion à l'ennemy foible & couard, d'entreprendre une victoire, & faire le mestier d'un hardy. Parquoy la hardiesse sans conduite & sans vigilance est à toutes heures au danger d'embusches, de surprises & de honteuses fuites. Qui sont inconueniens desquels bien souuent se contregarde le couard: d'autant que la peur & crainte rend l'homme vigilant. Il dit vn peu apres, il faut auoir pour vaincre ceste piece de harnois bien aceree que nous appellons bon sens, ou bonne conduite. Croyez, que tout ainsi qu'un cheual, lors qu'il a pris son frain aux dents, forçant son maistre se iette sans crainte à trauers bois, rochers, & baricaues au danger de sa vie, comme plus il est gentil, vif, & courageux: que l'homme de guerre aussi, fort, & hardy, pourchasse aisément sa deffaitte à faute de conduite & de sens. Or tout ainsi que le corps requiert l'exercice pour se conseruer en santé, & pour estre disposé, & endurcy à porter la peine & le travail, que l'entendement au semblable desire estre exercité & dressé ou par considerations des choses passées, ou bien par celles qui se font à l'œil.*

Les quatre liures d'Albert Duret peintre & Geometrien tres-excellent, de la proportion des parties & pourtraits des corps humains, traduits de Latin, auxquels en l'Epistre que ledict Meigret a mis au commencement, il dit, *Parquoy est euident que l'artifice des images, n'est pas de soy vicieux: & que la deffense faite de Dieu de ne les faire, se doit refraindre, entant que son honneur, ou ses loix y sont offensees. Confessons donc que le seul abus des*
T y hommes

hommes en la reuerence deuë à Dieu qu'ils portent aux images & Statuës, est reprouuë de luy & n'ompas l'artifice. Et combien que parauenture on me pourra mettre en auant, qu'icelles statues donnent occasion de ceste façon d'idolatrie; si est-ce toutesfois que la faute ne prouient pas de l'image mais plustost de la fausse opinion qu'un auenglement d'entendement cause en l'homme par vne negligence en la recherche de la cognoissance d'un vray Dieu. Au surplus si nous voulions attribuer la coulpe aux choses dont les hommes abusent, il ne se trouuera rien en ce monde tant soit il necessaire à la vie de l'homme, & mesmes pour son salut, qui ne donne quelque occasiõ d'abus & de meschanceté.

Lesdits liures ont esté imprimez en vn volume f°. à Paris par Charles Perier en l'an 1557.

Le liure du monde fait par Aristote & enuoyé à Alexandre le grand, traduit par Meigret. [impr. à Paris 8°. par Denys Ianot 1541.

L'histoire de C. Crispe Saluste de la coniuration de L. Serge Catilin. Avec la premiere harangue de M. T. Ciceron contre iceluy: ensemble la guerre Iugurtine, avec l'inuectiue de Portius Latro contre ledict Catilin. [impri. à Paris f°. par Chrestien VVechel, & depuis à Lyon 16°. par Iean de Tournes 1556:

Les troisieme & quatrieme liures de Lucius Moderatus Columella, traictans du labour des vignes. [impr. à Paris 8°. par Denis Ianot & Iean Longis en l'an 1542.

La troisieme oraison d'Isocrates faite en la personne de Nicodes Roy de Chi pre touchant le deuoir des subiets à leur Prince. [impri. 8°. à Paris par Chrestien VVechel 1544.

Les trois liures de Marc Tulle Ciceron des offices, ou deuoirs de bien viure. [impr. à Paris 8°. par Chrestien VVechel 1547.

Les douze liures de Robert Valturin touchant la discipline militaire. [impri. à Paris f°. par Charles Perier 1555.

Le menteur ou l'incredule de Lucian traduit de Grec. Avec vne escriture quadrant à la prolation françoise, & les raisons. [impri. à Paris 4°. par Chrestien VVechel 1548.

LOYS DE MONIOVZIO V gentilhomme de Rouergue a escrit vn traité des Semaines de Daniel, & des paroles du Prophete Ezechiel, dedié au Roy. [imprimé à Paris chez Iaques du Puis 1582.

Item vn autre traité de la nouuelle Cosmographie, auquel il monstre les erreurs des Astronomes quant aux triplicitez, & signes.

Item deux liures de la doctrine de Platon, & de l'explication des nombres Platoniques, œuvre excellent, & de grand' erudition.

Il a escrit aussi en latin vn liure tresvtil *De re nummaria & ponderibus.*

Item les preceptes de Rhetorique mis exactement en table par vne singuliere methode.

LOYS MVSSSET Bailly de sainct Verain, Allagny, Cosme & Bohy

Bohy a escrit

Discours sur les remonstrances & reformatiōs de chacun estat, & declaratiō de l'obeissance du peuple aux Rois & Princes: & de l'amour & dilection, charge & deuoir desdicts Seigneurs enuers le peuple par toutes les nations Chrestiennes. [impr. à Paris 8°. par Nicolas Chesneau 1582.

LOYS D'ORLEANS Parisien a escrit,

Renaud. Imitation de l'Arioste. [impr. à Paris 8°. par Lucas Breyer 1572.

Cantique de victoire obtenuë par le Roy Charles ix. en Mars 1569. contenant 46. couplets. [impri. par Benoist Rigaud.

Sonnets sur le tombeau du sieur de la Chastre dict de Sillac gravé d'inscriptions de diuers poëtes. [impr. à Paris.

LOYS DE PAS a escrit

Histoire de Virginie. [Impr. à Paris 8°. par Robert Estienne.

LOYS DE PERVSIIS Escuyer de Cumons a escrit.

Discours des guerres aduenues en Prouence & Comté d'Auignon entre les Catholiques & ceux qui se disent Huguenots en l'an 1562. dedié aux dames & damoiselles d'Auignō & de la Comté de Venaiscin. Et au commencement y a vne Epistre en Italien, du sieur Fabrice Serbellon. [impri. en Anuers 8°. par Antoine Tiletis 1564.

LOYS PAPON a traduit du latin de Laurens Ioubert

Le premier & second-liure du Ris & de ses parties. [imprimé par Iean de Tournes.

LOYS DV PVY natif de Romans en Daulphiné a traduit de Grec

Les Epistres de Diogenes Philosophe Cynique. [impr. à Lyon 16°. par Iean Saugrain 1557.

LOYS LE ROY dict Regius scauant homme a escrit & traduit plusieurs beaux liures en françois, en bon & pur langage & non aucunement affecté. Aussi font ils beaucoup estimez des plus doctes, & se sont rendus d'eux mesmes si recommandables qu'ils seront à iamais avec leur autheur immortels. En voicy les tiltres:

Le Phedon de Platon traictant de l'immortalité de l'Ame. Le dixiesme liure de la Republique en ce qu'il parle de l'immortalité & des loyers & supplices eternels. Deux passages du mesme auteur de l'ame diuine & humaine, de leurs actions & affectiōs, l'un du Phedre, l'autre du Gorgias.

La remonstrance que feit Cyrus Roy des Perses à ses enfans & amis vn peu au parauant que mourir. [Le tout imprimé à Paris 4°. par Sebastien Nyuelle 1553.

Le premier, second & dixiesme liures de Iustice ou de la Republique de Platon. Plus Sermon de Theodorit Euesque de Cyropoli ancien philosophe & Theologien, de la prouidence & iustice diuine. [impr. à Paris 4°. par Sebastien Nyuelle 1555.

L'exortation d'Isocrates à Demonique. Oraïson du regne & de la maniere de bien regner. Le Symmachique ou du deuoir du Prince. Le premier liure de l'institution de Cyrus, ou du Prince parfait par Xenophon. Les louanges d'A-

Yy 2 gesilas

gesilas Roy des Lacedemoniens par le mesme Xenophon. [Le tour impr. à Paris 8°. par Vincent Serrenas 1560.

Consideration sur l'histoire françoise & vniuerselle de ce temps dont les merueilles sont succinctement recitees.

Discours tresellegant sur le grand & iadis tant renommé royaume des Perles, & la nourriture de leurs Rois: aussi sur la moderation de liberté & de seruitude qu'on doit garder ez estats publics à l'exemple desdicts Perles & des Atheniens: dont les vns pour auoir trop asserui leurs subiects en monarchie, les autres pour auoir trop pris de liberté en Democratie, furent corrompus & ruinez. Extraict du troisieme liure des loix de Platon & traduit de Grec. [Impr. à Paris 8°. par Federic Morel 1562.

Traicté des troubles & differens aduenans entre les hommes par la diuersité des religions: ensemble du commencement, progres & excellence de la religion chrestienne. [impr. à Paris 8°. par Federic Morel 1568.

Le Symposé de Platon, ou de l'amour & de beauté, traduit de Grec. Avec trois liures de Commentaires d'iceluy Regius sur ledit Symposé, extraicts de toute philosophie & recueillis des meilleurs auteurs tant grecs que latins. [impr. à Paris 4°. par Iean Longis & Robert le Maignier 1559.

Du bien aduenant aux Princes frere de leur amitié mutuelle & bonne intelligence entre eux. Par le grand Cyrus à Cambyse & Taoxares ses fils. traduit du grec de Xenophon. [impr. à Paris 8°. par Federic Morel 1575.

Exortation aux François pour viure en concorde & iouyr du bien de la paix. [impr. à Paris 8°. par Federic Morel 1570.

Proiect ou dessein du Royaume de France, pour en représenter en dix liures l'estat entier, sous le bon plaisir du Roy. [imp. de mesmes.

Les Monarchiques de Loys le Roy, ou de la Monarchie & des choses requises à son establissement & conseruation, avec la confercé des Royaumes & Empires plus celebres du monde anciens & modernes, en leurs commencemens, progres, accroissemens, estendues, reuenus, forces par mer & par terre, diuersitez de guerroyer, Trains & cours de Princes, conseils souuerains, polices, iudicatures, loix, Magistrats, durees, decadences & ruines. [A Paris 8°. De l'imprimerie de Federic Morel 1570.

De l'excellence du gouuernement royal. Avec exortation aux François de perseverer en iceluy, sans chercher mutations pernicieuses, ayans le Roy present digne de cest honneur, non seulement par le droit de legitime succession, mais aussi par le merite de sa propre vertu, & le royaume reiglé d'ancienneté par meilleur ordre que nul autre que lon sçache, estant plus vtile qu'il soit hereditaire qu'electif & administré par l'autorité du Roy & de son conseil ordinaire, que par l'aduis du peuple, non entendu ny experimenté aux affaires d'Estat. [impr. à Paris 4°. par Federic Morel 1576.

L'oraison du Seigneur Iean de Zamoscie gouuerneur de Belzs & de Zamech, l'un des ambassadeurs enuoyez en France par les Estats du royaume de Pologne & du grand Duché de Lithuanie, au Serenissime Roy eleu de Pologne Henry fils & frere des Roys de France Duc d'Anjou, sur la declaration de son election, & pourquoy il a esté preferé aux autres competeurs, où l'estat present

sent d'iceluy royaume est proposé au vray. traduite de latin en françois par Loys le Roy, dit Regius, à la requeste desdits Sieurs ambassadeurs, & imprimée à Paris 4°. par Federic Morel 1574.

Sept oraisons de Demosthene prince des orateurs, trois Olynthiaques & quatre Philippiques, pleines de matieres d'estat & de gouvernement, traduites du grec, & impr. à Paris 4°. par Federic Morel 1575.

Les Politiques d'Aristote esquelles est monstree la science de gouverner le genre humain en toutes especes d'estats publiques, traduites de grec. Avec expositions prises des meilleurs auteurs, spécialement d'Aristote mesme, & de Platon, conferees ensemble, où les occasions des matieres par eux traitees s'offroyent: Dont les obseruations & raisons sont esclaircies & confirmees par innumerables exemples anciens & modernes, recueillis des plus illustres Empires, Royaumes, Seigneuries & Republiques qui furent onques & dont on a peu auoir la cognoissance par escrit, ou par le fidele rapport d'autrui. Plus du commencement, progres & excellence de la Politique. [Le tout impr. à Paris f°. par Michel Vascosan 1576.

Deux oraisons françoises prononcees par Loys le Roy à Paris auant la lecture de Demosthené, au mois de Feburier 1576. L'une, des langues doctes & vulgaires, & de l'usage de l'eloquence. L'autre de l'estat de l'ancienne Grece depuis son commencement, iusques à ce qu'elle fut asseruie par les Macedoniens, necessaire à sçauoir pour l'intelligence des meilleurs auteurs Grecs & utile pour la consideration des troubles & changemens qui aduindrent lors, conformes à ceux du temps present. [impr. à Paris 4°. par Federic Morel 1576.

Douze liures de la Vicissitude ou varieté des choses en l'univers & concurrence des armes & des lettres par les premieres & plus illustres nations du monde, depuis le temps où a commencé la ciuilité & memoire humaine iusques à present. Plus s'il est vray ne se dire rien qui n'ait esté dict au parauant: & qu'il conuient par propres inuentions augmenter la doctrine des anciens, sans s'arrester seulement aux versions, expositions, corrections & abreges de leurs escrits. [impr. à Paris f°. par Pierre l'Huillier 1577.

Ludouici regij Constantini ad praestantissimos clarissimosque huius aetatis viros Epistolarum liber.

Eiusdem Selectiores aliquot epistola. [Parisys 4°. apud Federicū Morellum 1559.

Ad illustriss. Reginam D. Catharinam Medicem Franc. 11. Francia regis potentiss. matrem Consolatio in morte Henr. Regis eius mariti: ubi per occasionem exitus eius notabilis exponitur, qua qua antecesserunt aut consecuta sunt mirabilia narrantur. Eiusdem L. Regij Corollarium quod omnia infra Lunam prater animos caelitus demissos, mortalia & caduca, perpetuaeque mutationi obnoxia & quod &c. [Paris. 4°. apud Federicum Morellum 1560.

Prolegomena Politica prima est oratio ab eo habita Parisys initio professionis Regiae, in enarratione Politicorum Aristotelis. [Impressa 4°. à Fe-

derico Morello 1575.

Eiusdem Lud. Regij Orationes duae habita Parisijs anno 1575. Prima est de motu Francia, & casibus aliarum gentium, nationum, ciuitatum, urbium, regum & regiarum familiarum, qui in hanc aetatem incurrerunt. Altera, de iungenda sapiendi & sentiendi scientia cum orate dicendi facultate. Lutetia ex officina Federici Morelli 1576.

Gul. Budai Parisiensis viri clariss. & sua aetatis doctissimi vita, per Lud. Regium. Eiusdem Regij de Francisco Connano Iuriconsulto &c. [Lutetia 4^o. anno Domini 1577.

En l'Exhortation aux François:

Or est Sedition, dissention des citoyens. Si elle est des suiets enuers leurs superieurs & seigneurs, se nomme Rebellion: entre esgaulx, faction: entre priuez pour cas particulier, noise: entre Ecclesiastiques, schisme. Propremēt Sedition est entre gents de mesme pays, guerre contre l'estranger &c.

Iamais inimitiez & mescontentemens ne defaillent entre partialitez & differences de sectes, meurs, langues, seigneuries, lesquelles augmentent par moqueries, outrages, & iniures procedantes de telles dissimilitudes tant que par succession de temps deuiennent la pluspart irrecociliables. Si sont les hommes incitez à sedition par esperance de profit & honneur, ou par crainte du dommage & infamie: plus; par l'auarice, orgueil, rudesse des seigneurs, ou par mespris & haine qu'on leur porte: par enuie ou auancement indigne d'aucuns & accroissement desproportionné qu'on apperçoit en eux plus grand que les forces de l'estat ne peuuent supporter. Lesquels aussi estans outrageux de nature, & rendus puissans, entreprennent facilement contre leurs Princes & Republiques. Or naissent communement les seditions de petits commecemens: mais si elles ne sont promptement estaintes, tantost croissent infiniemēt, n'infestans seulement les maisons, bourgs & villes: mais aussi les Prouinces entieres. Parquoy il les faut assopir dez le commencement, & en retrancher les causes, avec preuoyance & prudence politique &c.

Si les sages estoient creus, lon n'immueroit ou innoueroit iamais rien sans urgente necessite, & trefeuidente vtilite: à cause des grands troubles qui en viennent en public & en priue. De maniere qu'il est plus expedient tolerer quelques imperfections des loix, & fautes des grands si elles ne sont trop preiudiciables, qu'en les cuidant corriger, renuerfer tout l'estat, selon le proverbe ancien, qui admonnest, n'esmouuoir le mal bien reposant, & ia cogneu, & auquel l'on est accoustumé. Hipocrates mesme en sa medecine aduertit que les choses accoustumees, iacoit que soyent pires, nuisent moins que les non accoustumees. Certes mutation en toutes choses, fors ez mauuaises, est tresdangereuse, ez saisons de l'annee, ez nourritures du corps, meurs de l'ame &c.

Quand donc la necessite presse changer, à fin que nouvelle mutation ne soit trop grieve, il conuient la faire peu à peu doucement, non rompre tout à vne fois impetueusement. Car le changement qui se fait par le menu est plus facile à supporter, & moins sensible: ainsi que Dieu mesme nous aduertit par ses

œuvres,

œuvres, lequel nous meine petit à petit des grandes chaleurs aux fortes ge-
lees, & des gelees & froidures aux chaleurs: ayant ordonné le printemps entre
l'hyuer & l'esté, & l'autonne entre l'esté & l'hyuer, faisons moyennes & plus
temperées. Aussi ne voyons nous point nature faire mutation quelconque
pour passer d'une extremité en autre sans moyen mutuel & reciproque. Com-
bien donc que nouuelleté soit agreable aux curieux, toutesfois elle est dange-
reuse à introduire, signamment és cas concernans l'estat & la religion &c.
Il n'y a en tout le monde region mieux situee que la France, plus belle, & plus
saine, commode, fertile, & abondante en toutes choses conuenables à l'entre-
tenemēt de la vie humaine. Car ou le chaud n'est trop ardet, ne le froid aspre
& long, ou n'y a pluies desmesurees, ny vêts beaucoup violents: ains perseue-
rent les parties de l'annee en disposition moderee, là se trouue agreable
temperie de l'air, salubrité d'eauës, fertilité de terres: moyennant lesquelles
choses le pays est rendu plaissant, sain, propre à produire tous bleds &
legumes, nourrir toutes plantes domestiques & sauuages, portans fruitès a-
bondamment en leurs saisons, les animaux mesmes y sont mieux formez, plus
grands & fertiles qu'ailleurs, sans iamais y deffaillir les habitans par famines &
pestes trop cruelles: mais où le chaud & froid, sec & humide excèdent, ils of-
fensent toutes choses, & les rendent pires. La temperature que ie dy se voit en
la France: laquelle estant situee entre Midy & Septentrion, & bien Orientee,
est tressalubre. Icy n'y a solitudes vagues, ne deserts sablonneux, ne bruières
ou landes inutiles, ne montaignes inaccessibleles, ne bois deshabitez, ne s'y trou-
uent serpens venimeux, ou bestes cruelles, & monstres horribles: mais se
voyent belles campagnes labourables, claires fontaines, ruisseaux & riuieres
coulans de toutes parts, verdes prairies, gras herbages, forests ombrageu-
ses, coustaux & collines couuertes de vignes, & tout le pays vestu de fleurs,
herbes, arbres, bleds: fourny de bestail, poissons, oiseaux, laines & cuirs, beur-
res & fromages d'un costé, huiles de l'autre. Et comme la vie humaine soit
substantee par trois choses, par le manger & boire, & par l'air que nous spirōs
& respirons incessamment, les plus conuenables à la nourriture des person-
nes sont les froments & les vins, que la France produict en telle abondance,
que non seulement, elle demeure fournie suffisamment: mais en aide à tous
ses voisins, qui ne s'en peuuent bonnement passer. D'auantage le sel qui don-
ne goust & saueur à la pluspart des viandes, & sert aux autres de confiture &
conserue, vient presque naturellement és deux mers la costoyans: qui est le
meilleur qu'on puisse trouuer, duquel se fournissent les estrangers de tous co-
stez, signamment les Septentrionaux: qui le viennent querir en Brouage avec
grosses flottes de hourques & nauires, telle fois cinq ou six cens ensemble. C'est
chose incroyable du lin & du chanvre qui y croissent, & des toilles qu'on en
tire pour porter en Espagne, en Barbarie, és Indes Orientales & Occidentales:
des antennes & cordages qu'on y apreste, dont tout le nauigage est equi-
pé, de la grande drapperie, du papier, & imprimerie qui s'y font, du pastel
pour la taincture, du safran qui y vient. L'on ne penseroit iamais en quelle
quantité sont recueillis les fruitès de toutes sortes, & enuoyez dehors: retenās
du naturel de la terre qui les produict, exquis en bonté & singuliere perfectiō:

Y y 4 & par-

& partant requis de toute parts. Les autres contrées ont certaines grates & singularitez distribuees particulièrement à chacune par nature regardant au bien commun de l'univers : qui ne peut perseverer en sa perfection sans telle variété, & à fin que les vnes ayans besoing des autres communiquent ensemble, entretenans la société du genre humain par secours mutuel & ayde reciproque. Mais la France n'est heureuse en vne chose singuliere & vne commodité seulement, ains abonde presque en toutes naturellement, ou par industrie : receuât vne douce humeur tât par les roses & pluyes qui y tombent souuêt, que par les ruisseaux & riuieres qui l'abreuuent de tous costez. Et ayant plusieurs fleuves nauigables courants les vns en la mer mediterrancee, les autres en l'ocean, esquels descendēt plusieurs autres moindres : elle recouure par le moyen du nauigage, facilité & commodité du commerce, ce qui est excellent ailleurs seruant plus à l'ornement, delices, & superfluitez qu'à la necessité. D'auantage elle est embellie en toutes ses parties de plusieurs beaux edifices, chasteaux, villages, bourgs, villes, & citez bien peuplees, riches & fortes, signamment celles des frontieres : entre lesquelles Paris est la capitale du royaume, estimee comme le premier miracle du monde, à cause de sa grandeur, multitude, industrie, & richesse des habitans, affluence de viures, & commodité d'autres choses, autorité, de patlement, & l'université florissante en toutes sciences, &c.

Au mode y a tousiours quelq bié meslé parmy le mal, & vôt par tour la vertu & le vice, passants de pays en pays, & regnans plus en vn tēps qu'en l'autre : car estans les affaires humains en perpetuel mouuement, ils montent & descendēt sans cesse, amendans ou empirans alternatiuement. Vne cité ou prouince instituee par quelque excellent legislateur, prospere quelque temps par la vertu de son gouuernemēt, & va de bien en mieux, tirât de droict fil vers, le milieu ou le fest de son vray cours politique, puis decline du haut en bas, ou du milieu en extremite, &c.

Je retourne à nos François, lesquels iaçoit que par trois fois ayent changé de familles royales : toutesfois ils ont cela propre qu'ils n'eurent iamais Prince estranger ; ordonnans sagement du commencement que le royaume yroit continuellement par succession de masse en masse, & ne sortiroit de son sang. Car les royaumes hereditaires sont moins subiects à dissentiōs ciuiles que les electifs, pour ausquels paruenir se font toutes pratiques & menees, en y adioutant souuent la force. Auant qu'establir certaine forme de gouuernement, ils trauaillerent grandement à chasser les Romains restans en Gaule, à dōpter les Allemans leurs competeurs, à repousser les Hunnois qui y estoient artuez en nombre de cinq cens mil, sous Attila soy disant Fleau de Dieu, à supplanter le royaume des Bourguignons & des Visigots, d'Austrasie, & Neustrie, de Bretagne, d'Aquitaine : à debeller les Sarrafins, chasser les Anglois. Mais apres qu'ils furent deliurez de tels ennemis, ils reglerent leur monarchie par trop meilleure ordre que nulle des autres dont nous ayons cognoissance à present, & dōt peut estre il soit memoire par les histoires. Je tais l'institution des pairs, erection des parlemens & chambres des comptes, renouvellement de la loy Salique, introduction d'apanage aux fils des Roys, interdiction de dons & alienation du domaine de la couronne sans cognoissance publique, alliance & confe-

confederations avec les estrangers, fortifications es frontieres gendarmerie ordinaire, estat de l'artillerie, marine de Leuât & Occident, maniemment & administration des finances, ordre de tous magistrats, offices, dignitez, capitaineries: appellations comme d'abus, pour bride: sans aucun scandalle, la puissance des prelatz entreprenans sur l'autorité royale, regales & archeueschez & eueschez, sermens de fidelité, pragmatique sanction, concordats & priuileges de l'Eglise Gallicane, & aultres telles cōsideratiōs par eux obseruees: qui monstrent assez leur prudence & preuoyance à la conduite, conseruation, & augmentation de l'estat. Ils choisirent le gouuernement royal comme le plus iuste, plus moderé, plus supportable & durable, plus paisible, puis reiglerent l'autorité des Roys par bonnes loix & coustumes: à fin qu'elle ne fust totalement absoluë: ne trop astrainte: lesquels de leur part se sont monstrez tant faciles enuers leurs subiets, que pour se faire obeyr, ils n'ont eu besoing d'estre seruis à genoux & testes nuës comme les Roys d'Angleterre: n'y qu'on baissast les yeux deuant eux quant ils marchent en public, comme les Empereurs des Turqs: ne qu'ils se feissent adorer, comme Alexandre le Grand & Auguste: ne qu'ils se montraissent au peuple le visage couuert, comme le prestre Iean: ou enclos en vne tour de fin voirre, comme le grand Cham de Cathay: ne qu'ils entretenissent armee pretorienne, comme les Empereurs Romains: mais par leur seule bonté ont esté mieuz seruis & suiuis que tous les autres: trouuans leurs subiets tousiours prests d'exposer avec singuliere affection non seulement les biens, mais aussi les vies, pour leur dignité & maiesté. D'auantage ils establirent les principales parties du Royaume, en sorte qu'ayans les suiets les biens, honneurs & charges publiques distribuees proportionnement entre eux, ils n'eussent occasion de se mescontenter du Roy, ou de contendre ensemble cherchans nouuelletez & mutation en l'estat. Les Nobles iouyssent de plusieurs grandes prerogatiues & preeminences: pourtant qu'ils defendent le demourant du peuple au danger de leurs vies. Ils sont exempts de toutes gabelles, aides, tailles, imposicions & subsides: tiennent les premiers honneurs du Royaume: ils possedēt en haute, basse, & moyēne iustice, villages, bourgs, villes, chasteaux & forteresses: avec vassaux tenans & releuans d'eux, obligez par foy & hommage: laquelle iustice depend neantmoins du Roy, & respond en dernier ressort à ses cours souueraines. Les Princes sont honorez comme collateraux des Rois: les Pairs assistent premiers es ceremonies & sacres des Rois habillez à l'antiquité, ayans leurs causes commises en premiere instance au Parlement de Paris, dont ils sont membres, en ce qui concerne leur pairie, & ne peuuent estre iugez que par leurs freres pairs. Et à eux tous portent tant de fiance les Rois, qu'ils en semblent estre domestiques leur estant loisible de les aborder sans soupçon, & de porter armes iusques en leur chambre: ce qui n'est permis aux autres. Outre ce y a gendarmerie ordinaire plus grande & mieux entretenue qu'en nul autre royaume: laquelle est introduite tant pour la defence du pays, que pour l'entrenement des gentils hommes. Tel est le traitement de la noblesse autant honorable & fauorable qu'il en puisse estre. Au regard du peuple il a occasion de se contenter exerçant librement toutes choses conuenantes à sa condition: il laboure, marchande, fait tous mestiers

mestiers mecaniques, tient fermes, ce qui est deffendu aux nobles, participe de plusieurs hommes & emolumens communs avec les nobles : à sçauoir de benefices grands, petits & moyens, offices de iudicature, finances, comptes, secreteries : qui luy est grand aduantage tant pour l'autorité que le profit. Encores peuuent ils paruenir a l'estat de noblesse, auquel ils aspirēt tousiours, comme au plus digne, par grace & priuilege, en faisant quelque recommandable seruice à la republique : par ainsi n'ont occasion de se mescontenter & machiner contre la noblesse, sçachans que par bons moyens & licites ils y peuuent paruenir estans en cete maniere entretenus les estats de la noblesse & du peuple, & iouissant chacun de ses droicts & libertez : à peine peut l'un opprimer l'autre ne les deux ensemble conspirer contre leur chef & monarque. Si la noblesse qui a les armes veut opprimer le peuple, la iustice l'en garde & la chastie : laquelle a autorité moiennant le congé du Roy, de mettre la force sus contre les rebelles : de sorte qu'il n'y a si grand, soit Prince ou autre, qui ne soit contrainct y obeir. Pareillement si le populaire qui est le plus grand en nombre se vouloit rebeller : la noblesse est si puissante avec la iustice, & icelluy peuple tant debile au faict des armes, qu'il peut estre aisement remis en son deuoir, &c.

Les François ont faict par le passé tant d'actes heroïques, tant d'expedition militaires par tout, & voïages d'outre mer contre les infideles : qu'en memoire de leur ancienne vertu, tous chrestiens d'Europe sont nommez François par les Asyens, Africains, Indiens, Abyssins, Perses, Tartares, Mores, Sarrazins : pour n'aucir les gens de pardelà guerres senti les armes d'autres chrestiens que des François, & la Chrestienté Latine appelée France, commē de la plus noble region qui soit en Occident. Et s'ils eussent recouuert historiens sçauans & eloquens, comme les Grecs & Romains, leurs gestes seroient plus celebres : attendu que l'on estime autant la vertu que les excellens entendemens la peuuent illustrer de paroles. Le malheur a esté qu'il n'y a eu que moins ignorans, ou estrangers enuieux, qui en ayent escrit. Les meilleurs d'entr'eux s'employoient aux negoces, aimās mieux faire que dire, & qu'on louast leurs beaux faits plustost qu'ils recitassent ceux d'autrui. Comme toutes nations en leurs commencemens soient pauvres, elles ne se soucient des lettres, & plusieurs trouuent d'hommes ayans loisir d'estudier, & escrire : à ceste cause les origines & antiquitez en sont ignorees : mais s'auancent par les armes, puis enrichies delaisent le dur exercice de la guerre, & avec opulence & oisueté s'appliquēt aux arts & sciences qui y viennent lors en reputation apres qu'elles ont pourueu aux choses necessaires à la vie, non au parauant. La raison pourquoy la vertu des Gaulois n'est cognuë, est d'autant qu'ils n'escriuoient rien, & que tombans souz l'obeissance des Romains, ils laisserent perdre leur langue en receuant la Latine. Et les François faisans leur principal exercice des armes, ne se sont souciez de recommander leurs faits à la posterité par histoires elegantes & fideles. &c.

Quand aux dissentions qui aduiennent au fait de la police, elles se font en quatre manieres : la premiere pour changer d'une forme de gouuernement en autre differēte : comme ia dis à Rome l'on vint de la monarchie des Rois, au gou-

uerne-

uernement de dix hommes, & apres au populaire, auquel les Romains furent longuement gouuernez par les Consuls, & le Senat, sous l'autorité du peuple: puis de rechef à la monarchie des Empereurs, par longues seditions avec force & violence. N'agueres les Republiques de Florence & de Sienne ont esté muees en Duché. Les Suisses qui auoient esté sous les Rois de France, puis sous l'Empire d'Allemagne, par l'insolence, cruauté & auarice des gouuerneurs qu'on leur enuoyoit, se rebellerent & feirent ligues ensemble, signamment contre les Ducs d'Austriche, qui les infestoient, & dresserent la Democratie diuisee par Cantons, en laquelle ils perseuerent. La seconde où les seditieux ne cherchent changer la forme du gouuernement: ains en entretenant le mesme estat, ils veulent qu'il soit administré par eux, comme en Angleterre les maisons de l'Enclastre & d'Iore debatoient non pour ruiner le Royaume, mais à qui en auroit l'administration. Les mutations aduenües en France des trois familles Royales, ont esté semblables. La monarchie donc demeure souuent, changeant seulement de famille, ou ville, ou prouince, ou en la forme d'y paruenir. De ville en ville, l'Empire de Rome à Constantinople, celui des Turcs de Bursie en Adrianopoly & à Constantinople. De prouince en prouince, le Royaume d'Assyrie en Medie, & de Medie en Perse, l'Empire Romain d'Italie en Grece, puis en France, quant l'aigle commença auoir deux testes, & en Allemagne où d'hereditaire il a esté fait electif. Tiercement quant les formes de gouuerner ne sont changees, ains varient par plus ou moins: comme en rendant la monarchie plus ou moins absoluë & rigoureuse ainsi qu'on dict du Roy Loys xi, qu'il rendit l'autorité Royale plus absoluë qu'elle n'estoit auparauant. Le Roy Loys douziesme, plus moderee. Quartement, ou ne taschent à muer l'estat totalement, ains en vne partie: comme es principaux magistrats, en la maniere de conseil & iuridicature, administration des finances, & au faict de la guerre. Anciennement tenir le parlement en France n'estoit autre chose qu'assembler les estats du Royaume, & communiquer par le Roy avec ses subiects, ou aucuns leurs deputez, de ses plus grands affaires: prendre leur aduis & conseil, ouyr aussi leurs plaintes & doleances, & y pouruoir, dont le nom est demeuré en Angleterre, & Escosse. Mais d'autant que par mesme moyen les Roys cognoissoient tant des plaintes generales qui concernoyent l'vniuersel, que des priuees qui regardent le particulier: le nom de Parlement est demeuré es audiences priuees, tenues par certain nombre de presidents & conseillers establis à Paris, Tholose, Bordeaux, Rouen, Dijon, Grenoble, Aix, Bretagne. Les audiences publiques reseruees par le Roy ont prins le nom d'Estats. Et le parlement à Paris d'annuel est deuenu ordinaire, & d'ordinaire semestrel, & de semestrel retourné ordinaire. La dictature à Rome fut erigee avec puissance absoluë à temps, pour remedier aux vrgens affaires de l'estat, & despuis supprimée. D'autant que Sylla premierement l'auoit retenue outre le temps prefix, & Iulles Cesar l'auoit faicte perpetuelle. Sylla n'osta du tout le tribunat, mais luy diminua l'autorité, en empeschât qu'on n'appellast plus aux tribuns, & qu'ils ne feissent nouuelles loix: mais voulut qu'ils eussent seulement pouuoir de s'opposer, & de faire assembler le senat: Pompee depuis restitua entierement ceste

ceste autorité. Le Maire du Palais a esté supprimé. Autresfois le Connestable a eu d'estat ordinaire quatre cens hommes d'armes: dôt luy mesme estoit commissaire, & en faisoit la monstre. La Iudicature à Rome fut ostee au Senat par les Gracques, & baillée au peuple: & par Sylla ostee aux cheualiers & au peuple, qui la restitua toute au Senat: despuis par Pompee remise aux cheualiers. Le maniemēt des finances de France a souuent mué, en y changeāt de temps en temps plusieurs officiers. En la discipline militaire, la gendarmerie ordinaire mise sus par le Roy Charles septiesme, & les legions par le Roy François premier: tous lesquels changemens n'auient communement sans tumulte, ou pour le moins sans crierie & grands mescontentemens, iusques à ce que l'on y soit accoustumé. Thucydide historien grec singulieremēt recommandé entre tous, comme tresveritable & trefelegant, a graüement décrit vne disension vniuerselle qui aduint en son temps par la Grece, procedant de la diuersité des gouuernemens: voulans les vns estre gouuérnez en demöcratie, c'est à dire par le peuple, les autres en oligarchie ou par petit nombre de personages plus apparens en noblesse, richesse, vertu: dont aduindrent plusieurs maux, & aduindront tousiours, tant que les gens seront de telle nature & inclination, & bien plus grands, moindres, ou d'autre sorte, selon que les cas des mutations escherront. *Des qu'on entendoit (dit-il) auoir esté faitte en un lieu quelque insolence, les autres prenoient courage de faire encore pis, pour attenter quelque cas de nouueau; on pour monstrer qu'ils estoient plus diligens que les autres, ou plus insolens & ardants à eulx venger. Et tous les maux qu'ils faisoient ils les appelloient par noms nouueaux & inusitez. Car ils nommoient la temerité magnanimité: tellement que les temeraires estoient nommez deffenseurs vertueux de leurs amis. Et la tardité & froideur ils nommoient vne honneste crainte: & la modestie pusillanimité couuerte: l'indignation precipitee virilité & hardiesse: la consultation & deliberation prudente, tergiuersation palliee: par ainsi celuy qui se monstroient tousiours furieux estoit reputé loyal amy, & le contredisant tenu à suspect: qui executoit bien ses entreprises & vengences, estoit reputé sage & scauant, & encores plus le prenoient celles de son ennemy, ou pouruoiant que de son costé n'y eust homme qui se despartist de la faction, ou eust crainte des ennemis. Somme toute, qui plus promptement nuisoit à l'autre estoit loué, & encores plus qui à ce faire induisoit vn autre n'y pensant pas. Laquelle faction estoit plus grande entre gens estrangers qu'entre parents: d'autant qu'ils estoient plus prests à faire toute entreprise sans aucune excusation. Aussi ces assemblees & conspirations ne se faisoient point par auctorité des loix, ne pour le bien de la republique: ains par auarice contre toute raison: & la foy qu'ils gardoyent entre eulx n'estoit pour religion qu'ils eussent, mais pour entretenir celle peste & ce crime en la republique. Si quelcun de faction contrarie disoit chose bonne & honneste ne l'acceptoyent comme telle: ne comme venant de cœur genereux, ains si elle estoit à leur profit, & aimoyent mieux venger*

venger quelcun, qu'il ne fut outragé, s'ils faisoient quelque appointement avec serement solennel, il duroit iusques à ce que l'une des parties fust la plus forte: après à la moindre occasion qu'ils trouuoient les aduersaires à leur aduantage, ils estoient plus ioyeux de les surprendre sous couleur d'iceluy appointement, que s'ils les eussent deffiez parauant: tant pource que cela estoit le plus seur, comme aussi qu'il sembloit grande prudence d'auoir vaincu le combat par malice: car aussi est il plus commun que les mauuais (dont le nombre est infini) soient appelez industrieux, que les simples & innocens bons: ainsi les gens sont honteux d'estre ainsi simples, & se glorifient d'estre mauuais. Lesquelles choses procedoyent d'avarice & conuoitise du bien d'autrui: d'où s'allumoyent les factions & partialitez. Car ceux qui estoient chefs des bandes par les citez, prenoient chacun une honneste occasion de leur partialité: à sçauoir les soustenans l'estat populaire, que c'estoit ciuille equalité: & les soustenans le petit nombre de gens particuliers, que c'estoit le regime des plus gens de bien qui est à preferer. Par ainsi chacun debatoit pour deffendre la republique quāt aux paroles: mais la fin de leur question, & l'effect de leur victoire estoit d'entreprendre toutes choses cruelles l'un contre l'autre par violence ou par forme de iustice & de punition: non ayans regard au bien commun, ne à ce que la iustice vouloit, mais au plaisir qu'ils auoient de voir le mal les uns des autres, fust par faulxes condempnations ou par violentes oppressions: estans tousiours prests à executer soudainement leur malice, sans porter aucun respect à la religion des dieux, en cas qu'ils feissent, ne qu'ils contractassent: ains qui sous couleur de paroles frauduleuses pouuoit mieux deceuoir l'autre, estoit le plus estimé: & si quelcun y auoit qui voulust estre neutre, sans tenir l'un parti ne l'autre: il estoit affolé de toutes les deux parts, fust parce qu'il ne tenoit leur party, ou par enuie qu'ils auoient de le voir en repos & exempt des maux que les autres souffroyent. Aussi la simplicité dont la generosité principalement participe, estoit exterminée & persecutée avec grande derision, & estoit tenu à chose excellente de preuenir les grands assauts, & les entreprises les uns des autres. Si quelque fois se reconcilioient ensemble, n'y auoit aucune seurété à leurs paroles, n'aucune crainte & reuerence à serment qu'ils feissent. Mais par la deffiance qu'ils auoient generalement les uns des autres, aymoient mieulx eux tenir sur leur garde, craignans d'estre surprins, que d'adiouster foy aucunement aux promesses de leurs ennemis. Mesmement les plus terribles & rudes gens, plus pauures d'esprit ou moins habilles, souuent pour uoyoyent mieux à leurs affaires, que les plus habilles: car cognoissans l'inbecilité de leurs entendemens, & l'habilité des autres, & par ce moyen craignans estre abusez de leurs paroles, & surprins de leurs subtilitez, prenoient temerairement aux ceuures de faict, là où les plus fins pour la petite estime qu'ils

ZZ auoient

auoyent des autres, eux confians que par leur subtilité ils preuerroyent les affaires de loing, & aussi voulans executer leurs entreprinſes pluſtoſt par conſeil & par art, que par force, eſtoient ſouuent ſurpris & affolez. En telle maniere par le moyen des factions tout le pays de la Grece endura toutes ſortes de maux: comme auſſi deſpuis ſe fit Rome par meſme occaſion du gouuernement, eſtant preſque continuellement bandé le peuple contre le Senat & la nobleſſe: d'autant que le Senat taſchoit dominer ſans meſure, & le peuple à eſtandre ſa liberté: laquelle diſſention fut le vray venin & peſte de leur cité qui confondit tous droicts diuins & humains, & iamais ne cessa qu'avec la ruine d'Italie. Ceux (dit Saluſte) qui troubloient la republique, le faiſoient ſous honneſtes tiltres: aucuns comme deffendants les droicts du peuple, les autres pour rendre l'autorité du Senat plus grande, & faignans que c'eſtoit pour le bien public, neantmoins chacun debatoit pour ſa puissance particuliere, ſans modeſtie & meſure, exerçant cruellement la victoire: à lors la nobleſſe commença à tourner ſa dignité en arrogance, & le populaire uſer de liberté à ſon appetit: chacun prendre, rauer & tirer à ſoy. Ainſi eſtant le tout diuiſé en partialitez, la republique qui eſtoit moyenne, fut laceree. Si eſtoit la nobleſſe plus puisſante en faction, & la force du peuple moindre, comme eſparſe en multitude. La republique en paix & en guerre ſe manioit à l'appetit de quelques vns qui diſpoſoyent des finances, prouinces, magiſtrats, honneurs & triumphes: le peuple eſtoit preſſé de guerre & pauureté, les capitaines en portoyent tout le butin. Cependant les parens ou enfans des gens d'armes, ſelon qu'ils ſe rencontroyent voiſins des plus puisſans eſtoient chasſez de leurs habitations: tellement que l'auarice avec la puisſance ſans meſure & modeſtie, uſurpoit, corrompoit & gaſtoit tout, ne faiſant reſpect ou conſcience de rien, iuſques à ce quelle precipita ſoy meſme. Il eſt certain qu'il n'y eut iamais lieu où les partialitez pleines de toute ſorte de maux fuſſent tant frequentes & logues, n'y les factions & guerres ciuiles plus cruelles qu'à Rome. Dont Appian Alexandrin a faiſt vne narration ſommaire telle. Le Senat & le peuple Romain eurent pluſieurs contentions & diſſenſions enſemble: quelque fois pour la promulgation des loix, autres fois pour l'abrogation & remiſſion des debtes, autre pour la diuiſion des terres, ou quand ils eſtoient aſſemblez es commices pour eſlire les officiers: mais ceſte diſſention ciuile ne ſe faiſoit point par main armée, ains leurs queſtions ſe vuidoient entre eux ſelon la loy doucement & paſſiblement. A ceſte cauſe s'eſtant le menu peuple pour ſemblables differents quelque fois aſſemblé, ne print pas ſoudainement les armes: ains ſe retira au mont Auentin qui pour raiſon de ce fut deſpuis appelle Sacré, & là ſans mouuoir aucune guerre, crea un magiſtrat de ſoy meſmes, qu'il appella tribunat, principalement pour reſiſter à l'autorité des conſuls, que le Senat eſtiſoit: à fin qu'ils n'eufſent pas entierement la puisſance abſolue au gouuernement de la republi-

que.

que. Dont il aduint que ces deux dignitez qui commencerent à continuer en contention & fureur l'une de l'autre, se creoyent par le Senat & par le peuple en grande diuision & partialité : car par ambition & auarice l'une taschoit à diminuer l'autorité de l'autre. A l'occasion de quoy *Martius Coriolanus* étant en ces dissensions contre droit & raison chassé de la cité, se retira deuers les *Volsques*, & avec eulx mena la guerre contre son païs, lequel on pourroit dire auoir esté le premier qui print les armes contre la cité étant exilé. Et de faict ny au conseil, ny en la cité, n'auoit iamais esté, desgainé glaiue, n'homme tué en sedition civile iusques à ce que *Tybere Gracque* en fauorisant le peuple & prononçant les loix en sa faueur, fut occis, & avec luy plusieurs qui furent trouuez au Capitole pres le temple, à raison de quoy non estans refrenees, ains croissans les haines & rancunes entre eux ouuertement, & eux portans armes, tant aux temples & lieux saints, comme aux assemblees & lieux publics, s'en ensuiuirent les meurtres d'aucuns des principaux de la cité mesmes : quelquesfois par succession de temps des tribuns, autrefois des Ducs & conducteurs, & autre des consuls, ou de ceux qui auoyent esté esleuz ausdictes dignitez : dont aduindrent questions tresdeshonestes, & sans aucun ordre, & de là s'en ensuiuit le mespris des loix & des iugements. Et renforçant iournellement ce mal, se commencerent à faire entreprises manifestes contre la republique, & les grands exercites estre menez par force dedans le païs, qui estoient assemblez de gents fugitifs, ou condempnez, ou de ceux qui debatoyent ensemble pour auoir quelque office ou charge de gents d'armes. A l'occasion de cela se meirent sus les princes & les chefs des seditions, pource que les aucuns refusoient de laisser les exercites qui leur auoyent esté baillez par le peuple, autres sans auctorité publique assembloyent grand nombre de gents mercenaires contre leurs ennemis particuliers, & contendoient entre eux lequel obtiendrait & gagneroit le premier la cité. Et iacoit qu'à leur dire cela ce feist contre leurs aduersaires, toutesfois à la verité c'estoit contre la Republique, pource qu'ils enuahissoient la cité comme ennemis, & cruellement tuoyent ceux qu'ils rencontroyent, ou les persecutoient par bans & proscriptions abominables. Dont plusieurs estoient contraincts s'enfuir, & supporter maux innumerables : & autres estoient par haine questionnez & tourmentez. Et en effect aucun outrage detestable n'y estoit oublié : iusques à ce que *Sylla* un des mutins & seditieux voulant remedier au mal par autre mal, environ cinquante ans apres le tribnat de *Gracque*, se constitua Prince sur les autres en plusieurs choses, en prenant l'office de Dictateur, lequel anciennement se souloit creer aux plus grands dangers de la Republique par six mois tant seulement : mais par bien long temps on auoit cessé de le faire. Toutesfois *Sylla* esleu à cest office perpetuel par force & par neceßité (cōme il disoit) apres qu'il eut

usé de sa puissance bien largement, fut le premier comme il semble, qui se des-
 meit de sa tyranie : disant qu'il vouloit porter la peine de ceux pour la mort
 desquels il seroit cōdemné. Et cōme homme priué se promena par le palais &
 par le Marché, à la veüe d'un chacun, & après s'en alla en sa maison, sans
 que personne luy feist outrage : tant estoit grande la crainte & la reuerance
 que ceux qui le voyoyent, auoyēt de luy : fust pour l'admiration qu'ils auoyēt
 de ce qu'il s'estoit ainsi déposé de son auctorité, ou pour la hōte qu'ils auoyēt
 de punir un tel homme, ou pour autre leur benignité : comme si tyranie estoit
 vtile à la Republique. Tantost apres estans les dissensions faillies en la per-
 sonne de Sylla, s'ensuiuit la vengeance depuis sa mort des cruantez qu'il auoit
 commises, iusques à ce que Iulle Cesar occupa la seigneurie & principauté,
 apres qu'il eut acquis grande gloire au païs de Gaule : car luy étant cōman-
 dé par le Senat, qu'il laissast l'exercite, il s'excusa disant que ce n'estoit pas le
 Senat qui le commandoit, mais Pompee son ennemy : qui vouloit assembler
 ledit exercite sous sa charge en Italie pour se faire Roy. Si offrit les cōditions
 de la paix, ou que tous deux retinssent les exercites qu'ils auoyent pour se
 pouuoir garder l'un de l'autre, ou que Pompee laissast semblablement le sien,
 & que par ce moyē tous deux vesquissent sous l'obeissance des loix. Lesquel-
 les choses luy estans refusees, il s'en partit de Gaule avecques son armee con-
 tre Pompee & contre le païs de Rome, & le poursuivit iusques à tant qu'en
 Thessale le vainquit par vne glorieuse bataille. Et de la le suyuit iusques en
 Egypte : & establis les Roys s'en reuint à Rome. Ainsi persecuta son capital
 ennemy Pompee (qui par la grandeur de ses faictz estoit appelé le grand) si
 viuement, ne se trouuant aucun qui luy osast resister, qu'il fut le second qui
 apres Sylla fut créé Dictateur perpetuel : & par ce moyen appaisa les sedi-
 tiōs ciuiles. Mais Brute & Crasse pour enuie de dominer, ou pour amour de
 la liberté publique, l'occirent au Senat. Et pourtant qu'il estoit moult popu-
 laire, & expérimenté à dominer, le peuple le commença à regretter plus que
 tous les autres, & à enquerir ses occiseurs. Et au surplus fait apporter son
 corps emmy le marché, & luy edifia un temple pres le bucher, ou il fut bruslé,
 & l'adora comme Dieu. Si furent les seditions plus grandes que iamais n'a-
 uoyent esté, & furent plusieurs citoyens occis, proscripts, & chassés de toutes
 les parties, tant Senateurs que Nobles & cheualiers Romains. Tellemēt que
 les seditieux se donnoient les ennemis les uns aux autres, sans auoir regard
 à freres, parens n' amis, tant auoit la charité naturelle esté vaincue par la
 contention ciuile. Et finalement ces trois chefs. Antoine, Lepide, & Octa-
 ue se despartirent l'Empire Romain. Octaue fut institué heritier par Cesar
 en son testament & par ce moyen print le nom de Cesar. Mais en ceste di-
 uision de l'Empire ces trois, se tournerent l'un contre l'autre, tellement
 que Cesar osta à Lepide la seigneurie de Lybie qui luy estoit aduenue
 par

par sort. *Après vainquit Antoine empres Actie; auquel pareillement il osta l'empire qu'il tenoit despuis Syrie iusques à la mer Ionique. Et puis avec une armee si grande & si merueilleuse que tout le monde en estoit esbahy, alla en Egypte & print la province: laquelle étant d'antiquité & de richesse depuis le temps d'Alexandre le Grand tresexcellente, sembloit rester seulement pour la seureté & felicité de l'Empire Romain. Pour ces raisons Octauesiaçoit qu'il fust encores vivant, fut neantmoins surnommé Auguste, lequel tiltre luy fut attribué le premier, & se monstra aux Romains encores plus puissant que Iulle Cesar son oncle: car il estendit son Empire sur toutes gents, sans plus auoir besoing d'election, de creation, ne d'ayde. Et étant par temps venu à la monarchie heureux en toutes choses, & espouuëtable à tous: laissa des heritiers de sa lignee pour regir l'Empire apres luy. Au moyen dequoy la Republique apres beaucoup de dissensions reuint à grand concorde, & à la monarchie du monde.*

LOYS S A V N I E R, Prouençal docteur ez droicts à escrit, Hieropoëmes, ou sacrez Sonnets en nombre 158. Odes, Huitains & Quatrains. [impr. à Lyon 8°. par Benoist Rigaud 1584.

LOYS T A G A V T a traduit de Grec: L'histoire d'Hannibal Carthaginois, écrite par Appian. [impr. à Lyon 16°. par Jean Saugrain 1559.

LOYS T V R Q V E T Lyonnois a traduit de latin la declamation de H. Corn. Agrippe, de la vanité des sciences. [impr. par Jean Durant 1582.

Plus l'Institution de la femme Chrestienne tant en enfance, mariage, que vuidité: ensemble le deuoir du mary. Auteur Jean Loys Viues. [impr. par Jean de Tournes 16°. en l'an 1580.

LOYS V A R T O M A N.

La Nauigation de Loys Vartoman aux terres inconnues a esté mise d'Italien en François par traducteur incertain: de mesmes la Nauigation de Vincencian Pinzon. [impr. avec celles de Loys Cadamoste & Christophle Colomb.

LOYS V A S S E.

Anatomie &c. Vöyez Jean Canappé.

LOYS V E R N E R E Y prestre lisant en sainte Écriture au college canonical de sainte Magdalenie de Bezançon a escrit Instruction & institution du Chrestien, enseignant comme il doit sanctifier les dimenches. [impr. à Lyon 16°. par George Poncet 1558.

LOYS V I V A N T Angeuin a traduit du latin de Henry Cornille Agrippe Traicté de l'excellence de la femme. [impr. à Paris 16°. par Jean Poupy 1578.

LOYSE LABE courtisane Lyonnoise (autrement nommée la belle Cordiere pour estre mariée à vn bon homme de Cordier.) piquoit fort bien vn cheual, à raison dequoy les gentilshommes qui auoyent accez à elle l'appelloyent le capitaine Loys, femme au demeurant, de bon & gaillard esprit & de mediocre beauté: receuoit gracieusement en sa maison seigneurs, gentilshommes & autres personnes de merite avec entretien de deuis & discours, Musique tant à la voix qu'aux instrumens où elle estoit fort duiete, lecture de bons liures latins, & vulgaires Italiens & Espaignols dont son cabinet estoit copieusement garni, collation d'exquises cōfitures, en fin leur communiquoit priuement les pieces plus secretes qu'elle eust, & pour dire en vn mot faisoit part de son corps à ceux qui fongoyent: non toutesfois à tous, & nullement à gens mechaniques & de vile condition quelque argent que ceux là luy eussent voulu donner. Elle ayma les sçauans hommes sur tous, les fauorisant de telle sorte que ceux de sa cognoissance auoient la meilleure part en sa bonne grace, & les eust preferé à quelconque grand Seigneur & fait courtoisie à l'vn plustost gratis qu'à l'autre pour grand nombre d'escus: qui est cōtre la coustume de celles de son mestier & qualité. Ce n'est pas pour estre courtisane que ie luy donne place en cete Bibliotheque, mais seulement pour auoir escrit en prose françoise,

Debat de Folie & d'Amour, dialogue. Et en vers, III. Elegies, xxiiii. Sonnets, dont y en a vn en Italien. [Le tout impr. à Lyon 8°. par Iean de Tournes 1555. Avec escrits de diuers Poëtes à la louange d'icelle Loyse Labé, tant en vers grecs, latins, italiens q̃ françois. Elle dedia ledit dialogue à damoiselle Clemence de Bourges, dont l'argumēt est tel. Iupiter faisoit vn grand festin, où estoit commandé à tous les Dieux se trouuer. Amour & folie arriuent en mesme instant sur la porte du Palais: laquelle estant ia fermee, & n'ayant que le guichet ouuert, Folie voyant Amour ia prest à mettre vn pied dedans, s'auance & passe la premiere. Amour se voyant poussé, entre en colere: Folie soustient luy appartenir de passer deuant. Ils entrent en dispute sur leurs puissances, dignitez & presceances. Amour ne la pouuant vaincre de paroles, met la main à son arc, & luy lasche vne fiesche, mais en vain: pour ce que Folie soudain se rend inuisible: & se voulant venger, ote les yeux à Amour. Et pour couurir le lieu où ils estoient, luy mit vn bandeau fait de tel artifice qu'impossible est luy oster. Venus se plaint de folie, Iupiter veut entendre leur different. Apollon & Mercure debaten le droict de l'vne & l'autre partie. Iupiter les ayant longuement ouïs, en demande l'opinion aux Dieux: puis prononce sa sentence. Iaquies Peletier a fait vne Ode à la louange de ceste Loïse qui dit,

*Mon eür voulut qu'un iour Lyon ie visse,
A fin qu'à plein mon desir i'assouisse,
Alteré du renom.
I'e vu le lieu ou l'impetueux Rhône,
Dedans son sein prenant la calme Sone,
Lui fet perdre sonnom.*

I'e

*J'è vu le siege ou le marchand etale
 Sa soee fine e perle orientale,
 E laborieus or:
 J'è vu l'ecrin dont les Roes qui conduiset
 Leur grand armee, à leur besoing epuiset
 Vn infiny thresor.*

*J'è contemplé le total edifice,
 Que la nature avecques l'artifice
 A clos e ammuré.
 J'è vu le plom imprimant meint volume
 D'un brief labeur, qui sous les trez de plume
 Vt si long tans duré.*

*J'è vu an fin Damoeſcles e Dames,
 Plesir des yeux e passion des ames,
 Aus visages tant beaux:
 Mes i an e vu sus toutes autres l'une,
 Resplandissant comme de nuit la Lune
 Sus les moindres flambeaus.*

*E bien qu'el soet an tel nombre si bele,
 La beauté ét le moins qui soit an ele:
 Car le sauoer qu'ele a,
 E le parler qui soeuement distile,
 Si viuement animé d'un dous stile,
 Sont trop plus que cela.*

*Sus donq, mes vers, louez cete Louise:
 Soiez, ma plume, à la louer soumises
 Puis qu'ele a merité,
 Maugré le tans fuitif, d'etre menee
 Dessus le vol de la Fame ampannee
 A l'immortalité.*

Epigramme d'un autre Poëte.

*Louise est tant gracieuse & tant belle,
 Louise à tout est tant bien auenante,
 Louise ha l'œil de si viue estincelle,
 Louise ha face au corps tant conuenante,
 De si beau port, si belle & si luisante,
 Louise ha voix que la Musique auoue,
 Louise ha main qui tant bien du lut ioue,
 Louise ha tant ce qu'en toutes on prise,*

Z 7 4

Que

*Que ie ne puis que Louise ne loue
Et si ne puis assez louer Louise.*

Au premier discours du debat de Folie & d'Amours.

Les effects & yssues des choses les font louer ou mespriser.

Au 4. discours.

En ce se monstre la grandeur d'Amour, quand on aime celuy dont on est mal traité.

Au 5. discours.

Si tout l'vniuers ne tient que par certaines amoureuses compositions, si elles cessoient, l'ancien abyme reuiendrait. Ostant l'amour tout est ruiné. C'est donc celuy qu'il faut conseruer en son estre: c'est celuy qui fait multiplier les hommes, viure ensemble, & perpetuer le monde, par l'amour & sollicitude qu'ils portent à leurs successeurs.

Apollon plaidant pour Amour.

Les hommes sont faits à l'image & semblance de nous, quant aus esprits: leurs corps sont composez de diuerses complexions: & entre eus si diferens tant en figure, couleur & forme, que iamais en tant de siecles; qui ont passé, ne s'en trouua, que deus ou trois pers, qui se ressemblassent: encore leurs domestiques les cognoissoient particulièrement l'un d'auec l'autre. Estans ainsi en meurs, complexions, & forme dissemblables, sont neantmoins ensemble liez & assemblez par vne beniuolence, qui les fait vouloir bien l'un à l'autre: & ceus qui en ce sont les plus excellens, sont les plus reuefez entre eus. De là est venue la premiere gloire entre les hommes. Car ceus qui auoient inuété quelque chose à leur proufit; estoient estimez plus que les autres. Mais faut penser que ceste enuie de proufiter en public, n'est procedee de gloire, comme estant la gloire posterieure en tems. Quelle peine croyez vous, qu'à u Orphee pour destourner les hommes barbares de leur acoutumee cruauté? pour les faire assembler en compagnies politiques? pour leur mettre en horreur le piller l'autrui? Estimez vous que ce fust pour gain? duquel ne se parloit encores entre les hommes, qui n'auoient fouillé es entrailles de la terre? La gloire, ne le pouoit mouuoir. Car n'estans point encore de gens politiquement vertueux, il n'y pouoit estre gloire, ny enuie de gloire. L'amour qu'il portoit en general aus hommes, le faisoit traualler à les conduire à meilleure vie. C'estoit la douleur de sa Musique, que l'on dit auoir adouci les Loups, Tigres, Lions: attiré les arbres, & amolli les pierres: & quelle pierre ne s'amolliroit entendant le dous preschement de celui qui amiablement la veut atendrir pour receuoir l'impression de bien & honneur? Combien estimez vous que Promethee soit loué là bas pour l'usage du feu, qu'il inuenta? Il le vous desroba, ô Dieux, & encourut votre indignation. Estoit-ce qu'il vous voulust ofenser? ie croy que non: mais l'amour, qu'il portoit à l'homme, que tu lui baillas, ô Iupiter, com-

mission

mission de faire de terre, & l'assembler de toutes pieces ramassées des autres animaux. Cet amour que lon porte en general à son semblable, est en telle recommandacion entre les hommes, que le plus souuent se trouuent entre eus qui pour sauuer vn pais, leur parent, & garder l'honneur de leur Prince, s'enfermeront dedens lieux peu defensables, bourgades, colombiers: & quelque assurance qu'ils ayent de la mort, n'en veulent sortir à quelque composition que ce soit, pour prolonger la vie à ceus que lon ne peut assaillir que apres leur ruine. Outre cette afeccion generale, les hommes en ont quelque particuliere l'un enuers l'autre, & laquelle, moyennant qu'elle n'ait le but de gain, ou de plaisir de soy-mesme, n'ayant respect à celui, que lon se dit aimer, est en telle estime au monde, que lon ha remarqué songneusement par tous les siecles ceus, qui se sont trouuez excellens en icelle, les ornant de tous les plus honorables titres que les hommes peuuent inuenter. Mesmes ont estimé cette seule vertu estre suffisante pour d'un homme faire un Dieu. Ainsi les Scythes deifierent Pylade & Oreste, & leur dresserent temples & autels, les apelans les Dieux d'amitié. Mais auant iceus estoit Amour, qui les auoit vniz ensemble. Il me semble que les Grecs d'un seul surnom qu'ils l'ont donné, Iupiter, l'apelant amiable, témoignent assez que plus ils ne pouuoient exaucer Amour, qu'en le faisant participant de sa nature. Le commun populaire le prise aussi & estime pour les grandes experiences qu'il voit des commoditez, qui prouiennent de luy. Celuy qui voit que l'homme languit en sa maison, sans l'amiable compagnie d'une femme, qui fidelement lui dispense son bien, lui augmente son plaisir, ou le tient en bride doucement, de peur qu'il n'en prenne trop, pour sa santé, lui ote les facheries, & quelquesfois les empesche de venir, l'appaise, l'adoucit, le traite sain & malade, le fait auoir deus corps, quatre bras, deus ames, ne confessera il que l'amour coniugale est digne de recommandacion? & n'attribuera cette felicité au mariage, mais à l'amour qui l'entretient. Lequel, s'il defaut en cet endroit, vous verrez l'homme forcené, fuir & abandonner sa maison. La femme au contraire ne rit iamais, quand elle n'est en amour avec son mari. Ils ne sont iamais en repos. Quand l'un veut reposer, l'autre crie. Le bien se dissipe, & vont toutes choses au rebours. Et est preuue certaine, que la seule amitié fait auoir en mariage le contentement, que lon dit s'y trouuer. Qui ne dira bien de l'amour fraternelle, ayant veu Castor & Pollux, l'un mortel estre fait immortel à moitié du don de son frere? Ce n'est pas estre frere, qui cause cet heur (car peu de freres sont de telle sorte) mais l'amour grande qui estoit entre eus. Il seroit long à discourir, comme Ionathas sauua la vie à Dauid: dire l'histoire de Pythias & Damon: de celui qui quitta son espouse à son ami la premiere nuit, & s'enfuit vagabond par le monde. Mais pour montrer quel bien vient d'amitié, j'allegueray le dire d'un grand Roy, lequel, ourant vne grenade, interrogué de quelles choses il voudroit auoir autant, comme il y auoit de grains en la pomme, respondit, De Zopires. C'estoit ce Zopire, par le moyen duquel il auoit recouré Babilone. Un Scythe demadant en mariage vne fille, & sommé de bailler son bien par declaracion, dit: qu'il n'auoit autre bien que deus amis, s'estimant assez riche avec telle possession pour oser demander la fille d'un grand Seigneur en mariage. Et pour venir aus femmes,

mes, ne sauua Ariadne la vie à Thesee? Hyperminestre à Lyncee? Ne se sont trouuees des armées en danger en pays estranges, & sauuees par l'amitié que quelques Dames portoient aus Capiteines? des Rois fermiz en leurs principales citez par les intelligences, que leurs amies leur auoient pratiquees secretement? Tant y ha de pources soudars, qui ont esté esleuez par leurs amies es Côtez, Duchez, Royaumes qu'elles possedoient. Certainement tant de commoditez prouenans aus hommes par Amour ont bien aidé à l'estimer grâd. Mais plus que toute chose, l'afeccion naturelle, que tous auons à aimer, nous le fait exalter. Car nous voulons faire paroître, & estre estimé ce à quoy nous nous sentons enclins. Et qui est celui des hommes, qui ne prenne plaisir, ou d'aimer, ou d'estre aimé? Je laisse ces Mysanthropes, & Taupes-cachees sous terre, & enseueliz de leurs bizarries, lesquels auront par moy tout loisir de n'estre point aimez, puis qu'il ne leur chaut d'aimer. S'il m'estoit licite, ie les vous depeindrois, comme ie les voy descrire aus hommes de bon esprit. Et neantmoins il vaut mieus en dire vn mot, à fin de connoitre combien est miserable la vie de ceus, qui se sont exemptez d'Amour. Ils dient que ce sont gémornes, sans esprit, qui n'ont grace aucune à parler, vne voix rude, vn aller pensif, vn visage de mauuaise rencontre, vn œil baissé, créintifs, auares, impitoyables, ignorans, & n'estimans personne: Loups garous. Quand ils entrent en leur maison, ils creingnent que quelcun les regarde. Incontinét qu'ils sont entrez, barrent leur porte, ferment les fenestres, mengent sallenient sans compagnie, la maison mal en ordre: se couchent en chapon le morceau au bec. Et lors à beaux gros bonnets gras de deus doits d'espais, la camisole atachée avec esplins enrouillees iusques au dessous du nombril, grandes chausses de laine venans à mycuiffe, vn oreiller bien chauffé & sentant sa gresse fondue, le dormir acompagné de toux, & autres tels excremens dont ils remplissent les courrines. Vn leuer pesant, s'il n'y ha quelque argent à receuoir: vieilles chausses repeassees: souliers de paisant: pourpoint de drap fourré: long saye mal ataché deuant: la robbe qui pend par derriere iusques aus espaules: plus de fourrutes & pelisses: calottes & larges bonnets couvrans les cheueus mal pignez: gens plus fades à voir, qu'vn potage sans sel à humer. Si tous les hommes estoient de cette sorte, y auroit il pas peu de plaisir de viure avec eus? Combien plus tot choisiriez vous vn homme propre, bien en point, & bien parlant, tel qu'il ne s'est pû faire sans auoir enuie de plaire à quelcun? Qui ha inuenté vn dous & gracieus langage entre les hommes? & ou premieremēt ha il esté employé? ha ce esté à persuader de faire guerre au pais: eslire vn Capiteine? acuser ou defendre quelcun? Auant que les guerres se fissent, paix, alliances & confederacions en publiq: auant qu'il fust besoin de Capiteines, auant les premiers iugemens que vous fites faire en Athenes, il y auoit quelque maniere plus douce & gracieuse, que le commun: de laquelle vsèrent Orphee, Amphion, & autres. Et ou en firent preuue les hommes, sinon en Amour? Par pitié on baille à manger à vne creature, encore qu'elle n'en demande. On pense vn malade, encore qu'il ne veuille guerir. Mais qu'vne femme ou homme d'esprit, prenne plaisir à l'afeccion d'vne personne, qui ne la peut descourir, lui donne ce qu'il ne peut demander, escoute vn barbare langage: & tout tel qu'il est, sentant

tant plus son commandemēt, qu'amoureuse priere, celà ne se peut imaginer. Celle, qui se sent aimée, ha quelque autorité sur celui qui l'aime : car elle voit en son pouuoir, ce que l'Amant poursuit, comme estant quelque grand bien & fort desirable. Cette autorité veut estre reuersee en gestes, faits, cōtenances, & paroles. Et de ce vient, que les Amans, choisissent les façons de faire, par lesquelles les personnes aimées auront plus d'ocasion de croire l'estime & reputation que lon ha d'elles. On se compose les yeus à douceur & pitié, on adoucit le front, on amollit le langage, encore que de son naturel l'Amant uist le regard horrible, le front despitē, & langage sot & rude: car il ha incessamment au cœur l'obiet de l'amour, qui luy cause vn desir d'estre digne d'en receuoir faueur, laquelle il scet bien ne pouuoir auoir sans changer son naturel. Ainsi entre les hommes Amour cause vne connoissance de soy mesme. Celui qui ne tache à complaire à personne, quelque perfeccion qu'il ait, n'en ha non plus de plaisir, que celui qui porte vne fleur dedens sa manche. Mais celui qui desire plaire, incessamment pense à son fait : mire & remire la chose aimée: suit les vertus, qu'il voit lui estre agreables, & s'adonne aus complexions contraires à soy mesme, comme celui qui porte le bouquet en main, donne certain iugement de quelle fleur vient l'odeur & senteur qui plus lui est agreable. Apres que l'Amant ha composé son corps & complexion à contenter l'esprit de l'aimée, il donne ordre que tout ce qu'elle verra sur lui, ou lui donnera plaisir, ou pour le moins elle n'y trouuera à se facher. De là ha à source la plaisante inuencion des habits nouueaus. Car on ne veut iamais venir à ennui, qui prouient de voir tousiours vne mesme chose. L'homme ha tousiours mesme corps, mesme teste, mesmes bras, iambes, & piez: mais il les diuersifie de tant de sortes, qu'il semble tous les iours estre renouelé. Chemises parfumees de mille & mille sortes d'ouurages: bonet à la saison, pourpoint, chausses jointes & serrees, monstrans les mouuemens du corps bien disposé: mille façons de bottines, brodequins, escarpins, souliers, sayons, casaquins, robes, robbons, cappes, manteaus: le tout en si bon ordre, que rien ne passe. Et que dirons nous des femmes, l'habit desquelles, & l'ornement de corps, dont elles vsent, est fait pour plaire, si iamais rien fut fait. Est-il possible de mieux parer vne teste, que les Dames font & feront à iamais? auoir cheueus mieus dorez, crespes, frizez? acoutrement de teste mieus seant, quand elles s'acoutreront à l'Espagnole, à la Françoisē, à l'Alemande, à l'Italiennē, à la Grecque? Quelle diligence mettent elles au demeurant de la face? Laquelle, si elle est belle, ils contregardent tant bien contre les pluies, vents, chaleurs, froids & vieillesse, qu'elles demeurent presque tousiours ieunes. Et si elle ne leur est du tout telle, qu'elles la pourroient desirer, par honneste soin la se procurant & l'ayant moyennement agreable, sans plus grande curiosité, seulement avec vertueuse industrie la continuent, selon la mode de chacune nation, costres & coutume. Et avec tout celà, l'habit propre comme la feuille autour du fruit. Et s'il y ha perfeccion du corps, ou lineament qui puisse, ou doine estre vū & montré, bien peu le cache l'agencement du vètement: ou, s'il est caché, il est en sorte, que lon le cuide plus beau & delict. Le sein aparoit de tant plus beau, qu'il semble qu'elles ne le vueillent estre vū: les mamelles en leur rondeur

deux releués font donner vn peu d'air au large estoniac. Au resté, la robe bien iointe, le corps estreci ou il le faut: les manches serrees, si le bras est massif: si non, larges & bien enrichies: la chaufse tirée: l'estearpin faconnant le petit pié (car le plus souuēt l'amoureuse curiosité des hommes fait rechercher la beauté iusques au bout des piez:) tant de pommes d'or, chaines, bagues, ceintures, pendants, gans parfumez, manichons: & en somme tout ce qui est de beau, soit à l'acoutrement des hommes ou des femmes, Amour en est l'auteur. Et s'il ha si Bien trauaillé pour contenter les yeus, il n'a moins fait aus autres sentimens: mais les ha tous emmiellez de nouvelle & propre douceur. Diray ie que la Musique n'a esté inuentee que par Amour? & est le chant & harmonie l'effect & signe de l'Amour parfait. Les hommes en vsent ou pour adoucir leurs desirs enflammez, ou pour donner plaisir: pour lequel diuersifier tous les iours ils inuentent nouueaux & diuers instrumens de Luts, Lyres, Cithres, Doucines, Violons, Espinettes, Flutes, Cornets: chantent tous les iours diuerses chansons: & viendront à inuenter madrigalles, sonnets, pauanes, passemeles, gaillardes, & tout en commemoracion d'Amour: comme celui, pour lequel les hommes font plus que pour nul autre. C'est pour lui que lon fait des serenades, aubades, tournois, combats tant à pié qu'à cheual: En toutes lesquelles entreprises ne se treuuent que ieunes gens amoureux: ou si autres mellez parmi, ceus qui aiment emportent tousiours le pris, & en remercient les Dames, desquelles ils ont porté les faueurs: Là aussi se rapporteront les Comedies, Tragedies, leux, Montres, Masques, Morelques. Dequoy allege vn voyageur son trauail, que lui cause le long chemin, qu'en chantant quelque chanson d'Amour, ou escoutant de son compaignon quelque conte & fortune amoureuse? L vn loue le bon traitement de s'amie: l'autre se plaint de la cruauté de la sienne. Et mille accidens, qui interueniēnt en amours: lettres descouuertes, mauvais rapports, quelque voisine ialouse, quelque mari qui reuiert plus tot que lon ne voudroit: quelquefois s'aperceuant de ce qui se fait: quelquefois n'en croyant rien, se fiant sur la preudhommie de sa femme: & à fois eschaper vn soupir avec vn changement de parler: puis force excuses. Brief, le plus grand plaisir qui soit après amour, c'est d'en parler. Ainsi passoit son chemin Apulee, quelque Filozofe qu'il fust. Ainsi prennent les plus seueres hommes plaisir d'ouir parler de ces propos, encores qu'ils ne le veuillent confesser. Mais qui fait tant de Poëtes au monde en toutes langues: n'est ce pas Amour? lequel semble estre le suget, duquel tous Poëtes veulent parler. Et qui me fait attribuer la poésie à Amour: ou dire, pour le moins, qu'elle est bien aydee & entretenue par son moyen? c'est qu'incontinent que les hommes commencent d'aymer, ils escriuent vers. Et ceus qui ont esté excellens Poëtes, ou en ont tout rempli leurs liures, ou quelque autre suget qu'ils ayent pris, n'ont osé acheuer leur euure sans en faire honorable mencion. Orphee, Musee, Homere, Lin, Alcee, Saphon, & autres Poëtes & Filozofes: comme Platon, & celui qui ha u le nom de Sage, ha descrit ses plus hautes concepcions en forme d'amourettes. C'est Cupidon qui ha gagné ce point, qu'il faut que chacun chante ou ses passions, ou celles d'autrui, ou couure ses discours d'Amour, sachant qu'il n'y ha rien, qui le puisse faire mieus estre reçu. Ouide ha tousiours dit qu'il ay moit. Petrarque en son langage

langage ha fait sa seule affection aprocher à la gloire de celui, qui ha representé toutes les passions, coutumes, façons, & natures de tous les hommes, qui est Homere. Qu'a iamaïs mieus chanté Virgile, que les amours de la Roine de Carthage: ce lieu seroit long, qui voudroit le traiter comme il meriteroit. Mais il me semble qu'il ne se peut nier, que l'Amour ne soit cause aus hommes de gloire, honneur, proufit, plaisir: & tel, que sans lui ne se peut commodément viure. Pource est il estimé entre les humains, l'honorans & aymans, comme celui qui leur ha procuré tout bien & plaisir. Ce qui luy ha esté bien aisé, tant qu'il ha u ses yeus. Mais aujourdhui, qu'il en est priué, si Folie se mesle de ses affaires, il est à creindre, & quasi ineuitable, qu'il ne soit cause d'autant de vilenie, incommodité, & desplaisir, comme il ha esté par le passé d'honneur, proufit, & volupté. Les grans qu'Amour contreingnoit aymer les petis & les sugetz qui estoient sous eus, changeront en sorte qu'ils n'aymeront plus que ceus dont ils penseront tirer seruice. Les petis, qui ay moient leurs Princes & Signeurs, les aymeront seulement pour faire leurs besongnes, en esperance de se retirer quand ils seront pleins. Car ou Amour voudra faire cette harmonie entre les hautes & basses personnes, Folie se trouuera près, qui l'empeschera: & encore es lieux ou il se sera araché, quelque bon & innocent qu'il soit, Folie lui meslera de son naturel: tellement que ceus qui aymeront, seront tousiours quelque tour de fol. Et plus les amitez seront étroites, plus s'y trouuera il de desordre quand Folie s'y mettra. Il retournera plus d'une Semiramis, plus d'une Biblis, d'une Mirrha, d'une Canace, d'une Phedra. Il n'y aura lieu saint au monde. Les hauts murs & treilliz garderont mal les Vestales. La vieillesse tournera son venerable & paternel amour, en fols & iuuenils desirs. Honte se perdra du tout. Il n'y aura discrecion entre noble, paissant, infidèle, ou More, Dame, maitresse, seruante. Les parties seront si inegales, que les belles ne rencontreront les beaux, iains seront coniointes le plus souuent avec leurs dissemblables. Grands Dames aymeront quelquefois ceus dont ne daigneroient estre seruiés. Les gens d'esprit s'abuseront autour des plus laides. Et quand les pures & loyaus amans auront languï de l'amour de quelque belle: lors Folie fera iouir quelque auolé en moins d'une heure du bien ou l'autre n'aura pu atteindre. Elle laisse les noises, & querelles, qu'elle dressera par tout, dont s'en ensuiura blessures, outrages, & meurtres. Et ay belle peur, qu'au lieu, ou Amour ha inuenté tant de sciences, & produit tant de bien, qu'elle n'amene avec soy quelque grande oisiveté acompagnée d'ignorance: qu'elle n'empesche les ieunes gens de suiure les armes & de faire seruice à leur Prince: ou de vaquer à études honorables: qu'elle ne leur mesle leur amour de paroles detestables, chansons trop vileines, iurongnerie & gourmandise: qu'elle ne leur suscite mille maladie, & mette en infiniz dangers de leurs personnes. Car il n'y ha point de plus dangereuse compagnie, que de Folie. Voilà les maus, qui sont à creindre, si Folie se trouue autour d'Amour &c. Vous pourrez voir la conclusion, d'Apollon pour Amour, & après la Defense de Folie prononcée par Mercure.

L O N G V S ancien auteur Grec. *Amours Pastorales &c.* Voyez Iaques Amyot. T. 3. A. 1.

A A

S. Luc

SAINCT LVC medecin d'Antioche a escrit l'Euangile en Grec, tout ainsi qu'il l'auoit ouy de S. Paul & des autres Apostres, ayant accompagné S. Paul en tous les voyages. Il a redigé aussi par escrit en mesme langage, Les Actes des Apostres ainsi qu'il l'auoit veu. Le tout traduit en François & contenu au nouveau Testament de nostre Seigneur Iesus-Christ.

LVC DE COP a mis en François
L'histoire de la confession d'Ausbourg &c. [impr. en Anuers 4°. par Arnould Conninx 1582.

LVC DE LA PORTE Parisien, Docteur ez droicts & aduocat a mis en François

Les oeuvres de Q. Horace Flacce, Venusin, Prince des Lyriques latins. [impr. à Paris 12°. par Claude Micard 1584.

LVC AN, Suetone & Saluste translatez en prose françoise. [impr. à Paris f°. par Pierre le Rouge & Antoine Verard 1490.

LVCAS OSIANDER.
Institution de la religion chrestienne escrite principalement pour l'usage des Eglises de France & du pais bas. Par Lucas Osiander traduite de latin. [impr. à Tubinge 8°. l'an 1582. *Caluinique.*

LVCAS TREMBLAY Parisien professeur des sciences mathematiques à Orleans a escrit

Traicté en vers heroiques, du presage de la Comete apparue au mois de Noembre iour de S. Martin 1577. [impr. à Paris par Antoine Houic 1578.

Six cantiques sur la natiuité de nostre Seigneur Iesus-Christ. [impr. à Paris par Jean de l'Astre 1580.

LVCIAN. Voyez Geofroy Tory, Jean des Goutes, Antoine Crapier, François Blaisot. Blaise de Vigenere. Claude du Puys. Philibert Bretin. Loys Meigret. Estienne Forcadet. Simon Bourgoin.

LVCIVS APVLEIVS. Voyez Guillaume Michel. George de la Boutiere. Jean Louveau.

LVCIVS IULIVS FLORVS.
Histoire Romaine &c. Voyez I. Constant.

LVCIVS IVNIVS MODERATVS COLVMELLA.
Voyez Claude Cotereau. Loys Meigret.

LVCIVS ANNEVS SENECA le Philosophe. Voyez Laurens de Premier-faict. Sauueur Acaurrat. Antoine du Verdier. Ange Capel. Le sieur de Preillac. Claude de Seiffel.

L. ANN. SENECA le poëte tragique. Voyez Charles Toustain. Robert Garnier.

LVDOLPHE DE SAXONIE Chartreux. Voyez Guillaume le Menand. Jean l'Anglois.

LYSIA S,
Apologie & defense de Lysias Orateur Grec, sur le meurtre d'Eratosthene surpris en adultere. Traduit de Grec en François par Jacques de Vintemille conseiller au Parlement de Dijon. [impr. à Lyon 8°. par Benoist Rigaud 1576.

LAMBERT.

Sermons

Sermons pour les iours & dimenches du Carefme &c. par L. Lambert &c. impr. 8°. à Paris (me semble) chez G. Chaudiere.

L. D E L A S K A R I S, ou de Lascars, fut de ceste noble & ancienne race de Lascaris sieur des Contés de Vintimille, de Tende, & de la Brigue, personnage de grand renom: car ces terres la (ainsi que l'a escrit le Monge des Isles d'Or) se glorifient de luy comme d'un poëte tres-excellent: son esprit a esté si heureux en la poësie Prouençale, & és autres langues vulgieres, que nul ne l'a peu imiter ne en sa douceur, ne en ses inuentions. En sa ieunesse il auoit pris les ordres de prestrie: mais surpris de l'amour d'une siende voisine gentil femme, sœur du grand Isnard de Glandeues apres l'auoir espousee eut de beaux enfans. De ce temps la Royne Iehanne de Naples Comtesse de Prouence, auoit vne puissante armee en Prouence, pour en expulser les Bretons & Anglois, qui estoient ia entrez bien auant dans ses terres. Il eust la charge de ceste armee: car il estoit vn vaillant homme au fait de guerre, laquelle finie, par enuie & maltalent d'aucuns siens mal-vueillans, fut pouruiuy par le Pape de rentrer au monastere, où il auoit pris sa profession. Il respondit, qu'il aimeroit mieux mourir que d'obeir en cest endroit au Pape. Et voyant que les poursuittes continuoient contre luy, s'en alla trouuer la Royne Iehanne à Naples en fort beau & magnific equipage, laquelle ayant entendu, & estant acertenee des seruices faits à sa maiesté par le Poëte, le voyant si beau gentilhomme, d'un esprit tout gaillard, considerant qu'il estoit encores en estat de luy pouoir faire seruice tant en son Royaume de Naples qu'en sa Comté de Prouence: enuoya lettres au Pape Vrbain cinquiesme du nom, qui residoit en Auignon, & impetra par prieres de sa saincteté à sa faueur, que ce Poëte eust temps d'aduis à se retirer en son monastere dans vingt cinq ans, laquelle licence fut confirmee par Gregoire Pape vnzieme du nom, qui succeda apres le dict Vrbain. Et auant que le terme escheut, trespassa l'an 1376.

Il a faict vn traicté intitulé *De las mizerias d'aquest Monde*, & vn autre intitulé *De la Paurilha*.

L. T. a escrit en vers françois

Complainte lamentable de la mort d'illustre Prince François de Lorraine Duc de Guyse, où sont introduicts Entrepailleurs le Passant & les Nareides. [impr. à Paris 4°. par Thomas Richard 1553.

LIVRES D'AUTEURS INCERTAINS.

L A M E N T A T I O N & complainte d'un Prince d'Albanie à l'encontre d'Amour & sa dame, contenant en soy la parfaicte amitié de deux vrais amans. [impr. 16°. à Lyon par Iean Saugrain 1559.

Le Roman de L A N C E L O T du Lac, en six volumes.

L E L A Z d'Amour, Dialogue en rime, où sont introduicts parlans Iesus-Christ, l'Ame, Charité, Verité, Bonne inspiration, Les pecheurs. [impr. à Paris 4°. par Felix Balligaud sans datte, & depuis 16°.

Les Faits merueilleux enséble la vie du gentil LAZARE de Tormes & les ter-

A A 2

ribles

tibles auentures à luy aduenues en plusieurs lieux. liure fort delectable & fascieux. Traduit d'Espagnol, & impr. à Paris 16°. par Vincent Serrenas, & depuis à Lyon par Jean Saugrain.

LEGENDES DE PLUSIEURS SAINTS, tant imprimees qu'escrites à la main estans es librairies de quelques conuens, monasteres & collèges.

LA LEGENDE des Flamens: Cronique abregee en laquelle est fait succinct recueil de l'origine des peuples & estats de Flandres, Artois, Haynaut & Bourgongne & des guerres par eux faites à leurs Princes & à leurs voisins. Semblablement y sont traitees les descentes & genealogies des Rois de Naples & de Sicile & des Princes & Ducs de Mylan & quel droit ont les Rois de France ausdits Royaume & Duché. [impr. à Paris 8°. par Galiot du Pré 1558.

Familiaire institution pour les LEGIONAIRES. [impr. à Lyon 12°. par François Iuste 1536.

En l'Epistre aux lecteurs

Les deux plus seurs moyens qui soient pour maintenir sans peril tout Prince ou Republique en sa vertu, sont par le iugement des plus doctes, le bien de la loy, & la force des armes: l'un qui nous apprend ce qui est deu à chacun, faisant petits & grands renger au vray point de raison, & viure sous iustice, & l'autre qui repousse l'effort de ceux qui veulent outrager les foibles, ou venger vne iniure receüe: Sert aussi pour defendre les propres biens, aucunesfois pour les retirer des mains de ceux qui sans droit les occupent, finalement les deux tendent à ce qu'ils facent le seigneur craint des voisins, aimé des siens, & qu'auueques son peuple il puisse mener vie paisible. De leur recommandation ne faut dire, puis que la paix & vnion, entre les subiects du Roy, nous fait voir clerement le bien qui vient des loix, & que les gens nouvellement ordonnez, declareront vn iour, l'vtilité qui vient, d'asseurer son estat par la vertu des armes. Vray est que pour faire issir d'elles le fruit qu'en espere, conuient les deputez à ce non moins diligemment s'y exercer, que voyons la plus grand part des François s'estudier, apres la cognoissance des loix qui nous gouuernent: esquelles encores que le profit soit veu consister assez grand, celui qui peut venir des armes n'est en rien moindre, s'il n'est de tous estimé meilleur, veu que celui est tenu le plus fort qui ordonne les loix, & que les vaincus sont ceux qui les acceptent.

LETTRES du Iappon, Peru & Brezil enuoyees au General de la Societé de Iesus par ceux de ladite Societé qui s'employent en ces regions, à la conuersion des Gentils. [impr. à Paris 8°. par Thomas Brumen 1578.

LE LIBERA du defunct Roy François avec les Laudes chantees par tous les estats de France. [impr. à Paris par Nicolas Buffet.

Traicté de la LOY de Dieu. Comment la Loy est abolie, & toutesfois doit estre accomplie. Traduit d'Aleman en François, & imprimé en Anuers par Dirick Vriman 1559.

Les

Les **L O I X** d'amours & Rhetorique de la gaye sciéce, pour les trois pris qui se iugent & se deliurent toutes les annees le iour de la sainte croix de May, dans la maison commune de la cité de Tholose en ensuiuant le Testament de feu madame Clemence laquelle pour ce faire a laissé de beaux biens à ladite cité pour exerciter les esprits des ieunes gés. Pour lesquelles loix & Rhetorique faire ont esté assemblez tous les bons Rhetoriciens & sçauans de tout ce Royaume tant en Theorique que Prâctique, & l'ont bien monsté en leur œure. Tel est le tiltre (& bien long) d'un liure escrit en main qui est gardé dans ladicte maison commune. Or ie ne me puis tenir de rire de ce que ces bonnes gens du siecle dernier passé appelloiét art de Rhetorique la sciéce de faire des vers, qui sont deux choses contraires: car mesmes la rime en oraison solue c'est à dire en prose est vn vice. Gratian du Pont en a fait vn autre liure de l'art & science de Rhetorique, qu'il appelle metrisée, où il diét qu'au susdit liure intitulé les loix d'amours, est faicte mention d'un vice, diét au langage de Tholose Cays Peras, & aussi de Peras, qui est vne superfluité de langage qui rien ne sert au sens, mise à cause de la rime, comme, Je m'en vois acheter de l'orge, Je le vous iure par saint George. En besongne alla franchement, Ouy certes par mon serment. Ces mots par Saint George & par mon serment ne seruent de rien au sens & n'y sont que par faute d'autres termes seulement pour rimer. Peras est vne autre superfluité comme quand on diroit, Je suis celuy qui nasquis sans doutance: & autres semblables. On appelle maintenant cela des chevilles qu'il fait aussi mauuais voir en cest endroict, que des petas ou pieces aux robes, manteaux, bonnets & en autres vestemens honnestes: Et partât on en doit cuiter l'usage.

LES LOVANGES des Rois de France, en rime. [impr. à Paris 8°. par Eustace de Brie 1507.

L'abregé des faits dignes de memoire du Roy Loys vnziesme de ce nom. [impr. à Paris 8°. par Galiot du Pré 1558.

Remonstrances faites au Roy **L O Y S** vnziesme de ce nom, sur les priuileges de l'eglise Gallicane, & les plaintifs & doleances du peuple. Plus l'institution & ordonnance des Cheualiers de l'ordre des tres-chrestiens Rois de France. Avec la forme & ordre des trois estats tenus à Tours, sous le regne de Charles VIII. & ce qui y fut remonstré & decidé. [impr. à Paris 8°. par Vincent Sertenas 1561.

LA LVNETTE des Chrestiens par laquelle ils pourront facilement voir les raisons pour lesquelles moult de miseres & calamitez aduiennent iournellement en ce monde contre la fausse opinion de plusieurs disans icelles miseres & calamitez estre és choses qui veritablement sont ordonnees de Dieu. [impr. en vieille lettre 16°. sans nom ny datte. *Lutherique.*

A A 3

M A C E



M A C E ou autrement Mathias F O R T I N licencié es loix natif de Lorris en Gastinois & lieutenant en la preuosté royale de Chastillon sur Yndre a escrit Traicté sur la matiere des releuemens selon les ordonnances, droict & coustumes de France, contenant la maniere comment ez chancelleries de France sont les lettres de relief chacun iour expediees : & est diuisé en trois parties, en la premiere est traicté du mineur, & en combien de manieres il peult estre deceu & restitué. En quel temps on peut poursuiuir la cassation des contracts. En la seconde, de la restitution des maieurs. Et en la troisieme sont examinez en communauté quelques articles concernans la restitution des mineurs & maieurs par indiuis. [impr. à Paris 8°. par Vincent Sertenas 1550.

Briefue Instruction pour apprendre le styl & maniere de proceder ez cours de Parlement & autres inferieures en toute instance & matieres tant ciuiles que criminelles, suiuant les ordonnances, iugemens & arrests d'icelles courts. [impr. à Paris 8°. par Vincent Sertenas 1560.

M A C L O V D E L A H A Y E Picard, valet de chambre du Roy Henry second a escrit quelques Poesies, Assauoir Chant de paix, Chant d'Amour, Cinq Blasons des cinq contentemens en Amour, Sonnets d'Amour. Vingt vœux des vingt beautez de s'amie, Epigrammes, & Stances. [impr. à Paris 8°. par Estienne Groulleau 1553.

M A D E L A I N E N E P V E V Dames des Roches la Mere, Le Oeures des Dames des Roches de Poictiers Mere & fille. [impr. à Paris 4°. par Abel l'Angelier 1579. Celles de la Mere, nommee Madelaine Nepueu sont, Epistre aux Dames. en prose. Epistre à sa fille. Odes en nombre ix. Sonnets xxxvi. Epitaphe de son mary. Epitaphe de monsieur le Comte de Brissac, Epitaphe du feu sieur Baron d'Angueruaques.

Les Secondes Oeuures des Dames des Roches. [impr. à Poictiers 4°. par Nicolas Courtois 1583. dont celles de la mere y contenues sont, Odes, Sonnets, & autres vers, Et les escrits qui s'y voyent de la fille : Epistre à sa mere. Les vers dorez de Pythagoras, Les Enigmes dudit auteur. Quatrains. Cantique de l'heureuse Vierge mere de Dieu. Second Cantique. Epistre à sa mere sur sa Bergerie, Bergerie, Epitaphes, Chançons, deux Dialogues en prose, Le premier de Placide & Seuer. Le 2. D'Iris & Pasithee. Les fleurs, Responces, Sonnets, La Puce.

Le sieur de **M A L A S S I S** de Mante a traduit de latin en françois Les cinq liures de Seuerin Boece intitulez de la consolation de Philosophie. [impr. à Paris 8°. par Iean Borel 1578.

Il a traduit aussi les cinq liures de Ciceron *De finibus bonorum & malorum*, qu'il n'a encores fait imprimer.

M E T R E

METRE VI. DV
premier liure.

*Celuy au sein des sillons
Qui paresseux son bled cache,
Quand ses plus ardents rayons,
Phœbus sur le Cantre lasche
Qu'il n'espere se charger
Des fruiçts que Ceres retranche,
Mais qu'il esbranle la branche
Du chesne, s'il veut menger.
Lors que le froid Aquilon
Tond des bois la chevelure
Et que le dos du Silon
Est endurcy de froidure,
D'odorer ne pense pas,
L'œillet fleury ny la rose
Ou quelque autre fleur enclose,
Car la saison n'en est pas.
Ne pense par ton labeur
Que la grappe au cep meurisse
Au printemps gay de verdure
C'est assez qu'elle fleurisse:
Car Bacchus peint les raisins
Tant seulement en Automne:
L'autre saison n'est pas bonne
Pour pressurer les bons vins.
Dieu a le temps ordonné
Aux especes pour produire
Et de bornes terminé
L'effect qu'on ne peut destruire,
Si de l'ordonné chemin
Les choses vont separees
Ou qu'elles soient esgarees
Bonne n'est iamaïs la fin.*

METRE VIII. DV
second liure.

*Ce qui fait l'ordre tenir.
A l'annee variable
Et pareille reuenir:*

*Avec un changement stable,
Et sans le depousseder,
Les saisons s'entreceder.
Et les peres elements
Qui ont qualité contraire
En leurs accords differens
Ferme trefue ensemble faire,
Que Phœbus le iour conduit,
Et sa seur regne la nuit,
Que la mer en son gyron
Tient prisonnières ses ondes,
Et iamaïs ne les void on
Errer par tout vagabondes,
Que ce que le ciel contient
Soubs une loy se maintient.
C'est amour qui a soucy
De bien regir toute chose,
Au ciel il commande aussi
Et de la terre il dispose,
Et dedans la mer il peut
Commander ainsi qu'il veut.
Et s'il cessoit d'ordonner
Et de temperer le monde,
On verroit se ruiner,
Bien tost la machine ronde
Qu'un lien tient en accord
Que destroueroit le discord.
C'est luy seul qui entretient
Tous les vertueux ensemble
Et qui les peuples contient
Les unit & les assemble,
Et sous le ioug d'amitié
A l'un à l'autre lié.
C'est luy qui d'un saint lien
D'un feu pudic accompagne,
Soubs les fermes loix d'Hymen,
L'homme à l'espouse compagne
Qui maintient & nous fait voir
Les amis en leur deuoir.
Si l'amour veut gouverner*

AA 4 Vos

*Vos esprits race mortelle,
Comme il fait d'accord mener,
Au ciel sa dance eternelle,*

*Qui se tourne également
Vous viurez heureusement.*

PROSE IIII. du troisieme liure.

Mais les dignitez (me direz vous) font respecter & rendent dignes d'honneur & reuerence ceux qui les obtiennent. Les magistrats ont ils bien tant de force, qu'ils puissent loger les vertus en l'esprit de ceux là qui les exercent? & en chasser le vice? veritablement leur coustume n'est pas telle, & ne sçauent pas bannir la malice, mais plustost la manifester, & de là vient que bien souuent nous sommes marritz & indignez de voir les magistrats estre tenuz & exercez par les meschans. Et pour ceste occasion Catulus voyant assis entre les Senateurs vn Nonius, ne se peust tenir de le taxer & le desdaignant par vn Epigramme, le feit cognoistre tel, que si en luy se fussent assemblez tous les vices du monde, l'appellant le contrefait & l'escrouellé. Voyez donc quel deshonneur & quel blasme apportent les dignitez aux meschans. & pour certain leur meschanceté seroit moins cogneuë, si leurs estats ne les manifestoient & faisoient cognoistre à vn chacun. Mais vous pourriez vous rager encor que vous y fussiez contraint par beaucoup de dangers à estre compaignon de Decoratus exerçans tous deux ensemble vn mesme magistrat, le cognoissant homme vicieux & Bouffon tref-dangereux? & de vray il n'est pas possible que nous puissions iuger ceux là dignes d'honneur pour raison de leurs magistrats & offices, lesquels nous cognoissons du tout indignes d'iceux. Si vous voyez aucun doué de sapience pourrez vous le iuger indigne de sapience? ou d'estre reueré & respecté pour raison d'icelle? Nô certes car la vertu a vne certaine, propre & particuliere dignité, dont elle remplit & faict capables ceux auxquels elle est ioinre. Et pour ce que les honneurs populaires ne peuuent faire cela, il est manifeste qu'ils n'ont d'eux mesmes aucune beauté ne dignité. En quoy il faut aduiser d'auantage, que si aucun est d'autant plus vil & abiect qu'il est blasmé de plusieurs, ne pouuans les dignitez faire respecter les meschans, elles font qu'ils sont plus blasmez & calomniez les descourant & faisant cognoistre à vn chacun. Mais ils s'en sçauent bien venger, car ils rendēt bien le semblable aux magistrats, les souillans & diffamans de l'ordure de leurs meschancetez. Mais à fin que vous cognoissiez ceste vraye reuerence, ne pouuoir aduenir par le moyen de ces dignitez, notez cecy, si aucun qui auroit esté plusieurs fois Cōsul, alloit de fortune en pays estrange, & par les nations barbares, pēsez vous que tel honneur le peust à l'endroiēt de ceux-là faire venerable? Et toutesfois l'on ne peut douter que si les dignitez auoient d'elles mesmes tāt de pouuoir, qu'en quelque lieu que ce fust ils ne s'esloignerioient iamais de tel offite, comme le feu en quelque lieu que l'on le mette est tousiours chaud: mais d'autant que non leur propre vertu, mais vne fausse persuasion des hommes leur attribuë cela, elles s'esuanouissent soudain qu'elles sont paruenues à ceux-là qui ne les estiment ny tiennent pas pour dignitez. Il est vray (me direz vous) que cela arriue entre les nations estranges, mais encores entre celles là où elles sont

nees,

nees, elles ne durent pas tousiours. C'estoit anciennement vne grande authorité que d'estre maistre du Palais, ce n'est a ceste-heure qu'un nom presque de rien, l'ordre de Senateur vne grãde charge : si quelcun le temps passé eust pris le soing des viures du peuple par vne chere annee, on le tenoit pour vn grand personnage. Y a il à present office plus abiect ? car comme nous auons dit cy deuant, cela qui n'a de foy ny de sa nature aucune dignité ou honneur qui luy soit propre, ains seulement par opinion de ceux qui en vsent, tantost reçoit splendetit, & puis tout soudain la pert. Donques si les magistrats ne peuuent faire respecter les hommes, si par la corruption des meschans qui les exercent ils enlaidissent, si par succession de temps ils delaisent d'estre honorables, si par l'opinion des personnes ils auilissent, quelle grande beauté y a il que l'on puisse desirer, s'ils n'en ont aucune d'eux mesmes, & s'ils n'en peuuent apporter à ceux qui les possèdent.

M E T R E I I I. du quatriesme liure.

*Les legers vaisseaux
D'Vlisse le sage
Errans sur les eaux
Après long voyage
Par un grand orage
Ont esté pouffez
Le long du riuage
Rompus & froissez.
Celle qu'on disoit
Avoir pris naissance
Du Soleil, faisoit
Là sa demeurance,
Qui eut la science
De si bien charmer,
Qu'elle auoit puissance
Les corps transformer:
Et point n'ignoroit
Des herbes l'usage,
Qu'elle pressuroit
En certain breuuage,
Changeant le visage
Des nouueaux venus,
En forme sauvage
Estans inconnus.
L'un d'eux tout soudain
D'un bouc prend la forme.*

*L'autre en Africain
Lyon se transforme:
L'autre se difforme
De la peau d'un loup:
L'autre tygre enorme,
Deuient tout à coup.
Mais l'Arcadien
Print pitié d'Vlisse
L'ostant du lien
Et venin de Circe,
Qui se coule & glisse
Dans tes gens domptez,
Par le malefice
Des ius enchantez,
En pourceaux changez
De gland se repaissent
Tousiours enfangez,
Ceres mesconoissent:
Tant la forme laissent
De leurs premiers corps,
Que plus n'apparoissent
Hommes au dehors.
Mais parmy le cuer
Au dedans ancree
Est quelque vigueur
Encor reserree,*

Et est

*Et est demeuree
Franche du poison,
L'ame remparee
D'humaine raison.
O que tel scauoir
A peu d'efficaces
De qui le pouuoir
Les corps seuls efface:
L'esprit en sa place
Immué se plaint*

*Du mal que luy brasse
Le corps en ce poinct.
Las les vices ont
Bien plus de puissance
Qui au corps ne font
Seulement offence:
Mais telle nuisance
Font de leur venin,
Qu'ils ostent l'usage
De raison en fin.*

En la IIII. Prose du quatriesme liure.

Les hommes vicieux retiennent la forme du corps humain ils se muent & changent neantmoins en bestes, quant à la qualité de l'ame &c.

Si la meschanceté rend les hommes miserables, il faut conclure que tant plus le meschant vit, plus il est miserable: Or si nous auons vrayement conclud des miseres & infortunes, que tant plus le mal dure long temps, & plus il est grand: il faut croire que la misere est infinie qui est eternelle &c.

Celui qui trouue vne conclusion mal-aisée à accorder, il faut ou qu'il monstre que l'une des propositions deuant dite soit faulse, ou qu'il prouue que la conionction des propositions n'a point asses d'efficace ny de force, pour asses necessairement conclure. Car les choses deuant dites, confessees & aduouees, il n'y a point d'occasion d'impugner & debatre la conclusion qui en resulte &c.

Mais ie vous prie dites moy vne chose, apres la dissolution de l'ame & du corps, y a il quelques peines & tourmens reservez aux ames? Ouy vrayement (dist Philosophie) & quelques vnes sont cruellement affligées, pour les punir, & les autres sont plus doucement traitées pour les purger: mais mon intention n'est pas de disputer à ceste heure de ces choses là &c.

Celuy qui fait iniure semble plus miserable que celuy à qui elle est faite, & l'iniure à qui qu'elle soit faicte, n'est pas la misere de celuy qui la reçoit, mais de qui la faict &c.

M A M B R I A N O R O S E O.

Le Parangon de vertu pour l'institution de tous princes, potétats & seigneurs Chrestiens contenant en sommaire les histoires Hebraïques, Greques, Latines Antiques, & modernes faisans à ce propos. Pris de l'Italien de Membrin de la Rose, & mis en françois. [impr. à Paris 8°. par Estienne Groulleau 1549.

M A M M E S G I S S E de Langres a faict

Tariffe & concordance des poids de 22. prouinces les plus pratiquez au temps present, par les marchans François, Allemans & plusieurs autres. Avec les comtes & rencontres qui enseignent à combien reuient toute qualité de chacune marchandise, soit en poids ou en nombre. [impr. à Lyon 8°. par Charles Pesnot 1571.

M A N A V L D E N G A L F R E D medecin d'Ales a escrit,
Le Manuel Calendrier par lequel est facile sçauoir le lieu & discours du Soleil
& de la Lune, ensemble les festes fixes ou mobiles en l'eglise Romaine cele-
brees. [impr. à Lyon 8°. par Jean de Tournes 1548.

M A N V E L P A L E O L O G V E.

Cent Preceptes Royaux de l'Empereur Manuel Paleologue à Ieá Paleologue
son fils & successeur en l'Empire Grec. Avec vne description du Printemps: Et
propos que tint Tamberlan à Baiazer, apres l'auoir vaincu, representez par le
mesme Empereur. le tout traduit en françois. [impr. à Paris 16°. par Cilles
Beys 1582.

Au Precepte 74.

Estre retenu est autant beau, comme c'est vn grand mal, d'estre inconsideré.
Car plusieurs se sont endommagez eux mesmes, non tant par leur faineantise,
que par inconsideration, prenans le mal pour le bien. C'est ce que lon dict que
les vices sont attachez aux vertus: & s'y trouue ie ne sçay quelle ressemblance,
des vns aux autres. Aussi n'est il pas autrement difficile d'estre trompé, à qui
n'y est attentif. Vous en trouuerez plusieurs pleins de vaine gloire, lesquels au
lieu de la vertu ont embrasé le vice qui luy ressembloit. I'ay veu vne extreme
auarice, estre nommee mesnagerie: & la colere, estre tenue pour magnanimité:
& vne infinité d'autres semblables. C'est pourquoy il faut vser d'une grande
vigilance, pour nous exempter d'une telle imposture. Car comme il n'y a rien
plus profitable aux ieunes, que de s'employer serieusement à l'estude des bon-
nes choses: aussi au contraire n'y a il rien qui nuise dauantage que l'incuriosi-
té. Et quant à celuy qui est adonné au sommeil, qui se plait à coucher molle-
ment, & viure en oisueté, il perdra facilement, & en beaucoup de façons, com-
me ie pense, ce qui luy aura esté acquis, possible par le trauail de son pere, ou
qui luy sera escheu casuellement, d'une part: Et n'amassera rien du tout, de ce
d'où il n'a encores esté iouyssant, d'autre.

S A I N C T M A R C Euangeliste.

Le Sainct Euangile de nostre Seigneur Iesus-Christ selon S. Marc. *du nouueau*
Testament.

M A R C A N T O N I N.

Institution de la vie humaine, Dressée par Marc Antonin, Philosophe, Empe-
reur Romain. Ou douze liures de sa vie, traduits de latin par Pardoux du Prat
qui a mis de belles annotations en marge. [imp. à Lyon 8°. par la veufue Ga-
briel Cotier 1570.

M A R C A N T O I N E D E M V R E T Iuriconsulte na-
tif de Lymoges maintenant prestre citoyen de Rome & lequel y est (i'ose di-
re) vne lumiere de nostre siecle en eloquence, a fait des doctes commentaires
sur le premier liure des Amours de Pierre de Ronsard. [imp. à Paris 4°. & 16°.
par plusieurs fois chez Gabriel Buon. Il a escrit aussi

Chançons spirituelles en nombre 19. que Claude Goudimel a mis en musique
à 4. parties. [impr. à Paris par Nicolas du Chemin 1555.

Oraison ou harangue pour Antoine & Ieanne Roy & Roine de Nauarre, Duc
& Du

& Duchesse de Vendosme, au Pape Pie III. [impri. à Lyon par Michel Ioue 1561.

Oraison prononcée en latin deuant le Pape Gregoire XII. touchant la punition des chefs des heretiques rebelles, mise en François par le mesme Muret, & impr. à Lyon par Benoist Rigaud 1573.

Oraison pour Henry III. du nom Roy de France & Poloigne prononcée en latin par deuant nostre saint pere le Pape, & par luy mesme mise en François. [impr. à Paris 4°. par Federic Morel 1576.

M. Anton. Mureti Hymnorum sacrorum liber. Eiusdem alia quadam poematia. Roma apud Georg. Ferrarium 1581.

Eius latina scripta vide apud Gesn.

M A R C A N T O I N E P R E B O N N E A V X Lymo-
fin a écrit,

Traicté sur la refutation des abus mis en auant par Roch le Baillif surnommé la Riuiere sur l'art signé & Phisionomie Herbaire, par lequel est monstre combien est grande l'erreur qu'il introduict en la cognoissance des plantes & de leurs facultez. [impr. à Paris 8°. par Gilles Gourbin 1579.

M A R C A N T. Z I M A R A.

Les Problemes de M. Ant. Zimara.

M A R C C L A V D E D E B V T E T Sauoisien a écrit
Deux liures de ses vers, le premier contenant 25. Odes, & le second 31. Odes. Auec son Amalthee œuvre de 128. Sonnets. [impri. à Paris 8°. par Michel Fezandat 1560.

L'Amalthee, augmentée de beaucoup de Sonnets, & imprimée à Lyon.
Il promet le troisieme liure de ses vers où il loue la vertu des plus illustres personnes de son pays. Il a aussi prest à mettre en lumiere, Iob, œuvre heroique & graue.

En l'Ode 15. du premier liure imitée d'Horace.

<i>Tous les maux, toute la misere,</i>	<i>Deust le ciel des la haute cime</i>
<i>Du pactol, tout l'or fluctueux,</i>	<i>Son grand bastiment ruiner,</i>
<i>En la fortune moins prospere,</i>	<i>Si bien remparé il s'anime</i>
<i>Ne sont puissans assez pour faire</i>	<i>Qu'un tant épouuantable abysme</i>
<i>Abbaïsser un cueur vertueux.</i>	<i>Le fraperoit sans l'estonner.</i>
<i>Non des citoyens la menace</i>	<i>En tous dangers contre la chance</i>
<i>Irez, comme un torrent émeu,</i>	<i>De fortune il peut se fermer</i>
<i>N'y d'un cruel Tyran la face,</i>	<i>Comme un rocher que le vent tence.</i>
<i>Fist il rougir & mettre en place</i>	<i>Quand sur luy d'un grand bruit s'essä-</i>
<i>Le Toreau d'crain sur un feu.</i>	<i>La vague, rage de la mer. (ce</i>

En l'Ode xx.

Tantost le renouveau plaisant
Vn esté coupe-bled nous donne

Et

*Et soudain que l'esté cuisant
A fait place au vineux Autonne,
L'hyuer recourt: ainsi l'heure nous meine
De iour en iour, à nostre mort certaine.*

En la 6. Ode du second liure.

<i>Ce que ton sort te donne,</i>	<i>Ne crein la derniere heure,</i>
<i>Te face tout contant,</i>	<i>Qui nous treine au trespas:</i>
<i>Si fortune n'est bonne,</i>	<i>Combien que le corps meure,</i>
<i>Ne te va tourmentant.</i>	<i>La vertu ne meurt pas.</i>

En l'Ode 11.

*La nature à tous donne une commune loy,
Un pource crocheteur & un superbe Roy
Naissans n'apportent rien, & quand ils s'en iront
Rien ils n'emporteront.*

*Tous nous faudra franchir un passage semblable,
Tous nous faudra passer l'onde non repassable,
Voir Sysiphe & Tantak, & la punition,
De l'orgueil d'Ixion.*

*Tandis que les trois seurs tireront nostre vie,
Loin de l'ambition, loin de la palle enue
Viuons nets de peché, &c.*

En l'Ode 14.

<i>L'or fait qu'ores l'auare mere</i>	<i>Et se vendent les benefices</i>
<i>Vend la fille aux sales Amours,</i>	<i>Comme meubles, au plus offrant.</i>
<i>L'or fait que l'enfant de son pere</i>	<i>Par or les honneurs on achete,</i>
<i>Cherche la mort auant ses iours,</i>	<i>Sans or tu n'auras iamais bien,</i>
<i>L'or fait dans une riche bouche</i>	<i>Sans or en ta iuste querelle</i>
<i>Entrer le venin trahissant,</i>	<i>Ton aduocat ne dira rien.</i>
<i>L'or fait étrangler dans sa couche</i>	<i>Bref mon Lâbert l'or tout maistrise,</i>
<i>Sans cause iuste l'innocent.</i>	<i>Maintenant l'or est adoré</i>
<i>Par or s'achetent les offices,</i>	<i>Chacun veut l'or, chacun le prise,</i>
<i>Pour destruire un pauvre souffrant:</i>	<i>Voicy un vray siecle doré.</i>

En l'Amalthee Sonnet.

*Du supreme puissant la prudence eternelle
A l'image de soy en soufla la raison*

B B Dans

*Dans ce terrestre corps, baty pour sa maison.
 Pour estre reconnue en l'œuvre uniuerselle.
 Mais ce traistre mutin à son Roy infidelle,
 Toujours nous va cërchant la mort, & la poison:
 S'efforçant captiuier en son orde prison
 Par folles voluptez, la belle ame immortelle.
 He Dieu, hé Dieu qu'en foy l'homme a de grands discords:
 L'esprit genre diuin t'asche à dompter ce corps
 Qui rompant le dur frein, en vains plaisirs veut viure:
 Il croupit tout en terre, & l'autre est desirieux
 S'en retourner au ciel. O esprit genereux!
 Heureux sus tous heureux, qui constant te peut suiure.*

M A R C P A V L V E N I T I E N.

La Description Geographique des ptoinces & villes plus fameuses de l'Inde Orientale, meurs, loix & coustumes des habitans d'icelles, mesmement de ce qui est soubs la domination du grãd Cham Empereur des Tartares: escrite en latin par Marc Paulo gentilhomme Venitien, & traduite en françois par F. G. L. [impri. à Paris 4°. par Estienne Groulleau 1556.

M A R C T V L L E S C I C E R O N. Voyez Laurens de premier faict, Dauid Miffant, Antoine Macaut, Estienne Dolet, Estienne le Blanc, Iean Colin, Robert du Souchey, Loys Meigret, Blaise de Vigenere, Guy le Feure.

M A R C V A L E R E M A R T I A L.

Epigrammes imitez de Martial par Marot, par Iean de la Gesse, & autres Poëtes François.

M A R C V I T R V V E P O L L I O N.

Architeecture. Voyez Iean Gardet.

M A R C E L D O N A T.

Traicté de la vertu de la racine nouuelle de Mechioacan &c. Voyez Pierre Tolet.

M A R C E L L V S P A L I N G E N I V S.

Recueil de plusieurs discours tirez du Zodiaque de la vie, de Marcellus Palingenius, medecin du duc de Ferrare, & traduits en vers françois par Scteuole de sainte Marthe.

M A R C H E B R V S C gentilhomme de Poictou, vint habiter en Prouence avec sa mere, qui estoit la plus braue courtizane qui fut de long temps en Prouence, issue de la maison des Chabbots noble & tresancienne race de Poictiers, estoit sauante & la plus fameuse Poëte en langue Prouençalle, & és autres vulgaires, autant qu'on eust peu desirer. Tenoit Cour d'Amour ouuerte en Auignon, où se trouuoient tous les Poëtes, gentilhommes, & gentilshommes du pais, pour ouyr les diffinitions des questions, & tenons d'Amours qui y estoient proposees, & enuoyees par les seigneurs & dames de toutes les marches & contrees de l'environ. Celuy des Poëtes de ce temps qui pouuoit

pouuoit recouurer vn chant ou vn sonnet qu'elle eust faict, s'estimoit trop heureux: elle eust ce seul fils nommé Marchebrusc, non moins bon Poëte que la mere, fut facile & doux en sa poësie. A fait vn traicté intitulé *De la Nature d'Amour*. auquel il décrit parfaictement tous les abus d'Amour, toutes ses forces, ses changemens, ses effects incertains, toutes ses imperfections, & tous les biens, & les maux qui en procedent. Le Monge des isles d'Or tient, que c'est la mere qui a faict & composé ce traicté: & que ce Poete a faict vn autre intitulé *Las Taulas d'Amour*. La mere & le fils chantoient & fleurissoient en Auignon du temps que Clement sixiesme du nom Pape y presidoit, qui fut presque du mesme temps que Iehanne premiere du nom fille d'un fils du Roy Robert, Royne de Naples, & Comtesse de Prouence: fist estrangler son mary Andreas, frere de Loys Roy d'Hongrie, en l'an 1346. Aucuns ont escrit que les sonnets que Petrarque feit contre Rome, estoient faicts contre la mere de ce Marchebrusc, qu'il a nommee *Roma*, *l'auara Babylonia*, *Maluagia*, *Nido di tradimento*, *fontana di dolore*, & plusieurs autres parolles fort aigres. Le Monge de Montmaieur l'a nommee *La Palharda d'Amor*.

M A R G V E R I T E tresillustre Roine de Nauarre seur du treschrestien Roy, François premier de ce nom, Duchesse d'Alençon, espouse en secondes nopces de tresillustre Henry d'Albret Roy de Nauarre, au reste princesse qui a esté souuerainement parfaicte en poësie, docte en philosophie, consommee en l'escriture saine iusques à en rendre les plus sçauans émerueillez, a escrit en sa langue autant doctement (selon que portoit le temps auquel elle viuoit) que les Grecs ou les Latins ont faict en la leur: de maniere que tout homme de sçauoir & bon iugement qui lira ses œuvres sans sçauoir qui les a faict, ne les iugera estre la composition d'une femme: mais bien plustost de quel que tresgraue & tresparfond docteur. Car cōme elle passoit toutes celles de son sexe en viuacité d'esprit & auoit en vn corps feminin, vn cœur heroique & viril: ainsi employoit elle le temps aux arts dignes de l'occupation des plus excellens hommes de son temps. Ses œuvres poëtiques ont esté ramassees & mises ensemble apres son decez, à la diligence de Simon Syluius dict de la Haye son valet de chambre, qui les a faict imprimer en vn volume 8°. à Lyon par Iean de Tournes 1547. sous le tiltre suiuant:
Marguerites de la Marguerite des princesses tresillustre Roine de Nauarre.

Ce qui y est contenu:

Le Miroir de l'Ame pechereuse. Discord de l'esprit & de la chair. Oraison de l'Ame fidele à son seigneur Dieu. Autre oraison à nostre seigneur Iesus Christ. Comedie de la Natiuité de Iesus-Christ, en laquelle sont entreparleurs, Ioseph, Marie, trois Hostes, cinq Anges, Dieu, Sophron, Elpison, Nephele bergers, Philetine, Cristilla, Dorothee Bergeres, Sathan. Comedie de l'Adoration des trois Roys à Iesus-Christ, où sont introduicts qui entreparlent Dieu, Philosophie, Tribulation, Intelligence diuine, Balthasar, Melchior, Gaspar, Inspiration, Les seruiteurs des Roys, Herode, Le Herault d'Herode, Deux docteurs. Marie, Trois Anges, Dieu. Comedie des Innocens. Comedie du Desert. Le Triomphe de l'Aigneau. Complainte

B B 2

pour

pour vn prisonnier. Chançons spirituelles. La fable des Satyres & Nymphes de Diane. Quatre Epistres au Roy son frere. Epistre au Roy de Nauarre. Les quatre Dames & les quatre Gentilshommes. Comedie où sont introduicts deux filles, deux mariees, La vieille, le vieillard, & les quatre homes. Farce de Trop, Prou, Peu, Moins. La Coche. L'ymbre. La Mort & Resurrection d'Amour. Responce à la chanson Je vous suplie entendez moy. Eclogue composee par treschrestienne Princeesse Marguerite de France, Roine de Nauarre. [impr. hors le volume de ses Marguerites, à Pau 4°. par Iean de Vingles 1552. Les Bergers y introduicts sont nommez, Securus premier berger, Amarissime bergere, Agapi second berger. Paraclesis. Elle a escrit aussi en prose vn liure de comptes ou Nouuelles, auquel se iouant sur les actes de la vie humaine, elle a laissé si belles instructions, qu'il n'y a celuy qui n'y trouue matiere d'erudition: & si a (selon tout bon iugement) passé Boccace es beaux discours qu'elle a fait sur chacun de ces comptes: Ainsi que dit Claude Gruget, qui l'a remis en son vray ordre & l'a fait imprimer à la seconde edition sous tiltre tel, L'HEPTAMERON, ou histoire des amans fortunez, des Nouuelles de tresillustre Princeesse Marguerite Roine de Nauarre. [impr. à Paris 4°. par Gilles Robinot 1576.

En l'Oraison de l'Ame fidele, qui contient plus
de 1500. Vers:

*Seigneur, duquel le siege sont le cieux:
Le marchepied, la terre, & ces bas lieux,
Qui en tes bras enclos le firmament,
Qui es tousiours nouveau antique & vieux,
Rien n'est caché au regard de tes yeux:
Au fonds du roc tu vois le diamant,
Au fonds d'Enfer ton iuste iugement,
Au fonds du ciel ta maiesté reluire,
Au fonds du cœur le couuert pensement,
Qui est celuy qui te voudroit instruire?
Plus qu'un esclair ton œil est importable,
Plus qu'un tonnerre est ta voix effroyable,
Plus qu'un grand vent ton esprit nous estonne,
Plus que foudre est ton coup ineuitable,
Plus que Mort est ton ire espouuantable,
Plus que nul feu ton courroux peine donne:
Tu penses, veux, & fais, & si ordonnes
Ce qu'il te plait, tuer resusciter,
Est en ta main, dont l'œuvre est tousiours bonne.
Qui est le sot qui pense y resister?
Plus qu'un Soleil ton regard est luisant,*

Plus

*Plus qu'un beau iour ton visage est plaisant,
Plus que rosee au cœur ton esprit doux &c.*

Et vn peu plus bas:

*Seigneur, Cuidier a voulu entreprendre
De ta hauteur sens & puissance entendre,
Et deuiser de tes graces & biens.
Mais il auroit besoin premier d'apprendre
Que c'est de luy, & dedans soy descendre:
Lors trouueroit que s'il est, il est Riens.
Rien que peut il? moindre est que fange & fiens:
Mais si ce Rien au vray se cognoissoit
Rien & toy Tout &c.*

En l'Heptameron.

*Punition plus rigoureuse que la mort, d'un mary enuers sa
femme adultere.*

Nouuelle xxxii.

LE ROY Charles huictiesme de ce nom, enuoya en Allemagne vn gentilhomme nommé Bernage, seigneur de Cyuré pres d'Amboise, lequel pour faire bõne diligence, & auancer son chemin, n'espargnoit iour ne nuict, en sorte qu'un soir bien tard, arriua au chasteau d'un gentilhomme, ou il demanda logis, ce qu'à grand peine peut auoir. Toutesfois quand le gentilhomme entendit qu'il estoit seruiteur d'un tel Roy, s'en alla au deuant de luy, & le pria de ne se mal contenter de la rudesse de ses gens: car à cause de quelques parens de sa femme, qui luy vouloient mal, il estoit contraint tenir sa maison ainsi fermée. Au soir ledict Bernage luy dict l'occasion de sa legation, en quoy le gentilhomme s'offroit de faire tout seruice à luy possible au Roy son maistre: & le mena dedans sa maison, ou il le logea & festoya honorablement. Et étant heure de soupper, le gentilhomme le mena en vne salle rendue de belle tapisserie: & ainsi que la viande fut apportee sur la table, veit sortir de derriere la tapisserie, vne femme, la plus belle qu'il estoit possible de regarder, mais elle auoit la teste toute tonduë, le demeurant du corps habillé de noir à l'Allemande. Apres q le gentilhomme eut lauë avec ledict Bernage, l'on apporta de l'eau à ceste dame, qui l'aua, & s'en alla seoir au bout de la table, sans parler à nul, ny nul à elle. Le seigneur de Bernage la regarda bien fort, & luy sembla l'une des plus belles dames qu'il eust iamais veuë, sinon qu'elle auoit le visage bien pale, & la contenance fort triste. Apres qu'elle eut vn peu mangé, demanda à boire, ce que luy apporta vn seruiteur de leans, dedans vn esmerueillable vaisseau: car c'estoit la teste d'un mort, de laquelle les pertuis estoient bouchés d'argent: & ainsi beut deux ou trois fois la damoiselle. Apres qu'elle eut souppé &

B B 3 lauë

l'aué les mains, fait vne reuerence au seigneur de la maison, & s'en retourna derriere la tapisserie, sans parler à personne. Bernage fut tant esbahy, de veoir chose si estrange, qu'il en deuint tout triste & pensif. Le gentilhomme qui s'en apperceut, luy dist: Le voy bien, que vous vous estonnez de ce qu'avez veu en ceste table: mais veu l'honnesteté, que i'ay trouuee en vous, ie ne vous veux celer que c'est, à fin que vous ne pensiez qu'il y ait en moy telle cruauté, sans grande occasion. Ceste dame que vous voyez, est ma femme, laquelle i'ay plus aimée que iamais homme ne pourroit aimer la sienne: tant que pour l'espouser i'ay oublié toute crainte, en sorte que ie l'amenay icy malgré ses parens. Elle aussi me monstroient tant de signes d'amour, que i'eusse hazardé dix mille vies, pour la mettre ceans à son aise & au mien, ou nous auons vescu long temps en tel repos & contentement, que ie me renois le plus heureux gentilhomme de la Chrestienté. Mais en vn voyage que ie fey, ou mon honneur me contraignoit aller, elle oublia tant le sien, sa conscience, & l'amour qu'elle auoit en moy qu'elle fut amoureuse d'un ieune gentilhomme que i'auois nourry ceans, dont à mon retour ie m'en cuiday appercevoir. Si est-ce que l'amour, que luy portois, estoit si grande, que ie ne me pouuois déffier d'elle iusques à ce que l'expérience m'ouurit les yeux, & vey ce que ie craignois plus que la mort. Parquoy l'amour que ie luy portois fut couuertie en fureur & desespoir: de sorte que ie la guettay de si pres, qu'un iour feignāt aller dehors me cachay en la chambre, ou maintenant elle demeure: en laquelle bien tost apres mon partement se retira, & y feit venir ce ieune gentilhomme, lequel ie vey entrer avec la priuauté qui n'appartient qu'à moy auoir à elle. Mais quand ie vey qu'il vouloit monter sur le liēt aupres d'elle ie failly dehors & le prins entre ses bras, ou ie le tuay. Et pource que le crime de ma femme me sembla si grand, que telle mort n'estoit suffisante pour la punir, ie luy ordonnay vne peine, que ie pense qu'elle a plus desagreable que la mort: c'est, de l'enfermer en la chambre ou elle se retiroit pour prendre ses plus grands delices, & en la compagnie de celuy qu'elle aimoit trop mieux que moy: auquel lieu ie luy ay mis dans vne armoire tous les os de son amy, pendus comme vne chose precieuse en vn cabinet. Et à fin qu'elle n'en oublie la memoire, en beuuant & mangeant luy fais seruir à table tout deuant moy, en lieu de coupe la teste de ce meschant, à ce qu'elle voye viuāt celuy qu'elle faict son mortel ennemy par sa faute, & mort pour l'amour d'elle celuy duquel elle auoit preferé l'amitié à la mienne: & ainsi elle voit à disner & soupper les deux choses qui plus luy doiuent desplaire, l'ennemy viuāt, & l'amy mort, & tout par son peché. Au demeurant, ie la traicte comme moy, sinon qu'elle va tonduë: car l'ornement des cheueux n'appartient à l'adultere, ne le voile à l'impudique: parquoy s'en va rasée, montrant qu'elle a perdu l'honneur, la chasteté & pudicité. S'il vous plaist prendre la peine de la veoir, ie vous y meneray. Ce que feit volontiers Bernage, & descendirent en bas & trouuerent qu'elle estoit en vne tresbelle chambre assise toute seule, deuant vn feu. Le gentilhomme tira vn rideau qui estoit deuant vne grande armoire, ou il veit pendus tous les os d'un homme mort. Bernage auoit grande enuie de parler à la dame, mais de peur du mary il n'osa. Ce gentilhomme qui s'en apperceut luy dist: S'il vous plaist luy dire quel-

que

que chose, vous verréz quelle phrase & parolle elle a. Bernage luy dist à l'heure: Ma dame, si vostre patience est egale au tourment, ie vous estime la plus heureuse femme du monde. La dame ayant la larme à l'œil, avec vne grace tant humble qu'il n'estoit possible de plus, luy dist: Monsieur ie confesse ma faute estre si grande, que tous les maux que le seigneur de ceans (lequel ie ne suis digne de nommer mary) me sçauroit faire, ne me font rien, au pris du regret que j'ay de l'auoir offensé: & en disant cela, se print fort à plorer. Le gentilhomme tira Bernage par le bras, & l'emmena. Le lendemain au matin s'en partit, pour aller faire la charge que le Roy luy auoit donnee. Toutesfois disant à Dieu au gentilhomme, ne se peut tenir de luy dire, Monsieur, l'amour que ie vous porte: & l'honneur & priuauté que vous m'avez faicte en vostre maison me contraignent vous dire, qu'il me semble (veu la grande repentance de vostre pauvre femme) que vous luy deuez vser de misericorde, & aussi que vous estes ieune, & n'avez nuls enfans, & seroit grand dommage de perdre vne telle maison que la vostre, & que ceux qui ne vous aiment (peut estre) point en fussent heritiers. Le gentilhomme, qui auoit deliberé de ne parler iamais à sa femme, pensa longuement au propos que luy tint le seigneur de Bernage & en fin cogneut qu'il luy disoit verité, & luy promist, que si elle perseueroit en ceste humilité, il en auroit quelque fois pitié. Ainsi s'en alla Bernage faire sa charge. Et quand il fut retourné deuers le Roy son maistre, luy fit tout au long le compte, quelle prince trouua tel comme il disoit: & entre autres choses ayant parlé de la beauté de la dame, enuoya son peintre nommé Iean de Paris, pour luy rapporter au vif ceste dame, ce qu'il fait, apres le consentement de son mary: lequel apres longue penitence, pour le desir qu'il auoit d'auoir enfans, & par la pitié qu'il eut de sa femme, qui en si grande humilité receuoit ceste penitence, la reprint avec soy, & en eut depuis beaucoup de beaux enfans.

Mes dames, si toutes celles, à qui pareil cas, comme à elle, est aduenü, beuuoient en tels vaisseaux, i'aurois grand peur, que beaucoup de coupes dorees seroient conuerties en testes de morts. Dieu nous en vueille garder: car si sa bonté ne nous retient, il n'y a aucune d'entre vous qui ne puisse faire pis: mais ayant confiance en luy, il gardera celles, qui confessent ne se pouuoir par elles mesmes garder. Et celles, qui se confient en leurs forces & vertuz, sont en grand danger d'estre tentees, iusques à cōfesser leur infirmité: & vous assure, qu'il s'en sont veuës plusieurs que l'orgueil a fait trespucher en tel cas, dont l'humilité sauuoit celles, q lon estimoit les moins vertueuses. Et dit le vieil prouerbe, que ce que Dieu garde, est bien gardé. Je trouue, dist Parlemente, ceste punition autant raisonnable, qu'il est possible: car tout ainsi que l'offense est pire que la mort, aussi est la punition pire que la mort. Je ne suis pas de vostre opinion, dist Emarfuitte: car i'aimerois mieux veoir toute ma vie les os de tous mes seruiteurs en mon cabinet, que de mourir pour eux: veu qu'il n'y a meffaiet ne crime qui ne se puisse amender, mais apres la mort n'y a point d'amendement. Comment? sçauriez vous amender la honte, dist Longarine: car vous sçavez que quelque chose que puisse faire vne femme apres vn tel mesfait, ne sçauoit repater son honneur: ie vous prie, dist Emarfuitte, dictes moy si la Magda-

leine n'a pas plus d'honneur maintenant entre les hommes, que sa sœur qui estoit vierge. Je vous confesse, dist Longarine, qu'elle est louee entre nous de la grande amour quelle a portee à Iesus Christ, & de sa grande penitence, mais si luy demeure-il le nom de pecheresse. Je ne me soucie dist Emarfuite, quel nom les hommes me donnent: mais que Dieu me pardonne & mon mary aussi il n'y a rien pourquoy ie vous fesse mourir. Si ceste damoiselle aimoit son mary, comme elle deuoit (dist Dagoucin) ie m'esbahis qu'elle ne mourroit de dueil en regardant les os de celuy à qui par son peché elle auoit donné la mort. Comment Dagoucin, dist Simontault, estes vous encores à sçauoir que les femmes n'ont amour ny regret? Ouy dist-il, car iamais ie n'ay osé tenter leur amour, de peur d'en trouuer moins que ie desire. Vous vivez doncques de foy & d'esperance, dist Nomerfide, comme le pluuiier du vent, vous estes bien aisé à nourrir. Je me contente dist-il, de l'amour que ie sens en moy, & de l'esperoir qu'il y a au cueur des dames, mais si ie le sçauois, comme i'espere, j'aurois si extreme contentement, que ie ne le pourrois porter sans mourir. Gardez vous bien, dist Guebron, de la peste: car de ceste maladie là, ie vous assure. Mais ie voudrois sçauoir à qui ma damoiselle Oisille donnera sa voix. Je la donne dist elle à Simontault, lequel ie sçay bien, n'espargnera personne. Autant vaut, dist il, que me mettiez assus que ie suis vn peu mesdisant. Si ne lairrai-je à vous monstrier, que ceux, que lon disoit mesdisans, ont dit verité. Je croy mes dames, que vous n'estes si sottes de croire en toutes les nouuelles que lon vous vient compter, quelque apparence qu'elles puissent auoir de saincteté, si la preuue n'y est si grande, qu'elle ne puisse estre remise en doute. Aussi sous espece de miracle y a bien souuent des abus.

MARGVERITE DE CAMBIS Veufue du Seigneur & baron d'Aygremon en Languedoc a traduit d'Italien

Epistre du Seigneur Iean George Tryssin de la vie que doit tenir vne Dame veufue. [impr. à Lyon 16°. par Guillaume Rouille 1554.

Epistre consolatoire de l'exil enuoyee par Iean Boccace au Seigneur Pino de Rossi. [impr. à Lyon 16°. par Guillaume Rouille 1556.

MARIE DE CLEVES.

L'oraison & remonstrance de haulte & puissante dame Marie de Cleues seur de treshault & puissant seigneur le Duc de Cleues & de Gueldres faicte au Roy d'Angleterre & à son cōseil, traduite en françois. [impr. à la Riuou 4°. par Nicole Paris imprimeur de Messire Iean de Luxembourg.

MARIE DE FRANCE fut vne Trouuerre laquelle ne portoit ce surnom, pour ce qu'elle fust du sang des Rois: mais pource qu'elle estoit natifue de France, ainsi qu'elle dit,

Au finement de cet escrit,

Me nommeray par remembrance,

Marie ay nom, si suis de France.

Elle met en vers françois les fables d'Esop moralisees qu'elle dit auoir translatees d'Anglois en François

Por

*Por l'amour au comte Guillaume,
Le plus vaillant de ce royaume.*

M A R I E D E R O M I E V seur de Iaques de Romieu cy deuant nommé,

Les premieres œuures poëtiques de Marie de Romieu de Viarez, esquelles se voit vn discours, Que l'excellence de la femme surpasse celle de l'homme. Ce qui ne luy sera accordé. [impr. à Paris 12°. par Lucas Breyer 1581.

M A R I E D E S T V A R T.

La harangue de tresillustre Princesse Marie de Stuart Roine d'Escoce, douairiere de France par elle faite & prononcee en l'assemblee des estats de son Royaume tenus au mois de May 1563. [imprimee à Rheims par Iean de Foigny.

Meditation faite par la Roine d'Escoce douairiere de France, recueillie d'un liure des consolations diuines composé en latin par l'Euesque de Rossé, & mise en rime Françoisé. [impri. à Paris avec ledit liure des consolations 8°. par Pierre l'Huillier 1374.

M A R I N B A R L E T. Voyez aux Harengues militaires de Belle-forest. & aussi l'histoire de Castriot dict Scanderbeg traduite de son latin.

M A R I N L E F E V R E a traduit du latin de Philippes Besançon Docteur en Medecine,

Traicté en forme de Dialogue, des merueilleux effets de deux admirables fontaines en la forest d'Ardenne, & le moyen d'en vser en plusieurs maladies. [impri. à Paris 8°. par Pierre Cauellat 1577.

M A R I V S E Q V I C O L A. Voyez Michel Roté. Gabriel Chapuis.

M A R S I L E F I C I N, Philosophe Medecin & Theologien tres-excellent,

De la Triple vie &c. Voyez Iean Beau-fils. Guy le Feure.

De la religion Chrestienne &c. chapitres xxxviii. traduits par Guy le Feure.

Commentaire sur le banquet de Platon, traduit par Symon Syluius.

Au 35. chap. du liure de la Religion Chrestienne.

Plusieurs choses confirment la doctrine de Christ: premierement les predictions des Sibylles & des prophetes: puis apres la sainteté & les miracles de Christ & des Chrestiens. Et par dessus encor ceste merueilleuse profondeur & maiesté excédante toute cōmune façon de dire laquelle est recogneuë en leur stile, combien qu'aucuns au precedent fussent pescheurs rudes & grossiers, comme S. Pierre, saint Iaques, & saint Iean. Et afin que ie me taise de S. Paul, lequel combien qu'auant sa conuersion il fust homme tres-docte, toutesfois depuis en ses Epistres il s'eleue de beaucoup par dessus l'homme: Qu'est il rien plus magnifique & auguste que les Epistres de S. Pierre? Quoy plus venerable que l'Epistre de saint Iaques, & de saint Iude? Que dirons nous de l'Apocalypse

pse de saint Iean: lequel liure nous rapporte & represente la face du ciel, & contient autant de sacrements & misteres, que de paroles. Qu'est-ce que de ses Epistres, auxquelles sans aucuns mots fardez on goust vne douceur nectaree, & vn sens tout diuin? Quant à son Euangile il semble auoir esté escrit des mains de Dieu non pas d'un homme. Et Amelie Platonique le lisant, iura par Iupiter que cest homme barbare, c'est à dire Iuif, auoit brefuement compris tout ce que Platon & Eraclite auoient disputé de la raison diuine, du principe, & disposition des choses. Simplician recite qu'il a ouy dire à vn Platonique, que le commencement & preface de l'Euangile d'iceluy deuoit par tout estre escrit aux frontispices des temples en lettres dorees. En somme telle a esté la vie de tous, quelle a esté leur parole. Car tout ainsi qu'en conuersation ils ont esté tresdebonnaires, aux dangers & aux labeurs tresforts & tresconstans, aussi ont ils esté en parler humbles, & ensemble treshauts. Telles alliances & conuictions sont estimees des Philosophes surpasser la nature. Ainsi d'oc Christ leur maistre, ainsi qu'il auoit promis, a rendu ces pescheurs rustiques pescheurs excellens des hommes. Et ce qui est admirable, apres qu'il fut monté au ciel, de rudes & grossiers qu'ils estoient par vne soudaine inspiration venant du ciel, il les enseigna d'une telle merueille, que soudain deuant tout le peuple ils estoient faconds & scauans en toutes langues & toutes doctrines. Ce qui est euidemment demonstté, par ce qu'eux mesmes ont enseigné plusieurs homes doctes, & plusieurs excellens en sapience ont librement soumis le col dessous leur ioug. Hierothee, Denis Areopagite, & Iustin Platoniques (desquels les escrits sont remplis de toute sapience) ont soustenu la croix de Christ ensemble avec les Apostres. Dauantage Pantene Stoïque, Quadrat, Agrippe, Aristide, Luc & Marc Philosophes, Tenas & Apollo tresdoctes en la loy Iudaïque. Que diray-ie du sage Ignace disciple de Christ, & Euesque d'Antioche? Lequel comme il estoit lié & detenu, & qu'on le menoit à Rome pour estre deuoré des bestes, escriuit sur le chemin plusieurs epistres du martyre & de la doctrine chrestienne, adressees aux Ephesiens, aux Magnesiens, aux Thraces, Smyrneens, Philadelphiens, à Polycarpe, & aux Romains. Et en l'epistre aux Romains, il dit: Depuis Syrie iusques à Rome ie comba pour estre deuoré des bestes. Cependant estant lié iour & nuict ie bataille avec dix Leopards, c'est à dire avec dix gendarmes, qui me gardent, auxquels, d'autant plus que ie fais de bien, ils en sont pires. Or leur iniquité me sert de doctrine & d'erudition, mais pourtant ie ne suis pas iustificié. A ma volonté que ie puisse iouyr des bestes qui me sont preparees, lesquelles ie prie qu'elles soient promptes & soudaines à ma mort, & que ie les puisse allecher à me manger, de peur que i'ay qu'elles n'offent toucher mon corps, ainsi que des autres martyrs: que si elles ne veulent venir ie leur feray force, afin que ie sois deuoré. Pardonnez moy, mes enfans, ie scay ce qui m'est profitable. Ie commence maintenant d'estre disciple. I'a n'auienne que ie desire aucune chose de ce qu'on void, ny de ce qu'on ne void point, afin que ie trouue Iesus Christ: le feu, la croix, les bestes, le brisement des os, la diuision des membres, la moulure & le broyement de tout le corps, tous les tourmens inuentez par l'art du diable viennent sur moy pourueu que ie iouysse de Iesus Christ. Voilà qu'il dit: Et comme il estoit ia condamné d'estre

estre ietté, & qu'il oyoit ja les Lions rugissans, d'une ardeur qu'il auoit de souffrir, il dist: Je seray moulu par les dents des Lions, afin que ie deuienne vn pain net & monde. Polycarpe aussi Euesque de Smyrne, compagnon de saint Jean l'Euangeliste, grand Docteur d'Asie, estant prié par le Iuge de denier Iesus, respondit qu'il ne pourroit rehier celuy auquel il auoit ia heureusement seruy par huitante & six ans. Par ainsi estant tout embrasé de l'amour de Christ, il endura fort aisément les flammes du feu & la mort. Voila que les Smyrneens escriuirent de luy aux Eglises de Pont. Et Iustin le Platonique, auditeur des Apostres, au liure que pour la deffense de nostre religion il presenta aux iuges Romains, apres qu'il a fait le denombrement de plusieurs excellens martyrs, prophetise qu'il seroit aussi consumé par martyre par les embusches d'un certain Crescent Cinique, ou plustost meschant, disant ainsi: Et moy aussi j'espere que ie souffriray embusches de quelqu'un de ceux auxquels pour la verité ie resiste. J'espere, dy-ie, que ie seray frappé d'un baston ou d'une massue, voire, & ne fust ce que de Crescet, non amateur de sagesse, mais de vaine pompe. Ce qui auint ainsi, & Iustin l'endura autant magnanimement comme il l'auoit preueu manifestement. Mesmes saint Jean l'Euangeliste auoit preueu & predit en la fin de son Euangile, qu'encor qu'il endurast des tourmens extremes, il ne pourroit estre mis à mort. Il auoit aussi tres-euidemment predit en l'Apocalypse, entre les autres calamitez des Chrestiens, celle qui auint sous l'Empereur Valerian, de laquelle Denys Euesque d'Alexandrie, martyr de ce temps là, a dit: Il a esté reuelé à saint Jean de dire: Et il luy a esté donné vne bouche parlante choses grandes & blasphemés, & luy a esté donnée puissance par l'espace de quarante & deux mois, & l'un & l'autre est accompli en Valerian. Voila que dit Denis. Mais il conuenoit auant les autres Martyrs de faire mention de Simon, cousin germain de Iesus Christ, lequel apres longs tourmens souffrit aussi volontiers la croix, estât ia paruenü à l'age de cent & vingt ans. Mais voicy vne grande troupe d'hommes excellés en toute doctrine qui se presentent deuant moy, à sçauoir Timothee, Tite, Clement Romain, Barnabé, Jean le prestre, Aristion, Sothene, Syluan, Sosipatre, Demophile, Dorothée, Philemon, Andronique, Urbain, Lucie, Iason, Tertius, Crescent, Linus, Cletus, Paul Sergie proconsul de Cypre, Sylas, Demas, Egesippe Iuis, Crispe, Epaphras, Marcie, Aristarque, Epaphrodite, Tychique, Onesime, Eudie, Papias, Hermas, Iustus Gaius, & Mellite philosophe d'Asie, qui composa vn liure pour Christ présenté à Marc Antonin le veritable: & plusieurs autres hommes treffages disciples des Apostres, lesquels regardoient en assurance la croix l'un de l'autre, & incontinent chacun sans crainte, attendoit la sienne & la soustenoit inuaincu. Plusieurs autres sages ont imité ceux-cy, comme Theophile, Denis, Penitee de Crete, Tacian, Philippe, Musian, Modeste philosophe, Bardasenes Syrien Dialecticien & Mathematicien, Apollinaire philosophe: ces deux derniers presenterent des liures pour nostre religion: Victor, Irenee, Rhodon, Clement Alexandrin, Milciade tresdocte, qui pour la religion chrestienne presenta vn liure à Marc Antonin Commode, Apollonie philosophe, Senateur de la ville de Rome & Martyr de Christ, qui composa vn liure tresexcellent présenté à Commode Seuerie pour luy rendre raison de
fa

sa foy. Apollonie, Abel, Cerapion, Bachile, Polycrate, Heraclite, Maxime, Caidide, Appion, Sextus, Arauian, Narcisse, Iudas, Tertullian vne fontaine de doctrine qui florissoit sous Seuerus Empereur, & qui s'escria ainsi contre les Iuges. Nous disons, & le disons publiquement, & combien que nous soyons déchirez & ensanglantez par vos tourmens, si ne laissons nous de crier à haute voix, Nous adorons Dieu par Iesus Christ. Estimez tant que vous voudrez que c'est vn homme, tant y a que Dieu veut en luy & par luy estre cogneu & adoré. Nous rendons grâces à vos sentèces & arrestis quand nous sommes condamnés de vous, nous sommes absous de Dieu. Ammonie Alexandrin noble Platonique, Leonide le sage pere d'Origene, Origene luy mesme, homme entre tous admirable en doctrine & en vie, lequel Porphyre prefere pour sa doctrine à tous les plus sçauans de son siecle, lequel en huit volumens a confuté les disputes de Celse Epicurien à l'encontre des Chrestiens, & autant escrit de liures de la philosophie chrestienne, qu'à peine vn homme en vn fort loë aage les pourroit lire. Iceluy (côme recite Eusebe) souffrit pour la gloire de Christ des tourmens souuent repetez, & incogneus à tous les siecles. De luy furent disciples tres-illustres Plutarque, Heraclide, Heros, & les deux Serenes qui pour Christ receurent la couronne de martyr. Puis Triphon & Ambroise disciples d'Origene: Minuce, Gaius, Berille, Hippolite, Alexandre, Iules, African Gemin, Theodore, Corneille, Cyprian d'Afrique martyr, & tres-excellent en sapience & en eloquence: Ponce disciple de Cyprian, Denys, Nouatian, Marion, Archelas, Anatolie Alexandrin philosophe seignallé, Victorin, Pamphile martyr tres-suffisant, & son disciple Eusebe de Cesaree semblable au maistre: Phierie, Lucian, Phileas, Arnobe, Lactance, Rethrique, Methodie insigne philosophe, lequel en vn excellent volume a confuté les disputations & argumens de Porphyre contre nous: Iuence, Eustache, Marcel, le grand Athanase, Antonin, Basile, Theodore, Eusebe, Emisene, Triphile, Lucifer, l'autre Eusebe, Sardus, Acace, Serapion, le grand Hilaire, Victorin, Titus, Damase, Apollinaire, Gregoire Betique, Pacian, Phebadie, Didyme Alexandrin homme diuin, & Ambroise Alexandrin son auditeur, Optat Milleuitain d'Afrique, Achilie, Cyrille, Cuzonis, Epiphane, Ephrem Syrien, le grand Basile & Gregoire son frere, Gregoire Nazianzene surnommé le Theologien. Cestuy respond subtilement & copieusement aux inuectiues de Iulian l'Empereur à l'encontre des Chrestiens, Diodore, Ambroise, le grand Euagre philosophe, Maxime, Jean Chrysostome, Gelase, Theotime dexter, Amphiloche, Sophronie, & autres hommes presque innombrables excellens en doctrine: lesquels en partie deuant Iulian Empereur, & en partie, luy regnant entre les glaiues & le feu de plume, de langue, de vie & de mort ont defendu la gloire de Christ, dont ils ont esté appelez martyrs, comme resmoins de la gloire chrestienne. Saint Hierosme met au nombre de ces premiers chrestiens Iosephe, Seneque, & Philon. Et mesmes septate & deux heresies d'hommes subtils introduites incontinent apres le commencement de ceste religion sorgeonnantes en partie par l'orgueil des hommes, & en partie par l'astuce des Demos. Or maintenant si ie vouloy ennombrer les Hierosmes, Ambroises, Augustins, Gregoires, & autres personages innombrables tres-excellens en doctrine, Grecs, Barbares & Latins, lesquels depuis Iulian l'Apo-

star

stat escriuant subtilement & ornement, ont trauaillé fort long temps pour la gloire de Christ, la computation d'Arithmetique me defaudroit. Pour le moins la loy chrestienne est d'autant plus excellente que les autres, comme il y a eu tousiours de plus en plus plusieurs doctes, eloquents & saints personnages qui l'ont ensuiuie, & plus que de ceux qui ont receu les autres. Si des Dialecticiens, des Orateurs, ou des Poëtes auoient ietté les premiers fondemens de ceste religion, nous aurions suspicion que le populace eust esté deceu par la finesse des hommes. Si tous les doctes l'auoient tousiours reiettee, à l'auenture nous iugerions qu'on la deuroit cōtemner. Si les Princes ou du commencement, ou peu apres, auoient du tout porté faueur à ceste loy, nous penserions (comme nous estimons d'aucunes religions) que les plus foibles auroient esté contraints par les plus forts, & que depuis les successeurs (comme il aduiuent) auroient succé ceste loy ensemble avec le lait de leur mere. Donc la diuine prouidence a voulu que la simple verité de sa religion ait prins sa premiere origine d'hommes rudes & simples, & que les plus doctes & les plus fins aient esté prins par les plus simples & grossiers. Il a permis dauantage que sa religion ait esté impugnee par plus de trois cens ans par les plus puissans de toutes les nations, à fin que le nombre fust plus grand des tesmoins doctes & non reprochables, & que l'autorité du fait fust plus vraye, plus certaine & plus ferme. Car en la prosperité il est bien aisé de garder sa foy, mais malaisé en l'aduersité. Et pour laisser là nos histoires, Corneille Tacite tesmoigne que les chrestiens ont esté tourmentez de tourmēs recherchez, & non communs. Mais il a blasmé les chrestiens pour flatter (comme ie croy) ceux de son siecle, lequel mesme est demonstré par Tertullian auoir menti en son histoire, parce qu'il a dit que les Iuifs adoroyent la teste d'un Asne, & parce qu'il a escrit en la mesme histoire, que Pompee ayant regardé les plus secrets mysteres des Iuifs, n'y trouua aucun simulachre. Doncques par vn seul mensonge apprenez les autres. Il y a dauantage (comme tesmoigne Irenee) que non pour autre cause sourdit lors suspicion des nostres, comme s'ils eussent esté hommes irreligieux & impurs, que pour la vie du tout incestueuse & execrable d'aucuns heretiques, & principalement des Gnostiques. Mais l'infamie ne dura pas long temps depuis que la verité commença de se descouurir. Lucian auteur Gentil & payen, se moquant d'un certain pelerin Stoïque, & (comme luy mesme le décrit) chrestien illegitime, comme d'un vanteur & homme de piaffe, dit: En outre cestui-cy apprint l'admirable sapience des chrestiens de leurs prestres & Docteurs, lesquels adorans ce grand homme attaché en croix en Palestine, mesprisent toutes autres religions. Or sont ils liez & vnis entre eux d'une fraternele charité. Ils esperent qu'ils seront eternels, & les miserables estans menez de ceste esperance, contemnēt ceste vie & les biens d'icelle, & par chacun iour se soumettent de leur bon gré à la mort violente. Voila que dit Lucian, lequel est demēti par Aule-Gelle familier du Pellerin, & tesmoigne qu'il a escrit ce mensonge en haine d'iceluy Pelerin. Car il monstre que ce Pelerin estoit vn homme graue & constant, & qu'il estoit vray philosophe. Plin second en l'Epistre écrite à Traian, se complaint que les tourbes des chrestiens estoient mises à mort, encor qu'ils ne feissent rien contre la loy des Romains,

C C

finon

sinon qu'ils chantoient des hymnes auant le iour à Christ vn certain Dieu: mais quant à conferer leur doctrine, ils defendent les homicides, larcins, adulteres, brigandages, & tels autres semblables forfaits. Et Traian luy escriuit qu'il ne falloit point rechercher les chrestiens, mais s'ils estoient presentez qu'il les falloit punir. La sentence duquel Tertullian confutoit en ceste sorte: O sentence confuse par necessité: il denie qu'il les faille rechercher comme innocens, & commande de les punir comme coupables, il pardonne & use de cruauté, il dissimule, & punit. Pourquoy te trompes-tu par ta propre censure? Si tu condamnes, pourquoy aussi n'en fais-tu faire enqueste? Si tu n'en fais faire enqueste, pourquoy aussi n'absouls-tu? Il confute aussi tressubtilement vn bruit vain qui s'estoit esleué à l'encontre des chrestiens & de leurs mœurs, & monstre que on a procedé à l'encontre d'iceux, non pour aucun crime, mais seulement pour le nom de la secte. Et Serene Granic (comme nous auons dit ailleurs) s'est en pareil complaint en l'Epistre enuoyee à Adrian. Dont Adrian escriuit à Minuce Fundan proconsul d'Asie, qu'il ne permist pas que les chrestiens hommes innocens fussent troublez, ny qu'on concedast à leurs calomniateurs l'occasion de les piller. Nostre Eusebe a recité tout au long l'Epistre d'Adrian. Mellite Euesque de Sarde escriuit vn liure pour nostre religion à l'Empereur Antonin le veritable, auquel il recite l'edit d'Antonin à ceux d'Asie, les reprenant de ce qu'ils troublent le seruice diuin du Dieu immortel, que les chrestiens adorent, persecutans les chrestiens iusques à la mort. Il adiouste au mesme edit que plusieurs iuges des provinces en auoient iadis escrit à son pere, & plusieurs encor luy en auoient escrit tout de nouveau, en somme qu'il ordonnoit ce que son pere mesme auoit ordonné. C'est à sçauoir qu'il veut & entend qu'aucun ne persecute les chrestiens, pour ce seul respect qu'ils sont chrestiens, si d'auenture ils ne sont conuaincus d'auoir entrepris quelque chose à l'encontre de l'estat Romain. I'estime que Antonin craignoit Iesus Christ, pour ce que son frere Aurelle a escrit, Que comme son armee fust en danger de mourir de soif entre les Alemans, par les prieres d'aucuns soldats chrestiens il impetra tout soudain de Dieu, contre l'espoir de tous, des pluyes en grande abondance, par lesquelles fut estanchee la soif des siens, & par l'impetuosité des foudres, les ennemis mis en fuite. Et pour le miracle d'vn fait tant signalé ayant changé le nom de ceste Legion, il la nomma la Foudroyante. Voylà qu'Apolinaire & Tertullian ont escrit. Tertullian adiouste qu'il y a des epistres de Marc Empereur, par lesquelles ceste histoire est plus ouuertement signifiée. Eusebe adiouste que ce miracle a mesmes esté rapporté par les historiens des Gentils, mais qu'ils ont oublié à dire que cela auoit esté fait par les prieres des chrestiens. Donc la calamité des chrestiens auenoit ou du populace ignorant, ou des Princes sans religion, desquels Neron fut le Prince. Suetone escrit que les chrestiens furent affligez par Neron pour ce tant seulement qu'ils introduisoient vne religion nouuelle, & comme luy-mesme dit malefique, c'est à dire Magicienne. Car plusieurs voyans les miracles attribuoyent aux Demons ce qui estoit de Dieu. Mais la verité & bonté infinie declarà sa verité par les mensonges de ses propres ennemis, & conuertit en biens les mauz des hommes. Elle permet aussi iusques à la fin

du

du monde que l'Eglise de ses saints soit agitée des hérétiques, ou de ses ennemis. Dieu ne contraint point les hommes à salut, que dès le commencement il a creéz libres, mais par continuelles inspirations il y alleche chacun. Que si quelques vns s'approchèt de luy, il les endureit aux labeurs, il les exerce par aduersitez, & tout ainsi que l'or est éprouué au feu, ainsi il éprouue l'ame par la difficulté: laquelle si elle perseuere iusques à la fin, comme l'or dans le feu, ainsi finablement elle resplendira heureusement de diuine lumiere.

Au chap. xxxvij. ou il monstre la cause de l'erreur des Iuifs, des Mahumetains & Gentils.

On demande donc qui est la cause qui retient encor plusieurs Iuifs en leur infidelité? Nous respondons, que c'est la diuine profondeur des mysteres Prophetiques & chrestiens, laquelle pour estre diuine ne peut estre penetree par humaine intelligence. C'est aussi le naturel des Iuifs mercenaires & misérables du tout grossier & obstiné: & l'auarice tant de garder ce qu'ils ont, que d'acquérir par vne vsure insatiable, l'amour naturel des leurs, & la haine enracinée qu'ils portent aux Chrestiens. Et qu'est-ce qui depuis saint Gregoire a tiré plusieurs Barbares en heresie? la trèsdifficile interpretation des lettres saintes & diuines: la race des Barbares par trop ignorante: la main violente de Muhamed Roy des Arabes, & les loix de sept Rois qui de sa famille luy ont succédé par ordre. A quoy on peut adiouter vne trop libre licence. Mais qu'est-ce qui iadis a destourné les Gentils de la vraye religion des Hebreux? Certainement ce ont esté les commandemens des princes ambitieux, le siecle peu docte, la licence effrenée, & la fallace des malins demons ont augmenté l'erreur, puis apres les blandices & flateries des poëtes. Or la façon du pays, & la longue coustume retient facilement tous hommes en erreur. Mais la coustume & l'vsance ne peut detenir en erreur les Chrestiens legitimes, qui dès le commencement ont receu vne religion éloignée de toute erreur. Or n'est-il point de besoin que par vne longue dispute ie confirme ce que Christ, & ses disciples ont proposé à croire, à esperer, & à faire. Car telles choses ont assez de verité & d'autorité, par ce que nous auons ia prouué qu'elles procedent de la verité diuine. Nous amenerons donc vne tresgrande raison des institutions & promesses chrestiennes, quant nous dirons à la mode des Pythagotiens, Il l'a dit. Et autons souuenance qu'il ne nous faut pas troubler si nous en sommes moins capables. Car i'estime que c'est vn trèsgrand signe de leur diuinité: car si nostre entendement les comprend du tout, elles sont moindres que l'entendement. Que si elles sont telles, elles ne peuuent estre diuines. Car si elles sont diuines, elles excèdent toute capacité d'humaine pensée. La foy (comme veut Aristote) est le fondement de science. Par la seule foy, comme prouuent les Platoniques, nous auons accès à Dieu. I'ay creu, dit Dauid, & pour cela i'ay parlé. Nous donc croyans & nous approchans de la fontaine de verité & bonté, nous y puiserons vne vie tressage & bienheureuse.

Sainct M A R T I A L.

Les Epistres de S. Martial contemporain des Apostres l'une aux Burdegalois

C C 2 &

& l'autre aux Thoulousans ; translatées de latin en langue vulgaire gallicane. [impr. à Paris 16°. sans date ny nom d'imprimeur.

MARTIAL LE MASVRIER docteur regent en la faculté de théologie, chanoine & penitencier de Paris a écrit, Instruction & doctrine tresvtile pour bien & salutairement se confesser & prier Dieu pour ses pechez extraict des saintes escritures. [impr. à Paris 8°. par Guillaume Guillard & Thomas Belot 1565. *Est au cathalogue des livres censurez.*

MARTIAL DE PARIS dict d'Auvergne a écrit en rime

Les Vigiles de la mort du Roy Charles septiesme à neuf leçons contenans la cronique des faicts aduenus durant la vie dudit Roy. [imp. à Paris f°. par Guillaume Eustace sans date.

Les Arrests d'Amours (en nombre cinquante) sur lesquels Benoit le Court a faict vn commentaire en latin. Il viuoit en l'an 1490.

MARTIN DV BELLAY seigneur de Langey a écrit Les memoires contenans en dix liures le vray discours de plusieurs choses aduenues au royaume de France depuis l'an M. D. xiii. iusques au trespas du Roy François premier & dont les v. vi. & vii. liures sont de Messire Guillaume du Bellay son frere qui auoit écrit des Ogdoades, de la perte desquelles ne reste rien que lesdits trois liures & quelques fragmens inserez & espars en ses memoires. [impr. à Paris f°. par Pierre l'Huillier 1571. & presentees au Roy par Messire René du Bellay cheualier de l'ordre de sa magesté, Baron de la Lande, heritier d'iceluy Messire Martin du Bellay.

MARTIN BVCE

Exposition sur l'Euangile S. Mathieu recueillie & prinse des commentaires maistre Martin Bucer, augmentee de plusieurs sentences, exhortations, & de clarations d'aucuns passages difficiles, colligees tant des auteurs anciës que modernes: avec annotations en marge & table. [impr. 1544. *Censuree.*

Deux liures du royaume de Iesus-Christ, vtiles à tous ceux qui sont commis au gouuernement de Republiques ou communauté. Escrits premierement en latin par Martin Bucer & traduits en françois. [impr. 8°. l'an 1558. *Censuree.*

MARTIN FLEURY Dieppois a translaté de latin vn Opuscule d'Erasme de Roterodam, intitulé Les Sylenes d'Alcibiades, qui est vn proverbes anciennement vsité des grecs, duquel on se pourra aider à propos lors que sous vanité & folie apparente de prime face vne chose se manifestera excellente. Ainsi que la grandeur de l'esprit de l'homme est souuent couuerte & dissimulee par exterieure apparence. Et estoient Sylenes petites images taillees & façonnées de telle sorte qu'on les pouuoit tourner & fleschir en diuerses figures tellement que ces choses fermées monstroient la figure d'une trompette, cornet ou autre ridicule forme: Mais à l'ouuerture y apparoissoit chose diuine & miraculeuse. La premiere cause & argument de tailler telles statues est procedee de Sylenus iadis pedagogue de Bacchus, en son temps plaisant Satyre & raillard des secrets & haultes puissances poetiques. Et Alcibiades

biades (au dialogue de Platon intitulé le banquet) voulant extoller son maistre Socrates le fait semblable aux Sylenes, en ce qu'il sembloit bien autre au subtil speculateur que ne promettoit la face. Car à le voir à son port & maintien il estoit de vile reputation, ayant face rustique, le regard d'un Toreau, le nez pointu & plein de morue, rustique en vestemens, simple en deuis tousiours parlant de charretiers, foulons & manouvriers, parce que de telles gens il formoit ses Isagogies, inductions & argumens. Bref ce maintien ridicule en Socrates monstroient le visage d'un sot : & entre tant de Philosophes seul il disoit qu'il sçauoit vne chose seule, c'estoit qu'il ne sçauoit rien. Mais si on eust decouvert & desployé cestuy tant ridicule Sylene, là dedans se fust trouuee vne diuinité plustost qu'un homme, assauoit grand courage, esprit parfaitement Philosophique, mesprisant tout ce pourquoy les humains courent tant, nauigent, trauaillent, plaident, bataillent, dominateur victorieux sur toutes iniures, enuers & contre lequel fortune n'auoit aucune puissance : ayant mesmes mesprisé la mort que lon void craincte d'un chacun lors qu'il a beu la cicue en tel visaige qu'il souloit boire le vin. Qui plus est en mourant de la poison il plaisantoit avec un sien ami nommé Phedo, luy disant en farcerie qu'il s'acquittast de son veu en sacrifiant un Coq au Dieu Esculape. comme s'il eust voulu dire qu'en vertu de la medicine qu'il auoit prinse il sentoient le benefice de santé, puis que son ame seroit hors du corps dont procedent & pullulent toutes les maladies de l'ame. Et attendu que lors il y auoit infinité de gens qui se disoient saiges, à bonne cause cestuy réputé seul fol, a esté déclaré sage par l'oracle d'Apollon. Et plus sage a esté iugé cil qui se disoit rien sçauoir, que les autres presumans tout cognoistre : & plus sçauant entre tous autres, par la confession de son ignorance. Ceci soit dit & suffise pour la declaration dudit proverbe & argument de cest opusculé, lequel a esté imprimé à Paris 16°. par Iaques Bertin 1544.

M A R T I N F O R B I S H E R.

La Nauigation du Capitaine Martin Forbisher Anglois és regions de Vvest & Nord Vvest, en l'année 1577. contenant les meurs & façon de viure des peuples & habitans d'icelles avec le pourtraict de leurs habits & autres choses memorables du tout inconnues par deça. [impr. 8°. par Antoine Chuppin 1578.]

M A R T I N L E F R A N C Secrétaire du Pape Felix v. & de Nicolas v. a escrit en rime un liure intitulé,
Le Champion des Dames. [impr. à Paris 8°. par Galiot du Pré 1530. Plus en Prose]

L'estrif de Fortune & de Vertu en forme de dialogue où sont entremeslees quelques rimes & y est demonsté le pauvre estat de fortune contre l'opinion commune. [impr. à Paris 4°. par Michel le Noir 1519. Cest autheur viuoit en l'an 1447.]

M A R T I N F V M E E Sieur de Marly le Chastel a escrit en cinq liures,

L'histoire generale des Indes Occidentales & terres Neufues qui iusques à present ont esté descouuertes. [impr. à Paris 8°. par Michel Sonnius 1578.]

M A R T I N F V S T E L Escripuain & Arithmeticien à Paris a écrit

Sentences memorables par ordre alphabetique en prose, contenant preceptes & enseignemens vtils pour l'instruction de la ieunesse. Avec plusieurs reigles generales diuersement expliquees touchant la vraye supputation & forme de compter au bref. [impr. à Paris 4°. par Guillaume Chaudiere 1577.

M A R T I N G R E G O I R E a extraict vn Epitome des trois premiers liures de Galien de la composition des medicamens en general, avec vn petit traicté des poix & mesures après lequel suit la maniere de preparer le breuuage de la racine du bois nommé l'Esquine, sa nature, vertu, & faculté. [Le tout impr. à Lyon 16°. par Iean de Tournes, sous le tiltre de Opusculs de diuers auteurs medecins en l'an 1552.

M A R T I N L V T H E R Chef de la secte appelée de son nom Lutherienne.

Declaration entiere des fondemens de la doctrine Chrestienne sur l'Epistre de S. Paul aux Galatiens: en laquelle est contenue vne exposition de la iustification qui est par la foy en Iesus-Christ. Auteur Martin Luther. Traduite en françois. [impr. 8°. par Iean Bonnefoy 1560. *Censurée.*

Anthithese de la vraye & faulse Eglise. Extraict d'un liure enuoyé au Duc de Brunswic par Martin Luther. [imp. 16°. sans nom de lieu & d'imprimeur, & sans datte.

Le Miroir de Consolation, pour ceux qui sont trauaillez & chargez &c. Par Martin Luther. *De mesmes Censuré.*

Commentaire sur l'Epistre de S. Paul aux Galathes, par Martin Luther. Traduite en françois. [impr. à Geneue 4°. par Iean Cresprin 1562.

L'Alcoran des Cordeliers, tant en latin qu'en françois: recueilli par le docteur M. Luther, du liure des Conformitez de S. François, imprimé à Milan l'an M. D. X. & traduit en françois. [impri. à Geneue 8°. par Conrad Badius 1556.

M A R T I N M A T H E E medecin a traduit, Les six liures de Pedacion Dioscoride d'Anazarbe de la matiere medicinale ou a chacun chapitre sont adioustees certaines annotations fort doctes, recueillies des plus excellens medecins anciens & modernes. [impr. à Lyon 4°. par Thibault Payen 1559.

M. **M A T H E E** Prieur en l'abbaye de Monstier-neuf pres Poitiers (ie ne sçay si c'est le mesme que le susnommé, d'autant qu'il ne met point son nom propre au long, & aussi pour la diuersité de profession) a traduit de Grec,

L'histoire de Theodorit Euesque de Cyropolis comprise en cinq liures, en laquelle sont contenues les choses dignes de memoire aduenues en la premitiue Eglise tant du regne de l'Empereur Constantin le Grand comme de ses successeurs. [impr. à Paris 16°. par Hierome de Marnef 1569.

M A R T I N D' O R C H E S I N O dict l'inuenteur des menus plaisirs honnestes a composé en rime

Le Triumphe de treshaute & puissante Dame Verolle, Roine du puy d'Amours.

mours. [impr. à Lyon 8°. par François Iuste 1539.

M A R T I N D E P E R R E Bernois a traduit de latin en françois

La Sphere de Iéan de Sacro Bosco avec la peface contenant argumens euidés par lesquels est prouuee l'vtilité, d'Aftrologie & qu'icelle ne doit eſtre meſpriſée de l'homme Chreſtien. [impr. à Paris 8°. par Iean Loys 1546. Il y a vne autre traduction du meſme liure faicte par Guillaume des Bordes Bourdelois. [impr. à Paris 8°. par Hierome de Marneſ 1570.

M A R T I N D V P I N a traduit du latin de François Barbare Venitien vn opuscul de l'Eſtat & gouuernement de mariage. [impr. à Paris 16°. par Charles l'Angelier 1560.

Plus du grec de S. Iuſtin Philoſophe & martyr:

Exhortation aux Gentils. [impr. à Paris 16°. par Claude Fremy 1548.

M A R T I N R A V A V L T de Sens a eſcrit
Le Caton des Princes & gouuerneurs, comprenant l'Eſtat & gouuernement d'vne Republique. [impri. à Paris 4°. par Denys Ianot 1536.

M A R T I N S E G V I E R conſeruateur des priuileges apoſtoli-ques de l'vniuerſité de Paris a eſcrit

Traicté de la grandeur, puiffance, bonté & ſapience de Dieu: redigé en paraphraſe ſur trois Pſeaumes de Daud. Plus vne expoſition de quelques hymnes de l'eglife, en pareil nombre de vers & ſyllabes que le latin. [impr. à Paris par Nicolas Cheſneau 1575.

Les Souſpirs du bon Paſteur, qui ſont lieux recueillis de la bible & rapportez aux miſeres du temps. *Rime.* [impr. à Paris 8°. par Iean Dallier 1570.

Prieres du Roy recueillies de la Bible & miſes en rime françoïſe. [imp. à Paris 8°. par Federic Morel 1577.

Paraphraſe ſur trente Pſeaumes du Roy & prophete Daud, en proſe. [impr. à Paris 16°. par Iéan de Heuqueuille 1579.

Epiftre enuoyee a vn gentilhomme François eſtant en Alemaigne. [impr. à Paris 8°. & à Lyon 16°. par Benoïſt Rigaud 1570.

M A T H E O L V S.

Soubs ce nom ſuppoſé vn qui fut Bigame a compoſé vn liure en rime contre les femmes, dont le tiltre eſt tel,

Le Bigame Matheolus

Qui nous monſtre ſans varier

Les biens & auſſi les vertus

Qui viennent pour ſoy marier:

[impr. à Lyon 4°. par Oliuier Arnoulet ſans datte.

Vn autre autheur a faict & compoſé vn autre liure en rime tout au contraire de ceſtui-cy, & intitulé, Le Rebours de Matheolus commençant ainſi:

Des femmes ſommes tous venus

Autant les gros que les menus

[impr. de meſmes à Lyon 4°.

Et à tous faicts conſiderer

Il dict que l'homme n'eſt pas ſage

S'il ſe tourne remarier

Quant pris a eſté au paſſage.

Parquoy celuy qui en dict blaſme

Doit eſtre reputé infame.

MATHIAS FLACCIE ILLYRIEN a escrit un li-
ure en latin despuis tourné en françois & intitulé,
Contre la principauté de l'Euesque Romain, monstrant par plusieurs passages
de l'escriture & des conciles que nul Euesque ne doit auoir autorité ny prin-
cipauté sur les autres Euesques. [impr. à Lyon 8°. par Claude Rauot 1564.
Caluinique.

MATHIAS PALMIER. La vie Ciuile &c. traduite par
Claude des Rosiers.

SAINCT MATHIEV.

L'euangile de nostre seigneur Iesus-Christ selon Sainct Mathieu.

MATHIEV D'ANTOINE docteur en droict a escrit
Responſe aux refueries & heresies de Guillaume Postel Cosmopolite. [impr.
à Lyon 16°. par Iean Saugrain 1562. *Caluinique.*

MATHIEV MARIE BAYARD Comte de Scan-
diane:

Roland l'Amoureux. Voyez Iaqués Vincent.

MATHIEV DE LANDA Docteur en theologie, carme
du conuent de Rouen & principal de France audit ordre a escrit,
Le Miroir du corps humain, où est descript ses miseres & calamitez, aussi son
excellence & dignité: ensemble de sa conduicte en terre, de sa sepulture, & des
ceremonies Eclesiâstiques faictes sur le mort. Auec le Doctrinal de mort.
[impr. à Rouen 8°. par Robert & Iean de Gor 1563. & despuis à Paris 16°. par
Leon Cauellat 1584.

Il a traduit du latin de Iacques Faber Stapulensis

Les Contemplations du simple deuot lesquelles traictent d'Amour diuin, de
vraye pacience, de la mort, De la vierge Marie. [impr. à Paris 8°. par Viuant
Gautherot 1538.

MATHIEV DE LAVNOY premierement prestre, puis
ministre de la pretendue religion reformee, & à presant retourné au giron de
l'Eglise chrestienne & catholique, a escrit avec Henry Pennetier,
La Declaration & refutation des faulſes suppositions & peruerſes applications
d'aucunes sentences des sainctes escritures, desquelles les ministres se sont ser-
uis en ce dernier temps à diuiser la chrestienté: disposée en trois liures & enri-
chie de solides argumens tirez de la doctrine de Caluin contre luy mesme.
[impr. à Paris 8°. par Iean du Courroy & Guillaume de la Noüe 1579.

Replique chrestienne en forme de commentaire sur la responſe tirée du de-
hors de la mouëlle des sainctes escritures & de toute bonne doctrine: & faicte
par les ministres Caluiniques à la declaration & refutation de leurs faulſes
suppositions. [impr. à Paris 8°. par Guillaume de la Noüe 1579.

Responſe chrestienne a vingt quatre articles pleins de blasphemés & absurdi-
tez dressez par Pierre Pineau dit Defaigues, predicant Zuuin-Caluinian, con-
tre l'article de la surnaturelle & miraculeuse transubstantiation du pain & du
vin au corps glorieux de nostre seigneur Iesus-Christ en la sainte Eucharistie.
Ou sont amplement remarquees les heresies anciennes contre la personne de
nostre Seigneur Iesus-Christ & autres, ausquelles s'enuelopent & symboli-
sent

sent les Zuuin-Caluiniens heretiques de ce temps. [impr. à Paris 8. par Guillaume Chaudiere 1581.

Discours chrestien contenant vne remonstrance charitable aux pauvres du soing & diligence qu'ils doivent employer à bien instruire ou faire instruire & endoctriner leurs enfans. Ensemble du fruiet que l'on recueille de tel labeur, & des maux qui aduient du contraire: où il est parlé des sciéces principales esquelles ils doiuent estre enseignez chacun selon son sexe, son estat & vacation. [impr. à Paris 8°. par Jean du Carroy 1578.

MATHIEU VAVCHER dit Franche conté, herault d'armes de la magesté imperiale a traduit d'Espagnol

Commentaire de l'illustre seigneur dom Loys d'Auila & Cuniga grand commandeur d'Alcantara de la guerre d'Allemagne faicte par Charles v. Empereur. [impr. en Anuers 8°. par Nicolas Torcy 1550.

MATHIEU DE VAVZELLES Docteur és droicts & aduocat du Roy au Parlement de Dombes & seneschauce de Lyon a escrit Traicté des peages, diuisé en six parties. La premiere de l'origine des peages. La deuxiesme à qui appartient de creer peages. La troisieme de la possession immemoriable des peages. La quatrieme des abus qui s'y commettét. La cinquieme des priuilegiez. La sixiesme en quel temps se doit peage. [imp. à Lyon 4°. par Jean de Tournes 1550.

Conseil en faueur des pauvres de l'hostel Dieu de la ville de Lyon, fait par M. Mathieu de Vauzelles Aduocat du Roy, contenant sept questions.

MATHVRIN CORDIER a escrit,

Epistres Chrestiennes: [impr. à Lyon 16°. par Loys Tacher 1557.

Sentences extraictes de la saincte escriture pour l'instruction des enfans. [imprimees Latin-Françoises par Thibault Payen 1551.

Cantiques Spirituels en nombre 26. [impri. à Lyon 16°. par Jean Carior 1560.

Le miroir de la ieunesse pour la former à bonnes mœurs & ciuilité de vie. [impr. à Paris 16°. par Jean Bonfons.

Il a interpreté & fait la construction en François des Distiques Latins qu'on attribue à Caton. [impr. à Lyon 8°. par Thibault Payen par plus de cent fois, & depuis par autres, d'autant que c'est vn liure que les enfans manient à l'eschole communement.

Ses œuvres latines sont denombrees en la Bibliotheque de Conrad Gesner.

Les Colloques de Mathurin Cordier traduits de Latin. Voyez Gabriel Chapuis.

MATHVRIN HERET a traduit de Grec,

La vraye & brefue histoire de la guerre de Troye anciennement escrite en Grec par Dares Phrygius. Ensemble vne harangue de Menelaus pour la repetition d'Helene le tout traduit en langue françoise. Plus quelques dizains & epitaphes d'Hector & Achilles. [impri. à Paris 16°. par Sebastien Niuelle 1553.

Les problemes d'Alexandre Aphrodisee excellent & ancien Philosophe traduits de Grec. Auec annotations des lieux plus notables & difficiles, & soixante

te

te autres problemes de mesme matiere. [impr. à Paris 8°. par Martini le Jeune 1555.

Le banquet de Platon, traictant de l'Amour & de Beauté mis en françois par le mesme Mathurin Hêret. Auec argumens sur chacune oraison sommairement deduits, & les plus notables & meilleures sentences recueillies de toutes les œuures dudit Platon. [impr. à Paris 8°. par Guillaume Guillard 1556.

MATHVRIN MAVRICE Saintongeois a escrit,
La reuanche & contredispute de frere Anselme Turmeda contre les bestes. [impr. à Paris 16°. par Nicolas Crestien 1554. Plus
De l'origine de vraye Noblesse & nourriture d'icelle pour les enfans genereux. [impr. à Paris 16°. par Nicolas Chrestien 1551.

MATHVRIN DE REDOVER licencié ez loix a transféré de latin en françois,

Le nouveau monde & nauigations faites par Americ Vesputé Florentin es pays & isles nouvellement trouuez, auparauant à nous incogneus, tant en l'Ethiopie, Arabie, Calicut qu'autres regions estranges. [impr. à Paris 4°. sans nom d'imprimeur, & sans datte.

MAVRICE PONCE T religieux de l'ordre S. Benoit Docteur en Theologie en l'vniuersité de Paris a escrit,
Trois liures de l'Oraison ecclesiastique en forme de contemplation, Auec ample explication de l'Oraison Dominicale pour apprendre à bien prier Dieu. [impr. à Paris 8°. par Michel Sonnius 1568.

Remonstrance à la noblesse de France de l'vtilité & repos que le Roy apporte à son peuple, & de l'instruction qu'il doit auoir pour le bien gouverner. [impr. à Paris 8°. par Michel Sonnius 1572.

Oraison funebre prononcee le dernier Aoust 1574. en l'Eglise de Brecy le Buiffon aux funerailles de messire Eustace de Conflans Vicomte d'Aulchy Capitaine des gardes du Roy. [impr. à Paris 8°. par Michel Sonnius 1574.

Discours de l'aduis donné au reuerend Pere en Dieu messire Pierre de Gondy Euesque de Paris sur la proposition qu'il feit aux Theologiens touchant la traduction de la sainte Bible en langage vulgaire. [impr. à Paris 8°. par Pierre Cauellat 1578.

Meditations familiaires sur l'histoire de l'incarnation du fils de Dieu, descrite par S. Luc en l'Euangile, *Missus est Angelus Gabriel à Deo &c.* Auec ample explication de ce texte. [impr. à Rheims 8°. par I. de Foigny 1574.

MAVRICE SCEVE Lyonnois, quant viuoit petit homme en stature mais du tout grand en sçauoir, & excellent Poëte de son temps a escrit,

Eclogue intitulee Arion sur le tréspas de François Dauphin de Frâce qui mourut à Tournon. [impr. à Lyon par François Iuste 1536.

Le Blason du front, du sourcil, de la gorge, impr. auec les Blasons anatomiques du corps féminin composez par plusieurs poëtes françois. [impr. à Lyon par François Iuste 1537.

La faussaye, Eclogue de la vie solitaire. [impr. à Lyon 8°. par Iean de Tournes 1547.

Delic,

Delie, objet de plus haute, vertu, contenant 458. dixains sur la matiere d'Amour d'entre lesquels sont 50. figures & emblemes. [impr. à Lyon 8°. par Antoine Constantin 1554. & depuis à Paris 16°. par Nicolas du Chemin 1564. Microcosme, liures 3. en vers heroïques commençant ainsi:

*Dieu qui trine en un fus, triple es, & trois seras,
Et comme tes Eleus nous eterniseras,
De ton diuin esprit enflamme mon courage
Pour descrire ton homme & louer ton ouurage,
Ouurage vrayement Chef d'œuvre de ta main:
A ton image fait & diuin & humain.*

*Premier en son Rien clos se celoït en son Tout,
Commencement de soy sans principe & sans bout,
Inconnu fors à soy connoissant toute chose,
Comme toute de soy, par soy, en soy enclosé &c.*

Il a traduit aussi quelques psalmes du royal prophete David imprimez avec ceux que Jeân Poicteuin a mis en françois.

En la Delie, LXXXIX. Dixain.

*Amour perdit les traits qu'il me tira,
Et de douleur se print fort à complaindre:
Venus en eut pitié & souspira,
Tant que par pleurs son brandon fait estaindre,
Dont aigrement furent contraincts de plaindre:
Car l'Archer fut sens trait, Cypris sans flamme.
Ne pleure plus, Venus: mais bien enflamme
Ta torche en moy, mon cœur l'allumera:
Et toy, Enfant, cesse: va vers ma Dame,
Qui de ses yeux tes fleches referra.*

CIII.

*Si tressas fut d'environner le Monde
Le Dieu volant, qu'en Mer il s'abyssa:
Mais retournant à chef de temps sur l'onde,
Sa trouffe print & en fust l'arma:
De ses deux traits diligemment rama,
De l'arc fait l'arbre, & son bandeau rendit
Aux vents pour voile, & en port descendit
Tresioyeux d'estre arriué seurement.
Ainsi Amour, à nous perdu, rendit
Vexation, qui donne entendement.*

Melchior

MELCHIOR DE FLAVIN predicateur & penitencier du Pape, cordelier & Gardien au couvent des freres mineurs à Tholose a escrit,

Remonstrance de la vraye religion au Roy Charles 1^{er}. [impri. à Paris 8°. par Nicolas Chesneau 1562. Plus,

De l'Estat des Ames apres le trespas, & comment elles viuent estans separees du corps: Et des purgatoires qu'elles souffrent en ce monde & en l'autre apres icelle separation. [impr. à Tholose 4°. par Iaques Colomiez 1563. Plus,

De la preparation à la mort, en trois traitez, Le premier Du despris de la mort, laquelle tout fidele doit desirer: Le second Des assauts & tentations qui viennent à l'heure de la mort, & maniere d'y resister. Le troisieme De la maniere de bien vser de la Passion de nostre Seigneur au trespas de la Mort. [impr. à Tholose 4°. par Arnould & Iaques Colomiez 1570.

De regno Dei de quo Christus loquutus est per dies quadraginta, Liber per fratrem Melchiorem Flauium minoritam Theologum. [impr. Parisys 8°. apud Petrum l'Hullier 1566.

Catholica Cantici graduum per Demegoriam à Fratre Melchiore flauio Enarratio. [Lutetia apud Aegidium Gourbinum 1568.

MELLIN DE SAINT GELAIS Poëte assez connu de natiuité & nom par la France auoit desia donné suffisant tesmoignage de son sçauoir en quelques petits fragmens seméz parmy les autres auteurs, qui aussi ont esté fort bien receus & approuuez. Mais quiconque lira, attentiuement ses œuures poëtiques imprimees depuis sa mort toutes en vn volume 8°. à Lyon par Antoine de Harisy 1574. où sont contenues plusieurs Opuscules, Elegies, Epistres, Rondeaux Sonnets, Quatrains, Chançons, Epitaphes & Epigrammes, il trouuera le tout bien troussé & fait d'une grande dextérité d'esprit resstant entierement ceste forme de composer ancienne & remply de toute naifueté & gaillardise. Plus

Genieure, Imitation de l'Arioste. [impr. à Paris avec autres imitations du mesme Poëte Italien faictes par Loys d'Orleans & autres 8°. chez Lucas Breyer 1572.

Le dict Saingelais a aussi composé Sophonisba Tragedie tresexcellente tant pour l'argument que pour le langage & graues sentences dont elle est ornee. Les chœurs seulement sont en vers & tout le reste en prose. [impr. à Paris en caracteres François 8°. par Richard Breton 1560.

Je mettray icy quelques vns de ses vers, en tesmoignage de sa douceur.

Du Rousseau & de la Rouffe:

*Vn iour en s'esbatant
Dieu crea le rousseau:
Puis dit, en le tentant,
Garçon que tu es beau!*

*Le rousseau sans seiour
Dist, beau comme le iour.
Dieu print mal ce langage,
Et dist, Voy-tu rousseau,*

Tu

Tu prens gloire au pelage
 D'une vache ou d'un veau:
 Le pied auras suant,
 Et le reste pñant.
 Le rousseau bien faché
 S'en vint à la rouselle;
 Et luy trouua caché
 Vn bouc sous son aisselle;

Puis la sienne sentans
 En trouua tout eutant.
 Onques puis roux ne rouffe
 N'eurent accord parfait,
 L'un tousiours se courrouce
 Et trouue l'autre infaiet.
 Ailleurs on n'en veut point.
 Les vuida bien en point.

Quatrain.

Quel bien parler ou compter son affaire
 Vous scauroit mieux descouvrir mon martire,
 Que le travail de ne le pouoir dire,
 Et le penser qui contrainct de se taire.

Autre.

Dy moy, amy, que vaut il mieux auoir,
 Beaucoup de biens, ou beaucoup de scauoir?
 Je n'en scay rien: mais les scauans ie voy
 Faire la cour à ceux qui ont dequoy.

Sixain sur vn petit Luth.

Pour vn Luth bien petit ie suis:
 Mais si le cœur vaincre ie puis
 De la maistrresse de mon maistre
 Aussi grand ie penseray estre,
 Entre tant de luths que nous sommes,
 Qu'un Alexandre entre les hommes.

Huitain du feu de la Saint Jean:

O sotte gent, qui se va travailler
 A voir un feu de bois accoustumé,
 Venez à moy pour vous esmerueiller
 De voir un cœur de tel feu allumé,
 Que plus il brusle & moins est consumé.
 Et si ce cas difficile vous semble,
 Allez voir celle où il s'est enflammé,
 Vous le croirez & brulerez ensemble.

AUTRE HVICTAIN.

Souspirs ardans, parcelles de mon ame,
 Qui de mon deuil seids la cause entendez,

DD

Si

Si vous voyez ma fin plaire à Madames
 Volez au ciel, & la haut m'attendez:
 Mais si son oeil (comme vous pretendez)
 De quelque espoir nous daigne secourir,
 Tournez à moy & l'esprit me rendez,
 Je n'auray plus volonté de mourir.

A V T R E.

Chatelus donne à desjeuner
 A dix pour moins d'un carolus:
 Et laquelot donne à dîner
 A dix pour moins que Chatelus:
 Après ces repas dissolus
 On est trois iours gay & falot.
 Qui me perdra cher Chatelus;
 Ne me cherche chez laquelot.

Autre.

Vn maistre es arts mal chaussé & vestu
 Chez un paisant demandoit à repaistre,
 Disant qu'on doit honorer la vertu,
 Et les sept arts dont il fut passé maistre.
 Comment sept arts, respond l'homme champestre,
 Je n'en say nul hors mis mon labourage,
 Mais ie suis saoul quand il me plaist de l'estre,
 Et si nourris ma femme & mon mesnage.

D I X A I N.

Vn charlatan disoit en plein marché,
 Qu'il monstreroit le diable à tout le monde,
 Si n'y eut nul, tant fust-il empesché,
 Qui ne courust pour voir l'esprit immonde.
 Lors une bourse assez large & profonde
 Il leur desploye, & leur dit, gens de bien,
 Ouurez vos yeux, voyez y a il rien?
 Non, dit quelqu'un des plus pres regardans.
 Et c'est, dit-il, le diable, voyez vous bien,
 Ouurir sa bourse & ne voir rien dedans.

ENIG

*S'il est permis de croire fermement,
Que par les corps, qui sont au firmament,
Humain esprit de soy puisse aduenir
A prononcer des choses à venir,
Ou si lon peut par fureur fatidique
Sans art ny sort auoir sens Prophetique,
Tant que lon iuge en asseuré discours
Des ans lointains la destinee & court,
Je fais sauoir à qui le veut entendre,
Que cest huiuer prochain sans plus attendre,
Voire pluost en ce lieu où nous sommes,
Il sortira vne maniere d'hommes
Las du repos, & faschez du seiour,
Qui franchement iront, & de plain iour,
Suborner gens de toutes qualitez,
A differens & partialitez:
Et si voulez les croire & escouter,
Quoy qu'il en doine aduenir & couster,
Ils feront mettre en débats apparens
Amis entre eux & les proches parens:
Le fils hardy ne craindra l'impropere
De se bander contre son propre pere,
Mesme les grands de nobles lieux saillis
De leurs subiets se verront assaillis,
Et le deuoir d'honneur & reuerence
Perdre pour lors tout ordre & difference,
Car ils diront que chacun à son tour
Doit aller haut & puis faire retour:
Et sur ce poinct aura tant de meslees,
Tant de discours, venues, & allees,
Que nulle histoire où sont les grands merueilles
Ne fait recit d'émotions pareilles:
Lors se verra maint homme de valeur
Par l'esguillon de ieunesse & chaleur,
De croire trop ce feruent appetit
Mourir en fleur & viure bien petit:
Et ne pourra nul laisser cest ouurage,*

Ieu de la paulme.

Les faiseurs
de parties.

Les ioueurs.

Le changement
de lieu.

DD

2

S'il y

*S'il y a mis une fois le courage,
 Qu'il n'ayt empli par noises & débats
 Le ciel de bruit, & la terre de pas.
 Alors n'auront non moindre autorité
 Hommes sans foy que gens de verité:
 Car tous jureront la creance & l'estude
 De l'ignorante & forte multitude,
 Dont le plus lourd sera receu pour iuge.
 O dommageable & penible deluge,
 Deluge dy-ie, & à bonne raison,
 Car ce traual ne perdra sa saison,
 Ny n'en sera deliuree la terre;
 Jusques à tant qu'il ne sorte à grande erre
 Soudaines eues, dont les plus attrempez
 En combattant seront pris & trempiez,
 Et à bon droit, car leur cœur addonné
 A ce discord n'aura point pardonné
 Mesme au troupeau des innocentes bestes;
 Que de leurs nerfs & boyaux deshonestes
 Il ne se fait, non aux dieux sacrifice,
 Mais aux mortels ordinaire seruice.
 Or maintenant ie vous laisse à penser
 Comment le tout se pourra dispenser,
 Et quel repos en noise si profonde
 Aura le corps de la machine ronde.
 Les plus heureux qui plus d'elle tiendront
 Moins de la perdre & gaster s'abstiendront:
 Et tascheront en plus d'une maniere
 A l'asservir & rendre prisonniere,
 En tel endroit que la pouré deffaite,
 N'aura recours qu'à celui qui l'a faicte,
 Et pour le pis de son triste accident
 Le clair soleil ains qu'estre en occident
 Lairra espandre obscurité sur elle
 Plus que d'eclipse ou de nuit naturelle.
 Dont pour un temps perdra la liberté,
 Et du haut ciel la faueur & clarté,
 Ou pour le moins sera seule & deserte:
 Mais elle avant ceste ruine & perte*

Les arbitres.

Le naquet.

Les fueurs.

Les raquetes.

L'esteuf.

Les fosses
des ieu.

Aura

*Aura long temps monstre sensiblement
 Un violent & si grand tremblement
 Que lors Ethna ne fut tant agitée,
 Quand sur un fils de Titan fut iettée
 Et plus soudain ne doit estre estimé
 Le mouvement que fist Inarimé,
 Quand Typhœus si fort se desputa
 Que dans la mer les monts precipita:
 Ainsi sera en peu d'heure rangee
 A triste estat, & si fausement changee,
 Que mesme ceux qui tenue l'auront
 Aux furieux ans occuper la lairront.
 Lors sera pres le temps bon & propice
 De mettre fin à ce long exercice,
 Car les grands eäues dont oyez deuïser
 Feront chacun la retraïcte aduïser:
 Et toutesfois, auant leur partement,
 On pourra uoir en l'air apertement
 L'aspre chaleur d'une grand' flamme esprise,
 Pour mettre à fin leurs eäues & entreprise.*

la sueur
 Le feu qu'on
 fait pour se
 rafraichir.

MENANDER.

Voyez les Sentences de Menander ancien Poëte Comique Grec, qui a escrit cent & cinq fables ou Comedies, ainsi que dit Apollodore: lesquelles sentences ont esté traduites en françois par Geofroy Linocier & sont imprimees à Paris 16^e: par Michel Iulian 1580.

MERCURE TRIMEGISTE. Voyez Francois Monsieur de Foix: Gabriel du Préau.

MEVRY RIFFLANT á traduit de Grec,
 Le Miroir des Melancholiques, décrit en la 30. Section des Problemes d'Aristote, concernant ce qui appartient à Prudence, Entendement & Sapience. Il y est disputé pourquoy les melancholiques sont ingenieux. Puis est monstre l'Analogie du vin & de la melancholie, ensemble le diuers effect d'iceux, & les terribles passions de l'Ame. Avec vne autre question figurant le certain pourtraict Physical de la nature des chaudes & froides regions, & des habitans. [impr. à Paris par Nicolas de Burges 1543.

MICHEL D'AMBOISE Seigneur de Cheuillon dit l'Esclau fortuné a composé en rime

Les Contr'Epistres d'Ouide par ledit d'Amboise inuentées, contenant les Responses d'Ulysse à Penelope, de Demophoon à Phyllis, d'Achilles à Briseis, d'Hippolite à Phedre, de Paris à Oenone, de Iaös à Hypsiphe, d'Aence à Didon, d'Orestes à Hermione, d'Hercules à Deianira, de Theseus à Ariadne, de Macaire à Canace, de Iason à Medee, de Protefilaus à Laodamie, de Linus à

Hypermetra, de Phaon à Sappho. [impr. à Paris 8°. par Denys Ianot 1541.

La Babylon autrement la confusion de l'esclaué-fortuné, où sont contenuës plusieurs lettres, rondeaux & epistres amoureuses. [impr. à Lyon 16°. par Oliuier Arnoullet 1535.

Les epistres Veneriennes, fantasies, complaints, epitaphes, trente quatre rondeaux, & trois ballades. [impr. à Paris 8°. par Jean Longis 1556.

Le Blason de la dent. [imp. avec les blasons anatomiques du corps feminin, faits par diuers auteurs, à Lyon par François Iuste 1537.

Il a escrit en prose

Le Guidon des gens de guerre. [impr. à Paris 8°. par Galiot du Pré 1543.

Ses traductions, en rime,

Les Bucoliques de Baptiste Mantuan, contenant dix Eglogues. [imp. à Paris 4°. par Denis Ianot 1530.

Le dixiesme liure des Metamorphoses d'Ouide, avec l'Elegie de la complainte du Noyer. [impr. à Paris par les freres Angeliers, sans datte.

Quatre Satyres de Iuuenal, à sçauoir les v. x. xi. & xii. [impri. à Paris 8°. par Jean Longis 1543.

Le ris de Democrite & le pleur d'Heraclite Philosophes sur les folies & miseres de ce monde. Traduit de l'Italie d'Antonio Philieremo Fregoso & interpreté en rime françoise par ledict Michel d'Amboise, & impr. à Paris 8°. par Arnould l'Angelier 1547. & à Rouen 16°. par Robert & Jean du Gort 1550.

MICHEL BERLAND Aduocat au grand conseil du Roy, Conseiller en la Seneschauce de Bourbonnois, siege presidial estably à Moulins a escrit

Sommaire des loix, statuts, ordonnances & edicts faits par les Rois de France, reduit par Alphabet depuis le regne de saint Loys, iusques au regne du Roy Henry 11. de ce nom. Avec arrests notables selon la matiere du texte de l'ordonnance. [impr. à Paris 8°. par Charles l'Angelier 1548. & depuis reueu & remis en meilleur ordre par l'auteur & reimprimé 8°. par Claude Micard 1567.

MICHEL BOUCHER de Boiscommun a escrit, Oraison aux François sur la mort du maguanime Prince Jean de Bourbon Comte d'Anghien. [impr. à Paris 8°. par Jean Caeuiller 1557.

MICHEL DE CASTELNAV a traduit du latin de Pierre de la Ramée,

Traicté des façons & coustumes des anciens Gaulois. [imp. à Paris 8°. par André VVechel 1559.

MICHEL COIGNET natif d'Anuers a escrit, Declaration sur le faict des changes: ensemble vn petit discours de bien & deuement disconter. Avec la solution sur diuerses opinions y proposees. Plus la solution des questions mathematiques par la supputatiō de Sinus illustrees & amplifiees par les demonstrations Geometriques necessaires à icelles. [imp. avec l'Arithmetique de Valentin Mennher en Anuers 1573. 8°.

Instruction des points plus excellens & necessaires touchant l'art de nauiger. Ensem

Ensemble vn moyen facile & tresseur pour nauiguer Est & Oest, lequel iusques à present a esté incognu à tous pylotes. [impr. en Anuers 4°. par Iaques Heinrick 1581.

M. M. COIGNET Cheualier, Conseiller du Roy, ie ne sçay si c'est le mesme que le deuant nommé, d'autant que son nom propre n'est désigné que par ces deux lettres M. M. a escrit

Instruction aux Princes pour garder la foy promise, contenant vn sommaire de la philosophie chrestienne & morale, & deuoir d'un homme de bien. [imprimé à Paris 4°. par Iaques du Puys 1584.

MICHEL LE CONTE Aduocat Parisien a composé en vieille rimaille.

Le mariage de procez & de la femme. [imprimé à Paris par Denis du Pré 1579.

L'art & methode à tourner noms en latin & françois. Le nom du treschrestien Roy de France & de Poloigne Henry troisieme. Ensemble les noms de la Roine mere, de Loyse de Lorraine Roine de France, & autres noms tournez à aucuns Prelars, Seigneurs & autres gens de nom & de reputation. Avec la declaration & exposition d'iceux en rime. [imprimé à Paris par Denis du Pré 1578.

MICHEL COP a escrit

Commentaire sur le liure de l'Ecclesiastique autrement dict le prescheur. [impr. à Geneue 8°.

MICHEL COYSSARD Iesuite a traduit de l'Italien de R. Pere Gaspar Loart

Les meditations de la passion de nostre Seigneur Iesus Christ. Avec l'art de mediter. impr. à Paris 16°. par Thomas Brumen 1578.

Remedes souuerains contre les sept pechez mortels contre le blaspheme & le ieu, tirez des exercices de la vie chrestienne de Gaspar Loart Theologien de la compagnie de Iesus. [imp. à Paris 16°. par Thomas Brumen 1577.

Instructions & aduertissemens pour mediter les quinze mysteres du Rosaire de la tressainte vierge Marie traduites dudit Loart par ledit Michel Coyssard. [impr. par ledit Brumen 1579.

Practique spirituelle de la Princesse de Parme.

MICHEL FERRIER de Cahors a mis en musique les Psalmes de Dauid traduits par Clement Marot. [imprimé à Paris par Nicolas du Chemin.

MICHEL FOVRQVE OV PHOQVE prestre & Vicaire perpetuel de saint Martin de Tours a mis en vers françois heriques

La vie, faits, passion, mort, resurrection & Ascension de nostre Seigneur Iesus Christ selon les quatre Euangelistes. [imprimé à Paris 8°. par Iean Bien-né. 1574.

Il a traduit aussi en rime françoise les Opuscules suiuan

De Priere diuine, Auteur S. Iehan Chrysostome. De la passion de Iesus par Lactance Firmian. Avec vne complainte de Iesus aux pecheurs perissans par

DD 4 leurs

leurs propres fautes mise à la fin. [impr. à Tours 8°. par Mathieu Chereclé 1559.]

MICHEL DE L'HOSPITAL Chancelier de France sous le feu Roy de bonne memoire Charles ix. a prononcé Harengue contenant la Remonstrance faicte deuant la magesté du Roy treschrestien Charles ix. tenat ses grands Estats en sa ville d'Orleans, mise despuis par escrit & imprimée à Bloys par Iulian Angelier 1561.

Discours au Roy François I. contenant vne instruction pour bien & heureusement regner, escrit premierement en vers latins par Messire Michel de l'Hospital, lors premier president des Comptes, & despuis mis en vers françois par Ioachim du Bellay.

In Francisci illustriss. Francis. Delphini, & Maria sereniss. Sotorum regina nuptias Ampliss. viri Michael. Hospitalij Carmen. Eiusdem de Caleti & Guyna oppidorum expugnatione Carmen. De Fheanilla capta Aliud. De Meri urbe capta & ab hostium ingenti obsidione liberata Aliud Carmen. Ad illustriss. Francis. Lotaringum ducem Crussianum Epistola. Ad Carolum Cardinalem Lotarenum De Pace Carmen. Ad Margaritam Regis sororem Epistola. Hac omnia excussa Parisys 4°. apud Federicum Morellum 1560.

Eiusdem Hospitalij ad Margaritam Valesiam Henrici II. Regis sororem Carmen. Aliud carmen quo execratur lites. Eiusdem Ad Iamam Cardinalem Bellayum Elegia. Quæ omnia nondum typis mandata penes me habeo.

MICHEL MAROT fils de Clement Marot a escrit quelques rimes qui se voyent au liure des contredicts du sieur du Paullion aux escrits de Michel Nostradamus. [impr. à Paris 8°. par Charles l'Angelier 1560.]

MICHEL DE MENEHOV maistre des enfans de chœur de l'eglise S. Maur des fosses a escrit vne nouuelle instruction des preceptes ou fondemens de musique tant pleine que figuree. [impr. à Paris par Nicolas du chemin 1571.]

MICHEL MENOT de l'ordre de S. François a escrit des Sermons pour les iours & Dimanches du Carême par luy preschez à Paris, parmy lesquels il entremesse plusieurs propos en langage françois. [impr. à Paris 8°. par Claude Chevalon 1526.]

MICHEL DE MONTAIGNE.

Les Essays de Messire Michel Seigneur de Montaigne Cheualier de l'ordre du Roy & Gentilhomme ordinaire de sa chambre Liure premier & second. [impr. à Bourdeaux 8°. par Simon Millanges 1580.]

Il a traduit aussi de latin en françois

Le liure des Creatures. Autheur Raymond Sebon, contenant 330. chapitres. [impr. à Paris 8°. chez Gilles Gourbin 1581. J'ay veu vne autre traduction dudit liure en fort vieil langage.]

An

Au Chap. dixiesme. Des liures.

Je ne fay point de doute qu'il ne m'aduienne souuent de parler de choses, qui sont ailleurs plus richement traitees chez les maistres du mestier, & plus veritablement. C'est icy purement l'essai de mes facultez naturelles, & nullement des acquises, & qui me surprendra d'ignorance, il ne fera rien cōtre moy. Car à peine respondroy-ie à autruy de mes discours, qui ne m'en responds point à moy mesme, ny n'en suis satisfait. Qui fera en cherche de science, si la cherche ou elle se loge. Il n'est rien dequoy ie face moins de profession. Ce sont icy mes fantasies, par lesquelles ie ne tasche point à donner à cognoistre les choses, mais moy. Elles me seront à l'adventure cognues vn iour, ou l'ont autres fois esté, selon que la fortune m'a peu porter sur les lieux, où elles estoient esclarcies. Mais i'ay vne memoire, qui n'a point dequoy conseruer trois iours la munition, que ie luy auray donné en garde. Ainsi ie ne pleuuy nulle certitude, si ce n'est de faire cognoistre ce que ie pèse: & iusques à quel point mōte pour ceste heure la cognoissance que i'ay de ce dequoy ie traite. Qu'on ne s'atende point aus choses, dequoy ie parle, mais à ma façon d'en parler & à la creance que i'en ay. Ce que ie desrobe d'autruy ce n'est pas pour le faire mien: ie ne preēs icy nulle part, que celle de raisonner & de iuger: le demeurāt n'est pas de mon rolle. Je n'y demande rien, sinon qu'on voye si i'ay sceu choisir ce, qui ioignoit iustement à mon propos. Et ce que ie cache par fois le nom de l'auteur à escient es choses, que i'emprunte, c'est pour tenir en bride la legereté de ceus, qui s'entremettent de iuger de tout ce qui se presente, & n'ayans pas le nez capable de gouter les choses par elles mesmes, s'arrestēt au nō de l'ouurier & à son credit. Je veux qu'ils s'eschaudent à condāner Ciceron ou Aristote en moy. De cecy suis ie tenu de respondre, si ie m'epesche moi-mesme, s'il y a de la vanité & vice en mes discours, que ie ne sente point où que ie soye capable de sentir en me le representant. Car il eschappe souuent des fautes à nos yeus, mais la maladie du iugement consiste à ne les pouuoir apperceuoir lors qu'on les offre à sa veuē. La science & la verité peuuent loger chez nous sans iugement, & le iugement y peut aussi estre sans elles. Voire la recognoissance de l'ignorance est vn des plus beaux & plus seurs tesmoignages de iugement que ie trouue. Je n'ay point d'autre sergent de bande à ranger mes pieces que la fortune. A mesme que mes resueries se presentent, ie les entasse: tant tost elles se pressent en foule tantost elles se trainent à la file. Je veux qu'on voye mon pas naturel & ordinaire ainsi detraqué qu'il est. Je me laisse aller comme ie me trouue. aussi ne sont ce pas icy articles de foy, qu'il ne soit pas permis d'ignorer & d'en parler casuellement & temerairement. Je souhaiterois bien auoir plus parfaite intelligēce des choses, mais ie ne la veux pas acheter si cher qu'elle couste. Mō dessein est de passer doucemēt nō laborieusement ce qui me reste de vie. Il n'est riē pourquoy ie me vueille rōpre la teste, nō pas pour la science mesme, de quelque grand pris qu'elle soit. Je ne cherche aux liures qu'à m'y donner du plaisir par vn hōneste amusemēt: ou si i'estudie ie n'y cherche que la sciēce, qui traite de la cognoissance de moy mesmes, & qui m'instruise à bien mourir & à bien viure. Les difficultez, si i'en rencōtre en lisant, ie n'e rōge pas mes ongles: ie les laisse la, apres leur auoir fait vne charge ou deux.

Si ce

Si ce liure me fasche i'en prens vn autre, & ne m'y adonne qu'aus helites ou l'ennuy de rien faire commēce a me saisir. Je ne me prens guiere aus nouueaus, pour ce que les anciens me semblent plus tendus & plus roides: ny aus Grecs, par ce que mon iugement ne se satisfait pas d'une moyenne intelligence. Entre les liures simplement plaisans, je trouue des modernes le Decameron de Boccace, Rabelays, & les baisers de Iean second, s'il les faut loger sous ce tiltre, & des siècles vn peu au dessus du nostre, l'histoire AEthiopique dignes qu'on s'y amuse. Quant aus Amadis & telle sorte d'escrits ils n'ont pas eu le credit d'arrester seulement mon enfance. Je diray encore cecy ou hardiment ou temerairement, que cete vieille ame poissante ne se laisse plus chatouiller, non seulement a l'Arioste, mais encores au bon Ouide: sa facilité & ses inuentions qui m'ont rauy autres-fois, a peine m'entretiennent elles a cete heure. Je dy librement mon auis de toutes choses, voire & de celles qui surpassent à l'adventure ma suffisance, & que je ne tiens nullement estre de ma iurisdiction. Ce que i'en opine, ce n'est pas aussi pour establir la grandeur & mesure des choses, mais pour faire cognoistre la mesure & force de ma veüe. Quand ie me trouue degouté de l'Axioche de Platon, comme d'un ouurage sans nerfs & sans force, eu esgard a vn tel autheur, mon iugement ne s'en croid pas. Il n'est pas si vain de s'opposer a l'autorité de tant d'autres meilleurs iugemens, ni ne se donne temerairement la loy de les pouuoir accuser: il s'en prend a soy mesmes, & se condamne ou de s'arrester a l'escorce ne pouuant penetrer iusques au fons, ou de regarder la chose par quelque faus lustre: il se contente de se garantir seulement du trouble & du desreiglement. Quant a sa foiblesse il la reconnoit volontiers. Il pense donner iuste interpretation aus apparences, que son apprehension luy presente, mais elles sont imbecilles & imparfaites. La plus part des fables d'Esopé ont plusieurs sens & intelligences, ceus qui les mythologisent en choisissent quelque visage, qui quadre bien a la fable, mais c'est le premier visage & superficiel. Il y en a d'autres plus vifs plus essentiels & internes, ausquels ilz n'ont sceu penetrer. Voila comme i'en fay. Mais pour suyure ma route, il m'a tousiours semblé qu'en la poësie Vergile, Lucrece, Catulle, & Horace tiennent de bien loing le premier reng. Et notamment Vergile en ses Georgiques, que i'estime le plus plein & parfait ouurage de la poësie. A la comparaison duquel on peut reconnoistre aysement qu'il y a des endroits en l'Aeneide, ausquels l'autheur eut donné encore quelque tour de Peigne s'il en eut eu loisir. I'ayme aussi Lucain & le pratique volontiers, non tant pour son stile (car il se laisse trop aller a cete affectation de pointes & subtilitez de son temps) mais pour sa valeur propre, & verité de ses opinions & iugemens. Quant au bon Terence, la mignardise & les graces du langage Latin ie le trouue admirable a representer au vif les mouuemens de l'ame & condition de nos meurs. Je ne le puis lire si souuent que ie n'y trouue quelque beauté & grace nouuelle. Ceus des temps voisins a Virgile se pleignent, de quoy aucuns luy comparoient Lucrece. Je suis d'opinion que c'est a la verité vne comparaison inegale. Mais i'ay bien a faire a me rassurer en cete creance, quand ie me treuve attaché a quelque beau lieu de ceus de Lucrece. S'ils se piquoient de ceste comparaison, que diroient ils de la bestise & stupidité barbareſque de ceus qui
luy

luy comparent a cet'heure Arioste? & qu'en diroit Arioste luy mesme? l'estime que les anciens auroient encore plus a se plaindre de ceux qui comparoient Plaute à Terence que de la comparaison de Lucrece a Vergile. Pour l'estimation de Terence il m'est souvent tombé en fantasie comme en nostre temps ceux qui se melent de faire des comedies (comme les Italiens qui y sont assez heureux) employent trois ou quatre argumens de celles de Terence ou de Plaute pour en faire vne des leurs. Ils entassent en vne seule Comedie cinq ou six contes de Boccace. Ce qui les fait ainsi se charger de matiere, c'est la defiance qu'ils ont de se pouoir soutenir de leurs propres graces, il faut qu'ils trouvent vn corps ou s'appuyer; & n'ayant pas du leur assez dequoy nous arrester, ils veulent que le conte nous amuse. Il en va de mon autheur tout au contraire. Les perfections & beautez de sa façon de dire nous font perdre le goust de son subiect. Sa gentillesse & sa mignardise nous arrestent par tout. Il est par tout si plaisant,

Liquidus paroque similimus amni.

& nous remplit tant l'ame de ses graces, que nous fuyons la fin de son histoire. Cete mesme consideration me tire plus auant. Je voy que les bons & anciens poëtes ont euité l'affectation & la recherche non seulement des fantastiques eleuations Espagnoles & Petrarchiques, mais des pointes mesmes plus douces & plus retenues, qui sont l'ornement de tous les ouvrages poëtiques des siècles suivans. Si n'y a il homme au monde qui les trouue a dire en ces anciens, & qui n'admire plus sans comparaison l'equale polissure & cette perpetuelle douceur & beauté fleurissante des Epigrammes de Catulle, que tous les esguillons, dequoy Martial esguise la queue des siens. C'est cete mesme raison que ie disoy tantost, comme dit Martial mesme de soy, *Minus illi ingenio laborandum fuit, in cuius locum materia successerat.* Ces premiers la sans s'esmouvoir & sans se picquer se font assez sentir. Ils ont dequoy rire par tout, il ne faut pas qu'ils se chatouillent: ceus cy ont besoin de secours estrangier. A mesure qu'ils ont moins d'esprit, il leur faut plus de corps. Tout ainsi qu'en la dance & en nos bals i'ay remarqué que ces hommes de vile condition, qui en tiennent escole, pour ne pouoir représenter le port & la decéce de nostre noblesse, en recompense de cete grace, qu'ils ne peuvent imiter, cherchent a se recomander par des sauts perilleux & autres mouemens estranges & bateleresques. Et comme i'ay veu aussi les badins excellens ioüant leur rolle vetus a leur ordinaire & d'une contenance commune, nous donner tout le plaisir qui se peut tirer de gens de leur metier. Les apprentifs & qui ne sont de si haute leçon il faut qu'ils s'enfarinent le visage. Il leur faut trouver des vestemens ridicules, des mouemens & des grimaces pour nous apréter a rire. Cete mienne conception se reconnoit mieus qu'en tout autre lieu en la comparaison de l'Aeneide & du Furieux. Celuy la on le voit aller a tire d'aisle d'un vol haut & ferme suivant tousiours la pointe, cetuy cy voleter & sauteler de conte en conte, comme de branche en branche ne se fiant a ses aisles, que pour vne bien courte trauerse & prendre pied a chascun bout de champ, de peur que l'haleine & la force luy faille.

Excursusque breues tentat.

Voila donc quāt a cete sorte de suiets des autheurs qui me plaisent le plus. Quāt
a mon

à mon autre leçon, qui melle vn peu plus de fruit au plaisir, par ou j'apprens à renger mes humeurs & mes conditions, les liures qui m'y seruent plus ordinairement, c'est Plutarque, depuis qu'il est François, & Seneque: Ils ont tous deux ceste notable commodité pour mon humeur; que la science que j'y cherche, elle y est traitée à piéces decousues; qui ne demandent pas l'obligation d'un long travail, dequoy ie suis incapable, comme sont les Opuscles de Plutarque & les Epistres de Seneque, qui est la plus belle partie de ses escrits & la plus profitable. Il ne faut pas grande entreprinse pour m'y mettre, & les quite ou il me plaît. Car elles n'ont point de suite des vnes aus autres: Ces auteurs ont beaucoup de similitude d'opinions, comme aussi leur fortune les fit naistre enuiron mesme siecle, tous deux precepteurs de deux Empereurs Romains, tous deux venus de pais estranger, tous deux riches & puissans. Leurs creances sont des meilleures de toute la philosophie, & traitées d'une simple façon & pertinente. Plutarque est plus vniforme & constant, Seneque plus ondoyant & diuers. Cetuy-cy se peine, se roidit & se tend pour armer la vertu contre la foiblesse, la crainte & les vicieus appetits: l'autre semble n'estimer pas tant leur effort & desdaigner d'en haister son pas & se mettre sur sa targue. Plutarque a les opinions Platoniques douces & atcommodables à la société ciuile: l'autre les a Stoiques & Epicuriens, plus esloignées de l'usage commun, mais plus commodes & plus fermes. Il paroît en Seneque qu'il preste vn peu à la tyrannie des Empereurs de son temps. Car ie tiens pour certain que c'est d'un iugement forcé qu'il condamne la cause de ces genereus meurtriers de Cesar. Plutarque est libre par tout, Seneque est plein de pointes & saillies. Plutarque de choses. Celuy la vous eschaufe plus & vous esmeut: celui-cy vous contente d'auantage & vous paye mieux. Quant à Cicero, les ouurages qui me peüent seruir chez luy à mon dessein, ce sont ceux qui traitent de nos mœurs & regles de nostre vie. Mais à confesser hardiment la verité (car puis qu'on a franchi les barrières de l'impudence, il n'y a plus de bride) sa façon d'elcrire me semble lasche & ennuyeuse, & toute autre pareille façon. Car ses prefaces, digressions, definitions, partitions, etymologies consomment la plus part de son ouurage. Ce qu'il y a de vif & de mouëlle, est estouffé par la longueur de ses apprets. Si j'ay employé vne heure à le lire, qui est beaucoup pour moy, & que ie ramèntoüe ce que j'en ay tiré de suc & de substance; la plus part du temps se n'y treuve que du vent. Car il n'est pas encor venu aus argumens, qui seruent à son propos, & aus raisons qui touchent proprement le neud que ie cherche. Pour moy, qui ne demande qu'à deuenir plus sage non plus sçauant, ces ordonnances logiciennes & Aristoteliques ne sont pas à propos. Je veux qu'on vienne soudain au point: j'enten assez que c'est que mort, & volupté, qu'on ne s'amuse pas à les anatomizer. Je cherche des raisons bonnes & fermes d'arriuee qui m'instruisent à en soutenir l'effort. Ny les subtilitez grammairiennes, ni l'ingenieuse texture de parolles & d'argumentations n'y seruent. Je veus des discours qui donnent la premiere charge dans le plus fort du doute: les siens languissent autour du pot. Ils sont bons pour l'escole, pour le barreau, & pour le sermon, ou nous auons loisir de sommeiller: & sommes encore vn quart d'heure apres assez à temps pour rencontrer le fil du propos. Il est

est besoing de parler ainsi aus iuges, qu'on veut gagner à tort ou à droit, aus enfans, & au vulgaire. Je ne veux pas qu'on employe le temps a me rendre tantif, & qu'on me crie cinquante fois, Or oyez, a la mode de nos Heraults. Les Romains disoient en leur religion, *Hoc age*, ce que nous disons, *sursum corda*, a la nostre: ce sont autant de parolles perdues pour moy. I'y vienstout preparé des le logis, il ne me faut point d'alechement, ny de sauce, ie menge bien la viande toute crue: & au lieu de m'eguiser l'apetit par ces preparatoires & auantieus on me le lasse & affadit. Les deux premiers & Pline & leurs semblables ils n'ont point de, *hoc age*, ils veulent auoir a faire a gens qui, s'en soient auertis eux mesmes, ou s'ils en ont, c'est vn *hoc age*, substantiel & qui a son corps a part. Je voy aussi volontiers ses Epitres & notamment celles *ad Atticum*, non seulement par ce qu'elles contiennent vne tresample instruction de l'histoire & affaires de son tēps: mais beaucoup plus pour y decouurer les humeurs priuees. Car i'ay vne singuliere curiosité, comme i'ay dit ailleurs, de connoistre l'ame & les internes iugemens de mes auteurs. Il faut biē iuger leur suffisance, mais non pas leurs meurs, ny leurs opinions naifues par cette monstre de leurs escrits, qu'ils etalent au theatre du monde. I'ay mille fois regretté, que nous ayons perdu le liure, que Brutus auoit escrit de la vertu. Car il fait beau apprendre la Theorique de ceux, qui sçauent bien la pratique. Mais d'autant que c'est autre chose le presche, que le prescheur: i'ayme bien autant voir Brutus ches Plutarque, que ches luy mesme. Je choisiroy plustost de sçauoir au vray des deuis que Brutus tenoit en sa tente a quelque vn de ses priuez amis la veille d'une bataille, que les propos qu'il tint le lendemain a son armee, & ce qu'il faisoit en son cabinet & en sa chambre, que ce qu'il faisoit emmy la place & au Senat. Quant a Cicero, ie suis du iugement commun, que hors la science, il n'y auoit pas beaucoup d'excellence en luy: il estoit bon citoyen d'une nature debonnaire, comme sont volontiers les hommes gras, & gosseurs, comme il estoit, mais de lâcheté & de vanité il en auoit sans mentir beaucoup. Et si ne sçay comment l'excuser d'auoir estimé sa poésie digne d'estre mise en lumiere. Ce n'est pas grande imperfection que de mal faire des vers: mais c'est a luy faute de iugement de n'auoir pas senti combien ils estoient indignes de la gloire de son nom. Quant a son eloquence, elle est du tout hors de comparaison, ie croy que iamais homme ne l'egalera. Si est ce qu'il n'a pas en cela franchi si net son aduantage comme Vergile a fait en la poésie. Car bien tost apres luy il s'en est trouué qui l'ont pensé éгалer & surmonter, quoy que ce fut a bien fauces enseignes. Mais a Vergile nul encore depuis luy n'a osé se comparer. Et à ce propos i'en veux icy adiouter vne histoire. Le ieune Cicero, qui n'a ressemblé son pere que de nom, commandant en Asie, il se trouua vn iour en sa table plusieurs estrangers, & entre autres Cæstius assis au bas bout, comme on se met souuent aux tables ouuertes des grans. Cicero s'informa qui il estoit a l'un de ses gés, qui luy dit son nom. Mais comme celuy qui songeoit ailleurs & qui obloioit ce qu'on luy respôdoit, il le luy redemâda encore depuis deux ou trois fois: le seruiteur pour n'estre plus en peine de luy redire si souuēt mesme chose, & pour le luy faire cōnoistre par qlque circôstâce, c'est, dit-il, ce Cæstius de qui on vous a dit, qu'il ne fait pas grâd estat de l'eloquence de vostre pere au pris de

E E la

la sienne. Cicero s'estant soudain picqué de cela, cōmanda qu'on empoignast ce pauvre Cæstius & le fit tresbien foeter en sa presence. Voila vn mal connu hoſte. Entre ceus meſmes, qui ont eſtimé toutes choſes contees, cete ſcience eloquence incomparable, il y en a eu, qui n'ont pas laiſſé d'y remarquer des fautes. Comme ce grand Brutus ſon amy, il diſoit que c'eſtoit vne eloquence caſſee & eſrenée *Fractam & elumbem*. Les orateurs voiſins de ſon ſiecle reprochoient auſſi en luy ce curieux ſoing de certaine longue cadance, au bout deſquelles clauſes: & remerquoient ces mots *effe videatur*, qu'il y employe ſi ſouuent. Pour moy j'aime mieux vne cadance qui tombe plus court, coupee en iambes. Si mēle il par fois bien rudement ſes nombres, mais bien rarement. J'en ay remarqué ce lieu à mes aureilles *Ego vero me minus diu ſenem eſſe mallet, quam ſenem antequam eſſem*. Les hiſtorienſont le vray gibier de mon eſtude, ſimples ſont plaiſans & ailez: & quant & quant la conſideration des natures & conſtitutions de diuers hommes, les coutumes des nations differentes, c'eſt le vray ſubiect de la ſcience morale. Or ceus qui eſcriuent les vies, d'autant qu'ils auſent plus aus conſeils, qu'aus euenemens: plus à ce, qui part du dedans, qu'à ce qui arriue au dehors ceus là me ſont plus propres. Voila pourquoy en toutes ſortes c'eſt mon homme que Plutarque. Il recherche bien curieusement non ſeulement les opinions & les raiſons diuerſes des Philoſophes anciens ſur le ſubiect de mon entrepriſe & de toutes ſectes: mais auſſi leurs meurs, leurs fortunes, & leur vie. Je ſuis bien marry que nous n'ayons vne douzaine de Laetius, ou qu'il ne ſe ſoit plus eſtendu. En ce genre d'eſtude des hiſtoires, il faut feuilleter ſans diſtinction toutes ſortes d'auteurs & vieux & nouueaus, & barragouins & François, pour y apprendre les choſes, dequoy diuerſement ils traitent. Mais Cæſar ſeul me ſemble meriter qu'on l'eſtudie, non pour la ſcience de l'hiſtoire ſeulement, mais pour luy meſme, tant il y a de perfection & d'excellence par deſſus tous les autres, quoy que Saluſte ſoit du nombre. Certes ie lis cet auteur avec vn peu plus de reuerence & de reſpect, qu'on ne lit les humains ouurages, tantost le conſiderant lui meſme par ſes actions, & le miracle de ſa grandeur: tantost la pureté & inimitable poliſſure de ſon langage, qui a ſurpaſſé non ſeulement tous les hiſtorienſ, comme me dit Cicero, mais à mon aduis Cicero meſme, & toute la parlerie qui fut onques, avec tant de ſyncerité en ſes iugemens, parlant de ſes ennemis meſmes, & tant de verité, que ſauf les fauſſes couleurs, dequoy il veut couvrir ſa mauuiſe cauſe & l'ordure de ſa peſtilente ambition, ie penſe qu'en cela ſcul on y puiſſe trouver à redire, qu'il a eſté trop eſpargnant à parler de ſoy. Car tant de grandes choſes ne peuuent pas auoir eſté executees par luy, qu'il n'y ſoit allé beaucoup plus du ſien qu'il n'y en met. J'aime les hiſtorienſ ou ſont ſimples ou excellens: les ſimples qui n'ont point dequoy y meſler rien du leur & qui n'y apportent que le ſoin & la diligence de ramaffer tout ce qui vient à leur notice, & d'enreſtrier en bonne foy toutes choſes ſans choiſir & ſans triage, nous laiſſant le iugement tout entier, pour la cognoiſſance de la verité. Tel eſt entre autres pour exemple, le bon Froiſſard, qui a marché en ſon entrepriſe d'vne ſi franche naiſſuete, qu'ayant fait vne faute, il ne craint nullement de la recongnoiſtre & corriger en l'endroiect ou il en a eſté aduerry, & qui nous repreſente la diuerſité

fité mesme des bruits, qui couroient & les differens rapports qu'on luy faisoit. C'est la matiere de l'histoire nuë & informe: chacun en peut faire son profit, tant qu'il a d'entendement. Les bien excellens ont la suffisance de choisir ce qui est digne d'estre sceu, sçavent trier de deus rapports celui qui est plus vray-semblable: de la condition des princes & de leurs humeurs, ils en deviennent les conseils & leur attribuent les paroles de mesme. Ils ont raison de prendre l'autorité de regler nostre creance à la leur: mais certes cela n'appartient à guieres de gens. Ceus d'entredeux (qui est la plus commune façon) ceus là nous gastent tout: ils veulent nous mascher les morceaux: ils se donnent loy de juger & par consequent d'incliner l'histoire à leur fantasie. Car depuis que le jugement pend d'un costé, on ne se peut garder de contourner & de tordre la narration mesme à ce biais. Ils entreprennent de choisir les choses dignes d'estre sçeuës, & nous cachent souuent telle parolle, telle action priuee, qui nous instruiroit autant que le reste: obmettent pour choses incroyables celles qu'ils n'entendent pas: & à l'auanture encore telle chose pour ne la sçauoir dire en bon latin ou françois. Qu'ils etalent hardiment leur eloquence & leurs discours: qu'ils iugent à leur poste, mais qu'ils nous laissent aussi de quoy iuger apres eux. Et qu'ils n'alterent ny dispensent par leurs racourcimens & par leurs choix rien sur le corps de la matiere, ains qu'ils tiolent la r'entroyent pure & entiere en toutes ses dimensions. Ceux-là sont aussi bien plus recommandables historiens, qui cognoissent les choses, de quoy ils escriuent, ou pour auoir esté de la partie à les faire, ou priuez avec ceus qui les ont conduites. Car le plus souuent on trie pour ceste charge, & notamment en ces siècles icy, des personnes d'entre le vulgaire pour ceste seule consideration de sçauoir bien parler, comme si nous cherchions d'y apprendre la grammaire: & eus ont raison n'ayans esté gagez q̄ pour cela & n'ayans mis en vente q̄ le babil, de ne se soucier aussi principalemēt q̄ de ceste partie. Ainsi à force beaux mots ils nous vōt patissant vne belle contexture des bruits, qu'ils ramassent es carrefours des villes. Voila pourquoy les seules certaines histoires sont celles, qui ont esté escrites par ceus mesmes, qui commandoient aus affaires, ou qui estoient participans à les conduire, cōme sōt quasi toutes les Grecques & Romaines. Car plusieurs tesmoins oculaires ayant escrit de mesme suiet (cōme il auenoit en ce temps là, que la grādeur de la fortune estoit tousiours acompagnée du sçauoir) s'il y a de la faute, elle doit estre merueilleusemēt legere sur un accidēt fort douteux: s'ils n'escruiōt de ce qu'ils auoiēt veu, ils auoiēt au moins cela, q̄ l'experience au maniēmēt de pareils affaires leur rēdoit le iugement plus sain. Car q̄ peut on esperer d'un medecin escriuāt de la guerre, ou d'un escolier traitāt les desseins des princes? Si nous voulōs remarquer la religiō, que les Romains auoiēt en cela, il n'en faut q̄ cet exēple. Asinius Pollio trouuoit es histoires mesme de Cesar quelque mescore, en quoy il estoit tōbé pour n'auoir peu auoir les yeus en tous les endroits de son armee, & en auoir creu les particuliers, qui lui rapportoiēt souuēt des choses nō assez verifiees, ou biē pour n'auoir esté assez curieusement auerty par les lieutenāts des choses, qu'ils auoiēt cōduites en son absence. On peut voir par cet exēple, si ceste recherche de la verité est delicate, qu'on ne se puisse pas fier d'un combat à la science de celui qui y a commandé, ny aus soldats de ce qui s'est passé pres d'eux, si à la mode d'une information indiciaire on ne

E E 2 con

confronte les tefmoins & reçoit les obiects sur la preuue des pöntilles de chaque accident. Vraiment la connoissance que nous auons de nos affaires est bien plus lâche. Mais cecy a esté suffisamment traicté par Bodin, & selon ma conception. Pour subuenir vn peu à la trahison de ma memoire & à son defaut si extreme, qu'il m'est aduenü plus d'vne fois de reprendre en main des liures comme nouueaus du tout, & à moy inconus, que i'auoy leu curieusement quelques années au parauant & barbouillé de mes notes: i'ay pris en coutume depuis quelque temps d'adiouter au bout de chasque liure (icelle de ceux desquelz ie ne me veux seruir qu'vne fois) le temps auquel i'ay acheu de les lire, & le iugement que i'en ay retiré en gros: afin que cela me reprenne au moins l'air & l'Idée generale que i'auois conceü de l'auteur en le liure. Je veux icy transcrire aucunes de ses annotations. Voi-cy ce que ie mis auuiron dix ans en mon Guichardin (car quelque langue que parlent mes liures ie leur parle en la mienne.) Il est historiographe diligent, & duquel a esté dit autant exactement que de nul autre peut on apprendre la verité des actions de son temps. Aussi en la plus part en a il esté acteur luy mesme & en tant d'occasions honorable. Il n'y a nulle apparence que par haine, faueur, ou vanité il ait de fauoriser les choses, de quoy font foy les libres iugemens qu'il donne des grandes actions, & notamment de ceus par lesquels il auoit esté auancé & employé aus charges, comme du Pape Clement septiesme. Quant a la partie de quoy il semble se vouloir preualoir le plus, qui sont ses digressions & discours, il y en a de bons & enrichis de beaus traitz, mais il s'y est trop pleu. Car pour ne vouloir rien laisser a dire ayant vn sujet si plain & ample, & a peu pres infini il en deuient lasche & enuieus & sentant vn peu au caquet scolastique. I'ay aussi remarqué cecy, que de tant d'ames & effectz qu'il iuge, de tant de mouuemens & conseilz il n'en rapporte iamais vn seul a la vertu, religion, & conscience, comme si ces parties la estoient du tout estaintes au monde: & de toutes les actions, pour belles par apparence qu'elles soient d'elles mesmes, il en reiet le cause a quelque occasion vitieuse, ou a quelque profit. Il est impossible d'imaginer que parmi cest infini nombre d'actions, de quoy il iuge, il n'y en ait eu quelqu'vne produite par la voie de la raison: nulle corruption ne peut auoir faict les hommes si vniuersellement que quelcun n'eschappe de la contagion. Cela me faict raiendre qu'il y aye vn peu du vice de son goust, & que cela soit auenu de ce qu'il ait estimé d'autruy selon soy. En mon Philippe de Comines il y a ceci: Vous y trouuerrez le langage doux & agreable, d'vne naïfue simplicité, la narration pure, & en laquelle la bonne foy de l'auteur reluit euidemment exempte de vanité, parlant de soy, & d'affection & d'enuie parlant d'autruy: ses discours & enhortemens accompagnez plus de bon zele & de verité, que d'aucune exquise suffisance; & tout par tout de l'authoité & grauité representant son homme de bon lieu & eleué aus grands affaires. Sur les Memoires de monsieur du Bellay. C'est tousiours plaisir de voir les choses escrites par ceus qui ont essayé, comme il les faut conduire. Mais il ne se peut nier qu'il ne se decouure euidemment en ces deux seigneurs icy vn grand dechet de la franchise & liberté d'escire, qui reluit es anciens de leur sorte, comme au Sire de Louinville domestique de S. Loys, Eginard chancelier de Charlemagne, & de plus fresche memoire

moire en Philippe de Comines. C'est ici plustost vn plaide pour le Roy François contre l'Empereur Charles v. qu'une histoire. Je ne veus pas croire, qu'ils ayent rien changé quant au gros du fait, mais de contourner le iugement des evenemens souvent contre raison a nostre avantage, & d'obmettre tout ce qu'il y a de chatouilleux en la vie de leur maistre, ils en font métier, tesmoing les recullemens de messieurs de Montmorécy & de brion, qui y sont oubliez, voire le seul nom de Madame d'Estampes ne s'y trouue point. On peut courir les actions secretes, mais de taire ce que tout le monde sçait, & choses qui ont tiré des effects publics & de telle consequence, c'est vn défaut inexcusable. Somme pour auoir l'entiere connoissance du Roy François & des choses auenues de son temps, qu'on s'adresse ailleurs, si on m'en croit. Ce qu'on peut faire ici de profit c'est par la deduction particuliere des batailles & exploits de guerre, ou ces gentilhommes se sont trouuez, quelques paroles & actions priues d'aucuns princes de leur temps, & les pratiques & negociations conduites par le Seigneur de Langeay, ou il y a tout plein de choses dignes d'estre sceües, & des discours non vulgaires.

MICHEL DE NOSTRADAMUS medecin & astrologue, de Salon de Craux en Prouence a escrit des Almanachs & Prognostications chacune annee despuis 1550. iusques a 1567. estant decedé le 2. iour de Iuillet 1566. lesquels Almanachs ont esté impr. à Lyon avec les presages par Jean Brotot & Ant. Volant & par Benoit Odo, comme aussi à Paris. Plus, Dix Centuries de propheties par Quatrains qui n'ont sens rime ne langage qui vaille. [impr. à Lyon par Benoist Rigaud 1568.

Opuscule de plusieurs exquisites receptes diuisé en deux parties dont la premiere montre la maniere de faire diuers fardemens & senteurs pour la face, & le second à faire confitures de diuerses sortes, tant en miel que sucre & vin cuit. [impr. à Lyon 16°. par Benoist Rigaud 1572.

Le Remède tresvtil contre la Peste & routes fiebres pestilenciales, avec la maniere d'en guerir. Aussi la singuliere recepte de l'œuf dont vsoit l'Empereur Maximilian premier du nom. [impr. à Paris 8°. par G. Nytherd 1561.

Paraphrase de Galien sur l'exhortation de Menodote aux estudes des bons arts, mesmement en medecine, traduite de latin par ledit Nostradamus. [impr. à Lyon 8°. par Ambroise du Rosne 1530.

MICHEL PARRILLON de Sexsell docteur en medecine a composé en rime françoise

Paraphrase sur les distiques moraux de Caton autrement appellez mots dorez. [impr. à Lyon 16°. par Jaques Moderne 1546.

MICHEL RÔTE clerc d'office de tresillustre Princesse Renee de France duchesse de Ferrare & de Chartres, comtesse de Glors & dame de Montargis a traduit de latin en françois,

Apologie de Marius Equicola gentilhomme Italien à l'encontre des melfisans de la nation françoise. [impr. à Paris 8°. par Vincent Serrenas 1550.

MICHEL VERIN. Vpyez Claude Odde.

MICHEL D'VSSEAY iadis Garde iuré de l'Apothecairerie de Paris a traduit de latin en françois & commenté

EE 3

L'Enchi

L'Enchiridion ou Manuel des Myropoles. [impr. à Lyon 4°. par Iean de Tournes 1561.

MILLES DE NORRY Chartrain a écrit,
Arithmetique contenant la reduction tant de toutes especes de monnoyes, seruans à faire tous payemens & receptes, que des autres brasses, cannes, palmes, poids, & autres mesures d'un pays à l'autre: la forme de l'achapt, vente, & distribution de toute sorte de marchandise tant en gros qu'en detail. Avec la maniere vniuerselle des remises, traictes & retours des changes, ensemble leurs differences de monnoyes de France, Flandres, Angleterre, Espagne, Italie, Allemagne que pays de Leuant: le tout par vne pratique briefue & facile. [impr. à Paris 4°. par Gilles Gourbin 1574.

Les quatre premiers liures de l'Vniuers ausquels est traité en vers du nombre, ordre & mouuement des cieux. La description tant poetique qu'Astronomique des xlviii. images celestes. Les sept planetes, leurs proprietes, grandeurs & influences. [impr. à Paris 4°. par Gilles Beys 1583.

Il auoit composé en sa ieunesse quelques tragedies & histoires, qui ont depuis couru parmy les enfans sans soucy qui les ont recitées publiquement sur l'eschafaut, principalement les trois iournees d'Helie le Prophete, Les deux d'Ammon & Thamar, & autres non imprimees.

Le pourtrait de cet auteur est à la seconde page de la premiere feuille de son Arithmetique, comme aussi à l'entrée de son Vniuers, sous lequel pourtrait il a mis le Sonnet qui s'ensuit, qu'il adresse à ses enfans.

*Enfans, apres auoir la marastre Nature,
Coupe le fil des ans à mon cours limité,
Si par sort ou esmeus de bonne volonré
Vous contemplez vn iour ceste mienne figure,
Voyant la bouche close & des yeus l'ouuerture,
Le front tout descouuert & le poil remoné:
Jugez, & souseñez, qui en tout i'ay resisté,
Au trop parler, peu voir, honte & fortune dure.
Que cela vous incite à parler sobrement.
Voyez beaucoup, le voir mteurit le iugement,
Souffrez plustost la mort qu'au frôir vne infamie.
Resistez à fortune & qu'elle n'ait pouuoir
De vous faire passer rien outré le deuoir:
Voila le seul tombeau auquel ie porte enuie.*

MILLES PIGVERRE iadis Conseiller au siege presidial de Chartres.

Sous le nom de ceur-cy Guillaume de la Noue Libraire de Paris a imprimé l'histoire de France faicte par le sieur de Popeliniere 4°. 1582.

MINVT Tholosain (ie n'ay memoire de son nom propre) a écrit

Dialogue au soulagement & consolation de tous affligez. Interlocuteurs Gabriel malade patient, & Blaise Chirurgien agent. [imprimé à Tholouse 4°.

.... Mondin.

L'anatomie de Mondin translatee de latin en françois. [impri. à Paris 8°. par Pierre Sergent 1540.

L E M O N G E de Montmaïour religieux du monastere de Montmaïour près d'Arles, sortit dudit monastere le mesme an, qu'il y entra, contre la volonté de ses parens, & de son superieur, & se mist à la suite des grands seigneurs, tant de Languedoc que de Prouence, avec lesquels il fut le bien venu & estimé, & mesmes entre ceux qui prenoient plaisir à la poésie : car il estoit vn fort bon Poëte, mesmement à mesdire, & à escrire satyriquement : croissant en aage, & en credit, eust bien la hardiesse, ou plustost improbité d'escrire contre les Poëtes Prouençaux, tant contre ceux qui auoient escrit beaucoup d'annees deuant luy, que contre ses contemporains, qu'il estimoit tous bien peu. & pour n'estre noté de mesdisance, sachant bien qu'il en mesdisoit à tort, il fist vn chant, auquel il bailla à chactun des Poëtes son Quolibet, & en la couple finale d'iceluy parlant contre soy mesme dit, qu'il est vn faux Monge, qui a laissé de seruir Dieu pour suiure la pance, & l'estat de volupté & gourmandise, & qu'en sa vie ne chanta iamais rien qui vallust. cecy a escrit le Monge des illes d'Or : & saint Cezari dict, qu'en plusieurs de ses chansons a vsé de fort belles comparaisons & figures, & tous deux s'accordent en cecy disans, qu'il estoit vn souuerain Poëte, & qu'il a tousiours obserué en sa chanson qu'il a mesdit & s'est moqué des souuerains Poëtes par feincte, & louoit grandement ceux qui se disoient Poëtes, & n'estoient que d'ignorans : & disent encores, qu'il a escrit les vies de quelques tyrans qui regnoient de son temps en Prouence, le quel traicté luy cousta la vie, non qu'il l'eust mis en lumiere, mais ils en auoient veu quelques coppies : ne l'vn ne l'autre ne font aucune mention de quelle maison il estoit, & qu'ils n'eussent pas voulu estre de son temps, pour n'auoir esté compris en sa chanson satyrique, & l'ont nommé *Lou flagel dels Trobadours*, & dient encor qu'il a merité vne louange immortelle, d'auoir reprimé les abus, audaces, & insolences d'aucuns Poëtes, qu'il a nommez Poëtaïstres. deceda en l'an 1355. J'ay veu en vn des Fragmens de saint Cezari, auquel il fait mention que ce moine de Montmaïour auoit fait vne description des anciens sepulchres qui sont au cymetiere de saint Honnoré d'Arles, & auoit marqué ceux qui estoient des Rois d'Arles & personnes plus illustres en marbre, de Carraria tant loué, & approuué des souuerains & anciens autheurs, & Sculpteurs. Dom Hyllere en ses fragmens dict, qu'après la mort de ce Monge, Raphael religieux dudit monastere, bñ Poëte Prouençal, luy auoit rapporté que toutes les personnes doctes de ce temps, luy donnerent de beaux vers dessus sa tombe : entre autres vn Poëte d'Arles nommé Remond Romyeu, auoit fait vn chant funebre en Prouençal, que tant qu'en la Crau paistroient les brebis, & les guarrigues verdoyeroient, & les beufs braux seroient fiers & sauages, & le Rosne baigneroit les murailles de la cité, on feroit mention de ce Monge, que le Tamaris sueroit plustost le miel doux & delicieux que son nom fust pery.

LE MONGE des Isles d'Or, dictes antiennement Stécades ou les Isles d'Yetes, descendu de l'ancienne & noble famille de Cybo de Gennes, s'estant resolu en ses premiers ans de suiure la vie monacalle, pour continuer ses estudes, conduit par son bon esprit, paruint au monastere de S. Honoré en l'Isle de Lerins dans la plaige de Cyagne: y ayant esté congneu, tant pour la noblesse de son sang, que par sa bonne renommee que des sa ieunesse il auoit acquise, non seulement fut receu, mais grandement prié d'estre du nombre des religieux de ce monastere, auquel suiuant ses estudes paruint facond en la poësie, Rhetorique, theologie & autres arts liberaux: parquoy fust prié des religieux prendre la charge de la librerie de leur monastere, renommee la plus belle de toute l'Europe, pour auoir esté enrichie & douee par les comtes de Prouence, & Rois de Naples & de Sicile & autres grands personnages amateurs des sciences, des plus belles & rares œuures & des plus exquises en toutes langues & facultez qu'on eust peu desirer, qui estoient mal reduictes & sans nul ordre pour raison des guerres esquelles ledict monastere auoit esté subiect, qui auoient eu cours par le passé en Prouence, entre les princes des Baux & Charles de Duras & Raymond de Turene pretendans droict en la Comté de Prouence, & entre les Comtes & vrais possesseurs d'icelle. Le Monge donc ayant pris la charge qui luy auoit esté donnée, fit si bien par ses iournees qu'en brief de temps par le moyen de son beau iugement, conforme a son esperance, il mist en ordre la librerie, separant les liures selon la faculté des sciences non sans grand peine: pour autant que selon le cathalogue d'iceux qu'un sçauant religieux du monastere nommé Hermantere auoit fait par le passé par commandement d'Ildefons Roy d'Aragon deuxiesme du nom comte de Prouence, plusieurs beaux liures en auoient esté ostez & au lieu d'iceux mis d'autres de peu de valeur, & de nulle doctrine. Ce Monge vacant au cathalogue & à la visite des liures, entre autres en trouua vn, auquel estoient esrites toutes les nobles & illustres familles tant de Prouence que d'Aragon, Italie & France, ou estoient deduictes leurs alliantes avec leurs armoiries, ensemble toutes les œuures des poëtes Prouençaux en rime Prouençale recueillies par ledict Hermantere par le commandement dudit Roy d'Aragon, que luy mesmes transcriuit en belle lettre, desquelles il enuoya copie à Loys 2. du nom pere de René Roy de Naples & de Sicile, & Comte de Prouence, de laquelle plusieurs gentils-hommes du pais: firent faire de coppies, comme estans œuures rares & plaisantes: aucuns desquels gentils-hommes, mesmes ceux qui estoient amateurs de la poësie Prouençale les firent transcrire en belle lettre de forme, & illuminer d'Or & d'azur sur parchemin, les autres sur de papier: les vies des poëtes estoient esrites en caracteres rouges, & les poemes en lettre noire en langue Prouençale, de plusieurs sortes & façons de rimes: quoy faisant il eust grande peine d'entendre la langue Prouençale, pour autant (dict il) que leurs poëmes estoient de diuerses frases: car les vns auoient escrit en leur pure langue Prouençale, & des autres qui n'estoient si bien versez en icelle qui estoient d'autre nation, comme Espagnolle, Italienne ou Gasconne & Francoise, les poemes estoient entremeslez de plusieurs mots de leurs idioms qui les rendoit si obscurs, & difficiles qu'à grand peine en pouuoit il tirer le sens.

Finale

Finalement il les restaura tous en leur entier, & eust tant de grace en son entêtement qu'il fut le premier cause que ces poëtes qui auoient esté si long temps mis en oubly, furent reuoeuez en lumiere. Quant à la vie de ce Monge il fut bon religieux, singulier & parfait en toutes sciences & langues, escriuoit diuinement bien de toute façon de lettres: quant à la peinture & illumineure, il estoit souverain & exquis: il obseruoit cecy de long temps, qu'au printemps & à l'automne se retiroit pour quelques iours accompagné d'un sien amy religieux amateur de la vertu, en son petit hermitage aux isles d'Yeres (ou audict monastere auoit de long temps vne petite eglise dependant d'iceluy, qui est la cause qu'il fut surnommé des Isles d'Or) pour ouyr le doux & plaisant murmure des petits ruisseaux & fontaines, le chant des oiseaux, contemplant la diuersité de leurs plumages, & les petits animaux tous differens de ceux de deça la mer, les contrefaisant au naturel. Et en feist vn beau recueil, qu'on trouua apres sa mort parmy ses liures, auquel il auoit depeint de beaux passages, tout le quartier de la plaie de la mer desdictes Isles d'Yeres, & des villages qui y sont assis, toutes sortes des herbes & plantes les plus exquises, les fleurs & les fruits d'icelles & des arbres qui y croissent naturellement, les bestes & autres animaux de toutes especes, la prospectiue des montagnes, des prairies, & de tous ces champs delicieux, arrosez des belles & cleres fontaines, des poissons de la mer, des vaisseaux qui la trauersent à pleines voiles: le tout tant bien rapporté & contrefait au vif, qu'on eust iugé que c'estoit la mesme chose. Pour monstrier l'excellence de son esprit, feist vn recueil des victoires des Rois d'Arragon Comtes de Prouence, ensemble feist vnes heures de nostre dame escrites de sa main enrichies de toutes les plus rares diuersitez qu'il auoit trouuees en son recueil, en or, azur, & autres belles couleurs, & fort bien & proprement reliees, en fist vn present à Yoland d'Aragon mere du Roy René qui les estima beaucoup & lui monstra qu'elle les auoit tresagréables, parce que les peintures & illumineures d'icelles correspondoient au texte de la lettre. Et ce fut vn moyen & commencement que le Roy Loys deuxiesme du nom, Roy de Naples, & Comte de Prouence, & ladicte Roine Yoland auoient tousiours au pres de leurs personnes ce Monge, tant sage, beau, & prudent il estoit: toutes ces choses & plusieurs autres se trouuent es fragmens de Dom Hillaire des Martins, l'un des religieux du monastere saint Victor de Marseille. Il a escrit aussi que le Monge estoit homme de sainte vie, de bon exemple & continuelle meditation, qu'il a escrit vn liure, auquel il predict que de ceste maison de Cybo sortiroient plusieurs grands & illustres personnages, qui gouuérneroient & administreroient l'Eglise Catholique, & seroient aupres des Rois & Princes, & grans seigneurs. Il dit aussi qu'auant qu'il fust receu audit monastere, il portoit avec luy quelques ceuures en rime Prouençalle, traitans de l'amour, qu'il auoit dedié à Elis des Baulx, dame des Baulx, & Comtesse d'Auelin, qui est vne des anciennes familles & nobles de Prouence. deceda audit monastere en l'année 1408. duquel temps la Roine Yoland accoucha du Roy René.

LE MORE DV VERGIER (c'est vn nom supposé) Recteur extraordinaire de l'vniuersité de Mafeson a traduit du latin de maistre Iean de la Dagueniere (c'est vn autre nom supposé) Docteur en medecine, &

Mathe

Mathematicien ordinaire des Landes d'Asniere.

Le Monstre d'abus. qui est vn liure contre Michel Nostradamus. [impr. à Paris 8°, par Barbe Regnaut 1558.

Le Seigneur de la M O T T E R O V L L A N T Lyonnais a écrit,

Les Facecieux deus des Cent & six Nouuelles nouuelles. [impr. à Paris 8°. par Jean Real 1550.

M V S Æ V S.

L'histoire de Leandër & Hero, escrete en grec par Musæus ancien Poète, & traduite en rime françoise par Clement Marot.

M V S I C I E N S.

Pour la recommandation de la Musique & de ses professeurs ie transcriray ici vne partie de la Preface au Roy Henry 2. que Pierre de Ronsard a mis au deuant du Mellange de chansons tant des vieux auteurs que modernes. [impr. à Paris par Adrian le Roy.

Tout ainsi que par la pierre de touche, on esprouue l'or s'il est bon ou mauvais, Ainsi les anciens esprouoient par la musique les esprits de ceux qui sont genereux, magnanimes, & non foruoians de leur premiere essence: & de ceux qui sont engourdis, paresseux & abastardis en ce corps mortel ne se souuenant de la celeste harmonie du ciel, non plus qu'aux compagnons d'Ulysse d'auoir esté hommes, apres que Circe les eut transformez en pourceaux. Car celuy lequel oyant vn doux accord d'instrumens, ou la douceur de la voix naturelle, ne s'en resiouit point, ne s'en esmeut point & de teste en pieds n'en tressaut point, comme doucement rauy, & si ne sçay comment derobé hors de soy: c'est signe qu'il a l'ame tortue, vicieuse & deprauée, & duquel il se fault doner garde, come de celuy qui n'est point heureusement né. Comment pourroit on accorder avec vn homme qui de son naturel hait les accords? celuy n'est digne de voir la douce lumiere du Soleil, qui ne fait honneur à la musique, comme petite partie de celle, qui si harmonieusement (comme dit Platon) agite tout ce grand Vniuers. Au contraire celuy qui luy porte honneur est ordinairement homme de bien, il a l'ame saine & gaillarde, & de son naturel aime les choses hautes, la philosophie, le manement des affaires politiques, le travail des guerres, & bref en tous offices honorables il fait tousiours paroistre les estincelles de sa vertu. Or de declarer ici que c'est que musique, si elle est plus gouuernee de fureur que d'art, de ses concens, de ses tons, modulations, voix, interualles, sons, systemates, & commutations: de sa diuision en Enharmonique laquelle pour sa difficulté ne fut iamais parfaitement en vſage: en Chromatique, laquelle pour sa lasciuerie fut par les anciens bannie des republicues: en Diatonique laquelle comme la plus approchante de la melodie de ce grand vniuers fut de tous approuuee. De parler de la Phrygiene, Dorienne, Lydienne & comme quelques peuples de Grece animez d'harmonie, alloient couragement à la guerre & comme Agamemnon allant à Troye, laissa à sa maison tout expres ie ne sçay quel musicien Dorien, lequel par la vertu du pied Anapeste, moderait les esfrenees passions amoureuses de sa femme Clytemnestre, de l'amour de laquelle Aegiste enflammé ne put iamais auoir iouissance,

ſance, que premierement il n'eust fait mourir meſchamment le muſicien. De vouloir encores deduire commēt toutes choſes ſont compoſees d'accords, de meſures & de proportions tant au ciel, en la mer, qu'en la terre, de vouloir diſcourir d'auantage comme les plus ſegnez perſonnages des ſiecles pazez ſe ſont curieusement ſentis eſpriz des ardeurs de la muſique, tant Monarques, Princes, Philoſophes & capitaines de renom: ie n'auroy iamais fait, d'autant que la muſique a touſiours eſté le ſigne & la merque de ceux qui ſe ſont monſtrez vertueux, & veritablement nez pour ne ſentir rien du vulgaire: Je reciteray ſeulement que les plus magnanimes Rois faiſoient anciennement nourrir leurs enfans en la maiſon des muſiciens. comme Peleus qui enuoya ſon fils Achille, & Aeſon ſon fils Iaſon dedans l'Antre venerable du Centaure Chyron, pour eſtre inſtruits tant aux armes qu'en la medecine & en l'art de muſique. I'adiouſteray aux diuines fureurs de muſique celles de poeſie & de peinture, deſquelles accompagnant la muſique comme ie mets en ceſte Bibliotheque les Poetes, auſſi n'y veux ie oublier les muſiciens qui ont orne la France de leurs compoſitions, entre leſquels ſe ſont eſleuez depuis ſix ou ſept vingts ans Ioſquin des prez Hennuyer de nation & ſes diſciples Mouton, Vaillard, Richaffort & autres. Et ſi ia on y en trouue quelques vns deſignez par nom & ſurnom ſelon l'ordre de l'Alphabet, & que tous n'y ayent eſté mis pour n'auoir ſceu leurs noms propres: tous les autres qui ſont venus à ma cognoiſſance ſeront inſerez en ceſt endroit par leurs ſurnoms ſeulement.

ABRAN.
ALAIRE.
ARCADELT.
D'AVXERRE.

DV BAR:
BASTARD.
DE BEAULIEV.
BELIN.
BENEDICTVS.
BERTRAND.
LE BLANC.
BOIVIN.
BONARD.
BONI.
BONVOISIN.
DES BORDES.
BOVRGEOIS.
BOVRGVIGNON.
BRIAVT.
BRION.
LE BRVN.
DE BVSSI.

CANIS.
CADEAC.
CAPELLA.
CASTRO.

CAVILLON.
CERTON.
CHEVALIER.
CLAVDIN.
CLEMENS NON
PAPA.
CLEREAV.
COLIN.
SEVERIN COR-
NET.
COSTELEY.
COVRTTOIS.
DE COVRVILLE.
CREQVILLON.
CYRON.

DAMBERT.
DROVYN.

EBRAN.
ENTRAIGVES.

FABRICE.
DE LA FONT.
FORESTIER.
FORMENTIN.
FRESNEAV.

GARDANE.

GARNIER.
LE GENDRE.
GENTIAN.
GERVAISE:
GODARD.
GOMBERT.
GORLIER.
GOSSE.
GOVDEAVL.
GOVDIMEL.
LA GROTTTE.
GROVZY.
GVILLAVD.
GVYON.

HAVVILLE.
HERISSANT.
L'HERITIER.
HESDIN.
HEVRTEVR.
L'HVILLIER.

IACOTIN.
IAMES.
IAQVET.
PETIT IEAN.
IENNEQVIN.
IOSELME.

IOS

IOSQVIN.
LESCHENET
LESTOQVART.
LVPZ.

MAILLARD l'oncle &
le neveu.

MAÏLLE.
MALETTY
MANCHINCÖVRT
MARCADÉ
MARCHANT.
MARCHANDI.
DE MARLE.
MARTIN.
MEIGRET.
MILLOT
MITTANTIER
MITHOV.
La MOEVILLE
Le MOINE.
De MONTE.
MOREL
MORNABLE
MORPAIN.

MOVLV.
MOVTON
DV MVYS.

NICOLAS

OLIVIER
ORLANDO.
PAGNIER.
PASSEREAU
PELETIER
PENET
PHINOT.
PLISSON.
POILHOT
DE PORTA.

PVY

LE RAT.

REGNARD
REGNES
RENVOISI.
RIGHAFFORT.
ROGIER
ROMAIN

ROQVELAY.
RORÉ.
ROVINCE
ROVSSEL.
LARVÉ.

SANDRIN
SANSERRE.
SANTERRE
SIMON
SOHIER.
STRIGE

TISSIER
DV TERTRE.
TOSTEAV.

VASSAL.
VERDELOT.
DEVILLA
VILLARD
VILLIERS
VVAVQVEL
VVILDRE.
VULFRAN

Tous lesquels Musiciens sus nommez ont mis plusieurs Epigrammes & chansons françoises en Musique imprimees tant à Paris qu'à Lyon par Pierre Attaignant, Nicolas du chemin, Adrian le Roy, Jaques Moderne, Jean de Tournes & autres.

M. BRET AIGNE Lieutenant general en la Chancellerie, & Vierge de la ville & cité d'Autun a prononcé puis mis par escrit, La Harengue du tiers Estat de France à la maiesté du Roy, en l'assemblée des Estats tenuz à S. Germain en Laye le 27. d'Aoust 1561. [impr. à Paris audit an.

M. DE LA FAYE a escrit, Traicté & Remonstrance contre l'yuroignerie & excez au boire. [impr. à la Rochelle 8°. par Pierre Haultin 1580.
Preface sur le Traicté des scandales qu'a escrit maistre Jean Caluin.

M. DE LA SERRE.
Combien que celuy qui traicte quelque science, peut blasmer l'impiété des meschans avec acerbité de parolles, & l'erreur de ceux qui ont failli, avec telle modestie qui est requise aux hommes de lettres : Si est ce, que c'est chose de mauuais & pernicieux exemple, de blasmer l'honneur des gens doctes, sous ombre de quelque faute, & les charger de parolles contumelieuses à la forme des Pedantes, pour loyer & salaire de leur trauail. En quoy la Republique a notable interest, & beaucoup plus si on vient attenter à l'honneur par libelles diffamatoires: comme a fait vn surnommé De la Serre. Peu auparauant deux calomniateurs, qui ne cessoient d'abbayer publiquement contre les six liures de la Republique de Iean Bodin, auoient esté par-deuant le Roy pour la faire

defen

defendre. Le Roy leur feit dire par le seigneur d'Oró, Anagnoste (ou lecteur) Royal, qui auoit leu la Republique de Bodin, que s'ils auoient quelque chose à dire contre luy, ils le couchassent par escrit, pour en faire iugement. Au lieu de ce faire, apres cestui-cy qui se fait appeller le sieur de la Serre, feit imprimer vn petit liure, qu'il dedia au Roy, intitulé

Remonstrance au Roy sur les pernicious discours contenus au liure de la Republique de Bodin. [impr. à Paris 8°. par Federic Morel 1579.

Le Roy l'ayant leu, & cognoissant les calomnies si grossieres, qu'on y void le iour au trauers, il manda au Lieutenant ciuil, que la Serre fust mis en prison, & signa le decret de sa main, avec defenses à l'imprimeur, sur la vie, d'exposer en vente ce liure, auquel Bodin n'a voulu respondre, comme aussi iamais homme de sain iugement n'en a fait ny mise ny recepte, sinon pour vn libelle plein d'extreme ignorance, & mesdisance, sans rithme ny raison quelconque.

Herpin en son Apologie pour la Republique de Bodin contre Ogier Ferrier.

M. D E S I L A.

Le Chemin de vertu, enseigné par Isocrates Orateur & Philosophe au seigneur Demonique son ami: mis en rime par M. de Sila selon la traduction qu'en a fait de grec en prose françoise Loys le Roy. [impr. à Tolose 16°. par Guyon Boudeuille 1555.

M. F. C H.

Petit Formulaire d'otaisons, avec vne paraphrase & sommaire de l'oraison Dominicale, les sept Psalmes penitenciaux & cinquante-deux Oraisons de l'Eglise selon l'ordre des cinquante-deux Dimanches. Plus quelques autres prieres & instructions fort necessaires à tous Chrestiens, par M. F. C H. [impr. à Paris 16°. par Iean de Heuqueuille 1576.

M. R. B. a escrit en rime,

La Source des guerres & le moyen pour acquerir la paix, où il est dit:

*Si le Seigneur ne bastit la maison,
Certainement tous ceux qui l'edifient,
Ceux qui la font & qui la fortifient
Perdent le temps & travaillent en vain:
Aussi s'il n'a de la cité le soin,
Et s'il n'en est deffense & sauuegarde,
Celuy là perd sa peine qui la garde.
Les grands assaults & les fortes alarmes,
L'infini nombre & troupe de gendarmes
Ne sauuent pas de dangereux desroys
Les Empereurs les Princes & les Rois.
Celuy pour vray se trompe qui cuide estre
Par sa vertu & par sa force adestre:
Mais l'œil de Dieu (dit Dauid) est sur ceux
Qui de l'aimer ne sont point paresseux,
Et on espoir à sa misericorde &c.*

FF

LIVR

LIVRES D'AUTEURS INCERTAINS.

Le Roman de M A B R I A N.

La grand dance M A C A B R E des hommes & femmes où est demonsté tous humains de tous estats estre du branle de la mort. [impr. à Lyon 4°. par Oliuier Arnoullet sans datte, & à Paris 16°. par Estienne Groulleau.

L A M A C A R O N É E de S. D. T. [impr à Lyon 8°. par Jaques Faure 1550.

Le Romant de Philippes de M A D I A N, autrement dict, le Cheualier à l'esperuier blanc.

L A M A G N I F I C E N C E de la superbe & triumpante entree de la noble & antique cité de Lyon, fait au tres-chrestien Roy de France Henry deuxiesme de ce nom, & à la Roine Catherine son espouse, le 23. de Septembre 1548. Auec les figures & pourtraits de l'Obelisque, Pyramide, Arcs Triomphaux, Galleres, Bucentaure, Perspectiues, Trophees, Portaux, Statues & autres. [impr. à Lyon 4°. par Guillaume Rouille 1549.

D E S M A I S O N S & estats des plus illustres de la chrestienté liure premier. [impr. à Paris 4°. par Jean Longis 1549.

Les regrets & peines des M A L A D V I S E Z composez par d'Andouille. [impr. à Lyon 16°. par Oliuier Arnoullet.

Narration de ce qui s'est traicté auec ceux de M A L I N E S tant par escript que verbalement de la part de l'Archiduc Mathias Gouverneur general du pays bas: ensemble de ceux de la ville d'Anuers. [imp. par Christophle Plantin 1560.

L E M A N D E M E N T de Iesus Christ à tous fideles Chrestiens. *Censuré.*

L E M A N T É A V mal taillé, compte tresplaisant. [impr. à Lyon par François Didier.

L E M A N V È L des Dames, qui parle de l'ame deuote. [imp. à Paris 4°. par Michel le Noir sans datte.

L E M A N V E L des Curez & Vicaires de l'Eglise Romaine. Auec certain commentaire. [imprimé à Lyon 8°. par Claude Rauot 1564. *Caluinique.*

L A M A P P E-M O N D E descrite en rime. [imp. par Jean Trep-perel sans datte.

Histoire de la M A P P E-M O N D E Papistique, en laquelle est declaré tout ce qui est contenu & pourtrait en la grande Table ou Carte de la Mappede-monde. Composee par M. Frangidelphe. [imprimee en la ville de Lucel-louelle 4°. (il entend Geneue) par Brifaud Chasse-diables 1567. *Caluinique.*

Traicté singulier deuot & salutaire intitulé la M A R C H A N D I S E spirituelle distingué en sept regions spirituelles selon les sept iours de la semaine. [impr. à Lyon par Oliuier Arnoullet.

Le

Le liure des M A R C H A N D S. *Censuré.*

La reigle des M A R C H A N D S & autres estats touchant les ventes & achats des marchandises, conuentions, obligations, prests, rentes, vsures, interests & autres traffiques qu'on peut auoir l'un avec l'autre, où sont traitees plusieurs belles questions extraictes de la somme des confesseurs & compilees par vn deuot religieux de la cité de Thoulouse. [impri. à Paris 16°. par Jean André 1550.

La vie de saincte M A R G V E R I T E vierge & martyre fille de Theodosien, à 44. personages. [impr. à Paris 8°. par Alain Lotrian.

Les M A R G V E R I T E S du nouveau Testament contenant commandemens, enseignemens & police. [impri. à Lyon 16°. par Jean Didier 1547.

Traicté de la dissolution du M A R I A G E par l'impuissance & froideur de l'homme ou de la femme. Autheur vn Conseiller du Parlement de Paris. [impr. par Mamert Patisson 8°. 1581.

Sur la fin dudit traicté.

Reste à considerer en troisieme lieu, comme l'on doit proceder à l'inquisition de la valeur d'un homme: d'autant que l'on doit craindre qu'il n'y ait de la collusion, & ne in fraudem confiteantur partes. cap. si. de frigid. & malef. Et comme il a esté dit cy dessus il faut commencer à la visitation de l'homme. Car si lon rapporte que les deux tesmoins de sa valeur luy ayent esté ostez, le procez est tout instruit, & ne reste qu'à donner la sentence pour dissoudre le mariage. Mais il faut prendre garde à deux choses: la premiere est de Hostiensis, à sçauoir qu'il n'y ait que des hommes experts, & non pas des femmes. Aussi ne s'est il iamais leu qu'à la visitation d'un homme, ayent esté admises les femmes: qui est vne des premieres fautes, qu'un personnage de dignité, de nostre temps a faicte, souffrant d'estre visité par des obstetrices, que nous appellons vulgairement Sages-femmes. D'autant qu'encores qu'à ceste premiere visitation, estant iugé par les Medecins & Chirurgiens entier, bien disposé, & bien accompli de tous ses membres, horsmis d'un tesmoin qui n'apparoissoit point, & par la priuation duquel en tous cas ils disoient qu'il ne laisseroit pas d'estre puisant: Toutesfois le rapport des Sages-femmes imprima vne mauuaise opinion de luy par tout, à cause qu'elles voulurent faire les expertes en telle matiere, en laquelle elles ne pouuoient estre instruites: & discoururent sur la longueur, grosseur, rondeur, & telles autres impertinentes circonstances de la verge, iusques à ce que l'une s'auança de parler *de capacitate foraminis & de preputio*, encores que les Medecins & Chirurgiens n'y eussent eu aucun esgard. Sçachans combien ceste partie change de formes, selon les occurrentes occasions: *Crede mihi non est mentula quod digitus*. La seconde consideration qui doit estre en la visitation de l'homme, est de supplier le Iuge d'instruire les Medecins & Chirurgiens de ce dont ils ont à faire rapport, soustenant qu'ils ne doiuent outrepasser les considerations, que les saints Canons ont requis: à sçauoir, de rapporter si en luy ils cognoissent y auoir inci-

sion & priuation de ce qui est necessaire pour rendre vn homme puissant: puis s'ils cognoissent qu'il n'y ait eu aucune incision, ne autre priuation desdictes parties, ils peuuent par quelque moyen que leur art leur peult apprendre, voir si la verge peult auoir quelque force, & que de faict elle se dresse, soit que les tesmoins apparoissent, soit qu'ils soient cachez, pour en faire leur raport: à celle fin que le Iuge puisse iuger ou la puissance, ou bien, au cas qu'il y ait presumption d'impuissance, puisse apres les trois ans de continuelle habitation, faire plus ample inquisition par la uisitation de la femme, ainsi que nous dirons tantost.

Mais pendant ce differend, à fin qu'il n'y ait de force & feuitie contre la femme, elle doit estre sequestree. *cap. Cum locū de spōsalib.* voire même mise par prouision en vn monastere, si elle declare auoir faict vœu de s'y rendre en se separant. *cap. Causam de probat.* Et ne doit estre avecques le mari, puis qu'il n'appert pas qu'il ait pris possession d'elle. *cap. Ex parte de restitut. spol.* Car les chapitres *Ex transmissa. Litteras. & Ex conquestione. eod. titul.* qui veulent que *pendente questione super statu matrimonij, restituatur mulier marito*, s'entendent si *cognita fuerit. cap. Causam que de rapt. Panor. cap. Causam de probat.* Doncques la femme estant ainsi separee, peult par la uisitation de son mari faire diligence de prouuer son impuissance, sinon elle luy doit estre rendue, pour estre trois ans avecques luy, si ce n'est qu'elle y ait desia esté. Car les trois ans escoulez, elle est receuable à dire, que par la preuue de sa virginité, il y a preuue suffisante de l'impuissance de son mari: & est ce que lon a nommé *iustum iudicium*. N'estant raisonnable ce qu'aucuns maris ont voulu soustenir, qu'ils doiuent estre creuz: puis que la reigle de Iustice est, que personne ne doit estre iuge en sa cause. Ainsi se doit entendre le canon du Concile de Compiègne, *In veritate viri consistat, quia vir caput est mulieris. can. Si quis acceperit. 33. quest. 1.* Et en la nouuelle constitution de Iustinian 22. *Ille verò quia pro veritate est vir, non ostendar.* ὁ δὲ, ὅτι τὰς ἀλθεαίας ἐστὶν ἀνὴρ ὁ δὲ ἀπὸ τοῦ. C'est à dire, Qu'il faut que l'homme premierement face paroistre, que pour vray il est homme, au parauant que lon recoiue la femme à ses preuues contraires. Voire même dit le Pape Honorius 3. *cap. Causam de probat. Sequestrata muliere, recepturi sunt iudices non solum probationes viri, quas inducere voluerit contra mulieres illas, quæ ad inuestiganda signa virginitatis ex parte puella fuerint introductæ, verum etiam probationes alias hoc negotium contingentes, quas pars utralibet duxerit producendas.* Comme quand le mari veut prouuer auoir cogneu autres femmes. Qui est vn argument de puissance approuué. *cap. si. de frigid. & malef.* & telles autres preuues doiuent seruir à l'homme auparauant celles que lon peult tirer de la uisitation de la femme: d'autant qu'elle est bien fort incertaine & sujette à illusions.

Toutesfois à l'extremité la femme est receuë à se faire visiter pour se prouuer vierge. Anciennement on n'admettoit à telle uisitation que les Matrones, auiourd'huy l'on y admet des Medecins & Chirurgiens. Parce que les obstettrices d'auiourd'huy ne sont pas instruites en l'anatomie, comme elles estoient anciennement. Et de faict, nous lisons qu'elles deuoient bien apprendre leur art,

art, ou autrement qu'elles seroient punissables de leur ignorance. *l. l. si obstetrix. Ad leg. Aquil.* Et la pudeur qui est naturellement aux femmes, a esté cause de faire telle instruction à certaines femmes, d'ot on recite vne loy d'Athenes: parce que sans ceste permission d'y auoir des Medecines, les femmes se laissoient mourir quand il leur aduenoit quelque maladie és parties honteuses. Et à Rome elles auoient autorité, taxe, & salaire de leurs vacations. *l. 1. de extraordin. cognit.* & cōmunement estoient appelees quād on vouloit sçauoir si vne fēme estoit grosse d'enfant. *l. 1. de ventr. inspici.* C'est poutquoy les Canonistes ont voulu qu'elles fussent appelees pour iuger si vne femme est vierge ou non. *cap. Proposui. de probat.* Et bien que lon die que ce iugement soit biē hazardeux, pour plusieurs raisons que les Medecins sçauēt: & que mesme saint Augustin au liure premier de la Cité de Dieu chap. 18. ait escrit, *Obstetrix virginis cuiusdam integritatem manu velut explorans, siue maleuolentia, siue inscitia, dum inspiciit, perdidit.* Toutesfois puis q'lon ne voit point d'autre meilleur expedient, on est cōtraint de le prendre: cōme a esté dit par S. Cypriā en son epistre 62. & de laquelle sont cōposez deux Canons. *27. q. 1. can. Nec aliqua. & can. Quod si penitentiam.* Car cē q' il dit, *nec aliqua putet se posse hac excusatione defendi, quod iuspici & probari possit, an virgo sit, cum & manus obstetricum & oculi saepe fallantur.* C'est parce que les femmes peuuent par baisers & gestes impudiques auoir delinquē: si est ce q' puis apres pour la verité du fait, il se resoult, & dit, *Inspiciantur virginēs ab obstetricibus diligenter: & si virginēs inuentae fuerint, accepta cōmunionē ab Ecclesia recipiantur.* S. Ambroise ne pouuoit approuuer ne trouuer bonne ceste exploration, en son epistre 64. où il reprend Syagrius Euesque de Veronne, d'auoir otdōné qu'une religieuse seroit visitee, pour sçauoir si elle auoit esté corrompue. Parce que telle cognoissance est hors la puissance des hommes. *Quid quod etiā ipsi archiatri dicunt, non satis liquidō comprehendi inspectionis fidem, & ipsis medicina vetustis doctoribus id sententia fuisse? Nos quoque usu hoc cognouimus, saepe inter obstetrices abortū varietatē, & questionē excitatā: ut plus dubitātū sit de ea quae inspiciendā se praeberit, quā de ea quae non fuerit inspecta.* Pource (dit-il) vous faites preiudice à la fille, auparauant q' de luy faire iustice. Et ces mesmes raisons peuuent estre cōsiderees en ceste dispute du mariage, où la visitation de la femme semble inutile, veu qu'il se peut faire qu'elle ait esté auparauant son mariage corrompue, soit par autre precedant mariage, ou autrement, & toutesfois le mary fera impuissant. Et pour ceste occasiō lon doit differer le plus tard que lon peut ceste visitation d'une femme: parce qu'elle luy est merueilleusement dangereuse & preiudiciable. *Non enim solum visitantur,* ce dit en ce mesme endroit S. Ambroise, *sed attrahuntur. Quid igitur sibi velit, & quō spectet quod obstetricem adhibendā credideris, non possum aduertere. Itāne ergo liberum accusare omnibus, & cū probatione destiterint, patebit ut genitalium secretorum petant inspectionē, & addicentur semper sacra virginēs ad huiusmodi ludibria, quae & visu & auditu horrore & pudori sunt? Quae ergo sine dāno pudoris in alienis auribus resonari*

non queunt, ea possunt in virgine sine eius tentari verecundia? Vt iam non solum verecundia sua dispendio, sed etiam obstetricis incerto periclitetur.

J'ay exprez assemblé toutes ces belles remonstres de ce saint personnage pour monstrier que la visitation de la femme se doit faire au moins le plus tard que l'on pourra, si tant est que l'on ne la puisse eiter. Car puis que les Conciles & les Papes l'ont approuvée, nous ne pouvons & ne devons la trouver mauvaise, comme aussi à elle esté de tous temps receüe & tolérée. Et y en a beaucoup qui disent que la Vierge Marie souffrit elle même telle visitation, ainsi que recite Suidas en parlant de Iesus-Christ. Mais comme elle doit estre en faueur de la pudeur des femmes retardée au possible: aussi quand les femmes d'elles mesmes s'y offrent, doit elle estre soupçonnée de quelques abus & illusions, que chacun sçait se practiquer ordinairement. Et parce que les Medecins, Chirurgiens, & Apothicaires sçavent mieux les moyens de restraindre, ie me contenteray de prendre presumption sur l'impudence d'une femme qui se prostitue elle même: & comme dit Herodote, souffrant d'estre veüe despoillée de ses vestemens, facilement se despoille elle même de la pudeur & modestie qui doit estre en elle. C'est pourquoy le Docteur Hostien se dit, qu'il se faut garder de surprise en telle visitation: & faut que les obstetrices soient bien expertes: & si leur conseille d'vser d'eau chaude pour laver le corps de celle qu'elles visitent, à celle fin qu'elles ostent toutes choses restrictives. Ce que repete Panorme *in capit. Fraternitatis. de frigid. & malef.* Et de nostre temps on a veu vne femme de mediocre qualité, avoir mis son mary en procez, l'accusant d'impuissance, & quinze iours apres s'en desister, par ce qu'elle se trouua enceinte. Et au temps de son enfantement elle souffrit la punition de sa temerité: car elle s'estoit si artificiellement estre-cie pour l'instruction de son procez, qu'à son accouchement il luy fut besoin de Chirurgiens.

Voila tous les moyens de proceder en telles disputes que celle-cy, & qui sont approuvez par les saints Canons. Il y avoit anciennement deux autres moyens, *per crucem & per iusiurandum septima manu*, qui ne se practiquent plus aujourdhuy: car l'un estoit vne sorte de sorcellerie, & l'autre qui est l'assurance de sept, qui iurent pour l'innocence d'une partie, ne se pratiquoit sinon quand le mary & la femme estoient d'accord de se desmarier. Et au lieu de ces deux explorations, ie ne sçay par quel malheur de nostre siecle, on en a introduit vne la plus brutale que l'on sçauroit excogiter, & que nous esperons estre d'aussi peu de durée, qu'elle a peu de raison & d'apparence de iustice; c'est ce qu'ils appellent le Congrez: lequel outre ce qu'il est contre l'honnesteré publique, indubitablement encores est-il inutile. Parce que comme il est dict cy devant, le mary qui a moyens de se faire paroistre puissant, n'est tenu de faire preuve qu'il ait effectivement cogné sa femme: d'autant qu'une femme peut estre vierge, encores que son mary soit puissant & capable de mariage. Comme aussi peut-il aduenir qu'un mary ait autrefois cogné sa femme, & que puis apres toutesfois pour quelque accident il soit demeuré impuissant, qui est vn cas auquel le mariage ne laisse pas d'estre

d'estre bon. *can. Hi qui. 32. quest. 2.* parce que la femme & le mari doiuent ensemble supporter les infortunes qui leur aduennent pendant le mariage. Et pour ceste occasion quelque renouvellement que Panormie vueille faire, *cap. Proposisti. de probat.* de exhibition des linceulx de la premiere nuit des nopces, qui se pratiquoit du temps de l'ancien Testament, Deuter. 22. il se trouue fort empesché en ceste question *in cap. Fraternitatis. de frigid. & malef.* & certainement la seule inspection de l'homme y doit suffire: mais luy, ny autres qui ayent esté long temps apres luy, ne se sont aduisez de ce congrez. Il y eut (ce dit Lucian) vn Philosopher, qui voyant tous ses compagnons empeschez pour iuger si Bagoas estoit homme ou non, & s'il deuoit estre receu au nombre des Philosophes: mit en auant ceste forme de congrez, pour sçauoir si sur le champ il pouuoit faire preuue de l'estat de sa personne. Mais ce moyen fut trouué si ord & fâcheux, & si indigne de l'honnesteté publique, qu'il fut reietté. Et est depuis peu de temps que ce moyen a esté pratiqué: dont le commencement peult auoir esté par l'offre de quelque impudent & deshonné, lequel accusé d'impuissance par la femme, s'est vanté de faire preuue de sa valeur en presence de gens à ce cognoissans. Et si les Iuges peuuent par aduerture auoir admis ceste espreuue, tant par surprise & pour n'y auoir bien pensé, qu'aussi parce que quelques sages du commencement ne trouuerent pas mauuaise ceste pratique: estimans par ceste honte & vergongne deterrer les femmes de la trop grande & frequente plainte qu'elles faisoient de leurs maris. Car la loy quelquesfois permet vn mal, à fin de remedier à vn plus grand. Ainsi que nous voyons en l'histoire que recite Aule Gelle *lib. 15. cap. 10.* de quelque filles Milesiennes, lesquelles par frenaisie se faisoient volontairement mourir. Et ne peut-on iamais destourner le cours de ceste maladie, qui s'augmentoient bien fort, sinon par vne honte que lon leur fit: ayans les hommes ordonné que celles qui s'estoient ainsi faict mourir, fussent toutes nues portées par tout, & représentées au peuple: car le reste des filles furent touchees de si pres au cœur, par la honte de tant deshonestes funeraillies, qu'elles reprirent leur esprit, & ne tomberent plus en telle maladie. Aussi pensoit-on par aduerture qu'un si deshonné congrez pourroit moderer la plainte des femmes: lesquelles au contraire (comme le siecle est malheureux) se sont par ce moyen fortifiées, & de commencement de leurs procez requierent elles mesmes le congrez sçachans toutes que ce leur est vn moyen indubitable de gagner leur procez. Car quelque assurance que tout homme se puisse promettre (s'il n'est aussi brutal & impudent qu'un chien) confessera, s'il veut à par soy & sans passion bien considerer, qu'il n'est en sa puissance de se faire paroistre capable du mariage en presence de la Iustice que lon reuerse, à la veüe des medecins, chirurgiens & matrones que lon craint, & auecques vne femme que lon tient pour son ennemie: veu que telles actions d'elles mesmes requierent vne assurance, vn secret, & vne amitié. Dont ie pourrois amener des authoritez, & principalement des poëtes, si ce n'estoit qu'elles sont entremeslees de choses ridicules & honteuses: desquelles nous auons besoin de nous passer, tant parce que la nature nous en apprend assez, qu'aussi parce que ceste affaire doit estre serieusement traitée, & plus tost auecques vne compassion, que non pas auecques vne risée, pour le moins

par ceux qui veulent reconnaître que le mariage est un Sacrement, qui n'a son fondement seulement sur les loix de nature : mais, a d'autres particularitez recommandables, & qui le rendent tel & si saint qu'il ne doit estre facilement dissout: quelque chose qu'ayent voulu mettre en avant ceux qui n'ont qu'une routine de l'officialité, ou qui se sont tant addonnez à la philosophie naturelle, & ont fait si grand estat du Droit civil des Romains, qu'ils ont negligé les reigles de la Chrestienté. Et certainement si ces bons Docteurs Ecclesiastiques ont abhorré la simple visitation d'une femme, à plus forte raison nous devons detester ce congrez, veu que mesmement s'il se faut ranger à la raison naturelle, un tel acte requiert un esprit plus posé & assuré qu'il ne peut estre lors. *Tantum abest incesti capido* (ce dit Minucius Fœlix) *ut nonnullis rubori sit etiam pudica coniunctio*. La raison est fort bien exprimée par Aristote en ses problemes, sect. 4. chap. 28. Mais encotes mieux par S. Augustin au 14. liure de la Cité de Dieu chap. 23. quand il dit que telle action ne depend ny de nostre esprit ny de nostre corps. De sorte que les parties qui sont destinees à telle action, n'obeissent à nostre volonté, comme les autres membres. Et pour ceste occasion nous en auons honte, parce que telles parties *non voluntarie, sed libidine commouentur*. Car l'homme gouvernant ses pieds, ses bras, & telles autres parties à sa volonté, rendra tousiours raison de ce qui depend de luy & de ce qu'il fait : mais il faut qu'en ceste seule action honteuse, il confesse totalement son infirmité, rangeant & son esprit & son corps à une passion qui luy est incogneue. Et neantmoins nous voyons aujourdhuy que lon veut contraindre un homme d'obeir à des medecins, chirurgiens, & Matrones, en une action qui est hors de la puissance & de l'esprit & du corps. Encores ne veulent telles sortes de gens se contenter de l'erection, mais ils s'auancent aussi de vouloir cognoistre & faire rapport de la qualité de la semence : & si veulent qu'en leurs presences, apres une infinité de ceremonies que les Iuges obseruent, & sans prendre garde aux reproches & calomnies d'une femme qu'il hait & abhorre, il face preuve de sa valeur lors, & comme dit encores S. Augustin, *ubi ad huiusmodi opus venitur, secreta quaruntur, arbitri remouentur: filiorum quoque ipsorum, si iam inde aliqui nati sunt, presentia deuitantur. lib. 2. de gratia Christi, & peccato origin. cap. 37.* Si lon a doncques osté les preuves qui se faisoient anciennement *per crucem, & septima manu, per coniuratores*, nous esperons que celle-cy, comme estant contraire à la loy de nature & contre l'honnesteté publique, sera reiettee : & que les procez qui se presenteront desormais en telles matieres, se trouueront deuoir estre iugez selon l'ordonnance de l'Eglise, sans y adiouter ne sans alterer l'interpretation des Canons & des Decretales : pour lesquelles nous auons esté contraincts d'aller plus auant rechercher ce qu'en ont dict les Docteurs Ecclesiastiques, que ce que ceux qui ont dressé nos liures de Droit canon ne nous y en auoient assemble. Car nous auons des matieres communes avecques les Theologiens, & desquelles nous pouons avecques eux concurrement disputer. Et comme dit Cicéron au second liure des loix & ailleurs, il y a des differens qui appartiennent

nent indifferemment aux Pontifes & aux Magistrats: comme la police de l'Eglise, en ce qu'il est besoin de reigler les choses temporelles, les mariages, les funerailles, les testamens, & autres telles choses, *qua non tantum legibus vindicantur, sed etiam pontificibus cura sunt. l. 8. De religioſ. l. 3. §. Diuus tamen. de ſepulchr. viol. l. Hæreditas. in ſi. de pet. hæred. l. In teſtato. §. Et Diuus Pins. de ſuis & legit. hæred. &c.*

La Chroniq̃ M A R T I N I E N N E avec les additions affauoir de meſſire Verneron chanoine du Liege & du Croniqueur Caſtel. [impr. à Paris f°. par Antoine Verard.

Le M A R T Y R amoureux, contenant les diuerſes Paſſions & angoiſſes qu'un amant receut pour ſa dame le tout en Ballades, Rondeaux, Epiſtres, Dixains, Huiſtains & autres eſpeces de rime. [impr. à Paris 16° par Alain Lotrian 1544.

LE M A R T Y R O L O G E des Saints &c. [imp. à Paris ſans datte.

Le liure des M A R T Y R S. [impr. à Geneue f°. par Iean Creſpin. *Cenſuré.*

LE M A S V È R en François ſelon la couſtume du hault & bas païs d'Auuergne & la maniere comme on aſſiſt rente audit païs couſtumier: & auſſi les ordonnances royales faiſtes par les preſidens & conſeillers tenans les grandes cours de parlement en ſa ville de Montferrand en l'an 1454. [impr. à Paris 4°. ſans datte.

M A V G I S D' A Y G R E M O N T. *Romant.*

D'un ſeul M E D I A T E V R & aduocat entre Dieu & les hommes, noſtre Seigneur Ieſus-Chriſt. [impr. à Geneue.

Les Anciens & renommez autheurs de la M E D E C I N E, & Chirurgie, Affauoir, Hippocrates, des vlceres, des fiſtules, des playes de la teſte. Avec les commentaires de Guy Vide ſur chacun liure. Le meſme Hippocrates, des fractures des articles, De l'officine du Chirurgien. Avec le Commentaire de Galien. Galien des Bandes, Oribasie des Laqs, des machines & engins. Le tout traduit fidelement du Grec & du Latin par vn docteur en medecine & illuſtré de figures par leſquelles la choſe eſt au viſ representee. Avec vne table des matieres principales. [impr. à Lyon 8°. par Guillaume Rouille 1555.

La M E D E C I N E de l'Ame. *Cenſurée.*

M E L I A D V S de Leonois. *Romant.*

M E L V S I N È. *Romant.*

La M E R des hiſtoires avec le Martyrologe des ſaincts. [imp. à Lyon f°. par Claude d'Aouſt alias de Troye ſans datte.

M E R L I N l'anchanteur. Romant premier & ſecond volume.

Les Propheties de M E R L I N.

Le liure M E R V E I L L E V X, contenant pluſieurs Propheties &c.

Les M E R V E I L L E S du Monde. [impr. à Lyon 8°. par Oliuier Arnoullet 1534.

Decla

Declaratation de la M E S S E , la forme d'icelle , la cause & le moyen pour quoy & comment on la doit maintenir. *Censuré.*

La M E T A M O R P H O S E d'Ouide illustree de 178. figures ou tableaux & d'autant de huietains françois, au dessoubs d'icelles. [impr. à Lyon 8°. par Jean de Tournes.

M I L L E S E T A M I S , Histoire, ou Roman.

Les M I R A C L E S de nostre Dame. [impr. à Lyon 4°. par Oliuier Arnoullet & depuis par François Arnoullet 1583.

Le M I R O I R d'Or de l'Âme pecheresse &c. [impr. à Paris 8°. sans nom & datté.

Le M I R O I R des Courtisans.

Le M I R O I R des Escoliers & aussi de toute la Jeunesse par Quatrains. [impr. à Paris 8°. par Leon Cauellat 1578.

L'ardent M I R O I R de Grace, composé en rime par le Riche en Pauvreté. [impr. à Paris 8°. par Gilles Cousteau.

Le M I R O I R du Monde , reduit premierement en rime Brabançonne par P. Heins , & tourné en prose françoise. auquel se represente au vif tant par figures que carachteres la vraye situation , nature & propriété de la terre vniuerselle. [impr. en Anuers 4°. par Christophle Plantin 1579.

Le M I R O I R de penitence tresdeuot & salutaire tresvtile & profitable à toutes personnes & specialement à gens de religion desirans de leurs meurs fere conuersion, & tendre à perfection. fait & composé nouuellement en l'an 1512. par celuy qui autresfois a compilé en françois le liure de la femme forte , & le dialogue de consolation entre l'ame & raison : & est religieux de la reformation de l'ordre de Fontenault, lequel a cueilly ledict Miroir des fleurs & sentences des saincts docteurs pour deuotes religieuses Sanctimoniales de la Magdaleine les Aurelians incluses & reformees dudit ordre. [impr. à Paris 8°. par Simon Vostre.

Le M I R O I R de l'humaine Redemption contenant plusieurs belles matieres de l'ancien testament, comme choses mystiques, figures & propheties conformes & appropriées aux saincts & sacrez misteres des vertueux faits de Iesus-Christ quand à nostre Redemption. [impr. à Paris f°. par Philippes le Noir 1531.

Le liure de M O D V S & la Roine R A T I O. lequel fait mention comment on doit deuiser de toutes manieres de chasses. [impr. à Chambéry f°. par Antoine Neyret 1486. depuis corrigé mis en meilleur langage & reimprimé 8°. par Vincent Sertenas. 1560. sous le tiltre suiuant.

Le Roy M O D V S, du deduiet de la chasse, venerie & faulconnerie: auquel liure l'autheur ne s'estant voulu nommer s'est contenté de feindre vn Roy nommé Modus, qui instruit les apprentifs en l'art de la chasse des bestes & oiseaux. [impr. à Paris 4°. 1503. & depuis corrigé au langage & r'imprimé 8°. par Vincent Sertenas 1560.

*Le nouveau M O N D E avec l'estrif
Du pouruenir de l'electif*

De

*De l'ordinaire & du nommé.
C'est un liure bien renommé,
Ensuivant la forme autentique
Ordonnee par la pragmatique &c.*

Ledit liure dont le tiltre est en rime & tel que dessus est fait par personnages, qui sont, Benefice grand, Benefice petit, Pragmatique, Election, Nomination, l'Ambicieux, Legat, Quelcun, vouloir extraordinaire, Pere saint, Prouision Apostolique, Collation ordinaire, Vniuersité, Le Herault, Omnes, Sot dissolu, Abus, Sot trompeur, Sotte folle, Sot glorieux, Sot ignorant, Sot corrompu. [impr. à Paris 4°. par Guillaume Eustace sans datte.

MONOLOGUE de Messire Iean Tantoist qui recite vne dispute qu'il a eu contre vne dame Lyonnoise. [impr. 1562. *Caluinique.*

MONOLOGUE de Prouidence diuine parlant à la France. *Rime.* [impr. à Rheims 1561. *Caluinique.*

MORALITEZ de diuerses sortes. [imprimees à Paris & à Lyon par plusieurs.

Histoire ou plustost Roman de **MORGANT** le geant, lequel avec ses freres poursuiuoient souuent les Chrestiens: mais finablement furent deux de ses freres occis par le Comte Roland, & le tiers fut Chrestien qui aida depuis à augmenter moult la sainte foy Catholique. [impr. à Paris & à Lyon 4°. par Iean Lambany.

Le **MOYEN** de paruenir à la congnoissance de Dieu, & consequemment à salut. [*Censuré.*

La **MVSE** Chrestienne, ou Recueil des poësies Chrestiennes tirees des principaux Poëtes françois. [impr. à Paris 12°. par Geruais Malot 1582.

La **MVSIQUE** pratique &c. [impri. à Lyon f°. par Iaques Moderne.

Le liure de la **MVTATION** de fortune escrit en vieil langage *Romant.*

Le **MYSTERE** de la Conception, & Natiuité de la glorieuse vierge Marie. Avecques le mariage d'icelle, la Natiuité, Passion, Resurrection & Ascension de nostre Seigneur Iesus-Christ. Ioué à Paris l'an de grace 1507. [impr. f°. par Geofroy de Marnef 1508.

Le **MYSTERE** de la vengeance de la mort de nostre Seigneur Iesus Christ, & destruction de Ierusalem faicte par l'Empereur Vespasien & Titus son fils. le tout par personnages. [impr. à Paris f°. par Iean Petit.

Le **MYSTERE** du vieil testament par personnages. Ioué à Paris, & imprimé là mesmes par Iean Petit.

MYSTERE là où France se represente en forme d'un personnage au Roy Charles VII. pour le glorifier es graces que Dieu a faites pour luy, & qu'il a receuës à sa cause, durant son regne, & parlent ensemble en forme de dialogue. Puis ses Barons parlent l'un apres l'autre chacun en deux couplets, à sçauoir, le Sieur de Barbaran, le Sieur d'Estouteuille, le Marechal de Bouffac, le Sieur de Gaucourt, Poton de Xaintrilles, la Hire, Amadoc de Vignoles, Iean de

de Breszé, l'Admiral de Criccini, messire Robert de Floques, le Comte d'Aumale, le Comte de Boka, le Comte, d'Onglas, le Sieur de Gamaches, le Baron de Coulonces, Artus de Bretagne Connestable de France, le Sieur d'Orual, le Comte du Mayne, messire Pierre de Breszé, le Comte de Dunois, le Comte de Foix, le Sieur de Bueuil, le Sieur de Loëhac, Joachim Roault. *Escrit en main.*

Il ne seroit iamais fait si ie vouloy inserer icy tous les escrits qui ont esté publiez sous le tiltre M Y S T E R E S tant le nombre en est grand. C'estoient des histories & ioux qu'on souloit représenter & reciter publiquement sur eschafaut, parquoy ces trois ou quatre que j'ay mis cy deuant suffiront.



N I C A N D E R.

Les Oeuures de Nicandre Medecin & Poëte Grec, Assauoir Les Theriaques, & les Alexipharmques: ausquels deux liures est discouru des bestes venimeuses, theriaques poisons & contrepoisons traduites en vers françois par Jaques Greuin. [impr. en Anuers 8°. par Christophle Plantin 1567. Le mesme autheur compola plusieurs autres liures, mesmement les Georgiques ou l'Agriculture. dont fait mention Ciceron en son liure de l'Orateur. Les Eteriomenes, Les Extraicts de medecine. Les Prognostiques d'Hippocrates, lesquels il meit en vers heroiques. Trois liures de tous Oracles, & encore maints autres qui ne sont paruenus iusques à nous, & ont esté perdus.

N I C E P H O R E Calliste.

Histoire Ecclesiastique &c. Voyez Iean Gillot.

N I C O L A S B A C Q V E N O I S a traduit du latin de Iean Fere docteur en theologie Precations & forme de prier Dieu. [impr. à Rheims 16°. par ledit Bacque-nois 1551.

N I C O L A S B A R R E a escrit quelques Discours sur la Nauigation du Cheualier de Villegaignon, vers l'Amerique. [impr. à Paris 8°. par Martin le Jeune 1558.

N I C O L A S D E B A V F R E M O N T Seigneur & Baron de Senescey, Grand Preuost de France a traduit du latin de S. Saluian Euesque de Marseillè en françois,

Du vray Iugement & Prouidence diuine, A S. Salonie Euesque de Vienne. Liures viii. [impr. à Lyon 8°. par Guillaume Rouille 1575.

N I C O L A S B E R G E R O N aduocat au Parlement de Paris a fait vne table chronologique imprimee en vne feuille & placart à Paris chez Guillaume Aauray 1580. I'en ay veu vne autre presque semblable intitulée, Sommaire des Temps, imprimee long temps au parauant à Lyon par Iean de Tournes.

Le Valois Royal, qui est vn extraict de l'histoire Valesienne, touchant l'illustration du pais & de la royale maison de Valois. [impr. à Paris par Gilles Beys 1583.

Le

Le procez verbal de l'exécution testamentaire de feu Pierre Ramus touchant la lecture & profession des Mathematiques instituee par luy. [impr. par Jean Richer 1576.

Arrests notables adioustez à ceux qui ont esté recueillis par Jean Papon. [impr. par Rob. le Maigner 8°.

N I C O L A S B O U C H E R A T.

Remonstrance faicte au Roy le 18. Iuin 1578. en la ville de Rouën par frere Nicolas Boucherat Abbé de Cisteaux, pour & au nom des Estats de Bourgogne. Ensemble la response de sa magesté. [imprimé audit an.

N I C O L A S D E B R I S Docteur en Theologie a escrit Institution à porter les aduersitez du monde patiemment, avec paix d'esprit, ioye & liberté interieure. [impr. à Paris 4°. par Jean Loys 1542.

Bref esguillon à aimer l'estat de religion Chrestienne. Vtilité d'icelle deduite de sa source. Avec declaration de l'Euangile, *Si quis vult post me venire, &c.* [imp. à Paris 8°. par Viuant Gaultherot 1544.

*Au liure de l'institution à porter les aduersitez,
il dit apres S. Augustin.*

Comme en l'aire des champs la paille est froissée, & le grain séparé de la paille: ainsi Tribulation laquelle prend son nom de l'instrument à piler, & escouer le blé appellé *tribula*, separe les bons fideles des autres, & distingue les bons chrestiens des mauuais. Par la similitude duquel instrument, l'aspre, pesante & poignante aduersité mondaine est appellee tribulation, par laquelle le bon chrestien non seulement est foulé, ou opprimé, mais aussi purgé & séparé de la paille, vilité & ordure mondaine, comme le grain du feurre, ou paille: mais le chetif est pilé, froissé, broyé seulement cōme le feurre ou paille. O Seigneur Dieu fais qu'en ceste batterie, foulerie, ou secouement mondain nous soyons froment: & que de nous battus, foulez, exercez & pestriz, soit dit ce que disoit S. Ignace martyr, Je suis le froment de Dieu, ie suis moulu & pestry, à fin que ie soye fait à Dieu pain pur &c.

N I C O L A S ou L A O N I C C H A L C O N D I L E.

L'histoire de la decadence de l'Empire Grec, & establissement de celui des Turcs, comprise en dix liures, par Nicolas Chalcondile Athenien. De la traduction de Blaise Vigenere. [impri. à Paris 4°. par Nicolas Chesneau 1577. Cest autheur estoit Athenien, lequel trauailloit à ceste histoire enuiron l'an 1462. ayant esté nourry par son pere (homme des plus nobles & anciennes maisons de toute la contree d'Attique, d'affaires & d'autorité) aux bonnes lettres selon la portee de ce siecle là, qui n'y fut pas guieres heureux: & commen ce son histoire, où Gregoras, qui a continué celle de Choniates, acheue la sienne, à sçauoir au ieune Andronic Paleologue, sous lequel les Turcs eurent premierement quelque nom, vers l'an mille trois cens. Depuis lequel temps les affaires des Grecs s'en allerent tousiours de mal en pis à vau de route, iusques à leur finale ruine par Mechmet fils d'Amurath, qui print Constantinople & Trebizonde, & acheua de domter le Peloponnese, la derniere picce qu'empieterent les Turcs en la Grece, l'origine desquels, ensemble leurs pre-

G G

miers

miers auancemens & progresz fort tenebreux & incertains de foy, cet autheur cy a mieux esclarcy que nul autre. Ayant au surplus compris en son œuvre le temps & espace de quelques 160. ans qui viennent à se terminer sur le my-regne d'iceluy Mechmet, ne touchant toutesfois les affaires des vns & des autres, que du bout du doigt, sommairement & en passant pays.

NICOLAS CALLET aduocat de Gueret en la Marche a escrit

Commentaires sur les loix municipales, ou coustumes du pais & Comté de la Marche. [impr. à Paris 4°. par Pierre l'Huillier 1573.

NICOLAS CHAPERON, prestre a traduit d'Italien en françois,

Cinq Opuscles tressalutaires. Le 1. Que celuy qui sert Dieu est le plus sage du monde. Le 2. De la dignité & excellence du chrestien. Le 3. Que c'est de Iesus-Christ, & pourquoy il est venu au monde. Le 4. Du mariage spirituel, entre Iesus-Christ & l'ame chrestienne. Le 5. Que l'homme n'a point de plus grand ennemy, que soy-mesme. [impr. à Rheims 8°. par Nicolas Baquennois 1558.

NICOLAS CHESNEAU Rhetelois, Doyen & chanoine de Saint Symphorien à Rheims a escrit,

Le Manuel de la recerche ou antiquité de la foy & doctrine catholique, recueillie de la bouche commune & conforme du peuple Chrestien. [contient 16. chapitres & est imprimé à Rheims 8°. par Jean de Foigny 1578.

La forme & maniere de bien prier Dieu : qui est l'œuvre principal du bon chrestien. Escrite premierement en latin par S. Augustin, en son Epistre 101. à Probe veufue & traduiete en françois par Nicolas Chesneau. [imp. à Rheims 8°. par Jean de Foigny 1574.

Catechisme ou briefue instruction à pieté Chrestienne selon la doctrine Catholique, contenant l'exposition du Credo, du Pater, de l'Aue Maria, des dix commandemens, des sept sacremens. faite françoise du latin de R. pere Michel Euesque de Mersburg. [impr. à Paris 8°. par Claude Fremy 1563.

Paracleses ou consolations des esprits affligez liures III. traduits du latin d'Antoine Emert. [impr. à Paris 16°. par Claude Fremy 1568.

Auis & remonstrance du Reuerendissime Cardinal Hosius Euesque de Varme en Pologne touchant la censure que les ministres de Zurich & Hildeberg ont donné sur la doctrine n'aguieres semee en Pologne contre la Trinité. Où est monstre qu'une heresie attire l'autre, & que la fin de toutes n'est qu'un pur Atheisme. [impr. à Rheims 8°. par Jean de Foigny 1573.

Exposition & familiere resolution des poincts & principaux passages tant du vieil que du nouueau Testament desquels les heretiques modernes abusent contre la foy catholique & l'Euangile. traduite des escrits latins de René Benoist en françois par ledit Chesneau. [imp. à Paris 8°.

Cinq liures de la Messe Euangelique & de la Verité du corps & sang de nostre Seigneur Iesus-Christ au saint sacrement de l'Eucharistie. Traduiet du latin de Laurens Surius chartreux. [impr. à Paris 8°. par Claude Fremy 1562. Lesdicts cinq liures auoient esté premierement escrits en Alleman par vn nom-

me

me Fabri d'Hailbrun, & mis en latin par ledit Surius.

Histoire de l'Eglise Metropolitaine de Rheims, auteur Floard &c. [impr. à Paris 4°. par Nicolas Chesneau libraire 1581.

NICOLAS LE CLERC theologien a traduit du latin de Sainct Hypolite Euesque & Martyr,
Vray Discours du regne de l'Antechrist, de la consommation du monde, des miseres & calamitez qui aduiendront aux derniers temps. Et du second aduenement de nostre Seigneur Iesus-Christ. [impr. à Paris 8°. par Robert Cou-lombel 1579.

NICOLAS DE COQVILLER Euesque de Verieuse a faict vn recueil de plusieurs chants Royaux & Ballades, & ieux présenté à Madame Anne de Graulle. Le premier chant royal commence ainsi:

*Chant Royal d'un Desert sacré
Que Dieu pour luy a consacré
Et preserné du vice immunde
Qui regne au desert de ce monde.*

*Baptiste Sainct de Dieu heraut disert
Ta forte voix peut par tout annoncer
Que le hault verbe en vn sacré Desert
Se fait humain, sans aux cieux renoncer
Pour paix & grace en terre prononcer
Et gens qui sont de bonté volontaire
Car le fort vent de ce lieu solitaire
Vient euertir la dure mansion
D'aspre discord & de fureur bellique
Pour exalter au sainct mont de Syon
Le sainct Desert plain de Manne angelique &c.*

[Non imprimez.

NICOLAS DE CVS A. La coniecture des derniers temps &c. Voyez François Bohyer.

NICOLAS DANY Abbé de S.Crespin le grand de Soissons & grand Archidiacre de ladite eglise a traduit du latin de Reuerend Pere fre-re Loys de Grenade

L'arbre de vie, ou traicté de l'Amour diuin. [impr. à Paris 16°. par Guillaume Chaudiere 1575.

Plus, de l'Espagnol du Reuerend & tresdigne prelat Don Antoine de Gueua-re Euesque de Mondognet,

L'oratoire des Religieux, & l'exercice des vertueux. [impr. à Paris 8°. par Guil-laume Chaudiere 1578.

Le Psalterion de l'Ame deuote, au doux son duquel elle peut exercer & main-tenir ses pensees en contemplations profondes & diuines, traduit d'Italien par Nicolas Dany. contient 25. chap. & est imprimé avec le Tresor de Deuotion à

GG 2 Paris

Paris 16°. par Guillaume Chaudière 1578.

Discours de la difference des Esprits. Recueilli des œuvres de R. Pere Dom Séraphin de Fermo chanoine regulier & predicateur. Traduit d'Italien par le dit Dany. [impr. à Rheims 8°. par Jean de Foigny 1581.

Il auoit premierement escrit,

Traicté de la maniere de semer & faire pepinieres de sauuageaux, enter de toutes sortes d'arbres & faire vergers. [impr. à Paris 8°. par Charles l'Angelier 1560.

NICOLAS DENISOT du Mans, excellent Peintre & Poëte, autrement dict par vn beau & gaillard Anagrammatisme C O N T E D' A L S I N O I S, a elegamment escrit,

Cantiques du premier aduenement de Iesus-Christ (en nombre x i i i.) [impr. à Paris 8°. par la veufue Maurice de la Porte 1553.

Il a mis aussi en cent Quatrains françois, Les cent Distiques latins des trois feurs Anne, Marguerite, Ieanne de Seymour illustres & sçauantes Princesses Angloises sur le trespas de l'incomparable Marguerite Roine de Nauarre seur du grand Roy François. [impr. à Paris 8°. par Michel Fezandat 1551.

Le sieur de Montaigne en ses Essais dit que Nicolas Denisot a changé toute la contexture des lettres de son nom, pour en bastir le comté d'Alfinois, qu'il a estrené de la gloire de sa poësie & peinture.

Remy Belleau l'un des bons Poëtes de la France admirant & le pinceau & la plume de cet ingenieux peintre & Poëte, a donné neantmoins plus grande louange à ses vers spirituels & diuins, qu'à ses tableaux (quoy que & les vns & les autres fussent tresque bien faicts) par vn Sonnet qu'il luy a adressé, qui dit,

*Ce double traict dont l'un industrieux
Rauit nostre œil, l'autre doux, nostre oreille,
De ta main docte annonce la merueille,
Et de tes vers l'accent laborieux:
Mais ton Esprit saintement curieux
A desseigner la beauté nompareille
De cete nuit, plus que le iour vermeille,
Sur ton pinceau reste victorieux.
Car tes tableaux mourront, & la memoire
Des plus saints doigts emperlera la gloire
De nostre temps, à l'antique égalé:
Et ton suiet plus diuin & plus stable
Que n'est l'Amour, le creon, ou la table,
Rompra les coups du vieil faulcheur ailé.*

Mais laissant & le tesmoignage de la suffisance du comte d'Alfinois & celuy que donnent de luy Iodelle, du Bellay, Muret & autres diuins esprits, faisons voir de quel hault son il a entonné & poursuiuy ses Cantiques, & en transcriptions

uons icy deux par lesquels nous soyons edifiez & la louange de Dieu celebree:

AVX CANTIQUES. Cantique VII.

*Icy je ne basty pas
D'une main industrieuse
A la ligne & au compas
Une maison somptueuse:*

*Icy ie ne veil chanter
L'orgueil de quelque edifice
N'y l'ouvrage retenter
D'un ancien frontispice.*

*Autre que moy mieux appris,
En ceste magnificence
Chante l'honneur & le prix
Et la superbe excellence*

*D'un palais audacieux
Qui leue si hault la teste
Qu'il la cache dans les cieux
Pour voisiner la tempeste.*

*Et de son heureuse main,
Face quelque forme antique,
Ou quelque antique desseing
Corinthien ou Dorique.*

*Romme a bien eu des sonneurs,
Qui ont chanté les louenges
Des Princes & grands Seigneurs,
Jusques aux terres estranges.*

*Et si a bien eu cest heur,
D'avoir le marbre & le cuiure,
Pour luy redoubler l'honneur
Qui la fait doublement viure.*

*Entre les thresors ouuers,
De ceste machine ronde,
N'avez vous en l'univers,
Les sept miracles du monde?*

*La Grece n'a pas laissé,
Tumber ses Cariatides,
N'y l'Egypte rabaisé
L'orgueil de ses Pyramides.*

*Le sepulchre Carien,
Vit encor en la memoire,
L'Amphiteatre ancien
Iamais ne taira sa gloire.*

*Mille & mille bastiments,
Mille & mille pillicrs ores,
Et mille compartiments
Se voyent portraicts encores.*

*Tous les Palais sumptueux,
La memoire de noz princes
Maulgré l'age iniurieux
Se voyent en leurs provinces.*

*Et pourtant qu'en pauvre lieu,
Nostre Dieu ait voulu naistre,
Nostre pere & nostre Dieu
Nostre bon Seigneur & maistre,*

*Faut-il taire sa grandeur,
Faut-il taire sa clemence,
Faut-il taire le bon-heur,
Le bon-heur de sa naissance?*

*Faut-il taire l'ornement
D'une loge micouuerte
A toute l'horreur du vent
Et à la froidure ouuerte.*

*O sainte & sainte maison!
O maison dignement sainte!
O bien-heureuse saison
Qui as veu la Vierge enceinte!*

GG 3

Icy

Joyie vueil maçonner
De ce bastiment l'exemple
Et de mes vers façonner
Le proiect de ce beau temple.

Ca la reigle & le compas,
Ca le papier & la plume:
Muse auant, qu'on mette bas
Le feu qui noz cœurs allume.

Venez faire ce proiect,
Auant, qu'on laisse les armes
Laissez la ce vain obiet
Qui ne cause que des larmes.

C'est l'orgueilleux bastiment
Ja-ia ruiné par terre
Qui n'eut iamaïs fondement
Ni de brique ni de pierre.

Quatre fourches en quarré
L'une sur l'autre panchantes
Sous un plancher bigarré
De tous costez chancelantes:

Estoient les quatre pilliers
De ce tant heureux repaire
Ou les Anges à milliers
Ont veu la vierge estre Mere.

Sur ces fourches tout en long
Quatre perches à l'antique
Deseignoient le double front
D'un double & double portique.

Tout le plancher de rozeaux,
Et de paille ramassée
De torchiz & de tuilleaux
D'herbe seiche entrelassée:

Estoit tout entierement
Lambrisé en telle sorte
Qu'on eust dit facilement
Le tout n'estre qu'une porte.

Les postres & solineaux,
Estoient petites perchettes
Plus pour nicher les oiseaux
Que pour servir de logettes.

L'entour estoit façonné
D'une claye mi-rompue
Ou le vent auoit donné
Tant, qu'il l'auoit corrompue.

Sur le dessus my-passoit,
L'herbe penchant de froidure,
Qui ses cheueux herissoit
Teints encores de verdure.

Quatre gaulles de trauers,
Desia seiches de vieillesse,
Ouuerres de mille vers
Bout sus bout faisoient l'adresse.

Pour esleuer tout autour,
Vne bien mince closture
Qui eut remparé l'entour
De ceste pouure ouuerture:

Mais tout estoit descouuert,
Le vent, la pluye, & la gresle,
Trouuoient tousiours l'huis ouuert
Pour s'y fourrer pesle-melle.

Le froid, l'humide, & le chault,
L'esclair, l'horreur, le tonnerre:
Bref ce qui tombe d'enhaut,
Sur les syllons de la terre:

Pouuoient tomber en ce lieu,
En ce lieu sans couuerture
Qui a veu l'enfant de Dieu,
Naistre d'une creature.

Mais Dieu qui demeure es cieux,
Et qui gouuerne & qui guide
Tous les flambeaux radieux,
De la ceincture du vuide,

Tem

Tempera le firmament
Si bien, qu'il n'y eut Planette,
Estoille ny Element,
Qui ne cherist la logette.

Qui ne croit que le Soleil
Mi-tirant ces traits encore
Dedans son pourpre vermeil
De sa face qu'il redore,

(Encor qu'il fut r'abaissé
De l'hyuer qui herissonne)
N'egallast le chault passé
Du beau printemps qu'il ordonne?

L'humour guide de la nuit,
L'ombre, le froid, le silence,
N'estoient lors en plain minuit
En leur premiere ordonnance.

Tout caresoit cest Enfant,
Le Ciel, la Mer, & la Terre,
Qui de l'enfer nous defend
Et à la mort fait la guerre:

Affin que rien n'offençast
La chair encor tendrelette
Et le froid ne transperçast
La petite bendelette.

Mais Seigneur qui eust osé,
Qui eust voulu entreprendre
Sur toy qui as disposé
Ce que toy seul peux comprendre?

Voila le beau corps d'hostel
Et la maison somptueuse

Où le grand Dieu immortel
Est né de la Vierge heureuse.

Tu te pourrois bien vanter
Estre la maison premiere
Qui vous la vierge enfanter
De ce monde la lumiere.

Lumiere qui nous conduit,
Lumiere qui tout efface,
Lumiere qui nous reduict
Au droist sentier de sa grace.

Voyez donc l'Enfantelet
Grand Seigneur de tout le monde
Qui succe & succe le lait
D'une pucelle feconde.

Qui doit un iour de sa croix
Faire une telle ouverture
Qui malgré tous les abbois
De l'infemale closture,

Brisera tous les efforts
De ceste bande orgueilleuse,
Pour noz peres tirer hors
D'une force merueilleuse.

Voila donc l'Enfant qui doit
Purger nostre malefice,
Qui deuant DIEU nous rendoit
Exempts de son benefice.

Donc Seigneur brise l'effort
Du peché qui nous surmonte,
Par ta naissance & ta mort
Par ta mort qui la Mort dompte.

CANTIQUE XI.

Voicy la premiere entree
Du fils de Dieu tout parfait
Qui dans la vierge sacree
Homme ainsi que nous s'est fait,

En chair, en sang & en masse,
Diuine & humaine race
Diuin en humanité
Humain en diuinité

G G 4 Impass;

*Impassible, immortel
Et passible & mortel.*

*O combien de saints Prophetes
Rempliz de diuin sçauoir
Diuins & saints interpretes
Ont desiré de sçauoir
Et de voir ceste naissance
Ceste diuine puissance,
Ouyr ce que nous oyons,
Et voir ce que nous voyons
Ces trois en Jesus-Christ
Dieu, la chair, & l'esprit!*

*O ineffable nature!
Avoir esté tant épris
Que mesme en sa creature
Createur a forme pris:
Forme & masse de chair vile,
Un corps humain & seruire,
Seruant pour nous affranchir,
Pauvre, pour nous enrichir
Portant en son tourment
Nostre soulagement.*

*Esaye en fut l'oracle
Respondant que le haut Dieu
A faict un nouveau miracle,
Du hault ciel en ce bas lieu:
Vela, dist-il, le vray signe
Des signes le plus insigne,
La vierge conceura
Un fils, & l'enfantera,
Admirable en ses faits
Le parfaict des parfaicts.*

*Ores chacun se peut dire
Affranchi, rien ne tenant
d'Adam de Nature & d'Ires
Mais de Dieu: car maintenant*

*Le monde se renouuelle,
Nous auons race nouuelle,
Dieu vient habiter en nous,
Dieu vient pour nous sauuer tous
Arriere antique loy
Grace est par dessus toy.*

*En tenebres & en peines
Nous fusmes tous aveuglez
Et en mil' vanitez vaines
Trop vainement deriglez:
Or Dieu par son fils unique,
Son Salomon pacifique,
Son Oinct, son Christ bien aimé,
Le second des trois nommé,
Nous vient enluminer
Et Sathan ruiner.*

*L'enorme peché du monde
Est mis hors par ce saint fruit
De ceste Vierge feconde,
Sathan mesmes est destruit
Avec sa caute sequelles
Malheur sur luy & sur elle:
Je voy qu'il est mis dehors,
Je voy que tous ses efforts
Et sa loy de rigueur
N'auront plus de vigueur.*

*C'est le Sauueur, c'est le Maistre
De toute l'humaine gent,
C'est Iosué qui doit estre
Capitaine diligent
Pour nous remettre en franchise
Dedans la terre promise,
C'est celui qui oit les sons
De mes petites chansons,
Que ie fais sons l'esperoir
De l'ouyr & le voir.*

NICOLAS DV RAND, autrement dict le Cheualier de Vil-
legaignon, de Sens, cheualier de l'ordre S. Jean de Ierusalem a mis en escrit,
Respon

Responſe aux Remonſtrances faiçtes à la Roine mere du Roy. [imp. à Paris 4°. par André Vvechel 1561.

Les Propositions contentieufes entre le cheualier de Villegaignon & Iean Caluin, contenans la verité de la Sainte Eucharistie. [impr. à Paris 4°. par André Vvechel 1562.

Responſe par le Cheualier de Villegaignon ſur la reſolution des Sacremens de Iean Caluin miniſtre de Geneue. [imp. par ledit Vvechel le meſme an.

Responſe aux libelles & Iniures publiees contre luy. Au lecteur catholique. [impr. à Paris. & deſpuis à Lyon 1561.

Caroli v. Imperatoris Expeditio in Africam ad Argieram: per Nicolaum Villagagnonem Equitem Rhodium Gallum. Argentorati Excudit Rihelius 8°. anno 1542.

De bello Melitensi & eius euentu francis imposito: Ad Carolum Caſarem Commentarius. Pariſys 4°. apud Rob. Stephanum 1553.

De cena controuerſia Philip. Melanton. iudicio. 4°. Pariſys apud Andream Vvechelum 1561.

Liber ad Articulos Caluinianos. Venerijs in 8°. 1565.

De conſecratione myſtici ſacramenti, & duplici Chriſti oblatione aduerſus Vannium Lutherologia profeſſorem: de iudaici paſchatis implemento aduerſus Calvinologos: de poculo ſanguinis Chriſti & introitu in Sancta ſanctorum aduerſus Beſam. Luthetia 1569.

Ses aduerſaires de religion contraire ont eſcrit des libelles diffamatoires contre luy, Comme, La ſuffiſance de maïſtre Colas Durand. Item, Eſpouſſette de ſes armoiries & autres.

NICOLAS EDOARD Champenois a traduit du latin du cheualier de Villegaignon

Le Diſcours de la guerre de Malte, Contenant la perte de Tripoli & autres fortereſſes faulſement impoſee aux François. [impr. à Lyon 8°. par Iean Temporal 1553.

Histoire de Maſcon traduite du latin de Philibert Bugnon par ledit Edoard, & imprimee par luy meſmes 8°. à Lyon 1560.

Le facultez & pouuoir donnez par noſtre S. Pere le Pape Iules au Reuerendiſ. Cardinal Verallo Legat en France, contenans 64. articles. Avec les limitations de la court de parlement ſur icelles facultez. traduites de latin en françois par le meſme Nicolas Edoard. [impr. à Lyon 8°. par Macé Bonhomme 1552.

NICOLAS ELLAIN Pariſien a eſcrit quelques Poëſies, Affauoir,

Sonnets. [impr. à Paris 8°. par Vincent Serrenas 1561. Plus

Diſcours Panegyrique à Reuerend pere Meſſire Pierre de Gondy Eueſque de Paris ſur ſon entree en la ville de Paris du Ieudy 9. iour de Mars 1570. [impr. par Denys du Pré 4°. audit an.

Aux

Aux Sonnets.

*Quelques uns, mon Barrier, estiment malheureux
 L'homme qui est cocu, pensans qu'en ceste vie
 On ne sceust pour penser plus grande ignominie,
 Chose plus miserable, ou mal plus douloureux:
 Mais ie croy quant à moy, qu'un mal plus langoureux
 Regne aujour d' huy dedans l'humaine fantasie,
 C'est ce fascheux tourment qu'on nomme ialousie,
 Mal, plus que cocuage, à craindre & dangereux.
 Ces deux maux mon Barrier qu'on nous peint tant horribles,
 Et qu'on dit tant facheux ne sont incompatibles,
 Ains tourmentent soudain tous deux un mesme esprit.
 Je dy cela partant qu'un ialoux (ce me semble)
 Est bien souuent ialoux & cocu tout ensemble,
 Tesmoin ce ialoux-là que lon nous a depeint.*

Au discours Panegyrique.

--- *Ainsi qu'on voit la nuit
 Venir apres le iour, ainsi que l'ombre suit
 Le corps, & que du feu vient tousiours la fumee:
 Ainsi communement l'enuie enuenimee
 Vient apres la vertu. Themistocle disoit
 Estant adolescent que bien il cognoissoit
 N'auoir encores fait rien digne de memoire,
 D'autant que nul n'auoit enuie sur sa gloire.
 Or tout ainsi qu'un feu d'autant qu'il est plus grand,
 D'autant qu'il croist, d'autant moins de fumee il rend.
 Comme on voit le Soleil plus petite ombre faire
 Quand il est au plus haut de tout son hemisphere:
 Ainsi quand vostre gloire aura finalement
 Atteint le dernier point de son accroissement,
 Qu'elle sera parfaite & du tout confirmee,
 Vos enuieux yront (comme on dit) en fumee.*

NICOLAS DE L'E V Z E dit de Fraxinis, licentié en Theologie, visitateur des liures en l'Vniuersité de Louuain a escrit,
 La peregrination spirituelle vers la terre sainte & cité de Ierusalem. [impr. à Paris 8°. par Michel Sonnius 1576.
 Il a translaté aussi de latin en françois,
 Les Heures de nostre Dame, reformees, corrigees & par le commandement de
 Pie

Pie Pape cinquième du nom publiques. Avec plusieurs hymnes, oraisons, & contemplations deuotes, heures de la Croix, du S. Esprit, des trespassez & les sept psalmes. [impr. à Douay 8°. par Jean Bogard 1577.

NICOLAS LE FÉVRE de la Boderie frere de Guy le Feure cy deuant métionné a traduit du latin de ce Phenix des doctes, & ornement des Princes de son aage Jean Picus Comte de la Mirandole & de Concorde

L'Heptaple. Où en sept façons & autant de liures est exposée l'histoire des sept iours de la creation du monde. Adresse au grand Laurens de Medicis. [imp. à Paris f°. par Jean Macé 1578.

NICOLAS FILLEVL de Rouen a écrit Les Theatres de Gaillon, dediez à la Roine mere du Roy. Où sont les Jeux representez à Gaillon deuant le Roy Charles ix. Assauoir, Les Nayades ou naissance du Roy Eclogue premiere, Entrepailleurs Myrtine, Galatee, Charlot. Eclogue ii. ou entrepellent Mopse, Damis. Tethys Eclogue iii. representee pres les statues de Francus, des Césars & des Roys de France : Entrepailleurs Tethys, Pelee. Eclogue iii. intitulee Francine, où entrepellent Francine, Thyrsis, Tytire, L'ombre de Daphnis. La Lucrece, Tragedie, où sont introduits: Sexte Tarquin, Le Chœur des femmes Romaines, Lucrece, La Nourrice, Collatin, Brutus. Plus Les Ombres en 5. Actes, où sont introduits Le Satyre, Thyrsis berger, le Chœur des ombres amouteuses, Melisse bergere, Clyon Nayade, Myrtine, Cupidon. [impr. à Rouen 4°. par George l'Oyselet 1566. Les Eclogues furent representees en l'Isle heureuse le 26. Septembre, & la Lucrece & les Ombres au chasteau le 29. ensuiuant 1566.

La Tragedie d'Achille recitee publiquement au college de Harcourt à Paris, l'an 1563. [impr. 4°. par Thomas Richard.

La Couronne de Henry le victorieux Roy de Poloigne. [impr. à Paris 4°. par Gabriel Buon 1573.

En l'Eclogue 2.

*Je ne voudroy Damis (laçoit que de malheur
Du ciel depuis un peu nous sentions la fureur)
De ces prez esmaillez changer la couleur vifue
Au sable qui iaunit du Pactole la rine:
Et toy gaillard troupeau que tousiours i'ay mené,
Troupeau crespé de blanc, mignardement lainé
De plus fine toyson que celle que despeuille
Le vieil Pasteur de Ser dessous la verte feuille,
Je ne te quitteray Et voulust on changer
Contre toy, la toyson qui au bort estrange
Du Phase fait ramer les demy-dieux de Grece.
Or ayme qui voudra que le peuple luy presse
Au matin les talons, Et pour un peu d'honneur*

Du

Du vulgaire mutin, mendie la faueur;
 Laquelle à son besoin il trouue autant muable
 Que le flot qui sautelle au bort contre le sable
 Ou que par mille morts il amasse un butin
 Où le flambeau du iour allume le matin.
 Quand à moy i'ayme mieux uide de soin, conduire
 Mes moutons au pafis, & mes amours escrire
 Dessus ces ieunes troncs, avec eux ils croïstront,
 Et digne d'estre aymé ces boys me connoïstront.
 D'auarice tout pur, & tout par de paresse,
 Du repos assuré ie feray ma richesse,
 Et sous mon petit toict, pres le feu à requoy,
 Ie seray mon Senat, & ie seray ma Loy,
 Bien qu'estimé ie sois une personne vile
 Pour n'estre pas connu de ces grands la ville &c.

En la Lucrece:

Celuy qui constant embrasse
 La iustice & la vertu,
 Par la mutine menace
 Du peuple il n'est combattu,
 Ny mesme par la colere
 D'un tyran à tort seuer:
 Car si Jupiter iré
 Voulant l'univers dissoudre
 Decochoit d'un coup sa foudre,
 Il meurt des cieux assuré.
 Ainsi la vertu maïstresse
 Mit Hercule au reng des dieux, &c.

Heureux celuy qui s'assure
 Aux dieux soigneux de nostre heur:
 On reçoit d'eux à usure
 Ce qu'on dresse à leur honneur &c.

En vn autre endroit de la mesme tragedie:

Ces grands chiens escumeux dans les flots de Sicile
 Ne courent point si tost autour les flancs de Scyle,
 Prothee ne pourroit si vite se changer
 Qu'on voit tost l'heur plus grand au malheur s'eschanger:

ar

*Car encontre l'esper la fortune s'irrite
Muable comme un vent apres sa langue suite
Repoussant aux rochers le Nocher loin du port,
Qui gay iettoit desia son ancre sus le bort.*

En vn autre lieu.

*On ne doit tant craindre la flame
De laquelle Iupin ireux
Le front d'un grand rocher entame
Esbranlant la voute des cieux,
Non pas le desbort qui saccage
De ses costez le pasturage:
Lors que sans espoir le pasteur,
N'aguere d'un troupeau le maistre,
Attaché au coupeau d'un Haistre,
Raconte aux ondes son malheur.
Mesme celuy qui impartune
Avec les coups d'un auiron
Le plus doux sommeil de Neptune
Qui dort de Thetys au gyron,
Ne craint tant la meurtriere trope,
Qui dessus les ondes galope
Quand Aeole la vena lascher:
Qu'on craint coste-fleche aceree,
Que l'enfance de Cytheree
Vient dans les poitrines ficher.*

Au 5. acte des Ombres.

*Encor contre l'amour quelque secours on trouue
Ainsie croy que celuy tout seul vainqueur l'éprouue
Qui se trahit soy-mesme & qui baille la main
De son gré, dans les laqs de ce Dieu inhumain.
Mesme le vain plaisir au vice fauorable,
Se le fait croire Dieu & grand & indomtable
Afin que se forgeant ce Dieu plus violent,
Sous la grandeur d'un Dieu on peche librement,
Luy donnant sus les Dieux cest auantage & gloire,
Combien qu'il soit petit d'auoir tousiours victoire.
L'amour n'est point un Dieu, il naist d'oisuete,
H H Ainsi*

*Ainsi qu'au bort fertile aux premiers iours d'esté
 Croissent les grands roseaux dont Pan s'atend de faire
 Vn pipeau bien persé pour à sa Nymphe plaire.
 Mais qui à ses pensers promptement donne lieu,
 Le dit fils de Venus & si l'appelle Dieu.
 Celuy qui va deuot cueillir au iour de feste
 Les fleurs pour couronner de ses bons Dieux la teste,
 Et qui dès le matin mene aux champs ses troupeaux,
 Jusqu'à tant que Phœbus debride ses chevaux,
 Celuy oste à l'amour l'arc, la trouffe & les flesches,
 Celuy rend sans pouuoir l'Amour & ses flammesches.*

En vn autre endroict.

*Qui ne veut s'agrandir, & ne veut faire voir
 Sa force, il est indigne & d'heur & de pouuoir.
 Ce n'est rien de pouuoir, ce n'est rien de l'Empire,
 Que d'autant qu'on le craint, que d'autant qu'on l'admire.*

Vn peu apres.

*Mais quiconque aux vains de la victoire quite,
 De la main des vaincus le laurier il merite.*

NICOLAS FLAMEL vivoit en l'an 1393. & 1407. comme appert encores à Paris à Saint Innocent es monuments de deux arches opposites, le cimetiere entr'elles, qu'il feist alors faire. En l'une desquelles sont outre autres choses erigees les effigies de deux serpens ou dragons, & d'un Lyon suivant la description d'iceux en vn sien petit traicté d'Alchimie qu'il a fait en rime intitulé

Sommaire Philosophique &c. commençant ainsi,

*Qui veut auoir la cognoissance
 Des métaux, & vraye science
 Comment il les faut transmuier, &c.*

& lequel a esté imprimé à Paris 8°. par Guillaume Guillard 1561. sous tel tiltre,

Trois anciens traictés en rime françoise De la transformation metallique: esquels est adiousté à la fin, la defense d'iceluy art, & des honnestes personnages qui y vacquent, contre les efforts que I. Girard met à les outrager.

NICOLAS DES GALLARDS dit de Saule a traduit de latin

Defense de la diuine essence de Iesus-Christ fils de Dieu contre les nouveaux Arriens. [impr. à Lyon 8°. par Iean Saugrain 1566. *Caluinique.*

La forme de Police Ecclesiastique, instituee à Londres en l'Eglise des François,

çois. par N. des Gallards ministre en icelle. [impr. l'an 1561.

N I C O L A S G O D I N docteur medecin en la ville d'Arias a traduit de latin en françois,

La Chirurgie practique de Iean de Vigo docteur en medecine, diuisee en deux parties, dont la premiere est nommee la copieuse, contenant neuf liures particuliers, & la seconde dicte compendieuse, contenant cinq liures. Avec les Aphorismes & Canons de chirurgie. [impr. à Lyon 8°. l'an 1537.

La Chirurgie militaire &c. escrete en latin par ledit Nicolas Godin, & traduite en françois par Iaques Blondel.

N I C O L A S D E G O N N E S S E maistre ez arts & en theologie a translaté en françois les trois derniers liures de Valere le grand, ausquels il a faict de gloses, du commandement de tres excellent prince le duc de Berry & d'Auergne comte de Poictou, & à la requeste de Iaquemain Couraux son tresorier. [impr. avec les sept premiers liures dudit Valere de la translation de maistre Simon Hesdin à Lyon f°. par Mathieu Husz 1485.

N I C O L A S D E L A G R O T T E.

Airs & Chançons à 3. 4. 5. 6. parties par Nicolas de la Grotte organiste ordinaire de la chambre du Roy. [à Paris par Iean Cauellat 1583.

Chançons de Pierre de Ronfard, Bayf, Des portes, Sillac & autres, mises en musique à quatre parties par Nicolas de la Grotte. [impr. par Adrian le Roy 1570.

N I C O L A S D E G R O V C H Y a traduit de langage Portuguais en françois

L'histoire des Indes de Portugal, contenant comment l'Inde a esté descouuerte par le commandement du Roy Emanuel, & la guerre que les capitaines Portugalois ont mené pour la conqueste d'icelle. Escrite par Fernand Lopez de Castaneda. [impr. à Paris 4°. par Michel Vascofan 1553. & en Anuers 8°. par Iean Steelfius 1554.

Nicolai Gruchij Rothomagensis de Comitibus Romanorum libri tres. [impressi Venetijs 8°. apud Franciscum Bindonum 1558.

Eiusdem ad posteriorem Caroli Sigonij de binis magistratuum Romanorum comitibus, & de lege curiata disputationem refutatio. [Parisijs 8°. apud Iac. du Puys 1567.

Quadam ex Aristotele transtulit & emendauit.

N I C O L A S D E H E R B E R A Y, Seigneur des Essars, commissaire ordinaire de l'artillerie du Roy, & Lieutenant en icelle ez pais & gouuernement de Picardie, de monsieur de Brissac, grand maistre & capitaine general d'icelle a traduit d'Espagnol en beau langage françois

Les premier, second, 3. 4. 5. 6. 7. & huitiesme liures d'Amadis de Gaule le plus excellent de tous les Romans. [impr. à Paris f°. & 8°. par Iean Longis & Vincent Sertenas 1543. en Anuers 4°. par Guillaume Syluius 1574. & à Lyon 16°. par François Didier.

Les sept liures de Flavius Iosephus de la Guerre & captiuité des Iuifs, traduits en françois par le Seigneur des Essars. [impr. à Paris f°. par Estienne Groul-

HH 2 leau

leau 1557.

L'horloge des Princes. Avec le trefrenommé liure de Marc Aurele, Recueilli par Don Antoine de Gueuare Euesque de Guadix, traduit de castillan par le mesme Sieur des Essars. [imprimé à Paris f°. & despuis 8°. par Estienne Groulleau 1561

Arnalte & Lucenda, histoire de l'Amant mal traité de s'amie. Traduite d'Espagnol par le mesme. [impr. à Lyon 16°. par Eustace Barricat 1550.

Histoire du tresvaillant & redouté Dom Flores de Grece surnommé le Cheualier des Cygnes, second fils d'Esplandian Empereur de Constantinople. traduite de mesmes. [impr. à Paris f°. par Jean Longis 1552.

Il a escrit

Traicté Si on peut appeller ou laisser à celuy qui n'est point. [impr. à Lyon par Benoit Rigaud.

Vn autheur François parle du Sieur des Essars, comme s'ensuit. Nicolas de Herberay (dit il) ietta ez mains du peuple quelques discours d'Amour, lesquels furent receus avec si bon visage que lors il fut estimé de chacun comme vne reigle du beau parler. Et neantmoins il n'auoit pas (ainsi que ie croé) beaucoup rongé le laurier, ne long temps sué sous le harnois & trauail des lettres humaines & bonnes disciplines. Son parler me sembloit vn peu affecté: me sembloient aussi quelques liaisons douces & gracieuses: & quelques autres rudes, disioinctes & mal plaisantes: qui me faisoit soubçonner que le iugement de lettres & le sçauoir defailloit en l'homme. Aueques ce, il prenoit plaisir à offrir au peuple mots nouueaux & estranges: desquels le son m'estoit plus ennuyeux & plus desplaisant à mes oreilles que n'eust esté le son d'une cloche cassée. Aussi le peuple n'en a pas fait cas & a laissé ensepuelir tels mots en oubly avec le corps de Herberay qui les auoit offerts & presentez.

Autre aduis ne puis ie donner de tous iceux discours: car ie ne me suis pas amusé à les lire, desirant employer le temps & mon entendement en choses meilleures & de plus grande consequence. Mais en passant i'ay déclaré ce que i'en cognoissoy, comme de l'ongle on iuge le Lyon &c.

N I C O L A S H O V E L apothicaire à Paris a escrit, Traicté de la Theriaque & Mithridat contenant plusieurs Questions generales & particulieres: avec vn entier examen des simples medicamens qui y entrent. Diuisé en deux liures. [impr. à Paris 8°. par Jean de Bordeaux 1573.

Traicté de la Peste auquel est discouru de l'origine, cause, signes, preservation & curation d'icelle. Avec les vertus & facultez de l'Electuaire de l'Ouf, duquel iadis souloit vser ce grand Empereur Maximilian. [impr. à Paris 8°. par Galliot du Pré 1573.

N I C O L A S I A C O B Aufrasien a traduit d'Aleman en françois,

Diète Imperiale, ou Ordonnances & resolution de l'Empereur & des Estatz du Sainct Empire deliberee & arrestee en la derniere iournee tenue à Spire en l'an 1570. Plus la forme de capitulation, ancien droit des Reyttres, ordon

donnances & discipline militaire renouvellee, les articles establis pour l'Infanterie par la sacree magesté de l'Empereur & par lesdits estats. [imp. à Paris 8°. par André VVeichel 1571.

NICOLAS DE LIVRE Seigneur de Hunerolles a traduit de l'Italien de Lucio Maggio gentilhomme Boloignois.

Discours du tremblement de terre en forme de Dialogue. [impr. à Paris 8°. par Denis du Val 1575.

NICOLAS DE LYRA.

La translation en françois de la Postille de Nicolas de Lyra Docteur en Theologie de l'ordre des freres mineurs sur le liure des Psalmes. [impr. en 2. volumes f°. à Paris par Pierre le Rouge 1515.

NICOLAS MACCHIAVEL.

L'art de la guerre: traduit par Iean Charrier.

Histoire Florentine, traduite par le Seigneur de Brinon.

Les Discours sur la premiere Decade de Tite-Liue traduits par Iean Maugin.

Le Prince. traduit par Gaspar d'Auvergne & encores par Guillaume Capel.

NICOLAS DE MAILLY Picard a escrit,

La perfection d'honorable viduité maintenue par les veufues de l'ancien & nouveau Testament. [imprimé à Rouen 8°. par Claude le Roy 1548.

La diuine cognoissance compilee tant du vieil que du nouveau Testament. Ensemble les cantiques diuins de l'ame regrettant, ioinct l'exposition de l'Oraison Dominicale. [imprimé à Paris 8°. par Galiot du Pré en l'an 1541.

La perfection de la vie vnanime. [imprimé à Rouen 16°. par Nicolas de Burges 1544.

NICOLAS MARCHANT a escrit,

Claire probation de la foy & doctrine Chrestienne, pour confirmation & assurance des Catholiques & amendement des pauvres seduits. [imp. à Paris 16°. par Guillaume Iulian 1562.

NICOLAS MARTIN Musicien de saint Iean de Morienne a composé

Chants sur la natiuité de nostre Seigneur Iesus-Christ tant en vulgaire François que langage Sauoisien dict Patoys. [imp. avec la musique à Lyon 8°. par Macé bon-homme 1566.

NICOLAS MAVROY a composé en rime françoise,

Le piteux parlement de la croix entre Iesus-Christ & nostre Dame en forme de Trialogue. [impr. à Prouins 8°. sans datte.

NICOLAS MELLIER Aduocat en la Seneschauce & siege presidial de Lyon a escrit,

Sommaire explication de l'edict du Roy, par lequel il ordonne que d'ores en auant les meres ne succederont à leurs enfans és biens prouenez du costé pa-

HH 3 ternel

ternel mais seulement és meubles & conquests prouenuz d'ailleurs. [impri. à Lyon 8°. par Pierre Roussin 1573.

NICOLAS DV MESNIL a escrit
Traicté de l'art d'entér, planter & cultiuer iardins. [impr. à Paris 8°. par Charles l'Angelier 1568.

NICOLAS DE MOFFAN.
Le meurtre inhumain commis par Soltan Solymán grand Seigneur des Turcs en la personne de son fils aîné Mustapha. Traduiet du latin de Nicolas de Moffan par I. V. Avec deux épistres liminaires, fort vtilés à l'intelligence de l'histoire. [impr. à Paris 8°. par Oliuier de Harfy 1556.

NICOLAS MONARD.
De l'huile du Liquidambar & de ses vertus, extraict & traduiet des liures que Nicolas Monard a escrit en Espagnol touchant les simples medicamens apportez des Indes Occidentales dites le nouueau Monde. [impr. à Lyon.

NICOLAS DV MONT Angeuin a traduit de latin,
L'abregé des vies & meurs des Empereurs Romains. Recueilly des liures tant de Sextus Aurelius Victor, que de plusieurs autres auteurs. [imp. latin-françois à Paris par Claude Micard 1577. Avec les histoires de Iustin traduites par de Seyssel.

NICOLAS DE MONTREUX Gentilhomme du Mans
a mis en françois

Le seziesme liure d'Amadis de Gaule traictât les prouesses & amours de Spheramond & Amadis d'Astre. [impr. à Paris 16°. par Iean Parent 1577.

NICOLAS MORIN de Blois de l'ordre des freres prescheurs,
Docteur Theologien & inquisiteur de la foy a escrit en latin vn Traicté contre certain liure faict & publié en vulgaire françois par les heretiques dits les pouures de Lyon, autrement Vauldois, où il met le texte françois des Maximes y contenues qu'il refute l'une apres l'autre en tout ledict traicté duquel le tiltre est tel: *Tractatus catholice eruditionis ad testimonium & legem recurrens, confutansque libellum perniciosum velamine eleemosina pauperibus Lugduni impensa propalatum. Impress. Lugduni 8°. apud Gulielmum Boule.* Ceste heresie print commencement au regne du Roy Loys le Jeune VII. du nom en l'an de salut 1160. & en furent les sectaires appelez vulgairement les pauvres de Lyon & Lyonistes, les autres les nommoient Vauldois, à cause d'un Pierre Valdo qui estoit l'un des apparens & plus riches de la ville auteur d'icelle superstition, lequel feit mettre en langage françois certain recueil des saintes lettres, & d'aucunes opinions des saintes peres que luy mesme exposoit à sa fantasie. Ils n'auoient point d'heritages pour les posseder en propriété, ny demeure aucune arrestee, ains alloient çà & là menas des femmes de leur mesme secte & disoit on qu'ils couchotent avec elles. Ne voulans tenir ne posseder fonds & heritages quelconques quittoient leurs biens: mais quand ils auoient besoing de vestemens, de viures & autres choses ils entroient és boutiques des marchands voire dans les magasins & au plus profond des maisons, où ils prenoient tout ce qui leur venoit à gré sans qu'on

y peult

y peust remedier à cause du trop grand nombre qu'ils estoient. Ils durerent soixante ans & plus.

NICOLAS DE NANCEL Noyonnois, Medecin à Tours a escrit,

Discours de la peste diuisé en 3. liures, adressé à messieurs de Tours: où sont traitées plusieurs choses contre l'opinion commune & tradition ordinaire, tant au premier liure touchant la définition, differences, causes, signes, pronostic de la peste, comme au second de la precaution, & au troisieme de la curation d'icelle. [impr. à Paris 8°. par Nicolas Chesneau 1581.

NICOLAS DE NICOLAI Dauphinois, Seigneur d'Arfeuille, Geographe & valet de chambre du Roy Henry 2. du nom a escript,

Quatre liures de ses nauigations & peregrinations Orientales. Avec les figures au naturel tant d'hommes que de femmes selon la diuersité des nations, & de leur port, maintien, & habits. [impr. à Lyon f°. par Guillaume Rouille 1567.

L'art de nauiguer diuisé en huit liures contenans toutes les reigles, secrets & enseignemens necessaires à la bonne nauigation. Traduiet du Castillan de P. de Medine Espagnol en françois par ledit Nicolai. [impri. à Lyon 4°. par G. Rouille 1576.

Lettre du Sieur Nicolas Nicolai au Sieur du Puys Vice-baillif de Vienne contenant le discours de la guerre faicte par le Roy Henry second du nom pour le recouurement du pays de Bouloignois en l'an 1549. [impr. à Lyon 4°. par Guill. Rouille 1550.

La nauigation du Roy d'Escoce Iaques cinquiesme du nom autour de son Royaume, & Isles Hebrides & Orchades, sous la conduite d'Alexandre Lyndsay excellent pylote Escossois. Recueillie & redigee en forme de description Hydrographique, & representee en carte marine, & routier ou pilotage, pour la cognoissance particuliere de ce qui est necessaire & considerable à ladicte nauigation. Par Nicolas d'Arfeuille Sieur dudit lieu & de Bel-air Dauphinois. [impr. à Paris 4°. par Gilles Beys 1583.

NICOLAS PANIS Docteur en medecine natif de Carentan au diocese de Constance en Normandie & habitant à Lyon sur le Rhosne a translaté de latin en vieil langage françois,

La pratique en chirurgie de maistre Guidon de Cauliac. [impri. à Lyon f°. par Barthelemy Buyer 1478.

NICOLAS PAVILLON Parisien a mis en vers françois,

Les sentences de Theognis Poëte Grec. [impri. à Paris 8°. par Guillaume Iulian 1578.

NICOLAS PITHOV Sieur de champ-Gobert a escrit Institution du mariage chrestien. liures deux, diuisez par chapitres. [impri. à Lyon 8°. à la Salemandre 1565.

NICOLAS PSAVLE Euesque & Comte de Verdun a escrit

Le vray & nayf pouſtraict de l'Eglise catholique: Auec l'explication d'iceluy.
[impr. à Rheims 8°. par Iean de Foigny 1574.

NICOLAS RAPIN Poicteuin a eſcrit en vers
Les plaiſirs du Gentilhomme champeſtre. [impr. à Paris 12°. par Lucas Breyer
1581.

Ode Sapphique rimée, ſur la mort du ſieur de Billy Abbé de S. Michel en
l'Herm. [imp. à Paris aueq l'Eloge dudit ſieur de Billy, par Pierre l'Huillier
1582.

Quelques poëſies ſur la puce de madame des Roches. [impr. par Abel l'An-
gelier.

NICOLAS REGNAVD Prbuençal a eſcrit
Les Chaſtes Amours, contenant 66. Sonnets. Enſemble les Chanſons d'amour,
La Fable du Pin, l'Orenger. [impr. à Paris 4°. par Thomas Brumen 1560.
Ode de la Paix au Roy Charles, & autres poëſies. [impr. par Benoit Rigaud
1563.

Ode ſur la traduction de Plin d'Antoine du Pinet.

NICOLAS ROBERT a eſcrit en 16. chapitres
De l'eſtat & maintien du mariage vrayement chreſtien, où ſont contenues
toutes les loix & reigles que doiuent tenir & obſeruer par enſemble le mary
& la femme. Plus vne epiſtre conſolatoire ſur la mort des enfans ou amis.
[impr. à Lyon 8°. par Iean Saugrain 1565.

NICOLAS SALICET.
Antidotaire de l'Ame, contenant pluſieurs belles meditations & oraifons
amafſees par Nicolas Salicet Abbé de Bomgart & traduits de latin en fran-
çois par I. D. L. A. [impr. à Douay 16°. par Iean Bogard 1580.

NICOLAS TARTAGLA.
Liure ſixieſme des demandes & inuentions diuerſes de Nicolas Tartaigla
Breſſian, ſur la maniere de fortifier les citez, eu eſgard à la forme: & de quelle
largeur, hauteur & eſpeſſeur doiuent eſtre les bouleuers, platteformes & ca-
ualieres. mis d'Italien en françois par traducteur incertain, & impr. à Rheims
8°. par Nicolas Bacquenois 1556.

L'arithmetique de Nicolas Tartaigla Breſcian diuiſée en deux parties &c.
Voyez Guillaume Goſſelin.

NICOLAS THEVENEAU aduocat à Poictiers a eſcrit
De la Nature de tous Contracſts, paſſions & conuenances, & ſubſtances d'i-
ceux. [impr. à Poictiers & depuis à Lyon 1559.

Paraphraſe aux loix municipales & couſtumes du Comté & païs de Poictou,
de nouueau reformees. Auec ſommaires mis ſur chacun article d'icelle. [impr.
à Poictier 4°. par Enguilbert de Marneſ 1565.

Il a traduit de latin

L'Enchiridion ou Manuel de maistre Iean Imbert, contenant vn recueil tant
du droit eſcrit gardé & obſerué en France, que du droit abrogé & aboly
par couſtumes. [impr. à Lyon 8°. par Iean Temporal 1559.

NICOLAS DE THOV, Eueſque de Chartres a eſcrit
La forme d'adminiſtrer les ſaincts Sacremens. [imp. à Paris par Iaqués Ker-
uer

uer 1580.

NICOLAS LE VERGEVR Champenois a mis en françois du latin de Iean Papyrius Masson natif de Forests l'Epitaphe ou Inscription sur le Tombeau de Charles Cardinal de Lorraine decedé en Auignon l'an 1575. [impr. à Lyon par Benoit Rigaud.

NICOLAS DE VIALETES Albigeois a escrit, Deprecation des enfans fideles de l'Eglise de Dieu au Roy treschrestien de France François second du nom. [impr. à Tolose par Guyon Boudeuille 1561.

NICOLAS VIGNER de Bar sur Seyne docteur en medecine a escrit

Sommaire de l'histoire des François. Recueilli des plus certains auteurs de l'ancienneté, & digeré selon le vray ordre des temps en quatre liures extraicts de sa Bibliotheque historique non imprimee. [impr. à Paris f°. par Sebastien Nyuelle 1579.

Traicté de l'estat & origine des anciens François. [impr. à Troyes 4°. par Claude Garnier 1582.

Rerum Burgundionum Chronicon: In quo etiam rerum gallicarum tempora demonstrantur &c. Ex Bibliotheca Historica Nicolai Vignerij Barrensis ad Sequanam. Basilea 4°. per Thomam Guarinum 1575.

NICOLE BARGEDE de Vezelay a escrit, Les Odes penitentes du moins que rien, ensemble la Bergerie d'honneur & autres rimes. [impr. à Paris 8°. par Iean Longis 1549.

L'arrest de trois esprits sur le trespas de treshaut Prince Claude de Lorraine duc de Guyse. *en rime.* [impr. à Paris 8°. par Estienne Groulleau 1550.

Eclogue sur le trespas de treshaute princesse Marie d'Albret. [impri. à Paris 8°. par Estienne Groulleau 1551.

NICOLE BERTRAND.

Les Gestes des Tholosains & d'autres nations d'alenuiron. Premièrement ecrites en latin par discret & lettré homme maistre Nicole Bertrandi aduocat en parlement à Tholose, & apres translatees en françois. [impr. à Tholose 4°. par Antoine le Blanc & à Lyon par Oliuier Arnoullet 1517.

NICOLE CALING a traduit de latin, Le Sentier & adresse de Deuotion. [impr. à Tholose 4°. par Iaques Colomiés.

NICOLE CARRETTE prestre & chappelain en l'Eglise saint Sauueur à Peronne a escrit

Exposition sur le Symbole des Apostres, oraison Dominicale, commandemens de la Loy. Avec probation des sacremens de l'Eglise. Ensemble vne Epistre touchant la vraye marque & indice de l'ire de Dieu sur les royaumes. [impr. à Paris 8°. par Iean Poupy 1575.

Meditations & contemplations chrestiennes sur les mysteres de la passion de nostre sauueur Iesus-Christ. Avec catholiques annotations tirees des docteurs anciens de l'Eglise. [impr. à Paris 8°. par Nicolas Chesneau 1576.

NICO

N I C O L E L E C E R F religieux aux chartreux de Bourgfontaine a traduit de latin

Dialogue de Henry Sufo personnage fort celebre en doctrine & sainteté de vie, traictant de la pieté chrestienne & du moyen tresfacile pour acquerir la vraye sapience & souveraine felicité. [impr. à Paris 8°. par Guillaume Chaudiere 1582.

N I C O L E D E C H A R M O Y aduocat au parlement de Paris a escrit en prose françoise vn liuret intitulé

Le liure de Paix: A bien faire laissez dire. [impr. à Paris 16°. par Charles l'Angelier 1543.

N I C O L E C O L I N chanoine & tresorier de l'Eglise de Rheims, secretaire du Reuerendiss. Cardinal de Lorraine a traduit d'Espagnol

Les sept premiers liures de la Dyane de George de Monte-Mayor, lesquels par plusieurs plaisantes histoires desguisees sous noms & styl de pasteurs & bergeres font descrits les variables effects de l'honneste amour: ausquels aussi sont entremeslez plusieurs chants & vers, & mesmes au second liure le Vaudeuille qui s'ensuit,

Contentemens d'amour diuers

Qui si lentement arriuez,

Si venez, pourquoy partez vous?

A peine acheuez de venir

Après estre tant desirez,

Que ia estes deliberez,

De vous absenter & partir.

Si vous voulez si tost fuir

Puis qu'en tristesse me laissez,

Contentemens ne m'approchez.

Le m'en vay tels plaisirs fuyant (dre

Qui ne se viennent cheZ moy re-

Que pour me donner à entendre

Ce qui se perd en les perdant.

Puis que ie les vay donc chassant,

O mes ennuy plus ne partez

Puis que partās vous retournez.

[impr. à Rheims 12°. par Jean de Foigny 1578.

Ses traductions spirituelles,

La Guide des Pecheurs, Où est enseigné tout ce que le chrestien doit faire, depuis le commencement de sa conuersion, iusques à la fin de sa perfection. Traduite de l'Espagnol de dom Loys de Grenade par Nicole Colin. [impr. à Rheims 16°. par Jean de Foigny 1577.

Seconde partie du Memorial de la vie chrestienne traduit du mesmes, & imprimé où & par qui dessus 12°. l'an 1578.

Lieux communs & discours spirituels, en forme de predications: où sont traittes plusieurs matieres concernantes le salut de l'Ame & la reformation de nostre vie. Extraicts des Sermons de Reuerend pere Loys de Grenade Espagnol de l'ordre de S. Dominique, & faicts François par ledict Nicole Colin. [impr. à Paris 8°. par Guillaume Chaudiere 1580.

Predications contenās certaines matieres & poincts necessaires à estre traictez & preschez pour les Aduents, & depuis les Aduents iusques en Careme. Extraictes des Sermons dudit de Grenade, & mises en françois par le mesme Nicole Colin. [impr. à Paris 8°. par Guillaume Chaudiere 1582.

N I C O

NICOLE DE L'ESCVT Secrétaire du Duc de Lorraine
a traduit

Les IIII. liures des Institutions imperiales publiques sous le nom de Iustinian, compilées du commandement dudit Empereur par Tribonian, Theophile, & Dorothee personnages consommés en la science des loix. Avec certaines gloses & arbre civil, où sont insérées les formules des demandes, ou libelles judiciaux, sur chacune action. [impr. à Lyon 16°. par Jean de Tournes 1547.

Nicolai de l'Escut Actiones iuris, in compendiosis, iuxta ac utiles figuras, & formulas, Aduocatis, procuratoribus, & LL. cupidis subleuandi gratia studij redacta. [impressa Haganoa f°. in officina Valentini Kobiani 1537.

De Testium examinatione Tractatus. Nicolao de l'Escut authore. [Argentorati excudebat Io. Schottus 1540.

NICOLE ESTIENNE Parisienne fille à feu Charles Estienne, femme de M. Jean Liebaur medecin à Paris a escrit en prose vne Apologie pour les femmes contre ceux qui en mesdisent. Non imprimée. Plus Contrestances pour le mariage c'est à dire Responses aux Stances que Philippe des Portes a fait contre le mariage.

C'est vne Dame bien accomplie tant en gaillardise d'esprit que grace de bien dire à ce que i'en ay veu deuisant avec elle vne fois.

NICOLE GILLES Secrétaire du Roy Loys XII. & Contrerolleur de son tresor a escrit, Les Chroniques & Annales de France, iusques en l'an 1496. [impr. à Paris f°. par Jean Foucher 1544. & 8°. par Galior du Pré 1563. & encores depuis f°. par Guillaume le Noir, corrigées par Belle-forest.

NICOLE GLOTELET de Vitry en Paroisse a composé en rime

Apologie pour Clement Marot absent, contre le coup d'essay fait par vn cerite, ou mathelineux nommé Sagon. [impr. à Lyon par Pierre de Sainte Lucie:

NICOLE GRENIER Religieux de Saint Victor lez Paris.

Institution catholique en forme de Dialogue contenant 41. chapitres. De la verité du precieux corps & sang de Iesus-Christ au saint Sacrement de l'autel, extraicte de la sainte escriture, des saints Conciles & des anciens Docteurs de l'Eglise, contre les Sacramentaires. [impr. à Paris 8°. par Sebastien Niuel le & par Guillaume Cauellat 1552.

Catholique probation du purgatoire & suffrages pour les fideles trespassés: Extraicte de la S. escriture & des plus anciens Docteurs de l'Eglise. Avec vne briefue distinction de l'honneur deu à Dieu & celuy de ses saints. [impr. à Paris 8°. par Claude Fremin 1562.

Doctrin catholique de l'inuocation & veneration des saints, & de leurs images: ensemble du signe de la Croix. Extraicte des saintes escritures & anciens peres.

peres. [Impr. 8°. par Claude Fremy 1563.

L'alliance de Dieu avec les Chrestiens par le baptisme, iustification & la foy en Iesus-Christ. [impr. à Paris 16°. par Hierome de Marnef 1553.

L'Armeure de la foy, contenant la verité de la Sainte Eucharistie & du saint sacrifice de la messe. [impr. à Paris 8°. par Claude Fremy 1566.

L'espee de la foy pour la defense de l'Eglise chrestienne contre les ennemis de verité, extraicte de la sainte escriture, des saints Conciles & des anciens Docteurs. Avec vn Traicté & Appendix de la liberte Euangelique & Chrestienne. [impr. à Paris par Guillaume Cauellat 1564.

Le Bouclier de la foy en forme de dialogue extraict de la sainte escriture & des saincts peres & plus anciens Docteurs de l'Eglise, Avec vne Apologie contre vn clabaut Lutherique qui a voulu ronger ce bouclier de la foy. [impr. à Paris 16°. par Gabriel Buon 1567.

Tome second du Bouclier de la foy, contenant l'Antidote contre les aduersaires de la pure conception de la mere de Dieu. [impr. à Paris 16°. par Viuant Gautherot.

La Practique de l'homme Chrestien pour s'exerciter en l'amour diuine. [impr. à Paris 16°. par Claude Fremy 1554. & par Guill. Iulien 1577.

De la iustification qui se fait en l'homme pecheur par le Sacrement de confession ou penitence. [impr. à Paris 16°. par Hierosme & Denyse de Marnef 1552.

NICOLE DE HAVPAS Medecin de Doulens a escrit,

Liure de la contemplation de nature humaine, où est traicté de la formation de l'enfant au ventre maternel. [impr. à Paris 8°. par Michel Vascofan 1555. & contient 20. chapitres.

NICOLE LE HO VX a traduit du latin d'Antoine Mizauld

Recueil des Sympathies & Antipathies de plusieurs choses, contenans les naturels accords & discords, amitez & inimitiez d'icelles. [impr. à Paris 16°. par Pierre Beguin 1556.

NICOLE LE HVEN Professeur en sainte Theologie, Religieux du conuent nostre Dame des Carmes du Ponteau de mer en Normandie, Confesseur & Chapelain de la Roynie Charlotte a descrit,

La peregrination d'oultre mer, & grand voyage en la terre sainte au tresglo-rieux & saint sepulchre de nostre Seigneur Iesus-Christ en Ierusalem & du mont de Sinay. Avec les pourtraicts des villes de Venise, Parence, Corfou, Modon, Candie, Rhodes & Ierusalem. Plus l'A. B. C. des lettres Grecques, Chaldees, Hebraïques & Arabiques, avec autres langages des Turcs interpretez en françois. [impr. à Lyon f. par Michelet Topie de Piemont & Iaques Herembel d'Allemagne 1488.

La seconde partie du grand voyage de Ierusalem en laquelle est traicté des croisees & entreprinsees faictes par les Rois & Princes Chrestiens pour le recouurement de la terre sainte, des guerres des Turcs & Tartares : la prinse de Constantinople &c. [impr. à Paris f. l'an 1517.

Nicole

NICOLE ORESME Docteur en Theologie, premierement Doyen de l'Eglise nostre Dame de Rouen, puis precepteur du Roy Charles le Quint dit le Sage, qui l'aima & honora toute la vie, & le constitua Euesque de Bayeux, a traduit en françois,

Les x. liures des Ethiques d'Aristote, avec les gloses: dediez au Roy de France Charles cinquiesme du nom. [impr. à Paris f°. par Antoine Verard 1488.

Item

Les Politiques d'Aristote, avec les Gloses. [impr. à Paris f°. par ledit Verard 1486. Plus

Le Traicté de la Sphere par luy translaté de latin en françois contenant cinquante chapitres. [impr. à Paris 4°. par Simon du Boys. sans date.

Il feit aussi vn liure contre les Iacobins qui reuoyent lors, en doute que la vierge Marie fust conceüe sans peché originel.

NICOLE SAVIN docteur en theologie, Inquisiteur de la foy au Diocese de Mets a escrit vn Sermon, De l'acte interieur de foy qui est credulité de cœur ferme & pur, sur le terme & paroles de S. Iean au 20. chap. *Ne veuille estre incredule, mais fidele.* prononcé par luy lors de la degradation de Iean Castellan Augustin, Lutherien qui fut faicte à Vic au Diocese de Mets en l'an 1534. [impr. à Mets 4°.

NICOLE SEELLIER Scribe du chapitre de Paris a translaté du latin de Guillaume Euesque de Paris,

La Doctrine & enseignement de prier Dieu. [impr. à Paris 8°. par Antoine Verard 1511.

NICOLE VOLKYR de Seronuille, dict le Polygraphe, secretaire & historien de l'illustre Prince Antoine duc de Calabre, de Lorraine & de Bar &c. a escrit en trois liures,

L'histoire & recueil de la triumpante & glorieuse victoire obtenue contre les seduits & abusez Lutheriens mescreans du pais d'Aulsais & autres, par treshault Prince Antoine duc de Calabre, de Lorraine & de Bar en defendant la foy catholique, nostre mere l'Eglise & vraye noblesse. Avec annotations latines au marge. [impr. à Paris f°. 1526.

Traicté de la degradation & execution actuelle de Iean Castellan heretique, indis frere de l'ordre des hermites de S. Augustin, faicte à Vic au Diocese de Mets en Australie le 12. Ianuier 1534. [impr. à Mets 4°. audit an.

Il a traduit, de latin

Commentaire de Paulus Iouius Euesque de Nucere, des gestes des Turqs, origine de leur empire, les vies de tous leurs Empereurs, ordre & discipline de la milicie & cheualerie Turcique. [Le tout impr. à Paris 4°. par Chrestien Vvechel 1540. Plus

La Physionomie de maistre Michel l'Escot, contenant 120. chap. [impr. à Paris 16°. par Denys Ianot 1540.

NICOLE S MICHEL docteur & Doyen en la faculté de medecine à Poictiers a traduit du latin d'Alfonse Ferrier Neapolitain docteur

II

mede

medecin & premier chirurgien du Pape Paul troisieme du nom
De l'Administration du saint Boys en diuerſes formes & manieres, conte-
nues en quatre traittez: ensemble la forme de ministrer du vin. Avec aucunes
Scholies. [impr. à Poictiers 16°. au Pellican 1546.

N O E L D V F A I L L conseiller au parlement de Bretagne, Sei-
gneur de la Heriffaye a escrit,

Memoires recueillis & extraicts des plus notables & solempnels arrests du par-
lement de Bretagne diuisez en trois liures. Le premier contient les Arrests
donnez en l'Audience. Le second, ceux des chambres. Le tiers, les mellanges.
[impr. à Rennes f°. par Iulien du Clos 1579.

N O E L T A I L L E P I E D de l'ordre de saint François, Lecteur
au conuent de Pontoise a escrit,

L'Histoire des vies, meurs, actes, doctrine & mort de Martin Luther, André
Caroloſtad & Pierre Martyr. [impr. à Paris chez Iean Parent 1577.

Le threfor de l'Eglise Catholique, contenant l'origine des institutions, sta-
tuts, ceremonies & estats d'icelle. [impri. à Paris 16°. par Iean de Bordeaux
1578.

Traicté & declaration de l'An Iubilé, & efficace des indulgences. [imp. à Lyon
8°. par Loys Tantillon 1578.

La Confession de foy. Avec vne Epistre Catholique à tous Chrestiens. [imp.
à Paris par Iean Ballin 1579.

Il a reduict en Epitome & fait françoises,

Oeuures de Philosophie, à ſcauoir Dialectique, Physique & Ethique d'Aristo-
te. [impr. à Paris 8°. par Iean Parent 1583.

N O E L Z A M B O N.

Chant d'Allegresse de Noel Zambon Venitien ſur la magnifique entree de
Henry III. treschrestien Roy de France à Venise à son retour de Poloigne en
France: traduit en françois, & imprimé à Lyon par B. Rigaud 1574.

N. L E D I G N E a escrit

Discours Satyrique de ceux qui escriuent d'amour. [impr. avec les ſouſpirs a-
moureux de F. B. de Veruille à Paris 12°. par Timothee Iouan 1583.

N E S S O N (son propre nom est ignoré) a exposé en rime
Les neuf leçons de Iob, commençans,

*Pardonne moy beaux Sire Dieux:
Car ie voy que ie deuieun vieux
En ſi briefs iours que ce n'est rien.
Oste moy de ceſte miſere
Mon createur mon Dieu mon pere
Toy qui m'as fait pour eſtre tien &c.*

Il finit ainſi,

*Cy finiray ma petite œuure
En ceſte neuſieſme leçon,*

Et

*Et tous les lisans ie requier
Q'il leur plaise de corriger
Leur humble disciple Neffon.*

[Non impr.

N. M. aescrit

Exortation à la noblesse de France. Auec vne Ode sur la mort de l'illustre prince François de Lorraine Duc de Guyse. [impri. à Paris 4°. par Thomas Richard 1563.

N. N. D. L F.

Chant sur les entrees du Roy Charles 1 x. & de la Roine son espouse dans leur ville & cité de Paris. par N. N. D. L F. [imprimé par Guillaume Nyuerd 1577.

N. V. T. aescrit

Responſe à vne lettre de Brusquet moins fol que malicieux. [impr. sans nom ny date.

LIVRES D'AUTEURS INCERTAINS.

Bref recit de la NAVIGATION faicte ez yſles de Canada, Hochelagè, Saguenay & autres, auec particulieres meuts, langage & ceremonies des habitans d'icelles. [impr. à Paris 8°. par Ponce Roffet 1545.

Les quatre NECESSAIRES commençans, En l'an de grace de nostre seignor mil deux cens soixante six fu commenciez ce liure auquel nous mettons nom le traictié des quatre Necessaires : nous diuifons ce liure en quatre propres parties. En la 1. des qualitez de droict selon les mours. En la 2. des qualitez de droict selon les gens. La 3. des qualitez des gens selon le corps. La 4. des qualitez des gens selon l'ame. *Escrit en main.*

La Grand NEF des fols du monde. Auet Quatrains seruans de sommaire sur chacun chapitre reueue corrigeë, augmentee & reimprimee à Lyon 4°. par Iean d'Ogerolles 1579.

La NEF de santé, auec la condemnation des Banquers. [impr. à Paris 4°. par Philippes le Noir.

Les grands & merueilleux faicts de NEMO imitez en partie des vers latins de Vlrich de Hutten & augmentez par P. S. A. [impr. à Lyon 8°. par Macé Bonhomme.

Myſtere & beau miracle de S. NICOLAS a xxiiii. personnages. [impr. à Paris 4°. par Pierre Sergent.

Le fondement & origine des tiltres de NOBLESSE & excellents estats de tous Nobles & illustres, Comtez & autres Seigneuries, & la maniere comment elles ont esté erigees pour la defense & gouuernement de la chose publique. Auec la maniere de faire les Roys d'armes, Heraux & poursuiuans. Ensemble le secret des Armoiries. Et l'instruction de faire les combats contenant la difference d'iceux. [impr. à Paris 16°. par Denis Ianot 1535. & à Lyon par

Iean de Tournes 1547.

N O E L S vieux & nouveaux sur diuers chants composez à la louange de nostre seigneur Iesus-Christ, & de la sacree vierge Marie sa mere & de la saincte natiuité d'iceluy nostre sauueur.

Il y en a eu plusieurs liures imprimez & de maintes sortes. Et infinis autres qui ne furent onques imprimez, & desquels les auteurs sont en grand nombre: car il n'y a en France presque Paroisse ou l'on n'en face pour les chanter tous les ans aux festes de Noel.

Recueil des plaissantes & facetieuses **NOUVELLES** extraites de plusieurs auteurs. [impr. à Paris 16°. & depuis en Anuers 12°. par Gerard Spelman 1558.

Le Parangon des **NOUVELLES** honnestes & delectables à tous ceux qui desirerent ouyr choses recreatiues. [impr. à Lyon 16°. par Romain Morin 1532.



CTOVIEN DE SAINT GELAIS

Euesque d'Angoulesme a composé en rime,
Le Verger d'honneur, contenant le discours de l'entreprise & voyage de Naples, à la louange du Roy Charles VIII. Avec la complainte & Epitaphe dudit Roy & autres compositions.
[impr. à Paris f°. par Philippes le Noir 1505.

La Chasse & despart d'Amours, ou il y a de toutes les sortes de rimes que l'on pourroit trouuer. [impr. à Paris 4°. par Philippes le Noir.

Ila translaté & mis en rime françoise

Les XXI. Epistres d'Ouide. [impr. à Paris 4°. par Antoine Verard & 16°. par Denys Ianot 1541.

L'eneide de Virgile translatee en rime françoise par Mefs. Oct. de S. Gelais.
[impr. à Paris.

Les six Comedies de Terence, partie en rime partie en prose. [impr. à Paris f°. par Iean Petit 1539.

ODET DE MATIGNON fils aîné du sieur de Matignon gouuerneur & lieutenant general pour le Roy en Normandie a escrit en latin puis tourné en françois vne

Harangue par luy prononcee à Paris le premier iour de Ianuier 1575. A mes- sieurs les Princes. [impr. tant en latin qu'en françois à Paris par Denys du Pré.

OGIER FERRIER Tholosain Seigneur de Castillon do- cteur medecin a escrit

Remedes preseruatifs & curatifs de Peste. [impr. à Tholose 16°. par Guyon Boudeuille, & à Lyon par Iean de Tournes 1548.

Iugemens Astronomiques sur les natiuitez, diuisez en trois liures, & imprimez à Lyon 8°. par Iean de Tournes 1550.

Aduertissemens à M. Iean Bodin, sur le quatriesme liure de sa Republique. Autres aduertissemens du dit Ferrier, sur la loy *Damus D. de legat. 1.* [impr. à Paris.

Paris 8°. par Pierre Cauellat 1580.

Augerij Ferrerij Tholosatis vera medendi Methodus duob. libris comprehensa. Eiusdem castigationes practica medicina. [Tholosa 8°. apud Petrum du Puys 1557.]

Eiusdem de lue Hispanica seu morbo gallico libri duo: Et quòd Chyna Et Apios diuersa res sint. adiecto utriusque radicis usu. Avec vn extraict desdicts liures mis en françois pour les barbiers. [Parisijs 8°. apud Aegidium Gillium 1564.]

Henrici 2. Galliarum reg. Christiani. Epitaphia, Jul. Cas. Scaligeri funus, Mellini Sangelasij Epicedium, Augerio Ferrerio Tolosate medico auctore. [Parisijs apud Federic. Morellum 1559.]

O L A V S.

Épitome des vingt-deux liures de l'histoire des pays Septentrionaux. Escrite par O L A V S le gråd, Goth, Archeuesque d'Vpsale, & souuerain de Suecie & Gothie, où sont briefuement & clairement deduites toutes les choses rares ou estranges, qui se trouuent entre les nations Septentrionales. Traduiet du latin de l'auteur en françois par traducteur incertain, & impri. en Anuers 8°. par Plantin 1561.

O L I V I E R B O S S E L I N, homme tres-expert à la mer, a escrit & ordonné,

Les tables de la declinaison ou esloignement que fait le Soleil de la ligne Equinoctiale chacun iour des quatre ans pour prendre la hauteur du Soleil à l'Astrolabe. Pour prendre la hauteur de l'estoille tant par le triangle que par l'arbaleste. Pour prendre la hauteur du Soleil & de la Lune & autres estoilles de la ligne Equinoctiale & des tropiques. Declaration de l'Astrolabe pour en vser en pilotage par tout le monde. [impri. à Poictiers 4°. par Jean de Marnef 1559.]

O L I V I E R C O N R A D Religieux de l'ordre S. François a escrit en prose françoise

La vie, faicts & louanges de saint Paul Apostre de Iesus-Christ extraicte fidelement tant des Actes des Apostres que de ses Epistres & autres saints Docteurs [impr. à Paris 16°. par Viuant Gaultherot 1546.]

Il auoit aussi long temps auparauant composé vn liure en rime intitulé

Le miroir des pecheurs. [imprimé à Paris par François Regnaut. Auquel sur ces paroles *Memor esto quoniam mors non sardabit. Ecclesiastici cap. 14.* il diët ce qui s'ensuit,

*Lors que tu vois des morts la sepulture,
Regarde alors ta fragile nature,
La briefueté de tes iours descroissans:
Les vns qui là gisent en pourriture,
Des vers mordans la viande Et pasture,
Furent iadis au monde florissans,*

*Des biens mondains rempliz & iouyssans,
Haut esleuez en office & honneurs
Tost ont pris cours comme les eues passans:
Mort rait tous grands, moyens & petits.*

Et au chap. *Mors peccatorum.*

*Du nombre est Sardanapalus
Le grand Roy des Assyriens
Qui se brista, & puis Cyrus
Qu'une Dame eut en ses liens.
Decapité fut o les siens,
Et en sang humain estandu:
Lors luy dist, Boy toy & les tiens
Du sang que tu as espandu.
Jcy pourra tenir son lieu
Cayus le seditieux
Qui se fait adorer com' Dieu
Tant fut fol & presomptueux.
Il se meit au nombre des Dieux:
Mais depuis par ses demerites
Sans confort triste & douloureux
Fut tué par ses Satellites.*

*Engraver se deuroit en marbre
Le fait qu'on vous racontera,
C'est de Milon qui en un arbre
Qu'il vouloit fendre demoura:
Le bois si fort se resserra
Que là tenu fut pour les gages:
Et encor son mal empire,
Mangé fut des bestes sauvages.
Si escrire veux seulement
Les noms de ceux que j'ay ceigneu
Ravis de mort soudainement
Prolix ie seray maintenu,
Et n'en seray au bout venu
De long temps, ie vous certifie.
De son bon sens est l'homme nu
Qui en force & santé se fie. &c.*

OLIVIER GOVYN de Poictiers a escrit,
Le mespris & contemnement de tous ieux de sort, traicté contenant 9. chapitres. [impr. à Paris 8°. par Charles l'Angelier 1550.

OLIVIER DE LYON Docteur Theologien Recteur & grand maistre du royal college de Nauarre a mis par escrit & translaté vne Oraison par luy prononcee en latin deuant Anthoine du Prat Chancelier de France pour les priuileges des Conseillers & officiers de l'Vniuersité de Paris, & pour l'exemption de la decime aux vrais escoliers. [impri. à Paris 8°. par Jean Petit 1518.

OLIVIER DE MAGNY.
Les Odes d'Oliuier de Magny de Cahors en Quercy & autres œuures poëtiques d'iceluy contenuës en cinq liures. [impr. à Paris 8°. chez André VVechel 1559.

Les soupirs d'Oliuier de Magny. [imprimé à Paris 8°. par Robert le Maignier.

Il auoit escrit auparauant
Hymne sur la naissance de Madame Marguerite de France fille du Roy Henry 2. en l'an 1553. Avec quelques autres vers lyriques. [impri. à Paris 8°. par Arnoul l'Angelier 1553.

Au

Au IIII. liure. D'aimer en plusieurs lieux,
A Guillaume Aubert.

Pource qu'en ceste amour diuerſement eſcrite
Le parle or' avec Anne, or' avec Marguerite,
Magdeleine & Loyse, on me pourroit blaſmer
D'aimer en trop de lieux pour bien me faire aimer.
A celà ie reſpon que ſelon les deſtreſſes
Que i' ay long temps ſouffert pour ces quatre maiſtreſſes,
Et ſelon que i' ay eu d'elles bon traictement,
Le l'ay voulu deſcrire ainſi naiſvement.
Mais de n'en aimer qu'une, & pour elle ma vie
Voir à mille tourmens pour iamais aſſeruire,
Je ne le ſçauroy faire, aimant mieux dire adieu
Pour aller chercher mieux en quelque autre bon lieu.
La Nature m'a fait, & la nature eſt belle,
Pour la diuerſité que nous voyons en elle:
Le ſuis donc naturel, & ma felicité
En matiere d'amour c'eſt la diuerſité.
L'homme ieune eſt bien ſot & digne qu'on le chaſſe
Qui ne loge ſon cueur qu'en vne ſeule place,
Et aux ongles du chat le rat doit tresbucher,
Qui ne ſçait qu'un ſeul trou pour ſe pouuoir cacher.
Il faut de port en port chercher ſon aduenture,
Aller par cyp par là pour changer de paſture:
Et quand quelque faueur recevoir on n'a ſceu,
Aller en autre endroiçt pour eſtre mieux receu.
Par les diuers pays, & les diuers voyages,
Par les hommes diuers, & les diuers langages,
L'homme ſe fait plus rare, & s'acquier le renom
D'un homme bien expert & d'un homme de nom.
Ces marmiteux Amants qui nuit & iour ſouſpirent,
Pour un amour auquel vainement ils aſpirent,
Perdent (comme lon dit) & repos & repas,
Et ſouffrent tous en vie un millier de trespas.
Je m'en ris & m'en moque, & leur amour ſi forte
Ce n'eſt pas un amour qui les ames transporte,
Ains c'eſt vne fureur qui les transforme tous,
Et qui fait qu'en la rue on les appelle fous.
Aimons donques par tout, & ces ſottes conſtances

*Chassons de nos amours & de nos alliances,
Aymant quand on nous ayme, & nous gardant tousiours
La liberté d'entrer en nouvelles amours.*

OLIVIER MAILLARD vicaire general des freres mineurs appellez de l'obseruance a escrit durant le temps qu'il preschoit le careême à Poictiers

L'exemplaire de confession, avec la confession generale. [impr. à Rouen & à Caen 4°. par Pierre Violete & Robinet Macé sans date, & par Oliuier Arnoullet 8°. à Lyon 1524.

- La Recolation de la trespiteuse passion de nostre Seigneur, representee par les saints & sacrez misteres de la Messe. Preschee deuant le grand maistre de France en la ville de Laual par ledit Maillard, & impr. à Paris 8°. par Pierre Sergeant & 4°. par Iean Bonfons soubstel tiltre, Le mystere de la messe conforme & correspondant à la douloureuse passion de nostre benoist Saulueur. Traicté enuoyé à plusieurs religieuses pour les instruire & enhorter à se bien gouuerner. [impr. à Paris 8°. par Symon Vostre.

OLIVIER DE LA MARCHÉ grand maistre d'Hostel du Roy de Castille a composé vn opusculé, partie en rime, partie en prose, intitulé,

Le Parement & triumphe des Dames d'honneur, auquel sont contenus & declarez, tous les habits, triumphe & ornemens qui appartiennét à toutes femmes d'honneur, comme, les pantofoles d'humidité, Les souliers de soing & bonne diligence, la Chemise d'honnesteté, le corset ou cotte de chasteté, le cordon ou lacet de loyauté, l'espingle de patience, La bourse de liberalité, La Gorge-rete de sobriété, La Bague de foy, La Robe de beau maintien, Les gans de charité, les pailletes de richesse du cœur, & ainsi des autres : avec exéples & histoires seruans à ce propos. [impr. à Paris 8°. par Michel le Noir 1520. & à Lyon 16°. par Oliuier Arnoullet.

Il a escrit aussi en prose vn liure de memoires qui est vne hystoire de la maison de Bourgoigne des occurrences aduenues de son temps tant en Flandres Duché & Comté de Bourgoigne qu'ailleurs. [impr. à Lyon f°. par Guillaume Rouille. Item,

Sommaire description de la taille, meurs, complexion, pieté, exercice, & faicts memorables des deux derniers Ducs de Bourgoigne les maistres. *En main.* Plus,

Discours adressé a monsieur l'aitailleur de Calais Des Estats offices, Police, & reuenu annuel de la maison de Bourgoigne, par ou se voit la grandeur d'icelle, & le vray type ou pourtrait d'un prince vrayement iuste & equitable à l'endroiect de ses subiects. *Escrit aussi en main:*

ORVS APOLO. Voyez en la lettre H. Horus.

OPPIAN. Voyez Florent Chrestien.

OPTATVS MILEVITANVS. Voyez Pierre Viel.

ORLANDE DE LASSVS. Flamen de nation, le plus excellent Musicien qui aye esté deuant luy, & qui semble auoir seul desrobé l'harmo

l'harmonie des cieux pour nous en resiouyr en la terre surpassant les anciens & se monstrent en son art la merueille de nostre temps, a mis en musique à I. I. I. V. V. I. V. I. I. X. parties plusieurs Epigrammes Chançons & Sonnets tant de Marot, Ronfard que autres Poëtes François: Le tout contenu au liure de ses Meslanges qui est vn Recueil de ses plus beaux ouurages & musique bien receüe en tous lieux, & digne d'estre ouye & chantee. [impr. à Paris par Adrien le Roy & Robert Ballard: 1576.

Continuation des Meslanges d'Orlando de Lassus, &c. [impr. à Paris par Adrian le Roy 1584.

Estienne Iodelle a fait vn chapitre de 172. vers en faueur d'Orlande excellent musicien, duquel il me prend enuie mettre icy le commencement:

*S'il faut que tes chançons graues ensemble & douces,
 Sur l'aile des beaux chants qu'on leur doit inuenter,
 Iusqu'aux Roys (ô ma Muse) ains iusqu'aux dieux tu pousSES
 Des vers en contr'echange icy tu dois chanter
 Pour Orlande, qui peut aux vers l'aile si belle,
 D'un heur, d'un air, d'un art, admirable prester.
 L'aile qu'Orlande peut donner aux vers est telle,
 Que son vol animé de mouuemens si beaux,
 Si prompts, si haults, surpasse en volant toute autre aile.
 D'enfer au ciel, du ciel aux infernales eaux,
 Mercure en vn moment remonte & redenale,
 Ayant au chef, aux pieds ses ailerons iumeaux.
 Ce beau vol peut porter à la riue infernale
 Nos vers, au ciel, aux coins de la terre, sans peur
 De ce qui fit en mer choir le fils de Dedale.
 Mercure aussi qu'on fait fort subtil inuenteur,
 En Musique, peut estre, est la Musique mesme,
 Haussant, baissant, par tout ce beau vol enchanteur.
 Puis donc qu'un tel art donne & course & force extreme
 Aux vers, & puis qu'Orlande un tel vers façonnant,
 Est des vieux & nouueaux ouuriers l'ouurier supreme:
 Muses qui d'un tel art irez, tousiours tenans
 Comme l'art tient de vous, il ne faut qu'on refuse
 D'orner ce qui vous peut donner tant d'ornement.
 Puis la Musique a pris son beau nom de la Muse,
 Mesme l'air des beaux chants inspire dans les vers,
 Est comme en un beau corps une belle ame infuse. &c.*

ORONCE FINE Dauphinois Lecteur Mathematicien du Roy
 en l'vniuersité de Paris a escrit,

La

La Sphere du monde proprement dictée Cosmographie, diuisee en 5. liures, comprenans la premiere partie de l'Astronomie, & les principes vniuersels de la Geographie & Hydrographie. Avec vne Epistre en rime presentee iadis par le mesme autheur au Roy François premier, touchant la dignité, perfection & vtilité des sciences Mathematiques, en laquelle est introduicte Philosophie parlant audict seigneur Roy. [impr. à Paris 4°. par Michel Vasconan 1551. ladiète epistre auoit esté imprimée au parauant à part 8°. à Paris par Pierre Leber 1531. & commence ainsi.

*Celuy qui fit les cieux en vn moment
Et ordonna, &c.*

La Theorique des cieux & sept planettes, avec leurs mouuemens, orbes & disposition tresnecessaire tant pour l'vsage & pratique des tables Astronomiques, que pour la cognoissance de l'Vniuersité de ce haut monde celeste. Illustree de figures, & impr. à Paris 8°. par Guillaume Cauellat 1557.

Les Canons & documens tres-amples touchant l'vsage & pratique des communs Almanachs que l'on nomme Ephemerides. Briefue & Isagogique introduction sur la iudiciaire Astrologie: pour sçauoir prognostiquer des choses aduenir, par le moyē desdites Ephemerides. Plus vn Traité d'Alcabice touchant les conionctions des Planettes en chacun des 12. signes & de leurs prognostications & reuolution d'annees. [impr. à Paris 8°. par Guillaume Cauellat 1556.

Briefue declaration de l'horloge ou quadrant general. [impr. à Paris.

Explication de l'vsage de l'Anneau horaire.

Voyez le reste de ses œuvres qu'il a escrit en latin dans la Bibliotheque de Gesnere.

Charte vniuerselle de tout le monde faite en forme de cueur.

La Charte Gallicane d'Oronée, après laquelle est venue celle de Jean Ioliet.

O R P H E E.

Hymne de la Loy. Autre du Soleil. Autre de la Santé, tournez du Grec d'Orphee. Sont contenuz aux Hymnes Ecclesiastiques de Guy le Feure.

O V I D E S le grand De Metamorphoseos qui contient xv. liures en rime & langage Romant, escrit en main sur parchemin velin en la librairie du Sieur Laurencin prieur de Saint Iregny à Lyon, & commence ainsi,

*Or vneuil commencer ma matire
Ouides dist, mes cuers vneult dire
Les formes qui muées furent
En nouueaux corps, &c.*

Voyez Pub. Ouid. Naso. en la lettre P.

O. R. P.

Des diuerses reigles de Droit ancien tirees des Pandectes, & traduites en françois selon leur ordre. Avec la concordance des canoniques à chacune desquelles

quelles sont adioustees les sommaires definitions & diuisiōs des choses y contenues. Auec les textes & auteurs probatifs d'icelles. par O. R. P impr. à Paris 8°. par Iean le Bouc 1583.

O. S.

Traicté de l'obstination, & comment, & pourquoy la pluspart des heretiques ne se veulent recognoistre & retourner au gyron de l'Eglise Catholique: par O. S. [imprimé à Paris 8°. par Claude Fremy 1552.

O S V A L D V S M Y C O N I V S a escrit en latin

La vie de Huldric Zuyngle, trāslatee en frāçois, & imp. auec les vies de Martin Luther & Iean Ecolampade. [impri. à Lyon 16°. par Iean Saugrain 1562.
Reproûé.

O T T O M A R V S L V S C I N I V S.

Histoire Euangelique des quatre Euangelistes en vn fidelement abregee, où est recité par ordre à vne fois sans obmettre nyadiouster cela des faits de Iesus Christ qui par les 4. estoit sans ordre plusieurs fois redit. Iceluy abregé escrit premierement en Grec par Ammonius Alexandrin personnage duquel saint Hierome fait grande estime, & lequel viuoit en l'an de nostre Seigneur 230. puis traduit de grec en latin par Ottomarus Luscinus, & de latin en françois par translateur incertain. [impr. à Lyon 8°. par Gilbert de Villiers 1526. Et depuis traduit par vn autre qui ne senomme point, & imprimé sous tel tiltre, Euangelistaire abregé en 20. chapitres, allegant en marge les lieux d'où ils sont extraicts, au soulagement de la memoire des Chrestiens. [impri. à Lyon 16°. par Claude Norry dit le Prince 1544.

O V D I N D E G O V R N A Y a mis en rime.

La legende de Saint Hyldeuert Euesque de Meaux en Brie. [impr. à Rouen 8°. par Iean Creuel & la fin est telle,

En l'an de l'incarnation

Six cens & trente ou enuiron

A Rouen saint Ouen regnoit.

En Meaux Hyldeuert se tenoit.

LIVRES D'AUTEURS INCERTAINS.

Les O B S E Q V E S & grandes pompes funebres de l'Empereur Charles v. faictes en la ville de Bruxelles traduites d'Italien en François. Auec aucuns vers & Epitaphes Latins à sa louange. [impr. à Lyon 8°. par Iean Saugrain 1559.

Visions D'O G E R L E D A N O I S au royaume de Faerie, ecrites en vers françois par auteur incertain. [impr. à Paris 8°. par Ponce Roffet 1548.

Le Roman D'O L I V I E R D E C A S T I L L E.

Le grand O L Y M P E des histoires Poëtiques du Prince de Poësie Ouide Naso en sa Metamorphose, Oeuure authentique, & de hault artifice, pleine d'hon

d'honneste recreation. Traduit de latin en prose françoise. [impr. à Lyon 8°. par Romain Morin 1530. à Paris 16°. par Nicolas Bonfons 1576. & depuis reuen, corrigé & mis en meilleur lagage par Loys Turquet, & impr. 16°. par Jean de Tournes à Lyon 1583.

Trois liures de la facture de L' O R traduits des vers latins de Jean Aurel Augurell. en prose françoise. [impr. à Lyon 16°. par Guillaume Rouille 1548. François Habert les a traduits aussi, mais en vers françois, sous tel tiltre: Les trois liures de la Chrysopee, c'est à dire, L'art de faire l'Or, contenans plusieurs choses naturelles, traduits de Jean Aurele Augurel Poëte latin par F. Habert de Berry. [impr. à Paris par Vincent Gaultherot 1549. Au premier liure après les réponses aux obiections contre l'art de faire l'Or, il vient à l'Experience disant ainsi:

*Vienne à present Experience en place
En graue port, avec ioyeuse face,
Où lon ne peut erreur appercevoir,
Et qui n'est point subiecte à decenoir.
L'experience ores manifestee
Iadis (dit-on) vint servir Promethee
Après les arts que luy non ocieux
Pour le servir auoit tirez des cieux.
Et par long temps il vsa du service
D'experience en naïf exercice.
Mais se voyant desia vieil & chenu,
Et sur le point des derniers iours venu,
On fait recit qu'à son trespassement
Il la laissa aux sages seulement
Et aux prudents, ausquels sans controuerse
Elle obeit, & avec eux conuerse.
Depuis ce temps Experience a mis
Dans les cerueaux des hommes, ses amis,
Une facile & euidente preuve
Par qui certain & veritable on treuve
Qu'on peut par art muer heureusement
Aucuns metaux, & que certainement
Par ce mesme art le vray Or on peut faire,
L'argent aussi d'autres metaux extraire. &c.*

Le liure de la vraye & parfaite ORAISON avec le Sermon q̄ nostre Seigneur fait en la montagne, & l'exposition contenant les huit beatitudes, deux Homilies de S. Jean Chrysostome pour apprendre la maniere de prier Dieu, Les Pseaumes penitentiaux exposez par maniere d'oraison. Et le mystere de l'incarnation du verbe diuin. [impr. à Paris 16°. par Charles l'Angelier 1544.

La

La tressaincte O R A I S O N que nostre seigneur a baillé à ses Apostres, les enseignant comment ils & tous vrais chrestiens doiuent prier. Aucc vn recueil d'aucuns passages de la saincte escriture pour esueiller l'entendement des fideles à prier Dieu de plus grande affection. *Censuré.*

O R A I S O N ou Harengue escrete suiuant l'intention du Roy treschrestien François premier, aux Serenissimes, tresillustres & treshaults seigneurs, & à tous les États du saint Empire assemblez à Spire en Allemagne. [impr. à Paris 8°. par Robert Estienne.

ORDONNANCES des Roys de France. [imprimees diuerses fois & en diuers lieux du Royaume.

Les ORDONNANCES Royaux sur le faict & iurisdiction de la preuosté des Marchans & Escheuinage de Paris, prises sur les Registres d'icelle ville. [impr. à Paris 4°. par Guillaume Merlin 1556.

ORDONNANCES de l'Empereur Charles v. publiees en sa court souueraine de parlement à Dole le 16. May 1539. où sont contenues les ordonnances tant anciennes que nouuelles de la franche Comté de Bourgoigne, obseruees en ladite court & autres iustices inferieures, Celles du feu duc Ieá pour la garde & seureté de ses Duché & Comté de Bourgoigne, & retraict de ses subiects & leurs biens en temps d'eminent peril de guerre. Et les coustumes generales dudit Comté. [impr. à Dole f°. par Nicolas Rauel & Momo Dano 1554.

L'ORLOGE de Sapience, mis de latin en françois, contenu en deux liures. Le premier faict mention de la mort & passion de Iesus-Christ & de plusieurs belles choses que sapience enseigne à son disciple. Et le second apprend comme vn bon chrestien se doit gouuerner en ce monde pour acquerir le royaume de Paradis. [impr. à Paris 8°. par Iean Longis.



A L E P H A T, V S. Narrations fabuleuses. Voyez Guillaume Gueroult.

P A L L A D I V S R V T I L I V S. Voyez Iean d'Arces.

P A N D O L F O C O L L E N V C C I O. Voyez Denys Sauuage. Antoine Geuffroy.

P A N T A L E O N B A R T E L O N de Rauieres en Bourgoigne, Recteur du college & escholes dudit lieu, a escrit 283. distiques moraux latins mis en autant de Quatrains François par luy mesmes. [impr. à Lyon 8°. par Benoist Rigaud 1570. I'en mettray icy quatre qui me semblent des meilleurs.

Conscius sceleris.

*La conscience estant coupable d'un forfait
A tousiours deuant soy l'horreur de son meffait:*

KK

Et

*Et n'ayant de repos une seule estincelle
Conduit & iour & nuit son enfer avec elle.*

Curio mentitus.

*D'un vicaire en secret i'en feray un Curé,
Duquel premièrement ie veux estre asseuré
Que tant que ie viuray pour euites ces bruiets
Il aura les honneurs, & ie prendray les fruiets.*

Mus ridiculus.

*L'esperance amusant plusieurs de ses doux ris
Me promettoit un train de vingt cinq cheuaux:
Mais ie voy à la fin que de tous mes trauaux
Ne paroistra sinon la petite souris.*

Vicarius.

*Qui le deuoir de Pasteur veuille faire,
N'en trouuerez vn tout seul entre dix:
Chacun sert Dieu par commis ou vicaire,
Et par vicaire yra en paradis.*

PANTALEON THEVENIN de Commerci en Lorraine a fait vn commentaire sur l'Hymne de la Philosophie de Pierre de Ronfard, auquel est traicté de toutes les parties de Philosophie: illustrees de sentences, passages & hystoires. Avec vn Traicté general de la Nature, origine & partition de Philosophie. [impr. à Paris 4°. par Iean Feburier 1582.

PAPYRIVS MASSON, nommé au parauant Iean Masson, de S. Germain la Val en Forests, aduocat au Parlement de Paris a escrit, L'entier discours des choses qui se sont passees en la reception d'Elizabeth d'Austriche Roine de France à Mezieres, & mariage du Roy Charles ix. avecq elle. [impr. à Paris, & despuis à Lyon par Benoit Rigaud 1571.

Papyrij Massoni Annalium libri quatuor. Quibus res gesta Francorum explicantur. Lutetia 4°. & 8°. apud Nicol. Chesneau 1578.

PARDOVX DV PRAT natif d'Augbuffon en la Marche, Docteur ez droicts a escrit

Practique de l'art des Notaires contenant les formes de minuter & grossier toutes sortes de contracts, tant ez matieres ecclesiastiques que temporelles: traduite de latin & succinctement adaptee aux ordonnances royaux. Avec vn traicté de la disposition iudiciaire. [impr. à Lyon 8°. par la veufue Gabriel Cotier, & despuis par Pierre Michel 1578.

Theorique de l'art des Notaires, pour cognoistre la nature de tous contracts, & tout ce qui concerne l'estat & office de Notariat: diuisee en trois parties: Contracts, Dernieres volontez, & Iugemens: traduite de latin, & impr. à Lyon 8°. par

8°. par Gabriel Cotier. & 16°. Avec la pratique des Notaires par Pierre Michel 1578.

Annotations tenans lieu de commentaire sur les ordonnances du Roy Charles ix. faictes en la ville de Molins en l'assemblée des Estats l'an 1566. [impr. à Lyon 8°. par Benoist Rigaud 1572.

Il a traduit de grec en françois

Institution de la vie humaine, ou la vie de M. Antonin philosophe escrite par le mesme qui estoit Empereur Romain. Remonstrance d'Agapetus Euesque à l'Empereur Iustinian, De l'office d'un Empereur ou Roy. [impr. à Lyon 8°. par la Veufue Gabriel Cotier 1570.

Amas Chrestien ou Extraict de la Poësie de Vergile accommodé au vieil & nouveau Testamēt reduict en deux liures par Proba Falconia femme d'Adelphus consul Romain, & mis en vers françois par ledit du Prat. [impr. à Lyon 8°. par Jean d'Ogerolles 1557. Richard le Blanc a pareillement traduit ledit Opuscule de Proba Falconia en rime Françoisse.

Vers sententieux extraicts des poëtes grecs & faicts françois. [impr. à Lyon 16. par Jean d'Ogerolles.

Jurisprudentia media libri 4. Pardulpho Prateio authore. [Lugd. 8°. apud Gull. Rouillium 1561.

Lexicon iuris ciuilibis & canonici, siue potius Commentarius de verborum que ad utrumque ius pertinent significatione. Antiquitatum Romanarum elementis & leg. Pop. Rom. copiosissimo indice adiectus, à Pardulpho Prateio Augustobuconiate delineatus. [impress. Lugd. f°. apud Gull. Rouillium.

PACHAL DE LESTOCART a mis en Musique à 3, 4, 5. & 6. parties

Octonaires de la vanité du mode. Autheur la Roche Chandieu. [impr. à Lyon par Bathelémy Vincent 1582. Item les Pseaulmes en vers latins & françois distinguez en plusieurs liures en forme de Mortez. Plus Meslanges de Chansons latines & françoises. [impr. de mesmes.

PASCHAL ROBÎN sieur du Faux, Angeuin a escrit, Elegie sur le trespas de Messire Charles de Cossé, Comte de Brissac, Marechal de France. [impr. à Paris par Thomas Richard 1564.

Discours de l'excellence & antiquité du pais & Duché d'Anjou & des Princes qui y ont commandé, & en sont sortis. [impr. à Paris par Emanuel Richard 1582.

Monodie sur le trespas de Messire François de Lorraine Duc de Guise. [impr. à Paris par Thomas Richard 1563.

Regrets sur le trespas de Messire Tymoleon de Cossé, Comte de Brissac. [imp. à Paris par Jean Hulpeau 1569.

Il a traduit & recueilly les vies de quelques saincts & sainctes, imprimées à Paris parmy les trois grands volumes de l'histoire des Saincts, à Paris par Nicolas Chesneau.

Le second Hymne du liure des Couronnes escrit par Aurel. Prudence Cle-

K K 2 ment

ment en vers latins sur la passion de saint Laurens Martyr & traduit Hymne à l'honneur de S. Laurens paraphrasé des vers latins de M. Antoine Muret en vers françois. L'Hymne 3. de Prudence poëte chrestien ou est descrite la vie de Sainte Eulalie vierge & martyre. Cantique de Saint Ruffin, comprenant en bref son martyre traduit des vers latins de Pierre Damian. Oraison à S. Marie Magdalene traduite des vers latins de Petrarque. Plus 68. vers Prouençaux faits sur la grande Baulme en Prouence à l'honneur de ladicte sainte, par Balthazar de la Burle valet de chambre de monsieur le Cardinal de Bourbon & traduits en vers françois par ledict Paschal Robin. Hymne ou cantique à Sainte Anne, traduit des vers latins Elegiaques de Rodolphe Agricola Frisien tresdocte personnage. Cantique ou vœu de Didier Erasme de Roterodam à Sainte Genevieve pour la guerison de sa fièvre quarte, traduit des vers latins inserez au 5. tome de ses œuvres.

Il traduit aussi les vies de quelques saints contenuës au 3. tome de l'histoire de leur vie mort & passion.

PASQUIER LE MOYNE portier ordinaire du trespuissant & tres-redoubté Roy de France François premier de ce nom a escrit en rime,

Le couronnement du Roy François premier de ce nom: voyage & conquête de la Duché de Milan, victoire & repulsion des extirpateurs d'icelle: avec plusieurs singularitez des Eglises, Conuens, villes & forteresses d'icelle Duché, faits l'an 1515. [impr. à Paris 4°. par Gilles Couteau 1519.

PATRICE COCBVRNO. Voyez Jaques Vincent.

PATRICE TRICASSO.

La chiromance de Patrice Tricasso des Ceresars Mantuan, traduite d'Italien. Et sur la fin est adiouste vn aduertissement pour l'intelligence des choses qui plus en ont de besoing. [impr. à Paris 8°. par Claude Fremy 1560. & par Ambroise Drouard 1583.

PAVL AE MILE. Voyez Simon de Montiers. Jean Regnard.

PAVL ANGIER Carentennois a escrit en rime

Defense en la personne de l'honneste Amant pour l'Amie de court du Sieur de Borderie contre la contr'Amie de Charles Fontaine. [impri. Avec la parfaite amie & autres Opuscules à Paris 16°. par Jean Ruëlle 1545.

PAVL BIENASSIS de Poitiers a traduit de latin deux liures d'Euchaire Rodion Docteur en Medecine traictans,

Des diuers traux & enfentemens des femmes & le moyen pour suruenir aux accidens qui peuuent escheoir deuant & apres iceux traux. [impri. à Paris 16°. par Nicolas Bonfons 1577.

PAVL EBER.

L'estat de la religion & republique du peuple Iudaïque depuis le retour de l'exil de Babylone iusques au dernier saccagement de Hierusalem; traduit du latin de Paul Eber. [impr. 8°. par Jean Crespin 1563.

PAVL DV MONT a traduit de l'Espagnol de R. P. frere Loys de Grenade, Docteur en Theologie, de l'ordre S. Dominique, La grand guide des pecheurs à vertu. En laquelle est traicté fort amplement

des

des richesses, beauté & dignité d'icelle vertu, ensemble du chemin qu'il fault tenir pour l'obtenir. [impr. à Douay 8°. par Jean Bogard. 1574. & à Paris par Michel Sonnius.

P A V L M O R I S E Milannois

De l'origine des religions &c. Voyez Jean Lourdereau.

P A V L O R O S E historien & compilateur de tous les aages du monde, contenant toutes choses dignes de memoire aduenues tant es parties Françoises, Italiques, Grecques, Romaines, qu'autres nations du monde depuis le premier aage iusques à present. Translaté de latin en françois. [impri. à Paris f°. par Philippes le Noir. 1526.

P A V L P A R V T A. Voyez François Gilbert de la Bresse.

P A V L D E V O L L A N T Tourangeois a escrit en vers
L'Election du Serenissime Duc d'Aniou Roy de Poloigne commençant ainsi,

Quand le bruit babillard, messager des fureurs

Bransle son aileron bigarré de terreurs

Que le guerrier Airain trompette les alarmes, &c.

[impr. à Paris 8°. par Gilles Blaise 1573.

P A V L I N Euesque ou Diacre d'Aquileye a escrit en latin
Hymne de la naissance du fils de Dieu. Hymne de S. Simeon, autre hymne de la dedicace de l'Eglise traduits en françois par Guy le Feure.

P A V L O I O V I O. Voyez Blaise d'Eueron. Denis Sauuage. Nicole Volkir. Gabriel Symeon.

P E I R E, ou Pierre de Bonifaciis gentilhomme de Prouence issu de la noble & ancienne race des Bonifaces: en son ieune aage print grand peine de sçauoir les bonnes lettres, puis s'addonna à la poësie Prouençalle. Il laissa plusieurs chansons en ceste langue qu'il feist à la louange d'une dame de la maison d'Andrea de Montpellier, de laquelle il essaya par tous moyens ployer le courage, tant par ses rimes que par inuocation magique. Il se plainct en vne de ses chansons qu'il ne demande que le droit, & veut bien que sa foy soit congneue de tous, & se commence,

Lo my souffis per augmentar mon drech,

Que ma fé sia de tous reconneguda,

S'yeu vac qu'erend cauz a a my non deguda,

Teu pregue a Dieu, qu'yeu syey e mort, e frech.

Lo me sufis d'annar lou camyn drech,

Non pas cercar la vya incouneguda.

Mays que seria donc ma fe deuenguda?

Non seryeu yeu mechant en tal endrech?

Voyant qu'il ne pouuoit rien aduancer, s'adonna à la facture de l'or, & chercha tant qu'il trouua vne pierre ayant vertu de conuertir les metaux en or: fut fort curieux de sçauoir la vertu des pierres precieuses & Gemmes orientales,

K K

& en fait vn chant, auquel il escrit la vertu d'icelles, & met le diamant le premier, disant, qu'il a vertu de rendre l'homme inuincible, que l'Agatte d'Inde ou de Crete rend l'homme bien parlant, & prudent, amiable, & agreable, que l'ametiste resiste a l'yresse, que la cornaline appaise l'ire & le debat en la presence du iuge, que la lacynte prouoque le dormir, que la perle donne liesse au cuer, que le camayeu vaut contre l'hydropisie quand il est graue en images, que l'azuli pendu au col des petits enfans les fait hardis, l'Onix d'Arabie & d'Inde oste la colere, que le rubis pedu au col dechasse toutes fantasies en dormant, que si l'homme veut sentir la vertu & experience du saphir, faut qu'il rienne chasteté, & que la sardoine a semblable vertu: que l'esmeraude fait bonne memoire, & rend l'homme ioyeux, que la Topasse restreint l'ire & la luxure, que la Turquoise garde l'homme de cheute, que l'Elyotropie rend l'homme inuisible, que l'aigue marine met l'homme hors de peril, que le corail resiste a la foudre, l'asberte ne se brule point au feu, que le Beril fait enamourer, que le Christal esteint la soif aux febricitans, que l'aimant attire le fer, que le grenat donne contentement & ioye. La Roine Ieanne tenoit ce Poëte a ses gages lequel mourut en l'an 1383. au temps que ladicte Roine Ieanne premiere du nom s'estrangla.

P E Y R E ou Pierre Cardenal fust d'un chasteau pres de Beauquaire nomme Argence de pauures parens, toutesfois bien institue aux disciplines liberales: excelloit & d'esprit, & d'elegance les poëtes de son temps en toutes langues, & mesmes en sa naturele vulguere Prouençalle: vint habiter en la ville de Tharascon, ou les principaux qui se delectoient lors aux bonnes lettres l'entretenoient des deniers communs de leur ville, luy baillans bons & aduantageux gages pour endoctriner la ieunesse: du temps que Charles 2. du nom Roy de Naples Comte de Prouence fait Duc de Calabre Robert son fils, iceluy Robert estant en Prouence loia l'entreprise des hommes & confirma les priuileges de ladicte ville, & au depart qu'il fait s'en retournant a Naples a l'aide de son pere, fait exempter pour dix ans la ville, de tailles & subides, a la charge que pendant ledict temps ils entretiendroient ledict Pierre Cardenal. Au troiesme an de sa regence il deuint amoureux d'une belle damoiselle de la maison de Roquemartine nommee Laudune Albe, avec laquelle s'entretint quelques annees en pudique amour escriuant a sa louange plusieurs chansons, la nommant seulement Argence: mais il fut appelle par de Gambateza senechal de Prouence pour ledict Charles 2. que fut en l'an 1302. pour acompagner l'infante Beatrix fille dudit Charles religieuse au monastere de Nazaret de la Cité d'Aix, que le pere enuoyoit querir & enleuer dudit monastere: & apres luy auoir osté les habits monachaux, & vestue en fille de Roy (car ainsi le portoit sa commission) en cest estat fut menee & conduite par mer avec deux Galleres a Naples ou ledict Pierre Cardenal fut chantat de sa dame d'Argence, adressant toutes ses chansons a l'infante Beatrix, laquelle fut depuis mariee avec le Marquis d'Est. Et ledict Pierre demeura a son seruice vn long tēps, & trespasa a Naples enuiron l'an 1306. du temps que la cour Romaine fut transportee en Auignon.

Il escriuit vn traicté intitulé, *Las Lauzours de la Dama de Argensa.*

PEY

P E Y R E R E M O N D lou Proux, ou le vaillant, natif de Thoulouse, ainsi nommé, pour estre preux & vaillant au faict des armes, & Poëte Lyrique en langue Prouençalle, fut à la guerre de Surie contre les infidelles, avec l'Empereur Frideric, où il composa plusieurs chasons qu'il adressa à l'aulserande del Puech de noble & ancienne maison de Thoulouse, la regrettant moult qu'il n'estoit aupres d'elle, en l'une desquelles il dit ainsi,

Vergiers, ny flours, ny Pras

Non m'an fach Kantadour.

Mays per vous (qu'yeu adour)

Domna, soy allegraz.

En vn'autre, pour l'auoir aymée plus d'un an il se plaint de ce que le mal d'amour tant luy continue, qui se commence,

Encaras vac rekalyuan

Lous mals d'Amours qu'auyey antan,

Qu'una doulour senty venyr

Al Cor, d'un angoyssous asan,

Lou Mege que my pot guarir

My vol en Dietta tenir,

Coma lous autres Meleges fan.

Il a fait vne fort belle chanson du pouuoir d'amour qui se commence ainsi,

Amour, si ton poder estal,

Ensins que cad'un ho razona.

En laquelle il décrit par vne infinité d'histoires tous ceux qu'amour a mis sous son pouuoir. En vne autre chanson qui se commence,

Non es sawy, ny gayre ben après

Aquel que blayma Amour, e mal en dis,

Car el sap ben donnar ganch als marri,

E lous autres lous fay tournar courtés.

En laquelle il dict que bien-heureux fut le temps, l'an, le mois, & le iour qu'il fut feru au cœur des beaux yeux de celle qui est tant accomplie en beauté & bonnes vertus. Il a escrit vn traicté *Contra l'error dels Arrians*, & aussi contre la tyrannie des Princes. Il florissoit du temps dudit Frideric Empereur 2. trespassa enuiron l'an 1225.

P E Y R E D E S A N R O M Y E C H, Ou Pierre de saint Remy, de la noble maison des Hugolens, de S. Remy en Prouence, composa des comedies & feit plusieurs chansons qu'il adressa à vne dame de Prouence de la maison de Lambesc nommée Antoinette dame de Suze. Il escriuit vn traicté auquel il se fache grandement, & est esbahy de ce que le comte de Prouence ne chastie l'insolence, & fierté des Arelateins: la rebellion & arrogance des Massiliens, l'ambition, & conuoitise de regner & le peu de iustice de ses officiers d'Aix, l'abomination qui regne en la cité d'Avignon, les moqueurs de Digne, la nation barbareque des Nyciens, la tenante auarice & tromperie des

gauots des montagnes, & les faits neants des Martegaux, & tant de tyrans qu'il y a en son pays de Prouence, ou le riche mange le pauvre, & le noble outrage, & oppresse le paysan, duquel traicté il fut fait présent à ma dame Marguerite de France, femme de saint Loys Roy de France.

P E Y R E D E R V E R, ou Pierre de Ruere, gentilhomme de Puymont & Poète Prouençal ayant suiuy long temps les guerres au seruice du Comte de Prouence, & les estudes tout ensemble, se trouuant vn iour en Prouence ou de ce temps les Poètes estoient grandement estimez, fut surpris de la beauté d'une damoiselle, qui estoit en Prouence fille d'un fameux cheualier de Naples, nommé Caracciolo, & apres l'auoir aimée vn long temps, sans qu'elle luy voulust donner audience, voyant qu'argent, & cheuaux luy defailloient, emprunta vn habit de pelerin & s'en vint enuiron la sepmaine peneuse ou tout le monde estoit en deuotion en vn chasteau pres d'Aix, nommé le Puy sainte Reparade, & ayant parlé au Curé de l'Eglise du lieu tenant quelques papiers pliez en main faisant entendre auoir permission du supérieur de ce faire, le iour du vendredy saint, à faire de meilleur prescheur, monta en chaire, & commença à dire quelques menus suffrages, & avecques vn front haut & esleué chanta ce chant d'amours.

*Pauc m'an valgut mos precs, ny mos prezics,
Ny iauzimen d'Ausel, ny flour d'Eglay,
Ny lou plazer que Dieu transmet en May
Quand on vey vers lous prats, ny lous Garrycs.
E pauc my val (segon so qu'yen vey aras)
Lou Dol qu'yen ay que m'aucy, e m'accor,
Ou qu'yen fusa reclus soubta un gran tor
Que sufertar tant greus douleurs amaras.*

Sa chanson finie il continua derechef à dire quelques exortations au peuple: & derechef chanta les sept Pseaumes en rime, auxquels chacun print grand plaisir, & ayant donné la benediction au peuple, descendit de la chaire la teste basse, & tout marmitieux se meist à la porte de l'Eglise à demander l'aumône: avant que partir de là, son chapeau fut plain de monnoye. Et ce fait, s'en retourna à Aix par deuers sa dame bien vestu, selon la mode d'alors, elle le voyant si bien en ordre luy fit plusieurs caresses que le Monge des isles d'Or n'a voulu escrire, & moins saint Cezari, & le Monge de Montmaieur en parle trop grassement.

P E Y R E D E L V E R N E G V E, Cheualier Seigneur dudit lieu & bien aimé du Dauphin d'Auuergne, fut Poète Prouençal, & viuoit du temps d'Alfons Comte de Barcelonne & de Prouence fils de Remond Berengier en l'an 1178. Il fit vt Traicté en rime Prouençale intitulé *La preza de Ierusalem prar Saladin*,

P E Y R E V I D A L, fils d'un Pelletier de Thoulouse, fut Poète en langue Prouençale, le plus prompt à trouuer & composer qu'on eust veu de long temps, estoit vn grand vanteur, chantoit de grandes follies d'amours,

&

& des armes, & medisoit d'un chacun. vn cheualier de S. Gilles luy couppa la langue pour auoir mesdit d'une dame d'honneur sa parante : mais de crainte qu'il eust de receuoir pis se retira vers le prince Hugues des Baulx, avec lequel il demeura quelque peu de temps. quand il fut gueri ayant pris conge de luy se retira a Reynez prince de Marseille, amateur des poëtes Prouençaux, qui le mena oultre mer en l'an 1227. ou il deuint amoureux d'une Grecque belle femme qu'il espousa & luy faisoit on actoire qu'elle estoit niece de l'Empereur de Constantinople par le moyen de laquelle l'Empire d'Orient luy appartenoit. ayât donc creu cela, tout l'or & l'argent qu'il gaignoit, il l'employa a la construction de Nauires pour aller a la conqueste de son vain empire, & deslors changea les armoiries Imperiales de Gueulles a vn tridët d'or, se faisant nommer Empereur & sa femme Imperatrice. estoit amoureux de toutes les dames qu'il voyoit, les prioit toutes d'amour, & a toutes presentoit son seruice, auoit telle opinion de soy qu'il n'auoit pas honte leur commâder, & si croyoit que toutes mouroïent de desir de l'auoir en amy, & qu'il estoit le meilleur cheualier du monde, & le mieux aimé des dames. quand il fut vieux considerant les maux qui procedoient de trop parler, redigea par escrit vn traicté intitulé *La maneyra de retirar sa lengua*. entre autres chansons par luy faictes (ainsi que S. Cezari l'a escrit) il se vante, que la neige, ne la pluye, ne le temps obscur, ne l'empeschent point d'executer ses hautes & glorieuses emprinses, il le compare à Gauvain, que tout ce qu'il prend, & atteint il rompt & brise, & n'estoit qu'il luy faut aller a la cōqueste de son Empire, il feroit trembler tout le monde. quelcun a escrit *Las uantarias de Peyre Vidal*. Le Monge de Montmaïour diët ainsi de luy: Peyre Vidal estoit vn villain pelletier, qui n'a point ses membres entiers : mieux luy eut vallu qu'il eust eu la langue d'Or, c'est a dire qu'il eust parlé sagement, car on ne la luy eust pas si facilement couppee. dit dauantage que la folie & la gloire luy ostoyent l'entendement, & qu'il auoit eu tousiours grande indigence de l'herbe d'Anticire pour luy purger le cerueau trauaillé d'humeur melancolique. Il trespassa a la pour suite de son empire deux ans apres son voyage, qui fut en l'an 1229. Petrarque a parlé de ce poëte en son triomphe d'amour.

P E L E R I N D E V E R M A N D O I S natif de Dijon, Docteur en Theologie Religieux de l'ordre de Cluny & prieur de nostre Dame de Mons a escrit,

Le Chappeller de Virginité diët d'Amonrs spirituelles. | impr. à Paris par Michel Soquand sans datte.

Peregrini Vermandois Diuionensis Aurigale mundi.

P E R C E V A L D O R I E gentilhomme Geneuois se tenoit en Prouence fut Podestat ou gouuerneur d'Avignon & d'Arles pour Charles premier du nom Comte de Prouence par le moyen de Beatrix fille & heritiere de Remond Berenguier Comte de Prouence qui auoit esté couronné Roy des deux Siciles & de Naples. Estoit bon poëte en langue Prouençale en laquelle il fait plusieurs chants & vn Syruentes de la guerre qui estoit entre ledit Charles & Menfroy iniuste occupateur de la Sicile contre le gré de l'Eglise Romaine qui fut honteusement vaincu par ledit Charles à Beneuent & en escriuit

escriuit vn traicté intitulé *La guerra de Carle Rey de Naples, & del Tyran Manfred*. Il en feit vn autre en rime intitulé *La fina folia d'amours*. ensemble plusieurs Tensons ou disputes d'amour, ausquelles ledict Doria, & Lanfranc Sygalle autre poëte Prouençal sont interloquiteurs, Et plusieurs Syruentz contre la cruauté des tyrans. trespassa a Naples en l'an 1276. Il se treuve vn autre poëte nommé Symon Dorie, qui feit vne tenson en laquelle sont interloquiteurs lesdicts Symon Dorie, & Lanfranc Sygalle, sur vne question laquelle pour en auoir la diffinition ils enuoyerent aux dames de la cour d'amour de Pierrefeu & de Signe, & ne se contentans de leur arrest, recoururent tous deux a la souueraine cour d'amour des dames de Romanin, en laquelle presidoient certain nombre de dames du pais, entre lesquelles, Phanette des Gantelmes dame de Romanin. La Marquise de Malespine. La Marquise de Saluces. Clarette dame de Baulx. Laurette de S. Laurens. Cecille Rascaffe, dame de Caromb. Hugonne de Sabran, fille du Comte de Forcalquier. Heleine dame de Montpahan. Yzabelle des Borilhons, dame d'Ais. Vrsyne des Vrsieres dame de Montpellier. Alaette de Meolhon dame de Curban, & Elys, dame de Meyrargues. Et plusieurs autres.

P E R D I G O N fut poëte Comique, musicien, & sonneur d'instrumens de cordes, & de vent, estoit gentilhomme du pais de Giualdan, pour son sçauoir fut au seruice du Daulphin d'Auuergne qui le fit passer cheualier, & luy donna de terres de grand reuenue. Tant qu'il fut aupres de la personne du Daulphin, il se trouua fort heureux, mais quand il fut decedé, Perdigon ne se sceust entretenir avec le nouveau Daulphin son fils, parce qu'il estoit ieune, ne sçachant le plaisir & contentement qu'on reçoit de la noble poësie, tellement qu'il perdit tout à vn coup le fruit de tant de belles & excellètes fortunes qu'il auoit receuës. Et se retira à Remond Berenguier dernier du nom Comte de Prouence, amateur des poëtes Prouençaux, qui l'enrichit de tout ce qu'on pouuoit desirer. Il chanta toutes les victoires que le Comte auoit obtenues en Prouence contre les rebelles du pays, les redigea par escrit, & les luy adressa par ce tiltre, *Las victorias de monsieur lou Comte*, qui fut du temps qu'il meit à son obeissance tout le pays de Prouence, & les Comtez de Vintimille, de Nisse, de Piemont, & seigneurie de Gennes. Ce poëte estoit compagnon des deux Emerics, espousa vne dame de Prouence de la maison de Sabran, nommee Saure, de laquelle n'eust point d'enfans. decederent tous deux enuiron l'an 1269. & firent heritier le Comte de Prouence.

P E R N E T T E D U G V I L L E T Damoiselle de Lyon a escrit quelques rimes, qui ont esté mises en lumiere apres son decez à la diligence d'Antoine du Moulin & imprimé à Lyon 8°. par Jean de Tournes 1552. Maurice Sceue a mis l'epitaphe suyuant à la fin desdictes rimes,

Epitaphe de gentille & vertueuse Dame Pernette du
Guillet Lyonnoise.

*L'heureuse cendre autrefois composee,
En vn corps chaste, ou vertu reposa,*

Est

*Est en ce lieu par les graces posée
 Parmy ses os, que beauté composa.
 O Terre indigne en toy son repos ha
 Le riche estuy de celle ame gentille
 En tout sçavoir sur toute autre subtile,
 Tant que les cieux par leur trop grande enuie,
 Avant ses iours l'ont d'entre nous ravie
 Pour s'enrichir d'un tel bien mescognu :
 Au monde ingrat laissant bien courte vie,
 Et longue mort à ceux qui l'ont cognu.*

Le Sieur du P E T I T B O Y S Poicteuin a escrit,
 La Doree chant Pastoral ou chant de la Trimouille Seigneur de l'isle de
 Noirmontiers. [impr. à Poictiers 4°. par les Bouchets freres 1576.

P H A L A R I S.

Epistres de Phalaris. Voyez Claude Gruget.

P H I L B E R T B O N N E T Docteur és droicts iuge & Lieuten-
 nant general au baillage de Beaujolais a escrit
 Des proces iudiciels, quand c'est mal fait, ou non de les auoir & soustenir. Et
 comment se doit entendre ceste authorité de Saint Paul. (1. Corinth. 6.
*C'est totalement delict en vous qu'ayez iugemens entre vous : Pourquoi
 ne receuez vous plustost iniure? pourquoi ne receuez vous plustost fraude?*
 [impr. à Paris 8°. par Claude Fremy 1553.

Des grands biens, vertus & bontez que Dieu a donné aux femmes, & qu'elles
 ont communement plus que les hommes: pour clairement monstrier la teme-
 rité de ceux, qui ont dit que les femmes de leur nature sont mauuaises. [imp.
 à Paris 8°. par Simon Caluarin 1558.

Les excellentes dignitez vertus & puissances de la vierge Marie. Plus Traicté
 singulier de ladicte vierge. [impr. à Paris 8°. par Estienne Denise 1557.

Moyens pour abreger les procez, & oster les empeschemens de bonne &
 briefue expedition de iustice, faits par maniere de conseil & aduis. [impri. à
 Paris par Guillaume le Noir 1556.

*Subtilissima legis Neque natales C. de probationibus, & eius glos. (qua
 ardua probandi materia clavis & principium est) utilis interpretatio, repe-
 titio atque examinatio, in qua praecipua iuridice probandi leges & regula
 succinctè & quodam ordine traduntur. Lugduni 8°. apud Scipionem de
 Gabiano 1536.*

P H I L I B E R T B O Y E R Procureur au parlement de Paris, na-
 tif de Parey en Charrolois a escrit

Instruction pour le fait des finances, & que c'est que des droicts & deuoirs
 seigneuriaux & domaniaux, en quoy ils consistent, la forme de la verification
 d'iceux & l'ordre qu'il faut tenir à la reddition des comptes. [imp. à Paris 16°.
 par Guillaume de la Nouë 1581.

Deci

Decisions de Præctique, liure 1. contenant 65. chapitres. [imp. à Paris par Robert le Maignier 1582.

PHILIBERT BRETIN Bourguignon Auffonnois Docteur en medecine a escrit;

Poësies amoureuses reduictes en forme d'un discours de la nature d'amour. Plus les mellanges commençans par un poëme de l'origine de la perfection de l'homme, où se recognoist la pauureté de sa nature. [impri. à Lyon 8°. par Benoist Rigaud 1576.

Il a traduit de Grec.

Les œuvres de Lucian de Samosate Philosophe excellent nō moins vtils que plaisantes, repurgees de parolles impudiques & profanes. Avec la table des Opuscules & dialogues & le subiect de leurs sommaires par ordre. [impr. à Paris f°. par Abel l'Angelier 1582.

PHILIBERT BVGNYON Masconnois Aduocat au siege presidial de Lyon a escrit

Erotasmes de Phidie & Gelasine contenant 114. Sonnets parmy lesquels sont entremeslez quelques chants, Eclogues & Epigrammes. Plus le chant Panegyrique de l'Isle-Pontine. Avec la gayeté de May. [impr. à Lyon 8°. par Jean Temporal 1557.

Nuptiale Sestine à l'honneur de Pierre de Rozel Conseiller au siege presidial de Nyfmes & Damoiselle François de Sauaz sa femme. [impri. en Avignon par Barthelemy Bon-homme 1554.

Deploration Elegiaque sur le trespas de feu Jean de Valette grand maistre des Cheualiers de l'ordre Sainct Jean de Ierusalem à Malte. [impr. à Lyon 8°. par Benoist Rigaud 1568.

Deploration sur le trespas d'excellente Princeesse Isabelle de Valois Roine d'Espagne. [impr. à Lyon par Michel Ioue 1568.

De la paix & du profit qu'elle rapporte. [impri. à Lyon par Benoist Rigaud 1577.

Souhaict du peuple François sur l'heureux retour de Poloigne du Roy treschrestien Henry 3. impr. par Benoist Rigaud 1574.

Continuation dudiect souhaict. [impr. par lediect Rigaud audiect an.

Ses œuvres en prose.

Discours sur l'espouventable & merueilleux desbordement du Rhosne dans & à l'entour de la ville de Lyon. [impr. à Lyon par Benoist Rigaud 1570.

Discours du proces d'entre Arnaud Neyron & les heritiers Jean Theuenon. [impr. à Lyon 8°. 1576.

Remonstrance & aduertissement aux Estats generaux de la France tenus à Blois. [impr. à Lyon par Pierre Rouffin 1576.

Sommaire discours sur la declaration du Roy Henry 3. touchant l'atour de veloux. [imp. à Lyon par Benoist Rigaud 1577.

Commentaire à l'Apologie & defense de Lyfias orateur, sur le meurtre d'Eratosthene surpris en adultere. [impr. à Lyon 8°. par Benoist Rigaud 1576.

Icelle Apologie traduite de grec en François par Jaques des Comtes de Vin-l'assinc

temille, Conseiller au Parlement de Dijon.

Commentaire sur les Ordonnances du Roy Charles ix. faictes à Moulins en l'assemblée des Estats l'an 1566. [impr. à Lyon 8°. par Benoist Rigaud.

Traicté des loix abrogees & inusitees en toutes les cours, terres, iurisdiccions & seigneuries du Royaume de France: Reduict en cinq liures pour la septiesme edition, & impr. à Lyon 4°. par Charles Pesnot 1578.

Harengue de Lyfias Orateur Grec contre les marchans de bled de son temps. [impr. à Paris 8°. par Iean Parent 1579.

Commentaires, ou paratitres sur les ordonnances establies aux estats geneaux tenus en la ville de Blois par Henry troisieme de ce nom, treschrestien Roy de France & de Poloigne pour la reformation ordre & reiglement de la iustice de son Royaume. [impr. à Lyon 8°. par Iean Stratius 1583.

PHILIBERT GANDIL Capitaine d'Anton Escuyer de Genas en Dauphiné a escrit en rime,

Deuises, sentences, & dictons politiques, moraux & Catholiques tant par ordre abecedaire qu'autrement. [imp à Lyon 16°. par François & Benoist Chauffard freres 1560.

PHILIBERT HEGEMON de Chalon sur Saone a escrit en rime

La Colombiere & maison Rustique, contenant vne description des douze mois, & quatre saisons de l'annee: avec enseignement de ce que le laboureur doit faire par chacun mois. L'Abeille françoise du mesme autheur. Ses fables morales, & autres poësies. [impr. à Paris 8°. par Robert le Fizelier 1583.]

PHILIBERT IAMBE DE FER a mis en musique à 4. parties les vinger-deux Octonaires du Psalme 119. de Daud traduits par Iean Poiçteuin. [impr. à Lyon par Thomas de Straton 1561.

Il a mis aussi en musique à 4. & à 5. parties

Les cent cinquante Pseaumes de Daud mis en rime françoise par Clement Marot & Theodore de Beze. [impr. à Lyon par Martin la Roche 1564.

PHILIBERT DE LORME Lyonnois aumosnier ordinaire du Roy Henry 2. & du Roy Charles 9. premierement Abbé de S. Eloy lez Noyon pays de S. Serge lez Angers a escrit

Nouvelles inuentions pour bien bastir à petits fraiz. [imprimé à Paris f°. par Hierosme de Marnef 1556. Plus

Dix liures d'Architecture. impr. à Paris f°. par Federic Morel 1568.

PHILIBERT POPILLON du Ryau gentilhomme Bourbonnois a escrit

Vingt & quatre Sonnets amoureux. [impri. à Lyon 8°. par Barthelemy Honorat 1574.

PHILIBERT GAVTIER DE ROVILLE a escrit

Chant funebre des neuf Muses sur le tombeau d'Anne Duc de Montmorency Pair & Connestable de France. Avec Acrostichide & l'Anagrammatisme du dict seigneur. [impr. à Paris par l'autheur 1567.

PHILIBERT DV VAL Euesque de Sees a escrit

L L Vn

Vn discours en vers heroïques non moins elegant que haut, profond & admirable, traictant de la grandeur de Dieu, & de la cognoissance qu'on peut auoir de luy par ses œuvres. Item, de la puissance, sâpience, & bonté de Dieu. [impr. à Paris 8°. par Vascosan, & encores par Federic Morel 1568. & à Lyon par Gabriel Cotier. Le commencement est tel,

*Muse du ciel ô diuine Uranie,
Dy moy la douce & plaisante harmonie
Que tient le cours du monde spacieux,
Et le reglé mouuement des hauts cieux:
Dy moy l'autheur, & la cause premiere
De la tousiours flamboyante lumiere:
Dy moy celui dont prouient tant de bien,
Qui a tout fait & composé de rien.
Auant le Ciel, la Terre, & l'Eau profonde,
Et deuant l'œuvre admirable du monde,
Ains qu'il y eust soleil apparoyssant,
Et que la Lune eust decours ou croissant:
Sans plus estoit une infinie essence,
Vne bonté, puissance, & sâpiences
Qui n'a point eu aucun commencement,
Et durera perpetuellement:
Spirituelle, immortelle, inuisible,
Inenarrable, & incomprehensible,
Toute par tout sans occupation,
Et dessus tout sans limitation:
Simple substance, impassible, immuable:
Et pure & sainte, & iuste & veritable:
Tout est en elle, & d'elle aussi tout vient:
Par elle tout, & tout elle soustient. &c.*

Il a traduit de Grec en prose françoise, par le commandement du Roy François premier

Dialogue de Platon intitulé Criton, où de ce qu'on doit faire. [impri. à Paris 8°. par Michel Vascosan 1547.

PHILIBERT DE VIENNE Champenois, Aduocat en la court de Parlement à Paris a escrit,

Le Philosophe de court.

Il a traduit du latin d'Erasme

Sermon de Ihesus enfant: & sur la fin a adiousté le combat du corps & de l'esprit. [impr. à Paris 16°. par Galiot du Pré 1542.

PHILIBERTE DE FEVRS, Dame Destours & de la Bastie en Masconnois, ores femme du Seigneur de Pisay a escrit,

Les

Les Souspirs de Viduité contenans cinq cens vers, par lesquels elle plaint & deplore fort la perte du Sieur du Marteray Iehan de la Baulme de la maison de Perez: se resout en fin sagement de peur d'offenser Dieu. Et finalement discourt sur certaines visions qu'elle s'imagine luy estre apparues. Plus plusieurs autres poësies que i'ay veu escrites à la main chez le sieur de la Taissoniere. Les souspirs de Viduité commencent ainsi,

*Mon cœur surpris d'une extreme tristesse,
Faiçt ô mon Dieu qu'à toy ma voix i'adresse
Te suppliant n'auoir à desplaisir
Si par ces vers faiçts à peu de loisir
Le tache au vray d'exprimer & d'escrire
Ce que mon cœur affligé ne peut dire,
Puis que ie suis priuee de celuy
Qui estoit mien & moy seule pour luy,
Seule pour luy reseruee & choisie
Pour de tous poinçts viure à sa fantasie &c.*

Et vn peu apres.

*Celle tient nom d'une prudente & sage
Qui a l'honneur escrit sur le visage.*

Et en vn autre lieu.

*Estant pourueu d'un bon entendement
S'estoit acquis un parfait iugement
En poësie, es accords de musique
Puisse au fondz de la mathematique.
Bref il estoit accompli & parfait,
Chascun l'a peu congnoistre par effect:
Car s'il vouloit se commander de faire
Quelque discours de serieux affaire,
Il en sortoit au grand estonnement
De qui l'oyoit plus ententiuelement.
Moy donc estant heureusement reduite
Sous son pouuoir par sa sage poursuite
Luy obey l'espace de dix ans
Auecques l'heur qu'ores plus ie n'attens:
J'attens plus tost de voir finir ma vie
Par ce regret qui fascheux m'y conuie.
Mais de quoy sert ce triste lamento?
Le ciel l'a pris, le ciel se peult vanter*

LL e

D'au

D'avoir acquis en son brillant empire
 Vn astre beau que lon voirra reluire
 Quant Iupiter rendant le temps serein
 Voudra ouvrir sa liberalle main
 A nous humains chassant par les orages
 Le voile obscur des vagabons nuages,
 Tandis que moy chetive de mes pleurs
 Feray plouvoir vne mer de douleurs.
 Laz trop & trop te renforce ma peine,
 Bien qu'elle soit & inutile & vaine
 Mais toute femme esprouve ce moyen
 Bien qu'elle ait sceu qu'elle ne sert en rien
 Sinon d'outrer à son propre dommage
 Les actions du féminin courage.
 Iamais bon cœur ayment sans fiction
 Ne peut souffrir sans demonstration
 Vne douleur extrêmement cruelle
 Comme i' esprouve, & la puis dire telle
 Ayant perdu tout l'esper de mon mieux
 Comme mon cœur tesmoigne par mes yeux.
 Or ay se beau me facher & me plaindre
 Sans t'oy mon Dieu ie ne scauroy restraindre
 L'œil fontaineux ruisellant ceste humeur
 Qui ne permet receler ma douleur.
 Je te pry donc donne moy patience:
 Je t'ay assez par vraye experience
 Reconnu bon en autre aduersité:
 Use envers moy de telle charité
 Que ie te puisse encor estre agreable
 Te connoissant tout bon & admirable,
 A celle fin qu'en mes plaintes & cris
 Je ne t'offense, & moins par mes escrits &c.

PHILIPPES D'ALCRIPTÉ sieur de Neri en Verbos (tous
 ces noms sont supposez) a escrit,
 La Nouvelle Fabrique des excellents traicts de la Verité. Liure pour inciter
 les refueurs, tristes & melancoliques à viure de plaisir. [impr. à Paris 16°. par
 Jean de Laestre 1579. c'est vn liure de comptes facecieux & rempli de men-
 songes.

PHILIPPES DES AVENELLES a traduit du latin
 de Darius Tiberti

Le premier volume de l'Epitome ou Abregé des vies de cinquante & quatre excellens personnages tant Grecs que Romains, mises au parangon l'une de l'autre:extraict du grec de Plutarque de Cheronee. [impr.à Paris 8°. par Philippes d'Anfrie & Richard Breton 1558.

Il a traduit aussi des histoires d'Appian Alexandrin auteur grec

L'Iberique, ou l'Espaignole, & l'Annibale ou des exploits d'Annibal Cartageois en Italie. [impr.avec les autres guerres d'Appian traduites par Seyssel, à Paris 8°. en l'an 1560.

PHILIPPE S D V B E C Euesque de Nantes a fait & mis par escrit vne Exhortation sur le reiglement & police faicts audict lieu pour l'entretenement des pauvres: au clergé, nobles, & bourgeois de ladite ville. [impr.à Paris 4°. par Martin le Jeune 1570.

PHILIPPE S B E R O A L D E. Voyez François Habert. Caluy de la Fontaine. Claude de Pontoux. Clement Marot.

PHILIPPE S C A M V S a translaté à la requeste & commandement de Jean de Crouy sieur de Chinay l'histoire ou Roman de Clamades & la belle Clermonde. Plus le Roman d'Oliuier de Castille.

PHILIPPE S C H R E S T I E N aduocat au parlement de Grenoble a mis par escrit plusieurs Arrests notables donnez ez courts souveraines de France. & ez sieges presidiaux. [impr.à Lyon 8°. par Jean Pidier 1558.

Messire P H I L I P P E S duc de Cleues, Comte de la Marche & Seigneur de Rauestain a escrit,

Instruction de toutes manieres de guerroyer, tant par terre que par mer & des choses y seruantes. [impr.à Paris 8°. par Guillaume Morel 1558.

PHILIPPE S D E C O M M I N E S Cheualier, Seigneur d'Argenton a escrit,

Les memoires sur les faicts & gestes de Loys vnziesme & de Charles huietiefme son fils Roys de France, impr. en plusieurs formes, & diuers lieux, par diuers libraires, mesmes à Paris, f°. par Galiot du Pré 1552. à Lyon f°. par Jean de Tournes 1559. & encores à Paris par Claude Micard 16°. 1570. & 1576. à laquelle edition est adioustee vne Epistre de Jean Sleidan en la recommandation de l'auteur, lequel Sleidan a traduit aussi de nostre langage François au latin ceste belle chronique ou histoire du Roy Loys vnziesme escrete par Cōmines son chambellan, & à bon droit: car il ne sçauoit auoir choisi historien plus veritable que le sieur d'Argenton, dont l'œuure s'est d'elle-mesmes rendue digne d'estre prisee autant que toute autre des plus anciennes, ayant merité d'auoir esté biē veuë & receuë de toutes nations: Mesmes l'Empereur Charles cinquiesme en a fait telle estime que le plus souuent il tenoit ce liure entre ses mains, iusques à le mettre la plus part des nuits au cheuet de son liēt, non tant seulement pour imiter Alexandre le grand qui en faisoit de mesmes de l'Iliade d'Homere, que pour s'en seruir ez desseins & exploits qu'il auoit à faire, & pour ensuiure les faicts de ce grand, accort & magnanime prince & Roy treschrestien Loys vnziesme, lesquels il y remarquoit comme dans vn miroir, estudiant là dessus à fin de s'y reigler & s'en aider & conduire selon les occur-

rences en semblables euenemens. Vray est qu'iceluy de Comines estoit vn courtisan qui a vescu en vsage de parler en communication d'affaires, & en frequétation de personnes hors le trauail d'estude. Mais l'histoire qu'il a escri- te est grandement loüable de ce qu'elle est pure & nette, & comme l'on croit, veritable, pour ne l'auoir escri- te sur memoires, ou auiz recherchez: ains pour auoir ouy & veu le contenu d'iceluy. Les liaisons & les compositions des mots sont du temps: & modestement pris & en saison. Aumoins, il n'y a point d'in- solence de mots nouueaux & estranges. Aussi vit il encores, & viura au gré & contentement de tous, en foy & reputation. Or pourautant que la vie de Phi- lippes de Commines sera amplement descrite en nostre nouuelle prosopogra- phie, ie n'en feray autre plus longue mention, sinon d'adiouster icy son Epita- phe & Eloge fait par Pierre de Ronfard.

E P I T A P H E de Philippes de Commines.
Entreparleurs
Le Prestre, & le Passant.

*P A. Qu'elle est ceste Deesse emprainte en ceste yuoire
Qui se rompt les cheueux, & tord les bras? P R E. l' Histoire,
P A. Et l'autre, qui d'un œil tristement depité
Lamente à ce tombeau? P R E. La simple Verité.
P a. Ne gist point mort icy le Romain Tite Liue?
P r e. Non, mais bien un François, dont la memoire viue
Surpasse ce Romain, pour sçauoir egaler
La verité du fait avec le beau parler.
P a. Dy moy ce corps doué de tant de vertus dines?
P r e. Philippes fut son nom, son surnom de Commines.
P a. Fut il pauvre, ou s'il fut de basse race yssu?
P r e. Il fut riche & si fut de noble sang conçu.
P a. Qu'a-il escrit, dy moy? P R E. Le perilleux voyage
Que feit Charles à Naple, & la guerre & l'outraige
Qu'on luy feit à Fornoue, & des mesmes François
Les combats variez encontre les Anglois
Et contre les Bretons, & les quereles folles
De noz princes fauteurs du Comte de Charroles,
Lors que Mars auila de la France le loz,
Et que le mont Hery luy veid tourner le doz.
P a. Fut il present au fait, ou bien s'il l'ouyt dire?
P r e. Il fut present au fait, & n'a voulu rescrire
Sinon ce qu'il a veu: ne pour Duc ne pour Roy
Il n'a voulu trahir de l' Histoire la foy.
P a. De quel estat fut il? P R E. De gouverner les Princes,*

Et

*Et sage Ambassadeur aux estranges prouinces,
 A l'honneur de son maistre, obstiné, traualier,
 Et guerrier, pour son maistre obstiné, bat ailler.
 Pa. Pour auoir ioinct la plume ensemble avec la lance,
 Qu'ent il, Prestre, dy moy pour toute recompence?
 Pre. Ah fiere ingratitude! il eut contre raison
 La hayne de son maistre, & deux ans de prison.
 Pa. Quels maistres auoit il? P R E. Philippes, & l'onzième
 Loys Roy des François, & le Roy Charl' huitième:
 Vn Duc, & deux grands Roys: mais eussent-ils encor
 Esté plus qu'ils n'estoyent riches de gens, & d'or,
 Eussent-ils effroyé le monde de leur trope,
 Eussent-ils tenu seuls les brides de l'Europe:
 Si fussent ils perus, & leur renom fust vain
 Sans la vraye faueur de ce noble escriuain,
 Qui vifs hors du tombeau, de la mort les deliure,
 Et mieux qu'en leur viuant les fait encore viure.
 Or toy quiconque sois qui t'enquestes ainsi,
 Si tu n'as plus que faire en cete Eglise icy,
 Retourne en ta maison, & conte à tes fils comme
 Tu as veu le tombeau du premier gentilhomme,
 Qui d'un cœur vertueux fait à la France voir
 Que c'est honneur de ioindre aux armes le sçauoir.*

Il trespassa l'an 1509. & de son aage le 64. Fut enterré en l'Eglise des Augustins à Paris, dans la chappelle qu'il y auoit fait bastir en laquelle est son effigie & de sa femme Helene de Chambes yssüe des Comtes de Monforeau d'Anjou & aussi de Ieanne de Commines sa fille qui fut femme du Comte de Poinctiure.

PHILIPPES LE FRANCOIS Ardennois a escrit,
 Apologie contre certain discours emis sous le nom des Estats generaux des
 pays bas par laquelle sont rembarrees les cauillations & impostures dudit di-
 discours. Avec vn recit veritable de ce qui s'est passé dès l'arriuee du Sieur Dom
 Ieā d'Austrie esdicts pays. [impr. 1577. sans nom de lieu ny d'imprimeur. Et le
 tiltre dudit discours est tel, Sommier discours des iustes causes & raisons qui
 ont contraint les Estats generaux des pays bas de pourueoir à leur defense
 contre le Sieur Iean d'Austrie. [impri. en Anuers 8°. par Guillaume Syluius
 1577.

PHILIPPES DE FLESELLES Docteur en Me-
 decine à Paris a escrit,
 Introductoire pour paruenir à la vraye cognoissance de la chirurgie rationnel-
 le. [impr. à Paris 8°. par Michel Fezandat 1547.

PHILIPPES DE MAIZIEU Es Cheualier Chancelier
 LL 4 de

de Chypre a composé en l'an 1397. vn fort gros volume intitulé
 Le songe du vieil pelerin, adressant au blanc faulcon pelerin au bec & pieds
 dorez, fait par rubriques en 144. chapitres. [*Escrit en main sur parchemin en la
 Librairie de monsieur d'Urfé.* Sur la fin dudit liure sont les parolles qui s'ensui-
 uent: Cy finit le liure appelé Le songe du vieil Pelerin adressant au blanc
 faulcon ayant bec & pieds dorez lequel liure a composé l'an mil trois
 cens quatre vingts dix-sept vn tressage & Catholique Cheualier Chan-
 celier de Chipre nommé messire Philippes de Maisieres, lequel premie-
 rement seruit Pape Gregoire vnzième & depuis l'appella à son seruice
 Charles Roy de France de son nom cinquiesme auquel pour la grande pru-
 dence & preud'homme qu'il auoit en luy commist plus qu'à autre le gouuer-
 nement de son Royaume. Ce nonobstant ledict Cheualier voyant que tref-
 perilleusement est vser & finir ses iours au monde & parmy les mondains &
 par special en court, apres plusieurs requestes & longue importunité obtint
 cōgé de son Siegneur & maistre Charles 5. de laisser la court & le mode & que-
 rir lieu solitaire auquel il peust vser le demeurant de sa vie à mieux & plus seu-
 rement seruir à Dieu, & lors ledict Cheualier choisit l'hostel des Celestins à
 Paris, & là il feit edifier logis & habitation cōuenable à la vie & estat qu'il de-
 siroit mener: & incontinent avecques deux clerks tant seulement se retraict
 en ladite maison en laquelle il a demeuré avec lesdits religieux par l'espace de
 25. ans ou enuiron iusques à la mort sans iamais en vouloir partir. Mais pour sa
 grande prouidence ledict Roy souuent le venoit voir & estoit seul avec luy
 trois ou quatre heures pour consulter les affaires de son Royaume & de son
 peuple: ne iamais tant qu'il vesquit n'eust prins conclusion en aucune pesan-
 te matiere touchant sa personne & Royaume ou la chose publique, que pre-
 mierement il n'eust eu le conseil & opinion dudit Cheualier. Et si ledit Roy
 estoit à Paris, au bois de Vincenne, à Sainct Germain en Laye, à Melun ou à
 Meaux, il mesmes venoit en personne vers ledict Cheualier en son logis des
 Celestins pour mieux conferer avecques luy: & quant ledict Roy estoit fort
 loing de Paris il enuoyoit ses affaires par escrit audit Cheualier, & ledict Che-
 ualier luy r'enuoyoit par escrit son aduis. Repose le corps dudit Cheualier
 au chapitre desdicts Celestins de Paris, auquel lieu ledict Cheualier en sa vie
 feit plusieurs biens & edifices, & entre les autres choses feit faire vne tresbel-
 le petite chappelle & à costé vne cisterne à la façon de Venise, où se prend la
 bonne eau pour les malades de Paris & des enuirs.

PHILIPPE MELANTHON.

De la puissance & autorité de l'Eglise, & comment sans la patole de Dieu el-
 le ne peut estre cognüe. Autheur Philippes Melanthon & traduits de latin
 en françois. [impr. à Geneue 16°. l'an 1550. *Censuré.*

Antithese des articles de la doctrine Euangelique & Papistique, composée cy
 deuant par Philippes Melanthon, & mise de latin en françois. [impr. à Lyon
 16°. par Benoist Rigaud 1564. *Reprouuée.*

La vie de Martin Luther traduite du latin de Melanthon, imprimee sous le
 tiltre de, Histoire des vies & faits de trois excellens personages, Martin Lu-
 ther, Iean Oecolampade & Huldrik Zuingle à Lyon 16°. par Iean Saugrain

1562.

1562. *Reprovue.*

Chronique & histoire vniuerselle de Iean Carion augmentee, amplement exposée & enrichie de diuerses histoires tant ecclesiastiques que politiques, anciennes & modernes, par Philippes Melanthon & Gaspar Peucer: & reduicte en cinq liures traduiçts de latin en françois par S. G. S. [impr. 8°. par Iean Berjon 1579.

PHILIPPES DE MORNAY Sieur du Plessis Marly a écrit,

Excellent discours de la vie & de la mort. [impr. à Lausanne 8°. 1576. & à Paris 16°. par Charles Perier 1580.

De la verité de la religion Chrestienne contre les Athees, Epicuriens, Payens, Mahumedistes & autres infideles. [impr. en Anuers 4°. par Christophle Plantin 1581. & depuis ailleurs par autres 8°. & 16°. & contient xxxiii. très-doctes chapitres.

Traicté de l'Eglise, auquel sont disputees les principales questiōs qui ont esté meues sur ce poinct en nostre temps. [impr. à la Rochelle 8°. par Pierre Hautain 1581. *Caluinique.*

Les meditations de Hierome Sauonarole sur les Pseaumes traduiçtes en françois par Philippes de Mornay. [impr. à Paris 16°. par Guillaume Auray 1584.

PHILIPPES DE PAS a recueilly & fait imprimer les poèmes Chrestiens de B. de Montmeia & autres diuers auteurs.

PHILIPPES DES PORTES natif de Chartres en Beaufse a écrit,

Deux liures des amours de Diane, dont le premier contient lvii. Sonnets, Cōplainctes, Stanzes, Châsons, Dialogues, Chant d'Amour, proces cōtre Amour au siege de la raison, Contr'amour: Et le second xlviii. Sonnets, Chançons, Priere au sommeil, Baïser, Contre vne nuit trop claire, Ode, De la Ialousie, Elegie, Tombeau d'Amour, Rimes tierces. Plus vn liure de meslanges. Vn autre liure des amours d'Hippolite contenant lx i. Sonnets, Chançons, Cōplainctes, Du cours de l'an. Stanzes, Elegies xvi. Vn liure d'imitations de l'Arioste, à sçauoir Roland le furieux, La mort de Rodomont & sa descente aux enfers partie imitee de l'Arioste, partie del'inuention de l'auteur, Cōplaincte de Bradamant, Angelique. [impr. à Paris 4°. par Robert Estienne le fils 1573. Il auoit écrit auparauant vne Satyre contre vn tresorier commençant ainsi, *Iuis miserable, &c.* Ses vers se sont trouuez si agreables pour raison de la douceur de son stile qu'ils l'ont fait admettre par la voix de tous au rang des premiers poètes françois tant bien il a sçeu imiter les meilleurs poètes Italiens, comme sera facile iuger à quiconque voudra conferer le Sonnet de Petrarque qui commence

Amor mi sprona in vn tempo e affrena

au 26. des contenus en les amours d'Hippolite, commençant,

Amour en mesme instant m'aguillonne & m'arreste

comme aussi celuy de Iean de la Case

Cura

Cura che di timor te nutri e cresci

que des Portes a traduit entierement: & vn autre de Jean Mozzarillo qui di&

Mentre i superbi tetti à parte à parte,

Ardean di Roma, &c.

auquel il donne tel commencement:

Durant qu'on feu cruel toute Rome saccage &c.

Vn de Guidiccion pris tout entier, à sçauoir

D'al pigro e graue sonno oue sepolta &c.

rendu ainsi,

Du sommeil qui te clost les yeux & la pensee &c.

De Molza cestuy-cy,

Signor se miri à le passate offese

tout pareil à cest autre,

Helas si tu prens garde aux erreurs que i ay faites.

Du Copeta, celuy qui commence

Chiamar beato e dio ben si potea

à cestuy-cy,

Jupiter s'il est vray que tu fusse amoureux.

De Sannazar cet Epigramme

Querit at huc illuc raptum sibi Cypria natum &c.

imité ainsi,

Venus cherche son fils, Venus toute en colere, &c.

Du mesme Sannazar cet autre en vulgaire

Jcaro cadde chi, queste onde il sanno

pris tout entier par des Portes & dont le mesme commencement di&

Jcare est cheu icy le ieune audacieux

Du Bernia les stances de la chasse

Noi siamo o belle dontie cacciatori,

Ministri e serui à l'amorosa dea.

& ainsi plusieurs autres. D'abondant sa personne s'est trouuée pourueüe de si bonnes façons & conditions que s'estant rendu aimable au Roy lequel il accopagnâ en Poloigne, il est paruenue de bas lieu & de peu de moyens en dignité & amples facultez de biens, le Roy luy ayant donné les Abbayes de Iosaphat & de Tyron, au Diocese de Chartres & pres de ladicte ville d'où il est natif. Tellement qu'il a maintenant de cinq à six mille escus de rente & bon reuenü, que Dieu luy gard & l'accroisse. Et n'a il pas eu ces benefices par vacance ou mort des Abbez: ains par la resignation qu'ils en ont fait entre les mains de sa maiesté qui leur a donné recompense plus grande à fin de le pourueoir selon son desir. De mesmes le grand Roy François premier de ce nom recompensoit les hommes doctes selon leurs merites, aussi en est restee la gloire plus grande, & en seta il renommé à tout iamaïs. Et à ce propos il me souuiet d'un dixain bien troussé que Mellin de Sainct Gelais fait ayant eu du Roy vne Abbaye en son absence, que ie mettray icy.

For

*Fortune & moy, & le Roy plus parfaict,
 Auons long temps debatu vn affaire,
 Lequel de nous scauroit mieux en effect,
 Moy demander, & luy present me faire,
 Ou la fortune empescher le parfaire:
 Et sans douter fortune auoit le pris,
 Si le grand Roy n'eust elle & moy surpris,
 En preuenant son guet & mes requestes.
 Vn Roy qui a sur fortune entrepris,
 Est bien certain de plus grandes conquestes.*

Le mesme Roy François feit bien dauantage lors que voyageant par son Royaume estant entré vn peu deuant l'heure de vespres dans vne eglise comme quelcun qui auoit couru la poste luy demandast en don vn benefice de collation royale vacant par le decez du possesseur d'iceluy, & que le Roy à l'instant veist en l'vn des coings du chœur vn pauvre prestre qui dormoit, apres l'auoir faiçt esueiller luy donna le benefice pour lequel l'autre à force de courir par plusieurs iournees s'estoit mis en peril de se rompre le col, & commanda lettres luy en estre expediees, disant, qu'il vouloit en cet endroiçt faire trouuer veritable le prouerbe qui dir, Qu'à aucuns les biens viennent en dormant. Ceux à qui i'en ouy faire le recit dignes & notables personnages disoyēt cela estre adueni dans l'eglise nostre Dame de Clery. Ce n'est donc de merueille si nostre Roy à present regnant comme vray imitateur de ses ayeuls exerce liberalité (vertu propre aux Roys) enuers ceux qui bien meritent des lettres.

Au premier liure des Amours de Diane.

Proces contre Amour au
 • siege de la raison.

*Chargé du desespoir qui trouble ma pensee,
 Entre mille douleurs, dont mon ame est pressee
 Par la rigueur d'Amour dans sa dure prison.
 Vn iour ne pouuant plus supporter ses alarmes,
 Ayant l'œil & le cœur gros d'ennuis & de larmes,
 Je le fey conuenir au siege de Raison.*

*Là ie me presentai si deffait de visage,
 Que s'il n'eust eu le cœur d'une beste sauvage
 Le pouuoy l'esmouuoir & le rendre adouci:
 Lors tout palle & tremblant avec la contenance
 D'un pauvre criminel qui attend sa sentence,
 Parlant à la Raison ie me suis plaint ainsi.*

Roine qui tiens en nous la diuine partie

Qui

*Qui nous ramène au Ciel, lieu dont tu es sortie,
Contre cest inhumain ie me vien lamenter:
Las! si tu peux, Raison, donne moy la puissance
D'eschapper librement de son obeissance,
Puis qu'il ne préd plaisir qu'à me voir tourmèter.*

*Sur l'Auril gracieux de ma tendre ieunesse:
Que i'ignorois encor que c'estoit de tristesse,
Et que mon pie' volloit quand E ma volonté,
Ce tiran que tu vois, jaloux de ma franchise,
Masquât de deux beaux yeux sa cruelle entreprise,
Avec un doux accueil deçut ma liberté.*

*Mais qui se fust gardé de se laisser surprendre,
Et qui de son bon gré ne se fust venu rendre.
Voyant avecques luy tant de douces beautéz?
Qui ne se fust promis un bien-heureux voyage
Ayant la mer paisible, estant pres du riuage,
Et les petits Zephirs soufflans de tous costez?*

*Il se monstroît à moy sur tout autre amiable:
Il ne me faisoit voir qu'un printemps desirables,
Son visage estoit doux, doux estoient ses propos,
Et l'œil qui receloit tous les traits de sa trouffe
Me perça l'estomach d'une façon si douce
Que i'estimois ma peine un desiré repos.*

*Mais il ne dura guiere en ceste douce sorte,
Car si tost que mon cœur luy eut ouuert la porte,
Et que mes sens craintifs eurent receu sa loy,
Il des pouilla soudain sa feinte couverture,
M'enseignant mon erreur d'auoir fait ouuerture
Ainsi légèrement à'un plus grand que moy.*

*Il troubla mon esprit d'une guerre immortelle;
Il émeut mes pensers, il les mit en querelle,
Et fit pour me laisser en eternal tourment (nes,
De mon cœur son fourneau, ses charbôs de mes vei-
Mes poulmôs ses soufflets, de mes yeux ses fontaines,
Qui sans iâmais tarir coulent incessamment.*

*Il bannit mes plaisirs E leur donna la fuite,
Dont le libre repos que i'auois à ma suite
M'abandonna soudain de frayeur tout surpris,
Le travail print sa place, E la tristesse extreme,*

Les

Les veilles, les soucis, le mespris de soy mesme,
Qui ne m'ont point laissé depuis que ie fus pris.

Je quittai tout soudain ce qui me souloit plaire,
Ma façon rechangea, ie devins solitaire,
Je portay bas les yeux, le visage & le front,
L'entretins mon amour d'une esperance vaine,
Je discouru tout seul, & moy mesme pris peine
De nourrir les douleurs que deux beaux yeux me fôt,

Je mourus de dans moy, pensant trouver ma vie
Au cœur de la Beauté qui me l'auoit ravie,
Mais depuis ie n'ay peu, dont i ay souffert la mort,
Et si ie semble vis, las! ne t'en esmerueille,
Ce tyran fait en moy ceste estrange merueille,
Pour monstrer clairement qu'il est puissant & fort.

Il me fait voir assez d'autres faits admirables,
Rentamant sans cesser mes playes incurables,
Bruslant mon triste cœur sans qu'il soit consommé,
Me donnant pour repas le venin qui me tue,
Et faisant que mon feu dedans l'eau continue
Sans que pour tant de pleurs il soit moins allumé.

Il croist de iour en iour sans espoir mon martyre.
Il me fait voler haut sur des ailes de cire.
Il me fait trebucher quand ie vai m'éleuant,
Il me rend si pensif que ie me trouue estrange,
Et faut que ma couleur en plus palle se change,
Seiche comme la fleur qui a senti le vent.

Helas ie change assez de teint & de visage,
Mais ie ne puis changer cest obstiné courage
Qui me rend pour aimer tristement esperdu:
L'amoureuse poison tous mes sens enforcelle,
Et ce que i ay du ciel que mon esprit recelle,
Est en pleurs & en cris pauvrement dépendu.

Soit de iour soit de nuit i jamais ie ne repose,
Le ronge mon esprit, ie refuse, ie compose,
J'enfante des pensers qui me vont deuorant,
Quand le iour se depart la clarté ie desire,
Je souhaiète la nuit lors qu'elle se retire,
Puis attendant le iour ie languis en mourant.

Dés que l'Aube apparoit ie me pers aux valees,

M M

Et

Et aux lieux plus secrets des forests recelees,
 Pour sans estre entendu plaindre ma passion,
 L'émeu l'air & le ciel de ma douleur profonde,
 Et bref en me lassant ie lasse tout le monde,
 Sans que cest inhumain en ait compassion:

En ce lieu ie me y fin à mon triste langage,
 Car mille gros souspirs qui gardoient le passage
 Par où couloit ma voix, l'empeschoient de sortir:
 Puis ie fremissoy tout de voir mon aduersaire,
 Qui trepignoit des piés, qui bouilloit de colere,
 Me menaçant tout bas d'un tardif repentir.

Raison, disoit Amour, enten l'autre partie,
 Et ne conclus deuant qu'estre bien aduertie:
 Il faut bien peser tout, pour iuger droittement.
 Or donc sans t'émouuoir de ces cris pitoyables,
 Escoute entierement mes discours veritables,
 Et voy que cest ingrat m'accuse iniustement.

Ingrat est il vrayemēt, & sans recognoissance
 De me rendre à present si pauvre recompense,
 Pour cent mille biens faits qu'il a receus de moy:
 J'ay purgé son esprit par ma diuine flame,
 L'enleuant, iusqu'au ciel, & remplissant son ame
 D'amour, de beaux desirs, de cōstance & de foy.

J'ay forcé son desir trop ieune & volontaire,
 Qui suit le plus souuent ce qui luy est contraire,
 Et contre son vouloir ie l'ay fauorisé:
 Del'un de mes beaux traits i'ay son ame étamée,
 J'ay fait luire en cent lieux sa vne renommée,
 Et des meilleurs esprits ie l'ay rendu prisé.

Je luy ay fait quitter le tumulte des villes,
 Je l'ay rendu priné de passions seruiles,
 Compagnō de ces Dieux qui sont parmy les bois,
 J'ay chassé loing de luy, l'ardente Conuoitise,
 L'Orgueil, l'Ambition, l'Enuie, & la Feintise,
 Cruels bourreaux de ceux qui font la court aux
 J'ay fait par ses escrits admirer sa ieunesse, (Rois,
 J'ay reueillé ses sens engourdis de paresse,
 Hautain & genereux ie l'ay fait deuenir:
 Je l'ay separé loing des sentiers du vulgaire,

Et

*Et luy ay enseigné ce qu'il luy falloit faire,
Pour au mont de Vertu seurement paruenir.*

*Je luy ay faict dresser & la veüe & les ailes
Au bienheureux seiour des choses immortelles,
Je l'ay tenu captif pour le rendre plus franc:
Or si quelque douleur luy a liuré la guerre
Hé qui sans passion pourroit viure sur terre
Ayant des os, des nerfs, des poulmons & du sang!*

*L'inuincible Thebain nompareil en prouesse,
Le preux fils de Thetis lumiere de la Grece,
Ajax, Agamemnon peuent mieux se doloir:
Car ie les ay rendus serfs de leurs prisonnieres,
Et leur ay faict aimer des simples chambrieres,
Rabaissant leur orgueil par mon diuin pouuoir.*

*Ou cestuy qui se plaint de sa peine cruelle
Je le tiens sous le ioug d'une deité telle,
Qu'il se doit estimer entre tous bien-heureux.
Car de si grād beauté son amour i'ay faict naistre,
Que moy qui suis des dieux & des hōmes le maistre,
L'atteste mon pouuoir que i'en suis amoureux.*

*Pense un petit, Raison, aux thresors desirables,
Graces, beautez, douceurs, & clartez admirables
Que tu as veu là haut au cabinet des Cieux,
Je ne sçay quoy de plus qui ne se peut bien dire,
Reluit dedans ses yeux où ie tiens mon empire:
Car ie n'ay peu choisir siege plus precieux.*

*Or de ses yeux diuins naist sa peine obstinee,
Dans eux sa liberté demeure emprisonnee,
D'eux viennent les tourmens si fascheux à sentir.
Si c'est une prison, prisonniere est mon ame:
Car ie fay ma demeure aux beaux yeux de sa Da-
Et si n'ay pas vouloir de iamais en sortir. (me*

*Voyla de ses pensers la grand troupe mutine,
Voila les chauds souspirs qui bruslent sa poitrine,
Voila l'ardant fourneau dont il est consommé,
C'est de son triste cœur le sanglant sacrifice.
Mais qui à l'homme ingrat fait quelque benefice,
Recueille mauuais fruiet de ce qu'il a semé.*

Ainsi parloit Amour avec grand violence:

MM 2

Puis

Puis nous teufmes tous deux, attendant la sentence
 De Raison, qui vers nous son regard adressa,
 Vostre debat (dict-elle) est de chose si grande,
 Que pour le bien iuger plus long terme il demande.
 Et finis ces propos en riant nous laissa,

Contr' Amour.

Ce malheureux amour, ce tyran plein de rage,
 Qui s'est fait si long tēps seigneur de mō courage,
 Qui m'a troublé les sēs, qui m'a fait égarer, (mes,
 Qui a baigné sa plume aux ruisseaux de mes lar-
 Est cōtraint, tout confus, de me quitter les armes,
 Et chercher autre lieu propre à se retirer.
 Ma raison s'est rendue à la fin la Maistresse,
 Et pour me faire voir ma faute, & la finesse,
 De ce traistre enchanteur, m'a desbādē les yeux.
 Ce qui fait qu'à present ie rougisse de bonte,
 Voyant vn petit nain, dont i' ay tāt fait de cōte,
 Et que i' ay reueré cōme vn des plus grāds Dieux.
 Je cognoy mon erreur, ie cognoy la folie,
 Qui long temps a tenu mon ame enseuelie,
 Je cognoi les flambeaux dont ie fus embrazé,
 Je cognoi le venin qui troubla ma pensee,
 Et regrette en pleurant ma ieunesse passée,
 Maudissant le pipeur qui m'a tant abuzé.
 Que mō cœur, que ma voix, que mō esprit se chāge,
 Au lieu de tant d'escrits sacrez à sa louange,
 Ce pendāt qu'un chaud mal me rendoit insensé:
 Que mon vers desormais deteste sa puissance,
 Afin que pour le moins chacun ait cognoissance,
 Que ie n'ai pas grand peur qu'il en soit offensé.
 Amour tiran cruel, monarque de martyre,
 La seule occasion qui fait que lon sospire,
 Oracle de mensonge, ennemy de pitié,
 Large chemin d'erreur, barque mal asseuree,
 Temple de trahison, Foy de nulle duree,
 Bref en tous tes effects contraire à l'amitié.
 Amour, Roy des sanglots, prison cruelle & dure,
 Meurtrier de tout repos, monstre de la Nature
 Breuvage empoisonné, serpent couuert de fleurs,

Affron

*Affronteur, courtisan, bastard, songe malice,
 Bestiale fureur, exemple de tout vice,
 Capitaine des cris, des regrets, & des pleurs.
 Amour, que di-je Amour: mais inimitié forte,
 Appetit dereiglé qui les hommes transporte,
 Racine de malheur, source de desplaisir,
 Labirynthe subtil, passion furieuse,
 Nid de deception, peste contagieuse,
 Entretenu d'espoir, de crainte & de desir.
 Si tost que nostre esprit s'abandonne à te suiure,
 Helas! presqu' aussi tost nous delaissons de viure:
 Nous mourons sans mourir, nous perdons la raison:
 Nous changeons à l'instant nostre forme premiere,
 Noz yeux tout aueuglez sont priuez de lumiere,
 Et n'auons pour logis qu'une obscure prison.
 Tu nous fais égarer en cent mille trauerses,
 Changez à tout propos en cent sortes diuerses,
 Bouillans & refroidis craintifs & genereux
 Or' nous vollons au Ciel sans partir de la terre,
 Or' nous auons la paix, or' nous auons la guerre,
 Et n'auons rien de seur que d'estre mal-heureux.
 S'il aduient quelquesfois que parmi nos destresses,
 Tu nous faces sentir quelques fausses lieesses,
 Ce n'est pas que tu vueille alors nous contenter,
 Ce n'est pas que nos pleurs plus doux t'ayēt peu rēdre:
 Mais à fin que la peine en nous venant reprendre
 Nous soit plus difficile & forte à supporter.
 Tout ce qu'on peut apprendre en tes vaines escholes,
 Ce sont des trahisons, des feintes, des paroles,
 Ecrire dessus l'onde, errer sans iugement:
 Suiure celle qui fuit d'une course hastiue,
 Faire guerre à son ame, & la rendre captiue,
 Et pour se retrouver se perdre follement.
 Les fruiçts qu'on en reçoit pour toute recompense
 C'est d'un long temps perdu la vaine repentance,
 Un regret deuorant, un ennuyeux mespris.
 Helas! i'en puis parler, ie say comme on s'en treuve,
 J'en ay faiçt à ma honte une trop longue épreuue,
 Honte le seul loyer des trauaux que i'ay pris.*

M M 3

Je ne

Je ne me puis tenir de remettre en memoire
 Le temps, que cest aveugle, ennemy de ma gloire,
 Possedoit mon esprit, jure de son erreur:
 Et pensant à mes faicts & à ma frenaisie
 Presqu'il ne peut entrer dedans ma fantasie
 Que i aye esté poussé d'une telle fureur.
 Ores i'estoy craintif, ores plein d'assurance:
 Ores i'estoy constant, ores plein d'inconstance:
 Ores i'estoy content, or plein de passions:
 Ores ie desperoy d'une chose asseuree,
 Et or ie m'asseuroy d'une desesperée,
 Peignant en mon cerueau mille conceptions.
 Quantesfois par les prez, les bois & les riuages
 Ay-ie compté ma peine aux animaux sauvages,
 Comme s'ils eussent peu mes douleurs secourir?
 Les antres pleins d'effroy, les rochers solitaires,
 Les desers separez, estoient mes secretaires,
 Et leur comptant mon mal ie pensoy me guarir.
 Quantesfois plus ioyeux ay-ie allegé ma peine,
 Me laissant decevoir d'une esperance vaine,
 Qui s'enuollant en songe augmētoit mon tourmēt?
 Combien de mes deux yeux ay-ie versé de pluye?
 Et combien de despit ai-ie maudit ma vie
 Me forgeant sans raison un mécontentement?
 Celuy qui veut compter les douloureuses peines,
 Les regrets, les soucis, les fureurs inhumaines,
 Les remors, les frayeurs, qu'on supporte en aymāt,
 Qu'il comte du Printemps la richesse amassée,
 Les vagues de la mer quand elle est courroussée,
 Et les flābeaux qu'on voit la nuit au firmament.
 Le Forçat enchainé quelquefois se repose:
 Le pauvre prisonnier dedans sa prison close
 Clost quelquefois les yeux & soulage ses maux:
 Au soir le laboureur met ses bœufs en l'estable,
 Puis ayant l'œil touché d'un sommeil agreable
 Remet iusques au iour sa peine & ses travaux.
 Seulement le chetif, qui porte en la pensee
 Le poignant aiguillon d'une rage insensee,
 Ne sent point de relasche entre tant de malheurs:

Si le

Si le iour le faschoit, la frayeur solitaire
 Et le silence coyrent ament sa misere,
 R'enueniment sa playe & croissent ses douleurs.
 S'il est dedans le liect, les pensers qui l'assaillent,
 Mutins & furieux, sans repos le travaillent,
 Qui deçà, qui delà, chacun à qui mieux mieux.
 De ses cuisans regrets le Ciel il importune,
 Il resue, il se despit, il maudit sa fortune,
 Noyant toute esperance au torrent de ses yeux.
 S'il s'endort quelques fois, aggraué de tristesse,
 Helas! par le dormir sa douleur ne prend cesse,
 Mais plus fort que deuant il se sent travailler.
 Car au premier sommeil les songes l'espouuaient,
 Et mille visions à ses yeux se presentent
 Qui le font en sursaut rudement esveiller.
 Où si le corps vaincu du travail & du somme
 Ne se reueille point, & qu'un dormir l'assomme,
 Le cœur qui n'a repos ne fait que soupirer,
 L'esprit tremble & s'effraie de la frayeur horrible,
 L'ame crie & se plaint pour sa douleur terrible,
 Et les yeux tous baignez, ne cessent de pleurer.
 Le iour est il venu? sa douleur recommence,
 Il deteste le bruit, il cherche le silence,
 La clarté luy despitait, & la voute des cieux,
 Le murmure des ruis, la fraischeur des ombrages,
 Herbes, riuies, & fleurs, forests, prez, & bocages,
 Et ne scauroit rien voir qui contente ses yeux.
 Amour, quiconque fut qui te mit de la race
 De ce debat confus, lourde & pesante masse,
 Il parloit sagement & disoit verité:
 Car las! qui voit iamaiz confusion si grande
 Qu'aux misérables lieux où iō pouuoir cōmande,
 Pouuoir que tu maintiens par toute cruauté?
 C'est pitié que d'ouyr les estranges merueilles,
 Les miracles confus, les douleurs nonpareilles,
 Et les cris differens des malheureux amans.
 L'un par un doux propos aura l'ame blessée,
 L'autre gemist d'auoir la poitrine percee
 Par le trait d'un bel œil cause de ses tourmens.

M M 4

L'un

L'un sera captiué par une larme feinte,
 Et à l'autre un beau teint dōne mortelle atteinte.
 L'un transira de froid, l'autre mourra de chaud:
 L'un se plaint d'adorer une qui le tourmente,
 Et l'autre d'en servir une trop inconstante:
 L'autre d'aimer trop bas, l'autre d'aimer trop
 Ainsi dans les Enfers les Ombres criminelles (haut.
 Se plaignent vainement de leurs peines cruelles,
 Et des tourmens diuers qu'il leur faut supporter:
 Mais las! ie croy qu'Amour plus de tourmens as-
 semble (semble,
 Dās un cœur amoureux qu'on n'en voit tout en-
 Au plus creux des Enfers les esprits tourmenter.
 Je n'auray iamais fait si ie veux entreprendre
 De ce bourreau cruel les rigueurs faire entendre,
 Rigueurs qui chacun iour se font assez sentir:
 Il est assez connu, sa rage est manifeste,
 Mais hélas! c'est le pis qu'un chacun le deteste,
 Et ne peut on, ne veut de luy se garantir.
 Or de moy qui le puis, & qui me delibere
 D'estre franc pour iamais d'une telle misere,
 Je pren congé d'Amour, & de ses yeux cuisans.
 A dieu Amour, adieu enfant plein de malice,
 Adieu Oisiveté, ta mere & ta nourrice,
 Adieu tous ces escrits ou i'ay perdu mon ame.
 Je pren congé de vous, amoureuses pensées,
 Je pren congé de vous, nuits vainement passées,
 Discours, propos, sermēs l'un sur l'autre amassés:
 Et vous tristes sanglots de ma poitrine cuite,
 Plaintes, pleurs & regrets: ie vous dōne la fuitte,
 Bien marry que plustost ie ne vous ay laissé.
 Bien-heureuse Raison, guide de mon courage,
 Pour m'auoir deliuré de l'amoureux naufrage,
 Lors que i'estoy priué de tout humain secours,
 Je t'appens en ce lieu ma robe depouillée,
 Des flots de la tempeste encor' toute mouillée,
 Ayant à l'aduenir deuers toy mon recours.

Aux

Aux Amours de Diane

SONNET XLII.

*Ces eaux qui sans cesser roulent dessus ma face
 Et qui vont tesmoignans mes cruelles douleurs
 Maistresse, hélas, voyez, ce ne sont pas de pleurs
 Tant de pleurs dedans moy ne scauroyent trouver place:
 C'est vne eue que ie fay de tout ce que i amasse
 De vostre plus diuin & de cent mille fleurs
 De vos perfections y meslant les odeurs
 Les roses & les lys de vostre bonne grace.
 Mon amour sert de feu, mon cœur sert de fourneau,
 Mes yeux d'un alembic par ou distille l'eau,
 Le vent de mes souspirs nourrit sa vehemence:
 Et d'autant que le feu est vehement & chaud
 Il fait ainsi monter tant de vapeurs en haulti
 Qui coulent par mes yeux en si grande abondance.*

A ce Sonnet en me ioüant comme par maniere d'exercice ie fey vne réponse par vn Sonnet, qui fut fuiuy incontinent apres d'un autre par vn mien cognoissant: lesquels deux Sonnets seront mis icy,

*La femme en son espece est plus que l'hōme humide,
 C'est la raison pourquoy elle plore aisément:
 L'homme ainsi qui proche est d'un tel temperament
 Iette facilement telle vapeur fluide,
 Soit que le feu d'Amour dans le cerueau la guide
 Qui de nature mol la reçoit promptement
 Pour la resoudre en eau d'un triste mouuement,
 Ou qu'une chaleur lente aux tendres yeux la vuide,
 Toujours cete vapeur qui se resoult en eau
 Se doit appeller pleurs procedans du cerueau
 Qui par les tristes yeux lentement coule & passe.
 Ne crois point donc amy, qu'autre eau puisse d'ailleurs
 Parfumer ton visaige ains ce sont vrays pleurs
 Que ton moitte cerueau respand dessus ta face.
 Fuisse ie le printemps ou flore qui desferre
 Ses tresors de son sein durant le renouveau*

Mes

*Mes fleurs tu ne deuerois cuire pour faire vne eau
 Qui ne sert qu'à baigner tes ionës & la terre.
 Aussi n'en croy ie rien, mais comme à cil qui erre
 Pillant dans vn iardin des fleurs tout le plus beau
 Dont la terre indignee ez mains du larronneau
 Laisse secher sa fleur & l'aliment luy serre:
 Il i'en prend tout ainsi qui plein d'un fol desir
 Mes graces recueillis, ou ne prenant plaisir
 Ce mien desdain les rend entre tes mains sechees:
 Dont le regret te faict naistre vne vlcere au cœur
 Qui distille à grands traicts l'inutile liqueur
 Qui coule de tes yeux par ondes relaschees.*

PHIPPES ROBERT aduocat au parlement de Bourgoigne
 a traduit du grec d'Isocrates,

Sincere exhortation à la paix. [impr. à Paris 8°. par Jean Parent 1579.

PHILIPPES VLSTADE.

Le Ciel des Philosophes, où sont contenus les Secrets de nature, & comme
 l'homme se peut tenir en santé & longue vie. Traduit du latin de Philippe
 Vlstade extraict des liures d'Arnauld de Villeneuve, du grand Albert, Ray-
 mond Lulle & autres. [impr. à Paris 8°. par Viuant Gaultherot 1550.

PHILON le Iuyf. Voyez Pierre Bellier. Pierre Saliat.

PHILONE.

Iofias Tragedie de Messer Philone. traduite en françois.

PHILOSTRATE.

Le premier liure de Philostrate autheur grec, contenant la vie, les dictz &
 merueilles du grand Phisophe Apollonius Tyaneus. mis en françois par tra-
 ducteur incertain, & impr. à Lyon 16°. par François Iuste 1537.

Les Images ou tableaux de platte peinture, de Philostrate Lemnien Sophiste
 Grec mis en françois par Blaise de Vigenere, avec des argumens & annota-
 tions sur chacun d'iceux.

Argument de Vigenere sur le Tableau
 Antee.

*Entre toutes les peines & labours d'Hercules: entre toutes ses plus fortes &
 penibles auentures, les deux plus mal-aisees à mener à fin furent celles de
 l'Hydre, & d'Antee. Celle là estoit vn grand & horrible serpent, produit en
 vn lieu solitaire, moite, relent, & estouffé, où les rayz du Soleil ne pouuoÿt
 battre: tres-venimeux avec cela, & ayant plusieurs testes: dont aussi tost
 qu'on luy en auoit auallé quelqu'une, soudain en renaissoyent deux en sa
 place: tellement que c'estoit tousiours à recommancer. L'autre fut vn tres-
 enorme*

enorme & demesuré Geant fils de la terre, qui auoit soixante couldees de
 hault (s'il le fault croire ainsi) lesquels estant campé en un des carrefours de
 Lybie, au milieu des desers & sablons, où plusieurs grands chemins se ve-
 noient fourcher, contraignoit les passans trauallez & recreuz des chaleurs
 excessiues de la contrec, mattez de peine, mesaise, difficulté, & traual, de
 s'esproouuer contre luy à la luitte: en sorte que c'estoit chose bien aisee d'en
 venir à bout. Car apres s'estre longuement houspille aux prises, quand bien
 il eust donné du nez à terre (ce que peu souuent toutesfois arriuoit) Elle qui
 luy estoit naturelle mere le restaueroit de nouvelles forces, & s'en releuoit plus
 fraiz, roide, & gaillard qu'auparuant. De maniere que ce n'estoit qu'une
 multiplication de traual & effort en vain, sans en pouuoir rien finablement
 obtenir, nomplus que de l'Hydre. Hercules neantmoins, ainsi que de toutes
 autres choses (Car iamais rien ne fut impossible à sa vertu: rien ne peut onc-
 ques resister à son inuincible effort & courage) vint tres-heureusement à
 bout de toutes ces deux entreprises: cauterisant les cols de l'Hydre à mesure
 qu'il luy abatoit une teste: Et sous-leuant Antee haut en l'air quand il se
 fut apperceu de l'affaire, où il l'estouffa entre ses vigoureux & robustes bras:
 sans que sa mere luy peust plus donner de secours, puis qu'ils n'auoyent le
 moyen de s'entretoucher. Voila comme les Poësies en parlent. Mais pour ti-
 rer maintenant quelque fruit de ces fables, qui ne nous ont pas esté du tout
 inutilement donnees pour une badaulde recreation, fantastique & legiere: Si
 c'est à un sens moral qu'on vueille appliquer cettcey: Antee se peut prendre
 pour la volupté: dit ainsi de *Antee*, comme le vent Fulgentius, pource que rien
 n'est plus contraire à l'homme que les plaisirs & delices: qui outre ce qu'elles
 eneruent le corps, abatarissent la santé & disposition naturelle, & abre-
 gent le cours de nostre vie, nous meinent finablement à quelque mal encon-
 treuse perdition & ruine. On le feint estre nay de la terre: c'est à dire que la
 volupté & luxure prouiennent de la chair, qui n'est autre chose que terre,
 laquelle luy readministre tousiours nouvelles forces & maintenant: Car
 de tant plus nostre volonté adhère à la chair, de tant plus aussi se peruertist
 elle & corromp. Mais tout cela est finablement suppedité par Hercules, as-
 sauoir la raison qui doit dominer en nous: laquelle nous esleuant des appe-
 tits charnels: de la sensualité & concupiscences, aux diuines contemplations,
 suffoque & esteint la volupté du tout en nous: Ainsi que dit Boëthius à ce
 propos, extollant ce fait cy. *SVPERATA TELLVS SYDERA DONAT.*
 Toutesfois cela ne se peut pas faire sans un gros estrif & combat d'Hercules
 contre Antee: de l'esprit contre la chair: selon Platon en ses Morales, qu'il
 n'y a point de plus forts ennemis à surmonter & deffaire, plus mal-aisez,
 opiniastres, & resistans, que les internes: Ce sont les vices, lubricitez, & af-
 fections

fections illicites & deprauees, qui se produisent par nostre nonchallance & consentement en noz cœurs, tout ainsi que les ronces, orties, chardons, & mauuaises herbes en vne bonne & fertile terre, par faute d'estre sougneusement cultiuee. Et c'est ce que veut denoter ce tant beau & elegant vers anciennemēt graué sur la sepulture de Scipion l' Aphricain. MAXIMA CUNCTARVM VICTORIA VICTA VOLVPTAS. Deffrichons les doncques de cette mauuaise engeance, rendons les habiles à recevoir le bon grain: & estouffons ce maudit & peruers Antee qui ne tasche qu'à nous raualler contre bas, pour nous exterminer de tous points dans son orde & vile poussiere: esleuans noz mains & penssee en hault, selon ce diuin admonestement de Pythagoras.

ὡς δ' ἀπολαύσας σῶμα ἐς αἰθέρ' ἐλευθεροῦ ἔλθης,
ἔσταις ἀθάνατος διὸς ἄμβροτος ἐκ ἐτι θνήσκος.

Si delaisant le corps (qui est de terre & d'eau) tu passes à vn air libre (esleues ton esprit là hault au ciel) tu seras vn Dieu immortel, & non plus homme subiect à la mort. Car il n'y a rien qui proprement tue la personne sinon les vices, affections & concupiscences prouenant du corps. OR si nous voulons appliquer cette fantasie ou fiction poëtique à la philosophie naturelle: nous auons desia dit au tableau precedant qu'Hercules n'est autre chose que le Soleil, lequel par sa chaleur & ses raiz, à guise de flesches, extermine l'Hydre avec toutes ses testes renaissantes, c'est à dire la froideur: qualité propre à l'eau, dont ce serpent est nay, & porte le nom. Car à la verité de l'histoire c'estoit vn lieu marescageux & desert à cause de ses sources, fontenils, & ruisseaux, qui le rendoient effondré, inaccessible, & inhabitable: dont en cuidant estoupper vn, soudain en rebouillonnoyent six ou sept ailleurs: Mais le feu qu'y appliqua Hercules dissipa cette humidité & froidure. Antee puis apres est le sec (vraye propriété de la terre) que la chaleur pareillement conuertist en nature d'air à elle opposite & contraire. C'est à dire que le froid & le sec, deux qualitez mortelles ennemies de generation & de vie, à quoy insiste perpetuellement la nature, qui n'est autre chose que la chaleur prouenant du Soleil, doiuent par cette-cy estre reduites en air chaud & humide, le vray subiect d'icelle vie. Il faut donc conuertir les deux bas Elemens grossiers & materiels, l'eau & la terre: le froid & humide: la volupté & le corps: és deux haults spirituels & formels: l'air & le feu: l'humide & le chaud: la vertu & esprit. Et lors nous aurons debellé l'Hydre, & Antee: & accompli ce que nous recommandent tant les Philosophes Chimiques, qui ne battent que sur cette enclume. Cōuerte elementa, & quòd quāris inuenies. Et ailleurs. Nisi corporea vertantur in non corporea nihil in hac arte prorsus efficis. Duo autem sunt elemēta corporea, terra & aqua: Duo itē incorporea, aēr & ignis. C'est à dire qu'ils sont moins materiels & grossiers. Monsieur Budee au 4.

li. de

li. de son De Assc, approprie cette fiction au royaume de France. Car tout ainsi qu'Antee en la lucte, quelque malmené & suppedié il peust estre: Pourueu que de son corps il touchast la terre, ressourdoit de là plus fort & vigoureux qu'auparavant: sans se plus sentir de la rude secousse qu'il auoit receüe. En semblable ce bien-heureux Royaume ne pouuoit estre si affligé ne ruiné de guerres du dehors ne dedans, de pilleries, degasts & ruines, que venant à auoir un peu de relasche par quelque paix ou trefue, si que le labourage & le traffique peussent auoir leur train libre & accoustumé, il ne se refist, comme en moins de rien, si toutesfois il ne suruenoit quelques gèles, pluies excessiues, & gresles, ou semblables accidens, playes & calamitez des iniures de l'air & du mauuais temps, qui gastassent les biens de la terre: à quoy il est un peu subiect & enclin. Ce tresdocte homme a dit cela: mais on dit d'autre part que la continue l'emporte.

Le Tableau d'Antee.

L A P O V L D R E icy est toute telle qu'es luctes qui se font empres la fontaine d'Elide: Et ces deux champions, dont l'un se retrouffe l'oreille, l'autre defait de son espaule la peau de Lyon: Les tertres quant & quant à propos: & les colonnes: & les lettres grauees: C'est la Lybie, & Anteus que la terre a produit, pour offenser (comme ie croy) les passans d'une brigandesque lucte. Mais cependant qu'il s'amuse apres ces combats, & à enterrer ceux qu'il a mis (comme vous le voyez) à mort en certe lucte, la peinture nous admeine icy Hercules, qui a desia conquis ces pommes d'or, & a tant esté celebré à cause des Hesperides: n'estant pas toutesfois en vne telle admiration pour les auoir suppeditees, ains le Dragon. Or sans autrement ployer (comme on dit) le genoil, il se despouille contre Antee: estant encore à la grosse haleine de ce long & facheux voyage: & se prepare à la meslee: les yeux tenduz à ie ne sçay quelle profonde cogitation: comme consultant à par-soy ce qu'il doit faire en certe espreuue, & mettant vne bride à son animosité & colere, de pœur qu'elle ne luy transporte l'entendement. Mais Antee le desdaignant se hausse ce semble en paroles: LES ENFANS DES INFORTVNEZ. Auec ie ne sçay quoy de tel qu'il monstre desgorger encontre Hercules: se rassurant par ces braueries & oultrages. Que si Hercules auoit du tout son cœur à la lucte, il n'auroit point esté nay autre que voilecy representé: Car il est peint puissant & robuste, & cōme remply d'artifice, pour la belle disposition de sa taille: Et si est grand auec cela: & d'apparence plus que humaine: d'une charneure coloree & vermeille, les veines s'estās sur enflees de despit & courroux qui s'est introduit là dedans. Vous auez pœur d'Antee ce croy ie bien, qui ressemble à vne beste sauuage, & peu s'en faut qu'il ne soit aussi gros comme long: le col enfoncé dedans les espaules, dont la plus grande part arriue au chignon: Le bras d'ailleurs arrondy, comme s'il estoit fait au tour aussi bié qu'elles: La poitrine & le ventre, tout cela battu au marteau: Et si la greue n'est pas droicte, ains rustique & grossiere. On sçait bien au reste qu'il estoit merueilleusement fort: Trappe

N N (de fait)

(de fait) & amassé: neantmoins sans adresse quelconque; & noir parmy cela, ayant ainsi esté teint du Soleil. Voila ce qui est en ces deux champions pour le regard de la lutte. Mais vous les voyez bien maintenant aux prises: ou plus tost ayans mis desia fin à leur combat: Et Hercules en sa victoire, qui est venu à bout de son ennemy en le soublevant hors de terre. Car elle combattoit pour Antee: & le dressant le remettoit de nouveau sur les pieds quand on l'esbranloit. Hercules donques estant en doute comme il se devoit gouverner enuers cette sienne mere, empoigne Antee par le faux du corps au dessus des flancs là où sont les costes; & le posant tout debout sur sa cuisse, luy accouple les deux mains ensemble; luy serre quant & quant le coude contre le ventre desia restreint & hors d'haleine: de sorte qu'il luy fait perdre le vent, & l'estouffe de ses costes aigues adressees à la region du foye. Aussi appercevez vous bien l'agonie enquoy il est, regardant piteusement vers la terres, de ce qu'elle ne luy donne plus de secours. Et Hercules vigoureux & gaillard, qui se rit de cette besongne. Or ne iettez pas vostre veüe en vain au sommet de cette montaigne, ains faiçtes comte que les Dieux obseruent de là ce combat: Car yne nuee d'or y est peinte, dessous laquelle (à mon aduis) ils se sont campez. Et Mercure s'en vient trouver Hercules pour le coronner, parce qu'il luy adiuage l'honneur de cette entrepryse,

HERCVLES PARMY LES PYGMEES.

AVTRE TABLEAU DE PHILOSTRATE.

Argument par Vigenere.

C'est une miserable condition que celle de l'homme, qu'on la preigne de quelque sens qu'on voudra: En ce mesmement que lors que nous pensons estre au dessus de tous noz affaires, avoir la fin de toutes noz peines & travaux. Ne devoir plus se soucier de rien que de vivre en plaisir & repos, nous mignarder, esloyr, & donner du bon temps, estans deschargez, (ce nous semble) de ce qui pesoit le plus à nostre esprit. Voicy arriver tout à coup de l'endroit où nous l'attendions le moins, quelque nouvelle occasion de douleur, quelque nouveau soucy & melancolie, pour tousiours nous tenir en bride, & nous exercer aux miseres & calamitez de ce monde, qui le plus souvent nous sont sans comparaison plus utiles, que le par trop d'aise & contentement. Car celles là nous apreignent à nous reconnoistre, à mespriser ce qui est fragile & caduque, & aspirer à l'eternel & perdurable: Et cecy ne nous rend qu'insolens, fiers, desbauchez, & incompatibles à nous mesmes, pour nous mener finalement à une perdition & ruine. Ainsi d'ocques est à toutes heures nostre vie traversee d'ennuis, qui troublent & entrerompent le projet de nostre repos, alors mesme (& le plus souvent) que la fortune se monstre la plus propice & favorable: Ny plus ny moins qu'une belle iournee clere & seraine, d'un ciel nestoyé & riant de toutes parts, est ordinairement plus dangereuse

gerense de se rompre en quelque gros tourbillon & orage pernicieux aux biens de la terre, Que nompas le temps nubileux & couuert. Toutes les histoires sont pleines de ces mutations, inconstances, & legeretez : Les songes mesmes nous travailleroient plustost en dormant, que nostre condicion & destinee nous laissast en un continuel aise & repos. Car les d'sastres, malencontres, infortunes, malheurs, persecutions, fascheries, & aduersitez, empeschemens, & autres telles rōces & pointures sont tousiours à nous surveiller & au guet, pour se parfemer & esprendre de tous costez : d'enhault, d'embas, & en flac, la batterie soit telle que l'on voudra, cela n'importe de rien, Tout retourne à un mesme moleste, de quelque endroict qu'on vienne à estre affligé. Car celui qui a receu quelque bien grief coup de baston, pendant qu'il est en agonie, ne s'amuse pas tant à faire une enqueste, de quelle part cest orion luy sera pleu sur les oreilles, comme à se plaindre & douloir de son mal, & en chercher quelque allegement s'il peut. Or toutes ces distributions de bien & de mal nous procedent des deux tonneaux de Iupiter, si nous nous en voulons rapporter à Homere : Et nous en voila bien recōpensez. Le pauvre Hercules ayant sué sang & eau à nettoyer le pays de ceste peñle d'Anteus, ce Loupgarou, brigand, & bourreau infame, tout laz & travaillé du combat encore, du long & facheux chemin, & des mes-aises d'iceluy, cuidant prendre un peu de repos pour le contentement de nature, voila la auilloné de nouveau, poursuivy, agassé, assailly, par une petite raquaille d'arriere-parens du defunct, lesquels bouillonnans de la terre à guise d'une formilliere, sans mesurer leurs forces à la sienne, sans peser ne considerer l'euenement de la chose, ayans plus le cueur de nuire à autruy que de se conseruer eux mesmes, (chose qui a ruiné beaucoup de gens) tenduz du tout à une vindictte vaine, temeraire, & outreuidie, luy viennent entrerompre son doux sommeil. Dont aussi ils payent la folle enchere : Car se resuscillant en sursault, il vous trouffe tous ces petits frantaupins, & leur apprend pour une autrefois combien c'est chose dangereuse de s'attacher à plus fort que soy : Ne d'entreprendre legerement à venger la querelle d'autruy. Toute laquelle fantasie, fort plaisante à la verité, & tresexcelllemēt desduite icy par Philostrate, tasche à nous remettre deuant les yeux ce tant celebre & sententieux Oracle du Dieu Apollon : ἸΝΩΘΙ ΣΕΑΥΤΟΝ, Qu'il se faut cognoistre soy-mesme : Dont rien ne scauroit estre dit de plus vrile & à propos pour la vie humaine. Les autres moralisent encore là dessus en ceste sorte : Prenans Antee (car ce tableau depend du precedant) pour l'outrage, violence, tyrannie, cruauté, & semblables vices les plus inhumains & enormes, familiers aux Ceās de leur naturel. Et les Pygmées pour les voluptez, les delices & concupiscences. Car tous les deux procedent de la terre, c'est à dire de la chair, lesquels viennent

N N 2 mole

molester Hercules endormy, apres auoir defeat Antee: C'est l'homme oisif & paresseux, Lequel encore qu'il surmonte la felonnie, & la bannisse de son cœur, (Car les mols & effeminez ne sont pas volontiers sanguinaires) se laisse d'un autre costé abastardir & gagner à la sensualité, & plaisirs de la chair, suyuât le dire du Poëte, Dum vitant stulti vitia, in cōtraria currunt. Et de rechef, Decidit in Scyllam cupiens vitare Carybdim. Mais Hercules à son resueils en demesle legieremēt, & les serre tous en sa peau de Lyon, pour les porter à Euristhee: Quand la vertu domine & prenaunt en nous, qui nous excite & desgordist de nostre pesanteur endormie, d'une pusillanimité rouillée, & moisy nonchalloit, & nous donne bien aisément la victoire de ces petits esguillons, qui ne nous font que chatouiller, & non pas poindre à bon escien, si l'on ne leur preste consentement, & qu'on ne leur donne loisir de s'ancrer & prendre pied ferme, les enueloppans de la force, magnanimité, & constance, representees par la despouille du Lyon: Pour en faire finablement un present à Euristhee, assauoir au travail, vigilance, endurcissement, & effort assiduz, qui nous exercent & sollicitent, nous esleuent la volonté aux belles & grandes choses, & nous excitent à les entreprendre d'un genereux courage: Ne permettant que nous nous laissions ramollir par une lente & desidieuse fait-neantise, apres les delices qui nous eneruent le corps, desbauchent les esprits de leur debuoir & fonction, & empoisonnent l'ame du plus dangereux venin de tous autres.

Tableau de Hercules.

Hercules s'estant endormy en Lybie apres auoir vaincu Anteus, est assailly par les Pygmees, allegans de vouloir venger cestuy-cy, dont quelques vns des plus nobles & anciennes maisons sont les propres freres germains: Non toutesfois si rudes combattans comme il estoit, ny à luy esgaulx à la lucte, neantmoins tous enfans de la terre, & au demeurant braues hommes de leur personne. Or à mesure qu'ils s'en iettent dehors, le sablon bouillonne & fremille en la face d'icelle: Car les Pygmees y habitent aussi bien comme les fourmiz: & y serrent leurs prouisions & victuailles, sans aller escornifler les tables d'autrui, ains viuēt du leur propre, & de ce qui prouiēt du labeur de leurs mains: par ce qu'ils sement & moissonnēt, & ont des chariots attelés à la Pygmeienne. On dit aussi qu'ils s'aident de coignes pour abatre le bled, estimans des espiz que ce soit quelque haute fustaye. Mais quelle outrecuidance à ceux-cy (ie vous prie) de se vouloir attacher à Hercules, lequel ils mettront à mort en dormant comme ils dient; & quand bien il seroit esueillé, si ne le redoureroiēt ils pas pour cela. Luy cependant prend son repos sur le deslié sablon, estant encore tout laz & rompu du travail de la lucte, Et souffle à puissance, abondamment remply de sommeil, lequel tout braue & orgueilleux est là planté deuāt luy en semblance humaine, faisant (à mon opinion) vn grand cas d'auoir ainsi accablé Hercules. Antee gist là aupres quant & quant: Mais l'art du peintre a repre

representé Hercules qui respire, & est chaud: Et l'autre trespaslé, tout sec & fletry: le quittant à la terre. Le camp au reste des Pygmees a desia enclos Hercules, dont ce gros bataillon de gens de pied va charger sa main gauche, & ces deux enseignes d'élite s'acheminent deuers la droicte, comme la plus puissante: Les Archers & la troupe des tireurs de fonde assiegent les pieds, tous esbahiz que la iambe soit ainsi grande. Mais ceux qui combattent la teste, parmy lesquels est le Roy en bataille pource qu'elle leur semble le plus fort endroit de tout Hercules, traignent là leurs machines & engins de batterie, comme si ce deuoit estre la citadelle, où ils l'assent des feuz artificiels à sa cheuelleure; luy presentent leurs sarfouëttes tout droit aux yeux: Bacclent & estouppent sa bouche d'un grand huys ietté au deuant, & ses naseaux de deux demy-portes, afin que la teste estant prise il ne puisse plus auoir son haleine. C'est ce qu'ils font autour du dormeur. Mais voile-la qui se redresse, & esclatte de rire au beau milieu de ce danger. Car empoignant tous ces vaillans champions, il les vous serre & amoncelle dans sa peau de lyon, & les emporte (comme ie croy) à Eurythee.

ANNOTATION.

De ces Pygmees non seulement les Poëtes, mais les historiens encore & Naturalistes en ont parlé d'assurance, comme d'une chose veritable & réelle. Qu'il n'y ait des nains, cela est trop commun & vulgaire pour en douter: me resouuenant de m'estre trouué l'an 1566. à Rome en un banquet du feu Cardinal Vitelli, où nous fusmes tous seruis par des nains iusques au nombre de trente-quatre, de fort petite stature, mais la plus-part contrefaits & difformes. L'on en a peu encore assez voir en cette Cour, du temps mesmes des Rois François premier, & Henry second: dont l'un des plus petits qui se peust voir estoit celuy qu'on appelloit Grand lehan, qui fut depuis Prothenotaire: horsmis ce Milanais qui se faisoit porter dans une cage à guise d'un perroquet: & une fille de Normandie qui estoit à la Royne mere de noz Rois: laquelle en l'age de sept à huit ans n'arriuoit pas à dix-huit poulces. Mais de faire une contree & nation à part de Pygmees, tout ainsi qu'à l'opposite les nauigations des Espaignols en font de geans, cela est un peu plus chatouilleux: Veu que tous les descouuremens des modernes qui ont reuisité tressoigneusement le pourpris de la terre habitable, n'en dient mot. Quoy que ce soit, & comme la chose aille à la verité: Voicy en premier lieu ce que Plin le plus hardy escriuain des Latins, en a dit au second chap. du 7. liure, où il y a bien d'autres merueilles aussi saugrenues.

Au dessus des Asthomes, gens qui n'ont point de bouche, mais viuent de l'odeur seulement qu'ils peuuent tirer des herbes, fleurs, & fruiëtages: Veluz au reste par tout le corps, ont leurs demeures au bout des montaignes de l'Inde deuers le Leuant, és sources du fleue Ganges, les Pygmees appelez Spythameës, pource que de hauteur ils n'excedent point trois Spythames ou Dodran

N N ; tes,

res, qui reuiennent à quelques deux pieds quatre doigts de nostre mesure, sous vn climat temperé & sain, la terre, & les arbres en tout temps couuers de verdure. Homere les fait estre fort molestez par les Grues: Au moyen dequoy (ainsi que l'on dit) estans montez sur des moutons ou des chieures, & equippez d'arcs & de flesches, en la saison du printemps toute l'armee descend en troupe vers la mer, là où ils font vn gast vniuersel, des œufs & des petits de ces oiseaux s'ils sont escloz, autrement ils ne leur pourroient resister à la longue. De ces escailles, & du pennage courroyez avec de la bouë ils bastissent leurs maisonnettes: Toutesfois Aristote les faict habiter dedans les cauernes. *Ce qui conuient mieux à ce propos. Au demeurant le passage qu'il allegue d'Homere est tout au commencement du 3. de l'Iliade en telle substance.*

Les Troyens venoyent au combat en bruit & clameur, tout ainsi que les oiseaux, & comme le son retentissant des grues en l'air, lesquelles apres auoir euité les froidures & grosses pluyes s'en vont criaillant à la volte de l'Ocean, portans meurtre & mort aux Pygmees. *Surquoy le Scoliaſte ou annotateur les met tout au fonds de l'Egypte, ou plus proprement en l'Ethiope, comme a faict Plin au 6. liure, chap. 30. Quidam & Pygmæorum gentes prodiderunt ante paludes ex quibus Nilus prodiretur. Gens addonnez au labourage, ayans continuellement la guerre contre les Grues qui leur viennent manger leurs semailles & leur admeinent vne famine. Au 4. liu. chap. 11. où il en met aussi au pays de Thrace: Gerania, vbi gens Pygmæorum fuisse proditur, quos Catizos Barbari vocant, creduntque à Gruibus fugatos. Et au 10. 23. Inducias habet gens Pygmæorum abscessu Gruum cum iis dimicantium. En Asie, encore, 5. 29. Trallis, eadem Euanthia, & Seleucia, & Anthiochia dicta. Alluitur Eudone amne, perfunditur Thebaide. Quidam ibi Pygmæos habitasse tradunt. Et finalement es Indes. 6. 19. Indus statim à Prasiorum gente, quorum in montanis Pygmæi traduntur. Somme qu'en toute les trois parts du monde il met de cette belle engeance, de peur que la race n'en faille: chose beaucoup plus plaisante que vray-semblable. Car au reste selon leur dire, les femmes commencent à porter à cinq ans, & cessent à huit. Tout cela estant primitiuelement parry de la forge, (comme le tesmoigne Aulugelle au 4. chap. du 9. des nuicts Attiques) de ie ne ſçay quel Aristes Proconesien, Iſigonus, Ctesias, Onesicritus, Polystephanus, & autres tels refueurs fantastiques, reuendeurs de comptes de la Cigoigne. Car le prouerbe duquel l'on vse pour monſtrer quelque grandissime diſſimilitude de choses extremes, ἀπολινα δὲ πυγμαίων πόδας ἐφαρμόζειν, accommoder les primices ou dixmes des Pygmees à vn Colosse, l'estimerois quant à moy que cela soit dit des nains qui viennent par quelque accident & defect de nature. Neantmoins Ammian Marcellin auteur de poix & d'autorité, au 22. de son Histoire, voulant monſtrer la grauité & constance de l'Empereur Iulian, lequel s'estant desbauché de la religion où il auoit esté nay & norry, pour courre apres les ombres & impie-*

tez

tez du vain Paganisme, tres-sage & prudent Prince au reste selon le monde, met cecy. Frustra virū circumlatrabāt immobilem occultis iniuriis vt Pygmæi, vel Thyodamas agreſtis homo Lyndius cū Hercule. Pour neant(*dit-il parlant des langards, flateurs, enuieux & detraçteurs courtisans*) abayent ils par leurs ſecrettes meſdiſances & iniures ce perſonage icy , impoſſible d'eſtre eſbranlé, nomplus que les Pygmees, ou Thiodamas lourd & groſſier payſan de Lyndus, firent autrefois Hercules.

SONT LES propres germains d'Anteus. *Accey ſe raporte ce vers de Iuuenal:* Vnde fit vt malim fraterculus eſſe gigantis.

NEANTMOINS tous enfans de la terre. *On appelle communément les enfans de la terre, ceux qui ſont du tout adonnez aux paſſions du corps, à guiſe de beſtes brutes: A la volupté d'un coſté, & violence de l'autre. L'Eſcripture ſaincte les appelle enfans des hommes, & de Dieu, ceux que les Ethniques dient enfans du ciel, ou de Iuppiter, eſleuez à contemplation. A ce propos Albert au 3. chap. du premier liure des animaux, appelle les Pygmees hommes ſauuages participans de vray aucunement de noſtre nature, entant que touche quelque premier motif de la deliberation. Ce qu'il reſume encor au ſecōd traiçté du meſme liure cha. 4. les diſant auoir auoir ainſi que les cinges, quelque affinité avec la reſſemblance du corps humain. Mais au 21. il nye tout à plat qu'ils ayent aucune ſcintille de raiſon.*

Les Pygmees habitent auſſi bien en la terre comme les formis. Philoſtrate au 3. liure de la vie d'Apollon. Tyaneen dit le meſme. Ceſte mignarde fantaſie au reſte depeinte icy par Philoſtrate (dont ie croy qu'il ne ſe pourroit rien trouuer de plus gentil ny plaiſant à l'œil ſi elle eſtoit executee de quelque excellent pinceau a eſté touchee treſelegamment par Alciat en ſes Emblemes LVIII. Embleme &c.

PIERRE ADAM de Vuaffigny a traduit de Grec en François L'Oraiſon Panegyrique d'Iſocrates prononcee en l'aſſemblee qui ordinairement ſe faiſoit en Athenes de cinq en cinq ans. Où eſt en partie deſcrit le gouuernement d'une Republique, enſemble le deuoir & office d'un magiſtrat. Plus l'exortation d'Iſocrates à Demonic touchant le deuoir de viure ciuilement, ſelon la vertu & honneur. Enſemble l'oraïſon conſultoire du meſme auteur faiçte en la perſonne de Nicocles Roy de Cypre, ſur le deuoir des ſuieçts enuers leur Prince. [impr. à Lyon 8°. par Nicolas Bacquenois 1549.

PIERRE Prebſtre & Doyen de Saint Pierre D'AIRE en l'Archeueſché de Treues en Alemaigne a tranſlaté la Bible hïſtoriaux (l'vſe des mots du tiltre qu'il y a mis) de Latin en Romant. Avec les gloſes: & la dediee & enuoyee a Guillaume Archeueſque de Senlys pour ſon ouurage corrigier ſe meſtier en euſt, ainſi qu'il dit en ſon Epiſtre: En l'an de gre. m. c c. quatre-vingts & vnze, ouquel ie os quarante ans acomplis, commençay-ie ces tranſlations des liures hïſtoriaux de la Bible. Et les ay parfaites en l'an 1294. o l'ayde de Dieu, & pour faire layes perſonnes entendre les hïſtoires des eſcriptures

anciennes. Prie tous liseurs qu'ils ayent mon pouure sens pour excusé s'en aucune chose a que reprendre en l'ordonnance du Romant: Car vrayement de la verité ne suis ie rien yssus & n'y ay rien adiousté. Si pry à tous clerks entendās escriptures qui cet ouurage liront, que s'ils y trouuent à corriger que la lime de leur sens veuille limer mon rude engin.

Au commencement crea Diex le ciel & la terre: La terre estoit vaine & vuyde, & tenebres estoÿt sur la face d'abyssme, & li esperis nostre Seigneur estoit porté sur les eues &c. *Est escrit en main sur parchemin en ma librairie.*

PIERRE DE ALIACO.

Les sept degrez de l'eschelle de penitence, figurez & exposez sur les sept Psalmes penitentiels. Voyez Antoine Belard.

PIERRE ANDRE natif de Dorat Chirurgien à Poictiers a escrit Traicté de la peste & de la cure d'icelle. Avec la preparation de l'Antimoine, & les vertus & proprietiez d'iceluy seruans grandement à la curation de ladite peste. Plus vn Traicté de la disenterie & de ses remedes. [impr. à Poictiers 8°, par Nicolas L'ogerois 1563.

PIERRE L'ANGLAIS Escuyer, Sieur de Bel Estat a escrit Discours des Hieroglyphes Aegyptiens, Emblemes, deuises & armoiries, Ensemble 54. tableaux Hieroglyphiques pour exprimer toutes conceptions à la façon des Aegyptiens par figures & images des choses au lieu de lettres. Avec plusieurs interpretations des songes & prodiges. [impr. a Paris 4°. par Abel l'Angelier 1583.

PIERRE APPIAN.

La Comosgraphie de Pierre Appian traictant de routes les regions & païs du monde par artifice Astronomique, corrigee par Gemma Frison Mathématicien & docteur en medecine. Avec autres liures du mesme Gemma Frison appartenans audit artifice. Le tout traduit de Latin en François & imprimé en Anuers 4°. par Gregoire Bonté 1544.

PIERRE ARETIN.

Le Genese, ou Paraphrase sur le Genese. Avec la vision de Noé, en laquelle il vit les mysteres du viel & nouueau Testament diuisee en trois liures, faicte en Tuscan par Pierre Aretin, & mise en François par traducteur incertain. [impr. à Lyon 8°. par Sebast. Gryphius 1542.

Les sept Psalmes de la penitence de Daud paraphrasez en Tuscan par Pierre Aretin, icelle paraphrase mise en François. [impr. à Lyon 8°. par Sebastien Gryphius 1540.

Le Miroir des Courtisans ou sont introduites deux Courtisannes par l'une desquelles se descouurent plusieurs fraudes & trahisons qui iournellement se commettent. Seruant d'exemple à la ieunesse mal-aduisee. Fait en Dialogue par Pierre Aretin. Traduit d'Italien en François. [impr. à Lyon 8°. par Claude d'Urbain 1580.

PIERRE D'AVCBVSSON Diacre Cardinal du tiltre de S. Adrian & grand maistre de l'ordre des freres cheualiers de la maison & hospital S. Iehan de Hierusalem a mis par escrit & de Latin en François

Les establissements, constitutions & ordonnances dudiect ordre, reiettees des

des vieux establisement les choses superflues, les obscures declarees, & les necessaires adioustees Par ledict grand maistre & freres commandeurs dudit ordre en vn chapitre general tenu l'an 1489. [impr. 4°.

P I E R R E A Y R A V T Premierement Aduocat en parlement à Paris, & depuis Lieutenant criminel à Angers a escrit,
De l'ordre & instruction iudiciaire, dont les anciens Grecs & Romains ont vsé en accusations publiques, Conferé à l'vsage de nostre France. Et si on peut condamner ou absoudre sans forme ne figure de procez. [impr. à Paris 8°. par Iaques du Puys 1576.

Playdoyers (en nombre 21.) faicts en la Court de Parlement de Paris & Arrests sur ce interuenus. [impr. à Paris 8°. par Martin le Jeune 1568.

Discours à Monseigneur le Duc d'Anjou Roy de Poloigne sur l'occasion que le voulant recommander pour ses victoires & restauration de son vniuersité d'Angers, Les Panegyrics anciens de Pacatus & d'Eumenius iadis faicts à la louange des Empereurs Constantius & Theodose luy ont esté adressez & dediez de nouveau. Plus Harangue audiect Seigneur Duc, où il est traicté de la façon de seurement louer ou blasmer les Princes. [impr. à Paris 8°. par Martin le Jeune 1576.

Petri Aerodij iudicis quaestionum, Andiumque ducis libell. Mag. I. C. De cretorum libri vi. Itemque liber singularis de Origine & auctoritate rerū iudicatarum. Parisius 8°. apud Martinum Iuuenem 1573.

P I E R R E B E L L I E R Docteur ez droicts a traduit de Grec en François,

Les œuvres de Philon Iuyf, autheur tres-eloquent & Philosophe tresgraue, contenant l'interpretation de plusieurs diuins & sacrez mysteres, & l'instruction d'un chacun en toutes bonnes & saintes meurs. Les Traictéz sont, De la creation du monde. Allegorie des saintes loix donnees apres l'œuvre des six iours. Du Plantement. De la vie de Moysé trois liures. De la Charité & amour de son prochain. De l'estat & deuoir du Iuge. De l'election & creation du Prince. De la force & grandeur de courage. Des dix commandemens de Dieu. Des loix particulieres 2. traictéz. De la Circoncision. De la Monarchie deux liures. Quels doiuent estre les loyers & honneurs des Sacrificateurs. Des animaux qui sont propres aux sacrifices, & quelles sont les especes des sacrifices. De ceux qui offrent les hosties au Sacrifice. Qu'il ne faut recevoir au temple le loyer & gain de la paillarde. Que tout homme de bien est libre. De la vie contemplatiue, ou des vertus des personnes deuotes. De la Noblesse. Des loyers & peines. Des Maledictions. Que le Monde n'est perissable. Contre Flaccus, ou De la prouidence. Des vertus & ambassade faicte à Cayus. [Le tout impr. à Paris f°. par Nicolas Chesneau 1575.

P I E R R E B E L O N du Mans homme de grand trauail a rechercher les choses rares a escrit
L'histoire de la nature des oyseaux avec leurs descriptions & nayfs pourtraicts retirez du naturel. Escripte en sept liures. [impr. à Paris f°. par Benoist Preuost 1555.

Deux

Deux liures de la Nature & diuersité des Poissons. Avec leurs pourtraicts, representez au plus pres du naturel. [impr. à Paris 4°. par Charles Estienne 1555. Les Obseruations. Redigees en trois liures contenans les appellations antiqués des arbres & autres plantes, des serpens, des poissons, des oyseaux & autres bestes terrestres, conferees avec les noms François modernes: & plusieurs vrais pourtraicts d'iceux retirez du naturel. Les meurs & façons de viure de diuerses nations en Grece, & Turquie, & les vestemens d'iceux. Les Antiquitez & ruines de plusieurs villes illustres en Asie & Grece. La description du Caire, Ierusalem, Damas, Antioche, Byrse, Alexandrie & plusieurs autres villes du Leuant, avec leurs noms modernes. La description de plusieurs monts celebres par les anciens Poëtes & Historiens. Plusieurs Discours sur les chemins en diuers voyages par Aegypte, Arabie, Asie & Grece, contenans diuerses choses des antiqués conferees avec les modernes. Ample discours sur la vraye origine du fin or & sur les principales mines d'or & d'argent du grand Turq. [impr. à Paris 4°. par Guillaume Cauellat 1555.

Pourtraicts d'Oyseaux, animaux, serpens, herbes, arbres, hommes & femmes d'Arabie & Aegypte observez par Pierre Belon: le tout enrichy de Quatrains sous chacune figure. [impr. à Paris 4°. par ledict Cauellat 1557.

Remonstrances sur le deffaut du labour & culture des plantes. Et de la cognoissance d'icelles, contenant la maniere d'affranchir & appriuoiser les arbres sauuages. [impr. à Paris 8°. par Guillaume Cauellat 1558.

Petri Bellonij de admirabili operum antiquorum & rerum suscipiendarum praestantia liber primus. De medicato funere seu cadauere condito & lugubri defunctorum ciulatione liber secundus. De medicamentis nonnullis seruandi cadaueris vim obrinentibus liber tertius. [Parisius 4°. apud Guilielmum Cauellat 1553.

Eiusdem de arboribus coniferis, resiniferis, alijs quoque nonnullis sempiterna fronde virentibus, cum earundem iconibus ad vinum expressis. Item de melle cedrino, Cedria, Agarico, resinis & ijs quae ex coniferis proficiuntur. [Excud. ibidem 4°.

PIERRE BEMBO.

L'histoire du nouveau monde descouuert par les Portugalois Escrite par le Cardinal Bembo & traduite en François. [impr. par Jean d'Ogerolles 1556.

Les Azolains &c. Voyez Jean Martin.

L'histoire de Venize. Voyez Antoine du Verdier.

PIERRE BERTRAND Medecin de Bazas a escript en forme de Dialogues,

La dialectique Françoisé pour les chirurgiens. [impr. à Paris par Denys du Pré 1571.

PIERRE-MARIN BLONDEL Lodunois a escript quelques Poësies, & vne Ode sur la mort de Jean de la Peruse qui est parmy les œuvres dudict la Peruse.

PIERRE BIZARRE

Guerre

Guerre de Cypre &c. Voyez François de Belleforest.

PIERRE BOAISTVAU, surnommé Launay, natif de Bretagne a écrit,

Histoires prodigieuses (en nombre 40.) Extraictes de plusieurs fameux auteurs Grecs & Latins, sacrez & prophanes: avec les pourtraicts & figures. [impri. à Paris 8°. par Vincent Sertenas 1561.

L'histoire de Chelidonius Tigurinus sur l'institution des princes Chrestiens, & origine des royaumes, contenant treize beaux chapitres. Traduiete de Latin & impr. à Paris 8°. par Vincent Sertenas 1557.

Le Theatre du monde, où il est fait vn ample discours des miseres humaines, composé en Latin par ledict Boaistuau puis traduit par luy mesme en François. Avec vn autre sien discours de l'excellence & dignité de l'homme. [impri. à Paris 8°. par Jean Longis & Robert le Maignier 1558.

Histoire des persecutions de l'Eglise Chrestienne, faisant vn ample discours des merueilleux combats qu'elle a soustenus estant oppressee sous la tyrannie de plusieurs Empereurs Romains, commençans à nostre Sauueur Iesus-Christ & à ses Apostres: & quelle a esté la cōstance de leurs successeurs en icelle. [impri. par trois fois à Paris 8°. la derniere edition par Guillaume de la Noue 1572.

Six Histoires Tragiques extraictes des œuures Italiennes de Bandel & mises en langue Françoisse par ledict Boaistuau. Ce sont les six premieres du premier Tome des histoires Tragiques. [impri. à Paris 8°. par Iaques Macé 1568.

En vn aduertissement par luy fait au lecteur mis au deuant de ses hist. prodigieuses il auoit promis faire voir de sa traduction en nostre langue, les liures de la Cité de Dieu de S. Augustin: mais preuenue de mort n'a peu effectuer sa promesse.

Au Theatre du Monde.

Ce pouvre prisonnier est-il sorty de ceste prison maternelle? contemplons quel il est estant sur terre, qu'est-ce autre qu'un simulacre d'un pauvre ver? de quel manteau est-il orné, faisant sa magnifique entree au palais de ce monde? sinon de sang, duquel il est tout baigné & couuert? qui n'est autre chose que l'image & figure du peché, qui par le sang est signifié en l'écriture. O griefue nécessité! O miserable condition! qu'auant que ceste creature ayt peché, elle est liée & serue de peché: auant qu'elle ayt delinqué, elle est obligée au delict. C'est la grappe amere, de laquelle parle Hieremie, que noz peres mangerent. Quel est le premier cantique que chante l'homme entrant en ce monde sinon larmes & gemissemens? qui sont comme messagers & augures de ses calamitez futures, lesquelles ne pouuant exprimer par parolles, il les témoigne par ses pleurs & cris. Et toutesfois voila le commencement des Monarques, Roys, princes & Empereurs, & autres qui suscitent tant de tragedies en ce monde. Le ver tant soit-il petit, si tost que nature l'a produit sur la terre, commence à ramper, se trainer, & à chercher sa pasture. Le petit pouffin si tost qu'il est hors de la coque se trouue tout net, & n'a besoin d'estre lauë comme l'homme

l'homme. Il court apres sa mere, il l'entend quand elle l'appelle. Il se met à picquer & à manger: il craint le Milan sans auoir autrement esprooué sa malice: il fuit le danger, seulement guidé par nature. Mais incontinent que l'homme est sur la terre, c'est vne petite masse de chair qui se lairra manger aux autres animaux, qui n'y pouruoirra. Laissez-le en son petit nid & berceau, il demeurera tout confit en ordure, & est si impuissant qu'il ne scauroit ietter ses ordures, ce que les petits oyseaux & autres animaux scauent bien faire. Voila les parfums, enuettes & odeurs, desquels nature a voulu embasmer l'homme, & aorner ce-luy qui faiet tant de l'Hercules, & qui se dit maistre & chef de toutes les autres creatures.

Estant ceste chetive creature plongee en ce gouffre de miseres, ille faut nourrir, & a besoin d'alimens pour soulager l'infirmité de sa nature. cest office est dedie aux meres en consideration dequoy nature leur a donné les mamelles, qui sont comme petites bouteilles propres à tel effect. Mais combien y a il auourd'huy de meres auxquelles il suffist d'auoir tiré leurs enfans hors de leurs entrailles, & au lieu de les nourrir, les enuoyent aux villages pour les faire nourrir par femmes incongnues. L'enfant n'a pas donc assez souffert de maux au ventre de sa mere, si d'abondant faisant son entree en ce monde on ne luy en preparoit d'autres tous nouueaux par l'ingratitude des meres, qui sont si delicates, qu'elles ne les veulent nourrir, mais les font tetter le laiët de celles qui leur changēt quelquefois leur fruit, ou les paissent de laiët vicieux & corrompu. Dont procedent apres vne infinité de maladies, comme verolle, lepre, & autres. Car il est tout certain que si la nourrice est lousche, subiecte à ebriete, ou maladie ou autrement de meurs corrompues, l'enfant sera lousche, non par son laiët, mais par son regard frequent. Si elle est yurongne, elle prepare l'enfant à conuulsion & debilité, mesme le fera yurongne & intemperé, comme on list en la vie de l'Empereur Tibere qui fut grand yurongne, parce que la nourrice qui l'alaietoit, non seulement beuuoit excessiuement, mais elle seüra l'enfant avecques des soupes trempées en du vin. Laissons-le en la garde & protection de sa nourrice. De combien de perils est-il enuelpé pendant, qu'on le nourrist? quelle peine & martyre ont ceux qui en ont la charge? Les vns se rompent de force de crier, en sorte qu'il ne faut point de reueille matin pour les faire leuer de nuit: les autres se choquent tousiours à quelque chose, & le plus souuēt on ne voit que playes en leurs pauvres petits corps: sans mettre en comte plusieurs maladies hereditaires qu'ils apportent des corruptions de leurs parents. Mais qui ne s'estonnera de voir ce pendant les occupations fantastiques de cè petit cinge: lequē tantost paitrist de la poudre, faiet de petites maisons de terre, contrefait le cheuauteur d'escuierie sur vn baston de bois, court apres les chiens, & les chats, se courrouce contre l'vn, applauidist l'autre. Qui pourroit iamais penser qu'une si miserable creature, & couuerte de tant de pauuretez, si vile, & abiecte, par succession de temps s'abatar-dist ainsi, & deuint si superbe & haïtaine?

Au discours de l'excellence de l'homme.

Il me suffira pour nous desgouter quelque peu des miseres de l'homme,

leiq

lesquelles(peuſt eſtre) i'ay traité d'un ſtile trop tragique, ſi ie deſcri la dignité & excellence de l'homme. Le ſeul eſprit duquel, vaut mieux que tout ce qui peut eſtre d'excellent en toutes autres creatures, voire que le ciel, la terre, & tout ce qui eſt contenu en icelle. Outre que ceſte felicité de la vie eternelle, de laquelle nous ſommes aſſurez par foy, eſt de pris ſi excellent & de valeur tant inestimable, que toutes les langues des hommes ne la ſçauroyent comprendre, ny leurs penſées concevoir. Mais quel teſmoignage de la dignité de l'homme! lequel ſon createur a tant priſé. que de ſon eternité eſt deſcendu au monde, a prins le veſtement de la chair, & s'eſt fait homme. Encores ſa bonté a eſté ſi grande envers l'homme, & l'a tant aimé (combien qu'il ait ſouillé ſa ſaincte image laquelle reluïſt en luy) qu'il luy offre ſa main & le fait heritier de ſon royaume celeſte cōme ſon propre & legitime enfant: a ſoumis en ſa ſubiection tout ce qu'il a créé ſous la cōcauité des hauts cieux: l'a eſleu pour ſon temple & habitacle: luy a reuelé ſes plus grands & occultes ſecrets. Et finalement a tout créé pour l'amour de ceſt excellent & diuin animal. Dequoy le prophete David eſmerueillé, s'eſcrie, Qu'eſt-ce ô Seigneur que de l'homme, que tu a ainſi magnifié? ou du fils de l'homme, que tant tu le reputes & eſtymes? En quelle reuerence donc doit-on tenir celuy, que noſtre Dieu a tant priſé, qu'il l'a eſleué comme chef & Empereur de toutes les creatures viſibles? Et de ſa naiſſance l'a commis en la garde des anges, lesquelſ comme fideles miniſtres luy aſſiſtent, le conſeillent, accompagnent & deffendent tant des incuſions des malings eſprits, que des autres aguets de la chair, & du monde? L'a outre doué de ceſte diuinité excellente que de ſçavoir congnoiſtre les choſes preſentes? ſe ſouuenir des paſſées? preueoir par coniecture les futures? congnoiſtre la nature des choſes: ſçavoir diſcerner le vice d'auec la vertu, & après auoir congnu l'eſſence, nature & reſſort de tout ce qui eſt contenu en l'vniuers, il s'eſleue par vne armonie, ſault & penetre iuſques aux cieux, les congnoiſt & en donne reſolution, demonſtre par viue raiſon, que la nature qui pend contre bas, n'eſt autre choſe, qu'une belle face & figure de Dieu, ou quelque liure ou mirouer plein de diuinité. Et combien que ſon habitation ſoit en terre, ſi eſt-ce qu'il ſe meſle avec les elemens par ſa ſoudaineté, deſcend es profunditez de la mer par ſubtilité de ſon entendement, toutes choſes luy luiſent, & encores que les cieux ſoyent d'une hauteur incredible, il les contemple comme ſ'ils eſtoyent pres de luy. Nulle obſcurité d'air ne confond l'intention de ſon entendement, l'eſpeſſeur & maſſiueté de la terre ne peut empescher ſon affection, nulle profundité d'eau ne peut empescher ſon aſpect. A raiſon de quoy, Home re ce grand poëte Grec, appelloit les hommes Alpheſtas, qui eſt autant à dire, cōme Rechercheurs: car c'eſt le propre de l'homme ſeul de rechercher la cauſe de toutes choſes: & par telle diligence, la conſommation de tous les ars en l'eſpace de mille ans a eſté trouuée, cōme Varron eſcrit. Les autres l'ont nommés *φως*, c'eſt à dire, lumiere, à cauſe de l'incredible deſir que l'homme a naturellement de congnoiſtre toutes choſes. Ce qui a fait que pluſieurs Philoſophes anciens, ont penſé que la lumiere fuſt la vraye eſſence de noſtre ame, à raiſon qu'il n'y a rien qui plus refuſe l'ignorance, & qui l'ait en plus grand horreur que l'homme: lequel eſt ſi eſmerueillable, qu'il a en ſoy l'eſprit qui eſt

O O celeſte,

celeste, la vertu des estoilles, l'influence des planettes, les qualitez & proprietiez des quatre elements: auquel finalement toutes creatures celestes, angeliques, & terrestres, seruent & obeissent. Dequoy esmerueillez quelques sages d'Egypte, oferent appeller l'homme Dieu terrestre, animant diuin & celeste, messager des dieux, seigneur des choses inferieures, familier des superieures, & finalement miracle de nature. Et qui plus est, pour plus grand comble de la noblesse de l'homme, quelquefois son Dieu descend en luy, faisant choses miraculeuses lesquelles de luy il ne scauroit faire, comme nous auos leu aux histoires, de Clazomene & d'Aristee lesquels sortoyent souuent hors de leurs corps & alloient çà & là: puis estants retournes racomptoyent choses incroyables, lesquelles par apres toutesfois on experimentoit estre veritables. Comme vn Cornelius prestre estant à Padoue durant la guerre de Cesar & Pompee, fut tellement rui, qu'il comptoit mieux tout l'ordre de la bataille, que ceux qui y estoient presens. Apollonius, semblablement estant en Ephese, voyoit & disoit ce qui aduint à Nero dans Rome. Socrates s'est trouué rui communiquant avec son esprit, sans veoir ny congnoistre ce qui se faisoit pres de luy. Platon semblablement entroit tous les iours en Extase certaine heure du iour, auquel à la fin il mourut,

Et en vn autre endroit plus bas.

Quelle excellence & beauté y a il en la teste de cest animal, qui est la tour & rampart de raison & de sapience, de laquelle, comme d'une fontaine, issent diuerses operations des sens, & comme il se puisse faire qu'ils produissent & rapportent à vne mesme source tant de commoditez diuerses? Mais qui ne s'esmerueillera de la memoire? laquelle est le greffier qui tousiours demeure au dedans de la tour: laquelle garde & retient les choses qui passent soudainement: l'office laquelle est de conseruer en ses tresors & recevoir choses innumera- bles, voire differentes, sans toutesfois les confondre: ains les conseruer en leur pureté & netteté, pour s'en seruir puis apres lors que par vn souuenir elle racompte ce que de long temps elle a conceu & amassé: & alors s'aperçoit vne congnoissance des choses infinies toutes dissemblables, lesquelles se produisent en tel ordre, qu'elles ne se donnent trouble ou empeschement mutuel. Mais quel miracle y a-il en la subtilité inexplicable de noz yeux? lesquels ont esté mis au plus haut de la tour, pour estre speculateurs des choses hautes & celestes. Et du costé duquel il failloit veoir, ils sont couuers de petites taves luy- santes, les rotonditez desquels representent deux pierres precieuses, à fin que d'un sens profond ils penetrasent les images des choses mises au deuant, reluisantes comme vn mirouer. Et sont mobiles, à fin qu'ils se peussent tourner çà & là, & n'estre contraincts de regarder ce qui leur desplairoit: & sont aor- nez & enrichiz de paupieres, qui sont come boulevarts, & propugnacles pour les deffendre de mal ou encombre: au dessus desquels sont les sourcils faicts en volutes, pour empescher que la sueur ou autres superfluites ne leur fissent of- fense. Mais quel spectacle digne d'admiration trouuerons nous en la fabrique du nez? N'est-ce pas vn petit mur esleué pour la deffense des yeux? & combien qu'il soit petit, il luy a establi trois offices. L'un de pincer & retirer son vent & aleine.

aleine. L'autre, d'odor & sentir. L'autre, à fin que par les t̄rouz & cauernes d'iceluy, les superfluitez du cerueau fussent purgees & euacuees & decoulafsent comme d'un canal ou goutiere. Mais par quelle merueilleuse ordonnance sont entretaillees les leüres, lesquelles au parauant sembloient liees & conioinctes l'une à l'autre? au dedans desquelles la langue est enclose, laquelle par ses mouuements conuertist la voix en parolles, interprete, & donne à entendre l'intention de l'esprit. Mais qui ne s'esmerueillera de ce petit morceau de chair, qui n'a pas trois doigts de largeur, & qui est presque le plus petit membre de l'homme? Et toutesfois il louë Dieu & donne à entendre les beautez & perfections de ce que Dieu a créé. Il dispute du Ciel, de la terre, & de ce qui est contenu es quatre elemens; neantmoins elle ne peut seule accomplir l'office du parler, si elle n'est aidée des dents, ce qui nous est manifesté par les enfans, lesquels plustost ne commencent à parler, qu'ilz n'ayent les dents: & les vielars apres qu'il les ont perdues, beguayent & ne peuuent former leur parole: en sorte qu'ils semblent qu'ils soyent retournez en enfance. Oultre (comme dict Lactance) il a créé le menton & decoré d'une tant honneste forme, & la enrichi de barbe, laquelle est comme un truchement pour nous faire cognoistre la maturité des corps, la difference du sexe, & ornement de la virilité & force. Quant aux oreilles elles ne sont point oisües, elles sont colloquees en lieu eminent, à fin de receuoir le son, qui naturellement est porté en haut: elles sont ouuertes & non estoupees, à fin que la voix fust portée par les sinueuses cócauites, retenue & arrestee: mesme il a voulu qu'il y eust des ordures & imundicitez, à fin que si les petitiz animaux vouloyent offenser l'ouye (qui est l'un des plus excellens de noz sens) ils fussent prins la dedans, comme en de la glus. Encore n'est-ce rien de la merueilleuse fabrique de toutes ses parties, si nous voulons considerer en general tous les lineamens de la face: en laquelle dependent deux merueilles: La premiere qu'entre tous les hommez presque infinitz, tous sont si differens par tant petite espace de la face humaine, que deux seulement entre tant de millions d'hommes ne peuuent estre semblables, qu'incontinēt ils ne soyent distinguez par certaines marques & notes &c.

P I E R R E B O C E L L I N Chirurgien de Belleys en Sauoye a escrit,

Practique sur la matiere de la contagieuse maladie de Lepre. [Impr. à Lyon 4°. par Macé Bon-homme 1540.

P I E R R E D E B O R N E Seigneur de Baumefort en Viuerz a escrit en vers

Le Iugement de Daire Roy de Perse donné par l'aduis & deliberation de son conseil sur la dispute de trois Archiers de sa garde, touchant la preference du Vin, du Roy, des Femmes & de Verité. tiré du 3. & 4. chapitres du 3. liure d'Esdras. [impr. à Lyon 8°. par Benoist Rigaud 1567.

P I E R R E B O T O N Masconnois a escrit un liure intitulé, La Camille contenant 5. Elegies. 50. Sonnets & 3. Odes sur le subiect de l'amour. Ensemble les resueries & discours d'un amant desesperé, faicts en prose, où parmy sont entremeslez quelques vers. [impr. à Paris 8°. par Jean Ruelte 1573.

PIERRE BOVCHE T Rochelois a traduit en vers françois
La Pandore œuvre latin de Iean Oliuier en son viuant Euesque d'Angers, qui
est la description de la Fable & fiction Poëtique de l'origine des femmes, cau-
ses des maux qui sont suruenus au monde. [impr. à Poictiers 8°. à l'enseigne
du Pelican 1548. sur la fin duquel Poeme sont contenus les vers suyans:

*Comme bourdons à rien utiles mousches
Pillent le miel des odorantes rusches,
Et perdent tout (en leur ventre) le bien,
Qu' autruy a quis par labeur & moyen,
Ce temps pendant que les abeilles vont
Parmy les champs & ententiues sont
A rapporter dedans leurs maisonnettes
L'amas cueilly de diuerses fleurettes:
Ainsi la femme en la maison demeure
Auec Bobance inutile à toute heure,
Et ne voulant à travailler entendre,
Comme estant nee à manger & despendre,
Le bien par temps acquis, en vn moment,
Et tout deuore en son entendement.
Or maintenant par traict de temps & aage,
De mieux en pis coulé par long vsaige
Est aduenu que les meurs de PANDORE
La femme passe, & de beaucoup encore
En mal, finesse, & malices subtiles:
L'une esmeut guerre horrible entre les villes,
L'autre flattant son mary, l'empoisonne,
L'autre deuient furieuse personne,
L'autre son fruit & propres enfans tue:
Bref à tout mal la femme s'esuertue.
Sçait-on pas bien quelles furent Helaine,
Et Clytemnestre & Medee inhumaine,
Circe & Althee, & de Lemne les dames
De leurs maris les meurdrieres infames?
De Danaüs les filles sans mercy,
Deianyre, & Sthenobee aussi,
Biblis & Progne, & Phedre & Agrippine,
Nyobe exploit de vengeance diuine,
Et celles là qui trop desordonnees,
A leurs parens se sont abandonnees?
Et Nyctimene aussi & Myrrhe & Scylle?*

D'autre

*D'autre costé Canace & Eriphile,
De Semelé la seur incestueuse,
Pasiphaé d'un thoreau amoureuse?
Tarpeie aussi la Romaine traistresse,
Qui aux Sabins vendit la forteresse
Du Capitole? Et la fille du Roy
Serue Romain, qui l'infame charroy
Sur le corps mort de son pere traina,
Et les charrois du sang contamina?
Je pourroy bien pour mon liure augmenter,
Des vieux auteurs, maint exemple adiouster:
Mais de chanter Calliope se lasse &c.*

PIERRE BOVLINGER natif de Troyes a escrit,
Institution Chrestienne, ou plustost bref recueil des poincts principaux con-
cernans la verité de la foy Catholique en forme de Dialogue. Plus l'oraison
que saint Cyprian escriuit à Cecil. touchant le Calice de nostre Seigneur en-
semble le Sermon qu'il feit de la Sainte Cene. Item vn Traicté du Purgatoi-
re contre l'erreur des heretiques. [imp. à Paris 8°. par Sebastien Nyuelle 1564.

PIERRE DE BRACH.

Les Poemes de Pierre de Brach Bourdelois, diuisez en trois liures. Le premier
côtenât les Amours d'Aimee. Le II. L'hymne de Bourdeaux, La Monomachie
de Daud & de Goliath, Vne Ode de la Paix. Le III. Les Mellanges. Suyte des
Mellanges: esquels Poemes sont contenus CLV. Sonnets: XI. Elegies. L'amour
de la vefue. V. Discours. XIII. Odes. X. Chants. Masquarade du Triomphe
de Diane. XI. Cartels. [impr. à Bourdeaux 4°. par Simon Millanges 1576.

En l'Amour des veufues.

*Là dessus cent discours i'ay faict en mon esprit.
I'ay leu ce que d'amour on apprend par escrit.
I'ay la fille en amour égalee à la rose,
En ses replis vermeils nouvellement eclose.
Mais lors que balançant i'ay de l'autre costé
Mis l'amour de la veufue avec sa liberté:
Avec toy i'ay l'amour de la veufue estimee
Etiugé qu'elle estoit plus digne d'estre aimée.
Car s'il faut que l'amour par amour soit payé,
Ne vaut-il pas mieux prendre un billon monnoyé,
Rebattu sous le coin d'une marque commune,
Que non pas se charger de monnoye inconnue,
Qui pourroit decevoir le changeur plus rusé
Qui n'auroit le faux coin de sa marque aduisé?*

00 3

Celuy

Celuy qui par l'amour pretend au mariage,
 Entrepren d'azardens, à faire un long voyage:
 Ou ainsi que sur terre, ou ainsi que sur mer,
 Avec mille dangers il conuient de ramer,
 Sentant, infortuné, souuent battre sa teste,
 De froid, de chaud, de vent, de pluye, de tempeste.
 Si quelcun a par terre un voyage arresté,
 Son principal soucy c'est d'estre bien monté,
 De prendre un cheual fait qui ne craigne la peine,
 Qui soit prompt, qui soit vis, qui soit de l'ogue aleine,
 Voltant à toutes mains, qui soubz le frain rangé
 Se soit veu tous les iours de la selle chargé.
 Non d'un ieune poulain qui fougous & farouche,
 Refuse, non dompté, le frain dedans la bouche,
 Difficile au montoir, qui çà qui là s'en fuit,
 Se moquant en riant, de celuy qui le suit,
 Qui lors qu'il est picqué ne veut prendre carriere,
 Au lieu d'aller auant reculant en arriere.
 Car qui se monte ainsi lors qu'il veut voyager,
 De deuenir pieton se met en grand danger.
 Celuy qui sur la mer veut faire son voyage,
 Affin de s'asseurer en son long nauigage
 Doit choisir un vaisseau, duquel les flancs voutez
 Ayent esté battus par les flots irritez,
 Dont iustement la charge ait esté mesuree:
 Voguant il doit tenir une route assurée,
 Mouiller son ancre au port qu'un autre aura sondé:
 Aborder où quelque autre a pluost abordé.
 Nompas dans une nef fraichement charpentée,
 Dont encores on n'a mesuré la portee:
 Et dont, peut estre, un flot apres s'estre ioué,
 Desioindra les cotez, de son ventre cloué.
 Il doit fuir les ports où personne n'arrive.
 Souuent lon veut ancrer sans trouuer fons ny riué.
 Le passage est à craindre, ou iamais le vaisseau
 N'a dedans le canal fendu le cours de l'eau.
 Ainsi qu'un pelerin, qui cheminant auise
 Son chemin qui fourchu en deux parts se diuise,
 S'arreste ne sachant lequel prendre des deux?

Tout

Toutesfois à la fin sous un pas hâzardeux
 Il s'uyt le plus battu: Aussi l'homme de mesme,
 Bien qu'un doute craintif, le combatte en soy mesme
 Au choix de ces chemins, en laissant le desert,
 (Où pour n'estre fraié bien souvent on se pert)
 Doit choisir au hazard d'un bien heureux rencôtre
 Le sentier, qui tracé par quelque autre se monstre:
 Les pucelles, Picquon, sont semblables aux champs,
 Qui par le laboureur n'ont des coutres tranchans
 Senti le fer danté, dont la terre pressée
 Ne peut estre en sillons, qu'à force renversée,
 Qui ne produisent rien en friche delaissez,
 Qu'épines, que buissons, que chardons herissez.
 Mais alors que la veufue a senty quelque année
 Relabourer son champ sous le soc d'Himenee:
 C'est d'un bon laboureur un champ qui releué
 Par un premier labeur, d'une pluie est laué,
 Qu'en deux ou trois façons, qu'après il luy redonne,
 Par ses beufs accouplez, plus parfond il sillonne,
 Qui pour estre semé n'attend que la saison,
 Pour rendre après fertile une heureuse moisson.
 La pucelle, Piquon, c'est une vierge espee,
 Qui peut du premier coup qu'elle sera frappée,
 En deux parts se brisant à son maistre faillir,
 Le laissant desarmé sans pouuoir assaillir.
 C'est ou bien le rondache, ou la cuyrassé veufue,
 Que par l'arquebusade on n'a mis à l'espreuve,
 Dont le fer mal battu par un coup enfoncé,
 Sans rebuter le plomb peut estre outrepercé.
 Mais soit la veufue prinse, ou pour arme offensive,
 Ou bien en l'assaillant pour arme deffensive:
 Elle semble l'acier bien trempé bien battu,
 Qui fort est esprouvé, dont on a combattu:
 Car bien que viuement elle soit enfoncée,
 Elle n'est au combat iamaïs outrepercée.
 Filles pardonnez moy, si ie dy librement,
 Que qui s'uyt vostre amour, c'est hâzardeusement
 Entreprendre tanter une bresche douteuse,
 Ou l'on peur receuoir une repousse honteuse.

Sc.
 OO 4 PIER

PIERRE BRALLIER, Apoticaire de Lyon a escrit,
Les Articulations sur l'Apologie de Jean Surrelh medecin à sainct Galmier
en Forests. [impr. à Lyon 1558.

PIERRE BRESLAY Angeuin a escrit,
L'Anthologie ou Recueil de plusieurs Discours notables tirez de diuers bons
auteurs Grecs & Latins, & diuisé en deux liures, dont le premier contient 59.
chapitres, & le second en a 60. [impr. à Paris 8°. par Jean Poupy 1574.

Vn nommé Jean des Caurres a tiré la plus part de ces chapitres comme il a
faict de plusieurs autres auteurs François, & d'iceux composé le Liure qu'il
a intitulé Ouures morales diuersifiées en histoires: où ie croy il n'a rien mis
du sien, & n'a fait aucune mention de qui il les auoit pris, les s'attribuant.
Mais si chacun de ceux qu'il a deualisé en leurs escrits recognoissant sa plume
la luy tiroit, il resteroit desnudé comme la corneille d'Horace. Or i'ayme tant
les diuerses leçons (comme aussi i'en ay ia escrit vn volume) que ie cheri de
tant plus tous ceux qui s'exercent en ceste maniere d'escrire: à raison dequoy
i'estimeray faire chose agreable aux lecteurs de leur faire voir icy quelques
chapitres de l'Antologie de Pierre Breslay tant pour la doctrine y traictee
que pour la diuersité, laquelle plait communement.

De l'ame & de son immortalité, contre l'opinion de Galen.

Chapitre 3.

C'EST vne question tresbelle & vtile à entendre, que celle de l'immorta-
lité de l'ame humaine: laquelle aussi exerça fort l'antique philosophie, & à la
mienne volonté que les tenebres de ce siecle troublé, ne gagnassent tant sur
les yeux de plusieurs, que la lumiere de nostre foy Chrestienne, ne leur éclair-
cist aiseement tout ce doute. Or qu'elle soit immortelle, ou non, cela dépend
de son essence, laquelle mal connue, fournit matiere d'erreur à plusieurs grâds
personnages du temps passé. Entre autres Galen prince de la medecine, ayant
mis en sa teste que ce n'estoit autre chose sinon le temperament de nos corps,
donna contre elle tresfinique sentence de mort, à l'appetit de ne sçay quels ar-
gumens specieux, mais peu solides. Le premier, maintient l'ame comme
cer, & finir, avecques le temperament. Le second, allegue les inclinations re-
sultantes d'iceluy, dont aucuns panchent à ire, aucuns à paillardise, aucuns à
douceur, aucuns à continence, & autât des autres vices & vertuz. Le tiers, met
en auant la diuerse disposition, & habilité de l'esprit, suyuant le changement
periodique du temperament par les ages: qui fait qu'on voit apertement l'en-
fant, l'adolescent, l'homme meur, & le vieillard respectiuement differer en
temperature, affections, conseils & auis. Le quatriesme, remontre combien la
qualité de l'air, & des viandes, importe à la lourdesse, ou gentillesse de l'esprit.
Le cinquiesme, insiste sur ce que les maladies du corps diminuent, voire quel-
quefois ostent du tout l'vsage de raison: iusqu'à tant que l'un remis en santé,
l'autre ensemble redeuient saine. Le sixiesme, se fonde sur ce qu'aucuns sem-
blent vicieux, & les autres vertueux de nature: ce qui ne peut à l'opinion de
Galen procéder, sinon de la diuersité du temperament. Voila les principaux
argumens

argumens, à la sollicitation desquels, nostre Pergamean iugea ce proces, mais certes par trop legerement, veu qu'ilz ne concluent rien necessaire. Car tout ce que dessus, peut aduenir & veritablement auient, de ce que le corps manquant & defaillant, l'ame le laisse, & que nostre entendement astraint à se seruir de luy, reçoit non autrement qu'un bon ouurier, beaucoup d'aide, ou d'empeschement en ses actions, de la bonne ou mauuaise disposition de l'outil. On croira cecy encore plus fermement, apres la production de mes contrediz, qui sont tels. En premier point ie maintiens le temperament n'estre qu'une forme accidentelle, & par consequent impuissante à produire un estre absolu, simple, & reel, tel que celuy du corps animé, qui ne le peut tenir, que d'une essentielle, dont irrefragablement s'ensuit, que le temperament, & ce qui anime nos corps, sont choses differentes. Secondement, puisque le temperament est la mixtion des quatre elemens, il tire son corps sans plus, au lieu de l'element superabondant en la mixtion: à quoy n'est suiect l'ame, poussant le corps indifferemment, à toutes differences de position: & le pourtant, s'il eschet, au coupeau des montagnes, contre l'inclination des elemens plus graues, dominans en la consistence d'iceluy. Tiercement, l'ame informante le corps, iamais n'augmente, ny diminue, suyuant le priuilege de toutes formes essentielles, duquel ne iouist le temperament, exposé à diuerses mutations. Quartement, quel temperament resisteroit aux inclinations de son corps? puisqu'ainsi faisant, il resisteroit à soy-mesme, & tascheroit à se destruire? Or sent-on guerre perpetuelle, entre l'ame raisonnable, & les appetiz sourdains de la temperature du corps: ausquels elle met quelquefois le mors en la bouche, & les reduit au petit pié: si que Galen ne peut honnestement defendre sa dite opinion.

De l'œil & de la veüe Chap. 19.

L'OEIL assemblé de trois humeurs cristalline, verrine & aubineuse, enuelopees de quatre tuniques araigneuse, veüe, cornee & cōsolidatiue, regarde par une pyramide de rayons, laquelle ayant pour base la chose veüe, darde sa pointe en l'œil du voyât: Ceste pointe s'aguise tant plus ladite base s'esloigne, à l'occasion de quoy mesme obiect aparoist moindre de loing, que de pres, suyuant la proposition de Perspective, que le veu sous plus grand angle, en aparoist plus grand, & consequemment plus petit, sous un plus estroit. Cecy pourroit sans autre demōstration appréhendre pourquoy une longue rue parallele, c'est à dire, dont les costez perseuerent en esgalle distance, fait semblant de s'estrecir par le bout opposite, sçauoir est d'autant que le diametre d'icelle seruant de base à la pyramide visible en se reculant tousiours, amenuise à proportion l'angle fiché dans l'œil. Mesme raison efface l'esbahissement qu'ont les enfans de voir les longs chemins droictz & plains haüsser à la veüe, & s'ils sont couuerts, abaisser leur couuerture: car autant s'en fait entre deux paralleles dressees l'une sur l'autre, que couchees à costé. Que si on demande, pourquoy chascun œil ayant sa pyramide visible, nonobstant on ne voit *Solem geminum, & duplices Thebas*: Ie respondray, d'autant que les nerfs ordonnez à la veüe, s'unissent, tesmoing l'anatomie: ou d'autant que les deux pyramides n'ont qu'un obiect pour base commune: Vray est que telle vision de toute une

vne base ensemble est incertaine & confuse, tant que la ligne a plomb, autrement l'effieu des pyramides, la certifie & distingue: comme quand l'on nous presente vn liure ouuert, la pyramide visible de prime aspect le prend depuis vne corniere iusques à l'autre: Mais s'il est question d'y lire, adonc le mouuement expres de l'œil fait que ceste perpendiculaire qui de l'angle vertical va frapper le meillieu de la base, saute de lettre, sur lettre, examinant l'écriture. Au reste les rayons visibles par vn air pur & net s'alongent exactemēt droict: dont aduient qu'un corps tant soit porreux, s'il l'est tortueusement, nous tranche la veüe, plustost que l'ouye.

De la voix. Chap. 26.

EPICURE le plus grand resueur de la terre, traitât de la voix afferme que c'est vne fluxion corporelle, qu'en son iargon il nommē *ῥεύμα λόγου*, laquelle decoupee en plusieurs semblables parcelles, se va insinuant és oracles. surquoy ie luy demanderois volontiers, si la nature d'un mot, se pourroit tant detrancher, que le hachiz en emplist le theatre de Scaurus, sans conter bonne part qui s'en déchet, & pour parler avec son Lucrece, *Qua aures non accidit ipsas*, ains, *praterlata perit frustra diffusa per auras*. Aussi les Stoiques, vn peu mieux auisez, reiectoyent-ilz ce detail, definissans la voix, air frappé de l'aleine prouenante d'un animal garny de poumons. Explicans leurs intentions par ceste similitude, rememoree par Vitruue, & Plutarque: Comme (disoyent-ilz) vn caillou ietté en quelque étang, excite autour de sa cheute vne multiplication de rondeaux, sur rondeaux, tant que la violence du coup s'euanouisse: ainsi l'air touché d'une expiration, s'entre poussant ondoye: Mais non en cercles seulement platz, ains en globeux, afin qu'on l'oye, haut, & bas, à gauche, à droite, auant, arriere & en tous cens. A ceste definition repugne Platon, nyât l'air feru estre la voix, mais bien le coup mesme qui donne en l'air, sélance iusques aux oreilles. Certainement en ce qu'il rebute la corporalité des Stoiques, ie suis des siens: mais au reste la plus saine partie, se range deuers son disciple Aristote, lequel ne forge la voix dans l'air, Considerant à mon aduis, qu'en parlant, ne fort point de la bouche telle impetuosité d'aleine, qu'elle baste à heurter l'air avec tant de bruit, mesmes que quelques fois nous aleinons à tout effort, sans qu'il en retentisse: voire quelquefois formons la voix à leurs clauses: refusans tout ensemble ceux qui la composent, du bat de la langue ioinct à la rencontre de l'expir contre les dents. Aristote donc soustient, que c'est vn son resultant du fray de l'aleine, contre cest artere aspre, que les poumons enuoyent à la bouche: ainsi qu'une fluste, dont yssant la voix toute simple, & indigeree, elle prend façon, & agencement en la bouche, puis s'épand globeusement parmy l'air. Il faut de la puissance à parler haut, & roydes costez pour étreindre les poumons fort, & ferme: au regart dequoy, Homere vsurpe la bonne voix, pour vn signe de vaillance, appellant entre autres, Menelas, *Βολύ ἀγαθόν*, c'est à dire, ayant bonne voix. Ce mesme autheur à mis en bruit son Stentor, à voix d'airain, disant qu'il en valoit 50. à crier: lequel aura pour second, l'Egyptien qui suyuit en Scythie le camp du premier Daire, & lequel seruit audit prince à r'appeller sa flotte, qu'il attendoit à l'autre bort de la Dunoye, principal fleuve d'Europe.

D'un

*D'une extraordinaire signification du vocable lettré.**Chapitre 27.*

LES Romains qualifioyent aucunement vn homme du titre de lettré non par honneur, comme auourd'huy, ains en luy reprochâs sa vile qualité, ayans esgard aux lettres que les maistres escriuoient avec le fer chaud sur le front de leurs esclaves, subietz à prendre la fuite, à celle fin qu'on les peust recognoistre quelque part qu'ilz se retirassent. Les Grecs nommoient les valetz ainsi acoustrez, *στυμάλιας*, c'est à dire marquez, terme propre & conuenable à ceux qu'en France on marque dans l'espaule.

Des argumens sophistiques de iadis. Chap. 28.

CE n'est pas du-iourd'huy qu'on appelle cornuz les argumés des Dialecticiens nouices: La cause, à mô iugemét, est procedee d'un Sophisme de Chrysippe, tel qui s'ensuit: Ce que tu n'as pas perdu, tu l'as: tu n'as pas perdu les cornes, tu en as donc. Ce bel argumét auoit nom *κίρνα*, c'est à dire, les cornes, & de la se nôment cornuz ceux qui cōcluent en pareille façon. Il couroit anciennement vn autre Sophisme encor plus gaillard, appellé Crocodile, pris d'un conte de vieille. C'est qu'une Egyptienne voyât son filz prisonnier d'un Crocodile, supplie tant affectueusement la beste qu'elle promet le luy rendre, si elle dit vérité: la femme dist tu ne me le rendras pas: Sur quoy Dieu sçait comme l'on ergotoit par les escolles. Le plaidoyé du maistre & du disciple chez Pierre de Messie, ne doit rien à cestui-cy. Ilz en auoyent encores vn d'Electre, fille d'Agamemnon qui parlant à son frere Oreste sans le connoistre, sçauoit vne mesme chose, & ne la sçauoit pas: Elle sçauoit Oreste estre son frere, & ignoroit que luy mesme à qui elle parloit, fust yceluy. Et pour fermer ce propos, le *ψευδολόμος*, c'est à dire, menteur, estoit encore de la susdite farine, & se troussoit ainsi. Qui ment, & le confesse, sçauoir s'il ment où s'il dict vray.

Pour & contre le silence. Chap. 18. du 2. liu.

GNATHENE courtisane d'Athenes auoit receu chez elle vn amoureux tout fraichement arriué d'Hellespont. Ce galland escrimoit de sa langue à tort & à trauers tant que la dame eunuyee de son caquet, luy dist. Dea beau sire, vous venés d'Hellespont, & si n'en sçaez pas la principale cité. Et quelle demanda-il? Sigee, replica-elle: qui estoit assez bien moucher son homme: car *σιγή* signifie en Grec silence & taciturnité, dont s'appelloit la ville susdite, à cause de la tranquillité du port où la mer ne demenoit aucun bruit: ou bien, selon aucuns, parce que les Grecs partans de là surprindrent la cité de Troye. C'est véritablement vne belle & riche possession que la maistrise de sa langue: mais Menocrate le rôgna par trop pres qu'ad s'excusant de n'auoir sonné mot durât le festin, il respondiuyant sa naturelle seuerité, le parler nuire souuent & le taire iamaïs. Car qui ne sçait comme le silence ruina iadis Amycles en Italie? qui n'est rebattu de l'adage? *πολλὰς φίλῆς ἀπροσηγορία δάλυται*, & qui n'a leu ce bōit lancé par Platon contre vn faitiz Harpocrate: Si tu és sot (dit-il) cest rai- de te taire: mais estant sage, ce seroit tresmal faict. Et vrayement, si le par-
ler me

ler merite vsage, ie ne sçay à quoy mieux on l'employast, qu'à expliquer les belles conceptions des bons esprits, qui le frustreroyent de sa legitime vtilité l'echangeans avec vn obstiné silence, trop mieux duisant aux ignorans pour en couvrir leur insuffisance & bestise. Par-ainsi l'exemple de Zenon Citteyen, qui ayant souppé avec les ambassadeurs de Ptolemee sans auancer vne seule parole: quand à l'adieu ils l'enquirent de ce qu'il vouloit mander, les pria sans plus reporter de sa part à leur prince, qu'ils auoyent veu vn vieillard apris à se taire à la table. Cest exemple (di-ie) & autres pareils ne se doyent prendre nûment, ains avec leurs modifications & circonstances. Zenon se teut, n'aperceuant les ambassadeurs preparez à rien ouyr de serieux, apres les friuolles discours de ne sçay quels affettez sophistes là presens: outre qu'il eust pensé offenser grieuement la philosophie, y seruant de plaiseur attiré à resiouir la compagnie. Mais s'opiniâtrer apres la taciturnité, quand il y a besoing & beau ieu d'entamer vn beau propos: quand les hommes le vallent: quand cela ressortiroit à l'edification d'une compagnie, c'est vn stratageme d'asne, où pour le moins le faict de gens enuieux, contempteurs & arrogans. il y a (disoit trebié Isocrate) certaine saison, où le silence vaut mieux que le parler, & certaine où le parler est preferable au silence: reste à les bien discerner.

Plusieurs choses estre mauuaises par le seul abus des hommes, & de la vilanie de Crates Philosophe Cynique. Chap. 19.

TOUTES choses sont bonnes en leur vsage legitime & ordonné par le secret conseil de Dieu: mais l'ignorance & follie humaine le mesconnoissant, se les rend par la peruersion d'icelles nuisibles: puis leur en impute la faute autât mal à propos, que le chien qui mord la pierre, au lieu de se prendre à celuy qui l'en a blessé. L'eau & le feu sont Elemēs tant necessaires qu'en extreme dedain on les deffent aux coupables d'horribles forfaitz. L'un est fauteur de la vie, & ministre de mestiers infiniz: & l'autre comme la grande pepiniere des viuans & quasi le gueret de nature. On ne sçauroit exclure le sexe feminin sans vne totale ruyne du genre humain, dont il est vne essentielle moitié (iacoit que la populeuse nation des Essenies s'en passast autrefois) nonobstant les hommes intemperans & ingratz des benefices du createur, ont dit en commun prouerbe:

*Le feu, la femme, les eaux,
Sont trois maux.*

Que si les venins mesmes ouurièrement accomodez profitent: Si la maladie rendit Hieron & Ptolemee Philadelphie tresdoctes, & Straton filz de Corrhage, avec Democrate luiteurs excellens: Si les Crocodiles garantissoient l'Egypte des voleurs Ethiopiens, qui les redoutans ne s'osoyent aduenturer à la nage: Et si c'est louange que tirer vtilité de ses iurez ennemis, certainement le Thebain Crates commença bien à philosopher beotiquement, c'est à dire, à la lourde, quand il noya son argent: car ce n'estoit condamner l'abus, ainçois indiscretement punir la chose innocente du vice d'autrui. Minerue ne t'auoit encore (ô nouveau philosophe) arraché des yeux le nuage qui t'empeschoit
la veüe

la veuë de l'indifference des choses externes, bonnes, ou mauuaises suiuant l'usage qu'on leur sçait dōner: & auois quant & quand vne maigre opinion de ta philosophie, luy prohibant ainsi l'administration d'un peu d'argent, comme à quelque mauuaise mesnagere: ou tout au rebours iamais le monde ne se portera bien, que premier les Philosophes n'en manient les principaux affaires, ou que ceux qui les manient, ne philosophent. Tu craignois peut estre que la contagion de ton or ne la corrompist à la fin, ne sçachant que c'est elle mesme qui extirpe & desfait les vices mieux que le sacré Ibis les serpens en Egypte. A la verité supposé que nostre nature fust purement & simplement spirituelle, tous ces moyens terriens superfluoient à l'entretien d'icelle: mais puis que la moitié de nous estant terrestre, requiert bon gré malgré sa prouision propre & peculiere, celui ne philosophe accompliment qui n'a soucy du ciel & de la terre. L'esprit en nous respond au patron de marine, le corps, au vaisseau, & le monde, à vne mer tempestueuse, en laquelle ainsi qu'en l'Ocean, qui ne pouuoit à la nef & nocher ensemble, ne satisfait au mestier & ne merite les titres que s'aroge ordinairement dame philosophie. Chez quels riches (ô entre-partout) eusse-tu trouué bouche à court, & le pain que ne portoient les fontaines? Qui t'eust fourré *gratis* en esté? Qui t'eust fourny de cotidien de lupins, & entretenu ta vie de Cyclopes: si la faquinerie & faineantise de tō Diogene n'eust rencontré plus solides & resistans cerueaux que le tien? Mais bien, permettons par indult & priuilege aux plus spirituels, renoncer de point en point aux soucis temporels, & viure en toute franchise & liberté, comme animaux sacrez aux Dieux: est-ce pourtant à dire qu'il faille, pour enrichir en vain la mer, frustrer la societé humaine de ce qu'un charitable, hospitable & liberal sçauroit tresbien aualüer à sa patrie? Il faut dire que ceste tant sainte amour du pays, laquelle flambe au cœur des idiots, n'eschauffoit aucunement ce professeur de sapience: tesmoing la sorte response qu'il fist au grand Alexandre luy demandant s'il ne vouloit pas bien que sa ville fust remise-sus: (car ce prince auoit prins, & ruiné Thebes en cholere) Qu'en est il besoin, (dist-il) parauenture un autre Alexandre la destruiroit: condamnant par là tous fondateurs de villes, qui n'ont laissé de les bastir, iacoit qu'ils n'en esperassent pas vne eternelle, & à iamais exempt de demolition. Mais ie ne m'esbahis, si luy, homme sans regard, election, ny chois, mesprisoit tous bons offices & devoirs: car tels estoient les Cyniques, gens sans soing, discretion, ny conscience: ainsi nommez, à cause de leur éhontement, & contumelieuse medisance. Ils entroient par tout comme chiens, abboyans les actions de chacun, & ne doutoient exercer en plein marché, ce que l'honnesteté naturelle oblige aux plus espees tenebres de la nuit. Toutesfois bien que les femmes, signamment dames de qualité, ayent accoustumé en tels actes endurer spectateurs trop plus enuis que les hommes: si est-ce qu'Hipparchie, damoiselle de riche maison, enamourée de ce bossu besacier, le requist de mariage: & se laissa mener par luy en cœur de iour souz un porche fort hanté, où il l'eust depucelee à la veuë de tout le monde, sans Zenon, qui estédent son reitre au deuât, fist ombre à l'abominatiō de son maistre.

Pourquoy on appelle l'homme arbre renuersé. Chap. 29.

ἢ γὰρ μέλας τῶντι, πίντι δὲ δένδρ' ἀντλῶ.

PP C'est

C'est à dire:

La terre noire boit, & les arbres la boient:

dict le bon compagnon Anacreon, & dit vray en se ioüant: car les arbres s'alimentent par les racines, qui succent l'humeur de la terre abreuee du degout des nuës. Puis ils se vuident par amont en feuilles, fleurs & fruit. Au contraire de l'homme, qui prend nourriture par la bouche haut esleuee, & se purge par les parties basses. De là sourdit la raillerie de ceux qui l'appelloient arbre renuersé s'en dessus dessouz: à quoy n'ont scrupuleusement regardé les metamorphosistes, autremét ils n'eussent à tous coups mué les cheueux en rameaux, ny les pieds en racines: mais tout au rebours: Comme a fait Iouian Pontan, homme exacte en toutes choses, transformant Adonis par ces vers:

Hæserunt terra crines, rigitque capillus

Protenta in radice, & recto in stipite corpus.

C'est à dire:

La cheueleure à la terre se print,

Faite racine, & le corps tronc deuint.

D'aucuns qui apprendrent les lettres en vieillesse. Cap. 38.

Les Romains vantent leur grand Marc Caton le censeur, qui en sa vieillesse apprit les lettres Grecques: auquel les Isauriens opposent leur Superian, qui n'appliqua son esprit aux bonnes disciplines auant trente ans, neantmoins vsant d'extreme & indomtable diligence, paruint entre les premiers sophistes de son temps. Eunape recite qu'il se seruoit de pedagogue, voire avec telle seuerité, qu'on luy voyoit és baings les cicatrices des coups de foüet, que luy-mesme s'estoit donnez en repetant à par-soy sa leçon. Que dirons nous d'Euridice Dame Esclauonne: laquelle ja mere d'enfans grandelets, s'enamoura de l'estude des bonnes lettres: qui luy succeda si bien, qu'en perpetuelle souuenance de son heureuse entreprise, elle consacra cest epigramme aux Muses.

Γράμματ'α γαρμνημεῖα λόγων, μήτηρ γεγαυῖα

Παιδῶν ἡβώντων, ἐξ ἐπώνησε μαθεῖν.

C'est à dire:

Elle mere d'enfans ia parcruz, entreprit

Des lettres & des arts le travail non petit.

Ces exemples & maints autres pareils, vieux, & modernes, preuent assez l'homme n'estre iamais hors de saison d'apprendre: & qu'il ne faut rien desesperer en matiere de lettres: qu'à bon cœur peu nuist le defauantage du temps: que rien n'est inuincible au travail, pourueu, qu'on ne se chatoüille la peau: Car soit vieil, soit ieune, le labeur n'est ingrat à aucun.

Certainement au pris de nos travaux,

Les dieux nous font de leurs biens liberaux.

Dont fort bien respondit Socrate à celuy qui luy demandoit si vieil comme il estoit, il apprenoit encore le ieu du Luc. Il vaut mieux (dist-il) tard, que iamais. Et le sage Solon se vançoit de vieillir en apprenant: quand il dit:

Γηράσκω δ' ἔτι πολλά διδασκόμενος.

Diuersis

Diuerses observations sur la mer. Chap. 46.

Tout amas d'eau avec largeur competente & restagnation est mer aux Hebreux: comme celle de Tiberiade, bien que ce ne soit qu'un lac fait par le fleuve Jourdan trauerçant Galilee. Salomon dedia au temple de Hierusalem, par luy basti un vaisseau. qui pour son enorme grandeur fut appellé mer. Les Grecs & les Latins entendent aussi par une mer toutes choses excessiuelement grandes: disans ceux-la *βαλάνος, ἀγαθόν*, & ceux cy, *Maria & montes polliceri*. Chez eux-mesmes toute l'eau salee par la main de Nature se comprend souz le nom de mer, qui n'est qu'un corps, bien que largement épandu, s'entretenant visiblement, ou en cachette. Le principal membre est l'Océan, ainsi baptizé pour sa vitesse: car *αἶνός* denote léger, viste, & soudain, & *αἶνός* couler: aussi court-il bien plus hastiuement que le reste: d'ot Tacite liure second de ses Annales, a dit, *Quanto violentior cetero mari Oceanus*. Sa place gist autour de la terre, qu'il acolle, & fertilize, comme l'époux son épouse: de façon que Neptune s'en nome *πρωτόν*, cōme qui diroit *πρῶτος γῆς*, d' pour γῆς c'est à dire: mary de la terre. Cest Océan entre l'Afrique & l'Espagne s'enfōçat par le destroit de Gibraltar au milieu de nostre cōtinent, fait moitié de la mer Mediterranee: & deuers Septentrion par canaux souterrains degoutāt en l'Euxin acheue l'autre moitié. Et que ce propos n'esmerueille ceux qui pensent toute la Mediterranee entrer par Gibraltar & n'estre qu'un golfe & regorgement de l'Océan Atlantique: Car pour l'assurance de telle opation il conuiendrait necessairement qu'elle communiquast toute au regrouissement ordinaire dudit Ocean. Or est-il oculaire que la mer Maior, celle de Marmora, le destroit de Gallipoli, voire bonne part de l'Archipelago ne remontent jamais: ains sans faire maree descendent perpetuellement Parquoy la conclusion est irrefragable qu'elles sourdent d'amont. Le mesme Ocean tirant en Orient, alonge entre Ethiopie, Egypte & Arabie, un bras nommé la mer rouge non pour couleur de terre, ny d'eau: mais de l'ancienne ville d'Erythres, fondée par le Roy Erythre: d'où les Grecs l'appellans *ἑρυθρὰ θάλασσα*, ont trompé les Latins, qui ne prenoient garde qu'à la signifiance primitive du mot, qui est *rubrum*, en François rouge. Quinte Curce en parle ainsi: *Mare certe quo alluitur ne colore quidem abhorret à ceteris. Ab Erythro rege inditum est nomen, propter quod, ignari rubere aquas credunt*. Ce qu'il repete sur le commencement du dixiesme liure. Outre cela quasi au cœur d'Asie croupist la mer Caspe, autrement de Sala, ou de Bachan: fermee à l'environ, quoy qu'on s'y soit autrefois abusé: Mais attendu les grosses riuieres qui sans la croistre se deschargent dedans, raison nous force luy assigner ses chemins occultes par lesquels elle entre, & sort à la desrobée.

P I E R R E B. R. I S S O N Sieur du Palais, conseiller du Roy & son Seneschal de Fontenay le Comte en Poictou frere de Barnabé Brisson President au parlement de Paris a escrit,
Histoire & vray discours des guerres ciuiles es pays de Poictou, Aulnis autrement dict Rochelois, Xaintonge & Angoumois depuis l'annee mil cinq cens soixante & quatorze, iusques à l'edict de pacification de l'annee 1576. [impr. à Paris 8°. par Jaques du Buys 1578,

Il a traduit du latin d'Olorius Portugais, Euesque de Sylues en Algarue, L'instruction & nourriture du prince, despartie en huit liures. [impr. à Paris f°. par Pierre l'Huillier 1583.

PIERRE BROHE de Tournon sur le Rosne a traduit des vers latins de Iean Sulpice dict Verulan en rime François l'opuscule Des bonnes meurs & bonnes contenance que doit garder vn ieune homme tant à la table qu'ailleurs. [impr. à Lyon 8°. par Macé Bonhomme 1555.

PIERRE BRUNET a fait vn liure de tablature de Mandore. [impr. à Paris par Adrian le Roy 1578.

PIERRE CAROLI Docteur en Theologie de l'vniuersité de Paris a escrit

Traicté auquel est montré que la Confession Sacramentale dict vulgairement auriculaire est de droit diuin. [impr. avec vn autre traicté du mesme subiect fait par René Benoist à Paris 8°. par Sebastien Nyuelle 1567.

PIERRE DE CHANGY escuyer a escrit Sommaire des singularitez des 16 premiers liures de la naturelle histoire de Plin. [impr. à Lyon 16°. par Iean de Tournes 1551.
Instruction Chrestienne pour femmes & filles mariees & à marier, De la paix & vnion qu'elles doiuent moyenner & entretenir en mariage. [impr. à Poitiers 16°. l'an 1545.

Instruction de la vertu d'humilité. Avec l'Epistre de S. Bernard touchant le bon & sage gouuernement d'une maison. [Le tout imprimé avec l'institution de la femme Chrestienne traduite du Latin de Iean Loys Viuez a Paris 16°. par Pierre Cauellat 1579.

PIERRE CHARPENTIER Iuriconsulte a escrit Aduertissement saint & Chrestien touchant le port des armes, traduit de son Latin. [impr. à Paris 8°. par Federic Morel & par Sebastien Nyuelle 1575.

PIERRE DE CHASTEAUNEUF gentilhomme, seigneur dudit lieu, florissoit du temps de Perceval Dore, & de ses autres contemporains. Il fut d'un beau & subtil esprit, tant à escrire en rime Prouensalle, qu'en vers Latins, & n'a fait que des Syruentz contre les princes de son temps, & vn traitté intitulé, *Las largueffas d'Amour*, qu'il adressa à la Roynie Beatrix, quand elle fut couronnée Roynie de Naples. vn Auteur digne de foy, que S. Cezari escrit auoir leu, dict que ce Poete estant au Bois de Vallongne, venant de Roquemartine visiter le Seigneur du lieu, fut pris par quelques larrons qui brigandoyent les passans; & apres l'auoir demonté, & osté son argent, & depouillé iusques à la chemise, le vouloyent tuer: le Poete les pria luy faire ceste grace d'ouyr vne chanson, qu'il diroit auant que mourir, ce qu'ils firent, il se mit à chanter vn chant sur sa lyre qu'il feist promptement à la louange de ces brigands, si qu'ils furent contraincts luy rendre son argent, son cheual, & ses accoustremens, si grand plaisir prindrent ils à la douceur de sa poesie.

PIERRE, ABBE DE CLUNY,
Les Oeuures du bon & ancien pere Pierre, Abbé de Cluny, contemporain du venerable Abbé saint Bernard, contre les heretiques de son temps. Ou se void la vraye succession de doctrine, & traditions de l'Eglise Catholique,

lique, depuis la naissance iusques à maintenant traduites du Latin de l'Autheur en François par Iehan Bruneau Conseiller & Aduocat du Roy en l'Election & Grenier à sel de Gyen. [Impr. à Paris 8°. par Guillaume de la Nouë 1584.

PIERRE DE COLOIGNE ministre de la pretendue religion reformee à Metz a traduit d'Aleman en François, Conformité & accord, tant de l'escripture sainte, que des anciens & purs Docteurs de l'Eglise, & de la confession d'Ausbourg bien entendue touchant la doctrine de la S. Cene de nostre Seigneur par les Theologiens de l'vniuersité de Herdelberg. [Impr. à Geneue 8°. par François Perrin 1566.

Il a traduit aussi de l'Aleman de Thomas Erastus Vraye & droicte intelligéce de ces parolles de la sainte Cene de Iesus Christ, Cecy est mon corps &c. [Impr. à Lyon 8°. par Iean d'Ogerolles 1564.

PIERRE CONSTANT Langrois a escrit en vers, La Republique des Abeilles, commençant ainsi

Je chante l'union, l'estat aussi les meurs

De ces peuples aislez, &c. [impr. à Paris 4°. par Geruais Mallot 1582.

PIERRE DE CORNU.

Les Oeuures Poetiques de Pierre de Cornu Dauphinois, contenans Sonnets, Chansons, Odes, Discours, Eclogues, Stances, Epitaphes & autres diuerfes compositions. [impr. à Lyon 8°. par Iean Huguetan 1583.

PIERRE DE LA COSTE Condomois, Docteur en Theologie, de l'ordre des freres Prescheurs de la ville d'Agen & Prieur du Conuent du mesme Ordre en la ville de Bayonne, a escript en trois liures, Catholiques expositions sur le Symbole des Apostres, ou sont traictez les plus principaux poincts & plus signalez mysteres de nostre foy, vtils à tous ayans charge d'Ames & autres qui font profession de la parolle de Dieu. [impr. à Paris 8°. par Guill. de la Nouë 1577.

Sermons (en nombre 24) sur l'Oraison Dominicale, où sont traictez plusieurs grands poincts, vtils à tous Predicateurs, Curez & Vicaires pour instruire le peuple à prier Dieu. [impr. à Paris 8°. par Michel Somnius 1578.

Quatre Sermōs sur la salutatio Angeliq̃, ou sont traictez plusieurs poincts vtils à tous Predicateurs, Curez & Vicaires pour instruire le peuple de Dieu à celebrer les louāges de la vierge Marie. [impr. à Paris 8°. par Michel Sōnius 1578.

Quatre Sermons sur l'Antienne Salue Regina, esquels est faicte mention des louanges de la vierge Marie: ensemble l'inuocation & intercession des saincts. [impr. à Paris 8°. par Michel Somnius 1577.

Douze Sermons sur le Cantique virginel, dict Magnificat, esquels sont traictees plusieurs belles matieres de la sainte escripture, propres à tous Predicateurs pour prescher vn Aduent. Guill. Chaudiere. 8°. 1581.

Description de l'origine, source, progresz & fin des heresies, & des diuerfes & monstrueuses bestes suscitees par le pere de mensonge de ce dernier temps. 8°. Chaudiere 1581.

Traicté des peintures & Images erigees és saincts Temples & Eglise des Chrestiens, ou est mōstré leur vtilité, & le fruictq̃ les simples en recueillēt, Auec refutatio des erreurs des heretiqs de ce tēps touchāt cete matiere 8°. Chaudiere 1582.

PP 3 De la

De la creation, ordre, & excellence des Anges, & du ministere auquel ils sont ordonnez pour le secours & tuition de l'Eglise en general, & de chacun fidelle en particulier, contre l'opinion des heretiques modernes. [8°. Chaudiere 1581.

PIERRE DE COVRCELLES de Candés en Touraine a escrit en onze chapitres,

La Rhétorique. [Impr. à Paris, 4°. par Guill. le Noir 1557.

Il a traduit aussi en vers François,

Le Cantique des Cantiques de Salomon, ensemble les Lamentations de Ieremie le Prophete. [Impr. à Paris 16° par Robert Estienne. 1560.

PIERRE COVRTIN Carme, de Pertuys en Prouence, & Docteur en la sainte faculté de Theologie à Paris a escrit,

Sermons sur toutes les Euangiles de chacun iour & festes de Careme. Avec aucunes Epistres des Dimanches iusques aux octaues de Pasques, ensemble vn sermon funebre de la Passion. [Impr. à Paris 8° par Gilles Gourbin 1573.

Six Sermons & instructions faicts pour funebres & preschez au Conuent des Carmes de Tours, durant les Dimanches de Careme : par lesquels est traicté tant de l'origine, progres & fin de l'homme, comme aussi de l'immortalité de l'Ame. [Impr. à Paris 8°. par Guillaume de la Nouë 1577.

La Victoire de verité contre toutes heresies, mensonges, vices & abus de tous estats, contenant l'origine, grandeur, & admirables effects d'icelle, depuis la creation iusques au dernier Iugement, le tout deduiçt par Chapitres ou Sermons, par Pierre Courtin. [Impr. à Paris 8°. par Gilles Beys 1584.

PIERRE DES CRESCENS.

Le Liure des profits champestres & ruraux touchât le labour des champs, vignes & Iardins. Translaté du Latin de Maistre Pierre des Crescens de Boulogne la Grasse. [Impr. à Paris f°. par Iean & Michel le Noir.

PIERRE CRIGNON DE DIEPPE a escrit en rime, Celebration sur la mort de Raoul & Iean Parmentiers freres, de Dieppe desquels ledict Crignon estoit compagnon en la nauigation qu'ils firent en l'Isle Taprobane. [Impr. à Paris 1531.

PIERRE DE LA CROIX a traduit de Latin Epistre de Michel de Bay Theologien de Louvain traictant de l'vniõ des estats du pays bas. [Impr. à Paris par Antoine Houic 1579.

PIERRE DAMIAN.

Admirable discours de Pierre Damian Cardinal d'Hostie, touchant l'heure de la mort. Traduit de Latin par Iean Guitot, & contenu és meditations des Zelateurs de Pieté. [Impr. à Paris.

PIERRE DE DOMPMARTIN Aduocat en Parlement à Paris a escrit

Amiable accusation & charitable excuse des maux & euenemens de la France, pour monstrier que la paix & reunion des subiects n'est moins necessaire à l'estat qu'elle est souhaitable à chacun en particulier; & que nul ne peut auancer la prosperité des choses presentes qui ne se souuient & ne iuge doucement des passees. [Impr. à Paris 8°. par Robert le Mangnier 1576.

PIERRE

PIERRE DORE Docteur en Theologie, de l'ordre des freres prescheurs a escrit plusieurs œuures à sçauoir,

Les voyes de Paradis qu'a enseignees nostre Sauueur Iesus en son euangile pour la reduction du pauvre pecheur. [impri. à Lyon 16°. par François Iuste 1537.

L'Arbre de vie appuyant les beaux lys de France, où sont mis en lumiere les hauts tiltres d'honneur de la croix de nostre redempteur. [impr. à Paris 8°. par Iean Foucher 1542.

Le liure des diuins Benefices, enseignant la maniere de les recognoistre. Avec l'information de bien viure & la consolation des affligez, selon qu'il est compris au Psalme 33. de Dauid qui commence *Benedicam dominum*. [impri. à Paris 8°. par Iean Ruelle 1544.

Le College de Sapience fondé en l'vniuersité de Vertu, auquel s'est renduë escoliere Magdelene. & contient 27. chapitres. [impr. à Paris 8°. par Antoine Bonnemere 1539. & depuis 16°. par Iean Ruelle 1556.

Les triumphes du Roy sans per. Avec l'excellence de l'eglise son espouse & leur noble lignee, selon que Dauid l'enseigne au Psalme 44. *Eructauit*, au long expliqué en 20. chapitres. [imp. à Paris 16°. par Iean de Brouilly 1548.

L'arche de l'alliance nouvelle & testament de nostre Sauueur Iesus Christ, contenant la Manne de son precieux corps, contre tous sacramentaires heretiques. [impr. à Paris 8°. par Iean Ruelle 1549.

La Croix de Penitence enseignant la forme de soy confesser, avec le cry du penitent contenu au psalme penitential de Dauid qui commence *De profundis clamauit*. [impr. à Paris 16°. par Iean Ruelle 1545.

Les collations Royales, premiere & seconde parties, contenans l'exposition de deux Psalmes Dauidiques à sçauoir des 24. & 26. en l'vn le Cheualier errant cherche son bon chemin: en l'autre le Cheualier hardy suit la lumiere qui le conduit. [impr. à Paris 8°. par Iean André 1546.

La Conserue de grace requise par le Prophete Dauid au psalme 15. qui commence *Conserua me domine*, contenât l'exposition dudit psalme: Avec vn doux chant consolatif de l'ame fidele extraict de l'escriture sainte. [imp. à Paris 16°. par Guillaume Cauellat 1548.

L'Adresse du pecheur, &c.

Cantiques deschantez à l'entree du tref-chrestien Roy Henry 2. & de la Royne sa femme en la ville de Paris l'an 1548. Avec la sympathie & accord des vingt lettres latines de l'Alphabet. Plus Hymnes, Odes, Threnes & Cantiques du mesme autheur. [impr. à Paris 16°. par Iean Ruelle audiēt an.

Les allumettes du feu diuin pour faire ardre les cueurs humains en l'amour de Dieu. Où sont declarez les principaux articles & mysteres de la passion de nostre Sauueur Iesus Christ. [imp. à Lyon 4°. par Pierre de Sainte Lucie & à Paris 16°.

Le Nouveau testament d'amour, de nostre pere Iesus Christ signé de son sang. Autrement son dernier sermon fait apres la cene, avec sa passion, où sont confutees plusieurs heresies. [impr. à Paris 8°. par Iean Ruelle 1550.

La Piscine de Pacience. Avec le miroir de Patience. [imp. à Paris 16°. par Be-

noist Preuost 1550.

L'image de vertu, demonstrent la perfection & sainte vie de la bien-heureuse vierge Marie mere de Dieu tant de l'ancien que du nouveau testament [impr. à Paris 8°. par Jean Ruelle.

Les souspirs de l'ame fidele. [imp. à Paris.

L'obseruance de Religion Chrestienne contenant l'exposition du psalme Dauidique 38. qui commence *Dixi custodiam vias meas*. [impr. à Rheims par Nicolas Bacquenois 1554.

Dialogue de la iustification chrestienne entre nostre Sauueur Iesus Christ & la Samaritaine. [imp. à Paris 16°. par Jean Ruelle 1554.

La celeste pensee des graces diuines arrousees, où sont declarez les sept dons du saint Esprit & la maniere de les demander à Dieu. [impr. à Paris 16°. par Jean Ruelle 1556.

La deploration de la vie humaine: Avec la disposition à dignement receuoir le saint Sacrement & mourir en bon Catholique. Ensemble le sermon funebre faict és exeques de Messire Philippes Chabot Admiral de France. [impr. à Paris 16°. par Jean de Broully 1543. & par Estienne Groulleau 1556.

La vie & mort chrestienne extraicte des epistres de S. Paul, contenant la doctrine plus necessaire à vn Chrestien de sçauoir & practiquer: liure distingué & parry par chapitres comme on voit à la table d'iceluy. [impri. à Rheims 8°. chez Nicolas Bacquenois 1556.

Le Cerf spirituel, &c. [imp. à Paris.

La pasture de la brebis humaine selon que l'enseigne le Royal prophete Dauid au 22. psalme qui commence *Dominus regit me*. Avec l'anatomie & myltique description des membres & parties de nostre Seigneur Iesus Christ. [impr. à Paris 16°. par Jean Ruelle 1554.

Dialogue instructoire des Chrestiens, en la foy, esperance, & amour de Dieu, où sont introduicts Cornelius & S. Pierre deuifans. [imp. à Paris 16°. par Jean Ruelle.

La tourterelle de viduité contenant 12. chapitres enseignant les veufues comment doiuent viure en leur estat & les consolant en leurs aduersitez, aussi les orphelins. [impr. à Rheims 16°. par Nicolas Bacquenois 1557.

Dialogue entre le Samaritain & Dieu.

La victoire de toutes tribulations, extraicte de la sainte escriture & des Docteurs de l'Eglise. [impr. à Rheims 16°. par Nicolas Bacquenois 1558.

Oraison panegyrique pleine de consolation pour treshaut & trespuissant Prince Claude de Lorraine, Duc de Guyse decedé l'annee 1550. Avec la douce musique Dauidique ouye au cantique 125. qui se commence, *In conuertendo dominus captiuitatem*. Item vn remede salutaire contre les scrupules de conscience. [impr. à Paris 8°. par Jean de Broully 1550.

Meditations de la messe.

Anticaluin, contenant deux deffences catholiques de la verité du S. Sacrement & digne sacrifice de l'autel contre certains faux escrits sortis de la boutique des sacramentaires Caluinistes heretiques, mis au vent & semé par certains lieux de ce Royaume au scandale des fideles & pusilles. Avec vn traicté de Na

ture

ture & grace. [impr. à Paris 8°. par Sebastien Nyuelle 1568.

Le second liure des diuins benefices, où est amplement expliqué le psalme Dauidique, *Benedic anima mea domino*. [imprimé à Paris 8°. par Jean Ruelle 1569.

L'Esperance asseuree. [impr. à Paris.

Le passe solitaire, &c.

Paradoxa Petri Deaurati ad profligandas hareses ex diui Pauli epistolis selecta. [Parisiis 8°. excud. Ioannis de Broully 1543.

Adunatio precipuarum materialium sparsim contentarum in diuersis locis epistolarum diui Pauli apostoli per fratrem Petrum Deauratum Doctorem Theologum ordinis predicatorum. [impress. Parisiis 16°. apud Anton. Bonnemere 1557.

PIERRE E M O T T E Docteur en Theologie de l'vniuersité de Paris & chanoine Theologal à Laon a escri,

Sermons & exhortations catholiques sur toutes les epistres & euangiles de chacun Dimenche de l'annee : tome premier, depuis le premier Dimenche de l'Aduent iusqu'au iour & feste de la S. Trinie. [imp. à Paris 8°. par G. Chaudiere 1582.

Catholica fidei professio, primum utriusque testamenti, deinde sanctorum patrum qui primis duobus ecclesie seculis floruerunt testimoniis confirmata digesta in 4. libros, quorum primus quæ ad Lei, angelorum & sanctorum cognitionem cultumque pertinent complectitur. Secundus de homine & dei erga illu providentia, predestinatione, iustificatione, mediisque agit. Tertius de sacramentis, quartus de hominis nouissimis tractat per P. Emoté Doct. Theologum. [impress. Parisiis 8°. apud Mich. Semnium 1578.

PIERRE DE L E N C R A V Euesque de Lombez a traduit en françois,

Les prieres de Jean Loys Viues, intitulees en latin, *Exitationes animi in deum*. [imp. en Auignon 8°. par Pierre Roux 1552. Geoffroy de Billy en a fait aussi vne autre version.

PIERRE E N O C autrement dict de la Meschiniere a escrit,

Opuscles poetiques. [imp. 8°. par Iacob Stœr 1572.

La Ceocyre, contenant 151. Sonnets, Odes, Chançons, Elegies, Bergeries. [imp. à Lyon 4°. par Barthelemy Honnorat 1578.

PIERRE D' E P I N A C Archeuesque de Lyon, Conseiller du Roy en son conseil d'estat, a prononcé la harengue au nom du clergé deuant le Roy seant en ses estats generaux assemblez à Blois laquelle a esté imprimee à Paris 4°. par Pierre l'Huillier 1577.

Exhortation au peuple de son Diocese, avec le formulaire des prieres qui se font tous les iours de la sepmaine. [imp. à Lyon 16°. par B. Rigaud 1583.

Il a composé aussi plusieurs doctes & elegans vers: & entre autres vne Satyre. non imprimez.

PIER

PIERRE DE L'ESNAVDIER E scribe des priuileges
del'Vniuersité de Caen a escript

La louange & recueil des histoires des bonnes, vertueuses & illustres femmes.

[impr. à Paris 8°. par François Regnaud 1525]

Petri de l'Esnauidiere opusculum de Doctoribus & priuilegiis eorum [impress. Paris 8°.

PIERRE D'ESRAY de Troyes & Champagne a traduit & compilé

Les postilles & expositions des epistres & euangiles Dominicales avec celles des festes solemnelles & aussi la passion & resurrection de nostre Sauueur premier & second volumes imprimez à Paris f°. par Iean Mourand & Iean Gerlier 1497. & depuis corrigees & imprimees par Poncet le preux 1551.

La vie des peres anciens iadis demorans és grands deserts d'Egypte, Thebaïde, Syrie, Mesopotamie, & autres, composee premierement en latin par saint Hierome [imp. à Paris f°. par Iean Petit sans datte. Item

Genealogies faicts & gestes des apes composé premierement par Platine [imp. à Paris f°. par Galiot du Pré 1519.

La mer des Chroniques & miroir historial de France extraict des Chroniques de Robert Guaguin, de Guillaume de Malmery Chroniqueur des Normans, de Iean le Maire d'Hugues Fbrian, de Gregoire de Tours, de la Chronique de Bretagne, d'Antoine Sabellius du Chroniqueur de S. Denys, de Platine, de Sigebert, d'Ammonius moine, de Vincent de Beauuais, d'Odes Abbé de Cluny, de Turpin, de Raphaël de Volaterrre, de Iean Froissard, d'Enguerrand. [impr. à Paris f°. en 2. parties par Galiot du Pré 1516. & par Iacques Nyuerd 1530.

Les faicts & gestes du preux Godefroy de Bouillon & de ses cheualeux freres Bauldouyn & Eustache yssus de la noble lignee du Cheualier au Cygne avec leur genealogie. [impr. à Paris 4°. par Iean Bonfons sans datte.

PIERRE FABRI de Rouen, Curé de Meray a escript en deux liures

Le grand & vray art de pleine Rhetorique pour elegantement parler & composer tant en prose qu'en rime, ou au lieu qu'il traicte des termes & mots barbares que celui qui compose doit euer (comme seroit, entremesler des vocables particuliers à vn pays, & incognus ailleurs, escorcher le latin, prendre mot pour autre assez conuenant en prolation, entremesler du latin parmy le françois, exposer le latin tout autrement que n'est sa signification) i'ay veu quelques exemples qui m'ont donné du plaisir dont ie ne veux frustrer les lecteurs qui n'ont veu le liure assez vieil & imprimé à Paris 8°. par Estienne Cauëiller 1539. Je mettray donc cy les exemples des susdicts vices l'un apres l'autre, & pour le premier ce Rondeau

Johannes qui prononcez Pourcel

Apprenez à dire Pourceau,

Ne dictes point seel pour seau,

Et ne dictes seau pour seel;

Point

*Point ne faut dire un beau oyfel
Mais vous direz un bel oyseau
Johannes.*

*C'est bien dict un peché mortel,
C'est mal dit un peché morteau.
Dictes, tout beau, chappeau, rousseau
Sans dire bel, chappel, roussel
Johannes.*

Pour le second exemple, Huiçtain.

*En prohibant le berengaudiser
Ne sumes point vocabules latines:
Ne putez point tel vocabuliser
Vous diriger en perpulchres termines
Mais cogitez les vies & termines
Pour dulcorer vostre tresalme eloque
Si mon precept ne seruez, ie commines
Vous forbanir & que chacun s'en moque.*

Pour le 3. qui est d'entremesler du latin parmy le françois, De asino nostro bono, meliori & optimo, debemus faire feste. Qui a bon asne il est bien estoré, car il apporte bon faix de nemore, &c.

Pour le 4. qui est d'exposer le latin en autre sens & signification.

<i>Inter natos</i>	<i>Entre deux nattes</i>
<i>Mulierum</i>	<i>Mouillees</i>
<i>Non surrexit</i>	<i>N'a point sué</i>
<i>Maior Iohanne</i>	<i>Maistre lean</i>
<i>Baptista.</i>	<i>Le boiteux.</i>
<i>Omnia tempus habent.</i>	<i>On n'y atten point de bien,</i>
<i>Mundus, Caro, Demonia.</i>	<i>Le monde n'a cure de moynes.</i>

Il ne trouue pas bon aussi qu'on vse de cest ancien mot amé pour dire aimé, duquel vsent neantmoins les secretaires du Roy quand ils mettent, A nostre amé & feal, lequel mot feal est vn autre ancien mot qu'ils ont retenu, dequoy se mocqueroit encores de plus fort ledict Fabri s'il viuoit, ne s'estant lors peu contenir de dire,

<i>Du vice de ce present dict</i>	<i>Qui est des enuieux hamé</i>
<i>Lon se treuve souuent blasme</i>	<i>Hamé pour estre pris à l'haim</i>
<i>Exemple, d'un quidam qui dict</i>	<i>C'est trop rudement estimé:</i>
<i>Jceluy n'est pas bien amé</i>	<i>Onc ne s'en mesla maistre Alain.</i>

Mais il ne trouue pas mauuais qu'à la fin de chacun vers on vse pour rimer d'un semblable terme comme verbe actif & passif, & nom & positif & comparatif. Exemple

Bon

PIERRE DE L'ESNAVDIERE scribe des priuileges
de l'Vniuersité de Caen a escrit

La louange & recueil des histoires des bonnes, vertueuses & illustres femmes.

[impr. à Paris 8°. par François Regnaud 1525]

Petri de l'Esnauidiere opusculum de Doctoribus & priuilegiis eorum [impress. Parisius 8°.

PIERRE DESRAY de Troyes en Champagne atranslaté & compilé

Les postilles & expositions des epistres & euangiles Dominicales avec celles des festes solemnelles & aussi la passion & resurrection de nostre Sauueur premier & second volumes imprimez à Paris f°. par Iean Mourand & Iean Gerlier 1497. & depuis corrigees & imprimees par Poncet le preux 1551.

La vie des peres anciens iadis demorans és grands deserts d'Egypte, Thebaïde, Syrie, Mesopotamie, & autres, composee premierement en latin par saint Hierome [imp. à Paris f°. par Iean Petit sans datte. Item

Genealogies faicts & gestes des apes composé premierement par Platine [imp. à Paris f°. par Galiot du Pré 1519.

La mer des Chroniques & miroir historial de France extraict des Chroniques de Robert Guaguin, de Guillaume de Malmery Chroniqueur des Normans, de Iean le Maire d'Hugues Fbrian, de Gregoire de Tours, de la Chronique de Bretagne, d'Antoine Sabellie du Chroniqueur de S. Denys, de Platine, de Sigebert, d'Ammonius moyne, de Vincent de Beauuais, d'Odes Abbé de Cluny, de Turpin, de Raphaël de Volaterie, de Iean Froissard, d'Enguerrand. [impr. à Paris f°. en 2. parties par Galiot du Pré 1516. & par Iacques Nyuerd 1530.

Les faicts & gestes du preux Godefroy de Bouillon & de ses cheualeux freres Bauldouyn & Eustache yssus de la noble lignee du Cheualier au Cygne avec leur genealogie. [impr. à Paris 4°. par Iean Bonfons sans datte.

PIERRE FABRI de Rouen, Curé de Meray a escrit en deux liures

Le grand & vray art de pleine Rhetorique pour elegantement parler & composer tant en prose qu'en rime, ou au lieu qu'il traicte des termes & mots barbares que celui qui compose doit euitier (comme seroit, entremesler des vocables particuliers à vn pays, & incognus ailleurs, escorcher le latin, prendre mot pour autre assez conuenant en prolation, entremesler du latin parmy le françois, exposer le latin tout autrement que n'est sa signification) i'ay veu quelques exemples qui m'ont donné du plaisir dont ie ne veux frustrer les lecteurs qui n'ont veu le liure, assez vieil & imprimé à Paris 8°. par Estienne Caueiller 1539. Je mettray donc icy les exemples des susdicts vices l'un apres l'autre, & pour le premier ce Rondeau

Johannes qui prononcez Pourcel

Apprenez à dire Pourceau,

Ne dictes point seel pour seau,

Et ne dictes seau pour seel;

Point

*Point ne faut dire un beau oysel
Mais vous direz un bel oyseau
Johannes.*

*C'est bien dict un peché mortel,
C'est mal dit un peché morteau.
Dites, tout beau, chappeau, rousseau
Sans dire bel, chappel, roussel
Johannes.*

Pour le second exemple, Huiçtain.

*En prohibant le berengaudiser
Ne sumes point vocabules latines:
Ne putez point tel vocabuliser
Vous diriger en perpulchres termines
Mais cogitez les vies & termines
Pour dulcorer vostre tresalme eloque
Si mon precept ne seruez, ie commines
Vous forbanir & que chacun s'en moque.*

Pour le 3. qui est d'entremesler du latin parmy le françois, De asino nostro bono, meliori & optimo, debemus faire feste. Qui a bon asne il est bien estoré, car il apporte bon faix de nemore, &c.

Pour le 4. qui est d'exposer le latin en autre sens & signification.

<i>Internatos</i>	<i>Entre deux nattes</i>
<i>Mulierum</i>	<i>Mouillees</i>
<i>Non surrexit</i>	<i>N'a point sué</i>
<i>Maior Iohanne</i>	<i>Maistre lean</i>
<i>Baptista.</i>	<i>Le boiteux.</i>
<i>Omnia tempus habent.</i>	<i>On n'y atten point de bien,</i>
<i>Mundus, Caro, Demonia.</i>	<i>Le monde n'a cure de moyne.</i>

Il ne trouue pas bon aussi qu'on vse de cest ancien mot amé pour dire aimé, duquel vsent neantmoins les secretaires du Roy quand ils mettent, A nostre amé & feal, lequel mot feal est vn autre ancien mot qu'ils ont retenu, dequoy se mocqueroit encores de plus fort ledict Fabri s'il viuoit, ne s'estant lors peu contenir de dire,

<i>Du vice de ce present dict</i>	<i>Qui est des enuieux hamé</i>
<i>Lon se treuve souuent blasme</i>	<i>Hamé pour estre pris à l'haim</i>
<i>Exemple, d'un quidam qui dict</i>	<i>C'est trop rudement estimé:</i>
<i>Sceluy n'est pas bien amé</i>	<i>Onc ne s'en mesla maistre Alain.</i>

Mais il ne trouue pas mauuais qu'à la fin de chacun vers on vse pour rimer d'un semblable terme comme verbe actif & passif, & nom & positif & comparatif. Exemple

Bon

<i>Bon iour madame la medecine</i>	<i>Surnom.</i>
<i>Jay des drogues de medecine</i>	<i>Practique</i>
<i>Faiçtes par art de medecine</i>	<i>Art</i>
<i>Dont faut que ie vous medecine</i>	<i>Verbe.</i>

Il a escrit aussi les epitaphes du Roy Loys faiçts à Rouen. Plus traicté, touchât le temps de maintenant où sont introduiçts parlans ensemble vnze dames, à sçauoir Naples, Venise, Rome, Florence, Gennes, Mylan, France, Espagne, Angleterre, Flandres, Autriche & l'Acteur.

Celuy qui a le dernier augmenté l'epitome de la Biblioth. de Gesner s'est grâdement abusé en ce qu'il attribuë la Rhetorique de cest autheur à Pierre du Faur maistre des requestes du Roy qui a doctement escrit en latin *Semestrium lib.* n'ayant esgard au nom, au temps, à la qualité & profession diuerse des personnes, ny au genre different d'escire.

PIERRE FARGET de l'ordre S. Augustin & Docteur en sainte Theologie a translaté de latin en françois le miroir de la vie humaine compilé par vn noble Docteur & Euesque nommé Rodouaque de la nation d'Espagne & adressé au Pape Paul second, & est intitulé lediçt liure Le miroir de la vie humaine pourautant que tout ainsi côme au miroir materiel vn chacun voit soy-mesme & les autres choses laides & belles & ce qui est honny, sale ou honneste, ainsi en ce miroir cler & net pourra tant l'Ecclesiastique comme le mondain noble ou de quelque condition qu'il soit veoir les choses douces & ameres droiçtes ou tortuës & aussi ce qui est en soy & en sa vie fortunée, & pareillement verras aux autres mortels les choses qui sont de louer & d'ensuyure & qui se doit reprendre & corriger. Et comme diçt Gelasius Pape, ils sont deux estats par lesquels tout le monde est regy & gouverné: c'est à sçauoir le temporel & le spirituel. Et pourtant qu'en general sont ces deux estats, l'acteur de ce present liure a voulu comprendre son œuvre en deux traictiers. Au premier traicté contenant 43. chapitres de l'estat de toute la temporalité & des arts seculiers en donnant forme de viure en cōmençant au plus haut estat des mondains, c'est à sçauoir aux Empereurs & Rois auecques les autres Princes inferieurs, & finablement descendant iusques aux bergers: & ainsi pourra vn chacun voir la diuersité de la vie des hommes mortels & la vanité des arts & de l'occupation mondaine, & quel proffit peut auoir l'ame, & quel honneur temporel, proffit on dommage, quel labour & peril est rescondusoubs telle vie & des interieures & inuisibles miseres & afflictions qu'ils ont souffert dès le commencement du monde les hommes tant bons & innocens que mauuais pecheurs & que souffrent de iour en iour. Au second liure, contenant trente chapitres il traicte de l'estat ecclesiastique & spirituel, & de la maniere de viure en celuy estat, lequel estat est distingué en deux manieres, c'est à sçauoir en purs ecclesiastiques & reguliers, & traicte de vn chacun le principal & nature origination & autorité de l'institution, & difference de la necessité, vtilité & excellence perrogatiue de leurs aguillons labours & perils comme sy deurent gouverner: & commence au plus haut,

c'est

c'est asçauoir au chef de l'Eglise le Pape lequel est chef de tous estats & de toute la vie humaine exemplaire & miroir. Et en apres il décrit tous les estats de l'Eglise & les ordres particulièrement a celle fin que vn chacun sçache eslire de bien viure. [imprimé en feuille par Nicolas Philippiet Marc Reinhardy Deltrabourc l'an mil quatre cens quatre vingt deux, le 20 iour d'Aoust.

PIERRE LE FEVRE de l'ordre saint François, confesseur des Sœurs de sainte Claire, en la cité d'Arras a escrit vn liure contenant 24 chapitres, intitulé

La perle precieuse Euangelique, & tresor diuin du Marchant Chrestien, fondée sur texte d'Euangile, [impr. 16. à Paris par viuant Gautherot. Auquel liure sont contenuës les vrayes richesses du peuple de Dieu, & par le Marchant dont le S. Esprit a escrit qu'il est allé en voye loingtaine, a porté avec soy son sac plein de pecune & retournera en sa maison au iour de pleine Lune, y est, dict saint Hierosme interpreter & vouloir estre entendu du Seigneur Iesus Christ lequel descendant du ciel en terre, a cheminé par voye tresslongue: & nous a apporté au sçachet de son humanité, pecunes de graues biens, à sçauoir tous les tresors de sapience & science diuine en son ame, & en son corps le pris de nostre Redemption. Et outre ce nous a apporté toutes graces, aydes & dons necessaires à tous, pour paruenir au port tranquille de Paradis. Desquelles il a fait avec grande sapience la distribution, premierement donnant par soy mesmes sa sapience & science, en preschant l'Euangile du Royaume de Dieu, à la fin de laquelle predication, il est retourné par passion, mort & Resurrection à sa maison de Paradis, le iour de la Lune quatorziesme, qui estoit pleine Lune, estant aduenue la plenitude du temps quand toute verité deuoit estre accomplie. Et lors nous a acheptez & racheptez ce diuin Marchant baillant pour nous le pris tref-precieux de son sang.

PIERRE HABERT d'Yssouldun a escrit

Le soulagement d'esprit, contenant plusieurs belles sentences & histoires memorables en ordre Alphabetique par lesquelles vn chacun peut apprendre à bien & vertueusement viure.

Plus le Miroir de vertu contenant plusieurs belles histoires & sentences morales en prose, aussi mises par Alphabet.

Plus Instruction de l'art d'Escripture contenant la maniere de bien tailler la plume & la choisir, ensemble le gannuiet, le papier, le parchemin, & l'encre & autres secrets dudit art, avec aucuns quatrains par ordre Alphabetique tant moraulx que parlans de l'escripture pour seruir d'exemples aux Maistres qui exercent ledit Art. Ensemble le moyen de composer, toutes sortes de missiues, avec la punctua-

tion

tion & accens de la langue François. Le tout par Pierre Habert maistre Ecriuain à Paris. [impr. à Paris 16°. par Jean Cauellier 1559. & par Claude Micard 1569.

Des biens & vtilité qu'apporte la paix, & des maux prouenans de la guerre. [impr. à Paris 8°. par Claude Micard 1568.

PIERRE FORCADEL de Beziers, Lecteur ordinaire du Roy és Mathematiques en l'vniuersité de Paris a escrit:

Arithmetique, en laquelle sont traictees quatre reigles briefues, qui contiennent les deux cens quarante anciennes: & plusieurs autres reigles, pour l'exercice des nombres entiers, par lesquels on peut facilement paruenir à la cognoissance de l'Algebre. [impr. à Paris 4°. par Guillaume Cauellat en l'an 1556.

Second liure de l'Arithmetique auquel sont declarees les fractions vulgaires, avec leurs demonstrations par les quantitez continues & premieres causes des egalissemens de l'Algebre. [impr. à Paris 4°. par Guillaume Cauellat, en l'an 1557.

Troisiesme liure de l'Arithmetique, auquel sont traictees les demonstrations de toutes les sortes de racines, avec l'entiere pratique de l'extraction d'icelles. Ensemble plusieurs questions, reigles, & demonstrations Mathematiques. Avec le propre subiect de l'Algebre. [impr. à Paris 4°. par ledit Cauellat, en l'an 1558.

Arithmetique entiere & abbregee. [impr. à Paris 4°. chez Charles Perier, en l'an 1565.

Arithmetique par les geets, diuisee en trois liures de l'inuention du dict Forcadel. [imprim. à Paris 8°. par Guillaume Cauellat, en l'an 1559.

Il a traduit,

Les six premiers liures des Elemens ou principes de Geometrie d'Euclide. [impr. à Paris.

Les septiesme, huitiesme & neuuiesme liures des Elemens d'Euclide comprenant toute la science des nombres. [impr. à Paris 4°. par Charles Perier 1565.

Deux liures de Proclus du mouuement traduits & commentez par le mesme Forcadel. [impr. à Paris 4°. par Charles Perier 1565.

Le premier liure d'Archimede des choses esgalement pesantes traduit & commenté par ledit Forcadel. [impr. par ledit Charles Perier 4°. en l'an 1565.

Liure d'Archimede des Pois, qui aussi est dict des choses tombantes
en

en l'humide traduit & commenté par ledict Forcadel. Ensemble ce qui se trouue du liure d'Euclide du leger & du pesant. [impr. à Paris 4°. par Charles Perier 1565.

La Practique de la Geometrie d'Oronce, En laquelle est compris l'vsage du Quarré Geometrique & de plusieurs autres instrumens seruans au mesme effect. Ensemble la maniere de bien mesurer toutes sortes de Plants, & quantitez corporelles, Auec les figures & demonstrations. [impr. à Paris 4°. par Gilles Gourbin, en l'an 1570.

Deux liures d'Autolice l'un de la Sphere, & l'autre du leuer & coucher des estoilles nō errâtes, Ensemble le liure de Theodose des habitations traduits par ledit Forcadel, & impr. à Paris 4°. par Hierosme de Marnef 1572.
La Musique d'Euclide. [impr. à Paris 8°. par Charles Perier 1572.

PIERRE FRANCO de Turriers en Prouence, Chirurgien à Lau-
sanne a escrit

Traicté des Hernies : contenant en 156 Chapitres vne ample declaration de toutes les especes d'hernies, & autres excellentes parties de la Chirurgie, Assauoir, de la Pierre en la vessie, de la cure des cataractes des yeux & autres maladies. Auec leurs causes, signes, accidés, anatomie des parties affectes & leur entiere guerison. [impr. à Lyon 8°. par Thibaud Payen 1561.

PIERRE FRIZON Chanoine de nostre Dame de Rheims, a traduit de l'Italien de Dom-Pierre de Lucques, Chanoine regulier de La-
tran,

La doctrine de bien mourir, contenuë en trois chapitres. [impr. à Paris 16°. par Thomas Brumen 1584.

PIERRE GALANDIVS.

Oraison sur le trespas du Roy François premier, faicte par Pierre Galand son Lecteur & professeur és lettres Latines, & par luy prononcee en Latin en l'vniuersité de Paris le 7. iour de May 1547. & traduite en François par Iean Martin Parisien, Secretaire du R. Cardinal de Lenoncourt. [impr. à Paris 4°. par Michel de Vascofan.

En ladicte Oraison.

Je desireroie bien que voulussiez considerer quelle & combien pesante est la charge de l'administration d'un Royaume, de quelles difficultez elle se treuve enuelppee, & à quantes diuerses calomnies vne auctorité est subiette. Car (à dire le vray) tous personnages qui pourroient en vie particuliere passer leur aage sans reprehension, ne sçauoient en celle qui emporte commandement sur les autres, euitier les detractions & mesdisances du peuple : qui n'est certes du tout sans cause, eu esgard à ce que comme nous voyons plusieurs gouverner aysément avec les aurons quelque petit basteau sur vne riuere non impetueuse, apres s'ilz essayent à conduire un nauire en la mer mal asseurée, souuentesfois rumbent en naufrage:

Q Q 2 ainsi

ainsi peuuent faillir les princes en maniant des administrations si confuses, la ou s'ils estoient particuliers, l'on n'en parleroit point, & n'auroit on seulement le moindre soupçon de leur mauuais regime. Mesmes tout ainsi que quand les vents, pluyes, & autres dispositions du ciel, ordonnees pour le proffit des hommes, viennent en force immoderée, nous voyons les arbres de plusieurs en recevoir dommage, les bleds verser, les troupeaux des bestes en souffrir plusieurs incommoditez bien grandes, voire iusques à descouurir ou ruyner les cabannes champestres : ainsi ne se sçauroit bonnement faire que sustentant vn seul homme la charge d'vne si pesante masse, diuers accidents n'offensent aucuns subiects, qui en donnent la coulpe à celuy qui gouuerne. Mais adioustons encore à cecy, qu'en si grande licence de toutes choses, entre tant de richesses, telle puissance, si fortes attractions de voluptez, & aiguillonemens de conuoitises, il est merueilleusement difficile de ne lascher aucunefois la bride à son courage, & n'obeyr aux affections de nature lesquelles incessamment nous poignent & prouoquent. Encores porte la vie illustre ce mal ordinaire quant & loy, que iamais ne sçauroit cacher vn mal, s'il aduient qu'elle en commette, & que les plus excellentes vertus dont elle peut estre paree, sont obscurcies par des petites fautes legieres, ou (parauenture) de nulle importance. Dauantage nous faut penser que comme quand la mer desborde, ou quelque fleuve regorge de son canal, on prend & oste à chacun sans difference, & sans rien espargner, contrepointes, loudiers, lits, tapisseries, vestemens, & tous autres meubles pour mettre au deuant de l'impetuosité des ondes: puis en pareil quand le feu brusle quelque maison, nous tirons abas la couuerture, à ce que tout le demourant soit sauué: ne plus ne moins quand la necessité nous force, en gouuernant vne grande seigneurie, afin que le corps vniuersel de la Republique se preserue, les princes sont contraincts de faire assez de choses que plusieurs iugent defraisonnables. A ceste cause les plus prudents doiuent dissimuler de non voir beaucoup d'actes que font aucunefois nos Princes, & en doiuent excuser plusieurs, ou les prendre en la meilleure partie, ou de faict les attribuer non tant à leurs fautes, qu'à la grosse charge des affaires qu'ils ont. Outre cela ceux en qui apparoissent certains signes de vertu, & vne inclination naturelle à bien faire, nonobstant qu'ils n'ayent la perfection tant exquise que nous attribuons coustumierement aux plus sages si sont ils dignes d'estre aimez, honorez & seruis de nostre pouuoir, &c.

PIERRE DROIT-DE-GAILLARD Aduocat à la Court de Parlement à Paris a escrit,

Methodes qu'on doit tenir en la lecture de l'histoire vray miroir & exemplaire de nostre vie, où les principaux poincts des sciences morales & politiques rapportez à la loy de Dieu & accommodez aux mœurs de ce temps sont contenuz & illustrez de fort beaux exemples. [impr. à Paris 8°. par Pierre Cauellat

1579.

Table chronologique & methodique pour la lecture de toutes histoires cõtenant sommairement l'ordre des temps depuis la creation du monde, iusques à present, les commencemens, le progres & la fin des Monarchies, Royaumes

&

& Republiques. [impr. à Paris par Martin le Jeune 1577.

PIERRE GARCIE dit Ferrande a escrit,

Le grand routier & pilotage de mer, ou enseignement pour encrer tant es ports, haures que autres lieux de la mer, tant des parties de France, Bretaigne, Espagne, Flandres & haultes Allemaignes. Avec les dangers des ports, haures, riuieres des regions susdictes, Ensemble les iugemens d'Oleron sur le faict du nauigage. [impr. à Poictiers 4°. par Enguilbert de Marnef 1520.

PIERRE DE GARROS a traduit en rime & langage Gascon selon la verité Hebraique

Les Psalmes de Daud, sous tel tiltre: Psalmes de Daud virats en rime Gascon per Pey de Garros Laytorez. [impr. à Tholose 8°. par Jaques Colomiez 1565.

PIERRE GENTIEU natif de Paris: estant amoureux d'une Dame, composa un liure auquel il nomme quarante ou cinquante des plus belles Dames de son temps: prenant occasion sur un Tournoy, qu'il feint auoir esté entrepris par ces Dames, pour esprouuer comme elles se porteroient au voyage d'outre mer, où elles deliberoient aller. Il y a grande apparence qu'il vesquit du temps de Philippes le Bel: & au plus tard sous Philippe de Valois. Au commencement du regne duquel, ce Roy fit semblant d'entreprendre la guerre pour le recouurement de la terre sainte: & onc puis il ne se fit croysade pour le pays de Surie. Il se nomme à la fin de son liure,

J'ay à nom Pierre Gentien,

Qui suis loié de tel lien,

Dont nus ne me puet deloier.

Il n'y a doute qu'il ne fut de la maison des Gentiens, tres-ancienne à Paris, car il blasonne ses armes, telles que ceux de ceste famille portoient lors: à sçauoir,

D'enciens guelles & d'argent,

Qui contre le Soleil resplent,

Vne bende y ot ouuree

De fin azur, d'or fleuretee.

Et puis apres:

Iohannes hom non pas antien,

Que on appelle Gentien,

Portoit tiex armes ce disoyent.

Ce Pierre peut bien estre venu de l'un des deux freres qui furent tuez aidans à monter Philippes le Bel, surpris par les Flamens, en la bataille donnee l'an 1304. à Mont de Pirenes en Flandres. Desquels la grand Chronique dit: *Et fut le Roy de si pres pris, qu'à peine peut il estre armé à poinct. Et ainçois qu'il peut estre monté à cheual, peut il voir occir deuant luy messire Hue de Bouille, Cheualier: & deux Bourgeois de Paris Pierre, & Jaques Gentiens freres. Lesquels pour le bien & fidelité qui estoient en eux, estoient tousiours*
Q Q 3 pres

pres le Roy. Et cest Autheur mesme ne cele pas en ce liure, que Pierre Gentien ne fust vaillant de sa personne: car il l'appelle

Le plus vaillans de cist Royaume.

Ce tournoy peut estre leu pour la memoire d'aucunes familles de Paris plus que pour excellence du stil.

PIERRE GENTIL de Vendosme a escript

Deux veritables discours, l'un contenant le fait entier de toute la guerre de Malthe, & l'autre declarant au vray les choses exploiçtees tant en l'armee de l'Empereur qu'en celle du Turq & Vayuode au pays d'Hongrie & terres circonuoisines. Avec le pourtraict & forteresse de la forteresse & ville de Zighet situee audit pays d'Hongrie, & prise d'icelle par le Turq. [impr. à Paris 8°. par Iaques du Puys 1567.

PIERRE GIRINOT du pont saint Rambert en Forests, a escript

Discours sur l'eslouissance & triomphes faiçts pour la paix entre les Roys de France & d'Espaigne, & mariages de la fille de France avec le Roy Espagnol, & de Madame Marguerite Duchesse de Berry, avec le Duc de Sauoye, Prince de Piémont, &c. [impr. à Lyon par Benoist Rigaud & Jean Saugrain 1559. Le grand souhait de la France sur le desiré retour du tres-Chrestien Roy de France & de Polongne. [impr. à Lyon par Benoist Rigaud 1578.

PIERRE GODEFROY Procureur du Roy au bailliage de Carcassonne a escript

Remonstrance au Roy Charles 1^x. par Quatrains. [impr. à Paris par Jean Hulpeau 1569.

De Amoris Dialogus tribus libris distinctus. Petro Godofredo Carcassonensi 7. C. Procuratore regio in fide auctore. [Excus. Lugduni 16°. apud Theobaldum Paganum 1552.

Petri Godofredi Sc. Annotamenta in tractatus primi libri Iustini. Codicis de Hereticis. Ne S. Baptisma iteretur. De apostatis. Nemini licere signum crucis Sc. [Parisiis 8°. apud Matt. Dauidem 1555.

Eiusdem Notameta in proemialia Iustiniani Codicis. [Exc. Lugd. f°. apud Theobaldum Paganum.

Eiusdem Proverbiorum liber. [Parisiis 8°. apud Carolum Stephanum 1555. in Epitome Gesneriana Bibliotheca falso attributus alij cuidam Petro Godofredo Remao.

PIERRE GODEFROY, de Rheims Maistre d'Eschole a Villefranche en Beaujolois a escript vne Grammaire Latin-Françoise, sous tel tiltre,

Isagoge in primas literas cum gallica interpretatione ex authoribus optimis in gratiam puerorum collect. [Lugd. 8°. apud Sebastianum Gryphum 1559.

PIERRE

PIERRE DE GRAND-SAIGNE Aduocat au Parlement de Paris a escrit,

Commentaire ou briefue explication sur l'ordonnance des vsures, arrest & commission pour l'execution d'icelle. [impr. à Paris 8°. par Geruais Mallot

1573.

PIERRE GREGOIRE Tholosain Docteur és droicts ciuil & canon premier Docteur & lecteur en l'vniuersité de Tholose, puis de Cahors, & à present Professeur & Doyen en l'vniuersité du Pontamousson, en Lorraine a escrit,

Responſe au conseil donné par Charles du Moulin sur la dissuasion de la publication du Concile de Trente en France, par laquelle est monſtré que ledit Concile ne deroge aucunement aux priuileges des Roys de France ou de l'Eglise Gallicane, & qu'il n'y a esté deduct aucune chose qui en doieue empêcher la publication. [imp. à Lyon 16°. par Jean Pillehotte 1584.

Syntaxes artis mirabilis in libros septem digesta. Per quas de omni re proposita, multis & prope infinitis rationibus disputari aut tractari, omniumque summaria cognitio haberi poterit. Autore Petro Gregorio Tholosano I. U. Doctore & in academia Cadurcensi publico iuris ciuilis professore. [Lugduni 16°. excudendum curauit Anton. Gryphius 1575.

Syntaxeon artis mirabilis alter tomus. In quo omnium scientiarum & artium tradita est epitome, unde facilius istius artis studiosus, de omnibus propositis, possit rationes & ornamenta rarissima proferre. [Lugd. 16°. apud Anton. Gryphium 1566.

De iuris arte, methodo, & praeceptis. Quibus singulares negotiorum hypotheses ad aequum bonumque facile reducuntur. Lugdun. 16°. apud Gryphium 1580.

Iuris uniuersi methodus parua ibidem, & ab eodem Gryphio anno 1582. excus.

Eiusdem preludia optimi Iurisconsulti, probiq, magistratus. In quibus tractantur Themidis filiae quinque, Iustitia, Eunomia, Pax, Hora, & Parca, prout iuris tractationi conueniunt [Lugdun. 16°. apud Gryphium 1583.

Syntagma iuris uniuersi atque legum penè omnium gentium, & rerum publicarum praecipuarum, in tres partes digestum. In quo diuini & humani iuris totius, naturalis, ac noua methodo per gradus, ordinemque, materia uniuersalium & singularium rerum, simulque iudicia explicantur. eodem P. Gregorio authore. [Lugduni f. duobus tomis apud Gryphium excus. 1582.

Commentarij in secundum, tertium, quartum, quintum, sextum & septimum libros Syntaxeon artis mirabilis eodem P. Gregorio authore, nondum editi & qui propediem ab eodem Gryphio in lucem prodibunt.

PIERRE GRINGOIRE, dict Vaudemont autrement mere sorte, Hérault d'armes du Duc de Lorraine a escrit
 Notables enseignemens Adages & prouerbes par Quatrains. [imp. à Paris 8°. par François Regnaud 1528.
 Les diuerses fantasies des hommes & des femmes contenans plusieurs beaux exemples partie en rime & partie en prose. [impri. à Paris 16°. par Estienne Groulleau 1551.
 Les folles entreprises qui traittent de plusieurs choses morales. [impr. à Paris 8°. sans darte.
 Les menus propos de mere sorte. *en rime*. [impri. à Paris par Philippes le Noir.
 Les visions de mere sorte. [impr. à Paris par Denys Janot 1534.
 Le Chasteau d'amours vtile pour toutes choses honnestes. [impri. à Paris 8°. l'an 1500. & depuis 12°. par François Iuste à Lyon.
 La complaincte de la cité chrestienne faicte sur les lamentations de Hieremie. [impr. à Paris 16°. par Pierre Bige.
 Le Blason des heretiques [impr. à Paris.
 Paraphrase sur les sept pseumes du royal Prophete Daud. *en rime*. [imp. à Paris 16°. par Charles l'Angelier 1541.
 Il a mis toutes les heures de nostre Dame, & les vigiles des morts en rime françoise. [imprimé avec le latin en marge à Paris 8°. par Antoine Bonnemere 1544.

Aux notables enseignemens & prouerbes.

Folle amour est muable comme vent,

De s'arrester ne veut estre contraincte:

La vraye amour ne va iamais sans crainte,

Et crainte va sans amour bien souuent.

Bonté ressemble à la palme qui porte

Bien tard son fruit: mais il faut regarder

Que c'est un fruit qui on peut long temps gar

Sans se corrompre & bien loin on le porte. (der

Peur & seurte tiennent l'homme en tutelle

Retiens leurs dicts apprendre les pourras

Quand peur te dit, mon amy tu mourras,

Seurte respond c'est chose naturelle.

Faisant plaisir à quelque creature,

S'il est ingrat il est pire qu'un chien:

Le chien cognoist ceux qui luy font du bien,

L'ingrat est lasche & offense nature.

PIERRE GROSNET a traduit de latin,

Le

Le Manuel ou Promptuaire des vertus morales & intellectuales. [impri. à Paris 8°. par Pierre Sergent. Plus

Les sentences & singuliers enseignemens du grand Poëte, Orateur & Philosophe Seneque. [imp. à Paris 8°. par Denys Ianot. Plus

Les mots dorez du grand & sage Caton en rime. Avec plusieurs autres compositions aussi en rime & de son inuention, à sçauoir loüange du nom du Roy François premier: La loüange des femmes: Description des villes & citez du Royaume de France: Adages, Prouerbes & dicts moraux. [impr. à Paris 8°. par Denys Ianot.

PIERRE GVIDO de l'ordre de S. François du conuent de Saulmur a traduit du latin de reuerend pere Iean Faber Euesque de Vienne, Traictez des miseres & calamitez de la vie humaine: & du contemnement du monde. Plus vne declamation de la briefueté, inconstance & misere non moins de la vie que des autres choses humaines, faicte par Lilius Vincentius. [impr. à Paris 8°. par Sebastien Nyuelle 1578.

PIERRE LE GVILLARD Aduocat à Caen a escrit en vers, L'Enopogoneritree, ou loüange des barbes rouges. [imp. à Caen 4°. par Pierre le Chandelier. Plus,

L'Epenopetie, ou la loüange du ieu des dez. [impr. de mesmes.

PIERRE HABERT natif d'Yssouldun en Berry, frere de François Habert, valet de chambre ordinaire du Roy, son escriuain, puis thresorier de ses menus plaisirs, a escrit en rime

Du bien & vtilité de la paix, & des maux prouenans de la guerre. [impri. à Paris 8°. par Claude Micard 1568.

L'Institution de Vertu avec le moyen de promptement & facilement apprendre en lettre françoise à bien lire prononcer & escrire, ensemble la maniere de prier Dieu en toutes ses necessitez. [impr. à Paris 16°.

PIERRE HAMON de Bloys a mis en lumiere Alphabet de l'inuention & vtilité des lettres & caracteres en diuerses escritures. [imp. à Paris 4°. par Lucas Breyer 1577.

PIERRE HASSARD d'Armentieres Medecin & Chirurgien a traduit de latin.

La grande vraye & parfaicte Chirurgie de Philippe Aureole Theophraste Paracelse, comprise en deux liures. Avec annotations au marge pour plus ample intelligence de l'autheur. [imprimé en Anuers 8°. par Guillaume Syluius 1567.

PIERRE IVLIEN de Carpentras a escrit Le vray chemin fort court & expedient pour apprendre à chanter toute sorte de musique. [impr. &c.

PIERRE DE SAINT IVLIEN de la maison de Balleure, Doyen de l'eglise Cathedrale de Chalon a escrit, De l'origine des vieux & premiers Bourguignons, & de l'antiquité des estats de Bourgoigne. Avec vn discours des antiquitez de la ville de Chalon sur Saone, ensemble vn recueil de ce qu'il a esté possible recouurer des iadis Euesques & affaires des eglises dudit lieu de Chalon. Plus antiquitez de Mascon. Dis-

cours

cours de l'illustre & tresanciennne cité d'Aurun Auguste & capitale des Heduois. Recueil de l'antiquité & choses plus memorables de l'Abbaye & ville de Tournus. [imp. à Paris f°. par Nicolas Chesneau.

Gemelles ou pareilles recueillies de diuers autheurs tant Grecs, Latins que François. [imp. à Lyon 8°. par Charles Pefnot 1584.

Deux Opuscules de Plutarque, l'un de non se courroucer, & l'autre de curiosité. Ensemble vn autre opuscule du mesme Plutarque auquel est disputé, à sçauoir si les maladies de l'ame tourmentent plus fort que celles du corps. traduits en françois par Pierre de saint Iulien &c. [impri. à Lyon 8°. par Jean de Tournes 1546. & à Paris 16°. par Iaques Bogard audict an.

PIERRE LISET premier Presidens en la cour de Parlement de Paris a escrit,

Practique & maniere de proceder tant en l'instruction & decision des causes criminelles que ciuiles. Plus la forme & maniere d'informer esdictes causes ciuiles & criminelles. [imp. à Paris 8°. par Vincent Sertenas 1555.

Petri Liſetij Aluerni montigena utroque iure consulti, primi praeſidis in ſupremo regio Francorum conſiſtorio, abbatisq; commendatarij S. Victoris aduerſus pseudo-euangelicam hereſim libri ſeu commentarij ix. duobus excuſi voluminibus Lutetiae 4°. apud Poncetum le Preux 1551.

PIERRE LE LOYER.

Les œuvres & meſlanges poetiques de Pierre le Loyer ſieur de la Broſſe Angeuin, à ſçauoir les amours de Flore contenans C1. Sonnets, 1x. chanſons. Stances en trois endroiçts. Elegie à ſa Dame. v. Odes. vi. Idylies. Boccage premier & ſecond de l'art d'aimer. Lxxi. Sonnets Politiques ou Meſlanges. xxvii. Epigrammes. Le muet inſenſé Comedie. La Nephelococugie ou la Nuee des Cocus Comedie. Folatrics & eſbats de ieuneſſe. [imp. à Paris 12°. par Abel l'Angelier 1579. Il auoit au parauant mis en lumiere vne partie deſdictes compositions ſoubs le tiltre de

Erotopegme ou paſſetemps d'amour. [imp. 8°. par ledict Angelier 1576.

Aux Sonnets.

Ma mere de moy groſſe vn iour voulut apprendre

Des dieux quel ie ſeroy: vn fils, diſt Apollon,

Une fille, diſt Mars, nul des deux, diſt Iunon:

I'eſtoy Hermaphrodite, alors qu'elle m'engendre.

Demandant quelle fin ma vie deuoit prendre,

Par ſer dit la Deeſſe: au gibet, Mars ſelon:

Dedans l'onde, Phœbus: Et tout cela Clot hon,

Et ſes ſeueres ſœurs ferme voulurent rendre.

Grimpant d'une arbre vn iour les rameaus bien fueillus,

Mon eſpee coula Et ie tombay deſſus,

Mon pied, cas fortuit, dans vn rameau ſe lie,

Ma

*Ma teste se noya dedans un fleuve creux:
Ainsi à moy femme, homme, & nul de tous les deux
L'eau, le gibet, le fer fut le bout de ma vie.*

Autre.

*En mesme liêt, estoient couchez deux fous
L'un Letargiq, & l'autre Phrenetique
Qui d'un remede admirable & oblique
Se sont gueris l'un & l'autre de coups.
Le Phrenetiq se levant en courroux
Pour la fureur de son mal qui le picque,
De tous costez frappe le Letargique
Et vous l'estrille & dessus & dessous.
Ainsi aux coups, ô estrange merueille:
Le Lethargique endormi se reveille
Guery du mal qui l'aggravoit si fort,
Et l'autre espris de fureur & de rage,
Las de frapper matte son fier courage
Et de travail devient foible & s'endort.*

Autre pour vne More. Aux Dames.

*Qu'avez vous maintenant, Dames, à rire ainsi
Contemplant mon corps noir & ma laide charnure?
Telle que me voyez, telle m'a fait nature,
More de nation & de couleur aussi.
Mais quoy si j'ay mon corps d'un noir tainct obscurci,
Vos masques, vos tourets d'une noire figure,
Vous rendent plus qu'à moy la face bien obscure,
Sans ioues, sans menton, bouche, nez, & sourcy.
Partant decouvrez, vous en montrant vostre face,
Plus blanche que la mienne, & de meilleure grace,
Ou bien Dames, cessez d'aller tant mesprisant
Celle qui ne cachant son naturel visage
Dessus vos masques tient un pareil avantage
Et ne va pas comme eux les hommes abusant.*

Aux Epigrammes. D'un desrobant
la statuë de Mercure.

*La nuit ce Dieu subtil, ce Dieu larron Mercure
Qui preside aux larrons, qui des larrons a cure,*

Dans

*Dans les mains d'un larron luy mesme alla tombant,
Lequel plus fin que luy voulant lors apparostre
L'emporta sur son dos: Et dist en se gabant:
Maint disciple voit on qui surpasse son maistre.*

Vœu de Lays.

*La fameuse Lays de Corinthe la fleur
Voyant les ans flestrir sa vermeille couleur,
Append, alma Venus, son miroir dans ton temple.
Or dict elle en plorant, qu'en vieillesse ie suis,
Il ne faut plus miroir, qu'en toy ie me contemple,
Car telle que i'estoy plus estre ie ne puis.*

Contre vn grand nez.

*Si au Soleil opposé tu demeures
Le nez en haut, Et entr'ouuert des dents,
Tu peux de reng aux passans là dedans,
Comme au quadran, monstrier toutes les heures.*

Sur la sentence d'Aristote.

*La moitié de sa vie on employe en dormant,
Et en ceste moitié le riche également
Et le pauvre ont leur sort ressemblant l'un à l'autre.
Partant à Roy Attale, Et toy Roy Lydien,
Le mendiant Irus en grandeur Et en bien,
La moitié de sa vie eut égale à la vostre.*

Au Boccage de l'art d'aimer.

*Et si tu vois quelle est auare Et chiche
Alors par l'or ploye son cuer malin:
Rien n'est qui soit si subtil Et si fin
Pour l'esbranler comme est ce metal riche.
Certainement en l'aage d'or nous sommes,
Par l'or, merueille! Amour est surmonté,
L'or cause l'heur, le nom, l'autorité,
Et la noblesse Et les honneurs aux hommes.
L'or peut forcer tout un camp de gendarmes,
L'or plus puissant que les foudres d'en haut
Les aspres lieux Et les haults monts assaut,
Rompt les rochers Et la durté des armes.*

Assez

Assez Acrise auoit gardé sa fille,
 Contre l'effort de mille & mille encor,
 Si Iupiter ne l'eust prise par l'Or,
 Fait amoureux de sa grace gentille.

Vous les mignons des filles de Parnasse,
 Que donrez vous si n'avez aucun bien
 Pour presenter, que le Luth Cynthien,
 Et un pauvre Art, qui rien ne vous amasse?

Certes bien peu voz carmes on honore,
 Bien peu vous sert d'auoir un Dieu au cœur,
 Qui vous eschauffe & vous mette en fureur,
 Si vous n'avez dequoy donner encore.

Que vienne Homere ayant pour sa conduite
 Tant qu'il voudra les Muses & Phebus,
 S'il n'est garry de dons c'est un abus,
 Il est chassé luy & toute sa suite.

Mais croyez vous que vostre amye estime
 Au pris de l'Or, voz carmes & voz chants?
 Non, non, les dons sont bien plus allechans
 Que les beaux mots compris en vostre rime.

Ne laissez pas toutesfois de luy tendre,
 Pour l'attraper voz filets cauteleux,
 Avec le temps leur cœur trop orgueilleux,
 Sera rendu humble traitable & tendre.

Avec le temps le Taureau difficile,
 Vient sous le ioug & endure la main:
 Avec le temps le farouche poulain
 Dessous le frein pousse sa course agile.

Qui est plus mol que l'eau de la marine?
 Qui est plus dur que le roc à toucher?
 Et toutesfois l'eau quilaue un rocher,
 Par laps du temps le consomme & le mine.

Encor n'est pas la femme d'une sorte,
 L'une ciuile a les lettres appris,
 Et celle-là aymera voz escripts,
 Et se ploira à vostre amitié forte.

RR

L'une

L'une est indocte, & vilaine & barbare,
 Et celle-là ne se peut pas dompter,
 Que par les dons qu'on luy doit presenter,
 Pour assouvir son appetit auare, &c.

En la Nephelococugie.

Dans l'air ou assis nous sommes
 Nous voyons de toutes parts
 Deçà & de là espars,
 Mille & mille sortes d'hommes:
 Icy demeure arresté
 Dans le milieu d'une escolle
 Le Philosophe crotié
 Qui fait sonner sa parole,
 Et voulant s'auctoriser
 Pour les autres despriser,
 Discourt sur le poil d'un Lievre
 Ou la laine d'une Cheure.
 Le Medecin est icy
 Des biens & d'argent farcy
 Pource que bien il deuine
 Sur la couleur de l'urine,
 Et plus se void reputé
 Que beaucoup il a ietté
 D'hommes de nom & de marque
 Dedans l'infernale barque.
 De ce costé le brauache
 Ses pas mesure en marchant
 Et de tout se va faschant.
 Mesmes son chapeau le fasche,
 Le poinct d'honneur il reçoit
 Et d'un seul mot il s'offence:
 Mais c'est contre ceux qu'il croit
 Noser se mettre en deffence.
 Là le courrisan flateur
 Et fin dissimulateur
 Vend sa fumee & contente
 L'acheteur de vaine attente:
 Là le subtil mercadant
 Au gain est prompt & ardent

Et

Et falsifie à sa guise
 Ce qu'il vend de marchandise:
 Là l'usurier sans repos
 Va rongean*t* iusques aux os
 Le pauvre homme & luy assemble
 Le sort & l'usure ensemble.
 Icy font flamber les rues
 De leurs ioyaux & atours
 Les femmes qui font tousiours
 En leurs habits dissolus.
 Elles monstrent leur tetin
 Et masquent leur face, affin
 Que l'Amant transy leur touche
 Le tetin auant la bouche,
 Et qu'il aille receuant
 Le plaisir d'aimer, deuant
 Qu'il conçoie dedans l'ame
 Combien l'Amour a de flamme.
 Deça des Dames plus fines
 Pour leur grosse*se* cacher
 On void la rue empescher
 Portans des larges vasquines.
 Là marchent à graues pas
 Renforcees par le bas
 Celles qui deux culs supportent
 Soubs les robbes qu'elles portent,
 Desquels l'un de chair, la nuit
 Leur sert à prendre dedui*t*:
 L'autre de laine & de bourre
 Autour leurs fesses embourre.
 Deça les Conseillers sont
 Qui dessus leurs mules vont
 Et trainent une grand suite
 D'homme qui les sollicite:
 Ils se voyent respectez,
 Et requis & bonnetez
 Des plus grands qui les supplient
 Et qui leurs faueurs mendent.
 Icy dedans le parquet

R R

2

L'advocat

*L'advocat hautement tonne
 Et de son disert caquet
 Tous les assistans esbonne.
 Au pesant de l'or il vent,
 Sa mère nourrice langue,
 Et souvent en sa barangue,
 Il ne dit rien que du vent,
 Et ses discours uray-semblables
 Ne sont gueres veritables,
 Imitant par ce moyen
 Vlysse Dulichien
 Duquel Homere nous chante
 Que de sa bouche eloquente
 Mille beaux propos sortoient
 Qui veritables n'estoient.*

PIERRE MACICAVT natif de saint Christofle en Touraine a
 écrit

Discours Funebre, sur le decez du premier President de Grenoble Messire
 Jean Bellicure sieur d'Hautesfort & Abbeaux: avec plusieurs Epitaphes du
 deffunct,

Ensemble l'oraison prononcee à ses obseques par F. Mathurin Gautier Prieur
 des Jacobins de Grenoble, [impr. à Lyon par Benoit Rigaud 1584.

PIERRE MADVR prebtre de la compagnie du nom de Iesus a
 mis de Latin en François,

Les dix raisons pour lesquelles M. Emond Campian de la compagnie de Iesus
 s'est fait fort d'entreprendre la dispute pour la Religion Catholique contre
 les aduersaires d'icelle. Enuoyees aux Regens, & Escoliers des Vniuersitez
 d'Angleterre, Oxonie & Cantabrigie, [impr. à Lyon 16°. par Jean Pillehotte,
 1584.

PIERRE MARTYR Milannois,

Extraict du Recueil des Isles nouvellement trouuees en la grand mer Oceane
 au temps du Roy d'Espagne Fernand & Elizabeth sa femme. Fait premiere-
 ment en Latin par Pierre Martyr de Mylan en trois decades de liures. Item
 trois Narrations dont la premiere est de Cuba, la seconde, de la mer Oceane,
 & la 3. de la prise de Themistitan, [impr. à Paris 4°. par Simon de Colines
 1532.

PIERRE MARTYR Vermilien Florentin

Traicté du Sacrement de l'eucharistie, composé premierement en Latin par
 Pierre Martyr & traduit en François, [impr. à Lyon 16°. par Claude Rauot 1562.
Caluinique.

Dialogue des deux natures de Christ, traduit par Claude de Kerquifinen.

Prieres

Prieres Chrestiennes, par Pierre Martyr, traduites de Latin en François. [impr. à Lyon 16°.

PIERRE MASSE Du Mans, Aduocat a escript,
De l'imposture & tromperie des Diables, deuins, enchâteurs, sorciers, noïeurs
d'éguillettes, cheuilleurs, Necromantiens, Chiromantiens & autres qui par art
diabolique, arts magiques & superstitions abusent le peuple. *C'est un bien
gros volume 8°.* [impr. à Paris par Jean Poupy 1579.

PIERRE ANDRE MATHIOL. Voyez Antoine du Pinet.
Iean des Moulins.

PIERRE DE MAY de Chastelleraud, Secretaire du Sieur Presi-
dent Purpurat Seneschal de Saluces a escript,
Les Triomphes du Baptisme de tres-illustre Charles Emanuel Prince de Pié-
mont, en Odes & Sonnets, vers Latins, Italiens & François. Avec annotations.
[impr. à Paris 8° par Thomas Richard 1567.

PIERRE MEISSONIER, Medecin demeurant à Lyon a traduit
de Grec
Les onze liures de Denis Halicarnasseen, des antiquitez Romaines: tous prests
à imprimer.

PIERRE MESSIE.
Diuerfes Leçons &c. voyez Claude Gruget.

PIERRE MICHAULT iadis Secretaire du Conte de Charrolois
fils du Duc de Bourgogne a escript vn liure partie en prose, partie en rime
intitulé

Le Doctrinal de court, diuisé en 12. chapitres par lequel on peut estre Clerc
sans aller à l'escole. [impr. à Geneue 4° par Iaques Viuian 1522. Avec priuilege
Apostolique.

PIERRE DE MIRAVMONT, Conseiller du Roy en sa cham-
bre du Tresor a escript
Memoires sur l'origine & institution des courts souueraines & autres Iurif-
dictions subalternes encloses dans l'ancien Palais Royal de Paris. [impr. à Paris
8°. par Abel l'Angelier 1584.

PIERRE DES MIREVRS Medecin a escript plusieurs Sonnets,
Odes & autres compositions.

PIERRE DE MONTCHAVLT Principal au College de
Troyes a escript en rime
Bergerie touchant la mort du Roy Charles 1^x. & l'heureuse venue de Henry
111. de son Royaume de Poloigne en France. [impr. à Paris 4°. par Iean de La-
stre 1575.

Traicté de l'humilité ensemble vn Hymne de la Natiuité de Iesus. [impr. à
Paris 8°. par Michel du Boys.

Il a traduit 2. Hymnes du Poëte Prudence, l'un de la Natiuité de Iesus, & l'autre
de l'apparitiõ de l'estoille aux 3. Roys. [impr. à Troyes 8°. par Ieã du Ruau 1577.

PIERRE MOREAV Tourangeois a traduit du Grec de Michel
Psellus poëte & Philosophe, Precepteur de l'Empereur Michel furnommé
Parapinaceen, ou affamé, enuiron l'an de grace 1050.

R R 3 Traicté

Traicté par Dialogue de l'energie ou operation des Diables. Avec les chapitres 33. & 36. du quatriesme liure du tresor de la foy Catholique de venerable Nicetas de Colosses en Asie, esquels sont deduits & confutez les principaux articles des Heretiques Manicheens, Euchites, ou Enthusiastes. [impr. à Paris 8°. par Guill. Chaudiere 1576.

Paternelles remonstrances & exhortations à bien viure & bien mourir, de Basile Macedon Empereur de Constantinople à Leon le sage son fils, par forme Acrostichique, avec les Cantiques de Pasques dudit Leon & de Constantin son fils & confort audit Empire, traduites de l'exéplaire Grec de la librairie du Roy: & de celle de Monsieur de S. André Chanoine de nostre Dame de Paris, en François par Pierre Moreau. [impr. à Paris 8°. par Guill. Chaudiere 1580.

Niceta Choniata magni Logotheta secretorū inspectoris & iudicis Veli, praefecti sacri cubiculi, Thesauri Orthodoxa fidei lib. 5. priores quorum primo secundo & tertio iactis Christianismi fundamentis Quarto Antecarianas 44. haereses, Quintoque Arianorum & Eunomianorum deliria confutat. Ex Bibliotheca clariss. viri Domini Io. à Sancto Andrea. Petro Morello Turonensi interprete. [Impress. Lutetia 8°. apud Guill. Chaudiere 1580.

PIERRE NANNIVS.

Cinq Dialogismes des Heroines &c. traduits de Latin par Iean Millet. Voyez œuvres Latines dudit Nannius en la Biblioth. de Gesner.

PIERRE NEVELLET a escrit quelques Sonnets qui se voyent au liure intitulé

La Main ou Oeuures Politiques faicts sur la main de Estienne Pasquet Aduocat au Parlement de Paris 4°. par Michel 1584.

PIERRE NODE Minime a escrit en 28. chapitres

Declamation contre l'erreur execrable des maleficiers, sorciers, Enchanteurs, Magiciens, Deuins & semblables obseruateurs des superstitions: lesquels pullulent maintenant couuertement en France: à ce que recherche & punition d'eux soit faicte, sur peine de rentrer en plus grands troubles que iamais. Plus les Articles & erreurs touchant ceste matiere, condampnez à Paris par la faculté de Theologie: en l'an 1398. Avec l'Epistre ou Preface faicte à cette censure, par Maistre Iean Gerson. [impr. à Paris 8°. par Iean du Caurroy 1578.

PIERRE DE NOGEROLLES.

Vne Requête au langage, contenant plusieurs belles merueilleuses & grandes receptes: seulement appropriées à l'vtilité des femmes & conseruation de leur cas. Avec plusieurs Balades couronnees: enchainées & batelees, Kyrieles, Couplets, Rondeaux partie en rime Françoisie partie du langage Tholosain. Plus vne pronostication pour tousiours & à iamais en rime. Le tout faict & baillé aux Maistres & mainteneurs de la gaye science de Rhetorique au Consistoire de la maison commune de Thoulouse par Maistre Pierre Nogerolles Docteur en ladicte gaye science. [impr. à Thoulouse 4°. par Iean Damoisel.

PIERRE OLIVIER Docteur en Theologie apres auoir doctement

ment & hautement traité de la cognoissance de Dieu & de nous mesmes miroir & moyen de paruenir à icelle: De nous mesmes à fin de tousiours nous humilier: & de Dieu pour tousiours iceluy glorifier a prins occasion d'escrire vn autre liure

De la gloire de Dieu, contenant 12. chapitres. [imp. à Paris 16°. par Guillaume le Noir 1556.

PIERRE D'ONDEGHERST Docteur és loix natif de l'Isle en Flandres a escrit en 199. chapitres,

Les Chroniques & Annales de Flandres contenans les heroïques exploicts des forestiers & Comtes de Flandres & les singularitez & choses memorables y aduenues depuis l'an de nostre Seigneur Iesus Christ 620. iusques à l'an 1476. [imp. en Anuers par Christophle Plantin 4°. l'an 1571.

PIERRE DE L'OSTAL Sieur d'Estren a escrit, Discours Philosophiques (en nombre 19.) esquels est amplement traité de l'essence de l'Ame & de la vertu morale. [impri. à Paris 8°. par Iean Borel 1579.

Discours 6. Des effets des trois facultez de l'ame, & des perturbations, vrais surgeons de la partie sensuelle.

Le diuers mouuement des globes celestes, dont nostre ame est vne parcelle, selon le dire des Platoniciens, & les diuerses fonctions d'icelle, nous ont cy dessus assez euidemment notifié la diuersité de ses facultez: mais pour ce que l'esclarcissement de ceste matiere semble desirer vne plus longue exposition tât de l'ame intelligente, que de ses deux autres parties vicieuses, à fin d'auoir par ce moyen vne plus absoluë notion de la forme & du subiet des vertus, voire mesmes des perturbations qui leur contrarient directement, & à l'emotion desquelles toute vertueuse habitude tasche de couper broche, entant qu'elle en est congédie de Nature, pour ces raisons, di-je, discourrons nous sur cecy le plus succinctemēt que faire se pourra. Or tout ainsi qu'une nef exposee à la rage des vents, est aussi tost mise sans dessus dessous, si elle n'est conduite par la prudence de son Typhis: ou comme lon void vne cité qui a tousiours l'ennemy aux portes, ou troublee par la mutinerie de la commune estre. à la fin mise en desolation, son fleurissant estat bouleuersé, si elle n'a d'auanture son Camille pour l'oster d'alteres, ou si elle n'est sagement regie par les Magistrats qui sont comme les ames de son corps: ainsi seroit ce peu de chose que de nous, si nous n'estions enrichiz de la partie intellectuelle de l'ame, & armez de la raison, ne plus ne moins que d'une targe, pour soustenir le choc des appetits qui surjeonnent des deux parties passionnees, & qui nous tiennent en continues alarmes, cuidans faire eschouer nostre nauire contre le rocher de toute infortune: ioint d'autre part que nos sens exterieurs semblent mutuellement conspirer en nostre ruine. Et ce n'est pas sans cause si le grand Prince de Nature nous a fourny d'hellebore contre tel mal de teste, ne se contentant pas de suppleer en abondance les choses necessaires pour la sustentatiō de nos corps, ains nous ornant de ceste ame rationale, comme d'une Royne, à laquelle tou-

tes les emotions corporelles doiuent deferer tout honneur, & ployer sous le joug de sa superintendence, non pas toutefois en telle condition qu'elle les puisse entierement desraciner de l'homme, se contentant simplement de retrancher leurs excez & defectuositez, qui s'efforcent de nous esgarer hors des bornes de l'honneste deuoir, d'où vient qu'en l'exploict de tels desseins la raison s'escarmouche souuentesfois, & nommément lors que les passions sont en leur plus grande vigueur: mais comme il n'y a poulain si farouche qu'à la fin vn bon maquignon ne range sous le frein, ne si forte place qui ne soit mise à fleur de terre par la sagesse d'un vieux Capitaine experimenté en l'art militaire: semblablement il n'y a si turbulente perturbation, ny appetit si bouillant dont la raison (laquelle demeurant en l'ame contregarde le iugement, se contregardant mieux elle mesme apres son operation, estant en cela dissemblable de l'hellebore, lequel on iette apres qu'il a acheué la cure & guarison) dont la raison, di-je, ne vienne bien à bout, le captiuant à la fin sous le ioug de sa domination, iagoit qu'il semble maintefois intractable: tellement que le meilleur moyen que nous ayons pour dissiper, abbatre, & dissoudre nos passions, ne plus ne moins qu'une domination tyrannique, c'est d'auoir recours à la raison, & nous proposer deuant les yeux l'infamie où tombent ordinairement ceux qui se sont pusillaniment laissez alterer par les emotions passionnees: & en ce faisant nous contr'imiterons les Spartiates, lesquels auoient anciennement accoustumé de monstrier à leurs enfans leurs esclaves les Ilots yures, pour leur faire auoir l'yurongnerie en detestation. Mais c'est bien peu de cas d'estre enrichis de raison, si nostre volonté ne reciproque aux proiets d'icelle, de sorte qu'il nous faut soigneusement prendre garde qu'elles soient tousiours associees: car comme le bras d'roict a plus de force estant aidé du gauche, que lors qu'il est seul: ainsi la raison coniointe à la volonté mattera plus aisément noz concupiscences, & quand nous sentons qu'elle veut produire ses effects, il ne luy faut point contester, car par ce moyen nous nous rendrions sortables avec Cresiphon l'escrimeur, lequel faisoit à coups de pied & regibboit contre sa mule alors qu'elle luy sembloit cheminer le mieux. Et par ce que nous ne pouuons pas si facilement arrester vn genereux cheual au milieu de sa course, que quand il commence à se mettre en lice, & que ceste similitude se peut accommoder à noz appetits, ce n'est pas vn mediocre signal de la prudence de l'homme, que de leur faire teste alors qu'ils commencent à s'allumer, & à faire nouveau mesnage. Ainsi Scipio ayât subiugué la grâde Carthage, & prins vne pucelle d'excellente beauté fiâcée à Indibilis, apres auoir sceu qu'elle estoit yf-fuë d'une noble race Carthaginoise, s'abstint d'elle & augmenta son douaire de semblable somme de deniers que lon luy apportoit pour sa rançon: ainsi Xenocrate se contint de Phryne putain d'Athenes, combien qu'elle fut parfaitement belle, & qu'estant couchee avec luy elle estalast toutes ses mignardises, comme ses baisers, ses gracieux soubris, ses charouillemens, & mille autres petits blandices dont les Dames ont accoustumé de charmer la continence des hommes. Ainsi Philippe & Antigonus Rois de Macedone, ne voulurent point prendre vengeance de ceux qui faisoient profession de les brocarder en leurs communs deuis. Ainsi Achille admonesté par la Deesse Pallas, c'est à dire

dire par la raison, se modera & ne desgaigna point son espee, combien qu'il fût desia bien transporté de colere. Ainsi accoissons nous souuentefois la fureur de noz luxurieuses ou vindicatiues affections: que si nous ne procedions par ce moyen, elles nous feroient d'auature broncher bien lourdement, à cause de la trop grande licence que nous leur aurions donné dès le premier abord, & en fin nous viendroient donner de telles attaintes, qu'il leur faudroit quitter la carriere, pour puis apres courir à bride abbatuë contre nous: mais si l'homme se iette à l'abry de sa raison, & qu'il resiste de premiere arriuee à la violence de ses appetits, il luy aduiendra comme aux Thebains, lesquels ayans fait vne fois bonne resistance, & puis viuement chargé de front à droit fil l'armee des Lacedemoniens, qui parauant sembloient inuincibles à force d'armes, iamais depuis n'eurent du pire contr'eux à enseignes desployees. Ques'il saigne du nez, & qu'il perde courage aux premiers assauts que les perturbations luy viendront à donner, il luy en bastera comme à vn soldat pusillanime, lasche & poltron, lequel tout aussitost qu'il void son ennemy mettre l'espee au vent pour luy courir sus, tourne le dos sans coup ferir ny faire aucune resistance, de sorte qu'estant talonné de pres il prend vne fin honteuse & miserable. Plutarque en la vie des Gracches dit, que Gaius se sentant trop colere & violant en sa façon de dire, auoit vn seruiteur nommé Licinius (ou selon le dire d'aucuns Erycinus) homme de bon entendement, qui avec vne petite fluste, de laquelle les Musiciens ont accoustumé de conduire tout doucement la voix de haut en bas, & de bas en haut, se tenoit derriere son maistre lors qu'il haranguoit en plein Senat, & quand il sentoit que sa voix s'esclatoit vn petit trop, & par colere sortoit hors de ton, il luy entonnoit vn son plus doux & plus gracieux, en le retirant petit à petit de son haut braire, au son duquel Gaius modereroit sa vehemence colerique. Mais à quel propos cecy, dira quelqu'un? C'est pour monstrier que tout ainsi que ce braue personnage auoit derriere soy son seruiteur, tenant ceste fluste, par laquelle il se temperoit, qu'aussi nous deuons ordinairement auoir la raison avec nous, qui seruira de flageolet pour sonner à noz oreilles, & par ses tons nous nous accoustumerôs à accoiser la rage forcenee de noz emotions, pour la mitigation desquelles elle nous a esté baillee de Dieu, selon que ses operations iournalieres le demonstrent à ceux qui se mettēt en deuoir de luy rendre obeissance: comme nous voyons que fist iadis Socrate par la confession mesme dont il excusa les Physionomistes qui l'auoient iugé d'un naturel enclin à toute luxure, excusa, dije, deuant l'assemblee qui faisoit sa risee de leur iugement. Supposons donc pour vne chose irrefragable, que l'ame natie de raison & susceptible de toute vertueuse qualite, nous sert de frein pour cōtenir nos passions; & que quiconque ne luy veut point prester l'oreille, est d'une nature peruerse, laquelle en fin se conuertira en vn feu d'ire soudaine, en vne amertume vindicative, & en vne aigreur intractable, s'offensant de peu de chose, chagrine, hargneuse, bref semblable à vne lame de fer tenue, foible & qui se perce à la moindre graueure. Et l'experience iournaliere nous notifie assez qu'Athē Deesse de meschef vient pousser la rouë pour faire trebuscher en totale ruïne ceux qui se plaisent à se veautrer dans le borbier de leurs sales & deshonestes concupiscences, craignans de compasser leurs actions selon

lon l'esquiere de raison & d'honnesteté: tesmoing. m'en fera Sardanapale avec vn nombre infiny d'Empereurs esclaves de leurs vilaines affections. Or tout ainsi que la partie intelligente de l'esprit sert de guidon au corps pour le conduire seurement en ceste peregrination mondaine, pareillement les deux autres l'empiegent aux rets d'un million de fascheries, estâs le subiet & la source des perturbations qui le mettent coustumierement en alarme, de sorte que l'homme peut dire estre venu au comble de tout malheur, quand il se gouverne par le mouvement de sa sensualité, laquelle ne s'esuertue qu'à le faire detraquer du train de ses bonnes & loüables conceptions, dequoy mesmes elle s'escheuist le plus souuent, estant le seul aconite dont l'homme entaché, executé mille desseins indignes de soy, & fait plusieurs trames & monopoles contrariantes à toute vertueuse habitude. Ce sont doncques ces deux facultez de nostre ame qui causent que la raison a tousiours par maniere de dire l'oreille au vent, & l'œil à l'eschauguette, de peur qu'elles ne nous viennent surprendre à l'improuiste. Et que deuiédroit vn nauire chancelant sur les vagues de la mer, & agité d'orage & de tempeste: en pourroit on rien espérer qu'un piteux naufrage, si elle n'estoit regie par l'art de quelque prudent pilote? Semblablement que pourroit on attendre de nous, de nous, di-je, qui sommes exposez à la violence de tant de passions? Pourrions nous maistriser tant d'appetits bouillans qui pullulent en nous, si nous ne faisons voile vers la raison, ne plus ne moins que deuers vn haure de seurté? Sans doute nous nous pourrions bien assortir au roseau creu sur le riuage maritime, lequel le vent plie à son gré tantost d'un costé, tantost d'un autre: car les perturbations humaines (desquelles la source primitiue est introduite, non pas née avec l'homme) nous pousseroient à pleines voiles dans le labyrinthe de toute infamie: ce qu'on peut facilement congnoistre ayant esgard à l'imbecillité de nostre nature, & à la force des passions, qui germent en nous, ne plus ne moins que les ronces & les espines es champs demeurez en friche, & lesquelles ne sont autre chose qu'émotions de l'ame sensuelle contrariantes à la raison. D'icelles doncques en constituons nous quatre principales, selon la doctrine des Stoiciens, sçauoir est, la douleur, la crainte, la concupiscence, appelée par Diogenes le Cynique retraite de tous maux, & la ioye de mesure, acertiorans que l'homme vraiment sage ne se sent iamais épointonné par les aiguillons de la premiere. Or ces quatre perturbations sont comme les fontaines ou les pepinieres d'une infinité d'autres, desquelles nous sommes ordinairement molestez. Et qu'ainsi soit, Enuie, Mesdisance, Angoisse, Dueil, Misere, Tribulation, Gemissement & Desespoir prouiennent de la Douleur: Paresse, Fetardise, troublement d'esprit, Honte & Effroy, de la Crainte: Plaisir, Vanterie de la Ioye de mesure: Courroux, Rancune, Disette, & Souhait de l'appetit desordonné. La definitiō de toutes lesquelles l'Orateur Romain a tresdoctemēt baillee, & monstre par consequent les outils dōt nous pouuōs couper broche à leur forcenerie, voire reprenant le dire d'Epicure, qui opinait, que pour remedier aux passions il falloit retirer l'esprit de tous aspres pēsemens, il a soustenu qu'il n'y a rien qui les amortisse tant qu'auoir l'entendement tendu à l'assiduē cogitation des miseres qui nous peuuent inquieter en ce monde: assurant d'auantage, qu'il est bien facile de faire teste aux assauts de nostre

nostre sensualité, & aux accidés qui nous suruiennent apres qu'elle nous a mené où il luy a pleu, si nous pensons à l'estat & condition humaine, mesmement aux afflictions de ceste vie generales à vn chacun: Et ceste meditation, dit-il, ne nous plonge point en langueur, ains au contraire elle fait que nous n'y soyons iamais, car celuy qui pense à la nature des choses, considerant d'autre part l'imbecillité du genre humain, n'est point atteint de perturbatió quelconque, mais il s'aquitte lors du deuoir d'un homme bien aduisé, pource que en contemplant l'estat humain il se prepare trois consolations pour s'en seruir en ses aduersitez: la premiere est, que dés long temps il a pensé tout encombrer luy pouuoir aduenir, laquelle consideration a telle energie qu'elle amortist le feu de tout marrisson: la seconde, qu'il sçait qu'il faut porter patiemment le fardeau d'infortune: la tierce, qu'il n'y a aucun mal au monde que la coulpe de quelque meffait, & qu'il n'y a point lors de coulpe quand il nous suruient vne chose, l'euenement de laquelle nous ne pouuons engarder par nostre industrie. Voila les trois medecines que Ciceron ordonne à ceux qui ont tousiours, s'il faut ainsi parler, leur sensualité en barbe, ne plus ne moins qu'un enemy capital, & qui sont inquietez de mille fascheux accidens: Que si le dernier remede doit estre receu entre ceux qui font profession du Christianisme, ie m'en rapporte à ceux que le ciel peut auoir comblé de plus grandes graces que moy, ioint que cela ne sert de rien pour l'esclarcissement de nostre matiere: seulement diray-ie que Ciceron suit en cecy (comme en plusieurs autres choses) la trace d'Aristote, & semble entierement approuuer l'aduis d'iceluy touchant la predestination. Mais pour reprédre nos premieres brisées, & tourner le fil de nostre discours vers les perturbations, il nous conuient insister quelque peu sur ceste question, laquelle a esté iadis mise sur le bureau par les Academiciens & Stoiciens, sçauoir est, si la raison peut totalement desraciner nos passions, ou bien si elle les tempere seulement: & pour mieux traicter les poincts de ce different, voire à fin que lon en puisse plus aisément asseoir son iugement, nous produirons vne ou deux raisons des plus considerables de ceste dispute, & qu'on allegue communément d'une part & d'autre, pour le soutien chacun de sa doctrine. Les Stoiciens soustiennent fort & ferme que la crainte, la cupidité, la ioye & la tristesse (lesquelles ils nomment maladies de l'esprit) ne sont point naturelles: ainçois cōceues d'une mauuaise opinion: car, disent-ils, il y en a deux qui dependent de l'opinion du bien tant present que futur: l'une desquelles est la ioye transportee & esmeuë outre mesure: l'autre vne maniere de souhaiter que nous pouuons à iuste tiltre appeller concupiscence. Or tout ainsi que ces deux premieres prennent leur desordre de trop grande opinió du bié, s'éblablement les deux autres, à sçauoir, crainte & tristesse, se fondent sur vne opinion de mal, entant que ceste cy est vne persuasion d'un grand esclandre ja suruenue, celle là de quelque futur meschef: d'où ils veulent inferer, que les perturbations peuuent estre facilement retranchees, l'opinion susdite estant ostee. Au contraire les Academiciens nient tout à plat qu'elles ne peuuent s'arracher, par ce qu'elles prennent leur naissance avec le corps, & d'auantage que Nature par sa grande prouidence nous en a necessairement armez pour faire roidir les vertus, lesquelles les peuuent à la fin captiuer sous le ioug

le ioug de l'ame intelligente: ce qu'Aristote tient pour irrefragable, disant outre plus que le courroux sert d'aiguillon à la magnanimité. Et pour en dire ce qu'il nous en semble, nous estimons que les passions ne se peuuent desraciner, veu mesmement qu'elles sont naturelles: toutesfois Lactance acertiore que les vices sont temperels, par ce que selon son asseueration la conuoitise n'a plus de lieu en nous alors que nous auons assouuy noz appetits desordonnez, & que aussi l'ambition ne nous aigillonne plus quand nous auons attainit la cime d'honneur: Mais ce tant segnalé personnage ne s'est point d'auanture apperceu, que comme dit Ouide:

*Tant plus a beu l'hydropique
De tant plus la soif le pique.*

Et d'autant plus sommes nous friands d'honneur, que nous sommes honorez, & conuoiteux, que nous auons de cheuance: car, comme disoit Artabanus à Xerxes, les hommes ne sont iamais rassasiez de Fortune alors qu'elle leur dit bien. Et qui eust iamais pensé que ce grand Monarque Lydien, lequel s'estimoit le Phœnix des hommes en prosperité, ayant tousiours le vent en poupe, se voyant seigneur d'une infinité de nations, receuant tribut des Ioniés, Eoliens, & Doriens: bref estant comblé de toute felicité mondaine, qui eust, dije, iamais pensé qu'il eust voulu porter enuie à l'accroissement des Perses? Cependant nous lisons qu'il mit ses estendarts au vent, qu'il conuoqua ses alliez, & qu'il soudoya vn million d'estrangers pour desarçonner Cyrus, de sa Monarchie. Qui eust estimé que Xerxes se fust daigné euerter d'enuahir la Grece, luy qui tenoit sous sa subiection les Medes, Perses, Hellespontins, Bactriens, Caspiens, Arabes, Phœniciens, Lyciens, avec vne infinité d'autres peuples? Neantmoins les anciennes Chroniques nous font foy qu'il se mit en deuoir de l'empieter, & que telle cōuoitise luy fist compagnie iusques au berceau: par la production desquels exemples, les plus grossiers peuuent discerner que les vices ne sont point temporels, outre ce qu'ordinairement nous voyons, que cōbien que le ciel nous ait elargy plus de biens que nous n'osios pas mesmes souhaiter, ce neantmoins l'ambition & la conuoitise nous tenaillent de plus en plus, voire nous font vne plus cruelle guerre. Et disons pour battre le fer tandis qu'il est chaud, que les Stoiciens cuidans despouiller l'homme de ce que Nature luy a baillé, se peuuent aussi assortir avec ceux qui taschent d'oster la crainte aux Cerfs, la felonnie aux Lions, ou le venin au Basilic. Que si selon le dire des medecins la ioye a son siege en la rate, le courroux au fiel, la conuoitise au foye, & la crainte au cœur, n'est-il pas plus facile de mettre l'homme de vie à trespas, que d'arracher rien de son Essence, qui est autant cōme changer sa nature? D'auantage ne cognoissent-ils pas bien, que bannissant de nous les vices, on bannist aussi les vertus qui doiuent necessairement auoir les passions pour matiere, ne plus ne moins qu'elles ont la raison pour forme? Car si c'est vne vertu de tirer la resne à l'appetit charnel, si c'est vne vertu de se reprimer soy mesme au plus fort de sa colere, ne s'ensuit-il pas necessairemēt, que celuy qui n'est iamais transporté ny de courroux ny de cōuoitise est denué de tēperāce? Pouons nous à iuste tiltre appeller vn homme vertueux, qui est destitué de passions,

sions pour la cohibition desquelles l'usage de la vertu morale est institué? A la verité, tout ainsi qu'il n'y a point de victoire où il n'y a point d'ennemy, de mesmes il n'y a vertu aucune où il n'y a vice aucun, entant qu'icelle participant de la terre, à cause de ceste masse corporelle, emprunte les passibles emotions comme manœuvres pour agir, & exercer ses fonctions, n'estant point abolition de l'ame sensuelle, ains plustost le regime des affections deshonestes d'icelle, & l'aiguillon pour l'induire à vne honneste habitude, tellement qu'elle ne reside iamais où il n'y a point d'outil pour operer. Parquoy nous pouuons bien dire avec les Academiciens, que c'est vne chose fort ridicule de nous cuider despestrer des perturbations, dequoy non seulement on ne pourroit iamais venir à bout, par ce que la force & la vigueur de l'esprit consiste en son perpetuel mouuement, & faut qu'il combatte assiduelement l'ame passionnee comme vn hydre foisonnant en plusieurs testes, mais dauantage, d'autant que cela n'est point necessaire, ainçois au contraire tres-dommageable: car tout ainsi que l'eau marefcageuse laquelle demeure coye sans ondoyer ny çà ny là, est fort trouble & mal saine, semblablement l'esprit affectardy fera du tout inutile, voire degenerera de sa nature, laquelle est encline à vn mouuement assiduel: si ne faut-il pas toutesfois que la raison se comporte à la façon de Lycurgus Roy de Thrace, lequel fist couper les vignes de son pays, à l'occasion que le vin enyuroit, & elle se doit bien garder de retrancher ce qu'il y peut auoir de profitable en la passion, avec ce qu'il y a de dommageable: mais il est expedient qu'elle imite en cela le Prince de nature, qui nous a enseigné l'usage des plantes, & des arbres fructiers, retranchant les reiettons superflus, & cultiuant ce qu'il y a d'utile: & ceux qui ont peur de s'enyrurer ne respendent pas le vin en terre, ny pareillement ceux qui redoubtent la violence des passion ne les doiuent pas du tout desraciner, ains les temperent, ne plus ne moins qu'on dompte les cheuaux pour les garder de regibber. A tant la raison mitiguera nos perturbations le mieux qu'il luy sera possible, sans les laisser croistre aucunement, eu esgard que la disposition de la partie sensuelle est, par maniere de dire, comme vne fertilité naturelle, & fortale à vn champ plantureux, lequel foisonne en mauuaises herbes, alors qu'il demeure en friche par la nonchalance des laboureurs, ce nonobstant il rapporte beaucoup de bons fructs apres auoir esté cultiué: & l'homme se void soüillé d'une infinité de vices contagieux lors qu'il ne laisse point tenir le gouuernail à la raison, comme au contraire il ne peut faillir à exploicter maintes vertueuses entreprises, s'il se gouerne selon le mouuement d'icelle.

PIERRE P A P A R I N de Montbrison en Forests, Euesque & Seigneur de Gap en Daulphiné, a Paraphrasé en François, Octante Psalmes de Dauid. Avec le sens Allegoric, selon la vraye intelligence des Propheties d'iceux. Ensemble vne remonstrance aux Pasteurs Chrestiens & Catholiques, traictant de la consommation de ce monde, & du second aduenement de nostre Seigneur Iesus Christ. [impr. à Paris 8°. par Nicolas Chesneau 1582.

PIERRE P A S C H A L.

S'il m'estoit loisible de mettre en ceste Bibliothecque tous ceux qui se vantēt
S S d'auoir

d'auoir escript des liures, & qui veulent qu'on les en croye, sans toutesfois qu'ils fassent voir aucun eschantillon de ce qu'ils promettent, qui doit estre (à ce qu'ils dient) monts & merueilles, j'augmenteroy le nombre des Auteurs de plus de la moitié: Mais mon dessein estant esloigné de ceste intention, ie n'y ay enregistré sinon ceux dont j'ay veu les œuvres, ne voulant auancer faux & supposez faicts à mon escient, ne croire à credit les propos que plusieurs auancement si l'effect ne m'en est bien apparent. Car il s'en trouue quelques vns entre les mains desquels la verité mesmes seroit soupçonnée. Parquoy ne m'enuoye qui voudra le Catalogue seul de ses œuvres, ains me face voir icelles, autrement ne pense d'estre veu icy nomplus qu'un (ie passeray son nom sous silence) lequel m'a baillé un grand carnet & inuentaie des liures qu'il dict auoir composez, n'ayant encores vingt & sept ans passez, en nombre de cinq cens volumes, ornez des plus beaux tiltres qu'on scauroit oncques imaginer, & qui tient plus de cent pages: chose ridicule & incroyable, voire impossible: veu que la vie de l'homme la plus longue (à deduire les heures esquelles il faut que le corps prenne sa refection & son repos l'une à manger, l'autre à dormir) ne seroit bastante, ie ne diray pas d'escrire mais seulement de lire le quart de tant de volumes. Il s'est bien trouué un Marcus Varro Helluo lequel (au tesmoignage d'Aulugelle au chapitre dixiesme du troisieme liure des Nuits attiques) estant entré en la douzieme sepmaine de ses ans, à scauoir en l'an quatre vingts & quatre de son aage, se trouua lors auoir escript septante sepmaines de liures, qui font le nombre de quatre cens nonante: Desquels il y en heut la plus-grande partie qui se perdirent, lors que ses Bibliothecques furent pillées du temps de sa proscription & exil: duquel Varro saint Augustin au sixiesme liure de la Cité de Dieu dict s'esmerueiller qu'ayant tant leu il aye eu le loysir d'escrire, & qu'ayant tant escript, à grand peyne se peut il croire qu'il y ayt homme qui aye peu tant lire. Toutesfois si cela n'est du tout impossible, il seroit encores plus passable & croyable que n'est la multitude des volumes qu'un autre donne entendre auoir faict, prodigieuse certes de la moitié plus, se vantant d'auoir escript huit cens volumes contenans trente mille cayers: & a bien esté si eshonté que de le publier par escript comme si on deuoit applaudir à son impudence & les moins cleruoyans ne la sceussent cognoistre. Quant à moy ie pense que tous les deux n'ont pas faict seulement vne periode de ce qu'ils dient, & iusques à ce qu'ils m'aient communiqué leurs œuvres ne faut qu'ils s'attendent d'auoir place en ceste Bibliothecque, laquelle ie ne veux farcir de telles impostures. C'est pourquoy ie leur ay renuoyé leur Catalogue avec aduis de le bailler au Sieur de la Croix qui ne différera leur donner lieu honorable en la sienne comme il fait à plusieurs dont les vns ne furent iamais en nature, au moins s'ils le sont n'ont rien escript, ainsi que luy mesme le confesse, & ie m'assure bien que les autres ne penserent oncques à écrire ou traduire les liures qu'il leur attribue. Ce qu'il faict volontiers (croys ie)

ie) afin de rendre son volume plus gros & ample. Mais à quel propos (me dira on) amene ie cecy , ayant à parler de Pierre Pascal , puis qu'on n'a rien veu de luy en François, ou s'il n'a rien escript a quelle occasion l'ay- ie mis icy ? A quoy ie respondray qu'il n'y est en rang d'Autheur, mais d'un pur abuseur du monde, qui repaïssoit les gens de fumee au lieu de rost, & qui avec cela sceut tirer de l'espargne douze cens liures de gaiges par chacun an, pour faire l'histoire de France : & pour en donner bonne esperance, semoit de petits billets portans ces mots, *P. Paschalij liber quartus rerum à Francis gestarum*: iagoit qu'il n'en eut pas fait seulement six feuillets lors qu'il mourut. Dequoy Adrian Turnebus, professeur Royal, qui n'auoit que le tiers de tels gaiges, bien qu'il meritaist trois fois dauantage, despité de voir la France ainsi bef- fée, fait vne Satyre contre luy. I'en ay veu à Paris au logis de la petite harpe, rue de la Harpe, tout ce qu'il en auoit fait en sa vie, qui ne passoit pas dix ou douze feuillets, que s'en allant il auoit lais- sé avec quelques hardes à son hoste nommé Maugis pour gage de la somme de cinquante escus sol, qu'il luy deuoit encores, de reste de despence.

Ce pendant le bruiet qu'il auoit semé a fait celebrer ses loüanges par Ronfard & autres, qui s'attendoient tousiours de veoir sortir en lumie- re vne belle & docte histoire digne de luy. Mesmes apres son decez qui aduint à Thoulouse, on luy dressa vn grand Epitaphe qui se void au Cloistre de l'Eglise saint Estienne. De pareille esperance nous a en- tretenu par plusieurs annees le Sieur Montaigne, President aux Gene- raux des Aydes à Mont-pelier, ayant promis vne autre histoire de Fran- ce grande & accomplie de tous poincts, de laquelle fait mention le Sieur du Haillan en la preface de la sienne, sans que depuis il en aye publié seulement vn cayer, qui me fait dire qu'il n'en a pas fait par- tie de ce qu'il a promis, ou bien c'est trop fait attendre : & s'il la tient gueres d'auantage recluse, on peut bien dire qu'on ne la verra qu'aux Calendes Grecques. Ie le puis donc bien accoupler avecques Paschal, duquel (ainsi que ie presume) Ioachim du Bellay a entendu parler, & de tous ceux de sa sorte en vn endroiect d'une Epistre traduite du Latin d'Adrian Turnebe, sur vn nouveau moyen de faire son profit de l'estude des lettres, par les vers suyans:

*Il te fault quelquesfois, soit en vers, soit en prose,
Ecrire finement quelque petite chose
Qui sente son Virgile, & Ciceron aussi:
Car si tu as des mots tant seulement soucy,
Tu seras bien grossier & lourdant, ce me semble,
Si par art tu ne peux en accoupler ensemble*

RR 2

Quelque

*Quelque peu: car icy par un petit chef d'œuvre
 Assez d'un courtisan le sçavoir se descoeuure.
 Je ne veux toutesfois qu'on le face imprimer:
 Car ce qui est commun se fait desestimer,
 Et la perfection de l'art est de ne faire,
 Ains monstrier desdaigner ce que fait le vulgaire.
 Mesmes ce qui sera des autres imprimé,
 Afin que tu en sois plus sçauant estimé,
 Il le te fault blasmer: mais il te fault eslire
 Des loueurs à propos pour tes ouurages lire,
 Et n'en faut pas beaucoup. Avec telles faueurs
 Recite hardiment aux Dames & Seigneurs
 Tu seras sçauant homme, & les grands personnages
 Te feront des presens: & seras à leurs gages.
 Mais si tu veux au iour quelque chose euentier,
 Il fault premierement la fortune tenter,
 Sans y mettre ton nom, de peur du vitupere
 Qu'un enfant abortif porte au nom de son pere.
 Car en celant ton nom, d'un chacun tu peus bien
 Sonder le iugement, sans qu'il te couste rien,
 D'autant que tels escripts vaguent sans cognoissance
 Ainsi qu'enfans trouuez, publiques de naissance.
 Mais ne faut pas aussi, si tu les vois loüer,
 Maistre, pere, & auteur, pour tiens les auoüer.
 Le plus seur toutesfois seroit en tout se taire,
 Et c'est un beau mestier, & fort facile à faire,
 Le faisant dextrement. Fay courir qu'entrepris
 Tu as quelque poëme, & œuvre de hault pris,
 Tout soudain tu seras monstrier parmy la ville,
 Et seras estimé de la tourbe civile.*

*Vn vieux ruzé de court naguières se vantoit,
 Que de la republique un discours il traittoit,
 Soudain il eut le bruit d'auoir epuisé Romme,
 Et le sçavoir de Grece, & qu'un si sçauant homme
 Que luy ne se trouuoit. Par là il se poussa,
 Et aux plus haults honneurs du Palais s'auança,
 Ayant mouché les Rois, avec telle pratique,
 Et si n'auoit rien fait touchant la republique.
 Toutesfois cependant qu'il a esté viuant,*

Il a nourry ce bruit qui le met en auant
 Jusqu'à tant que la mort sa ruz e eut descouuerte:
 Car on ne trouua rien en son estude ouuerte,
 Ains par la seule mort au iour fut reuelé
 Le fard, dont il s'estoit si longuement celé.

Quelque autre dit auoir entrepris un ouurage
 Des plus illustres noms qui on lise de nostre âge,
 Et ia douze ou quinze ans nous deçoit par cest art:
 Mais il accomplira sa promesse plus tard
 Que l'an du iugement. Toutefois par sa ruz e
 Des plus ambitieux l'esperance il abuse.
 Car ceux-la qui sont plus de la gloire enuieux,
 Le flattent à l'enuy, & t'aschent curieux
 De gaigner quelque place en ce tant docte liure,
 Qui peut à tout iamais leur beau nom faire viure.
 Ce trompeur par son art tres-riche s'est rendu,
 Et son silence aux Roys cherement a vendu,
 Noyant en l'eau d'oubly, les beaux noms, dont la gloire
 Seroit sans ses escripts: d'eternelle memoire.
 Car les Parthes menteurs, faux, il surmontera,
 Et nul (comme il promet) n'immortalisera:
 Mais il peindra le nez à tous. & pour sa peine
 De les auoir trompez, d'une esperance vaine,
 Dessus un cheual blanc ses monstres il fera
 Par la ville, & du Roy aux gages il sera.

C'est un gentil appas pour les oyseaux attirer,
 Ce que d'un autre dit le commun populaire,
 Qui par les cabarets tout expres delaissoit
 Quatre lignes d'un liure, & outre ne passoit:
 Avec un tiltre au front, qui se donnoit la gloire
 D'estre le liure quart de la Françoisse histoire.
 Qui doncques ie te pry, mira que cestui-cy
 Ne soit des plus heureux sans se donner soucy,
 Qui quatre liures peut de quatre lignes faire,
 Qui du doigt pour cela est monstre du vulgaire,
 Qui pour cela de France est dict l'Historien,
 Et auquel pour cela on fait beaucoup du bien?

Au reste ie n'ay veu d'iceluy Paschal autre chose qu'une Oraison ou harangue
 en Latin par luy prononcee au Senat de Venise contre les meurtriers de Jean
 de Mauleon, Vne autre des loix, faicte à Rome lors qu'il print son degré en

droict, & quelques Epistres Latines escriptes en son voyage d'Italie, le tout resmoignant à la verité qu'il estoit eloquent & bon Orateur en Latin, & imprimé à Lyon 8°. par Sebastien Gryphius, l'an mil cinq cens quarante huit. Plus l'Eloge du Roy Henry second, escrit aussi en Latin, & imprimé à Paris par Vascofan. L'oraison au Senat de Venise a esté traduite en François par Pierre de Mauleon Prothonotaire d'Urban, & l'Eloge par Lancelot de Carle Euesque de Riez comme i'ay dict cy deuant.

PIERRE PESSÉLIERE de S. Germain d'Ausserre a traduit en François vn Traicté de S. Iean Chrysostome, Que nul n'est offensé sinon par soy-mesme. [impr. à Paris 8°. par Adam Saulnier 1543.

PIERRE PICHOT Medecin, en la ville & cité de Bourdeaux a escrit Brief Aduertissement pour se garder de Peste, colligé des liures d'Hippocrates, Galen & autres anciens & excellens Autheurs. [impr. à Agen.

PIERRE PITHOV Aduocat au Parlement de Paris a escript Les Memoires des Comtes hereditaires de Champagne & Brie. [impr. à Paris 4°. par Robert Estienne 1572.

Genealogie des Comtes hereditaires de Troyes & Meaux, ou de Champagne & Brie. [impr. à Paris en table.

Bref Recueil des Euesques de Troyes en table.

PIERRE DE LA PLACE premier President en la Court des Aydes à Paris a escrit, doctement

Traicté de la Vocation & maniere de viure à laquelle chacun est appelé. Diuisé en deux liures. [impr. à Paris 4°. par Federic Morel 1561. depuis reimprimé 8°. par Robert le Maignier 1574 & distinguez par Chapitres, ce qu'ils n'estoient au parauant.

Du droict vsage de la Philosophie morale avec la doctrine Chrestienne liures III. [impr. à Paris 8°. par Federic Morel 1562.

Traicté de l'excellence de l'homme Chrestien & maniere de le cognoistre. [Impr. 8°. sans nom d'Imprimeur & datte. Calvinique.

PETRI PLATEANI Angolismai in summo tributarium vectigaliumque tribunali Lutetia Parisiorum Regij patroni & postea Praesidis Paraphrasis in titulos institutionum imperialium de Actionibus, Exceptionibus, & interdictis. Scholiis seorsum margini adpositis, Parisiis 4°. apud Galeotum à Prato 1548.

Au premier liure de la Vocation.

Ce mot de Vocation tiré du Latin, signifie ce à quoy l'on est appelé bien toutesfois d'autre energie que le mot Vacation, François & vulgaire signifiait la maniere de viure à laquelle chacun vaque. Car outre ce nous est signifié par ce mot de Vocation, l'expres vouloir de Dieu conforme à l'estat & condition de vie en laquelle nous sommes, comme à icelle par luy appelez. Et pour en donner la diffinition nous dirons que la Vacation de l'homme, n'est autre chose sinon la maniere de viure, à laquelle chacun non par fortune mais par certaine prouidence de Dieu, est appelé, à la conseruation de l'ordre police, & gouuernement de la vie & societé humaine. Tout ainsi qu'au contraire,

par

par ce mot de reuocation est signifié le contre-appel, ou pour mieux dire, le rappel, de la maniere de viure, à laquelle l'on estoit auparauant appelé, non plus fortuit que la vocation, ne moins de la prouidence de Dieu, & à la conseruation aussi de l'ordre police & gouuernement de la vie & societé humaine. Maintenant conuient sçauoir qu'il y a deux sortes de vocation: l'une qui est generale, & appartient egaleement & indifferemment à tous: l'autre particuliere, qui appartient distinctement & separeement à vn chacun: L'une contemplatiue, & l'autre actiue, d'autant que l'homme crée pour viure, non comme les herbes & les plantes, ne mesme comme les bestes brutes viuans sensuellement, mais selon la raison colloquee en l'entendement, propre, partie à la speculation & contemplation, partie à l'action, est participant de deux vies: l'une desquelles gist en la contéplation des choses du tout separees du corps, & l'autre en l'action d'iceluy: desquelles nous tirons ceste diuision generale de la vocation, par laquelle nous commençons, appellans l'une generale & l'autre particuliere: non que tous ne soyons egaleement & en general appelez & propres autant à l'une qu'à l'autre, mais pourautant que tous sommes indifferemment appelez à la cognoissance, speculation & contemplation de Dieu, & distinctement & differemment à l'action selon la difference de chacune particuliere vocation. Car tout ainsi que les membres du corps sont destinez particulièrement à leur office, & neantmoins tous creez à vne fin, à sçauoir à la conseruation du corps en general: aussi estans tous particulierement destinez chacun en nostre maniere de viure, nous sommes avec ce appelez à vne vocation generale appartenant à l'union & conionction de tous ensemblement avec Dieu, comme estant chacun de nous appelé à sa cognoissance, amour & union avec luy, pour apres cy bas conduire & reigler chacun sa vocation & maniere de viure particuliere, selon l'ordre & police à tous ordonné par sa loy, en laquelle gist la seule vraye & parfaicte reigle de la vie & societé humaine, & laquelle si vne fois pouuoit bien entrer en nous, toutes les vocations particulieres qui appartiennent à l'institution & reformation des mœurs de l'homme, dont nous auons cy apres à traicter, cesseroient comme inutiles & superflues, & ne seroit necessaire d'en parler. Car quel besoing seroit-il de Docteurs, precepteurs, magistrats, ou superieurs, ou autre police publique ou domestique, si l'entendement ou vie de l'homme estoit ainsi de foy par telle union & perfection en charité & amitié regie & gouuernée: estant bien veritable ce que dit Aristote, que où gist l'amitié, il n'est besoing de iustice: pourautant que l'office de iustice n'est autre que, rendre à chacun ce qui luy appartient ce que l'on apperçoit l'amitié executer assez d'elle mesme. Mais il est certain que de nostre imperfection procede toute confusion, d'autant qu'au lieu de nous vnir avec Dieu, & puis rapporter au bien commun nostre maniere de viure à laquelle nous sommes appelez, nous ne voulons congnoistre, obeyr, ny aimer sinon nous mesmes, mettās tout nostre cœur & fiance en nous, c'est à dire en nostre prudence, force & vertu, dont prouient le mespris du bien commun, & le desordre en la societé humaine, voulant chacun raurir à foy ce qu'à Dieu seul & à la communauté des hommes appartient. Parquoy a esté necessaire de reprimer & contenir ceste fureur & outrecuidāce de l'homme par loix, preceptes,

enseignemens, disciplines, docteurs, magistrats, glaiues, peines & supplices, & introduire les vocations en diuerfes sortes & manieres grandement necessaires pour l'indigence & infirmité de l'homme, & à luy ainsi ordonnees comme vn exercice propre pour se rengier à l'ordre & police diuine. En quoy nous auons à considerer la singuliere bonté de Dieu enuers nous: lequel combien que de soy-mesme (si tel eust esté son bon plaisir) eust bien peu par luy, ses anges, ou autrement, gouverner & administrer toutes choses, toutesfois il luy a pleu tant honorer l'homme que de faire par luy, comme sien instrumēt, son œuvre: voulant ainsi par mutuel office, industrie & moyen de party à vn chacun selon qu'il luy plaist, nous retenir en lien d'amitié, à fin que l'œil ne peust dire aux mains, ou la teste aux pieds, ie n'ay que faire de vous, & ainsi des autres. Car autrement si chacun eust esté suffisant pour soy, & se fust congneu n'auoir besoin d'autrui, l'orgueil & fierté de l'homme est telle, que l'on n'eust veu regner que desdaing, mespris & arrogance, & consequemment toute dissipation & desordre de nature es choses de ce monde. Et voila quant à la vocation generale. Au regard des vocations particulieres d'vn chacun il conuiēt sçauoir q̄ toute vocatiō cōsiste ou en office priué, c'est à dire exercé par personnes priuees: ou biē office public exercé par personnes publiqs. L'office priué cōsiste partie en office œconomic, c'est à dire domestic, cōme en la conduite & gournemēt de fēme, enfās, maisō & famille: partie en autre office & maniere de viure en general de personnes priuees, cōme sont les arts mecaniques, & mestiers que nous deduirons cy apres. L'office public consiste partie en reiglemēt de l'interieur, partie de l'exterieur, à sçauoir de l'estat ecclesiastic pour regir l'interieur & conscience des hommes, & en l'estat politic institué pour la paix & tranquillité exterieure & corporelle, l'estat politic exercé partie sans armes, & partie par armes. De toutes lesquelles vocations il nous conuiēt parler sommairement & par ordre, &c.

Au premier liure du droit usage de la Philosophie morale avec la doctrine Chrestienne.

Or tout ce que Plato, appris & instruit par son precepteur Socrates, a decouvert en plusieurs lieux appartenant à ceste philosophie, Aristote l'a succinctement & par vn ordre & disposition singuliere reduict en vn œuvre, ayant ainsi fait & composé vn corps en son entier de plusieurs membres dispersez çà & là par vn grand artifice. Aucuns venus apres luy, comme les Epicuriens, & les Stoiques, ont plus par estude de contredire, qu'autrement (comme il est vray-semblable) luy vnē autre forme de doctrine, non tant par demonstrations certaines, que par aucunes legeres & friuoles coniectures. Et d'autres venus depuis, cuidans esclarcir le subiect de ceste philosophie (de soy routesois populaire & approchāt du sens commun) l'ont traicté par vne ie ne sçay quelle maniere de dispute & contention sophistique, argute & subtile, & de telle maniere, qu'il semble mieus qu'ils l'ayēt voulu reculer & esloigner de la veüe & cognoissance des hommes; que non pas l'en approcher: l'ayant en fin reduit

Et

ête iusques là qu'au lieu de seruir à former & composer les mœurs des hommes, elle n'a plus semblé seruir que d'un ieu d'escrime (par maniere de dire) & passer temps, à gens viuans ocieusement aux escholes, sans apporter autre profit. Ceste maniere de dispute & contention venue en telle estime & opinion, que non contents nos hommes de l'auoir ainsi inutilement adaptee à ceste science morale, ils sont venus iusques à l'appliquer à l'escriture, meslans la Philosophie avec la Theologie, c'est à dire le ciel & la terre ensemblément, avec telle erreur & confusion, qu'il ne faut chercher ailleurs la cause de toutes les heresies, venuees mesmes de nostre temps. Car les aucuns & principaux Docteurs de l'eglise, sortans de l'escole de Plato, en laquelle ils auoient esté nourris, deferoient à la Philosophie beaucoup plus qu'ils ne deuoient. Iustin martyr venu à l'eglise des Chrestiens, ne voulut laisser l'habit de Philosophe, qu'il portoit, soustenant que la doctrine de Plato estoit accordante à l'euangile. Clement Alexandrin precepteur d'Origene en mesme temps, appelloit Plato, le Moyse d'Athenes: & Arnobius l'appelloit, pour mesme raison, le Philosophe Chrestien. Nous lisons que Porphyrius dict quelquesfois par reproche à Origene, qu'ayant accoustumé d'auoir tousiours Plato entre ses mains, il l'auoit abandonné pour la doctrine Chrestienne. Mais il est à souhaiter que ce reproche eust esté bien veritable, n'estant celuy qui par la lecture de ses liures ne puisse iuger du contraire. Terrullian à ceste cause me semble bien dire à propos que Plato estoit celuy, qui auoit assaisonné la fausse des heresies. Et qu'y a il de semblance (dit-il) entre le Philosophe & le Chrestien, entre le disciple de Grece & le disciple du Ciel, entre l'ennemy & l'amy d'erreur, & entre celuy qui regrette la verité, & celuy qui la pressurant en tire la vraye liqueur? Si est-ce qu'il n'a sceu tant faire luy-mesme que de s'estre peu garder de ses embusches. Qui nous donne bien à cognoistre que ce n'a esté sans grand propos, que S. Paul admonnestoit si diligemment les Colossiens, de bien prendre garde qu'ils ne fussent surpris par Philosophie & vaine deception, selon les traditions des hommes & non selon Iesus-Christ. Nous à ceste cause voulans sommairement discourir ce qui appartient à ceste Philosophie, nous sommes en premier lieu proposez traiter d'icelle le plus simplement que sera possible pour la rendre plus commune & familiere qu'elle n'a esté iusques icy: & avec ce nous sommes proposez de faire conference de ceste Philosophie avec la doctrine Chrestienne, pour distinctement faire entendre les fins diuerses de chacune des deux, & la difference d'entre elles bien entendue, rendre l'une & l'autre plus profitable, &c.

Au second liure.

Plato parlant de la nature de l'homme l'accompare au monstre marin Scylla: le dessus duquel il dit ressembler à vne vierge, le milieu à vn lyon, & le bas d'iceluy à vn chien aboyant. Voulant par là dire (selon l'opinion d'aucuns) qu'il y a trois ames ou fonctions & offices d'icelle en l'homme (car de sçauoir maintenant si l'ame est vne chose distincte & separee en plusieurs parties du corps, ou bien si elle est vne mesme chose indiuisible de soy, comme est la circonference

rence, l'enleueure, & la concavité en vne mesme chose ronde & creuse, cela n'importe rien) Plato doncques voulant dire qu'il y auoit trois ames, mettoit l'une & plus basse d'icelles, au foye, voulant dire que celle estoit semblable au chien, prompt & encline à toute volupté: comprenant par ceste cy la vertu & force naturelle, par laquelle l'homme prend sa nourriture & croissance, & par laquelle il peut engendrer aussi. L'autre & moyenne estoit mise par luy au cœur, partie accomparee au lyon, & en laquelle gisent les passions & affectiōs: comme l'ire & le courroux, la ioye & tristesse, l'esperance & crainte, la haine, la misericorde & semblables. La tierce & plus haute, en la teste, en laquelle consiste l'intelligence, & la raison, la memoire, & le iugement, & la conduite des mouuemens volontaires: accomparee à bon droict à la vierge, comme estant la partie la plus entiere & nette de tout l'homme. Mais Aristote diuise l'ame de l'homme en deux parties seulement, l'une raisonnable, & l'autre irraisonnable: appellant ceste irraisonnable, en laquelle nous auons mis la vertu de la nourriture & croissance, laquelle est commune aux herbes, plantes, & toutes autres choses qui germent & prennent nourriture: dont nous ne ferons maintenant autre recit, d'autant que l'homme ne fait aucune action vertueuse par icelle: la principale operation de ceste partie mesme estant durant le dormir, pendant lequel le meschant n'est different du bon. A l'occasion dequoy les anciens disoient, que la moitié du tēps de la vie de l'homme, celuy qui est heureux n'est en rien different du miserable, si ce n'est à l'auenture qu'au moyen des meilleures imaginations & pensees des bons, leur sommeil soit plus doux & meilleur que des autres. Ceste partie irraisonnable, outre la vertu de nourriture & croissance, consistant encores en vne autre partie, veritablement non raisonnable de soy, mais neantmoins aucunement participante & capable de la raison: qui est la partie sensuelle, repugnant de soy à la raison: mais toutesfois telle qu'elle peut estre conduite & rengee à icelle: comme nous le voyons par experience en celuy qui s'abstient des voluptez, & celuy qui ne s'en peut abstenir: estant la raison maistresse en l'un, & en l'autre la volupté. Mais le meilleur fera de dire, que ceste partie sensuelle ait quelque raison en soy, telle que le fils obeyssant à la raison du pere, ou l'amy à l'admonestement de l'amy: & pourtant dire, que ceste seconde partie de l'ame est double, l'une en laquelle gist la raison & iugement, cōme est l'entendement de l'homme: & l'autre, celle qui n'a la raison en soy, & toutesfois est participante d'icelle, comme est la sensuelle. Voila quant à la partition de l'interieur de l'homme, necessaire à cognoistre, pour mieux entendre aussi la partition des vertus: les vnes estans en l'intelligence & partie interieure, en laquelle nous auons dit estre la raison, comme la Sapience, & la prudence: & les autres en la partie sensuelle, & operation exterieure de l'homme, à sçauoir la liberalité, la temperance, & autres proprement appellees morales, d'autant qu'elles s'acquierent par bonnes mœurs & coustumes. Ceux qui veulent à ceste cause louer quelqu'un par ses bonnes mœurs & œuvres exterieures, ne disent pas qu'il soit sage, accort & aduisé, cela appartenant aux vertus intellectiues: mais bien qu'il est gracieux, liberal & moderé: non plus que pour louer quelqu'un pour son intelligence, cognoissance, & raison, lon ne dit pas qu'il est temperé, ou constant, mais bien qu'il est sage & prudent: qui monstre

estre bien la difference des vertus morales aux vertus intellectiues. Les Platoniciens distribuent autrement les vertus, à sçauoir en vertus appellees par eux exemplaires, c'est à dire, qui comme Idees gisent en vne parfaicte, certaine & immuable intelligence, & cognoissance des choses celestes & humaines, iusques à en auoir les parfaictes images & figures encloses en l'entendement. Puis en vertus appellees aussi par eux purgatoires lesquelles purgent l'entendement de tout vice. Et les vertus ciuiles, qui appartiennent à la vie ciuile & société humaine. Mais nous laissons ceste diuision & suiuous celle d'Aristote comme celle qui nous semble plus propre & plus commode, & pour ce que l'inuention de ses vertus purgatoires aussi, nous semble mal Chrestienne attribuant aux forces humaines ce qui ne leur peut aucunement appartenir. Parquoy nous disons selon Aristote, que la vertu se prend & distribue en deux sortes, l'une appellee intellectiue, & l'autre morale. L'intellectiue ainsi appellee, par ce que elle gist en l'action de l'entendement, & à cause de ce que la plus part elle s'engendre & augmente par les arts, sciences & disciplines, & a grand besoing de l'experience du temps. Et de ceste-cy Aristote se reserue à parler apres auoir traicté premier de la vertu morale, gardant son ordre accoustumé: à sçauoir, de proceder premierement par les choses qui nous sont plus proches, familiaires & cognues, pour venir apres à celles qui nous sont plus loingtaines, & occultes: Mais quelque renuoy qu'il face pour en parler ailleurs, si est-ce qu'il ne fait aucune mention d'icelles: i'enten de celles qui sont les principales vertus intellectiues, regardans droitement au Ciel, & l'action desquelles se rapporte du tout à Dieu. Car iacoit qu'en nous naisse quelque cognoissance de la loy de Dieu, & que la raison voye plusieurs tesmoignages de luy en la nature, si est ce que la confusion n'a esté petite entre les Philosophes, pour le regard de la cognoissance d'iceluy, & de sa prouidēce comme il est force qu'il aduienne, toutes & quantes fois que les entendemens humains ne sont regis par la lumiere de l'Euangile. Tellement que la philosophie n'ayant eu qu'une simple congnissance des œuures exterieures de la Loy, & au demourant estant du tout ignorante des promesses de Dieu, & accomplissement d'icelles, n'a sceu parler aucune chose de la foy, & confiance en iceluy, de l'esperance en son ayde, de l'inuocation & autres vertus intellectiues & Chrestiennes: la doctrine desquelles a esté manifestee par la parole de Dieu, &c.

Au 3. liure.

On ne peut nier que les operations bonnes ou mauuaises ne soient volontaires en nous: & l'une & l'autre procedent de l'election, laquelle est franche & en sa liberté: si que faisans quelque chose, nous la faisons parce qu'ainsi nous la voulons: ou ne la faisons point, parce que ne la voulons faire aussi. Parquoy l'habitude engendree de nos œuures, est cause d'estre vertueux ou vicieux: & estre vertueux ou vicieux, est cause de l'apparēce vraye ou fausse de la fin: consequemment, tant le bien que le mal faire, depend de nous. Car tels nous sommes, quelles sont nos habitudes: & quels nous sommes, telle est la fin que nous mettons en noz œuures. Mais l'homme se diroit volontiers cause du bien & reietteroit la cause du mal hors de soy, & en imputerait toute

toute la faute à nature, c'est à dire à Dieu mesme, qui l'a fait telle qu'elle est, s'il pouuoit: disant à ce propos Homere en la personne de Iupiter,

*C'est un grand cas, que ce genre mortel
Blaspheme ainsi nostre deité haute,
Mettant sur nous l'origine & la faute,
Quand quelque mal à luy se vient offrir:
Combien qu'au vray, ce qui le fait souffrir
Contre le cours de toute destinee,
Est seulement sa malice obstinee.*

A quoy Plato accordant dit qu'il ne faut qu'aucun soit vieil, soit ieune dye ou entéde en quelque maniere que ce soit, que Dieu soit la cause du mal, c'est à dire de peché: comme estant tel propos detestable & repugnant à la verité, &c.

PIERRE DE LA PRIMAUDAYE, Escuyer, Seigneur du dit lieu & de la Barree, gentilhomme de la chambre M^oseigneur frere du Roy a escrit

Academie françoise, diuisee en dixhuiet iournees, & la iournee par chapitres: en laquelle quatre ieunes gentilshômes Angeuins sont introduicts sous noms Hebrieux, à sçauoir Aser, Amana, Aram, Achitob: discourans elegamment & traictans en la presence de leurs peres & de leur instituteur de l'institutio des mœurs, & de ce qui concerne le bien & heureusement viure en tous estats & conditions: par les preceptes de la doctrine, & les exemples de la vie des anciens sages, & hommes illustres. [impri. à Paris f^o. par Guillaume Chaudiere 1577.

Suite de l'Academie françoise en laquelle il est traicté de l'homme, & comme par vne histoire naturelle du corps & de l'ame, est discouru de la creation, matiere, cōposition, forme, nature, vtilité & vsage, de toutes les parties du bastiment humain, & des causes naturelles de toutes affections, & des verrus & des vices: & singulierement de la nature, puissances, œuures & immortalité de l'ame. [imp. à Paradis f^o. par Guillaume Chaudiere 1580.

Quatrains consolatoires du Sieur de la Primaudaye. [imp. à Paris 4^o. par Pierre l'Huillier.

PIERRE DE LA RAMEE, ou RAMVS, de Vermandois Professeur & lecteur du Roy en Eloquence & Philosophie à Paris a escrit

Harengue touchant ce qu'ont fait les deputez de l'vniuersité de Paris envers le Roy, faicte premierement en latin par ledict Ramus & par luy mesme mise en françois. [imp. à Paris 8^o. par André VVechele 1557.

Aduertissemens sur la reformation de l'vniuersité de Paris au Roy. [imp. à Paris 8^o. par André VVechele 1562.

La Dialectique comprise en deux liures. [imp. à Paris 4^o. par André VVechele 1555. faicte premierement en latin & par luy mesme traduicte en françois. Depuis augmentee d'un traicté de l'exercice & pratique non seulement de

la

Logique mais des autres arts & sciences pour en tirer le vray fruit & utilité. [impr. à Paris par Guillaume Auray 1577.

Preface sur le proëme des Mathematiques, à la Royne mere du Roy. [impr. à Paris 8°. par André Vvechel 1566.

Remonstrance de Pierre de la Ramee faicte au Conseil priué en la chambre du Louure le 18. Ianuier 1567. Touchant la profession Royale en Mathematique. [impr. à Paris 8°. par André Vvechel 1567.

La Grammaire François. Avec vne Preface à la Royne mere. [impr. à Paris 8°. par André Vvechel 1567.

Traicté de l'art militaire &c. Voyez Pierre Poisson. Ses liures Latins sont denobrés en l'Epitome de la Bibliothecque de Gesner Edition 1582. deux desquels à sçauoir, *Institutiones Dialectica*, & *Aristotelica Animaduersiones*, ont esté condânez par Arrest donné par le pere des lettres François premier du nô tres-Chrestien Roy de France prononcé le 26. de Mars 1543. dont la teneur s'ensuit.

FRANÇOIS par la grace de Dieu Roy de France, à tous ceux qui ces présentes lettres verront salut. Comme entre les autres grandes sollicitudes que nous auons tousiours eues de bien ordonner & establir la chose publique de nostre Royaume, nous ayons mis toute la peine que possible nous a esté de l'accroistre & enrichir de toutes bonnes lettres & sciences à l'honneur & gloire de nostre seigneur, & au salut des hommes. Et puisnaguères aduertis du trouble aduenü à nostre chere & bien ayinée fille l'vniuersité de Paris a cause de deux liures faicts par Maistre Pierre Ramus intituléz l'un *Dialectica institutiones*, & l'autre, *Aristotelica Animaduersiones*. Et des procès & differents qui estoient pendans en nostre Court de Parlement audit lieu entre elle & ledit Ramus pour raison desdits liures, Nous les eussions euoqués à nous pour sommairement & promptement y pourueoir. Et à ceste fin eussions ordonné que Maistre Anthoine de Gouea qui s'estoit présenté à impugner & débattre lesdits liures, & ledit Ramus qui les soustenoit & deffendoient esliroient & nommeroient de chacun costé deux bons & notables personages cognoissans les langues Grecque & Latine, sçauans & expérimentés en Philosophie & que nous eslirions & nommerions vn cinquième pour visiter lesdits liures, ouyr lesdits de Gouea, & Ramus en leurs disputes & débats, & sur tout nous donner leur aduis. Suyuant laquelle nostre ordonnance eust ledit de Gouea esleu & nommé Maistre Pierre Danés & François de Vicomercat. Et ledit Ramus Maistre Jean Quentin Docteur en decret, & Jean de Bomont Docteur en medecine. Et nous pour le cinquième eussions nommé & ordonné nostre cher & bien amé Maistre Jean de Salignac Docteur en Theologie. Par deuant lesquels ledits de Gouea & Ramus eussent esté oyz en leur dispute & débats iusques à ce que pour entrerompres l'affaire iceluy Ramus se feroit porté pour appellant desdits censeurs. Dont nous aduertis eussions decerné nos lettres à nostre Preuost de Paris ou son Lieutenant pour contraindre lesdits de Gouea & Ramus à parfaire leurs disputes affin que par lesdits censeurs nous fust donné ledit aduis, nonobstant ledit appel & autres appellations quelsconques, suyuant lesquelles nos lettres eussent lesdits de Gouea & Ramus de rechef comparu par deuant lesdits censeurs. Et voyant par iceluy Ramus que lesdits liures ne se pourroient soustenir eut déclaré n'en vouloir plus disputer & qu'il les soubmettoit à la censure des susdits. Et comme lon y vouloit proceder lesdits Quentin & de Bomont l'un apres l'autre eussent déclaré ne s'en vouloir plus entremettre. Au moyen dequoy eust iceluy Ramus esté sommé & requis d'en eslire & nommer deux autres. Ce qu'il n'eust voulu faire & se fust du tout soubzmis aux trois autres dessus-nommez. Lesquels apres auoir le tout veu & considéré. Eussent esté d'aduis que ledit Ramus auoit esté temeraire arrogant & impudent d'auoir reproché & condamné le train & art de logique receu de toutes nations que luy mesmes ignoroit. Et que par ce qu'en son liure des Animaduersiones il reprenoit Aristote, estoit euidentement cogneu & manifestee son ignorance voire qu'il auoit mauuaise volonté de tant qu'il blasmoit plusieurs choses qui sont bones & veritables & mettoit sus à Aristote plusieurs choses à quoy

TT il ne

il ne pensa oncques. Et en somme ne contenoit fondit liure des Animaduersiones que tous mē-
songes & vne maniere de mēdire, tellement qu'il leur sembloit estre le grand bien & proffit
des lettres & sciences que ledit liure fust du tout supprimé semblablement l'autre dessusdict
intitulé *Dialectica institutiones*, comme contenant aussi plusieurs choses faulces & estranges.

SçA VOIR faisons, Que veu par nous ledit aduis & eu fut ce autre aduis & deliberation
avec plusieurs sçamans & notables personages estans lez nous auons condamné supprimé
& aboly condamnons supprimons & abolissons ledits deux liures l'un intitulé *Dialectica insti-
tutiones*, & l'autre: *Aristotelica Animaduersiones*. Et auons fait & faisons inhibitions & defences
a tous Imprimeurs & libraires de nostre Royaume, Pays terres & seigneuries & a tous autres
nos subiects de quelque estat & condition qu'ils soient qu'ils n'ayent plus a en imprimer ou
faire imprimer aucuns ne publier vendre ne debiter en nostredict Royaume pays & Seigneu-
ries sous peine de confiscation dedit liures & de punition corporelle, soit qu'ils soient im-
primez en iceux nos Royaume pays terres & seigneuries ou autres lieux n'estans de nostre
obeyssance. Et semblablement audit Ramus de ne plus lire sedit liures ne les faire escrire ou
copier publier ne semer en aucune maniere ne lire en Dialecticque ne philosophie en quelque
maniere que ce soit sans nostre expresse permission. Aussi de ne plus vsr de telles mēdisan-
ces & inuectiues contre Aristote ne autres auteurs anciens receuz & approuvez ne contre
nostredite fille l'vniuersité & supposts d'icelle sous les peines que dessus. Si donnons en mā-
dement, & commettons par ces presentes a nostredict preuost de Paris ou a son lieutenant & o-
servateur des priuileges par nous & nos predecesseurs Roys donnez & octroyez a nostredite
fille l'vniuersité que nostre present iugement & ordonnance il mette ou face mettre a deuë &
entiere execution selon la forme & teneur. Et a ce faire souffrir & obeyr contraingne & face
contraindre tous ceux qu'il appartiendra, & pource feront a contraindre par toutes voyes &
manieres deuës & raisonnables. Nonobstant oppositions ou appellations quelconques pour
lesquelles ne voulons estre differé. Et pource qu'il est besoing faire notifier nostredites defences
en plusieurs lieux de nostre Royaume terres & seigneuries affin de les faire observer, Nous
voulons qu'au vidimus d'icelles fait sous scel Royal ou signé par collation par l'un de nos
amez & feaulx Notaires & Secretaires soit adioustee foy comme au present Original. Man-
dons en oultre a tous nos autres Iusticiers & Officiers & a chacun d'eux si comme a luy ap-
partiendra que nostredites defences & inunctions ils fassent observer en procedant par eux con-
tre les infracteurs d'icelles si aucuns en y a par les peines cy dessus indictes & autres qu'ils
verront estre a faire par raison. En tesmoing de ce nous auons fait mettre nostre scel a ses-
dictes presentes. Donné a Paris le dixiesme iour de Mars, l'an de grace mil cinq cens quarante
trois, & de nostre regne le trentiesme. Ainsi signé sur le reply, par le Roy vous present. Dela-
chesnaie, Et scelles du grand scel sur double queue de cire jaune.

PIERRE REBVEFFI a escrit des

Annotations Latines & Françoises pour l'intelligence des lieux plus diffi-
ciles des Edicts & Ordonnances des Roys de France: depuis l'an 1226. ius-
ques a 1573. diuisees en cinq liures, dont le premier est de la Iustice & ce qui en
depend. Le 2. des droits royaux, Domaine & finance. Le 3. de la guerre & de la
Noblesse. Le 4. des choses politiques & ciuiles, a sçauoir de la police des villes,
des negoces & contractz qui se traittent entre les hommes, ensemble des pri-
uileges. Le 5. des choses Ecclesiastiques & ce qui en depēd. Ausquels Edicts sōt
adioustez les Arrets des Courts souueraines sur la verification, declaration &
modification d'icelles. [impr. a Lyon f°. a la Salemandre 1573. Voyez les Oeu-
res Latines en l'Epitome de la Bibliothecque de Gesner.

PIERRE DE LA RIVEY Champenois a traduit d'Italien

Le second & dernier liure des facétieuses nuictz, du Seigneur Iean François
Stra-

Straparole. contenant plusieurs belles Fables & plaisans Enigmes, racomtees par dix Damoiselles & quelques Gentilshommes. [impr. à Paris 16°. par Abel l'Angelier 1576.

Deux liures de Philosophie fabuleuse, le premier pris des discours d'Ange Firenzuola Florentin par lequel sous le sens Allegoric de plusieurs belles Fables est monstree l'enuie, malice & trahison d'aucuns Courtisans. Le second, Extrait des traictez de Sandebar Indien Philosophe moral traictant sous pareilles Allegories de l'Amitié & choses semblables. Traduits d'Italien & impr. à Paris 16°. par Abel l'Angelier 1577.

Six Comedies à l'imitation des anciens Grecs, Latins & modernes Italiens, à sçavoir, Le Laquais, La veufue. Les Esprits. Le Morfondu. Les Jaloux. Les Escoliers. [impr. à Paris 12°. par Abel l'Angelier 1579.

PIERRE RIVRAIN Vandomois a traduit du Grec de saint Jean Chrysostome en rime François

Exhortation à prier Dieu. Avec la louange de parfaite Oraison & autres oeuvres. [impr. à Paris 8°. par Estienne Groulleau 1547.

PIERRE DE LA ROCHE Saintongeois a traduit du Grec d'Antoine Valet en vers François

Chant Funebre sur le trespas de Messire Jean de Voyer, Cheualier de l'ordre du Roy Viconte de Paulmy &c. [impr. avec le tombeau dudit Sieur fait en plusieurs langues à Paris 4°. par Jean Bien né 1571.

PIERRE DE RONSARD Gentilhomme Vandomois fils de Messire Loys de Ronsard Cheualier Seigneur de la Poissonniere a esté le premier qui a enrichy nostre langue des Grecques & Latines despouilles. C'est pourquoy on l'appelle le Pindare François, ou bien Homere Gaulois. De maniere que selon le proverbe qui couroit de Philon Juif qui estoit tel,

Ou Platon Philonise, ou Philon Platonise.

On peut aussi bien dire de luy,

Ou bien Homere Grec escriuant Ronsardise,

Ou bien Ronsard Francois, en chantant Homerise.

Car de quelle grauité a il châté ses Hymnes plus doctes, que ceux d'Orphee, & sa Franciade autant ou plus graue que l'Iliade d'Homere? Avec quelle grace a il accommodé ce que de plus beau il a tiré des Grecs, & autres auteurs: de combien de mots propres, & comparaisons singulieres & belles a il enrichy nostre langue? Pourroit on trouuer de plus belles descriptions que les siennes? Non certainement: car il represente si naïfement par ses vers, à l'esprit de celui qui lit les choses qu'il décrit, qu'il semble qu'on les voye & qu'on y soit. Bref cest le premier Poëte de ce siecle: & si oseray bien asseurer à la verité qu'il n'y a eu de son temps Poëte Latin, Italien ne François qui aye mieux fait que luy, soit Bargæus, l'Arioste, Tasso, & Bartas qui tiennent les premiers reings des modernes, & lesquels ne luy sçauroient oster ny emporter cest honneur.

TT 2 Et

Et Barts le confesse aussi en vn endroict de sa seconde sepmaine par ces vers,

*L'autre ce grand Ronfard, qui pour orner sa France
Le Grec & le Latin despoille d'eloquence,
Et d'un esprit hardy manie heureusement
Toute sorte de vers, de style & d'argument.*

Le mesme Ronfard en tesmoigne autant de foy au discours contre Fortune à Odet de Colligny, disant ainsi,

*Il n'y auoit François tant fust il bien appris
Qui n'honorast mes chants, & qui n'en fust espris:
Car tous ceux qu'en mon art les meilleurs on estime
(S'ils ne portent au cœur une enuieuse lime)
Iustes confesseront (escrire ie le puis)
Qu'auecques grand travail tout le premier ie suis
Qui de Grece ay conduit les Muses en la France,
Et premier mesuré leurs pas à ma cadance:
Si qu'en lieu du langage & Romain & Gregeois
Premier les feis parler le langage François,
Tout hardy m'opposant à la tourbe ignorante.
Tant plus elle crioyt, plus elle estoit ardante
De deschirer mon nom: & plus me diffamoit,
Plus d'un courage ardent ma vertu s'allumoit
Contre ce populaire, imitant mille choses
Dedans les liures Grecs diuinement encloses.
Je fey des mots nouveaux, ie restauray les vieux,
Bien peu me souciant du vulgaire enuieux,
Mesdisant ignorant, qui depuis a fait conte
De mes vers, qu'au premier il me tournoit à honte.*

Toutes les œures ont esté imprimees à Paris par plusieurs fois 4°. 16°. & dernièrement f°. chez Gabriel Buon. Et en l'edition faicte 16°. sont redigees en sept Tomes, esquels est contenu tout ce qui s'ensuit,

Au premier Tome, Premiere partie des Amours de Cassandre commentee par Muret, Seconde partie des Amours de Marie diuisee en deux liures, dont le premier est commenté par Remy Belleau. Les Amours d'Eurymedon & de Calliree. La Charite à la Marguerite & vniue perle de France la Roynie de Nauarre. Sonnets & Madrigals pour Astree. Le Printemps à la sœur d'Astree. Sonnets pour Helene, en deux liures. Les Amours diuerfes, & Sonnets, à personnes diuerfes, Amour logé, Chançon.

Au 11. Tome, Les Odes en cinq liures, le premier en a x x i i. le second x l. le troisieme x x x i i i. le quatriesme, x l v i. & le cinquieme x x x v i.

Au troisieme Tome. Deux liures de Poemes, à sçauoir au premier Complainte,

plainte à la Royne Mere du Roy. Discours à Monsieur le Duc de Sa-
uoye. Discours à Charles Cardinal de Lorraine. Autre à Iean du Thier Sei-
gneur de Beau-regard. Epistre à Ambroise de la Porte, Parisien. La Grenouil-
le à Remy Belleau. Prosopopee de Loys de Ronsard pere de l'Auteur. L'A-
loüette. Le Frellon à Remy Belleau. Discours contre Fortune, à Odet Cardi-
nal de Chastillon. Les Isles Fortunees, à Marc Antoine de Muret. Gayetez en
nombre quatre. Le Hous. Discours à P. l'Escot Seigneur de Clany. Discours
au Cardinal de Chastillon. A Chrystophe de Choiseul. Le Fourmy à R.
Belleau. Epistre à Charles Cardinal de Lorraine. Exhortation au camp du
Roy Henry 11. pour bien combattre le iour de la bataille. Exhortation
pour la paix. La Paix au Roy Henry 11. La bien venue d'Anne de Mont-
morency Connestable de France. Elegie à Iean de Morel Gentilhomme Am-
brunois. Le voyage d'Hercueil. Discours à Odet Cardinal de Chastillon.
L'Excellence de l'Esprit de l'homme, à Madame à present Royne de Nauar-
re. Paradoxe, Que les mains seruent plus aux hommes que la raison. Respon-
ce aux vers du Roy Charles 1 x. enuoyez à Ronsard. Autre responce à au-
tres vers du mesme Roy enuoyez pour repliche audit Ronsard. Vers recitez
sur le Theatre à la fin de la Comedie representee à Fontainebleau. Stances
Lyriques pour vn banquet. Traduction de quelques Epigrammes Grecs sur
la Genisse de Myron. Traduction de quelques autres Epigrammes Grecs. Au
second liure des Poëmes, La Harengue que feit Monsieur le Duc de Guyse
aux soldats de Mets le iour qu'il pensoit auoir l'assaut, à Charles Cardinal de
Lorraine. Chant de Lyesse au Roy. Epistre à Charles de Pisseleu Euesque de
Condon. Les Armes, à Iean Brinon. A Iean de la Peruse. La Chasse. Elegie au
Sieur Belot. Le Chat. Les parolles que pouuoit dire Calypson voyant partir
Vlysse de son Isle, Le Satyre. La Salade. Discours d'un amoureux desesperé &
de son compaignon qui le console, & d'Amour qui le reprend. Discours à
Pierre du Lac. Le Soucy du Iardin. Le Pin. Le Rossignol. Epistre à Cassandre.
L'ombre du Cheual. Discours à Maistre Iulian Chauneau. Hylas, à Iean Pas-
serat. Elegie. Gayetez 11. Vœu d'un Vigneron à Bacchus. Vœu d'un pes-
cheur aux Nayades. Epigramme pris de Palladas Poëte Grec. Autre tiré du
mesme. Epitaphes diuerses à sçauoir, Le Tombeau du Roy Charles 1 x. Tom-
beau de Marguerite de France, Duchesse de Sauoye. Ensemble celui du Roy
François premier, & de Messieurs ses enfans. Epitaphe de François de Bour-
bon Comte d'Anguyen. Prosopopee de feu François de Lorraine, Duc de
Guyse. Epitaphe de feu Monsieur d'Annebaut. Epitaphe du feu Roc Chastei-
gner Seigneur de la Roche Posé. Epitaphe. Epitaphe d'Anne Duc de Mont-
morency, Pair, & Connestable de France. Epitaphe du ieune la Chastre, Sei-
gneur de Scillac. Epitaphe de Philippes de Commynes. Epitaphe de Artuse
Dame de Taligny. Epitaphes d'André Blondet Lyonnois Seigneur de Ro-
quencourt. Epitaphe de Loyse de Mailly, Abbessse de Caen & du Liz. Au-
tre de Claude de l'Aubespine Secretaire des commandemens en for-
me de complainte contre la mort. Autre de vertueuse & honnestre Dame
Françoisse de Vieil-Pont Abbessse de Poissy. Autre de feu Damoiselle

Anne del'Esrat Angeuine. Autre sur le trespas d'Adrian Turnebe. Autre de Jean de la Peruse. Autre d'Albert ioüeur de Luth du Roy. Autre de Courtechienné du Roy Charles I X. Dialogue de Beaumont leurier du Roy Charles I X, & de Charon.

Au Tome quatriesme, v. Discours, x x x v. Elegies, Vne inuectiue, Les Eclogues en nombre v. Le Cyclope amoureux. Mascarades, Combats & Cartels faiçts à Paris, & au Carneual de Fontainebleau.

Au cinquiesme Tome, les Hymnes, à sçauoir, de l'Eternité. De Henry deuxiesme de ce nom Roy de France. De Calays & Zethes. De la Iustice. Les Daimons. De Charles Card, de Lorraine. Du Ciel. Des Astres. Sur la Victoire obtenue à Moncontour par Monseigneur d'Aniou à present Roy de France. De la Philosophie. De Pollux & de Castor, Hercule Chrestien. Du Printemps. De l'Esté. De l'Autonne. De l'Hyuer. De l'Or, De Bacchus, De la Mort, Ode Sapphique, Vers Sapphiques.

Au sixiesme Tome. Discours des Miseres de ce temps; à la Royne Mere du Roy. Continuation desdicts Discours. Institution pour l'Adolescence du Roy tref-Chrestien Charles I X. Discours à Guill. des Autels. Discours à Loys des Masures. Remonstrance au peuple de France. Responce aux iniures & calomnies de ie ne sçay quels Predicans & Ministres de Geneue. Auec vne Epistre en prose à vn Predicant, & deux Epigrammes Latins. L'Hydre desfait, à la louange de Monseigneur le Duc d'Anjou, frere du Roy à present Roy de France. Priere à Dieu pour la Victoire. Les Elemens ennemis de l'Hydre. Paraphrase de *Te Deum*.

Au septiesme Tome. Les quatre premiers liures de la Franciade,

Sentences, comparaisons & autres fleurs, extraictes des
Oeuures de P. de Ronfard.

Au discours à Charles Card. de Lorraine.

*Toute mauuaise cause avec art bien plaidee
Est plus que le bon droict souuent recommandee.*

Au mesme.

*peu d'honneur est receu
Quand par le grand Seigneur le petit est deceu.*

Au mesme.

*Ainsi les gros taureaux vont labourant la plaine,
Ainsi les gras moutons au dos portent la laine,
Ainsi la mouche à miel en son petit estuy
Trauaille en se tuant pour le profit d'autrui*

Au discours à Iean du Thier.

*Le peuple qui tousiours ne cesse d'espier
Les vices des Seigneurs, & de les descrier:
Et se plait en cela, car de la chose faite
Par les grands, bien ou mal, le peuple est la trompette,*

Au

Au mesme.

*Car tout l'auoir mondain, quelque chose qu'on face
Iamais ferme n'arreste à la troisieme race,
Ains fuit comme la bale, alors qu'au mois d'Esté
Le grain bien loin du van parmy l'aire est ietté.*

Au discours contre Fortune.

*L'impudence nourrit l'honneur & les estats,
L'impudence nourrit les criards aduocats,
Nourrit les courtisans, entretient les gendarmes:
L'impudence aujour d'huysont les meilleures armes
Dont on se puisse aider, mesme à celuy qui veut
Paruenir à la Cour, ou la vertu ne peut
Pour vertu se monstre, si l'impudence forte
A l'huis des grands Seigneurs sur le dos ne la porte.*

En vn autre discours à Odet de Colligny.

*Comme vn arbre planté sur des monts solitaires
Battu diuersement de deux vents tout contraires,
L'un le souffle de ça & l'autre de rechef
Le resoufle de là les fueilles de son chef
Volent de tous costez, qui iusqu'en terre ondoie
Caché deffous vn roc le Pasteur s'en effroye:
Ou comme on void les bleds espessement plantez
Branler au mois de May leurs tuyaux esuentez,
Deça delà pliez sous le vent de Zephire,
Ou sous l'Austre moiteux: l'un à gauche les vire,
L'autre les souffle à dextre, & poussez en auant
Et poussez en arriere obeissent au vent:
Ou comme vn tourbillon qui chassé du tonnerre
Premier en limaçon vient baloyer la terre,
Puis venteus & poudreus s'eslance dans la mer,
Et fait l'un dessus l'autre horriblement armer
Les flots, qui maintenant aux estoilles s'egalent
Maintenant iusqu'au fonds de l'arene deualent,
Auecques vn grand bruiet pesle-mesle fuyans
BosseZ, vouttez, courbez, escumans & bruyans:
L'un se voute deuant, l'autre se courbe arriere,
L'autre roule à costé: presque en telle maniere
S'esbranle nostre vie, & rien n'est en ce lieu*

TT

4

Ferme

Ferme sinon l'amour que nous portons à Dieu
 Lequel est plus certain que n'est pas l'alliance
 Des grands Seigneurs mondains tous pleins de deffiance.
 On dit que Iupiter deuant le seuil de l'huis
 De l'Olimpe là haut a fait mettre deux huis,
 L'un tout comblé de biens, l'autre de maux: sa dextre
 Verse le mal au monde, & le bien la fenestre:
 Monstrant que pour un bien il donne mille maux,
 Et pour un seul plaisir cinq cens mille travaux.
 Mais ainsi qu'un rocher oppose au vent sa teste,
 Et ses pieds endurcis aux flots de la tempeste,
 Il faut contre Fortune opposer la vertu
 Et plus auoir bon cœur tant plus on est battu.

En vne Epistre à Charles Cardinal de Lorraine.

C'est peu de cas (Prelat) de cest honneur mondain,
 Qui plustost que le vent du iour au lendemain
 S'enfuyt & longuement ne seiourne nostre hôte:
 Car un iour nous le donne, & l'autre iour nous l'oste.

A la bien venuë d'Anne de Montmorency.

On ne doit appeller, pendant qu'il vit icy,
 Vn homme bien heureux ny malheureux aussi:
 Tout çà bas est douteux: la seule heure dernière
 Parfait nostre bon-heur, ou bien nostre misere.
 Tel fleurit aujour d'hy qui demain flestrira,
 Tel flestrit aujour d'hy qui demain fleurira.
 La fortune gouuerne, & en tournant sa rouë
 Rid de nostre conseil, & de nos faicts se iouë.
 Rien n'y sert la raison ny la force de cueur,
 Noblesse ny parens, richesse ny faueur,
 Ny mesme la vertu, ny la philosophie
 Qui s'arme en son sçauoir: la fortune deffie
 Les humaines raisons, & sans auoir lié
 Sa force à nos conseils les escarbonille au pié,
 Force qui n'a iamais nostre plainte escoutée,
 Et qui domte vn chacun & n'est iamais domtee.

Au poëme du chat.

Dieu est par tout, par tout se mesle Dieu,
 Commencement, la fin & le milieu

De

De ce qui vit, & dont l'ame est enclose
 Par tout, & tient en vigueur toute chose,
 Comme nostre ame infuse dans nos corps.
 La dès long temps les membres seroient morts
 De ce grand Tout, si ceste ame diuine
 Ne se mesloit par toute la machine,
 Luy donnant vie & force & mouvement:
 Car de tout estre elle est commencement.
 Des Elemens & de ceste ame infuse
 Nous sommes nez: le corps mortel qui s'use
 Par traitt de temps des Elemens est fait.
 De Dieu vient l'ame, & comme il est parfait,
 L'ame est parfaicte, intouchable, immortelle
 Comme venant d'une essence eternelle:
 L'ame n'a donc commencement ny bout
 Car la partie ensuit tousiours le tout,
 Par la vertu de ceste ame meslee
 Tourne le Ciel à la voute estoilée,
 La mer ondoye, & la terre produit
 Par les saisons, herbes, fucilles & fruit:
 Le dy la terre, heureuse part du monde,
 Mere benigne à gros terins feconde,
 Au large sein: De là tous animaux,
 Les emplumez, les esquadrons des eaux:
 De là, Belleau, ceux qui ont pour repaire
 Ou le rocher ou le bois solitaire,
 Vient & sont, & mesme les metaux
 Les Diamans rubis Orientaux,
 Perles, saphirs, ont de là leur essence
 Et par telle ame ils ont force & puissance,
 Qui plus qui moins selon qu'ils en sont pleins:
 Autant en est de nous pauvres humains.
 Ne vois-tu pas que la sainte Iudee
 Sur toute terre est plus recommandee
 Pour apparoiſtre en elle des esprits
 Remplis de Dieu, de Prophetie espris?
 Les regions, l'air & le corps y seruent
 Qui l'ame saine en un corps sain conseruent.
 Car d'autant plus que bien sain est le corps,

L'ame

L'ame se monstre & reluit par dehors.
 Or comme on voit qui entre les hommes naissent
 Augurs, deuins, & Prophetes qui laissent
 Vn tesmoignage à la posterité
 Qu'ils ont vescu pleins de diuinité,
 Et comme on voit naistre icy des Sibylles
 Par les troupeaux des femmes inutiles:
 Ainsi void on prophetes de nos maux
 Et de nos biens, naistre des animaux
 Qui le futur par signes nous predisent,
 Et les mortels enseignent & aduisent.
 Ainsi le veut ce grand Pere de tous
 Qui de sa grace a tousiours soin de nous.
 De là sortit l'escole de l'Augure
 Merquant l'oiseau, qui par son vol figure
 De l'aduenir le prompt euenement,
 Rauy de Dieu: & Dieu iamaïs ne ment.
 En nos maisons ce bon Dieu nous enuoye
 Le coq, la poule, & le canard & l'oye,
 Qui vont monstrant d'un signe non obscur,
 Soit se baignant, ou chantant le futur.
 Herbes & fleurs & les arbres qui croissent
 En nos iardins prophetes apparoiſſent:
 Mien est l'exemple, & par moy ie le ſçay:
 Enten l'histoire, & ie te diray vray.

Au poëme de la Salade,

L'homme esleué aux honneurs inutiles
 Semble vn Colosse attaché de cheuilles,
 Ferré de gonds, de barres & de cloux:
 Par le visage il s'enfle de courroux,
 Representant Iupiter ou Neptune.
 La seule enflure estonne la Commune,
 D'or enrichie & d'azur par dehors:
 Mais quand on voit le dedans du grand corps
 N'estre que plastre & argille poistrie,
 Alors chacun cognoit la mocquerie,
 Et deormais le Colosse pipeur
 Pour sa hauteur ne faiſt ſeulement peur
 Qu'au ſimple ſot & non à l'homme ſage

Qui

Qui hausse becque & mesprise l'ouvrage, &c.

Le poëme des armes.

*Quiconque a le premier des enfers deterré
Le fer, estoit. Brinon, luy mesme bien ferré:
Luy mesme auoit, ce croy-ie, occis son propre pere,
Tué sa propre seur, taé sa propre mere:
Luy mesme auoit au soir à son hôte estranger
Dessus la table offert ses enfans à manger:
Et ne croyoit qu'au ciel les Dieux eussent puissance
(Car il n'en croyoit point) de punir son offense.
Que les siecles dorez, à bon droit sont louez,
Sur les siecles de fer, quand les glands seconez,
Des chesnes nourristiers, & quand la douce seime
Paissoit le peuple oisif par les forests sans peine:
Et quand dans les ruisseaux iusqu'à la rive plains
Les hommes tiroient l'eau dans le creux de leurs mains.
Alors on n'attachoit (pour les rendre plus seures)
Des portes aux maisons, aux portes des ferrures:
Et lors on n'oyoit point ce mot de Tien & Nien:
Tous viuoient, en commun, car tous n'auoient qu'un
De ce que l'un vouloit, l'autre en auoit enuie (biē:
Et tous d'accord passoient heureusement la vie.
Mais si tost que le fer par malheur fut trouué,
Qu'au fond de ses rognons Pluton auoit couué
Par tant d'espaces d'ans là bas deffous la terre,
Au iour auecques luy la discorde & la guerre
Et le meurtre sortit, & sortirent dehors
Ces mots de Tue, Assomme, & mille horribles morts.
Le monde alors fut plein de crime & de diffame:
Le mary machina la poison à sa femme,
L'oncle occist son neveu & le frere la seur,
Et l'hôte ne fut pas de son hôte bien seur.
Les peuples effroyez, de l'horreur des batailles,
Flanquerent leurs citez de fosse & de murailles:
Car le peuple qui fut par les bois espandu
De crainte en un monceau s'estoit desia rendu.
Les plus forts exerçoient iustice par les armes,
Le monde renuersé n'oyoit que les alarmes
Tonner de tous costez, & l'un à l'autre Mars*

Tout

Tout sanglant forcener au milieu des soldats.
 Les Géas serpens-piez, sur les Dieux s'ehardirent.
 Les Lapithes armez les Centaures occirent:
 Thebe à cent portes vit ses deux Princes meür.
 Et Troye à fleur des champs fas Pergames ruës.
 Qui pis est des humains les races trop cruelles
 N'ont fait tant seulement raudir en alimelles
 Le fer en long battu: mais du grand Jupiter
 Ont osé par le fer le tonnerre imiter,
 Et imiter sa foudre en du fer entaunee
 Bien d'une autre façon que ne feroit Salmoëe.
 Ils ont fondu premier l'homicide metal
 Souflé d'une Furie au brafter infernal
 Que vomit Phlegeton: ils ont mis en la fonte
 Le son, la peur, l'horreur, l'ire & la flamme pronte
 Pleine de puanteur: ils ont apres cherché
 Le souffre que Nature avoit à part caché
 Dans les veines de l'eau puis le long des marais
 D'une estable porcherie, ou dedans les entrailles
 D'une grotte relente, ou d'un mont reculé
 Ils sont allez chercher le salpêtre gelé:
 Puis pondroyant en un ces drogues esloignées
 Au penser des mortels, sans peur les ont coignées
 Dans le Chaos d'un bronze, & l'ont fait de gorgier
 Une balle qui bruit si haut au desloger
 Qui court si tost par l'air, que la terre en chancelle,
 Que l'enfer s'en creuasse & prend clarté nouvelle
 Que la mer en tressant, & la vouste des cieux
 En craquetant se rompt deffous le pied des Dieux.
 De quel genre de mort estoit digne cest homme
 Qui premier inventa le fer qui nous consume?
 Et qui premierement le Canon pertuisa,
 Et sortir de sa gorge un tel foudre auisa?
 Et qui vit sans pleurer, rouer en tant de sortes
 Parmy l'air tant de bras & tant de testes mortes?
 Ny la soif de Tantal, ny la rouë d'Ixion
 Ne suffiroient là bas à sa punition,
 Ny le vautour beccu dont la griffe cruelle
 Pince de Prométhé la poitrine immortelle

Par

Par luy comme iadis on ne voit plus d'Hectors,
 D'Achilles, ny d'Aiax, hé Dieu! car les plus forts
 Sont aujour d'hy cachez d'un poltron en cachete.
 A coups de harquebouse, ou a coups de mousquete.
 Au temps qu'on batailloit sans fraude main à main,
 On cognoissoit au fait celuy qui estoit plein
 De peur ou d'assurance & ne vouloit on croire,
 Que Thersite au combat meritast tant de gloire
 Qu'Achille en meritoit, mais Thersite aujour d'hy
 Tue Achille de loin & triomphe de luy.
 Pourquoi hommes chetifs auez vous tant d'enuie
 A grands coups de canon d'accourir vostre vie?
 Vous mourez assez tost si vous pensez là bas
 Avoir autant qu'icy de plaisirs & d'esbats,
 Vous estes bien trompez: bien que l'unique fille
 De Ceres en soit Roïne, en nul temps la faucille
 N'y coupe la moisson, ny aux coutaux voisins
 Iamais Bacchus n'y fait verdeler ses raisins,
 Helas! mais à l'entour la mort palle y demeure,
 Tousiours un peuple gresle autour d'un lac y pleure
 Ayant la peau bruslee & les cheveux cendreaux,
 Le visage plombé, les yeux mornes & cieux:
 Là vous serez punis de vos fautes meschantes:
 Car là bas vos canons ny vos lames tranchantes
 Du iugement d'Aeac ne vous pourront garder,
 Ny tant soy peu de Dieu la dextre retarder.
 O fortune celuy qui bien loing de la guerre
 Cultive en longue paix l'usure de sa terre,
 Et qui iamais au liēt ne se voit estonner
 D'ouir au point du iour la trompette sonner:
 Qui ne sçait quel mot c'est que Cargue, Camisade,
 Sentinelle, Diane, Escarmouche, Embuscade:
 Mais qui plein de repos en la grise saison
 Attend au coin du feu la mort en sa maison,
 Affin qu'il ait les yeux clos des mains de sa fille,
 Et qu'il soit mis en terre aupres de sa famille,
 Non aupres d'une haye, ou dedans un fossé,
 Ayant d'un coup de plomb le corps outreperfé.
 Mais que dy-ie Brinon? qui n'auroit la miniere

V V

Du me

Du metal & du fer iadis mise en lumiere,
 Et qui ne se seroit brusquement aisé,
 En fondant le canon de l'auoir pertuisé,
 Et d'anoir acéré l'alumelle trampee
 Tu ne m'eusses donné ny dague ny espee,
 (Car le fer n'eust usage) & ne m'eusses Brinon,
 Donne ny pistolet, ny rouet ny canon.
 Toutefois ie plains tant du commun le dommage,
 Que ie voudroy (croy moy) que celuy qui l'usage
 Trouua premier du fer, n'eust iamais esté né,
 Et n'auoir heu tes dons: car Dieu n'eust destourné
 Son visage de nous, & la paix violee
 N'eust point abandonné la terre desolee
 Pour s'en voler là haut laissant le monde icy
 S'entrepiller, naurer & tuer sans mercy.

Au quatriesme liure des Odes. Ode xvii.

Pourquoy chetif laboureur
 Trembles tu d'un Empereur,
 Qui doit bien tost, legere ombre,
 Des morts accroistre le nombre?
 Ne sçais tu qu'à tout chacun
 Le port d'Enfer est commun
 Et qu'une ame Imperiale
 Aussi tost là bas deuale
 Dans le bateau de Charon
 Que l'ame d'un bucheron?
 Courage, coupeur de terre:
 Ces grands foudres de la guerre
 Non plus que toy n'iront pas

Armez d'un plastron là bas,
 Comme ils alloient aux batailles:
 Autant leur vaudront leurs mailles,
 Leurs lances & leur estoc,
 Comme à toy vaudra ton soc.
 Le bon iuge Rhadamante
 Assuré ne s'espouuante
 Non plus de voir un harnois
 Là bas qu'un lenier de bois,
 Ou voir une soquenie
 Qu'une robe bien garnie,
 Ou qu'un riche acoustrement
 D'un Roy mort pompeusement.

O D E xxviii. A Melin de S. Gelais.

Toujours ne tempeste enragee
 Contre ses bords la mer Aegee,
 Et toujours l'orage cruel
 Des vents, cōme un foudre ne grōde,
 Elochant la voute du monde
 D'un souflement continu.
 Toujours l'yuer de neiges blāches
 Des pins n'enfarine les branches,
 Et du haut Apennin toujours

La gresle le dos ne martelle,
 Et toujours la glace eternelle
 Des fleuves ne bride le cours.
 Toujours ne durent orgueilleuses
 Les Pyramides sourcilleuses
 Contre la faux du temps vainqueur:
 Aussi ne doit L'ire felonne,
 Qui de son fiel nous empoisonne
 Durer toujours dedans un cœur.

Rien

Rien sous le ciel ferme ne dure:
 Telles loix la sage Nature
 Arresta en ce monde, alors
 Que Pyrrhe eslandoit sur la terre
 Nos ayeux conceus d'une pierre
 S'amollissant en nouveaux corps.

Maintenant une triste pluye
 D'un air larmoyant nous ennuie,
 Maintenant les Astres inumeaux
 D'esmail en fleurissent les pleines,
 Maintenant l'Esté boit les veines
 D'Idé gazouillante en ruisseaux.

Nous aussi Melin, qui ne sommes
 Immortels mais fragiles hommes,
 Suivant cet ordre il ne faut pas
 Que nostre ire soit immortelle,
 Balançant sagement contre elle
 La raison par iuste compas.

N'as tu point veu aux vers d'Ho
 Lors que plus l'ardante colere (mere,
 Achille enflloit contre son roy,

Que Pallas la sage guerriere
 Luy appant les cheueux derriere
 Tous grommelant l'arresta coy?

La sa dague il auoit tiree
 Pour tuer l'heritier d'Atree,
 Tant le courroux l'aiguillonnoit,
 Sans elle qui dans son nauire
 L'enuoya digerer son ire
 Dont tout le fiel luy bouillonnoit.

Combien de fois ce Peleide
 Refusa les presens d'Atride
 Pour appointer? combien encor
 De prisonnieres Lesbienues,
 Et de citez Myceniennes,
 Et combien de chevaux & d'or?

Tandis Hector armoit la rage,
 L'horreur, & le Troyen orage
 Contre les Grecs, & d'une part

D'un grand caillon froissa la porte,
 De l'autre part du feu qu'il porte
 Darda le foudre en leur rampart.

De quelque costé qu'il se tourne,
 Bellonne autour de luy sejourne,
 Faisant couler Xanthe tout roux
 Du sang des Grecs, qui par la plaine
 Enduroient innocens la peine
 De ce dommageable courroux.

O monde heureux si Promethee
 D'argile en ses doigts retatee,
 Le cœur ne nous auoit formé,
 Le trempant en l'eau Strygienne
 Et en la rage Lybienne,
 D'un cruel Lyon affamé:

Certainement la vierge Astree
 N'eust point quitté nostre contree
 Et les foudres tombez du ciel,
 N'eussent accablé les montaignes:
 Toujours fussent par les campagnes
 Glissez, les doux ruisseaux de miel.

Le cheual au milieu des guerres
 N'eust point ronflé ny les tonnerres
 Des canons n'eussent point sonné,
 Ny sur les bornes des prouinces
 Le choc armé de deux grands princes
 N'eust point le pasteur estonné.

On n'eust point emmuré les villes
 Pour crainte des guerres ciuiles
 Ny des estranges legions,
 Ny le coudre de Pharsalie
 N'eust heurté tant d'os d'Italie,
 Ny tant de vuides morions.

L'ire cause que les batailles
 Jusqu'au fond rasent les murailles
 De maint palais audacieux,
 Et que les buissons & les herbes
 S'esgayent sur les tours superbes
 Qui souloient voisiner les cieux.

V V 2 L'ire

L'ire cause des tragedies
 Les voix chetiuement hardies
 Des Rois tremblans sous le danger
 Et que les execrables meres
 Presentent les fils à leurs peres
 Sur la table pour les manger.
 L'ire qui trouble le courage
 Ne differe point de la rage
 Des vieux Curetes forcenez,
 Ny des chastrez de Dyndimene,
 Quand en hurlant elle les mene
 Au son du buis espoinçonnez.
 L'ire qui les hommes manie,
 Changeant la raison en manie,
 Rien qu'un remors ne fait sentir:
 Et pour tout fruit ne no⁹ apporte,
 Apres que son ardeur est morte,
 Sinon un triste repentir.
 Las! ce monstre, ce monstre d'Ire
 Contre toy me força d'escrire,
 Et m'eslança tout irrité,
 Quand d'un vers enfielé d'lambes
 Je vomissoy les aigres flambes
 De mon courage despité:
 Pource qu'à tort on me fit croire.
 Qu'è fraudât le pris de ma gloire
 Tu auois mal parlé de moy,
 Et que d'une longue risée
 Mon œuvre par toy mesprisee,
 Ne seruit que de farce au Roy.
 Mais ore, Melin, que tu nies
 En tant d'honnestes compaignies
 N'auoir mesdit de mon labeur,
 Et que ta bouche le confesse:
 Deuant moy-mesme, ie delaisse
 Ce despit qui m'ardoit le cœur:
 Chatouillé vrayment d'un grād aise
 De voir morte du tout la braise
 Qui me consumoit, & de voir

Creuer ceux, qui par vne enuie
 Troublant le repos de ma vie,
 Souloient ma simplessse esmouuoir.
 Dressant à nostre amitié neufue
 Un autel, i atteste le fleuve
 Qui des pariuures n'a pitié,
 Que ny l'oubly, ny le tēps mesme,
 Ny la rācueur ny la mort blesme
 Ne desnoueront nostre amitié.
 Car d'une amour dissimulee
 Ma foy ne sera point voilee,
 De faux visages artizan,
 Croyant seulement que tu n'uses
 Vers tes amis des doubles ruses
 Dont se desguise un Courtisan.
 Ne pense donc que le temps brise
 L'accord de nostre foy promise,
 Biē qu'un courroux l'aye parfait
 Souuent une mauuaise cause
 Contraire à sa nature, cause
 Secrettement un bon effait.
 Les li^z naissent d'herbes puantes,
 Les roses d'espineuses plantes,
 Et neantmoins la France peint
 De l'un ses armes, & encore
 De l'autre, la vermeille Aurore
 Emprunte le fard de son teint.
 Bien que l'un des fils d'Iocaste
 La nuit sou^z le portail d'Adraste
 Et Tydē enflez de courroux,
 D'une main horriblement dure,
 Pour un petit de couuerture
 Se fussent martelez de coups:
 Toutesfois apres ces alarmes
 Amis iurez prindrent les armes,
 Et l'un pour l'autre s'employa,
 Quand deuāt Thebes le prophete
 Vis englouty dans sa charrete
 Tout armé Pluton effroya.

Tousiours

Au premier liure des Amours.

Auant qu'Amour du Chaos ocieux
Ouurist le sein, qui couuoit la lumiere,
Auec la terre, avec l'onde premiere,
Sans art, sans forme, estoient brouillee les cieux.
Ainsi mon tout erroit sedicieux
Dans le giron de ma lourde matiere,
Sans art, sans forme, & sans figure entiere,
Alors qu'Amour le perça de ses yeux.
Luy seul rendit mon essence parfaite.
Ronde par luy ma qualite s'est faicte:
Il me donna la vie & le pouuoir.
Il anima mes penfers de sa flame,
Et de son branle en ordre feit mouuoir
Les pas suivis du globe de mon ame

Commentaire de Muret.

Les Poëtes, comme Orphee, Hesiodé, Ouide, & autres disent que deuant que le ciel, le feu, l'air, l'eau, & la terre fussent faicts, les semences & les formes de toutes ces choses là estoient meslees & confonduës en vne lourde, obscure, pesante & immobile masse, qu'ils nomment Chaos. De ceste masse, ainsi que dit Orphee, Amour sortit le premier, lequel par apres separa les parties du Chaos, assignant à chacune d'icelles son lieu propre, & donnant à chacune sa forme. Ainsi dit nostre autheur, que son esprit estoit morne & assoupy dās son corps, sans forme, & sans mouuement aucun, au parauant qu'il fust amoureux: & que ce fut Amour qui premier demesla ceste confusion, & qui luy donna vie & mouuement. Ce qu'il dit icy de l'Amour, quand à la separation des parties du Chaos, il le dit en vn autre lieu, de la Paix: parce qu'Amour, Paix & Amitié, se prennent quelquefois l'un pour l'autre. D'ou est que Cyre Theodore en vn Dialogue Grec nommé l'Amitié bannie, dit de l'Amitié, cela mesme que nous disons icy de l'Amour.

Du chaos] Chaos en grec signifie confusion. *Ocieux*] Il prend Ocieux pour ce que les Latins disent *Iners*. Ouide,

Nec quicquam nisi pondus iners, congestaque eodem,

Non bene iunctarum discordia semina rerum.

Qui couuoit la lumiere.] Qui tenoit la lumiere enclose. *Ainsi mon tout.*] C'est à dire, toutes les parties de mon esprit estoient meslees & confonduës. *Dans le giron de ma lourde matiere.*] Dans mon corps.

Et de son branle en ordre fit mouuoir
Les pas suivis du globe de mon ame.]

VV 3

C'est

C'est à dire, & donna le premier mouvement à mon ame. On pourroit icy disputer si l'ame a mouvement ou non, & si elle en a, quel il est: car Platon tiét, que l'ame est principe de mouvement, & qu'elle mesmes est vn mouvement perpetuel. Aristote confesse bien, qu'aux choses animees elle est principe de mouvement, mais que toutesfois elle ne se meut aucunement de soy-mesmes, ains seulement par accident, & avecques le corps, comme le nautonnier avecques la nauire. Quelques hommes de sçauoir s'efforcent les accorder, disans le mot de mouvement se prendre autremét en l'vn & autremét en l'autre. *Le globe de son Ame*] Par ce que combien que l'ame estant incorporelle, ne peut auoir figure ne ronde, ne quarree, ny autres, si est-ce qu'elle a affinité avec le rond: car le mouvement du rond se retourne en soy-mesmes, & si faict aussi le mouvement de l'Ame, si mouvement le faut appeller. Pour entendre cecy cōsiderons que l'œil voit biē toute autre chose, mais il ne peut pas voir soy-mesme, par ainsi son mouvement e'est à dire son action ne retourne pas en soy, ains s'estend seulement aux autres choses. Mais l'ame non seulement peut entendre la nature des autres choses, ains aussi la nature mesmes, qui est vn grād argument pour l'immortalité. De là est-ce que Saint Denis au i. liure des noms diuins, dit le mouvement de l'ame estre circulier. Nostre Autheur dit, *Les pas suyuïs*] Pource qu'au mouvement du rond, toutes les parties s'entresuiuent, comme tresbien demonstre Aristote au liure des questions mechaniques, qui à ceste cause dit le cercle estre principe des merueilles.

*Ceste beauté de mes yeux adoree,
 Qui me fait viure entre mille trespas,
 Couploit mes chiens & poursuioit mes pas,
 Ainsi qu'Adon Cyprine la doree:
 Quand vne ronce en vain en amouree,
 Ainsi que moy, du vermeil de ses bras,
 En les baisant, luy fit couler à bas
 Une liqueur de pourpre coloree.
 La terre adonc, qui soigneuse recent
 Ce sang diuin, fertilement conceut
 Pareille au sang vne rouge fleurlette:
 Et tout ainsi que d'Helene naquit
 La fleur qui d'elle vn beau surnom acquit,
 Du nom Cassandre elle eut nom Cassandrette.*

Ceste beauté] Il raconte comment ainsi qu'il alloit chasser vn cerf, la Dame, qui le suiuit, fut piquee d'une ronce: & que du sang qui sortit de son bras, fut soudainement engendré vne fleur qui eut nom Cassandrette. *Ainsi qu'Adon*] tout ainsi que Venus suiuit Adonis allant à la chasse. *Ainsi qu'Adon*] il a dit Adon pour Adonis, par syncope. *Cyprine*] Venus. *La doree*] La belle, ainsi l'appellent les

les Grecs, χρυσή, ou πολυχρυσος. Mimnerme;

οὐδ' ἔγω μοι πέποιον πολυχρυσος ἀφροδίτης

Homere

οὐδ' ἔγω μοι ὕπνῳ χρυσὸν ἀφροδίτης.

Virgile

Juppiter hoc paucis: at non Venus aurea contra. Pauca refert.

Quand vne ronce en vain enamourée] Ainsi Theocrite dit que le sanglier par qui Adonis fut mortellement blessé, estoit amoureux de la beauté d'iceluy.

Vne liqueur.] Il ne veut pas dire bonnement que ce fust sang, mais vne liqueur ressemblante à sang, ou à tout le moins vn sang celeste & diuin tel que Homere le dit couler des Dieux, lorr qu'ils sont blessez. Tel que fut le sang de Venus blessée par Diomedes.

Et tout ainsi qu'Helene] Pline dit, que la fleur nommée par les latins *Inula* nasquit des larmes d'Helene d'où est que les Grecs l'appellent Helenium. Ainsi dit on que le lis nasquit du lait de lunon.

PIERRE SALA Escuyer a traduit de rime romande en rime françoise Le Romant de Tristan & la belle Royne Yseulte.

PIERRE SALIAT a traduit,

Les neuf liures de l'histoire de Herodote d'Alicarnasse Prince & premier des Historiographes grecs, intitulez du nom des Muses. Avec yn recueil de George Gemist dit Plethon des choses aduenues depuis la iournee de Mantinee. [imp. à Paris f°. par Estienne Groulleau, & 16°. par Claude Micard 1575.]

Il auoit traduit aussi au parauant d'une declamation latine

L'entree de Jeunesse en la maison d'Honneur, declamation, cōtenant la maniere de bien instruire les enfans dès leur commencement. [impri. à Paris 8°. par Simon de Colinez & à Lyon 16°. par Oliuier Arnoullet 1538.]

L'oraison que feit Crispe Saluste contre M. Tullies Ciceron & l'oraison dudit Ciceron resposiue à celle de Saluste. Avec deux autres oraisons dudit Saluste à Iulès César à fin de redresser la Republique Romaine, traduites par Pierre Saliat [impr. à Paris 8°. par Simon de Colinez 1537.]

Vn Opusculé d'Aristote, du monde: autre Opusculé de Philon Iuif du monde, & le songe de Scipion de Ciceron, le tout traduit en françois par ledit Saliat, & imprimé à Lyon 8°. par Pierre de Tours 1543.]

PIERRE SANTERRE Poicteuin a mis en musique, Les cent cinquante Psalmes de Dauid. [imp. à Poictiers par Nicolas Logerois 1567.]

PIERRE SAVONNE dict Talon natif d'Auignon a escrit L'Arithmetique en laquelle sont contenuës plusieurs reigles briefues & subtiles pour les trafiques de plusieurs pays. Avec la difference des poix, aulnages & monnoyes de chacun desdits lieux, aliage des metaux necessaires pour tous maistres de monnoye, orfeures & changeurs: avec le fait & maniemment des changes & banques qui se font iournellement à Lyon & par les places accoustumées, comme Flandres, Angleterre, Espagne, Italie & autres lieux. [impri. à

V V 4 Paris

Paris 4°. par Nicolas du Chemin 1565.
Instructiō & maniere de tenir liures de raison ou de comptes par parties doubles. Avec le moyen de dresser carnet pour le virement & rencontre des parties, qui se font aux foires & payemens de Lyon & autres lieux. [impri. à Paris 4°. pour Christophle Plantin d'Anuers 1567.

Instruction & maniere de trouuer le compte du toysage de Lyon pour seruir à tous maistres massons, toyseurs & autres qui font bastir maisons & autres edifices à l'usage de ladicte toyse qui est de sept pieds & demy, & vaut en hauteur & largeur c'est à dire longueur cinquante six pieds trois pouces qu'on dit Toyse courante: le pied de douze pouces & le pouce de douze lignes. Et est ladicte instruction des parties en dix tables. [impri. à Lyon f°. par Jean de Tournes.

Instruction de l'ordre militaire, traitant de bataillons carrez d'hommes. [Lyon 4°. de l'imprimerie de Thibaud Ancelin 1583.

Second liure de l'instruction de l'ordre militaire, traitant de bataillons carrez de terrain, prise sur le calcul qu'il a fait des compagnies de soldats que les Capitaines meinent en guerre, pour les faire marcher par ordre: commençant à 100. hommes, 200. hommes continuant de 100. hommes en 100. hommes iusques au nombre de 6000. premierement de 3. hommes pour reng, 5. 7. 9. & 11. selon le nombre de soldats pour puis apres les mettre en bataille carree de Terrain en coupant les reings en autant de parties que besoin fera, &c. [impri. de mesmes.

PIERRE SOREL Chartrain a escrit
Poësies. [impr. à Paris 4°. par Gabriel Buon 1566.

PIERRE DE SVRE Lyonnois, Celestin du conuent d'Auignon a escrit

Le voyage spirituel du pelerin de Sainte mere l'eglise Romaine saint Pierre de Luxembourg iadis illustrissime Cardinal, avec sa vie. [imp. en Auignon 8°. par Imbert Parmentier 1562.

PIERRE SVTOR Docteur en Theologie a escrit
La maniere de faire testament tressalutaire. [impri. à Paris 8°. par Regnaud Chaudiere sans datte. Voyez ses œuvres latines en la Bibliothèque de Genes.

PIERRE TOLET Medecin habitant à Lyon a escrit
Paradoxe de la faculté du vinaigre contre les escrits des modernes, ou plusieurs choses sont demonstrees non esloignées de la verité. [imp. à Lyon 8°. par Jean de Tournes 1549.

Il a traduit aussi en françois

La chirurgie de Paulus Aegineta auteur grec, qui est le sixiesme liure de ses œuvres. Avec vn Opuscul de Galien des tumeurs outre le coustumier de nature. Plus vn autre Opuscul de dudit Galien de la maniere de curer par Abstraction de sang, & par sangsues, reuulsion, cornettes & scarification. [le tout imprimé à Lyon par Estienne Dolet 1540. à Paris par Charles l'Angelier & encores à Lyon par Jean de Tournes 1552.

Traicté de l'admirable vertu & accomplissement des facultez, pour la santé & con

conseruation du corps humain, de la racine nouuelle dés l'Inde de Mechioac
can proprement nommee Rhaindice. Escript premierement en latin par Mar
cel Donat medecin Mantuan. [impri. à Lyon 8°. par Michel Ioue 1572.

PIERRE TREDEHAN Angeuin a traduit en rime françoise
Theages, ou, de la Sapience, Dialogue de Platon. [impri. à Lyon 4°. par Char
les Pelnot 1564.

Les quatre premiers liures de l'Eneide de Virgile mis en vers heroiques fran
çois. [imp. à Geneue 8°. par Abel Riuary 1574.

Les Bucoliques & Ceorgiques de Virgile traduiète en vers françois. Avec la
vie du poëte, &c. [impri. à Geneue latin-françois 8°. par Baptiste Pignereul
1580.

PIERRE TRVEVX Berruier a traduit de latin,
La fleur des Aphorismes d'Hippocrates, & commentaires de Galien. [impri. à
Paris 16°. par Jean Ruelle 1564.

PIERRE TVRREL Philosophe & Astrologue, Recteur des esco
les de Dijon a escrit en françois,

Le periode c'est à dire la fin du monde: cōtenant la disposition des choses ter
restres par la vertu & influence des corps celestes [impr. à Lyon 1531.

Fatale preuision par les Aftres & disposition d'icelles sur la region de Iuppiter
maintenant appelée Bourgoigne pour l'an 1529. & pour plusieurs annees
subsequentes. [imp. à Lyon.

PIERRE CLEREAU

Chançons spirituelles à 4. parties par Pierre Clereau. Nicolas du Chemin.

PIERRE VERNEY Docteur en medecine, de Semur en Lauxois
a traduièt de latin,

Les presages du diuin Hippocrates autheur Grec. Diuisé en 3. parties. Avec la
protestation & serment que ledit Hippocrates faisoit faire à ses disciples. [im
primé à Lyon 8°. par Pierre de Sainte Lucie 1539. & par Estienne Dolet
1542.

PIERRE VIDAL Tholosain a recueilly & d'Italien faict Fran
çoises,

Les principales lettres des sept liures de Messer Clodio Tolomei gentilhom
me Sienois contenans maints beaux discours tous plains d'esprit, de douceur
& de doctrine. [imp. à Paris 8°. par Gilles Robinot 1572.

PIERRE VIEL Docteur en Theologie, de la faculté de Paris a es
crit

Traicté du mal qui par la Simonie aduiet en la chrestienté & cōtiens 23. cha
pitres où est amplement discouru tout ce qui concerne la Simonie. [imp. à Pa
ris 8°. par Nicolas Chefneau 1576.

Il a traduièt aussi,

L'histoire du Schisme, blasphemés, erreurs, sacrileges, homicides, incestes &
autres impietez des Donatians. Escripte premierement en latin par Optat
Euesque Mileuitain enuiron l'an du Seigneur 380. [imp. à Paris 8°. par Federic
Morel 1564.

PIERRE DE VILLARS premierement Euesque de Mirepoix
main

maintenant Archeuesque de Vienne afaict vn.

Bref recueil de la doctrine chrestienne & catechisme extraict d'autres semblables, principalement de celuy de Rome, & traduit en françois pour estre enseigné par les curez & maistres d'eschole du Diocese de Vienne aux enfans qui sont sous leur charge. [imp. à Lyon 16°. par Michel Ioue 1576.

Institutio parochorum qua modum ritumque in sacramentis administrandis aliisque rebus spiritualibus tractandis observandū completitur, à Petro de Villars Archiepiscopo Viennensi conscripta. [Lugduni 4. excud. Iacobus Roussinus 1578.

PIERRE VIRET.

De la vraye & fausse religion, touchant les vœus & les sermens licites & illicites: & notamment touchant les vœus de perpetuelle continence, & les vœus d'anatheme & d'execration & les sacrifices d'hosties humaines, & de l'excommunication en toutes religions [imp. à Geneue 8°. par Jean Riuary 1560.

Instruction chrestienne en la doctrine de la loy & de l'Euāgile, & en la vraye Philosophie & Theologie, tant naturelles que supernaturelles des chrestiens: & en la contemplation du temple & des images & œuvres de la prouidence de Dieu en tout l'vniuers: & en l'histoire de la creation & cheute & reparation du genre humain. Le tout diuisé en trois volumes. [imp. à Geneue f°. par Jean Riuary 1564.

Des clefs de l'eglise, & de l'administration de la parole de Dieu & des sacremens, selon l'usage de l'Eglise. [imp. à Geneue 8°. par Jean Riuary 1564.

Exposition familiere, faicte par dialogues, sur le Symbole des Apostres, contenant les articles de la foy, & de la religion chrestienne. [impri. à Geneue 1543.

Disputations chrestiennes en maniere de deuis, diuisées par dialogues. Le premier intitulé l'Alchimie du Purgatoire. Le 2. l'office des morts. 3. Anniversaires. 4. L'Adolescence de la messe, 5. les enfers, 6. Le requiescant in pace du purgatoire. [imp. à Geneue 8°. par Jean Girard 1544.

Seconde & troisieme parties des disputations chrestiennes. [impri. de mesmes.

Dialogues du desordre qui est à present au monde, & des causes d'iceluy, & du moyen pour y remedier: desquels l'ordre & le tiltre est: Le monde à l'Empire. Le Monde difforme. La Metamorphose. La reformation. [impr. à Geneue 8°. 1545.

Petit traicté de l'usage de la salutation Angelique, & de l'origine des chapelets [imp. à Geneue 16°. l'an 1545.

De la vertu & usage du ministere de la parole de Dieu & des sacremens dependans d'icelle: & des differens qui sont en la chrestienté à cause d'icelles. [imp. à Geneue 8°. l'an 1548.

De la source & de la difference & conuenance de la vieille & nouvelle idolatrie & des vrayes & fausses images & reliques & du seul & vray mediateur. [impr. à Geneue par Jean Girard 1551.

Sommaire des principaux poincts de la religion chrestienne & des abus & erreurs contraires à iceux. [imp. à Lausanne 16°. par Jean Riuary 1561.

Trois

Trois liures des principaux poinçts qui sont auourd'huy en different touchant la sainte Cene de Iesus-Christ & la Messe, Et de la resolution d'iceux. [impr. à Lyon 8°. par Claude Senneton 1565.

L'Interim. fait par Dialogues. Le premier intitulé, Les Monnoyeurs. Le 2. Les transformateurs. 3. Les Libertins. 4. Les persecuteurs. 5. Les Edicts. 6. Les Moderez. [impr. à Lyon 8°. par Claude Senneton 1565.

Responce aux Questions proposees par Iean Ropitel minime aux ministres de l'eglise reformee Avec des autres questions proposees à luy & à ses compagnons suyuant la teneur des siennes. [impr. à Lyon 8°. par Claude Senneton 1565.

Institution des heures canoniques & des temps determinez aux prieres des chrestiens. [impr. à Lyon 8°. par Iean Saugrain 1564.

De la prouidence Diuine touchant tous les estats du monde & tous les biens & les maux qui y peuuent aduenir & aduiennent ordinairement par la volonte de Dieu, Dialogues xiiij. [impr. à Lyon 8°. par Claude Senneton 1565.

De l'Authorité & perfection de la doctrine des saintes Escritures, & du ministere d'icelle, & des vrais & faux pasteurs. [impr. à Lyon 8°. par Claude Senneton 1564.

PIERRE DYVOLLE Docteur en Theologie de l'ordre de saint Dominique a escrit:

Instructions & sermons pour tous les iours du careme entre lesquels y en a 5. de Penitence, de la confession & de ses parties: Avec quatre autres des tentations & assauts que reçoit l'homme nouvellement confirmé en grace. Et quelques fragmens d'autres sermons sur les seps psalmes penitenciaux redigez en forme de lieux communs & par luy mesme preschez & prononcez à Chartres. [impr. à Paris 8°. par Nicolas Chesneau 1576.

Dix Sermons de la sainte Messe & ceremonies d'icelle: Prononcez à Chartres. [Impr. à Paris 8°. par Nicol. Chesneau 1581.

P I V S Pape 1111. de ce nom

Bulle ou Mandement pour la punition & correction des seditieux, rebelles, homicides & autres quelconques coupables de mort mise de latin en françois par traducteur dont le nom m'est incertain. [impr. à Paris par Guillaume Nyuerd 1561.

Bulle sur l'exemption de toutes decimes en faueur des prelates qui assisteront au saint concile general de Trente: traduite aussi de latin en françois. [impr. à Paris par Guillaume Nyuerd 1561.

P L A T O N. Voiez Loys le Roy. Estienne Dolet, Blaise de Vigenere. Mathurin Heret. Bonauent. des Periers. François Hotoman, Pierre Tredehan. Antoine du Verdier. Iean A. Martin de Lespel. Philibert du Val. Iean le Masse, Simon Vallambert.

L E P L E S S I S Gentilhomme de la maison du Conte d'Aran a traduit les premiers liures des Ethiques d'Aristote. contenans L'intelligence de la Philosophie morale. [imprimez à Paris 4° chez M. Vascofan, L'an 1553.

Le traducteur en son Epistre outre autres bons propos & sentences, escrit ce que s'ensuit,

Car

Car bien que ie ne soy si ignorant que ie veuille dire que les exercices tant honorables de la vrollerie, de la chasse, & des cheuaux, ne soyent requis à vn Prince: si est ce que Dieu me gard d'auouer que se soit le mestier ny l'estat de celuy en qui nature a ietté si profondes racines d'une magnanimité: qui est né à voller, non pas les oiseaux, ains le cœur des hommes: à courre, lancer, ny prèdre les cheufs, mais les villes & chasteaux: à gouuerner & manier, non-pas les chiens, ne les cheuaux, ains les communaultez & republiques: à adopter, non-pas les poulains: mais les furies d'un peuple irrité & rebelle. Voire à se vaincre & gagner soy-mesme: esquels pointz, gist le plus grād de son estat, sans qu'il faille croire, que bien picquer vn cheual, bondir, l'embrider, auoir bōne tenue, bonne main, bien parer la greue, les camares Siciliennes, trouffequues, & saquaralles, soyent le comble du mestier de la guerre, encores qu'il soit necessaire pour elle de les sçauoir. Mais ceste faute si cruelle du tēps present est venue par ce que aucuns se sont persuadez les oyseaux & les chiens estre le principal office des Princes: qui tout au contraire leur doiuent seruir seulement, lors qu'ils sont las d'executer les choses de leur mestier de passetēps & plaisir, & les vertus de l'ame doiuent estre en leur esprit les premieres imprimees: & vser de celles du corps comme d'exercice ioyeux.

PLVTARQVE.

J'ay nommé particulierement. Les œuures de Plutarque de Chæronec, en laques Amyot, qui les a toutes traduites de Grec, en François: à raison dequoy ie n'en feray icy autre mention sinon de renuoyer le lecteur à George de Selue, Claude de Seyssel, Estienne Pasquier, Pierre de saint Iulien, Arnaud Pasquier, Lazare de Bayf, Geoffroy Tori, Denys sauage, Bernard de Girard, Iean Colin, Iean Lode, Adrian de la Plance cy deuant mentionnez lesquels en ont aussi chacun traduit quelque chose. Et dire que le renom de cet excellent auteur Grec (qui fut precepteur de l'Empereur Traian) s'est rendu immortel, & viura tant que le monde sera en estre, avec telle & si grande gloire & admiration de quiconque le lit que les plus doctes estiment ordinairement que si iamais il aduenoit par cas ou necessité que tous les liures du monde fussent bruslez ou perdus (ostant tousiours de ce nombre les saints escrits) & qu'il en falist conseruer vn tant seulement, ce seroit Plutarque seul, auquel on donneroit cest aduentage, comme à celuy qui pour sa rareté & accomplissemēt, pourroit rendre tolerable le desir qu'on auroit des autres, & faire cesser le deuil du besoing qu'on souffriroit pour la perte du reste: eu esgard que en iceluy on voit avec l'histoire tant Grecque que Latine, vne agreable abondance d'exemples, & sentences poëtiques, & vn amas tresprofitable des sciences Mathematiques, de Philosophie, & en somme de tout ce qu'on scauroit souhaiter de bonnes & louables disciplines qui y sont tellement disposees qu'il semble à celuy qui les lit qu'on les y ait inferées autant pour la necessité, que pour le profit de celuy qui les lit, & pour l'ornement du liure. C'est pourquoy aussi Theodore Gaza Grec de nation, d'erudition singuliere & digne de l'ancienne Grece, estant quelquesfois enquis par ses familiers amis qui le voyoyent si fort affe-

ctionné

ctionné à l'estude, qu'il en oublieroit toute autre chose, quel autre eût-il choisi
entre tous, s'il estoit réduit à ce point de pouuoir n'en retenir qu'un tou seul,
respondit qu'il esliroit Plutarque pour ce qu'il n'y en a pas vn qui soit si profita-
ble ou si delectable ensemble à lire que luy.

P O G E F L O R E N T I N

Les facecies de Poge Florentin translatees en François. [Impri. à Lyon 4° par
Oliuier Arnoullet & depuis 16° par Jean Saugrain sous le titre de Comptes
facecieux 1558. Et encores à Paris.

Le Comte de POICTOU daigna bien faire honneur à la poésie en lan-
gue Prouençalle : car outre ce qu'il estoit scauant aux sciences liberales, encor
prenoit il plaisir auoir en sa Court des plus scauas Poètes qu'il pouuoit trouuer,
lesquels il honnoroit & prisoit, leur assignant bons & suffisans gages, & si les
prouoyoit des plus beaux & honorables offices de la Court, d'entre lesquels

Peyre Milhon gentilhomme de Poictou, fut son premier maistre d'hostel,
quia fait vne chanson à la louange d'vne dame de Poictou de la maison de
Montagut, qui se commence,

Pueis que dal Cor my ven faray Kanfon nouuella,

En laquelle il dit qu'après long travail d'vne vraye fiance d'amours.

Bernard Marchyz fut son Chambellan, il a fait vne chanson à la louange
d'vne damoyelle de la maison des Requistols de Prouence, & se commence,

Tant es ma Donna endurmyda.

En laquelle il dit qu'il a si bien doucement chanté, qu'il l'a esueillée.

Peyre de Valeras fut son valet trechant, qui a chanté pour Rogere, noble da-
me, belle & vertueuse, de la maison de saint Seuerin, issue de Frâce, à Naples,
l'vne de ses chansons dit ainsi,

Sol qu'als autres esplaxer

Es à my grand desplax en sa

En laquelle il dit qu'il est ne sous telle planete, qu'il ne sera iamais que tri-
ste & desplaisant.

Ozil de Cadars fut vn des Escuyers, il a fait l'Art de bien tyme, & a chan-
té à la louange d'vne haute Princesse d'Angleterre, niece du Comte de Poi-
ctou, de laquelle (ainsi que tel estoit le bruit) il receut des faueurs incroyables,
& pour faire croire le contraire il fit ceste chanson, qui se commence

Elle ha son cor tant hault qu'elle m'espreza

So quo lon ten en grand pres, e honnor,

En laquelle il dit qu'il se faut tant estimer.

Louys Emeryc, fut secretaire de Rochefort en Poictou, auoit esté vn des princi-
paux secretares du roy d'Arragon pour faux rapports il estoit retiré vers le Cô-
te de Poictou qui luy bailla place, & estat de secretaire, il fut amoureux d'vne
dame de Prouence de la maison des Côtes de Forcalquier nommée Florence,
à la louange de laquelle il fit plusieurs chansons, l'vne desquelles se cômence,

Kasoun iour m'es ben afort maged au An

Quand yeu vey y aquella que tant amy,

XX en la

en laquelle dict que *Las malas lenguas* len deschassent.

Peyre Hugon, gentil-homme de Dompierre: son vallet de chambre fut amoureux d'une dame de Prouence de la maison de Roquefueilh, nommee Batrix d'Agoult, les autres l'ont nommee Agoulte d'Agoult, à la louange de laquelle il a faict plusieurs chansons, vne que i en ay leu se commence,

Tos temps amour my ten en tal façon

Ensins qu'aquel mal, dont s'a dormys.

Guilhem Bouchard fut aussi de ses valletz de chambre, amoureux de dame Tyburge de Layncel, noble maison de Prouence, à la louange de laquelle feist plusieurs chansons, l'une se commence,

en vous yeu ay messa

(Seguent ma promesse)

Mon Cor, e m' amour.

Gyraudon lou Roulx, fut vn des gentil-hommes de sa maison, amoureux de dame Albe Flote gentil-femme de Prouence, à la louange de laquelle il feist ceste chanson,

Aras saubray s'a ges de Cortezia

En vous donna, e si temés Pekat.

Americ de Sarlac, autre gentil-homme de sa maison, chanta à la louange d'une dame d'honneur de la Comtesse, qui estoit de la maison de Fontenay, nommee Guillaume, de laquelle il fut amoureux & feist plusieurs belles chansons à sa louange: vray est qu'il les adressoit à la Comtesse, l'une desquelles se commence ainsi,

Fin, e lial, e sens dengun engan

Ensins qu'aquel qu'a conquistat Amours,

Auray en pax sufertat ma doulours,

E non my vac plagnen, ny rencuran.

Guilhem dels Amalrics, fut gentil-homme Prouensal, amoureux d'une dame de Naples de la maison d'Arcussia de Capro Comte d'Hautemure, à laquelle il enuoya faire ses messages d'amour par l'Arondelle qui la reueilloit tous les matins & ne la laissoit dormir, à la louange de laquelle il feist plusieurs chansons belles & plaisantes, & mesmes vne à l'Arondelle, & quelque chants spirituels, & c'est le commencement d'un chant,

Dieu de mon esperansa, e ma forsa, e vertut,

Fay qu'yeu non siey contrari a ta ley pura e santa

En temps d'aduersitat, quand l'ennemy m'enkanta,

E my conseilha d'estre esluinat de vertut.

Il feist vn autre chant à la louange de Robert roy de Sicile & de Naples Comte de Prouence de ceste teneur,

Lou segnour Dieu t'exauce, e toniour ty defenda

Als malays iours troublaz, e ty mande secours

Rey

Rey poderouz, alquat lou poble ha son recours.

Après Dier que i' a fach grand vancedour ty renda.

Lou segnour que i' a fach ras preguieras entenda,

Fassa flourir ton nom tos temps may en ras cours,

Pues questu veyre en pax de tous iours lou long cours,

Eque d'un bout d'almonde a l'autre, aias la renda.

Lous vns en kauals fiers, autres en granda Armada,

En Thez aurs infins, en kauzas transitorias

Si fixan totalement, e y ban esperansa:

Mays tu, auras de Dieu d'excellentas victorias,

E tout ton poble aurá sa vollontat armada

A toujours t'obezir per ton assecuransa.

Pyttolleta, autre gentil-homme de la cour adressa les chansons à dame Sance de la maison de Villeneuve en Prouence & a vn autre de la maison de Châdieu en Dauphiné, vn autre a vne Gentil-femme de Grymaud de Gennes, & a vne autre de la maison de Chastillon & de Brancas, & d'Esparró de Prouence: a toutes lesquelles & a la couple finale d'icelles desire auoir vne Collombe de Surie semblable a celle de Mahomet, pour l'enuoyer faire les messages.

Tous ces poëtes cy dessus nommez fleurissoient d'un mesme temps dudit Comte de Poictou, dont ceux qui furent à sa court decederent empoisonnez des eaux & fontaines par les lepreux du pays par la pratique des Iuyfs.

Vn Moine de POLLIGNY (duquel ie n'ay peu trouuer autrement le nom) a fait vn Romant sur Boece que l'on dit de Consolation (l'vse de son langage) à l'imitation dudit Boece, & finit ainsi:

L'an mil trois cens six avec trente,

Le derrain iour de May prenez,

Si sçaurez quand à fin menez,

Fut ce Romant à Polligny:

Dont le frere est de Polligny

Qui ce Romant en rime a mis. Sc.

Est en la librairie de la Bastie, en forest.

POLYBE auteur Grec. Voyez Loys Meigret.

PONS DE B R V E I L Poëte prouençal mit par escrit vn traicté intitulé

De las amours enrabiadas de Andrieu de frança,

duquel André de franse (qui mourut par trop aymer) le Romant a esté perdu.

PONTVS DE TYARD Masconoïse Seigneur de Bussy, maintenant Euesque de Chalon sur Saone a escrit

Oeuures Poëtiques. Assauoir trois liures des erreurs amoureuses. Vn liure de vers Lyriques. vn recueil de ses nouuelles œuures Poëtiques. [impr. à Paris 4°. par Galiot du Pré 1573. Ses Erreurs amoureuses auoient esté imprimées 8°. par Iean de Tournes. 1549.

Solitaire premier ou Prose des Muses, & de la fureur Poëtique. Avec quelques

XX 2 vers

vers Lyriques sur la fin. [impr. à Lyon f°. par Jean de Tournes 1552.
 Solitaire second, ou Prose des Muses, & de la fureur Poetique. Avecquel ques
 vers Lyriques sur la fin. [imp. à Lyon 8°. par Jean de Tournes 1552.
 Discours du temps de l'an & de ses parties. [imp. à Lyon 8°. par Jean de Tour-
 nes 1556. & à Paris f°. .
 Mâtice, ou discours de la verité de diuination par Astrologie. [imp. à Lyon 4°.
 par Jean de Tournes 1558.
 L'uniuers, Ou, discours des parties, & de la nature du Monde. [impri. à Lyon
 4°. par Jean de Tournes 1557. En ce liure y a quelques pages prises & tour-
 nees mot à mot de Philon Juif, en son liure du monde. Et depuis le mesme
 Tyard, l'ayant reueu & augmenté la fait reimprimer sous tel tiltre.
 Deux discours de la nature du monde, & de ses parties. Assauoir le premier cu-
 rieux, traictant des choses naturelles: & le second Curieux des intellectuelles.
 [impri. à Paris 4°. par Mamert Patisson 1578. Iaques Dauid du Perron y a mis
 vn auant discours.
 Il a traduit d'Italien,
 Leon Hebreu, de l'Amour, Dialogues. [impri. à Lyon 8°. par Jean de Tournes
 1551. Denis Sauuage Sieur du Parc en a fait presque en vn mesme temps
 vne autre version.
*Ephemerides octauæ spheræ, seu Tabellæ diariæ Ortus, Occasus, & meditatio-
 nis cœli illustrium stellarum inerrantium, pro vniuersa Gallia, & his regio-
 nibus quæ polum Boreum eleuatum habent à 39. ad 50. gr. Authore Pon-
 to Tyardeo Bisiano. [Lugduni f°. apud Io. Tornasium 1562.
 Ponti Tyardei, ad Pet. Ronfardum de celestibus Asterismis Poematium.
 [Parisiis 4°. apud Galeotum à prato 1573.*

Au second Curieux

L'homme continue sa vie à mode des Elemens, & des pierres, estat, croissant
 & s'alterant, & muant continuellement: il est viuant comme les metaux, d'un
 esprit vital caché: & si l'esprit vital de metaux est caché, ie m'en rapporte, à
 l'immortel, & vain trauail des Alchimistes. D'auantage l'homme est viuant a-
 uec les plantes, d'une vie vegetatiue: avec les animaux, d'une vie sensitiue &
 mouuante: avec les intelligences separees, de vie raisonnable ou intellectuelle:
 & avec le grand moteur, de vie diuine & eternelle. Pource disoit Trimegiste,
 l'homme estre tout en tout: car il a en son Ame certaines puissances, avec les-
 quelles comprenant & recherchant tout, elle se fait tout, ou semblable à tout: &
 par la capacité de son infinie apprehension approche de celle grande eternel-
 le puissance, que nous appellons Dieu. Adiousteray-ie point, que la partie de
 l'homme appelee le Sens, se compare à la Terre: l'Imagination à l'Eau: la Rai-
 son à l'Air: l'Entendement au Feu, ou à la substance etherce: & l'Intelligence
 au Ciel ou à son moteur: Vrayement l'admirable rencontre des Elemens, & le
 voisinage secourable d'un à l'autre, soustient en partie à mon aduis ceste masse
 mondaine Elementaire. Et aussi les quatre humeurs complexionnaires cõpa-
 rees aux Elemens, sont rugees estre en l'homme de telle proportion, que la Me-
 lancho

lancholie est vne partie: la Colere, deux: la Pituite, quatre: & le Sang, huiet. Tellement que de ceste temperature vient la santé: & de la distemperie les maladies diuerses, selon que diuersement se disproportionnent les humeurs. Mais pour dire proprement quelles parties de l'homme sont plus pertinemment comparables aux Elemens, ce sont les sens extérieurs. Car l'œil, comme il est lumineux, ne faisant son office sans lumière, est rapportable au Feu: l'oreille à l'Air, qui frappé & bruyant, se red à l'ouye: l'odeur & le goust, à l'Eau (car en l'humide, reside la saueur, & le fleurir) à scauoir le goust, par la qualité des humeurs fluantes & plus corporelles, ou materielles. Car cobien que vous mettriez en la bouche vne chose seiche, l'humour de la bouche toutesfois l'humecte, & de là viét le goust, come l'odorer ou fleurir vient des exhalatiōs humides, telles que sont celles d'où s'engendrent les nuees. L'attouchemēt est comparé à la Terre. Ce neantmoins toutes ces parties sensitiues ne seroyent officieuses sans vne certaine faculté ignee: & ce diuersement. En la veie, la chaleur pousse les raiz & les accompagne iusques à la lumière, pour luy donner vigueur d'attirer ou receuoir l'image de l'objet presenté. Pour aider à l'ouye, la chaleur penetre iusques en l'air plus liquide. Pour le sens du nez, elle passe par l'air pur, iusques aux exhalations humides, desquelles l'air est espessé. Et pour le goust, elle penetre iusques à l'humour plus materielle. Les os en l'homme, sont ce que les pierres au grand Monde, où prend source la fable de Deucalion, & Pyrra, jettant les pierres derrier le dos: aussi les os ont vie au corps humain, comme les pierres en la Terre. Ce qui esmeut quelques anciens de penser les pierres auoir des ames & vertus secretes contre les venins & les illusions, & qu'elles estoient puissantes de donner la force, la grace, la sagesse, la longue vie, les richesses, le don de diuination, de prophetie, de santé, & autres tels effets: outre lesquels est apparante la puissance cachée de l'Aimant, & de l'Ambre, attirans cestuy le festu, & celuy le fer. D'où il semble que les os & les pierres viennent puis qu'ils croissent. Mesmes que les os humains, ainsi que les pierres, sont pleins de plusieurs vertus & rares facultez. Vous auez souuenance de ce qui est escrit d'un os du pied droit de Pyrrus Roy d'Epire: & que les Medecins assurent que la poudre faite des os humains, auallee avec du vin rouge par les dysenteriques, arreste le flux de sang. Mais n'est-ce chose admirable que l'Epilepsie (mal surnommé caduque & de S. Iean) soit guerie par un breuuage de vin, ou d'oxymel, avec la racleure du test ou crañee humain? Lon tient ce remede pour assure, pourueu que la racleure ou poudre qui se doit donner à l'homme, soit d'un test feminin: & que celle qui se prepare pour la femme, soit du crañee d'un homme. Les os (dit Hieromnime) d'Helisee sont honorez en nos sacrez liures de plus admirable faculté: & ceux qui restent des saints Martyrs eleuz de Dieu, sous le nom de venerables reliques, ont fait tant de miraculeux effets, que la Nature & les naturels y perdent le sens & la raison. Aussi (reprint le Curieux) ne les voulois ie alleguer à ce propos auquel il me suffit d'adiouster que ces vertus propres aux pierres, & aux os, preuent assez que les vnes & les autres ne sont despourueues de faculté vitale: opinion receuable, & de laquelle tout inconuenient peut estre resolu, puis que les Philosophes ont décrit diuerses sortes de vie, selon les essences & especes des choses viuantes, comme

Anges, Hommes, Animaux, Plantes, Pierres, & mesmes les Metaux, ausquels sont comparables les humeurs au corps humain. Car ainsi qu'à la generation des metaux, aussi à la generation des humeurs (disent les Astrologues) seruent les aspects des Estoiles, la contrerentente de leurs raiz, la force & influence de quelque particuliere Planete, & la vertu engendrante: puis la chaleur naturelle, qui les cuit, les purifie, & reduit en propre & peculiere forme, en laquelle chacune ha vie, comme les Metaux en la leur. Les demis mineraux, marchefires, & autres de tel ordre, entrent en comparaison avec les vaisseaux intestins de l'homme, qui ne sont ny chair ny os. Encores pourrois-je estendre, que les Eaux interieures de la Terre, les cauerne spiriteuses & venteuses, les matieres & liqueurs d'où les pierres s'endurcissent, les viscositez bitumineuses, sont en l'homme les veines, qui recoient le sang, les artteres qui recoient l'esprit, le cerueau, la mouelle, la salive, & diuerfes humeurs visqueuses, crasses & corrompues, desquelles il est plein. La chair est comparable aux plantes en sa vertu vegetatiue, prenant nourriture & accroissement: car tout ainsi qu'une plante coupée recroist, se rejoint, ou reprend, aussi fait la chair. Est-ce pas chose estrange, que l'homme est capable de toutes les mœurs, affections, voix, & autres actions de tous les animaux? Quel desgoisement d'oiseau, tant fredonné m'est diminué soit il, n'auons-nous veu contrefaire? Quel bruit horrible d'humlement ne peut l'homme exprimer? Quelle voix d'autre animal peut estre haussée ou baissée plus extremement, ou plus à commandement? Quel poisson n'eust receu pour compagnon au nager vn Glaucé, vn nageur Delien, vn Scyllis Sicyonien, & le matelot Neapolitain, qui en vn iour est allé & revenu nageant, d'Ischia à Porezzo, à l'entree du golphe de Naples: ou bien Colan, surnommé Poisson, natif de Catania en Sicile, qui comme en vn bain par esbat ordinaire alloit nageant par la mer depuis Gaïette iusques en Sicile? Quel Singe ne se voit estre vaincu en soubresauts & voltigemens, par l'homme bien disposé? Qui n'a veu l'humain artifice auoir contrefait le vollet des oiseaux, esmerueillez de recotter vne nouvelle espee, fendant l'air ainsi qu'eux? Aussi est il arresté au Peripate, que l'espee humaine contient en soy par puissance ou capacité les diuerfes natures des Animaux: ce qui a meu Aristote de iuger en sa Physiognomie, les mœurs des hommes, à la ressemblance & figure qu'ils en representent selon les membres, couleurs, ou actions. Opinion peu eslongnée de la Pythagorienne, suivie d'Empedocle, Plotin, Numenie, & autres sectistes, qui affermoient que l'Ame humaine despouillée de sa robe corporelle, se reuestoit de la figure d'un Animal, duquel elle auoit imité les mœurs au cours de son humaine vie: au laps de laquelle par diuerfes actions l'homme se cōforme aux diuers genres d'animaux. Car en enfance & premiere ieunesse, que sa raison n'est encores exercée au discourir, par l'Ame vegetatiue il se traine & glisse sur la terre avec les reptiles. En l'âge viril, par les pensées & imaginations, il est vn peu plus eleué & ferme, cheminant avec les animaux terrestres. Mais en vieillesse, que les imaginations, les pensées, & l'experience des choses luy ont poli la raison, par l'Ame contemplatiue & speculatiue il s'eleue de terre & volle avec les oiseaux. Cecy seroit peu, si la ressemblance ne trouuoit lieu au Ciel: où le Mouton terrestre reconnoist son Astre le Mouton celeste: le Taureau, le

Tau

Taureau : & le Scorpion, le Scorpion. Donc l'homme ainsi qu'un autre Monde, reçoit communication de tous les Cieux, & participe des puissances de toutes les intelligences. Tellement que selon les Académiques, l'Âme descendant çà bas, prend de Saturne la ratiocination, l'intelligence, & la speculation: de Jupiter, l'action: de Mars, l'ire & l'ardeur de courage: de Venus, la concupiscence & mouvement du desir: de Mercure, l'apprehension & la perspicacité d'interpréter & découvrir ses conceptions disortement: du Soleil, l'opinion & l'imagination du sçavoir: de la Lune, la vertu engendrante, l'accroissement, ou augmentation matérielle du corps, qui est, comme j'ay dit, de qualité des Éléments, & rapporté avec eux en mille singulières & subtiles comparaisons. Quelques autres anciens ont pensé que l'homme naissant empruntoit de la Lune, le corps: du Soleil, l'esprit: de Mercure, l'entendement: de Venus, la concupiscence: de Mars, le sang: de Jupiter, le desir: & l'humeur, de Saturne. Le Zodiaque a lieu icy: car entre luy & l'homme il y a un merveilleux consentement par sympathie du Mouton celeste, à la teste du Taureau, au col: des Jumeaux, aux bras & aux épaules: du Cancre, à la poitrine: du Lyô, aux flancs: de la Vierge, au ventre: des Balances, aux fesses: du Scorpion, aux aines & parties cachées: du Sagittaire, aux cuisses: du Capricorne, aux genoux: du Verseau, aux jambes: des Poissons, aux pieds. Observance tellement reconnue par l'expérience des Chirurgiens Médecins, qu'ils n'appliquent jamais le fer aux parties, desquelles le Signe est occupé par la Lune. Joint qu'il semble que les animaux des figures ainsi accommodées aux parties du corps humain, ayent plus de force de celle partie: comme le Mouton de la teste, & le Taureau du col. Quant aux humeurs, Saturne convient à la mélancolie, d'où le mélancolique est dit Saturnien, pource qu'il se délecte aux œuvres Saturniennes, comme profondes imaginations, solitudes, contemplations, & les semblables. Jupiter convient au sang, à l'esprit humide, & chaud, & par suite de raison, à la vie, de laquelle le sang est siège plus expres: au reste le Jovial est traitable & benin. Mars convient à la colère, comme tout ignee, chaleureux & bouillant: d'où le Martial fait assez preuve de toutes ses violentes & ardentes opérations. Le Soleil convient à la complexion meslée du sang de Jupiter, & de la colère de Mars, & tempère son Solaire pour le pousser aux œuvres & entreprises illustres. Venus s'accommode à l'humidité chaleureuse & à la colère, conduisant le vénérien à la volupté de son nom, si le voisinage du Soleil, selon l'usage disposition Astronomique, ne corrige & desseiche ceste chaude & humide inclination. Mercure est approprié à l'Esprit aigu & subtil, prompt à tout: mais à cause de son inconstance, difficile d'estre cognu à l'œil. Au reste nul ignore combien la Lune peut sur l'humide, phlegmatique, & pituiteux. La curiosité de rechercher en ce petit Monde une ressemblance universelle, avoit congneüe la division des Signes du Zodiaque diuisez en quatre ternaires, pour à chacun des quatre Éléments en approprier trois: l'un ainsi que commencement, l'autre ainsi qu'estat ou consistance: & le tiers, comme fin de l'Élément. Car au Mouton est le commencement du Feu, au Lyon son estat, & au Sagittaire sa fin. Au Taureau est le commencement de la Terre, à la Vierge son estat, & au Capricorne sa fin. Aux Jumeaux est le commencement de l'Air, aux Balances sa con-

sistence, & à Aquarius sa fin. Au Cancrè est le commencement de l'Eau, au Scorpion sa consistance, & sa fin aux Poissons: Mais comme ces douze signes ainsi partis, s'approprient aux quatre Elemens de l'Vniuers, aussi sont-ils appliquez aux quatre humeurs, vrais elemens du petit Monde, l'homme. Ainsi d'oc l'humain entendement comprend le commencement, l'estre, & la fin de toutes choses Elementaires, qui sont, ou qui seront: & est logé dans la teste, comparable au Ciel Estoilé, tant pour sa rondeur, que pour ses lumieres & organes. Vrayement m'entretenant quelquefois de la ressemblance de ces deux Mondes, il me vint en pensee, que la volonté en l'homme, peut estre comparee au premier Ciel mouuant tous les autres. Le Ciel Estoilé represente au premier Mobile, s'il y en a vn sur luy, les degrez des choses creables ou engendrables par luy, & par les Planeres: & ce premier mobile execute le ministere, & par son mouuement en administre l'office. Dauantage les Spheres inferieures obeissent au premier Mobile, & le suivent: comme la volonté meut toutes les affections. La clarté monstre bien le chemin à l'œil, toutesfois ne le meine pas: l'entendement aussi monstre les voyes à la volonté, & la volonté administrant ses operations, les choisit, & y ordonne. Car quoy que fassent les membres, ils cedent & obeissent au mouuement volontaire. Je remets en memoire, comme vn fil tire l'autre, que les sept Planetes sont accommodees à l'homme: à sçauoir trois pour la conduite des actions, & quatre pour la cōseruation du corps. Des trois qui embesongnent nos actions, Mercure ha charge de la fantasie, & diligente perspicacité d'executer: Venus, du desir & delectation de l'execution: & Mars, de l'impetueux mouuement de courage, qui au hazard fait l'operation fortunee. Qui executera iamais rien sans l'auoir passé tant soit peu par la fantasie? Qui s'y embesongneroit sans quelque plaisir que lon préd à l'œuure? Et quel succez oseroit-on attendre, si de vis courage lon ne hazardoit sous esperance que fortune bienheureira? Restent les quatre Planeres qui cōseruent le corps, desquelles le Soleil est la source vitale assise dans le cœur: Iupiter regarde la vertu naturelle & sanguine au foye, siege, disent aucuns, de l'Amour: Saturne, la puissance distributue & receuante, par la melancolie & le fiel: la Lune est pour l'accroissement & descroissement. On adioust que Saturne gouuerne les oreilles, principalement la droite: car le propre du Saturnien, c'est d'ouir beaucoup, & ruminer les choses ouyes, pour apres longue cōsideration s'enrichir de prudence: On luy attribue la ratelle, vaisseau & receptacle de l'humeur terrestre & melancolique. Iupiter gouuerne l'autre oreille, pour donner accomplissement à la sapience commencee par Saturne. Mars gouuerne les reins, qui sont de chaude & seiche qualité à l'opinion de quelques vns: combien que les autres les qualifient chauds & humides: qui ne fera encores impertinent à luy, auquel lon donne quelque esgard pour sa chaleur sur l'humidité radicale. Le Soleil gouuerne le cœur, siege, comme i'ay dit, & commencement de vie: & l'œil droit, & la moelle, qui est vn second sang blanchi par cōcoction: en signe de quoy les ieunes animaux ont la moelle rouge, & de couleur sanguine, & selon qu'ils auancent d'age, elle se va tousiours blanchissant. Venus gouuerne la bouche, siege du baiser, signe & gage d'Amour: & les membres qui seruent à la generation, principalement l'eschine,

ou

ou l'espine du dos : tant pource qu'elle sert (selon l'opinion de quelques Philosophes naturels) de canal à la semence, que pource qu'en elle se fait vne liaison de plusieurs os : d'où elle semble vn nécessaire lien & vniuersel soustènement du corps. Aussi l'amour, qui lie & estreint indissolublement les esprits au corps, est représenté par ceste conionction d'os, dediez à Venus, à laquelle les reins, pource qu'ils logent l'humidité radicale, qui luy est proprement en charge, sont plus raisonnablemēt appropriéz qu'à Mars. Mercure gouuerne la langue, comme President d'eloquence : car ainsi que la Planette Mercure, difficile à voir au Ciel, fait toutesfois son cours d'une prompte vîtesse, & ses influences de grande efficace : aussi la langue, qui est le membre plus caché, est celuy qui fait plus viuement les operations : il est accommodé aux mains, pour l'habilité & promptitude des œures subriles & manuelles. La Lune est dedie au gouuernemēt de l'œil droit, comme croyent aucuns, & du cerueau : & estend sa puissance sur les humeurs, & les poulmons qui rafraichissent & esuēt les inflammations du cœur.

Polydore Vergile. Voyez François de Belleforest. Je desireroiy que quelqu'un voulust prendre le loisir de tourner en nostre langue son histoire d'Angleterre.

Le Seigneur de PRESSAC, a traduit quelques Epistres de Seneque [imp. 8°. par Guill. Chaudiere 1583.

PRIMASIVS. exposition Sur les Epistres S. Paul. Voyez Jean de Gagny.

PROBA FALCONIA. Voyez Richard le Blanc. Pardoux du Prat.

PROCLE. Voyez Elie Vinet. Est. Forcadel.

PROCOPIVS. Voyez Guill. Paradin.

PROSPER Euesque de Rheige,

De la vie contemplatiue. Liures III. Voyez Jean Bouillon.

PROSPER CALANIVS. Voyez Jean Gœurot.

PRVDENT LE CHOYSELAT, Procureur du Roy & de la Royne à Sezanne a escript.

Discours Oeconomique, non moins vtile que recreatif, monstrant comme par le mesnagement de poulles de cinq cens liures pour vne fois employees, l'on peut tirer par an quatre mil cinq cens liures de profit honnestes. [impr. à Paris 8°. par Nicolas Chesneau 1572 Ayant leu ce liuret & m'estant pleu en la lecture pour l'auoir trouué de si bonne grace & belle inuentio, ie me suis mis à faire l'Epigramme suyuant à la loüange de l'autheur.

L'homme prudent à mesnager appris

De son talent tire honnestes profits :

Mais ce Prudent en sagesse confit,

Sur tous prudens mesnagers ha le pris.

Il sçait comment (frais, deduits & compris)

Par an on double vne somme cinq fois,

Sans que d'usure on soit soubmis aux loix,

Et moins de Dieu ne des hommes repris.

XX 5

PRV

PRV'DENT DE SAINT MAVRIS Aduocat au parlement de Dole a escrit.

La pratique & styl iudiciaire obserué tant es cours de Parlement que Tribunaux de Iustice au Comté de Bourgoigne. [impr. à Dole 4°. par Jean Tarlot 1577.

PVBL. VIRGIL. MARO. Voyez Louys des Masures, Robert & Antoine le Cheualier. B. Aneau. Ferrand de Bez. Pierre de Monchau. Richard le Blanc. Guillaume Michel. Octavian de Saingelais. Ioachain du Bellay. Pierre Tredehan.

PVBLIVS SYRVVS MIMVS. Voyez les sentences de ce Poëte en celles des Lyriques & Comiques Grecs tournees en françois & impr. à Paris.

PVBL. OVID. NASO. Voyez François Habert. Octavian de Saingelais. Michel d'Amboise. Barth. Aneau. Clement Marot. Charle. Fontaine. Calvy de la Fontaine. Estienne Forcadel. Antoine de Coët.

PVBL. CORN. TACITVS. Voyez Estienne de la Planche. Claude Faufchet de Blaise Vigenère. Claude Guillomet. François Douynet.

PVBL. TERENCE. Premiere Comedie de Terence, intitulee l'Andrie mise en rime françoise par traducteur incognu. [impr. à Lyon 8°. par Thibauld Payen. Jean Antoine de Bayfa traduit l'Eunuque & l'Heautontimorumenos. Jean Bourlier a traduit toutes les six comedies de Terence en prose françoise & Charles Estienne a traduit aussi l'Andrie en prose françoise.

P. BLANCHART maistre d'escole à Laon en Laonnois a composé, Calendrier perpetuel. [impr. à Paris par Jean le clerc 1581.

P. DE MANCHICOVR De Tours a mis en musique quelques chansons. [impr. à Paris par pierre Haignant.

P. SAPÉT a escrit en prose Les Enthousiasmes ou Eprises amoureuses en nombre 23. [impr. à Paris 8°. par Jean Dallier 1555.

P. S. TVRNEBE fils d'Adrian Turnebe a escrit, Traicté de la nature, causes, formes & effects des Cometes. [impr. à Paris 8°. par Lucas Breyer 1577.

P. VANAELEST Flamen a escrit en françois, Reigles Generales d'Architecture sur les cinq manieres d'edifices: Assauoir Thuscan, Dorique, Ionique, Corinthe, & Composite. Avec les exemples des Antiquitez lesquels la pluspart concordent à la doctrine de Vitruue. [impr. en Anuers f°.

LIVRES D'AUTHEVRS INCERTAINS.

Louanges & recommandations de la PAIX extraictes de l'escripture sainte. [impr. à Paris 1563.

PANDARNASSVS. Roman. Intitulé autrement. Le treseloquent Pandarnassus fils du vaillant Galimassue qui fut transporté en faerie par Oberon lequel y feit de belles vaillances, puis fut amené à Paris par son

son pere Galimassue là ou il tint conclusions publiques, & du triomphe qui luy fut fait apres ses disputations. [impr. à Lyon 8°. par Oliuier Arnoullet.

PANEGYRIC des Damoiselles de Paris sur les neuf Muses, fait en Vers & [impr. à Lyon 16°. par Iean de Tournes 1543.

PARADOXE contre les lettres. [impr. à Lyon 8°. par Iean de Tournes 1545.

PARADIS du Pape Iules. Dialogue. *Censuré.*

Le PARANGON des Chançons de diuers Musiciens Liures x v 11. [impr. à Lyon par Jaques Moderne.

Le grand PARDON & pleniére remission pour toutes personnes. & duræ à perpetuité. [impr. à Genouë par Adam & Iean Riueri 1550. *Censuré.*

La PARFAITE amitié de deux vrais amans: & l'vtilité qu'on peut tirer de ses ennemis. [impr. à Lyon 16°. par Iean d'Ogerolles 1560.

PARIS & la belle Vienne. *Romant.*

Expositions & contemplantions sur les sept

PAROLLES que nostre Seigneur Iesus-Christ dist en la croix, extraites des docteurs anciens de l'Eglise avec additions en marge. [impr. à Paris 4°. par Chrestie Vvechel. 1535. là ou l'auteur au prologue escrit ces parolles d'orgea: *L'arbre de la croix auquel estoient afficher les membres de Iesus-Christ mourant, fut aussi la chaire du maistre le monde enseignant. Et tout ainsi que le cygne estant pres de sa mort chante plus melodieusement qu'il ne fait onques iour de sa vie: pareillement nostre redempteur a esté en ceste chaire de sa croix, à fin que les plus excellētes doctrines de vertu & bones meurs il semast & plantast en son Eglise à laquelle il preside, pour plus amplement l'endoctriner en la voye de salut iusques à la consommation du siecle. Et pource disoit Sainct Bernard, En la croix a esté ouuerte la bouche de Iesus-Christ auquel sont contenus tous les tresors de sapience & de science.*

Les PAROLLES memorables entre Iesus-Christ & le pecheur, qui est vng dialogue cōteplatif pour l'attirer à son amour plaines d'instruction salutaire. Avec la maniere de se scauoir biē cōfesser. [imp. à Lyō 8°. par Romain Morin.

Le PASQVIL de Court composé par maistre Pierre de Cugnieres resuscité, iadis Aduocat en Parlement. [impr. à Paris 1561. *Caluinique.*

Le PASSETEMPS de tout homme, & de toute femme, *en Rime* [impr. à Paris par Antoine Verard.

Le PASSETEMPS & songe du Triste. *en Rime.* [impr. à Paris 8°. par Iean Longis. 1530.

PASSETEMPS honneste recueilli des faicts & propos de plusieurs Princes, Philosophes & hommes seignelez pour recreer toute bonne compagnie. [A Paris 16. par Emanuel Richard 1579.

Le PASSETEMPS de la fortune des Dez d'une autre bien plus gaillarde inuention que n'est celle de Laurens l'Esprit par vn ancien auteur françois, dont le nom m'est incertain: car pour trouuer sa fortune il ne met qu'un seul renuoy à l'Empereur, au Comte de Sauoye, au Roy d'Aragon, Au Sieur de Mylan,

Mylan, Au Roy d'Angleterre, Au Comte de Vertus, Au Duc de Bourbonnois, Au Duc d'Anjou, Au Roy d'Hongrie, Au Souldan, Au Duc d'Anstrache, Au Roy d'Espagne, Au Roy de Sicile, Au Roy de Chypre, Au Roy de Tunes, Au Roy de Danie, Au Roy de Bolmarim, Au Seigneur de Concy & Au Duc de Bauiere, chacun desquels respond par un distique françois sur la demande de la chose qu'on veut scauoir. [impr. à Paris 16°. par Nicolas Buffet.

P A T H E L I N, ou Maître Pierre Pathelin, farce. Avec le blason & loyer des faulces amours. [impr. à Paris 8°. par Simon Voistre, & depuis 16. par Estienne Groulleau 1564. Ce liure a esté traduit de françois en Latin sous tel tiltre: *Pathelinus Comoedia, alias veterator, è gallica lingua in latinā traducta per Alexandrum Connibertum.* [Parisis. 8°. apud Sim. Colinaum 1543]

Le Nouveau P A T H E L I N, autre farce faicte à l'imitation de la precedente. [impr. à Paris.

Les Epistres S. P A V L glosees & translatees en françois. [impr. à Paris 4°. par Michelle Noir 1521.

Discours des P A Y S selon leur situation, avec les mœurs, loix & ceremonies d'iceux. [impr. à Lyon 16°. par Jean de Tournes 1552.]

Le P E L E R I N A G E de l'Ame, translate de l'ain en françois. [impr. à Paris par Michelle Noir 1521.]

Le P E L E R I N A G E spirituel de l'Ame diuise en 4 voyes principales & plusieurs sentiers. [impr. à Paris 4°. par Renaud Chaudiere.

Le Roman des P E L E R I N S de la vie humaine. *Rime* Il finit ainsi, *Cy fine le Roman du Moine*

Des Pelerins de vie humaine, &c.

Liure de la compagnie des P E N I T E N S contenant l'ordre de recepuoir un Nouice, Matines de la vierge Marie, l'office du Dimanche, lundy & iedy, l'office du mardy & vendredy, l'office du Mercredy & Sabmedy, Prime, Sexte, Tierce, None, Vespres & Complie de nostre Dame: Mutation de l'office de l'aduent: Psalmes des degrez: Psalmes Penitenciaux: L'office des morts, les offices des Mercredy, iedy & Vendredy saint: Hymnes de l'annee: Comemoration des Dimanches & des saints. [impr. à Lyon 16°. par Estienne Dolet. 1541.]

P E R C E F O R E S T. Roman. vi. volumes.

P E R G E V A L le Galois. Roman en rime. escrit à la main sur parchemin en la librairie du Capitaine Sala, à Lyon.

P E R L E S D'elite recueillies de l'infinit tresor des 150 Psalmes de Dauid traduit d'Italien en stances françoises de huit vers chacune stance. [impr. 8°. par Jean de Laon 1577.]

P H I L A N I R E Tragedie françoise. [impr. à Paris 8°. par Nicolas Bonfons 1577.]

Histoire ou Romans des Amours de P H I L I P P E, Dauphin de France & d'Angeline Loria Damoiselle Sicillienne composee en ancien langage Normant en 4 liures distinguez par chapitres. Estoit en la librairie de feu monsieur le Connestable, Anne de Montmorency, escrit en main.

P H I L I P P E S de Madian autrement dict le Cheualier à l'espreuier blanc. Roman.

Romant. [imp. à Paris 4°.

Le Romant de P I E R R E de Prouence, & la belle Maguelonne.

La sentence de P I L A T E contre Iesus Christ nostre Sauueur. [imp. à Lyon par Iean Stratus.

La P O L I C E mise sur la famine & affluence des pauvres, qui se trouuerent l'an 1531 en la ville de Lyon par les citoyens d'icelle, laquelle Police y a esté depuis entretenue & obseruee. [impr. à Lyon par Seb. Gryphius 1539.

Declaration du droit de legitime succession, sur le Royaume de P O R T V G A L appartenant à la Roynne mere du Roy treschrestien Catherine de Medicis, avec la respóce aux consultations sur cesaiètes, tant par les docteurs des vniuersitez de Bouloigne la grasse & Pauie pour Catherine Duchesse de Bragançe que de ceux de Peruse pour Raynucce Fernese Prince de Parme & Michel ab Aguirra docteur Bouloignoïs pour Philippes d'Austriche Roy de Castille, Leon & Grenade, ensemble la deffence contre les impostures & calomnies d'Antoine Nebrisse pour l'vsurpation du Royaume de Nauarre, & discours veritable du reste des illegitimes detentions dudit Castillan tant sur la maison & couronne de France qu'autres princes françois, notamment des Royaumes d'Aragon, Valence & pais de Cataloigne. Avec la Duché de Gueldres sur les princes de Lorraine Auteur P. Be. I V. T H. [impri. en Anuers 8°. l'an 1582.

Le Romant de P O N T V S fils du Roy de Galice.

Le P O R T V L A N, contenant la description tant des mers de Ponent depuis le destroit de Gibeltar iusques à la Chiuse en Flandres, que de la mer mediterrane. Traduit d'Italien. [imp. en Auignon 4°. par Pierre Roux 1577.

Liure des POSTES pour aller par toute la Frâce, Italie, Espagne, Alemaigne, &c. traduit d'Italien.

La P R A G M A T I Q V E Sanction contenant les decrets du Concile national de l'Eglise Gallicane, assemblee en la ville de Bourges, au Regne de Charles V I I. Avec le concordat d'icelle entre le Roy François premier & le Pape Leon X. [impr. à Paris 8°. par Abel l'Angelier 1561.

Traicté de la P R E D E S T I N A T I O N, comment c'est que Dieu veut que tous soyét sauuez & que le salut vient de la pure grace de Dieu & la damnation de la pure malice de l'homme. [impri. en Anuers par Dyrick Vriman 1559.

Demandes à Maistre Iean Caluin sur la P R E D E S T I N A T I O N Avec les contrarietez qui se trouuent en la doctrine de Maistre Iean Caluin. [impr. de mesmes.

Le Liure des neuf P R E V X & de leurs Triomphes. [impr. à Paris f°. par Michel le Noir 1507.

P R I E R E S dont on vse communement en l'Eglise de Geneue. *Censur.*

Les P R I E R E S & Oraisons des Saints Peres, Patriarches, Prohetes, Iugés, Roys, hommes & femmes illustres de l'ancien & nouveau Testament, avec vne exposition du Symbole des Apostres, & les precatons de Maistre Ieā Fere docteur en theologie à Magonce, traduites de latin. Plus vne exposition sur l'occasion Dominicale seló la verité Hebraique, diuisee en sept parties suiuant les sept iours de la sepmaine: Et la maniere de cognoistre par quelles gents ou

Y Y par

par quelles choses lon contreuint au Sainct Decalogue , & comme l'on satisfait à icelluy. [impr. à Lyon par Iean Martin 1560.

La PRISON d'Amours, laquelle traicte de l'amour de L'eriano & Laureole à la louange des dames, traduicte d'Espagnol, & imprimee à Paris 8°. par Galiot du Pré 1526. & despuis Espagnol François à Colonnes par Gilles Corrozet 1560.

PRIVILEGES des foires de Lyon, & leur antiquité auec celles de Brye & Champaigne: & les confirmations d'icelles par sept Roys de France despuis Philippe de Valois. [impr. à Lyon 8°. par Pierre Fradin 1560.

PROBLEMES d'Aristote & autres Philosophes & Medecins selon la composition du corps humain. Auec ceux de A. Zimara, traduiçts de Grec. [impr. à Paris 16°. par Thomas Belot 1570.

Le PROCES de Moyse & Belial. Autheur incertain.
Deux playdoyers d'entre Monsieur PROCES appellant de la Sentence de Monsieur le Seneschal de Raisin ou son lieutenant au lieu de Concorde, d'une part. Et Monsieur de Bon-accord intimé d'autre. Par lesquels il appert de l'utilité de Procès, & de la misere d'iceluy. [impr. à Paris 8°. par Nicolas Chefneau 1570.

PROMPTVAIRE des Medailles des plus renommes personnes qui ont esté despuis le commencement du monde. Auec briefue description de leurs vies & faicts. [impr. à Lyon 8°. par G. Rouille.

Les PROPOS fabuleux moralisez extraicts de plusieurs auteurs, tant Grecs que Latins. [impr. à Lyon 16°. par Iean Saugrain 1556.

PROTESTATION de la foy. Auec sept considerations, [imprim. à Paris.

PROTHOCOLE des Notaires, Tabellions, Greffiers, sergens & autres practiciens de court Laye, contenant la maniere de rediger par escript tous contractz, instrumens, partaiges, inuentaires, comptes, commissions, rapports, demandes, actes, exploicts de Iustice. Auec le Guidon des notaires & secretaires. [impr. à Paris 16°. par Maurice Mesnier 1553.

Les 150 PSALMES du Royal Prophete Dauid Reduiçts en forme de prieres, où sont declairees les œuures, vertus, louange & puissance de Iesuf-Christ. [impr. à Lyon 16°. par Iean d'Ogerolles 1560.

Le PSALTIER auec les gloses, [impr. à Paris 4°. par Antoine Verard. sans date.

La PVCE, Qui est vn Recueil de diuers Poemes Grecs, Latins & François composez par plusieurs doctes personages aux grands iours tenus à Poictiers en faueur des dames de Roches. [impr. à Paris. 4°. par Abel l'Angelier 1520.

Le PVRGATOIRE des Mauuais maris Auec l'Enfer des mauuais femmes & le Purgatoire des ioueurs de dez & de Cartes. [impr. à Lyon 16°. par Barnabé Chauffard.

Le PVY du fouuerain Amour tenu par la deesse Pallas. Auec l'ordre du nuptial banquet faict à l'honneur d'un des siens enfans, mis en ordre par celui qui porte pour deuise en son nom tourné *Le Vray Prelude*. [impr. à Rouen 8°. par Nicolas de Bourges 1543.

Q V E N S



QVENS D'ANIOV, que Fauchet estime estre Charles frere du Roy Saint Louys, depuis Roy de Sicile: prince gail-
lard en sa jeunesse, & volontaire, ainsi qu'on peut voir en l'his-
toire du Seigneur de Jonuille, il a fait & composé plusieurs
chansons.

QVENS DE BRETAGNE, lequel ledit Fauchet ne doute estre Pierre surnommé Mauclerc, a composé des Jeux partis. Il de-
mande à Bernard de la Ferré, lequel vaut mieux ou de prouesse ou de largesse,
Bernard respond, que prouesse sans largesse est foible. Et pource que le Com-
te de Bretagne n'en est d'accord, ils s'en rapportent au Comte d'Anjou,

Qui en tous biens a mis son pense.

Lequel ie ne fai doute estre Charles Frere de Saint Louys. De ce Comte de
Bretagne fait mention le jeu parti, en la v. r. chançon: & le fait parler
auec Gaces Brulez: luy demandant si ayant loyaument aimé vne dame,
& il s'appercoiue qu'elle vueille le trahir: s'il doit attendre; ou la guer-
pir.

LE QVENS DE LA MARCHE.

Ce Comte de la Marche vivoit du temps du fustdit, & composa plusieurs
chansons, en l'une desquelles il dit en substance que la premiere fois qu'il veit
sa dame il oublia de la saluer. Et ne fut merueille s'il se trouua lors esbahy: car
il ne se conseilla pas à son cœur, qu'elle auoit ià pris, & onques puis ne le re-
couura. Il nomme s'amie Biaux doux Rubis. Car tout ainsi (dit il) que c'est la
meilleure pierre des precieuses: aussi est elle le mirouër des autres dames. En
la x. chançon il dit, Que Lancelot n'aima tant sa Geneure, Qu'il est comme
le vaisseau cinglant en mer, ne sçachant où atriuer. Que sa dame passe toutes
autres comme vn beau bouton de roses espanyes.

QVENTIN RABINEAU Religieux de l'ordre des freres mi-
neurs de l'obseruance demeurant à Rouen au couuent dudit ordre, a
escrit.

De l'excellence & saincteté du pur & Saint Vierge Ioseph, Espoux de la tres-
digne Mere de Dieu, La Vierge honnoree. [impr. à Rouen 4°. par Martin Mo-
rin deuant Saint Lo 1507.

QVINTVS CVRTIVS.

Quinte Curce Historiographe, des Gestes d'Alexandre translate en françois,
on ne scait par qui: car le traducteur ne s'est point nommé. [impr. à Paris f. par
Iaques le Messier 1530.

QVINT. HORAT. FLACCVS.

Les Oeuures de Q. Horace Flacce. Venusin contenans Odes, Liures 1. 1. 1.
Epodes, Liure 1. Hymne seculaire. Satyres, liures 1. 1. Epistres, liures 1. 1. Art
Poetique traduites en vers françois par Luc de la Porte. Voyez françois Ha-
bert. Iaques Peletier. Iaques Mondot.

QVINT. FLORENS. SEPTIM. TERTVLLIANVS.

YY 2

Le

Le liure Apologetique, ou defense des Chrestiens contre les infideles & Payés par Florent Tertullien, Docteur ancien en l'Eglise primitiue & Chrestienne. Traduiçt de latin en françois, [impr. à Lyon par Iean Saugrain 1564.
 Liure de flor. Tertullien aux Martyrs estants en prison pour la foy de Iesus-Christ. Item à Scapula president & gouuerneur de Cartage qui persecutoit les Chrestiens. Traduiçts de mesmes. [impr. 8°. par le dict Saugrain 1565.
 Defenses contre les heretiques &c. voyez Audebert Macéré.
 De la couronne du Soldat, voyez le dit Macéré.

LIURES D'AUTEVRS ANONYMES.

Le QVATERNAIRE Saint Thomas, autrement dict, les quatre choses. [impr. sans datte, nom, ny lieu.

LES QVINZE Ioyes du Mariage. [impr. à Lyon 4°. par Oliuier Arnoullet sans datte.

LE QVADRAGESIMAL Spirituel, ou la Salade du Carefme, Afauoir des febues frites, poix passez, la patee, la Lamproye, le saffren, les Oren- ges, les Pruneaux, les Figues: les Amandes, le Miel, le Pain, les Eschaudez, le vin blanc & rouge, l'Ypocras, les Inuitez au disner, les Cuyfiniers, les seruiteurs à table, les chambrieres seruans de Blanches nappes, Seruiettes, pots & vaisselle, les Graces apres disner, le Luc ou Harpe, la Dragee, Pasques flories, les grands Pasques. [impr. à Paris 4°. par Iean Saint Denys 1521.

QUESTIONS naturelles, Questions morales, Questions d'Amour. &c. [impr. à Lyon 8°. par Gabriel Corier.

QUESTIONS Enigmatiques &c. [imprim. à Lyon par Benoist Rigaud.

R A



RAMBAULD D'ORENGE, Sieur de Corteson, Poète prouensal viuoit du temps de l'Empereur Frederic second du nom, & portoit en ses armoiries de gueulles à l'estoille à seize rayons d'argent & en pied d'or, à vn cornet dazur. Petrarque faict mention de luy en son Triumphe d'Amour.

RAMBAULD DE VACHIERAS fut fils d'un cheualier de Prouence Sieur de Vachieres audict païs, bon Poète Prouensal, & Comique, se tint long temps avec le Prince d'Orenge qui luy fit de grands biens & faueurs, aduança sa poësie, & le fit cognoistre & priser aux plus grands de sa Cour qui prenoient plaisir à la rime Prouensalle. Quelque temps apres, & enuiron l'an 1218. se retira au Marquis de Montfer- rat. Mossen Bonifaci, avec lequel il demeura long temps, & là fut sur- pris de l'amour de Beatrix sœur du Marquis, qui fut mariee à Henry du Caret, à la louange de laquelle il trouua de fort bonnes chansons, la nommant par nom secret Mon beau Cheualier, chacun sçauoit bien que Beatrix luy portoit bonne affection: mais comme Princesse trespruden-

te

re pour ne donner soupçon à son mary, s'en deporta totalement, & Rambaud meü de fureur poëtique fit vne chanson conuenable à son faict, en diuers langages, que tout ainsi qu'elle auoit chagé d'opinion, de mesme il a chagé de l'agages. Le premier couplet en langue Prouensale dict, *Aras quand vey verdelar*. Le secöd couplet qui est en l'agüe Tuscane dit ainsi, *Isön quel che ben non ha*. La troisieme en François dit ainsi, *Belle douce Dame chere*. La quatriesme en Gascon dit ainsi, *Dauna, yeu my rend a bons*. Et la cinquiesme en Espagnol dit ainsi, *Mas tan temo vuestro pletto*. Et le couplet final est entremeslé desdictes cinq langues. Le Marquis allant en la Romanie accompagné de Baudoin Cötre de Flandres, Henry Comte de Saint Paul, & Louys Duc de Sauoye, qui s'estoyent croisez cötre les Sarrazins, & Remond Marquis & Comte de Prouence, mena avec luy Rambaud, & le fit Cheualier, & tous ces Princes & Seigneurs l'enrichirent de grandes seigneuries, & mesmes l'Empereur Frederic. du nom, en la presence duquel il auoit souuent chanté & recité plusieurs de ses chansons, pour le grand plaisir qu'il prenoit en la rime Prouensale, auquel il donna le gouuernement de Salonic qu'il auoit gaigné sur les Sarrazins, là où il mourut en l'an 1226. encor de bon eage. Il a fait vn traicté intitulé *Lous plours del Segle*, en rime, auquel il escript la felicité que Dieu donna à l'homme & à la femme quand il les colloqua en paradis, & les maux qui en sont prouenus pour auoir transgressé ses commandements. Le Monge de Montmaior decoupe ce traicté, & le reiecte tant loing, disant, que ce sont raisons reprouuées de tous, & que ce Rambaud estoit fol & transporté de sens. Petrarque toutesfois faict mention de luy.

RAOVL LE FEVRE Chappellain de Philippe Duc de Bourgoigne a escript, Le Recueil des histoires Troyennes, où est contenu la Genealogie de Saturne, & de Iupiter son filz, avec leurs gestes: les prouesses d'Hercules: la maniere cöme il destruit Troye par deux fois: la reedificatiö faicte par le Roy Priam, & finalement la totale destruction d'icelle faicte par les Grecs. [impri: à Paris 4°. par Denys Janot 1532.

RAOVL GALTERE L'Antechrist, où sont contenues cinq Homelies ou sermons: escript premierement en Latin par Rodolphus Galtherus de Zurich, & traduit en françois. [impr. à Lyon 8°. par Nicolas Barbier 1559. *Caluinique*.

RAOVL DE HOVDANC qui viuoit en l'an 1220 a composé en rime le Romât des Aelles & vn fabliau ou cöte faict à plaisir sous vn sens moral, & intitulé, La voye ou songe d'enfer, qui est en somme le chemin que treuvent ceux qui cerchent la cour du seigneur d'enfer.

RAOVL DE MONTIFIQVET a escript en rime Le guidon & gouuernement des gens mariez. [impri. à Lyon 8°. par Oliuier Arnoullet sans d'atte.

Exposition sur l'oraison Dominicale en prose. [imprim. à Paris 16°. par Pierre Gaultier 1545.

RAOVL DV MONTVERD a escript premierement en Latin, puis en françois

Les fleurs & secrets de Medecine, [impr. à Lyon par Oliuier Arnoullet. Avec la Physique des mois, pour gens malades, commençans à Ianuier, & finissans à Decembre. Ensemble la petite Astrologie des Bergiers.

RAOVL DE PREVLLES a traduit

Les **xxii** liures de Sainct Augustin de la cité de Dieu, & a dedié la dicte traduction au Roy de France Charles le quint. [impr. à Abbeville f. par Jean du Pré & Pierre Gerard 1486. & depuis à Paris aussi. f. par Galiot du Pré 1531.

RAOVL SVRGVN Seigneur de Belle-croix, premier & ancien Advocat du Roy à Angers a escrit vn Traicté contre certaines Remonstrances faictes à la premiere assemblee des Estats tenus à Angers le 14 Octobre 1560. [impr. à Paris 8°. par Nicolas Chesneau 1562.

REMOND BERENGIER Comte de Prouence, & de Forcalquier, fils de Ildefons Roy d'Arragon Comte & Marquis de Prouence yssu de ceste noble & illustre famille des Berengiers d'Arragon, fut bon poëte Prouensal, amateur des gens de sçauoir & mesmes de ceux qui escriuoient en nostre langue Prouensale, fut Prince plain d'humanité, benign, & misericordieux, il fut si heureux que tant qu'il fut en regne apres le decés de son pere Ildefons, il acquit beaucoup de pays, plus par sa prudence que par armes: espousa Beatrix, sœur de Thomas Comte de Sauoye princesse autant sage que belle & vertueuse, à la louange de laquelle plusieurs de nos poëtes Prouensaux firent vne infinité de chansons, de sons & sonnets qu'ils luy adressoyent, desquels elle reputoit cela à vn tresgrand honneur, & pour recompance les enrichit d'armes, de cheuaux, de draps, & d'argent. Ce Comte eust d'elle quatre belles filles, sages, & vertueuses, toutes mariees par vne grande felicité à des Roys & souverains princes, par le moyen & industrie d'un sage pelerin qui fut vn long temps gouuerneur de son hostel, la premiere nommée Marguerite fut mariee à Sainct Louys Roy de France: la deuxiesme Helyonne, ou Eleonore à Henry 3. du nom, les autres escriuēt à Edoard Roy d'Angleterre: la troisieme Sance à Richard d'Angleterre, & depuis Roy des Romains: & la quatrieme Beatrix, qui fut par le testament du pere declaree heritiere de Prouence, mariee à Charles frere de Sainct Louys Roy de France, qui fut depuis Coronné Roy de Naples, & des deux Sicilles. Le Monge des Isles d'Or & Sainct Cezari ont escrit, que tant que ce bon prince fut en vie iamaïs n'en fut trouué vn qui portast plus de faueurs aux poëtes Prouensaux, ne duquel les Prouensaux se foyent trouuez plus heureux, ne moins chargés de tailles, iamaïs ne furent contraincts payer aucuns impôts *Toltes, quistes, ou Adempres* (que nous disons leuees de deniers, quistes ou emprunts) trespassa fort ieune eagé de 47 ans en l'an 1245. Le Monge de Montmaïour medisant de luy, à bon droit le nomme en sa chanson *L'inconstant Cathalan*, lequel pour auoir creu trop legerement les mesdisans (qu'il nomme *Las mallas Goullas*) & ennuié de la cour, donna congé au pelerin (qu'on nommoit *Le Remetto*) qui tant heureusement & sainctement conduisoit les affaires de son hostel, & qui fut cause que ses 40 filles furent mariees à des Roys. Il le nomme aussi le prince ingrat & sans raison. Dante fait ample mention de ce poëte.

REMOND

RÉMOND IOVRDAN fut des Vicomtes de saint Antoine en Quercinois, homme de grande dextérité, courtois, beau, vaillant aux armes, large & liberal, bon poëte en toutes langues vulgaires, se delectât plus à la poésie Prouensalle qu'en nulle autre, cōme étant la plus commune de ce temps, en laquelle toutes nations se delectoyēt à escrire, se vint retirer en Prouence au service de Remond Berenguiier fils d'Ildefons second du nom roy d'Aragon Comte de Prouence duquel il fut grandement aymé & prisé, & de tous les gentilshommes de sa cour, fut amoureux de Mabilie de Ries noble dame de Prouence à la louage de laquelle il fit plusieurs chasons, sans qu'elle le voulust iamais aymer, ne moins en faire semblât, pour ne donner soubçon à son mary: le Vicomte estant allé à l'expédition de la guerre qu'on auoit dressée contre le Comte Remond de Thoulouse fut rapporté à Mabilie qu'il y auoit esté tué, dont de douleur elle print la mort, le Vicomte estant de retour, ayant entendu la mort de ceste dame l'immortalisa d'une belle & grande statue de marbre en forme de Colosse qu'il fit mettre dans l'Eglise du monastere de Monmaïour, ou il se redit religieux, & là demeura à la vie contemplatiue, sans faire vne seule rime, ne chanson. Il composa vn traicté, intitulé *Lon fantaumary de las domnas*, florissoit du temps de Guilhem Adhemar, & deceda du temps que l'Euesque de Cuzeran legat d'Avignon pour Innocent Pape troisieme du nom fit demolir le chasteau du Pont de Sorgue qui estoit du Comte Remond de Thoulouse accusé d'heresie, enuiron l'an 1206. parce que plusieurs des gens dudit Comte de Tholose s'estoyent retirez là, faisans plusieurs brigandages.

RÉMOND Feraud gentil-homme Prouensal, auoit esté toute sa vie amoureux, & vray courtsan, suyuant la Cour des Princes, & bō Poëte Prouensal. La Roïne Marie issue de la maison d'Hongrie, femme de Charles 2. du nom Roy de Naples, Comte de Prouence, le retint à son service parce qu'il escriuoit fort bien & doctement en langue Prouensalle, ainsi qu'on peut voir en la vie d'Andronic fils du Roy d'Hongrie, surnommé saint Honnoré de Lirins, par luy traduite du Latin, & mis en rime Prouensalle à la requeste de ladicte Roïne d'Hongrie, à laquelle il dedia l'œuvre en l'an 1300. En recompense duquel elle luy fit auoir vn prioré dependant du monastere de saint Honnoré en l'isle de Lirins en Prouence. On ne trouue qu'il aye rien escript d'Amours: car pour ne donner mauuais exemple à la ieunesse il le mit au feu: & en laissant ceste vie print la contemplatiue, & se rendit religieux audit monastere de saint Honnoré, receut de grâdes faueurs de Robert Roy de Naples, Comte de Prouence, du temps qu'il estoit Duc de Calabre. Car voyant que ce Prince en sa ieunesse prenoit plaisir aux lettres, à cognoistre les nombres, les dimensions, & les proportions & mesures pour mieux entredre l'art de bastir & fortifier, faire ports, ou machines necessaires à la guerre, qu'il scauoit de la geometrie, & architecture, & qu'il estoit Prince benin, aymant Dieu, apres qu'il fut couronné Roy de Sicile, fit plusieurs rimes à sa louange, l'an de son trespas se trouue aux registres dudit monastere, que fut enuiron le temps que dessus.

RAYMOND FILLIOLI Docteur regent en Medecine en l'vniuersité de Cahors a escrit,

Traicté des playes faites par arquebousades & tous bastons à feu, contenant la

vraye cure d'icelles par remedes secrets & heureusement experimentez. [imp. à Paris 8°. par Henry le Blé 1578.

RAYMOND SEBOND,

Theologie naturelle &c. Voyez Jean Martin.

Le liure des creatures &c. Voyez Michel de Montaigne.

REMY BELLEAU excellent Poète françois & consommé en la langue Greque, autresfois precepteur de M^{rs} le Marquis d'Elbeuf, a faict des doctes commentaires sur la seconde partie des Amours de Pierre de Ronfard. [impr. par diuerſes fois chez Gabriel Buon avec les œuures du meſme Ronfard.

Ode pastorale sur le trespas de Ioachin du Bellay. [impr. par Robert Estienne 1560.

La Bergerie.

Les Eschanges ou les Gemmes & pierres precieuses.

Eclogues sacrees, & autres poësies.

Il a traduit les Odes d'Anacreon Teien Poète Grec: l'Ecclesiaste de Salomon & plusieurs autres choses imprimees toutes en vn volume 12°. à Paris par Marmert Patisson, & Robert le Maignier, ſoubs le titre,

Oeuures de Remy Belleau.

Il a escrit aussi vn Poëme intitulé, L'innocence prisonniere, & vn autre nommé La verité, fuytiue. [impr. hors du volume de ses œuures, & qui ont esté traduits en vers Latins par Florent Chrestien.

RENAUD DE BEAUNE premierement Euesque de Mende, Chancelier de monsieur le Duc d'Anjou fils & frere de Roy,

Remonstrance du Clergé de France faicte au Roy par messire Regnaud de Beaune, Archeuesque de Bourges, Primar d'Aquitaine, assisté de messieurs les Reuerendissimes Euesques de Bazas & Noyon, & autres deputez dudit clergé à Fontainebleau le 17. Iuillet 1582. [impr. audit an.

Sermon funebre par luy prononcé le 6. Decembre 1583. en l'Eglise sainte Catherine du Val des escoliers à Paris, aux obseques de messire René de Birague Cardinal, Chancelier de France. [impr. par Gilles Beys.

Ila aussi faict & prononcé le Sermon funebre aux obseques de tresillustre Prince François Duc d'Anjou &c. fils & frere de Roy. [imp. à Paris.

RENAUD GREBAN a composé quelques œuures en rime françoise que j'ay veu autresfois. Autres deux Grebans ses freres ont aussi fait plusieurs rimes.

Monsieur RENAUT DE SABVEIL est fort estimé par l'auteur du Romans Guillaume de Dole, qui parle de luy ainsi:

Des bons vers celui de Sabueil

Monseignor Renaut luy souuient.

Il se trouue de luy vne chanson, commençant,

Ja de chanter en ma vie

Ne quier, mais auoir courage:

Ains

*Ains voil mieux qu'amors m'occie,
 Por fere son grant damage.
 Car iamaiz si finement
 N'ert aimee ne seruie:
 Por c'en chasti tote gent,
 Quel ma mort & li traie.
 Las i ai dit par ma folie,
 Ce sçai de voir grant outrage:
 Mes à mon cuer prist enuie
 D'estre legier & volage.
 Ha dame si men repent,
 Mes cil à tart merci crie,
 Qui atent tant qu'on le pent:
 Poc c'ai la mort deservie.*

Guiot en sa bible, nomme Robert de Sabueil entre les princes & seigneurs ses biens-fauteurs.

RENE BENOIST Angeuin docteur regent en la faculté de Theologie à Paris, maintenant curé de S. Eustache a escrit plusieurs liures & traictez desquels voicy le Cathaloque.

La maniere de cognoistre salutairement IesusChrist, en laquelle ouuerte-ment par l'expresse parolle de Dieu le masque des hypocrites, Pharisiens, Heretiques & tous autres faulsemēt s'attribuants la cognoissance de l'eternelle & celeste verité est decelé & rabatu, Ordonnee en 5. liures distinguez par chapitres & [impri. à Paris 8°. par Guillaume Guillard & Amaulry VVarencore 1561.

Homelie de la natiuité de IesusChrist en laquelle est clairement mōstré l'office du vray Chrestien. [impr. par Claude Fremy à Paris 1558.

Manifeste & necessaire probation de l'adoration de IesusChrist Dieu & hōme en l'hostie sacree, rāt en la Messe qu'en tout autre lieu auquel elle est presentee aux Chrestiens, & principalement es processions que font conformement à la parolle de Dieu les vrais Chrestiens le iour de la feste du sainct Sacremēt. [imp. à Paris 8°. par Guillaume Chaudiere 1562.

Responſe à quelque remonſtrance faite à la Royne mere du Roy par ceux qui se disēt persecutez pour la parolle de Dieu. A messieurs les reuerēdissimes prelatz de France assemblez à Poissy pour la religion en l'an 1561. [imp. à Paris 8°. par Guillaume Guillard & Amaulry VVarencore 1562.

Le Triumphe & excellente victoire de la foy par le moyen de la veritable & toute puissante parolle de Dieu. [impri. à Paris 8°. par Nicolas Chesneau 1562.

Claire probation de la necessaire manducation de la substancielle & reale humanité de IesusChsift, vray Dieu & vray homme, au sainct Sacrement de l'autel contenant plusieurs autoritez de la saincte escriture & des anciens docteurs de l'Eglise. [imp. à Paris 8°. par Nicolas Chesneau 1561.

YY 5 Epistre

Epistre Consolatoire aux habitans de la ville de Nantes affligez de Peste. [impr. à Paris 8°. par Nicolas Chesneau 1564.

Traicté des dismes, Auquel clairement est montré, que de tout droit & raison, tous Chrestiens sont tenus de payer les dismes, Premices & oblations aux pasteurs de l'Eglise: Aussi que iceux pasteurs, par tout droit sont tenus & obligez de bailler & administrer les choses spirituelles & diuines à ceux desquels ils reçoient les dismes & autres choses temporelles. [Impri. à Paris 8°. par Nicolas Chesneau 1564.

Vn traicté des Images des Chrestiens, & du vray vſage d'icelles, [impr. à Paris par Nicolas Chesneau 1564.

Les lamentations & pleurs d'Origene, esquelles est montré le danger qui est en la frequentation & familiarité des Heretiques, & le mal qu'encourent ceux qui les fauorisent: traduit du latin du mesme Origene, [& imp. à Paris par Nicolas Chesneau 1563.

Epistre à Ieā Calvin pour luy remonſtrer qu'il repugne à la parole de Dieu en ce qu'il a escrit des Images des Chrestiens. Auec vn chrestien aduertissement à luy mesme de se reünir à l'Eglise Catholique & Romaine. [imp. à Paris 8°. par Nicolas Chesneau 1564.

Discours du miracle des Ardents du temps de Louys le Magnanime fils de Philippes Roy de France. Auec vn petit traicté des processions des Chrestiens: [imp. à Paris 8°. par Thomas Belot 1564.

Admonition charitable aux sincerés Catholiques de ne reuoquer ou destourner en quelconque maniere que ce soit du saint propos & affection de la religion votuë ceux ou celles qui voyët. y aspirer: cōme aussi ceux qui s'y sentent appelez de Dieu de demeurer constans & se preparer à toutes tētations & afflictions du monde tousiours ennemy de Dieu & de son pur seruice. [impri. à Paris 8°. par Iean Postel.

Refutation d'un liuret diuulgué au nom de Iean de l'Espine auquel violēant & detorquant l'escripture sainte il blaspheme le saint sacrifice Euangelique dict vulgairement la sainte Messe. [imp. à Paris 8°. par Guillaume Chaudiere 1565.

Traicté du saint Ieusne du Careſme: où il est montré iceluy estre de l'institution de Iesus Christ & commandement de Dieu. Auec la troisieme epistre à Calvin, Beze, & tous autres partisans de sa secte, en laquelle de point en point & presque de mot à mot est respondu à ce qu'il escrit en son institution contre le Ieusne, discretion des viandes & abstinence du Careſme. [imp. à Paris 8°. par Guillaume Chaudiere 1566.

Premier liure de la communion des saints, &c. [impr. à Paris par Guillaume Chaudiere 1565.

Aduertissement à l'homme Chrestien de la veneration & adoration de l'hostie sacree contre les sectaires, traduit des escrits latins de maistre I. Michel docteur de Paris chanoine de Constances [impr. à Paris 8°. par Guillaume Chaudiere 1567.

Cathechisme ou instruction populaire, &c. [imp. à Paris par Guillaume Chaudiere 1566.

Inſtru

Instruction pour tous estats, &c. [imp. à Paris par Nicolas Chesneau 1564.

Traicté de l'autorité des Conciles. [impri. à Paris par Nicolas Chesneau 1566.

Exhortation Chrestienne aux fideles & esleuz de Dieu de batailler par tous moyes possibles pour le grād seigneur contre l'Antechrist. [imp. à Paris 8°. par Guillaume Chaudiere 1566.

Aduertissement par lequel aysement tous troubles & differens tant touchant la Croix de Gastines de laquelle y a si grande altercation en la ville de Paris, que autres concernans la religion seront assoupis & ostez. [imp. par Thomas Bellor 1572. à ce liure fut faicte vne respóce par quelque Ministre anonyme, que l'on à veüe imprimee.

Discours en forme de Dialogue, ou histoire tragique, en laquelle est nayfue-mēt depeinte & descripte la source, origine, cause & progres des troubles, partialitez & differents qui durent encores aujourdhuy, meus par Luter, Caluin & leurs coniuers & partisans contre l'Eglise Catholique, traduit du Latin de Reuerend Pere Guillaume Lindan Euesque Aleman. [imp. à Paris 8°. par Guillaume Chaudiere 1570.

Antithese des bulles du Pape, Vicaire de IesusChrist, & des Huguenots touchant la remission des pechez, &c. [impri. à Paris par Nicolas Chesneau, 1566.

Discours auquel est clairement monstré que quand il y a question touchant la foy & religion Chrestienne, il faut en demander la resolution aux pasteurs de l'Eglise Catholique, & s'arrester à leur determinatió faite en concile general où Dieu assiste tousiours à son Eglise. [impri. à Paris 16°. par Nicolas Chesneau 1573.

Discours & resolution de l'vsure &c. [impri. à Paris par Nicolas Chesneau 1566.

Maniere de se preparer à la solénité de la natiuité de IesusChrist, traduit des tescrits de S. Augustin. [à Paris par Guillaume Chaudiere 1566.

Aduertissement du temps des Ministres & des fruits des doctrines nouuelles. 8°. par Guillaume Chaudiere 1566.

Exhortation aux François & principalement Parisiens de recepuoir humainement les religieux de l'ordre de S. François en la celebration de leur chapitre general & electiό d'un Ministre general assignee en la ville de Paris pour l'annee 1579. aux iours & aux octaues de Pétecoste. [imp. à Paris par Nicolas Chesneau 1579.

Premiere remonstrance aux Religieuses professes, qui ont esté seduities & debauchees, sous pretexte d'une liberté Euangelique, & licite mariage. [impri. à Paris 8°. par Nicolas Chesneau 1565.

Seconde remonstrance aux mesmes, &c.

Traicté monstrant qu'il faut dire la Messe en Latin, 8]°. par Guillaume Chaudiere 1565.

Exortation Chrestienne pour batailler contre l'Antecrist &c. [imp. à Paris 8°. par Chaudiere 1565.

La maniere de bien & salutairement se confesser, avec la correction de la confession de Martial Mafurier, Chanoine & penitencier de Paris. [A Paris 8°.

par

par Guillaume Guillardet Thomas Belot 1565.

Traicté du Sacrifice Euangelique de la sainte Messe, &c. [à Paris, par Chefneau 1564.

Respôce pour la Messe à vne damoiselle, &c. [imp. 8°. par Guillaume Chaudiere 1565.

Traicté auquel est monsté que la confession sacramentale dite vulgairement auriculaire est de droit diuin. [impr. avec vn autre traicté de maistre Pierre Caroli sur mesme matiere à Paris 8°. par Sebastien Niuelle 1567.

Responce à ceux qui appellent idolatres les Chrestiens & vrais adorateurs, en laquelle est monsté que c'est qu'adoration, à qui est deuë adoratiô, & quelle difference il y a entre l'adoration des creatures & la vraye & souueraine qui est deuë à Dieu seulement. [imp. 8°. par Guillaume Chaudiere 1567.

Discours du fondement du Purgatoire apres ceste vie : des indulgences, pardons & de satisfaction, troisieme partie de penitence. [impri. à Paris 8°. par Nicolas Chesneau 1566.

Catecheses, ou instructions touchant les points à present controuersez en la religion, accommodees aux Euangiles d'un chacun iour du careme : proposees en sermons en l'Eglise saint Eustache l'an 1573. pour ceux qui ont esté mal instruits & Catechisez par les Heretiques. [impr. 6°. par Nicolas Chesneau 1574.

Catechese, & instruction touchant les ornemens, vestemens, & parures des femmes Chrestiennes. Avec vne autre Catechese de la penitence, vn aduertissement de S. Augustin de la maniere de faire penitence, & vne exhortation de Sainct Ambroise à vraye penitence. Plus vne instruction de la femme mariee [Le tout imp. 16°. par Nicolas Chesneau 1574.

Exhortation Catechistique du mariage en laquelle est enseigné ce qu'il faut faire pour se marier heureusement avec la grace de Dieu. [imp. à Paris 8°. par Jean Postel.

Catechese, ou maniere de salutairement prier Dieu, avec deuotion & fruit spirituel : le tout accommodé aux prieres publiques extraordinaires faictes à Paris és années 1574. & 75. en diuerses Eglises. [impri. 8°. par Jean Poupy 1573.

Catholique discours des chandelles, torches, & autre vsage du feu en la profession de la foy & de la religion Chrestienne, où est spécialement traicté des chandelles que portent processionnellement les Chrestiens le iour & feste de la purification de la glorieuse vierge Marie mere de Dieu. [impr. à Paris 8°. par Jean Poupy 1575.

Le grad ordinaire ou instruction commune des Chrestiens. Auquel sont contenus & enseignez les principaux fondemens de la religion Chrestienne pour salutairement viure en l'obseruance des commandemens de Dieu & tenir le chemin de salut avec trois traictes fort vtils à ceux qui desirent viure chastement tant en religion que dehors. [impr. à Paris 8°. par Guillaume de la Nouë 1580.

Meditations Catechistiques vtils à toutes personnes deuotes pour profiter en la leçon du liure dict anciennement, *Grand vita Christi*. Et plusieurs particuliers

liers traictez esquels il est discouru des choses les plus nécessaires à tous Chrestiens, mais principalement à tous religieux & religieuses. [impr. à Paris f. par Nicolas Chesneau 1582.

Deuotes oraisons qui peuuent estre dictes vtilement par tous bons Chrestiens pour obtenir de Dieu sa grace en toutes choses, qui sont comme vn formulaire iournal des saintes prieres en toutes occurrences à toutes personnes de tous estats. [imprimé à Paris 16°. par Guillaume de la Nouë 1582.

Manuel des Chrestiens qui veulent profiter en l'ouye des sermons & predications : comme aussi des predicateurs qui desirent prescher selon l'intention & intelligence de l'Eglise Catholique, contenant les Epistres & Euangiles des saints Dimanches & principales festes de l'annee, accompagnée chascune d'un sommaire au commencement & d'une oraison à la fin. [impri. à Paris 16°. par Guillaume de la Nouë 1582.

Traicté de la predication & ouye de la parole de Dieu. l'Ecclesiaste ou prescheur de Salomon avec briefue explication & Scholies pour le bien & instruction du simple peuple, & aussi des pasteurs & prescheurs. [imp. à Paris 16°. par Guillaume de la Nouë 1582.

Traicté des Causes des malefices sortileges & enchantements. Avec vn fragment extraict d'un plus ample traicté de la Magie reprehensible & des Magiciens, contenant 19. chapitres. [impri. avec le liure de Pierre Macé sur ceste matiere, à Paris 8°. par Jean Poupy 1579.

Exhortation au peuple de toute la France & principalement à ceux de Paris les aduertissant de prier Dieu pour le Roy tres-Chrestien & les Estats assemblez à Bloys, le tout estant accommodé au cantique que firent les Anges à la natiuité de nostre Seigneur. [imprimé à Paris.

Epistres & Euangiles des dimanches & autres principales festes, exposees par scholies & familiares explications. [impri. à Paris parmy les trois volumes de la vie des Saints chez Nicolas Chesneau.

Diuers Opuscles contenus au second volume de la vie des saints. Assavoir, des Iours des Rogations, ou les letanies, en 8. chapitres. De la necessaire recognoissance de Dieu par dismes, Premices, Sacrifices, Oblations; chapitres 14. Avec la Prophetie de Malachias. Les 3. Epistres Catholiques de Saint Iean Apostre, avec arguments & scholies ensemble les deux de Saint Pierre, & celle de Saint Iude. Aussi avec arguments & scholies. Sermon de Sainte Catherine prononcé au monastere de Montmartre. Sommaire de tout l'office de la vigille de Noël. Ensemble de la feste Saint Estienne. Plus de la feste Saint Pierre & du iour des octaues de Saint Pierre & saint Paul. Avec scholies & expositions selon les quatre sens de l'Eglise, Assavoir Literal, Allegoric, Moral & Anagogic. Du bastiment des temples materiels, pour l'exercice & profession de la religion, à l'honneur & exaltation du S. nom de Dieu.

ZZ

Discours

Discours monstrant par l'escripture sainte & expresse parolle de Dieu, que Dieu remettant par sa grace la coulpe du peché il ne remet tousiours la peine entierement; ains veut que l'homme luy satisfasse. Ce qu'est le fondemēt de satisfaction troisieme partie de penitence, des indulgences, ou pardons & du purgatoire apres ceste vie contenu au 3. Tome de l'Histoire de la vie des Saints.

Il auoit faiēt imprimer vne Bible en François. Avec preface, Argumens & Annotations; mais les Docteurs Theologiens de Sorbonne l'ont censurée pourautant qu'ils n'approuuent point que les S. Liures de la Bible soyent mis en langue vulgaire, pource aussi qu'il auoit pris aucunes d'icelles Annotations sur les Exemplaires des Bibles traduites par les ministres de Geneue, & dit en sa Preface que les heretiques parmy leurs propos peuuent dire quelque chose de bon.

Modus Tollenda religionis discordia, certus ac necessarius [Parisys apud Nicolaum Chesneau 1562.

Articuli sacrae facultatis Theologiae Parisiensis, circa dogmata religionis Christianae controuersa [Parisys apud Guillelmum Guillard 1564.

Tractatus de indulgentijs, &c. [Parisys apud Guillelmum Guillard 1566.

Panoplia catholicorum aduersus omnes nunc vigentes haereses, &c. [apud Nicolaum Chesneau 1566.

Ad pios & catholicos Scotos Impia-Geneuensis factionis ministrorum truculenta atque satanica barbarie & ferocitate diuexatos & oppressos pro fidei & religionis antiqua, solius salutaris & vera professione semper retinenda, simplex & catholica cohortatio. [Parisys apud Nicolaum Chesneau 1581.

RENE DE BIRAGVE Mylanois Cheualier premierement President pour le Roy au souuerain Senat de Piedmont, puis gouverneur & Lieutenant general pour sa magesté en la ville de Lyon, & de là appellé à l'office de Chancelier de France, & apres le decés de Madame la femme créé Cardinal par le Pape Gregoire x i i i. A prononcé plusieurs harangues en matiere d'estat & faiēts de grande importance, desquelles celle qu'il feit en l'assemblee des Estats tenus à Bloys l'an. 1577. qui est fort succincte & neantmoins de grād poix, a esté imprimee à Paris audict an. Il decēda en Nouembre 1583. aagé de 76. & fut enterré à sainte Catherine du Val des escoliers avec sa femme, à laquelle il auoit faiēt esleuer vn assez magnifique Tombeau.

RENE BRETONNIER Medecin natif de Vernantes en Aniou a escrit en vers

La generation de l'homme & le temple de l'ame. Avec autres œuvres Poë-
tiques extraictes de son Esculape, Assauoir, La conception de l'homme & de
la sterilité, des causes d'icelle & de sa curation. La Fabrique de l'œil. Le cœur
& le soleil du petit monde, où il y a vn ample discours des poulx & du Ris.
Le foye, ou le temple de nature humaine. Le Phrenetique & sa cure. Le Me-
lancolique & sa cure. La pierre & sa cure. L'a colique & sa cure. Les Gouttes
des hemorrhoides & leur cure. La decoration & embellissement de la face, des
dents & des mains, Avec vn ample discours sur lesdits mains. Le Singe. [impri.
à Paris 4°. par Abel Langelier 1583.

RENE CHOPIN Aduocat Au Parlement de Paris à mis par es-
cript,
Oraison pour le Clergé de France prononcee par René Chopin plaidant pu-
bliquement au Parlement de Paris touchant les reachepts Feudaux pretendus
sur les terres Ecclesiastiques. [imprim. à Paris 4°. par Nicolas Chesneau
1580.

*Renati Chopini Andegani. I. C. & in curia parisiensi. causarū patroni de
legibus Andium Municipalibus libri 3. Itemque prauius tractatus de
summis gallicarum consuetudinum regulis. [Parisi. f°. apud Nicol. Ches-
neau 1581.*

*Eiusdem de Sacra Policia forensi libri tres. [Parisijs 4°. apud Nico-
laum Chesneau 1577.*

*Item de Priuilegijs Rusticorum libri tres. 4°. apud Nicolaum Chesneau
1575.*

RENE DEDRAIN natif de Nantes Aduocat au siege Presidial de
Cahors en Quercy a escript des commentaires Latins sur les ordonnances du
Roy Charles I. x. impr. à Paris 8°. par P. l'Huillier 1571.

RENE FAME notaire & secretaire du Roy a traduit:
Les sept liures des diuines institutions de Lactance Firmian contre les gentils
& Idolatres. [impr. à Paris f°. par Galiot du Pré & Estienne Roffet 1544. Et à
Lyon 16. par Iean de Tournes 1555.

RENE DES FREVX religieux de l'ordre Sainct Benoist a
escriit vne briefue responce aux quatre execrables articles contre la Messe,
publiez par vn autheur incogneu. [imprim. à Paris par Nicolas Chesneau
1561.

Ila traduit du Latin de Iacques Noguer docteur en Theologie Doyen de
Vienne en Autriche.

Les marques & enseignes pour cognoistre la vraye Eglise de Iesuf-Christ d'a-
uec la faulse que les heretiques se forgent: diuisees en deux liures. [impri. 8°. à
Paris par Nicolas Chesneau 1564.

RENE HERPIN. Aunom supposé de cestuicy, Iean Bodin a escrit
vne Apologie pour sa Republique, contre Auger Ferrier & autres. [im-
prim.

prim. à Paris 8°. par Jaques du Puys 1581. de laquelle j'ay transcript icy ce qui s'ensuit. Ces propos seroyēt bōs à quelques Stoyques impassibles, ou en la Republique Ideale de Platon: mais au tēps auquel nous sommes, celuy qui souffre vne contumelie, par sa patience incite les autres à triompher de sa honte, comme il est aduenu à Bodin lequel ayant la plume en main, s'il eust respondu au premier qui s'est attaché à luy, il eust fermé la bouche aux autres. Mais quād les vns ont veu sa nonchalance, les autres l'ont plus hardyement assailly. Ioint aussi que la loy de Nature permet la iuste defense, quand on est offensé. Combien qu'il est malaisé de s'en acquiter en son propre fait, & croy que pour ceste cause nos peres ont sagement ordonné, que personne ne fust receu à plaider sa propre cause, comme il estoit anciennement, & est encores permis en plusieurs pays, parce qu'il est mal aisé, que celuy qui defend son honneur, (qui est plus cher que les biens & la vie) ne soit transporté de passions violentes, ou bien qu'il ne soit contrainct de faire beaucoup de choses, qu'on ne peut dire sans rougir de honte, & principalement quand il est question de l'honneur, qui se traite autrement que les anciens ne faisoient. Car quand la licence de mesdire, de laquelle vloyēt les Poètes, & ioueurs de farces en nommant vn chacun, qui s'appelloit *ἀσχαία νεμεσίου*, pour les querelles qui en auenoient, fut defendue sur grandes peines, & rigoureuses, chacun se gardoit bien d'escrire contre l'honneur de personne: mais quand il fut question de deffendre la religion contre les Atheistes, ou la Republique contre les oppresseurs d'icelle, la pieté enuers Dieu d'un costé, & l'amour de la patrie en l'autre a tousiours excusé les hommes ialoux de l'honneur de Dieu, & du bien public. Car comme disoit Theophraste, il est bien difficile que l'homme de bien s'abstienne de mesdire, parlant des meschans: comme sont les escrits d'Origene contre Celsus Epicurien, de Ioseph Hebreu contre Appion, de Sainct Cyrille, Basile, Gregoire, Nazianzene, & Nicephore Calliste contre Iulian l'Empereur, surnommé l'Apostat, & contre Porphyre & Procle, d'Epiphanius contre toutes les sectes de son temps, qui ont vsé d'un style aigre & piquant. Les Apologies de Tertullian, de Iustin, & d'Athenagoras l'orateur, sont beaucoup plus douces. Quand aux escrits des premiers auteurs, ils estoient comme saints & inuiolables. Car mesmes quand il aduint à Zoyle d'escrire vn liure contre l'honneur d'Homere, intitulé *Ὀλέως Ὀμήρου* pour ceste cause seulement il fut precipité du hault de la roche Scyrronide. Et iacoit que plusieurs trouuoient ses reprehensions fondees en quelques raisons, si est ce qu'il fut trouué inexcusable d'attenter à vn tel personnage, qui estoit à tous les peuples & princes comme vn patron d'honneur. Et mesmes Platon voulant clorre la porte de sa cité à Homere, par ce qu'il parloit des Dieux, à son aduis, trop irreueremment, si est ce qu'il luy donne vne couronne, & l'honneur de parfums. Dequoy neātmoins Denys d'Halicarnas indigné ne s'est peu tenir de respōdre à Platō qu'on estimoit alors comme vn Dieu, & s'en excuse enuers Pompee: toutesfoi il ne sort point des termes d'honneur, non plus que Platon

Platon escripuant de la Cyropédie de Xenophon, ny Xenophon corrigeant Platon sous la personne de Cyrus, iajoit que l'un jaloux de l'honneur de l'autre, ne se soyent aucunement nommez en leurs escrits, estans contraires en opinions: hormis qu'ils combattoient à qui feroit plus d'honneur à Socrate leur maistre. Car les maistres estoient tousiours honnorez comme peres. En quoy les Hebreux sont si religieux, que iamais ils ne parlent de leurs anciens, qu'ils ne mettent ceste preface d'honneur, de laquelle vsent les Roys en parlant de leurs peres, assavoir, *Leur memoire soit benie*, ou, *Qu'il soit en paix*. Ce que les Grecs ont gardé fort longuement: & mesmes le premier article du serment d'Hippocrate, porte qu'ils tiendroient leurs maistres comme leurs peres, & leurs enfans comme leurs freres, pour les nourrir, entretenir & enseigner gratuitement, avec execration à celui qui cõtreuiendroît au serment. Le premier qui viola les loix & religion d'honneur fut Aristote, lequel a esté blasme de tous les Academiciens, d'auoir non seulement repris son maistre à tort, ains encores, de l'auoir souuent calomnié. Car quand à tous les anciens Philosophes & Legislateurs, il ne les a pas espargnez. Et en s'excusant il dit: *φιλεῖ γὰρ ἀμφοτέρους, ὁ δὲ, πεινέειν δὲ τοὺς ἀκριβοτέρους*. Encores cela se faisoit en traittant quelque sciẽce. Mais il s'est trouué peu d'hommes qui ayent pris le subiect de faire liures pour inuectiuer, comme fait le Poëte Callimach contre son disciple Apollonius auteur des Argonautiques, pour son ingratitude, qui a esté suiuy d'Ouide *In Ibin*.

En un autre endroiẽt de la mesme Apologie.

Car quãd vous dites que vous estes Mathematicien, vous nous promettez que vous estes bon Arithmeticien, nõ pas seulement pour chiffrer, ce que font biẽ les marchans en leurs boutiques, mais aussi pour sçauoir accommoder les nombres à toutes quantitez commensurables, mesmement pour les raisons que les Mathematiciens appellent *ἀριθμοί*. Et si faut sçauoir la vraye Theorie des nombres. Il faut aussi bien entendre la Geometrie, la Geodesie, l'Optique, la Catoptique, L'Astrologie, qui n'est pas faire des natiuitẽs (que ceux mesmes qui ne sçauent rien des vrayes Mathematiques ne font que trop) mais la vraye science des mouuemens celestes, des aspects & grandeurs des Planettes, & estoilles fixes, de la proportion qu'elles ont entre elles & avec la terre, & de la distance d'icelles au centre du monde, & leur force & vertu qui est comme disoit Platon, *πορὰ τὴν βαθεῖαν*, c'est à dite, vn abisme. Brief, il faut sçauoir la Cosmographie, Geographie, Corographie, puis apres la Musique, qui n'est pas seulement chanter, comme il est requis, ains aussi faut entendre la Theorie des trois genres de Musique, les differences & forces de tous. Voila ce qu'importe la qualite de Mathematicien, &c.

RENE DE L'ORME Gentilhomme Breton a tiré & imité du second liure de la I'Herusalem de Torquato Tasso
Les Amours d'Olinde & Sophronie. Non encor impri. & dont le commencement est tel.

ZZ 3 la

*La ton Camp Godefroy tu renevas en bataille,
Pour te rendre vainqueur de la sainte muraille,
Ou le Sauveur Jesus de son sang precieux
Vint laver les pechez du monde vicieux &c.*

RENE MACÉ Religieux du monastere de la Trinité à Vendosme a
escriit deux liures en rime intitulez,
Le bon Prince. Au Roy tres-chrestien François premier de ce Nom. Non im-
primé.

ROBERT GARNIER Lieutenant general criminel au siege Presi-
dial & Seneschaulcee du Mayne sur tous les geres de Poëmes a choisy le Tra-
gique, pour s'y adonner entieremét, auquel il a si doctement & grauement es-
crit qu'il surpasse tous ceux qui s'en sont voulu mesler voyre semble ne ceder
aux Grecs, lesquels il a imité, mais si bien, qu'ils estoient viuas on ne scauroit
iuger s'ils auroient emprunté de luy ou luy d'eux. Les Tragedies que iusques
icy il a mys en lumiere sont,
Porcie. Hippolite. Cornelia. Marc Antoine. La Troade. Antigone, ou la Pieté.
Bradamant. Sedechie, ou les Iuifues. Toutes imprimees en vn volume 12°. à
Paris par Mamert Patisson 1582. Il auoit escriit estant escolier en l'vniuersité
de Tholose quelques œures poëtiques intitulees,
Plaintes Amoureuses de R. Garnier Manceau, contenant Elegies, Sonetz, Epi-
tres, chansons. Plus Deux Eclogues la premiere apprestee pour reciter deuant
le Roy & la seconde recitee en la ville de Tholose deuant la magesté du Roy.
[impr. à Tholose 4°. par Iaques Colomiez 1565.

L'Hymne de la Monarchie. [impr. à Paris 4°. par Gabriel Buon 1567.

Sentences tirees des tragedies de Rob. Garnier. En la Porcie.

*O combien roulent d'accidens
Des Cieux sur les choses humaines:
De combien d'effets discordans
Ont ils leurs influences pleines.
Après les grandeurs incertaines
On se tourmente vainement:
Car comme elles viennent soudaines,
Elles sen vont soudainement.*

*Nostre courte felicité
Coule & recoule vagabonde,
Comme un gallion agité
Des Vagues contraires de l'onde.
Celuy qui volage se fonde
Sur un si douteux fondement,
Semble qu'en l'arene infconde
Il entreprenne un bastiment.*

*La fortune n'outrage pas
Volontiers les personnes basses,
Elle n'appesantit ses bras
Que sur les plus illustres races.
Les Roys craignent plus ses menaces,
Que les durs laboureurs ne font:
Et le foudre est souvent aux places,
Qui se montaignent plus le front.
Les edifices orgueilleux
Voisinans le ciel de leurs testes,
Ont tant plus le chef sourcilleux
Batu d'ordinaires tempestes,
Qu'ils esleuent plus haut les crestes:
Et les Aquilons furieux
Ne battent gueres que les festes:
Des rochers plus audacieux.*

Mais

*Mais les cases des pastoureaux, Lupin ne darde son tonnerre
Qui s'applatissent contre terre, Contre les humides Vallons:
N'ont peur des foudres estivaux, Et les arbres n'ont iamaïs guerre
Ny des vents que l'hyuer desferre: Contre les roides Aquilons. &c.*

*----pour un temps les mesfaits
Demeurent impunis à ceux qui les ont faiets
Et mesme diroit on, voyant que la fortune
A leurs mauuais desseings ne se monstre importune,
Que les Dieux sont pour eux, mais il le font expres,
Afin de les punir plus aigrement apres.*

En l'Hippolite.

*Amour est un serpent, un serpent voirement,
Qui dedans nostre sein glisse si doucement
Qu'à peine le sent on: mais si l'on ne prend garde
De luy boucher l'entree, & tant soit peu l'on tarde.
Bien tost priuez d'espoir de toute guarison
Nous aurons nostre sang infect de sa poison:
Et alors (mais trop tard) cognoistrons nostre faute
D'auoir souffert entrer une beste si caute.*

*Ceux qui sont compagnons à faire un acte infame
Sont compagnons aussi pour en recepuoir blasme.*

*Il est aisé d'entrer dans le palle seiour,
La portey est ouuerte & ne clost nuict ne iour.
Mais qui veut ressortir de la salle profonde,
Pour auoir derechef la clarté de ce monde,
En vain il se traueille, il se tourmente en vain,
Et tousiours se verra trompé de son dessein.
Le mal qu'un autre faiet, n'est pas cause valable
De nous faire à l'enuy commettre un mal semblable.
Le vice ne doit pas les hommes inciter
De le prendre à patron, afin de l'imiter.
Le bruit du populaire erre le plus souuent
Louant un vicieux au lieu d'un bien viuant.
Mais quiconque requiert quelcun de deshonneur,
A grand peine qu'il soit bien hardy requereur.*

*La promesse obliger ne doit Qui refuse le don promis
Quand elle est faiete contre droit Ou il s'est librement soumis,
Et celuy n'offence, par iure, Si c'est de commettre une iniure.*

ZZ 4 C'est

*C'est se decepuoir seulement D'autre chose qu'on ne cuidoit:
Que promettre, & fust ce en sermēt, Si c'est promesse, elle se doit
Quand on engage sa parolle Appeller promesse friuolle.*

En la Cornelia.

*Il n'y a foy qui dure entre ceux qui commandent
Es gaux en quelque lieu, tousiours ils se debandent,
Ils se rompent tousiours, & n'a iamaïs esté
Entre Roys compaignons ferme société.
Les Dieux ne veulent point qu'aucun aille faisant
Ce que luy estant faict luy seroit desplaisant.
Ils veulent que l'on iuge un autre par soy mesme,
Et comme nous ferons qu'on nous face de mesme.
Et à la verité c'est la raison qu'ainsi
Qu'on est traitté de nous, nous le soyons aussi.
Car ce n'est pas assez de s'estendre bien loing,
De courir l'univers de l'un à l'autre coing,
Tenir toute la terre à nostre main subiecte,
Et voir sous mesme ioug l'Ethiope & le Gete.
Celuy commande plus, qui vit du sien content,
Et qui va ses desirs par la raison domtant:
Qui bourreau de soy mesme apres l'or ne souspire,
Qui ne conuoite point un outrageux Empire.
Nostre felicité n'est aux possessions,
Elle est de commander à nos affections,
D'embrasser la vertu, de ne cacher un vice
Au fond de l'estomach, dont le front nous pallisse.*

<i>L'ire des bons Dieux excitée,</i>	<i>Mais d'autant qu'ils l'ont retenue,</i>
<i>Est paresseuse à nous punir:</i>	<i>Prompts à pardonner nos pechez,</i>
<i>Souuent la peine meritée</i>	<i>D'autant plus se monstrent faschez</i>
<i>Se garde aux races à venir:</i>	<i>Quand nostre offence continue.</i>

*Plus patient on porte une dure fortune,
Quand on voit qu'elle tombe à tout chacun commune.
Et rien tant ne console en un piteux esmoy,
Que voir un autre en mesme, & pire estat que soy.*

En Marc Antoine.

*Ils ont à toute chose une fin ordonnée,
Toute grandeur du monde est par eux terminée:*

L'une

L'une tost l'autre tard, selon comme il leur plaist.
 Et personne ne peut enfreindre leur Arrest.
 Mais à nous qui subiects de leurs volontez sommes,
 A nous pauvres mortels, à nous langoureux hommes
 N'est cogneu ce destin, & vivans ne scauons
 Combien ne comment vivre au monde nous deuons.
 Si ne faut il pourtant d'un desespoir se paistre,
 Et se rendre chetif auparauant que l'estre.
 Il faut bien esperer iusques au dernier point,
 Et faire que de nous le mal ne vienne point.
 Car rien tant ne tourmente un homme en sa misere,
 Que se représenter sa fortune prospere.
 Des hommes l'amitié doit estre tousiours vne,
 Sans bransler, variable, avecque la fortune,
 Qui tousiours se desplace, & onques ne voudroit
 Arrêter constamment sa boule en un endroit.
 Aussi faut recevoir comme chose usagere
 Les reuocables biens qu'elle preste legere:
 Et ne s'en assurer ny fonder son espoir,
 Comme dessus un bien qui ne puisse deschoir.
 Au contraire penser que rien n'est de duree
 Fors la seule vertu, nostre hostesse assuree:
 Nous moderant de sorte en la prosperité
 Que ne soyons troublez d'une infelicité,
 Quand sur nous elle arriue & ne prenant trop d'aise
 De la bonne fortune, ennuy de la mauuaise.
 Le fils à peine peut souffrir son propre pere
 En un commun Royaume, & le frere son frere!
 Tant c'est ardent desir de commander est grand,
 Et tant de ialousie en nos cœurs il esprend.
 On permettra pluostoit aimer celle qu'on aime,
 Que de communiquer au sacré diademe.
 Toute chose on renuerse, & tout droit on esteint,
 Amitié parentelle: & n'y a rien si saint
 Qu'on n'aille violent pour se rendre seul maistre:
 Et n'a ton soing commet, pourueu qu'on le puisse estre.
 -- Les affaires guerriers,
 Et sur tout les combats succedent iournaliers,
 Tantost bien, tantost mal. Et bien que la fortune
 Es choses de ce monde ait sa force commune,

ZZ 5

Qu'elle

*Qu'elle modere tout, face tout, que tout soit
 Attaché, maniable, au tour de son rouet,
 Si nous semble portant que plus elle s'adonne
 Qui a nul autre exercice, au mestier de Bellonne,
 Et que là sa faueur, muable comme vent,
 Avec plus de pouuoir se monstre plus souuent.
 D'ou viét qu'on voit tousiours ceux qui en leur ieu-
 Tont heu de l'honneur, le perdre en leur vieillesse (neste
 Combatus de quelcun qui n'est point belliqueux,
 Et qui sera depuis vaincu d'un moindre qu'eux.
 Fortune que l'on craint, qu'on deteste & adore,
 N'est qu'un euenement dont la cause on ignore:
 Encores bien souuent la cause on apperçoit,
 Mais l'effect se descouvre autre qu'on ne pensoit.*

En la Troade.

*Aussi qui souffre un crime estre faict par autrui,
 S'il le peut empescher offence autant que luy
 L'ame fut de celuy meschamment hardie
 Hardie à nostre mal,
 Qui vogua le premier sur la mer assourdie
 Et son fol inegal.
 Qui d'un fraisle vaisseau raclant des ondes bleues
 Les larges champs moiteux,
 N'a craint des Aquilons les haleines esmeues,
 Ny des Autans pesteux.
 Qui me s'prisant la mort, à ses desseins compagne,
 Et prodigue de foy,
 Aux moissons prefera d'une herbeuse campagne
 Vn element sans foy:
 Et d'un cours incertain, sur des naux passageres,
 Sa terre abandonnant,
 Alla, pour le profit, aux terres estrangeres
 Leurs riués moissonnant.
 Qu'elle crainte de mort descendit dans ses mouelles
 Qui le peüst effrayer?
 Qui, sans peur, veit enfler la cauité des voiles,
 Et les flots abayer?
 Qui vit les rocs batús d'escumeuses tempestes
 Les Astres menasans.*

Et

Et d'Epire les monts aux forcilleuses roches
 De foudres rougissans?
 Qui voit les Capharex, & les rages de Scylle,
 Qui voit Charybde aupres,
 En son ventre engloutir les ondes de Sicile,
 Pour les vomir apres?
 Sans cause Iupiter la terre a separé
 D'une vagueuse mer,
 Si les hardis mortels de l'une à l'autre orce
 Font leurs vaisseaux ramer.
 Qu'heureux furent iadis, qu'heureux furent nos peres
 En leur temps bienheureux,
 Qui de voir nautonniers, les riués estrangéres
 Ne furent desireux:
 Ains d'auarice francs & de feintes cantelles,
 Les pestes de ce temps,
 Paisibles labouroyent leurs terres paternelles,
 Dont ils viuoyent contens.
 On ne cognoissoit lors les humides Pleiades,
 Orion, ny les feux,
 Les sept feux redoutez des pleureuses Hyades,
 Le Charton, ne ses beufs.
 Zephyre & Aquilon, estoient sans nom encore,
 Venus & les lumeaux,
 Astres, que le nocher palle de crainte adore,
 Flambans sur ses vaisseaux,
 Tiphys tenta premier la poissonneuse plaine
 Avec le fils d'Eson,
 Pour aller despoiller une riue lointaine
 De sa riche toison.
 Puis nostre beau Paris de voiles & de rames
 Fendit l'onde à son tour:
 Mais au lieu de toison il apporta les flammes
 D'une adulateur amour.
 La Grece repassa la mer acheminée,
 Apportant le brandon,
 Qui vient d'enflamber Troye, & l'ardeur obstinée
 Du feu de Cupidon.

En l'ANTIGONE.

Tout e

*Toute principauté en repos se maintient,
 Quand on rend à chascun ce qu'il luy appartient.
 Il faut le vicieux punir de son offence,
 Et que l'homme de bien le prince recompense.
 La peine & le loyer sont les deux fondemens,
 Les deux fermes pilliers de tous gouvernemens.
 Le grand Dieu qui le Ciel & la Terre a formé,
 Des hommes a les loix aux siennes conformé,
 Qu'il nous enioinēt garder, comme loix salutaires,
 Et celles reietter qui leur seront contraires.
 Nulles loix de Tyrans ne doibuent auoir lieu,
 Que l'on voit contredire aux preceptes de Dieu.
 Tel forfait griefuement qui forfaire ne pense
 La plus part des delits se fait par imprudence.
 Communement un Roy ne sçait qui ce qui plaist,
 Que chose de son goust, car le reste on luy taist.
 Il ne faut la personne, ains la chose peser,
 Et selon qu'est l'aduis le prendre ou refuser.*

ROBERT GOBIN Maître es arts, licencié en decret, Doyen de
 Chrestienté de Laigny sur Marne au Diocèse de Paris, aduocat en cour d'Eglise
 a escript partie en prose partie en rime
 Les Loups rauissans autrement doctrinal moral. [imp. à Paris 4°. par Antoine
 Verard 1505.

ROBERT GVAGVIN General de l'ordre de la sainte Trinité a
 traduit du latin des Commentaires de Iules Cesar.
 Des batailles & conquestes faictes par Cesar aux pais de Gaule. [imp. à Paris f°. par Antoine Verard 1488. & depuis par François Renaud f°. 1537.
 Il a escript en rime le passetemps d'oisiuete, du temps qu'il estoit à Londres en
 Ambassade avec tresmagnanime seigneur François de Luxembourg pour le
 Roy de France en l'an 1469. [impri. à Paris 16°. sans datte.

ROBERT PREVOST a traduit de latin Epistre Apologetique de
 Didier Erasme de Rotterodam à Reuerēd Pere & illustre Prince Christophe
 Euesque de Basle, touchant la deffence de manger chair & autres semblables
 constitutions. [impr. à Lyon en l'an 1561. sans nom d'Imprimeur. Il a mis
 aussi vne Epistre au deuant de la traduction de l'histoire ou commentaires
 de Iean Seleiran par luy (croy-ie) faicts en françois.

ROBERT DE REIMS ancien Poète qui viuoit auant l'an 1300. a
fait des antitheses d'amour, disant:

*Qui bien veut amour descrire:
Amours est & male & bonne.
Le plus² mesurable enyure,
Et le plus sage³ embriconne.
Les emprisonnez deliure,
Les deliurez emprisonne.
Chacun fet mourir & viure,
Et à chacun toult & done.
E fole & sage est amors.
Vie & mort, ioye & dolors.
Amours est large & auere,
S'est qui le voir en retraye.
Amours est douce & amere
A celi qui bien l'essaye.
Amours est marastre & mere:
Primes bat & puis rapaye.
Et cil qui plus le compere,
C'est cil qui meins s'en esmaye:
Amours va par auenture:
Chacun y pert & gaagne.
Par outrage & par mesure,
Sane¹ chacun & mehagne.
Eürs & mesaduenture,
Sont tosiors en sa compaignie.
Pour c'est raisons & droiture,
Que chacuns s'en lot & plaigne.
Souuent rit & souuent pleure,
Qui bien aime en son courage.
Bien & mal liqueurent seure,
Son preu quiert & son damage.
Et se li biens li demeure,
De tant a il aduantaige:
Que li biens d'une seule heure,
Les maux d'un an³ assoage.
La Chieure dit sans faintise,
D'amors est la deffinaille,
De ce que il en deuise,*

² attrémpé.
³ deçoit, rend malotru,
vient de Bricon.

¹ guerit.
² rend stropier.

³ foulage.

A A a

Qu'ense

*Qu'ensi le treuve on sans faille.
Car cil qui amours iustise,
Et qui pour li se travaille:
Ne porroit en nulle guise,
Le grain coeuillir sans la paille.*

4. Commande.

ROBERT DV SOVCHEY a translaté
Les Deux liures de Diuination de Marc Tulle Ciceron. [imprim. à Paris 8°. à
l'enseigne du Phenix pres le college de Rheins en l'an 1545.

ROBERT DV TRIEZ de Lille en Flandres à escript,
Les ruses finesses & impostures des esprits malins : œuure fort vtile & dele-
table pour vng chascun à cause de la varieté des choses estranges contenues
en icelluy. [impr. à Cambray 4°. par Nicolas Cambray 1563.

ROCCO BENEDETTI:
Discours des triumphes faicts par la Serenissime Seigneurie de Venise à l'étree
heureuse de Henry de Valois 3. de ce nom tres-Chrestien Roy de France & de
Poloigne tant en Italien par Messer ROCCO Benedetti, puis traduit en
François impr. à Lyon par Michel Ioue 1584.

ROCH LE BAILLIF Sieur de la Riuere Medecin ordinaire du
R oy à escrit

Sommaire traité apologetic seruant de deffence aux calomnies que les do-
cteurs en faculté de Medecine à Paris luy ont imposé deduisant les principes
des choses. Auec quelques preceptes de Medecine & la necessité de l'art
signe en icelle qui est cognoistre la vertu de chascune chose par ses propres
marques, avec exemple. [impr. à Paris 8°. l'an 1578.

Discours sur la signification du Comete apparu en occident au signe du Sa-
gittaire le 10. Novembre 1577. [impr. à Rennes par Iullien du Clos.

Le Demonsterion de Roch le Baillif Edelphe Medecin Spagiric auquel sont
contenus trois cents Aphorismes Latins & François, Sommaire veritable de la
doctrine Paracelsique extraicte de luy en la pluspart, par ledit Baillif. [impri. à
Rennes 4°. par Pierre le Bret 1578.

Premier Traicté de l'homme en son essencielle Anatomie, avec les Elemens
& ce qui est en eux: de ses maladies, Medecine, & absolus remedes es tainctures
d'or, corail, & Antimoine, & magistere des Perles: & de leur extraction. [impri.
à Paris 8°. par Abel Langelier 1580.

Traicté du remede contre la peste, Charbon & pluresie. à Paris 8°. par Abel
Langelier 1580.

Les Dames des ROCHES de Poitiers mere & fille. Voyez Madelaine Ne-
ueu, & Catherine de Fradonnet.

ROGER BACON.

Miroir d'Alchimie &c. traduite en François.

ROLAND BETHOLAVD a mis en François & par ordre
Les reigles du droict ciuil & canon Auec vn petit Commentaire [impri. à Pa-
ris 8°. par la veufue de Nicolas Buffet 1558.

Deux

Deux Eclogues sur le tombeau de Salmonius Macrinus à Sceurole de Sainte Marte avec quelques Sonnets, Epigrammes, & autres compositions [impr. à Bourges 8°. par Jean Hantet 1558.

Rolandi Betolandi Lemovicis Iuriscoſſ. Salignatum & Beneuentanorum Senecalli ac iudicis ordinarij HODOEPORICVM. In qua, ſyneſij Hymni tres, ijſdem numeris latine redditij: Lyrici alij, Epigrammata, Funera, Elegi, Epistoſa, ſeu Sylua, Phaleuci & Nomica quadam continentur Lutetia 8°. apud Feder. Morellum 1576.

E C L O G V E.

MENALCAS.

TITRE.

Puis que ſeuls en ce bois nous nous ſommes tous deux
D'avanture trouvez, il eſt bon, ſi tu veux,
Mon Tityre, qu'aſſis ſous l'eſpaiſſe coudrette,
Qui ſe joint à l'ormeau, nous enſſions la muſette
Pour chanter noz amours, & celles qui nous ont
Engraué la triſteſſe, & le deuil ſur le front.

TTT. Las une autre douleur beaucoup plus ennuyeuſe
M'eſſace de l'eſprit la triſteſſe amoureuſe.

MEN. Ton Marſye eſcorché ne te torment pas.

TTT. De Marſye eſcorché je ſay bien peu de cas:

Et d'autres de long temps ont reuengé l'iniure
Que me ſeit quelques fois ſon amitié parire.
C'eſt une autre douleur, qui fait qu'ores i' appan
Ma ſuſte de bon cœur aux Faunes, & à Pan.
Je te diſois un iour que la voix enrouée
De Marſye eſcorché fut tout ainſi louée
Par Macrin, qui l'ouyt, qu'un ſi ſot meritoit.

Menalque, ce MACRIN, qui nagueres eſtoit
L'honneur de mon LOVDVN, par la Parque ravie
Dedans l'air en mourant a ſouſpiré ſa vie.

Pourquoy, ſ'il te ſouviert de ſes belles chanſons,
Menalque, en ma faueur ſay rebruyre les ſons
De ta voix lamentable, & ta ſuſte nouvelle:
Face la ſienne plus (ſ'elle peut) immortelle.

Tu ne ſeras tout ſeul à venger de l'oubly,
Et de l'Enfer Hydeux MACRIN enſeuely.
Le ſçauant LEONICY employe ſa peine:
Et ie ſuis aſſeuré que la-diſtine veine

A A a 2

De

De mon ROGER aymé à Macrin ne faut pas,
 Dont il a le premier entendu le trépas.
 Cher MACRIN, de ma part tu auras à ceste heure
 Ces larmes, que pour toy misérable ie pleure,
 Et ces vers doloireux que mès iustes regrets
 Font voir derriere nous grauez dans le Cyprez.
 O Ciel pere de tout, & vous ondes coulantes,
 Dont toute chose naist, toy des ames viuanes
 Air serain seul autheur, Terre mere des corps,
 Prenez ces petits vers: & si les hommes morts
 Leur premier sentiment, comme nous, ont encore,
 Enuoyez, à MACRIN ce peu dont ie l'honore.
 Et toy, mon cher MACRIN, si encore tu sens,
 Sainctement reposant, ce que font les viuanes,
 Si du monde meilleur quelque part la plus belle
 Dans le ciel eternal à ton ame eternelle,
 Regarde de bon œil ces miens humbles fredons,
 Que tu as, les ayant, quelques fois trouué bons.
 Autant longue que belle ayant vescu ta vie,
 Voyre autant qu'honorable & seure de l'enuie,
 Tu fais pleurer les yeux des bergers larmoyans
 Non moins que si la Parque en la fleur de tes ans
 Te coppant le filet, t'eust coppé l'esperance
 D'estre, comme on te voit, des premiers de la Fräçe:
 Les Nymphes tont pleuré d'Alennuy des neuf sœurs.
 (Les coudres & les eaux en tesmoignent les pleurs)
 Quand ton fils se iectant sur ton corps pitoyable
 Disoit les cieus cruels, & Juppiter coupable
 D'un trop lasche forfait. Le simple pastoureau
 A sanguiue lasché par les champs le troupeau.
 Le troupeau se pleignant a ta mort regrettee,
 Sans que de tout le iour il ayt l'herbe goustée,
 Ny touché tant soit peu la liqueur des ruisseaux,
 Les espais forests, les sauvages coupeaux
 Des plus horribles monts hautement retentissent,
 Ou mesme les Lyons de Carthage rugissent
 Pour le deuil de ta mort. Macrin tu scauoy bien
 Accoupler en noz champs le Tygre Armenien
 En l'honneur de Bacchus, renouveler sa dance,

Ses

Ses Thiaſes vineux, & racourir ſa Lance
 De feuillars tout autour. Macrin, tu nous maſtrois,
 Pour tromper noz ennuy, d'aſſembler à la voix
 (Alors que des bergens la fortune ſe iouë)
 Les tuyaux de Sicile, Et ceux-là de Mantouë.
 Tu n'as laiſſé languir d'un ſejour pareſſeux
 Ny ta race ny moy, ne M A R I N, ne tous ceux,
 Que la Muſe appeloit à boire en Hypochrene
 Les meilleures Liqueurs de la ſainte fontaine
 Pour nous donner courage, apres auoir chanté,
 Tu nous recompenſois du loyer merité.
 Comme la grappe honnore une vigne tortiſſe,
 Et la vigne un ormeau, le troupeau la geniſſe,
 Et les bleds le beau champ: ainſi quand tu viuois,
 Tu fus l'honneur des tiens & l'honneur de noz bois
 Apres que le cizeau de la Parque meurtriere
 T'eut fait perdre en mourant noſtre belle lumiere,
 Pales quicta noz champs auſſy toſt qu'Apollon.
 En lieu d'orge ſemé maintenant le ſillon
 Iecte l'aueneron, & la Fogere druë,
 La malheureuſe yuraye, & la triſte ſegue:
 En lieu de violette, & de rouge Narcis,
 De Paquerette blanche, & de roſe & de Lys,
 La roſe, le chardon, La groiſelle & l'ortie
 Tiennent de noz iardins la meilleure partie
 Paſtoureux ombragez, les fontaines de fleurs,
 Sur la terre ſemez, les flairantes odeurs,
 Eleuez un tombeau à Macrin, qui ſouhaiſte,
 Que pour l'amour de luy telle choſe ſoit faite:
 Et que ſus le tombeau l'on engrane cecy:
 Le Macrin ſuys bien mort, & tu mourras auſſi:
 Car contre le Deſtin & la mort outrageuſe
 De rien ne ma ſeruy ma veze harmonieuſe.
 Adieu doncque Macrin, Apollon perruquier
 Te fait un beau preſent de l'odeur du Laurier,
 Les Faunes ont cueilly tout ce qu'ils pouuoient prendre
 De meilleur pour t'offrir, de l'arbre le fruit tendre,
 Du froment eſpigé les grains & le tuyau.
 Pales verſe du Laiët ſur ton ſacre tombeau,

Les Nymphes du miel roux, & Flore des ghirlandes.
 Encore des neuf sœurs un honneur tu demandes.
 Chere ame, le plus grand qu'elles puissent donner
 Aux hommes, qui sont morts, des vers pour resonner
 Dan' leur temple diuin, sur leur harpe d'Ivoire,
 De MACRIN LOVDVNOIS l'immortelle memoire.
 Les Muses sçauent bien combien tu meritas
 Des Lauriers verdoyans, alors que tu chantas
 La mort de Gelonis de voix Sicilienne,
 Si bien qu'elles ploroyent ta fortune & la sienne.
 Elles le sçauent bien: Car dessus Helicon
 On n'entend que sonner la gloire de ton nom.
 Mesmes quand nous dormons au fond d'une vallée,
 Ou dans une cauerne à l'escart recelée,
 Elles soufflent dans nous ie ne sçay qu'elle ardeur,
 Qui nous fait, sy petis, rechanter la grandeur
 D'un berger, sy sauans, & sa chaste compagne.
 Qu'entre les bien-heureux ores il accompane
 Macrin, nous te chantons en noz hautes forez,
 Ou le Fau, le Bouleau, le Chesne, & le Cyprez
 La brebis, & le beuf, & la cheure barbue
 Surpassent de leurs cris la hauteur de la nuë.
 Car plus tost le poisson dans la terre naitra,
 Le Lyon dans la mer: le doux miel coulera
 D'un arbre venimeux: pesle mesle brouillée
 Toute saison aura la Lumiere troublée
 Ou l'hyuer donnera une large moisson,
 Et l'Oliue en esté cueillira le Gascon,
 L'Automne se fardant de l'email de la prée,
 Et le gay Ké nouueau de la grappe pourprée:
 Cela viendra premier, mon Macrin, que noz bois
 Cessent onq de chanter à l'accord de ma voix.
MENAL. Poursuy doncques, Tityre & retourne despendre
 Ta fluste de l'ormeau, qui contant de la rendre
 Humble baïsse la teste à fin que desormais
 Il entende sonner Macrin, mieux que iamais.
 Pan ausy ne veut pas que ta verte ieunesse
 Cesse de la sonner: pour aucune tristesse,
 Et quand tu la maries, à ta sainte chanson,

Il me

Il me semble, escoutant l'accord d'un si doux son,
 Que lassé du labeur ie dors sur les fleurettes,
 Embrassant, mais en vain, mes amours tendrelettes.
 Ou qu'au mois le plus chaud, quand ie suis alteré
 Je bois dans un ruisseau, qui traaverse le pré,
 Vne onde argentelette, & que i'oy le murmure
 De l'eau qui ne peut voir desecher la verdure.
 O bienheureux berger, dont la voix fait si bien
 De ton heureux Macrin le ton Chalcidien:
 Tu seras en son lieu, mesme i'ose bien dire,
 Que Macrin de son gré donne l'herbe à Tityre:
 Toutesfois ie veux bien en faisant mon deuoir
 Estendre à son honneur tout mon humble pouuoir.
 Mais ie voudrois auoir le miel mesme d'Hymete,
 Qui couloit de la bouche à ce docte Poete.
 Macrin émerueillé va là haut regardant
 Le sourcilleux Olympe & le Soleil ardent,
 Ayant deffous ses pieds les astres & les nues.
 De là vient que ça bas les forez cheuelues
 Et le reste des champs, & les Satyres nuiz
 Les Pans, & les Bergers, & les Faunes cornus
 L'air remplissent de ioye avecques les Naiades,
 Qui sortent de leurs eaux se meslans aux Driades.
 Le loup ne faict point peur à la simple brebis,
 Ny le cerf ne craint point qu'il se voye surpris
 Dans les retz du veneur, qui le laisse folastre
 Librement, comme il veut, aux compaignes esbatre.
 Les tertres, les rochers, & les boccages vers
 Pour l'amour de Macrin retentissent des vers.
 Echo, comme elle peut de sa langue nouue
 Dit qu'on garde à Macrin vne feste chommee:
 Car Macrin est un Dieu. Tityre, c'est un Dieu.
 O Dieu soys nous heureux: voicy dans ce beau lieu
 I'eleue quatre autels, deux à toy, deux encore
 A Phœbus, car autant l'un que l'autre i'honore.
 Tu auras de laiët frais deux boules escumans,
 Et deux pots d'huile gras de ma part tous les ans.
 Sur tout du bon Bacchus la liqueur saourable
 Esiouissant nos cœurs à ta feste honorable,
 D'un vin nouueau d'Aniou le Nectar i'espandray.

A A a 4 Puis

Puis d'enfant par les mains Corydon ie prendray,
 Qui contrefera Pan, avec Alphesibee
 Trepignans comme nous dessus l'herbe fouslee.
 Nous te ferons des vœux, tous ainsi qu'à Bacchus,
 Tout ainsi qu'à Ceres, quand nous irons tous nuds
 Humblement reuoyans la terre enuironnee,
 Afin d'auoir encor vne fertile annee.
 Car tant que le Dauphin en la mer se plaira,
 Et tant que le Sanglier les coupeaux aimera,
 L'esté chaud les espris, l'Autonne la vendenge,
 Macrin, les pastoureaux chanteront ta louange.
 TTT. le ne sçay quel present ie te puisse donner
 Pour auoir si bien faict ton deuoir de sonner.
 Car i'ay moins de plaisir au doux bruiet de l'aleine,
 Dont Zephire au printemps nous euent la pleine:
 Et ne suy point si ayse à entendre frapper
 Des flots s'entrefoyrans les riuies de la mer,
 Ny d'ouyr murmurer la riuere coulee
 Sur la terre pierreuse au cœur d'une valee.
 MEN. le te donne premier ce petit chalumeau,
 Qui m'apprist à chanter, à l'ombre d'un Ormeau,
 Et si m'apprist encor, ton amour Galathee.
 TTT. Pren ma fluste pour toy: car tu las meritee:
 Damète l'eust premier, & depuis Corydon,
 Qui m'en fit heritier: mais ie t'en fais vn don.

ROLAND PIERRE Aduocat au siege presidial de Meaux à tra-
 duict de Grec en François vn Opuscul de Theodorit Euesque de Cyr, inti-
 tulé,

De la nature de l'homme. Avec l'exposition des lieux les plus obscurs &
 difficiles. [imp. à Paris 4°. Il y en a vne autre version faicte par Antoine du
 Bus.

*Epistola dua, una Q. Ciceronis ad Q. Ciceronem fratrem, de ratione
 bene gerenda prouincia, Rolandi Petreij l. C. commentariis illustrata.
 Eiusdem Petreij Nota ad quoddam περὶ πολιτείας Philonis, de officio iudicis.
 Parisiis 4°. Apud Andr. V. Kechelum. 1564.*

ROLAND PIETRE (ie ne sçay si c'est le mesme que le susnommé)
 Aduocat en la cour de Parlement à Paris a escrit,

Considerations Politiques, liure premier contenant ix. chapitres [impri.
 à Paris 8°. par Robert Estienne 1566.

ROOLLET DE Gassin gentil-homme de Prouence du chasteau de Gassin assis au riuage du goulfe de Grimaud Poëte & orateur, & historien, & vaillant aux armes, fut par le moyen de ses graces & vertus singulieres en la poësie, le bien venu entre les plus grands, & mesmes des gens d'Eglise, nonobstant qu'il escriuoit contre leurs vices, mais il soustenoit fermement leur party contre l'opinion des Albigeois, & Vaudois de Lyon, la doctrine desquels auoit cours de ce temps. On ne faisoit aucune expedition de guerre, contre les Vaudois, ou contre les Touchains, ou autres ennemis de l'Eglise, qu'il n'y fust appellé des premiers aux escarmouches, pour raison dequoy il fut estimé & prisé de tous. Il fut bien veu & aimé du Comte de Prouence & employé par luy à la reduction des membres de sa Comté de Prouence, contre les rebelles du pays, qui ne se vouloyent rengier à son obeyssance, ne luy prester hommage: & estant esleué ainsi en haut degré, sa fortune ne permit point le laisser passer sans luy faire sentir de sa varieté, car en vne assëblee qui se fit en la ville de Montpellier ou il se trouua, il fut surpris tellement de l'amour d'une gentille femme de la maison de Moutauban nommée Rixende, ou Richilde, qu'il fut contrainct oublier toutes ses bonnes & honnestes actions, & à la louange d'icelle, fit plusieurs chasons desquelles il luy fit present, mais elle comme fausse *Enga-neriz*, se moqua de luy. Le Poëte s'estât cõtre son opiniõ apperceu de ceste trõperesse, en print tel desdain en son cœur que de fureur poëtique fit vn chant tout remply des ingratitude de sa dame, & ne se pouuant plus honnestement venger contre elle, abandonna le monde, & se rendit moyne en vn monastere d'Avignon le plus austere qu'il sceust trouuer, sans auoir cõmuniqué cest estrãge changement à personne de ses parens & amis, lesquels ne le voyans plus marcher par la ville, furët esbahys d'auoir ouy dire qu'il s'estoit rendu moyne, sans qu'il se voulust monstrier à eux. Les nouuelles de ce nouveau Religieux parueindrent tost aux oreilles de l'Euesque de Cuzeran, lors Legat d'Avignon, dõt il fut grãdemēt esbahy, & le vint visiter au monastere, où ce saint hermite se monstra à luy seul à visage descouuert, luy remonstrant qu'il eust plus fait de seruice au saint Pere de Romme, & à l'Eglise en ce temps turbulent & calamiteux contre les ennemis d'icelle, que non là où il estoit, que quand sa sainteté en seroit aduertie il y pouruiroit, & le recompenseroit de quelque bon benefice & dignité. Le Poëte luy remonstra que luy ne personne ne doit estre esbahy de si saint & deliberé propos. Et que S. Augustin l'auoit ainsi admonesté en songe de viure, & finit le reste de sa vie sous sa reigle, au reste qu'il estoit humble seruiteur de sa sainteté. Pendant que ces propos se tenoyent, voicy arriuer vn Courrier avec memoires aux fins d'auoir la collation de la Prepositure des Pignans, vacante par le decez du dernier possesseur, qui fut dès lors offerte & cõferee audiēt Raoulx, laquelle il accepta, & remercia le Legat du Pape, par commandement & dispence duquel il sortit incontinent du Monastere, print possession d'icelle, & en obtint cõfirmation du Comte de Prouence, comme estant de sa fondation & collation, & s'y retira, & quand il estoit employé ou pour les affaires du Comte de Prouence, ou pour les affaires de l'Eglise, il y faisoit son deuoir.

ROSTANG Berenguier gentil-homme de Marseille, fut de son temps estimé fort bon Poëte Prouensal, Fut grand amy & familier de Foulques de Vilaret grand commandeur de saint Gilles, à la louange duquel il fit plusieurs chansons en rime Prouensale, & fut amoureux d'une dame de Prouence fort aagée, & tresexperte en forcelleries soit à mixtionner les drogues, à observer les iours, & à donner breuuages amatoires. Il n'y auoit simple en la Colline d'Anny, & en toutes les montagnes de Prouence dont elle n'eust cognoissance: elle luy donna vn breuuage, ie ne diray pas amoureux, mais mortifere dont il deuint transporté de son sens: & de la pitié qu'en eust vne damoyelle de la maison de Cybo de Gennes, qui se tenoit lors à Marseille, laquelle ayant familiarté avec le Poëte, pour vne chanson qu'il auoit faicte à sa louange le remit en son bon sens & entendement par vn souuerain breuuage & antidote qu'elle luy donna, dont le Poëte recognoissant ce bien, l'immortalisa par vn bon nombre de chansons, & en deuint amoureux, & delaisant ceste Magicienne, retint la Geneuoise qu'estoit vne fort sage damoyelle, belle, vertueuse, & bië apprise à la poësie. Mais elle ne se voulant attendre aux prieres & poursuite du Poëte, il en fut depiteux, & fit vn chant qui commence,

S'ella era vn pauc plus liberalla, e larga,

& sur la fin il dit

*V'autres vezez ô Dieus iustes veniayres
Qu'ell a sôn (or plus dur que lou Dyaspres.
E qu'yeu non podi eschinar sa rudessa,
Fazés (au mens) qu'en aquestous afayres
Ella non l'aya ingrat, ny dur, ny aspre,
Mais my sia doussa autant qu'a de belleffa.*

Ne sçachât que faire pour vn honneste desdain se voulut rendre de l'ordre des Templiers, cuidât auoir quelque faueur de Foulques de Villaret, mais cela luy seruit de bien peu, & ne le voulut on receuoir, en hayne dequoy il publia vn traicté intitulé *De la falsa vida dels Templiers*. Et neâtmoins (ainsi que la escript saint Cezari) fut ouy en tesmoin contre eux, & pour auoir faussement depolé reperdit son sens par vne punition diuine, & trespassa l'an 1315. du temps que Philippes Roy de France, & Clement vj. du nom Pape, qui residoit en Aignon, poursuyuoient lesdits Templiers. Le Monge de Montmaieur appelle ce Poëte *Falsa garentia*, que signifie faux tesmoing en langue Prouensale.

ROSTAN de BIGNOSC Prouensal Chirurgien Iuré à Paris a reueu & augmenté avec Ambroise Paré L'anatomie vniuerselle du corps humain par ledict Paré. [impri. à Paris 8°. par Iean le Royer 1561.

R V B E R T Abbé.

Des diuins offices &c. Voyez Iean Bouillon,

R V T E

R V T E B E V F fut vn Menestret, duquel on trouue plusieurs fabliaux (c'est à dire contes de plaisir & nouuelles) mis en rime: & encores des plaintes de la terre sainte adressees au Roy S. Louys, le Comte de Poitiers & la noblesse de France: pour secourir Messire Geofroy de Sargines vaillant cheualier, qui la defendoit à son pouuoir. La plainte d'Anceau de l'Isle est aussi dudit Rutebeuf, de laquelle ce couplet me semble bon.

Tousiours deüit un preud' homme viure:

Se mort eût sans ne sauoir.

S'il fut mors, il deüit reuiuere:

7 ce doit bien chacun sauoir.

Mes mors est plus fiere que¹ Huiure

Et si plaine de mon sauoir.

Que des bons le siege deliure,

Et au mauuais laist vie auoir.

¹ Guinara,
en Italië est
vn serpent,
tel que celui
d'un quartier
des armes de
Milan.

Il a fait en vers la vie de S. Elizabet de Turinge, qu'il presenta à Isabel Roine de Nauarre. Il semble qu'il a aussi fait l'edit des ordres de Paris: auquel parlant ainsi des aueugles que nous appellons Quinze vingts, il me fait soupçonner que ceux que S. Louys premierement y amassa, ne furent Cheualiers, comme l'on pense: ains quelques pauvres gens. Car cestuy-cy les fait mendians, disant d'eux:

Li Roix a mis en un repaire,

Mes ie ne sai pas pourquoi faire,

Trois cens aueugles tote à rote.

Parmi Paris en va 111. paire,

Tote ior ne finent de braire,

As trois cens qui ne voient gote.

Li uns sache, li autre bote,

Se se donnent mainte secosse,

Qu'il n'y a nul qui lor eclaire:

Si feux y prent, ce n'est pas dote,

L'ordre sera brulee tote,

S'aura li Roix plus à refaire.

Par le mesme opuscul il monstre que ceux du val des escoliers fouloyent mendier: & que les Guillemins (ce sont les Blanmanteaux) furent premieremēt reclus. C'est luy (à mon aduis) qui a fait le fabliau du Clerc: lequel ne pouuant persuader à vne dame, qui n'estoit des plus sages, qu'elle ne pourroit voler sans ailes & plumes: la baisant pour luy faire le bec, & maniant nue pour faire sortir les plumes, luy attacha si auant sa queue qu'elle germa (disoit la dame) dedans son ventre l'empeschant tellement de voler, qu'à peine pouuoit elle voir ses pieds, tant le ventre luy estoit creu. Je ne fay doute, que ce fabel n'ait donné occasion à Bocace de faire la x. nouuelle de la ix. Iournee de son Decameron. Il en a faict encores vne autre de la femme d'un escuyer: laquelle

quelle ayant donné assignation à son Curé, de l'aller trouver en un petit bois voisin: son mary estant venu contre son esperance, elle l'envoya coucher de bonne heure, disant vouloir veiller tard, pour acheuer sa toile. Puis le sentant endormi, elle vint trouver son Curé, avec lequel demourant trop longuement, & le mary ne la sentant point couchée pres de soy, demanda où elle estoit. La chambriere luy dit, qu'elle veilloit chez sa voisine. Le mary courroucé se leue, & la vint chercher chez ses voisines: mais oyant dire qu'elle n'y auoit point esté, il s'en retourne tout furieux. La dame qui l'auoit senty passer le long du bois, & la menacer avec le prestre, s'en retourna en sa maison. Là où estant accueillie d'iniures par son mari, qui l'appelloit putain, & qu'elle venoit d'avec le Curé: elle ne luy respondit mot. Ce qu'ayant mis le mary en plus grand colere, comme si en se taisant elle confessast ce qu'il disoit, voulant luy couper les cheveux, elle luy dit: Qu'estant grosse on l'auoit conseillée d'aller sur la minuit faire trois tours à l'entour du Monstier, en disant trois patenostres: puis sans mot dire faire avec le talon vne fosse, laquelle se trouuant ouuerte au bout de trois iours, ce seroit un fils, & s'elle estoit clause, vne fille: eschappant par ce moyen la colere de son mary. Rutebeuf se plaisoit fort en equiuoques. Et pource au dit d'Hypocrisie, il veut que son nom vienne de Rude & de Bœuf. Il fut marié par deux fois: & combien qu'il eust peu de biens, il prist (dit-il) femme qui n'estoit ne gente ne belle. Aussi Dieu l'auoit fait compagnon de Iob, luy ayant osté tout à coup ce qu'il auoit, avec l'œil dextre dont il voyoit le mieux. Il adresse sa complainte au Compte de Poyriers & de Thoulouze (ce fut Alphons frere de S. Louys) qui luy donnoit volontiers. Rutebeuf a vescu longuement: & le plus sous le regne de S. Louys. Toutesfois par un de ses œures il semble qu'il soit venu iusques à l'an 1310.

Le seigneur de RAVIERES Angoumois a traduit d'Espagnol les grandes & admirables merueilles, iadis decouuertes au Duché de Bourgogne pres la ville d'Antan par le seigneur Dom Nicole de Gautieris gétilhomme Espagnol. [imp. à Rouen 8°. 1581.

R. DE VILLARET de Castres a escrit

La Polixene. Liures 2. contenans Sonnets, Elegies, Châfons, Ecloques. Plus l'Yderine liures 2. *Prests* à imprimer chez Jean Stratius à Lyon.

R. B. DE LA GRISE a traduit d'Espagnol le liure de Marc Aurele. [imp. à Paris f°. par Galiot du Pré 1535. & puis 16°.

Il a traduit aussi d'Italien en François,

La Penitence d'Amour, en laquelle sont plusieurs persuasions & responses tresutiles pour ceux qui veulent conuerser honnestement avec les dames. Et les occasiós que les dames doibuent fuir de complaire par trop aux pourchats des hommes & importunités qui leur sont faites sous couleur de seruice, dont elles se treuvent ou trompees, ou infames de leur honneur. [imp. à Lyon 16°. à la marque de l'Icarus en l'an 1537.

Liures

LIVRES D'AUTEURS ANONYMES.

Le RASOIR des Rasez, Recueil auquel est traité de la tonsure des prebstres [impr. à Lyon 1561. *Caluinique*.

Brief RECVEIL de la substance & principal fondement de la doctrine Euangelique *Censuré*.

Brief RECVEIL d'aucuns lieux fort necessaires, pour mettre sa confiance en Dieu. *Censuré*.

RECVEIL de plusieurs passages de la sainte escriture, faisant à la declaration de l'oraison dominicale, des articles de la foy & des dix commandemens de la loy, avec le recueil des offices des Chrestiens.

Le REFUGE des Chrestiens composé sur les dix commandements de Dieu [impr. à Lyon 4°. par Jean Mosnier 1540.

REGIME de Viure & conseruation du corps humain, auquel est amplement discoursu des choses naturelles, & de tous viures qui sont communement en vsage. Avec plusieurs receptes bien approuuees le tout recueilly des bons auteurs tant anciens que modernes. [impri. à Paris 8°. par Vincent Serrenas 1561.

Le REGIME de Santé translaté de Latin en François. Avec les glosses de maistre Arnould de Villeneuve. [impr. à Paris par Philippes le Noir.

LE REGISTRE des ans passez ou fardeau des temps, qui est vn Epitome du liure Chronicâ Chronicorum depuis la creation du monde iusques à l'an 1532. [impr. à Paris f°. par Galiot du Pré 1532.

Maistre REGNARD & Dame Hersant, Traicté vtile à toutes personnes, contenant les cautelles & fineses que faisoit ledit maistre Regnard: avec plusieurs beaux exemples prins sur les cautelles dudit maistre Regnard. [impri. à Lyon 4°. par Oliuier Arnoullet 1528.

LA REIGLE des freres & sœurs du tiers ordre Saint François viuans en commun. [impr. à Paris 16°. par Jean Ianot sans datte.

Traicté sur la matiere des RELEVEMENS selon les ordonnances, droict & coustumes de France, contenant la maniere comment en Chancelleries de Frâce sont les lettres de relief chacun iour expediees, & est diuisé en trois parties. En la premiere est traité du mineur, & en combien de manieres il peut estre deceu, & restitué: en quel temps l'on peut poursuivre la cassation des contracts. En la seconde, de la restitution des maieurs. Et en la troiesme sont examinez en communauté quelques articles concernans la restitution des mineurs & maieurs par indiuis. [imp. en Auignon 16°. par François Tachet 1549.

Traicté de la REMISSIION des pechez, Iustification, Penitence & bonnes œuures. Recueilli de la Sainte escripture contre les erreurs de ce temps. [impr. en Auignon 16°. par Pierre Roux 1566.

REMONSTRANCE à tous Estats par laquelle est en bref démontré la foy & innocéce des vrayz chrestiens. Les abus ausquels sôt aduenus leurs ennemis & persecuteurs, & le iugemēt que dieu en fera. [imp. à Paris 8°. 1560. *Caluinique*.

REMONSTRANCE à Mōsieur le Chancelier de France faicte par quelques gentils hommes estrangers qui ont autresfois hanté en France sur la reduction des habits & port des draps de soye suyuant l'ordonnance du

BBb

Roy

Roy Charles 9°. [impr. à Lyon 1561.

La REMONSTRANCE de la vertu insuperable, & fruiçts inestimables de la foy Chrestienne.

Liure intitulé REPOS de Cuers, *escriit en main.*

LA REQVESTE des Maris vmbrageux, courtbarus, boucquineux, farouches, trop tristes, pensifs & desolez. Item plusieurs sortes de Ballades en diuers langages, chant Royal & autres differentes Rimes dirigees aux messieurs, & mainteneurs de la gaye science de Rethorique de Thoulouse au moys de may, auquel par lesdits sieurs s'adiugent les fleurs d'or & d'argent aux mieux disans [impr. à Thoulouse 4°. par Gaston Recoleyne 1533.

La REQVESTE faicte & baillee par les Dames de Tholose: aux maistres & mainteneurs de la gaye science de Rhetorique, au moys de May, qu'ils adiugent les fleurs d'or & d'argent, aux mieux disans. Auec plusieurs sortes de rithmes en diuers langages & sur diuers propos composees par lesdites Dames. [imp. à Thoulouse 4°. sans datte. Et sont les Dames qui ont faict icelles compositions nόμεes, Catherine Fontaine. Françoisse Marrie. Claude Ligoune. Esclarmode Spinete. Andieta Peschaira. Bernarde Deupi. Iohane Perle, & autres.

Rondeau de Françoisse Marrie.

<i>Encontre Dieu quelques hommes infames</i>	<i>mes</i>
<i>Veulēt defendre à nous pour estre femmes,</i>	<i>Qu'au lieu du ieu des cartes</i>
<i>Voir l'Euangile & les beaux propos sainçts:</i>	<i>ou des dames</i>
<i>Mais ne sont ils d'entendement mal sainçts:</i>	<i>Teniez, souuent l'Euangile</i>
<i>Dignes en sont de reproches & blasmes.</i>	<i>en vos mains</i>
<i>Ne vaut il plus de lire mille rames</i>	<i>En le lisant vous prendrez</i>
<i>De sainçts escripts qui refont corps & ames</i>	<i>esbats maints.</i>
<i>Qu'un de ces cōptes qui sont sales & vains</i>	<i>Et ne ferez choses qui soyent</i>
<i>Encontre Dieu.</i>	<i>infames</i>

Donc ie vous pry mes bonnes seurs & da- *Encontre Dieu.*

Rondeau de Catherine fontaine que se peut lire à double sens en auant en arriere en hault en bas, ligne à ligne, à demy vers ou à vers entier.

<i>Qui rimes faict</i>	<i>Il est sot & maudit</i>
<i>Grand los acquiert</i>	<i>Qui point ne sçait rimer.</i>
<i>Moult est parfait</i>	<i>Qui des rimeurs mesdit</i>
<i>Qui tel art sert</i>	<i>Il est fort à blasmer</i>
<i>Plusieurs biens pert</i>	<i>Qui rimes veut aimer</i>
<i>Qui point n'en sçait,</i>	<i>Vertueux sera dict</i>
<i>Rimeur expert</i>	<i>Trop est à deprimer</i>
<i>Grandement plait.</i>	<i>Qui des rimeurs me sdit.</i>

De la bragarde indigente Rondeau de Claude Ligoune
au langage de Thoulouse.

<i>Sec quin brague nostre vezine</i>	<i>Le garde col de fin velous</i>
<i>Am laupalandre d'ou stadine</i>	<i>Que li crubis tout a l'esquime.</i>
<i>Et la cinta de douas coulous</i>	<i>Les margots a de sede fine</i>

Et

Et la gounelle Dieu sap quine.

Dous pamps plus longue quelz ta-
lous

Sec

N' auem aur, blat, pa ny farine

Aqui que be son las doulous.

Trop monta de dous escalous:

Que faria mais vna Regine

Sec

Mais quant am aqueste famine

Le RESOLV en Mariage, en rime traictant & demonstrent la proüesse & resistance qu'ont eu & ont de present les femmes contre les homes & principalement contre les puissans & forts. [impr. à Lyon 4°. par Oliuier Arnoulet.

RESPONSE aux remonstrances faictes à l'Empereur Charles v. par aucun de ses subiects, sur la restitution du Royaume de Nauarre & Duché de Mylan. [impr. à Paris 8°. par Nicolas l'heritier 1542.

RESPONSE de bonne & mauuaïse fortune par quatrains: C'est presque vn mesme argument de passe temps de la fortune des dez. [impri. à Paris 16°. par Nicolas Bonfons 1576.

Bonne RESPONSE à tous propos, où est contenu grand nombre de Prouerbes & sentences ioyeuses, traduite d'Italien & reduite par ordre Alphabetique. [impr. à Paris 16°. par Galiot du Pré 1548.

Merueilleuse & miraculeuse REVELATION de l'estat de l'autre monde, laquelle par diuine dispensation a esté demonstree à l'instruction & cautelle de tous deuots & fideles Catholiques à fin de precognoistre ce qu'on doibt craindre ou esperer apres le decez de la vie presente. [impri. à Paris 8°. par Guichard Soquand, sans datte.

Traicté du delordonné appetit des RICHESSES mondaines [impri. à Lyon 8°. par Guido Malinian.

REYNIER LE RENARD, Histoire tresioyeuse & recreatiue contenant 70 chapitres. [impr. en deux langages, François & bas Aleman en Anuers 8°. par Christophle Plantin 1566.

Le nombre des ROYS Chrestiens en nombre 18. compris l'Empereur, contenant leurs crys d'armes & portant chacun sa clause & deuise. *Rime.*

R O M A N S.

Nous n'auons eu aucun liure en nostre lague sinó despuis le tēps du Roy Philippe Auguste, auquel on cōmença d'y escrire au lāgage qui lors auoit cours, qui a esté corrigé par ceux qui pēsans biē faire nous ont osté tout ce qui estoit d'ācien & les liures de ce tēps là ne cōtenoyent que les histoires de leur Siecle, & en outre quelques fables, les Gaulois ayās retenu cela de la Grece qui a esté la nourriciere d'icelles. Mais despuis la guerre des Anglois nostre lague deuint plus polie & cōmēça d'accroistre. Et apres Charles v. dict le Sage fait traduire vne partie des bons autheurs Latins (ainsi qu'ō dict) & lors les vyeux Romās furent mis en prose, qu'il eust esté meilleur auoir laissé en leur vyeille Rime: telles bourdes & menfonges seroyent plus tolerables en ceste forme de Poësie, & y pourroit on recognoistre quelques mots anciens que la frequen-tation du Latin & vulgaire Italien nous à faict abandonner. Quant à ce mot de Romant & de son origine il n'y a homme qui en aye mieux discouru que Claude Fauchet qui en a fait vn liure, où il ne laisse rien à dire de ce qui s'en peut par vne recherche non moins curieuse que bel-

BBb 2

le &

le & louable. Car au parauant la plus part de ceux qui auoyent ce mot de Romans à la bouche ne scauoyent l'origine d'iceluy. Vn autheur Italien en parle comme sensuyt.

Io nō neghero, che il Romanzo non sia imitatione d'atti grandi & illustri, è degni dell'Epica Poesia. Ma certamente la voce è strauiera, è come nella fauella Spagnuola, così credo, che nella Prouenzale significhi il volgar Idioma Peruoché in Hispagna, & in Prouenza con le Colonie de Romani la lingua essendosi tanto diffusa, è talmente, che Romanamente vi si parlaua, poiche l'una è l'altra parte occuparono, & habitaronui Barbare nationi: la fauella romana che vi rimase, ben che in gran parte contaminata, è guasta pur come pin regolata, è pin leggiadra della Gothica, è dell'Alaunica lor natia, s'inguegarono elle d'apprendere, è di tenere, è Romanzo la chiamauano, è in quella serueano. La-onde, percioche non prima d'altró, che de fatti, è de gli amori de' Cavalieri in tal fauella da loro si tratto, le compositioni fatte intorno à questa materia, Romanyi si dissero. Questa medesima voce in Italia passo.

Quelques autres mesmes Hotoman en dient (comme en passant ce & qui leurs en semble. Mais Fauchet a frappé au but & si bié desnoüé ceste difficulté qu'il n'est besoing de s'en instruire dauantage & parceque c'est vne matiere de rare cognoissance & digne d'estre sçeüe des François ie transcripray icy le 1111. Chapitre de sondit liure.

La langue Romande n'estoit pas la pure Latine, ains Gauloise corrompue par la longue possession & seigneurie des Romains: que la plus part des homes habitans depuis la riuere de Meuse iusques aux monts des Alpes & des Pyrenees parloyent. Car la France que Luitprand au chapitre vi. du premier liure de son histoire appelle Romaine, comprenoit seulement iusques à Loire. Et pour monstrier que parler Roman, ne s'entendoit pas au temps iadis pour parler Latin: ie m'aideray de ces vers pris du Roman d'Alexandre, composé par gens viuans enuiron l'an M C L. sous Louys le Ieune, Roy de France.

La verté de l'Histoir' si com' li Roix la fit,

Vn Clers de Chasteaudum, Lambert li Cors l'escrit:

Qui de Latin la, trest, & en Roman la mit.

1 pourtree.

Il faut donc dire que Latin & Roman fussent differens: puis que cestuy-cy tire du Latin vne histoire, pour la mettre en Roman. Il est vray que ces vers sont faits plus de CCC. ans apres Charles le Grád. Et qu'ainsi ne soit, qu'on entendoit il y a DCCC. ans, que parler Rustic Romain fust le lagage cõmun des habitans de deça Meuse: il ne faut que lire ce qu'a escrit Guitard en son histoire de la discorde des enfans de l'Empereur Louys le Debõnaire, aduenue en l'an DCCCXL I. Car faisant mention de Louys Roy de Germanie & de Charles le Chauue son frere Roy de France VVestrienne ou Occidentale (c'est à dire de ce qui est entre Meuse & Loire) il dit que les deux Roys voulans asseurer ceux qui les auoyent suyuis, que ceste alliance seroit perpetuelle, ils parlerent chacun aux gens de son pair (c'est le mot dont

dont ledit Guitard vse) à sçauoir Louys Roy de Germanie aux François VVestriens (qui suyuoient ledit Charles) en langue Romaine (c'est à dire la Rustique) & Charles à ceux de Louys (qui estoient Austrasiens, Alemans, Saxons, & autres habitans delà le Rhin) en langue Theutonique, qui est la Theotisque du Concile de Tours: ou, côme i'ay dit, Thioise. Les parolles du Serment que Charles fit en langue Romaine furent telles, ainsi que ie les ay prises d'un liure escrit il y a plus de cinq cens ans. *Pro don amur & pro Christian poblo & nostro commun saluament dist di en auant inquant des sauir & podir me dunat si saluareio cist meon fradre Karlo & in adiudha, & in cadhuna cosa si com hom per dreit son fradra saluar dist ino quid il vn altre si faret. Et abludher nul plaيد nunquam prindrai que meon vol cist meon fradre Karle in danno sit.* Et le peuple de VVestrie respond en mesme langage: *Si Lodhuuigs sacramēt que son fradre Karle iurat cōseruat, & Karlus meo sendr, de suo part non lo stanit: Si io returnar nō lint pois neio ne nuls cui eo returnar int pois in nulla aiudha contra Lodhuuig nunli iuer.* Or ne peut-on dire que la lāgue de ces sermens (laquelle Guitard appelle Romaine) soit vrayement Romaine (i'entens Latine) mais pluſtoſt pareille à celle dont vsent à present les Prouençaux, Cathales, ou ceux de Lāguedoc. Et il appert par les liures cōposez en langue Latine du temps de Charles le Chauue, qu'il y a grāde difference entre ce Serment & ce qu'ils tenoyent lors pour Latin. Il faut dōc necessairement conclure, que ceste langue Romaine entendue par les soldats du Roy Charles le Chauue, estoit ceste rustique Romaine, en laquelle Charles le Grand vouloit que les Omelies preschees aux Eglises fussent translatees: à fin d'estre entendues par les simples gens, comme leur langue maternelle, aux profnes & sermons: ainsi qu'il est aisē à deuiner ou iuger.

Il reste maintenant, sçauoir pourquoy ceste langue Romaine Rustique a esté chassée outre Loire, delà le Rosne & la Garonne: ce que ie cōfesse libremēt ne pouuoir asscuer par tesmoignages certains. Car qui seroit cestuy-la tant hardi, de seulement promettre pouuoir tirer la verité d'un si profond abyſme, que celuy où l'ignorance & nonchalance de sept ou huit cent ans l'a precipitee? Toutesfois i'en diray bien des causes & raisons, sinon vrayes, à tout le moins vray-semblables. Et s'il est loisible de deuiner, & les coniectures ont lieu en ceste matiere (comme ie croy qu'elles doyuent auoir) ie souſtiens que le partage des enfans de l'Empereur Louys Debonnaire, apporta vne grande mutation en l'estat de France: & non seulement separa leurs subiects, mais encores rompit toute l'ancienne societé, que les François & Gaulois demourans deçà la Meuse auoyent avec ceux de delà: pour les grandes guerres que les freres, enfans dudit Empereur Debonnaire, eurent les vns contre les autres: & lesquelles apres la mort de presque toute la noblesse (tuee en la bataille de Fontenay) grandement altererent les alliances, que les seigneurs viuant sous vn si florissant empire, prenoyēt aussi tost loing que pres. Car durāt le regne de Pepin, Charles le Grād, & Louys son fils: l'Austrazien, Saxō, Bauierien, Aleman, qui se marioit en VVestrie, Bourgongne, Italie, Septimanie (qui

est Languedoc) ou en Aquitaine: ne craignoit point de perdre ses heritages, ainsi qu'il est porté par vn article de la diuision que Charles le Grand fit de ses Royaumes entre ses enfans. Là où depuis Charles le Chauue (soit que la clause & article susdit eussent esté oubliez en l'appointement faict l'an D C C C X L I I I, entre les trois freres, enfans dudit Debonnaire: ou pour quelque autre raison que nous n'auons point trouuee escrete) il n'y eut plus d'esperance de se reioindre, chacū voulant auoir vn Roy de son langage. Voyla pourquoy les Austrasiens n'eurent agreable ledict Charles le Chauue, quand il voulut prendre le royaume de Lothaire son nepueu, mort sans enfans legitimes: ne les VVestriens, Charles le Gras, & encores moins Arnoul, quand ils s'efforcèrent de les gouverner durant la minorité de Charles le Simple: voulant (ainsi que i'ay dit) chacun estre commandé par vn homme de sa langue. Ce qui apparut bien euidemment, quand la famille de Pepin vint à faillir au Royaume de Germanie: d'autant que les Italiens firent roy Beranger, les Saxons Héry le Fauconnier, & quelque temps apres les VVestriens Hue Capet, marris de ce que Charles Duc de Lorraine sentoit trop son Alemand.

Des Ro- Ceste derniere separatiō de Capet fut caule, & à mon aduis apporta vn plus
mans: grand changement, voire (si i'ose dire) doubla la langue Romande. Car son entreprise estant suyue de plusieurs autres seigneurs, ia gouvernans les grandes Comtez & Duchez, ils se monstrent non pas Roys (car ils n'auoyent l'autorité acquise de si longue main que Hue Capet, venu d'un grand pere & d'un grand oncle Roys (mais vsurpateurs de tous droits Royaux, tenans cour à part, battās monnoye, & ne se rendans subiets qu'à tel seruice qu'il leur plaisoit faire à ce Roy, aussi nouveau en sa dignité, qu'eux mesmes qui l'auoyent supporté contre l'apparent heritier de la couronne, pour auoir part au butin, plustost que pour affection qu'ils luy portassent, ou desir de reformer les abus lors regnans. De maniere qu'ils ne se soucierent beaucoup de hanter la cour de ce nouveau Roy, ne se patronner sur ses mœurs, & encores moins suyure son langage: qui à la fin ne se trouua de plus grande estendue que son domaine, raccourci par ces Harpies. Car ledit Hue Capet & Robert son fils ne iouissoient d'aucune ville de marque, fors d'Orleans, Paris & Laon: pource que les autres auoyent leurs Comtez, & les Prouinces des Ducs, qui tenoyent grand territoire. Comme Richard, seigneur de toute Normandie: Hebert qui estoit Comte de Meaux & Troyes, c'est à dire de Brie & Champagne: Thiebault Comte de Chartres, Blois & Tours: Guillaume Duc de Guyenne, & Comte de Poictou: Geoffroy Comte d'Anjou: lesquels depuis s'accreurent grandement, pource que ceux de Chartres ioignirent à leur domaine Champaigne & Brie par vsurpation: ceux de Normandie, Angleterre: la maison d'Anjou, Touraine. Tellement que lon voit en France de belles cours & magnifiques tout à vn mesme temps. Car le Côte d'Anjou espousa l'heritiere d'Angleterre & Normandie. Le Duc de Guyenne auoit les hommages d'Auuergne, Limosin, d'Angoulmois, Agenois, & de toute l'Aquitaine. Le Comte de Champagne, Brie, & tout ce qui estoit depuis l'emboucheure de la riuere de Marne dans celle de Seine, iusques vers la Lorraine: & de là retournant à Sens. Les Berangers, toute la Prouence, Languedoc & Cathalongne. Ce qui donna occasion

aux

aux Poètes & hommes ingenieux, qui en ce temps la voulurent escrire, vser de la langue de ces Roytelets, pour d'auantage leur complaire, & monstrier qu'ils n'auoyent que faire d'emprunter aucune chose de leurs voisins.

Ce fut lors (ainsi que ie pense) qu'escrire en Roman commença d'auoir lieu, & que les Conteor & Iugleor, ou Jongleurs, Trouuerres & Chanterres, coururent par les cours de ces Princes; pour reciter ou chanter leurs contes sans rime, chansons & autres inuentions poëtiques: vsans du Romain rustique, ainsi que du langage entendu par plus de gens, encores qu'il leur eschapaist assez de mots de leur terroir. Delà vient que l'on trouue tant de liures de diuers dialectes, Limosin, VVallon ou François, & Prouençal, portans le nom de Romas: voulans les Poètes donner à cognoistre par ce tiltre, que leur œuvre ou langage n'estoit pas Latin ou Romain Grammatic, ains Romain vulgaire. Ce que ie deuine (car autrement ie ne veux asseurer vne chose tant obscure) par vn passage d'un liure composé enuiron l'an M C C X X V I I. ou X X V I I I. par Huon de Meri: qui dit au commencement du Roman intitulé le Tournoyment d'Antechrist.

*N'est pas oysieux, ain fet bon œuvre
Li trouuetre qui sa bouche euvre
Por bonne œuvre conter & dire,
Mais ki bien treuve plain est d'ire
Quant il n'a de matere point
Ioliuetez, semond & point
Mon cuer de dire aucun biau dit.
Mais n'ay dequoy, car tout est dit
Fors ce que de nouuel auient.
Mais au Trouueor bien auient
S'il sçait auenture nouvelle,
Qu'il face tant que la nouvelle
Par tout s'espanse & par tout aille:
Et que son gros François detaille
Pour faire œuvre plus deliee.
Por ce ma langue ay deliee,
Quiconq m'en tiène à trespensé
Pour dire mon nouuel pensé.*

i Outrecni-
dé.

Ce gros François détaillé me semble debuoir estre pris pour le Roman & plus poli langage, dont les Trouuerres, Iugleors, & autres cy dessus nomméz vsoyent plus que le commun. Car Hebert dit au Roman des sept sages,

*Moult volontiers me penoroie,
Si ie m'en pooie entremettre
Qu'en bon Romans peüsse mettre*

BBb 4 Vne

Vne² Estoire³ auques ancienne.

² Histoire.
³ Aussi.

Et puis quelques vers apres il adioust,
Li bons moines de bonne vie
De Haute-selue l' Abeie
A l'Estoire renouvellee,
Par bel Latin l'a ordence,
Hebers la⁴ vient en Romans trere
Et del Romans un liure faire:
El nom & en la reuerence
Del Roy fil Phelipe de France
' Loëis qu'en doit tant loër.

⁴ Veult.

⁵ Ce Louys
doit estre le
pere de S.
Louys, ou
Louys Hu-
tin.

Et puis encores quelque peu apres,
Por s'amor encommenceray
L'Estoire & enromanceray. &c.

Qui est à dire, Je mettray en François. Que si quelcun pense que le Roman ne fust qu'en rime : ie luy respons qu'il y auoit aussi des Romans sans rime & en prose. Car en la vie de Charles le Grand mise en François auant l'an mil deux cens, à la requeste d'Yoland Comtesse de saint Paul, sœur de Baudoin Comte de Hainau, surnommé le Bastisseur, au quatriesme liure l'autheur dit ainsi: *Baudoin Comte de Hainau trouua à Sens en Bourgongne la vie de Charlemaigne: & mourant la donna à sa sœur Toland Comtesse de saint Paul, qui m'a prié que ie la mette en Roman sans ryme. Parce que tel se delitera el Roman qui del Latin n'eut cure: & par le Roman sera miex gardee. Maintes gens en ont ouy conter & chanter, mais n'est ce mensonge non ce qu'ils en dient & chantent cil Conteor ne cil Iugleor. Nuz contes rymez, n'en est vrais: tot est mensonge ce qu'ils dient.* Ce parler Roman estoit lors pris pour langage maintenāt appellé François le plus poli, tesmoing ce vers du Roman d'Alexandre de la composition de Lambert li Cors:

Vestu comme François, & sot¹ parler Roman.

¹ Seut.

Et les Souisses le pensent encores: car au lieu de dire, Je sçay bien parler François, ils disent Je sçay bien parler Roman. Et ie diroy volontiers que le parler Roman fut plus particulier à Paris & lieux voisins qu'autres. Car au Roman d'Alexandre composé par le clerc Simon, en racontant les peuples diuers qui sortirent de Babylone, apres la confusion aduenue en bastissant la tour, il dit,

Li enfans se departent, li¹ pere en fu dolans,
Et li autre deuient Mesopotamiens,
Li autre fu Torquois, li autre Elimitans.

¹ Pere.

Et puis quelques vers apres,
Li autre fu Romains & li autre Toscons.

Et encores depuis,

L'autre

*L'autre fu Espeingnos, & s'autre fu Normans,
Li autre Erupeis & parla bien Romans,
Li autre fu Francois, & li autre Normans.*

Lesquels Erupeis ou Erupers ie pren pour ceux du pays d'Hurepois, qui n'a point de limite certain sinó qu'à Paris nous disons que le quartier deuers Mydi ou de l'Vniuersité est en Hurepois. Et neantmoins pres de Meaux & Iorre il y a vn terroir appellé Hurepois, comme aussi quelque endroit voisin de Montreau-fault-Yonne. Que si aucun veut dire que Simon prend le mot Erupeis pour *Eropans*: ie respons qu'il parleroit trop generally, ayant nommé tant de peuples particuliers. Je ne suis pas d'opinion que Hurepois ait pris son nom du vent Euris, puis qu'il se trouue & à l'Orient & au Mydi de Paris. Mais i'adiousteray bien, qu'à Paris quand l'on veut dire qu'une façon de faire n'est gueres ciuile, on vse de ces mots, C'est du país ou quartier de Hurepois: ce que d'autres disent, Cela sent son escolier Latin. Comme si nos Roys demourans du costé que nous appellós Cité & ville(à sçauoir au Palais, à S. Martin, au Loure, pres S. Geruais, S. Paul, & aux Tournelles, lieux habitez par nos Roys) eussent plus façonné les habitans de cest endroit de Paris: & que celui de l'Vniuersité fust moins ciuil pour n'estre pas tant hanté de Courtisans: ce qui luy auroit plus faict retenir le langage Rustic Romain. Que les Erupers, Erupeis, Hurepois, ou Herupois fussent subiets des Roys de France: il en appert au Roman de Bertain composé par le Roy Adenez, viuant du tēps du fils de S. Louys: où ils sont nommez avec ceux qui accompagnerent Charles le grand contre les Saxons. Car parlant de Saxe il dit,

*Après l'ot Guithekins qui¹ ainc n'ama François,
Cil fu fils Justamont mout fu de grand² bufois.
Car bien cuida conquerre France & Olenois,
Champaignois & Bourgongne & Flamans & Englois
Iusqu'à Cologne fu, la il fit maint desrois.
Longuement tint Sassoigne qu'ins nus n'i mil⁴ de fois
Mes puis fu reconquise par Francs & par Thiois:
Au reconquerre fure li baron Herupois
Et flaman li En v'vage Brabançon Ardenois.*

¹ Onc.² Orgueil.³ Orleans.⁴ Defence.

Quand à l'etymologie & signification de ce mot Hurepois, voicy ce que i'en ay trouué dans le Roman de la conquête d'outre mer. Parlant d'un Helias (qui fut le cheualier au Cygne) nourri avec ses freres dans un bois, sans iamais auoir veu autre homme qu'un Hermite, qui les vestoit de feuilles & escorces coufues de Til, il dit,

*Li forestier s'en tourne qui ot non Malaurrez
A l'hermitage vint hideux & hurepez.*

Et du mesme Helias.

Velus estoit com⁵ Lens v Ours⁶ enkaënez,

⁵ Loup:
⁶ Enchaînez.B B b 5^e Les

*Les ongles grans & lons, les ¹ ceuals meeletz,
La teste hurepee n'ert pas souvent lauez.*

¹ Cheueux.

Puis il en dit autant des pauvres gens, lesquels ayans perdu leurs cheuaux & biens, suiuiroyent à pied en ce voyage d'outre mer les autres Chrestiens: estans conduits par Pierre l'Hermite:

*La puisiez voir tant viez draps depanez,
Et tante grande barbe & tant ² cieZ hurepez.*

² Chefs.

De sorte que le pays de Hurepois pourroit auoir pris son nom de ce que les habitans portoyent leurs cheueux droits & herissez comme poil de Sanglier, la teste duquel en venerie s'appelle Hure. De Hurepé donc vient par syncope Hupé, qui est vne touffe de plumes leuees qu'une espece de coqs porte sus la teste: & encores Houpe, ce floc de soye ou de fil noué qui iadis se mettoit au sommet des chapeaux & bonnets des hommes plus honorables: non seulement Rois, princes & gentils-hommes, mais encores Cardinaux, Euesques & Docteurs. Dont possible vient le proverbe, Abbatre l'orgueil des plus houpez, quand c'estoyent clerics: ou hupez, quand c'estoyent gens de guerre portans plumes, Tant y a que les anciens Sicambriens (desquels autre part i'ay monsté que sont venus les François) portoyent leurs cheueux nouëz sus la teste: Le mot de Hurepé pour poil leué & mal pigné, dure encores en la bouche d'aucunes femmes de Paris, en mesme signification que le Latin *arrecta coma*. Mais tout ceci sera dit pour reueiller l'esprit de quelcun, lequel possible rencontrera d'autres endroits d'Auteurs plus exprés & clairs que ceux cy par moy alleguez. Les Espagnols aussi ont gardé ce mot de Roman, appellans Romancé Castellano, leur langage commun, & dont ils vsent en la composition ou translation des liures. Je ne puis oublier que Giouan Babbtista Giraldi en ses discours pense que les Romans ont pris leur nom de Reims: pour ce que le liure que Turpin Euesque de ceste ville a fait de la vie & gestes de Charles le grand, a plus donné de subiect aux Trouuerres. Comme si le mot Romancé venoit de *Rhemenfes*. Et Pigna vn autre Italien, allegue ceste raison au liure qu'il a fait de l'origine des Romans: adioustant que les Annales estoyent ainsi appelees: & que depuis d'autres nommerent ainsi leur contes fabuleux: ce qui a fait appeller Romans les semblables poësies. Mais il faut pardonner à ces estrangers s'ils choppent en pays esloigné de leur cognoissance, estâs les Romans vne sorte de poësie Gauloise ou Françoisse.

Quand au VVallon ou Gallon: j'estime que c'est vn moyen & nouveau langage, nay depuis Charles le grand: ainsi appellé par ce qu'il sentoit plus le Gaulois que Thiois: lequel toutesfois on ne laissa d'appeller Romain, pour ce qu'il approchoit plus du Romain que du Thiois ou François Germain. Ce dialecte (c'est à dire propriété & diuersité de langage) ayant trouué des cours riches: comme celles des Comtes de Flandres, d'Artois, de Hainau, de Louvain, Namur, Liege & Brabam, a donné occasion de penser que ce fust vn autre maniere de parler François. Mais la maison de Hue Capet ayant regné si longuement, & peu à peu ioint à la couronne les grandes terres, iadis oc-

cupees

cupees par des seigneurs particuliers, a quant & quant esteint deça Loire la langue Romande, ou Romaine Rustique, pareille à celle du serment dessus écrit, qui s'y parloit (ainsi que j'ay dit) du temps de l'Empereur Charles le grand: la banissant aux cours plus esloignees vers Italie, Prouence, Languedoc, Gascongne, & partie d'Aquitaine, qui approche de Garomne: tout ainsi que le VVallon se retira outre les riuieres de Somme & de Meuse: laissant vn langage moyen à ceux qui demourerent entre les montagnes d'Auuergne & ces riuieres: depuis appelé François, pource que les Roys portans le nom de France le parloyent.

Iusques icy Fauchet a discouru amplement des Romans: maintenant ie vien à les mettre tous de reng cy apres.

ROMANS vieux & nouveaux.

<i>Amadis</i>	<i>Giglan fils de Gauuin</i>
<i>Apollonius</i>	<i>Guerin Mesquin.</i>
<i>Alexandre le grand</i>	<i>Guerin de Monglaue</i>
<i>Artus de Bretagne</i>	<i>Guillaume de Palerne</i>
<i>Quatre fils Aymon</i>	<i>Guy de VVaruich</i>
<i>Baudouyn Comte de Flandres qui</i> <i>espousa le diable.</i>	<i>Gyron le Courtois</i>
<i>Berinus</i>	<i>Hector de Troye</i>
<i>Beufues de Hantone & la belle lo-</i> <i>sienne.</i>	<i>Huon de Bourdeaux</i>
<i>Charlemagne</i>	<i>Jean de Paris</i>
<i>Clamades & la belle Cleremonde</i>	<i>Petit lean de Saintre</i>
<i>Le Cheualier de la Croix</i>	<i>Iourdan de Blaues</i>
<i>Le Cheualu</i>	<i>Isaye le Triste</i>
<i>Doolin de Mayence</i>	<i>Lancelot du lac</i>
<i>Fierabras</i>	<i>Mabrian</i>
<i>Florimont fils de Mataquus Duc</i> <i>d'Albanie.</i>	<i>Maugis d'Aygremon</i>
<i>Florent & Lyon</i>	<i>Meliadus de Leonois</i>
<i>Florent & la belle Elinde</i>	<i>Melusine</i>
<i>Florimont & Passerose</i>	<i>Merlin 2. volumes</i>
<i>Gelehaut le Brun</i>	<i>Milles & Amis</i>
<i>Galien Restauré</i>	<i>Morgant le geant</i>
<i>Gerard d'Euphrate</i>	<i>Le preux Meruin fils d'Oger le Da-</i> <i>nois.</i>
<i>Gerad de Roussillon</i>	<i>Oger le Danois</i>
<i>Geoffroy à la grand dent</i>	<i>Olinier de Castille</i>
	<i>Palladion ou histoire Palladienne</i>
	<i>Palmerin d'Oline</i>

Pan

*Pandarnassus**Paris & la belle Vienne**Perceforest* v. 1. volumes*Perceval le Gallois**Philippes de Madian , autrement
dit le Cheualier à l'esperuier blāc**Pierre de Prouence & la belle Ma-
guelonne**Pontus fils du Roy de Galice**Primaleon de Grece**Robert le diable**Roland L'amoureux**Roland Furieux**Richard sans peur Duc de Nor-
mandie**Les sept sages de Rome**Singraal**Syperis de Vineaux & de ses 17 fils**Theseus de Coloigne**Tristan de Leonnois**Les trois fils de Roy**Chronique de Turpin de la conquē-
ste de Trebizonde faiēt par Re-
naud de Montauban.**Valentin & Orson**Vrbain le mesconnu.*

AINCT SALVIAN. Voyez Nicolas de Bauffremont.

SAMVEL DV LYS

Soubs ce nom supposé Simon Goulard à exprimé en vers
François,Discours escrits en vers, grecs par Gregoire Nasiezene Euef-
que & docteur en l'Eglise primitiue, soubs l'Empire de Valen-
tiniā, contre les dissolutions des femmes fardees, & trop pompeusement attif-
fees. Plus les regrets & desirs du mesme Gregoire Nasienzene. [imprim. l'an
1574.S APPHO Lesbienne. Voyez ses sentences parmy celles des Poètes Ly-
riques Grecs traduites en François.

S A V A R I C D E Mauleon, fut gentilhomme, Anglois de nation, lequel
s'estant mis du party du Roy de France, fut autant prudent, vaillāt & renom-
mé aux armes en fait de guerre, que cheualier de son temps, amateur des gens
doctes. Tous les Poètes escriuans de ce temps tant en Latin que Prouençal se
retiroient à luy, qui les receuoit de bon cœur, les entretenoit, & leur faisoit
de beaux presens. On ne trouue point par escript aucun sieur (ainsi que l'ont
escript le Monge des isles d'Or, & saint Cezari) qui ait monsté vne plus ou-
uerte liberalité enuers les Poètes, que ce Mauleon : car il estoit sçauant aux
lettres & liberal, & si les Poètes de son temps luy ont donné beaucoup
de louanges, ceux qui sont venus après eux, luy en ont attribué da-
uantage. Et au contraire, quelques excellentes & rares vertus qui relui-
soient en luy, le Monge de Montmaieur fleau des Poètes Prouençaux s'est
essayé en vne couple de sa chanson les obscurcir, disant ainsi : Sauaric de
Mauleon qui se melle de chanter, il vaudroit mieux qu'il tint secrettes ses
chansons, attendu que tout ce qu'il faiēt & compose ne vaut rien, & a besoing
d'vne bonne glose, tant obscure & facheuse est sa rime. Il faut donc con-
clurre (ainsi que la verité est relle, & que ses œuures le demonstrent) qu'il escri-
uoit

uoit doctement, & en hâut & grâue styllé. Fut amoureux d'une gentille femme du pays d'Aquitaine, de la maison d'Aspremot (aucun escript de Leuy) d'incomparable prudence, sagesse, & vertu excellente de son tēps, soit à la Poésie, à la musique, & en autres sciences & vertus singulieres, qu'il espousa, & mena en Prouence, quand il fut visiter le Comte de Prouence, laquelle peu de temps apres trespassa, & s'enamoura d'un autre gentilhomme de Prouence, de la maison de Glandeues, à la louange de laquelle fit plusieurs bonnes chansons; en l'une desquelles se plaignant d'elle dict, qu'il auroit plustost ployé un gros arbre, entendant d'un chesne qui porte le gland en allusion de son surnom, que le cœur d'elle, ainsi qu'il le demonstre, en ces vers icy,

O cor ingrat rude, & inezorable

Plus dur cent fois à plegar qu'un gros Aubre,

Coura aura fin vers my ta crudelté?

Quelques années apres elle fut mariée à un gentilhomme de Prouence, de la maison des Baulz filz de Hugues des Baulx, & de dame Beralle, Vicomte de Marseille. Et Sauaric s'en retourna en France, ou il mourut en quelque guerre au secours du Roy de France, mais nul de ceux qui escriuent de luy ne met point quand ce fut. Semble bien que le Monge des isles d'Or en passant dict que fut du temps dudit Remond Comte de Prouence.

Deploration de toutes les princes de R O M E depuis la fondation d'icelle faite par Romulus iusques à la dernière prinse des Espagnols, quia esté la plus cruelle que toutes autres. [impr. à Paris f°. par Jean Longis 1528.]

La destruction de R O N C E V A V X, en rime. *Escrite en main en malibrairie.* Deduction du somptueux, ordre plaisans spectacles, & magnifiques theatres dressés par les citoyens de la ville de ROVEN à l'entrée de la sacrée maïesté du treschrestien Roy Héry 2. leur souverain Seigneur & de Tresillustre Princesse Catherine de Medicis sa femme, qui fut es iours 1. & 2. d'Octobre 1550. Avec les pourtraicts & figures desdicts triomphes. [impr. à Rouen 4°. par Robert & Jean du Gord 1551.]

S A V V E V R A C C A V R R A T natif d'Vzés en Languedoc a traduit Les sept liures de Seneque, traictans des bienfaits. [impr. à Paris 8°. par Estienne Groulleau 1561.]

S C E V O L E D E S A I N T E M A R T H E Loudunois Thresorier general de France en la charge & generalité de Poictiers.

La cognoissance, familiarité & amitié que ie me suis acquise de ce docte personnage, lors que de bonne aduventure tous deux nous sommes trouvez logez à l'hostellerie de l'Ange, rue de la Buchette à Paris, là venus pour un même effect, asçavoir de prester le sermēt deuant les sieurs tenans la chābre des Comptes: luy pour son office de Thresorier general, moy pour celluy de Coterolleur general en la charge de Lyon: Et qui plus est la suffisance & grāde doctrine dont il est pourueu à bien escrire, & à dire encores mieux, tout cela dy-ie & les autres infinies grāces & perfections que Dieu luy a desparty m'inciteroyent volōtiers à faire icy un bel Eloge de luy, si ie ne me sentoy trop foible pour entreprendre, conduire & amener un tel prisfait, au feste des louanges dont il est digne, lesquelles se descouvrans à plain par ses œuvres, qui louent

C C c

assez

assez d'elles mesmes l'ouurier, ie ne feray que les nommer. Elles contiennent donc: Les Poëmes.

Le Palingene, l'Amour & les Epigrammes. Diuers sonnetz. Metamorphoses Chrestiennes. [impr. à Paris 8°. par Federic Morel, & despuis 4°. par Mamert Patisson 1579.

La Sauterelle. [imprimé Sur la fin du liure des Poësies de Iean de la Peruse 1556.

Hymne sur l'Auantmariage du Roy Charles 1^x. [impri. par Federic Morel 1570.

Il a faict & prononcé deuant le Roy tres-chrestien Henry 111. à present regnant, au nom de tous les thresoriers generaux de Frâce, esleuz & autres Officiers supprimez par l'Edict dernier, vne fort belle docte & diserte harangue par luy continuee deux heures durant, & si bien escoutee que sa maiesté qui est le mieux disant de son Royaume, & qui se cognoist le mieux en eloquence, a dit n'auoir onc en sa vie ouy mieux parler. Au reste ie ne sçay si ses persuasions estoient sophismes ou non, tant y a que de tout ce à quoy il concludoit n'a rien esté accordé ne faict, & la volonté & meure deliberation du Prince est demeuree despuis iusques à present irrefragable.

Ses Oeuures Latines.

Scauola Sammarthani Poëtica paraphrasis in sacra Cantica. Syluarii lib. 11. Epigrammatum lib. 1. Carminum diuersi generis lib. 1. [Lutetia in 8. excud. Federicus Morellus 1575.

Pedotrophia, siue de puerorum educatione libri duo priores. Reliquos libros nondum author absoluit. [Parisiis 8°. apud Mamertum Patissonium 1580.

HIERACOSOPHIOT, Siue de Re Accipitriaria libri tres. [Parisiis 4°. excud. Mamertus Patissonius 1584.

L'Argument du liure du zodiaque de la vie, par Marcel Palingene Poëte Latin.

*Je veux maints beaux discours diuersement escrire,
Et tousiours ne veux pas arrester mon nauire
En un mesme courant: mais ma route sera
Celle part où le vent mes voiles poussera,
Allant de lieu en lieu, & faisant nauigage
Tantost en haute mer, tantost pres du riuage.
Et bien que quelquefois ie chercheray de prés
De nature & des Cieux les plus diuins secrets,*

Mon

Mon dessein toutesfois & ma fin principale
 C'est de traicter icy la science morale,
 Pour remettre les meurs plus honnestes & saints
 En ce temps corrompu totalement estaints,
 Et tascher doucement à rendre consolee
 L'ame qui de grands maux est souvent affolee.
 La Muse ne scauroit choisir plus beau traicté
 Ne qui soit mieux seant à sa virginité,
 Que de parler des meurs : ceste science heureuse
 Eueille des esprits la force vigoureuse,
 Elle rend l'homme sage, & encores qu'il n'eust
 D'esprit non plus qu'un asne, & encore qu'il fust
 Un lourd, un ignorant, subiect à gourmandise,
 Et au sale appetit de l'orde paillardise,
 Subiect à boire trop, & de cœur enuieux,
 Cateleux, mensonger, & bref tout vicieux,
 Elle seule pourra, chassant le vice infame,
 En la meilleure voye acheminer son ame.
 Elle haulte en honneur les hommes les plus bas,
 Elle rend suffisans à tenir des Estats,
 Pour conduire en priuè les choses domestiques,
 Ou pour guider le frein des grandes republiques.
 Ny le teint de vermeil & de blanc coloré,
 Ny un bel œil riant, ny un beau chef doré:
 Ny toutes les beautez du monde les plus belles,
 Qui égalent aux dieux les personnes mortelles,
 Ne peuuent plaire tant qu'un esprit reuestu
 De sainteté de meurs, de grace & de vertu.
 Combien estimez vous qu'une pure innocence
 Apporte de repos, faisant qu'un homme pense
 Que la faueur du Ciel iamais ne luy defaut?
 Si l'on parle en secret de bien peu luy en chaut
 Et s'il est adiourné, son assésuré courage
 D'un Iuge ny d'un Roy ne craint point le visage.
 Le meschant au contraire est tousiours en horreur,
 Qu'on ne d'escoure au iour son crime & son erreur.
 Et quant il oit tonner il, craint que la tempeste
 Pour les maux qu'il a faict n'escarbouille sa teste.
 Si l'on parle en secret, lors il dict à part soy,

Mon dieu ces gens icy tiennent propos de moy,
 Ils disputent entre eux combien ma faute est grande!
 Et si le magistrat d'auenture le mande,
 Il doute s'il ira, ou fuira le danger,
 Auquel sa pauvre vie iroit la se rengier.
 Bref les Dieux ont voulu qu'une peur eternelle
 Soit des hommes meschans une iuste bourrelle:
 Car un homme peruers encor qu'on pensera
 Quelquesfois à le voir que ioyeux il sera,
 Si est il agité non moins que l'isle ronde
 Des Aquilons batue au beau milieu de l'onde,
 Ou que le Montgibel, quand de son bras puissant
 Pyracmon forge au feu le foudre punissant.
 Doys-je donques plustost chanter les murs de Troye
 Qui des soldats Gregeois furent la riche proye,
 Pour la folle pitié qu'ils eurent de leger,
 Croyant au faux semblant d'un Sinon mensonger?
 Ou les malheurs Thebainz: on d'un flatteur l'agage
 Donner à un Corbeau d'un Phoenix le plumage?
 Ou remplumer Dedale, & decrire en mes vers
 Des hommes & des Dieux les changements diuers,
 Et par un vain discours d'inutiles merueilles,
 Des hommes de loisir repaistre les oreilles?
 Doys-je chäter l'Amour des hommes & des dieux,
 Ou ce qui est encor beaucoup plus odieux,
 Profaner leurs saints nös par escrits impudiques?
 Que n'auons nous osé? nous les faisons lubriques:
 Le vice regne au Ciel, & par nos beaux escrits,
 Là souuent du mary l'adultere est surpris.
 O trop grande vergongne! est ce la sainte offrande,
 Est ce le iuste honneur que le Ciel nous demande?
 Est ce en telle façon que les Dieux immortels
 Sont honnorez, de voeux, & d'encens, & d'autels?
 Qu'est ce que faulxement les hommes ne cōtrouuent,
 Afin que le moyen plus librement ils trouuent,
 De pecher à leur aise, & leurs fautes couvrir,
 Et de leurs meschans faicts l'infamie amoindrir?
 O courbe d'escrinains, trop indigne d'escrire,
 Qu'on ne purgeroit pas de toute une Anticyre,

On

On parle a vous icy. Vous n'espargnez aucun,
 Et par vostre mesdire offensez un chacun.
 Faut il donc s'estonner si ce mesme tonnerre
 Sur voz testes aussi iustement se defferre?
 Dictes à qu'elle fin nuit & iour vous veillez:
 Si ce n'est que pour vous qu'ainsi vous travaillez,
 Vous ne meritez donc que louange on vous donne.
 Car celluy qui sans plus à son profit s'a donne
 Sans auoir aucun soing de secourir autrui,
 Mais plustost se riant de le voir en ennuy,
 Pourueu que cependant à soy mesme il profite,
 D'une beste le nom à bon droit il merite.
 Donques il est requis decrire tellement
 Qu'on puisse profiter, de peur que iustement
 Le lecteur n'ayant leu que toute chose vaine,
 Plaigne, comme perdus, & son temps & sa peine.
 Deesse qui tenez le mont à deux sommets,
 A qui i'ay mes beaux ans voiez pour tout iamais.
 Si i'ose moy petit demander chose grande,
 Un ceuvre qui soit tel icy ie vous demande.
 Ou me gardez au moins de fournir de papiers
 De quoy Enucloper le poyure aux espiciers:
 Et gardez que Vulcan en sa fureur encore,
 Defraudant mon labeur, mes escrits ne deuore.

Aux diuers Sonnetz. XLIIII.

Que tu es innocence, vne vaine vertu!
 Je pensois, pauvre moy, que t'ayant bien seruy
 L'assurerois mes biens, mon honneur & ma vie
 Pour triompher du vice à mes pieds abatu.
 Mais ie voy que i'ay faict un thresor d'un festu
 Aueuglé de l'erreur qui la ieunesse lye,
 Et cognois combien c'est vne estrange folie
 De penser aller droit en un siecle tortu.
 Non que i'aye regret, veu que la vertu pense
 Estre seule de soy la iuste recompense,
 De voir couler sans fruit mes honnestes labeurs:
 Mais que des bons l'honneur & les biens on engage
 Pour couvrir des meschans la honte & le dommage
 N'est ce pas pour maudire & le temps & les meurs?

CCc 3

Aux

Aux Poëmes.

Comparaison du Poëte au Financier.

<i>Mon Garraut, qui es favori</i>	<i>Les vers à l'amour sont duiſants.</i>
<i>De la Muſe qui m'a nourry,</i>	<i>Et ces beaux eſcus bien luiſants</i>
<i>Folle ſeroit la ſantaſie</i>	<i>En Amour ſont trop neceſſaires.</i>
<i>De celui qui penſer voudroit</i>	<i>Tous deux eſgalement ont ſoing</i>
<i>Que ſuyre enſemble ou ne pourroit</i>	<i>D'eſtendre leur renom plus loing,</i>
<i>La finance & la Poëſie.</i>	<i>Rendans la France decoree</i>
<i>Tel homme ne cognoiſtroit pas</i>	<i>De leurs ſuperbes mouvemens,</i>
<i>L'union de ſes deux eſtats,</i>	<i>L'un de ſomptueux baſtimens,</i>
<i>Qui de tous points eſt ſi parfaite,</i>	<i>Et l'autre d'eſcrits de duree.</i>
<i>Qu'on peut voir aſſez clairement</i>	<i>L'un eſt prompt à compter l'argent,</i>
<i>Symbolizer entierement</i>	<i>L'autre n'eſt pas moins diligent</i>
<i>Le financier & le Poëte.</i>	<i>A nombrer des vers la cadance:</i>
<i>Tous deux ſont ſubtils & adroiſts</i>	<i>Bref, ils ne different tous deux,</i>
<i>L'un de l'eſprit l'autre des doits.</i>	<i>ſinon que l'un eſt ſouffreteux,</i>
<i>L'un & l'autre ſes plaiſir ayme.</i>	<i>L'autre ſe baigne en l'abondance.</i>
<i>Tous deux ſuyvêt d'un ſoing pareil,</i>	<i>Nous d'oc mon Garraut, qui ſuyvons</i>
<i>L'un Phœbus l'autre le Soleil.</i>	<i>L'un & l'autre, ſi nous pouvons</i>
<i>Qui n'eſt qu'une deité meſme.</i>	<i>Les temperer tous deux enſemble,</i>
<i>Tous deux ſe recreent aux ſons</i>	<i>De l'une & l'autre extremité</i>
<i>L'un d'eſcus l'autre de chanſons.</i>	<i>Tirons la mediocrité,</i>
<i>Deux choſes deſſeſts non contraires.</i>	<i>A qui le vray bonheur ſ'aſſemble.</i>

Aux Epigrammes.

VI.

*Bien que vous ayez un eſpoux
Pacient debonnaire & doux,
Sans fin vous eſtes en querelle,
Et n'avez une heure de bien.
Pourquoy vous faſchez vous la bel-*
le

VII.

*A celui qui ne vous fait rien,
Je confeſſe bien comme vous,
Que tous les Poëtes ſont fous:
Mais puis que Poëte vous n'eſtes,
Tous les fous ne ſont pas Poëtes.*

SCIPION DE ROGRES a eſcrit en vers François,
Discours ſur la Chreſtienne & louable entrepriſe de haut & puiſſant Prince
Charles de Lorraine Marquis du Mayne contre le grand Turq en l'an 1572.
[imp. à Paris 4°. par Denys du Pré audit an,

SEBASTIEN BRAND

Les Reguards trauerſans les perilleuſes voyes des folles fiances du mode tant
des vers Latins de Sebaſtien Brand en rime. [Impri. à Paris f°. ſans datte.

SEBASTIEN COLIN Medecin à Fontenay le Comte en Poictou
a eſcrit vn liure

De l'ordre & regime qu'on doit garder & tenir en la cure des fiebures, cote-
nant

nant 73. chapitres dont le dernier est singulier à traicter les causes & remedes des fiebures Pestilenciales. Plus vn Dialogue contenant les causes, Iugemens, couleurs & Hypostases des vrines, lesquelles aduiennent le plus souuent à ceux qui ont la fiebure. [le tout imprim. à Poytiers 8°. par Euguilbert de Marnef. 1558.

Plus il a traduit de Grec en François,

Le vnzième liure d'Alexandre Trallian traictât des Gouttes. Avec vne briefue exposition d'aucuns mots pour facilement entendre l'auteur, ensemble la pratique & methode de guerir les Gouttes escripte par Maistre Antoine le Gaynier traduite de Latin. [le tout imprim. à Poytiers 8°. par Enguilbert de Marnef 1567.

SEBASTIEN MAMEROT de friçons, Chantre & Chanoine de l'Eglise Sainct Estienne de Troyes & Chappellain de Monsieur Louys de la Val Sieur de Chastillon en Veudelois & de Gael, a compilé & escript compendieusement les passages d'outre mer faicts par les François. [impri. à Paris f°. par Michel le Noir 1528.

SEBASTIEN MVNSTER.

Cosmographie vniuerselle &c. Voyez ses œuvres Latines en Gesner.

SEBASTIEN SERLIO,

Architecture. Voyez Jean Martin.

SEDLIE Poëte Chrestien. Voyez quelques Hymnes des siens traduits par G. le Feure.

SERAPHIN DE FERMO.

Opuscles Spirituelles. [impri. à Paris &c.

DE SELVE (son nom propre m'est incertain) frere de feu le premier President de Selua, Secretaire de treshaute princesse Ieanne d'Albret Royne de Nauarre a traduit du Latin de George Buchanan Iephre Traiedie. [impr. à Paris. Il y en a vne autre traduction faite par Florent Chrestien.

SEVERE SVLPICE.

Epitome de la Bible. Voyez Jean Filleau.

SEVERIN CORNET,

Chansons Françoises mises en Musique à 5. 6. & 8. parties par Seuerin Cornet Maistre des enfans de la grande Eglise d'Anuers. [imprim. par Christophle Plantin 1581.

SEVERIN DE LVBA C Mathematicien à Romans en Dauphiné à iustement calculé & escrit,

Tables montrant la somme d'argent que doit auoir vn chacun enfant par droit de legitime, & ce depuis deux enfans iusques à vingt, n'excedant la valeur du bien dix cens mille liures : non seulement profitables & necessaires à gens professeurs, mais à tous autres. [Imprimé à Lyon 8°. par Benoist Rigaud 1575.

SIBERT LOVVEMBORCH Licencié es loix demeurant en Colloigne à tranlaté en François. Les Oeconomiques d'Aristote. [impri. à Lyon 16. par François Iuste sans datte.

SIMON DE-PROVENCHIERES Langrois, Medecin à Sens a traduit de Latin

La Chirurgie de M. Jacques Hollier Docteur en medecine de la faculté de Paris contenant 14. chapitres. [impr. à Paris 16°. par Charles Macé 1576.

La Chirurgie de Fernel trāslee de Latin & enrichie de briefues annotations & d'une methode chirurgique par ledict de Prouenchieres. [impri. à Paris 16°. par Guillaume Chaudiere 1579.

Lettre enuoyee à M. Arnoul Doyen de Sens, & grand Vicaire du R. Cardinal de Pelleué, par Simon de Prouenchieres Medecin, faisant mention d'un enfant conserué en la matrice, par l'espace de vingt huit ans. [impri. à Lyon 1582.

SIMON BOVRGOIN Valet de chambre du Roy a composé en rime gosse & mauuais termes l'Espinette du ieune prince conquerant le Royaume de bonne renommee. [impri. à Paris f°. par Iean Petit 1514. & a traduit du Grec de Lucian vn liure intitulé

Des vrayes narrations, lequel recite choses admirables veües par Lucian Nautgant, au Ciel, en la Mer, & en la Terre. Avec l'oraison ou declamation dudit Lucian contre calomnie. [imprim. à Lyon 8°. par Gilles & Jacques Hugueran 1540.

L'homme iuste & l'homme mondain avec le iugement de l'ame deuote, & l'exécution de la sentence: le tout par personnages en nombre 82. imp. à Paris 8°. par Antoine Verard 1508.

SIMON BOVQVET Citoyen de Paris a ordonné & dessigné par charge de messieurs les Escheuins de la ville, & en apres descript l'ordre & triomphes faicts à l'entree du treschrestien Roy Charles ix. & de tresillustre princesse Elizabeth d'Austriche son espouse dans Paris 1574. Et du couronnement d'icelle Roynie. [imp. avec les figures desdits triomphes & deuises (pourtraites & taillees par Oliuier Codoré) à Paris 4°. chez Denis du Pré 1582.

SIMON BRVNEL a traduit de Latin, Defense pour le Roy treschrestien François premier du nom, à l'encontre des iniures & detractions de Jacques Omphalius. [imprim. à Paris 4°. par Robert Estienne 1546.

SIMON FONTAINE de l'ordre de S. François Docteur en Theologie à Paris a escript en 18. liures,

Histoire Catholique de nostre temps touchant l'estat de la religion Chrestienne, contre l'histoire de Iean Sleydan. [imp. à Paris 8°. puis en Anuers par Iean Steelsius 1558. & encores à Paris par Guillaume Iulian 1562.

SIMON GORLIER Musicien a escript, vn liure de Tabulature de flustes d'Aleman. [imp. à Lyon par luy mesme 1558. Plus

Premier liure de tabulature d'Espinette, cōtenant Nottetz, fantasies, chansons, Madrigales & Gaillardes. [imp. à Lyon 4°. par ledict Gorlier 1560.

Liure de tabulature de Guiterne. [imp. de mesmes.

Liure de tabulature de cistre. [imp. de mesmes.

Liure de Musique à quatre ou cinq parties en cinq volumes. [imp. à Lyon.

SIMON

SIMON GOVLARD de Senlys a escript en vers François,
Imitations Chrestiennes. Odes xii. Suite des imitations Chrestiennes conte-
nant deux liures de Sonnets, le premier en a 100. & le second 97. [imprim. avec
les Poëmes Chrestiens de B. de Montmeia 1574.

Sonnets Chrestiens accommodez à la musique d'Orlando Bony & Bertrand à
4. parties. [imp. &c.

Il a enrichy les œuvres Morales & meslees de Plutarque de prefaces generales,
de sommaires au commencement des traittez & d'Annotations en marge qui
monstrent l'artifice & la suyte des discours de l'Autheur. [imp. avec lesdits œu-
res f°. par François Estienne 1582.

Annotations seruans de commentaire sur la sepmaine du sieur du Bertas. [imp.
premierement à Geneue 16°. puis à Paris 4°. & 16°.

Deux liures de Theodoric Euesque de Cyr, ancien docteur de l'Eglise, tou-
chant la prouidence de Dieu, contre les Epicures & Atheistes. Avec deux au-
tres liures du mesme autheur, l'un de la prouidence diuine, l'autre du but de
la vie humaine & du dernier iugement. [imprim. 8°. à Lyon par Jean Lertout
1578.

La Chronique de Jean Carion augmentee par Phil. Melanton & Gaspar Peu-
cer. [imp. en deux tomes 8°.

Histoire de Portugal contenant les entreprises, nauigations & gestes memo-
rables des Portugalois, tant en la conqueste des Indes Orientales par eux des-
couuertes, qu'es guerres d'Afrique & autres exploicts despuis l'an mil quatre
cens nonante six, iusques à l'an mil cinq cens septante huit, sous Emanuel
premier, Jean troisieme & Sebastien premier du nom: comprise en 20. liures
dont les 12. premiers sont traduits du Latin de Hierome Osorius Euesque de
Sylues Algarue, les huit suyans pris de Lopez de Castanede & d'autres histoi-
res. Avec un discours du traducteur du fruit qu'on peut recueillir de la lectu-
re de ceste histoire. [imp. f°. par François Perrin 1581.

Les Deuins, ou Commentaire des principales sortes de Deuinations: distingué
en xv. liures traduits du Latin de Gaspar Peucer. [imp. en Enuers 4°. 1584.

SIMON GRYNNE a escript la vie de Jean Ecolampade traduite de
Latin en François, & contenüe en un liure 16°. intitulé histoire des vies & faicts
de trois excellents personnages. [imprim. à Lyon par Jean Saugrin 1562.
Censuré.

SIMON DE HESDIN Maistre en Theologie Religieux des hospi-
taliers de Saint Jean de Hierusalem a translaté en vieil langage François
Les sept premiers liures de Valere le grand. [imp. avec les Glofes dudit trans-
lateur à Lyon f°. par Mathieu Hufz 1485. Et y sont adioustez les trois derniers
liures assauoir, le 8. 9. & 10. dudit Valere de la translation de Nicolas de Gon-
nesse, avec les Glofes.

SIMON DE MAILLE Archeuesque de Tours a escrit
Deuotieux petit discours adressé au peuple de Toraine, pour l'exorter à l'ail-
mour & crainte de Dieu, par la consideration de la mort naturelle: Et le reme-
de de ne tomber en l'eternelle par le moyen de l'oraison. Aussi la façon & ma-
niere que nous deuons tenir en priant. [im. à Paris 16°. par P. L'huillier 1574.

Ex libris D. Basilij Archiepiscopi Casarea in Capadocia Conciones devota & moribus xxiiii. Simeonis magistri ac logotheta industria selecta. Latina facta à Simone à Maillé Arch. Turonensi, græcè & latine [Parisiis 8°. apud Guil. Morellium 1558.

SIMON DE MONTHIERS Aduocat au parlement de Rouen a traduit elegamment

Les deux premiers liures de Paul Aemyle Chanoine de nostre Dame de Paris de l'histoire de France [imprimez 4°. à Paris par Michel Vascofan 1556.

SIMON DE MOVRELLES a escrit.

Lettres enuoyees de Vitorbe au Seigneur d'Arimbaut son bó frere d'armes & feal amy, contenans le voyage de Monsieur de Vaudemont. Ensemble la prise de Rome & les assauts a elle donnez. Aussi les calamitez dás icelle exercees par ses ennemis. Avec la mort de Charles duc de Bourbon & ladicte prise. [impri. 8°. sans date & nom de lieu n'y d'Imprimeur.

SIMON NERAVLT Docteur en Theologie a composé vn liure intitulé

Le Flagice de peste, traictant des signes indicatifs de peste, des causes prouocatives d'icelle: Les moyens pour empescher ses effects & malice par voye naturelle & spirituelle: de sa dilatation & du pouuoir qu'elle a d'infecter. [impri. à Poytiers 8°. par Jaques Bouchet 1530.

SIMON SYLVIVS dict de la haye valet de chambre d'illustre Princesse Marguerite de France Royn de Nauarre a traduit de Latin, Le commentaire de Marfile Ficin, Florentin, sur le banquet d'Amour de Platon. [imp. à Poytiers 8°. par Enguilbert de Marnef 1556.

SIMON VALLAMBERT natif d'Aualon en la Duché de Bourgoigne Medecin a escrit

Meditation de l'oraison des chrestiens, en prose, prinse du liure de Pasque dit autrement le trespas des fideles. Avec vn sommaire discours à la fin des principaux points dudit pasque [impr. à Paris 8°. par Guerould Sibere sans date. Epitaphes de M^{seigneur} le Duc d'Orleans en Latin, Grecs & François. [imp. à Paris 8°. par Chrestien VVechel 1545.

De la conduicte du faict de chirurgie en prose. [impr. à Paris 8°. par Vascofan 1558.

Cinq liures de la maniere de nourrir & gouverner les enfans dez leur naissance: le premier contenant la maniere de bien choisir vne nourrice: le 2. l'instruction de la sage femme des accouchees, & de la nourrice, au gouvernement de l'enfant nouveau né: le 3. la maniere de nourrir & gouverner l'enfant avant que le seurer: le 4. la maniere de nourrir & gouverner l'enfant apres qu'il est seuré: le 5. la maniere de guerir les maladies des enfans. [impr. à Poytiers 4°. par les Demarnéfs, & Bouchets freres 1565.

De l'obeissance qu'on doit à Iustice, & la patience qu'il conuient auoir quand on est codamné à tort, liure de Plato intitulé Crito, tourné de Grec en François par ledict Vallambert, [& imp. à Paris 8°. par Oliuier Mallard 1542.

Le mesme Dialogue. Crito a esté aussi traduit en François par Philebert du

Val

Val Euesque de Sees, [& imp. 8°. par Vascofan 1547.

Historia de vita & rebus gestis M. T. Ciceronis M. filij à Simone Vallamberto Haduo Auallonenfi autore. [Parisiis 8°. apud Simonem Colineum 1545.

Simonis Vallamberti Epigrammatôn Somnia. [Lugdani 8°. apud Theob. Paganum.

SIMON VERREPE.

Manuel de deuotion extraict des saincts peres & docteurs, & mis en trèsbel ordre par Simon Verrepé. Traduiet de Latin en François par I. B. [imp. à Lyon 16°. par Michel Ioue 1573.

SIMON VIGOR premierement Chanoine Theologal de nostre Dame de Paris, Curé de Sainct Pol en ladite ville, puis predicateur du Roy & Euesque de Narbonne a escrit

Oraison funebre par luy prononcee aux obseques de treshaute princesse Madame Elizabet de France Roynne des Espagnes en l'Eglise nostre Dame de Paris le 25. Octobre 1568. [imp. par Claude Fremy audit an.

Sermons & predications Chrestiennes & Catholiques pour tous les iours du Carefme & feries de Pasques recueillies fidellement par vn docte personnage selon quelles ont esté prononcees à Paris en l'Eglise S. Estienne du mont par ledit feu de bonne memoire Vigor, reueües par maistre Iean Christy, Docteur en la faculté de Theologie à Paris Theologal à Nantes, & [impr. à Paris 8°. par Nicolas Chesneau 1577.

Sermons & predications Chrestiennes du Sainct Sacrement de L'authel. accómodees pour tous les iours des octaues de la feste Dieu recueillies de mesmes selon qu'elles ont esté par luy prononcees. [impri. à Paris 8°. par Nicolas Chesneau 1579.

SIMPHORIEN CHAMPIER Cheualier, Docteur regét en Medecine en l'vniuersité de Pauie, seigneur de la Fauerge premier Medecin du Duc de Lorraine a escrit

La Nef des Princes, Avec plusieurs enseignemens profitables à toute manieres de gens pour cognoistre à bien viure & mourir. [imp. à Paris 8°. par Michel le noir 1525.

La declaration du Ciel & du monde & des merueilles de la terre, situation, Royaumes & prouinces d'icelle. [Impri. de mesme.

Le doctinal du pere de famille à son enfât. [imp. à Paris 8°. sans nom d'imprimeur.

Dialogue de la cure du Phlegmon où sont introduicts deuifans Phlegmoniâtrôs, Philochirurgus & Meteorus. [imprim. à Lyon 8°. par Pierre de sainte Lucie sans datte.

Le miroir des Apoticaire auquel est monsté commēt ils errēt communement en plusieurs simples medecines contre l'intention des Grecs & par la faule intelligence des auteurs Arabes lesquels ont falsifié la doctrine des Grecs. Plus les lunettes des Chirurgiens. [Le tout impr. à Lyon 8°. sans nom d'Imprimeur & sans datte.

Les

Les propheties dictes & vaticinations des Sibylles trāslatees de Grec en Latin par Lactance Firmian, & mises en rime Françoisse par ledict Champier avec commentaires d'iceluy Champier: dediees à tresillustre Princesse Anne de France Duchesse de Bourbon & d'Auverne. imp. 4°. sans nom d'Imprimeur ny Datte.

La vie & les gestes du preux & vaillant Cheualier Capitaine Bayard D'au-phinois contenant plusieurs victoires par luy faictes es regnes des Roys de France, Charles 8. Louys 12. & François premier du nom, tant en Italie, Naples & Picardie que autres pays & regions. [imprimé à Lyon & à Paris 4°.

Du Royaume des Allobroges dict long temps apres Bourgoigne ou Vien-nois, avec l'antiquité & origine de l'ancienne Cité Metropolitaine & primace des Allobroges Vienne sur le Rosne. [imp. à Lyon 8°. sans datte.

Police subcidiaire à celle quasi infinie multitude de pauvres que la ville de Lyon nourrit. [imp. à Lyon 1531.

La Nef des Dames vertueuses, &c.

Il a faict des additions sur le Guidon en François, impr. avec ledict Guidon. [imp. à Lyon par Constantin Fradin 1520.

Voyez le Catalogue de ses œuvres Latines qui sont en grand nombre en l'Epitome de la Bibliotheque de Gesner & en nostre supplement:

SOFREY CALIGNON Maistre des requestes du Roy de N uarre a escrit plusieurs Poèmes non imprimez. Et luy en ayant esté tiré da-mains vne Satyre à moy despuis baillee, icelle sera inferee icy tout du long.

Le Mespris des Dames.

S A T Y R E.

*Triolz, c'est un abus des hommes de nostre aage
De vouloir adoucir par un doré langage
La rigueur d'une ingratitude, & d'un gentil soucy
Luy prescher doucement l'amoureuse mercy.
On dit que Promethé dedans sa main subtile
La femme patronna d'une gluante argile:
L'argile s'endurcit aux rayons etherez,
D'un midy bluettant de mille traits dorez,
Et la femme, qui tient de sa fatale source
Deuint dure, reuesche, & cruelle & rebource
Plus elle voit un cœur brusler de passions,
Et s'allumer au raiz de ses perfections.
Il est vray que du temps de la saison doree
L'on voyoit la vertu seulement adoree.
Que les Dieux habitoient en ce monde nouveau,*

Que

Que l'Amour ne portoit ny trouffe ny flambeau,
 Mais sans faire sentir sa cruelle pointure,
 Se guidoit librement sous les loix de nature.
 Il est vray (dis-je) alors que la muse seruoit
 D'escort aux amoureux, & celuy qui scauoit
 Descourir doucement sa passion enclose
 En l'escole d'Amour profitoit quelque chose:
 Mais depuis que le temps d'un vol precipité
 De ce siecle premier souilla l'integrité,
 Et qu'au siecle d'airain l'avarice rouillée
 Altera des humains la poitrine souillée,
 La vertu s'ennola & la troupe des Dieux,
 La foy, la pieté s'eclipsa de noz yeux,
 Et dans le plus touffu des forests herissées
 S'escarta le troupeau des muses offensées.
 Depuis on ne les voit & la sucree voix
 Des poëtes ne peut sous ses nombreuses loix
 Flechir la cruauté de ces rudes maistresses,
 Qui ne tirent plaisir sinon de noz tristesses.

Au lieu de proprement sa langue façonner
 Il faut tant seulement auoir de quoy donner.
 Car le pris est en pris & la fleche accère
 D'Amour n'habite plus dans sa trouffe azurée,
 Ains au fondz d'une bource où l'or estincelant
 Dans les plus recamez sa lumiere respand.
 De là les hameçons, de là prouient l'amorce,
 Et les philtres secrets de la secrette force
 Qui charme, qui contraint, qui seule fait sentir
 Aux femmes l'éguillon de l'amoureux desir.

Les Charites d'Homere en nommant Cytherée
 L'appellent seulement Cyprine la dorée:
 Car dorez sont ses traits, & doré son flambeau,
 Doré son Cupidon, & doré son bandeau,
 Pour monstrier que l'or seul peut en la fantasia
 De la femme engrauer l'amoureuse furie,
 Qui dit pour s'excuser que le pere des Dieux,
 Ladis en pluye d'or s'est rendu precieux,
 Que le pris d'un present d'une offrande sacrée
 Plus que l'affection aux celestes agréée.

D D d

Et

Et que si l'or flechit sa libre volonté,
Qu'elle approche en cela de la diuinité.

Dans les champs amoureux ou la vague feconde
Du Nil Epyptien fait deborder son onde
L'Image de Menaxom ouurage industrieux
Rauit d'estonnement les plus ingenieaux.
Ceste Idole est muette & de lourde matiere:
Mais si tost que Phoebus retraçant sa carrière
Monté sur l'Orifon la touche de ses raiz,
L'Image dans le Ciel fait penetrer sa voix.
A cest Idole la i' accompare la femme.
Descouurez luy cent fois le tourment de vostre ame,
Versez dix mille pleurs, faiçtes mille soupirs,
Accusez sa beauté mere de voz desirs,
Priez, Idolatrez, elle sera muette,
Dedaigneuse & farouche à vostre humble requeste.
Mais si quelque ioyau, despoille du Leuant,
Quelque perle Erithree ou quelque Diamant
Brille deuant les yeux de ces belles cruelles,
Vous les verrez brusler de viues estincelles,
Aux Oeuures de Cypris facilement ployer,
Et faire en un besoing office de prier.
Les Poëtes sacrez dont la gloire eternelle
S'est frayé dans le Ciel une sente nouuelle,
Dont l'esprit agité d'une diuine ardeur
De ce sexe trompeur ont celebré l'honneur,
Diuins rares cerueaux thresoriers de memoire
Quy abregent leurs iours pour alonger leur gloire,
Qui pour un peu d'honneur leurs biens ont mesprisez,
Ne se veirent iamais d'Amour fauorisez.
Tesmoing m'en soit celuy qui sacra sur la riuie
De son Loyre Angeuin la palissante oliue,
Et celuy qui si doux souspira ses ardeurs,
Que la Sorgue nasquit du Cristal de ses pleurs.
Tesmoing le Vandomois & mille ames gentilles
Qui desployant les traits de leurs plumes subtiles
De ces veines beautez ont paré leurs escrits,
Et n'en ont à la fin remporté que mespris.
Il est vray mon Triolz que tousiours l'auarice

Ne leur faict faire long à l'amoureux service,
 Et gratuitement les dames quelques fois
 D'un pauvre seruiteur ont voulu faire choix.
 Mais tout ainsi qu'on voit une louue agitée
 De la rage d'Amour, courir par la vallee,
 Tantost gagner le haut des costaux herissez,
 Ores trasser les bois de feuilles tapissez.
 Vne suyte de loups d'une importune presse
 La muguette, la suit, la talonne & la presse
 Par les bois, par les champs, puis en fin harassez
 Se couchent paresseux endormis & lassez.
 La rage bouillonnante en sa poitrine fiere
 Ne la laisse endormir ny siller la paupiere,
 Ains voyant assoupir ceste troupe de loups,
 Choisit le plus hideux & difforme de rous,
 Assouuit son ardeur, & d'une vrtade souple
 L'esueille, le carese, & avec luy se couple:
 Ainsi la femme ingrata & qui voit dediez
 A ses perfections les cœurs sacrifiez
 De mille seruiteurs que sa douceurs attire,
 Si elle ayme par choix elle choisit le pire.

Aussi tost que l'Auril de ma ieune saison
 La ioie me frisa d'une blande toison,
 Quelque Dame conceut une secrette enuie
 Desus la liberté maistresse de ma vie,
 Masubiectit aux raiz de ses perfections,
 Et deroba la Clef de mes affections.
 J'auois pour concurrant un vieillard froid & pasté,
 Qui ia tenoit le pied dans la barque fatale:
 De son œil catberreux distilloit un ruisseau
 La roupie coulant luy glaçoit le cerueau
 Son corps estoit semblable à une anatomie,
 Son visage au tableau d'une Cosmographie.
 De Rides sillonné, & sembloit ainsi beau
 Vn fantastie esprit eschappé du tombeau,
 Vn songe frenetic, une ombre solitaire,
 Et le modèle vray d'une affreuse Chimere.
 Voyant deuant mes yeux ceste Idole de mort,
 Et moy d'autre costé ieune gaillard & fort,

D D d 2

Qui

Qui auois l'aduantage, & qui, soit en adresse,
 Soit en dexterité ou force de iuuesse,
 Habile en ce mestier en tout le surpassoy,
 Sinon qu'il auoit plus d'escus que ie n'auoy,
 Le pris opinion de voir fauorisee
 Mon amitié fidele, & la sienne mocquee:
 Mais las tout au rebours ie me vy m'esprise,
 Et ce bel Adouis en mon lieu caressé.
 Le fus au desespoir & ennuyé de viure:
 Pour affranchir l'esprit de son hoste deliure
 J'implorois le destin, & la parque & le sort
 Pour m'oster de ce monde & me donner la mort.
 Mais en fin la faueur de quelque bon Genye
 De ces diuins propos me vint flatter louye.
 N'espere pas dit il veu ta condition,
 D'estre plus que les Dieux vuyde de passion.
 Ne sçais tu d'Apollon la peine infortune,
 Qui voulant embrasser la fille de Penec
 Jeune, braue & gentil, n'espousa qu'un laurier,
 Et trempa dans le Ciel encore à marier?
 Ne vois tu d'autre part sans esgard de merites,
 Qu'Ericine la belle & l'une des Charites
 Espousent à l'enuy un forgeron boiteux,
 La butte, la risée & la fable des Dieux?
 Ne sçais tu le malheur de ce Romain loconde,
 Qui de beauté parut la merueille du monde?
 Ne sçais tu les erreurs du * Prince des Lombardz?
 Si les Dieux sont subiects à semblables hazards,
 Si les Roys vont courant ceste borrasque dure
 Es tu plus que les Roys fils aînez de nature,
 A tant ce teut le Dieu, & d'un vol incertain
 Me desraba l'obiet de son Idole vain.

* Astolfc.

Or Thriols i'en ay veu qui d'une autre maniere
 Auoyent l'esprit à gauche, & l'ame trauersiere,
 Qui volages de cœur se iouants de l'Amour
 Changent de volonte, dixmille fois le iour.
 Leur cœur est inconstant, legere est leur pensee,
 Comme une giroüette à tous vents elancee,
 Et qui s'en va tournant à volte de cerueau

Comme

Comme dedans les flots le debile rozeau.

Autant que le miroir dans sa glace polie
Reçoit d'impressions que nostre fantasie
Font errer ça & là, & nous monstre au dedans
L'obiet qui ny est pas & trompe nostre sens:
Autant dans leurs esprits ces ceruelles volages
Forgent d'affections & figurent d'Images,
Qui naissent & s'en vont & renaissent ainsi
Que l'ombre dans le vain d'un miroir esclaircy.
Tantost vous les verrez de vous ne faire conte,
Tantost se repentir, tantost l'ire les donte
Si de voz passions elles prennent pitié,
La moindre occasion trouble ceste amitié.
Comme le papillon aux aisles estoylees
Caché deffous les lys aux robes esmaillees
Du ieune chasserot va deceuant les pas,
Qui pense les tenir & si ne les tient pas:
Le delicat enfant d'une demarche folle
S'approche, & cependant le papillon s'en vole.

Ou comme on voit partir hors des espis crestez
Un lieure roydement, suyui de tous costez,
Et tromper de sa fuite en courses ondoyantes
Des leurriers decouplez les meutes aboyantes,
Qui faillent leur pinsade & reclaquant des dents,
N'arrachent que le poil & remachent les vents,
Le lieure gaigne au pied plus viste qu'un tonnerre,
Et les leurriers honteux donnent du nez en terre:
Ainsi on voit les traitz plains de legereté
Des dames que ie pains de ceste qualité.
Qui apres longuement auoir esté seruyes,
Et de mille subiets martirise les vies,
Après auoir tiré plaisir de leur tourment,
Au lieu de leur donner en fin allegement,
Au lieu d'auoir pitié de leur cerueau malade
D'Amour & de martel, d'une douce branade
Se moquent de leur mal, & renuoyent ces fous
Payez d'un ie ne puis, ou, d'un retirez vous.
Quand le pere Ocean des cruches eternelles
Acoup fit desbourder mille sources nouvelles,

Et qu'on veit sur les monts vaguer de toutes pars
 Ply sur ply, fots sur flots, les orages espars,
 Deucalion resté seul de l'humaine essence
 Pour des hommes noyez reparer la semence,
 S'acosta de sa femme, Et tous deux aux yeux cloz
 Les pierres ont semé, de leur mere les os,
 Des solides cailloux, Et de masse pesante
 Les hommes sont yssus de nature constante.
 De la pouëse naquit sur l'orage marin
 Apre, rude, sans poix, gommeuse Et legere
 Se trouua pour ce fait la plus apte matiere.
 Il est vray que souvent d'une feinte douceur
 Leur mielleux appas attire nostre cœur,
 Comme de leur odeur les pantheres attirent
 Les simples animaux, Et apres les déchirent:
 Ou comme le pescheur qui affeuble sa teste
 De la peau d'une cheure Et puis sa ligne iette
 Pour tirer amorcé l'Escare à l'hameçon
 Amoureux de la cheure, Et le mettre en prison:
 Ainsi le plus souvent ces cruelles harpies
 Masquent leurs trahisons de mille courtoisies,
 Semblables à la cheure, excepté qu'elles n'ont
 Ny la barbe au menton, ny les cornes au front:
 Car c'est pour leur mary dont la teste s'appelle
 Vn Parnasse fourché à la pointe lumelle.
 Tu me diras Triols, qu'il s'en peut rencontrer
 Parmy tant de milliers quelque douce à traiter,
 Et ie confesseray par erreur de nature
 Qu'on en pourroit trouuer quelcune à l'aduanture:
 Mais quand elle seroit vn miroir de douceur,
 Telle bonté ne peut apporter que malheur.
 Regarde dans Homere, Helene ou Penelope,
 D'ont l'une la Phrygie arma contre l'Europe,
 Et fait du sang Gregeois Et du sang des Troyens
 Par dix ans ondoyer les murs Neptuniens!
 L'autre portant l'honneur empraint dans le visage,
 Fait errer son mary pendu dessus l'orage,
 Et fait flotter en mer l'espace de dix ans
 Sa barque Nauphragere à l'abandon des vents.

Bref

Bref Triols choisis là Penelope ou Helene,
 Tu n'en auras jamais que de fâstre & que peine.
 On dit que les chevaux qui refoulent apres
 La trace que la louue aura marché de frais
 Prennent des pasturons la ioincture estourdie,
 Et tombent chancelans d'une cheute engourdie,
 Aussi l'homme ennobly d'un genereux esprit,
 Qui s'abandonne en proye à la femme qu'il suit,
 Deuiet sot & stupide, & son ame abestie
 D'un estourdissement en fin est subuertie.
 Si toutes fois, Triols, la dame que tu fers
 Pour qui dernièrement tu m'enuoyas des vers,
 Est honneste gentille & belle & bien apprise,
 Et d'un pareil amour en amour fauorise,
 Adore la, fers la, garde soigneusement
 Le thresor que le Ciel nous donne rarement.
 Mais lors que tu verras son amour eueetee
 Se glacer peu à peu, quitte moy ce Prothe,
 Laisse moy ceste ingrate & sa mobilité,
 Et que ta voyle s'ingle au port de liberté:
 Si tu ne peux si tost voir libre despestree
 Du licol amoureux ton ame encheuestree.
 Implore le secours des neuf diuines sœurs,
 Et trompe sur le luth l'ennuy de tes ardeurs.
 Compose moy des vers qui te feront reluire
 A la posterité. Sçais tu pas que la lyre
 A pouuoir d'adoucir la chaleur que tu sens?

Hé n'as tu iamaïs veu la guerison estrange
 Du faucheur Tarentin piqué de la Phalange
 Que le venin agite, & seulement le son
 De la musique peut dissiper ce poison?
 Telles sont les chansons des sçauantes pucelles
 Qui estouffent d'amour les viues estincelles.

Donques toy mon Triols, qui as eu cest honneur
 D'estre aymé d'Apollon, & d'estre bon sonneur,
 D'auoir veu mille fois sous les tardes serrees
 Les muses qui bailloyent à costes agrafees
 D'auoir guidé leur danse & en mille façons
 Entonné les accens de leurs belles chansons:
 Si Venuus enuers toy est farouche & cruelle,

DDd 4 Chasse

*Chasse moy par les vers l'humeur qui te martelle.
Malheureux est l'ouvrier, qui n'a ny le pouuoir,
Ny le moyend' user de son propre sçauoir.*

SOPHOCLE. Voyez Iean Ant. de Bayf.

SOTADES. Voyez ses sentences en celles des Poëtes Grecs Lyriques & Comiques, traduites par Geofroy Linocier.

SORDEL fut Poëte Mantuan qui surpassa en poësie Prouençalle, Calue, Folquet de Marseille, Lanfranc Cygalle, Perceual Doria, & autres Poëtes Geneuois, & Tuscans, qui toutesfois pour la douceur de la langue Prouençalle s'y sont plustost delectez qu'en la leur propre maternelle. Ce Poëte fut homme studieux, & grand chercheur de toutes choses. Il a fait plusieurs chasons, non d'amour, car il ne s'en trouue aucune, mais en philosophie. Remond Béréguiier dernier du nom Comte de Prouëce, en ses derniers iours le print à son seruice, estant de l'aage de 5. ans pour l'excellence de sa poësie, & de ses belles inuentions, ainsi que le recite Pierre de Chasteauneuf Poëte Prouençal. Il a faict des Syruentez en rime Prouençalle, & entr'autres vn auquel il taxe & reprend tous les Princes de la Chrestienté, faict en forme de chant funebre, sur la mort de Blacas gentilhomme Irouençal, qui estoit aussi Poëte, & commence,

*Plagneruol Sin Blakas en aquest leugier son,
Ab cor triste irat, e en ay ben Razon.*

En laquelle il dit, que le dommage de la mort de Blachas est si grand qu'il ne sçait moyen pour le restaurer, fors qu'en luy ostant le cœur en donner à manger premierement à l'Empereur s'il veut vaincre les Mylannoïs & le Pape qui luy faict si mortelle guerre. Que si le Roy de France en mange, recouvrera Castille, mais parce qu'il est ieune qu'il se garde bien que la Roynie sa mere ne le voye, attendu qu'il n'ose rien faire sans elle. Que le Roy d'Angleterre en mange tât qu'il vouldra, pour auoir meilleur courage à recouurer les terres que le Roy de France luy occupe. Qu'il est besoing que le Roy de Castille en mange pour deux, attendu qu'il auoit deux Royaumes, desquels il a perdu vn, & qu'il mange du cœur à requoy, à fin que l'autre Roy ne luy dōne de bastonades. Que le Roy d'Arragon en peut manger, à fin qu'il recouure l'honneur qu'il perdit à Milan, & à Marseille, lors qu'il les voulut prendre par force. Que le Roy de Nauarre en mange à suffisance, attendu qu'il valloit plus quand il estoit Comte, que ores qu'il est faict Roy, à fin que de haut il ne tōbe en bas. Qu'il est besoin au Comte de Thoulouse d'en manger, si tant est qu'il aye souuenance des terres qu'il souloit tenir, & de celles qu'il possède ores. Finalement que le Comte de Prouence en mange s'il a souuenance quand il fut desherité de son Royaume de Sicile, & des vespres Siciliennes, que s'il eschappe de ses durs assaux, il sera besoin qu'il mange du cœur pour le grand fais qu'il soustient. Ce Syruentez fut faict peu apres que Iean Prochite vestu en habit de Cordelier siffia à l'oreille des Princes de mettre à mort tous les François estans au Royaume de Sicile, en l'annee 1281. Outre ces œuures il a laissé par escript vn traicté intitulé. *Lou Progres, e auansament dels Reys d'Arragon, en la Comtat de Prouensa*, en prose Prouençalle. Il a traduit *La somma del Drech*, de Latin en prose Prouençalle, tous lesquels

quels traictez furent mis en la Librairie du monastere de Lauçine en Prouence, ainsi que dyent le Monge des isles d'Or, & saint Cezari.

S P E R O N S P E R O N E.

Les Dialogues de Messire Speron Sperone Italien, traduits en François par Claude Gruget. [imp. à Paris 8°. chez Vincent Sertenas 1552.

Au Dialogue des langues, ou sont entreparleurs, Bembo, Lazare, le Courtisan, l'Escolier, Lascar, Peret.

L A S. Et pour ceste cause ie vous dy que i'aymerois mieux sçauoir parler comme faisoit Ciceron, que d'estre le Pape Clement. **C O V R.** Et moy ie cognois beaucoup d'hommes qui pour estre mediocrement seigneurs, seroyent contens d'estre muets. Je ne dy pourtant que ie sois de ceux là: mais ie dy bien puis que le defect prouient de mô peu d'esprit, que ie ne voy point pour quelle cause l'homme puisse à bô droit tant exalter la lague grecque ne la latine, que pour le desir de les sçauoir il doie mespriser les mitres & couronnes: car s'il estoit ainsi ce seroit plus grâde dignité estre le sommelier ou cuysinier de Demosthene, & de Ciceron, que d'estre Empereur ou Pape. **B E M.** Ne pensez pas que le seigneur Lazare desire seulement la langue latine de Ciceron, qui à luy & aux autres Romains estoit commune, ains avec les mots latins il en souhaite l'eloquence & la sapience, qui à luy seulement furent peculieres. Et lesquelles doiuent estre de tant plus reputees excellentes par dessus toute dignité mondaine comme elles sautent par dessus la hauteur des principautez ou par succession ou par fortune, là ou monte nostre ame, non point avec d'autres ailles que celles de son esprit & de son industrie. De ma part ie sçay peu au pris de ces grands personnages, si est ce que ie ne changerois ce peu de cognoissance que i'ay des langues au marquisat de Mantouë. **L A Z.** Je ne croy pas que vous ayez opinion que tout le peuple, mais aussi beaucoup de Senateurs & Cōsuls, à Rome parlassent si bon latin que faisoit Ciceron: à la studieuse diligence duquel Rome fut plus obligee qu'aux victoires de Cesar. Et par tant i'ay dit & dy encores que i'ay en plus grâde estime & admiration la lague de Ciceron que l'empire d'Auguste. A ceste cause ie parleroy maintenât des loüanges de ceste langue, non tant Pour satisfaire au desir de ce bon gentil-homme, que pource que i'y suis obligé: mais là ou vous estes ce n'est pas raison qu'un autre en parle deuant vous, & qui feroit autrement donneroit iniure à la langue, & si seroit nommé audacieux. **B E M.** Pour plusieurs raisons cest office de louer la langue latine vous est deu: tant pour estre ordonné à l'enseigner publiquemēt que pour ce que vous tenez plus son party que moy qui ne l'estime pas tant que de vouloir, pour elle, despriser le vulgaire tuscan. Et qui plus est ie ne l'ay preferee qu'à un Marquisat: Au contraire vous l'avez mise au dessus de l'Empire de tout le monde: c'est donc à vous à la louer: car en ce faisant vous serez agreable à la langue, à laquelle & vostre nom & vostre renommee sont grandement tenus. **L A Z.** Puis que vous le voulez ie l'exalteray sous condition que ie pourray quand & quant blasmer le vulgaire sans qu'il vous tourne à fascherie. **B E M.** I'en suis content, pourueu que la condition soit commune, & que quand vous le blasmeriez ie le puisse defendre. **C O V R.** Et pour ma part ie veux que quand vous direz quelque chose que ie n'entendray point,

DD d 5 en in

en interrompât le propos ie puisse vous prier de me l'esclaircir. L A Z. I'en suis content, & sans faire plus long proëme pour mon commencement ie dy qu'en-
 cor que nous soyons en beaucoup de manieres differens des bestes brutes, si
 est-ce que la principale cause qui nous eslongne d'eux, c'est qu'en parlant &
 escriuant nous communiquons l'un à l'autre nos affections ce que les bestes ne
 peuuent faire. S'il est donc ainsi: cestuy là qui mieux parlera & escrira sera plus
 purifié du brutal. Par ce moyen quiconque desire estre parfaitement hom-
 me, doit en toutes sortes s'estudier à se rendre parfait à bië parler & escrire, &
 celuy qui le pourra faire, à bõne raison se nõmera tel entre les hommes que les
 hõmes sont entre les bestes. Ceste vertu de bien parler & bien escrire, les Grecs
 & Latins se la sont quasi egalemët appropriee: de là vient que leurs lãgues sont
 venuës à tel poinët que seules entre toutes les autres du mõde, se font par leur
 excellence aliènes des barbares, & des creatures irresonnables, aussi entre les
 Poëtes vulgaires il n'y en a pas vn seul qui au iugement des doctes se puisse ap-
 parier à Virgile & Homere, ny entre les orateurs vn à Demosthene ou Cice.
 Louez tant que vous voudrez Petrarque & Bocace, si n'aurez vous la hardiessë
 de les egaller aux antiques, ny les faisans inferieurs les en aprocher de trop
 pres: au cõtraire vous les en trouuerez si loing que n'oserez les nommer avec-
 ques eux. Trouuera l'on en aucune autre lãgue vn seul qui soit leur per? Quãd
 à moy ie ne suis iamais si triste ou infortuné que ie ne me sente tout resiouy
 en lisant leurs vers & leurs oraisons. Tous autres plaisirs, festes, ieux, chansons,
 & instruments ne me sont rien au regard de cestuy cy seul: pource que les au-
 tres sont les recreations du corps, & cestuy cy est de l'ame: de là vient que d'au-
 tant que l'intelleët est plus noble que le sensuel de tant est sa delectation plus
 grande & agreable que celle des autres. C O V R. Ie croy bien ce que vous di-
 tes, & suis d'opinion que l'excellence de quelque lãgue que ce soit ne doit
 estre argüee ny blasmee de nul homme, plustost ie croy la nature des choses
 estant descrite, auoir vertu d'immuer le corps & l'esprit de qui les lit. B E M B.
 Ce n'est pas celà, ains la faconde est seule ou principale occasion de faire en
 nous ces merueilleux effectz. Qu'il soit vray lisez Virgile en lãgue vulgaire,
 Homere en latin & Boccace en françois, vous verrez qu'ils ne feront pas ces
 miracles. Le seigneur Lazare dit vray dõcques quand il met es lãgues la pro-
 prieté de tels effects, non pas qu'il preuue par ceste sienne raison qu'on ne doi-
 ue apprendre autre lãgue que la latine & la grecque: car si nostre lãgue n'est
 pour le present doiüe de si nobles personnages si n'est il pas impossible que
 elle n'en ait quelquesfois de peu mõins excellents que Virgile & Homere. Ie
 veux dire que soyent tels en nostre commune lãgue que ces autres en grec &
 latin. L A Z. Lors que nostre vulgaire aura ses Cicerõs ses Virgiles, ses Homeres
 & ses Demosthenes, adonc ie la diray digne d'estre apprise, comme maintenãt
 le sont la Grecque & la Latine: mais celà iamais n'aduendra pour autant que
 la lãgue ne le peut souffrir estant barbare, & incapable de nombres & de de-
 coration tellement que si ces quatre cy mesmes renaissoyent & que avec l'e-
 sprit & la mësme industrie qu'ils obseruoyent en orant & poëtifiant ils ve-
 noyent à parler & escrire vulgairement, ils ne se pourroyent rendre dignes
 de la loüange qu'ils ont. Ne voyez vous ceste pauvre lãgue manquer en de-
 cli

clinaison de nom, les verbes sans coniugaisons & sans participes, & sans aucune bonne propriété: & meritoirement, comme ainsi soit que j'aye entédu par ceux qui la suyuent, que sa propre perfection consiste en l'eslongnement du latin qui a toutes ses parties d'oraison entieres & perfectes: & quand j'aurois faite de raisons pour la blasmer ce sien premier commencement, qui est de s'emanciper de la latine, est raison assez demonstrent sa deprauation. Quoy plus? elle monstre en sa face auoir pris son origine & son accroissement des estrangers & de ceux principalement qui firent plus d'ennuy aux Romains: a sçauoir des François, & des Prouençaux: desquels non seulement nous sont deriuez les noms, verbes & aduerbes, mais encores l'art oratoire & poétique, O superbe langage, nommez le comme vous voudrez, pourueu que ne le nommez Italien: car il est venu d'outre mer & de delà les Alpes, qui separent l'Italie de la France! aussi n'est ce point proprement aux François à se glorifier qu'ils en soyent les inueteurs, & augmetateurs, ains procede de ce que depuis le declin de l'Empire de Rome iusques à huiet il n'est venu en Italie aucune nation si barbare ne tant priuee d'humanité cōme les Hunz, les Gots, les Vuādales & autres qui en guise de trophées n'y ayent laissé quelque nom ou quelque verbe des plus excellents qu'ils eussent. Disons nous donc qu'en parlant vulgairement il nous puisse naistre des Cicerons & des Virgiles? En bonne foy si ceste langue estoit d'estrangere faite domestique de la latine, tant s'en faut que ie le confessasse que mesmes ie ne le dirois pas estant vne indiuisible confusion de toutes les barbaries du monde, ie prie Dieu qu'en ce cahos il enuoye encor sa discorde pour separer les termes l'un d'auec l'autre, & les enuoyer chacun en sa propre region, à fin que finalement ceste pauvre Italienne demeure en son premier idiome, par lequel ne fut moins reuersee des autres prouinces, que crainte pour ses armes. J'ay bien peu leu en ces lettres vulgaires, & si me semble auoir assez gagné en la perte de telle estude pour-ce qu'il est meilleur les ignorer que les sçauoir: & si vous dy plus que toutes les fois que par mon malheur ie les ay veuës, autant de fois ay-ie en moy-mesme ploré nostre misere, pensant en moy qu'elle iadis fut nostre langue & qu'elle est maintenant celle par laquelle nous parlons & escriuons. Et puis nous ne verrons iamais des Virgiles & Cicerons Tuscans. Vray est que Mores & Turcs, peuuent bien auoir en leur lague de tels Cicerons & Virgiles: pource le dy-ie que parlant vne fois à vn mié amy qui entendoit for bien la langue Arabesque, il me dit qu'Auicenne auoit cōposé beaucoup d'œuures que l'on recognoissoit siennes, non tant pour l'inuention qui y estoit, que pour son stile avec lequel il passoit de bien loing tous les autres qui escriuoient en ceste langue, excepté seulement celuy de l'Alcoran. Par ainsi donc comme par quelque raison, Auicenne seroit nommé le Ciceron des Arabes: Je confesse deuoir venir, voire que plustost est des-ia né & peut estre mort nostre vulgaire Virgile: mais ie dy, & à bonne cause, que tel Virgile est vn Virgile painct: & que le bon & vray Virgile que l'homme (en laissant les choses inutiles à part) deuroit embrasser, cest celuy qui a la langue latine, comme Homere a la grecque. Si donc nous faisons autrement nous sommes de pire condition que les Ultramontains, lesquels exaltent & reuerent entierement nostre langue latine, s'y employât de tout leur esprit, lequel

lequel s'il estoit tel en eux que le desir, ie me fay certain que la France & l'Allemagne, produiroient force Virgiles. Et nous qui luy sommes indigenes, par la coulpe de nostre peu de iugement, & à nostre vergongne, de tant sommes nous loing de l'honorer que nous cerchons par tous moyens, comme gens seditieux de la chasser de son pays & en son lieu y mettre ceste cy, de laquelle (pour ne dire pis) le pays & le nom sont incognus. C O V R T. Il me semble, seigneur Lazare, que vos raisons tendent à fin de faire qu'on ne parle iamais vulgairement, ce qui ne se peut faire, sinon que l'on edifiast vne nouvelle ville, ou ne demourassent que gens lettrez, & ou l'on ne parlast que latin: car en Boulongne qui ne parleroit de langage commun ne seroit point entendu, & sembleroit estre vn pelerin contrefaisant, sans propos, le Ciceron entre les artisans. L A Z. Au contraire ie veux que comme aux greniers des riches, il y a du grain de toute sorte, comme, orge, mil, froment, auoine, & autres sortes de blez, de partie desquels les hommes mangent, & d'autre partie les bestes du logis, aussi que l'on parle diuersement ores latin & ores vulgaire, où & quand il en est besoing. Si l'homme va en lieu public ou aux villages, ou s'il est en sa maison avec le commun, avec ses voisins ou ses seruiteurs qu'il parle son vulgaire & non autrement: mais aux escoles de doctrine entre les sçauants là ou nous pouuons & deuons estre hommes, que nos propos soyent humains, c'est à dire latins. Autant en soit il de l'escriture, laquelle sera renduë vulgaire par la necessité, & latine par les choses d'election, mesmement quand nous escrirons quelque chose pour l'honneur, que difficilement nous peut donner la langue qui est née & à pris croissence avec nostre calamité, & qui neantmoins se conserue à nostre ruyne. B E M B. Vous accusez trop asprement ceste innocente langue qui semble vous estre plus en hayne que vous n'aymez la latine & la grecque, tellement qu'au lieu que nous auez promis de louer principalement ces deux, & quelquesfois auenant le cas vituperer la Tuscanne, vous auez fait tout le contraire: car vous n'auiez loué les deux combien qu'ayez asprement blasonné ceste cy, voire à grand tort, veu qu'elle n'est point si barbare, ny tât pauvre de nombre & d'harmonie, que vous nous l'auiez depaincte. Et pourtant si son origine fut au commencement barbare, sera elle point par la longueur de quatre ou cinq cens ans deuenüë habitante d'Italie? Si sera si, autrement les Romains mesmes, qui apres estre chassés de Phrygie, vindrent habiter ce pays, eussent esté barbares, & leurs personnes, leurs meurs & leur langue, seroit barbare. La France, l'Italie, la Grece & toute autre prouince pour douce & humaine qu'elle soit pourroit estre nommée barbare si l'origine des choses estoit suffisante pour leur donner ceste vilaine denomination. Je confesse donc nostre lague maternelle estre vn certain rassemblement non confus, ains reiglé de plusieurs & diuerses voix, noms, & verbes, & autres parties d'oraison, lesquelles au commencement furent semées en Italie par estranges & diuerses nations & puis par la douce & artificielle diligence de nos predecesseurs, ramassées en vn son, vne forme & vne ordre tellement composée, qu'ils en forgerent ceste lague, qui maintenant nous est propre & non d'autrui. Imitant en celà nostre mere Nature (laquelle avec les quatre elements fort diuers entr'eux, pour leur qualité & leur assiette nous a faits & for-

mez,

mez, plus perfects & plus nobles que ne sont les elements mesmes. Persuadez vous Seigneur Lazare que vous voyez l'empire, la dignité les richesses, les doctrines & finalement les hommes en la puissance des estrangers, en sorte que ce soit quasi chose impossible de les en tirer. Voyant telle chose ne voudriez vous point viure, communiquer, estudier, ny parler vous ny vos enfans? Ou si pluſtoſt en laiſſant toute chose au loing, vous parleriez Latin, ou bien en telle maniere que ceux en la puissance deſquels vous seriez tombé ne vous peussent entendre: ou si vous parleriez en sorte que chaſcun vous entendit & fit reſpōce. Il a donc quelque-fois eſté force en Italie de parler vulgairement: mais par ſucceſſion du temps (comme l'on dit en proverbe) l'homme a fait de neceſſité vertu, donnant par les Italiens art & industrie à leur langue: car comme au commencement du monde les hommes ſe defendoyent des beſtes ſauuages, en les fuyāt, quelquesfois les tuant ſeulement, & maintenant paſſant plus outre pour noſtre profit & hōneur en ſigne de domination, nous ſommes veſtuz de leurs peaux: auſſi au commencement nous parlions langage vulgaire, à fin ſeulement d'eſtre entenduz de ceux qui dominoyent, & à ceſte heure nous parlons & eſcriuons vulgairement pour la memoire de noſtre nom. Je ne nye pas routesfois qu'il ne fuſt meilleur de parler Latin, mais ſi eſt-ce qu'il euſt eſté meilleur que les eſtrangers n'eussent prins ne deſtruit Italie, & que l'empire de Rome euſt touſiours duré. Qu'eſt il donc de faire eſtant autremēt aduenū? voulons nous demeurer muets, & ne parler iuſques à ce que Ciceron & Virgile renaissent? Il eſt certain que les logis, les temples, les deſſeints, ny les edifices modernes ny pareillement les pourtraitz que l'on fait és metaux, marbres, & autres choses ne ſont comparables aux antiques, deuons nous pourtant demeurer dans le boys? Ne deuons nous ny baſtir, ny paindre, ny engrauer, ny encor ſacrifier à Dieu, ny l'adorer? Seigneur Lazare mon amy, il ſuffit à l'homme de faire ce qu'il peut & ſe doit contenter de ſes forces. Je conſeille donc & admonneſte chaſcun d'apprendre les langues Grecque & Latine, les embrasser, pour avec l'ayde d'icelles eſtudier à ſe faire immortal: mais Dieu n'a pas donné à tous eſgallement l'eſprit & le temps de ce faire. Je vous diray plus, tel peut eſtre à qui ny nature ny l'industrie ne defaillent: ce neantmoins par la force des planettes, il ſera plus enclin en vn meſme ſubieſt & en vne matiere à mieux eſcrire & parler ſon vulgaire que Latin. Que doit il faire ceſtuy là? Qu'il ne ſoit ainſi, prenez les œuures Latines de Petrarque & de Bocace, & les appariez à leur vulgaire: vous iugerez qu'il n'en eſt point de pires en Latin n'y de meilleures en Tuſcan. Doncques pour reſolution, ie vous conſeille Seigneur Lazare, que vous eſcriuiez & parliez Latin, comme celuy qui mieux y parle & eſcrit qu'en vulgaire. Et à vous mon gentil-homme (à qui, ou la ſuyte de la court ou l'inclination de voſtre naiſſance, contraint de faire autrement) ie vous donne autre conſeil, pour-ce que ſi vous me croyez non ſeulement vous ne viurez point ſans hōneur, mais encor de tant pluſ exalté quand mieux vous eſcrirez & parlerez bon Tuſcan: A tout le moins tel ſerez vous entre le commun, au contraire ſi vous eſcriuez & parlez mal Latin vo⁹ ſerez en vil prix tant entre les indoctes que les ſçauans. Que l'eſloquence donc du Seigneur Lazare ne vous perſuade point pluſ-

tost à deuenir muet qu'à ne composer en vulgaire: car la prose aussi bien que les vers de nostre moderne langue, n'a en quelques subiects nō gueres moins de nombres, & n'est guere moins capable d'ornemens que la Grecque ou Latine, les vers ont leurs piedz, leurs couleurs & leurs nombres: la prose sa fluidité d'oraison, ses figures & ses eloquences de parler, les repetitions, ses diuersitez, ses complexions & autres telles proprietéz. Au moyen desquelles il n'y a (peut estre) pastel eslongnement & contrarieté des langues comme vous croyez, pource que si les motz sont differents, l'artifice de les composer & acoustre, est pareille en la Tuscane qu'en la Latine. Si le Seigneur Lazare me nioyt telle chose, ie luy demanderois d'où procederoit celà que les nouuelles de Bocace ne son toutes esgallément belles, ny les Sonnets de Petrarque ne sont aussi tous perfects. C'est chose certaine qu'il luy seroit force de dire que nulle oraison ou ryme en Tuscan, ne seroit plus ou moins belle l'une que l'autre, & par consequent Seraphin, esgal à Petrarque: ou bien il confesseroit qu'il se trouue entre les compositions vulgaires aucunes plus ou moins elegantes & ornées que les autres. Ce qui ne se pourroit faire si elles estoient du tout frustrées de l'art oratoire & Poëtique. LA Z. i'ay nyé que la moderne langue aye nombre, decoration, ny consonance, & si le nyé encores non par experience que i'en aye, ains par raison, car l'homme qui ne sçaura que c'est de sonner du tabourin ny de la trompette, en l'oyant sonner vne foys, le peu de plaisir qu'il y prendra luy fera iuger tels instruments n'estre propres pour faire musique ou sonner vn bal. Aussi quand par moy-mesme i'escoute & forme ces mots vulgaires par chacun de leur son separé de l'art, sans que ie les dispose autrement, ie peux aisément comprendre quel plaisir, ils peuuent amener aux oreilles de ceux qui escoutent les proses, & les rymes, qui en sont faites. Vray est que chacun n'a pas ce iugement, ains seulement, ceux qui sont accoustumez de baller au son des luts, & violons. Il me souuient qu'estant vn iour à Venise, ou estoient arriuées quelques nauires de Turcs, i'ouys en la moyenne d'icelles vn bruit de plusieurs instrumens, mais de ma vie ie n'ouy, que ie scache vn son plus desplaisant & ennuyeux, & toutesfois ceux qui n'estoient vñtez à la douceur & delices d'Italie trouuoient que c'estoit vne douce musique. Autant s'en peut il dire, des nombres de l'oraison, & des vers de ceste langue. Il s'y trouue bien aucunesfois quelque armonie, qui la fait plus agreable, ou moins desplaisante vne fois qu'à l'autre, mais c'est vne musique de tabourins, ou plustost de harquebuses & fauconneaux qui estourdit le cerueau, en sorte qu'il n'est plus capable de receuoir contentement des autres plus delicais instruments ny s'en ayder. Pour ceste cause celuy qui n'a le temps ou le pouuoir de sonner les lutz & violons de la Latine, se doit plustost tenir oyssif que mettre la main aux tabours & cloches communes, prenant l'exemple de Pallás, laquelle pour ne se cōtrefaire la face en iouāt de la fluste qu'elle auoit inuentée, la iecta au loing & luy fut pl⁹ louable l'eslōgner de soy, ne daignāt l'approcher de sa bouche qu'il ne fut profitable à Marsias la recueillir, & sonner, car il en perdit la peau. A ce que vous dites mōseigneur que nos premiers Tuscās furent cōtraints de parler ainsi pour ne passer leur vie en silence & que no⁹, leurs succeffeurs,

cesseurs, auons fait vertu de la force d'autrui. Je le confesse: mais ceste violence donne beaucoup plus grád' gloire à autrui, qu'elle ne nous ameine de vertu. Ce fut honneur, à nos predecesseurs, d'estre sages en leur misere: mais ce nous est blasme, & iniure, maintenant que nous sommes libres, de recevoir, & conseruer longuement le perpetuel tesmoignage de nostre vergongne, & non seulement le nourrir, ains aussi le decorer, veu que ceste vulgaire langue n'est autre chose qu'un indice demonstratif de la seruitude des Italiens. Vne fois la republicque de Venise, menant guerre & luy defaillant deniers, pour payer les soldats, les Venitiens (comme l'on dit) firent faire grande quantité de monnoye de cuyr, forgée au coing de Saint Marc, & avec cela soustindrent la guerre & furent victorieux. Ce leur fut grand' sapience de faire ainsi, toutesfois, si en temps de paix ils eussent donné cours à ceste monnoye, en la faisant de iour en iour plus belle & de meilleur cuyr, telle sapience eust esté conuertie en auarice. Or ça si quelqu'un par le mespris qu'il feroit d'or & d'argēt faisoit thresor de cuyr, ne seroit il point fol? cela est certain que ouy. A nous autres donc à qui est defailli le thresor latin, nostre calamité a fait prouoyance de vulgaire monnoye laquelle encores nous a esté besoing de despenfer avec le commun peuple qui n'en cognoist point d'autre: mais venant le temps de recouurer nos richesses perdues, si conseruós nous encores ce vulgaire, & dás les secrets de nostre ame ou nous souldions serrer l'or & l'argent de Rome nous donnons lieu aux reliques de toute la barbarie vniuerselle. C O V R. Il me semble Seigneur Lazare que celà n'est pour louer la langue latine ny vituperer la vulgaire, c'est plustost laméter la ruyne d'Italie, chose aussi peu à propos que profitable, & qui pis est vous n'en parlez point volontiers. L A Z A. Vous est-il aduis que le blasme de ceste lague soit petit, quand ie conioins sa naissance à la destruction de l'Empire & du nom latin, & son accroissemēt au deffaut de nostre esprit? pour me faire plaisir vous ne me donnerez louange en ceste sorte. C O V R. Celà me semble plus merueille que blasme: car celle chose doit estre gráde de laquelle l'homme ne peut parler en taisant la ruine de Rome qui fut le chef du monde. Qu'il soit vray: prenons le cas que nó les estrangers, mais les Grecs l'ayent destruite & que tousiours depuis les Italiens ayent parlé Athenien, despriserez vous pourtant la langue Attique pour estre conioincte à nostre seruitude? L A Z. S'il fut ainsi adueni l'Italie eust plustost esté reformée que gastée, & pour ceste cause tant s'en faut que i'eusse blasmé la ruine de l'Empire, qu'au contraire i'eusse loué Dieu de l'auoir voulu aorner de langage conuenable à sa dignité. C O V R. Est-ce donc plus grand dommage d'auoir perdu la langue que la liberté? L A Z. Ouy vrayement, d'autant qu'en quelque estat que soit l'homme, soit franc ou serf il est tousiours homme, & si ne dure point plus que l'homme, mais la langue Latine à pouuoir de faire les hómoes Dieux, & de mortels, que nous sommes immortels par renommee. Qu'ainsi soit, l'Empire de Rome qui s'estoit estendu par tout est pery, ce neantmoins la memoire de sa grandeur conseruee és histoires de Salluste & Titeliue durera à tousiours. Autant s'en peut il dire de l'Empire, & de la langue des Grecs. C O V R. Je croy que ceste vertu de rendre les hommes memo-

rables, ne procéde de ces histoires Grecques & Latines, pour estre Grecques & Latines: ains pour ce que ce sont histoires simplement, lesquelles en quelque propriété qu'elles soyent escrites sont tousiours tesmoins du temps, lumières de la verité, vie de la memoire, maistresses de la vie d'autrui, & renouvellement de l'antiquité. L A. Il est vray que ceste vertu n'est point pour la propriété de l'histoire Grecque ou Latine, ny qu'une autre langue n'en soit participante. Aussi toutes les histoires Grecques & Latines n'ont pas eu tel priuilege seulement, celles là l'ont eu qui ont esté artificiellement composées, par quelques eloquents hommes, estans ces deux langues en leur perfection. COVR. Encor n'enten-ie point bien en quoy consiste la suauité de la langue, & des parolles Latines, & l'ennuyeux barbarisme des vulgaires. Parquoy en vous confessant librement mon ignorance, ie dy que grande quantité de noms & de participes latins, avec leur estrange prononciation, me sonnet le plus souuent en la teste vn ie ne scay quel fascheux Bergamasque: aussi font quelques temps des verbes: lesquels rudes sons, s'il s'en trouuoit des pareils en vulgaire, on ne daigneroit proferer en nostre court. L A Z. Je vous aduertis, mon gentilhomme, que la consistoriale auctorité n'est point Iuge competant du son & des accents de la langue Latine, & par tant si quelquesfois la lague Latine semble tenir du Bergamasque, si n'est ce pas à dire qu'elle le soit: & si ne deuez plus vous esmerueiller de tel iugement puis que vous auez leu en Ouide que le Roy Midas donna plus de loüange au bruyssement des cannes de Pan qu'à la douce melodie de la Harpe d'Apollon. COVR. Bien donc, ie suis content de confesser qu'en tel cas mes oreilles sont plustost asinines que humaines pourueu que vous me dissiez pour qu'elle cause vous appelez Musique de Harquebuses, les nombres & les consonances des oraisons & vers de nostre langue, veu que nos Musiciens (à la profession desquels l'armonye est subiecte) font peu souuent de chasons ou motets que la lettre n'en soit ou vn sonnet ou vne chason vulgaire. Celà me donne euidente coniecture que nos vers sont d'eux mesmes pleins de melodie. L A Z. L'armonye musicale & celle des proses & vers n'est pas (côme peut estre vous pensez) vne mesme chose: Il ya grande difference: & sçachez que l'on fait aussi bié de la musique sur vn *Kyrie* ou vn *Sanctus* comme sur mots vulgaires, & de ceste armonye, toute oreille en general peut faire iugement: car tout ainsi que la sçaeur est en la bouche, les couleurs aux yeux, & les odeurs au nez, aussi est le son aux oreilles, lesquelles de leur naturel & sans aucun estude peuuent facilement discerner l'agreable, du mal plaisant. Mais les nombres & l'armonye des oraisons & des vers Latins n'est autre chose qu'une artificielle disposition de mots, par les syllabes desquels selon la briefueté ou longueur d'iceux naissent aucuns nombres que nous appellons piez, moyennant lesquels le vers ou l'oraison chemine par mesure du commencement iusqu'à la fin. Et sont ces piez de diuerses manieres faisans leurs pas longs & courts, pesants & soudains, chacun à sa mode. C'est vne belle art de les assembler en sorte qu'ils ne discordent point, ains que l'un & l'autre & tous ensemble soyent cōformes au subiect: car aucuns piez sont peculiers à aucunes matieres, parmy lesquels aucuns meilleurs, aucuns pires s'accōpagnent en leur

leur voyage, & quand quelqu'un d'aventure les y cōioinct, sans avoir esgard à la nature d'eux & des choses dont il veut parler, ses vers & ses oraisons naissent boyteux, on ne les deuroit point nourrir. Par ainsi les oreilles cōmunes ne sont capables de celle bōne melodie, ny des autres corrōpues ne se peuuent ou doyuent former les termes de la lāgue vulgaire. Et s'il estoit ainsi que l'hōme en faisant son oraison, ne se souvinst, ou ne se souciaist, ny des spondees, ny des dactiles, ny des trochees, ny aussi des anapestes & pour cōclusion de nulle forme de piez, d'où procede la reigle de l'oraison, ie ne pourrois dire pour quelle cause la prose est subiecte aux nombres. Certainement ceste nouvelle beste de vulgaire prose, ou elle est sans piez, & glissāte cōme vne couleuvre, ou elle a ceux, qui en leur espece sont cōtraires à la Grecque & Latine. Par consequent, on ne deuroit faire science ny art d'un tel animal, qui est comme un monstre de nature, & venu cōtre la coustume & intention de tout bon entendement. Toutefois ie confesse que les vers formez d'onze syllabes ne semblēt pas estre privez de quantité pource que là les syllabes ont leur lieu, & font leur office de piez: mais de ceux que l'on fait à la volonte briefz, & longs, ie ne diroys jamais que leur sentier fust droit, sinon que Monseigneur Bembo dist les rymes estre l'appuy des vers qui les soustiennent, & les font cheminer droit, ce qui ne me semble pourtant veritable: car i'ay ouy dire que les rymes sont plustost les chesnes du Sonnet, ou de la chanson qu'elles ne sont leurs piez ou leurs mains. Or suy-ie cōtent que l'on dye que: i'aye vsé d'une certaine briefueté, eu esgard à ce qui s'en pourroit dire, combien qu'il y en ait assez pour le respect de vostre requeste, & peut estre trop pour la presence de Mōseigneur, qui cognoist mieux que moy la deffectuosité de ceste lāgue & le peut mieux declarer.

B B M. Je ne vucil maintenant disputer avec vous la cause de ces nombres, ne ce qui en est, n'y pareillemēt si la prose en a sa part comme les vers, & en quelle sorte elle l'a: car toutes ces choses sont assez faciles à voir, & si sont fort loing du propos, i'ayme mieux approuver ce qu'en auez dict, non tant pour ce qu'il soit vray qu'à cause de ce qu'il s'en ensuyt. Je vous dy donc ceste lāgue moderne, bien qu'elle soit plus vieille qu'autrement, n'estre encores qu'un petit & delicat fion, lequel n'ayant à grand' peine flory, comment auroit-il porté le fruit qu'il doit faire: si est ce que ce n'est par le deffaut de sa nature, estant aussi apte d'engendrer que les autres, ains en est la coulpe à ceux qui l'ont eu en leur garde sans le cultiuer à suffisance, le laissant comme vne plante sauvage enuieillir & quasi mourir en ce mesme desert ou il commença de luy mesme à naistre & ne l'ont daigné arroser, ny abreuuer, ny mesmes essarter ces hayes espineuses qui luy faisoient ombre. Croyez que si les antiques Romains eussent esté aussi negligens à cultiuer leur Latin, lors qu'il commençoit à pousser ses gettons, il ne fust en si peu de temps deuenu si grand: mais eux comme bons laboureurs l'arracherent premierement d'un lieu sauvage, pour se le faire domestique: puis à fin qu'il portaist plustost ses fruits & qu'ils fussent plus beaux & meilleurs, en esmondant les inutiles branches, ils y enterent quelques Greffes subtilement prises du Grec, qu'ils s'appliquerent soudainement en forte & les rendirent si semblables au tronc que maintenant ils ne semblent point adoptifs ains naturelz, de là bourgeonnerent, florirent & fructifierent

ces belles couleurs d'eloquence avec ces nombres & ce bel ordre que tât vous exaulcez lesquelles sont ordinairement produictes par toutes langues, non tât par leur naturel que secouruës de l'artifice d'autrui, dont nous auons exemple en ce que par l'enseignement de Thrasimac, de Gorgias, & de Theodore le nombre est né & qu'Isicrate luy à finalement donné perfection. Si donc les Grecs & Latins plus curieux de la culture de leur langue que nous de la nostre n'ont trouué en icelle n'y la quantité n'y la grace sinon avec le temps, & apres grands trauaux, nous demons nous esmerueiller si ce qui nous suffiroit en nostre langue nous est encores defaillant. Si ne doit on pour tel argument la despriser comme vile & de neant, il est vray que la Latine est d'assez meilleure: mais combien il nous seroit meilleur de dire elle fut, & toutesfois bien qu'elle l'ait esté par le passé & soit encores, si viendra il peut estre vn temps, que la vulgaire sera douëe d'autant plus grande excellence comme maintenant elle n'est point comparable à la Grecque pour le peu de vertu & de grace qui est en elle en ce temps cy. Lors que naissoit la Latine, la Grecque estoit ia grande: parquoy si vos raisons auoyent lieu, nos predecesseurs ne deuoyét laisser prédre racine à vne nouuelle langue: autât pouuós nous dire de la Grecque au regard de l'Hebraïque, & par ainsi on peut cōclure à vostre dire que le monde ne doit auoir qu'une seule lāgue pour escrire & parler. De là viēdroit qu'en pensant seulement arguer la langue Tuscanne à fin de l'extirper (moyennant vos raisons) hors du monde vous parleriez aussi contre la Grecque & la Latine, & non seulement contre les langues du monde, mais aussi contre Dieu qui à voulu par son immuable ordonnance que nulle chose créée ne dure perpetuellement, ains que d'heure à autre leur estat se change ores en augmentation, ores en diminution iusques à ce qu'une fois tout finisse sans iamais plus renoueller. Vous me dites nostre langue arreste trop à former sa perfection, & ie responds estre vray: mais si est ce que tel retardemēt ne doit faire à croire estre impossible qu'elle deuienne parfaite: plustost nous peut asseurer, que deslors qu'elle nous sera acquise nous en iouyrans plus long temps: car nature veult que l'arbre qui biē tost croist, florit, & porte fruit, soit bien tost vieil & meure & au cōtraire que celui dure par longues années lequel aura esté long tēps à faire ses rameaux. Nostre langue donc en gardant sa perfection pour auoir esté par plusieurs ans cherchée & désirée, sera peut estre semblable à aucūns hōmes lesquels de tāt plus ils sōt difficiles à apprēdre les lettres plus difficilement elles leur sortent de la memoire. Ou biē il faut dire qu'elle est tesmoing de nostre vergongne estant venue en Italie par la ruine du païs. Oū plustost qu'elle est tesmoignage de nostre bon cœur, diligence & sagesse pour ce que cōme Enée venant de Troye en Italie prenoit à honneur de laisser en escrit à vn trophée qu'il auoit fait dresser ces mots qui disoyent là estre les armes de ceux qui auoyent vaincu son païs: Aussi ne nous peut il tourner a honte d'auoir quelque chose en Italie que nous auons prise des mains de ceux qui nous auoyét osté la liberté. Finalement quād ie voudrois estre malin, ie dirois que cōme le Soleil leuāt doit plustost estre idolāstré des hōmes que le couchant, aussi que les lāgues Grecque & Latine sont ioinctes à leur occidēt & n'estre plus lāgues, mais seulement papier & ancre, & partāt de la difficulté qui est à les proferer

rer, dites le par mon exemple: car quand à vous, il ne vous est loysible de parler latin en autres termes que de ceux de Ciceron, tellement que quand vous parlez ou escriuez latin ce n'est autre chose que le mesme Ciceron transcript plustost de papier en autre que de subiect en autre, en quoy non vous seul pechez, mais aussi moy & maints autres plus grands & meilleurs latins que moy. Toutesfois tel peché n'est du tout indigne d'excuse ne se pouuant faire autrement. Or ie ne dy pas que le peu que i'ay dit contre la langue latine au profit de la vulgaire soit veritable: car i'entendois seulement monstrier à qui voudroit prendre la cause de ceste nouuelle langue qu'il ne demeureroit sans defence, veu que le cœur n'y les armes ne luy defaillent pour se defendre d'autrui. C O V R. Ie prise grandement nostre langue vulgaire, ie dy la Tuscanne à fin qu'aucun ne pense que ie die le vulgaire de toute l'Italie n'y la Moderne Tuscanne accoustumee au vulgaire du iourd'huy, ains la vieille en laquelle Petrarque & Boccace ont si doucement parlé. Car Dante s'entoit beaucoup plus son Lombard que le Tuscan & là où il parle Tuscan, il est beaucoup plus payfant que citadin, c'est donc de celle là que ie parle & que ie conseille d'apprendre pour ce qu'encor qu'elle ne soit venue à sa vraye perfection, si s'en est elle tant approchée qu'il reste peu de temps, auquel arriuee, ie ne doute point qu'elle n'atteigne à la perfection de la latine & grecque. C O V R. Si ie veux donc bien escrire en Italien est-il besoing que ie retourne à naistre Tuscan? B E M. non pas renaistre, mais estudier la langue: car quelquesfois il est meilleur prendre naissance en Lombardie qu'à Florence pource que la maniere de parler Tuscan est pour le iourd'huy tant contraire aux regles de la vraye langue qu'il est plus dommageable naistre en icelle que dehors. C O V R. Vn homme ne peut donques estre Tuscan par art & par nature. B E M. Difficilement le peut-il estre: car par longueur de temps l'usage est quasi conuerti en nature qui est du tout contraire à l'art. Ainsi celuy qui est né Tuscan en apprendra mieux la langue que celuy qui dès son enfance à tousiours en parlant peruertit le vray langage. C O V R. Difficilement vous puis-je respondre n'estant né Tuscan & n'ayant espié la langue. Et toutesfois il me semble que le vulgaire Tuscan du iourd'huy se conforme plus à Boccace que ne fait le Bergamesque. C'est pourquoy il me semble que le Milannois qui i'amaïs n'auroit parlé le Lombard apprendroit plus aisément les regles de la langue Tuscanne que ne feroit le Florentin à cause de son pays: mais de dire qu'il soit né Lombard & en ayt tousiours parlé le langage iusques à huy, & que demain matin il parle & escriue mieux en Tuscan & plus facilement que le Tuscan mesme, ie ne le puis croire: autrement pour parler la langue grecque & latine, il eust esté iadis meilleur naistre Espagnol que Romain, ou Macedonien qu'Athenien. B E M. Non pas celà non: car au temps de la langue grecque & latine, elles estoient pures & nettes en toutes personnes, & ne leur nuysoit en rien la barbarie des autres langues, tellement que le populaire parloit aussi bien entre les lieux publics que faisoient les doctes en leurs academies. Que celà soit vray nous lisons que Theophraste, qui fut l'un des flammeaux de l'eloquence grecque, estant en Athenes fut à sa parole iugé estranger par vne pauvre villageoyse. C O V R. Ie n'enten point moy comment celà se peut faire, mais si vous

veux-je bien dire que s'il falloit que j'apprinssé quelque langue : j'aymerois mieux apprendre la grecque & la latine que la vulgaire : car il me suffit de l'avoir apportée avec moy du berceau sans autrement la chercher maintenant parmi les vers des auteurs Tuscans. **B E M.** En faisant ainsi vous parlez à la volée non pas avecques raison, pource qu'Italie n'a aucune autre langue reiglee que celle dont nous parlons. **C O V R.** A tout le moins ie pourray dire mon intention en ceste langue, & au lieu du temps que j'employerois à enfler les termes de l'une & de l'autre, ie le mettray à trouver les conceptions de mon ame, & à les disposer: car la vie de l'escriture en deriue. Aussi m'est-il aduis que mal aysement nous nous pouuons accoustumer à interpreter les conceptions de nostre ame avec la langue Tuscanne, ou Latine, ou telle autre que ce soit, laquelle nous apprenons en lisant seulement, & non en parlant les uns avec les autres. Je ne dy pas pourtant que l'on doye escrire en Padouan ny en Bergamasque, mais ie veux que de toutes les langues d'Italie nous puissions faire un amas de parolles & en faire une maniere de parler à tel usage que bon nous semblera, les accommodant si bien que le nom ne discorde, du verbe ne l'adjectif du substantif, laquelle reigle se peut apprendre en trois iours, non pas es écoles Grammaticiennes : mais parmi les cours des princes, entre les gentils-hommes, non avec ennuyeuse estude, ains en iouant, & riant, avec le plaisir, & recreation, tant des disciples que des precepteurs. **B E M.** Ce seroit un grand bien, si telle maniere d'estude suffisoit à l'homme pour faire chose digne de loüange & de merueille: mais la cause en est trop legere pour le rendre eternal par renommee: si est-ce pourtant, que s'il se pouuoit faire, le nombre des bons, & loüables escriuains en augmenteroit beaucoup en peu de temps. Il est donc besoing, mon gentilhomme, à celui qui veut estre trouué dedans les mains, & parmi les bouches des hommes, tenir par longue espace de tēps, pié à bouille en son estude. Et quiconque desire apres sa mort, reuiure en la memoire des hommes, il doit acquerir telle resurrection, par suer & trembler souuent, & souffrir faim & soif, & veiller tandis que les autres mangent & dorment. **C O V R.** Tout cela ne pourroit sans grande difficulté le rendre loüable. A quoy suffira le bien parler: que vous en semble, seigneur Lazare? Quand à moy, ie suis content pour la dispute qui est entre mon seigneur Bembo & moy, que vostre sentence y mette fin. **L A Z A.** Je ne ferois iamais cela : car ie desire que les defenseurs de telle langue soyent tousiours discordans à fin que telles dissensions ciuiles, soyent la ruyne d'icelle, comme l'on voit ruyner les regnes diuisez. **C O V R.** Aydez moy donc contre l'opinion de monsieur. Et si vous n'y estes induit, de la verité que vous deuez aimer, & honorer sur toute chose : aumoins que ce soit à cause de la haine que vous portez à ceste vulgaire langue, de laquelle si vous estes victorieux, vous aurez vaincu le principal defenseur qu'elle ayt pour le iourd'huy, pour-ce que sur son iugement chacun choyssit argument de la prendre & practiquer. **L A Z.** Combatez ensemblement à fin que de ces mesmes armes que vous employez contre la Latine & la Grecque vostre vulgaire soit feruë & ruinee. **C O V R.** Monseigneur ce ne vous seroit honneur de vaincre moy debile champion & desia las de la bataille que j'ay eüe contre le Seigneur Lazare, ny à moy iniure d'estre secouru d'autrui

con

contre vostre auctorité & vostre doctrine desquelles ie suis si fort combattu que ie ne cognois point en moy de plus forte guerre:parquoy voyant qu'il ne se veut bander avec moy pour me defendre: Vous seigneur escolier qui nous auez escouté, ie vous prie, si vous auez quelques armes, desquelles me puissiez ayder, les tirer hors en ma faueur, car puis que ce combat n'est point mortel vous y pouuez entrer sans crainte vous regeant de quel costé qu'il vous plaira, & principalement du mien, qui vous en ay requis, veu l'honneur qui vous pourra venir d'estre vaincu d'un si digne aduersaire. L' E S C O L. Monsieur ce que ie n'ay parlé iusques à present prouient de ce que ie ne sçauois que dire, pour n'auoir fait profession és langues, & me suffisoit d'escouter avec esperance, & desir d'apprendre. A ceste cause si vous auez quelque combat à faire pour defendre vostre opinion ie vous conseille de combattre sans moy, qui ne vous puy ayder: aussi est-ce le meilleur que vous combatiez seul, que d'estre accompagné d'un homme qui par inexperience des armes se retire dès que les premiers coups se ruent, en vous donnant occasion de crainte & de fuite. C O V R. Si avec tout celà vous me pouuez ayder, aydez moy ie vous prie: i'entens pourueu que telle question ne vous soit en mespris, comme chose vile & de si peu de valeur que voulussiez desdaigner d'entrer en ce camp avecques nous. L' E S C O L. Comment, pensez vous que ie ne daignasse parler de ce dequoy monseigneur Bembo à parlé maintenant, & vne autrefois mon precepteur Peret avec le seigneur Lascar, non moins doctement qu'elegamment? ie serois trop desdaigneux si ie le sçauois faire: mais quoy, ie sçay peu de toute chose & rien des langues, comme celuy qui de la grecque, à peine cognoist les lettres & de la latine tant seulement assez pour me faire entendre les liures de la philosophie d'Aristote, lesquels selon que i'en ay entendu dire à messire Lazare sont plus barbares que latins: du vulgaire, ie n'en dy mot pource que de tels langages ie n'y sçeu iamais rien & si n'eu iamais desir de les apprendre fors que mon Padouan, pour l'intelligence duquel, depuis le laict de ma nourrice, ie n'ay eu autre maistre que le commun. C O V R. Pour le moins il faudra que vous disiez ce qu'en auez appris de Peret, & de Lascar, qui en ont parlé (comme vous dites) si doctement. L' E S C O L. I'en ay trop peu appris en vn iour au regard de l'infinité des choses qui appartiennent à ceste matiere: car alors il ne m'estoit point aduis que cela fust digne d'apprendre. B E M B. Aumoins dites en ce peu qui vous en est demeuré en la memoire: ce me sera chose agreable de l'entendre. L' E S C O L I E R. Je le feray puis qu'il vous plaist: car i'ayme mieux estre reputé ignorant en vous disant ce que ie ne sçay pas que fascheux en desdaignant ces prieres qui me deussent estre commandement. La derniere fois que le seigneur Lascar vint de France en Italie luy estant à Bolongne, vn iour entre les autres il alla visiter Peret, comme il auoit accoustumé & apres auoir esté quelque espace de temps ensemble, Lascar luy demanda, quelle chose il lisoit ceste annee & mon precepteur Peret luy dist. P E R. Monsieur ie lis les quatre liures de la Meteoire d'Aristote. L A S. Quels sont vos expositeurs? P E R. Je me sers bié peu des Latins: & vn mié amy m'a aydé d'un Alexandre. L A S. Vous auez bien choisy, pource qu'Alexandre apres Aristote estoit Aristote mesme, toutesfois ie ne pensois pas

E E c 5 que

que vous sçeuſſiez la langue Grecque. P E R. Je l'ay en latin non pas en grec. L A S. Vous en devez recueillir peu de fruit. P E R. Pourquoi? L A S. Pour ce qu'il me ſemble qu'Alexandre Aphrodiſee, eſtant Grec, & puis traduit en Latin, eſt autant different de ſoy meſme comme eſt l'homme viſ du mort. P E R. Neantmoins ie penſois qu'il me fuſt autāt profitable de le lire en Latin ou Italien ſ'il s'y trouuoit traduit cōme aux Grecs de le lire en Grec, & ſoubs e'eſt eſpoir ie me ſuis mis à l'eſtudier. L A S. Vray eſt que pour le mieux vous devez pluſtoſt l'auoir en latin que ne l'auoir point. Mais voſtre doctrine ſeroit beaucoup plus grande, meilleure, & de plus de proufit; ſi vous liſiez Ariſtote, & Alexandre, en la langue, que l'un à eſcrit & lautre interpreté. P E R. Pour qu'elle cauſe? L A S. Pour ce que plus facilement, & avec plus grande elegance de paroles ſes conceptions ſont par luy exprimées en ſa langue qu'en l'autre. P E R. Cela ſe pourroit faire en moy ſi i'eſtois Grec auſſi bien que fut Ariſtote: mais de dire que pour faire mieux vn Lombart, bon Philoſophe, il doit eſtudier le grec, à mon aduis cela eſt diſconuenient & ſans raiſon, pour ce qu'au lieu de ſe releuer de peine on ſe la redouble, par ce moyen eſtāt beaucoup plus facile d'apprendre la logique ſeule ou la philoſophie que la grammaire, par ſpecial la Grecque. L A S C A R. Pour ceſte meſme raiſon vous ne deuiez eſtudier ny la Latine ny la Grecque ains ſeulement le vulgaire Mantouan & avec iceluy philoſopher. P E R. Pleuſt à Dieu que pour le benefice commun de nos ſucceſſeurs il ſe trouuaſt quelques doctes & bonnes perſonnes qui traduyſſent tous les liures Latins, Grecs, & Hebreux, peut eſtre que lors les Philoſophes ſeroyēt en plus grand nombre & aſſez plus ſçauants qu'ils ne ſont maintenant, & ſi leur excellence ſeroit plus rare. L A S. Ou bien ie ne vous entends point, ou vous parlez par ironie. P E R. Au contraire ie parle pluſtoſt à la verité comme celuy qui eſt conuoYTEUX de l'honneur du pays, car pourtant ſi l'iniure de noſtre temps & du paſſé me veut priuer de ceſte grace, Dieu me gard d'eſtre ſi plein d'enuie, que d'auoir deſir d'en fruſtrer ceux qui naiſtront apres moy. L A S. Je vous eſcouteray volontiers ſi vous auez affection de me prouuer ceſte opinion nouuelle, que ie n'entens ny ne penſe intelligible. P E R. Dites moy premierement d'où vient celà que les hommes de noſtre temps ſont vniuerſellement moins doctes, & en moins d'eſtime en toutes ſciences, que les antiques ne furent: ce qui eſt contre nature, veu qu'il eſt beaucoup plus facile d'adiouſter aux ſciences trouuees qu'il n'eſt pas de les inuenir? L A S. Qu'elle autre reſponce y ſeroit bonne fors que toutes choſes vont de mal en pis? P E R. Je le confeſſe à cauſe de pluſieurs raiſons, entre leſquelles y en a vne que i'oſe dire la premiere: C'eſt qu'entre nous, modernes nous conſumons grande partie de noſtre temps & le meilleur de nos ans en vain, de quoy ſe ſont bien gardez les anciens: & pour mieux vous interpreter mon dire, ie tien de vray que l'eſtude des lāgues Grecque & Latine eſt l'occafion de noſtre ignorance: car ſi le temps que nous auons deſpenſé à les apprendre euſt eſté par nous employé en la philoſophie, peut eſtre que ce temps nous engendreroit de cēs Platons & Ariſtotes que produiſoit l'antiquité: mais quoy, nous autres quaſi repentans d'auoir laiſſé le berceau & d'eſtre deuenus hommes, en retournant à noſtre enfance, nous ne faiſons autre choſe en dix

ou

ou vingt ans de nostre aage qu'apprendre à parler l'un latin, l'autre grec, & un autre quelque autre langue, soit vulgaire ou autrement. Et après ceste longueur de temps passée, & avec elle celle vigueur & promptitude que la jeunesse est naturellement coustumière de donner à l'esprit, nous essayons à deuenir philosophes, lors que nous ne sommes plus propres à ceste contemplation des choses: de là vient qu'en ensuyuant le iugement d'autrui nostre moderne philosophie n'est autre chose qu'un pourtraict de l'ancienne, partant tout ainsi qu'un pourtraict de quelque bon ouurier qu'il soit fait, ne peut du tout ressembler son Idée: Aussi nous encor que (peut estre) ne soyons, quant à l'esprit aucunement inférieurs de nos antiques: ce neantmoins, nous sommes de tant moindres, comme nous sommes trop long temps amusez aux badineries des termes & paroles, pour seulement les imiter en leur philosophie, lesquels nous deurions preterder par le moyen de quelques adionctions de nostre industrie.

L A S. Donques si l'estude des langues est si nuyfible à chacun comme vous dites, qu'est-il de faire? les laisser? **P E R.** Non pas car il ne se peut faire pour ce que les arts & les sciences des hommes sont maintenant entre les mains des Latins & Grecs: mais pour l'aduenir on deuroit faire que toute langue peust parler de toute chose chacune à sa mode par tout le monde.

L A S. Comment seigneur Peret que dites vous? auriez vous donc enuie de philosopher en vulgaire sans auoir cognoissance de la langue grecque & latine? **P E R.** Et quoy donc, pourueu que les liures grecs & latins fussent traduits en nostre langue?

L A S. Il seroit aussi difficile de translater Aristote de langue grecque en Lombart, comme d'arracher un Oliuier, ou un Oranger, d'un beau & fertile Iardin, pour le replanter dedans une haye d'épines: outre ce que la philosophie est fardeau digne d'autres espauls que de celles de nostre langue.

P E R. Je croy pour certain que les langues de tous pays, aussi bien l'Arabique & l'Indienne, que la Romaine & Grecque, sont d'un mesme effect & valeur, & formées des homes par un mesme iugement, à une mesme fin: & pource il m'est aduis que vous n'en deuez parler comme de chose produite par nature, veu qu'elles sont faites & reiglees par l'artifice des hommes, au benefice commun, & non plantées, ny semées: & ce que nous nous en seruons, c'est comme estans tesmoins de nos affections, & declarans entre nous les conceptions de nos esprits. Pour ceste cause encor que toutes choses produites par nature, & les sciences d'icelles ne soyent par tout le monde qu'une mesme chose, ce neantmoins pource que plusieurs hommes sont de diuerses volontez, ils escriuent & parlent diuerfement: laquelle diuersité & confusion des vouldoirs des hommes, est condignement nommée tour de Babel. Les langues donc ne naissent pas d'elles mesmes, comme les arbres ou les herbes, & ce que l'une est plus debile & infirme, & l'autre plus saine & robuste, & plus propre à porter la charge de nos conceptions humaines, ne prouient que du vouloir des hommes, qui en ont fait l'une plus vertueuse que l'autre. Parquoy comme le François, ou l'Anglois sans changer de meurs, ou de nation se peut aussi bien adonner à la philosophie, que le Grec & Romain: aussi ie croy que sa langue maternelle peut à suffisance communiquer son sçauoir à autrui. Traduisant donc en ce tēps cy de Grec, en vulgaire, la philosophie semée par nostre Aristote, parmy les fertiles chāps

d'A

d'Athenes, ce ne seroit point la iecter parmy les pierres dans le boys, ne luy donner occasion de deuenir sterile, ce seroit plustost (d'eslongnee qu'elle est) l'approcher, & d'estrangere, la rendre domestique à toute natió: Et peut estre ainsi que les espiceries, & autres choses orientales, sont par quelque marchand apportees des indes, en ces parties occidentales pour l'vtilité commune, la ou parauenture elles sont mieux cognues, & receuës, que de ceux qui outre mer les sement & recueillent: Aussi les speculations d'Aristote nous deuiendroyent plus familières qu'elles ne sont, & plus facilement les entendrions, si quelque docte personne les reduisoit de Grec en beau Vulgaire. **L A S.** Diuerses langues sont propres à signifier diuerses choses, les vnes pour les doctes les autres pour les ignares: & entre les autres la Grecque est si conuenable aux sciences, qu'il semble que non pas l'humaine prouidence, mais la mesme nature l'ayt formee, pour les mieux faire entendre. Et si ne m'en voulez croire, à tout le moins croyez Platon de ce qu'il en dit en son Cratyl, duquel se peut inferer que la langue Grecque est en l'endroit des disciples, ce qu'est la lumiere enuers les couleurs, & sans laquelle lumiere des lettres, nostre humain entendement ne verroit aucune chose: ains s'endormiroit aux continuelles nuits d'ignorance. **P E R.** J'ayme mieux croire Aristote & la verité, c'est assauoir que quelque langue qui soit au monde n'a point de soy ce priuilege de signifier les conceptions de nostre ame, & que le tout en consiste sous l'arbitre des personnes: tellement que quiconque voudra parler de philosophie en langue Mantouane ou Milannoise, on ne peut par raison luy refuser. Bien est vray que pour ce que le monde n'est point coustumier de parler de philosophie sinon en Grec & Latin, il nous semble estre impossible de pouuoir faire autrement. Voylà pourquoy en nostre temps quand on parle vulgairement, on ne parle que de choses viles & vulgaires. A la verité nous despensons miserablement nos iours, nos mois, & nos ans en l'estude de ces deux langues, non pas pour la grandeur du suiet, mais pour-ce seulement que nostre esprit contre la naturelle inclination fait tourner nostre estude vers les paroles. Par ainsi c'est esprit desireux de s'arrester en la cognoissance des choses, pour le rendre perfect, ne se contente point d'estre adonné à autre chose, tellement qu'en nous amusant à dresser nostre langue, la vertu de nostre esprit demeure vaine. Doncques de ceste contrarieté qui est tousiours entre la nature de l'ame, & la coustume de nostre estude, depend la difficulté de la cognoissance des langues, digne veritablement non d'enuie, mais de haine, non de labeur, mais de fascherie, & finalement digne d'estre reprise de chacun, non pas apprise: car ce n'est point la viande: ains le songe & l'ombre de la viande de l'esprit.

L A S. Ce pendant que vous parliez ainsi; ie voyois par imagination la philosophie d'Aristote escrete en langue Lombarde, & m'estoit aduis que i'oyois toutes manieres de gens mecaniques, comme facquins, laboureurs crocheteurs, parler entre eux de philosophie, avec certaines prononciations & accents si estranges, & ennuyeux que de ma vie ie n'en ouy de tels. Encores me sembloit-il voir emmy ceste place nostre mere philosophie vestuë assez pauirement de meschant bureau, plorant & se lamentant d'Aristote, qui au despris de son excellence l'auoit conduite à ceste extremité: parquoy, pour
le

le bel honneur que l'on faisoit à ses œuvres elle disoit ne vouloir plus demeurer en terre. Luy d'autre costé s'excusoit vers elle, n'yoit de l'auoir, iamaïs offensée: au contraire l'auoir tousiours aymée & n'auoir moins que magnifiquement escrit & parlé d'elle, tandiz qu'il viuoit: qu'il estoit né & mort Grec, non Bresciam ny Bergamasque. I'eusse bien voulu que vous eussiez esté present à telle vision. **P E R.** Et si i'y eusse esté, ie luy eusse remonstré, qu'elle se fust plainte sans cause: pource que tout homme, en tout lieu, & avec toute langue, peut exalter sa valeur: & celà se faire plustost à sa gloire, qu'à sa honte: Et aussi que si elle ne desdaigne de heberger és esprits des Lombars, elle ne doit non plus desdaigner d'estre traitée de leur langue. Les Indes, la Scithie, & l'Egypte, ou elle habitoit si volontiers, produisoient hommes & langages beaucoup plus estranges & barbares, que ne fait pour le present le Mantouan, & Boulongnois. Ie luy eusse encores dit, que l'estude des langues Grecque & Latine l'auoit quasi chassée hors de ce monde, tandis que l'homme ne se souciant de sçauoir ce qu'il disoit, s'accoustumoit vainement à apprendre à parler: tellement que laissant l'esprit endormy, il reueille & met en œuvre la langue. Que Nature en tout temps, en toute prouince, & en toutes ses actions, est tousiours vne mesme chose: & que comme elle fait volontairement toutes ses artz par tout le monde, non moins au ciel qu'en la terre, sans que pour la production qu'elle fait des creatures raisonnables, elle oublie les irraisonnables, ains par son egal artifice engendre & nous & les bestes brutes: aussi luy doit il agréer d'estre congueüe, & prisée, aussi bien du pource, que du riche, & des infimes personnes, comme des nobles, en toutes langues, soyent Grecque Latine, Hebrayque, François, ou Lombarde. Que les oyseaux, les poissons, & autres bestes terrestres, de route sorte, ores avec vn certain son, ores avec vn autre, sans distinction de paroles, signifient leurs affections. Beaucoup mieux doncques nous autres hommes le deuons nous faire, chacun avec sa langue, sans auoir recours aux autres, que les escritures, & les langages on esté trouuées, non au salut de nature, laquelle (comme diuine qu'elle est) n'a besoin de nostre ayde, ains seulement pour nostre profit, & commodité: afin que vifz & morts, presens & absents, en manifestant l'vn à l'autre les secrets de nos pensées, nous attingnions plus facilement nostre propre felicité, qui est mise en l'intelligence des doctrines, & non en la prononciation des mots: Et par consequent, nous autres mortels deuons plustost pratiquer la langue, & l'écriture, que nous pouuós apprendre avec plus de facilité. Et comme ce seroit le mieux (s'il estoit possible) n'auoir qu'vn langage qui fust naturellement vsité par les hommes, aussi est ce le meilleur que l'homme escriue, & parle selon la maniere qui moins s'elongne de son naturel: laquelle maniere de parler, nous apprenons quasi deuant que d'estre nez, voire, & au temps que nous ne sommes aptes d'apprendre aucune autre chose. Autant en eusse-je dit à Aristote, de l'eloquence duquel ie me fusse peu soucié, s'il eust escrit ses liures sans raison. Que Nature l'auoit adopté à fils, non pour estre né en Athenes, ains pour l'auoir bien hautement congueüe, & pour en auoir bien parlé, & bien escrit. Que la verité par luy trouuée, la disposition & ordre des choses, la grauité & briueté des sentences, luy sont propres, &

F F f

non

non à autre:& que telles choses de luy ne se peuuent muer , pour estre translatées de langue en autre. Que si son nom seul estoit sans la compagnie de Raison , il seroit en mon endroit de peu d'autorité. Que si luy estant deuenu Lombart vouloit estre Aristote, il ne tiendrait, qu'à luy. Que nous autres de ce temps auons aussi cher ses liures traduits en vulgaire , comme les Grecs les auoyent en estime lors qu'ils y estudioyent en leur langue , lesquels liures nous essayons d'entendre avec toute industrie , pour deuenir quelquesfois non Atheniens , ains Philosophes. Et avec ceste responce ie me serois party de luy, L. A. S. Dites ce que vous voudrez & le desirez , si est ce que ie ne croy point que de vostre temps vous puissiez voir Aristote vulgaire. P. E. R. Voylà pourquoy ie me deulx de la miserable condition de ce moderne temps , auquel on estudie, non pour estre, mais pour sembler sages: car là ou nous n'auons qu'une seule voye de raison, en quelque langue que ce soit , pour nous conduire à verité, en la laissant à gauche, nous prenons le chemin , lequel par effet nous eslongne d'autant plus de nostre but, cōme il semble à autrui que nous en sommes voisins. Aussi nous est-il biē aduis que nous sçachōs assez de quelque science, quād sans congnoistre sa nature, nous pouuōs dire en quelle sorte elle estoit nommée par Ciceron, Pline, Lucrece, & Virgile, pour les auteurs Latins, & pour les Grecs, Platō, Aristote, Demosthene, & Eschinés: sur les simples paroles desquels, les hommes du iourd'huy dressent le fondement de leurs artz & sciēces: tellement qu'en disant ces mots, langue Grecque, ou langue Latine , il semble que lon die langue diuine. Et que la vulgaire soit vne lāgue inhumaine, & du tout priuée des discours des intelligences , non pour autre cause par aduenture, que pource que nous l'apprenons sans trauail, & des l'enfance, & que les autres par grand labeur nous sont faites familières, comme langues que nous iugeons plus conuenables aux doctrines , que ne sont les paroles de l'Eucaristye, & du baptēme, avec leurs deux Sacremēts. Et est ceste folle opinion si fort imprimée en l'esprit des hommes, qu'il en est beaucoup en ceste erreur , de penser que pour deuenir Philosophes il leur suffit de sçauoir lire & escrire en Grec, sans plus, comme si l'esprit d'Aristote estoit (en guise d'un esprit familier dās vn cristal) enfermé dans l'Alphabeth Grec, & qu'il fust contraint d'entrer avec les lettres en l'esprit des hommes , pour les faire Philosophes. A ce propos i'ay veu de mon temps plusieurs hommes si arrogans, que n'ayans aucune science, & se confians seulement en la congnoissance de la lāgue , ont eu la hardiesse de mettre la main à ses liures , en les expliquant publiquement , comme les autres liures d'humanité. Pour ceux là donc ce seroit chose vaine de mettre les sciences Grecques en vulgaire, tant pour l'incapacité de la langue, que pour la contrainte des termes, dedans lesquels l'Italie & son langage sont enclos , pour trop estimer vaine l'entreprise d'escrire & de parler , en sorte que les studieux hommes de tout le monde (ce disons nous) ne l'entendent point. Mais i'espère bien que ce qui n'a point esté veu de moy, sera veu quelquesfois de ceux qui naistront apres moy: Et ce au temps que les hōmes plus doctes , & moins ambicieux ~~que ceux du iourd'huy,~~ se cōtenteront d'acquiescer honneur en leur patrie, sans desirer que l'Allemagne ny les autres païs estrāgers ayēt leurs nōs en reuerāce: car si la forme des paroles avec lesquelles les futurs Philosophes parleront

leront & escriront les sciences, est commune au peuple, l'intellect & le sentiment d'icelles paroles sera, ce que chercheront les amateurs des lettres, qui ont leur habitude, non pas en la langue, mais en l'esprit des hommes. Si tost que Peret eut acheué son propos, le seigneur Lascar s'appareilloit de respondre: mais il survint vne troupe de gentils-hommes, qui le venoyent voir, parquoy le propos encommencé fut interrompu. Au moyen dequoy apres les reuerences faites de part & d'autre, Peret & moy partismes, sous condition d'y retourner vne autresfois. COVR. Vous m'avez si bien defendu avec les armes de Peret, que ce seroit chose superflüe d'y employer les vostres. A ceste cause encor que ce fust vostre profession, que de parler de ceste matiere, si suis ie content que maintenant vous vous taisiez, & vous rendz infinité de graces, pour le secours que m'avez donné, tant à cause de l'auctorité de si digne Philosophe, que des raisons parcy deuant dites. Et si vous promets que pour euitier la peine & le labeur d'apprendre à parler, avec les langues mortes, ie suyuray le conseil de Peret, car comme ie suis né Romain, ie veux viure Romain, & en parler & escrire le langage, &c.

STANISLAUS HOSIVS.

Confession catholique de la foy Chrestienne. &c. voyez Iean de Lauardin. Iean de Billy.

STESICHORE, voyez ses sentences en celles des Poëtes Grecs traduites par Geofroy Linocier.

SVETONE TRANQVILLE. Voyez George de la Boutiere. Guillaume Michel.

SVRCE DE PISTOIE Docteur en Loix & Orateur.

La cōtrouerse de Noblesse plaïdoyee entre publ. Cornelius Scipiô d'une part, & Cayus Flaminius d'autre. C'est vne declamation pleïdoyee deuant les Senateurs de Rome. *Escrite en main.*

SYNESIVS. Voyez Daniel d'Auge. Iaques Courtin. Antoine du Verdier.

LIURES D'AUTHEVRS OV TRADVCTEVRS

Anonymes.

S. E. S. X. a traduit d'Italien en François recueil de Plusieurs secrets tres-vtiles, tant pour l'ornement, que la santé du corps humain, tirez des plus excellens auteurs tant Grecs que Latins, auquel est adiousté & traité des distillations, cōtenant plusieurs receptes d'eaux Imperiales, d'Auge, Nasse, & autres semblables [impr. à Paris 8°. par Vincent Sertenas 1561.

L'ordre & maniere d'administrer les SACREMENTS en l'Eglise de Geneue *Censuré.*

SAC & Pieces pour le Pape de Rome, ses Cardinaux, Euesques, Abbez, moines & maistres de la Sorbonne cōtre Iesus-christ. [impr. à Geneue 1561. *Calvinique.* A ce liure Thomas Beaux amis à respondu par vn autre liure intitulé Enqueste & griefs &c.

Le liure de SAGESSE suyuant les auctoritez des anciens Philosophes, distinguant & parlant des vices & vertus dont l'on peut estre prisé & desprisé. Ensemble la maniere de bié & tousiours sagemēt parler à toutes gens de quelque estat qu'ils soyent. Le prologue qui est en rime commence ainsi,

FFf 2

Cc

*Ce fut d'Apuril dixseptiesme iour
 En ce printemps que la roze entre en flour
 Gaye saison que tout se renouvelle,
 Le pré verdoye & toute fleur est belle,
 L'uyver se passe, & la morte saison,
 Et les oyseaux commencent leur chanson, &c.*

Le Reste outre le prologue est en prose. [impr. à Paris 16°. par Pierre Sergent 1520. & depuis à Lyon par Oliuier Arnoullet.

Les cantiques de SALOMON translatez de Latin en rime François par l'auteur dont l'anagramme est tel, Ha bien se taira. [impr. à Paris 1504.

Deux SATYRES, l'une du Pape, l'autre de la papauté. *Censuré.*

LE SECRET ET MYSTÈRE DES IYVFS iusques à present caché. Histoire de Theodose Pontife de la Loy, & de Philippe Chrestien, par laquelle le mystere & secret des Iuifs est reuelé à nostre grande instruction, & confirmation de nostre foy. [impr. 16°. à Lyon par Iéan d'Ogerolles 1560.

Traicté de SENEQUE de la Clemence & humanité du Prince enuers ses subiects, traduit de Latin. [impr. à Lyon 16°. par Iean Saugrain. 1559.

Les tres-elegantes & graues SENTENCES & belles Authoritez de plusieurs Saiges, Princes, Rois, & Philosophes Grecs & Latins. Avec vn petit traicté de Plutarque, de la honte vicieuse. [impr. 16°. à Roüen par Robert & Iean du Gort en l'an 1554.

Diets & SENTENCES notables de diuers auteurs en François & mises par ordre d'Alphabet. En la fin sont adioustées lesdictes sentences Latines en mesme ordre, avec le nom & liure de l'auteur dont on les a recueillies. [impr. à Paris 8°. par Vincent Sertenas & à Lyon 16°. par Iean Saugrain 1561.

SENTENCES selectes de Periander, Publian, Senèque & Isocrates, tournees en poësies Françaises par I. D. S. M. [impr. à Paris 8°. par Vincēt Sertenas 1561. & depuis reimprimé sous tel tiltre. Diets & sentences notables de diuers auteurs.

Le SIEGE d'Amours avec la bataille des deux Deesses. [impr. à Lyon par Oliuier Arnoullet.

Le Romans de SIPERIS DE VINEAVX (à ce qu'escriit le Presidēt Fauchet) a esté composé depuis la closture du Boys de Vincēnes: qu'on trouue auoir esté ceint de murailles par le commandement du Roy Philippes Auguste, enuiron l'an M. CC. Il ya de bons traicts dedans, & entre autres,

*On a bien maintefois par amors engendré
 Enfans qui depuis ont grant honor conquesté,
 Tel cuide bien auoir de sa chair engendré
 Des enfans en sa femme qui ne luy sont vndé.
 Pis vaut peché couuert ce disent li lettré,*

Que

*Que ce que chacun sçait qu'on n'a mie celé.
 Et cil est bien bastardz qui n'a cuer ne pensé
 Fors de mauuaitié fere laidure & fauseté. &
 Car tielz est bien armez qui po de pouuoir a,
 Et tielz est mal vestus qui au corps bon cuer a.
 Le cuer n'est mie es armes, mais est ou dieu mis l'a.
 Mauuais puet bien regner en mauuaitié faisant,
 Mais à la fin on voit on le voit apparent,
 De tel fin tel loyer, dieu le va commendant. &
 On porte plus d'honor à un Baron meublé,
 Qu'on ne fait à preudhom viuant en pauureté. &
 Ce qui doit auenir on ne puet nullement
 Destourner qu'il n'auienne ce dit on bien souuent. &
 Car entre faire & dire, & vouloir & pensée,
 Y a grand difference c'est chose bien prouuee. &
 Souuent fait on grant ioye encontre son tourment. &
 Plus n'a vaillant li hom' au monde entierement
 Que bonne renommee de tous communement. &
 Car plus pert on d'amis moins à douter fet on. &
 Car Dieu & leur bon droit & bonne volonté,
 Laboure en bon ouurage sans penser fauseté:
 Et il t'aidera bien se t'as appelé. &
 Hardement ne vient mie de noble garnement: 1 noble equipage.
 Ains vient de gentil cuer ou proesse se prend.*

Il semble que l'auteur fut Picard, parce qu'il prend son principal subiect d'un seigneur de Boulenois, & aussi que ce vers luy est eschapé.

Dont sonnerent le cloque qui bondi hautement,

Le SOMMAIRE historial de France qui aux lisans est moult solatieux, réduit en forme d'un promptuaire ou Epitome. [impr. à Paris f°. par Philippes le Noir 1523.]

La SOMME de Theologie, ou lieux communs. [impr. 1546. Censuré.]

La SOVRCE d'honneur pour maintenir la corporelle elegance des Dames en vigueurs florissant & prix inestimable. [impri. à Lyon 8°. par Oliuier Arnoullet.]

Sommaire recueil des SIGNES sacrez, sacrifices & sacremens instituez de Dieu despuis la creation du monde 1561.

Traicté du SOVERAIN Bien par lequel le vray Chrestien pourra apprendre à l'ayde des saintes escritures à contempner la mort: mesmes icelle desirer pour auoir claire vision de Dieu par nostre Seigneur Iesus-christ. [impri. de vieille lettre 16°. sans nom de lieu ny d'imprimeur.]

ST A T V S & ordonnances de la noble confrerie dediee à l'honneur de Iesus-christ & de madame sainte Anne, fondee d'ancienneté en l'Eglise de no-

FFf 3 stre

stre dame du Taur à Tholouse, redigez par ordre, tiltres, & chapitres. [impri. à Tholouse par Guyon Boudeuille 1552.

S T A T V S de la confrerie nostre dame Vierge mere de Iesus-Christ instituee en l'Eglise metropolitaine Sainct Estienne en Tholouse. [imprim. à Tholouse 4°. par Guyon Boudeuille 1553.

Prelude sur les S T A T V S de la venerable confrerie des confreres du merite de la passion de nostre Redempteur, instituee en la deuote Eglise de S. Saturnin en la chapelle du Crucefix dicte de Sainct Gilles audit Tholouse, [impr. par Guyon Boudeuille 1559.

S T Y L E & Prothocolle de la chancellerie de france, contenât la forme de minuter & coucher par escript lettres de Graces, sauuegardes, complainctes, Anticipations, adiournemens en desertion d'appel & en cas d'appel, releuements, Offices, confirmations, Passages & saufconduictz, Congez, Taxations de Voyages, finances, defences, collations beneficales, Commissions & pouuoirs, establissmens de foires, benefices d'inuentaie, examen à futur, Arriereban, exemptions, Priuileges, legitimations de Bastards, Ennoblissmens, amortissmens, dons gratuits, naturalité, remission, abolition, & autres diuerfes lettres que le Roy octroye pour subuenir à ses subiects, Auec le Guidon des secretaies, & le vestige & Instruction des finances. Le tout Impri. 8°. à Paris par Guillaume le Bret l'an 1548. & par Benoit Rigaud 16°. à Lyon l'an 1577.

S T Y L E de la court souueraine de parlemēt & forme de plaider & proceder en icelle tant es causes ciuiles que criminelles. Reduit par tiltres & [impr. à Lyon 16°. par Benoist Rigaud 1575.

L E S T Y L E de court laye auctorisé par le Roy nostre Sire, tenu, gardé, & obserué par deuant messieurs les Bailly de Berry, & Preuost de Bourges: auec les coustumes dudit lieu. Auquel est adiousté la chartre des grands iours dudit Bourges. [imp. 8°. à la marque de Iean petit pour ceux de Bourges en l'an 1511.

S T Y L E & reglement sur le faiçt de la Iustice abbreuiation des procès & moderation des fraiz d'icex dressé par la Court de Parlement de Sauoye. Extraict des Ordonnances Royaux tant anciennes que nouuelles autorisé & approuué par le Roy. Publié en ladicte Court le 27. Iuillet 1553. [impri. à Lyon 4°. par Pierre de Portonaris 1553.

Le S T Y L E & reglement sur le faiçt de la Iustice & instruction des proces, dressé par le souuerain Senat de Sauoye. [impr. à Chambéry 4°. par Iacques franconis Imprimeur de son Altesse 1560.

Liure de la vraye & parfaicte SVBIECTION DES CHRESTIENS & de la sacree franchise qu'ils ont au Sainct Esprit. *Censuré.*

SYBILLES.

Voyez les Propheties des Sybilles traduites par Guy le Febure aux hymnes ecclesiastiques.

SVPLICATION & remonstrance sur le faiçt de la chrestienté & de la reformatiō de l'Eglise faiçte au nom de tous amateurs du regne de Iesus-Christ, à l'Empereur & aux autres Princes & estats tenans iournee Imperiale à Spire. *Censuré.*

La SYNATHRISIE , Aliàs Recueil confus en Rime. [impri.à Dijon par Iean des Planches 1566.

Status & Ordonnances SYNODALES de l'Eglise Metropolitaine de Lyon Primatiale des Gaules : reueües, augmentees, & traduites en langue François pour l'instruction des Curez & gens d'Eglise du diocese de Lyon. [imp.à Lyon 4°. par Iean Stratius 1578.



ANNEGVY GVILLOMET Chirurgien du Roy de Nauarre & maistre en ladite faculté en la ville de Nyfmes a escrit,

Questionnaire des tumeurs contre nature , necessaire à ceux qui veulent paruenir à la cognoissance de ceste partie de chirurgie contenant les causes, signes, & curation en general.

[imp.à Lyon 16°. par Benoist Rigaud 1579.

LES six Comedies de TERENCE tresexcellente Poëte Comique. Auec les fleurs, Phrase, sentence & manieres de parler tresexcellentes dudit auteur mises à la fin de chacune Scène. Le tout Latin & François correspondant l'un à l'autre. [imp.à Paris 16°. par Claude Micard. 1574.

THADDEE HAGECE

Nouuelle inuention pour incontinent iuger du naturel d'un chacun par conception du frôt & de ses parties, dicté en grec Metoposcopia. Le tout extraict du latin de M. Thadee Hagece Medecin & Mathematicien au Royaume de Boheme. [imp. à Lyon 8°. par B. Rigaud 1567.

THEODORE DE BEZE à present premier Ministre de Geneue a traduit en vers françois les cent Pseaumes de Dauid restans des 150. dont les cinquante auoyent esté auparauant tournez par Clement Marot. [imp. avec la note à vne voix par plusieurs fois en diuers lieux.

Tragedie Françoisse du sacrifice d'Abraham, par Theodore de Beze.

Harengue des Protestans du Royaume de France prononcee deuant le Roy Charles ix. la Royne sa mere, & de messieurs de son Conseil assemblez à Poissy pour le fait de la religion en l'an 1561. par Theodore de Beze presens & oyans 6. Cardinaux 36. Archeuesques ou Euesques & vn grand nombre d'Abbez, Prieurs & autres docteurs Scolastiques. [imp. à Paris.

Briefue exposition de la table ou figure contenant les principaux poincts de la religion Chrestienne. [A Lausanne 16°. par Iean Riuary 1560. *Censurée.*

Responße faite le 24. Septembre 1561. par Theod. de Beze sur ce que monsieur le Cardinal de Lorraine auoit repliqué contre ce qui fut proposé en la premiere iournée du Colloque par ledit de Beze. Auec vne autre responße d'iceluy sur certains articles de la replique, mis en auant par ledit Sieur Cardinal. [imp. en l'an 1581. *Censurée.*

Responße au premier liure de Mathieu de Launoy prestre & Henry Pennetier n'agueres Ministres. [imp. à Geneue. A ceste responce a esté fait vne replique par ledit de Launay.

Oraison exhortatoire faicte & prononcee en latin par deuant les sieurs Scin-

dicques & conseil de Geneue lors de l'electiō du Recteur des escoles traduiſte en François, & imprimee avec les ordonnances Ecclesiastiques de l'Eglise de Geneue. [imp. par Artus Chauuain 1562.

La vie & mort de M. Iean Caluin, descrite par Theodore de Beze.

Il a fait vn Epitaphe, en grec en latin & en françois pour Nicolas de Beze son oncle l'un des presidens au parlemēt de Paris, qui se void posé en tableau dans l'Eglise S. Cosme & S. Damyen.

Sur la Version des Pseaumes Guillaume Gueroult fait vn Epigramme, lequel courant d'une main en autre & paruenu es siennes, il respondit soudain par vn autre Epigramme, la teneur desquels est telle:

*Qui de marot & de Beze les vers
Voudra choisir pour les meilleurs eslire,
Tout bien choisi de long & de trauers
Dire il pourra en les escoutant lire:
Ceux de Marot c'est d'Amphion la Lyre
Ou du Dieu Pan le flageol gracieux:
Mais ceux de Beze vn françois vicieux
Rude & contraint & fascheux à merueilles.
Donne à Marot le Laurier gracieux,
A Beze quoy? de Midas les oreilles.*

Responce de Beze.

*Vn certain esprit de trauers
Trouue mes vers rudes & verds,
Facheux & contraincts à merueilles,
Donnant le Laurier precieux
A Marot doux & gracieux,
A moy de Midas les oreilles.
Asne enuieux i'ay bien appris
De donner à Marot le prix,
Mais quand est des oreilles miennes
Pour les changer qui est il besoing
De chercher vn Midas si loing?
Ne sçais tu pas où sont les tiennes?*

Theodori Bezae Vezelij Poëmata. [Parisiis 8°. apud Robertum Steph. & Conrad Badium 1545.

Voyez les autres œuures latines en assez grand nombre dans l'Epitome de la Bibliotheque de Gesner.

THEOCRITE. Voyez Iean Ant. de Bayf. Estienne Forcadel.

THEODORE TRIVVLE a escrit,

Declaration de moy Theodore cy deuant François Triuulſe, des trahisons & mauuais deportemens de Nicolas Batard qu'on appelle mon fils, lequel fausemen

mét se fai&ct nommer en France Marquis de Vigene. [imp. à Thurin f°, par Martin Crauot 1569.

THEODORIT, Euesque de Cyr. Voyez Antoine du Bus. Simon Goulard. Claude Despençe.

THEOPHILE DV MAS de sain&ct Michel en Barrois a translaté du latin de messire Morin Piercham cheualier vn liure, De l'antiquité origine & noblesse de la tresantique cité de Lyon. Ensemble de la rebeine & coniuration ou rebellion du populaire de ladicte ville contre les conseillers de la cité & notables marchans à eause des bledz, faite en l'annee 1529. vn Dimenche iour sain&ct Marc. [imp. à Lyon 8°. en ladite annee. Le nom de ce traducteur est supposé par Simphorien Champier, qui se dit icy par autre supposition de son nom Morin Piercham.

THEOPHRASTE, des odeurs Voyez Iean de l'Estrade.

THIBAVT IOVRDAIN a escrit,

Histoire memorable des Pharisiens hypocrites leur semblables, lesquels se separoyent des autres hommes pour mieux couvrir leur hypocrisie & simulation, traduit d'Italien & mise par Dialogue sous le nom d'un Iuif conuerty à Christ nommé Baltasar, & d'un Chrestien nommé Theophile. [imp. à Lyon 8°. par Iean Saugrain 1564.

THIEBAULT ROY DE NAVARRE premier du nom & Comte de Champagne a composé plusieurs chansons contenues en vn liure que i'ay escrit à la main en ma librairie, auquel est la note du chant d'icelles, monsieur de Roissy en a vn autre qu'il a communiqué à Claude Fauschet, lequel en son traicté de l'origine de la langue François en dit ce qui s'ensuit. Ce prince estant Comte de Champagne lors que sain&ct Louys vint à la couronne (l'an m. ccxxvi.) fit alliance avec les Barons François, contre Blanche de Castille mere du Roy : que lesdits seigneurs pretendoyent auoir entrepris la Regence du Royaume & gouvernement de son fils (aagé seulement de xj. à xij. ans) sous vmbre d'un testament du feu Roy son mary: par lequel elle disoit ceste regence luy auoir esté laissée. Le principal autheur de la ligue, estoit Philippe Comte de Boulongne oncle du Roy : & les plus puissans, ce Tiebault Comte de Champagne, & Pierre surnommé Maucler, Comte de Bretagne. Mais Blanche qui estoit belle, ieune, & encore Espagnole, sceut si bien mener Thiebault, qu'il abandonna les autres Barons, & qui plus est descouurit l'entreprise faicte pour prendre le Roy, reuenant d'Orleans à Paris. Or les amours du Comte de Champagne desplaisans depuis à aucuns seigneurs: il aduint (ainsi que dit vne bonne Chronique que i'ay écrite à la main) que Thiebault vn iour entrât en la salle où estoit la Royne Blanche, Robert Côte d'Artois, frere du Roy, luy fit ietter au visage vn fromage mol, dôt le Champenois eut honte: prist de là occasion de se retirer de la Cour, à fin d'eiter plus grand scandale. Toutesfois la grand Chronique de France dit que le Comte ayant derechef pris les armes contre le Roy, & sçachant le grand appareil qu'on faisoit pour luy courre sus, il enuoya des plus sages hommes de son conseil requerir paix: laquelle luy fut accordée. Mais d'autant que le Roy auoit fait grande despense, il fut contraint quitter Montereau fault-Yonne, & Bray sur Seine, avec leurs

FFf s depen

dependences. A celle besongne estoit (ce sont les mots de la grand Cronique) la Royne Blanche, laquelle dit au Comte, qui ne deuoit prendre les armes contre le Roy son fils : & se deuoit souuenir qu'il l'estoit allé secourir iusques en la terre, quand les Barons le vindrent guerroyer. Le Comte regarda la Royne qui tant estoit belle & sage, de sorte que tout esbahy de sa grande beauté, il luy respondit: Par ma foy ma dame, mon cœur, mon corps, & toute ma terre, est à vostre commandement, ne n'est riens qui vous peust plaire que ne fisse volontiers: iamais si Dieu plaist, contre vous ne les vostres ie n'iray. D'illec se partit tout pensif, & luy venoit souuēt en remembrance le doux regard de la Royne, & sa belle contenāce. Lors si entroit en son cœur la douceur amoureuse: mais quand il luy souuenoit qu'elle estoit si haute dame & de si bonne renommee, & de sa bonne vie & nette, qu'il n'en pourroit ia iouyr, si muoit sa douce pensée amoureuse en grande tristesse. Et pource que profondes pensées engendrent melancolies, il luy fut dit d'aucuns sages hommes, qu'il s'estudiaist en beaux sons, & doux chants d'instruments: & si fit il. Car il fit les plus belles chançons, & les plus delitables & melodieuses, qui oncques fussent ouyes en chançons ne en instrumens, & les fit escrire en sa salle à Prouins, & en celle de Troyes. Et sont appellees les chançons au Roy de Nauarre. Voyla le tesmoignage que portent de ses amours & estude poëtique, les grandes Chroniques de France. Quant au Royaume de Nauarre il escheut audit Thiebault l'an m. ccxxxv. par la mort de Sañce v. Roy de Nauarre son oncle, frere de Blanche sa mere. Plusieurs des chançons de ce Roy, se trouuent auiourd'huy notees à vne voix. Et s'en voit encores quelque reste peinct au chasteau de Prouins, à l'endroit de la prison. La premiere de celles du liure du Seigneur de Roissy commence,

*Quand fine amour me prie que ie chant
Chanter mestuet, Esc.*

laquelle ne doit estre la premiere en nôbre, pource que le liure n'est entier: & toutesfois il y en a iusques à dix, toutes portans à costé le nom de Roy de Nauarre. Les Italiens ont iadis estimé ces chançons, & d'autres François de ce temps-la, si bonnes, qu'ils en ont pris des exemples, ainsi que monstre Dante, Lequel en son liure *de Vulgari eloquentia*, allegue ce Roy comme vn excellent maistre en poësie, aucuns traicts duquel i'ay voulu icy représenter. Il demande (puis que tout son mal vient d'aymer) qu'amours face tant enuers sa dame, par priere & par commandement, qu'il soit aymé d'elle. Car si bien aymer y sert, il aura ioye de son gent corps.

En la ii. qui est belle, il se plaint par le troiesme couplet de l'inconstance de sa dame, disant,

*Je scay de voir que ma dame ayme cent,
Et plus assez c'est pour moy empirier.*

Ce dernier couplet est assez bon,
*Je ne di pas que nus aim' follement:
(Que li plus fox en fet mieux a prisier)*

Mes

*Mes grant eür y a mestier souvent,
 Plus que net sens, ne raison ne plaidier.
 De bien amer ne puet nus enseigner,
 Fors que li cuers qui done le talent.
 Qui bien ame de fin cuer loyalemant,
 Cil en sçait plus & moins s'en peut aidier.*

En la iii. il dit que si l'on meurt de ioye, il voudroit bien mourir entre les bras de sa dame. Mais s'il mouroit pour l'amour d'elle, ce seroit bien raison qu'elle en eust le cœur dolent. Toutesfois pource qu'il craint de la courroucer, il ne voudroit estre en Paradis s'elle n'y estoit. Aussi n'a elle occasion de dire qu'il la veuille tromper, car il l'aime de tout son cœur. En la iiii. il dit qu'il l'ayme & la hait. car

*Moult me sceut bien espandre & alumer,
 En biau parler & acointement rire.
 Nus ne l'orroit si doucement parler,
 Qui ne cuidast de s'amour estre Sire.
 Par Dieu amours ce vous ose bien dire,
 On vous doit bien servir & honorer,
 Mais on si peut bien d'ung pou trop fier.*

En la v. il dit encores,

*Kar nulle rien ne fait tant cuer felon,
 Com' grant pooir qui en veut mal user.
 Que tant de gens li vont tuit environ,
 Le say de voir que c'est pour moy greuer.
 Adez dient dame on vous veut guiller:
 Mais ils mentent li traïtor felon.
 La fausement n'amera nus preudhom'
 Car qui plus a, doit miex amour garder. & enco-
 Kassez y a d'autres que ie ne sui, (res,
 Qui la prient de fin cuer bandement.
 Ebandisse fait gaaigner souvent.*

¹ Hardieffe.

Mais il ne s'en peut ayder, quand il est deuant elle. L'esperance luy sert de refuge, comme l'oyselot qui va ferir en la glus,

Quand il ne sçait trouuer autre garent.

La vi. est tresbelle, pleine de similitudes & translations. Aussi est-ce celle que Dante allegue comme pour exemple. Elle commence,

De bonne amour vient seance a beauté.

² Science & bonté.

La vii. declare euidemment le nom de l'auteur: disant,
Nus ne doit amours trahir

Fors

*Fors que garçon & ribault.
 Ce ce n'est pour son plaisir,
 Le ne voy ne bas ne haut.
 Ains veuil qu'il me 'truit bault, & trouue gay
& ioyeux.
 Sans guiller & sans faillir.
 Et si ie pui consuiuir
 Le Cerf qui si fait fuir,
 Nus n'est ioyans comme Thiebault.*

En la viii. il se plaint d'estre mis en nonchaloir ; & qu'en dormant il tient s'amie ; & en veillant il l'a perd. Mieux voulist en dormant la tenir toute sa vie.

*Pour ce bien le deust¹ bestourner amours celdenant I makour-
ner.
 Li dormirs fut en oubly (derriere. &
 Et g'eusse en veillant ly.
 Lors seroit la ioye entiere.*

En la ix. il dit,

*Bonne aduventure auient a fol espoir,
 Qui les amans fet viure & reioir:
 Desesperance fet languir & douloir,
 Et mes fox cuer pense a dez a guerir.
 S'il fut sages, il me fesiست mourir:
 Porce fet bon de la folie auoir.
 Qu'en trop grant sens peut il bien mescheoir.*

A la fin de la x. il prend congé d'Amour, puis qu'il plaist à sa dame deluy donner : disant,

*Amour le veut & ma dame m'en prie,
 Que ie m'en part : & ie moult l'en merci,
 Quand par le gré ma dame m'en chasti.
 Meilleur raison ni voy à ma partie.*

THIERRY DE HERY, Lieutenant du premier Barbier Chirurgien du Roy a escrit,
 La Methode curatoire de la maladie venerienne, vulgairement appellee grosse verolle & de la diuersité de ses Symptomes. [imp. à Paris 8°. par Gilles Gourbin 1569.

THIERRY DE KIS a escrit Chrestiennes meditations sur 8. Pseaumes du Prophete Daud. [imp. par Jacques Berion 1582.

THIERRY PETREMAND de Besançon a escrit en vers François Paraphrase de l'admirable histoire de la sainte Heroine Iudith. [imp. à Lyon 8°. par Benoist Rigaud 1578.

T H I E R

THIERRY DE TIMOFILLE Picard a escrit,

Les Neapolitaines Comedie Françoisé fort facetieuse sur le subiect d'une histoire d'un Espagnol & vn Parisien. [impr. par Abel l'Angelier 1584.

Il a traduit d'Italién

Regrets facetieux & plaisantes harengues funebres sur la mort de diuers animaux non moins remplis d'eloquence que d'utilité & gaillardise. [imprim. à Paris 16°. par Nicolas Chesneau 1576. Ces harengues ont esté au parauant traduites par Claude de Pontoux, & Imprimees à Lyon.

THOMAS CHARPENTIER, Religieux de l'ordre Fonteuraut à traduit de Latin en François

Les excercices spirituels de S. Bonauenture Cardinal, faicts en forme de dialogue, l'ame deuote parlant avec l'homme interieur. Ensemble vne Epistre de S. Basile le grand à S. Gregoire le Theologien de la vie solitaire, mise de grec en François par I. C. T. [imprimé à Paris 8°. par Geruaix Mallot 1582.

THOMAS DV CLEVIER a traduit de Latin en François vn traité intitulé

Cymbalum mundi : contenant quatre Dialogues Poëtiques, fort antiques, ioyeux & facetieux. [impr. à Lyon 16°. par Benoit Bonnyn 1538. Je n'ay trouué autre chose en ce liure qui merite d'auoir esté plus censuré que la Metamorphose d'Ouide, les dialogues de Lucian, & les liures de folastre Argument & fictions fabuleuses. Au Premier Dialogue l'auteur introduit Mercure Bryphanes, & Curtalius, lesquels se trouuans en vne hostellerie d'Athenes à l'enseigne du Charbon Blanc, où Mercure d'auenture arriué descendu du ciel de la part de Iupiter qui luy auoit baillé vn liure à faire relire, ces deux bons fripons pendant qu'il s'en estoit allé à l'esbat tirent d'un paquet qu'il auoit laissé sur le liect ce liure, le desrobent & en son lieu en mettent vn autre contenant tous les petits passe-temps d'amour, & les folies de Iupiter, comme, quand il se fait Taureau pour rauer Europe : Quand il se desguisa en Cygne pour aller à Leda : Quand il print la forme d'Amphitryo pour coucher avec Alcmena : Quand il se transmua en pluye d'or pour iouyr de Danaë : Quand il se transforma en Diane, en Pasteur, en feu, en Aigle, en serpent : & plusieurs autres menues folies. Au second Dialogue sont introduits quelques Philosophes cherchans des pieces de la pierre Philosophalle parmy le sable du theatre, où autrefois comme ils estoient disputans, Mercure la leur ayant mōstree ces resueurs l'importunerent tant par leurs prieres que ne sçachant à qui la donner entiere il la brisa, & mit en poudre, puis la respendit parmy l'arene à fin qu'un chacun en eust quelque peu, leur disant qu'ils cerchassent bien & que s'ils en trouuoient seulement vne piece ils feroient merueilles, transmueroient les metaux, romproient les barres des portes ouuertes, gueriroient ceux qui n'ont point de mal, impetreroient facilement des Dieux tout ce qu'ils voudroient, pourueu que ce fust chose licite & qui deust aduenir, comme apres le beau temps la pluye, fleurs & serain au printemps, en esté poussiere & chaleurs, fruiets en Automne, froid & fanges en hyuer : en

G G g

quoy

quoy l'auteur se mocque du vain labeur des Alchimistes. En fin apres que Trigabus a dit que Mercure peut restituer & soubstraire quand il luy plait à ceste Pierre Philosophale sa vertu : Mercure (qui y est aussi introduit) ayant changé son visage en autre forme , assauoir d'un beau ieune gars qu'il estoit en un vieillard tout gris , se monstre à eux & leur dit que depuis le temps qu'ils la cherchent , il n'est nouvelles qu'ils ayent fait aucun acte digne de la pierre Philosophale , qui le faict penser que ce ne l'est point , ou (si ce l'est) qu'elle n'a point tant de vertu que l'on dit : mais que ce ne sont que paroles , & que leur pierre ne sert qu'à faire des comptes. Au troisieme Dialogue est prins & poursuivy le propos du premier touchant le liure desrobé à l'auteur de tous larrecins , intitulé.

Qua in hoc libro continentur : Chronica rerum memorabilium quas Iupiter gessit antequam esset ipse. Fatorum praescriptum : Sive, eorum quae futura sunt, certa dispositiones. Catalogus Heroum immortalium, qui cum Ioue vitam victuri sunt sempiternam.

Par là l'auteur se mocque premierement des Payens idolatres & de leur faux Dieu Iupiter , comme voulant dire qu'il n'a oncques esté , ou s'il a esté , il estoit homme , & ne fait onc actes admirables ne tels que fabuleusement on a escrit de luy. Par le second chef du tiltre du liure il se gabe du Destin , & fatale nécessité & tacitement de l'Astrologie iudiciaire. Et par le troisieme , de ceux qui pour leur grandeur s'estiment comme Dieux. En-apres il fait discourir Mercure des memoires & charge que les Dieux & Deesses luy ont baillé chacun particulierement à faire en terre en ce voyage , & le mesme Mercure par la vertu de quelques parolles qu'il marmonne faict qu'un cheual nommé Phlegon parle & raisonne avec son palfrenier. Au quatrieme & dernier Dialogue, deux chiens l'un dict Hylactor & l'autre Pamphagus qui furent autresfois du nombre de ceux qui deuorerent Acteon , chacun de ces deux ayant auallé un lopin de la langue du Veneur transmué en cerf, laquelle il tiroit hors la bouche: se rencontra long temps apres deuisent ensemble de plusieurs choses plaisantes.

THOMAS D'AQVIN.

Hymne du Sainct Sacrement de l'Eucharistie commençant, *sacris solennijs sint gaudia*. Autre , qui commence *Lauda Syon Saluatorem*. Autre. *Pange lingua gloriosi*. traduits par Guy le Febure , & contenus aux Hymnes ecclesiastiques.

THOMAS BEAUX-AMIS Carme Parisien docteur en Theologie religieux des Carmes de Melun a escrit

En

Enqueste & Grieffs, sur le sac & pieces, & depositions des tesmoings produicts par les fauoris dela nouuelle Eglise contre le Pape & autres Prelats de l'Eglise Catholique en laquelle est donnee briefue resolution selon leurs mesmes tesmoings, aux mesmes liures & chapitres qu'ils ont allegué. [impri. à Paris 8°. par Hierosme de Marnef & Guillaume Cauellat 1572.

Resolution sur certains pourtraicts & libelles intitulez du nom de Marmitte faulxement impose contre le clergé de l'Eglise de Dieu par laquelle est prouué par le discours de l'escriure Sainte & l'expresse parolle de Dieu le nom de Marmitte enflambee estre propre à la nouuelle Eglise. [impr. à Paris par Hierosme de Marnef 1573.

Histoire des Sectes tirees de l'armee Sathanique lesquelles ont oppugné le S. Sacrement du corps & sang de Iesus-christ, depuis la promesse d'iceluy faicte en Capernaum iusques à present. Et la victoire de la verité & parolle de Dieu contre le mensonge. [impr. à Paris 8°. par Guillaume Chaudiere 1576.

Remonstrance au peuple François qu'il n'est permis à aucun subiect, sous pretexte que ce soit, se rebeller ne prendre les armes contre son Prince & Roy, ny attenter contre son estat : le tout prouué par l'escripure saine. [impri. à Paris 8°. par Guillaume Chaudiere 1575.

Oraison funebre prononcee à Paris le 21. de Iuing à la sepulture du corps de feu Messire Charles de Gondy sieur de la Tour, Mesieres & Nandy, Capitaine de 50 hommes d'armes, mestre de la Garderobe du Roy. [impri. à Paris par Guillaume Chaudiere.

In sacrosancta cena mysteria, passionem & resurrectionem domini nostri Iesu homelia & tabula, annexis quibusdam scholijs ex primis ecclesia patribus. [8°. Parisiis apud Guillelmum Chaudiere 1570.

Homelia in omnia quae per quadragesimam leguntur Euangelia quibus duplici methodo, quae ad interpretationem, & doctrinam observationem faciunt ex antiquissimis ecclesia patribus. selecta comprehenduntur 8°. apud Guillelmum Chaudiere. 1567.

De fide & symbolo libr. 4. quibus catholica fides illustratur. 8°. Parisiis.

Compendium vocabularij Theologici Scholastici [Parisiis apud G. Chaudiere 1580.

De cultu, veneratione, intercessionem, inuocationem, meritis, festiuitatibus, reliquijs & miraculis sanctorum Catholica assertio. [Parisiis 8°. 1566.

In Habacuc Prophetam Homelia xxviii. habita in regia Parisiis 1566. & excussa à G. Chaudiere 8°.

Harmonia &c. [folio Parisiis.

THOMAS ERASTVS professeur en Medecine à Herdelberg.

Deux Dialogues touchant le pouuoir des forcieres : & de la punition,

G G g 2

qu'elles

qu'elles méritent. [impr. avec l'Imposture des diables de Jean VVier à Paris 8°. par Jacques du Puys.

THOMAS IARDIN Vicaire de Beau lieu a réduit en Quatrains François,

Les sentences spirituelles recueillies des œuvres de Saint Augustin par Prosper Aquitain Euefque de Rheige, & par luy mises en vers Latins. Avec autres sentences extraites des œuvres de S. Hirenée Archeuefque de Lyon, & de Tertullien: le tout auffi réduit en quatrains François [impr. à Lyon 8°. par B. Rigaud 1584.

THOMAS ILLIRIC.

Deuotes Oraisons en François, avec vne chanson d'Amour diuin: cōprise sur les Sermons de frere Thomas Illiric pour induire & inciter le peuple à deuotion. [impr. à Paris 1528.

Sermones aurei in alma ciuitate Tholosana proclamati à fratre Thoma Illirico de Auximo ordinis minorum sacra Theologia professore & verbi dei pracone famosissimo generali & apostolico per uniuersum mundum. [Impr. Tholosa 4°. per Joannem de Guerlins 1521.

THOMAS DE KEMPIS

De l'imitation de Iesus-christ. Voyez Jean Bouillan.

THOMAS MORVS.

Republique d'Vtopie. Voyez

THOMAS SYBILLE,

En l'épître adressée à Jean Brinon Seigneur de Villenes, Conseiller en la court de parlement à Paris, mise au deuant l'Iphigene d'Euripide tournée de Grec en François, le traducteur ne s'y étant autrement nommé & souscript que par ces deux lettres T. S. & se disant par l'écriture Auteur de l'Art Poétique, ie ne scauoy ny pouuoy deuiner quel ce pouvoit estre: car n'ayant point veu d'autre liure intitulé Art poétique François, que celuy où l'auteur prêt le nom de Quintil Horatian, & vn autre de Jacques Peletier, cela m'occasiona d'insérer la version de ceste tragedie au dessoubz du nom de l'auteur Grec Euripide en la lettre E. Toutesfoisen lisant despuis parmy les Epigrammes Latins d'Estienne Pasquier nouvellement sortis de la presse, j'ay trouué que le nom du traducteur d'icelle Tragedie, & d'un Art Poétique est Thomas Sybille; sans lequel Pasquier qui m'a esté en cela vn Oedipe i'en estoy chez guillot le songeur: car on pourroit interpreter (toutesfois faulxement & par ignorance) T. S. Toussaints Sotrin, Thomas Scruin, Tristan Sauerier & autres noms & surnoms, aussitost que Thomas Sybille. Que sert-il donc de faire resuer ainsi les gens? à quoy seruent deux, trois ou quatre lettres chaeune mise pour vn mot si on ne scait qu'elles signifient: & si on les peut cognoistre, que ne met on les noms tout du long, ou bien si on ne veut estre cognu, que ne supprime l'on du tout son nom?

Ce

Ce Thomas Sybille Chalonnais aduocat en Parlement à Paris a escrit en outre.

Traicté du mespris de ce monde, par lequel est demonstté le grand profit & vtilité qu'apporte à l'homme la vie solitaire & cõtemplatiue. Ensemble les moyens pour euitier les fautes esquelles les personnes sont le plus souuēt adonnees. [impr. à Paris 16°. par Leon Cauellat 1579.

THOMAS TVRQVAM General des monnoyes, Cõmissaire deputé par sa maiesté pour l'execution du descry des especes de billon estrangeres qui s'exposoyent au Duché de Bourgoigne a escrit,

Remonstrances par luy faictes au parlement de Dijon le x. iour de Septembre 1573. où il deduit les bonnes & iustes considerations pour lesquelles le Roy a descricé les especes de Billon estrangeres, & respond aux opinions & raisons qu'on pourroit auoir du contraire. [impri. à Paris 8°. par Iean Dallier 1573.

Auis par luy donné en vne assemblee faicte à Paris au moys de Septembre 1577. par deuant Monsieur le Cardinal de Bourbon, pour delibérer sur les memoires presentez au Roy, à fin d'abolir le compte à solz & a liures, & d'oresnauant faire tous contrats & obligations à escus. [impr. à Paris 8°. par Iean Dallier 1578.

THVCIDIDE. Voyez Claude de Seyfel.

TITE LIVE.

Decades de Tite Liue Padouan mises en langue Françoise. La premiere par Blaise de Vigenere Bourbonnois. Avec des Annotations & figures pour l'intelligence de l'antiquité Romaine. Plus vne description particuliere des lieux, & vne chronologie vniuerselle de tous les peuples & Potentats de la terre: & la vie dudit Tite liue. [impr. à Paris f°. par Nicolas Chesneau 1583.

Il auoit cõpris toute l'histoire Romaine iusques à la fin d'Auguste, en quatorze Decades où disaines, faisans le nôbre de cõt quarante liures, desquels nous n'auons pas la quarte partie de bien entiers & complets. La premiere contient la domination de sept Roys en l'espace de 244. ans Puis le gouuernement des Consuls, Decem-vires, & Tribuns consulaires, par quelques autres 210. ans sous lesquels se meurent infinies guerres cõtre les Sabins, Latins, Herniques, Eques, Volsques, Veientins, Falisques, Fidenates, Toscas, Capenates Pouillois, Lucaniés, Samnites, & autres peuples d'Italie. Plus le siege de Porrenne deuant Rome, & la prise d'icelle par les Gaulois. La seconde Decade est perdue, où estoit deduiçte l'histoire Romaine depuis l'arriuee d'Esculape à Rome, où il fut transporté d'Epidaure, iusques au cõtencement de la seconde guerre Punique: & contenoit trois grosses cruelles guerres. La premiere cõtre Pyrrhus Roy des Epirotes, venu au secours des Tarentins: la seconde, avec les Carthaginois, qui dura l'espace de 24. ans, & fut appellee la premiere guerre Punique la troisieme contre les Gaulois, en laquelle les Romains arriuerent bien 80. mille cheuaux, & 7000 hommes de pied. La tierce Decade traicte la seconde guerre Punique sous la cõduite d'Annibal, qui dura 18. ans. La quatrieme, la Macedonique, contre Philippe, & l'Asiatique contre Antioque, d'environ

23. anneés. De la cinquiésme nous n'en auons que la moitié, & encorés la plus part des liures sont escernez & manchots du reste de ladicte guerre Macedonique contré Perse fils de Philippe, que Paule Aemile deffient & mena prisonnier avec ses enfans en son trióphe. Tout le reste de là en auant n'est qu'un abregé reduict en petits affamez Sommaires par Flore.

En la vie de Tite liue.

Mais il n'a point de plus bel Epitaphe que la memoire de ses escripts immortels, si le tout en fust parueni iusqu'à nous: & le tesmoignage des bós auteurs. Car pour en parler selon la commune opinion, entre tous les historiographes Grecs & Latins, il ne s'en trouue point de plus fertile & heureux que luy: ne qui coule ainsi d'un perpetuel torrent d'eloquence plantureuse, gracie & poëe: si qu'on le peut dire auoir non qu'egalé, mais surpassé tous les autres d'au parauant, & depuis. Et de faict ceste braue & superbe cité, dame & maistresse de toutes autres, ayant par de si longues reuolutions de siecles maintenu vne telle gloire d'Empire, & vne si puissante domination sur toutes les nations de la terre les plus dignes d'estre cognues, n'a point de sa part plus brauement manié les armes à l'estédue de ses cóquestes, que luy sa plume à la description de leurs faicts & ne s'est monstree plus genereuse à entreprendre & executer, ny plus moderee à gouerner les peuples cóquis, & raisonnable à vser de leur subiection & obeissance, que luy à racompter fidelement les euenemens de tous leurs proiects & desseins, tant en l'une que l'autre fortune: se portant en cela comme neutre, & d'une grande sincerité nous remettant deuant les yeux, sans y rien desguiser ny fleschir, tout ce qui y peut auoir esté de bien & de mal, de bon & mauuais: de iuste & iniuste, de loyal & de deceptif: Si soigneux au reste, si elabouré & exacte par toute ceste gráde mer d'escriptures (à quoy si nous auons toutes ses œuures, nulles autres ne se pourroyent parangonner) non seulement és choses generales & d'importance, mais iusqu'aux moindres menues parcelles des plus legeres occasiós, qu'à cela il móstre vouloir ressembler la masse entiere du Senat à tresprudemment disposer de la generalité des affaires: & tant de valeureux membres d'iceluy, à s'acquitter chacún en son endroit de leur deuoir à l'enuy l'un de l'autre, par le cerueau & les mains desquels se tout paruint finalement à vne monarchie si ample. Iamais il ne se lasse nulle part, ne redit iamais vne mesme chose, ains tousiours frais, gay & dispos, se renouuellant d'une varieté agreable, comme s'il reprenoit nouuelles forces à guise d'un second Antee, semble vne source inexpuisable & perpetuelle d'autres toutes fresches inuentions & discours. La grandeur ny le poix, ny l'ebatrassemēt de tāt & de si importrás affaires, qui se viēēt tout à un coup presenter d'infinis endroiets à qui coulera le premier du bout de sa plume, ainsi qu'une froide abóndāce d'eauē à l'issue d'une estroite gargoilhe, ne le peuuent pour cela estóner ny ésfondre, par troubler son ordre rassis, ny le ietter tāt soit peu hors du fil de son oraison compassée: ne la simplicité d'autre part de la nue narration de l'histoire, selon que par fois elle se presente plus basse, le raualler à un stille affamé & maigre: ne par trop insolent non plus par tout où il est question de se rehausser, quand la magnificence du subiect le demande: si qu'il se

viennē

viene inegalemēt desborder hors de sō canal ordinaire, ainsi que quelque impetueux torrēt, qui n'aguere tary tout à sec, soudain par vne seule ruine d'eaux s'enfle à outrance, roullant impetueusement ses ondes à trauers les fōchers & les plaines, s'il trouue où s'y emanciper tant soit peu : car il est endroict soy renaply tousiours iusqu'à plaine marge. Curieux au reste de mots & phrases exquisēs : & poli quant & quant, mais non iusqu'à vne mignardise affectee. Non si chagrin, rebarbatif & austere, ou il est question d'un peu plus de severité, qu'on doibue auoir horreur de s'en approcher : & non de si facile accès aussi, qu'il se rende pour cela contemptible son dire estant par tout approprié au subiect qu'il traicte : & la grauité des sentences correspondante à celle des choses. Plantureux & opulent en langage : & qui n'espargne rien de ce qui peut estre requis pour exprimer naïfvement ce qu'il veut mettre deuant les yeux : non prodigue pourtant, ny excessif en cela, ains cōme vn tressoigneux Oeconomie, & fidele dispensateur, qui mesnage le tout par mesure. Sobre succinct, & racceuilly en ses narrations, où il laisse tousiours vne pointe & vn esguillon aux escoutans de le voir passer oultre, ainsi qu'il fait, & par foisa des incidens tenans lieu comme de reposoiers en vn escalier autrement penible, ou de cabinets en vn parc, vn peu destournez hors des par trop longues allées : ou d'entremets es comedies : sans en rien s'esloigner du droict & principal cours de l'histoire, sinon entant qu'elle en a besoing pour l'esgayer & la rendre plus nette & intelligible. Tresreteru en ses enrichissemēts tous remplis de choses eslues & rares, de ce que l'esprit humain pourroit souhaiter pour se resioiir : sans confondre, ny trauerser les affaires les vns sur les autres, sans rien peruertir de l'ordre & la suite, ou preuenir & anticiper l'euēnement qu'on doit attendre des entreprises & desseins. En quoy par leurs conduites & executions il meine tout ainsi que par la fisselle d'Ariadne, si dextrement, que nonobstant tous les destours de cest embrouillé labyrinthe d'occurrences l'vne sur l'autre, on vient soudain concepuoir quelle en debura estre l'issuē. Il n'use iamais de flaterie nulle part : & ne pardonne en sorte quelconque ny au conseil public en general, ny aux grands en particulier, pour si peu qu'ils bronchent & s'extrauagent hors de leur debuoir : encores qu'il fust desia bien auant hors la liberte d'une republique, reduit sous la serue captiuité d'un seul hōme, ce qui rendit parauēture moins recommandable enuers luy, le merite de ses labours : mais sans se monstret pour cela partial ny animé contre personne, ains se parforçant tousiours entant qu'il peut de retenir en bride l'insolence effrēe de la commune sous l'autorité & respect des superieurs. Aussi equitable, si la raison le veut ainsi, à l'endroit des plus capitaux ennemis du nom Romain, que ces propres concitoyens, sans defrauder ceux-là, non plus que ceux-cy, de la louange qui leur est deuē. Si seuerē au reste, qu'il ne pardonne pas mesmes à la censure. Chiche, par maniere de dire, en paroles, & tres-splendide au contraire, voire plustost prodigue, que liberal en graues sentences, & en remonstrances. Exercité au possible en la deduction des conseils, deliberatiōs, & disputes. Mais si admirable sur tout en ses harēngues, qu'on les voit par tout plus semees de sentences que de mots. Si que non seulement il a en cest en-

droit surpassé tous les autres, mais soy-mesme encores: car elles paroissent autant d'oracles &c.

TOVSSAINTS DE BESSARD d'Auge en Normandie a escrit.

Dialogue de la longitude **EST-OUEST**, qui est la premiere partie du miroir du monde, contenant tous les moyens qu'on pourroit auoir tenu à la nauigation iusques à maintenant que les deux filles de Cosmographie assauoir Geographie & Hydrographie en mettét vn nouueau & plus seur en auât touchant le faict de ceste longitude tant par mer que par terre. [imp. à Paris 8°. par Iulien l'Angelier 1560.

Reigle compas. Avec son vsage accompagné des demônstrations requises pour l'intelligence d'iceluy. Par lequel on peut faire des lignes calculaires de telle estendue qu'il viendra à gré, n'ayant toutesfois autre centre que l'air. Qui est vn abregé tresbeau & vrile pour tous Cosmographes, Fabricateurs d'instrumens Mathematiques & Architectes Ingenieux, à raison que par son moyen vn chacun d'eux est releué de la peine ennuye de la recherche du centre—par la doctrine des trois poincts donnez. [imp. à Paris 4°. par Hierome de Marnef 1572.

TOVSSAINTS GIBOULT Docteur en Theologie & Vicaire general en l'Archeuesché de Tholose a escrit

Homelie pour action de graces & de loüanges à Dieu pour le benefice de la paix entre les hommes. Avec declaration des moyens requis pour la conseruer & la faire regner. [imprim. à Paris 8°. par Richard Breton 1558.

Adresse pour trouuer espoir en desespoir, & repos en aduersité. [imp. à Tholose 8°. par G. Boudeuille 1559.

Sermon funebre faict és obseques du Roy treschrestien Henry second de ce nom en l'Eglise Metropolitaine de Tholose le 7. Aoust 1559. [imp. audit an à Tholose par Guion Boudeuille.

TRAIAN PARADIN Secrétaire de madame de Xainthes a traduit de l'Italien de Anthoine Bracioli,

Dialogue de l'office d'un Capitaine & chef d'armes. [imp. à Poitiers par Iean de Marnef 1551.

TRASIBVLE PHENICE.

Soubs ce nom supposé quelque Caluiniste a escrit vne Comedie intitulee le Pape malade. [imp. à Lyon 1561. *Caluinique.*

TRISTAN DE LASCAGNE Official de Sainct Iulian du Sault pres Sens a escrit en prose.

Le Lys tres-chrestien florissant en la foy treschrestienne. [imp. à Paris 4°. par Denys Ianot 1540. plus.

Liuret intitulé. c'est nostre Dame en l'honneur de la ressacree vierge Marie à la confusion des maladuisez Lutheriens. [imprim. à Paris par Iean André 1548.

Disputation entre l'homme & la raison à l'honneur de la glorieuse vierge Marie. [imp. à Paris 8°. par Denys Ianot sans datte.

Opusculum. Elle n'a point sa pareille: car toutes vertus sont en elle *nuncupatum in honorem virginis [intemeratum. Paris 8°.*

TVBAL HOLOFERNE (soit vn nom, supposé, ou de L'auteur) a composé en rime François vne prognostication nouvelle & ioyeuse pour trois iours apres iamais. [imp. à Paris en l'an 1478. en laquelle voulant parler de la dispute & contention qui lors estoit entre les Cordeliers & Iacopins sur la conception de la sacree vierge, il dit,

*Les Carmes & les Augustins
Front nuict & iour au pourchas.
Les Cordeliers & Iacopins
S'aymeront comme chiens & chats.*

Et vn peu apres voyant les dissolutions qui se commettoient de son temps és cloistres & conuents il luy eschappe de vouloir predire que,

*Si moynes & nonnains se ioignent,
Ce ne seront pas cas nouveaux:
Car selon que plusieurs tesmoignent,
Les truyes aiment les pourceaux.*

TVRPIN Archeuesque de Rheins l'vn des Pairs de France a écrit une Chronique & histoire contenant les prouesses & faits d'armes aduenus en son temps de tresmagnanime & vertueux Roy Charles le grand, autrement dit Charlemagne & de son neveu Roland. [imprim. à Paris 4° par Regnaud Chaudiere 1527.

LIVRES D'AUTEURS ANONYMES.

La deuise des armes des Cheualiers de la **TABLE RONDE** qui estoient du temps du tresrenomme & vertueux Artus Roy de la grand Bretagne. Avec la description de leurs armoiries. [imp. à Paris 16° par François Regnaud.

Le **TEMPORISEVR**, en forme de dialogue, plus Aduis & Conseils. *Calumnique.*

LES TENEBRES du grand Turc à six leçons sur les regrets de la perte de ses gens tant à Malte, qu'à Rhode, Cypre, Famagoste & autres lieux appartenans aux Chrestiens. [impr. à Paris 8° par Prigent Godec 1572.

TESTAMENT des douze Patriarches, &c.

TETRASTIQVES François sur les deuises de Paulo Ioule & Gabriel Simeon pour seruir en verrieres, chassies, & galeries, & tableaux ainsi qu'on les voudra accommoder. [impr. à Lyon f°. par Guillaume Rouille 1560.

LA THEOLOGIE spirituelle extraicte des liures de Saint Denys, translatee de Latin par vn venerable religieux de l'ordre des freres mineurs. [imp. à Paris par Alain Lotrian sans dater.

Les aduétures ioyeuses & faits merueilleux de **TIEL VLESPTEGLE**, traduits

traduites d'Alleman. [impr. à Lyon 16°. par Jean Saugrin 1559.

Tragedie de TIMOTHEE Chrestien traduite de latin en rime. [imp. à Lyon par Jean Saugrin. *Caluinique*.

TRAGEDIE representant l'odieux & sanglant meurtre commis par le maudit Cayn, à l'encontre de son frere Abel, extraicte du 4. chap. de Genese. Les personnages introduicts en icelle sont. Adam. Eue. Cayn. Abel. Calmana, sœur & femme de Cayn, Delbora, sœur & femme d'Abel. L'ange. Le Diable. Remors de conscience. Le sang d'Abel. Peché. La Mort. [& a esté imprimee à Paris 8°. par Nicolas Bonfons.

TRAGEDIE du Roy Franc Arbitre traduite d'Italien. [imp. par Jean Crespin 1558. *Caluinique*.

TRAICTE de la nature & curation des playes de pistolle, harquebouze & autres bastons à feu. Ensemble les remedes des combustions & brulures externes & superficielles par I. le P. docteur en medecine. [impr. à Paris 8°. par Guillaume Nyuerd 1569.

LE TRESOR des liures d'Amadis de Gaule, assauoir les harengues concions, epistres, complaints, & autres choses les plus excellentes. [impri. à Lyon 8°. par Gabriel Cotier 1560. & à Paris 8°. par Vincent Sertenas audit an.

LE TRESOR DE L'AME. [imp. à Paris 8°. par Ant. Verard.

LE TRESOR des Chappellats, composé par vn Augustin Abbé de Liury. [imp. à Paris 8°. sans datte.

LE TRESOR de deuotion traictât plusieurs belles vertus par lesquelles on peut apprendre à aymer Dieu, traduit de langue Castillane. [impri. à Lyon 16°. par Claude Nourry dit le Prince. sans datte.

LE TRESOR de l'espargne verité des admirables merueilles du monde aduenues es terres incognues. Auquel est contenu la vie du preux geant Raminagrobis fort ioyeuse & recreatiue. [imprim. à Paris sans datte ny nom.

L'Ancien TRESOR historial des Imperiales couronnes de Rome, pareillement des Itales. [imp. à Paris 8°. par Michel le Noir 1521.

TRESOR de pratique pour les iuges, aduocats & procureurs où est traitté du iugement & iurisdiction, des actions, des interdict, de la cession de l'action, des iuges & de l'office du iuge, de la plenissime, pleine, deny pleine & sommaire cognoissance, de la prôlation de sentence & de l'executio d'icelle tout diuisé en 4. liures. [im. à Mets 16°. par P. du Chasteau, sans datte. [aupara- uant à Paris 8°. par Estienne Groulleau 1548.

LE TRESOR des vies de Plutarque contenant les beaux faicts & dits, sentences notables, responses Apophtegmes & harangues des Empereurs, Roys, Ambassadeurs & Capitaines tant Grecs que Romains. [imp. en Anuers 8°. par Guillaume Syluius 1567.

LE TRESOR des histoires tragiques de François de Belleforest, contenant les harangues, discours, complaints, remonstrances, exortations, missiues, & autres propos remarquables contenus en icelles. [imp. à Paris 16°. par Geruais Malot 1581.

Li liures appelez Thresors, qui parle de la naissance de toutes choses, par cha

chapitres, commençant,

Ces liures est appellez Tresors &c. *en main sur parchemin.*

Le T R E S P A S, obseques & enterrement de treshaut & tresmagnanime François Roy de France premier de ce nom, prince clement, pere des arts & sciences. Auec les deux sermons funebres prononcez esdictes obseques, l'un à nostre Dame de Paris, l'autre à Sainct Denys en Frâce. [imp. à Paris 8°. par Robert Estienne.

Discours sur la Roupture de la T R E V E en l'an 1556. [imp. à Lyon par Michel Ioue, & à Tholose par Guion Boudeuille.

La T R I A D E Romaine. *Censuré.*

Les lamentations & complaintes de T R I B O V L E T fol du Roy qu'il fait contre la mort, rime. [imp. à Paris sans date.

LE T R I O M P H E & exaltation des dames en prose. [à Paris par Michelle le Noir, & par Pierre Sergent 4°.

LE T R I O M P H E de haute folie en rime. [imp. à Lyon par Antoine Volant sans date.

LE T R O V, ou Puis Sainct Patrice. [imp. à Paris 16°. sans date.

LE S cent histoires de T R O Y E en rime. Auec les Allegories en prose. L'Epiire d'Orhea Deesse de Prudence enuoyee à l'esprit cheualeureux Hector. [imp. à Paris fol. par Philippes le Noir 1522.



VALENTIN DV CAVRROY aduocat au parlemēt de Paris a traduit de latin l'Opuscul de Sainct Augustin Euesque d'Hippone en Afrique de l'esprit & de la lettre, auquel est diuinement traicté ce passage de l'Apostre : *La lettre occit, l'esprit est qui viuisie.* [imprim. à Paris 4. par Michel Vascosan 1551.

VALENTIN MENNER a escrit vn Arithmetique pour briefuement chiffrer, & tenir liures de comptes contenant plusieurs belles questiōs demandes propres & vtils a tous ceux qui hantent & trafiquent de marchandise. [imp. à Lyon 16°. par Gabriel Cottier 1558. & depuis augmentee par Michel Coignet, [& imp. à Anuers 8°. par Iean VVaesberghe 1573.

VALERE LE GRAND.

Les neuf liures de Valere, où sont compris les faictz & dictz dignes de memoire tant des vertueux personnages que des vicieux, afin que les hommes par la splendeur des vertus soyent enflamez à les ensuyuir, pareillement par la turpitude & reproche des vices soyent incitez d'auoir horreur d'iceux. Traduiet de Latin en François par Iean le Blond. [im. à Paris f°. par Charles l'Angelier 1548.

VALERIVS CORDVS. Voyez André Caille.

VALLO, du faict de la guerre & art militaire. [imp. à Paris.

VANOCCIO BIRINGVCCIO.

La Pyrotechnie, ou art du feu, contenant dix liures, ausquels est amplement traicté de toutes sortes & diuersité de minieres, fusions & separations de metaux, des formes & moules pour getter artilleries, cloches & toutes autres
figu

figures des distillations, des mines, contremines, pots, bouletz, fuzees, lances, & autres feux artificiels, concernans l'art militaire, & autres choses depédantes du feu. Traduiçt de l'Italien de Vanoccio Biringuccio Sienais par Iacques Vincent. [imp. à Paris 4°. 1572.

VASQVIN PHILIEVL de Carpentras Docteur és droiçts, chanoine de nostre Dame des Doms a traduiçt de Tuscan en vers rudes & mal rendus,

Toutes les œuures vulgaires de François Petrarque, contenans quatre liures de madame Laure d'Auignon sa maistresse en sonnets & chants, & les triumphes d'Amour, de chasteté, de mort, de renommee, du temps & de la diuinité. [imp. en Auignon 8°. par Barthelemy Bonhomme, & à Paris par Iacques Gazeau 1548.

Il a traduit aussi du latin de Christophle de Mandric Docteur en theologie de la compagnie de Iesus,

Vn Traicté de souuent receuoir le S. Sacrement de l'Eucharistie. [imp. en Auignon par Pierre Roux 1565. Et depuis à Paris par Thomas Brumen, sous le tiltre de, Traicté de la frequente communion.

Il a traduit d'Italien

Dialogue des deuises d'armes & d'amours du S. Paulo Iouio. Avec vn discours de L. Domenichi sur le mesme subiect. [imp. à Lyon 4°. par Guillaume Rouille 1561.

Il a mis aussi en rime François le ieu des Eschez descrit en vers latins par Hierome Vida Cremonnois. [imp. à Paris 4°.

LE VERGIER, (c'est vn ancien Autheur François qui ne s'est voulu nommer autrement) a escrit, vn traicté intitulé le songe du Vergier, diuisé en deux liures dont le premier contient 187. chapitres, & le second 182. ausquels le Clerc & cheualier disputent de la puissance spirituelle ou des gens d'Eglise: Et de la puissance seculiere, ou des Princes & seigneurs temporels. Dedié au Roy de France Charles le Quint, [& imprim. à Paris f°. par Iacques Maillet en l'an 1491. Et depuis a esté translaté de François en Latin, & imp. à Paris 40°. par Galiot du Pré 1516. Et encores depuis reimprimé en François par Iean Petit f. 1530.

VICTOR BRODEAV de Tours a escrit en vers, Les Louanges de Iesus-Christ. [imp. à Lyon 8°. per Sulpice Sabon & Antoine Constantin 1540. Et dont le commencement est tel:

*Verbe Eternel dès le commencement
Mis en secret dedans le pensement
De Dieu puissant &c.*

VICTOR DE LA ROCHE a traduit Les œuures de Saluste assauoir, la coniuration Catilinaire. La guerre Iugurthine, la declaration de Portius Latro, les oraisons aduersaires de Saluste & Ciceron, les inuectiues de Ciceron contre Catilin, la vie de Saluste, & les tesmoignages des modernes. [le tout imp. François latin l'un correspondant à l'autre, verset à verset, à Paris 16°. par Claude Micard 1577.

VICTOR DV VAL a escrit
Cōgratulation & resiouyffance sur la grande & inesperee nouuelle aduenue
de l'election de Monsieur frere du Roy au Royaume de Poloigne. [imprim. à
Paris 1573. par Denys du Pré

VINCENT DE BEAUVAIS:

Miroir Historial traduit par Ieā de Vignay. [imp. à Paris en cinq volumes f°.

VINCENT LIRINENSE. voyez G. Ruzé.

VRBAIN CHAVVETON a traduit

Histoire nouuelle du nouveau monde, contenant en somme ce que les Espai-
gnols ont fait iusques à present aux Indes occidentales, & le rude traite-
ment qu'ils font à ces peuples. Extraicte de l'Italien de Hierosme Benzoni Mi-
lannois qui a voyagé 14 ans en ce pays là. Et enrichi de plusieurs discours &
choses dignes de memoire. [impr. 8°. par Eustace Vignon 1579.

VRBAIN HEMARD a escrit

Anatomie des Dents &c. [impr. à Lyon 8°. par B. Rigaud.

VVOLFANG FABER Capito & Simon Grynee ont escrit en Latin
la vie de Iean Oecolampade trāslatee en François, & [imp. avec les vies de
Martin Luther & de Huldric Zuingle à Lyon 16°. par Iean Saugrain 1562.
Censurée.

VVOLFANG MVSCVLVS.

Traicté de l'vsure, pour la commodité commune de ceux qui prestent sans
blesser leur conscience, en secourant leur prochain estant en necessité. Où sont
aussi demonstrez les abus de ceux qui contre raison s'adōnēt à icelle. [im. 1557:
Lieux communs &c. *Censuré.* (*Censuré.*

V. PELLETIER Juge de Coferans a escrit en vers

Priere du Roy sur l'appaisement des troubles. [imprim. à Tholose par Arnaud
Colomiez 1574.

V. POVLAIN a traduit du Latin de VVolfang Musculus

Le Temporiseur en forme de Dialogue, où sont decidees & refutees toutes les
difficultez, excuses & couuertures que peuuent mettre en auant ceux qui tem-
porisent sur le fait de la Religion vrayement Chrestienne après qu'ils ont
cogneu la verité Euangelique. [impr. 8°. 1565.

V. A. D. L. C. a escrit

Discours des causes & effects admirables des tremblemens de terre: contenant
plusieurs raisons & opinions des Philosophes. [imprimé à Paris 8°. par Nicōlas
Chesneau 1580.

LIURES D'AVTHEVRS ANONYMES.

La VENGEANCE de la mort & Passion de nostre Seigneur Iesus-christ
& la destruction de Hierusalem tant par Vespasian, que Titus: composee en
rime par personnages. [impri. à Paris f°. par Iean Petit.

Le VENITE en Court. Epistre du Seigneur du Rouge & Noir, & au-
tres compositions en rimes. [impr. à Tholose 16°.

Les VENTES d'Amour diuine [impri. à Rouen 16°. par Nicōlas l'Escu-
yer sans datte.

HHh

LE

LE VERGER celeste fait en forme d'une familiere colloction de l'ame deuote à son doux espoux. [imp. à Paris sans nom ny datte.

Le triomphe des **VESTEMENTS** selon le temps qui court faits au Buz 1512.

LE VIAT de salut, utile à tous Chrestiens pour paruenir à la gloire eternelle, composé par l'Euesque de Troyes. [impr. à Lyon par Oliuier Arnoullet 1539.

La **VIE** des iustes extraicte des œuvres de Saint Iean Chrysostome. [im. à Lyon 16°. par Guillaume Gazeau 1549.

LES VIGILES des morts translatees en rime, [impri. à Paris 8°. par Simon Vostre, sans datte.

LE VIOLIER des histoires Romaines moralisées sur les gestes, faits vertueux & anciennes chroniques des Romains, traduité de latin [& imp. à Paris f°. par Iean de la Garde l'an 1520.

VOCABULAIRE du pseautier exposé en François. Avec les declinaisons & coniuguaisons des noms & verbes contenus audit pseautier pour l'institution en Grammaire de monseigneur d'Angoulesme & madame Magdeleine sa sœur enfans de France. [imprim. à Paris 8°. par François de Colines 1529.

Petit **VOCABULAIRE** en langue François & Italienne à Lyon 12°. par Roger de Brey 1578.

LA VOYE DE VIE, assauoir vraye instruction & pratique de vie Chrestienne, en laquelle est monstree la fuite des vices, & les moyes d'acquérir & retenir vertu & bonnes moeurs. Avec plusieurs oraisons & exhortations pour paruenir à vne vraye vie spirituelle. Traduiete de bas Alleman en François. [imp. 12°. en Anuers l'an 1556.

LES QUATRE VOYES spirituelles pour aller à Dieu c'est assauoir la voye purgatiue, la voye illuminatiue, la voye vnitiue, & la voye superlatiue. [impri. 4°. à Paris sans nom d'Imprimeur, & sans datte.

Traicte des Vrines, de leurs couleurs, & ce qu'elles peuuent signifier. [im. à Paris 8°. par Nicolas Buffet 1551.

La sentence des **VSVRIERS**. [imp. 8°. sans datte, nom d'Imprimeur ny de lieu.

ENOPHON Voyez Claude de Seiffel. Estienne de la Boëtie. Iacques Miffant Iacques des Comtes de Vintemille.

VES MAGISTRI frere mineur de la Val. Gardien au couuent de Bourges a escrit

Guide des professeurs Ecclesiastiques, où est contenu ce qu'un religieux, ou religieuse militans sous le breuiere Romain & l'ordre minorique, sont obligez d'ensuyure, [imprim. à Paris 16°, par Estienne Petit 1580.

Miroir

Miroir Chrestien, autrement dict seconde partie de la guide Ecclesiastique. [imp. de mesmes.

Verger & Iardin des ames desolees & esgarees pour la consolation de mesieurs les citoyens de la cité de Bourges sous la protection du reuerendiss. Prelat d'Aquitaine Archeuesque de ladite Metropolitaine cité. [impr. à Bourges 4°. par Pierre Bouchier 1584.

Ocularia & manipulus fratrum minorum, licentia generalis magistri R. P. Francisci Gonzaga excerptus à fratre Tuone Magistrj. Parisiis 8°. apud Michaellem Somnium 1582.

YVES ROVSPEAV Saintongois a escrit
Traicté de la preparation à la Sainte Cene. [im. à Lyon 8°. par Iean Saugrain. Caluinique.

Quatrains spirituels de l'honneste amour. Plus stances Chrestiennes des loüanges du saint mariage apposees aux stâces du mariage de Philippes des Portes. [imp. avec les cantiques du Sieur de Maison fleur à Paris 12°. par Matthieu Guillemot 1584.

Il a traduit en vers François

La foy Catholique des Peres Anciens contenu au Symbole de S. Athanase iadis Euesque d'Alexandrie. Avec quelques sonnets & doubles sonnets. [im. à la Rochelle 8°. par Pierre Haultin 1579.



ZOROASTRE.

Oracles de Zoroastre. escrits premierement en Grec, & mis en vers François. [impr. à Paris 8°. par Richard Breton & Philippe Danfrie.

F I N.



AVTHEVRS OBMIS CT

deuant ou imprimez despuis.



ALEXANDRE SARDE.

Suyte des Memoires de l'origine, inuention & auteurs des choses & sciences, à l'imitation de Polydore Vergile. Diuisee en deux liures faicts en Latin par Alexandre Sarde Ferrarois & traduits en François par Gabriel Chapuis. [imp. à Lyon 8°. par Iean Stratius 1584.

AMADIS IAMIN.

Le second volume des Oeuures poëtiques d'Amadis Iamin secretaire & lecteur ordinaire de la chambre du Roy. Plus discours de la Philosophie à Pasicharis & à Rodanthe, en prose. [impr. à Paris 12°. par Felix le Maigner 1584.

ANDRE ALCIAT.

Les Emblemes Latin-François du Seigneur André Alciat excellent Iuriconsulte. Avec Argumens pour entendre le sens de chaque Embleme. Plus la vie de l'Autheur. Le tout traduit de nouveau par vn Anonyme, & [impri. à Paris 12°. chez Iean Richer 1583.

ANDRE HYPERIVS.

Les fondemens de la religion Chrestienne du temps de l'Eglise primitiue. Exposez par André Hyperius professeur en Theologie à Marpurg au pais de Hesse & traduits en François. [impri. à Lyon 8°. par Benoist Rigaud 1566. *Caluinique.*

ANDRE THEVET.

La vie d'aucuns hommes illustres, avec leurs pourtraicts en taille douce. [impri. à Paris f°. par Guill. Chaudiere 1584.

ANGE CAPPEL a traduit de nouveau

Seneque de la consolation de la mort. [impr. à Paris 8°. chez felix le Maigner 1584.

ANTOINE CAVCE.

Puis que cetuicy a escrit (quoy qu'en latin) touchant la langue Françoisie ie mettray icy le tiltre d'un liure que j'ay veu de luy,

Antonij Caucij Grammatica Gallica in III. libros distributa. Antuerpia 16. apud Lucam Bellerum 1576.

ANTOINE CHANORRIER a escrit en rime,

Lalegende des prebstres & des moines. composee en rime & diuisee par chapitres. [impr. à Geneue 16°. 1556. *Caluinique.*

ANTOINE ESTIENNE, Minime,

IIi

Deuor

Deuot discours sur la passion de nostre Seigneur Iesus-Christ selon la concatenation du texte des 4. Euangelistes, Ou sont comprises plusieurs meditatiōs, recueillies des œuvres de S. Bernard, de Thauler, de Lansperge, de Grenade & d'autres auteurs tant anciens que modernes. [impr. à Paris 16°. par Thomas Brumen 1582.

Le Dialogue de Cōsolation, entre l'Ame & Raison, ou sont declarez plusieurs remedes contre toutes sortes de tentations avec les fruiets de Religion : composé premieremēt par frere François le Roy, iadis religieux de l'ordre de Fontevraud, & confesseur des filles Dieu de Paris. [impri. à Paris 16°. par Michel de Roigny 1582.

ANTOINE LE FEVRE.

Dialogue de la Noblesse, pris de l'Italien de Torquato Tasso par A. L. F. de la Boderie. [impr. à Paris 8°. par Abel Langelier 1584.

ANTOINE DE PONTVS.

Inuention pour acheter & vendre toutes sortes de marchandise en tous lieux, selon diuerses especes de monnoyes. Calculee & mise nouuellemēt en lumiere pour le benefice d'vni chacun. par Antoine de Pontus Arithmeticien. [impri. à Lyon.

AVGVSTIN MARLORAT.

Traicté du peché contre le S. Esprit. [impri. à Lyon 16°. par Jean Saugrain 1564.

BARTHELEMY CAVSSE (mal mis cy deuant sous le nom de Guillaume a escrit)

Le Bouclier de la Foy. *Caluinique.*

S. BASILE.

Discours de S. Basile Archeuesque de Cefaree en Cappadoce De l'origine & causes des maladies, pestilences, guerres, famines, ruines de villes, sterilité & autres maux qui aduiennent ordinairement, Et que Dieu n'en est point auteur. Traduiēt de nouveau sur l'original Grec. [impr. 8°. à Paris 1584.

BENIGNE POISENOT Licencié aux loix a escrit, L'Esté. Contenant trois iournees, où sont deduiēt plusieurs histoires & propos recreatifs tenus par trois escoliers. Avec vn traicté Paradoxique faiēt en Dialogue, auquel est monsté qu'il vaut mieue estre en aduersité, qu'en prosperité. [impr. à Paris 16°. par Claude Micard 1583.

BERTRAND DE LOQVE Daupinois, Traicté de l'Eglise, contenant vn vray discours pour cognoistre la vraye eglise & la discerner d'avec l'eglise Romaine & toutes faulces assemblees. [impr. à Geneue 8°. par Eustace Vignon 1577. *Caluinique.*

BLAISE DE VIGENERE.

L'histoire de Geoffroy de Villehardoyne Marechal de Châpaigne & de Roumenie: de la conqueste de Constantinople par les barons François associez aux Veniciens, l'an 1204. d'vn costé en son vieil langage : & de l'autre en vn plus moderne & intelligible, par Blaise de Vigenere gentilhomme de la maison de monseigneur le Duc de Nyuernois & Rothelois pair de France. [Impri. à Paris 4°. par Abel Langelier 1584.

CHAR

C H A R L E S B L A N D E K Artesien Religieux de l'Abbaye de Marchiennes a recueilly,
Cinq histoires admirables, esquelles est monstre comme miraculeusement par la vertu du S. Sacrement de l'Autel a esté chassé Belzebub prince des diables avec plusieurs autres démons des corps de quatre diuerſes personnes. [impr. à Paris 8°. par Guill. Chaudiere 1582.

C H A R L E S T O V S T A I N a escrit vn Poëme intitulé,
Les Martiales du Roy au chasteau d'Alais. [impr. à Paris par Martin le ieune. 1581. Il a escrit aussi quelques Sonnets impr. avec les forestieres de Jean Vauquelin.

C L A V D E E X P I E L L Y Dauphinois a fait deux liures de Poësies. Au premier il a chantés ses amours en LXXX. Sonnets & XV. chansons. Au second sont contenus quelques Discours, Elegies, Odes, Prieres, Epitaphes &c. Non encores impr.

Le premier Sonnet de ses Amours est tel.

*De mes longues erreurs voicy le tesmoignage,
Que i'appens à l'autel de celle qui m'a pris,
Ce n'est qu'un feu d'amour dont mon cœur fut épris,
Tandis que ie conroy le plus beau de mon aage.
Muses, si'ay suiuy d'un alegre courage
Vostre diuine bande, aydez à mes escrits,
Qu'ils ne soyent du vulgaire enuiez ne repris,
Et qu'en mer si profonde ils ne fassent naufrage.
Je ne demande pas comme un braue guerrier,
Qu'à mon front face umbrage un superbe laurier:
Aduienne seulement que ma belle maiſtresse
Alors qu'elle verra la nege se mesler
Parmy ses blonds cheueux puisse renouveler
Quasi nouveau Phœnix en mes vers sa ieunesse.*

SONNET XXVIII.

*Je ne veux plus penser en se penser
Lequel me faiet tousiours viure en penser,
Si ie me puis oſter de se penser
J'ay bon espoir de viure sans penser
On ne ſçauroit trouuer plus doux penser.
Que de penser de n'auoir nul penser.
Tousiours pensant en un meſme penser
L'homme à la fin se fasche d'y penser.
Le iour la nuit, ie garde un fol penser,*

*C'est de pouuoir acomplir mon penser,
 Qui ne me laisse vne heure sans penser.
 Mais quoy? que dy-ie? il me faut bien penser
 Qu'on ne sçauroit se passer de penser,
 Car on ne peut viure icy sans penser.*

C L O V I S H E S T E A V dict de Nuyfement a mis de Latin en François,

Deux liures de la Constance. Aurheur Iuste Lypse. [impri. en Anuers 4°. par Christoph. Plantin 1582.

C O R N E I L L E D E B L O K L A N D dict de Montfort, Placart pour cognoistre le point & aube du iour, la nuit fermante, le leuer & coucher du Soleil, ensemble la longueur du iour & de la nuit par tous les mois de l'an aux pais de Lyonnois, Bourgoigne, Sauoye & Bresse, qui seruira pour gouverner iustement tous horologes. [impr. à Lyon par Benoist Rig.

C O S M E L A G A M B E dict Chasteau vieux, valet de chabre du Roy & de monsieur le Duc de Nemours, a recité plusieurs comedies & les tragedies deuant le Roy Charles 1^x. & le Roy à present regnât, & en a cōposé quelques vnes, assauoir le Capitaine Bouboufle & Iodés Comedies. Romeo & Iuliete, & Edouard Roy d'Angleterre, Tragedies tirees de Bandel, Alaigne, tiree du Printemps d'yuer & plusieurs autres, non imprimees.

C O N T R A R I E T E Z qui se trouuent en la doctrine de M. Iean Caluin. [Impr. en Anuers 16°. par Dirik Verman 1559.

D A N I E L T O V S S A I N.

Les Lamentations & saincts Regrets du S. Prophete Hieremie, Paraphrase & Exposition appropriée à ce temps en toutes sortes lametable. Par Daniel Toussain. [impri. à Spire 8°. pour Bernard Dalbin 1584.

D I D I E R D O R I E T,

L'Esther de Didier Doriet, liures v. en vers heroiques. [impr. à Paris 12°. par Michel Gadoulleau 1584.

E L P H I D I E femme de Seuerin Boece a escrit en Latin, Hymne en la feste des Apostres S. Pierre & S. Paul commençant *Aurea Luce decore roseo*. Traduit en François par Guy le Feure & contenu au volume des Hymnes ecclesiastiques.

E M A N V E L P H I L I B E R T,

Les Edicts de Tresillustre Prince Emanuel Philibert Duc de Sauoye: Avec les Arrests donnez par son souuerain Senat seant à Chambery sur le faict de la Religion, Iustice & Politique. [impri. 4°. à Chambery.

La suyte des Edicts de tresillustre Prince Emanuel Philibert par la grace de Dieu Duc de Sauoye, & des Arrests donnez par son souuerain Senat seant à Chambery sur le faict de la Religion, Iustice & Politique. Liure second. [impri. à Chambery 4°. par François Pomar 1579. Idem Troiesime liure &c.

E M O N D

EMOND AVGER a escrit,

Metanoecologie sur le suiet de l'archicongregation des Penitens de l'Annonciation de nostre Dame, & de toutes telles autres deuotionnelles assemblees en l'eglise sainte. [A Paris 4°. Chez Iamet Mettayer 1584.

ESTIENNE DE LA BOETIE a escrit vn Discours auquel il a donné nom, *De la seruitude volontaire*, mentionné au xxviii. chapitre du premier liure des essays de Michel de Montaigne. Plus xxx. Sonets dudit de la Boetie inserés tous dás le premier liure des mesmes Essays.

E. DE VVALCOURT.

Nouuel A. B. C. Contenant plusieurs belles Sentences tresutiles pour apprendre à escrire & pour l'instruction de la iennesse. Le tout en rime Françoisse par E. de VValcourt. [impr. en Anuers chez Henry Heyndrix 1576.

FRANCOIS DE BEROALDE.

L'Idée de la Republique de François de Beroalde sieur de Veruille. [Impr. à Paris 12°. par Timothee Iouan 1584.

FRANCOIS LE GAGET Verdunois a escrit,

Bergerie ou deploration pastorale, sur le trespas de tresillustre Princeesse Antoinette de Bourbon Douayriere de Ioinuille. Avec vne Paraphrase du 40. Psalme, Vne Ode & quelques vers Latins. [impri. à Paris 4°. par Timothee Iouan 1584.

FRANCOIS DE LORAINÉ Duc de Guyse tresgénéreux & magnanime Prince,

Trois Harangues faictes par Monsieur de Guyse à la gendarmerie Françoisse, l'une à Mets l'exortant à vaillamment deffendre la cité assiegee, la seconde au camp de Ranty aux Capitaines & la troisieme aux soldats qui estoient au siege de Rouen. Plus ses derniers propos estant blessé traitreusement à mort au siege d'Orleans. le tout contenu au volume des harengues militaires de Belleforest.

FRANCOIS MAYSSONI.

Le Consulat liure auquel sont contenues les Loix & Ordonnances des contracts & marchandises maritimes, translaté d'Italien & Espagnol en François par maistre François Mayssoni docteur és droicts, & Aduocat au siege de Marseille. [impri. en Auignon 4°. par Pierre Roux 1577.

FRANCOIS DE NEVFVILLE Abbé de Grandmont & de tout l'ordre a escrit,

Discours en forme de Dialogue, contenant vn abregé familier de la Philosophie d'Aristote, pour l'ornement de la langue Françoisse. A Paris 12°. par Robert le Maignier 1584.

GEOFROY LINOIER

L'histoire des Plantes traduite de Latin en François par Geofroy Linoier. Avec leurs pourtraicts. A Paris 12°. chez Charles Macé 1584.

GIOVAN BATTISTA PESCATORE de Rauenne a escrit par Stanzas Italiennes 40. chants suyuant ceux du Roland Furieux

III 3 de l'A

de l'Arioste & intitule ceste œuvre *La morte di Ruggiero*, & a esté mise en prose françoise par Gabriel Chapuis sous le tiltre

Suyte de Roland Furieux. [impr. à Lyon 16°. par Barthelemy Honorat 1582.

G V I L L A V M E S E N E S C H A L Normand Docteur en Theologie, Curé de S. Seuerin à Paris a escrit Sermons de tous les iours du Careme. [impri. à Paris 8°. par Nicolas Chefneau 1559.

G V I L L A V M E T H E L I N,

Recueil d'aucunes histoires, lesquelles est monstté que les Empereurs & Roys anciens furent plus riches & magnifiques, que ne sont ceux du iourd'huy: extraites de plusieurs bons auteurs par Guillaume Thelin escuyer seigneur de Gutmont & de Morillon villers. [imp. à Paris 8°. par Mathurin Preuost 1565.

H E N R Y B V L L I N G E R

Cent Sermons sur l'Apocalypse de Iesus-Christ reuelee par l'Ange du Seigneur, veüe & escrite par S. Iean Apostre & Euangeliste: traduits du Latin de Héry Bullinger ministre de la parole de Dieu à Zurich. [impr. à Lyon 8°. par Sebastien Honnorat 1564. *Caluinique*.

H E N R Y D E V V I T H E M

Traicté de la Iustice, recueilly des œuvres de ce grand Philosophe & parfait Orateur. M. T. Ciceró & traduit en François par Henry de VVithen. [impri. en Anuers 4°. l'an 1582.

H I E R O M E D' A V O S T,

La Croisade Poeme heroique du Seigneur Torquato Tasso. Traduit Stance pour Stance par Hierosme d'Auost, de la Val. Prest à imprimer à Lyon chez Barthelemy Honorat, ou i'en ay veu la copie escrite en main contenant 20 chants & en ay extraict & mis icy le troisieme tout du long pour m'a-voir semblé l'un des bons.

ARGUMENT DV troisieme chant.

L'exercite fidele arriue deuant Hierusalem, lequel est rudement traicté de Clorinde. Tancred apperceuant la belle Ermine fille du feu Roy d'Antioche, en deuiant extrêmement amoureux. Argant tué Dodon conducteur des Auenturiers, auquel on fait les pitoyables & derniers obseques. Le magnanime Godefroy fait abatre grande quantité d'arbres en la forest, pour faire les machines de guerre.

DE S I A l'aure Fourriere esueillée chemine,
Et s'enuient retenir de l'aube le logis,
Qui cependant se pare, ornant sa teste orine
De roses, & de lis cueillis en paradis:
Lors le fort corselet chacun met sur l'eschine,

Et

Et des armes le bruit confond leurs bruyans cris,
 Puis les trompettes clairs la Diane donnerent,
 Qui d'un son non-confus, comme leur bruit, sonnerent.

Le sage General leur tenant, doux, la bride,
 En temps, & lieu seconde, & guide leur desir,
 Et plus aisé seroit desfourner de Caribde
 L'onde qui piroüette, & les nefz fait perir,
 Ou d'arrester Boree alors qu'il se desbride
 Esbranlant l'Apennin, & la mer fait bouffir.
 Il les range, achemine, & plustost qu'il peut faire,
 Mais cette diligence avec regle il modere.

Ils ont les pieds ailez, & de tous le cœur vole,
 Ni leurs si vistes pas aucuns d'eux ne sentoit,
 Tellement qu'Apollon loin de sa couche molle,
 Dardoit ses rais ardens, & ià bien haut montoit,
 Qu'ils descouurent Sion, qui ravis, les console,
 Chacun Hierusalem à regarder estoit,
 Et si tost que le camp Hierusalem eut veüe,
 D'une voix unanime Hierusalem saluë.

Ainsi des Nautonniers la bande auenturiere,
 Qui court par mer douteuse en pays estranger,
 Et le Pole perdant, sa guide familiere,
 Erre, ioüet des flots, au gré du vent leger:
 Descourant à la fin la terre qu'elle espere,
 Aise, de loin luy donne un salut riuager,
 Terre, terre criant, & cependant oublie
 La peur, & les travaux de sa course finie.

Vn grand contentement cette heureuse rencontre
 Au mesme instant leur donne, & grand contrition,
 Qui dedans les yeux mols extérieurement se montre
 Meslee de craintive, & d'humble affection,
 A grand peine osent-ils hausser la veüe contre
 La ville où le S A U V E V R endura passion,
 Où fut son honorable, & sainte sepulture,
 Où depuis il reprit son humaine nature.

Et les sous-mis accens, & la parole basse,
 Et les larmes souspirs, & mi-rompus sanglots
 Des fideles monstrans iouyeuse, & triste face,
 Un murmure enrouë font dedans l'air enclos,

Il: 4 Tel

Tel qu'en un bois touffu fait le vent quand il passe,
 Et luy muet, fait dire aux fueilles ses propos,
 Ou parmi les escueils, & la rade areneuse
 Siffle la rauque mer non trop tempestueuse.

Chacun marche à pied nu dessus la sainte terre,
 Car comme fait le Chef, ainsi les subiets font.
 La soye, l'or despoille, & pennache de guerre,
 Le creste morion oste de sur le front,
 Et le superbe cœur, humilié, s'atterre,
 Et saintement deuot en chaudes larmes fond,
 La langue en fin servant aux pleurs coulans d'escluse,
 En la sorte qui suit chacun soy-mesme accuse.

Et donc où toy, Seigneur pour r'auiner le monde
 Fis courir à ruisseaux ton saint sang pretieux,
 Ne hausseray-ie point à mes larmes la bonde?
 N'en verseray-ie point mille autres de mes yeux?
 Que fait mon glacé cœur, qu'ore il ne se desbonde
 Par dessus la paupiere en deux torrens ondeux?
 Que ne te brises-tu, mon dur cœur à cette heure!
 Ton siours pourra pleurer, qui maintenant ne pleure.

Ce pendant en la ville un assis à la garde
 Sur une haute tour le pays descourant,
 La poudre s'esleue vers les nostre regarde,
 Tant qu'une grosse nuë en l'air en va courant,
 Et cette nuë semble esclairer, & qu'elle arde,
 En flammes, en esclairs de tous costez s'ouurant,
 Puis la splendeur que font leurs armes apparoiestre
 Les hommes, les cheuaux, distinguez, fait connoistre.

Alors il s'escria. Quelle grande poussiere
 J'apperçoy dedans l'air, qui par bouffees vient!
 Alarme, Citoyens, d'une pronte maniere,
 J'à proche est l'ennemy, se defendre il conuient.
 Puis reprenant aleine, avec la voix premiere,
 Arme, arme, arme, tost, tost, qui nostre loy maintient,
 Sus voi-cy l'ennemy. voyez, l'orrible nuë
 Qui nous cache le Ciel d'une poudre menuë.

Les impuissans vieillars, les femmes estonnees,
 Et les simples enfans qui pouuoir aucun n'ont
 D'offencer, ni defendre, en troupes talonnees

D'un

D'un triste cœur tremblant és Temples prier vont.
 Ceux que rendent plus forts les moyennes années,
 Hatifs, précipitez, ià tous en armes sont,
 Aux portes on accourt, on monte à la muraille,
 Le Roy va tout au tour, & void que rien n'y faille.

Ayant mis ordre à tout, se met en une place
 Où deux portes des murs ont une haute tour,
 Plus proche est au besoin, & de ce lieu plus basse
 Void l'estendue plaine, & les mons d'alentour.
 Il veut qu'Ermine là compagnie luy face,
 Jeune Princesse belle, introduite en sa Cour.
 Apres que des Chrestiens Antioche fut prise,
 Et que le Roy son pere occis fut à la prise.

Tandis Clorinde sort contre nostre Ost, hardie,
 Plusieurs vont avec elle, & le pas va doublant,
 Mais en un autre part d'où, secrette est sortie,
 Pour leur secours se tient Argant le non-tremblant,
 La genereuse anime alors sa compagnie
 Avec braues propos, d'un assuré semblant:
 C'est anjourd'huy qu'il faut que par nostre vaillâce
 (Disoit-elle) l'Asie entre en grande esperance.

Comme elle leur parloit, voi-cy pres d'eux arrive
 Un nombre de François à picorer courus,
 Chose ordinaire en guerre, à fin que le Camp vive:
 De beaucoup de bestail s'estoyent desjà pourueus,
 Qu'elle courant vers eux, leur Chef de course vint
 Contre elle court, pour estre au besoin secourus,
 Gardon il auoit nom, de grand force, & courage,
 Mais la guerriere encore en auoit d'auantage.

Car Gardon l'attaquant, fut mort ietté par terre
 Tout deuant les Chrestiens, & Payens inhumains,
 Qui s'escrierent tous, l'ayans de cette guerre
 Pour augures heureux: mais ils sortirent vains.
 Elle entre les François sur eux maints coups defferre,
 Et sa dextre fait plus que cent des autres mains,
 La voye à ses soldats close, fut destouppée
 Du cheual furieux, de sa branlante espee.

Incontinent la proye aux coureurs rebutine,
 Qui pour n'estre assez forts, reculent peu à peu,

Se sau

Se jannans sur le haut d'une proche colline,
 Et là leurs armes sont renforcées du lieu,
 Puis comme un tourbillon vient quand moins on l'opine,
 Ou de l'air enflammé chet l'impetueux feu,
 Le valeureux Tancréd avec ses gens s'y trouue,
 Lors l'ennemy fuyard sa roide force esprouue.

Si dextrement il porte au flanc la longue lance,
 Si fier, & gracieux vient ce ieune Seigneur,
 Que le Roy le voyant d'en haut, promptement pense,
 Que ce soit un guerrier des meilleurs le meilleur:
 Et pource il dit à celle assise en sa presence,
 Qui ià dans l'estomac sent que luy bat le cœur,
 Les Chrestiens dois cognoistre avec si long usage,
 Bien qu'un timbre baissé leur cache le visage.

Qui est donc cettuy-là, qui si bransment couche
 Contre les miens sa lance, & si terrible à voir?
 Au lieu de luy répondre, il luy vient sur la bouche
 Vn bas soupir enclos, l'œil voulut s'esmouvoir,
 Aux doux esprits, aux pleurs la sortie en fin bouche,
 Mais nō tant qu'il ne peut quelque chose en sçavoir,
 Car des humides yeux les paupieres rougirent,
 Et les molles vapeurs soupirans se rompirent.

Puis ainsi respondit (sous le voile de haine
 Par un honneste trait recelant l'amour sien)
 Las! ie le cognoy trop, par luy ie suis en peine,
 Entre mille ie doy le recognoistre bien,
 Pour l'auoir veu souvent faire ondoyer la plaine,
 Et les fleuves enfler du sang du peuple mien:
 Ses coups sont si mortels, que faisant une playe,
 Par herbe, ou par magie en vain guerir s'essaye.

C'est le Prince Tancréd, O que sous ma puissance
 Je ne le tien vn iour, mais en vie & non mort,
 Car estant vis, i'auroy d'une douce vengeance
 A mon cruel desir pour le moins reconfort.
 Ainsi dit, & des mots la pure intelligence
 Par celuy qui l'oyoit en sens contraire sort.
 Et mit hors vn soupir achenant de se plaindre,
 Qu'en vain, la voix sortant, de r'entrer vent contraindre.
 Clorinde ce pendant d'une vifte carriere

La lan

La lance dans l'arrest, droit contre Tancred part,
 Lequel la rencontrant, l'atteind en la visiere,
 Les esclats en l'air vont, nuë est en cette part,
 Car emportant l'armet (coup de strange maniere)
 Il le luy fit sauter, tout poudreux, à l'escart,
 Et voletant au vent sa belle tresse blonde,
 Jeune Dame apparut aux yeux de tout le monde.

Ses yeux sont comme esclairs, ses millades foudroyent,
 En l'ire ardante doux, or quels pendant le ris?
 Que penses-tu, Tancred, qu'est-ce que les tiens voyët?
 Ne recognois-tu point la seconde Cipris?
 Ces beaux yeux qui ton cœur, vives flâmes, poudroyent?
 Où tes plus chers desirs Amour au vif a mis?
 C'est celle que tu vis au bord de la fontaine
 Où tu te reposois mort de soif, hors d'aleine.

Il n'eut si tost le Tigre, & t'argue recognuë,
 Que regardant Clorinde, empierré se sentit,
 Comme elle peut recouure en fin sa teste nuë,
 Et l'assaillant, soudain d'avec elle partit,
 Sur les autres s'acharne, & roüant l'acier, tue,
 Mais elle nonobstant avec luy paix ne fit,
 Ains piquant apres luy, Tourne visage, crie,
 Et de deux morts, cruelle, en un point le deffie.

Frappant le Cheualier, d'aucun renange n'use,
 N'i tant du fer trenchant à se garder entend,
 Comme à voir les beaux yeux, & les iouës s'amuse,
 D'où l'arc l'archer Amour inenuitable tend.
 En luy-mesme il disoit à mi' offencer s'abuse
 A tous coups que sur moy l'armee dextre estend:
 Mais i'amaï coup ne fait sa belle nuë face
 Qu'une playe mortelle au cœur veincu ne face.

A la fin se resoult, bien que pitié n'espere
 De ne mourir taisant sa secrette amitié,
 Voulant donc qu'elle sceut, que c'est un sien forcere
 Là sans armes, tremblant, suppliant en pitié,
 Luy dit, Toy, qui vers moy te monstres tant seuer,
 Me tenant ennemy entre tous, de s'crié,
 Sortons de la meslee, allons où mieux te semble,
 Lors nous esprouverons nos espees ensemble.

Ainsi

Ainsi nous pourrons voir qui de nous deux plus vaille
 Nos forces employans, elle ne l'escondit,
 Et comme estant sans timbre autrement ne luy chaille,
 Affurée s'en va, & Amant blesme la suit,
 La Guerriere s'estoit desja mise en bataille,
 Et ià frappé l'auoit sur le harnois qui luit,
 Quand il luy dit, Holo, faisons la conuenence
 Du duel, au parauant que par nous se commence.

Elle s'arreste, & lors son propos il acheue,
 De crainctif trop osé fait de l'amour vainqueur,
 Le pact soit (ce dit-il) puisque tu ne veux trefue,
 Que du sein amoureux tu me tires le cœur,
 Mon cœur tien, non plus mien. Si sa vie te griesue,
 Que ie le sacrifie aux pieds de ta rigueur,
 Dés long temps il est tien. Deformais donc le tire,
 Car il en est bien temps, & n'y doy contredire.

Or sus ie ne peu plus te faire resistance,
 Voi-là mon estomac, que ne l'offences-tu?
 Le veux-tu plus aisé tost, tost en ta presence
 I'osteray le plastron, si tu veux qu'il soit nud.
 Et peut estre exprimoit en plus grand' doléance
 Ses tristes passions le pauvre amant vaincu,
 Mais il fut empesché d'une foule fuitiue
 De Payens, & Chrestiens, qui peyle-mesle arriue.

Les Palestins chassés, par la Françoisé bande
 Deuant elle fuyoyent par finesse, ou coïars.
 Vn des persecuteurs plein de cruauté grande,
 Les cheueux voloter luy vid au vent espars,
 Derriere elle passant, trahison luy commande.
 Et la voulat frapper où sont les crins mignars,
 Mais Tancred qui cognut le vouloir de l'infame,
 Oppose à ce grand coup le secours de sa lame.

Toutesfois il ne fut du tout vain, & la blesse
 Dessus la fin du col, du poil commencement,
 Ce ne fut presque rien, & seulement la tresse
 Quelques gouttes de sang rougirent lentement,
 Comme s'empourpre l'or, quād'une main maistresse
 D'estincellans Rubis le pare richement:
 Le Prince enfurie lors plus qu'une mere Ourse,

L'espee

L'espee nuë en main, vers ce vilain prend course.

*L'un s'en-aire en fuyant, l'autre le suit plein d'ire,
Tres-legerement vont, comme une fiesche en haut,
Suspense elle demeure, Et loing l'œil sur eux tire,
Mais de courir apres nullement ne luy chaut,
Ains avec ses fuytifs à l'heure se retire,
Tantost elle fait teste, Et les François assaut,
Or en fuyant retourne, or retournant prend fuite,
Et ne se peut iuger, si c'est fuite, ou poursuite.*

*Le Taureau souffle-feu dans l'areneux Theatre
Tourrant la corne aux chiens, dont il est assailli,
Les fait tost reculer, mais s'il fuit à combatre,
Chacun hardi, retourne au combat ià failli.
Clorinde ainsi fuyant met pour les coups rabatre
Le bouclier sur le col, pour l'armet defailli,
Ainsi se vont courans des pelotes lancees
Ceux qui ioïent au More, à courses aduancees.*

*Ià les Chrestiens fuyans les fuyars au possible,
Iusques aux murs courus, se trouuoient vis à vis,
Les Payens un cry font coacement horrible,
Et se furent soudain au tour des nostres mis,
Ayans fait un grand tour, d'une approche terrible
Chargent dessus la queue, Et flancs des ennemis,
Tandis Argant descend du mont sa Compagnie,
Pour les venir en front assaillir de furie.*

*Ce fier Circasse aduance outre ses gens de guerre,
Voulant le premier estre au combat martial,
Cettuy-là qu'il frappa fut estendu par terre,
Et sans dessus-dessous avec luy son cheual,
La Zagaie il ne rompt, qu'à autres plusieurs n'enferre,
Qui bronchent en la place, Et le sang court aual,
Puis le coutelas saque, Et quand il peut atteindre,
Toujours atterre, ou tue, ou de sang les faiët teindre,*

*Clorinde l'ensuyuant, vaillante, oste la vie
Au fort Ardelion homme ià d'aage meur,
De robuste vieillesse, Et de deux fils munie,
Et tomba nonobstant en ce fatal malheur:
D'Alcandre son ainé la vie fut rauie
Repoussant des Payens l'enragee fureur,*

KKk

Polifer

*Poliferne qui pres du pere mort demeure,
A peine peut sauuer sa vie, qu'il n'y meure.*

*Mais depuis que Tancred vid qu'il ne pouuoit ioindre
Ce villain qui couroit bien plus legerement,
Derriere luy regarde, & void que sa gent moindre
Estoit bien loing couruë, & par trop hardiment,
Enclose la voyant, son cheual vint à poindre,
Et soudain tournant bride, y poste viftement,
Ni luy seul la secourt, car cette troupe forte,
Qui vient en tous perils ayde encor leur apporte.*

*Et celle de Dodon, Enseigne aduenturiere,
Fleur des Herôs, le nerf, & la vigueur de l'Ost.
Renaud le plus hardi, de beauté singuliere
Tous deuance, & l'esclair ne passe point si tost,
Au port, au blanc oiseau son enseigne guerriere
Ermine incontinent le discerne, dispost,
Et dit au Rôy, qui tient sur luy l'œil immuable,
Entre tous cettuy-là forse n'a son semblable.*

*Peu, ou personne n'est qui manie l'espee,
Comme il s'en sçait aider, bien que fort ieune il soit,
Si six autres pareils auoit la gent campee,
La Syrie veincuë, & ià serue seroit,
Et de leur grand pouuoir ne seroit eschappee
La region que l'Auëtre, ou que l'Aurore void,
Et le Nil cacheroit du ioug en vain peut estre
La teste que si loing nul iamais n'y sçeut mettre.*

*Il s'appelle Renaud, & sa dextre irritée
Plus qu'aucune machine estonne les murs forts,
Or regarde là droit où ma veuë est pointée,
Celuy qui d'or, & verd a l'armure du corps,
C'est Dodon, & conduit une bande indontée,
Qui court à l'adventure, & premiere dehors,
Cheualier fort illustre entre tous ceux deslité,
Qui d'ans passe, & ne cede à nul d'eux de merite.*

*Remarque aussi ce grand couuert de couleur brune,
Et Gernand propre frere au Roy Noruegien,
C'est le plus orgueilleux qui soit en terre aucune,
Et sa superbe gloire offusque le los sien.*

Ces deux qui vont ensemble, & dont l'ame n'est qu'une,

A l'acc

A l'accoustrement blanc, ioincts d'un chaste lien,
Odoard, & Gildippe amans sont d'amour telle,
Qu'en armes sont fameux, en amitié fidele.

Parlant en ceste sorte, en la campagne ils virent,
Comme l'occision de plus en plus croissoit, ~
Car Tancred, & Renaud le grand cercle rompirent,
Bien qu'une infinité d'hommes armez y soit,
Puis Dodon, & les siens à les charger se mirent,
Mais si gaillardement que nul les repouffoit:
Argant, Argant luy mesme estant à la furie,
Abatu par Renaud y perd presque la vie.

Peut estre il n'eschappoit, mais de malheur à l'heure
Le cheual efforcé bronche deffous Renaud,
Et pourceque le pied dans l'estrier luy demeure,
Il ne l'en peut tirer si viftement qu'il faut.
Tandis les luifs rompus s'ensuyent sans demeure
Vers Sion, refroidis d'un si bouillant assaut,
Argant seul, & Clorinde à l'ennemy font teste,
Qui poursuit foudroyant, ainsi que la tempeste.

Ils demeurent derriere, & seruent de leuee
A la fureur sanglante, ondoyante contre eux,
Ainsi plus aysement leur gent estoit sauuee,
Qui ce pendant fuyoit chacun à qui mieux mieux.
Dodon les suit, ardent, & de force esprounee
Au felon Tigran clost mortellement les yeux,
Le hurtant du cheual, & frappant de l'espee,
Le corps tombe par terre, & la teste coupee.

Alazar porte en vain une cuirasse fine,
Et Corban le robuste un armet renforcé,
Car en les atteignant sur la nuque, & l'eschine,
L'un fut iusques au front, l'autre au ventre passé,
Et de ce monde encor d'une dextre herculine
Avec un Mahumed, Annerat, fut chassé,
Et le rude Almanzor: mesme le grand Cirasse
N'est pas trop asseuré, qu'apres eux il ne passe.

Argant en luy fremit, & quelquesfois s'arreste,
Et par fois se retourne, & puis laisse le rang,
En fin au depourueu se tournant luy fait teste,
Et d'un si grand reuers luy donne dans le flanc,

KKk 2

Qu'il

*Qu'il y plonge le fer cruellement funeste,
Et de ce coup Dodon perd & l'ame & le sang,
Lors il chet, & les yeux à grande peine il ouvre,
Qu'un dur repos oppresse, un sommeil plombé coustre.*

*Trois fois il les desille, de la lumiere douce
Il tache de fuir, se haussant sur un bras,
Et trois fois il rechet d'une foible secousse,
Un voile noir bendant les yeux qu'il sille, las !
Les membres perdent force, & la Parque le pousse
Ià demy sommeillant au profond du trespas.
Pres du corps mort Argant, diligent, ne seiourne,
Ains il gagne le haut, & vers les siens retourne.*

*Toutesfois en fuyant il remontre visage,
Et de loing s'escriant, dit au François squadron,
Ceste espee sanglante, & de mort tesmoignage,
Est la mesme qu'hier me donna de Buillon,
Dites luy qu'aujourd'huy ie l'ay mise en usage,
Je croy que ce rapport il trouuera fort bon,
Et luy doit agreer que sa magnificence
M'ayt armé de ce don de si grande excellence.*

*Dites luy que bien tost seurement il s'attende
D'en voir dedans son corps un plus certain effect,
Que s'il ne vient en bref, où plus ie le demande,
J'iray sans qu'il m'attende où sa demeure il fait.
Les Chrestiens irritez, de l'arrogance grande
Courroyent ia tous vers luy, mais en fuite il se met,
Et les autres suyuant, s'encourt à sauuegarde
Vers le secourant mur, qui des nostres le garde.*

*Les defendans des murs lors tant de pierres iettent,
Que si menu ne gresle en temps tonnante l'Esté,
Ny l'huyier pleut si fort, que ces Payens sagettent,
Les carquois fournissans l'arc d'une infinité.
Si bien que les François en arriere ils reiettent,
Ainsi les Sarasins rentrent en la Cité.*

*Mais Renaud ia debout avec le cheual viste
Poursuiuant le Circasse estoit la venu viste.*

*Il y courut à fin de faire aspre vengeance
De Dodon mis à mort, sur le meurdrier Argant,
Et retournant aux siens, à crier il commence,*

Qu'est-ce

*Qu'est-ce qui nous retient? Et qu'attendons nous tant?
Et pourquoy n'allons nous venger en diligence
Celuy qui nous guidoit? ha, ha le cœur me fend!
Ayans occasion de ce faire si grande,
Faut-il que pour un mur chacun de nous attende?*

*Non, quand le double trempé, Et force adamantine
Cette large muraille imprenable seroit,
Argent deuroit bien craindre en asseurée mine,
Et vostre bras vainqueur euter ne pourroit.
Allons donc l'assaillir: Et soudain s'achemine
Deuant tous, ce pendant que ces mots proferoit:
Et le cœur de son cœur alors il manifeste,
Des pierres ne craignant, ny des traicts la tempeste.*

*Crostant le pesant timbre il esleue la face,
Si terriblement fiere, Et d'un si braue cœur,
Que iusques dans les murs les ennemis englace,
Et les fait tous trembler, effroyez de terreur.
Comme les uns anime, Et les autres menace,
Il ralente soudain sa bandée fureur:
Car Buillon enuoya Siger vers ceste bande
Seuere publicur des choses qu'il commande.*

*Lequel en son nom crie à la gent trop hardie,
Et de tost reuenir il aduertist chascun:
Reuenez, disoit-il: car à vostre furie
Nyl le lieu, nyl le temps ne se monstre opportun.
Godefroy le commande. Et sa parolle ouye,
Renaut outre ne passe, eguillon du commun:
Bien que le sang luy bouille, et par dehors exprime
Le mal celé desdain de son cœur magnanime.*

*Donc ils commencent tous à retourner arriere,
Nyl l'ennemy leur fist aucun empeschement:
Parquoy Dodon receut la pieté dernière,
Ne demeurant es mains de la Barbare gent:
Dessus les piteux bras le corps ia sans lumiere
Fut porté des amis regretté grandement
Tandis Buillon estant en lieu qui haut se dresse
Reconnoit de Sion le plant Et forteresse.*

*Sur deux monts est assise Hierusalem fameuse,
De hauteur inegale, Et tournez front à front,*

KKk 3

Au

*Au milieu d'elle passe une vallee creuse,
 Qui la distingue en deux, & l'un, & l'autre mont:
 Par trois costez ell'est d'arriuee fascheuse,
 Par l'autre sans monter ceux de dehors y vont,
 Mais cette part est plus de hauts murs defenduë,
 Qui vers Septentrion, plate, à son estenduë.*

*Plusieurs cisternes sont dedans la Cité sainte,
 Les fontaines par art y font couler leurs eaux,
 Mais la terre d'autour n'est d'herbe verte peinte,
 De fontaines sterile, & languissans ruisseaux.
 Ni pour que la chaleur de l'esté soit esteinte
 Aucuns arbres fueillus n'opposent leurs rameaux:
 A deux lieues de là une forest nuisible
 Pour le plus pres se trouue ombreuse, haute, horrible.*

*Elle a de cette part qui le beau iour fait naistre
 L'eau noble du Iourdain sur tous fleuves heureux,
 De l'endroit où Phæbus à repos se va mettre
 La mer Mediterrane au rinage areneux,
 Samarie, & Bethel vers Boree on void estre,
 Où dresserent l'autel au veau d'or les Hebreux.
 Et du costé de l'Austre ordinaire à la pluye
 Betlehem, où nasquit l'Authheur de nostre vie.*

*Durant que Godefroy regarde de la Ville
 L'assiette, & la muraille, & le pays voisin,
 Et remarque le lieu qui semble plus facile
 Pour pouuoir subiuguer l'ennemi Palestin,
 Ermine l'apperceut d'une veüe subtile,
 Et dit, en le montrant au Payen Aladin,
 Veux-tu voir Godefroy qui d'un lieu ne se bouge?
 Voy quelle maïesté couure ce manteau rouge!*

*Vrayement ce Seigneur est d'une couronne digne,
 Tant il sçait bien regner, aussi bien commander:
 Il n'est pas moins que Duc, de noblesse condigne,
 Et vaillant au possible est à recommander,
 Nul d'entre un si grand nombre en force est plus insigne,
 Un plus sage que luy ne se peut demander,
 Pour pareil en conseil Raimond seul ie te baille,
 Et Renaud, & Tancred seuls esgaux en bataille.*

Le Roy Payen respond, l'en ay bien cognoissance,

Estant

*Estant ambassadeur de l'Egyptien Roy
 A la tresnoble Cour du puissant Roy de France,
 Le le vi fort bien faire à la lance au tournoy,
 Et combien qu'au menton, pour son adolescence,
 Le poil se tint encor sous l'epiderme coy,
 Toutesfois en propos, en faits, en apparence
 Il donnoit ià de luy merueilleuse esperance.*

*Et par trop grãde, helas! Et lors trouble, sourcille,
 Puis s'enquiert de rechef, di, qui est cettuy-là
 Qui de couleur pourprine ainsi que luy s'abille,
 Et lequel coste à coste en parlant à luy va?
 O qu'il a bien de luy la semblance gentille,
 Si ce n'estoit qu'un peu le corps plus bas il a!
 C'est Baudouin, dit-elle, on void bien au visage
 Qu'il est son frere, Et plus à la force, au courage.*

*Uoy de l'autre costé celui qui le conseille,
 Ainsi qu'il semble à voir, le regardant tousiours:
 C'est Raimond, que ie louë entre tous à merueille,
 Comme homme fort accort, Et ià sur ses blancs iours:
 Il ne s'en trouue point qui si bien appareille,
 Soit François, ou Latin, les rusez, guerriers tours.
 Mais cet autre au delà au iaunissant heaume
 Est le fils du bon Roy d'Angleterre, Guillaume.*

*Auec Guelson, ou sont ses vertus remirees,
 Illustre Cheualier en honneurs esleué,
 Le le cognoy fort bien aux espauls quarrees,
 A l'estomac ouuert, pleinement releué.
 Mais entre tant de gens en bandes separees
 Mon ennemy ne peut estre par moy trouué,
 J'enten de Boémond, qui d'une ame mutine
 A mis mon sang Royal, miserable, en ruyne.*

*Ainsi parloyent. Et lors l'aguerri Capitaine,
 Ayant veu tout au tour, à bas aux siens descend,
 Et luy preuoyant estre une entreprise vaine
 D'assaillir la Cité où le haut lieu defend,
 Ses tentes fait planter pres la porte en la plaine,
 Qui vers Septentrion iusques aux murs s'estend;
 Et de là les quartiers aux autres il ordonne,
 Et iusques à la tour Angulaire enuironne.*

KKk 4 De

De sorte que le Camp ceint la tierce partie,
 Ou gueres ne sen faut, de la grande Cité:
 Car de la circuir de l'Armee partie
 (Tant elle auoit de tour) possible n'eust esté:
 Et de peur qu'elle soit de secours garantie
 Godefroy tient des gens prêts à chascun costé,
 Et fait bien occuper tout passage facile
 Par ou l'on peut sortir, & r'entrer dans la Ville.

Faisant les paviillons de tranchees tortuës,
 Et de profonds fossez diligemment munir.
 Affin de resister à toutes aduenües,
 Qui pourroyent de dehors & de dedans venir.
 Et ces choses ainsi guerrierement pourueües,
 Sans voir le bon Dodon ne se peut plus tenir:
 Pource il vient visiter l'expiré Capitaine
 Entre vne triste troupe, & de pleurs toute pleine.

Les fidentes amis en grand magnificence
 Ornerent le cercueil de son heureux repos.
 Quand de Buillon entra l'esploreë presence
 Les larmes redoubla, & les piteux propos:
 Ny triste, ny ioyeux se monstre à l'assistance,
 Refrenant sa douleur, ses lamentables mots:
 Et tenant dessus luy les yeux, & la pensee,
 Sa parolle en son los fust ainsi commencee.

Non, ce n'est point de roy qu'il faut qu'un dueil se face
 Car mourant en ce monde, en l'autre tu renaïs,
 Et d'une belle mort partant de ceste place,
 Tu laisses le sentier frayé de tes hauts faits:
 De Cheualier Chrestien tu as suivy la trace,
 Et pour tel tu es mort en eternelle paix,
 Portant de tes bien-faits la couronne de gloire
 Et de l'heureuse mort la palme de victoire.

Vy donques bien-heureux: car ce nostre infortune,
 Non ta mort glorieuse à pleurer nous esmeut,
 Perdans vne colonne ores tant opportune,
 Appuy qu'en autre aucun recouurer ne se peut:
 Mais si celle que mort appelle la commune
 De ton humain secours plus ayder ne nous veut,
 Tu nous peux maintenant faire faueur plus grande
 Toy,

Toy, que le Ciel reçoit en sa celeste bande.

*Et comme homme mortel nous t'auons veu n'aguere
Bien à nostre aduantage apporter ayde humain,
De te voir employer encor' chacun espere
Les armes de là haut, diuin, en ce dessein.
Appren donc desormais à nous estre prospere,
A receuoir nos vœux, à nous prester la main,
Ainsi toy nous monstrant de victoire la face,
Nous parferons, deuots, nos saints vœux par ta grace.*

*Il dit en cette sorte. Et ià la nuit obscure
Au iour lors sommeillant auoit fermé les yeux,
Et par l'oubli plaisant de l'ennuyeuse cure
Les larmes essuyoit, & les soupirs piteux.
Mais le grand General, qui iamais ne s'asseure
D'expugner les forts murs sans beliers ruyneux,
Pense comme il aura du bois, & quelle forme
Les machines auront, & ne faut pas qu'il dorme.*

*Le Soleil se leuant, aussi tost il se leue,
Et luy-mesme voulut estre à l'enterrement,
Le tombeau de Ciproz, d'odeur durable, & souëfue
Au pied d'une colline ils firent tristement
Non loing de leur enclos, & haut sur luy s'esleue
L'arbre qui plus s'atterre, & plus vers le Ciel tend,
Là des Prestres est dit le funebre seruice,
Afin que le Seigneur luy soit au Ciel propice.*

*Aux branches du Palmier plusieurs trophées pendent
D'estendars, coutelas, morions, corselets,
Qui de sa grand' valeur vray tesmoignage rendent,
Pris sur les Syriens, & les Perles desfaits.
Les armes qui le cors de tous costez, defendent
Embrassent le gros tronc de leur acier espais.
Puis, Icy git Dodon, dessus l'escorce on graue,
Honorez le tombeau d'un Cheualier si braue:*

*De Buillon ayant fait cette œuvre charitable,
Fait tous les charpentiers de son camp appeller,
Et sous bon sauf-conduit de soldats secourable
Les fait incontinent en la forest aller,
Qu'un vallon receloit en son fond effroyable,
Mais un bon Syrien ne la voulut celer.*

Là

*La donc les Chrestiens vont les machines abatre
 Pour renuerfer les murs, & les Payens combatre.
 Ils s'exortent l'un l'autre à mettre arbres par terre,
 Que lon face à ce bois des inusitez maux,
 Et tombent sous les coups qu'un fer tranchant desferre.
 Les palmes, les Pins drois, & les Sapins plus hauts,
 Les funebres Ciprés, les Fresnes boys de guerre,
 L'Jeu se frondoyant, les Chastaigners, les Fauc,
 Et les Ormes maris, que les Vignes tortuës
 Embrassent quelquesfois entre les hautes nuës.
 Autres coupent des Jfs, & plantes Dodonees,
 Qui plus de mille fois ont changé de cheueux,
 Et mille, & mille fois sans se rendre estonnees
 Ont repoussé des vents les assaux furieux.
 De Cedres odorans, & vinqueurs des anneés
 Autres les chariots chargent criquans sous eux,
 A ce bruit resonnant d'hommes, d'armes guerrieres
 Les fères, les oyseaux laissent nids, & tanieres.*

HIEROME MEVRIER Doyen, & chanoine Theologal de Rheins a escrit

Exposition des saincts misteres de la messe, diuisee en deux tomes: le premier desquels monstre que tout ce qui se dit & fait en icelle depuis le commencement iusques au Canon, est extraict de l'escriture sainte, ou conforme à icelle, le tout deduiet par Sermons selon qu'ils ont esté preschez en l'Eglise Metropolitaine de Rheins. [impri. à Rheins 8°. chez Jean de Foigny 1584.

Traicté de l'institution & vray vsage des processions tant ordinaires qu'extraordinaires qui se font en l'Eglise catholique. Diuisé en 3. sermons. [impri. à Rheins 8°. chez ledit de Foigny 1584.

HVLDERICH Comte de Helfenstam

Recueil de l'abiuration de la secte Lutherienne Confession d'Ausbourg, & toutes autres heresies de nostre temps, faicte par treshaut Seigneur, Vlderich Comte de Helfenstam en Sueue: avec les causses & raisons qui l'ôt esmeu à ce faire. Mis en François du latin du Notaire qui a receu ladite Abiuration, & des aduertissemens & lettres de quelques grands & notables personnages. [impr. à Lyon 8°. par Michel Iouë 1567.

H. DE LA HAYE.

De la presence du corps de Christ en la Cene. [impr. 8°. L'an 1564. Caluinique.

JAQUES DE MOLAN Lyonnois Aduocat à Mascon a escrit

Cartel aux Iudiciaires & celoteurs Astrologues, auquel est combatu diuinement &

ment & humainemēt la vanité de leurs accreus Planetes, la nullité du signe, la falsité tant du Zodiaque celeste, blanchisseure que d'innies monstrueuses, figures, orbicularités & Paralleles par eux faullement apposees au ciel, tāt à l'imminution de la magesté diuine qu'à neccessiter les hommes. Et autres matieres. [impr. à Lyon 8°. par Iean Stratius 1584.

I A Q V E S P O N S Lyonnois Docteur Medecin a escrit, Traicté des Melons, contenant la nature & vsage d'iceux. Auec les commoditez & incommoditez qui en prouiennent. [impr. à Lyon 8°. par Iean de Tournes. 1584.

I A Q V E S S A N N A Z A R
Lamentation aux hommes sur la mort de nostre Seigneur Iesus-Christ. mise du latin de Sannazar & mise en vers françois par Guy le Feure au volume de ses hymnes ecclesiastiques.

I E A N D E D E H V
Sermon funebre declamatoire sur le trespas de Madamoiselle de la Bastie. Femme de Mons. le Gouverneur de Dombes. [impr. à Lyon par Michel Iouue 1568.

I E A N D V R E T
Commentaires aux coustumes du Duché de Bourbonnois, Rapportees aux mœurs & obseruances du pays de Bourgoigne, Berry, Auuergne, la Marche, Niernois, & autres peu plus esloignez: & ensemblement conferees avec les anciens vsages des premieres monarchies & gouuernemens. Selon le tesmoignage des Docteurs Canoniques & ciuils, & auteurs approuuez aux lettres humaines. Par Iean Duret Iurisqueconsulte de Molins. [impr. à Lyon f°. par Benoist Rigaud 1585.

I E A N E D O V A R D D V M O N I N
Le Quaresme Diuisé en trois parties: premiere le Triple Amour, ou l'Amour de Dieu du monde Angelique, & du monde humain. Seconde la Peste de la Peste, ou iugement diuin, Tragedie. Troisieme, la Consuiuance du Quaresme. [impr. à Paris 4°. chez Iean Parent 1584.

I E A N D E L A F A Y Sieur Depaisses Aduocat general du Roy au Parlement de Paris a escrit, Discours sur ce qu'aucuns seditieux ont temerairement dit & soustenu que pendant la minorité des Roys de France, leurs meres ne sont capables de la Regence dudit Royaume ains qu'elle appartient aux princes masles qui sont plus proches & habiles à succéder à la Couronne. [impr. à Paris 8°. par Nicolas Roffet 1579.

I E A N D E F O N T E N A Y natif d'Orleans demeurant en Aignon a escrit vn liure d'Agorisme appelé autrement chiffres. *Escrit en main.* Il viuoit en l'an 1500.

I E A N H A Y
Demandes faictes aux Ministres d'Escoffe touchant la religion chrestienne. Par Maistre Iean Hay, Escossois, de la compagnie de Iesus professeur en Theologie au college & vniuersité de Tournon. Mise de langage Escossois en François. [impr. à Lyon 16°. par Iean Pillehotte 1583.

I E A N

IEAN HEROARD Conseiller Medecin ordinaire du Roy
a escript,

HIPPOSTOLOGIE c'est à dire discours des os du cheual, de-
dié au Roy, non encore imprimé, selon vne Inscription latine mise au front
du liure auant l'epistre liminaire, telle que s'ensuit.

MEMORIAE P.P. OPT.

PRINCIPIS

AVITAE PATERNAE, ATQVE FRATERNAE IN
LITTERARIAM REM PVBL. BENEVOLENTIAE SIN-
GVLARIS ET PERPETVI AMORIS HAERES HEN-
RICVS III. REX CHRISTIANISS. AC GALLICVS
POLONICVS: DVM EA QVAE A MAIORIBVS IM-
PERFECTA ET INCHOATA DERELICTA SVNT
REGIO CONSTANTIQVE ANIMO PERFICIT, AC
TEMPORVM INIVRIIS DIRVTA RESTAVRAT LA-
BEFACTATA RESTITVIT PRIMVS OMNIVM ANTI-
QVISS. NOBILISS. VTILISS. ARTEM HIPPIATRI-
CEN POST TOT SECVLORVM MEMORIAM IG-
NORANTIAE TENEBRIS OBSCVRATAM INER-
TIAE SITV SQUALLENTEM IN PRISTINAM LV-
CEM REVOCAVIT AC IN ORDINEM REDIGI IM-
PERAVIT AD VSVM PVBLICVM.

CVRANTIB. MARCO MIRONIO ET ALEXIDE
GAVDINIO REGIS ET REGINAE ARCHIATRIS
REM INSTRVENTE IANO HEROARDO MONTIPO-
LITANO Q. H. N. P.

Tenant l'exemplaire à mon aise ie ne me suis peu contenir d'en tirer & extrai-
re ce que l'auteur a mis sur la fin.

Or d'oc iusques à ce que nous luy rédions ce qu'è auos arraché, & desmem-
bré, il suffira pour ceste heure de conclure ce discours par vn denombrement
general de tous les os du cheual. La teste contient trente sept os, & quarante
dents, y comprenant les Anses du tait encorés qu'elles soyent composees de
portions d'autres os: la fourchette du gosier, cinq, & l'eschine en a cinquante
deux: vng à la poictrine: trente six costes, quarante quatre os aux deux pieds
de deuant, & quarante à ceux de derriere; De sorte que tout le corps du che-
ual est basti de deux cents cinquante sept os, lesquels nous auons represen-
tés tous ensemble en la figure suiuite &c.

IEAN LASCARIS.

Harengue du Seigneur Iean Lascaris Constantinopolitain, au nom du Pape
Clement 7. à l'Empereur Charles le Quint, pour la concorde de la Chrestieté,
& la guerre contre le Turq. Traduite en François & contenu au volume des
harengues militaires de François de Belleforest.

IEAN

I E A N D E L A V A R D I N Abbé de l'Estoile.

Le retour d'un Gentil-homme à la Catholique [Impr. à Paris 8°. par Robert le Fizellier 1582.

Epistres familières de S. Hierosme, diuisees en trois liures traduites en Francois par Iean de Lauardin &c. [impr. à Paris 4°. par G. Chaudiere 1585.

I E A N O S T A N S a fait vn corps de fort belles & nouuelles figures de diuerses sortes de broderie, & lingerie, &c. qu'il a fait imprimer sous le tiltre,

Le Thresor des Patrons contenant diuerses sortes de broderies, & lingeries pour coudre avec grande facilité, & pour ouurer en diuerses sortes & piquer avec l'esguille, pulueriser par dessus, & faire ouurage de toutes sortes de pointe &c. [impr. à Lyon 4°. par Benoist Rigaud 1585.

I E A N R O D R I G V E.

Le triumphe des Dames, composé par vn gentil-homme Espagnol nommé Iean Rodrigue de la chambre, à la louage des dames. Auquel est monstre par tresuidentes raisons comme grande est l'exellence d'icelles sur les hommes, & lequel vn nommé Vasquemade de Villelobes Portugalois fait translater en François & le dedia au Duc de Bourgoigne Comte de Flandres, & d'Artois. [impr. à Paris 4°. par Pierre Sergent.

I E A N D E L A V A C Q V E R I E.

Remonstrance Catholique aux Roys, & Princes Chrestiens à tous Magistrats, & Gouverneurs de Republiques, touchant l'abolition des heresies, troubles, & scismes qui regnent aujourdhuy en la Chrestienté. Escripte Premièrement en Latin par Maistre Iean de la Vacquerie Docteur de la Sorbonne, mise en François par traducteur incertain. [impri. à Paris 8°. par Nicolas Chesneau 1560.

S. I G N A C E.

Les Epistres de S. Ignace Euesque d'Antioche translatees en François. [impri. à Paris 8°. par Simon Vostre en l'an 1500. *Voyez en la page 762. apres la vnziesme ligne, où ce nō est en lettres capitales S. I G N A C E a esté obmis par l'imprimeur.*

I O S E P H G A V C H I E R Aualonnois a traduit,

Traicté de S. Augustin de la vie chrestienne, avec les traictés de charité & de la vanité de ce siecle, & monde inferieur, d'obedience & d'humilité. Et l'eschelle de Paradis. [impr. à Paris 16°. par Iean Foucher 1542.

Voyez en la 773. page apres la 7. ligne, où le nom de ce traducteur a esté obmis par l'imprimeur.

I S A A C H A B E R T Parisien Valet de chambre du Roy a escrit. Oeuures Poëtiques, assauoir premier, & secōd liures des amours de Diane cōtenants Sonnets, Oraisons, Dialogues, Elegies, descriptiō d'une fontaine, Odes. [impr. à Paris 4°. par Abel l'Angelier 1582.

I V L E C A E S A R P A T A V I N.

Petit liure d'Arithmetique de Iul. Cæsar Patauin autrement dict l'Allemand, en ayde de ceux qui font estat de marchandise. [impr. à Lyon 1581.

LLI

LANCE

LANCELOT DE VOESIN.

L'Amiral de Frâce, & par occasion de celuy des autres nations, tant vieilles que nouvelles, ou est traicté en 16. chapitres du fit naturel, forme, mouuement, & admirables effects de la Mer, seló que la pratique & lecture des anciés en ont peu apprédre. à l'auteur, avec vn auât discours, pour monstrier pourquoy l'auteur escrit en François, plustost qu'en autre langue : & que le deuoir de bon patriot est d'enrichir, & faire cognoistre par beaux escrits, à tous les peuples, le langage de son pays naturel. Par le Sieur de la Popelliniere. [impr. à Paris 8°. par Thomas Perier 1584.

LUCO OV LUCAS DE GRIMAVLD Poète Prouençal fut amoureux d'une damoyelle de Prouéce de la maison de Villeneuve laquelle luy donna le Breuage amatoyre, si qu'é peu de iours luy mesme se priua de vie de ses propres mains aagé de 35. ans en l'an 1308. dont elle cuida recevoir la mort des reproches qu'on luy faisoit d'auoir faict cruellement mourir vn si sçauant & fameux poète. Apres sa mort furent trouuees plusieurs chansons qu'il auoit faict à la louange de ceste gentil-femme & maintes comedies plaines de maudiffons contre Boniface 8^e. du nom Pape, dont il auoit esté aigrement repris par les magistrats, & en fut contraint les mettre au feu : mais estant depuis meü de iuste furie, les ayant toutes en sa memoire les remit par escrit & amplifia plus que n'auoyent esté, & en fit vn present à de Gambareza lieutenant du Roy en Prouence. On a trouué en vne vieille pancharte que ce Luco estoit natif de Gennes. Mais S. Cezari tient qu'il estoit de Grimauld en Prouence.

L. DE LASKARS, ou de Lascaris, fut de ceste noble & anciéne race de Lascaris sieur des Comtés de Vintimille, de Tède, & de la Brigue, personnage de grád renom: car ces terres là (ainsi que l'a escript le Monge des Isles d'or) se glorifient de luy comme d'un poète tresexcellent : son esprit a esté si heureux en la poésie Prouençale, & és autres langues vulgaires, que nul ne l'a peu imiter en ses inuentions. Estant en sa ieunesse. il print les ordres de prestrie, & par volonté d'Amour surpris d'une sienne voyfine gentil femme, sœur du grand Isnard de Gládeues, apres l'auoir espousée en eust des beaux enfans. De ce temps, la royne Iehanne de Naples Comtesse de Prouence, auoit vne puissante armee en Prouence, pour en chasser les Bretons & Anglois, qui estoient entrés bien auant dans ses terres, il eust la charge de ceste armee: car il estoit vn vaillant homme au faict de la guerre: laquelle finie, par enuie, & maltalent d'aucuns siens mal-veillans, il fut poursuiuy par le Pape de rentrer au monastere, où il auoit pris sa profession. Mais il respondit, qu'il aymeroit mieux mourir que d'obeir en cest endroit au Pape. Et voyant que les poursuites continuoyent cõtre luy, s'en alla trouuer la Roynie Iehâne à Naples en fort beau & magnific equipage, laquelle aduertye des seruices faicts à sa Maisté par le Poète le voyant si beau gentilhomme, & d'un esprit tout gaillard, considerant qu'il estoit encor en estat de luy pouuoir faire seruice tant en son Royaume de Naples qu'en sa Comté de Prouence: enuoya lettres au Pape Urbain cinquiésme du nom, qui residoit en Auignon, & impetra par prieres de sa saincteté à sa faueur, que ce Poète eust temps d'aduis à se retirer en son monastere

naître dans vingt cinq ans, laquelle licence fut confirmée par Gregoire Pape vnziesme du nom, qui succeda apres ledict Urbain. Et auant que le terme escheut, trespassa enuiron l'an 1376. Il a faict vn traicté intitulé *De las myzerias d'aquest Monde*, & vn autre intitulé *De la Pauvilha*.

MAVRICE PONCET.

Instruction pour aymer Dieu extraicte de la Sainte Escriptrue & spécialement des Cantiques de Salomon & de la doctrine des auteurs sacrez, & prophanes, contenant 17. Chapitres. [impr. à Paris 8°. par Sebastien Molin 1584.

NICOLAS BERGERON.

Le Valois Royal, extraict des memoires de Maistre Nicolas Bergeron. [impr. à Paris 8°. par Gilles Beys 1583.

NICOLAS XILANDER.

Confession de foy de Nicolas Xilander Borussien, Sebastien Flaschius, de Mansfelt, Iean Brunnet, de Togkenbourg, iadis ministres de la Confession d'Auguste, ou Secte Lutherienne, lesquels depuis l'abiuration de la Secte, en laquelle ils auoyent esté nez, enseignez des leur ieunesse, & puis dogmatisé au peuple, remonstrent par viues raisons les occasions de leur reduction en decourant la nature, abus & ruses des sectaires modernes masquez, comme miserablement sont seduits les simples & pauvres chrestiens. Traduicte tant du Latin qu'Alemam. [impr. à Lyon 8°. par Iean Stratius 1584.

PHILIBERT BVGNION.

Discouss des proprietéz & vertu d'une source d'eau, retrouvée nouvellement en Viarez à deus lieues de Valence. Plus Sestine à l'honneur & gloire de Dieu sur les admirables effects d'icelle. [impr. à Lyon par Benoist Rigaud 1583.

Commétairie sur l'edict du Roy de l'abolitió des confreries & pains benits. *Est sur la presse.*

Les six & septiesme liures des loix abrogees, qui seront imprimez bien tost.

PIERRE DE BRACH.

Imitations de Pierre de Brach, Conterolleur pour le Roy en sa chancellerie de Bordeaux, assauoir Aminte Fable boccagere prise de l'Italian de Torquato Tasso. Olympe, Imitation de l'Arioste. [Impri. à Bordeaux 4°. par Simon Millange 1584.

PIERRE LE GOUX.

Le Psaultier que composa le glorieux S. Hierosme à l'honneur de la glorieuse vierge Marie: & est faict à la similitude du Psaultier que composa Dauid le Prophete royal contenant autant de Psaulmes. Translaté de Latin en rime François par Pierre le Goux. [impr. à Paris 4°. par Antoine Verard.

PIERRE MATHIEU.

Esther, Tragedie, en laquelle est representée la condition des Roys & Princes

sur le theatre de fortune, la prudence de leur conseil, les desastres qui surviennent par l'orgueil, l'ambition, l'envie & trahison combien est odieuse la desobeissance des femmes, finalement comme les Roynes doiuent amollir le courroux des Roys, endurcy sur l'oppression de leurs subiects. [Préste à imprimer & est entre les mains de Jean Stratus.

PIERRE DE MOUCHAUT.

Le Treiziesme liure, ou Supplément de l'Enéide de Virgile faict par Mapheus Vegius. Ensemble les Epigrammes Selectes attribuees audit Virgile. Le tout traduit en rime François. Par Pierre de Mouchaut. [impr. à Paris Latin François 16°. par Claude Micard 1578.

PIERRE DE LA RIVEY.

L'institution morale du Seigneur Alexandre Piccolomini Gentil-homme Sienois traduite de Tuscan en François par pierre de la Rivey. [impr. à Paris 4°. par Abell'Angelier.

PIERRE VIEL.

Catechisme, ou Instruction chrestienne, par M. Pierre Viel Docteur en Theologie. [à Paris 8°. chez Jean Dallier 1562.

Il a traduit de Latin les vies de plusieurs saints contenues parmy les trois tomes de l'histoire de la vie, & mort d'iceux. [impr. à Paris f°. par Nicolas Chesneau.

POMPONIE DE BELLIEVRE Conseiller du Roy en son conseil d'estat.

Harengue du Sieur de Bellieure ambassadeur pour la maiesté du Roy de France, aux Seigneurs des treze Cantons des Suysses, sur les guerres de France, recommencees l'an mil cinq cens lxviii.

Seconde Harangue dudit sieur faicte aux Seigneurs des Ligues des Suysses, les deux contenues au volume des harengues militaires de Belleforest.

RENE Comte de Sanzay.

Harengue du Seigneur Comte de Sanzay deuant le Pape Paul quatriesme contre les calomnies qu'on mettoit sus au Roy de France.

Harégue du mesme Comte de Sanzay Ambassadeur pour le Roy, vers le Roy de Portugal apres le sac fait par les François de l'Isle de Maderé en la mer Athlantique. Icelles deux harengues contenues au volume des militaires de Belleforest.

RICHARD DE BARBEZIEUX Sieur dudit lieu, Poète Prouençal fut amoureux d'une gentil-femme de Prouence nommee Claire de Berro fille du Sieur d'Entrauenes laquelle se rendit religieuse au monastere de la Celle pres Brignolle, ou peu apres estant decedee il s'enamoura d'une Damoiselle de la maison de Pontevés, feit vn traité intitulé Lous Guizardous d'Amours. Petrarque s'est aydé de plusieurs mots de ce Poète lequel mourut l'an 1383.

RICHARD surnommé Cœur de Lyon, qui fut fils de Henry Roy d'Angleterre, & esleu Empereur des Romains, en sa ieunesse frequentant la Cour de Remond Berenguer Comte de Prouence dernier du nom, fut surpris de

pris de l'amour de Léonore, ou Helyône, l'une des quatre filles dudit Comte de Prouence, laquelle depuis il espoula. Pendant qu'il y estoit, il oyoit souuent reciter plusieurs belles chansons aux Poëtes Prouençaux, qui estoient à la suite du Comte, en quoy il prenoit vn singulier plaisir, & pour la douceur de la langue passoit le temps à rimer & se delectoit à lire leurs beaux Romans. Quelques années apres estant allé outre mer pour la conqueste de la terre sainte avec saint Loys Roy de Frâce, & autres Princes, à son retour fut fait prisonnier, pendant son emprisonnement fist quelques chansons, qu'il adressa à Beatrix comtesse, & heritiere de Prouence, sœur de ladicte Helyonne, se plaignant de ce que ses Barons & gentils hommes le laissoient si longuement en captivité, sans payer sa rançon, disant ainsi au second couplet d'icelle.

*Or sachan ben mos homs, e mos Barons,
Anglez, Normans, Peytauns, e Gascons,
Qu'yeu non ay ia si paure compaignon,
Que per auer lou laïss en preson.*

Le Mōge des isles d'Or dict que Richard auoit fait lesdictes chansons, se plaignant plustost de ce qu'il estoit priué des beaux yeux de la Princesse Helyonne, que non point de sa captivité: & dict encor avec saint Cezari, que les Electeurs de l'Empire furent discordans de l'eslire Empereur à l'instigation de Alexandre Pape quatriesme du nom. Son trespas se trouue aux Chroniques d'Angleterre. Le Mōge de Mōtmaïour nōme ce Roy Richard Couard. Quelqu'un a escript que l'infante Leonore luy enuoya vn beau Romāt en rime Prouençalle, des amours de Blandin de Cornaille, & de Guilhen de Myremas, des beaux faits d'armes qu'ils firent, l'un pour la belle Bryande, & l'autre pour la belle Irlande dames d'incomparable beauté.

RICHARD LE BLANC a traduit en rime François
Les neuf Eclogues apres la premiere, des Bucoliques de Publie Virgile Maron Prince des Poëtes Latins, laquelle premiere auoit esté traduite par Clement Marot. Plus les quatre liures des Georgiques du mesme Virgile. [impr. à Paris 8°. par Charles & Arnoul les Angeliers.

Les deux liures d'Hesiodé Poëte Grec, intitulé les œuures & les iours traduits en rime François par Richard le Blanc. [impr. à Lyon 8°. par Jean de Tournes 1547. Au premier liure Hesiodé enseigne la maniere de bien viure, & suiui les mœurs de vie ciuile & honneste: il excite les hommes à deuement obseruer iustice, & baille les preceptes necessaires pour instituer le regime de vie vertueuse. Au second liure il décrit l'art de l'agriculture, & persuade qu'il conuient labourer: car oisiveté est souuent cause de plusieurs maux, & difficillement l'homme ocieux se peut contenir qu'il ne face quelque mal. Pour ceste cause Hesiodé non seulement a voulu bailler les preceptes de garder, & honorer iustice, mais aussi de labourer & vse en ce susdit œuvre de plusieurs belles & elegantes descriptions.

Opuscule sus le mystere de nostre foy, colligé des carmes de Virgile, reduits en ordre par Proba Falconia femme bien recommandee en la poësie, approu-

uee de S. Hierome traduit en François par Richard le Blanc. [impr. à Paris 16°. par Robert Maffelin 1553.

L'histoire de Tancréus prise des vers Latins de Philippe Beroalde, traduits en François par ledit le Blanc, & impr. de mesmes.

Il a traduit aussi en prose,

Le dialogue de S. Iean Chrysostome de la dignité sacerdotale. [impr. à Paris par Robert Maffelin 1553.

Les xxi. liures de Hierome Cardanus Medecin Milannois, intitulés de la subtilité & subtiles inuentions, ensemble les causes occultes, & raisons d'icelles, [impr. à Paris 4°. chez Charles l'Angelier 1556.

Or est subtilité (dit Cardan) quelque definition & raison, par laquelle les choses sensibles difficilement sont comprises par les sens, & les choses intelligibles par l'intellect, ou entendement: Et apres.

Subtilité donc consiste en trois choses, en substances, accidens, & representations. Car des choses desquelles est quelque science, aucunes sont, les autres non, mais elles semblent estre &c.

RICHARD DV BVC Docteur en sainte Theologie, religieux de l'ordre des freres mineurs a escrit,

Deuot Traicté compilé du liure de Genese du 28. chapitre iusques à la fin dudit liure comprenant l'exercice de la vie actiue & contemplatiue, sous la figure du mariage de Iacob, & sa generation: auquel est demonsté à tous estats (comme en vn miroir) la voye & maniere comme vn chacun se doit regir & gouverner selon son estat & vacation. Et sont en ce Traicté familièrement exposez plusieurs lieux difficiles de la Sainte escriture. [impri. à Paris 8°. chez Iean Bignon & Pierre Sergent 1539.

RICHARD CRASSOT a mis les CL. Psalmes de Daud en Musique à 4. parties imprimees toutes en vn volume 16°. avec la lettre au long de tous lesdits Psalmes. [impri. à Geneue.

RICHARD RENVOISY Maistre des enfans de cœur de la Sainte chapelle à Dijon a mis en musique à 4. parties les Odes d'Anacreon. [impr. à Paris par lettre Françoisé par Richard Breton.

RICHARD ROVSAT Medecin, Chanoine de Lâgres a escrit, Liure de l'Estat & mutation des tēps, prouuât par autorité de l'escriture Sainte, & par raisons astrologales, la fin du monde estre prochaine. [impr. à Lyon 8°. chez Guill. Rouille 1550.

RICHARD DE VASSEBOVRG Archidiacre de Verdun en Lorraine a escrit en François en deux volumes, Les Antiquitez de la Gaule Belgique, Royaume de France, Auftracie & Lorraine, avec l'origine des Duchez & Comtez de l'anciēne & moderne Brabant, Tongre, Ardenne, Haynaud, Moselane, Lotreich, Flâdres, Lorraine, Barrois, Lucembourg, Louuain, Vaudemond, Ioinuille, Namur, Chiny, & autres principautez &c. Le tout compris sous les vies des Euesques de Verdun en Lorraine avec vn Abregé des vies des Papes, Empereurs, Roys & princes depuis Iules César iusques à nostre temps. [impri. à Paris f°. par François Giraud 1549.

ROBERT

ROBERT DE BALSAC Seigneur d'Antraigues & de S. Amand és montaignes d'Auvergne conseiller & chambellan du Roy en son conseil & Seneschal au pays d'Agenez & de Gascoigne a escrit,
La Nef des batailles, où est demonstre l'ordre & train qu'un Prince ou chef de Guerre doit tenir qui veut conquerir vn pays ou passer & traverſer les pays des ennemis. Plus le chemin pour aller à l'hospital. [impr. à Paris 4°. par Philippe le Noir 1525.

ROBERT ET ANTOINE LE CHEVALIER d'Agneaux freres, de Viré en Normandie ont traduit nouvellement de Latin en François,

Les œuvres de Virgile Maron. [impr. à Paris 4°. chez Thomas Perier 1582.

ROBERT CIBOLLE Quelques liures de cest auteur en François que i'auoy colligees, ensemble de plusieurs autres de semblable nom, Robert, me sont hors de la memoire dont ie ne les ay peu mettre icy pour autant que l'imprimeur a perdu le cayer où ie les auoy escrit de ma main.

ROBERT ESTIENNE,

Ce rare personnage en ſçauoir, industrie & diligence au fait de l'imprimerie, laquelle il a tellement polie, qu'en excellence de caracteres, & en bonne & ſyn- cere correction deuant tous les passez, il n'y a aucun des presens (i'en excepte son fils Henry) qui l'ait egalé, a eu tant d'heur de naistre lors que le grand & inuaincu François premier du nom, tuteur des Muses & de leurs nourriçons, a manié les rênes de ceste puissante monarchie des Gaules. Sous la maiesté duquel, en tiltre d'imprimeur royal, il a fait voir le iour à maint bel ouvrage tant Grec que Latin. De quoy entre autres fait foy son *Thesaurus Latina lingua*, pour lequel routes gens d'estude luy demeureront à iamais obligez. Que si au milieu de son cours il n'eust esté arresté par ie ne ſçay quel humeur luy faisant changer propos, il eust parfaict sa carriere en France avec los immortal.

Il a escrit plusieurs liures touchant la grammaire, esquels pour l'interpretation du Latin il entremesle des dictions Françaises, & en outre vn dictionnaire Latin-François, & vn autre François-Latin, & quelques traductions de Latin en François: les tiltres desquelles œuvres ie ne puis mettre icy particulierement, le cayer, où ils estoient, ayant esté esgaré par l'imprimeur.

ROBERT SENALIS Euesque d'Auranches.

I'ay veu quelques liures de cest Auteur qui ont esté traduits en François dont ie ne puis mettre icy les tiltres d'autant que l'imprimeur a perdu le cayer où ils estoient, ce qui sera supplée en vne ſeconde edition.

SAXON GRAMMAIRIEN.

S Harengues de Saxon Grammairien, recueillies des quinze liures des histoires de Dannemarch mises en François & contenues au volume des harengues militaires de Belleforest.

TARAVDET DE FLASSANS Poëte Prouençal,
par le moyen de ses rimes eut accès avec les plus grands du pays, & iouïa

LLI 4 si fine

si finement son rôle qu'il achepta vn canton de la seigneurie de Flassans, d'un ieune gentil-homme du lieu, nommé Foulquet de Ponteuës, qui prenoit vn singulier plaisir à la poésie, duquel il n'eut autre payement qu'un petit traité intitulé *Lous enseignamens per si gardar contra las tracjons d'amour*: contract (selon qu'en a escript le Monge des Isles d'Or) trop plus profitable pour le vendeur, que pour l'acheteur, pour autant que le traité valloit vn threzor inestimable au vendeur, s'il l'eust sceu ensuyure, mais qu'il fut trompé d'une damoysselle de Prouence, côme aussi fut Taraudet : car il fut amoureux d'une damoysselle de la maison de Rogiers sœur du Vicomte Remond de Turenne, qui le trompa, & par ainsi ce traité ne seruit de rien ne à l'un ne à l'autre. Ce poëte tenoit plus du cheualier que du poëte s'accompagnant de quelques cheualiers Prouençaux en bon nombre ils dechasserent du pays certains monstres & tyrans intolerables qui faisoient une infinité d'oppressions à toute maniere de gens, & en l'an 1355. ce poëte (qui estoit aussi bon orateur) fut commis par le Roy Loys, & la Roynne Jehanne de Naples Comtes de Prouence, à faire une remonstrance en latin en la presence de Charles 4. du nom Empereur, fils du roy de Boheme, lors qu'il passa à tout son exercite en Prouence: surce que contre rayson & deuoir (sauf sa paix) il auoit contrainct les prelatz & gentils hommes de Prouence, à luy prester hommage de la Comté de Prouence, & de Forcalquier, & de Pyémont, contre le gré & intention de leurs maiestés, attendu qu'ils ont de tout temps en ladicte Comté de Prouence, *iura Imperialia*, de laquelle remonstrance il fut grandement estimé, & en rapporta une fort bonne recompence, & peu apres deceda.

THOMAS IARDIN Prebtre de Beauieu a reduit en Quatrains François

Recueil des sentences plus insignes de l'œuvre imparfaict de S. Iean Chrysostome sur l'Euangile S. Mathieu. [impr. à Lyon 16°. par Iean Pillehotte 1584.

AUTRES AVTHEVRS ET LIVRES,

lesquels pour auoir esté oubliez n'ont peu estre mis en leur ordre.

ANGE CALEPIEN.

La vraye, & tres fidele Narration du Succés des assaults, defenses, & prinle du Royaume de Cypre faicte par Reuerend Pere, frere Ange Calepien de Cypre, Docteur en Theologie, de l'ordre des Freres prescheurs, Vicaire general en la prouince de la terre Sainte. Traduicte en François. [impr. à Paris 4°. chez Guill. Chaudiere 1580.

GEORGE LEBELSKI.

La description des ieux & magnifiques spectacles representez à Constantinople en la Solennité de la Circoncision du fils d'Amurath troisieme de ce nom Empereur des Turqs l'an 1582. és mois de May & de Iuin, publiee premierement en Latin par George Lebeliski Polonnois & maintenant tournée en François, & [imprimee 8°. l'an 1583.

GILLES

GILLES MAILLARD naif de Therouenne demeurant à Lyon outre les œuvres en musique qu'il a faict imprimer mentionnees ci-deuant, a encores en main plusieurs Sonnets Spirituels de Jaques de Billy à quatre parties. Chançons Spirituelles du Reuerendissime Archeuesque de Lyon Pierre d'Epinaç à quatre parties. Plusieurs Oraisons en Latin, Introit, Magnificat, les Vespres, *Benedictus, Te deum laudamus*, à 4. 5. 6. parties. Plus quelques Psalmes de Daud en Latin à 4. parties, toutes lesquelles compositions il a toutes prestées à imprimer.

HENRY PORSIVS.

Histoire de la guerre de Perse, faicte l'an 1578. & autres suivans, entre Amurath, troisieme de ce nom, Empereur des Turcs, & Mahomet Hodabende Roy de Perse. Escripte premierement en Latin par Henry Porsius Jurisconsulte Aleman, Secretaire de la chambre de l'Empereur & professeur public en Poësie à Vienne en Autriche, & mise en François. [impr. 8°. l'an 1583.]

IE finissoye icy ceste Bibliotheque quand à l'instant m'est venue es mains la continuation que ce diuin Esprit

G V I L L A V M E D E S A L V S T E. Sieur du Bartas a faict iusques à huy de sa secôde sepmaine, estant tousiours apres à la paracheuer en quoy il ne faut douter que luy qui est consommé en toute sorte & genre de bonnes lettres & doctrine se porte moins heuteusement qu'il a faict en ses precedentes œuvres. Et combien qu'il n'aye delibéré d'en publier aucune chose deuant qu'estre venu au bout d'autres deux iours, ou des cinq restans d'icelle seconde sepmaine, j'ay estimé neantmoins faire chose grandement agreable aux lecteurs de mettre icy quelques vers du commencement, en attendant qu'ils iouyssent entierement de ce thesor inestimable que l'Auteur se prepare leur donner, lequel ne sera marry (s'il luy plaist) que j'aye esté si hardy & osé entrepreneur d'en diuulguer tant peu soit-il sans son sceu.

L E S P E R E S.

Premiere partie du troisieme iour de la seconde sepmaine.

*Muse iusqu' aujour d'uy tu cours une Carrière
Ceinte de toutes pars d'une estroicte barrière
Dans un petit sentier tu captives tes pas
Tu ne peux voltiger & seulement tes bras
S'estandans hors des murs dont ta lice est encluse
Empoignent en courant quelque odorante rose
Quelque pate violée : & Curieux en font
Un tissu de bouquets pour couronner ton front.
Mais ores te voicy dans la raze campagne*

Ou gail

Ou gaillarde tu peux comme un genet. d'espaigne
 Qui rompant son licol & ses fers empeschant
 Brusquement courageux gaigne la clef des champs
 T'esbattre, manier, courir à toute bride
 Ou la sainte fureur de ton Zele te guide.

Tout le monde est à luy, dorenavant tu mets
 Ta faux dans la moisson des temps plus renommez,
 Et flottant sur la mer des plus riches histoires
 Cent prodiges nouveaux, cent routes, cent victoires
 En bloc s'offrent à toy, ie ne creins seulement
 Que tu perdes ta route en si vaste argument,
 Et que le choys exquis de si grande cheuance,
 Ne te peine pas moins que iadis l'indigence.

Sçais tu que nous ferons, ô Muse, mon soucy
 Mes delices, mon tout, nous ferons tout ainsi
 Que la pucelle main d'une ieune bergiere
 Qui ne va despoillant toute la primeuere
 De ses pantes beautez, & ne va ravissant
 Vn matin tout l'honneur d'un jardin florissant.

Ains coupe en ce carreau une fleur a l'uree
 En l'autre une blanchastre, en l'autre une doree,
 De ses cheueux les lie: & chaste les baisant
 A son cher fiancé s'en court faire un present.
 Nous courrons par dessus l'histoire de tous aages,
 Et faisant une trie & des grands personnages,
 Et des miracles faicts parmy le peuple Hebrieu,
 L'offrirons sur l'autel de la gloire de Dieu.

Et ie croy' que celuy qui non moins bon que sage
 Nous a mis en besongne & donne le courage
 De faire le desseing d'un bastiment si beau
 Nous servira de plomb, de reigle, & de niveau,
 Qu'il changera le tout de nos basses penſees
 En perles d'orient proprement agencees,
 Et qu'il ne lerra point dans ces murs precieux
 Rien qui puisse offencer d'un bon maçon les yeux,
 Ous'il y reste rien ce sera quelque trace
 De c'est aveuglement commun à nostre race,
 Pour abatre ma gloire de me faire sentir
 Que mortel ie ne puis que de boie bastir. &c.


L'auroy

L'auroy grand desir de transcrire tout du long ceste premiere partie du troisieme iour de la seconde Sepmaine , mais craignant de desplaire à l'auteur & de prophaner d'avantage vne chose si sacree, ie m'en abstiendray.

Dailleurs il est temps que ie bouche la barriere à ce volume qui est desjà assez plain, car ce ne seroit iamais fait si ie vouloy tenir la porte ouuerte pour y donner entree à tous les liures qui de iour en iour s'offrent à mes yeux ce qui se fera en vne seconde edition.


FIN DE LA BIBLIOTHEQUE FRANCOISE.

*Stet liber hic donec fluctus formica marinos
Ebibat , aut totum testudo perambulet orbem.*



Aucunes fautes commises en imprimant.

Page 14. ligne 37. là elle, lisez, l'Aile. page 23. ligne 20. avec, lisez, en. page 36. ligne 31. Tournier, lisez, Fournier. page 70. ligne 20. faicte, lisez, faicts. page 81. ligne 41. feu, lisez, eu. page 109. ligne 11. vic, lisez, voye. page 131. ligne 31. Rastellane, lisez, Castellane. page 160. ligne 41. leua, lisez, se leua. page 182. ligne 4. celles, lisez, icelles. page 342. ligne 39. poieaus, lisez, paneaus. page 396. ligne 42. Valois, lisez, Valons. page 396. ligne dernière Gymmifus, lisez, Gynimifus. page 408. ligne 20. de, lisez, que. page 409. ligne 10. venir, lisez, venit. page 448. ligne 1. &, lisez, fut. page 472. ligne 9. Laris, lisez, Paris. page 477. ligne 40. trechillustre, lisez, à trechillustre. page 478. ligne 29. Brestiam, lisez, Bresciam. page 509. ligne 11. race, lisez, rare, là mesmes, ligne 42. conferay, pour, confesteray. page 504. ligne 41. auoir, lisez, auoit. page 717. ligne 20. singuritez, lisez, singularitez. page 762. apres la ligne vnzième, mettez ces deux mots, S. I G N A C E, qui ont esté oubliez par l'Imprimeur. page 773. apres la ligne 7. mettez ces mots I O S E P H G A V C H E R Aualonnois a traduit. page 797. ligne 25. Lars, lisez, lars. En la mesme page ligne 26. Luelle, lisez, Lucelle. page 1025. ligne 34. Montchaut, lisez, Mouchaut. page 1016. ligne 35. langage, lisez, lagage Tnouloufam. page 1067. ligne 42. les premiers, lisez, les quatre premiers. page 1068. ligne 12. saquaralles, lisez, saquarelles. ligne 24. Pasquier, lisez, Pasquet. page 1077. ligne 16. mettez en lettres capitales P O L Y D O R E V E R G I L E. page 1078. ligne 26. Haignant, lisez, Attaignant. page 1079. ligne 30. de court, lisez, de la court. page 1080. ligne 33. Pergeual, lisez, Percenal. ligne 36. traduit, lisez, traduites. page 1084. ligne 15. paree, lisez, puree. page 1086. ligne 10. Sargun, lisez, Surguin. page 1097. ligne 38. tous, lisez, tons. page 1114. ligne 39. Rubert, lisez, Rupert. page 1127. ligne 29. Maraquus, lisez, Maraquis. ligne 34. Gelehaut, lisez, Gaillehaut. page 1134. ligne 32. Regards, lisez, Regnards. en la mesme ligne de tant, lisez, tirees. page 1132. ligne 36. les, lisez, ses. page 1198. ligne 35. derniers, lisez, dernieres. page 1207. ligne 33. Annecrat, lisez, Amurat.



A MONSIEUR DV
VERDIER.

*COMME le clair Soleil de sa belle lumière
Allume les flambeaux de la celeste sphère,
Ainsi (Second Phœbus) on voit tes rais épris
D'une vive splendeur, en mille éteins esprits
Aussi reconnoissans que tu les fais revivre,
Ils sacrent l'immortel de leur vie à ton livre:
Car tels avec les ans tant de fois repassés,
Et par mort delà Léthe estoient desja passés,
Desquels non-seulement ore les noms renaissent,
Mais aussi le sujet des œuvres qu'ils nous laissent.
Et comme un Cosmographe en bien peu de papier
Nous montre promptement le monde tout entier,
Sans courir ni voguer par terre, Et sur Neptune,
Franc d'infinis travaux, d'orageuse fortune:
Ainsi tu nous fais voir, sans chercher tant de pars,
En ce volume seul plusieurs tomes espars.
Et quelqu'un pourroit bien un d'eux tout au long lire,
Qui plus n'en sçauroit pas que le tien en bref, dire.
Si les Romains, Et ceux des lettres inuenteurs
Eussent réduit en un (comme toy) leurs Auteurs,
Peut estre on n'eut perdu la grande Librairie
Qui iadis fut à Rome, Et dans Alexandrie.
La Grece auroit encor plusieurs doctes escripts
Par l'eau, le feu, la guerre, Et le vieil temps peris
France doit donc louer d'autant ta diligence,
Que des autres blâmer on peut la negligence.*

HIEROSME D'AVOUST. DE LAVAL

M M m Au mes



AV MESME SEIGNEVR SVR VN
SIEN ANAGRAMME.

SONNET.

*L'autre iour que l'aurore apparoiſſoit à peine,
Dormant il me ſembloit que Phebus, & ſes ſœurs
Te faiſoyent, Du Verdier, enyurer des douceurs
Qui coulent ſans ſejour de leur belle fontaine.*


*Cleion te dit ainſi: toy qui ſans perdre haleine,
As grimpé ſur ce mont avec mille ſueurs,
Vien, ô mon cher mignon, cueillir ces belles fleurs
Oubliant à jamais la pareſſeuſe plaine.*

*La vertu t'allaié à compaignon du berceau,
L'honneur de Dieu dreſſa tes pas ſur ce coupeau,
Heureux qui comme toy ce ſainct honneur embrasse,
Eſcoutez, ô mortels, qui cherchez mon laurier:
Suiuex l'honneur de Dieu, deſſus noſtre Parnasse.*

HONNEVR DE DIEV TIRA Anthoine du Verdier.

CLAUDE EXPILLY D'APHINOIS.

Scner



PRIVILEGE DV ROY.

1543



ENRY par la grace de Dieu Roy de France & de
pologne. A noz amez & feaux conseillex les gens te-
nans nostre court de parlement, Procureur de Paris, Se-
neschal de Lyon, ou leurs Lieutenants, & à tous nos
autres Justiciers, & officiers qu'il appartenra, salut.
Nostre cher & bien amé Barthelemy honnorati marchant li-
braire de nostre Ville de Lyon nous a fait
remonstrer que pour le desir qu'il a de servir à la
republique & donner contentement aux hommes studieux, &

qui s'adonnent à la lecture des livres, & rendre leurs
esprits contents, il auroit recouvert plusieurs bons livres, & entre autres un intitulé
La Bibliothèque Françoisse, faite par nostre cher & bien amé Conseiller, & Con-
trepoollieur general de nos finances en la charge & generalité de Lyon,
Antoine du Verdieu Seigneur de Vaupriard, lequel livre ledit exposant feroit
volontiers imprimer & mettre en lumiere: mais il doute qu'aucuns de ses en-
nemis, & mal affectionnez en son endroit se voulassent imprimer, ou faire imprimer,
& par ce moyen le frustrer des grandes fraiz qu'il auroit faites & souffertes
pour l'impression dudit livre sans avoir sur ce lettres à ce nécessaires, hum-
blement requerrant icelles. pour ce est-il que nous ces choses considérées, inclinans libe-
ralement à la supplication, & requeste de l'exposant, & ne voulans qu'il soit frustré
des fraiz qu'il auroit faites, ou fera cy après pour l'impression de ladicte
Bibliothèque, ains qu'il en puisse estre remboursé & recomposé, sur nous de no-
stre certaine science, grace speciale, pleine puissance, & auctorité Royal, permis,
concedé & octroyé, permettons, concedons & octroyons par ces presentes d'impri-
mer ou faire imprimer le livre cy dessus mentionné par tel que bon lui
semblera, & icelui vendre & distribuer par tout nostre pays, terres & sei-
gneuries de nostre obéissance, sans que autres libraires, ou imprimeurs que ce-
lui, ou ceux auxquels ledit exposant en aura donné charge le puissent imprimer, ou
faire imprimer insques au temps & terme de dix ans, à compter du jour &
date que ledit livre sera achevé d'imprimer, & ce sur peyne & confiscation d'icelles
livres, & d'amende arbitraire. Si nous mandons & à chacun de nous
tres expressement enjoignons que de nos presens grace, permission, & octroy, & de
tout le contenu en ces presentes nous faites, souffrez, & laissez iouir, &
vostre ledit exposant paisiblement durant ledit temps & terme de
dix ans: cessans & faisant cesser tous troubles & empeschemens à ce contrai-
res, procedans contre ceux qui y contraindront par condamnation desdictes pey-
nes ainsi que devez estre à faire par raison, monobstant opposition, ou appella-
tion quelconque, pour lesquelles & sans prejudice d'icelles ne voulons
est


CM CM m 2

esne differé. Car tel est nostre plaisir & afin qu'aucun n'en pretende cause
d'ignorance nous auons permis audit exposant inserer ce present priuilege au com-
mencement, ou à la fin de chascun desdicts liures.

Donné à Paris le xlii. iour de Juillet l'an de grace mil cinq cens quatre vingtz
& trois, et de nostre regne le dixiesme.

Par le Roy. Maistre Charles de Chantecler
Maistre des Requestes ordinaire de l'hostel
present.

LE RAGOIS.



LIURES D'AVTHEVRS ANONYMES,
obmis à inferer cy deuant en leurs lieux.

A R T I C L E S & propositions, lesquelles le Roy a voulu estre deliberees par les princcs & officiers de la couronne & autres seigneurs de son conseil qui se sont trouuez en l'assemblee pour ce faicte à S. Germain en Laye au moys de Novembre 1583. Avec les aduis de ceux desdicts princes, & seigneurs qui ont esté departis en la châtre, où presidoit mōsieur le Cardinal de Védofme, excepté sur les trois premiers chapitres de l'Eglise de la Noblesse & de la iustice, Sur lesquels chacun a opiné de viue voix, & dont les aduis n'ont peu estre icy recueillis avec les autres [impr. à Paris 1584.

L A C O L O M N E de la foy sur laquelle est posé l'edifice de la vraye adoratiō avec declaratiō des trois sortes d'adoration mises par les Theologiēs, assauoir Latrie, Dulie, & Hyperdulie. [impr. à Paris 8°. par Denis Ianot, sans datte.

C O N S T I T V T I O N S Regulieres des freres mineurs-

C A P V C C I N S de l'ordre S. François promulguees au chapitre general dudit ordre tenu à Rome au monastere de Sainte Euphemie l'an 1536. Et de nouveau par le vouloir du Reuerend pere general, des peres deserviteurs & de tout le chapitre celebré aussi à Rome l'an 1575. reimprimees, avec addition d'aucuns decrets ordonné par le concile de Trente, & par le souuerain Pontife, le tout mis d'Italien en François, & [imprimé à Lyon 8°. par Guichard Gelairon. 1584.

M A N V E L de Prieres deuotes recueillies de diuers opuscules, & imprimees par le commendement de la Royne de Nauarre. [impr. à Bourdeaux 12. par Simon Millanges 1584.

La vie des trois **M A R I E S**.

N E G O C I A T I O N de la Paix traictee à Coloigne en la presen-
ce des commissaires de la Magesté Imperiale entre les Ambassadeurs du Sere-
niss. Roy Catholique, & de l'Archiduc Mathias & les estats du pays bas, fide-
lement descrit & tiré du Protocolle desdits estats. [impr. en Anuers par Chri-
stop. Plantin.

L A L O Y S A L I Q V E, Premiere loy des François faicte par le Roy Pharamond faisant mentiō de plusieurs droicts, chroniques & histoi-
res desdicts Roys de Frâce. [impr. à Paris 4°. par Thomas du Guerniersans
datte.

Histoire des persecutions, & guerres faictes depuis l'an 1555. iusques en
l'an 1567. contre le peuple appellé **V A V D O I S** qui est aux valees d'An-
grogne, Luferne, S. Martin, La Perouse, & autres du pays de Piedmont [impr.
8°. 1562. *Censuré.*

F I N.

En la page 1195. ligne 31.33. se penser, lisez, ce penser. Et en la page 1227. ligne 4. bouche, lisez, boucle.

Aux Vers du Sieur du Barras. page 1226. ligne 2. empeschant, lisez, empeschants. ligne 6. à luy, lisez, à toy. ligne 38.
de, lisez, &. ligne 10. ie ne, lisez, ie me.

Acheué d'Imprimer le 15. de Decembre 1584.
A Lyon par Iean d'Ogerolles.

